

DI DADI NISSENI



TOMVS II



D IV B



1895



An: 1669 die 19 Junii SS Rex Michael  
electus in Regem Poloniam

An: 1670 19 Junii ab eodem Rege n. hac Era  
prima lapsa Ecclesie in possessionem

R. D. F. DIDACUS NISSENO ORDINIS  
CTI BASILIENSIS MAGNI ABBATIS

Tomus Tertius

INTERPRETATIO  
R. P. F. IOHANNIS FREYLMAYER SEIMBACH  
ORD. PR. D. S. THEOLOG. MAGISTRO

Cum indice  
Opus Verbi Dei Concordanter

C. R. A. D. O. V. I. D.  
Apud Lucanum  
Anno 1714



V I T A  
A B R A H Æ,  
E T

POLITICVS COELI,

Ex mysticis actionibus & moribus

Sacrorum Patriarcharum

I S A A C & I A C O B

E X S C V L P T V S.

A V T O R E

R<sup>mo</sup>. D<sup>no</sup>. P. DIDACO NISSENO ORDINIS SAN-  
CTI BASILII MAGNI ABBATE.

Tomus Tertius.

INTERPRETE LATINO

R<sup>do</sup>. P. F. IOANNE FREYLINCK REIMBACENSI,  
ORD. PRÆD. SS. THEOL. MAGISTRO.

Cum Indice copioso.

Opus Verbi Dei Concionatoribus percommodum.

*Cum Privilegio S. R. M. Pol. & Suec.*

---

C R A C O V I Æ,  
Apud LVCAM KVPISZ S. R. M. Typographum,  
Anno Iubilæi Magni M. DC. L.

*Exemplum Camell. Montis Regi Varian. 1654*



DOGGE FOR GLO  
FYSKIE WIC

... .. (name) ... ..





*Illustrissimo & Reuerendissimo Domino*

D. GEORGIO  
TYSZKIEWICZ

Dei & Sedis Apostolicæ gratiâ  
EPISCOPO VILNENSI,

Regni Poloniæ  
AMPLISSIMO SENATORI,

Felicitatem Perennem.



Heroum generosos animos auro fusos esse, diuinus alicubi Plato edisserit, Illustrissime & Reuerendissime PRÆSVL. Num forsan? quòd, vt auri; sic optimi in orbe Herois, summa raritas. Rarum enim & portento simile inter mortales semper fuit, hominem & genere & bonitate alijs antecellere: cùm in summa fortuna licentiæ ventis non abripi, haud humanum. Et profectò si Deum, quia summè bonum necesse est esse; non nisi vnicum esse posse, euincit ratio. Sic inter eos, qui vt natalitiorum splendore, ita potestate diuinitati proximi habentur: rarissimi omninò, qui simul optimi. Non aberrabo (vt opinor) si ad

magna



# P R Æ F A T I O.

magna natum Tuæ Celsitudinis animurn, ex purissimo auro elaboratum dixero. Quem antiquissimâ Prosapiâ ortum, & Religio & virtus, pulchrius; quàm: solis radij, terræ mineralia expoliuere. Quæ enim pulchra & præclara in alijs sparsa ac diuisa esse videntur, ea in Te vno, felici complexionem natura copulauit. Non igitur in conspectum Illustrissimæ Celsitudinis Tuæ, licuit quidpiam nisi aureum proferre: (si fides magno Stagyritæ) Simile simili optimè conuenire. Quòd si rectè fabulantur Poëtæ, aurum cum sapientia capisse simul: cum enim Minerua Dea Sapientiæ nasceretur de capite Iouis, tunc imbrem aureis guttis, in terram stillasse ferunt, ex eiusdem cerebro. Dùm ego Tertium Opus DIDACI NISSENI, Illustrissimæ Tuæ dexteræ porngo, aureum credo recognoscet: quia, profundissimâ cultum sapientiâ. Ea verò me causa impulit, vt Opus hoc ad splendorem & augmentum Ecclesiæ pertinens, Tuæ Celsitudini dicarem, quòd suâ sollicitudine & vigilantia, Græcam fidem, magna ex parte ad veram religionem resuscitam esse sciam. Proinde NISSENVVM afferro, iure Taumaturgum nostri sæculi, qui cum innumera fecisset miracula, seipso nihil mirabilius facere potuit, quàm, vt mortuus corpore, calamo inter viuentes perennaret. Aut certè vnum è numero septem Græciæ Sapientum, qui dignus factis visus, cuius erudito stylo, tota in orbe loquatur Ecclesia. Quo nemo arcana scripturæ altius penetrauit: nemo sacri dogmata Euangelij sanctius habuit: nemo abditos Doctorum Ecclesiæ sensus, & implicatos conceptus, subtilius euoluit, luculentiùs expressit. Cum in id & sacris & prophanis thesauris ex æquo diues esset NISSENVVS. Quid enim ipsi imper-



# P R Æ F A T I O.

imperium? secreta Principum obsidet, fana & profana miscet. Haud ab aureo Chrysosthomo, aut facundo Hieronymo, aut mellifluo Bernardo, aut arguto Basilio, degener filius. Verum si Mercurius Iouis mandato, scientias in terram deferens, non omnibus promiscuas fecit, sed præcipuis, & optimæ indolis viris. Profectò & tam nobile Opus, & me partiri haud decuit, quàm inter Summos Ecclesiæ Sanctæ Præsules, & Regni Senatores. Sic enim magna magnos, diuina sacros, erudita Sapientes decent. Cuius Tertius Tomus, Tuam Celsitudinem sibi Patronum quærit, qui religione & in Deum pietate, plurimum apud omnes vales. Quis enim non videt præclaras Tuas dotes, non solum in nostra regione, sed tota ferè in Europa, veluti lumen quoddam elucere. Nec quenquam esse, qui religiosior; qui bonis Ecclesiæ administrandis & optimè collocandis sanctior; qui in tanto dignitatis fastigio, demissior; qui in summa sapientia profundior; qui deniq; vigilantior existat. Vt omnes Te, ceu vnicum Religionis & Sapientiæ Phœnicem suspiciant, & admirentur. Velim hic insignem aliquem, scribendi adesse artificem, qui rem pro sui merito tractaret: & quæ à Te in hac primaria dignitate, multa cum laude, summaq; admiratione geruntur, veluti in tabula, coloribus suis depingeret. Sed cum ad tam præclara facinora exæquanda, mei animi facultates sint impares, ego imitabor Timantem, quodq; calamo exprimere non possum, velo obtegam. Non tamen hic silentio dissimulandum, quod obscurari non potest, sed inrudito etiam sermone explicandum. Quod Sanctissimus in terris Christi Vicarius V R B A N V S VIII. Pontifex Maximus, videns Te in Ecclesia Dei ciuem esse meritissimum, voluerit



# P R Æ F A T I O.

luerit in Senatum suorum Cardinalium adscribere, nisi summa Tua modestia, tantum honorem vltro refugisset. Nouerat hoc alter orbis vniuersi terror, & ipso maior Alexandro Magno, inuictissimus VLADISLAVS IV. Regni nostri fortunatissimus REX, & clementissimus subditorum Parens, dum Tuam Celsitudinem Torrunensi Colloquio, cum dissidentibus à fide, præfici curauerit. Vbi vel prouisis prudenter, vel actis constanter, vel responsis cauta illa Tui animi virtus, & recondita doctrina explorata, omnes in sui admirationem ita rapuit, vt & clarissimâ, & vnâ omnium voce, vbi cunq; gentium prædicata sit. Spem igitur mihi non medio-  
crem facit, magna Tuæ humanitatis, religionis, & sapientiæ opinio, quæ iam per omnium ora percrebuit; non ingratum fore munus hoc Tuæ Celsitudini. Nam quid magis congruè potuit fieri, quàm dum Abbas ad Præsulem, Concionator ad Antistitem, Sacri Ordinis Diui Basilij Magni propagator, ad Pastorem vigilantissimum, quo inuigilante magna pars Græci ritus, ad Christi ouile redijt, Doctor ad eruditum Evangelicæ veritatis, scriptor, ad doctrinæ Patronum & Christianæ libertatis defensorem, venit. Quem vbi Illustrissima Celsitudo Tua innatâ humanitate receperit, facilè in aliorum obtutus prodibit, & cum Illustrissimo Nomine Patroni sui, in recenti semper posterorum memoria perennabit.

*Illustrissima & Reuerendissima*

*Celsitudinis Tuæ*

humillimus seruus

LVCAS KVPISZ

S. R. M. Typographus.

STV.



# STVDIOSO, ET AMICO LECTORI

Interpres S. P.

**N**ISSENI Tomum Tertium, & postremum eorum, quos  
videre hactenus licuit, tandem aliquando fero. Fortè  
Conciones de Sanctis expectabas. Vita magni ABRAHÆ est,  
& POLITICVS COELORVM, quod nunc dono. Nec ta-  
men tua te omninò fefellit opinio. Si enim hæc assidue, attentèq;  
perlegeris, & relegeris, plurima passim inuenies, à quibus dilau-  
dare Sanctos possis. Nihil est in tota vita ABRAHÆ, quod ad  
commendationem posterorum illius Sanctorum verti non possit,  
nihil in utraq; parte POLITICI COELORVM ad similitu-  
dinem morum ISAAC, & IACOB effigiati, ex quo difficile sit  
encomia Sanctorum texere. Sola temporis penuria fecit, ut ego  
non facerem Indicem Sermonum de Sanctis, quod aliquin non  
magno labore potuissem. Nam quæ hic Tomus versat, sunt ple-  
raq; fragmenta argumentorum, quæ alij anteriores tractârunt,  
adeo promptum mihi fuisset transferre hæc ad laudes Beatorum,  
sicut priora transtuli. Tuæ ergo hoc industriæ relinquo interim,  
donec mihi per occupationes alias liceat non solum ex his NISSE-  
NI Tomis, verum etiam ex varijs aliorum tam Hispanis, quam  
Italis Autoribus, meis item nonnullis manuscriptis Latinis, &  
Germanicis Concionibus copiosum Indicem, & iustum volumen  
adornare. Nolo autem hæc quantulocunq; viliora putes cæteris,  
quòd fragmenta dixi eorum, quæ alibi tractata. Nam quod hæc  
NISSENVS in Tomis superioribus omisit, studio breuitatis fecit,  
non quia rei iacula arbitratus fuerit, quæ de subtilitate, & utilita-




se certare cum anterioribus possunt. Fragmenta erant, quæ Chri-  
sto a saturatis quinque millibus hominum reliqua, & panibus tamē  
ipsis, quibus superfuerunt, oppidò plura, tantum abest, ut minus  
aliquid habuerint illa, vel habeant hæc NISSENI, ex eo, quod fue-  
rint, aut sint fragmenta. Denique beatus ille, qui potest col-  
ligere, quæ etiam doctis supersint, inquit S. Ambrosius lib.  
6. in cap. 9. Lucæ. Annotavi ad calces singulorum ferè Capitum,  
quæ de simili, vel eodem argumento in prioribus Tomis tractan-  
tur, ut è plurimis conceptibus eos, quos tibi magis aptos, gratosque  
putaueris, possis deligere, & de re una copiosè differere. Stylo usus  
sum, quo in prioribus, neque squalido, aut putido, neque affectatè po-  
litulo, ampuloso, fucato. Sensum auctoris, quantum ingenio, &  
calamo assequi potui, exprimere studio, quod si minus, quam vo-  
lui, effecti, corripì, & corrigi, & castigari non defugio. De verbis  
singulis ex Hispano in Latinum transferendis non laboravi, non  
solum quia rusticum est (quod habet S. Hieronymus in mea ad To-  
mum primum Præfatione) verbum ex verbo reddere, verum etiam  
quia non pauca sparsim phrasi Poeticâ velut comice describuntur,  
quæ ego neque criminari, neque imitari, & simili verborum formulâ  
reponere Latine volui, eò quod sermo Dei, & prædicatio  
Apostolica non in persuasibilibus humanæ sapientiæ  
verbis, sed in virtute Dei, & ostensione spiritus sint po-  
sita, ut ferè aiebat S. Paulus 1. Corinth. 2. 4. Vale amice Lector,  
& filius Abrahæ, Politicusque cælorum esse stude.

FR. IOANNES FREYLINCK  
Ord. Præd.

LIBER




I



# LIBER PRIMVS VITÆ ABRAHAM.

Interpres Lectori S. P.



**A**brahā vitam, & pleraq; ab illo domi, forisque, publicè, ac priuatim gesta, duodecim Libris Nissenus exequitur. Librum vnumquemlibet epitome claudit, in qua partem historia, quæ per aliquot capita prolixius tractata fuit, compendiariò perstringit. Hæc ego breuiaria meditatio prætermisi. Primum, quia Author ipse tantundem fecit in vtraq; parte Politici cælorum, qui vitam Isaaci, & Iacobi is simili stylo explicat. Tum quia passim in manibus sunt & Interpretes, & Annalium Scriptores, Torniellus, Saliannus, & alij, tum veteres, tum recentiores, ex quibus huiusmodi summaria excerpere quisq; possit. Deniq; importuna eorum vota, qui Tertium hunc Tomum diu, ac vehementer expetiuerunt, & angustia temporis cōegerunt breuiare laborem, & præterire, quæ neq; operi præcipuo quidquam ornamenti, neq; emolumenti aliquid tibi detrahunt. Ita vale, & hunc moralem Abrahamica vitæ tractatum in vsum morum, ac vitæ tuæ studiosè conuerte.

## C A P V T I.

Nulla felicior iactura, quàm quæ pro Deo toleratur, & fortunatissimum damnum est, quod pro illo sustinemus, qui omnia multo & meliora, & ampliora, cumulatioraq; reddit.



**V**am sunt felicia pro Deo tolerata dispendia! Quam fortunatus, & beatus ille homo, quisquis fidenti, & generoso animo pro honore, & gloria Domini continere caduca, & fluxa huius mortalis vitæ bona nouit! Hæc enim religiosâ solertiâ, & nobili technâ profectum animæ suæ, rerumque omnium incrementum certò, ac securè, magnoque compendio curat.

Tom. III.

Apostolus, & prædicator Gentium longum tenens catalogum rerum ab illis antiquæ legis veteribus Patribus præclarè gestarum, cum scribendo ad insignia ab inclyto, & inuictò Israelitici populi duce edita facinora deuolutus esset, hæc de illo aiebat: *Fide Moyses grandis factus negauit se esse filium filia Pharaonis, magis eligens affligi cum populo Dei, quàm temporalis peccati habere iucunditatem; maiores diuitias estimans thesauro Ægyptiorum, impropersum Christi; Heb 11. 24. 25. 26.*

Habemus hic Moysen tam magnanimum, & generosum, ut pro gloria Domini vniuersas Ægypti contemnat pompas, & omnem pro Deo mundanam fastoso calcet vestigio maiestatem, & renuntiet solio regio, & omnem fictitiam aspernetur consanguinitatem, mauelutque esse verus, & humilis Christi seruus, quàm rex, seu filix regis putatitius filius. Quid iam

A



iam faciet Deus, ut istam remuneret humilitatem, & tantam exaltet submissionem? Quā mercede compensabit istam excellentiam animi, quā Moyses maluit pro Deo cum suis haberi despicibilis, quā apud profanos Aegyptios in alto throno sub caduceo sedere sublimis? Fortean regem faciet, qui pro illo rex esse recusauit? Parum id videtur ad morem Dei solennem, quo permagnificē non magna etiam remunerare consuevit officia sibi exhibita, neque satis dignum esset tam heroici facti præmium, inquit serē Sacer Mediolanensium Archiepiscopus Ambrosius. Quenam ergo par erit illi operi merces? Ea, ut Moyses fiat deus, qui pro Deo rex esse renuit, atque hinc mundus intelligat, quā felix sit, quā fortunatus, & prudens, qui ex amore Dei parua dispendia iubens, gaudensque patitur, quia hoc faciens magna lucratur. *Exigendo potentiam potentior factus est, factus est enim in Deum regi Pharaonis. Rex erat Pharaon, sed deus non erat, Moyses factus est illi Deus,* inquit ille Oñan. 8. in Psal. 118. v. 1. Quā bene locauit sua Moyses, quando coronam regiam spreuit! deitatis enim quæstum eā ratione fecit, cui Deus ipse dixit: *Ecce constitui te Deum Pharaonis*; Exod. 7. 1. Videretur namque Deus nō satisfacere suæ indolis generositati, & liberalitati pectoris, nisi in deitatis sublimitatem extolleret eum, qui ipse ergo eō se demiserat, ut repudiato regno humilem inter humiles tribules suos viuere vitam, quā impetare inter superbos Aegyptios mallet.

Abibat à charis Discipulis suis Christus remigrans in cælum, & Patris sui æterni dexteram repetens. Atque illi omnes erant perseverantes & unanimiter in oratione cum mulieribus, & Maria Matre Iesu, & fratribus eius; Act. 1. 14. quorum pertinacem, sed piam, & sacram expectandi constantiam ex eo etiam arbitrari licet, quod erant omnes pariter in eodem loco, ibid. c. 2. v. 2. quando Spiritus Sanctus descendeabat in forma ignis, imminebatque singulorum caputibus, & replebat eos tantā gratiā, ut vario idiomate loqui inciperent, prout ille volebat, qui tam insignito linguarum dono eos ornarat: *Et apparuerunt illis dispersa lingua tanquam ignis, seditque supra singulos eorum;* ibid. v. 3.

Primus Venerorum Patriarcha Sanctus Laurentius Iustinianus lib. de discipl. & perfect. monasticæ conuersationis c. 15. ait: *Postquam in silentio orationi vacare cœperunt, Spiritus Sanctus super illos descendit abunde, omniūque linguarum scientiam ipsi erigere dignatus est.* In his Sanctissimi Patriarchæ

verbis illud diligenter considerandum, quod ait, *Postquam in silentio orationi vacare cœperunt.* Quid ex illo vix incepto silentio, & linguæ vñ tantisper suspensio secutum fuit? Quid? Illud, quod Spiritus Sanctus omnium linguarum scientiam ipsi tribuere dignatus est. Et quoniam ob ipsius amorem ad breue tempus loqui suā linguā intermiserunt, omnium linguarum peritiam illis inuicem dedit, ut omnium nationum idiomate pro concione vtentes in admirationem, & stuporem adducerent auditores. Quis vidit silentium prolixius remuneratum? Quis tacurnitatem cumulatiorē gloriā coronatam? Felix ergo, qui vel pauca pro Deo relinquit, quandoquidem ingens illi de paruo nascitur fructus.

Postquam superus Opifex excirauit de terra puluere fictilem illam de luto effigiem, eamque spiritu suo animauit, & ad imaginem, ac similitudinem suam formauit, cogitare cœpit, non esse bonum, quod absque socia vitæ vitam duceret solitariam inter voluptuosos iucundæ illius mansionis amœnitates, in quas ex campo Damasceno suæ primæ conditionis loco translatus fuit. Itaque ex ipsius latere sumere decreuit confortem, quæ illi adesset, uxorem, quæ illum laute haberet, & indulgenter, amanterque oblectaret. Quamobrem tulit & nam de costis eius, & repleuit carnem pro ea. & edificauit Dominus Deum costam, quam tulerat de Adam, in mulierem; Genes. 2. 21. 22. Iacebat Adam alto somno demersus, vidensque Dominus esse illam peropportunam sua propolito occasionem, exemit de dormientis latere costam, atque in eius vicem reposuit carnem, & ex tali costa sumptuosissimum ædificum, mulierem dico, fabricauit.

Sanctus Petrus Damianus in Serm. de Sanctæ Columba Virg. & Martyr. qui est 66. obseruauit, sacrum historicum perattentum fuisse in huius re commemoratione, in cuius narratione nonnus stidij, & curæ ponere potuisse videtur. Observatio Cardinalis sic habet: *Scriptura cum dixit, Tulit & nam de costis eius, mox addidit, Et repleuit carnem pro ea.* Notandum, quod huc præcipue ibat animus diuini scriptoris, ut mulieris formationem, locumque illius natalem recenseret. Is erat latus mariti. Quæ cum ita sint, cur præcipuo relicto accessarium statim describere cœpit, & mox addidit, *Et repleuit carnem pro ea?* Duo in re vna notare iubet Eminentissimus Cardinalis, nempe quod & exemplō soluit Deus accepta, & acceptis meliora reposuit, durum os molli carne compensans: *Osi tulit, & carnem reddidit;* inquit ille. Hinc æstimare possumus Dei in-

remuner.



L I B. I. C A P. I.

remunerando largitatem, quæ tanta est, ut Moyses, cum describere creationem Euz instrueret, auocare calamum ab ea narratione, quæ principalis erat, & hoc ante commemorare debuerit, quod quæ ad constructionem primæ mulieris à viri latere accepta fuerunt, illa cumulatè, & magno cum fænore sint reposita: *Mox addidit, Et repleuit carnem pro ea.* Quàm feliciter ergo sua reponunt, qui ea pro Deo relinquunt! Quàm fortunati, qui Domino illi operam, remque suam omnem locant, cuius ea est prolixitas, & munificencia, ut pro osse sibi dato carnem reddat, villique officiola remuneratione copiosa compenset!

Huc procul dubio respexit Propheta Euangelicus, quando ex ore illius magni Domini ait: *Scies quia ego Dominus saluans te, & redemptor tuus fortis, pro ære afferam aurum, & pro ferro afferam argentum, & pro lignis æs, & pro lapidibus ferrum; Isa. 60. 17.* tanquam dixisset: Elto animosus, mi homo, & ingenij mei liberalitatem tandem agnosce. De me hoc tibi persuade, quod sum tuus Deus, & sospitator, pro cuius obseruantia si respueris æs, ferrum, lignum lapides, ego tibi pro ære aurum, argentum pro ferro, pro lignis æs, ferrum pro lapidibus reponam. Quænam maiora incrementa & emolumenta velis?

Sed quid alia procul inde accersimus causæ nostræ suffragia, qui locupletissimum testem domi habemus nostrum Patriarcham: Pro felicibus suæ erga illum beneuolentiæ auspicijs, & amoris singularis ostensione præcepit ei Dominus, ut se voluntario, ac perpetuo à patria, domo, cognatis exilio accingeret, inquiens: *Egredere de terra tua, & de cognatione tua, & de domo patris tui; Genes. 12. 1.* Ecce hic Patriarcham nostrum supero decreto, & Dei iussione contristum, ut patrium solum cum ignota terra commutet, & ab omnibus suis quacunque necessitudine coniunctis aliò commigret. Videamus nunc remunerationem, ex amnem mercedem. Audite illam quàm promptam, & subitam! *Faciamus te in gentem magnam, & benedicam tibi, & magnificabo nomen tuum, in te benedicentur cunctis cognationes terræ; ibid. v. 2. 3.*

Sancti Ioannes Chrysostomus, & Ambrosius, Hugo Cardinalis, Oleaster, Pererius, & alij plures notant hic magnam Dei liberalitatem, qui Abrahamum pro vna domo, quàm relinquit, donat innumeris domibus, & pro vno patre, cui renuntiat, facit tot filiorum gloriosum patrem, & pro vna patria, à qua exulat, dominum amplissimarum regionum

C A P. I.

constituit. Sanctus Ambrosius lib. 2. de Abraham c. 3. ait: *Quia propter Deum contempsit omnia, recepit à Deo multiplicata omnia.* Et doctissimus Pererius v. 2. in c. 12. Genes: *Compara, quæ Abraham Dei iussu dereliquit, cum istis, quæ daturum se illi promissit, & Gedeonis, quàm liberaliter, & quàm cumulatè remuneratus sit eum Dominus.* Et eruditus Oleaster: *Expende hic, quid lucus sit, aut perdere, aut periculo aliquid propter Deum exponere.* Hæc ille in annot. mor. in c. 12. Gen. Hinc omnes agnoscant, quàm liberalem, & prolixum Dominum habeant, quàm promptum, & expeditum ad referendas multas vices qui tam diuine mercede compensat, quantumcunque sit, quod pro illo quis erogat.

Vide Perercham V. Dominica II. in Adventu To. 2. pag. 346. c. 2. o. & finem illius Periocha.

C A P. V T II.

Tametsi Deus perdat, ut res alia quælibet, vix tamen reperiri potest ibi, ubi perditus fuit.

Præcipiebat Deus Abraham, ut natale solum suum verteret, inquiens: *Egredere de terra tua; Genes. 12. 1.* At quid incommodare illi sua patria poterat, quod minus Deo seruiret, & placeret, ut tam seuerè ab ea emigrare iussus fuerit? Respondent magnus Pater, & Doctor Sanctus Basilius, Philo Iudæus, Procopius Strabo, & alij, causam tam grauis iussionis eam fuisse, quod terra Chaldeorum (in qua tunc suum Sanctus Patriarcha noster habebat domicilium) idololatrarum patria, multis erroribus cæcata, & foedis superstitionibus contaminata, denique talis esset, in qua excidere à Deo, illumque perdere, facilè erat. Ut ergo Deum absque tanto perdendi eius periculo reperiret, præcepit illi emigrare ab ea terra, ut nostali exemplo instrueret, quomodo Deum, quem perdidimus, inuenire debeamus, ac doceret, contra illum, ac res alias perditas reperiri debere. Perdidit illa de Euangelio dramam, nec alibi, quàm domi suæ requirit, quæ alibi non fuisse sciebat. Ita res alia ibi reperiri solent, ubi fuerunt amissæ. Cum Deo aliter res habet. Nam si illum per nostram infelicitatem perdidimus, non ubi perdidimus, sed contrario in loco requirere debemus.

Fugit Ionas à Deo, putansque euadere posse præceptum, quo iussus fuerat supremum excidium denuntiari vbi Ninivitarum, virijs magis, quàm hominibus confertæ, inscendit nauem, deditque vela ventis. Vix à terra mouerat, & in altum prouectus fue-



4  
rat, quando scruissima tempestas oriri cœpit. Cùm-  
que omnes exploratum haberent, ipsius culpâ istos  
irati maris fluctus concitatos, abiectus in mare im-  
manis piscis ventre fugitiuus Propheta hospes insol-  
ens exceptus, ex nouo diuersorio larium fecit.  
*Et erant Ionas ad Dominum Deum suum de ventre  
piscis; Ionæ 2. 2.*

Quis non hic animaduertit, quàm contumax, &  
refractorius Ionas in terra erat, quàm obsequens &  
humilis in mari? Cùm esset in terra, surrexit, & su-  
geret in Tharsis à facie Domini, Ionæ 1. 3. suâque re-  
pugnantia, & iniunctæ prædicationis deuotione,  
offendit Regem supremum. Reiectus ex ytero ceti  
in terram, iterumq; in Niniuem ire iussus, humili-  
ter obtemperans surrexit, & abiit in Niniuem iuxta  
Verbum Domini; ibid. c. 3. v. 3. dictoque obediens  
promptè morem gessit præcepto.

S. Ambrosius lib. 5. Hexam. c. 11. ait: *Emenda-  
uit aqua, quem terrena deflexerant, psallebat in Ge-  
rero ceti, qui marebat in terris.* Notandum id, quod  
Ionæ accidit, ex quo & moribus nostris documen-  
tum, & propositæ sententiæ fulcimentum mutuari  
possumus. Perdidit Ionas Deum in terra, in qua  
peruicax fuit, & fugam, obtemperare recusans, iniit.  
Quid remedi? Relinquendusne in terra erat, vt  
perditum Dominum reperiret? Nequaquam. De-  
scendat potius in mare, ibi Deum inuenturus, cum  
quo contra euenit, ac cum rebus alijs. Tamen si e-  
nim hæ maiorem partem ibi reperiantur, vbi fue-  
runt amissæ, Deus tamen vix ibi reperietur, vbi per-  
ditur, quem Ionas in mari inuenit, cùm perdidisset  
in terra: *Emendauit aqua, quem terrena deflexe-  
rant, psallebat in Gero ceti, qui marebat in terris.*

Multi consulunt, ac suadent, vt qui vinum quod  
aescere incipit, curare velit, aliò transferat. De  
hac re sic habet Cass. Dion. Vticensis lib. 7. de agri-  
cult. c. 12. *Quidam Vina, quæ permutantur, in Casa  
recens picata transfundunt, & in aliam domum  
transferunt; qui enim non in aliam cellam tradu-  
cit, non aufert illius vitium, sed auget. Itaque quod  
in vno loco deprauatur, & corrumpitur, hic in al-  
tero querenda curatur: Si enim à caliditate lesa  
sunt, in refrigerantes locos deponunt; si vero ab humi-  
ditate, & frigidityte in calidos, & siccos locos trans-  
ferunt. Hæc ille iterum. Possumus hæc transferre  
in rem nostram. Vini corrupti curatio posita est in  
mutatione loci, sic vt omnino pereat, nisi in cellam  
transferatur meliorem: Ita cùm homo alicubi Deū  
perdidit, quia ibi in morbum lethalem incidit, con-  
sanescentne, aut erit medicina illi curando salutaris,*

si in eodem loco, in quo mortaliter laborare cœpit,  
Deumque perdidit, relinquatur? Minimè omnium,  
sed qui illam animam salutem cupiunt, in aliam do-  
mum transferunt. Non est medicina magis præsen-  
tanea, nec remedium efficacius, quàm mutare lo-  
cum, & protul inde discedere, vbi te inuaserit ægri-  
tudo, vbi languor occupauerit, sic enim habebit in-  
firmus spem recuperandæ bonæ valetudinis, & repe-  
riendi Dei cetram. Qui enim ibi rursum inuenire  
putat, vbi perdidit, is consilij inopiâ laborat, & ni-  
mum præfidit.

Perdiderat Sponsa charum suum Sponsum, cùm-  
que illius acerbè ferret absentiam, impatiens dolo-  
ris, & sollicita de tam pretiosi thesauri amissione, in-  
dagare illum cœpit, inquiens: *In lectulo meo per no-  
ctes quasius, quem diligit anima mea; Cant. 3. 1.*  
Obrinuitne illius diligentia? Aut feliciter illi suum  
studium cecidit? Non profectò. Tamen testes ali-  
os nullos huc accersas, Sponsa ipsa fatetur, vano la-  
bore illum quæsisse, dicens: *Quasius illum & non  
inueni; ibid.*

Quætere possumus, quamobrem Sponsa reperire  
non potuerit Sponsum, quem tam cupidè, & anxie  
requisiuit, cùm Deus faciliè apparere soleat ijs, à  
quibus sollicitè indagatur. Si Hugonem Cardina-  
lem, Petrum Berchorium, Hieronymum Laurentum,  
Antonium Ricciardum, & Pierium Valerianum in-  
terroges, quid in sacris literis sibi velit lectus, qui est  
locus requietis, & somni, statim occurret, quid supe-  
riori quæsito respondeas. De lecto autem aiunt  
illi, quod in scripturis celebratur, & deliciarum est  
symbolum. Quod ergo Sponsa quæsisse Sponsum in  
lecto, sed non reperisse dixit, hoc fecit, vt nos suo  
malo sapere, & esse cautiore doceret. Perditur  
Deus in otio, & vsu intemperante præsentium de-  
litiarum, & studio corporearum voluptatum, si in  
eodem lecto, & otio illum requiras, non facis, quo  
reperias, sed quod magis, magisque amittas, qui e-  
nim Deum perditum requirit, non ibi inuenit, vbi  
perdidit. Quàm benè hoc dixit Ioannes Cluniacen-  
sis To. 2. serm. 64. cùm ait: *In lecto quærit Sponsa di-  
lectum, sed non inuenit; quia si perditur in lecto volup-  
tatu, inueniendus est in asperitate doloris.* Nam vt  
S. Ambrosius in Psal. 118. Octon. 11. habet: *Nun-  
quam malum malo corrigitur, neque vulnus curatur  
vulnere, sed exasperatur.* Vulnere, vt sanes, nul-  
lus sanæ medicinæ aphorismus docet, neque curari,  
sed ægrius habere vult, qui sauciat, vt sauciata mem-  
bra curet. Inaniter ergo inter delicias Deus quæ-  
ritur, inter quas perditus fuit.



Piz hospiti Elize sublatu morte filius fuit, quem illa tenerè amabat. Cùm in domum eius diuertisset Propheta, expostulabat cum illo afflicta mulier, inquiens: *Quid mihi, & tibi, Vir Dei? Ingressus es ad me, & rememorarentur iniquitates meae, & interficeres filium meum?* 3. Reg. 17. 18. Cùm ille hos tam amaro ciulatus mœstæ viduæ audiisset, petijt ab illa defunctum filium, *tulitq; eum de sinu eius, & portauit in canaculum, ubi ipse manebat, & posuit supra lectum suum;* ibid. v. 19 vbi cùm nonnulla, quæ facer textus non dissimulat, fecisset, obtinuit à Deo vitæ auctore, vt in vitam defunctus rediret, & *reuersa est anima pueri intra eum, & reuixit,* ibid. v. 21.

Quis non expendat mysticas Prophetæ actiones, quas adhibuit, vt mortuò vita rediret? Quid sibi velit, quod è blando matris sinu sublatu puer, & duro Prophetæ lecto impositus fuit, cùm omnipotens Dei brachium, vt illud operaretur miraculum, talibus cæremonijs obstrictum non esset? Quid nos ergo tali re docere diuinus Spiritus voluit?

Respondet insignis interpres Gaspar Sanctius in 3. Reg. 17. v. 19. num. 39. *Mortuò sanctu puer in materno sinu, inter delicta numerum; quæ maternus comparat afflicti, & plurimò indulgentia profusor, excitatur autem in duro lectulo, quo non voluptatis blanda, sed penitentiæ durus rigor intrauit. Quod consilium in spirituali suscitacione seruandum, & qui in molliori vita genere mortem incurrit anima, idem vitam à seniore viuendi ratione penitendo quarat, neque enim vita eo in loco inuenitur, ubi mors regnat. Si ergo Deus in lustris, ganeis, popinis amissus fuit, brutus error est putare, quod ibi reperietur. Si in domo lusus perditus fuit, stultum est arbitrari, quod ibi rursum occurrer quærenti. Deus enim non est similis rerum aliarum, quæ ibi plerumque inueniuntur, ubi exciderunt, ille verò contrariò modo, ac perditus fuit, requiri debet.*

### C A P V T III.

*Qui vult satisfacere officio suo, debet attendere non quid alij agant, sed quid ipse facere teneatur.*

Recepit Dominus magnu Patriarchæ nostro, vt è patriâ omnique vitæ suauitatis agendæ commoditate demigraret, inquiens: *Egredere de terra tua, & de cognatione tua, & de domo patris tui;* Genes. 12. 1. quod ex interpretatione Guilielmi Papij, & Hamerij, & Petri Beccasij, & Ioannis Landspregij tale fuit, ac si dixisset: *Egredere in, & nihil*

*cures de alijs, vide tu non quid alij faciant, sed quid te agere oporteat, tu obtempera, & tace & relinque alios, non enim ad te spectat cura emigrationis aliorum, sed studium, & sollicitudo bene perficiendæ tuæ. Hoc enim quisq; agere debet, vt quæ illi ex officio non incumbunt, non curet, vt curet sua, neque moueatur factis aliorum, quò minus suo muneri faciat satis.*

Totum mundum vna obscena libido, & fœda Venus olim obtinuerat. Offensus scelerum turpitudine Dominus decreuit illum vnâ etiam aquarum inundatione extinguere, solum autem Noe, filiosque eius, & vxores conseruandæ, & propagandæ posteritati sospitare. Quare mysticam, & amplissimam nauem adornare iubebat, in qua homines, brutæ animantes, & aues, tanquam in portatili domo, quælibet pro suæ conditionis necessitate degerent, & iram illius effugerent. Inssio Domini talis erat: *Faci tibi arcam de lignis lauisatis,* Genes. 6. 14.

Aquila Doctorum Sanctus Augustinus q. 5. in Genes. To. 4. percunctatur, vtrum à Noe, filijsq; illius tribus intra centum annos perfici potuerit arx illud tam vastum ædificium, quod eo consilio construebatur, vt tam frequentium, ac variorum hospitiu esset diuersorium? Respondet autem, si forte ipse cum suis tantum opus intra sæculum proximum abfoluere non potuerit, non mirandum quod alios operæ nouæ, & prodigiôsæ socios fabros adhibuerit. At verò ij nonne riserint Noe, & magni illius Patriarchæ filios talis operis fabricatione occupatos? Occurrit huic quæstioni iterum, dicens: *Operu sui mercede acceptâ non curauerunt strum eam Noe sapienter, an verò inaniter fabricaret.* Quærebât Noe operis sui fabros, qui constitutum nauis ædificium construerent, ijsque suum manu pretium, & laboris mercedem pro tempore dependebat, qui sui domini consilium, prudensne, an vanum, atque inane esset, non discutiébant: Ad operarios namque, quibus suum stipendium dinumeratur, spectat perficere, non examinare opus, quod curare debent, vt illi proinde tanquam cordati studuerint absoluedo, non expendendo suo labori. Sic quisquis amat sapiens videri, debet suum officium exequi, in actus aliorum, obligationesque non inquirere.

Imperitorum, & inertium proprium est attendere quid alij agant, atque illorum factis sua inumbare. Sic enim dicitur Ecclesi. 32. 21. *Peccator homo vitabit correctionem, & secundum voluntatem suam inueniet comparationem;* velut dixisset: Proteruius peccator



## VITÆ ABRAHAM

peccator fugiet obiurgationem, atque ut prorsum effugiat, pertinaciamque suam prosequatur, mille aliunde conquiret exempla, quibus se excuset, & plurimos casus, quibus defendat. Verum hæc illi parum proderunt. Nam ut S. Hieronymus apud Henric. Culenſ. in ſententijs Hieron. ex epiſt. 36. ait, *culpam numerus peccantium non minuit, & in personis, non rebus est excusatio.* Non me aliorum culpæ inculpatum, neque innoxium noxæ plurimorum faciunt, neque reatum meum reorum multitudo leuat, non enim in rebus, sed in personis malum positum est, neque homines ab aliorum factis sibi accersere excusationem, sed proprii officij munus attendere debent.

In illa tam trita, quam mystica talentorum parabola inueniemus huius veritatis comprobationem. Habet ea parabola, quod Domino quidam, cuius negotiationi vnum talentum traditum fuerat, dixit: *Domine, ſcio, quia homo durus es, metu tibi non ſenſiſti, & congregas, tibi non ſparſiſti, & timens abiit, & abscondi talentum tuum in terra, ecce habes quod tuum est;* Matth. 25. 24. 25.

Quid piger ille, & oſitabundus famulus primis ſuis verbis dicere voluit, quibus Dominum nimis erga domesticos austeritatis inſimulauit? S. Bruno ſerm. 6. de Confessor. To. 3. ait, quod ille voluit, id eiſmodi eſſe, ac ſi dixiſſet: *Cogitavi tecum in corde meo abscondere eloquia tua, ne ſi in ſanum pecuniam tuam expendere, & verba tua non obediuntibus nuntiarem, mihi quidem labor ſolummodo eſſet, alijs vero maior inde pena fuisset, quod iam ſic excuſationem habere non poſſent.* Virpote illi, qui & ſcirent, & intelligerent voluntatem Domini ſui. Cauſa ergo, ob quam ille talentum ſuum abscondit, hoc eſt, pro ingenij ſui facultate prædicare noluit, ea fuit, quod ſe nequicquam daturum voces, id eſt; duo mala ſecutura vidit, quorum primum eſſet labor illius fruſtraneus, alterum auſcultatio auditorum infructuoſa, quibus Domini voluntatem proinde non indicauit, ne ſi illi non obtemperarent (quod futurum timebat) grauius luerent, & purgare ſuam negligentiam omnino non poſſent. Fuitne verò admiſſa illa excuſatio? Fuitne in libris rationum ratio iſta probata? Minime omnium. Tameſi enim verum fuiſſet, quod ſocors ille, & iners famulus aſſumebat, non propterea tamen prædicationis officium intermittere debuit, quòd alij attendere nolent, quiſque enim rem ſuam curare debet, & non quid alij facturi ſint, attendere. Nam ut S. Ioannes Chryſoſtomus homil. 29. ad Pop. Antioch. aiebat,

*aquarum ſena, etiamſi nullus ſeniat aquatum, manant tamen, & fontes, quamuis hauriat nemo, ſcaturigas emittunt.* Aliud eſt aquarum ſcaturigo, & effluxus, aliud earundem eſt fontibus hauſtus. Fontes ergo, quod ſui muneris eſt, fundunt liberater, ac liberaliter aquam, neque cogitant vtrum alij eas in ſuum uſum transferant, necne. Sic omnes viri cordati, & prudentes debent officium ſuum explere, & relinquere alios, qui Deo rationem dabunt, ſi muneris ſui partes prætermittant.

Propheta regius cum ſe pertinacibus, crudelibusque hoſtibus circumdatum, & ſuarum virium imbecillitatem, per quam eundem difficile poſſet, cogitaret, inuiſtam Domini dextram humiliter implorauit, reuerenterq; illum adorans, ita cum lachrymis precabatur: *Domine Deus meus in te ſperans, ſaluum me fac ex omnibus perſequentibus me, & libera me;* Pfalm. 7. 2.

Sanctus Ioannes Chryſoſtomus in huius tam deſiſtæ obſecrationis commentatione poſitus monebat animaduertere, quod illa non ab humili tantum, verum etiam prudenter precatore fuſa eſt. Vide *Dauidis ſapientiam*, inquit ille. *Cum dixiſſet, Domine Deus meus in te ſperaui, non dixit, Puni hoſtem, tolle de medio inimicum, ſed quod ſuum eſt, tantum quaſit, & dicit, Saluum me fac, hoc eſt, ne permittas ſi male partar, ab omnibus perſequentibus me, & libera me.* Quid ergo Sanctus Dauid egit? Quod ſuum eſt, tantum quaſit, ſuum negotium curare ſtudit, ut ſuæ vitæ ſoſpitationem impetraret, laborauit, hoſtium ſuorum cauſis non ſe ingeſſit. At ſi Chryſoſtomus dicit, *Vide ſapientiam*, ego aio, *Imitare ſapientiam tanti magiſtri, & diſce ab illo, non curare quid alij facere debeant, neque eſſe curioſus, aut malicioſus, ſed officio tuo ſtudioſe vacare, & eſſe, qui debes.* Vide To. 2. pag. 202. c. 1. o. Periochan. V. Dominica XIII. poſt Pentecoſtem, ubi hoc argumentum pluribus tractatur.

## CAPVT IV.

*Cum Deus præcipit, quæ ipſi ſunt grata, id facit, quia nobis ſunt commoda, ille namq; tam abſolutus eſt Dominus, ut nunquam mandet, quòd famulatus noſtro egeat, ſed quòd nos amet.*

Versamur hucusque in egreſſu Abraham, tanquam egredi ab illo non poſſimus. Sed multorum arrogantium inſtitutioni neceſſarium eſt huius Capituli antidotum, ut ſuperborum caputibus ſit pro cinere, quo illorum tumor curetur. Dicebat Domi-



bus nostro Patriarchæ, *Egredere*, Notandum ex Ly-  
rano, Abulensi, Caietano, Oleastro, Honcala, quod  
illa Domini iussio ex originali lingua Hebræa, sic  
verti potest: *Vade tibi de terra tua*; in quâ Lyra, &  
Caietanus: *Significatur quod ad ipsum Abrahæ res-  
titatem præcipitur egressus de terra sua*. Nihil Do-  
mini rebus ex egressione Abrahæ accedebat; nihil  
ad iubentis magnificentiam, aut amplitudinem ma-  
iorem faciebat Patriarchæ emigratio. Ipse ex se  
omnipotens, immensus, vnicus, & absolutus rerum  
omnium Dominus est. *Nihil Deus subest, quod sibi  
prosit, sed illi, cui subest, ideo Verus est Dominus, qui  
seruo non indiget*, & quo seruus indiget, inquit San-  
ctus August. in lib. sentent. ex illo excerptarum num.  
39. To. 3. Demittat vela quisquis ille insâtus; de-  
ponat cornua omnis superbus, & noceat, quod cum  
Deus aliquid mandat, tota præcepti utilitas ad eum,  
cui mandat, redundat, ut propterea sit *Verus Do-  
minus, qui seruo non indiget, & quo seruus indiget*.

Felix huius Capitis auspiciis præbeat nobis, qui  
& obsignauit præteritum; Propheta regius. Is cum  
de ijs ageret, qui bono ingenio sibi à Deo concessio  
recte uti nōrunt, aiebat: *Intellectus bonus omnibus  
facientibus eum*; Psal. 110. 10. quæ ex Euthymij,  
Hugonis Cardinalis, & Incogniti expositione talem  
habent sensum, ac si dictum fuisset: Bonitas intel-  
lectus non in eo solum posita est, quod quis intelligit  
lèges, & præcepta Dei (quantum & illud non sit  
exiguum misericordiæ beneficium) verum etiam  
opere seruat, quæ animo cognouit seruanda. Cui-  
nam verò utilitatem adfert custodia legum, quas cu-  
stodiendas intelligimus? *Omnibus facientibus*, qui  
speculationi praxin coniungunt. Nihilne verò inde  
commodi obuenit Deo? Prorsum nihil. Mox enim  
subdit Propheta, inquit: *Laudatio eius manet in  
seculum seculi*, ac si dixisset: Tameñ homo non vta-  
tur ad laudem Dei intellectu, quem ab ipso accepit,  
tameñ ex iusticia ingratitude debiti cultus tribu-  
ta illi pendere negligat; an propterea ille magnus  
Dominus, & Supremus Monarcha esse desinet? Ne-  
quaquam, quia *laudatio eius manet in seculum sa-  
culi*, illicque & sibi sufficit, & sua sibi gloria est, ac  
magnitudo. Dicat nobis hæc Theodoretus: *Con-  
gruenter & hoc apposuit, Laudatio eius manet in se-  
culum seculi, edocens vtriusque studiosum fructum  
hunc reportare, quandoquidem Deus, licet nemo ipsum  
laudibus prosequi vellet, sempiternum: & perennem  
habet hymnum*.

In horto agebat Christus inter mortales angōres  
(quos Sacri illius Historici referunt) comitatus tri-

bus Discipulorum charissimis, quorum somnolen-  
tiam siue ex negligentia, siue ex tristitia natam cum  
semel, & iterum amanter increpasset, demum illis  
quietem indulgere visus aiebat: *Dormite iam, &  
requiescite*; Matth. 26. 45.

Quare tunc denique illis somnum, & quietem ca-  
pere non solum permittebat, sed & suadebat? An  
ideo forsitan, quod hostes à sanguinario proposito suo  
iam destitissent; ut propterea in aurem, quod aiunt,  
vtramque securi dormire potuerint Apostoli? Non  
sanè, quia Dominus ipse ibidem aiebat: *Ecce ap-  
propinquauit hora; & Filius hominis tradetur in ma-  
nus peccatorum*; tanquam dixisset: Liberas nunc so-  
mno habenas permitte, quando perfidiosus præ-  
foribus est discipulus ductor sceleatorum satellitū,  
qui cum vario armorum apparatu veniunt; ut me-  
tumultuariè per vim hinc abripiant, & victum,  
velut infamem latro sim, ad tribunal pertrahant. Er-  
gonè tunc dormirent Discipuli, quando illorum o-  
pulatione magis indigebat Magister? Tunc somno  
se traderent, quando vigilantes hostes armâ capiebant?  
Cur tunc illos dormire iusserit? Respondet Theo-  
phylactus: *Ostendens, quod opus non habeat illorum  
subsidio, quando traditur, dicit illis, Dormite nunc, &  
requiescite*. Indicare ergo voluit, quàm magnus Do-  
minus, & Monarcha esset, quàm inuictio brachio,  
quàm nihil indigus auxilio alieno; propterea ijs,  
quos in extremis angustiis habebat præsentēs, dice-  
bat, ut dormirent, & conquiescerent, ex quo intelli-  
gerent, nihil illi ope cuiusquam opus esse, ut se ad-  
uersus omnia pericula defenderet.

Ad fastigium eduxit celestis architectus admi-  
rabile hoc mundi ædificium, & post absolutam vultu,  
sumptuosæque huius structuræ fabricam, *requiescit  
de se primo ab omni opere, quod patrârat*, ut ait Sa-  
cer Scriptor Genes. 2. 2.

Non me fugit, quantum lucubrationis attulerit  
exigua hæc sententiola Doctissimis Interpretibus,  
quorum hæc est communis questio, quomodo rectè  
intelligi queat, quod Deus ferari ab opere dicatur,  
cuius provida vigilantia semper in opere versatur  
earum rerum, quas necessitas creaturarum requirit,  
neque studium ijs beneficiendi vnquam ingerimit.

Prætereo hic varias aliorum doctas quidem, sed  
præsentī causæ minus commodas expositiones, Sa-  
lomon Hispaniarum Alphonsus Tolleratus aptè in-  
rem nostram interpretatus, acurè monet, quod  
Moyse non dixit, *Requiescit in opere suo*, sed *Requi-  
escit ab opere suo*, & sic exponit: *Requiescit ab opere  
suo, id est, requiescit in seipso, non indigens suo opere*.



## VITÆ ABRAHAM

*sum sit in se perfectè beatus, & perfectè delectabilis, & ait Aristoteles: & ideo dicitur, Requeuit, ab opere suo, id est, licet ista opera magna, & mirabilia Deus creasset, tamen non habuit gaudium suum in eis, id est, prater ea, vel sine eis an seipso requeuit. Non enim est magis beatus, vel perfectus Deus, postquam mundum creauit, quam antequam creasset. Ab opere ergo, non in opere suo quieuisse Dominus fertur, quamuis enim admirabile sit huius tam amplæ structuræ artificium, nihil tamen inde voluptatis haurit, qui in seipso habet omnem beatitudinem, & quidquid oblectare potest, estque in seipso perfectissimus, & gloriosissimus, & à nulla re alia dependens sustentat omnia, an se perfectè beatus, & perfectè delectabilis, domi suæ ita omnibus abundans, vt rem quampiam aliundè mutuari opus non habeat.*

Coronemus hoc argumentum verbis Prophetæ regij, quæ de formosissimo hominum hominis & Dei Filio, cum decentissimam illius formam, & venustissimam totius corporis structuram considerasset, dixit, inquit: *Speciosus forma præ filiis hominum, diffusa est gratia in labijs tuis, propterea benedixit te Deus in æternum; Psal. 44. 3. velut dixisset: Quanta in vultu elegantia, quanta in membrorum compositione concinnitas! quanta in verbis suauitas! Faciunt hæc, vt nihil mirer, quod diuinus Pater tuus tantâ benedictionum copiâ te cumulauit. Age ergo, & accingere gladio tuo super femur tuum potenter, ibid. v. 4.*

Multa ponderatū digna sunt in his paucis verbis *Accingere gladio tuo*, quibus Dauid venturum Messiam rogabat, vt ipse gladio se cingeret. At nonne fatius fuisset, ac honorificentius, serpis demandare hanc operam, vt ipsi, immensum suum Dominum gladio accingerent, & armis alijs vestirent? Quid ergo Rex Propheta rogat, vt ipse suo se gladio accingat? Mysterium subest: Quod vt intelligas, nota quod Propheta videtur ad veterem alluisse consuetudinem, quâ cingere gladium Imperatores, Reges, Principes, Duces, & alij militaris ordinis viri solebant, de qua P. Martinus de Roa To. 2. singular. lib. 3. c. 13. Xiphilinus, Cassiodorus lib. 8. epist. 13. Petrus Gregor. lib. 43. syntagm. c. 14. Lipsius, Faber, Plinius iunior, & alij agunt. Olim ergo Imperator, cum regni administrationem susceperet, ipse se cingebat gladio, vt eâ cæremoniâ indicaret, se esse absolutum regem, & dominum, qui alios cingeret, ex quo intelligerent, quod ab ipso dependere. Propterea Deus apud Isaiam de superbo Rege Cyro querebatur, inquit: *Accinxit se gladio,*

*& non cognouisti me; Isa. 45. 5. velut dixisset: Cogitare debueras, rex arrogans, quod à me gladio cinctus es, vt debitam mihi obseruantiam, & subiectionem deferres, & testatum faceres, quod ego Dominus, & extra me non est Deus. Itaque quod quis seipsum cingit gladio, non id inditio est, illum esse absolutum dominum. Quare & Hispani Nostri Reges superioribus sæculis seipso cingebant gladijs, vt significarent, quod ab alio terreno rege nullo dependerent, vt refert Ambrosius de Morales To. 3. lib. 13. c. 2. Et R. P. Didacus de Murillo tract. 2. de præstantia vrbis Cæsaraugustanæ c. 4. ex vetustis Regum Aragoniæ iuribus hæc producit: *Que por entender, que ningun otro. Rei terrenal no aya poder sobre el, cinnase el mismo su espada, que es assemblante de cruz;* hoc est: Vt omnes intelligant, quod nullus alius rex terrenus habeat potestatem in illum superiorem, ipse se cingat gladio, qui est similis cruci. Quod ergo Dauid Verbo æterni Patris Filio aiebat, vt se gladio suo accingeret, hoc tale fuit, ac si dixisset, ipsum non indigere cingi ab alio, sed que in illo maiestatem, imperiumque omne agnoscere, vt omnes doceret, ipsum esse Regem regum, & Imperatorem imperatorum, qui & seipsum cingeret, & alios tanquam inferiores, & subditos suos, quorum omnis vita ab ipsius auxiliarijs manibus penderet. Accipiat hinc sapiens, colligat opulentus, intelligat rex, animaduertant omnes, quod omnes sunt subiecti magno illi Domino, vt qui est fons omnis gratiæ, immensum mare, inexhaustus oceanus omnis boni, cum cæteri homines sint exigui riuuli, ac minutulæ guttulæ.*

*Tilicus hoc argumentum tractat 1. p. Politici cælorum lib. 7. c. 4. & To. 1. Periochâ 2. Sabbati post Dominicam 2. Quadrage. pag. 206. o.*

## CAP V T V.

*Vt aliquem consummatum, & perfectum pronunties, satis est quod obedientem esse scias, vbi enim obedientia regnat, nulla abesse virtus potest.*

**V**I X imposuerat Dominus Abraham præceptum egrediendi de terra sua, quando ille opere, quod iussus fuerat, expleuit, de quo Sanctus Moyses ista: *Egressus est Abraham, sicut præceperat ei Dominus; Genes. 12.* Magna obedientia! Ab hac magni huius Patriarchæ laudes exorsus est Sanctus Paulus, inquit: *Fide, qui vocatur Abraham, obediuit in locum exire, quem accepturus erat in hereditatem; Heb. 11. 3.* Vt ergo facilem inueniret fidem, cum virtutes



virtutes Abrahæ reliquas prædicaret, ab obedientia illum commendandum ante omnia putauit, cui enim obedientiæ promptæ opinionem conciliamus, eidem virtutum omnium existimationem simul conferamus. Quid enim virtutis ab obediente non expectes? quid gratiæ non speres?

Duodennis Filius Dei postquam à Parentibus inuentus fuit, descendit cum eis, & venit Nazareth, & erat subditus illis; Lucæ 2. 51. Abijt ergo cum vera Matre sua MARIA, & putatiuo patre Ioseph Redemptor mundi, omnisque illius occupatio erat viuere ex illorum voluntate, & arbitrio, Et erat subditus illis.

Beatissimus Papa Sanctus Gregorius in catenæ auctoritatis Angelici in illa Euangelistæ verba sic distulit: Totam intermediam Christi vitam, quæ est inter ostensionem ætatis, & tempus baptismatis, velut immunem alicuius famosi, & publici miraculi, & doctrinæ Euangelistæ sub vno verbo colligit, dicens, Et erat subditus illis. Cum vero Dominus interea plurima egerit digna memoratu, cur Sacer Historicus eorum narrationem prætermisit? Non omnino prætermisit, sed mystico compendio usus, plurima paruis complexus est, cum ait: Et erat subditus illis; quod perinde fuit, ac si dixisset: Sub vno verbo omnia, quæcunque de nostro Redemptore dici possunt, collegi, cum subditum fuisse affirmari: Nam qui alium à prompta, perfectaque obedientia commendauit, omnia dixit, quæcunque dici possunt, vt omnibus alijs affluere virtutibus credatur.

Venit quondam fugitiuus Dauid in Nohe ad Abimelech sacerdotem, qui simul ac illum vidit, admirandus ait: Quid ego te ita solum, inecomitatumque video? Respondit Dauid: Rex precepit mihi sermonem, 1. Reg. 21. 2. negotiumque commisit, quod vt est admodum graue, ita vult esse testum, & secretum. Illud verò te scire velim, quod valde famelicus huc venio, quare si vel quinque panes, vel aliud quidpiam esculentorum in promptu habes, necessitati meæ fac subuenias. Respondit sacerdos, nihil ad manum habere, nisi panes sanctos quos dare non possit, nisi eorum, qui sumpturi illum erant, puritatem ante examinasset. Itaque aiebat: Si mundi sunt pueri, maxime à mulieribus? ibidem v. 4.

Abulensis sciscitatur, quamobrem Abimelech sacerdos dedit Dauid panes propositionis sanctos, cum facile posset illum aliud mittere, vbi profanos ad leuandam suam esuriem, perficiendamque reliquam viam acciperet panes?

Tom. III.

Respondet q. 8. in 1. Regum c. 21. Vidit eius magnam celeritatem ex mandato regis, ideo non misit ad aliam domum pro pane, sed credidit obseruationem præcepti regalii sufficientem esse causam ad hoc, quod posset dare Dauid de cibis sanctificatis. Quod ergo tam obtemperantem præcepto regis, tamque expedite, & celeriter iussu eius exequi vidit, id satis arbitratus fuit, vt ei sacros panes statim offerret, quos alioquin profanus nemo cōtingere poterat. Qui enim perfecte obediens est, adeoque virtutibus omnibus esse excultus creditur, illi nullus est panis veritus, nullus prohibus cibus, sed omnibus vester licitum est, quantumvis ipsi Deo sint consecrata, & deputata. Et notandum hic, quod sacerdos Abimelech de sola militum Davidicorum puritate inquisiuit, dicens: Si mundi sunt pueri? De ipso autem Dauide nihil tale interrogauit. Quare hoc? Nonne de eisdem panibus comesturus erat Dauid, neque priuilegium ali-quod habebat, ob quod posset absque cordis munditia ex ijs sumere? Vidit Abimelech percelerem Davidis obedientiam, ideoque illum non examinauit, sciens non posse non valde esse sanctum, qui tam promptè esset obediens, ac propterea absque ulteriori indagine statim illi dedit panem sanctum, nam in vna perfecta obedientia omnes aliarum virtutes velut in compendio inclusæ videntur: Creditis obseruationem præcepti regalii sufficientem causam esse ad hoc, quod posset dare Dauid de cibis sanctificatis.

Gravi edicto Redemptor mundi apud Matthæum diuites mundanos perculit, dicens, facilius posse camelum transire per foramen acus, quam opulentos intrare in regnum cælorum. Audierunt hæc cum stupore Discipuli, conterritique dixerunt: Quis ergo poterit saluus esse? Matth. 19. 25. Respondit Dominus, apud homines hoc impossibile esse, apud Deum autem omnia possibilia. Tunc dixit Simon Petrus ad illum: Ecce nos reliquimus omnia, & secuti sumus te, quid ergo erit nobis? ibid. v. 27.

S. Hieronymus in commentatione horum beati Petri verborum positus exclamabat: Grandis fiducia! Quando cæteris Apostolis erigit comas, mentumque & cor, & omnes artus tremor concutit natus de terribili sententia, quam Christus contra diuites pronuntiauit, ita vt dicerent: Quis ergo poterit saluus esse? Solus Simon Petrus audacter, animosèque, & intrepidè ait ad Christum, non solum de se bene fides, sed etiam de alijs securus, sibi videri edictum illud ad se, collegasque suos non pertinere, eo quod pauperes essent, & omnibus renuntiassent, adeoque certam sperarent saluationem. Qui factum, quod



quod cum alij Apostoli contremiscebant, solus Petrus fidenter Christo loquebatur, dicebatque, certam sibi, socijsque suis promittere beatitudinem?

Respondet S. Petrus Damianus, monetque animaduvertere, quis ille sit, qui loquitur. *Dixit Simon Petrus.* Simon ex interpretatione S. Hieronymi, venerabilis Bedæ, Nicolai, Lyrani, & Santis Paginei idem est, quod obediens. At si obediens loquebatur, quid mirum, quod confidenter præsumebat, & humiliter gloriabatur, quando alijangebantur animis, & trepidabant? Qui enim perfecte obediens est: Ille turò cum Iesu, siue Salvatore loqui potest, nemo enim certius, quam verus obediens, posse sperare salutem videtur.

Audiamus S. Petrum Damianum, cuius hæc sunt ex serm. de S. Benedicto, qui est 9. *Dixit Simon Petrus ad Iesum.* *Anica prorsus confabulatio Simonis ad Iesum, & sermo omni oratorio flore Genustior, dignusq; Simon, qui cum Salvatore plenius proloquatur.* Simon namq; obediens, Iesus Saluator. Loquitur ergo obediens cum salute, quia solus obediensibus æterna salus hereditario iure debetur. Quosnam maiores expectare ab obedientia fructus possis, quæ sola suauiter, & amanter, & confidenter, cum salute, & Salvatore, quantum alius nemo, confabulatur? Neminem æque confertum virtutibus, ac perfectum obediens existimare possumus, in quo omnes cumulari videntur.

Videns cælestis Præcurfor propius ad se accedere Solem, cuius ipse aurora erat, plenus gaudio, & lætitiâ succlamabat. *Ecce agnus Dei, ecce qui tollis peccatum mundi;* Ioan. 1. 29.

Non exiguam difficultatem habet statuere, de quo peccato S. Ioannes loquatur. Nam cum in mundo tot sint peccata, qui auferri debeant, tot maculæ, quæ postulent eradi, nimis parè de agno Dei locutus Ioannes videtur, cum de illo ait, quod tollit peccatum mundi, in quo affluentissima est scelerum colluvies, quæ exhauriri, petat, & aboleri. Sed quoniam de vno tantum per agnum Dei auferendo peccato loquitur, qualenam illud esse dicemus?

Magnus Bulgarorum Archiepiscopus Theophylactus in c. 1. Ioannis de hac re sic ait: *Foras autem quia inobediens fuit homo Deo, & in varias affectiones incidit, peccatum mundi inobedientia fuit, quam è medio abstulit Dominus, factus obediens & sive ad mortem, & contrarium contrario sanans.* Nonne videris vnâ inobedientiam à S. Ioanne vocari peccatum mundi? Tale autem hoc videtur, quale si dixisset, præter inobedientiam nullum esse vitium in

mundo, nec virtutem aliquam præter obedientiam. Cum quis est inobediens, illum omnibus contaminatum esse flagitijs præsumere possumus. In solo inobedientiæ peccato peccata omnia videntur inclusa, vnde & Ioannes, cum indicare vellet, quod Christus auferret omnia peccata, ait, tollere inobedientiam: *Ecce qui tollit peccatum mundi.* Ergo è contrario de illo, qui est verè obediens, affirmare, videretur, possumus, omnibus ornatum esse gratijs, & virtutibus: De obediens namque omnia bona credere, & cogitare, quidquid de integerrimo, & sanctissimo possumus.

*De obedientia virtute, vide To. 1. Indicem rerum verbo, Obedientia.*

## CAPVT VI.

*Solent homines plerumq; feruenter ingredi viam virtutis, & facile intepestere animis, & captum deserere iter.*

**D**Væ personæ primariæ, & illustres comitatæ sunt obediens Patriarcham, nempe Sara illius vxor, & Loth consobrinus: *Iussit cum eo Loth;* Gen. 12. 4. Abraham, Loth, & Saram tulit Thare pater Abraham de Vr Chaldæorum, vt irent in terram Chanaan, vt habes Genes. 11. v. 31. verum Thare, cum venisset vsque Haran, habitauit ibi, & vsque in Chanaan Abrahamum persecutus non fuit; feruenter exire cepit, sed mox fractus laboribus itineris in via subleuit, & sedem fixit. S. Thomas ad finem sui commentarij in c. 11. Gen. ait, tametsi non satis exploratum sit, quamobrem Thare, qui petere terram Chanaan cepit, per viam in Haran conqueuit, mysticè tamen factum, vt significaretur aliquid, quod multis accidit, *qui per viam religionis, aut penitentia de terra sua exeunt, sed ad terminum viæ non perueniunt, immò in via remanent, quasi in terminis finali essent.* Hoc malo omnes plerumque laboramus, vt strenuè incipiamus, & statim deficiamus. Fortunatissima verò essent, nostra studia, & felicissimi conatus, si tanto studio persequeremur viam sanctitatis, quanto eam ordimur, & inchoamus.

Cum cælestis Magister celebrem illam pro concione narraret parabolas impigri agricolæ, qui in quatuor diuersis partibus seminavit semen suum, aiebat, quod vna sola illius labori, & expectationi responderit, inquit: *Dum seminat, alia ceciderunt in terram bonam, & dabant fructum, aliud centesimum, aliud sexagesimum, aliud trigessimum;* Matthæi 13. 8.

Ioannes



Toannēs Cluniacensis To. 3. serm. 47. in hanc rem admonet: *Vide quomodo illa terra, etsi bona, incipiens à centesimo, defecit in trigesimo.* Bonam terram ipse Saluator noster quandam vocat, quæ cum initio copiosissimum fructum dedisset, paulatim ita de sua fertilitate remisit, vt vix tricesimum redderet, quæ centesimum proferre solita erat: *Incipiens à centesimo, defecit in trigesimo.* Docemur eâ re, quod passim fieri videmus, quod multi multo cum cælore strenuè incipiunt, & paulatim intepescunt, ac languent spiritu, & de feruente profectus studio remittunt.

Non intempestium veniet, quod de nostro Patriarcha inferius narrat historia, quam in computatione annorum vitæ illius singulari cum mysterio prosequitur Moyses, inquit: *Postquam nonaginta, & nouem annorum esse cæperat, apparuit ei Dominus, dixitq; ad eum, Ego Deus omnipotens, ambula coram me. & esto perfectus;* Gen. 17. 1.

Notanda est hic istorum postremorum verborum lectio hebræa, quæ sic habet: *Moue te, fac te ambulare.* Videtur subesse metaphora sumpta ab homine, qui tendit ad aliud, in cuius felici consecutione, seu consecutione vitæ ipsius sit posita, sed tam impeditè, tardè, negligenter itineratur, vt vix se mouere videatur. Hunc si quis amicus studiosus felicitatis illius videat, socium ei se adiungit, pigritiamque ipsius arguit, & increpat tarditatem, & iubet accelerare gradum, & seipsum incitare, & quo pede, quoque seruire cœpit, pergere. Tale quidpiam est, quod Deus ad amicum suum Abraham ait: *Moue te, fac te ambulare,* accelera gradum, cura vt velocius progrediaris: Videris enim remississe de perfectionis contentione, alacritate, & festinatione, & concidisse animo per viam. Intepuisse autem Abrahamum videtur non obscure colligi ex eo, quod sacer Historicus monet, & Procopius notat. Moyses ait: *Postquam nonaginta, & nouem annorum esse cæperat, apparuit ei Dominus.* Apparuerat illi proximè antehæc, (quod cap. 16. præcedente narratur) quando numerabat vitæ octoginta sex annos, & natus fuit Ismael. Tredécim igitur anni abierunt inter illam, & hanc apparitionem, quibus nihil memoratu dignum de illo refertur, non quoddam historice Scriptori ex oscitantia quidpiam præmiserit, sed quoniam Abraham in via virtutis languescere fortè cœperit, cui proinde apparuit Dominus, stimulosque admoit, vt eum excitaret, dicens: *Ambula coram me,* vrge teipsum, & impelle, videris enim obtorpuisse per viam, & morosius pergere, quam initio cœperas. Procopij an-

notamentum hoc est: *Aut apparuit nondum irreprehensibilis, aut & talis, cui necesse esset operari semper id, quod est inculpabile, quæ semper foret irreprehensibilis.* Apparuit ergo Deus rursus Abraham post decimum tertium, quem dixi, annum, vt significaret, quod ille etiamnum nonnulla haberet emendanda, & corrigenda, aut quod necessum esset illum semper operari, & conari, quod inculpabilis per omnia esset. Habet enim nescio quid asperitatis, & accliuatitatis iter virtutum, quo strenuissimorum viatorum animos statim percellere, & frangere solet, eorum etiam, qui cum ingenti spiritu, & impetu se in viam dederunt, sic vt etiam Abraham, illi tam diuini gratiarum, & virtutum, admouere calcaria diuinæ exhortationis debuerint, vt acueretur illius progrediendi studium, & non deficeret animo per viam.

Ibat quondam Sponsa tam concitis pedibus, vt suauis admiratione perfunderet non solum terræ habitatores, verum etiam ecelorum Palatinos, vt certatim vtrique (ex sententia melliflui Bernardi, Hailgrini Cardinalis, Abbatis sancti Pantaleonis Woluer, & aliorum) non sine magno stupore exclamarent: *Qua est ista, qua progreditur quasi aurora comsurgens, pulchra & Luna, electa & Sol;* Cant. 6. 9.

Matthæus Cantacucenus ex rege monachus Basilianus, Vincentius Richardus illius interpres, & alij, quos iam dixi, aiunt: *Admirantium est ista & Sol.* Sed vnde ista nasci admiratio potuit, vnde tam nouum videri illis, quod Sponsa lentis sensim incrementis augescere, & luce paulatim maiore splendere cœpit, ac primùm quidem vt aurora obscure micare, deinde vt Luna rutilare amplius, demùm vt Sol radijs suis mundum totum implere? Hocciæ, tanquam nouum sit, & inauditum, in stuporem adducere potuit homines pariter, ac Angelos? Potuit. Imò si contra egisset, atque vt Sol primùm splendicare cœpisset, dein verò vt aurora pauculâ luce scintillasset, nihil mirum fecisset, quia hoc fit communiter, & passim ab omnibus, vt cum seruire bonum opus suscipiant, & mox cum tepore, & torpore dimittant. Lucuosum, ac miserandum, quàm vulgare Christianorum penè omnium vitium. At si quæ anima progrediat, quasi aurora consurgens, tacitisque, & continuis profectibus eò perueniat, vt Solis instar fulgeat, illa admirandorum hominum, & Angelorum voces meretur, digna, cui superi, atque inferi exclament: *Qua est ista, qua progreditur!* &c. digna, quam velut singulare quoddam prodigium attoniti prædicent, & in cælum laudibus vehant.

Odorum quorundam plerique Christiani sunt similes,



miles, eorumque fragrantia, de quibus Theophrastus de causis plantar. lib. 6. cap. 25. sic ait: *Odores plurimi synceriores manifestantur, die crescente minus, meridie minime.* Sic multos videas primulâ susceptæ bonæ operationis diluculo vehementer ardere, paulatim verò in tepefcere, demum etiam prorsus conglariare, & male dimittere, quod benè cœperant.

Hoc Propheta regius de Hebræis dixit, inquiens: *Quemadmodum Patres eorum conuersi sunt in arcum prauum, Psal. 77. 57.* hoc est, non degenerarunt improbi illi, & perfidi à maioribus suis, sed pro eorum more, & prauis arcus solenni ad malitiam sunt conuersi. Quid voluit ijs verbis indicare Propheta?

S. Bruno sic exponit illum versum Davidicum: *Arcus prauus cum prius intenditur, aliquantulum efficit, postea verò paulatim remittendo ex toto desinit.* Sic & ipse prius in præceptis Dei valde intentus, & aliquantulum operatus, paulatim remittendo ex toto defecerunt. Viciosus arcus cum iaculum vnum, alterum eiecit, prorsum dissoluitur, ut nullus sit illius deinceps ad explosionem vsus: Sic & Hebræi olim, & hodie Christiani plurimi sunt, fueruntque arcus prauis, qui cum initio essent firmi, & validi, postea sunt laxi, & ignaui, & oscitabundi, ac remissi. Quanta sæpè asperitate macerant aliqui carnes suas inter prima virtutis rudimenta! quam acriter mortificant suas passiones! quam crebro adeunt Sacramenta! quam sunt obseruantes silentij! quam amantes latebrarum, & recessus! At quam citò hæc omnia intercidunt! quam facillè desistunt! Communis hæc multorum est infelicitas: Prius in præceptis Dei valde intenti, & aliquantulum operati, paulatim remittendo ex toto desistunt.

*Cohæret cum his Periocha V. Dominica in Sexagesima To. 2. pag. 499. a. o.*

## CAPVT VII.

Perpetuæ quietis, & immortalis beatitudinis laurus non est fortiter incipientibus cursum virtutis, sed constanter, & strenuè absoluentibus pensum bonæ operationis constituta.

Volo intelligant multi suum errorem & animaduertant, parum utilitatis illis allaturum, quod cœperint benè viuere, & agere, nisi inchoatâ persequantur, & absoluant virtutum studia. Corona enim gloriæ non datur incipientibus (si enim id fieret, fieret saluus penè omnis Christianus), sed his, qui bonæ vitæ curriculum feliciter absoluunt. Ac

propterea solius Saræ & Loti sit peculiaris mentio, quia non solum inchoarunt iter, quod ferebat in Chanaan, sicut Thare, & alij quidam, verum etiam perfecērunt, ut nos docerent, perseverare constantes in operum bonorum exercitatione, & famulatus Dei debere eos, qui æterna præmia expectant.

Dilaudat cœlestis Magister fidum quendam & officio suo probè functum œcononum, inquiens: *Quis putas est fidelis dispensator, & prudens, quem constituit Dominus super familiam suam, ut des illis in tempore tristici mensuram?* Lucæ 12. 24. Prout & integri dispensatoris partes in multis hæc sunt, ut domesticis annonam, & quæcunque victus requirit humanus, tempestiuè ministret. Subdit autem statim Diuinus Magister: *Beatus ille seruus quem cum venerit Dominus eius, inueniet ita facientem;* ibid. v. 43.

Notauit in modo loquendi Christi Cardinalis Caietanus, quod non eum, quem sic aliquando fecisse, sed quem ita facere tunc inuenierit, cum Dominus illius venerit, beatum fore affirmavit. *Beatus ille seruus, inquit, quem inueniet ita facientem, non quod ita fecerit, sed quod ita perseveret faciendo.* Beatus non quia in bonis actibus diu vixit, sed quia his immortalis fuit. Itaque parum proderit homini Christiano, quod tanquam strenuus miles in palæstra virtutum contra passiones suas fortiter dimicare cepit, bellumque sanguinolentum omnibus animæ suæ hostibus indixit, si mox ut ignauus cedat, & tanquam meticulosus fugiat. Perseuerare constanter, pugnare pertinaciter debet, ut labor illius sit fructuosus, & defatigatio suam obtineat coronam.

Dubitatio quædam circa ea, quæ de S. Petro paulò superius diximus, dissoluenda nobis reliqua est, & mysterium, quod enudemus. Audistis, quam fidenter Christum Petrus & adierit, & his verbis appellauit: *Ecce nos reliquimus omnia, & secuti sumus te, quid ergo eris nobis?* Matth. 19. 27. Audistis, verborum illorum talem esse sensum: Si tam difficile in cælum peruenient, qui mundanis opibus abundant, nobis securum, certumque promittere possumus in beatitudinem ingressum, qui pro tuo amore, & debita in te obseruantia abdicauimus à nobis & quæ habeamus, & quæ habere poteramus. At videamus, quis hoc dicat. Quis? *Simon Petrus ad Iesum, obedientia ad salutem, hoc enim Simon, hoc Iesus significat. Loquitur ergo obedientia cum salute, quia solis obedientibus æterna salus hereditario iure debetur,* inquit sanctus Petrus Damianus serm. 9. qui est de S. Benedicto. Hæc omnia iam dicta sunt supra c. 5.

Sed hic iam alia nobis questio nascitur, ea nimirum.



rum, quid mysterij habeat, quod Simoni Petrus adiungitur, quando obedientia cum salute, hoc est, Simoni cum Iesu locutus fertur? Non satis erat dixisse. Dixit Simon ad Iesum? Non erat satis, inquit præclare S. Petrus Damianus. Tametsi enim Simoni, hoc est, obedienti iure sit debita salus æterna, debet tamen comitem habere Petrum, qui significat petram, ut sit nobis documento, quod ille solum obediens lauro in cælis immortalis coronabitur, cuius obedientia pro basi habet petram, siue rupem, sic ut neque nutet, neque vacillet, sed religiosa cum pertinacia, & gloriosa contumacia in finem usque pergit. Verba, quibus sanctissimus Cardinalis ea expressit, sic habent: *Solis obedientibus æterna salus hereditariis iure debetur, si tamen ibi sit Petrus, id est, si obedientia non vacillet, aut titubet, sed fundata sit supra firmam petram.*

Benè congruit cum his, quod sacrum oraculum memorat de his, quæ Moyses in circuitu aræ posuit, quam ad pedem montis erexit, *Mane surgens edificauit altare ad radices montis, & duodecim titulos per duodecim tribus Israel;* Exod. 24. 4. Per hostitulos debent intelligi petreæ, quare & Oleaster sic transfert ex Hebræo: *Et duodecim statuas iuxta duodecim tribus Israel.* Duodecim ergo lapideas statuas erexit, ut quælibet earum unam Israelitarum tribum repræsentaret. Sed quo mysterio tunc, cum populus ad audiendum promulgationem diuinarum legum confluit, erecta sunt saxa, quæ repræsentarent eos, qui leges illas obseruaturi, & opere expleturi erant?

Respondet S. Cyrillus Alexandrinus hom. 2. de festo Paschalis, inquit: *Vi intelligamus, debere nos Deo semper affixos esse.* Mystica ergo illa cæremonia significatum fuit, debere eos tanquam firmos lapides, & duras cautes, & insuperabiles scopulos, & inuicta, immobilisq; saxa esse, qui optatum fructum, quem diuinorum mandatorum obseruantia parere solet, consequi volunt. Qui namque ut petra perdurat, & ut scopulus firmiter persistit, ille solus laurum quietis æternæ, & felicitatis perpetuæ coronam obtinet: *Vi intelligamus, debere nos Deo semper affixos esse.*

Vi de verbis nostris quisque arbitrari posset, quis nos magister instituit, quis pater aduocasset, & erudiisset, iubeat non aliâ ad affirmandum, negandumque aliquid loquendi formulâ uti, quam ut dicere mus, hoc ita habere, hoc secus habere. *Sit sermo Vester, Est, est, Non, non, quod autem hic, abundanti us est, a malo est,* aiebat Matth. 5. 37. Habet enim, ac-

scio quid illud veritas, ut neque testium approbatione ad sui commendationem, neque verborum ambitu, aut apparatu rationum egeat. Luculenta est, nuda, & aperta est, non requirens exaggerationes, quibus obscuratur, non hyperboles vestitum, quo tegitur, & oculis eripitur.

Mellissius Bernardus ait: Accipite me, auditores, aliam doctrinam vobis traditurum, quæ videatur superiori doctrinæ Magistri cœlestis repugnare, Nonne ille dixit, sermonem nostrum non debere esse alium, quam ut dicamus, hoc ita esse, vel non esse, quod affirmare volumus, vel negare? *Sit sermo Vester, est, est, non, non.* Ego verò producam quædam, in quibus hoc agere non debeamus, si volumus talis magistri reapse esse discipuli, & talis Patris gloriam consequi. Quibus ergo in rebus, dic nobis facer Doctor, non debemus committere, ut sermo noster sit, *est, est, non, non?* In operibus. Nam si, quod in verbis obseruari debet, obseruetur in operibus, non consequemur beatitudinem filiorum Dei. In verbis nonnunquam conuenit dicere, *Est,* aliquando refert dicere, *Non,* ut huic rei nulla certa, firma, & stabilis præscribi regula possit. Potestne verò in exercitatione virtutum, in usu, & studio bonorum operum esse *Est, est, Non, non?* Non potest sanè, inquit Bernardus, semper autem esse debet, *Est, est,* semper enim benè agere debemus nunquam auocandæ ab opere bono manus, si laurum beatitudinis æternæ consequi volumus. Corona enim perseveranti promissa, non constituta incipienti.

Audiamus dulcem Abbatem suis verbis hæc dicentem: *Studere perseverantia, quæ sola virtutum coronatur.* Non mutatur apud eos. Est, & Non, & sitis filij Patriæ Vester, qui in cælis est, apud quem non est transmutatio, nec vicissitudinis obumbratio. Vos quoque in eandem imaginem transformamini à claritate in claritatem, curantes omni vigilantiâ, & ipsi non inueniri leues, instabiles, fluctuantes. Qui dicit semel, *Est,* & post hæc *Non,* errat, qui nunc iacet, nunc exurgit, & nunquam in eodem permanet, nunquam etiam perueniet in gloriam.

Ex his intelligemus aliquod S. Petri Damiani acutè dictum. Suadet Eminentissimus Cardinalis, verè firmiter, animosèque perduremus in itinere virtutum, ut perennis quietis palmam consequamur, & concludit exhortationem his verbis: *Vita modum, quem semel arripueris, perseveranter tene, constanter exequere, ne scnicâ, quod absit, à temetipso vertigine videaris discrepare.* Hæc ille To. 3. Opusc. 15. c. 27. Difficilia verba! Quid autem voluit sibi vir sanctus,



cum ait, *Ne scenicā à temetipso vertigine videaris discrepare?* Quid est vertigo scenica? Ego dicam. Prodit in scenam histrio, ut personam amantis, Principis, Capitanei, Imperatoris referat. Repræsentat ille amantis blanditias, Principis potentiam, Capitanei fortitudinem, Imperatoris maiestatem. Et quid posthæc? Statim à scena ad suum hominis vulgaris statum redit. Facile est cernere, hunc neque Capitaneum esse, neque Principem, neque Imperatorem, quia regijs tam subito depositis insignibus non alia, quàm quilibet è vulgo, veste vitur. Dicit nunc Damianus: *Perfæ firmus, & animosus in felici virtutum via, quam semel tenere cœpisti, ne scenicā à temetipso videaris vertigine discrepare, ne videaris velut in scena repræsentare aliquamdiu personam hominis pij, pœnitentis, humilis, religiosi, liberalis in egenos, continentis, & casti, denique verò ex eas, quā intrāras, virtutisque, & pœnitentiæ, & religiositatis, & liberalitatis, & continentię, & castitatis vestitum abijcias.* Nihil feceris, si ita feceris, neque opatum laborum tuorum fructum consequeris. Ut obtineas, quod expetis, non debes esse histrionicus Christianus, sed in vno sanctæ vitæ proposito vsque ad extremum vitæ spiritum constanter perdurare.

Fortè aliud quid voluit magnus Cardinalis, quod cum Bernardi sententia superiori admodum congruat, cum iubet curare, ne scenicā quis videatur à temetipso vertigine discrepare. Quid agitur in comœdia, quid in scena, siue theatro? Nullus locus crebriores habet vicissitudines, & mutationes, nullus tam varias larvas, quàm contabulatio scenica. Qui pridie sanctum referebat, is postridie latronem viarum repræsentat, qui heri personatus erat amantissus, ille hodie pastorem agit. Quilibet dies habet suas speciales figuras. Dicit nunc S. Petrus Damianus: Si vis consequi, mi frater, beatitudinem, si Deo æternum frui, *Ecce modum, quem semel arripueris, perseveranter tene, constanter exequere, vnam tantum boni, & religiosi hominis personam repræsentat, vnum semper bonum, & impigrum Dei servum referre stude, cuius vnicum, perpetuumq; studium sit, colere virtutem, & mandata Dominica observare, & hisce operibus vsq; ad supremam vitæ periodum immorari.*

Hunc in finem creavit Deus hominem, & posuit illum in theatro huius mundi, ut repræsentationi det operam. At quemnam repræsentabit? Deum ipsum. Hoc Dominus affirmasse videtur, quando de homine creando deliberans aiebat: *Faciamus hominem ad imaginem, & similitudinem nostram;* Gen. 1. 26.

Qui Imperatorem repræsentat, ille imaginem, similitudinem, figuram illius referre dicitur. Idem dicit supremus conditor, & benefactor, cum ait: *Faciamus hominem ad imaginem, & similitudinem nostram, ut imaginem, & similitudinem nostram repræsentet.* At quomodo id rectè, ac decenter perficiet?

S. Ambrosius hoc dicit, qui Deuteronomium addere iubet, illudque legere, quod ibi dicitur: *Audi Israel, Dominus Deus noster Dominus unus est;* Deut. 6. 4. Quid voluit Dominus ijs verbis indicare? Respondet sacer Doctor, id voluisse, ut velut ipse semper vnus est, ita semper vnus sit, qui illum sic vult repræsentare in terris, ut comprehendere, & consequi possit in cœlis. Quare sic concludit: *Ad similitudinem Domini vnus est, atq; idem, non hodie sobrius, cras ebriosus, hodie pacificus, crastinā die litigiosus.* Hæc ille Epist. 1. To. 5. Qui hodiernum diem in eis transmittit, cras cibis se infarcit superfluis: Qui hodie est pœnitens, cras laxus: Qui heri modestus, hodie dissolutus, ille imaginem Dei non repræsentat. Verum qui in colenda castitate, in observantia temperantiæ, in studio virtutum semper vnus est, ille benè refert similitudinem eius, ad cuius imaginem est factus, eoque æternum fruetur. Soli enim perseverantiæ decreta est palma, & constituta laurus. Quare et cœd dicebat Bernardus: *Stude perseverantia, qua sola virtutum coronatur, non inveniatur apud eos Est, & Non, & filij Patri & Fratris.*

Huc ibant regis Prophetæ oculi, quando aiebat: Benedices coronæ anni benignitatis tuæ; Ps. 64. 12. Beatissimus Papa S. Gregorius Mag. lib. 4. Moral. cap. 18. de his verbis sic habet: *Quasi corona anni benedicetur, cum finito laboris tempore, virtutum remuneratione confertur, dies verò huius anni sunt singulaeque virtutes.* Sed quid est, quod mensibus, non hebdomadibus, non diebus, non horis, sed anno tantum benedicetur? Benedices coronæ anni. Cum annum hunc dies virtutum faciant (*Dies verò huius anni sunt singulaeque virtutes*) cur non eisdem præmium addicitur, sed soli anno corona promittitur? Causa ea est, quod tametsi singulæ virtutes suam habebunt remunerationem, eam tamen absq; perseverantia consequi non possumus, idcirco anno promittuntur benedictiones, quia ille est finis pugnae, terminus laboris, exitus vigiliarum, clausula defatigationum: Nam fuisse pium, & virtutis studiosum vno mense, fuisse vnā hebdomade sanctum, vnā horā castum, humilem, probum, parū proderit, nisi in finem vsque vitæ versetur in illis. Itaq; an-



aus, & finis benedictionem habebit, non mensis, non hebdomas, non dies, non hora, quia solus ille saluus erit, qui in finem anni, seu vitæ perseverauerit.

Inter eas aues, quarum esus Iudæis olim vetitus erat, fuit etiam miluus. De qua re sic habes Leuit. 11. v. 13. 14. *Hæ sunt, quæ de auiibus comedere non debent, & vitanda sunt vobis, aquilam, & gryphem, miluum, &ulturam.* Neque hic solum, verum etiam Deut. 14. ab eodem miluo abstinere sunt iussi. Ex quo videre licet, quanta sit huius prohibitionis grauitas.

Quæri potest, quam ob causam Dominus hanc à sua domo abiecerit auem, & quænam sint illius proprietates exosa Deo, quas euitare debeamus, vt nos gratos habeat.

Dicat hoc Petrus Berchorius, qui in suo reductorio morali lib. 7. cap. 48. n. 10. sic habet: *Secundum Aristotelem est quoddam genus milui, quod in inuentute solat ad aliquas aues, sed tandem in medio vita dimittit solatum, & circa cadavera intendit, sed tandem dum senescit, non nisi vermes comedit, & finaliter fame moritur.* Et paulo superius dixerat: *Quanto plus vixerit, tanto magis degenerem se offendit.* Miluus spurio, & ignauo animo auis, cum tenerioribus annis prædā audacter, ferociterq; agat, adultiore, & robustiore ætate ita remittit spiritus, vt vix mortua vaguibus, & rostro appetere animalia ausit, & senex pusillulus penè timeat vermiculos, demum verò etiam præ socordia, & conquirendi cibi negligentia etiam mortem sibi ex inedia accersere, tanquam oscitantia, & inertia cum annis apud illum augetur, qui quanto plus vixerit, tanto magis degenerem se offendit, quantumque crescit eius vitæ, tantum minuitur animus. Quæ tam ignaua, meticulosa, & pusillanimis est auis, quæ quò plus viuere, plus degenerat, quæ minuitur spiritu, cum incrementa facit annorum, non ea inferatur domui Dei, hæc vitanda sunt vobis, tanquam & illi plurimum exosa, & nobis valde noxia. Debemus enim ingenium habere indoli huius aui contrarium, sic vt paribus profectibus, vitæ, & annis augetur, & meritis, & processioris ætatis sit etiam prouectior spiritus: & consummate sanctitatis termino tunc sumus propinquiores, cum mortì, quæ est vitæ clausula, viciniore. Parum enim referet ardentem cepisse, si non animosè cursum perficiat.

Propheta regius aiebat: *Custodite vias Domini, nec impiè gessi à Deo meo.* Psal. 17. 22. Putauitne hoc satis esse, quod præceptorum dominicorum diligens obseruator fuerat, nec improbè ab illo descen-

uerat? Nequaquam, sic enim statim subdit: *Et ero immaculatus cum eo, & obseruabo me ab iniquitate mea;* ibid. v. 24. Incognito hoc tale est, quasi dicat: *Dixi superius, quod de præterito custodiui, nunc autem dico, quod perseverabo, quia ero immaculatus cum eo.* Nam in domo, & aula huius magni regis non satis est seruiisse, sed vsque in momentū vitæ supremum seruire necessum est, corona enim illi, qui vsque in finem pugnauerit, seruatur.

*Habet nonnullam cum his affinitatem c. 5. Psal. cal. part. 2. lib. 1. cuius calcem vide.*

## CAPVT VIII.

*Vt amoris febrem explorēs, arteriam memoriæ tenta.*

Quamprimùm inclytus Patriarcha noster aduenit in Sichem, excitauit Domino aram, cultumque illum, & reuerentiam debitam obtulit. Inde in Bethel profectus edificauit quoque ibi altare Domino; Gen. 12. 8. tanquam supremo benefactori, & communi vniuersitatis Domino.

Notarunt hic sancti Ioannes Cardinalis, Nicolaus Lyranus, & alij Interpretes singularem diligentiam sacri Patriarchæ, & ingens illius studium excitandi altaria Domino, vbique sua tentoria fixisset. Quòd tam frequentem habeat Dei memoriam, id inditio erat, quàm ardentem illum amaret, vt proinde crebra recordatio alicuius sit argumentum enixioris erga ipsum amoris. Ardor certè amoris, vehementiaque illius non aliunde melius, quàm de memoria æstimari potest, & crebra recordatio ardentem indicat dilectionem.

Discesserat Sponsus à dilecta sua Sponsa. Inquirebat hæc illum sollicitè, & anxie. Et quoniam ij, qui cupide aliquid indagant, & reperire auidè optant, in omnibus, quæ interim obuia habent, spem boni successus sibi imaginantur, aiebat illa mulieribus Ierosolymitanis: *Adiuvo vos, filia Ierusalem, si inuenieritis dilectum meum, & nuntiatis ei, quia amore langueo;* Cant. 5. 8. Aperit Sponsa suam infirmitatem, detegit ægritudinem, amore languere, laborare febri dilectionis fateretur. Quid verò egerunt illæ Ierosolymorum filia, vt ægritudinem eius certò intellerent? Quod medici apud infirmos solent, memoriæque arteriam percutiunt, vt inde periclitarentur febrem amoris. Itaque sic eam appellabant: *Qualis est dilectum tuum?* ibid. v. 9. lineamenta



amenta nobis describi illius, quem sic demoreris, vnde illum arbitrari possumus.

Importuna videtur hæc interrogatio. Dixerat Sponsa filiabus Ierosolymitis, vt Sponso, si fortè in illum inciderent, nuntia sui ergà illum vehementissimè amoris ferrent: Itaque tanquàm vrbane, & comes dicere debuerunt, velle gratificari, & iussa eius studiosè perficere. Quid ergo fuit, quod de vultu, & habitu, & lineamentis Sponsicam examinârunt?

Responder Hugo Cardinalis, filias Ierosolymitanas potissimùm voluisse explorare amorem Sponsæ, & quod interrogârunt, id ferè huiusmodi fuisse: *Dixit te amore languere, nunc ut comperiamus si verè langueas, dic nobis, qualis ex dilecto est tibi dilectus?* Nonnè ipsa fateris, quod Sponsum tuum effictim diligas, ac depereas? Nos didici tui nunc periculum faciemus. Os, oculos, vultum, formam corporis, morumq; illius qualitates nobis recensè, quasi si memoriâ tenere videberis, facies vt illius amore languere, quod aiebas, credamus. Nimirùm de memoriæ pulsu febrem amoris arbitrari debemus.

Scribebat Apostolus Philippensibus, vtque illorum captaret benevolentiam, his verbis suam ordiebatur epistolam: *Gratias ago Deo meo in omni memoria vestri, semper in cunctis orationibus meis pro vobis;* Philipp. 1. 3. 4.

Primasius Vicensis in expositione horum verborum ait, Apostolo hæc propositum fuisse, Philippensibus suum ergà illos amorem singularem indicare, & quàm illos penitissimè cordi affixos haberet, significare. Vnde verò colligitur, voluisse id hoc loco sanctum Paulum, vbi charitatis mentionem nullam facit? Quo argumento ergo Pauli erga Philippenses charitatem euinceremus? Vide quid dicat Apostolus, inquit Primasius, & ex verbis illius arbitrari amorem, quem diximus, facile arbitraberis. Quid enim ait Paulus? *Gratias ago Deo meo in omni memoria vestri,* inquit. Iugem habebat eorum memoriam, nulla vnquàm erat illorum apud Paulum obliuio, quod magno inditio est, plurimùm eos amasse. Multùm enim recordatur, qui multùm amat. Duobus verbis hoc expressit Primasius; *Gratias ago Deo meo in omni memoria vestri, semper in cunctis orationibus meis.* Ostendit circa eos dilectionem suam, pro quibus semper exorat.

Cùm de memoriâ ago, occurrit memoriæ quædam Magni Basilij obseruatio. Inuitabat Propheta regius homines ad laudandum immensam supremi, & piensissimi Domini nostri maiestatem, iustisq; qui præcepta illius sacra obseruabant, aiebat: *Psal-*

*te Domino sancti eius, & confitemini memoria sanctitatis eius;* Psal. 29. 5.

Sancti Basilij in hæc verba annotatio sic habet: *Non dicit, Confitemini sanctitatis eius, sed memoria sanctitatis eius.* S. Paulus 1. ad Thess. 4. v. 3. ait, sanctificationem hominis nasci ex voluntate Dei, inquit: *Hæc est voluntas Dei, sanctificatio vestra.* Vult ergo nos sanctos, & illâ eius voluntate effici mur sancti. Quomodo ergo Propheta tribuit memoriæ, quod Apostolus voluntati? Causa ea est, quod memoria ex voluntate nascitur, recordariq; aliquem, & amare in amoris Philosophia idem est. Itaque Propheta, vt diceret, Deum habuisse voluntatem sanctificandi iustos, ait, habuisse memoriam illorum, ac proinde iubet confiteri memoriæ, gratiasq; agere memoriæ, per quam in cognitionem propensæ voluntatis Dei venire poterant, vt intelligerent, non parùm amari ab eo, qui multam illorum haberet memoriam. Vbi non est voluntas, ibi otiosa est memoria, vbi autem viget pulsus memoriæ, ibi ardet charitas, & flagrat febri amoris voluntas.

In parabola satoris Euangelici habemus, ex quatuor partibus seminis tres perijsse, vnius verò iacturam ex eo profectam esse, quod iuxta viam proiectum, & vel à prætereuntibus protritum, vel deuoratum ab auibus fuerit. Hæc de re B. Lucas 8. 5. Sic ait: *Dum seminat, aliud cecidit secus viam, & conculcatum est, & volucres cæli comederunt illud.* Hanc parabolæ partem Magister cælestis sic exposuit: *Qui autem secus viam, hi sunt, qui audiunt, deinde Genii diaboli, & tollit verbum de corde eorum, ne credentes salui fiant;* ibid. v. 12. Quod infelices illi damnationem incurrunt, id fit non solum studio dæmonis, sed etiam permissione Dei, quæ inscrutabilitari iudiciorum eius est reseruata. Vt verò permissio illa suum sortiatur effectum, etiam illud facit, quod *Volucres cæli comederunt illud.* Quid sibi vult ista seminis in cor auditorum delapsi, & ab auibus comestio narratio?

Glossa Angelica sic exponit: *Comederunt illud, & nec in memoria mens teneat, quod opere exercere neglexit.* Quod ergo permittente Deo de cordibus auditorum dæmon sustulisse fertur, id eiusmodi est, ac si diceretur, admississe illis memoriam eorum, quæ ex ore prædicatorum acceperant, & moribus exprimere prætermiserant. Hocce verò est magnum supplicium? Grauiusne illa ira Dei? Grauius, & quâ terribilior cogitari alia nulla possit: *Vt nec in memoria mens teneat.* Nam perfundere animam obliuione,



bluione, est saluationem illius desperare. Quomodo enim potest ea amare, quæ nunquam recordatur? Quomodo potest obseruare Dei præcepta, & concionatorum pia monita, cui nulla est eorum memoria? Facile diligit, qui bene meminit: At cui nulla memoria, illi bona voluntas esse non potest.

Hanc doctrinam confirmat humilis quædam, ac demissa penitentis, & lachrymabundi Cantoris confessio, quando finem facturus prolixi cum Deo colloquij, Psalmum 118. his verbis obsignat: *Erraui sicut ovis, quæ peristi, quare seruum tuum*; v. 176. Alij transferunt: *Vinifica seruum tuum*, qui tamen si peccando mortaliter, lethali laborare cœperit, spem tamen recuperandæ sanitatis habet. Quid verò illud erigebat animum Dauidi, vt consanescere posse fideret? Respondet ille: Certam habeo valetudinis per te recuperandæ expectationem, *quia mandata tua non sum oblitus*, viuit sana apud me infirmum tuorum præceptorum recordatio, quod beato Ambrosio perinde fuit, ac si dixisset: *Veni ergo Domine, quia eisi erraui, tamen mandata tua non sum oblitus, spem medicina referuo*, esse malâ voluntate erga illum non potero, cuius bonam habeo memoriam. Nam qui recordatur, is vel amat, vel optat diligere. At vbi memoria esse desinit, bona voluntas diu supereffe non potest: quantum enim recordatur homo, tantum diligit, paribusque defectibus memoria, & amor imminuuntur.

Quapropter S. Gregorius Nazianzenus, vt explicaret quanto amore erga Magnum Basilium flagraret, hæc ad illum suauissima verba epist. 9. aerem scribebat: *Equidem ipse te magis, quam spiro, idque solum curo, quod tecum sum vel coram, vel absens per animi simulachrum*; velut pluribus dixisset: Noli putare, mi Basili, quod animo meo eripiaris, cum subtraheris oculis, & si velis scire, quam sit propensa mea in te voluntas, ex memoria, quam tui crebram habeo, amorem meum æstimare potes: nam vt aere corpora viuunt, sic me recordatio tui pascit, *quin te magis, quam aere spiro*, mihi quæ omnis vita in eo posita est, quod præsentem te audis oculis vsurpo, vel memoriâ tui internos animi obtutus oblecto: vbi enim memoria regnat, bona etiam voluntas imperat.

Euangelicus Propheta vidit Dominum in folio excelso, & eleuato, supraque illud par Seraphinorum, qui alternis vocibus laudes illius decantabant.

Querunt Expositores, quinam illi diuinarum laudem concentores Seraphim fuerint? S. Bernardus de verbis, & B. Petrus Damian. serm. 52. aiunt, Se-

Tom. III.

raphinorum altero fuisse Angelorum, altero naturam humanam adumbratam. Cardinalis Damiani verba sic habent: *Duo Seraphim Angelum, & hominem accipe, qui incedentes, vel ardentes dicuntur. Nec errabis, si hominem Seraphini nomine dones: Nam si Seraphim idem est, quod ardens, siue inflammatus, quisquis Dei amore accensus flagrat, merito Seraphim vocari potest.*

At videamus, quomodo duo Seraphim, homo, inquam, & Angelus flagrent. S. Petrus Damianus ait: Ille ardet præsentia, hic memoriâ. Angelus illius formosi Solis radijs semper infunditur, atque inde illius in Deum amor exardescit. At quomodo homo inflammatur? Memoriâ Dei. *Hic ardet memoriâ*. Verum aberrasse à verò S. Damianus, & sic dicere debuisset videtur: *Hic ardet voluntate*, quam inuadere amoris flamma solet. Cur ergo memoriæ adscribit, quod tribuere voluntati debuit? Causa est, quod ambo in idem recidunt. Nam si ex frequenti memoriâ euincitur inflammatio voluntatis, cum ait, ardere memoriâ, idem est ac flagrare voluntate dicat.

Hinc potest intelligere seruus Dei, vtrum illum amet, nimirum si frequenter illum cogitet, quem enim frequenter recordatur, illum feruenter diligit anima, & crebra Domini recordatio signum est flagrantis erga illum charitatis.

## CAPVT IX.

*Non debemus ab omni, quod fortuito accidere potest, timere periculum, magna enim cordis ignauia, & pusilli animi inertia est censere in periculo, quid quid putatur periculosum.*

Multa in periculis pusillanimitas, & vana imaginatio nostra numerat, quæ nulla sunt. Conuenit multum cum hyperbole imaginatio nostra in eo, quod ex pygmæis gigantes, & ex gutta mare facit. Vt ergo in periculis, quæ verè talia sunt, recenseas, non ad timoris trutinam, sed ad veritatis libram ea expendas, necessum est.

Tale quidpiam consulebat Marchioni Rainerio S. Petrus Damianus. lib. 7. epist. 17. inquit: *Noli tibi, dilectissime, quæ fingi, vel excogitari possunt, aduersa proponere, noli diuersorum casuum muliebriter infortunia formidare. Quam bene dictum illud, Noli diuersorum casuum muliebriter infortunia formidare! Quam est meticulosa, quam pauida mulier! Quam pauculo ex terreri potest! Vmbra, & si quid fortè per quietem nocturnam occurrit, formidinem*

C

illi



illi adfert, tam est tenero sensu, tam exiguo, & imbecillo animo sexus. Monet ergo suum Marchionem Rainerium S. Petrus Damianus, non agere muliebriter, non metuere omnia, non credere cuius imaginationi, non omni cogitatione frangi: Vt enim temerarium est in pericula certa, & notoria se conjicere; sic ignavia est commentitia discrimina timere.

Inuenit quondam David Saulem, exercitumque eius somno alto sopitum, & arrepta occasione clam propius accedens, tulit hastam insensu regis, & scyphum aquæ, qui erat ad caput eius. *Cumque transisset David ex aduerso, & stetisset in vertice montis de longè, & esset grande interuallum inter eos, clamauit David ad populum, & ad Abner; 1. Reg. 26. 13. 24. oscitantiamque illorum, & incuriam increpauit, qui regis sui tam negligentes custodes fuissent.*

Abulensis q. 16. in hoc cap. ait: *Quare aliquis, an peccauerit David dicendo hoc?* Ratio enim aliqua esse videtur, ob quam peccauerit. Nam cum illas dedit voces, periculum capriuitatis sibi excitauit, & cum nulla esset causa hoc faciendi, Deum tentasse videtur. Certè securior fuisset, longiusque ab omni discrimine abfuisset, si à clamore abstinuisset, silenterque abiisset.

Satisfacit huic argumento Mag. Doctor ad hunc modum. *Dicendum, quod verum est, tamen non est, euitandum omne periculum, nisi quod verisimile est, alia enim quamquam possibilia sunt, pericula non vocantur. David autem posuerat se in tali loco, in quo verisimiliter non poterat periclitari, idèò quanquam esset possibile aliquod malum ei euenire propter clamorem illum, tamen periculum non vocatur.* Si in periculis recensendum esset, quidquid finitrum accidere forsitan potest, perpetuo in metu vivere necessum esset. Hoc ergo solum timendum, quod prudentia formidandum consulit.

Propterea iure meritissimo obiurgat mellissius Bernardus multos delicatulos, qui cum nullum unquam ex ieiunio damnū acceperint, aiunt tamen, ieiunare non posse, ne stomacho, & capiti abstinentia nocumentum adferat, & somnum adimat, & valetudini incommode: *Delicata nimis medicina, prius alligari, quam vulnerari, emplastrum adhiberi, ubi casura non est.* Si quis pharmacopolæ domum præteriens peteret sibi dari, quæcunque plagæ curandæ sunt necessaria, eò quod ad consiliū pergeret, & instructus ab omnibus esse vellet, quæ improvisi casus fortè exigere posset, palam est quod eiusmodi hominem pharmacopola rideret, & illis S. Bernar-

di verbis exagigaret, *delicata nimis medicina*, muliebris mollities, & ignaua teneritudo est, & superuacanea anticipatio remedium quærere vulnere, quod nondum acceperis, curam ægritudini, quam solum timeas. Illud tantum formidare decet malum, quod recta ratio metuere suadet.

Cum S. Ioannes narrare institueret curationem, quam omnipotens Magister adhibuerat illi per annos triginta & octo paralytico, qui tam longo tempore iuxta piscinam expectarat suæ molestiæ, & pertinacis infirmitatis leuamen, prodigiosam prius virtutem memorat, quam Deus illius piscinæ aquis communicauerat, quæ talis erat, vt qui prior descendisset in piscinam post motionem aquæ, sanus fieret, à quacunque detinebatur infirmitate; Ioannis 5. 4. Erat ibi multitudo magna languentium, aridorum, cœcorum, claudorum, ex quibus ille solus confacebat ab omni sua quacunque ægritudine, qui primus omnium in piscinæ Probaticæ aquam ab Angelo concitatam incidebat.

Hæris Cardinalis Caietanus in eo, quod Euangelista dicit: *A quacunque detinebatur infirmitate, curabatur, qui primus in aquas descendebat. Non à debitate, sed à morbo describitur sanatio.* Si quod leue malum alicui accidisset, si exiguam quampiam offensionculam valetudo illius passa esset, si nonnihil languere stomacho cœpisset, & mori ex tantilla infirmitatula timuisset, statimne apud illam piscinam suo quali quali malo curationem expetebat? Negat Caietanus, eò quod illæ ab Angela motæ aquæ (vt Euangelista monet) non mollicellorum quibuscunque debilitatunculis, sed grauium, & diuturnorum morborum sanationi dedicatæ fuerint. *Non à debitate, sed à morbo describitur sanatio.* Si quis fortè ob leuem iniuriatam alteri irrogatam iniudicium petrahat, non proinde mortem timere debet, qui nihil morte piandum egit.

Ingressus Christus quandam Iudæorum synagogam, inuenit hominem, qui habebat manum aridam, interrogatusque à præsentibus Iudæis fuit, vtrum sabbatis curareliceret. Percunctario autem illa eò ibat, vt profanatorum dierum à Deo consecratorum ream pronuntiarent, si illis diebus licitè curari ægrum posse affirmaret.

Magnus Tostatus (qui nullam dissimulat difficultatem, quam non diluat, nullam præterit periodum, quam non excutiat) permotus istorum Iudæorum interrogatione quærit, an illi populo fas fuerit curare homines Sabbatis, quibus diebus ex præscripto legis ab omni serui opere vacabant. Respondet verò



q. 37. in c. 12. Matth. in hunc modum: *Scrundum quod curatio medicorum aut est ad conseruandam salutem, vel ad curandam agriuidem. Ad conseruandam sanitatem non labeat sabbato aliquid agere, quia talis diligentia non est omnino necessaria, eò quod si aliquando omittatur, non peribit homo illico, nec ad pereundum disponitur, & ideo potest omitti.* Nimis magna est illius ignauia, qui certam statim ex dubia valetudine mortem timet, adeò medicum inlamar, inconditisque & tumultuarijs vociferationibus domum implet, & familiam omnem perturbat. Verùm timere periculum, quod mortem minatur, & ad prudentiæ regulas moderari metum, & discrimini euitando studere, laude dignum est, & consultum.

Secundùm hæc excusari debet noster Patriarcha, quod terram, in qua habitabat, propter ingentem famis necessitatem, reliquit, & in Ægyptum abiit. *Facta est fames in terra, descenditq; Abrahā in Ægyptum, prauauerat enim fames in terra,* Gen. 12. 10. Non statim ac sensit plagam famis discessionem parauit, sed cum res ita exaceratæ iam essent, ut nisi tentare Deum vellet, manere diutius non possit.

Ita monent plerumque hoc loco Interpretes, ex quibus Ludouicus Istella hæc dixit, quæ dissimulare noluit: *Præualuerat enim fames in terra. Non igitur quacunque calorū penuriā motus, sed urgentissima, cum magnam famem haberet, ita ut secundum relictum iudicium ipsum compelleret inde recedere, & ad proximam regionem, in qua esset ceteris commodior occasio, pertransire.* Unde in Hebræo C H E B E T, H A R A B, id est, multum grandis, potensque fames significatur.

Hæc doctrina illis commoda est, qui penitentiae opera suscipiunt, aut vitæ religiosæ iter ingrediuntur. Non debent ij, quouis statim malo frangi, non cadere animo ob quamcumque infirmitatem, aut difficultatem, non mortem, non morbum grauiorem leuiter timere, hos enim metus dæmon nobis iniicere, aut ignauia nostra incutere solet.

## C A P V T X.

*Nisi voluntas suauiter operetur, actionum illius bonus euentus expectari non potest.*

Perelegans erat Sara, videntq; Abraham, quod Ægyptij statim illius appetituri essent venustatem cum suæ vitæ manifesto periculo. Ut hoc prauertere discerneret, rogabat vxorem, ut sororem se diceret, si fortè ab Ægyptijs, quænam esset, interrogaretur, verebatur enim, ne vitam sibi adime-

rent, si coniugem esse intelligerent, ut frui illà liberius possent. Inter barbaros enim illos, ut notant Lyranus, Abulenſis, Homala, Istella, Pererius, & alij, adulterium homicidio grauius habebatur. Verba Abrahæ, quibus Saram rogabat, sic habent: *Dic obsecro te, quod soror mea sis;* Gen. 12. 13. Monent hic Expositores annotare comitatem, & urbanitatem, quæ cum vxori suæ locutus est Abraham, non imperans ei, sed regans: *Obsecro te.* Factum prudenter, quod illam blandis verbis suauiter adducere voluit, ut beneuolenter, & magnâ voluntate faceret, quod ille humaniter obsecrabat. Quamdiu enim quis non sponte, ac voluntate agit, passim impingit, & tunclet, offensculaq; ubique inuenit. E contra cum hilariter, lætanterq; & cum voluptate facit, omnia illi videntur facilia & neq; mons est, quem non exæquet, neq; difficultas, quam non conculcet, ac proterat.

Permotus Dominus acerbis Israelitarum gemitibus, voluit eos ab iniqua oppressione, quam sub tyrannica superbi Pharaonis potestate patiebantur, liberare. Quamobrem aduocans Moysen inquebat: *Veni, & mittam te ad Pharaonem, & educas populum meum filios Israel de Ægypto.* Exod. 3. 10. Quam difficile fuerit hoc munus, quàm ardua prouincia, id ex eo conijcere licet, quod Moyses statim impedimenta obiecit, seque oneri tanto imparem protestabatur, dicens: *Quis sum ego, & Scadam ad Pharaonem, & educam filios Israel de Ægypto?* ibid. v. 11.

Vidit Isaïas Dominum in sublimi throno, audiuitq; dicentem: *Quem mittam? & quis ibit nobis?* Isa. 6. 8. Quis nostrâ ad populum legatione fungetur? Vix ea verba Propheta euangelicis auribus hauserat, quando promptè, alacriterq; & audacter respondit: *Ecce ego, mitte me,* pararum ire, quocumq; tua iussa destinaverint.

Magnus Pater Basilius miratur, quamobrem Dominus Moysi præcipiendum putauerit, ut oratoris officium susciperet, Isaïæ verò liberum reliquerit, an concionandi onus admittere vellet, cum ait: *Quem mittam, aut quis ibit nobis?* Cum ibi coram adesset Isaïas, poterat ei Deus imperare, ut prædicandi prouinciam acceptaret. Quid ergo illius voluntatem ante explorare voluit? Aut cur Moysen magis, quàm Isaïam præcepto cogere ad officium voluit?

Respondet Sanctus Basilius in c. 6. Isaïæ: *Moysi ministerium proponitur ad nuntiandum res parum amanas, immò permolestas, quo circa illi quidem mandatum*



datum præscribitur, huic autem famulatus obeunda legationis in potestate relinquitur, propterea quod nos homines sic naturâ comparati sumus, ut quæ semel volentes exequenda proposita elegerimus, quamlibet molesta fuerint, tamen eam operosam molestiam deuoramus, ac perpessimur. Pernouerat Dominus ingenium Moysis, quod tale esset, ut munia publica, odiosa in primis, & onerosa, plurimum defugeret, & quiduis prætexeret, quod deuitare illa posset. Quare necessarium fuit, seriò, ac grauiter illi mandare, ut legationis periculosa difficili oneri humeros accommodaret. Videns autem quod Isaias prædicandi cupidus esset, omnemq; animosè, ac facili superaret difficultatem, superuacaneum putauit hoc illi præcipere, satis esse, si tantum communiter proponeret, ipsiusq; arbitratui rem hanc permitteret, habet enim hoc indoles nostra, ut promptè pro filium ad ea, quæ nobis placent, quæq; volentes, ac lubentes agimus.

Multum satis habent illa in Magni Basilij verbis extrema: *Operosam molestiam deuoramus, ac perpessimur.* Quando quis quidè comedit, tamen si cibibus non sit lautus, quod sapit palato? Quando æger quispiam est cupidus bonæ valetudinis, quod hilariter sumit potionem quantumvis amaram, & insipidam? Tanquam nectar haurit pharmacum, quod absq; nausea fastidiosi stomachi alius vix cogitare possit. Hoc ipsum fit in omnibus negotijs, quæcunq; homo suscipit. Nam si voluptati est opus, quod aggreditur, omnia, quæ obesse cæpiis possunt, conculcat, & faciliè superat, perficiendiq; illius & modum & tempus, & opportunitatem isauent.

Ex his accepit argumētum Parens eloquentiæ, quo filium suum Marcum ad finem suorum librorum officijs exhortabatur, ne difficultatem prætexeret in his, quæ illi facienda præscripserat, sed hoc sibi persuasum haberet, quod exiguò negotio perficere omnia posset, si promptè modò obtemperare benè monenti vellent. lib. 3. offic. sect. 124. de hac re sic habet: *Quoniam his voluminibus ad te profecta vox mea est, tribues his temporibus quantum poteris, poteris autem quantum uoles.* Quam benè dictū illud. *Poteris quantum uoles!* Nam reuerà ut homo difficilimum quoduis possit, illud solum faciet, quod uelit: si enim uelit, nihil est, quod non possit.

Prædicandi verbi diuini officium, ut ex quo animarum salus plurimum dependet, dilectissimo discipulo suo Timotheo Sanctus Paulus vehementer

commendabat, inquit: *Prædica Verbum, infra opportunè, importunè;* 2. Timoth. 4.2.

Quodnam illud opportunum, & importunum, quod ad prædicandum uti iussus fuit Timotheus? Respondet Primasius Vicensis in eiusdem loci commentario: *Opportunum est libenter audienti, importunum inuito.* Quid tam consuetum, quam quod non obiectet orator sacer, qui non libenter auditur, tamen exquisitissima disertissime dicat? At si quis semel auditoribus placere coepit Ecclesiastes, quanto cum plausu verba eius excipiuntur! quam magnificè celebrantur quæcunq; dicit! Omnia hæc nascuntur ex propensa, vel repugnante voluntate, quæ auditores vel audis, vel fastidiosis auribus hauriunt verba prædicantium, & vel suauiter combibunt, vel morosè respuunt, quod ab Ecclesiaste dicitur, estq; *opportunum libenter audienti, importunum inuito.* Tantundem fit in omni realia.

Sanctus Ambrosius quærit, quid causæ sit, cur grues, cum è regione vna in aliam demigrant, & per noctem conquietere necessum habent, tam sollicitam exactamq; exercent custodiam, ut nulla vnquam, cui excubandi munus demandatum, obdormisse per oscitantiam visa fuerit, ex quo & factum, ut illæ aues perpetuæ vigilantia, illustre hieroglyphicum esse meruerint? Tam peruigiles in castris non innentias homines, qui cum per ingentia sæpè pericula, & certas capitis poenas esse in omnes debeant, per inertiam condormiscunt.

Respondet autem Sanctissimus Doctor: *Ideo nulla desertio, quia deuotio naturalis, ideo tuta custodia, quia voluntas libera.* Hæc ille lib. 5. Hexam. c. 15. Causa ergo quod grus, quæ excubias agit, non deserit suam stationem, nec discedit à specula, cum alia dormiunt, quamquam faciliè posset diffugere, ea est, quia lubentes vigilant, volentibus autem omnia sunt facilia: *Ideoq; nulla desertio, quia deuotio naturalis, ideo tuta custodia, quia voluntas libera.* Quod autem homines sæpè dormiunt, etiam cum somnolentiæ atrocitas constituta supplicia, id fit, quia inuiti, & repugnante animo vigilandi officium suscipiunt. Homo enim vehementer eo propendit, ut pro sua voluntate quæque agat, & diligenter faciat, quæ facit libenter, ut neque poenarum comminationibus adduci queat, ut manum alacriter admoveat operi, à quo animus abhorret.

Audite verba Ambrosij. *Proponitur pœna desideria, & tamen plerumq; obrepit incuria, non seruantur excubia. Necessitas enim, quæ inuito imponit obsequium.*



quum, affert plerumq; fastidium. Nihil est enim tam facile, quin habeat difficultatem, quod facias inuitus. Nulla tam levis sarcina est, nulla tam exigua difficultas, nullum tam paruum pondus, quod non turris, rupes, mons videatur ei, qui repugnante tolerat, ut econtra nullus est scopulus, nullum tam ingens saxum, quod non arista, vel pluma leuius reputet, qui volens portat: *Nihil est tam facile, quin habeat difficultatem, quod facias inuitus.*

Ita sentit etiam Magnus Basilii, cuius est istud ex homil. in Psal. 1. *Ita natura comparatum videmus, ut si ex tantillum dures, quod inuitus didiceris, cum contra id nescio quo pacto memoria insideat, quod cum per amantem quadam oblectatione, & gratia irripit, atq; illabitur animo.*

Per suadere autem quis possit inuito! exclamat S. Pacianus Epist. 1. Quis demosthenes Græcus, quis latinus Tullius, quis Chrysostomus Christianus ad credendum adducere queat eum, qui non libenter auscultat? At qui cum voluptate attendit, & vacuas cupide præbet aures, quam leuiter permo- ueri quous finit? quam subito conuincitur! quam facile occupatur! Nam ut paulo ante ex Primasio dixi: *opportunitum est libenter au-*

dienti, importunum inuito. Da mihi hominem facilem, beneuolentem, addictum, quam gratè, ac promptè ille admittit, quidquid illi dicas! Omnia consule, prudenter, opportune dicta interpreta- tur. At si morosus sit, aut reetricus, vel certè non illi arrideat, quod facere iubetur, quam toruis ocu- lis præcipientem spectat! quam repugnante animo intempestiuam, ut vocare solet, iussionem excipit! quam stomachosè inconsulta, ut dicere amat, mo- nita fastidit, & aspernatur!

Hinc factum, ut sacer Rauennatum Archiepisco- pus Petrus Chrysologus serm. 125. diceret: *Quis est, qui timeat solens? Quis est, qui amet nolens?* Si quid tuâ sponte enixè velis, à nullo absterri pe- riculo finis, quò minus illud persequaris, nullus te frangit, qui eam in rem collocandus. At qui per vim ad aliquid cogitur, onerosa illi omnia, & intolera- bilia videntur. *Quis est, qui timeat solens? Quis est, qui amet nolens?* Vbi prompta voluntas, ibi nulla difficultas, ubi inuitus animus, ibi remissa, & languidæ torpent manus.

*Vide Periocham secundam Dominica 3. post Epiphaniam Tom. 2. Pag. 422. a. o. & calcem illius.*

## LIBER II. VITÆ ABRAHAM.

### CAP. V. I.

*Quando splendor est suspectus, & apparatus magni- entia dubia, non est ana curiositas explorare ea: conuenit enim scire, ex quo quisq; viuat, & splendeat.*

**R**edijt sacer Patriarcha ex Aegypto pluri- mum collocupletatus, & affluens precio- sis donis. Erat dives & valde in possessione au- ri, & argenti, inquit. Sanctus Moyses Gen. 13. 2. Qui tam opulentum Abraham videat, dubitare possit, unde tanta illi auri, & argenti copia. Ut huic occurreretur difficultati, & nemini suspecta esset tam subita opum affluentia, supra monuimus, quòd Rex Pharaonis varijs illum donis cumulauit, gre- gibusq; multis, & familiâ copiosâ donauit, ex qui- bus venditis tantam vim auri, & argenti conflare po- tuit, & ob id fortè voluit, quòd facilius per viam

ferre poterat pecuniam, quam conducere greges, & familiam. Hinc ergo Abraham illud suum argen- tum, & aurum, ut notârunt Lyranus, Abulenſis, Istella, Pererius, & alij, ne cui dubia esset ea tam repentina Patriarchæ opulentia. Quando appa- ratus subitus, & insolens magnificentia possunt ge- nerare suspicionem, conuenit examinare illa, tunc enim non erit curiositas vana, si fuerit intentio bona.

Inaudito miraculo dedit Christus visum cæco, qui ab utero matris in tenebris vixerat. Vicini, quiue illum compitacim mendicantem viderant, admira- bantur illud tam rarum miraculum, cui tamen nonnulli tam nihil fidei tribuebant, ut alium potius mendiculi illius similem quam mendiculum ipsum visu donatum crederent, atq; ideirò illi, qui cura- ti fuerant, dicerent: *Quomodo aperti sunt tibi oculi?* Ioan. 9. 10. Qui respondit: *Ille homo, qui dicitur IESVS, lucum fecit, & cinxit oculos meos;* ibid.



v. 11. iussitq; ire ad natatorium Siloe, & lavare, iuique, & laui, & vidi. Quamquam hoc ille tam aperte affirmaret, nihilominus abductus à Phariseis, & varijs modis examinatus fuit.

Ioannes Cluniacensis ser. 62. Tom. 4. querit, utrum illa Phariseorum de miraculo dubitantium inquisitio excusari aliquo modo possit. Respondet autem in hunc modum: *Sirecta esset intentio, excusabiles essent, maxime cum à seculo non esset auditum, quia quis aperuit oculos cæcæ nati, cum talibus circumstantijs.* Indagare rei nunquam auditæ veritatem, expendere miracula, quæ multas secum farant repugnantias, non solum à culpa abest, verum etiam nonnunquam est necessarium. Tantundem affirmare possumus de quibusdam hominum non sanctorum domesticis miraculis. Si quem videas sumptuosa excitantem ædificia, magnificum ostentare apparatus, multum præferre splendoris, & vnde illa proueniant, ignoret, absq; malitiæ nota indagare poteris originem, dum non sit modò sinistra intentio.

Magnus ille rerum naturalium historicus Plinius, cum differere de rebus terræ admirabilibus & miraculis illis quotidianis institueret, aiebat, facere initium ab eo velle, quod sibi mirissimum visum semper fuerit, inquiens: *Et quoniam à miraculis, verū capimus, sequemur eorum ordinem, in quibus vel maximum est, aliquid nasci, aut viuere sine vlla radice.* Plinio igitur hoc prodigiorum portentosissimum, portentorum prodigiosissimum visum fuit, quod alicui vita constare posset, cui nulla radix: *In miraculis vel maximum est, aliquid nasci, aut viuere sine vlla radice.* Hoc magnum illum philosophum maxime sollicitauit, & obstupescit. Cur ergo ij, quibus hoc ex officio incumbit, non diligenter inquirant in miracula, quæ fiunt in republica, eorum, qui neq; radices, hoc est, bona stabilia, nec mobilia habent, & epulantur tamen splendidius, & vestiunt pretiosius, & viuunt profusius ac magnificentius, quàm alij opulentissimi, & maxime locupletes? Ingens hoc miraculum, & quantum ego æstimo, *vel maximum est, aliquid nasci aut viuere sine vlla radice.*

Multis dubitationem attulit sensus verborum, quæ Sanctus Euangelista Matthæus, cum de castissimo Virginis castissimæ sponso loqueretur, dixit, inquiens: *Et non cognoscebat eam, donec peperit filium suum primogenitum;* Matth. 1. 25. Prætereamus hic sacrilegi Heluidij, sequaciumq; illius blasphemiam, & inquiramus quid pij, & Catholici sensus talibus verbis subfir.

Glossa Ordinaria, & Angelicus Doctor in 4. Sentent. apud Raulinum serm. 6. de Concept. Tom 1. aiunt, cælorum Reginæ honestum vultum, quo tempore intrā vterum suum Solem iustitiæ habebat, tam multo lumine splendisse, tam magnis radiasse splendoribus, vt Ioseph illum arbitrari oculis non potuerit, donec edita in lucem luce mundi ad nativam formam, pristinamq; venustatem facies rediret, & hoc esse, quod dicitur Ioseph non cognouisse eam, donec peperit Filium suum primogenitum. Verba Glossæ sic habent: *Ita relucebat vultus eius, dum erat à Spiritu Sancto imprægnata, quod non poterat eam Ioseph aspicere.* Lumen ergo, quo venustissima reginæ vultus radiabat, perfringebat oculos Iosephus, vt videre illam, siue vt Euangelista loquitur, cognoscere non posset.

Magnus Parisiensium cancellarius Ioannes Gerson in suo Ioseph ait: *Quid mirum, si sic vultus eius relucebat, quia in ventre, Solem gerebat?* Facile est huius tam splendidi vultus causam inuenire, neq; mirū quod eius radiabat facies, cuius vterus Sole plenus erat. Verū quod illa reginæ instar fulgeat, cui nullus ager, non census, non prouentus, non aliqua fortunæ bona, id miraculum est, difficile quidem cognitu, dignum tamen indagatione.

Nuntium deorum à summo Ioue Carthaginem, vbi miserè iactatus Æneas tunc commodè morabatur, ablegatum princeps Poëtarum describit, vtque eius promptitudinem, celeritatemque delinearet, aiebat:

*Solat ille per aëra magnum  
Remigio alarum.* Æneid. lib. 1.

Videtur hic calumniæ incurrere posse Virgilius, tanquam superuacaneis verbis, rem narrare, cui hoc semper maxime curæ fuit, ne otiosè aliquid diceret. Volare Mercurius per ampla illa aëris spatia sine remigio alarum non potuit. Cum ergo dixerat, volasse per aërem, pleonasmus, & inanis redundantia videtur, quod adiungit, alis ad volatum esse vsum.

Donatus purgat à calumniis Poëtarum maximum, aitq; non solum superfluis verbis non onerasse orationem, verū etiam necessariò dicere debuisse, quod Mercurius ad volandum alas adhibuit. Reddo illius verba. *Volat ille per aëra magnum, atq; sic esset fides, volasse per aëra magnum, addidit, remigio alarum, aliter enim è calis partibus missus ad terras venire non posset, nisi remigio alarum adiutus, non enim per inane aëris pedibus ire potuit.* Quoniam dubium aliquibus esse poterat, quomodo inde è cæli



coeli fastigio Carthaginem peruenit Mercurius, ut hanc anteuertere obiectiōem, aicalarum vehiculo descendisse. Ita necessarium est praeuenire semper difficultates, quae occurrere possunt. Dicere namque de aliquo, volare, idque sine alis, est miraculum, quod difficile tum intelligi, tum persuaderi queat. Videre quempiam, qui in sublimem cathedram absque alis scientiae euolet, sellamque doctorem inuadat, quam melius validis humeris quam sufficiente literaturā sustinere possit, miraculum est, quod humani ingenij vires assequi nequeant, quale & illud, quod pedum episcopale saepe inuadunt, qui ne pastorale quidem apud pecudes gerere sunt idonei, & animalium curam suscipiunt, ne animalium quidem cura apti.

Aliud quoddam miraculum vexauit ingenium Theophrasti, de quo ille lib. 6. de causis plantar. c. 15. ita: *Mirum, florum quorundam odorem suauissimum reddere, quorum nulla pars alia bene olet, quod in solis, rissisq. patet.* Quam spiosum, & intractabile, & informe lignum caudex rosarum! flos verò ipse quam gratum exhalat odorem! Quis non miretur tam odoriferi floris tam rudia esse virgular? Sic videas mulieres, quarum sic vestitus diues, & plurimus ex gemmis splendor, & odor, qualis magnarum dominarum, ac si truncum, ramos, radices aspicias, *pars nulla bene olet*, nam parentes sunt tenues, genus obscurum, & mendicium, cognati egeres, & nullo numero. Perpicuum est, quod haec adferre admirationem debeant. Certè quod tales talibus rebus affluant, quas nec dote à matris, nec iure hereditario à parentibus, nec dono gratuito à consanguineis acceperint, portentum est, & apparatus merito suspectus. Expendere autem eiusmodi miracula, praeterea examinare, perscrutari prodigia valde conueniens fuerit. Quando enim magnificentia est suspecta, consultum est diligenter inquirere, quia ex re quisque splendeat.

*Vide Periocham sextam Dominica in Ramis Palmarum Tom. 1. pag. 457. o. qua in simili argumentis versatur.*

## CAPVT II.

*Tam mortaliter infensa sibi sunt opulenta & concordia, ut vbi illa imperat, haec viuere non possit.*

Mittebat coelestis Magister Discipulos suos ad praedicandum, amplam potestatem illis concedens in spiritus immundos, in omnes aegritudines,

ipiamque adeo mortis tyrannidem. Addebar autem: *Nolite possidere aurum, neque argentum, neque pecuniam in Zonis vestris; Matth. 10. 9. nec quicquam eorum, quae humanam, terrenamque affluentiam, & possessionem oleant.* Austeram videretur haec praecipio. Quid verò incommodi adferre poterat, quod peragratum regiones exteras viaticum sibi ad usum itineris, omnemque euentum, qui varius in longis, ignotisque peregrinationibus esse solet, pararent? Cur superus Magister tam grauiter omnem Discipulis suis auri, argenti, numerumque prouisionem interdicit?

Respondet S. Ambrosius lib. de Ioseph. c. 12. *Domini IESVS mittens ad Euangelizandum Discipulos, misit eos sine auro, sine argento, sine pecunia, & inuentualibus, & instrumentis eriperet Sclionis.* Diuitiae huius vitae, & pax tam sunt mutuo infensae, tamque implacabili odio dissident, ut ne apud viros Apostolicos quidem eosque in ipsius Iesu Christi schola etiam egeres conciliari possint, ac propitius Domini necessarium duxerit omne Apostolis adimere aurum, ut pax apud eos conlata, & animarum concordia seruari posset. *Misit eos sine auro, sine argento, sine pecunia, & inuentualibus, & instrumentis tolleret Sclionis.*

Magna exaggeratione ad hanc rem amplificandam magnus Cordubensium Philosophus Seneca usus fuit, qui lib. de tranquill. vitae. c. 8. sic ait de humanis diuitijs: *Transcramus ad patrimonium, maximam arummarum humanarum materiam. Nam si omnia alia, quibus angimur, compares, mortes, agrotationes, metus, desideria, cum ijs, quae nobis mala pecunia nostra exhibet, hac pars multum praegrabit.* Congere omnes calamitates, quaecumque aliunde nobis obueniunt, & confer cum ijs, quae à diuitiarum praesentium cupiditate nascuntur, tum tibi certò persuasum habere, quod haec pars multum praegrabit. Vnde enim orta sunt bella, vnde dissidia animorum aeterna, nisi ab illa insatiabili siti habendi, & occupandi possessiones alienas?

Commodè in rem praesentem exponit quidam doctus modernus illud tam celebratum, & tritum Iob. cap. 7. v. 1. *Militia est vita hominis super terram;* tanquam hoc dicere Sanctissimus Patiens voluerit, non ob aliud militare homines, quam ut terras suas alij alijs per vim, & manu armata eripiant. Bellorum certè hodiernorum pars bona inde nascitur, quod hic illud regnum ad se iure pertinere contendit, ille hunc Ducatum, hanc Prouinciam, haec vectigalia ad se spectare, & ab inuasore iniuste detineri.



detineri asseuerat: *Militia est Vita hominis super terram*, & multi vitæ partem magnam in armis agunt, quibus vilem terram appetunt, & occupant, si possunt. Itaq; si diuitiarum terrenarum ambitio de terra tolleretur, vix ea bellum aliquod videret.

Præcipiebat Deus patriarchæ nostro Abraham, vt sibi vaccam, capram, arietem, singula trium annorum, turturem præterea, & columbam sacrificio offerret: *Qui tollens vniuersa hæc diuisit per medium, aues autem non diuisit*; Gen. 15. 10.

Quid mysterij habere potest, quod Abraham animalia cætera diuisit, aues autem non diuisit? Vt in cognitionem veniamus secreti in hoc sacrificio inclusi, notandum, quod animalia terrestria, hoc est, quæ calcant terram, sunt symbolum hominum, qui animos suos addixerunt possessionibus, & diuitijs, nec aliud agunt, quam vt eas lucrifacere, & comparare possint. Sic autem Petrus Berchorius, Laurentius, Ricciardus, Ioannes de S. Geminiano. Aues autem sunt hieroglyphica virorum apostolicorum, qui renuntiârunt patrimonijs, & omni mundanæ opulentia. Quare & cœlestis Magister noster, vt bonorum huius vitæ cupiditatem nobis adimeret, ad aues nos remisit, iussitq; ab eis discere, non anxie querere sæculares opum facultates, inquiens: *Respicite volatilia cali, quoniam non serunt, neque metunt, neque congregant in horrea, & Pater vester cœlestis pascit ea*; Matth. 6. 26.

Accedamus nunc ad mysterium. Vaccam, capram, arietem, animalia terræ, symbola hominum, opum terrenarum copijs inhærentium, diuisit Abraham per medium; aues autem, quæ non sunt cœlestis metere, & congregare in horrea, & adumbrant viros apostolicos, non diuisit, vt significaret, diuisiones, discordias, rixas, contentiones, pugnas apud eos semper gliscere, & vigere, qui volunt opulscere, & velut brutæ pecudes quædam omnem ex rebus terrenis captant voluptatem. Aues non fuerunt diuisæ, quoniam qui rerum terrenarum ponderibus decussis nudi vt nubes volant, & mundo superiores mundana omnia contemnunt, apud eos viuit pax, concordia, vnanimitas.

Omnia hæc sunt Hugonis, qui in cap. 15. Gen. sic habet: *Animalia diuisuntur, quia inter malos semper sunt iurgia, & discordia, quia vbi quislibet querit quod suum est, non potest esse vnitas, aues autem non diuisuntur, quia boni semper seruant vnitatem in vinculo pacis.*

Vnus quidam ex multis, qui Christum dicentem audiebant, conuenit illum, dixitque: *Magister,*

*dic fratri meo, & diuidat mecum hereditatem*; Luc. 12. 13.

S. Petrus Chrysologus in horum verborum pertractatione positus ait, non esse mirum, quod rerum temporalium facultates iam obtentæ generent mille controuersias, lites, contrixationes, cum etiam nondum acquisitæ varias exerceant similitudines, & adferant molestias, vt qui opulscere cupit, ante sit ærumnarum, quam opum copijs diues. Ecce hic nondum maruptio intulerat pecuniam, nondum adierat hereditatem, nondum possidere cœperat, quæ à parentibus relicta, & iam urgebat diuisionem, litemq; intentabat: *Diuidat mecum.*

Verba illius in hanc rem ex serm. 162. sunt ista: *Hereditas mundana ante posterum infert iurgia, quam conferat censum, antequam diuidat facultates, scindit heredes, antequam debitas tradat singulis portiones, successores ipsos defecat, & mittit in partes. Proinde non est hereditas ista, sed pugna, & hac nouerca filiorum est, non facultas. Quid elegantius dici potuit, aut excogitari! At si terrenæ facultates etiam nondum occupatæ adferunt inquietem, & dissidia, non magnum est, quod magnas discordias pariant suis dominis, postquam in eorum potestatem venerunt.*

S. Patriarcha noster, & consobrinus illius, Loth, simul ac diuites facti sunt, iurare cœperunt. Tanta est huius mali contagio, vt neq; h's tam probis viris parcere potuerit. Abundabant gregum copijs, iamq; non poterat eos capere terra, & habitarent simul, erat quippe substantia eorum multa, & nequibant habitare communiter, Gen. 136. Vnde & facta est rixa inter pastores gregum Abraham, & Loth ibid. v. 7. Certum erat, contentiones diu abesse non posse, & dissidia, vbi tanta erat gregum, opumq; copia. Ita notârunt omnes interpretes, Lyranus, Caietanus, Oleaster, Istella, Cornelius, Honcala. Verum pro omnibus vnus, qui omnium instar sit (ita Chrysostomum subindicaui) loquatur. cuius sunt ista: *Aucta sunt Armenta, multiplicati greges, affluerunt diuitia multa, & statim dissenditur concordia. Antea erat pax, & charitatis vinculum, nunc rixa, & contentio. Vbi enim meum, & tuum, illic omne litium genus, & contentionis occasio, vbi autem hac non sunt, ibi secura versatur pax, & concordia. Consoletur itaq; se paupertas, in qua tanquam in suo centro conuiescit pax, viuit concordia, quæ est patrimoniorum, quæ homines habere possint, opulentissimum, nam vbi pax abest, quid ibi boni aut voluptatis alicuius expectari possit.*

CAPVT



## CAP. V. III.

*Ligare tam misera res est, ut regni iacturam in felicitate numerare quis possit, si per eam fiat, ut non conflictetur iudicijs.*

Cum S. Patriarcha noster prouideret lites, quæ secuturæ essent, nisi citum malo adferretur remedium, aiebat ad consobrinum suum: *Ne queso sit iurgium inter me, & te, inter pastores meos, & pastores tuos*; Gen. 13. v. 8. dilige potius terræ partem, quam maxime uoles, atq; in ea felix uiue, ego in ea, quam tu reliqueris, habitabo. Omnes interpretes laudant prudentiam, & discretionem pacifici patriarchæ, qui ut ne incidere in lites, tam facile, ac humaniter cum suo conuenit consobriuo. Quia reuera tam infelix, & molestares est litigare, ut leuius sit iacturam omnium bonorum, quæcumq; mundus habet, sustinere, quam conflictari iudicijs.

Christus Redemptor noster ait: *Esto consentiens aduersario tuo citò, dum es in via cum eo*. Loquitur hic Dominus de quodam, qui iudicio contendit cum alio. Quare merito notes, quàm grauius commendat, ut cui controuersia est cum altero, eam ante cum illo componat, quàm ad tribunal veniat: *Esto consentiens citò*, nec ullam defuge conditionem, tamen si onerosam, dum per eam modò euitare litem possis: Quantumuis enim feliciter tua tibi, post longas concertationes, causa cadat, plus lucraberis, si deserta lite perdas, quàm si diu contendens quæstum aliquem facias. Lucrorum quippè lucrosissimum est, euasisse rædia, fastidia, poenales dubiorum euentuum expectationes, odia, obrektionem, & innumeras animi afflictationes, quibus obnoxij sunt, qui conflictantur iudicijs, nec in bonis numerari merentur bona, quæ per tot mala tardè, & ægrè, & sæpè malè parantur.

In hac consideratione erat Sidonius Apollinaris, cum de Eutropia sancta, & nobili matrona aiebat, illustriorem triumphum putasse, cedere controuersia, & rebus suis, quam pro ijs lite contendere. lib. 6. epist. 2. sic ille habet: *Sancta Eutropia Victoriam computat, si vel post damna non litiget*. Itaq; si damna refarcienda sunt contentione iudicarijs, satius est illa pati, quàm ad eum modum euitare, & felicius cadere causâ, quàm diu litigare.

Saluator mundi cum de ratione, per quam ducere vitam quietam, & tranquillam possemus, ageret, inquit: *Ego autem dico uobis non resistere malo. Et qui uult tecum iudicio contendere, & tunc*

*cam tuam tollere, dimitte ei & pallium*; Matth. 5. 39. 40.

Sancti Augustinus, & Gregorius Magnus, Hugo Cardinalis, & Iansenius aiunt, quod Dominus consuluit non resistere malo, id eiusmodi esse, ac si dixisset: Si iudicio quicquam tecum contendere de tuis fortunæ bonis uolet, ne obstitas liti, quin pallium ante etiam offer, quàm auferre tunicam incipiat. Hoc est non resistere, nam resistere & postulat se opponere, & contrâ allegare, probare dicere.

Sed notandum illud, quod Eutymius ait: *Chrysofomus malum, diabolum intelligit*. Itaq; si ex sententia quorundam malum, cui non resistere Dominus suadet, est lis iudicaria, aut cacodæmon, ut uolunt alij, ex communi uisorumq; opinione efficitur, ut lis, & diabolus unum, idemq; sint. Quod non aio, tanquam vel iustas lites damnem, vel negem licitum esse res suas iudicio secundum rectam rationem, & conscientiam persequi, sed quia plerumque lites omnes etiam æquissimæ, tot sunt coniunctæ fastidijs, animi anxietatibus, molestijs, ut nemo sit, qui non fateatur laboriosissimam, & ingratiissimam rem esse litigare.

Nisi ita esset, quamobrem controuersia iudicaria vocaretur *negotium* siue *negans otium*, ut exponit S. Isidorus? Ut enim quis litiget, & quiescat, fieri non potest.

Bosonius ex Stobæo apud Tufum in e. 8. Ecclis. v. 4. refert: Delphis hæc tria consilia literis aureis fuisse descripta: *Nosce teipsum, Ne nimium cupias, Aris alieni, atq; litis miseriam fac effugas*. Compensaria, sed commoda uitæ humanæ institutio, quæ iubet litis miseriam effugere, calamitosius enim nihil esse potest quam litigare.

Et nemo miretur, quod litem tot incommodorum, & sollicitudinum, & miseriarum parentem faciam, nam & sacræ scripturæ idem est lis, quod bellum, pugna, certamen. Quod enim Ecclesiasticus c. 8. v. 1. ait: *Non litiges cum homine potente*, hoc Palacius, & Iansenius transferunt, *Ne pugnes, & Vatablus vertit, Ne concertes*. Et non absq; mysterio communem calami appellationem habent & arma, quibus Orientis populi bellum faciunt, ut est apud Plinium lib. 16. & instrumenta, quibus grammatici, siue scribæ publici causas controuersas conscribunt. Nam ut lites maiorem partem dependent à calamo scribarum, idemq; est lis, quod bellum, sic etiam meritò eodem calami nomine donantur, sagittæ, aliaq; arma, & pennæ scriptoriæ, quantum



enim stragem militum corporibus arma in pugnis, tantam rebus & facultatibus litigantium adferunt pennæ scribarum in iudicijs.

Congruet cum his, quod S. Damianus ait, qui in serm. de resurrectione loquens de Aduocatis dicit: *Gloriosa vocis consili munimine lapsa erigunt, fatigata reparant, nec minus provident humano generi, quam scilicet, & thoracibus sese, patriamq; defendant.*

Nonne animaduertitis in his, quod ait, ab Aduocatis non secus provideri humano generi, ac si clypeis, thoracibusq; sese, patriamq; defendant? Scuto, loricaq; armatum pingit Aduocatum. Quoniam id genus hominum ire solet? An ad bellum? Nequaquam, sed ad tribunal. Quid ergo armatus vadit? Quia pugnaturus. Tam bellum enim est, quod apud tribunalia agitur, quam quod ruri geritur. Ergo si res ærumnolissima est bellum, & litigare est pugnare, quænam maior miseria esse possit, quam eorum, qui iudicio contendunt? Quæ autem maior felicitas, quam illius calamitatis esse expertem?

Itaq; licet varijs nominibus censer Martialis, & nunc amaram, nunc tetricam, nunc funestam, aut molestantem vocat. Et lib. 10. Epigram. 47. ita se ipsum appellat:

*Vitam que faciunt beatiorum,  
Iucundissime Martialis, hæc sunt.  
Res non parva labore, sed relicta,  
Lis nunquam, toga rara, mens quietæ.*

Lis nunquam, inquit, nam vnus diei lis fat est perturbandæ integri sæculi quieti, & tranquillitati.

Quidnam aliud tam ardentem amant, & appetunt homines, quam regnare? Quid æquè gratum habent, ac imperare? Iuuenias nihilominus quæpiam, qui regnare nolit, si absq; lite, & dissidijs non possit. Dauid ille est, ad quem ira inflammatus aduersus Isboseth, qui parti Israelis maiori imperabat, misit Abner legatos cum hoc nuntio: *Fac mecum amicitias, & erit manus mea tecum, & reducam ad te vniuersum Israel;* 2. Reg. 3. 12. Accepit amicitiam David pactionem, & respondit: *Optimè, ego faciam tecum amicitias;* ibid. v. 13.

Quærit Abulensis, cur Dauid hæc primum occasione suscepit totius regni gubernationem, cum diu ante Domini iussu vnctus, & rex omnium Israelitarum designatus esset, & ad Isboseth iure non spectaret pars regni, quamcunque ille eatenus obtinuerat?

Respondet, regnum totum ex Dei ordinatione

pridem ad Dauidem fuisse deuolutum, passum Isboseth esse regem, ne repeteret regnum per bellum. Necessum autem fuisse primum lite reposcere regnum, dein verò si illa nihil obtineret, armis illud persequi, & inuadere, eò quod populus adhuc nescius esset iuris, quo ad Dauidem spectaret imperium. Litigandum ergo erat, vt vulgò ius illud innotesceret, & post verborum concertationem manibus causa definienda. Vt his tam grauib; litium, concertationum, & plurimorum tædiorum sumptibus parceret, reliquit regnum Isboseth. Quamquam enim res sit gratissima, & expetitissima regnare, si tamen aliter, quam per amaras, acerbæque lites, illa obtineri nequit, maior felicitas est carere regno, quam contendere indicare, beatusq; est non imperare, quam litigare.

#### CAPVT IV.

*Bonum est cedere nonnunquam de suo honore, & iure, vt ne pax dissoluatur, & rumpatur concordia.*

Quamquam S. Patriarcha noster maior natu patruus esset, ad pacem tamen consobrini iunioris inuitauit, cum ratio postulare videretur, vt ab illo potius inuitaretur. *Ne quæso sis iurgium inter me & te,* aiebat Gen. 13. 8. per me tibi, conforbrine, licet, quidquid libet, do optionem terræ. fit tua, quæcunq; magis arridebit, tantum vt pax apud nos integra constet. Omnes post Sanctum Iohannem Chrysostomum Expositores notant hic insignem Venerabilis senis comitatem, & vrbaneitatem, qui vt pacis, & consanguineæ necessitudinis amabilissimum nodum non solueret, nullam habuit ætatis suæ maioris, nullam canicie, nullam existimationis rationem. Tali exemplo docentur omnes, quantumuis magni, & elati, cedere iuri suo, & honori, si boni pacis ita procurari, aut cõseruari queat.

Quid durius, & fortius ferro? *Ferrum comminuit, & domat omnia,* inquit S. Daniel. c. 2. v. 4. Ferro bellum geritur, & omnis pax scinditur. Nihilominus ferrum ferro nequit, & copulatur. At quomodo? Si in ignem coniectum liqueat, nisi enim natuam suam duritiem demittat, iungi alteri non potest. De hac re sic inquit S. Gregorius Magnus in Pastoral. l. 3. *Nec ferrum ferro coniungitur, si non & vtrinq; ignis adustione liqueat. Durum molli non adheret, nisi prius eius duritia mollescat.* Vt ergo ferrum de sua congenita duritie remittit, quò coherere alteri possit: Ita de asperitate, & intratabilitate, & existimatione decedere debet homo, vt coniungi animis, & per pacem coire cum alijs queat.



queat. Nec ferrum ferro coniungitur, si non *errum*,  
ignis exustione liqueatur.

Novit Deus suo honori cedere, quando convenit,  
& auctoritatem suam seponere, ut hominibus gra-  
tificetur, eorumque imbecillitati se accommodet.  
Cur ergo homo non tantundem cum hominibus sui  
similibus agat?

Quando Deus misit Samuelem in Bethlehem, ut  
quendam de filijs Isai vngeret in Regem, respondit  
illi dicens: *Quomodo vadam? Audiet enim Saul, &*  
*interficiet me*, 1. Reg. 16. 2. Cui Dominus: In  
promptu est remedium, quo malum à te omne pro-  
hibeam. *Viculum de armento tolles in manu tua, &*  
*dices, Ad immolandum Domino Veni*; ibid.

Cùm Deus optimè nosset, quòd Saul nihil mali  
esset illaturus Samueli, cur non absolute iussit, ut  
securi animi esset, nec quidquam metueret, sed illà  
simulatione certum illum de sua salute nihil læden-  
da reddere voluit?

Respondet Abulensis in c. 4. Exodi: *Licet Deus*  
*sciret, quòd Saul non occideret Samuelem, tamen ut*  
*contentaret eum, dedit ei quendam palliatum mo-*  
*dum, scilicet ut tolletet viculum de armento, & dice-*  
*ret, se venisse ad immolandum Domino*. Vtique non  
latebat Dominum, quòd Samuel à Saule inoffensus  
abiturus esset. At neque hoc ignorabat, quòd ma-  
iore cum securitate ad explendum officium suum a-  
biturus Propheta esset, si specie immolaturi rectus  
discederet. Et quamvis auctoritate suà vri, & abso-  
lute imperare poterat, ut vnus iussionis tantum ra-  
tionem haberet, incontinentèrque & intrepide, quò  
destinatus fuerat, pergeret: Nihilominus cessit de  
sua auctoritate, & velut renuntiavit suo iuri, ut in-  
validum Samuelis animum accommodatè ad illius  
imbecillitatem magis, quàm ad suà maiestatis ma-  
gnitudinem confirmaret, *ut contentaret illum, ut*  
*gratificaretur illi, expeditioremque, & alacriorem*  
*ad iniunctæ operæ executionem eum redderet*. De-  
um, qui cùm sit absolutus Monarcha, de sua maie-  
state cedere & existimatione remittere novit, decet  
imitari, quando id res, & necessitas aliqua postulat.

Aristoteles in suis problematibus sect. 25. q. 9.  
interrogat, *cur aer, qui luce crassior est, solida valeat*  
*permeare, lux ipsa non possit*. Mirum certè videtur,  
quòd subtiliori luci non pateat aditus, vbi spissiori  
aeri patet. Quid causæ sit? *An quia lux per directum*  
*tantum fertur, & pro sui splendoris dignitate, & ma-*  
*iestate nescit de via cedere, aut torquere iter?* Inde  
fit, ut quòd pervenit aer, penetrare lux non possit.  
*Ac aer impedimento nullo arcetur, quoniam quia*

*transit, tendere è directo non solet*. Aer locum sæpè  
inuenit, vbi luci negatur introitus, & via obstruitur,  
ille quippè novit se flectere, torquere, accommo-  
dare, & quia *transit, tendere è directo non solet*. Sic  
qui novit conquiscescere, curvare ad obsequium cer-  
uicem, flectere ad reuerentiam poplites, & obtura-  
tissima loca insinuare se potest. Qui de suo iure per-  
dere, de sua gravitate remittere, descendere de cel-  
situdine, de existimatione scit cedere, ille facile  
quacunque ingreditur, & componit omnia. At qui  
per directum semper, quemadmodum lux, vult ten-  
dere, der allezeit / vnd jedesmal grad wist durch-  
gehen / nec de suo honore, ac iure aliquid aliquando  
cedere, difficile obtinebit, quod cupit, ægrè perfici-  
et, quod optat.

Aeris conditionem imitabatur Apostolus, ut o-  
mnes lucraretur, & liberum haberet ad omnes in-  
troitum *omnibus omnia factus sum, & omnes facerem*  
*saluos*, aiebat ille 1. Corinth. 9. 22. Provehemen-  
tissimo desiderio acquirendi Deo animas ad omniū  
ingenia se Sanctus Apostolus accommoda bat. Quam  
in rem S. Ioannes Chrysostomus homil. 5. de laud.  
Pauli sic habet: *Erat quidem varius semper, ac mul-*  
*tiplex, non utique dissimulatione mutabilis, sed fac-*  
*iens omnia, qua predicationis, salutisq; hominum ne-*  
*cessitas poposcisset*. Iucundum erat videre Paulum in  
theatro huius mundi varias representantem perso-  
nas, nihil quidem flectè agentem, sed nihil etiam præ-  
termittentem, eorum quæ concionatorij officij mu-  
nus, & salus animarum requirerent. Hoc debet fa-  
cere, qui vult feliciter negociari, ut cùm vnus sit,  
multiplicem se præstet, de quæ suo honore cedat, si  
ita conveniat. Nec magnum est, ab alijs fieri, quod  
Deus ipse, Apostolusque illius, quando ex usu fuit,  
fecerunt.

Sanctus Petrus 1. epist. c. 2. v. 5. loquens ad Cæ-  
tholicos, qui ad Christum tanquam ad lapidem vi-  
num accedebant, aiebat: *Et ipsi tanquam lapides*  
*vini superadificamini, domus spiritualis, sacerdotium*  
*sanctum, offerre spirituales hostias, acceptabiles Deo*  
*per Iesum Christum*; velut apertius dixisset: Scire  
vos volo, quod spiritualis, & mystica domus ex o-  
mnibus vobis construenda est, in qua ex omni gene-  
re homines erunt, diuites, pauperes, magni, parui,  
sacerdotes, & sæculares. Quam elegans metha-  
phora! quam commoda rei propositæ! *Tanquam*  
*lapides vini superadificamini, domus spiritualis*. Ad  
excitandam dum comportantur lapides, vtrique  
ædificium perdurabile fiat, & concinna structura,  
non



non relinquuntur integri laq̄des, sed cāduntur, poliuntur, & cuilibet aliquid adimitur, sicque apte coherens, diuturna que, & elegans fabrica inde conficitur, & quod maius, eod̄ plus ex illo aufertur, & si quodlibet illorum suam vellet seruire integritatē, nunquam ædificium ex ijs exurgeret. Ita Sanctus Petrus ait, vt spiritualis domus Ecclesiæ fabricetur, perpetuaque mystica, & pulchra hæc structura dureret, necessum esse, vt spirituales lapides, qui ad eius fabricam adhibentur, aliquid sibi adimi pariantur, quando res ita postulet. Nam si quisque suam auctoritatem integram manere, & de sua existimatione, & dignitate nihil cedere velit, non educetur ad fastigium structura, nec apte collocari in domo Dei poterit, qui se non instar lapidis cædi, expoliri, & elaborati sinat.

Huc facit, quod Elianus lib. 4. de var. histor. c. 4. narrat de duobus amicis adolescentibus, qui ad Leopetrium Simonidis patrem venerunt, eumque interrogarunt, quomodo durare maxime in mutuo amore possent. Ardentem alterutrum amabant, cupiebantque eam intimæ familiaritatis consuetudinem annis vitæ exæquare, eaque propterea Simonide doceri cupiebant, quomodo id perficere commodè possent. Respondit ille, voti certò compotes futuros, si alter alterius ira cederet, neque iracundia iracunde obistere comaretur; velut dixisset: "Si cum vnus ira fuerit accensus, alter non similiter inflammabitur, si cum vnus furere cœperit, alter dissimulauerit, vt non æquè succenseat, si defectus vestros vicissim toleraueritis, & de honore, & existimatione vestra mutuo cesseritis, nodum amicitia vestra sola soluet, necessitudinemque vestram tumultus excipiet, qui corpora. Ad hunc modum conseruantur amicitia, & extinguuntur inimicitia, cum quisque ex sua parte aliquid perdit, & de sua grauitate remittit, & de sua existimatione cedit.

*Affinitas sunt huius, qua Persochâ II. Feria III. post Domin. III. in Quadrag. To. I. pag. 242. o. tractantur.*

## CAPVT V.

Primordijs mali statim occurrendum est, vt in herba radicibus succidatur, nam si crescere sines, ita inualescit, vt consuetudo necessitatem pariat.

**C**V. M. prudens Patriarcha secum reputaret malum, quod paulatim glisceret, dicebat consobri-  
no suo: Ne quosofit iurgium inter me & te; Genes. 13, 8. opprimamus statim flammam, quæ paulatim

exoritur, extinguamus incendium, antequam eas vires sumat, vt per nostras extingui amplius non possit. In hac consideratione fuerunt plerique Interpretum, quos mihi videre licuit, præsertim Abulensis, & Sanctus Ioannes Chrysostomus, qui in dicti c. 13. expositione bis hoc ipsum monet. *Ac primò quidem ait: Attende, quomodo statim in incitio tentat restinguere incendium, quod erupturum erat. Et inferius: Vidisti virtutem iusti excellentem, quomodo radicem malitia, ne germinare quidem permittit, sed statim cum iam oriretur, funditus excelsit, & aboleuit.* Eo exemplo nos docuit, simul vt pullulare incipiunt, stirpitibus succidenda esse mala, ne si augete permittantur, validiora fiant, quàm vt à nobis euelli, vel detruncari queant. Et quanquam hæc generaliter de omnibus malis intelligi possint, cum tamen peccati malum pernitiabilius sit, & eradicari præ omnibus debeat, de illo in hoc Capitulo agemus, ostendemusque & quàm vtilis, ac momentosa sit hæc doctrina, & quàm tyrannica potestas culpæ mortalis, quæ semel dominari animæ cœperit.

Differabat quondam Christus cum inuidis hostibus suis, qui se insolentissime iactabant de nobilitate, & libertate, quàm cum prosapia inde ab Abrahamo patre suo traxissent, detegebatque illis suum errorem, dicens, primariam, ac præcipuam nobilitatem non in successione libertatis hereditaria positam esse, sed in puritate à sceleribus, & immunitate à culpis, omnemque qui mortaliter peccaret, miserimum esse, mancipiumque fieri non qualiscunque domini, sed peccati à se perpetrati, quodque ipse fecerit: *Amen, amen dico vobis, quia omnis, qui facit peccatum, seruus est peccati.* Ioan. 8. 34.

Cardinalis Caietanus interpretatur hunc locum aptissime in rem præsentem, dicens: *Peccatum regnans dominatur in animo, trahendo ad aliud peccatum, tantà, & talis efficacia, & oportet hominem subiectum peccato, nisi peniteat, denuò peccare.* Seruus ergo peccati dicitur, qui fuit perpetrator, nam cum peccatum arcem animæ semel occupauit, inque suam potestatem redegit, tam tyrannicè illam tractat, iactat, raptat, & pro sua libidine vexat, tantaque vi exagitat, vt penè cogat (arbitrij tamen libertate saluâ) redire ad vomitum, nisi flagitia superiora per penitentiam damnet: *Vt oporteat hominem subiectum peccato, nisi peniteat, denuò peccare.* Hinc accipimus quanti referat cito remedio tempelluè occurrere malis, & curare, ne peccatum imperium animæ obtineat, sub cuius tyrannide tametsi liberè peccet, sic tamen ad noua scelera committenda



da vrgetur, & impellitur, vt videatur magis coacte, quam sponte delinquere.

Agar Patriarchæ nostri ancilla cùm se ex domino suo grauidam cerneret, atque ex tam inclyto viro conceptis cogitaret, cœpit animo magis, quàm vtero intumescere, & heram suam Saram arrogans, & superba aspernari. Iniquè accepit illa sui contemptum, deque iniuria quam ab ancilla materfamilias acceperat, apud maritum expostulauit, qui vt querimonias illius sopiret, ciuiumque siteret, aiebat illi: *Ecce ancilla in manu tua est, vtere eâ vt libet*; Genes. 16. 6. velut dixisset: Non corrimur nos, charissima vxor, heri domesticæ propter improbam famulam, Agar tibi à seruilibus officijs est, habe illam pro tuo arbitratu, & illius meritis, plecte superbiam, obtunde tumorem, comprime fastum.

Factum post hæc, vt Sara videret Ismaelem ludentem cum filio suo Isaac, tantamque concepit ex illo pessimo ludo animi indignationem, vt diceret marito suo: *Eijce ancillam, & filium eius*, Genes. 21. 10. nec enim me, ancillamque, & filium eius ferre domus vna hæc amplius potest, perpetuâ intra ædes tempestate iactaberis, nec me vnquam pacatam habebis, nisi illos, quos dixi, hinc exturbes, & procul abire iubeas. Audiuit lamenta coniugis Abraham, & durè accepit hoc pro filio suo, vt ait sacer textus ibid. v. 11. quod Oleaster vertit: *Malum visum est verbum* Valde, & acerba postulatio, quod filium domo exigi, atque in exilium prorudi à patre volebat.

Nonne aduertitis, quod Abraham, quando Sara Agarem ancillam etiamnum prægnantem tam durè afflictauit, vt fugâ leuandas putaret molestias, quas ferre diutius non poterat, tacuit, dissimulauit, nec vllum sensum doloris ostendit, sed exilij sententiam patienter tolerauit: Nunc verò expulsiōi Ismaelis tam enixè obfistit, & tam durum putauit, illum à se auelli, vt concoquere non posset discessionem? Quid est, quod primâ vice tam æquanimiter tulit filij Ismaelis exturbationem, posteriore verò tam durè accepit? Cur ibi non difficile comprobauit sententiam exilij, hic appellauit ab expulsiōe? Dicam vobis. Primâ occasione nondum gausus fuerat Ismaele, nondum oculis vsurpauerat intra matris aluum adhuc lætitantem, nondum paternis amplexibus blandum pignus strinxerat: Iam verò adoleuerat Ismael, iam annos aliquot tenera illius consuetudine vsus, quid taro, & languis essent, expertus fuerat, iam in cor patris penitissimum charus filius immigrauerat, propterea durè accepit, durum quip-

pè est, euellere amorem, qui profundas radices egerit, auellere à se mutuo eos, qui diuturnâ, & arctâ necessitudine coaluerint, extripare affectum, qui semel in animi recessus abstrusiores se immerferit, & arcem pectoris obtinuerit.

Ad eundem modum de peccato, & culpa ratiocinari possumus. Quamdiu peccatum recens in anima conceptum etiamnum est tenerum, & paucos dies numerat, facile euellitur, & expellitur. Verum postquam dominari cœpit, & inualescere, si exturbare velis, durè accipiet, arduum opus erit, illud eradica-re, moueri hospitio vix vllis viribus finet. Itaque quando semel per nostram oscitantiam introijt, diu tolerari non debet, vt exsecari facilius queat.

Peccauit Protoparens, liberum brachium in vitatam arborem inurbanè extendens. Offensus Dominus illâ rusticitare, sed misericordiæ suæ non immemor venit, vt malefacti rationes ab eo exposceret, causamque violatæ obedientiæ, & inobediæ confectionis acciperet: *Et cùm audissent vocem Domini Dei deambulantis in paradiso ad auram post meridiem abscondit se Adam, & vxor eius*; Genes. 3. 8. Dabar lenes voces beneuolus Dominus, vt in semitam reuocaret errabundos, at illi culpæ recens commissæ conscientia subpudecti, & Iudicis offensam veriti in latebras sese abdiderunt.

Sed quoniam illa spectat temporis circumstantia, quod ad auram post meridiem venisse Dominus describitur? Videtur enim ad rem non multum facere, quod à meridie venit, aut non tanti momenti esse, vt speciatim annotari meruerit? At cùm fateri debeamus, non posse esse otiosam illam temporis designationem, indagemus quid ea sibi velit.

S. Ioannes Chrysostomus vult, magno mysterio factum, quod Dominus statim à prandio venit oburgatum primos transgressores, & increpandum eorum inobedientiam, & discas Domini benignitatem, & misericordiam singularem. Indenè verò arbitrari possumus Domini erga Adamum indulgentiam, & lenitatem? Possumus, inquit Chrysostomus homil. 17. in Genes. idque quod ne modicum quidem distulit, sed mox et vidit quod factum erat, & celeris magnitudinem, ad optinandum festinauit, at ne vlcus grassando fieret incurabile vulnus. Idcirco et præueniat, accelerat, & celeriter crescenti vlcere adest, & pro sua bonitate, neque ad paruum tempus à cura sua illum destitutum reliquit. Ardentissimè cupiebat Dominus à culpa liberare hominem, quem ad imaginem & similitudinem suam non diutante effinxerat. Itaque statim ac illum tam miserâ prolapsione corruisse,



corruisse, tam lethali vulnere sauciatus vidit, accurrit, ut iacentem erigeret, & recentem plagam sanaret. Hanc ille festinandi, hanc sacer historicus notandi causam habuit, quod secundum meridiem, mox à perpetrato scelere indulgens pater, mox ab accepto vulnere sedulus, & citus medicus adfuit, ut quam Protoplasti vix incurrerant ægritudinem, ex templo curaret, & depelleret, atque hinc tu disceres Domini benignitatem. Fuit ea ingens, & incomparabilis misericordia, tam cito suam opem obtulisse miseris: Nam procrastinare medicationem tam noxium est, ut non solum periculosas, sed etiam incurabiles faciat plagas.

Deploravit hoc in suis lamentationibus Ieremias Propheta, quando loquens de primarijs sui populi viris, sub nomine, & metaphora portarum urbis Ierosolymitanæ loquens, aiebat: *Omnes portæ eius destructæ sunt*; Thren. 1. 4. Fueruntne portæ istæ instauratæ? Redieruntne ad studia vitæ sanctioris peccatores in illis portis adumbrati? Non sanè. Infra enim, cum de eisdem sub eadem metaphora loquitur, subdit: *Defixæ sunt in terra portæ eius*; Thren. 2. 9.

Sanctus Paschasius Radbertus lib. 2. in Lament. Ierem. lit. Thet subnotavit statum istorum peccatorum, & causam, ob quam difficile curetur, cuius sanationi non statim studetur. *De quibus iam supra planxerat, quod destructæ essent, nunc aliquid magis dolet, quia defixæ sunt in terra, quod enim defixum est, non facile movetur.* Facile reponi potuissent portæ, cum primum deiecerat, at postquam semel rudibus obrutæ, & intra ruinas sepultæ fuerunt, oppidò laboriosior fuit earum restitutio: Sic promptius exurgit peccator, qui statim à lapsu erigitur; at si cœno altius immergatur, & longiore peccandi usu infigatur in limi profundo, quanquam fieri possit, ut eruat, impossibile tamen videtur: *Quod enim infixum est, non facile movetur.*

Erat Christus in horto Gethsemani cum suis discipulis Petro, Iacobo, Ioanne, sedentibusque ad partem paulò retrusiorum æterno Patri suo preces obtulit, reuersusque ab oratione inuenit eos dormientes, quos suaviter reprehendens his verbis amanter appellavit: *Vigilate, & orate, ut non intretis in tentationem*; Matth. 26. 41. subest his verbis difficultas.

Theophylactus ea sic exponit: *Non iubet nos sine tentatione esse, nam tentationes nos coronant, sed ne à tentatione absorbeamur, & intremus in ventrem eius, quasi bestia cuiusdam.* At si vnus peccati mor-

talis tentationi succumbere, periude est, ac intrare in ventrem eius, quasi bestie cuiusdam, quid erit pluribus flagitijs dare manus, & à multis sceleribus deuorari sinere? Consultum ergo est imitari nostrum Patriarcham, qui statim in initio tentauit resistere incendio, quod erupturum erat, contentionem sedauit, radicem malitiæ ne germinare quidem permisit, sed statim, cum iam oriretur, funditus exsecuit, & aboleuit.

Vide lib. 1. part. 2. Polit. Cael. c. 5. & Periocham Quartam Domini. V. post Pentecosten To. 2. pag. 131. o. & quæ ad finem eius Periocha adnotauit.

## CAPVT VI.

Pretiosissima gemma est liberum nostrum arbitrium, quæ tamen à Domino donetur, magno tamen nobis constare solet.

UT amputaret Sanctus Patriarcha noster rixas, & succideret pullulantes contentiones, dedit consobrino suo optionem liberam deligendi sibi terram, quam vellet. Acceptauit ille oblatam gratiam, & elegit sibi regionem circa Iordanem, quam sibi magis commodam fore putauit, inciditque in Sodomam, & habitauit in Sodomis; Genes. 13. 12. Omnes Expositores monent hic factum aduerte damnum ex proprio arbitrio natum, cuius electionem Loth secutus in varias incidit calamitates, captiuusque adductus, & omnibus opum suarum facultatibus nudatus fuit. Auertat Deus, ne arbitrij nostri sententiam leuiter sequamur, quod tamen pretiosa margarita sit, & nobile naturæ nostræ ornamentum, plerumque magno nobis constare solet. Hoc enim & pleræque, & plurimas nobis æruminas parit, quod voluntati nostræ nimis procliuius obtemperamus, aut pertinacius, quam par est, inhaeremus.

Grauioris momenti, & ponderis maioris legationem nullam vidit mundus eam, quam Iudæi miserunt Ierosolymis ad Ioannem, ut intelligerent, num ipse esset verus Messias. Legationis illius dignitatem etiam inde conijcere licet, quod eam obinerent Sacerdotes, & Leuitæ. Sic enim habes Ioan. 1. 19. *Miserunt Iudas ab Ierosolymis Sacerdotes, & Leuitas ad eum, ut interrogarent eum, Tu quis es? Magis ferri, & grauis, ut dixi, quàm hæc nulla esse potest, quæ ad cognitionem veri Dei, & Redemptoris mundi dirigebatur, quia ut Christus ipse apud eundem Ioannem c. 17. v. 3. ad Patrem aiebat, hæc est vita æterna, ut cognoscant, te solum verum Deum, & quem misisti.*



missi Iesum Christum. Quamquam hæc ita habeant, oratores tamen, qui Iudeorum mandata præferebant, non solum consecuti non sunt, quod primores Ierosolymitani optabant, verum etiam exasperati animis fuerunt aduersus Ioannem, nec aliud, quam confusionem, ex sua legatione retulerunt.

Hic iam possumus indagare, quamobrem tam finistrum, insperatumque effectum sortita fuerit commissio, quæ vitam æternam, nec leuius aliquid, conernebat, ut per quam de illius vitæ authore, & mundi reparatore certiores fieri cupiebant. Vnde factum ergo, quod illi tanto in negotio hallucinati fuerunt?

Cardinalis Caietanus ingenij sui acumine hanc nobis submouebit difficultatem. Legati hoc habebant mandatum, ut interrogaret Ioannem, *Tu quis es?* Sciscitabantur illi initio, quod iussi fuerant, cumque Ioannes ad ipsorum gustum non responderet, percunctabantur denud, nisi obiurgasse dicere malis, & inquebant: *Quid ergo baptizas, si tu non es Christus, neque Elias, neque Prophetæ?* Ioan. 1. 25. Monet Caietanus notare, quod Euangelista, cum narraffet, exposita fuisse Ioanni à Legatis nuntia, quæ habebant, mox subdidit: *Et interrogauerunt eum.* Cur hoc adijciendum putauit? Respondet: *Addidit hoc Euangelista, ut intelligeremus, quod non ex commissione mittendum, sed ex proprio sensu subiectam interrogationem fecerunt. Commissum enim erat eis, ut interrogarent eum, Tu quis es? non ut arguerent eum de baptismo.* Ecce hic vnâ è multis instructuosa, infelicitque legationis causam, quod non ex eorum voluntate, à quibus missi fuerant, sed ex sua sententia instituerunt inquisitionem, limitesque commissionis, & iurisdictionis sibi concessæ sunt prætergressi, quibus demandatum erat, *ut interrogarent Ioannem, Tu quis es? non ut arguerent eum de baptismo.* Hinc intelligere possumus, quanta intelligere possumus, quanta incommoda oriuntur ex libero arbitrio, si nos ab illo abripi sinamus, sensumque illius leuiter sequamur: Nam Ierosolymitæ in cognitionem veri Messie, ex qua salus eorum æterna pendebat, peruenire non potuerunt, eò quod eorum legati proprium sensum secuti, suæ voluntatis consilio nimium tribuerunt, & obtemperarunt.

Richardus de S. Victore obseruauit, quod cum Hebræi haberent duo genera Principum, à quibus gubernabantur, puta Iudices, & Reges, ex his soli Iudices fuerunt appellati eorum saluatores. Iudicum c. 3. v. 9. clamauerunt ad Dominum, qui suscitauit eis saluatorem, & liberauit eos. Richardus ait.

In libro Iudicum, Hebræorum saluatores non reges nominantur, sed iudices. Cur tam inclytum, & gloriosum nomen Saluatorum potius Iudicibus, quam Regibus concessum fuit, quod hoc magis decuisse videtur?

Respondet ille in Psal. 98. To. 2. *Quia regum est pro voluntatis arbitrio, quod placuerit, imperare, Iudicum autem officium est, leges nosse, causas examinare.* Reges quidquid libet constituunt, destituunt, imperant, vetant, ordinant, abrogant, & suam voluntatem plurimum pro lege habent: Iudicibus autem lex regula est voluntatis, atque ex præscripto aliorum, non suo arbitratu, quæ sui officij sunt, faciunt. Hinc videbimus, eam ob causam Iudicibus concessam esse honorificam Saluatorum appellationem, non Regibus, ut documento nobis esset, quod neque se, neque alios, nisi miraculo fiat, saluabit, quæ pro more Regum amat facere suam voluntatē, illum verò & se, & alios saluare posse, qui alienæ faciliè concedit sententiæ, suamque voluntatem iudicio submittit aliorum.

Indicauimus iam supra, quod Loth, quia ex sua sententia elegerat Sodomiam, captus in bello fuit, de quo posthac sermo recurret. Intellexit Abraham infelicitatem sui consobrini, collectoque exemplò milite, derepente irruit in hostem, remque omnem tam prosperè confecit, ut & illum liberarit, & res eiusdem omnes, quæcunque ablata fuerant, recuperarit. Celebris fuit victoria, triumphus memorabilis. Redijt Sanctus Patriarcha cum nepote libero onustus spolijs, & opulentus, ijsque transactis apparuit ei Dominus, inquit: *Noli timere Abram, ego protector tuus sum;* Genes. 15. 1.

Mouet hoc loco omnes Expositores, quàm ob causam tunc talia verba ad Abraham dixerit. Nam per id tempus Abraham triumpharat, diuitem prædā egerat, amplissima spolia retulerat, exiguaque trecentorum, & octodecim militum manu, reges plures fudit, aut fugauit. Quid necessum fuit hunc per illos dies erigere, & ne timeret, exhortari? Sed quoniam Deus illum bono esse animo, & nihil metuere iussit, certum est timore laborasse, & in pauore fuisse, quem ille suæ protectionis, & auxilij pollicitatione confirmandum putauit. Vnde verò timor ille nasci potuit?

Paulus Vurgensis in addit. ad c. 15. Genes. de hac quaestione ita pronuntiat. *Timebat, ne forte excessisset in persecutione illorum regum, & deuastatione eorum. Non enim legitur, quod hoc fecisset ex iussu diuino, & ideo timuit, ne forte in illo actu peccasset.* Sanctum.



Sanctum opus fuit, quod consobrinum suum ab hostium potestate ereptum in libertatem asseruit. Strenuum facinus fuit, quoddam barbaros & infestios Reges repulit, compescuit, & pro meritis magnauit. Verum quod hæc ex propria sententia fecerat, id illi tam molestum iniecit scrupulum, tamque grauem incussit timorem, & tremorem, ut Deus illi se conspicuum facere, & adimere pauorem, ac dicere deberet, *Noli timere*. Ita semper nobis suspecta esse debent, & metum asferre, quæcunque nostri arbitratu ductu, & voluntatis propriæ consilio agimus, quanquam bona sint, & pia.

Non dimittamus Loth liberum, priusquam hoc Capitulum absoluiamus, cui aliquid euenisse sacer textus narrat, quo rem istam obsignabimus. Cum Deo constitutum esset, incendio infames illas, & nefandas absumere ciuitates, in quarum vnâ Loth degebat, præcepit illi Angelus, festinanter se prorsus ex obscena Sodoma, & montem petere, inquit: *In monte saluum te fac*; Genes. 19. 17. Econtra ille rogare Angelum cepit, ut illâ iussione supersederet, facultatemque concederet, ut in parua quamdam propius abitam ciuitatem se recipere posset. Voti compos factus cum illum locum ingressus non se satis tutò ibi degere posse putaret, *ascendit de Segor*. (hoc nomen parua illi ciuitati & mansit in monte, ibid. v. 30.) in quo proprias inuestauit filias.

Glossa interlinearis ait: *Mansit in monte, in quem prius monente Domino ascendere noluit*, atque ibi tunc illud nunquam aliàs auditum flagitium perpetravit.

Hugo Cardinalis in c. 19. Genes. inquit: *Nota. Consilio Angeli diuertit Loth in Segor, nolens ascendere montem, modò consilio proprio ascendit, & cadit in peccatum*. Hinc accipimus, quod quibus rebus memur, quando eas ut ex Dei iussu profectas promptè, libenterque facimus, ipsæque perniciem nostram operamur, quoties illis ex nostro arbitratu magis, quam Dei imperio vacamus. Loth proprio consilio ascendit in montem. Et quid ex tali ascensu secutum? Ut caderet, & caderet in peccatum. Agite ergo, & pro vestra voluntatis sententia omnia facite, & videre quid vobis eueniet. Utamini ducatu proprii arbitrij, & videbitis quid lucri referatis.

*Quam permittibilis sit homini propria voluntas, vide in 1. To. in Indice rerum verbo Voluntas. Habes etiam nonnihil de hac re in 1. parte Polit. Cæl. lib. 7. 6.*

*Ne proteruus peccator prætendat ignorantiam, Deus submittit illi pia monita, ut omnes intelligant, iustas esse pœnas, quas ab eo exigit.*

Alij affirmant, *Loth habitauit in Sodomis*, id ex peculiari Dei prouidentia factum, quod illum probaret, iustam esse ultionem illam horribilem, & stupendam, quam post hæc de Sodomitis sumpturus erat, nec quisquam aliquid haberet, quo supplicium istud calumniari posset. Sodoma ergo Loth domicilium fixit, ut suis bonæ vitæ exemplis, & sacris monitis concius suos ad morum emendationem provocaret, qui cum se ab illo permoueri ad frugem meliorem non permiserunt, nihil habuerunt, quo Dei vindictam culparent. In hac cogitatione fuerunt plures Interpretum, ex quorum sententia Cornelius à Lapide in c. 13. Gen. sic ait: *Permisit Deus Loth decipi in sua electione* (quod regionem Iordanis, partemque amœniorem sibi adoptauit) *et suo bono exemplo, & conuersatione Sodomitas ad odium peccatorum, & virtutis amorem excitaret*, ut si illius exemplo non fierent meliores, de pœnis post hæc sibi irrogatis queri iuste non possent.

S. Mattheus Euangelista describit cœlestem nostrum Magistrum à solitudine, & diligentia prædicandi Euangelium regni cœlorum, & à pietate, quâ omnium ægritudinum genera curabat, dicens: *Et circumibat Iesus omnes ciuitates, & castella, docens in Synagogis eorum, & prædicans Euangelium regni, & curans omnem languorem, & omnem infirmitatem*; Matth. 9. 35. Cur tam sollicitè, & studiosè prædicabat in omnibus locis? cur omnes, sanabat ægritudines?

Respondet Euthymius: *Circumibat ciuitates omnes, & vicos Iudeorum, ne quis eorum discere posset, ad nos non venit*. Omnibus viam salutis ostendit, omnibus beneficia sanitatis contulit, omnes ægros bonæ valetudini restituit, ut omnes illum verum Messiam de tot, tantisque miraculis arbitrari possent, & si non crederent, suo vitio id adscriberent, & si quâ propter incredulitatem pœnâ mulctarentur, iure queri non possent.

Propterea dicit Spiritus sanctus Prou. 1. 20. 21. *Sapientia foris prædicat, in plateis dat vocem suam, in capite turbarum clamat, in foribus portarum verbis profert verba sua*.

S. Paschasius in c. 4. Matth. ait: *In summis, ex celsisque*



celissique Gerricibus super Gias, in medijs semitis stans iuxta portas ciuitatis, Et ubiq; audiat, Et nullus insipientium de ignorantia excusetur. Si rex sanctiores pragmaticas in solis palatij profundioribus fornicibus promulgari iuberet, impunes essent earum transgressores: Verum ut nemo ignorantiam prætexit, & se dolo circumuentum queratur, proclamari in publicis, & patentibus locis curat, idque ut ad notitiam omnium perueniant. Ad hunc modum sapientia clamat in capite turbarum, in foribus portarum ubi profert verba sua, Et ubiq; audiat, Et nullus insipientium de ignorantia excusetur. Non clamat sapientia in deserto, & recessu cælorum, quod hominum auditus pertingere non potest, sed in frequente foro, in publicis compitis, in conuentibus hominum copiosioribus edicta sua proclamat, ut nemo se purgare queat de prætermissione, aut ignorantiam prætere.

Ad patientissimum Magistrum perfidiosissimus discipulus venit, ut osculum ei ficeret, & proditorie pacis daret, talique inditio illum sanguinarijs lupis, Iudæis dico, denotaret, qui innocentem sanguinem illius diu intolerantissime sitierant, & manus illi iniicere violentas pridem inhiantissime cupierant. Executus fuit infamis Iudas sacrilegum suum consilium, & manustissimus Magister, cum illum fulmine percutere, & exanimare posset, blandis verbis, quibus emolliretur, sic appellabat: Iuda osculo Filium hominis tradis! Lucæ 22. 48. velut dixisset: Habetne hoc bona lex discipuli, ut Magistrum tuum osculo mentitæ pacis prodas, & quod est signum amicitie, id inditium facias perfidie? Quod tam suauiter allocutus illum fuit, hoc fecit, ut durum efferatissimorum viscerum eius gelu solueret. Sed cur illum huius rei gratia suo nomine appellauit, dicens: Iuda, osculo Filium hominis tradis!

S. Cyrillus Hierosolymitanus catech. 13. respondet: Hoc ad ipsum dixit, admonens eum per ipsius appellationem, Iudas enim vocatur confessio. Quamquam Iudas in flagranti crimine versabatur, scelusq; tam atrox, & immane perpetrabat, quod in nullo alio tribunali condonationem obtinuisset, ut tamen videret, nullum esse crimen, quatumuis graue, & enorme, cui negaretur venia in tribunali Dei, dummodò peccasse doleat, malefactaq; sua ipse per confessionem exponat, & damnet, nominis proprii commemoratione illum sceleris sui admonuit, & Iudam, quod est confessio, vocauit, ut confiteretur peccatum suum, aut deinceps nihil haberet, quo istam prætermisæ confessionis oscitantiam inumbrare posset, ut

Tom. III.

cui Domini ipse, quem prodebat, suggerebat, quomodo illius suæ noxæ gratiam impetrare posset, si respicere vellet.

Mandabat Deus Abraham, & in illo omnibus securis Hebræis, ut circumciderentur, dicens: Infans octo dierum circumcideretur in vobis, erisque pactum meum in carne vestra in fœdus æternum; Gen. 17. 12. 13. Sed quomodo in fœdus æternum, cum dudum abrogata fuerit circumcisio? Hanc facile soluunt quæstionem Interpretes. Mihi hic interrogare in mentem venit, cur tali signo Dominus notatos voluerit Hebræos, sic ut illo carere nemo posset, nisi qui carere vitâ vellet.

Respondet S. Ioannes Chrysostomus homil. 39. in Genesin: Cum Deus sciret imperfectas, & prauas eorum mentes futuras, signum circumcisionis quasi frantum quoddam imposuit, ad indomitos eorum animos cohibendos, Et ne Gentibus commiserentur. Ideo dato eis perpetuo memoriali iniecit eis circumcisionis signum quasi vinculum quoddam. Nouerat Deus peruersam illius populi indolem, nouerat quàm impotenti libidine turpium carnis voluptatum laborarent Hebræi, nouerat quanto impetu in obscenos in concessæ Veneris actus, & mulierum extranearum complexus ruerent. Eapropter circumcisionis notam eis imposuit, ut procaci appetitui esset pro fræno, liberis cogitationibus pro compedibus, desidi obliuioni pro monumento, & nihil obtendere possent, quo lubricæ carnis suæ petulantem lasciuiam tegerent, vel excusarent. Tam vigilanter, & sollicitè Dominus suas pœnas hominibus probare, iuteque, & certo iudicio factas ostendere solet.

Simile argumentum alibi sapè, ac fusè tractatur. Vide Periocham II. Dominica IX. post Pentecosten To. 2. pag. 160. b. o. & alia loca ad finem illius Periocha subnotata.

## CAPVT VIII.

Communis morbus est, ut sua officia curent negligentiùs, qui diligentius debent.

Legit Loth terram Sodomæ, quod fertilior esset, & abundantior, irrigabaturque sicut paradisus Domini, ut ait beatus Moyses Gen. 13. 10. Homines autem Sodomitæ in terra illa optima pessimi erant, & peccatores coram Domino nimis; ibid. v. 13. Quis cogitare potuisset, quod ibi tam inuerecundè, consceleratèque videretur, ubi Deo pro tam frugiferi soli, tamque vberis, & opulentæ terræ concessione plurimæ, & maximæ gratiæ agi debebant? Quis

E

dicis!



dicis! Quicunque peruersum mundi ingenium nouit, & morem agendi illius familiarem, qui hoc habet, vt plerumque magis ingrati sint Deo, qui magis illi obnoxij, & deuincti, & minus soluat, qui plus debet.

Famâ prodigiôsâ, & nullis sæculis auditâ macerationis, & austeritatis inter natos mulierum maxime excitatus Iudæorum populus tanto numero concurrebat, vt hominibus vicos, pagos, oppida, quidem vacuaret, impleret verò cremum, & solitudines ex vrbibus, vrbes ex solitudinibus faceret. Nemo domum redibat, quem non obstupefecisset inimitabilis vitæ, quam Ioannes ibi ducebat, & duræ poenitentiae, quam faciebat, aspectus. Compungebantur animis, quotquot illum vsurpabant oculis, & qui curiosi aduenerant, poenitentes vitæ superioris malæ, & ad saniores, ac sanctiores obfirmati discedebant. Et interrogabant eum turba; Lucæ 3. 10. homines de vulgo, quid facerent, quam tenere vitæ rationem deberent. Venerunt autem & publicani, ibid. v. 12. homines de nulla re magis, quam de sordida auaritia, & improbitate noti, quæhueruntque vulneratis conscientijs suis medicinam. Ipsi adeo milites (quod dici maius nihil potest) humiliter, ac submisce tanquam oraculum cœlestis sciscitabantur Ioannem, quomodo sui officij partes rectè exequi deberent. Interrogabant autem eum & milites; ibid. v. 14. Vide hic faciem Reipublicæ, & sentinam vitiatorum. Vide extremos populi, qui suis malis remedium, suis infirmitatibus curationem, non quæsi à Ioanne quærunt.

Vide nunc etiam, quid præterea dicat Euangelista: Herodes autem tetrarcha cum corriperebatur ab illo de Herodias de uxore fratris sui, & de omnibus malis, quæ fecit Herodes, adiecit & hoc super omnia, & inclusit Ioannem in carcere, ibid. v. 19. 20. Postquam hæc compendiarie indicasset, S. Lucas, redijt ad cœptam de Ioanne in deserto, & Christo ab illo baptizato historiam.

Quærit Theophylactus, quam ob causam Lucas huic narrationi interfert, commemorationem atrocis sceleris Herodiani, qui Ioannem primū in carceri, post hæc etiam neci addixerit. Quid sibi vult hoc assumentum, & tam anticipata relatio istius flagitij posterioribus diebus perpetrati?

Respondet Magnus Bulgarorum Archiepiscopus: Merito interfertur hoc loco Euangelista de Herode, quasi in hunc modum dicens. Turba quidem talia de Ioanne sentiebat, Herodes autem cum reprehenderetur ab eo, etiam ad omnia facinora adiecit, & includeret eum

in carcere. Narrat itaq; hæc, miserum illum, & ætiosum indicans, quandoquidem talia ausus fuerat, turbat tantam opinionem habente de Ioanne. Hæc ille. Interiecit ergo hanc Lucas facinoris Herodiani narrationem, velut dixisset. Videte commune mundi vitium! videte officij sui negligentiores, qui studiosissime, & exactissime accurare debebant! Quando vulgus hominum Ioannem reuerenter obseruat, rex indignè contemnit, quem Publicanus de suæ salutis negotijs consulit, Herodes vincit, stringit, & in carcerem conijcit, quem miles colit, & timet, tetrarcha capitis damnat, & obruncat.

Ibat seruus domus Abraham senior, vt Isaac uxorem quæreret, instructus ab omnibus, quæ res illa requirebat, & benè doctus, quibus conditionibus pacisci nuptias deberet. Cum iam non procul abesset à ciuitate Nachor (quæ est in Mesopotamia), verbis paucis, sed votis ardentibus Deum ita precatus fuit: Puella, cui ego dixerò, Inclina hydriam tuam, & bibam, & illa respondit, Bibe, quoniam & camelis tuis dabo potum, ipsa est, quam præparasti seruo tuo Isaac; Gen. 24. 14.

S. Ioannes Chrysostomus plurimâ dignam admiratione putauit talem Eliezer serui solertiam, & precationem, qui cum tanti ponderis rem, Sponsam, dico, Domini sui filio indagatum, & procuratum ibat, eam tanto Patriarchâ dignam arbitratus fuerit coniugem, quæ cantharo onerata fontē ad hauriendam aquam peteret. Si domicellam designasset, quæ famulorum turbam post se duceret, cuius ceruicem monilia prægrauarent, cuius è digitis, totoque corpore radiarent gemmæ, cuius splendor vestitus inuentium oculos perfringeret, aptiorem Isaac uxorem denotasset; aquatrix puella parum decere videtur talem maritum. Immo verò hæc quam maxime decuit, inquit Os aureum. Nuptiarum enim conciliator, & pronubus morum honestatem, & vitæ integritatem requirebat in puella, quam Sponsam quærebat, cumque hæc plerumque facilius reperiantur apud vulgares, & mediocri fortune homines, qui paucioribus nominibus tenentur esse studiosi virtutis, propterea dixerit Eliezer: Citius credidero esse virtute, ac pietate præditam, quæ hydriam humero baiulat, quam quæ margaritam in pectore gestat.

Accipite Chrysostomum, qui in hom. de uxori- bus ducendis in Append. To. 6. sic habet: Cui dixerò, Præbe hydriam tuam, & bibam. Quid ais, bone vir, ad eonē Silem hero tuo quæris coniugem, aquatricem! Etiam, inquit, Missus enim sum, non pecunia-  
sum.



*fi, aut formosa, sed moribus ingenuis praeferat. Quare. Multa saepe ex istis aquatilibus in solidis virtutibus possident, alia contra in magnificis desidentes adibus ignavissimae sunt, & deterrimae. O Deus, quantus saepe amor, & cultus Dei est in culinis, quantum diabolicae imitationis in stratis, & peristromatis!*

Cæcus quidam iuxta viam sedebat, per quam transibat Redemptor noster, & Magister; cumq; ille famam miraculorum Christi ante percipisset, & nunc transire intelligeret, magnis vocibus succlamabat: *Iesu Fili David, miserere mei*; Lucæ 18. 38. non flagnet erga me vnum pietas tua, quæ in omnes redandat. Multa Christum cingebat turba, ex quibus qui praeibant, increpabant eum, & taceret; ibid. v. 39.

Notandum, quod cum plurimos & à tergo, & ob oculos haberet Dominus comites, soli priores obiurgarunt cæcum, & qui praeibant, increpabant eum. Hi, qui in Christi societate positi praeunt alijs, adunibrant eos, qui in domo illius alijs officio, & dignitate praestant, quales sunt Sacerdotes, & Religiosi, & alij eiusmodi. Hi sunt primi, qui alios increpare solent, ac dicere: *Quò tanta poenitentia? Quò tam frequens Sacramentorum usus? Quò tam crebra exomologesis, & peccatorum confessio? Quò ista hominum fuga, & vita tam solitaria? Quò illud triste, ac luctuosum vitæ genus! & ad hunc modum alia. Itaq; magis algere videmus eos, qui ardentius flagrare debebant, & impedimentum adferri pietati ab eis, à quibus promouenda fuerat. Hæc est magni Ecclesiastæ Ioannis Osorij observatio, qui in serm. Domin. Quinquages. sic dicebat: *Qui praeuntes Christum comitantur, impedirent cæcum clamantem ad Christum, aliquando enim & ipsi Sacerdotes dicunt, Et quid tanta Sacramentorum, & orationum frequentia?**

Querit aliquid Theophrastus, quod videtur otiosum, quarumnam arborum sit prolixior vita, earumne, quæ incultis in eremis, rudibusque campis sunt plantatae, an verò quæ in hortis posita stercoreantur, rigantur, magnaque hortulani industria, & omni studio coluntur. Videor vos audire respondentes, quod eius arboris sit diuturnior duratio, quæ intra hortum constituta stercoreatur crebrius, rigatur crebrius, curatur diligentius, id nemini dubium esse posse. Theophrastus autem vos falli, & longæuiore domesticis, atque urbanis esse Sylvestres, & agrestes affirmat. Verba eius ex l. 4. de causis plant. c. 1. sunt hæc: *Culta celerius, quam inculta senescunt, & ad summum urbana, quam sylvestria. Et mox sub-*

*iungit: Quamquam absurdum fortasse appareat, si qua magis coluntur, celerius occidunt. Tale quid in mundo communiter accidit, ut nimirum maiora scandala ex se præbeant, qui sanctitate præstare, & excitare ad probitatem alios debeant. Fidem, charitatem, timorem, & reuerentiam Dei maiorem apud homines rusticos, agrestes, & sylvestres plerumque reperias. Pauperes sua debita fidelius soluunt, ægrius, ac tardiùs magnates, & locupletes, qui ferè amant esse, & mori in ære alieno, nescio an etiam gloriæ ducant debita multa contrahere, nulla luere. Hi sunt, qui templis turbare, virginum pudicitiam pertentare, inferre flagitium coniugatis, & suâ turpi viuendi licentiâ, & libertate alios plurimum offendere soleant. Quamquam absurdum fortasse appareat, si qua magis coluntur, celerius occidunt. Sunt tamen Principes, Magnates, alijque nobiles, qui studeant gratificari, & seruire Deo, & quantum dignitate status, tantum sanctitate vitæ antecellere, optimoque exemplo alijs ad pietatem præire.*

## CAPVT IX.

*Omnia bona, & mala ad vnum gratiæ bonum, & culpæ malum reuocantur, præter hæc enim non est aliud vel malum, quod timeas, vel bonum, quod expetas.*

**A**vidis plurimum commendari patriam Sodomitarum à fertilitate, opulentia, amœnitate, & ab eo, quod *omniferis irrigabatur, sicut paradisi Domini*, tanquam cum primo illo voluptatis loco certare de iucunditate, & abundantia posset. Ac patria quidem talis erat, *homines autem Sodomitæ pessimi erant, & peccatores coram Domino nimis, inquit sacer Historicus Genes. 13. 13.* tanquam dixisset: Parum illis proderat vbertas patrij soli, & bonorum temporalium incredibilis affluentia, quibus maxima opulentia deerat, Dei scilicet gratia. Nam si rem bene expendas, inuenies, præter Dei gratiam non esse aliud bonum, nec malum aliud præter culpam. Omnibus enim abundat, qui omnibus est nudatus, dum sit modò amicus Dei. Sic inter cæterarum rerum copiam inopissimus est, qui Deo inuius, eiusq; gratiâ destitutus.

Nocte cænæ, cum orationem ad æternum Patrem suum pro salute Discipulorum Christus funderet, sic ad illum aiebat: *Non rogo, ut tollas eos de mundo, sed ut serues eos à malo*; Iob. 17. 15.

De hoc malo communiter affirmant omnes, esse peccatum. Ita sancti Augustinus, & Chrysostomus, Euthy-



Euthymius, Theophylactus. At si Christus oporuit Discipulos suos seruari à peccato, cur hoc perspicuis verbis non petijt? Cur dixit: *Rogo, & serues eos à malo*, cum dicere posset, *rogo, & obserues eos à peccato*? Fecit hoc, ut intelligeremus, nullum esse malum, nisi peccatum, sicut nullum est bonum, nisi gratia.

Ærumnæ, aduersitates, persecutiones, infirmitates, sitis, fames tam non sunt mala ijs, qui sunt in gratia Dei, ut potius sint bona, & occasio incrementi gratiæ. Propterea dicebat S. Ioannes Chrysost. in hom. de Abraham, To. 1. *In rem nostram sunt tentationes*. Quantum afflictionum, cruciatuum, calamitatum huius vitæ habet Iustus, tantum habet auri, argenti, & gloriæ cœlestis, omnia in illius utilitatem, & honorem cedunt. Maiestas autem, & potentia, bona valetudo, venustas, opulencia, & cætera fortunæ bona coniuncta cum peccato tam non sunt bona, ut etiam maiorem damnationem adferant illi, qui ea habet. Ergo non est aliud bonum, præter gratiam, nec aliud malum, præter peccatum.

Audiamus hanc in rem etiam Caietanum, qui in superiora Domini verba sic differit: *Non dicit, ut serues eos à tribulationibus, ab odijs, à persecutionibus, sed à malo, hoc est, & serues eos, ne aliquid proveniat eis, in malum, quod est aterna separationis à Deo*.

Postquam tres reges Magi adorauerant maiestatem infantis Dei, cuius thronus erat præsepe, admoniti per quietem fuerunt, ne reverterentur ad Herodem, de quo S. Matthæus c. 2. v. 12. *Et responso accepto in somnis, ne redirent ad Herodem, per aliam viam reuersi sunt in regionem suam*.

Expendendum hoc mandatum, quod habuerunt sancti Reges. Videtur enim illis aliquid declarari debuisse, quibus vnum prohibitum fuit. Iubebantur non reuerti ad Herodem, mittebantur redire ad sua. Via ergo necessariò ijs demonstranda fuit, per quam redirent; nam illi, ut parum versati in illa patria fuerant, ita rectum iter, quod ad sua se recipere, tam facile reperire non poterant, maximè cum stella præluere viam iam desierat. Qui factum, quod quibus tam sollicitè imperatum, ne redirent ad Herodem, non est consequenter indicata via, per quam declinare illum deberent?

Percunctemur quid rei Herodes in hoc negotio representauerit. S. Bruno in serm. de Epiph. Dom. To. 3. respondet: *Herodes iste diabolus est, Herodes iste peccatum est*. Dæmonium, & peius illo peccatum Herodes referebat. Dictum ergo fuit sanctis Regi-

bus, non esse necessarium indicare eis viam, dummodo non irent ad Herodem, nec aliud quoduis iter illis incommodum, aut parum felix cadere posset, nec enim aliud est malum iter, quam quod ad peccandum ducit. Propterea de illo, qui peccat, dicimus. *Anda malos passos*, malis passibus pergit, nullus enim est sinister passus, nisi quo ad offendendum Deum mouemur, reliqui omnes sunt boni.

S. Bruno istum his verbis absoluit conceptum: *Vna via prohibetur, cætera bona sunt. Redire ad Herodem malum est, hanc viam fugiamus, hac via non ducit nos ad patriam. Herodes iste diabolus est, Herodes iste peccatum est, omnis via, qua ducit ad ipsum, mala est*.

Notandus in his sancti Brunonis verbis ordo, quo disponit res, quas ab Herode representatas affirmat. Ut in scenis vnus duas personas gerere sæpe solet, sic Herodes dæmonem, peccatumq; retulit. Cum ergo dixisset, *Herodes iste diabolus est*, tanquam parum dixisse putasset, statim addidit, *Herodes iste peccatum est*, seu venenum gratiæ. Et benè putauit parum dixisse, quia neque diabolus, neque omnes simul inferorum copiæ, nec quicunq; alij hostes nobis quidquam adferre incommodi possunt, nisi cum illis peccatum in nostram perniciem conspiret.

Eapropter S. Paulus omnes creaturas prouocabat, illasque & omnes vitæ huius ærumnas gloriantur appellabat, dicens: *Quis nos separabit à charitate Christi? Tribulatio? an angustia? an fames? an nuditas? an periculum? an persecutio? an gladius?* Rom. 8. 35. Nihil horum. Certus sum enim, quia neque mors, neque vita, neque Angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, ibid. v. 38. 39. Ioannes Cluniacensis serm. 67. To. 2. ait: *Omnia prouocant, & de solo peccato tacuit*. Cum pro animi sui magnitudine omnia prouocare Paulus ausus fuerit, solum peccatum lacerare timuit. Alia enim omnia non habent eas vires, ut auellere quemquam ab amicitia Dei queant, vnum, solumq; peccatum obliterare, abolere, extinguere eam momento potest. Itaq; solum etiam peccatum est malum, cætera bona esse possunt, si cum gratia Dei sint coniuncta.

Non intempestiuè huc veniet responsum, quod cœlestis Magister dedit illis miseræ adulteræ in flagranti crimine deprehensæ delatoribus. Christus velut dissimulabat audiuisse accusationem obscenitatis criminis. Cum verò Scribæ, & Sacerdotes persequi

ream,



ream, & virgere iustitiam pergerent, respondit pius, & sapiens Dominus: *Qui sine peccato est Gessitum, primus in illam lapidem mittat*; Ioann. 8. 7. Cum Moyses, ut vultis, lapidari iusserit mulieres, quæ debitam, promissamque maritis non seruauit fidem, si quis ex vobis sceleris est purus, is hanc, quam ream facitis, primus appetat saxis, & in lege promulgatam sententiam exequatur.

Gelasius Papa de cr. de abrogand. Lupercalib. apud August. Maon. select. histor. c. 119. obseruauit in his supremi iudicis verbis, quod *non ait, si quis Gessitum non similiter adulter est, sed si quis sine peccato est, primus in illam lapidem mittat*. Non ab adulterio tantum, verum & ab omni alio peccato volebat eos mundos, ut nemo cogitaret, solam mæchiam esse, quæ lapidibus plecti, solam libidinem obsecnam, quæ subito castigari, solum turpem concubitum, qui deplorari debeat, sed hoc sibi quisque persuasum habeat, quod vnum quodlibet peccatum, qualecunque illud sit, est suprema hominis infelicitas, & deploratissima illius calamitas. Nulla enim aduersitas, miseria nulla, nullus dolor esse, aut excogitari potest, quod mali nomen mereatur, si cum peccato componatur.

Nam ut Ecclesia in Quadragesimali quadam oratione canit, *tunc nulla nobis nocebit aduersitas si nulla dominetur iniquitas*. Mala cætera, quæcunque hoc nomine censentur, non habent quidquam contagionis, ærumnæ non habent virus, non habent toxicum dolores, quod inficiant, & interficiant, nisi peccatum illis suum venenum affundat.

In ea epistola, quam Apostolus ad Hebræos dedit, cum docere vellet, unde accersere nobis solatium inter ærumnas, & robur ad fortiter perferenda aduersa debeamus, iubebat attentis oculis Christum Magistram, & Ducem nostrum arbitrari, qui omnia cruciatuum, & dolorum genera expertus fuerit, atque idcirco non miserari non possit eos, qui rebus affliguntur aduersis. *Non habemus Pontificem, qui non possit compati infirmitatibus nostris, tentatum autem per omnia pro similitudine absque peccato*; Heb. 4. 15.

Hic locus multas debio procul patitur difficultates. Nam quantum verba Apostoli sonant, videtur

ille dicere, quod Christus solum apparenter tentatus fuit: *Tentatum pro similitudine*; quodque illius tormenta fuerunt magis picta, quam vera. Sed cum fidei certum dogma habeat, Apostolusque ipse doceat, quod Christus reapse, non imaginariè, verè, non apparenter passus est, quomodo verba eius rectè accipiemus? Verus illorum sensus facilis est, & obuius. Nonne dicit S. Paulus, Christum fuisse tentatum, vexatum, passum *absque peccato*? Certum est. Quod ergo dicit, tale est: Non aio ego, Christum non fuisse verè tentatum, afflictum, cruciatum, passum, hoc dicere volo, tantam esse peccati malitiam, ut omnes miseriæ, cruciatus, dolores, si cum illo conferantur, magis picti, quam veri videantur, ut propterea Christus, quia absque peccato fuit, magis pro similitudine tentatus, quam reapse, & apparenter potius, quam verè passus fuerit, quamuis inexplicabiles cruciatus tulerit. Granditer, & magnificè amplificaui Apostolus malitiam peccati, quæ tanta sit, ut dolorum, & cruciatuum nomen non mereantur quantiuis illi dolores, & cruciatus, a quibus absit peccatum.

S. Bruno serm. 8. Nariu. To. 3. ait: *Superflua, & nociva sola peccata sunt*. Grauius dictum illud, *superflua sola peccata sunt*. Superfluum vocatur id, quod nulli vsui est, ex quo nihil vtile fieri possit. Solum ergo peccatum superfluum est, ex illo enim nihil nisi malum, & noxium hauriri potest. Cætera mala superflua dici nequeunt, nam *diligentibus Deo* (ut S. Paulus Rom. 8. 28. habet) *omnia cooperantur in bonum*, etiam illa, quæ mundus in malis non benè censet. Ingeniosa charitas & alchimia sanctioris perita seclerter ex ferro ærumnarum producit aurum ad conficiendam coronam gloriæ; & tanquam sedula apis ex omnibus legit mel, non ex suauis rosmarino solum, verum ex amariore genista etiam. Ex omnibus meritorum lucra facit seruus Dei. Ergo si omnia mala, quæ coniunctam habent gratiam Dei, conuertuntur in bona, nullum aliud malum erit præter peccatum, quod omnia bona sic peruerit, ut conuertat in mala.

Vide in secunda parte Politici lib. 9. cap. 1. ubi similem funem torquet.





# LIBER III.

## VITÆ ABRAHAM.

## CAPVT I.

*Tam iustum, & sanctum opus est subsidium ferre regibus inter angustias positis, vt ex altari accipere debeas, quo illorum necessitatem leues, si aliud desit, quo opitulari queas.*



Vanquàm repugnet meæ professioni, de-  
beo, falcem meam in messem mittere a-  
lienam, barbari enim quidam, & genti-  
les reges cogunt quodammodo vel paucis  
breuiter tractare quædam ad politicam gubernatio-  
nem pertinentia. Quod subditi suo Regi, & legi-  
timo domino subueniant, id tam consentaneum est  
rationi, & iustitiæ, vt secundum omnia iura sit illis  
succurrendum, quodcumq; illorum necessitas, &  
res angustæ opem postulant. Absq; tali enim subsidio  
neque regna conseruari, nec defendi ciuitates  
possunt. Sic ait Imperator Iustinianus apud Petrum  
Gregor. lib. 3. de Rep. c. 1. *Impossibile est, vt sa-  
cris tributis non illatis, alioquin Respublica conser-  
uetur.* Vocat ea tributa Imperator sacra, quia quod  
subditi homines Regibus suis suarum facultatum o-  
pe subueniant, quando eorum necessitas hoc exi-  
gat, id cum sacra lege Dei valdè congruit.

Et quid de hominibus dico subditis? Etiam sen-  
su destituta creaturæ, quantum videtur, tenentur  
miserari suum Principem, & Dominum, quando  
illum in afflictione, & angustia positum vident, sic vt  
commoueantur dolore illius, cuius rebus exulce-  
ratis remedium ferre non possunt. Nuntiata fuit  
Dauidi infelix mors sui amici Ionathæ, & patris illius  
Saulis, cæterorumq; Principum & magnatum  
Israelitici populi: Acerbo cum mœrore accepit,  
tam elegantem florem sanguinario Martis ferro fuc-  
ciscum emarcuisse, iustaq; irâ inflammatus, ad mon-  
tes Gelboë se conuertens ait: *Montes Gelboë, nec ros,  
nec pluuia sentiant super vos, nec sint agri primi-  
tiarum, quia ibi abiectus est clypeus Saul, quasi non  
esset sanctus oleo;* 2. Reg. 1. 21. Peccatio fuit, aut  
imprecatio fuit, vt sterilitate damnarentur montes  
illi, in quibus tam deploranda strages edita fuerat.  
Sed quid peccauerant orbi sensibus montes, vt tam

vehementer eis succenseret, tantumque malum o-  
ptaret Propheta Sanctus?

S. Ambrosius lib. 3. de Offic. c. 9. ait, tantam  
fuisse illorum verborum energiam, & efficacitatem,  
vt ex eo momento montes illi omnibus sui vitoris  
ornamentis nudati, perpetuoq; squalidi, & horridi,  
atq; inculti manserint. *Aruerunt montes, inquit  
ille, prophetico maledicto, & diuina & sententiam  
maledictionis impleuit. Itaq; pro regia necis specta-  
culo penam elementa soluerunt.* At quid mali ege-  
runt montes, vt Dauid quidem maledicto eos feriret,  
Deus verò ariditate, & sterilitate mulctaret, tan-  
quàm consortes fuisset necis, quæ Sauli, exercituiq;  
illius illata fuit? *Pro regia necis spectaculo penam e-  
lementa soluerunt.* Spectatores aderant montes,  
quando Saul Rex, & Dominus illorum occumbebat,  
& quanquàm absq; sensibus essent, videntur nihi-  
lominus sensum aliquem doloris, & miserationis  
demonstrare debuisse. Quoniam verò nihil tale fe-  
cerunt, merito emarcuerunt, & in suo virore se-  
pulti iustas poenas pro neglecto debita pietatis of-  
ficio soluerunt. Tam arctis enim omnium iurium,  
& legum nexibus adstringuntur subditi ad opitu-  
landum suis regibus inter angustias laborantibus, vt  
ne montes quidem, ac cætera absq; sensibus crea-  
turæ liberæ ab hac obligatione videantur.

Quemlibet vel mediocriter prudentem mouebit,  
quid causæ sit tam sanguinolentæ occidionis, quâ  
Deus occidit suum populum, postquàm Arca ex  
terra idololatrarum Philistinorum relata fuit. De  
illa nece sic ait sacer historicus 1. Reg. 6. 19. *Percus-  
sit de populo septuaginta viros, & quinquaginta mil-  
lia plebis.* Horribilis strages, quâ quinquaginta mil-  
lia hominum momento vno extincta fuerunt! Quâ  
factum, quod Dominus ita desæuij in populum su-  
um tunc, cum pro reddita Arca latari omnes, & e-  
xultare gaudio debuissent videntur? Attulit laborem  
non qualemcumque ingenijs interpretum statuere,  
quid causæ fuerit, quod Dominus tantâ cæde ple-  
bem Berſamiticam maculauit. Quidquid illi hanc in-  
rem dixerunt, id ego veneror. Verum Theodori  
commentationem hac vice amplector, & sequor,  
quæ alibi à nobis commemorata, huc non minùs  
apertè,



ap̄te, quàm illic cadit: *Populus fuit castigatus* (inquit ille q. 14. in lib. 1. Reg.) *Et qui noluerit pro arca adire pericula.* Arcam testamenti interceperant Philisthæi. Erat illa dux Israëlitarum, quibus ad bella præibat, & in omni ancipiti conflictu subsidium ferebat. Apud illum Deus sua oracula fundebat, & in rebus dubijs responsa dabat. Cùm hanc tam venerabilem, & sospitatricem Arcam in potestatem ethnicorum redactam indignè dehonestari, & sacrilegè profanari cernerent, non laborabant, ut eam à captiuitate, & probris, quæ ab illis propudiosis hominibus accipiebat, vindicarent, cùm eà occasione pro illius libertate, ac redemptione facultates, existimationem, sanguinem, vitam offerre debuissent, nec ulli studio parcere, aut labori. Et quoniam prætermiserunt quod fidorum subditorum & gratorum seruorum erat, otiosam illis vitam iratus Deus ademit. Nam si imperatorē suū milites, si regē suū subditi, si dominū serui contumeliosè haberi, & laborare necessitate videāt, neq; fortunas, honorē, vitā adeo, si opus fuerit, pro illius salute discrimini exponant id tam iniquæ accipit Deus, ut illam turpitudinis maculam non alio, quàm in officiosorum eorum sanguine diluere posse videatur, qui opitulari Principibus suis neglexerunt. Regibus, & a ijs dominis ope indigentibus ita subuenire subditi omnibus suis & viribus, & rebus debent, ut neque viæ suæ parcant si eam pro illorum sospitatione profundere sit necessum.

Ut hoc testatum demus, necessarium est rememorare hic aliquid, quod & supra attigimus. Dictum ibi, venisse Dauidem in Nobē ad Abimelech sacerdotem, eiq; cū aduentum illius solitarium cum stupore admiratus fuisset, dixisse: *Rex præcepit mihi sermonem, & dixit, nemo sciat rem propter quam missus es à me;* 1. Reg. 21. 2. Secretum ex rege habeo tam secretum, ut detegere nemini ausim, & cū graue sit negotium regum, ingens quoq; est necessitas panis, quā laboro, quare te quæso, ut mihi de annonâ prouideas. Grata erit ipsi etiam regi tua humanitas, & prolixitas, cui non quaecunq; officium præsteris, si mihi officijs illius occupato remedium famis ministraueris. Respondit Abimelech: *Non habeo lacos panes ad manum, sed tantum panem sanctum,* eumq; aræ, siue mentis propositionis impositum, ibid. v. 4. *Dedit ergo ei sacerdos sanctificatum panem,* ibid. v. 6. Itanē verò panis sanctus, & Deo sacer ex ipso altari auferri debuit, ut cuiusdam regis nuntio daretur? Debuit. Putabat sacerdos Dauidem vera dixisse, & momentosum ne-

gotium regis habere, quod curatum iret. Cū ergo ita existimaret, necessitatemq; nuncijs regi vide- ret, non dubitauit ex ipso altari accipere, quo illi subueniret. Quando enim res ita postulant, & regum causis afflictis aliunde ferri subsidium non potest, ex Aris sacris accipi potest, quo eorum necessitas leuetur. Indicat hoc Abulensis q. 8. in c. 21. lib. 1. Reg. Dicens: *Vidit eius magnam velocitatem ex mandato regis, ideo non misit ad altam domum pro pane, sed credidit obseruationem præcepti regalis sufficere ad hoc, quod posset dare Dauid de cibis sanctificatis.*

Haec ob causam arbitrantur quidam Interpretum iustum fuisse bellum quatuor regum contrā quinq; Sodomæ, Gomorrhæ, Adamæ, Seboim, & Balæ reges. Hi quinq; reges *Duodecim annis seruierant Chodorlahomor, & tertio decimo anno recesserunt ab eo,* Gen. 14. 4. multiq; affirmant, idē deesse, ne tributa illi penderent, quæ cū iusta essent, iniustum esse bellum non potuit, quo repetebantur. Quando autem iure teneantur subditi suorum regū necessitatibus occurrere, tributiq; & vectigalibus, rebusq; omnibus eos, cū res postulat, iuuare, id facis iam probatum dedimus.

## CAPVT II.

*Reges debent plurimum attendere conseruationē suorum subditorum, cū in quolibet eorum perditio vite partem perdat, deq; salute sua periclitetur, cū regum salus, & vita in subditis sit posita.*

**D**E Chodorlahomor, qui potissimum illos quinque reges bello appetebat, solum refert sacer textus apparatus cæterorum regum, quos foederatos habebat, quanquam etiam intelligi debeat de rebus cæteris ad prælium conficiendum necessarijs, ut sunt equi, arma, comiteatus, tentoria, & cætera victus humani admininacula. Hominum autem, quos sub signis habebat, sola sit mentio, ut sit documento regibus, quo in pretio habere debeant milites suos stipendiarios, quorum virtute, & pugnandi ardore sua regna stabiliunt, & salua conseruant.

Debent cogitare reges quanquā Deum cœli in terra repræsentant, longe alium esse suum, ac illius principatum, longè alium suum, ac illius imperium, de quo Propheta Isaias ait: *Factus est Principatus super humerum eius;* Isai. 9. 6. Deus athlas est, qui orbem vniuersum, cœlorumq; & terræ imperium suis humeris sustentat. Quid voluit significare Propheta Euangelicus, cū inusitato loquendi more



more principatum super humerum nascitur in carne Filij Dei fore prædixit? Quis vidit picturam mundani alicuius regis sua regnâ subiectis humeris ferentis? Turpis æmulatio principatus illius superni, aut foeda assentatio impudentium palponum fuerit, si quis regem mortalem sic aliquando vel effigiauit, vel delineauit. Quid ergo sibi vult illud Isaïæ, *Factus est principatus super humerum eius?*

Varia habeo ex multis Expositoribus responsa, quæ alibi commoda venient. Præsenti causæ seruit, quod Nicetas Sancti Gregorij Nazianzeni illustris scholiastes in orat. eius 19. ait, *vbi ita: Principatum habet in humero suo, non sicut ceteri reges, qui habent principatum suum non in humero suo, sed in militibus, ducibus, & alijs rebus.* Deus nullis vel suppetijs, vel subsidijs alijs eget, quibus maiestatem imperiumq; suum suffulciat, ille sibi, suæque magnificentiae sustentandæ sufficit, & hoc est principatum habere super humeros. Verum ceteri ex hominibus reges non possunt se sustentare suis humeris, nisi suffulciantur à militibus, ducibus bellicorum, amicis sapientibus, locupletibus, quorum hi consilio, illi gladio, hi salubribus monitis, illi subsidijs pecuniarijs, omnes omnibus, quibus possunt, modis opulentur: hi enim sunt basis monarchiæ, vita principatum, columnæ regnorum, fulcra imperiorum. Debent ergo reges vigilanter prospicere subditis suis, in quibus vita, salusque eorum est posita.

Sub aquilæ metaphora dicit id nobis propheta Ezechiel, qui iussu hæc scripta reliquit: *Aquila grandis magnarum alarum, longo membrorum ductu, plena plumis, & varietate, venit ad Libanum, & tulit medullam Cedri:* Ezech. 17. 3. LXX. Interpretes apud Theodoretum sic transulerunt ista: *Aquilam magnam magnis alis præditam, longâ extensione, plena vnguium.* Hæc aquila, ex eodem Theodoretto, fuit Rex Nabuchodonosor, cuius exercitus aquilam robore, & velocitate referebat, eamq; diuersarum nationum populis tanquam varijs plumis ornata, & plenam vnguuium. De aquila ex Plinio, Bartholomæo, Anglico, Ioanne de S. Geminiano, Vincentio Beluacensi, Petro Berchorio, & alijs autoribus, & experientia teste reliquis omnibus locupletiore scimus, robur suum, viresq; omnes in vnguibus posita habere, quibus pro gladio, & scuto vritur, seseque defendit, & offendit aduersarios. Quia sunt huius aquilæ vngues, in quibus virtus illius, potentiaq; omnis est posita?

Respondet Theodoretus: *Vngues Regis sunt mi-*

*lites, qui celeres sunt, atq; validi ad percutiendum, & fera insularum dilanandum eos, qui contra adire conantur.* Multibus tanquam vnguibus rex quilibet defendit se, offendit alios. Quod ergo sine vnguibus aquila, hoc absq; milite, & subditis Princeps.

Solus Deus sine milite est Dominus exercituum, & conflictuum. Euicimus hoc iam ex Isaia, sed vt magis confirmemus, necessum erit recurrere ad illam Bethsamarum superiori capite commemoratam cædem, & quærere, quamobrem Dominus tot millia hominum vnâ occisione extinxerit, postquam ex Philistinorum potestate Arca libera redijt. Sacer textus quidem ait, cæcos tot homines fuisse, eod quod vidissent Arcam Domini, 1. Reg. 6. 19. Sed quid hoc flagitij fuit, vt pro solo Arcæ liberiore inuitu pœnas tam graues darent?

Respondet Abulensis: *Arca Dei à Principio inter ipsos fuerat aliquod nimis honorabile, quia tamen ducta fuerat à Philistinjs, & manserat in terra ipsorum, forte iam non crederetur tanto digna honore.* Summa fuit ante Isrelitarum erga Arcam reuerentia, sicut propius eam adire non auderent. Cùm verò in terra hostili plusculos menses captiua hæstasset, de magnificentia sua, exstimationeq; & splendore decidisse illam sunt arbitrati, vt propterea illis maiestas eius vilescere, & fieri despicabilis coepit, ex quo & factum, vt eam irreuerenter nudare, & prælicenter impudentibus lustrare oculis ausi fuerint. Vt ergo intelligerent, nihil eius potestati, & magnitudini decessisse, sed virtutem veterem semper conseruasse integram, tam sanguinolentam stragem intrâ breuissimum tempus Dominus edidit, vt vel inde acciperent, inter amicos, & inimicos mansisse semper eandem. Super humeros suos suum habet principatum, quem nec augent amici, nec debilitant hostes, neque confirmant, neq; hi frangunt, aut extenuant. Ipse namq; est Rex Deus, & non rex homo. Regis hominis potentiam imminuit paucitas subditorum, numerosa verò copia timorem contrarijs adfert. Rex homo sine hominibus more humano se tueri non potest. Magnopere ergo curare Reges debent, vt benè sit subditis, quia maiestatis suæ conseruatio ex illorum salute pendet.

Inter Discipulos Christi Benjamin illius Ioannes ait, securam fuisse Dominum maximam hominum variorum multitudinem, neque vno tamen omnes consilio comitatos. Subijt ille tunc in montem, atque ibi cum discipulis confedit, sublatisque oculis cùm vidisset tam frequentem hominum conuentum, ac necessitatem famis, quam patiebantur, con-

uerfus



uersus ad Philippum dixit: *Vnde ememus panes, & manducent hi?* Ioan. 6. 5. vnde victum cateruarum copiosæ, annonamque necessariam accersimus?

Omnes Expositores statim inquirunt, cur diuinus Magister vnus Philippi consilium potius, quam alterius cuiusvis Apostolorum exquisierit. Cur non consuluit Petrum. Cur Ioannem suum dilectissimum præterijt? Cur Iacobum non interrogauit, quem cum prioribus ad consilia secretiora amittere aliquin solebat? Cur de re tantilla cum his non communicauit, quod aliorum factorum suorum grauissimorum conscios esse voluit?

Multi hic multa dicunt, ad rem autem præsentem S. Cyrillus lib. 3. in Ioan. c. 13. & Theophylactus. Cyrillus inquit: *Ut rudiores rogat.* Et Theophylactus: *Quia maiore indigebat eruditione.* At si consilium Dominus requirebat, cur id à rudiore, & eruditionis magis indigo expetebat? Consultatio cum prudentioribus, cum sapientioribus, cum his, qui magis versati sunt in studio rerum, quæ dubitationem adferunt, instituitur. Quid ergo Christus rudiores rogat?

Fecit hoc, ut indicaret, quidnam inter ipsum, & Reges alios interesset. Cæteri Reges, Principes, Domini, ut rectè agere possint, agendi consilia à sapientioribus, & prudentioribus, & magis expertis postulant. Verùm Dominus multò aliter egit. Nam ille siquidem interrogauit, hoc fecit, ut instrueret, neq; consiliũ consilio alio petijt, quàm ut daret? Propterea consilium poposcit ab imprudentiore, & consuluit minùs gnarum, *Ipse enim sciebat, quid esset facturum*, quod monet Euangelista ibidem v. 6. Ille sibi est consiliarius, ille ipsissima Sapientia, & potentia, qui alijs vires, scientiam, & prudentiam agendi ministrat.

Reges, & Principes terræ ij sunt, qui egent consilio alieno, & mendicare debent lucem, ad cuius splendorem rectè instituere suam gubernandi rationem possint. Tacita, sed vetus fuit sæpè multorum interrogatio, cur Imperatores, & Reges tam ingentem hominum turbam habeant ab officijs aulicis, quorum alij bello rectè gerendo, paci conciliandæ alij attendant, in quibus Auditores, Quæstores, Prætores, Præsidentes, Archiguberni, Architalassi, Magistri vigilarum, Metatores castrorum, Capitanei, Vexilliferi, alij sine numero. Cui respondet Rex Alfonso Partida, 12. Tit. 1. apud Salazar de Mendoza delas dignidades seglares lib. 3. c. 23. his exolecis verbis: *Et Enperador, e el Rei, maguer que*

*sean grandes sennores, no pueden facer cada vno dellas mas que enome, porque fue monester, que obiesse en su Corte omes onrados, que los siruiesse, ide quien se gouernassen las gentes, e rousessen lugares aquellas cosas, que ellos ouiesse de ser por mandado dellas; quæ lasine sic habent: Imperatores, & Reges quanquam magni sint domini, plus tamen quàm homo vnus, facere illorum nemo potest. Propterea necessum fuit, & in eorum aulis multi essent viri honorati, qui illis obseruarent, & gubernarent subditos, & tempus haberent, excutendi, pensandiq; ea, quæ ex mandato illorum videre debent. In theatro alicuius Imperij Rex vnus, quantumuis sapiens, & potens, plus quàm vnã personam repræsentare non potest. Nam cùm Imperator, seu Rex homo sit, habet vires valde tenues, potestatemq; perimbecillam. Vireant ergo Principes, & domini terræ, quàm soliditate, & studiosè prouidere debeant suis subditis, à quibus illorum potentia, stabilitas, maiestas, & magnificentia, post Deum, pendet, quibusq; oppressis, aut extinctis, facile sit Principatus, Regna, Imperia subuerti, atq; interire.*

Quàm opportunã metaphorã hanc ipsam rem Dominus per Ezechielem indicauit? Loquitur apud illum de rege quodam, atq; esse illum vineæ cultæ, fertilisq; similem, dicens: *Ecce vinea ista quasi mittens radices suas ad eam, palmites suos extendit ad illam, & irrigaret eam de areolis germinis sui;* Ezech. 17. 7. Theodoretus vertit hæc ita: *Et ecce vitis, hæc implicata ad eam, & radices eius ad ipsam, & ramos suos extendit ei, & putares eam cum gleba à radice plantationis suæ in campum pulchrum.* Vineam hoc loco est symbolum istius regis, glebam autem appellauit populum, inquit Theodoretus. Si quis vineam ædificare extrà humum, aut locum terræ omni vacuum vellet, is vel insignem stultitiam suam proderet, vel ingens miraculum expeteret. Omnis enim vineæ viror, vigor, virtusq; ex humo illi venit, ex cuius liberalitate tota eius elegantia, opimitas, venustasq; nascitur. Quod ergo rex vici, populus glebæ, seu terræ comparatur, id eiusmodi est, ac si diceretur, eum Regem, qui se absq; subditis aut conseruari securum, aut dilatare gloriam suam posse putet, vel rem temerariam tentare, vel miraculum expectare. Quanquàm enim verum sit, quod subditis dux, & Imperator, aut Rex opus est, non inde fit, Regem non egere subditis.

Appositè huc veniet, quod Plato Epist. 1. ad Dionysium tyrannum his verbis scripsit: *Meminisse*



autem te Golo, tragicos plurimos, cum tyrannum aliquem percutient inducunt, huiusmodi illi voces attribuerent, HEV MISER, PEREO NVLLVS EVLTVS AMICIS. Auri vero defectu pereuntem. Aliquem nullus unquam finxit Poetarum. Dionysius Siciliæ tyrannus præmodum arrogans, & insolens erat, præfidebatq; plurimum suæ opulentiae, & affluentiae auri, & argenti. Habebat simul subditos quàm oppressos, tam sibi infensos. Scribebat illi Plato, consulebatq; videre quid ageret, & magis studere amicis quàm diuitijs comparandis, ardentiusque amare subditos, quàm nuncios, ac thesauros, vel ob id, quod veteres tragici affirmare solerent, hanc esse demùm regum, ad interitum rebus eorum inclinantibus, querimoniam, *Heu miser, pereonulla fulvus amicus*, pereonulla habens amicorum subditorumq; columnas, quibus nitatur. Abundet quantumvis Rex auro, atq; argento, si desertus est ab amicis, & subditis, euerit illum, & cadere de statu suo, prorsumq; extinguere necessum est. Interitum regum Potestatis non inopia auri, sed amicorum, subditorumq; paucitati adscribebant.

Sic & Spiritus Sanctus ait Proverb. 14. 28. *In multitudine populi dignitas Regis, & in paucitate plebis ignominia Principis.* Magnus Parcemiarum Salomonitarum interpres in ea verba sic differit: *Præceptum istud Regibus tradit Salomon, quibus suadet erga multitudinem benevolos, beneficos, & benignos esse, nam eorum salus, robur, & imperium in fide subditorum situm est.* Hæc Salazar. Commendat regum sapientissimus regibus alijs suæ vitæ, & salutis curam, quam conservare hac medicinâ possint, si subditorum erga se reuerentiam, & benevolentiam suâ beneficentiâ, facilitate, prolixitate conferuent, quorum frequentia roboratur eorum imperium, & dignitas servatur.

Ad hunc sensum locutus est S. Gregorius Nazianzenus orat. 4. vocans milites nervos Romani imperij, quando Ioviniano Imperatori sic scripsit: *Totus in eo erat, ut exercitum servaret, nervosq; Romanis relinqueret; in quæ verba Elias Cretensis sic differit: Romanorum nervos milites intelligit Gregorius, propterea quod & animantibus in nervis, & arboribus, sic etiam Romana Respublica in militibus robor situm esset. Merito magnus Theologus milites vocat nervos Imperij; ut enim nervis incisis lævis simus leo, & ferocissimus taurus remittunt spiritus, roburq; eorum debilitatur, ita populis extenuatis, vel extinctis, Imperatorum, ac Regum potentia simul extenuatur, vel extinguatur.*

Cum his congruit, quod de Ptolomæo Epiphane refert S. Hieronymus in c. 9. Danielis. Fuit ille à militibus interfectus, eò quod preditorie mortem Seleuco machinatus fuerit. Dum hanc illi necem adornaret, interrogareturq; *tantas res moliens ubi haberes pecuniam, respondit sibi amicos esse diuitias*, tanquàm eadem illam struere cœperit non opulentia, sed necessariorum, & familiarium suorum fiducia, quorum virtute rem tantam facillè perficere posset putaverit. Et reuerà Regibus grandia molientibus multi sunt magis commodi, & viles, quàm amici, & subditi. Hi sunt veri illorum thesauri, & diuitiæ inprimis necessariae. Tameñ enim pecunijs quoq; rerum suarum partem plerumque magnam conficiant, vita tamen eorum, & salus, & potestas, in subditis præcipue est posita.

## CAPVT III.

*Tributa moderata sunt concessa, quæ idcirco Deus etiam miracula comprobavit, prægrandia & nimis gratia stragem Rebus publicis, ruinam Imperijs, interitum regnis adferunt, suntq; multorum aliorum molorum seminaria.*

**A**lij Expositores hanc ob causam perduelles factos quinq; illos reges volunt, quod Chodorlahomor immoderatis tributis illos prægravaverit, ideòq; excussisse intolerabile servitutis iugum, & subtraxisse humeros oneri, quod ferre non possent. *Duodecim annis servierunt Chodorlahomor; & tertio decimo anno recesserunt ab eo;* Gen. 14. 4. Talis defectio, nec aliud quidquam consequi poterat iniquum, & plus æquo grave vestigal. Quod regibus pendantur tributa, id rationi, ac iustitiæ consentaneum esse diximus, è re tamen Principum est, ut talia imponant, quæ solvi à subiectis populis queant: Nam cum illorum salus, & vita in subditis sit posita, non debet hos intollerabilibus opprimere portorijs, ne se regno subtrahant, sed onerate moderatis, ut perdurare, Principesq; suos conservare queant.

Quando tributa sunt moderata, ea secum ferunt ab æquitate commendationem, ut Deus miraculum voluerit facere, quo illa comprobaret. Petebat Christus Capharnaum cum Discipulis suis, iamque aduenerat ad eam civitatem, quando vestigalium exactores adierunt Petrum, & interrogarunt: *Magister Vester non soluit didrachma?* Matth. 17. 23. Post hæc cum in domum quandam diuissent, præuenit Dominus Petrum, ostenditq; illi se vestigalem.



galem non esse, aut tributarium, ac dixit nihilominus: *Vade ad mare, & mitte hamum, & cum piscem, qui primus ascenderit, tolle; & aperto ore eius inuenies statuerem, illum sumens, da eis pro me, & te;* ibid. v. 26.

Tributum videtur fuisse, quod illi exposcebant, vt monent sancti Hieronymus, & Augustinus, & alij. Quamuis Christus non esset obnoxius debito huius tributi, quod tamen quia sponte sua pendere voluit, ex suis paratis numerare potuit, nec enim tam inane omne illius ærariolum fuerit, vt vel drachma vnicui non haberet reliquum. Cur ergo tam patente miraculo potius parare, quam ex suis numerare pecuniam voluit, quæ vestigal, quod non tenebatur, solueret?

Abulensis q. 81. in c. 17. Matth. respondet: *Christus ante hoc nunquam soluerat didrachma, nunquam dependerat tributum, & quod nunc exigebatur, tam exiguum, moderatumq; erat, vt solum duodecim besles faceret, quo aliud minus vestigal vix esse possit.* Vt ergo omnes intelligerent, æquum esse leuia huiusmodi, rarq; & moderata soluere tributa, miraculo conquirere voluit pecuniam, quo ea non solum solueret, sed etiam comprobaret, alijsq; commendaret. Si crebrò illi molesti fuissent, si quotidie tributa noua, portoriaq; & subsidia insolita importunè exegissent, cupiditatq; magis fuisset, quam necessitas, quod postulassent, fortè miracula in supplicia vertisset, & flagello, non prodigio erga eos usus fuisset. Vult enim Dominus (qui omnium incrementa enixè cupit) subditos fidos, & viuos, fidelitas autem, ac vita eorum per noua tributa, & prægrandia vestigalia in periculum adduci, ac perire solent.

Diximus supra, agrestes, & syluestres arbores longæuiore esse, quam hortenses, & vrbanas. Hic causam, quam ibi prætermisi, reddam, cur illarum sit prolixior vita, quam harum, cum domesticæ ob crebram, continuamq; culturam debere durabiliores esse videantur.

Theophrastus de caus. plant. lib. 4. c. 1. causam hanc reddit: *Cultura non vires auget, sed partum fructuum, qui arbores necat.* Nimia cura arborum, quas ad manum habemus, facit vt fructus maiore copiâ edant, indeq; extenuentur, & citius exarescant, atq; emoriantur. Syluestres parum fructuum producant, ob id vitam in annos longiores producant. Quo studio fit, vt arbor aliqua fertilitatem priorem posteriore superet, eodem efficitur, vt non

diu ille vita superet, deceditq; ætati, quod accedit fecunditati.

De quo idem Theophrastus ista: *Quæ plura, quam soleant, pepererunt, sæpè intereunt.* Quod in animalibus, & plantis, idem in Rebus publicis accidit: Vt enim arbores, quæ nimio studio velut coguntur, vt poma solito plura edant, exhaustis ante tempus viribus exarescunt, succoq; & vitâ destituuntur; sic Respublicæ, à quibus nimia extorquentur tributa, opprimuntur, exhauriuntur, intereunt.

Alexander Magnus in magnam penuriam ex continuis bellis adductus, consuluit suos, vnde remedium petere necessitati, vnde sumptus recuperare posset. Quidam ex his, quos à consilijs habebat, recipiebant se ad illud Medicis tam vsitatum (minue sanguinem, & vacua corpus) suadebantq; emungere populos, deglubere subditos, & nouis tributis eos onerare, ex quibus vim pecuniæ ingentem breui accepturus, & egestatis damna facile instauraturus esset. Tunc Rex, vt est apud Erasimum centur. 3. adag. & Simancam l. 9. de Rep. c. 24. n. 8. cum stomacho dixit: *Olutorem odi.* qui herbas radicibus excidit; velut pluribus dixisset: *Apagete cum isto perniciosi, & exitiabili consilio, quale ipse mihi facile comminisci poteram, si perditum meum imperium volebam.* At hortulanus ego sum, hortus regnum, subditi plantæ, non debeo ergo has stirpibus extrahere, quia execror, ac detestor hortulanos, quicunq; hoc faciunt, radicibusq; euellunt arbuta, ex quorum fructibus victum, proventumq; suum omnem expectare, & capere debent. Bonus hortulanus facultatem habet sumendi alimoniam ex fructibus, sed non extirpandi plantam, quæ illos amanter præbet.

S. Bonauentura Doctor Seraphicus de processu religion. ait: *Terra fertilis, si diu inculta fuerit, syluescit, si nimis cogitur fructificare, fit macra, si modum tenens, fertilis perseverat.* Itaq; vt non sterileseat, sed perduret eius fecunditas, consultum est, mediocritatem erga illam seruare, & neque nimium percolare, neque prorsum incurram, neglectamq; relinquere. Sic Princeps, qui vult seruare suos subditos, eorumq; terras, non debet immodicis prægrauare tributis, alioquin exhauriet, vt nullos ex eis deinceps capere census possit.

Sint pro fulcimento huius doctrinæ verba Regis Theodorici præclara, & memorabilia, quæ apud Cassiodorum lib. 4. epist. 38. sic habent: *Cum omnes Reip. partes æquabiliter desideremus augeri, cremen-*  
*ta tamen fiscaliū tributorum iustissimo sunt pensan-*



da iudicio, quia seruientium imminutio est huius illationis accessio, quantumq; pars illa proficit, tantum se ab aqua firmitate subducit; ac si apertius dixisset: Cum illud semper ardentissime cupierimus, ut omnia Reip. nostræ membra iustis profectis augescant, idcirco volumus exactissimam, & æquissimam haberi vectigalium, ac tributorum rationem. Nisi enim ita fiat, sed fisco nostro quidquid auaritiæ cupiditas suggererit, inferatur, subditos inopes copiar nostræ facient, immo ad egestatem dilabemur, unde opulescere putabamus.

Ut persuaderet Theodoricus, quod suadebat, subiunxit dicens: *Ne augmento suo tumens summa deficiat, incipiatq; magis deesse, quia immaniter. Visa est accrescisse.* O verba! digna, quæ literis aureis scripta sint, atque exposita oculis omnium regum, qui suos subditos saluos, & regna stabilia esse cupiunt. Verborum illorum hic est sensus: Quam seridè, ac grauiter possum, vero immoderatas omnes, & enormes tributorum impositiones, ne fraudem patiar sumptuosissimam, & malum damnosissimum experiar: Eiet enim, ut viribus potestatis, & opum copijs extenuer, ac deficiam, quando vtrisque regnum meum auxisse, & amplificasse putabo. Nam cum diuitiæ meæ non sint aliæ, quàm quas mihi subditi mei tributarij pensitant, postquam exhausero, & vacuauero rebus suis omnibus, quomodo me, imperiumque meum stabile conseruare potero? Animaduertant hic Reges, Regem esse, qui talia scribat, cogitent Principes. Principis esse hanc doctrinam, quæ propter suum authorem & minimè suspecta, & maximè venerabilis esse debet. Et palam est, vergere in interitum, & non posse non perire Reges, quicunque iniquis extorsionibus subditos suos exinaniant.

Iratus, & offensus Dominus Assur, has illi minas terribiles, ac stupendas per Isaiam intentat: *Cader Assur gladio non viro, & gladius non hominis vorabit eum, & fugiet non à facie gladij, & iuuenes eius & virgines erunt; Isa. 37. 8.*

Dodissimus Forerius ait, hæc postrema verba ex Hebræo sic transferri posse: *Iuuenes eius liquefient.* Hæc autem versio mox attulit difficultatem illi erudito interpreti, & dubitationem, quid affinitatis habeant vectigalia, & liquefactiones, ut de quibus Hebræus dixit, quod liquefient, hos Vulgata nostra affirmet futuros vectigales. Occurrit tamen illi magnum sacræ linguæ mysterium esse, quod eodem vocabulo vectigalia significet, & liquefactionem. Sensum hac de re suum ita exprimit: *Quare autem tributum liquefactio dicatur, nescio plane, nisi forte*

significauerit author lingua sancta tributis resoluti animorum vires, atque corda liquefieri, seu etiam facultates diminui. Ut ergo regna colliquefiant, diffluant, dissipentur, nulla re citius efficitur, quàm vectigalium enormium impositione, nec pestis aliqua tam est exitiabilis corporibus, quàm pernicio-sa imperijs onera tributorum intolerabilia, quibus prægravantur, & opprimuntur populi.

Quàm opportuna huc veniet quædam magni Philonis Iudæi doctrina! Propositum illi erat erudire, & bonis præceptionibus bonum insinuuere regem, aitque illum debere prudentis agricolæ similem esse: Voluit autem etiam gnauum, atque industrium agricolam informare, dicitque debere illum curare, ut prudentem Regem imitetur. Ad Agricolam conuersus, eorum siticulosam cupiditatem his verbis perstringit: *Vos cum ex eodem fundo colligatis ex Vere hordeum, atque triticum, in aestate fructus, arborem duplici cum tributo grauata opprimitis, siers non potest quin exhaustus deficiat, quemadmodum athleta, cui respirare non datur, ac vires colligere, & certamen rediretgreri.* Hæc ille in lib. de creat. Princip. Auarus agricola, cui eadem tellus per æstatem triticum, sili-ginem, hordeum, auenam, fructus per autumnum profert, si arbores anno vno bis pomiferas velit, exsuccam hæc ratione, sterilemque terram efficit, ut non sit post hæc ferendo, non secus ac deficere animo necesse est pugilim, cui obtrititas reficiendi vires orium non conceditur, ut ad nouum conbictum sese præparet. Ut ergo fundo sua vbertas, sua fecunditas telluri maneat integra, quid facto opus? Illud, ut non plus ab ea exigas, quàm pendere queat, sed hoc tantum illi vectigal imponas, quod commodè soluere possit. Hoc ipsum rex cum suis subditis facere debet, inquit Philo, talemque doctrinam sequi, si vult illos perdurabiles, & sospites, & saluos, ut non prægrauet tributis, non oneret supra facultatem vires vectigalibus, ac portorij. Nam si limites excedat, intra paucos dies & regno carebit, & subditis.

Describit Cassiodorus eleganter ardens prodigium Vesunij montis, quem suæ flammæ illustrem, & celebrem Orbi strages fecerunt. Ructat ille perpetuas flammæ, ignisque continuo vomit, nonnunquam aërem fumi sui atrore infuscat, & obscurat, diemque tam dubium reddit, ut nescias an Sol cursu incitatore aufugerit, noctique ante tempus cesserit, sulphureos globos expirandi finem nullum ardentia illius viscera faciunt. Denique velut arcus tensus flammantia spicula in vicinas valles semper iacit,



cit, & qualis fulminaris machina, aut pulueris bellici lebetes pilas ignitas explodit. Quæ cum secum reputaret Cassiodorus lib. 4. epist. 4. aiebat: *Et tot sæculis mons habetur, qui erogationibus tantis expenditur; velut dixisset: Quæ antea de Vesuvio dixi, plurimum admiror, sed illud me attonitum reddit, quod hæcenus perdurat, neque iam pridem consumptus est, & exinanitus, qui cineres, ignes, flammæ, incendij globos tantâ copîa tam longis annis iam profudit: Tot sæculis mons habetur, qui erogationibus tantis expenditur.* Admirabile prodigium! Miraculum inauditum, & quo aliud maius, videretur, nullum esse possit, montis, qui tam diu, tamq; continuè fundit, neque effunditur, aut euacuatur. Tale miraculum in solo Campaniæ Vesuvio, & Ætnâ Siciliæ videre licet. Nam putare, quod Respublica, regio, quæ erogationibus tantis expenditur, tributaque ex alijs alia soluit, perdurare possit, error est manifestus.

Sic enim habet Philo, ubi supra: *Qui plura tributa conatur imponere subditis, non facit officium Principis, sed avari; & pugnantis cum natura legibus.* Et reuera contra omnes leges facit, qui subdito grauiora pondera imponit, quam ferre possit. Et Princeps, qui non vult huic inharere doctrinæ, ille suum nolens deplorabit damnum, & quando perniciem sibi ex avaritia notam curare cupiet, non poterit.

Inter multas leges, quas Dominus populo suo dedit, hæc una fuit: *Non serues vineam tuam alteri semine;* Deut. 22. 9.

Quid causæ fuerit, quod Dominus nulla in vineis plantari arbuta, nec feri alio semine terram voluit, quæ consta vitibus erat, sed vini solos, neque alios proventus ab ea exigi?

Respondet Plato Alexandrinus, Philo, inquam, Iudæus in eodem lib. de creat. Princip. Dominum hoc præcepisse non tam vinearum causâ, quam ut Principes, quomodo se erga subditos suos habere deberent, dissimulanter moneret. Qui vult, quod eadem terra vinum, oleum, triticum, poma, aliosq; tales fructus eodem tempore ferat, palam est illum procurare stragem eius terræ, & vastitatem. Quæ enim tam onerosis pensionibus grauitur, quæ tam intolerabilibus tributis defatigatur, eius vires hebetari, & extenuari, & extingui necessum est, sic ut deinceps per omnia inutilis efficiatur. Hæc ergo lege tacite monentur Principes, ceterique Domini, ut si conferuari suos subditos volunt, immoderatis vestigalibus non obruant. Petere autem hodie ali-

quod donatium, cras exigere aliud, & quotidie novos aliorum tributorum exigendorum titulos comminisci, seu prætextus excogitare, quid hoc aliud est, quam subditorum stragem, & consequenter regnorum exitium, interitumque moliri?

Cum sacrum Oraculum præclara inuicti Davidis facinora narrare institueret, hoc inter illustriora recenset, quod *tulit David frænum tributis de manu Philisthæim;* 2. Reg. 8. 1. Vestigalem seruitutem sub barbara potestate, & arrogante tyrannide idolatrarum Philisthinorum patiebantur Israëlitarum. Philisthinorum pariebantur Israelitarum. Rex autem David cupidus felicitatis suorum subditorum, redemit eos validè ab illa tam probrosa, & terribili oppressione. Sed premanus nomen, quo sacer textus tributa vocat: *Tullia frænum tributis*, inquit. Frænum appellauit immoderata tributa: Nam ut fræno equus regitur, & a seffore retineri, & quamcunq; in partem flecti potest; sic Princeps tributo subigit subditos, cogitque quidvis illud & dare, & facere.

Ita sentit magnus Abulenſis q. 3. in c. 8. lib. 2. Reg. ubi sic habet: *Vocatur frænum tributis, quia sicut frænum est, quo tenetur iumentum, & cogitur ad diuersa; ita populus cogitur sub eo, cui tributum præstat.*

Litera originalis Hebræa talis est: *Abſtulit stimulus maiorem*, quo fodicabantur miseri Israëlitarum. Itaque tributa immoderata & frænum sunt, & stimulus, monenturque mysticis illis nominibus Principes videre, quomodo regant suos subditos, quomodo fræno, & stimulo rectè vtantur. Sit licet mansuetissima, & morigerissima bestia, si tamen nimium corripas habenas, aut validius impressis calcaribus virgeas, facies ut subsulter, & calcibus feriat, si onere viribus maiore graues, & si immoderatè illam exagites, deijcies eam, & oppresso iumento viam non conficies. Tale quidpiam, & eo plura expectari ex immodica oppressione possunt. Facilis est applicatio. Videant Principes quomodo vtantur stimulo, quomodo moderentur frænum, quæ vestigalia subditis imponant. Si supra vires illos exagitent, plusque ab eis exigant, quam per suam inopiam pendere queant, fortè fiet, ut nimia seruitute grauari resiliant, aut calces elidant, cum & bestia tantundem faciant, prorsumque succumbant, cum plura, quam possint, cogentur facere. At bestias quidem opprimat onus, motus, seditiones, perduelliones. Memorabile illud, quod Regi Roboamo cum suo populo accidit, dissimulare hic non possum. Successit.



cessit ille patri suo Salomoni in regno, cumque imperij gubernationem iam suscipere vellet, populus, qui in Sichem coierat, eum obsecrauit, ut pondera intolerabilium tributorum minueret, quæ patris auaritia miseris illorum cervicibus inieciisset. Visum fuit nouo Regi graue, ac momentosum negotium, ac propterea tridui moras petijt, ut interim maturè causam dispicere posset. Communicauit ergo de re cum patris sui conciliarijs, qui vt erant iudicio, & ætate prouecti, sic quod optimum factu erat, consulebant, sed ille horum saluberrimis monitis postpositis, secutus est sententiam, quibuscum inter delicias nutritus fuerat, quæ sic habebat: *Pater meus posuit super vos iugum graue, ego autem addam super iugum vestrum, pater meus cecidit vos flagellis, ego autem cadam vos scorpionibus*; 3. Reg. 12. 11. Nicolaus Lyranus ait: *Est scorpio genus flagelli durissimi*, quod in summitate habet glandes plumbeas, aut ferreas, quibus carnem cruciabiliter affligat, vt Scorpis caudâ extremâ ferit.

Videamus quid arrogans, & inspiens Roboam sanguinariâ illâ suâ grauioris, & intolerabilioris ingi comminatione obtinuit. Nihil certè aliud, quàm quod ex duodecim tribubus decem perdidit. Sic enim dicebant, qui tam inopinatum responsum acceperant: *Qua nobis pars in Dauid? Vel qua hereditas in filio Isai? Vade in tabernacula tua Israel, nunc vide domum tuam Dauid*; ibid. v. 16. quod tale fuit, ac si dixissent verbis alijs: Valeat domus Dauid, nos alium nobis Regem, moderatoremque quæremus, Regem, qui tot, tamque enormia tributa minatur, nemo ferre potest, nemo sequi, & inuare potest. Hic est fructus, qui colligitur ex impositione intolerabilium vectigalium. Nimis enim extenuati, & exinaniti exhausti, & inique oppressi subditi quid non facient? quid non tentabunt? quid non machinabuntur?

Inter humiles illas, & dulces querimonias, quas Sanctissimus Iob Domino, & supremo benefactori suo daturus erat, etiam hanc fore aiebat: *Noli me condemnare. Indica mihi cur me ita iudices*; Iob. 10. 2. Translatio horum verborum ex Græcis ita habet: *Noli me docere impium esse*. At quomodo hoc accidere potest? Deus neminem docet esse malum, cumque sit fons, & origo veritatis, & sanctitatis, viam malitiæ, & perditionis nemini ostendit. Quâ paraphrasi ergo Græci suam in bonum sensum interpretabuntur translationem? Eâ quæ apud Olympiodorum, aliosque talis est: *Ne me despice languore confectum, ne forte grauiore aliquâ tristitiâ obrutus*

*impiam aliquam vocem emittam*. Insignis huius libri interpres Pineda in c. 10. Iob. 1. v. 2. n. 2. Græcorum illam translationem sic reddidit suâ vernaculâ: *Nome insegnemi a ser de comedido con tanto apurarme*, hoc est, vide ne dum me minimum opprimis, licentiùs quid agere, aut liberiùs loqui erudias. Reuera enim sic exhauriri patientia hominis longanissimâ, sic exagitari eius tolerantia potest, vt in verba erumpat, quæ nunquam alias cogitasset. Potest subditos suos sic affligere Princeps, sic exinanire portorij, grauare tributis, opprimere impositis vectigalibus, vt nisi ad consilia se conuertant, quæ alioquin illis in mentem non venissent. Propterea necessarium est multam hac in re adhibere cautionem, & moderationem, quia periculosissima est, maioresque strages & ruinas minatur.

De illo tributo, quod Publicani apud Matthæum ex Sancto Petro quærentes aiebant, *Magister Vester non soluit didrachma?* Matth. 17. 23. sic dicit Abulenſis q. 81. in c. 17. Matth. *Drachma interdum significat questionem*. Neque caret mysterio, quod questio, & tributum habent commune drachmæ nomen. Nam reuera plurimæ sæpè, ac grauissimæ quæstiones, controuersæ, tumultuationes, seditiones ex tributis oriri solent. Drachma sex besium, vt diximus, tributum est. Et si tantillam vectigal magnorum motuum causa esse solet, immoderata, & prægrandia, enormiaque tributa quas non secum ferent turbationes?

#### CAPVT IV.

*Qui volunt dimicare vt viri, debent parum habere cum mulieribus commertij, castra enim non castra cito procliuiturque sequitur interitum, & ruina.*

Concurrerunt bello quatuor Reges cum quinque, & hi succubuerunt in prælio. Itaque Rex Sodomorum, & Gomorrha torge verterunt, cecideruntque ibi; Genes. 14. 10. De his Regibus nonnulli aiunt, fuisse tum ipsos, tum eorum milites turpi libidini pluriùm deditos, idèdque aduerso Marte pugnasse. Philo Iudæus de his ita habet: *In faminas insaniendo corrumpebant alienos thalamos*. Qui hanc sinistra confictus causam fuisse putant, simul monent, quantoperè curare debeant penes quos est armorum suprema potestas, vt castè, honestèque agant milites. Nullum enim est vitium, quod plus extenuet, ac debilitet vires, quàm obscœnum illecebrosæ carnis flagitium. Nam sicut illi apud Oseâ c. 9. v. 10. *facti sunt abominabiles, sicut ea, qua dixerunt*







Onofander cum persequitur partes, quas supremi armorum moderatoris officium requirit, illum felicem exercitus ductorem fore putat, qui sit castus. Sic enim habet in Strateg. c. 1. n. 1. & 2. *Sobrium opto, sue sicum, Et in arduis negotijs parandis, putandisq; perurgilet.* Gracilis ergo, tenuisque imperator belli, ut quidem habet sententia Onofandri, præstat opimo, homo enim crassus, & pinguis curâ suâ cuticulâ facili impeditur, & satis impedit alios. Sobrium tamen, & castum ante omnia optat Onofander. Merito illud. Nam cum in bono capite salus totius exercitus sit posita, si castrorum supremus Gubernator non sit valde castus, superatu facilis erit, illoq; subactio etiam alij leuiter corrueat.

Ælianus de Atheniensibus affirmat, in omnem carnis vehementer propendisse lasciuia, corporisq; delicias, ac turpes voluptates percupidè consecratos fuisse. Partem autem illam elogiorum sic cōcludit: *Et huiusmodi cum essent, tamen è prælio Marochomo victores discesserunt.* Vbi Ælianus in raris miraculis, & nunquam auditis prodigijs recensuisse videtur, quod homines tam effusi in Venerem vel semel de hoste aliquo triumpharunt. Facili namq; succumbit armis exercitus, qui dat manus lasciuis mulieribus.

## CAPVT V.

*Si hominis mulierosi tam esset inuictum animi, & corporis robur, quàm est valida, & inexpugnabilis libido, fortior illo nemo esset, sed cum cætera vitia carceres quidam sint, carnis lasciuia infernus est.*

Magnum est, quàm potenter cor humanum obscenæ libidinis nefaria passio subigat, & quàm validè miseram huc, illucq; raptet voluntatem. Videre hoc licuit in Sodomitis, finitimisque populis, & eorum regibus, qui tametsi bello turpiter fusi, dissipatique probrosissime essent, & ab irato Deo tam grauiter mulcati, post accepta damna, & depensas pœnas effaminatum morbum, ut loquitur Philo Iudæus lib. de Abraham, *sibi conciliauerunt insanabilem.* Qui alio quouis morbo vitij alterius laborat, remedium sibi facili promittere potest: At qui in hanc turpis lasciuia ægritudinem, eius desperari salus potest, nisi Deus omnipotens specialissimo auxilio illi subueniat.

In Rationali Aaronici Sacerdotis erant duodecim lapides, & in eis insculpta nomina duodecim tribuum. In primo autem versu erat lapis Sardius, Exod. 28. 17. inque illo lapide cælatur nomen Ru-

ben. Lapis Sardius ignis habet speciem, inquit Plinius lib. 37. c. 7. Doctus Ribera notauit aptè cadere in Ruben hunc lapidem præferentem ignis speciem, eò quod ille turpis concupiscentiæ ardore inflammatus patris sui concubinæ flagitium intulerit. Verba eruditi auctoris sunt ista: *Conuenit hoc Ruben, qui prius igne libidinis incensus, ad patris concubinam accessit.*

De hoc lapide Plinius ubi supra hoc singulare tradit, quod inter transucentes lapides nullus tardius suffuso humore hebetatur, quàm Sardius. Aptum ergo hominis libidinosi est hieroglyphicum: Nam ut aliorum vitiorum aciem obtundas, non magno labore effeceris; verum hæc lasciuia passio tardius hebetatur, vixque perdit colorem, & calorem huius inordinati appetitus, qui semel illo inflammatus fuerit. Hominis luxuriæ dediti fœda concupiscentia nunquam obtorpescit, & præclarissimum facinus est, eum, qui talis sit, ex passionis suæ inferno euerere.

Sæctus Cyprianus, aut quisquis alius autor Tractatus de cœna, quam Rex quidam Ioël Canæ in Galilæa in regione Orientis apparauerit, ponit multos veteris, ac noui Testamenti fuisse ad illam inuitatos, interq; eos fuisse quoque Redemptorem nostrum Christum, & quemque habuisse id pro sede, quo dignitas illius, felicitasq; maior repræsentata fuerit. Sedit ergo Petrus super cathedram, Samson super columnam, Zacharus super arborem, IESVS super puteum. Trophæum Petri est cathedra, ex qua docuit, gloria Samsonis columnæ templi, quas conuellens ingentem Philistinorum multitudinem oppressit, Zachæi arbor, ex qua vocatus à Christo fuit, ut illum hospitio exciperet. Ad hunc modum penè omnes noui, ac veteris Testamenti viros, ac mulieres ad cœnam cum suis peculiaribus insignibus Sanctus Cyprianus adducit.

Sed notandus est locus, in quo Christum sedisse affirmat. IESVS super puteum, ait, illum scilicet, iuxta quem Samaritanam conuertit. At si propriū thronum Christum constituere volebat, quisnam gloriosior esse poterat grabato illius Paralytici, quem ab ægritudine, quâ triginta & octo annis laborarat, curauit, & sic persanauit, ut lectum, à quo tam diu portatus fuerat, portare ipse posset? Aut quid magnificentius sepulchro Lazari, quem in vitam quarto post mortem die reuocauit? Neque hæc tantum, sed etiam alia loca sunt, quæ dextræ Christi infinitam virtutem indicare poterant. Quamobrem ergo Cyprianus sedem puteo illo digniorem non inuenit.



uenit. *IESVS super puteum.* Putauit Sanctus Doctor, conuersione Samaritanæ iuxta puteum nullum magnificentius, nullum illustrius, aut gloriosius Christi facinus commemorare posse. Nam cum nulum vitium profundiores in anima radices agat, quàm luxuria, & Samaritanam hoc lethali malo laborantem Dominus sanauerit, visum est illustri Africano gloriosius fuisse, quòd eo lasciuia incurabili morbo ægrotantem curauit, quàm quòd Paralyticum tam longiturnâ infirmitate leuauit, aut quadriuanum Lazarum redanimauit. Non ergo in grabato Paralytici, non in sepulchro Lazari, non etiam in feretro adolescentis Naimitici, sed in puteo, iuxta quem Samaritanam ab obscenæ vitæ consuetudine abduxit gloriosissimè, & ad grauissimam magnificentia, & omnipotentia suæ contestationem sedere Christus debuit.

Sanctus Ephraemi Syrus in exhortat. Spirit. ait: *Quandocunque concupiscentia in animum sese insinuat, mox ipsum cogitatione circumdat, & obsidet, & salutis ingressum præcludit.* Inferno ergo similis est illa turpis lasciuia passio. Nam quem semel tyrannicæ suæ potestati subiecit, ei spem omnem libertatis adimere videtur, nec modum relinquere, quo tam crudelem dominum, tam potentem tyrannum euadere possit.

Huc sine dubio alludit Sanctus Augustinus apud Salazar Prou. 2. v. 29. n. 165, quando hoc fœdum vitium vocat *aterni ignis amulum.* Dicitur autem obscena libido ignis æterni æmula, quia vt ille ignis, quem semel occupauit, adurit, nec exurit, vehementi suo ardore affligit, nec consumit, mortali cruciatu immortaliter torquet, nec effugi vnquam potest: Sic lasciuia flamma, quem semel corripuit, eius intimum pectus, & penitissimas medullas depascitur, videturque inferni quidam ignis esse, absque spe remedij namque relinquit eum, quem semel subegit, ac prostrauit.

Præclare hoc dixit Salonijs Viennensis in expositione mystica Prouerborum Salomonis, vbi habet ista: *Qui Verba meretricis libenter audit, & oscula eius delectabiliter suscipit, quasi ianuam pulsar inferni.* Qui mellea blandiloquentulæ lupæ verba auidis auribus cum voluptate excipit, suauiaque admittit, & labra labris hilariter permittit, væ misero illi. Quamobrem verò? Quia *quasi ianuam pulsar inferni*, inferorumque fores sibi aperiri postulat, qui cum seortis confuscit, aut turpi libidinis vitio tradit, quod nihilo mirius est inferno: Nam vt nullam habet portam, quâ egrediatur, qui inferno se-

Tom. III.

mel est inclusus; ita qui se Venereæ concupiscentiæ mancipauit, videtur omnis euadendi spes ablata.

Satis perspicuè hoc Spiritus Sanctus in Prouerbijs dixit, vbi cum meritoriam mulierem, quæ incautum adolescentem verborum suorum lenocinijs circumuentum ad lasciuum amorem inflammasset, subdebat: *Omnes, qui ingrediuntur ad eam, non reuertentur, nec apprehendent semitas vitæ; Prou. 2. 19.* Num perperam ageremus, si adamantinæ portæ caliginosi illius inferorum barathri hæc verba inscriberemus: *OMNES, QUI INGREDIUNTUR AD EAM, NON REVERTENTUR?* Minimè erraremus. Nam *in inferno*, vt Ecclesia in Officio Defunctorum ait, *nulla est redemptio.* Nunquam exit, qui eò semel ingreditur, & cum sit velut papyracea porta intranti, exire cupienti adamantina est. Hoc ipsum Spiritus Sanctus dicit de fraudulentæ lupæ domo, cui incautus adolescens suam submisit, & addixit voluntatem: *Omnes, qui ingrediuntur ad eam, non reuertentur.* Infernus quidam est ille spurcæ libidinis affectus, cui si quis semel se tradiderit, velut impossibile est illum euadere, & quasi miraculum sit, si fortè ab eo liberetur. Ergo benè diximus, quod cætera vitia carceres quidam sunt, turpis libido verò infernus.

Huc respexit Propheta Oseas quando ad quosdam perditos, & cæcos peccatores ait: *Non dabunt cogitationes suas, & reuertantur ad Deum suum; Ose. 5. 4.* hoc est: Nemo huiusce consceleratis hominibus prædicet, nemo vitæ sanioris studia suadeat, quia nihil apud eos efficiet, sed oleum, & operam perdet. At quisnam ille, Propheta Sancte, morbus, quem tam incurabilem nobis describis? *Spiritus fornicationis in medio eorum*, lasciuia carnis laborant, ex lue Venereæ decumbunt. Si ea ex re ægrotant, facile est intelligere, quod dixisti, facile credere, quod ne cogitabunt quidem reuerti ad Deum. Nam luxuriâ diffuere, & mortem oppetere, videntur idè esse: Cum enim cætera peccata spem aliquam desistenti ab illis relinquunt, intemperans libido ita cor illaqueat, ita irretit animam, ita voluntatem capit, & constringit, vt non videatur relinquere portam, quâ euadere possit, nec spem aliquam recuperandæ sanitatis.

Commodum his veniet, quod Herodi cum increpatione Baptistæ euenit. Dicebat illi ardens Præcursor: *Non licet tibi habere uxorem fratris tui; Marci 6. 18.* velut pluribus dixisset: Vide rex, miram, ac miseram rem, quæ per hos dies agitur. Peccatum tuum tanta scandala generat, tot offencula parit,

G

vt



vt in remotiore solitudine, in qua ego degebam, nihil aliud commurmurent, quàm quod à te fieri audierunt. Habere turpe cum illa commercium, quæ sit germani fratris tui coniux, quàm sit alienum, à persona regia, quàm enorme flagitium, & inauditum scelus, non tu nescis. Profuitne quidquam ista correptio? Efficaxne medicina fuit? Habuitne effectum tam salutaris admonitio? Nihil profuit, nihil effecit obiurgatio. Bruto enim Ioannes loquebatur, aut homini quidem, sed tali, quem lasciu amoris vinum à mente abduxerat, & in truncum deformarar.

De quo Sanctus Andreas Cretensis apud Lippomanum in vit. SS. To. I. orat. de decollat. Præcursoris ita: *Et ille quidem à ratione aliena voluntaria congressionis obrutus delictijs neque se potuit erigere, neque affexit ad lucem veritatis, sed mansit gravatus crapulæ libidinis;* velut dixisset: Noli mirari, quod monita Sancti Ioannis apud Herodem nihil effecerunt. Nam vt mortuum nemo alloqui, nemo mouere potest, vt surgat, quantisvis vocibus quis eum inclamet, nisi coeli miraculo aliquo singulari fiat, atque vt homini, cui vinum rationis vsum ademit, nemo persuadere sanum aliquid valet: sic cum Herodes esset confectus præferuido luxuriæ vino, iaceretque in tumulo libidinis sepultus, velut in deserto voces Ioannes tunc dabat, quando illum à turpi, & incesta consuetudine sua dehortabatur. Nam vt est frustraneus labor, velle aliquid persuadere ebrio, & loqui defuncto, sic & vana opera est, quæ ad reuocandum ab obscænis studijs suis libidinosum vertitur. Hinc æstimare, quanta sit vis huius crudelis, & tyrannicæ passionis.

Sanauit Christus miraculo seruum Centurionis, atque vt Dei beneuolentiæ proprium est, gratias priores posterioribus superare (nam diuina beneficia semper gradibus ascendunt, inquit Pelagius Papa epist. 1.) sic Dominus ab illo famulo curato transiuit in Naim ad resuscitandum defunctum filium vnicum moerissimæ matris viduæ. Propterea Lucas, cum serui istius curati miraculum narrasset, ita subiungit: *Et factum est, deinceps ibat in ciuitatem, quæ vocatur Naim;* Lucæ 7. 11. velut dixisset: Vt ex more pio prodigæ liberalitatis suæ ageret, à miraculo curati ægri, tanquam à gradu inferiore, perrexit ad gradum altiore, ad prodigium defuncti in vitam reuocati, cui cum dixisset, *Adolescens tibi dico, surge,* statim resedit, qui erat mortuus; ibid. v. 14. 15. Hic iam videbatur Dominus in supremum miraculorum gradum ascendisse, sed altior reliquus

erat, in quem subiret, inquit Euangelista. Potestne aliquid magnificentius esse, quàm curare infirmum, redanimare mortuum? Potest. Subiicit enim post hæc: *Et ecce mulier, quæ erat in ciuitate peccatrix;* ibid. v. 37. tanquam dixisset: Oppido grandius miraculum vobis narrabo. Qualem illum? Conuersionem referam mulieris lasciuæ, quæ contemnens omnem vanum, & malè vſitatum ornatum, oblita mundum, eiusque vanitates calcans, animo toto compuncta, & lachrymabunda currit ad sacros Redemptoris nostri pedes. Vbi hoc tacitè insinuare Euangelista videtur, tam ingens miraculum esse conuersionem hominis libidinosi, vt minùs existimari possit, curasse ægrum desperatum, atque in vitam reuocasse mortuum, quàm ad castam mentem reduxisse hominem carnis inquinamenti deditum. Nam & Euangelista, postquam sanatum ægrum, & resuscitatum mortuum recensuisset, demùm narrat conuersionem peccatricis, quæ obscænis corporis flagitijs assueuerat. Hinc arbitrari licet, quàm potenter tyrannica hæc passio pectus expugnet, cuius expulsio sit maius miraculum, quàm curatio moribundi, & resuscitatio defuncti.

*Meliora, & grauiora sunt, quæ in simile argumentum congesta To. 1. Periochâ VII. Feria VI. post Dominicam III. Quadrag. pag. 280. o.*

## C A P V T VI.

*Hominem se quis probare commodè potest, si miseretur miserum, & patienti compatiatur, quod nisi faciat, irrationalis potius, quàm intellectu præditus homo putabitur.*

**C**VM Rege Sodomorum, & alijs, Loth etiam captus cum omnibus suis fuit. Simulac id intellexit pius eius patruus, numerauit expeditos vernaculos suos trecentos decem & octo, & persecutus est & Sodomam; Genes. 14. 14. vt consobrinum suum è potestate sanguinariorem hostium vindicaret, non quietis suæ, non sanguinis, non vitæ, nec rei cuiusquam alterius rationem habuit, quam non libenter periculo exponeret, vt liberare cognatum suum posset. Qui fratrem, aut proximum suum inter angustias positum videt, neque iuvat, ille ab homine degenerat, occasionemque præbet, vt obbrutuisse, & plius quàm fera putari possit.

Apparuit Deus Moyſi, modumque præscripsit, quo educere populum Israeliticum à proterui, & obſtinati Pharaonis tyrannica seruitute deberet. Cum admisisset Moyſes iniunctum officium, redijt

ad



ad Iethro focerum suum, ut vale illi diceret. *Dixit autem Dominus ad Moysen in Madsan, Vade, & reuertere in Egyptum;* Exod. 4. 19.

Sed cum Moyses discessionem à focero iam pararet, dicens, *Vadam, & reuertar ad fratres meos in Egyptum*, iamque ab illo talibus verbis dimissus esset, *Vade in pace*, ibid. v. 18. quid est, quod Dominus illum denuò conuenit, & ad reditum tam vehementer vr̃sit, qui per seipsum omnia sollicitè facere videbatur, ut subito redire in Egyptum posset?

Respondet Abulensis ferè in hunc modum: Cum Moyses secum abducturus esset uxorem, liberos, omnemque familiam, *Voluit eum Iethro quiescere aliquibus diebus, cum eis celebrando grandia festa, & quando Deus vidit Moysen in his aliquid morantem, admonuit eum iterum in Egyptum redire*. Aduersari enim rationi, & repugnare debitis mutuae necessitudinis officij videbatur, quod Moyses vino, & epulis vacaret, quando fratres illius sub duro seruitutis, & captiuitatis iugo ingemiscabant, quod ille inter suauius pocula, & lauta fercula gaudio exultaret, quando cognati ferreis catenis prægrauati suspirabant, & plorabant, quod ille diffunderet risu, quando hi lamentis se conficiebant. Qui videt fratrem suum inter ærumnas, & angustias iacentem, neque statim eum subleuat, cum possit, ille non rationalis homo est, sed fera bestia.

Rediit in vitam Christus, & apparuit Mariæ Magdalene, quæ sacrum illius cadaver sollicita perquirebat. Apparuit autem ei lineamenta præferens hortulani. Postquam personam suam, detractâ larvâ sacræ Pœnitenti derexisset, voluit illa diuinos eius pedes affusa in terram deuotis manibus appetere, sed prohibita his verbis fuit: *Noli me tangere, nondum enim ascendi ad Patrem meum, Vade autem ad fratres meos, & dic eis, Ascendo ad Patrem meum, & Patrem vestrum, Deum meum, & Deum vestrum;* Ioan. 20. 17.

Delatiui, fateor, horum verborum sensus ingenium sæpè, verum doctissimi Parris Riberæ commentarius me refocillauit, desideriumque meum expleuit, qui illa in rem præsentem commodè, & sic exponit: *Noli me tangere, nondum enim ascendi ad Patrem meum, id est, tempus tibi restabit tangendi, & colloquendi, adhuc enim sum in terra, nec ascendi in celum*. Ideò noli nunc morari, sed gaudio, quo frue-  
ris, fac ut fruatur Apostoli, nec enim fas est, te in summo gaudio esse, illos in dolore iacere. Arbitrabatur Magdalena Christum exemplò redituum in celum, & ne illam optatissimam occasionem elabi pa-

teretur, volebat sacrosanctorum pedum illius tactu, & suauissimorum verborum auditu, quamdiu per tempus posset, se oblectare. At verò Christus videns illam labantem, & ad pedes vergentem, ait illi: *Fac ablineas manus, nondum enim in celum redeo, itaque tempus tibi reliquum erit, ut quod nunc vis, posthæc possis, cursu autem perge ad fratres meos, & anastasin meam, celebremque de triumphata morte victoriam nuncia, eisque euangelij ex mea nece subtristes reuela, & exhilara*. Vicio enim tibi dabitur, si tu hic omnibus lætitijs incedas, cum illi ibi in luctu, & mœrore squaleant: *Neque enim fas est, te in summo gaudio esse, illos in dolore iacere*. Insigniti enim cuiusdam flagitij genus est, fratri in afflictione posito non succurrere, cum possis.

Æneas ex Poëtarum commentis filius Veneris, frater Cupidinis fuit. Carthaginem ille quondam tempestate iactatus, & naufragus venit, cuius ærumnas miserata diua mater, ut beneuolentiam reginæ Didonis illi conciliaret, Cupidini persuasit, ut aureo spiculo pectus reginæ configeret, ut Æneas amore vulnerata, ipsum humanè exciperet, & magnificè haberet. Ut verò Cupidinem morigerum, & causæ suæ fauentem haberet, sic eum appellabat lib. 1. Æneid.

*Ad te confugio, & supplex tua numina posco, Frater si Æneas pelago tuus omnia circum Litora iacteturque odijs Iunonis iniqua*

*Nota tibi*. Quod hic ait, tale est: Nosti, fili mi, sæuas tempestates, quibus Æneam fratrem tuum per illud concitatum mare implacabile Iunonis odium iactauit. Nosti illius infelicitatem, scis quam magnis modis miserum illum iniquior fortuna fecit.

Notauit in his Donatus admirabile artificium deæ Veneris, quo Cupidinem, ut sibi, quam cupiebat, operam nauaret, permouere voluit. Quamquam Æneas filius suus esset, id tamen appellationis astuta mater apud Cupidinem dissimulabat, hoc verò commemorabat, quod frater ipse esset, atque ut vehementius eum vrgeret, etiam hoc narrabat, quod ille probè sciret, quæcunque frater Æneas per summam iniuriam passus esset: *Nota tibi*. Cur verò, ut persuaderet Cupidini, fratris magis, quam filij nomine apud illum vsa Venus fuit?

Respondet Donatus, inquit: *Hic noluit filium dicere, sed quod faciebat ad causam*. Frater, inquit, tuus. Quod fuit sine dubio honestum, & primum, si frater pro fratre laboraret, vel maxime in causa salutis. His addidit, *Nota tibi*. Maximum enim crimen eius esset, si fratri aduersa nesciret. Ut ergo Cupidinem obsequen-



obsequentem haberet in causa *Aneæ*, fratrem ipsius illum nominat, ut fraternitatis commemoratione non solum adduceret, verum etiam quodammodo cogeret patrociniū illius suscipere. Grande namque piaculum est illius, qui fratri necessitate laboranti non fert opem, cum potest. Ut autem aliunde acrius etiam illum exstimularer, addidit, non nescire calamitates, quibus vexatus frater fuerit, atque etiamnum affligeretur, *maximum enim crimen eius esset, si fratris aduersa nesciret*. Quod si ita est, quantum nefas fuerit, non præbere manū auxiliarem fratri, cuius ærumnas & scias, & depellere possis?

Conabatur Pilatus modis omnibus (quibus id fieri posse putabat) mitigare furiosam rabiem, & emollire sæpeos animos infensissimorum hostium Redemptoris nostri. Atque ut atrox illud, inter necinumque odium Iudæorum placaret, & durum gelu solueret, sanguine, & vulneribus opertum oculis eorum exposuit, dicens: *Ecce homo*; Ioan. 19. 5. qui communem vobiscum habet naturam humanam, & effigiem.

Sanctus Laurentius Iustinianus in lib. de triumphali Christi agone c. 15. ait: *Obijciens illi visibilem formam despicabilem, plurimumque deformem, nihil de diuinitatis excellentia, nihil de innocentia vite, nihil de collatis virginitatibus recolens, ait, Ecce homo*. Ut rigentem glaciem contumacium, & truculentorum pectorum illorum solueret, putabat facere posse, si persuaderet modò, ut eum hominem cogitarent. Poterat ad cicurandam eorum ferociam prædicare vitam ab illo innocenter actam, patrata miracula, beneficia insignita plurimis præstita. Hæc omnia tamen prætermisit, & hoc solum memorauit, quod homo esset, ut miserarentur illum, quem tam miseris modis consputum, laniatum, dehonestatum videbant. Quis enim homo (nisi fortè desierit esse, quod natus est) videre possit alium hominem, suum naturæ similitudine fratrem, in necessitate, & angustijs positum, ut non compatiatur ei, & succurrat, & ærumnarum pondera adimat? Nam homo hominis, ut adagium habet, *Deus esse debet*, ut velut Dei proprium est subuenire afflictis, ita & homo homini laboranti auxilio sit, & subsidio.

Sedet animo hæsitatio circa Moysen, & quædam Sancti Pauli de illo verba, in quibus non pauca, quæ multam mereantur considerationem. *Fide Moyses grandis factus, negauit se esse filium filie Pharaonis, magis elicens affligi cum populo Dei, quam temporalis peccati habere incunditatem*; inquit ille. Heb. 11. 24. 25.

In his illud habet difficultatem, quod Moyses dicitur noluisse, *temporalis peccati habere incunditatem*. Quid enim temporalis peccati ea in re fuit? An quod Moyses filius filie Pharaonis audire tolerauit? An quod in palatio vitam egit? Sed nihil hinc sceleris vides. Nam Ioseph, Daniel, alijque in aulis Regum barbarorum, & idololatrarum sine flagitij nota & absque subuersionis periculo cum Dei auxilio vixerunt. Quale ergo peccatum fuit, quod ut euitaret Moyses, aulam Pharaonis fugiendam putauit?

Respondet Primasius Vticensis: *Peccatum deputauit, si maneret in aula regis lætitiâ temporalis fruens, suosque fratres in tribulatione relinqueret, non affligi, inquam, cum alijs peccatum putauit*. In peccatis numerabat, non quod aulicam in aula vitam viueret (id enim sine piaculo fieri poterat) sed quod sibi magno vitio dandum cogitauit, si ipse delictijs, epulisque vacaret, cum fratres illius cum tam intolerabili seruitute, cum tam acerbis ærumnis, & funestis calamitatibus confingerent: *Non affligi cum alijs peccatum putauit*. Perindignum est homine, non offerre, cum possit, manum fratri, ut eum à miseria, quæ afflictum habet, leuet, & non generosè illi opitulari.

*Vide hanc rem diligentius elaboratam, & elegantius pertractatam To. 1. Periocha VI. Fertia VI. post Dominicam I. Quadrag. pag. 124.*

## CAPVT VII.

*Quoniam & nos vel aliquando labimur, vel casui obnoxij sumus, plurimum congruit cum nostræ caducæ fragilitate, ut lapsorum miserorum pia commiseratione moueamur.*

**E**vasit ex confictu, in quo illi quinque reges stragem acceperant. *Et nuntiavit Abram Hebræo* (Gen. 14. 13.) quod consobrinus eius Loth captus, victusque abductus esset. Ruperti Abbatis observatio habet, quod Abraham hic primū Hebræus appellatus fuit: *Hebræus* ex notatione sancti Hieronymi, idem est quod peregrinus, qui non habet constantem in hac vita sedem. Quid causæ, quod Abraham, quo tempore nuntia victi, & victi cognati accepit, nomen Hebræi, siue peregrini, & inconstantis, & caduci datum fuit? *Nuntiavit Abram Hebræo*. Factum id, ut propriæ fragilitatis admonitus, facilius inhesteretur ad compatiendum alienæ, utque etiam nos hinc disceremus miserari lapsos, dum recogitamus, quod fortunatissimus quisque, quia caducus, & fra-



& fragilis homo est, vel iam aliquando corrui, vel casui expositus est. Est hæc hominum cordatorum, & prudentium consideratio.

Quam bene hoc dixit S. Ambrosius in Psal. 118. Oton. 18. his verbis: *Qui habet intellectum, ipse est ceteris, intelligit enim humana lubricum fragilitatis, & cito ignoscit erranti. Intelligit commune nobis datum naturæ, & suæque consortium, & ideo pauperibus tanquam debitum soluit, non inficitur tanquam indebitum. Intelligit vices esse calamitatum, & ideo tanquam naufragis mundi istius portu quodam suæ humanitatis occurrit. Qui bono intellectu præditus, idem benignus est miserator. Nam qui ingenio valet, ille facile videt & conditionis nostræ commertium, & fortunæ volubilitatem, ac multiplicem vicissitudinem, per quam fiat, ut sæpe ad incitas redigatur, qui antehæc opulentus erat, cumq; humanarum calamitatum varios casus secum reputat, manu lapsus, ægrum, & ærumnosum sinu, portu suæ beneficentiæ naufragum exceptat. Qui iacentem videns non condesceat, non miseratur prostratum, ille rationis inopiā laborat, & abundat stultitiā. Omnes quippe ruinæ obnoxij sumus, & eisdem, quibus fratres nostri, miserij expositi.*

Insignem Romani à Gallis victoriam obtinuerunt, ducesque copiarum suarum habuerunt Domitium Oenobardum, & Fabium Maximum. Quid autem voluptatis tam feliciter confecta pugna Romanis attulerit, id Lucius Florus lib. 3. cap. 2. his expressit: *Quantum victoriæ gaudium fuerit, vel hinc existimari potest, quod & ipsi, quibus dimicauerant, locis faxeas erexere turre, & desuper exornata armis hostilibus trophæa fixere. Hoccine verò inditium insolentis Romano ætatis lætitiæ fuit? Fuit, inquit Florus, nunquam enim populus Romanus hostibus domitis suam victoriam exprobravit. Erat magna illius populi prudentia, quæ faciebat, ut subactis bello hostibus non obijcerent suam ignominiam, cogitabant nimis sibi possit accidere posse, quod aduersariis pridie euenisset.*

Imperabat Deus Sauli, ut ferro, ac flammâ vastaret Amalec, & neque regi, neque infimo plebeio, nec homini, neque pecudî præteret, sed vno incendio omnia absumeret, communemque cinerum cumulum ex ijs faceret. Petijt Saul ciuitatem Amalec, cuius rex erat Agag, cumque hunc primò obruncare deberet, fuit hic primus, quem sospitauit, cæteris gladio cæsis: *Et peperit Saul Agag; 1. Reg. 15. 9.*

Multis dubitare in mentem venit, quâ re commotus fuerit Saul, ut solum ex omnibus Agag regem

seruauerit viuum, cum perimendi illius tam graue, arctumque haberet præceptum.

Plurimæ possunt fuisse intermixtæ occidionis rationes, apta tamen causæ præsentis ea est, quam Abulensis q. 17. in illud caput his verbis tradit: *Saul cum esset rex, videns regem, qui etiam in eadem dignitate erat, in qua Saul, ad tantam venisset calamitatem, compassus est illi, cernens mobilitatem regie felicitatis, & eripuit eum à morte. Contra iustionem Domini factum malè fuit, quod regem illum seruauit incolumem, cogitatus tamen ille de volubilitate fortunæ, & inconstantia felicitatis regis ex se aliquo bonus fuisset, & ad excitandam miserationem commodus, & efficax. Quando enim rex triumphator pede premit coronas regum, quos subiegit, debet cogitare, & animaduertere, posse mutari vices, & fieri, ut qui nunc est arrogans victor, posthæc fiat miser compeditus, & captiuus, & ludibrium eius, quem ante ignominiosè, & probrosè habuit.*

Præclare in hanc rem dixit Seneca l. de tranquillitate, c. 11. ubi ista: *Quod regnum est, cui non sit parata ruina, & proculcatio, & dominus, & carnifex? Nec magnus ista interualis diuisa, sed hora momentum interest inter solium, & aliena genua. Scito ergo omnem conditionem versatilem esse, & quidquid in glum incurrit, posse in te quoque incurere.*

In Persis hoc obseruauit, & commendauit sanctus Gregorius Nazianzenus Orat. 4. quod tametsi barbari essent, & insolentes, victoriarum tamen gloriâ fultè elatos non fuisse: *Hoc enim apud eos in more positum est, ut animi moderationem in prosperitate adhibeant. Quantumvis enim rudis, & barbarus quispiam sit, hoc tamen facillè intelligit, quod in alios peruenit, ad se quoque redundare posse. Nam ut Publius tragicus aiebat, cuius accidere potest, quod cuiquam potest. Tam communes omnibus sunt infelicitates, & ærumnæ, ut illis nullæ alicubi sint clausæ fores, itaque quod vni occurrit, hoc obuenire omnibus potest. Nemo ergo excluditur à numero eorum, qui miserari alios, & lapsis condolecere debent.*

Volo huc adducere lepidum aliquod Castanei dictum, qui ait neminem obrectare Medicis debere, eò quod nemo non aliquis medicus sit. Verba illius ex catalogo gloriæ mundi p. 11. considerat. 48. sic habent: *Cum sit ars omnibus communis, illam omnes laudare debent, ne se ipsos, illam deprimendo superent. Maxime qui passi interdum fuerint aliquam infirmitatem, si postmodum conualescant, infirmis consilia dant. Quis est, qui infinita dolori dentium nitigando, calculis expellendis, alijsque malis*



curandis salutaria nōrit remedia? At si quem à graui semel confanescere ægritudine contigit, Deus bone, quantum ille, quamque variam iactare medicinarum experientiam, & peritiam solet! At si medicina commendari ab omnibus debet, quoniam omnes sunt medici, etiam calamitates debent omnibus esse timori, nec quisquam est, qui non debeat & formidare ærumnas, & miserijs compati alienis, omnes enim eisdem legibus subiecti, eisdem casibus expositi sumus.

Iti etiam, qui stant post lapsum, quanquàm ruinæ obnoxij amplius non essent, debent lapsis compati vel hoc nomine, quod ipsi olim quoque ceciderunt.

Propheta régis S. David vaticinatur futuros quosdam in Ecclesia Dei, qui serò ad meliorem vitam se recipiant, atque ex his à Domino deligendos multos euangelicæ legis prædicatores: *Conuertentur ad vespem*, ait de his Psal. 58. 15. *Et famem salutis alienæ patientur et canes, & circueunt ciuitatem, si vero non fuerint saturati*, ibid. v. 16. si viderint apud quosdam tardè operari verbi salutaris medicinam, *murmurabunt*, & dicent, *quoniam quis audiuit?* ibid. v. 8. quænam illa plurimorum inertia, quis languor, & torpor auditorum, qui se tam ægrè ad emendatioris vitæ consuetudinem adduci sinunt? Qui hæc, taliaque murmurabant, nonne serò, & ad vespem sunt conuersi? nonne tardè sapere cœperunt? quid ergo queruntur de alijs, qui seriùs conuertuntur? Cur non compatiuntur illis, quorum ipsi errore ante laborarunt?

Respondet S. Augustinus in illius Psalmi enarratione: *Excidit illis, quod ad vespem conuersi sunt*. Quando murmurabant de his, qui tardè conuertebantur, procul dubio prorsum obliti erant, quod ipsi quoque serò respuerunt, nam si se lapsos recordati esset, ea memoria permouisset illos ad miserandum alios, quā si similem culpam ceciderunt.

S. Paulus Apostolus discipulo suo Tito consulit, vt non sit peccatum, quod non corrigat, nec vitium, quod non reprehendat, subditos autem in primis doceat esse dicto obediētes, & modestos, & omnem ostendentes mansuetudinem ad omnem hominem. Tit. 3. 2. Vt etiam mansuetudinem Titus quoque inter increpandum obseruaret, subdit Paulus: *Eramus enim aliquando et nos insipientes, increduli, errantes*. Quam prudens ratio! inquit Primasius, *Quia nos tales fuimus, debemus eorum insipientiam ferre patienter*. Si sunt insipientes, si cœci, si increduli, nos similes eorum fuimus. Itaque benignè, suauiterque obiurgare alios debemus, vt enim lapsorum misera-

tionem moueamur, illud facere potest, ac debet, quod ipsi quoque lapsi sumus.

## CAPVT VIII.

*Nunquam Dominus in hac vita portam misericordie ita claudit clauē iustitiæ, vt non aliquam misericordie, & pietati rimam relinquat.*

Quanquàm captus, & abductus fuit Loth, (cui hæc infelicitas accidit, quod inter homines tam contaminatos habitare voluit, vt existimant Oleaster, & Istella) non defuit tamen nuntius, qui patruo captiuitatem consobrini significaret: *Ecce vnus, qui euaserat, nuntiauit Abram*; Gen. 14. 13. per quem in libertatem assertus fuit. Ex quo intelligimus immensam Dei benignitatem, & infinitam clementiā, qui quantumvis irascatur, & infinitam clementiā, nunquàm clauē iustitiæ ita prorsus occludit fores misericordie, vt non aliquam rimam relinquat misericordie.

Dum Christus redemptor noster Discipulos suos institueret prædicatores Euangelicos, præter multa, quæ ab eis coelestis illius, & sacri Ministerij functione obseruari voluit, hoc vnum erat: *In quacunque ciuitatem intraveritis, & non susceperint vos, exeuntes in plateas eius, dicite, Etiam puluerem, qui adhaesit nobis de ciuitate vestra, exergimus in vos*; Lucæ 10. 10. 11. Iussit nihilominus post illa superiora hoc simul statim addere: *Tamen hoc scitote, quia appropinquauit regnum Dei, tamque vicinum est, vt illud intrā domorum nostrarum portas habeamus*.

Expendendum hic illud, quod Cardinalis Caietanus subiectis verbis annotauit: *Benignus Dominus non sult, obstantē repulsā, priuare eos notitiā eius, quod repellunt, sult eis manifestari materiam, quæ erat illis prædicanda, & vel sic respiciant*. Præcepit quidem dulcis, & mansuetus Dominus, vt Discipuli sancto zelo, & iustā irā inflammati puluerem in oculos incuterent eis, qui prædicationem contumaciter refutarent, nihilominus portam clementiæ non omnino clausit clauē rigoris, sed rimam pietatis reliquit, dicens, appropinquare regnum Dei, vt tam suauibus, & optatis nouis exhilararentur, & emollirentur, & ad amplectendam vitam euangelicam permouerentur. Blanda Domini in doles, & ingenij suauitas hoc apud illum efficit, vt inter maximam iræ, furorisque sui austeritatem semper aliquod nobis suæ pietatis, & clementiæ signum relinquat.

Propheta Daniel narrat, anno tertio regni Ioa-kim regis Iuda venisse Nabuchodonosorem regem Babylo-



Babylonis Ierosolymam, & obsedisse eam, & tradidit eam irato Domino in manus illius regem Ioakim, cum parte vasorum domus Dei, de quibus Dan. 1. v. 2. ista: *Et asportauit ea in terram Sennaar, & Gasatulus in domum thesauri Dei sui.*

S. Hieronymus hæsit in consideratione indignationis Domini, quæ tanta fuerit, ut sacra vasa, quibus fideles ad ipsius cultum, reuerentiamque utebantur; ab impio Nabuchodonosore profanari permitteret. Sed velim animaduertatis, inquit Hieronymus, quod *partem vasorum domus Dei* tantum sustulit, nec tam amplam à Domino potestatem habuit, ut diripere omnia posset. *Animaduertendum, quod rex Babylonis non potuerit vniuersa Dei vasa transferre, & in idolo, quod sibi fixerat, collocare, sed partem vasorum domus Dei.* Hæc ille. Hinc possumus accipere, quod tametsi iussit iratus Deus nunquam concedat, ut inimici nostri partem vasorum sacrorum animæ nostræ deprædentur, sed ut omnia depeculentur, non permittit, semper nobis aliqua pignora relinquens, vnde consolationem haurire, & occasionem reuertendi ad gratiam, amicitiamque illius captare possumus. Cum quis ludo dat operam, quamdiu non perdidit omnia, spem habet non solum recuperandi sua, verum etiam lucrandi aliena: Sic quamuis indignabundus Deus permittat, ut aliqua suæ animæ monilla perdat, pius Dominus tamen ex sua misericordia, & clementia facit, ut aliquid spirituum opum, & ornamentorum maneat reliquum, per quod non amissa solum, verum & plura, quam habuerat, cum auxiliariis gratiæ Dei auxilio lucrifaciat.

Dicebat populo suo Dominus per suum Prophetam Isaiam c. 1. v. 16, 17. *Lauamini, mundi estote, auferite malum cogitationum vestrarum: Descite benefacere, subuenite oppresso, iudicate pupillo, defendite viduam.* Subdit autem statim: *Venite, arguite me;* ibid. v. 18. aut sicut S. Ioannes Chrysostomus legit: *Venite, disputemus,* præstolor vos ego hic in palaestra, multam habens iurgandi vobiscum cupiditatem.

Observauit diuinus Chrysostomus in verbis Domini, quod & prouocauit illos ad disputandum, & modum simul indicauit, quo facere posset, ut non vincerentur ab ipso: *Descite, inquit, benefacere, subuenite oppresso, iudicate pupillo, defendite viduam.* Nam si quis ad supremum Dei tribunal pergat habens & cor muncum, & egenos, quibus opitulatus fuerit, & pupillos, quibus patrocinatus, & viduas, quas tutatus, non habebit Dominus gladium, quo

illum feriat, sed manus, quibus remuneret. Si quis irā vehementer accensus alium ad conflictum euocaret, illique aperiret technas, quibus inter dimicandum uti vellet, is magis illum seruare viuū cuperet, quam interimere, cum enim cogitatum suum illi daret, modum, quo se defendat, ostendit. Tantumdem facit Deus. Dicit ille populo suo: *Venite, disputemus, concertemus.* Non acceptare pugnam non poterant. Argumenta, & arma, quibus Dominus pugnaturus est, sunt oppressiones orphanorum, afflictiones viduarum, vexationes pauperum, & alia id genus peccata. Priusquam verò pugnam ineat, præcipit illis esse pios in viduas, pupillos, pauperes. At quæ hæc, mi Domine, pugnandi ratio? Dimicare instituis, & modum, quem obseruaturus es, tecum pugnaturis declaras! Hic videas, inquit Chrysostomus, qualis sit indignatio irati Dei, qui cum ad certamen prouocat, rationem aduersarijs, quæ se defendant, indicat. *Venite, disputemus, dicit Dominus* (verba sunt Chrysostomi ex hom. de ieiunio To. 1.) *non enim nos ad disputandum, hoc est, ad iudicium, vbi de causa nostra tractandum, vult nudos venire. Ante enim, quam diceret, Venite, & disputemus, docuit quid loqui, vel agere oporteat, & ita ad iudicium venire.*

Quam admirabilia verba illa, vbi *disputandum est, non vult nos nudos venire.* Quando quis habet hostem, cum quo est dimicaturus, semper studet venire benè armatus, & si intelligeret aduersarium suum venire nudum ab omnibus armis, non posset non plurimum gaudere, propter spem victoriæ de imparato aduersario facilius impetrandæ. Videte nunc, quam parum cupiat Deus vincere, quando iratus cupit pugnare, qui his, cum quibus est conflicturus, mandat parare ad certamen galeam, scuta loricam (quæ sunt opera pietatis, & charitatis) ne sub horam certaminis nudos reperiens feriat inuadat, atque occidat. *Vbi disputandum est, non vult nos nudos venire,* & quando magis iratus nos prouocat ad duelum, simul quomodo defendere debeamus, ostendit. Nunquam ita planè occludit fores misericordiæ, ut aliquam iram ex incuria relinquat apertam, ut per illam ad implorandum illius clementiam nos infirmemus.

Cum videret hic Dominus plusquam stultam illorum arrogantissimorum hominum temeritatem, qui ut aduersus omnem illius iram se præmunirent, turrim excitare cœperunt, cuius supremus apex esset proximus in cælum gradus. Horum vanam, & superbam machinationem impediuit confusione linguarum,



guarum, per quam factum est, ut operarij mutuo intelligere non possent, adeo cœptam constructionem intermittere deberent. *Venite igitur, descendamus, & confundamus ibi linguam eorum, ut non audiat unusquisque vocem proximi sui;* aiebat Dominus Gen. 11. 7.

Cardinalis Caietanus ait, quanquàm Dominus arrogantium illorum linguas confuderit, tamen non tam exacto rigore intelligendum esse, non audisse unumquemque proximum suum, ut non relati fuerint duo communicantes in sermone. Igitur vel duo aliqui mutuo intelligere, & vicissim consolari se potuerunt, austeritas nempe Dei non est tanta, ut non rimulam aliquam, per quam ad misericordiam ipsius sit aditus, relinquat.

*Simile argumentum per multis in locis tractat. Vide parre I. Polit. l. 2. c. 8. & l. 8. c. 3. & parte 2. l. 5. c. 8. & qua ubique ad finem Capituli adscripta.*

## CAPVT IX.

Nomen Dei tam est venerabile, & ineffabile, ut qui per illud iurare velit, tantâ præparatione quodammodo egeat, quantâ probatione opus habet, qui eundem Dominum in diuinissimo Altaris sacramento sumpturus.

**I**vit Abraham, ut liberaret suum consobrinum, Itaque feliciter pugnavit, ut & ipsum vindicaret, & fortunas illius omnes recuperaret, & plurimis opulentis spolijs onustus rediret. Reuerenti è pugna occurrit rex Salem Melchisedech sacerdos Dei altissimi cum pane, & vino, magnumque in modum benedixit Abraham, qui omnium, quæ referebat è prælio, decimas illi offerebat. Rex autem Sodomorum solum populum suum sibi reddi petebat, cætera ut sibi Abraham haberet, & retineret, rogabat, cui ille respondebat: *Leuo manum meam ad Dominum excelsum possessorem cæli, & terræ, quod à filo subregimini & sue ad corrigam caliga non accipiam ex omnibus, quæ tua sunt;* Gen. 14. 22. 23.

Quod Abraham leuauit manum, cæremonia iurandi fuit, ut monent Abulenſis, Oleaster, Pererius, Cornelius, Honcala, Nauarinus in schediasmat Sacro-profanis lib. 8. cap. 7. Itaque ut fidem inueniret, & serid, & candidè, expectoraliterque loqui crederetur, iuramentum interposuit, ut vult Pererius, cuius sunt ista: Crediderim eum iurasse, ut se id non per iocum, aut per quandam animi vanitatem, & iactantiam, sed verè, serid, sincerè, & ex animo loqui ostenderet. Cum maxima attentione, & non nisi

magnâ fidei sibi conciliandæ necessitate coactus iurauit, ut eâ nos actione doceret, quanta cum reuerentia, & cautione nomen Domini ad iurandum adhibere debeamus. Doctrina hæc præmodum utilis est miseræ huic, & calamitosæ, flagitiosæque ætati, quæ leuissimè, & impudentissimè ad iurandum, & perierandū proſilit, cum insigni diuinissimi nominis illius contemptu, quod Angeli reuerentissimè adorant, & dæmones subiectissimè consentunt.

Hæc doctrina, ut dixi, sine dubio est summè necessaria. S. Ioannes Chrysostomus enim, cum decem chordas pulsandas, hoc est, decem præcepta Domini exponenda suscepisset, aiebat: *Nos vnam chordam pulsauimus per totam Quadagesimam; dum legem vobis de iureiurando recitamus.* Hæc ille in hom. de decem millib. debet. Itaque per omnes Quadagesimæ dies hanc vnam ex decem chordis, solamque plectro linguæ suæ pro concione pulsauit, *Non per iurabis in nomine meo;* Leuit. 19. 12. Videte annon sit utilis, & momentosa, quando S. Ioannes Chrysostomus quadraginta continuis diebus nihil aliud egit, quàm ut auditoribus suis reuerentiam augustissimæ Dei nomini debitam inculcaret.

Philo in l. de decalogo propterea vult, ut qui iurare debet, *sit cunctator, & procrastinator, si fortè differendo possit euitare, ne iuret.* Qui debito vult se non exsoluere, sed quouis alio potius modo liberare, ille creditorem verbis pascit, & læstat, dilationemque ex die in diem tam diu petit, ac reposcit, donec illum exigendi pertæsum faciat, seque vel sic exoneret. Hæc indutiâ curare debemus, si possumus, ut non iuremus, cunctando nimirum, & procrastinando, quantum fieri potest, ut à petendo desistat, qui iuramentum postulat. Satis ostendit hic Philo, quanta attentio necessaria sit ei, qui per sanctissimum Dei nomen iurare cogitat, vel cogitur.

Sed melius hoc docuit S. Paulus, qui vas electionis à Domino speciali studio elaboratus fuit, ut nomen illius per mundū circumferret, in quo S. Augustinus aliquid obseruauit diligentissimâ consideratione dignum, & sic habet: *Iurauit ipse Apostolus in epistolis suis, & non inuenitur iurasse nisi scribens, ubi consideratio cautior non habet linguam præcipitem.* Hæc ille in lib. de mendac. ad Consent. To. 4. Lege apostolicorum Actorum librum, plurima inuenies à Paulo dicta, iurasse aliquando inter dicendum non reperies. In epistolis autem non vnum tantum illius iuramentum offendes. Quid est, quod scibens iurabat, loquens non iurabat? Considerabat ille, quàm præceps lingua, quàm prona esset ad lapsum, quàm lubrica,



lubrica, & incitata ad casum, ideirò loquens iurare formidabat, quod scribens non metuebat, quia manus stupor, & calami scriptoris tarditas moram adferunt, ut pennâ attentius exarari verba, quàm linguâ promi possint. Si Paulus (de quo Dominus ipse dicebat, *Vas electiois est mihi iste, & portet nomen meum coram Regibus, & Gentibus, & filiis Israel*; Act. 9. 15.) quem cælum innumeris gratiæ ornamentis excoluerat, non fuit ausus ore suo usurpare nomen Domini, eò quod linguæ timeret præcipitantiæ, quis alius hæc audiens non contremiscet, pertimescetq; per sanctissimum illud nomen iurare, quando is, qui huic nomini per orbem ferendo deputatus fuit, ita verebatur iurare, ut lubricâ linguâ hoc facere omnino vereretur, & vix cunctabundo calamo auderet?

Peropportunum venit, quod eruditissimus Nouarinus Veronensis refert fecisse olim populi Hebræi iudices, quando iuramentum ab aliquo accipiebant. Huic, ut ille ait, in memoriam reuocabant id, quod tunc euenisse, cum illud decalogi, *Non assumes nomen Domini Dei tui in vanum*, Exodi 20. 7. promulgaretur, tanquàm certam traditionem habent. Et quid accidit, cum hoc tam necessarium, & momentosum præceptum propositum fuit? *Totum orbem in illa hora tremuisse* ferunt. Hæc ille in Schediasmat. lib. 8. cap. 6. num. 31. Itaque cum hæc populo Moyses ex legis tabulis legeret: *Non assumes nomen Domini Dei tui in vanum*; non fuit scopulus, qui non moueretur, & nutaret, non mons, qui non concuteretur, non rupes, quæ non ruinam minaretur, poli, & columnæ orbis terrarum collabascabant, & tota hæc mundi structura in casum propendebat. At si tunc, cum promulgabatur lex, quæ vanè iurare vetabat, totus expauesfactus contremuit mundus, & gelidus timor creaturas omnes occupauit, quid erit, cum vanè iuratur, perfideque, & sacrilegè blasphematur? Quid mirum, quod Paulus tantoperè deuirtarit iuramentum, cui tantum potest subesse periculum?

Diferimen quocum iuramenta coniuncta esse solent, satis indicârunt Veteres, a quod quos *iurandum deum Pallidum dictum* Seruius in l. 1. Georgic. Virg. affirmat. Sed cur hoc nomine illud nomen docta donauit antiquitas? Respondet ille: *Quia iurantes trepidatione pallefunt*, & toto corpore mudent frigore, sudore, quem exprimit consideratio periculi, cui se exponunt, si non ut decet, iurant. Tam horribile est iurare per sacrosanctum nomen Dei.

Tom. III.

Hæc causa sit, ob quam S. Gregorius Nazianzenus, cum piacularibus salutaris fontis aquis ablutus fuit, perpetuam iurandi abstinentiam sibi ipsi indixit, de quo Gregorius Presbyter in illius vita sic habet: *Primum diuino baptismo tingitur, legemq; sibi indicit, nunquam iurandi, quamdiu in hac vita versaretur, quod etiam ad extremum & que diem seruauit*. O quàm benè de iurandi periculo magnus Theologus sentiebat! O quàm exactè obseruabat præceptum magistri sui Dei, sciens quanto discrimini se offerret, quisquis indignè, per augustissimum nomen illius iuraret?

In horum consideratione versabatur S. Ioannes Chrysostomus apud Philippum Diez in locis communibus verbo *Iuramentum*, quando aiebat: *Non ita gemo, & deploro, quospiam in suis iugulatis audiens, sicut gemo, & lachrymâ prosequor, & horresco, cum video, quempiam prope mensam, scilicet Altare, sentientem, & manus imponentem, & euangelij iurantem attatis*. Videbat nimirum sanctissimus Doctor, in quod periculum se conijceret, si quis non ritè iuraret.

Nam ut rectè, decenterque quis iuret, videtur eâ præparatione opus habere, quæ apud illos requiritur, qui sanctissimum Altaris sacramentum sunt accepturi. Id cæremoniæ indicasse videntur, quibus olim ad iurandum utebantur. Cornelius Papa apud Gratianum in decreto sic aiebat: *Honestum & detur, & qui in sanctis audet iurare, hoc se iunius faciat cum omni honestate, & timore Dei, & Et pueri ante annos quatuordecim non cogantur iurare*.

Quò spectat illa tam variâ, & diligens præparatio, ut qui iurare deberet, inesus esset, atque impotus, & ætate maturus, & singulari cum honestate, ac magno Dei timore accederet?

Respondet Reuerendissimus Episcopus Monopolitanus Ioannes Lopez To. 4. epist. de Sancti in ferm. de Circumcisione: *Ut assumendum nomen Dei doceant eâ reuerentiâ, quâ sacra communio accipitur*. Et magnus quidam Ordinis Seraphici Scriptor, & Ecclesiastes: *Quasi ad sacrosanctum Altaris sacramentum, sic ad iuramentum accedebatur*. Diuinissimum Eucharistiæ Sacramentum non nisi à ieiunijs, idque pro debitissima reuerentiâ, præcipitur, & nec ab ijs quidem, nisi ante se multo cum timore sollicitè probauerint. Ad eundem modum volebant olim eum comparatum, qui iuraturus erat, ut inditio esset, quàm timidè iurare oporteret, quandoquidem ad iurandum eadem requirebantur, quæ ad communicandum.

H

Non



Non incommodum huc veniet, quod sacer textus memorat, quando narrat, quod Abimelech, Ochozath, & Phicol venerunt ad Isaac, ut fœdus cum illo inirent. Instruxit illis Isaac magnificum conuiuium, cumque postmodum diluxisset, *surgentes manū iurauerunt sibi mutuo*, Gen. 26. 31. Cur sub primam diei creperam tam multo manē iurauerunt? Cur non aliam horam opportuniorem expectauerunt?

Respondent Abulenſis, & Nicolaus Lyranus: *Manē surgentes iurauerunt, scilicet salutē salutē, propter reuerentiam iuramenti.* Etiam rudibus illis sæculis, ubi non erat tanta magnitudinis diuinæ agnitio, tantus habebatur honor iuramento, ut nisi *salutē salutē* iurare non auderent. Erat ergo tunc ea obseruantia erga iuramentum, quæ nunc erga Eucharistiæ sacramentum. Nam ore nomen Dei usurpare, videtur idem esse, quod corpus illius è sacramento suscipere.

S. Paulus 1. Corinth. 12. v. 3. aiebat: *Nemo potest dicere, Dominus Iesus nisi in Spiritu sancto*; quod ex interpretatione doctissimi Cardinalis Silicei lib. de nomine IESVS cap. 2. tale est, ac si dixisset: *Solus ille dicere potest IESVS, qui probabiliter cognouerit Spiritum sanctum in se esse.* Dixerat enim alibi idem Apostolus loquens de pane diuino: *Probet autem seipsum homo, & sic de pane illo edat, & de calice bibat.* Hoc autem videtur sentire Paulus, cum ab aliquo sumitur proferendum hoc nomen IESVS, & antequam proferat prore aliqua impetranda, quæ vires naturæ excedat, probet seipsum, hoc est probabiliter credat se esse in gratia. At si tantā præparatione opus habet, qui dulcissimum IESV nomen solum est pronuntiaturus, quanto studio se probare, & explorare debet, qui per idem sacrosanctum nomen est iuraturus?

## LIBER IV.

### VITÆ ABRAHAM.

#### CAPVT I.

*Qui fauentioris fortunæ benevolentia sublimem felicitatis gradum tenent, ij pluribus & maioribus auxiliorum copijs opus habent, quam illi, quos grauior calamitas oppressos, & humi afflictos tenet.*



Ontra communem errore capti mundi sententiam nunc calamo veraci agere incipiam. Quantum inuidetur homini felici, & fortunato, cui propitiæ fortunæ placidus Zephirus leni aspiru, sublanditur? Quam paucis inuidiosus est, qui ærumnis deiectus humi iacet! Sed utrumque malè fieri & veritas sentit, & experientia docet, ad quarum lucem perspicuè videbimus, nihil infelicius esse homine, cui omnia ad voluntatem fluunt, nihil fortunatius eo, quem fortuna iniquior infelicitat, inopemque, & mendicum facit. Nimirum pauper vix habet, quod timeat, qui verò rebus secundis utitur, semper debet metuere.

Concionabatur quondam Tolero S. Ildephonsus illius vrbis Archiepiscopus in die, quo virginum intemeratissima, reginarum maxima, matrum felicissima, & suprema solennissimo plausu festiuissimè celebrari solet. Et quoniam eā gloriosissimorum ciui-

modi festorum occasione beneficia gratiarum ampliora facilius impetrari solent, monebat beatus antistes, & pastor suos auditores, secum implorare augustissimam cœlorum Imperatricem, ut quo die regina Angelorum primū inaugurata esset liberaliore manu, & pleniore sinu, quæcunque & omnibus, & singulis necessaria sciret, inde ex Deo assunderet, à quo thesaurorum omnium cœlestium clauēs haberet, & omnipotente prece obtinere omnia posset. Hoc ante in primis oremus, aiebat ille serm. 6. de Assumptione, *Et in prosperis sit proteclix*, validissimoque suo præsidio nos tueatur, cum fortuna nobis arridet, & ex sententia cuncta eueniunt.

Videtur non benè monuisse illustrissimus Doctor, sed ita potius dicere debuisse: Obsecremus Angelorum Dominam, ut nobis inter angustias, & aduersitatum necessitates laborantibus subueniat. Quid ergo est, quod magis rogandam illam Cœlitium reginam putauit, ut temporali felicitate affluentibus auxilio esset, atque subsidio? *Oremus, Et in prosperis sit proteclix.* Fecit hoc vir sanctus, ut potè perspectam habens rerum mundanarum conditionem, quod sciret quibus tempestatibus iactari, quibus concuti fluctibus, quātis obnoxij periculis esse solent. hi, quibuscum prosperè agitur: Sciebat item, quā-



quā serenitate, & tranquillitate frueretur pauper; ac proinde quamvis ad omnem vitæ conditionem necessaria est opulatio Mariæ, magis tamen eam requirere visum est tempus prosperum, quod illud grauioribus iactationibus, & acrioribus incurfionibus sit expositum. Videte quid secum ferant temporales felicitates, quas continui hostes, & metus varij semper obsident.

In principio mundi, quando creauit Deus cælum, & terram, *Spiritus Dei* (vt habet sacer Scriptor Gen. 1. v. 2.) *ferebatur super aquas*. S. Basilius magnus, Barcephæ, Oleaster, & Hebraizantes aiunt, posse illa verba sic transferri: *Spiritus Dei incubabat aquis*, ad modum, quo aues ouis insidere, eaque calore suo animare, & excludendi foetus gratiâ confouere solent, vt ferè exponunt Interpretes.

At cum eâ occasione mentio fiat duorum elementorum, nimirum aquæ, & terræ, cur non similiter terræ, ac aquis incubasse Spiritus Dei fertur?

Priusquam huic respondeamus quæstioni, inquirendum est, quidnam typicè duo illa elementa referant. Aquæ, ex sententia Petri Berchorij, Pierij, Valeriani, Antonij, Ricciardi, & Laureti, sunt hieroglyphica diuitiarum mundanarum, & felicitatis terrenæ. Ad stipulatur his Psalmista regius, cum ait: *Diuitiæ si affluant, nolite cor apponere*; Psal. 61. 11. Alia litera habet: *Diuitiæ si fluant, si aquarum more decurrerint, nolite, eas cataraçtis cordis vestri inclusas tenere*. Terra verò, ex eorundem autorum opinione, est symbolum hominis inasmi, & abiecti, vnde & filium terræ nuncupare consueuimus, quem extremo è vulgo vnum esse dicere volumus. In principio mundi aqua occupabat omnia, *terra autem erat inanis*, & *vacua*, ibid. egens, & squalida. Vt ergo indicaretur nobis, quàm sit periculosus status hominum fortunatorum, quàm securus pauperum, & egenorum ab ipsius mundi primordijs hanc veritatem Dominus indicare voluit, & significare, quòd tametsi omnibus necessarius sit Spiritus sanctus, opulentos tamen in aquis adumbratos, quique omnibus affluunt, cum primis egere illius fomento, & adiumento, vt qui grauioribus casibus, & periculis maioribus sint expositi.

Petrus Berchorius ex autoritate Philologi memorabile hoc de turturibus narrat in suo Reduct. morali lib. 7. cap. 70. v. 10. *Quando volans versus Aquilonem non habent rectorem: E conuerso verò, si ab Aquilone versus Austrum volauerint, tunc habent rectorem, quem sequuntur*. Mira proprietates! Quid Auster, quid Aquilo significat? S. Gregorius Nys-

senus, Philo Carpathius, Iustus Orgelitanus, Ap-  
ponius in expositione illius Cant. 4. 16. *Surge Aquila, & Veni Auster*, aiunt, Aquilone propter vehemens illius status, significari aduersitates, Austro verò, propter illius placidum aspiritum, denotari sæculi huius prosperitates. Quod ergo turtures tunc viâ ducem habent, quando Austrum petunt, qui est signum felicitatis, & absque moderatore præuio ad Aquilonem, calamitatum symbolum, pergunt, eo naturæ mysterio docemur, quod duce, & directore plurimum opus habent, quicumque opibus, & omni felicitate abundant, eò quòd varijs, & magnis sint obfessi periculis, eos verò qui ad Aquilonem contendunt, ærumnis, & miserijs laborant, gubernatore non egere, pauper enim absque periculo semper itineratur, egenum nemo vel inuadit, vel persequitur, nec quisquam inuidet infelici, ac mendico.

Audiamus Petrum Berchorium, cuius sunt ista: *Sic illi, qui in Aquilone, id est, in frigore aduersitatis habitant, non egent rectore, quia vexatio dat intellectum. Vnde in illo stare potest homo, & se sufficienter regere per seipsum. Sed illi, qui ad Austrum mundana prosperitatis anhelant, rectore prouido indigent, qui ipsos regat, & manu teneat*.

Propterea magnus ille Theologus S. Gregorius Nazianzenus Orat. 14. aiebat: *Profectò facilius esse videtur aduersam fortunam ferre, quàm secundam conseruare*.

Baptizatus in Iordane Christus fuit, cumq; è sacris vndis ascenderet, aperti sunt cæli, Spiritus S. in columbæ specie descendit, simulque vox Patris intonuit, *Hic est filius meus dilectus, in quo mihi complacui*; Matth. 3. 17. Erant cum eodem Domino in summo Thabore tres Discipulorum charissimi, perfruebantur inexplicabili animi voluptate natâ ex intuitu illustris gloriæ diuini sui Magistri, quando Petrus extrâ chorum saltare, & imprudenter aliquid loqui cœpit, sed verba illius sonora Patris æterni vox interceptit, quæ de nube iterum succlamabat, *Hic est filius meus dilectus, in quo mihi bene complacui*; Matth. 17. 5. quàm cum audirent Discipuli, ceciderunt in faciem suam, & timuerunt valde; ibid. v. 6.

S. Ioannes Chrysostomus, & Euthymius percunctantur aliquid, quod apud Euthymium sic habet: *At qui prius in Iordane Cox facta est huiusmodi, & nullus quidquam tale passus est. Quomodo ergo nunc hi prociderunt in faciem suam? Cur magis solo affusi fuerunt, qui eandem vocem in Thabor, quàm qui a-*



audierunt? Ex discrimine loci, in quo utriq; auditores erant, coniecit causam Doctores, quos dixi. Qui in Thabor Patris æterni verba audiebant, editissimo in loco erant, *duxit enim illos Dominus in montem excelsum*, Matth. 17. 1. Qui apud Iordanem audiebant, in loco plano, & humili erant. Illi ergo in Thabor timuerunt, inquit Euthymius, quia altitudo magna erat, illi apud Iordanem nihil formidauerunt, *quia erant in plano*. Qui sublimem gradum tenent, qui in excelsu gratiæ, vel dignitatis loco sunt positi, ad omnem vocem tremunt, nunquam securi degunt, nihil mali eis accidit, à quo non deiciantur. At qui humili in loco agit, qui abiectus inter ærumnas vivit, hunc nihil perturbat, nihil exterrit, non voces, non tempestates, non tonitrua, non fulmina expauesciunt.

In hanc rem S. Anselmus apud Guilielmum Eborensem To. 1. verbo *Felicitas* sic ait: *Felicitas facula ventus est contrarius*. Elegans dictum! Quando nullus per mare ventus obstitit, quam hilares cursum suum nautæ consueiunt! quam securi dormiunt! At cum ventus exurgit contrarius, maximè validior, quantum pertimescunt, quantum expauescunt animis, quantis curarum fluctibus concutiantur miseri vectores, & nauigantes! Aduersitas est mare tranquillum, pacatum, sedatum: Verum prosperitas, & vitæ huius felicitas *ventus est contrarius*, nam qui gratiâ apud Principes, & opum copiâ in mundo valet, mare cordis illius semper fremit, sæuit, continuèque perturbationum, ac solitudinum fluctibus concitatur, omnesque suspectos habet, actimet.

Habemus huius rei exemplum in nostro Patriarcha, cui à deuictis gloriose hostibus, & spolijs opulenti reportatis apparuit Dominus, & dixit: *Noli timere Abraham, ego protector tuus sum, & merces tua magna nimis*; Gen. 15. 1. Poteratne verò, cum è prælio triumphator, & spoliolum diues reuertebatur, quidquam vereri? Immo verò propterea vel maximè poterat pertimescere, quod à pugna feliciter confecta, & opulenti redibat, inquit Nicolaus Lyranus, Abulensis, & alij. Nullus enim status maioribus est obnoxius periculis, nullus tam crebris subiectus timoribus, quam hominum fortunatorum, quibus omnia ex sententia eueniunt.

*Qua parte 2. Politici lib. 7. cap. 1. tractantur, congnata sunt argumento huius capituli. Vide sis.*

✽(✽)✽

## CAPVT II.

*Quod de prosperitate humana dictum, idem de gratia Dei affirmari potest, qui enim beneuolentissimum habet Deum, excidere ex gratia illius potest, vt proinde minus sapiat, qui nimis præfidit.*

O Mnes iusti, & sancti perpetuo in meru viuunt, dum in hac vita degunt, quando secum reputant, quod gratiæ Dei census est temporarius, non hereditarius, & perpetuus, & quod beneficia Dei sunt bona mobilia, non fixa, & perdurabilia, eaq; propter vt inconstantes timent, vt fragiles tremunt, non desperantes de bonitate Dei, sed de sua imbecillitate meticolosi.

Proluxum catalogum texit Propheta regius spiritualium ornamentorum hominis iusti, qui Dei voluntati per omnia morem gerere studuerit, eorumque commemoratione exorditur sacros, & dulces hymnos suos, inquit: *Beatus vir, qui non abiit in consilio impiorum, & in via peccatorum non stetit, & in cathedra pestilentie non sedit*; Psal. 1. 1.

Magnus Basilus ambigit de sensu horum verborum, quæritque an fortè hæc elogia, quæ laudibus alicuius iusti consecrantur, sint funebri sermo profuncti alicuius honore supremo dictus. Et respondet sanctus Doctor, se in ea esse opinione, quod ad mortuos magis, quam viuos, verba ea spectent. Vnde id colligi, & probari poterit? Ex nostra fragilitate, & miseria, & ex eo quod Rex musicus ait, *Beatus vir, qui non abiit*, non permisit abripi peruerso improborum consilio. Duobus, vt aiunt, verbis nos monuit, sanctus rex, vt nemo securitatem sibi in hac vita promittat, nec enim quisquam tam est perfectus, & consummatus, qui non sit prolapsionis periculo expositus, *Beatus vir, qui non abiit*, inquit. Cum alterius vitæ hominibus loquitur, præsentis enim vitæ hominum nullus dici beatus, nec de quoquam affirmari potest, quod non consensit, nemo quippè est, qui non sit casui obnoxius, quamdiu in carne vivit, vt proinde minus sapiens sit, qui nimis est securus.

Audiamus Basilium, *Beatus vir, qui non abiit*, Non dixit, Qui non abiit, sed Non abiit in consilio impiorum, nondum enim ille qui in vita est, beatus est, prædicandus, ob exitum incertum, sed qui vices, sua functionis, & vocationis semel absoluerit, vitamque sine certo clausisset, hic iam beatus dici rursus potest.

Habeo locum Scripturæ, qui prout à sancto Ambrosio legitur, & exponitur, conceptum nobis quam acutum,



acutum, tam commodum subministrabit. *Dixit Dominus ad Abraham, Egredere de terra tua, & de cognatione tua, & de domo patris tui, Gen. 12. 1. Egredesset itaque Abraham, sicut praeceperat ei Dominus, ibid. v. 2. ubi Ambrosiana versio sic habet: Egredesset Abraham, sicut locutus est ei Dominus.* Antonomastum sancti Doctoris in hac illud est, quod aliter loquitur Scriptura, cum iussu exire Abrahamum narrat, aliter cum obtemperasse illum iussioni recenset. Primum sic refert: *Dixit Dominus ad Abraham.* Dicere significat, ut ille monet, quandam iussionis severitatem, estque verbum forense, cuius energiam Ambrosius, ut peritissimus iuris, pernouerat. Posterius sic memorat: *Et abiit, sicut locutus est ei Dominus.* Disserit nunc in utraque horum lib. 2. de Abraham cap. 2. ita: *supra habes, exi, dixisse Deum, in quo apertum imperium subentis expressum.* Huc habes quemadmodum locutus est illi Deus. *Quasi quidam confabulationis affectus comprehenditur. Ante factum igitur Deus DICIT quasi obnoxio, post factum LOQUITUR quasi amico.* Quid est, quod ante factum loquitur quasi obnoxio, & tanquam non satis fidens, priusquam sua iussa videat expleta? Vide quem comitem habuerit Abraham, inquit Ambrosius, quando ibat expletum iussionem Domini Moyses, ait: *Et exiit cum eo Loth, ibidem v. 4. hoc est, declinatio, id enim nominis significat interpretatur.* Sic Ambrosius ibid. At si Abrahamum comitabatur Loth, hoc est, declinatio, fragilitas, inconstanter, quid mirum, aut magnum, quod tanquam obnoxio locutus est, priusquam praeceptum expleuerat, velut non satis fideret expleturum? Quamdiu enim homo in hac vita vivit, circumferens suam fragilitatem, nemo certo sibi quidquam de illo promittere potest, priusquam iniunctum opus perfecerit. Et quamquam Deus facile praeviderit, quid facturum Abraham esset, voluit tamen illi ante absolutum sibi demandatum munus velut obstricto loqui, ut nos securitatem ante expletam iussionem nobis nunquam promitteremus? *Ante factum loquitur quasi obnoxio, post factum quasi amico.*

Ieiunavit Christus in deserto quadraginta diebus, totidemque noctibus, & accedens tentator, obtulit ei lapides vertendos in panem, sed nequicquam. Posthac assumpsit eum diabolus in sanctam civitatem, & statuit eum super pinnaculum templi; Matth. 4. 5: suavitque, sed non persuasit, ut inde se deiceret. Denique adduxit illum in praecipuum montem, ostensisque eo ex loco omnibus mundi regnis, idololatriam illi consulere coepit; inquit:

*Hae omnia tibi dabo, si cadens adoraveris me; ibidem v. 9.*

S. Paschasius ait: *Et hoc magis tremendum, quod neque virtus impleta, neque sanctitas approbata, neque locus Domino dedicatus, cohibuit hostem à congressu.* Quamquam demon semel, iterumque inaniter tentasset, & succubisset, Christi sanctitas, & consummatissima, & testatissima esset, & palæstra, in qua cum illo pugnaret, Deo sacra, nihil horum tamen efficere potuit, ut ille dubitaret posse obtinere à Christo victoriam. Ut enim videbat, eum carne humanam vestitum, existimavit maiora pondera habituram ipsius infirmitatem ad illum superandum, quam sanctitatem loci ad eum defendendum. Quamdiu carne mortali circumdari sumus, neque sanctitati nimium tribuere, neque loco fidere debemus, ubique enim sunt pericula, ubique quod metumamus. Non se eremitola in suo recensu, & latebris, non religiosus in suo monasterio, non intra septa monialis securam putet, quando demon existimavit, Christum, quod minus vinci posset, nihil vel ab eremo, vel à virtute, & explorata sanctitate subsidij habiturum: *Neque sanctitas approbata, neque locus Domino dedicatus cohibuit hostem à congressu.* Quoad fragilitatem nostram laboramus, non est locus, qui defendat, neque asylum, quod tutos praestet, nisi Deus gratiae suae scuto nos protegat.

Admirabiliter in hanc sententiam dixit Faustus Rhegiensis episcopus. 1. Tomo 3. Biblioth. Vet. PP. *Homo virtuosus, & sapiens, & iustus dici potest, vita autem, & iustitia dici non potest, quia ita ijs induitur, ut aliquoties exuatur. Quod hominis datum est, Deo insitum est.* Quod homo habet per participationem, id per naturam habet Deus. Virtus, & sanctitas est homini vestimentum mutuatitium, qui ut indumento vitur, sic & facile nudatur alieno.

Atque ut homo conscius suae fragilitatis non facile sibi promittat securitatem, prosequitur dicta Faustus inquit: *Homo, Verbi gratia, deauratus est, Deus aurum est, in quo hoc est potentia, & gloria, quod natura.* Notoria est differentia inaurati, & auri, Inauratum facile obscuratur, & squaler, auro nunquam suus decedit fulgor. Tale quoque est discrimen inter sanctitatem Dei, & hominis Dei sanctitas est purum, putum aurum, sanctitas per essentiam, indefectibilis, aeterna: Verum homo deauratus est, & sanctitas illius deaurata, quae brevi offuscari, vel interire potest. Itaque securus se non putet, sed timeat omnis homo.

Sic fecit noster Patriarcha, quem post obtentam illam tam insignem victoriam consolatus fuit Dominus,



minus, dicens: *Noli timere*. De hoc timore quidam affirmant, cum Abraham domi suæ, in animo suo, atque inde natum, quod vereretur, ne aliqua vana gloria sibi de crebri illa victoria obrepsisset. Ut enim homo erat, sic fieri potuisse putauit, quod inanis quædam gloriola incauto animo furtiuè sese insinuasset. Ut ergo pacatiore esset animo, iussit illum non metuere, sibi enim non displicere, sed pergrata esse, quæcunque fecisset. Hoc est, quod omnes cordati, & prudentes agere debent, ut non prædiant in hac vita, non promittant sibi securitatem, quamdiu enim hic mortales viuimus, diu abesse à periculo non possumus.

*Quàm facile sit excidere gratiâ Dei, vide Tom. 1. Periocha V. Fertia II. post Domin. V. Quadrag. pag. 392. o. Quàm nihil securitatis nobis in hac vita promittere possumus, vide eodem Tom. 1. Periocha I. Fertia II. post Dom. IV. Quadagesima, pag. 310. o. Et Periocha V. eiusdem Fertia, pag. 318. o. Et si habes, cur Deus Abrahamum post obtentam victoriam consolandum putauerit.*

### CAPVT III.

*Anima, quæ Deum habet, omnia habet.*

Postquam Deus cor Abraham ad tranquillitatem depulso metu reducerat, aiebat: *Ego protector tuus sum*; velut dixisset: Si te pauperiorem, egenioremque ob id putas, quod pugnae spolia reliquisti alijs, erras, nam cum à tua parte habeas, qui tuus sum tutor, protector, defensor, non habes quod amplius desideres, ego enim sum omne bonum, ego saturitas cordium humanorum, ego expletio omnium desideriorum, & leuamen cunctarum anxietatum. Felix proinde anima, quæ Deum habet, ut cum quo omnia habeat.

Postquam contumax ille, & obstinatus Hebræorum populus Deo vero debitum adorationis cultum in vitulum cæco, turpissimo, & indignissimo sacrilegio transfulisset, cum vellet Moyses iustam de tanto scelere sumere vindictam, hæc magno animo aiebat: *Si quis est Domini, iungatur mihi*; Exod. 32. 26. hic de honore Dei summi, probrosissimaque eius iniuria vlciscenda agitur, quicunque sibi honori ducit, honorem Dei sui tutari, is mecum paribus armis contumeliam ejus vindicatum veniat. Vix ea inaudierant filij Leui, quando magno ausu, & ardore accesserunt ad strenuum ducem suum, ut pernicacium illorum sanguine fedas diuinæ existimationi illatas maculas diluerent. Dicebat autem Leuitis illis Dominus: *Occidat unusquisque fratrem, & amicum,*

*& proximum suum*; ibid. v. 27. sic ut nulli deferant, nemini parcant. *Feceruntque filij Leui iuxta sermone Moysi*; ibid. v. 28. contrucidaruntque vno die propè viginti tria millia hominum, in quibus erant fratres, amici, proximi.

Quæro hic. Quid sibi vult, quod Deus huic cædi perficiendæ Leuitas potius, quàm alios ex reliquis tribubus deligendos putauit? Itane Leuitæ fundere sanguinem, & neque patri, neque cognato, aut amico parcere debuit! Cur non tribui iuda tam pugnaci, & robustæ, & strenuæ, ac doctæ ad bellum hæc strages demandata fuit?

S. Ambrosius Annotat. in Exod. To. 1. ait: *Sanctiora ceteris ad hoc munus eliguntur ministeria Leuitarum, quorum portio Deus*. Leuitæ Deo specialiter consecrati, præter illum aliam non habebant hæreditatem. Hisce imperatum fuit, ut ferro parente, fratres, cognatos, familiares intimos obtruncarent: Nam cum omnia habeat, qui Deum habet, & Leuitæ haberent Deum, propterea non dubitarunt necem inferre parentibus, fratribus, & quibusque coniunctissimis, nam in vno Deo parentes, fratres, amici, & quæcunque desiderari possunt, habentur: *Nesciunt suis parere, quin nihil suum norunt, quoniam sanctus omnia Deus*; inquit rursùm Ambrosius.

Consolabatur Seneca Polibium in quadam calamitate positum, æque ut illum ad fortiter tolerandas suas ærumnas erigeret, hæc ad ipsum, præter alia scribebat: *Adiice nunc, quod cum semper prædices, chariorem tibi spiritu tuo Cæsarem esse, fas tibi non est, saluo Cæsare, de fortuna queri*. Hoc incolumis salus tibi sunt tui, nihil perdidisti, non tantum secos oculos tuos esse, sed etiam latos oportet. *In hoc tibi omnia sunt*. *Aduersus felicitatem tuam parum gratus es, si tibi quidquam, hoc saluo flere permittis*. Hæc ille in lib. de consolat. ad Polib. cap. 26. ex quibus sua mutuatus B. Ambrosius videtur. Si illo in mortali, & iam dudum defuncto Cæsare omnia Polibius (ut quidem Seneca affirmabat) habuit, quantum magis, qui verum, cœlestemque Cæsarem in anima habet, dicere potest, ac debet: *In hoc tibi sunt omnia, quoniam sanctus omnia Deus est*. Itaque parum refert amittere omnia, dum non pendatur Deus.

Quàmprimùm mundi lux mundo nata est, ingens beatorum spirituum exercitus in Bethlehem apparuit, & recens nato Salvatore laudes cantare cepit. Atque ut nouum ex recens edito Salvatore gaudium amplius diffunderetur, pastoribus custodiæ gregis sui inuigilantibus optatissimum iam tunc nati sospitatoris nuntium aperuit, neque hoc tantum, verum

etiam



etiam quod illum in præsepi positum, & pannis involutum reperturi essent addidit, vt his signis confirmati indubitantiore fide crederent, quæ audierant. Cum illi hæc euangelia audissent, hilares, & gaudibundi compellabant mutuo: *Transeamus & Bethleem, & videamus hoc Verbum, quod factum est, quod Dominus ostendit nobis*; Lucæ 2. 15.

Mellihius Bernardus ferm. de Natiuit. Domini verbulo vnico aliquid suo ingenio dignum indicauit, inquiens: *Transeamus & Bethleem, sed non pertranseamus*. Nam cum in Bethleem esset Redemptor mundi, qui est verus Deus, nemo pertransire aliud, nemo aliud quærere, aut appetere præterea vel poterat, vel dicebat. Qui enim Deum reperit, omnia inuenit, quæcunque desiderari queunt.

Dicat hoc S. ille Senecio Simeon, de quo beatus Lucas ait, venisse ad templum, quo tempore beatissima Dei Parens Maria, & sanctissimus illius Sponsus Ioseph æterni Patris, & Virginis Matris Filium adducebant, vt illum secundum legem (quæ tamen illum minime concernebat) offerrent, eumq; vniuersis suis reuerentissime excepisse, & Patri æterno æternas pro tam ingenti beneficio egisse gratias, à quo sic felicitatus in hac infelici via esset, vt auidissimis brachijs stringere, & ardentissimo pectori suauissime apprimere mereretur, quo se beatos omnium superiorum sæculorum homines putassent, si tantum oculis procul inde vtiupare, aut libare potuissent.

Decrepitus erat, & capulo proximis venerabilis hic Simeon, adeo facile crediderim, baculo nixu venisse, quod hoc sit commune incuræ senectæ, & titubantium, & longauitate pedum subsidium, & suffulcimentum.

Dicit nunc Stephanus Cantuariensis apud Godefridum Tilmannum in Allegor. Biblor. ad cap. 10. Tobie: *Puto quod cum Simeon spiritus venisset in templum, & hunc baculum, scilicet Christum suscepisset in manibus, baculum senibus familiarem vel obliuioni tradidit, vel abiiecit*. Et merito illud, tanquam dixisset: Cum omnia habeat, qui habet Deum, quorsum mihi baculus, qui Deum verbo sustentantem omnia? *Baculum senibus familiarem vel obliuioni tradidit, vel abiiecit*?

Angelus quidam Eliæ 3. Reg. 19. 11. dicebat: *Egrederere, & sta in monte coram Domino*. Dum ille ibi staret, transijt spiritus grandis, & foris subuertens montes, & conterens petras, & aiebat Elias: *Non in spiritu Dominus*. Validum illum flarum secuta est commotio, ex commotione natus ignis, & neque in commotione, neque in igne Dominus. Post

ignem sibilus aura tenuis audiri ccepit; ibid. v. 14. Simul hunc sibilum auribus hausit Elias, & operuit vultum suum pallio; ibid. v. 13. Quid hoc rei dicam, quod Elias inter horrifoni venti fremitus, inter fragores commotionis, quæ montium fundamenta concutiebant, inter ignis strepitus stat intrepidus, neque obnubuit faciem, & ad vnum tenuis auræ sibilum tenuit vultum? Quæ causa: Ea, quod in illo auræ tenuis blando sibilo adueniebat Dominus, quem cum vidisset, operuit vultum suum, oculi enim qui vident Deum, non habent quod posthac videre, aut appetere possint.

Cum audisset Pilatus, quod Christus ad potestatem Herodis pertineret, remisit eum ad Herodem, vt vel sic iudicium causæ Christi à sese remoueret. Viso Christo plurimum gauisus fuit Herodes, per diu enim illum videre cupierat, propter stupenda miracula, quæ ab illo facta certis, & crebris nuntijs cum accepisset, sperabat signum aliquod videre ab eo fieri; Lucæ 23. 8.

Simon de Cassia insinuat Herodem imprudentiæ, quam plurimum patefecerit, cum signum à Domino petijt. Gaudium certè illius inordinatum fuit, & stulta læticia. Sed quid insipientia habet, quod Herodes à Christo signum aliquod expectauit, aut fieri miraculum videre optauit?

Respondet ille lib. 13. in Euangelia: *Signatum ante se habebat Herodes, ad quod multa signa in Veteri testamento fuerunt ante monstrata, in quod si fidei luce aspexisset, sero gaudio fuisset omnino perfusus, nec signum videre à Christo tentasset, dumtaxat signato contentus*. Nam cui Deus præsto est, quid illi necessum est plura quærere miracula, in quod bona omnia sunt inclusa?

## C A P V T IV.

Artificiosa Rhetorices industria est, dissimulare quid res quæpiam sit, vt sic tacitè exaggeratione magis amplificetur.

Postquam plurima Dominus Abraham & benedixit, plenter, amanterq; locutus, & magnifice pollicitus fuerat, demum promissiones suas talibus verbis obsignat: *Ero merces tua magnanimitis*; Gen. 15. 1. Notant hic Interpretes, quod Dominus nullà comparatione declarauit remunerationem, quam Abraham promittebat, qui tamen facile inuenire potuisset, quo explicatum daret præmiū, quod illi constitutum habebat. Sed monet simul de industria prætermissam à Domino mercedis comparationem, vt hinc maiorem



maiores illi conflaret admirationem, & amplitudinem. Habet enim ingeniosus quidam Rhetorices canon, ut res quædam nec conferantur cum alijs, nec prorsum explicentur, ut hac ratione maior illis existimatio adferatur. Sanctus Isidorus Pelusiota ait, non esse præstantiorem modum amplificandi aliquid, quam si nos verbis destitui affirmemus, quibus id eloquamur. Si enim dicendo nos illud assequi posse arbitremur, iam de magnitudine illius, existimatione detrahimus: *Si enim dici posset, magnum non esset.* Magnitudinis ergo existimationem hoc illi conciliare potest, si tanquam dici, & verbis explicari possit, tacitum prætereatur.

Propheta Daniel cum in expositione cuiusdam mystici somnij esset, aiebat, vidisse quatuor bestias ascendentes e mari diuersas inter se, ex quibus prima fuerit quasi leæna, & habuerat alas aquilæ, secunda similis vrsio iussu comedere carnes plurimas, tertia quasi pardus avis instar alata, quarta denique *terribilis, atq; mirabilis, & fortis nimis*, Daniel 7. 7. In his quatuor bestijs præfigurata fuerunt quatuor orbis præcipua, Babiloniorum in leæna, Persarum in vrsio, Macedonum sub Alexandro Magno in pardo, Romanorum in quarta, quod regnum cæteris diuturnius fuit, & sanguinem humanum, maiore copia fudit. Hæc omnia notoria sunt, & indubitata: Sed hoc notatione indiget, quod cum S. Daniel repperit bestias feroces, quibus adumbraret strages, & damna, quæ cæteræ monarchiæ edituræ essent, & posthæc ediderunt, quartum regnum Romanorum sine comparatione reliquit, quod tamen rebus humanis exitum incomparabiliter maius attulit, quam alia priora imperia. Quid est, quod Babilonios cum leæna, cum vrsio Persas, Macedonas cum pardo contulit sacer vates, & apertam Romanis comparationem non inuenit, aut si inuenit, non expressit, cum tamen hæc, ut quæ reliquis truculentior, sanguinolentiorq; fuerit, eam multo amplius requisivisse videatur?

Nova hæc res iam olim etiam sancto Hieronymo accidit, qui in suis commentarijs in Danielem sic habet: *Satis miror, quod cum supra leonem, & Ursum, & pardum in tribus regnis posuerit, Romanum nulli bestia comparavit.* Sed cum Prophetæ deesse comparationes non possent, quare non expressit rem, cui Romanorum conferret imperium?

Respondet Doctor maximus: *Ut formidolosam faceret bestiam, vocabulum tacuit, & quidquid ferocius cogitauerimus in bestijs, hoc Romanos intelligamus.* Quod cæteris regnis certam apposuit com-

parationem, Romanis nullam, hoc fecit, ut Romanorum insatiabilem nocendi cupiditatem magis amplificaret, quam cum nullius feræ atrocitate declarare potuit, omnibus feris ferociotes fuisse indicavit. *Ut formidolosam faceret bestiam*, quacum Romanos comparavit, *vocabulum tacuit*, ut quisq; pro suo arbitratu, quam posset crudelissimam sibi imaginaretur bestiam, in eaque Romanorum agrestem immanitatem, ac diritatem, inspiceret. Sic res, quas non comparamus, altius extollimus, & amplius exaggeramus, cum dicimus, quod edicere eas non possumus.

Quando Æneas ad inferos (ut Poëtæ fingunt) Sibylla comitatus descendit, varia illi tormentorum genera, quibus malefici, sceleratique homines ibi cruciabantur, ostendit. Prolixum esset, ea hic referre. Ut autem compendium laboris faceret, & vetulæ Phœbi sacerdoti verbis paucissimis innumera Orcium flagitia, cum supplicia indicaret, sic rem absoluit:

*Non mihi si lingua centum sint, oraq; centum,  
Ferreæ vox, omnia scelerum comprehendere formas,  
Omnia penarum percurrere nomina possem.*

Æneid. lib. 6.

Videtur hic Poëta parum rethoricè egisse, ut qui cum pro aliorum eruditione potuisset verbis multis percellere, & sigillatim enumerare pœnas, quas infelices illi, & æternum miseri remiges in illo inferorum, & sulphuris semper ardentis stagni dependunt, ut qui eas legerent, omni sanctæ vitæ studio fugitarent, deuisse videtur proluxioris narrationis molestiam, & viri boni, qui non sibi solum, sed etiam alijs natus est, officium prætermisit, neq; rhetorices tantum iam præcepta suscipere habuit. Sed cum princeps Poëtarum oscitantius egisse in tanta non potuerit, quid illum permoverit, ut scelerum, pœnarumq; tantam partem præteriret?

Occurrit quæsito huic Tiberius Claudius Donatus in suo commentario dicens, meditatio factum, quod parcius in recensendis inferorum flagitijs, & supplicijs Poëta fuit, & plurima dissimulavit, quia amplius supplicia incerta metuantur. *Plus enim fecit timere, & minus peccare metuentem, eoque res reddit, & viuat rectius, cum infinitè ponitur.* Non inertia ergo, sed industria fuit, quod non omnes istius æternæ carnificinæ pœnas enumerando recensuit, ut formidabiliora essent incerta, certò tamen constituta, & illi loco usitata supplicia. Dubia, & quæ non declarantur, maiorem semper homini me-

tum



rum iniiciunt, & quæ inexplicata relinquuntur, maiorem inde accipiunt existimationem.

Cupiebat Propheta regius ad amorem Dei omnes accendere, atq; ut nemo esset, quem non sic inflammaret, ut vehementissimè, & ambitiosissimè cuperet Domino seruire, & gratificari, amabilissimam illius suauitatem & consuetudinem, ita describit, ut languentissimum, torpentissimumq; cuiusuis animum ad illius concupiscentiam excitare posset, inquit: *Quam magna multitudo dulcedinis tua, Domine, quam abscondisti timentibus te!* psal. 30. 20. At quænam illa, Propheta Sancte, tam magna, & multiplex dulcedo Domini? Et si ille cupit eam magnâ multitudine suæ dulcedinis hos perfundere cupit, à quibus timetur, cur abscondit? *Quam abscondisti.* Cur tectam seruat, & non magis aperit, & exponit?

Doctus quidam modernus Didacus Aluares in c. 36. Isaïæ respondet: *Ideo absconditur, ut aptius declaretur.* Magnitudo alicuius rei tunc magis amplificatur, quando in silentij sepulchro absconditur. Et propterea quæ sit illa multa magnitudo dulcedinis Domini taceretur, ut ineffabilitas existimationem infinitatis illi conciliet. Ergo non est exiguum artificium rhetorices, tacere quid sit res aliqua, ut hinc maior æstimetur. Hanc ob causam noluit Dominus comparatione aliqua explicare magnitudinem præmij, quod Abrahæ pollicebatur, ut absque comparatione maiorem haberet existimationem.

## CAPVT V.

*Sanctum aliquem pronuntiare propter primum virtutis actum, nimis præpropere pietas est, & eum, qui semel male egerit, perditum peccatorem existimare, præceptum impietas.*

Quam facile in sanctis, vel damnatis alios recenseat vulgus hominum, leue in vno, impium in altero! Ob vnum virtutis opus in cælum extollit illius authorem, ob vnum peccatum ad inferos damnat, quem illud perpetrasse videt. Sed qui prudenter vult agere, neq; beatorum pronuntiare, neq; damnare quenquam tam citò debet.

Nota est rabida sollicitudo perfidiosi discipuli Iudæ in qua erat, cum Magistri sui prodicionem machinabatur, & occasionem adornabat, quâ illum in manus hostium suorum traderet, quos cum ob finem in hortum Gethsemani ducebat, de quo Sanctus Ioannes c. 18. 2. *Secebat autem & Iudas, qui*

Tom. III.

*tradebat eum, locum, in quo reperturus esset Christum.* Vnde verò compertum habebat, quod in illo Gethsemani hortu inuenturus esset Dominum? *Quia frequenter Iesus conuenerat illic cum Discipulis suis;* inquit Euangelista ibidem. Bonum argumentum habuit, quo illi persuasum fuit, quod ibi reperturus esset Christum. Si semel tantum ibi vidisset, ac propterea inuenturum putasset, non bona fuisset coniectura. Sic nimia præcipitancia est, arbitrari quempiam frequentare Sacramenta, & templa solitum, ob id tantum, quod semel in templo sacro communicantem, & orantem videris.

Hugo Cardinalis in c. 18. Ioannis ait: *Scit diabolus, quod boni properant ad paradysum. Sed vnde scit? Ex hoc, quod boni frequenter visitant cælum, scit quod caelestes sunt.* At cum vnum aliquod bonum opus à quopiam fieri videt, pronuntiatne ob id sanctum, qui hoc facit? Nequanquam. Quem crebro adire Sacramenta, continuò versari in operibus poenitentiae, quem iugiter nauare operam exercitijs spiritualibus, pertinaciter insistere benè coeptis, perseveranter inhaerere bonis propositis cernit, hunc in cælum tendere existimat: *Ex hoc, quod boni frequenter visitant cælum, scit quod caelestes sunt.* Qui autem semel in hiatum parietis inuolare videt, non illicò putat habere ibi suum nidum, si sapiat: Verum si crebro ibi diuertere, frequenterq; per diem ad illum locum recurrere, eundi redeundiq; eò nullum finem facere videas, mox dicis: Auis illa habet ibi suum nidum, perennis illius ad eum locum recursus hoc loquitur. Tantundem facit diabolus. Si quem semel vacantem orationi videat, non propterea statim dicit: Conuersatio illius hominis in cælo est. At si sæpè cælo supplices tendere manus, sæpè ardentia sursum iacere suspiria, Deum semper, nec aliud illum loqui audiat, tum ait: Hic suum in cælo nidum habet. Quia ut Hugo dicebat, *ex hoc, quod boni frequenter visitant cælum, scit quod caelestes sunt.* Est ille multiscius, cumq; nouerit quanto cum strepitu inchoare pia exercitia, & quam leuiter ea intermittere soleamus, non vult nos æstimare bonos, donec videat perseverantes. Magna quippè leuitas videtur, perfectum statim quenquam pronuntiare, qui ne rudis quidem tyronis nomen meretur.

Postquam Christus prædicauit sublimissimum altaris Sacramentum, quod est dulcissimum nectâr, & suauissima animarum ambrosia, offendit plurimos illius sermo, ut S. Ioannes narrat. Vidit hoc Dominus, & cum somacho interrogauit Discipulos suos,



suos, nū & ipsi vellēt abire, quemadmodum alij scandalizari discefferant. Cui cum humiliter respondisset Petrus, subiicit Dominus: *Nonne ego vos dauidicamelegi, & vnus ex vobis diabolus est?* Ioan. 6. 71.

Cardinalis Caietanus expendit modum loquendi, quo Christus Iudam in diabolum degenerasse affirmat, idque in illius verbis specialiter obseruauit, quod non dicit erat, aut fuit, sed est diabolus, & intelligamus crimen presens non in vno actu, sed in vsu. Calumniator enim, seu delator (hoc est diabolus) non potest proprie dici, qui semel tantum calumniatur, aut desert, sed qui in vsu ducit calumniari, seu deferre. Nota ob vnam criminationem, sed propter diuturnam calumniandi consuetudinem perditus peccator, & ex homine diabolus dictus est Iudas. Contrā omnem enim bene iudicandi rationem est, pessimum æstimare illum, qui semel tantum male egerit. Si virum, mulieremq; semel familiariter colloquentes videas, indene confirmatam esse inter eos amicitiam conijcies? Minimè. Si etiam crebrius conuersentur, ne hoc quidem satis debet esse, vt turpi consuetudine coaluisse iudices.

In illa apud Sanctum Paulum Apostolum enumeratione illustrium, & magnanimorum veteris testamenti virorum, quorum inuicta dextra reliquit multa dicenda famæ, scribenda calamo, imitanda robustis, habemus etiam ista: *Fortes facti sunt in bello, castra verterunt exterorum;* Heb. 11. 34.

Primasius Vticensis in expositione horum verborum ait: *Castra verterunt exterorum, id est, in fugam frequenter coegerunt.* Vt Apostolus insuperabilem illorum in bello animum delaudaret, ait: hostiles exercitus fudisse, statimq; aduertit Primasius, hoc ita accipiendum, quod non semel, & iterum, sed crebro hoc fecerint: *In fugam frequenter coegerunt.* Nam robustum præliatorem, strenuum ducem, validum, & præpotentem militem vocare eum, qui vnam solum obtinuerit victoriam, est præproperè plausus excitare, & prudentem proclamare eum, qui semel rectè aliquid egerit, nimis acceleratum iudicium est. Sæpè hic rectè agat, frequenter ille triumphet, & si alter prudentis titulum, appellationem fortis alter merebitur. Præcipitat sententiam, qui ex vna actione aliquem celebrem pronuntiat.

Iustus à Patre Ioseph ibat inuisum suos fratres, & visum quomodo haberent, quid uel agerent. Conspexerunt illum procul inde fratres, & mutuò conuerti aiebant: *Ecce somniator venit, venite occidamus eum;* Gen. 37. 19, 20.

Angelicus Doctor inuenit in his verbis inuidiam, & cæcam passionem illorum fratrum, qui dicebant, *Ecce somniator venit.* Cur enim somniatorem illum nominabant, quem bis tantum somniasse, & semel quidem venerabundos manipulos, secundo verò Solem, Lunam, Stellas per quietem vidisse scriptura memorat? *Cum somniator sonet frequentiam, quasi habitum, quomodo ex solis duobus somnijs vocant, ipsum somniatorem?*

Respondet S. Thomas, quod mens inuida etiam pauca exaggerat quasi multa, & continua. Somniatoris nomen in illum solum aptè cadit, qui diu, ac multum assueuerit somniare. Quod ergo eodem nomine illi donarunt fratrem suum Iosephem, qui bis tantum somniauerat, inuidiam suam prodiderunt, qui si tunc compotes rationis suæ fuissent, somniatorem propter duo somnia, non appellassent. Annè in malis concionatoribus numerandus, qui bis minùs feliciter concionatus fuit? Nequaquam. Ex primulis actibus neq; optimus, neq; pessimus quicquam æstimari debet.

Contrā Innocentiam concilium inierunt ministri malitiæ, cumq; ventilarent incommoda, quæ commodis ipsorum vita illius adferrent, exprobrauit illis suam inficitiam Caiphas, & ait: *Vos nescitis quidquam, nec cogitatis quia expedit vobis, & vnus moriatur homo pro populo, & non tota gens pereat;* Ioan. 11. 50. velut dixisset: *Facessite hinc, stulti, & fatui, & parum gnari politices, & materiz statuum.* Nonne conuenit, vnus interitu omnes reliquos à morte seruari? Hæc vera propheta fuit. *Hoc autem à semetipso non dixit, sed cum esset Pontifex anni illius, prophetauit, quod IESVS moriturus erat pro gente;* ibid. v. 51.

Cum Euangelista de Caipha aperitè affirmet, quod prophetauit, quæri potest, cur non inferatur numero prophetarum aliorum, vt quemadmodum dicimus, propheta Isaias, propheta Oseas, propheta Daniel, propheta Dauid, propheta Ioël, etiam dicamus, propheta Caiphas?

Satisfacit quæsitio Theophylactus, dicens: inter varias causas, ob quas absolutè vocari propheta Caiphas non possit, hanc esse, quod semel tantum prophetauit, ceteros verò id nomen promereri, quia & sæpè, & multa sunt vaticinati: *Non autem continuo si quis prophetat, propheta dicitur, sicut neq; omnis, qui medicinam parat, medicus, neq; iustus iustum quiddam faciens, inquit ille.* Sic propter vnum opus non statim vel contrā aliquem, vel pro illo pronuntiare debemus.



Rex Israel, & rex Iuda Iosaphat foederati voluerunt bello appetere inimicos nominis Dei. Cumque rex Israel conuocasset propè quadringentos Prophetas falsos (tanta est, tamque obuia malorum abundantia!) interrogauit regem Israël, annon Domini propheta quispiam esset, per quem diuinum oraculum de belli euentu exquiri posset. Respondit ille, reliquum esse vnum Michæam, sed hominem retreum, qui nihil gratum, optatumque vnquam, sed omnia odiosa vaticinetur, *Ego odi eum*, inquit, *quia non prophetat mihi bonum, sed malum*. 3. Reg. 22. 8. In his verbis illud, *Prophetat*, ex notatione cuiusdam doctissimi moderni, *idem est, ac prophetare solet*. Plurimæ vices fuerint, quibus Michæas regi Israël insperata prophetauit. At si rex fortè non tenuit numeros, ego cum ad calculos vires illas renouaui, plus vnâ vaticinatum inopinata non inueni. Legat historiam, qui per otium potest, & reperiet, semel tantum prophetauisse Michæam. At si semel tantum, quæ non placebant, regi prædixit, cur dixit Rex, *Non prophetat mihi bonum, sed malum, quod idem est, ac prophetare solet*? Itane vnâ actio axillimationem cuiquam constare potest, qualem multæ? Non est hoc consentaneum rationi. Dicemusne rectè imperitum belli ducem, qui vnâ semel perdidit victoriam? Aut rerum suarum decoctorem, qui semel ludo indulsit? Aut intolerabilem, qui semel proteruiter vociferatus fuit? Aut leuiculam mulierem, quæ semel plusculum deblaterârît? Aut blasphemum, qui semel iurauerit? Aut libidinofum, qui semel liberioribus oculis foeminam aspexerit? Aut alterum Sanctum Onuphrium, qui semel corpus suum flagris verberârît? Aut anachoretam, qui per vnum diem domi se continuerit? Aut Sanctum, qui semel mensam Domini Sacrosanctam adijt? Aut Carthusianum, qui vnâ horam tacens exegit? Nec tam leuiter hi probari, nec damnari alijs tam facile debent, vt enim est deuotio, quæ citò interit, ita sunt passionēs, quæ subito intercitant.

Vtriusque rei documentum habemus præsens. Promittebat Deus nostro Patriarchæ nobilem posteritatem, quod cum narrasset Moyses, statim adiecit: *Credidit Abraham, & reputatum est illi ad iustitiam*; Gen. 15. 6.

S. Ioannes Chrysostomus, Lyranus, Abulensis, Oleaster, Istella, & alij plures plurimum admirantur, quod sacer historicus nunc affirmat de Abrahamo, fidem habuisse Deo, *Credidit Abraham Deo*. Nonne Deus Abraham sæpè hoc ipsum promiserat, &

Abraham diuinæ pollicitationi crediderat? Res certa est, & indubitata. Quid ergo nunc tam peculiariter facit fidei illius mentionem sacer textus, diuinumque nostrum Patriarcham inclyto credentis titulo condecorare incipit? hoc facit, vt nos doceret ob prima opera bona admirari, & extollere quenquam, cum Patriarcham nostrum non statim à fide commendare Moyses voluit, postquam semel, & iterum credidit, quàm & tunc eam laudem benè promeritus fuerit. Quando integritatem alicuius longo experimento varijs occasionibus perspeximus, tunc de illo magnificè & sentire, & loqui possumus.

Promittebat Dominus Abraham, posterisque eius terram, in qua stabat, inquit: Non poteris eius possessionem statim inire, quia *necdum completa sunt iniquitates Amorrhæorum &c.* ad præsens tempus; Gen. 15. 16. Occupabant regionem illam Amorrhæi, & nationes aliæ, sed flagitia eorum nondum tanta erant, vt meriti essent exturbari hereditate sua, & Hebræi eam inuadere possent. Pius Dominus non statim ethnicos illos homines, fortunaque illorum euertit, sed expectauit, donec merita illorum mala hoc postulerent, docere nos volens eo exemplo, vt non præcipitanter contra proximos nostros pronuntiemus, neque in perditè sceleratis eos facile, ac leuiter numeremus, quos etiam leniter, ac mansuetè iudicare debemus, cum multa perpetrasse scimus.

Parte 2. Politicæ l. 2. c. 3. idem argumentum tractat.

## CAPVT VI.

Cum Princeps debet & amori esse, & timori, etiam debet facere, ob quæ & ametur, & timeatur.

UT felix sit Reipublicæ gubernatio, debet illa, ex communi Politices peritorum sententia, vt stabilis consistat, nisi his duobus polis, nempe pietate, & iustitiâ, clementiâ, & rigore, timore, & amore. Proinde vigilans Princeps non tantum debet facere, ob quæ ametur, sed etiam ob quæ timeatur. Austeritas enim sæpè multum facit ad felicem euentum eorum, quæ Principes fieri cupiunt.

Traiecerunt mare Discipuli Domini, oblique sunt panes ad victum necessarios secum ferre. Abentibus dicebat Christus: *Intuemini, & caute de fermento Phariseorum, & Sadduceorum*; Matth. 16. 6. Cum hæc illi audirent, cogitare aliud cœperunt,



perunt, ac dicere, *Quia panes non accepimus*, ibid. v. 7. ac si apertius dixissent: Quoniam iure ille Magistri nostri de canendo illorum hominum fermento hortatus, nisi ut obliuionem nostram increparet, qui annonam accipere recordari non sumus? Tunc ille indignatus ait: *Quid cogitatis intrare vos modice fides, quia panes non habetis?* ibid. v. 8. tanquam pluribus dixisset: O perpusillæ & fidei, & memorix homines! Esto, panes nullos habeatis, non recordamini miraculi quinq; illorum panum, quibus hominum quinq; millia cum saturassem, tanta fuit reliquorum fragmentorum copia, ut duodecim cophini vix ea caperent, & cuiq; vestrum vnus plenus cophinus obueniret? Tam leuiterne etiam illud alterum prodigium excidit septem panum, quibus quatuor millium hominum famem leuauit, & reliquiarum, quæ superfuerunt? Ut video, non intelligitis, quod de pane materiato locutus non fui, quando à fermento Phariseorum, & Sadduceorum cauere iussi.

Videamus quidnam ista seuerior, & stomachosa obiurgatio profuerit, & quo fructu Dominus Discipulos suos verbis durioribus perstrinxerit. Sanctus Matthæus ait: *Tunc intellexerunt, quia non dixerat cauendum à fermento panum, sed à doctrina Phariseorum, & Sadduceorum*; ibid. v. 12.

Euthymius in commentario illorum verborum inquit: *Vidisti pramissam increpationem? Vide etiam fructum eius. Excitauit enim mentem illorum, quia dormiebat; & intellexerunt. Actum hic ex more eorum, qui stertentes expergefacerè magnis vocibus solent. Intellectus Discipulorum quodam velut somno sopitus iacebat, cui Dominus asperioris obiurgationis voces dedit, ut euigilaret, qui & acrioris reprehensione experrectus, & sibi redditus, & ænigma fermenti affectus fuit.*

Quid hinc accipimus? Illud ex Euthymio, quod non oportet obliquè missem esse præceptorem, sed quandoq; asperum fieri. Non semper plus satis blandi, faciles, & indulgentes debent esse Præfides, sed nonnunquam etiam caperatam frontem exhibere, & vultum asseuerare, & verba felle tingere, ut ita sibi timorem, obseruantiamque maiorem concilient: Nam qui merum mel, aut butyrum volunt esse, ij deuorantur à subditis.

Voluit Dominus, ut Elias esset terror regis Achab, & pauor totius regni illius. Quo tempore ergo propheta ille populo sui copiam facere, & exhibere se coepit, adiit regem Achab, & sic appellauit: *Vrui Dominus Deus Israël, incursu conspectu*

*sto, si erit annus his ros, & pluuia, nisi iuxta oris mei verba*; 3. Reg. 17. 1.

Quid est, quod Elias cum se primum oculis vulgi permittit, tam asperum, terricumq; se exhibet, & non tam verba, quàm flammæ, aut fulmina ore promittit?

S. Gregorius Nissenus in Orat. de laudibus Magni Basilij ait: *Cum Elias populo exhibitus esset, primum flagello famis Israel ad sanitatem reducit, & velut scurra quadam eiusmodi plagâ, atq; penâ insolentiam populi, ac perulantium incessens.* Elias ergo cum primum in conspectum hominum se dedit, ante omnia populum comminatione famis perculit, perqueterrefecit, ut effusam eius licentiam quodam velut lupato esurie compefceret, & cicuraret. Homines enim peruicaces duriorè flagello coercendi sunt, & in officio continendi. Et ad conciliandum Superiori merum, ac reuerentiam multum sapè iuuat asperitas, & supercilium, & stomachus.

Exijt quondam Dominus Bethaniâ famelicus, cumq; vidisset à longè ficulneam, adiit eam, ut inde acciperet, quod esurie subueniret, sed præter folia nihil in ea reperiens, ait: *Lavi non amplius in eternum ex te fructum quisquam manducet*; Marci 11. 14. Simul hæc dixit, *& arefacta est continuo ficulnea*; Matth. 21. 19.

Quærent Expositores, quid mouere Christum potuerit, ut tam acri maledicto ficulneam perstringeret, & miraculo arefaceret.

Vnus è plurimis responderi Theophilactus in c. 11. Marci. *Quoniam sapè Christus miracula fecit, benefaciendo hominibus, non viderant autem Discipuli potentiam eius, si quem veller affligere, eius gratiâ hic vult ostendere Discipulis, quod & affligere, & se cruci fixuros in vno momento perdere potuissent, si voluissent; ideo in arbore insensata ostendit virtutem suam.* Viderant Discipuli à Christo sanatos ægros, redanimatos mortuos, pastos famelicos, & his similia edita miracula, quæ clementiam illius, benignitatemq; demonstrabant. Conueniebat autem ut & alia viderent illius prodigia, quibus terribilitatem suam, seueritatemq; proderet, ut intelligerent, posse etiam adimere vitam, & momento si veller, extingere omnes, quotquot illi manus violentas, necemq; allaturi essent. Idcirco potentiz suæ ostentationem in ficulnea fecit. Necessarium enim quandoq; est, ut austeriorem Principem subditi videant, ut timeant, expedireque mandatis eius obtemperent.

Et si vultis scire, quanti referat, nonnunquam regidiusculè



gūd ufcuū agere, & afperius appellare fubditos, notare quæ dicam. Proximus mortui aucto vitæ cūm fpiritu fūum æterno fuo Patri tradere velle, animam fimul, & magnam vocem edidit, de quo fāctus Matthæus c. 27. v. 50. fic habet: *Iefus autem iterum clamans voce magnā emisit fpirituū.* Quid autem magnam illam vociferationem eſt confequutum? Et ecce velum templi ſciffum eſt in duas partes à ſummo vsq; deorfum, & terra mota eſt, & petra ſciffa ſunt, & monumenta aperta ſunt, & multa corpora ſanctorum qui dormierant, ſurrexerunt; ibid.

ſi. 52.

Nonne videris, quanti interſit Superioris, dare voces, & horribilibus perſonare, ac detonare clamoribus! inquit Origenes: *Magna facta ſunt ex eo, quod magnā voce clamauerit Ieſus;* inquit ille apud Sanctum Thomam in cat. aur. in c. 27. Matthi. Sub expirantem vitam elatiore voce ſucclamauit Dominus, & velum ſciffum eſt, & ſaxa diſſilierunt, & terra contremuit, & ſepulchra hīare, & prodire tumulis viuī, qui mortui fuerant coeperunt. Quando ſubditus velut mortuus eſt, quando durus vt ſaxum, immobilis vt terra ad officia ſui regis, faciat rex quod Chriſtus rex regum, det magnam vocem, oſtendat animū, & bilem, & adducat ſupercilium, & contractā fronte ſeueritūdinem indicet, & videbit magna fieri, mortuos ſcilicet animari, terras moueri, & volare ſaxa: *Magna facta ſunt ex eo, quod magnā voce clamauit Ieſus.*

Ariſtoteles in Problematibus ſect. 11. n. 94. quærit, *quāmobrem lux, quæ tenuior, ac ſelocior, & deducitior eſt, corpora penetrare denſa non poteſt, ſtrepitus autem poteſt.*

Reſpondet Philoſophorum princeps, cauſam eſſe, quod lux (vt diximus iam ſuperius lib. 2. c. 4.) in directum tendit, neq; torquet viam, ſtrepitus autem fletere iter, atq; ita vbiq; ſentiri poteſt. Tantūdem ſcilitari poſſemus, ac quærere, vnde fiat, quod multi Principes, quā pro conditione, & aſſimilatione lucis ſunt blandi, ſuaues, & nimis faciles erga ſuos ſubditos, tam parum boni apud eos efficiant, cūm è contra alijs, qui perſtrepunt minacijs, & terrent verbis afperioribus, plurimū promoueant? Hoc ſit, quod homines magis ducantur timore, quā amore, faciūq; ad animos eorum penetrat ſtrepitus indignationis, quā lux ſuauiſ dilectionis. Plurimū ergo vile eſt Principi, nonnunquā iracūdi, & ſeuerius aliquid ſtatueri in ſubditos.

Quā gratiā nobis iram iuſtam, & ſanctam natura

inoleuit, & inferuit, ſi eam exerere nunquā licet? inquit S. Ioannes Chryſoſt. homil. 3. de laud. Pauli Tom. 3. vbi habet iſta: *Quod ſomno huiſmodi eſt non oportet affectu, etiam cū tempus expoſcit, fruſtra nobis videtur ingentius. Sed proſectō non fruſtra, quem certē prouidus nobis creator inferuit, & dormientes animas, atq; reſolutas ab inertia, ac deſidia ſuſcitaret.*

Addit autem ſtatim aliquid S. Doctōr percommodum rei præſenti, inquiens: *Quaſi gladio aciem, ſtamenti noſtra ira acumen impoſuit, & eo, cū oportet, & tamur.* Quā vtilis Principibus, & omnibus Superioribus doctrina! Quā bonum Confeſſarijs monitum! Vt cū ad pedes eorum accidit peccator obſcœnus & contumax, durus, & reſtubundus, validū pectus, & intrepidū, zeloq; accenſum animū illi oſtendat, quiſquis enim ad pedes Confeſſariorum ingenua ſe ſubmittit, quantumvis alioquin ſublimis ſit, illis inferior eſt, vt proinde contrā illum audacter nudare ferrum, & proſtringere gladium, animoſiūq; agere debeant, ut hoc peruiuatæ, & obſtinatōnis magnitudo requiret.

Quando Chriſtus venit, vt filium viduæ à mortuis ſuſcitaret, aiebat ad illū: *Adoleſcens tibi dico ſurge;* Lucæ 7. 14. At quando redanimare Lazarum voluit, *voce magnā clamauit, Lazare veni foras;* Ioan. 11. 43. Cū ad vitam reuocat adoleſcentem, nullas dēdiſſe voces legitur: Verū cū Lazarum à ſomno excitat, alium ſucclamare fertur. Quāmobrem iſtud? Adoleſcens recens è viuīs exceſſerat, Ecce enim defunctus offerebatur; Lucæ 7. 12. nondum poſſeſſionem tumuli acceperat, & ſic illius reſuſcitationem, vt ad modum noſtrum ea de re loquar, parū requirebatur. At Lazarus tam diu iam in ſepulchro iacuerat, vt putorem exhalarēt intollerabilem, & ſoror quædam illius diceret. *Domine tam ſatet, quatrūduagius eſt enim;* Ioan. 11. 39. atq; idē illius redanimatio maiores ſpiritus, & acriores, vehementioresq; voces expoſcere videbatur. Et quāuis Dominus eadem facilitate vtrūq; viuificare potuit, alterum tamen leni appellatione, alterum acri vociferatione excitare voluit, vt doceret Confeſſarios, non eodem modo erga peccatores in his duobus defunctis præfiguratos habere ſe debeant, ſed aliter agere cū recens lapſo, aliter cū diuicūle defuncto. Paulū ante mortui poenitentis conuerſio non habet opus magnis vocibus, ſiue duris increpationibus: Verū quādo occurrit Lazarus malè olens inueteratus in peccatis, flagitioſum.



rum coeno immerfus, lapide contumaciæ in sepulchro improbitatis suæ tectus, tunc animositate opus est, tunc stringendus mucro, tunc acuenda pia indignatio, tunc vox extollenda, vt squalidus ille, ac horridus Lazarus educatur è tumulo: *Quasi enim gladio aciem, iram mentis nostra ira acumen imposuit, Et eo, cum oportet, Et amur.* Hunc in finem natura facultatem irascibilem homini indidit, vt eam pro necessitate exerat. Sic & omnis Superior subinde stomachari & potest, & debet, cum res postulat, vt spiritus illius, & animositas innorescant, intelligantq; subditi, inesse illi suam bilem, quam feruet occasione, quæcunq; illam exquirat. Hæc vna è multis causa est, quare Dominus tempore sacrificij, quod illius iussu offerebat, post occasum solis Patriarcham nostrum caligine tenebrosâ, & ostensione tunc clibani fumantis, cum lampadis ardentis exterrere voluerit, atq; ita exterruit, vt sopor irrueret super eum, & horror magnus, & tenebrosus inuaderet eum, volens nimirum significare, se vt pium, ac blandum, sic & iustum esse, atq; terribilem. Vtq; ad illud tempus solâ pietate, suauitate, mansuetudine, liberalitate ergâ illum vsus fuerat, iamq; posteritatis numerosissimæ & gloriosissimæ spem illi fecerat, iam se illius protectorem, & remuneratorem amplissimum fore promiserat, iam ingentium benedictionum cumulos illi pollicitus fuerat: Vt ergo Abraham cognosceret, Deum habere, quo terreat, succendat, adurat, vel vt habet, quo exhilaret foueat, refrigeret, consoletur, blandumq; & rigidum, lenem, & austerum, benignum & asperum esse, quemadmodum pro suauitate amatur, ita pro asperitudine timeatur. Eodem exemplo Principes, & omnes vniuersim superiores docere voluit, vt ex omnibus aliquid habeant, non nihil iustitiæ, non nihil pietatis, non nihil dulcedinis, & mellis, non nihil acoris & fellis, vt velut amantur, sic & metuantur, conuenit enim, vt non diligantur solum, verum etiam timeantur.

*Non procul ab his vadit c. 7. libri 1. part. 2. Politici colorum. Proprius tamen ad hac accedit Periocha 4. Dominica XIX. post Pentecosten. Tom. 2. pag. 268. a. o. C. qua ad finem illius subnotata.*

## CAPVT VII.

*Probrofissima homini victoria est, quam de illo demon reportat, vt qui se hostis tam imbecillis manibus prosterni sinat.*

○ Brutic Patriarcha noster sacrificium, quod Deus illi imperauerat, hoc est, vaccam, capram,

arietem triennes, turturem & columbam, cum quæ animalia illa diuississet per medium, *descenderunt Solucres super cadauera*, Gen. 15. 11. Quales fuerint illæ aues non exponit sacer textus, adeo nec facile est definire aut affirmare. Multi aiunt fuisse muscas, & hoc Ludouico Istellæ visum probabile. In sensu allegorico, vt voluit Hugo Cardinalis, Nicolaus Lyranus, Guilielmus Papinius, Ioannes Ferrus, & alij, *Solucres descendentes sunt daemones*, quod Hugo illis verbis adstruit. Muscæ ergo sunt hostes, quos habemus. Muscarum autem similes sunt daemones non tantum tentandi importunitate, & pertinaciâ, sed etiam debilitate, & infirmitate: Quia vt musca quolibet leui manus, vel rei alterius motu abigitur; ita & daemon solo crucis vno digito expresso signo fugatur. Ingens ergo probum, & turpis ignominia, superari à musca. Ostendamus imbecillitatem huius inimici, si enim superuacaneum erit dicere, quantum dedecus sit, tali hosti cedere, & succumbere.

Familiares est sacræ scripturæ, draconis nomine donare capitalem inimicum nostrum, & nostræ felicitatis communem, insensissimumq; hostem. Sic illum appellat Propheta regius multis in locis. Sic vocant Prophetæ alij. Sic & S. Ioannes in sua Apoc. c. 12. v. 3. vbi ab illo nominatur *draco magnus rufus*. Loquitur autem ad iteram de diabolo, vt sentiunt Aretas, Rupertus, Hugo Cardinalis, Lyranus, Cælius Pannonius, & alij: *Ecce draco magnus rufus*, exclamat Beatissimus Euangelista, velut dixisset: Videte hic mortales vestrum malignum inimicum, draconem, inquam, magnum & rufum, vt de infami colore perfidiosum, insidiosum, veterato riū, & proditorium eius ingenium agnoscat. Draconem magnum vocat. Si draco magnus est, ergo non magnum, nec probrosum, quod homo illi succumbat, & magis pertimescendus propter vastam, & formidabilem sui corporis molem, quam contemnendus propter exiguitatem, & imbecillitatem. Ergo mutandus videtur capituli titulus, neque ignauia arguendus homo, qui draconi cedat, verum potius admonendus, vt illum timeat, & fugiat, cuius ne nomen quidem sine horrore auditur. Verum si apud naturalis historiæ scriptores indagare volumus, quæ sit fortitudo draconis, quid ex illius robore ij sentiant, inueniemus iurè, ac merito à nobis dictum, quod hic fatalis animarum inimicus technis valet, non viribus, & specie terrere potest exteriori, per vim autem deiicere neminem potest.

Petrus Gilius in suis Accessionibus ad Æliani lib.



lib. 9. c. 17. de dracone hæc ait: *Ad infligendū vulnus, & si valde irascitur, parum efficax existit, neq. eius plaga doloris sensum habet, sed exigua est; & similis est, quam facit mus.* Tamen si hæc bestia, cum efferatur, flammam per oculos emittat, quibus vehementer perterritificare possit, attamen cum nocere vult, & fauciare, tam languide, & imbecilliter ferit, ut non plus offensionis inferat, quam ridiculus musculus aliquis solet: *Plaga eius exigua est, & similis est, quam facit mus.* Qui tam leuiter ferit, qui tam debiliter vulnerat, ut plagam absq. vllō sensu doloris inferat, ille certē talis hostis est, ut parum curari, ac timeri debeat. Quod ergo illius manibus deijcitur, id nostra inbecillitate magis sit, quam illius fortitudine.

Scio dicetis mihi: Et ubi est illud Sancti Petri tam tritum, ac decantatum: *Sobrijs estote, & vigilate, quia aduersarius vester diabolus tanquam leo rugiens circumit, quarens quem deuoret?* 1. Pet. 5. 8. Si diabolus est leo, qui præ ferocia terribiliter rugit, quis illum non formidet? Quis? Ille, qui in Apostoli verbis diligenter notat, quod tanquam leo rugiens circumit. Ego hinc illud colligo, quod tamen si technas illius, & præstigias subuereri possumus, vngues tamen illius, viresq. formidare non debeamus, nam aliud est minaci voce terrere, aliud opere nocere, aliud vim, periculumq. denunciare, aliud inferre, aliud simulatio nocendi, aliud vera incommodandi potestas, non enim omnes ferē, quæ rugitu terriant, vnguibus etiam laniant, nec omnes venti aquas ferunt.

Magnus Baptista de seipso aiebat: *Ego vox clamantis in deserto;* Ioan 1. 23. Nihilominus apud Matth. c. 3. v. 11. dicebat: *Qui post me venturus est, fortior me est,* quasi dixisset, Christus, qui me tempore secuturus est, virum robore præcedet. Sed quomodo hæc cohærent cum illo Isaïæ, quod de venturo in carne humana Redemptore dicebat c. 42. v. 2. *Non audietur vox eius foris,* tam silenter scilicet loquatur, tamq. tenues, & exiles voces dabit, ut & qui propius absint, vix haurire auribus poterunt. Si Ioannes vox est, quæ tota vastissimæ eremi spatia implet, terribiliterq. insonat, & perstrepat, quid est, quod se inferiorem, imbecilliorēq. illo dicit, qui ex Isaïæ vaticinio, tantā fuit vocis exilitate, ut penē omnem auditum superaret? *Qui post me venturus est, fortior me est.* Respondet S. Petrus Chrysológus ser. 137. ex persona Præcursoris: *Quia in me terror est, in illo sententia.* Non in vocibus, sed in manibus, non in clamoribus, sed in lacertis & ani-

mo, robur positum est. Tam Ioannes vox erat, Christus, quanquam exilem vocem, multiplicem tamen manum habet, ac propterea ille huius fortitudini cedebat, imparemque se fatebatur, qui solis clamoribus terrere poterat, cum Christus reapse potenter id faceret. Itaque robur non in vociferatione, sed in operibus, & executione consistit.

Nam ut Sanctus Cyrillus Alexandrinus lib. 1. apologorum, c. 16. ait, *expertus miles tubam bellicam non pauescit, sed gladium, & eruditus Philosophus nubes tonitruum non veretur, sed fulgur. Quid enim est clamor, nisi pectoris euacuati, & oris sonus effusus? Nempe vacua magis sonant, ventosq. concitant. Quapropter, charissime, quæ clamoribus stritur, a sapiente minime timetur.*

Si ergo capitalis hostis noster nonnisi rugitu, & vocibus perstrepat, tanquam leo rugiens, quis illum formidet, aut terreat? *Qui clamoribus stritur, a sapiente minime timetur.* Prudentem, & cordatum non voces terrent, sed vires, non sonus clamorum, sed virtus manuum. Inertissimus ergo, & stolidus, nimisq. ignauus est, quem soli rugitus leonis infernalis expauesciant.

Cum in regionem Gerasenorum veniret Christus, vixque de naui descenderat, quando illi occurrit ærumnosissimus homo à pessimo dæmone, eoque præferoci, ut videbatur, occupatus, cui dixit Dominus: *Exi spiritus immunde ab homine;* Marci 5. 8. apagete hinc, & dimitte virum, quem tam miseris modis cruciabilissimè iam dudum vexasti.

Animaduertendum hic nomen, quod Christus dat dæmoni, qui arreptitium illum diu, multumq. afflictarat, inquit: *Exi spiritus immunde.* Vni soli dæmoni loquitur, quem cum interrogasset quomodo vocaretur, respondit: *Legio mihi nomen est, quia multi sumus;* ibid. v. 9. Sex mille, sexcenti, sexaginta sex dæmones facillè erant vnus hominis hospites, tali enim numero constabat legio militiæ Romanæ, ut affirmant Guilielmus Estuechius in Vegetium, Lipsius, & alij. At si copiosum erat examen dæmoniorum in illo homine, quid est, quod Christus, velut vnus tantum ibi fuisset, ait, *Exi immunde spiritus?*

Respondet Euthymius: *Multa dæmonibus imperat, quasi vnus esset, propter ipsorum imbecillitatem.* Quanquam tam multi essent dæmones, sic tamen illos habet, ac si vnus solus esset. Iam angustis enim limitibus est circumscripta eorum potentia, quamquam plurimi essent, tam imbecilles eorum vires, tametsi sex mille, sexcenti, sexaginta sex essent, ut omnes simul vix pro vno illi essent.



Gloriabantur iactanter Iudæi profapia, & genere illustri Patriarchæ Abraham, & Deo patre, cumque malis operibus suis huic gloriationi suæ plurimum derogarent, aiebat illis Christus: *Vos ex patre diabolo estis, & desideria patris & fratris vultis facere*; Ioan. 8. v. 44. Dæmonij soboles, non conditione naturæ, sed imitatione malitiæ estis. Procul ergo à filiis Dei, & Abraham abestis, qui etiam omnia pro diaboli votis studiosissime agitis.

Guido Carmelita in expositione illorum verborum Ioannis extrema illa, *Vultis facere*, sic expendit: *Bene dicit, Vultis, quia licet diabolus possit tentando suggerere, non potest tamen homines ad peccandum cogere*. Quod ergo in casses illius incidimus, quod ab illo superamur, fit quia volumus. Qualis ergo ille inimicus, qui me, nisi velim, vincere non possit? Quæ vires aduersarij, qui me inuitum proferant, ac subigere nequeant? *Licet possit tentando suggerere, non potest tamen homines ad peccandum cogere*.

De illo in rem præsentem aptè dicit Sanctus Gregorius Nazianzenus: *Ad unumquemque nostram captiosè, ac subdolè accedit, ac velut locum sibi ipsi furis aperiens, & totum, non secus ac quæpiam exercitum, per disiectam muri partem irrumpat*. Conscius suæ pusillanimitatis, & ignauiæ malus dæmon, cum non ignoret, quàm parùm viribus suis efficere possit, si nos illi repugnemus, conuertitur ad astus, dolos malos, præstigias, stratagemata, quibus uti milites solent, cum irruptionem faciunt ex castris parte, quâ minus benè munitam sciunt. Ex nostra ergo imbecillitate sumit animos diabolus, fœderatque cum nostra inconstantia, oscitantia, incuria, negligentia nostris armis nos magis oppugnat, quàm viribus suis. Si enim nos valide illi obstitueremus, nunquam suis fraudibus subigeret. Non habet ille vires maiores, quàm nostra inertia illi ministraret.

Primo homini austerum præceptum imposuit Dominus, quo cauit sub certa mortis pœna, ne quos ex arbore scientiæ boni, & mali fructus ederet, dicens: *Quocunque enim die comederis ex eo, morte morieris*; Genes. 2. 17. Aduenit non diu posthæc verus dæmon specie serpentis testis, Euamque adorsus, voce ad commiserationem confictâ sic eam appellat: *Cor præcepit tibi Deus, ut non comederis de omni ligno paradisi*; ibid. c. 3. v. 1. Vnâ tantum ex omnibus arbor est scientiæ, cuius esu nobis interdictum, ne fortè moriamini, ibid. v. 3. Tunc callidus dæmon: *Nequaquam morte moriemini*; ibid. v. 4. quasi pluribus dixisset: Ha ha he, quàm deri-

diculum est, quod mortem vix dum nati timetis! Totus tantum fuit, & sola comminatio, quod vos morituros ex esu fructus cuiusquam dictum, nihil enim minus fiet, quàm vt moriamini.

Hugo de S. Victore lib. 2. Miscellan. tit. 88. ait: *Dominus affirmavit, mulier dubitavit, diabolus negavit*. Dæmon (vt hinc ignauiam illius arbitremini, inquit Hugo) venit ad Euam meticulosus, trepidus, pusillanimus, desperans victoriam: quousque vidit mulierem hesitantem de fide verborum dominicorum, tunc enim existimare, & credere cepit, paulò post negaturam, quæ tam citò dubitare cepisset, confirmatusque illius fluctuatione audacter dixit, *Nequaquam moriemini*, quiduis illud comedatis.

Pergit Hugo: *Si mulier non dubitasset, fortè diabolus non negasset, sed dedit audaciam, quæ inchoauit malitiam*. Simul & ambigere Eva, & præfidentiùs agere dæmon cepit, ac nisi hiatum dubitationis aperuisset mulier, nunquam in mendacium prorupisset Lucifer. Denique ille tam est imbecillis viribus, tam ignaui animo, tam iufirmis manibus, vt nullo certamine nos superare posset, nisi arma illi præberemus, quibus nos conficeret. De nostra debilitate nascitur illius præfidentia, cui dedit audaciam, quæ inchoauit malitiam. Quod musca nos subigit, hoc nostra ignauiæ, & inertia, non illius fortitudo facit.

*Plura, & plausibiliora habet de hoc argumento Periocha II. Dominica V. post Epiphaniam To. 2. pag. 447. b. o. Vide quæ ad finem ibi adscripta.*

## CAPVT VIII.

*Non adfert salutem medicina, nisi opportunè exhibita, & accepta, quod nisi fiat, veritur in venenum.*

Promittebat Dominus nostro Patriarchæ, illiusque hæredibus, ac posteris terram, in qua tunc vivebat, sed addebat, non posse illum eius terræ statim adire dominium, eò quod necdum completæ essent iniquitates Amorihæorum, ob quas exturbari eos ante oporteret, velut dixisset: Nondum venit tempus, quo meum factum commodè probare hominibus possim, aderit posthæc occasio, quâ pollicitationem meam factis exequar. Ità opportunè quæque sunt faciendæ, vt bonum sortiantur effectum. Quamquam enim modus sit accidens felicitis confessionis negotiorum, aliquando tamen esse substantia solet. Sciât licet medicus varia remedia, nisi tamen ea tempe-



tempestiuè adhibeat, non solum nihil proderit, sed & oberit.

De rebus sublimibus sapientissimè Christus in synagoga disseruerat, cumque surdos ad sua verba videret Iudæos, ad opera se conuertit, ut his lapidea illorum corda emolliret. Quare permittit, ut Tairi archisynagogi filia naturæ concederet, ut per eius resuscitationem ostentaret suam diuinitatem, & verum ignorare Messiam increduli illi non possent. Venit ergo *cur, cui nomen Tairus, & ipse princeps synagoga erat, & cecidit ad pedes Iesu rogans eum, ut intraret in domum eius*; Lucæ 8. 41.

Sanctus Asterius in catena Græc. Patrum in c. 8. Lucæ ait: *Ut vidit Iudæos ad sermones obscurdescere, facti ipsos instituit, ac medicina medicinam accommodat, miraculaque miracula.* Occluserant pertinaciæ suæ clauē aures Iudæi, ut celestem Magistrum de rebus altissimis sublimiter dicentem non audirent, quare ille à dictis ad facta, & à verbis ad miracula transiit, sciens nimirum, ad persuadendum efficaciora esse manuum prodigia, quam oris verba ornata, & affluentissima. Itaque *medicina medicinam accommodat, miraculisque miracula.* Peculiaris loquendi modus! Quid est medicinæ medicinā, & miracula miraculis accommodare? Nihil aliud, quam Christum imitari, qui nullam intempestiuè adhibeat medicinam, & miraculorum faciendorum opportunas obseruabat occasiones, & hoc est medicinæ medicinam accommodasse, miraculisque miracula. Tunc enim medicina reuera fit medicina, quando suo tempore exhibetur, quemadmodum & medicina esse definit, cum intempestiuè ministratur, & miracula opportune facta sunt fructuosa. Itaque non in curationis studio, neque in miraculorum pertratione solus corporum, aut animarum posita est, sed in comodo tempore, quo saluti vtriusque sine per medicinas, siue per miracula opera nauatur. Opportune occasionis prætermisso multis mortem attulit, & non paucæ arces, victoriæque perditæ fuerunt, quod tempestiua subsidia neglecta.

Diuturnis exagitatus persecutionibus David descendit in desertum Pharan, ubi fames, (ut ne alicubi sine oppugnatore hoste esset) & annonæ penuria illum, commilitonesque eius vexabat. Cumque Nabalem multis officijs, & beneficijs obstrictum haberet, eo vel maxime, quod greges ipsius ab inuasionē, & prædatione militum in deserto tutatus esset, misit ad eum decem iuuenes, qui ex se rogarent, ut virtus necessitati, quod perfacile posset, succurreret, idque talibus verbis obsecrarent: *In deo bona*

Tom. III.

*venimus, quodcumque inuenerit manus tua, da seruis tuis, & filio tuo David*; 1 Reg. 25. 8.

Quærit Abulenſis, cur David per id tempus voluerit necessitatis leuamen petere à Nabal, quem ut ad promptè, ac liberaliter subueniendum perurgeret, bonæ, & opportune diei mentionem apud eum faciendam putauit?

Respondet quæst. in illud c. 25. *Voluit petere nunc, & non alias, eo quod crederet, eum nunc esse magis dispositum ad dandum, quam alias, quia in die illa tondébantur greges fiebat lætitia magna, & conuiuia, & cum tunc sint homines hilariores, esset magis dispositus ad dandum.* Veste natiua mitiorem gregem per id tempus Nabal, seruique eius nudabant, cumque audisset David in deserto, quod tonderet Nabal gregem suum, misit decem iuuenes. Per idem tempus, quod ex eodem Capitulo constat, instiruebant custodes pecorum ex more pastoritio conuiuia, festiuique gaudijs, & omnibus lætitiæ signis, quibus rustici, & agrestes homines solent, celebrabant diem illum, quo sua ouibus vellera detrahebant. Et cum plerique tunc sint profusiores ad dandum, cum effusiores fuerunt ad bibendum, & prolixiores sint ad benefaciendum, cum fuerunt magis largi ad potandum, idcirco David tunc implorandam arbitratu fuit beneficentiam Nabalis, cum illum ex copiosiore vino hilariorē, liberaliorēque putauit. Opportune enim venire, est diligentē felicitē conficiendo negotio necessariæ magnam partem ante fecisse.

Mundi vanitatum detector Salomon c. 3. sui Ecclesiastæ ait, omnia tempus habere, & suis spatijs transire vniuersa sub cælo, esseque *tempus dilectionis, & tempus odij, v. 8. siue tempus amandi, & tempus odio habendi, ut alij legunt.*

Sanctus Gregorius Nyssenus homil. 8. in Ecclesiastæ cum dixisset, aures opus habere digitis Iesu, ut per diuini verbi contactu ab omni sordē obseceni amoris liberentur, quærit quodnam sit tempus amandi, & quod sit tempus odio habendi. Quæstionem autem ipſus sic dissoluit: *Non puto hoc aliud esse tempus, præterquam esus, quod est Otio.* Tempus ergo amandi, vel odio habendi, illud est, quod amoris, siue odio commodum, & opportunum, & hoc ipsum est vtile, *qua enim ex utroque eorum (puta casto amore, & sancto odio) capitur Otio, meo quidem iudicio est amorum & suorum opportunitas, inquit idem Sanctus Doctor.* Sic fructuosa est omnis negotiatio, quæ comodo tempore, & opportuno instituitur.

Peruulgata est illa miraculosa sanatio hominis

K

annis



annis propè quadraginta paralytici, ex qua variam cauillandi, obstrependi, & criminandi occasionem maleuolentissimi Scribæ, & Pharisei arripuerunt. De misero illo sic ait Beatus Ioannes: *Erat quidam homo ibi triginta & octo annos habens in infirmitate sua; Ioan. 5. 5. quam illi sua improbitas, & vitæ flagitiosæ mala merita attulerant. Accessit ad hunc Dominus, cumque pauca cum illo locutus fuisset, ait: Surge, tolle grabatum tuum, & ambula; ibid. v. 8.* O admirabilem verbi potentiam! quod simul ac per aures se insinuauit, paralytin tam diuturnam, & incurabilem toto corpore, miraculo ingenti, & euidenti statim depulit. Secessit posthæc ab hominibus cœlestis Medicus, & cum horis abhinc aliquot illum ex paralytico sanum in templo inuenisset, dixit illi: *Ecce sanus factus es, iam noli peccare, ne deterius tibi aliquid contingat; ibid. v. 14. velut dixisset: Beneficium sanitatis tam diu expetitæ consecutus fac bonæ vitæ rationem optimam habeas, quod te ex mea clementia etiam atque etiam hortor, & moneo, si fecus feceris, peiora, quam passus sis, ex mea iustitia tibi denuntio.*

Occurrit hic quæstio. Postquam constitutum fuit Domino, animam huius hominis spiritali exhortatori sermonis antidoto præmunire aduersus maiora damna, & pericula, cur non statim post sanationem corporis salutare illud fugiendorum deinceps peccatorum consilium ei dedit, quod saluationem animæ eius concernebat, cumque tanti ponderis esset diuiculè differri, ut videretur, non debebat? Cur ergo Christus tam sapiens Medicus plusculum temporis abire permisit, expectauitque donec in templo inueniret hominem, quem suis monitis ad scelus fugam, & vitæ sanctioris curam excitaret?

Respondet Sanctus Ioannes Chrysostomus hominil. de Paralytico To. 3. *At quàm opportunè, adhibita medicina, data monita! Quamdiu enim in lectulo decumbebat, nihil tale dixit, neque peccatorum recordatus est. Animus enim eorum, qui morbo constitantur, fastidiosus & miser est. Vbi vero morbum expulit, ubi pristina ipsam valetudinis restituit, ubi potentia, atque prouidentia fidem re, & opere fecit, tum tempestiuam adhibuit admonitionem.* Non reprehendit illum prudens Medicus, & potens benefactor, quamdiu cruciabilis ægrotatio strato pœnaliter afflictum tenebat, sunt enim submorosi plerumque infirmi, & impatientes obiurgationum. Ac ne statim quidem à recuperata subito valetudine illum increpauit, non enim benè caderet in tam inexpectatam sanationem amarulenta correctio. Persana-

uit ergo ante hominem, expectauitque quousque ille ob redditam repenti, atque inopinatè sanitatem incredibili gaudio exultans sibi redditus esset, cumque eum in templo credulum miraculo, gratum, ac supplicem pro beneficio reperisset, tunc tempestiuam adhibuit admonitionem, tunc præbuit medicinam, tunc salutarem propinauit passionem, ut fructuosa esset correptio, & optatum effectum haberet admonitio.

Rex inter Prophetas humiliter constitetur, debitaque cum demissione prædicat, coronam suam, ac sceptrum ad sacros Supremi, & absoluti Monarchæ, orbisque terrarum Creatoris Dei pedes meritò deponi debere, idèdque dicit, sibi non esse aliud fulcimentum, quàm ipsius magnitudinem, nec spem aliam, quàm ipsius clementiam, nec alium baculum, quàm ipsius maiestatem, omnemque suam felicitatem ab ipsius imperio, & potentia manare, ac propterea seruum se illi sempiternum addicit, inquit: *Ego autem in te speraui, Domine, dixi, Deus meus es tu, in manibus tuis sortes meæ; Psal. 30. 15. 16.*

Sed notandum, quod postrema hæc verba Psalterium Romanum, Sanctus Hieronymus, & alij. plures ita legunt. *In manibus tuis tempora mea; & Hebræus apud Lorinum clariùs: In manibus tuis temporum opportunitates.* Itaque quod hi *sortes*, id illi *tempora, temporum opportunitates* alij vocant. Quamobrem? Ut nobis significarent, bonam cuiusvis negotij sortem, felicemque rei alicuius confectionem plerumque pendere ab opportunitate, & tempestiuitate, quâ suscipitur, & inchoatur. Quæ enim intempestiue tractantur, vix vnquam optatos habent exitus, aut sine bono clauduntur.

## CAPVT IX.

*Nomen calamitatum, & arummarum non merentur, quæ simul cum vita expirant.*

Pænuntiabat Dominus Abrahæ amico suo, quòd posteri eius quadringentos annos in dura captiuitate exacturi, demùm verò in terram promissam reuersuri essent, dicens: *Generatione autem quarta reuertentur hac; Genes. 15. 14.* Hoc ergo ad consolandum illum, mitigandumque eius dolorem dixit, quod calamitates, oppressiones, captiuitates, ærummæ non perpetuæ futuræ, sed finem habituræ essent. Secum enim habent suum solatium, & lenamen miseriæ, quæ finem habent, utque eas non solum patienter, sed etiam hilariter, gaudenterque feras, sola recordatio exitus, quo aliquando claudendæ sunt, facere potest. Denique non merentur nomen ærummarum,



annarum, quarum non est perpetua duratio. Nam ut Sanctus Hieronymus epist. 36. ait: *Nihil longum, quod finem habet, nihil prolixum, quod certis terminis circumscriptum.*

Miserabatur, & mirabatur Christus, quod tam pauci saluarentur, verba autem, quibus suum commiserationis affectum explicabat, talia sunt, ut per ea excusari videantur, qui excidunt beatitudine. Sic enim aiebat: *Quam angusta porta, & arcta via est, qua ducit ad vitam, & pauci sunt, qui inveniunt eam!* Matth. 7. 14. At si tam angusta, ut fateris ipse, est porta, Domine, tam arcta via, que in celos ducit, ea que senticosa, salebrosa, prærupta, & confragosa, quid miraris, ac miseraris, quod tam rari sint, qui viam illam terant, tam pauci qui per illam humilem strictamque portam, quæ vix pupulum capit, irumpere tentent? Si amplum iter, si planum, si floridum, rosis vtrinq; constum, & lætum esset, quod itur ad astra, queri merito de saluandorum paucitate posses: Verum strictam, eamque scabram, & lubricam viam quis ineat? Et quis portam tam arctam quærat?

Respondet Euthymius, quod tamen si semita sit constita tribulis, & spinis, operosumque per eam ambulare, & per angustam portam intrare sit laboriosum, hoc tamen secum ferre solati, quod & via est, quæ terenda, & porta, quæ transeunda, eò quod vtraque suos fines habet, & ambæ ad hoc factæ sunt, ut pertranseantur. *Neque minima consolatio est, vocare ipsam portam, ac viam, nostra diem pertranseant, sed transire,* inquit ille. Iusta ergo fuit admiratio Redemptoris nostri, quod labores huius vitæ, quantumvis graues, & molestos, quisquam fugiat, cum ij non solum fines suos habeant, sed etiam sint transitus ad quietem, quæ immortalis est, & æterna. Denique non videntur esse calamitates, quæ aliquando esse desinunt.

Letali morbo decumbebat Lazarus. Periculosam illius ægrotationem sorores nuntiârunt Christo, qui de ea cum Discipulis suis communicauit, postquam infirmitatis nuntijs dixerat: *Infirmitas hac non est ad mortem;* Ioan. 11. 4. Hæc superi Magistri verba bene expensâ videntur repugnare ijs, quæ postea eisdem Discipulis suis apertè dixit: *Lazarus mortuus est;* ibid. v. 14. iam diem suum obiit amicus noster. Posito ergo, quod ex illa infirmitate decessit è viujs, quomodo ait Dominus, *Infirmitas hac non est ad mortem?*

Pulchrè diluit hæc Theophylactus, inquiens: *Si bene consideraueris, neque ad mortem fuit infirmitas,*

*quæ moriuntur multis, diuturnam scilicet, sed temporalem, & quadriduam. Nam quia surrexit quadriduans, ad finem spectantes res, dicimus non esse ad mortem infirmitatem, sed pro gloria Dei.* Mors Lazari non fuit quadriduo maior, quæ cum tam brevis esset, mortis nomen non merebatur, adeo infirmitas non fuit ad mortem, ex qua non alia, quam talis mors secuta fuit. Sic & dolores tam parum durabiles, & breues ærumnæ, & pauci temporis calamitates vix nomen illud merentur.

Commodum hæc venit illud acutè dictum Venerabilis P. Simonis de Cassia lib. 13. in Euangelia: *Optimum est in moribus tribulari ad horam, & persecutionem comicam pati;* velut pluribus dixisset: Magno beneficio nos ornat Deus, & beneuolis oculis spectat, qui temporarijs vitæ præsentis pœnis debita culparum nostrarum expiare finit, neque ad luendas vitæ sequentis æternas remittit, idcirco bonum est hic ad momentum affligi, & comicâ ex cruciatione vexari. Quid verò est *persecutionem comicam pati*? Res in propatulo est. Quando hominem in scena videmus multari exilio, damnari capitis, impeti mucronibus, & alijs modis exagitari, quam exigua illius mouemur commiseratione! Scimus enim hæc ludrica esse, & ficta, & commentitia, & figuras tantum, umbrasque vexationum, non veros cruciatus, neque reales misérias. Ad hunc modum dicit Simon de Cassia: *Optimum est ad horam in moribus tribulari, & persecutionem comicam pati.* Quæcumque in hac vita tolerantur, si cum ijs conferantur, quæ in æterna vita torquebunt, sunt comediarum fictæ persecutiones, & solæ representationes quædam verarum calamitatum. Itaque ut non est, cur misericordiâ moueamur illius, qui in scena in speciem decollatur, sed eius, qui in foro agitur in patibulum: Sic non debemus dolere vitæ præsentis misérias, sed eas tantum timere, quæ in futura vita æternum sunt duraturæ; *nihil enim longum, quod finem habet,* ut ex Sancto Hieronymo iam dicebamus, quod autem finem habet, non habet cur multum timeatur.

Annuntiabat Christus amaram suam passionem, acerbos dolores, & ignominiosam crucis mortem sibi à Gentibus inferendam, demùm verò aiebat: *Et tertiâ die resurget* (Matth. 20. 19.) Filius hominis, & post toleratum pœnarum diluuium, post superatam contumeliarum inundationem gloriosus triumphator in vitam redibit.

S. Ioannes Chrysostomus ait, Christum pro consolatione suorum Discipulorum dixisse, quod post quadrum



triduum à morte resurrecturus esset, ut quanquam mors Domini acerba, & absentia ipsius penalis illis accideret, hoc tamen eorum leuaret mœrorem, quod tam citò reditum scirent. *Non satum est abscessus tristis, & velocius est regressus.* Post tres dies. Hoc abire sic fuit, & redire, ut cum non de fuisse perliceat. Hæc ille homil. de Pass. To. 3. Tam brevis absentia nomine absentia donari non debet. Quare Christus velut non abfuit, qui triduo solum abfuit, poterantque Discipuli absentiam illi-

us, quam triduo non fore longiorem præsciebant, minus acerbè ferre: *Quia non satum est abscessus tristis, & velocius est regressus.* Similiter ratiocinari de calamitatibus, & aduersitatibus huius vitæ possumus. Quantumuis illæ grauent, angustent, affligant, consideratio tamen breuitatis earum facit leuiore, & tolerabiliore, nec enim longum est, quod finem habet, nec importabile quidquam, nisi duratio eius æternitatem exæquet.

## LIBER V. VITÆ ABRAHAM.

### CAPVT I

*Qui non valet efficere quiddid vellent, non proinde excusatur ab eo faciendo, quod potest.*

**I**Onesta, & venusta Patriarchæ nostri vxor infœcunda erat, & inepta conceptui, Habebat ancillam Ægyptiam nomine Agar. Dicebat ergo marito. Video me iusto Dei iudicio sterilem, famula mihi est, qui tibi coniux esse possit, experiar an ex illa suscipere liberos forè queam, quos meos vocare poterò, si qui ex coniugio à me adornato fuerint nati: *Ingredere ergo ad ancillam meam, si forè saltem ex illa suscipiam filios;* Gen. 16. 2. quod Nycolao Lyrano tale est, ac si consequenter dixisset: *Ut quia non possum habere filios naturales, saltem habeam per adoptionem.*

Philoni Iudæo in lib. de Abraham Sara significat rationem. O quam consentaneus rationi Saræ cogitatus! Quam pulchrum, ac dignum imitatione exemplum! Si quis non supremum attingere, nec facere quantum vellent, non propterea fas nobis est etiam illud prætermittere in officijs Dei, quod possumus præstare: Sic enim & Sara, quæ non potuit ex suo corpore habere filios naturales, & proprios, non voluit carere adoptiuis, & ex alieno quæsitis.

Isaias cap. 41. v. 19. ait: *Dabo in solitudinem cedrum, & spinam, & myrtum, & lignum oliuæ, ponam in deserto abietem, & olivum, & buxum simul, nimirum ut omnes videant, & sciant, & recognoscant, & intellegant pariter, quia manus Domini fecit hoc, & ipsi gratæ fuerunt hæc arbores. Examinare omnium harum arborum conditiones proprias, non est huius loci. Illud solum hic difficile videtur, quod placere,*

potuit Domino vlmus, arbor tam infœcunda, ut apud Hispanos in prouerbum abierit, impossibilia expectare eum, qui ab vlmò fructus speret, cum sterilem eiusmodi arbores abominari Deus soleat, & sanctus David virum beatum, Dei que amicum illum prædicet, qui feracis arboris sit similis, inquit: *Et erit tanquam lignum, quod plantatum est secus decursus aquarum, quod fructum suum dabit in tempore suo;* Psal. 1. 3. Quid ergo est, quod ait Dominus: *Ponam in deserto abietem, & olivum*, ex quibus hæc, cum sit: prorsum infrugifera, videtur Deo probari non posse? Aut quidnam illud habet, ob quod accepta esse possit?

S. Gregorius hom. 19. in Euang. ait: *Vlmus vitem cum fructu suo sustentare solet.* Loquitur Mag. Doctor ex more Palæstinæ, & Italiæ, ubi vlmis vites nubunt, marisæque complexæ per ramos earum procubibus brachijs geniculato cursu scandentes cacumina sensim petunt; (ut Plinius loquitur lib. 14.) erraticæque palmitum lapsis uexibus pendulis, dum per arundines basulas tacite reptant, vitream paulatim porticum vitrea tecta faciunt. Ita S. Cyprianus l. 1. epist. 2. Itaq; vlmī non edunt quidem fructus proprios, baiulant tamen, & sustentant alienos, & vel aliquid agunt, quia totum facere non possunt. Quod ergo Domino placuit arbor, quæ fructus proprios generare nallat, quàm pro statumine, aut pedamento esse vinearum, si prædita intellectu esset, & quia non valet, quod veller, quod potest, facit, & fulcit uvas, quas edere nequit, eā re significatum fuit, quod nos hic monemus, & consulimus, ut quando non possumus præstare quantum vellemus, non propterea ex officijs Dei etiam illud prætermittamus, quod

commode.



commodè facere possumus, id enim Deus & acceptum habebit, & suo tempore remunerabitur.

Nam ut Paulus in Prolog. addit. ad Lyranum ait, nec enim quia multa dare non possumus, manum extorere trahere licet, nec debet nihil elemosynarum dare, qui non potest omnes opum suarum facultates in egenos erogare.

Celebrat dilecta Sponsa fragrantiam, quam diuini Sponsi nomen exhalabat, & ait: *Oleum effusum nomen tuum*; Cant. 1. 2. Mox autem sub. ungit: *Trabe me, post te curremus in odorem vnguentorum tuorum*; ibid. v. 3. Me trahere, inquit, & videbis non me solam, sed plurimis benè comitaram cursu sequi, quo præieris, idque propter vnguentorum tuorum diuinum odorem. Perexiguum videtur, quod Sponsa petat ab eo, cuius tanta est opulencia, & munificentia, atque prolixitas. Itane solo odore contenta esse voluit? Et tantilla res satis illi esse potuit: *Curremus in odorem vnguentorum tuorum*. Cum Sponsus tam effert liberalis, & quàm amans, tam largus, nonnè satius fuisset, vnguenta ipsa petere, quàm solum odorem postulare?

Petrus Alficus vult tale esse, quod Sponsa dixit: *Quia reipsum non datur amplecti, interea odor nominis tui mecum ex desiderio pernoctabit*. Hæc ille in cap. 1. Cant. Petierat Sponsa, ut totum se illi traderet, totum impertiret, inquit: *Osculetur me osculo ori sui*; ibid. v. 1. Non obtinuerat petitio, nec enim semper convenit, quidquid petitur, concedere. Quid verò tunc Sponsa? Quia vnguentum, inquit illa, hoc est, Sponsum meum ipsum habere nequeo, odore saltem suo me perfundat, fragrantiam suam mihi permittat: *Quia reipsum non datur amplecti, interea odor nominis tui mecum ex desiderio pernoctabit*. Nam si Sponsus, ac nomen eius est vnguentum, *Oleum effusum nomen tuum*, ex oleo illo effuso vel aliquid colligere bonum fuerit, & qui gaudere toto non potest, curare debet, ut vel partem accipiat. Habeat vnguenti odorem, qui vnguentum ipsum habere nequit. Non enim quia totum quis obtinere nequit, etiam à parte procuranda quis excusatur, sicut non conuenit sursum neque debet, tametsi penetrare vsque ad cacumen non possit.

Huc faciet doctrina Hispani cuiusdam alterius, Quintiliani, qui postquam in suis institutionibus, & præceptionibus tradidit partes, quæ profectum, consummatumque oratorem faciunt, videretque tantas requisuisse, ut ab earum comparandarum studio cupidissimum, ac diligentissimum absterre ipsa rezum moles, ac multiplicitas posset, reddere animum

exterritis, & erigere desperabundos his verbis voluit: *Verum si quis summa desperet, tamen est. Si Cicerò ait, pulchrum in secundis, tertiusque consistere. Neque enim si quis in bellicis Achilli gloriam consequi non potest, Atacis aut Diomedæ laudem aspernabitur, neque qui Homeri, non Tyrtæ. Hæc ille lib. vlt. Orat. Instituit. cap. vlt. Bono ergo animo iubeat esse eos, qui pertingere ad apicem non possent, & cogitare, non omnino vanos esse illorum conatus, qui vel ad medium peruenirent. Non omnes stellæ sunt primæ magnitudinis, neque tamen stellæ non sunt, quæ molem earum, vastitatemque non exæquant. An idèd literarum studijs renuntiare, & scholis valedicere quis debet, quod putet subtilitatem Augustini, gravitatem Basilij, eloquentiam Chrysostomi, æumen Nysseni, eloquentiam Cypriani, exponendi gratiam Hieronymi, theologicam peritiam Thomæ, mysticam sapientiam Bonaventuræ assequi minimè posse? Minimè. Tantundem in rem præsentem dico. An qui magnitudinem sanctitatis Apostolorum, fortitudinem Martyrum, austeritatem Anachoretarum, amorem recessus Eremitarum, puritatem Virginum adipisci nequit, in itinere virtutis propterea omnino conquiescere, & otari debet, eaque etiam intermittere, quæ commodè facere potest? Si ex supremis, si maximorum vnus aliquis esse non potest, sit vel ex medijs aut medioeribus. Si non omnia esse potest, laboretur sit vel nonnullus.*

S. Ambrosius in Psal. 118. Oton. 7. v. 1. ait: *Si mons esse non potes, nec prauales, esto Vel collis*. Domus Dei habet aliquid omnium, & ex omnibus tum ordinibus, tum magnitudinibus. Qui holosericas, vel auro intextas vestes parare non potest, num idcirco nudus ire debet? Omnis pretij pannos inuenire licet in domibus mercatorum, qui non potest emere cariores, inueniet alios suis facultatibus pares. Sic & Christianus debet suum se pede metiri, & viribus suis accommodare. Si non potest ascendere in summum fastigium, conetur vel in medium peruenire, neque enim rectè potest nihil ascendere, cui in supremum apicem euadere non licet. Nimis quàm ignauus, & remissus est, qui non vult à terra assurgere, quod editiorem locum superare nequeat. *Si mons esse non potes, nec prauales, esto Vel collis*, nec enim desperare medium debet, qui attingere extremum non valet.

Corroborer hanc nostram doctrinam etiam tertius Hispanus. Querit Seneca, an miles, cui sint detruncatæ manūs, cum pugnare nequeat, alià quādam operā rem iuuare communem in conflictu pos-



fit. Otiosa videtur hæc interrogatio. Nam quid facere possit, quantumvis enixè, cupidèque velit, cui demutillatæ sint manus? Quid incommodet hosti, qui nec vibrare hastam, nec stringere gladium, nec intorquere spiculum potest? Seneca verò in lib. de tranquillit. vitæ cap. 3. ait: *Præcis quoque manibus ille in prælio inuenit, quod partibus conferat, & clamore iuuat.* Qui suum exercitum felicem, victoremque videre optat, tamen non habeat manus, non tamen habet nihil, quo suis opitulerur. Nimirum stat tantum, firmoque vestigio, & forti animo consistit, & quibus maximis potest vocibus suos excitat, & confirmat, & ad strenuè, pertinaciterque pugnandum inflammat. Et hoc quoque est dimicare, quando clamore iuuat, qui manibus ferre subsidium nequit, atque ille in numero militum recenseri meritò debet, dignusque est, cuius bona intentio suam habeat remunerationem. Hoc ipsum dicere in re præfenti possumus. Omnes sumus Christi milites, quod ergo commodè possumus, id faciamus. Quando manu subuenire nequimus, inuenimus linguâ, quando per tenuitatem propriam non possumus factis leuare necessitatem alienam, verbis, quam possumus, feramus opem. Nam quando fieri non potest, ut faciamus totum, non debemus tamen nihil facere.

Decreuerat Dominus euertere ciuitatem Hierichuntinam, voluitque à sacerdotibus muros illius solo affligi, qui cum septem diebus eam circumcuijsent, postremo insonuerunt tubis, & euerfi corruerunt muri. Ad eundem circuitum exhortabatur Iosue populum, dicens: *Ite, & circuite ciuitatem armati, præcedentes arcam Domini;* Ios. 6. 7.

S. Petrus Damianus expendit hac in re aliquid dignum consideratione. Iubebat Iosue, ut illi de populo armati præirent arcæ, & circumirent ciuitatem, quibus Dominus etiam hoc præceperat: *Clamabit omnis populus vociferatione maximâ;* ibid. v. 5. At quò illa spectabant? Si muros ad septimum diem, & circuitum, & arcæ præsentiam sonus buccinarum defectorum, & solo æquaturus erat, quo consilio, aut mytherio debuerunt illi armati præire, & ad murorum demolitionem vocibus concurrere?

Respondet sanctissimus Cardinalis serm. 57. *Notandum quòd armati milites cum sacerdotibus ire iubentur, nimirum & & ij, quibus non est iniunctum promendis clangorū officium, nequaquam se remotos intelligant à congreffione bellorum.* Quanquam soli buccinis insonarent sacerdotes, earumque clangores omnis conficienda, & victoria paranda erat, voluit nihilominus Dominus, ut laici homines, quo-

niam aliud non poterant, vociferatione vecunquæ rem iuuarent publicam. Sic qui totum aliquod negotium pertractare non potest, propterea omne deponere studium non debet. Non potes omnes esuriales Quadragessimæ obseruare dies, non licet proinde ne vno quidem die ieiunare. Prolixam eleemosynam dare nequis, non hoc facit, ut ne exiguum quidem, & facultatibus tuis parem dare debeas.

*Libri primi primæ partis Politici calorū c. 2. eandem telam percurrit. Vide etiam calcem illius capituli.*

## CAPVT II.

*Ne arcus spiritus nimium tensus rumpatur, honesta recreatione nonnunquam est relaxandus.*

Dicebat Sara marito suo Abraham: *Ingrederere ad ancillam meam,* & licito concubitu adoptiuus ex ea tibi para posteros, qui ex me non potes habere naturales. Sensu morali, ut ait Nicolaus Lyranus, *intelligitur condescensio facta carni ex causa rationabilis.* Abraham spiritum significat, rationem Sara (quod supra ex Philone monuimus) Agar ancilla carnem. Dicit ergo ratio spiritui: *Ingrederere ad ancillam meam;* hoc est, carni honestam, concessamque; aliquam ex te oblectationem præbe, quæ tamen formula sit, non debet tamen ita iugiter premi, ut non habeat aliquando suas recreationes, ne dissiliat nimia tensione arcus. Literarum studia habent sua otia, habent suas vacationes tribuaria, spiritualibus exercitationibus etiam sua est permittenda quies.

Hæc doctrina grauem, minusque suspectam habebit à sancto Brunone commendationem, qui spiritum suum sub arcu disciplina constructum tenuit. Verba illius ex epistol. 1. sic habent: *Sunt oblectamenta viri prudentis gratiora, & viriliora calide, quia diuina. Peruntamen arctiore disciplinâ, studeisque spiritualibus animus infirmior fatigatur, sapiens huius relaxatur, ac respicit, arcus enim si assidue sit sensus, remissior est, & minus ad officium aptus.*

Affirmat aliquid Propheta regius, quod cælestis, & diuini Magistræ doctrinæ aduersari videtur. Psalm. 118. v. 96. ait ille: *Omni consummationi vidi finem, laum mandatum tuum nimis, spatiose leges tuæ, ampla præcepta.* Saluator mundi apud Matthæum cap. 7. v. 13. *Intrate per angustam portam;* & ibid. v. 14. *Quam angusta porta, & arcta via est, quæ ducit ad vitam!* Via, quæ ad vitam ducit, non alia est, quam iter mandatorum. Sic enim dicebat apud eundem Matthæum cap. 19. v. 17. *Si vīs ad vitam ingredi, serua mandata.* Quomodo ergo arcta via,

si tam



si tam lata mandata? Quomodo tam ampla lex discipulo, quæ magistro tam stricta?

Etiā sancto Ambrosio similiter interrogare in mentem venit, qui in illius Psalmi octonarium 12. sic habet: *Quomodo ergo dicit Propheta latum mandatum Dei, & valde latum?*

Respondet autem quæstioni sanctus Mediolanensis Archiepiscopus his verbis: Ideo quia angusta via, latum mandatum necessarium est. *Debet latitudo præcepti stantibus esse solatio, ne quis deficere possit, aut conteri.* Verbis, & sententijs quàm maximè conveniunt David, & Christus, tantum abest, ut mutuo sibi aduersentur. Christus ait, iter spiritus esse strictum (*Quàm arcta via, & angusta porta est.*) David autem dicit, *Latum mandatum tuum mihi.* Has nunc in speciem pugnantēs sententias, velut confertis amborum autorum manibus, componit S. Ambrosius, dicens: *Ideo quia angusta via, latum mandatum necessarium est.* Ob hoc ipsum, quod arcta porta est, & stricta semita, & austerā disciplina, & rigidum vitæ asperioris institutum, habet etiam suas latitudines, & animi relaxationes, & honestas recreationes, ut ne in via, qui eam tenent, deficiant, & absolvere curriculum, finemque assequi optatum non possint. Ingiter enim itinerari, & perpetuā contentione pergere, est suo exitio, & occidioni studere.

Ad hunc sensum dicebat Lucianus in dialog. de amonibus To. 4. *Infirmior animus est, quàm ut studia continua sustinere queat. Desiderant labores paulo contentiores, & curæ graviores, atque molestijs paulisper relaxati in solapates remittantur.*

S. Marcus Evangelista refert, rediisse aliquando à prædicationis officijs ad Christum discipulos, & quid laborassent, effecissentque, exposuisse. *Convenientes Apostoli ad Iesum renuntiaverunt ei omnia, quæ egerant, & docuerant,* inquit B. Marcus c. 6. v. 30. Momentosum erat negotium, à quo veniebant, ac tale, ut videatur Dominus eos mox remittere ad persequendum opus tam grave, & ad pertegendam ceptam telam statim relegare debuisse. Non tamen ita fecit divinus Magister, sed hoc potius dixit illis: *Venite scorsum in desertum locum, & requiescite pusillum;* ibid. v. 31. Causam autem, ob quam eos à labore prædicationis tantisper auocavit, statim subiungit Evangelista, inquit: *Erant enim, qui veniebant, & redibant multis, & nec spatium manducandi habebant.*

Factumne verò benè, quod rex, & illius intimi tunc se subdixerunt, & ad quietem receperunt,

quando tanta erat concursatio hominum subito-rum sua negotia cum illis communicare cupientium, & consilium, auxiliumque eorum implorare volentium? Factum optimè. Christus enim non aliud ait, quàm ut requiescerent *pusillum*, ut ad horulam à labore respirarent, non ut diuiculè feriantur, & protractiore recessu, & prolixiore otio odium incur-rent, & ad obrectandum maledicorum linguas exci-tarent. Rex etiam ex carne, & sanguine constat, & subiectus est defatigationi. Ministri, Consiliarij, Iu-dices non sunt è marmore, ut possint siue litiganti-um, siue aliud agentium causis horas omnes dare, cùm non requirat nullos refocillatio illorum pro-pria. Concionator non debet semper inhærere li-bris, non semper flagrum præferre manu poenitens, non semper cilicij gestatione atterere, & emaciare carnem, intervalum requirunt illa exercitia, quæ sine quietis interapedine perdurabilia esse non possunt.

Theophylactus in cap. 6. Marci ait: *Quiescere facit Christus discipulos suos; & sescant Prælatis labo-rantes in verbo, & doctrina dignos, quibus detur sua quies, & non semper intendant laboribus.* Laborem perpetuum non fert humanarum imbecillitas viri-um.

Dominicā Quartā Quadragesimæ festiuis gau-dijs exultat Ecclesia, & ad communem lætitiæ volu-ptatem, communesque iubilos omnes fideles exci-tans, sic diviniſſimum Missæ orditur officium: *Læ-tare Ierusalem, gaudere cum lætitia, qui in tristitia fuistis, & exultetis, & satiemini ab uberibus consolati-onis vestræ.* Et ad maiorem lætitiæ significationem permittit, ut eo die pulsetur organum, cuius ad gau-diosiores, celebrioresque festiuitates vsus aliquin-esse solet.

Quidnam verò illud est, quod mater nostra Ec-clesia inter poenitentiae lamenta, in medio ieiunij luctu, inter carnis macerationes, & spiritus geme-bundi afflictiones, & compunctiones lætari, iubilare, cantare, & subsultare præ gaudio hortatur, quando studiū castigandi corporis acuire, ad asperitudinem, & mortificationem acriorem accendere, ieiunium-que, & alias poenales afflictiones vehementius, ar-dentiùsque commendare debebat?

Occurrit huic interrogatiōi Innocentius III. Pontifex Maximus in serm. Dominicæ IV. in Qua-dragesima, inquit: *Scitū, charissimi, quod corrup-tibile corpus inter continuas anxietates non potest subsistere, nisi quandoque recreationis remedium inter-cedat. Ne ergo fidelis populus propter asperitatem qua-*  
dragesi-



*dragefimalis abſtinentia ſub continuo labore deſiceret, in hac mediſana Dominica quoddam recreationis ſolacium interponitur, & anxietas temperata leuius ſuſferatur. Hodiernum enim officium totum eſt plenum lætitiæ, totum exultatione refertur, totum gaudijs cumulatum. Ipſum ad eò illius Dominicæ euangelium decantat conuiuium, quo nihil frugalius, ſi primum apparatus ſpectes, nihil dapſilius, & lautius, ſi pauci panis gratiſſimum ſaporem conſideres, nihil admirabilius, ſi multitudinem hominum tantillâ annonâ ex ſaturatorum recenſeas, nihil opulentiſſus, & magnificentiſſus, ſi reſictorum à menſa fragmentorum copiam expendas, ut ex talis epuli commemoratione reſpirent, & reſumant animos, qui diuturnioris ieiunij labore fuerunt laſſati, & debilitati. Impoſſibile namque videtur, vitæ huius ærumnas abſque omni alleuatione, & intercapedine tolerare.*

Huc facit, quod Theophrastus ait, nimirum multas eſſe arbores, quæ leuari cortice, & alijs quibuſdam ponderibus, quibus prægrauantur, exonerari debeant, ut ſua illis vita conſtet. Libro 5. de cauſis plantarum, cap. 17. ille diſti ſui rationem reddens ait: *Quippe omnia ſpiritus deſiderant aliquem, & ſoluitionem, ſel meatuum relaxationem.* Igais incluſus quærit, quâ erumpat. Ventus intrâ terræ cauernas coarctatus montes tremore concutit, & tota maria concitat, donec à carcere ſuo euadat. Terra obiectu aggerum impedita intumeſcit, & efferueſcit, & aduerſus obicem inſurgit, quouſque illo rupto, effundere ſeſe, & liberè decurrere queat. Auicula caueæ incluſa omnes cancellos, rimas omnes pertentat, ut elabi in patentem aerem, & pro libidine campum, ſaltuſque pererrare poſſit. Si bruta, ſi plantæ, ſi elementa naturaliter d fugiunt ſua impedimenta, appetuntq; ſuam quietem, ſoluitionem, libertatem, cur homines non quærant honeſtum aliquod alleuamentum, conceſſamque recreationem, ut poſſint ferre & officij ſui labores, & ſtatus moleſtias, à quibus nullus vacat, nullus liber eſt, aut immunis.

*In prima parte Politeſci lib. 7. cap. 7. de eadem re diſſert. Vide etiam parit ſecunda Politeſci l. 7. c. 9. quod non nihil habet aſſinitatis cum ſuperioribus.*

### CAPVT III.

Homo ipſe ſua ſibi perditionis eſt architectus, ſartorque, & ſartor, Deus neminem inſelucitat, niſi qui inſelix eſſe prior velit.

**C**Auſam, ob quam glorioſi Patriarchæ noſtri ſancta vxor marito ſuo, ut ex ancilla ſua ſibi quæ-

reret poſteritatem, conſuluit, cùm dixit: *Ingreſſe ad ancillam meam*; Gen. 16. 2. ita expreſſit beatus Ioannes Chryſoſtomus: *Fortaſſis ſuſpicabatur Sara ſterilitatem illam non à ſe ſola eſſe, ſed etiam ex T. r. archa, id eſt ſolens certo experimento compertire, ancilla cedit, & re ipſa diſcat, ſe ſolam in cauſa eſſe, ſibi que ſoli adſcribendam ſterilitatem.* Cùm ergo vidit Sara, quòd Abraham ex Agar genuit Iſmaelem, tum denique ſibi perſuaſiſſimum habere cœpit, quòd nullos ſimiliter ederet liberos, id ſuæ infœcunditatis vitio, non impotentiæ mariti accidere. Et hoc tam ſtudioſè, attentèq; ſacer Hiſtoricus monendum putauit, ut Saræ infœcunditatem ante memorauerit, quàm aliud quidquam de ea narrauit, dicens: *Erat autem Sara ſterilis, nec habebat liberos*; Gen. 11. 30. velut apertiùs dixiſſet: Nota benè, quòd hi ſancti coniuges improbes fuerunt, id ſola Saræ ſterilitas fecit, nullâque Abrahæ culpâ contigit.

Abraham Deum repræſentat, Sara figura eſt animæ, quæ Domino deſponſatur. Sic aſſerunt Nicolaus Lyranus, Doct̃or Angelicus, Hugo Cardinalis, Guilielmus Papinius, & alij plures. Ut ergo innoteſceret, non Dei cauſâ, ſed animæ vitio fieri, cùm illa ſterilis eſt, & nullos bonorum operum ſætus edidit, nullos ſanctorum meritorum parit liberos, propterea magno ſtudio, ac meditatōe memoratur, quòd Sara ſterilis erat, ut ſuæ culpæ, & negligentię ſuam adſcriberet infœcunditatem. Dominus enim cupidiffimus eſt ſpiritalium proſectuum vniuerſius libere etiam ſterilis animæ, quæ Dei erga omnes curam, ſollicitudinemque, & quantum ex ipſo proficere poſſet, ex alijs animabus arbitrari poteſt, quæ magna per illum ſpiritus incrementa faciunt, & numeroſam ex illo bonorum operum ſobolem proferunt.

Seminatori ſeipſum Chriſtus nonnullibi comparat, & negotiatori, alibi. Patrem ſuum vititoris ſimilem facit, quos ſi de opera, & ſtudio curandi agros, ac vineas æſtimare velis, dicere poſſis, non habuiſſe nimis magnam agriculturæ peritiā, & experientiam.

Videamus primùm. *Exiſti qui ſeminat, ſeminare ſemen*; Lucæ 8. 5. aiebat Chriſtus ſator, qui ipſus exijt, ut ipſe diſpergeret, & humanorum cordium terræ commendaret diuinum verbi ſui ſemen, ut cito fructus proferret: *Et dum ſeminat, aliud cecidit ſecus viam, & aliud cecidit ſup̃ petram, & aliud cecidit inter ſpinas.* Percunctor hic ego. Si quis agricola perſpectas habens & ſeminis ſui qualitates, & terræ conditionem, effunderet illud vel in publicam viam, vel in durum ſaxum, vel in locum ſen-

ticolum,



ticofum, melliſq; tempore fruges collectum veniens non inueniret optatam abundantiam, nonné ſibi tribuere omnem culpam, & ſeipſum ſui damni autorem cenſere deberet; qui cum exploratam haberet eorum locorum ad fructificandum ineptitudinem, nihilominus illis ſemen ſuum ad certum periculum committere voluit? Perſpicua, & indubitata res eſt. Quomodo ergo hic in terram culpa confertur, adeoque illa etiam poenæ addicitur, ſeminator autem exors omnis poenæ, & culpæ habetur?

Reſponder Clemens Alexandrinus lib. 1. Pædag. cap. 1. *Æterna appetitio deſecta eſt in pradium intelligens.* Multa eſt inter corporalem, & ſpiritualem ſementem differentia. Quando triticum terræ materiæ incultæ, horridæ, ſaxoſæ, aut ſenticofæ commendatur, ſi non ferat fructus, id illi acceptum fertur, qui talibus in locis ſeminauit, ille enim, utpote intellectu præditus, debet attendere, quoniam ſemen ſuum conijciat, ut ſua inde prouentum commodi referat: Verum in ſpirituali ſemente prorsum contra accidit, in qua omnia intellectu valent, hoc eſt, & ſeminator, & terra. *Æterna appetitio deſecta eſt in pradium intelligens.* Ager, cui creditur ſemen, oculos habet, & animam terræ, & intellectum fundus, & poſſeſſio liberum arbitrium. Proinde ſi ager, cui committitur ſemen, eſt via, id ſit, quod ſe calcari ſinat, ſi eſt ſaxum, id ſit, quod velit ipſe indureſcere, ſi eſt ſenticetum, id ſit, quod ſeipſum colere per oſcitantiam negligit, ac propterea ſeminis iactura, ac ſterilis melliſ inde conſequens non ſeminatori, ſed agro ipſi ferri accepta debeat, qui cum oculos haberet, debebat proſpicere ſemini, illudque defendere per ingenij ſui facultatem, & per voluntatem redere fructuoſus, & per liberum arbitrium ab interitu ſeruare. Dùm terra ipſa ſibi non deſit, ex parte cœleſtis ſatoris nihil vnquam decedit.

Tranſeamus ad ſecundam difficultatem, ubi diuinus ſeminator vitem fecundam ſe facit, Patrem verò ſuum ſollicitum agricolam, inquit: *Ego ſum vitis vera, & pater meus agricola eſt*; Ioann. 15. 1. Et velut ſuprà de ſemine, ita nunc de ſarmentis ait: *Omne palmitem in me non ferentem fructum, tollit eum, & omnem, qui fert fructum, purgabit eum, & fructum plius afferat*; ibid. v. 2.

Notandum hic, quòd pius, ac ſollicitus vititor omnem curam ſuam ad palmites curandos, & vel ſuccidendos, vel purgandos conuertit. De hac re ſic ait Bulgarorum Archiepiſcopus Theophylaſtus in cap. 15. Ioannis: *Circa qua occupatus eſt pater? nunquid circa radicem? Non, inquit, ſed circa palmites.* Quis

ille cultura vinearum vel mediocriter peritus ſtudium, totamq; vigilantiam ſuam tranſfert ad ſola ſarmentosa, ut non ſimul vitis, & radicis diligentem curam habeat, unde ſarmentis venit, quòd ſint pampinoſa, lata; fructuoſa? Quid ergo ſibi vult, quòd Pater totus eſt in palmitibus vel purandis, ne ſylueſcant; ac luxurient, vel mundandis, ut ampliùs fructificent, & radicis mentionem nullam facit? *Circa qua occupatus eſt pater? Nunquid circa radicem? Non inquit.* Quamobrem verò nulla habetur vitis cura, ſed omnis circa ſarmenta verſatur ſollicitudo, & induſtria? Eam ob rem, quòd ex parte vitis, quæ Chriſtus eſt, nihil vnquam deſit, nec vllus ſit in radice aliquando defectus, ſed ſarmentorum, id eſt noſtro vitio accidat, ſi impigri vititoris fruſtretur labor, & expectatio, non ob aliud, quàm quòd vitis, & radicis virtute, ſiue auxiliorum diuinorum adiutorio vti nolumus. Quòd enim ad Deum attinet, ſemper ille præſto, & paratus eſt nos iuuare, dummodò illius admittere opem velimus.

Apparuit Patriarchæ noſtro in conualle Mambre Dominus in ipſo feruore diei; Genef. 18. 1. poſthæc *Generunt duo Angeli Sodomam veſpere, ſedente Loth in foribus ciuitatis*; Gen. 19. 1.

Qui has duas viſitationes diligentius examinat, difficultatis aliquid in vtraque offendet. Nam maiore beneficio, & ampliore grâtiâ videtur ornatus Abrahâ, quàm Loth, non ſolum quòd ille tres Angelos habuit hoſpites, hic verò tantum duos, verum etiam apud Abrahamum clariffimo die diuerterunt, ad Loth verò ſub creperam veſperinam, appetente iam nocte ſunt ingreſſi. Quæ cauſa huius diſcriminis eſſe poſſit?

Origenes in caten. græca apud Gloſſam Ordin. in cap. 18. Genef. ait: *Veniunt ad Abraham tres viri meridie, ad Loth duo veſpere veniunt, non enim capiebat Loth meridiana lucis magnitudinem, Abraham autem capax fuit plenum fulgorem lucis excipere.* Quòd Angeli duo viſitauerunt Loth ſub ineuntem noctem luce dubiâ, Abrahamum verò in ipſo feruore diei, & medio ſole (qui cumulationis gratiæ diuinæ, & beneuolentiæ maioris eſt ſymbolum) non hoc factum, quòd languidior eſſet affectus Domini ergà Loth, ſed quia Loth non ita ſeſe præpararat, ut tantum lucis meridianæ ſplendorem ferre poſſet, cui par gratia collata fuiſſet, ſi ſe idoneum illi excipientem facere ſtudiuiſſet. Non Deo ergo, ſed ſibi impurare debebat Loth, quòd inferiore loco habitaret, & minore beneficio affectus fuiſſet: *Non enim capiebat Loth meridiana lucis magnitudinem.* Verum Abrahæ plenior



nior lux abundantiore copiâ se infundit, quia ille ampliorem sinum exhibuit, & patentiores fores aperuit, *Abraham capax fuit plenum fulgorem lucis excipere*. Omne ergo ex hominibus impedimentum est, & obstaculum, qui negligunt se divinis aptare beneficijs, Deus enim omnibus se impertire avidissimè cupit, cupidissimè optat.

Commendabat Dominus noster altissimum illud Altaris sacramentum, in quo ille admirabilissimo, & sublimissimo modo seipsum facit cœlestem animarum victum, & alimoniam. Et quoniam illud dominicæ carnis in cibum datæ mysterium tam novum videbatur, aiebant ex discipulis eius multi: *Durus est hic sermo, & quis potest eum audire*: Ioan. 6. 16. Quod cum audiret Christus, dicebat ad duodecim: *Nunquid & Vos scitis abire*? ibid. v. 68. Tunc Petrus, *Domine, ad quem ibimus? Verba vitæ æterna habes*; ibid. v. 69.

At si multi discipulorum dixerunt, *Durus est hic sermo*, quomodo Petro æternæ vitæ verba fuerunt, quæ alijs visa saxa, aut si quid saxis durius.

Respondet Euthymius: *Vides quod verba non errant, quæ præbuerant offendiculum, sed auditorum sequestris*. Non in verbis, sed in cordibus quorundam discipulorum erat durities. Si enim Christus lapides locutus fuisset? ut illi calumniabantur, non reperisset in illis tantam suavitatem Petrus. Ergo ex homine venit, quidquid illi malè cedit, non ex bono Deo, qui omnibus semper vult benè.

*Vide secundæ partis Politiæ lib. 3. cap. 3. Vide etiam Periocham V. Feria II. post Dominicam II. Quadragesimæ, To. I. pag. 161. O.*

#### C A P V T I V.

*Vt ne dilatio eorum, quæ petimus, nos affligat, non desideria nostra consulamus, sed vota.*

**N**on est nemo, qui accelerationem Saræ arguat, ut quæ liberorum à Deo concedendorum tempus non tam æquanimiter, & humiliter expectare, ut maritus illius Abraham. *Unâ tantum re Sara imperfectior fuit Abrahamo, quod in prole habenda nimis festinavit*, inquit Cornel. à lapide. Non fuit hoc grande scelus, inprimis in muliere morarum, ex nativæ sexus conditione, impatientissima, sed veniabilis culpa, ad quam natura nostra humana vehementer inclinat, quæ vehementer angi, statimq; rursari, si non extemplo quod expetit, consequatur. Sed ut præceps hominis impatientia temperetur, quando illius precibus non statim acquie-

scit Dominus, non subito annuit precibus, debet considerare non hoc, ad quod à suis desiderijs impellitur, sed meritum suorum mœnia ex pendere, & quid illa valeant, cogitare. Sic enim fiet, ut patienter ferat, si non statim, quod cupit, referat, & humiliter se indignum eo, quod petit agnoscat.

Nocte cœnæ consolari volens Dominus Discipulos suos aiebat: *Modicum, & iam non videbitis me* & iterum *modicum, & videbitis me, quia Vado ad Patrem*; Ioan. 16. 16. Sancti Augustinus, & Chrysostomus, Eusebius Emisenus, & alij aiunt, eo modico significatum illud tempus, quo Christus in passione, in cruce, in sepulchro fuit, & conuersatus cum Discipulis, quousq; ab illis in cœlos ad dexteram Patris redijt.

S. Bernardus inquit, quod anni, quibus Christus sui copiam hominibus fecit, modicum tempus vocentur, id facile captu esse: At quod similiter exiguum tempus censetur illud quo idem Dominus à suis absuit, cuius horaria absentia totis, ijsque largissimis sæculis prolixior visa illis fuit, quis hoc non miratur: *Modicum, & iam non videbitis me*. Exclamat mellissius Bernardus ser. 74. in Cant. *Pio Domine, modicum dicis, quod non videbitis te? Saluum sit Verbum Domini mei, longum est, & multum valde nimis*. Quomodo ergo modicum tempus appellavit Christus, cuius singula momenta vnicuique Dei amanti animæ longis sæculis paria videri possunt?

Respondet Bernardus: Verbo dicam, quomodo idem & prolixum, & breue: *Virumq; Verum, & modicum meritis, Et non modicum votis*; velut dixisset: In philosophia Christiana faciliè intelligitur, quomodo eadem duratio longa sit, & brevis, exigua, & modica, larga, & momentanea. Si de tempore, quo Deus non videtur, cum impetrans desiderijs nostris communicemus, sæculum videbitur, quantulacumq; sit morula, quæ videre prohibet: Verum si merita nostra consulamus, dicemus instans esse quodcumque illud tempus, tam exigua scilicet illa sunt, ut indigni simus, qui præsentia illius vel vnicuique momento fruamur: *Modicum meritis, & non modicum votis*. Ut ne ergo nimis proiecti simus ad petendum ea quæ optamus, non tanquam expetita, aut concupita, sed tanquam superiora meritis nostris consideremus, sic non videbitur nobis longa mora temporis prolixioris, quo desiderij nostri expletio differtur.

Ingressus fuit Zacharias parens Baptistæ templum.



plum Domini, ut sacerdotali suo munere fungere-  
tur. Apparuit autem illi Angelus Domini stans à  
dextris altaris incensi, annuntiavitque, quòd vxor  
eius paritura esset filium, qui natus Salvatore  
præcursorus, & ingens multis gaudium esset alla-  
turus. Et quanquam Zacharias propter varios cum  
Gabriele vitrò, citroq; habitos sermones solito diu-  
tius tardaret, nihilominus erat plebs expectans Za-  
chariam, Luc. 1. 21.

De hac populi expectatione inquit Theophila-  
tus ita: *Vides quomodo Iudæi expectabant, & per-  
manebant, donec exiret summus sacerdos? At nos  
Christiani, nisi mox & ingressi fuermus in templum,  
iterum egrediamur, existimamus male nobiscum agi.*  
Tanta erat illius populi ergà suum sacerdotem ob-  
seruantia, ut quamvis præter morem ille diutius in  
templo hæreret, patienter eum prætoleraretur, ne  
de tarditate obiurgarent. Nos verò, qui magis nosse  
debemus, quàm parùm & valeamus, & mereamur,  
si non statim quod oramus, exoremus, consterna-  
mur animo, & tristamur. Simulac submittimus po-  
plices in orationem, optamus, inuenire Deum ibi  
præsentem, vbi ad precandum adgeniculamur, &  
cordis teneritudinem, & affectuum inflammationem,  
& singularem absq; omni euagatione distractio-  
nem, & nisi hæc extemplo consequamur, existima-  
mus, male nobiscum agi, & mœrore afficimur. Fit  
hoc, quia non facimus, quod huc capite consuli-  
tur, desideriaq; nostra, non merita consulimus.

Hebræi cum Messiam Redemptorem mundi ve-  
hementer suspirarent, prophetaq; multis cum la-  
chrymis obsecrarent, ut à Patre æterno illum inde  
submitti expeterent, respondebant ij, citò ventu-  
rum, qui optatam salutem, & rebus illorum afflictis  
leuamen adferret.

Pius II. epist. 2. ait. *Citò venturum dicebant, qui  
annis post quingentis venit.* Sed quomodo citò ven-  
turum dicebant, qui longas sæculorum non pauco-  
rum ætates tardabat? Respiciebant prophetæ non  
anxia veterum illorum populorum desideria, sed  
merita, & quoniam hæc perexigua erant, quantum-  
uis tardaret Messias, citò veniebat. Quando Chri-  
stianus ea, quæ desiderat, cum suis meritis compo-  
nit, nunquam tardè illa consequitur, omnis dila-  
tio illi levis, & brevis, omnis mora suavis, omnis  
cunctatio tolerabilis videtur.

Rebecca vxor Isaac sterilis erat, uti ante illam so-  
crus eius Sara, & post illam Rachel. Obsecrabat  
autem magnum in modum pro vxore maritus Do-  
minum, ut eam fecunditate donaret, de quo Gen.

25. v. 21. sacer Scriptor ista: *Deprecatus est Isaac  
Dominum pro vxore sua, eo quod esset sterilis, qui ex-  
audiuit eum, & dedit conceptum Rebecca.*

S. Ioannes Chrysostomus ait: Qui hæc apud  
Moysem leget, fortè putabit, quòd Isaac, quando  
Deum pro coniugis suæ fecunditate orauit, statim  
exorauit, & obtinuit, quod petijt, ad eò parum fa-  
cere ad causam præsentem, quod ea de re hic com-  
memorauimus. At si diligenter historiam excutias,  
inquit Chrysostomus, videbis proposito huic nihil  
congruentius esse posse. Quid verò habet Sacra hi-  
storia, quod huc tam aptè cadat? Primum hoc,  
quòd Isaac cum quadraginta esset annorum, duxit  
Rebeccam vxorem, Gen. 25. 20. Alterum istud,  
quod sexagenarius erat Isaac, quando nati sunt ei  
paruuli gemelli (ibid. v. 26.) primitiæ fructuum  
orationis eius. Ex his fit tertium illud, quòd con-  
tinuos viginti annos in humili sua oratione perse-  
uerauit. Hac de re verba Chrysostomi produco,  
quæ homil. 50. in Gen. sic habent: *Viginti annis  
perseuerauit orans, & deprecans Deum, & tunc tan-  
dem affectus est, quod optabat. Si igitur quadra-  
ginta annorum erat, quando duxit, sexaginta autem  
quando peperit vxor, manifestum est, quod annis vi-  
ginti perseuerauit orans Deum.* Quid opportunius  
causæ nostræ esse possit, quàm videre hominem,  
qui totos viginti annos pro re vna obsecrauit, & non  
pro qualibet, sed pro liberis impetrandis, quos na-  
turaliter, ac tam vehementer appetere parentes so-  
lent? Quis hoc non admireretur? sed quomodo San-  
ctus Patriarcha tam constanter in vna perdurare ora-  
tione potuit? Quia ad lucem suæ indignitatis, &  
miseriæ petijt, itaq; quamuis non facillè voti com-  
pos fiebat, humiliter perseuerabat, & constanter  
orabat, quamuis non statim exaudiebatur, & vi-  
ginti anni vix totidem minuta dilationis illi vide-  
bantur.

Quando Æneas ad inferos descendit, & vidit co-  
lumbas in arborem auream se recipientes, quam ut  
vidit.

*Corripit extemplo Æneas, audisq; refringit  
Cunctantem.*

Ità Virgilius lib. 6. Æneid. v. 210. Videtur Poë-  
ta non satis memor fuisse eorum, quæ superius di-  
xerat. Hic ait, cunctantem, ac velut repugnantem  
per vim difficulter detraxit, & auulsit ramum, de  
quo tamen superius dixerat:

... namq; ipse solens, facilisq; sequetur.



Si volens, facilisq; sequebatur ramus, quid est, quod restitisse Æneæ videtur, cum ille venit, ut à trunco suo illum detraheret?

Respondet eminentissimi Poëtarum optimus interpres Ludouicus Cerdà: *Qui obsecro refringit? Quod verbum difficultatem indicat. Qui etiam cunctantem, cum dixerit: Namq; ipse volens, facilisq; sequebatur? Nodos istos soluit attributum illud: auidus, etenim quæ vehementer cupimus, etiamsi praeproperè fiant, tamen videntur cunctari. Quamquam alij dixerant Æneæ, fore ut nullo negotio se ab arbore sua demi ramus aureus permitteret. Poëta nihilominus affirmat, cunctantem, ac velut repugnantem ægrè refringi, siue detruncari potuisse ab illo, ut cui omnis mora, alioquin brevis, longa visa fuit, eò quod magna eius rami cupiditate tenebatur. Etenim quæ vehementer cupimus, etiamsi praeproperè fiant, tamen videntur cunctari. Itaq; ut consecutio eorum, quæ orantes petimus, non tarda nobis videatur, ad meritum nostrorum, non desideriorum lucem ea consideremus.*

Per Habacuc Prophetam ait Dominus c. 2. v. 3. *Si moram fecerit, expecta eum, quia Veniens Veniet, & non tardabit.*

Videtur hic in ipsis propheticis verbis esse repugnantia. Nam Habacuc ex vna parte ait, *Si moram fecerit, ex altera verò, non tardabit.* Et quomodo fieri poterat, ut non tardaret, si moram faceret? Aut quomodo poterat moram facere, si non tardaret?

Satisfacit huic difficultati mellifluus abbas ser. 74. in Cant. dicens: *Quomodo non tardabit, si moram fecerit, nisi quod ad meritum satis est, & non satis ad votum.* Facile ergo est intelligere hoc ænigma, quod Deum moram facere, simulq; non tardare affirmat. Tardat enim desiderijs nostris, non tardat meritjs, cunctantiùs venit, quàm vellemus, sed non ferius, quàm mereamur. Vota nostra concita volant, his procrastinat Dominus: Opera nostra languent, & torpentibus, impeditisq; sunt pedibus, quare illis maturat, & properat Deus. Ut ergo feram obtentionem eorum, quæ optamus, æquanimiter toleremus, figamus oculos in merita nostra, & non aspiciamus desideria. Sic enim fiet, ut grato animo accipiamus, postquam humili corde petierimus.

### C A P V T V.

*Accipere inde iniurias, unde beneficia aut remunerationem sperabas, est terribile genus tormenti, cui aliud æquale, aut par nullum esse videtur.*

Concepit, simulq; coepit aspernari Dominam suam ancilla, heram, inquam, quæ illi nunquam expectatum cum suo marito connubium procurauerat, & conciliaret: *Concepisse se videns desepit dominam suam*, inquit Beatissimus Moyse Gen. 16. 4. Vix animaduertit hanc sui contemptionem Sara, quando coniugi suo Abrahæ querimonias dedit. Hugo, & Caietanus aiunt, læsam Saram iurè, ac meritò apud maritum de insolentia famulæ expostulasse. Cum enim videret, quàm malas vices illa pro insignito beneficio redderet, quid mirum, quod ingentem dolorem in animo eius excitauit tanta ingratitudo illius, tamq; indigni facinoris intuitus? Non enim est aliud, quod æquè ex cruciet, atque ingratitudo illius, cui benefeceris, & si iniurias, damnaq; ab illo accipias, à quo obseruantiam pro meritis, munera pro beneficijs expectabas.

Apud Lucam narrat Dominus, quæ mala mundum in agone vitæ supremo positum excipient, inquit: *Trademini autem à parentibus, & fratribus, & cognatis, & amicis, & morte afficient ex vobis*. Luc. 21. 16. velut dixisset: Videte an immanes ærumnæ horribiles dolores sint futuri, quos dies mundi vltimus secum feret. Nam vestri proditores, & lictores erunt, qui paulò ante fuerant parentes, germani fratres, amici familiares, & sanguinis, amicitiaq; necessitudine, & diuerna consuetudine artissime coniuncti, ij vos ad iudices, ut capitis pœnas detis, raptabunt.

Hugo Cardinalis ait: *Hoc subditur ad exaggerationem pressurarum.* Dixerat prælagus omnium futurorum Dominus: *Terra motus magni erunt, per loca, & pestilentia, & fames, terroresq; de calo, & signa erunt*; ibid. v. 11. posthæc aiebat, etiam illud futurum, ut necessariorum, & cognatorum alij alijs cum alia mala, tum necem deniq; adornarent. Cur hoc commemorandum post illa priora putauerit? Respondet Hugo: *Molestius enim est ab eo supplicium pati, à quo debuit accipere beneficium; unde maior erit dolor, quàm si extranei hoc facerent.* Post denuntiationem famis, pestilentia, & cæterarum calamitatum, hoc narrare voluit, quod parentes liberi, liberi parentibus, cognatq; & amici maxima mala constaturi sint his, quos ornare beneficijs, iuuare prolixis manibus, leuare consilijs, & auxilijs debebant, ut illius temporis necessitatem verbis amplificaret, & miseriæ magnitudinem indicaret: *Subditur ad exaggerationem pressurarum.* Nam ut dolorem alicuius bene exaggeres, ut atrocis vulneris eius summam enormitatem viuus coloribus exprimas,



mas, satis est dicere, accepisse iniurias, à quo expectabat beneficia.

Penultimo Othonario Psalmi 118. hunc præscripsit titulum David, *SIN*, quod *latine dicitur, super vulnus*, ut ait S. Ambrosius, qui & subdit: *Super vulnus quid est, nisi medicamentum, quo vulnus acerbitas mitigatur?* Plagam, de qua hic loquitur Propheta, dicit esse acerbam, poenalem, cruciabilem. Videamus nunc, quanam illa tam crudelis, & sæua plaga, quæ sic Prophetam excruciat, ut cæteros dolores oblitus, huic uni tam magnis, & miserandis vocibus deposceret remedium, velut tolerare illud non posset? Hoc ille statim expressit, dicens: *Principes persecuti sunt me gratis*; ibid. v. 161. velut pluribus dixisset: Eheu quam intolerabili dolore crucior! Quam poenali, & lethali, vulneri afflictor! Principes me nihil tale commertum insectari sinit. Quos Principes dicis; Prophetam Sancte? Fortean Philistæos hostes tuos capitales, aut alias barbaras nationes; cum quibus sanguinolentis sæpè prælijs decertasti? Nequaquam. Nam de his non quereretur, cum ab insensu inimicis præter iniurias nihil expectare, aut mihi promittere possim.

S. Ambrosius ait: *Si ceterum repetamus historiam, & Saul, & Absalom Sanctum David persecuti sunt.* Principes ergo, quos persecutores habuisse plorabat David, fuerunt Saul, & Absalom, hic filius; ille innumeris beneficijs deuinctus. Cum hoc secum reputaret rex poenitens, clamabat: *Super vulnus*, huc medicamentum vertatur, huc fomentum adhibeatur, nec enim alius dolor me tam acerbè cruciat, aut alia plaga tam intolerabiliter afflicta, quam ista. Nullum quippè vulnus æquè poenale est, ac recipere iniurias, vnde expectabas bonas vices, torqueri eorum manibus, quorum sperabas iuuari beneficijs.

Ad commendationem diuinæ potestatis ait idem Propheta regius: *Scrutans corda*; & *renes Deus*; Psal. 7. 10. Multi dubitarunt quid emphasis habeat hic verbū *scrutari*. Ut varias prætermittā interpretationes, solam eam adducam, quæ apud Sanctum Basilium Magnum in homil. in Psal. 7. sic habet: *Scrutatio proprie est cum omnibus torturis, atq; argumentis inquisitio, quæ à iudicibus adhibetur tortura ad mortis, & si conscientiarum sunt arcanarum, quæ in questione sunt, si tormentorum adacti eam prius delatantes in apertum constituent.*

Obseruemus in his Magni Basilij verbis ista: *Scrutatio est cum omnibus torturis*; & *argumentis inquisitio*.

*sito*, eaq; huc adhibita, ut quis occultam de operiat, & edicat coactus veritatem. Exponit autem S. Doctor ea verba exemplo Abraham, quem Deus varijs cruciatibus, & diuersis tormentis adegerit, ut testem enudaret, & palam faceret veritatem, inquit: *Tentatum est cor Abraham, an Deum ex tota anima, & ex toto corde diligeret, quando Isaac filium iussus est in holocaustum offerre, & planè ostenderet, quam filium suum supra Deum non amaret. Huius itaq; cor scrutatione quadam est examinatum.* Voluit Dominus veritatem, quæ in corde Abraham latebat in lucem producere, ut omnes intelligerent, quod Sanctus ille Patriarcha Deum super omnia diligeret, quem plùs quam proprium filium amaret. Itaq; hunc immolare præcepit, ut si illum obtruncare, quod iussus erat, non dubitaret, ardor charitatis eius omnibus patefieret.

Eone verò exemplo demonstrasse Magnus Basilius putare potuit, quod *scrutatio sit cum omnibus torturis inquisitio*? Video quod Abraham suum filium mactare voluit Deo victimam, sed torturam, quæ ille verum suum erga Deum fateri amorem coactus fuerit, non video. Quis enim equuleus hic, in quo extendatur? Quibus fideiculis torquetur? Quibus forcipibus concepitur? Quibus laminis ardentibus adustulatur? Quibus flammis exurituri, ut omnia tormentorum genera subiisse dicatur, qui solū filium ex Deo sacrificare debuit? Hoccine verò cruciatuum omnium quædam epitome, & poenarum recapitulatio fuit? Immo fuit, inquit Basilius. Nam quod pater quispiam in eam necessitatem adducatur præcepto cui reluctari non possit, ut filium mactet, sibiq; adeo mortem in illo consciscat, & generis sui vitam in illo radicitiùs succidar, per quem transmittere prosapiam ad feros posteros, & longæ sæcula cupiebat, cum omnibus torturis inquisitio est. Breuiarium enim omnium tormentorum est, præcipere alicui, ut sit rigidus in illum, erga quem humanus, ac blandus esse debebat, & cum alius omnium cruciatuum est, inde haurire dolores, vnde venire oblectamenta, & nasci gaudia solebant.

Thyatiræ Ecclesiæ Episcopo misit Dominus nuntia, siue literas per manus chari sui Ioannis, in quibus cum laudasset eius fidem, prædicasset charitatem, commendasset magnā animi in perferendis persecutionibus, & aduersitatibus constantiam, tūc hoc nomine grauitè arguit, & obiurgat, quod permiserit Iezabeli cuidam vatræ, & versutæ, ut docere, officijsque suis, & fideis vaticinijs circumuenire incautos



cautos posset. Illi autem mulieri sæua minabatur supplicia, inquiens: *Eccē mittam eam in lectum*; Apocal. c. 22. ubi scelerum suorum meritas pœnas luat, & dignos cruciatus dependat.

Aretas, Cælius Pannonius, & alij exponunt: *Mittam eam in lectum, id est, agitudine, malis eam afficiam*, strato illam affigam, ibiq; varijs pœnalibus morbis vindicabo nefanda flagitia, quibus se contaminauit, alios offendit, & scandalizauit. Et non erat cruciatus alius immanior, quo affictari propudiosa illa mulier plecti posset, quàm ut lecto affixa doleret, gerneret, ploraret? Non erant fortè catæstæ, laminæ, vngues, plumbatæ, barathra, scorpiones, gladij, quibus excarnificari posset? Lectusne illius equuleus, stratumque ardens craticula fuit? Immo verò, inquit S. Ambrosius lib. 1. de interpellat. Iob. To. 1. *Quid enim erummosi, cum ipse lectus ad communem quietem datus graue vulnus instigat?* Quid acerbius, & intolerabilius, quàm ex illo affictari, à quo refocillari debueras? Quid amarius, quàm inde accipere dolores, à quo delitias, voluptatesque varias sperabas. Itaque Iezabel Orci apostola, ut acriores daret pro sceleribus suis pœnas, & crudelius torqueretur, coniecta in stratum suum fuit, ut ibi suspiraret, coniecta in stratum poterat, ibi acerbos gemitus ederet, ibi luctuosis eiularibus aërem impleret, & diris lamentis præ intolerabilibus viscerum, & animi cruciatibus personaret, ubi dulcem somnum capere solita erat. *Quid erummosus?* Inuenire dolores, ubi quies aliàs quærat, reperire pœnas, ubi captare otium, & leuare animum consueueris, *quid erummosus?* Quæ excruciatio huic comparari queat?

In hanc rem sic loquitur Hippocrates lib. 2. Aphorism. 1. *In quo morbo somnus laborem præstat, malum est, siue mortale est*, ut legit Iuuenalis Leucronus Fefanensis. Ratio autem, ob quam lethale præfagium sit, si ægrotum somnus affligeret, ea est ex Galeno, Vallesio, & alijs, quòd somnus ab authore naturæ huc datus sit, ut dolorum intercapedinem faciat, & acerbitatis sensum minuat, & quietem adferat, atque adeò mortalis mali inditium sit, cum inde cruciatus augetur, unde venire illius leuamen debebat. Pœnalissimum ergo est ab eo vexari, à quo recreari poterat, & sperabas.

Iudas cum occasionem, quam efflâim optârât, nactus esset, abiit, ut prodendi Magistrî sui negotium cum summis, Sacerdotibus dicam, an scelerum capitibus tractaret, *qui audientes gaudisunt*, ut est apud Sanctum Marcum c. 14. 11. Vnde verò illis tan-

ta lætitiæ voluptas? Vnde gaudium illud, exultatio?

Euthymius in Marcum ait: *Gaudisunt non solum quia ipsum sine tumultu comprehensuri erant, opportunè à Iuda traditum, verum etiam quòd à suis discipulis odio haberi inciperet*. Quòd iam suis exosus fieret, à quibus amari, & obseruari deberet, hoc tale esse videbant, ut non plurimum inde dolorem eius non posse augescere præuiderent, hanc ob rem ingenti efferebantur lætitiâ. Et reuerà quid cruciabilius, quàm eos habere infensos, quos pro magnis tuis meritis habere debeas amicissimos, & beneuolentissimos? Quod crudelius tormentum, quàm ab illo referre mala, cui bona multa attuleris?

Vide Periocham III. Dominica infra Octau. Natiuitatis Domini, To. 2. pag. 382. a. o. & loca ad finem adscripta, in quibus fusè hanc rem tractat.

## CAPVT VI.

Nulla efficacior vox ad persuadendum scelus, excitandamq; peccandi audaciam, quàm superioris videtur, & conuiuentis taciturnitas, & dissimulancia.

Offensa, & exasperata Sara grauius apud maritum suum Abrahamum exposculabat de iniurijs ab ingrata, & arrogante ancilla acceptis, inquiens: *Imquæ agis contra me?* Genes. 16. 5. nam cum illius tibi potestatem fecerim, ut inde haberes liberos, illa simulac concepisse vidit, mihi esse iniuria, & non solum deferre, quantum heræ famula debebat, sed etiam derogare cœpit, iudicet Dominus inter me, & te.

Notandum hic, quòd tametsi Agar dominam suam offenderat, & contempserat, Sara nihilominus Abrahamum querimonijs appetijt, & ancillam non curauit. Cur hoc? Doctor Angelicus, Nicolaus Lyranus, & Abulensis, quanquam Saræ sua ab Agar probra veniebant, exposculasse tamen cum marito Abrahamo, cuius conuiuentia illi fecisse videbatur, quòd tam procax, temeraria, & contumeliosa in heram esset ancilla, cuius petulantiam, & arrogantiam cognoscebat, neque corripuit: *Non conquirebatur principaliter Sara de Agar*, inquit Abulensis, *sed de Abraham, quia videbat Abraham contemptum Sara, & dissimulabat*.

Hinc colligitur documentum grauissimum, & utilissimum Superioribus, & Prælatibus, qui subditorum errata vident, tacentq; & dissimulant, & non animaduertunt immania damna, quæ pernitiabili suo silentio, & noxiâ taciturnitate generant. Sanè ad fouenda flagitia, nutriendamq; licentiùs agendi consuetudi-



suæ naturam non habet melius malus dæmon medicum, quàm ut inspiret Prælati exitiale illud prudentiæ genus, quâ peccandi acunt libidinem, dum male agendi dissimulant retundere licentiam, tacentesque tacitam velut concedunt solutiùs, laxiùs, ac liberius viuendi facultatem.

S. Augustinus querit, si quis puerum videat in præterfluente se lauante, & oblectante, cognoscatque aquæ periculum, quod puer nesciens, inopinatò à superueniente fluctu abreptus submergitur, vtrum is infelicitis illius mortis sit causa, qui non aperuit discrimen incauto, quod sciebat. Fortè aliquis, non expectato Augustini responso dicat, puerum ipsum suæ interfectionis sibi fuisse causam, & mortis occasionem. Verùm magnus ille Pater ait, esse alium quoque istius necis auctorem, fluctum alium, qui puerum ante hauserit, quàm forberet aqua. Quisnam ille fluctus? *Tua patientia illius mors est*, inquit ille serm. 16. de Verb. Domini secundum Matthæum. Qui vidit puerum adire periculum, cum iniret aquam, & non illum prohibuit, non auocauit clamore, si fortè abstrahere manu non potuit, sed dissimulauit, & permisit, ut luderet cum discrimine, ille primus occidit, ille primus fluctus fuit, qui abripuit: *Tua patientia mors illius est*. Qui enim prospicit damnum, debetque, & potest auertere, taceretque, & dissimulat, ille vires addit malo, & ampliores illi fores, patientioresque portas aperit.

Propheta regius Psalmo 49. grauissimâ increpatione perstringit quendam ignaum, oscitabundum, incurium, laxum, tepidum Prælatus, ut voluit Seraphicus Doctor S. Bonauentura, Michael Ayguanus, Ioannes Bochius, & Titelmannus, & hoc in eo præter alia culpat: *Si videbas furem, currebas cum eo*; ibid. v. 18. Aliqui dicunt, posse hæc sic verti: *Si videbas furem, silebas ad eum*, conuiuebas, dissimulabas, quantascunque rapinas, & improbitates fieri in Rep. intelligeres.

S. Pacianus epist. 3. To. 3. Biblioth. PP. eadem verba sic legit: *Si videbas furem, concurrebas cum eo*. O quale, quantum verbum, *Concurrebas*! Philosophis, & Theologis *concursum* dicitur illa opitulatio primæ causæ, quâ secundæ indigent, ut agere, & opera sua producere queant. Id auxilij, quod agentia inferiora inde à Supremo Deo accipiunt, ut in operationem exeant, vocant Concursum. Hoc communis, & passim recepta sententiæ habet. Non laceret Sol, non aduteret ignis, si hic illis concursus negaretur, ex quo habet ille quod luceat, & hic quod urat. Par est de cæteris creaturis ratio.

Accedamus nunc ad rem. *Si videbas furem, silebas ad eum*. Prælatus, qui videt subditum suum perperam agentem, indulgentem vitijs, captum erroribus, & dissimulat, quid putas apud subditum suo silentio efficit, eum maxime, qui se visum non nescit? *Concurrebas*. Taciturnitas Prælati consensu sceleratæ vitæ subditorum, & tacentis, ac conuiuentis quidam moralis concursus est, ut audaciùs peccet, & impudentiùs delinquat, & effrenatiùs in omne flagitium procurrat. Itaque tacere, & concurrere ad malefacta, idem est, dissimulareque vitia, tantundem est, quantum fouere. Debet ergo Prælatus subitâ obiturgatione negare concursum, sic enim cessabit error, & non ultra progredietur peccatum.

Statuit Dominus discrimen boni Pastoris à malo, & de hoc sic ait: *Mercenarius autem, & qui non est pastor, cuius non sunt oves propriae, videt lupum venientem, & dimittit oves, & fugit, & lupus rapit, & dispergit oves*; Ioan. 10. 12.

Illud solum hac in remouere difficultatem potest, quomodo improbus pastor, siue mercenarius fugiat. Certè perpusillanimus, & ignauus est pastor, quem vnus lupi aspectus in pedes conijcit. Quomodo ergo malus Prælatus fugit?

Cardinalis Caietanus ait: *Fugit silentio*. Fortè hæc mutuatus fuerit Cardinalis à Summo Pontifice, & Magno Gregorio Homil. 14. in Euang. vbi sic habet: *Fugit, quia iniustitiam vidit, & tacuit. Fugit, quia se sub silentio abscondit*. Mirus fugiendi modus! Præsentia Superioris valde efficax est ad coercendum etiam dissolutissimos subditos. Quapropter illa in Prouerbijs lasciua, & dissoluta lena, quæ incautum adolescentem compositis ad perlecebras verbis proritare ad turpem consuetudinem, & inconcessam Venerem volebat, hoc illum ariete vel vnicè, vel maxime quatiebat, quod nemo domi suæ esset, qui voluptates illorum mutuas obiurgando interpellare posset, inquit: *Non est vir in domo sua, absit & ita longisimè*; Prouerb. 7. 19. vbi Hugo Cardinalis reponit, & exponit: *Non est Prælatus in domo sua*; velut illa dixisset: Possumus intrepidè indulgere obscenitatis amoribus, & muris frui complacibus, abest namque Prælatus, & procul abest, nequam citò redibit. Hic benè uel cæcus, videat absentiam Prælati, vbi tam prælicenter à subditis agitur. Sed quod fugere silentio dicitur, non tam facile capto est. *Fugit silentio, se sub silentio abscondit*. Ex his tamen, quæ hic tractamus, elucet, quæ videbantur obscura, immò ægrè intelligebantur, quia obscura. Quando Prælatus coram adest, subditosque videt effundi.



## CAPVT VII.

effundi in leuitates, negligere obseruantiam, diffuere moribus, prætermittere sua officia, committere quæ non debeant, & tacet, ac mutet, perinde facit, ac si fugeret, tergumq; obuerteret, licentiùsq; agendi facultatem illis concederet. Silentium ergo absentix vices agit, & habere Prælatus, qui videat errata, & dissimulet ea, tale est, quale habere inanimam statuat præsentem: *Nam fugit silentio, & saxo similem se facit, & ligni instar, subditi enim tam laxi habent feruntur in vitia, dum illum silere vident, quàm liberè peccarent, si prorsum absens esset.* Itaque *sub silentio se abscondit*, dissimulantia, & conuiuentia suâ se tegit, atque ita spatium permittit, vt liberius agere, & diffuere, & effundere se in omnem licentiam possint.

S. Lucas refert, Herodem die quodam statuto sedisse pro tribunali indutum veste regiâ, atque è sublimi folio suo concionatum fuisse ad populum, dicentis autem verba ab assentatoribus tanto plausu excepta, vt quidam succlamarent: *Dei Voces, & non hominis*; Act. 12. 22. tanquam dixissent: Fieri non potest, vt homo sit, qui pro concione ad nos dixit, ipse de cœlo Deus huc descendit, vt eam tam elegantem, festiuamq; & flexanimam haberet orationem. Cùm has adulatorias absoluisset populus acclamations, *confestim percussit eum* (Herodem) *Angelus Domini, eo quod non dedisset honorem Deo, & consumptus à vermibus exspirauit*, ibid. v. 23.

S. Isidorus Pelusiota dubitat hic acutè, cur Angelus de Herode sumpsit supplicium, cùm ab ijs magis videatur expetere debuisse pœnas, qui Regi subblanditi, blasphemis illis vocibus per turpem assentationem acclamârunt. Quid enim peccat, quem alij suâ sponte, & ad suam libidinem laudibus extollunt? Cur ergo Domini Angelus Herodis magis sanguine gladium suum cruentauit, quàm adulatricis plebis cruore tinxit?

Respondet huic difficultati Isidorus lib. 4. epist. 24. dicens: *At id propterea factum, quia ipse populum non reprehenderit, neque adulationem impiam, & insanam repudiârunt. Nam dum eam acceptauit, etiam ad maiorem ipsos impietatem assuefecit, atque erudiuit.* In his premite mihi illa duo postrema verba, *Assuefecit, atque erudiuit*, vt videatis, quantum Superiorum conuiuentia efficiat, illorum enim silentium ad peccandum insinuat, & cùm alij magistri loquendo scientias tradant, Prælati tacendo male agere docent, & cùm dissimulant vitia, flagitiosè viuendi licentiam tacitam, & otium tacentes concedunt,

*Vi ne reprehensio sit infructuosa, ita instituenda est, vt peccato deiecto, & prostrato erectus maneat peccator.*

C<sup>VM</sup> Abraham exulceratâ animo Saræ iustas querimonias audiret, beneuolo vultu illi respōdebat: Ego manibus tuis, & potestati arrogantem ancillam trado, tu illam, vt libet, habe. Cùm ergo insolescentem famulam pro meritis multaret, *affligente eam Sarat fugam iniit*, Genes. 16. 6. Sanctus Augustinus ait, absque peccato factum, quod Sara suam ancillam multauit, quia non naturæ inimicus, sed culpæ insensus erat animus, à quo veniebat animaduersio, & in ea superbiam salubriter edomabat, inquit S. Augustinus apud Cornelium à Lapide, nec opprimere supplicio famulam, sed perdomare contumaciam cupiebat. Huc debent collineare correptiones, huc ire obiurgationes, vt peccata deiciantur, peccatores autem suum statum reneant, quem admodum medici ea adhibent, quæ infirmitati sint aduersa, non quæ noxia ægro.

Propheta regius querebatur se arcè circumdatum ab hostibus, rogabatque ab eis liberari, inquit: *Exurge, Domine, in ira tua, & exaltare in finibus inimicorum meorum*; Psal. 7. 7.

In his illud notandum, quod Propheta Dominum ad iram insinuat, indignationemq; eius acueri velle videtur, dicens: *Exurge in ira tua*. At videamus, quo consilio velit tam stomachosum exurgere in ira Dominum. *Consumetur nequitia peccatorum*, inquit ibid. v. 10. Propterea ergo rogabat, vt iracundus ad vindictam erumperet, vt dum pœnas inferret, auferret malitiam, & scelera.

S. Ioan. Chrysostomus hoc in illis Prophetæ verbis annotauit, dicens: *Vide autem charitate plenam iusti animam, quomodo querit, & peccatum de medio tollatur, non & sumat pœnam de inimicis, sed & inimici cessent ab improbitate.* Hic verò, hic pulcher est expetendæ vindictæ modus, hæc sancta ira, & prudens indignatio, optare, & curare, vt consumatur nequitia peccatorum, persequi peccata, vt liber euadat peccator. At qui peccatorem imperit, peccatū, illius non est Dei ira, sed mali dæmonis furor, ac rabies: *Querit & peccatum de medio tollatur, non & sumat pœnam de inimico.* Hoc Dauid, hoc quisquis iustus querit. Verum diabolus facit, quod fulmen, feritque gladium, saluam relinquens vaginam. Non vult ille peccatoris emendationem, sed peccati persequi-



perseuerantiam. Ira Dei è contra in peccatum sua spicula intorquet, non in peccatorem.

Veniebat Dominus noster inter mundi primordia redargutum Protoparentes propter transgressionem sui præcepti. Cumque mulierem varijs pœnis, & ærumnis addidisset, conuersus ad maritum eius, hæc ferè illi magno cum stomacho, ac submoro- sè dixit: Iussus fueras vnus arboris fructus inta- ctos relinquere. Facile ab ijs abstinere poteras, cui omnium arborum reliquarum libera copia concessa fuerat. Sed quoniam plus apud te valuit blandilo- quentia vxoris, quam iussio Creatoris, & maluisti me offendere, quam illam contristare, terra ad vici- scendum tuam præuicationem tribulos, spinasq; tibi germinabit, & nullam comedes buccam, quam non magno laborum, & sudoris impendio pararis, ac demum in pulaerem, ex quo factus es, solutus re- dibis. Postquam autem primos coniuges, & generis nostri parentestilibus verbis probè depexisset, fe- cit Dominus Deus Ada, & vxori eius tunicas pellice- as, & induit eos; Genes. 3. 21.

Oleaster in annot. morali in ea verba sic ait: Do- cet locus iste, Prælatos non solum castigare subditos suos ob peccata, sed etiam amoris signa castigationis ostendere, nam etsi peccator castigandus sit, homo tamen fouendus est. Exemplo ergo Supremi Domini debent Prælati inferiores humanitate demulgere subditos, postquàm eorum peccata seueriore correptione perculit, sic vt in transgressionem vadat acrimonia obiurgatio- nis, transgressores verò leniat blanda compassio charitatis. Sic nimirum & Dominus quos primùm acriter increpauit, eos postea humaniter vestiuit, & induit eos. Hoc debet imitari omnis Prælatas, vt infectetur vitia, ametque, saluumq; cupiat pec- catorem.

Hoc magnus ille Philosophus, & Orator Euphra- tes agebat, de quo Plinius lib. 1. epist. 10. ita: Infestatur vitia, non homines, nec castigat errantes, sed emendat. Fuit ille bonus etiam hoc nomine Phi- losophus, & Orator, quod cum è loco superiore di- ceret, in flagitia, non capita hominum inueheretur, neque exculcare flagitiosos, sed reuocare à vitijs studeret.

Ingressus synagogam Christus die quodam Sab- bati, inuenit hominem, cui manus arida, obserua- bantque Dominum inimici Iudæi, verum hunc æ- grum tali die persanaret. Cum facile videret Chri- stus, quid apud infensos illorum animos ageretur, interrogauit eos, liceretne Sabbatis benè facere, an malè, saluare animam, an perdere. Cùm talia in-

Tom. III.

terrogasset, tacebant illi. Quare circumspiciens eos cum ira, contristatus est super cæcitate cordis eorum; Marci 3. v. 5.

Videtur hic Euangelista indicare, duos per id tempus fuisse in animo Christi contrarios affectus, nempe miserationem, & indignationem, iram, & mansuetudinem, austeritatem, & lenitatem. Sed quomodo hæc in vnum pectus eodem tempore ca- dere simul possunt?

Respondet Cardinalis Caietanus: *Duabus propo- sitionibus usus est Iesus, ira contra vitium, condolen- tia ad homines, et intelligas non iratum sapiendo, sed condolendo, quod perfecta virtutis est.* Ex ijs quæ hic versamus, pronum est intelligere hos duos in Chri- sto affectus. Nam cum duo sint in homine, puta, natura, & peccatum, ita Christus duo in peccatores spicula iecit, quando circumspiciens cum ira contri- statum est, vnum miserationis, alterum indignationis, & illo quidem naturam, hoc autem culpam impe- tijt, ira contra vitium, condolentia ad homines vlus. Non aberrat à scopo iaculum, quod sic emittitur.

Propheta regius dicit: *Ira scimini, & nolite pec- care*; Psal. 4. 5. Hic arripiunt occasionem omnes Interpretes affirmandi, posse esse iram absque pec- cato, neque hoc tantum, sed etiam nonnunquam necessarium esse irasci. Propterea Rex pœnitens consulit, vt quando aliter fieri nequit, quin irasca- mur, saltè citra Dei offensam id agamus. Quare alij vertunt: *Ira scimini, & nolite errare.* Sed quid sibi hæc volunt? Id, quod collineanti in scopum di- cere solemus, *Vide ne aberres à signo.* Sic nunc ait Propheta: *Ira scimini*, sed attendite quoniam ira ve- stra vadat, in quem indignatione moueamini, cum enim debeatis soli succensere peccato, errabitis plu- rimùm, si in peccatorem feratur iaculum, in vos e- nim sagitta resiliat. In hunc sensum ea Psalmistæ verba interpretatur Euthymius in c. 7. Matth. di- cens: *Ira scimini, & nolite peccare, hoc est, ne ira- scendo erretis, iram malè crentes.* Abuti autem iram, est succensere peccatori, cum soli peccato indignari debeamus.

Vt felicem iacturam faciamus Alconem Creten- sem dexterrimum sagittarium imitari debemus, cuius filium cum draco inuassisset, tantà arte direxit sagittam, vt ea in vulnere serpentis deficeret, & ad filium non perueniret, simulq; & illum perimeret, & hunc seruaret incolumem. Refert hoc post mul- tos alios Ambrosius Calepinus.

Tantundem agere debemus, inquit Mauritius Hilaretus, quoties proximum nostrum culpa draco-

M

spiris



spiritus suis inuolutum tenet, ut quantā possumus dexteritate in draconem intorqueamus iaculum, proximo autem nihil offensionis adferamus. *In inimicis occide errorem, sed fove charitatem*, inquit ille in Serm. feriz 6. post Cineres. Qui hoc fecerit, illi feliciter cadet suus iactus, proque illius merito in cœlum inuehetur, quod Alconi illi Cretenſi propter interemptum, illaſo filio, draconem accidiſſe apud Manilium fabulatur antiquitas. Voluerunt nihilominus Veteres commento illo ſignificare, qui ad eum modum irā uti ſciat, ut peccatum configat, & conficiat, peccatori autem malè non velit, illum tali artificio promereri, ut in cœlo æternū beatus uiuat, poſtquam hic viuere deſijt.

## CAPVT VIII.

Otiſus homo eſt, & vanā imaginatione laborat, qui putat omnes erga ſe fore largos, cum ipſe in neminem ſit prolixus.

**F**vgā proripuit ſe Agar ē domo heræ ſuæ, occurrēque ei Angelus in ſolitudine iuxta quendam fontem, ac iuſſit redire ad dominā ſuā, cumque illam de conceptu certiorē feciſſet, præcepit vocare Iſmaelem, poſtquam eum enixa eſſet. Poſthæc de ingenio naſcitur filij prædixit, futurum illum ferum, barbarum, & agreſtem, ac talem, qui infeſtus omnibus omnes ſit habiturus inſenſos: *Manus eius contra omnes, & manus omnium contra eum*; Genef. 16. 12. Vbi Oleaſter ait in Annot. morali: *Commune eſt, & omnes aduerſentur ei, qui omnium aduerſarius eſt*. Magna certè ſtultitia eſt, ab eo ſibi omne genus beneficiorum promittere, cui feceris nullum, & inſigniter amens eſt, qui ſperat alios erga ſe fore comes, & vrbanoſ, cum ipſe ſit erga omnes ætetricus, ruſticus, inhumanus.

Diſcrebat Chriſtus de quadam infructuoſæ ſiculneæ parabola, hæc ſerē dicens: Plantauerat non nemo ſiculneam in vinea ſua, cumque toto triennio fructus ab ea optatos nequicquam expectaſſet, ait ad cultorem vineæ: *Succide illam, & quid etiam terram occupat?* Luca 13. 7. velut pluribus dixiſſet: Non ſum ferendo poſthæc eam plantam, quæ ſua ruſticā paritate totam meam denique exhauit patientiam. Trium annorum longas illi dedi inducias, intrā quos priora facilè emendare errata, & ſterilitatem ſuperiorem poſteriore ſecunditate reſarcire potuiſſet. At cum prorogatione tanti temporis rectè uti noluerit, reliquum nihil eſt, niſi ut ſecuri dei ſciatur, ne terram otioſa occupet.

Cardinalis Caietanus ait: *Terram occupat, proonerat*. Sed quare otioſa ſit terræ planta, quæ otioſa?

Reſpondet Caietanus: *Significatur quod onus eſt terra, ſugens illam, & tamen fructum non reddens*. Quomodo non ſit permoleſta terræ planta, quæ cum illius auidè ſorbeat humorem, nullum ei repondit prouentum? At quàm elegantia verba: *Sugens illam, & tamen fructum non reddens!* Qui vult alijs totum exſugere ſanguinem, nec quicquam in vicem reponere, qui protenſā manu vult ſemper accipere, nunquam aliquid reddere, nā ille magno ſæſtidio eſt, & oneri intolerabili. Qui libenter, ac gaudenter admittit munera, debet hilariter remunerare, & qui amat bonas vices, debet reponere.

S. Lucas c. 11. v. 14. ait: *Erat Ieſus eiſciens demonium, & illud erat mutum*. Sanctus Ioan. Chryſoſtomus, Theophylaſtus, Euthymius aiunt, hunc miſerum arreptitium fuiſſe etiam ſurdum: *ωφας* enim *mutus frequenter dicitur, dicitur autem & qui non audit*. Sic illi. Rectè verò idem vocabulum ſignificat & mutum, & ſurdum, nam & idem homo, qui mutus eſt, conſequenter ſit ſurdus, quod videre fuit in Sacerdote Zacharia, qui ſimul & loquendi, & audiendi facultate orbatus fuit, propterea enim *innuebant patri Baptiſtæ, quem vellet vocari eum*, cum de nomine illi imponendo cognati deliberarent, qui cum illo nutibus non egiſſent, ſi verbis agere potuiſſent. Lactantius Firmianus idem affirmat. Cui lingua impedita eſt, eius *auditum quoque obſtruſ neceſſum eſt*, ait ille lib. de opific. hom. c. 11. ſive id à natura fiat, ſive ex accidente aliquo. Sed quid cauſæ eſſe queat, quod cui linguæ vſus ademptus eſt, eodem aurium quoque obturentur meatus.

Reſpondet Lactantius, id fieri, *Et quia Vocem emittere non poteſt, ne admittere quidem poſſit*. Quàm elegans ratio! Valdè prouida eſt natura, & peratenta in omnibus rebus ſuis. Itaque ſapientiſſimè ordinauit, ut qui obmuteſcit, mox etiam ſurdus fiat. Officium linguæ eſt, reddere verba, aurium munus eſt, excipere illa. Ut ergo innotefeat, quàm ſit ubique vigilans, & cauta natura, & quàm egregiè tradat huius capitis doctrinam, ut non expectet mutua officia, qui non reponit, ſic humani corporis facultates, muniæque diſpoſuit, ut quo momento lingua promere verba deſinit, eodem aures illa haurire nequeant, & admittere: *Et qui Vocem emittere non poteſt, ne admittere quidem poſſit*. Ex quo arbitrari licet ſollicitudinem naturæ, quā nos ad vrbanoſitatem,



rem, gratitudinemque instituire curat. Quando enim possumus dare, aperit nobis fores, per quas recipiamus, quod erogemus, quando verò volumus admittere beneficia, nec possumus respondere mutuis, obturat nobis portam, ut neque excipere illa queamus.

S. Petrus Damianus Serm. 48. dùm laudat arborum, cuius fructus præstantior, & pretiosior omnium arborum aliarum fructibus, & prædicat lignum ignominiosissimum, & gloriosissimum, sic exclamat: *O crux gloriosa, quæ omnia benedixit!* omnia tuâ benedictione gaudent, non humana tantum, sed & diuina. Quoties in Sanctissimo altaris Sacramento exprimeris! Tu benedixisti Missas, tu consecras omnes actiones, tu agros defendis, tu fruges conferuas, & omnia sospitas, omnes te secum ferre, & habere amant. *O crux gloriosa, quæ omnia benedixit!* Et quid inde efficietur? *O crux benedicta, quæ ab omnibus benedixeris!* Benedixisti tu omnia, idcirco te vicissim vniuersa benedicunt, laudant, exaltant, plausibusque, & clamoribus celebrant. Nam cùm tu cunctis benedicas, res ipsa loquitur, quòd tibi mutuam vicem rependere cuncta debeant. *O crux gloriosa, quæ omnia benedixit!* *O crux benedicta, quæ ab omnibus benedixeris!* Sic qui vult laudari, debet laudare, & respondere beneficijs, qui cupit alios erga se beneficos, & dare, qui vult recipere.

P. M. Cabrera magnus ex Ordine Prædicatorum concionator in sermone funebri Philippi II. Regis Catholici notauit hoc dignum consideratione, quòd inter eas nationes, quæ omnibus penè rebus, etiam horridis, sordidis, squalidis, serpentibus, dico, bufonibus, ranis, talibusque cultum demissæ adorationis deferebant, nulla tam præcipite, cæcòque iudicio fuit, (quantum quidem ex Sancto Augustino, Lilio Gregorio, Natali Comite, Vincentio Cartario, Ioanne Kirchmanno, & aliorum, qui hac de re scripserunt, monumentis colligere licet) ut Morti templum excitandum, honoremque diuinum exhibendum putaret. Quid causæ esse queat, quòd alijs rebus omnibus, ipsæ; tam indignis, venerationis soli vero Deo debita tributum pensum fuerit, sola mors eum non habuit honorem? Ratio ea est, quod mors sit aspera, dura, rigida, inexorabilis, nemini parcens, aut deferens, de qua dicere possumus, quòd de Rege Babylonis affirmavit Ieremias c. 21. v. 7. *Non flectetur, neque parceret, nec miserebitur.* Mors nulli gratificatur, nullum suspicit, omnes eodem loco habet, vnoque pede metitur. Merito ergo nullus eam coluit, quæ nullum honorauit, nullus ei ad-

geniculatus fuit, diuinumque cultum detulit, quæ erga neminem vnquam vrba, aut comis fuit.

Nam vt Glossa in cap. *Esò*, apud Bartholomæum Cassaneum i. p. catalog. considerat. 21. ait: *Frustra petit debitum, qui quod debet, non impendit.* Vanè honorem expectat, qui nulli defert, insignis; est illius stultitia, qui vrbane secum agi optat, cùm ipse erga omnes sit rusticus, & barbarus.

Dilectæ Sponsæ dicebat ille de Canticis Sponsus: *Vulnerasti cor meum, soror mea sponsa, vulnerasti cor meum in vno oculorum tuorum, & in vno crine colli tui;* Cant. 4. 9.

Pulchrè, & appositè inquit in hæc verba Balduinus apud Godofredum Tilmannum in Alleg. Bibliorum: *Quid sibi vult, quòd in tota pulchritudine sponsa non vulneratur sponsum, nisi in vno oculorum, & in vno crine colli?* Perdignum admiratione est, quod Sponsus, cùm tam plurima vidisset in Sponsa, quæ cuius alteri etiam non ardentè amanti perplacere potuerunt, niueos dentes, alio, & eburneas genas, & nitidam, serenamque frontem, & concinnam, ac felicituam totius corporis structuram, vnus ex toto elegantissimorum membrorum ordine oculus cor illi sauciauerit, & crinis vnus. De crine hîc nihil nunc dicam, solumque inquiram causam, cur soli oculi Sponsæ, pectus Sponsi, atque animum totum transadegerunt.

Balduinus soluit quæstionem, qui proposuit, dicens: *Oculus quia potest videre, & videre, illex, & index solet esse amoris.* Non gaudent partes corporis reliquæ privilegio oculorum, qui si spectantur, spectant mutuo, & lætè accidentibus hilariter vicissim arrident. Quid mirum ergo, quòd sint *illex, & index amoris*, fomes, esca, hamus, piscatores alienæ voluntatis? Qui enim respondet beneficijs, & mutuas gratus vices rependit, ille nutrit apud alios amorem, accendit beneuolentiam, & fouet amicitiam.

*Quàm probè Deus nouerit respondere, & ab illo discat homo parem, mutuamque habere erga alios voluntatem, vide To. 2. Periocha V. Dominica II. in Aduentu pag. 346. 6. Vide etiam finem eiusdem Periocha.*

(\*) (56)



# LIBER VI.

## VITÆ ABRAHAM.

## CAPVT I.

*Cum Deus nullum benefaciendi nobis finem faciat, debemus etiam eius cultores, & serui perpetui esse, laudibusq; illius, & officijs semper studere.*

**M**agno mysterio factum est, quod sacer Historicus annos vitæ, quos Abraham habebat, tunc commemorauit, quando narrare voluit, quod Dominus ei apparuit, atq; vt perfectus esse studeret, imperauit. Vtrumque beatus Moyses sic expressit: *Postquam nonaginta, & nouem annorum esse ceperat, apparuit ei Dominus, dixitq; ad eum, Ego Deus omnipotens, ambula coram me, & esto perfectus*, Gen. 17. 1. Quid causæ, quod illa Abrahæ tam longæua, & decrepita senectus tam speciatim exprimitur? Id procul dubio factum, vt nobis sit documento, quod studium Deo seruiendi, & placendi nunquam depone- re, aut dimittere debemus, tamen si inter illius officia incanuisse nobis videamur. Ætas nullâ, quamuis capulo proxima, emeritos senes facit, quantoscun- que enim annos in Dei famulatu quis transmise- rit, debet omnes in eius ministerio exigere.

Corinthijs, qui de officijs Deo exhibitis pluri- mum sibi arrogabant, & blandiebantur, ita scribebat Apostolus 1. Corinth. 4. 8. *Iam saturati estis, iam diuites facti estis.*

S. Ioannes Chrysostomus in his Apostoli verbis pressit illud *Iam*, aitq; ex eo æstimare licere, ironi- cè locutus Doctorem Gentium, inquit: *Et rectè illud Iam, ex tempore ostendens, esse improbabile, quod dicitur, & esse à ratione alienam eorum opinio- nem*, velut Paulus apertè dixisset: *Ludit vos turpi- ter, ac periculosè vestra imaginatio, quæ facit, vt iam saturos, & expletos, & peropulentos vos puta- tis. Insatiabilis enim res est pietas, & mentis pueri- lis est, existimare, se totum accepisse.* Quam eleganter dictum, *Mentis puerilis est, existimare se totum accepisse*. Si puerum à domo, quantum iactus est la- pidis, abducas, vel mox fatigatur, vel mundi finem attigisse arbitratur. Si crystallinum anulum illi des, adamantem putat, qui de pretio certare cum amplissimo regno possit, atque vt delicato est stoma-

cho, sic quauis re facile offenditur. *Mentis puerilis est, existimare, se totum accepisse.* Qui vnâ elemosynâ, vnâ corporis verberatione, vno ieiunio arbitratur in supremum pœnitentiæ, & liberalitatis cacumen peruenisse, ne ille puerili est animo, & stomacho, & iudicio, qui tam facile rem totam confecisse, & omnia se assecutum existimat, neque cogitat, longis- simam sibi viam reliquam esse, quantumcunque pro- gressus fuerit.

Quod ficus sit symbolum, & hieroglyphicum Ec- clesiæ, id communis tractatorum sacræ scripturæ sententia habet. Affirmant hoc Ioannes de S. Gemi- niano, Petrus Berchorius, Lauretus, Ricciardus. Et S. Ioannes Chrysostomus in cap. 24. Matth. Op. imperf. sic ait: *Semper ficus Ecclesiæ simulatur.* Quid habet ficus, vt figura fidelium esse possit? Quid nos- tris natiuis proprietatibus docet?

Constantinus Imperator l. 10. de agricult. c. 25. ait: *Scire expediens est, quod senescens ficus fertilior euadat.* Arboribus cæteris prolixior ætas adfert sterilitatem, sic vt minuantur fructu, dùm augefcunt annis. Ficus è contrario quod annosior, eò feracior efficitur, *& senescens fertilior euadit.* Cùm ergo ficus sit hieroglyphicum Ecclesiæ, siue fidelium, & seruium Dei, genitali illâ suâ conditione mysticè eos monet, vt illius instar pariter annorum numero, & fructuum copiâ augeantur, & quò sunt longæui- ores, eò sint vberiores, & fecundiores, & cùm sunt à graui senectute incurui, sint ad omne opus Dei a- giles, & expediti. Nam cùm Deus nunquam bene- facere nobis cesset, etiam nos ab illo colendo desi- flere nunquam debemus.

Propheta regius inter gratam à Deo acceptorum beneficiorum recordationem hæc ad illum humili- ter aiebat: *Viam mandatorum tuorum cucurri, cùm dilatasti cor meum*; Psal. 118. 32.

S. Ambrosius apud Franciscum puteum Carthu- sianum ait: *Viam mandatorum tuorum cucurri & bonus equus*, qui cùm ex Zephyro sit natus, celeritate illum superat. Ergo generosi, & animosi equi similis debet esse seruus Dei. At quænam illæ notæ, quæue insignia, vnde bonus equus agnosci possit?

Dion Cassius Vticensis lib. 6. agricult. cap. 2. ait: *Boni equi hæc nota est, quando stans impatienter tole-*



erat quietem, & terram pedibus pulsans, cursum meditatatur. Hoc mutuari ab equo, illamque eius conditionem imitari famulus Dei debet, ut omnem impatienter ferat in via virtutis, & studio pietatis quietem, & semper ad anteriora extendere seipsum, & incitare veræ gloriæ fidorum, generosorumque servorum Dei cupiditate studeat ad currendum per semitam sanctitatis, & perfectionis. Qui enim otium, vacationemque amat, qui non curat, ut currat, qui non ad maiorem semper virtutis perfectionem anhelat, non meretur hanc appellationem, ut bonus equus dicatur.

S. Cyrillus Alexandr. Apologorum moral. lib. 1. cap. 1. (hic enim illorum Apologorum moralium Author, ut contendit Cornelius à Lapide, non alter ille Hierosolymitanus Cyrillus) observavit mysticam providentiam sacri Authoris naturæ, qui in admirabili humani corporis structura organa potentiarum, & sensuum in parte anteriore, non à tergo posuit. *Nihil organorum nostrorum natura possit, sed ante tantum composuit*, inquit ille. Videre hoc licet in oculis, olfactu, gustu, auditu, manibus, pedibus, cæterisque vitalium operationum instrumentis. Quidnam verò secretâ istâ, solerteque constructione docere nos voluit?

Respondet Cyrillus: *Vi in virtutis actibus non retrocedentes, immò semper procedentes crescimus.* A fronte, non à tergo posuit sentiendi omnia instrumenta supremus Opifex (qui tam providè, ac sapienter corporis humani partes omnes disposuit, ac digessit) ut nos tacite, ac secretò moneret, in pietatis, & sanctitatis itinere semper progrediendum esse, nunquam retrò abeundum, sic ut virtutum copias abundantiores insatiabiliter semper appetamus, & suspiremus: *Vi in virtutum actibus non retrocedentes, immò semper procedentes crescimus.* Hæc est bona, & præclara Deo serviendi, & placendi ratio, semper currere, nunquam subsistere in curriculo nostræ salutis & profectus, quantum fieri potest.

S. Paulus Apostolus cum cerneret quam venenosus sub viridi humanæ cupiditatis herba lateret anguis, scribebat discipulo suo Timotheo, ut omnes ad illius contagiosæ, & exitialis pestis fugam, devirationemque sollicitè adhortaretur, inquit: *Qui volunt divites fieri, incidunt in tentationem, & in laqueum diaboli, & desideria multa in utilia, & nociva; 1. Timoth. 6. 9.* Quid est incidere in desideria multa? Respondet Primasius Vicensis: *Nunquam divitiarum desideria satiantur, adeò cupiditates, & appetentiæ aliæ ex alijs nascuntur.*

Subiungit statim Paulus: *Tu autem, ô homo Dei hæc fuge, sectare vero iustitiam, pietatem, fidem, charitatem, patientiam; ibid. v. 11.* Primasius ait, hoc esse eiusmodi, ac si apertius dixisset: *In his divitijs cupio te esse locupletem.*

Notandum, quod Apostolus è regione ardentis desiderij, mundanarum divitiarum constituit flagrantem cupiditatem bonorum cælestium, præcipitque Timotheo, ut hæc summo studio, & totâ ingenij, viriumque contentione ambrosiosissime, studiosissimeque sectetur, huc proram suam dirigat, huc vigilantiam suam, ac diligentiam omnem vertat: *In his divitijs cupio te esse locupletem.* Ut enim nunquam divitiarum desideria satiantur, sic nunquam satisficisse putare debet Christianus, quanto scunq; in via pietatis, & semitæ virtutis progressus fecerit. Quantumcunque auctus copijs spiritualium opum fuerit, semper cælesti hydrope, religiosa siti, piâ fame plures, pluresque appetere, & opulentiores thesauros cupidissime, & avidissime optare debet.

Nocte cænæ dicebat Christus charis Discipulis suis: *In hoc clarificatus est Pater meus, & fructum plurimum asseratus, & efficiamini mei discipuli; Ioannis 15. 8.*

Postrema huius sententiæ verba multam habent difficultatem. Nam cum discipuli Christi iam adscripti collegio illius essent, quomodo cælestis Magister aiebat, in magnam æterni Patris sui gloriam redundaturum, si discipuli sui efficerentur, tanquam non solum effecti, & in contubernium illius nondum admissi fuissent?

Occurrit huic difficultati Cardinalis Caietanus, inquit: *Bevè nota, quod de existentibus iam discipulis suæ dixit, efficiamini mihi discipuli, quod est alterum hic significatum, & intelligamus, perseverantiam manendi in Iesu consistere in continuo effecti eius discipulum, hoc est, continuo profectu sub disciplina eius.* Volebat ergo Christus discipulos suos tam strenuos esse operarios, tam indefesse colere Deum, tam impigre curare, quæcunque ad Patris gloriam, & animarum utilitatem promouendam spectarent, & omnis pietatis studijs tam continuo, ac pertinaciter immorari, ut hinc æstimare illos discipulos Domini possent, quicumque tam gnauos viderent. Cedat autem ad honorem Patris singularem ingens illud Apostolorum serviendi ei studium, & placendi cupiditas insatiabilis, quicumque enim eos videbat tam inhianter vacare illius officijs, cogitare debebat, dignum esse tali famulatu Dominum, cuius ministri-



num beneficium nulla officia humana, vel si æterna forent, exæquare possent.

*Vide partii secunda Politici celorum lib. 1. cap. 5. Et loca ad finem illius Capitis adscripta, ubi simile argumentum magis disertè tractat.*

## CAPVT II.

*Inexplicabilia, & innumera sunt commoda, quæ animæ confert Dei memoria, & recordatio illius continua.*

**H**ortabatur Dominus Abrahamum, ut curaret esse valde perfectus, & consummatus, utque illorum finem assequeretur, hanc illi vtilissimam industriam suggererat: *Ambula coram me*; tanquam dixisset: Fac mei semper memineris, nunquam è memoria elabi me sinas. Et quid tum? *Esse perfectus*, siue euades perfectus, cum me fueris perpetuo recordatus.

Ad hunc modum exponunt illa Hugo, & Caietanus Cardinales, Oleaster, Honcala, & Abulenſis, cuius sunt, quæ subijcio: *Ambula coram me, id est, sic ambula in syna conuersatione morum, ut si me coram te semper videres. Et istud est præcipuum, quod hominem tollit à peccato, scilicet continua memoria de Deo in actibus nostris.* In his expendendum, quod ait, Dei præsentiam esse præcipuum, quo à peccatis auocemur. Illius iugis recordatio aphorismus est, quem nobis Patres spirituales tradunt ad acuendam nostram erga Deum studia, excitandamque torpentem nostram illi seruendi, & placendi, cupiditatem.

Confitebatur Propheta regius enorme suum, & pessimi exempli flagitium, multisque perfusus lachrymis hæc Domino, quem grauiter offendisse, & exasperasse sciebat, inquebat: *Tibi soli peccaui, & malum coram te feci*; Pl. 50. 6. quod ad me attinet, Domine, fateor atrociter tuam prouocasse clementiam.

Multi aiunt, Prophetam scelerum suorum penitentem voluisse ijs verbis, *Malum coram te feci*, exaggerare culpæ suæ gravitatem. Qui enim se Dei tunc recordatum fateatur, cum in illum peccauit, offensæ suæ immanitatem valde amplificat. Et si in quemuis alium regem præsentem delinquere, est circumstantia plurimum aggrauans culpam, insolentissima certe inuerecundia est, coram suprema illa maiestate imprudenter, prælicenterque agere. Quod ergo Propheta penitens coram Deo malum fecisse dicit, eâ confessione magnitudinem præuaricationis suæ indicare voluisse videtur, quæ hinc vehementer

aucta fuerit, quod ipsos ob oculos Dei præsentis perpetrata.

Benè hoc habet. Verùm Origenes Adamantius vult, ea verba fuisse hominis grati, & agnoscantis immentiam Dei offensi erga se clementiam, & benignitatem. Ergone Davidi ex eo, quod coram Domino malum fecit, bonum aliquod nasci potuit? Aut vtilitatis aliquid adferre, quod illo præsentem peccauit? Potuit, inquit Origenes. Quid verò commodi inde habuit? Illud, *Tibi soli peccaui*, illud, ut veræ contritionis actum eliceret, eoque culpam omnem obliteraret, totamque noxam aboleret. Recordatio enim Dei, illiusque præsentia occasio fuerunt, ut expeditiùs à prolapsione sua resurgeret, commissorumque scelerum penitudinem facilius conciperet.

Accipite Origenem hom. 11. in Exod. *Tibi soli peccaui, & malum coram te feci. Quid ergo. Plus habet, qui malum coram Deo facit? Illud profecto, quod continuo penitet, & dicit, Peccaui.* Quando homo pro arbitrij sui improba licentia vult diuinæ illi maiestati esse incurius, & debitam præmittere obseruantiam, suæque supernæ legis excutere, aut abijcere iugum, ex magna eiusdem clementia, & misericordia sit, quod inter media scelera, & impia flagitiosa vitæ studia memoriam illius, quem offendit, non abijcit, quamdiu enim illius recordamur, specerta nobis manet reliqua, quod illum per lachrymas placare, & redire cum ipso in gratiam per penitentiam, poterimus.

Caino sua cordis durities, & animi obliuio in de venit, quod egressus est à facie Domini (Gen. 4. 16.) obliuione perpetuâ illum in corde obliterauit. *Qui discedit à conspectu Dei, nescit conuerti, & peccatum penitendo purgare*, inquit rursùm Origenes. Ut cognoscamus Cainum in finali impenitentia decessisse, damnationemque incurrisse, id nobis sufficienti argumento esse potest, sic ut non egeamus alio, quod egressus à facie Domini dicitur, quod Dei præsentiam à se abdicauit, quod illum è memoria sua abiecit, adeoque omni felicitati suæ fores oppellulauit, & obturauit. Hoc ergo interest (ita pergit Origenes) *malum coram Deo facere, & à Dei conspectu discessisse peccantem.* Tale hoc est, quale si dixisset: Videre quantum intersit inter hominem obliuiosum Dei, & memorem illius. Qui Deum præsentem habet, quemadmodum Davidi accidit, habet etiam tunc, cum peccat, magna subsidia, quorum ope facilius emergere è cæno peccatorum, & euadere culpas possit. Non habere autem Deum præsentem est tam graue supplicium, tam magna ira offensi Dei, ut

videa-



videatur omni salutis remedio destituere eum, cui recordationem suæ præsentia adimit.

At si præsentia Dei tam utilis est ad euadendum è peccato, & ad excitandum dolorem de perpetratis sceleribus, utique validum frænum erit ad coercendum à malè agendi libidine animum, si illum sapè, ac studiosè recogitet peccator, & cogitet omnibus actionibus, verbis, cogitationibusque intimè præsentem esse. Nam ut Oleaster in c. 17. Gen. in annotat. morali ait, *Si rex, aut magnus Dominus astraret operibus tuis, aut verbis, auderesne facere, aut loqui aliquid turpe, aut inhonestum? Minime, immò neque musitare.* Multa sunt, quæ ne coram puero quidem paulò adultiore dicere, siue agere audeas. Hoc ipsum de Deo tuo cogita, inquit rursùm Oleaster, ac si dixisset: Si humana maiestas, si potestas secularis caduca, & peritura tantam habet autoritatem, & reuerentiam, ut dissolutissimum cohibere, & præcipitantissimum infrænare queat: Quid non poterit ad compescendam peccandi libidinem facere præsentia summi Dei, qui nos & creauit, & redemit?

Quare S. Ignatius aiebat, præsentia Dei recordationem sibi vnicum semper visum remedium, quo homo contineri in officio, & permoueri possit, ut prauas appetentias suas coerceat, & perdomet passiones. *Memento Dei, & non peccabis*, inquebat ille epist. 3. recordare illum, & non offendes, Dei enim præsentia, tanquàm fortissimo retinaculo à peccando homo impeditur.

Postquàm Arca illa sacrum Iordanis fluuium pertransisset, & aquæ illius, velut ad reuerentiam imperialis maiestatis, quam Arca representabat, de via cessissent, ad sempiternum tam prodigiosæ vrbinitatis monumentum præcepit Dominus duodecim lapides ex ipso fluuiio exemptos erigi, de quo Iosue cap. 4. v. 20. sic dicitur: *Duodecim lapides, quos de Iordanis alueo sumpserant, posuit Iosue in Galgalis.*

Hic illud mouere quemuis potest, quòd Dominus præcepit excitari lapides, (quamuis ad illius portentæ memoriæ)cùm probè sciret, ac pernosset, qualesnam essent, quibuscum agebat, quàm procliuēs, & præcipientes ad idololatriam, qui tam leuiter à vero Deo abduci ad cultum deastrorum sinebant, ut omnes illi sculptas, pictasque adimere imagines debuerit, quò idololatræ occasionem auferret. Cùm ergo periculum esset, ne tales lapides supersticiosè colendos putarent, cur erigi illos imperauit?

Respondet Abulensis: *Præsentia Iosue non erat talis præsumptio.* Tanta erat Hebræorum ergà Iosue ducem suum obseruantia, ut illo præsentem non ab-

dololatria tantum, verum etiam ab omni talis flagitij discrimine procul essent, nec quisquam metuere posset, ne in eiusmodi scelus cæcâ prolapsione corruerent. At si de hominis præsentia Dominus existimauit, posse per eam ab idololatriæ vitio coerceri homines ad hoc sceleris alioquin valde propensos, adedque lapides illos tunc erigi: Quomodo summi Dei nostri præsentia non multò validius frænum erit ad cohibendos quoscumque prauos, etiam vehementissimos appetitus? Quis enim ausit magnum illum Imperatorem offendere, qui illum vbique præsentem, & secretissimos quosque cogitatus inspectantem cogitat?

Marcus Tullius Cicero Quintum fratrem suum perfectum in dicendo, & perpolitum, moribus etiam, & honestis actionibus egregiè excultum cupiebat, utque res ea ex voto eueniret, dicebat illi: *Vt desiderio meo, & optaris fruar, id facillimè facies, si me, cui semper tui magis placere voluisti, tecum esse semper putabis & omnibus rebus, quas dicis, & facis, interesse.* Si efficacissimum putauit Cicero remedium componendis ad omnem honestatem moribus sui fratris, quòd se omnium dictorum, factorumque arbitrum, inspectoremque cogitaret, quantum non faciat Dei præsentia, quamque potenter permouebit eos, qui illius habent iugem memoriæ, ut ad amulsum mandatorum ipsius suam vitam instruant?

Magnus Philosophus noster Seneca tali industria, & doctrinâ usus est apud Lucillum, cùm ad veram nobilitatem, & homine ingenuo dignam probitatem instituere illum volens epist. 11 sic scribebat: *Prodest sine dubio custodem tibi imponere, & habere, quem respicias, quem interesse tuis cogitationibus censeas. Aliquorum te auctoritate custodi, siue Cato ille sit, sit Scipio, siue Lalius, aut, cuius interuentu perdis quoque homines supprimerent vitia.* Tale quidpiam consulere possumus cuius sui spiritualis profectus cupido, nempe ut Petrum, Paulum, Ioannem Baptistam, Basilium magnum, Hieronymum, aut alium talem quempiam ob oculos habeat, suisque interesse factis, & cogitatis censeat, & auferat poenitentia, quibus illi diuturnam, ac strenuam operam dederunt recordatione sese ad asperioris vitæ amorem inflammet. Talium enim virorum præsentia, & recordatio excitat desiderium virtutis, & quasi impactis calcaribus impellit ad studium perfectionis. At si hominum sanctorum viua memoria tam efficaciter mouere animum recordantis ad pietatem potest, quid non faciet præsentia illius, qui est sanctorum, & rex omnis maiestatis?



In horum consideratione erat S. Ioannes Chrysostomus hom. 8. de resurre. To. 3. quando aiebat: *Illud Apostolicum munus assequamur, & præsentem Deum habeamus*; velut dixisset: Magno studio, & quam possumus enixè Deum oremus, & obsecremus, ut eà nos gratià donet, quã suos Apostolos olim ornavit. Quam gratiã d- cis? Fortean variarum linguarum donum? Aut excitandorum mortuorum, aliorumque miraculorum patratorum virtutem? Nihil horum, inquit Chrysostomus, sed illud, *et præsentem Deum habeamus*. Hoc ardentibus votis, multisque cum lachrymis etiam, atque etiam rogare debemus, ut nunquàm Dominus à memoria nostra discedat, atque ità partem felicitatis Apostolicæ consequamur. Ut enim quis vitam Apostolicam imitetur, videtur nullà re alià egere, quàm ut Deum semper coram habeat: *Illud Apostolicum munus assequamur, & Deum præsentem habeamus*.

## CAPVT III.

Cùm fieri non possit, ut quis habeat huius vitæ gloriã simul, & futurã, necessum est in hac vitã seminare lachrymas, ut metamus lætitiã in futurã.

Quod noster Vulgatus textus habet, *Ambulacram me*, id S. Ambrosius transtulit, *Emerere coram me*, mach dich wosherdient hey mir / labora, fuda, qui enim oprat quietem, debet ante subire defatigationem, & qui desiderat gloriã, debet priùs tolerare ærumnam, fieri enim non potest, ut quis & præsentem habeat, & futuram gloriã, ac quietem. In hanc rem sic dicebat olim S. Hieronymus lib. 2. epist. 37. *Difficillimum, & impossibile est, & ut quis præsentibus, & futuris fruatur bonis, & hic ventrem, & ibi mentem impleat, & de delictis transeat ad delicias, & in istius seculo primus sit, & in cælo, & in terra, appareat gloriosus*. Non potest esse mutuum istarum gloriarum contubernium, nec vnum eas commune capit hospitium. Quare videat homo Christianus, quænam sit optabilior, & conductibilior gloriã, & pro ea, quam suspirat, strenuè laboret, nam ut ex otio & inopari ad quietem æternam perveniat, fieri non potest.

Propheta Ezechiel describit modum ingrediendi, & egrediendi, quem servari volebat Dominus ab his, qui per dies festivos templum religiosi cultus gratiã petebant, dicens: *Cum intrabit populus terra in conspectu Domini in solemnitatibus, qui ingreditur per portam Aquilonis, & adoret, egredietur per viam portæ Meridianæ, porro qui ingreditur per viam portæ*

*Meridianæ, egredietur per viam portæ Aquilonis, non egredietur per viam portæ, per quam ingressus est*; Ezech. 46. 9.

Digna notatu, & plena mysterio cæremonia! Quid enim referebat, quòd per eandem portam quis exiret, per quam egressus fuerat? Nescio quid incommodi adferre res illa potuerit. Si spiritualem superioris præcepti sensum, cum Petro Berchorio persequamur, & quid mysticè significet, scrutemur, inueniemus opportunum nostræ institutioni documentum. Aquilo (quod & alibi diximus) propter suam asperitatem, & vim frigorum est symbolum ærumnarum præsentium, meridionalis autem ventus propter suam lenitatem, & placidam mititatem figura est quietis, & vacationis. Quòd ergo Dominus mandavit, ut qui per portam Aquilonarem, per angustam calamitarum, & aduèritatum huius vitæ ingrederetur, exiret per Meridionalem, id factum, ut doceremur, eum qui in hac vitã intrat per portam laborum, defatigationum, & miseriarum, egressurum per portam quietis, & gloriæ in vitam futuram, è contrà eum, qui in hac vitã intrat per portam delictiarum, voluptatum, & oblectamentorum præsentium, exiturum per portam Aquilonarem tormentorum, cruciatuum, suppliciorum. Per eandem portam pedes efferre, per quam intulerit, nemini conceditur: *Non reuertetur per viam portæ, per quam ingressus est. Impossibile est, & de delictis transeat ad delicias*. Duplici gloriã nullus gaudere potest, nec ulli duplicis otij, hoc est, præsentis, & futuri privilegium concessum fuit?

Nam ut Petrus Berchorius in allegorica eius loci expositione ait, *non est decens, immò & communiter impossibile, quòd de Aquilone ad Aquilonem venias, id est, de paupertate ad paupertatem, nec quòd de meridie ad meridiem, id est, de mundi gloriã ad gloriã cæli post accedas*.

Theophrastus lib. 1. de caus. plant. cap. 25. de oliis aliquid affirmat, quod crebro experimento didicerit, inquit: *Evenit, & cum olea benè germinant, male fructificant, cumque benè fructificant, male germinant*. Huius rei causam præsentì instituto aptam mox subiungit clarissimus Philosophus, dicens: *Tanquam natura & triq; satisfacere parti non valeat, sed necesse habeat absumere alteram, & alteram faciat*. Si ergo quæras, qui fiat, quòd malè germinant oleæ, quo anno fructificant benè, respondebit Theophrastus, id inde venire, quòd non sit tanta naturæ vis, & facultas, ut tribuere vtrumque simul pingui arbori illi quæat. Nimia gloriã foret, si olea eodem



anno & luxuriaret germine, & copia fructuum abundaret. *Virique satisfacere parti natura cum non valeat, necesse habet absumere alteram, & alteram faciat.* Hoc ipsum dicere in causa presenti possumus. Qui otio in hac vita multo fruitur, potest multos in secutura timere cruciatus, & qui hic paritur crebras miseras, potest à morte plurimam expectare gloriam. Stultum namque est, utrumque simul otium, & gaudium, præsens, inquam, & futurum expetere, ducere in bonis dies vitæ huius, & velle æternum videre voluptatem domus Dei, qui non vult utrique satisfacere parti, neque tantâ hominem cumulare gloria. Qui futuram vult certo assequi, debet præsentes à se abdicare, quam potest multas commoditates, necessumq; habet, *absumere alteram lætitiâ, & alteram faciat.* Itaq; qui volens præsentem contemperit gloriam, ille inueniet futuram.

Si quis sanctum Petrum Damianum interrogasset, quem hebdomadæ diem ageret, quantumque ab illo dies mundi supremus abesset, respondisset, se diem Veneris, seu feriam sextam agere, & hunc diem proximum sequi diem iudicii, nec alium esse medium amborum. *Tota hac vita sexta feria est,* inquit ille serm. 48. *quia & fideliter crucem post Dominum batulare iubemur.* Die Veneris sospitator generis nostri in crucem actus obiit. Dies Veneris est omnis huius vitæ dies Passioni, & cruci ferendæ destinatus, in quo laborare, & sudare oportet, ut ab illo transeamus ad Dominicum diem resurrectionis. Qui hæc vult inuicere tempora, & ex die operoso facere feriatum, & præsentem habere gloriam, & futuram consequi lætitiâ, ille spe suâ frustrabitur, & aliud, quàm expectabat, inueniet. *Si præpostero ordine nunc sub carnis lege viuentes quasi Dominicam diem ducimus, procul dubio postmodum non gaudium gaudio, sed tribulatione mutamus,* inquit idem ille. Qui per totam hebdomaden vacat à labore, ille die festo ieiunabit. Homo enim iners, qui per dies operosos vult se omni genere voluptatum per otium oblectare, non potest diebus festis gaudere suauitate quietis. Tot namque dies feriatum esse nequeunt. Multis diebus operosis laborandum est, ut vno festo quiescere valeas, *Non gaudium gaudio mutamus,* neque conceditur ab vna quiete transire ad alteram.

Plinius aiebat, autumnum serenum esse hyemis asperæ optimum prognosticum: *Autumni serenitas Venturam hyemem facit,* inquit ille lib. 18. 35. Etiam in rebus naturalibus videtur nobis Deus indicare, quid in moralibus eueniat. Disponit enim Vniuersitatis conditor ad eum modum tempora, ut non velit

Tom. III.

alijs alia succedere, nisi quæ diuersas, aduersasque habent qualitates. Itaque ex illius institutione, & ordinatione frugiferum, atque ob id gratum autumnum sæua hyems excipit, ut tranquillitatem tranquillitas, vernaque aura auram similem, & æstatem æstas per manus ducat, fieri nequit: *Autumnus serenitas Venturam hyemem facit.* Gaudesne in hac vita varijs corporis oblectationibus, & inter carnis voluptates, ac delicias autumnum huius temporis transmittis? Infelix auspiciu, malum omen. O quàm atrox, & immitis cruciatuum hyems te manet! Quàm acres pœnæ, & immania tormenta te expectant! Fieri enim non potest, ut quis duas habeat glorias: *Impossibile est, ut quis & in celo, & in terra appareat gloriosus.* Quare laboremus in hac vita, ut consequamur beatum otium futuræ, cumque omnes nobis dicant, fieri non posse, ut fruamur utroque mundo, præsentem nimirum, & futuro, seminemus hic lachrymas, ut ibi metamus gloriam.

Aptè ad hanc rem pinxit Alcibiades Hispanus in suis emblematis lib. 2. emblem. 23. duos mûdos, superiorem, & inferiorem, cælum, & terram, cum hac adseriptione: *ALTERVM DEBET ESSE,* nimirum ut vel hoc fruaris, vel altero, utroque enim gaudere nemo potest. *Impossibile namque est, quod ex Hieronymo diximus, ut quis & in celo, & in terra appareat gloriosus.* Quare laboremus in hac vita, ut consequamur beatum otium futuræ, cumque omnes nobis dicant, fieri non posse, ut fruamur utroque mundo, præsentem nimirum, & futuro, seminemus hic lachrymas, ut ibi metamus gloriam.

*Vide partem secundam Politici cælorum infra lib. 6. cap. 8. & alia ex prioribus Tomi loca ad calcem capituli illius adscripta, quæ idem argumentum disertius tractant.*

## CAPVT IV.

Dummodò habeamus Deum contentum, & beneuolentem, non est cur hominum dicta, factaque careamus.

Dicebat Dominus amico suo Abraham: *Ambula coram me, & esto perfectus;* quod ex Guilhelmi Papinij, Ioannis Cluniacensis, & Bernardini de Buttis expositione tale est, ac si dixisset: *Mihi solum attende, ceteros non cures,* labora ut mihi placeas, hominum gratiam bonam, malamue sũque deq; habe. Nam si iustam offensæ causam nemini præbeas, hominum iudicia, dicta, facta contemnere potes, & bene contentus viuere, dum me contentum modò habeas, ruæque studia mihi probari scias. Ego enim sum Dominus tuus, ego index. Si per me absoluaris, parum refert, quòd totus mundus te condemnet, si ego tua opera habeo grata, aliorum diseria, & murmura, & obrectationes ne cura.

N

Regius



Regius Propheta David cum secum reputaret, quàm sit graue, ac molestum peccati mortalis pondus, putabat, parem illius felicitati non posse in hac vita esse aliam, qui postquàm Dei maiestatem lethaliter offendit, noxarum suarum indulgentiam, & scelerum gratiam per compunctionem consequitur. *Beati quorum remissa sunt iniquitates, & quorum resecta sunt peccata*, inquit ille Psal. 31. v. 1. Tum v. 2. subiungit: *Beatus vir, cui non imputauit Dominus peccatum.*

S. Petrus Damianus serm. 52. notauit cautionem, quacum coronatus Propheta locutus est, cum *imputauit dixit, non fecit*. Beatum ergo pronuntiauit pœnitens David non eum, qui non perpetravit, sed cui non imputauit Deus peccatum: *Qui enim peccatum non fecerit, non est nisi Deus, & hic Filius Dei.* Si hominem quæras, qui nullo vnquam se contaminauit piaculo, inter omnes posteros Adæ solum reperies Christum, eiusq; Matrem, quorum ille per naturam, hæc per gratiam exors culpæ fuit. At si non est homo, qui viuat, & non peccet, si nemo purus est sceleris, quid sibi vult illud Dauidicum, *Beatus vir, cui non imputauit Dominus peccatum*? Ex S. Petri Damiani commentatione hic subest verbis illis sensus: Quandoquidem res hominum ita habent, vt nullus eorum omnino euadat peccatum, tametsi propterea malè quisquam apud alios audiat, & pessimâ opinione laboret, parum refert, dummodo Dominus hoc illi non imputet, non det vitio, non culpet, quod per humilem confessionem, & verum, excordialeque dolorem oblitterauit. Nam Deum habere propitium, benenolum, contentum, id hominem beatum facit, & felicem: Verùm præclaram habere apud homines existimationem, & Deum in-fensum, summa infelicitas est, vt maxima beatitas est, illi probari: *Omne enim, quod ipse nobis non imputare decreuerit, sic est, quasi non fuerit*, inquit Eminētissimus Cardinalis. Qui illum pacatum, additumque habet, non habet, quod metuatur, vel pertimescat.

Commendat se Sponsa à duabus rebus præmodum, vt videtur, contrarijs, & aduersis. *Nigra sum, sed formosa, filia Hierusalem*, inquit illa Cantic. 1. 4. Theodoretus, Psellus, Maximus, Hailgrinus, Genebrardus, & alij aiunt, hæc illam commemorasse pro sui consolatione, & insigni fiducia erga suum Sponsum, è cuius liberalibus manibus plurima continuò beneficia recipiebat, & præter alia elegantiam, venustatemque suam consecuta fuerat. Benè habet istud, Sed quomodo illa coherere possunt, quòd se

nigram, inaspectabilem, illepidam, ingratam oculis, simulq; singulari Dei munere formosam dicit? Quomodo formosa erat, si nigra, cum atrox faciei omnem illius pulchritudinem obscurer, deuenuisset, dehone-stet?

Respondet Cardinalis Petrus de Aliaco, dicens: *Nigra sum iudicio mundi, formosa iudicio Dei.* Tametsi nigra sim, inquit illa, læta sum nihilominus, ex solius enim mundi vana imaginatione venit turpitudine, quæcunque illa de atrore venire videretur, Dei autem censura, eiusque oculis sum pulchra. Cumq; his oculis sim elegans, nihil curo, quòd mundo videar deformis. Dùm Sponso meo placeam, non est homo alius, cui me probare debeam.

Cum prædicasset Dominus Ioannem præcurso-rem suum verbis, neque paucis, neque vulgaribus, permouit eâ concione populum omnem, & publica- nos, vt baptismati Ioannis se submitterent, quod Pharisei, & Legisperiti spernebant, in quos iustâ indignatione commotus exclamabat: *Cui similes dicam homines generationis huius?* Lucæ 7. 31. Quidnam illud est, cum quo conferre possim istas araneas, quæ in mortiferum venenum omnia, in quæ inciderint, conuertunt? Subiungebat autem iratus Dominus: *Et cui similes sunt?* ibidem.

Cardinalis Toletus notauit, quòd Dominus, postquàm dixisset: *Cui similes dicam homines istos, adiecit, Et cui similes sunt?* Cur hoc secundum Christus addendum putauerit, quod otiosum videtur, & superuacaneum? Dixerat: *Cui similes dicam?* Quamobrem addidit: *Et cui similes sunt?* Magno mysterio factum, quod interrogauit, cui nam similes essent, postquàm sciscitatus fuerat, cui illos similes diceret. Aliud est, dici aliquid, aliud esse, plurimumque alterum ab altero differt. Quare cœlestis Magister cum dixisset: *Cui similes dicam?* mox addidit: *Cui similes sunt?* Quamdiu enim aliquid non est, parum refert dici, dictorumq; nulla habenda est ratio. Quod quidque est, id ei vel incommodat, vel prodest, cumq; Dei sapientia certissime omnia peruideat, & nec falli possit, nec fallere, ea propter si quis malus est, hoc metuatur, neque curet, si forte per iniuriam talis dicatur. Deus veritatem omnem nouit, ac proinde parum refert videri alijs verum, quod illi tale non est, & contemnendum vulgi arbitrium, quod cum Dei censura, & sententia non congruit. Vt hanc nobis ergo doctrinam Christus traderet, postquàm dixerat, *Cui similes dicam homines istos?* mox adiecit: *Et cui similes sunt?* non quia diuina illius approbatione non fuerit vtrumq; idem, sed.



sed ut nos doceret, quomodo de hac re loqui debeamus.

Mortuus fuit Lazarus amicus Christi, de cuius obitu cum apud discipulos dissereret, præmaturam illius mortem nomine dormitionis donabat, denique verò aiebat: *Lazarus mortuus est, sed eam ad eum*; Ioan. 11. 14. 15.

Si Philosophiæ severioris canones consulas, videtur aliter loqui debuisse. Mors nexum corporis, & animæ apud Lazarum ruperat. Lazarus ergo non amplius Lazarus erat, ut dicere posset, *Eamus ad eum*, nisi fortè velis, quod totus in frigido, & rigido caduere Lazarus positus fuit. Et Discipuli ipsi, quando audierunt illud ex ore Christi, *Eamus ad eum*, fortè dixerunt intra se: Quomodo ibimus ad illum, qui iam non est ille?

Benè habet hæc difficultas, quam movit Theophylactus, inquiens: *Tu autem vide quomodo Dominus, quando mortuo Lazaro, dixerit, Eamus ad eum, quasi ad viventem*. At quid est, quod de mortuo non secus, ac de vivente loquitur?

Respondet: *Etenim Lazarus vivebat Christo & Deo*. Quamquam defunctus esset, Discipuli quæ, & sorores illum tanquam mortuum deplorarent, Christus tamen illum quasi viventem habebat, vivebat nimirum ei, cui certum erat redanimare, & quando alij luctuosam illius mortem desolebant, Christus ei vitam miraculosam promittebat, velut dixisset: Ego illum cen vivum habeo, tamen si omnes illum vt mortuum deplorent. Nam cum mihi vivat, haberi vt vivus debet, quamquam alijs mortuus sit. Mea sententia obtinere, & valere apud omnes debet, & probari omnibus, quod mihi vni probatur.

Dicebat Æneas reginæ Didoni, non posse non ab illa discedere, quod à summo Iove, cui oblectari nefas esset, mandatum iter haberet. Movit insperatum hoc nuntium amicam reginam, quæ cum infinitos artificiorum, rhetoricorum modos adhiberet, & impedimenta plurima comminisceretur, lachrymas quoque vi magnâ funderet, quod Æneam à concepta profectione detereretur.

... illo Iovis monitis immota tenebat

*Lumina*. Virgil lib. 4. Æneid. Ad omnia Didonis dicta, commenta, & lamenta talis erat Æneas, qualis inter medias irati maris procellas tumidus, & immobilis scopulus.

Admirationem cuius adferre potest ille per id tempus tam duro corde Æneas, qui cum Virgilio sæpè pius dicatur, prætermisisse pietatem tunc videtur, quando illâ maximè uti potuit, & vel vt indul-

gentiæ, benevolentiaque Didonis responderet, ac tam propensæ voluntati, & flagranti amori concederet, & pares vices redderet, vel vt mundi opinioni satisfaceret, tetricusque, & inhumanus, & rusticus, & intractabilis apud eos, qui urbanitatis, & comitatus erant amantes, non audiret, debuit saltem suspendere, ac differre profectionem suam, si propositum itinerandi prorsum retractare noluit. Quid ergo ad blanditias Didonis tam austerus, quid tam morosus ad illius tam hilarem vultum, ac festivos sermones, quid ad querimonias tam surdus, tam difficilis, & amarulentus ad tantam comitatus suavitatem Æneas fuit, & ne hoc quidem satis attentè cogitavit, quid vulgus, quid plerique dicturi essent, qui tã intractabilem fuisse intelligerent?

Satisfacit huic dubitationi Donatus, monetque diligenter expendere verba Pœtæ, qui de Ænea canit, quod ille Iovis monitis immota tenebat lumina, scilicet non respiciens, quæ rogaret Dido, nec lachrymas eius attendens, solum Iovem videbat animo, solum stare ante oculos suos, à cuius præceptis amoveri non poterit. Non verbis, non precibus, non etiam lachrymis quæulæ reginæ flecebatur Æneas, sola namque diei sui iussa cogitabat, qui capessere viam imperaverat, taliaque apud se tunc dicebat: Eiulet regina, loquantur cæteri, quidquid volunt homines, surdus sum ad omnia, quæcunque dicunt, aures autem, viresque totas eò conuerto, vt numinis præcepta expleam, cuius mandatis si satisfecero, omnes officij mei partes explevero.

Regius Propheta de huius sæculi divitiis sic ait Psal. 75. 6. *Dormierunt somnum suum, & nihil invenerunt omnes viri divitiarum in manibus suis*.

In his verbis prima illa, *Dormierunt somnum suum*, patiuntur nonnullam difficultatem, ijs enim significare videtur regius Vates, quod illi huius vitæ opulenti & potentes obierunt mortem suam, priusquam morerentur, aut quod mortui iam erant, cum morerentur, si enim dormire est mori, & somnus mors, quid aliud fuerit dormire somnum suum, quam mori mortem suam? Hæc autem quædam verborum contradictio videtur.

S. Ambrosius ait, magnum subesse ijs verbis mysterium. Loquitur enim Propheta non ex sententia hominum, sed ex arbitrio Dei, & quoniam potentes sæculi Deo sunt, ac si non essent, eapropter David dicit, dormisisti suum somnum, & mortuos obijisse suam mortem. Parum enim referebat, quod homines eos colerent, quos Deus aspernabatur, quodq; mundus eos adoraret, quando mundi Conditor illos deride-



deridebat. Quamdiu enim Deo non est satisfactum, nihil factum est, quod quidem sit alicuius momenti.

Audite Sanctum Doctorem Octon. 3. in Psal. 118. v. 1. *Benè somnum suum dormiunt, seculares viri, qui lucet saculo & vigilent, Deo dormiunt.* Deus solus est verum firmamentum, & fulcimentum, cui soli satisfacere, & nos probare debemus. Qui illi viuunt, verè viuunt, tametsi omnibus alijs rebus sint mortui. Qui autem ceteris rebus viuunt, non Deo, verè mortui sunt. Nulla enim est vita, seu mors, nullum bonum, siue malum, nisi quæ Deo vita, seu mors, bonum, seu malum est.

## CAPVT V.

*Boni, quò magis honorantur, eò magis se contrahunt, ac demittunt, mali laudibus intumescunt, & insolecunt.*

Postquam varijs, insignitisque beneficijs, & gratijs à supremo Creatore suo collocupletatus sanctus Patriarcha fuerat, *cecidit*, vt facit Textus memorat, *pronus in faciem*, Genes. 17. 3. tanquam indignus esset, quem Deus tantis donis ornasset, & cumulasset. Non sic fecit eius ancilla Agar, quæ *concepisse se videns*, cum submittere se deberet, *despexit dominam suam*, Genes. 16. 4. Hic est lapis Lydius, quo boni, & mali probantur. Boni quò magis honorantur, magis se deieciunt, mali è còtrà quò magis extolluntur, eò magis ipsi sese effertunt, & erigunt.

Conuenit Christum legis quidam peritus, periculumque facere volens sapientiæ illius, interrogauit eum, quid sibi faciendum esset, quo vitam æternam obtineret. *Surrexit tentans eum*, inquit sanctus Lucas c. 10. v. 25. Et Dominus. *In lege quid scriptum est quomodo legis?* Respondit Legisperitus: Lex iubet, vt quisque diligat Deum ex toto corde suo, & ex tota anima sua, & ex omnibus viribus suis, & ex omni mente sua, & proximum suum sicut seipsum. Tunc Christus: *Rectè respondisti*, perplacuit mihi responsum tuum. Mox Legisperitus iterum: *Et quis est meus proximus?* Ibid. v. 29. quis est, qui me exæquet? Omnes habeo inferiores, ego omnibus superior sum.

Sanctus Cyrillus. Alexandrinus in catena aurea sancti Thomæ, & Theophylactus hæserunt in illo Legisperiti, *Et quis est meus proximus*, quis mihi toto mundo par, qui mecum certare de magnitudine meritum ausit? & inquirunt. *Laudatus Legisperitus à Saluatore*, quòd rectè respondit, in superbiam prorupit, nullum sibi proximum putans esse, quasi nullus esset ei in iustitia comparandus. Simul ac Redem-

ptor noster illum à sapiente responso commendauit, ità efferri animo coepit, nullum sibi similem, nullum probitate, & sanctitate parem sub sole esse putaret. Nonne notatis illud Cyrilli, & Theophylacti, quòd *laudatus in superbiam prorupit*? Vnde id factum? Inde, quòd *surrexit tentans*, malo animo, peruerso consilio, sinistra intentione homo versipellis, vaser, improbus Christum conuenit, vt intelligeret quantum Dominus sciret, non vt disceret, quid ad obtinendam beatitudinem facere deberet. Itaque dum laudaretur, tanquam homo malus euauit in cogitationibus suis, seque suprà omnes mundi eminere, & neminem sanctitate, ac gratiæ donis habere parem arbitratus fuit.

Cum famis ingrauesceret, & victus penuria magnis incrementis augesceret in ea terra, quam Patriarcha noster primam adiæ coactus fuit in Ægyptum descendere. Priusquam verò illam ingrederetur, præuidens vitæ periculum sibi ab Ægyptijs imminere, si rescirent, quòd Sara vxor sua esset, ait ad illam: *Nous, quòd pulchra sis mulier, dic, obsecro te, quòd sexor mea sis*, Genes. 12. v. 12. 13. Ægyptij enim capti tuæ venustatis specie me exanimalem facient, vt citrà adulterium tuo complexu frui possint, quare vt vitam meam sospites, sororem te meam dicito.

Sanctus Ioannes Chrysostomus homil. 3. in Genes. to. 1. ait: *Considera, quantum confidebat moribus mulieris.* Vnde illam tantam confidentiam Abraham ergà vxorem suam Saram astimare possumus? Vnde? Inde, quòd illam in os laudare de singulari formæ liberalioris decentia non dubitauit, vt diceret: *Nous, quòd pulchra sis mulier*; neque veritus fuit, ne ex commendatione intumesceret animo, & efferretur superbiâ, non timens, ne fortè laudibus remissior fiat. Hæc enim de re hominem bonum, & sanctum arbitrari Possumus, quòd non superbit ex laudibus, non insolecitur ex honore, immò verò tantò plus se submittit, ac deiecit, quanto magis ab alijs euehitur, & extollitur.

Rogabat Moyses Hobab filium Raguel Madianitæ cognatum suum, vt se illi, ac populo comitem itineris adiungeret, ac viâ, quam pernosset, ductor esset, illiusque directione peruenirent ad locum, quem ex promisso daturus erat Dominus. Quando hæc ille audiuit, respondit: *Non eadæm tecum, sed reuertar in terram meam, in qua natus sum*; Num. 10. 30. tanquam alijs verbis dixisset: Tace sis de hac re, neque id genus officij à me expecta, qui tam deliberatum habeo patriam meam repetere, quam certum,



certum, quòd nihil indigus sum remunerationis; ac beneficiorum, quæ mihi pro obsequio promittis.

Quàm citò, facileque videre licuit, inquit Oleaster, quod sordidus, & de infima plebe; & extremo vulgo quidam hic homo fuit. Offerebat illi Moyses conditiones perhonorificas, & cum viarum peritus esset, ductorem tam illustis populi primum renuntiare cupiebat, communionem etiam offerebat beneficiorum, bonorum; priuilegiorum, quæcunque illis Deus pollicitus fuisset, vt vel hac inuitatione permotus oblatam non grauaremitteret prouinciam. Et quid ille? Subruffica verba pro comibus reponit, perdiuque, ac multum rogari si nens aiebat: *Non cadam tecum, nolo quidquam eade re agi, ad patriam reuerti mihi decretum. Commune est vilius, & infimis personis tanto magis tibi opem negare, quanto te magis viderint eorum auxilio indigere*, inquit Oleaster, atque inde magis effecti, vnde plus se demittere deberent. At si hoc facerent, rogati que non se extollerent, sed humiliarent, iam de bonorum numero essent, qui quò magis suam operam, alijs necessariam vident, eò demissius sese offerunt his, à quibus implorantur.

Quòd digiti in sacris literis symbolum sint virorum perfectorum, id affirmant auctores, quorum lucubrationes necessitati meorum studiorum prompè plerumque occurrunt. Ij sunt Hieronymus Laureus, Antonius Ricciardus, Pierius Valerianus, & Ioannes de S. Geminiano. Præter alià scripturæ loca huic facit ille ex Proverbijs Salomonis, qui de muliere forti ait: *Digiti eius apprehenderunt fusum*, Prouerb. 31. 19. quorum verborum sensus mysticus hoc vult, quòd viri perfecti Ecclesiæ nauare operam operibus humilibus, & vilibus cœperint. Petrus Berchorius ergo lib. 2. Reductionum moral. c. 26. n. 4. de digitis hoc singulare affirmat: *Digiti hoc habent proprium, quia post cibum sunt graciliores*. Experientia hoc docet, annulus enim, qui ante sumptum cibum ægrè abstrahi à digito potest, à prandio facile eximitur. Tales sunt viri boni, & sancti, inquit Berchorius, accidit illis, quòd digitis, vt quemadmodum hi post cibum sunt graciliores, sic illi post beneficia, inprimis verò post epulum Eucharisticum, post degustatum sanctissimum altaris Sacramentum, quod est gratiarum diuinarum quædam epitome, & breuiarium, magis grati, humiles, & subiecti, magisque abiectione se sentiant, quò amplius magnificantur, plusque se deiciant, quò sublimius eleuantur.

Postquam à cœlesti Magistro Discipuli aliqui discessissent, idque occasione sermonis, quem Caphar-

nai de augustissimo Eucharistiæ Sacramento habuerat, dicebat duodecim Apostolis suis: *Nunquid & vos vultis abire?* Ioan. 6. 68. Respondit vnus ex omnibus Petrus: *Quoniam ibimus, Domine, nisi te sequamur, qui verba vitæ æternæ habes*. Tunc iterum Christus: *Nonne ego vos duodecim elegi, & ex vobis vnus diabolus est?* ibid. v. 71.

Quærit Theophylactus: *Quare non magis laudauit duodecim, quòd non cum alijs amissi fuerunt?* Vel nonnullam laudem commeruerant, quòd abstrahi ab illò aliorum exemplo non fuerant, sed fortiter, constanterque apud illum perseverabant, quem alijs leuiter destituerant. Quid ergo non solum non prædicauit eorum fidelitatem, & firmitatem, verum etiam amarulentis verbis eos perculit, dicens vnum quendam ex ipsis ita degeneraturum, vt ex homine diabolus fiat?

Respondet Theophylactus: *Si laudauisset, & fortè humani aliquid posset fuisset, factiq; arrogantiores, existimassent se illi gratificari propter comitatio-nem*. Non egerant Discipuli eatenus profundas radices humilitatis, nondum peruenerant ad plenum sui contemptum, vt posthæc peruenerunt, nondum omnes concoxerant, & abiecerant imperfectiones. Hanc ob rem non commendauit eorum fidam constantiam, quæ fecerat, vt apud illum indiuidui comites perdurarent, cum alijs perfidiosè defecissent, ne fortè inde intumeicerent, & magnò honore ornasse Magistrum suum arbitrarentur. Qui non sunt admodum consummati, vltra mensuram suam dilatantur, cum laudantur, perfecti verò quò magis effertuntur aliorum commendatione, eò profundius se suâ existimatione demittunt.

## C A P V T VI.

*Prudentum, & cordatorum proprium est tacere, quæ mouere stomachum, aut adferre molestiam queant, nisi fortè necessitas cogat non dissimulare.*

Annuntiabat Dominus Patriarchæ nostro illustris & numerosæ posteritatis, quam habiturus esset, optatam felicitatem, inquiens. *Crescere te faciam vehementissimè, & ponam te in Gentibus, regesque ex te egredientur*; Genes. 17. 6. Magna beatitas Abraham, fuisse generosum tot regum progenitorem! Sed qualium virorum? Idololatæ, peruersi, abominabiles, inimici capitales Domini, veritatis, & virtutis acerrimi persecutores penè omnes fuerunt. *Præter Davidem, & Ezechiam, &*



*Iosam, omnes peccatum commiserunt*, inquit Ecclesiasticus c. 49. v. 5. Quando ergo Dominus Abraham prædicere voluit, quod tantorum regum pater futurus esset, cur non hoc simul indicavit, quod prope omnes contaminatissimi peccatores futuri erant? Intempestiva erat huic loco, & occasione ista narratio, nec ad rem faciebat, ut Abraham tunc simul significaretur, quales mores futuri essent posterorum suorum regum, ac propterea illi prænuntiatum non fuit. Docemur eo exemplo, ut nemini negotium facessamus, nemini molestiam, aut luctum adferamus, nisi cum gravissimarum causarum momentis urgentibus facere aliud non possumus. Abraham autem ingenti mœrore peresus, & impletus fuisset, si intellexisset, quod tam flagitiosorum, & impiorum, sacrilegorumque regum pater futurus esset, idcirco hoc illum celare voluit Dominus. Hanc urbanitatis, & comitatis regulam viri cordati, & prudentes semper observant.

Postquam Dominus, ac Redemptor noster igne illud eieci ex homine dæmonis miraculum fecerat, quem exurbare Discipuli non potuerant, abiit cum illis, ut est apud sanctum Marcum c. 9. in Galilæam, ibique eis dixit: *Filius hominis tradetur in manus hominum, & occident eum*; ibid. v. 20. quod apud Lucam c. 9. v. 44. sic habet: *Filius hominis futurum est, ut tradatur in manus hominum*. Audierunt hæc Discipuli, sed tanquam surdis dicta essent, non intellexerunt. *At illi ignorabant Verbum*, inquit Lucas ibid. v. 45.

Difficultatem hic mouere illud potest, quod Christus Apostolis suis hinc quidem indicavit acerbam passionem suam, & mortem ignominiosissimam, & gloriosam resurrectionem, res certe gravissimas, si quæ aliæ, inde verò illorum intellectus obscuritate impeditos reliquit, ut quæ de proximis suis probris, & cruciatibus dixerat, intelligere non possent. *At illi ignorabant Verbum*. Quæ obrem passionem suam ex una parte illis indicavit, ex altera verò intelligendi facultatem non concessit?

Responder Theophylactus, Dominum passionem suam crebro annuntiassse Discipulis, ut intelligerent, quod sponte suâ, volensque, ac lubens eam subiret, & facile subducere corpus vexationibus, vinculis, flagris, conspuationibus, coronæ spinæ, clavis, & cruci potuisset, si voluisset, quod experientia post hac didicerunt, quando videntes eum mori, & resurgere, intellexerunt demum verba, quæ cum primùm dicerentur, non fuerant assecuti. Sed cur illis sensum talium verborum non simul ac ea dixit, aperuit? Occurrit quæsitio Theophylactus in

c. 9. Lucæ dicens: *Ut ne ante tempus tristitia afficerentur, & timore exterrerentur*. Non conveniebat, ut Discipuli anticipatò intelligerent, futuram mortem sui Magistri, ea enim cognitio nil nisi continuas animi anxietates, perpetuosque dolores ijs allatura erat. Eapropter noluit ab illis Christus sua dicta intelligi, *ne ante tempus tristitia afficerentur, & timore exterrerentur*, afferre enim alteri mœrorem, nisi iusta causa id postulet, stultorum proprium est, prudentes verò nunquam vel faciunt, vel dicunt, quod mœrorem, aut molestiam generare possit, nisi necessitas facere aliud cogat.

Ut fortunatæ negotiationi pœnitentis Magdalene, & prospero successui lachrymarum, quas illi dolor male actæ vicæ superioris expresserat, satisfacere Christus, dicebat Simoni, qui illum graviter culpauerat, quod tangi ab eiusmodi muliere permiserat: *Remittuntur ei peccata multa, quoniam dilexit multum*; Lucæ 7. 47. ei, quam vides tam sollicitè rigare lachrymis, tam amanter dissuaviari labris, tam officiosè, & studiosè perfundere vnguentis pedes meos, ei pro multæ charitatis suæ merito gratia multorum conceditur flagitiorum. Notandum hic, quod Phariseo Christus dixit, *Remittuntur ei peccata multa*, ut eorum etiam ab ingenti numero gratuitatem exaggeraret, post hæc verò ad gemebundam, lamentabundamque mulierem conuersus ait: *Remittuntur tibi peccata*, ibid. v. 48.

Cornelij Iansenij observatio in hæc Domini verba sic habet: *Peccata dicit, nec tam addit, multa*. Dixerat paulò ante, remissa esse illi multa peccata, ut & illorum immanitatem, & suæ indulgentiæ prolixitatem indicaret, post hæc absolute peccata indulta dicit. Quamobrem istud? Nonne coram multis conuiuis fiebat ista multorum peccatorum commemoratio? Et quis ille, qui vel coram paucis sua vitia sibi vitio dari æquanimiter ferat? Quid ergo Dominus Magdalenam ob os, oculosque plurium subpudescere voluit mentione scelerum ipsius multorum? Causa erat, quæ hoc magnoperè requirebat, nimirum ut ex multitudine flagitiorum illius innotesceret magnitudo indulgentissimæ misericordiæ Dei, cui nulla occurrere possit peccatorum tanta copia, quam non facile, ac gratuito remittat. Adferre itaque pudorem aliquem Magdalene Christus debuit, ut maiorem Deo gloriam adferret. Verum cum eorundem peccatorum secundam faceret mentionem, tantum ait, *Remittuntur tibi peccata*, & nō addidit, *multa*, tamen enim conveniret, Magdalenam certiores fieri de condonatione suorum flagitiorum,



ciorum, gravitatem tamen eorum illi obrudi necessum non erat, adeoque illorum novâ, siue iteratâ commemoratione frustra confusa fuisset. Non debet autem facile aliquid dici, quod alijs adferre ruborem, aut excitare bilem possit, nisi admodum gravis causa aliud non permittat.

Apud sanctum Ioannem c. 16. v. 2. prædicebat Discipulis suis Christus: *Venit hora, et omnis, qui interficit vos, arbitretur obsequium se præstare Deo; & rem gratissimam illi facere, quisquis vos mactet, tanta erit hominum aliorum erga vos malevolentia, quàm si intelligat, tam abiectam, indignamque se habere apud homines exultationem, ut plurimum gratificari coelo putent, quicunque illum è mundo auferant.* Propterea Christus, postquam tale quiddam Discipulis suis denuntiasset, mox subiecit: *Hac autem vobis ab initio non dixi, quia vobiscum eram;* ibid. v. 3. At nonne consilius fuisset, primis statim horis, aut certe pluribus ante obitum, & ab initio suum diebus hæc eis renunciare, nimirum tam exosos illos futuros Iudæis, eoque loco habendos, ut eorum cæde bene mereri de optimo Deo posse sint credituri? *Cur hæc ab initio non dixit ac detulit?*

Respondet Cardinalis Caietanus, aut apud illum Dominus: *Non sum mansurus vobiscum conversatione humana, et hæc tunc, ideo non tunc, sed nunc, cum tempus instat, dixi hæc vobis;* velut pluribus dixisset: Quod hæc tunc in sepulchro pectoris mei tecta servati luctuosa novâ, quæ nunc demum vobis aperui, id feci, quoniam vobiscum agebam, neque erat necessum tam acerbâ, & amarulentâ, & intempestivâ futurarum calamitatum, significatione vos percellere: At nunc cum vobis vale supremum dico, cum tempus instat, non possum, quin eloquar quæ diu silui, non possum, quin patefaciam; quæ hucusque, quod perodiosa essent, meditatio vos celavi. Sic omnia, quæ mœrorum, aut luctum parere audientibus possunt, silentio tegenda sunt, ac dissimulanda, nisi quando per tempus, inevitabilesque causas servare diutius occulta non licet, nam qui talia immaturè, aut inopportune enudat, is vel multum malitiosus est, vel parum prudens.

Decreuerat David sumptuosam omnipotentii Domino suo excitare basilicam, placuitque tam vehementer Deo pia illa, & deuota gratificandi voluntas, ut statim ad illum destinaverit Nathan legatum cum amplissimo, & magnificentissimo nuntio, cuius hæc pars quædam erat, ut regnum ex filio Salo-

monè perpetuum promitteret, tum de filio ista diceret: *Ego ero es in Patrem, & ipse eris mihi in filium, qui si iniquè aliquid gesserit, arguam eum in virga virorum, & in plagis filiorum hominum;* 2. Reg. 7. 14.

Abulensis quest. 11. in istud c. ait: *Quæretur quare Deus dixit, Quod si iniquè aliquid gesserit, nam sciebat, quod Salomon peccaturus erat, & alij posterius eius.* Nouerat utique Dominus, certoque sciebat, quæcunque Salomon, & omnes illo posteriores reges flagitia perpetraturi, eaque ad insignem infinitæ sapientiæ suæ ostentationem, & commendationem recensere sigillatim, minutatimque potuisset. Cur ergo dubia ea esse voluit Davidi, quæ sibi exploratissima, certissimaque erant?

Respondet Abulensis ibid: *Deus volebat contristare David sine causa, ideo noluit reuelare penam posteritatis suæ.* Si posterorum suorum scelera David Dominus prædixisset, etiam supplicia, omnemque infelicitatem, quam subituri pro criminum malis meritis erant, indicare debuisset: Si vero David cognovisset ista vivens, affligeretur nimis semper pro calamitatibus futuris suorum posterorum. Omnem in perpetuo, acerbisque mœrore vitam reliquam David transmisisset, si certior factus fuisset & de flagitijs, quibus posteri se contaminaturi, & de poenis, quas pro eis toleraturi erant, eapropter noluit eum Dominus talium rerum facere conscium, ne faceret tristem. Absque causa enim vigente affligere hominem, & nisi occasio aliud non ferat, nemo prudens solet.

## CAP. VII.

*Ut alij lucra expetunt, sic debent Christiani optare suarum rerum pro Deo iacturam, nam qui pro illo pauca perdunt, plurima ab ipsis liberalitate recipiunt.*

Præcipiebat Deus Patriarchæ nostro, ut cum ipse, tum omnis de genere illius masculus, vernaculus etiam, atque emptitius circumcideretur, idque pro fœdere, quod inter se, Abrahamumque, & posteros eius perpetuum esse vellent. Simul hoc imperavit, & mutavit illi nomen, dicens: *Non ultra vocabitur nomen tuum ABRAHAM, sed appellaberis ABRAHAM, quia patrem multarum gentium constituit;* Genes. 17. 5.

Alcuinus hic observavit, quod Dominus, cum Abraham tantillam carnis particulam ademisset, tunc illi nomen amplius, & augustius dedit, fecit gloriosum.



sum parentem, & inclytum progenitorem plurimorum regum, & gentium innumerarum. Et vide mihi, inquit ille, quam iacturam patiar, & quid tueri faciat. Pro exiguo sui corporis frustillo hoc obtinet, ut sit pater generosæ prolapæ, & innumerabilium posterorum. *Igitur pro Deo aliquid perdere, lucrum est, non damnum*, ait Alcuinus apud Gloss. Ordinar. in c. 17. Genes.

Sanctus Petrus Damianus querit, vndenam Ioannes Euangelista meruerit, ut dulcissimus optimi Iacobitis Benjamin, & charorum Christi Discipulorum dilectissimus diceretur. Ille in postremis sui Euangelij capitulis quoties sui ipsius mentionem facit (facit autem crebram) hoc plerumque addit: *Quem diligebat IESVS*. Hinc acceperunt sancti Doctores, ut illum per antonomasiam DILECTVM appellandum putauerint. Eodem nomine sponsam suam, & sui sponsi mutuam amoris benevolentiam exprimere, & dare testatam voluit, dicens: *Dilectus meus mihi, & ego illi*; Cant. 2. 26. & per omnia eiusdem Cantici capita identidem, illum tali nomine donat. Quamobrem verò Ioannes eam Dilecti appellationem sibi usurpare debuit quæ sponso animarum Christo tam diu ante tribuit, & seruata fuit?

Respondet Sanctissimus Cardinalis ferm. 66. *Assimè se in sui Redemptoris, ac dilectoris amore coniunxit, propter quem scilicet conjugales thori fœdera abdicauit*. Tanta fuit Ioannis erga Christum obsequantia, ut uxori renuntiare, quam illius contubernio maluerit. Videtur hic attendere sanctus Damianus ad eorum opinionem, qui affirmant, Ioannem Euangelistam fuisse sponsum in filiis nuptijs, quas Cana in Galilæa celebratas, & à Christo, sanctissimaque illius Matre, & Discipulis Dominico honestas ipsius memorat. In his nuptijs Christus Ioannem sibi, ut aiunt, adoptauit Discipulum, illeque promptè obsecutus repudiavit nouam conjugem, & omnem honestam, quam ex illa habere poterat, oblectationem. Sustinent hanc sententiam Angelicus Doctor 22. q. 86. art. 4. M. Dominicus Soto in 4. d. 27. q. art. 1. Eckius, Ioannes Maior, Dionysius, & Ludolphus Carthusiani, Lyranus, sanctus Antonius, Doctor Seraphicus Bonauentura. Verba Lyrani sic habent: *Dicitur communiter, quia ista nuptia fuerunt Ioannis Euangelistæ, à quibus eum Christus vocauit ante consummationem matrimonij*.

Iubet nunc sanctus Petrus Damianus animaduertere, quam prolixâ remuneratione Deus com-

penset, quod pro illo relinquitur, quanto cum fœnore reponat, quod pro ipso perditur. Ioannes pro Christo nomen, remque sponsi reliquit, Christus amorem Ioannis vxorium, quamquam licitum, & honestum mutauit in sui amorem spirituales, fecitque ut qui dilectione coniugali periturâ perituram deperire mulierem volebat, totum in se virginalis mentis transferret affectum, & Virginis filium Virginem Virgo charitate immortaliter demoreretur, iamque non aliter, quam *Discipulus, quem diligebat IESVS*, vocaretur. Tam opulento præmio Ioannem remunerauit, ut suo ipsius nomine, quod est *Dilectus*, illum donarit, & ornarit. Hinc videas, quam liberaliter Deus reddere sciat, quod pro ipsius amore relinquitur. *Igitur pro Deo aliquid perdere, lucrum est, non damnum*.

Apud sanctum Marcum dicebat Dominus Petro, maximis bonis affluentissimè cumulare eos velle, qui pro se aliquid relinquerent, aut dimitterent. Theophylactus monet, hoc in ipso Petro videre expletum, inquit: *Petrus Enam domum reliquerat, possedat omnium Discipulorum suorum domos habebat*. Quæstiosa fuit illi illa negotiatio, & magnum lucrum ex iactura fecit. Et quid amplius? *Nunc quoque & hæc terrarum erecta sunt templa in nomine eius, quæ sunt clara domus inquit rursum Theophylactus*. Non facis sicut permunifico, perque grato Domino, quod Petro pro vna exigua, & paupere domo relicta domos Discipulorum dedit, sed per omnem latet terrarum orbem excitauit templa Petro dedicata, quæ sunt Illustrissimæ Regiæ, & amplissimæ Basilicæ. O diuitem, & opulentam, & lucrosam commutationem!

Per molesta erat Moyse gubernandi populi prouincia, rogabatque Deum, ut minueret pondera & partem oneris leuaret, adimeretque. Annuit precibus eius Dominus, ac dixit: *Congrega mihi septuaginta viros de senibus Israël, quos tu nosti, quod senes populi sint, ac magistri, & duces eos ad ostium tabernaculi faderis, & descendam, & loquar tibi, & auferam de spiritu tuo, tradamq; eis, & sustentent tecum onus populi, & non tu solus graueris*; Num. 11. 17.

Quod vulgata versio habet, *Auferam de spiritu tuo*, id Cardinalis Caietanus ex hebræo sic transferri posse ait: *Grandibo de spiritu, qui super te*, hoc est, faciam ut grandescat sapientia tua, quæ præditus es. Auferam, & grandibo! Sed quomodo grandibar, & auferebat? Pugnant vocabula, & eorum significata multò etiam amplius sibi aduersantur,

Nam



Nam qui aufert, ille non auget, sed minuit, extenuatque, non amplificat. Quâ ratione ergo conciliabimus hæc, *Auferam, & Grandis*, deiraham de spiritu, & maiorem faciam? Facile est hæc in concordiam adducere, si Dei ingenium attendas. Ille namque tam est liberali, & generosa indole, ut nihil cuiquam auferat, quin grandius restituat, nihil adimat, quin magno cum fœnore reddat. Itaque optabilis est omnis pro illo iactura, quæ tam copiosam habet remunerationem, & ambire datâ tam quæstiosa quilibet potest.

Cum videret sanctus, & prudens Patriarcha noster, non posse esse diurnam suam cum consobrinis amicitiam, eò quod pastores amborum quoties corrigerentur de pascuis, ad quæ greges educabantur, rogabat illum, ut ad amputandam omnem iurgiorum occasionem deligeret sibi regionem abstiotiorem, quamcunque vellet, ut habitationis separatio coniunctionem seruaret cordium, manerentque animis copulati cum separati locis, dicens: *Ecce vntersa terra coram te est, si ad sinistram teis, ego dextram tenebo, si tu dextram elegeris, ego ad sinistram pergami*; Genes. 13. 9. quod tale fuit, quale si dixisset: Si Occidentem elegeris, ego petam Orientem, si habitare ad Meridiem malueris, ego in septentrione sedem figam. Prima tibi cuiusvis loci optio datur. Post hæc cum alter ab altero discessisset, ait Dominus Abraham: *Leua oculos tuos, & vide a loco, in quo nunc es, ad Aquilonem, & Meridiem, ad Orientem, & Occidentem. Omnem terram, quam conspiciis, tibi dabo, & semini tuo in sempiternum*; ibid. v. 14. 15.

Sanctus Ioannes Chrysostomus homil. 42. in Genes. ait: *Isdem verbis citatur misericors Deus, quibus & Patriarcha cessionem fecerat. Dixerat Abraham ad Lot: Ecce vntersa terra coram te est, quam voles, elige, quæ reliqua fuerit, meæ habitationi seruiet. Dominus è contra Abraham præcipit, omnem circumspicere terram, quam ipse, posterique eius accepturi sint hæreditario possidendam. Videris quantis cessit, & quanta est, affectus? Videris dignam diuinâ bonitate munificentiam. Quanta Dei liberalitas erga eos, qui pro illo aliquid relinquunt! Abraham, ut pacem seruaret, & offensas Dei euitaret, partem terræ consobrinis suo cessit, Deus autem hanc cessionem donatione totius terræ mox remuneravit, ac iussit totum, quem homines incolebant, orbem videre, atque: *Omnem terram, quam conspiciis, tibi dabo*. Ex quo arbitrari licet, quàm sit lucrosa, quæcunque cum Deo fit, commutatio, qui*

Tom. I II.

palmum terræ pro ipso relicto totius mundi donatione compensat.

Concionabatur in quadam domo cœlestis Magister, ingressusque aliquis interpellauit dicentem inquilens: *Ecce mater tua, & fratres tui foris stant, quærentes te*; Math. 12. 47. Conuersus ad nuntium Dominus ait: *Qua est mater mea, & qui sunt fratres mei? Et extendens manum in Discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in cœlis est, ipse meus frater, & soror, & mater est*; ibid. v. 48. 49. 50.

Sanctus Petrus Damianus Serm. 45. de Natiuit. Virg. 2. ait: *Notate, fratres, notate dignitatem Vestram, si adimplentes voluntatem Dei, frangitis voluntatem Vestram. Ad religiosos ascetas dirigebatur hæc Damiani oratio, quos iubebat attendere, quod abnegantes propriam voluntatem, renuntiantesque mundo, parentibus, & cognatis in summum nobilitatis culmen euaderent, fierentque Christi non solum matres, sed etiam parentes, & fratres, quod secundum carnem esse non potuit illa, quæ Virgo, & mater secundum carnem fuit: Nos autem hæc simul omnia Christo per spiritum sumus. Hinc accipimus, quanta felicitas sit, pro Deo aliquid perdere, qui paucula relinquenti in vicem plurima liberaliter donat.*

*Ipsissimum hoc argumentum supra lib. 1. c. 1. disertè pertrahat. Vide quæ ad finem illius capituli adscripta.*

## CAPVT VIII.

*Quantumuis perpolitâ sit homo animâ, quantumuis ornatis moribus, semper inueniet, quod plus expoliat, & emundet.*

Imponit Deus præceptum circumcisionis, & in Idomo Abraham nemo ab illo eximitur. Sic enim lex illa habebat: *Circumcidatur ex vobis omne masculinum*; Genes. 17. 10. Sanctus Ambrosius lib. 2. de Abraham c. 11. ait: *Nec senex profectus, nec infans vernaculus excipitur, quia omnis ætas peccato obnoxia, & ideo omnis ætas sacramento idonea. Omnes sanctio diuina comprehendit, decrepitos seniculos, & recens editos pupulos, nulla sine vulnere, adeo & nulla sine curationis necessitate ætas. Quare etiam ætatis maturioris Abraham circumcidi iubetur, inquit rursus Beatus Ambrosius. Instruimur hoc mysterio, ut nemo de se præsumat, quod tam sit purus, tersus, mundus, ut nihil possit inuenire, quod purgatione, aut emendatione opus habe-*

at, si



at, si omnes animæ sinus, recessus, latibula, incorruptus, diligensque explorator indaget: *Quia omnis ætas peccato obnoxia, & ideo omnis ætas sacramento idonea.* Ut nulla inuulnerabilis, sic nulla, quæ antidotum, vel medicinam non requirat ætas.

Volebat Christi Præcursor celestis, suæ, ac diuinæ doctrinæ constabillire veritatem, discrimenque afferere sui Baptismatis, & illius, quod Dominus ipse suis manibus ministrabat, & aiebat: *Ego quidem baptizo vos in aqua in penitentiam, ipse vos baptizabit in Spiritu Sancto, & igni;* Matth. 3. 11. velut pluribus dixisset: Quod ego vos aquâ diluo, id facio, vt ad poenitentiam agendam adducam, non verò quod baptismus meus vim aliquam remittendi habeat, Dominus autem, quem vobis annuntio, Verbum, cuius ego vox sum, baptizabit vos in Spiritu Sancto, illius baptismus eâ valet virtute, vt omnes abolere culpas, & conferre gratiam queat.

Notandum, quod vix illa sacer Baptista dixerat, quando statim subiecit ista: *Cuius ventilabrum in manu sua, & permundabit aream suam;* ibid. v. 12.

Euthymius ait, Ioannem videri sibi ipsi contradicere in ijs, quæ de Christo prædicat. Aiebat de illo: *Ipse vos baptizabit in Spiritu Sancto,* hoc est, Spiritus Sancti gratiam cum baptismo vobis conferret, per quam anima mundatur, & emaculatur. Quod si ita est, quid sibi vult, quod mox addidit, *Et permundabit aream suam;* id est, fidelium suorum animas, quæ baptismi gratiam acceperunt? *Vide autem,* inquit Euthymius, *quod postquam baptizauerit in Spiritu Sancto, expurgat adhuc aream suam.* Cur verò post impensum baptismi beneficium tantâ purgandi sollicitudine vitur erga eos, qui salutaris fontis piacularibus aquis emundati fuerunt? Respondet: *Ne suscepto baptismo torpeas,* Oscitanterq; viuas. Quantumvis enim purus quis ab aquis baptismalibus exeat, postquam vti ratione coepit, quantamcunque diligentiam, curam, & sollicitudinem adhibeat, vix efficere potest, quin impingat, & offendar & committat, quod emendari debeat.

Sponsæ fores concubiti nocte Sponsus inclamabat, rogans sub tectum admitti. Non omnino negabat illa officium (nisi velis, tardè velle nolentis esse) excusatione tamen moras adferebat, cum diceret: *Expoliasti me tunicâ meâ quomodo induar illâ;* Cant. 5. 3. ipsâ adeo. Interulâ me nudaui, qui facere possum, vt exturgam, & aperiam.

Sunt qui Sponsam prætermittæ vrbauitatis accusent, sunt & contrâ qui eam excusent, & affirmant, puritatis argumenta esse verba, quibus se ipsâ excu-

sauit, & quod ait, exuisse se tunicâ suâ, id tantum dem esse, quantum si dixisset, veteris Adæ tunicas pelliceas depoluisse. Quid autem sunt vestimenta nostra, nisi affectus nostri damnosi, & noxij, quos cum originis peccato à Protoparente nostro accepimus? His vestimentis illa se, vt aiebat, nudauerat.

Dubites, an verum sponsa dixerit; quæ vestibus omnibus nudasse affirmavit. Nam cum post nonnullam cunctationem surrexisset, vt admitteret Sponsum, ille iam abierat, & declinauerat. Tunc illum oculis, quantum per obscurum noctis lumen lucescit, & vocibus nequicquam profecuta in vigilis incidit, de quibus ibid. v. 7. hæc queritur: *Inueniunt me vigilantes, qui circumueunt ciuitatem, percusserunt me, & vulnerauerunt me, tulerunt pallium meum mihi custodes murorum.*

Peracutè, vt solet, obseruauit sanctus Gregorius Nyssenus homil. 13. in Cant. & verba Sponsæ superiora, & has posteriores querimonias. Ibi seipsam prorsus nudasse affirmabat, hic sublatum à custodibus pallium deplorat. Audiamus hac de re Nyssenum: *Paulò ante testimonium sponsa perhibetur, quod immunis sit ab omni & elamine. Qui ergo nudata vestimentis omnibus, pallium adhuc habet, quod ei nunc custodes ciuitatis adimunt?* Quæ seipsam tunicâ, indumentisque omnibus vixdum spoliavit, vnde tam subito vestita rursùm fuit, vt diripere illi possent custodes suum pallium, quod etiam nostrarum passionum, & affectuum humanorum est symbolum? Inde, quod nulla sit tam pura, & munda anima, quæ non inueniat aliquid in se pellicearum tunicarum, & lacerarum exuuiarum veteris Adæ, si tantum se in singulos dies diligenter inspiciat, & attentè angulos illius singulos emissiuij arbitretur oculis. Sponsa ergo, quæ seipsam omni vestitu expoliauerat, paulò post à custodibus nudatam pallio querebatur, tanquam falsa esset, rursùm inuenisse post nuditatem illam, quod deponat. Vix quisquàm ita se denudare potest, vt non aliquid reliquum maneat, quod detrahi queat.

De Sancta quadam anima dicit ille in suis Prouerbijs c. 31. v. 14. ista: *Facta est quasi nauis insistoris de longè portans panem suum.* Quod anima nauis comparatur, id fit, vt indicentur pericula, quibus illa in procellosos huius mundi mari. vinit exposta, maximè cum Dei officijs se impensius addicere, & studiosius, atque enixius illi seruire cupit.

Si discrimina omnia, quibus anima, propter suam cum nauis similitudine affinitatem, est obnoxia, recensere velim, dicendi finem nunquàm inueniam.

In



In rem nostram percommode loquitur Magnus Nysseni frater Basilii homil. 11. in Hexam. vbi de anima nauis simili sic habet: *At ipsa mox effusione veteri materni ad extrema senecta lineam agmen secum trahens inexplicabilium malorum, veluti sentinam quandam exhaurit.* Egreditur quis ex alui maternæ nauis, descenditque in terram, siue, vt melius dicam, in mare (mundus enim, in quem recens natus eijcitur, nomen aliud non meretur) nauigat inter sæuas tempestates, & pugnat cum aduersis ventis, qui cursui illius prospero sese obijciunt. Quid verò interim facit, quousque in portum mortis adueniat? *Inexplicabilium malorum veluti sentinam quandam exhaurit.* Quàm aptè illud in rem præsentem dictum, quantumuis probè lita, quantumuis valide compacta, quantumuis solerter obturata, & picata sit nauis, quæ sulcat æquoris plana, semper nonnullam haurit aquam, adeoque perpetuo studio euacuanda est sentina, & peculiarem hominem res ista requirit, qui exhauriendæ sentinæ singularem nauet operam. Talis est anima hominis, inquit Basilii. Nauis est, quæ per turbulentum huius mundi oceanum circumfertur, neque tam diligenter, ac vigilanter custodiri à quoquam potest, vt non rimulas agat, per quas aqua se insinuet, vt proinde necessum sit *veluti sentinam quandam* exhaurire, semper enim inueniet aquas imperfectionum, quas effundat, semper affectus prauos, quos corrigat, semper passiones, & negligentias quas emendet.

Quod in sacris literis hortus sit hieroglyphicum animæ sanctæ, & Deo gratæ, id peruulgatum, & receptissimum est. Eo nomine Sponsam suam Sponsus donauit, inquit: *Hortus conclusus Soror mea;* Cant. 4. 12. Quod hæc de quauius anima sancta, & Deo gratiosa intelligantur, affirmant Hugo Cardinalis, Hailgrinus, Honorius, Iustus Orgelitanus, Philo Carpathius, Ghislerius, & alij.

Quid sibi vult illa horti appellatio, quæ Sponsa, siue anima quælibet sancta designatur? Dispicimus etymologiam horti, & quam ob causam ita sit dictus, sic fiet, vt inueniamus aliquid causæ nostræ opportunitum. Venerabilis P. Simon de Cassia lib. 13. in Euang. inquit: *Hortus ab oriendo dictus est.* Conuenit plurimum horto cum ista sua etymologia, vt ab oriendo nominis sui originem ducat. Quanta-cunque enim sollicitudine, diligentia, & industria hortum cures, semper in illo videas lolium, vrticas, herbasque alias nihili, & noxias oriri, vt semper necessum sit ad manus habere forficem, sarculum, ligonem, & alia id genus instrumenta rustica, quibus

lolium, lappæ, tribuli succidantur, extirpentur, & horti concinna species conseruetur. Quod ergo Sponsus animam sibi maxime gratam, & charam vocat hortum, voluit eam tali appellatione monere, vt nunquam præsumat, nunquam se parte ab omni beatam putet. Licet enim sit hortus excoltissimus, & amoenissimum, voluptuosissimumque viridarium, semper inueniet spinas, aut alias inutiles herbas, quas euellere, semper vitia, quæ emendare, semper squalida, quæ permundare oporteat.

Vidit Baptista Agnum sine macula, qui pro mundi peccatis in ara crucis mactandus, & immolandus erat, & oblectatus tam grato spectaculo exclamauit: *Ecce Agnus Dei, ecce qui tollis peccatum mundi;* Ioan. 1. 29. Videte, mortales, felicitatem vestram, qui coram præsentem habetis Agnum Dei expiatorum scelerum mundi.

Monet hoc in loco Theophylactus, quod non dixit, *Qui abstulit peccatum, sed qui tollit in præsentem peccata nostra.* Quamobrem verò eâ cautione ad loquendum usus fuit Baptista? Respondet magnus Bulgarorum antistes: *Quotidie enim tollis peccata nostra,* quotidie plura, & plura inuenit, à quibus animas nostras emundet, quæ cum naues sint, nunquam tanto vitæ sanctæ studio curari, & compingi queunt, vt non aliquam aquam hauriant, quam exhaurire debeant.

Rex & Propheta David aiebat: *Consumetur nequitia peccatorum, & diriges iustum;* Psal. 7. 10. velut dixisset: Dissipabitur, siue conficietur malitia flagitiorum. Si enim nonnulli intelligunt. Et quid inde consequetur? Hoc, quod *diriges iustum.*

Sanctus Basilii Magnus homil. in hunc Psalmum ait: *Rectus iustus nominatur.* Quid igitur vult hic orando Propheta? Sic iustus is est, qui rectus, qui non distortus, non deuius, quid David rogat, vt consumatur nequitia, scelerum, & iustus dirigatur, cum obtorti egeant directione, non recti, & erronei reduci, ac deduci soleant, non qui bonam viam tenent?

Respondet Basilii: *Orat, & qui iam rectus est, dirigatur.* Intellexit, quid peteret Propheta. regius, sciuitque nullum esse in hac vita tam rectum, qui non habeat, quod emendet, nullum tam iustum, qui non habeat, quod corrigat, nullum tam expolitum, qui non habeat, quod emundet. Propterea nemo viuat, tam contentus suâ diligentia, nemo tantum præsumat de sua sollicitudine, vt putet nihil habere, quod corrigi possit, ac debeat. Nam si sollicitè se examinauerit, & attentè suâ omnia perpenderit, reperiet



reperiet semper; quæ rescet, expungat, euacuet, emendet.

*Crebro in hac meditatione versatus fuit Nissenus. Videatur infra in secunda parte Politici lib. 9. c. 2. & alijs in locis ad finem illius Capituli adscriptis.*

## CAPUT IX.

Cum superior sit quoddam primum mobile, omnes subditi ad illius exemplum se componunt.

**V**T dominico Abraham obtemperaret mandato, circumcisis fuit eo die, quo iussus, & cum illo filius eius Ismael, & vernaculi eius vniuersi, quales quales ij essent, de quo facit Scriptor Gen. 17. v. 27. ita: *Eadem die circumcisis est Abraham, & Ismael filius eius, & omnes viri domus illius, tam vernaculi, quam emptitij, & alienigena pariter circumcisi sunt.* Vbi statim notant omnes Interpretes, Nicolaus Lyranus, Tostatus, Honcala, Istella, Oleaster, Angelicus Doctor, vtraque Glossa, & alij, quanta sit vis exempli. Vix enim Paterfamilias circumcisioni se submisit, quando omnes pariter circumcisi sunt. Solent enim Superiorum vestigijs insistere subditi, & quod illi præcesserint, sequi.

Cupiebat Zachæus videre Christum, atq; vt voti compos fieret; cum staturâ perpulsus esset, in arborem ascendit, vt inde illum arbitraretur, quem præ turba conspiceret nanus non poterat. Vocauit illum ex arbore Dominus, iussitque festinatò descendere, eò quod hospes apud illum permanere vellet. Descendit publicanorum Princeps non concitus tantum, sed & gaudens, stansque coram illo, hæc cum multo poenitentis animi mœrore, atque paucis lachrymis dixit: *Ecece dimidium bonorum meorum, Domine, do pauperibus, & si quid aliquem defraudauit, reddo quadruplum;* Lucæ 19. 8. Audiuit hæc celestis hospes, & ait: *Hodie salus domus huius facta est;* ibid. v. 9. velut dixisset apertius: Nonne harum ædium Dominus malè acta vitæ superioris seriâ poenitudine damnat, & peccasse dolet? Annuntio ergo, quod omnis familia eius, quidquid perperam fecit, detestabitur, & execrabitur, cunctiq; domestici poenitentiz lamenta assument.

Cardinalis Caietanus in illa Domini verba sic ait: *Significatur facta salus non soli Zachæo, sed familia eius similiter.* Sed quomodo id significatur, cum solus Zachæus sua peccata fuisse confessus, solus suas culpas deplorasse feratur? Immò hinc illud legitimâ consecutione conficitur? Nonne Zachæus erat Pater, & caput familiæ? Erat. Nonne dolore, & lachrymis sua damnabat scelera? Damnabat. Ergo certum

erat, domesticos illius omnes tantundem facturos, vt meritò diceret Christus: *Hodie salus domus huius facta est.* Membra enim caput suum sequuntur, & quando paterfamilias est vir probus, domesticos illius omnes numerare in probis potes, vt è contrâ in impijs recensere famulos, quorum sunt scelerati domini.

Cum Arca testamenti per sacrum deferretur Iordanis fluium, inauditum, vt sacri Scriptoris habet narratio, accidit miraculum. Nimirum *steterunt aquæ descendentes in loco uno, & ad instar montium intumescences apparebant procul, quæ autem inferiores erant, descenderunt & sequè quò omnino deficerent;* Iosue 3. 16.

S. Gregorius Nazianzenus Orat. 12. ait: *Fluuij cognatum mare imitati cedebant.* O quàm præclare magnus Theologus efficacitatem exempli expendit! Quando filij Israel egressi sunt de Ægypto, vt effugerent furorem à tergo imminentium hostium, *ingressi sunt per medium sicci maris,* Exod 14. 22. quod se illis aperuit, vt persequentes euitare Ægyptios possent. Mare, si cum alijs fluuijs comparetur, est caput illorum, & Rex, & Princeps, cui proinde aquarum suarum tributa pendunt, iuxta illud Ecclesiastæ 1. 7. *Omnia flumina intrant in mare.* Dicit nunc Nazianzenus: Quando Arca cum filijs Israel transiit Iordanem, statim hic eis liberum transitum concessit. Quemadmodum istud? *Cognatum mare imitatus Iordanis cedebat.* Tale ergo ferè est, quod Nazianzenus affirmat, quale si diceret, tantam esse virtutem exempli, vt cum Superiores faciunt miracula, subditi quoque talia ex eorum imitatione faciant.

Ingressus Troianarum copiarum ductor Æneas Carthaginem, captaque illius pulchritudinis, festiuitatis, & prudentiæ amore regina fuit. Molebantur per id tempus regina, & subditi eius nouam ciuitatem, magnoque, & ardenti studio agebantur, quæcunque ad illam fabricam faciebant. Sed quàm primum regina deperire Æneam, eiusque amoribus se tradere coepit.

*Non capta exurgunt Erbes; non arma iuuentus.*

Exercent, vt canit Virgil. l. 4. Æneidos. Cœperant excitare sublimes turres, validos muros, fortia propugnacula, arces tam inexpugnabiles, quàm inaccessible, studia omnium vna erant, nec alia, quàm tractare arma, parare instrumenta bellica, luctari, digladiari exerceri ad conflictus, & pugnas. Intercedere autem hæc omnia, quamprimum regina, quæ ijs interesse solebat, ad voluptaria blandæ veneris castra



castra transijt. Quid moralis institutionis hinc erui-  
mus?

Donatus ait: *Hic ostenditur, rectorem complere omnia, cum insistit, & iubet, atque eius negligentia omnimodò frigere vniuersa, quæ ante feruebant.* Acuit plurimùm studia laborantium subditorum Principis præsentis, & ad operas attentis aspectus: Vbi verò incuriùs abest Superior, facillè languescunt, & torpescunt subditi.

Cùm decreuisset Cæsar Augustus totum terrarum orbem sibi facere vestigalem, sic vt nulla immunis esset domus, nulla, quæ non tributum pensaret, familia, à Syria rem hanc exordiri cœpit, cui præsidebat, Cyrenus. Sic enim habet apud sanctum Lucam: *Hac descriptio prima facta est à præsidè Syria Cyreno;* Lucæ 2. 2. Arduum hoc opus erat, & provincia difficilis, totum orbem facere tributarium, plurimaq; secum ferebat obstacula, & incommoda, illud qualecunque consilium. Quid autem fecit, vt faciliorem redderet propositæ rei executionem? A Syria cœpit exigere tributa, hanc enim orbis parte primùm

subacta, non difficilè erat reliquas subiugare. Glossa Ordinaria inquit: *Syria, in qua est Iudæa, est media, & quasi umbilicus totius terræ. Censui ergò primùm in medio terræ exigitur, & inde postea & quæ ad fines terræ exigeretur, & redderetur.* Syria velut cor est mundi, & pars quædam Princeps. Hanc ergo ante omnes vestigalem fecit Augustus Cæsar, ratus cæteros facillè ad soluendum censum adducere posse, quem illa primùm dependisset. Exemplo enim Superiorum facillè mouentur subditi. Attendant ergò quòmodo viuant, qui alijs seu priuatis domibus, seu publicis locis è loco superiore imperant, cùm vident quantum apud inferiores valeat exemplum Prælatorum.

*Sapè in hac Sylua ligna cadit Nissenus, & frequenter de tali argumento agit penè in omni operum suorum parte. Vide parte secundâ Politici lib. 3. c. 9. & quæ ad calcem illius annotata. Vide etiam in duobus prioribus Tomis in rerum Indicibus verbo, Prælati.*

## LIBER VII. VITÆ ABRAHAM.

### CAPVT I.

*Pauperi fores nostras imploranti subuenire, non exigua liberalitas est, occurrere verò obuiam, & succurrere, maxima & integerrima prolixitas videtur.*

**N**elytus Patriarcha noster per omnia nobis exemplum bonarum actionum præluet. At qui illum considerant in ostio tabernaculi sui inter maximos solis ardores sedentem, & velut è specula, aut in excubijs explorantem; si quis fortè propè, aut procul lassus, famelicus, egens transiret viator, vt eum excipere hospitio, & refocillare victu necessario posset, non dicere non possunt, illo tam sollicito studio pulcherrimam nobis ex se liberalitatis normam præbuisse. Cùm ergo pro solenni more suo ad fores papilionis suæ excubaret, eleuans oculos vidit propius transire tres viros tanquam peregrinos, & ne tam præclara bonè merendi occasio

cùm viatoribus abiret, *cucurrit in occursum eorum* (Genes. 18. 2.) comiterque, ac perurbane illos hospitij sui oblatione inuitauit.

De hac Abraham, & alia simili consobrini illius Lot actione, qui Angelos humanæ figuræ lineamentis tectos domo excepit, loquens Sanctus Ambrosius, ait, illustriorem, præstantioremque fuisse patrui Abraham hospitalitatem, quàm consobrini Lot: Hic enim, quando expectabat eos, quibus officia charitatis impenderet, *surrexit, & iuit obuiam eis*, vt habes Genes. 19. 1. at perfectior Abraham *cucurrit obuiam, iste surrexit, & iuit*, inquit Beatus Ambrosius. Abraham quamuis grandæuus, & fractus senio, in ipso etiam fernore diei *cucurrit in occursum* personarum peregrinorum, & velut optatam prædam quandam totâ eos pedum contentione appetebat. Verùm Lot *surrexit, & iuit obuiam*. Hinc sublimitatem charitatis generosi senecionis æstimare licet, qui celeri cursu ad eos ferebatur, quos labore professionis, & necessitate famis bis exhaustos, & viribus attenuatos purabat, vt oblato cibo eos foueret, & alijs, quibus posset, humanitatis officijs recrearet.



Tametsi enim magna liberalitas sit, egenti ostia domus nostræ inclamanti opitulari, longè nihilominus præstat eorum largitas, qui tanquam pij latrones viarum indagant pauperes, quibus subueniant, explorant mendicos, quorum necessitatem leuent, & cursu obuiam ijs pergunt, quorum inopiæ consulerent possint.

Non possum, quin hoc loco expendam præmia, quæ Deus in duobus Psalmis per Regium Prophetam Dauidem pollicetur ijs, qui animo generoso, & proluxa manu egestati miserorum succurrunt. Psalmo 40. 2. ait: *Beatus, qui intelligit super egenum, & pauperem.* Videamus quam huic promittat remunerationem. *Dominus conseruet eum*, inquit, *& viuificet eum, & beatum faciat eum in terra, & non tradat eum in animam inimicorum eius. Dominus opem ferat illi super lectum doloris eius;* ibid. v. 3. & 4.

Psalmo 111. v. 1. 2. commemorat mercedem, quam Dominus pijs eleemosynarum erogatoribus reddere solet, inquit: *Beatus vir, qui timet Dominum, in mandatis eius solet nimis. Potens in terra erit semen eius, generatio rectorum benedicetur.* Huius Psalmi, ut volunt Incognitus, Ioannes Baptista Folengius, Augustinus Eugubinus, Ioannes Boquius, & alij, argumentum est, enarrare felicitatem hominis erga egenos liberalis, de quo posthæc dicit, *Dispersit, dedit pauperibus;* ibid. v. 9.

Sed hic diligenter animaduertendum, quod præmia, quæ in priore Psalmo his, qui sunt in pauperes benefici, spondet, tam stricta, tamque angustis circumscripta limitibus videantur, ut ad eos solos deriuentur, qui charitate & largitate erga indigentes ubi fuerint. Sic enim ait ille: *Dominus conseruet eum, & viuificet eum, & beatum faciat eum, & non tradat eum, & opem ferat illi.* At verò quæ in posteriore Psalmo addicitur remuneratione, ea tam est ampla, ut non solum benefactorem feliciter, sed ab illo etiam in omnes eius posteros manans, omnibus bonis eos cumulet: *Potens in terra*, inquit, *erit semen eius, generatio rectorum benedicetur*, opumque, & virium copiâ valebit.

Qui sit, quod hic tam largæ, & amplæ promittantur benedictiones facienti eleemosynas, ibi verò tam exiles, & angustæ (quanquam meritis semper multò maiores) ut ab eo, qui in pauperes liberalis est, non deriuentur ad alios?

Id ego exponam. Videte quid in priore Psalmo dicat: *Beatus, qui intelligit super egenum, & pauperem*, inquit ibi, & in posteriore: *In mandatis eius*

*Solet succurrere indigenti.* Primus ergo in priore Psalmo operabatur ad modum, quo intellectus solet, secundus in posteriore ex more voluntatis. Duarum istarum animæ facultatum hæc est differentia, quod intellectus res ad se aduocat, intusque, & domi suæ, ut sic loquar, manens negotia sua conficit, *intelligere* namque, quod sæpè apud Angelicum Magistrum Sanctum Thomam reperias, *est intus legere*: At verò voluntas contra facit, extraque ad res fertur, ut eas amet, & prosequatur. Ex his accipimus propositæ quæstionis solutionem. Maiora facienti maior debetur remuneratio, debent enim respondere præmia laboribus. Qui autem facit eleemosynam ad modum operandi, quo intellectus vritur, ille domi suæ manens bene facit indigo ad se venienti. *Beatus ille, qui intelligit super egenum*, expectans eum, ut ad se accedenti, & stipem postulantem subueniat, quia retribuetur ei, & inueniet suam mercedem, sed non tantam quantam is, qui pro more voluntatis agit, *in mandatis* namque Domini solet, forasque prodibit, ut quærat egentes, & inueniat, leuetque necessitate laborantes. Primi ergo præmia non deriuantur ad alios, secundi remuneratione redundat in eius familiam, & posteros, tametsi enim meritorium sit ac laudabile domi suæ pro consuetudine intellectus manere, atque intus præstolari pauperes necessitatibus suis remedium postulatu-ros, multò tamen præstantior est illorum charitas, qui voluntatem imitantes erumpunt foras, percurruntque vicos, & compita, & quærent, quibus ferant opem.

Debemus hic nunc reuocare ad trutinam quoddam Sancti Eligij ex homil. 2. dictum, quod alibi ad varia proposita sæpè à nobis expensum. De Augustissimo sacrosancti altaris Sacramento, eiusque potentia loquens aiebat: *Sacramento Eucharistie totus mundus subiugatus est.* Id mihi difficile intellectu videtur, ob hoc maxime, quod ipse Dominus noster suam de subacto mundo reportatam victoriam vult sibi in crucem actò adscribi, cum ait: *Et ego se exaltatus fuero à terra, omnia traham ad meipsum;* Ioan. 12. 32. Quod cum ita sit, quomodo Sanctus Eligius ait, Sacramento Eucharistie totum subiugatum esse mundum, quod Christus à se crucifixo factum affirmat? Quomodo hoc rectè intelligemus? Ipsa Eligij verba dicent, si diligentius premas. Quid enim is de Sacramento Eucharistico ait? Mundum esse illi subiugatum, sic ut illius efficacitate Sacramenti permotus mundus ad Christum tam demissè venerit, quam subiectè, humiliterque ad iugum ve-



nire bos solet. Quid Christus in cruce? *Omnia tra-*  
*ham ad me*, inquit, quod vim quandam sonat, quā  
homines ad se accersat. Quid verò est, quod Chri-  
stus in Sacramento tam suauiter ad se permouet ho-  
mines, ut ipsi ad illum, non secus ac boues ad iugum,  
lubentes veniant, ad crucem autem velut coacti  
pertrahuntur? Causa ea est, quod in cruce habe-  
mus Deum benefactorem manibus, ac pedibus fi-  
xum, impeditumque, ut nos ipsum quærere debea-  
mus, si volumus inuenire: Verum in Sacramento  
ille ad nos venit, ille animarum foribus sese ingerit,  
& quando ægrè nobis est, quando benè valeamus. Ut  
ergo innotescat, quid sit discriminis inter benefa-  
ctorem, qui ipse quærit egenos, quibus opituletur,  
& eum, quem quærere debent egeni, ut leuamen ab  
illo referant, ipse Dominus in sese dare hoc expres-  
sum voluit, qui velut coactos ad se pertraxit æru-  
minosos, quo tempore ab ijs quæri debuit, leuiterq;  
ad se etiam hodie adducit, quibus sui copiam in Sa-  
cramento, quasi occurrens, offert. Indagare pau-  
perem, cui benè facias, sublimissima charitas est, a-  
deo facilius expugnat animos, quisquis eā vitur.

Ad hoc propositum debemus notare, quod idem  
Dominus noster, quando Diuinissimum hoc Sacra-  
mentum instituerat, statim in montem Oliueti cum  
Discipulis suis se recepit, de quo Sanctus Matthæus  
c. 26. v. 30. ait: *Et hymno dicto exierant in montem*  
*Oliueti*. Quod oliua sacris literis sit solennè pietatis,  
& misericordie symbolum, id tam notorium est,  
ac receptum, ut otiosum sit probare. Cur ergo Do-  
minus post Augustissimi illius Sacramenti instituti-  
onem in eum montem cum suis Discipulis secessit?

S. Ioan. Chrysostomus homil. 84. in Matth. ait:  
*Vi & nos ad manus pauperum exeamus, ibi enim mons*  
*olivarum est*. Expendendum in his illud *Vi & nos*  
*ad manus pauperum exeamus*, quo nos Sanctissimus  
Doctor vult excitare ad imitationem Christi Sacra-  
mento tecti, ut quemadmodum ille ex nobilissimæ  
charitatis, & perfectissimæ, atque integerrimæ lar-  
gitatis vñ, & ingenio quærît in illo Sacramento  
pauperem, occurrat, offertq; se indigenti, sic & nos  
inuestigemus miseros, obuiam eamus esurie, aut  
quouis aliâ necessitate laborantibus, neq; expecte-  
mus, quousque illi nos requirant. Hac enim nobili  
generositate, & generosâ munificentia efficie-  
mur dexterrimi, & solertissimi artis  
benefaciendi magistri.



## CAP. V. II.

*Terribiles minas, & horrenda supplicia effulmi-*  
*nat Deus in illos, qui opprimunt pauperes, & vastant*  
*subditos, ut non necessarias domos, & inutilia pala-*  
*tia excitent.*

P<sup>E</sup>rmirum cuiusque attentioribus oculis histo-  
riam nostri Patriarchæ percurrēti accidet, quod  
sacer textus ait, apparuisse illi Dominum *sedentem in*  
*ostio tabernaculi sui*. Dignum profecto notatu est,  
dicit curiosus quispiam, quod Abraham tam opu-  
lens, & locuples, tam diues auri, & argenti, & pe-  
coris nunquam sibi excitauerit domum, in qua de-  
geret, sed in papilionibus, & tabernaculis semper  
vixit, hospitesque sub umbra illicis tam celebratæ  
apud omnes Gentes, ut ait Sanctus Hieronymus, ex-  
ceperit, & recreauerit. Cur non ædificauit sum-  
ptuosam, & dignam se tanto Patriarchâ, tamque il-  
lustri viro basilicam, in qua habitaret? Cur? Ideo  
forsan, ne si magnificam domum sibi construere vel-  
let, sumptus extraordinarijs exactionibus sibi para-  
re necessum haberet, aut fabrica sibi raperet, quæ  
in pauperes eroganda forent. Magna enim ædificia,  
quando sine magna necessitate construuntur, nun-  
quam sine magno periculo, & manifesto discrimine  
conscientiæ, & euidente pauperum iniuria fiunt.

Dē immoderatis exactionibus, & crudelitatibus,  
quibus Rex Ioakim erga subditos suos utebatur, a-  
gens Ieremiâs Propheta c. 22. v. 13. inquebat:  
*Va qui adificat domum suam in iniustitia, & cæna-*  
*cula sua non in iudicio, amicum suum opprimer fra-*  
*stra, & mercedem eius non reddet ei*. Cū hæc di-  
xisset, mox conuersus ad Regem, aiebat: *Tui vero*  
*oculi, & cor ad auaritiam, & ad sanguinem innocen-*  
*tem fundendum, & ad calumniam, & cursum malè*  
*operis*; ibid. v. 17.

Magnus Ezechielis interpres Hieronymus Pra-  
dus in c. 19. Ezech. v. 7. verba superiora Ieremiæ  
exponit verbis alijs, quæ reges non in ære cælata,  
sed cordibus insculpta merito habeant. Sunt autem  
illa. *Obserua raro superba palatia, adeq; magnificas*  
*construi, nisi violatâ iustitiâ, legibusq; contemptis, op-*  
*pressis ciuibz, operis defraudatis, atque eiusmodi a-*  
*lijs iniquitatibus admissis, quibus sumptus minuuntur,*  
*& pecunia comparantur.*

Ap̃tè huc cadet quidam Prophetæ Habacuc Io-  
cus, cuius momenta ad hoc propositum volo expen-  
dere. Loquitur sanctus hic Vates contra eos, qui  
ædificabant domos, palatia, ciuitates contra leges  
iustitiæ.



iustitiæ, & rationis, & exclamat: *Lapis de pariete clamabit, & lignum, quod inter iuncturas ædificiorum est, respondebit*; Hab. 2. 11.

Quid verò clamabit lapis, quidve respondebit lignum? Respondent Hugo Cardinalis, & doctissimus ac venerabilis P. Sanchez: *Clamabit lapis sequentia, nimirum: Væ qui ædificat civitatem in sanguinibus*; ibid. v. 12. Statuamus nunc, quid sit ædificare civitatem in sanguinibus. Cornelius ex Paraphrasæ Chaldaeo & B. Alberto Magno id his verbis exponit: *In sanguinibus, id est, ex oppressionibus pauperum, quos cogit in hoc opere sudare, & laborare, in eoq; spiritus, & sanguinem suum exhaurire, quemadmodum Pharaon Hebræos oppressit, tantumque non prorsum extinxit.*

Franciscus de Ribera, Caspar Sanchez, Hieronymus Pradus, tres vnus Societatis I. E. S. V. aiunt, ædificare in sanguinibus, esse ædificare sumptu, numis, victu pauperum: *Sanguis enim pro pecunia sumitur, & victu, quibus hominum vita sustentatur.* Ædificant ergo in sanguinibus, qui annonam, & quæcunque ad victum spectant humanum nimis tributis prægrauant, atque inde sibi excitandorum sumptuosorum ædificiorum impendia comparant. Ad hunc modum vita pauperibus adimitur, nam cum victus pretium immoderate augetur, facultas emendorum necessariorum aufertur, consequenter sanguis eripitur, dum non relinquitur, quo alimonia conquiri vitæ possit. *Sanguis pecunia est miseris mortalibus*, inquit Pradus. Quando ergo & exactionibus nimis oneratur annona, & hominibus alioquin tenuibus sic adimitur facultas parandi victum necessarium, duplici eâ velut sectione venæ, & sanguinis emissionem eò adducuntur, vt prorsum consumantur, & deficiant miseri, & pauperes subditi.

Quid verò ijs eueniet, qui cum tanto aliorum damno, & exitio ædificant? Id, quod Propheta dixit: *Lapis de pariete clamabit, & lignum, quod inter iuncturas ædificiorum est, respondebit.*

Apud Castro vertit Hebræus: *Lapis vociferabitur*, magnis clamoribus personabit. Quid est lignum inter iuncturas ædificiorum? Respondet Sanchez: *Quod occultum est, gypsoq; illitum, vt sunt illa, quibus tectoria in parietibus inducuntur.* Hæc ergo ligna vociferabuntur, hæc ex latentiore penetralibus, & secretioribus cubiculis clamabunt vindictam, petentque e cælo iustitiam contra eos, qui talibus in locis collocari imperarunt tanto cum damno, & exitio Rerum publicarum, & pernitie pauperum, quibus victus, vitæque adeo per constructio-

nem id genus inutilium, & superuacaneorum ædificiorum adimitur.

Sanctus Hieronymus adducit aliam eorum verborum translationem, quæ sic habet: *Lapis de pariete clamabit, quasi serpens in ligno loquens.* Sensus illius versionis talis est: Quemadmodum terebo nocte, dieque viscera ligni rodit, fodicat, depascitur; sic ædificia sumptuosa absque necessitate aliqua, & cum oppressione pauperum excitata, perpetuo commoriscabunt conscientias, torquebunt animas, vexabunt spiritum, angustabunt cor eorum, qui magnificas illas, sed parum necessarias fabricas construere imperarunt.

Non prætereamus silentio prosopopœiam Sancti Prophetæ, quam magnum in modum commendat Arias Montanus. *Clamabit lapis, & respondebit lignum*, inquit Habacuc, & velut per choros dabunt mutuo voces lapis, & lignum. Alludere videtur Habacuc ad illud, quod Isaïas refert de duobus Seraphinis, qui clamabant alter ad alterum, *Sanctus, Sanctus, Sanctus*, Isa. 6. 3. Velut iam horum alter cantabat *Sanctus*, & alter respondebat *Sanctus*: Sic in illis ædificijs, inquit Habacuc, clamabunt alternatim noctu, atque inter diu, *Væ, Væ, Væ!* Væ illis miseris, & infelicibus, qui cum tanta strage pauperum, vastatione populorum, pernitie subditorum construxerunt pro sola sua libidine domos, excitant pro sola vanitate, & ostentatione ædificia? *Lapis contra eos clamabit, & ostentatione ædificia*, alternisque vocibus crudelitatem eorum damnabunt. Veniet enim, veniet dies, in quo & lapides loqui, & dare voces ligna scient, vt eorum barbaram duritiam accuset, qui immanibus exactionibus, intolerabilibus tributis, atrocibus vexationibus extorquebant a tenuibus, egentibusque subditis, vnde superuacanea erigant ædificia. At si lapides vociferabuntur, & ligna clamabunt, quibus vocibus non personabit sanguis inopum oppressorum, & exhaustorum quorum necessario victui ereptum est, quod in eiusmodi ædes malè profusum?

Prædicat Sponsus ab elegantia colli Sponsam suam, dicens: *Sicut turris David collum tuum, quæ ædificata est cum propugnaculis*; Cant. 4. 4. Proximus imminet ciuitati Hierosolymitanæ mons Sion, in cuius editiore loco, & hiantibus iugis construxerat David validissimam turrem, quæ infernè iacenti Vrbi fortissimo esset præsidio. Qua de re videte Borchardum in descriptione Terræ Sanctæ p. 1. c. 7. §. 43.

Dissimulemus hic, quid mysterij habeat, quòd

Sponsæ



Sponsæ collum cum turri David comparatum fuit, ac de turri ipsa loquamur. Quod hæc turris dicitur *adificata cum propugnaculis*, id alij transulerunt, *adificata ad doctrinas, ad disciplinas, exemplaris loco*. Quod nostra Vulgata habet, *Propugnaculis*, id in origine Hebræa est, *Letalsioth*, vt aiunt Rabbinj, Salomon, Ezra, Anonymus apud Genebrardum, Ghislerium, Martinum Delrium, & alios. *Letalsioth* autem idem est, quod *doctrina, disciplina, exemplar*, qui varijs significatus translationum varietatem fecit.

Quid verò institutionis ex illa ad doctrinam edificata turri accipi, quid normæ, & exemplaris ab illis propugnaculis peti poterat? *Qua edificata est ad doctrinas*. Quid enim tam sumptuosa machina docebat? Docebat Reges, & Principes, quid facere deberent, cum deliberatum haberent sumptuosa moliri ædificia, vt nimirum cum tale quodpiam conceperunt animo propositum, animaduertenter, quomodo bene collocarentur numi, rectè fierent impendia, viderentque vt si quid erogandum est in fabricas, id verteretur ad necessaria & vtilia ædificia, si vellent conscientijs suis consultum bene, vt quemadmodum David construxit turrem illam, vt esset præsidio urbi Hierosolymorum, sic illi excitarent arces, munirent loca, adornarent propugnacula, ex quibus regna defendi, repelli hostes, & incursiones eorum coerceri possent. Nam adornare ædificia superuacanea, vana, inutilia, eamque in rem profunderè immanes sumptus, sudoremque, & cruorem aliorum miserorum, id in exitium conscientiarum, & stragem rerum publicarum redundare debere perspicuum est.

O quam vereor, ne cui paratum sit illud supplicium, quod iustus Iudex de quodam Verdunensi Abbate Richardo sumpsit! de quo Sanctus Petrus Damianus lib. 8. epist. 2. refert, visum esse cuidam seruo in ecclia apud inferos *velut excelsas machinas erigentem, & anxium, atque sollicitum tanquam munita castrorum propugnacula construentem*. Quamobrem verò miser ille tali cruciatus genere vexatus fuerit?

Respondet Eminentissimus Cardinalis: *Hoc enim morbo laborauerat ille, dum sciret, & in extruendis inaniter adificijs omnes ferè diligentia sua curas expenderet, & plurimas facultates Ecclesia in fructibus huiusmodi vanis profligaret*. Itaque Abbas illius, dum inter mortales ageret, omnis cura, sollicitudo, vigilantia, cogitatio, torumque studium eò ibat, vt novas quotidie ædificiorum formas inani labore apud animum suum architectatrice imaginatione confin-

Tom. III.

geret, domosque alias dirueret, extrueret alias. Huc ille monasterij prouentus, hoc est, patrimonium pauperum malè vertebat. In has nugas, & inepcias ingentem vim pecuniæ imprudens decoctor effundebat, vt plurimas etiam facultates Ecclesia in fructibus huiusmodi vanis profligaret, & edificans domorum muros mores subditorum demoliebat. Abbas ergo tam prodigus, & profanus, qui in res nugatorias vanè erogabat Ecclesiæ facultates, & pauperes fame necabat, & improbo suo exemplo passim omnes offendeat, æternus in illius pice, & sulphurei stagni oceano remex vnà maximè talium ædificiorum imaginatione vexabatur, & quod fecit in vita, hoc perferebat in pena, inquit Sanctus Damianus. Ita ex inanibus fabricis, & inutilibus structuris, & superfluis, vanisque ædificijs nunquam potest conscientijs esse bene, nunquam finis aliquis felix sequi.

Si non est ita, videte quanto stetit idololatrarum regi Achab vinea, quam Naboth Iezrahelitarum per vim eripuit. Propius à regia aberat illa vinea, petebatque rex eam sibi vel pro alia vinea, vel pro pecunia parata dari. Resistit cupiditati regis Iezrahelita, donec illo perfidioforum à regina subornatorum falsis testimonijs ad lapides damnato, & saxis extincto, adempta hæredibus vinea fuit. Hinc regi omne suum exitium natum, & comparatum fuit, cui Elias suæ domus interitum, & varias calamitates, quibus pro tam nefariæ necis merito exagrandus esset, præiungit.

Verum dices mihi. Quid iniustitiæ perpetravit rex, qui vineam subdito suo abstulit, cui dixerat, *Dabo tibi pro ea vineam meliorem, aut si commodius tibi putas, argenti pretium, quanto digna est* 3. Reg. 21. 2. Cum rex tam cæcis erga subditum esset, vt pro vinea vineam meliorem, aut pretium, si id fortè mallet, paratum offerret, cur tam celebrata est animosa, & fortis repugnantia Nabuthis, qui hoc concedere regi suo noluit, vt de sua vinea villo modo decederet, adeo supremæ infelicitatis occasionem illi ministravit?

Sanctus Ambrosius lib. de Nabuthæ c. 3. ait: Videte, amabo, quamobrem vineam rex Achab petierit: *Da mihi vineam tuam*, aiebat, *et faciam mihi hortum oleum*, ibid. Hæc erat omnis insania, inquit Ambrosius, hic omnis furor, et spatium sibi oleum, quæreret. At si Ambrosio omnis insania, & omnis furor visus est, quod rex suæ recreationi, suisque leguminibus petijt vineam, quam vel meliore vinea, vel digno pretio compensare volebat, quanta insania, quantumque furor sit, excitare superflua palatia,

P



latia, inutiles domos, loca recreationum vana, idq; impendijs miserivulgi, sumptibus afflictorum subditorum, eosq; nouis quotidie portorij opprimere, & neque militibus sua stipendia numerare, neque arcibus ad præsidia regnorum constructis prospicere, neque alia tum multa, tum magna incommoda præcauere? Huc profectò, huc nimisquam aptè cadit illud Beati Ambrosij: *Hic omnis infamia, hic omnis furor.* Nullius consilij est, & perditissimæ conscientia, quisquis talium ædificiorum autor.

Quæ sine damno Rerumpublicarum, & absque oppressione subditorum excitantur structurae, eas habet Deus gratas. Huiusmodi ædificia excitauit Sanctus Abbas Fructuosus (contra ac ille Verdu-nensis) qui postquam ædificauit insigne monasterium Compluti, fecit & paruum oratorium dedicatum Sancto Petro, quod postea Sanctus Valerius extendit in iustam magnitudinem Ecclesiæ, dein vero Gennadius Presbyter cum duodecim religiosis, ac deuotis operarijs primum instaurauit, ac postremò, cum iam Episcopus esset, sumptuose ab ipsis fundamentis exædificauit. Saxum quoddam ostio Ecclesiæ vicinum perspicuis characteribus cælatum, ad omnem oculorum gratiam perspicuè, ad omnem temporis iniuriam pertinaciter, ad omnem obliuionis inuidiam indelebiter refert, quâ ratione illam Gennadius crexerit Ecclesiam. Insignis historicus, religiosus Dominus Franciscus Prudentius de Sandoal in descriptione foundationis monasterij S. Petri de montibus saxo illi hæc ad marginem insculpcurauit, *Piedra notable*, hoc est, lapis notabilis, & verba illius hæc descripsit: *Nouissimè Gennadius Presbyter cum duodecim fratribus restaurauit. Et à DCCCCXXXIII. Pontifex celsus, à fundamentis misit, & cernitur, denudò erexit, non oppressione vulgi, sed largitate pretij, & sudore fratrum huius monasterij.* Hinc accipiant Principes, & quicunque Superiores, quos magnificas erigere structuras oblectat, vt hoc faciant, non exaggeratione tributj, non insolente, & graui impositione portorij, non oppressione vulgi, sed largitate pretij, & magnificentia proprij ærarij. Bene construit, qui sic agit, destruit, qui aliud facit.

Ad morem Catholicum hanc nobis doctrinam Poeta gentilis tradet, qui in quadam de Æneæ ad inferos descensu fabula fingit, visum illi in campis Elysij, copiosissimum animarum examen, quæ illos delitiosissimos agros ad omnem voluptatem oberrarent. Interrogasse autem Æneam, quid illæ ibi agerent, responsumq; accepisse, morari ibi, quousq; ad

Romam fundandam, nominumq; suorum insignia latissimè diffundenda euocarentur. De his ita canit Virgil. lib. 6. Æneid.

*Ac veluti in pratibus, ubi apes aestate serenâ  
Floribus insidunt varijs, & candida circum*

*Lilia funduntur, strepit omnis murmure campus.*  
Hic iam possumus interrogare, quamobrem magnus Poeta Romam ædificaturas animas apibus compararit, quæ ex floribus legunt, vnde sua mella sipent, & conficiant fauos.

Claudius Donatus ait, esse admodum ingeniosam, & aptam istarum animarum cum apibus collationem. Nam apes iuxta floribus suum concipiunt florem, floribus mella concipiunt, & fauos honesto labore distendant. Perinde quia & illa anima pro merito suo, condendo Romano Imperio parabantur, apum catibus nascuntur æquata. Apes solent industriâ, & optimè ordinatâ diligentia fingunt suos fauos, conuehunt mella, conficiunt ceram, struuntque operas suas per summam iustitiam, quia citra alicuius iniuriam, vltiusue floris, atque arboris læsionem. Quapropter Thomas Cantipratanus l. 2. de Apib. c. 36. ait: *Miro modo inuocant sunt*, quæ floribus absque vilo fructuum dispendio auidissimè insidunt. Quod ergo animæ, quæ Romano condendo seruabantur imperio, composita sunt cum apibus, quæ suas absque vilo aliorum incommodo construunt operas, tacita quædam monitio fuit, vt hi, qui grandia moluntur ædificia, id sic faciant, vt nullum inde ædibus alienis detrimentum veniat, non grauerur annona vestigalibus, non onerentur subditi intolerabilibus tributis. Apes dicuntur iuxta Donato, quod labores suos absque aliorum damno conficiant. Qui ergo apum instar non construunt, iniustitiæ leges impingunt, & contra rectam rationem vadunt.

Qui amant construere ædes, excitare palatia, imitentur hirundinis industriam, de qua Sanctus Ambrosius lib. 5. Hexæm. c. 17. sic habet: *Ædificat, nec impendit, secta atrollit, & nihil aufert proximi*, sumptibus proprijs, non impendijs alienis suum sibi parat domicilium. Qui ædificant in sanguinibus, qui amplas domos cum damno subditorum erigunt, ij suas animas inferno consecrant, dum vulgus hominum emungunt.

§§(\*)§§



## CAPVT III.

*Autoritatis iacturam, aut dignitatis imminutionem ex humilitate nemo fecit.*

**H**umiliter, & comiter, hilariter, ac lætanter inuitabat Patriarcha noster Angelos ad ineundam mensam, & capiendam quietem, dicebatque: *Afferam pauxillum aqua, & lauate pedes vestros*; Genes. 18. 4. Ad omnia sese offerebat sanctus senex, afferre aquam, lauare pedes paratus. *Ipse ad armentum cucurrit, & tulit inde vitulum tenerimum, & optimum*, ait sacer Scriptor ibid. v. 7. & Sanctus Hieronymus epist. 26. *Ipse pedes lauit, ipse pinguem vitulum portauit humeris de armento*; nullum humanitatis, & humilitatis officium erubuit. Hinc accipiamus, quod per exercitationem humilitatis, & demissionem nihil detrahitur cuiquam de sua existimatione, dignitate, celebritate in domo Dei, ut propterea abiectorum officiorum procurationem, siue administrationem defugere nemo debeat.

Postquam supremam illam, & Sacrosanctam coenam Dominus, & Saluator noster celebrasset, voluit insignitum illud beneficium memorabili, & inaudito incomparabilis humilitatis exemplo obsignare, seq; usque ad lauandos Discipulorum suorum pedes submittere. Priusquam Sanctus Ioannes hanc tantæ demissionis recenset historiam, facit quandam digressionem, quæ non multum ad rem facere videtur. Sic enim illam orditur narrationem: *Sciens quia omnia dedit ei Pater in manus, & quia à Deo exiuit, & ad Deum vadit, surgit à cæna, ponit vestimenta sua, mittit aquam in pelusum, & cepit lauare pedes Discipulorum, & extergere linteo*; Ioan. 13. v. 4-5. Obtusefecit hic tantæ humilitatis actus Petrum tam vehementer, ut nollet suos exhibere lauandos pedes, donec grauissimæ comminationis fulmine percussus humillimi Magistri diuinis manibus sordidos pedes suos permetteret, humiliterque obtemperaret.

Sed quorsum illo præambulo usus est Euangelista, ut prius diceret, quod Christus scierit, omnia sibi tradita in manus à Patre, seq; ab eo exiisse, atque ad illum redire, quàm narraret, quod humilis serui habitum indutus, ad pedes usque Discipulorum illas manus demisit? Videtur enim non magna esse priorum cum posterioribus connexio.

Respondet Theophylactus, magnus ille Bulgarorum Archiepiscopus huic obiectioni ita: *Cum sciret, quod omnia tradisset ei Pater, & quod à Deo exisset, & ad Deum irret, non timebat minui gloriam su-*

*am lauans pedes Discipulorum suorum.* Ve certo documento institueremur, nihil decedere cuiquam de sua gloria, & existimatione ob id, quod humilibus vacet actionibus, antequam supernus Magister usq; ad lauandum duodecim piscatorum pedes se submittat, dicitur de illo, quod à Deo exijt, & ad Deum vadit, quodque eadem manus, quæ loturæ erant sordidos illos pedes, sint serinia omnium rerum, nec propter illam lotionem desinant esse dominatrices, & creatrices omnium rerum conditarum. Nemo suæ autoritatis, & dignitatis iacturam passus est ex eo, quod ad humiliora officia se dimisit, *& ita non minuebatur gloria Christus, qui talis est, ex eo, quod Discipulos lauerit*, inquit rursùm Theophylactus. Post illos pedes lotostam Rex, tam Deus, tam Magister, ac Dominus mansit, quàm ante fuit. Quare & ipse post eorum pedum lotionem dixit: *Vos vocatus me Magister, ac Domine, & benè dicitis, sum etenim*, (ibid. v. 13.) nec quidquam remisit de mea autoritate, quod ad vestros pedes me submitti, nunquam enim humilitas magnitudini aliquid detrahit.

Quàm præclare hoc expressit Plinius iunior in suo illo Traiani tam celebri panegyrico, vbi hæc è multis pauca: *Cui nihil ad augendum fastigium superest, hic vno modo crescere potest, si se ipse submittat, securus magnitudinis suæ.* Princeps altissimus, Rex maximus, Monarcha supremus nunquam magis securus est de sua magnitudine, nunquam magis rutam, illæsamque, & inoffensam habet sublimitatem, & maiestatem, quàm cum ipse se ad humilis allicuius operis exercitium submittit: *Neque enim ab illo persculo fortuna Principum longius abest, quàm ab humilitate*, addit Plinius. Nulla res longius à discrimine submouet Principum felicitatem, quàm humilitas. Humilitate nemo suam profanauit maiestatem.

In libro Actuum Apostolicorum refert S. Lucas Euangelista miracula, quæ Deus per Paulum operabatur, dicens: *Virtutes non quaslibet faciebat Deus per manum Pauli*; Act. 19. 12. Quibus medijs ad has tam eximias, & celebres virtutes utebatur Paulus? Non dissimulauit hoc Lucas ibidem subdens: *Ira & etiam super languidos deferrentur à corpore eius sudaria, & semicinctia, & recedebant ab eis languores, & spiritus nequam egrediebantur.*

Non paruam attulit Expositoribus difficultatem statuere, quid sibi velit, aut significet semicinctium. Lorinus, ut aliorum eruditorum sententias hic præteream, putat, regimen quoddam fuisse, ab humeris ad genua usque pendulum, quo mechanici, cum illi-



berales operas tractant, cæteras vestes, ne quid sortidum ex eis contrahant, rectas, mundasque seruare solent. Ergo semicinctum forsitan est è lino, similis materia pannus, quem circumligando demittunt, qui in opificio, aut ministerio versantur, inquit ille. Quidam è multis sunt, nec magno loco habetur in Republica, quicunque tali seu laneo, seu lineo, siue etiam scorteo velo ad regendas reliquas vestes, dum suis operis vacant, vtuntur. Cur autem voluit Dominus, vt illud semicinctum, sudariumq; Pauli tam prodigiosa operarentur miracula, ipsosque generis nostri capitales, & potentissimos exturbarent ex hominibus, & fugarent hostes? Cur voluit, vt eadem res & ad vilia opificia, & ad stupenda miracula essent vsui? Vt significaret, nihil detrahi de dignitate alienius rei, per hoc, quod ad humilia officia adhibetur, propterea voluit, vt sudarium, & semicinctum Pauli, (vilis & seruilis officij, quod exercebat, insignia) eijceret dæmones, & curaret infirmitates. Non perdit homo suam existimationem, quia se humiliat, neque maculam infert gloriæ, quod se demittit.

Scribit Sanctus Paulus Apostolus discipulo suo Tito, & sic orditur epistolam: *Paulus seruus Dei, Apostolus autem Iesu Christi*; Tit. 1. Volebat auctoritatem scriptis suis conciliare, idèdque Apostoli titulo se ornat. In hanc rem sic disserit Sanctus Hieronymus in illius epistolæ commentario: Porro quod ait, Apostolus Iesu Christi, tale mihi videtur, quale si dixisset, præfectus pratorio Augusti Cæsaris, magister exercitus Imperatoris Tiberij. Vt enim iudices saculi huius, quò nobiliores esse videantur, ex regibus, quibus seruiunt, & ex dignitate, quâ intumescunt, vocabula sortiantur, ita & Apostolus grandem inter Christianos sibi vendicans dignitatem, Apostolorum se titulo Christi pronotauit, vt ex ipsa lecturos nominis auctoritate terreteret, indicans omnes, qui in Christum crederent, debere sibi esse subiectos.

Benè habet istud. At si Paulus volebat omnes sibi debere esse subiectos propter illum magnificum Apostoli titulum, siue propterea, quod Apostolus Iesu Christi esset, cur primo loco se humilem seruum nominat (*Paulus seruus Dei*) nam vt ex magno nomine Apostoli auctoritas illi grandis accedebat, ita ex humili appellatione serui de magnitudine illius non parùm decedebat. Quomodo ergo non putauit incongruens magnificentiam Apostoli cum exiguitate serui copulare?

Responder Glossa Angelica: *Humilitas non tollit potestatem, & dignitatem*; quasi dixisset: Non satis

intelligis ordinem rerum. Quando Paulus titulos Apostoli, & serui coniungit, quorum ille tam altus, hic tam humilis est, nihil minùs veritus fuit, quàm ne per vilitatem serui perderet sublimitatem Apostoli, nunquam enim humilitas impedimento fuit, aut derogauit magnitudini, neque demissio splendorem maiestatis extinxit, neque deiectio lucem dignitatis obscurauit: *Humilitas non tollit potestatem, & dignitatem*. Si Rex aut Regina, si Dux, illiusq; vxor, si nobilis, & quævis illustris matrona nosocomium inuisant, agrosque pauperes beneuolente, prolixâque manu iuuent, & cibos eis ministrent, nunquam per hoc fiet, vt Reges, Duces, magni viri, aut principes serui esse desinant. Humilitas enim nunquam incommodauit auctoritati, neque iuribus eius quidquam detraxit: *Humilitas non tollit potestatem, & dignitatem*.

## CAPVT IV.

*Nihil indecorum in domo Dei, nisi peccatum.*

Hinc sequitur alia consideratio nata ex Capitulo præcedente, nempe quòd nullam debeamus fastidire operam humilem, nullum respuere in domo Dei ministerium seruale, tanquam per eius administrationem de gradu suæ existimationis quispiam cadat. Grauius nimirum errat, si quis abiectum se fieri putet, quòd abiectum officium pro Dei honore aut amore procuret. In magna enim Dei domo vñum solùm esse potest, quod dedecet, puta peccatum, præter illud nihil est, ex quo veri honoris iacturam facere homo probus possit.

Huc spectat illud ex Parænesi 30. Sancti Ephræm: *Neque agrotare secundum carnem est delictum, neque in damna, & tribulationes incidere est lapsus, atque ruina, sed in tentationibus non probatum inueniri, & per impatientiam offensionem Dei incurrrere*. Alioquin tamen si sordidè vestias, & mensam tenuem habeas, & ostiatim cibum, frustillatimque panem commendices, nihil hæc probri, dedecorique habent, si peccatum abstinet.

Abijit populus Dei liber ab Ægyptiaca seruitute, vt sacer textus ait: *At illi egressi erant in manu excelsa*; Exod. 14. 8. subaudi, Domini Dei, sic enim interpretatur Rupertus Abbas. Paraphrastes Chaldaus apud Octavianum Rufum in c. 4. Ecclis. v. 33. sic transtulit verba superiora: *Falsi Israel egrediebantur capite desuperio*. Videtur hic alludere Chaldaus ad morem loquendi communem, qui hoc habet, vt de eo, qui est verax, non appetens alieni, integer vitæ, & quod hominis boni est, facit, dici soleat,



teat, *Que puede andar con la cara descubierta per todo el mundo; hoc est, aperta facie totum obire mundum potest.* Ad hunc modum dicit Chaldaeus: *Filij Israel egrediebantur discooperio capite*, tanquam nihil habentes, ob quod erubescerent. Sed quomodo nihil habebant, quod eos puderet, qui exibant à misera & abiecta seruiture, sub qua tot ludibria, conuitia, probra, contumelias passi, tot flagris, & verberibus laniati, tam duris, & vilibus officijs additi fuerant? Dicit nihilominus ille, *Egrediebantur capite discooperito*, ut nos doceret, in domo Dei nullam esse probrosam seruitutem, nullam ignominiosam ignominiam, nullam turpem inopiam, & paupertatem, nec quidquam indecorum, nisi peccatum. Liberis oculis, deopertoque vultu ire quouis potes, dum non ad peccandum vadasi.

Quærit Angelicus Doctor Sanctus Thomas 2. 2. q. 144. art. 3. *Strum in virtuosis hominibus possit esse Verecundia*; hoc est, an habeant, quod illis adferre ruborem queat. Ac postquam ventilaui questionem, sic de illa pronuntiat: *Senes & virtuosus carent Verecundiâ, sunt tamen sic dispositi, et si in eis esset aliquid turpe, de hoc Verecundarentur.* Quam apposite hoc in loco Angelicus Doctor senes virtuosos adiunxit? Senem quidvis decet, nullius rei illum pudet. Ubique loqui, & sedem, quam vult, deligere potest. Non illum dedecet neglectior vestitus, horridula verba quanquam proferat, tamen eius impexa sit oratio, tamen incompti, inornati que sermones, non erubescit. Tales sunt etiam virtutis studiosi, *Verecundiâ carent*, solum peccatum est, quod illis dedecori esse posset, solum peccatum vident esse indecorum, & adferre posse ignominiam.

Apud S. Ioannem c. 9. v. 16. hanc Christo calumniam quidam Pharisei dicebant: *Non est hic homo à Deo, qui Sabbatum non custodit.* Apud S. Lucam c. 13. v. 14. archisynagogus indignabundus cum stomacho ad turbas aiebat: *Sex dies sunt, in quibus oportet operari, in his ergo venit, & curamini, & non in die Sabbati.* Itaque hoc illi sibi persuasum, certumque habebant, quod plurimum dedeceret, curare egros in die Sabbati, archisynagogus ferule operis existimabat sanare, inquit Sanctus Bruno Ser. 2. de ramis palm. Ministrare infirmo necessaria, emundare ipsius vulnera, componere lectum, alia humilitatis, & charitatis officia ei exhibere, numerabant Iudei in operibus vilibus, & seruilibus.

Dicit nunc Sanctus Bruno. Si vis scire, quæ sunt serailia opera, audi Prophetam dicentem: *Non occides, non machaberis, non furum facies, non falsum testi-*

*monium dices, non concupisces rem proximi tui.* Decalogi prætermisio, mandatorum diuinorum neglectus, hæc sola probro sunt in domo Dei, hæc sunt serailia opera, hæc faciunt homines seruos, quæcunque contra supremi Legislatoris mandata ab eis vel committuntur, vel committuntur. Hæc sola vilem, sordidumque faciunt, alia, quæ erubescas nulla sunt.

De ciconijs ferunt, tantâ esse erga parentes pietate, ut decrepitos humeris excipiant, quod volandi labore leuent, & annonâ aliunde allata nutrant. Affirmant hoc Plinius, Berchorius, Pierius, Valerianus, & alij plures. S. Ambrosius verò lib. 5. Hexam. cap. 2. ait: *Aues non erubescunt reuerendi senis membra portare.* Si compos rationis esset ciconia, interrogareturque, quomodo non pudeat illam tali oneri submittere humeros, quæ huiusmodi ministerio nata non sit, ut cætera quædam iumenta sunt destinata, hæcque à naturæ opifice, & facta? responderet, inquit Ambrosius, pia ciconia: Non erubescio id genus subire, & succollare sarcinam, quam non sim ad eam nata, est enim hæc pietatis. Antipelargia est, mutua beneficiorum vicissitudo est, debitæ obseruantia exhibitio est, quod longiuo parenti humeros ad obsequium submitto, id mihi proinde non probro est, sed gloriæ, neque dedecori, sed honori duco, nobilitatemque non infamiam adferre existimo. Solum peccatum indecorum est, bene agere nihil vilitatis, aut ignominia habet.

Cum diceretur cuidam cæco, quod iuxta viam, ubi ad mendicandum sessitabat, Iesus Nazareus transiret, magnis vocibus illum inelamabat, dicens: *Iesu fili David, miserere mei*; Lucæ 18. 38. Compescabant importunos clamores illius, iubebantque tacere, qui præbant per viam, valde enim inurbanè, & subrusticè indecenterque factum putabant, quod tam inconditis vocibus cæcus perstreperet, totque hominum aures abiectus mendiculus offenderet. Sed nequicquam illum increpabant, ipse enim multo magis clamabat (ibid. v. 39.) susque deque habens omnes aliorum obiurgationes. S. Ioannes Chrysost. in Biblioth. hom. in Dominica Sexag. ait: *Perhibitiones eiusmodi non impediuntur eius audacia, nouit enim fides omnibus repugnare, & in omnia triumphare, & stile enim est pro cultu diuini pudorem deponere.* Volebant Domini per viam comites, ut esset etiam mutus, qui erat cæcus, turpe enim putabant in media turba personare vocibus. Sed cum cæcus videret, quid peteret, fide, & pertinaciâ confirmatus superauit omnia, quæ illi obiurgatores prætendebant incommoda. Et quanquam aliâ occasione indeco-



indecorum fuisset, aerem clamoribus implere, causa tamen faciebat, quare per id tempus vociferari perhonorificum cæco esset, *Utile namque est* (addo, & gloriosum) *proculum diuino pudorem deponere.* Non solum visum cæcus suis vocibus experebat, verum etiam omnipotentiam cœlestis medici proclamabat, iamque non immodestia clamor, sed adoratio, & religiosi cultus vociferatio erat. Et hoc non modò malum videri non poterat, verum etiam Christo honorificum erat. Sic ruri, sic in compitis, sic in medio foro, cantu, & vocibus personare gloriosum est, dummodò ad profectum nostrum spirituale, ac Dei gloriam faciant, quæ facimus. Deum offendere, id solum indecorum est, & probrosum, aliud, quod erubescamus, nihil habemus.

## CAPVT V.

Cum plerumque eatenus simus boni, quatenus à malè agendi occasione procul positi, debemus illam sic vitare, ut etiam Angelos humani corporis lineamentis tectos fugiamus.

¶ Intra horas bene paucas splendidum, laurumque conuiuium cœlestibus peregrinis hospitibus suis Generosus Patriarcha instruxit, qui cum ab accubitu sese erexissent, inquirebant: *Ubi est Sara uxor tua?* Gen. 18. 9. Respondit Abraham: *Ecce in tabernaculo est;* ibid. Obseruant hoc loco Interpretes, quanta fuerit ratio, honestatis in domo Abraham, quanta vitæ, & morum cautio, in qua dum pranderent Angeli, in latebris Sara materfamilias morabatur. Docet hac re mulieres, quàm circumspici agere, quàm studiosè fugitare oculos virorum, & omnem deuitare mali occasionem debeant, idque propter certum, præsentaneumque periculum, quod inde consequi solet, *Docet Sara feminas honestatem, & non se impudicè aut temerè oculis hospitum ingerant,* inquit Oleaster in annotat. morali eiusdem capit. Vix enim aliquod tam validum est pectus, quod occasionem malè faciendi citrà offensionem excipiat. Et quod multi sunt boni, id fortè accidit, quod eos occasio destituit, per quam fiant mali, maximam enim partem tam diu sumus probi, quamdiu opportunitas deest mali.

Diu, ac multum excruciauera inuidos Iudæorum primores sanctitas vitæ Christi, illiusque prodigiorum magnitudo, & doctrinæ splendor. Et cum iam neque celare dolorem, neque tolerare amplius possent, consilium fecerunt, *Et Iesum dolo tenerent, & occiderent,* Matth. 26. 4. Et hoc sacrilego, & diabo-

lico conciliabulo hoc prodibat, expedire omnino, ut is è medio tolleretur, *at non in die festo, ne forte tumultus fieret in populo,* & inter vulgi motus, ac seditionem euaderet viuus, quem pridè voluissent mortuum. Et si aliud nihil eos à concepto scelere retardauit, crediderim, cum satanicum illud conuenticulum solutum fuit, hoc vnum sibi mutuo grauiter, & enixè, sollicitèque commendasse, ut diei sacri sancta haberetur ratio, ne in illo sententiæ latæ fieret executio, & in discessu alterum alteri dixisse, *Non in die festo, ut quisque cauere, ne quid profanum eo die fieret.* At quid factum? Dies festus fuit, quo sacrilegorum perfidiosissimus, sceleratissimorum contaminatissimus Iudas flagitiosos illos consiliarios adiit, dicens: *Quid vultis mihi dare, & ego vobis eum tradam?* ibid. v. 15. *Et constituerunt ei triginta argenteos.* Sortita fuit suum effectum pactio, & morte sublati Christus in die festo, eoque tam magno, ut sanctus Ioannes dicat cap. 19. v. 14. *erat autem Pascuæ,* hoc est, præparatio ad magnum festum. At nonne infernales illi hostes paribus voris constiterant, ut quouis tempore è viuus vitæ autor auferretur, dum *non in die festo?* Quomodo ergo tali die necem illi intulerunt, quod sine plurimis incommodis fieri non posse iudicarent?

Respondet S. Ioannes Chrysost. apud Euthymium in cap. 26. Matth. *Quaquam ita statuerunt, non tamen expectauerunt, sed inuento proditore occasionem rapuerunt.* Deliberatum, certumque illis quidem fuerat, Christi occisione festum nullo modo violare diem, verum occasio fecit, ut & diem illum, & omne prius habitum consilium posthaberent opportunitati præsent. Facit hoc occasio, ut maximè velimus, quæ minimè ante volumus, & resiliamus à proposito, ad quod pertinacissimè ante obstinati eramus. Bonus Deus ab illius vi, & potentia nos liberos seruet.

Erat olim in quadam nauicula cum suis discipulis Christus in mari, quando exoriri tempestas, & ille dormire in puppi cepit. Cum ingrauesceret periculum, excitatus à discipulis Dominus, ut depelleret imminens periculum, imperauit freto, cessauitque ventus, *Et facta est tranquillitas magna,* Matth. 8. 26. Optabat Sponsa hortum suum floridum, & fructiferum, aiebatque: *Surge Aquilo, & veni Austro, & persila hortum meum, & fluant aromata illius;* Cant. 4. 16. Quod ventum asperum & contrarium Aquilonem surgere iubet, id tale est, quale si illum procul ab horto suo facessere imperasset. Ita exponit pars maior Interpretum. Theodoretus, Maximus,



ius, Nilus, Philo, Apponius, Iustus Orgelitanus, & alij plures.

Oritur hic habitatio, quam sanctus Gregorius Nyssenus hom. 4. in Cont. his verbis proponit: *Non iubet Aquilonem quiescere, quomodo in mariis tempestate iussit Dominus fluctibus quiescere, sed imperat, Et recedat, Et fugiat, Et absq; illo impedimento fluat Auster dicens, Surge Aquilo.* Dominus imperauit vento subsistere, Sponsa mandauit fugere Aquiloni, ne quod incommodum horto suo adferret. Quid ita?

Respondeo, Sponsam, vt prudens fuit, sic egisse consultè Christus non habebat, cur euitaret occasiones, cum enim omnipotens esset, poterat pro suarum virium ostentatione cum illa præsente intrepide, securèq; pugnare. Eapropter cum in mari miseram ventus acriter oppugnaret nauiculam, non iubeat ventum abire, sed potestate suâ illum cōdercebat. Verum Sponsa conscia sibi suæ imbecillitatis, & fragilitatis non putauit tutum viuere ob oculos inimici, & dimicare cum præsenti occasione, quâ nullus horribilior aduersarius, quare dicebat: *Surge Aquilo*, apage hinc occasio, fuge felicitatis mœx inuide hostis, necessum est enim, vt hinc abeas, quod ego victrix euadam. Nam pugnare cum inimica occasione, & promittere sibi triumphum, id soli Deo est seruatum, eiq; quem ille speciali auxilio confirmauerit.

De vita sancti Patriarchæ Loth, actisque eius sic ait sacer Scriptor: *Habitabat in Sodomis*; Gen. 14. 12.

Magnus Origenes hom. 9. in Genes. ait: *Loth in Sodomis habitabat, alia eius benè gesta non legimus.* Huic Origenis effato videtur manifestè repugnare textus sacer, qui illum à charitate in peregrinos, & hospitalitate erga viatores commendat, cuius ille luculentam specimen dedit, quando illos duos Angelos tam comiter, & humiliter ad suum tectum inuitauit, supplex rogans, & dicens: *Obsecro, Domine, declinate in domum pueri vestri*; Gen. 19. 2. Huius facti meminit S. Paulus, vt nos ad amorem hospitalitatis accendat, quam Scriptura & plurimi facit, & magnificè prædicat. Quomodo ergo potuit dicere Origenes: *Loth in Sodomis habitabat, alia eius benè gesta non legimus*? Ignorantiæ insimulare Origenem hac in re nemo poterit, nisi qui suam prodere velit. Quid ergo voluit dicere Origenes, quando ait, de Loth aliud nihil legi, quàm quod vitam in Sodomis duxit, cum de virtutibus eius multa prærerea scripta reperiamus?

De hominibus Sodomitis ait beatus Moyse Gen. 13. 13. *Peccati erant, & peccatores coram Dñmo nimis.* Quod ergo Origenes affirmat, nulla alia benè gesta Loth legi, nisi quòd in Sodomis habitabat, tantundem fuit; quantum si dixisset: Quod Loth virtutum Salamandra in medio illo vitiorum incendio vixit; quod gratiarum papilio inter obscœnicarum flammæ illæsus seruatus fuit, quod ob oculos tam variz, & promptæ occasionis innocentiam constanter coluit, nec deflexit ad eos, qui tam magno numero, quàm malo exemplo ad malè agendum præbant, tam rarum, exquisitumq; prodigium fuit, vt facinora illius alia, quantumuis præclara, & illustria, omnia obscurèt, & velut oppanso velo tegat. Et hoc est, quod voluit Origenes, cum ait: *Loth in Sodomis habitabat, alia eius benè gesta non legimus.* Quod si sepulchro beati Loth inscriptum sit, extollendo illi super Alexandros, Samsones, Salomones, Dauides, & quotquot inuictos mundus vidit bellatores, sat esse possit. Nam viuere iuxta ignem, & non incalescere, proximum esse niui, neque contrahere frigus, facinus est, quod omnia alia supergre-

ditur. Quancquàm Angelus sit, qui loquatur, si mulier est, quæ dicentem audit, adfert secum, nescio, quid periculi, illud colloquium, vt necessum sit non se mutuo videre, quòd illud vitent. Agar ancillæ apparuit Angelus, quando solitudinem fugitiua obibat. Consolabatur autem illam, iubebatq; reperere domum Saræ dominæ suæ, & postquàm illi indicasset indolem, futurosque mores filij quem paritura erat, nomenq; quod imponere nato deberet, mox euauit. Quod cum vidit Agar, dixit: *Profectò hic Sids posteriora Sidentis me*; Gen. 16. 13.

Iste locus difficilis intellectu. Quomodo enim Agar videre potuit tergum eius, à quo videbatur? Figuram humanam præferbat Angelus, non ergo à tergo habuit oculos, quos si eo in loco habuisset, potuissent videre posteriora eius, quos ille videbat. Quomodo ergo accipiendum est, quod Agar dixit?

S. Petrus Chrysol. ait, de eo, cui prospere aliquid euenit, dici solere: *Vidit illum Deus*; quasi videri à Deo, & benè ab eo haberi, amari, iuari, idem fiat. Manet hodieq; apud nos illa loquendi consuetudo, nam si Deus aliquem re quacunque feliciter, dicimus: *Videat Deus a ver*; est hoc: *Deus videri illum inuisum*. Sic quidam accipiunt illud Agar ancillæ dictum, vt sit idem, vidisse posteriora videntis se, ac vidisse à tergo eum, qui erga illam beneuolens, humanus, prolixus, misericors fuit. Si hic sensus tam-



verus est, quàm facilis, non inurbanitas (quis enim tam rusticus sit, & stultus, ut eâ laborasse cælorum ephebum palatinum putet?) sed mysterium fuit, quòd cum Angelus in forma viri loquebatur mulieri soli, ac vagæ, noluit eius oculis oculos, faciemque suam permittere, atque idè illi tergum obuertit, quòd illa confiteretur, dicens: *Vidi posteros & videntis me.* Sed quale mysterium?

Benedictus Fernandus in cap. 16. Gen. sect. 2. respondet: *Ad modestiam, & puritatem edocendam Angelus ita obuerso vultu loquebatur solus cum sola muliere in eremo.* Poterat Angelus (quis enim dubitet?) absque illo periculo os, oculos, vultum totum mulieri exhibere, quando cum ea in colloquium descendit, noluit tamen id facere, sed obuerso dorso loqui, ut eo exemplo nos institueret, ut vir, & mulier, quos ad colloquendum in loco priuato, & solitario grauis necessitas cogit, non oculos oculis miscant, cum miscent sermones, sed plurimam modestiæ rationem habeant, idque propter periculum, quòd timeri potest, postquam vel Angelus noluit de facie agnosci ab ancilla, quacum verbis communicauit. Si Angeli tam sunt hac in re cauti, qui tam sunt securi, & tui, cur homines periculo expositi non timeant, non formident?

*Inueniet de hoc argumento ingentem syluam pulcherrimarum commentationum curiosus Lector in 2. To. Persocho III. Dominica XI. post Pentecosten, pag. 177. c. 2. o. Vide etiam in 1. To. Indicem rerum Verbo, Occasio.*

## CAPVT VI.

Parum prodest, quòd homo ad peccandum abditissimas latebras querat, cum Deum habeat, qui omnes etiam intimos animæ recessus penitissimè peruideat.

Cum Angeli de Sara, ut diximus, vbinam ea esset, interrogassent, respondissetq; Abraham in tentorio morari, renuntiârunt venerabili Patriarchæ, quòd habitura esset filium. Audiit hoc Sara, & risit occultè, Gen. 18. 12. tamque secretò, ut Chaldaus Interpres, & Græcus verterint, *Risit inter se*, tanquam totus intra pectoris abdita risus peractus non peruenerit ad oculos. Vix autem etiam ad eum modum tacitissimè, & reconditissimè risit, quando Dominus ait: *Quare risit Sara?* v. 13.

Monent hic Interpretes animaduerrere, quàm festinatò Dominus inquirere in risum illum Saræ cepit, qui tamet si secretissimus fuit, scientiam tamen, & sapientiam Dei effugere non potuit. Hinc accipiamus, quòd Deum habemus tam acuto, & per-

spicaci visu, ut eius oculos effugere non possimus, in quoscunque deissimarum sylvarum recessus, in quoscunque inacessorum montium, aut remotissimarum eremorum latibula nos ad peccandum abdamus.

Exodi 35. præcipiebat Dominus Moyfi istud: *Facies candelabrum ductile de auro mundissimo*, v. 31. tum v. 37. etiam hoc: *Facies & lucernas septem, & pones eas super candelabrum.* Philo Iudæus, & Radulphus sentiunt. Tabernaculum illud verus fuisse figuram, siue typum mundi, qui Dei domus quomodo est, ut & cælum septem lucernæ innumeras lucas significant, habet enim hoc septenarius numerus in sacris literis, ut pro infinito ponatur, ut affirmat Paulinus in lib. de numero septenario.

Dicit nunc Oleaster in annot. mor. in c. 2. 5. Gen. *Ad quid, Domine, in domo tua & candelabrum cum lucernis septem habere?* Causam subiicit, dicens: *Ne patares, homo posse male conuersari, & occultari, siue enim in die, siue nocte impiè egeris, ab eo videris.* Quidquid perperam agis, cogitas, loqueris, quocunque tempore, & loco id fiat, Deo omnia perspicissima sunt, sapientiæ enim illius oculi soles sunt, qui peruidet vniuersa.

Hanc animo versabat cogitationem Propheta regius Dauid, quando hæc pro debita ergà infinitam omnipotentis Dei sapientiam reuerentiâ dicebat: *Tenebra non obscurabuntur à te, & nox sicut dies illuminabitur, sicut tenebra eius, ita & lumen eius;* Psal. 138. 12.

Marcus Antonius Flaminus ea sic transfert: *Neque tenebra habent tenebras apud te, & nox sicut dies illuminat. Similes sunt tenebra, & lux.* Quàm eleganter dictum, *Neque tenebra habent tenebras apud te?* Quando vires alicuius extenuare volumus, dicere solemus: *Perrus v. g. est quidem robustus, & strenuus, sed quod ad me atinet, absque manibus.* Tale quid affirmat sanctus Dauid, cum pro veneratione & commendatione perspicacissimorum oculorum Dei dicit: *Neque tenebra habent tenebras apud te.* Nam si quidem tenebræ sunt velut nubes, aut vela, quæ humanorum prohibent, & ludunt, falluntque obtutus oculorum, Dei oculis nihil obistere, nihil efficere atrox rerum, & obscuritas potest, ut qui tam clarè videant in densa caligine, quàm in medio sole, & innubi nitentissimoque die.

Quapropter in eodem Psalmo sic Domino idem rex poenitens aiebat: *Tu cognouisti sessionem meam, & resurrectionem meam;* ibid. v. 2. quæ tali paraphrasi illustrat Flaminus: *Omnia tibi nota sunt, quæ sedens, stans, ambulans, cubans cogito, atque ago.* Nihil est, quod



quod suam effugere sapientiam possit, nihil, quod ad tuam notitiam non perveniat. Quidquid animo meditor, quidquid ore proloquor, quidquid operor, siue cum sessum, cubitumq; vado, siue cum euigilo, & est strato exurgo, siue cum hinc aliò commigro, peruides, nec vllus est tam reconditus animæ sinus, nullus tam abstrusus cordis recessus, in quem tuorum acies oculorum non penetret.

Hoc idem affirmat S. Paulus Apostolus Hebr. 4. 13. *Non est illa creatura inuisibilis in conspectu eius, omnia autem nuda, & aperta sunt oculis eius.*

S. Ioannes Chrysostom. extrema illius sententiæ verba sic transfert: *Omnia sunt resupinata oculis eius*, sic vt de oculis, ac vultu singula ei pareant. Admirabiliter expressit his verbis sanctus Doctor perspicacitatem oculorum Dei. Quando videmus personam alicuius, sed non faciem, non possumus certò qui ipsam de illo affirmare, tametsi staturæ, morum, gestuum similitudo coniecturam nobis, suspicionemque illius aliquam faciat. Et qui volunt non cognosce eum, quem fortè peremerunt, detruncant, illi, & abijciunt aliò caput, quòcum certa illius agnitio auferatur, quia *per faciem cognitio*, vt inquit S. Gregorius hom. 1. in Ezech. Dicit ergo S. Paulus ex versione Chrysostomi: *Omnia sunt resupinata oculis eius*, omnes res mundi apertis vultibus Deo sese spectandas offerunt. Cum verò de facie sumatur certa cuiusvis personæ æstimatio, apertissimè Deus omnia nouit, cui res omnes de facie sese videndas exhibent.

Consequenter, & appositè adhuc dicit Propheta regius Ps. 118. v. 80. *Fiat cor meum immaculatum in iustificationibus tuis, & non confundar.* At cum in cordis recessibus, & intra pectoris penetralia turpes secretò concipiantur cogitatus, quid illi ruboris, & confusione suo adferre atori queunt, quos nemo hominum videre potest? Non intelligis, mi homo. quæ loqueris, ait Propheta. Nam res nobis est cum Domino, cuius tam est acutus visus, vt nihil sit illi absconditum, tametsi penitissimi cordis abstrusissimis latebris immersum, ac propterea munditiem cordis peto, vt ne pariar confusionem apud illum, cuius oculis omnia sunt exposita, vbicunq; reposita. In hunc sensum exponit ea verba Oleaster in c. 17. Gen. in annot. morali, apud quem rex pœnitens sic ait: *Fiat cor meum immaculatum, & non confundar, cum scilicet me Dominus videret turpia cogitantem.*

Expendamus in huius rei confirmationem quoddam sancti Ephræmi dictum, qui in Parænesi 17. sic habet: *Nihil latet Dominum Abelis iudicem.* Sed

Tom. III.

quænam ista omniscientiæ Dei commendatio ex cognitione mortis Abeli illatz? Quid secreti mors illa habuit, vt ad exaggerationem perspicacitatis sapientiæ Dei facere possit, quòd eam detexit, & intellexit? Certonè argumento est, quòd Deum nihil latet, quia Abelis iudex, & necis illius index fuit?

Expositione illustrabo sancti Ephræmi pronuntiatum. Occidit perfidiosè Abelem Cain. Vix illi necem consciuerat, quando adfuit Dominus, facti rationem ab infami fratricida exigens, & dicens: *Vox sanguinis fratris tui clamat ad me de terra;* Gen. 4. 10. Negauit ille recens perpetratum flagitium. At iudex: Quid est, quòd inficiaris factum, quando ipse per te effusus fratris tui sanguis contra te testimonium dicit, & immanis sceleris vindictam magnis vocibus clamat?

Notandum, quòd in Hebræo pro illo vocabulo *Terra*, est *Adama*, vt affirmat sanctus Hieronymus, *adama* verò idem est, quod terra rubra. Itaque rota sententiæ superior sic reddi potest: *Vox sanguinis fratris tui clamat ad me de terra rubra.* Res est, quòd Cain fratrem suum in campum eduxit, cuius erat rubra humus, ibique eum interfecit, sperans non posse cognosci sanguinem fustum, quem concolor terra bibisset. Ita ferè aiunt Hebræi, & inter illos Rabbi Salomon. Itaque audacter etiam negauit facinus, perfusus suæ industriæ, & imposturæ, arbitratuque fieri non posse, vt internecionis conuinceretur, eò quòd cruor cum rubore terræ confusus discerni, vt putabat, nequiret. Verùm vt intelligeret, quàm vanè talem suscepisset cogitatum, quàm inanis esset omnis sua machinatio, quàm nihili altus, sic ferè aiebat ei Dominus: Itanè verò purabas, miser, rubrâ terrâ refum celare posse sanguinem? Falleris, hominum pessimè, & turpiter etas, sanguis enim ipse clamat ad me de terra illa rubra, vltionemque atrocis sceleris tui magnis vocibus exposcit, oculisque meis nihil est occultum, scio enim quæ sit terra, scio quis sanguis, neque ego circumueniri queo, nec aliqua ita confundi, & permisceri possunt, quin ego intenoscam, & secernam alia ab alijs. Hinc ergo intelligemus illud sancti Ephræmi: *Nihil latet Dominum Abelis iudicem;* quia nihil illi tectum, nihil eius oculis inaccesum, qui inter sanguinis, & terræ colores discernere, & quis terra, quis sanguinis proprius esset, cernere potuit, quamuis vtraque rubra esset, & communem haberent colorem. Discat hinc omnis peccator, nihil sibi profuturos ad tegenda, inumbrandaq; scelera sua dolos, res namque illi est cum iudice, cuius tam sunt lyacei oculi, vt reconditissima



cissima cordis latibula penitissimè perspiciant, perque videant.

## CAPVT VII.

Tegere, & excusare proximorum errata, tum est gratum Dei oculis opus, vt velut eum, qui hoc facit, non solum Angelum à cœlis dilapsum, sed etiam perdilectum filium suum haberi.

Verregerunt à mensa Angeli, & quoniam abituri erant, vt de spurcissimorum Sodomitum obscenis flagitijs debitas pœnas sumerent, dicebat Dominus: *Num celare potero Abraham, qua gesturus sum*; Gen. 10. 7. Num facere possum, vt consilium meum illi non aperiatur?

Angelicus Doctor diligentem expendit loquendi modum, quo hic vsus est Dominus, aitque, quomodo Deo omnipotenti difficile videri potuerit, Abraham rem aliquam occultare, & propositi sui conscium illum non facere? *Num celare potero*, aiebat, cui nihil operosum, nihil non facillimum esse potest. Respondet autem, non difficile quidem fuisse Domino, non communicare cum Abraham de suo proposito, sic tamen locutum fuisse, vt indicaret, quàm ægrè adduceretur, ad aperienda nostra errata. Dicebat ergo: *Num celare potero*, non quia hoc illi arduum, sed quia Deus est valde difficilis ad publicandum occultata crimina nostra. Hinc sumamus, quantà sollicitudine, & vigilantia ad hanc rem vti debeamus, quàm parcè cautèque de malè actis aliorum loqui, cum Deus ipse tam difficulter scelera detegat humana.

Texit sanctus Lucas Euangelista catalogum illorum duodecim, quos ex orbe orbis redemptor elegit, vt per illum euangelij lucem suâ prædicatione quaquaversum effunderent. Et quoniam nonnulli ex eis habebant eandem appellationem, ne vocabulorum communio, confusionem pareret personarum, vt alter ab altero discerni innotescerentur mutuo, quos de propria, & simplici nuncupatione diiudicare non licebat. Itaque cum ad Simonem, & Iudam proditorem venisset, aiebat: *Et Simonem, qui vocatur Zelotes, & Iudam Iacobi, & Iudam Iscariotem*, (Lucæ 6. 5.) subaudi, *vocantur*. Simonem ergo à pij animi erga Deum, eiusque cultum ardore singulari Zelotem, Iudamque alterum à parente, alterum à patria designauit.

Sed cum Euangelistæ propositum fuerit facere, vt vnusquisque ex signo aliquo speciali innotesceret, quæ postremum Iudam de insignito proditoris faci-

nore non deserpsit, quemadmodum Simonem à peculiari, & eximio Zelo discreuit?

Respondet S. Ioannes Chrysost. in homil. de Iudæa prodit. To. 3. *Illum de animi sui virtute nuncupauit, istius malitia nomen abscondit. Et ideo non dixit, Iudæa proditor, & te doceat, detractiones nescire, & accusationes declinare*. Poterat sicut Simonem à probitate, sic Iudam ab infami, & sacrilego proditoris scelere denotare, suppressit tamen huius flagitium studio, ac medietate, vt nos doceret obnubere aliorum culpas, eas etiam, quæ aliquin patentes sunt, & notoriæ, plurimumque semper cauere, ne eas enudemus, aut diuulgemus. Virtutum insignia, gratiarum ornamenta, & quidquid ad gloriam, commendationemque aliorum conducit, hoc amplificare verbis, hoc latè disseminare sermonibus, hoc in cœlum vsque euehere laudibus possumus, noxas tamen illorum, tametsi publicas, occultare, quantum ut nobis est, & seruare secretas debemus. Sic enim & Euangelista Iudam à proditione non designauit, *vt te doceat detractiones nescire, & accusationes declinare*.

Admirabilem, & attentam naturæ in re simili prouidentiam meritò, & ingeniosè annotauit Aristoteles, cuius ea est sect. 10. Problem. num. 52. observatio, nullum esse animal, quod non aliquam sui corporis partem habeat infirmam, ac debilem, dicens: *Infirmum unumquodque loco sui corporis aliquo est*. Sed qua in parte partem illam imbecillam natura reposuit?

Respondet: *Partes infirmiores natura semper integere consuevit*. Cum in vnoquoque corpore sit aliquid infirmum, & aliquid robustum, aliquid vegetum, & aliquid debile, sic ea ordinauit natura, vt lateant, quæ sunt imbecilla: *Partes infirmiores natura semper integere consuevit*. Iam si in naturalibus, ubi sine culpa est infirmitas, sine animi vitio vitium corporis, tam vigilantè, diligenterque obnubuntur defectus, quibuscum nascimur, quanto studio debent occultari morales imperfectiones, ægritudinesque animi, quas suâ culpâ quisque sibi accersit?

Pernulgatum est illud piscinæ miraculum, quod S. Ioannes accuratè describit à situ intrâ urbem Ierosolymitanam, à quinque porticibus, à frequente turba claudorum, cæcorum, aridorum, & alijs varijs morbis laborantium Expectabant hi perattentè horam, quâ Angelus à cœlis veniret, vt inconcittas ab illo aquas sese præcipitarent. *Angelus Domini descendebat secundum tempus in piscinam, & mouebatur aqua*, ait ille Ioan. 5. 4. atque ita confunde-batur, vt videri non posset, quod in illam iniiciebatur.

Multâ.



Multi querunt, & merito, cur Angelus mouerit aquas, vt sanarentur ægri, cum ad effectum miraculi morio ista parum videatur habuisse momenti.

Multa in hanc rem dicta ab alijs. Responso sancti Ioannis Chrysostomi est admirabilis, qui ait: *Turbabat Angelus aquam, ne languentium turpitudine appareret.* Cum ingens esset languentium copia, & varietas, fieri non poterat, quin inter plurimos nonnulli haberent fœdas, & foetidas plagas, quas ne corpore ad ingressum aquarum nudato conspiceret alij possent, descendebat Angelus, & turbabat aquam, ne languentium turpitudine appareret. Docemur eo exemplo illos pro Angelis à cœlo delapsis habere posse, qui cum audiunt lædi famam proximorum, eorumque nudari turpitudinem, & detegi vulnera, ex charitate, & miseratione abrumpunt, aut interpellant detractoria colloquia, vel aliud sermonis argumentum interferunt, turbantque, quibus modis possunt, criminatorias narrationes, vt pudendas eorum, quorum fama proscinditur, actiones tegant, & obnubant.

Nimis tenuiter mihi hanc rem exaggerasse videor. Nescio an affirmem, quod Deus illi, qui aliorum errata in familiari sermone excusat, & inumbrat, hoc dicit, quod ad Christum in monte Thabor olim aiebat: *Hic est filius meus dilectus, in quo mihi complacet, ipsum audite*, gratissimum quippè mihi est audire loquentem illum, qui cum malè loquentes audit, vulnera eorum, quorum honor laceratur, tegere studet, & occultare. Transfiguratus fuit in illo monte Dominus, adierantque spectaculo Moyses, Elias, & discipulorum charissimi Petrus, Iacobus, Ioannes, quando Pater æternus Filium suum verbis iamiam dictis prædicauit. Ad magnificam Patris commendationem accesserunt splendidissima indumentorum insignia, quæ talia erant, vt de illis æstimare eum filium Dei potuisses, tamen nemo verbis hoc expressisset. Quænam illa? *Facta sunt vestimenta eius alba sicut nix.* Matth. 17. 2. quem cum tali amictu ornatum Pater videret, statim succlamare cepit: *Hic est filius meus dilectus*, quem tamen semper Filium agnoscam, nunc tam elegantem in nouo illo habitu video, vt pulchrior nunquam visus fuerit.

Itanè verò tunc oculos, animumque Patris totum ad se rapuit Christus, quando vestimentis tam candidis indutus fuit? Quid habet nix, vt eius color tam vehementer placere potuerit? Quod experientia quotidiana docet, & Petrus Berchorius his verbis affirmat? *Nix omnia immunda non solum cooperit, sed pulchra etiam apparere facit.* Nobilis proprietas,

& ingenua conditio niuis, quæ cum res fœdidas tegat, etiam venustat, & ornat, sic vt ad earum fœditatem penetrare oculus non possit. Habet hoc vnum nix in multis officium. Ergo quando Pater æternus vidit Christi vestimenta alba instar niuis, quæ squalida occultat, & ornat, aiebat: *Hic est filius meus dilectus*; vt inde intelligeretur, quàm gratos habeat illos, qui similes sunt niuis, quæ turpia non solum occultare, sed etiam ornare soleat, illos, inquam, qui proximorum errata, malè ac turpiter facta non tantum velare, & abscondere amant, sed etiam ita excusare, extenuare, honestare student, vt potius in virtutibus, si fieri potest, numerentur, quàm in vitijs recenseantur.

*Vide prima partis Politici lib. 2. cap. 2. & leca ad calcem illum adnotata, vbi simile argumentum tractat.*

## C A P V T VIII.

*Ad benefaciendum sine longa deliberatione deproperare, caret, vt videtur, periculo, ad inferenda supplicia lentis gradibus, & suspensio pede cunctanter pergendum, multoque, & maturo consilio vti necessum est.*

Ibat Dominus, vt nefandos plecteret Sodomitas, & dicebat: *Descendam, & videbo virum clamorem, qui venit ad me, opere compleuerint, an non est ita, & sciam*; Genes. 18. 20. 21. Monent hic omnes interpretes, non nescire Dominum scelera criminatissimorum Sodomitarum, ad illum modum tamè locutum fuisse, vt doceret iudices, quàm cunctanter ad irrogandas pœnas, aut decernenda, expetendaque supplicia pergere debeant. Ità affirmant sanctus Ioannes Chrysostomus, Gregorius Magnus, Doctor Angelicus, Nicolaus Lyranus, Oleaster, & Abulensis, cuius sunt ista: *Factum fuit ad instruendum iudices, qui licet delictum cognoscant per famam, & velut singulares persona, donec eis perfectè constiterit peccatum esse commissum, sententiare non debent, sed primò rei gesta inquirere veritatem.* Præuiâ consultatione, eaque diligenter, & maturâ opus habet iudex, qui seuerius aliquid in alios statuere ex officij munere debet, priusquàm pronuntiet.

Propheta regius cum loqueretur de modo, quo Deus conferre beneficia, & inferre supplicia soleat, aiebat: *Ira in indignatione eius, & ira in soluitate eius*; Ps. 29. 6. Difficilia profectò verba. Nam cum suprema illa maiestas ad castigandum peruigili circumspectione, & attentione maximâ utatur, vi-



deur absque errore dici posse, quod ira, & indignatio eius æquæ, ac vita in voluntate eius sit posita. Quid ergo indignationi iram eius sanctus David ascribit, & vitam (quo nomine omnia gratiarum dona designantur) in voluntatem eius refert?

Satisfacit huic quæstioni Magnus Basilius in illius Psalmi commentario, dicens: *Pars secundum iustum Dei iudicium, Vita vero in voluntate eius. Circumstantia peccatorum non ipsius voluntate fiunt, sed pro merito eorum, qui peccauerunt, inferuntur. Vitam itaq; Deus cuiq; propria voluntate tribuit.* Cum suppliciorum inflictio à severiore iustitia veniat, neminem Deus ad poenas damnat, nisi cui pro malis scelerum suorum meritis iurè sit indignatus, quique ante egerit, ob quod plecti meruerit. Itaq; ut contra reum pronunciet, prius causam examinat, & prout illa exigit, mulctat, & punit. At *Vita in voluntate eius, quia vitam, gratiam, & omne genus beneficii cuiq; Deus propria voluntate tribuit.* Ut nos doceat, ad exercendam asperiores iustitiam, ad decernendas, & erogandas poenas maturum iudicium, prouidum consilium, & solers ingenium adhibendum esse, ad eroganda verò beneficia non requiri tantam deliberationem, & consultationem, sed pro voluntate, & arbitratu conferri ea posse.

Virgis, & securibus Romani olim plectebant flagitia, magistratusque, & Prætores eiusmodi instrumenta secum semper ferebant, sed inuicem arde, & valde constricta. Quærit nunc Plutarchus Probl. 79. tom. 1. *Quid est, quod Prætorum virga securibus alligare præferuntur?* Nonne consultius fuisset, solita ea instrumenta circumferre, ut expeditius, faciliusque ad castigandum illis uti possent, qui ex officio debeant? O quam bene scilicet rem hanc esse affecturus inquit Plutarchus. Immo verò quoniam virga, & securis instrumenta severitatis erant, ob hoc ipsum fortiter constricta, & colligata esse debent, ut is, qui illaturus supplicia erat, intelligeret, debere cunctatione ad eam rem uti, propterea etiam deuincta gerebat ea instrumenta, ut tam promptè, celeriterque ad vindicandum exere non posset. *Signum est,* ait Plutarchus, *non oportere magistratus iracundiam promptam, ac dissolutam esse.* Diu, ac diligenter, prudenterque deliberandum est, si quid austerius in alios statuendum.

Lætabundæ celeris Sponsi sui aduentu, Sponsa inquebat: *Vox dilecti mei, ecce esse, & ante saliens in montibus, transiens colles. Similis est dilectus meus caprea, hinnulus, ceruorum;* Cant. 2. 8. 9. Peccauit primus homo, venitque Deus, ut eum in iudicium

vocaret, absconditque se cum vxore sua, cum audissent vocem Domini Dei deambulantis in Paradiso ad auram post meridiem, Genes. 3. 8.

Galfridus in c. 3. Geneseos apud Godefridum Tilmannum in allegor. Biblior. ait: *Non sic postea venit ad Sponsam, qua in magno se gaudebat amore prauentam, in eo, quod venientem cum celeritate conficeret. Ecce, inquit, venit hic saliens in montibus.* Nunc verò deambulare dicitur, quarens latentem inter frutices peccatorem. Alijs passibus ad Sponsam dilectam, alijs ad transgressores protoparentes venit Dominus. Illi enim videbatur saliens, & transiens, hi audierunt vocem deambulantis. Ibi volabat, hic vix mouebatur, ibi alas habebat aquilæ, hic pedes plumbeos, ibi velox accipiter erat, hic tardigrada testudo. Vnde illa tanta adueniendi diuersitas?

Respondet Galfridus: *Retardabatur, & lentè gradibus incedebat, & potè qui veniebat, tristè mortalibus inferre sententiam, ad Sponsam verò sentens festinabat, & latè admodum salibus aduolabat, æternæ reparationis afferens medicinam.* Dispar causa disparē vtrinque aduentum fecit. Ad hominem hominum primum parentem velut impeditis pedibus venit, quia seuerus iudex venit, ut illi tristè sententiam mortis denuntiaret, quam cum ipse, tum posterius eius omnes oppetiturū essent, postquam accerbam in multiplici miseriæ genere vitam duxissent: Ad sponsam verò ut amantissimus Sponsus venit, ut eam cumlaret beneficijs, & excoleret gratia donis, & primi lapsus damna instauraret, ac propterea latè admodum salibus aduolat. Voluit autem eo exemplo erudire iudices, omnesque, in quorum manibus sunt panes, & gladius, oliuæ, & querens, rigor, & clementia, gratia, & iustitia, ut ad austerius agendum, decernendumque poenas lento pede pergant, causasque reorum diligentissimè perscudent, ad beneficia verò præstanda sint agiles, conciti, veloces.

Superior omnis debet esse admodum cunctabundus, & meditabundus, cum ad decernenda supplicia vadit, ne hoc illi contingat, quod curdam præcipiti tyranno euenit, de quo Seneca in lib. de Ira apud Rodericum Sanctiæm p. Histor. Hispan. c. 1. affirmat, *irato, & festino iudicio tres occidisse innocentissimos milites.* Res illa si accidit, Veteres milites bini, & bini ire per viam solebant. Vidit tyrannus, quem dixi, unum quendam incommittatū ire, iussitque exemplo occidi, eo quod socium suum, ut suspicabatur, interemisset, atque idcirco solus veniret. Cum is ad supplicium educeretur, venit illius socius.



foctius. Quare licet ad iudicem accurrens, rogauit retrahere sententiam, & viuum relinquere eum, qui morti adiudicatus erat. Detexit ille quidem iudici suum errorem, & præcipitanæ prolapsionem, sed nequicquam, quia sententiam, quam semel tulit, ratam esse voluit, iussitque & primum, quod semel dixerat, obtruncari, & posteriorem similiter trucidari, quod priori causa internecionis fuisset, demum verò etiam licetorem è viuis auferri, eò quod primum non satis celeriter interemisset. *Te iubeo interfici, aiebat, quia damnatus es. Secundo dixit, Te simili sententiâ damno, quia causa damnationis socij fuisti. Tertio, videlicet licetori dixit, Te quoque occidi iubeo, quia mihi imperanti non paruisti.* Quid magis impium, & iniquum, quidue atrocius excogitari possit? Si expendisset ille tyrannus, quæ faciebat, tantum scelus perpetrare non potuisset.

Cum sanctus Patriarcha, & rex Iob secum reputaret incommoda, quæ ab insanis furiosorum id genus hominum accelerationibus nasci solent, aiebat: *Causam, quam nesciebam, diligentissime inuestigabam*, Iob. 29. 16. Rex erat, & Princeps Orientis, ad cuius tribunal cum plurima quotidie perferrentur piacula, contra nullum temere, præcipitanterque pronuntiabat; verum sagacissimè singula ante discutebat, quam suam de eis sententiam proferret. In eorum verborum expositione sanctus Gregorius lib. 10. Moral. c. 14. ait: *Quia in re notandum video, ne ad proferendam sententiam Enquam precipites esse debeamus, ne temerè indiscussa iudicemus.* Apud Sanctum verba Gregorij sic habent: *Ne ad proferendam sententiam moris &c.* Nam ubi de capite, vita, & sanguine hominis agitur, ubi asperitate iustitiæ aliquem persequi propositum est, tardè progredi, & attentione multa uti oportet. Nam cum omnia alia deliberatè consultèque sint faciendæ, ubi de vita & capitalibus criminibus agitur, ibi maxima adhibenda est cautio.

Seneca inqq. natural. lib. 2. c. 43. sciscitatur: *Quare fulmen, quod solus Iupiter mittit, placabile est, pernitiosum id, de quo deliberauit, & quod alijs quoque autoribus dijs misit?* Cum supremam Ioui cœca gentilitas ascriberet deitatem, quomodo fulmina ab illo solo venientiam tam parum curabat? Tamne erat illius vel exigua autoritas, vel infirma potentia, vel imbecille brachium, ut ferire, & nocere, & perterrefacere, nisi à cæteris deastris adiutus non posset?

Respondet insigne decus Cordubæ: *Quia Ioues est, regem prodesse, etiam solum oportet, nocere non*

*nisi cum pluribus visum est.* Fingebant illi fabulones, quod Iupiter, quando solus esset, nullam quidem haberet cædendi, vastandique facultatem, benefaciendi tamen amplissimam potestatem. Artendebant hæc in re, quid inter collationem beneficiorum, & irrogationem suppliciorum interesset, nimirum quod benefacere quisque solus liberrimè, poenas autè expetere ne summus Iupiter quidem absq; pleno deorum concilio, & consensu posset, aut deberet.

Pergit vterius illustri Philosophus, & ad imbuendos alios dicta transferens, ait: *Discant hoc ij, quicunque magnam potentiam inter homines adepti sunt, sine consilio nec fulmen quidem mitti.* Aduocent, considerent multorum sententias, placita temperent, & hoc sibi proponant, *Ubi aliquid percussus debet, nec Iouis quidem suum satis esse consilium.* Nam si nec Iupiter quidem poterat suum pro solâ sua libidine exerere, & distingere gladium, quis aliorum solus inconsultè iacere fulmina, & cædes facere pro suo arbitrio rectè queat? inquit Seneca. Requirit illud negotium plurimam considerationem, diligens examens, & solertem expensionem.

Parte 2. Politici l. 4. c. 2. *habes huius rei pulcherrimum exemplum nauticorum hominum, qui longas traxerunt moras, priusquam Ionâ in mare ad certa mortis periculum conijcerent, quamquam id iure possent, simul atq; seipsum condemnarant, & ibi loquitur Theophrastus. Vide.*

## C A P. V T. IX.

Qui proximum suum temerè iudicat, est quidam secundus Lucifer, Deiq; iurisdictionem sibi usurpare, & autoritatem per tyrannidem occupare tentat.

Omnia sciens, cuncta videns, vniuersa comprehendens Deus aiebat: *Descendam, & Videbo*, Genes. 18. 21. Hoc ille dicebat, cui vniuersa patent, suntque exploratissima, & perspectissima omnia. Quamobrem ita loquebatur? Causam superiori capite indicauimus, nempe ut Prælati, & superiores omnes discant, quantâ diligentia & attentione, & cautione tractare causas reorum, quam sollicito studio præuidere omnia debeant, cum pronuntiare contra accusatos volunt. Neque ad hos tantum, sed ad omnes vniuersam homines spectat hæc doctrina, ad omnium eruditionem pertinet, quod omnis Deus dixit, velle descendere, & videre, vtrum Sodomitæ clamorem opere complessent, ut nemo cœ-



eo impetu, & anfractu temerario ad iudicandum leuiter aliorum dicta, seu facta deproperet. Hæc est doctrina vtilissima, quæ plurimum condemnari, & inculcari debeat, eo quod maxima pars generis humani indiscreto iudicio ad reprehendendum prompta, & parata esse probatur: quod sanctus Augustinus serm. 2. 2. de temp. ijs verbis affirmat. Hæc est pestis, quæ omnes obtinuit, & cancer, quo plerique mortales laborant, & peccatum grauissimum, quo patientia Dei vehementer irritatur, quod sit quidam secundus Lucifer, usurpatorque, & tyrannicus inuasor iurisdictionis diuinæ, quisquis temerè alios iudicat. Nam censere occulta, & de cordium secretis pronuntiare, soli sapientiæ immensæ Dei reseruatum est, quæ nemo scire possit, nisi ipse reuelet.

De hac re sic ait magnus Doctor Ioannes Cluniacensis serm. 43. Domin. 4. post Trinit: *In Deum peccant, qui temerè iudicant, quia appropriata sanctæ Trinitati sibi usurpant. Primò de temporibus, quæ Pater posuit in sua potestate. Regulariter enim faciunt de præsentis præteritum, vel futurum. Secundo sapientiam filij Dei usurpant, cuius solus est de occultis iudicare. Tertiò contra clementiam summam peccant, cum iudicant reprobos, quos ipse saluare decreuit.* Temporum noticiam, quæ penes solum Patrem, sibi arrogant, dum illum vel nunc peccatis contaminatum, vel post hæc inquinandum affirmant, qui superiora flagitijs operibus veræ poenitentia obliuiscunt, & ad cauendum deinceps cum Dei opitulatione omnia firmo proposito pium animum obstinant. Filij sapientiam, eiusque munus inuadunt, cum de secretis, quorum illa sola est conscia, sententiam ferunt. Spiritus sancti benignitatem vel maxime offendunt, cum eos in reprobis numerant, quos ille libro vitæ inscriptos habet. Videte num sit grauissimum crimen, & insolentissima noxa, in re graui, & culpa mortali (de hac enim in toto hoc capitulo semper loquimur) alios temerè iudicare.

Duo quidam ascenderunt in templum, ait Dominus, quorum alter Phariseus, Publicanus alter erat. Phariseus penitissimum templum ad ipsum vsque altare ingressus, cum se peccatorem mundi maximè humiliter agnoscere, & confiteri deberet, super omnes homines arrogantissimè extulit, & de sanctitate, cui nulla cuiusquam alterius hominis comparabilis esset, iactantissimè gloriatus fuit, inquiens: *Deum gratias ago tibi, quia non sum sicut ceteri hominum, raptores, inuesti, adulteri, &c.* Vel etiam hic publicanus; Lucæ 18. 11. Hoc est, quod dicebat: Nihil unquam sum furatus, nec aliquando moechatus,

neque necem cuiquam intuli, nec illius contumacissimi Publicani similis sum, qui conscientia tot scelerum à se perpetratorum non attolere vultum, neque liberioribus oculis cælum, quod grauissimè offendit, spectare audeat. Nec magis superbus, tumidusque homo pingi, nec maior tolerantia expectari potuit eam, qua Deus hunc tot stulta verba, ne dicam, laxa, loquentem patienter audiuit.

Sanctus Dorotheus Doctrinâ 6. tom. 2. Biblioth. Vet. PP. ait, ingentem fuisse Christi sospitatoris nostri patientiam, per quam factum, ut hominem super homines omnes tam vanis, & insolentibus acclamationibus seipsum excolentem auribus exciperet, eam tamen prorsus exhaustam fuisse videri, ut sic dicamus, quando illum cum præsentis Publicano tam inuidiosè se comparantem audiuit. *Neg ex hoc iudicatus à Domino est,* inquit Dorotheus, quod purum à rapinis, iniustitia, adulterio affirmavit, neque quod dixeret, ut ceteri homines, *Sed ob hoc, quia ad Publicanum conuersus.* Neque, inquit, ut hic Publicanus. *Tunc enim iudicatus est, tunc actum est eius &c.*

Quid causæ est, quod Dominus, qui verba Pharisæi inania, & fatua tam multa patienter audierat, hoc tolerare non potuit, quod addidit, *Velut etiam hic Publicanus,* sed ita aduersus eum inflammatus fuit, ut orco æternum deputarit?

Dorotheus ait: *Iudicauit enim ipsam personam, dispositionem mentis, &c. ut breuiter dicam, omnem ipsius vitam.* Quod Dominus superbum damnauit Phariseum, hoc fecit, quia *iudicauit dispositionem mentis,* quia faltem in Dei melle misit, quia de secretis cordis pronuntiauit. Et quoniam alterum quendam Luciferum Phariseus se fecit, cum Dei iurisdictionem inuadere, & de animæ oculis ferre sententiam voluit, in eo etiam Lucifero quodammodo similis factus est, quod conuersionis incapax esset, eo quod iussè illi negarentur auxilia efficacia, per quæ statum culpæ euaderet: *Tunc iudicatus est, tunc actum est eius &c.* Tam graue namque peccatum est, in re graui, quæ sit peccatum mortale, temerè, citraque præsumptionem, & sufficiens argumentum iudicare proximos, ut qui hoc facit, velut est Lucifer usurpatione iurisdictionis diuinæ, sit etiam videatur, tanquam ille primus Lucifer, inemendabilis, & incorrigibilis.

Enormitas, & immanitas huius flagitij ex eo quoque æstimari potest, quod Propheta regius tam anxie, lachrymabiliterque Dominum obsecrauit, dicens: *Iudica iudicium meum, & redime me;* Psal. 118. vers. 154. Ut verò prorsum exobsecraret, quod suspi-



Aspirabat, subiunxit: *Misericordia tua multa, Domine*, ibid. vers. 256. velut dixisset: Misericordias tuas, Deus, tam exploratas habeo de multitudine, tam multas noui de experimento, ut de illarum immensitate bene fuis, ausus fuero rogare, ut facias, quod tantis cum lamentis peto, & oro.

Videamus quidnam illud sanctus Propheta obestatur. *Iudica iudicium meum*, inquit. Quid est iudicare iudicium? Aut quod illud iudicium, quod iudicari optabat. Non aliud, inquit sanctus Ambrosius, quam quo alij res aliorum oculos, & dubias censere solent. Vbi duo notanda veniunt. Primum, quod Propheta ex persona peccatoris loquitur, qui de aliorum moribus, & erratis temere affirmat, cupitque, & rogat suum iudicari, & castigari iudicium. Nam quamvis ceterorum criminum possumus sperare ab indulgentissima Dei bonitate non solum quoad culpam, verum etiam quoad poenam absolutionem; temerarij iudicij scelus tamen, cum sit tam graue, tamque inuisum, & exosum Deo, quoad culpam sibi remittendum sperauit, quoad poenam vero simul condonari rogare ausus non fuit, quapropter dixit, *Iudica, Domine, puni, & plecte temerarium iudicium meum*. Nam qui tuam iudicandi potestatem inuasit, & sibi usurpauit, poenasque pro ausu temerario debitas latus subire debet, si culpæ gratiam illi propius facias. Alterum illud est, quod Propheta subiicit: *Et redime me*. Petit itaque post condonatum temerarium iudiciorum noxam etiam redimi. Redemptio non vni soli peccato est destinata, sed ad omnia obliuenda pertinet. Sic enim Redemptor ipse aiebat: *Et ego si exaltatus fuero à terrâ, omnia traham ad me ipsum*. Ioan. 12. 32. hæc est: Quando crucis solum, officium sospitatoris facturus, inibo, tam late mea extendetur misericordia, ut in omnes vniuersum homines exundet, & effundatur.

Quid ergo est, quod sanctus David, postquam ex persona alterius culpam temerarij iudicij confessus fuit, supplex Deum rogauit ut redimeretur, inquit: *Redime me*? Quod ad totius generis humani scelera abolenda spectat, cur hoc vni suo temerarij iudicij peccato auferendo petit? Fecit hoc, ut significaret, illud temere iudicandi peccatum, cum circumstantijs supra dictis coniunctum, tam esse graue, & atrox, ut ipsum solum tantum requirat Redemptorem, quantum reliqua totius mundi peccata omnia exigunt. Atque ut David ei, cuius personam referebat, temerarium iudiciorum veniam consequeretur, commouebat Deum misericordiam suam, tanquam eorum immemorem illum

tanti sceleris magnitudo fecisset, aiebatque: *Misericordia tua multa, Domine*, quas cum in memoriam reuocas, illud simul velim recorderis, quod operum tuorum gloriosissimum est condonare offensas.

At cur nunc tam singularem mentionem infinitæ clementiæ Dei facit? Cur illius bonitatem hæc occasione ita extollit? Cur exaggerat benignitatem? Dicit hoc sanctus Ambrosius, cuius sunt ista: *Quia dixerat, Iudica iudicium meum, ideo subiunxit, miserationes Domini nimium multas esse, graue est enim de alio iudicare*.

*Graue scelus est*, inquit, *de alio iudicare*. Quam graue putas? Tam graue, ut ad alia peccata tale sit, qualis trabs ad festucam.

Reprehendebat Christus quoddam genus hominum superstitionum, & fanaticorum, qui alienorum erratorum austeri, & sublimachosi essent censores, suorum grandium scelerum blandi palpones, aut cæci erant dissimulatores, cumque aliorum exiguas noxas immoderate amplificarent, sua ingentia flagitia mirum extenuabant. Ex his quendam sic perstringebat Christus? *Hypocrista eice primum trabem de oculo tuo, & tunc perspicies, et educas festucam de oculo fratris tui*, Lucæ 6. 42.

Quodnam illud peccatum trabe indicatum, quodnam festuca significatum fuerit?

Respondet sanctus Dorotheus Doctrin. 9. *Comparauit Christus festucam peccato alteri cuiusque, iudicium autem trabi*. Quantum enim interest inter pondera trabis, & paleæ, seu festucæ, tantum superat suā gravitate peccatum iudicij temerarij alia peccata: *Excedit, inquam, omne peccatum iudicium temerarium*. Vide ergo an non merito dixerit Ambrosius: *Graue est de alio iudicare*. Tam graue nimium est, ut si rectæ rationis utiatur cum cæteris peccatis imponas, tantum illud præponderet, quantum ingens trabs leuem paleam onere superat. *Comparauit festucam peccato, iudicium autem trabi, excedit enim omne peccatum iudicium temerarium*. Videat ergo quisque, quomodo iudicet proximum suum, quando non habet sufficientem præsumptionem, nec argumenta, ex quibus pronuntiare possit. Sit pius, sit humanus in alios; ametque eos. In rebus dubijs semper in mitiorem partem inclinet; omniaque in meliorem interpretetur, & quantum potest, pro fratre sententiam ferat. Non ruat præceps non prohibeat coeum ad condemnandum aliorum facta, cum tam graue, atque immane scelus sit, mores, actusque aliorum priuatâ censurâ inconsiderate damnare.



# LIBER VIII.

## VITÆ ABRAHAM.

## CAPVT I.

*Tam inuito, repugnanteq; animo Deus ad irrogandas penas adducitur, vt velut pro miraculo haberi possit, cum infert supplicia.*



Am irati Dei stomachosa iustitia sanguinolentum aduersus nefarios Sodomitas eximit, gladium, iam ardentis sulphuris globos infensum cœlum in illa contaminatissima brutorum hominum capita vult explodere. Sed in medio tam cruenti, & horribilis furoris lux grata immensæ pietatis Dei sese aperit, & quàm inuitus ad inferenda vel talibus meritissima supplicia pergat, per ipsam temporis, quo ad puniendum illos abiit, circumstantiam manifestè declarat. *Duo Angeli*, qui poenæ executores missi sunt, *Generunt Sodomam & sperere*, Gen. 19. 1. Ad Abrahæ tentorium autem venerunt *in ipso seruire dies*, Gen. 18. 1. Ad beneficia conferenda, ad nuntiandum diu optati filij iam desperatum conceptum, tempestiuè accurrerunt, ad infligenda supplicia tardè, ac sub seram noctem appulerunt. Proprium hoc est illorum, qui odiosum repugnante voluntate curatum opus vadunt, moras per viam necesse, & lento gradu, & languido gressu, & torpentibus pedibus pergere. Nihil magis alienum à Deo, nihil magis illi inuisum, & exosum, quàm animaduertere in reos, plectere flagitiosos.

Cum de fatali illo, & supremo expirantis mundi die, & vniuersali orbis iudicio Dominus, & Redemptor noster illius differeret, inter appetentis signa hoc vnum fore dicebat, quod *virtutes celorum mouebuntur*, Lucæ 21. 26. Magnam difficultatem habet eorum verborum sensus, cum perspicuè intelligi nequeat, quas hoc loco celorum virtutes iudex supremus appellauerit.

Sanctus Ioannes Chrysostomus homil. 2. de Latrone ait: *Tunc mouebuntur virtutes caelestes, & Angelos tremor apprehendet*. Ex huius ergo sententia Doctoris virtutes celorum in die illo furoris Domini mouebuntur, quia sic exardescet illius ira tunc in peccatores, vultusque erit tam austerus,

& ferox, vt in terrorem Angelos etiam aspectus eius conijciat.

Sed opponit Chrysostomus: *Et cur Angeli tremant? Nunquid & illi iudicio tenebuntur? Non inquam*. At si non tenebuntur iudicio, cur tremant? Respondet os aureum: *Terrebuntur constantia iudicis*. Angelos constantia iudicis perterrefaciet, & me dictum hoc Chrysostomi attonitum habet, Quia enim dicit constantiam Dei iudicis? Constantia, & firmitudo alicuius ex perseverantia, & pertinacia, quæ perdurabiliter iudicatur, ac dimicat, elucet, & comprobatur. Videamus ergo quàm diu durabit istius diei furor, & iudicis ira, vt discipiamus, an ea tantam adferre possit Angelis, vt vult Chrysostomus, admirationem. Sanctus Paulus 1. Cor. 15. v. 52. ait, *in momento, in illo oculi*, conficiendum, absolvendumque omne supremi iudicij negotium. Si tam celeriter transiet indignatio, ira, furor, quomodo Chrysostomus dicere potuit quod *Angeli terrebuntur constantia iudicis*? estne magna constantia iræ, quæ non nisi momentanea? Immo in Deo permagna est, inquit Chrysostomus. Nam cum plectere sit valde alienum ab ingenio Dei, cum ille inuitissimus puniat, integrum sæculum, totamque æternitatem ad irrogandas poenas sibi vertere videtur, quando solum momentum ad castigandum adhibet.

Suauiissimam illius indolem, & dulcissima, amantissimaque viscera inde etiam arbitrari possis, quod de eodem ultimo die locutus dixit Ioan. 5. 28. 29. *Veni hora, in qua omnes, qui in monumentis sunt, audient vocem Filij Dei, & procedent, qui bona fecerunt, in resurrectionem vitæ, qui vero mala egerunt, in resurrectionem iudicij*.

Cardinalis Caietanus in his verbis acutè expendit, quod qui in peccato, & Dei inimicitia è viuis decesserunt, in resurrectionem iudicij processuri, siue in iudicium resurrexerunt dicuntur. At cum reprobi ad hoc tunc in vitam immortalem resurgant, vt antea vitæ mortalis poenas luere incipiant, nonné melius actum fuisset, si iudex dixisset, ad cruciatum, & supplicia resurrexerunt, quàm quod ad iudicium reuicturos, siue redamandos affirmauit, maxime cum eo momento in ardentem oceanum vltimum flammatarum sint præcipitandi, vt perpetuis vinculis adstricti



adstricti infelicem per omnem æternitatem remum ducant?

Respondet Cardinalis: *Pœna reproborum non describitur in seipsa, sed describitur in iudicio, ad significandum, quod non aliunde, quàm ex iure; iuxta eorum mala opera puniuntur. Et propterea non dixit, Procedent in resurrectionem pœnarum, sed iudicij, Et resurgere significantur non ad pœnas, sed ad ius; non enim deletatur Deus pœnis damnatorum, sed iure.*

Non oblectari Dominum miserorum supplicij, zizaniorum parabola etiam testatur faciet. Mixta ea tritico fuerant. Animaduertunt hoc patrisfamilias serui, interrogaueruntque, verum eradicatam noxiam herbam veller. Non placuit hero famulorum consilium, sed voluit triticum cum zizanij vique ad messem crescere, quo tempore iussit hoc quidem horreo suo inferri, illa verò in fasciculos ad ecombendum alligari. Cum hoc apud Mattheum cap. 13. Dominus narrasset, demùm v. 40. 41. 42. ita exposuit: *Sic erit in consummatione sæculi. Mitteret Filius hominis Angelos suos, Et colligent de regno omnia scandala, Et eos, qui faciunt iniquitatem, Et mittent eos in caminum ignis.*

Obseruauit hac in parabola Abulensis aliquid, Euthymius aliud, vtrumque causæ præsentī commodum. Abulensis annoramentum est, quod cum Dominus homines suæ Ecclesiæ bonos, & malos in tritico, & zizanij indicarit, malorumque supplicium expresse, non commemorat gloriæ, seu præmij bonorum. Quamobrem veò remunerationem iustorum præterij? Res ipsa loquebatur laurus, & coronas, quas probis paratas habebat. Nam cum ad remunerandum opera bona totis naturæ suæ ponderibus ab ingenua munificentia sua, & liberalitate totus propendat Dominus, otiosum fuisset, & superuacaneum narrare vices, quas benefactoris est redditurus, non secus, ac si quis diem esse affirmaret, quando exortum solem vidit. Solum supplicium memoratur, quia cum ab eo natura sua plurimum abhorreat, tanquam rarum quid, & singulare narrari debuit, quod caminum ignis, pœnarum officinam paratam excipiendis malè peccatoribus habet.

Euthymij commentatio hæc est, quod Christus regnum cœlorum simile dicit homini, qui seminauerit ipse bonum semen in agro suo (hic homo autem Christus fuit) Zizaniorum verò alligandorum, hoc est, eorumque, qui faciunt iniquitatem, colligendorum, & in caminum ignis mittendorum negotium ministris suæ iustitiæ Angelis commendauit:

Tom. III.

*Per se quidem seminat, inquit Euthymius, ostendens quod sibi proprium est beneficia præstare, per alios verò supplicium infert, demonstrans quod sit à se alienum punire. Suâ manu serit beneficia, alienâ manu irrogat flagra, vt significaret, æquè se & ad beneficiendū propendere, & ab infligendis pœnis abhorre.*

Tam longè autem abest à voluntate plectendi fontes, vt miraculo tribui possit, quando sic ita inflammatur, vt gladium ad feriendum educat. Comminabatur Dominus ingrato populo suo per Ieremiam Prophetam, inquiens: *Cadent in gladio, Et in fame, Et erunt in iustitiam, Et in miraculum, Et in maledictionem, Et in opprobrium, Ierem. 44. 12.*

Quid sibi vult, quod aiebat: *Et erunt in miraculum?* Transferunt eadem verba LXX. Interpretes: *Erunt in perditionem.* Et Paraphrastes Chaldaus: *Erunt in vastitatem.* Itaque quod vulgato textui nostro dicitur. *Miraculum*, hoc Chaldaus, & LXX. vertunt. *Vastitatem, Perditionem*, vt nobis sit inditio, quod tam alienum est à Deo mulcare malè meritos, vt tanquam miraculo adscribi possit, si quem fortè gladio, fame, aut aliâ plagâ vastet, ac plectat.

*Lautior et ac splendidiore commentatione hanc rem illustrat in prima parte Politici lib. 7. c. 3. Et aliis in locis ad finem illius capituli indicat.*

## C A P V T II.

*Erga hos est prolixior Dei munificentia, qui alacrius, studiosiusque illi obseruiunt.*

Venerunt Angeli ad nefandam ciuitatem, quo tempore ad portas illius sanctus Loth, tanquam verus imitator virtutum sui auunculi, præstolabatur peregrinos, quibus misericordiæ officium exhibere, & offerre tectum posset. Cum vidisset duos quosdam elegantes viatores, obsecrauit illos, vt ad se diuerterent, & hospitalitatis obsequium admitterent? Recusarunt initio oblatam domus, & hospitij gratiam, dixeruntque: *Minimè intrabimus ad eas tuas, sed in plateis manebimus; Genes. 19. 2.*

Notant omnes Expositores, longè aliter egisse Angelos cum consobрино, atque cum patruo. Vix inuitarant eosdem Angelos Abraham, quando absque vlla repugnantia admiserunt officiosam gratificandi voluntatem, & dixerunt: *Fac Et locutus es; Gen. 18. 5.* Consobrini autem non statim acceptarunt oblationem, sed rogari ab illo diuiculè vouerunt, antequàm ab illo exorari sinerent. Quamobrem ita factum fuerit? Causam eam esse volunt, vt significetur, quod discrimine Deus ad re-

R

munerand-



munerandum suos uti soleat. Abraham magis perfectus erat, itaque merabatur, ut humanissima illius inuitatio statim admitteretur, diuerterunque etiam apud illum extemplo sacri hospites, & domum eius suo ingressu cohonestarunt: Loth non tam sanctus, adeo nec dignus erat, cuius ædes tam facile inirent, & felicitarent Angeli. Hinc accipimus doctrinam, quæ ad seruiendum Deo vehementer excitare, propioresque, & alacriores reddere potest, dum cogitamus, esse illum tam rectum, ac iustum, ut eum prolixius remuneret, qui diligentius obseruit. Nec enim Dei palatium simile est aularum regiarum, in quibus fauor solet esse corona, assentatio laurus, palma mendacium.

Per Oseam Prophetam dicit Dominus, *Locutus sum super Prophetas, & ego visionem multiplicavi, & in manus Prophetarum assimilatus sum*; Osee 12. 10. Obuia est difficultas eorum maximè verborum, quibus dicitur, quod Deus visiones multiplicauit, & in manu Prophetarum assimilatus fuit.

Sanctus Ioannes Chrysostomus homil. 32. in Genes. exponit aptè in causam præsentem, dicens: *Ego visiones multiplicavi, hoc est, unicuique apparui pro sua dignitate*. Itaque illos Prophetas Deus maioribus beneficijs cumulabat, quorum erat enixius illi famulandi, & gratificandi studium, & ijs plura sapientiæ suæ secreta aperiebat, qui pluribus officijs illum sibi demerebatur, impensiorique obseruantia semper maioribus gratiæ, visionumque visionibus respondebat: *Unicuique apparui pro sua dignitate*. In domo quippe Dei plus meretur, qui plus laborat.

Propheta regius ait: *Cum sancto sanctus eris, & cum viro innocente innocens eris*; Psal. 17. 26. Innocentis à sancto hoc est discrimen, ex Theologorum doctrina, quod innocens est, qui puritatem, quam à baptismo retulit, nullâ personalis peccati maculâ scdauit, hæreditariam enim labem omnes contraximus, sanctus verò, qui vitæ prioris malè acta studio operum poenitentia diluit, & obliterauit. Itaque potest quis sanctus esse, qui innocens non sit. Sic Maria Magdalena, bonus Latro, Petrus Apostolus non innocentes fuerunt, quia grauius aliquando Deum offenderunt, sed eas noxas exercitatione operum poenaliū, fletu, ieiunijs, vigilijs, predicationi assiduitate, fide, spe, charitate, aliarumque id genus rerum vsu aboleuerunt, & expiarunt, & posthæc sanctissimi, & perfectissimi sunt effecti.

Dicit nunc Propheta: *Cum sancto sanctus eris, & cum viro innocente innocens eris*, quemlibet pro me-

ritorum suorum mensura remunerans, sanctumque ut sanctum, & innocentem ut innocentem honorans.

Quod in hunc sensum iuerint Prophetæ verba, ex ijs, quæ ante dixerat, arbitrari licet. Dixerat enim statim ante ista: *Retribuet mihi Dominus secundum iustitiam meam, & secundum puritatem manuum mearum retribuet mihi*; ibid. v. 25. Sanctus Gregorius Magnus apud Incognitum in Psal. 17. sic ea interpretatur: *Quia in hac vita nobis est discretio operum, eris in alia procul dubio dignitatum discretio, & quo hic alium superas, illic retributione transcendas*.

Vigilantiam nobis, fidelitatemque commendat Dominus, iubetque imitari impigros, & sollicitos seruos, qui Domini sui aduentum attentè præstolantes, statim atque eum propius adesse animaduertunt, laxis portis, & patentibus foribus illum alacres admittunt. *Et vos similes hominibus expectantibus Dominum suum, quando reuertatur à nuptijs, & cum venerit, & pulsauerit, confestim aperiant eis*; aiebat Lucæ 12. 36. Hoc autem vigilantes illi serui habebunt præmium, quod Dominus eorum præcinget se, & faciet illos discumbere, & transiens ministrabit illis, ibid. v. 37. Quæ gloriosior esse queat intermissi somni remuneratio, quam tantum Dominum habere mensæ ministrum? Paulò infra ista ait rursum Dominus: *Quis putas, est fidelis dispensator, & prudens, quem constituit Dominus supra familiam suam, & des illi in tempore tristici mensuræ*? ibid. v. 42.

Cardinalis Caietanus monet in hæc ita: *Vide dispensatorem præmij preparatis ad confestim aperiendum, Ijs, qui ad fores domus excubantes opperiantur Dominum, ut venienti quamprimum aperiant, præcinctus, & transiens ille Dominus ministrabit: Prudentem verò, fidumque dispensatorem super omnia bona sua constituet. Superintendente Domino præcincto ministratur illis, fidelis autem, & prudens dispensator constituitur in alia vita super omnia, quæ Dominus possidet*, inquit Caietanus. Cur Dominus hunc dispensatorem tam amplà mercede magnificentiusque quam illum alterum remanerat. Quia esse dispensatorem totius familiæ, est operosius munus, quam esse portæ vnus custodem, itaque & largiore præmio iste, quam hic ornandus fuit. In domo namque Dei beneficia semper expenduntur ad pondera officiorum, & æqua redduntur laboribus præmia.

Hunc conceptum ante legi in Glossa Ordinaria, quæ



quæ sic habet: *Quanta inter bonos auditores, & doctores est distantia meritorum, tanta & praeiorum. Auditores bonos facit discumbere, & transiens ministras, dispensatores constituit super omnia, quæ possidet, non sibi soli, sed sibi prae ceteris habeant aeterna, tum pro sua vita, tum pro gregis custodia.*

Refert sacer textus opum copiam, quibus Sanctus Abraham, & consobrinus eius Loth affluebant. De Loth sic ait: *Sed & Loth, qui erat cum Abraham, fuerunt greges eorum, & armenta, & tabernacula,* (Genes. 13. 5.) neque ovium tantum, taliumque pecudum, sed & armentorum, & papilionum multitudo tanta fuit, quantam familiarum, & domesticorum ingens numerus requirebat. Abraham opulentiam ita divinum describit oraculum: *Erat dives valde in possessione argenti & auri*; ibid. v. 2.

Curiosus aliquis hic forte interroget, quamobrem Loth pecorum gregibus, tabernaculisque tantum, neque simul argento, & auro, ut pater Abraham, abundasse legitur. *Loth fuerunt greges ovium, & armenta, & tabernacula*, inquit. Cur auri, argenti que non commemorat?

Respondet Honcala: *Meminit argenti, & auri in Abraham, & non in Loth, quia perfectior erat ille, quam hic, & ideo divitiis auctor.* Magna sacri scriptoris attentio fuit, quod referens catalogum opum utriusque, patrum, aio, & consobrinum, illum supra hunc affluxisse auro, argenti que narrat, quia & ille etiam vitae sanctitate plus abundabat, merito opulentior, quia sanctior: *Perfectior erat ille, quam hic, & ideo divitiis auctor.* Qui enim regi cæli diligentius famulatur in terris, ille præstantiorem coronam obtinebit in cælo, potioresque erunt in donis, qui fuerint alacriores, & promptiores in curandis officiis.

*Vide in parte Secunda Politici lib. 3. c. 3.*

### C A P V T III.

*Ad iudicum omnium instructionem tam rectum, exactumque iudicem se Deus monstravit, ut ne demonem quidem ante damnare voluerit, quam illum audisset.*

Præsertim iuste iratus Deus subiecto igne obsecras illas civitates exureret, aiebat: *Descendam, & videbo*, attentus arbitrabor culpas, expendam delicta, discutiam causam, omnia lascivorum istorum reorum acta expendam. Quo consilio hoc dixerit Dominus, cuius tam perspicaces oculi (quod paulò ante probatum dedimus) ut nihil eis reatum,

occultumque esse possit? Respondet S. Ioan. Chrysostomus hom. 28. in Genesin: *Docere nos vult, quod opus sit magnam diligentiam peccatores condemnandi, & sententia ferenda.* Ad omnes quidem doctrina ista spectat, sed ad iudices specialiter, & vel maximè dirigitur. Quod enim Iudex supremus ait, *Descendam, & videbo*, siue momenta causæ Sodomitarum perstrabo, id fecit, ut iudices institueret, quomodo se erga reos habere deberent, moneretque vix ante magno studio, & tantâ ingenij attentione sollicitè ponderarent, excuterent, perpenderent causam, quàm pronuntiarent sententiam, aut decernerent penam, & hoc imprimis curarent, ut reo spatium congerendi, proferendique ea, quibuscunque excusare, ac purgare sua crimina posse putat, relinquerent. Nam condemnare inauditum, & cui negatum sit tempus diluendi, extenuandi, refutandi imposita facinora, res est, quæ omni iuri, divino, inquam, humano & naturali adversetur.

Cum S. Paulus Apostolus per suam desuper è cælo acceptam sapientiam omnes legisperitos confundisset, mortem illi adornabant, Festumque Præsidem obsecrabant, ut neci eum addiceret. Non potuerunt autem accusatores aliquid verè probatum dare sacri prædicatoris dignum tali supplicio flagitiū. Habebat Paulum in sua potestate Festus, qui cum de illius causa cum Agrippa Rege, & Bernice communicasset, etiam hoc ait respondisse accusatoribus: *Non est Romanis consuetudo damnare aliquem hominem, priusquam quis accusatur, praesentes habeat accusatores, locumque defendendi accipiat ad ablucenda crimina*; Act. 25. 16. Si hoc tam rigidè observabatur, tam diligenter, & sollicitè custodiebatur inter Ethnicos, qui veri Dei veram non habebant cognitionem: Si tam sancta, & laudabilis consuetudo apud Gentiles erat inuiolabilis, sic ut barbari illi nulum damnarent, cui non ante defensionis naturalis locum permisissent; cur non idem observent Iudices Christiani, & Catholici, quos supremus Iudex suis giftis, & exemplis, quomodo ritè iudicare debeant, instituit?

Lex ista tam conformis omnibus legibus, ius illud tam fundatum in omni iure perneccesarium est, & pretiosum, in quo persuadendo, & constabiliendo insumit Gratianus in secunda parte Decreti, in causa tertia, quidquid reliquum est questionis non. Multa ibi congerit Summorum Pontificum decreta, quæ graviter præcipiunt, ut nullus (rebelli, & contumaci excepto) damnetur inauditus. Ita Thelephorus, Eleutherius, Callistus, Marcellus, Damasus in



multis locis, Felix, Zepherinus, & Concilium Tole-  
tanum sextum. Audiamus vnum ex omnibus Cor-  
nelium Papam, Pontificem Sanctissimum, & fortis-  
simum Martyrem, qui epist. 2. ad Ruf. c. 2. sic ha-  
bet: *Omnis, quæ aduersus absentes in omni negotio,  
aut loco aguntur, aut iudicantur, omnino euacuen-  
tur, quoniam absentem nullus addicit, nec illa lex  
damnat.*

Quam elegantia illa verba: *Omnino euacuentur!*  
Metaphora est, eaque admirabilis. Quando aliquis  
dominus vas plenum iubet exinaniri, liquoremque  
eius in compita ad extremam guttam usque effundi,  
inditio est, liquorem illum esse pestiferum, & conta-  
giosum, nec vsui ad quidquam esse posse. Ad eum  
modum loquebatur Sanctus Cornelius, dicens:  
Quæcunque contra absentem acta, intentata, iudi-  
cata sunt, qui non potest se purgare, & contra reum,  
qui non est auditus, *omnino euacuentur*, tanquam  
inutilia, & inualida, immò tanquam noxius, & pesti-  
lens abusus, qui totam potest rectè gubernandi ra-  
tionem viriari, omnemque veræ iustitiæ inficere,  
corrumpere ordinem, damnare inauditum omnia  
iura vetant, & vt Zepherinus Papa epist. 1. ad Epi-  
scop. Sicil. inquebat, *hoc prohibent diuina, & huma-  
na leges: Qui autem miserum obruit reum, & da-  
mnat, quem neque audiuit, neque pro se loqui per-  
misi, adeo leges omnes Dei, atque hominum vio-  
lat, qualis iudex is esse potest? At quàm ille barba-  
rus est, quàm fera bestia?*

Accusabat Delphidius Numerium quendam la-  
trocinij apud Iulianum Imperatorem. Cùmque reus  
delictum, cuius insimulabatur, fortiter, constanter-  
que negaret, exclamabat orator: *Ecquis, florentis-  
sime Caesar, nocens poterit esse & equam, si negare suffi-  
ciat?* Respondit Caesar accusatori Delphidio: *Ec-  
quis innocens esse poterit, si accusare sufficiat?* Quàm  
aptè in rem præsentem, quanquam ab ineptissimo  
apostata dictum! Quàm commoda omnibus iudi-  
cibus doctrina? Nemo inauditus, nemo, cuius cau-  
sa ante discussa non fuerit, damnari debet. Nam ac-  
cusatio à probatione sæpè longè distare solet.

Deliquerunt primi Parentes, venitque offensus  
Deus, vt in iudicium reos pertraheret, sed ante om-  
nia transgressores audire, ipsorumque confessio-  
nem excipere voluit: *Quare vocauit Dominus Adæ,  
& dixit ei: Vbi es?* Genes. 3. 9. interrogauitque,  
à quo didicisset, quod nudus est. Posthæc examina-  
uit vxorem sceleris complicem, inquiens: *Quare hoc  
fecisti?*

Quid causæ est, quod Dominus, cùm exploratis-

simum haberet quidquid illi egerant, ita inquirere  
in eorum præuicationem, ipsosque transgressores  
diu interrogare voluit?

Respondet Abulenſis: *Sciendum, quod Deus li-  
cet cognosceret peccata Adæ, & Eue, tamen priusquàm  
puniret, interrogauit eos, & seruaret ordinem iudi-  
ciarum, prius inquirens, quàm condemnans.* Discant  
hinc iudices mortales, ac terreni, vt ante audiant  
reum, quàm contrà illum pronuntient.

Huc spectat, quod sapienter à Petrarcha dictus  
Cornelius à Lapide in c. 11. Ecclesiast. v. 8. his ver-  
bis refert: *Iudices imitari debent citharædos, qui  
antequam citharam pulsent, singulas chordas sonantes  
audiunt, ac inter se contemperant, & congruum edant  
sonum, & harmoniam.* Sic omnis iudex, qui rectus,  
& exactus esse, & audire amat, priusquam sententi-  
am pronuntiet, debet fides, seu nervos attentis au-  
ribus arbitrari, audire singulos, non accusatores  
tantum, verum & reos, vt ne veri harmonia soluatur,  
& dissonet à iustis legibus sententia.

Tale consilium suggerit etiam Iesus filius Sirach  
c. 11. v. 8. dicens: *Priusquàm audias, ne respondeas  
verbum.* Quibus loquitur hoc tam salutare consili-  
um? Omnibus. Verum Tuffus, Cornelius, & Oli-  
uerus ex sententia Rabani, Palarij, & Hugonis af-  
firmant peculiariùs loqui iudicibus. Audiamus Ra-  
banum Maurum: *Qui iudicari sult proximerum fa-  
cta, priusquàm planè causam & iriusq; partis dignoscas,  
inordinate festinat.* Quod ergo dicitur, vt iudex non  
respondeat, priusquàm audiat, tale est, quale si di-  
ceretur, quod bonum iudicet non ager, si præcipi-  
tauerit sententiam, vt reum ante damnet, quàm par-  
tes ambas audierit. *Inordinate festinat*, inquit Ra-  
banus, nimisq; accelerationis æstu abreptus, ab  
æquo, & bono in deuiâ ruit, fitq; ex defensore iusti-  
tiæ desertor æquitatis. Quàm turpem ea res illi  
posthæc adferet confusionem!

Et nonnè homini homo faciet, quod facit supre-  
mus. Iudex dæmoni? Cùm Dominus, & Magister  
noster cœlestis è nauì in terram Gerasenorum de-  
scendisset, occurrit illi arreptitius, sæuim, & penè  
suprà fidem sanguinarium in corpore circumferens  
dæmonem, qui simul videns IESVM, & terræ afflu-  
sus magnâ voce succlamauit: *Quid mihi, & tibi est,  
Iesu Fili Dei altissimi?* Lucæ 8. v. 28. Per illum te  
adiuro, & obsecro, ne me torques. Præcipiebat  
nimirum immundo spiritui, vt emigraret ab homi-  
ne. Priusquàm verò illum prorsus exturbaret, in-  
terrogauit illum, dicens: *Quod est tibi nomen?* ibid.  
v. 30. At cùm summo iure impurum illum à mise-  
rabili



## C A P V T IV.

rabili homine exigeret hospitem, quid nomen eius ante inquirere voluit? Cur non statim, ac de repente eiecit eum domo, quam per iniquissimam vim ferox latro animarum occuparat? Quamobrem erga diabolum solenni formâ iudicij usus fuit?

Respondet sacer Râennatum Archiepiscopus Sanctus Petrus Chrysologus Serm. 17. *Interrogat, non ignorat, sed implet iudicem, servat ordinem cognitoris. Nomen interrogat, & de conditione discutit, iudicet de reatu, addicat de crimine, Deum se esse datâ sententiâ per demonstret.* Officium pratoris, quæstitoris munus implere Dominus voluit, cum interrogare. Percunctabatur diabolus de nomine, ut cum illo qualitatem transgressoris, & hinc culpæ mementa cognosceret, atque ita cum reum examinasset, & castigasset, Deum se probare per suam iustitiam, & recte agendi consuetudinem, ut qui sententiam pronuntiare etiam contra dæmonem noluisset, nisi reum prius audisset, causamque illius examinasset, cum tamen integerrima illius, sanctissimaque, & inviolabilis æquitâs nullo horum indignisset.

Premite mihi hoc, *Implet iudicem.* Tum & illud, *Ut Deum se esse datâ sententiâ demonstret.* Itaque qui non audit partes litigantis, qui non auscultat reum, qui non dat locum accusato, ut respondeat, & se defendat, non est integer, sed corruptus iudex. Et cum in sacris literis iudices sint dij terræ (Exodi enim 22. 28. dicitur, *Dij non detrahes*, & Psal. 81. 1. *Deus stetit in synagoga eorum*, ubi in Hebræo est, *Elohim, siue iudicibus*, non detrahes, & *Deus stetit in medio Elohim siue iudicum*, ut est apud Sanctum Hieronymum, Sanctem Pagninum, Varablum, & alios) qui prætermisissis illis circumstantijs, & requisitis iudicium exercuerint, non demonstrabunt se esse deos, qui morem in iudicando non imitantur Dei non ante indicantis, quam inquiserit, examinârit, audierit, locum excusationi, & purgationi dederit. Si Deus supremus Iudex, & Dominus diabolo, ut sic loquamur, quodammodo detulit, ut non statim eum dampnaret, sed prius interrogaret de suo nomine, confessionemque eius ex peteret, & ordinem cognitoris, & terminos iuris ante servaret, quam contra eum pronuntiaret, quænam illa sit humani iudicis barbaries, fessitas, & tyrannis, si sententiam adversus miserum reum aliquem præcipiter, nec audiens eum, neque defensionis naturalis locum illi permittens?

☞☞☞☞☞

*Sunt peccatores terræ, & sunt peccatores cœli, & quamvis utrorumque infelicitas sit dolenda, & deploranda, magis tamen miserandi sunt transgressores cœli, quam peccatores terræ.*

N Vlli sunt peccatores, qui propter infelicem statum, in quo illos sua miseria detinet, non sint tristibus, & amaris lachrymis deflendi, nec aliud est, quod fletum, lamenta, miserationem æquè mereatur, ac miseri, quicunque Deum sibi suis offensis infensum fecerunt. Eapropter Magnus Basilius dicebat: *Flo super peccato, peccatum luctu est, & implacabilibus lachrymis dignum.* Quamvis hoc ita generatim habeat, dico nihilominus, duplices esse, atque ex his alios terræ, alios cœli peccatores, & omnes quidem debere deplorari, cœli tamen peccatores acerbiori luctu, & amarioribus lachrymis esse prosequendos.

De ira Dei sub metaphora calicis, ex quo omnes, quicunque sanctissimam legem illius prætergrediuntur, bibituri sint, sic ait Propheta regius: *Calix in manu Domini vini meri plenus mixto, & inclinavit ex hoc in hoc, Verumtamen fax eius non est examinata;* Psal. 74. 9. Quod dicit tale: Habet Dominus in ultrice manu sua calicem vini fumei, validi, ebrijs, sed mixtum aquâ misericordiæ ad temperandum eius fortitudinem, & rigorem, & ut castigatio eius minus sit dura, & gravis, ex calice in calicem inclinat: *Verumtamen fax eius non est examinata*, cumque calix potaturis porrigitur, nunquam illum exhauriunt, nunquam ad fæces usque ebibunt. Videamus nunc, quinam illi ex calice tam diligenter mixto sint potaturi, quinam bibituri vinum iustitiæ tam probè temperatum aquâ clementiæ, & non totum vinum, sed partem illius aliquam tantum bibituri, neque enim ad fæces, & fundum usque exhaurient.

Propheta regius potaturos ipse expressit, dicens: *Bibent omnes peccatores terræ*, subaudi, de illo calice iræ tam benè mixto, & temperato aquâ benignitatis, & clementiæ.

Sanctus Gaudentius Serm. 3. To. 2. Biblioth. Vet. PP. ex his verbis Davidicis facit talem consecutionem: *Ergo sunt peccatores cœli.* Itâ est. Sunt & peccatores cœli. Quinam sunt peccatores terræ? Sanctus Gaudentius ait, eos esse peccatores terræ, qui Deum, quem ignorant, cuiusque leges nesciunt, offendunt. Tales sunt barbari Gentiles destituti luce notitiæ veri Numinis. Illi peccatores sunt, sed peccato-



peccatores terræ. Et qui sunt peccatores cœli? Respondet, eos esse cœli peccatores, qui Deum & cognoscunt, & pronocant, & suave iugum mandatorum eius è contumaci ceruice abijciunt. Dicit nunc regius Propheta: *Calix in manu Domini vini meri plenus mixto, & inclinabit ex hoc in hoc, & erunt amentes, & non est exinanita.* Quisnam verò illum iræ, sed clementiâ temperatæ calicem bibet? Quis illa tam moderata supplicia luet? *Bibent omnes peccatores terræ.* Peccatores terræ mitiores pœnas dabit, ij, qui Deum offendunt, quem nesciunt, & fortè in illum non peccarent, si nouissent. Hi blandâ manu caduntur, hi leuiore supplicio plectuntur, si vinum aquâ mixtum potandum accipiunt. Verùm peccatores cœli, homines Christiani, qui cùm habeant oculos luce fidei, & notitiæ eius illuminatos, & nihilominus ingrati illum offendunt, contumaces irritant, impudentes exasperant, duro flagello verberantur, asperâ manu ferientur, & purum calicem bibent, & atrocissimos subibunt cruciatus.

Nam vt Christus apud Sanctum Lucam cap. 12. v. 47. & 48. ait, *ille seruus, qui cognouit voluntatem domini sui, & non praparauit, & non fecit secundum voluntatem eius, & capulabit multis, qui autem non cognouit, & fecit digna plagis, & capulabit paucis,* ignorantia enim peccatum illius non prorsum extinguit, extenuat tamen, facitque vt sit leuior, non vt nulla eius transgressio.

Filius ille adolescentior, qui à patre portionem substantiæ suæ petijt, & expetijt, vagusq; per mundum in vagam libidinem cœcus decoctor effudit, cùm vidisset, quàm sordido, inhumano, barbaro domino miserandam, pudendamque seruitutem seruiret, à quo nec satis aquæ ad necessarium potum, neque vel siliquas, quibus porci abundabant, ad mortem depellendam acciperet, in se reuersus dixit: Infelix, & luctuosa mihi fors obtigit, & in miserum statum incidi, talemque, vt esurie enecer, cùm mercenarij patris mei multi affluant panibus. Scio pietatem peccatoris eius, scio facilitatem, & beneuolentiam animi, scio quantum apud illum lachrymæ valeant, recurram ergo ad illum, atque vt me in gratiam veterem recipiat, flens, & ciulans dicam: *Pater, peccaui in cœlum, & coram te;* Lucæ 15. 18. perdidisti, & prodegi quod filij erat, tu quod patris est, non vel abiecti, vel es oblitus, fateor scelera mea, quæ sunt qualia malè liberorum, & pessimè consultorum adolescentum esse solent? Denique *peccaui in cœlum, & coram te.*

Sanctus Ambrosius hæc in consideratione isto-

rum verborum, inquit, videri superfluum illam pœnitentis adolescentis confessionem. Cùm enim dixisset, inquit, peccasse coram Deo, quid necessum fuit addere, deliquisse etiam in cœlum? *Peccaui in cœlum.* Sed ô quàm parùm intelligis prudentiam adolescentis præterita flagitia sua dolentis, ac desistantis! quàm parùm assequeris sensum confessionis illius! ait rursùm Beatissimus Mediolanensium Archiantistes. Dicebat ille peccasse in cœlum, quia hoc eum vehementius excruciat, hoc afflictabat pœnalius. Delictum enim coram Deo multùm differt à peccato in cœlum. Peccatores terræ offendunt coram Deo tantùm, sed in cœlum non peccant, nec enim habent notitiam Dei, quem offendunt, & sic, quamuis notitia illos fugiat Dei, potentiam tamen illius non effugiunt, ideòq; necessariò peccant. At peccare in cœlum, omnium pessimum est, & lachrymis dignissimum, nam qui hoc faciunt, peccant suæque deique habentes notitiam Dei & repugnantes luci. Quapropter ille ex prodigo pœnitens aiebat: *Peccaui in cœlum, & coram te,* dulcissime, & amantissime pater, itaque duo mala feci, quia cùm non possem euadere tuam potentiam, ad notitiæ tuæ lucem te offendi, & sic maximus, grauissimisque, hoc est, cœli peccator sum factus, & neque tam immen- nam culpam perpetrasset, neque tam atrocem pœnam commersisset, si terræ solum peccator fuisset.

Huc respiciebat Propheta regius, cùm dicebat: *Defectio tenuit me pro peccatoribus dereliquentibus legem tuam;* Psal. 118. v. 53. hoc est, dolorem, quem mihi adferunt, Domine, qui legem tuam deserunt, explicare verbis nequeo. Sanctus Ambrosius, & alij legunt illa verba ita: *Deliquimus tenuit me,* destituerunt me vires, toto animo defeci, mortuum in pectore cor gero. Vnde illa Prophetæ Sancto tanta anxietas? Vnde illa tam vehemens consternatio? *Pro peccatoribus dereliquentibus legem tuam,* inquit Ioannes Cluniacensis Serm. 43. To. 3. ait: *Defectio tenuit Prophetam non pro quibuscuque peccatoribus, sed pro peccatoribus cognoscentibus legem Dei, & dereliquentibus eam.* Tamen enim omnis deplorandus sit peccator, sed ille vel maximè, qui peccator est cœli, qui Deum offendit, quem nouit. Hic enim acerbiora supplicia meretur, & pœnas seueriores.

Videmus hoc in sordidis, & obscenis Sodomitis, de quibus cùm sacer textus ante dixisset, quòd homines pessimi erant, & peccatores coram Domino nimis (Genes. 13. 13.) nihilominus conuiebat in illorum sceleribus maximis Dominus, demùm verò omnis illius



illius velut exhausta patientia fuit, quando duos ministris misit, qui contaminatissimos homines, vrbemque illorum totam flammâ vastarent, & consumerent. Quamobrem verò denique tam iratus, qui ante fuerat tam patiens, & mansuetus? Quia antea solum peccatores coram Deo fuerant, & peccatores terræ, postquam verò sanctus Loth inter illos vixit, & verum Deum ijs indicauit, iam lucis, & cœli peccatores erant. Nimirum Dei prouidentia, quod iam alibi monuimus, factum est, quod Loth domicilium apud illos sibi delegit, vt per eius institutionem resisterent, & emendarentur exemplo, & corrigerentur monitis. Cùm ergo iam non ignorarent, quem offenderent, & scirent, in quem peccarent, iamque peccatores cœli essent, & ad meliorem vitam se recipere nollent, soluit ira Dei cataractas furoris sui, sulphureique oceani flammâs in illos effundens, & homines, & res eorum omnes in fauillas vertit. Quamquam enim malum sit, esse peccatorem, pessimum tamen est, & infelicitatum infelicitissima, esse peccatorem cœli.

*Quòd omne peccatum sit deplorandum, id vide in 2. P. Polit. lib. 9. c. 1. alijs in locis ibid. adnotatis.*

## CAPVT V.

*Quando peccatum semel admittitur ad arcem animæ occupandam, tantas vires acquirit, vt per spem omnem rursum exturbandi auferat.*

Quòd in Sacra Scriptura actiones malæ sint symbolum bonarum, & bonæ malas nonnunquam repræsentent, id receptissima sententia Doctorum Ecclesiæ, & sacrorum Interpretum habet, affirmantque Sancti Hieronymus, Augustinus, Gregorius, Isidorus, & Alphonsus Salmeron, & Caspar Sanchez. Dico hoc propter Loth, qui tamen vir Sanctus, & virtutis studiosus, symbolo nihilominus repræsentauit peccatorem, apud quem peccatum profundas radices egerit, vt ægrè ab illo liberari possit. Vt Sancti Angeli Loth è Sodoma eriperent, apprehenderunt manum eius (Genf. 19. 16.) quod Oleaster putat etiam sic veriti posse, Fortificauerunt se, hoc est omnes vires suas, & robur totum huc verterunt, vt illum inde eximerent. Quando enim peccator diu assuevit vitij, & longâ consuetudine ad malè agendum se obfirmavit, magnâ fortitudine, & multo, singularique studio opus est, vt in viam reducat, & vsum veterem relinquat. Propterea periculosissimum est tolerare peccatum, quoad incrementum faciat, eò quod posthæc difficillimè corrigi, & emendari possit.

Adductus fuit ad Christum miserissimus æger, quæ dæmon pessimis modis intollerabiliter vexabat. Lingua, simulque aurium vsum illi ademeras, iamque in aquas, iam in flammâs ærumnosum iactabat, & omnia faciebat, quibus facere ex animalem illum, & ex misero mortuum posset. Miseratus Dominus tantas vexationes dixit: *Surde, & muse spiritus, ego precipio tibi, exi ab eo, & amplius ne introcas in eum;* Marci 9. 24.

Euthymius expendit diligenter hæc verba Christi, quæ locutus dæmoni fuit, atque in ijs istud, quod hic pluribus, grauioribus verbis vsum est, quàm ad alios dæmones eiiciendos, & velut maiores vires, omnemque auctoritatem ad hunc exturbandum vertit, cùm ait: *Ego precipio tibi, exi ab eo,* neque hoc satis putauit, nisi etiam adderet, *Et amplius ne introcas in eum,* velut oppidò operosius fuerit hunc exigere, quàm alios.

Mandarum hoc videtur mihi valdè singulare, nulli enim dæmoni, eorum, quos expulit, simile præceptum imposuit. Cur ergo ad hunc peculiariter ait, *Præcipio tibi?* Respondet Euthymius: *Hoc dixit prouidens quod futurum erat, & dignus esset dæmoniosus ille propter suam incredulitatem, & rursum ad eum reuerteretur diabolus. Prohibet ergo eum, ne cuiquam videatur, quod prius non fuerit eiectus.* Voluit ergo Christus, vt omnes intelligerent, quod ille dæmon & eiectus fuit ab homine, & ad illum rediisset, nisi præcepto suo, & potestate imperij prohibitus fuisset. Cur tot circumstantijs erga hunc arreptitium vsum fuit? Cur tantam in illo exturbando potentia suæ ostentationem fecit? Cur huic dæmoni magis, quàm alijs, viam, per quam redire posset, tam graui præcepto obstruendam, præmunendamque putauit. Causam quæris, Euthymius iubet repetere memoriâ, quid patrem obsessi Dominus interrogârit. Quantum temporis est, ex quo ei hoc accidit? Dicebat Christus patri ibid. v. 20. At ille ait: *Ab infantia,* à primulis annis, ab incunabulis. Ex his iam facile diuinabitur causam, ob quam Christus tantum studij posuerit in hoc dæmonio exigendo. Quod ad Dominum attinet, poterat ille, quâ facilitate cæteros dæmones eiecerat, eadem hunc expellere. Sed quoniam hic dæmon ab infantia illum occupauerat hominem, & apud illum velut inueterauerat, radicesque in eius corpore egerat, & annis multis illam arcem tenuerat, voluit Christus tot circumstantijs hic vri, & præcepto illum primò vt exiret, cogere, deinde ne rediret, prohibere, tùm vt ostenderet, quàm sit operosum exturbare illum à diu-



à diuturnâ possessione, & quàm arduum cauere, ne repetat domum, furtiuèq; irreat in ades, in quibus longa tempora semel transiit. Idem in peccato euenit. Cùm id semel animam occupauit, relictumque, donec cresceret, & auergeret, fuit, vix eradicari sinit, vix expelli permittit, validiusque adhærescit, quàm dæmon, cùm hic per vim se intrudat, illud spontè à nobis admittatur, quin & introducat.

Nuntium adferebatur Christo à Martha, & Magdalena, quòd Lazarus frater earum ex graui morbo periculose decumberet. Communicauit de acceptis nouis Magister cum discipulis, inquit: *Lazarus amicus noster dormit*; Ioan. 11. 11. Cui illi: Benè habet, nam si dormit, spes est, quòd conualescet, optatumque exitum habebit eius infirmitas. Cùm videret Dominus, non intellexisse Apostolos, quæ illis dixerat, apertè ait: *Lazarus mortuus est*; ibid. v. 14.

Pulchrum est Sancti Ioannis Chrysostomi in illa Christi verba annotamentum, quod sic habet: *Vides quomodo quando dormientem vocat, amicum appellet, quando Serò manifestè de morte meminit, iam penè amicitia obliuiscitur?* Lazarus quâ dormiens, est symbolum peccatoris, qui non diu ante offendit Deum, & citò in se, & ad illum reuertitur: Quâ verò mortuus, est figura peccatoris inueterati, & qui incanuit inter diuturnam malè agendi consuetudinem, & profundas scelerum radices egit. Ita exponunt Sanctus Augustinus, Hugo Cardinalis, Gagneus, & alij multi. Monet ergo Chrysostomus aduertere, quòd Lazarus amicus vocatur, cùm dormire fertur (*Lazarus amicus noster dormit*) quando enim mala peccati herba est tenera, quando planta est paruula, quando culpa est velut somnus quidam, certa spes est, quòd peccator facilè redibit in amicitiam Dei: Verùm ex somno transitur ad mortem, quando peccatum egit altas radices, iamque non vocatur amicus, qui peccauit, non quia esse amicus non possit (nunquàm enim destituitur homo remedio, quamdiu viuit) sed quia difficulter resurgit, quòd enim auctor sit sarcina, eò magis debilitat vires, facitque vt ægrius erigere sese possit, qui lapsus fuit.

Cùm cœlestis Magistri innocentiam Pilatus cerneret, voluit illum è crudelibus manibus perfidorum hostium suorum vindicare. Ad eam rem hanc industriam, præter alias adhibuit. Vfus obtinuerat, vt die solenni Paschæ vincum Præses dimitteret, quem populus experijset. Duos ergo vulgo Pilatus obtulit, Christum, & Barabbam, arbitratus, quantum-

uis cœci essent, non electuros latronem; & reprobos batos IESVM, cuius erat tam notoria innocentia. Videamus nunc, quid Euangelistæ de tali dimittendi alicuius vincæ cæremonia ferant. Sanctus Matthæus c. 27. v. 15. ait: *Per diem solennem conuenerat Præses populo dimittere vnum vincum.* Sanctus Marcus c. 15. v. 6. inquit: *Per diem festum solebat dimittere, &c.* Denique Lucas c. 23. v. 17. sic habet: *Neceffe autem habebat dimittere eis, &c.* Nonnè videtis, quomodo in necessitatem demùm conuersum est, quod ex gratia inchoatum, & consuetudine continuatum fuit? Tantundem accidit in peccato, quod leuiter, inconsideratèque in animam admittitur. Transiit paulatim in consuetudinem, tantasque sensim vires acquirit, vt quasi in necessitatem vertatur, vt qui solebat & conuenerat, demùm ferè *neceffe habeat* agere, quod diu malè egit. Propterea bonum est, statim à se abdicare peccatum, quia quod semel valide radicatum, difficile euellitur.

Cornelius Celsus lib. 7. c. 5. ait: *Venenata, & acuta inducias non patiuntur.* Si quis à serpente percussus fuit, vel toxicum hausit, necesse habet extemplò confugere ad theriacam, & sumere antidotum. Cur hoc? Quoniam venenum statim celeriterque cor perit, quod cùm semel inuasit, immedicabile malum est, & mors non habet remedium. Priusquàm ergo ad cor perueniat, per citas, efficaces, præsentaneasque medicinas obstruendus est quamprimum omnis meatus, quia *venenata, & acuta inducias non patiuntur.*

Peccatum, ex Magno Basilio, est animi morbus acutus, & venenatus. Res extra dubium est. *Peccatum est anima agrytudo, peccatum mors est anima alioquin immortalis*, inquit ille. Si peccatum est infirmitas animæ, eaque mortalis, & lethiferum toxicum, *venenataq; & acuta inducias non patiuntur*, nimis quàm stultus, prorsumque insanus fuerit, si quis eiusmodi morbo laboret, neque statim (quod tam facile potest) adhibeat salutarem herbam doloris, theriacamque pœnitentiæ, & antidota Sacramentorum, maxime cùm de vita animæ æterna, & iactura beatitudinis periclitetur, si negligentius agat, & procrastinet studium curationis.

*Vide Periocham secundam Dominica XXIII. post Pentecosten Tom 2. pag. 306. o. & alia loca ad finem illius annotata, & ibi similia argumenta tractantur.*



## CAPVT VI.

*Non sunt agritudines anime, quales corporis infirmitates, nam si huius morbi quidam sunt incurabiles, illius nullum est insanabile malum.*

**N**on statim ut venerunt Angeli Sodomam, incenderunt, & exusserunt eam, sed moras praetererunt, quousque Loth ab illis monitus hortaretur suos ad effugiendum excidium suum, & ciuitatis de qua dicebant: *Delebitur locus istum*; Gen. 19. 13. Ut cum tristitia illa, & horrenda imminens desolationis noua percrebrescerent, auribus, animisque percussis Sodomitæ erubescerent, turpes suas libidines, quæ tamen grandes, & abominabiles essent, spes tamen salutis reliqua, remediumque curationis erat super. Nullus enim peccator tam perditè viuere in hac vita, nullus in statum tam desperatum venire, nullus in tantam profunditatem precipitare, & ingurgitare sese potest, ut respicere, reuocari, reduci, curari, & erui nequeat, dummodo se disponat, & ex parte sua, quod potest faciat. Agritudines, quantumuis graues, & mortales sint, per sanari possunt.

Paralyticum Christo adduxerunt ita extenuatum, fractumque viribus, ut è lecto erigere se non posset. Oblatum infirmum suauibus, beneuolentibusque oculis aspiciens, superus Medicus, his etiam verbis amanter appellauit: *Fili, remittuntur tibi peccata*; Matth. 9. 2. Simul hæc verba haurire auribus, & talia apud se submussitare Scribæ, & Pharisei ceperunt: *Quis est hic, qui loquitur blasphemias*? Peruidebat Dominus inuidorum criminatum impios cogitatus, & aiebat: *Ut scitis, quia Filius hominis habet potestatem in terra dimittendi peccata, ait paralytico Surge, tolle lectum tuum, & vade in domum tuam*; ibid. v. 6.

Pressit in his Theophylactus illud, *Filius hominis habet potestatem in terra dimittendi peccata*. Quid necessum fuit addere, quod eam in terra haberet Filius Dei potestatem? Nonne ad maiorem ostentationem potentie illius fecisset, si condonare peccata posse absolute dictum, neque ad terram ea facultas velut limitata, & contracta fuisset?

Respondet Theophylactus: *Vide autem, quod super terram remittuntur peccata, Quamdiu enim super terram sumus, poterimus dolere peccata nostra*. Quod Christus dixit, habere potestatem dimittendi peccata in terra, non hoc fecit, ut suam arctaret, & angustis limitibus includeret potestatem, sed ut

Tom. III.

omnes peccatores consolaretur, iuberetque esse bono animo, propterea quod haberent res ipsorum remedium, donec ipsi vitam haberent. Quamdiu in hac vita viuunt, quamdiu anima in carne degit, non est cur quis spem abiciat, nullum enim est inueniabile peccatum, nulla culpa, quæ condonari nequeat, nulla incurabilis agritudo.

Cum Moyses triumphum cerneret felicitis transitus Israelitarum per mare rubrum, & Egyptiorum in eisdem aquis suffocatorum, sic ad Deum aiebat: *Extendisti manum tuam, & deuorauit eos terra*; Exod. 15. 12.

Origenes hom. 6. in Exodum ait: *Impios quidem & hodie deuorat terra*. Quod tunc Egyptijs accidit, hoc quotidie peccatoribus euenit, ut terra eos suo ventre tanquam tumulo quodam excipiat. Itaque si quis carnis deditus voluptatibus, si quis pecunie amore captus, si mundi cupiditatibus implicatus, si animo rebus terrenis est immerfus, *talem cum videamus, dicito, quia deuorauit eum terra*, inquit ille.

Sed mox addit: *Adhuc me mouet, quod ait, Extendisti manum tuam, & deuorauit eos terra*. Si terra iam deuorauit, & in ventre suo sepeliuit peccatorem, quorsum extendit Dominus manum suam, tanquam eam porrigere, & ferre opem iacenti velit? Quid enim remedij ferri possit ei, quem terra iam deuorauit? Factum hoc pro solatio peccatorum, inquit Origenes, tanquam dictum esset, ut nemo desperet, sed quantumuis contaminatus flagitijs, quantumuis cæno peccatorum infixus, quantumuis scelerum ponderibus prægrauatus, bene fidat, & refumat animum, nam cum Deus extendat manum ad opitulandum, inditio est, quod spes recuperandæ sanitatis sit reliqua, verèque & exanimis dolentem peccasse, terra, quæ deuorauit, euomet.

Audiamus Origenem: *Extendisti manum tuam, & deuorauit eos terra. Nec penitus desperandum est, possibile namque est, ut si forte respiciat, qui deuoratus est, rursum possit euomere*. Quis peccator hæc audiens deficiat animo, aut timeat?

Nam ut noster Hispanus Quintilianus l. 12. c. 1. ait: *Nec recte voluntati serum est tempus illud*. Homini, qui se disponere, & quidquid per virium facultatem potest, facere velit, nulla hora tarda, sed omne tempus commodum est, & opportunum, ac propterea nullus putare debet, quod difficulter inueniet remedium, nullus desperare curationem.

Turbatus Herodes ex Magorum interrogatione, Principes sacerdotum, & Scribarum consuluit de loco, in quo ex matre in mundum Christus esset proditurus



dicurus, qui responderunt, Bethlehemiticam oppidulum futurum esse locum illius natalem, de quo Michæas vaticinatus fuerit, cum ait: *Et tu Bethlehem terra Iuda nequaquam minima es in principibus Iuda, ex te enim exiet dux, qui regat populum meum Israel;* Matth. 2. 6. Apud Michæam cap. 5. v. 2. ista sic habent: *Et tu Bethlehem Ephrata paruulus es in millibus Iuda, ex te egredietur mihi, qui sis dominator in Israel.* Bethlehem, vt aiunt sancti Hieronymus, Augustinus, Gregorius, item Lyrannus, & Santes Pagninus, idem est, quod *Domus panis*, & Ephrata idem, quod *Furorem videns*. Ita sanctus Ambrosius, Origenes, Rabbi Salomon, & Hebræi.

Quid mysterij haber, quod Ephrata est Bethlehem, & domus videns furorem est domus panis?

Occurrit quæstio sanctus Ambrosius obseruat. i. in Michæam, To. i. dicens: *Nemo de remedio diffidat. Ecce tibi, ubi domus furorem videns erat, ibi domus panis est, ubi crudelitas, ibi pietas, ubi panis innocentium, ibi vniuersorum redemptio.* Quamuis per victorum præcipitia cæcus peccator eo delatus sit, vt malè agendi libidine furat, & tanquam arreptitius factus sit, qui ligari, & constringi egeat, non seipsum desperet, nam si se, vt debet, præparet, indubitatum est, quod à phrenesi sua liberabitur, conualecetque à delirio, & exurget è strato suæ infirmitatis. Nemo de remedio diffidat, quantumuis peccandi infania laboret, quia hæc summa infania est, putare non posse ad mentem redire eum, qui semel illam peccando amiserit.

Narrat apud Matthæum Dominus supremam sententiam, quam in tremendo vniuersalis iudicij die contra reprobos sit pronuntiaturus, aitque se illis tunc dicturum: *Discedite à me maledicti in ignem æternum, qui paratus est diabolo; & Angelis eius;* Matth. 25.

Difficultatem hæc recti, & seueri iudicis verba manifestant, patentemq; secum ferunt. Quicumque mali demonis seu suasi, seu exemplo Deum offendunt, æque in peccatis suis è vita descedunt, ij ad inferos deiectione incendium sustinebunt æternum, non secus ac demones, eruntque pœnarum consortes, qui fuerunt scelerum complices. Cui ergo iratus Dominus dicit, ignem illum paratum esse diabolo & Angelis eius? Ergone funestum illud barathrum solis contumacibus, & proteruis spiritibus est constructum?

Respondet Iouius Monachus f. de incarnat. q. 48. *Idcirco ignem diabolo, eiusque angelis, non autem hominibus paratum scribit, quoniam in nobis non in-*

*pinata sit è malo in melius commutatio, cum illi confirmata suâ voluntate nullam de se spem reliquam fecerint.* Causam ergo, cur diabolo potius, quam homini præparatus infernus dicitur, ea est, quod hic emendabilis sit, ille incorrigibilis. A quo enim demon semel peccare cœpit, voluntatem suam anchorâ obstinationis ad peccandum sic fixit, & obfirmavit, vt nunquam sit discessurus à malè agendi proposito, atque ira quoniam à primo statim peccato fuit absq; remedio, dicitur ignis ille paratus diabolo, & angelis eius, non homini, ad eum saltem modum, quo demoni. Homo nimirum cum semel lapsus est, resurgere per penitentiam, & obliterare studio emendationis omnem suam noxam potest. Immo tametsi plura scelera perpetrarit, quam habeat mare guttas, quam litus eius arenas, quam cœlum stellas, semper homini patet veniæ porta, per quam redire in gratiam Dei possit, si velit. Soli demones absque remedio sunt, homo curari potest, quantumuis grauis, ac diuturna sit ægritudo, quâ laborat.

Coronemus hoc capitulum quâdam magni Augustini sententiâ, quam nunquam sine ingenti animæ recreatione, & consolatione lego. Ea in sententiâ præclarissimè illius Doctoris 184. est, & sic habet: *Non est desperandum de malis, sed pro ipsis, & bonis fiat studiosius supplicandum, quia numerus sanctorum semper de numero impiorum auctus est.* De malis desperare nemo potest, nisi qui ignorat, quod Domini nostri potentia pietissima, & peritissima diuinae alchimie ex rudi særo perditissimorum hominum sæpè aurum sanctissimorum virorum fecit, & incomparabiliu seminatum. Dicat hoc Dinas latro, dicat Petrus negator, & peritius, dicat Paulus persecutor, dicat Matthæus publicanus, dicat Magdalena lasciuia, dicat David adulter, dicat Augustinus hæresium sectator, ex quibus alius est speculum penitentiae, alius caput Ecclesie, alius Doctor gentium, alius primus Euangelistarum, alius Prophetarum maximus, alius Doctorum præstantissimus, vt nihil dicam de Magdalena, quæ Christi delitium fuit, postquam vanis & fallacibus delitijs renuntiavit.

*Plurima de hoc argumento in omnibus Tomis suis diuise Genâ fudit copiosum Nissens ingenium. Vide parte secundâ Politicæ lib. 3. cap. 8. & alia loca ex alijs Tomis ibidem ad calcem adscripta.*

## CAPVT VII.

*Solee Deus affinia, & analogæ pœnitentiæ supplicia irrogare.*

Cum



Cum videret Deus contumaciam, & cœcitatem  
Corruptissimorum Sodomitarum, decrevit igne  
inde subausso illos tanquam proteruos, & contuma-  
ces vastare, atque absumere. De hac re sic ait Scri-  
ptor sacer Gen. 19. 24. 25. *Igitur Dominus pluit su-  
per Sodomam, & Gomorrhaim sulphur, & ignem à Do-  
mino de calo, & subvertit ciuitates has, & omnem  
circa regionem, & universos habitantes Urbium, & con-  
stita terra Sirentia.*

S. Ioannes Chrysostomus, Tertullianus in lib. de  
Pallio, & Prudentius diligenter considerant hoc  
supplicium. Chrysostomus homil. de Sodomitis, &  
Achab sic ait: *Erat iusta retributio hu, qui natura  
subvertent leges, feminas in masculis quarentes, &  
inueratur & in eis natura ordo, & fiat eis naufra-  
gium ex igne, quasi ex aqua, Ignis naturæ suæ im-  
petu sursum fertur, & ad loca superiora contendit.  
Quod ergo Dominus tunc ignem ex cœlo deorsum  
pluit, vim huic elemento attulit, vt contrâ naturæ  
inclinationem descenderet. Merito autem talis i-  
gnis supplicio illos peccatores mactauit, quia & ipsi  
contrâ naturam sexum muliebrem in virili require-  
bant. Hinc accipitur, quàm verum sit illud Sapien-  
tiæ 11. 17. *Per quæ peccat quis, per hæc & torquetur:*  
quodq; Deus plerumq; seruat modum in irroganda  
pœna, quem peccator tenuit in perpetranda culpa.*

Ad partem Altaris dexteram apparuit S. Gabriel  
Archangelus Zachariæ, quo tempore ille vicem ni-  
misterij sui in templo exquebatur, nuntiavitque,  
quod vxor eius filium ipsi, inexplicabili Dei benefi-  
cio, paritura esset. Turbauit Zachariam & nouus o-  
rator, & narratio eius tam inasperata, quam despe-  
rata ipsi proles omnis iam dudum fuerat. Cumque  
dubiam haberet annuntiationem, dicebat incredu-  
lus: *Vnde hoc sciam? Ego enim sum senex, & vxor  
mea processit in diebus suis;* Lucæ 1. 18. velut pluri-  
bus dixisset: Vnde mihi certum esse potest, vera esse,  
quæ adfers? Quomodo fieri potest, vt filium, quem  
dicis, obtineam, cum & mea longœuitas, & vxoris  
meæ decrepita ætas contradicant? Cum talia ille  
locutus fuisset, dicebat legatus cœlorum: *Ecce eris  
racens, & non poteris loqui & que in diem, quo hæc fi-  
ant, pro eo, quod non credidisti verbis meis;* ibid. v. 20.

Monui alibi quoque, quantum meriti non obmutuit  
tantum, sed & obscuruit? Ea namq; est horum sen-  
suum coniunctio, vt cum lingua intermittere suum of-  
ficium, etiam auditus suum suspendat ministerium.  
Huius experimento comprobata veritatis testes, ni  
fallor, adduxi sanctum Ioannem Chrysostomum, Eu-

thymium, & Lactantium Firmianum.

Quærit nunc Theophylactus, quare in lingua, &  
auribus magis, quam in quauis alia corporis parte  
fuit Zachariæ, quem Dominus plectere poterat le-  
prâ, vt sororem Moyfis Mariam, & Oziam, ruit cœ-  
citare, vt eos, qui domum sancti Loth ad explendam  
nefandam libidinem oppugnatam veniebant, aut  
quouis alio supplicio in parte alia punire. Quid os,  
autemque peccauerunt, vt omnis in illorum exitium  
furor Angeli verteretur?

Respondet Theophylactus: *Merito duo hæc pas-  
sus est, & quod non audiret, & quod non loqueretur.  
Quia enim non obdierat, condemnatur vt surdus sit,  
& quia contradixerat, & si leat. Bis peccauerat Za-  
chariæ, quia & fidem Angelo negarat, & oblocutus  
fuerat. Cum autem fides sit ex auditu, (Rom. 10.  
17.) & oblocutio sit repugnantis linguæ opus, me-  
rito hæc duo passus est, merito obscuruit auditus, &  
obmutuit lingua, vt intelligeret, per ea quemque  
castigari, per quæ offendit: Quia enim non obdierat,  
condemnatur vt surdus, & quia contradixerat, &  
si leat.*

Cum leges pœnales varia decernant supplicia his,  
qui eas prætergrediuntur, & violant, quærit S. Am-  
brosius, quænam aprius, accommodatiuque de for-  
dido mandatorum diuinorum præuicatore vin-  
dicta expeti possit.

Respondet autem, si capite minuatur legum diui-  
narum contemptor, eam fore æquissimam culpæ ta-  
lis pœnam. At cum varia sint suppliciorum genera,  
cur vna capitis obruncatio maximè quadret in illo-  
rum sacrosanctorum præceptorum transgressores?

Occurrit dubitationi S. Doctor serm. 20. in Psal.  
118. lit. R E S, in hunc ferè modum. Per peccatum  
obbrutescit homo. Sic enim ait Propheta regius:  
*Homo cum in honore esset, non intellexit, comparatus  
est iumentis insipientibus, & similis factus est illis;*  
Psal. 48. 13. Merito ergo, & iustissime capite minu-  
itur, qui per peccatum minoratus ab hominibus in  
bestiam degenerauit, quia capite solo distamus à be-  
stis, in capite sapientia sedem, arcem suam ratio ha-  
bet, quæ nos à iumen is secernit, & sublato capite cor-  
pus sine nomine est, res seisso capite reliquis corporis trun-  
cus bestiarum corpori comparatur, & propterea sapi-  
entia arce surè fraudatur, quæ sapientia non potuit te-  
nere rationem. Hæc ille.

Paulus Burgenfis, & Philo Iudæus, & alij non  
pauci, qui cum eis sentiunt, aiunt, in Sacris literis  
non constare apertè de morte Caini. Philo in lib.  
*Quod dezer, insidietur possori* sic habet: *Nusquam in*



lego de nece eius narratur. Quanquam enim Lamech dixerit ad vxores suas: *Occidi virum in vulnus meum, & adolescentem in liuore meo*; Gen. 4. 23. non sequitur tamen, quod Cain fuerit ille, qui occisus. Propterea dicit Burgenſis addit. 7. in cap. 4. Genes. *Non habetur ex litera, quod Lamech interfecisset Cain, nec etiam quod Cain fuisset interfectus ab aliquo.* Accedunt hæc ad opinionem Philonis.

Oriri hic dubitatio, eaq; huiusmodi potest. Scriptura magno studio, & singulari diligentia descripsit nefariam mortem Abelis, quam illi perfidiosi Cain truculentæ manus attulerant, dicens: *Cum essent in agro, consurrexit Cain aduersus fratrem suum Abel, & interfecit eum*, Genes. 4. 8. Cur ergo non similiter commemorat obitum ipsius Cain, cum necessarium videatur scire quomodo homo tam ferus, & præceps sublatuſ est mundo fuerit? Cur id sacer Historicus præterijt? *non enim habetur ex litera, quod Lamech interfecisset Cain, nec etiam, quod Cain fuisset interfectus ab aliquo.* Causa intermissæ illius narrationis colligi potest ex more Dei, quo ille vi ad infligendum supplicia solet. Nam res ipsa loquitur, quod Cain malâ morte interiturus esset. Cum enim ipse perfidiosus in fratrem suum fuerit, quomodo fieri poterat, vt non alius in ipsum & contra perfidiosus fraticidam homicida perimeret? Habet enim hoc iustitiæ Dei consuetudo, vt ex eo peccatori poenâ plerumque adornet, quo ille ad culpam vsus fuit, vt propterea facile sit diuinare. Cain vim passum obijſſe, qui vim fratri, vt moreretur, intulit.

Postquam fufus, fugatusque esset exercitus, quem contra patrem suum conflauerat Absalon, fugit ille mulo sedens, cumque ingressum fuisset iumentum subter condensam quercum, & magnam, illumque capillamento implicatum rami tenaciter attinerent, pertransiens subiugale animal reliquit inter cælum, & terram ex arbore pendulum. Vidit hoc miles quidam, statimque nuntiauit Ioas, supremo exercitus Dauidici ductori, qui ait: Cur non confixisti eum lanceâ? Ego enim pro tam strenuo facto diuitem mercedem tibi numerassent. Sed cum videret, non fieri satis suo desiderio, ille ipse *intra res lanceas in manu sua, & fissas eas in corde Absalom*; 2. Reg. 18. 14. Hierine potuit, vt eadem lineâ in idem cor tam directè tres illæ lanceæ ferrentur? At cur in illam vnicam magis, quam aliam corporis partem sunt perlata?

Respondet S. Ignatius epist. 6. dicens: *Absalom parricida factus, cum ex arbore penderet, per cor praua illa consilia machinatum trahetus fuit.* Cuius

in corde suo cogitatus impios, consilia nefaria, machinationes sceleratas, dolos pessimos, propolita sanguinaria. Et quod aliud tam improbum, truculentumque propositum, quam filij, qui patrem, eumque amantissimum, & benevolentissimum, non purpurâ tantum, & regno, sed & vitâ exuere deliberatum habebat? Lanceis ergo configatur, & transuerberetur cor illud, in quo tam crudelia consilia, iurique omni & diuino, & humano aduersa sunt conflata, & ex eius partis vulnere malè pereat filius, in qua tam crudeliter cogitatus aduersus innoxium patrem concepit. *Absalom parricida factus, cum ex arbore penderet, per cor praua illa consilia machinatum trahetus fuit.*

Et quanquam S. Ignatius hæc non annotasset, puto tamen ex ipso sacro textu (quamuis aliâ viâ) adduci potuisse causam, ob quam secundum cor sauciatus Absalom interierit. Nam cum de illius infania, temerariaque ambitione Scriptura loquitur, sic ait: *Solicitabat corda virorum Israel*; 2. Reg. 15. 6. Hoc illius peccatum erat, hoc impium studium, quod *solicitabat corda* subditorum patris sui, instigabatque ad defectionem & perduellionem. Moriatur ergo ex cordis triplici lancea confixi vulnere, iusto enim Dei iudicio fit, vt ex eo peccator poenas suas accipiat, quo ad offensam vsus fuit. Attendat ergo quisque quomodo viuat, res enim illi cum Deo tam recto, & potente est, vt ex conditione peccati accipere sciat modum supplicij, & instrumentum sceleris vertere in flagellum punitionis.

*Verſat hanc rem copioſius Periocha IV. Dominica I. poſt Pentecoſten Tom. 2. pag. 90. Vide calcem illius.*

## C A P V T VIII.

*Peccator vt culpæ, ſic & poenæ ſuæ ipſe ſibi eſt autor, ſutor, ſartor.*

Nemo det querimonias, quando pro peccatis dat poenas, niſi fortè tam ſtultus ſit, vt ſe illorum autorem neget. Peccator eſt cauſa ſui ſupplicij, & ſuæ poenæ executor, qui eſt miſer ſui ſceleris autor.

Duro enidam, & obſtinato peccatori aiebat Sanctus Paulus Rom. 2. 5. *Secundum duritiâ tuam, & impatiens cor, theſaurizans tibi iram in die iræ, & reuelationis iuſti iudicij Dei*; tanquam pluribus dixiſſet: Perſta, perſta contumaciter in tuis flagitijs, perge proteruiter, quod facis, Numini repugnare, & videbis quid tibi accidat. Quod enim pertinaciſ animuſ ad peccandum obſtinaueris, eò maiorem vim, copiamque iræ tibi accumulabis in diem iræ.



iræ, in quo generis humani rationes omnes excipiet iustus iudex, & reddet unicuique secundum opera eius; ibid. v. 6.

S. Ioannes Chrysostomus in illorum verborum expositione ait: *Tu tibi thesaurizas, non Deus tibi; etenim ille omnia prestat, quæ oportebat, qui si infestus manes, tu tibi thesaurizas iram in die ira.* Quando nostrum quisquam vult se vindicare de alio, & per importunum tempus non potest, solet dicere: *iose larguar dare a fulano, para cuando halle ocasión;* hoc est: *Resinebo aliâ mente repositam iniuriam ab illo mihi illatam, quoniam occasione discendi inueniam.* Sic nunc dicit Chrysostomus: *Tu tibi thesaurizas, non Deus tibi.* Quando peccator in illo supremo iudicii die viderit se ad tam terribiles cruciatus, & crudelia tormenta damnatum; non poterit dicere, quod Deus illas sibi seruauerit repositas pœnas, sed quod ipse sibi eas seruauerit. Ipse namque sibi suarum vculparum, sic & pœnarum est arbiter, qui si non eligeret peccare, nunquam illi Deus decerneret pœnas.

Duros, impœnitentesque peccatores his verbis percellerat olim Propheta regius Psalm. 7. 13. 14. *Nisi conuersi fueritis, gladium suum vibrabit, arcum suum tendentis, & parauit illum; & in eo parauit vasa mortis, sagittas suas ardentibus effecit;* velut apertius dixisset: Scire vos volo, peccatores, quod Deus, nisi gelu pectorum vestrorum solueritis, & ad vitam melioris studia vos receperitis, eximet, distringetque acutum iustitiæ suæ gladium, & eiacularitur arcu sua spicula, quæ ardentibus, siue his, qui ardent, parata habet? *Sagittas suas ardentibus effecit.* Non omnes eodem modo accipiunt hæc verba, quæ sunt nonnihil obscura, cum non sit facile intelligere, de quibus ardentibus loquatur Propheta.

Prætermisissis varijs expositionibus vnâ huc adferam Magni Basilij commentationem, eamque propositæ rei commodam, quæ sic habet: *Quemadmodum ignem Dominus non adamantis, qui non liquefit igne, sed ardenti materia, cui sunt ligna, creauit; sic & sagittæ Dei in aurinas, quæ multum arida materia, & ad interitum apta collegerunt, sunt effectæ.* Si quis ignem accendere velleret, atque in hunc finem adferri sibi argentum, aurum, gemmas, adamantes, is delirare putaretur, eò quod eiusmodi res igni excitando sint ineptæ; cui destinata sunt ligna, quercus, ilices, pinus, & arbores tales alix, quibus flamma nutritur, & alitur incendium. Dicit nunc Basilius: *Sagittæ Dei, iraque eius, & indignatio cui rei sunt factæ? Materiae siccæ, & quæ capax sit ignis; Sagittæ*

*suas ardentibus effecit,* peccatoribus, inquam, qui ad omnem Dei inspirationem, & vocationem sunt velut duræ quædam quercus, & ilices. Quos autem reperit Deus plenos gemmis, & adamantibus virtutum, affluentes auro, & argento bonorum operum, hos non iræ sagittis, sed charitatis spiculis configit. Hoc est, quod S. Paulus dicit I. Corinth. 3. 12. *Si quis superadificat super fundamentum hoc, aurum, argentum, lapides pretiosos, lignum, fenum, stipulam, contritusque opus manifestum erit. Si cuius opus arserit, detrimentum patietur.* Videat quisque quidnam super fidem, & cognitionem construat, aurumne sit, vel argentum, vel gemmæ, an verò fœnum, palea, lignum, nam pro conditione istarum rerum erit qualitas præmiorum, & remunerationis, & cuius opus arserit, ille detrimentum patietur. Si quis lignum, stipula, fœnum apta igni materia fuerit, addiditque arserit, vitio suo suum damnum adscribat. Si verò aurum fuerit, aut argentum, si virtutibus gemmeus, si pietatis constantiâ adamantinus, non proieciatur in ignem. Iuxta hæc, cuique sua culpâ accidit, quod pœnas luit, nemo enim vapulari, nisi digna verberibus ageret, nemo supplicia mereret, nisi suppliciorum semine flagitia sereret. Illi itaque, qui ignis diaboli sagittas prius receptas in se retinuerunt, sunt, qui demum Dei sagittas excipiunt, idcirco dicit, *sagittas ipsius iam ardentibus effectas,* inquit rursùm Basilius.

Possumus aptare peccatori, idque commodè, vetus illud adagium, *Capra gladium,* quod ex Erasmo Paulus Manutius refert, quo significabatur homo, qui ipse sibi suam adornabat, & procurabat perniciem. Occasionem proverbio dedit, quod subiiciam. Apparabant Corinthij gladium Iunoni, sacerdotes autem defoderant gladium, quo mactandum erat pecus, quod immolare cupiebant. *Capra autem pedibus exscalpens gladium eruit, prodiditque, itaque mactata est.* In rem nostram illud sic vertere possumus. *Peccator gladium.* Deus vel tectum, & in vagina reconditum habet iræ suæ gladium, abstrususque ille, & occultus maneret, nisi peccator illum vngulis extonderet, vel scalpuratione suâ detegeret, atque ad feriendum Deum incitaret. Quod ergo malefactor cæditur, id fit, quia ipse mucronem effodit, decollaturque, quia ipse gladium denudat, & comburitur, quia ipse se aptum incendio facit.

Murmurârunt Aaron, & Maria contra fratrem suum Moysen propter mulierem Æthiopiissam, quam duxerat uxorem. Audiuit hoc Dominus, iratusque contra eos, abiit, nubes quoque recessit, quæ erat super tabernaculum.



*tabernaculum; Num. 12. 9. 10. Simul ac Deus recessit, & nubes submota fuit, ecce Maria apparuit candens leprâ quasi nix; ibid. v. 10.*

Quid mysterij habeat, quod nubes euanuit tunc, cum futurum erat, ut Maria leprâ quasi nix candens appareret? *Nubes quoque recessit.* Quid incommodi adferre poterat, quod præsentem nubem Maria leprâ, ut nive perfusa, & has dare pœnas videretur?

Dicam. Conimbricantes tract. 7. in lib. Meteor. cap. 5. de niuis generatione sic pronuntiant: *Cum nubes in media aëris regione, ob vehementem frigiditatem, antequam in aquam solvantur, gelaſcant, nix efficitur.* Quando ergo Maria leprâ quasi nix candens apparuit, tunc *nubes recessit*, ut indicio esset, quod nix supplicij Mariæ non ex nube Dei, sed ex atro, & obscuro vapore iniustæ murmurætionis eius, quàm lepra deformabat, descendit: Deus enim non est autor pœnæ, sed peccator ipse sui supplicij sibi est arbiter, & architectus.

Dices mihi: Ergo nihil ad Sodomitas ista, Dominus enim pluit sulphur, & ignem super Sodomam, & Gomorrhæam, & ceteras scelorum consortes, nefandasque ciuitates. Deus itaque pœnarum, quas Sodomitæ dederunt, autor fuit, non ipsi sibi eas consciuerunt. Immo verò contrarium ex eo Scripturæ loco, vnde superiora accepta, euinco. Nonne ibi dicitur, quod *Dominus pluit sulphur, & ignem?* Nubes, quæ aquas inde huc submittunt, nonne vapores sunt, qui à terra exurgentes aëris regionem superiorem perunt, ibique densantur, quousque resoluti in aquas recidunt eò, vnde ascenderunt? Res perspicua est, & notoria. Peccatum Sodomitarum fuit ardens ignis obscenæ libidinis. Ille ignis cælum petijt, condensatusque in nubem à iustitia Dei fuit, & quem clamor Sodomitarum sursum extulit, hunc iustus Dei furor deorsum pluit, & qui in vocibus ascendit, in spiculis flammantibus, & flagrantibus lanceis descendit. Ergo Sodomitæ fuerunt arbitri suæ pœnæ, & supplicij autores, omnisque vniuersum peccator suorum cruciatuum sibi est faber, opifex, minifter.

*De hoc argumento etiam sæpe alibi, fusèque & disseretè agit Nissenus. Vide in prima parte Politici colorum lib. 7. c. 2. & alia loca ibidem designata.*

## CAPVT IX.

*Felicissima iactura est vitæ, quæ non impendenda officijs diuinis, minores enim pœnas dabit peccator, qui dies pauciores vixit.*

**N**imini pepercit ille cælo delapsus sulphureus ignis, quia *subuertit vniuersos habitantes urbem*, ut habet textus sacer Genes. 19. 25. Quid autem peccauerant infantes, ut illos eadem ira Dei, & indignatio mactaret? Cur pœnarum consortes fuerunt, qui non complices culparum? Quid meruerunt innocentes populi, ut communi incendio conflagrarent, ac perirent? Præuidit Deus per suam omniscientiam, paruulos illos si adolescerent, annosque attingerent, quibus peccare per ætatem possent, similes parentum, hoc est, contaminatos, obscenos, brutos futuros. Quod ergo his abstulit vitam, quæ grauioris damnationis, & acerbiorum cruciatuum occasionem præbitura erat, pietas, & misericordia fuit, quemadmodum misericordia est, adimere, & per vim à manibus extorquere cultrum furioso, quo sibi gulam præsecaret, si ferrum ei relinqueretur.

Quod hic dixi, id Aleuinus apud Gloss. Ordin. in cap. 19. Genes. sic reddidit: *Infantes cum parentibus in Sodomâ cremati sunt, ne diu viuentes sequerentur Vestigia patrum, & grauius punirentur. Est enim quaecunque beneficium, non reum esse, qui gloriosus non est, prodest namque pauperem non esse, qui rex esse non potest.* Ergo à pietate, & beneuolentia Domini proficiscitur, cum vitam alicui eripit, qui ad illius offensam, & suam maiorem damnationem vteretur. Et lucrum facit, qui iacturam facit animæ, per quam intolerabiliores sibi pœnas pararet, si diu viueret, diuque peccaret.

Dessebat in Threnis suis Propheta Ieremias luatuosos casus, & fatales strages populi transgressoris, interque varias ærumnas vnâ amarè deplorabat famis necessitatem, quæ tanta fuit, ut complures matres cogerent edere liberos, quos ediderant, & refundere in viscera, vnde eos paulò ante effuderant, & ex eorum carnibus victum sibi parare, quibus vitæ alimoniam ex suis præbuerant. Id Ieremias his verbis Threnor. 4. v. 10. elachrymabatur: *Manus mulierum misericordium coxerunt filios suos, facti sunt cibi earum.*

In his meretur attentam considerationem epitheton, quo mulieres illas lachrymosus Propheta donat, quarum tanta fuit animi magnitudo, ut liberos suos in suum victum mactarent, & vitam suam eorum morte, quibus non diu ante vitam dederant, sospitarent. Misericordes, pias, indulgentes eas vocat, quæ ademerunt vitam lactentibus suis, ut suam seruarent: *Manus mulierum misericordium*, inquit, *coxerunt filios suos.* Videtur non satis congruere tra-

gicæ



gicæ iſtæ cantioni, & lugubri carmini, quale eſt hoc Ieremiæ, iſta miſericordium matrum appellatio. Homerus certè, & Virgilius aliter appellarent mātres, quæ liberos deuoraſſent, crudeles feras, ſanguinarias potiùs vocaſſent. Quomodo ergo Propheta eas miſericordes nominat?

Rupertus Abbas lib. 1. in Ieremiam cap. 86. reſpondet, meritò pias vocari eas matres, quæ talium patrum liberis vitam ademerunt, non modo quia compendioſius mortem perpeſſi ſunt, ſed etiam, quia plurimam adaugendorum ſclerum neceſſitatem euadeſcunt. Piz, & miſericordes fuerunt illæ matres, non ſolùm quia cità morte ſublato, à longâ intolerabilis eſurie neceſſitate illos ſeruauerunt, meliusque fuiſſe occiſis gladio, quàm interemptis fame, ibid. v. 9. verùm etiam vel maximè, quia plurimam adaugendorum ſclerum neceſſitatem per eas euadeſcunt liberi præmaturâ morte perempti. Perdere namque vitam, quæ ad offenſas Dei vertenda erat, facere lucrum eſt, & felicitas eſt, ad t. inſelicem ſtatum non perueniſſe, adeò miſericordes fuerunt manus, per quas factum eſt, ut paruuli ante morentur, quàm eiufmodi miſerias incurrerent.

Ad hoc propoſitum dicit Clemens Alexandrinus lib. 1. Stromatum, cap. 14. *Eſt maximum, & perfectiſſimum bonum, quando à malefaciendo, & à re male gerenda ad virtutem, & bonam actionem poſſit quis aliquem traducere.*

Quòd ſi quis tam ſit cæcus, & durus, ut emendare ſe, & corrigere noliſ, curationemq; omnem reſpuat, & cunctas fores, per quas ad eum ſalus venire poſſit, obſtinet, quid homini tali faciemus? Reſpondet Clemens ubi ſuprà, clementiſſimè cum illo acturum Deum, ſi eum è viuſ auferat, ut minùs peccantem mitiùs plectat: *Quando in immedicabile aliquid malum ceciderit, ab inuſſita poſſeſſus aliquis beneficio afficietur, ſi interficiatur.*

In extremo illo, & celebri cantico ſuo enumerat Moſes illuſtria geſta Domini, atque ex nomine illius: *Ego occidam, & ego viuere faciam, percutiam, & ego ſanabo, & non eſt, qui de manu mea poſſit eruiere;* Deut. 32. 39. Ab ira venire quis putet, quòd Dominus ait, velle occidere, percutere, concerpere, ſanguinem fundere. Verùm S. Baſilius Magnus iubet anteriora ex poſterioribus, priora ex ſequentibus æſtimare, & non arbitrari ſeueritatem, ſed miſericordiam, quòd Dominus dicit, velle maſtare, & cedere, ſicut pietatem, & clementiam ſonant illa, *Ego viuere faciam, ego ſanabo.* Siccinè verò benignitatem interpretabimur, & appellabimus, vitæ, rei

tam dulcis, & amabilis, ablationem? Immodè verò, inquit Baſilius in cap. 6. Iſaie: *Oſtenditur Gilelem eſſe, & commodum eorum finem, qui beneficij loco plectuntur. At enim, Percuſſam, & ego ſanabo.* Si quis peccator tam obſtinatus, & contumax, ut nullas ſit vnquam aperturus diuinis inſpirationibus fores, neque prauorum vitia morum emendaturus, quaſtuoſa illi fuerit vitæ iactura, & lucrum mors adferet, quæ auferet animam. Propterea peccatoris cædes vocatur ſanatio. *Percuſſam, & ego ſanabo,* quando enim talis eſt futura vita, ut tot mortalia vulnera ſibi quis inſigat, quòd committere lethalia crimina, percutere eiufmodi hominem, erit ſanare illum, & miſericordiæ viam illi ad vltiora ſlagitia per mortem præcludere.

S. Paulus Apoſtolus ad Philipp. 1. 21. 22. ait: *Mihi viuere Chriſtus eſt, & mori lucrum. Quòd ſi viuere in carne, hic mihi fructus operis eſt, & quid eligam, ignoro; velut dixiſſet verbis alijs: Vita mea, & quaſtus meus, Chriſtus eſt. Et quid mundo adferre vtilitatis poſſit, quòd ego in hac miſera, & mortali vita dego, quid melius, mihi que oprabilius ſit, neſcio, & quàm in partem inclinem, animi pendeo. Mox tamen dicit idem Apoſtolus: *Permanere autem in carne neceſſarium propter eos;* hoc eſt: Tamenſ mihi magis honorificum eſſet aſcendere ad Chriſtum, & cum illo regnare in gloria, video tamen res hominum aliorum poſtulare, ut ad ipſorum ſpiritualem profeſſum curandum aliquamdiu adhuc in vita hac mortali perſiſtam: *Permanere autem in carne neceſſarium propter eos.**

S. Ambroſius in lib. de fide reſurreſt. To. 4. ait: *Sed non omnibus neceſſarium, Domine Ieſu, non mihi, qui nulli vtilis ſum, nam mihi lucrum eſt mori, ne plura peccem.* De vita tam ſancta, & integrâ, quàm erat Pauli, rectè dici poſſet, ac meritò debet, quòd neceſſarium ſit eam eſſe longævam, & diu perdurabilem. Sed non omnes decet longa vita, peccatoribus conducibilior mors eſt, quòd eam minùs viuunt, eò & minùs delinquant: *Mihi lucrum eſt mori, ne plura peccem.* Multam ergo ex morte vtilitatem capir peccator, quia perdit vitam, quæ Deo inuiſa, & exoſa futura erat.

Cum Herodes Deluſum ſe à Magis videret, ſubiratus miſit in Bethſehem furoris ſui miniſtros, qui omnes illius ciuitatis pueros bimulos, & his minores trucidarent, arbitratuſ in illis etiam extinguendum recens natum regem Iudæorum. S. Matthæus eam tragœdiam ſic narrat, 2. 16. *Miſens occidis*



*omnes pueros, qui erant in Bethlehem, & in omnibus finibus eius, ab imatu, & infra.*

Quæri potest, cur Dominus hos innocentes pueros propter se interfici permisit, qui se ab Herodis truculentia liberum seruauit, & saluauit, ita & infantes illos facile sospitare potuit, & facere, ne Herodes tam sanguinario medio, tamque ferâ industria ad abigendum suum timorem vteretur. Quid causæ esse possit, quod tolerauit, ut crudelis rex tam miserandam, luctuosamque eadem ederet?

Euthymius in cap. 2. Matth. sic habet: *Fortassis autem & hi pueri prohi futuri non erant.* Duo ergo singularia, & insignita beneficia ijs Dominus præstitit, quibus eripi vitam permisit. Primum est, quod Martyres suos fecit, quibus festus dies, isque percelebris est consecratus. Alterum, quod tunc vitæ illorum filum abrupti concessit, quando per ætatem offendere Deum nondum poterant. Quæ autem maior gratia excogitari possit, quam quod illis contulit gloriam, postquam sustulit vitam, per quam excedere beatitudine æternâ, & incurrere damnationem poterant perpetuò duraturam?

Commodè ad ista dicit Archiepiscopus Bulgarorum Theophylactus in cap. 9. Ioannis: *Quod super his pueris mori, scia quod Deus propter misericordiam præcepit illorum vitam, & ne cum superuixerint, deteriores fiant, & in malum suarum animarum, & aliorum multorum viuant.* Ergo adimere homini

vitam, quæ plurimam animæ perniciem, & gravia spiritui damna adferret, & noxia hominibus alijs scandala præberet, numerari in beneficijs potest, quod enim pauciora peccata commiserit, eo leuiore pœnas dabit, & breuiorem vitam mitiores excipiant cruciatu.

Cum sanctus Loth, vnaque vxor illius, & filia digressi à Sodomis essent, ut horribile, & fatale euaderent incendium, mandauit illis Angelus, ne quis caput, oculosque ad exurendam mox ciuitatem obuerteret. Non obtemperauit iussioni vxor, statimque in statuam salis, pro suæ transgressionis merito, conuersa fuit. Magna hic dicunt Doctores sancti, & Expositores alij, Legatur Tertullianus in sua Sodomâ, ubi de hac statua habet singularia. Videantur apud Lyranum, & Abulensem, quæ in monte, in quo saluatus Loth fuit, acciderunt, & à me prætermittuntur, quod ad rem meam non faciant. Quamquam ea, quæ ibi contigerunt, etiam talia sunt, ut multò consultius sit silentij tumulo ea inferre, & tegere, quam linguâ vulgari in medium forum, producere. Vxorē Loth, (quod cœlestis Magistri consilium est Lucæ. 17. 32.) crebrò recordemur, & viuæ memoriæ altè imprecā habeamus, periculoque illius, & damno cautiore fieri sapere discamus. Illā pro obuerso semel capite tam seuerè Dominus multauit, quas ergo ille de grauioribus peccatis, deque atrocioribus sceleribus pœnas exquiret?

## LIBER IX. VITÆ ABRAHAM.

### CAPVT I.

*Neque superbos nos mundi gloria, & felicitas reddere, nec facere pusillanimes eius ærummæ debent, par enim est vitæque conditio, quia nec ille perpetuò durabunt, nec hæc semper manebunt.*



Vi notitiam habet rerum vitæ præsentis, in qua tanquam in latè diffuso mari nauigamus iam in tranquillitate gloriæ, iam inter tempestates miseriæ, iamque fluctibus prosperitatis in cœlum efferimur, iam procellis aduersitatum in abyssum demergimur, parùm cordatum se, prudentemque probabit, si vel intumescat animo, cum inter res secundas velut per quietum, & planum æquor placidè circumfertur, vel contabescat

in cerore, frangaturque tristitiâ, cum ærumnarum turbine iactatus ancipiti inter vada, & scopulos cursu ad magnum periculum naufragij circumfertur. Nam cum omnes fluctus sint inconstantes, & varij, neminem vltius exagitare, quam ad portum mortis possunt, in quo omnis & pessum it pompa, & occidit maiestas, & conquescit labor, & vniuersa subdit calamitatum tempestas. Itaque neminem vel exanimare, vel de statu mentis deijcere aduersa, neminem prospera plus satis animosum, arrogantemque reddere debent.

Tres discipulorum charissimos, Petrum, Iacobum, Ioannem Redemptor orbis in montem excelsum adduxit, in cuius loco editiore lineamenta quedam illis ostendit gloriæ, quæ ipsorum labores, sudoresque

resq; p  
magis  
leniti  
cerit  
ternit  
illos in  
quinta  
mus,  
Theop  
mnelq  
Hic m  
pissim  
eo mon  
hinc spl  
pretios  
raculum  
gubriq  
in sua p  
De g  
splend  
facta su  
31. ita:  
dicebant  
rusalem,  
gravis tri  
posse vid  
bus finit  
gloriæ, &  
tota essen  
absque fi  
voluerit  
Quid erg  
pœnarum  
Gene  
Ocasum  
sentar  
illa adio  
vitæ glori  
que enim  
Christi, i  
rare neu  
Ve ne  
tum arg  
tis, & q  
sum mih  
zianzen  
quod ali  
etioni. Na  
rubri, qu  
transfren  
Tom.



refq; poſthæc remuneratus eſſet, atque vt celebrior, magiſq; & iucunda, & feſtiua, & magnifica eſſet ſolennitas, Moysen è ſepulchro, è paradifo Eliam acceſſum ad eſſe glorioſus Dominus, & Princeps æternitatis voluit. Matthæus cap. 17. v. 5. ait: *Duxit illos in montem excelſum ſecurum.* Facile eſt diuinare, quiſnam ille mons fuerit. Sancti Patres Hieronymus, Chryſoſtomus, Auguſtinus, item Euthymius, Theophylaſtus, Hugo, & Caietanus Cardinales, omneſq; Expoſitores aiunt, fuiſſe montem Thabor, *Hic mons Thabor eſt*, inquit Caietanus, quod & receptiſſima ſententia habet. Duo animaduertemus in eo monte, quæ videntur contraria. Fuit mons ille hinc ſplendidiſſimis periſtromatis, & venuſiſſimis, pretioſiſſimiſq; aulæ gloriæ conueſtitus, & ad miraculum exornatus, illinc pullo amictu, & atro, lugubriq; panno commemorationis pœnarum, quas in ſua poſſione ſubiturus erat Dominus, ſqualidus.

De gloria ſic habet Matthæus ibid. v. 2. *Et reſplenduit facies eius ſicut ſol, veſtimenta autem eius facta ſunt alba ſicut nix.* De pœnis Lucas cap. 9. 30. 31. ita: *Erant Moysès, & Elià ſiſi in maieſtate, & dicebant exceſſum eiſus, quem completurus erat in Ieruſalem.* Nulla alia tam magnifica gloria, tamq; grauis triſtitia, & triſtis pœna concurrere in hac vita poſſe videntur. Sed quare hic potiſſimum ex omnibus finitimis montibus delectus fuit, qui tantæ gloriæ, & pœnæ theatrum eſſet? Cùm tam momentofa eſſent, quæ in illo monte repræſentabantur, nec abſque ſingulari conſilio, nec ſine magno myſterio voluerit Dominus, vt in vno Thabore illa fierent. Quid ergo habuit Thabor, vt in eo illud gloriæ, & pœnarum dominicarum ſpectaculum præberetur?

Genebrardus in Pſal. 31. ait: *Thabor ſitus eſt ad Occaſum.* In tali ergo ad Occaſum ſito monte repræſentatæ fuerunt gloria, & pœnæ Domini, vt myſticâ illâ actione inſtitueremur, quod nec efferri huius vitæ gloriâ, neque deiſci ærumnis debeamus, vtræq; enim repræſentantur, quemadmodum & illæ Chriſti, in parte ad occaſum vergente, & diu perdurare neutra poſſunt.

Vt ne oſcitantæ me in ſimuletis, parumq; attentum arguat in expendendis ſanctorum Patrum dictis, & quibus myſterium aliquod exculpi poſſet, viſum mihi eſt repetere quædam ſancti Gregorij Nazianzeni verba, in quibus deditâ operâ vnum aliquod alibi omiſi, vt huius capituli ſeruiſſe confirmati. Narrat magnus Theologus miraculum maris rubri, quod aquas ſuas ſuſpenderit, vt per eius alueum tranſirent Iſrâelitæ, quos inſenſi perſequebantur

Tom. III.

Ægyptij. Refert item Iordanis prodigium, qui curſum ſuum ſiſcit, & aquam in montis altitudinem ad Arcæ tot portentorum operatriciſ reuerentiam, vt ea tunc præterueheretur, ſaſtigiauit. Demum ita concludit: *Fluij etiam cognatum mare imitantæ cedebant.* Hæc ille in Orat. 12. Initationem ſuprà lib. 6. cap. 9. expendimus, nunc reliquum eſt diſpicere ſubtilitatem Nazianzeni, quâ *mare cognatum* fluij affirmat. Vnde verò illa cognationis neceſſitudo? Dices, mare, & flumina aquarum affinitate eſſe coniuncta. Benè id habet. Sed oppoſiti dicto ſtatim poſſet, quod nulla videatur aquarum cognatio, cùm aliæ ſalſæ ſint, dulces aliæ. Quid ergo inter has affinitatis eſſe poſſet? Acutè Nazianzenus fluij *cognatum mare* dixit, quanquàm illorum aquæ dulces, huius ſalſæ ſint. Immo hanc ipſam ob cauſam maior eſt vtrorumq; coniunctio. Nam ſi dulces fluminum vnde ſignificant affluentiam, & felicitatem huius vitæ, & aquæ maris ſalſæ referunt ſymbolo mala præſentis ſæculi, iuxtà illud Prophetæ Thren. 2. 13. *Magna eſt ſicut mare contritio tua;* meritò Gregorius dixit, illa eſſe admodum cognata, cùm vtræq; certum, citumq; finem habeant, nam neque bonæ vitæ huius ſunt perpetua, nec mala ſempiterna.

S. Paulus Apoſtolus, qui tam enixò, inflammatoq; erat ad conſolandum alios ſtudio, dicebat 1. Cor. 7. 30. *Qui ſunt, tanquàm non ſentes ſint, & qui gaudent, tanquàm non gaudentes, & qui emunt, tanquàm non poſſidentes, & qui ſuntur hoc mundo, tanquàm non ſtantur.* Sed quid illud eſt, ob quod non lætari, nimiumq; efferri debeant, quibus eſt benè, neque plus ſatis triſtari, quibus inſenſa fortuna vult malè, neq; flere, quorum res deploratæ, neque gaudere, quibus ſors benevolentior arridet? Cauſam ſtatim addidit ſacer Apoſtolus, inquiens: *Præterit enim figura huius mundi?* ibid. v. 31.

S. Theodorus Studita quærit: *Quid eſt, Præterit figura huius mundi?* Reſpondet verò Catecheſi 3. idem eſſe, quod *Labitur, prætereſtat, nec ſel diuturnam ſtabilitatem obtinens, ſed qui heri in reſplendida, hodie in miſeria eſt, nunc extollitur ille, nunc alter dignitate ruſt, hic è paupere fit diues, alius è diuite pauper, milleque mutationibus, atque vicibus arumnoſa noſtra ſubiecta ſita eſt, nihil poſſidens conſtans.* Omni veredo pernitiuſ figura mundi præterit, nec firmitatem aliquam, perennitatemq; habere poſſet, & variabilitate ſua crebras, quàm mirandas, & miſerandas parit viciffitudines, nunc hunc in alrum extollens, nunc illum è ſubli-



è sublimi deiiciens, illum beans, hunc infelicitans, illum ex mendicabulo peropulentum faciens, hunc ex opum affluentia ad inopiam, & ad incitas redigens, neminem diu eundem retinere statum sinens.

Sed quid solatij hauriamus ex eo, quod Paulus præterire mundi figuram dicit? S. Ioannes Chrysostomus, Oecumenius, & Theophylactus aiunt illa Apostoli verba fictitiam transferri posse: *Præterit scena huius mundi*, quasi quis dicat, mundum hunc comædiæ instar transire. O quantum hoc inter angustias consolari affectos, quantum humiliare inter prospera superbos potest, quod vtræque comædiæ sunt similia! Cum quis regem, vel triumphatorem, vel alium siue Principis, siue domicellæ alicuius gratiosum repræsentat, quàm paruifacimus illa! quàm parùm & acclamamus triumpho, & applaudimus gratiæ, & invidemus tali gloriæ! Quando alium videmus prostratum, nudatum gloriâ, excidisse gratiâ, & in tabulato minui capite, quàm parùm tali mouemur, & afflictamur spectaculo! quàm paucas fundimus lachrymas, eò quòd sciamus, meras præstigijs esse, & ludos, & fictiones, quidquid ibi sit, & in speciem tantùm omnia agi? Ita nunc dicit Paulus, vt qui flet, non contabescat mærore, neque collabascet animo pauper, neque intumescat diues, neque insolescat gratiosus *præterit enim scena huius mundi*, & res illius omnes simulatoriæ quædam species sunt, & repræsentationes inanes, ac fviles, & cum à scena discessum fuerit, qualis quisque est, talis reputabitur.

Exemplam habemus in nostro Patriarcha, qui nunc denuò vertit solum, & terrâ Sodomæ vicinâ relicta peregrinatus est in Gerar, Genes. 20. 1. in quâ annotatio moralis Oleastri sic habet. *Nuper armauerat trecentos Vernaculos domus suæ, quibus reges Syria debellaret, & nunc baculo in manu assumpto ipse, & exor, eius cogitur ad Gerar descendere, ibique mendicare.* Quanta vitæ huius inconstantia! Poterat antehac Abraham ex solis domesticis suis integrum constare exercitum, & armis barbaros Syros subigere, quem nunc dura necessitas exulare, & victum ad vitam conseruandam mendicatò colligere cogit. Colligunt nunc stipem ipse, vxorq; eius pauperes, qui nuper tantis rebus affluabant, quas in pauperes erogarent. Omnia hæc ad consolationem nostram scribuntur, inquit Oleaster. Videmus Patriarcham nostrum humilem inter prospera, magnanimum inter aduersa, sic vt neque hæc illum frangerent, neque ista superbum facerent, vt enim sordatus, & prudens, erat, ita facile videbat vtræque

finem habere, bonæque & malæ, gloriam, & pœnas, res secundas, & aduersas certis terminis concludi. Insignis ergo stulticia est vel felicitate intumescere, vel frangi calamitate.

## CAPVT II.

*Verus seruus Dei tam debet esse illius amans, quando ab eo caditur, quàm humilis seruus, quando indulgenter habetur.*

Inter omnia patientem, & gratum, & humilem videmus Patriarcham nostrum clarum ac tertium emendandum, & excolendum morum, corrigendarumq; actionum nostrarum speculum. Oleaster in annotat. morali ait: *Discant à sene, qualiter homines errant, fortunam tolerare debeant.* Discant à vetulo Patriarcha, quicumque Deo placere cupiunt, æquanimiter ferre omnem statum, in quo ab illo collocati fuerint, eurentque vt omnibus rebus seruiant ei, omnibus modis gratificentur, sintque in affluentia, & paupertate, in humilitate, & sublimitate, & in quavis vitæ, & fortunæ conditione semper æquales, semper iidem.

Propheta regius Psal. 88. 13. ait: *Thabor, & Hermon in nomine tuo exultabunt.* Dubitari hoc loco potest, quamobrem hi duo sic placuerint. Domino montes, vt eos suis laudibus celebrandos delegerit. De monte Thabor cap. præcedente locuti sumus, nunc de vtroque agere necessum est, & notare ex incognito, Guilielmo Papinio, & Titelmanno, quòd istis duobus montibus significantur duo status, in quibus Deus collocare suos solet, nimirum status prosperitatis, & aduersitatis, paupertatis, & opulentæ, valetudinis bonæ, & malæ. Et bene quadrat hi duo montes in istos status, Thabor namque, & Hermon, Genebrardo idem sunt, quod Occidens, & Oriens: Nam hi duo montes Galilæa sit sunt ad has duas terre sanctæ partes, Thabor ad Occasum, Hermon ad Ortum, inquit ille in Psal. 88. Oriens prosperitatis symbolum est, vt aiunt Ruscell Camillus Camilius, & Alexander Capaci, Occidens hieroglyphicum aduersitatis, vt affirmant Pierius, Bartholomæus Tegius, & Paulus Iouius. Quod ergo Propheta ait: *Thabor, & Hermon, Oriens, & Occidens in nomine tuo exultabunt;* perinde est, ac si dixisset, eum qui veli Domino seruire, atque in eo lætari, & exultare, debere hoc ita facere, vt tam hilaris sit in Occidente aduersitatis, quàm gaudibundus in Oriente felicitatis, sic vt in quocunque statu eum Dominus popat, siue occasu mortis, siue in ortu vi-



et, semper sit bono, erecto, & æquali animo, & neque efferratur lætis, neque deijciatur tristibus.

Opportunè in hanc rem dicebat sanctus Gregorius Nazianzenus Orat. 14. *Organum diuinum ipse sum, organum ratione prædictum.* Musicum instrumentum pendet ex arbitrio eius, qui scit uti, nunquam repugnat manui artificis, sonat cum tangitur, mutet cum intractum relinquitur. Propterea Nazianzenus dicebat consequenter: *Heri silentium operabatur, silentio studebam, hodie mentem pulsas, sermonis sonum edam, ac loquor studebo.* Tacere, loqui, & quidquid aliud facere iussus, obtempero, & more boni instrumenti manui artificis morem per omnia gero. Debent hoc imitari veri serui Dei, ut quemadmodum instrumenta musica sequuntur manum artificis, sic illi subiectissimè obediunt voluntati diuinæ maiestatis, omnique illius dispositioni, & ordinationi, prompti viuere, mori, abundare, & penuriam pati, ferre gloriam, & infamiam, benè habere, & ægrè valere.

Vidit Propheta Euangelicus Dominum in folio excelsò, & eleuato. Vidit & duos Cherubinos, qui illum verimque stipabant, & alternis, magnisque vocibus ter sanctum proclamabant. Posthæc eos sic describit: *Sex ala erant, & sex ala alteri, duabus volabant faciem eius, & duabus volabant pedes eius, & duabus volabant;* Isaia 6. 2. Itaque extremis alis ad velandum, ad volandum medijs utebantur. De Mercurio deastrorum nuntio fabulata est antiquitas, alatos habuisse pedes (de quo sanctus Fulgentius, Hilginus, Palefatus, Paulanias, Vincentius Cartarius, Natalis Comes, & alij) ut expeditam illius velocitatem, quæ mandata, quæ habebat, perferre, & iussa exequi solitus fuerit, indicarent. Quid causæ ergo, quod Seraphini nostri non pedum extremis, sed medijs alis aduolatum vti fuerunt? *Duabus volabant.*

Satisfacit quæsito Nicolaus Lyranus dicens: *Ad designandum, quod Angeli semper sunt parati ad diuinam ascendere, & ad inferiora descendere secundum Domini voluntatem, ideo volatus in medio loco disponitur, quasi ad circumquaque paratus.* Non supremis, non infimis alis volabant Angeli, ne alterutrum remigio vel sursum semper contenderent, vel deorsum subueherentur, sed medijs, quibus aut superiora petere, aut ad inferiora se demittere pro voluntate imperantis Dei possent. Indicatum eà re fuit, Angelos ad neutram partem sese obstinasse, sed indifferentes fuisse, promptosque in alterutram, ex vnus Dei arbitrio, volatu pergere: *Idco volatus in medio*

*loco disponitur, quasi paratus ad circumquaque.* Ità omnis serui Dei ea debet esse adiaphoria, siue indifferentia, ut nihil ex se sibi certum proponat, sed ex solius Dei voluntate quiduis illud vel facere, vel pati velit, ut nec murmuret inter ærumnarum angustias positus, nec superbiat in latitudine felicitatis collocatus, amplisque honoribus, & opum copijs à Deo auctus.

Magister Sententiarum (quod ex Glossa refert Incognitus) obseruauit, singulari Spiritus Sancti instinctu factum esse, quod in officio horario, Laudum Psalmo sexagesimo secundo continuatè iungitur sexagesimus sextus, *Notandum*, inquit Incognitus, *quod iste Psalmus, puta 66. secundum Magistrum in Glossa semper in matutinalibus laudibus adiungitur illi Psalmo, qui tertio loco cantatur.* Quid mysterij habeat illa istorum Psalmorum in laudibus diuinis connexio?

Dicat hoc Michaël Ayguanus, ante hæc Incognitus: *In Psalmo illo tertio, scilicet, Deus meus, ad te de luce vigilo, sis, atque ariditas sita præsentis exprimitur, in isto vero dominica benedictionis pluuia, ideoque isti duo Psalmi coniunctim cantantur.* In Psalmo 62. v. 3. dicit querulus Propheta: *Siccitas in te anima mea, quam multipliciter tibi caro mea, in terra deserta, & inopia, & iniquosa,* hoc est, plurimam animæ, & corporis sitim toleraui, in solitudine nimirum inculta, horrida, mentosa, nullo humano vestigio trita positus. In Psalmo 66. nil nisi beneficentiam, abundantiamque à diuinis manuum largitate prouenientem loquitur, ubi v. 6. 7. sic ait: *Consecrantur tibi populi Deus, consecrantur tibi populi omnes, terra dedit fructum suum,* quasi dixisset: Laudent te, ô dulcis, & amabilis Domine, & benedicant omnes, quos orbis terrarum habet homines pro ingenti tua prolixitate, quæ terram fugibus cumulas, humum herbis ornas, facisque ut maxima sit vbique rerum plurimarum abundantia. Quod ergo duo illi Psalmi ad laudes Dei coniunguntur, in quorū altero sterilitas, ariditas, siccitas, mortificatio, solationum inopia memoratur, altero autem fertilitas, opulentia, affluentia narratur, id fit, ut doceamur, quod Deum pro omnibus æqualiter laudare debeamus, propterea enim & *coniunctim cantantur.* Nam qui Dominum laudant inter res secundas, & non benedicunt inter aduersas, qui magnificant inter rerum omnium copiam, & non inter inopiam, non sunt veri serui illius, neque sincero amore supremam illam prosequuntur maiestatem. Integri enim, & fideles illius magni Domini serui debent.



debent illi in quouis statu sese arbitrio eius humiliter submittere, promptè accommodare, & parati; expeditique ad qualiacunque officia adflare. Qui enim Dei in sola prosperitate recordatur, suam potius commoditatem sectatur, quàm Dei honorem, & gloriam quærat.

*Vide Periocham tertiam Dominica 3. post Epiphaniam 10. 2. pag. 424. c. 2. ibiq; in hanc rem oppido meliora. Vide & calcem eiusdem Periochæ. Vide etiam Periocham 3. Dominica 6. post Pentecost. 10. 2. pag. 138. & ad finem alia loca pluscula annotata.*

### CAPUT III.

*Tam æquale habent dominium consuetudo, & inclinatio, ut par sit & illius obliuiscenda, & huius superande difficultas.*

**D**Eserebat Patriarcha noster locum, in quo vixerat, & in viam se dabat, & peregrinatus est in Geraris. Oleaster vult, Abrahamum necessitate coactum suscepisse peregrinationem. Non probant hoc dictum alij, contenduntque mutasse locum pro veteri more, & quod diu consuisset è patria in patriam migrare, & peregrinari. Sic affirmat doctus quidam Genesis interpres (Antonius Honecala) atque quòd sanctus Patriarcha mouit è loco, in quo aliquamdiu hæsitaret, id factum ex innato desiderio peregrinandi. Proficiscendi consuetudinem contraxerat, eiusque vi sic traheretur, ut vitam, nisi in via posset, agere non posset. Notare hic licet consuetudinis, & inclinationis conditionem, & quàm potenter propensio domineur animæ.

Præcepit Dominus aquis, ut aues reptilianæ generarent, inquiens: *Producant aqua reptile animæ viventis, & volatilis super terram sub firmamento cæli;* Genes. 1. 20. Sum nihilominus qui dicant, aues non trahere suam ex aquis originem. Verùm huic opinioni Sanctus Ambrósius in quodam hymno Vesp. ser. V. sese opponit, dicens:

*Qui ex aquis ortum genus*

*Partim remisit gurgitis,*

*Partim leuans in æra;*

Vnde verò coniecturam ducemus, quæ probabilis faciat, quòd cum piscibus aues ex aquis sunt productæ?

Antonius Fonseca in annot. marginalibus ad Cætanum in c. 1. Genes. ait: *Hoc testatur prodigiosa illa auium productio ex folijs arborum delapsis in aquas, tum tot genera volucrum stagna, & lacus nunquam deferentium testantur, suam originem ex aquis*

*esse.* Magno certo inditio est, aquas esse locum generalem, si non omnium, earum certe auium, quæ omnemferè in aquis vitam agunt, ad easdemque perpetuò recurrunt, idque naturæ ductu, quæ eò quæque rapit, quò & inclinat.

Naturalis historiæ pater Plinius lib. 18. cap. 6. enarrat exempla quorundam, qui villas ædificarent, & fundos; inque ijs plantarent vineas, & construxerint prædia, quæ vel delectationis, vel fructus, quæstusque causa inuiserent. *Nouissimus* autem, inquit, *Villam in Misenenfi posuit Caius Marius septies consul, sed peritua castra merandi.* Caius Marius strenuus semper miles fuerat, tam propensus ad arma, quàm bellicoso ingenio, de quo apud historicos plurima. De illò ergo dicit Plinius, cum villam ponendam susceperet, construxisse arcem, & vallum, propugnaculumque erexisse, cum machinaretur prædium: *Villam posuit, sed peritua castra merandi;* hoc est, vineas & arbores ita disponebat, & ordinabat, ac si exercitum instrueret, & digeret. Vnde hoc fiebat? Ex natia illius propensione, diuturnaque consuetudine tractandi arma, itaque & arbores plantans, & ædificans villas militem monstrabat, & obliuisci bellum non poterat. Ardua res est abijcere ex animo memoriam inclinationis naturalis, radicatumque, & inueteratam vincere consuetudinem.

Acceperunt Christum Scribæ, & Pharisei, signum ab illo petentes, quibus cum stomacho respondit: *Generatio mala, & adultera signum quarit, & signum non dabitur ei, nisi signum Ionæ Prophete;* Matt. 12. 39. Quale verò illud signum Ionæ fuit? Respondet Dominus: *Sicut fuit Ionas in ventre ceti tribus diebus, & tribus noctibus, sic erit Filius hominis in corde terra tribus diebus, & tribus noctibus;* ibid. v. 40.

Dubitant sacri Doctores, quam ob causam Christus sospitator noster tam exiguo tempore, tamque paucis diebus ac horis morti subiectus esse voluit, quasi longulum illius imperium ferre detrectasset. Qui annos tres supra viginti vixit, congruenter, ut videtur, fecisset, si vel menses aliquot morti occubisset, ob id etiam, ut promissum signum videretur maius, quò diutius mortis dominatum in corde terræ sustinisset, si triennio (ut sub exemplo dicam) mansisset in tumulo, sicut Ionas triduo in ceti ventriculo. Cur tam pauculis horis mortis subiactus? Sanctus Martialis Epist. 1. c. 1. to. 3. Biblioth. Vet. PP. ait: *Filius Dei, quid Deus erat, diu teneri in morte non potuit.* Filius Dei Deus erat, & cum vita tam naturalis Deo, ut sit ipsa vita, fieri non poterat,



rerat, ut mors illum diu constrictum teneret. Nihil enim difficilius, quam quod à natura est, superare, & quoniam mors repugnat plurimum naturæ Dei; mox vitam corpori suo reddidit, & diu teneri in morte non potuit.

Nobilis quidam per omnem vitam in aula educatus in pagum tenuem, rusticanum, agrestem abducitur, vixque biduum ibi agit, quando reditum in aulam meditatatur, & parat. Quæ causa, quod tam citò illum pertædeat consuetudinis cum hominibus paganis, & ad aulam reuerri tam festinanter, quam inuianter cupiat? Ea, quod Doctus, & affluens est videre frequentes hominum in compitis coetus, & politulas mulieres, & vestitu, moribusque eleganter excultos aulicos, & rerum omnium magnam, ac quotidie novam varietatem, tum & audire verba salis, ac leporis plena, & festiuos passim vrbanoque sermones, & faceta cum ingenuis, ac iucunda habere colloquia. Hæc omnia faciunt ut rusticorum ferre conuictum, & barbarorum paganorum tolerare vsu familiarum non possit, molestiamque illi solitudo, & agrestia vicorum loca fastidium, & tristitiam homines inter bruta, & glebas nati adferant. Quod ergo sanctus Marialis ait: *Filius Dei, quia Deus erat, diu teneri in morte non potuit*; tale est, quale si dixisset: Quoniam Christus erat, estque Deus, qui mera vita est, longas trahere in tristi mortis vinculo moras nequijt, diu ferre sepulchrum non potuit, sed statim ad vitam redijt, rigidumque cadaver redanimauit, & defunctum corpus resuscitauit. Difficile est repugnante inclinatione viuere, & naturæ vim adferre.

Sanctus Petrus Damianus quoddam inter sanctorum Lucæ, & Ioannis Evangelia discrimen obseruauit. Idque huiusmodi, quod tamen si ambo hi Evangelistæ non longis intervalis à se, dum viuerent, abfuerint, & Christi Redemptoris, Dei ac veri hominis acta perferibenda suscepint, Ioannes tamen maximè circa deitatem eius occupatus fuerit, & in arduis diuinæ essentia nidum suum, ut sanctus Iob loquitur, posuerit, Lucas verò omne studium suum in curationibus miraculosis, quas cœlestis Medicus fecit, potissimum collocarit. *Nihil aliud in illa reperimus historia*, inquit eminentissimus Cardinalis Serm. 53, tom. 2. *nisi duntaxat languentium medicinam*. Quamobrem sanctus Lucas per opera sanitatum, quæ Christus fecit, exspatiari amabat? Cur nobis Saluatorem de medicinæ incomparabili pericia solum commendare voluit?

Respondet sanctus Petrus Damianus, causam hu-

ius diuinare facile posse, eum qui consideret, quam potenter sua quemque inclinatio trahat, & abripiat. Describit Lucas Redemptorem mundi tanquam medicum, *quia medicum est ille, qui scribit*. Quod Lucas medicus fuerit, id communis, & receptissima opinio habet sancti Hieronymi, Hugonis Cardinalis, Caietani, & omnium interpretum sancti Pauli, qui de Luca Evangelista exponunt id quod ille ad Colossenses c. 4. v. 14. scribit: *Saluat vos Lucas medicus charissimus*. Ut ergo ille medicus fuit, sic Christum nobis delineat tanquam medicum: *Quia medicus est ille, qui scribit, nil aliud in illa reperimus historia, nisi duntaxat languentium medicinam*. Ita solent homines plerumque sequi, quod eos sua propensio ducit.

Temerè audaculus dæmon venit tentare Christum nostrum Redemptorem, primoque statim impetu obtulit ei panes, quos ad testandam suam deitatem, & famem leuandam verteret in panes, inquitens: *si filius Dei es, dic ut lapides isti panes fiant*, (Matth. 4. 3.) talis enim conuersionis argumento efficies, ut indubitatum apud me inueniat tuâ diuinitas fidem.

Sanctus Paschasius ait: Fieri potest, ut diabolus nihil magis ad manum haberet, quod Christo offerret, nisi dura, & rudia saxa, cui tam facile erat alia aliunde accipere tractabiliora, quorum transformatione ille diuinæ suæ potentia experimentum daret? Quid ergo rigidos tantum, frigidusque lapides obtulit?

Respondet Paschasius, in c. 4. Matth. *Aprè ex lapidibus elegit panes exposcere, ut quæo durum sit, qui loquitur, tali signaretur exemplo*. Nihil mirum, quod asperos potius arripuit lapides, quam aliud quiduis lenè, ac blandum. Nam ut ille duro, & saxeo est ingenio, sic ad dura saxa conuersus ante omnia fuit. Habet hoc vsus communis, ut quisque suæ obsequatur indoli, & eo feratur, quod illum suæ inclinationis naturæ pondera trahunt.

## CAPVT IV.

*Praelati ut loco sunt alijs sublimiores ita & virtute, ac perfectione debent esse superiores, quia honorem sanctitas semper exaquare debet.*

Ingressus fuit Patriarcha noster nouam tetram, cuius rex Sarani uxorem illius sibi vsurpare voluit. Apparuit autem regi Deus, mortemque comminatus sic illum subausterus appellauit: *En morieris propter uxorem, quam tulisti, habet enim virum*. Genes. 20. 3. Quod rex ille fecit, ex simplicitate cordis



magis, quàm turpi libidine profectum fuit, quod ipse confessus dicebat: *Domine, num gentem ignorantem, & iustam interficis?* ibid. v. 4. Et Dominus ipse: *Ego scio, quod in simplici corde feceris;* ibid. v. 6. Nihilominus Abimelech (hoc regi nomen) id quod tunc egit, ingens scelus appellauit, cum sic ad Abraham dixit: *Quid fecisti nobis? quid peccatum in te, quia induxisti super regnum meum peccatum grande?* ibid. v. 9. Sed quomodo id, quod solum specie quandã habebat peccati, & bonã intentione à rege tentatum fuerat, peccatum grande vocatur? Factum hoc, vt intelligamus, quàm immania sint peccata superiorum, cum sunt vera, quando ea etiam, quæ solum videntur peccata, vocantur grandia. Totum hoc nascitur ex arcta obligatione, quã tenentur superiores præcedere sanctitate, & virtutibus omnes eos, quos officio, loco, dignitate præcedunt.

Dolebat vehementer vrbanius Propheta flagitia, quibus se ingratus populus contaminabat. Miserebatur autem illos propter supplicia, quæ illis à iusto Deo pro scelum meritis infligenda videbat. Quare ad primos eorum, omneque reliquum vulgus dicebat: *Audite Verbum Domini, principes Sodomorum, percipite auribus legem Dei nostri: populus Gomorrhæ.* Isa. 1. 10. Sodomæ principes, & Gomorrhæ populum populares suos Propheta dicebat, quod Sodomitarum, Gomorrhorumque qui sordidam putidæ vitæ consuetudinem imitarentur. Quod Isaias populo iuxta nostrum vulgatum textum dicit, *Percipite auribus*, id LXX. translulerunt, *attendite*, hoc est, auidè, cupidè vacuis auribus accipite.

Observauit in his Prophetis verbis sanctus Basilii Magnus, aliter Isaiam principibus, ac populo locutum. Superioribus aiebat, *Audite sermonem Domini*, populo autem, *Percipite auribus*, siue *Attendite*. Palam est discriminem, quo hos, illosque appellat. Cum ergo maioribus populi dicit, vt audiant, vulgo autem, & subditis, vt auribus attenti percipiant, satis indicat, grauius, strictiusque commendari his obseruantiam diuinorum mandatorum, quàm illis, à quibus enim attentionem peculiariter exigimus, hos minùs discretos, prudentesque reputamus. Secundum hæc, quid est, quod principibus solum dicebat Isaias, *Audite*, cum tamen superiores magis teneantur esse probi, & sancti, quàm subditi, adeoque etiam maior attentio ab illis, quàm ab his exigi debuisset videatur? Quid ergo Propheta contra facit, maioremque à subditis, quàm superioribus requirit attentionem?

Satisfacit huic quæsito Magnus Basilii in c. 1. Isaiæ dicens: *Populum ipsum ad attentam legis cognitionem reuocat, cui quidem, qui solertiores sunt, præcipiens vt audiant, his vero, nempe insipientibus, attenti & sint, & auribus percipiant.* Principibus, & superioribus non tam enixè, sollicitè, ac grauius præcipitur, vt attendant legi Dei, quàm subditis imperatur: Quia cum superiorum munus per se ipsum requirat, vt sint diligentes, & vigilantes, satis est illos leuiter moneri sui officij, quo tenentur audire verbum Dei, & sanctam eius legem seruare; subditis verò tanquàm rudioribus, & minùs gnaris eorum, quæ facere debeant, vel intermittere, necessum est seriò, & seuerè mandare, vt debitam suarum functionum rationem habeant. Hinc colligitur, quid inter Prælatos, & subditos intersit, id nimirum, quod his multum, grauiusque crebris, ac ferijs monitis vrgeri oporteat, illis verò satis sit, nutu aliquo, aut leui nictu moneri.

Scriptura refert, quod Deus, cum certum haberet, ingrati populi sui scelera vlcisci, regem illis vnxit Iehu. Ad hanc rem vsus fuit Propheta per Eliseum delegato. Hic nouum regem secretò vnxit. Interrogatus autem Iehu à commilitonibus, & socijs belli ducibus, quid illi cum Propheta isto euenisset, respondit, quod ille mihi dixit, tale fuit: *Hæc dicit Dominus, & vni te regem super Israël;* 4. Reg. 9. 12. Et quid ad hæc illi? *Festinauerunt itaque, & vnusquisque, tollens pallium suum posuerunt sub pedibus eius, in similitudinem tribunalis, & cecinerunt tabula, atque dixerunt, Regnauit Iehu;* ibid. v. 13.

Notandum hic, quod illud nostræ vulgaræ versionis, *Posuerunt sub pedibus eius*, interpret Chaldaeus apud Glossam Ordin. sic habet: *Posuerunt subter eum ad gradum horarum, id est, horologium solare.* Quo mysterio, cum Iehu regem proclamauerunt, thronum illi ad horologium solare constituerunt? Vt illum singulari eâ caeremoniâ admonerent, quomodo deinceps viuere, quàm alius à seipso esse, & quàm studiosè curare deberet, vt quemadmodum horologium solare semper sibi constet, esseque regularissimū, sic ille vitæ rationem semper æquissimam, rectissimamque teneret, & ordinatè omnia suis horis, & locis faceret, vt quemadmodum ex solario horæ accipiuntur temporis, sic ab illo benè agendi normam mutuarentur subditi. Princeps namque, & omnis vnuersum Superior quemadmodum regula cæterorum esse, sic & viram suam attentissimè moderari debet, vt pro regula alijs esse queat.

Propheta regius aiebat Domino: *Quoniam in illis*

luminas



Dominum nostrum.

In festo S. Ambrosij Episcopi &  
Ecclesie Doctoris. 7. Decemb. Añā.

O Doctor optime. V. Iustū deduxit.

Oratio. Deus, qui populo tuo ater-  
na, &c. de communi Doctorum.

In festo Conceptionis B. Mariæ.

8. Decemb. Añā.

Conceptio tua, Deigenitrix virgo,  
gaudium annuntiauit vniuerso  
mundo: ex te enim ortus est Sol iu-  
stitiæ, Christus Deus noster: qui sol-  
uens maledictionem dedit benedi-  
ctionem, & confundens mortem,  
donauit nobis vitam sempiternam.

Conceptio est hodie sanctæ Ma-  
riæ virginis. Cuius vita inclyta  
cunctas illustrat Ecclesias. Oratio.

Amulis tuis, quesumus Domi-  
ne, cęlestis gratiæ munus imper-  
tire: vt quibus beatæ Virginis partus  
extitit salutis exordium, conceptio-  
nis eius votiua solemnitas pacis tri-  
buat incrementum. Per Dominum.



IN FESTO S. ANDREAE

30. Nouemb.

Antiphona.

Cum peruenisset beatus Andreas ad locum vbi crux parata erat, exclamauit, & dixit: O bona Crux, diu desiderata, & iam concupiscenti animo preparata, securus & gaudens venio ad te ita & tu exultans suscipias me discipulum eius, qui pependit in te.

✠ Annuntiauerunt opera Dei.

✠ Et facta eius intellexerunt.

Oratio.

**M**aiestatem tuam, Domine, suppliciter exoramus: vt sicut Ecclesie tue beatus Andreas Apostolus extitit predicator & rector, ita apud te sit pro nobis perpetuus intercessor. Per Dominum.

FESTA DECEMBRIS.

In festo sancti Nicolai Episc.

Antiphona. Sacerdos & pontifex.

✠ Amavit, &c. de communi vniuersi confessoris pontificis.



*luminas lucernam meam, Domine Deus meus illumina tenebras meas; Psal. 17. 29.*

Hugo Cardinalis vult, hanc esse orationem Christi ad Patrē æternum, quā petat, ut suas tenebras pariter gratiæ beneficio illuminet, ac lucernā illuminasset.

Percuntemur nunc Hugonem Cardinalem, quid significet lucerna, quid item sibi tenebræ illuminatæ velint, respondebitque lucernam Prælatorum, tenebras subditorum esse symbolum. Sed cur subditi tenebrarum, Superiores verò lucernæ nomine designantur? Occurrit Hugo: *Vocantur tenebra subditi respectu Prælatorum, & Prælati vocantur lux, quia alijs debent supereminere in vita, scientia, & gratia.* Quantum ergo Lux tenebris præstat, tantum subditos suos vitæ integritate superare Prælati debent. Videant proinde Superiores, quomodo huic tam graui officij sui debito satisfaciunt.

Præfides Ecclesiæ vocabat Dominus ciuitatem, cum aiebat: *Non potest ciuitas abscondi supra montem posita; Matth. 5. 15.* Quod autem tali nomine eos doauit diuinus magister, hoc fecit, ut moneret, quam instructi ab omni gratiarum, & virtutum apparatu esse debeant. Facis iter, famæque, & viæ labore fractus diueris in pagum, ut esuriis victum, quietem lassitudini quæras, & neque hospitium, nec quo famem leues, inuenis. Grauius id accipis, non miraris tamen, neque enim nouum est, in tenuibus eiusmodi locis non reperiri diuersoria, & annonam. Venis autem ad quandam ciuitatem cum eadem famis, & lassitudinis necessitate, & neque domum, in quam te quietis captandæ gratiā recipias, inuenis, neque panem quo latrantis stomachi inanitatem expleas. Hic iam non doles tantum, sed & scandalizaris, quod nullam reperias in ciuitate domum hospitalem, neque aliquid eorum, quæ vitæ humanus requirit. Quod ergo Christus ait: *Non potest ciuitas abscondi, &c.* perinde est, ac si diceret: Animaduertant Prælati, quod sunt ciuitates, subditi autem, velut quidam pagi. Si hifortē destituti sint virtutibus scientiā, bono vitæ purioris exemplo, miserari possumus, sed non mirari eorum inopiam. At quando etiam in ciuitatibus, hoc est Prælati talia reperiuntur, non apparatus integritæ vitæ, non annona boni exempli, non ornamenta sanctitatis, & virtutum, id non dolorem modò, verum & scandalum parere potest, eo quod Superiores magis quam subditi obstringantur ad confectionem sanctitatis.

Apparuit Christus gloriosus mortis triumphator in litore maris Tiberiadis. Non cognouerunt redi-

uium Discipuli, quos cum interrogasset, num quid haberent, quod comedi posset, & nihil habere dixissent, iussit rete ad dextram nauigij eicere. Obtemperarunt iussioni, irretieruntque piscium tantam copiam, ut extrahere non possent. Vidit hoc Discipulus, quem diligebat IESVS, & ait Petro: *Domine est.* Tunc Petrus *tunicā succinxit se (erat enim nudus) & misit se in mare; Ioan. 21. 7.*

Quid mysterij habere potest, quod Petrus repente à naui in mare desiliit, statim atque Dominum esse in litore cognouit, quando alij Discipuli nauigio ad illum venerunt? ut dicitur ibid. v. 8. Non poterat Petrus cum alijs lembo terram petere? Quo consilio in aquas se contexit?

Sanctus Petrus Chrysologus Serm. 78. ait: *Misit se in mare, ut mare dilueret, quod negatio ralius fordidauerat.* Cum à Ioanne Petrus accepisset, quod in litore IESVS esset, quem negarat, quamprimum in mare se præcipitavit, ut negationis suæ labem aquis maris emacularet. Erat Petrus pastor ouium, ipsorum adeò Apostolorum princeps, vertex, caput, & quoniam Prælati vitæ sanctitati, & perfectioni arctissime obligatur, omne illius peccatum tam graue efficitur, & macula, quamcunque contrahit, tam foeda, & horrida, ut ad eluendam illam totum mare contritionis requiratur. Propterea Petrus *misit se in mare, ut mare dilueret, quod negatio ralius fordidauerat.*

*Plurima his affinita passim in omnibus Nisseni tomis offendet. Vide indices rerum Verbo Prælati.*

## CAPVT V.

*Ut culpas ex ignorantia, seu fragilitate natas condonet Deus, facile eius pietas exorari sinit.*

Cum minas Dominus regi Abimelech intenderet, ignorantia ille se excusabat, inquit: *Domine, num gentem ignorantem interficies? Genesi. 20. 4.* velut pluribus dixisset: Accusas me, quod Saram in domum meam induxi. Sed cum Abraham mihi dixerit, esse illam suam sororem, ipsaque idem confirmarit, facile vides veniabilem esse hanc meam ignorantiam, dicens: *Ego scio, quod simplici corde fecerui; ibid. v. 6.* scio non à malitia profectum quod egisti, idcirco & seruauit te, ut non contingeres vxorē amici mei Abrahæ.

Obseruant hic omnes Expositores, quam facile condonet Dominus prolapsiones de imbecillitate, aut ignorantia natas, qui regi Abimelech tam cito ignouit, quod nesciens commiserat. Difficilius exorari



rari sunt noxarum remissionem ab eis, qui ex malitia, vel meditato, deque industria peccant.

Præcipiebat Dominus in Leuitico varia sibi varijs de causis offerri sacrificia, cumque ad ea venisset, quæ pro peccato immolari volebat: *Anima, quæ peccauerit per ignorantiam, & de vniuersis mandatis Domini, quæ præcepit, & non fuerint, quidpiam fecerit, offeret pro peccato suo vitulum*; Leuit. 4. 2. 3.

Oleaster in annotat. morali in illum locum sic habet: *Nullus deberet aduersus tam pium patrem suum deos peccare. Ideo nullum sacrificij genus institutum legimus pro expiatione eorum, qui sua sponte inuisti prolabebantur, sed magistratus puniendi relinquebatur. Sicut enim Dominus neminem, & videtur suam sponte castigat sed coactus: Ita nemo deberet eum suam voluntate offendere. Quia in re considerandum est, quam graui sint peccata studio commissæ, quibus ante legem nullum ad expiandum institutum legimus Sacramentum, aut sacrificium. Peccatis de ignorantia natis constituit indulgentissimus Dominus victimam, quæ expiari possent, cogitatio perpetratis criminibus nullum tale remedium deputauit, ut proinde merito, ac sollicitè, omniq; studio cauere quisque debeat, ne studio, & dedita operâ illum offendant. Si autem ex re aliqua, tum ex hac vna maxime maxima flagitiorum consilio commissorum pondera pensare possumus, quod eorum curationi nullum vel sacramentum vel sacrificium veteribus illis concessum fuit: At qui nescij peccant, aut ex imbecillitate delinquant, facillè inueniunt patentes remissionis portas.*

Per Salomonem minas denuntiabat Spiritus sanctus inobedientibus, insolentibusq; liberis, qui parentes suos, quos multis nominibus colere, reuertereq; obseruare debent, contemptui habent. *Oculum, qui subfannat patrem, & qui despicit partum matris suæ, effodiant eum corus de torrentibus, & comedant eum filij aquila*, inquit ille Prouer. 30. 17.

Multum defatigauit huius loci Interpretes indagatio causæ, ob quam immorigerorum, inurbanorumque talium, & impudentium liberorum oculis potius, quam alteri cuiusque corporis parti poena decernitur, cum plurima alia sint membra, in quibus eiusmodi impietas plecti queat.

Salazar insignis huius libri commentator respondet: *Tribuit oculis Salomon contemptum istum, & scelus extollat, significans eos datâ operâ, adaperitiq; oculis visos, cognitosq; sibi parentes violare solitos. Si ignotos luderent, contemnerentq; parentes, leuior*

eorum noxa esset, quod verò eos ridet oculis, quibus vident, id eorum incredibiliter exaggerat malitiam, ac propterea Salomon ait, effodiendos à coruibus eorum oculos, qui tam sunt impudentes, tamq; inuerecundè audaces erga parentes, quos vident, ut aspernari, & spernere non erubescant: *Tribuit oculis Salomon contemptum istum, & scelus extollat. Merito tam seuerè committitur peccatum, quod tam modicè committitur.*

Postquam Israëlitarum transierant mare rubrum, & de barbaro, ethnicoq; hoste suo triumpharant, ciues eos, ut sacrum oraculum monet, destituere coepit, quæ res illos excitauit, ut commurmurarent aduersus Moysen, ac dicerent: *Vinam mortui effusimus per manum Domini in terra Egypti, quando sedebamus super ollas carniū, & comedebamus panem in saturitate*; Exod. 16. 3. Quid factum post hanc murmuratorem, & querimoniam? Pius, & mansuetus Dominus opem rebus eorum afflictis, & necessitati remedium attulit, pluens illis panem de celo, eumque puris Angelicorum spirituum manibus pistum, quod Moyse his verbis addicebat: *Ecce, ego pluiam vobis panes de calo*; ibid. v. 4.

Aliâ occasione idem contumacium hominum vulgus præ fastidio illius panis, & desiderio carniū iterum murmurabat, dicens: *Quis dabit ad vescendum carnes? Recordamur piscium quos comedebamus in Egypto gratis, in mentem nobis veniunt cucumeres, & pepones, porriq; & cepe, & alia. Anima nostra arida est, nihil aliud respiciunt oculi nostri, nisi Man*; Num. 11. 5. 6. O scelerum capita! gratis aiunt comedisse pisces, quos tam magno parare debuerunt. Satisfecit Dominus rusticæ eorum cupiditati, deditq; carnes ad comedendum, sed ex quibus pessimè habere, & non alimoniam vitæ, sed interitum sumere ceperunt: *Adhuc enim carnes erant in dentibus eorum, & ecce furor Domini concitatus in populo percussit eum plagâ magnâ nimis*. ibid. v. 33. Fuit hoc seuerissimum, sed meritissimum quoq; supplicium.

S. Cyrillus Alexandrinus quærit, cur Dominus populum, cum primo petijt carnem, murmurauitque pro ea, non puniuit, cum verò secundo poposcit dedit quidem, quod rogabatur, sed post beneficium carnis intulit supplicium mortis, cæciditque eos, quorum cessisse videbatur precibus. Vna utrobique petitio fuit, cur non pari etiam poena utrobique eam castigauit? Quare ibi tam patiens, & longanimis, hic verò terribilis Dominus? Quare vno in loco tam taciturnus, in altero tam austerus, vltro

Respon-



Respondet S. Cyrillus l. 3. in Ioan. c. 34. *Quoniam nuper ab Ægypto effugerant, panemq; celestem adhuc non receperant, facilius poterant in cupiditates carnis incidere, propterea & venia digni visi sunt. Postea vero quam Domino fruebantur, & scribitur, tunc iure, quoniam corporalia spiritualibus praposerunt, acerbam dederunt supplicia, & ad supplicia insignem calamitatis memoriam reliquerunt.* Ignorabant panis coelestis suavitatem, cum ab Ægypto recens digressi carnes primum desiderarunt, quare facilem inuenerunt illius cupiditatis veniam: Demum verò cum illo pane iam prægustato nihilominus carnes rursum expetierunt, barbara rusticitas & grauiter plectenda inurbanitas erat, quod panem Angelorum allijs Ægypti postponebant: *Quoniam corporalia spiritualibus praposerunt, acerbam dederunt supplicia, & ad supplicia insignem calamitatis memoriam reliquerunt,* nam vocatus est locus ille, sepulchra concupiscentia (ut dicitur ibid. v. 34.) ubi concupiscentia suam iam à quadam malitia profectæ poenas dependerunt. Peccato ex ignorantia, aut fragilitate nato facile occurrit aperta venia porta, verum pro eo, quod à malitia venit, nulla videtur in Deo esse misericordia.

Querebatur Propheta regi de hostibus suis, qui illum insectabantur, inquit: *Dixerunt inimici mei mihi, & qui custodiebant animam meam, consilium fecerunt in unum, dicentes, Deus dereliquit eum, persequimini, & comprehendite eum, quia non est, qui eripiat;* Psal. 70. 10. 11.

S. Bruno ait, hanc esse querimoniam, quam Propheta ex nomine Christi Patri illius æterno dederit. Quid est grauissimum in hac querimonia? Quid est, quod indignissimè Christus ad hostibus suis accepit? Quid indignissimè, acerbissimèque tulit? An quod hostium suorum persecutiones sustinebat? An quod illi sanguinem eius siciebant? Hæc quidem cum multo dolore accipiebat, sed quidnam animum illius omnium crucibilissimè, & intolerantissimè lancinabat, & afflictabat? Quod *consilium fecerunt in unum*, mutuoque deliberarunt, quomodo innoxiam illi vitam adimerent. *In hoc quid graues notat, cum dicit, Consilium fecerunt,* inquit sanctus Bruno. At eur grauius est peccatum, quod consilio perpetratur? Respondet ille: *Peius est enim de malo agere per consilium, quam temerariè.* Qui subito animi commotione abreptus impingit, aut fortuito oblata occasione seductus in præceps abit, aut ignorantia occupatus errat, aut imbecillitate iuuante in vitium incurrit, habet nonnullam suarum culparum excusationem: At qui cogitat, ac de industria delinquit,

Tom. III.

sciensque quantum, & quàm graue malum sit, quod meditat, nihilominus videns impetu ruit in scelera, & solâ libidine fertur ad peccandum, deditaque operâ se in flagitiorum ingurgitat voraginem, ea impudentissima insolentia, & effusissima malè agendi licentia est, de qua grauissimè Deus cum peccatoribus expostulat: *Consilium fecerunt. Quid grauius notat, cum dicit, Consilium fecerunt, peius enim est de malo agere per consilium, quam temerariè.* Væ ergo homini Christiano, qui Deum, quem nouit, offendit, & sciens grauitatem peccati, delinquit.

## CAP. VI.

*Quoniam Superioribus omnibus mors ex laterum dolore minatur, facileq; accidere solet, necessum est, ut sanos, & rectos consiliarios à latere habeant, ne tam acuto ex morbo occumbant.*

R. Egem Abimelech tam vehementer suum sollicitauit somnium, tantumque horrorem illi visio attulit, ut sacer textus dicat: *Statim de nocte consurgens vocauit omnes seruos suos, & locutus est omnia verba hæc in auribus eorum, timueruntq; omnes viri valde;* Genes. 20. 8. Extemplo accersijit rex palatinos suos, cumque illis de visio nocturno communicauit, & omnes, nullo excepto, accersijit: *Vocauit omnes suos.* Quàm commodum Regibus, Principibus, omnibusque Superioribus exemplum, à quo discant, mox conuocare consiliarios, præsertim cum de rebus maioris momenti deliberandum: Nam ut homines sūt, & errorū periculis expositi, lucibus, & ducib' egent, à quibus dirigantur, & quid potissimum congruat facere, intelligant. Sed necessum est, ut consiliarios eligant rectos, sinceros, integros, puros, vacuos passionibus. Nisi enim ita faciant, repente laterum dolore confecti occumbent. Hæc est mors periculosissima, quæ omnibus Monarchis, Regibus, Principibus, & Superioribus minatur, quod laterum dolore conficiuntur, nisi diligenter curent, ut bonos consiliarios à latere semper habeant, quorum prudentibus monitis, quoties acerbæ illius ægrotationis occasio id postulat, leuentur, & sospitentur.

Sanctus Bernardus lib. 4. de consideratione c. 4. postquam Eugenium Papam de varijs rebus instituisse, & salutaribus consilijs ad felicem sedis Apostolicæ gubernationem facientibus instruxisset, hæc illic scribebat: *Veniamus ad collaterales, & coadiutores tuos. Hi seduli tibi, hi intims sunt, tibi perscrutati sunt, si mali, a quo plus tibi.* Hi sunt, qui Apostolici

peccatis



pectoris tui clauem habent. Quare si probi sunt, si recti, sinceri, exoccupati passionibus, omnis illorū integritas in tuam utilitatem redundat. Verum si malisunt, si propriorum commodorum amantes, & cupidi, & quæstum suum tantum propositum habent, in tuum caput, exitiumque improbitas eorū erumpet. Addit verò mellifluus Abbas: *Nec te dixeris sanum, dolentem latera, hoc est, ne dixeris bonum inuidentem malis.* Hic iam habemus ex sancto Abbate, dolorem laterum, ex quo ægrè habere Principes soleant, esse malos consiliarios: *Ne te dixeris sanum, dolentem latera.* Acutus est, ut scimus, laterum dolor, eamque partem afficit, in quam cor magis vergit, iuxta quod vomica nascitur, quæ saniem suam venenatam euomens, cor inficit, & conficit hominem. Hic morbus Castellanis *Dolor de cestudo* dicitur, Latinis *Dolor laterū.* Hunc morbum in moralibus, & ciuilibus, inquit Bernardus, pariuntur omnes Superiores, trahuntque à malis consiliarijs, quos à latere, aut velut pro lateribus habent, ut proinde desperare Prælatum possumus, eum, qui talem patitur infirmitatem. Hoc morbo occiderunt pleaque mundi regna, Imperia, Monarchiæ, ex malis consiliarijs omnis eorum strages, pernities, interitus descendit. Propterea inquit Bernhardus: *Nec te dixeris malum, dolentem latera, hoc est, ne dixeris bonum malis inuidentem.* Itaque illud vigilantissime curare, & attentissime querere debent Principes, & quicumque viri summates, ut bonos, incorruptos, sinceros inueniant, & penes se habeant consiliarios, nisi decedere ex eo dolore velint, qui regibus innumeris mortem, regnis plurimis excidium attulit.

Volebat rex David occupare Ierosolymorum urbem, Iebusæi autem habitabant per id tempus in omni ea terra, qui cum illud Davidis desiderium cognouissent, inquebant ad eum: *Non ingredieris huc, nisi abstuleris cecos, & claudos, dicentes, Non ingredietur David huc;* 2. Reg. 5. 6.

Notoria est, ac peruulgata disceptatio Interpretum, quinam fuerint ij claudi, & cæci, qui Dauidem ab ingressu Ierosolymæ, ubi figere aulam suam volebat, prohibebant. Varias patitur hic locus expositiones, è quibus vna Cardinalis Caietani opportuna est rei, quam tractamus. Dicit ille, inter Iebusæos, qui tunc morabantur Ierosolymis fuisse magna schismata, idque tunc potissimum agitatum, ventilatūque fuisse verum expediret, Dauidem in urbem admittere. Ex consiliarijs ergo nonnulli tam rudi, cæcoq; ingenio erant, ut non viderent, quanta emolumenta

deriuari in urbem possent, si David eam suā regiā præsentia, & aulā nobilitaret, celebremque redderet, adeo proteruiter, & inconsultè affirmabant, è bono salutis publicæ fore, si David clausis prohiberetur portis. Hi cæci erant, non quia visu orbati, sed quia lumine recti iudicij, & sanæ rationis orbati. Aliorum fluctuabat animus, & variabat sententia, & iam excipiendum regem in urbem sentiebant, iam non admittendum clamabant. Hos propter suam inconstantiam vocabant claudos, quod velut hi in vtramque identidem inclinant partem, sic illi suā opinionatione nunc huc, nunc illuc propenderent. Cum hæc synceriores Iebusæi cernerent, submiserunt oratores ad Dauidem cum hoc nuntio: *Non ingredieris huc, nisi abstuleris cecos, & claudos,* hoc est, nisi ex consilio nostro exturbaueris et eos, quos sua passio, peruersumque iudicium cæcauit, & animi dubios illos, qui partem in vtramque claudicant, astuq; & dolo de eadem re nunciunt, nunc negant, penetrare in urbem cum pace non poteris.

Audiamus Caietanum: *Appellatur Iebusæi inimici Davidis tum cæci, tum claudi, eo quod aliqui eorum erant cæci, non corpore, sed mente, & pote non videntes bonum proprium. Valde magnum proueniens ex sede regia in ciuitate Hierusalem. Quidam autem eorum erant claudi animo, & potè non rectè incidentes in negotio hoc cum Davide, partim laudantes admissionem Davidis in ciuitatem, & partim resistentes.*

Notent hoc Principes, & Magnates, ut non admittant in consiliariorū suorum numerū cecos, & claudos, cecos sui quæstus inoperante cupiditate, claudos astutia, & sæpè affectata animi hesitatione, per quā fit, ut nunquam certò, indubitato, affirmatèq; quid conueniens, aut noxium sit, pronuntient. Nisi hos è consilio suo abstulerint, non ingredientur Ierosolymam, nec vnquam rectè, ac feliciter negotia sua maiora conficiunt.

Nam ut Ioannes Bohemus lib. 1. de morib. Gent. cap. 5. *Rarò potentes rerum mali euadunt, & ibi desunt suarum cupiditatum ministri.* Boni nempe consiliarij ex sui officij munere, semper afflunt, præstoque ad manum sunt Principibus, & Monarchis, ut eos à lapsu, & præcipitio seruent. Consilia enim hominum syncerorum, & integrorum sunt manus, quæ retinent Principes, cum in casum inclinant, suntque lucus, quæ illis loca salebrosa, lubrica, confragosa, ne prolabantur, ostendunt.

Facinorosæ Ierosolymorū vi bi optata Euangelia per Euangelicum suū Prophetam Dominus transmissit, præcepitque bono, & hilari animo esse, eo quod illam



illam speculum æquitatis, & exemplar fidelitatis, ac nobilitatis facere vellet, quæ fuerit antrum furum, & specus latronum, thronumque iustitiæ ibi collocare, ubi fuerit sentina flagitiosorum. Vocaberis ciuitas iusta, & fides, aiebat Isaïas cap. 1. vers. 26. Quæ maior felicitas! quæ beneuolentior fortuna, quam vocari iustam ciuitatem, in qua tyrannis diu dominata fuerit, dilectam appellari, ac fidelem, quæ abominabilis, perfidiosaque fuerit? Sed quomodo illa tam gloriosa mutatio perficietur? Quomodo felicitatem istam vrbs ea consequetur? Respondet clementissimus Dominus: *Restituam iudices tuos, & fuerunt prius, & consiliarios tuos sicut antiquitus*; Ibid. qui te ad omnia, quæ bona, & recta sunt, exhortentur.

Quidam bene doctus, & diligens Isaïæ expositor (Didacus Aluarez) in hæc verba sic monet: *Observa, quod non dixit, Restituam tibi reges, sed consiliarios*. Cum Dominus rectè instituire Ierusalem, collapsamque politicæ gubernationis disciplinam restaurare, & veterem splendorem illi reddere vellet, non regum antiquorum, sed consiliariorum, quales ætas prisca tulerit, operâ ad eam rem perficiendam uti velle dixit. Nam ut regnum rectè, decenterque administraretur, ut Monarchia pace, & optatâ gaudeat tranquillitate, seruetque iustitiam, & sit qualis esse debet, id ciuius facient boni malorum regum consiliarij, quidam reges boni, quorum sunt consiliarij mali. Propterea magnus quidam Philosophus aiebat: *Mallem iniquum regem optimis consiliariis comitatum præesse Republica, quam iustum, & sapientem, & iniquis consiliariis consipatum*. Quando rex bonus consiliarios habet sui similes, ea est suprema regnorum felicitas, at si alterutros horum necessum est esse malos, satius est regem esse improbum, dum consiliarios modò probos, æqui amantes, & integros habeat, quàm si ille sanctus sit, & homines mente corruptos, ingenio rudes, consilij inopes à consilijs habeat. Omnis quippe Principis felicitas in eo posita est, ut habeat sana latera, hoc est, consultores à lateribus sanos, qui illum, si iniquus sit, in semitam æquitatis suis monitis reuocabunt, & cicurabunt, si fortè efferetur.

Hieronymus Triuerus in lib. 1. Aphorism. Hippocratis, aphorismo 1. querit, cur tam multi infirmi sæpè periclitentur, quos curandos suscepunt medici tamà percelebres, experientiâ insignes, artis suæ peritiâ illustres. Quod sub manu medicorum inertium multi moriantur, nihil nouum, sed quid causæ, quod etiam præclarâ eruditione ornatus medicus sua, neque rarò, cadit curatio?

Respondet Triuerus: *Accedit ad medicinæ difficultatem, quod ager aliquando mollior est, quàm de medico omnino pareat, & hoc bene persuaso amicis subinde imprudentiores sunt, quàm de illum obtemperare præceptis permittant*. Causâ, obquam peritissimorum sæpè medicorum ars frustratur, hæc prima est, quod delicatulus infirmus præceptis prudentis obtemperare medici recusat, deinde & illa, quod cognati accedentes aiunt, stultum esse omnibus medicorum acquiescere consilijs, qui nihil ferè sciant, nisi minuire homines sanguine, & purgare stomachos. Talia dicentes peruertunt ægrum, & in mortem inducunt.

Proinde subdit mox Triuerus: *Oportet ergo non solum ægrum, sed & familiares iuxta morbi conditionem appropinquare se habere*, ad ea scilicet, quæ medicus præscripserit, ne intentionem illius, fidemque dubiam faciant, medicinarumque efficacitatem suspectam reddant. Hoc ipsum in rem nostram dicere possumus. Quid illud tot Rebuspublicis, regnis, & monarchijs adfert interitum? Mali infirmorum curatores, & consultores. Per illos multæ prouinciæ, regna tota sunt eueria. Conuenit itaque, ut non Rex tantum, aut Princeps sit bonus, iustus, sanctus, sed etiam consiliarios habeat incorruptos, ab omni ægritudine animi alienos, prudentes, virtutum studiosos, diuini honoris, & boni publici amantes. In bonis enim consiliarijs laborantis Reip. salus cõsistit.

Transfigurabatur in monte Thabor Christus, atque ut celebrior, iucundiorque esset solennitas, accessit ad festum fuere Moyses, & Elias, ut ferunt Euangelistæ, & ille quidem è sepulchro, hic verò ex paradiso adductus. Matthæus ait, apparuisse Moysen, & Eliam cum eo loquentes; Lucas exponit, quæ mutui sermonis materia fuerit, inquit: *Discabant excessum eius, quem completurum erat in Ierusalem*; Lucæ. 9. 31.

Vnam hîc omnes Expositores mouent quæstionem, cur potius Moysen, & Eliam, quàm alios quosuis veteris Testamenti Prophetas, aut Patriarchas, vocare ad eam consultationem voluerit, cum alij tam multi essent, cum quibus communicare de tali re posset.

Alphonsus Tostatus Episcopus Abulensis, hos potissimum à Domino ad consultationem aduocatos ait, ut Principes doceret, qualesnam ad deliberandum de negotijs suis deligere consiliarios deberent, si feliciter ea confici vellent. *Qui assisterunt Christo transfigurato loquebantur cum eo de passione sua, idèò induci fuerunt illi, qui pro Deo ad mortem se exposu-*



erunt nihil formidantes: *Moses enim Pharaoni se opposuit, Elius autem regi Achab; isti enim convenienter suadere poterant Christo de passione sua, cum ipse pro Deo exposuissent*, inquit ille q. 29. in c. 17.

Matt. Intrepido animo viri ambo illi fuerunt, quorum alter barbaro Pharaoni, impio Achab alter audacter, fortiterque obstitit, uterque paratus pro Dei gloria mortem oppetere. Hi convenienter consilere Christo poterant, ut sanguinem pro salute hominum verteret, qui suum fundere pro illius honore prompti erant. Ut tam acerbam passionem subiret, tamque ignominiosam mortem Christus tolleraret, ingenti animo, & singulari corroboracione opus habebat, quare cum ea de re capere consilium vellet, duobus strenuissimis viris deliberauit, qui ipsi Regum furorem, & feritatem Principum non eximuerunt. Si ignavi consiliarij fuissent, quos adhibuit, non tantum non corroborassent Christum, verum etiam à nobili suo, & generoso consilio auocassent. Si rex vult mouere bellum, idque tale, quo famæ celebritatem sibi constare possit, deque eo communicare cum consiliarijs, qui nunquam aliud, quam byssum, holosericumque vestierunt, nec delicatum corpus alibi, quam in molli culeitra deposuerunt, & per omnia carnem suam blandè, commodèque habuerunt, quomodo suadebunt, ut horrenda tumultuariæque Martis exercitia suscipiat? Si consiliarij illud tantum cogitant, & curant, ut diuites fiant, quomodo Principem, ut pauperum curam habeat, exhortabuntur? si consiliarij suarum sunt negligentes animarum, quomodo illos sollicitabit commodum, ac profectus alienarum? Palam est, quod eiusmodi nihil consulent suo regi, aut domino, nisi quod praua proprij quæstus cupiditas suggeret. Attendant ergo Principes, quales viros à lateribus habeant, sanctus Bernardus enim nihil mitius, quam mortem minatur ijs, qui habuerint malos: *Nec te dixeris sanum, dolentem latera; hoc est, ne te dixeris bonum immitentem malis.*

### C A P V T VII.

*Amici Dei sunt robusti atlantes, quorum humeris nititur machina mundi, hunc enim illi suis precibus, & meritis suffulciunt.*

**D**icebat Dominus ad Abimelech de Abrahamo: *Orabis pro re, & serues; Genes. 20. 7. Audijs hæc rex, & tulit ones, & boues, & seruos, & ancillas, & dedit Abraham;* ibid. v. 14. qui eis ex rebus valde locupletatus fuit. Sed quamobrem illa dedit?

Respondet Abulensis: *Ut inclinaret Abraham ad rogandum pro se, dedit & munera.* Cogitauit nimirum, quantum preces iustorum apud Deum valeant, & quam faciliè iram illius mitigare queant.

Pulchrè, & aptè in rem istam dixit Philo Iudæus in lib. de migratione Abraham: *Reuera fulcrum generis humani iustum est, suas dotes communicans, & in publicum & sum conferens.* Idem quidquid apud se ipsum non inuenit, à Deo solo diuinitus postulat, at ille aperto cæli promptuario, nihil, imbricq; in morem bona depluit affatum, & inde omnes terrena lacuna reflagrant. Quid amplius dici vel expectari potuit? Profecto quisquis iustus est, idem basis est, & columna mundi, & athlas, qui subiectis suarum virtutum, ac sanctitatis humeris orbem terrarum excipit, ac sustentat, suorumque meritum opulentia homines reliquos locupletat. Quod si ei desint, quæ in alios disperiat, mox ad Deum confugit, atque ex illius copiosissimo ærario suis precibus tantum exobsecrat, quantum mundo beneficijs opprimendo sat esse possit. O potentiam iustorum! O gratiam amicorum Dei!

Iudicum cap. 3. post commemoratas verbes benè paucis virtutes Othonielis iudicis Hebræorum sic finit narrationem Scriptor. sacer: *Quiuit terra quadraginta annis, & mortuus est Othoniel filius Cenez;* Iud. 3. v. 11.

Origenes homil. 3. in lib. Iud. ait: *Vides quam larga est diuina clementia. Otto annis seruierant filij Israël pro multorum delictis, quadraginta annis per eum iustitiam in pace perdurant.* Immensitatem bonitatis Dei inficiari nemo potest, qui vel hoc sacrum reputet, quod pro vnus iusti merito quadraginta annorum tranquillitate felicitauit Israëlitas, quos pro magnis plurimorum sceleribus octenni tantum seruitute plexerat.

Reuertamur ad id, quod superior historia narrat, neque enim Origenes nos omninò dimisit. *Mortuus est Othoniel*, inquit Scriptura, ille, qui Saluator sui populi audire meruerat; de quo ibid. vers. 9. ista: *Clamauerunt ad Dominum, qui suscitauit eis Saluatorem, & liberauit eos, Othoniel scilicet filium Cenez.*

Cum in ea legendò incidisset Origenes, aiebat: *Itane Othoniel diem suum obiit? Itane vir sanctus, & iudex rectus è viujs decessit? Itane fax illa tam flagrans, & splendida extincta fuit? Rem & deo periculosa, ingens populo discrimen imminet, incidetque rursùm in manus suorum hostium, eritque relapsio deterior, quam omnis anterior casus fuit:*

*Defun-*



*Defunctus est Orthoniel, quia iam indignus erat populus, qui haberet talem iudicem, inquit magnus Adamantius. Volebat Deus cadere populum, sed preces, & patrocinia sancti Orthonielis obstrictas illi tenebant manus. Ut ergo liberè castigare malè meritos Israëlitas posset, sustulit è medio Orthonielem, facemque illam exstinguit, & hoc primo supplicio ingratitude illius populi est ultus. Et satis experti sunt periculum, quod illis Origenes timuit, & quam grauis fuerit relapsus: Nam qui antea Chusian regi Mesopotamiæ seruierant octo annis, seruierunt posthac Eglon regi Moab decem, & octo annis; ibid. v. 14. Hinc arbitrari potestis, quam meritò dixerit Philo: Reuera fulcrum generis humani iustus est, athlas mundi est, eumque suis orationibus sustentat.*

Minabatur Dominus per vrbānum Prophetam ingratum, & contumaci populo suo ærumnas, & persecutiones quibus illum exagitare, calamitates, & penurias, quibus affligere constitutum haberet, & tanquā iam ad eādem distringeret gladium suum, vnoque ictu capita omnium demerere, & tota sanguinis flumina fundere vellet, accurrebat lachrymis infusus sanctus vates, & exclamabat: *Usquequò Domine?* Isa. 6. 11. Quamdiu furor ille tuus exardescet? Respondit Dominus: *Donec desolentur ciuitates absq; habitatore, & domus absq; homine, & terra relinquetur deserta;* ibid. Quæris quousque ira mea laxis bacchabitur habenis? Eousque, quo ciuitates videantur eremi, domus solitudines, terraque omnis detonsorum montium sit similis. Non potuit tamen, quin paulò post subijceret ille, qui misericordiae suæ, & pietatis in quantavis ira nunquā obliuiscitur. *Et adhuc in eo decimatio;* ibid. v. 13. hoc est, modum furendi faciam, non pergam deservire, quia denarius numerus adhuc in terra est reliquus.

Quid voluit ijs verbis Dominus, cū ait, quod propter illum numerum iram suam, ne amplius ferociat, coercere, & iam miserari affictos velit, sicut illa tam acriter castigata terra conuertatur, & sit in offensionem sicut terebinthus, & sicut quercus, quæ expandit ramos suos; ibid. & post nonnullos amputatos germinare vberius, & comam producere elegantiorē solet? Vndenā omnis hæc felicitas, & misericordia nata fuit? Ex eo, quod adhuc decimatio. Quid verò decimatio ista significat?

Respondet Paulus Burgensis in suis addit. in c. 6. Isaie: *Potest intelligi numerus denarius, & referatur ad illud, quod legitur Genes. 18. Vbi Deus concessit*

*fit Abrahæ, quod si inuenirentur in Sodomis decem iusti, parceret toti ciuitati pro eis. Vnde in hoc loco Dominus dicebat Isaia, quod licet populus esset ita malus, sicut populus Sodomorum, prout suprà dixerat (Audite verbum Domini Principes Sodomorum) tamen adhuc remanebat in Iudæa, & Ierusalem densa, scilicet iustorum, quæ volebas eos sustinere, & tolerare, donec conuerterentur. Cogitate ergo, quā rectè diximus, quod iusti sunt athlantes orbis terrarum, & mundi totius validissima fulcimenta.*

Petrus Berchorius ex sententia Rabani, & astrologorum affirmat, tantam esse pernecitatem motus, quo cælum rotatur, ut nisi ei moras contrarius planetarum motus adferret, iam pridem mundi machinam totā soluisset. *Cælum mouetur velocissimè,* inquit ille lib. 5. Reductori moral. c. 2. num. 7. *& ideo ne moris eius velocitas mundi machinam dissiparet, soluit eum natura motu planetarum retardare.* Quid tam velox, tam rapidum, tam incitatum quā ira, & furor Dei? *Deus nosse ignis consumens est,* Heb. 12. 29. ignis celerissimus, fulmen, quo nihil magis volucre, quod momento ferire simul, & conficere, in quæcūq; incidit, potest. Quis iræ illius impetum retardabit? Quis furoris celeritatem morabitur? Quis motū tam rapidi cæli moderabitur? Planetæ, viri sancti, amici Dei suis lachrymis, orationibus, patrocinij. Nisi ij sese irato Deo humiles, ac supplices, & lachrymis tantum, precibusq; armati obiecissent, dudum fortè mundus vniuersus, euersus dissipatusq; fuisset.

Propterea Philo l. suprà citato præclare scribit: *Oremus igitur, & ceu columna in domo, mens in anima, in humano vero genere homo iustus permaneat ad calamitatum remedium, nam hoc incolumi, de publica salute desperandum non est.* Quod columna domui, quod mens, seu ratio animo, hoc vir iustus mundo, domum columna sustentat, animam ratio gubernat, mundum iustus seruat, & sospitat. Meritò igitur rogandus, magnumque in modum obsecrandus Deus, ut virum iustum mundo ad fulcimentum, & commune omnium necessitatum antidotum relinquat, quo sublato, hoc erit mundus, quod absque columna domus, & destituta ratione anima, hoc est, ruinosus, & delirus, lapsibus, & erroribus obnoxius. *Oremus igitur, idque emixè & sæpè, & permaneat ad calamitatum remedium in humano genere iustus,* longam omnibus, qui apud nos sunt sanctis, vitam precemur, quia sunt ærumnarum hostiarum depulsores, salutis nostræ curatores, athlantes orbis, morborum humanorum gratuiti medici, irati Dei conciliatores, iræ



illius mitigatores, qui manus eius & deuinciunt, ne feriant, & relaxant, aperiuntque, vt beneficia fundant, & thesaurorum cœlestium clauēs ad vsum, solatiumque miserorum peccatorum habent.

*Pulchra in eandem rem habet Periocha IV. Feria V. post Cineres pag. 31. & To. 2. Periocha II. Dom. XI. post Pentecosten, pag. 176. c. 1. o.*

## CAPVT VIII.

*Muneribus nulla validior arma siue ad efferatissimos leones subigendos, siue ad arces adamantinas expugnandas.*

**D**icit itaque insignis Abulensis, quod rex Abimelech tot muneribus, & donis cumulauit Abrahamum, vt illum pro se apud Deum haberet patronum supplicē: *Vt inclinaret Abrahamū ad rogandū pro se, dedit ei munera.* Tantumne valent munera, tantumne dona, tamque validē confringit aurum, vt eo solo, nec aliter, obligari potuisse sanctissimus ille Patriarcha videatur! Differamus de hac tyrannica, & ampla, latēque patente potestate pluribus, quia apte huc cadit talis argumenti tractatio.

Salomon in suis Proverbijs. cap. 17. v. 8. ait: *Gemma pretiosissima expectatio praestolantis, quocumque se vertit, prudenter intelligit.*

Prætermisā nunc literā versionis nostræ vulgatæ examinabimus Chaldaeam, quæ sic habet: *Lapis muneris grata est in oculis eius, qui tollit eum, ad omnem locum, quo se vertit, prudenter agit; ac si diceretur; Lapis muneris offerēdi pergratus est, oculis eius qui accipit illum vt offerat, quocumque se vertat, cordatē agit.* Doctus quidam modernus, Pater Roa. l. i. singular. c. 6. To. 2. sic accipit, tanquā sit sensus, munera, qualiācunque sint, quæ offerantur, gemmas videri ei, qui accipit.

Sed in ijs verbis illud attentē pensandum, quod dicitur, *Ad omnem locum, quo se vertit, prudenter agit.* Videretur metaphora esse a picturis, & mulieribus sumpta. Experiētiā compertum habemus, quod picturarum, & facierum muliebrium, quantumuis & illæ sint grandes, & hæ venustæ, splendor, & elegantia non æquē elucet, quacumque ex parte eas aspicias, sed certum situm habere debent, in quo eam accipiant lucem, quæ, detegendæ artis industriæ, & manifestandæ pulchritudini mulieris sufficit. Hoc autem quouis in loco fieri non potest: At verò qui munera defert, qui donis, quæ erogat, onustus venit, ad omnem locum quo se vertit, prudenter agit, inquit Salomon. Qui habet, quod det, non indiget, eā diligentia, quæ picturis, & vultibus, vt eorum e-

legantia conspicua fiat, opus est, ad omnem lucem enim, & quacumque ex parte aspicias, pulcher videtur, gemma est, quidquid loquitur, & opera illius omnia rectē sunt facta: *Ad omnem locum, quo se vertit, prudenter agit.* Hæc est vis donorum, hæc potentia munerum, facere ex homine picturam tam elegantem, & admirabilem, vt ad qualemlibet lucem ex quauis parte videatur venusta, formosa, pulchra, decens. Quis sapientior eo, qui dat? quis prudentior? quis nobilior? quis magis festiuus, ac lepidus? Quid non expugnant dona? quos leones non cicurant munera?

Venit Esau irā vehementer inflammatus aduersus fratrem suum Iacob. Sic enim dicebant Iacobi quidam ad fratrem ab eo missi legati: *Venimus ad Esau fratrem tuum, & ecce properat tibi in occursum cum quadringentis viris.* Genes. 32. 6. nec alio consilio, quantum estimare possumus, quā vt te, omnesque tuos contrucider. Expalluit contritissimis nouis Iacob, deliberansque quid in re tam ancipiti ageret, opulentum adornauit munus, quo stomachum fratrem mitigaret, dicens: *Placabo illum muneribus;* ibid. v. 20. Posthæc cum domesticos in modum exercitus signa cum hoste collaturi ordinasset, ita apud se statuit, non posse fratrem fortioribus armis expugnare, quā si muneribus obligaret. Sed notandum, quod vbi Vulgata dicit, *Placabo illum muneribus,* alij ex Hebræo verterunt, *Operiam faciem eius velamine,* quod est dicere, oculos ei iniectione pallio obnubam. Videtur in his esse metaphora sumpta ab eo, quod dicam. Petrus Berchorius, Ioannes de S. Geminiano, Scipio Amiratus, & alij plures de leone affirmant, eum, quando ardens irā, efferatusque venit, cicurari commodiùs non posse quā si pallium ei, seu velum quodlibet aliud iniicias, eoque secundum vultum contegas, tunc enim ita mansuefieri, vt velut mitis agnus fiat, omnemque ferociam exuat, & deponat. Huc fortē alludit Iacob, quando audiens, quod frater tanquā insanus fremens, & frendens leo in via esset, festinansque veniret (*Ecce properat*) ignem spirans, & cædem anhelans, dixit: *Placabo illum muneribus, operiam faciem eius velamine,* atque ita faciam, vt scire desinat, & mitescat. Non est vis alia, quæ potestatem exæquare donorum possit, aurum omnia subigit, & superat.

Optabat Philippus Macedonum rex locum quemdam expugnare, quem sibi utilissimum fore ad res alias magnas faciendas præuidebat. Misit ergo exploratores suos, vt situm loci diligenter arbitrarentur, & attentē considerarent, vt prout ille postulare



lære videretur, oppugnationi institueretur. Reuerſi exploratores, poſtquam omnia ſtudioſè circumſpexiſſent, dixerunt regi, eſſe illi loco arcem ſua naturà fortem, & arte magis munitam, eamq; putare nullis viribus expugnari poſſe. Subriſit rex, cùm eos arduæ expugnationis ingentem difficultatem multis, & magnis verbis extollentes aliquamdiu audiſſet, & ait: *Nam & ſue adeò difficile eſt, & nec aſinus auro ſuſtus poſſit accedere?* Reſert Eraſmus lib. 2. apophteg. Quòd dixit, tale fuit: *Nihil tam eſt munitum, quòd auro non expugnetur, propugnacula ærea, muri adamantini deiſciuntur donis, & nihil eſt, quod non cedat pecuniæ, quod non ſuccumbat muneribus.*

Huc reſpexit Dominus, cùm ait: *Nec accipies munera, quæ etiam excitant prudentes, & ſubvertunt verba iuſtorum;* Exod. 23. 8. Extrema horum ſic quidam ex textu originali tranſulerunt: *Detorquent verba iuſtorum, ſive iuſta.* Doctus quidam modernus, P. Roa. lib. 2. ſingular. cap. 6. To. 2. ait: *Sunt ſolemnia verba forenſia, ſtata, & ſolennes formula ſignatis, certisq; verbis concepta, à quibus cadere non licet, ne quæ cauſa cadat.* Dicit itaque nunc Dominus: *Non accipies munera, quæ etiam detorquent verba iuſtorum, efficienſq; vt vilitas, & præſcriptas loquendi in iudicio formulas prætermittas, iuſtitiamq; violes, & ei, cui debetur, neſes.* Tam valida enim ſunt dona, vt iuſtitiam quantumvis rectam detorqueant, quantumvis rigidam inflectant, quantumvis ſancſtam temerent, ac profanent, & in quam voluit partem abducant.

Quàm magnificis verbis extulit Spiritus ſanctus imperium, & dominatum munerum, cùm ait: *Donum hominis dilatat viam eius, & ante Principes ſpatium ei facit;* Prou. 18. 16. Nonne vidisti quomodo

vulgus hominum, quando ad regem videndum in compita effunditur, totas ſuâ frequentia explet, & obſtruit plateas? Veniunt ſtipatores, & ſatellites regij, & momento diffugit populus, qui ſuâ concurſatione cuncta obſederat loca, & omnes regi latè patent viæ, vt liberrimè tranſeat, & debitam habeat apud omnes venerationem. Ad hunc modum nunc dicit Spiritus ſanctus: *Donum hominis dilatat viam eius.* Litigat quis in iudicio, cauſam habet, quam in aula perſequi debeat, & velit, ſed obſtruitur ei aditus, præcluditur via, vt penetrare nequeat, vbi ſua negotia curet, obijciuntur difficultates, omniaque in ſeros menſes longis extrahuntur dilationibus, & procrastinationibus. Quid hic faciat, vt cauſæ ſuæ finè faciat? Non haſtatos regis ſatellites, ſed ſplendidos auri ſatellites anteambulones mittat. Hi ſtatim aperient viam, hi omnia ſubmouebunt impedimenta, hi difficultates omnes auferent, hi patentiffimum, & ampliſſimum ſternent iter, hi ante Principes ſpatium ei facient, & negotia omnia ad vmbilicum exempli perducunt. Hæc eſt vis auri, hæc poteſtas munerum: *Donum hominis dilatat viam eius, & ante Principes ſpatium ei facit.*

Gratiâ (arque vinam non tam magnâ) valent apud viros Principes, & magnates munera, neque clauſam aliquando inueniunt portam. Nam vt proſanus ille Poëta ait, *omnia perfringit, & perficit.* Non eſt carcer, quem aurum diſruptis clauſtris non aperiat, nulli ſunt muri, quos non deiſciat, non arces, quas non ſolo æquet, non vllum negotium, quod non feliciter, faciliterque conficiat.

Parte ſecundâ Politici lib. 6. cap. 5. & alijs in locis ad calcem capituli illius annotatis hoc argumentum prolixè tractat.

## LIBER X. VITÆ ABRAHAM. CAP. VI.

Vt pretium cuique rei concilietur, concedi niſi longis deſiderijs non debet, quòd enim facile datur, ſolet vileſcere, deque exiſtimatione ſua cadere.



Iſerum eſt, inquit ſanctus Laurentius Iuſtinianus, quòd res alioquin præclaræ, & pretioſæ ſuam dignitatem, exiſtimationemque retinere, & ſeruare non poſſunt, niſi parcè, perraro, neque

diu humanis ſe permittat oculis, vt caritatem ei caritas adſerat, & maioris fiat, cuius infrequentior vſura conceditur. *Experientiâ inſinuante hoc nouimus, quòd ſingula, quamvis ſint magna, quantumvis preſioſa, formoſa, & ſancta, immoderatiùs tamen debito propalata vileſcunt,* inquit ille lib. de vita ſolitaria cap. 5.

Sanctus Ioannes Euangelifta Chriſti inter ſacros illius Hiſtoricos Benjamin prolixum texens catalogum beneficiorum, & gratiarum, quibus humana gaudet



gaudet natura, postquam eam sibi verbum Dei æternum in suæ personæ consortium, communionemq; admittere, & fieri homo temporaliter voluit, qui Deus semper erat, inter alias felicitates hanc refert, quòd *dedis ei potestatem filios Dei fieri* (Ioan. 1. 12.) postquam Dei filius factus est homo.

Quamquam hanc insignem, prolixamque liberalitatem dicere, & prædicare velimus, obitare tamen, quò minus faciamus, illud videtur, quòd Evangelistæ his, qui credunt in Christum, eumque cum Sancto Petro verum Dei viui filium constentur, solam potestatem datam affirmat, quâ filij Dei fiant: *Dedit eis potestatem filios Dei fieri*. Ut misericordia videretur maior, & liberalitas amplior, magisque & generosa, & larga munificentia, nonne satius fuisset dicere, fecisse Deum Dei filios hos, qui in filium eius credunt, quibus cum solam potestatem concessam ait, quâ fieri Dei filij possint, difficultatem aliquam obtinendæ illius dignitatis tali verborum circuitu indicare videtur? At cum nihil pectori illi diutino tam propenso ad benefaciendum, tam cupido effundendi sese obitare possit, quò minus sua dona in homines exoneret, cur beatissimus Evangelista de illo dicit, solam potestatem dedisse credentibus, ut filij Dei fieri queant, tanquam illi aliquod impedimentum obfuerit, propter quod filios Dei non statim fecerit?

Respondet S. Ioannes Chrysostomus, & Euthymius: *Non statim fecit eos Dei filios, ne per ignauiam perdant gratiam, sed dedit ipsis potestatem fieri, quo diligentiores reddantur*. Quod non subito Dei filios Filius Dei facit, non difficultas aliqua ex parte misericordiæ diuinæ, sed nostræ imbecillitatis notitia in causa est, sumus enim ita comparati, ut necesse sit parciore manu nobis dona gratiæ concedi, ut pretium apud nos obtineant. Soler obtinendi facilitas negligentiam custodiendi, generare. Quare Dominus suis solam *dedit potestatem filios Dei fieri*, ut tantæ dignitatis gloria cum differtur diutius, expectatur audiuius, & seruetur cautius.

S. Gregorius Nazianzenus Orat. 16. ait: *Quid, quid facile percipitur, facile quoque in contemptum venit, quòd autem supra nos est, quòd maiore cum difficultate percipi potest, eo etiam maiorem sui admirationem mouet, atq; id omne, quòd desiderium nostrum fugit, cupiditatem exercet*. Non procul à contemptu est, quod propè ad manum, itaque illud magis suspicimus, quod difficilius obtinemus, audiuiusque concupiscimus, quod se vobis nostris magis negat.

Solicita, & anxiosa sponsa audissimè expetebat,

dilecti Sponsi sui colloquium, occasionemq; mellea eius verba audiendi. Et quoniam tempus meridianum tale est, ut vix inueniri sinat, quem videre velis, dixit illa: *Indica mihi quem diligit anima mea, ubi pascat, ubi cubet in meridie*; Cant. 1. 6. cum Sponsa tam effictim amaret, & Sponsus solitus sit mutui amoris vices cumulatissimè reddere, quomodo nunc se tam morosulum exhibet Sponsæ? Cur tam difficilis est erga illam omni alioquin dilectione dignissimam, ut non solum ei suam neget præsentiam, sed etiam abscondat mansionem, & habitationem? Quæ causa esse queat dedignationis?

Respondet S. Gregor. Nyssenus homil. 2. in Cant. *Voce Sponsi nondum est dignata, cum Deus de ea melius prouideret*. Quamuis amantissimi Sponsi ardentissima esset erga Sponsam caritas, diu nihilominus suum illi negauit colloquium, & consuetudinis commercium, ad maiorem tamen Sponsæ vtilitatem, & profectum. At quid commodi accidere Sponsæ ex diuiculè negata sermonis communicatione, & consuetudine familiari Sponsi potuit?

Respondet Nyssenus: *Ut ad maius desiderium eius accenderet cupiditatem dilatio fruenda voluptatis, & cum desiderio simul augetur lætitia*. Sciebat Sponsus facile decedere de pretio rei quantumuis aliàs magnæ, excellentis, eximæ, quæ facile conceditur, itaque ut Sponsa consuetudinem illius, vsumque familiarem maioris æstimaret, tardius ei sui copiam concedit, nec ante permittit, quam illa eam ardentibus votis, & multis lachrymis sibi comparet, ut maioris æstimaret, quòd tanto desideriorum, suspiriorum, fletuum impendio conquisisset, & cum desiderio simul augetur lætitia.

Huc facit, quòd sanctus Marcialis epist. 2. cap. 21. To 3. Biblioth. Vet. PP. ait: *Nunquam deficiatis ab oratione pura. Nunquam de Dei nostri largitate desperetis, quæ salubriter, quæ desideratis, adhuc differt, & accendantur multò magis desideria vestra in eum*. Cariora semper habemus, quæ longis desideriis tardè concessa.

Pauci dies abierant, ex quo ab Ægypto discesserant Israelitæ, quando annonæ penuria eos in eremo occupauit. Clamauerunt ad Dominum, siue murmurauerunt (murmur enim illorum sanctus Cyrillus clamorem vocat) audiuitque Dominus illorum murmuratorum clamorem, dixitque ad Moysen: *Vespere comederis carnos, & mane satur abimini panibus*; Exodi 16. 12.

Sanctus Cyrillus Alexandrinus, quem dixi, lib. 3. in Ioan. cap. 34. ait: *Quæret quissiam, cuius rei gratia*



*Patia misericors Deus non prius, quam peterent, illis prouidit, sed cum famefcentes uideret, tardius ad patrociniū fuit? (forte Genit) Respondet ipſus ibidem: Dicimus conuenienter petitionem, clamoremque illorum expectatum fuiſſe. Tunc enim gratiſſimum ſolet uideri beneficium, quando magno ardore petitur, aliter animus hominis magnitudinem beneficii non cognoſcit.*

Ex his iam facile eſt conijcere, quæ cauſa fuerit tam ſeri partus Saræ, partus tam feliciſ, & fortunati, partus pleni gratijs, & benedictionibus, partes qui totum mundum gaudio, domum paternam etiam riſu, & exultatione impleuit. *Concepit, & peperit filium in ſenectute ſua*, inquit de illa ſanctus Moyses Genef. 21. 2. Diſtulit hoc beneficium Deus uſque in ſeſtam Saræ ſenectutem, iamque effectæ, & decrepitæ filium dedit, quem tot concedere gratiæ ornamentis uolebat, ut donum, quod ex ſe erat pretioſum, ex tardatione maiorem haberet æſtimationem. Solet hoc addere pretium beneficii, ſi diuturnis ſerò concedantur deſiderijs. Nam ut ſanctus Laurentius Luſitanus in lib. de triumphali Chriſti agone cap. 24. n. 5. ait: *Id poſſidetur fortius, guſtatur dulcius, charius amplectitur, ac prudentius cuſtoditur, quod ardenſiſſimè concupiſcit, ſolertè quaſitum, atque laborioſè repperit eſt.*

*Sæpè de hoc argumento alibi agitur. Vide Parte Primâ Politici lib. 3. cap. 5. & alia loca ad illius finem adſcripta.*

## CAPUT II.

*Sperare tam moleſta, & cruciabilis res eſt, tamque crudelis equuleus, ut qui hac paſſione vexatur, poſſit aliquo modo in Martyribus numerari.*

**V**iditque ei filium, cui nomen impoſuerunt Iſaac. Gaiſa fuit huius filij contubernio, & familiari conſuetudine annis tribus ſupra triginta, ut ſubnotauit Lippomannus, cuius ſunt iſta in cap. 21. Genefis: *Vixit Sara triginta ſex annis poſt genitum filium ſenilem, quem nonagenaria peperit, nec alterius ſamina tanta ætas legitur. Voluit enim Deus aliquandiu eam filio gaudere, quem tanto deſiderio tot annis Deſeris credula ſperauerat.*

Premite in his illa extrema, *Quem tanto deſiderio tot annis ſperauerat*, quod perinde uidetur, ac ſi dixiſſet, fuiſſe tam grande martyrium, quod ſancta illa matrona ſubiit, tam acerbos cruciatus, quos tolerauit, dum tot annos inter ſpem, expectationemque tranſiſſit, ut ad refocillandum eius animum, deli-

niendumque dolorem, & abſtergendam moleſtitudinem tribus ac triginta annis opus habuerit, quibus filio frucretur, ut tam longo uſu illius obliteraret memoriam luctus, quem deſiderando pertulerat.

Cum ſupernus Magiſter diſcipulis ſuis in monte Oliuarum ſupremum uale diceret, & iam in cælum ſeſe recipere uellet, ut ſublime ſolum, quod illi in cœlis paratum erat, occuparet, dicebat ad eos: *Ego mitto promiſſum Patris mei in ſos; Lucæ 24. 49.* hoc eſt, Spiritum ſanctum, quæ fuit pollicitatio doni omnium, quæcunque deſiderari poſſunt, opulentiffimi, & pretioſiſſimi, quod dum ſpondebat, iubebat eſſe bono animo, ut qui tantum breui accepturi eſſent beneficium. Cum talia dixiſſet, *elevatis manibus ſuis benedixit eis*, ibid. v. 50.

Quærunť aliqui Expoſitores, quid myſterij haberit iſta benedictio, & quo conſilio abiturus Magiſter benedicere diſcipulis uoluerit.

Theophylaſtus in illius loci commentario ait: *Benedixit diſcipulos ſuos, fortasſis infundens eis ſim, qua cuſtodiret & ſque ad aduentum Spiritus.* Mira interpretatio! Quid habebant Apoſtoli, ut neceſſarium eſſet infundi eis robur, quo ſeruarentur in diem uſque aduentus Spiritus ſancti? Quod periculum eis minabatur? Quod diſcrimen impendebat, ut ad illud ſuperandum tantâ indigerent confirmatione, & confortatione? Periculum quidem nullum imminabat, ut tamen Spiritum ſanctum promiſſum fortiter conſtanterque præſtolarentur, nouas, validioresque vires requirebant. Dixerat illis: *Ego promitto promiſſum Patris mei. Ut opperirentur tempus, quod inter promiſſionem, & miſſionem intercedebat, benedictione ſua, & maioris roboris adiectione illos confirmandos putauit. Tantum enim affligere ſpes ſolet, tamque pœnaliter torquere, ut videatur Deus præſtolabundos nouis auxilijs neceſſario conſtabilire debere, ne vita illorum inter expectationem deficiat: Benedixit diſcipulos, fortasſis infundens eis ſim, qua cuſtodiret & ſque ad aduentum Spiritus.*

Sanctus Ioannes Chryſoſtomus loquens de Spiritu ſancto dicit quidquam, quod cuilibet adferre poſſit difficultatem. Verba illius ex homil. 5. de reſurreſt. To. 3. ſic habent: *Heſterno die agonizabamus tanquam ſperantes regem, hodie latemur ſuſceptantes Imperatorem, & ideo heſternus dies non fuit ieiunationis, ſed expectationis.* Paulò infrâ mox addit: *Heſterno die delectabamur ieiunando.* Videtur Chryſoſtomus ſecum ipſe pugnare. Dicit enim, die Sabati ieiunaſſe cum voluptate, & non longè poſt ait, illum



illum diem non fuisse ieiunationis. Quomodo hæc coherere possunt, quæ manifestè sibi aduersari, & contradicere videntur? Benè habet hoc. At si verba Chrysostomi attentè perpendas, inuenies sublatam difficultatem, dissipatam dubitationem. *Hesternus dies sabbatius non fuit ieiunationis, sed expectatio-* nis, inquit. Duo concurrerunt illà die, nimirum abstinentia à cibis, & præstolatio in vitam redituri Redemptoris, pœna, quam parit inedia; & cruciatus, quem adfert expectatio. Et quamvis dolor de abstinentia natus carnem grauius affligeret, nihilominus *delectabamur ieiunando*, ait ille, læti, hilaresque diè illum inesi exigebamus, expectatio enim tam intolerabiliter cruciat, vt ieiunium voluptati esse, & nulla alia pœna eo nomine digna videatur, si cum ea comparetur, quam spes, & præstolatio generat. Arbitrari id ex eo etiam licet, quod Chrysostomus, cum ait: *Delectabamur ieiunando*, iam ante dixerat; *Hesternus die agonizabamur sperantes*, hoc est, eodem die & recreabamur ieiunio, & in cœntia mortis adducebamur dominicæ anastaseos expectatione. Nam expectare, & expirare, præstolari, & immori rei expectatæ desiderio, videntur idem esse.

Propheta regius ait: *Credo cadere bona Domini in terra viuentium*; Psal. 26. 13. hoc est: Firmissima spe teneor, quòd oculis aliquando vsurpabo ea Domini bona, quibus viuentium terra fruitur. Sanctus Gregorius Nyssenus ait, quosdam velle; Prophetam regium Dauidem de illa terra materiata hic loqui, in qua boni, & mali, Sancti, & peccatores cohabitantes viuimus. Verùm huic ille se opponit opinionioni, atque Dauidem, cum ista ex suo, omniumque sortuorum Dei nomine dixit, non fuisse tam corrupto palato, vel iudicio, vt præmio tam exili, tenuis paupere contentus esset, suosque labore dignè remuneratos putaret huius perituræ, caducæque terræ expectatione, ab eo maximè, cuius tanta est munificencia, tamque generosa prolixitas, vt exigua officia, & paruas ærumnas animo magno pro se tolleratas ingenti mercedè compensare soleat. Videamus causam, ob quam non eum alijs consentit Nyssenus in Orat. 2. de beatitud. sic habet: *Quid igitur opus est ijs, infernâ terrâ, quorum vita spe suspensa est?* Omnes iusti, & sancti fide à Deo qui in fufum habent primum extremum, quod pro suis laboribus expectant, non in hac passionibus obnoxia, sed in illa gloriosa terra conferendum. Quamdiu hic mortales viuunt, semper anhelant, perpetuòque suspirant vitam æternam, exclamantque identidem cum Psal. tomographo: *Non mihi, quia incolatus meus prolon-*

*gatus est*; Psal. 119. 5. heu quantum tardat tam longis votis experita patria? Dicit nunc Nyssenus: Spes protracta, & diuturnum desiderium eius, quod appetitur, tam acerbè cruciat, tam acriter affligit, vt iustus luto vilius putaret totius terræ dominium, si illi offerretur, quamdiu à spe vita eius pendet: *Quid igitur opus est ijs infernâ terrâ, quorum vita spe suspensa est?* Si cui totius mundi imperium offerretur, sed cum onere longæ expectationis, nullus ei honor offerri videretur, plus enim torquet spes, quæ differtur, quàm imperium, quod longè, latèque diffunditur.

Benè hoc exaggerauit Salomon, cum ait: *Spes, quæ differtur, affligit animam*; Prouerb. 13. 12. Cornelius à Lapide ea sic interpretatur: *Sicut corpus cruciatur, dum extenditur, & ultra naturalem modum, & spiritum in equuleo, sic pariter cruciatur animus, dum extenditur distensione spes, & longæ expectationis rei desideratæ*. Quod ergo est corpori equuleus, hoc est anima dilatio rei speratæ. Vt enim corpus funibus immodicè contentis luxatur, sic anima dilatione diuturnâ pœnaliter conuellitur, & distrahitur.

Nosce cœnæ dicebat Christus discipulis suis: *Desiderio desiderauit hoc Pascha manducare vobiscum, antequam patiar*; Lucæ 22. 15. Dialectus hebræus est, geminare verba ad rem aliquam amplificandam. Infinita huius rei exemplà reperias in scriptura. Quòd ergo Redemptor noster aiebat, *Desiderio desiderauit*, perinde est, ac si dixisset vehementissimè experij, desiderium meum tantum fuit, quantum verbis satis exaggerari non potest.

Euthymius ait: *Festinatione festinaui*, & velut celeribus equis cucurri ad mortem. Itaque desiderium alicuius rei, & festinatio ad eam consequendam videntur idem esse, nihil enim est, quod tam fortiter incitet, nihil quod animæ latera tam acriter stimulet, fodicetque, quàm calcar impatientis desiderij, quod cupiditate dilati gaudij pœnalissimè excruciat?

Plurima, eaque optima, & grauissima, gratissimaque habet de hac materia Periocha I. Feria VI. post Dominum I. Quadrage. Tom. 1. pag. 115. Vide in eod. Tomo Periocham IX. Feria V. post eandem Dominicam I. pag. 109. Vide etiam Tom. 2. Periocham II. Dominica I. in Aduentu, pag. 326.

## CAPVT III.

Esse parentes liberorum sanctorum tanta est feruitas, vt humana alia cum illa certare, ac comparari nulla possit.

Prodijs



**P**rodiit in lucem miraculosus veteranorum parentum, Abrahæ, & Saræ partus Isaac. Isaac rissus dicitur. Fuit autem id nominis illi impositum propter risum, & gaudium, quod cum pignore tam inopinato natum. Itaque senicula puerpera lætunda dicebat: *Risum fecit mihi Deus*; Genes. 26. Merito autem, ut aiunt Interpretes, sic appellatus puer fuit, qui tam sanctus, tam studiosus virtutum futurus erat. Nam parentum, familiæ, prosapiæ nulla potest esse maior felicitas, nulla par illi, quæ de probis, pijs, integris liberis, ac posteris generatur. Sic & nulla magis deploranda miseria, quàm habere sobolem, quæ suo generi sit ignominia, & probro.

In idololatriam prolapsus ille contumax, & duræ cervicis populus deastrum sibi finxit in similitudinem vituli comedentis fœnum, & porro etiam sacrilegè per summum scelus adoravit. Grauitè exulceravit Domini pectus hæc cœca, & nefaria populi insolentia, voluitque pœnas, quas tantum flagitium postulabat exigere, sed tanquàm veritus, ne vilis populi inclytus ductor Moyses obstitere supplicia illaturo, suisque precibus impedimentum afferret executioni, de proposito suo cum illo ante voluit communicare, ut ille hoc approbans, liberius punire Domino permitteret. Aiebat ergo ad illum: *Dimitte me, ut irascatur furor meus contra eos, & deleam eos, faciamque te in gentem magnam*; Exodi 32. 10. tanquàm pluribus dixisset: Solue mihi has manus, quas tuæ sanctitatis, ac virtutum vinculis restrictas tenes, ut sacrilegos idololatrias infanti vitæ exuam, quod si per te facere licuerit, insignito beneficio te in vicem ornabo. Quoniam illo? An gloriosos de hostibus triumphos referet? Nihil hoc est ad illud, quo eum cumulabit. Fortean absolutum totius orbis terrarum Imperatorem faciet? Etiam hoc oppidò inferius est dignitate, quàm illum condecorabit. Gratiâ illum, & felicitate omnium maximâ, & quacum alia nulla comparari queat, donabit. Quâ tandem, *Faciam te*, inquit, *in gentem magnam*, & patrem hominum plurimorum.

Quid sibi vult illud, *Faciam te in gentem magnam*? Glossa Interlinearis paucis, ut solet, verbis id exponit, dicens: *Faciam te in gentem magnam, in generationem sanctorum, & liberorum, proborum parentem*. Itaque esse filiorum sanctorum patrem tanta est felicitas, ut nulla alia ei comparari posse videatur. Nam quando Dominus voluit Moysen permovere, ut permitteret mactari populum (quæ res illi alioquin inuisissima erat), non putavit alio medio ob-

ligari efficacius posse, quàm si ita begre velle addiceret, ut pater sanctorum posteriorum fieret: *Faciam te in gentem magnam, in generationem sanctorum*.

Venit Iacob ad patrem suum Isaac ex senio concucientem, & asinum, quem à matre doctus fuerat, petijt, & obtinuit benedictionem, quæ sic habebat: *Det tibi Deus de rore cœli, & de pinguedine terræ abundantiam frumenti, & vini, & seruant tibi populi, & adorent te tribus, esto Dominus fratrum tuorum, & incurvantur ante te filij matris tuæ, qui maledixerunt tibi, sit ille maledictus, & qui benedixerit tibi, benedictionibus repleatur*; Genes. 27. v. 28. 29.

Paulus Burgenſis putat tenuem, parcamq; fuisse hanc benedictionem. Quid verò illi, quod ad copiosam, cumulatamq; benedictionem requiri possit, defuit? Precatus fuit Isaac filio suo rerum omnium necessariorum affluentiam de cœlo, terræque, precatus fuit summum in fratres, & extraneos imperium, precatus fuit, ut nemini benè esset, qui illi vellet malè, utque felices essent, quicumque illum felicem esse ruperet, quid ad hæc optare amplius potuit? Ergone non vides, inquit Burgenſis, huic benedictioni, quod potissimum, & præstantissimum est, deesse? Non video, dicis. Siccine: Ego itaque dicam. Illud decedit huic benedictioni, quod non fuit filio suo sanctos liberos, posterorq; precatus. *Non legitur, quod Iacob fuisset benedictus à patre suo de propagatione hominum*, inquit Burgenſis, tanquàm diceret: Noli eam existimare perfectam benedictionem, quæ non optat sanctos liberos, quantævis enim sint benedictiones, nomine consummatarum benedictionum donari non possunt, quibus vnum illud deest. Suprema namq; benedictionum ea est, si cui preceris, ut cum ipse sit bonus pater, sobolem quoque bonam, & sanctam habeat.

Id adeò verum est, ut S. Gregorius Nazianzenus putet tanquàm commentum explodendum, si quis dicat, fuisse aliquem tam felicem, ut multorum bonorum liberorum pater dici meruerit. *Qui simul & multos, & probos, atq; honestos filios habuerit, infabulus fortasse reperias* inquit ille in Mon. S. Basilij Magni. Hæc eò dicebat Nazianzenus, ut primum quidem indicaret, quanta fuerit Dei benevolentia, & prolixitas ergà Basilium, & Familiam sanctos sanctorum Basilij Magni, Gregorij Nysseni, Petri Episcopi Sebastensis, Macrinæ, Naucrati, & aliorum quinque liberorum parentes, deinde verò felicitatem Magni Basilij exaggeraret, qui habuerit tales parentes, auos item paternos, maternos-



que Sanctorum catalogo adscriptos, denique etiam auunculum quendam Episcopum, & Marti-  
tyrem.

Itaque quod stirps vna numeret septemdecim continuato ordine sanctos avos, parentes, auunculos, fratres, ac sorores, ea tam larga, & copiosa, & nunquam mundo visa benedictio est, ut fabula videri posset, nisi Ecclesiæ approbatio fidem illi certam conciliaret. Ac propterea Nazianzenus ubi supra ita demum pronuntiat: *Mibi maximum, & clarissimum esse videtur felicitas in liberis*, maiorem enim hac non habet aliam vitam præsens.

Non parum virum his addet, quod propheta regius gaudens, hilarisq; canebat, dicens: *Funes ceciderunt mihi in præclavis, etenim hereditas mea præclara est mihi*; Psal. 15. 6. Notorium est, ac trium illud, quod olim hereditatum termini funibus distimebantur. Ita affirmant Hugo Cardinalis, Caecilianus, Tizelmanus, Lorinus, & omnes alij. De sua hereditate ait David: *Præclara est mihi*, delectabilisq; ac voluptuosa.

At videamus quænam ea sit hereditas, quam ita prædicat, & extollit tantus propheta. Marcus Antonius Flaminius id sic exponit: *Luculenta certè, & præclara mihi venit hereditas, homines, inquam, mihi pater excellentes, & universi planè generis humani mihi florem assignavit*, & posteros dedit sanctorum integerrimos, integerrimorum sanctissimos. Hanc ego gloriosissimam, & incomparabilem hereditatem exilimo; *Maximum enim, & clarissimum esse videtur felicitas in liberis*. Qua in re cum sancti Theologi, Nazianzeni dico, sententiæ in hæreo, nulli me aberrandi à veritate periculo expono.

#### CAPVT IV.

*Vt est spes, quæ studijs, & lucubrationibus videtur alienis, manus expectatio illorum, qui præmium præstolantur eorum operum, quæ possent facere, vera enim spes pendet à laboribus proprijs, & executione eorum, quæ animo conceperis, & facere proposueris.*

**N**atus ergo fuit operatus infans, & appellatus Isaac, & die octavo circumcissus, fecitq; Abraham grande convivium in die ablationis eius; Genes. 21. 8. De hoc epulo ait Sanctus Augustinus q. 50. in Genesim. Merito quaritur, cur Abraham nec die, quo natus est ei filius, nec die, quo circumcissus est, sed die, quo ablatus est, epulum fecerit. Quid

mysterij habet magnificentiam illud convivium tali tempore celebratum, quod ad nostram facere possit institutionem?

Respondet magnus Doctor ibidem, quod nulla quæstionis solutio est, nisi ad spirituales aliquam significationem referatur, tum scilicet esse debere magnum gaudium spirituale arari, quando factus fuerit homo novus spiritualis, qui pascatur solido cibo.

Cum puer ab lactatur, tunc per se comedere, & ab lactare adminiculo manus alienæ, aut rei alterius ambulare incipit, idque olim communi lætitiâ celebrabatur, ut aiunt Caecilianus, & Pererius. Ergo non quando primum nascebatur, nec quamdiu lactabatur, sed quando ab lactabatur, avellebaturq; ab uberebus, ipseque per se & capere cibos, & carpere viam puer poterat, tunc festum infatuebatur convivium, ut eo mysterio doceremur, tunc quemq; gaudere, & lætari posse, quando ipse sibi parare victum, ipse suarum manuum labore agere vitam, & propriæ industriæ sumptu nutricari sese potest. Vivere enim impendijs operæ alienæ, & præfidere meritis vicinorum, & non studere proprijs, est spes vanissima, & friuola expectatio: *Quia debet esse magnum gaudium spiritualis arari, quando talis factus est homo, qui pascatur solido cibo*. Quamdiu Christianus non studet labori proprio, parum utilitatis referet ex alieno.

Viventium optimus maximus probrosissimo in ligno exspiravit, & mortem vitæ author appetijt. Et quoniam amicos secretos vel nonnullos reliquerat superstites, quidam ex his Nicodemus venit, ut pro more rituum Iudæicorum sacrum eius cadaver vngeret, eumque in finem *venit ferens mixturam myrrhæ, & aloes, quasi libras centum*; Ioan. 19. 39. Magna fuit istius vnguenti copia, ut notant omnes Interpretes, librarum tamen pondus leuius, quam huiarum Castellanarum. Quatuor amphoræ fuerint vnguentorum, quæ pius Nicodemus ad imbrendum Domini nostri corpus attulit, & liberaliter adhibuit. Et quanquam hæc ille fecisset, nihilominus Maria Magdalena, & Maria Iacobi, & Salome emerunt aromata, ut venientes vngerent IESVM; Marci 16. 1. cuius rei gratia postridie Sabbati primo diluculo abierunt ad monumentum, ut hoc supremi honoris officium Domini sui cadaveri impenderent. Videntur inaniter ista fecisse fidæ illæ, ac deuotæ mulieres: Nam cum Nicodemus tantam myrrhæ, & aloes copiam paratam iam haberet, ut ritui sepulchrali satisfaceret, quomobrem illæ istos tam superuacaneos sumptus fecerunt, coeuentes aromata, quæ defuncto corpori nihil iam commodare po-



se potuisse videntur? Quod si ita est, cur emerunt aromata, & venientes viderent Iesum? Quorsum ista aromatum impensa, postquam Nicodemus totis centum libris vnguenti corpus Dominicum perfudit, cinxitque?

Respondet Petrus Abayardus epist. 7. *Parauerunt aromata, nec satis videlicet habentes aromata Nicodemi, nisi adderent & sua.* Dixerint apud se pie mulieres: Abundè quidem sufficiunt perungendo corpori Domini nostri myrrhæ & aloë, quæ Nicodemus eam ob rem coëmit, verum soli illi etiam ferrentur accepti sumptus in usum huius unctionis facti, ille solus discipuli verà charitate flagrantis famam obtinebit, itaque studium illius, ac diligentia neque gloriam nobis adferet, neque laudem aliquā parabit, nemo enim nos Magistri nostri amantes, obseruantemque arbitrabitur de illo, quod Nicodemus erga ipsum fecit, neque enim in proprium honorem redundare potest opus alienum. Quare ut illæ merita propria sibi constarent, ad vnguenta Nicodemi addiderunt aromata sua, rata ad solius Nicodemi gloriam facere, quæ ipse fecerat, nihil verò commodi ad se inde deriuari, nec satis habentes aromata Nicodemi, nisi adderent & sua. Aliena parum nobis conferunt merita, curandum ergo ut habeamus propria, nam quæ alij faciunt, quamuis opitulari nobis utcumque queant, prorsum tamen iuuare non possunt.

Maias Propheta ingrato populo ex Deo hæc aiebat: *Audite me domus Iacob, qui porramini à meo Gero, & gestamini à mea Vulua;* Isa. 46. 3. videte quomodo me in vos beneficentia respondeatis, quos totis visceribus meis complector, & circumfero, quemadmodum alio sua circumferre puerum suum gruida mater solet.

Hugo Cardinalis ait: *Nota, familiariter se dicit Christum matrem, peperit enim nos cum dolore magno, in lecto duro satis, id est in cruce.* Subdit autem: *In partu vero dolor est non solum matris, sed etiam fetus.* Et de muliere quidem Christus dicebat, cum parit, *Christiam habet, mortaliterque affligitur, quia venit hora eius* (Ioan. 16. 21.) timens ne illa fiat ei hora vitæ suprema, propter præsentaneum periculum, cui exponitur, dum suum luci pignus exponit: Nichilominus etiam infans ex illis vteri materni angustijs absque dolore non erumpit.

Quid ergo mysterij habet, quod Christus mater vocatur, quæ nos in cruce cum ingenti suo cruciatu peperit, cum & filij eius non sine dolore nascentur?

Respondet Hugo ibidem: *Quia non sufficit dolor*

*matris, id est, Christi, sed exigitur dolor filij.* Quantum ad efficaciam non satis est fidelibus sola passio, & mors Christi, ut saluentur, & sint illius efficaces filij, nisi adimpleant, quæ defunct passionum Christi in carne sua, operaque, & merita bona adiungant propria.

Confirmatur hoc illà Christi sententiā: *Si quis vult post me venire, abneget semetipsum, & tollat crucem suam, & sequatur me;* Matth. 16. 24.

Hugo Cardinalis monet obseruare, quas conditiones Christus requirat, in eo, qui vult ipsius verus esse discipulus. *Tollat crucem suam. Suam dicit, non meam, quasi dicat, Dolor meus non sufficit, nisi adsit & vester.* Quanquam enim efficacitatis infinitæ sint merita Christi, efficacia tamen nostræ saluationi non erunt, nisi nostra bona opera, & merita accedant ad illa. Itaque tamen operum alienorum auxilia implorare debemus, parum tamen ea iuuabunt, aut proderunt, nisi cum ijs concurrant nostra propria studia.

Cum Barbarus Pharaon iniquè acciperet discessionem Israelitarum, plurimis curribus, & magno equitum, peditumque armorum exercitu eos infectatus fuit, ut victos, captiuosque sub iugum pristinae seruitutis per vim reduceret. Venit ergo rex cum suo apparatu, & horrido strepitu militari, furens, & efferratus. Viderunt illum Israelitæ, metuque tantum non exanimari optabant nunquam extulisse pedem Egypto, erigebat vero illos Moyses, & securi animi esse iubebat, dicens: *Dominus pugnabit pro vobis, & vos tacebitis;* Exod. 14. 14. quod ex interpretatione Abulenſis eiusmodi est, ac si dixisset: *Non pugnabitis, non clamabitis, sed solum respicietis, qualiter Deus facit magna in Egyptios,* miracula nunquam audita videbitis, nec enim vel arma corripietis, vel voces aliquas dabitis, & tamen liberi, ac salui euadetis.

Ioannes Cluniacensis Serm. 25. Tom. 3. ait: *Sensui spirituali hoc applicari non potest;* velut dixisset: *Quamuis nihil ferè sit in sacris literis, quod transferri ad spiritualem nostram institutionem non possit, iuxta illud Sancti Pauli: Quacunque scripta sunt, ad nostram doctrinam scripta sunt;* Rom. 15. 4. non video nihilominus, quomodo illam Moysis sententiam vertere ad nostram eruditionem queam. Sed quare ad spiritualem doctrinam, & admonitionem nostram commodè adhiberi illud Moysis effectum non possit? Res ipsa id loquitur. Quid enim ait Dominus per Moysen? *Ego pugnabo, & vos tacebitis, ego rotæ triumphi, quem reportabitis, causa*



cro, sic ut vos nihil laboris huc conferatis, & ne voces quidem dare opus habeatis. Dicit nunc Ioannes Cluniacensis: *Sensus spiritualis illi quem hoc capite persequimur, hoc applicari non potest.* Putare enim quod in conflictibus animæ, dum pugnamus cum nostris capitalibus hostibus, qui nobis, ne in æternæ gloriæ terram promissam ingrediamur, obfistunt, Deus solus & dimicaturus, & omnia facurus sit, sic ut nos tanquam muri taceamus, nihilque vel loquamur, vel agamus, neque studia nostra ad merita passionis illius adiungamus, notoria deceptio est, & manifesta stultitia.

Commodum huc venit illud Ecclesiastici 40. v. 30. *Vir respiciens in mensam alienam, non est Vita eius in cogitatione vitæ, alit enim animam suam cibis alienis.* Græcus sic vertit: *Non est Vita eius in assimatione, reputatone, computu vitæ, ac si dicas, talis Vita non est assimanda, & censenda Vita, sed mors potius,* inquit Cornelius à lapide. Tigurina translatio ita habet: *Viri mensam alienam spectantes Vita non est pro Vita deputanda.* Biblia Complutensis legunt: *Vir respiciens ad alienam mensam, non habet Vitam in ratione vitæ.* Syrus ita reddidit, qui sperat in mensam alienam, nemo reputavit vitam. Horum omnium vna est sententia, nauci faciendam esse vitam, quæ à mensa dependet aliena, & suam sibi aliunde velut mendicatio parat alimoniam. Vita enim, quæ aliorum nititur benevolentia & liberalitate, non est pro Vita reputanda, aptiusque mors nuncupatur. Tantumdem dicere possumus in rem præsentem. *Vir respiciens in mensam alienam, non est Vita eius in cogitatione vitæ.* Christianus, qui meritis præfidit alienis, qui spem suam in pœnitentijs, macerationibus, inedijs aliorum positam habet, neque ipse col laborat, non est Vita eius in cogitatione vitæ, non ille cogitat saluari, aut si cogitat, male, & stultè præsumit, quamdiu enim non studuerit, & usus fuerit operibus proprijs, parum commodi habebit ex alienis.

Parte 2. Politici lib. 3. c. 4. prolixius, feliciterque hanc rem tractat. Ibidem ad finem inuenies alia loca adscripta ex Strabon. Tomo priore, & ibi in eodem argumento versatur.

## CAPVT V.

Non est honorificum, & gloriosum à nobilibus, & gloriosis parentibus esse oriundum, nisi nobiliter viuas, & generosis operibus studeas, quisque enim suorum actionum est filius.

Itaque festum epulum illi diei seruatum fuit, quæ puer Isaac ab vberibus maternis abdicatus: *Fecit Abraham grande conuiuium in die ablationis eius.* Ratio huius, quam ex Sancto Augustino, Caietano, Pererio adduximus, aptè huc cadit. Neque natalis, neque circumcisionis dies Isaaci, sed ille tantum splendido conuiuium magnificè celebratus fuit, quo puer ab vberibus auulsus, quod per se ambulare, & visitare soleat homo, cum in eam ætatem adoleuit. *Huius autem introducenda consuetudini, congruens fuit ratio, nempe: Et cum infans comedere per se inciperet, tunc id commune multorum conuiuantium lætitiâ celebraretur,* inquit Pererius. Cum lac puero maternum subtrahitur, tunc festa rectè insituntur epularum gaudia, quando scilicet maturi homines esse incipiunt, ut qui per se cibum sumere, & hac, illacque ire possunt. Hinc intelligimus, verum totumque gaudium liberorum non esse positum in virtutibus & pijs actionibus suorum parentum, sed in ijs, quibus ipsi operam nauarint. Quæ enim ipsi bene agunt, hæc illos nobilitare, hæc facere illustres debent. Nam cum suorum operum quisque sit filius, ut communi fertur adagio, & sibi quisque genus faciat, ad gloriam, sine infamiam, ad honorem, siue dedecus parum facit origo parentum. Quare Sanctus Petrus Damianus lib. 7. epist. 14. ait: *Frisuolum est proauorum iactare titulos.* Si quis vacuus est virtutibus, & omni egregiorum facinorum decore nudus, nã ille vanè, ac ridiculè gloriatur inclytorum maiorum suorum præclare gestis, victorijs, triumphis: Quid refert, quod quis dicat, se descendere à Guzmanis, Mendozaijs, Sandoualijs, Cerdis, Osarijs, Pimentelijs, Zunigis, Enriquijs Velascijs, Figuerois, Cardenijs, Cuenis, Riberis, Poncijs, si ille talis est, ut infamis vitæ contaminatis moribus omnem obscuræ suæ regis originis splendorem, si velut vilis terebula radicem tam illustri trunci radit, vitiat, corrumpit, quem ab illustri familia quidem venire, sed tanquam fugitiuum, dicemus.

Duos exploratores à Iosue ad terram, urbemque Iericho ablegatos sacra illius historia c. 2. v. 1. his verbis narrat: *Misit ergo Iosue filius Nun de Setin duos exploratores in abscondito.*

Magnus Hispanus noster Arias Montanus notat hic, quod Iosue hoc in loco vocatus fuit filius Nun, deinceps verò vsque ad diuisionem terræ promissionis, & felicem obitum suum non amplius ita appellatus, quando distinctio, & ordo rerum postulabat ut iterum filius Nun diceretur. Arias verba sic habent: *Misit Iosue filius Nun, hoc est, dum adhuc fuit.*



*Ismo: Nam cognominaretur, neque suo nomine magis, quam paterno cognomine clarus esset. Postquam vero tam imperator publicè declaratus, atque susceptus, & salutatus fuit, ita clarus, celebrisq; propria dignitate, perpetuò deinceps Iosue appellatur, nullà patris mentione factà. Cum nihil adhuc memorabile patraisset Iosue, à patre cognominatus, & filius. Nam dictus fuit: At postquam dux populi supremus reuerentia tus, & strenuorum operum luce splendescere cœpit, iam de proprio nomine tantum, nullà patris factà mentione, designatus; & Iosue solum vocatus fuit, tanquam dictum fuisset: Deinceps Iosue non ut sui patris, sed ut operum suorum filius considerari; habetiq; debet: Clarus, celebrisq; propria dignitate perpetuò deinceps Iosue appellatur, nullà patris mentione factà. Parum prosunt filijs opera parentum, cum ipsi suorum operum sint filij.*

Habet titulus Psalmi septimi aliquid difficultatis, quod excutiamus, spectatq; ad genus, & prosapiam Chusai, vel Chusi. Titulus hic de illo quidpiam affirmat; quod contradicere videtur his, quæ in libris Regum narrantur. Inscriptio Psalmi, quem dixi, sic habet: *Psalmus David, quem cantavit Domino pro verbis Chusi filij Iemini.* Secundi vero Regum c. 16. v. 16. dicitur: *Cum venisset Chusai Arachites amicus David ad Absalom, locutus est ad eum.* Itaq; in Psalmis vocatur Chusai filius Iemini, in historia Regum filius Arachi. Quomodo rectè accipimus illa tam distincta, & diversa nomina?

Euthymius iubet indagare significatum nominis Iemini, atque inde accipere dubitationis declarationem. Quid ergo sibi vult Iemini? Respondet Euthymius: *Iemini dextera interpretatur.* Dextera autem sagacitatis, solertia, industria, & discretionis est symbolum. Chusai prudentia, & industria, & dexteritas tanta fuit, ut per illam dissipaverit machinationes omnes proditoris Absalom, totiq; regno pacem attulerit, & Davidis initium ultus fuerit. Nisi consilium Chusai obtinisset, magna hominibus, rebusq; omnibus vastitas allata fuisset. Melius est consilium Chusai Arachita consilio Achitophel, dicebant Absalom, omnesq; illius consiliarij z. Reg. 17. 14. ex quo factum fuit, ut regnum quiete potiretur, & Davidi pristinus suus splendor rediret. Cum ergo tanta esset dexteritas, tanta solertia, sagacitasq; Chusai, deinceps filium Iemini, & non de patre Arachitam nominare voluerunt. De quo Euthymius ita: *Ab huiusmodi strenuo opere appellationem hanc Chusi consecutus est, ut Iemini filius diceretur, siquidem Iemini dextera interpretatur.* Cum quisq;

suorum operum sit filius, & illud tam sagacis consilij factum valde insigne, & memorabile fuerit, obliti homines nomen patris Arachi, putarunt illum vocandum filium Iemini, siue dextera, industria, solertia, magis enim nobilitant præclara facta propria, quam sanguis illustrium aorum. Propterea dicit Euthymius: *Mos est scriptura sacra ab studiis, tanquam à parentibus filios nominare, veluti filium pacis, filium sapientia, filium perditionis.* Est enim quisque suorum operum filius, adeoq; ab illis appellationem suam trahit magis, quam à patre, qui genuit.

Non importunum huc veniet quoddam Onofandri consilium, qui suadet in electione supremi militum ductoris merita illius, cui hoc officium demandum est, expendere, quæ verò à maioribus illius gesta sint, non inspicere. Verba eius in Stratagematis c. 1. sic habent: *Nam & gentilem quoque, siue maiorum virtutem amare licet presentem, nefas quærare absentem, aut huius tantum gratia, & favore dignos imperio existimare. Ut autem animalia, quorum strenua opera est, generosa dicimus, sic generosi homines ex sua, propriaque, non aliena, aut adscripta virtute iudicandi. Amentis enim est, quod præclare à maioribus gestum sit, inspicere, nec quid ipsimet eligendi præstare possint, expendere.* Ex his ita pronuntiamus, neminem debere curare vel natale solum, vel truncum, ex quo pullulavit, vel maiores, à quibus sanguinem accepit, nisi ipse talis sit, ut ab illis ducere originem meruerit: Actiones enim propriæ sunt, quæ verè existimationem, dignitatemq; conferunt, quisque enim suorum operum est filius, siue bona ea sint, siue mala; ac propterea homini probo parentes improbi nihil derogare, neque scelera-to famam conciliare gloriosam aui illustres possunt. De vera nobilitate inuenies plura in 1. p. Politici cælorum tab. 2. c. 3. & alijs in locis ad finem illius c. adscriptis.

## CAP. VI.

*Cum in nostra potestate sit facere nobis genus, & excutere domum, neminem contristare obscuritas, & vilis maiorum, ex quibus oritur, debet.*

Hoc capitulum necessario sequitur ex præcedente. Nam ut multis honorificum quidem est, quod ex illustribus parentibus oriundi sint, ad veram tamen nobilitatem parum facit, nisi maiorum suorum esse similes studeant, & nobilitatem illam generosis moribus testatam faciant: Ita nonnullis adferre merorem potest, quod Icem animo ad proa-



uos suos recurrunt, ex viris obscuris, aliectis, tenuibus, mendicis se natos vident. Verum ut hos con-  
soler, tristitiamque omnem illis adimam, volo vnum-  
quemque monere, quod in potestate cuiusque pos-  
tum est, facere seipsum magnum, clarum, illustrem,  
& generosum, sic ut nihil illum suorum fuligo maio-  
rum obscuraret. Nam si præclara facinora edat, si he-  
roicarum virtutum exercitationi studeat, si opera  
strenua tractet, peculiare sibi genus faciet, & pro-  
sapiam singularem, & stirpem propriam, quæ & pa-  
rentum suorum obscuritatem illustret, & posteris  
omnibus splendorem adferat.

Salomon Ecclesiastæ sui c. 3. v. 2. ait: *Tempus nascendi, & tempus moriendi.* Cum omnia tempus habeant, certe ijs tam communibus rebus, natiuitati, dico, & morti suum deesse tempus non poterat.

Sanctus Gregorius Nyssenus homil. 6. in Ecclef. ait, hæc non de corporali tantum, verum etiam spiri-  
tualis natiuitate, & morte accipienda. Quomodo  
ergo intelligemus illam mortem, & natiuitatem, or-  
tum istum, & occasum? Respondet Sanctus Doctor,  
esse quandam mortem, & natiuitatem, quæ in homi-  
num potestate, & arbitrio sit posita. Verba illius ita  
habent: *Nobis ipsis quodammodo patres sumus, quan-  
do per bonum animi institutum, liberumque arbitrium  
nos ipsos formauerimus, & genuerimus, & in lucem  
ediderimus.* Quod ergo Salomon ait: *Tempus na-  
scendi;* tale est ex interpretatione Nysseni, quale si  
dixisset: Si quis forte queritur, quod ex ignobilibus,  
obscuris, infimis parentibus descendat, non pro-  
pterea lugeat, neque consternatur animo, non pro-  
pterea doleat, ut qui cum diuinæ gratiæ opitulatio-  
ne ipse sibi nouum virtutum, & bonorum operum  
genus excitare possit, quo & naturalis familiæ, stir-  
pisque vilitatem regat, & illustret nebulam. Verum  
enim genus, & antiquissima nobilitas ea est, quæ  
a virtutibus descendit, quoniam nobis ipsis quodam-  
modo patres sumus, & in nostra potestate situm est, ut  
multa virtutum heroica opera edentes, gloriosissi-  
mam propagemus posteritatem, & nobilissimam  
successionem.

S. Hieronymus obseruauit, quod & vos omnes  
aduerteritis, in diffusa illâ, proluxaque recensione  
maiorum Redemptionis nostri Christi quatuor mu-  
liertum ferimentionem, quæ fuerint peccatrices.  
Ex sunt Bethsabee, Thamar, Ruth, Rahab. *Noran-  
dum,* inquit ille, *in genealogia Saluatoris nullam san-  
ctarum assumi mulierum, sed eas quas Scriptura re-  
prehendit.* Et verè sua habet momenta, quod tantus  
Doctor expendendum putauit. Quid verò est, quod

Saluator noster ex prosapia nasci voluit, in qua &  
mulieres non pauca fuerunt flagitijs insignes, & viri  
multi multis sceleribus cooperti, qui poterat sibi ho-  
mines, ex toto mundo intaminatissimos, integerrí-  
mos, sanctissimos deligere maiores, ex quibus nasce-  
retur, postquam semel illi constitutum fuit naturæ  
suz diuinitatem nostrâ humanitate regere, & car-  
nem nostram in consortium suæ personæ admittere?

Euthymius in c. 1. Matth. respondet huic quasi-  
to dicens: *Per talia decemur, non de progenitorum  
peccatis, sed de proprijs erubescere, neque de maiori-  
bus gloriari, sed propria curam habere virtutis.* Quod  
ergo Dominus non dedignatus est ex ijs maioribus  
suam temporalem ducere originem, qui vitam in  
peccatis duxerunt infamem, hoc fecit, primum ut  
nos moneret, quam parum damni ac turpitudinis  
nobis adferre maiorum nostrorum malefacta pos-  
sint, dum eorum modò turpia vestigia non consecta-  
ri velimus, deinde ut instrueret, quod parum nobis  
prodesse illustria clarissimorum aurore gesta queant,  
si nos tanquã viles, & nothi defectum ab itinere,  
quod illi tenuerunt, & ab eorum virtutibus degene-  
remus. Nam cum ipsi nobis prosapiam peculiarem  
nostris operibus faciamus, in nostra potestate est no-  
stra infamia, in nostro arbitrio nostra nobilitas.

Sanctus Iob de impijs ex translatione LXX. In-  
terpretum c. 21. v. 8. ait: *Semen eorum secundum  
animam, filij eorum in oculis.* Hanc versionem secu-  
tus Sanctus Ambrosius querit, quidnam hoc sit ge-  
nerationis, & posteritatis, de qua exemplar patien-  
tiæ ait, & animã suam habere originem natalem  
(*Semen eorum secundum animam*) cum tales prosa-  
pias non norint genealogi, qui nobilium familiarum  
fontes indagant, & primordia inuestigant. Respon-  
det Sanctus Doctor, sanctam, & castam esse, atque  
ex electione, libertateque nasci eam prosapiam,  
quæ de Beatissimus Iob loquitur. *Filios ergo Scriptu-  
ra pro operibus frequenter & surpat, eò quod locuple-  
rior in factis, quam in filijs sit nostra posteritas,* inquit  
ille lib. 2. de interpellat. Iob. c. 4. Posteritas ita-  
que, & successio, de qua hic Iob agit, ab anima de-  
scendit (*Semen eorum secundum animam*) suntque  
opera seu bona, seu mala, quæ facit homo. In sua  
anima habet quisque aliud solum, in sua anima ha-  
bet alium locum, in quo sibi excitare possit nobilissi-  
mam domum, & fundare generosissimam nobilita-  
tem. Ergo non magni facienda domus, ex qua quis  
originem ducat, cum perfacile sit unicuique, sibi ipsi  
genus facere, & posteritatem.

Philo Iudæus obseruauit, quod Textus sacer, cum  
genus



genus inclyti Patriarchæ nostri recensere institueret, magno verborum compendio ad eam narrationem vsus fuit. Sic nimirum habes Genes. 11. 27. *Ha sunt generationes Thare. Thare genuit Abraham, Nachor, & Aran. Quam cito retraxit diuinus historicus calamum, quo ad scribendam genealogiam Abraham vtebatur! In tantum autem Scriptura magni fecit hunc virtutis amatorem, & in stemmate eius non more aliorum auos, proauos, maioresque ceteros, siue paternos, siue maternos recenscat, inquit ille lib. 1. de Abraham. At quam parcus in maioribus illius indicandis, tam prolixus in commemorandis, prædicandisque virtutibus eius Sanctus Moyses fuit. Notauit hoc Philo consequenter ibidem, dicens: Sed virtutes, tantum non diserte claustrans, nullam aliam familiam, cognationem, patriam sapientis esse præter virtutes, & harum actiones ostendit. Docuit ergo eo mysterio, quemque hominum intra se habere genus suum, nec debere aliam diu indagari profapiam illius, qui se studio virtutum consecravit, & operum bonorum exercitationi tradiderit, ut cui illa sint antiquissimi, & nobilissimi tum maiores, tum posterii.*

Secundum hæc multum debemus nobis ipsis, ut qui ex nobis tam facile auferre genere, & familiam, posteritatemque pro nostro arbitratu amplissimam generare possimus. Plurimum etiam nos feceremus, si turpibus actionibus obscuraremus sanguinis claritatem, & dehonestaremus, cum vtrumque in nostra sit potestate, de quo Sanctus Gregorius Nyssenus in lib. de vita Moyfi ista: *Electio propria vnusquisque nascitur, unde fit, & nos ipsi patres quodammodo sumus nostri, qualescunque nos volumus electione gignentes, & aut marem, aut feminam & virtus, ac virtutis ratione fingentes, licet inquam, nobis mares nos ipsos gignere, ac parentibus nostris, cogitationibus scilicet, bonis, quæ virtutem pariunt, voluptatem adferre, iucunda enim est cognatio virtutis. Quid aptius in rem præsentem dici, aut expeti potuit? Vnusquislibet sui arbitrii filius nascitur, ex quo sequitur, quod sibi quisque velut parens sit, & suam originem, posteritatemque, qualem vult, pro sua libidine pingat, formet, effigiet, & siue masculos bonorum operum, siue malorum foemellas generet. Nobis datum est, excitare familiam, qualem, quantamque libuerit, in cuiusque potestate namque est, liberos, quos sibi magis honorificos putet, producere. Electione propria vnusquisque nascitur. Ergo ne luge obscuram originem, sed cura sanctam cum virtute exigere vitam, cum enim sis pater tui ipsius, qualem*

Tom. III.

duxeris vitam, tale habebis genus, parque erit familiæ tuæ nobilitas, & operum.

## C A P V T VII.

*Cum mores pueris quendam velut indelebilem characterem imprimant, expedit à teneris illos exercere, & erudire ad pietatem, & probitatem, ut certam spem faciamus, quod in actionum bonarum studio per omnem vitam reliquam perdurabunt.*

**A**doleuit infans noster Isaac, cumque vidisset Sara filium Agar Egyptia ludentem cum Isaac filio suo, dixit ad Abraham, *Ecce ancillam hanc, & filium eius; Genes. 21. 9.* Oleastri annotatio moralis in hæc verba talis est: *Parentibus elaborandum est, ut non sinant pueros suos cum malis versari, idque propter ingentia damna, quæ ex malorum consuetudine accipere possunt, tam enim tenaces sumus eorum, quæ rudibus annis percepimus, illaque tam profundas in anima radices agunt, ut velut impossibile videatur eas deinceps obliuisci, vel abicere.*

Theophylactus cum suis commentationibus Euangelium Sancti Ioannis illustraret, & ad illa verba peruenisset, quæ Saluator noster de Iuda loquutus fuit, videtur indicare defuisse animo, ut prædeliquio illius persequi expositionem ceptam non posset. Nonne ego vos duodecim elegi, & vnus ex vobis diabolus est! inquit Dominus Ioan. 6. 71. Vbi Theophylactus: *Admirare autem, quod diabolus in tantum infestus est, ut potuerit etiam vnum ex duodecim abrapere, qui suscitabant mortuos, & faciebant miracula, & fruebantur spiritali, & spiritualia doctrinâ Dominus, & quis non obstupescat videns, tantum odij sui pertinaci contentione potuisse infensissimum dæmonem, ut transuersum ageret, & in propudiosissimum flagitium abduceret quendam è medio choro, & collegio thaumaturgorum Apostolorum, qui cum prodigiorum suorum magnitudine, ac frequentia mundum attonito similem redderent, etiam in sinu Christi, & sub eius sanctissima versabantur?*

Quid hinc instituto præsentis opportunum eruiamus? Id quod Theophylactus ibidem subiungit: *& vbi posthac salutis spes nobis, qui sponte à iuuentute nos ipsos malitia mancipamus?* Si tanta fuit vis, potestasque mali dæmonis, ut euerteret, ac peruerteret Apostolum, qui operabatur miracula, reuocabat in vitam mortuos, semperque stipabat vitam, & fontem sanctitatis indiuiduus comes Saluatoris, quam expectare salutem possumus, qui penè simul & viu-

Y



& viuere, & vitijs nos tradere cœpimus? Bonum est hoc argumentum, & valida ratiocinatio à maiore ad minus, & legitima consequentia. Non est magnum, quòd diabolus aliquem à puero malum occupet, qui Apostolum miraculis illustrem prostrernere potuit. Hæc victoria cuidam velut miraculo tribui debet, nam quòd alium abripiat, qui ab incunabulis se vitæ sceleratæ consuetudini addixerit, nihil mirum, res enim ipsa loquitur, quòd in malis vsq; in supremam senectutem perseueraturus sit, qui à primis annis consuetudinem malè agendi contraxerit. Quod enim teneris illis, ac blandis annis insidet, quendam velut characterem imprimi, qui vix deleri, & aboleri posthac queat.

Non possum, quin huc adducam quædam peruulgata Salomonis verba, quæ tamen cum ope insignis Paræmiarum Salomoniarum interpretis Salazar nouâ expositione dilucidabo. Dicit ergo Salomon: *Proverbium est, Adolefcens iuxta viam suâ, etiam cùm senuerit, non recedet ab ea*; Prou. 22. 6. Quod puer terere iter cœpit, huic tam pertinaciter insistere solet, vt vsque ad incanæ senectutis hyemem studia floreat inuenturis.

In his illud primò notandum, quod Salomon, cùm prouerbij nomine donasset omnia huius libri monita, cunctasque eius sententias, hanc etiam singulariter eodem vocabulo denotare voluit, dicens: *Proverbium est*; ac si pluribus, & apertius dixisset: Quancumque veritates, quas cunq; in hoc libro trado, sunt manifestæ, & perspicuæ, hæc vna tamen, quòd nunquam relinquuntur, quæ rudibus annis frequentari sunt cœpta, tam est notoria, tam trita, tam vulgaris, tam crebro experimento comprobata, vt videatur mundus præter hanc aliam non habere veritatem, itaque speciatim de illa etiam affirmo, *Proverbium est*, & commune adagium, & euangelium abbehematum.

Litera originalis eorum verborum sic habet: *In noua puerum ab adolescentia sua*. Commentator Salazar, quem dixi, in hæc ita habet: *Ni fallor lectio ista ad agros pertinet, qui nouari dicuntur, atque inde noualium nomen fluxit*. Quid faciendum noualibus, vt magnâ copiâ edant fructus?

Theophrastus lib. 3. de causis plant. c. 5. ait: *Cura noualium tempore serotino suscipitur, æstate, ac hyeme, et terra solem, ac frigora sentiat*, aruum enim, quod recens proscissum ferre solem, & hyemem, calorem æstiuum, & gelu hybernium assuevit, nullas postea temporis iniurias sentiet. Asperum est cælorum iter, scabrumque, & confragosum, sentibus, &

tribulis confutum, & multa habet, quæ proscindi, & subigi oporteat, hostesque complures, qui superari debeant, in quibus illecebrosa caro, fallax mundus, pertinax diabolus. Vt ne ergò blanda caro suis ardoribus inflammatum superet, neque fraudulentus mundus, suis fictis promissis subuertat, neque dæmon improbâ contumaciâ prosternat, inquit Salomon, *In noua puerum ab adolescentia sua*, sic illum habe, quemadmodum tractari noualia solent, vt fructus optatos proferant. Fac vt puer ab adolescentia consuescat flagris carnem verberare, ieiunijs extenuare, ciliciorum gestatione afflicare, passionibus frænum iniicere, in duro strato somnum capere, *et solem, ac frigora sentiat*, vt cuius temporum inclementiæ se exponat. Nam si à primis annis mutum seruare silentium, paucis, parabilique cibo uti, & pati inediâ, & ferre flagra, & asperum stratum, austeriorisque auræ inclementias tolerare assueverit, suavia ea illi hæc & facilia deinceps accident.

Eapropter Ieremias Propheta Thren. 3. v. 27. aiebat: *Bonum est viro, cùm portauerit iugum Domini ab adolescentia sua*. Quancumque enim in prouectiore ætate etiam portari possit, maiore tamen cùm difficultate hoc agitur, inquit Sanctus Ambrosius. Nam qui illud à teneris annis exceperit, vnum tantum laborem habet, sed qui se illi iam senex submittit, duplicem habet molestiam, & primam quidem, eamque maximam hanc, quòd pugnare cum vetere consuetudine sua debet, alteram verò, quòd nouis armis uti, & assuescere inusitatis virtutibus. *Luctandum est diu huiusmodi viro, et abolefaciat inueterata, atque diuturna*, inquit ille Sermon. 2. in Psal. 118. At si tantum temporis dare debet euellendis antiquis, & profundè radicatis moribus, si tam acriter, contentiosèq; pugnandum, vt expugnet vitia, quæ arcem animæ per diu obtinuerunt, quid illi reliquum erit, vt inusitata virtutum ornamenta, sibi comparet, vel acquirat? Ergo sanum, saluberrimumq; illi, qui saluare cupit, consilium est, vt mox à puero Domini iugo sese oneret. *Bonum est viro, cùm portauerit iugum ab adolescentia sua*, vnum enim tantum habet laborem, quem superet, vnum hostem, quem subigat, difficultatem, aio, assuescendi aspero iugo, & austeritate penitentiae. Difficultatem autem illam paulatim, ac leuiter tollit exercitatio, & vsus à teneris vnguiculis susceptus.

Propterea singulari mysterio factum, vt notauit eruditus Salmeron, quòd Magi Christo infanti obulerunt aurum, thur, & myrrham, Matth. 2. 11. Nam si myrrha significat amaritudinem penitentiae,



viz, & thus ardorem deuotionis, Christo recens edicto populo thus, & myrrha oblata fuerunt, vt inditio esset, quod pueri à primis diebus, quibus sapere incipiunt, ad poenitentiam, orationisque studium sunt erudiendi. *Nec sine causa oblata est Christo puero myrrha à Magis, nisi vt discamus pueritiam mortificatione, & disciplinâ indigere, quia illa etas mollis facile, & virga, flectitur in quamcunque velis partem, si adsit pedagogus, inquit ille de Christi infantia tract. 5.* Tenera iuuentus ceu mollis cera, & gracilis virga facile flecti, formariq; in quamuis figuram finit, & leniter combibit mores, quibus vel parum assueuerit, sic vt neque processiori ætate vir, nec grandæuius senex eos dimittat?

Cardinalis Caietanus superiora verba sic legit: *assuefac puerum*, subaudi, exercitatione operum bonorum. Verum dices mihi: Si puer tam est immaturus iudicio, vt non intelligat, quod docetur, neque sciat, quod sit, quod agit, quomodo ille assuefaciendus, aut imbuendus? Respondet egregie Caietanus: *Assuefac illum, quia quamuis non sit capax doctrinae, est tamen capax consuetudinis, hoc est, vt incipiat assuescere bonis actibus, verbis, moribusque.* Et rationem subiungit: *Quia qua primum imbibimus, retinemus etiam in senectute.* Quancquam puer nesciat, quid commodi adferat silentium, erudiendus tamen est ad taciturnitatem, vt quando ex vsu fuerit, linguam coerceat, & muteat. Quancquam puer ignoret, quid boni includat auscultatio Missæ, adducendus tamen est, vt audire consuecat. Quancquam non intelligat, quanti meriti sit, recensere ad piaculares Rosarij Mariani calculos mysteria vitæ Domini nostri, & Virginem Matrem illius cum Archangelo salutare, assuecat nihilominus vel ebalbutire, quod etiamnum articulare, perfectèque effari non potest. Quancquam non sciat, quid ieiunium valeat, aut quid momenti habeant alia opera bona, assuecat tamen ijs, quia quod puer vñtatus est, id adultioribus annis per omnem vitam posteriorem suauiter, facilliter, & continuatè persequetur. Consuetudo enim à primis vitæ annis cæpta velut character est, qui per omnem ætatem reliquam quasi indelebilis sit.

Quare alia translatio habet: *Initia pueri ab adolescentia sua.* Quid est initia? *Sacris imbue, inaugura.* Sic Ambrosius Calepinus, & Ioannes Passeratius. Ordo sacer, ex certa fidei Catholicæ doctrina, & cõmuni bonorum Theologorum sententia imprimi characterem animæ indelebilem, vt qui nunquam aboleatur. Dicit nunc Salomon: *Initia puerum,*

sacris imbue; hoc est, insitue puerum ad virtutem, & bonos mores, id enim tantum erit, quantum si sacris quoquo modo inaugures: Vt enim in ordine sacro imprimatur character, qui nec deleri, nec eradi ab anima potest: Sic videntur puerorum penitissimis cordibus tam profundè immergi, quæcunque primis annis hauserunt, vt quasi euelli nequeant. Quintillianus lib. 1. c. 2. in hanc rem dixit ista: *Natura tenacissimi sumus eorum, quæ rudibus annis percepimus.* Quam eleganter dictum illud, *Tenacissimi sumus!* quo videtur indicare Quintillianus, quod pueris tanquam character imprimatur, quidquid illud est, quo primis annis consuefunt.

Non intempestiuè veniet, quod Euangelicus Prophetæ ætatis suæ calamitates deplorans clamat: *Vbi est legis Verba ponderans? Vbi doctor paruulorum?* Isa. 33. v. 18. velut dixisset: Perditam illam arbitror Rempublicam, quæ non habet homines, qui vel sententias legis expendant, vel adolescentulos erudiant: *Vbi doctor paruulorum?* Hæc verba apud Lucam Menapiensem alij sic transtulerunt: *Vbi numerator turrium?* Sed quid commune habent doctor paruulorum, & numerator turrium?

Magna est amborum affinitas, si benè vtrunque expendas. Qui enim alium à puero insituit, & ad virtutis studium à teneris annis assuefacit, velut turrim quandam, eamq; inexpugnabilem, & arcem inaccessiblei exædificat. Virtus enim, quæ in pueritia condiscitur, tam profundas validasq; in anima radices agit, vt tam ægrè euelli queat, quam difficile arx, aut turris in edito scopulo sita occupari potest. Ergo erudire pueros, & excitare turres, idem sunt, *Quasi paruuli ab infantia benè edocti turres sint, & tot Respublica defendenda turres erigantur, quot paruuli bonis moribus instruuntur,* inquit F. Lucæ Wadingus in Reg. S. Claræ, c. 2. n. 12. Hinc affirmare possunt, quibus puerorum informandorum munus ex officio incumbit, quantum teneantur illos primis statim maturefcentis ingenij diebus ad omnem probitatem, ingenuitatem, & piorum morum elegantiam fingere, ac formare. Possunt nimirum ex his, quæ diximus, arbitrari, si aliunde fortè nesciunt, quantum sit robur, quantaq; vis, & potestas consuetudinis in teneris annis, & primula ætate contrahæ.

✠(\*)✠



## CAPVT VIII.

Non sunt per ludum ferenda vitia, tamen si videantur ludicra, grauis enim semper est negligentia, quæ irreparabilium damnorum potest esse occasio siue causa.

**M**erito notes, quòd sacer Textus cum subitam Saram narrat, indignationis eius causam aliam nullam commemorat, quàm quod vidit ludentem filium Ægyptiæ ancillæ cum filio suo Isaac; Genes. 21. 9. Eânè verò re tam vehementer commoueri, & exasperari Sara debuit? Omnino debuit? Nam lusus ille, vt affirmant Lyranus, Tostatus, Oleaster, Istella, & alij, non erat alius, quàm quòd Ismael fingebar è luto paruula idola, vt paruulus Isaac ea venerari disceret, quòd tunc quidem per ludum fiebat, sed posthæc ferio fieri poterat, cum ambo adoleuissent. Atque vt Sara sagax, & prudens erat iracitum attulit malo remedium, extinxitque scintillas, ne exurgeret incendium. Non enim debent esse ludus vitia, quantumuis videantur ludicra, ex quibus timeri possunt grandia damna, & quæ restitui non possint incommoda. *Parua enim parua non sunt*, inquit sanctus Ioannes Damascenus lib. 2. de imaginibus, *ex quibus magna proueniunt*, neque per iocum dissimulari debent, quæ paulatim adferre exitium possunt. Quàm hæc vera sint, experientia testis docet.

Magnus Origenes plurimum admiratur, quòd inter alia tam varia, quàm terribilia, & dura supplicia, quibus iratus Dominus durum Pharaonem, barbarosq; Ægyptios castigauit, etiam sciniphum plaga fuit, de qua Exodi 8. v. 16. sic dicitur: *Extende virgam tuam, & percutite puluerem terra, & sint sciniphæ in vniuersa terra Ægypti*. Extendit Aaron manum cum illa tot prodigiorum opifice virga, & ingentia extemplò sciniphum examina in hominibus, & iumentis orta sunt, omnisque pulvis in id genus animalcula versus per omnem Ægyptum fuit. Hæcne plaga dici debuit? inquit Origenes. Hæcine nomen terribilis poenæ meruit? Quòd atræ, densæque, & palpabiles tenebræ totam obscurarunt Ægyptum, quòd aqua in sanguinem versa est, quòd cælum immugit, & fulgurauit, velut totam igne, & fulmine vastare terram velleret, quòd tanta strages illata pecoribus, quòd primogenita omnia non iumentorum tantum, sed & hominum contrucidata, vt nulla esset sine funere domus, hæc supplicia appellari horribilia merito possunt, & porro debent.

Sed quid in his numerentur etiam sciniphes, tantillæ musculæ, quæ tamen si non attulissent grauissimum, terribilissimumque cruciatum, in catalogo horribilium plagarum cum cæteris recensitæ à Spiritu sancto non fuissent? Quid habent sciniphes, vt ex earum proprietatibus conijciamus mysterium?

Origenes homili. 4. in Exod. ait: *Hoc animal pennis quidem suspenditur per aëra volitans, sed ita subtile est, & minutum, ut oculis visum, nisi acutè cernentis, effugiat, corpus tamen, cum insederit, acerrimo terebrat stimulo, ita ut quem volentem videre quis non valeat, sentiat stimulantem*.

In his notate illa, *Acerrimo terebrat stimulo*, & acerbissimam plagam infligit. Quis hoc cogitare potuisset, quòd tantillum animalculum tam cruciabiliter fodicare, & sauciare valeret? Ille hoc testari potest, qui inuitus, nolensque expertus fuit. Vt ergo videamus, quantâ curâ, & vigilantia propulsare à nobis vitia, quæ minima videntur, debeamus, quàm sollicitè, & studiosè fugitare peccata, quæ apparent ludicra, & exigua, propterea numeratur sciniphum plaga in alijs immanioribus, & atrocioribus Ægypti; quia sæpè ex peccato, quòd sciniphus, aut muscula videtur, elephas nascitur, quem posthæc fortè subigere non possumus, & ex dolore, quem hic de musca genitus elephas adferre solet, æstimare possumus, quanta fuerit plaga prioris leuis, ac minutulæ culpæ, quæ per nostram oscitantiam subingressa lamentabilium posthæc tragædiarum est causa: *Quam volitantem quis videre non valeat, sentiat stimulantem*.

S. Petrus Damianus videtur auscultasse Origeni, quando serm. 73. ait: *Parua quidem ciniphes superbi Pharaonis, & totius Ægypti superare virtutem*. Docemur tali exemplo, ne ludum habeamus parua errata, neque eas culpas quas parum scrupulosi, & qui sunt laxiore conscientia, ineptias, & longos logos, & pueriles nugas vocare amant, quæ tamen grauius infligere damna nequeant, ob hoc tamen cauendæ summopere sunt, & abolendæ, quòd grandibus incommodis fores aperire soleant.

Dæmon quidam tam ferox, & sæuus, vt domare illum nemo posset, aduenientem procul inde Dominum vix fenserat, quando ad pedes eius affusus magnis vocibus succlamauit: *Quid mihi, & tibi, Iesu fili David aliusquis? adiuro te per Deum, ne me torqueas*; Marci 5. 7.

Cardinalis Caietanus in eorum verborum expositione ait: *Fingit dæmon, nihil sibi commune esse, & Christo, hoc est, nihil negotij habere cum eo, cum tamen multum*.



*multum negotij cum eo haberes, tentando, & explorando, utrum esset filius Dei, ut inde occasionem lacessendi illum pertinacissimo, & sanguinolentissimo bello haberet.* Quando malus dæmon dicit, nihil commertij habere cum Christo, quando dicit, nolle habere quidquam negotij, tunc dolos struit, & negotia machinatur perniciabilissima. Affirmat, exi-  
gui momenti reculam esse, quâ de cum Christo communicare velit, atque interim grauissimum bellum meditatur, Christoque adornat: *singsit demon, nihil negotij habere cum Christo, cum multum negotij haberet cum eo, tentando.* Habet hoc consuetudo dæmonis perpetua, ut extenuet errata, diminuat de mole, & pondere peccatorum, nosque fascinet, ut eadem tanquam ludum habeamus, atque ita nos crudeli bello infestet. Quare peruigiles viuere debemus, & cogitare, quod ex neglectu minimarum imperfecti-  
onum toti montes damnorum irreparabilem exurgere soleant.

Huc facit, quod eminentissimus Cardinalis Osiensis sanctus Petrus Damianus serm. 73. ait: *Breue tempus est hora, sed dum hora hora continuâ successione coniungitur, totius vite nostra cursus impletur.* Tantundem in leuibus istis culpis accidit, inquit Damianus. Vnaquælibet per se solam incommodare nihil potest, sed tam possumus esse oscitabundi, earumque negligentes, ut dùm illam hodie, cras hanc susque deque habemus, paulatim anima nostra ita intepestat, ut omne virtutis studium deponat. Itaque de omnibus curandum est, sic ut nullum sit tam exiguum vitium, quod non pertimescamus, idque propter damna, quæ redundare in animum ob eius neglectum possunt.

Facultatem, quacum discipulos suos ad prædicandum in mundum Christus emisit, commemorat beatus Lucas c. 10. v. 19. ubi Dominum ita loquentem inducit: *Ecce dedi vobis potestatem calcandi supra serpentes, & scorpiones.* Et Propheta regius loquens de iusto ait in Psalmo 90. v. 13. *super aspidem, & basiliscum ambulabis, & conculcabis leonem, & draconem.*

Sanctus Gregorius Nyssenus ait, quod de iusto dicitur, ambulaturum super aspidem, & basiliscos, id otiosum videri, cum de eodem affirmetur, quod leones, draconesque conculcabit. Sic & superuacaneum videtur, quod discipuli feruntur calcaturi minores scorpiones, qui maiores serpentes pedibus prostraturi dicuntur. Nam cum aspidem, & basilisci, & scorpiones animalcula sint exigua, accepisse in hæc potestatem, non videtur res tanta esse, ut de ea nos tan-

to perè commonere Propheta debuerit, quod facit, cum ait: *Super aspidem, & basiliscum ambulabis.* Quid ergo sibi vult illa tam ampla in scorpionem potestas?

Respondet Nyssenus homil. 5. in Cant. *Siciliter conculcantur leo, & draco, qui eminent, atque serpens, & scorpis, qui videntur inferiores, in omnes ex aquo plantam immittit, hæc & fugans, & ab his ad alta transiens,* tanquam apertius dixisset: Non est cur ludum putemus culpas veniabiliores, & minutiora peccata, quia scorpion, aspidem, basilisci, animalia exigua, ita calcari iubentur, ut serpentes, dracones, leones, quæ & corporis mole, & magnitudine ferociæ excellunt, soloque aspectu iniicere horrorem solent, *In omnes ex aquo plantam immittit.* Contrâ omnia miles Christi armatur, nulla tam est exigua culpa, quæ non sollicitare illum, nullus tam inodius defectus, quem non magno studio cauere debeat.

Vna quippè scintilla totum sæpè depasta montem fuit, & paruus viperæ morsus lethalem pestem nonnunquam peperit. Monet hoc S. Gregorius Magnus Magni Basilij amicus, dùm hic canit:

*Scintilla magnam parua flammam concitat,*

*Semenque pestem vipersa sæpè attulit.*

*Id cum scias, vel paruulam labem fuge,*

*Discrimen ingens namque gignit paruula.*

Quicumque nôsti, quàm ingentia mala nasci è paruis soleant, inquit magnus ille Theologus, caue, caue ea, sunt enim scintillæ, à quibus vasti conflagrare montes, semina sunt, vnde proceræ, opacæ, prolixæ exurgere arbores soleant. *Vel paruulam labem fuge, discrimen ingens namque gignit paruula.* Quot domus incendio sunt absumptæ propter vnâ in foco relictam, neglectamque scintillam? Quot animæ perierunt, quia paruâ non statim excluderunt, atque emendârunt errata, quæ cum ineptiæ reputarentur, maximorum, & grauissimorum occasionem damnorum postea præbuerunt? Quàm multi cum non paucis iamētis fatebuntur huius doctrinæ veritatem, & necessitatem, qui plurima sæpè nec qualiacunque mala incurrerunt, eò quod leuoris notæ errata non fugitarunt, neque fores peccatis minoribus oppressulârunt?

*Vide in Secunda parte Politici calorum lib. 8. cap. 5. & loca ad finem illius ex alijs Tomis appressa, & b. similis hortus colitur.*



# LIBER XI.

## VITÆ ABRAHAM.

## CAPVT I.

*Languidus, & remissus, & ignauus operarius est, cuius plura opera plus vno non valent, ille verò robustus, & strenuus, cuius vnum opus pluribus par est.*

**E**ruenimus iam ad factum omnium, quotquot vel in voluminibus temporum, vel in annalibus sæculorum, vel in sacris oraculis Scriptores, & historiarum referunt, memorabilissimum, prodigiosissimum, portentosissimum. Ingressi sumus, inquit Chrysostomus, vt videamus sacrificium maxime nouum omnium, quæcunque aræ aliquando imposita sunt, & oblata, in quo (mirum!) pater sacerdos pueri factus est. Quis vnquam vidit patrem, qui pro solius Dei obseruantia eximeret gladium, manusque & pedes alligaret filio, vt eius sanguinem funderet, illumque Domino victimam mactaret? Hic hic est, vbi vnus Abraham vicit Iephte, superauit Codrum, excessit Brutum, transcendit Decios, & quod oppidò maius est, ipsum adedò Dominum, qui operis autor fuerat, velut admirandum, & attonito similem reddidit, vt diceret: *Quia fecisti hanc rem*; Genes. 22. v. 16. vbi Oleaster in annot. moral. ait: *Hic Dominus non solum opus commendat, sed tanti facit, Et nomen, quo laudis, aut operis impetrat, non inueniat.* Vidit Deus ingentes senis patris animos, vidit pectus, cui non certum exequi iussu, vt ad eandem iam constriatum, saxoque impositum haberet filium, illum vnigenitum, illum tenerrimè, & vnice charum, illum, in quo gloriosæ posteritatis spem omnem repositam haberet, simul autem atque hoc vidit, velut obstupuit, & dixit, *Quia fecisti hanc rem.* Tam longè namque prætergressus fuit, in primis quidquid illud ab humanis viribus expectari possit, vt ipsum Deum videantur destituisse verba, quibus factum illius satis declararet, & pro dignitate extolleret. Hæc est quædam earum actionum, quas strenuus Christi miles in primis imitari debeat. Insigne hoc inclyti Patriarchæ nostri facinus quædam velut summa est omnium illius præclare gestorum, & quoddam acta illius cætera velut obscuret, & vnum plurius instar sit. Hæc sunt opera, quæ vehemen-

tius appetere, & æmulari enixius debeamus: Nam multa facere opera, quæ vix vno sint digna, ignaui, & remissi animi est, generosi verò & magnifici pectoris, vnum aliquod agere, quod valeat quantum plura.

De Salomone refert sacer Textus, habuisse mille vxores, cumque de liberis eius agit, ait tres tantum genuisse, in quibus duæ filiæ, filius vnus. Hoc secum reputabat Suidas, quando verbo Salomon cum admiratione aiebat: *Ex mille vxoribus solus illi mas natus est Roboam filius, & ipse ex aliena Naama Ammanitide.* Hic rei ieiunias, & exilitas admirationem non paruam gignit, maiorem autem pareret, si peperisse mille filios matrem vnā audiremus. Nam facere opera multa, quæ ad pretium vnus operis vix accedant, magna operandi remissio est, sed vnum aliquid tam enixè, affectuosè, ardentè, ac studiosè agere, vt valeat quantum multa, is præstantissimus, & laudabilissimus agendi modus est.

Oecumenius obseruauit aliquid dignum, vt ego quidem arbitror, notatu, & consideratu, nimirum, quod Euangelistæ varia Christi ante mortem prætrata miracula narrent (de quo S. Petrus quidem Actor. 10. v. 38. ait, quod pertransiit benefaciendo, & sanando omnes oppressos à diabolo, alij verò referunt excrasse mortuos, illuminasse cæcos, curasse ægros, malisque, & infirmitatibus omnibus medicatum fuisse) non tamen leguntur aliquod commemorasse prodigium, quod fecerit, postquam seipsum suæ diuinitatis brachijs ex funesto sepulchro in gloriosam, & triumphabundam vitam erexit, vi propria factus rediuius. Oecumenij verba in cap. 10. Act. Apost. sic habent: *Non signum aliquod post resurrectionem fecit.*

Quid causæ esse queat, quod pius & potens benefactor tam stupenda, & innumera miracula fecit, quando in carne passioni, & mortui obnoxia etiam dum vixit, demum verò manus à signorum operatione auocauit, cum à morte per dies quadraginta cum discipulis sæculè conuersatus fuit? Destituitne illum potentia? Nequaquam. Immo verò valentior quodammodò resurrexisse videtur, postquam mortem subegit, strauit dæmonem, omnesque præclarissimi



clarissimi nominis sui hostes superauit. Cur ergo inclutus victor nullum per id tempus prodigium fecit?

Respondet Oecumenius: *Resurrectio ipsa satis magnum miraculum fuit.* Quod supernus Magister nihil signorum post suam resurrectionem fecit, id non accidit, vel quod potentia illum destituerit, vel imminutæ fuerint eius vires, sed quod resurrectio ipsa ad commendandam ipsius magnitudinem, & si dem diuinitatis adferendam abundè sufficeret: *Resurrectio ipsa satis magnum signum fuit.* Quod enim aliud tam inauditum miraculum, tam nunquam visum prodigium, quàm quod seipsum tam gloriose excitauit, qui vili in patibulo tam propudiosè morte defunctus fuerat? Hoc miraculum tam rarum, vt postremum, sit & epitome, & breuiarium omnium fuit. Hoc opus tale fuit, vt vnum valeret, quantum multa, quo vitæ mortalis actiones omnes, & illustra facinora, & acta quæcunque egregiè, insigniter, & magnificè comprobauit, & confirmauit. Hic est clarissimus operandi modus, facere vnum, quod par sit multis, & vno miraculo plura complecti, facere autem multa, quæ vix vnum exæquent, magna ignauia est, & languentis animi remissio.

Acutè notauit Philo, quod Deus, cum promitteret Abraham mercedem, quam illi pro relictis ex ipsius iussu patria dare vellet, hoc vnum in multis alijs præmium ei designauit: *Factam te in gentem magnam;* Genes. 12. 2. tanquam dixisset pluribus: Ne verearis exulare à patria, ego namq; omnia possum, scioque abundè remunerare, quæ mihi cunque exhibentur officia, ac faciam, vt magnæ gentis patrem omnis te posteritas admiretur. Philo lib. 1. de vita Abraham ait: *Non sicut ordo verborum poscere videbatur, multam multitudinem, sed magnam dixit.*

Cur verò sic locutus est ex Spiritu Sancto Scriptor sacer? Respondet Philo: *Sciens multam per se imperfectam esse magnitudinem, nisi accedat eius intelligentia, scientiaque.* Quid enim prosunt multa contemplationes, nisi singula conueniens incrementum accipiant? Nam ne ager quidem probatur, in quo innumera plantæ sunt humiles, nulla verò stirps satis exulta, quæ tam fructum proferre possit.

Quàm admirabilia in his illa, *Quid prosunt multa contemplationes, nisi singula conueniens incrementum accipiant?* Videtur mihi Philo, cum talia diceret, defixos habuisse oculos in huius nostri tritis, & miserij sæculi tepidos, frigidis, gelidos, ignauosq; Christianos. Quid utilitatis habet, crebras ore fundere salutationes angelicas, & plurima orando exsoluere

Rosaria, si id tanta cum desidia, & mentis euagatione fiat, vt mille Ave Maria, & Rosaria non valeant quantum vnum Ave Maria, & vnum Rosarium attendere, deuotè, perfectè, recitata? Quid commodi adfert recitare Horas canonicas, & per omnes vitæ dies dicere Missam, & sacram synaxin frequentare, dare orationi horam vnā, & multas, idque semel, & sæpius, si tanta cum animi distractione omnia fiant, vt ex tam crebro sacramentorum vsu, tam frequente Missarum auscultatione, Horarum canonicarum, & Missæ recitatione, orationis exercitatione non plùs fructus sequatur, quàm si nihil horum vnquam fieret? *Quid prosunt multa contemplationes, nisi singula conueniens incrementum accipiant?* Non dico ego, vt nihil eorum, quæ iam dixi, fiat, ita tamen sentio, quod ex ijs non tantam accipiunt homines, vtilitatem, quantum Dominus ab eiusmodi operibus requirit. Nonne videtis, summam rei non in eo positam esse, quod multa bona opera fiant, cum vnum opus bonum aliquando valeat, quantum multa?

Sacer Rauenannatum Archiepiscopus Sanctus Petrus Chrysologus ferm. 86. obseruauit modum peculiarem, quo beatus Lucas describendam putauit, quod Zacharias, & Elizabeth fuerint impropales. Id verò his verbis executus est: *Non erat illis filius, eò quod esset Elisabeth sterilis, & ambo processerant in diebus suis;* Lucæ 1. 7. Sancti coniuges erant, sed illiberales, præterquam enim, quod sacra vxor à natura sterilis esset, ex senio etiam infœcundus vterq; erat. Chrysologus inquit: *Non dixit, non erant illis filij, sed non erat illis filius.* Mos loquendi hodiernus, id habet, vt cum quis absque hærede successore decessit, dicatur, *absque liberis mortuus est,* aut nullos habuit ex eo matrimonio liberos, semperq; in numero plurali rem eam efferimus. Cur ergo Euangelista communem illam, trinitalemque loquendi consuetudinem deseruit, inquit, *Non erat illis filius,* quando videtur dicere debuisse. *Non erant illis liberi,* vt receptam passim dicendi formulam non præmitteret?

Respondet Chrysologus vbi supra? *Vt in filio singulari tota fecunditas pensaretur, quando in vno nascebatur numerositas congesta virtutum.* Hoc est, quod dicit: Quod Lucas ait, quod parentes Baptiste absque filio erant, id singulari cum mysterio dixit, vt nos doceret, non esse omnem felicitatem in eo positam, vt quis multos numeret filios, qui plus vno non valeant, sed hanc esse eximiam beatitatem, si cui vnus sit filius, qui multos exæquet, in quo v-



no sit numerositas congesta virtutum. Si habuissent multos filios Zacharias, & Elizabeth, & quisque eorum vnam aliquam Ioannis virtutem, seu prerogatiuam obtinuisset, eamque consummatissimam, absolutissimam, & in summo, vt aiunt, gradu, non tam laudabile esset. quàm honorificum, quòd vnus solus tantum præstantissimarum gratiarum cumulum, tamq̃, ingentem incomparabilium donorum copiam habuit. Ergo operandi magnificentia non in eo posita est, quòd quis multos liberos habeat, aut effectus plures causa vna producat, si omnes exigui sint ponderis, sed in eo, quòd quis eâ animi intentione, & contentione illos faciat, vt vnus valeat quantum plures.

Hinc factum est, vt magni Patriarchæ nostri inclyta actio tam celebris haberetur, quæ cætera illius quantumuis illustria facinora non solum longè transcendit, verum etiam plurimum suo lumine obscurauit, cum ipsa, quanquam vna, nomen multarum commeruerit, & reportarit.

Sanctus Iacobus de hoc immortalis memoriæ opere loquens, ait: *Abraham pater noster nonne ex operibus iustificatus est, offerens Isaacum filium suum super altare;* Iacobi 2. v. 21.

Doctus quidam illius epistolæ Interpres (Pater Pæz) in ea verba sic monet: *Illud imprimis adnotandum occurrit, quòd Iacobus dicit, Abrahamum ex operibus iustificatum, & assignans qualia fuerint ea opera, vnicum profert sacrificium, quòd non plura fuisse opera, sed vnum duntaxat. At cur operi vni plurimum operum tribuit appellationem? Quia vnicum illud immolandi filij propositum, & deliberata, certa que illius sacrificandi voluntas valuit, quantum alia plurima opera. Languens ergo, & torpidus, remissusque, & ignauus est, cuius multa opera vix vnum exæquant, ille verò heroicus, & strenuus, qui vnum facit, quod multis par sit.*

*Vide Periocham V. Dominica XXIII. post Pentecost. To. 2. pag. 312. & calcem illius.*

## CAPVT II.

*Vera obedientia tam grandem confert existimationem, vt omnino sanctum, virtutibusq̃ omnibus confectum arbitrari possimus illum, qui eam enixè colat, & humiliter, demissèq̃ exerceat.*

**N**on mihi inepta videtur ratio iam dicta, ob quam vnicum sacrificium, quo Abraham filium suum offerre volebat, multorum operum nomine est donatum, cum ille ait: *Abraham pater noster nonne*

*ex operibus iustificatus est, offerens Isaac filium suum super altare?* Sed vt sententiæ eruditi illius, quem dixi, Interpretis inhæream, dico, obedientiam Abraham fuisse appellatam multa opera, ad indicandum etiam, quàm sublimis, quàm excellens, quàm Deo grata sit obedientiæ virtus, vt in qua virtutes omnes videantur inclusæ. *Cum dubij* (nempe cur de vna obedientia tanquam de multis operibus locutus sit sanctus Iacobus) *solutio in eo videtur consistere, quòd obedientia perfecta multiplex est, & instar multorum actuum apud Deum reputatur.* Nescio quid habeat illa tam accepta Dei oculis, & heroica obedientiæ virtus, vt qui vnam illam possider, multis affluere videatur virtutibus, totumq̃ confecisse perfectionis curriculum, qui illâ solâ perfectè est ex cultus.

S. Paulus Apostolus probatum dare volebat, fieri non potuisse, vt humanum genus sanguine hircorum, taurorum, cæterorumque animalium, quæ in veteri lege offerbantur, redimeretur, atque ex eo concluderet, solum innocentis agni sanguinem satis fuisse perpurandis maculis scelerum totius mundi. Præiudicat hoc ipsum Propheta regius, quando ex nomine diuini Redemptoris ait: *Sacrificium, & oblationem noluit, aures autem perfecisti mihi;* Ps. 39. 7. velut dixisset: Cum tibi o pater æterne, placere desiderit hircorum, ouium, arietum, taurorum, & cæterorum animalium sanguis, qui per aras illas funditur, & omne genus veterum oblationum, sic vt ad placandam iram tuam nihil ampliùs valeant, ecce me promptum, paratumque ad vertendum sanguinem meum, quo & indignatio tua mitigetur, & genus humanum libertate donetur.

Sed notandum est, quòd illud Psalmistæ, *Aures perfecisti mihi,* apud Paulum Heb. 10. v. 5. ita habet. *Corpus aptasti mihi.* Quid est aures alicui perfici? Fieri obedientem, sic vt alacriter faciat quæcunque illi imperentur. In omnibus enim literis tam sacris, quàm profanis, tam diuinis, quàm humanis aures humilem, & perfectam obedientiam symbolo referunt. Sic affirmant Pierius Valerianus, Hieronymus Lauretus, Petrus Berchorius, & Antonius Ricciardus, quibus patrocinantur sancti Hieronymus, & Gregorius.

Nunc exurgit dubitatio, cur Paulus dicat, *corpus aptasti mihi,* quòd rex penitens tam multò ante dixerat, *Aures perfecisti mihi.* Vt aures obedientiam significant, ita corpus, eiusque membra symbolum sunt virtutum reliquiarum. Sic aiunt Philo Carpathius, Hugo, & Guilielmus Cardinalis, Ailgrinus, Diony-



Dionysius Carthusianus, ad quorum commentarios in librum Canticorum remitto lectorem. Quod cum ita sit, & Propheta rex de sola obedientia in auribus adumbrata loquatur (*auris autem perfecisti mihi*) quomodo Apostolus pro toto corpore, in quo virtutes ceterarum omnes representantur, id accipit, dicens, *corpus operasti mihi*? Causam quaeris? Ea est quod tam insignis, & heroica sit obedientiae virtus, ut quem perfecte obedientem videris, illum omnibus virtutibus ornatum, cumulatam, exornatumque sentire, & pronuntiare possis.

Nam ut sanctus Patianus epist. 2. To. 3. Biblioth. Vet. PP. aiebat: *Ergo qui Catholicus, idem iustus obediens*. Catholicus ex sancto Augustino, Doctore Angelico, Cardinali Bellarmino, & alijs idem est, quod *universalis, vel generalis*, siue qui doctrinam sanam totam complectitur. Dicit nunc Patianus: *Ergo qui Catholicus, idem iustitienens*; ubi videtur has facere permutabiles, siue conuertibiles propositiones: *Universalis est in omnibus virtutibus, ergo obediens: obediens est, ergo universalis in omnibus virtutibus*; tanquam putaret, quod & verè ita habet, perfecte obedientem omnes complecti, & possidere virtutes.

S. Ioannes Chrysost. homil. 1. de laudibus sancti Pauli quaerit tale quidpiam: *Quid in Angelis magnificum predicamus?* A quo illos commendare amplissime, & extollere plurimum possumus.

Ut respondeat quaesito, iubet nos facer Doctorem ad Regem cantorem pergere, ut qui hanc facile diluat dubitationem. Ille de Angelis sic ait: *Benedicite Domino omnes Angeli eius, potentes virtute, facientes verbum illius, ad audiendam vocem sermonum eius*; Psal. 102. 20. Ecce promptam Prophetarum responsionem, inquit Chrysostomus. Cum plurima essent, à quibus predicare beatos illos spiritus posset, postquam generationem dixisset, esse illos *potentes virtute*, omnibus gratijs cumulos, cunctis prerogatiuis cumulos, & perfectionibus insignes, mox ad obedientiam eorum speciatim efferendam conuertebatur, inquiens: *Facientes verbum illius*. Ut enim probes quem virtutibus omnibus circumfluere, & sanctum esse, & omnium gratiarum cimeliarium, & omnibus spiritualis perfectionis ornamentis, insigniter excultum, vnus testis sufficere, idque solum satis esse videtur, quod esse verè obedientem dicas, quod ubi persuaseris, etiam indubitatum feceris, nihil ad absolutissimam sanctitatem, consummatissimamque virtutem deesse. *Quid ergo in Angelis magnificum predicamus? Profecto quia cum omni cura obediunt Deo*. Hoc maximum in illis

Tom. III.

commendamus, quod tam expediti profiliunt, tam celeres aduolant ad omnia, quaecunque Dominus facere imperat. *Quod David quoque admirando dicebat*, Potentes virtute, facientes verbum illius. *Hic enim bono aequale est nihil, prorsus etiam si milles incorporati, hoc est enim, quod maxime praestat eos beatos, qui obediunt praeceptis Dei*. De quo nobis persuasum habemus, quod sit perfectus obediens, si eundem omni sanctitate, & perfectione ornatum credamus, nihil temerè egerimus, extraque omne praecipitis iudicij, aut erroneae sententiae periculum erimus.

Ad hoc propositum spectat illa Theophylacti observatio, quod in Euangelij, cum princeps Apostolorum de suo nomine *Simon* appellatur, illud plerumque nomen adiungitur, quo illum Christus donauit, quando Petrum vocauit Matthaei c. 10. v. 2. in recensione Apostolorum *primus Simon, qui dicitur Petrus*. Iterum Matth. 16. 16. Respondens Simon, Petrus dixit. Lucæ 5. 8. cum videret Simon Petrus. Ioan. 6. 8. *Andreas frater Simonis Petri*; & ibidem v. 69. Respondit ei Simon Petrus, & apud eundem Ioannem alibi saepe. Cur tantæ curæ fuit Euangelistis, ut hæc duo nomina coniungerent? Simon, quod alibi quoque diximus, idem est quod obediens, & Petri nomen à petra, quæ firmitatis symbolum est, venit. Quod ergo obedientia cum petra copulatur, perinde est, ac si dicatur, obedientiam esse lapidem fundamentalem, cui virtutes aliarum omnes inniuntur, nam ut quempiam firmiter inherere virtutibus credas firmiter, illud solum facere potest, si verum, perfectumque obedientem esse scias. *Qui habet obedientiam, etiam ipse Petrus efficitur, per obedientiam proficiens, et firmetur in bono*, inquit Theophylactus in ca. 1. Ioannis.

Cum extollere virtutem alicuius volumus, dicere solemus: *Id trecura mi alma por la suya*, hoc est, *Cum ipsius anima meam commutarem*. Nam ut homines oderunt iacturam in suis permutationibus, & anima valde pretiosum monile est, sic nunquam suam cum alia permutare vellent, nisi lucrum alterius multò sanctioris, & opulentioris ex mutatione sperarent. Interrogemus nunc Sanctum Ignatium martyrem, quam ille animam pro sua arriperet, si deligendi optio, & commutandi facultas concederetur. Respondet ille epist. 11. To. 3. Biblioth. Vet. PP. *Meam animam cum animabus eorum, qui Episcopo parent, lubens commutauero, faxit Deus, et cum illis mihi portio contingat à Deo*. Ex toto ergo sacrosancto pulcherrimarum virtutum choro nulla inclyti Martiris

Z

tyris



tyris ad se oculos rapuit, nisi obedientia, neque cum alio animæ suæ commutationem fecisset, nisi cum eo quem obedientiæ perstudiosum, & obseruantem sciisset: *Meam animam labens commutauero cum animabus eorum, qui Episcopoparent.* Maximæ dignitatis, & incomparabilis pretij est obedientia, quæ sola pretium virtutum cunctarum includere videtur. Qui ergo perfectè obediens fuerit, hunc statim, ut videtur, virtutibus diuitem, & prorsum sanctum censere possumus, & habere.

*In secunda Parte Politicæ lib. 6. cap. 7. Sensus medium habes, optimam orationem esse, cum alia quæ uia opera bona ex obedientia facimus, qua cum his coherant.*

### C A P V T III.

*Pœnalis tormentum est animi pendere, quam duro ligno fixum hæere.*

**E** Amus nunc examinatum verba, quibus Dominus Patriarchæ nostro, ut filium suum Isaac immolaret, imperabat. Dicebat itaque Deus: *Tolle filium tuum unigenitum, quem diligis Isaac;* Genes. 22. 2.

Nicolaus Lyranus, & Abulensis ex Hebræorum opinione aiunt multas fuisse hic reuelationes, & præcepta, quæ successiue acceperit sanctus Patriarcha. Primò dicebatur illi: *Tolle filium tuum;* ex quo dubius factus est sanctus Patriarcha, cum duos haberet filios, nesciens utrum illorum tollere deberet. Secunda reuelatio fuit: *Unigenitum;* quæ illum magis perplexum reddidit, Isaac enim, & Ismael ambo unigeniti ex duabus matribus erant, ignorabatque quo de loqueretur Dominus, qui hoc tunc nondum aperiebat. Tertia reuelatio talis erat: *Quem diligis;* hæcque obedientis Patriarchæ anxietatem plurimum augebat, & exasperabat, utrumque enim filiorum non parum amabat. Si iussus fuisset illum tollere, quem vehementius diligeret, in re aperta nihil amplius hæsitare potuisset, Isaacum enim Ismaele oppidò chariorem habebat. Quid causæ fuit, quòd Dominus, priusquam voluntatem suam Abraham planè aperiret, illum tam diu animi pendere, tamque crebris dubitationibus semel, & iterum, ac sæpius exagitare voluit, & afflictere? Respondet Lyranus ex sententia Rabbiorum, id factum, *ut maiorem haberet mercedem,* ut quòd dubitationum fiducialè fortius tendebantur, & acerbius cruciabat, eò amplius, opulentiùsque præmium illi pro constante tolerantia rependeret. Certè si rem probè, ac diligenter expendas, inuenies neque Siculos tyrannos

tormentum maius inuenisse, neque atrociorē crudelitatem excogitasse barbarum Maxentium, quàm sit cruciatus animi dubij, perplexi, incerti, fluctuabundi, pendentis.

Vidit Daniel visum, quod illi magnum attulit terrorem. Venit autem sanctus Gabriel Archangelus, ut visionem interpretaretur, inquiens: *Ego ostendā tibi, quæ futura sunt in nouissimo maledictionis;* Dan. 8. 19. Viderat Daniel animalia, quorum significata sic exposuit Gabriel: *Aries, quem vidisti habere cornua, rex Medorum est. Porro hircus caprarum, rex Græcorum est;* ibid. v. 20. 21. Postquam hæc audierat Propheta, inquit: *Et ego Daniel languis, & ægrotavi per dies;* ibid. v. 27. Vnde verò ille Danieli languor? unde ægrotatio? Respondet ille ibidem: *Esti super eam ad visionem, & non erat, qui interpretaretur.*

Hoc in loco videtur pugnantiā locutus Daniel, inquit sanctus Hieronymus, dicens: *Si non erat, qui interpretaretur, quomodo supra interpretatus est Angelus?* Et si Angelus illi enudauit mysterium bestiarum, quomodo inopia expositoris fuit illi causa ægræ valetudinis?

Occurrit dubitationi Doctor maximus, inquiens: *Reges audierat, & eorum nomina nesciebat, futura cognouerat, & quo tempore futura essent, dubius fluctuabat.* Ut fragilem cymbam sursum, deorsum, & quaquaversum ventorum libido, & vis tempestatis iactat, sic animum Danielis in diuersa raptabat, quòd incertum haberet & euentum rerum, quarum portenta viderat, & nomina regum inexplorata, quorum imperia nouerat. Num fluctus, & dubitatio, procella, & animi hæsitatio, tempestas, & aparia, siue consilij inopia, vnum, idemque sunt.

Hoc ad eò verum est, ut sanctus Ambrosius dicere ausus fuerit, esse reos, qui vitam, quamquam pretiosissimam gemmam, sibi adimi mactelint, quàm incertā expectatione dubij pendere, quis causæ eorū futuris sit euentus, maiusque beneficium interpretabuntur, si citā morte, quod malè fecerunt, luant, quàm diu suspensi hæreant. Fundat hoc suum dictum sanctus Doctor in illis pœnitentis regis supplicibus verbis, quibus vehementer rogabat, de causâ ciuō pronuntiari, ut per hoc à terribili quadam vexatione liberaretur. *Iudica iudicium meum,* inquit, *& redime me, propter eloquium tuum & iusticiam me;* Psal. 118 v. 45. tanquàm dixisset: Age sis, Domine, & celerem præfer de mea causâ sententiā, & ab ærumnosa hac, miseraque captiuitate me quamprimum euoca, & exime, & vitam mihi per sancti,



sancti, & diuini verbi tui virtutem imperti. Sanctus Ambrosius Octon. 20. in ea Psalmistæ verba sic differt: *Quos miseratur, cito castigat, & non diutius afficiantur futuri expectatione iudicij.* Ex singulari gratificandi voluntate, & peculiari beneuolentia Deifit, quod mox à perpetratis sceleribus aliquos plectit, *ut non diutius afficiantur futuri expectatione iudicij,* ne inter dubitationem tempestates incerti fluctuent, ne imaginationis suæ ligno clauis hæsitacionis fixi pendeant, idque per omne illud tempus, quo timent supplicium, quod nesciunt, & formidant poenam, quam ignorant.

Quapropter exaggerat hanc rem sanctissimus Mediolanensis Archiepiscopus, dicens: *Optant res, amhi, qui grauius flagitijs arguentur, poenam mortis celeritate transigere, & aliquantula poenarum compendia lucentur.* Hinc videre est, quantum dubitatio vexet, afflicteque, quod etiam insolentissimi, & impudentissimi in lucris numerent, si iacturam vitæ, etiam per sæua tormenta, citam faciant, vt incertæ expectationis carnificem euadant, & quem res suæ finem habituræ sint, certo videant.

Dicit consequenter ad ista Propheta rex: *Iudica iudicium meum, & redime me, propter eloquium tuum & iustificame,* velut alijs verbis diceret: Quod te magnum in modum, Domine, oro, & obtestor, illud est, vt causæ meæ verbo finem imponas, quamdiu enim suspensus, timidusque, & incertus hæreo, quem res mea exitum sit habitura, acerbiorẽ vitam duco, quàm infelicitissimus quisque, & miserri- mus captiuus. *Ergo propter eloquium tuum & iustificame,* quod feceris, si metam perplexum vitæ de suo fine tam dubiâ exueris. Nouæ vitæ me debitorem tibi constitueris, si ab hac tam ancipiti, ambiguaque eripueris. Nec enim videtur alia dulcior esse, iucundiorque vita, quàm mors, quæ omnem adimit dubitationem, & perplexitatem.

Non parum reboris addet hinc id, quod Plato de vita rusticâ in Axiocho habet. Dices mihi, inquit ibi, *dulcis est agricultura.* Non repugno, est sanè. Verum expecta, & videbis, quid agatur. *Nonne tota tamen est, quod aiunt, & semper paratam doloris habens causam, nunc quidem siccitatem, nunc pluuia, nunc gredinem, nunc rubignem, nunc vel aëstem intempestiuum conquerens?* Nunquid misera & laboriosa rusticorum vita talis est, vt quandam velut sagittam cordi infixam pauperes perpetuò circumferant agricolæ? Per autumnum metuunt pluuias, quæ sementem impediunt. Per Aprilem, & Maium incerti aquam expectant, vt adolescere, & facere incre-

menta fruges possint. Posthæc nebulam, subsolanumque & grandinem dubij pertimescunt, ne per ea maturefcentia iam frumenta exarescant, aut decussa intereant. Etiam demessis, & in horreum inuectis frugibus timent, ne vel illas inundatio tempestatis obruat, vel has gurgulio absumat. Cum ærumosa rusticorum vita tot inter formidinum, dubiorumque casuum scopulos fluctuet, & cum infinitis quotidie laboribus, timoribus, doloribusque pugnet, *nonne tota & leu est?* Nonne immortalem in eis vermem nutriunt agricolæ, qui viscera eorum rodit, ac depascitur, falcatosque vngues circumferunt, quibus animi eorum miserabiliter laniantur? Nonne velut in equuleo semper agunt? Nonne strato aculeatis tribulis confuso affixi ægre viuunt? Nonne omnis eorum vita censu crucis perpetuo est onerata? Quis dubitet? Totum verò hoc (inquit Plato) est dubium hædere, & animi pendere.

Ad eò vera sunt, quæ diximus, vt sancto Ambrosio videatur, quod Dominus post æternam illam damni, sensusque poenam non habeat cruciabiliorem equuleum, in quem dæmones iniiciat, quàm quod illos suspensos, dubiosque habeat, quid de poenis illorum futurum, & an aliquando augenda sint supplicia. Sic enim habet vbi supra: *Diabolus nequaquam puniri ad iudicium demonstratur, nequaquam adhuc poenæ esse subiectus, nisi quas ipse sanctorum confectis sceleribus soluit timore perpetuo, ne aliquando securus sit.* Non vult Deus ostendere dæmoni, quas deinceps sit luiturus poenas, vt interim semper sit reus, in poenis, semper improbitatis suæ innexus catenæ, semper conscientie suæ hoc sustineat iudicium, & supplicium, quod scire nequeat, quondam illud post præsumum iudicium dependet supplicium, & hinc interim intolerantissimè crucietur, quod de futuris suis tormentis dubius, quibusnam posthac cruciandus sit, incertum habeat & ignoret. Non vult illum scire dolores, quos aliquando sentiet, *ne aliquando securus sit,* vt incertam illam subeundorum dolorum expectationem nunc acerbius sentiat. Vbi videtur sanctus Ambrosius dicere, tam acrem esse, quàm dubij euentus incerta expectatio adfert cruciatum, tam intolerabilem esse, quam parit angustiam, vt & diabolus poenas suas (quamquam eæ omnem suâ amaritudine, & terribilitate transcendant ingenij humani, & imaginationis captum) minus iniquè, aut moderatius ferret, si hoc solum, qualesnam illæ, quantæque futuræ, scire posset. Vt ergo præter illud supplicium, quod nunc stigmaticæ custodis patitur, aliud interea sustinere verberabilissimum



maſtigia ſubeat, & ab alio carniſice malis modis afflicetur, dubium illum, ac ſuſpenſum Dominus habet, ut hoc nunc ſit illi moleſtiſſimum, quod molem moleſtiarum quas tandem feret, conſcire nequeat. Patiatur alium interim ambiguitatis infernum perſidioſus ſpiritus (inquit Dominus) alias interim dubitationis & hæſitationis vltices flammas deſertor apoſtata toleret, *ne aliquando ſecurus ſit*. Scire enim qualis, quantaque pœna futura ſit, ea etiam, quæ alioquin crudeliſſima, certa quædam redemptio, nonnullum certè leuamentum eſt illi, qui ſic à dubitationis vexatione, & incertitudinis tormento liberatur, Sæpè namque plus cruciat timor eius, quod cruciabit, quanquàm fortè nonnimis poenale ſit, quam affigant pœnæ iam notæ, tamenſi peracerbæ futuræ.

Noliſte hoc demirari, quoniam ſanctus Gregorius Nyſſenus cenſuit hunc cruciatum eſſe quantam velut epileſiam animæ, dicens: *Qua ſuprà nos ſunt, ægritudinem afferunt, qua efficit, & quodammodo deſperemus de ijs mente percipiendis, qua non poſſunt comprehendere*. Hæc ille homil. 5. in Cant. Inuiſit medicus infirmum, videt crebras apud illum intermiſſiones, intercardines, pauſas, & deſperans ægrum, dicit, lethali morbo laborat. Ægra in lectum anima dicit, inquit Nyſſenus, viſensque illam quaſiui, quo malo afflicteretur, & reſponſum accepit, non alio, quam perplexitatum, quos euadere nequeat, & dubitationum, quas decidere non poſſit, & ſucclamari: *Quodammodo deſperemus*, fodiat, ſepultura, tumulus paretur homini, cui ex morbo tam acuto, & crudeli eſt malè. Omnia enim mala videntur ſuum habere remedium, homini dubio, & fluctuabundo, & incerto, quamdiu hæſitabundus animi pendet, nullam ſcio inuenire medicinam, quoniam incurabilem puto illius ægritudinem.

Accedit ad Nyſſenum frater illius, germanus ſanctus Baſilius Magnus, cum ait: *Animam omnis quaſi vertigine ratiocinationis laborans, & claudicans male afficitur*. Animam, quam dubitationum ſæui carniſices torquent, ſimilem cogita tauri, quem duo immanes, & ſanguinarij moloſſi laceſſunt, auribusque mordiculis apprehenſam, pertinaciter, exagitant, & tam diu, in orbem circummagitant, donec vertigine correptum, vel ſaſſitudine debilitatum, humi diſciat, & proſternant. Tandem apud animam efficiunt dubitationes, quæ tanquàm canes venatici ſic illam exagitant, ut non ante dimittant, quam fatigatam, fractamque in præcipitium perditionis adduxerint. *Animam omnes quaſi vertigine ratiocinationis*

laborant, &c. Multum ſubest his verbis, & quod ea volunt, tale eſt, quale ſi dicas, quod dubitationes animam in orbem agunt, & vertiginolaſſam reddunt, ut neque videre, neque ſentire rectè poſſit, & corrumpunt illius iudicium, omnemque exhauriunt patientiam. Si verò tam eſt ingens dubitationum tormentum, ſi tam atrox incertæ expectationis cruciatus, vos ipſi iudicate, an non intolerabilius ſit animo hæſere, quam è crucis ligno pendere.

*Pulchra in eandem rem habes. To. I. Periochâ primâ Feria. IV. poſt Domin. V. Quadrageſ. pag. 403.*

## CAPVT IV.

*Ex acerbis pœnis, quibus viri ſancti leuia ſua errata plectunt, poſſunt ſumere peccatores exemplum aſpera penitentia pro ſuis gravibus peccatis ſuſcipiende.*

Aſterè factum videtur, quod Deus imperauit Abraham, ut filium ſuum immolaret, & maceraret victimam, cum dixit: *Vade in terram Giſionis, atque ibi offeres eum in holocauſtum*, Genef. 22. 2. Quid peccauerat innocens adoleſcens, ut ad eum modum præciperet Dominus obtruncari, & ſubieccto ingne in cineres, fauillaſque exultum verti? Quod enim in holocauſtum offertur, id totum conſumitur, ut nihil illius, ne memoria quidem maneat reliqua.

Reſpondet Abulenſis, fuiſſe apud homines quidem innocentem Isaacum, coram Deo verò non item, ſed veniale ſaltem aliquod peccatum commiſſiſſe, propterque illud ſolum morti obnoxium fuiſſe. Verba magni illius Doctoris ita habent: *Isaac non erat innocens, licet enim eſſet innocens apud homines, quia nulli eorum nocuerat, Deo tamen non erat innocens, quia peccauerat veniali peccato, propter quod ad mortem homines obligantur*. At ſi vnum peccatum veniale morti obnoxium reddit, quibus ſupplicijs digna erunt tot enormia, immaniaque flagitia, quibus homines in dies & Deum grauiter offendunt, & ſe turpiter contaminant? Hinc natus ſcelerum horror, qui ſanctos perfudit, hinc eorum implacabile aduerſus peccata proſectum eſt odium. Hinc & factum, quod tam grauibz pœnis culpas ſuas quantumuis leues ipſi mulctarunt. Nam ſi vnum peccatum veniale mortem meretur, mortale quo non ſupplicio dignum fuerit! *Peccauerat Isaac peccato veniali, propter quod ad mortem homines obligantur*.

Propheta Euangelicus ait, vidiffè Dominum totius maiestatis in ſolio excelſo, & eleuato, iuxtaque illum



illum duos arduos spiritus, qui alternatim illi contentis vocibus acclamant ter *Sanctus*. Cum tantam gloriam cerneret Propheta, & maiestatis magnitudinem attentius consideraret, compunctus, & moerens aiebat: *Va mihi, quia tacui*; *Isaia* 6. 5. Forcius inquit, perinde hoc esse, ac si dixisset: *Petij*, vitæ dispendium, quantum vereor, mihi adferet dolor, & anxietas, quæ cor meum afficiant. Vnde verò Prophetæ suus ille tantus animi cruciatus? Vnde illa tam acerba poena? Vnde illa pectoris angustia, quæ Prophetam sic prostratum, tantumque non prorsus mortuum habet? Ipse hoc statim exposuit, dicens: *Quia vir pollutus labijs ego sum*.

Sanctus Basilus Magnus in illorum verborum expositione ait: *Obserua delictum Propheta, nequaquam se effudisse per omnem improbam operationem, & actionem, sed laborum, ac sermonum tenuis confutasse*. Merito notes illud *Va* Prophetæ; illiusque tam luctuosam exclamationem indicem doloris tam grauis, & acerbi, quasi adducendo illi in confinia mortis satis fuerit. Et quænam furta exercuit? Quæ homicidia perpetravit? Quæ scelera alia commisit? Nihil talium rerum fecit, inquit Magnus Basilus, sed venialia quædam erratula non omnino effugit, quæ tamen talia fuerunt, ut labijs squalorem adduxerint, & foeditatem qualemcunque attulerint, ad animam verò diffundere venenum suum non potuerint, quia *laborum*; *Et sermonum tenuis* confiterunt. At si lenia quædam linguæ peccatula, si verba incauta paucula tam ingentem Prophetæ moerorem, ac dolorem attulerunt, ut exanimando illi satis essent, quæ in tristitia, quoque in moerore versari debent, qui immensam, infinitamque Dei bonitatem, & clementiam tam varijs, indignisque sceleribus diu, ac plurimum irritauerunt?

De sancto Petro certum, indubitatumque est, fuisse coniugatum, nisi forte gener esse potuerit illius *sux socrus*; quæ tenebatur magnis febribus (*Lucæ* 4. 38.) & non habuerit eius filiam vxorem, quod nemo, qui non prorsum insanat, affirmat. Sanctus Petrus Damianus *serm.* 72. de Petro Apostolorum Principe quæ coniugato dicit aliquid magna profecto expensione dignum: *Petrus autem, inquit, nuptiarum sordes abluit cruore martyrij*. Hic ante omnia pono, nec potuisse, nec voluisse ijs verbis indicare Damianum, quod sanctus Petrus in vfu matrimonij mortaliter inquam peccarit. Nam cum non desint Doctores sancti (in quibus B. Ambrosius) qui negationem Petri, illud tam manifestum peccatum, excusare velint, quomodo illum quis

criminari ausit de re, in qua deliquisse non constat?

Quæro ergo nunc, quomodo accipiendum sit, quod Cardinalis Ostiensis ait, sanctum Petrum suas matrimonij labe sanguine martyrij emaculasse? *Petrus autem nuptiarum sordes abluit cruore martyrij*. Respondeo, Damianum ad id respexisse, quod viri etiam sanctissimi sub expirantis animæ tempus agere solent, cum istud de sancto Petro affirmavit. Plerique eorum, qui Deo in maxima sanctitate studiosissime seruierunt, cum hora vitæ suprema appetit, vario metu, & magnis affligari timoribus solent, cuius rei exemplum sanctus Hilarion, alijque reliquerunt. Ità fieri potuit, ut & sanctum Petrum, cū in hora mortis, & cruce positus animam ageret, aliquæ incurfarent formidines, mouerent, & angere serupuli, neque enim tam facilis, ac securæ est ista ab hac vitæ in illam emigratio, ut non tremorem etiam sanctissimo transitus incutiat. Cum ergo Petro è cruce pendulo, & vitam actam animo obeunti occurreret, fieri potuisse, ut in vfu matrimonij, quamuis concessio, saltem venialiter deliquerit, neque satis auocauerit animum, dum corpori permitteret voluptatem, neque sanctè, ut dignum fuisset, semper coluerit castitatem conjugalem, dum verteret in cruce sanguinem, & vitam secum reputaret, ob quæ benè, rectèque illum funderet, etiam Deo fortè obulerit pro culpis (tamen mortales nullæ fuissent), quas in matrimonij vfu, & vxoris commercio commisisse potuerit. Et hoc est, quod sanctus Petrus Damianus significare voluit, cum ait: *Petrus nuptiarum sordes abluit cruore martyrij*. At si Apostolorum princeps, illè tam gratiotus Christi, illè tantis à Deo donis cumulatus, & exornatus, illè tot priuilegijs, & prærogatiuis supra alios exaltatus, & honoratus tantum haussit doloris ex leuibus peccatis, quæ commisisse magis timuit, quàm sciuit, ut putauerit solo martyrij sanguine dilui posse & expiari (animæ quippè lues, tamen tenues, aliter quàm exprompto è venis cruore, ut videtur, emaculari nequeunt) quam non de se repetere vindictam insolens peccator debet, qui supremum benefactorem Deum tam multis, & magnis, & foedis, & execrandis modis clam palamque, cum sæpè, cum impudentissime, & propudiosissime offendit?

Non ineptè huc venit id, quod de Sancto Hieronymo Magnus Augustinus affirmat, qui cum de illius austerâ poenitentia, cui in vasta eremo vacauit, sermonem haberet, sic habet apud Meffret in *serm.* de S. Hieronymo, qui est 108. *Tom.* 3. *Ita leuissima flet peccata venialia, ut qui eum estimasset homi-*



*nem interemisse.* In remota solitudine agebat Hieronymus, Doctor maximus, sed poenitentiae operibus seipso maior. Ibi corpus suum aridum & exsiccum excarnificabat, quantum iratus hostis vix potuisset. Ibi flagris in carnem suam ferociebat, & fragile pectus duro saxo sæpè diu, semper cruciabiliter verberabat. Ibi è demersis intra concavitates suas oculis amarissimarum, & calentissimarum lachrymarum ingentia maria, & tota diluvia fundebat. Ibi ardentibus suspirijs proximum aerem inflammabat. Ibi fractis longo senio, & diuturno, pertinaciq; non literarum solum, sed & poenaliū operum studio artubus eam solum requiem concedebat, quam capere possent in scopulis, & saxis, quæ per ætatem ardentia, per hyemem omni gelu magis gelida erant. Vidisset illum aliquis tam acriter se macerantem, tam cruciabiliter lacerantem, tam austerè corripientem, tam crudeliter verberantem, tam miserabiliter lamentantem, & etulantem, dixisset, credo, nisi nouisset illum: Hominum, quos mundus habuit, pessimorum, haud dubium, iste quidam fuit, quem terra, nisi tanta esset eius patientia, dehiscentes dudum deglutisset. Valde enormia utiq; sunt illius crimina, & immania flagitia, qui tam terribilia de seipso sumit supplicia, tamque sæuè se propè macerat, & enecat poenitentia. Quid si tunc adueniret alius, & diceret: Quem putas hominem, qui tam inhumanè in seipsum animaduertit? Scire volo, Hieronymum esse. Illenè tam immis sui censor, tam sæuus iudex Hieronymus! diceret ille prior. Hieronymusne, ille sæculi nostri Phoenix! Hieronymusne ille humanarum, & diuinarum literarum oraculum, nouique, ac veteris testamenti interpretis optimus, tractator incomparabilis! Hieronymusne, ille coronatus eremi leo, cuius eruditi, & sapientes rugitus timorem malis Christianis, terrorem perfidis hæreticis, tremorem toti incusserunt terrarum orbis! Hieronymusne, ille, quem de grauissimis scripturarum difficultatibus consulebant Augustini, venerantur Damasi, colebant Innocentij, reuerantur Theodosij! Hieronymusne, ille Euangelij vocalis lituus, & grandisona tuba! Hieronymusne, ille, controuersiarum Ecclesiæ contra hostium illius calumnias arbiter! Hieronymusne, ille, cuius inculpata vitæ sanctissimos mores per omnia mundi spatia fama garrula læce disseminauit! Hieronymusne, qui sub sacro Magni Basilij instituto est exemplar perfectionis, amissis piæ vitæ, norma religiosæ conuersationis! Hieronymusne, ille, qui tanquam Angelus in carne viuit, iam non ille, quia in illo vi-

uit Christus! Illenè pro tam leuibus culpis poenas à se tam graues exigit! Illenè pro peccatulis, quæ perpetrasse magis metuit, quam nouit, pro exiguis delictis, quæ commisisse solum suspicatur, ac timet, tam atrociter se flagris conserpsit, tam sanguinolentè laniauit, ac propè exanimalem fecit! O Deus Sancte, quis, non contremiscat! Tam sancti viri pro tam venialibus culpis tam crudeles, & inexorabiles sunt sui ipsorum carnifices, & peccatores, qui suis foedis, & abominabilibus flagitijs toti mundo ex se præbuerunt offendicula, in utramque aurem metu vacui dormiunt, omnemque vitam in delicijs, & voluptatibus blandi sui ipsorum palpones transmittunt! Certè res de exteriori specie arbitrantibus videbuntur peccatores esse, qui sunt sancti, tam sunt hi austeri erga seipsos, & sancti esse, qui sunt peccatores, tam prædenter hi, & prælicenter agunt. Ad hunc modum discurre de hac re quisq; cordatus, & prudens posset, qui poenitentiae opera, quibus operam in deserto Sanctus Hieronymus dedit, animo recolere vellet.

Concionabatur Sanctus Theodorus Studica suis monachis, quorum erat tantus obseruantia rigor, tamque rigida obseruantia, ut illorum ascetèrium vocatum fuerit conuentus *Aemitarum*, siue quod idem est, eorum, qui non dormiunt. Tantum erat poenitentia studium, tanta disciplina austeritas, & arctitudo in illo ordinis Sancti Basilij monasterio. Postquam horum sanctorum monachorum exploratam haberet vigilantiam, sciretque quàm admirabili attentione Deo seruire, & gratificari studerent, aiebat catech. 34. *Itaque stemus horror animosè in contemplantando defixi, tacti compunctione supplicio relucens.*

O quàm commoda sunt præsentī instituto illa extrema istius sententia verba, *Supplicio relucens.* Quid est relucere supplicio? Dicam. Metaphora est deducta à gladio, aut quouis ferro rubigine obsito, quæ cum expolire, pristinoque suo nitore restituere volumus, semel, & iterum, sæpiusque terimus, tergimus, abstergimus, & defricamus, quousq; primus illi splendor redeat. Ad hunc modum iubebat Theodorus, ut illi suarum culparum maculas tantà diluerent copiâ lachrymarum, carnem suam flagris, & tribulis tam acriter macerarent, peccata sua sic plecterent, corda sua tam validè ac sæpè perfricarent, tamque enixè, & pertinaciter expolirent, ut non auocarent manum, donec solem splendore exæquarent: *supplicio relucens.*

Amplius rem exaggerauit vir sanctus, cum addidit:

dit:



*ait: Lachrymof, tacti compunctione*; tanquam lamentari illos voluisset, vsq; dum tangerentur compunctione. Quid est tangi compunctione? Admirabilis subest verbo illi amplificatio. Tactus apud profanos auctores accipitur pro eo, qui fulmine percussus, & in puluerem est versus. Sat est vnus Cicero, qui lib. 2. de diuinat. ait: *Natta statua, aut ara legum de celo tacta*. Dicebat ergo Theodorus, vt starent *lachrymof compunctiōe tacti*, hoc est, nunquam satis fecisse putarent, donec apud illos egisset compunctio, quod apud alios tactus fulminis, vt quemadmodum fulmen in cinerem vertit omnia, in quæcunque incidit, sic illi nunquam à plorando cessarent, neque lachrymandi finem facerent, quousq; compunctione tacti, velut in puluerem vi lamentorum solu-rentur.

Si hoc suadebat: Sanctus Theodorus suis monachis, & monachis tam sanctis, tam obseruantibus disciplinæ regularis, tam enixè deditis pœnitentiæ, vt diximus, quid non consulendum peccatoribus tam perditis, tam scandalosis, vt iratum Deum mitigare, & placare, & tam grauiâ scelera sua pœnitendo diluere, & expiare queant.

## CAP. V.

*Quod homines scelere perdit i ibi sperant, vbi viri sanctitate conspiciunt, desperatio est, quam fidiuæ spece demon colorat.*

**P**ergebat noster magnanimus senex, vt Dei iussu nem opere expleter, hoc est, vt filium suum illi victimam mactaret, & aræ impositum combureret, cumque concidisset ligna in holocaustum, abiit ad locum, quem praeceperat ei Deus. Genes. 22. 3.

Nonne sacrificium in monte oblatum erat? Res perspicua est, & indubitata. Dixerat enim Deus: *Ibi offeres eum in holocaustum super vnum montium, quem monstrauero tibi*; ibid. v. 2. Quorsum ergo ligna eo tam sollicitè contulit? Fortean in mare aquam, in syluam, seu montem ligna portare, hoc est, remotiosam, & superuacaneam agere voluit?

Respondent omnes Interpretes, fuisse prudentem curam, & bonam prouidentiam, quia forte in loco immolationis ligna non inueniret. Non omnes montes ferunt ligna, & si Abraham abiisset praefixis, quod ibi reperturus esset ligna, heri potuisset, vt se delusum videret, & spe suâ fraudatum, quo tempore id minimè speraret. Vt ergo verè, & benè fides iret, ligna secum portauit. Res magna est rebus animæ magnis diligenter prospicere, & studiosè ad adu-

quæcunque negotia se præparare. Sanum ac salubre consilium est, vt quisque Christianus imitetur nostrum Patriarcham, & ad horam mortis accuratè se, suæque omnia componat, ligna iam concisa conficiens, & quæcunque supremum illud vitæ tam periculosum tempus requirere potest, vbi quamuis non sunt naufragati, fluctuant tamen anxique contremuerunt ij etiam (vt superiore c. diximus) qui à primis ætatis maturæ horis vsque in curiam, & occiduum senectutem hoc vel solum, vel maxime egerunt, vt se quantâ maximâ possent vigilantia ad felicem obitum, & abitum præpararent. Vbi autem viri tales timent, ibi perdit i sperent! Fieri potest, vt illis spes sua feliciter cadat, sed omnibus dubius est eiusmodi spei euentus. Certè incertam esse illorum expectationem illud certum facit, quod pessimus, & versutissimus dæmon tantoperè laborat, tamque sollicitè & serio curat, vt omnis ad bonam mortem præparatio in ipsam horam vitæ postremâ differatur? Huic ergo inhærere debemus, quod Spiritus Sanctus tam serio nobis commendat, & Viri sancti tam crebrò, vehementerque nobis consulunt, nimirum vt ad mortem feliciter obeundam res omnes necessarias tempestiuè præparemus, vt certam habeamus beatæ illius æternitatis, rei tantæ, expectationem.

Si quis ab amico nocte concubiam panes commodato petat, quibus amici alterius, qui hospes famelicus, & ab itinere lassus venit, necessitatem leuet, potestne ille, qui rogatur, eas preces repellere, vt non exorari sinat, maxime si sit importunus orator, qui obsecrat? Potestne ferre supplicis pertinaciam, si forte dissimulat amicitiam? Hæc ferè Christus Redemptor noster apud Sanctum Lucam sciscitabatur. Sed audimus quibus verbis excuset se amicus apud amicum mediâ nocte panes petentem? *Noli mihi molestus esse*, inquit, *iam osium clausum est, & pueri mei mecum sunt in cubili*; Lucæ 11. 7.

Ociosum fuerit probare, quod Christus sit ille amicus, qui dare panes fuit rogatus. Hoc nempe affirmant Sancti Petrus Chrysologus, & Ambrosius, Hugo de S. Victore, Hugo Cardinalis, Caietanus, Toletus, Stella, & alij. Sed cum cubile, in quo Christus quiescit, sit gloria, siue cælum, quid est, quod pueri esse dicuntur, quos secum habere aiebat? *Pueri mei mecum sunt in cubili*. Nonne hoc derogat supremæ illius, & absolutæ maiestatis dignitati, quod aulicos non habeat alios, quam teneræ huiusmodi ætatis pueros, cum tam magnum Dominum tantum capite, & grandæui palatini magis deceant? Quid ergo.



ergo est, quod tantus Imperator ipse dicat, tam immaturos, iuvenesque habere assessores?

O quam procul aberrasti à sensu verborum Christi qui sic loqueris! inquit Sanctus Gregorius Nyssenus. Nam quod pueri cum illo regnare, pueri assessores illius aulici esse feruntur, non eo dicitur, quod non plurimos à lateribus habeat senes, ac longævus, sed ut significaretur, eos, qui à primis pueritiæ annis ad postremam mortis horam se præparant, maiorem simul securioremque obrinendæ beatitudinis spem sibi parare. Nam studium curandæ bonæ mortis in illud tempus suspendere, & differre, quando omnia, quæ ad eam rem spectant, sollicitè confecta esse oporteat, impostura est, quam pessimus dæmon fraudulentissimè adornat, & solertia, quæ plurimos circumuenit, sic ut rarè illi sua ista industria sit frustranea, & non obtineat, quod cupit.

Audite Nyssenum ex homil. 4. in Cant. *Pueri mei mecum sunt in cubili. Rectè autem eos, qui per arma iustitia sibi compararunt impatibilitatem, pueros nominat, quod bonum, quod nobis accedit ex industria, ac diligentia, non est aliud bonum, ac honestum, quam id, quod ab initio est nobis repositum.*

De vestibus, quibus illa veteris Testamenti Arca circumferebatur, illud singulariter præcepit Dominus Exodi 25. 15. *Semper erunt in circulis, nec unquam extrahentur ab eis.* Nō semper sciebant Israelitæ tempus, quo Dominus Arcam è loco in locum transferri vellet. Ut ne ergo quidquam obstat, quo minùs statim, ac ille vellet, aliò perferri posset, iussit vestes illos semper manere insertos suis aureis circulis, ut semper ad manus essent, quoties usus id postularet, ne moras adferrent profectioni, Deusque ad irrogandas poenas permoueretur, si ad subitari-um, inopinatumque ineundæ viæ præceptum ab im- paratis, turbatisque custodibus, & Arcæ illius baiulis tam citò ac par esset, inueniri, inferique non pos- sent. In ea sententia est Sanctus Petrus Damianus, cuius sunt ista ex Serm. 14. *Ad hoc Vestes in circulis semper esse iubentur, Et cum portari Arcam opportu- nitas exigit, de intromittendis Vestibus nulla portan- di tarditas generetur.*

O quam bene dictum illud, de intromittendis Ve- stibus nulla portandi tarditas generetur! quod vali- dissimè nostrum confirmat conceptum. Semper in- fertos suis circulis voluit Deus illos vestes, ne fortè inter repentinæ profectionis tumultuationem, vel si proximè ad manum essent, tam citò à præoccupatis & turbatis insperatâ iussione, & obedire festinan- tibus intrudi in annulos suos non possent. Exem-

pla similia occurrunt quotidie. Hominem videas, quem improvisus casus in publicum derепentè euo- cer, qui subito, insperatoque vel nuntio, vel impe- rio, vel periculo percussus nec vestire rectè, nec pal- lium decenter humeris iniicere, nec gladium cinge- re, nec pileum inuenire præ turbatione queat, sed omnia vel inuertat, vel prorsum euertat, & obruat, & inter tumultuariam accelerationem, quid agat, videre non possit.

Itaque ut illi suos vestes ad omnem subitum, du- biumque euentum semper insertos circulis habe- bant: Ita quisque Christianus debet fecisse confes- sionem, confecisse testamentum, perfecisse omnia, quæ ad bonam mortem obeundam pertinent, ut De- us, quodcumque illum ad ineundam vitam vniuer- sæ carnis euocat, semper paratum ad suscipiendum iter inueniat, ne incautum, immuniumque ex insi- dijs mors inexpectata inuadat, & ante abripiat, quam exomologesin, & cetera, quæ ex usu illius tam ancipitis horæ sunt, facere queat? *Ad hoc namque Vestes in circulis semper esse iubentur, Et cum portari Arcam necessitas exigit, de intromittendis Vestibus nulla portandi tarditas generetur.* Sic & iubemur semper esse parati, & habere in promptu omnia, ut cum portari non arcam ligneam, sed animam im- mortalem necessitas exigit, de præparandis necessa- rijs nulla tarditas (quod fatuis virginibus, eam ob causam etiam cœlo æternum exclusis, accidit) gene- reretur. Nam relinquere hæc tunc curanda, cum in- numeris alijs curis, & cogitationibus, & doloribus pressus animus nihil eorum facere potest, exitialis- sima, & damnosissima fraus est.

Apud Sanctum Marcum nocte cenæ aiebat Do- minus Discipulis suis. *Omnes scandalizabimini in me;* quando Petrus præfatus de constante sua in il- lum fide iactanter dicebat, se nunquam scandalizan- dum, quidquid alij facerent. Tunc Dominus: *Pri- usquam gallus Vocem bis dederit, ter me es negaturus;* Marci 14. 30. velut dixisset: Vide sis, Petre, quàm longe aliter, atque existimas, eueniet, ante enim ter me pernegabis, quàm bis gallus cantet. Ad proba- tionem res deducta est, nam cum primum negauit Petrus, mox succinuit gallus, cumque posthæc ille iterum, atque iterum negaret, *statim gallus iterum cantauit. Et recordatus est Petrus Verbi quod dixerat ei Iesus;* ibid. 72.

Exclamat Euthymius: Quid hoc rei dicam! Quomodo tam citò obliuisci Petrus potuit cantat- uri galli signum, ut cum semel iterumque negaret, gallusque neganti succineret, non recordaretur ver- borum



borum Domini sui, & vel tunc vix reminisceretur, atque ab illo suæ obliuionis lethargo expergeret, quando secundò gallus peritrepere voce cœpit? Quid causæ esse possit, quòd tam leuiter memoriâ lapsus Petrus fuit?

Respondet Euthymius in c. 14. Marci: *Dictum Verbum præ timore exciderat.* Tam multi erant, qui Petrum exagitabant, & accusabant; & hinc quidem garrula famula, illinc circumstantes barbari ministri vellicabant, & infestabant, ne liberè quidem respirare sinentes; vt quanquàm verbâ Christi cum singulari affectu ab illo prolata plurimam mererentur considerationem, & gallus semel cantaret, ille tamen nec recogitaret Domini comminationem, nec audiret galli cantem primum, sic illi metus, vexatio, turbatio animum distraxerat, & memoriam omnem ademerat. At si Petrus intrâ tam exiguum tempus oblitus fuit verbâ Christi, & signâ suæ negationis, quæ ab illo audierat, quòd inter multos homines ageret, ab eisq; incurfaretur, sic vt sibi præsens non esset: Quomodo tu vis tui satis compos esse in hora mortis, quando infirmitatis dolores premunt, quando phrenitis memoriam, mentemque omnem auferre, adferre delirium potest, quando tot peccata te accusant, quando tot dæmonia exagitant, quando mundus vocat, caro trahit, curæ angunt? Tunè in ea rerum ruarum confusione, & turbatione sensum, & tumultuatione cogitationum tantam tibi promittis tranquillitatem, vt rationes tuas vltimas rectè, rudè, securèque componere possis? Rationis iudicium corruptum habet, & perditè desipit, quem spes tam incerta lædat. Homines pii, & quibus sua curæ est saluatio, tempestiuè sese præparant, vt eorum studia, & desideria prosperum, optatumque sortiantur effectum.

*Veniunt hæc ex eadem lapidina; ex qua Caput V. Libri IV. partis secunda Politici Cælorum. Vide etiam illius calcem.*

## C A P V T VI.

In domo Dei gratum, probatumque habetur, quod volumus, & non possumus, non verò illud, quod possumus, & non volumus.

**F**Vit in eo Patriarcha nosser, vt immolaret filium suum (quod tam illustre, insignitumque facinus satis extollit, qui solum commemorat) inclamansq; illum Angelus, sic ex Deo appellabat: *Nunc cognoui, quod times Deum, & non pepercisti vniogenito filio tuo propter me;* Genes. 22. 12. hoc est, nunc

Tom. III.

toti mundo innotescet, qualem te habeam seruum, qui vt mihi officium deferres, vitam filio tuo, ei que vniogenito tam certum habuisti, quam deliberatum.

Hærent Interpretes omnes in ijs Angeli verbis: *Non pepercisti.* Quomodo non pepercit? Immo verò pepercit, nec enim demersit ab humeris caput. Quid ergo Angelus ait, non pepercisse? Dixit hoc, quia Sanctus Abraham ad sacrificium peragendum, quidquid in ipso erat, fecit, neque holocausto voluntas defuit, & sic non pepercit, qui si a Domino relictus fuisset, ferro, & igne filium, vt volebat, confecisset. Cum ergo voluntas illi non deesset, operis loco habita, proque eo a Domino acceptata fuit. Propterea Sanctus Ioannes Chrysostomus aiebat: *Proposito dextram cruentauit.* Hinc accipitur, quòd Dominus semper spectet voluntatem, quæ cum prompta est, sic eam remunerat, ac si opus ipsum expletum fuisset, si tamen perficiendi facultas non fuit. Sic e contra non probat, neque acceptat Deus, quod facere quis potest, & intermittit.

Prædicabat cœlestis Magister Scribis, & Phariseis æterni Patris sui, suamque potentiam, quæ ex eo etiam elucesceret, quòd gregem suum tam diligenter, ac vigilanter custodirent, vt ex ipsorum manibus nemo aliquid pecoris rapere posset. Commemorabat illis prolixam suam liberalitatem, quæ tanta esset erga oves suas, vt primum eas benè pasceret, posthæc etiam in vitam æternam induceret. Tam vehementer illis stomachum hæc, aliæque talia Domini verba mouerunt, vt Sanctus Ioannes dicat: *Sustulerunt lapides Iudas, & lapidarent eum;* Ioan. 10. 31. vulneraque illi, aut etiam necem inferrent, cui deferre obseruantiam pro sacra institutione, & referre gratiam pro beneficio exhortationis debebant. Quando hanc illorum immodestiam, impudentiamque vidit Dominus, ait: *Multa opera bona offendi vobis ex Patre meo, propter quod eorum opus me lapidatis?* ibid. v. 32.

In his notandum illud, *Propter quod eorum opus me lapidatis?* neque enim reapse satis appetuerunt Dominum, quod ex contextu est videre. Quid ergo querit causam, cur ab eis lapidaretur? Delicatul homuli videretur querimonia, eius qui occidi se clamaret, vbi nemo quidquam ageret, per quod illi mortem consciscere posset. Cum hæc irâ habeant, quomodo Christus se lapidari aiebat? Si dixisset, *Propter quod opus me lapidare vultis,* iusta videretur, & rationi consentanea expostulatio. Cur ergo absolutè dicit, *Me lapidatis?*

Respondet Cardinalis Caietanus: *Non dicit, Vultis*

Aa



*Vultis me lapidare, sed Lapidatis, & intelligamus, quod erant in procinctu lapidandi, immo quod quantum ex ipso erat, Lapidabant.* Respiciebat Dominus damnatæ voluntatis propositum, per quod lapidibus illum obruissent, nisi diuina potentia pessimis cogitationibus obstitisset, quare & arguuntur, tanquam saxa in illum reapse iactassent, quoniam ibi non voluntas facultati, sed facultas voluntati defuit. Cum autem primam voluntatis rationem habeat Dominus, idcirco incusat eos tanquam lapidassent, quibus lapidandi certa voluntas erat.

Iam si Dominus voluntatis malæ, cui facultas defuit, propositum castigat, & coarguit, palam est, quod promptam voluntatem eius conceptum opus bonum, per imbecillitatem virium exequi non potest, multo magis remunerabit, ut qui oppido promptior sit ad conferendum beneficia, quam ad inferendum supplicia. Qui veller, nec potest, tantam habebit, quantam acciperet, si opere, quod vult, perficeret.

Vidit in transitu apud Sanctum Marcum nonnulli Dominus hominem quendam, iussitque sequi. Et ille dicto hilariter, celeriterque obsecundans, ex templo *relictis omnibus surgens secutus est eum.* Itā Beatus Lucas c. 5. v. 28. Ex his signis intellexeritis, Matthæum esse, quo de loquimur. Hic sedebat in telonio, incubans quæstibus, immersus in lucra. Audiebat Christum vocantem, nec mora, & cambiorum libris, & acceptoriam, expensorumque codicibus, & omni illā negotiatione sese abdicauit, comitemque Domino adiunxit.

Sed posthæc dicunt Evangelistæ aliquid, quod nonnullam habet difficultatem. Lucas enim c. iam dicto, v. 29. sic ait: *Et fecit ei conuiuium magnum. Venit in domo sua, & erat turba multa publicanorum, & aliorum, qui cum illis erant discumbentes.* Res est, quod Matthæus, ut qualem qualem posset suæ magnæ felicitatis ostentationem faceret, splendidissimum, dapulosissimumque conuiuium instruxit, ad quod plurimi confluxerunt hospites negotiationis, & officij confortores, velut ad gratuitas mensas frequens solet esse parasitorum concursatio. At si *relictis omnibus*, ut Lucas dicebat, *surgens secutus est Christum*, vnde habuit ædes, numos, sumptus, reliquumque apparatus, ut Christo, alijsque tam multis conuiuiis tam magnificum, tam pollucibile, & opiparum exhiberet conuiuium? Vnde tanta impendia homini, qui se iam rebus omnibus nudauerat?

Mouit hanc quæstionem iam pridem Sanctus Pater in c. 9. Matthæi dicens: *Quæritur, cum secut*

*Lucas insinuat, relictis omnibus secutus sit Christum de telonio Matthæus, quomodo postea in domo sua suis sumptibus pascat eum cum publicanis, & peccatoribus?*

Respondet verò itā: *Ex quo liquet, quod res tota magis, quam manu relinquatur.* Quanquam Matthæus de sua domo nondum decesserat, neque bonis se abdicarat, dicit nihilominus Evangelista (cuius calamum moderabatur Spiritus Sanctus) reliquisse illum omnia, idque propter voluntatem, quæ se obstinauerat ad renuntiandum domui, familiæ, & omnibus opum facultatibus. Erat Matthæus obnoxius accipiendis, reddendisque rationibus, habebat res, quas cum alijs componeret, & relinquere eas indigestas sine aliorum iniuria, & offensione conscientia propriæ non poterat, & propterea conueniebat, ut non statim abijceret omnia. Et quamuis res itā habeat, quod non statim de rebus omnibus decessit, quia tamen cunctis sese exuerat, voluntas hæc Matthæi pro opere accepta fuit. Sic Deus, ubi facultas deest, voluntatem remunerat, tanquam expletum fuisset, quod animo solum propositum fuit.

Spiritus Sanctus Prouerb. 14. v. 22. ait: *Errant, qui operantur malum, misericordia, & Veritas præparant bona.* Notandum cum Caietano, quod illa ex Hebræo sic transferri etiam possunt: *Nonne errabunt cogitantes malum?* Sed quomodo conuenit translationi cum alia? Vulgata versio ait, errare eos, qui operantur malum, Hebraica affirmat, eos hallucinari, qui cogitant malum. Qui cogitant malum, quomodo operantur illud? Respondet Caietanus, eā loquendi formulā indicatam, quo loco Deus habeat affectum ad bonum, seu malum, propositum bene agendi, aut malè. Apud Deum qui bonum, aut malum cogitat, quamquam opere non expleat, non tamen effugiet pœnam, nam quod malum non facit, non fit quia nolit, sed quia non possit. Et cum Deus attendat affectum, etiam is suum dependet supplicium, qui solā illum voluntate offendit.

Vt verò in bono, sic & in malo, & quidem multo magis, voluntatem Deus respicit, & digno præmio remunerat. Huius rei pulchram probationem habemus in verbis Salomonis proximis, ex quibus illa, *Misericordia, & Veritas præparant bona*, sic etiam verti possunt ex Hebræo, *Misericordia, & Veritas ædificat, qui fabricantur, architectantur, cogitant, arant bonum.* Vbi ex sententia docti Interpretis Salazar hoc vult dicere illius libri author Spiritus Sanctus, diuitem.



diuitem mercēdem accepturos in cœlis illos, qui animo, & voluntate designant magna, & concipiunt grandia, quæ pro Dei honore facere vellent, si vires suppetarent. Dicit quidam: Vtinam possim excitare monasterium, in quo Dei laudes noctu, diuque cultu religioso, eoque perpetuo exsoluantur. Vtinam possim construere nosocomium, siue domum hospitalē, in qua subueniatur pauperibus, rectoque excipiantur egeni! Vtinam eas habeam opum facultates, quibus remedium orphanis, & omnium hominum necessitates leuare queam! Qui talia ex animo loquitur, habebit suam à Deo pro istis pijs propositis, proque tam enixa voluntate remunerationem. Pius enim hic pater non tam effectum spectat, quam affectum, propterea dicit, *Misericordia, & veritas his, qui apud animum suum fabricantur, & imaginando architectantur monasteria, nosocomia, census, ac prouentus annuos, ex quibus religiosi, & egeni viuere possent.* Quidquid magnum pro Dei honore prompta voluntate decernimus, hoc magno loco habet Dominus, tametsi explicare in opus non possumus.

Denique in domo Dei illud gratum habetur, & admittitur, quod quis facere vult, & non potest, non verò id, quod potest, & non vult. Parum enim proderit, quod quis circumfluat diuitijs, quibus opitulari egenis possit, si nolit. Nam Dominus non respiciit quod potes, & non vis, acceptum tamen habet, quod facere paratus es, sed non potes.

Quarti Regum 7. c. de illo mari æneo, & fusili lutere dicit sacer Scriptor v. 26. *Duo milia batos capiebat.* Paralipomenon liber 2. c. 4. v. 5. de hoc eodem mari fusili sic ait: *Capiebat tria milia metretas.* Facile hic est animaduertere, quod ista mutuo pugnare videantur. Certè duorum millium batorum à tribus millibus metretis magna est distantia, ac propterea nonnullum Expositoribus sacris laborem attulit istorum locorum conciliatio. Quomodo ergo accipienda, quæ utrimque dicuntur?

Cardinalis Caietanus in 2. Paralip. c. 4. ad hunc modum respondet: *Solutio est, quod ibi, hoc est, in lib. 4. Reg. describitur mensura secundum quantitatem aqua in communi usu; hic autem secundum quantitatem aqua, qua poterat apponi implendo illud & q̄q̄ ad summum.* Verbo hoc dicam. Capacitas ænei maris tanta erat, ut tria metretarum millia excipere posset, cum bis mille bati plerumque solum illi infunderentur. Liber ergo Regum quartus eam solam aquæ mensuram censet, quæ communiter in lutere illo reapse erat, non quæ esse poterat. Tantundem

in re nostra euenit. Si duo minuta des, cum possis tria, duo solum numerabuntur, & munerabuntur. Si autem nihil eroges, cum possis aliquid, nihil etiam in rationibus tuis probabitur.

*Periocha septima Dominica in ramis palmarum To. 1. pag. 459. habet nonnihil affinitatis cum ista.*

## CAPVT VII.

*Facile intereunt virtutum opera, quæ Deum non spectant, & ab illius amore, obseruantiaq̄ non proficiuntur, quare ut perdurent, bene agentes illum solum respiciamus.*

Facinus illud Patriarchæ nostri profectum fuit ab obseruantia Dei, & quanquam arduum, ac perdifficile esset, gloriosum tamen finem habuit quod originem tam nobilem. Hoc est, quod Dominus voluit, cum ait: *Non peperisti; inuenisto filio tuo propter me;* Genes. 22. 12. tanquam apertius dixisset: Quod rem tantam fecisti, hoc inde venit, quod me ob oculos habuisti, & respexisti, nam si aliud quiduis propositum habuisses, ab opere concepto facile destitisses. Virtus, quæ plausu nititur, & alitur humano, tam facile intercidit, quam caducum est fundamentum, & fragilis basis, cui inhæret.

Discrebar Sanctus Ioannes Baptista apud regem Herodem, arguebatque illum de incesta, & scandalosa cum fratria sua consuetudine, dicens: *Non licet tibi habere uxorem fratris tui* (Marci 6. 18.) non licet tibi eâ per tyrannicam lasciuia ad explendam turpem libidinem abuti, quam frater tuus fide coniugali sibi soli obligatam pridem habuit. Vide proinde, rex quantum, quamque enorme offendiculum non subditis solum tuis, verum & regnis vicinis præbeas. Quo animo salubria boni monitoris verba acceperit, ex eo licet arbitrari, quod trucidasset illum nisi vulgi metus manum à cæde absteruisset: *Volens enim illum occidere, timuit populum,* inquit S. Matthæus 14. 5. Itaque prædicatorem virginem præuaricator incestus exuere vitâ voluit. Cur intermisit? Quid illum à nefario scelere abstinuit? *Timuit populum.* Non amor Dei, non horror tam grauis, & iniusta occisionis viri tanti, & tam sancti, sed populi motus, & motus publici formido illum tantisper coërcuit.

Hocine verò solum tibi manus obstringit, ut ne vim, mortemque Ioanni inferas? noli metuere, ne diu ille posthac viuat, noli putare, quod multos videat soles. Factum ita, nam paulo post *misse, & decollauit Ioannem in carcere;* Matth. 14. 10. Quo-



modo enim non statim corrueret, quod in tam imbecillo fundamento constructum erat? *Facile deniat a iustitia* (quod vobis è sacro prædicabilium subtilitatum ærario acceptum dono) *qui in causis non Deum, sed hominem perimessit.* Hic timor peccandi facultatem deferre potest, auferre non potest voluntatem. Irà S. Petrus Chrysologus serm. 127. Quem non Dei amor, timorq; à peccato auocat, hunc metus hominum non diu morabitur, quamuis enim facere possint hæc retinacula, vt non possit malum, quod propositum habet, exequi, vt tamen nolit, efficere non possunt.

Vt ergo sit stabilis virtus, & perdurable bonum opus, quid factu opus? Illud, vt solum Deum respiciamus, cum charitatis, aliarumque virtutum pijs studijs nos tradimus. Solida namque, & firma, & perpetua erunt, quæcunque in tam valida basi construxerimus opera. *Solus est Dei timor, qui mentes corrigit, fugat crimina, innocentiam seruat, perpetem tribuit facultatem,* inquit rursùm Chrysologus ibid. Quod vnus Dei intuitu fit, perdurable est, cuius alio fertur inter bene operandum respectus, eius facile intercudit studium, quia & citò languet, torpet, que animus tam fragili fundamento nixus.

Sponsus aiebat: *Sexaginta sunt reginae, & octoginta concubinae, & adolescentularum non est numerus;* Cant. 6. 7. Tum v. 8. *Vna est columba mea, perfecta mea.*

Curiosus quispiam sciscitabatur ex sancto Isidoro Pelusiota, quid sibi vellent, quod illi dicebatur, sexaginta fuisse reginas, octoginta concubinas, adolescentulas innumeras, vnā verò consummatam, & perfectam. Respondebat Pelusiota, illā enumeratione comprehendendi varios homines, qui propter varios respectus consecrantur virtutem. Reginarum nomine designantur ij, qui intuitu præmij Deo seruiunt. Concubinæ eos repræsentant, quos metus supplicij excitat ad obseruantiam legis Dei. Columba eorum symbolum est, qui neque præmium, neque supplicium, neque cælum, neque inferos, sed Deum solum respiciunt, atque inde permouentur, vt illi studiosè obseruiant, & omnibus religiosi cultus, pietatisque gratificentur officijs. *Et inuencula sunt* (inquit Isidorus, quem dixi, lib. 4. epist. 5.) *quia ob aliquis prætextus humanos temperantiam colunt, & iustitiam sectantur, qua nec regni celestis desiderio, nec iudicij, & condemnationis metu officium faciunt.* At cum cæterorum, qui Deo famulantur, & placere student, certa sit, neque nimia multitudo, quamobrem *adolescentularum non est numerus?* For-

tean Sponsus harum summam nesciuit, cum numerum aliarum teneret? Minimè omnium, quia Sponsi omniscientia diuini omnia pernouit, perquespecta habet. Quid ergo sibi vult, quod dicitur adolescentularum non esse numerus? Illud, quod vulgò dicimus, cum aliquem frugiperdam, & nauci hominem denotare volumus, quod his verbis plerumque facimus: *Nullo in numero;* siue *nullo numero est.* Sic & Cicero loquitur in Orat. in Anton. & in lib. de claris oratoribus. Quod ergo Sponsus ait, adolescentularum nullum esse numerum, perinde est, ac si dixisset, nullo numero esse, nec quicquam curandos eos, qui solo hominum intuitu, & priuata vtilitatis suæ amore seruant legem Dei, sectanturq; quod bonum est, & iustum, nam eorum virtus vt in fragili fundamento construitur, ita intercudit facile, leuiterque extinguitur. *Solus est Dei timor, qui fugat crimina, innocentiam seruat.* Solus ille timor est exturbator flagitiorum, excubitorque virtutum vigilantissimus.

Quærit Theophrastus, cur malorum granatorum tam facile decidant flores, quorum vt sunt cortices duriores, ita diuturniores videntur esse debere flores. Causam exponit l. 2. de causis plantar. cap. 11. inquit: *Punica flores facile amittunt, quia nexus eorum debilissimus est.* Vertebrae teneras, & deliculas, & perimbecillas habet flos punicorum, eam ob rem leui aspiritu deiicitur. Diu perdurare, & coherere non potest, quod tam infirmo nodo retinetur. Si quæras, cur ille à vita poenitente destitit, cur illa studio vitæ solitaria, & modestæ deposito depositum semel mundum muliebrem resumpit, & ad inanem putidæ cuticulæ cultum, superioremque vanitatem est reuersa, respondebo, *quia nexus eorum debilissimus.* Illius poenitentia populari aurâ, & plausu hominum spectatorum nitebatur, ista recessum coluit, & latebras petijt, vt in admiratione esset, & opinionem sibi sanctitatis constaret, ac propterea amborum bona cæpta leuiter corruerunt.

S. Ignatius Martyr epist. 15. 10. 3. Vet. PP. ait: *Nihil perpetuum quod videtur.* Hoc est, quod dicit. Quidquid agitur solum, vt videatur, & non pro solo Deo, diu stabile ac fixum esse non potest. *Solus est Dei timor, qui fugat crimina, innocentiam seruat.* Vt ne veterem domum peccata semel exclusa reptant, atque vt innocentia matris familias locum retineat, rectore, & gubernatore opus habet timore Dei, quod non tali fundamento nititur, facile occidit, & occumbit.



## C A P V T VIII.

*Nulla magis illustria, nobiliora, & pericula, quam quæ pro honore, & utilitate suscipiuntur aliorum.*

**C**oronabat Dominus inclytam hanc Patriarchæ nostræ actionem mille benedictionibus, totidemque promissis, dicens: *Benedicam tibi, & multiplicabo semen tuum*; Genes. 12. 17. possidebuntque posteritui tui portas hostium suorum.

Sed notandum cum Paulo Burgenſi, non fuisse Dominum pollicitum Abraham hæ benedictiones, nisi postquam ille sacrificauit arietem, quem vepres implexum, innexumque habebant. Moyses ait: *Vidit post tergum arietem inter vepres hærentem cornibus, quem assumens obrulit holocaustum pro filio*; ibid. v. 13. Burgenſis verò in suis annotationibus ista. *Non fuit sibi factum iuramentum diuinarum promissionum &que tunc, scilicet post arietis immolationem, quod non debet vacare à mysterio.*

Quid verò sit mysterij, quòd Abraham non habuit illud tam magnificarum iuramentum promissionum, quousque arietem immolaret? Cur tunc non accipiebat, quando Isaacum offerre victimam certum habebat? Dicit Burgenſis, Isaacum fuisse figuram Christi. Affirmarunt hoc ante illum sancti Ephraem, Ambrosius, Augustinus, Gregorius, aiuntque omnes Expositores. Ratio figuræ est, quia sicut ille aries pro Isaac casus soluit, quòd soluere Isaac debebat. Ità Christus pro totius generis nostri culpis sacrificio oblati debita mundi luit, diuinæque iræ ictus excepit, vt æternum Patrem suum placaret, & reconciliaret. Tunc ergo Abraham benedictionibus cumulatus, & maximis promissis recreatus, honoratusque fuit, quando pro Isaac aries occisus, vt illo exemplo insisteremur, in illos magnâ vi, & copîâ descendere benedictiones, gratias, dona, beneficia Dei, qui pro aliorum commodo, & utilitate, facultatum opes, honorem, vitam, seque, suæque omnia deuouere discrimini, & offerre periculo nouerunt.

Cum mortis triumphator, & vitæ reparator vitam cum morte in fatali crucis stipite commutasset, *venit Ioseph ab Arimathia nobilis decurio, & audacter introiit ad Pilatum, & petijt corpus Iesu*; Marci 15. 43. Erat Ioseph defuncti Magistri, & collegarum amicorum ipsius fidissimus; integerrimusque. Cum hoc ita habeat, obseruauit Christianus Druthmarus in cap. 27. Matth. quòd nullus aliorum Euangelistarum facit illius tam nobilis, & pij viri aliquam men-

tionem, nisi hoc in loco, & hac occasione: *Non in alio loco Euangelij de hoc dicitur, nisi hic, inquit ille.*

Quid est, quòd hæc vice tantum Euangelistæ meminere illius Iosephitis, cum alias sine dubio non paucæ sese obtulerunt actiones, quæ cum laude ipsius commemorari potuerint, & Chronicis sacris inseri meruerint? Cur illud solum, quòd tam animosè ad Pilatum ingressus fuerit, prætereaque nihil, quòd ad illius commendationem facere possit, narratur?

Respondetur, huius solius operis fieri ab Euangelistis mentionem, eò quòd illud solum videatur sat esse nobilitando illi, & toti profapiæ eius illustrandæ. Quid enim fecit Ioseph? *Audacter introiit ad Pilatum, & petijt corpus Iesu*, hominis, quem homines alij plerique aspernabantur, & abominabantur, execrabilemque de execrabili ligno æstimabant, in quòd illum rabiosa hostium suorum inuidia clauis fixum egit. Erat Ioseph diues, & opulentus, atque vt sanctus Ioannes c. 19. v. 38. ait, *Discipulus Iesu, occultus autem, propter metum Iudæorum*. Nihilominus quanquam præuideret, quòd petens illius cadauer, diuitias suas, & officium, & vitam periculo iacturæ exponeret, contemptis, & calcatis vniuersis, omniq; timore posthabito defuncti corporis pignus depoposcit, vt sumptuoso monumento inferret. Itaque non in alio loco Euangelij de hoc dicitur, nisi hic Nam vt Ioseph æternæ memoriæ consecraretur, & de omni triumpharet obliuione, satis est hæc vnam, solamque innouisse eius actionem. Qui enim pro honore, & exultatione alterius fidenter opes, honorem, & vitam, periculo exponit propriam, in supremum fortitudinis, & generositatis fastigium peruenisse videtur.

Commendabat Sponsus formæ liberalioris decen-  
tiam, & venustatem dilectæ Sponsæ suæ, dicens: *Pulchra es, amica mea, suauis, & decora sicut Ierusalem, terribilis ut castrorum acies ordinata*; Cant. 6. 3. LXX. Interpretes legunt ita: *Pulchra es, proxima mea, sicut ipsa beneuolentia*. Quænam ista beneuolentia, cum qua hic Sponsus elegantiam Sponsæ suæ componit?

Perspicuum est (inquit sanctus Gregorius Nyssenus) non posse esse aliam, quam verbum Dei incarnatum Christum, qui opulentum pretiosarum venarum suarum thesaurum in vsum generis humani piè, liberaliterque effudit. Quis ergo subest sensus laudationi Sponsi, dictisq; eius, quibus ait, tunc Sponsam videri elegantiorē, maioremque suæ pulchritudinis ostentationem facere, cum flagranti amoris Sponsi magis est assimilis?




Respondet Nyssen homil. in Cant: *Pulchra sicut ipsa benivolentia, quæ alijs hoc fit, quod Christus humano generi fuit.* Quod Sponsus ergo dicere voluit, tale fuit: Quando appetentias tuas o dulcis, & chara Sponsa, gladio cordis, & iugulas concupiscentias, & libera carnis voluptates infrenas, pulchra mihi & formosa, (nec enim negare possum) videris. Verum quando pro commodis alienis discrimini te animosè exponis proprio, quando charitatem tuam exornas similitudine charitatis meæ, quæ fecit, vt ego pro incrementis aliorum curandis detrimenta tam ingentia subierim propria, tunc mihi forma tua dignior, & elegantior, tunc pulchritudo tua cœlestis videtur, & venustas lineam festiuitatis, generositatisque extremam attigisse. Hoc enim periculis omnium pulcherrimū ornamentum, cum pro commodis suscipiuntur, & tolerantur alienis: Quippe quæ alijs hoc fit, quod Christus humano generi fuit.

Arreptâ hinc occasione ventilabimus hoc loco quæstionem, quam mouet sanctus Ioannes Chrysostomus, interrogans, cuiusnam maior fuerit charitas, Moysiue erga suum populum, an Pauli erga suos cognatos. Nemo inficias ierit, fuisse ingentem Moysis amorem. Cum enim Dominus cæcum populi peccatum plectere, populumque ipsum pro fœdo illo, & sacrilego idololatriæ scelere mactare vellet, procurrens Moyses, & medium se obiciens, & stans à populo aiebat: *Aut dimitte illis hanc noxam, aut si non facis, dele me, de libro tuo, quem scripsisti;* Exod. 32. 31. 32. quod ex communi omnium sententia perinde fuit, ac si dixisset: Aut vnâ omnibus veniam dona, aut me vnâ cum omnibus obrunca. Laudabilis hæc, quia generosa actio fuit, & illustre facinus, quod promeruit, vt multi sacri Scriptores noctibus plurimis ad lucernam laudes sacri huius ducis elucubraverint. Transeamus nunc ad Pauli Charitatem. Optabam ego ipse anathema esse à Christo pro fratribus meis, qui sunt cognati mei secundum carnem. Ro-

man. 9. 3. Esse anathema à Christo, idem est, vt aiunt Expositores, quod subire iacturam quietis, vitæ, & omnium bonorum huius mundi pro bono cognatorum spirituali curando, aut promouendo. Neque est nemo, qui dicat, voluisse Paulum ijs verbis dicere, quod si aliorum gloria & beatitudo in eo posita esset, vt suam ipse perderet, velle beatâ illâ quiete carere, vt ipsi æternū beato gauderent otio.

Quærit nunc diuinus Constantinopoleos Archiepiscopus Chrysostomus, cum Moyses, simulque Paulus discimen subierint, vter eorum maiore animi fortitudine, & cordis generositate se periculo obtulerit. Difficile mihi est hac de re pronuntiare, verum Christianus Demosthenes eam facillè soluit quæstionem, dicens, valentiorē, ardentiorēque Moysē fuisse Paulum. Quamobrem istud? Quia Moyses cum ceteris optauit perire, Paulus pro ceteris, non enim cum pereuntibus perire voluit, sed vt saluarentur alij ipse de gloria æternitate decedere. Hæc ille in homil. 1. de laud. Pauli. Moyses vnâ cum alijs subire mortem cupiebat. Paulus suâ solius mortis sospitare alios optabat. Moyses decedere vitâ paratus erat, verum seruare alios viuos non curabat: Paulus mori desiderabat, si tamen per mortem suam posset alios relinquere superstites. Ergo quanquā ingens charitas Moysis, maior tamen Pauli fuit, quæ ad similitudinem, & modum amoris Christi accessit. Propterea sanctus Gregorius Nyssen homil. ult. in Cant. affirmat, Paulo, cum aiebat, *Optabam ego ipse anathema esse à Christo pro fratribus meis*, dici potuisse: *Talis est animi tui pulchritudo, qualis fuit erga nos benivolentia Christi, qui pro omnium vitâ mortem tam probrosam appetijt. Mori velle cum omnibus, magnum quiddam est, sed vitâ offerre periculo, ne quisquam moriatur aliorum, pro salute aliena contemnere propriam, præstantissimus amor est, & supremus charitatis apiculus.*





# LIBER XII.

## VITÆ ABRAHAM.

## CAPVT I.

*Maxima Christiani securitas est, hoc sibi per suam habere, nullam esse in hac vita securitatem.*

**Q**UOD de fortunæ inconstantia profanus laiciui amoris magister Ouidius affirmat, idem nos in hoc capitulo, quod sollicitudini nostræ, & vigilantie consecratum est, dicere possumus. Ille aiebat, fortunæ non esse aliam constantiam, quam quoddam nunquam firma, stabilisq; permaneret. Sic ut Christianus in hac vita degat securus, nullâ re melius efficiat, quam si persuasum sibi habeat, nullam posse esse securitatem, atque ut interitus viuat, id obtinebit, si vitam intimore transmittat.

Propheta regius David aiebat: *Amputa opprobrium meum, quod suspicatus sum.* Videtur hæc esse oratio hominis cuiusvis alterius potius, quam Prophetæ tam cordati, tam sapientis, tam exacti doctorum suorum examinatoris. Nam petere liberari ab eo, cuius tantum suspicionem habeas, & incertam coniecturam, videtur tale esse, ut in prudentem cadere non possit. Ut tamen assequamur rectum illius petitionis sensum, videamus quidnam Propheta dicere voluerit. Sanctus Ambrosius ait, quod David precatus fuit, id eiusmodi fuisse, ac si apertius cum sancto Paulo dixisset: *Nihil mihi conscius sum, sed non in hoc iustificatus sum*; 1. Corinth. 4. 4. non me alicuius admordet conscientia peccati, neque inde tamen fit, ut ego me iustum censere velim, Sic & dicit Propheta: *Amputa opprobrium meum, quod suspicatus sum*, aufer peccata, quibus vereor ne sim implicatus, & contaminatus.

S. Ambrosius ferm. 5. in Psal. 118. ait: *Secebat se hominem esse, & sibi cauebat, & poterat.* David, & Paulus cognoscebant se homines esse ex nihilo factos fragiles, & quamuis inter suæ imbecillitatis considerationem, non videbant certò peccatum aliquod, quo obstricti essent, non tamen sibi ipsis fidebant, hanc maximam interpretati securitatem, quodd se minimè securos putarent. Itaque David dicebat, quodd plurimis erga se ipsum suspicionibus laboraret, & per exiguam sibi à seipso promitteret securitatem, & cum nonnulla securitate viueret.

De nostro magno Patriarcha iam legimus, quodd transgrediens ad montem, qui erat contra Orientem Berhel, tendens ibi tabernaculum suum, Genes. 12. 8. ubi LXX. transferunt: *Castra metatus est*, admodum, quo exercitus figere suos papiliones solent.

Sanctus Ioannes Chrysostomus ait: *Alienâ dictione videtur & a diuina scriptura*, & quæ tum peregrina sit, tum inepta proposito. Nam sacer Patriarcha tam erat mitis, & pacificus, ut neminem offenderet, aut ad iram prouocaret. Hoc satis probatum dedit, cum suo consobрино optionem dedit, cessionemque fecit terræ, quam ille cunque suæ habitationi deligere vellet, ut omnem iurgiorum, contentionumque occasionem amputaret, quod supra vidimus. Et quando semel arma corripuit, id urgente necessitate coactus fecit, ut cognatum suum Loth à captiuitate vindicaret. Quorsum ergo, *castra*, ut illi aiunt, *metatus est*, tanquam in hostes moueret?

Respondet Chrysostomus, LXX. fuisse eo verbo vltos, & ostenderent Patriarcham fuisse semper expeditum, atque accinctum, & sic vixisse in media pace, ut miles vigilantissimus iuxta propius absitos hostes solet. Et Abraham quidem nullos tunc habebat hostes, neque tamen securus ab illis erat, qui enim hodie non sunt, eras formidari possunt. Et nimium præfidere, periculosa incuria est, ut maxima securitas, in quauis securitate timere. Itaque Patriarcha noster *castra metatus est*, & ostenderet, semper fuisse expeditum, atque accinctum. Maxima namque securitas est, minimam habere in maxima securitatem.

Cum valediceret Redemptor mundi Discipulis suis, iamque hora appetisset redeundi ad Patrem æternum, hæc ad illos apud Euangelistam Lucam cap. 24. v. 49. *Et ego mitto promissum Patri mei in vos, vos autem sedere in ciuitate, quoadusque induamini virtute ex alto.*

Theophylactus plurimum hæsit in eo, quodd Christus non dixit, *accipiatis*, sed *induamini*. Quamobrem verò diuinus Magister ita locutus est ad Discipulos suos?

Respondet Theophylactus: *Non dixit, accipiatis, sed induamini, declarans custodiâ spiritualis armaturæ omnino munendos.* Non ergo ornandos, sed induendos siue armandos virtute ex alto dixit, tanquam



quàm indicare voluisset, tunc maximè securos fore, si nunquàm curâ vacui viuerent, vt propterea eos facere cataphractus, & à summo vertice vsq; ad extremos pedes armare vellet lorica virtutis, quæ non alibi, quàm in ipsa cœlorum officina fabrilis cusa esset, *declarans custodiâ spiritualis armaturæ omnino munendos.* At si Apostoli, illi militantis Ecclesiæ validissimi pugiles, fortissimi duces, inuicti propugnatores semper gladium, scutumque præferre, semper galeâ tecti, loricaque onerati, ac muniti esse debuerunt, quis tam stultè de se præfidere, tantumque præsumere de fortitudine sua potest, vt putet posse aliter habere securitatem, quàm si se nunquàm securum existimet?

Præclare hanc tam vtilem, & salutarem doctrinam tradidit patientissimus Iob, quando ait: *Semper quasi tumentes super me fluctus timui Deum.* Iob. 31. 23. Prudentes nautæ nunquàm tranquillo confidunt mari, solet enim sæpè inopinatò sæua exurgere tempestas, & labantem, vacillantemque forbere nauem. At si nemo cordatus, & prudens vel pacato mari credit, quis in concitato, procellosoque securitatem sibi promittat, quando turbidum, & tumultuosum elementum tam sæuis fluctibus fragile lignum verberat, & ad certum naufragium, interitumque impellit? Quis hostem, qui semper gladium vibrat, sic vt nunquàm brachium illis delasseretur, nunquàm virium robur attenuetur, non pertimescat? Hoc est, quod sanctus Iob aiebat, cum diceret: *Semper quasi tumentes super me fluctus timui Deum,* quando enim me vnus calamitatis fluctu tundit, manet, illi brachium liberum, & expeditum, suspensumque ad ictum, vt aliâ nouâ calamitate me feriat, & percellat, idèdque semper viuò ad omnem ictum, calumque paratus, sic enim leuius fero, quæcunque accidunt. Ità optimus modus parandæ sibi securitatis est, nunquàm se putare securum.

Concennârunt Christus, & Discipuli eius, cumque dulcissimum nectar, & cœlestem ambrosiam corporis, & sanguinis illius prægustassent, *hymno dicto exierunt in montem Oliuari;* Matth. 26. 30. Mons ille repræsentabat misericordiam, cuius symbolum tritum est arbor Oliuarum.

Percunctari libet, quid mysterij habere possit, quod post susceptum sanctissimum Sacramentum, super premium illud diuinæ liberalitatis donum, post cantatum etiam immortalium gratiarum hymnum, adducere in montem misericordiæ, & indulgentiæ Discipulos suos Dominus voluit?

Respondet quidam Doctus Matthæi Interpres

(Paulus de Palatio) inquit: *Indicatur, quòd etiam si Eucharistiam suscepit, etiam si hymnum laicum cecinerit, adhuc in montem Oliuarum conscendere, id est, ad Dei misericordiam confugere debeas.* Pretiosissimo corpore, & sanguine Domini roborati, obfirmati, & obarmati erant illius Discipuli, sacro cantu adhuc sese obmunierant, & nihilominus postquam illud pretiosissimum donum acceperunt, receperunt se in montem, non securitatis, sed misericordiæ. Nam quamuis homo in supremum gratiæ Dei culmen peruenerit, semper tamen ad illius clementiam confugere, semper illius opem, auxilium, tutelam implorare, præfidioque commendare se debet. Nemo quippè in hac vita securum se putare debet, quantumvis sibi rectus communitusque videatur. Qui enim nulli suæ firmitudini se credit, qui in molli securitatis suæ lecto nunquàm incurus dormit, ille arx est adamantina, ille turris fortissima.

Quis non putasset inquieturas procellas, maximamque fluctuum, & totius ærumnarum maris fore tranquillitatem, postquam Dominus Patriarcham nostrum illa tam immani, immolandi filij vnigeniti tempestate diu, acriterque exagitauit? Quis non cogitasset, illum tam amarum haustum fore postremum? Alius nihilominus superest haustus, quem sumat, alia tempestas reliqua, quam sustineat. Haustus ille, & tempestas illa est luctuosus obitus formosæ, quàm honestæ, tam charæ coniugis, quæ cum illi annis plurimis fida, & indiuidua vitæ socia fuisset, *mortua est in ciuitate, Arbe;* Genes. 23. 2.

Sanctus Ioannes Chrysostomus in illius capitis commentario ait: *Postquam à sacrificio illo nouo, & admirabili rediit, excepit eum Sara luctus.* Quando intra dilectæ coniugis suæ complexus conquiescere sanctus Patriarcha debebat, tunc rigidum, frigidumque illius cadauer deplorabat, & cum sibi gaudium promitteret, incidit in feretrum, versaque est in moerorem lætitia. Nullam habet vita præsens securitatem, cum enim calamitas abit, mox altera illam sequitur ærumna, & cum vna subsidit tempestas, exurgit alia, fluctumque fluctus, & procella procellam excipit, & cum vna deuicta est tentatio, statim alio lacessumur prælio. Optima ergo securè viuendi in spiritualibus, & temporalibus bonis industria est, nunquàm curâ, & metu vacuum esse, neque certam sibi vnquàm promittere securitatem.

*Vide Partis secundæ Polarsci cœlorum lib. 8. cap. 1. & calcem illius, & Tom. 1. in Indice rerum Verbo, Securitas.*



## CAPVT II.

Ut nostræ actiones felicem fortiantur effectum, ad prudentiæ regulam, & discretionis amissum dirigere debent.

Deplorauit Abraham charam coniugem suam, sumptuosisque exequijs funus illius cohonestauit, & post funebrem pompam exactam monumentum perquirere cepit, cui venerabiles reliquias inferret. Cum surrexisset ab officio funeris, inquit sacer Scriptor Genes. 23. 3. ut indicaret, iustum illius supremi officij curandi tempus obseruasse, postque illud ad alia rediisse negotia. Neque perpetuo; neque nullo luctu prosequendi sunt mortui. Nam qui semper deplorant mortuos; aberrant à regula prudentiæ, & discretionis; & qui nunquam eos desunt, inhumanam præferunt feritatem. Ergo in neutrum extremum incurras, moderatè charis mortuis ingemisce, & illachrymare. Idem in omnibus qualibuscunque actionibus faciendum; nimirum ut ad prudentiæ regulam, ad discretionis perpendiculum, ad cautionis normam exigantur, quò rectè fiant; omnia enim extrema sunt pernitiabilia, & damnosa. Nam vulgo dicitur: *Tanto es peccator carta de mas, como por carta de menos*, quod hunc habet sensum: Tantumdem peccat, qui minus debito agit, quam qui plus iusto, velut recto chartarum lufui æquè obest folium, quod deest, ac quod superest. Propterea homines pij, qui rectè agere sua cupiunt, constringunt se sapientiæ patrum spiritalium, ut ij vel pro fræno sint, cum nimis feruet spiritus, vel pro calcaribus, cum obtorpescere incipit spiritus.

Propheta regius consuluit laudare æternum benefactorem, ex cuius liberalibus manibus innumera quot dies accipimus beneficia, hortaturque ut harmonie instrumentorum sono eum glorificemus, dicens: *Laudate eum in psalterio, & cithara, laudate eum in tympano, & choro, laudate eum in chordis, & organo*; Psal. 3. 4. *In chordis*, inquit, ut sint consonæ voces.

Sanctus Gregorius lib. 20. Moral. cap. 21. ait: *Fensandum est, quòd chorda in cithara, si minus tenditur, non sonat, si amplius, raucum sonat*: Ut ergo gratum sonum edat, & cum alijs consonet, neque plus satis adduci, neque remitti nimium debet. Hoc est in morum nostrorum, actionumque musica obseruare rex cantor iubet, quandoquidem ex omnes ad Dei honorem dirigi, eiusmodi laudibus consecrari debent, dicens: *Laudate eum in chordis*, hoc est, esse instrumenta musica per omnia, quæ agitis,

Tom. III.

& neq; tam remissi, ac tepidi, ut sint ingrata vestra opera, immò ne reputentur quidem opera, neq; tam præproperi, & conciti, ut per intemperantiam peccetis.

Exemplo abstinentiæ rem hanc declarat beatissimus Papa, inquit: *Sic virtus abstinentiæ aut omnino nulla est, si tantum quisque corpus non edomat, quantum valet, aut valde inordinata est, si corpus atterit plus, quam valet*. Cuius exigua est à cibo temperantia, eius chorda ex nimia remissione est mura: Qui sic emaciatur corpus, ut propè madet, eius absorta est chorda, idque ex immoderata contentione. Itaque nisi manu discretionis modereris habenas, & prudentiæ pede calcaria regis, non progredientur actiones, ut debent. Sic & chordæ sunt, quas necessum sit tendere, sunt quæ relaxatione opus habeant. Sunt quidam tam grauib; & impeditis pedibus, ut calcaria requirant, sunt alij tam celeres, & impetulosi, ut fræno egeant.

Sanctus Paulus hoc nobis dicit, magnus vitæ spiritualis Magister. Hic alijs quidem præcipiebat vitare cibi, potusque intemperantiam, ut *non in commensationibus, & ebrietatibus* (Rom. 13. 13.) viuerent, dilecto verò discipulo suo Timotheo scribebat: *Modico vino frere propter stomachum tuum, & frequentes tuas infirmitates*; 1. Timoth. 5. 23. in quæ sanctus Gregorius ubi suprà sic habet: *Alijs suadenda est abstinentia, Prædicatori autem charissimo scribis, frere modico vino*. Fræno, & calcaribus opus est, ut rectè moderemur opera nostra. Discipulo, cuius quotidianus potus aqua, suadebat Paulus paulo vino vri: ijs autem, qui se in vina semper ingurgitabant, imperabat aquam bibere; nulla enim fructuosa est actio, quam non prudentia regit, & discretio, quoniam optatum finem per talem actionem nemo assequitur.

Quærit supernus Magister, quisnam sit fidus, commodusque erogandæ in familiam annonæ minister. Et ne operosa nobis accideret responsionis indagatio, quibus verbis quærit, iisdem respondet, dicens: *Quis, putas, est fidelis seruus, & prudens, quem constituit Dominus super familiam suam, & derisus illis cibum in tempore*? Matth. 24. v. 45. quasi dixisset: Ille ipse est necessarius Domino suo ad ministrandum domesticis victum, qui fidelis, ac prudens.

O quàm dextrè gubernabit, quàm bonus pater, & magister erit, in quo hæc duo concurrerint, qui ambabus his virtutibus ornatus fuerit: *Vide autem, inquit Furthymius, quòd duo hæc habere oporteat eum, qui propositum est, putâ fidem, ne resineat, quæ sunt*



conseruorum, aut inutiliter consumat, & prudentiam, & decenter ea diuidat, quæ sibi tradita sunt, & cum iudicio, tam in qualitate, quàm in quantitate. Qui boni dispensatoris partes rectè exequi vult in domo Dei, debet primum neque sibi arrogare, nec erogare prodigè aliena, deinde etiam curare, vt omnia ex æquo, prout spiritualis animarum gubernatio requirit, distribuatur, & paria humeris onera cuique imponat, vires singulorum examinet, nec plura, quàm per eas possit, à quoquàm exigat, nam si in extrema declinet, omnia perdet, vt si giganti onera imponat pygmæi, & pygmæo iniiciat pondera, quæ gigas vix, ac ne vix quidem ferre queat.

Huc alluit Apostolus, quando nonnulli dixit: *Nolite pueri affectu sensibus* (1. Corinth. 14. 20.) siue infirmo, ac tenui rationis iudicio, alibi verò ait: *Christus dilexit Ecclesiam, &c. Et exhiberet ipse sibi gloriosam Ecclesiam, non habentem maculam, aut rugam;* Ephes. 5. 27. Neque pueros vult Paulus, neque rugosam, squalidamq; Ecclesiam Christus, hoc est, non prorsum decrepitos, & omnino fractos longo senio, vt exponit sanctus Gregorius Nyssenus. Qualesnam ergo illas animas vult Dominus? Eas, quæ extrema defugiunt, neque tam exigui sunt ætate, vt non valeant iudicio, neque tam prægrauata ænnis, vt sint attritis viribus. *Sola ea anima, quæ statim transit infantilem, & ad spirituali ætate florem peruenit, ac vigorem, nec maculam accepit, aut rugam, & neque propter infantiam caret sensu, neque ob senectutem est imbecilla, ea paret præcepto legis.* Ità Nyssenus homil. 2. in Cant. Pueritia, & senectus duæ quædam extrema sunt ætatis. Hæc declinare Paulus, Christusque iubent, vt neque puerorum insipientiam imitemur, neque torpentes simus ad officia pia, quemadmodum ad corporalia senes, nisi enim veraque fugias, nihil rectè ages, nullum ad normam prudentiæ conficies opus. Mediam talium extremorum ætatem vult Paulus, vt declarat Nyssenus.

Appositè ad illa Nysseni dicebat magnus illius amicus, & Theologus sanctus Gregorius Nazianzenus Orat. 12. *Sic statuo, nec sequirem quengquam esse debere, quàm par sit, nec feruentiorem, ita vt vel ob leuitatem ad omnes se aggreget, vel ob temeritatem, & insolentiam ab omnibus se remoueat.* In omnibus discretè, & prudenter agendum, vt rectè agatur.

Vide Partis secundæ Politici cælorum lib. 7. cap. 9.

## CAPVT III.

Si tam contagiosa sunt vicina corpora mortuorum, quorum fuit vita bona, quàm periculosa erit societas viuorum, quorum sunt tam mala opera?

Dignum consideratione est studium, & diligentia, sollicitudoq; quacum Patriarcha noster indagabat agrum commodum, quem deligeret monumento vxoris, & sepulchro proprio. Agrum, vt dixi, pro tumulo suo, defunctæq; coniugis comparandum perquirebat. Solennis enim, & constans olim Hebræorum, ac Romanorum consuetudo fuit, sepulchra sua ruri habere, ibiq; mortuos suos humare, quod cultus Hispanæ eruditionis Apollo D. Laurentius Ramires de Prado Pentecontar. c. 17. docet, atque eleganter probat ex Genesi, Paralipomenis, Sancto Mathæo Euangelista, Flacco Siculo Frontino, Iuliano Imperatore, Pomponio Iuriconsulto, & alijs multis. Verba sapientissimi consiliarij sic habent: *Equibus morem etiam antiquum Iudeis, & Romanis communem elicio, solum scilicet frus sepulchra in finibus agrorum iuxta Gram.* Mysterium autem sepulchrorum iuxta viam construï solitorum, alteri occasione magis opportuna enudandum seruo. Magnus ergo Patriarcha noster ad filios Heth aiebat: *Dare mihi ius sepulchri Scobiscum, & sepeliat mortuum meum;* Genes. 23. 4. Quare hoc fecerit? Respondet Oleaster in annot. morali: *Non solum in vita, sed etiam in morte soluerunt iusti ab iniustis separari.*

Societatem malorum tantoperè fugiunt boni, vt & viui & mortui eos deuitent, neque vicinos habere velint, tanquàm adeo contagiosa sit illorum vicinitas, vt & mortuis suum afflare virus & adferre pestem possint. Hinc accipiam occasionem tradendæ disciplinæ omnium, quæ ad morum reformationem facere possunt, vtilissimæ. Hoc est, quod Dominum nostrum rogare absque intermissione, & maximum in modum etiam atque etiam obsecrare debemus, vt per pietissima immensæ misericordiæ suæ viscera nos ab omni malorum societate abstrahat, nescio enim quid aliud in mundo sit, quod maiorem habeat etiã ad perfectissimum quemq; deprauandũ vim, efficitatemq; quàm talium cõmerium, & conuictus.

Sanctus Lucas Euangelista, in libro actuum Apostolicorum refert, quod sanctus Barnabas socio ad prædicationis officium vti voluerit quodam Discipulo Ioanne, cui agnomen fuerit Marcus. Cum hoc intellexisset beatus Paulus, impedire hanc coniunctionem, quibus modis potuit, conatus fuit. Pau-



*Ius autem rogabat eum ( Et qui discisset ab eis de Pamphylia, & non esset cum eis in opus ) non debere recipi; Act. 15. 38. Ille Ioannes Marcus in alueari Ecclesiarum quasi quidam fucus erat, ut qui non esset cum eis in opus, inquit Lucas, & segnis operarius erat, & ignauus miles eo tempore, quo strenuè dimicare necessum erat: Eapropter nolebat Sanctus Paulus, ut Barnabas comitem sibi adscisceret Ioannem Marcum. In hanc rem sanctus Ioannes Chrysostomus homil. 6. de laudib. Pauli ait: Quoniam in ipsa aciei fronte constitutum nimis inuulniter egerat, eum merito Paulus abiiecit, ne illius quasi contagione vires corrumpere aliorum. Fuit quando Ioannes Marcus ad pugnam missus, cum primus irruere in hostem, primus aduersum frangere aciem deberet, primus fractus animo magnam ostendit ignauiam, Dicebat ergo Paulus: Male tam timidus in exercitu miles ponitur, vnus enim inertiam suam in cunctos diffundet, ut omnes tanquam meticulosi, & pusillanimes fugiant: Exercitum totum deses vnus reddere ignaum, & integrum hominum bonorum cœtū deprauare improbus vnicus potest: Eum merito Paulus abiiecit, ne illius quasi contagione vires corrumpere aliorum.*

Bene conueniet cum his quidpiam, quod sanctus Ambrosius refert. Differere ille aliquando apud populum de auium natura cum veller, non satis recitabatur eorum, de quibus dicere propositum habebat (quod ipse ingenuè fatetur, ad eorum concionatorum, qui sunt labili memoriâ, non paruam consolationem) cumque dilapsam ex animo nonnihil reuocasset materiam, aiebat: Eugerat nos necessaria de natura auium disputatio, & sermo huiusmodi nobis cum ipsis auolauerat. Hæc ille lib. 5. Hexæm. c. 12. Ità solet homo ad eorum, quibuscum communicat, mores sese componere. Fit enim natura quadam, & hi, qui aliquid intuentur, vel dicendo exprimere solunt, eorum qualitatē, qua vel intuentur, vel loquuntur, assumant, Et cum pigrioribus immoremur, & cum velocibus celeri raptamur aspectu, stylo quoque aut tardiore stamus, aut rapido. Morum affinitatem coniunctio societatis, facile parit, Balbutire, aut præcipitare verba familiare est eis, qui balbutientibus, aut præcipitantibus, sunt familiares, præcipientesque sequimur eò, quò ire amant, quibuscum frequens habemus commercium.

Admirationem cuiuspiam adferet illa sanctorum Angelorum solitudo, qua sanctum Loth ad abitum impulserunt, cum Sodomitæ, urbemque eorum flammis absumere vellent. Cum esset mane, cœgebant cum

Angeli; inquit sacer Scriptor Gen. 19. 15. & quantum illi accelerare iuberent, quantumuis ad maturandum egressum vrgerent, & cogerent, hærebat tamen Loth, tanquam non intellexisset, quæ Angeli monebant. Itaque dissimulante illo apprehenderunt manum eius, illumque, & uxorem eius, & liberos amborum velut per capistrum extraxerunt magis, quam eduxerunt.

Vnde nasci potuit, quòd Loth ita dissimulauit ad voces Angelorum, ita tergiversatus fuit, & non attendit, non animaduertit monita salutaria celestium nuntiorum, sic ut non satis credere videretur, quòd intentatæ ab eis minæ effectum habituræ essent, cum ex obscenorum illorum hominum consortio se proripere iubebatur? Quis hoc sancto Patriarchæ vel aspergere, vel altinire potuit, ut fides illius non nihil turbaretur, & obscuraretur?

Angelicus Doctor sanctus Thomas in c. 19. Gen. ait: Mirum est, quòd cum prius ita credidisset Angelis, quòd modò ita tardabat, & negligebat exire. Initio Loth fidem dabat omnibus, quæ dicta fuerant ab Angelis, humiliterque eos colebat, & domesticos suos, generosque ad obtemperandum eorum iussionibus sollicitè, ac vehementer exhortabatur. Vnde ergo tanta illi posthæc & cunctatio, & hæsitatio?

Respondet Theologiæ magister Angelicus: Ex derisione generorum suorum aliquantulum obscurata, & turbata fuerat fides eius. Dixerant Angeli ad Loth, ut si quos haberet sanguinis, vel affinitatis necessitudine coniunctos, eos moneret, ut fugæ se accingerent, reliquæque ciuitate certum exitum, idque proximè imminens euaderet, & quòd illam igne, ac flammis vastare vellent. Fecit ille quod iussus, monuitque generos, & visus est eis quasi ludens loqui (Genes. 19. 14.) & iocum interpretati sunt minas Angelorum narrationem foci cum risu acceperunt, tantumque non obiurgarunt eum, quòd nugamentis talibus tam facilem fidem daret. Sola eorū, quòd à generis contrà dicebantur, auditio ita concutiebat fidem sancti Loth, ut titubaret, & penè ad partes eorum transiret, ac ferè ipse etiam ludum putaret, quæ Angeli nuntiauerant: Ex derisione generorum suorum aliquantulum obscurata, & turbata fuerat fides eius. Mirum, ac terribile eousque vni talem taliter, tam facile abductum fuisse! Videat ergo vnusquilibet, quibuscum confuescat, & conuersetur. Nam si sanctus Loth, qui paulò ante tam firmiter credebatur, quæcunque ab Angelis acceperat, & tam studiosè perficiebat, quæ ab illis iussus fuerat, & tam ardentè, anxieque ad quærendam effugio salutem, ad so-



spitandam discessione vitam suos omnes cohortabatur, tam facile postea intepuit, & refrixit: Quid nō timere deber, qui crebrō combibit, conuēscitur, cōmunicat cūm improbis, & contaminatis, & peruersis? Quis inter malos socios securum se putabit, quando Loth, quædam velut turris fidei, & tam feruens, tamque magnanimus, ac robustus sancti Patriarchæ Abraham confobrinus ad primum impetum vacillauit, & primo tormenti bellici globo tantum non deiectus fuit?

Propheta regiūs aiebat: *In aeternum, Domine Verbum tuum permanet in celo*; Psal. 118. 89. tantum pluribus dixisset: Scio Domine, huius vitæ fragilitatem, expertus noui præsentis sæculi vicissitudines, & variam mutabilitatem, proinde & fateor, quod apud te solum, & in tua imperiali aula omnia perpetuò constant, durant, firmiterq; perseverant.

Sanctus Ambrosius Serm. 12. in illum Psalmum ait: *In celo permanet Verbum, quia inde desertus est diabolus, in terris non permanet, quia hic totus aduenit*. Ratio perdurantis semper in celo firmitudinis vna è multis est, quod dæmon inde exurbatus.

Admirabilis loquendi modus. Quid enim ibi mali facere pessimus dæmon poterat, vbi Monarchæ supremi tremenda maiestas residet, vbi totum est gloria, potestas, securitas? Quam ibi metus occasionem præbere diabolus, aut quid procurare incommodi poterat? Hinc arbitrari potestis, inquit Ambrosius, quam sit contagiosa malorum societas, quantumque valeat ad inficiendum, ad peruertendum. Sentire nimirum sanctissimus ille, Doctor videtur, neque cœlum satis securum esse potuisse, si ibi relictus fuisset diabolus, tantum ille totam cœlorum regiam simultatibus, dissidijs, moribus intestinis, tumultibus implere, perque turbare valuisset. Ob hoc ergo solum videtur cœlum esse securum, & tranquillum, quia societate mala est vacuum: *In celo igitur permanet Verbum, quia inde desertus est diabolus*. Infernus è cœlo, ut videtur, fieret, nisi improborum conuictus inde procul abesset.

Hic ego huius capituli quemcunque lectorem oro, & obsecro, ut attentè dispiciat, & diligenter consideret, quos vitæ, conuictusque socios deligat, mali enim suâ consuetudine corrumpunt eos, quibuscum conuersantur. Et nemo suâ virtutibus fidat, quia incolumi ager suam contagionem affundit, sanus autem suâ visitatione infirmum nullus vnquam curauit.

*Vide Persocham II. Domin. XIII. post Pentecost. To. II. pag. 196. b. o. & quæ ad finem adscripta.*

*Reliquis vitæ humanæ statibus minutatim dantur labores, coniugati, & matrimonio iuncti prægrauantur omnibus.*

Postquam, tumulo illata, & in monumento reposita fuerant venerabiles reliquiae, quod Patriarcha noster ab Ephron quodam coemerat, coepit agere de vxore inquirenda primogenito suo Isaac, in quo maximam inclatæ posteritatis suæ, & gloriose prosapiæ spem repositam habebat. Monet autem sacer. Scriptor Moyses, grandævum fuisse per id tempus Abrahamum, inquit: *Erat Abraham senex dierum multorum*; Genes. 24. 1.

Sanctus Ioannes Chrysostomus ibi quærit: *Quare hæc nobis assignauit Scriptura?* Quo consilio narrat Moyses decrepitum fuisse Abrahamum, quando collocandi in matrimonium, filij cogitatum suscepit?

Respondet: *Quia curaturus erat, & sponsa Isaac adduceretur, ideo nobis eius ætatem assignauit. Quando ad extremam, inquit, senectutem peruenit. Experientiâ doctus Abraham pernouerat, quantis curis, ac perurgilijs plenum esset matrimonium, eorum etiam, qui pacatam concorditer, vnanimiterque ducerent vitam, propterea videtur filij sui coniugium prorogasse, ac distulisse, quousque poterat. Quare capulo proximus, & Charoticus senecio erat, quando filio suo prouidere de nuptijs, cū aliud iam non posset, debuit: Quando ad extremam senectutem peruenit. Reuera negari non potest, sanctum illum statum multis subiectum esse miserijs, & calamitatibus. Habent etiam status alij suas ærumnas, & difficultates, sed minutas, in coniugij statum conflunt omnes.*

Discurrerat sanctus Augustinus per vniuersos præsentis vitæ status, cūque ad eos deuenisset, qui ad continentiam, cœlibatumque voto se obstruunt, sic inquit in Psal. 86. *Alius ex munere Dei maritus aliquid sinit, & statuit nec nuptias pati, qui non damnaretur, si duxisset uxorem, post votum, quod Deo promissit, sed duxerit, damnabatur. Nonne animaduertitis miram egregij Doctoris phrasin? Statuit nec nuptias pati, ait de illo, qui continentiz votum Deo nuncupauit. Sed qualis ille loquendi modus? Qui potioris literaturæ, & tersioris latinitatis sunt studiosi, alijs verbis eam rem efferre, & dicere solent, uxorem ducere, nuchere, matrimonium contrahere, coniugium inire, &c. at quis dixit, nuptias pati? Quis? Quisquis matrimonij miseras, & ærumnas nouit, idem*



idem non nescit, iungi vxori tantundem esse, quantum adire passionem, & addici remotionem calamitatum, curarum, anxietatum, quas magno agmine secum ducit tristis hic, & ærumnosus status. Itaque acutè sanctus Augustinus nuptias vocat passionem.

Si etiam mortem quis vocaret, non multum à vero aberraret. Certe Dardanenses Illyrici satis hoc indicant, de quibus Ælianus lib. 4. de varia historia c. 1. sic habet: *Dardanenses Illyricos ter solummodo per vniuersam vitam audio lauare consuevisse, post partum, cum nuptias ineunt, & cum mortem obierunt.* Quando hic rem aliquam molestam, & acerbam, poenalemque exaggerare volumus, dicere solemus: *Esse es cosa, que se puede hazer una vez en la vida; yotra en la muerte;* hoc est: *Res ea talis est, quæ semel in vita, iterumque in morte fieri possit.* Egred adducebantur Dardanenses, vt lauarentur, persuasi facile prognosticum esse, sæpius lauari. Putabant nihilominus non omnem omnino intermittendam lotionem, itaque lauabantur & cum nati, & cum denati, tam infelix enim omen arbitrabantur lauari, vt non nisi semel in vita, rursusque in morte lauarentur. Et quando præterea? *Postquam nuptias ineunt,* quo significabant, tam sinistri portenti loco habere, inter nuptias (quanquam non facere non possent quam nasci, ac mori, vt proinde etiam eisdem caeremonijs vterentur ad nuptias, quibus ad primum ortum, & extremum obitum vtebantur a lii: Neque iniuria illud: Nam vt ad miseras nascuntur, qui in lucem eduntur, & vermium esca fiunt, qui è viuis decedunt, ita illi putabant, eos, qui matrimonio copulabantur, simul obligari ad colluctandum perpetuo cum toto, eoque numerofo, & ingenti curarum, molestiarum, angustiarum nocturnarum, diurnarum, corporalium, spiritualium exercitu. Et velut is, qui moritur, occidit, vt sicibus vermium, sic is, qui vxorem ducit, coniugatur, vt sit pabulum, & fomes solitudinum, & ærumnarum.

Nihil magnum hic affirmamus, quod dicit, quisquis considerauit veterum morem, qui tædas nouis nuptis præferre solebant, cuius consuetudinis meminerunt Virgilius, Alexander Neapolitanus, Andreas Triaquellus, Iustus Lypsius, & alij plures.

Quid ritu illo, & caeremonia indicare volebant? Doctus quidam Ecclesiastici interpret, Tufus in c. 9. Eccles. v. 1. Responder: *Qui matrimonio coniugitur, & amoris coniugali se mancipat, tanquam mortis se dat. Facies igitur ille, quæ coniuges comitantur,*

*tada sunt in eorum accensa morte. Tædis olim prosequiebantur recens nuptos, quibuscum ad sepulchrum educi mortui solent, vt significarent, quam parum differt à tumulo thalamus, tam exiguum discrimen esse inter eum, qui matrimonium init, & qui mortem subit.*

Res est omnibus, qui etiam parum versati sunt in sacris literis, explorata, quod illud tetragrammaton, siue quatuor literarum nomen tantam habebat venerationem, & exultationem, vt nemo illud nisi summus sacerdos pronuntiaret. Itaque pro illo abscondito, & sacrosancto nomine vtebantur ad implorandam Dei maiestatem alijs vocabulis. Fundatur hoc in illo Exodi 6. 3. *Nomen meum Adonai non indicaui eis,* & hoc nomen, vt aiunt Explicatores, est illud ineffabile IEHOVA. de quo Abulensis in illud c. 6. Exodi sic inquit: *Nomen Dei tetragrammaton, vt quidam volunt, tanta sanctitatis est, quod à nullo debeat nominari, nisi à sacerdote magno.* Cum autem illud tam sanctum, tam sublime, tam augustum nomen non nisi à summo sacerdote proferri posset, procul dubio non proferebatur nisi ad inuocandum in magnis calamitatibus, & vrgentissimis necessitatibus Deum. Quibusnam verò illis? An fortè, cum atrox aliqua, & mortifera populo Hebræorum minabatur pestis? An cum hostis populabatur agros, vastabat messes, omnemque patriam diripiebat? An cum coelum factum æneum arida, steriliq; terræ fecundum negabat rorem? Non profecto. At si ad bella, pestem, sterilitatem, (qui sunt infensissimi, & turbulentiissimi hominum hostes) non proferebatur sanctum illud, & ineffabile, & mysticum nomen, quod nemo vsurpare ore poterat, grauissima necessitas fuisse debuit quæcunque illa, ob quam summus sacerdos illud ad precandum adhibebat, sicut deuotissimæ imagines Guadalupensis, & Montiserrati, non nisi cum luctuosissima calamitas Hispaniam premit, suis locis efferri in publicum solent. Quid ergo tandem erat, cuius gratia illud sanctissimum, & augustissimum nomen ex ore sacerdotis, in quo velut quodam sacrario recunditum latebat, proferebatur?

Responder Abulensis: *In benedictionibus nuntium* proferebatur magnum illud, & venerabile nomen, quod alioquin, vt maiorem haberet cultum, & obseruantiam, silentij aulæ rectum seruabatur. Itaque tunc solum eo ad orandum vtebatur sacerdos magnus, cum benedicendi erant, qui nupturi, & non ad depellendum à patria pestem, famem, bellorumque, & temporum iniuriam? *In benedictionibus nuntium.*



*inuentum tantum usurpabat sacerdos, ut tali mysterio significaretur tot, tantasque esse curas, miseriae, calamitates, quæ statim matrimonij inseparabiliter comitantur, ut nullæ sunt ærumnæ, nullæ miseriæ, quæ comparari cum illis queant. Et propterea in celebratione nuptiarum proferebatur illud sacrosanctum nomen, quod in quavis alia necessitate seruabatur rectum, absconditum, secretum.*

Huc facit illud sancti Gregorij Nysseni ex lib. de virginitate. c. 3. *Si fieri posset, ut ante periculum rerum, quas postea quis est expertus, disceret, aut aliquā aliā coniecturā is, qui in hac vita versatur, res perspicere posset, quantum profectio fieret illorum concursus, qui ad virginitatem à nuptijs confugerent?* Si quis ante susceptum matrimonij iugum facere periculum posset molestiarum, rerumque incommodarum omnium, quibuscum vita coniugatorum est alligata, quanto impetu, & numero ad expeditum illum iniugum statim, & beatum Virginitatis chorum plerique concurrerent, & perpetuum nuptijs valedicerent?

Si plurimi in vna porticu essent homines, taurulque ferox, aut leo inopinatò solutus adueniret, quam celeriter, quam anxie, quam inhiante, quamque contentiose, & tumultuose omnes portam appeterent, fugaque elabi, cornuque, & vogues euadere, & vitam sospitare studerent? Tale quidpiam est, quod ait Nyssenus: *Quantus fieret illorum concursus, qui ad virginitatem à nuptijs confugerent, si intelligerent, quod inire matrimonium non est solui, sed coniugari laboribus magnis, curis varijs, solitudinibus perpetuis? Totā pedum pernecitate à proposito nuptiarum defugerent, atque ad sacra virginitatis remis, quod aiunt, ac velis contenderent, si ea ante exploratè perspecta haberent.*

Dicunt sæpè prædicatores, & magistri spirituales, neque malè, si quis ad inferos descenderet, suppliciaque ea oculis usurparet, vel ad breue tempus toleraret, & posthæc in vitam hanc rediret, eum hilariter, lætanteque subiturum quamcunque poenitentiam, & corporis afflictationem, atque emaciationem, perasperam licet, & peracerbam, ac terribilem: Nam qui illas inferorum poenas semel degustasset, illi omnis vitæ huius poena gloria omnis præsentis temporis cruciatus videretur paradysus, omne martyrium quies, & refocillatio. Ad eundem modum videtur dicere Nyssenus: Si quis extrastatim matrimonij experiretur status illius poenas, labores, coedia, angustias, grauitatemque iugi eius, quod subeunt, quicumque connubium ineunt, quantum profectio illorum fieret concursus, qui ad virginitatem à nuptijs confugerent?

Alia mihi reliqua est dubitatio, quam discutere in verbis Nysseni debeam, Verba hæc sunt: *Si aliqua alia coniecturā is, qui in hac vita versatur, res perspicere posset, atque ex eis æstimare, quantæ sint matrimonij ærumnæ, virginitatem utique amplecteretur tum ille, tum alius quilibet eandem miseriarum conscius.* Si coniecturā res perspicere posset, inquit. Ergone coniectura nulla est talis rerum aliarum, quæ ducti prospicere possimus, quantæ sint curæ, & miseriæ matrimonij? Pono hominem obscuro ergastulo inclusum, qui dulci libertate orbatus non alio quam tribulationis pane vescitur. Pono alium vinculis ferreis prægrauatum, & triremibus adductum, ubi maximæ blanditiæ sunt virgæ, flagra, scuticæ. Pono tertium militem miserum in illo Hispanorum sepulchro (Belgium, credo, indigitat) positum, & cingulo tenus in palude defixum, qui parte sui mediâ sepultus, totus quantus morti est expositus. Annon posset quis ex talium hominum infelicitate coniecturam capere molestiarum, quibuscum coniuncta est vita nuptiorum? Nyssenus negat posse, omnes enim illæ miseriæ videntur pictæ esse, si cum eis conferantur, quæ excipere, & persequi coniuges solent. Si aliter sentis, interroga multos nuptos, & dicent, plusquam vera esse, quæ dixi.

*Vide primæ partis Politici lib. 3. c. 2. Et alium locum ex Tomo II. ad finem adscriptum, ubi de hoc argumento plura, Et meliora.*

## CAPVT V.

*Quod hominem non proximè attingit, tamen si proximum habeat, tanquam procul positum aspici.*

Cum Redemptor mundi secum reputaret, quam contumaces essent, & proterui homines quibuscum versabatur, quamque prompti ad maledicendum, sic ut sanctissimum Baptistam, seu ieiunaret, seu cibos caperet, criminarentur, & proscinderent, tantæ eorum perniciaciæ, & conuiciandi licentiæ exasperatus inquebat: *Cui ergo similes dicam homines generationis huius?* Lucæ 7. v. 31. Subdit autem statim: *Similes sunt pueris sedentibus in foro, Et loquentibus ad inuicem, Et dicentibus, Cantamus vobis cithijs, Et non saltastis, lamentamur, Et non ploramus.*

Qualisnam erat ille puerorum ludus, cuius mentionem hic facit Dominus?

Theophylactus id exponit his verbis: *Erat quoddam*



nam ludæ genus apud Iudæos, in partes enim duas pu-  
eri multi diuidebantur, & quasi vitam deridebant.  
Alij ex una parte lamentabantur, alij ex altera tribijs  
canebant, & neque lugentes curabant hi, qui ex alte-  
ra parte caneabant, neque tribicines ipsos curabant hi,  
qui lugebant. Quod ludus ac iocus apud illos erat,  
id serio apud nos agitur, & reapse quotidie in mun-  
do experimur. Nimirum alij lachrymas fundunt, ri-  
su alij diffiunt, alij abundant diuitijs, alij laborant  
inopiâ, alij miseram in luctu, alij inter prospera  
lætam, ac iucundam vitam ducunt. An verò opu-  
lenti fortè miserantur infelicitatem egenorum? An  
pauperes solatium sibi ex abundantia diuitum ali-  
quod accersunt, aut de prospera eorum fortuna  
gratulantur? id ex acerbo animi sensu, quocum &  
res suas aduersas, & aliorum secundas vident, æsti-  
mare possis: *Neque lugentes curabant hi, qui ex alte-  
ra parte, neque tribicines ipsos curabant hi, qui luge-  
bant.* Quàm parùm mouetur satur pœnis ieiuni?  
Quàm parùm consolationis haurit ieiunus ex satu-  
ritate benè passi? Denique suum quisq; negotium  
curat, & quæ illum proximè concernunt, ea dolet,  
cætera neque sollicitant illum, neque insomnem fa-  
ciunt.

Cùm insani Iudæi internecino aduersus Christi  
odio furerent, & Pilatus præses iuberet, ut ipsi eum  
acciperent, & secundum suæ legis statuta in crucem  
abripere, in quo ille nihil inuenire posset, quod  
damnando ad mortem satis esset, respondit Hebræo-  
rum vulgus, legem se habere, & iuxta eam mori  
debere, eò quod se filium Dei fecisset. Expendit  
hæc verba Pilatus, ingressusq; prætorium, interro-  
gauit Dominum nostrum: *Vnde es tu?* Ioan. 19. 9.

Querit Simon de Cassia, quamobrem iniquus  
præses innocentem reum illud percunctatus fuerit,  
à quo paulò ante audierat: *Regnum meum non est de  
hoc mundo;* Ioan. 18. 38. Et si forte patriam illius  
indagabat, tam certò sciebat Gallilæum esse, ut pro-  
pterea illum miserit Herodi, qui Gallilææ per id  
tempus imperabat. Verba Simonis de Cassia sic ha-  
bent: *Mirandum, quod Pilatus interrogauit, Unde  
esset, cum patriam antè cognouerit, quia Gallilæus  
erat.* Quid ergo nunc inquirebat in patriam Chri-  
sti Pilatus, quam paulò ante benè habuerat explo-  
ratam?

Respondet Venerabilis Doctor: *Quærit Unde sit  
Christus, quia oblationi tradiderat.* Erat Christus  
pauper reus, omnes illum destituerant, exiguum  
quæstum ex illius causa Pilatus sperabat, & quoni-  
am parùm utilitatis expectare poterat, oblationi tra-

diderat, & quanquam paulò ante audierat, ex Galli-  
læa oriundum esse, Gallilææ tamen omnis memoria  
sic illum præterierat, ac si nullam sol ille vnquam  
vidisset, aut mundus hic aliquando habuisset Galli-  
læam. Nullius rei tanta sunt pondera, ut non leuis  
videatur ei, qui nullum sibi inde posse nasci commo-  
dum videt, & si perituram cernat, quam nullum pa-  
rituram fructum videt, parùm curat, aut dolet.

Apud Matthæum c. 16. v. 24. aiebat Christus  
Discipulis suis: *Si quis vult post me venire, abneget  
semetipsum, & tollat crucem suam, & sequatur me;*  
velut alijs verbis dixisset: Neminem contuberna-  
lem admitto, nisi qui sibiipsi renuntiare, & crucem  
subiectis humeris excipere, atque eâ onustus me co-  
mitari velit. Nullus est sacròrum Expositorum, qui  
non hæserit in consideratione istorum verborum,  
*Abneget semetipsum.* Quid ergo est abnegare se-  
ipsum?

Prætermisiss varijs expositionibus solam Theo-  
phylacti interpretationem, quam ex homil. 56. San-  
cti Ioannis Chrysostomi in Matthæum mutuatus  
est, causæ nostræ percommoda huc adferam, quæ  
sic habet: *Quid sit abnegare semetipsum, discimus,  
si didicerimus, quid sit abnegare alium.* Quid est er-  
gò abnegare alium? Respondet: *Qui abnegat aliū,  
etiamsi flagellari illum viderit, & occidi, non aduer-  
sit, non dolet, non compatitur semel ab eo alienatus.*  
Proximorum mala, quæ nos proximè non attingunt,  
tamen eos laniari flagris, mactari verberibus, seca-  
ri in frustra, & raptari in patibulum videamus, neq;  
lachrymas nobis exprimunt, neq; extorquent suspi-  
ria. Dicit ergo nunc Theophylactus? Quamdiu te  
non velut alterum quendam habes, puta non esse  
verum Christi discipulum. Hoc itaque est negare  
seipsum, de se tanquam de alio sentire, existimare  
se illum, qui patitur. Nam cùm sua plerumque, &  
non proximi mala quisque deplorat, qui se tanquam  
alium habuerit, sua mala non multum sentiet, & ita  
satis seipsum negabit.

Congruit cum his quædam Sancti Gregorij Na-  
zianzeni observatio. Cùm ille secum reputaret tam  
varia inmanium, & læuissimorum tormentorum  
genera, quæ martyribus barbari Catholicæ fidei ho-  
stes sanguinem eorum ardenter sitientes intulerunt,  
constantiamque, & fortitudinem, quæ illi robustissi-  
mi athletæ cruciatus omnes perferebant, simul a-  
pud animum expenderet, aiebat Orat. 9. *Alacris a-  
nimo & letis in alienis corporibus dimicant.* Ut enim  
parùm doloris nobis adferunt verbera, quæ corpora  
excipiunt aliorum, ita martyres non magis sentie-  
bant.



bant tormenta, quàm si ea in corporibus exceperent alienis. Nam quæ alij tolerant, quantumvis sint acerba, & pœnalia, non multùm plerumque nos afficiunt. Nostri mala deplorare solemus, nec sentire, nisi quæ ad nos proximè spectant.

Itaque nemo miretur, quòd Abraham famulum suum iurare tam exquisitis cum cæimonijs voluit, ne filio suo uxorem Chanaanam, aut aliam, quam ex terra, & cognatione sua acciperet, dicens: *Pone manum tuam subter femur meum, & adiure me per Dominum cæli, & terræ, & non accipias uxorem filio meo de filiabus Chananæorum, &c.* Genes. 24. 2. 3. Nam cum hoc negotium non proximè ad famulum spectaret, & ille quantumvis fidelis, famulus nihilominus esset, necessarium fuit obligare illum, & constringere tot cæimonijs, & iuramentis, ut demandati muneris partes rectè exqueretur. Nemo enim ferè seriò tractat, sollicitèque curat, nisi quod ad se proximè spectat, ideòque vices quæstus supplere iuramentum debuit.

## CAPUT VI.

*Facere maiora, & intermittere minora, vel est inopia ingenij, vel infirmitas, aut vacillatio voluntatis.*

Postquàm Sanctus Patriarcha, tantoperè commendavit famulo suo, quas nuptias conciliaret filio, qualemque uxorem illi procurare deberet, opposuit illi serous, dicens: *Si nolueris mulierem venire tecum in terram hanc, nunquid reducere debeo filium tuum ad locum, de quo tu egressus es?* Genes. 24. 5. Respondit Abraham in hunc ferè modum: Non te hæc res anxium reddat, aut sollicitet, Dominus enim, qui hanc, in qua nunc degimus, terram, cum iuramento mihi, posterisque meis promissit, permouebit etiam mulierem, ut è Mesopotamia huc ad nos in Chanaan transeat: *Ipse mittet Angelum suum coram te, & accipies inde uxorem filio meo; ibid. v. 7.* & prosperum habebit effectum matrimonium, quod meditamur.

Lyranus, Abulensis, Oleaster, Istella Honcala aiunt, validum, & consequens esse Sancti Patriarchæ argumentum, & apud Abulensem tale: *Deus promissit mihi, & semini meo, terram istam, & si possideremus eam: Sed si uxor noli venire in terram istam, & cogeretur filius meus ire in terram alienam, non possideret semen meum terram istam, ergo Deus mouebit cor mulieris, & veniat huc. Ponit ergo illam premissam tanquàm maiorem, & fundamentum huius argumenti.* Vis potissima argumenti in eo po-

sita est, ut sibi persuadeat, facillè obtenturum à Deo minora, qui maiora ab illo iam acceperit. Plus est promississe terram, quàm permouere animum mulieris, ut ad illam terram veniat: Deus autem fecit quod plus est, ergò & id, quod minus est, faciet; de tam largo enim; & perliberali Domino credi non potest, quòd retrahet manum à concedendis minoribus, qui brachium suum ad præstanda maiora exeruit. Nam qui prolixus ampliora concedit, & minora parcus negat, ille vel ingenij inopiâ, vel voluntatis inconstantiâ laborat.

Apud Matthæum comparat Dominus regnum cælorum cum decem virginibus, quarum pars media sapiebat, reliqua delirabat. *Simile est regnum cælorum decem virginibus, quinq; autem ex eis erant fatuæ, & quinq; prudentes;* Matth. 25. 1. 2. Prudentes ad beatitudinem admittæ fuerunt, fatuæ cælo exclusæ, & damnatæ. Prudentes vocantur, quæ saluatæ fuerunt, ut nobis sit documento, quòd solus ille sapit, qui sic viuunt in terris, ut æternum viuat in cælis, qui damnationem incurrunt, non sapiunt, quantacumq; sciunt.

Videamus causam, ob quam damnatæ fuerunt virgines fatuæ (non enim hoc dissimulauit Dominus) ut facii alij sapere discant, solet enim stultum pœna facere cautiorem. *Quinq; fatuæ, inquit, acceptis lampadibus non sumpserunt oleum secum.* Causa itaque damnationis illarum ea fuit, quòd cum lampades ab oleo necessario benè instructas habere deberent, ut aduenienti sponso cum splendenti lumine obuiam irent, tam negligentes fuerunt, ut lampades ob luminis nutrimentum exstinguerentur, cum maximè lucere deberent: *Non sumpserunt oleum secum.*

Res explorata est (quod & alibi non semel diximus) oleum esse symbolum misericordiæ ergà pauperes, & eleemosynæ, quæ in eos erogatur. Statuamus ergò nunc, quamobrem illæ quinq; dictæ sunt fatuæ. Sanctus Ioannes Chrysostomus, & Euthymius rationem ejus appellationis reddunt proposito nostro percommodam, qui aiunt: *Oleum vocat eleemosyna virtutem. Hæc ergo merito stultæ vocantur, quia cum acrem, ac vehementem corporis amorem deussissent, maioremque sustinuisent laborem, tenacitate deuictæ sunt. Illud enim bellum violentius est, magisque tyrannicum.* Charitas ergà egenos, & pròpitudo leuandi eorum necessitatem, per eleemosynas oleum erat, quo carebant. Iure ergò stultæ sunt appellatæ, nam cum habuissent animi robur, quo magis arduum opus perficerent, minorem non superarunt



perarunt difficultatem. Subegerant liberas, easque validas carnis appetentias, succubuerunt pecunie cupiditatis, atque auaritiæ, victæ fuerunt ab hoste imbecilliore, victrices fortioris, vehementiora enim sunt castitatis contra fœdam libidinem certamina, quam liberalitatis contra auaritiæ. *Hæc ergo merito sultæ vocantur*, eoque nomine reliquit, & abiecit, quæ cum tam robustæ essent, vt rem operosorem exequerentur, non habuerunt eas animi vires, vt minus difficilem curarent. Non rectè valere iudicio indicat, qui cum ad multa extendat brachium, à paucis retrahit.

Ad hanc rem facit, quod Theophrastus de causis plantar. lib. 1. c. 22. ait: *Vites quoque insana vocata sui generis sunt, quæ non solum germinant, sed coquunt, & florent, & racemantur*. Videamus quamobrem hæc vites insana sint dictæ, quæ cum florem edant, lachrymam fundant, racemos producant, quidquid sana, integerrimæque possunt, aut debent, facere videntur? Respondet Theophrastus: *At perfici non possunt*. Cum maiora præstiterunt, pertingere ad minora, siue eò nequeunt, vt ad maturitatem fructum suum perducant, cuius vnus rei gratiâ tamen alia omnia maiora, & gratiora fecerunt. Propterea ergo *insana vocata sunt*, quia reuerà insignis amentia est, cum maiores sumptus feceris, sic languescere animo, vt impendia facere, minora nequeas.

De Christo Salvatore nostro ait Sanctus Ioannes Euangelista, eum, cum proximam esse suæ mortis horam nosset, & plurima per omnem vitam decursum beneficia in homines contulisset, ad extremum charitatis suæ ostentationem multò ampliorem fecisse. Verba illius sic habent: *Sciens Iesus, quia venit hora eius, vt transiret ex hoc mundo ad Patrem, cum dilexisset suos, qui erant in hoc mundo, in finem dilexit eos*; Ioan. 13. 1.

In his considerare possumus, non quod Dominus horæ, quâ à vita emigraturus esset, aduentum proximū scierit (imperatorum enim talis consideratio esset) sed quod illam peculiariter ac speciatim notasse, & obseruasse horam nobis innotescere voluit, cum tot horæ, tot anni, tot adeò sæcula decurrerint, quibus plenitudinem temporis, quo subiturus passionem esset, prætolatus fuit. Quid sibi vult, quod ubi innumeri anni, & infinita effluerunt sæcula, ibi singularis ratio habita est vnus illius horæ? *Sciens Iesus, quia venit hora eius*.

Simon de Cassia lib. 13. in Euang. ait: *Qui plenitudinem temporis expectauit incarnationis, atque natiuitatis, similiter expectauit passionis, & mortis*.

Tom. III.

Qui altâ suâ, profundâque sapientiâ dimensus fuit sæcula, exegitque ad amissum, & velut circino quodam designauit ætates, ac tempora, quibus carnem vestire humanam, & edi in lucem homo velle, ille hanc ipsam ob causam horam vnâ singularem singulariter obseruare voluit, in qua mori, & hominem tantisper exuere disposuit: Derogaret namque illius sapientiæ, & providentiæ, & attentissimæ circumspeditioni, si vnâ non accuratè obseruasset, notatamque habuisset horam, qui tota, & tanta sæcula mensus fuerat: *Qui plenitudinem temporis expectauit incarnationis, atque natiuitatis, horam similiter expectauit passionis*. Notam, nec qualemcunq; exiimationi sapientiæ eius intulisset, si vnâ insuper habuisset, aut præterijisset horam visus fuisset, qui tam longas tot sæculorum ætates exactissimè pensauerat.

Beniamin inter Apostolos ait, admirabilissimum in cælo portentum vidisse inquit: *Signum magnū apparuit in cælo, mulier amicta sole, & luna sub pedibus eius, & in capite eius coronâ stellarum duodecim*; Apoc. 12. 1. Fuisse signum Sacratissimæ cælorum Regine, quod Ioannes vidit, plurimorum sententia habet, Andreæ Cretensis, Aretæ, Ruperti Abbatis, Sancti Bernardini de Senis, Bernardini de Buttis, & aliorum plurimum. Hugo Cardinalis, Nicolaus Lyranus, & Glossa cum alijs volunt, Ecclesiam fuisse tali signo adumbratam. Sed hoc peculiaris multorum obseruatio habet, quod numerus duodenarius stellarum, ex quibus illa capitis corona constabat, ingentem stellarum copiam significat, quem admodum & illæ duodecim tribus Israelitarum, & duodecim portæ cælorum sacramentum sunt cuiusdam vniuersitatis, vt Sanctus Augustinus loquitur, siue copiosæ multitudinis. Ergo numerus duodenarius stellarum similiter plurimas stellas significat, & consequenter plurima sunt in hac re, quæ diligentem mereantur considerationem, tanta enim stellarum copia videtur immoderatus esse ad exornandum mulieris caput apparatus.

Non satis rectè miratur coronam illam capitis, inquit Sanctus Bernardus, qui vidit reliquum ornatum corporis. Quod fuit illius vestimentum? Sol: *Mulier amicta sole*. At si sol illi pro amictu fuit, quid mirum, quod pro diademate stellas omnes habuit? *Quid ni coronent sidera, quam sol vestit?* inquit melissus Abbas Sanctus Bernardus in illud, *Signum magnum*. Si magnificus Dominus tam generoso, & prolixo in illam mulierem fuit animo, vt eo, quod splendidissimum, & præstantissimum tota cælorum officina vestiaria habet, hoc est, sole vestierit, exco-

Cc

luerit,



luerit, perpolierit, tam paucus demum esset, ut non ex stellis ei coronam ad ornamentum capitis contexeret, & imponderet, quarum totæ myriades non valent quantum Solis frustulum vnicum? Si dubitas ita esse, vide quàm subito stellæ, cum dilucescit, diffugiant, sic nimirum merces suas eorum Sole videri erubescunt, ut eas domi suæ recondant, mox ut appropinquantem illum subolfaciunt. *Quid ni coronent sidera, quam Sol vestit?* Remissis de benevolentia, minusq; posse putaretur, si parciore in ornando capite fuisset manus, quæ in corpore excolendo tam larga, proluxaq; fuerat. Maiora rectè curare, & errare in minoribus, turpe electionis probrum est.

Commodè in hanc rem notat Cassianus multorum ascetarum religionum insignem stultitiam, qui cum profano vestitu ingentem sæpè opum vim, & opulentissimas possessiones relinquunt, & posthæc, si imagunculam, si cultellum, si calamus scriptorium, aut eiusmodi regularum aliud quidpiam eis adimas, ita commouentur, & lugent, ut monasteria vocibus querulis tantum non evertant, aut deiciant. *Nonnullos mundi huius maximas facultates, & non solum multa auri, atque argenti talenta, verum etiam prædiorum magnificentiam contemnentes, posthæc videmus pro scapello, pro graphio, pro acu, pro calamo commoueri*, inquit ille lib. 4. Collat. cap. 9. O magnam amentiam! ô stoliditatem religionum! Qui auro renuntiavit, illum acus ablata contristat! Quàm inops iudicii est, qui cum grauiora fortiter, & animosè tolerarit, non est ferendo leuiora!

## CAPUT VII.

*Cum Deus fons sit, & origo omnis boni, quando ille nos deserit omnibus destituimur.*

Senior & fidelis Abrahamæ seruus abibat in Mesopotamiam, onustus varijs donis, ac muneribus, ut optatas procuraret nuptias, cumq; iam propius abesset ab vrbe Nachor, Deum supplex obsecrauit, ut cœptis annueret, & bonos conatus, suæ auxiliariis gratiæ ope promoueret, dicens: *Domine Deus Domini mei Abraham, accurre, obsecro, mihi hodie, & fac misericordiam cum Domino meo Abraham;* Genes. 24. 12.

S. Ioannes Chrysostomus, Nicolaus Lyranus, Abulensis, Oleaster, Pererius, Honcala aiunt, nihil inquam rectius Abrahamæ seruum agere potuisse, quàm nunc egit, cum ad Deum confugit, cumq; rogauit, ut suâ inspiratione, & opitulatione, graue il-

lud, quod curatum ibat, negotium felicitaret. Tametsi vasa aurea, & argentea, & mundum mulicrem, quàm multum, tam diuitem secum ferret, hæc tamen parum profutura, vel potius prorsum nihil effectura prudens famulus putabat, nisi Deus adiutor, & primus nuptiarum conciliator accederet. Nisi Deum benevolentem, & partibus nostris fauentem habeamus, nudi, & præsidij, rebusq; omnibus destituti sumus, tametsi totus mundus nobis sit adminiculo. Absque Deo namq; nihil rectè agitur, absque illius subsidio nihil fit bene, atque ut debet.

Quod muri, & portæ ciuitatum sint earum munimenta, nemo ignorat. Itaque in perditis censeripossunt eæ vrbes, quarum diruta sunt mœnia, & deiectæ portæ. Propheta regius aiebat: *Aperite mihi portas iustitiæ, ingressus in eas confitebor Domino;* Ps. 117. 19. Eorum verborum occasione dicebat sanctus Ambrosius serm. 24. de Sanctis: *Cernimus armari ciuitatis portas.* Cum hostem venturum timemus, statim arma corripimus, muros lustramus, portas, turres, & munitiora loca omnia diligenter perspicimus, & reficimus. Bonum studium, & ad arcendum hostem utilis diligentia. Dices, non commodum tantum, sed omnium optimum etiam, & ad conferendam securitatem præstantissimum esse illud studium. Sanctus Ambrosius verò ait, aliud esse, quod nos magis collocare in tuto possit. Quidnam illud?

Respondet sanctus Doctor, nullâ re tam valide muniri ciuitates, quàm cum nos ingredimur portas iustitiæ, sacrificijsq; & orationibus illum conciliare, & demereri studemus. Parum enim proderit munire portas ciuitatis, nisi nos ingrediamur per portas iustitiæ. *Cernimus armari portas ciuitatis*, inquit ille, debemus etiam prius in nobis portas armare iustitiæ. Tunc autem ciuitatis porta munita esse poterit, si prius in nobis porta iustitiæ muniatur. Ceterum nihil prodest muros munire propugnaculis, & Deum prouocare peccatis, illa enim constituitur ferro, saxi, & sudibus, hac armatur misericordiâ, innocentia, castitate. Illa telorum multitudine custoditur, hac orationum frequentia defenditur. Princeps, qui optat habere suas ditiones pacatas, & securas, debet ante curare, ut habeat Deum benevolentem, & propitium, quem nisi auxiliarem habeat, nullam potest fructuosam sperare victoriam, nihil enim proficiunt studia humana, ad quæ non accedunt subsidia diuina: *Nihil prodest muros munire propugnaculis, & Deum prouocare peccatis.*

Ut vanam hominum præsumptionem, & inanem confidentiam reprimeret, dicebat S. Paulus Apostolus:



*Polus: Non Volentis, neque currentis, sed miserentis est Deus;* Roman. 9. 16. tanquam apertius dixisset: Hoc te scire volo, homo, quod tamen tibi manibus, pedibus, omnibusque viribus coneris consequi finem tuum, tamen quantum conati animo, & contendere labore potest, facias, tamen acceleres passum, & quâ maximâ pernicitate fieri potest, non curras tantum, sed & voles, tardius tamen aduenies, nisi Deus te iuuet, ac protegat. Quam pulchra exempla adfert sanctus Ioannes Chrysostomus apud Anastasium Nicen. q. 59. To. 1. Vet. PP. duorum, quorum alter diu, ac multum discurret, & non promouit gradum, alter vix mouit pedem, & longè prouectus est. *Non Volentis, neque currentis dicitur propter Esau,* inquit ille, de quo etiam benè dictum est. *Non Volentis accipere patris benedictionem, & currentis iussu patris sui in campum ad venandam venationem, & cum comedisset, ei benediceret, sed Iacob, cuius Deus est miseratus, propterea quod ipse non est fictus, sed bonus, non autem Esau hanc benedictionem est affecturus, quod esset fornicator, & profanus.* Multum, enixque laborarunt pater, & filius, Isaac, & Esau, & ille quidem, ut daret benedictionem, hic verò ut acciperet. Isaac volebat benedicere, quia iubebat, ut Esau caperet venationem, ex capta pararet cibum, qualem paterno palato gratum sciebat, paratum inferret, referret benedictionem. Esau obtemperauit, perque agros, montes, sylvas insectatus feras nequicquam discurret, quia Iacob illi benedictionem præripuit, qui ne domo quidem pedem extulit. Nonne videtis, inquit Chrysostomus, quam verum sit, quod Apostolus ait, *Non Volentis, neque currentis, sed miserentis est Deus?* Nam quamuis & pater vellet, & Esau conaretur aliud, cursu etiam contenderet, ut illud obtineret, Iacob tamen vicit, & triumphauit, quia cum Deum à se haberet, absque pedibus cucurrit, sine alis volauit. Si Deus desit, nulla, quantumuis magna, quidquam proficit diligentia, nulla valet sollicitudo.

Quando sancto Patriarchæ Abraham renuntiatum fuit, consobrinum illius Loth captum esse à barbaris, extemplo trecentos & octodecim robustorum valentissimos armanit è vernaculis suis, & diuisi socijs irruit super eos nocte, & persecutus est eos & quæ Hobab, reduxitque omnem substantiam, & Loth fratrem suum cum substantia illius, mulieres quoque, & populum; Genes. 14. 15. 16. Quatuor potentissimi reges erant, contra quos tam exiguum armatorum manum cum produxisset, primo statim impetu profugauit eos, & ad relinquendam seu prædam, seu

vitam coëgit. Fuit ea victoriarum, quæ vnquam auditæ sunt, admirabilissima, videturque suspecta, si alium, quam Spiritum sanctum haberet autorem, vel scriptorem. Quis enim legendo vnquam inuenit Capitaneum, qui trecentis, decem & octo, nec pluribus militibus comitatus, primâ statim nocte in hostem irruptione factâ intrâ pauculas horas quatuor regum fugauerit, fuderitque exercitus? Quibus medijs tam inopinatum, & nunquam visum obtinuit triumphum? Sanctus Chrysologus ait: *Vide quantâ velocitate contrigit victoria.* Cuius verò subsidio, & opitulatione ea parva victoria fuit? Respondet: *Erat manus superna, quæ adiuuabat, & commisit abas, & ideo neque armis, neque machinis opus habebant, sed tantum ut comparuit cum famulis, alios quidem percussit, alios autem fugam inire fecit.* Vbi Deus concurrit ad pugnam, & fert opem, non est cur quisquam timeatur, cum ille nostras sequitur, & iuuat partes, omnia habemus, vitam, salutem, victoriam, triumphos.

Quod inter primordia Ecclesiæ fuerint magnæ persecutiones, & ærumnæ, & sæui hostes, qui sanguinem assecrarunt, sectatorumque Christi auidè expetierint, nemo ire inficias potest. His verò qui acerbam inter eas calamitates vitam ducebant, aiebat Paulus: *Gaudete in Domino semper;* Philipp. 4. 4. Sed heus, vide quid loquaris, Apostole sancte. Christi oues, & agni in medio cruentorum luporum agunt, & tu vis eos lætari, & exultare! *Iterum dico, gaudete, nihil solliciti sitis,* nullum vos periculum anxios, nulla cura tristes habeat. At quid habes, ob quod illos tam erecto, & hilari inter res tam exulceratas vis esse animo? *Respondet Dominus enim propè est;* ibid. v. 5. quod perinde est, inquit Primasius, ac si dixisset: *Dominus propè est ad liberandum, nolite timere persequentes.* Si Deus partes nostras iuuat, inquit Apostolus, totum mundum ridere possumus, qui formica est nobis comparatus. Si Deum ad manum habeamus, lupos vincere, quanquam oves sumus, & agni leones superare possumus.

De magno illo duce Agesilao refert Ælianus, plurimum semper gauisum fuisse, quando barbari hostes illius violabant religionem, & iuramenta, quibus se obstrinxerant, profanabant. Quamobrem verò lætabatur periurijs hostium? *Eò, quod periuando illi Deos sibi ipsi infestos redderent,* inquit Ælianus lib. 3. de var. hist. cap. 4. sciretque nihil feliciter seu domi, seu foris, seu in bello, seu in pace facere posse, quamdiu alienos à se, & infestos haberent Deos, quantumcunque studij, industriæ, laboris, & apparatus ad



sua negotia adhiberent. Optima namque præparatio est habere Deum addictum, in quo tota felicitas nostra, & omnis prospera fortuna est posita.

## CAP. VI. VIII.

Quamquam Deus sua bonitate, & misericordia nos saluet, & bect; non tamen vult nos omni solitudine vacuos, & feriatos, seu otiosos.

VT prosperè suum iter eueniret famulo Abraham, obsecrabat Dominum, & his verbis appellabat: *Occurre mihi, obsecro, hodie.* In verbo, *occurre*, magnum subnotarunt Interpretes mysterium: Non rogat Deum, vt succurrat, sed vt occurrat, petit. Occurrere est obuiam ire. Fieri ergo obuiam sibi Deum optauit, qui orauit, vt occurreret. Fit autem obuiam Dominus, cum sua misericordia iuuat nostra studia, & pios confirmat conatus. Itaque concurrere debent misericordia diuina, & industria humana. Quamquam enim vita æterna sit gratia Dei, & saluatio nostra mera misericordia, non propterea nos intermittere studia nostra, laboremque, aut committere debemus, vt nihil agamus, & vacemus. Multum est, quod agit Dominus, ac tam multum, vt omnem excedat intellectum non hominum tantum, sed & Angelorum.

Duo nomina dantur formosæ, & charæ Sponsæ, quæ tamen mutuo pugnare videantur, magnum tamen habent mysterium, idque causæ præsentis opportunum. *Fons hortorum, & puteus aquarum viuentium* vocatur, Cant. 4. 15. Fons est perennis, qui largi venâ tantam vim gelidarum fundit aquarum, vt non vnum tantum hortum irriget, verum & plures fecundet. Est etiam *puteus*, isque profundus, aquarum viuentium. Hic iam in oculos difficultas incurrit. Si fons est Sponsa, quid egebant horti puteo? Aut si habebant puteum, quid fonte opus erat?

Huic dubitationi satisfacit doctissimus Cardinalis Hugo, dicens: quoddam horti Ecclesiæ utrumque est necessarium, & fons quidem, in quantum gratis labitur, puteus vero, in quantum cum labore foditur. Item fons quantum ad gratiam industriæ, puteus quantum ad industriam gratiæ, quæ duo bene iunguntur, nec separantur, quia se in vicem iuuant. Fontis aqua sine difficultate promanat, & absq; impedimento promptè, expedireque hauritur, ex puteo cum labore operosè exantlat. Quoddam ergo diuina Sponsa, & fons, & puteus dicitur, quorum ille aquam liberaliter fundit, hic non nisi haurientibus, & adlaborantibus permittit, hoc fit, vt significetur, quoddam Ecclesiæ

& liberaliter nobis de fontibus Saluatoris (ij sunt sacramenta illius sacrosancta) propinat aquam gratiæ salutaris, & nostrum nihilominus exigit studium, ac laborem, quæ aquam illam in usus nostros transferamus, neque enim vult Deus, vt nos sua gratia desides, sua misericordia faciat pigros, ac negligentes, sed vt quod in nobis est, agamus, vt beatitudinem cum opitulante ipsius gratia consequamur; fons enim est, in quantum gratis labitur, puteus, in quantum cum labore foditur. Fons est quantum ad gratiam, quæ nos industrios, expeditos, diligentes faciat, puteus quantum ad industriam, quæ strenuè, & operosè cum auxilio gratiæ laboramus. Et hæc modò non contrariantur inuicem, sed etiam valde sunt coniunctæ, & mutuo ad opus concurrunt, dum gratia, quæ à Deo liberaliter proficit, industriam excitat, industria cum gratiæ adiutorio laborat. Debet ergo Christianus Dei gratiæ ad spirituales negotiationem, uti, quemadmodum filius mercatoris ad nundinationem, & quæstum vertit pecuniam, quam à patre ob hoc solum accepit. Et velut à sola patris liberalitate venit pecunia, à filio autem adhibetur studium, & industria, sic & Deus fons est quantum ad gratiam industriæ, puteus quantum ad industriam gratiæ.

Tam prodigiosa operabatur Dominus, ac Redemptor noster miracula, vt homines illum, & velut obstupefacti sequerentur, & tanquam attoniti stiparent. Cum autem post illud panum admirabile portentum præsentiam suam eis subtraxisset, & vehementius illum requisierunt, & magis gaudiis fuerunt, cum inuenerunt. Sed quo animo omnia facerent, non nesciebat Dominus, adeoque dicebat: *Quaritis me, non quia vidistis signa, sed quia manducaſtis ex panibus, & saturati estis;* Ioan. 6. 26. velut dixisset: An putatis, quoddam cordium vestrorum intimos recessus non peruideo? Scire ergo vos volo, mihi perspicissimum esse, quoddam vos huc ad me adducunt non miracula, quæ operor, sed animona, & victus, quem præbui. Arripiens autem eam occasionem mox subiunxit: *Operamini non cibum, qui perit, sed qui permanet in vitam æternam; quem Filius hominis dabit vobis.*

In hoc Domini consilio videtur quædam manifesta esse verborum contrarietas, & pugna. Dicit enim, *Operamini cibum; quem Filius hominis dabit vobis.* At si nos operari debemus cibum istum perpetuum, consequenter videbatur dicendum: *Operamini cibum; quem dabitur Filio hominis.* Aut si ille daturus est eum cibum, ipse quoque operetur illum. Sed quomodo



modo hoc accipiendum est, quod nos iubemur operari cibum, quem ille nobis est daturus?

Respondet acutissimus Cardinalis Caietanus, inquiens: iubemur operari cibum, quem Dei Filius dabit; & intelligamus; ad habendum hunc cibum duo oportere concurrere, alterum ex parte nostri, scilicet opus, alterum ex parte filij hominis, scilicet dare. Cum liberalitate diuina debet concurrere diligentia humana, ideo Dominus; cum de pane illo æternum permanens ait, quod eum dabit nobis, addit quoque; operamini, laborate, & studium vestrum adiungite ad opitulationem Dei; alioquin enim dona illius gratuita non sortientur effectum, nisi cum ijs adlaboret industria nostra: *Duo debent concurrere, alterum ex parte nostri, scilicet opus, alterum ex parte filij hominis.*

Cum vehementi anxietate, & ardenti affectu lachrymosus Cantor pium Dominum suum obsecrabat, dicens: *Adiutor meus esto, ne derelinquas me, neque despicias me Deus salutaris meus;* Psalm. 26. In his verbis prima sunt expendenda, quibus rogat Deum, ut sit sibi consilio: *Adiutor meus esto.* Magnifice dictum? & commode in rem nostram, prout ab acutissimo Augustino exponitur; qui ex eo, quod Psalmista Deum vocat adiutorem, hoc ineluctabile conficit argumentum: *Si adiutor Deus est, aliquando tu agis, nam si nihil agis, quomodo te Deus adiuvat?* Cum alium rogas, ut tibi ad ferendum onus opem ferat, eo verbo satis indicas, quod tu oneris illius etiam aliquid portabis: Verum si illi onus ferendum commendares, promptum esset intelligere; te velle humeros sarcinæ subducere. Cum ergo Propheta regius Domino ait: *Adiutor meus es tu;* hoc est, fer opem molienti opus saluationis, perinde est, ac si diceret, ab utroque; hoc est, Deo, & homine ferendum onus, sic ut Deus quidem det gratiam industriæ, homo autem adhibeat industriam gratiæ: Nam si nihil agis, quomodo te Deus adiuvat? Si autem Deus adiuvat, inditio est, quod & nos subijcere humeros, & partem sarcinæ, quæ nos contingit, ferre debemus.

Murmurabant apud Matthæum Pharisei, quod Christus manducaret cum peccatoribus, quibus ille aiebat: *Non est opus valentibus medicus, sed male habentibus;* Matth. 9. 12.

Ingeniosus Hippocrates apud Abrahamum Frabarium in canon. Medicin. lib. 1. de Cant. 19. ait: *Ad perficiendam curationem oportet non solum medicum suum præstare officium, sed & ægrotantem suum exequi, etenim agri est, & nã cum medico, morbo reluctans, Nisi enim ægrotantis obedientia fœdere-*

tur cum medici peritia, conspirantque ambo in expulsiõnem infirmitatis, triumphabit morbus, & prius è viuis agrum exigit, quàm se à corpore illius exturbare sinat. Quod ergo se medicum Christus vocat, cum nos simus infirmi, id fecit, ut moneret, quod debeamus ad ipsius auxilium adiungere studium nostrum, si volumus ab animi ægreditinibus conualescere; & imperium ipsius nostrâ obedientiâ comitari, & opere exequi, quæcunq; ille iubet, si optamus conalescere. Stultarum enim virginum, & sano rationis iudicio, rectæque fide, desitutarum est arbitrari, quod Deus omnia solus faciet, sic ut nobis non sit necessum quidquam agere.

Sæpe alibi in hoc argumento expatiatur commentario N. s. s. s. Vide partis secunda Politici lib. 6. cap. 2.

Et alia loca ad finem adnotata ex Tomis alijs.

## C A P. V T. IX.

Ad conficiendum feliciter aliquod negotium nulla vniquam superuacanea est diligentia, quod enim studiosius illud procuramus, eo illius obtinendi maiorem securitatem nobis paramus.

Quamquam famulus Abrahamæ reprehendisset omnia signa, quæ in Sponsa Isaac quæserat, iamque varia dona, & ornamenta in eam contulisset, interrogabat nihilominus: *Cuius es filia?* Genes. 24. v. 21. in quæ Oleastri annotatio moralis sic habet: *Non fuit seruus iste contentus, sicut orauerat, accessisse, se & sciret, an Dominus iter eius præcessisset, voluit scire, an esset ex cognatione Domini sui.* Voluit etiam suo exemplo nos docere, quod immodica diligentia, & abundans cautio, præsertim in rebus grauioribus, non nocent.

Cum filius prodigus secum reputaret miserum statum, in quem illum sua viuendi effusa licentia coniecerat, decreuit repetere domum patris sui, certamque verborum formam concepit, quæ lamentabilibus cum gemitibus coniuncta gratam auribus paternis essent præbitura harmoniam. Redijt ergo ad patrios lares benè iam consultus adolescens, quem cum procul inde indulgentissimus Pater vidisset, concurrit obuiam, & misericordiâ motus cecidit super collum eius, & osculatus est eum; Lucæ 15. 20. Tantâ humanitate toto animo commotus poenitens adolescens has contrito è corde, multisque cum lachrymis dedit voces: *Pater, peccauit in calum, & coram te;* ibid. v. 21. fuitque cælo iniurius, in te impius.

Ingeniosissimus Cardinalis Caietanus ait: *Susce-*



*piā gratiā exequitur sanctum propositum.* Conceptus ille paulò ante hoc animo consilium, quòd patrem adire supplex, atque apud illum sese peccatorem omnium, quos mundus habet, contaminatissimum fateri veller. Sed expectare confessionem peccatoris filij, amor patris non potuit, priusque condonavit culpas, quàm ille exponeret. Filius nihilominus, quanquàm nexatum gratiam assecutus, executus, tamen, quòd primò decieverat, fuit. At quorsum illa post obrentam culparum veniam ponendo, quorsum confessio, quorsum actus contritionis, & satisfaciendi propositum? Apagete cum istis sermonibus, inquit Caietanus, non enim vides, quid loquaris: *Susceptā gratiā exequitur propositum,* & quanquàm patrem videat plectum, inhiat tamen conceptæ ante illud tempus sententiæ, & peccata superiora, prout semel deliberarat, confessione humili, lachrymisque, & submissa sui ipsius accusatione damnat, quia in rebus tanti ponderis abundans diligentia nunquàm est superuacanea, nunquàm damnosum immodicum studium, sed peruiolare semper consultum, & semper commendanda sollicitudo.

Nam vt sanctus Ambrosius in serm. de obitu Traiani ait, *nunquàm superflua fundamenta virtutis.* Vt fundamenta materiata quòd sunt profundiora, & validiora, eò firmitiora, durabilioraque faciunt ædificia, quæ eis nituntur: *Ita nunquàm superflua sunt fundamenta virtutis,* sed vt ea sit perpetua, stabilisque perseueret, multā diligentia, & pertinacis eius colendæ studio fieri potest, ad eò consultum est, nihil intermittere, quod ad eam confirmandam, corroborandam, amplificandamque facere potest. In rebus tam momentosis nulla abundans cautio potest esse superuacanea, oscitantia verò, & desidia sæpè est periculosa.

Postquàm à Barnaba discessit S. Paulus, Silam comitem diligens inuenit Derben, & Lystran, sed prius perambulabat Syriam, & Ciliciam, confirmans Ecclesias, precipiens custodire præcepta Apostolorum, & seniorum; Act. 15. v. 41.

S. Ioannes Chrysostom. homil. 34. in Acta sic ait: *Vide sapientiam Pauli. Non prius transiit ad alias ciuitates priusquàm eas, quæ acceperant verbum, confortasset.* Quamnam illam sapientiam Pauli vocat Chrysostomus? An quòd Ecclesijs, quæ ad fidem satis iam eruditæ erant, obseruantiam mandatorum Apostolicorum, & doctrinæ monita denudò commendauit, & inculcauit? Alius superuacaneum laborem hunc potiùs dixerit. Nam cum illorum locorum homines fidei Christianæ rudimentis iam probè im-

buti essent, videtur magis ad alios pertransire, quàm ad hos recurrere debuisse. Hanc ergo vocat sapientiam: Immodò hoc nomine dono illam Pauli sollicitudinem, inquit Chrysostomus: Nam ad res tales, quòd maior adhibetur diligentia, eò tutiore in loco illæ constituuntur, faciliusque obtinetur finis, cuius consecutioni studetur. Itaque Paulus remisit loca, quæ verbi diuini semen acceperant, solet enim vberiores fructus reddere terra, ad quam impiger crebro recurrit agricola.

Nam vt sanctus Cyrillus lib. 1. apologor. moral. cap. 10. ait, *multiplicati radij plus illustrant, & maior facultas est plurium, & ratio pluribus nauis securius gubernatur.* Si quid ad plures lucas quæras, non propterea difficilius inuenies, & plerumque viritus superiores sunt, qui numero, & feliciore cursu sub pluribus rectoribus fertur nauis, nam vbi multi clauum moderantur, attentius circumspiciuntur pericula, facilius vitantur scopuli, & tractus viarum indubitatiùs cognoscuntur. In rebus momentosis repetita nunquàm damnoſa fuit, semper autem utilis esse solet diligentia.

Dixerat aliquando diuinus Præcursor coram Discipulis suis: *Eccè agnus Dei, ecce qui tollis peccata mundi;* Ioan. 1. 30. Vidit posthæc idem Lucifer solem suum ambulantiem, rursùmque ait quibusdam discipulis: *Eccè agnus Dei;* ibid. v. 36. Sed cum ea Ioannes semel dixisset, quamobrem denudò auribus ingerenda putauit, quæ nihil efficere potuisse videntur repetita?

Theophylactus ait: *Propter audientium ignaniam cogitur Ioannes eadem dicere, & vel crebro testimonio aliquid efficiat.* Optabat Ioannes, vt Christus ab omnibus, qui erat, Dei Filius crederetur, & mundi instaurator, & quia hoc obtinere vnâ illius proclamatione non potuit, identidem hoc facere testatum voluit, *Et vel crebro testimonio aliquid efficiat.* Si repetitis ictibus clauum caput cadimus, donec quantum satis est, ligno infigamus. Non potuit Ioannes primis verbis agnitionem Messie animis suorum discipulorum imprimere. Quid remediij? *Cogitur eadem dicere,* & nequàm adhibere diligentiam, & eandem denudò tentare portam, iterata enim studia non obſunt, sicut neque falsus est Ioannes, neque superiores inaniter reperiunt sermones, *Christo enim statim duos Discipulos obtulit,* qui primâ vice sua nequicquàm eiecerat retia, inquit Theophylactus. Ex his discipulis vnus, non vulgaris quidam, sed Andreas frater Petri fuit, quem etiam paulò post ad scholam, & collegium Christi Andreas adduxit. Videte num utile sit



fit frequentare diligentiam. Ioannes certe iterato effecit studio, quod non obtinuit primo.

Sponsam suam ita commendat in Canticis Sponsus: *Hortus conclusus, fons signatus*. Mos regum veterum habuit (quod doctissimus P. Sanchez annotauit) ut fontes, ex quibus reges bibebant, obsignarentur, praecluderenturque omnibus alijs. Hec & Periarum, ut autor est Athenæus, consuetudo fuit, hodieque obseruatur in fonte Carpenfi non procul Compluto, qui solius regis Catholici usus seruit, reliquis omnibus inaccessus. Ad hunc morem alluisse videtur Sponsus, (quæ est eiusdem Sanchez obseruatio) cum Sponsam ait esse fontem signatum, sibi soli seruatum. Nec tantum *fons signatus*, sed etiam *hortus conclusus*, siue in horto concluso erat: At eum fons ille sigillo munitus, serisque obfirmatus esset, quorsum præterea horto, eoque validis mœnibus fortiter cincto, inclusus fuit? Nonne sua fonti septa satis erant? Non negauero, satis fuisse illi sua claustra, sed neque concessero, damnosa fuisse horti sepimenta: Nam quod validius etiam horti muro cinctus, eod & magis tutus fons fuit, magisque à periculo violandæ clausuræ absuit. Nulla est superuacanea, nulla nimia in rebus momentosis sollicitudo & cura. Quanquam semel in anno facta confessio, & sumpta sacra communio sufficiant homini Christiano ad salutem, frequentatio tamen exomologesios, & synaxios magis certam faciunt nostram saluationem. In rebus magnis magna sedulitas magno esse vsui solet, & plurimum commodate frequentatum studium, ac diligentia crebra.

*Similis argumenti est Periocha IV. Dominica in Quinquages. Tom. 2. pag. 510. b. o. Vide, quæ ibi ad finem adscripta:*

## CAPUT X.

*Deus est fidelis amicus, & qui cumulatè vices mutuas rependit, ideoque, sicut Abraham nunquam deseruit Dominum in vita, sic ille Abrahamum non destituit in morte.*

**R**emunerauit Dominus gloriosi Patriarchæ nostri merita, & famulo illius seniori pro sua cura, solitudine, vigilantiâ, fidelitate, ac sinceritate, quâ demandatum sibi negotium procurauit, mercedem reposuit, Deo enim taurente & adspirante sponsam inuenit Isaac, qualem sanctus Patriarcha ab illo causæ tam grauis legato tractatore expetierat. Honestamque, & rectè institutam, benèque morata mulier tam pretiosum donum est, ac tam diues mo-

nile, ut solo virtutum, & benè factorum merito comparari possit. Sic enim habet Spiritus Sanctus Eccl. 26. v. 3. *Pars bona, mulier bona, in parte timentium Deum dabitur viro pro factis bonis*. Fides ergo ille seruus, & felix paranymphus domum redijt gaudibundus, & exultans lætitiâ, quod tam prosperè iunctum sibi negotium perfecisset. Rebecca excepta cum incredibili plausu, & gaudij voluptate, & festiuis acclamationibus fuit. Isaac moerorem, & dolorem, quem ex morte matris contraxerat, iucundis nouæ nuptæ amoribus temperauit. Abraham iugum matrimonij iteratò subiit, neque spes illum nuptiarum harum posteriorum fefellit, quanquam enim capularis iam senex esset, & præmodum decrepitis, copiosam tamen sobolem, & abundantem successio- nis fructum ex illo coniugio habuit.

Charum Isaacum suum bonorum omnium ex asse hæredem instituit, reliquis liberis facultatum partem aliquam dedit, accuratâ æquitatis, & æqualitatis ratione seruata, ut dissidiorum, iurgiorumque causam nullam haberent. Ut verò bona dispartire, sic & habitationum loca distribuit, suos cuique terrarum limites, & figendorum domiciliorum certos terminos designans, solum charissimum Isaacum primogenitum, & caput posteritatis ab alijs separatim relinquens. Neque hoc Isaaci ab alijs determinandi negotium alijs post mortem curandum reliquit, nam diuellere à suspecta societate liberos, res est, quam ipse tractare debeas, non alijs post funus perficiendam dubio euentu credere. Postquam omnia sua tam benè, ac prouidè digesserat, & disposuerat, ultimam vitæ periodum beato sine gloriosus Patriarcha, sanctus sanecio clausit, & plenus virtutibus felicem quietem coepit, atque inter suauis, sui Creatoris complexus blando mortis somno sopitus animam Domino, à quo acceperat, reddidit, cum centum septuaginta quinque Annos inter varia pietatis studia & Dei officia impiger, & infatigabilis omnium bonorum operum sectator, fidei columen, hospitalitatis specimen, obedientiæ exemplum, totius probitatis viua, perque elegans imago, transmississet. Parentarunt illi liberorum præcipui Isaac, & Ismael, sacrasque reliquias intulerunt sepulchro, quod ipse sibi in agro, quem ab Ephron, coemerat, in viuis adornarat. A morte Abrahæ cumlauit Dominus filium eius Isaac plurimis benedictionibus, habet enim Deus officiorum, quæcunque à fidei seruicibus quàm fuere exhibita, memoriam, & voluntatem remunerandi æternam. Tam beatâ morte defunctus est Patriarcha noster Abraham, inclytus credentium omnium.



omnium Parens, à quo omnis ætas, & sexus perdiscenda virtutis, & excolendi animi rationem tanquam in fulgentissimo, & tissimogque speculo possit inspicere. Nimirum ille virtutum omnium, sed præstantissimarum, sed heroicarum, quoddam recôditorium fuit, & singulas tam enixiè, diligenterque in animæ suæ hortò coluit, ut in vnaqualibet omne suum studium conuertisse videretur. Talem vitæ clausulam habet, qui Deo humiliter seruit, qui supremi Imperatoris castra dum hic viuit, non deserit. Deus enim fidelissimus est bonorum officiorum remunerator, & mutuas vices accuratissimè reponit.

Cùm è monte coelestis Magister descenderet, illo, inquam monte, quem in cathedram diuinæ suæ doctrinæ veterat, pius quidam viarum, latro, ut est apud sanctum Machabum, illam incurauit, ut omnipotentia eius thesauros depecularetur? Leprosus erat, qui hanc meditabatur rapinam. Is Dominum supplex adiens, & adorans sic appellabat: *Domine, si vis, potes me mundare* (Matth. 8. 2.) & ab his luridæ cruciabilisque lepræ foedis maculis perpurgare. Vix ea dixit, quando ille protensa manu tetigit eum, & dixit: *Volo, mundare.*

Magnus Origenes hac in re obseruauit celeritatem, quâ supernus Medicus hanc curationem perfecit, quæ tanta fuit, ut inter obsecrationem ægri, & protensionem brachij, depulsionemque morbi vix paucillulum temporis intercessisse videatur. Non perpetuus, sed nec frequens ille prodigioso benefactori mos fuit, sæpè enim cunctabatur, sæpè moras, neque breues, trahabat, priusquam ægram aliorum supplicum valeitudinem curaret, & diu plerumque orari voluit, antequam exorari sineret, ut sanitatem miraculo restitueret. Quod suspirijs consisti surdi illius, & muti curatio? Quanta fecit, ut lumine oculorum donaret eum, quem naturæ malignus error cæcum ediderat? Quomodo non infremuit, & irrugijt hic leo de tribu Iuda, cùm Lazarum tanto propigio redanimatum ibat? Cur ibi tam promptus, hic tam tardus? Cur hic tam cunctabundus, ibi tam velox, & expeditus?

Origenes eam vult esse causam, ut nimirum cognoscamus, quàm iuste atque exactè Deus respondere, quam pares rependere vices soleat. In his posterioribus miraculis vacillabant fide, qui ea requirebant, nec satis dignam de Christi virtute, atque omnipotentia habebant æstimationem. Satis id confessæ sunt Martha, & Maria, quarum hæc erat de Christi potestate opinio, quod nihil efficere valeret,

nisi ubi corpore præsens esset. Quapropter lugentes, & eiulantes aiebant: *Domine si fuisses hic, frater meus non fuisset mortuus* Ioan. 11. 21. Sicque mortem fratris absentia Domini acceptam ferebant. Simile quidpiam in cæteris miraculis accidit, ad quæ patranda tardius adduci permisit Dominus. Verùm leprosus tam latè extendit potentiam Domini, ut non posset amplius, exæquauit nam quod eam illius immensæ voluntati, quod tum fecit, quantum fieri potest, eam adlatauit, & infinitæ virtutis esse confessus est. Nec Propheta regius aliter potentiam Dei extollere posse putauit, quam ut diceret, idque semel, & iterum: *Omnia, quacumq; soluit, fecit*: Psal. 13. 11. & Psal. 134. 6. velut pluribus dixisset: Vultis nosse, quò se vsque Domini potentia extendat? Immenitati voluntatis eius par est. In creaturis, quæ maximis viribus valent, nulla potest semper, quidquid vult, facere: Verùm Dominus omne quodlibet, agit, idque ita, ut nihil sit, quod illi obistere queat.

Dicit nunc Origenes: Qui tam magnificè honorauit Dominum, meritò ille sine cunctatione curatur, ut qui promptè credit, subito sanetur. Deus enim iustam seruat vicissitudinem, & qualia sunt cuiusque officia, talia beneficia reponit. *Magnificè credas* (inquit Dominus apud Origenem Domin. III. post Epiphani. in Biblioth. homil. Tom. I.) *magnificè & mundaria, plenissimè confiteris, plenissimè laudificaris, non dubitasti credere, non dubito sanare, non distulisti confessionem, non differam te mundare.* Hinc accipiamus, quàm grato Domino seruimus, quàm parato ad respondendum his, quos impigros habet famulos.

Duas parabolas prædicauit coelestis hic Magister, quæ cum more agendi communi parum congruere videntur. In vna harum pingit quosdam seruos, qui dominiuum suum à nuptijs reuersurum præstolantur, idque domi, ut veniente cum accensis facibus excipiant, foribusque apertis in domum admittant. *Vos similes hominibus expectantibus Dominum, quando reuertatur à nuptijs.* Lucæ 12. 36. In altera virgines describit, quæ exierunt obutam sponsò, & sponsa, Matth. 25. 1.

Itanè verò teneræ & delicatæ virgines, quæ latere, & domus claustra seruare debeant, prodierunt foras, ut quærerent sponsum, & viri fortes, ac robusti defederunt domi, expectantes herum suum, ut reuersum à nuptijs admitterent, & cum ardentibus tœdis exciperent! Nonnè consuliùs fuisset, si permittissent officia, & famuli viri virginum munus curandum



randum suscepissent, virgines autem intrā domestica septa, quod viri faciebant, dominum præstolari fuissent? Quid ergo Dominus hanc ordinationem, & vices, ut videtur, inuertit?

Paulus Arefius in suis emblematis spiritualibus emblem. 28. discursu 2. n. 4. ait: in his parabolis adumbratum, quo discrimine Dominus eos, qui ei seruiunt, remunerare soleat, idque simul indicatum, quod sit prolixior ergā eos, qui fuerint ad famulandum, & gratificandum magis expediti, & officiosi. Dispiciamus ergo quo præmio donet eos, qui domi Dominum suum, inter vigiliarum molestiam quidem sed cum nonnulla commoditate etiam expectant. Præmium horum sic habet apud sanctum Lucam ibid. v. 37. *Faciet illos discumbere, & transiens ministrabit illis.* Compensatio ergo ministerij est ministratio mutua cibi. Quid verò mercedis habuerūt virgines, quæ domibus suis digressæ non paucis se exposuerunt periculis, nec paruo labore custodierunt & lampades suas, ne exstingerentur, & corpora, ne foedā commixtione contaminarentur, sed intemerata seruarentur? *Intraverunt cum eo ad nuptias* (Matth. 25. 10.) Superioremque in gradum euectæ fuerunt, sublimior enim dignitas est, ad nuptias cum sponso ingredi, quam cibo ab eo recreari. Hinc intelligimus, quā sit æquitatis obseruans Dominus, cum suorum officia remunerat, sic ut ampliore præmio eos cumulet, qui ad seruendum fuerunt prolixiores, magisque & prompti, & strenui.

Sponsi sui elogia sponsa ab eo exorditur, quod vbera illius fortitudine vinum, fragrantia quoduis

odoratissimum vnguentum superarent, dicens: *Meliora sunt vbera tua vino, fragrantia vnguentis optimis.* Cant. 1. v. 1. & 2. Sponsus è contrā cum sponsæ venustatem prædicat, sic ait: *Quam pulchra sunt mammae tuae, soror mea sponsa! pulchriora sunt vbera tua vino;* Cant. 4. 10.

Sanctus Gregorius Nyssenus homil. 4. in Cant. ait: *Similibus vocibus & ceteris sponsus excipit Ecclesiam, quibus illa antea illius in promissis laudans pulchritudinem.* Quid sibi vult, quod paribus verbis suorum vberum utilitatem sponsus & sponsa, Christus, & Ecclesia extollunt, & prædicant? Respondet Nyssenus: *Ergo hoc dogma discimus à diuina Philosophia, quod talis sit nobis Deus, quales nos Deo ostenderimus.* In codice acceptorum Dei accuratè describuntur labores, sudores, defatigationes, operæ, & quidquid ad gloriam, famulatumque illius vertimus, ut tempore opportuno cumulatè & suprà merita remuneret. Huius tam exploratæ veritatis luculentum exemplum habemus in nostro gloriosissimo Patriarcha, qui postquā Domino fidelissimè, integerrimeque per omnem vitam seruierat, *deficiens mortuus est in senectute bona, prouectusq; ætatis, & plenus dierum, congregatusq; est ad populum suum.* (Genes. 25. 8.) & perlatus in locum, ubi sancti Patres Reparatoris mundi, & optati Messiae expectabant eduentum. Doctrinam Nysseni superiorem callenti faciliè erat cogitare, quod Deus non destitueret eum in morte, cuius officij in viuis plurimùm fuerat vñs.

*Vide supra lib. 8. c. 3. & alia loca ad finem illius adnotata, in quibus simile argumentum tractatur.*

*Benedicta sit Sancta, & indiuidua Trinitas, quia fecit, & facit,  
& faciet nobiscum misericordiam suam.*

*Amen.*

F I N I S.



P

Q

PC



para  
sum  
cupes  
costu  
tenda  
mus;  
dant  
para  
gent  
Chri  
guine





# POLITICI COE L O R V M,

Quem in mysticis actionibus Sacri Patriarchæ Iacob  
reperit

*Reuerendissimus D. P. Didacus Nissenus, Ordinis Magni  
Basilij Abbas.*

## P A R S P R I M A.

POLITICO ÆTERNÆ FELICITATIS SVÆ STUDIO  
AVTHOR S. P. D.

**A**M arctâ obligatione deninctus est homo sua anima, tamq̃ sollicitè & enixè salutem illius æternam, & quacunq̃, ad eam obtinendam faciunt, curare debet, ut Sanctus Eucherius Lugdunensis non satis putet, hoc cuiusq̃, præcipuum esse studium, nisi & unicum sit, ac solum. Ille in epistola parænetica sic habet: Primas apud nos curas, quæ prima habentur, obineant, summasq̃ sibi sollicitudinis partes salus, quæ summa est, vendicet. Hæc nos occupet in præsidium, & tutelam sui, iam non planè prima, sed sola. Omnia vincat eo studio, quo præcedit omnia. Quod potissimum habemus, eidem potissimum attendamus, inquit sacer Antistes: Animâ verò, eiusq̃, salute nihil præstantius habemus; sit ergò nobis illius semper antiquissima cura. Huc cuncta studia nostra vadant, huc labor omnis, & vires tota vertantur. Vna sola cuiq̃, est anima, eaq̃, incomparabilis pretij velut quædam gemma, quapropter illam etiam unice, solum, ac diligentissime curare debet.

Cum hanc apud me reputarem tam veram, & Catholicam sententiam, quam Christus supremus Magister tanio perè commendavit, & cum verbo docuit, tum sanguine obsegnavit, & Catholici Doctores vehementer semper prædicarunt, & viri



sancti præclaro suo exemplo plurimum illustrarunt, hoc opus ad commune bonum eorum, quibus animarum suarum emolumenta, & profectus sunt cordi, adornandum suscepi, atq; in duas partes diuisi. Nomen libro indidi, **POLITICVS COELORVM**. Hæc enim, ut præfati sumus, summa & unica politia, cura, sollicitudo esse debet eius, qui æternum conditorem, Dominum, ac reparatorem suum per veram fidem nouit, ut cælum meditetur, animæ curam gerat, vitamq; suam sic instituat, ut cum Dei auxilio (quo sine nihil boni sperari potest) obtineat, quod expetit, & finem ultimum, ob quem creatus fuit, consequatur.

**POLITICVS COELORVM** erat S. Paulus Doctor Gentium, quando in epistola ad Philipenses c. 3. 20. aiebat: Nostra conuersatio in cœlis est; quod ex Velasquez, insigni, diligente, & erudito huius epistolæ interprete, tale est, ac si dixisset: Sic viuimus, agimus, loquimur, cogitamus, ut cœlestia tantummodò spectemus, hoc munus est nostrum, hæc nostra Reipublicæ administratio. **POLITICVS** ergò **COELORVM** fuerit, qui Christiani nomine censetur, si omnia sua ita fecerit, & instituerit, ut quantum fieri potest, ad emolumentum animæ, & salutem illius æternam, & habitationem cœlestem dirigantur, cuius obtinende gratia conditus, ac redemptus fuit. Hoc mihi in præsentī Opere propositum, ut formem **POLITICVM COELORVM**, monitisq; meis in viam beatitudinis adducam, ut eam & certus ingrediatur, & securus teneat, teratq;, & persequatur. Sanctos Patriarchas **ISAAC**, & **IACOB** duces adscisco huius tam momentosi itineris, pro facibus autem, quæ viatores illuceant, erunt illorum mystica actiones, in quibus inueniemus doctrinam Catholicam, & eruditionem veram, quæ nostris profectibus multum utilitatis sit allatura.

Cum verò iter sit nonnihil prolixum, carnig; & sanguini arduum & salebrosum, variâ doctrinâ illud conspergere studui, ut eâ pascam, & oblectem viatores, laboremq; illis leuiorem, ac tolerabiliorem faciam. Nam ut S. Ambrosius lib. 1. de Iacob c. 1. ait: Nudus sermo ad monendum utilis, ad persuadendum infirmus est; & quanquam aliquis petens ciuitatem sciat quàm in ea non solum comiter, humanèq; excipendus, sed & opiparè, ac dapsiliter tractandus sit, si tamen asperum, & confragosum sit iter, operosa illi, & permolesta accidit profectio. Nouerit licet eger, totam curationis suæ spem, & valetudinis instaurationem in cibo positam, ni gratum tamen illi ex condimento saporem adsciscas, non sumet quantumuis salutiferam alimoniam. Sic viator, si nunc fontem, nunc montem offendat, nunc in vallem incidat, nunc  
plano



plano itinere per campos vadat, nunc flumen, nunc prata transeat, nunc hortos, nunc arbusa praterat, minus sentit fatigationem, & molesta via fastidia fert lenius. Et infirmus, cuius languet orexis, & fastidio stomachus laborat, conditurâ nauseam depellit, & excitat aviditatem, ut sumat cibum, quem si quâ salubris appetit, quâ nutrimentum est, horret. Tantundem ego hac occasione facio: Nam ut studiosus **POLITICVS** cum nonnulla voluptate per viam pergat, & cibus veritatis non tam insuavis sit palato, quàm solet, ego illum coquo, & quantâ maximâ possum eruditionis varietate condio, ac preparo. Conuenit enim inaurare pilulas discipline perquàm amara gustui vitiat, & cœlestia, atq; æterna plurimum fastidienti, idq; iam oraculis Scripturæ, quæ prima regula est, ad quâ si dirigantur nostræ actiones, tum demum, neq; aliter rectè fiunt, iam sententijs Patrum, iam acutè dictis Doctorum, iam pronuntiatis Philosophorum, nonnunquàm etiam vel itinerantis viam, vel agrè decumbentis stratum incūdīs secularis literaturæ flosculis inspergere, ut allecto ad hunc modum intellectu, iudicioq; parte hominis tam principali, vi exemplorum, rationisq; & sententiarum, & diuinarum Scripturarum efficacitate ad consentiendum adducto, memoria aptetur, inflammeturq; voluntas ad suscipiendum, & complectendum hoc summum, atq; vnicè necessarium bonum.

Hoc uno institutio nostra **POLITICA** ceteras humani regiminis, & temporalis status disciplinas certò, euidenterq; antecellit, quod hæc non sint semper certæ, ut quæ à dubio euentu, & occasione ancipiti pendeant, cùm noster **POLITICVS** nihil tale adferre queat, quod illi obstat, quò minus quod vult efficiat, nam si animus huc tantum adijciat, quidquid hic docetur, faciet, facere autem cum auxiliaris gratiæ diuinæ ope posse, exploratissimum est: Nihil enim hic est, quod ab incerto casu pendeat, doctrina verò una est, vnus scopus, quem illa spectat, & petit, cœlum inquam, lux eius inuariabilis, & via nunquàm mutatur, & Dei opitulatio semper in promptu est, ut in sua potestate habeat felicem suarum actionum, ac lucubrationum successum. Ex meis doctrinam huc adfero quamcunq; inuenire per ingenij vires licuit. Quod habeo, hoc do, ut sic cum S. Petro ex Actis Apostolicis loquar, quod vitæ meæ ratio petit, & status professio exigit, hoc offero, disciplinam erudiendis animabus aptam, lucem vitæ cœlorum indicem, & ducem, antidotum aduersus peccatorum venenum, deniq; iter, quod in felicem illam patriam ducit, ostendo. Patrem luminum, è cuius liberali manu omne bonum descendit, oro, & obtestor, ut hunc meum laborem feliciter, sic ut **POLITICVS** Catholicus cumulatè ex illo referat fructum, & emolumenta, quæ spero, & opto.



*Pars secunda, hoc est, Sancti Patriarchæ Iacob historia prælo, si Deus iuuerit, propediem subijcietur. Posthac tribus alijs Tomis tradam artem comparanda gratiæ Dei, eamq; ex actionibus trium charissimorum, & familiarissimorum Apostolorum Petri, Iacobi, & Ioannis acceptam. Christianus Lector, quod obsecro, Deum pro me interpellat, ut is, siquidem gratos habuerit hos meos conatus, salutem, viresq; concedat, quibus hæc, aliq; plura præstare possim, ut certe præstabo, si plura per vitam posteriorem inuenire contigerit.*

Fr. Didacus Nissenus.

POLI-

Cum  
dāt, felici  
emendat

**E**

obseruan  
religiosè  
quibus il  
& patern  
ptura affi  
Inuentu  
licudo, &  
Interpre  
quando i  
mum per  
nes Chry  
tus, & ali  
Iste putem  
c. 16. Ex  
tura noli  
disperut  
visus fuit  
Isaac cum  
vixit, cu  
menti in  
piam rep  
teriffet.  
intelliga  
ritualium  
locis, sed



# POLITICI

## CŒLORVM,

### PARS PRIMA.

## LIBER PRIMVS.

### CAPVT I.

*Cum homo seipsum vnà conducatur, quocunq; vadat, felicitas eius non in mutatione locorum, sed in emendatione morum sita est.*

**P**ostquam beatâ mortē hanc vitam conclusit, & in illam sempiternam optatâ vicissitudine demigravit gloriosus, & inclytus Patriarcha Abraham, cum sacris eius manibus pro debito filialis obseruantie duo nati illius, Isaac & Ismahel, tristes religiosè parentassent, secesserunt ab invicem, ex quibus ille cœlestium promissorum primogenitus, & paternarum virtutum æmulator *habitat*, vt Scriptura affirmat Gen. 25. 11. *iuxta puteum nomine Vimenti, & Videntis.* Auius ille locus, inculta ea solitudo, & tam celebris puteus is est, vt volunt sacri Interpretes, apud quem Angelus apparuit Agari, quando illa è domo Abraham eiecta in hospitam eremum peruagabatur. In ea sententia sunt D. Ioannes Chrysostomus, S. Ambrosius, Lyranus, Tostatus, & alij non pauci. Verba Tostati sic habent: *Iste puteus est sic nominatus ab Agar, & pater supra c. 16.* Ex quo accipitur doctrina plurimum profutura nostro Politico, & quæ nobis quoque erudendis perutilis esse queat. In quo loco Angelus Agari visus fuit, in eo cœlestis nuntij præsentia consecrato Isaac cum ingenti animæ suæ utilitate, & profectu vixit, cum fugitiua famula nihil spiritualis emolumentum inde collegerit, nam si talis commodi quidpiam reportasset, non id facer scriptor tacitus præterisset. Id hic notare, & monere volui, vt omnes intelligant, curandarum animæ infirmitatum, & spiritualium morborum sanandorum remedium non in locis, sed in morum correctione esse positum: Pa-

rùm enim prodest homini, quoddam mutet regionem, nisi vitæ quoque consilium mutet; & si animæ passionibus emendet, quandoque non refert deferere locum, in quo degit.

Ibat dilecta sponsa per incultos syluos æremitæ salutis magnam, gratissimamque de vestitu, deque corpore toto aromatum fragrantiam exhalans, quam cœlorum ephebi conspicati, & admirati, agilitatem eius, ac velocitatem, quacum fursùm tendebat, tali verborum plausu celebrabant: *Qua est ista, qua ascendit per desertum sicut Virgula fumi ex aromatibus myrrha, & thuris, & vniuersi pulueris pigmentarum?* Cant. 3. 6. Rupertus Abbas, Honorius, Cardinalis Hailgrinus, Hugo Cardinalis, Philo Carpathius, Aponius, S. Iustus Orgelitanus, & alij plures per hanc variorum odoramentorum fragrantiam intelligunt copiam diuersarum virtutum sacræ sponse, & excellentias eiusdem.

Sed notandum, quod Angeli aiunt: *Qua ascendit per desertum;* tanquam à solitudine gratissimum suum odorem illa contraxerit. Et S. Gregorius Nyssenus hom. 6. in Cant. inquit: *Num desertum, & videtur, est causa, quod ipsa sicut Virgulum ascendat in altum?* Beati illi spiritus certè videntur incrementa animæ, quæ sponsa fecit, auxit eremo, & desertum tribuere solitudini, ex qua diues virtutum, & gratiæ donis collocupletata ascendit. Ergone verò loco adscribenda sunt tantarum ornamenta virtutum, quibus sponsa tam admirabiliter exulta, & perpolita fuit?

Responder Nyssenus, loco nequaquam ea tribuenda, sed diligentie, sedulitati, industriæ, laboribus sponse, quibus illa Dei auxilio confirmata sese exercuit. *Ex suis laboribus per continentiam, & diligentiam acquisiuit pulchritudinem,* inquit ille. Parùm profuisset remotior ab hominibus locus, parùm

commo-



commodasset abſtra eremus, niſi illa aſſiduo ſtudio, & totâ neruorum contentione etiam atque etiam terram animæ ſuæ excoluiſſet, illiusque profectus viribus omnibus curaffet. Neque enim omnis ſemper in loco ſita eſt ſalus, ſed in vitæ correctione, & diſpoſitione animi.

Quàm præclare hanc doctrinam Politico noſtro traderet Princeps Prophetarum coronatus! ſanctum ille ab hominibus ſeceſſum, & ſolitaria vitæ ſecurum otium ſibi optabat, itaque ſic anxie exclamabat: *Quis dabit mihi pennas ſicut columba, & volabo, & requieſcam?* Pſal. 54. 7. O ſi tam felix forem, vt reperirem quempiam, qui me alis columbinis donaret, & inſtrueret, quarum remigio è medijs procelloſi mundi turbis in quietæ ſolitudinis amœnam tranquillitatem me ſubueherem, vbi animus ab omni cura vacuus, & procul ab omni inquiete ſolis coeleſtibus ſtudijs operam nauaret, totumque me dulcis, & amabilis Domini mei officijs traderem. Expletum fuit hoc illius deſiderium, cum ait: *Ecce elongatus fugiens, & manſi in ſolitudine;* ibid. v. 8. Iam ſacer Rex in penitiſſimæ eremi abſconditiſſimo, & ſecretiſſimo loco, quem tam ardentè ſuſpirabat, degit. Nunc ergò magnâ quiete perfruetur, & pace, liberque ac ſecurus viuet, non habens ſcilicet hoſtem, à quo imperatur, neque appetitum, à quo impugnetur. At ipſum, quid dicat, audiamus, ipſe nobis vitæ ſuæ, quam in ſolitudine egit, ſtatim, rationeſque exponat: *Expeſtabam eum, qui ſaluum me fecit à puſillanimitate ſpiritus, & tempeſtate,* inquit ille ibid. v. 9. velut dixiſſet: Omnipotentem Dominum, cuius auxiliares manus ſemel expertus fui, præſtolabar, & porrò appellabam, vt me deiectum animo erigeret, eximeretque à procellis, quibus miſerum iactabar. Sed quid ais, Sancte Prophetæ! Habetné etiam eremus puſillanimitatem ſpiritus, & ſolitudo tempeſtates! Nonné dicebas, *Volabo*, cumq; inter latebras procul extra homines, & omnem mundi ſtrepitum poſitus morabor ſolus, *requieſcam*, atque in eremo non ſecus ac in cœlo, quod nullas patitur impreſſiones, viuam? Quod ſi ita eſt, quomodo ibi tam graues cooriuntur tempeſtates, quomodo turbines tam ſæui excitantur? Vnde illa tibi eo in loco cordis ignauia, & timiditas, vt à puſillanimitate ſpiritus, & tempeſtate per horas, ac momenta diceres, è cœlo ſperare auxilium Dei, qui à coniuratis in tuam perniciem tot hoſtibus te liberaret, cum aiebas: *Expeſtabam eum etiam hic in abſtiorè ſolitudine, qui me alibi ſæpè ſaluum fecit?*

Nonné videtis, inquit ſerè Sanctus Paſchaſius l. 4. in c. 4. Matth. vt homini ſit benè ſecundum animam, atque vt ſpiritu augeſcat, & virtutum incrementa faciat, non in ſolo loco eſſe poſitum? Dauid enim *nequm in ſolitudine liberum ſe intelligit à periculo, dum adhuc ſe flagrat liberandū.* Hæc ille ibid. Cum verò ille in ſolitudine, quam velut tutiſſimum, perſugium appetebat, iuari, & liberari oret, quòd in ea ſaſtuas procellas, tempeſtateſque pertimeſcat, euidenti inditio eſt, non ſatis eſſe mutaviſſe locum illi, qui inuariatos ſeruat vitæ mores. Ergonè & ſecefſus ex hominibus habet infeſtos dæmoneſ! Immodè verò habet. Dicat hoc ſpiritualis ille athleta, & valiſſiſſimus pugil, & magnus eremi Pater Sanctus Antonius, quem iuratus generis humani hoſtis tam varias figuras indutus, tam multis, ac magnis modis oppugnavit, & infeſtauit. Torum hoc Deus ſic diſponit, & ordinat, vt nos doceat, non debere conſidere loco, in quo degimus, nam cum homo ſeipſum vbique conſerat, etiam prælij occaſionem, & pugnae cauſam, quocunq; pergar, conducit.

Quàm præclare hanc rem docuit Fauſtus Rhegi-enſis Serm. 2. ad Monach. To. 2. Biblioth. PP. talibus verbis: *Quid prodeſt, quòd diſcedis, qui vndiq; adſtriſtus es vinculis paſſionum? Quem hinc, atque hinc circumuallant vitia ſua? Dignè aliquis diſcederet, ſi eò ire poſſet, vbi eum diabolus inuenire non poſſet. Nemo ſe fallat, non fugiet aduerſarium de loco ad locum, ſed de vitio ad virtutem, de paſſione ad emendationem. Si eum fugiat, ſequitur. Emenda te, & fugiet te, ſicut ait Apoſtolus: Reſiſtite diabolo, & fugiet à vobis;* Iacobi 4. 7. Sunt religioſi, qui cum ſe alicubi nonnullis tentationibus vexari, aut grauiore triſtitiâ premi vident, in alia monaſteria tranſmitti vehementer rogant, vbi tamen eiſdem vrgentur bellis, & eò peiùs ſemper habent, quòd crebriùs è loco in locum demigrant. Dicit nunc Fauſtus: *Quid iuuat variare loca, mutare aſceteria, ſi te cupiditatum tuarum vincula vbique artiſſimè obligatum habent, ſi te vitia tua hinc, atque illinc inuadunt, & ſiniſtra inſolens, improbumque ingenium per deuia abripiunt? O quàm felici fugâ elabereris, ſi in locum dæmoni inacceſſum, eiùſque telis impetuum euadere poſſes! Non ſeipſum quiſquam decipiat, nemo hoſtem effugiet, quantumvis hac, atque illac fugiat, euadet tamen, ſi corruptos mores exuat, & à contaminatæ vitæ conſuetudine ad pietatem, ſanctitatemq; tranſeat. Velis licèt, ac remis aliò atque aliò te recipias, hoſtem ſemper à tergo habes, qui te ſequitur, ac perſequitur quocunq; pergas,*



pergas, aliudque nihil agit, quàm vt loca omnia famelicus, ac rabiosus, iram, ingluuiemque suam explere desiderans, circumet. Optimum ab hoste effugium est vitæ sanctioris studium, & morum prauorum, qui te cruentissimo bello vel vnicè, vel maxime infestant, correctio. Sic enim habet magnus Hispanorum patronus: *Resistite diabolo, & fugiet à vobis*; non ait: *Mutate locum ex loco*, sed *resistite*, repugnat; quod tale est, ac si diceret, pugnam spirituales non semper, nec per omnia similem esse corporalis conflictus, in quo locus præcipua sæpè causâ, & pars maxima victoriæ esse solet, in spiritus autem certamine plurimum valet obnitentia, & facilius triumphat, qui vitæ mores emendat. Locus enim quamuis nonnunquam ad victoriam conferat, vt tamen superior euadas, non ille semper, neque solus facit. In foro sanctus, dæmon in reconditissima eremo esse potes.

Eapropter beatissimus Pontifex Gregorius de illustissimo Patriarcha Benedicto lib. 2. Dialog. c. 8. aiebat: *Sanctus vir ad alia demigrans loca, non hostem mutauit*. Non est idem euadere locum, & hostem, quin hic nos non secus ac umbra corpus, lux solem sequitur. Ergo morum mutatio tota non in sola loci mutatione est posita. Vnde & Horatius nonnullibi dixit:

*Cælum, non animum mutant, qui trans mare currunt*. Qui per maria nauigio vehitur, is regiones varias licet subeat, ingenium tamen idem, indolemque veterem semper retinet. Seipsum confert homo, quoquod pèrgat, seipsum comes sequitur, & omnis itineris sui socios habet mores suos, naturalq; propensiones.

Admirabiliter differit hoc de argumento insignis Cordubensis noster Seneca, ijs suum errorem aperiens, qui sibi persuasum habent, se simul & noua loca, & vitæ consuetudinem aliam inituros, & mutatuos cum regione animi ingenium. His ait illud euenire, quod ægris, qui valetudinem suam curandam existimant, si locum ex loco mutant: *Proprium agri est nihil diu pati, & mutationibus vt remedijs*; *Vir*, inquit ille de tranquillit. animi cap. 2. Cum infirmum in lecto feruens, & maligna febris adustulat, quàm crebrò intrâ ardentem strati, in quo inquietus intolerabili incendio conflagrat, fornacem se hac, atque illac versat, putans ardoris sui refrigerium in loci mutatione situm! Verùm morbi pertinacia suum illi errorem deregat; nam cum suum secum ignem conferat, & affectæ valetudinis malum effugere non possit, quocumque se conijciat, con-

Tom. III.

iunctissimum semper habet carnificem, à quo affligitur, proximum tyrannum, qui eum infestatur, & vexat, nec enim omne in locorum, sed morum maxime mutatione positum est remedium.

Non parùm altercantur sacri Expositores de sensu illorum diuinæ Scripturæ verborum, quæ hoc habent, quod supremo cælorum vertici graue aquarum pondus impendeat, de quibus Propheta regius Psal. 148. 4. hæc: *Et aqua, quæ super cælum sunt, laudent nomen Domini*; & tres è fornace Babylonica pueri ista: *Benedicite aqua omnes, quæ super cælum sunt, Domino*; Dan. 3. 60. Sancti Augustinus, & Hieronymus, & Doctores alij dubitant, num hæc aquæ ex ijs sint acceptæ, quæ hic infernè creatæ, an verò ibidem, vbi nunc sunt, conditæ fuerint. Varii de hac re sentiunt sacrarum literarum periti. Oleaster cum alijs existimat, aquas illas supercælestes ex his esse, quæ terræ parti inferiori incumbunt, & cum Deus fecit firmamentum, ac diuisionem aquarum, tunc alias hic infernè mansisse, alias suprà cælorum cacumen euectas, & illas humilibus inclusa alueis, has sublimissimo orbium istorum cælestium impositas fastigio.

At quæ tam altum sunt euectæ, tamque nobilibus, ac sumptuosis exceptæ palatijs, num propterea mutarunt naturam, genitalesque proprietates deseruerunt? Respondet Oleaster in c. 1. Genes. *Facta firmamento, seu diuisione non videntur mutasse naturam*. Tamen locum mutarunt aquæ, manserunt nihilominus aquæ, nec quia in tantam celsitudinem elatæ fuerunt, idcirco abdicarunt à se, quæ in terra habuerunt, proprietates: *Non videntur mutasse naturam*; nihilo proinde ex tam sublimi loco feliciores, ac sublimiores, neque enim in loci mutatione omne bonum positum est, sed in emendatione earum, quæ à natura insunt, imperfectionum.

Nam vt D. Bernardus apud Ioannem de S. Geminiano lib. 3. c. 7. obseruauit, *nec Lucifer profusus locus calis, nec Ada locus paradisi, nec Loth locus montis excelsi, nec filijs Israel deserti*, Lucifer enim in cælo intumuit, in paradiso Adam agrè habere cepit, Loth in monte peccauit, Israëlita in eremo deliquerunt. Si locus vel beatos, vel reprobos faceret, certa esset omnis Religiosi saluatio, indubia quorumuis sæcularium damnatio. Propterea Ioannes de S. Geminiano dicit: *Nota quod peccatori non prodest transmutatio loci sine mutatione animi*. Vt peccator quispiam ab animi ægreditudinibus conualescat, & saluâ spiritus vitâ euadat, parùm confert mutare patriam, aut vertere solum, nisi animum simul mu-

E c

ret,



tes, & consilia saniora capeſſat, & ad ſtudia meliora ſe conuertat.

Seneca noſter huc redeat, ſalutaribuſque monitiſ ſuis nos iterum erudiat. Lucretius apud illum lib. de tranquillit. an. cap. 2. aiebat: *Hoc ſe quiſque modo ſemper fugit, ſi loca identidem muret, & noua quotidie domicilia quærat, terraſque alias ex alijs perpetuus hoſpes oberret.* Sed illi occurrit Seneca, inquit: *Se ſemper fugit, ſed quid prodeſt, ſi non eſt fugit? ſequitur ſe ipſe, & erget grauiffimus comes.* Quid prodeſt illi, cui ex paſſionibus ſuis eſt ægre, quem prauus affectus malè ſanum habent, quod velut in continua peregrinatione poſitus terras in dies novas adeat, cum ſeipſum euadere, quocunq; vadat, non poſſit; ſed ſe haud aliter, ac vmbra corpus, ubique ſequatur, ſuiſſus ſemper indiuiduus, ſed moleſtiſſimus, & oneroſiſſimus ſocius? *ſuiſſus grauiffimus comes.* Ergo ſi homo ſeipſum circumfert, ſic ut ſe exonerari non poſſit, neque à graui paſſionum, affectionumque pondere ſe liberare, peram perdit, qui ut curetur, non ex morum emendatione, ſed ex locorum variatione remedium petit. Vitæ correctio eſt vitiorum vera medicatio, & abolitio.

Hanc in rem dicebat glorioſus Pater Sanctus Hieronymus: *Non Ieroſolymis fuiſſe, ſed Ieroſolymis bene ſuiſſe, laudabile eſt.* Vivere in locis ſanctis nihil utilitatis adfert ijs, qui non etiam ibidem ſanctè viuunt. Nec laudabile eſt, neque ſecurum degere in monaſterio, & conuentu religioſo, niſi vita loco reſpondeat. Parum reſert frequentari ſcholas Salernitanenſes, niſi diligenter in literarum ſtudia incubueris. Neque ſula comem facit, nam & Tantalum non iuuat proxima ori eius aqua, & avaro diuitiarum affluentia nihil commodat, cum & illè ſitim in medijs aquis paſſus ſit, & hunc nulla exſaturare atum abundantia queat. Sic parum ſolatijs adferre locus poteſt, nec quiſquam cogitare debet, omne in illo malorum poſſorum remedium, & infirmitatum antidotum eſſe poſitum, præſtantiſſimum nempe omnium noſtrarum aggritudinum medicamentum eſt, nouæ vitæ ſanctæ conſilia, & ſtudia ſuſcipere, & efferatas paſſiones cicurare, ac perdomare.

Vide To. 2. Periocham II. Domit. II. Aduentum pag. 338.

## C A P V T II.

*Qui maximum conſequi non poteſt, non proinde committere debet, quin minora preſet, ac procuret.*

NON abſque ſingulari myſterio ſacra hiſtoria memorat, Sanctum Patriarcham noſtrum ha-

bitaſſe proximè puteum, qui viuentis, & videntis appellabatur, inquit: *Habitaſſat iuxta puteum nomine viuentis, & videntis;* Genef. 25. 11. In quæ Origenes ho. 11. in Gen. iſta: *Tam magnum benedictionem accipere à Deo meruit Iſaac, & habitaret ad puteum viſionis.* Non omnino, ut ſic loquar, obtinuit Iſaac, ut intra ipſum puteum habitaret, illud verò ſolùm aſſecutus fuit, ut iuxta puteum (qui donorum, & conſolationum Dei quoddam ſymbolum erat) viueret, ut doctrinam quendam nobis Politicus noſter traderet, quæ multæ negligentia propulſantur, & expelluntur, quæ diſſidentia nomine artiſicioſè in mundum ſunt introductæ. Multi ſunt, qui cum in ſtadio virtutis totum conſequi non poſſe vident, ne ed quidem anhelant, ut vel aliquantum obtineant, & quia in culmen Apoſtolorum aſcendere nequeunt, etiam non laborant, ut ad eos perueniant, qui in tantum ſeſtigium non ſubierunt. Ut horum ignauia, ac diſſidentia nullam habeat excuſationem, de noſtro Patriarcha dicitur, quod *habitaſſat iuxta puteum viſionis*, ut intelligeremus, cum totum aſsequi non poſſumus, coronari debere, ut partem illius totius, quantam poſſumus, aſſequamur, & vel propè puteum degamus, quibus ire intro per vires imbecillas nondum licet.

Eiuſmodi comparationibus magnus Ieroſolymorum Patriarcha Cyrillus catech. 6. vel teporem noſtrum arguere, vel diſſidentiam, puſillanimitatemque corroborare voluit, cum ait: *Quia totum ſuum vinum ebibere nequeo; quod commodum eſt, & vile mihi non ſumam? Virum quia totum ſolem oculorum intuitu capere non poſſum, nec ad meam utilitatem; quod ſatuſ ſit, non aſpiciam? Et quoniam in hortum amplum ingreſſus diuerſa non poſſum poma comedere, viſne & omnino eſeruens, famèq; laborans diſcedam?* Certum eſt, eum, qui nec ſtamen totum combibere, nec ſolares radios omnes haurire, nec fructus horri vniuerſos comedere poteſt, non propterea omnem relinquere aquæ, lucis, & fructuum uſuram debere. Iuxta hæc ait Cyrillus: Num quia in ipſam myſteriorum Dei abyſſum deſcendere non poſſum, ne huc quidem conabor, ut quantulumcunq; illud reconditorum ſacramentorum eius inueſtigem, & peruidere intellectu queam? Num quia ſpiritus alis in ſummum perfectiſſimæ virtutis verticem enolare non valeo, etiam paulatim progredi, & pedetentim à terra aſurgere intermitam? Non habet bonam itatus rationem, qui cum efficere, vel obtinere maius nequit, etiam minus negligit, ac relinquit. A vera coelorum politica aberraret, ſi quis ita deſperet, & hoc



hoc paruum, quod potest, agere non vellet, quoniam illud magnum, quod vellet, non potest.

Cum supremum pro tribunali Iudex supremus sedebat, ut virtutibus nostris præmia, laboribus coronas decerneret, tunc ijs, quibus illa æterna, & indeficiens requies est parata, dicit: *Esuriui, & dedisti mihi manducare, sitiui, & dedisti mihi bibere, hospes eram, & collegisti me, nudus, & cooperasti me, infirmus, & visitasti me, in carcere eram, & uenisti ad me;* Matth. 25. 35.

Euthymius quærit, quamobrem pientissimus, auidissimisque salutis nostræ Iudex tam longum catalogum texuit operum misericordiæ, quorum exercitatione cælestes mansiones promereri homo christianus potest, dum nunc annonâ esuriens famelici leuatur, nunc potu siticulosum refocillatur, nunc peregrinum tecto excipitur, nunc ægrum uisitationis officio solatur, nunc vestimenta nudo ministrat, nunc captiuum præsentia sua oblectat. Quod spectat illa tanta operum varietas? Quid causæ, quod tam multa recensentur miserationum genera? Per mouendo ad perbeneficæ erga pauperes, & egenos liberalitatis amorem Christiano sat erat vnum quoddam misericordiæ opus, & præmium, quo illud largissimus Deus prolixissimè remunerat, ob oculos ponere. Quid sibi ergo vult tam longa, ac multiplex tot operum recensio?

Respondet magnus Euthymius, dicens: *Varia humanitatis partes recenset, & si quidem possumus, omnes impleamus, sin autem, saltem eas, quas possumus.* Tam multos itaque beneficentiæ modos Dominus enumerauit, ut quisque pro viribus in ijs sese exerceat, & qui non omnia eiusmodi opera, non etiam partem maiorem potest, quantam quantam potest, faciat. Cui per tennes facultatulas non licet dare vestem nudo, ei per corporis vires licebit visitare infirmum, & qui ne hoc quidem per affectam valetudinem propriam potest, poterit vel calicem frigida dare sitibundo, & quibus tam est exiguus census, ut exerere munificentiam erga omnes egentes nequeant, non propterea licet totam exuere humanitatem, sic ut nulli vel quidpiam benefaciant, neque oppellam, quam possunt, impendant.

Hinc accepit S. Hildebertus Turonensis Archiepiscopus argumentum magnificandi prolixitatem reginæ Mathildis, quando hæc ad ornamentum Ecclesiæ illius opulentissima ex auro candelabra misit. Eam deuotæ, ac prudentis Principis generosam, & religiosam largitatem talibus verbis deprædicat ep.

16. To. 3. Bibl. Ver. PP. Porro ex hoc etiam mani-

festum est, quam deuota inter sacra mentia, qua ministrare non potes, facina, prouides instrumenta.

Graui certè, ac luculento testimonio suam adstruebat Mathildis animi liberalitatem, & pectoris deuotionem, palamque omnibus faciebat, quanto pietatis cum ardore sacramenta adibat, quando, cum sacramenta, per sexus conditionem administrare ipsa non posset, ministrabat instrumenta, quæ ad sacramentorum decentiorem usum, qui hoc ex officio poterant, verterent. Hæc est præclara ratio status, ut ubi totum attingere non potes, vel propius accedere labores.

Hæc doctrinâ vsæ fuerunt deuotæ illæ mulieres, quæ cum salutis suæ autorem è duro ligno in Caluarie monte pendulum cernerent, cum lachrymis illi adstant: *Ad crucem cum lachrymis prius, dehinc ad monumentum cum aromatibus accesserunt,* inquit Hildebertus, necine verò vel à probroso supplicio innocentem liberant, vel à fatali monumento mortuum exsuscitant? Ne rum sanè, sed deuotæ, & luctuosæ mulieres pro succensa desiderio, quibus potuere studijs, & crucifixo compassæ sunt, & obsecuta tumultu. Ità pergit ille. Non erat tanta lachrymarum illarum efficacia, ut vindicare à morte autorem vitæ valerent, neque aromatibus id efficere poterant, ut anima Christi pristinum suum repeteret hospitium: Quod commodè tamen potuerunt, id agebant, miserabanturque illius cruciatus, & scærum cadaver honorabant, neque prudenter fecissent, si aut pœnas illius ob id non deplorassent, quod auferre non possent, aut defuncto non lachrymis, non pijs deuotionis, siue legis cæemonijs parentassent, quod vitam illius à tyrannide mortis eximere nequirent: *Quibus potuere studijs, & crucifixo compassæ sunt, & obsecuta tumultu.*

Nam ut sanctissimus Claræ vallis Abbas S. Bernardus epist. 176. aiebat: *Sanum, iustumque propositum nunquid omittendum ex toto fuit, quia ex toto adimpleri non potuit?* Nequaquam. Faciendum vel aliquid, cum fieri totum nequit.

In hospita in eremo aiebat Christus plurimis comitatus conuiuiis. Cogebat sua illum quodammodo pietas, ut turbæ sequaci annonam ministraret. Discipulorum consilium erat, ut famelicos à se dimitteret, quod sibi quisque remedium ipsius pararet. Respondit autem Dominus: Nihil necessum est id facere, date illis vos manducare, Matth. 14. 16. Anxios reddidit hoc iniunctum officium Discipulos, qui & quam demissè dixerunt: *Non habemus hic nisi quatuor panes, & duos pisces;* ibid. 17. quam tantillam



annonulam si dispersit in tam numerosam turbam vel maximè velimus, qui fieri potest, ut tam ingenti necessitati satisfaciat? Tunc generosus Magister: *Afferte mihi illos huc* (ibid. v. 18.) panes, ac pisces.

Res explorata est, voluisse Christum miraculo, cui accingebatur, fidem asserere doctrinæ, quam prædicabat, ut existimant Sancti Ioannes Chrysostomus, Hieronymus, Beda, & alij multi. Sed quo propterea consilio voluerit sibi Dominus illos tam pauculos panes, ac pisces adferri? *Afferte mihi illos huc.*

Euthymius respondet: *Insit quidem panes, ac pisces afferré, docens quòd etiam illa pauca oporteat præbere indigentibus.* Quòd cœlestis Magister tenuem illam, modicamque alimoniam pro subleuanda tam copiosa multitudinis necessitate sibi adferri præcepit, eo facto nos instituere voluit, ut nunquam despondeamus animum, tametsi videamus fieri non posse, ut rem quampiam totam conficiamus, sed aliquid semper agere curemus, sic enim optimè, quantum fieri potest, agemus, & satisfaciemus. Nam ut nihil agamus, quia peragere totum non possumus, id quidem inimicus noster diligentissimè laborat, nostram tamen remissionem, & ignauiam non excusat.

Admodum congruit cum hac re, quod S. Ioannes Chrysostomus ait, cum de virtutibus varijs, & actionibus loquitur, in quibus sese exercitârunt ij, quorum vel in sacris factis, vel in alijs grauibz historijs, authenticisq; annalibus crebra fit mentio, inquit: *Tanquam ornamenta quadam proposuit Patrum certamina, & unusquisque nostrum ad quam soluerit certationem seipsum conformet.* Hæc ille Orat. in Ioseph, To. 5. velut dixisset: Constituit nobis ob oculos Dominus pugnâs, & virtutes, & benefacta sacrorum Maiorum nostrorum, & quos vetus lex peperit, & quos noua edidit, ut ex his sibi quisq; sumat, quæ statui suo magis conueniant, ac se magis decent. Illud in verbis S. Chrysostomi percommodum est rei præsentis, quod ait: *Tanquam ornamenta quadam, siue mosilia proposuit nobis Dominus virtutes Sanctorum.* In officinis mercatorum, & abacis aurifabrorum sunt varia genera pannorum, sericorum, monilium. Ad illos ingrediuntur Rustici, & Patrii, Dominus, & subditus, Princeps, & qui ab illius officijs, nobilis, & pauper, omnesq; inueiant, quod emant, & sibi accipiant, quia pro omnibus est aliquid, est linum, est lana, est sericum, est sagum, est roga, est vestis conchyliata, est bombycina, est plebeia, famularis, squalida, obsoleta, est margaritarum, est vitrum, est quod maximo, est quod minimo pare-

tur, & quisque sibi quod & facultas, & status exposcit, mercatur. Ad hunc ergo modum ait Chrysostomus, quod Dominus *tanquam ornamenta quadam proposuit Patrum certamina*, præstituit abacum, aperuit officinam, explicuit merces virtutum seruorum, & amicorum suorum, ut ex his imitandum sibi quisque deligat, quod per vires melius exequi possit. Hic est inuenire Apostolos, Martyres, Confessores, Doctores, Virgines, Viduas, Coniugatas, Pauperes, Opulentos, iniuriarum Condonatores, Ieiunatores, Pœnitentes, Solitarios, Eremitas, Ciuces, & unusquisque nostrum, ad quam soluerit certationem, seipsum conformet, ut ex hac diuite taberna hoc sibi quisque, quod magis adlubescit, accipiat, & cui non est ea facultas, ut inestimabile margaritarum & radiantissimum adamantem virginitatis comparare possit, emat castitatis vitrum, & qui veneream à se abdicare voluptatem omnem nequit, coniugalem saltem castitatem obseruet, *melius est enim habere, quam vti*, ut Paulus aiebat 1. Corinth. 7. 9. Qui non est tam ardente spiritu, & magno animo, ut possit transmittere ad Iapones, ubi pro Deo sanguinem vertat, sit ille suorum desideriorum tortor, sit martyr suo modo quo potest, plectatque per omnia pœnalia, quæ malè egit, fundat lachrymarum sanguinem, quo turpes maculas suas diluat, ac deleat. Cui tam imbecillæ vires, ut opibus, quibus affluit, se audare nequeat, totum tamen animum ijs inordinate non addicat, ne sint illi laqueus, quæ benè mercendi occasio esse possunt. Si fortè totum facere Politicus noster non potest, ut nonnihil tamen agat, curet. Aperta est taberna, patent officinæ fores, ut pro virium suarum modulo, quod sibi magis commodum, & conueniens, eligat. Non omnia omnes possunt, sed non propterea etiam pars operis prætermittenda, quod totum confici nequeat. Cui per tenuitatem suam non licet vestire purpuram, & aurum, & gemmas pretiosas, non illi proinde fas est omnem cultum negligere, omnemque vestimenti decentioris, congruentiorisque curam abijcere. *Tanquam ornamenta quadam proposuit Patrum certamina, & unusquisque nostrum, ad quam soluerit certationem, seipsum conformet.* Si nihil pro Deo pati velis, quod mortem pro illo martyr oppetere non possis, manifestè falleris, & erras, qui neque castus esse vis, quod virginitatem conseruare integram nequeas. Si miserè luditur, qui pauperi, cui dare vestem nequit, etiam frustillum panis, quod potest, non ministrat. Nihilò indubitatiùs illi hallucinantur, qui nec vnam salutationem Angelicam recitant, quia totum ad precarios



precarios calculos exfoluere Rosarium non possunt. An tu fortè nudus mundum obis, quòd vestire holoserica nequis? An ab omni prorsum cibo abstines, quia decem discos, aut lances exonerare in ventriculum non potes? Transfer hæc in rem præsentem, sicque extimulaberis, vt vel aliquid facias, cum totum agere, & assequi nequis, nec enim à parte operis tentanda excusatur, qui totum perficere non potest.

*Idem argumentum pertractat Tom. 2. Periocha III. Dominica I. post Pentecosten, pag. 89.*

### CAPVT III.

*Summa est illius temeritas, qui summum statim posse attingere præsidit.*

QVòd puteus in sacris literis sit profundorum mysteriorum, & reconditorum diuinæ legis sacramentorum symbolum, id constans sententia vtriusque Glossæ, Interlinearis, & Ordinariæ, D. Hieronymi, Ioannis de sancto Geminiano, Origenis, Berchorij, Pagnini, Laureti, & Ricciardi habet. Glossa Interlinearis sic ait: *Habitabat iuxta puteum, morabatur in discutiendis profunditatibus scripturarum.* Quòd ergo Isaac proximè illum tam celebratum puteum sedem fixit, eorum operam, & studium præfigurauit, qui plurimum laborant, & desudant, vt diuinorum mysteriorum obscura illustrent, intricata explicant, absconsa in lucem proferant. *Iuxta puteum habitabat*, non primo statim momento in altitudinem mysteriorum penetrauit, non totas primo intuitu difficultates peruidit, neque repente è vestigio in ipsa secretiorum dubitationum penetralia peruasit. Hæc re docemur, quomodo stulta quorundam inconsultorum temeritas infruenda, qui in finem sine medijs peruenire volunt, & cathedras magistrorum ante inire, quàm se in disciplinam traderint, & doctoribus erudiendos submiserint. Est hæc communis multorum ægrotudo, & familiare arrogantium malum, qui vix gradum in virtutis curriculum promouerunt, quando iam se consummatos, & admodum perfectos esse prædunt, cum tamen res sic habeat, quòd nemo primo statim passu perfectionem assequatur, neque repente in fastigium quicquam perueniat, maxime cum præcelsum est, in quod aspiratur.

Nam vt Quintilianus lib. 10. cap. 3. ait: *Nihil rerum ipsa natura soluit magnum effici citò, præpositæque pulcherrimo cuique operi difficultatem, quæ nascendi quoque hanc fecerit legem, & maiora anima-*

*lia diutius suscipere parentum continerentur.* Præclarissimas operas, & elegantissimas structuras pluribus difficultatibus voluit esse obnoxias, & maioribus cunctationibus prouida natura alligauit, quòd in iumentis videre licet, quæ lucem communem è tardius aspiciunt, quòd vastiore sunt corporum mole. Discere hoc est ex Elephantis, de quibus Plinius, Pterius Valerianus, Alianus, Bartholomæus Anglicus aiunt, suprà biennium aluo maternâ gestari. Tantam nempe derepente sibi promittere, aut arrogare magnitudinem, magnam vanitatem & inmodicam temeritatem arguit.

Propheta Ezechiel cap. 8. v. 3. tale quidpiam de se narrat: *Similitudo manus apprehendit me in cinnamo capitis mei, & eleuauit me spiritus inter terram, & calum, & adduxit me in Ierusalem in visione Dei.* Nemo inficias erit, hoc factum esse, quandam imaginem eius, quòd animabus cum diuino spiritu accidit, donec in cœlestem Ierusalem perueniant, quæ omnium votorum, desideriorumque nostrorum finis est, & meta suprema. Sed notandum, quòd S. Hieronymus obseruauit, quòd sacer Propheta ait, eleuatum se à spiritu inter calum, & terram, post hæc verò adductum in Ierusalem. D. Hieronymus sic habet: *Spiritus non eum statim ad calum leuat, sed inter terram & calum.* Sed cur tam parca, vt quidem videtur, fuit Domini manus, neque primo statim momento in supremum cœli fastigium euexit, quem èd promouere certum habebat? *Non enim statim ad calum leuat.* Sed quid causæ, quòd paulatim, ac velut per gradus quosdam illum subduxit, sic vt primum à terra assurgeret, dein ærem calcaret, denique maiore virium contentione, & imitatione volanti in ipsam summi cacuminis celsitudinem ascenderet? Factum hoc, inquit Doctor maximus, vt institueremur, quem proficiendi, & discendi modum tenere in schola dominica debeamus, vt progressus noster, & studia nobis feliciter cadant: Nimirum pedetentim progrediendum; & per singulos ex ordine gradus sensim ad altiora conandum; nam velle ex humili terræ pauimento in supremum cœli apicem vno velut saltu penetrare, præsentia plusquam temeraria est, & insignis ex omni parte stultitia.

Psalmus 118. complectitur summam nostræ eruditionis, & profectus nostri spiritualis præcipua monita. Versibus 176. constat, cuius singulos otonarios David per singulas Hebræorum ex ordine digessit literas, à primo Alpha, vsque ad extremum Tau.



S. Ambrosius serm. 14. in Psal. 118. lit. *Nun quærit, quid causæ sit, quod hic Psalmus per prima alphabeti elementa ita est distributus, cum nulla penè sit in sacra Scriptura litera, quæ non singulare aliquod mysterium, & secretum monitum contineat. Eam autem his verbis explanat dubitationem: Ideo per literas Hebræorum Psalmum hunc intelligimus, esse digestum, ut homo noster tanquam paruulus, & ab infantia per literarum elementa formatus, quibus ætas puerilis assuevit, & quæ ad maturitatem & virtutis exerceat. Ut puer quispiam discat legere, primum ei alphabetum, siue tabella, quam abecedariam vocamus, datur, ut ab his rudibus principiis exorsus, demùm artis consummatæ perfectionem consequatur. Per tam inculta initia pulcherrimarum scientiarum decentissima ornamenta sibi parat. Tale quidpiam in virtutis schola euenit, inquit diuinus Mediolanensium Archipræsul: Nam ut in summum apicem peruenias, necessum est rudimenta huius diuinæ Philosophiæ primum terere, & à tam humilibus principiis ordiri, eamque ob causam Psalmus, in quo illa Philosophia traditur, per alphabeti literas singulariter, ac minutim digeritur, ut omnis, qui diuinæ huic scholæ se tradunt, intelligant, velut pueros esse debere, & à paruo inchoare, ut ad magna perueniant, & à pauculo incipere, ut multa aliquando consequantur: Ut homo noster tanquam paruulus, & ab infantia per literarum elementa formatus, & ad maturitatem virtutis exerceat. Qui enim ætatis masculæ vigorem antè vult adipisci, quam infantilium annorum imbecillitatem tolerauit, ac transierit, aut ad fructus maturitatem prius peruenire cupit, quam floris teneritudinem expertus fuerit, nã ille plurimum & fallitur, & præcipitat.*

Venit œconomus Abraham in Mesopotamiam, cumque propius abesset à ciuitate, in qua debebat Nachor, incidit in Rebëccam Isaac nostri dulcem, & sanctam coniungem. Vidit eam Elizer (hoc Procuratori nomen) arbitratusque ab inditij eam esse Sponsam, quam Deus parasset filio Domini sui, *pro tulit, ut sacer Textus loquitur Genes. 24. v. 22. in aureis aureis, appendentes scelos duos, & armillas rotidem.* Ferebat ille secum supellectilem ex argento, auro, monilibus copiosam, ac diuitem, atque ut aduentus suus feliciter illi caderet, & prospera haberet primordia, duas in aures, & armillas binas, utraque aureas, pulcherrimæ virgini dedit, quarum illæ faciei venustatem, hæ manuum elegantiam, addito splendore amplificarent, decentioremque, & auctiorem facerent. Post multa vltro, citroque actitata,

post matrimonij tabulas confectas, & pacta utriusque inita, *pro tulit vas argenteum, & aureis, ac vestibus, dedit ea Rebëcca pro munere* (sic ibid. v. 53.) explicatoque cimeliarchio suo non oculis tantum, sed & vultu, & arbitrio modestissimæ Rebëccæ opulenterum thesaurorum suorum copiam exposuit.

In eorum, quæ hic gesta feruntur, consideratione positus beatissimus Pater S. Gregorius sic aiebat in Glossa Genes. 24. *Quæ prius in aures, & armillas acceperat, tam vasa aurea, & argentea, & vestes accepit.* Quæ sub initium leuioribus inauribus, armillarumque ornamentis donata, ea postmodum insignitioribus, ac pretiosioribus vasorum, & vestium muneribus cumulata fuit. Sed cur non primo statim congressu omnem ei supellectilem optulit, cur non gazas totas, mox ut illam alloqui, & pro Sponsa Isaac agnoscere cepit?

Respondet sacer Doctor: *Quia quæ ante perfidem, & operationem percepit, excrefcens ad spiritualia conualefcit, & prophetia spiritu, & virtutum gratia repleta, amplius muneribus crescat.* Quod animæ cupiam non omnes statim thesauri patefunt, & exponuntur, quod non inter ipsa conuersionis exordia omnes mox gratiæ dono offeruntur, id fit, ut intelligatur, neminem repente fieri summum, neque in primulo statim initio consuetudinis cum Deo prædiuites virtutum illius, & gratiarum thesauros totos offerri, sed necessum esse suum conari, ac paulatim ad altiora ascendere, primum rudimenta pueritiæ ponenda, ut per ea perfectionem ætatum profectionum deinceps assequaris, & qui rectè aliquando imperare, aut docere velit, eum ante humiliter subesse, & diligenter literis operam nauare debere.

Ita docet S. Gregorius Nyssenus Orat. 1. de pauperibus amandis, inquit: *Ecclesia duces rectos documenta quadam, quæ sint instar elementorum, auditoribus proponunt, deinde gradatim ea, quæ perfectiora, magisque recondita sunt, patefaciunt.* Quæ magis obuia, & patentiora, & faciliora captu, ea primum rudibus discipulis tradunt, quotquot docendi munus in Ecclesia rectè, decenterque obeunt, ut ij, quos instituendos susceperunt, velut per gradus quosdam paulatim in cognitionem abstrusorum mysteriorum, & sacramentorum assurgant. Hic est bonus procedendi modus, quem si quis prætermiserit, & infima primum non presserit, ut ab ijs ad superiora anhelus adspiret, nihil fecerit, neque quod cupit, obtinuerit.

*In eadem re versatur Tom. 2. Persoche II. Dom. VI. post Epiphaniam, pag. 462.*



## CAPVT IV.

*Non quis dicat, sed quid dicatur, attendendum, auditorum enim salus non in eo, qui loquitur, sed in eo, quod docetur, posita est.*

**C**atonis, qui bonis suis monitis plurimum lucis crederet, ac feliciter instruetis hominum actionibus attulit, sententia fuit, cum quisquam alios docet, consilioque, & scientia imbuat, non personam, sed doctrinam loquentis obseruandam, animumque non ad illum, qui verba facit, sed ad verba ipsa aduertendum: *Non quis dicat, sed quid dicatur, attendendum est*; inquit ille. Salus enim, & profectus, pernitentia etiam auditorum non in magistro, sed in eius institutione; non in vita, & moribus Doctorum, sed in monitis eorum, & verborum sententijs recte, aut secus intellectis posita sunt.

Abseondit se Propheta Elias, Deo ita iubente, in torrente Carinth, sic ut nullis hominum oculis se permittere posset, atque ut omnis praeoccuparetur necessarii victus difficultas, occurrat ei Dominus, inquitens, certa quaedam iam destinasse animalia, quae annonam illi, alimoniamque, quamcunque vitæ nutritio requireret, ministratura essent: *Coruis præcepi, et pascant te*; ait factorum factorum Autor 4. Reg. 17. 4. Factum ita. Nam corui diuinæ iussioni accuratissime obtemperantes *deferébant ei panes, & carnes mande, similiter panem, & carnes vesperi*, ibid. v. 6. Et abditus Propheta non dedignatus tales promissos condos, citra nauseam, quin & auidè, hilariterque de illorum manibus, rostris dicere debui, sumebat, & comedebat, quæcunque illi adferebant.

S. Ioannes Chrysostomus homil. de Petro, & Elia Tom. 5. tale quid sciscitat: *Quomodo Elias à coruo nutrebat?* Coruus enim in lege impurum animal habetur. *Quomodo ergo ab impuro coruo nutrebat Propheta?* Quomodo cibos acceptabat à volucri, quam sic abominatæ fuerunt, exosamque habuerunt literæ sacræ?

At quid corui ministrabant Elia? *Deferébant ei panem, & carnes*. Vnde verò? Ex opulentissimo, & affluentissimo penu Achab regis, ut annotauit Abulensis, quod inditio est, panem è mero polline fuisse, & carnes opimissimas, atque ediles. Elias ergo sic apud se diserebat: Si panis est bonus, & caro pinguis, ac lauta, & alimonia nutritioni commoda, quid refert, quod allata fuit ministerio aui, à qua lex abhorret? Hac in re namque non dispensatoris conditio, sed cibi bonitas attendenda, neq; hoc considerandum, quod coruus est, qui minister venit, sed

illud cogitandum, quod vitæ sospitanda utilis esca, quam adfert, nam si venenum etiam columba asportaret, non proinde mortiferum esse desineret.

Tantundem in rem præsentem dicendum. Sanctus Gregorius homil. 12. in Euang. ait: *Verbum Dei ci- bus est anima*. Qui hunc cibum nobis ministrant, sunt dispensatores Ecclesiæ, hoc enim nomine illos donant sacræ literæ. Sancti Apostoli Petrus, & Paulus tali titulo eos honorant. Ac Petrus quidem primæ suæ canonicæ cap. 4. v. 10. inquit: *Sicut boni dispensatores multiformis gratiæ Dei*. Paulus verò 1. Corinth. 4. 1. *Sic nos existimet homo, et ministros Christi, & dispensatores mysteriorum Dei*. Quid ergo in hac causa attendere debemus, dispensatorescne, an cibum, quem nobis offerunt? Res in aperto est, id nos spectare debere, quod spectauit Elias. Videre nimirum debemus, an panis, an conducibilis annona, quæ apponitur, nam tamen improbus sit dispensator, nihil id bonitati alimoniam officit. Sit doctrina sana, sit Catholica exhortatio, sit verum, quod dicitur, sit utilis, & fructuosa admonitio, & non erit quod curetur, qualis ille sit, qui docet, vel instruit, solet enim Deus per malos dispensatores erogare cibos bonos.

Ingredebatur celorum Paranympus sacrum, secretumque cubile virginum, quotquot fuerunt, sunt, eruntque intraminatissimæ, & reuerentissimæ illam his verbis nunquam ante auditis consalutabat: *Ade gratia plena, Dominus tecum, benedicta tu in mulieribus*; Lucæ 1. 28. *Cum audisset casta Domiella exquisitam salutationem, & verba, quæ tam non cogitabat aliquando, quàm pro submissione profundæ humilitatis non intelligebat, turbata est in sermone eius, & cogitabat, qualis esset ista salutio*, ibid. v. 29. ibatque illius in diuersa animus, incertus, quid sibi veller ista cælestis nuntij tam blanda, inusitataque appellatio.

Eusebius Emis. super *Missa est* ait: *Turbata est non in vultu, sed in sermone eius*. Tamen plurimam, eamque amabilem lucem, ut videtur, per oculos, perque faciem, & corpus totum videret Angelus, tamque magnifico splendoris ornamento excultus esset, quàm decebat eum, qui summi Dei orator ad tam diuinam Dominam veniebat, nihil tamenurbationis maiestas Angelici vultus anitho purissimæ, & tenerrimæ Virginis inuulsi. Quamobrem verò inconcussio stetit animo, ad aspectum pulcherrimi iuuenis, & ex solo illius nuntio audito commoueri cepit?

Respondet Eusebius: *Non enim Angelum, sed Deum*.



*bum Angelus attendit*, non statum Legati considera-  
bat, sed mandatorum, quæ perferebat, momenta, ra-  
tionesque attentissimis cogitationibus apud se pru-  
dens, & sapientissima Domina pensculabat: Ta-  
met si enim faciei venustas securitatem illi adferre  
videbatur, salutationis tamen novitas suspensam te-  
nebat. Nam ut non, quis loquatur, sed quid loqua-  
tur, cogitandum, ut non ille, qui docet, sed id, quod  
docet, considerandum, ut non magister, sed eius do-  
ctrina attendenda: Itaque cum hac non est, aut non vi-  
detur secuta, nihil refert, quod ille integerrimi spe-  
ciem præferat; idcirco consultissima Regina *turba-  
ta est in sermone, non in vultu, non enim Angelum, sed  
Verbum Angelus attendit*. Nam quod maximè expen-  
dendum, non illud est, utrum Angelus sit, qui docet,  
sed an doctrina, quam tradit, sit Angelica, nec tam  
diligenter discutienda eius vita, quam institutio, &  
monita, hæc enim sunt, quæ nutriendis animabus  
congruunt, in his earum vel theriaca est, vel toxic-  
um, in his mors, aut vita spiritus. Quod namque  
medicina efficax est, ac salutaris, id non à vase habet,  
cuius vires semper eadem, siue aureum sit, quo pro-  
pinatur, siue testaceum, aut vitreum vas, è quo hau-  
ritur.

Conuenit cum his dictis quædam Tertulliani ob-  
seruatio. De Christo sacri Euangelistæ ferunt, illum  
aliquoties incendisse nauem, atque ut maria, vel  
stagna traiceret, lembo sæpè usum, tum vestijisse ad  
morem hominum aliorum. Vtriusque rei obuia pas-  
sim habemus testimonia. Nam dormijisse in naui,  
transmisisse mare Tiberiadis, ligno in patriam ve-  
ctum, è nauicula Petri fecisse cathedrâ, ex qua docu-  
erit, alij, atque alij narrant. Vestitus illius satis me-  
minit sacra historia passionis, quæ hoc habet, quod  
exutus tunicâ fuerit, quod vestes illius diuise, quod  
sortes missæ à militibus, quis integram sibi tunicam  
illius inconsutilem haberet.

Dicit nunc Tertullianus lib. de corona milit. c. 8.  
*Minerva molita est nauem, videro nauigantem Ionam,  
& Apostolos, plus est quod & Christus vestitur*. Mi-  
nerua naues reperisse, ac texturam ad conficiendas  
vestes inuenisse dicitur. Ut ergo sciatur, & aduertatur  
inventionem, cum est bona, & utilis, & necessa-  
ria, non deæstimari, aut de pretio cadere propter  
autorem debere, Redemptor mundi & naui vitur,  
quâ ab vna regione ad aliam transmittat, & inuenti-  
one creaturæ Creator, quando non secus ac homines  
alij vestes induit.

At si mulier quædam fuit, quæ nauigandi, te-  
xendique artem excogitauit, cur viri vtantur nau-

bus, & vestes sibi adhibeant? Et hunc Deus ipse mo-  
rem probauit, quem scimus & nauigasse, & vestitu  
usum fuisse! *Minerva molita est nauem*. Et quod  
mulier reperit, hoc viri sequantur! *Plus est, quod &  
Christus vestitur*? Factum benè. Nec ob aliud, quam  
ut illo doceremur, non autorem, sed inuentum at-  
tendendum. Si inuentum vile, necessarium, lici-  
tum, honestum, quætuosum fuerit, esto inuentor  
qualiscunque, esto mulier, esto vir, esto bonus, esto  
malus, dignus tamen est, quem sequamur, cuius in-  
uenta ad vsus nostros transferamus. Quot instituti-  
ones à brutis animantibus accepimus? Quam multa,  
ac varia ab eis didicimus? Quis enim docuit pu-  
tare vites, nisi iumentum? Quis minuere sangui-  
nem, nisi equus marinus? Quis purgare aluum,  
nisi Egypti ciconia, ut refert Polidorus Virgil. lib. 1.  
cap. 21. de inuent. rerum? Ergo non attendendus  
autor, non magister, non doctor, sed doctrina illius,  
& institutio animaduertenda, quandoquidem nos,  
qui gloriæ ducimus, quod ratione valemus, non eru-  
bescimus, in quibusdam rebus esse discipuli bruta-  
rum pecudum, ipseque adeo Saluator, & Creator  
vsus fuit inuentione, & arte cuiusdam creaturæ, &  
quidem mulieris, ut nos moneret, dum doctrina  
modò sit bona, parum referre, si fortè doctor sit im-  
probus, quanquam res bona sit, & sancta, si doctor  
sit bonus, & sanctus, & ad persuadendum efficacius,  
plurimum conferat illius integritas. Verum vitiosa,  
& flagitiosa doctoris vita dissimulari potest, doctrina  
corrupta tolerari non debet. Modò lac sit bonum,  
& salubre, nihil ad rem facit, quod nutritrix est deformis.  
Sit doctrina sana, & Catholica, tum verò ma-  
gister qualis qualis, plus nobis confert illius doctri-  
na, quam vita, quoniam nostra vita est illius institu-  
tio.

Alterum filiorum Patriarchæ nostri fuisse venato-  
rem, hominem agrestem, & efferatum (Esau is dice-  
batur) & indole ad malum propensa, mox videbi-  
mus. Et quanquam res ita haberet, Isaac nihilomi-  
nùs, ut memorat sacer Scriptor, *amabat Esau*; Gen.  
25. 28. Et quamobrem diligebat? *Eò quod de Venat-  
ionibus illius vesceretur*. At cum ille tam insignitè  
flagitiosus esset, & abominabilis, decuitne talis ho-  
minis manibus curatum, allatumque cibum sume-  
re?

Guilielmus Ebroicensis in c. 25. Genes. ait: *Ven-  
enatio erat bona, etsi non bonus Venator*. Ob venan-  
di operam charus erat Isaac Esau, pro tali officio  
illum diligebat. Quando ergo comedebat Isaac,  
non curabat venatorem, sed ex venatione allatam  
ferinam:



ferinam: Quando ea erat bona, & saporata, & recte apparatus, quid referebat, quod venator esset barbarus, ferox, denique etiam flagitium hominis? *Veritas erat bona, etsi non bonus Venator.*

Tantundem dico nostro Politico, ut cum bonum aliquod consilium ei suggeritur, cum salubri hortatu ad studia bona excitatur, non personam attendat consultoris, aut monitoris, sed id quod docemur, siue monemur, consideret, non magistrum spectet, sed ad illius doctrinam animum studiosè aduertat. Cum sacros fortè sermones auscultas, pensa, & rumina quæ dicuntur, hæc nimirum è re tua sunt, tibi quæ conducunt, vitam autem, & actiones Ecclesiastice relinque, hæ enim proposito tuo, quocum auditurus venisti, parum seruiunt. Sit medicina salubris, tum Medicus viuat, ut volet. Auditor enim non vitæ sui magistri, sed doctrinæ, quam tradit, daturus est rationes. Sit bonus, & optimus venatus, & actionum venatoris nulla nos cura tangat.

Cum Tobias iunior se compararet ad iter, quod ferebat in Rages ciuitatem Medorum, iussit illum pater Senecio pergere, & inquirere aliquem virum, qui comes per viam illi esset, & salutæ mercede seruiret. *Egressus filius, ut patris mandata expleret, inuenit iuuenem splendidum, stantem praeclatum, & quasi paratum ad ambulandum.* Tob. 5. 5. Erat hic S. Raphael Angelus viatorem hominem indutus. Arripuit occasionem Tobias, interrogatumque socium, qui se offerebat, de his, quæ per viam ab illo expectare poterat, ad patrem suum lætus, gaudensque adduxit. Tobias senior, cum illum denudè de his, quæ ad propositum iter spectabant, percunctatus fuisset, audissetque Angelum ad omnia sese adofferentem, & plura, quam rogaretur, promittentem, aiebat: *Rogo te, indica mihi, de qua domo, aut de qua tribu es tu?* ibid. v. 16. multam enim voluptatem mihi attuleris, si genus tuum, patriam, parentes aperueris. Respondit Angelus: *Genus quareis mercenarij, an ipsam mercenarium, qui cum filio tuo eas?* ibid. v. 17.

Prudens sanè, & dignum cœlorum Palatino responsum! Quid enim domui, tribui, generi, parentibus, & officio, ad quod Raphael expetebatur? Comitum consultum, circumspectum, expertum, non sanguinem, profapiam, tribum causa tunc illa postulabat. Quid profuisset, si è nobilissima tribu, atque illustrissimo stémate oriundus Raphael, si officio, ad quod deposcebatur, ineptus fuisset? At si per virum facultatem ab omni periculo tutari, aut eximere

Tom. III.

Tobiam minorem potuisset, quid obesse tribus illius, tametsi infimarum extrema, potuisset?

Ita quoties audimus sermonem pium, correptionem, doctrinam, non attendamus genus, vitam, mores illius, qui monet, obiurgat, docet, sed admonitionem ipsam, & doctrinam, quæ traditur. Hæc nobis vilis, non illa profunt. Sit lux clara, & candelabrum qualecunque. Doctrina inquirenda, non morum conditio, institutio, non profapia, eruditio, ex qua benè viuamus, non vita, quam ille viuat, qui nos vivere rectè hortatur.

In illa tam peruulgata seminis parabola ait superius Magister, exiisse quendam agricolam, ut seminaret semen suum, quod cum faceret, tres seminis partes interiisse, vnā de quatuor solam fructificasse. Pars enim vna iuxta viam lapsa, vel à viatoribus protrita, vel ab auibus comesta fuit. Incidit alia in petras, simulque & nasci, & siccari cœpit. Aliam inter spinas siue propria infelicitas, siue incauta agricolæ manus coniecit, à quibus cum extincta essent grana, exurgere in stipulas, & proficere in spicas nequieuerunt. Postrema in terram bonam, probè excultam, & fertilem incidit, fructumque & plurimum, & optimum attulit. Rogabant Magistrum discipuli, ut hoc eis tam obscurum ænigma explicatum daret. Cessit illorum precibus sacer Doctor, & ait: *Semen est Verbum Dei, qui autem secus viam, hi sunt, qui audiunt, deinde venit Diabolus, & tollit Verbum de corde eorum;* ibid. v. 12. ne radices agat, & producat fructum salutis æternæ. Quod supra petram cecidit, hi sunt, qui cum audierint, cum audito suscipiunt Verbum diuinum, at cum radices non habeant, quæ sat sint, ad tempus credunt, & in tempore tentationis, ceu ignaui, recedunt, & deficiunt. ibid. v. 13. Quod autem in spinas cecidit, hi sunt, qui audierunt, & à sollicitudinibus, & diuitijs, & soluptribus vitæ, euntes, suffocantur, & non referunt fructum expectatum. ibid. v. 14. Quod autem semen in bonam terram cecidit, hi sunt, qui verbi diuini expetitur, desideratumque fructum cumulatè producant.

Observauit hoc in loco Haymo Halberstadius (quod alibi etiam à nobis subnotatum) quod sacer Magister exposuit quid sit semen, quid terra, quid petra, quid spina, quid terra bona, & vix quidquam reliquit, in quo nostra desudaret inquirendi sollicitudo, & industria, tamen quid esset seminator, non exposuit, ut illud reliquissè obscurum videatur, quod ad ipsam maximè substantiam parabolæ pertinet, & auditor non prorsum incuriosus inprimis scire tunc voluerit, atque etiamnum velit. Aperuit supremus Do-

Ff

tor



et pericula, quibus expositum esset semen, ut defugerentur, offendit difficultates, ut cautè declinarentur, admonuit de iactura, ut cauereetur omne damnum, & incommodum, denique bonæ terræ qualiteram indicauit, ut iustam maturitatem verbum diuinum assequeretur, *tamen quis esset seminator, non exposuit.*

Quid causæ sit, quod tam attentos esse voluit auditores ad circumstantias doctrinæ in semine adumbratæ, qui Doctoris qualitates, seu conditiones non curasse admodum videtur? Cur has dissimulauit, illasque tam ludiosè, & enucleatè explicauit?

Factum haud dubium, ut intelligeremus, in doctrinam, in verba prædicationis, in monita sacra nostram ferri præcipuè debere attentionem, non in Ecclesiasten, qui nobis loquitur. Perinde ac in agricola, qui seminat, fieri debet. Si bonum est semen, quod effundit, si terra fecunda, si cetera accommodata fini proposito, & ille probi agricolæ regulas rectè obseruat, parum refert quod sit vel diues, vel pauper, rusticus, siue nobilis. Sic quanquam Ecclesiastes, & doctor sint mali, dum bona sit illorum doctrina, sana institutio, & auditor illi suscipiendæ sese, ut decet, aptet, non propterea fiet, quod minus vel doctrina suum effectum sortiatur, vel optatum fructum auditor consequatur.

Cum Iethro videret molestias, quas Moyse genero suo adferebat tam numerosæ plebis procuratio, quam gubernandam susceperat, miseratus onerosam prouinciam, quæ intolerabiliter prægrauabatur, consuluit illi, ut tam grauis præfecturæ partem in alios exoneraret, sociosque operosi laboris adhiberet viros quosdam potentes, & timentes Deum, in quibus esset veritas, & qui odissent auaritiam, sic enim & illi leuius futurum partitum in alios onus, & populi negotijs ex voto illorum satisfieri commodius posset. Erat Iethro homo ethnicus, & nihilominus Moyse, quod sacer Textus memorat Exod. 18. 24. *fecit omnia, quæ ille suggererat.*

In quæ Origènes: *Audit vocem eius, & facit omnia, quæ dixit, & non quis dicat, sed quid dicat, auscultat.* Hortatum foci Moyse attentus accepit, cumque eum salutarem vidit, dicto obediit, omniaque ex illius præscripto egit, & non in eum, qui benè monebat, oculos, sed in ipsa bona monita animum vertebat. Quoties enim doctrina est bona, & salutaris, amplectendum, sequendumque est consilium, non pensandus auctor.

Exemplum huius doctrinæ habemus in eo, quod sacer textus ait: *Et habitabat Isaac iuxta puteum nomine Vientis, & Videntis.*

Abulensis inquit: *Iste puteus est nominatus sic ab Agar.* Quod gentilis, barbara Agar, vile mancipium, & ancilla diuinorum mysteriorum parum gnara nomen pureo supra cap. 16. primum indidit, hoc ille perpetuò conseruauit.

Sed cur eam appellationem semper retinuit, quam vilis famula, & barbara Ægyptia illi imposuit? Quia id nominis aptissimè congruit summo Numini, quod agnoscimus, quadratque naturæ, & maiestati Dei, quem adoramus. Ille enim æternum viuit, & perspicaci illius visui nihil est obscurum, nihil absconsum, nec secretum quodpiam est, quod oculi eius lyncei non examinent, ac peruideant, nec abyssus aliqua, in quam alta illius scientia non penetret. Posito autem, verissimam veritatem esse, quod Deus omnia videat, qui totus est oculus, & mera vita, quid refert, quod ea veritas ab ore seruilis mulierculæ profecta fuerit, quodque ab ancilla barbara ea doctrina accipiat, non enim quis dicat, sed quid dicatur, attendendum, salus enim, felicitasque auditorum non tam in probitate doctoris, quam in veritate doctrinæ, non tam in conditione, & moribus magistri, quam in utilitate eorum, quæ suadet, est posita.

## CAPVT V.

*Homines eam non dandi excusationem prætere- dere solent, quod semel dederunt, Deus suis beneficijs, quæ erogauit, ad plura danda incitatur.*

Elegit Patriarcha noster Isaac sibi domicilium proxime illum tam celebratum puteum, & locum, ubi Dominus suam ergà fugitiuam ancillam perliberaliter exeruerat munificentiam. Dicit hic Oleaster: *Multum Vita confert, si enim ad viuendum locum deligas, & si noueris Dei præsentiam peculiari- ter adesse.* Ad excolendum spiritum, ad animæ profectum, ac virtutum incrementa procuranda plurimum confert, ibi habitationem instituere, ubi noueris copiosioribus donis consecratum, frequen- tioreque munificentia illustratum locum. Sed cur illum ex omnibus potissimum deligamus locum, quem sciamus peculiari, & effusione Dei beneficentia ditatum? Videtur namque non esse rogandum Deum, ut ibi largitatem suam denuò prodar, ubi liberalitatis suæ ostentationem luculentior semel fecisse accepimus. Rectè, ac merito illud videretur, si manus, quæ gratiarum, ac fauorum munera erogaturæ, humanæ, siue hominum essent: Homo enim cum semel quidpiam dedit, sic ferè exhauritur, & exinanitur, ut propter tenuitatem suam bene- facere.



nefacere deinceps nequeat: Verum immensus Dominus, quem adoramus, magnificus benefactor, quem agnoscimus, plurimum aliter habet, & contra facit, nam ob hoc ipsum, quod manum semel ad benefaciendum extendit, & pectus generosae prolixitati aperuit, ad vltiorem, ampliolemque liberalitatis exercitationem à natua sua conditione incitatur, vrgetur, impellitur. Itaque & locus, vbi munificentiae suae specimina iam dedit, singulari incitamento illi est ad nouam misericordiae ostentationem faciendam. Non sic miser, & aridus homo, qui si vnum fortè beneficiorum erogauit, hoc illi pro gladio fuisse videtur, quo sibi manus praescuerit, vt deinceps illis ad erogandum vti non possit.

Hanc in rem ita olim dicebat Sanctus Ioannes Chrysostomus in Psal. 43. *Multi, qui donant, hoc praecipunt, ne id alius dicant, ne in vnum facta gratia, ei, qui dedit, multos petitores excitet.* O quam pulchra sunt haec postrema verba: *Multos petitores excitet!* quae hoc significare videntur, quod homo, vt est restrictus, & perparcus, cum semel dedit, in profundissimum somnum omnes mendicos conijcere, & iniicere altissimam obliuionem omnibus egenis vellet, vt nulla vltimam ad animos eorum petendi memoria subiret, & quiduis aliud potius, quam rogare recordarentur.

Quam longè diuersa est nobilis, & permunificata generosissimi Domini nostri indoles, qui de suis beneficij stimulos facit nouae, & amplioris liberalitatis excitatores, & multos petitores excitat! Cum pectus erogandis beneficij semel aperuit, mox ore, velut dato signo, ad ea excipienda miseros conuocat, sic vt illius munificentia cum aliorum egestate, & cum necessitate promptitudo iuuandi, & leuandi velut cernet.

Superam hanc Philosophiam, & magnificam Dei indolem, ac prolixitatem nouerat Propheta regius, quando volens illum obligare, vt solita erga se misericordia vteretur, sic aiebat: *Clamabo ad Deum altissimum;* Psal. 56. 3. magnis vocibus dulcem Dominum, & pium Patrem meum appellabo, ac rogabo, vt cum hostibus confligenti suppetias, interq; angustias posito opem ferat. At videamus, Propheta sancte, quid illud habes, ex quo tibi certam precum efficacitatem, & gratiam, pro qua obsecras, indubitato obuenturam promittas? *Ad Deum, qui benefecit mihi,* inquit, clamabo, velut dixisset: Vt nullus dubitem, quin de manibus Dei accipiam gratiae beneficium, quod suspiro, illud facit, quod infinita illius clementia me cumulare donis cepit, be-

*nefecit mihi,* ac propterea spero, quod beneficentiae infuset, largitatemque suam erga me porro vltra exerere perget. Est enim illius vna liberalitas mater alterius, & gratia prior pignus posterioris. Istam horum Dauidicorum verborum sententiam paucis verbis expressit Lyranus: *Benefecit mihi de praterito, & sic spero, quod facies de futuro;* non enim Deus hominum similis est, qui ex eo, quod semel dederunt, velut prohibentur amplius dare.

Expeditus à seruitute populus Hebraeorum grauem inculta in eremo situm patiebatur, pro quorum depellenda necessitate communem libertatis vindicem dux Moyses interpellabat. Permotus ad misericordiam precibus Moysis Dominus, iussit adsciscere comites seniores populi, & sumere virgam, illam prodigiorum operatricem, tum adire petram, & percutere, atque in vicem ignis, quem velut impatiens verberum saxum eiaculari solet, magnam aquarum abundantiam ab ea expectare. *Virgam, quam percussisti flumem, tolle in manu tua, & vade;* Exod. 17. 5.

Querunt hic multi, cur Deus hoc loco mentionem faciat singularis illius in flumine Aegypti patris miraculi, cum aquas eius in sanguinem vertit. Videtur enim non satis opportuna venire praesentis rei talis commemoratio. Quid enim consequentiae habebat, vt ea ad proliciendam siticulosi tum hominibus, tum brutis animalibus ex petra frigidam virgā vteretur, quae paulò ante ad transmutandas in sanguinem fluminis aquas adhibita fuerat?

Sanctus Ioannes Chrysostomus aiebat, fuisse hoc ad mirabile artificium, quod Deus adducere Moysen voluerit, vt expriore illius beneficentia, & perliberalis conditionis eius solenni more pollicitationi noui miraculi facilem fidem commodaret. Virgā in gratiam populi Hebraici fecit illud in flumine prodigium. Virgā ergo illud in petra miraculum alterum perficiatur, vt ex beneficio priore certitudo posterioris intelligatur, & nuperam beneuolentiam experti, nouam sibi indubitato promittant. Pientissimus nempe hic Dominus vno beneficio inuitatur ad aliud, & cum vnus memoria illi refricatur, ad nouum conferendum excitatur: *si Dei beneficia commemorabimus, ad maiorem eum beneuolentiam excitabimus,* inquit, Chrysostomus homil. 2. c. 1. 2. ad Corinth.

In Psalmo nonagesimo Propheta regius has adornaui preces, quibus apud Deum iustus, vt ait, vteretur: *suscipitor meus es tu, & refugium meum, Deus meus, sperabo in eum, quoniam ipse liberauit me de laqueo*



laqueo Genantium, & à verbo assero. Psal. 90. v. 2. & 3. Hæc est confessio humilis iusti, qui debita cum submissione, & gratitudine agnoscit, prædicatque beneficia, quæ de prolixis Domini manibus accepit.

At videamus, quas vices dulci commemorationi sacrorum & nuperorum donorum suorum pius Pater rependat: *scapulis suis*, inquit, *obumbrabit tibi*, & *sub pennis eius sperabis* ibi. v. 4. Vices ergo, quæ iusto gratam memoriam beneficiorum dominicorū agenti redduntur, eæ sunt, quod pluribus beneficijs cumulari, & amplioribus donis augetur. Ait iustus Domino: *susceptor meus es tu*, & *refugium meum*; commemorans bonum, quod ab eo habuit. Respondet Dominus per suum spiritum: Non solum asyllum erit iusto (parum enim hoc est per liberalibus ipsius manibus) sed incitatore pietate, & abundantiore beneficentiâ etiam *scapulis suis obumbrabit tibi*, & *sub pennis eius sperabis*, tanquam tennellum pullum paterno gremio excipiet, pietatisq; alis inumbrabit, & confouebit, & ab omnibus aduersis tutabitur.

Fuit hæc sanctissimi Bernardi observatio, qui ser. 4. in Psal. 90. ista habet: *Consistenti humiliter, & deuotè gratias referenti non immeritò ampliora beneficia promittuntur. Itaq; respondit spiritus: Non id solum facies, sed & scapulis suis obumbrabit tibi.* Si Dei beneficia priora fores oppellularent posterioribus, pectusque illius permagnificum mox stagnaret, cum semel effundi capit, præmodum vt tennes homuli solent, non suo generoso more augustissimus hic Imperator, & supremus Conditor ageret. Huc huc aptissimè cadit tanquam verissima, & debitissima laus, quod per impudentissimam assentionem impio suo, & atheo Iuliano turpis palpo Marmertinus in Panegyri. dixit: *Ecquis Deus vno in anno multiplices fructus agro vni dedit? Num quisquā in eadem nouali, æstate vna, amplius quàm semel messuit? Num cui vno autumno, vnoq; vnoq; vnoq; vnoq; triplex fuit? Vna certè vni est hyemis oluitas. Sed in nostri Principis beneficijs miraculo. caret multiplicata fecunditas. Deum cum agri assiduitate fructuum in maciem decoquantur, Imperatoris nostri posterior liberalitas vincit priorem, nec sit effata gignendo, sed per vices fructuum fecundatur.* In nostrum Principem hæc suis ponderibus cadunt, quæ ille in Iulianum nefandissimum mendacissimum adulator confinxit. Nam quæ in agro, autumno, hyeme, oliueto miraculum foret, ea Deo vnitissima est, & miraculocaret multiplicata fecunditas, immò verò inau-

ditum, inuisumque prodigium esset, si non in illo ea videretur vbertas, quam ibi sine prodigio videre non licet. Fertilissimum agrum sua consumit liberalitas, & debilitat prolixitas: Verum diuinus Princeps noster ad munificentiam suâ largitate accenditur, vt priorem posterior velut ex æmulatione superet, & vnde ager marcessit, inde ille augetur, & benefaciendo benefaciendi vires maiores comparat, & posterior liberalitas vincit priorem, cumque vnum beneficium contulit, sudabundus anhelat, aut anhelus sudat aliud, quod enim semel dat, inditio est dare amplius velle.

Digna notatu est animositas, confidentia, & familiaritas, quacum secundus populi Hebraici Imperator mandabat soli sistere gradum, & igneos, pernicesq; caballos suos adductis habenis à cursu prohibere. *Sol contra Gabason ne mouearis*, & *Luna contra Gallem Aialon*, Aiebat Iosue 10. 12. Ad felicem euentum belli, quo hostes nominis Domini perurgebat solis à cursu quies, itaque magno vocis imperio iubet figere pedem, quod lux illius ad triumphū facilius parandum faceret.

Quæro hîc, quid mouere Iosue potuerit, vt solis, ac Lunæ à suo cursu conuiescendum nunquam visum prodigium expectare, immò & expetere auderet?

Videte quid paulò ante sacra historia memoret, inquit Nicolaus Lyranus, atque inde accipietis, quid eos ausus Iosue fecerit, vt tam confidenter soli dux sanctus imperaret. Narrat illius libri scriptor, quod Dominus, cum pagani idololatrarū filios Israël fugerent, *misit super eos lapides magnos de calo*, ibid. v. 11. velut explosis illis coelorum tormentis bellicis hostes populi sui sternere voluerit.

Dicit nunc Lyranus: *Videns primum signum à Deo datum de calo aëreo, ex hoc confidens petiuit signum de calo sydereo.* Descenderant lapides ex procellosi aëris caliginosa regione proiecti. Vt hoc coniunctum cum miraculo beneficium sibi exhibitum Iosue vidit, statim maiora de optimo Deo sperare, & fauorem è superiore loco ampliorem expectare capit, ac propterea soli præcepit, vt subsisteret, ac Lunæ, cursum suum ne profunderetur. Nouerat scilicet immensam liberalitatem Dei, sciebatque eum ab vno beneficio, quod dat, velut prouocari ad dandum aliud maius: *Posterior liberalitas vincit priorem.*

Secundum Orbis Instauratorem filius quidam illius Cham insolente impietate grauiter offenderat, vt è contrâ duo alij nati Sem, & Iapheth suâ obseruantia



uantia plurimum sibi demeruerant. Postquam ergo prioris improbum, atq; impudens factum abominatus, execrabilibus maledictis confixisset, quo veniabilem patris nuditatem in publicum extulerat, tum Sem hac benedictione profectus fuit: *Benedixit Dominus Deus Sem*; Genes. 9. 26.

Nonne his verbis sanctus Patriarcha Noë benedicere filio suo voluit, vt Deus, ad quem spectat remunerari honorem, quem parentibus liberi exhibent, plurimis illum donis, ac beneficijs cumlaret? At hoc forte quis dixerit, non est benedicere Deum, inquit Chrysostomus hom. 39. in Genes. non illi procurare gratiam, non exposcere beneficia, sed Deum magnificare, & extollere.

Respondet tamen sacer Pontifex: *Immo Salde benedixit illum*, nec satis affectus es mysterium verborum, si existimas non ampliora illi à Deo beneficia depoposcisse: *Quando enim Deus benedicitur, & aguntur illi gratia ab hominibus, tunc & prior ab illo solet benedictio dari, itaq; benedicens Deum, debitorem ipsum facit maioris benedictionis*. Vocauit Noë Deum, Deum Sem, quod cum sanctus Patriarcha fecit, beneficia, quæ ab illo in obedientem filium profecta fuerant, confessus, *Salde illum benedixit*: Commemorare enim apud Deum gratias, quas ille contulerit, sagax industria est, & solers ratio cum deuinciendi illum, tum permouendi, vt abundantiore venâ gratias fundat, & plura, maioraque beneficia impertiat: *Benedicens Deum Debitorem ipsum facit maioris benedictionis*.

Quis talem contrahendi debita modum audiuit? Qui accipit, is fit debitor, qui dat, ille creditor est, habetque obnoxios eos, quibus dedit. In Deo plurimum contra accidit, ille enim dando fit debitor dandi, & dona illius priora sunt pignora posteriorum, & securæ liberalitatis. Quis ergo non colat, non amet tam prolixum Dominum? Quis non obtemperet, non placere, atque gratificari studeat tam liberali, & munifico patri?

## CAPVT VI.

*Negligentia nostra, & incuria, lapsusq; omnis inde nascitur, quod non satis profunde scrutamur, quam multum officij nostri ratio à nobis requiratur.*

**R**ursus hic nobis necessaria sunt verba Glossæ Angelicæ, quibus de sancti Patriarchæ nostri domicilio disserit. De illo ait sacer scriptor: *Habebat iuxta putem*; in quæ Glossæ commentarius sic habet: *Morabatur in discutiendis profunditatibus scripturarum*. In his illud premit: *Moraba-*

*tur in discutiendū*, perscrutandisq; abstrusioribus diuinarum literarum mysterijs. Hinc sua sancto Patriarchæ nascebantur lucra, hinc ille sua sibi accumulabat profectus augmenta. Et reuerà si Politicus noster in virtutis itinere proficere, si magnos facere progressus cupit, necessū est faciat, quod Patriarcha noster egit, sic vt attentè cogitet, studiosè mediteatur, & vigilanter perscrutetur quæcunque legerit, audierit, sciuerit, tum his omnibus diu, assidueque immoretur.

Ieremias Propheeta namque orbi fatalem stragem, calamitosamque ruinam inde potissimum illatam affirmat, quod officij sui obligationes obiter tantum, ac perfunctoriè aspexit, leuibusque passibus momenta suorum debitorum pertransijt: *Desolatione desolata est omnis terra, quia nullus est, qui recogitet corde*; ait ille c. 12. v. 11. Vnum hoc totam in ruderâ detraxit terram, quod non fuerit, qui fixis cogitationibus pensaret, quàm multis, & magnis modis Deo seruire obligati omnes essent.

Notandum in his, quanto cum mysterio Propheeta terræ appellatione donet hominem, qui non reddit fructum, quem debet Domino, cui tam magnū in modum est obnoxius. Quænam præcipua causa sit, quod terra non satis fructificat, neque responderet expectationi eius, qui tritici semina illi credidit? Ea, quod nec aratro, quantum par, subiicitur, nec vomere satis proscinditur, ac perstringitur, vt exurgere in culmos grana, atque in spicas explicare sese possint. Nam vt benè dicendi magister Hispanus Quincilianus lib. 10. c. 3. ait, *terra aliè effossa generandis, alendisq; seminibus facundior est*. Quæ verò leuiter solum, & secundum superficiem tantum tenuiter rumpitur, raditurque magis, quàm sulcatur, ea seminis iacturam facit, & dominum suum suo labore defraudat, sudoremq; illius plerumque lædit, & lassitudinem frustratur. Ad hunc modum vitio hominum fit, inquit Ieremias, quod terra vastetur, *quia nullus est, qui recogitet corde*, aratrum meditationis non penetrat terram pectoris, obligationum suarum momenta nemo satis expendit, nec quisquæ est, qui animum, vt debet, aduertat ad statum, cui se consecrauit. Quid enim non à se obtineret homo, si altius seipsum scrutaretur?

Anxia circumibat sponsa, dilectum suum multa cum solitudine inquirens, quem cum post molestæ indagationis graues labores reperisset, exultans pro felicitate aiebat: *Inueni quem diligit anima mea*, Cant. 3. 4. ceteri fortuna mea cum omni alia felicitate, postquam in centrum meorum votorum, illum, inquam,



inquam, incidi, per quem cum angustum pectus meum respirare, & onus ab animo abstergi, mæstudo possit, est etiam oculorum mihi lumen, & omnis nobili serenitudo: *Tenui eum, nec dimittam*; & postquam tam magnum bonum mihi occurrit, faciam deinceps quicquid per vitium facultatem licet, ut non me destituar.

Videamus nunc quâ re inueniatur sponsus, & quâ sic constringatur, ut nunquam abeat. Duobus verbis id sanctus Ambrosius indicauit, qui serm. 7. in v. 7. Psal. 118. Sic habet: *Fide eum inuenit, meditatione constringit*. Ut sponsum, quem fide repperat, ad perpetuam duraturam inter illius brachia quiete, & æternam suam voluptatem insolubilibus vinculis obligatum apud se sponsa cohiberet, meditatione ad hanc rem vsa fuit, *meditatione illum constringit*. Cum enim attentiore consideratione apud se reputaret, primum quidem quomodo illum perdidit, quantis laborum impendijs requisitum inuenit, quot pericula, ut reperire posset, subierit, tum vero nullum esse absque illo bonum, inde factum est, ut nunquam posthæc ab illo distrahi, sed tam arctè complecti eum vellet, ut perpetuò retinere posset: *Meditatione constringit*. Tales fructus reddit animæ terra, quam meditationis ararum penitior vome-re profundius perstrinxit.

Postquam venusta Sara, inclyti Patriarchæ nostri Abramæ honestissima coniux, vitæ annos 127. exegisset, diem supremum clausit in Hebron. Deplorauit illius mortem superstes viduus, multisque lachrymis amaram tam pretiosi monilis iacturam testatus fuit. Posthæc egit cum Ephron, ut speluncam duplicem, quam in extrema parte agri cuiusdam sui habebat, ipsi venderet, cui venerabiles charæ vxoris suæ reliquias inferre posset.

Sed est hoc loco studiosè obseruandum illud sacri textus: *Cumq; surrexisset ab officio funeris*; Gen. 23. 3. quod in originali hebræo sic habet: *Et surrexit Abraham desuper factus mortui sui*. Quid voler insinuare textus hebræus, cum ait, Abrahamum à facie dilectæ coniugis suæ defunctæ surrexisse?

Respondet Cardinalis Caietanus: *Insinuatur quod Abraham exercuit officium luctus, iacens in loco superiore respectu ad faciem cadaveris, tanquam continuè spectans faciem vxoris*.

Excutiamus diligentiùs in his verbis ista: *Tanquam continuè spectans faciem vxoris*. Ut ad ploratum sese excitaret, ipsumque cor cum lachrymis per oculos verteret, quid sanctum Patriarcham permouit? Illud, quod oculos suos à rigido suæ sponsæ

cadauere nec momento auertit, sed attentus considerauit, quod oculos quidem, illos decoros, & paulò ante radiantem mors atra obscurauit, florentissimam verò de toto ameno venustatis hortu plantulam barbara manus inexorabilis Parcæ acutâ securi suâ demersit. Viderat lachrymabundus, quod illa liberalis formæ incomparabilis dignitas, illa fauentioris Naturæ profusior beneuolentiâ, & solertiore industriâ, & quodam velut miraculo adornata vultus, & corporis totius elegantia, (quæ non alio, quam sui alpectus lenicini, non vulgi tantum animos, sed etiam regum corda in sui amorem, cupiditatemque accenderat,) nunc esset miserabile, ac funestum mortis trophæum, atque hac ratione surrexit sanctus Patriarcha, seipso maior meliorque effectus, & magnis profectus incrementis auctus. Et quis non plurima animæ suæ emolumenta, & abundantissimos vitæ melioris fructus ex attenta meditatione, & profunda consideratione capiat? O quantum utilitatis nobis adferret, si illo exemplo vsi, Christi defuncti, & pro nostris peccatis expiandis è cruce penduli imaginem ob oculos positam habermus! Si quis Christianus studiosè cogitaret Dominum, qui ibi patitur, si cogitaret vitam à morte, & vitam tam innoxiam à tam probrosâ morte peremptam, si cogitaret propter sua flagitia, & enormia scelera sacrosanctum Agnum in illo ignominiosissimo ligno immolari, si cogitaret, infinitas vices, quibus (quantum in se fuit) suos illi innouauit cruciatus, & vulnera exulcerauit, amarissimè haud dubium noxarum suarum granitatem deploraret, maxime quando inter eiusmodi considerationem, suam etiam propudiosam ingratitude, & infamem rusticitatem ad animum aduocaret.

Immanem gigantem Propheta iuuenis singulari certamine fudit. E quinque lapidibus, quos in propu habebat, vnum quandam fundæ impositum cum magna lacertorum contentione iactasset, vastam illam carneam turrim, & formidabilem ex offibus fabricam solo afflixit, & non contentus animosus iuuenis superbæ illius vitæ funestam faciem extinxisse, *præcidit caput eius*, 1. Reg. 17. 51. & inculti corporis superbum verticem deiecit.

Quærit Salomon Hispanus (Toftatus) quid mouere potuerit gloriosum triumphatorem, ut præfectum gigantis caput ad consternatos animo Hebræos adferendum putârit, cum ad victoriæ summam, & triumphî finem non conduxisse videatur, quod Israëlitarum oculis caput illud expositum fuit, ut enim & si à metu suo respirarent, & Philisthæi exanimati



mati in pedes se darent, facis erat, quod obrunctum illum vtrinq; solo auditu perciperent.

Respondet insignis Doctor, id factum, vt tam felicitis pugnae gloriosissimam victoriam maioribus plausibus, magisque festiuis acclamationibus letantissimè omnes celebrarent, quando rude illam, & immanem, formidabilemque, & horribilem iactabundi, & iurati hostis sui faciem cernerent. At nonne expauesciti Hebræi sepiculè illum iam viderant, qui toties in medium campum prodibat, phalangique Israëlitarum ad singularem concertationem magno cum fastu præidentissimè euocabat? Viderant, sed è longinquo, & procul absitum, & cassi de rectum: Atque ita dato quod videretur, non poterat considerari vultus eius, quia fortè quando veniebat ad castra, erat galea coopertus, & quanquam videretur, non videbatur horribilis. Tamen si arrogantissimum giganteum crebrò viderant, procul inde tamen, vt diximus, viderant, terrorque, à quo occupati erant, & rectum galea caput illius non permittebant, vt omnem truculentis vultus feritatem rectè arbitrari possent. Vt ergo maior triumpho exultatio accederet, attulit Dauid caput, vt Hebræi, cum illud è proximo cernerent, hostis immanitatem attentioribus oculis viderent, & Domini pietatem, per quam ab eiusmodi inimico seruari fuerant, magnificentius prædicarent. Hoc consilio sanctus adolescens superbo gigante caput detruncavit.

Quid causæ est, quod peccatum non prorsum peritescamus, tamen si nos aliquantulum terreat? Qui fit, quod tam leuiter in scelera ruimus, quanquam eorum grauitatem non nescimus? Inde fit, quod vel procul aspiciamus, vel illa se nobis iam voluptatis pallio, iam vilitatis specie, iam boni cuiusdam alterius velo recta offerunt, quæ si è vicino vir Christianus studiosius inspiceret, detractaque larua, & voluptatis fugacissimæ breuitatem, & mortalis noxæ horribilitatem suis momentis pensaret, dein & hoc cogitaret, quod pro momentanea oblectamincula, & caducis bonis bonorum æternorum iacturam facit, Deoque exosus redditur, quæ non est grauior, acerbiorque infelicitas alia, certè non tam perditè viueret, non tam licenter peccaret, neque in tam foedam flagitiorum voraginem sese ingurgitaret, neque in tam insignitas stultitias prorumperet.

Huius doctrinæ vilitatem, necessitatemque cum apud se expendere mellissimus Bernardus apud Hugonem Cardinalem in Psal. 46. sic aiebat: *Cibi in ore, Psalmus in corde, non negligat anima illum terere dentibus intelligentia sua, ne si fortè illum integrum*

*glutiat, frustretur palatum sapore dulciori super mel, & fauorem.* Qui cibos in ventriculum transmittit integros, duplici bono se priuat, quorum alterum principale, alterum quamuis accessorium, nonnunquam tamen necessarium. Primum est, quod cum dentibus non facit primam concoctionem, cibum illorum attritu non commolitus melle digeritur in stomacho, itaque optatum effectum, & expectam operationem non consequitur, nam aliquando occidit, qui nutrire debet, semper verò in crassos, & noxios humores vertitur, & quod alimoniam seruisset, si probè dentibus comminutum fuisset, dolores, infirmitatesque adfert, quia minus, quam par erat, tritum. Alterum, quo seipsum orbat, est grati saporis bonum, qui palatum fugit, dum integer tumultuariè infarcitur cibis.

Dicit nunc sanctissimus Abbas: *Cibi in ore, Psalmus in corde*; hoc est, quod in ore cibis, hoc in corde Psalmus: *Non negligat illum terere dentibus intelligentia sua*; vt quod vel in Psalmis legitur, vel in concionibus auditur, sit vsui, & ad profectum cedat, necessum est digeri crebrà meditatione; acque identidem ruminari, & sepe ad memoriam reuocari, atque consideratione expendi quod cantatur, legitur, consilium, præficatur. Hinc enim duo nascuntur cōmoda. Primum, quod omnia in vitam conuertantur, & in alimoniam transibunt: Alterum, quod omnia cum voluptate, & gustu fient, meditatio namque & diligens consideratio plurimum valet ad leuandam difficultatem eorum, quæ ardua alioquin sunt, & operosa.

Seneca Cordubensis Philosophus lib. 1. Quæst. natural. c. 2. ait: *Lapillus in piscinam, aut lacum missus circulos facit innumerabiles, & hoc idem non facit in flumine.* Quid causæ, quod non eosdem in præterfluente, quos in stagno proiectus lapis facit circulos. Respondet: *Quia omnem figuram fugiens aqua disturbat*, pernicioque descensu suo abripit, & obruit. Tantundem in rebus spiritualibus euenit, atque in dies experimur. Qui fit, quod sepe qui plurimas & audit exhortationes spirituales, & libros pios totos euoluit, nec spiritualis, neque deuotus efficitur, nec fructum aliquem ex tanta lectione, auscultationeque, & doctrina haurit? Quomodo nihil illi adhærescit, nihil imprimitur ex omnibus, quæ siue pro concione ab Ecclesiæ palam, siue domi ab amico consultore priuatim audit, siue in libris ipse legit. *Quia omnem figuram fugiens aqua disturbat.* Quia cursim prætereuntur, & obiter leguntur, & velut in transitu auscultantur; idcirco nihil efficiunt;



unt, nec quicquam fructus afferunt sermones exhortatorii, monita pia, sermones, aut libri sacri. Si quis in secretioris cubilis recessum sese abderet, atque ibi diu culè, paulatimque ac feruenter meditaretur, & intrà pectoris stagnum cohiberet, quæ vel audiuit, vel legit, o quot illa intrà animum circulos facerent! Vnus solus lapillus, verbulum duntaxat vnicum sat est innumeris orbiculis in corde totidemque cogitationibus salutaribus, ijsque talibus excitandis: O quàm vehementer insanit, qui sempiternæ gloriæ pro breui voluptatula renuntiat! O quàm perditè ingratus est, qui eam Maiestatem offendit, à cuius liberalibus manibus infinita quotidies beneficia accipit! O quàm cæcucit, qui mundo vano, & vafro, qui carni fragili, & caducæ, qui dæmoni præferoci tyranno seruit, cum gratificari Domino queat, immenso & generoso, & qui temporalia officia mercede remuneret æternâ! O quàm fatuus est, qui cum in paradiso securæ conscientiæ degere valeat, mauult infernum portatilem intrà animam gestare, & cruciabilem, immanemque remorsum de tam amabili, dulci, & facili Domino offenso! Hosce, aliosque plurimos effectus, & cogitatus operatur minimus quisque salutaris consilij, sacræ doctrinæ, piæ exhortationis lapillus, quando in stagnantem animam incidit: *Lapillus in piscinam, aut lacum missus circulos facit innumerabiles, & hoc idem non facit in flumine.* Tantum vilitatis parit attenda meditatio, tantum mali generat negligens, & oscitabunda consideratio.

Filius Siracidis nos ad eadem exhortatur, inquit: *Ne despicias narrationem presbyterorum sapientium, & in prouerbijs eorum conuersare;* Eccles. 8.9. Syrus ea sic habet: *In parabolis eorum esto disputans, calcans;* quæ modernus quidam (Cornelius à Lapide) sic dilucidat: *Calcans assidue, eam terendo, in ijsq; incedendo.* Vt veterum adagia, & maiorum documenta fructum, vilitatemque adferant, necessum est sic ea tractare, vt cibum solemus, & diligenter terere, vt nutritioni magis seruiant, aut instar agrorum ea habere, à quibus cum opimos, copiososque fructus expectamus, semel, iterumque eos subigimus, ac proscindimus, nam qui semel tantum, leuiterque cultus vberem messem proferat, rarus est. Ad hunc ergo modum, inquit Ecclesiasticus, *esto calcans,* necessum quippe est crebro trāsire, ac terere calcareque iter consiliorum, vt opportunos in agro animarum nostrarum fructus generent, quæ si nonnunquam vexata obdruerint, non eas vna quædam considerationis gutta emolliet, neque etiam dux meditationum-

culæ gelu pectoris nostri soluent, assiduum tamen studium, & pertinax diligentia subiget eas, cicurabitque.

Qui ergo optat videre felicia profectum animæ suæ incrementa, sit ille multus in exercitatione meditationis, obligationum suarum momenta attentus penset, debita sua, magna, & grauiâ, quibus supremo Creditori plurimum obnoxius est, & strictas rationes, quas pro ijs daturus, studiosè animaduertat, sic enim vel ad melioris vitæ studia transibit, vel mores emendabit, multum enim valet apud cor humanum fixa, & profunda meditatio, maximè cum è leni, ac tractabili carne, non rigido ære sit factum.

*Affine est his argumentum Persiocha V. FERIA II. post Domin. I. Quadrag. pag. 79. a. Tomo I.*

## CAPVT VII.

*Ex aliena clade discere, quid debeas vitare, est pulchra ratio curandi commoda propria.*

Vbi fugitiua ancilla vagabunda circumibat, ibi Patriarcha noster habitabat, intrà solitudinem, vt inquit Abulensis in cap. 25. Gen. *per quam errabat Agar,* fixo domicilio. Hæc est bona, & commoda nostro Politico doctrina. Vbi perdita circumferebatur famula, ibi lucra sua reperiebat Isaac, hic rectè agebat ibi, vbi illa errabat, & ex intuitu incommodorum, erratorumque alienorum quomodo prosperè res suas curaret, rectèque ageret, sanctus Patriarcha discerebat. Sic bene ex malis aliorum discimus, quid fugere, aut agere debeamus, vt rebus nostris sit bene: Et salubre consilium est, attendere vbi cæteri lapsi fuerint, vt illa pericula deuitemus, vileque documentum est, intelligere vbi frater noster pessum ierit, vt ex illius iactura lucrum nobis captemus. Sint ergo nostri magistri errores alieni, sint nostri doctores prolapsiones vicinorum.

Id nobis consilij strenuus martyr Cyprianus in lib. *de singularitate Clericorum* Cum verborum non exigua elegantia suggestit, inquit: *Nimis præceps est, qui transire contendit, vbi alium conflixerit cecidisse, & vehementer infrenis est, cui non incurritur timor alio pereunte. In subuersione labentium eos experimenta perterreant.* Suprà quàm temerarius est, qui se ingerit loco, in quo alium miserabili prolapsione corruisse vidit, & proiectè impotens est, quem alieni periculi intuitus non coercet. Sit ergo vobis documento, sit institutioni propriæ infelicitas, & ruina aliena. Errata quippe aliorum boni libri sunt, ex quibus discere possis, quomodo rectè agas, plusquam



plusquam infans enim sit, qui aliorum stultè facta ceruens, non sapere incipiat, & fiat cautior.

Ad Christum Hebræorum quidam hæretici, qui resurrectionem mortuorum inficiabantur, quondā veniebant, quætionemque illi in doctrina Moysis fundatam proponebant de septem fratribus, qui eandem mulierem per vices ex ordine duxerunt coniugem, cum enim primus absque liberis improlis decessisset, secundus (sic enim legis præscriptum habebat Leuit. 20. v. 28. & Deuteron. 25. v. 6.) eam uxorem accepit, & post illum cæteri vsque ad extremum. Sciscitabantur ergo Christum, cuiusnam illa secundum hanc vitam futura vxor esset, quæ singulis nupserat, discentes: *In resurrectionem cuius erit de septem vxor? Omnes enim habuerunt eam;* Matth. 22. 28.

Theophylactus ait: *Rem fingunt, quam nunquam contigit.* Commentum fuit, & fabula, quam Domino de muliere vna septem fratribus nupta narrârunt, & res ficta, quæ nihil vero simile habuit.

Sed cur factum, quod Sadducæi recensuerunt, nihil veri simile habere potuit? Respondet magnus Bulgarorum Archiepiscopus: *Pone quod duo acceperint ipsam, & mortui sint, qui fieri potuit, & tertius, omnes auersans, nuptias non recusauerit, periculis præcedentium admonitus?* sit ita, quod secundus spe liberorum supparandorum duxerit, quam frater illiberem reliquerat, tertius certè, & cæteri plusquam stulti fuissent, nisi eos priorum infelicitas docuisset cauere præcipitum: *Qui fieri potuit, & tertius, omnes auersans, nuptias non recusauerit, periculis præcedentium admonitus?* Insignis namque amentia est, non eruere sibi documenta ex erratis aliorum, vt magna prudentia est, alienis defectibus vt libris vt, atque ex ijs, quomodo rectè agamus, discere.

Quærit Petrus Cellensis Abbas, cur illi cælestes Palatini tantoperè submittant intellectuum suorum alas, tamque humiliter seruos se supremi Domini profiteantur, quem religioso cultu reuerentissimè semper deuenerantur, & adorant, sic vt nec extendere manum ad mensam Diuinitatis audeant, nec iuxta illum, à quo conditi sunt, sedere ambiant, sed compressis digito labijs, & adductis ad reuerentiam humeris, submissoque capite taceant, ac tremant? Quid sibi vult illa Angelicorum, & beatorum spirituum tam demissa humilitas?

Respondet ille lib. de Panib. c. 1. apud Ascan. Martinen. in Glosa magna: *Vidit namque, consortem naturæ suæ Luciferum aliquando gulam desiderij ad hanc mensam extendisse, & non exinde diuinitatem,*

Tom. III.

*sed mortem degustasse, idcirco abstinet, & superponit digitum ori suo, nec manum conferens mensæ, nec os aperiens negata diuinitati, & velit eam deglutire.* Diuinitatis ambitio Luciferum vésana inceslerat, liberamque manum ad diuini ESSE sacram mensam protenderat, Talia inurbanè, atque impudenter ausus, pro cibis, quos expecterat, venenum comedit, & mortis æternæ toxicum deuorauit. Cum pars Angelorum reliqua vidisset, quod socio acciderat, abstinit, & superposuit *digitum ori suo*, verita ne similem fortunam experiretur, abstinentiæ, & ieiunio, inediaque se volens, ac lubens addicens, quod illum per diuinitatis auiditatem perijsse videret. Ex immoderata Luciferi cupiditate, ex damnatorum Angelorum miserabili iactura documenta, & lucra captrunt spiritus humiles. Seruare se, vbi alij perierint, & sapere alieno periculo, prudentium, & cōsultorum opus est.

Commodum huc veniet, quod in libro sancti Iob scribitur: *Visitans speciem tuam, non peccabis;* inquit ille c. 5. v. 24.

Quid voluerit talibus verbis sacrum oraculum? Richardus de S. Victore in cap. 4. Cant. sic exponit: *Species nostra est, proximus noster, in quo inspicimus quid nos sumus.* Nemo potest videre, num probè satis depexa coma, num facies munda, num vestitus omnis rectè aptatus. Quid remedij? Consulitur speculum, atque in illo, si quid desit, quod ad decetem ornatum requiritur, videtur. Tale quid est, quod Richardus ex sententia sancti Iob ait: *Species nostra est, proximus noster, in quo inspicimus quid nos sumus.* Proximus noster speculum nostrum est, in quo nonnulla errata, & lapsus aliquos, & multas imbecillitates cernimus. Vt ergo non prolabamur, bonum fuerit illos defectus intueri, vt fugiamus, & aliena vitia aspicere, vt emendemus propria. *Visitans speciem tuam, non peccabis.* Nam si quis attendat vbi proximus ceciderit, sciaturque quomodo perierit, satis amens fuerit, si tam prænitens speculum ob oculos habens turpi lapsu corruerit, & monitus deliquerit, aut neglexerit corrigi.

Cum in parabola illius, cui de quatuor seminis sui partibus tres perierant, voluerit repræsentare Dominus fructum vnius, dubitare possumus, quam obrem prius recensuerit iacturam trium, quam lucrum vnius.

Respondet magnus Bulgarorum Archiepiscopus, id factum, vt doceremur, quàm vilia monita ad suos defectus corrigendos ex aliorum erratis alij hauire possint. Nam cum prudens verbi diuini audi-

G g

toꝝ



tor attendit modum, quo apud illos semen illud sacrosanctum periit, & viam, in qua seipfos perdiderunt, eorum damno edoctus curat rectè uti, & ad profectum suum vertere doctrinam, sic labor Ecclesiastæ ex profectu auditoris elucescat.

Prima seminis iactura inde consecuta est, quod *cecidit secus viam, & conculcatum est, & volucres celi comederunt illud*, Lucæ 8. 5. Damnosà illà negligentia cauti facti auditores audiendi verbi diuini in corde bono, & optimo audientes verbum retinent, ibid. v. 15. vbi Theophylactus: Quod ait, in corde bono retineat, hoc dixit propter eos, qui per viam intelliguntur, quoniam non retinent, sed diabolus tollit ab eis sermonem. Primi interierunt, quia non retinuerunt verbum Dei. Posteriores ergo illorum incommodo eruditi, iacturamque in illo speculo intuiti, cauerunt illam, seruantes in corde suo verbum diuinum salutare semen, ne vel prætereuntes homines conculcarent, vel celi volucres, hoc est, maligni demones deuorarent.

Alter pars seminis ex eo periit, quod *cecidit supra petram, & natum aruit, quia non habebat humorem*, ibid. v. 6. eoque illi designantur qui ad tempus credunt, & in tempore tentationis recedunt, ibid. v. 13. & Dei castra deserunt. Quod cum alij de sua salute solicii animaduertunt, fructum afferunt in patientia, ibid. v. 15. ac tamen virgeantur tentationibus, iacentur tempestatibus, exagitantur malis, animæ nauigium anchoris tolerantiae adstringunt, itaque instituti detrimento alieno cauent proprium.

Tertiæ salutis seminis parti suus hinc interitus venit, quod *cecidit inter spinas, & simul exorta spina, humoremque omnem alendo semini necessarium*, ibid. v. 7. eoque illi designantur qui ad tempus credunt, & in tempore tentationis recedunt, ibid. v. 13. & Dei castra deserunt. Quod cum alij de sua salute solicii animaduertunt, fructum afferunt in patientia, ibid. v. 15. ac tamen virgeantur tentationibus, iacentur tempestatibus, exagitantur malis, animæ nauigium anchoris tolerantiae adstringunt, itaque instituti detrimento alieno cauent proprium.

Tertiæ salutis seminis parti suus hinc interitus venit, quod *cecidit inter spinas, & simul exorta spina, humoremque omnem alendo semini necessarium*, ibid. v. 7. eoque illi designantur qui ad tempus credunt, & in tempore tentationis recedunt, ibid. v. 13. & Dei castra deserunt. Quod cum alij de sua salute solicii animaduertunt, fructum afferunt in patientia, ibid. v. 15. ac tamen virgeantur tentationibus, iacentur tempestatibus, exagitantur malis, animæ nauigium anchoris tolerantiae adstringunt, itaque instituti detrimento alieno cauent proprium.

super petram. Vides quomodo ex imprudentum defectibus suam utilitatem prudentes capiant? Nam ut S. Cyprianus in lib. de singularitate Cleric. ait: *Amator est salutis sue, qui curat aliena mortis incursum, & ipsi sibi est prouidus, qui sollicitus sit cladibus ceterorum*. Omnino suam ille salutem verè amat, qui ex aliorum erratis discit, quomodo rectè agat, & benè, prudenterque rebus suis prospicit, qui vicinorum in periculis suam quærit securitatem, & in aliorum morte suam vitam reperit.

Non intempestiuum huc veniet illud Sancti Ennodij de sua vita, sic in seipsum inuehenti: *O mens, vigore inebriata desensico, nec exemplis instructa, nec monitis! Sed desunt tibi venerabilium magisteria librorum. Ad perfectum informare supplicij, & nisi te cano perditionis immerges, habere poses de pena doctrinam*. O anima mundanarum infatuata fascino vanitatum, quam nec mores aliorum boni, nec verba sana erudiunt! At libris te destitutam caularis, à quorum inopia fiat, ut salutis tuæ, & profectui satis studere non possis. Benè habet. Si ita, ut obiectas. Sis librorum inops, desunt tibi venerabilium magisteria librorum. Sed non est hæc excusatio talis, ut peccatam intermittere studium incrementorum tuorum possis. Alios ego tibi libros ministrabo, quos diu, noctuque euoluere cum ingenti fructu queas: *Ad perfectum informare supplicij*. Aliena errata tibi pro Bibliotheca sunt, in qua perpetuò verseris, ac discas. Aliorum lapsus possunt esse tuæ columnæ. Gratiioso sit pro libro Aman, avaro ille de Euangelio sordidus, qui deciduas è mensa micæ Lazaro mēdigo negauit, prædidentissimo cuique David, qui tam foedā prolapsione corruit, sapienti Salomon, qui idololatriæ flagitio se contaminauit, robusto Sāson, quem illi exoculārunt, & molam circumagere coegerunt, superbo Antiochus, qui plenus rabie, seque ipsum horrens infelicem Orco transcripsit animam, helluoni populus Israeliticus, qui ex cibo, quem maxime demoriebatur, hoc est carnibus, mortuus fuit. Sic itaque ex alienis casibus Politicus noster copiosam Bibliothecam sibi adornare potest, ex qua prudentiam, & bona consilia hauriat.

Hanc in rem aiebat Sanctus Zenon serm. 6. de Isaï. *Compendiosum est felicitatis genus, alterius periculo discere, quid debeat deuitare*. Nulli tales libri, ex quibus discere possis, quomodo rectè agas, quales errata aliorum. Libri ergo deesse possint? Cum quisque inconsultus, & stultus, sit liber, & quævis illius ignorantia folium, & omne illius erratum velut linea, & quilibet insipiens plurimas e lat

stultitias,



*Stultitias, & sultorum, vt Spiritus Sanctus affirmat Eccl. 1. 5. infinitus sit numerus, quomodo libri, & Bibliotheca deficere eos queant, qui discendi studio tenentur? Obeat Politicus noster compita, & forum, & loca publica alia, inuenietque innumeram copiam fraude circumscriptorum, erronum, imperitorum, fatuorum, atque in eis abunde aderunt libri, in quos toto studio incumbere possit, nec deerunt folia, quæ euoluat, neque varia perperam acta, ex quibus cautior fiat, & sapere discat. Totus mundus Bibliotheca quædam est stultis, ceu libris, confectissima, eapropter perfacile reperiuntur libri, quibus operam nauare, & ad recte ininstituentos vitæ mores vti quisque possit.*

C A P V T VIII.

*Insanit, furit, & supra quam brutum pecus præceptus est, qui Deum offendit, cuius vita est æterna, regnum impotens, & sapientia attendit, perdetque omnia.*

**I**lluistris fuit appellatio, celeberrimumque nomen Putei, iuxta quem sibi constituerat sedem noster Isaac, quo tempore pater illius vitæ perfunctus fuit. *Habitabat iuxta puteum nomine Viuentis, & Videtur.* Hoc ergo erat cognomen illius putei, quod *Viuentis, & Videtur* appellaretur. Vivere, & videre, duo attributa sunt, quibus plarium gloriatur Dominus, qui ad promissorum suorum confirmationem plerumque indeficientis, & æternæ vitæ suæ authoritatem supremam adhibere solet, ac dicere: *Vivo ego;* quod ferè tale est, ac si diceret: *Vt vita mea finem nescit, ita certitudinem habebunt mea promissa.* Quapropter prorsum delirat, perdiuissimusque est peccator, qui Deum offendere audeat, cui sua vita æternum constet. Præpotens enim hostis, cum in viuis agit, quem non metu percellat, & expauescat?

Propheta regius, cum Deum permouere vellet, vt per ipsum ab æmulatorum suorum efferata rabie vindicaretur, liberque euaderet ab eorum manibus, qui in ipsius perniciem proteruè coniurarent, hanc ferè adfert rationem, ob quam illum ad ferendum opem imploret: *Inimici mei viuunt, & confirmati sunt super me, & multiplicati sunt, qui oderunt me inique;* Psal. 37. 20.

Hæst gloriosus Pater Sanctus Basilius Magnus in primis Dauidicis verbis, quibus Dominum in-clamat, inquires: *Inimici mei viuunt;* velut dixisset: *Si inimici mei diem suum obijderent, non esset,*

cur eos timerem, quantumuis feroces, & truculenti fuissent, mortuum enim hostem nemo metuit; at quod inimici mei viuunt, simulque potentia plurimum valent, quomodo non mihi tremore incutiat? *Viuunt, & confirmati sunt, non enim mortui sunt,* (ait Magnus Pater) *nec ubi semel in me quiduis molis sunt, sic abierunt.* Viuunt, vt me infecerent, valent viribus, vt me onerent iniurijs, animosque habent ad omnem mei offensam audaces, quomodo non corde toto collabascam, prorsumque confterner? Nam si præpotentis hostis vita non adfert timorem, quid tandem esse possit, quod horrorem iniiciat, & perterrefaciat?

Nihil est, quod æquè perhorrescamus, ac rugitum leonis. Itaque Salomon, vt præferocis alicuius regis furiosam iram expressam daret, non aliâ comparatione id commodius facere posse putauit, quam rugitus, quem hæc immanis fera edere solet, inquires: *Sicut rugitus leonis, ita terror regis;* Prouerb. 20. 2. Et Propheta Amos cap. 3. v. 8. ait: *Leo rugiet, quis non timebit?* cuius non erigantur præformidine capilli? cuius non cor intrâ corpus emoriatur? cuius non contabescat metu animus? Quodnam aliud magis ignauum, ac meticulosum animal, quam lepus? Vt ne hanc veritatem accersitis aliunde argumentis confirmare curemus, illud facit, quod hoc animalculum pro natiuæ timiditatis suæ magnitudine in symbolum triuiale merulorum apud vulgus iam transierit. Vt nihilominus nobis indicaretur, hostem potentissimum, qui viuus erat terrori, mortuum esse omnibus ludibrio, exanimalem leonem septum irrisoribus leporibus pinxerunt Veteres, cum hac adscriptione: *Leoni mortuo lepores insultant;* quod est apud Pierium Valer. Manutium, Erasmus, & alios, quo significatur, eum, qui in viuis adferebat horrorem, risus materiam à morte de se præbere. Iam si potens semper viuus, si Deus est leo, cuius vita essentiam illius exæquat, cuius potestas est immensa, cuius virtus inexpugnabilis, & brachium tale, vt resistere ei nemo possit, qui illum offensam non timet, non horret irritatum, is vel non credit, vel non sapit rectè. *Puteum Viuentis.* Insigne illius est *viuere*, sicque nunquam desinere, nunquam non esse potest.

Si potens quispiam offendatur, id reliquum est solatijs, quod scelus in ipsum commissum scientiam illius fugiat, notitiamque prætereat. Apud potentes terræ id accidere, & ratio ista valere nonnunquam solet. nec enim semper ij vel vident, vel audiunt, quæ contra ipsos aguntur, sicque offensa illo-



rum, & iniuriæ impunè transeunt. Sed hoc locum non habet apud nostrum supremum Conditorum, & Iudicem. Nam ut Philosophus noster Seneca loquitur epistola 83. & fides præclariùs docet, *nihil Deo occultum est, interest animis nostris, & cogitationibus medijs interuenit*, nullæ fores lynceis illius oculis imperuix, in abstrusissima cordium nostrorum suam habent oculi eius iurisdictionem, nihil tam reconditum in penitissimis animis nostris, quod non studiosè aduertat, non attentè notet, non perspicaciter arbitretur, & expendat. Iuxta hæc quis illum offendere etiam in abditissima animæ suæ parte possit, vel ausit, cum nulla tam sit remota ab oculis, nulla tam absita, & occulta, quam ille non velut in medio sole luculentissimè peruideat?

Cum innocens Propheta efferati Regis furorem declinaret, venit in ciuitatem Nobe, ut sacrorum factorum Scriptor 1. Reg. 21. narrat, ubi per id tempus morabatur Abimelech Sacerdos. Qui cum Dauidem solum vidisset, aduentumque eius demiraretur, sciscitabatur, cur sic absq; omni pompa, & solitæ maiestatis autoritate incommittatus veniret, qui plurimos circum se habere stipatores milites consueuisset. Cernens tam attonitum Abimelech Dauid, respondit: *Rex precepit mihi sermonem*; ubi suprâ vers. 2. velut dixisset: Impera, sis, animo, neque grauium sinistrarumque cogitationum tempestate concuti patere, rex namque imperauit quidpiam, ut facerem, & de mandato illius nata est occasio aduentus mei. Fac fileas, ne quis alius hoc consciscat.

Quærit Abulensis, cur sacer Propheta, qui alioquin erat tam circumspectus in verbis suis, tam attentus ad omnia, quæ agebat, non erubuerit mentiri, ac dicere, quod iussa regis perfecturus veniebat, qui regis infensi rabiem, fractus metu defugiebat.

Occurrit huic quæstioni magnus Doctor, inquit: *Non erubuit mentiri, sciens non esse deprehendendum*. Hæc ille quæst. 5. in 1. Reg. 21. Quod non puduit Dauidem præterire veritatem, id factum, quod sciuit, non esse coarguendum ab Abimelecho de falsitate, alioquin si ab illo animaduertendum, reprehendendumque mendacium putasset, nihil tale cum existimationis suæ imminutione affirmasset. Videns ergo non detegendam suam falsitatem, neque cognoscendam fraudem, etiam *non erubuit*, nec puduit illum veritatem officioso mendacio violare.

Benè id habet. Nam quod Dauid, cum certum haberet, non se deprehendendum in mendacio, neque coarguendum imposturæ, falsum affirmarit,

fraudemque concinnarit, nihil mirum: At quod homo Christianus offendat Dominum, ad iram prouocet Deum, qui omnia intelligit, & comprehendit, *sciens se esse deprehendendum*, sciens ab illo omnia peruideri, quæcunque reconditissimo in pectore aguntur, sciens scientiam illius esse clauem, quæ vnâ cordis penetralia omnia referentur, & aperiantur secreta, quod ista sciens, vidensque non erubescat talem irritare, quo id loco reponemus? Phrenesi ab omni parte correptus est, & in vincula meritò compingatur, quicumque hoc facit.

Diurnam æquè, ac pudendam infirmitatem mulier quædam patiebatur, cumque intelligeret prodigiosa miracula, quæ cœlestis Magistri omnipotens dextera tam crebrò operabatur, tempestiuam occasionem nata, pio furto suam sibi parare salutem constituit. Coram numerosa multitudine, quæ magnum Dominum sequebatur, accedere, & penalis morbi leuamen petere, audacia illi videbatur, quæ non satis deceret: non procurare remedium, grande piaculum putabat. At quid inter has animi dubij fluctuationes faciam? dixerit. Adibo sine tumultu, petam absque strepitu, rogabo tacita, ut nemo aduertat, sacri vestitus illius fimbriam extremis digitis libabo, taliq; studio rem meam totam conficiam. A tergo accedam, taliq; industriâ, & astutia, ut stagnet malum meum, nec in vulgi notitiam tamen veniat. Perfecit illa magno animo, quod cogitaret, statimque exaruit fons, unde infirmitas eius promanarat: *Venit in turbam, retrò, & tetigit vestimentum eius, & statim siccatus est fons sanguinis eius*; Marci 5. 28. Vix illi sanitas miraculo reddita erat, quando religiosi furti certior factus Dominus ait: *Quis tetigit vestimenta mea?* ibid. v. 30. quis thaururgam virtutem meam furatus mihi fuit?

Quæro hic? Mulier ista nonne à tergo aduenit? *Accessit retrò*, inquit Euangelista. Nonne sagaci cum dissimulatione vestimentum attrectauit? Nonne confertæ, & confusæ multitudinis, quæ tumultuariè sequebatur, frequenti concursatione ad industriam suam vsa fuit? Hæc omnia fecit. Quomodo ergo illam Dominus in flagrante furto tam citò deprehendit? Quomodo se ab illa attrectatum sensit? An à tergo visus erat, qui notauit, an oculus, qui conspexit?

Hinc videas, quid discriminis Christum inter sit, & homines reliquos, inquit S. Petrus Chrysologus. Cæteri hominum in vultu sua habent lumina, nullos in dorso oculos. Quoties sit, ut vel vitâ quæ exuatur, vel malè vapulet, vel alia plurima incommoda.



moda accipiat, quod ab ea parte non habeat oculos? Sed Christus non habet tergum ad eum sensum, quoniam vigilantissimus Argus est, qui omnia videt, noceat, attendat, sic ut nihil prætereat, nihil fugiat illius plus quam lynceum visum. *Accessit retrò. Sed ubi? Retrò nilerat, ubi faciem, quam declinabat, inuenit. Erat in Christo corpus multiplex, sed erat Deus simplex, erat totus oculus, qui post se simplicem sic videbat. Ut misera hæc non videretur mulier, quam parum illi conferebat, quod à tergo accederet? Quam parum commodi adferebat confusæ, & numerosæ plebis tumultuarius comitatus? Verum est, quod in Christo, quâ homine, frons erat, & tergum, velut in cæteris, idem tamen ut Deus, totus frons erat, & merus oculus, itaq; & illa in tergo vultum reperit, in tergo oculos, à quibus conspicietur, in tergo lamina, à quibus manifestabatur, & in publicum forum producebatur, quod illa secretò, occultèq; agebat: Retrò nilerat, ubi faciem, quam declinabat, inuenit.* Mirum, quod ægra, quæ vultum medici defugit, (retrò enim accessit) retrò vultum, oculosq; inuenit, qui arbitrabantur, quæcunque cogitabat, dicebat, faciebat! Sic nihil est, quod præterire illum, ne cogitatus quidem ullus etiam secretissimus, qui ex lynceis illis, aut aquilinis oculis elabi possit. *Erat totus oculus, qui post se simplicem suum sic videbat. Quis ergo præfidenter peccabit, quis licenter delinquet ob oculos tam expectatos, & peruigiles, quibus omnia sunt nuda, manifestata sunt omnia, omnia patent? O quam stultus est, qui in talem peccare ausus!*

Nam ut diuinè Beatissimus Pater Sanctus Gregorius lib. 2. Moral. c. 8. ait: *Ipse manet intrâ omnia, ipse extrâ omnia, ipse suprâ omnia, ipse infrâ omnia, & superior est per potentiam, & inferior per sustentationem, exterior per magnitudinem, interior per sublimitatem, sursum regens, deorsum continens, extrâ circumdans, interius penetrans, nec alia ex parte superior, atque alia manet interior, sed vnus, idemq; totus, & itaq; præsidendo sustinens, sustinendo præsidens, circumdando penetrans, penetrando circumdans, & de superius præsidens, inde inferius sustinens, & unde exterius ambiens, inde interius replens, sine inquietudine superius regens, sine labore inferius sustinens, sine extenuatione penetrans, exterius sine extensione circumdans. Est itaq; inferior, & superior sine loco, est amplior sine latitudine, est subtilior sine extenuatione.* Quis illam tam immensam sapientiam, tam infinitam potentiam, tam indeficientem vitam fugiat?

Huc spectauit Innocentius III. lib. 3. de contemptu mundi, cap. 14. cum ait: *Quis non timeat Iudicem potentissimum, sapientissimum, iustissimum? Potentissimum, quem nemo potest effugere, sapientissimum, quem nemo potest latere, iustissimum, quem nemo potest corrumpere?* Iuxta hæc, quis est, qui videas talem potentiam, tam magnum Dominum offendat, qui cognoscens talem sapientiâ, exasperet talem Deum, talem Iudicem irriter, non ignorans talem iusticiam?

FINIS LIBRI PRIMI.

## LIBER SECVNDVS.

### CAPVT I.

*Magnitudo, & præstantia rei non est alligata eius moli, sed virtuti, non enim de facie, aut aspectu, sed de valore æstimatur.*



*I* rudis vulgi falsa mihi opinio confutanda esset, secundum hunc Librum à primi Capituli superiore Periocha non ordiret, in qua volo defendere, quod mundus plerumque nolit intelligere. Communis sententia vulgi habet, quod maius est, idem maius semper pretium, & æstimationem commouisse: Verum si adderet, quod maius, præstantiusue bonum est, verum haberet, certumque esset;

quod affirmat. Nam si ad lucem veritatis rem consideres, pretium eius non de mole, aut copia, sed de bonitate æstimari debere intelliges, videmus nimirum rara esse, quæ bonæ, malorum verò nullam vnam animaduerti penuriam. Magnitudo ergo rei non de pondere, & granitate, sed de valore, non de vultu, sed de pretio æstimanda, semper enim quantitati qualitas præferenda, & valor numero anteponendus.

Postquam è terra, & aula regis Abimelech Patriarcha noster expulsus fuit, apparuit ei nocte quadam Dominus, utq; timore perculsum, & anxium in medijs sollicitudinibus consolaretur, ait: *Ego sum Deus Abraham patris tui, noli timere, quia ego tecum sum;* Genes. 26. 24. quamdiu enim ego lateri tuo adhære-



adhærebo, non erit quod formides coniuratos in tuam perniciem hostes, aut persecutores aduersarios pertimescas.

Videtur hoc loco Dominus imperium suum angustis limitibus circumscripsisse, & plurimum coarctasse iurisdictionem, inquit ferè Sanctus Ioannes Chrysostomus, cum se vnus tantum subditi Dominum facit. At nonne ad ostendendam magnitudinē potentia, & amplitudinem regni sui melius fecisset, si terræ, cælorumque dominum, & totius vniuersi monarcham absolutum se pronuntiasset? Quid ergo est, quod iurisdictionem suam, & monarchiam sic contrahit, vt vnus tantum hominis Dominum vocet?

Respondet Chrysostomus homil. 52. in Genes. *Orbi conditor vnus hominis. Deum se dicens, non concludit, & abbreviat cum Patriarcha appellatione suum dominium. Itā, inquit, cum mihi feci proprium, & apud me reputetur tanti, quanti alij homines.* Quod ergo vnus Abraham Dominum Deus vocauit, eā re non in arcum cōdēgit suum imperium, sed indicare voluit, vnum Abraham sibi omnium reliquorum hominum instar esse. Docemur eā re, verissimum esse, quod huius capitis titulus habet, nempe magnitudinem rei cuiuspiam non in multitudine, neque pretium in mole, sed in valore, & qualitate positum esse: Nam vnus Abraham in vna bilancis parte positi pondera apud Deum grauiora erant, & pretium maius, quā totius mundi reliqui: *Itā eum mihi feci proprium, & apud me reputetur tanti, quanti alij homines.* Sic videmus vnum Solem stellis omnibus potiorē esse, & adamantem vnum multis rudibus saxis præstantiorem.

Concepit sterilis nostra Rebecca, & geminos, Esau & Iacob, quanquā magnis cum doloribus, enixa est, quorum ille abominabilis fuit Deo, hic pergratus oculis suprema illius maiestatis. Fuit conceptio miraculosa, & postquā Iacob peperit, alios posthæc edidisse liberos, sacer Textus non memorat, qui tamen hoc non dissimulasset, si illa prolem aliam mundo dedisset.

Querit ergo nunc eruditus interpretæ Guilielmus Ebroicensis in cap. 26. Genes. claus. 4. q. 12. quamobrem formosa Rebecca finem pariendi fecit, postquā mundum felici illo partu Iacob nobilitauit.

Respondet quæstioni: *Quod non plures filios ediderit, hoc ideo forte fuit, quia post dictum miraculum rediit ad pristinum statum, scilicet sterilitatis, debuit enim illi sufficere genuisse Iacob, qui appreciari poterat super mille alios filios.* Plus satis erat sterili

matronæ, quod Deus illi aperuerat fecunditatis fores, per quas ad illustrandum mundum prodiret tam magnus, & insignis Patriarcha, quā erat Iacob, qui solus liberos millenos exquirere poterat.

Propterea Spiritus Sanctus, vt patrem quendam, qui numerosā posterorum multitudine immodicè gloriabatur, sui erroris commonefaceret, aiebat Eccles. 16. 1. *Ne incunderis in filiis impijs, si multiplicentur; non offeraris lætitiā, neque gaudeas nimium de nouis, crebrisque partibus, in quibus posteritatis tuæ spem reponis.* Sed cur non exultet, qui augetur liberis? Nam si mali futuri, quid confert numerus? Aut si impij, qui bono multiplicentur? Quænam felicitas, multos degeneres, & sceleratos numerare filios, cum vnus probus improbis innumeris præstet? Sic enim Ecclesiasticus ibid. v. 2. mox subiungit: *Melior est vnus timens Deum, quā mille filij impij.*

Ad hanc rem facit illud Sancti Gregorij Nazianzeni Orat. 32. *An tu vniuersos Chananæos vni Abraham ansepones? An Sodomas vni Loch? An Madianitas vni Moysi?* Nullus tam ab omni sensu alienus fuerit, qui non sentiat, trium illorum insignium virorum, quod ad spiritualium copiarum, hoc est, virtutum, & verarum animæ diuitiarum pretium atinet, pondera oppidò grauiora fuisse, quā omnium illarum Gentium, vel si in vnum cumulum congererentur: Nam vt rem quampiam rectè arbitreris, non quantitas illius, aut moles, sed qualitas pensanda, & pretij valor æstimandus.

Vt decantatam illam de Amorrhæis victoriam Iosue reportaret, necessum habuit, vt Sol à cursu suo paucillisper conquiesceret. Itaq; ardenti fide, quā catholicum illius pectus deflagrabat, confirmatus, elatā fidenter voce succlamauit: *Sol contra Gabaon ne mouearis, & Luna contra Vallem Aialon;* Iosue 10. 3. Obtemperarunt animosi ducis audaci voci ambo luminaria, stiteruntque cursum suum, vt fuerant iussa, quod ille optatum triumphum consequeretur.

Factum memorabile, cui aliud simile nulla vnquā anterior ætas viderat. Sanctus Ioannes Chrysostomus homel. 27. in epist. ad Hebr. ait: Videre quantum vnus quidam homo valeat, & quod solus Iosue plus potuit, quā totus mundus. Sed quid ego aio? *Veniat omnis mundus, magis autem duo, aut tres, aut quatuor, aut decem, & viginti mundi, dicant, & faciant hoc.* Cuius tantum erit robur, vt tam concitos planetas à suo cursu cohibeat? Cuius ea fortitudo, vt imperum perniciosissimorum istorum lumi-

narium



narium fūit? At ſi duo, tres, quatuor, decem, viginti mundi eſſent, iſq; virium ſuarum totum pondus huc verterent, non hoc poſſent, quod vnus Iſue effecit, quis præſtantiam rei in multitudine poſitam, & numero adſtriſtam aſſimet?

Sacer Textus id nobis dicit, qui cū memoraret poſteros Iſmaelis, ait decem liberos genuiſſe, cūq; noſtri Patriarchæ Iſaac ſucceſſionem narraret, dicit illum ex Abrahamo prognatum, inſiciens: *Hæ quoq; ſunt generationes Iſaac filij Abraham, Abraham genuit Iſaac.* Quid eſt quod vocat generationes, quæ fuit vnus filij natiuitas? Id factum, vt nos mone- ret, quod magnitudo rei non in multitudine, ſed in bonitate conſiſtit, nam vnus hic filius cum reliquis, quos Abraham habuit, compoſitus, plus valuit ſolus, quàm alij omnes. Hinc accipimus, quod rerum præſtantiam non de quantitate, ſed de qualitate arbitrarī debemus.

*Vide in hanc rem Periocham V. Dominica XXIII. poſt Pentecoſten Tomo II. pag. 312. a. o. & Periocham VII. Dominica in Ramis Tom. I. pag. 459. a. o.*

## C A P V T II.

*Tam vocari filius illius quiſque ſuo modo poteſt, à quo in ſpiritu eruditur ad virtutem, quàm eius à quo in carne genitus eſt in vitam.*

At multis quæſitum, quid cauſæ ſit, quod tam notanter hic dicitur, quod *Abraham genuit Iſaac*, eū alios liberos, neque paucos habuerit, quorum & ſacer Textus meminit. Quamobrem ergo vnus ex omnibus Iſaac tam ſpeciatim appellatur filius Abraham?

Huic dubitationi occurrit Abulenſis, inſiciens: *Magis vocatur Iſaac filius Abraham, quia à licet alios filios habuerit Abraham, tamen non erant ita ſpeciales ei, ſicut Iſaac.* Fuit plurium liberorum pater Abraham, ſed morum, actionum, vitæ, ſanctitatisque ſimilitudine nulla ei tam affinis proles erat, quàm Iſaac, eamque ob cauſam hic etiam ſingulariter illius filius dictus. Vt hinc accipiamus, quod affirmare poſſimus, Abrahamum bis patrem fuiſſe Iſaaci, ſemel cū hominem genuit, iterumque cū pium ſuū inſtitutione fecit, ſemel in carne, atque iterum in ſpiritu. Reuerà enim ſuo quodam modo tam pater noſter eſt, qui nos erudit ad æternam vitam, quàm qui producit in mortalem vitam. Hinc naſcitur lex, quæ magiſtros honorare tantoperè nobis commendat, quod ſint alij quidam patres, qui nos ſecundo generant, & prolapiæ morum inferuati.

De impio rege Ioachaz narrat ſacra Hiſtoria, contrā vnū trimeſtre tam multis, ac grauib; ſe contaminariſſe flagitijs, vt difficile ſit intelligere, quomodo in tantam improbitatem deuenire tantillo tempore potuerit. Scriptor diuinus 4. Reg. 23. 37. ſic habet: *Et fecit malum coram Domino ſuxta omnia, quæ fecerant patres eius.* Sceleribus parentes exæquauit.

Eſt in hac ſententia illud perdifficile quomodo dici queat, Ioachaz fuiſſe tam improbum, quàm patres eius, cū pater illius fuerit Iofias, rex ſanctiſſimus, & religioſiſſimus, cuius glorioſam mentionem facit Eccleſiaſticus, & laudes perhonorifico panegyrico celebrat, inſiciens: *Iſe eſt directus diuinitus in penitentiam gentis, & tulit abominationes impietatis, & in diebus peccatorum corroborauit pietatem;* Eccleſ. 49. 3. Tanta ergo fuit Iofæ ſanctitas, vt è cælo ſubmiſſus ad ſui æui homines videatur, qui expiandorum per veram penitendiam ſclerum ſubditis exemplum præluceret, & vitæ emendandæ formam de ſe præberet. Idololatriæ, ſacrilegia, blaſphemias, & omne genus flagitiorum, quæ in ipſius regno contrā cultum, ac venerationem veræ Deitatis velut vſuceperant, & præſcripſerant, aboluit, tantaq; fuit animi illius tum pietas, tum fortitudo, vt quanquàm contrā frenderet, & obniteretur tota ſolutiſſimorum hominum colluies, quæ plurima per omne illius imperium erat, legis nihilominus cæremonias reformaret, inſtauraret ritus, & veram religionem conſtabiliret. At ſi Iofias tam præſtans vir, tam ſtudioſus virtutis, tam ſanctus, & religioſus Princeps fuit, quomodo dici poteſt, filium illius Ioachaz feciſſe malum ſuxta omnia, quæ fecerant patres eius, tamque impium fuiſſe, ac illos, qui ſanctiſſimi patris filius fuit?

Doctus quidam Ezechielis Interpres (Prædus in cap. 19. Ezech. n. 13.) hanc diluit dubitationem, inſiciens, in his patribus, quorum ſclera imitatus eſt Ioachaz, non cenſendum Iofiam, ſed eos tantum numerandos, qui illi autores fuerunt flagitiorum, quæ perpetravit, & generarunt in ipſo improbitates, quibus ſe obſtrinxit, eò quod in aperto ſit, non minore iure eius, cuius mores imitatur, quemque dicendum eſſe filium, quàm eius, à quo genitus eſt. Complures habuit rex ille magiſtros à quibus ad enormia, & immaniſſima ſclera, qualia ferè ſunt, quibus ſe per omnem vitam impurauiſſet; inſtitutus fuit, & ille tam excellens, diſcipulus euafiſſet (peccandi enim non difficile hauritur doctrina) vt doctores ſuos non ſecutus modo fuerit, verum & præuerterit. Pro-

pterea



pterea ergo vocantur *patres*, tam pater nimirum est, qui moribus alium informat, quam qui vitâ illum donat.

Ad conseruandas virtutes plurimum facit timor Dei, sine quo nulla est, quæ constanter perduret. Id sacra litera pluribus in locis satis docent. Cum ergo sacer Propheta ingentem huius virtutis necessitatem videret, hæc ardente cum affectu aiebat: *Venite, filij, audite me, timorem Domini docebo vos*; Psal. 33. 12. & ad rem instituiam, quam nosse & utilissimum sit, & porro pernecessarium.

Quibusnam illis dat voces Propheta sanctus? An liberis suis? Res ipsa id loqui videtur, quando ille sic clamat: *Venite, filij*. At si non alios, quam suos appellat, exiguus zelus est, & perpusilla charitas, quæ erga pauculos solos tam parum sese exerit. Hoc verò de religioso Prophetæ desiderio vehementi, quo pectus illius conflagrabit, cogitare nec possumus, nec debemus. Si ergo omnes (quod certum) ex toto mundo homines inclamat, & aduocat, quomodo nomine filiorum eos donat, cum fieri non poterit, ut consanguinitatis necessitudine ad illum omnes pertinerent?


Magnus Basilius ait, obuium esse prophetica locutionis istius sensum. Cum enim dixisset, *docebo vos*, non mirum quòd filios appellaret, quos erudirendos suscipere volebat, inquiens: *Venite, filij, audite me*. Hæc enim, ait ille in eius Psalmi commentario, *Vox est magistris amantissimi, ac per viscera patriæ ad disciplinam inuitantis, nam & discipulus magistri filius est spiritualis, quicumque enim ab aliquo pietatis formam accipit, is profectò ab eo quasi fingitur, & in lucem educitur*. Hinc factum, quòd Paulus se Galatarum matrem vocauit, propter singularem curam, quam illis Christo regenerandis impendit: *Quemadmodum mulier pregnant, quæ in utero formatos infantes, ita Paulus omnem Galatarum Ecclesiam ex prima excidentem disciplina, & sicut abortiuam rursus resumens, atque Christum in illis reformans, filios appellat, Filioli, inquiens, quos iterum parturio, donec formetur Christus in vobis*; Galat. 4. 9. Tam enim pater, & mater est, qui nos erudit, quam qui in vitam edit.

De magno illo Græcæ eloquentiæ parente Demosthene aiunt Plutarchus, Quintilianus, Cicero, & alij, eum inter initia iuuentutis magnâ sollicitudine curasse, ut primam artis, quam affectabat, literam distinctè, expressèque effari posset, & vitia quædam alia emendasse, atque expugnasse, quæ plurimum illi oberant, ne omnium Græcorum oratorum facile

Princeps esse posset. De illo namque fertur, vadosis littoribus insticisse, & declamationes fluctuum fragoribus obluantibus edidisse, & multos versus vno impetu spiritus complexum, eosque aduersa loca celeri gradu scandentem pronuntiasse, taliq; artificio, & industriâ robur pectoris confirmasse, animum verò ita perpoliisse, ut Oratorum, quos sæcula tulerunt, primus, & consummatissimus haberetur. Itaque alterum Demosthenem mater, alterum industria enixa est, inquit Valerius Maximus lib. 8. cap. 7. Et mater quidem illum multis defectibus obnoxium edidit, pronuntiatione enim, & respirandi difficultate, & pectoris debilitate grauius laborauit, ac præliatus tamen cum natura, victor abiit, malignitatemque eius pertinacissimo animi robore superauit. Plurimum sua illi industria profuit, studio suo se perfecit, labor illi magister fuit, defatigatio ipsum docuit: Vocetur ergo Demosthenes suæ industriæ filius, cuius ope, & contentione tam absolutus Orator effectus est, alterum Demosthenem industria enixa est. Quisquis enim nos instituit, format, elaborat, idem patris nostri, ac matris nomen etiam comemeretur.

In Paralipomenis narratur aliquid, cui historia I. Libri Regum aduersari videtur. Hic liber affirmat, Cis fuisse patrem Saulis, & filium Abielis. Sic enim habes de Cis 1. Reg. 9. 1. *Et erat vir de Benjamin filius Abiel*. Paralipomena autem tradunt, Cis natum patre Ner, sic enim dicitur 1. Paralip. 3. 33. *Ner autem genuit Cis, & Cis genuit Saul*. Quid est, quòd Cis alibi Ner, alibi Abielem fertur habuisse patrem?

Satisfacit huic dubitationi S. Hieronymus in tradit. sup. Paral. inquiens, Ner dictum patrem Cis, non quòd eum genuerit, sed quòd educauerit, & à morte patris curandum suscepit, hancque ob causam patrem illius appellari potuisse, ut cui nouam institutionis, vitæ, ac morum formam indiderit, tam enim parentes nostri sunt, qui nos ad bona studia erudiunt, quam qui autores sunt naturalis vitæ. Hinc discat Politicus noster, quantam obseruantiam debeat magistro, à quo docetur, quantam Ecclesiasticæ, à quo monetur, quantam consultori, à quo instruitur, magister enim, ut affirmat Aristoteles, terrestri quidam Deus est, quem post supremam illam Deitatem summo venerationis cultu honorare debeamus.





CAPVT III.

*Vera nobilitas non tam est illa, quæ suam à sanguine originem trahit, quàm ea, quæ de virtute descendit.*

Itaque cum Patriarcha Abraham tam sanctus fuerit, & notter Isaac virtutes illius imitari, vitamque paribus moribus exprimere studuerit, idcirco specialiter ex illo natus dicitur: *Abraham genuit Isaac*; ut hinc accipiatur, quod is patris sui filius appellari debeat, qui hoc in se exprimere studet, quod in illo est præcipuum, hoc est, bona illius opera, & laudabiles mores æmulari conatur. Nam si is, qui filium vita donat, simulque honestâ educatione ad probitatem informat, bis pater efficitur, pater scilicet carnis, & pater spiritus, filius, apud quem studiosa patris educatio nihil obinet, in liberis eius censerî non meretur, tametsi enim nobilissimo patre sit genitus non est cur nobilis vocetur, nisi virtutem amet, colatque, vera namque nobilitas non tam ab illustri sanguine, quam à virtutis claritudine suam trahit originem. Eapropter dicebat sanctus Gregorius Nazianzenus Orat. 27. *Qui generis splendorem tactatis, date operam, ut mores quoque nobiliteris*, & vitæ studia melioris sequemini, & aurum sanguinis emblematis sanctitatis exornetis. Princeps enim familia, & vera nobilitas est, quæ de virtute nascitur, non quæ à sanguine oritur.

Vidit Discipulus, quem diligebat Iesus, numerosissimam hominum cateruam, qui stolis albis induti throno Dei, & agni immaculati assistebant, palmas manibus præferentes, & contentis vocibus triumphos, laudesque illius decantabant. Accedebant ad confertam hanc multitudinem plurimi Angeli, & seniores quidam, qui solo affusi supremam illam maiestatem humillimæ adorationis cultu supplices deue-nerabantur, ac benedicebant. Cum admiraretur sacer Apostolus eos, qui palmas manibus gestabant, & albas stolas induti, Deum laudabant, dixit ad eum quidam de senioribus: *Hi qui amicti sunt stolis albis, qui sunt, & unde venerunt?* Apocal. 7. 14. Respondit Ioannes: Quis hoc sit, ut tu, dicere possit, qui id pernosci? Quare te oro, & obsecro, ut mihi exponas. Acquieuit precibus venerabilis senex, & ait: *Hi sunt, qui venerunt ex magna tribulatione*; ibid. v. 15, ac si dixisset: Si nosse cupis, vndenam hi prodierint, quos tam splendido amictu excultos vides, scias velim, esse homines, qui ab ærumnarum & magnarum, & plurimarum longanimi tolerantia huc

euaferunt, ut has palmas consequerentur, & quiete potirentur sempiternâ.

Est quod in hac quæstione, & responsione subnotari debeat. Sciscitabatur ex Ioanne senex: *Qui sunt hi? Et unde venerunt?* Duo sunt, quæ percontabatur. Primum, quinam essent, ij stolas albas induti, alterum, vnde venissent. Quid ergo est, quod responsione soli secundæ satisfacit quæstioni, dicens: *Hi sunt, qui venerunt de tribulatione magna* ad horum subselliorum occupationem, & thronorum possessionem? Cur prima interrogatio tam parum curatur, ut prorsum tacita prætermittatur? Quid causæ esse queat, quod nullo responso declaratur?

Dicam. Primum illud quærebatur, quinam essent: *Qui sunt hi?* quod tale fuit, ac si in personas, earumque originem, & conditionum qualitates inquisitum fuisset. Talis ergo interrogatio sine responso, & velut contemptui habita fuit, in domo enim Dei nulli datur gloria, nulli beatitudo pro qualitate profapiæ, hæc namque res parum valet, nisi cum virtute sit coniuncta. Sanctitas est, quæ homini veram confert nobilitatem: Itaque quod ille senex non fuit dignatus respondere, quinam essent illi beati, id tantumdem fuit, ac si dixisset; sint qualescunque, sint diuites, aut inopes, sint nobiles, aut rustici, sint reges, aut subditi, sint liberi, aut serui, nihil horum hæc attenditur, virtutis ac sanctitatis solum ratio habetur in hac superna patria, & laudabilium operum, non generis, siue nobilitatis, vnde & illos ad beatitudinem prouexit tribulationum æquanimiter toleratarum meritum, non genus illustre, aut plebeium. Verum scilicet genus virtus confert, non origo natalium procurat.

Tria profapiarum genera habet mundus, inquit sanctus Gregorius Nazianzenus. Primum è cælo per creationem venit. Secundum à sanguine habet, vnde ab alijs discernatur. Tertium virtus tribuit, quo à cæteris differat. In primo, inquit ille Doctor, omnes pares sumus, omnes eiusdem speciei, ac naturæ corruptibilis, omnes occasui obnoxij, caduci, mortales. De secundo, quod à sanguine venit, affirmat magnus Theologus, nescire an quicquam æstimari debeat, ut quod tam debili, & infirmo fundamento nitatur, quàm est miseria, & corruptio. Tertium ergo genus, quod de virtute nascitur, est, quod magni æstimari debeat: *Reliquas autem nobilitates, quæ vel feruntur, vel Principum diplomatis comparantur, & ciles, & adulterinas, nullaque pretio habendas procul submonebit*; inquit ille Orat. 28. *Qui vera gloriâ splendere, qui genuinam apud regem*



regum nobilitatem appetit, virtutem sibi comparat, siquæ admodum sanctus: Nam regum aliorum, siue Imperatorum diplomata, in quibus maiorum præclara facinora, & aorum encomia, & progenitorum insignia vanè ad ostentationem reseruentur, quid illi utilitatis adferunt, quia obscurat, & atrore vitiorum suorum denigrat, & morum infamiâ coinquinat?

Cùm hæc apud se reputaret rex Theodoricus, aiebat, eos, qui sanguine gloriantur regio, ex officio curare debere, vt ne illum sordidis actionibus suis foedatam obscurent. Verba illius apud Cassiod. l. 5. Epist. 12. sic habent: *Hos omnia decet sub laude gerere, & reges possint fulgorem consanguinitatis ostendere.* Latet alius suam, nescio quàm veterem, & quibus è montibus originem: Alius suum in Gothos genus refert, seque tam bonum, quàm rex sit, prædicat. Dum verò talia dicit, Iudâ ipso interim est deterior. Vbi est ergo ista nobilitas, & genus illud ex quo arbitramur? Ex operibus, an ex solo natali? Ex ampullosis verbis, an ex virtutibus? Rex Theodoricus, qui & ipse ex Gothis erat, de virtute æstimandam nobilitatem affirmat, inquit: *Hæc enim indubitata nobilitas, quæ moribus probatur ornata;* apud Cassiod. vbi suprâ. Nobilis est, qui honestam, laudabilemque vitam ducit, qui secus facit, nobilitatem suam, quâ gloriatur, turpi maculâ rotat.

Parentibus fortè humilibus natus es? Deploras generis tui obscuritatem, & originem tenuem, & nominis exilitatem? Vanè te hæc affligunt, inquit magnus Theologus Nazianzenus. Cur tristaris, cui tam proclive est siccare lachrymas, abstergere mœrorem, & solatii remedium accersere? Magnificentia tuæ par tibi arbitrar esse potest. Tu tibi pater esse, teque ipsum nouè fingere, & facere illusterrimum, splendidissimūq; potes. Quàm diuinè hoc Nazianzenus verbis non ampliùs quatuor expressit Iambico 19. dicens: *Alia sibi mores probi.* Vita sanctitas pater noster est, qui nouo generi, & sublimiori sanguinis dignitati nos generat. Propterea idem vir sanctus ait: *Deum amulatur quisquis hoc est nobilis.* Qui vitæ consuetudinem diuinæ affinem ducit, is in primoribus, & magnatibus, & Principibus, & Regibus numeratur.

Id Saluator mundi indicauit, qui vt felicitatem fortunatorum Discipulorum suorum prædicaret, quorum hæc erat in terris beatitas, vt ipsum carne nostrâ indutum, & hominem pro salute humani generis factum oculis usurpare possent, sic inquebat:

*Beati oculi, qui vident, quod vos videris, dico enim vobis, quod multi Prophetæ, & reges voluerunt videre quod vos videris, & non viderunt;* Lucæ 10. 24.

Notandum hic, quod sanctus Matthæus cap. 13. v. 16. hæc eadem verba referens, ait: *Quia multo Prophetæ, & iusti, &c. De Prophetis vterq; Evangelista affirmat, sed quos Lucas Reges, hos Matthæus iustos appellat.* Obseruauit hoc venerabilis Beda, & transmutatarum vocum hanc causam reddit lib. 3. in Lucam cap. 40. *Quos Lucas multos Prophetas, & reges dicit, Mattheus apertius Prophetas, & iustos appellat, ipsi enim sunt reges magni.* Qui ex præscripto legis diuinæ vitam suam instituunt, ij veri nobiles sunt, & magni reges, & monarchæ inclyti. Discat hinc noster Politicus, veram nobilitatem ex virtute esse oriundam. Nam qui carne nobilis, animo rusticus, idem Deo vilis, in cuius domo sola virtus nobilitat, & sanguinis splendor in sanctitate vitæ consistit.

*Eundem remum trahit Periocha IV. FERIA IV. post Dominicam I. Quadrage. Tom. 1. pag. 98. a. o.*

#### C A P V T I V.

*Vt quis peccandi artis peritissimus euadat, alio quàm se magistro non eget, ipseque sibi & supremus architectus, & prototypon esse potest.*

**N**on possumus, quin deploremus miseram conditionem fragilis naturæ nostræ, ob Protoparentis culpam tam malè exceptæ, tam grauitè afflicta, ex vna quippè infirmitate, quâ caput nostrum laborauit, sic debilitata, & fracta totis viribus fuit, vix vt conualescere ab illo morbo queat. Hinc nobis illa praua ad malum propensio, hinc tam grauis, & impedita benè agendi difficultas, hinc tam agilis ad peccandum promptitudo, hinc tam molestum virtutis onus, & opus. Quàm veloces, concitiquè ferimur ad ea, quæ nobis perniciofa, quàm cunctabundi, tardi, ignaui, ad ea, quæ nobis commoda, & vtilia. Quàm expediti ad culpam, quàm inuoluti, & contracti sumus ad gratiam? Hanc in rem sic ait sanctus Cæsarius homil. 27. Tom. 2. Biblioth. Veter. PP. *Quod perus est, facilius inuenimus, & ea, quæ sunt deteriora, quàm quæ meliora, sectamur, prona enim est ad imitationem mali humana fragilitas.*

Refert sacrorum factorum scriptor virtutes sancti Enoch, quàmq; accuratè vitam suam ad præscriptum legis diuinæ composuerit. Annos in terris 365. exegit, post quos illum Dominus ab humanis oculis exemit: *Ambulauit cum Deo, & non apparuit, quia iustus.*



sulit eum Dominus; Genes. 5. 24. Textus Græcus habet: *Placuit Deo, & non est inuentus, quoniam transiit eum Deus.*

Quid sibi velit, quod Moyse, cum de viro iusto loquitur, ait: *Non est inuentus?* Philo lib. 1. de Abraham vult sic dictum, ut significaretur, quod non facile inueniatur, qui ad potorem ordinem transeat, quia virtus suapte natura late patet, ideo vulgo notissimum virtus rara est, & ex paucis contingat. Cum magna est panis penuria, eam necessitate talibus verbis amplificare solemus: *Ne vnum quidem frumenti granum reperitur.* Vt ergo indicaretur, quanta esset virtutis per omnem mundum raritas, quamque ægre vnus quidam vir sanctus reperiretur, inquit sacer Textus: *Non apparuit;* rarum namque est incidere in hominem iustum, qui mores suos ad amulum legum Dei formet, voluntatemque eius per omnia faciat. Nihil tale de peccatoribus affirmaueris, vitium enim passim vbius obuium est, & tam mali seminis abundantissima semper seges. Ad malum omnia semper præstò sunt, ad bonum nulla vnquam inueniri posse videtur occasio, & opportunitas.

S. Gregorius Nyssenus quærit, quamobrem celestis Magister, cum nos orare docuit, hoc enixe petere iussit, ut quæcunque Deus vult, ea sic exequamur in terris, quemadmodum beati faciunt in cælis, ac dicere: *Fiat voluntas tua, sicut in cælo, & in terra;* Matth. 6. 10. Videtur namque superuacanea petitio. Quid enim magis consentaneum rationi, quam ut per omnia expleatur voluntas tam amantis, & benigni Patris, è cuius munificis, & perliberalibus manibus noua quotdies in nos beneficia redundare iugi experimento, & maximo bono nostro discimus? Secundum hæc quare precamur, *ut à Deo bonum nobis animi propositum contingat?* inquit ille Orat. 4. in orat. Dom. Cur rem, quæ seipsam nobis tantopere commendat, plurimisque, & magnis modis est debittissima, tam vehementer à Deo postulamus?

Respondet Doctor sanctus, inquiens: *Quia infirma ad bonum est humana natura, posteaquam semel per vitiositatem eneruata est, non enim ita facile à malo rursus ad bonum homo conuertitur, & à bono ad malum accessit.* Nemo hanc admiretur petitionem, quod certo fiet, si consideret miseram caducæ naturæ nostræ fragilitatem, quam illa sit prauè prona ad malum, quam difficilis ad bonum: Post peccatum enim tam languida remansit, tam infirma, & labilis, & nauseabunda, ut quod bonum appetat, & salutare

amplectatur, necessum sit Deum etiam, atque etiam rogare, ut vitiatum hunc appetitum persanare, & vires addere dignetur, quibus ea, quæ virtutis sunt, confectetur. Si quâ facilitate homo à bono ad malum deficit, eadem à malo ad bonum se reciperet, aut reuocaret, Dei voluntatem nullo negotio perficeret. Verum quantâ diligentia opus est, quot curæ ad instaurandam animæ sanitatem necessariæ! (inquit Nyssenus) Quantis difficultatibus, & studiorum impendijs illa è culpæ strato erigitur, & curatur? Quam pauculo infirmitas illi constat! Vt homo salutis iacturam faciat, exiguo conatu sit, propter facilitatem, quâ morbis succumbit. Vna buccæ, aspiritus vnus, vnus solis radius satis est harmoniæ rectæ valetudinis confundendæ, quam tamen si ad concordiam reducere velis, quale, Deus, artificium, quantamque diligentiam, & sollicitudinem res ista requirit! Et cum homo per se infirmetur, pluribus opus habet, ut conualeseat, medicis, antidotis, curatioribus, & tam multis alijs, quæ ad instaurandam sanitatis iacturam pertinent: *Morbi profligatio multum solertibus inuentis, & rationibus excogitatis, multa cum difficultate, & artibus medicis conficitur,* inquit insignis frater Magni Basilij. Pauci conscripti sunt libri, in quibus salutis, ac vitæ prodigenda rationes tradantur, nam cum vtramque perdere perfacile sit, & mori proximum semper, pauculo labore sit, ut earum iacturam facias, verum curandæ valetudini multa sunt procusa volumina, plurimæ typo expressæ lucubrationes, nam cum sanari sit difficile, & per arduum conualescere, vbi multa concurrunt mala, multa etiam adhiberi remedia necessum est, enixioreque contentione pugnare oportet, vbi maiore vi resistitur. Quod in corpore accidit, hoc simili prorsus modo in anima euenit, inquit Nyssenus, & quod in carne notamus, hoc in spiritu experimur. Vt in culpæ stratum quispiam incidat, quam pauculo opus est! Auræ aliquis lenis, ac leuis aspiritus, turpis cogitatuunculæ sensus, si modò momentaneus accedat consensus, sat est consueciendæ in lethalem morbum animæ. Verum ut istud resarciatur malum, & instauretur damnum, quot occurrunt difficultates! quot sese montes obijciunt impedimentorum, & inconuenientium, ut ad faciendam exomologesin quis adducatur! quot necessariæ exhortationes, ut illicitæ renuntiet familiaritati! quot opus est commonitionibus, & comminationibus, ut malè parata, & quæ iniuste possidentur, restituantur! quot modi perquiruntur, quot artes excogitantur, quæ non indolentibus, & ab animarum medicis inueniuntur! atque



vinam ea omnia & sat sint, & utilitatem adferant. Cuncta hæc inditio sunt, quam citus, expeditusque sit homo ad suam perniciem, & quam piger, atque ignavus ad salutem.

Vix ea legeram, quando Tertullianus mihi præclaram, perque commodam huic rei ministravit observationem. Agit ille nonnulli de multa proclivitate, quæ homo in quævis flagitia præceptis labitur, & sic ait: *Vitium dum videtur, addiscitur*, atque ut peccandi peritus fias, non alio opus est, quam ut peccantem videas. Si pictor quidam perfectissimam, elegantissimamque ex autographo delineasset imaginem, in qua naturam ars superaret, deique magistro suo, à quo doctus esset, interrogatus responderet, se ex eo solum, quod semel tantum pingi vidisset, consummatissimum evasisse artificem, & ad cuiusvis alterius operis conficiendi peritiam comparandam, non alio egere, quam ut ab alio construi quidquid illud vel semel videat, quid de tali homine diceremus? Attonitos redderet eius facilitas, cui ad perdiscendam quamlibet artem maiore non esset opus studio, quam ut eam unâ solum vice ab alio exerceri cerneret, tuncque ex vno illo intuitu tam promptè, accuratè, & elaboratè eam imitaretur, ac si plusculos annos in eius usu versatus fuisset. Hoc est, quod loquitur Tertullianus, quando ait: *Vitium, dum videtur, addiscitur*. Ut quis perditus, & perfectus peccator exeat, & dexterrimus omnis sinistrae actionis architectus, non opus habet graues, ac diuturnos. Discipulorum peccare discendum subire labores, primo enim statim intuitu tam peritus magister euadit, ut extemplo docere alios queat. Hæc nimirum peccandi ars absque difficultate hauritur, & promptè, expeditèque exercetur.

Constabiliendæ huic veritati seruiet id, quod de infelici illustri Patriarchæ nostri nepte Dina facit. Textus narrat. Illa sexus sui nativâ curiositate excitata, parentibus inconsultis, inscijs fratribus foras prodijt, ut illius gentis, per quam transibant, fœminas arbitraretur: *Egressa est Dina filia Lia, & videret mulieres regionis illius*; Genes. 34. 1.

Difficultas oboriri solet in definiendo, quid permouerit Dinam, ut in alienam civitatem se reciperet, & quæ in ea degebant, mulieres cerneret. Et quid in illis tam aspectabile, ut Dinam ex umbra secreti domestici in media compita abstraheret? Insignis Genesios interpres (*Pereritis*) ait: Ingenia, & mores, & studia, & habitum, atque cultum illarum mulierum Sichemitarum avidis legere oculis cupiebat, mundumque earum, & omnem semel vanita-

tem, quâ stultè præfidentes fœminæ vel propriam reddere auctiorem, vel adscititiam sibi accipere venustatem solent, ut spectatorum omnium ad sese oculos arripiant. Hoc est, quod Dinam à suo recessu, & laribus patrijs euocavit, & secreti negligentem fecit.

Sed obseruandum, quod nostra Vulgata versio habet, *Et videret*, id à sancto Augustino num. 140. in Genes. translaturum, *Et condisceret*, quasi ob id Dina effusa in publicum fuerit, ut ab Sichemitis mulieribus acciperet, quomodo ad instar earum conuere, & perpolire sese posset, ac deberet. In his illud expendendum, quod sub hac occasione idem esse videntur *videre*, & *condiscere*, ubi enim vnus textus eam affirmat egressam, *Et videret*, alter ait, exiisse *Et condisceret*. Quo significatum fuit, tam expeditum esse hominem, tam dextrum, tamque propensum ad malè agendum, tam velocem, & acutum ad vitia, tam prolium ad vana, & noxia, ut illi idem sit videre mala, quod condiscere. Intrâ pauculas horas omnibus numeris absolutus magister euadit, vixque pedem intulerit Scholæ vitiorum, quando extemplo facultatis peccandi doctor inaugurari possit.

Mihi videtur rem hanc plurimum exaggerasse Tertullianus, cum ait: *Vitium, dum videtur, addiscitur*; quod indicat magnam, ac promptam peccanditum facilitatem, tum dexteritatem: Verum alius quidam maior Theologus humanam fragilitatem, nostramque hac in parte miseriam grauiore verborum pondere magis detexit. Magnus Nazianzenus is est, atque illius in Apolog. istud: *Nihil minoris negotij, difficultarijque est, quam malum fieri, etiamsi nemo ducem se nobis ad vitium præbeat, rara tamen, atque ardua est virtutis adeptio, quamlibet etiam multis modis ad eam inuitemur, ac retrahamur*. Nonne videris, quod Gregorius ait, hominem absque magistro magistrum sibi ipsi esse, ductoremque ad culpam? *Etiamsi nemo ducem se nobis ad vitium præbeat*, leniter tamen ad peccandum proslimus. Quæ maior excogitari, ac deplorari, nosque affligere infelicitas potest?

An deesse nobis potest, quo & hanc adstruamus veritatem? Primum animo repetamus homicidium, quod primi deesseuerunt Parentes. *Consurrexit perfidus Cain aduersus fratrem suum Abel*, fuditque innoxium ac virgineum sanguinem, *Et interfecit eum*; Genes. 4. 8.

Sanctus Basilii Seleucus Orat. 4. ait. *Laboriosus auditor pro animi sui perspicientia penitus inquirit, à quo Carnius eadem facere sit edoctus, unde scine-*



*fit plagam mortem inferre. Hominem mortuum con-*  
*spexerat nullum, nullius cadis audaciam suam ante-*  
*gressu spectaculum, quod ad imitandum inuiteret,*  
*hausit. Qui cadis igitur euasit perpetrator, qui non-*  
*dum fuerat spectator?* Vnde illi vel suspicari in-  
mentem venit per hiatus vulneris euadere vitam,  
subintrare mortem? Trucidati hominis cadaver  
nullum eamē oculis vsurparat, quo id arbitrari  
potuerit. Quis ergo illi tam immanis sceleris Do-  
ctor, quis ductor ad tam enormem insultum fuit?  
Quis, dicis? Non alius, inquit Nazianzenus, quam  
qui talia facere sciat, soleatque. Nonne peccatum  
erat, quod Cain perpetrabat? Nonne male factum  
erat, quod sanguinem vertebat? Quid ergo huc ma-  
gistro opus erat? Ad vitium namque, *etiamsi nemo*  
*ducem se nobis praebeat*, etiamsi nemo per manum du-  
cat, nemo pedes regat, nec vlla magistrorum sit co-  
pia, nos ipsi viam facile reperimus, nostrisque vici-  
ata naturae ponderibus vrgemur. Itaque Cain sine  
magistro occidit, & sine doctore sciuit fundere san-  
guinem, tamque inaudito, & feroci delicto se ob-  
stringere.

Dicant nobis verumque ambo Patriarchae nostri  
filij, Esau, & Iacob, quos vbi mater cum non exigua  
difficultate pareret, inque lucem proferret, primum  
Esau appellauit, cuius nominis etymologiam dum  
Interpretes tradunt, interque hos Honcala in c. 25.  
Genes. aiunt, idem significare, quod *Factus*, eo quod  
natus fuerit veluti perfectus, & aetate plenus, & illo-  
rum enim, psorumque eruptio adultioris, perfectio-  
risque est aetatis inditum. Esau peccatorem typice  
refert, Iacob hominis iusti imaginem praefert. Ani-  
maduertendum itaque, quod is, qui homines flagi-  
tiosos praefiguratum veniebat, dictus est Esau; siue  
factus, tam scilicet hirsutus etiamnum recens editus  
infans, quam processiore vir aetate esse queat. Ei  
verò, qui huc nascitur, vt peccatorem repraesentet,  
vix dum nato facti, hoc est, maturioris viri, & con-  
summati peccatoris nomen indatur: Nam ad male  
agendum perfectus vir esse videtur, qui iam iam na-  
tus, velut ad peccandum sint cum illo ipsi omnia si-  
mul nata, neque semper magistro, ac duce ad hanc  
rem opus habet: *Nihil minoris negotij, difficultatis*  
*que est, quam malum fieri, etiamsi nemo ducem se us-*  
*que ad vitium praebeat*. Nonne hoc apud infantes li-  
cet videre, qui vix ruditer sciunt articulare voces,  
quando talia ebulbunt, tam foeda & abominabi-  
lia, vt admirationem & horrorem pariant audien-  
tibus? Et ignari licet, quid sit iniuria, iara tamen  
ira perciti meditantur, expetuntque vindictam. Quod

si alius quispiam eorum iniuriolas vliscatur, gau-  
dent, & exultant, & magni faciunt, & gratias agunt.  
Quid hoc, nisi deprauatae naturae nostrae inditum;  
quae tam leuiter erumpit in culpas, & profilit ad vi-  
tia?

Videamus nunc quid de Iacob dicatur, qui Iusti  
imago est, vt diximus. De illo sic habes Gen. 25. 27.  
*Habitabat in tabernaculo*, postquam scilicet adole-  
uisset. Vbi notandum, quod Targum Hierosolym.  
ea textus nostri verba sic transfert: *Erat minister*  
*doctrinae*. Vbi ex opinione Hebraeorum Abulen-  
sis, Lyræ, Istella, Pererius, Martinus Del-rio, Corne-  
lius, & alij aiunt, quod Iacob frequentauit Scholas,  
(quae Vulgata nostra versio vocat tabernacula) He-  
ber, & Melchisedechi; qui vt sancti Magistri, &  
Prophetæ, ad res diuinas, & cœlestes erudiebant  
suos discipulos, docebantque modum, quo timendus,  
& amandus supremus conditor, & benefactor: *Et*  
*solunt Hebraei, quod Iacob habitauit quatuordecim*  
*annis in tabernaculo Heberi*; ait ille, vt per id tem-  
pus Deo seruiendi artem perdisceret. Totiusne verò  
quatuordecim annos habitauit in tabernaculo He-  
ber, & sub eius disciplina meruit Iacob? Tam lon-  
giturnâ Scholæ frequentatione, & disciplinâ opus  
habuit, qui tam docilis, tam facilis, promptusque ad  
omnia diuina officia fuit? Opus habuit. Nam vt  
Nazianzenus ait: *Rara, atque ardua est virtutis a-*  
*deptio, quamlibet etiam multis modis ad eam inue-*  
*niatur, atque retrahamur*. Expeditissimo licet ad Dei  
cultum animo operosa est virtutis exercitatio. Etiam  
Iacob quidam videtur egere tam longo temporis  
curriculo, vt artis seruiendi Deo bene doctus, &  
consummatus discipulus euadat: Nam cum ille sit  
exemplar Iusti, in illo nobis exprimitur, quam ar-  
dum, & difficile sit virtutis negotium, quam acclue-  
iter, quod illi conscendendum, qui salutis suae æter-  
nae causam recte tractare cupit, cum e contra promi-  
ptissime feratur ad malum, tamque prone in illud  
inclinat homo, vt vix natus sit, quando sibipsum est  
peccandi magister, nulliusque ad hanc rem ducis,  
nullius doctoris alterius indigus. Totum hoc aper-  
rit, ac declarat deprauatae naturae nostrae peruersita-  
tem: Nam cum tot habeat magistros, tantam lu-  
cem, tot ad bonum vias, tot virtuti proposita præ-  
mia, vix tamen est, qui se det in pedes, ac gradum  
promoueat; cumque peccato & grauiâ, & varia, &  
certa sint constituta supplicia, & peccandi magistri  
nonnunquam desint, absque horum tamen instituti-  
one, & poenarum deposito omni metu, præcipites  
sele homines agunt, & velut e sublimibus scopulis



Expediunt deijciunt in fatalem suam ruinam, & perniciem æternam.

Huc facit illud Cornelij Taciti in vita Agric. *Natura infirmitatis humana tardiora sunt remedia, quam mala, & corpora lente augescunt, cito extinguuntur.* Valetudo mala aduolat, bona plumbeis pedibus paulatim accedit. Tardum, serum, craftinum est, quidquid ex usu nostro, quæ incommoda, quæ noxia, præsto semper ad manum sunt.

Confirmat hanc veritatem mysticus, & allegoricus sensus eius, quod de his fratribus, Isaac, inquam, & Ismaele sacer Chronographus refert, nimirum quod priusquam Isaac vllum habuerit filium, Ismael duodecim genuisse liberos narretur, quos & per capita, arces, populos distribuerit, tanquam Principes suarum tribuum, & suæ prosapiæ autores primos. Quamobrem verò Ismael tam diues liberorum, quando Isaac adhuc prostrum improlis? Ioannes Ferrus, & Guilielmus Ebroicensis id factum volunt, ut disceremus, quod mali semper citius crescunt, & augentur, quam boni, idcirco & duodecim filios habebat Ismael, antequam Isaac vel unum haberet, aiunt illi, adduntque, hinc elucescere, quam verum sit illud, quod vetere adagio fertur, quod mala herba magis crescunt, & multiplicantur, quam bona. Hoc est, quod indies, pro magno scelerum nostrorum merito, eheu, nimium quantum experimur. Quam breues, quam dulces, ac suaves nobis videntur horæ, quas murmurationi largimur! quam amarum, & prolixum tempus, quod orationi impendimus! si horam prætergrediamur vel paululum, qui pro concione dicit, quam molestus nobis accidit! Si in annum extrahatur lusus, effluit sine vlla nostra animaduersione tempus. Quam hilares sumus in mensa, quam terribiles in Missa! Quam prompti ad exigenda, quam tardi ad præstanda debita! Expediunt volamus ad mala, ægre reptamus ad bona.

*Affinita huius tractat Periocha III. Dominica II. post Pentecosten, Tom. 2. pag. 98. b. o. Vide quæ ad finem illius ex Tom. 1. adscripta.*

### C A P V T V.

De nulla re cautius loquendum, quam de aliorum erratis, & vitijs.

Genit facit Textus, qui cum numerum filiorum eius breuissimè recensuerit, etiam non absque mysterio factum fuerit, quod facta illius profundo silentio inuoluit. Quod autem Moyses nihil de Sara eius scribit, id magnus Moguntinensium Ecclesiastes Io-

annes Ferrus ob id factum putat, quia parum boni de ipso Ismaele scribi poterat. Quod ad qualemcunque gloriam Ismaelis facere videbatur, ut quod fertilem habebat successionem, & numerosam tot filiorum posteritatem, hoc memorauit, cætera silentio reliquit, tacitusque dissimulauit, non enim virtus aliqua erat, quam recensere posset, eoque facilius putauit tacere, docere nos eâ ratione volens, quam cautionem, & attentionem, adhibere debeamus, quoties de proximorum nostrorum moribus, ac vita loquimur, & quam studiosè defectus eorum tegere, obnubere errata.

Sanctus Ioannes Chrysostomus obseruauit, sæpè & cæteros Apostolos, & Petrum vel maximè, cum in libro Actuum prædicasse feruntur, commemorasse triumphalem Christi resurrectionem, quâ mortis victor, & vitæ restaurator in vitam redijt, mortis autem, quam Scribæ, & Pharisei illi per infamiam Gentilium manus consciuerunt, vix commeminisse, quamquam per occasionem loqui de ea crebrò potuissent: *Resurrectionis quidem sæpè memor est Petrus, sceleris autem illorum semel;* inquit ille hom. 6. in Acta. Quid autem causæ sit, quod Apostolorum verter, cum de anastasi Domini persæpè differeret, & consequens esset, ut de probrosa morte illi à consceleratissimis Iudæis per summam iniuriam adornata tunc simul loqueretur, non nisi semel tamen eius mentionem fecit? Cur non illam iterum, atque iterum inculcauit maliciam, & impietatem? Respondet sanctus Doctor: *Ut ne illos grauaret, subpudesceret, opprimeret tanti sceleris, tamque immanis flagitij odiosa commemoratio.* Monuit nos eâ re, quam parè, temperanterque loqui de alienis defectibus debeamus, sic enim & Petrus semel tantum atrocissimam Phariseorum, Pontificum, & Scribarum insolentiam memorauit, idque cum dissimulare nequirit, qui si aliud facere potuisset, silentio illam fortè præterijisset. At si ille scelus tam patens, & publicum tam cautè narrauit, quomodo nos proximorum nostrorum prolapiones obtegere non debemus, maximè cum ea sunt secreta, & abscondita?

Multis dubitare in mentem venit, vnde occasio arrepta fuerit, ut Isaac id nominis imponeretur, quod latinis, ut exploratum, *revelatus* dicitur.

Sanctus Hieronymus de Tradit. Hebræis in Gen. ait, quosdam in ea fuisse sententiâ, ut existimarent, hoc eum nomine donatum propter risum maris Saræ, quo illa disfluxit, quando Abraham marito eius Angeli sponderunt, quod filium è coniuge sua esset habiturus. Præmodum vetula erat sancta

Patriar-



Patriarchæ vxor, sic vt iam per effectas naturæ vires edere liberos nullos amplius posset. Vt ergo audiuit Angelorum promissum, *risit post estum tabernaculis*, Gen. 18. 12. ac velut ludibrium habuit, quod coelestes hospites affirmabant. Ex hoc risu volunt aliqui nomen *risus* impositum filio, dictumque illum *Isaac*.

Verum B. Hieronymus ait: *Hoc falsum est*. At si Sara risit tunc, quando filium marito Angeli pollicebantur, cum in scriptura ex actionibus matrum desumpta sint crebrò nomina filiorum, vt de Beniamin, & nonnullis alijs res habet, quid incommodi habere possit, quòd & Isaac ab eo, quod mater egit, indita sit appellatio? Quid? Quòd Sara risit, id non sine culpâ factum fuit, quare & Angeli dicebant: *Quare risit Sara?* ibid. v. 13. hoc est, cur ludum interpretata fuit, quòd se demum effecto iam corpore concepturam, & porrò parituram audiuit, cum Dei potentia nihil sit impossibile? ob hoc ergo, quòd non citrà qualecunque piaculum Sara risit, arbitrari nemo debet, ex tali risu impositum illud Isaac nomen: Nam scriptura sacra perstudiosè attendit, curatque, vt vitia nostra occultet; & satis fuit, illum semel Saræ exprobrasse risum, ne deinceps perpetuò ad filio ad sempiternū matris probrum circumferretur, quòd necessariò factum fuisset, si ille de tali risu nomen traxisset, nemo enim id Isaac nomen pronunciaffet, quin memoriam culpæ, quâ se cunque Sara ridendo obtrinxit, auditoribus refricuisset.

Pulchrum est Magni Basilij annotamentum, quòd sanctus Paulus Apostolus, cum Timotheum, quomodo aliorum defectus, & populi errata arguere deberet, instituit, id tam cautè, & attentè ab illo fieri præcepit, vt neminem singulariter perfringeret, quando communiter omnes obiurgaret: *Prædica Verbum, argue, obsecra, increpa in patientia, & doctrina*, inquit 2. Tim. 42. nunquàm verò illi permittit, vt in publicum efferat, aut palàm in os cuiuspiam sua flagitia obtrudat.

Sanctus Basilijus in Psal. 14. de hac re sic ait: *Cum Apostolus in suis ad Timotheum institutionibus permissit redargutionem, obsecrationem simul & increpationem, nusquam tamen assumit opprobrium, quod fraternæ correctioni aduersetur*. Dicere conuicia auditoribus non est discipulorum Apostolicorum, inquit Basilijus. Producere in publicum theatrum errata peccatorum, per quæ innotescant, non est mos seruorum Dei, nam qui in his numerari gloriæ ducunt, cum prædicant, arguunt, sed non con-

fundunt, corripunt, sed non offendunt, rogant, at non infamant. In schola quippe Dei hoc magno studio agitur, vt aliorum vitia, & errata infodiantur, & obtegantur.

Apparebat gloriosus mortis Triumphator, hortulanos, habitumque præferens, lachrymosæ Poenitentis, quæ sacrum illius cadauer ardentibus cum suspirijs anxie perquirebat. Manifestabat se ei Dominus, cumque illa exultans gaudio ad sacros eiusdem pedes accidere vellet; ille exprompti ad tale obsequium animi impetum cohibens, *noli me tangere*, inquit, *sed vade ad fratres meos*, Ioan. 20. 17. & anastaseos meæ ijs perfer Euangelia.

Sanctus Chrysostomus hom. 2. de Resurrect. cum diligentias secum expendisset, quòd Magdalena iussa est ire, & dicere fratribus, resurrexisse Dominum, admiratus loquendi modum ait: *Non dixit, discerrantibus, dic fugitiuis, dic latentibus, dic negantibus, sed, dic fratribus meis*. O admirabilis bonitas Saluatoris! appellat fratres, quos nouerat negatores. Verè obtupescenda clementia indulgentissimi nostri Assertoris, qui eos fratrum honorificentissimâ appellatione ornat, à quibus inter sanguinolentas hostium efferatorum manus per summam ignauiam derelictus, destitutusque fuit, & neque Petro, à quo negatus, eiusdem nominis gloriam negauit. Totū hoc factum, vt institueremur, quemadmodum loqui de proximis nostris debeamus, sic vt quanquàm multos eorum defectus nouerimus, & vitia non pauca sciamus, cum tamen de ijs loquendi sese offert occasio, hoc agamus, quod Magister noster, eosque honoremus, & magni faciamus.

Dignum notatu est, quòd Dominus noster, quando supplicium meditabatur, quod de infanda Sodomitarum obscenitate sumpturus erat, hæc in ipso à domo Abraham exitu velut intrā se aiebat: *Nunc celare potero Abraham, quæ gesturus sum* Genes. 18. 17. Quomodo possum, quin Abraham amicorum familiarissimo, familiarium amicissimo consilium meum aperiam? Quis me prohibere queat, vt non illi iuneris mei propositum entudem? *Quomodo potero?* Hæc verba impedimentum sonant, impotentiam olere videntur. Sed quis ille tibi obstitit, Domine, aut impedimento est, vt quod animo destinasti facere, alteri non aperias? Videamus, amabo, quid illud est, quod Dominus vult dicere? Quid indicare propositum habet? Peccata, & flagitia Sodomitarum. Eanè verò res tantam habet difficultatem, tam varia impedimenta?

Immo verò, ait Doctor Angelicus in cap. 18. Genes.



nesc. *Quia Deus est valde difficilis ad publicandum occultam crimina nostra, unde Six secretis soli Ioanni Soluit subinuere Iudam proditorem, quamuis nobis expedire videretur hoc ad sciendum, quod Christus est voluntarie passus, tanquam praescius proditoris contrisenda.* Prorsum nostra referebat scire, quod Christus nosset infamem proditorem, à quo sibi captiuitas, morsque adeo adornabatur, vt intelligeremus, magnà voluptate, & suapte sponte mortem illam oppetuisse, quam vt prænouerat, sic & praeuertere, & defugere poterat. Quamquam verò de re nostra esset, nosse Iudam, tacebat nihilominus, & dissimulabat, neque infamem, & perfidiosum proditorem singulariter manifestabat. Vt hinc accipiamus, quàm agrè adducatur Dominus, vt vitia nostra euulget, prodatur peccata: *Valde namque difficilis est ad publicandum occultam crimina nostra.* Itaque vt Sodomitatum flagitia deoperiret (quamquam ea talia essent, vt in coelum succlamantia inde vindictam exposcerent) vim sibi, nec qualemcunque, intulisse videtur, quâ se perurgeret, vt eorum conscium faceret, etiam tam amicum, tam fidum, ac familiarem, quàm erat Abraham. Iam si Deus, qui est supremus iudex, tam difficile scelera patefacit humana, vt per vim se huc permoere videatur, quomodo alius quisquam audebit suorum in lucem proferre errata proximorum, cum multis nominibus plurimum obstricti simus obnubere illa, & sitentij velo testata ab aliorum notitia defendere? Cogitet Politicus nosse, hominem se esse, & velut hominem varijs obnoxium miserijs, & fragilitatibus, qui vt suos non vult manifestari natos, ita detegere non debet alienos.

*Tomo I. pag. 176. b. o. Periochâ III. Feria IV. post II. Domini. Quadrag. habes, quàm amet Deus peccata nostra obnubere.*

## CAPVT VI.

*Vt homo lethaliter infirmetur, sola vita est satis, nec alius morbus huc requiritur, omnes namq; ex eo malo morimur, quod nati sumus.*

Mortem Ismaelis sacer textus narrat, qui frater Isaac Patriarchæ nostri ex eodem patre fuit. Refert autem illius obitum verbis, quæ diligentem mereantur considerationem. De illo hoc affirmat, quod postquam centum, triginta & septem annos in viuis exegisset, *deficiens mortuus est*, Gen. 25. 17. *Deficiens* idem est, quod sensim occidens, siue corruens, velut ædificia dicimus deficere, quæ vitium

agere, siue collabascere videmus. Quod ergo Ismael fertur *deficiens* esse mortuus, admirabili verbi talis proprietate fragilitas nostræ conditionis, & caduca nostra mortalitas expressa fuit. Sensus ergo eorū verborum est, quod Ismael è vita decessit, id non ex alio malo natum, quàm quod in vitam hanc natus fuerat. Nam vt quis ad mortem infirmetur, hæc vitæ ægrotudo satis est, nec aliâ re præterea opus est.

Tres illi sancti, ac religiosi Reges ex Orientis regione veniebant, meliorem lucis æternæ Orientem perquirentes. Ingressi compita Hierosolymitana studiosè indagant locum, vbi tantum bonum natum esset, palamque aiunt, non ob aliud se venisse, quàm vt illius radios venerabundi suspicerent, & numini debita humillimæ adorationis tributa exsoluerent: *Venimus adorare eum*; Matth. 2. 2. atque vt subiectissimorum animorum religiosum affectum externo officio aliquo testatum darent, simul vt viderent bonum illud, quod ardentissimè suspirarunt, *obnubere eis myrram, aurum, thus, & myrrham*, ibid. v. 18.

Sancti Hieronymus, Chrysostomus, Theophylactus, Euthymius cum B. Augustino, Gregorio, Beda, Iuuenio Hispano, & toto sacrorum Interpretum cætu aiunt, in tribus illis donis includi, declarari, & significari tria, quæ in Domino, Creatore, ac Redemptore nostro confiteri debeamus. Et in auro quidem Diuinitatem adumbrari, thure sacerdotium indicari, myrrhâ humanitatem demonstratam. Sed audiamus Sanctum Mediolanensem Archiepiscopum, qui lib. 2. in Luc. cap. 2. ait: *Aurum Rei, thus Deo, myrrha defuncto*, subaudi, offertur, siue dedicatur.

Difficultatem habet, quod postremum ait: *myrrham defuncto* consecratam. Quod huic diuino Infanti aurum tanquam supremo Regi, & thus velut inmenso Deo oblatum fuit, obuiam habet rationem, quam quisq; facile capiat, quia & tunc, & ante, & semper erat Deus infinitus: At quod myrrham, non iam vt mortali, sed tanquam defuncto, dederunt, id quomodo rectè intelligi queat, non satis video. Quomodo enim fieri potuit, vt tanquam defuncto myrrham tunc dedicarent, quando hic diuinus Infans tam procul à sepulchro aberat, vt in cunis illum repererint sancti Reges, cum illi suorum donorum tributa detulerunt? Quomodo ergo Ambrosius affirmare potuit, myrrham defuncto oblatam? Præclarissimè, ac verissimè hoc ab illo dictum. Quid enim de sacro Infante ait Euangelista, cum oblatam illi myrrham narrat? *Cum natus esset*, inquit,

ecce



*ecce Magi Venerunt* adorare eum. Vt ergo agnouerunt hominem, vt viderunt natum, mox obtulerunt myrrham (quod mortuis dedicari solet donum, quia myrrhâ olim vnguebantur, qui è viuis excefferant) vt indicarent, tantundem esse mori, quod nasci, quia quod morimur, ex eo nascitur, quod nascimur, & ortus noster nostri causa est occasus. Itaque simul natum Christum cernunt, & myrrham ei exhibent, quæ mortuorum signum est, & in defunctis illû recësent. Quid mirû ergo, quod velut mortuorû habebant, quem natû videbant? Nemo proinde annos sibi æternos promittat in vita, quæ non nisi cum inuitabili mortis onere suscipitur.

Affine huic est, quod Propheta Isaias ait, cû in mystica horum sanctorum, & religiosorum Principum munera figens oculos dicit: *Omnes de Saba Venerunt, aurû, & thus deferentes*; Isai. 60. 6. Omnes, inquit, venient, hoc est, primores Sabæi, qui omnium instar sint, venient autem cum auro, & thure, vt recens nato Infanti, qui angustis in cunis imperialis maiestatis suæ amplitudinem ostentabit, tributa pendant, & suam subiectionem testentur, acciduig; ad sacros illius pedes, eos humiliter deosculabuntur, prostrati autem purum putum aurum tanquàm coronato Principi, & legitimo æternitatis hæreditabunt, fragrans thus verò velut supremæ Diuinitati, & absoluto Numini, cui ex rigidissima iustitia omnis reuerentissimæ adorationis cultus est debitus, dedicabunt.

Hugo Cardinalis in c. 2. Matthæi inquit: *Quare non nominat Isaias myrrham?* Cû tria fuerint munera, quæ obtulerunt tres Reges Domino, aurum, vt regem testarentur, thus, vt Deum assererent, myrrham, vt mortalem indicarent, quamobrem vrbanius Propheta, cû tam honorificam mentionem faceret thuris, & auri, quæ Deitatem, regiamque Christi dignitatem signabant, myrrham silentio inuoluit, quæ mortalitatem symbolo referebat? Occurrit huic quæstioni Hugo, dicens: *Quia eius mortalitas satis erat aperta, sed diuinitas, quæ per thus, & regia dignitas, quæ per aurum designatur, erant latentia*. Deitatis maiestas, & regia dignitas Christi in tenera illa, pauperculaque ætacula latentissimè abscondebantur: Quis enim cogitare poterat, in tam angustis spatijs præduri, & arcti præsepis, in tam incommodo hospitio, in tam inornato, neglectoque, & squalido stabulo potentiam regiam, & Dei immensitatem diuersari? Huc ergo Prophetiâ opus fuit, quæ talia totis sæculis ante prædicaret, quàm fieri viderentur. Verûm de myrrha,

Tom. III.

quæ moriturum illum designabat, quidquam prænuntiari, nihil fuit necessarium: Hoc enim perquam manifestum erat, quod ex more communi, & cursu generali moriturus esset, qui per humanam natiuitatem oriturus. Hoc nempe cuique malum, quod nascitur, far est, vt in mortuis mox numerari possit: *Aurum Regi, thus Deo, myrrha defuncto*: in aperto namque res est, quod qui vitæ possessionem adiit, in mortis extemplo manus iurare debuit.

Etenim *mutuum debitum est inter se naturæ cum mortalitate, forma moriendi causa nascendi est*. Christus mori missus, nasci quoque, necessarius habuit, & mori posset, non enim mori solet, nisi quod nascitur, inquit Tertullianus de Carne Christi cap. 6. Non potest homo per mortis portam egredi, nisi prius per vitæ fores intrarit, & cû per has semel introierit, non potest quin per illam aliquando exeat: Nam vt Sanctus Chrysostomus hom. 42. in Math. Oper. imperf. ait, *ideo morimur, quia nascimur*, & ratio moriendi alligata est causæ nascendi, cûmq; in viuis homo esse incipit, tunc albo mortuorum adscribi potest.

Hanc tam infallibilem veritatem affecutus Seneca, de Consolat. ad Heluid. c. 11. aiebat: *Quisquis ad vitam editur, ad mortem destinatur*. Quisquis pedem infert in vitam, mortis possessionem adit. Ergo mors vitam loco pignoris arripit, vt certum habeat debitum.

Commodum huic rei venit, quod de Herodæ refert Flavius Iosephus lib. 1. de bello Iudaico cap. 16. nimirum inter varia ædificia magnifica, quæ excitauit, opulentissimum etiam, sumptuosissimum, amplissimumq; construxisse sepulchrum: *Tumulum*, inquit ille, *in mæma formam manufactum, qui stadium sexaginta spatio ab Hierosolymis aberat, similiter nominatum munificentius accurauit*. Non procul ergo ab Vrbe Hierosolymorum sepulchrum sibi magnificentia regiæ parauit, nempe tam potens est aula fascinum, vt etiam solutus in puluerem homo longiusculè ab ea secedere nequeat. Verûm admirabilis fuit ea tumuli *in mæma formam* compositi figura. Quis eiusmodi formam excogitando inuenire potuit? Si illarum superbarum Egypti pyramidum instar fuisset, aut quale illud Artemisæ Mausolæum, neminem in admirationem adducere nouitas figuræ posset: Sed quod ad similitudinem vberis confectus fuit tumulus, quis tale quidpiam aliquid viderit! Inauilitum videtur eius sepulchri artificium. Sapientissimum nihilominus fuit, si omne illius mysterium attentè expendas. Nam si natiuitati

I i



ciuitati cum mortalitate mutuum inter se est debitum, vt paulò ante ex Tertulliano dicebamus, prudens inuentum fuit, quòd tumultum ad formam mæmuliebris fingi, componique fecit, vt inde acciperemus, vbera materna, vnde primulæ vitæ alimoniam recens natus infans haurit, tumultumque, cui denatus infertur, ita sibi mutuò respondere, vt tunc in mortuis statim numerari homo possit, quando in viuis esse cæpit, & quòd arripere papillas ad nutriendam vitam, diligens quoddam studium est curandi sepulturam, mors enim ex natiuitatis malo nascitur.

Pulchrè hoc noster Castellanismus exprimit, qui de recens mortuo sic loquitur: *Agora acabo de morir; hoc est: Iam iam desistit mori.* Quomodo desistit mori? Aut quando cæpit mori? Quando! A quo natus est. Exinde namq; extrema illi hora minari cæpit: A prima vitæ hora mortis suprema illi denuntiatur. Quid magnum ergo, quod Ambrosius aiebat, *Myrrham velut defuncto oblatam* vix dum in lucem edito pupulo Iesu, nam qui illum iam tunc natum videbant, mortuorum catalogo extemplò inferendum putabant.

At si hæc cuiuspiam fortè non prorsum satisfaciunt, videamus quod ipsa superi Infantis Mater cum illo egit, quæ illum ab intemeratissimo vtero suo progressum in præsepe mox deposuit: *Peperit filium suum primogenitum, & pannis eum inuoluit, & reclinauit in præsepio*, inquit S. Lucas 2. 7.

At quid hoc cæremoniæ, quòd ille vix hanc lucem oculis corporeis vsurpauit, quando diuina Mater cælestem filium pannurijs, quanquam mundis, pauperibus tamen obligauit? Dicam. Artemidorus in Onir. lib. 1. cap. 14. ait, si quis æger se infantem somniet, *agrotantis mortem præsumere hoc somnium, quandoquidem & mortui laceris inuoluuntur pannis, & linteolis, quemadmodum etiam infantes.* Mortuos inter, & infantes magna est similitudinis cognatio, hos nimirum iam iam natos non aliter habent, atque illos recens vitæ perfunctos. Vt quisque animam egit, simul & corpus, brachiaque, & pedes eius intus obstringuntur. Ad eundem modum recens editi pumilioes in fascias arctantur. Itaque si quis per nocturnam quietem sibi infans videatur, tantundem est, ac si mortuum somniet. Quando ergo in carne passioni, & morti obnoxia natus est author vitæ, quid mater illius egit? *Pannis eum inuoluit*, brachiaque, & pedes fascijs obligauit, & caput contexit, atque vt apertius dicam, funebre linteum ei circumposuit, eoq; modo illum habuit, vt

haberi mortui solent, talibus erga illum cæremonijs vsa, qualibus alij erga defunctos vt consueuerunt. Factum id autem exemplo, & documento omnium, vt cuncti hinc discant, tunc queniq; in mortuis deputari posse, quando in viuis agere incipit, nam & Deus ipse vt mortuus habitus fuit, mox vt homo natus. Et vnde mors nascitur, nisi ab infirmitate vitæ?

Ad hunc modum, & consequenter ad ea, quæ siue Artemidorus dixit, siue Regina mater cum cælorum Infante egit, differuit de hac re Clemens Alexandrinus in caten. Olympiodori in cap. 1. lob, dicens: *Simul atque editus in lucem, & susceptus est, manus, pedesque eius fascijs constringuntur, atque ipsi vinculis impeditus frustur &beribus.* Nuper est infans ad vitam ingressus, nec interposita morâ mortuorum pannis amicitur, natura enim finis memoriam reuocans ipsi, qui nascuntur. O Vita primordium mortis prodromum! Vix communis lucis vsurâ per violentos conatus, & lachrymas matris frui pupulus cæpit, quando præparatis ad hanc rem nexibus, quos pietas fascias dicere voluit, in pedes, manusque iniectionis impeditur, atque ita nutritionis suæ genitalibus fontibus adiuuetur. Vix terræ possessionem suscepit, quando extemplò vestem mortuorum fatalem induitur. Nam fascijs inuolutus infans, & funebribus indumentis amictus defunctus hoc solo differunt, quòd ille plorat, hic deploratur. O Vita primordium mortis prodromum! Morti sepulchrum, velut diuersorium, feralis metatrix vita præparat, atque vt frigida aurora optatæ diei est iucunda prænuntia, sic natiuitas est infelix, & infallibile suæ mortis eniq; prognosticum. Nati enim, ac denati paria sunt indumenta, nam vt mortuus manus, ac pedes ligatus infertur tumulo, sic illum, qui recens in mundum effusus, secundum pedes & manus obstringunt, mortuoque similiter habent, vt intelligat, quòd nascitur, id fieri, vt moriatur, & natiuitatis infirmitatem quandam mortis velut denuntiationem esse.

Huc respexit gloriosus martyr S. Zenon, quando hominem singulari cum acumine homel de Lazaro resuscitato appellauit, *optimum luti liquorem.* Peculiare hominis ethymon, quòd *liquor luti* vocatur. Quis talem in mundo liquorem vidit? Olei, mellis, vini, taliumq; rerum seu natiuarum, seu factitiarum liquores passim obuios cernimus, sed luti liquorem nescio quis ille vnquam conspicatus fuerit. Quid ergo Zenoni homo *optimus luti liquor*, dicitur? Ad confirmationem rei, quam versamus, facit, quod sic dicitur. Quòd enim homo liquor luti

nuncupa-



nuncupatur, tale est, ac si diceretur, falli eos, qui non consumi hominem putant, tamen ita videatur, est enim lorum, quod simul & animari incipit, & diffuere, non secus ac si in vas porosum quidpiam tenuioris liquoris infundas, paulatim dilabitur, atque ita dilabitur, ut cantharum ante vacuum videas, quam quā effluerit, cernas. Talis est vita humana, inquit Zenon, terræ liquor est, liquorum omnium præstantissimus, *optimus latus liquor*: Nam vita humana cum in vas corporis infunditur, per rimulas fragilitatis sensim exhalat, donec planè soluiatur, idemque est nasci, & incipere consumi. Nam ut Tertullianus lib. de Anim. cap. 50. ait: *Publica totius humani generis sententia mortem natura debitum pronuntiamus, hoc spondit omne, quod nascitur*. Mox ut in vitam ingreditur homo, mortis clientem se proficitur, eique homagium, ut vocant, præstat, & velut in manus promittit. Quid ergo miramur, quod cælorum Regina Filium suum non secus ac mortuum habuit, quando ille frui hac vitā cepit? Est enim homo candelæ instar, quæ cum lucet, & ardet, sibi ipsi exitium adfert, & parat interitum.

Sic pinxit humanam vitam eruditissimus Don Ioannes de Orozco Sirgenti Episcopus lib. 2. emblem. 9. cum hoc dicto ad extremum candelæ adscripto: *Quotidie morimur*, & omnes, & singuli. Nam ut candela ipso suo ardendi vsu sibi finem ipsa adfert, & quod vehementius ardet, eò celerius se conficit: Ità ipsum viuere, incitatissimum est moriendi studium, quod enim diutius viuimus, eò magis morimur, dumque ardet, & lucet vitæ candela, quod hoc amplius facit, eò contentiosius finem sibi adornat.

Id nobis palam faciet Dominus ipse eā actione, quam exercuit, quando constitutum habebat mortis manibus vitam suam permittere, ut ex illo mortuo mortuus viveret homo. A mystica cœna peracta, egressus est cum discipulis suis torrentem Cedron, ubi erat hortus, in quem introiit ipse. Ita Sanctus Ioannes c. 18. v. 2.

D. Ioannes Chrysostomus hom. 60. in Ioan. ait: *In hortu quasi in carcere morabatur*; quod ex docti cuiusdam moderni, (Patris Magistri Auendano) interpretatione talem habet sensum, ac si in hortu Christus versatus fuisset, quemadmodum reus quidam in sacello, ubi supremum viaticum est percipitur, qui cum in talem aliquem locum adducitur, certissimo id illi inditio est, proximæ mortis sententiā paulo post feriendum, ac tantundem est, habere illum in sacello, ac in mortuorum albo. Sic ergo

Christus in hortu tanquam in carcere, aut sacello morabatur, mortem vicinam expectans.

Sed cur iturus ad mortem prius hortum ingressus est, atque inde ad mortem pergere decreuit? Videmus vnde suum vocabulum hortus, nominisque appellationem traxit. Simon de Cassia lib. 13. in Euang. (quod & alibi notatum reliquimus) sic habet: *Hortus ab oriendo dictus est*. Itaque hortus, & ortus paronyma esse, idemque significare videntur. Quod ergo Dominus ex hortu, qui ortum significat, mortem adiit, tale fuit, ac si dictum esset, ut hortus ab ortu appellationem ducit, sic suam à vita originem trahere mortem, nam mox ut natus est homo quispiam, in mortuis recenseri potest.

Hinc est, quod Tertulliano homines perquam ingeniosè dicuntur, *initiatum mortis*, quamprimum enim quis nascitur, morti initiatur, & in ordinem illius admittitur, decretumque cœli hoc habet, ut homo, quamprimum est natus, mortis iurisdictioni subiaceat, sic ut eam declinare nemo queat.

Hoc mysterio Veteres natiuitatis, vitæ, ac mortis nostræ præfides deas appellarunt *Parcas*, de quo multis agunt Natalis Comes, Antonius Verderius, & omnes alij Mythologiarum concinnatores. Varro, & apud illum Aulus Gellius volunt *Parcas à pariendo* dictas. At cum *Parce* sint eæ, quæ vitam eripiunt, quæ humani anhelitus vitale flamen texunt, ac succidunt, quomodo à pariendo rectè vsurpare nomen possunt? Nonne mortis appellatio aptius in illas caderet? Respondet (Corda) Poëtarum maximi optimus interpretes in lib. 1. *Æneid.* vers. 30. *Credo Parcas à pariendo dictas, quod statim à partu infantis vitam succedant*. A pariendo ergo nomen suum mutata sunt *Parce*, hanc ob causam, quod homo, à quo illum mater enititur, in mortis statim manus incurrit, & ab ea exteaplo tanquam captiuus attinetur.

Præclare hoc nobis exposuit illustrissimum patientiæ exemplar Iob, quando de misera, caduca, & stabili conditionis suæ instabilitate loquens, ait: *Quasi pueredo consumendus sum, & quasi vestimentum, quod comeditur à tinea*; Iob 13. 28. Eā similitudine mysticè, ut ait Cyprianus Cisterciensis, declaratum fuit id, quod hic tractamus. Non dicit lucuosus Pœnitens, sanguinolento ferro se, militis instar, perimendum, non ait, ex acutæ securis repetitis ictibus, ut virides arbores solent, obtruncandum, neque affirmat ita conficiendum, ut purpuream rosam sedulus agricola, dum terram proscindit, rudi aatro stirpitis euulsam vitā exuit, verum sic



sic consumendum, ut vestem duro mollis oris sui stimulo fodicans edacula tinea vitiat, & perdit. *Quasi Vestimentum, quod comeditur à tinea.*

Cur Sanctus Iob supremi exilij sui, & interitus qualitatem similitudine tinea, quæ vestes furtiue depascitur, voluerit indicare?

Respondet Cyprianus, quem dixi, in cap. 13. Iob: *Vestis ex se generat tineam.* Pannus, à quo in textrina parari incipit, suæ perniciiei occasionem alit. Pannus suorum inimicorum pessimum circumfert, in seipso authorem sui interitus parit, & de suis visceribus generat, ex quo pereat. Ipse sibi suæ destructionis est sator, tineam producens, à qua post hæc estetur, & conficiatur. Itaque priusquam in manus extraneorum inimicorum incidat, priusquam culter, aut forfex illi aliunde admoneatur, ipse sibi & cultrum, & forficem, quibus demutiletur, fundit, cuditque, & proprii studij manibus destruitur. Quod ergo Sanctus Patriarcha ait, se non aliter, atque à tinea vestimentum solet, consumendum, tale est, ac si dixisset, sibi, ut in mortis insidias, potestatemque; incideret, non longâ, non qualicumque; præuentione, & præparatione opus, sed hoc satis esse, quod natus esset. Sufficit hominem esse, ut quis secum habeat quæ morti adferendæ sunt necessaria, sic ut aliam huc gladij, toxici, alteriusve rei vim adhibere, aut aliud instrumentum, quod mortis sententiam, quasi quidam minister exequatur, accersere superuacaneum sit. Homo se, quod natus est, circumfert suæ mortis seminarium, & consumendo vitæ panno vna satis est tinea natiuitatis. Nam morti addiscendæ non aliud malum est necessarium, quàm quod sumus nati.

## C A P V T VII.

*Non est alius liber, qui magis vel luculenter tradat, vel ad viuum exprimat vitæ humanæ miseras, ærumnas, infelicitates, quàm vnicus mortis vacuus folijs codex.*

Vitæ suæ curriculum Ismaël absoluit, fatalemque terminum concludit, idque; cum fratres illius omnes præsentibus aderant. Hoc sacra historia talibus verbis refert: *Coram cunctis fratribus suis obiit*; Genes. 25. 18. ubi filij appellantur fratres, pro familiaris Scripturæ more, quæ cognatos, qualescunque illos, fratrum vocabulo donare solet, quod obseruauerunt Tostatus, Lyra, Pererius, Ferus, Fernandus, & penè omnes. Quod autem Ismaël coram fratribus diem clausisse fertur, eo quidam significa-

tum volunt, superstites reliquisse omnes liberos suos, quæ non est exigua felicitas: Alij verò contendunt, id sic dictum, quod ad se conuocari omnes iusserit, ut moribundo assisterent, & cum extremo spiritu confligentem præsentibus cernerent, nec enim leuis momenti, aut qualemcumque; doctrinam ex spectaculo hauserint, qui illum in medio filiorum exspirasse viderunt, quorum imbecilliores erant vires, etiam si totas ad hanc rem conuertissent, quàm ut illum à mortis tyrannide vindicare possent. Præmuniendo aduersus quascumque; fraudes, & instituyendo ad omnem probitatem homini efficacissimum exemplum & documentum præbere poterat intuitus è vita decedentis Ismaëlis, si quis interea cogitasset, nihil illi ad euadendam mortem profuisse, quod celeberrimi, & sanctissimi Patriarchæ primogenitus, quod primus, cuius & natiuitas è cælo prænuntiata, & nomen inde transmissum, nunquam eatenus viso, aut cuiquam concessio honore. Fieri non poterat, quin filij, dum hæc, aliisque; plura secum reputarent, multa ex ijs documenta eruerent, atque ex ea morte, velut in schola quadam, plurima, quæ ad vitam rectè instituendam pertinebant, discerent. Neque enim est Vniuersitas aliqua, aut gymnasium, in quo eruditionem sibi quispiam citius comparet, quàm in domo mortui queat. Et in mortis consideratione positi dixerunt quidam, libros esse magistros mutos, & mortuos. Quamobrem sapiens nonnemo cuidam ad vitæ studia melioris, & morum emendationem aspiranti, hoc consilij suggerebat, *que trasset conuertos*, ut cum mortuis communicaret, hoc est, cum libris, ex quorum lectione discere posset, quomodo rectè viuere deberet. Et quanquam id ita sit, dico nihilominus ego, non esse alios tales libros, quales sunt homines mortui, ij nimirum sunt doctores omnium, quos inuenire possumus, maxime viuui, & ad nos instituendos efficacissimi, quod enim mortuus quidam apud viuum non obtinet, id alius apud illum nemo impetrabit.

Sacer Historicus narrat, illam, in qua ad omnem oculorum gratiam fingenda, & conueniunt omnes exprompsisse vires solers Natura videtur, illud formæ incomparabilis prodigium, illam pecudem formosissimam custodem, pro qua ingenuus, & honestus quidam procius totos quatuordecim tam libens volensque seruiuit annos, ac si totidem momentis breuiiores fuissent (Rachelem, dico) è viuui decessisset. Florem ergo illum admirabilis pulchritudinis mors inexorabilis manu rusticâ succidit. Gæzophilatium autem illud, in quo gratiarum copiam omnes

recon-



reconditæ videbantur, mœstus maritus tumulo in via mandauit: *Mortua est Rachel, & sepulta est in via, erexitq; Jacob titulum super sepulchrum eius;* Genes. 35. 19. In itinere, quod in Bethlehem ferebat, defunctæ charissimæ coniugi sublimem pyramidem excitauit, quæ viatoribus velut altum impressis characteribus, aut mutis signis indicaret, illam tot plausibus persæpè celebratam, & decantatissimam ibi iacere sepultam pulchritudinem.

Hæsit Tostatus in consideratione istius, quod Racheli suæ Sanctus Patriarcha Iacob erexisse titulum fertur. Quid sibi vult, quod mausolæum excitasse vxori suæ dicitur? Respondet magnus Doctor: *Erat sepulchrum corporis in profunditate terræ defossum, sed post ad indicandum, ubi corpus sacere, erectus fuit titulus, id est, memoriale, & fuit factum sepulchrum à Iacob ex duodecim lapidibus sacis magnis.* Penitiori terræ illatus Rachelis sarcophagus absconditus latebat. Vt ergo omnibus quotquot per viam illam transibant, innotesceret, depositum quiescere eo in loco formosæ Rachelis coniugis suæ cadauer, & sublimosum tumulum, duodecim grandibus, & sublimibus è lapidibus construxit, qui eo in loco sepultæ perpetuum essent monumentum.

Sed cur publica in via illum composuit tumulum? Cur tam sublime, tam excelsum, tam conspicuum istud voluit esse monumentum? Cur? Vt sepulchrum illud mulieris omnium facile venustissimæ in via positum, & expositum oculis eorum, quicunque præteribant, & Rachel ipsa in eo condita, è suo tumulo tanquam è cathedra viatoribus lectiones traderet, & vitæ huius fallacias detegeret; monitrixq; esset, vt animaduertenter, florentissimæ elegantia, & liberalissimæ formæ, & decentissimæ pulchritudinis non alium esse finem, quam vt septem pedum humo obruta graueolentium sæda fiat alimonia vermium, quæ oculos suauissimè pascere nuper solita. Non est schola aliqua, ex qua tantum eruditionis referre quisquam possit, quantum ex mortui sepulchro.

Insequēbatur Abnerum Asaël, cui respiciens post tergum Abner ait: Quid tibi vis, aut quid quæris? Cui ille: Te volo, & quero. Et Abner, cum monuisset, promptum sibi esse inferre illi, modò veller, necem, iussit alio quouis ire, & ab insectando desistere, nisi peruicaciæ pœnas certâ vellet morte luere, quâ ipsum absque magno laboris sumptu perimere posset. Noluit Asaël acquiescere urbano, & vtili consilio Abneri, qui cum tantam contumaciam diutius ferre non posset, lanceâ confixum fecit exa-

nimalem. *Asaël cursor velocissimus fuit, quasi venas de capress, qua morantur in syluis.* Ita sacer Scriptor 2. Reg. 2. 18. Qui propius transibant per viam, in qua inconsultus Asaël in suo volutabatur sanguine, videbantque apertam præpilatæ lanceæ clauē portatam, quâ egressa vita mortui introeunti locum cesserat, spectaculi tragici nouitate attoniti figebant gradum: *Omnes, qui transibant per locum illum, in quo ceciderat Asaël, & mortuus erat, subsistebant;* ibid. 23. velut in stuporem acti ab infelici morte Asaëlis, qui cum velocissimis esset pedibus, nihil illi sua agilitas profuit, vt effugere cursu mortem posset, quin & suâ pernitate impedit, implicatusque fuit, vt miserandum in modum occideret. In ea consideratione positi viatores subsistebant, quanquam grauiā haberēt, quæ aliò vocarent, negotia. Mortui enim aspectus omnem aliam sinit occupationem, & impedit pedes, & obliuionem adfert earum rerum, quas maxime alioquin cogitare solemus, & effusissimum quemque ad se renocat, vt rebus suis, quarum erat negligentissimus, attendat.

Altiores recessus, & profundiores sensus mihi habere videtur, quod subsistebant, qui defunctum Asaëlem videbant. Nam si subsistendi verbum sic accipiamus, vt seueriores, accuratioresque Philosophi solent, amplissimam commendationem reperiemus efficacitatis eius, quâ mortis speculum ad excitandam, promouendamque vitæ emendationem valet. Philosophis illud subsistit, quod seipsum sustentat, sic vt fuleri, aut rei alterius, cui innitatur, adminiculo extraneo nullo huc indigeat. Itaque aiunt, accidens non habere substantiam, vt quod per se consistere nequeat, nisi baculo substantiæ incumbat. Quod ergo ij omnes, qui confossum Asaëlem videbant: *subsistebant*, vt ait sacer Textus, perinde est, ac si dictum fuisset, vt quis emendatè viuat, & omnem possibilem perfectionem habeat, & cum diuino auxilio per seipsum absque sustentaculo alio pergere possit, non alio studio eger, neque vel libros legere, vel consultores adhibere. alios opus habet, nisi vt in mortui alicuius consideratione animum defigat, hic enim attentior cogitatus illi & optimæ institutionis liber, & saluberrimorum monitorum suggestor consultissimus, & omnis ad bonè, beatèque viuendum necessariæ veritatis efficacissimus prædicator fuerit.

Quæ si ita non haberent, magnus ille Ecclesiastes, & mundanæ vanitatis proclamator non dixisset: *Melius est ire ad domum luctus, quàm ad domum conuiuij, in illa enim finis cunctorum admonetur hominum, & viuens cogitat, quid futurum sit;* Ecclesiastes.



fiat. 7. 3. Præstat frequentare ædes, in quibus viui illachrymantur mortuis, quam vbi morituri viuam nimis intemperanter curant cuticulam. At quid commodi referamus ex domo, quam defunctus hospes frigido suo, ac rigido cadauere funestat? *in illa finis cunctorum admonetur hominum*, & ad omnes quales quales demum sint, spectant monita, ac documenta, quæ ibi traduntur, eaque talia, vt nemo non intelligat. Solent Concionatores, qui acutuli esse, ac haberi amant, tam sublimia, & subtilia, velut media Metaphysica, nonnunquam adferre, vt necessum habeant præfari apud auditores, & hæc seu vanè, siue vrbane proteflari: *Esse nos para todos*; hoc est, non ad omnium captum est, quod iam dixi. Et cum eorum doctrina sit eiusmodi, quam qui audiunt, non assequantur omnes, perfecta vocari nequit, vt neque consummatus dici Prædicator, qui vacuum remum trahit, & laboris sui sine frustratur, cum sensum suum aperire auditoribus non potest. Mortuū ergo quempiam attendite, & quam ille sit accuratus, perfectus, suisque numeris absolutus prædicator videte, quippe in cuius domo, tanquam communi Schola, & feretro, ceu pulpitro *finis cunctorum admonetur hominum*. Is doctrinam tradit tam luculentam, ac patentem, vt puer intelligat, tam facilem, vt robustissimus assequatur, tam claram, vt supremus monarcha percipiat, opulentissimus auscultet, nobilissimus audiat, formosissima æquis, attentisque auribus excipiat. Nemo est, qui in mortuo non inueniat, quod in vsus suos transferre queat, itaque & *viuens cogitat*. Cum viuens videt postridie marcidum florem, qui pridie elegantissimus fuerat, obscuratum solem heri rutilantissimum, fortissimos viribus fractos, & solo affligtos, supremam maiestatem subactam, omnesque tanquam miseros captiuos insuperabilis mortis triumphali currui vinculis ferreis adstrictos, siue ij Samsones sint, siue Alexandri, siue Cæsares, siue Cræsi, siue Salomones, siue Semiramides, siue Racheles, *cogitat*, & plurima cogitandi materiam aspectus rerum talium ministrat. Quisquis enim diligens, attentusque earum spectator fuerit, *sedebis*, & *pones in corde suo loquelas mortis*, & *si est in ipso quidquam mali, depones illud*, & *conuerter in penitentiam*. Ita Paraphrastes Chaldæus. Tantum potest aspectus, & consideratio mortui: Nami qui videt mortuum alium, vt aiebat Campensis, non potest non aliquo modo animus esse commoueri, vt vitæ accendæ studiosius inuigilet.

Sed est hac in re quidpiam animaduertendum, quod apud Interpretes, Olympiodorum, Saloni-

um, Hugonem Victorinum, Hugonem Cardinalem; Lyratum, Titelmannum, Oforium, aliosque non inueni annotatum, nempe quod Ecclesiastes domum mortui quidem vocat domum luctus, veruntamen domum conuiuij non appellat domum gaudij, & lætitiæ. Sic enim habet: *Melius est ire ad domum luctus, quam ad domum conuiuij*. Domum mortui nominat domum luctus, accipiens effectum pro causa, velut dies vocatur tristis, quia adfert, seu generat tristitiam, & Spiritus sanctus dicitur gemere, quia facit, vt nos gemamus. Hoc ita constituto, cur epuli domus non vocatur domus lætitiæ ab ea voluptate quam parere solet, vt domus, in qua mortuus iacet, dicitur domus luctus ab ea moestitudine, quæ de mortui intuitu nascitur? Cur non æquè suam vtraque domus à suo effectui appellationem trahit? Fie hoc, vt intelligatur, quantum mors operando à rebus alijs differat, quodque illa semper è suis effectis tanquam causa infallibilis cognosci potest, ac si aperius diceretur, fieri posse, vt conuiuium nullam adferat voluptatem, & festiuitatem sua destituat lætitia, & neq; vrat ignis, neque sol luceat, vt verò mors attentè considerata, & defuncti studiosa apud animum expensio non proliceat ab humano corde lachrymas doloris, scelerum per seriam penitentiam damnatorum vel indices, vel filias, id fieri minimè posse. Tantum valet mortuus, vt ex illius consideratione rectè agat viuus, tantam habet efficacitatem detegendi fraudes, & commonendi, & persuadendi vitæ studia melioris.

Hoc ita obseruauit sanctus Petrus Chrysologus serm. 64. inquit: *Mors cum satis viuentibus sit amara, satis turbat ipso exitu, plus conturbat exemplo. Mortuum quoties quis viderit, toties se morti euas destinatum. Sic de morte non potest non dolere mortalium*. Acerbum, si quid aliud, est mortis experimentum, neque minus tamen terribile illius in alio perspectæ exemplum, semper enim se natum sepulchro, ac deputatum corruptioni deplorat, qui proximum exanimem attentioribus oculis vsurpat. Ex quo fit, vt alium vitæ defunctum videre absque mœrore, & doloris sensu nemo possit: *Sic de morte non potest non dolere mortalium*. Nonné vides, quod Chrysologus tristitiam cordis, luctum, anxietatemque, & afflictionem animæ in effectis consideratæ mortis infallibilibus numerat? Hoc ipsum Spiritus sanctus affirmat, cum domum luctus vocat eam, in qua habitator viuere desijt. Quem enim non exterreat, quem non ad luctum, miserationemque moueat aspectus purpureæ rosæ decentissimæ formæ sanguinolentæ effe-

ratarum



ratarum Parcarum securi deiecit, & robustissimo-  
rum iuuenum ad infirmos huius communis inimicæ,  
pallidæ mortis, inquam, pedes affusorum? Quis  
non stupeat, falcis imperium absolutum cernens,  
eius, quæ decutiat thiaras, humiliet, soloque affligat  
sceptræ, idque promptius, ac leuiss, quàm rustica  
barbari agricolæ manus concerpere florem, aut era-  
dicare arundinem possit? Quis tam crebra exempla  
sic videat, vt non collachrymet? Quod æneum pe-  
ctus tali spectaculo non soluat? Quis non molles-  
cat adamas?

Benè hoc dixit, benè indicauit sacer Propheta,  
quando inter Ægyptiarum plagarum commemora-  
tionem de Domino, qui contumacem plectebat re-  
gem, loquens ait: *Viam fecit semita iræ suæ*; Psal.  
77. v. 50.

Quid sibi voluit sanctus Propheta, cum de Domi-  
no affirmat, *Viam fecisse semita iræ suæ*? Modernus  
quidam autor hoc ita exponit. Semitam inter, &  
viam hoc est discrimen, quod illa sit angusta, hæc  
lata, & ampla. Quod ergo Propheta ait, Dominum  
fecisse viam semitæ iræ suæ, tale est, ac si dixisset, di-  
lataisse, & amplificasse furorem suum, hoc est, asse-  
uerasse manum, aggrauasse flagra, exaggerasse sup-  
plicia. At quonam modo? *Et percussit omne primoge-  
nitum in terra Ægypti*; ibid. v. 51. ne regni qui-  
dem parcens heredi. Quod ergo Dominus omnia  
Ægypti primogenita vnâ occisione semel deleuit,  
hoc Propheta fuit, amplam, spatiosamque viam iræ  
ex semita fecisse: Ranz namque, & mulsæ, & versa  
in sanguinem aqua, & id genus reliqua, velut semita  
exiguæ iræ, & modici rigoris erant; at cum primo-  
genitorum fundere sanguinem cepit, tunc & furere,  
vehementerque efferari, & ferocire cepit.

Quid verò hinc consecutum? Quid illud, quod  
*absulit sicut oues populum suum*; ibid. v. 52. atq; ab  
illa prædura seruitute exemit, non maiore negotio,  
quàm quo pastor innoxias suas pecudes emittere ab  
ouili soleat. Plagæ, & flagra eò spectabant, vt per  
Pharaonem è regno illius liberè excedere filij Israel  
possent. At ille quò grauiss exdebat, eò magis  
indurefcebat. Quid ergo fecit Dominus? Acerbi-  
oribus illum supplicij mactauit, & percussit omne  
primogenitum, cum prioribus poenis nihil profecisse  
cerneret. Rex autem, & populus illius gentilis cum  
tantam stragem vidissent, attoniti atrocitate luctuo-  
sissimi spectaculi liberrimum Israëlitis permiserunt  
abitum. Ex quo videas quàm potenter subigat, e-  
molliatq; durissimum quemque, & peruicacissimum  
hominis mortui aspectus: Pharaon namque, qui ex

verberibus magis indurefcebat, & obstinatio redde-  
batur ex supplicij, cum filium suum, aliosque mor-  
tuos cerneret, exemplò laxauit carcères, soluit vin-  
ctos, & compedes suorum mancipiorum confregit,  
sic vt Hebræi ab Ægypto tam expediti emigrarent,  
quàm promptè ex vmbraculis suis oues erumpunt.  
Tantas habet ad subigendos animos vires mortui  
intuitus, tamque facillè cicurare ferocissimum defun-  
cti aspectus solet.

*Vide Strusq; Tomi superioris Indices Verbo Mors,*  
*ubi plurima reperies, qua cum hac re congruant.*

## CAPVT VIII.

*Turpissima, & grauissima est desperatio eius, qui  
ibi diffidit posse reperire veniam, ubi alij obuiam ha-  
buerunt misericordiam.*

Cum mortem Ismaelis narraffet Moyses, ait:  
*Apposuit est ad populum suum*; ex qua loquendi  
formula quidam Expositores piè colligunt, Ismaë-  
lem consecutum beatitudinem. In hac sententiâ  
sunt Nicolaus Lyranus, Alphonsus Tostatus, Pere-  
rius, Guilielmus Ebroicensis, Hugo Cardinalis, Io-  
annes Ferus, & nonnulli alij. Tostati paraphrasis  
in ea verba sic habet: *Apposuit est ad populum suum,*  
*id est, ductus est ad limbum Abraha, in quo erat totus*  
*populus ciuitatis Dei*; aduentum promissi Messie  
expectans. Lyranus quoque his affinia scribit, in-  
quiens: *Deceffit in gratia, & amicitia sui Condito-  
ris Ismaël.* Roboratur tali exemplo ignauia quoru-  
dam peccatorum, & pusillanimitas, vt nemo diffidat,  
sed omnes de immensa Dei bonitate benè sperent,  
quantumuis enim perditè flagitiosus quisquàm sit,  
si se, vt debet, disponat, (quod cum diuinæ gratiæ  
ope non est difficile) semper apertas diuinæ clemen-  
tiæ fores inueniet, atque in eis Dominum, qui passis  
brachijs illum præstoletur, vt indulgentissimi pecto-  
ris pientissimo sinu excipiat. De Ismaële Angelus  
Agari matri hæc dixit, & prædixit: *Hic eris ferus*  
*homo*; Genes. 16. 12. barbariss, & agrestibus mo-  
ribus. Vixit duodennis erat, quando idololatriæ  
magisterium exercebat, ludus enim, quo cum fratre  
suo ludebat, non fuit alius, quàm quod deastrorum  
simulachra fingeat, & ad eorum cultum innocetum  
Isaacum instruebat. Sic Abulensis, Lyranus, Pau-  
lus Burgensis, & alij. Quamquàm res ita haberet, &  
à puero tam immanibus deditus flagitijs Ismael, in-  
uenit nihilominus portam veniæ, & locum veræ po-  
nitentiæ, *deceffitque in gratia*, & nunc fruitor Deo,  
æternumque fructur. Quam ergo suæ desperatio-



nis excusationem inueniet, aut quâ re culpam suam adumbrabit peccator, si tale habens propositum exemplum, spem tamen abiecerit, fiduciamque à se abdicarit?

Nam vt admirabiliter dixit noster Hispanus declamator Quintilianus lib. 1. cap. 10. *Turpiter desperatur, quidquid fieri potest.* Pudendæ ignauitæ, & fœdæ animi pusillitati tribuendum, atque in maximo flagitiosæ desperationis vitio ponendum, si quis illud tentare detrectet, quod superari, obtinerique potest, aut non ambire velit, quod impetrari valet. Ergo si nullum absque venia peccatum, neque vllus est peccator, qui consequi eam non possit, hinc colligitur, quàm graue piaculum sit diffidere, quàm turpè non bene sperare, postquàm etiam Deus corda & rea, ferreaque in blandam ceram emollire scit, & liquare.

Cœlestis Magister cùm de peccatis differeret, quorum alia sunt veniabilia, alia misericordiæ perpetuè clausam habent portam, dicebat discipulis suis: *Omnes, qui dicunt Verbum in filium hominis, remittetur illi, et autem, qui in Spiritum sanctum blasphemauerit, non remittetur;* Lucæ 12. v. 10. Videtur hæc dominica sententia pugnare cum ea doctrina, quam in hoc capite tradimus, & tractamus. Dicimus namque, nullum esse peccatum, quale id cunque sit, quod non paratam habeat veniam, non facilem clementiam: Quomodo ergo autor misericordiæ, & penes quem clauis est totius pietatis, ait, *Non remittetur*, siue esse quoddam scelus, cui non ignoscatur? Ergone si quis peccator spem condonandarum sibi noxarum abiciat, extrâ culpam erit, diffidens clementiæ? Aut quomodo hanc natam ex verbis sacri, & supremi Magistrî nostri difficultatem rectè diluamus?

Sanctus Athanasius ad Antiochum quæst. 71. ait: *Oportet significari, non dicere Deum*, blasphemanti & respicienti non remittetur, sed blasphemanti, quoniam nullum peccatum est irremissibile apud Deum in eum, qui dignè & sanctè faciunt penitentiam. Diuinus ergo Magister (quod diligenter animaduertendum) non ait, non condonandum blasphemix scelus illi, quem blasphemasse poenituerit, sed ei non ignoscendum, qui blasphemiam dixit, neque dolet dixisse: Nam qui vera, & dignâ poenitentia superioris vitæ malefacta damnauerit, non habet cur vel rustico de peccatis nato pudore impediatur, vel perturbetur sceleribus, vel plùs satis affligatur ex antea actis sacrilegijs, nec moras sibi injici ferat in curriculo vitæ nouæ à recordatione blasphemiarum

veterum, tamen enim vasti maris guttas numero superent, quæ olim perpetravit flagitia, omnia condonabuntur, & remittentur, nullum quippè est tam immane crimen, cui non sit parata venia, dum peccator illud commississe ex animo doleat, seriâque, & dignâ, vt præfati sumus, poenitudine damnet.

O quàm præclare hanc suffulciet doctrinam Propheta regius, qui ex nomine omnium peccatorum loquens, hæc plena totius consolationis verba dixit: *Exaudi nos Deus salutaris noster, spes omnium finium terræ, & in mari longè;* Psal. 64. v. 6. ac si apertius ita dixisset: Humilibus precibus nostris aures faciles, clementissime, & dulcissime Domine, quæso præbe, tu nimirum firma fiducia es omnium, & qui abstrissimos orbis terminos incolunt, & quos naufragos per maria remotissima ventorum libido, & tempestatum ferocia miserum iacitat.

Sanctus Dorotheus doct. 12. Tom. 2. Biblioth. Vet. PP. ait: *Qui, oro, sunt in finibus terræ? Qui autem in mari longè?* Si vultis scire, accipite verbis pauculis explicatum: *Ij, qui in perfecta iniquitate sunt,* & in tantam improbitatem deuenerunt, vt progredi ulterius non possint, facti scilicet perdere flagitiosi, hi sunt, qui velut in extremis terræ finibus degunt.

At quinquam ij, qui in altissimo mari, & abyssoprofundissima hærent? *Qui in extrema ignorantia sunt,* inquit sanctus Abbas. Ijsne verò, qui per ignorantia pelagus profundissimum naufragij raptantur, perq; omnia cursu insano feruntur errata, & scelera, ijsne, inquam, reliqua est misericordia? Talibusne spes indulgentiæ est super? Est omnino, nam horum omnis Christus spes est. Non igitur opus nobis est multo labore, elaboremus modicum, & misericordiam multam consequemur. Omnibus criminum generibus parata est venia, siue in fines terræ extremo quis peruenerit, siue in abyssum maris imam peccando descenderit, spes illi certa, & portus tutissimus est Christus, qui tam immenso cum amore mortem pro omnibus appetijt. Itaque absque magno negotio (dum se modò, vt debet, huc comparet) misericordiæ portum peccator inueniet. Vnicum etenim, (sed illud poenitente ab animo profectum) satis est in tranquillitatem adducendis flagitiorum maris quantumuis procellosi fluctibus, permouendoque ad ignoscendum Deo. Nonnihil ergo studij hac in re ponamus, indulgentiamque facilem, & copiosam referemus. Donec enim in hac mortali carne agimus, non est cur diffidamus de salutis remedio, aut desperemus



remus sanitatem, sint licet plurimis, ac grauissimis ægitudinibus obnoxia nostræ animæ.

*Homo quidam descendebat ab Hierusalem in Iericho, & incidit in latrones, qui etiam despoliauerunt eum, & plagis impositis abierunt, semiuuuo relicto. Ità Dominus apud Sanctum Lucam 10. 30.*

Theophylactus plurimum admiratur, quòd ij latrones, cum & tam multi essent, & tantam haberent ferociendi tum occasionem, tum libidinem, miserum viatorem semiuuuum reliquerunt. Nam qui puni- tim, cœsimque illum inuadebant, non potuerunt suam tam vrbane moderari crudelitatem, neque sic armorum gubernare ictus, vt non nisi ad vitæ medietatem adimendam peruenirent. Cur non prorsus totà vità exuerunt infelicem illum, qui in tam immanium sciariorum incurrit insidias? Hic homo, qui Hierosolymis (quæ visio pacis dicitur) Ierichuntem (quæ idem est, quod mutatio lunæ) petijt, figura est peccatoris, illius, qui è gratiæ felici, ac sublimi gradu in culpæ statum miserum descendens, in manus dæmoniorum incidit, à quibus animæ opibus omnibus nudatus, etiam multis efferatè vulneribus oneratur. Ità exponunt venerabilis Magnus Simon de Cassia, Dionysius Carthusianus, Gagneius, Guido Carmelita, Stella, & alij plures, quos & longum, & otiosum esset recensere.

Ex his iam emergit dubitatio, quomodo semiuu- uis relictus fuit, qui in illorum tam crudelium gra- fatorum sæuæ manus incidit.

Respondet Theophylactus: Quòd parte sui al- terà confectus vulneribus, alterà viuus relictus fer-

tur hic homo, id factum, vt inditio esset, quòd non o- minò desperata erat humana natura, atque vt in- telligeremus, quantisuis flagitiorum vulneribus fau- cietur anima, non desperandam eius vitam, vt cui vitæ pars aliqua semper maneat reliqua, & manere locum veniæ, donec vitæ quidpiam superest, & quara- diu anima in carne agit, spem de illius salute instau- randa non abijciendam. Nam si homo se, vt debet, disponat, & quibus potest viribus conetur, sanabi- tur, vitæque illi tota redibit, & veniam inueniet, cui tam viua plurimorum perditissimorum hominum proposita sunt exempla, eorum, qui superi Medici pharmacis benè vsi, è strato lethali infirmitatum suarum exurrexerunt, tantamque incolumitatem sunt consecuti, quantus non fuerit morbus, à quo conualuerunt.

Nam vt quidam peccando miserè conuulneratus, atque ob id bonus artis benè sperandi magister aie- bat: *Vbi abundauit delictum, superabundauit & gratia*; Rom. 5. v. 20. hoc est, quanquam nonnullis hominibus peccatum plurima inflixerit vulnera, ac- cedens tamen misericordia, & post culpas ingressa tantis eorum animas cumulauit gratijs, vt indulgen- tiarum multitudo numerum plagarum magnum in modum superaret. Confortetur ergo animo noster Politicus, vt qui Deum habeat, in cuius pientissimis visceribus omne peccatum inuenit remissionem, om- nis noxa suam veniam.

*Adi Periocham I, Dominica XVI. post Pentecosten, Tom. 2. pag. 228. a. v. & vide, quæ ad calcem illius adscripta.*

## LIBER TERTIVS.

### CAPVT I.

*Dominus sua ita & dicit, & facit, vt necessum sit ipsum omnis gratiæ autorem, & omnis boni originem agnoscere.*



Ostquàm generationes sancti Patriarchæ nostri sacer Historicus pertextuit, narrat illius cum Rebecca connubium, quæ filia Baruelis Syri in Mesopotamia erat, soror Labani. Posthæ consequenter refert, quàm arden- tibus precibus Deum obtestatus pro vxore fuerit, vt eam, quam iniquior natura sterilem fecerat, ipsè fœ- cundam redderet: *Deprecatusq; est Isaac Dominum pro vxore sua, eo quòd esset sterilis*; Genes. 25. 22

Tom. III.

Notant hoc loco omnes Expositores, quòd illu- striorum veteris Testamenti matronarum, pleræq; steriles fuerunt, in quibus Sara, Rebecca, Rachel, Anna mater Samuelis, Elizabeth mater Præcurso- ris Christi, & optimæ matrum mater beata. Obser- uarunt hoc Abulenſis, Lyranus, Pererius, Ferus, Guilielmus Papinius, & Hugo Cardinalis. Factum id, quoniam cum illæ tam insignes, & celebres editu- ræ essent filios, voluit Dominus clauē sterilitatis portas claudere fœcunditatis, vt cum tanto bono a- perirentur, tam opulentorum pignorum possessio magis tribueretur manui ipsius diuinæ, quàm indu- striæ humanæ. Hæc namque attentà prouidentia sic omnia disponit Dominus, vt quæcunq; vel dicit, vel facit, ea ita dicat, faciatque, vt in illius munificas manus,

Kk



manus, tanquam omnis boni scaturiginem referamus, quicquid vel fauoris impetramus, vel habemus gratia.

Regius Propheta, cum apud hunc Dominum de obseruantia diuinorum illius praeceptorum differreret, sic aiebat: *Tu mandasti mandata tua custodiri nimis*; Psal. 118. v. 4.

Quod Propheta ait, Deum mandata sua nimis custodiri praecepisse, id difficultatem quandam olere videtur, quae in illorum obseruantia occurrat, ut notarunt Titelmannus, Boquius, Rainerius, & Arnobius. At quomodo fieri potest, quod Deus nos ad legis obseruantiam permouere velit commemorati-  
one difficultatum, incommodorum, & impedimen-  
torum, cum quibus eius studium sit coniunctum? Certè qui hoc facit, is magis eam violari, & conculcari, quam coli, & obseruari velle videtur. Et quoniam persuadere nobis non possumus, cum Deus laboris grauitatem, quam mandatorum illius custodia fert secum, indicauit, quod id ex eorum à nobis negligendorum, contemnendorum uel desiderio fecerit, cum ille ea accuratissime, & exactissime obseruari vehementer cupiat, quid mysterij subesse potest istarum commemorationi difficultatum, ut illius rectè à Domino institutæ rationes sufficientes inueniamus?

Respondet Doctor mellissus serm. 2. in Vigil. Natiuit: *Propterea mandata sua mandauit custodiri nimis, & videntes imperfectionem nostram deficere, & non posse implere quod debet, fugiamus ad misericordiam.* Quod legem suam in modico studio tam perdiligenter à nobis obseruari praecepit, eaque iustione, quam sit operosa illa obseruantia, indicare voluit, id fecit, ut dum homo virium suarum imbecillitatem agnoscit, ad Dei auxilium confugiat, ut cum eius opiculatrice gratia consequatur, quod suo conatu obtinere nequit, & postquam semel intellexit, quam nihil sine illius adiutorio possit, si quandoque mandata ipsius rectè custodiat. Conditori suo istam obseruantiam acceptam referat, à cuius manibus omne bonum descendit, sic ut beneficium quoddam, sine gratiæ illius beneuolentia, & adminiculo consequi nemo possit: *Ut videntes imperfectionem nostram deficere, & non posse implere quod debet, fugiamus ad misericordiam.*

Percommodum dictis veniet Cardinalis Caietani aliquod in quædam cœlestis Magistri verba annotationum. Emisit ille ad prædicandum suos Discipulos, doctoresque illos instituens, binos, ac binos ablegauit, qui præirent in omnem ciuitatem, locum-

que pararent, in quem Dominus maiestatis per gratiam suam hospes intraturus erat. Atque ut illos ad diligens studium, peruiabilemque sollicitudinem curandarum, & promouendarum ad meliorem frugem animarum extimularer, sic aiebat: *Messu quidem multa, operarij autem pauci*; Lucæ 10. v. 2. tam rari sunt, qui metendi laborem suscipere velint, quam copiosa messis, quæ falcem opperitur.

Quod ea sit metaphorica locutio, id facillè quisque videat: Sed animaduersione diligente dignum est, quod prædicandi, siue euangelizandi populo ministerium labori seminandi, ac metendi comparatur. Sic enim & supra Dominus, cum dixisset: *Existe qui seminant seminare semen suum*; Lucæ 8. 5. paulò post subiunxit: *Semen est verbum Dei*; ibid. v. 11.

Quæri nunc potest, cur prædicationis munus, & animarum iuuandarum studium plerumque magis ferendi, metendique exercitio, quam alteri cuius operi, vel officio comparatur.

Hic quæstioni respondet Caietanus in cap. 10. Lucæ, inquiens: *Aprè officium euangelizandi, & exercetur per Discipulos, assimilatur messi, & autem diuina in eo operatur virtus, assimilatum est seminationi, & intelligamus, quod sicut metens, fructus non suos, sed seminis refert, ita Discipuli fructum non suum, sed diuini seminis in cordibus auditorum vegetati referunt.*

Magno ergo, & singulari mysterio officium prædicationis, ut quidem ab homine administratur, messi-  
oni comparatur, seminationi autè, ut ex Deo habet suam apud auditorum animos efficientiam. Mysterium porro est, ut sicut is, qui metit, non suæ industriae, & defatigationi tribuit abundantiam frugum, sed virtuti seminis, sic Discipuli videntes magnam sequi ex sua prædicatione emendationem morum, vitiorum fugam, virtutis profectum, intelligerent, se nihil ampliùs, quam messorum officium facere, causam verò tam copiosæ messis esse semen verbi Dei, eiusque efficacem virtutem, non suæ falcis vim, nec verborum energiam. Omnis quippè gratia, donum omne ex diuinis, & liberalissimis Domini manibus, velut per canales, aut tubos quosdam ad nos descendit.

Hic Dominus paucis horis ante acerbam passionem suam, & nunquam audita probra Discipulorum charissimos, ut ferunt Euangelistæ, secum in hortu Gethsemani partem secretiorem abduxit, facturusque orationem, quantum iactus lapidis est, ab eis secessit. Fudit ergo suam ad æternum Patrem obediens Filius orationem, à qua reuersus conuenit

Discipulis



Discipulos, inuenitque alto somno demersos, & hanc illorum negligentiam culpans, talibus verbis eos ceu amantissimus magister appellauit: *Sic non potuistis quia horā vigilare mecum?* Matth. 26. 40.

Simon de Cassia pressit hæc verba, *Vigilare mecum.* At cur illos Dominus non absolute de neglectis vigilijs accusat, sed hoc nomine magis obiurgat, quod non simul cum ipso vigilauerint? Respondet venerabilis Pater lib. 13. in Euangelia: *Mecum ideo dicit, quia sine ipso nihil possumus facere.* Quod Dominus ait, absque se neminem vigilare posse, eā re imbecillitatem virium nostrarum, & roboris exiguitatem significare voluit, quæ tanta sit, vt nisi ille in suo auxilio infirmitati nostræ succurrat, nec vigilias, nec aliud quidquam agere possimus, quod vel laude dignum sit, vel remuneratione, ac præmio, ille nimium omnis boni autor est, & causa totius gratiæ.

Non prætereamus quandam Cardinalis Caietani subtilitatem præsentis causæ aptam. Postquam prædicatorij sui muneris partes discipuli exercuti essent, sanassentque ægros, & dæmonia ab obsessis exegissent, læti, hilaresque venerunt ad Dominum, ac dixerunt: *Etiā dæmonia subiiciuntur nobis in nomine tuo;* Lucæ. 10. 17. Caietanus ait, Illa è textu græco sic legi posse: *Subiiciuntur nobis, & in nomine tuo.* Audiens illos tam gaudiloquos, & effusè exultabundos cælestis Magister, inquit: *In hoc nolite gaudere, quia spiritus subiiciuntur vobis;* ibid. v. 18.

Obseruauit hic sapienter doctissimus Cardinalis, quod cum duo complecteretur Discipulorum lætitiā, quorum illud primum, quod se illis dæmonia submisissent, alterum verò, quod ad imperium nominis dominici, soloque eius auditu strata, ac subacta essent, hoc solum in eis reprehendit, quod dixerunt, sibi acheronticos illos tenebriones celsisse, ac succubuisse, inquit: *In hoc nolite gaudere, quia spiritus subiiciuntur vobis.* Sed cur hoc dissimulans, quod propter dæmonia diuini sui nominis potestate subiugata gestiebant lætitiā, illud reprehendit, quod eosdem spiritus à se fugatos efferebantur.

Respondit ille acutè dicens: *Quia non erat culpabile gaudium, quod spiritus subicerentur nomine Iesu, sed quod subicerentur eis, culpabile gaudium erat.* Læte ferebant Discipuli, quod dominici virtute nominis flygiorum fugabantur legiones lauerniorum. Id citrà noxam fiebat, quin & laudem merebatur. Gratulabantur etiam sibi, efferebanturque animis, quod ipsi quoque subiectos haberent cacodæmones, tanquam propriā, & non aliunde acceptā virtute proteruos illos spiritus subegissent. Hoc

verò piaculum erat, dignum quod obiurgatione perfringeretur. Nam putare, quod homo vires eas habeat, quibus dæmones profernere aut miracula aliter, quam potestate diuinā operari possit, est manifestus error, & stulta præsumptio: Nempe omnes pendemes ex supera manu supremi Domini, sine cuius auxilio, & fauore nihil laudabilis operis inchorari, nec quicquam perfici potest, quod laurum æternam, & immarcescibilem mereatur coronam.

*Differet Autor de eadem re Periochā I. Domin. IV. post Epiphaniā To. 2. pag. 432. b. o. Vide quā ad finem eiusdem Periochæ subnotata.*

## CAPVT II.

*Quāquā Matrimum sit sanctum Sacramentum, non tamen hoc facit, quin statum illius plerumque comitentur plures ærumnæ, & labores non pauci excipiant.*

Quod Matrimum sit vnum è septem Sacramētis Ecclesiæ à Christo, Redemptore ordinatum, institutumque à Deo sub primum mundi initium, res est tam constituta, & explorata inter Catholicos, vt me probandi labore indubitata eius notitia leuet.

Verum quāquā ita sit, & fides dicet, quod sit Sacrosanctum Sacramentum, vt omnes confitemur, experientia tamen cogit dicere, illud ipsum, quā statum est, tam plenum esse spinis, tam obseptum tribulis, tam confutum curis, & sollicitudinibus, vt solus ille miserorum, ærumnosorum, calamitosorumque status appellari, idque nominis absolute sibi arrogare posse videatur. Cætera namque vitæ generatæ meriti non careant suis molestijs, hæc tamen cum illis compositæ, quibus expostui & obnoxij sunt, qui coniugati, non videntur illud vocabuli mereri. Merito proinde à iugo dictum coniugium, vt ipsum nomen præferat, & loquatur subiectionem, calamitates, afflictiones, quibus se exponunt, qui matrimonio tradunt. Authores huc adducam, qui huius veritatis theoriam asserant, & confirmant, praxin enim probare nihil necessum.

Sanctus Theodorus Studita, cum Monachos hortaretur, vt immortales Deo Patri referrent gratias, quod ipsos in amœnum status religiosi viridarium adduxisset, aiebat: *Quod post studium est iuge in Domino gaudium.* Hæc ille catech. 110. tanquam pluribus dixisset: Exercitatio monastica quidnam aliud est, quā terrestre cælum, vbi non secus ac in delitioso paradiso, in perpetuo laudum diuinarum cantu, & Angelorum iucundissima societate viuunt.



Subiicit autem mox vir sanctus: *Nam ubi matrimonium est, ac seruitus, & quæ ex ijs molestia manant, misera hac hominum generi diuinitus insita distractio, difficile est in Domino gaudere.* Reuocanda ad trutinam verba Theodori, atque in ijs illud, expendendum, quod vir sanctus cum ex aduerso pacatissimi status religiosi collocare omnes huius vitæ aduersitates, misérias, anxietates vellet, nullas citius, nec maiores inuenit, quam matrimonij, ac seruitutis ærumnas. Dicit namque: *Nam ubi matrimonium, & seruitus.* Nihil in hac vita dulcius, optabiliusque libertate, ut econtrà nihil miserabilius, ac tristius seruitute. Id tam est euidens, ac manifestum, ut sit superuacaneum probare, ac propterea prætermittam illam tam tritum versum:

*Non bene pro toto libertas venditur auro;* quod sciam, neminem esse, qui hæc legat oculis, quin eundem adducat, & sic commemoret, ac si ego ignorarem. Quod ergo Theodorus matrimonium cum seruitute coniungit, tale est, ac si diceret, non videri plura, quam duo esse in mundo mala, scilicet Matrimonium, & seruitutem, nisi mauelimus dicere, vtrique in vnum recidere, & coniugem seruo nihilo esse meliorem. Atque ut in hac eum fuisse sententia pateat, notandum quod ait, ex his duabus rebus, nempe Matrimonio, & seruitute, totas vitæ huius ærumnas reliquas scaturire: *Et quæ ex his molestia manant.* Nam ut flumen siccare necessum est, cum fontem aqua destituit, vnde illud descendit: Ita si neq; seruitus esset, neq; Matrimonium, etiam vita præiens absq; omni poena, & miseria, ut videtur, esset. Si enim illa duo, Matrimonium, & seruitus, quidam velut fontes sunt, ex quibus ærumnæ, infelicitatesque, ut videtur, omnes profluunt, omnia miseriarum, curarum, ac sollicitudinum, flumina deficient, dum fontes ij modò exuadare, aut prorsum esse desinunt.

Non inopportunum rei, quàm tractamus, fulcrum erit illud Apostoli, cuius tam crebra, cum de Matrimonio agitur, solet fieri mentio: *Alligatus es uxori? Noli querere solutionem, 1. Corinth. 7: 27.* caue causas comminiscaris, ut te expedas nexibus, quibus obstrinxisti.

At quisnam hic dicendi modus, *Alligatus es uxori!* clamat maximus Ecclesiæ Doctor B. Hieronymus. Ergone alligatus est qui nuptus! *Alligatus,* inquit Apostolus. Nonne verò aprius diceret, copulatus, siue, suauiter illaqueatus, aut amabilissimo nuptialis foederis nodo coniunctus, velut perpetuum vicens hedera editos scopulos, & quidquid aliud

proximum, blando complexu sibi deuincit? Verum, *alligatus!* Quid sibi voluit tali vocabulo Paulus?

S. Hieronymus lib. 1. in Iovinian. Tom. 1. respondet: *Qui uxorem habet, & debitor dicitur, & seruum uxori, & (quod malorum seruorum est) alligatus.* Dum Paulus maritum coniugi suæ alligatum dicit, sic illum, ut & debitorem, & mancipium vxoris habet, & non qualecunq; mancipium, sed vilissimum, & miserabilissimum, & quales sunt, qui intrâ obscura, & arcta ergastula validis compedibus, ferreisq; catenis constricti. Vxores itaq; vincula sunt, quæ vi, & tenacitate matrimonij sic obligant, & arctant suos viros, vt se exsoluere, & euadere nequaquam possint: *Et quod malorum seruorum est, alligatus est* quisquis vxoratus. Miserum est perdere libertatem, sed ita perdere, ut infelici captiuo neque compita relaxandi animi gratia obire, nec familiaris cum quoquam loqui, nec sua mala cum alijs communicare liceat, ea durissima seruitus est, per quam infelicitatissimus captiuus in tenebrosissima, horribilissimaq; carnificina iacens moritur. Talis efficitur, qui vxorem ducit, inquit Hieronymus, si cum eis conferas, qui alterius status sunt, & iniuges. Quam enim omnis vitæ conditio suas habet molestias, sups mœrores, & labores, eos tamen si cum Matrimonij miserijs componas, id tale fuerit, ac si hominem solum, qui liber plateas obit, comedit, bibit, genio, & familiari cum alijs consuetudini indulget, cum illo compares, qui Algirij à Mauris, siue à Turcis alibi victus in obscuro carcere detentus, suamq; deplorans captiuitatem gemit, suspirat, & neq; lumen cæli videt, nec vocem audit humanâ, nec habet, cum quo exulcerati cordis sui anxietates, & afflictiones commutet. Qui ergo coniugatus, idem velut seruus est, isq; carceri addictus, & constrictus insolubili catenâ vxoris, inquit Hieronymus, mille ærumnis, curis infinitis, perpetuisq; laboribus, & calamitatibus expositus. Quid mirum ergo quod S. Theodor, misérias seruitutis cum molestijs Matrimonij coniunxit, & captiuorum infelicitatē cum rebus incommodis copulauit, quas nupti desistere solent? *Nam ubi matrimonium est, ac seruitus, &c.* Tantas enim plerumq; experiuntur calamitates coniugati, quantas ferè pati solent captiui.

Præmodum consequenter ad hanc sententiam locutus est Terrullianus, quando lib. de Virginit. velandis cap. 17. ait: *Et vos admonemus alterius pudicitia mulieres, quæ in nuptiis incidit.* Eruditus magni Africani interpres Ludouicus Cerda hoc in illius verbis pressit, quod ait *Incidit.* Ut cum mulieribus,



Heribus coniugatis loqueretur, non dicit, vos appello, quæ Matrimonium profitemini, quæ datâ manu maritis vestris sponſas vos tradidistis, quæ sub iugalibus nexibus vitam exigitis, sed *quæ in nuptias incidistis, si non sit in malum, certe sit minus bonum*, inquit Cerdâ. Quod ergo Tertullianus ait, eas, quæ in Matrimonio erant collocatæ, incidisse in nuptias, perinde est acsi dixisset, eis, quæ nubunt, id quoddammodò accidere, quod euenire viatoribus solet, qui cum iter seu pedibus, seu nauigio securi, & omni metu vacui faciunt, sæpè vel in latronum insidias, vel Turcarum tritemes incidunt, & ab illis quiddem rebus suis nudantur, ab his verò ferro onusti in captiuitatem abducuntur. Misera vtrinque, ac deploranda infelicitas. Ita quibusdam Matrimonij status est suo modo vel grassator, qui ipsorum quietè impediât, vel pirata, qui libertatem adimat. Quid namq; aliud est coniugatus, quàm victus captiuus, aut per vim factus seruus, cui nullâ ante mortem Redemptio, vt tantundem videatur incidere in nuptias, & incurrere in grassatorum, piratarumq; manus, vt sunt multæ, & magnæ calamitates, ærumnæ, curæ, sollicitudines, variaq; incommoda, & impedimenta, quæ persequi eos solent, quos huius magni Sacramenti vincula constrictos habent.

Hoc expertus affirmabat sanctus Gregorius Nyſſenus, quando de status huius ærumnis loquens lib. de Virginit. c. 3. aiebat: *Multiplex, ac varia est malorum copia, quæ à nuptiis exsistunt: Tu scilicet in huius vita theatro tragedias spectes, quarum omnino minora hominibus nuptia sunt.* Vocat hinc tragedias Nyſſenus vitam, quam nupti agunt, perpetuo namq; in gemitu, & luctu versantur, querimonarum, curarum, sollicitudinum apud eos nullus aut modus, aut finis. Nunquàm aliud dicere nouerunt coniugati, & vix de alijs rebus verba faciunt, quàm de infinitis pientissimi Domini beneficijs, quibus viros religiosos cumulat, dum eorum ceruices à iugo matrimonij seruat immunes, quod cum non fertur æqualiter, non ducitur concorditer, omni monte grauius est, omni scopulo, & rupe magis premit, & obruit.

Eapropter aquilâ Doctorem S. Augustinus, cum secum reputaret molestias, & onera, quæ status iste fert secum, hæc irra seruus Dei seruanda monebat. *Primum sit vxorem nunquàm cuiquàm pegeret. Secundum, sit militare solentem ad hoc commendaret. Tertium, sit in sua patria peritus ad conuictum non irret.* Sic de illo Possidonius in eius vita cap. 27. Etribus ergo, quæ Religiosa magnopere fugienda Au-

gustinus putabat, hoc primum erat, ne quis alteri nuptiarum author, conciliatorq; pronubus esset. Huius autem consilij sui talem reddebat Doctor sanctus rationem: *Ne dum inter se coniugati surgantur, eum maledicant, per quem coniuncti sunt.* Nemo ergo prudens, aut seruus Dei procurare cuiquam vxorem debet, sed hoc officij, quantum licuerit, magis recusare, vt execrationes, diras, & varias verborum iniurias effugiat, quas in eos, quos matrimonij sui fautores habuerunt, nupti euomere solent, quoties corrixantur, & molestia illis, quantumuis leuis, accidit. Vt enim crebra sunt coniugatorum iurgia, frequentes rixæ, & similitates, sic & hoc ijs perusitatum, inuehi statim in eos, qui nuptiarum consultores fuerant, maledictisq; illos, & omni impropriorum genere peritringere.

In quam rem sic ait sanctus Ioannes Chrysostomus hom. 9. in c. 4. Epist. 2. Corinth. *Nam & pronubos sæpe diris omnibus deuouerunt etiam ipso die, quo thalamis strati sunt.* Vt proxima sæpè, & coniunctissima sunt nubere, & facti poenitere, ita & multas videas mulieres, quæ ipso nuptiarum suarum die, in medio effusissimæ hilaritatis, & sub ipsis iucundissimis choreis, in furias infernales conuersæ, contumelias, quales, quantascunq; rabies suggerit, expuunt in eos, qui nexum procurarunt, quò sunt constrictæ, suæque diligentia fabricarunt iugum, quo prægrauantur.

Amplificat rem Doctor sanctus, quem dixi, inquitens ibid. *Quin & multi iuuenes cum inuendi matrimonij potestati esset, non aliam ob causam ab vxore ducenda abhorruerunt, quàm ob molestias, quas id vita genus haberet.* Hinc est, quòd cum pleriq; adulescentes inter ætatis suæ flagrantioris ardorem, & virorem, vigoremq; iuuentutis omnem facilem putent laborem, & cuius periculo audacter se obijciât, non pauci tamèn sint, qui pedem reuocârint, & velut ignani fugam arripuerint, exterriti magnitudine, & grauitate onerum, curarum, ærumnarum, molestiarum, quæ illum statum, & hoc vitæ genus comitantur. Iuuenem inuenias, qui patens intrepidè petus fulminaris machinæ tonitruo obijciât, tormentique bellici etiam vastioris, quod plures mortes, quàm glòbos vomat, ictum nihil formidet, onus tamen matrimonij subire, vel talis vitæ pondera excipere non audeat, non quòd non sit valde sanctus ille status, in quo beatitudinem sibi comparare possunt, qui eum profitentur, sed propter labores, curas, negotia, ærumnas, & defatigationes, quibus plurimum exposti sunt, qui vxoribus copulati.



Celebratissimus est tener, ac singularis amor Redemptoris mundi in Beniaminum suum Ioannem, quem actionum suarum humanarum, diuinarumq; scriptorem elegit. Crebrò hunc Christi erga se amorem confiteatur charus Discipulus, qui vix sui mentionem facere sciuit, quin hoc magnifico elogio, & illustri dilecti Discipuli appellatione se coornaret, dicens: *Quem diligebat Iesus*; quod in illius Evangelio sæpiculè reperias. Quibus verò ab effectis amorem superi Magistri erga Ioannem arbitramur, qui tantus fuit, ut vnum illum præ omnibus deperi-

Venerabilis Beda ait, multas causas esse, ob quas enixiore benevolentia profecutus Ioannem Dominus fuerit, variaq; erga illum egisse, ex quibus pronum sit æstimare, propensiore fuisse in illum voluntate, præcipuum tamen peculiaris, ac vehementioris dilectionis argumentum esse illud posse, quod ipsum à mulieris amore abduxit, cauitque ne coniugium iniret, demùm etiam tantà puritate donauit, ut virgo per omnem vitam maneret: *Vocauit Ioannem de nuptijs*, inquit ille Serm. de S. Ioan. Euan. To. 7. *Et ipse reliquit coniugem, Et secutus est eum, Et propter hoc amauit eum Iesus plus omnibus Discipulis, quia traxit eum de amore mulieris, Et castus permansit.* Quod Ioannes sponsus fuerit earum nuptiarum, quas Canæ in Galilæa celebratas ipse memorat, id sancti Antonini, Ioannis Maioris, Soci, Nicolai Lyrani, & aliorum multorum authorum constans habet opinio, quod alibi probatum dedimus. Dicit nunc venerabilis Beda: Absolutus Christus Ioannem à iugo Matrimonij, è captiuitate & seruitute, quæ illi minabatur, eum exemit, *propter hoc amauit eum Iesus plus omnibus Discipulis*; certè dilectionis enixioris, & flagrantioris hoc luculentum inditium dedit, quod à graui coniugij onere illum liberauit, & posthæc Discipulum suum fecit. Nam quod illū à nuptijs auocatum collegio suorum Discipulorum adscripsit, tale quid est, ac si ex aspero senticeto, aut rudi spinosaq; sylua euulsum in hortum rosas, cariphyllis, alijsq; id genus leætissimis, elegantissimisq; floribus omni ex parte constitum transulisset.

Sic enim Antiphanes apud Stobæum serm. 68. Tom. I. aiebat: *Infortunium extremum nuptia sunt*, & infelicitatum, calamitatumq; quæ accidere in hac vita homini queant, quædam summa, propter ærumnas, & afflictiones, quas in hoc statu pati necessum.

Sanctus Ambrosius in exhortat. 2d Virg. dum indagat, vnde nuptiarum etymologia suam duxerit originem, vult nuptias à nubibus dictas, inquit:

*Nubes itaq; sunt, Et graues nubes, quæ nupserint, nã quo à nubibus verbum nubentium tractum arbitror, Et Ecce graues nubes, quæ sustinent sarcinam matrimonij.* Quando per verni temporis dies videmus obsecrari cælum, nubemq; densam, nigricantem, ac grauidã inde aduenire, quantū hæc res metū adfert! Videas alios toto corpore, & artibus omnibus contremiscere impendentis nimbi timore perterritos, alios à terribili eius aspectu fugere, veritos ne fulminarem aliquem radium abortiat, qui omnia in cinerem vertat, in quacunque inciderit. Exorcistæ conceptis scripturæ diuinæ verbis, & fide animos eam adiurant, vt solutam, effusamq; illius feritatem infrenent. Omnes Deum precibus, ac votis interpellant, rogantes, vt incommodum, quod formidant, impediatur, auertaturque, atq; illud tunc vel maximè, quando vident omnibus ab imminente imbre frugibus certum imminere exitium, & indubitatam fatem, plantisq; vniuersis paratam vastitatis perniciem.

De nuptijs ergo sic nunc pronunciat Beatus Ambrosius: *Nubes sunt, Et graues nubes*, graues curarum grandinibus, graues solitudinum fulminibus, graues inquietudinum radijs, graues miseriarum plurimarum largifusis nimbis. Hæc on nia status ille ærumnolos fert secum. Cùm itaq; de nuptijs celebrandis agitur, cùm de ineundo matrimonio fit sermo, quis non contremiscat, si curas tamen, miserasq; cruciabilissimi illius status perspectas habeat? Quis non vehementer timeat tanquam si crassam aduolare nubem videat, quæ fulgura, grandines, inundationes, interitumq; vnum omnibus proximum comminetur? Talia nimirum, & his cùm plura, tū deteriora, & æcerbiora inueniri apud nuptios solent, inprimis, vbi sub impare iugo, inter perpetuas offensiones, alterationes, animorumq; simultates cœus illud fertur, & luctuosa vita agitur.

Hanc ob rem Socrates apud Stobæum serm. 68. Tom. I. interrogatus, quos homines maximè poeniteret eorum, quæ semel egissent, respondit: *Qui uxores duxerunt*; quo significare voluit, luctum, miseras, tœdia, quæ ex alijs factis nascuntur, tolerabilia esse, verum matrimonij miseras, & infelicitates nullum vel leuamen habere, vel solarium, itaq; nec mirum, quod ex solis nuptis fiant poenitentes, vt artifices industrios longum experimentum parere solet.

Huc respexit celebratissimus ille legislator Lycurgus apud Stobæum iterum serm. 68. quando cuiusdam sciscitanti, cur non grauiorcs poenas in eos decerneret,



cerneret, qui nuptias defugiebant, ut sic eos ad officium cogeret, respondit: *Grave onus est mulierum, velut dixisset: Non deo tam subauferus esse in meis legibus, non tam immodicè rigidus in decretis, ut Lacedæmonijs meis inuitis, ac repugnantibus tam molestum onus, quàm est mulier, per vim iniiciam, quacum plurimas sollicitudines, per uigilia, curas, ærumnasq; tantas quisq; in ædes suas introducit, quâtas domi suæ experietur quisquis coniugatus.*

Quærit Franciscus Georgius Problematum suorum sect. 3. Num. 119. cur Isaac eo tempore, quo sciebat nuptiarum suarum causam alibi tractari, deambulabat per Syriam, quæ ducit ad Putem, cuius nomen est Vuentis, & Videntis, & egressus fuerat ad meditandum, inclinatâ iam die, Gen. 24. v. 62. & 63. Secessum petiisse, ut precationis studio expeditius vacaret, conspiranter affirmant Interpretes, indicatque Paraphrastes Chaldaus, cum sic transfert: *Exierat ad orandum.* Notat verò Procopius, valde attentam, flagrantemq; fuisse orationem, cui tunc operam dabat.

At cur per illas horas tam ardentem ad preces incumbebat, tamq; amanter, & enixè Deum obsecrabat?

Respondet Franciscus Georgius: *Nonne fieri debuit in negotio tam arduo, quàm est indissolubile vinculum matrimonij?* Erat Isaac in eo, ut proximè coniugium iniret. Nouerat inexplicabilem esse nexum, quo cum se vxori adstringebat, simul grauissimum humeris suis onus imponderet, quod decutere, aut abijcere nunquàm posset. Eapropter oratione se ad hanc rem præparabat, utq; eam feruentior promeretur flagrantis animi affectus, in solitarium locum secedebat, ubi cum nihil esset, quod cogitatus ab oratione aliò abstraheret, tota mentis contentione vacare Creatori suo posset. Et hæc procul dubio causa est, quòd Isaac, ut sacer Textus monet, *cum quadraginta esset annorum, duxit uxorem Rebeccam*, Gen. 25. 20. Tam negotiosum enim opus, tam operosum negotium, tam confusus spinis, tam confertus tribulis, tam obnoxius afflictionibus, & sollicitudinibus status, nisi ab aduatore, & matura iam, consultaq; ætate virò rectè suscipi non potest. Trito apud nos adagio dicitur: *Antes quæ vno se casu, es necessario mirari loquebare;* hoc est: Qui uxorem ducturus est, is ante, quid agere instituat, necessum ut præuideat. Sed quomodo hoc præuidere queat, qui iugi, quo se grauatur, & oneris, quod sibi assumit, atq; imponit, notitiam habere non potest?

Itaque & Oleaster cum in hanc considerationem

incidit, quòd Isaac non nisi processioribus vitæ annis matrimonio se addicere voluit, sic ait: *Non possunt non taxare nostri temporis homines, qui filios suos vix viginti annorum uxorem coniungunt, qui non solum domum suam regere nesciunt, sed nec seipsos.* At si eius ætatis adolescentes tam non rectè procurare familiam, remq; domesticam, quàm nec seipsos moderari possunt, quid de ijs dicemus, qui cum talibus sint inferiores & iudicio & annis, matrimonij onera nihilominus suscipiunt?

In hanc rem Vide Tom. II. Periocam II. Domini- ca II. post Epiphaniam pag. 409. a. 9. atq; ibi pulchra.

## CAPVT III.

*Nullum tale connubium, quale risus cum patientia, nemo enim adibit gloriam, nisi ante subierit poenam.*

Cum ad nostram doctrinam scripta sint, quacumq; scripta sunt, ut ait Doctor Gentium Rom. 15. 4. institutioni nostri Politici non parùm commodabit, si attentus consideret mysteria harum sacrarum nuptiarum, & coniugij Isaac cum Rebecca. De illo sic ait Scriptura: *Accepit eam*, puta Rebeccam uxorem, Genes. 24. 67. Res bene explorata est, quæ sæpè diximus, & nemo, quantum existimò, ignorat, nomine Isaac significari risum: Hoc loco autem necessum est animaduertere, Rebeccam ex sanctorum Hieronymi, Cyrilli Alexandrini, Venerabilis Bedæ, Nicolai Lyran, Santis Pagnini, Laureti, aliorumq; notatione idem esse, quod patientiam. Quid verò mysterij habere possit, quòd mutuo copulata sunt, datiq; dextris iugalia fœdera inierunt risus, & patientia? Illud haud dubium, ut intelligeremus, quàm coniuncta fiat in domo Dei, quàmq; coniugata, pati, & ridere, fatigatio, & quies, poena, & gloria, sic tamen, ut prior quiete sit lassatio, labor otio anterior. Hæc nempe lex est, quam supremus Legislator sancit, & Paulus promulgauit, quòd nulli diadema obtinget, qui non ante in palæstra huius sæculi masculo animo strenuè pugnarit, vitæq; præsentis ærumnas magna cum patientia tolerarit: *Qui certat in agone, non coronabitur, nisi legitimè certauerit;* 2. Tim. 2. 5. Nam putare quòd gloria gloriam, & quies quietem alia aliam excipiet, & quòd cæli gloria gaudebimus absque toleratis ante huius vitæ aduersis, est error, quem & sacræ literæ damnarunt, & falsum esse experti sunt, quosque nunc Deo fruuntur, qui lapides sunt istius semper-



ni ædificij, sed tunctionibus, pressuris, istibus expo-  
liti, & ad ornamentum superæ basilicæ elaborati.

Abiecit Dominus regem Saulem pro violata o-  
bedientia, dein verò hoc egit, vt alium, constitueret  
populo Principem, virum secundum cor Dei, vt is  
filijs Israël imperitaret, eosq; moderaretur. Vn-  
gendi illius in regni iuratum Principem mandata fe-  
rebat Samuel, de quo sacer Scriptor 1. Reg. 16. 13.  
ista: *Tulit ergo Samuel cornu olei, & unxit eum in*  
*medio fratrū eius, quibus neglectis, ac repudiatis*  
*solus Dauid delectus ad coronam, solus purpurā, &*  
*sceptra dignus, solus Rex inauguratus fuit. Fecit*  
*hæc Samuel, atq; ita abiit.*

Rupertus in hanc rem sic ferè ait. Qui tale quid  
ad eum modum agi vidisset, filiorum Isai natu mini-  
mum Dauidem magis ferro constrictum, & seruituti  
addictum, quam vnctum in regem cogitare potuisset.  
Nam qui, sacram historiam attentis percurrerit  
oculis, videbit, quòd ille à Samuele regno initia-  
uit, perinde fuisse, ac si persecutionibus, calumnijs,  
facultatum discriminib; honoris dispendio, vitæ peri-  
culo, solisq; ærumnis, ac miserijs omnibus conse-  
cratus fuisset. Illum nempe & fratres vexabant, &  
Saul persæpe quærebat, bibendi sanguinis illius  
percupidus, & nulla externa natio tam securum ha-  
bebat, quin de vita crebro periclitaretur. Quando  
tandem ergo imperabit ille delectus ad coronam,  
ille vnctus in regem?

Respondet Rupertus lib. 1. cap. 27. in lib. Reg.  
*Non statim sceptriger in solio sedet, purpurā insignis,*  
*& diademate clarus, sed coronā aureā splendens, sed*  
*prius egenus, & vagus, profugusq; errauit, & exul*  
*omnibus quoq; modis, prius amaritudinis totius, &*  
*infelicitatis, quàm nectareos, aut mellitos Regum po-*  
*culi liquores epotauit. Vngitur in Regem Israël, an-*  
*te autem, quàm illustrem purpuram vestiat, aut ra-*  
*diantem capite coronam excipiat, & sublimem re-*  
*galis throni sedem occupet, pauper, miser, ærum-*  
*nosus, per montes, per antra, per sylvas, perque o-*  
*mnes iniquioris fortunæ iniurias exul, ac profugus*  
*raptatur, neq; prius ex auro ambrosiam promissi*  
*regni haurit, quàm è vase fictili amaritudinem toti-*  
*tius miserix combibat. Cur ante tam calamitosus*  
*fuit, quàm regnaret? Si regni illi spes facta, si in-*  
*unctus imperio Dauid, si à Deo coronæ deputatus,*  
*cur prius, quàm sceptrum manu vsurpet, aut tem-*  
*pore laurus cingat, tot aduersis afflicatur, tot exagi-*  
*tatur malis, ipsasq; non rarò mortis in manus in-*  
*cūrrit? Monemur tali exemplo, quòd tamen in*  
*baptismo vncti sumus reges, & inaugurati Principes*

æternæ coronæ gloriæ, necessariò tamen animadu-  
endum, prius, quàm eius possessionem incamus,  
Dauidis fortunam nobis subeundam, sic vt ante pa-  
tiamur, famem, sitim, lassitudinem, & alia id genus  
incommoda, quàm beati regnemus in coelis, nemi-  
ni enim sceptrum quietis obueniet, nec orijs purpu-  
ram æterni quiscquam vestiet, qui non illa sibi affli-  
ctionum, & ærumnarum fortiter toleratarum vi cõ-  
pararit.

Sponsa de Canticis aiebat, non posse quin duplex  
iter susciperet, quorum alterum ad myrrhæ mon-  
tem, ad collem thuris alterum duceret, inquiens:  
*Vadam ad montem myrrhæ, & ad collem thuris;* Cant.  
4. 6. Esse hunc ænigmaticum, & metaphoricum lo-  
quendi modum, facile est intelligere, vbi enim seu  
montes myrrhæ, seu colles thuris reperiri queant?  
Hoc ita cõstituto, quæro quid sibi velint hæc duo, à  
Sponsa suscepta itinera, atque ita suscepta, & perfe-  
cta, vt necessarium duxerit, ante myrrhæ montem  
pertransire, quàm ad collem thuris peruenire? Ne-  
mo in sacris literis versatus ignorat, myrrham, pro-  
pter suam nativam, & ingratham amaritudinem, esse  
tribulationum, & ærumnarum symbolum. Quid e-  
nim tam obuium in libris SS. Ambrosij, Hierony-  
mi, Bedæ, tum Laurentij, Ricciardi, Pagnini, Bercho-  
rij, & Hierij, quàm istud. Quòd etiam thure repræ-  
sentetur immensa Dei maiestas, id constitutissimū  
apud eosdem authores, quibus accedunt Haymo,  
Eusebius Emisenus, & Iuuenius Hispanus, qui  
versu pene vnico, cui non parum applausit Beatus  
Hieronymus, mysticam donorum à tribus Regibus  
Magis oblatorum significationem perstringens, ita  
canebat:

*Aurum, thus, myrrham, Regiq; homi-*  
*niq; Deoq;*  
*Dona dabant.*

Causa autem significatæ per thus Deitatis hæc est,  
quod id huc consecratum esset, vt supremæ Diuini-  
tati offerretur.

Quid ergo mysterij habet, quòd Sponsa, vt in col-  
lem thuris peruaderet, myrrhæ montem prius per-  
transiuit? Cur hoc illi tam necessarium visum iter,  
quasi putarit, ad illum penetrare non posse, nisi per  
hunc prius viam institueret?

Respondet sanctus Gregorius Nyssenus hom. 6.  
in Cant. dicens: *Per hoc ostenditur, quòd qui cum*  
*Christo fuerit myrrha particeps, omninò erit etiam*  
*particeps thuris, nam qui fuerit cum eo passus, simul*  
*etiam conglorificabitur. Quòd per montem myrrhæ,*  
*quæ est symbolum passionis Christi nostri Redem-*  
*ptoris,*



ptoris, perrexit Sponsa, vt in collem pertingeret thuris, quod est Deitatis hieroglyphicum, eâ re significatum fuit, vt quis in æternæ illius gloriæ collem penetret, fieri non posse, nisi asperum amaræ myrrhæ montem ante ascenderit, ac pertranferit. Nulla enim cuiquam obuinit sine labore corona, nulla sine sudore palma, nulla sine delassatione priore quies.

Cum Patriarcha noster Isaac filium suum Iacob (quem tamen arbitrabatur esse Esau) benedicere institueret, mirum est quàm multa semel, ac sæpius illum interrogauit, quàm crebro attrectauit, quàm studiosè examinauit, antequàm illi osculum daret pacis, ac benedictionis, quam illi ex Deo optaturus erat. Prius comedit, prius tetigit, posthæc demùm benedixit. In hanc rem sic scribit Moyses Gen. 27. v. 21. 24. 25. 26. *Dixitq; Isaac, accede huc, et tangam te, fili mi, &c. Tu es filius meus Esau? &c. Affe- fer mihi cibos de venatibus tua, &c. quos cum oblatos comedisset, &c. dixit ad eum, accede ad me, & da mihi osculum.*

Hugo Cardinalis in hanc rem istud submonet: *Nota quod non statim receptus est Iacob ad osculum patris, sed post tactum, post prandium, tunc demùm fit osculum.* Quid nobis eâ re præfiguratum, indicatumque fuit? Respondet Hugo: *Tunc demùm fit osculum, id est, post patientiam flagellorum, & fortitudinem bonorum operum.* Quod Iacob patrem conuenit, ab eoq; sibi benedici rogauit, is verò non statim exorari se passus est, verùm cunctatione, & variâ percunctatione moras gratiæ, quæ expetebatur, attulit, priusq; et tetigit, & de manuum eius labore cibos sumpsit, hoc factum, vt disceremus, eum, qui osculum pacis, & quietis æternæ suspirat, & primogenituram voluptatis, & felicitatis illius perpetuæ obtinere cupit, debere prius à Deo flagello afflictationum temporalium tangi, suisq; ponderibus examinari, qualis sit, quàm fortis ad toleranda aduersa, quàm strenuus ad tractanda bona opera, ac postquam hoc exantlatorum legitime laborum, studiorumque in virtutibus colendis ritè collocatorum examen subiit, tunc demùm fit osculum, tunc in gradum æternæ beatitudinis euehitur, ac promouetur.

Diligenter notandum id, quod Dominus præcepit nouo populi sui ductori, quando ad occupandam terram promissionis pergebat. Voluit euerri Ierichuntem, & ciuitatē Hai solum affligi, sic vt hominum nullus omnino, qualiscunq; esset, maneret superstes locorum illorum excidio. Verùm animaduertendum, quod de Ierichuntis euerfione sic dici-

tur: *Quidquid auri, & argenti fuerit, & vasorum aeneorum, ac ferri, Domino consecratur, repositum in thesauris eius; Iosue 6. 19.* Cum autem urbem Hai in rudera detrahi, ferroque ac flammâ vastari iuberet, id ita fecit, vt suppellectilem, vestes, monilia, pecora omnia inter milites, eorumque duces diuidi permitteret, inquit: *Pradam, & omnia animalia diripietis vobis; Ios. 8. 2.*

Hinc nunc quæstio suboritur, quamobrem in cæde, & strage Ierichunti illatâ tam seuerè prohibuit Dominus, ne quis regularum istius ciuitatis vel minorum quidpiam sibi retinere auderet, idque tam exactè obseruari voluit, vt Achan, qui hanc temerè violârat iussionem, lapidibus obrui, facultatesque illius omnes subiecto igne concremari præcepit, cum in ciuitatis Hai excidio totam illius suppellectilem, copias omnes potestati, libidini, spoliatiōi militum permiserit, dicens: *Pradam, & omnia animalia diripietis vobis? Quid amplius habuit Iericho, quàm Hai? Cur Ierichuntis nihil contingere licebat, cum rebus Hai quibuscunq; afferre manus possent?*

Respondet eruditissimus Andreas Masius in cap. 8. Iosue, inquit: *Nullam operam contulerant milites ad expugnandam Ierichuntem, at hic aliquis est militaris virtutis & flos.* De Ierichunte sic ait sacrum oraculum: *Iericho erat clausa, atq; munita; Ios. 6. 1.* editis, vastisq; muris validè incincta. Atque hi muri quomodo corruerunt in terram? Absque vilo ducum, militumq; sudore, aut labore, ad aspectum Arcæ, simulatq; increpauerunt sacræ iubilæi buccinæ omnia illius ciuitatis munimenta solo æquata fuere: *Populo vociferante, & clangentibus tubis muri illic corruerunt; Ios. 6. 20.* Itaq; populus non diligentia, non laboris alicuius singularis impendia fecerat, vt vallis eam urbem nudaret, propugnacula illius deijceret, fossas aquâ exhauriret, impleret lignorum fasciculis, arces demoliretur, turres prosterneret, tantum circumierat eam, buccinis insonuerat, & voces aliquas dederat, & hoc solum, quantum Deus! studium huc verterat, urbem vt euerteret. Secus in expugnatione ciuitatis Hai accidit. Ibi enim dicebat Dominus ad Iosue: *Pone insidias urbi post eam, stratagematis, artibusque & astibus militaribus ad eam subigendam vtire, quod cum sanctissimus ille Imperator, tum exercitus eius totus per diligentem fecit. Hic verò, hic industria, ingenium, cura, studium strenui ducis eluxit, hic disciplina, & vigilantia enituit. Et Dominus: Hic ergo sibi habeant expugnatores suppellectilia, monilia, & reliquas*



reliquas opum copias, puta brutas pecudes ciuitatis Hai: *Pradam, & omnia animantia terra diripietis vobis*; hic enim sudauerunt milites, hic vires suas exprompserunt, sollicitudinemque & vigilantiam maximam adhibuerunt: At in obsidione, & occupatione Ierichuntis non accipiant, non vel digito libenteriam vilissimam quampiam eius ciuitatis reculam: *Videte ne quidpiam contingatis*; nihil enim hic præclarè, fortiterque ab eis gestum, nullum alicuius momenti facinus editum: *Nullam operam contulerant milites ad expugnandam Ierichuntem*. Vbi ergo nullus fuit labor, nec sit præmium, vbi nulla defatigatio præcessit, nulla sequatur corona, vbi nullus siue sanguis funditur, siue sudor vertitur, ibi etiam neque palma, neque laurus expectetur: Verùm in expugnatione, ad quam plurima sollicitudo, vigilia, stratagemata adhibita fuerunt, vti factum, cum ciuitas Hai subacta, ibi oportet erogari præmia, fieri remunerationem. *At hic aliquis est militaris virtutis & fidei.*

Hiscæ mysticis iussuionibus, & decretis voluit indicare Dominus, illum posse sibi in ipsius domo promittere coronam, illum expectare laurum, sperare præmium, qui vt strenuus miles laborarit, qui pugnat vt animosus belli ductor, non verò otiosum, non malè feriatum, qui suæ voluptati tantùm studet, & vitiosas confectatur delicias. Soli enim labori paratæ sunt coronæ, soli præsentium ærumnarum tolerantia sua est quies constituta. Otium æternum legitimus hæres est, & successor sanguinolentæ colluctationis, contentiosi certaminis, quod contra nostras infrenes cupiditates, & immoderatas appetitiones, & carnis perniciem, & mundi vanitates, & insidias diaboli suscipitur. Huius contrarium (cheu malitiam!) in palatijs, & aulis Regum accidit, vbi sæpè indignis præmia decernuntur, & præfecturæ tribunalium quidem ignorantibus, & imperitis, belli verò administratio meticulosis, & ignauis, dignitates otiosis, rudibus tyronibus prima stipendia, mitræ idiotis conferuntur. Non sic in rectè instituta domo, & aula Supremi Domini, vbi nemini conceditur corona, nisi qui manus cum hoste fortiter conseruerit, nemini immarcescibile diademam immortalitatis tribuitur, nisi qui multas aduersitates æquanimiter acceptas suæ patientiæ testes produxerit. Denique nemo ibi gaudebit, qui non hic ante in mœnore fuerit.

Quid enim? Læeturnè ibi aliquis, qui non hic ante in tristitia passionis fuit! Adeatne quisquam illam possessionem, pro qua non prius hic defudauit

Videte quid sanctus Archangelus Gabriel cœlorum Reginæ dicat, quando ei nuntiatum venit, quod gloriosa mater futura esset non inferioris Filij, quàm cui Pater æternus erat: *Ece concipies in utero, & paries Filium*, inquebat ei Lucæ 1. 31. tanquàm dixisset: Vide tuam, castissima Domicella, felicitatem, in eburneo namque, & castissimo ventre tuo hospitium sibi deliget, vt sit filius tuus ille, qui est ipseus Dei summi Filius vnicus.

Hæsit in hoc dicendi modo Sanctus Petrus Chrysologus, quo hac vice vsus fuit Archangelus, & non item, quando huius splendidissimi Solis pulcherri-  
mum Luciferum, Ioannem dico, nasciturum annuntians Zachariæ, aiebat: *Vxor tua Elizabet pariet tibi filium*; Luc. 1. 13. Cur non similiter ibi ad Virginem dicebat: *Concipies, & paries tibi Filium*? Cur absolute affirmat, & inquit: *Concipies, & paries*, neque addit illud, *Tibi*, quod Zachariam allocutus addebat?

S. Chrysologus serm. 142. ait: *Non dixit Tibi, non dixit Tuum. Quare?* Quid causæ, quod hanc miraculosam Filij Dei conceptionem & natiuitatem sic annuntiari voluit, vt videatur non pertinere ad Sanctissimam Virginem, in cuius intaminatissimis visceribus absconditum hoc Incarnationis sacramentum celebratum fuit?

Id ex verbis Chrysologi accipiemus, quæ sic habent: *In tuo conceptu, in tuo partu creuit pudor, augetur castitas, integritas roborata est, est solidata Virginitas, omnes perseverauerunt virtutes. Virgo si tibi salua sunt omnia, quid dedisti?* At si nihil hic deperijit Virgini, si integra illi, atque inoffensa cuncta permanferunt cum Dei Filium concepit, quidnam huc contulit? Quibus impensis hunc sibi Filium parauit? Cum plurimæ hinc rationes, nulla tamen reperiri videtur, ob quam Maria Christum vocet Filium suum.

Tantundem ego cuiusque gloriæ, & quietis æternæ ambizioso dico. Christianorum omnium vnum votum est; frui cœlo, & illâ beatitudine sempiternum duraturâ. Viri proceres, ac mulieres Principes felicitatem desiderant perpetuam, sed ita, vt pro eius adptione non vnus alicuius diei aduersæ iniurias pari, non insomnem tolerare noctem, non tantillum suis cupiditatibus, & prauis appetitionibus detrudere velint, non vel hoc agere, vt pro Deo prætermittant ludum, intermittant obambulationem, omittant hortorum, comœdiarum, hominum otiosas, & noxias frequentationes, remittant de supercilio, & autoritate, dimittant delicias, & relaxationes,



xationes, quas intemperantia commenta est, & vanitas excogitauit humana: Et postquam cuticulam suam studiosissime accurarunt, & indulgentissime habuerunt, Patrem æternum appellant: *Aduentat regnum tuum*; *March. 6. 10.* gloria tua coheredes, & palatini cœlorum esse velimus. Sed heus tu, quisquis ista optas, & precaris Princeps, seu vir, seu femina, si tibi salua sunt omnia, quid dedisti? Gloria afflictatione carnis, ciliciorum gestatione, pœnitentiæ laboribus, spontaneæ tolerantia famis, & sitis, flagellatione corporis, mortificatione cupiditatum, malarum, pertinaci orandi studio, taliumque rerum pretio comparatur: Vos autem voluptatibus vestris ne hilum quidem detraxistis, & flagrorum acerbiteriam nullam hæcenus vel primis, vt aiunt, labris gustastis, mortificationis omnis, & pœnitentiæ tam ignari estis, quam qui prorsum nescij, quomodo ergo, dicite mihi, vultis illo regno frui, pro quo nulla impendia fecistis? Occurret mihi illustre, & Princeps par hominum, dicetque, sic esse viam è Palatijs, & mollibus vestibus ad cœlum, vt è monasterijs. Verum est, quod aiunt, ex aulis enim, & eburneis lectis nonnulli cœlos petunt, aut ex asceterijs quidam, & duris stratis ad astra vadunt. At velim dicant mihi, quotiani Reges, Principes, Duces, Marchiones, Comites albo Sanctorum hoc tempore adscribantur, & qualem vitam duxerint olim ij, qui catalogo illi iam sunt inserti. Res in aperto est, quod hyssum cum cilicijs commutarunt, & precibus dederunt otium, quod consulationibus dare soliti, & inedia se addixerunt, qui vacare conuiuijs consueuerant, & omnium vestium procul à se abdicarunt luxum, & profana Palatia in sacra, & religiosa oratoria verterunt: Verum non parcere ludo, non præterire pratum, per quod non lubricis prælicenter tua luxuria feratur pedibus, in obscenas amicitias, & sæculares stultitias prodigere Dominiotum suorum proventus, qui à Deo ad subleuandas pauperum necessitates sunt concessi, quis hæc gloriæ merita dicat, nisi fortè cæcus quidam atheus, aut spurcus sordidi Epicuri de grege porcus? Et si contra opponat Politicus cœlorum, flagra, ieiunium, inedia, pœnitentiam, clausuram, solitudinem, appetentiarum prauarum castigationem, & coercitionem Acetis religiosi seruata esse, respondebo, eisdem etiam gloriam, & quietem æternam, & beatitudinem, & Dei visionem seruata esse. Nisi enim per hos gradus ascendas, & hanc viam teneas, peruenire ad possessionem quietis, & felicitatis æternæ non potes.

*Vide Periocham II. Dominica XVIII. post Pentecosten Tomo II. pag. 252. & quæ ad calcem illius subnotata. Vide etiam Periocham IV. Dominica I. post Epiphan. pag. 401.*

CAPVT IV.

Ex magnitudine sumptuum, quibus peccator breuem ac momentaneam voluptatulam sibi parat, potest felix lustrus æstimare, quam paruo sibi duraturam semper à Deo quietem emat, tam ex quo enim, ac vili eam sibi nundinatur, quantumcunq; pro illa erogat, vt velut inuenisse in compitis, aut furto sustulisse videatur.

Politico nostro videbor nimium quantum verbis extulisse doctrinam capituli superioris, ingenique, ac permagnum esse pretium, quo venditur cœlum. Verum tam nihil me pœnitet doctrinæ suprà traditæ, vt amplius dicam, tamen si summum, & extremum pretium regno cœlorum constituissim, peruelle hoc in illo emendo collocare. Addo, quod si nostro rudi more loquendi de hoc negotio disseramus, posse dici Deum velut fraudem pati, quoties rem tantam tantillo vendit. Videamus quanti constet misero peccatori suæ brevis, & momentanea delectatio, quidq; illi detur in hac vita pro cruciatu, quem in futura sempiternum luet, atque inde accipiemus, Iustum tam exiguo comparare sibi gloriam, vt gratuito eam accipere fateri debeat, quantumcunq; sanguinem pro illa fundat, & qualescunque siue corporis afflictationes, siue pœnalium operum labores ad hanc rem vertat: Pro falsa, & fugacissima voluptatula comparat sibi cæcus peccator, secundum præsentem iustitiam, nihil minus quam atrocem pœnam, quæ totam Dei æternitatem exæquabit. Adhæc animæ iacturam facit, quæ non minore, quam sanguinis Christi impendio reparata fuit, & monile tam pretiosum est, vt ex aduersa parte eiusdem sanguinis ad eandem libram expendatur, quasi Deum valere videatur, vt ait Eusebius Emislenus. Si quis adamantem, qui centum millibus ducatis æstimatur, pro vno teruncio dari videret, quid de tali venditore diceret? Stultum, prorsumq; anentem pronuntiaret eum, qui rem tantam pro tam vili, ac nihilo pretio erogaret. Sed perexigua est hæc comparatio ad rem, qua de agimus, explicandam. Quid enim est adamas, qui etiam totum mundum pretio superet, si cum anima conferatur? Secundum hæc ergo, si miser peccator fœdam, & imaginariam voluptatem non leuiore, quam animæ



suz, tam incomparabilis monilis, sumptu emit, & post hoc dispendium nihil lucri facit, nisi quodd se inferni vernulam facit, in quo intolerabiles pœnas æternum dabit, quid mirum, quodd Dominus pro gloria vera, & semper duratura temporariam, momentaneamque passionem exigit?

Ah! quàm infructuosè miseri reprobi in illis Inferorum trëmibus (vbi perpetuum inter ardentissimas flammis remum trahent) & deplorabunt, & dicent, quod Ionathas patri suo Sauli, qui cum publico edicto sub certa capitis pœna cauisset, ne quis, ante confectum cum Philisthæis bellum, quicquàm cibi sumeret, & hanc à filio violatam iussionem intellexisset, adeoque neci eum dedere vellet, prius, quidnam fecisset, interrogauit, quando ille hæc multis cum lacrymis effleuit: *Gustans gustans in summitate virga, quæ erat in manu mea, paululum mellis, & ecce morior*; 1. Reg. 14. 43.

Notandum hîc, quod est apud Hugonem Cardinalem, nimirum Scripturam hoc in loco per eiusdem verbi iterationem de rei magnitudine detrahere, quâ alioquin ferè ad amplificandum uti solet. Verba illius in cap. 14. 1. Reg. sic habent: *Hic præter solitum morem geminatio notat diminutionem, cum sæpius notet augmentum, & ibi, Benedicens benedicam.* Voluit ergo Ionathas cibi paucitatem extenuare, ut exaggeraret gravitatem pretij, & exiguum illud, quod comedit, plurimum defleuit, ut sumptus, quos in eo fecerat, extolleret, & tale ferè fuit, quod dixit: Quodd tantilli mellis delibatio mihi vitæ, rei omnium carissimæ, & expetitissimæ pretio constet, durum telum est, & acerba miseria.

Mel istud, ex Petro Berchorio, Laureto, Ioanne de S. Geminiano, & Pierio, caducas delicias, & falsas, fluxasque huius vitæ voluptates significat. Hoc ergo est, quod infelix damnatus inter suos cruciatus sempiternos gemebundus plangit, dicens: *Gustans gustans paululum mellis, & ecce morior*; ô quàm miserè circumuentus, & cæcus mercator fui, qui pro voluptatula momentanea, eaque umbratili, & fictitia hanc mihi pœnam æternam nundinatus sum, & animam meam, tam inestimabile monile, vendidi!

Putas non expectoraliter suspirauit, non ipsos penè cum lacrymis oculos effudit Sanctus Ambrosius lib. 2. de interpellat. Iob. c. 7. cum ait: *In exigua delectatione amaritudo perpetua est.* Eheu stultos, præcipientes, oculis & mente captos mundi mercatores! qui pro fugacissima oblectatiuncula cruciatus, vobis æternos, & pœnas, doloresque nunquam desituros comparatis. Videte quidnam illud detis,

quidquid inuicem recipiatis. Vilem, eamque perbreuem voluptatem accipitis, æternæ autem sunt pœnæ, quas pro ijs dabit, paucillulum mellis est, quod hic gustatis, amaritudinis autem, & absynthij, quod ibi pleno ore, & corpore toto haurietis, nullus unquam finis erit.

Quid ergo queritur homo Christianus? Quid lacrymas inter quascunque illas aduersitates vertit? Quid dolet, & ægrè afficitur animo, quantumuis in hac vita mortali vapulet? Si peccator breuem voluptatem æternis cruciatibus luit, quas dare quærimonia potest iustus, cui pro temporaria passione datur gloria, cuius nullus terminus, paradisus, cuius amplitudo immensa, pulchritudo inexplicabilis, quies denique, cuius nullus finis? Quis hîc fraudem patitur? In priore negotiatione homo, in posteriore commercio Deo imponeretur, si circumscribi ille dolo posset, ut à quo iustus vilissimo pretio emit ditissimum, & pretiosissimum, & inestimabile monile beatæ, & æternæ visionis, quod tamen per magno comparare sibi videatur, vbi tamen hæreditario possidere cœperit, tam paruo emisse fatebitur, ac si inuentum gratis accepisset.

Vt constabiliam, quæ iam iam dixi, non possum præterire quædam præmodum trita Apostoli verba, ut ab ijs feliciter auspicer illius veritatis confirmationem. Cum sacer ille Prædicator apud animum suum reputaret ærumnas, calamitates, iugesque molestias, & aduersitates, quas fideles pro defensione prædicationis Euangelicæ, tutandaque eius immunitate patiebantur, ut spem illorum aleret, animosque confirmaret, hortabatur per literas, ferre fortiter, perseverare constanter in palæstra, & arena martyrij, quin & gaudere, ac lætari etiam, dicens: *Id enim, quod in præsentis est momentaneum, & leue tribulationis nostra, supra modum in sublimitate æternæ gloriæ pondus operatur in nobis*; 2. Corinth. 4. 17.

Glossa Angelica, S. Anselmus, Hugo Cardinalis, Haymo, Dionysius Carthusianus, & alij magnum in his Pauli verbis mysterium inuenerunt. Res quatuor Apostolus posuit, & his alias quatuor ex aduerso opponit. Prima est vita, quam hîc viuimus morituri: *Id quod in præsentis*, subaudi, vita, seu tempore. Secunda est momentanea duratio calamitatis, aut aduersitatis, quam patimur. Tertia est illius leuitas. Quarta tribulatio ipsa: *Momentaneum, & leue tribulationis nostra.* Atque hoc est pretium, quo constat id, quod emendum. Videamus nunc quid pro tribulatione nostra, eaque præsentis, momentanea, & leui reddatur. *Supra modum in sublimitate æterna*



*æterna gloria pondus operatur in nobis.* Dicit nunc Glossa: *In sublimitate contrā id, quod in præsentis, æternum contrā momentaneum, gloria contrā tribulationem, pondus contrā leue.* Nemo itaque de emptione queri potest, qui præsentibus futura acquirit, & rei grauis lucrum leui facit, & pro momentaneo æternum nanciscitur, & tolerantia tribulationis comparat gloriam, non alteri, sed sibi, ipse namque est, qui omnibus illis bonis, illā gloriā, & opibus fruatur. Quā contrā misero; & cæco peccatori euenit! quandoquidem eā, quæ in præsentis est, voluptate futuram sibi pœnam mercatur, momentanea oblectatione æternitatem inferni acquirit, leui recreatiunculæ graue supplicium comparat. Gaudet Iustus suā tam felici, & fortunatā sorte, qui tantillo malo, quod tolerat, tam ingens bonum sibi nundinatur, & tam magnum pondus gloriæ tam leuibus, & momentaneis pœnis lucratur, quod ille velut gratis assequitur, quantumcūq; illud sit, quod ad gloriam promerendam, & adipiscendam impendit.

Ad lucem huius doctrinæ possumus vindicare Theophylactum à reprehensione, quā moderni aliqui eleuant illius commentarium, quo Scripturæ quendam locum illustrare voluit. Res est, quod ille nobilis, diues, & religiosus senator Ioseph, vt ferunt Euangelistæ, postquam vitæ author in probroso Crucis stipite animam egit, audacter, magnoque animo ingressus ad Pilatum præsidem, gratiam cadaveris Dominici sibi fieri obsecrauit, vt supremi honoris officium illi impenderet. Pilatus simulut expirante Redemptorem certò accepit, exorari se passus *donauit corpus Ioseph*, vt est apud Marcum 15. 45.

Theophylactus in c. 28. Matthæi, cū in huius rei commentatione versaretur, sic scribebat: *Quum Ioseph diues esset, & verisimile est, quod Pilato aurum dederit.* Nam cū Dominus facinorosi, ac turbulenti hominis exitimatione laboraret, perarduum fuit impetrare, vt honorifico sepulchro à morte inferri posset. Hæc autem difficultas nullā re sic auferri potuit, vt auro, quod est aries, quo obfirmatissimæ, & validissimæ portæ steruntur, & machina fulminaris, quā fortissimæ arces deiiciuntur, & cuniculus, quo toti montes funditus euertuntur. Itā sentit Theophylactus, inquiens: *Porro pro magno donatum est illi corpus Iesu, nam cū & seditiosus esset, occisus, reliquum erat, vt insepultus abijceretur.* Alui, & ventriculi animalium erant olim tumuli maleficorum. Quod cū aduerteret Ioseph, vide-

retque quā arduam, inuistatamque, & pugnātem cum more communi rem peteret, inprimis cū flagitaret corpus Christi, qui efferatos, insensibilissimæ habebat æmulos, *Verisimile est, quod Pilato aurum dederit*, inquit Theophylactus.

Hoc loco quidam neoterici insurgunt in magnum Doctorem, voluntque deceptum in eo, quod ait, Christi corpus à Ioseph auro emptum, cuius contrarium ab Euangelio affirmari videatur, dicente Marco, quod *Pilatus donauit corpus Ioseph*, donare autem est gratis, & absque pretio aliquid concedere. Et verbum Græcum, pro quo noster vertit *donare*, eandem significationis vim habet, idemque est, quod gratuitò; absque solutione, remuneratione, compensatione, pecunia mutua quidquam dare. Secundum hæc malè dixit Theophylactus, cū ait, quod Ioseph magnam vim auri numerauit pro Christi cadauere, videtur namque Euangelista satis indicare, quod gratis, & absque vilo pretio donatum liberalissimè à Pilato fuit.

Verum hanc facile dilues obiectionem, si dicas, quod Theophylactus in media Græcia natus, & educatus, illiusque idiomatis peritissimus ignorare nequirit, quod illi opponitur, & securè affirmare potuit, quod Iosephi corpus Christi quadam, neque parua pecuniæ summā stetit, quanquam Euangelista asserere videatur, fuisse à Pilato donatum, siue gratuitò datum. Nam cū diuinum illud cadauer esset tam ingentis pretij gemma, & inestimabilis valoris margarita, & monile, cui aliud nullum comparabile, quantumuis auri, rerumque aliarum pretiosissimarum pro illo dedisset, & omnes semel totius orbis terrarum thesauros expendisset, nihilominus velut gratuitò donatum à Pilato accepisset. Quidquid enim pro illò erogari potuisset, quantumcūq; illud, comparatum cum tanti doni pretio, & præstantia, tam vile fuisset, vt velut inuenisse putare potuisset, qui etiam totius mundi opum copiis illud sibi comparasset.

Sic & vindicauimus Theophylactum, & confirmauimus rem, in qua versamur, simile enim quidpiam in causam præsentem dicere possumus, nimirum gloriam, beatitudinem, pulcherrimam Dei faciem esse tam ingens, ac sublime bonum, vt quantumuis patiamur, quantoscūque labores pro illius consecutione suscipiamus, & toleremus, totum sit paucum, leue, momentaneum, & perexigui momenti, cū omne illud, nostro modo intelligendi, tale sit, ac si cum gemmis paleas, fœnum cum argento, cum arolorum, vitrum cum margaritis cõponas.



Hinc elucescet nobis sensus quorundam difficultū Tertulliani verborum ex lib. de resur. carnis c. 51. ubi ut spiritum, & carnem, corpus, & animam inter labores, & dolores, quos in hac mortali vita patiuntur, consolaretur, aiebat: *Secura est ore, caro & sanguis, & surpassus & calum, & regnum Dei*, ferte vitæ præsentis qualescunque molestias, & ærumnas, vestris enim laboribus quies, vestris cruciatibus gloria est præparata. Est in his magni Africani verbis notandum illud, *Vsurpassus calum*, quod insignis illius interpretis studiosè animaduertit. Sed quid est *vsurpassus calum*? Eruditissimus Iuriconsultus Alciatus, Albericus de rosa, Alexander Scotus verbo *Vsurpare*, id exponent, quorum est illud: *Vsurpare est aliquem contra rationem, ius, & vim, & consuetudinem capere, inuadere, & presumere*. Ex his nunc manifestum euadit, quod ait Tertullianus: *Vsurpassus calum*; perinde enim est, ac si dixisset: Per vim, ac tyrannidem regnum cælorum in vestram potestatem cōegistis. Sed quomodo id affirmari potest? Quænam possunt esse tantæ vires hominum, ut per eas sibi patiatur Deus auferri suam gloriam, & à carne, ac sanguine vsurpari, hoc est contra rationem, ius, vim, & consuetudinem capi, inuadi, eripi regnum, quietemque adimi? Aut si hæc fieri nequeunt, quomodo affirmat Tertullianus, quod quisquis cælo potitur, magis illud furto, quàm iure sibi acquirit, & vsurpet potius, quàm recto titulo comparat? *Vsurpassus calum*. Dictum ita, ut ostenderetur magnitudo gloriæ, præstantia beatitudinis, immensa regni cælorum amplitudo, quodque illius tam est iagens, sublime, & incomparabile pretium, ut tam exiguum sit, quidquid pro illo erogatur, quantuscunque sanguis funditur, qualescunque pro eius consecutione cruciatus perferuntur, ut magis per vim, contraque fas inuasisse, quàm iure adeptus esse, magis vsurpassè, quàm legitimo nomine comparasse dici etiam is possit, qui pro illius adeptione & omnium fortunæ, corporisque bonorum dispendium passus sit, & cum sanguine vitam libens, gaudensque profuderit. Tantum valet gloria, & quies æterna, ut in leuibus, infirmis, infimis, & momentaneis numerari queat, quidquid pro ea erogari potest, sic ut qui etiam acerbissimorum, atrocissimorumque cruciatuum tolerantia eam sibi commeruerit, & compararit, potius vsurpassè, depeculatus fuisse, quàm legitime acquisiuisse videri possit.

O quàm probè hoc intelligebat Sponsa, quando inquiebat: *Fasciculus myrrha dilectus meus mihi*; Cant. 1. 12. Quid ais, Sponsa sancta! Cùm per

myrrham (quod pono) intelligantur omnes cruciatus, dolores, & quidquid amaritudinis, aduersitatis, tormentorum in præsentī vita, æquanimiter toleramus, ut in futura tui Sponsi aspectu æternum fruamur, quomodo illum martyriorum imbrem, & tantam poenarum inundationem, & vastum illud tribulationum pelagus, & immanem illam, scruissimamque flagrorum tempestatem, fasciculum appellas! *Fasciculus myrrha*!

Respondet pro Sponsa Doctor mellissus ferm. 43. in Cant. dicens: *Bene fasciculus, quia non sunt condigna passionibus huius temporis ad futuram gloriam, quæ reuelabitur in nobis. Erat ergo quandoque nobis ingens cumulus gloria, qui modò est fasciculus myrrha*. Sapientissimè vocat Sponsa omnes huius vitæ passionibus, & ærumnas fasciculum myrrhæ, hoc est, rem leuem, ac debilem, quidquid enim dari, quidquid tolerari potest, pro æternis mansionibus, quidquid laboris suscipi pro illa delitiosissima, & voluptuosissima statione, & habitatione, id momentaneum, paruique & ponderis, & momenti est, ut ait Apostolus Rom. 8. 18. infinitumque abest à pretio eius gloriæ, quæ præsentium passionum tolerantia comparatur. Et quoniam Sponsus in illa paradiso cælesti erit ingens gloriæ, quietis, voluptatisque cumulus, cùm hunc, vnaque huius temporis passionibus, & ærumnas eidem trutinæ Sponsa imposuisset, atque inuicem perpendisset, inuenit has tam leues esse, ut dicere debuerit: *Fasciculus myrrha*; velut dixisset: Agedum, fasciculus est, nihil est, quidquid hic tolerari potest, si cum gloria conferatur, & quiete, quam expectat, quisquis nunc patitur, & laborat. Iuxta hæc bene dixit Tertullianus: *Vsurpassus calum, & regnū Dei*; quod prout est immensum & incomparabile, sic magis furto accepisse, quàm iure acquisiisse videtur, quisquis illud est adeptus, quantumcunque illud sit, quod pro eo erogauit.

Quàm aptè huc cadet, quod nunc ex Sancto Euangelista Luca subiiciam. Pendebat ex arbore mortis fructus vitæ, medius inter lignum aridum, & plantam virentem, inter latrones duos, quorum alter blasphemus, humilis alter. Ex quibus hic, cùm prodigiosam Domini constantiam cerneret, videretque illum apud Patrem pium esse Oratorem, sollicitumque aduocatū, & patronum eorum etiam, à quibus in crucem actus, interea grauius offendebatur, innocentiam eius confitens, protentosamque perseverantiam admirans, ac suspiciens aiebat: *Domine, memento mei, dum Generis in regnum tuum*; Lucæ 23. 42. tanquàm pluribus dixisset;



*dixisset: Qui tam libero est pectore, tam generoso animo, vt propriarum iniuriarum, & pœnarum oblitus, culparum condonationem alienarum tam enixè procuret; is haud dubium suprà hominem est. Obsecro te itaque, Domine, vt quandoquidem nozarum gratiam ijs exposcit, qui eam non petunt ipsi, supplices preces meas ne repellas, quibus cum scelerum meorum grauitatem confiteor, tum vt mei, vbi in regnum tuum redieris; recorderis; obsecro. Memoriam tu mei tantum habeto, & nulla posthac felicitati meæ fiat accessio. Audi ite Dominus de missam orationem; dicens, pro humillimæ, & fortunatæ confessionis merito non tantum in memoria præsentem, verum etiam in paradiso socium habere velle, idque ipso die, quo obsecrabat: Amen dico tibi; hodie mecum eris in paradiso; ibid. v. 43.*

Sanctus Ioannes Chrysostomus homil. de cruce, & latrone Tom. 3. ait: *Iste latro de ligno mercatur salutem, hic latro furatur caeleste imperium.* Videntur hæc verba secum ipsa pugnare: Nam si Dimas caeleste imperium nundinatus fuit, quomodo deperculatus? Aut si furto arripuit; quomodo mercatus fuit? Affirmare possumus, vtrumque verum esse, mercatumque salutem, & furatum fuisse imperium. Quando apud nos quispiam prædium opulentum exiguo pretio emit; ad exaggerandam eius felicitatem, dicere solemus, *Que es robado, furto partum est.* Nam vt sine vllo numorum impendio paratur, quod furto acquiritur, sic velut per viam raptum dicitur; quidquid magnum paruo emitur. Nunc itaque intelligemus; quam præclare dixerit Chrysostomus: *Iste latro de ligno mercatur salutem; hic latro furatur caeleste imperium;* quod perinde est, ac si dixisset: Felix Dimas è patibulo; vnde pro atrocissimorum latrociniorum suorum merito in profundum inferni descensus erat; vno contritionis actu, quo exanimatus & Deum offendisse doluit; & ætatis malè acta errata detestatus fuit; omnium scelerum suorum indulgentiam sibi parauit; & palus, ex quo in ardens damnationis pelagus præceps abiturus erat; pro gradibus illi fuit, per quos ad delitiosas caelestis paradisi stationes ascendit; cumque habenas tormenti præsentis, à quo ad æternos cruciatus ducebatur, obrorqueret, ad semper duraturam gloriam illum sua pœna duxit. Secundum hæc dici potest, quod furatus videatur gloriam; qui eam etiam vel bona faciendo, vel mala tolerando sibi comparauit; eò quod rem tantam tantillo emit. Ergo si gloria pro tam vili datur; cuius ea est magnitudo, vt perparum sit, quidquid illud sit, quod pro ipsa offertur;

& si cruciatus æternum duraturus tam exiguo, leui, ac vili comparatur, nullas habet Politicus noster iustiarum querimoniarum causas, quantumcunque grauiæ, & acerba sint, quibus in hac vita afflicatur, commutare namque pœnas tam breues cum gloria æternam duratura, est nundinatio, quæ in magnam emptoris commendationem, & vtilitatem cedit: At verò quod dæmon momentaneam, spurcissimamque voluptatulam pro cruciatu, qui nullum habiturus finem, vendat, ea misero peccatori, & cæco emptori damnosissima, & perniciosissima est mercatura, qui tam grauibz animæ suæ impendijs damnationem sibi procurat, & comparat sempiternam.

### CAPVT V.

*Quod Dominus precibus nostris cunctanter occurrat, tardiusq; annuit, non id facit, quia vehemens illum dandi cupiditas non teneat, sed vt mora consecutioni beneficij ampliorem apud nos conciliet estimationem.*

Nelitus patronus, dux, & doctor noster S. Iacobus, I qui suo calamo perstringit hæreticos, erudit Catholicos, suo gladio sternit Mauros, subigit Paganos, cum extolleret munificentiam Dei Patris luminum, in vestibulo suæ canonicæ epistolæ, ait tantam esse manuum illius largitatem, vt velut planetarum pulcherrimus Sol radios suos terræ, sic ille se creaturis suis infundat; neque cuiquam tamen dona, quæ dedit, obieceret, vel obtrudat: *Dat omnibus affluenter, & non impropere;* inquit ille cap. 1. v. 5. Verum quanquam ita sit, nonnunquam tamen Deus contrahit manum, & oppellulat pectus, vt non facile inde accipiamus; quod petimus; non quod generosa illius indoles non sit cupidissima dandi; sed ne leuiter dissipemus illius dona, & sint instructiosa beneficia. Pernouit enim hominum ingenium, scitque ab ijs vt quæque nullo negotio obtinentur, ita per obliuionem contemni, neque satis reuerenter haberi ea, quæ absque lassitudine inueniuntur, & sine labore obtinentur. Et quoniam ex contemptione, ac despicientia beneficij nascitur est pœna supplicij, propterea misericorditer differt Dominus concessionem eorum, quæ suspiramus, & rogamus, vt maiorem apud nos habeant venerationem, & estimationem. Itaque necessarium quandoque est, vt se digne rogari Dei liberalitas sinat, vt illam, cum se in preces nostras inclinat, magis suspiciamus, & admiremur. Facile namque de pretio suo cadit, quod facile inuenitur.

Sponsa



Sponsa cum anxietate non modica, & multis gemitibus aiebat, quod videret, quidem Sponsum, at tamen cum ingenti difficultate & labore, inquiens: *En ipse stat post parietem nostrum, respiciens per fenestras, prospiciens per cancellos*; Cant. 2. 9. velur dixisset pluribus: Amantissimus Sponsus meus per sui palatii fenestras emissit me arbitratur oculis. At miseram me! quæ frui illo prorsum ex integro, vt velim, non valeo, nam hinc quidem ex familiari agendi artificio, gratiâ, festiuitate, ac lepore ipsiusmet mihi esse videtur, inde verò à perfecta illius notitia, & agnitione me quidam cancelli, quos sibi obtendit, impediunt. At si diuinus Sponsus ardentissimè per omnem vitam sese impertire desiderat, cur septis cancellorum contegit, vt omninò totus quantus videri non possit? Videtur namque, quod dum agnoscere cupit, vsurpari oculis nolit.

Huic quæsito Magni Basilij eloquentissimus frater S. Gregorius Nyssenus satisfecit, dicens, in fenestris denotari Prophetas, in cancellis figuras, in quibus depictus, promissusque erat Sol iustitiæ, & mundi Redemptor. At si hic Sol à Patre venturus erat, vt cæco mundo lucem adferret, cur per fenestras, cancellosque diu prospicit, sui que desiderium in veteris legis tot figuris, sacrificijs, & imaginibus excitat? Causa ea est, quam tractamus, inquit Nyssenus. Nam si ea lux, simul vt mundus illa egere cœpit, allata, omniumque oculis, & vîbus palam exposita fuisset, homines, pro suæ indolis more, non tanti fecissent. Vt ergo iustam habeat id beneficium, & illa tam insignita misericordia existimationem, prius desideranda offeratur per Prophetas, delineata monstretur in sacrificijs, præfigurata exhibeatur in Prophetis, videant illam, nec inueniant, gaudeant eâ, nec teneant tamen, vt denique cum repeterint, & apprehenderint, maiore sit pretio, quæ diuturniore fuit in desiderio, enixiusque venerentur, quam expetierunt diutius.

Audite Nyssenum, cuius sunt hæc ex homel. 5. in Cant: *Præus ergo splendorum Prophetarum intelligentiarum anima illucescentes per à nobis mente intellectus fenestras, & cancellos immittunt desiderium videndi Solem sub duo, deinde sic id, quod desideratur, procedit ad effectum.* Quod non magno lachrymarum impendio paratur, exiguum locum apud hominum existimationem habere solet. Nam vt est in communi iurisperitorum adagio, *merces Glorione a Glescent.* Quidquid venale circumfertur, ex hoc ipso contemptui est, sit licet pretiosissimum: Quod autem ab auido nundinatore quaerendum, domi serua-

tur, sit licet vilissimum, & abiectissimum, puta graueolentissima tabaci herba (quæ nihil magis vel rancidum, vel putidum, vel infame, ac propudiosum, pudendumque) id in pretio habetur, vt sordidæ, & foetulentæ illi herbæ accidit, quæ magnâ dæmonis sollicitudine ex Indijs in Hispanias, aliasque mundi superioris oras inuecta videtur.

Considerabat Propheta regius infirmitates, & mala, quæ ex adulterio, & homicidio anima illius contraxerat, cumque simul videret, quantâ curæ, & remedij necessitate laboraret, gemebundus ac suspirabundus superum medicum appellabat, dicens: *Anima mea turbata est valde, sed tu, Domine, & quequid?* Psal. 6. 4. tanquam apertius dixisset: Quid hoc rei, mi dulcis, & amabilis Domine, quod tantâ cunctatione vteris, vbi & plurimæ angustiarum opem, & grauissimæ anxietates leuamen, & tot morbi, ac vulnera medicinam citam inclamanti *Sed tu, Domine, & quequid?* quamdiu auxilium differs, prorogas solatium? Beatissimus Pater Gregorius in Psalm. 1. pœnit. hac paraphrasi verba Dauidica illustrat: *Ece in conspectu boni medici, & curare valentis assisto, vulnera detego, preces emitto, dolores augeo, lachrymas effundo. Cur ergo dissimulas, cum non sit tibi minor potentia, quam solutus?* Quæ causa esse queat eius, quod video, Pater superne? Tu medicus es, qui omnem, quantumuis grauem, & prolixum morbum leuare possis. Ego, quantum quidem ætimo, vt conualecam, quidquid possum, facio, nam & plagas meas oculis tuis subijcio, & infirmitates meas aperio, & remedium non vocibus tantum, magnis, verum & plurimis, ijsque ardentissimis lachrymis, suspirijs, gemitibus pertinaciter depono. Qui sit ergo, quod differs curationem, protogas valetudinis restitutionem, cuius par est voluntati facultas, sic vt si me exurgere de strato infirmitatis meæ velis, verbulo, vt exurgam, facere queas, cum sit vna vtriusque omnipotentia? *Cur ergo dissimulas?* Quid cunctaris, & in longos menses extrahis medicationem? Videris namque aurium fores vocibus meis occludere, neque satis attendere, quod gemo, & suspiro.

Respondet sanctissimus Doctor, Pontifex Maximus: *Omnis curatio, quanto difficilius acquiritur, tanto acquisita cautius custoditur.* Quod non statim accurrit suauissimus, & piissimus Dominus siue ad gemebundi voces, siue ad plorabundi lachrymas, non facit vel defectus amoris, vel quod non vehementer cupiat mœrorem lugentis abstergere, supplicumque votis annuere, sed quod sæpè expedit moram iniicere petitis, & non ex templo concedere postulata, vt

maior



maiore in pretio sint, quæ impetrantur, cariorem enim habemus, studioſiusque obſeruamus bonam ualitudinem, quam diu ſuſpirauimus, & ægrè obtinuimus: *Omni curatio quanto difficilius acquiritur, tanto acquiſita cautius cuſtoditur.* Ita quæ quod Dominus tardat noſtris rogaribus ſatisfacere, quam ab alienatio uideatur, non niſi pietas eſt, ac tamenſi dedignationem olere uideatur, amor tamen eſt, non aliud quidquam. Vult in pretio eſſe ſua beneficia, idedque longis ea deſiderijs concedit. Vult æſtimari ſua dona, propterea cunctabundè ea dilargitur, ſciens leuiter contemni gratiam, quæ facile conceditur.

S. Marcus Euangelista ocaſionem refert, ob quam multo mane ſurgens Dominus, vt concurrentes magno numero homines declinaret, in ſolitudinem ſe receperit, inquit: *Et diſcuculè Galde ſurgens, egreſſus ubiſt in deſertum locum, ibique orabat;* Marci 1. 35. Proſecutus fuit Magiſtrum ſuum Petrus, & nonnulli alij, qui cum illo erant, cumque inueniſſent eum orationis ſtudio deditum (tali nimirum exercitationi apta eſt eremus, vt precibus, & excolendæ animæ opera ibi detur, non vt luſibus, uanis oblectationibus, delitijs indulgeatur) dixerunt: *Omnes quærunt te;* ibid. 37. nec quiſquam eſt, quem non auxia tui uidendi cupiditas teneat.

Euthymius ait: *Vide autem quomodo ſecſto deſiderabiliorem eum reddiderat;* uelut dixiſſet: Nonne animaduertitis, quam perſpicuum ſit, quid efficiat, cum quis alijs nonniſi deſiderantibus, & percupidis copiam ſui facit? Vix enim Sol iuſtitiæ ſeſe abdiderat, quando omnes lucem illius ſuſpirabant, expetebant radios, atque ad præſentiam eius anhelabant, quod fortè non egiſſent, niſi abſentiæ nubem ſuos ſplendores inter, & homines mediam obtendiſſet.

Vt enim meliſſimus Bernardus in quadam epiſtola ait, *rebus rariſtis pretium facit.* Res uiliſſima ſimul vt rara eſſe cœperit, cara efficitur. Sordidæ merces augeſcunt pretio, ſi difficile inueniantur uenales.

Sapiens ait, uiri docti, prudentiſque & uerba, & anhelitum pretioſa eſſe: *Pretioſiſſimus uir eruditus;* inquit ille Prouerb. 17. 27. Quanquàm reſpiratio res ſit uulgaris, & tam uſitata, quàm neceſſaria, apud uirum peritum nihilominus incipit eſſe in pretio. Alia litera habet: *Pretioſiſſimus uir prudens,* & ſagax. Viri prudentis, & ſagacis omnia pretioſa ſunt, omnia ſua ab illo habent æſtimationem, omnia uelut reliquiarum inſtar habentur. Quoniam uerò artificio, & aſtu uir prudens uſitur, vt ea pretij ſingularis momenta ſuis uerbis, & ſermonibus con-

ciliet? Id Solomon exponit ibidem dicens: *Modo-ratur ſermones ſuos;* quæ uerba modernus quidam, & doctus interpres epiſtolæ ſancti Iacobi (P. Diſtinctus Daza) v. 19. lib. 2. num. 7. hoc commentariolo illuſtrat: *Ita ſe tardum prabet ad loquendum, & ſic rogatus uerba ſua proferat, quare pretioſiſſimus meritis appellatur,* ein Mann der ſeinen Athem gar hoehwerth hielt. *Accedit etiam uerba, & ſic & rebus ex ipſa raritate commendatio.* Viri ſolertes, & conſulti tam ſolent eſſe parci ſuorum uerborum, ſicque ea cohibere, vt uelut per alembicum guttatim deſtillent. Vt ſermonem ab eis uel pauculum exprimas, magnum in modum perurgendi ſunt. Vt parum loquantur, plurimum rogarî ſunt. Hinc naſcitur, vt anhelitus, quem ſpirant, tantam habeat uenerationem, quod non facile ſua auribus uerba permit-tat: Et uelut ex taciturnitatis pertinacia, & uerborum parcitate ſit, vt myſterium putetur, quidquid dicat, ita cum loquitur, uerbis ſuis pretium parit; quod enim deſideriorum ſumptu paratur, idem humanæ cupiditati admirationem adfert.

Berchorius in Reductorio moral. lib. 5. cap. 34. num. 7. ait, (quis uerò credat dicenti?) quod ſtellæ, illæ firmamenti portatiles faces, quod propinquioreſ ſunt oculis noſtris, ed ampliùs de admirabili magnitudine rutilantis ſuæ maiestatis perdant. Exemplum conſtituit in Sole, & Luna, quæ maiora uidentur cum oriuntur, uel occidunt, quàm cum uerticem orbium ſuorum, & ſaſtigiũ cœli ſupremum occupant: *Stella quanto magis eſt propinquior, tanto uideatur eſſe minor, & econuerſo, quanto à nobis eſt remotior, tanto uideatur eſſe maior;* inquit ille ubi ſuprà, qui vt non relinqueret, quo ſe nobis obnoxios faceret, noſque à commentandi labore vindicaret, moralitatem illius rei in cauſam præſentem percommode exponit, dicens, ad eundem modum uiros, qui in hac uita uirtutum ſplendore, vt quidam Luciferi, emicant, & Solis inſtar fulgore ſanctitatis radiant, quod magis loco à nobis abſunt, ed propinquioreſ nobis eſſe magnitudine exiſtimationis, quoque familiarius nobis conſueſcunt, ed maiorem pati ſuæ apud nos autoris immioutionem. Accipite eius uerba, vt in promptu habeat, ſi cui fortè ea aliquando ſint opus: *Sic uerè ſtellæ uiros proſectos conſideramus, quando ſunt à nobis remoti, & quando non ſunt nobis familiaris, tunc de ipſis melius iudicamus, & eos maiores reputamus, & econuerſo quando nobis ſunt amici, & familiares, tunc minores, & imperſectiores nobis uidentur, quia familiaritas parit contemptum.* Res explorata eſt, quod quæ bona uulgi paſſim ſunt è vicino



exposita oculis, & vñbus, ea procul absita maiorem sibi ex remotiore loco conflare admirationem, & sublimius pretium.

Sponsa in Canticis cum mulieribus Ierosolymitanis Sponsum suum à lineamentis, & partibus corporis, quod illæ petebant, principalibus describeret, vt indicaret, quàm iustè illius honesto, coelestique amore arderet, tam elegantem, perfectum, & spectabilemque illum depinxit, vt ipsam suâ pulchritudine venustatem superasse videatur. Ac primam quidem oculorum gratiam, tum maxillarum flagrantiam, posthæc labiorum viuos colores prædicat, dein verò manus sic delineat: *Manus illius tornantes aurea, plena hyacinthis*; Cant. 5. 14.

Quid in sensu spiritali potissimum voluerit docere Sponsa, cum de Sponsi manibus ait, fuisse velut ad tornum elaboratas?

Hugo Cardinalis ait, Sponsi manus dictas tornatiles, quia ille quasi torno quodam dona largitur. Quòd ergo illa affirmat, Sponsi sui manus, à quibus beneficia proficiuntur, quasi ad tornum fuisse factas, id fecit, vt indicaret, quanto artificio, quàm solerti, & ingeniosâ liberalitate ad ea eroganda utatur. Quod tornatur, id paulatim fit, neque longuli temporis moras tantum requirit, verum & regulam, & lineam, & perpendiculum, circumque, & plurimam attentionem postulat. Talem ergo inquit Sponsa esse sui pulcherrimi, & munificentissimi Sponsi largitatem. *Manus eius plena sunt hyacinthis*, ait, sed *tornatiles*, quod perinde est, ac si dixisset, quòd ad illum attinet, esse peropulentum, prædiuitem, circumfluere thesauris, eorumque erogandum magnâ cupiditate teneri, vt sua tamen illis dignitas, & existimatio constet, non secus illos elargiri, ac si ad tornum elaborarentur, hoc est, cunctanter, & magna cum procrastinationis industria, vt cum abundè tribuuntur, vel hoc nomine sint magis cari, quòd diuiculi, ardentèque desiderati, & expetiti. Nempe id solum videtur habere venerationem, & æstimationem, cuius assecutio habuit dilationem, suspiriorumque pretio velut venditum, emptumque fuit.

Huc respiciens Tertullianus lib. de habit. mulier. siebat: *Semper abundantiæ in semet ipsam contumeliosa est*. Affluentia rerum, quanquàm præstantissimarum, & pretiosissimarum, sibi semper iniuriouissima est, & sui contemptus satrix, sartrix, parens. Nam cum tanta sit auri præstantia, adamantum dignitas tanta, tantum margaritarum pretium, si talium rerum tanta esset abundantia, quanta penuria, aut tam

obuius vsus, quàm magnus stultorum numerus, nec adamantes pretium haberent, neque æstimationem margaritæ, & aurum nihili fieret.

Nunc itaque causam è multis vnâ intellexerimus, ob quam factum sit, quòd Isaac suum Iacob non nisi plurimarum lachrymarum, ardentiumque suspiriorum, & flagrantium orationum magno sumptu impetrauit, quòd ex sacro Textu colligitur, obseruatumque fuit ab Expositoribus, Chrysostomo, Lyrano, Tostato, Istella, Pererio, Cornelio. Vingtî annis Dominum enixè obsecratus fuit, vt fructum benedictionis concederet. Cum *quadragesimæ esset annorum*, duxit uxorem Rebeccam, inquit Sanctus Moyses Genes. 25. 20. *Sexagenarius autem erat, quando natus sunt ei parvuli*; ibid. v. 26. Ex quo accipitur, annos prope vinti Deum precibus interpellasse, vt posteritatis ab eo seminarium obtineret. *Deprecatus est pro uxore sua*, eò quòd esset sterilis, inquit rursum Moyses ibid. v. 21. Infecunda erat Rebecca, quare Dominum charissimus eius maritus obsecrabat, vt ex illa habere prolem mereretur. Constitutum autem erat Deo, dare illi filium non inferiorem, quàm Iacob, illum per insignem Patriarcham, illum plurimis reuelationibus illustratum, illum duodecim Israëlitiçi populi tribuum principem, & caput. Ingens donum erat. Sit ergo magnitudini beneficij par magnitudo gemituum, dixerit Dominus, vinti annos suspiret filium, qui sæcula omnia, cunctasque secuturas condecorabit ætates, vt obtentum donum eò sit carius, quò maiora sunt impendia, quibus paratum. Hæc præcipuarum rationum vna quædam est, ob quam prouidè pius Dominus non statim concedit precibus nostris, non exemplò largitur, quæ petimus, scit nimirum tales nos esse, qui beneficia ob hoc ipsum non satis æstimemus, quòd ea facile consequamur. Vix enim non vilescit, & leue habetur, quod leui negotio impetratur.

*Multò, & plura, & meliora reperies in hanc rem, Tom. 2. Periochâ I. Dominicæ IV. post Pentecosten, pag. 116. a. o. & in locis alijs ad pedem eiusdem Periochæ adscriptis.*

## C A P V T VI.

*Sinceritas, integritasque amoris in sublimiorem celsitudinem peruenire non potest, quam cum arumnas alienas sic deplorat, ac si essent propriæ.*

**R** Adiantissimi Solis illustrissimus Lucifer tenebricosi carceris obscurâ nube contextus occultaba-



tabatur, idque per obsecrati regis, & salaculæ mulieris pellicis eius tyrannidem. Vincum inuenerunt quidam eius discipuli, ex quibus ille (vt veri Solis lucem, promissumque Messiam omnes & cognoscerent, & venerarentur) duos amicissimorum fidissimos ad Christum apleguit, vt cū rex illo; num ipse verus Orbis reparator esset, sciscitarentur, ex eiusdem responsis certò intelligerent, aliunde quàm ex ipsius tantorum prodigiorum operatricibus manibus salutem mundi expectari non posse: *Mittens duos de discipulis suis, ait illi, Tu es, qui Venturus es, an alium expectamus?* Matth. 11. 2. 3. Euidens est Ioannem non potuisse ignorare, quisnam verus esset Messias, cū enim illius & præcursor, & metator, & paranympus esset, nescire illum non potuit, maximè cū & apud Iordanis fluentia potentiam illius humiliter agnouerit, & mandata promptè, obedienterque expleuerit. Ergo hæc legatio ad aliorum commoda dirigebatur, & vilitati alienæ destinabatur. Cui hoc dubium esse queat?

Sanctus Ioannes Chrysostomus, cū hoc Baptiste factum secum expenderet, aiebat: *Vis scire quod est super humanam naturam?* Vis nosse facinus, quod longè antecellit omnia, quæ vulgò ab hominibus aguntur, quæque humanæ non sunt vitata cupiditati? Vis prodigium videre, quod te obstupesciat, aut portentum cernere, quod in admirationem rapiat? Iam nunc videbis. Quid verò prodigij spectabimus, aut quid rei, quod limites rerum tam longè prætergrediatur aliarum?

Respondet Chrysostomus: *Missus in carcerem non de suo periculo Ioannes sollicitus erat, sed de aliorum salute cogitabat.* Hærebat facinorosos inter latrones innocens Præcursor, & cū esset humanæ vox, & uba salutis, non aliter habebatur, ac si in omni rep. seditioissimus, turbulentissimusque esset, validis, ac ferreis catenis in media sceleratissimorum colluue adstrictus. Inter illam ignominiam, tam arcto in carcere inclusus misit duos discipulos, vt sui remedij fontem inuenirent, vt mundi Saluatorem agnoscerent, oblitus suorum vinculorum; oblitus periculi, quod vitæ suæ impendebat ex rege tyranno, qui minabatur necem, & muliere lasciuia, quam habebat infensam, ex alijs pluribus, qui propterea in illum coniurare poterant, & ne cogitans quidem multiplex, ac proximum discrimen, quod sibi immineret, totum se tradidit saluti alienæ, totum se addidit curæ remedij, & vilitatis cæterorum, neque aliquam sui memoriam habet, vt pro se obsecret. Qui verò talis est, & eiusmodi amore præditus, vt immo-

mor periculi propriij studeat emolumentis alienis, ac si essent commoda propria, idem *super humanam naturam est*, illum & admirari possumus ceu rem nunquam visam, & venerari tanquam prodigium nemini aliquando auditum, inquit Chrysostomus, mos enim, & consuetudo communis hoc habet, vt quisque rem suam curet, commoda propria quærat, suo studeat, inuigiletque remedio.

Mirumne vobis videtur dictum Chrysostomi? Audite ergo quid Iustinianus affirmet. Accumbebat mensæ mundi Saluator cum suo charo grege nocte cœnæ extremæ, & velut amantissimus, & suauissimus Dominus hæc ad eos aiebat: *Desiderio desiderans hoc pascha manducare vobiscum, antequam pariar;* Lucæ 22. 15. tanquam dixisset: O Discipuli mei dulcissimi, & dilectissimi, si rectè, atque vt res est, intelligeretur, quantæ fuerint meæ anxietates inter huius tam ditæ, ardentèque expectatæ horæ expectationem, quæ vobiscum postremum cœnare optauit, & mensam vobis dapilem instruere lautijs lectissimis, & pretiosissimis, cuius vno in cibo ministratur, proponitur, gustatur quidquid cupiditarum, quidquid boni esse, & excogitari potest. Cū eo in epulo ego remaneam, & remaneam alimonia animarum, maius aliquid nemo expetisere potest. Huius tanti beneficii conferendi tempus opportunum, optatamque occasionem vehementissimo desiderio, quoad inter mortales mortalis vixit, sollicitissime appetijt.

Cū ea mellitissima Christi verba sacer Venetorum Protopatriarcha animo volueret, aiebat: *Mirares!* & quæ in stuporem adducere omnes possit. At quid hic miraculi, ac prodigij videtur? Quis Sol eclipsin patitur? Quinam axibus suis mouentur coeli? Quæ terra contremiscit? Qui montes è sedibus suis aliò transferuntur? Vt nihil horum tunc acciderit, *mirares* tamen, quæ euenit, ingensque portentum fuit, quod tunc factum, si illud ex opinione hominum, & eo, quod mundi vsus perpetuus habet, æstimemus. Quodnam verò illud tam stupendum prodigium?

Ego dicam, inquit S. Laurentius Iustinianus lib. de triumphali Christi agone cap. 2. num. 2. *Proxi- mus erat passioni, noueratque quantas ferre debebat contumelias, & tamen attendebat aliorum commoda, proprijs immemor ludibrijs.* Cū ob oculos posita, & præsentissima haberet omnia proximè impendentis passionis probra, & tormenta, quibus iam iam crudelissimè excarnificandus esset, eorum velut oblitus, in eo totus erat, vt consolaretur Discipulos, & con-



uiuim eis appareret, nectarque, & ambrosiam sacrae carnis, & pretiosi sanguinis sui exhiberet. Hoccine miraculum? Hoccine tam rarum prodigium? Immo verò, inquit Iustinianus, nam hoc factum *præter scripturam, & communem ordinem naturæ est*, & valde alienum ab hominum solenni more est, quòd quis suorum malorum immemor bona procuraret aliorum, & propriorum opprobriorum oblitus solatio attendat alieno. Quid illud vulgò dicitur miraculum? Quid prodigium? Id, quod præter communes leges, regulas, ordinemque naturæ consuetum agitur. Cum ergo diuinus Magister, quando tot illi probra minabantur, quando cruciatus illum quàm graues, tam diuturni opperiebantur, tantà solitudine curauit commoda aliena, vt velut oblitus videatur tormenta, & detrimenta propria, mira res, & quæ pro miraculo, ac portento haberi debeat: Nam si prodigium est id, quod naturæ lineas communes egreditur, qui vtilitatis alienæ bonam habet memoriam, nullam propriæ, qui commodis sollicitè studet aliorum, suarum incuriis ærumnarum, & angustiarum, nã ille tæumaturgus est, quia præter hominum consuetudinem, præter leges receptissimas, *præter scripturam, & communem ordinem naturæ est*, quod agit. Hinc videat noster Politicus, quàm syncerum, integrumque amorem monstrabit, quoties suorum malorum oblitus, cum charitate, Zelo bono, sollicitudine, ac diligentia malis aliorum succurrerit, periculaque eorum, & necessitates depulerit, tunc enim rarum, ingensque miraculum operari videbitur, nec enim progredi ulterius charitatis studium posse videtur, quàm vt propriarum miserationum immemor calamitates doleat alienas.

Nobilis Sara contemptui se à famula sua Agar haberi vidit. Ancillæ superbia inde nascebatur, quòd Abrahæ nupta, ex illo concepisse, adeò posteritatis spem certam in vtero gestare cerneret, talemque felicitatem dominæ suæ negatam non nesciret, ex quo fiebat, vt se iam dominam arbitrata, minus quàm deberet, hær suæ deferret, quæ insolentis famulae probis offensa has dedit marito suo querimonias: *Iniquè agis contra me, iudicet Dominus inter me, & te*; Genes. 16. 5. velut dixisset: Non est æquum dissimulari tantam petulantiam, aut permitti in domo benè instituta tam insolentem proteruiam, vt heram famula ludibrio, ac despectui habeat, quare Deum obsecro, vt is de te, ac me pronuntiet, ac meas immeritis iniurias supremus Iudex vlciscatur.

Oleaster quærit, cur Sara, cum apud maritum

querula exposculetur, ad diuinæ iustitiæ tribunal pronocauit, vt Deus arrogantis famulae contumaciam plecteret, & flagitium illius vindicandum susceperet. Quamobrem coniugem suam, apud quem suas deplorabat iniurias, non fecit suæ causæ iudicem, qui id muneris obire, & ancillæ ethnicæ tumorem comprimere perfacile poterat?

Respondet autem, putasse Saram, id sibi cum Abrahamo euenturum, quod apud humanos plerumque accidere iudices solet, qui vix seriò, ardentèque causam tractant, ex qua non certum lucrum sperant (quid faciant, cum etiam damnum ex ea accipere possunt) cumque videret, quod in Abrahamum nihil quidem vtilitatis, detrimenti verò non parum redundare posset, si posteritatis suæ depositum, Agarem, inquam, grauidam caderet, Deum appellauit Sara, inquit: *Nem iudicet*; illi hanc causam relinquo, homines nimirum vix nõrunt seriò studioseque quidquam agere, quod absque secuturo lucro agi vident, nec unquam sciunt dolere ærumnas alienas, ex quibus non expectant vtilitates proprias: *Prosequitur iustitia humana alterius causam repide Galde, quasi non sit magis sua, quàm patris*; inquit ille in annot. moral. in cap. 16. Gen. Languet iustitia humana, dum negotia tractat aliena, & vix rectè aliquid circa ea egere nouit, vbi proprii non affulget spes quæpiam emolumentum. Propterea Sara Deum adiit tanquàm iudicem, tanquàm patrem, qui propugnat, ac si negotium ipse suum ageret.

Percontatur Sanctus Ioannes Chrysostomus, quamobrem Dominus attentà prouidentia suâ fecit, vt validus exurgeret ventus, qui omnes in præsentaneum vitæ periculum adduceret tunc, quando ille nauigio cum Discipulis per mare ferebatur. Dormiebat in media tempestate, sisus suâ potestate, stipatus suâ magnificentia magister omnipotens. Succlamabant Discipuli, Dominusque & horum clamoribus & irati elementi fragoribus expergefactus, verbulo concitati maris ferociam cicurauit, ac perdomuit: *Surgens imperauit Ventis, & mari, & facta est tranquillitas magna*; Matth. 8. 26. Quærit ergo Doctor sanctus, cur tam prodigiosum beneficium præsterit Discipulis, feceritque, vt in illud periculum inciderent, à quo eos per miraculum eximeret.

Respondet hom. 28. in Matth: *Vt sensum eorum aperiret ad videnda miracula redderetur*, vt perspicacioribus & attentioribus oculis arbitarentur potentia, quæ deinceps facturus esset, deincepsque illos,



illos, & magis obnoxios sibi redderet. Ergone quæ in alijs operabatur non satis erant permouendis illis ad cultum, amoremque celestis Magistri, sed necessum fuit, ut & in seipsis experirentur illius effectricem prodigiorum virtutem? Respondet idem S. D. percommode ad rem præsentem, opportunitatem attexens similitudinē. *Quemadmodum non aliquis pariter sentit quæ in alienis sunt corporibus, & quæ in seipsis; ita oportebat Discipulos eius, qui plurimos indies liberari videbant, & magis obligarentur, in seipsis omnipotentiam eius inspicere.* Quantocumque in pretio medicum quis habeat, nunquam tanti facit, cum alios curat, quam cum ipsum à periculosa infirmitate liberat. In seipso enim experiri bonum, maiorem adfert æstimationem beneficio, eò quod tam coniunctum sit, & proprium. Ad hunc ergo modum, cum Dominus sciret, gratiora, potioraque; cuique ea esse, quæ in ipso sunt, talibusque magis deuinciri, fecit ut tempestatis periculum Discipulos inuaderet, ut eum prodigiosam eius clementiam in sese experirentur, magis suspicerent virtutem, deuenerentur omnipotentiam. Beneficia enim, quæ in alijs experimur, nunquam magnæ sunt nobis admirationi, quibus vitarum, ac per familiare est ea solum attendere, & æstimare, quæ nobis conducibilia. Itaque, *Discipulos eius, qui plurimos indies liberari videbant, oportebat, & magis obligarentur, in seipsis omnipotentiam eius inspicere.* Nam qui beneficia, quæ alijs obueniunt, eodem loco habet, quo emolumenta propria, is à via regia abit, & semitam ingreditur, quam per pauci terunt.

Quod Loth liber euasurus esset communem suæ ciuitatis conflagrationem, id iam certissimè nouerat ex coeli oratore, qui cum mandatis inde aduenerat, ut nefandum locum, in quo degebat, subiecto igne exureret. Iustus autem in cacuminosum montem se recipere, atque ibi vitam suam sospitare, gratè reuerenterque ingens illud excipiens beneficium, pro alio præterea demissè obsecrat, inquires: *Est ciuitas hac iuxta, ad quam possum fugere, parua, & saluabor in ea;* Genes. 19. 20. eritque pro asylo, ad quod ab irati Dei vindice iustitia perfugiens, in tuto colloca-bo vitam meam.

Quo consilio sanctus Loth Angelum tale quid obtestatus rogari? Abulensis, Guilhelmus Papinius, Pèrerius, Cornelius à Lapide vident, id fecisse, ut secum illud simul sospitaret oppidulum, in quo fingere domicilium cogitauerat, existimans fore, ut Deus sui causâ hanc loco illi præstaret gratiam, ne cum reliquis destrueretur, simulansque in monte vi-

tam satis commodè neque agere, neque seruare posset, pio dolo usus est, quo parua illam ciuitatem ab interitu vindicaret. Audijt supplicem Angelus, & ait: *Ecce etiam in hoc suscepi preces tuas, & non subuertam urbem, pro qua lacrimas es;* ibid. vers. 21. Textus græcus horum verborum apud Chrysostomum sic habet: *Admiratus sum preces tuas.* Quid hac in re, quod tam mirum, nouumque accidere potuit Angelis cœlo? Quid? Illud, quod viderunt ab homine quopiam tam sollicitè curari sospitatem ciuitatis, in qua ille nec facultates, nec amicos, neque consanguineos viros habebat, quodque causam alienam tam anxie tractaret, ac si propria fuisset, & pro vita aliorum tam enixe obsecraret, ac si sua simul periclitaretur. Vidit itaque hoc Angelus, & ait: *Admiratus sum* tam rarum miraculum, quale est videre hominem tam studiosum vtilitatis alienæ, ac si esset propria.

Obsignemus hoc capitulum totâ sancti Ildori Pelusiote Epistolâ, quæ lib. 3. Epistolarum est trigesima octaua, & sic habet: *In publicis, & grauissimis malis commiserationis locus non est, omnes enim priuatas calamitates deplorantes non tantum orij habent, & ipsi alienas miseras luctu, ac lamentatione prossequi vacet.* Summum enim quisque dolorem sentit, & sua damna deplorat, sic ut nec tempus reliquum habeat, quo aliena debeat, nec in corde locum, in quo proximorum ærumnas per commiserationis affectum excipiat.

Hinc eruunt sacri expositores, quam ardens fuerit nostri Patriarchæ Isaac erga suam Rebecam amor, ut qui per totos viginti annos supremum Dominum sollicitè etiam, atque etiam pro illa obsecrauit, ut eam prole felicitaret, bearetque: *Deprecatus est Dominum pro vxore sua.* Pro illa omnes ipsius vertebantur lachrymæ, pro illa iuges pertinaciter fundebantur preces. Nam quod ad Isaacum attinet, illi ex fide verbi diuini, & vi promissionis Dei fallere nescij indubitatum, certumque erat, quod liberos habiturus esset ex muliere, quamcumque illam vxorē sibi delegisset. Ita S. Ioannes Chrysostomus, Lyrannus, Tostatus, Istella, & cæteri interpretes omnes. Ergo illi deesse posteritas non poterat, omnēque illius studium, labor, votum eò spectabat, Deum ut exoraret, ne illâ gloriâ sponsa sua Rebecca fraudaretur, sed in illa quoque promissa explerentur diuina. Causam itaque Rebecca sic egit, tanquam negotium proprium tractasset. *Quæ huic par amoris sinceritas, & integritas alia esse queat?* Maior certè videtur nulla esse posse, quam illius, qui curat, & dolet



fortunam aduersam alienam, ac si esset infelicitas propria.

In eandem rem differit Periochâ IV. Dominica II. Aduentus Tom. II. pag. 344. a. o. & Tom. I. Periochâ II. Feria V. post Cineres, pag. 27. b. o.

## CAPVT VII.

Ibi maiore auxiliorum vi succurrendum, ubi grauiores necessitates opem enixius implantant, & postulant.

Cum noster Politicus debeat esse ex illo hominum genere raro, ac singulari, quibus curæ est aliorum opitulari necessitatibus, leuare miseras, siquidem generoso animo apud se statuat, quod causis proximorum sollicitus procurator studere velit, velim prudentiæ regulas ea in re sequatur, quod fructuosè tantum negotium tractet, quod faciet, si miseriarum pondera diligenter, attentèq; pensarit, postquam miserorum patrocinio nobile pectus semel totum addicere coepit, sic ut ubi multæ concurrunt necessitates, maiori primùm subueniat penuriæ, & grauiorem ante omnia curet calamitatem. Ita fiet, ut duplicem laudem ex duplici, puta magnifici benefactoris, & prudentis iudicis officio sibi conflet, ut qui momenta arummarum tam accuratè expendere, & suum cuique egestati locum designare nouerit.

Propheta regius David, cum dulces laudum modulos meditaretur, adornaretq; munifico Benefactori, cuius ingentem erga nos prolixitatem perpetuo experimento discimus, sic inquebat: *Misericordiâ Domini plena est terra*; Psal. 118. v. 64. tanquam dixisset: Quis ille est, ô pietissime Domine, quem non infinitis obstrictum habeas beneficijs? Quis nâ terræ angulus, quantumuis secretus, & abditus, qui non magnis vocibus iugem manuum tuarum prædicet liberalitatem?

Sanctus Ambrosius serm. 8. in Psal. 118. v. 8. ait: *Fortasse dicas, Quâ ratione non dictum est, Misericordiâ Domini plenum est cælum?* Certè in ista beata viutorum regione, in illa superiore lætitiæ sempiternæ Germania etiam manifesta prædicantur, & extolluntur diuinæ largitatis, & regiæ munificentia illius indicia. Quod cum ita sit, cur non æquè dicitur, cælum perfusum esse misericordiâ Dei, ut terrarum orbis esse illa plenus affirmatur? Nonne Angelos valida magnificentia diuinæ basis sustentat? Res nota est. Cur ergo terræ solùm, neq; coelorum similiter fit mentio, quandoquidem ut in illam, sic & in hos beneficentia Domini redundat.

Respondet huic quæsito sacer Mediolanensium archiepiscopus, inquit: *Licet auxilio Domini fulciatur etiam cœlites; tamen non tantâ eius indigent misericordiâ, quantâ ea, quæ sunt inferiora, ac terrena, non enim illi carnis inuolucro deserviuntur, in qua est frequentis erroris illecebra.* Cantant etiam ij, qui sunt in cœlis, misericordias Domini, ut ad quos hæc res plurimùm spectet, terra ramen dicitur plena esse eius misericordiâ, eò, quod hæc maiore diuinorum auxiliorum necessitate laboret. Ad iuandos homines magis brachij sui neruos, vimq; contēdit, quàm ad opem ferendam Angelis. Vehementiore impetu, & abundantiore copia exonerant se miserationum Dei flumina in homines caducos, & fragiles, ut potè pluribus, ijsq; ad nocendum potentibus hostibus circumdatos: Eapropter cum David cantat, quod *misericordiâ Domini plena est terra*, perinde est ac si diceret, validioribus præsidij esse communitos terrenos, quàm cœlites, quia hi non tantâ eius indigent misericordiâ. Hoc exemplo docemur, maiore auxiliij efficacitate ijs succurrendum, quos adiumento magis indigere videmus.

Non absque mysterio Euangelistæ notârunt Reges, & Præsides Hebraici populi, qui cum potestate præerant tunc, quando diuina bonitas carnè humanam indurâ e cœlo in terram, ut eam visitaret, descendit. Ex ijs Matthæus, cap. 2. i. sic ait: *Cum natus esset Iesus in Bethlehẽm Iudæ in diebus Herodis regis.* Post Lucas ait, Israëliticam Monarchiam in partes sectam varios habuisse moderatores, nempe alterum quendam Herodem, Philippum, & Lisaniam.

Quid ergo Sacramenti habeat, quod vitæ author, cœlestis Magister tunc inde huc aduenit, quando patriam ipsius temporalem extranei Principes, & tetrarchæ tam multi occupabant? An idcirco tunc descendit, ut populo ipsius prædicaret? Verùm ut sæcula superiora tulerant prophetas, quid muneris obirent, sic eo quoq; tempore tales deesse non poterant, qui suam ea in re operam nauarent, ut olim fecerant. Quid itaq; causæ sit, quod tunc potius ad hoc prædicationis officium obeundum Dominus ipse descendere voluit, quàm cum Reges Israël, & Iudæ legitimi imperabant?

Satisfacit proposita quæstioni Sanctus Ioannes Chrysostomus hom. 2. Opp. imperfect. percommo-  
de in rem præsentem dicens: *Quamdiu gens Iudæica quamuis sub peccatoribus, tamen Iudæicis regibus tenebatur, Propheta mittebatur ad remedium eius. Qualis necessitas, tale & auxilium. Nunc autem quia dolexit Deus sub potestate regum iniqui tenebatur, id est,*

*ausus.*



*infirmis Dei sub Dominatione Romana premebatur, nascitur Christus, quia magna, & desperabilis infirmitas medicum artificiosorem querebat.* Quo tempore sub regibus legitimis, tamen si conceleratis, Hebræi militabant, maiorem diuinæ legis notitiam habebant, quorum errata ut coargueret Dominus, facta erat quosdam e sua schola discipulos, & medicæ artis tyrones Prophetas mittere. Par erat infirmitati remedium, & congruens egestati leuamen. At postquam infelix populus, & sacra lex tyrannidem Principum extraneorum, & barbarorum pati cœpit, Christus natus fuit, & cœlestis procomedici aduenit, ægritudo enim incrementa fecerat, & vulnera recruduerant, & plâgæ artem superabant humanam, *magna, & desperabilis infirmitas medicum artificiosorem querebat.*

Quando viro principi cuidam est ægrè, si non sic grauis, & periculosa infirmitas, ex qua decumbit, qualiscunq; medici curæ se credit, & pulsus venarum etiam rudi in arte medica perentandum permittit: At si morbo urgeatur ancipiti, & mortifero, doctissimos, experitissimosq; accersit medicos, ut sit par ægrotationi curatio, & magno malò opem magnam adhibeat. Ad hunc modum Christus, quando populus tempore regum legitimorum infirmabatur, mittebat Prophetas, quod morbus non esset mortiferus: At cum iugrauelesceret malum, & in periculum mortis sub potestate regum tyrannorum adducerentur homines, *nascitur Christus*, ipse medicæ facultatis Decanus venit, & inuolit ægrotum, *quia magna, & desperabilis infirmitas medicum artificiosorem querebat*, debent enim ex æquitate necessitatem auxilia, & ratio postulat, ut grauioribus morbis medicos quæramus, & adhibeamus peritiores, ac præstantiores.

Conuocabat quondam Propheta regius omnes ex toto terrarum orbe homines, ut ipsum docentem auscultarent. Totum mundum saluberrimæ concionis suæ theatrum esse volebat, & tanquam summus armorum supremi Imperatoris præfectus cunctis, qui sunt, quique erunt, publicis edictis, ut ad audiendum concurrerent, urgebat, tum vocalissimum præco tota laterum contentione succlamabat: *Audite hac omnes Gentes*; Psal. 48. *audite, audite, qualiscunq; status, & conditionis sitis, auribus percipite omnes, qui habitatis orbem, quique terrigena, & filij hominum, simul in vnum diues, & pauper.*

Peracutè sanè in his verbis notauit Magnus Basilus mysticum ordinem, quo in aduocandis ad salutis suæ remedia capeßanda, & monita auscultanda ho-

minibus superus Imperator est vsus, inquit: *Primum in Vocazione ordinauit, quod in qualibet congregatione erat dignus reprehensione. Omnis, qui orbem terræ habitabat, Gentes erant pessime. Rursus terrigena ante filios hominum in ordine selecti sunt, & diuites ante pauperes, quod illi ad damnationem occasionem longè propensiores haberent, Vocati sunt.* Ut quique periculosius laborabant, ita citius ad subeundam curationem vocabantur. Grauiori morbo prius medendum, ipsiq; ante omnia succurrendum, quorum magis desperata salus. *Eius moris est nostri Medici benignitas*, inquit S. Basilus, *et infirmioribus sua medela imperat commoditatem.* Hoc illi solenne, ut eos ante curet, quorum mortifera infirmitas manus illius medicæ vehementius desiderat, & inclamat. Primis ergo Paganis, ut maxime indigis subuenit, dein terrigenis prius, quàm hominum filijs, denique pauperi opem tulit, postquam diuiti occurrerat, rariiores enim, leuiioresq; sunt egenorū, quàm opulentorum infirmitates. Iste scilicet est bonus benefaciendi modus, si maiori necessitati promptiore auxilio adueris, & eum prius audias, qui tuam contentioribus vocibus opem implorat.

Voces cœlo dabat Patriarcha noster pro depellenda coniugis suæ sterilitate, *deprecatus est, pro vxore sua, eo quod esset sterilis.* Totum conceptus impedimentum sterilitas, quæ & capitalis est hostis foecunditatis. Ut hoc tam forte vallum deiiceret, ac tam validum impedimentum Isaac submoueret, quid egit? *Deprecatus est.* Ut murum solo affligeret, prosterneretq; quod ad obmunitam sterilitate foecunditatem penetraret, obsecrationum catapultas in eum tota affectus contentione oxoneravit, precumque ardentium ariete tam diu illum percussit, donec disiceret. Litera Hebræa habet: *Multiplicasti preces*, hoc est, magno plurimarum orationum subsidio ad hanc rem est vsus: Nam ut potens, fortisq; erat per naturam hostis, ita necessum erat multiplicare preces, crebriori que orationum assultu illum tentare, & arma obsecrationum plura aduersus illum comparare, ut sic propugnaculum subactum fatigatus, fractusq; hostis certâ conditione dederet. Vbi enim miserabiliores necessitates voces dant maiores, ibi etiam viribus maioribus, & validioribus auxilijs subueniendum.

*Vide Periocham IV. Dominica in Septuagesima Tomo II. pag. 482. a o. ubi eandem rem argumentis alijs author copiosius demonstrat.*



## CAPVT VIII.

*Omni apud Deum plurimum valet oratio, at  
que constans est, & pertinax, ea illum magis ca-  
pit, & subigit.*

Quam sint validæ vires orationis, id omni occa-  
sione, quæcunq; eius opem requisivit, adhibu-  
itque, demonstratum. Diuina etiam literæ, & sacri  
annales conferti sunt varijs experimentis, & exem-  
plis, quibus hæc veritas abunde comprobatur. Ve-  
rùm quod hic de precum efficacia affirmatur, id  
vel semper, vel plerumq; de illorum orationibus æ-  
cipiendum, qui cum Dominum sup plices obsecrant;  
non statim cedunt, nisi quod rogant, mox obtineant,  
neq; inter primos imperus leuiter cadunt animis,  
perseuerantia enim demum impetrat, quod diu pe-  
titur, & pertinaci constantia Deus concedit. Do-  
cet nos hæc præclare sanctus Patriarcha noster Isaac,  
qui Deum subegit, postquam viginti annos in per-  
petuo precandi studio exegit: *Deprecatus est, mul-  
tiplicans preces*. Pertinaci orandi contentione in  
validissimam pectoris diuini arcem arietabat, nec de  
animo quicquam remittebat in tam diuturno obse-  
rationum conflictu, nec interpecebat aliquando pe-  
toris ardor inter precandi assidua, tamque longa  
certamina, quare & illustre suo labore præmium  
consecutus est, nam *exaudivit eum Dominus, &  
dedit conceptum Rebecca*. Cessit Dominus, perseue-  
rantia triumphavit, vicit pertinacia, Jacobque post  
longam obsidionem victor euasit, filiumq; impetra-  
vit, Deus qualem, quantum! Verbo dicam: Iacob-  
tem. Ità vincit qui benè orat, sic obtinet, qui con-  
stanter decertat, sic impetrat, qui perseuerat.

Cum nos exhortaretur cœlestis Magister, vt ad  
ipsum in ærumnis accederemus, eiusque opem in-  
ter miseriarum angustias implorarem, illud simul  
commonebat, ne desponderemus animum, si forte  
primis statim precibus non impetramus, quod vo-  
lumus, sed perseueraremus, certi, quod constanti  
orandi studio, quæcunq; diu suspirauimus obtine-  
bimus. Vt autem nos ad orandum alacriores redde-  
ret, attulit parabolam eius, qui mediâ nocte amicum  
quendam suum importunus adiit, & obsecrauit, vt  
sibi panes aliquot commodatò daret, quibus hospi-  
tem suum pasceret, qui concubiâ nocte intempesti-  
uus illi aduenerat. Submorosum, ac perdifficilem  
exhibebat, variaque precatori importuno obiecta-  
bat, qui rogabatur, at cum animum illius pertinaci-  
bus precibus supplex amicus identidem validèque

pulsaret, concessit deniq; orantis peruiticaciæ, si non  
amicitiæ ergo, qd id certè, vt ne aures illi inconditis  
clamoribus obtunderet, & à vexatione euaderet, sic  
vt improbus precandi labor extorceret, quod sacra  
amicitiæ necessitudo impetrare nequijt. Tantun-  
dem vobis dico, aiebat Dominus: *Petite, & dabi-  
tur vobis*; Luca 11. v. 9. dum conueniat modò,  
quod rogatis.

Theophylactus in horum verborum commenta-  
tione ait: *Videte Verborum diligentiam. Non dixit,  
Petite, & dabitur, sed Petite, hoc est continuo qua-  
rite*. Dignum certè est, quod diligenter attendamus,  
quem precandi morem à supplicibus suis observa-  
tum velit, vt felient illis, fructuosèque sua cadat o-  
ratio. Quid ergo faciamus, Domine, vt vota nostra  
obtineant? Petemusne, & sic statim, quod optamus,  
consequemur: *Non dixit, Petetis, & dabitur sed Pe-  
tite, hoc est, continuo quarite*, constanter obsecrate,  
orationis enim be munda, nisi perseuerantiæ pul-  
uere nitrato? probè insarta, non quatit muros acis  
illius cœlestis, vt hominum precibus cedat.

Sacerdos cum sacrificij Missæ incruenti sacrum  
canonem orditur, simul exemplò toti mundo indi-  
cat, officij se sui partes exequi, quæ hæc habent, vt  
sit sequester Deum inter, & homines, illumque ob-  
secret, vt iustas suas placatus ponat. Itaq; pro vniuer-  
sa primùm Ecclesia, dein pro illius visibili in terris  
capite Pontifice Maximo, posthæc pro Regibus, ac  
Principibus orthodoxis, qui veram, Apostolicam,  
Romanam profitentur, ac propugnant fidem, de-  
mum: *pro omnibus orthodoxis, & Catholicis, atq; Apo-  
stolica fides cultoribus* orat. Cum has tam iustas, &  
gratas obtulit preces, cum iteratò & præsentis om-  
nes, & cunctos, pro quibus ante rogauerat, Deo  
commendat, inquit: *Memento etiam omnium cir-  
cumstantium, quorum tibi fides cognita est, & nota  
denotio*.

Sed quâ gratiâ, qui superius pro omnibus ortho-  
doxis, & veræ fidei cultoribus obsecrarat, nunc eo-  
rundem memoriam denudè inculcat, tanquam Deus  
vel priores preces non audierit, aut statim atq; audi-  
it, oblitus fuerit, quod nemo nisi inscientissimus de  
tanto Domino suspicari, nemo nisi impientissimus  
affirmare potest, vt in quem talium defectuum nihil  
cadere queat, qui & peruiuganter omnibus attendat,  
& tenacissimè cuncta commemerit.

Respondet Venerabilis, & antiquus Pater Adon  
Episcopus Cameracensis in expositione Canonis dist.  
2. Tom. VI. Biblioth. Vet. PP. *Reperitur oratio,  
quæ prius facta est pro omnibus, & saltem importuni-  
tate*



*rate Vincatur Deus.* Quod ergo sacerdos sub Missæ sacrificio eandem bis fundit precationem, Deumq; semel, & iterum pro fidelibus catholicis obsecrat, & resecat, id fit, vt insitiamur, cum Deum oramus, non statim nobis desistendum, non remittendum ab exercitio, ac studio precandi, sed illud vnice, strenuè què curandum, vt iterum, iterumque incursemus Dominum, ardentèq; interpellemus, & perseueranter inclamemus, vt quod meritum nomine non consequimur, per vim saltem importunæ, & pertinacis orationis obtineamus. Ad expugnandum quippe paternum Dei pectus, vt optata inde beneficia expromamus, pia importunitas, & humilis perueniunt plurimum valet: *Vt saltem importunitate Vincatur Deus.*

Necessum est igitur instare Deo, adire illum semel, & sæpius, pertinaciq; contentione atrium cœlestis palatii percurrere. Nolim Politico nostro accidat, quod de Tigride sanctus Iob affirmat, nimirum in mortem ex eo incurere, quod in prædam non incurrat: *Tigris perijt, eo quod non habeat prædam;* inquit ille c. 4. v. 11.

De hoc animali aiunt naturalis historiæ Scriptores apud Philippum Diaz, & Ioannem Oforium Serm. de Letan, cum frustum carnis, aut aliud quidpiam suo palato gratum è sublimi arbore pendulum videt, binâ, ternâue subsultatione id appetere, ac si primo, secundo, tertio conatu non assequatur, quod prensat, statim intermittere studium, languescere animo, & desistere à proposito. Eapropter Beatus Iob ait, hoc asferre tigridi exitium, quod non inister capris, non perseueret, non porrò prosequatur prædam, cui semel inhiare cœpit, nam si non mox delassaretur, si ampliùs, diutiusq; in expetitâ semel prædam incumberet, votorum suorum potita non interiret. Hæc ipsa causa, cur multæ occidant animæ, quod tigridis morem imitatur, cum se ad orandum componunt, iamq; aliquoties precatur, & vociferatur non impetrarunt id, pro quo semel, & iterum rogauerunt, extemplo cadunt animis, & languent, disceduntq; à studio, cui semel se addixerant. Non debent hoc facere, qui beneficij quidquam à supremo Domino referre volunt, perstent magis, fortiterque insistant precibus, clamitent multum, ac diu, non deficient, non demittant animos, non remittant de studio, perseuerantiâ enim omnia impetrantur, & nihil tã est validum, ac potes, quod pertinaciâ nõ cedat.

Docet hoc inclutus, & heroicus noster Hispanorû patronus, inquiens: *Multum valet deprecatio sustinenda;* Iacobi 5. 16. Leo Imperator ea sic vertit: Tom. III.

*Oratio operans.* Cardinalis Caietanus: *Oratio agens.* Maximus, Ioannes Ciparionita, & Vatablus: *Oratio efficax.* Itaque quod oratio est operans, agens, efficax, id à continuo studio, & perseuerante aliditate habet. Nisi enim pertinaces sint preces, nisi perenni scaturigine profluant lachrymæ, parum virium habere, & exiguæ efficacitatis esse solent.

Audiamus commentarium, quem eruditissimus, & doctissimus calamus Patris Cornelij à Lapide in ea verba dedit. *Talis ergo energia, efficacia, intentio, & contentio requiritur in oratione,* inquit ille, *qualem in opere, & g. in studio adhibet studiosus, in fabrica architectus, in pralio miles, & dux, & victoriam obtineat, & scilicet ita animata, ardens, vehemensq; sit, & ardentia suspiria quasi pilas è tormento bellico ignitas in cælum ei aculetur, quibus Deum feriat, & quasi sauciet, cogatq; dare, quod flagitat.* An fortè satis putat, qui rei literariæ dare operam cœpit, gymnasijs atrio semel intulisse pedes? Nonne dies plurimos, & annos totos, neque paucos transiit in scholis, vt artis, scientiæq; alicuius peritiam sibi pareret? An fabricæ machinator ab opere manum reuocat, cum primum lapidem iecit? An cum parietem aliquem excitauit? An milites, eorumq; ductores arma abijciunt, & intepefcunt animis, cum primum cum hoste concurrere incipiunt? Nonne contumaciter pugnant? Nonne ferociter configunt? Nonne constanter, totaq; virium, & pectoris contentione in aduersas phalangas insiliunt? Tantundem agendum illi, qui per orationem à Deo beneficia consequi optat. Perseuerare is debet, & insistere, & persistere in precibus, foresq; cœlestes identidem in clamare, & incurfare, & tam diu ardentem flagrantem è pectore fursum iaculari orationum ignitarum glandes, donec animum Domini conuulneret, atque in sententiam suam omnem suam quadam violentiâ coactum pertrahat. Quàm denso pilarum imbre pluit exercitus, quot fulminaribus machinis circumtonat, vsq; dum moenia demoliatur, deiiciat valla, arces solo æquet, & hostilem aciem fundat? Ad eundem modum miles christianus ardentia suspiria quasi pilas è tormento bellico ignitas in cælum iaculetur, quibus Deum feriat, & quasi sauciet, cogatq; dare, quod flagitat. Neque cessare priusquam impetret, nec quiescere ante debet, quàm assequatur, quod desiderat, contineatur autem, & quæ cupit, obtinebit, dum perseueret modò.

Nemo me culpabit, si fortè hoc argumentum paulò fusiùs tractaro, nam vt talis doctrinæ necessitatem probè intelligo, ita prolixitatis notam incur-



rere haudquaquam timeo. Oratio præcipuū instrumentum est, & vñatissimum, communeq; medium, quo à supremi Domini munificis manibus omnia tam corporalia, siue temporalia, quàm spiritalia, & æterna beneficia obtinentur, idcirco pernecessarium est eius perseverentiam persuadere, vt in qua tota illius energia, & efficacia omnis innititur.

Sacer pictor, & historicus Lucas coelestis calami sui scriptorij diuino penicillo delineat heroicas virtutes sanctæ illius de Euangelio viduæ, Propheciæ, filia Phauelis Annæ, cūq; suis seorsim, ac particulatim coloribus splendorē piarum actionum eius exprimeret, sic aiebat: *Non discedebat de templo, se- iungens, & obsecrationibus seruans die, ac nocte; Luca 2. 37.* Textus Syrus ea sic reddidit: *Colebat Deum ieiunio, & oratione;* hoc est, ornabat Dominum suo & precum, & inedia studio.

Notandum, huius verbi, *Colere*, plura esse significari, neque enim solū significat reuereri quempiam, aut venerari, verū etiam campum subigere, & futuro sementi aptare, & hoc postremum est illius originale, & primæuum ethymon, quapropter Augustus Cæsar apud Macrobiū lib. 2. Saturnal. c. 4. cū vidisset Veccium quendam, qui aratro humum, quā pater illius tegebatur, proscindebat, dixit: *Hoc est verè monumentum patris colere.* Equiuoca vocis *colendi* significatio habet suam apud Latinos venustatis gratiam, & suauitatem leporis, quem Hispanè exprimere non sciam.

Quod ergo de Anna dicitur: *Colebat Deum oratione;* perinde est, ac si dictum fuisset, non secūs illam oratione vñam fuisse, ac solet vomere suo impiger vñ agricola, qui rus, vt ei optatos abundē, cumulat; fructus reddat, non semel tantū arat, aut proscindit, sed aliū impresseis sulcis crebrò perstringit, nouaq; operas, & iterat labores, atque ita facit, vt meliores, & porrò grandiores, copiosioresq; foetus edat, sciens nempe, terram, vt sic faciat, frequentem postulare culturam, infatigabiliq; studio exerceri oportere.

Hoc est, quod sancta vidua factitabat: *Colebat Deum oratione,* superam illam coelorum terram flagrate perpetuæ orationis vomere perstringebat, nec semel arasse contenta, iterū, iterūq; subigebat, & parum arbitrata per diem huic operæ operam dare, noctes huc adiungebat, tanquā prudens agricultrix coelorum, quæ nouerat, eum, qui exoptatum ab oratione fructum referre vellet, hoc cum Deo agere debere, quod eum terra facit colonus, vt ei fru-

ctus vberes, ac tempestiuos proferat.

Hac industria vñs fuit diuinus ille pastor, & Prophetas, quando vt alios suo informaret exemplo, narrabat quid ipse facere solitus esset, vt gratiæ dona à Deo impetraret, inquiens: *Vespere, & mane, & meridie narrabo, & annuntiabo;* Psal. 54. 18. ad fores Domini, & Dei mei vociferabor, & cū sol occidit, & cū dilucescit, & die medio, domum ipsius opulentam omni horā adibo, & aque ante ostium stans identidem clamabo petens, & rogans. Et quid illis tam importunis, ingeminatissq; clamoribus fieri? *Et exaudiet vocem meam,* annuet precibus meis beneuolens Dominus, & suspiriorum meorum continuati labores fructum, quem expectij, producent, vt enim impetres quidpiam, nūllum validius importunitate remedium. Itā sensit B. Enodius qui lib. 1. Ep. 3. sic ait: *Facessat posthac infidelium malè causa discussio integritati sine periculis presentibus quacūq; obtineri, acceptum ferens. Idonem mihi testis assipulor, quod frequenter oratione optata promerui, concessum est precum assiduati, quod negabatur examini;* quod tale est, ac si dixisset: Non habet deinceps quod nos arguat infidelium quispiam, qui ad intaminatæ vitæ suæ incorruptos mores se recipit, vt nobis persuadeamus, solo talis vitæ merito factum, quod illius precibus Deus facilis, citusque concessit. Huic enim ego me testem commodum contrā obijcio, cui precandi pertinacia maximo semper adiumento fuit, vt apud Deum, quæ volebam, exambirem, operæ quotidianæ indultum, quod non concessum meritis, importunis vocibus extorssi, quod non impetraui virtutibus. Itaq; paulò ante ista sic habet idem sanctus: *Acta est causa desiderij mei beneficio querelarum, meruit impudentia, quod negabat Grævanus.* Confeci negotium meum, illius autem felicem expeditionem importunitati querimoniarum mearum sanè debeo, obtinui peruicaciā propriā, quod comitas renuebat aliena. Ita qui vehementer instat, & constanter vrget, nunquā vacuum abijt, quin consequatur aliquid.

Quā eleganter, quā opportunis comparationibus hanc doctrinam illustrat S. Ioannes Chrysostomus! Audite illius verba ex hom. de non contemend. Ecclesie: *Medicamentum si tibi adhibeatur, nec te purget, nonne alterā die idipsum adhibes? Si quisquam incisor arborum, si velit quercum incidere, accipit asciam, deinde incidit. Quod si non scit arbor non concidit, nonne & alterū scitum addit? non quarum? non quintum? non sextum? non decimum? unde in facito. Ingressus es in Ecclesiam, ne ex eas, nisi d-*

mitta



*mittaris.* Si Deū oras, neq; statim exoras ne despera propterea, neq; collabasce animo. Vt æger medicinis, vt securi rusticis, sic tu precib<sup>9</sup> vtire. Ingemina voces, cessa clamare, suspira crebrò, ingemisce idenudem, ira consequeris, quod optas, si tamen conducat. Hoc nimirum est, quod vult Dominus, vt importunis clamoribus ipsum vrgeamus, & interpellemus, plurimum enim oblectatur precum nostrarum musicâ, perq; gratam habet nostrarum lachrymarum dulcem importunitatem.

Abiens à Sponso suo Sponsa dicebat contubernali- bus suis: *Adiuu vos, filia Ierusalem, si inueneritis dilectum meum, & nuntietis ei, quia amore langueo;* Cant. 5. 8. Apud Venerabilem Abbatem Gilbertum sic ait Sponsa: *Nuntiate, ingerite,* non mihi satis fuerit, si hoc illi semel indicetis, crebrò velim inculcatis, neque finem vllum hæc ex me significandi faciat. Quid verò ista toties repetita nuntiatio efficiet? *Frequens suggestio dilectum infleat,* & si fortè sub- offensus abiit, frequentia nuntia, & crebrior mei amoris commemoratio cor eius emolliet, ac viscera demulcebunt, vt mecum in gratiam redeat, iram mitiget, vultum serenet, indignationem ponat. Oquàm commodum Politico nostro consilium! Si is Deum obsecrârit, gratiamq; ab illo quampiam petierit, neque rerum, quas suspirat, statim potitus fuerit, non deficiat animo, neq; spem abiciat, *nuntiate, ingerite,* quin petat, & repetat, inflet, vrgeat, & à precando importunus orator non desistat, certus, quòd *frequens suggestio dilectum infleat,* & deliniet, vt quæcunq; deliderat, ab eo consequatur.

Eandem doctrinam nobis tradidit Propheta regi- us, quando exponens modum, & artificium, quo vtebatur, vt promptè obtineret, quod à Deo expecta- bat, aiebat: *De profundis clamaui ad te Domine;* Psal. 129. 2.

Magnus Gregorius in sextum Psalmum poeniten- tialem inquit: *Notandum quia non ait, clamo, sed clamaui.* Quid sibi vult, quod sanctus Vates non cla- mare, sed clamasse dicit?

Respondet beatissimus Pontifex: *Habes in hoc perseverantia documentum, & si primo non exaudiris, ab oratione non deficias, immò precibus, & clamori- bus insistas.* Vult Deus Rogari, Vult cogi, Vult qua- dam importunitate Vinciri. Ideo tibi dicit, Regnū cœ- lorum vim patitur, & violenti rapiunt illud, Matt. 11. v. 12. *Eslo ergo sedulus in oratione, eslo in pre- cibus importunus, caue ne ab oratione deficias.* Si dis- simulat audire, quem rogas, eslo raptor, & regnū cœ- lorum accipias, eslo violentus, & vinum etiam ipse in-

feras calis. *Quid hac rapinâ locupletius? Quia hac gloriosum violentiâ? Bona violentia, quâ Deus non of- fenditur, sed placatur, proximus non laeditur, sed in- natur, peccatis minuitur, non multiplicatur.* Tali o- rãdi contentione, tamq; pertinaci precãdi assiduitate fit vt consequamur nozarum gratiam, scelorum in- dulgentiã, incrementum spiritus, animæ profectum, augmentum gratiæ, beneficiorum diuinorum con- seruationem, perseverantiam in virtute, fortitudi- nem contrà omne genus inimicorum, tam eorum, qui nos palam incurfant, aut infestant, quàm illorū, qui clam, & inuisibiliter impugnant. Quis hæc au- diens non assidue oret, non importunè Deum appel- let, non inflet continuis precibus, quandoquidem tot bona, tamq; ingentes thesauros contentiosa, & pertinax oratio complectitur, & adfert?

Eiuscemodi orationis exemplum præclarissimū Patriarcha noster nobis reliquit. Totos viginti an- nos rē vnā perpetuis clamoribus depoposcit. In hoc tam prolixi temporis de curriculo quàm cre- brò ille orationum suarum vomere terram cœlorum perstrinxit? Quot supiria dedit? Quoties ingemu- it, vt consequeretur, quod tam vehementer, & ar- denter expetebat? Quàm elegantem verò fructum (quod ad erudiendum, confirmandumq; Politicum nostrum commemorauero) sua illi contentio per- tinaxq; petitiō attulit? Quantum lucrum continua oratio peperit, quæ Iacobrem, tam raræ, & mira- bilis sanctitatis filium genuit? Facite vos, quod ille egit, qui *multiplicauit preces,* non respondit animū anno primo, non seignior factus est, vt remitteret se- cundo, non contraxit precandi vela tertio, verum vt anno vno, & tribus, & decem, & viginti obsecrauit, ita plures his in eo opere transmisisset, si longior di- latio diutius retardasset gratiam, quam suspirabat. Huius exempli ob oculos nemo deficiat animo, sed omnes excitentur potius, & roorentur, vt con- tinuè orare, precari importunè, pertinaciter inter- pellare Deum ament, qui vt indulgentissimus pater sinet se subigi nostrâ orandi contentione, & mitio- rem se reddi nostris rogatibus, & deliniri suspirijs.

*De orationis vi, & efficacia habet plurima To- mus II. Vide ibi indicem rerum.*

✠(+)✠



## LIBER QVARTVS.

## CAPVT I.

*Vana, & turpis diligentia, ridiculaq; est illius sollicitudo, qui cum frigidum, pellucidum, abundantemq; fontem ad manum habeat, turbidos, impurosq; operose, ac laboriose confectatur riuiolos.*



Miseratus tandem aliquando Isaacum Pater luminum, aperiensque diuites fores opulentorum thesaurorum suarum misericordiarum, diu incultum, sterilemque campum tristis Rebeccæ omnipotente clementiâ suâ irrorauit, cœlestique irrigatione inclyti Patriarchæ nostri deuotam coniugem fecundam reddidit, fecitque ut duplicato fructu superiore sterilitatem cumulatè compensaret. Duos ex concubitu vno filios concepit, qui obscuro in materni uteri carcere tam acriter, efferatèque concertare cœperunt, ac si duo aduersarij exercitus essent, aut ad duellum mutuo euocassent. Turbauit sollicitam matrem inauditæ rei nouitas, dum secum reputaret, quid sibi vellet tam ferox in alui maternæ secreto duorum nondum in lucem editorum puerorum conflictus, qui magis periti essent pugnandi, quam scirent, quomodo curare vitam deberent. In medio tam inopinatæ concussationis, ut sciret quid tam contentiosum duellum præsignificaret, adiit Dominum, amarisque infusa lachrymis consuluit diuinum oraculum, ut ex illo acciperet prodigiosa illius luctus prognosticum. *Perrexit, & consularet Dominum; Gen. 25. 22.*

S. Ioannes Chrysostomus in eorum verborum commentatione aiebat: *Vide mulieris sagacitatem, quoniam viderat, quod à, qui vulnam eius reserauerat, natura esset Dominus, & infecundum ventrem repente ita fecundum effecisset, & videbat uteri sarcinam magna quadam promittentem, perrexit, ut consularet Dominum. Quid est, perrexit, ut consularet Dominum? Cucurrit ad veram scientiam. Hæc ille, & paulò ante: Non ad humanum confugit subsidium, nec se exposuit deceptioni curiosorum, & eorum, qui polliceri audent, quæ sunt supra humanam naturam, sed perrexit, ut consularet Dominum. Non fecit, quod multi stulti, & amentes solent, qui cum in similes necessitates incidunt, ad vanos, & nugivendos circumforaneos, & impostores astrologos*

iudiciarios accurrunt, qui ex stellarum cursu futura contingentia diuinare, & quæ ventura, præscire volunt, quæ tamen Deus in sui pectoris secreto occultæ scientiæ suæ claue obserata seruat. Tu verò *vide mulieris sagacitatem*, inquit Chrysostomus, quæ relictis vilium, & arrogantium hominum sordidis riuiolis, *perrexit, & consularet Dominum, cucurrit ad veram scientiam*, fontem ipsum adiit, docens nos, ut in omnibus occasionibus, cunctisque ærumnis, & angustiis nostris tantundem faciamus, qui cum istum limpida, & diuinum fontem tam propè, & ad manum habeamus, grande piaculum fuerit, si eo relicto ad riuiolos hominum accurrerimus, è quibus deceptio sola bibitur, & non hauritur, quod expetit.

Ingrediebatur Dominus regionem Gerasenorum, cuius terram cum diuinis vestigijs suis sacrare cœpisset, veriti illius inuincibilem potentiam occurrerunt ei duo homines, quos immanes, ac nimis sæui dæmones inuaserant. Non procul inde grex porcorum aberat, damnati autem spiritus rogabant, ut cum ipsis bona venia mutare hospitia, & è fœtidis sepulchris in immunda illa animalia transire possent. *Att illis: Ite; Matth. 8. 32.*

Mouet hoc loco quæstionem S. Petrus Chrysologus, cur mali dæmones, cum mutandi diuersorij certum consilium iam concepissent, facultatem à Domine petierint, quibus ea licentia ad talem rem non videtur fuisse opus.

Respondet verò serm. 17. prudenter factum fuisse, quod Dominum, cuius potentiam nouerant, adierunt, ut is, quid ab illis factum vellet, statueret, namq; *miser est, qui relicto iudicio frustra carnificis requirit fauorem, qui nec vexare, nec parcere, nec minuere potest tormenta, nec addere, sed facit totum addictus ipse verbero ad ius, & arbitrium iudicantis.* Itaque dæmonia, cum supremam, & absolutam in Christo potestatem agnoscerent, ab illo sibi decerni pœnam, designari carcerem, constitui tormentum rogârunt, nam Domino, penes quem est omne supplicij arbitrium, prætermisso ad licetorem confugere, eiusque humanitatem implorare, extrema dementia est, & proximis fontibus neglectis ad riuos pergere, miseranda stultitia, & manifestus error eius, qui dorsum soli obuertens, aliam lucem requirit.

Impru-



Imprudentiæ arguit Dominus Scribas, ac Phariseos, quod legatos Ierosolymis in desertum ad Ioannem destinaſſent, vt num ipſe eſſet Meſſias, perquirerent. *Vos miſiſtis ad Ioannem:* inquebat Ioannis 5. 33. & poſt pauca: *Ille erat lucerna ardens, & lucens, vos autem Soluſtis ad horam exultare in luce eius:* v. 35.

Vis horum verborum, notante id Sancto Cyrillo Alexandrino, in eo poſita eſt, quòd Dominus Ioannem nomine lucernæ, ſeu candelæ, aut facis donat. Quid discriminis eſt inter ſolem, & lucernam? Lucerna, inquit Cyrillus, lib. 3. in Ioan. cap. 1. *non propriam lucem, ſed adiectam, ac forniſecus ad veritatem poſidet.* Fax hoc differt à ſole, quòd illa lumen aliundè mutuatum habet, nec lucere aliter, quàm emendicato ſplendore poteſt, Sol verò propriâ, & nativâ luce radiat, & ab vno illo aſtra omnia omnè ſuum trahunt fulgorem. Ad eum modum Chriſtus, qui eſt Sol iuſtitie, omnibus ſtellis, quæ ſunt in vtriuſq; Eccleſiæ firmamento, tribuit quicquid habent lucis, *de plenitudine cuius nos omnes accipimus*, Ioan. 1. 16. Hinc iam æſtimate imprudentiam, & amentiam Scribarum, & Pharifeorum, inquit Chriſtus, qui relictò Sole adierunt ſtellam, & oblitì Dominum accurrerunt ad ſervum, contententesque regem acceſſerunt ad miniſtrum. Nihil autem tam inconſultum, quàm tanuè faculæ lucem adire, cùm Solem præſtò habeas, & bibere de riulo, cùm haurire ex fonte poſſis.

Querit Haimo, cur Magi duce viæ videntes admirabili illâ ſtellâ potiùs Ieroſolymam ierint, quàm in aliam ciuitatem, vt Chriſti recens editi natalem locum indagarent: *Venerunt Ieroſolymam dicentes, Vbi eſt, qui natus eſt rex Iudeorum?* Matth. 2. 2. Quamobrem ſtellæ prodigio excitì hanc magis vrbem, quàm aliam orbis terræ partem petierunt? *Vidimus ſtellam eius*, inquebant, hæc nos ſolicitos, anxioſque reddit, adeò hìc Ieroſolymis à dubitatione noſtra abſolui, & rei, quam neſcimus, certiores reddi volumus. Sed cur eo potiſſimum in loco portentum ſtellæ ſibi exponi cupiebant?

Reſpondet eruditus Haimo, conſuetudinem gentium exterarum id habuiſſe, vt quoties inſolens aliquid in cælo prodigium cernerent, mox Ieroſolymam, tanquàm ad verum oraculum accurrerent, vbi Dei notitia ſedem, aulamque ſuam regiam habebat, vt quid illud inuiſum, & inuſitatum præſagium ſibi veller, intelligerent, quemadmodum Ezechie ætate factum, quando Sol decem lineis in horologio Achaz retrò abiit, de quo 4. Reg. 20. &

Iſaie 38. rex autem Babylonis Berodach niſit ad Ezechiam principum legationem, *Et interrogarent de portento, quod acciderat ſuper terram*, 2. Paralip. 32. 31. *Conſuetudo erat exterarum gentium*, inquit ille hom. de Epiphania. Tom. 1. h. B. B. *Et quando vidiffent aliquod portentum in cælo, Ieroſolymam peterent, aut transmitterent, Vbi erat Dei cognitio, ſicut fecerunt temporibus Ezechie, Et interrogarentur, quamobrem Sol ita reuerſus eſſet.* Hunc morem cùm non ignorarent Reges Magi, & ſtellæ nouitatem viderent, *Venerunt Ieroſolymam*, vt inde certum reſponſum referrent, vbi verè Dei notitia florebat. Hæc vna è multis cauſa eſt, quòd Euangelifta non abſque myſterio Magos, ſive ſapientes eos vocat, qui Reges erant, inquit: *Ecce Magi ab oriente Venerunt*; Matth. 2. 1. inſignis quippè prudentia, & ſapientia permagna eſt, relictò riulo pergere ad fontem, contempto mendacio perere veritatem, fugere fraudem, & quærere ſcientiam, renuntiare creaturis, & adire Creatorem.

Commodum huic rei veniet quoddam Tertulliani quaſitum, qui lib. de carne Chriſti c. 18. ſciſcitatur, cur Dei Filius, poſtquàm conſtitutum habuit carnem induere, naſci voluit ex Virgine illibata, pura, intaminata, cuius integerrimam mundiciem nullus vnquàm viri temeraſſet contactus. Reſpondet verò in hunc modum: *Non competeſcit ex ſemine humano Dei Filium naſci.* Sed cur non congruebat viri operâ humanam Verbi generationem perfici? Reponit ille iterùm: *Vacabat Viri ſemen apud habentem Dei ſemen.* Si Dei Filius in ſe complectitur gratias, & virtutes rerum omnium, nec qualeſcunque, ſed perfectiſſimas, excellentiſſimas, præſtantiſſimas, ſi eſt prima cauſa, & ſcaturigo omnis boni, quorſum à creatura mendicaret gratiam, & virtutem, quam in ſeipſo continet? Cùm ſons eſſet, ad riulumnè iret! Solné ad ſtellas, ad effectum cauſa, Creator ad creaturam confugeret! *Vacabat Viri ſemen apud habentem Dei ſemen.* Non ridicula tantùm, ſed & vana, otioſaque eſt eius diligentia, qui ad tenues ſordidoſque riulos abit, cùm proximè habeat abundos, gratiſſimos, & ſaluberrimos fontes.

Magno credentium Patriarchæ in ipſo ſeruore dei pièntiſſimus Dominus, volens diuinâ ſuâ præſentiâ humilem illius nobilitare domum, apparuit, qui cùm eleuaſſet oculos, tres viros robustos, ac perelegantes vidit. Vt ne fruſtrâ felix, ac lucroſiſſima occaſio dilaberetur, decrepitu Patriarcha, tanquàm valentiſſimus quidam iuuenis, feſtinantiſſimè accurrit, aſuſuſque terræ hac eos verborum



comitate urbanè appellauit: *Domine, si inueni gratiam in oculis tuis, ne transeas seruum tuum*; Genes. 18. 3. velut pluribus dixisset: Si me tam beatum fortuna faceret, Domine, ut tu hoc meum tugurium cætera ferè pauperculum, sed vnâ diuite voluntate peropulentum, hoc meum gurgustium situ, ac fructurâ vile, at bonis desiderijs magnificum inires hospes, quàm gloriosa mea fors foret, quàm fausta dies præsens!

Hoc loco exsurgere dubitatio potest, quamobrem Sanctus Patriarcha, cum tres quales peregrinos aduenire vidisset, vni tantum locutus fuit, vni hospitij vsuram officiosè obtulit, vni se inclinauit, & in terram vsque ad reuerentiam submisit? *Apparuerunt ei tres viri stantes propè eum*; inquit sacer Textus ibid. v. 2. At si tres erant, cur omnem vni obseruantiz cultum deferrebat?

Difficultatem hanc submouet Glossa Angelica in cap. 18. Genes. dicens: *Deum in Angelis sentiens manuisti Domino loqui, quàm Angelis*. Personatum in Angelis Dominum totius maiestatis Sanctus Patriarcha agnoscebat, cumq; Creatorem in creaturis, Superiorem in subditis, magnum in paruis animaduertebat, relinquens paruos, oblitus subditos, prætermittens creaturas, dissimulans subiectos, cum Creatore colloquium inibat, Superiorem comiter deuenerabatur, Conditori hospitium domus suæ offerebat, Dominum in terram prouolutus adorabat: *Deum in Angelis sentiens manuisti Domino loqui, quàm Angelis*. Erant ibi fons, & riuuli, Sol & stellæ, Rex & subditi, dux & milites, Deus & Angeli. Abraham ergo, quod prudentis erat, deferrebat pro fonte riuulos, pro Sole stellæ, pro Rege subditos, pro ducem milites, pro Deo Angelos.

Et quis mendicet victum suum per domos alienas, in sua abundantibus panibus? Quis patrem fodere curet, & in terra videri bonas aquarum cum labore rimari, cui vltro aquas limpidas fons & vnijs emanat? Inquebat Sanctissimus Bernardus serm. 5. in Cant. Quis nisi impos mentis ostiatim sibi annonam mendicatio conquirat, cuius horrea, triclinia, cellæ circumfluunt omnibus, quæcunq; victus humanus requirit? Quis duro, ac diuturno labore aquas sibi aliunde accersat, cui proximus fons frigidam diuite venâ fundit? Nemo, qui alioquin sapiat, hoc agat. Tale quidpiam verò faciunt miseri, & cæci homines, qui aquas Domini perspicuas, & patentem fontem omnium bonorum, & gratiarum relinquunt, destituuntque illum superfluentialem cibum, qui liberrimo vsui, & esui nostro in sacrosancta Altaris

mensa exponitur, & omnes secum delicias, lausitiasque nobis adfert, & consecretur durum panem, & turbidam aquam, & exsuccas arbores, & inania ossa, & debiles arundines, & vanam auram, & falsas voluptates rerum creaturarum, & caducarum. O Deus, quanta ea cæcitas! cheu dolor, quàm perdit mores! Itanè putei sunt, vbi fontes! Itanè candelarum vsus, vbi Sol proximus adest! Itanè sunt, qui à Creatore ad creaturas deficiunt! Quàm vanum, turpe, friuolum ridiculum, ac pudendum studium, contemnere præcipuum, & quærere accessorium! Prudens, & qui rectâ ratione ducitur, facere debet quod Abraham, & relictis stellis adire Solem, fontem petere contempto riuulo, destituere subditum, & Domino adherere.

Hoc est, quod cum fieri maxime deceat, & oporteat, ferè prætermittitur, & negligitur, de qua res sic expostulat S. Basilii Magnus in Psal. 45. *Cum tribulatione quadam affligamur, ad omnia petius, quàm ad ipsum Deum nostrum recurrimus. Vnus tibi pusto egrotas? quaquaversum circumfers oculos, requirens incantatorem, vel ad postremum ad medicum venis, & medicinas, eo interim contemptum omisso, qui restituere potest sospitari*. Cum aduersis urgemur, mundum totum, si quod fortè in illo malis nostris remedium inuenire possimus, animo peruagamur, omniaque humana auxilia prius imploramus, ac tentamus, quàm Dei Reparatoris meminerimus, qui tamen fons est omnis boni, & omnis mali curator vnicus. Si virum quendam principem febris, aut illius primogenitum leue aliud malum fortè inuadat, quot extemplo arioli, & coniectores accersuntur! quot incantatores, & impostores adducuntur! Quot characteres superuacanei, & vani, seu figuræ, & literæ (verba sunt Basilij) puerorum innocentium collo suspenduntur! Posthæc ad medicos confugitur, & quæcunq; illi habent, Dei autem inter hæc magna obliuio, qui est fons salutis, & omnis remedij author. Noster Politicus ergo, siquidem rectè agere velit, insignem, & sacram matronam nostram Rebecca imitari debet, quæ in suis calamitatibus, & mortalibus anxietatibus perrexit, & consulere Dominum, non ad humanum confugit subsidium, cucurrit ad veram scientiam. Tantundem nos faciamus in nostris laboribus, & ærumnis, ut nobis eueniat, quod Rebecca, similiterque ac illa scopum in omni re attingamus, in dubijs quodcumque est, sequamur, nullo dolo circumscribamur, ut à molestijs liberati optatâ quiete fruamur.



CAPVT II.

In domo Dei nulla est nisi meritorum antiquitas, ille quippe annis maior, qui meritis.

Sacer Oraculum, quod nostra inter angustias posita Rebecca consuluit, hoc illi responsum dedit: *Dux gentes sunt in utero tuo, & duo populi ex ventre tuo discedentur, populusque populum superabit, & minor seruiet minori*; Gen. 25. 23. hoc est, Esau Iacobi. Sed cur minor Iacob reportabit benedictiones, & obtinebit primogenituram, ceterisque privilegijs domus Isaac potietur, & meliorem locum occupabit, quam natu maior Esau? Vna omnium Expositorum responsio est, id factum, quod Iacob esset vir sanctus, perfectus, & qui ad amissum voluntatis Dei vitam suam institueret, Esau verò homo (vt illum Apostolus vocat Hebr. 12. 16.) profanus, simoniacus, gulæ deditus, alijsque flagitijs addictus, quibus animam suam contami- uit, & genus suum dedecore aspersit.

Præcedat ergo sanctus peccatorem, profanum religiosus, quanquam profanus & peccator tempore sit maior, priorque ab utero matris in mundum prodeat, vt hinc accipiat, illum in domo Dei esse antiquiorem, qui virtutum ditior, illum esse maiorem tempore, qui bonorum operum meritis affluentior. Ille primus est (inquit S. Petrus Chrysologus Serm. 73. de his ipsis gemellis loquens) quem celestis gratia generat, non natura mortalis, ille primus, quem gratia semper beatè victurum gignit, non queni caduca natura propediem dissoluendum enititur.

Sacer Scriptor cum ab annis Abrahamum, honestamque eius coniugem describeret, quos habebant, quando Angelus miraculosam, & sanctam illis posteritatem promittebat, sic ait: *Erant ambo senes, prouectaue atatis*; Genes. 18. 11.

Origenes Adamantius, hom. 3. in Genes. & Philo Alexandrinus lib. de Abraham, hunc sacri Textus loquendi morem diligenter expendunt, atque illud in his verbis subnotarunt, quod horum coniugum prouectior ætas prima commemoratur, sic vt maiorum, quos habuerunt, nullus senex factus in illa Scripturæ parte superiore narratur. Hunc primum nominant seniozem, inquit Philo, quamuis maiores eius triplo, & amplius longiuiores fuerint, quorum neminem legimus hac appellatione dignum habuisse.

Quid mysterij habeat, quod primus hic noster Patriarcha Abraham venerabili senis appellatione

cohonefari meruit, cum illum ad id temporis vsque plurimi annis plurimis superarent, & non pauci sæcula tota, neque pauca supra quam ille, vixerint? Seth fuit annorum nongentorum, & duodecim, Enoch nongentorum quinque, Cainan nongentorum decem, Malaleel octingentorum sexaginta quinque, Mathusalem nongentorum sexaginta nouem, Lamech quingentorum nonaginta quinque, & alij plurimi in longiores annos produxerunt vitam suam, quam Abraham. Quid sibi vult ergo, quod his tam decrepitis, & Abrahamo tam multo prouectioribus honorificus senum titulus denegatur, quibus debitis videbatur, & vni credentium Patriarchæ ante omnes tribuitur?

Respondet Philo: Proauorum Abraham neminem legimus hac appellatione dignum habuisse, & meritis. Cur meritis? Nam venera senior non ex longitudine temporis, sed ex laudata vita putatur. In illa celorum Regia non vocatur antiquus, qui longos annos exegit, nec qui sæcula plures transiit, sed qui multis meritis excellit: Et quoniam Abraham maiores suos omnes, à quibus ætate superabatur, virtutum copijs, & perfectionis gradu longè infra se relinquebat, idcirco huic gloriosum senecionis vocabulum conceditur, non illis. Ex quo intelligimus, antiquitatem, vt eam Deus supputat, nach Gottes Rechnung/ non à longis annis, sed à multis, & magnis meritis æstimari: Siquidem, vt Philo Hebræus in huius rei amplificationem porro inquit, qui multum atatis in tempore vixerunt sine probitate, longani pueri dicendi sunt. Dicitur verè. Nam qui longa vitæ spatia, sine vitæ probæ studijs, emensi sunt, non honorificè senum appellatione indigni, sed hoc bene meriti sunt, vt exacta ætate pueri vocentur. Longani Pueri. Quàm pulchrè dictum! Quid prodest Christiano, centum vitæ numerare annos, si tam longo tempore nullum in militia spirituali præclarum virtutis facinus edidit, nec momentosum aliquid, quod ex vsu officiorum Dei sit, aut cultum eius, ac gloriam spectet, fecit? Illum longani pueri nomine donare debemus, vt è contrapauculorum dierum senecionem hunc dicere, qui in tenera ætate, & rudibus annis bonorum operum exercitationi operam diligentem, ac strenuam dedit. Is nimirum in Dei domo annis excellit, qui meritis, ille antiquior est, qui virtutis studiosior, senectus enim non diuturna, sed probæ vitæ est alligata.

Scribebat Sanctus Apostolus Paulus charo suo Philemoni obsecrans, vt Onesimum seruum, qui

fuga



fugā dilapsus Domini sui domum destituerat, benigne, & humanē in gratiam veterem admitteret, & sic ordiebatur epistolam: *Paulus Sanctus Christi Iesu, & Timotheum fratrem Philemoni dilecto, & adiutori nostro, & Appia sorori charissima, & Archippo commilitoni nostro; Philem. vers. 1. & 2.*

Sanctus Anselmus in commentario huius epistolae obseruauit ordinem, quo digessit personas Paulus, quos ex suo, & Timothei nomine saluere voluit: *Inter duos viros Apostolicos, inquit, inter cooperatorem Pauli, & commilitonem eius medium Appia nomen inseritur.* Magna haud dubium prerogatiua est, esse Apostolorum celeberrimi in officio Apostolico cooperatorem. Itā non vulgare officium, sed insigne munus est, esse commilitonem Pauli in eo praelio, quod contra Ecclesiae hostes susceptum geritur. Animaduertendum itaque, quod Apostolus duos viros inter eosque tam heroicis, & illustres mediam constituit Appiam mulierem. Sed quid hoc video? Qui sit, quod Apostolus Archippo fidei christianae propugnatori acerrimo, & strenuissimo Appiam anteponit? Itane ille antiquiorem habuit viro mulierem, & haec locum eminentiorem apud Paulum, quam ille tenet? Nonne si recte in ordinem serues, praeponi foeminae masculus debet? Quid ergo est, quod Paulus minus viro, quam mulieri deferre videtur.

Respondet Beatus Anselmus, inquiens: *Vi non videatur sexus ordinem habere, sed meriti,* & non hoc potissimum cogitasse, quod alter vir, mulier altera fuit, sed eius, quod primum erat, primam habuisse rationem, & hoc maxime considerasse, quod maximum, quod illustrissimum in utroque erat, cum animaduertisset Appiam magnitudine virtutum, & vitae praestantia Archippo superiorem esse, superiorem etiam sedem, antiquioremque, & nobiliorem locum in sua epistola illi descripsit, ut ea re doceret, in domo Dei solam dierum veritatem, nisi comites habeat virtutes, & coniuncta merita, non valere, solumque attendi de bonorum operum usu natum sudorem, & laborem, qui in studio actionum meritoriarum collocatur, non dies pluresculos, non longulos annos: *Vi non videatur ordinem sexus habere, sed meriti.* Apud aequum enim aestimatorum, & fidum expensorem vitae nostrae is antiquior habebitur, melioremque locum obtinebit, qui meritis auctior fuerit, & virtutum copijs abundantius affluerit.

Ablegabatur Dominus Ieremiam ad praedicandum, cum amplissima commissione, ut euelleret, & destrueret, & disperderet, & dissiparet, & edificaret, & plan-

taret, constituens illum super gentes, & super regna. Cum se tam sublimi provinciae impositum, tantiq; muneris dignitate auctum sanctus Propheta cerne- ret, oculisque ad rudem aetatem suam conuerteret, & annos teneros cum asperitate operosi officij componeret, deprecabatur tam graue onus, aetatem praetendens, quae tam arduo, & negotioso muneri praemodum impar esset. Praetextum alium, quam aetatis immaturae, & perimbecillis, nullum reperit, quo praefectura tam grauis pondera à suis humeris prohiberet. Verum Dominus respondit, longè infirmissimam esse eam rationem, quā iniuncti officij susceptionem effugere posse putarit, inquiens: *Nolo dicere, puer sum; Ierem. 1. 7.* non est bona de paucitate annorum petita excusatio, non enim in annis posita est virtus, sed in recto rationis iudicio, & sensuum maturitate, haec enim est, quae annos facit, & annos eos, qui rudes aetate.

Nam ut Sanctus Ignatius epist. 6. Tom. 3. Biblioth. Vet. PP. habet, *non annos continuo sapientes sunt, nec senes intelligentiam possident, sed spiritus, qui in hominibus est.* Samuel paruulus Heli nonagenarium reprehendit, similiter Ieremias audit à Deo, *ne dicas, iunior sum.* Adolescentia igitur non est contemnenda, quoties Deo consecrata fuerit, & verum is contemnendus est, qui improbo est animo, tamen si multorum dierum tempore plenus sit. In domo namque Dei qui sanctior, idem antiquior, & qui virtutum splendorem habet maiorem, is decentiore loco honoratur, & ceteris antefertur.

Huc aptè cadet, quod Sanctus Martyr Eustathius de amygdala, & moro in suis Hexameris scribit, inquiens: *Floret prima omnium amygdala, postremaq; pomum maturat, mors tardè germinant, tamen in fructu ferendo non sunt alij posteriores.* Ergo non satis est antiquiorem esse, aut anteuertisse alios. Nam amygdala quanquam prima omnium arborum ex hyemis horrore in genialem veris amenitatem erumpat, & florum suorum candida pacis vexilla prima proferat, serotinos tamen fructus suos ad maturitatem inclinante vix autumno adducit, & morus, quae seriùs quidem florescit, seseque ostendat, cum tamen exerere incipit, tam festina germinat, ut fructus praecoquos, quantum paucæ aliae arbores edat: *Tardè germinant, tamen in fructu ferendo non sunt alij posteriores.* Non itaque tota felicitatis tuae summa in eo posita est, quod prior ad agnitionem fidei veneris, prior togam religiosam indueris, diutius è cathedra docueris, nisi etiam bonorum operum viù, exercitatione virtutum, scientiae, & prou-

dentiae



dentia magnitudine ceteris antecellat, vt enim quis magnus sit, non ex eo sit, quod primus venit, sed quod facinorosa praelariora, & admirabiliora edit.

A sola canitie vis tibi accersere commendationem! ab vno senio mutuari existimationem! O quam turpiter erras, quisquis ex eo solū vis haberi praelarus, ceterisque praelantior, quod grauis es annis! Ignauissimorum quorundam hominum consuetudo est, vt cum inter vitia senuerint, nullique pares sint, solā se praeferant senectute, in Medic. lib. 1. Sunt, neque pauci, qui in solis canis omne existimationis suae praesidium habent constitutum, & ob vnicam diuiculē actam vitam, & exactam aetatem omnibus magnae venerationi, & admirationi esse volunt. At stultum est, ex ea re sola singularem obseruantiae cultum in domo Dei expectare, in qua ille antiquior habetur, qui consenuit in vsu virtutum, & incauit in bonis meritis.

Id procul dubio voluit significare Dominus, quando ex toto, ac tanto numero languentium, claudorum, coecorum, aridorum, hydropicorum, paralyticorum, qui in illis Probatice piscinae porticibus iacentes Angelum praestolabantur, vt in aquam ab eo motam siue ipsi insilientes, siue ab alijs coniecti sanarentur. Eam felicitatem cum omnes vehementer expeterent, vnus solus assequebatur, nam qui prior descendisset in piscinam post motum aquae, sanus fiebat a quacunque detinebatur infirmitate. Ita S. Ioan. c. 5. v. 4.

Querit Hugo Cardinalis: Quare sanabatur prior? Cur illi redibat salus, qui primus in aquas vel se ipse dabat, vel aliena ope adiutus incidebat? Cur non eo ordine curabantur, quo ad consequendam incolunitatem aduenerant? Nonne aequitas postulabat, vt bonam valetudinem ille ante omnes adipisceretur, qui diutius suspirarat, & expectarat? Non deferebatur annis, non expectationi diuturniori, non conualescebat prior, qui prior, vt beneficium sanitatis obtineret, in aliquam porticum, & proximum piscinae locum aduenerat, inquit Hugo, sed qui prior descendisset in piscinam, sanus fiebat, vt tali exemplo institueremur, parū valere antiquitatem temporis in domo Dei, vt in ea quidquam impetres, aut assequaris, & exigui momenti esse longos annos, aut confectam aetatem, nisi magnos in virtute progressus simul feceris, & ingentes bonorum meritorum thesauros in scrinium animae intuleris. Expeditiori, & promptiori corona datur, non seniori, digniori, non antiquioris tempora lauro cinguntur.

Tom. III.

Egrediebatur diuinus Christi Praecursor ad praedicandum, eoq; in ministerio Vox Verbum anteibat. Hac de re Sanctus Lucas cap. 3. v. 3. ita scribit: *Venit Ioannes in omnem regionem Iordanis, praedicans baptismum poenitentiae in remissionem peccatorum.*

Sanctus Petrus Chrysologus serm. 137. admirabundus succlamat: *Quid quod Vox praecedit Verbum!* Quid quod Ioannes, qui vox est, ante praedicationis officio fungitur, quam Christus, qui est Verbum, illi dare operam coepit! Siccine Ioannes concionando praeuertit Redemptorem mundi, vt gloriari merito, ac verē possit, antiquiorem se illo esse Ecclesiasten? Cur non aliter, atque ita dispositum fuit, vt primus ad hoc munus curandum prodiret Christus, non Ioannes?

Respondet sacer Archiepiscopus: *Praecedit Ioannes, non praecellit.* Nihil refert, quod prior pro concione dicere Ioannes coepit, & prior indulgentiam peccatorum, quae per poenitentiam obtinetur, annuntiare: Quamquam enim in ministerio Christum Ioannes tempore anteibat, dignitate tamen ab illo aberat intervallo infinito. Praebat illi non praestabat. Neque gloriosum est ante prodijisse, sed velociter progressum fuisse, id perhonorificum. Atque vt intelligeretur, praestabilitatem non in antiquitate, sed in virtute sitam esse, prior ad praedicandum Ioannes erupit, posterior Christus venit, sed tantis gratiarum copijs supra illum auctus cumulatusque, quantas recta fide nouimus, sed verbis explicare non possumus. *Praecedit, non praecellit*, is nimirum in supero illo palatio alios antecellit, qui virtutum vi, & magnitudine excellit.

Nisi enim ita esset, anteire dignitate Soli rubus posset, & herba iactanter gloriari, quod Luna praestaret, *anterior* namque *rubus*, quam *Sol*, *antiquior herba*, quam *Luna*, inquit S. Ambrosius lib. 4. Hexam. cap. 1. Quis non cachinneretur, quis non sanis exagitet rubum, ac herbam, si videat ea hoc nomine locum in ordine creaturarum prensare eminentiorem, quod ante Solem, & Lunam nata in mundo fuere? Nimirum antiquitas non annis dimentienda, sed virtutibus, & ad bonorum meritorum, non ad temporis longioris pondera expendenda, ille namque annis maior est, qui meritis superior, tametsi inferior aetate.

Sidonius Apollinaris lib. 6. epist. 9. mundi, & aui sui quendam prauum morem reprehendit, qui hoc habebat, vt cum deligendus episcopus, non merita vitae, sed annorum spatia pensarent, penes quos designandi praesulis potestas erat: *In antistite confes-*

crando



crando non utilitatem solum eligere, inquit ille, sed et aetatem tanquam diu potius, quam bene vivere debeat accipi ad sacerdotium adipiscendum pro omnium gratiarum privilegio, lenocinamento. Factum male, & inconsulte, ait Sidonius, nam in tanti gradus fastigium nullus nisi bene meritis promouendus est, ille autem bene meritus est, non qui vetustate conuenit, sed qui virtutibus excellit, quia ille primus est, quem caelestis gratia generat; non natura mortalis, atque is in domo Dei ceteros loco antecedit, & antiquior habebitur, qui virtutum ornamentis magis excultus fuerit, ac meritis supra alios abundauerit.

Hæc doctrina omnibus utilis est, sed nescio an ad religiosos ascetas imprimis spectet, qui omnem suam felicitatem non in eo positam arbitrari debent, quod illud sacratioris vitæ genus diutius consecrati sunt, nisi in excitatione virtutum simul sint antiquiores, nec enim soli anni prolixiores veram faciunt antiquitatem.

Tomo II. Periocha IV. Dominica XXIII. post Pentecosten, pag. 310. a. o. & Periocha IV. Dominica XVI. pag. 235. a. o. habes de hac re plura, & acutiora, atque illustriora.

### C A P V T III.

*Ætatis magnitudo non ex dierum numero, sed meritorum multitudine pensanda est, ille enim solum viuit, qui meretur, ille plures dies numerat, qui virtutibus præstat.*

**E**X capitulo præcedente præsens descendit, estq; hæc Periocha filia superioris. Nemo felicitatem suam totam in longis diebus constituat, nemo annis suis quicquam tribuat, neque canos suos magni æstimet, nisi eos virtutum emblemate eleganter exornarit, ac perpolierit, nisi bonorum meritorum viuis coloribus insigniter illustrarit. Illa quippe sola dici vita, illa ætas vera appellari potest, quæ bonis meritis paramus. Ille vivere dici potest, qui meretur, ille canus vocari, qui excultus est virtutibus. Ætas præcipua ea est, quæ bene, ac laudabiliter agendo exigitur, & hos quisq; numerare annos potest, quos inter bona merita transiit.

Multis de hoc argumento agit Sapiens, atq; eum, quem mors immatura in pubescente ætate, & vernantibus annis è viuis exemit, dum inter eos accumulandis meritis strenuam operam studiosus bonorum operum sectator audis dederit, non decere iuuenem, sed vetulum, & longævum, & plenum

dierum. Senectus enim venerabilis est, inquit ille Sap. 4. v. 8. & 9. non diuturna, neque annorum numero computata, canis autem sunt sensus hominis, & atas senectutis vita immaculata. Et vers. 13. Consummatus in breui expleuit tempora multa. Itaque virtutis studium est vita, quæ hominem in senectute constituit, diu enim vivere, & nihil mereri, est velut non vixisse. Nam ut Liorinus hoc in loco ait, merces non temporis, quod vir laborat, sed operi responderet. Qui vno die magnum quæstum facit, is certe opulentior nundinator haberi potest, quam ille, qui intrâ annos plures perexiguum lucrum fecit, itaq; & primus intrâ horam vnam præstantior mercator factus est, quam alter intrâ dies plurimos.

Refert sacer Textus obitum Ismaëlis, & Abrahamæ patris eius mortem quoque narrat. Et Ismaëlis quidem occasum sic describit: *Anni vite Ismaëlis centum triginta septem*; Gen. 25. 27. Abrahamæ verò totam ætatem ad hunc modum recenset: *Fuerunt dies vite Abrahamæ centum septuaginta quinque anni*; ibid. vers. 7.

Sed est obseruandum mysterium, quod habet Textus Hebraeus in computatione annorum vitæ Abrahamæ, qui apud Nicolaum Lyranum, Abulensem, & Honcalam talis est: *Fuerunt dies annorum vite Abrahamæ centum anni, & septuaginta anni, & quinque anni*. Tam distinctè annos Ismaëlis idem rexus non enumerat. Quid ergo sacramenti subest, quod Sancti Patriarchæ anni tam articulati, partitè, distributèque calculantur, filij autem anni confusè, & verbo, ut sic dicam, vnico indicantur?

Respondent Doctores paulò ante nominati, quod vita Abrahamæ per certos annorum articulos tam enucleatè, distinctèque digesta fuit, id factum, ut significaretur, quia Patriarcha in qualibet ætate congruam ei perfectionem habuit: Illic autem non explicatur nomen annorum per singulos numeros, quia Ismaël pluribus vite sue annis minus pie vixit. Sic Lyranus. Vita ergo Abrahamæ per certos numeros discreta fuit, Ismaëlis non item, ut inditio esset, quod Abraham vitam semper integerrimam, perfectamque duxit, ætatem suam fructuosè transmisit, & vitam pretiosissimam, hoc est, cum virtute coniunctam vixit, atque idcirco dicitur, quod diem suum obiit plenus dierum, id nempè sunt pleni dies, & vita plena, atque perfecta ea vocari potest, quæ bene, & laudabiliter operando exigitur. Non sic loquitur sacer Scriptor de Ismaële, cuius anni omnes velut conglobati, aut cumulatim exprimuntur, quasi vnus annus fuisset omne tempus, quo vixit, quia minus



*pie vixit*, & probabile est malè collocasse suos annos, adeò virtutis annum nullum vixit, quæ fortè causa sit, quòd *deficiens mortuus* esse dicitur, hoc est, iam mortuus occubuisse. Nam qui viuit, & vitæ suæ tempus non exigit in actionibus sanctis, & laude dignis, ille cum moritur, sepulchro inferitur non tunc primum defunctus, sed pridem in vita præmortuus. Ille nimirum potest dici viuus, qui bonorum meritorum est studiosus, ille multos annos habet, cuius animus multis virtutibus est collocupletatus.

Huc spectat, quod noster Cordubensis Philosophus Seneca epist. 93. ait: *Non est diu viuamus, curandum est, sed est satis, nam est diu viuas, fato opus est, et satis, animo, longa est vita, si plena est, si conferta meritis, si diues virtutibus.*

Sapiens cum de annis loqueretur, quos viuendo improbi homines percurrunt, ait perbreues fore, & angustis limitibus circumscribendos, iustorum è contrà prolongandos, & extendendos. Verba illius Prouerb. 10. v. 27. sic habent: *Timor Domini apponet dies, et anni impiorum breuiabuntur.*

Habet suam hæc sententia difficultatem. Nam si ita est, vt Salomon affirmat, quomodo cum illo cohæret, quod in dies crebro experimento discimus, homines sanctissimos magno sæpè compendio exigere vitam, consceleratos verò, qui nullâ, nisi pessimâ ex flagitijs famâ sunt insignes, longos annos degere, & tota viuendo sæcula exquare, non etiam nunquam superare? Secundum hæc quomodo illa Salomonica parcemia accipienda, quæ seram ætatem timentem Deum spondet, impio autem parua temporis spatia minatur?

Occurrit huic difficultati Robertus Holcot. lect. 79. in Proueria, inquires: *Potest dici, quòd dies bonorum augentur, malorum autem abbreviantur, quia solus ille dies dicitur noster, in quo bene viximus.* Et quoniam vnumquodlibet opus bonum velut dies quidam est vitæ, & iusti opera bona plurima facere student, propterea de ijs dicitur, quòd multos annos viuunt, de improbis verò, concisum ætatis tempus degere, eò quòd illos operum laudabilium, & virtutis spiritus destituat. Itaque plus viuit, qui plus boni operatur, & qui diem quempiam sine boni alicuius operis exercitatione transmissit, illum obliterare, & è numero dierum vitæ suæ expungere potest, adeò non vixisse putet annos, quos malè vixit.

Huc percommodum veniet, quod Iacobus de Lonzana apud Holcot ubi suprâ memorat, nempe Rebus publicis bene institutis olim magnæ curæ fuisse

se designare homines, qui ex officio totas ostiarum obirent ciuitates, domosque ex ordine singulas inuiferent, & quibus studij quisque in diem supremum usque occuparetur, sollicitè perquirerent, diligenter adnotarent, denique post cuiusque obitum, subductis accuratè rationibus, non alios vitæ dies numerarent, quàm quos benè agendo transmississet. Postquam ergo ad calculos omnia fideliter reuocassent, ætatem virtutis, non vitæ dies tumulo eius adscribebant. *Ille dies sic collecti in fine sculpebantur in sepulchris eorum, ita quòd unus, qui quadraginta annorum erat, etiam quatuor habuit, et sic similiter de alijs.* Hæc ille ibi. Fiebat ergò, vt alicui, qui annos natus quadraginta viuere desiderat, eiusmodi monumentum ponerent: *Hic homo quatuor tantum annos vixit, et mortuus est quadragesimo.* Alterius epitaphium tale erat: *Hic homo obiit quinquagenarius, et nullum diem vixit.* Alterius sepulchro illud ex Sap. 4. 13. insculpebatur: *Consummatius in breui expleuit tempora multa; siue, Hic iacer, qui anno atatis trigesimo mortuus annos suprâ mille vixit.*

Nam vt Seneca epistolâ illâ superiore 93. dicebat: *Octoginta annis quis vixit. Interest mortem eius ex quo die numeres. At ille obiit viridis, sed officia boni vixit, boni amici executus est, in nulla parte cessauit, licet eius ætas imperfecta sit, vita perfecta est.* Octoginta annis fuit, nisi fortè sic vixisse eum dicis, quomodo dicuntur arbores viuere. Quæ hæc scribit, talia ferè sunt: Dices mihi, mi Lucille, produxisse quempiam vitam suam in annum usque octuagesimum. Sed illud ante constituendum, à quo die numerari in mortuis homo iste debeat, nam si annos suos sceleratè viuendo prodegit, primo statim die mortuus fuit. De alio mihi narrabis, admodum adolescentem viuere desisse, nec tamen eorum, quæ boni ciuis sunt, & fidi amici, quidquam prætermisisse, & quoad inter mortales egit, hoc vnice, & strenuè egisse, quòd boni, & qui virtutis studiosi, solent. Ille verò diu vixit, cuius tamen ætas pauca, longæua tamen vita fuit. Sed octoginta mihi rursùm annos obiectas, quos prior vixit. Falleris, si illam vitam arbitraris, nisi vitam putes, qualem illex, quercus, dumus, sentes, frutices viuunt, quæ terram tantum occupant, nihil bonorum fructuum adferunt, non in ætate, sed virtute posita est vita: *Nisi fortè sic vixisse eum dicis, quomodo dicuntur arbores viuere.* Vita ab operibus virtutum feriata, trunci magis, aut stipitis vita est, quàm hominis.

Antiquus Pater Algerus quærit aliquid, cuius & alibi meminimus, nimirum quid causæ sit, cur Do-



minus permittere voluerit, vt charus illius Præcur-  
sor in teneris vitæ suæ annis inter mortales agere  
desineret, in florentissima quippè ætate iussit illum  
obtruncari effœminatus rex Herodes, & decollauit  
eum in carcere; Marci 6. 27. Fuit Ioannes, si virtu-  
tum eius copias spectes, maximus, si vitæ sanctita-  
tem, & prærogatiuas consideres, illustrissimus, &  
quotquot ex mulieribus oriundorum eminentissi-  
mus. Hoc de illo pronuntiavit perfectionum, quæ  
in hominem cadere possunt, scientissimus, & iustis-  
simus, & falli nescius arbitrator, spirituum pondera-  
tor Dominus, Prouerb. 16. 2. penes quem sunt pon-  
derâ, numeri, & mensuræ meritorum omnium, Chri-  
stus æterna sapientia Patris, cuius est illud effatum:  
*Non surrexit inter natos mulierum maior Ioanne Ba-*  
*ptistâ;* Matth. 11. 11. Quod cum ita habeat, cur  
tam parum vixit, & annos vitæ triginta tres non ex-  
pleuit? *Triginta duorum, & semis esse voluit:* Triginta  
duobus annis, & medio solam spirauit hominî, post  
Christum, eiusque Matrem Virginem optimus ma-  
ximus, inquit venerabilis ille Doctor l. 2. de sacram.  
Alt. cap. 7. Tom. 6. Biblioth. Ver. PP. Cur non  
exæquauit annos Abraham, ætatem Isaac, tempora  
Iacob, & vitam Patriarcharum aliorum, quorum fu-  
erunt longissimi dies, & vita prolixissima, vt supra  
dicebamus? Cur? Vt intelligamus, annorum mul-  
titudinem, & vitæ longæuitatem non de numero di-  
cerum, sed de cumulo meritorum æstimandam, aded-  
que Ioannes diutius omnibus vixit, quia intrâ pau-  
cum illud tempus incitatore cursu maiora spacia co-  
mensus est, quàm alij omnes. Et vt multum itine-  
ratus dicitur, non qui multas horas eundo triuit,  
sed qui plura milliaria post se reliquit, sic ille multos  
annos vixisse dicendus, qui multos benè viuendo  
consumpsit.

Nisi ita esset, quomodo, dic mihi, illud Isaiæ acci-  
piendum foret, quod de quibusdam hominibus affir-  
mat, inquit: *Non erit ibi amplius infans dierum,*  
*& senex, qui non impleat dies suos, quoniam puer cen-*  
*tum annorum morietur, & peccator centum annorum*  
*maledictus erit?* Isa. 65. v. 20. tanquàm pluribus di-  
xisset: Bona noua nuntio, euangelia optatissima  
perfero, este proinde hilares, & exultate gaudio.  
Quod verò illud tam exoptatum, ac voluptarium  
nuntium, ob quod sui æui homines gestire latitiâ  
Propheta cupiebat? Istud, quod non erit infans die-  
rum, & senex, qui non impleat dies suos. Tale quid-  
piam dicat vrbani, & ad omnem morum ciuilita-  
tem in media aula enutritus Propheta! Quid aliud  
tam ridiculum, vt videtur, loqui possit ludio, aut io-

culator, quàm est illud, quod non erit infans multo-  
rum annorum; non senecio, qui non dies longos vi-  
uat? Palàm est, quod nemo nesciat, infantem non  
posse esse annosum (hoc enim illius ætaturæ pro-  
prium, pauculas numerare dieculas) & senectutem  
cuiusque in eo consistere, quod temporum spacia  
longa percurrerit. Quid ergo tantus Propheta affir-  
mat, non fore infantes vetulos, neque vetulos infan-  
tes? Quid hoc promissi? quid nuntiij? quid locuri-  
onis nouæ, & inauditæ?

Falleris, homo, quisquis otiosum arbitraris hoc  
sanctissimi Vatis præsagium, iuxta doctrinam enim  
traditam sunt infantes, qui sint vetuli, & vetuli, qui  
infantes. Infantes vetuli ij sunt, qui percurrerunt  
annos vitæ multos, ac longos, interq; hoc nihil boni  
operis, nihil dignum laude, nihil quod ad virtutem  
spectat, fecerunt. Hi sunt infantes quoad eam æta-  
tem, quæ præcipua est, & ad rem cuiusq; vel maxi-  
mè facit, & de meritis, atque officijs Deo exhibitis  
nascitur. Qui ad eum modum consenserunt, absque  
vita viuunt, vitam sine annis habent, & grandæuâ sine  
multis diebus ætatē, & nihili senectutē, nec enim quic-  
quid est vita, cuius studia Dei laudi, gloriæ, cultui non  
dicantur, cuius non omnes cogitatus, & conatus ed-  
tendunt, vt hoc agat, quod supremo Domino gra-  
tum. Exponit hoc quamprimum Propheta, inquit:  
*Puer centum annorum morietur. Quis ille cen-*  
*tum annorum puer? Peccator centum annorum.*  
Peccator ergo, tamen quod ad ætatem illam corpo-  
ream attinet, decrepitu sit, Dei tamen existimati-  
one, & cœli calculatione est velut recens natus in-  
fantulus, verè enim viuere est benè, meritorie, &  
laudabiliter viuere, & qui abundat virtutibus, ille  
multorum dierum homo dici potest.

At quoniam veterani infantes? Ex virorum ordine  
Ioannes Baptista, qui antra deserti teneris sub annis  
periit, ne leui saltem maculare vitam fame possit.  
Nicolaus Episcopus, qui infans etiam dum bis per  
hebdomaden à matris vberibus diem totum abstine-  
bat, S. Dominicus, qui puerulus adhuc erat, & fascijs  
se euoluēbat, & cunis excussum corpusculum terræ  
affligebat, vt pœnas à se exposceret, cum per ætatem  
committere culpas non posset, & S. Thomas Aquinas,  
qui decimum quartum annum ætatis, simulque  
ascetam Dominicanum agere cœpit, vt iugum Do-  
mini ab adolescentia portaret, & è vetere lege bea-  
tissimus Samuel, qui ministrabat ante faciem Domi-  
ni, quando puer, 1. Reg. 2. 18. atque in ijs rudibus  
annis Heli sacerdotem valde senem, vt scriptum vo-  
cat, erudiit. Ex infirmo mulierum sexu beata Agnes,  
quæ



quæ duodennis, vt scribit Ambrosius, fecisse martyrium fertur, sancta, & seraphica Catharina Senensis, quæ esse quinquennis vix coeperat, quando tanta iam erat illius erga virginem Deiparam pietatis obseruantia, vt quoties scalas domesticas iniret, salutationem Angelicam, quam expendere ad precarios calculos eatenus nesciret, ad singulos earum gradus adgeniculata, quàm deuotissimè recitaret, vt taceam innumeras puellas, quas per ferrum ire ad regna cælorum nouimus. Horum omnium vita inter primulos ferè menses veterana fuit, non longis annis, sed multis bonis meritis: Qui ducunt in bonis non benè dies suos, ij hos in diebus vitæ suæ recensere non possunt.

Fulcrum subiiciam huic veritati ex responso, quod Barlaam Iosaphato dedit, cùm in illius colloquium primò venit. Venerabatur hic illius canos, suspiciebat vultum, admirabatur senium, quod tam longæuum illi videbatur, tanquàm ex primis mundi hominibus quidam fuisset. Interrogatus autem Barlaam de annis, quos exegisset, respondit: Vitæ annos quadraginta quinque, neque plures numero. Attonitus inexpectatâ responsione Iosaphat, comiter illi, perurbanè his ferè verbis occurrit: Fieri non posse videtur, vt frons hominis non adultioris tam crebris, & profundis sit exarata rugis, & vir decrepitus, qualem te incanum caput loquitur, non longiores vixerit dies. Cui venerabilis, & sanctus senecio apud B. Ioannem Damascenum historiæ Barlaam, & Iosaphat cap. 18. *Si computem annos, quibus Deo vixi, ij tantum sunt quadraginta quinque, & hos tantum annos vita computo, ceteros, quos in vanitate transigi, mortis annos reputo.* Itaque desines mirari, postquàm ex his, quæ dixi, accepisti, à Deo illos tantum recenseri in annis vitæ, quos benè merendo, benè collocamus, illos verò numerari in annis mortis, quos peccando malè prodigimus. Non viuit peccator, nunquàm moritur iustus, & qui in plures incumbit virtutes, is magis longæuus æstimari potest.

Cum magno itaque mysterio dixit Propheta, non fore infantes multorum dierum, seu vetulos, neque senes, qui non expleant dies suos, sue qui non uiuant annos plurimos, quod tale fuit, ac si apertius dixisset, non fore homines sceleratos, & supremæ illius, atq; omnipotentis maiestatis offensores: Peccator quippè est, qui non viuit, qui nullos habet dies, quantosuis vixerit, eò quòd illum virtutes destituant, & merita, quæ sunt vita, & ætas animæ, & spiritaculum hominis interioris, Qui enim meretur, vi-

uit, & pro numero virtutum est numerus annorum vitæ.

Confirmabo hoc ipsum quodam elogio, quod Ecclesia ab Ecclesiastico mutuata cuilibet Pontifici, qui rectè, atque vt decet, sacerdotali suo sit perfundus officio, tribuit, inueniens: *Ecce sacerdos magnus, qui in diebus suis placuit Deo, & inuentus est iustus.* Ecce sacerdos eximius, qui Deo se quoad vixit, probauit, cuius cùm ad examen vocaretur vita, talis reperta est, quæ laudem, & laurum promereretur perpetuam.

Quid est, quod dicitur, *in diebus suis*? Responder Innocentius III. ser. 1. de sancto Syluestro: *Non tam in diebus temporum, quàm in diebus virtutum, singula namq; virtutes sunt singuli dies, qui mentem illuminant.* Quòd ergo S. Pontifex in diebus suis placuisse Deo fertur, id non tam de volubilis, & variabilis temporis, quàm de virtutum diebus accipiendum, virtus namque lux est, ex qua animæ amicorum, & seruorum Dei splendant. Si autem virtus dies est, & ex diebus efficitur ætas, consequens est, vt qui virtutes habet, dies habeat: *Singula namque virtutes sunt singuli dies.* Ergo qui meretur, ille viuit, & quò plus merebitur, plus viuet, & quantum abundabit virtutibus, tantum affluet annis.

Vt multis, qui de longa ætate, & vita diuturniore, quam in religiosa veste transiuerunt, præsidens, suum errorem aperiret, aiebat Eusebius Emisenus, siue, quod magis certum, Eucherius Lugdunensis homel. 9. ad Monachos: *Solemus annos nostros, & temporum spatia supputare. Non te fallat quicumque ille est numerus dierum, illum tantum diem vixisse te computa, in quo malis desiderijs restitisti, quem sine illa regula transgressione duxisti. Illum diem vixisse te computa, quem non malitia commaculauit, qui peccato non cecidit, qui diabolo repugnavit. Illum, inquam, diem applica ad vitam tuam, cuius & sua peruenit ad animam tuam.* Familiare est Religiosis recensere tempus, quo se Dei officijs per vota religiosa consecraruat, & sacram togam induerunt. Hic numerat decem annos, ille viginti, alius quinquaginta, non nemo sexaginta. Non sit tamen, quem ista falsa calculandi ratio circumueniat, is enim in tabulis temporis solus poni dies debet, atq; in vitæ, & ætatis diebus recenseri, quo quis concupiscentijs suis prauis obstitit, & effusas libidines, ac malè liberas appetentias compescens in officio continet. Ille verus dies est, in quo non violatur regula, non prætermittitur constitutio, non præteritur mandatum, non caremonia aliqua negligitur. Illud verum tempus vocari debet, quod



absque contaminatione spiritus transigitur, & huc totum vertitur, vt & vitio nulli succumbat monachus, & malo dæmoni fortiter se obijciat, & valide aduersetur. Denique illum diem debemus adiungere vitæ nostræ, qui attulit emolumentum animæ nostræ. Itaque non debet Religiosus numerare tēpus susceptæ sacræ vestis, sed rectè usurpatæ vestis, viuere namque centum annos in domo religiosa, & non facere profectus, est velut non viuere, ille enim vitæ dies censetur, ex quo fructus ad animam deriuatur. Ille itaque viuuit, qui meretur, eiusque erit prolixior vita, cuius plura merita. Quod de Religiosis dicimus, idem potest, & debet de quibuslibet Christianis affirmari: Nam qui olim Christo nomen dedit, & interim de illo parum meritis, semperque inops virtutum fuit, infantium catalogo adscribi debet, tametsi capularis, & acheronticus senex sit; in domo quippe Dei longæuitas vitæ ætate virtutum æstimatur, & qui virtutum diues, idem plenus est dierum, & is magis incanuit, qui opulentiores meritum thesauros cumulauit.

Laconicus historicus, ille ethnicus, Valerius Maximus locuplete testimonio hanc veritatem confirmat, cuius ex lib. 9. cap. 1. sunt ista: *Si tempore sis bene velis, etiam paruum, amplissimum efficies, numerum annorum multitudine operum superando, alioquin quid interest inerti morâ gaudere, si magis vitam exigis, quam approbas?* tanquam apertius dixisset: Præclarum remedium inueni, per quod homo multa secula viuere possit, fugitiuo tempore, & fragili, caducâque ætate nequicquam obistente. Remedium verò tale est, vt tempus ipsum, ætatemque benè collocet, fructuosè expendat, sic ex ipsius breuius, & velocibus minutis durationes æternas, & vitam immortalem conficiet. Multitudine virtutum latissimè extendi possunt instantanea horarum, verè namque viuere nihil aliud est, quam studere virtuti, quare cuius hæc est vel tota, vel potissima voluptas, vt vacuos in otio feriatas dies transmittat, is cassâ inaniter vitæ spatia prolongat. Esto ergo assiduus in exercitatione bonorum operum, ita fiet, vt multitudine laudabilium actionum suppleas dilabentis vitæ, & fugitiui temporis caducam breuitatem, multum enim viuuit, qui multum laborat, & verè viuuit, qui vitam benè merendo transmittit: *Illum diem applica ad vitam tuam, cuius & sui peruenis ad animam tuam.*

Et quoniam ea sola vocanda vita, cuius omnis cura, labor, diligentia in Dei cultu & obseruantia consumitur (virtutes namque sunt dies ætatis) ea

propter Politicum meum oro, & obsecro, vt quando oculis in hæc scripta incidere, & quæ hic dicuntur, legerit, seipsum conueniat, & vitæ suæ actæ rationes secum ineat, & dies præteritos computet, videatque quàm longam vitam egerit, & quot annos vixerit. Si Domino non studiosè obseruiuit, si nudum virtutibus, si meritorum inopem nouit, vitam suam nullam reputet, mortuum se existimet, qui enim non laborat, quem Dei officia occupatum non habent, qui illum totis viribus non colit, is non viuuit, non habet annos, non dies aliquos, quantumcunq; sit longæuus, & decrepitis. Miserum illum, qui hanc intelligens veritatem, non studet viuere Deo, vitamque suam tanto benefactori, & immortalitati consecrare.

## CAPVT IV.

*Stabilitatem sibi in huius vitæ successibus, & prosperitatibus promittere nemo potest, nam lapsus potest exsurgere, & in sublimi positus ruinæ periculo semper est expositus.*

**Q**uos suæ diuitiæ tam inopes mentis fecerunt, quos potestatis magnitudo tam vanos, & gratia, atque autoritas tam stultos reddidit, vt prædant tam perdurabilem in hac caduca, & fallaci vita fore propensioris fortunæ beneuolentiam, & illam sui status excelstatem, vt non sit subiecta varijs frequentium, & repentinarum, mutationum incurfibus, quas inconstans hoc sæculum patitur, & in mari huius mundi inter illius malè securas vndas non posse incidere in procellosam tempestatem, ne illi magno in errore versantur. Et miser, qui inter scopulos, & cautes grauium ærumnarum, & deplorandæ egestatis miserum fluctuat, despondensque animum, in fortunam æquiorē incidere, & ad portum felicitatis appellere nauiculam suam posse diffidit, o quàm ille turpiter desperat! experientia enim, & prædientem docet, & deiectum, afflictumque monet, vt neque hic meliorem fortunam desperet, neque ille semper stabilem sibi promittat, nam & egestissimus discere, & opulentissimus redigi ad incitas, & gratiosissimus de suo gradu cadere, & abiectissimus in egestissimum locum assurgere potest.

Diximus supra, quòd Propheta regius omnes ex orbe toto homines ad suam concionem conuocauit, vt mundi fraudes ad vocalis Psalterij harmonicas fides cantaturum auscultarent: *Audite hæc omnes Gentes, clamabat Psalm. 48. 2. tum v. 3. Quique terrigena, & filij hominum, simul in unum diues, & pauper;*



*pauper*; velut dixisset: Ehodum ad me auscultandum vnà concurrant inopes, & locupletes, magni & parui, humiles, & sublimes, Reges, & subditi. Sed quid rei est, quòd Propheta tam prudens, gnarus, ac prouidus, cum omnes habere auditores vellet, ita promiscuè, simulq; conuenire cupit diuites, & pauperes, tenues, & copiosos, obscuros, & praeclaros, vulgus, & Principes? Cur sic pariter adint, alterutrumque velut per manus ducant ij, quos dixi, tantum nihil differat fortunatus à mendicabulo, à mancipio Dominus, subditus à Rege? Cur ita simul in vnum?

Respondet Mag. Basilii: Ut noscat diues, quia aequalis cum paupere vocatus est honore, simul in vnum, inquit, diues, & pauper. Dat voces Propheta egenti, & affluent, in summo fastigio gratiae posito, & in ima miseriarum abyssu iacenti, vt consociati ad concionem veniant, & diues ex pauperis infelicitate erudiatur, & pauper ex diuitis fortuna fauentiore in spem erigatur, & vterque videat, nec diuitem suis opibus in hac vita nimis confidere, neque pauperem ob suas necessitates despondere animum debere, nam & ille de sublimi statu suo ad pauperum abiectam conditionem decidere, & hic ex infimo suarum ærumnarum loco in celsitudinem eius emergere potest, quem lateri suo proximum habet. Neminem ergo sua felicitas præfidentem, neminem suæ calamitates pusillanimum faciant.

Obseruauit quidpiam venerabilis Abbas Tuitiensis dignum notatu, quod suis ponderibus in rem præsentem aptissimè cadet, nimirum quòd Christus ex mortuo rediuiuus, postquam Petrum an amaret, examinasset, & sequi iussisset, ab eodem Petro, qui caput fortè obuerterat, & Ioannem sequentem viderat, interrogatus fuit, quid de illo tam charo, & dilecto Discipulo futurum esset: Domine hic autem quid? Ioan. 21. 21. Qua in re illud diligenter animaduertendum, qualem seipsum depingat sacer Euangelista, cum narrare incipit, quod Petrus quid de ipso futurum esset, sciscitatus fuerit. Conuersus Petrus, inquit Ioannes, vidi illum discipulum, quem diligebat Iesus, sequentem, qui & recubuit in caua super pectus eius, & dixit, Domine, quis est, qui tradet te? ibid. v. 20.

De his Rupertus lib. 14. in cap. 21. Ioan. sic ait: Quare autem vltra solitam suam personam descriptionem nunc addidit, Discipulus ille, qui & recubuit in caua Domini super pectus eius, & dixit, Domine, quis est, qui tradet te? Cum enim multi iam loci sui

mentionem fecerit dicendo, Quem diligebat Iesus, hic in sua designationem addidit, Qui & recubuit in caua super pectus eius, & dixit, Domine, quis est, qui tradet te? Quoties Ioannes sui in Euangelio meminit, meminit autem non rardè, vix de alio se indicat, quàm de nomine Discipuli, quem diligebat Iesus. Quid ergo sibi vult, quòd hic, prætermisso more veteris, cum à multis alijs, tum ab illo eximio favore, & beneuolentia singulari voluit innotescere, per quam & in sacrosanctum Magistri sui pectus caput suum deponere, & Petro animos facere potuit, vt per ipsam, quis perfidiosus proditor futurus esset, percontaretur, quod per se interrogare ille rei inaudita nouitate attonitus non audebat? Iamuis ergo huc Simon Petrus; Ioan. 13. 24. Magna erat Ioannis apud Christum autoritas, & existimatio, quando illo Petrus, qui & ipse gratia apud eundem non parum valebat, vti debuit, vt sua illi dubitatio, à qua vehementer afflictabatur, admireretur. Sed quamobrem Ioannes hac vice pluribus verbis beneficentiam Domini erga se propensiolem, & largiorem recensuit, quàm alibi, & aliàs facere solitus fuit? Quamobrem dicis?

Eam ob rem, vt vicissitudines rerum huius vitæ, quamque ex varient, & mutant sortes suas, indicaret. Ioannes ergo (qui vltra solitam suæ personæ descriptionem hoc nunc addidit, quòd in caua Domini pectori Christi incubuerit, & à Petro rogatus interrogauerit, quis futurus esset traditor, nunc inquam, quando Petrus de Ioanne percontabatur, quid de illo futurum esset) tacitus tale quid dicere voluit: Nemo in hac vita nimium fidat gratiæ, quæ apud Magnates valet, nemo in statu abiectiore sit animo etiam abiecto, nam ego, qui paucis horis ante conqueui in pectore Domini mei, ego quoque vixus Petrus, vt per me certior fieret de re, de qua ipse sciscitari non audebat, nunc Petro velut opus habeo, vtille de me quærat: Domine hic autem quid? Petrus itaque eam iam obtinuerat existimationem, vt de me quoque, qui paulò ante tantum valui gratiæ, quantum alius nemo, inquireret, interrogaretque, quæ meæ secuturæ vitæ fors futura esset: Sic nullus in hac vita confidat in eo, quod perire potest, nullus animo deficiat, cum patitur ærumnas, quæ desinere queunt, nec enim vel magnitudo, vel gratia aliqua est, quæ non esse non possit, nec vlla pauperies, aut mendicitas, quæ non in supremum felicitatis cacamen ascendere possit.

Cum rex Abimelech videret, quàm prosperâ, & beneuolente fortunâ vteretur noster Patriarcha Isaac.



Isaac, quantis opum copijs illum proluxa Dei liberalitas augeret, quàm secundo imbre agros, gregesq; eius manus Domini rigaret, è re sua fore, & vilem statum rationem putabat, pacem cum illo inire, & amicioris amicitia nexibus eum sibi adstringere. Inuit ergo quæsitum illum, comitatus Ochozath amico suo, & Phicol militum duce, quem cum inuenisset, ut in communia fœdera non magno negotio pertraheret, præoccupauit, dicens, ut pacem secum feriret, id faciliè commeruisse, si non illius officijs, eâ saltem comitate, quod nihil damni attulisset: *Nihil tuorum attigimus, nec fecimus, quod te laderet, sed cum pace dimissimus auctum benedictione Domini;* Genes. 26. 29. Habes quidem (nec enim inficiari possumus) eam nonnullius querimonie qualemcunque causam, quod te excedere regia, & vertere solum iussimus, verum non nescis, quod nec tibi iniurij fuimus, neque tuarum rerum vel minimæ manus attulimus, sed plurimis bonis cumulato abundi facultatem liberam fecimus.

Non est prætereunda silentio lectio textus Hebraei, nam ubi noster Vulgatus ait: *Auctum benedictione Domini;* Litera originalis sic habet: *Tu nunc es benedictus Domini,* tu nunc gratus illius es, is te nunc serenis, & placidis oculis arbitrat, tu nunc ab illo impensius foueris, & manu prolixiore ditaris.

Quid sibi vult, quod dicitur: *Tu tunc benedictus Domini,* tu nunc, quem ille videre, & coram habere, & beneficijs ornare amat?

Respondet Honcala, alter Abulensis, perinde hoc esse, ac si iussus fuisset Isaac non efferi animo, non superbire, ob id, quod rex quidam magno satelutio stipatus ad se veniret, & pacis fœdera sancire, & amicitia necessitudini iungi obsecraret, tanquam dictum fuisset: *Prudentia tua circumspicienda erit, in die bonorum meminisse malorum;* inquit Honcala, poterunt enim mutari sortes, & res ita variari, ut qui pridie rogat, postridie rogetur, & qui nunc ad pacem statuendam inuitatur, pacem posthæc suspiraret, & supplex petat. Nullum mare inconstantius, nullus Euripus mutabilior rebus huius vitæ, quæ ut est rota, sic omnia faciliè sursum, ac deorsum agit, facitque ut qui paulò ante fortunatissimus erat, demum sit miserrimus.

Dignissimum notatu est, quod Angelicus Doctor obseruauit, nimirum quod mundi redemptor Christus, cum in carne passibili, & cruciatibus, mortique obnoxia degeret, in supremum verticem montis Thabor adduxit tres Discipulorum charissimos, Pe-

trum, Iacobum, Ioannem, præterque hos è sepulchro Moysen, Eliam è paradiso, ibique magnificam gloriæ suæ ostentationem fecit, perfundens vultum suum splendore tam amabili, & illustri, ut cum Sole de lucis magnitudine certare videretur, reliquum verò corporis vestitum tanto candore rinxit, ut niuem æmulari dixisses: *Resplendunt facies eius sicut sol, vestimenta autem eius facta sunt alba sicut nix;* Matth. 17. 2. Redijt ad vitam triumphator mortis in carne deinceps æternum, gloriosa, apparuitque Beatæ Mariæ Magdalene, quæ lachrymabunda deplorabat sacri cadaveris illius tristem iacturam, apparuit autem in habitu olitoris, personatum hortulanum indutus, sic ut illa existimaret, *quid hortulanus est;* Ioann. 20. 15. Conuenit posthæc mæstros discipulos, qui Eniautem petebant, sed talis, ut peregrinum putarent, & porro dicerent, cum aiebant: *Tu solus peregrinus es in Ierusalem?* Lucæ 24. 18.

Dicit nunc S. Thomas Opusc. 59. 4. *Christus adhuc existens mortali secundum corpus, ostendit se in monte in habitu glorioso, quando corpus suum nondum erat glorificatum, sed gloriosum, quando verò iam post resurrectionem suam corpus suum erat veraciter gloriosum, nunquam amplius habiturus gloria dimissurum, nihilominus peregrinis euntibus in Emam se ostendit sub habitu peregrini, & Magdalena sub habitu hortulani.*

Sed causa quæritur, ob quam Dominus, ac redemptor noster permagnifico illo gloriæ splendore in præcelso Thaboris supremo vertice sese amicare, & ad omnem venustatis gratiam excolere voluit, quando carnem nondum glorificatam, sed passioni, & morti natam etiamnum vestiebat, è contrà verò peregrinum, hortulanumque assimulare, & hoc, quod erat, dissimulare voluit, cum iam corpus gestaret, quod & gloriosum, & glorificatum, & partam tot cruciatuum tolerantia gloriâ perpetuò retenturum erat?

Dictum persapè, & commemorandum iterum atque iterum ex sententia sanctorum Patrum, Augustini maxime, & Gregorij, quod *omnis Christi actio est nostra instructio.* Dubitet ergo quispiam, quid docere voluerit, quando tam gloriosè, cum humilis, & mortalis, tam humiliter, cum gloriosus, & glorificatus, vestijt? Nihil aliud, quam quod hinc tractamus. Christus carne passibili, & mortuâ circumdatus, gloriæ splendidissimâ veste se amicituit, cum verò dote impassibilitatis immortalis & iam gauderet, maiestatis suæ fulgentissimam lucem obscuri ve-

stitus



nitus velo obnupsit, vt eo exemplo nos institueret, ne quisquam desperet, in quantamvis ærumnarum abyssum infelici prolapsione descenderit, quantuncunque sint cruciatus, quibus affligatur, fieri enim posse, vt vnus quidam fortunæ mitioris, & fauentioris aspiritus ex miseriarum imo ad supremum felicitatis cacumen, suprà ipsas adeò stellas euehat, & sublimem agat: Adhæcneis, qui omnibus, quæ experiri cupidissimus animus possit, circumfluens in summa prosperitate versatur, nimium proinde superbiat, & intumescat, fieri enim etiam posse, vt idem fluctus, qui pauperem in excelsum fastigium extulit, ipsum diu fortunatum inde ad infima deiciat, & ex Thabore gratiæ in humilem hortulani conditionem præcipitet, sic vt deinceps in mendicabulis sit, & vagis peregrinis, qui nuper in Principibus, & viris, qui submissio ad obseruantiam cultum capite, & poplite adorari solent. Sic habent res huius vitæ. Qui heri triumphabat, hodie victus iacet, qui pridie victus ad pompam celebratissimi triumphatoris circumducitur, postmodum victor faustis acclamationibus, & communibus lætitiæ plausibus in cælum effertur.

*Tomo 1. Periocha IV. Domin. in Ramis palmarum, pag. 454. a. o. habes, omnem mundi pompam, & gloriam, nil nisi somnium esse, ac ludibrium. Vide an talibus prudens quisquam credere, ac fidere vel debeat, vel possit.*

# CAPVT V.

*Infelicitatis genus nullum miserabilius, quam fuisse felicem.*

**P**ropterea sacrum oraculum aiebat: *Maiores seruiat minori*; primogenitus posterius nato, vt nemo in vitæ præsentis prosperitatibus, nemo in autoritatis, quam hic habet, magnitudine confidat, postquam videt maiorem eò redigi, vt seruiat minori, opulentum sic deijci, vt sit pauperi pro mancipio, pauperem autem huc extolli, vt copioso Dominus imperet.

Quod sit admirabilis huius sæculi volubilitas, & inconstantia, nemo dubitat. Verum vt huius vicissitudinis experimentum cruciabilissimè quempiam veret, & affliget, nihil æquè facere potest, ac si per felicitates ad infelicitatem transitum faciat. Miserum est ex malo vno in aliud dilabi, prægrauari ærumnis alijs, atque alijs, & varijs ex ordine calamitatibus exagitari: Attamen ex affluentia deliciarum ad duram pauperiem devenire, & culmine ingentis

Tom. III.

felicitatis in profundum verecundæ mendicitatis præcipitem ruere, hoc tormentorum, quo excruciarī homo potest, omnium immanissimum, & intolerabilissimum dixerō. Itaque tali quodam supplicio insolentem, & profanum Esau Dominus plectere videtur. Primogenituram illi adimere, & omnibus primogenituræ gratijs, ac privilegijs, illum nudare volens, fecit, vt primus ab utero Matris progrediretur, ex quo cum alijs arbitrarentur, tum ipse intelligeret, se Dominū, & paternæ domus, fortunarumque vniuersarum ex asse hæredem natum, post hæc autem ordinat, vt hæc dignitate exuatur, & maior seruiat minori. Cur voluit Dominus, vt Esau primogenituræ dignitatem prius adiret, ac paulo post ab ea excideret, & minor, seruusque non nasceretur, sed ex maiore, & Domino fieret? Vt grauior esset illius dolor, & acerbior pœna. Nemo enim ferociorem, truculentiorē, formidabiliorēq; vultum vel cogitando sibi sinxerit, quàm infelicitatis, si quæ post longam, ac suauem prosperitatis consuetudinem occurrat.

Ardebat voluptarius, & auarus ille ex Euangelio heluo in picea fornace vindicis flammæ, eleuatisque oculis vidit mendicum Lazarum in paterno Patriarchæ Abraham sinu velut benigno hospitio suauiter conquiescentem, miseramque vocem, quantum poterat, contendens ardentis sitis, quæ cruciabiliter torquebatur, remedium deposcebat, tanquam id tunc consequi posset, dicens: *Pater Abraham, miserere mei*; Lucæ 16. 24. Cui ille: *Fili, recordare quia receperis bona in terra tua*; ibid. v. 15. recordare, quod laudè, ac splendide vixisti, quod duxisti in bonis dies tuos, quod ciborum deliciarum lectissimis nuper vesceraris, vina diuersa, sed nonni generosiora potitare solitus, lue nunc istam epulandi imtemperantiam, nulla malis tuis curatio reliqua, nec precibus tuis locus aliquis est super.

At si Patriarcha non erat concessurus, quod rogabatur, cur illum reprobū, & damnatum gantonem filium vocat? Misericordia fuit, an seueritas, quod eo nomine donauit? Ab austero, an ab amico, & beneuolente animo ista descendit appellatio?

S. Petrus Chrysologus ait, nuncupasse filium, vt acriores redderet illius cruciatus, & magis exacerbaret supplicia: *Voco filium*, ait apud illum Abraham serm. 123. *Et te grauius doleas perdidisse, quod natus es. Adhuc Voco filium, Et amarissus doleas perdidisse te, quod gratia dederat, & natura.* Quod filium ergo dixit, non de pietate, aut benignitate, sed de austeritate venit, quæ dolores illius reddere au-

Pp

Atiores



stiores voluit commemoratione felicitatis, quam per natiuitatem accepit, sed per suam improbitatem dilapidauit. Filium vocauit, vt eâ appellatione acueret eius cruciatus, exasperaret tormenta: Nam quodd exidisse à fortunato statu filiorum se videbat, & refricabatur illi memoria felicitatis, in qua fuerat, & audiebat illam nominis tam gloriosi, & suauis appellationem, quam habuerat propriam, nunc autem acerbissimis supplicijs subiectus, atque ab illa sublimitate in hanc vilissimam humilitatem delapsus ex beato miserrimum, se conspiciebat, hoc magnis incrementis sauitiam dolorum illius, quos inter flammarum incendia patiebatur, incredibiliter amplificabat.

Iulius Cæsar, ille quàm strenuus gladio, tam celeberrimo scriptorio calamo, lib. 2. comment. aiebat: *Dij consueuerunt, quod grauius homines ex commutatione rerum doleant, quos pro scelere eorum elcisi volunt, his secundiores interdum res, & diuturniorem impunitatem concedere.*

Supremi mortalium moderatoris mos hoc habet, vt flagitiosissimos homines, cum eorum scelera paribus plectere supplicijs cupit, primum in magna quiete, & voluptate, & rerum omnium affluentia iucundissimam ducere vitam, posthæc verò ad summam egestatem, & extremam inopiam redigi permittat, quod grauius ex commutatione rerum doleant, vt intolerabilius sua tormenta ferant, & immanior poena eorum exulceret, laceret, depascatur viscera.

Decreuerat Dominus animaduertere in illam flagitiosam indulgentiam Heli summi sacerdotis erga consceleratos filios, & plurimum damnatam remissionem, atque incuriam, cumque illi denuntiaret calamitates, & ærumnas, quibus domus eius exagitanda esset, aiebat velle illum nudare tam sublimis officij dignitate, eaque alium ornare, qui muneris sui rationem meliorem haberet, omnesque illius partes studiosius, accuratiusque expleret, tum ista subdebat: *Verumtamen non auferam penitus virum ex te ab altari meo, sed ut deficiant oculi tui, & tabescat anima tua;* 1. Reg. 2. 33.

Ego sanè, cum ex Domino audirem, quod non omnes Heli posteros mouere officio altaris vellet, putare cœpi mitigandi doloris causâ hoc facturum, vt minus acerbum illi accideret, quod se, posterosque suos ab excelso illo summi sacerdotij culmine æternum deturbandos audiebat. At non ita res habet, inquit apud Abulensem Dominus: Etenim quod ego relinquam aliquos de filijs Heli ministrantes in altari, non est ad alienationem pena, sed augmentum,

nam cum quis fuit in magna prosperitate, incidens in aduersam calamitatem, durius hoc quàm mortem tolerat. Nepotes Heli cum ante oculos semper haberent veterem suæ familiæ prosperitatem, quâ maiores eorum perdit ad summam gloriam vsi fuerant, viderentque sæpè, atque in horas ferè singulas supremam sacerdotij cathedram, à qua malo, sed magno suo merito deieci fuerant, hoc illos afflictabat supra quàm mors potuisset. Cum enim quis ex sententia viuuit, & in apicem felicitatis deuenit, atque inde in extremam miserrimam vitæ conditionem suo vitio præceptus deijcitur, nihil huic intolerabilius euenire potest, nec est infelicitas alia vlla, quæ cum huius infelicitate certare de magnitudine, & gravitate aufit, quando & mors formidabilium omnium horribilissima illius acerbitate suam esse inferiorem concedit: *Durius hoc quàm mortem tolerat.* Nam vt Valerij Maximi habet opinio, nulla est immanior carnificina, nec poenalius cruciatus, aut cruciabilior poena, quàm si quempiam per floridulum, & apicum hortum in asperam, inculcam, & horridam syluam traducas, & primum ad instructam mentem lautè, dapiliterque habeas, dein verò in magnam diræ famis necessitatem adducas, & ex supremo prosperitatis fastigio in extremam infelicitatis abyssum deijcias: *Optima vindex insolentia & sætas humana conditionis.* Sic ille lib. 4. cap. 7. Alterna illa rerum humanarum vicissitudo plectendæ improborum licentiæ tam commodus est tortor, quàm alius nullus. Sit ergo pauperis carnifex affluentia, sit seruitus tyrannus libertatis, sit deieciio lictor superbix, sit exilium vindex autoritatis vanæ, & superciliosæ, sic enim æcrius puniuntur delicta, quando homines flagitiosi ex fortunatis, sunt miseri, & ærumnosi.

His robur accedet ex eo, quod nemo nescit, & S. Bernardus expendit, nimirum quod Dominus, & Saluator noster per Hierosolymorum publica compita cum ingenti plausu, & communi, publica que omnium acclamatione deduci voluit paulò ante, quàm per easdem plateas tanquàm flagitiosus, & infamis reus raptaretur, videretur, conspuitur, vt hinc magis amaresceret illius passio, exacerbarentur ludibria, & irrisiones fierent molestiores. Mellissimus Doctor serm. 2. de Ramis palmarum sic ait: *Quid fuit, quod processionem habere soluit, qui mox futuram nouerat passionem?* Quod clamoris hodierni tam festiui, quos ignominiosa vituperia, & probra insultantiū crassina sunt secutura? Cur voluit Dñs tam magnifico cum triumpho, & apparatu excipi, qui se

non



non diu post varijs ludibrijs, & indignis modis contumeliosissime dehonestandum praeuidebar?

Respondet gemmeus Bernardus: *Ut amarior esset passio, quam processio praestisset.* Nunquam enim grauius laedunt maledicta, quam post encomia, nunquam acerbius vulnerant iniuriae, quam post praecalam exultationem, nunquam intolerabilius affligant conuictorum dedecora, quam post elogiorum ornamenta, & non censetur in ærumnis calamitas, quæ post felicitatem non venit.

Propterea Plautus apud Ioannem Murmellium in librum 2. Bœtij de consol. prosa 4. dicebat: *Miserum istud verbum, & pessimum est, habuisse, & nihil habere.* Nemo magis deplorandus eo, qui dicere potest, ac debet, quondam abundauit, felix olim fui, opulentum me, & stipatum famulis, & cinctum satellitibus, & clarum subfellijs, & ornatum honoribus, & circumfluentem delictijs Soles me superiores, neque pauci, viderunt, nunc verò, & annonam ostentat commendo, & conuitia passim audio, sumque opprobrium hominum, & abiectio plebis. Sæuissimum nempe tormentum est post magnas facultatum copias ad inopiam redigi, *habuisse, & nihil habere.*

Id mihi significare voluisse videtur Pœtica facultatis Decanus, quando primis admirabilium lucubrationum suarum versibus pium Æneam describit, & de illo istud, quod cum socijs lætus, gaudensque cœlo sereno à portu soluerit, cum mare pacatum, & aura secunda felicem promittebat nauigationem, mox autem valida, & atroci per iratam Iunonem excitata tempestate mirum, miserumque iactatus, & in præsentaneum vitæ discrimen adductus fuerit:

*Vela dabant lati, & spumas salis ære ruebant, canit ille 1. Æneidos, v. 39.* Quid sibi voluit, quod tam hilariter, lætanterque inierunt mare? Cur tanto perfusi fuerunt gaudio, cum sua ventorum libidini carbasa exposuerunt?

Respondet insignissimus Virgilij commentator Cerdia in 1. Æneid. nota 2. *Ut fidelices postea maiorem conquestionem excitet ab commota tempestate, cum à summa latitia omnia reciderint in summam calamitatem.* Prudenter, & perattentè notauit Poeta, totis animis exultasse Æneam, illiusque comites, quando se committebant mari, altumque petebant, futurum namque erat, vt breui ab insana exagitarentur tempestate, cuius vt maior esset horror, prius describere voluit lætitiā, quā gesserunt, cum è portu euehi cœperunt. Nunquam enim est immanior, quam post tranquillitatem, tempestas,

nunquam grauior, quam subitarius post longam pacem, & quietem, bellorum tumultus. Infortunatissimus itaque ille est, qui post felicitatem infelix.

Id verbis benè luculentis affirmavit inclytus Martyr Seuerinus Bœtius de consol. prosa 4. dicens: *In omni aduersitate fortuna infelicitissimum genus est infortunij, fuisse felicem.*

Calculo suo idem comprobatur dabit Propheta regius, qui cum prolixam Dei erga illum peruicacem, & rusticum populum liberalitatem prædicare institueret, sic inquebat Psal. 77. 24 & 25. *Dedit illis manna ad manducandum, & panem cœli dedit eis. Panem Angelorum manducauit homo, cibaria misit eis in abundantia.* Quando filij Israël ibant per inculta sylvarum, & aspera montium, pia clementissimi Domini maiestas ministerio Angelorum è superiore æris regionis illis submittebat cibum tam dulcem, & saporatum, & prodigiosum, vt eum saporem cuique referret, quem illius orexis, & libido vellet. Hoc beneficiorum Dei præcipuorum vnum quoddam fuit. At merumne beneficium?

S. Zenon, cum hanc rem ad lucem sui ingenij attentioribus oculis arbitratus fuisset, ait, sibi non solum beneficentiam videri, sed etiam austeritatem, quod tam laute, atque opipare eos habuit. At quomodo hoc esse queat? Ergone manna pro supplicio fuit? Aut tam delicatus cibus non tantum vt tener, dulcisque ros, verum etiam vt fulminaris radius inde descendit? Neque clementiæ solum faciem, sed & indignationis vultum retulit?

Immo verò ita res habet, inquit S. Veronensium Antistes serm. 2. de Exodo: Nam ad hoc manna de cœlo populus ille gustauit, & cum esset ad egestatem postmodum deuolutus, præteritorum bonorum recordatione acris torqueretur. Futuru erat, vt contumaces, & obstinati Hebræi in maximam famis necessitatem adducerentur, & in penuriæ extremæ angustias redigerentur. Vt ergo famis carnificina esset atrocior, & esurie cruciatus intolerabilior, voluit vt manna ante prægustarent, vt cum illius suauitas ad memoriam recurreret, aufereret poena, & præteritorum bonorum recordatione acris torquerentur. Vt enim cuiuspiam suæ infelicitatis dolorem acuas, nullâ re id æquè effeceris, ac si ex opulento e- genum, ex beato infelicem facias.

Non parum eleganter hoc expressit docta illa ad Petrum Abailardum Heroïsa ep. 2. vbi ista: *Quanto altior ascenditis gradus, tanto grauior corruentis casus, qui et me miserrimam omnium faceret, omnibus ante beatorem effecerat, et cum quanta perdidit, pen-*



*scire, tantò me maiora consumerent lamenta, & tantò maior amissionum succederet dolor, quànò maior possessorum precesserat amor, & summa voluptatis gaudia summa maioris terminaret tristitia.* Nemo enim maiore commiseratione dignus, quàm is, quem ex delictis ad egestatem, ex libertate in captiuitatem, ex amplitudine copiarum ad angustias inopiae sua infelicitas, & iniquior fortuna redegit.

In supremo dignitatis culmine collocatus homo, & imagine sui Conditoris nobilitatus, gratijs etiam, privilegijs, & plurimis, & maximis collocupletatus, ex tam sublimi vertice delapsus fuit, idque ex vertigine, quã caput illius laborare cepit, cum similiter ac Deus omnia scire, & alter quidam ille in terris esse voluit. De hac tam misera prolapsione sic ait rex David: *Homo cum in honore esset, non intellexit, comparatus est iumentis insipientibus, & similis factus est illis; Psal. 48. 13.*

S. Ioannes Chrysostomus in his obseruauit, Prophetam non dicere, quòd homo natus fuit bestia, sed culpã, & improbitate suã pecudum similitudinem contraxit. Cur hoc? Vt inde eius fieret acerbior cruciatus, & pœna cresceret. Carere namque ratione ex naturæ conditionis proprietate quànquàm infelicitas sit, tolerabilis tamen est: At quòd homo ratione præditus brutis irrationalibus sic par habitus, id acerbissimum tormentum est, valuisse enim rationis iudicio, & propter malum eius vsum in tantam vilitatem descendisse, vt cum bestiis in comparationem venerit, & de sublimi fastigio amœni paradisi in vitæ rusticanae abiectissimam sortem incidisse, & ex Angelorum sacra societate in contubernium syluestrium animalium deuolutum esse, ea summa infelicitas, & infortunium extremum.

Audiamus Chrysostomum apud Hugonem Cardinalem: Dicit Chrysostomus, *quòd peius est comparari, quàm nasci, supple iumentum, nam naturaliter non habere rationem, tolerabile est, Verùm ratione decoratum irrationabili natura comparari, voluntas est crimen.* Semper esse pauperem, semper miserum, semper seruum, semper infelicem, infelicitas est, res tristis est, & ærumnosa calamitosi hominis conditio: Verùm post mollem finonem vestire rude sagum, post purpuram induere saccum, post septrum tractare remum, & basilicam cum gurgustio commutare, hoc est quod iniquissimè fertur, & intolerantissimè vexat, & pœnalissimè cruciabilissimèq; affligat, & exulcerat, & suæ acerbioris mole obruit.

In ea sententia fuit S. Zenon serm. 6. de Exodo, cum ait: *Commodius pato misere in suo statu manenti,*

*quàm beato in ultimis miseriis deuoluto; velut dixisset: Mihi certissimum, atque indubitatum videtur, nonnullam velut felicitatem esse, nunquàm valde fortunatum, sed semper tenui, & humili conditione esse, nec in sublimem dignitatis, aut felicitatis qualiscunque gradum peruenisse, cum enim, qui non gustauit dulcia, minus offendunt amara, nec sui status humilitas humilis illi videtur, qui vitæ alteri nunquàm assuevit: Verùm qui aliquando felix, fortunatusque fuit, qui prosperè diu egit, & bonis omnibus circumfluxit, & rogabatur, colebaturque ab omnibus, si fortè insana in illum fortuna perbaceretur, & miserum miserè exagitet, & solo afflictum ad aliorum vestigia abijciat, vt ab omnibus rideatur, & conculcetur, alienasque & inclamare fores, & implorare manus necessum habeat, ac sæpe nequicquam inclamet, & imploret, eius miseria tanta est, vt maiorem vix imaginari quisquam possit, & dolor ex infelicitate acerbissimus, & incomparabilis. Venim post suam coniuratorum ventorum conspersionem, & nubili cœli tristem aspectum, & atrocem concitati maris tempestatem gratior illucescit serenitas, & maiore in pretio habetur compositorum fluctuum tranquillitas: Ità è contrã cum post tranquillitatem prosperitatis, post luauè aspirantis fortunæ leues & secundos afflatus, impotens inexpectatè aquilo exurgit, forsque iniquior ferocire incipiens superioris felicitatis ex omni parte nauem non verberat tantum fluctibus, sed mergit etiã, vniuersam quietem, beatitudinemque omnem mare aduersitatis sorbeat, maior hinc tristitia, & pœna grauior venit.*

Quapropter Politicus noster benè fecerit, si se aduersus omnes sinistros euentus, & insperatos casus magno studio, & animo præparauerit, & obarmauerit, cum nulla sit in hac vita stabilitas, nulla in huius sæculi mari securitas, vt cum Domino placuerit malis quibuscunque præsentibus illum exagitandum permittere, minus grauis accidat aduersitas, quàm meditatione præuenterat, mala nimirum præuisa non tam cruenta efficiunt vulnera, vt ferè dixit S. Gregorius, minoremque dolorem afferunt tela, quæ ante conspeximus, quàm excepimus.

*Eundem scopum perit Periocha V. Dominica IV. post Epiphaniam Tom. 2. pag. 443 a. o. & Periocha III. Dominica III. Quadrag. Tom. 1. pag. 219, b. o.*



CAPVT VI.

*Aduersitatis tortor funem miseriarum obtorquere, & constringere arctius non potest, quam si quem faciat extremum mancipium eius, cuius fuit superbus Dominus.*

**A**N forè aliunde magis auferere dolor, & amplius ad acerbiorum torturam extendi fiducule, & miseriarum sumere incrementa, & infelicitatum arma fieri cruentiora possunt? Potestne iniquiorem fortunam quisquam experiri, quam is, quem illa è summo prosperitatis culmine in extremam paupertatem deturbat? Potest. Quonam modo? Quando per varios successus, & alternas rerum vicissitudines homo ad eam miserissimi status infelicem conditione redigitur, ut non solum à prosperitatis suae fastigio detrahat, sed etiam ad vestigia eius deuoluatur, quem pedibus ante calcavit, fiatq; extremum eius mancipium, & captiuus, cuius fuit nuper superbus, & tyrannicus dominus. Qui in hanc calamitosam infelicitatem incidit, is videtur nihil habere in hac vita, ob quod iratae fortunae morosam faciem pertimescat, nec enim illi quicquam eueniet vel tam asperum, ut non leue putet, vel tam molestum, ut tam leue existimet, vel tam amarum, ut non suaue arbitretur, si cum eo cruciatu componat, qui de infelicitate, quam dixi, nascitur.

Salomon Prouerbiorum 25. v. 21. & ex illo Apostolus Romanorum 12. c. v. 20. ait: *Si esurieris inimicus tuus, cibus illum sitis, potum da illi, hoc enim facies, carbonem ignis cogeres super caput eius, hoc est, si famelico, situlosoq; hosti victu suppeditaueris, sic illum mitigabis, & mansuefacies, ut igne à te tuo in vertice excitari sinat. Ita interpretatur nonnulli.*

Sanctus Isidorus Pelusiota percommode in rem praesentem exponit verba superiora, dicens, eam vindicandi de hoste ratione talem esse, ut aptiorem, illustrioremq; optare nemo possit. Quid est habere inimicum? Habere hominem, qui me pedibus suis substratum, & suum mancipium esse cupiat, curetq; si potest, qui sanguinem meum bibere, & perpetuo habere oppressum, insolentemq; vestigio semper terrae tenere affixum velit, & ubique ceu iuratus hostis aduersetur. Quod ergo sublimius vindictae genus esse possit, ac illud, cum talis inimicus meas supplex pro victu fores inclamat, sui suae leuamen à me humiliter petit, & vestigijs meis accidit, qui me suis habere subiectum pedibus optabat?

Pelusiota hac de re verba sic habent in lib. 4. E-

pist. 11. *Cum ille instantam incidit necessitatem, & ei opus sit etiam inimici commiseratione, id quauis calamitate, & quouis supplicio acerbius, & grauius esse aio. Atq; ita vulgus hominum sibi id persuasum habet, cum dicit: Ne eo redigar, & ab inimici meis cogar supplex accipere. Quod si igitur id, quod dictum est, eiusmodi est, & facientibus quidem optabile, ijs. Sedò, qui patiuntur, supplicij loco sit, quid est, quod mireris, maxime cum nec simplex sit beneficium, sed maius quoq; afferat supplicium? Quod quis aquam bibat eius manibus propinatum, cuius pridem voluisset è venis expromptum sanguinem bibere, quod ab eo prostratus cibum capiat quem suis nuper habuit affusum pedibus, non est simplex beneficium, sed si omnino vocari beneficium debet, quod è talibus manibus venit, certè tam durà, molestaq; pensione oneratum id est, quam praegravari beneficium aliud quodpiam possit, cum maius quoq; afferat supplicium. Quod enim atrocius tormentum, quae terribilior pensio, quis dolor acerbior, quam videre se eius potestati subiectum, cuius fuerit vel reapse, vel intentae voluntatis cupiditate arrogans, & superciliosus Dominus?*

Tres amici sancti Iob, qui venerant ut consolarentur illum, quando deturbatus ex alto folio iacebat in vili, & sordido sterquilinio, pro eorum suae praesentia, & verbis suauibus durum, ac molestum calamitatum illius onus alleuarent, aggrauarunt magis pondera, irritaruntq; vulnera, dicentes, pro peccatorum suorum, & grauius morum scelerum magno merito illum à iusto, & recto iudice Deo sic prostratum in illo impuro loco iacere. Seipsos perquam sanctos arbitrabantur, & amicum suum Iob contaminatissimum, & flagitiosissimum peccatorem putabant, & se omnibus modis inferiorem existimabant. Subsidit tempestas, redijt sua mari tranquillitas, finem habuit persecutio, cessarunt flagra, & verbera, dixitq; Dominus tribus longanimi, & constantis amici sui familiaribus: *Grauius offensum me habet vestra superbia, quàm contrà seruum meum Iob elati, etiam minus caute, neque tam prudenter, recteque, ac ille inter medias suarum ærumnarum angustias, locuti estis, sumiste ergo vobis septem tauros, & septem arietes, & ite ad seruum meum Iob, & offerite holocaustum pro vobis, Iob autem seruus meus orabit pro vobis, faciem eius suscipiam, & non vobis imputetur stultitia.* Iob 42. v. 8.

Beatissimus Pater Gregorius Magnus quaerit, cur Dominus ordinauerit, ut is suorum familiarium patronus aduocatus esset, illisq; malefactorum suorum



indulgentiam, & noxarum gratiam, sacrificiorum, & precum suarum auxilio procuraret, cuius illi de honore tam plurimum detraxerant, & famam obscurarant, & vitam omnem, tanquam cuiusdam pedibus eorum accidui serui, despicabilem habuerant. Itaneij, qui se beato Iob vitæ sanctitate, & virtutum copiâ longè præstare putabant, illum supplices adire, vestigijsq; eius aduoluci rogare debent, vt causam ipsorum apud Deum diligens, & fidus sequester agat?

Debit ita fieri, inquit sacer Pontifex, atque vt hinc eorum grauius plecteretur arrogancia, & augetur poena, illos ad suam gratiam per eum, quem desperserant, reformat. Hoccine verò ad incrementum cruciatuū illorum quidpiam fecerit? Plurimum fecit: *Valde quippe elata mens retrunditur, si ipsi, super quem se exaltauit, supponatur, nec acerbius quidpiam euenire homini superbo potest, quam vt sub illius plantis gemit, cuius vertici incumbens tumescebat.* Fundat sese ergo sancti Iobis amici ad illius pedes, quem despectui habuerunt, vt hinc eorum exasperetur dolor, nec enim alia est, vt videtur, poena cruciabilior, quam illius, qui eorum nunc proteritur pedibus, quorum ipse paulò ante ceruices calcabat.

Proposuit erat sancto Apostolo Paulo, consilio, & monitis auocare homines, ne in lethalis culpæ, bestia omnium efferatissimæ manus inciderent, quæ tam miserandas strages, totq; fatales vastitates animabus infert, atque vt hoc apud eos efficeret, sic aiebat: *Non regnet peccatum in vestro mortali corpore, & obediatu concupiscentijs eius;* Rom. 6. 12. non dominetur, non imperet vobis quæcunque illa noxa mortifera, ne eius libidini subiecti maneatis.

Observauit acutè sanctus Petrus Chrysologus ser. 113. loquendi formulam, quâ vñs fuit Apostolus, vt Romanis horrorem peccati incuteret. *Non dixit magnus Paulus, inquit ille, non veniat ad suos, non promouet, non titillet, sed, non regnet, non dominetur.* Cur verò sic loqui voluit, vt homines à peccato abstraheret, faceretque, vt ipsi totâ virium contentione culpas omnes mortiferas effugerent? Non erat ratio alia, quâ peccatum abominabile redderet, offensæq; horribilitatem, & culpæ, transgressionisq; turpitudinem denudaret? Apostolus certè videtur non inuenisse frenum, inquit Doctor sanctus, quo validius coercere à malè agendo posse homines putaret, quàm vt diceret, *Non regnet peccatum*, non dominetur vobis omnis iniquitas. Peccatum vi, & meritis sanguinis Christi nostri Redemptoris velut

ferro confectum, & mancipium hominis factum fuit, cuius ille ante miser captiuus erat. Cum ergo non sit maius tormentum, non sæuior cruciatus, nec acerbior poena, quàm in eius seruitutem redigi, cui aliquando dominatus fueris, & imperaueris, propterea Apostolus Romanos in hunc ferè modum appellabat: Vos nunc domini estis peccati, & de efferatissimo illo tyranno gloriosè triumphatis, illud vester dediticius seruus est; si ergo vos à mali dæmonis tentationibus superari, & suppeditari sinatis, efficiemini misera, & abiecta peccati mancipia, cuius gloriosi dominatores estis, nam *quis facit peccatum, seruus est peccati*, aiebat Christus Ioan. 8. vers. 34. Videte itaq; quò vos conijciatis, quicunq; mortifero piaculo obstringitis. Aciei sæuissimi gladij vos exponitis, & acerbissimis doloribus, & ignominiosissimæ poenæ subijcitis, quoties peccato seruos addicitis, cuius domini fuistis. *Non regnet ergo peccatum:* Nam si hæc comminatio non vos compescit, si talibus verborum terroribus non vos infreno, & ab omni peccandi cupiditate coercere, videntur omnia defecisse media, & artificia nulla esse reliqua, quibus effici queat, vt nunquam deinceps peccare lubeat, & peccato suis insuperabiles. Etenim inter humanas miseras hæc extrema videtur, si homo in eam infelicitatem incidat, vt vilis seruus efficiatur eius, cuius fuerat Dominus, illiusq; pedibus subiaceat, quem suis substratum plantis habuit. Non volo Politicum nostrum aliud quidpiam utilitatis ex hoc capitulo referre, quàm vt discat horrere culpam, abominari peccatum, detestari Dei offensam, nec enim aliud est malum, quod abominemur, non damnum, quod horreamus, & execremur.

Concurrabant cum Philisthæis Israëlitz, cumq; ardentissimè virimque pugnaretur, in ipso seruire certaminis Arca Domini in castra Israëlitarum illata fuit, quod cum animaduertissent Philisthæi, & facile intelligerent, quàm validum illis suppetiarum auxilium cum Arca aduenisset, ita fracti sunt animis, vt eorum suspiria satis proderent, & testarentur metum, qui illos inuaserat. Verum ad se mutuò conuersi, seque ipsos vteunque redanimantes, talibus verbis inuicem excitauerunt, & confirmauerunt: *Confortamini, & estote viri Philisthæum, nec seruati Hebræis, sicut & isti seruierunt vobis, confortamini, & bellate;* 1. Reg. 4. 9.

Dignissimum notatu est, quòd cum plurimæ rationes suppeterent, quibus se mutuò ad strenuè dimicandum inflammare possent, aliud nihil repererint, quo suos inuicem vehementius incenderent animos,



## CAPVT VII.

*Persecutionum potestas huc se exerere potest, vt vexent, non tamen vt officiant, neq; enim plus incommodare queunt, quam homo ipse, qui eas patitur, velit.*

Verum emergit hic dubitatio non modica, nimirum quomodo verum sensum habere possit, quod Dominus ait: *Maiores seruietis minori? Nam si oculis percurramus duorum istorum fratrum, Esau, & Iacob historiam, inueniemus quod Esau non tantum non seruauit Iacobi, verum etiam e contra illum ad mortem infectatus fuit, & vitam saepe exuere voluit. Quæ cum ita sint, quid est quod dicitur, Maiores seruietis minori?*

Hugo Cardinalis, & Guilielmus Papinius in cap. 25. Genes. claus. 4. cap. 8. iam pridem hanc viderunt, & submouerunt difficultatem ad lucem doctrinæ Magni Augustini, qui Serm. 78. de tempore sic habet: *Quomodo maiores seruietis minori? Quo, inquit, ordine? Illo scilicet, quo mali seruiunt bonis, non utique obsequendo, sed persequendo, quomodo lima, & mallei auro, quomodo mole seruiunt tritico, quomodo panibus coquendus fornalia, quomodo in fornace aurifici palea seruiunt auro, ubi palea comburitur, aurum probatur.* Hæc ille. Propriissimè ergo dictum fuit, quod maior Esau seruaturus esset minori Iacob, quæ pessimis modis afflicturus erat, mali nempe cum infectantur bonos, profectui illorum spirituali plurimum commodant, & benè merendi occasionem illis ministrant. Ex quo apertè colligitur, quàm perpusilla, stricta, & angustis limitibus circumscripta sit persecutorum, & ærumnarum potestas in animum hominis, quàm parùm nocere, quàm exiguum stragem illi afferre possint. Tamen enim verum sit, quod humanum adoriri, tentare, & oppugnare peccatus queant, expugnare tamen, & subigere, nisi ipsum se dedere sua sponte velit, non possunt. Quare tentationum machinis, arietate prauis suggestionibus in arcem animæ dæmon potest, non tamen deicere; non occupare, aut inuadere, si non ipsa illi per ignauiam ultro concedere velit.

Sanctus Ioannes Euangelista præcipuos tragicæ passionis Domini nostri actus omnes describit, & insigniora probra, quæ pro nobis amantissimus Saluator excepit, quod spuro secundum faciem foedatus, quod spinis coronatus, quod flagris cæsus, quod ligno clauis affixus, quod modis alijs contumeliosè, & cruciabiliter vexatus, & postquam omnia enarra-

mos, quàm vt hoc omnes ante oculos haberent, hoc studiosè cogitarent, fieri posse vt in manus Hebræorum inciderent, & serui efficerentur eorum, quorum fuerant Domini. Et cum exercituum ductores, vt milites suos ad conferendum acriter manus, & ad fortiter certandum acuant, diuersis medijs, & varijs vijs argumentis soleant (vt videre est apud Thucydiden, & Titum Liuium, & alios historicos) quid est, quod Philisthæi, vt suos in aduersam aciem totis animis efferarent, hoc tantum dicendum putarunt: *Non seruatis Hebræi sicut & illi seruauerunt vobis*; neq; efficiamini serui eorum, quorum fuistis Domini?

Rèspodet Abulensis in cap. 4. lib. 1. Regum dicens: *Reputabant enim Philisthæi pessimam conditionem viri esse seruitutem, nec aliquid peris fortunam inducere posse, & cum infelicissima fors ista sit, adhuc infelicior est, cum quis efficitur seruus eius; cuius ante erat Dominus, quia ista seruitus est turpior, tanto enim aliquis vilior est, quāto magis descendit, sed nemo videtur magis descendere, quā quod efficiatur eius seruus, cuius Dominus erat.* Scilicet Philisthæi quā misera esset seruorum conditio, sciebant illos longè infelicissimos esse seruos, quicquid subijcerentur, quibus ex loco superiore imperauerant, & ex Dominis fierent suorum mediastinorum mancipia, aut mancipiorum mediastini. Cum ergo illi pridem Israelitis bellum fuissent, & in suam seruitutem redeissent, hac ratione suos ad animosè præliandum efficacissimè permouere posse putarunt, si eis ob oculos constituerent extremæ seruitutis malum, quod eis paratum esset, ni valentissimè pugnando facerent, ne subigerentur ab eis; quos diu subditos habuerant: *Tanto enim aliquis vilior est, quāto magis descendit, sed nemo videtur magis descendere, quā quod efficiatur seruus eius, cuius Dominus erat.*

Hunc seuerioris fortunæ rigorem expertus fuit Esau. Dicit enim coeleste oraculum: *Maiores seruietis minori*, Esau Iacobi, & qui primus ab utero matris suæ prodijt, & putabatur Dominus futurus illius, qui posteriùs egressus fuit, is seruus minor erit, subijcieturq; ei, quem pro mancipio habiturum exiit mabat. Profanitates namque Esau, & insolentiæ illius, & plurima inuerecundæ, impudenterq; ab eo actitata acriter, vt videtur, in hac vita plesti, seueriusque vindicari non potuerunt, quā cum eius perpetuus seruus effectus fuit, cuius Dominum superbum se futurum confidebat.

Eandem incudem tundit Periochâ V. Feria VI. post Domin. 11. Quadragesima Tom. 1. pag. 202. 4. o.



enarrasset, his suam illam obsignat narrationem: *Et milites quidem hac fecerunt*; Ioan. 19. 24. milites fuerunt fatales, & sanguinarij crudelium istarum actionum executores, milites fuerunt, qui Domino turpiter conuictiati, & inhumanè, barbareq; illuserunt.

Quid voluit ijs verbis facer indicare historicus?

Quid est, quod ait, *Et milites quidem hac fecerunt*?

Respondet Sanctus Abbas Rupertus lib. 13. in Ioannis cap. 19. aptissime in causam præsentem: *Pulchrè satis Euangelista facta impiorum terminat. Hac quidem, inquit, milites fecerunt, subauditur autem, & quid post hac facerent, non habuerunt. Corpus crucifixerunt, & pradam tulerunt, sed fortitudinem Dei, Verbum Dei, Verbum Deum cum anima sua occidere non potuerunt.* Omnino pereleganter Ioannes recensionem ludibriorum, & cruciatuum, quibus offerati tortores Christum excarnificarunt, absoluit, inquit, milites trulentos ea quidem egisse, sed hæc eorum subsidisse, neq; progredi vltra potuisse vexationes. Concerperunt Dominum flagellis, compunxerunt caput illius spinis, corpus probroso stipiti confixerunt, denique nudauerunt vestibus, præterea nihil potuerunt, non longius ire, non expugnare illius fortitudinem, non subigere robur, non deijcere à suo statu animum, non splendorem eius extinguere. Possunt tyranni cedere corpora, fauciare carnes, potest gladius vertere sanguinem, secare, & demutillare membra, potest inimicus dicere falsum testimonium, irrogare iniuriam, intentare persecutionem, non tamen animæ subigere robur, superare fortitudinem, vires frangere, nisi is, qui appetitur, dedere seipsum velit. Demum persecutiones possunt vexare, sed non deijcere, minari, at non vincere.

Dixit quidpiam Propheta Ionas, quando orationis domum ex ventre cæti fecit, quod intellectu difficile videtur. Abiciebatur in mare, hauriebant illum yndæ, excepit ventris sui hospitio mons ille animatus, & vates confitens manus diuinæ potestatem, eique se humiliter submittens aiebat: *Proiecisti me in profundum in corde maris, & flumen circumdedit me, omnes gurgites tui, & fluctus sui super me transferunt*; Ionæ 2. 4. velut dixisset: Tu es, Domine, qui me superâ potestate tuâ in profundum falsi maris abyssum deiecisti, tu me procellesi istius palatii hospitio excepisti, flumen me inuoluit, & tota fluctuum tempestas me pertransijt.

Videtur hoc loco Propheta duo quædam pugnan-

tia loqui. Semel quidem ait, mare esse, à quo absorptus fuerit, post hæc verò affirmat, flumen esse, quod illum hauerit, postremò asserit, fluctus omnes super ipsum transijisse. Si mare est, in quod deiectus se ingurgitauit, quomodo flumen vocat? Si hauerunt illum fluctus, obrueruntque, & inuoluerunt, quomodo super illum transferunt? Si quem saxo appetas, & in capite vulneres, non rectè affirmaris, transijisse lapidem super caput eius, hoc enim tunc verè solum dicitur, quando sine offensione præteruolat, & non impingit in caput lapidis. Quid ergo ait, fuisse dulces fluminis, non salas maris aquas, in quas incidit? Quid item in profundum se vi concitatorum, & furentium fluctuum deiectum queritur, qui fluctus supra se transijisse facetur?

Huic difficultati occurrit sanctus Hieronymus, inquit, valde propriè locutum Prophetam, cum amarum mare dulcis fluminis appellatione donauit, & de fluctibus, à quibus absorptus fuit, asserit, superne pertransijisse: Nam si mare, eiusque fluctus, propter suarum procellarum, & tempestatum vesaniam, ac furorem, symbolo referunt humanæ vitæ persecutiones, & calamitates, ut notârunt Pierius, Lauretus, Geminianus, Berchorius, meritò ex eo, quòd ferire possunt, dicuntur mare, & fluctus vocantur de illo, quòd concutere solent, at ex parte illius, quem siue feriunt, siue concutunt, nominantur flumen, & fluctus supra absq; lésione transeuntes; tamen si enim huius vitæ aduersa sint amara, quæ persecutiones, & conueniant quæ ærumna, ex illius tamen parte, qui ea patitur, possunt esse dulcia flumina, & suaves aquæ, & nihil nocere, vel offidere. *Gurgites, & fluctus non oppræsserunt, sed transferunt, minantes tantum naufragium, non inferentes*, inquit B. Hieronymus. Persecutiones ergo terrere, & exagitare fortunæ iniquioris fluctus, sed non sorbere, non suffocare illum possunt, cui minantur, si non ipse per ignauiam se tradat, aut per metum addicat. Cui enim diuinum præsto est auxilium, is omnia vincit, & facile subigit.

Ut Timotheum discipulorum charissimum sanctus Paulus consolaretur, suarum calamitatum, quas patiebatur, & persecutionum, quas ab insensibilibus sustinebat, illum per literas conscium fecit. Miseriarum, quas tolerabat, & Timotheo nunciabat, partem non exiguam illi adferebat quidam faber ferrarius à communi generis nostri inimico incitatus, qui crudeliter in Paulum efferabatur, de quo ille sic scribebat: *Alexander ararius mulsa mala mihi ostendit*; 2. Timoth. 4. 14.

Expen-



Expendenda diligenter phrasis Apostoli, & loquendi formula, quā huius stygij Vulcani persecutiones describit, quācum tales essent, vt de illarum authore affirmare debuerit Paulus, ab vno illō vili hominis propudīo vehementer repugnatum suā prædicationi ac dicere *Valde enim resisti verbis meis*, ibid. v. 15. non ait tamen ab eo sibi vel irrogatas iniurias, vel illata incommoda, sed ostensa solum, iniquiens: *Multa mala ostendit mihi.*

At cum tam grauiā essent mala, tam atroces persecutiones, tam pertinacia illius repugnandi, & obstandi studia, quid est, quod ait ostensa sibi ab illo tantum, non etiam illata mala, tanquam summā persecutionum cuspidē leuiter solum attigerit Paulum Alexander, non impacto profundius gladio cruentatū?

Respondet præclare Paulinus Hispanus apud Aluarum Gomez in musa illius Paulina 2. Timoth. 4. dicens:

*Ostendit q̃, malum, non fecit, nam neq̃ iustus  
Laditur offenso, n̄ sedit ipse, malo.*

*Virtutis q̃, tenax animus non cedit ab ira  
Ludit inopino vulnere passa bono.*

*Sic quicunq̃, parat patientem perdere, cito  
Fallitur, inque ipsis dat bona mra malis.*

Magnum ergo mysterium subest illis sancti Apostoli Pauli verbis, quibus ait, sibi ab illo maledico, & sacrilego fabro ærario (homulo quodam è plebeia fece obrectatorum, quorum procacibus linguis, & calumniandi libidini nemo est, quantumuis præclarus, quantumuis ille magnus, & spectabilis, qui non sit expositus) ostensa sibi mala, non illata damna, vt eo loquedi modo indicaret, viro constanti, & cordato nunquam officere persecutiones, nisi ipse earū ictibus cedere, & succumbere ultro velit: *Ostendit, non fecit.*

Est in superioribus docti paraphrastæ verbis quidpiam, quod commodam propositæ rei comparationem ministrabit: De animo virtutis tenaci ait:

*Ludit inopino vulnere passa bono.*

Qui in ludicro certamine rudibus, & obtusis ensibus ad gladiatoriam exercentur, ij ex illius artis legibus aduersario ictum, quem inferre possent, ostendunt tantum, non item imprimunt. Tales enses viris iustis, qui gratiæ diuinæ ope recte vti volunt, sunt persecutiones improborum, inquit Apostolus, enses obsoleti rudes, obtusi sunt (Hispani *espadas negras*, Germani *Rapier* vocant) qui denotant, non inferunt ictum: *Multa mala ostendit*; non infert iusto, qui illum male, contra ac meretur, habet. Nam sub Deo propitio nulla est præsentis vitæ per-

Tom. III.

secutio tam potens, nulla tam grauis, & valida aduersitas, vt lethali vulnere percutere Christianum queat, neq̃ vilius iniuriæ, vel calamitatis tam est turbatus mucro, vt configere eam, qui patitur, possit, si non ipse sauciari, & vitā exui velit, immo verò persecutionibus sibi coronas comparare, & promereri laurus aduersis foriter exceptis quisq̃ potest.

## CAPVT VIII.

*Vnaquæq̃, res ex ea parte consideranda, quā commodat, & seruit, non quā officit, & offendit.*

Quod seruiert, & benè fecerit Iacobri Esau, id vox coelestis affirmat, quæ & officia, seruitutis vocat persecutiones, quibus hic profanus illum innoxium vexauit. Quancum enim Esau sanguinem fratris sui Iacob sitiret, ideoque mortem illi comminaretur, propter primogenituram maximè, & benedictionem præreptam, Iacob tamen illius persecutiones non spectabat, quā odium, & vindictam præferebant, sed quā occasionem benè merendi, & concinnandæ coronæ præbebant. Ita ab eo, qui molestijs vacuum, & inoffensam inter huius mundi res vitam ducere optat, sana politice, & recta prudentia exigit, vt eas, quā parte commodæ esse possunt, non quā nocere queunt, asperdet.

Emisit Christus Discipulos suos, vt per omnem latè terrarum orbem semen verbi diuini dispergerent, inquit: *Euntes in mundum vniuersum prædicate Evangelium omni creaturæ*; Marci 16. 15.

Cardinalis Caietanus hæsit in nomine, quo appellauit Dominus homines, quibus verbum diuinum annuntiari voluit. Non iussit prædicare Mauris, Gentilibus, Paganis, idololatriis, malis, peccatoribus, sed *omni creaturæ*. Cur nomine creaturarum donauit eos, ad quos instituendos ablegabat Discipulos, vt illi hoc officium hilariter admitterent, alacriterque, & indefessè apud omnes cuiusvis nationis, status, conditionis, ætatis, sexus, generis curarent?

Respondet Caietanus inquit: *Appellat creaturam, ad explicandum quare est illis prædicandum, ratione scilicet illius, quod habent à Creatore, & non ratione peccatorum, quæ apposerunt ipsi, ac si aperius dixisset: Prædicate Evangelium omni conditionis, sexus, status, nationis hominibus, non spectantes ad eorum peccata, & merita, sed ad conditiones creatas in illis, sed ad opus Dei in illis.* Cum Apostoli mundum obirent sanctum Euangelium disseminaturi, fieri non poterat, quin in multos, & multa inciderent, quæ impedimento essent, & plurimum obstat-

Q9



obfisterent, quò minus officio suo rectè vacare, & muneris partes omnes debitè explere possent, cum hic idololatriæ, illic homicidia, hic perfidiæ, illic periuria, hic sacrilegia, illic blasphemix, hic obscenitates nefandæ, illic flagitia alia per viam sese obijcerent, & repugnarent. Vt itaq; nihil horum illos deterreret, aut retardaret, aiebat coelestis Magister: *Predicæ Evangelium omni creatura, non spectantes ad eorum merita, sed ad conditiones creaturæ in illis, sed ad opus Dei in illis.* Hac enim ratione, cum in eis, quibus Euangelizabant, nō hominum errata, sed naturæ conditionem, non maculam culpæ, sed Dei imaginem considerabant, fiebat, vt alacriores redderentur ad executionem sui ministerij, neq; deficerent animo inter quosuis sui muneris labores. Debent ergo res, quā nos obligare, aut demereri, non quā offendere possunt, spectari.

Duo miracula in pane operatus est Dominus, & utrobq; par, hoc est, per pusilla, & parcatam in secundo, quā in primo miraculo fuit Discipulorum fides. Nam cum Christus dixisset, triduum abiisse, à quo illum inesa, iamq; famelica turba sequeretur, & miserari homines diuturnā esurie tantum non e-nectos, statim diffidentes, ac pusillanimes responderunt Discipuli: *Vnde ergo nobis in deserto panes tantos, & saturemus turbam tantam?* Matthæi 15. 33. velut dixissent: Opportuno, si dici fas, incultæ, & inhospitæ solitudinis in loco versamur, vbi annonam tantæ hominum famelicorum multitudini procuremus, qui ipsi ad necessarium victum præter septem panes, & paucos pisciculos nihil habemus reliquum!

Hic quisq; dicet, inquit Euthymius, esse istam apud Discipulos nimiam cæcitatem, & immodicam fidei hæsitacionem, & turpem memoriæ lapsum. Poterant enim perfacile, ac debebant recordari stupendum illud miraculum, quod paucis diebus ante in deserto fecerat cum tam ingenti stupore populi præsentis, vt conspirantibus votis illum ducem suum, & regem constituere vellent. Quæ cum ita sint, vnde illa tanta Apostolorum vecordia, & diffidentia, vt non cogitarent, idem brachium, quod superius miraculum patrarat, posse nunc simile quoddam operari? Certe noui miraculi spem magnam illis facere poterat, quò viderent in Magistro suo commiserantis animi non obscura signa, quæ magnis vocibus prodebant affectu, & desideriu, quo ad ferendā famelicæ plebeculæ necessitati opē propendebat.

Euthymius ait: *Si tanta eorum cæcitate indigna, quòd cum adeò recens præterisset illud miracu-*

*lum, adeò velociter obliuiscuntur, admirare tamen quòd Veritatem ita colant, & scribentes suos etiam defectus non abscondant; velut dixisset pluribus: Si hoc indignè fers, & cum stomacho accipis, quòd Discipuli pridie factum miraculum postridie non sunt amplius recordati, ex quo factum, vt & de potentia eius virtute vel subdubitarent, vel non satis rectè sentirent, noli ab ea parte Collegium Apostolicum intueri, sed animi candorem, & sinceritatem, & probitatem eorum attende, & quanto in honore, ac pretio veritatem habuerint, considera, qui tam ingenuè sua errata, suæ fidei laborantis hæsitacionem in publicum extulerunt, & per mundum euulgarunt. Ergo hoc in illis vide, quòd erudire te possit, non quòd offendere.*

Obscenissimus rex, & turpissimus tyrannus radiatissimo Lucifero Ioanni manus iniecit, coruscantissimamq; illius lucem obscurā squalidi & infamis carceris nube contegere voluit. Cum iam in vinculis diuinus Præcursor hæreret, duos ex discipulis suis ad Christum cum mandatis misit, vt se ipse illis aperiret, doceretq; se esse diu promissum Messiam, se reparatorem orbis, quem omnia superiora secula ardentissimè suspicauerant, se humanarum infirmitatum curatorem vnicum, & communem medicum. De hac re sic scribit sanctus Matthæus 11. v. 2. & 3. *Ioannes cum audisset in vinculis opera Christi, mittens duos de Discipulis suis, ait illi, Tu es, qui venturus es, an alium expectamus?*

Hoc nuntium quemuis in admirationem adducere potest, qui illud diligentius expendit. Quis misit nuntios, siue legatos? Præcursor, Lucifer, Angelus. Ad quem misit? Ad Solem, ad Regem, ad Creatorem. Vnde misit? E carcere, cum esset in vinculis. Quæ legationis summa? *Vt interrogarent eum, & ab illo influerentur rudes Ioannis Discipuli.* Et quid est, quòd Ioannes causæ propriæ negligens, neq; captiuitatem suam nuntiari, neq; innocentiam memorari per alios voluit, neq; rogauit ipse Magistrum, vt eximeret vinculis, qui hoc nullo negotio poterat, & vitæ illius inculpatæ mores integerrimos perspectos habebat, neq; contra regem tam propudiosum querimonias dedit, qui beneficia & multa, & magna pestimè rependeret, & contra fas omne in illo facinoroso infami diuersorio innoxium compeditum attineret?

Sanctus Ioannes Chrysostomus hom. 27. in Matt. Op. imperf. aptissimè in rem præsentem respondet: *Quòd Herodes illi faciebat propiana, ille suscipiebat pro beneficio, & ita eum quasi Dei misericordia frue-*

*batur.*



*bat.* Duo inerant in ignominiosa illa captiuitate, quam patiebatur sacer Baptista, alterum ira, feritas, ac tyrannis obsecrari regis, alterum merendi occasio, patientiæ fructus, & animæ quæstus magnus, quem facere in carcere poterat. Ioannes ergo non loci, in quo versabatur, vilitatem, sed occasionem bene merendi, quæ se ibi offerebat, attendebat, & vinculo- rum non probra, sed lucra spectabat, carcer illi videbatur non præclaræ famæ lux, & splendidæ existimationis nubes, sed cœlum, & fœnerationis locus, & officina gloriæ, itaque quod Herodes depurabat supplicio, Ioannes acceptabat pro munere, quod Herodes illi faciebat pro pœna, ille suscipiebat pro benefi- cio, cumq; carcerem non probri locum, sed bene merendi palæstram cogitaret, & in illa custodia non hoc consideraret, quod famæ officiebat, sed quod ani- mæ, eiusq; emolumentis parandis seruiebat, eti- am regis improbi non reminiscebatur, neq; carceris mentionem aliquam apud Christum faciebat. Nam qui in bonam partem omnia interpretantur, iniuri- as acceptas, vitæ possunt, adumbrant, & extenuant, easq; ab ea parte spectant, quâ fructum afferre, non qua generare offensam, & incitare ad vindictam queunt.

Deficitebat à pietissimo patre ille refractari9 fili- us, & perduellis in Dauidem Absalon vastum dere- pente exercitum constabat, talemq; partem filius talis oppugnatum armis ibat. Cumq; Dauid præ- uideret, quàm sinistrum exitum habiturus esset conflictus eius, qui ipsam contra Dei, ac naturæ le- ges prælio læcessitum veniebat, belli ducibus, omni- busq; vniuersim grauius imperabat, vt Absalonem, quisquis fortè comprehenderet, esse viuum sineret, inquiens: *Seruate mihi puerum Absalon;* 2. Reg. 18. 5. neq; durius quidquam in illum statuere. Non fuit obtemperatum iussioni Davidis: Nam Ioab cum irato cœlo concurrens tribus præpilatis lance- is perfidiosum cor Absalonis transfixit. Simulac sanctus Pater inconsulti filij infelicem mortem acce- pit, cum lachrymas comprimere non posset, indul- sit oculis, & infaustum, infortunatumq; illius obi- tum voce flebili, & lachrymosis clamoribus profe- curus, talia suspirabundus ingeminabat: *Fili mi Absalon, Absalon fili mi, quis mihi tribuat, vt ego mor- ar pro te? Absalon fili mi, fili mi Absalon?* ibid. vers. 33.

Sanctus Ambrosius serm. 17. in Psalms 118. ver- sum quintum hanc in rem sic ait: *Fortasse quaren- dum sit, quâ ratione ante puerum dixit, postea filium nominauit. Cur non in sigm9, aut puerum dixit, aut*

*filium? Abeuntibus in pugnam chiliarchis dicebat: Seruate mihi puerum, & manus violentas à meo præ- modum adolescente Absalone abstinere. Vbi truci- datum audiuit, suclamabat: Fili mi Absalon. Cur non verobiq; seu filium, seu puerum appellabat?*

Respondet sanctus Doctor: *Si viueret, puer erat, quia parricidio perebat patrem. Non ergo pietatis no- men accipere debebat, sed infirmitatis, ideoq; sic su- flus, quod religionis fuit, tacuit, quod infirmitatis, as- spexit, Vbi vero est mortuum, apud patrem personæ crimen deficit, natura nomen remansit. Itaque quamdiu superstitem putauit Absalonem Dauid, non considerabat quid ille pro filij debito officio agere debuisset, sed hoc solum cogitabat, quod ille vt in- sciolus, & fatuus puer facere tentabat. Verum cum è viuis abiisset, contrà euenit, nam vt ad pietatem, & miserationem pectus illius paternum moueretur, perduellionis scelus personale oblitus, nomen, quod à natura habuerat, qui iam naturæ concesserat, re- cordatus fuit, & memorauit: Quod religionis fuit, tacuit, quod infirmitatis, asspexit.*

Cum viueret Absalon, non reminiscebatur, aut certe dissimulabat pater, quod filius esset, ne ad ius- tam iram, & vindictâ aduersus illum inflammaretur, hoc autem solum tunc cogitabat, quod immaturo iudicio puer, quod inconsultus, & præcipiti ingenio adolescens esset, qui in illud flagitium prælicenter, & cæcè effusus fuerat. Post mortem non personæ meminit, sed naturæ, filium vocans, vt lamentis lo- cum daret amplio- rem. Quàm præclara doctrina, quâ qui vtatur, nâ is per omnem vitam recte agat, & omnium gratiam sibi non demereri solum sed & conseruare perpetuò queat. Vbi enim in medio sunt & iniuriæ, & beneficia, in his fige animi cogitatus, illas vel oblittera, vel insuper habe, & contemne, vt illæ non proritent ad vindictam, & hæc excitent ad gratitudinem, amorem, concordiam.

Audiat noster Politicus Senecam, qui hanc con- ceptis verbis proponit quætionem, & commodè in causam præsentem definit. Quæstio talis est, *an is, qui profuit nobis, si postea nocuit, paria fecerit, & nos debito soluat.* Dicat aliquis: Qui mihi olim benefe- cit, posthæc verò damnum intulit, is posteriore in- comodo me ab obligatione satisfaciendi, aut mu- tuas vices reddendi pro beneficio superiore absol- uit, omne enim gratitudinis, & paris compensatio- nis debitum oblitterare, & prorsum adimere quis videtur ab eo, quem cum aliquando ornasset benefi- cijs, demum onerauit iniurijs, affecit dampnis, & nunc



exstimulare ad vindictam, qui nuper incitabat ad mutuam benevolentiam.

Multò ego aliter sentio, inquit Seneca Epist. 81. Nam *quàmuis iniuria præponderet, tamen beneficijs donetur, quod ex iniuria superest, plus nocuit, sed prius profuit, itaq; habeatur & temporis ratio.* Vir bonus & irosus, calculos sic ponit, & seipse circumscribat, beneficio adijcit, iniuria demit. Oquàm admirabilis doctrina, quàm commoda præoccupandis multis iurgijs, simulatibus, indignationibus! Fac sit ita, ait ille, ut iniuria, quæ tibi est illata, sit oppidò grauior beneficio, quod accepisti, tempus nihilominus diligenter considera, quo tibi vel benè, vel secùs factum, cùmquè videris antiquiorem esse iniurià gratiam, & damnum beneficio posterius, antiquiorem etiam officij, & meriti, quàm damni rationem habere, fieri enim potest, vt beneficium à maxima generosissimi pectoris propensione descenderit, iniuria verò de cæcâ, & præoccupatæ voluntatis violentia, siue ab intellectus ignorantia potius, quàm animi certa malevolentia originem duxerit. Vir probus ergo huius litis, & causæ dubiæ iudex arbiter medias, inter incommoda, quæ indignationem clamant, & beneficia, quæ gratitudinem deponunt, constituat causas, quæ vindictam exigere, & rationes, quæ parem benevolentiam postulare videntur, & iniurias quidem extenuet, merita verò exaggeret, & illas consideret tanquàm quæ ab imprudente, & inconsulto, & quiduis aliud magnis quàm incommode volente venerint, hæc verò à magnâ, & officiosissima, pronissimaq; voluntate profecta certò statuatur, ita fiet vt pro beneficijs, quæ ad mutuam beneficentiam incitent, pronuntiet, iniurias verò expugnet,

damnetque, ne ad vindictæ cupiditatem commoueat. Politicus noster hoc omni tempore, & occasione agat, & se ipse circumscribat, se ipse iudicem, fisci præfectum, aduocatum constituat, & quantum fieri potest (fieri autem cum auxiliariis gratiæ Dei ope omnia queunt) illarum rerum partes suscipiat tutâdas, quæ ad pacem, quietem, amorem fraternitatis, & pacis incrementum, conseruationemq; facere possunt. Conquirat sibi vndiq; quas potest, rationes, quæ faciant, vt iniurias acceptas excuset, & malum illatum cum Baptista spectet quâ parte benè merendi occasionem contulit, cogitetq; ab incauta magis, quàm mala & aliena voluntate venisse, ita facile & reget, & condonabit. Si fortè tardius, quàm potuisse, de malevolentia natam cunctationem caue existimes. Si aiunt, perperam de te locutos alios, minus esse crede, quàm dicitur, neq; à tam infenso animo profectum, vt suffriones ferunt. Demùm vt quietam, pacatamque vitam optata in pace ducas, illud efficiet, si illud in re quauis semper, solumque consideres, quod te obligare, & deuincire, & demereri, non quod prouocare, lacessere, irritare potest.

*Superiorem sancti Ambrosij conceptum diu ante apud ipsum reperi, quàm hic latine vertendum inueni. Quare cum Periocha III. Dominica III. post Pentecosten, (quæ est Tom. II. pag. 109. & idem hoc argumentum tractat) peropportunum cernerem, eidem inferui, quod hic monendum Lectori putavi, ne tam inopem rerum factum Authorem putet, & eandem bis coquere crambem necessum habuerit.*

## LIBER QVINTVS.

### CAPVT I.

*Peccata, & vitia cætera omnia solent esse infirmitates particulares, sola imperandi cupiditas, & dominandi ambitus pestis est tam communis, vt in totum, quæ latè patet, terrarum orbem sua contagia diffundat.*

**H**omo vt miser est, & ad malè agendum procliuus, sic & periculo prolabendi in quauis peccata expositus. Natura nostra humana Protoparentis præuicatione plurimum deprauata: tam grauem, tenacemq; inde morbum contraxit, vt vix conualescere ex infirmi-

tate sui capitis possit. Omnia illam vitia impugnant, omnia peccata persequuntur, flagitia omnia bello lacessunt: Verùm nihil acriore, ac pertinaciore, prælio vexat homines, quàm regnandi ambitio, dominandi cupiditas, & desiderium videndi alios suæ potestatis arbitrio subiectos, suo imperio subditos. Hoc desiderium tale est, vt non solum ac fulmen feriat alta cacumina montium, verùm etiam vt ignis humiles exurat casas rusticorum. Cætera peccata sunt quædam velut singulares infirmitates, quæ cum vnos inficiant, non inuadunt alios: Verùm excellendi libido, dominandi ambitio tam communis, & latè diffusa pestis est, vt vix homo sit, qui ab illius contagio immunis. Velut in miraculis recenseri potest,



test, si quem hæc lues mortifera non corripiat. Nam ut noster Hispanus Orator Quintilianus aiebat, *habet mens nostra naturâ sublimem quiddam, & erectum, & impatiens superiorum*. Hæc ille lib. 11. cap. 1. Est hoc velut genuinum corruptæ conditionis nostræ vitium, ut præesse omnibus, subesse nemini velimus, tantaq; est superbia nostra, ut cæterorum & caputibus imminere, & ceruices subiectas pedibus calcare cupiamus.

Quærit sanctus Gregorius Nyssenus, cur sancta illa, & felix patria, in qua Beati sempiternâ gaudent quiete, vocetur regnum. Primum quippè sermonem, quo doctrinam suam Magister cœlestis initiavit, (ut auditores attraheret) à tali nomine est exorsus, inquit: *Beati pauperes spiritu, quoniam ipsorum est regnum celorum*; Matth. 5. 3. Beati, qui huius vitæ bona temporaria volentes, libentesq; propter me reliquerint, quia in futura vita reges erunt, qui hic spontanei sunt pauperes. An forte non erat nomen aliud aptius, quo donari posset illa cœlestis habitatio, quam regni? Aut non poterat aliâ re validius, efficaciusq; ad se adducere Dominus, quam vna pollicitatione regni?

Respondet Nyssenus, potuisse sacrum Magistrum aliâ appellatione cœlestem paradisum denotare; Verum ut prudens Ecclesiastes ad ingenium auditorum se accommodare, & sagax piscator suauissimo cibo regere hamû, & incautum allectare piscem solet; ita diuinus Magister, ut homines attraheret, dulcè & expectatissimam imperandi escam hamo prædicationis circumposuit, beatamq; patriam illam vocauit regnum, ut auidis auribus, quæ dicebantur, haurirent, & ex desiderio regnandi hamum legis arriperent, atque ita salui fierent. Homini enim nihil antiquius, nihil quod auidius expectat, & vehementius cupiat, quàm dominari, inter mundi res omnes nulla pretium apud homines maius habet, quàm regnum, nullæ illi cupediæ lautiores, nulla gratiora edulia, hoc primum quoddam mobile est, quo corda incitantur, & reptantur humana, hæc sensum illius remora, hæc facultatum animæ Sirenes.

Audite Nyssenum: *Quoniam magnum quiddam, & supra omnia propemodum, quæ magni faciunt inter se homines, regni nomen in vita est, idcirco & sus est etiam eo ad supernorum bonorum declarationem. Quem dominandi illicium non abripiat? Quis ab hamo spe regnandi tanquam dulcissima esca conuestito abstinere queat, ut non hianu ore illum excipiat, & auidis faucibus hauriat? Quis imperij promissione inuitatus non succumbat auditor? Dominandi enim cu-*

*pido, ut magnus ille politicus Cornelius Tacitus lib. 15. Annal. ait, omnibus affectibus flagrantior est, nulla æquè in humano pectore feruet, ac imperandi libido, vnâ dominandi appetentiâ appetentiarum cæterarum velut dominâ magis inardescit hominis animus, ardentissimâq; flammâ in corde excitat loci superioris ambitus, flagrantior est, cæteris affectibus, importunior est, Æterna est, Vesuius est, qui perpetuos exhalat ignes curarum, quarum nullus neq; modus neq; finis, quam diu animus præfecturam expectat non est affectus. Extingui ignes illi non possunt.*

Cum vellet Dominus illum hominum ambitum comprimere, quo velut quibusdam naturæ ponderibus eo vergentur, ut esse alijs illustriores, & aspectabiliore, & supra reliquos eminere vehementer cupiant, aiebat, ut si forte opera nostra tam sint manifesta, luculenta, splendida, conspicua, ut occultari, & abscondi nequeant, quicquid tamen gloriæ ab ijs proficiscitur, quidquid præclaræ existimationis oritur, quidquid eximie laudis nascitur, id totum in cœlestis Patris honorem, cultumq; referamus: *Sic luceat lux vestra coram hominibus, & sic deant opera vestra bona, & glorificent Patrem vestrum, qui in celis est*; inquit Matth. 5. vers. 16.

Subtilis est, qualis ferè esse solet, Cardinalis Caietani hac de re commentatio, qui iubet notare suauem Dei artificium, quo nos à gloriæ, quam naturaliter homo appetit, vberibus abstraxit, quando non omnem semel nobis gloriæ cupiditatem prorsum adimere voluit, sed tamen ita illam moderari iussit, ut homo ipse à se illam abdicet, quod ut facilius ei persuadeat, monet animaduertere, quidquid laboramus, quidquid boni operis agimus, id non in alicuius extranei, sed nostri patris honorem cedere. Tunc enim filius magis contendit neruos, studiosiusq; operatur, cum lucrum redundaturum in patrem nouit, ut qui sciat, filij & patris facultates esse easdem, quæstum communem, æqualem gloriam. Cum ergo Christus cogitare præcipit, quod operum nostrorum bonorum honor in Deum Patrem nostrum deriuatur, tantundem est, ac si dixisset, hominem tam esse amantem suæ gloriæ, tam auidum existimationis propriæ, tam cupidè, ardentèq; ex intimo pectore, & imis pulmonibus anhelare, & suspirare imperium in alios, ut nec ipsi deferret Deo, nisi inter glorias, quas illi benè, laudabiliterq; operando adfert, ipsi ut Patrem spectaret, atq; ipse ut filius haberetur, & agnosceretur, cui communes essent cum illo opum copiæ, & lucrum idem.

Verba Caietani sunt huiusmodi: *Quia non erat Dominus*



*Dominus amabile bonum esse, quod unicuique proprium, ideo suauiter disponens praeceptum appetitus gloria, non trahit Discipulos ad appetitum aliena gloria, sed temperat appetitum gloria propria, eam transferendo in gloriam propriam, propterea enim non dixit, Et glorificent Deum omnino à nobis diuersum, sed glorificent Patrem vestrum, patris siquidem proprii honoris, & gloria naturaliter quaritur à filiis.*

Notandum in his Eminentissimi Cardinalis illud: *Propterea non dixit, Et glorificent Deum omnino à nobis diuersum, seu qui omnino à nobis diuersus est, sed glorificent Patrem vestrum.* Homo enim tam efficitur amat propriam suam existimationem, tamque impatiente, & impotente laborat gloriae ambitione, ut eam ne Deo quidem cedere posse videatur, nisi illum ut Patrem proprium spectet & hoc simul cogitet, quod cum illi in partem lucri, & communionem gloriae admittit, nihil ipse amittat. Si enim Deum ut prorsus à se diuersum, & non ut tam arcta amabiliq; paternitatis necessitudine coniunctum, consideraret, ne ipsi quidem, ut videtur, se submitteret. Ut ergo illi deferat, & concedat, necessum est hoc secum reputet, quod nihil honori eius per hoc detrahitur, nihil decedit, sed in ipso manet, quanguam in Patrem translata gloria, quodq; perhonorificum est filio, si quid faciat, ex quo pater magnificetur, & fiat gloriosus. Hinc videas quod se dominandi libido, & propriae gloriae desiderium exerat, quando Deus eiusmodi artificio uti necessum habet, ut homo cum bonis operibus studet, absq; iactura meriti hoc faciat, sed ipse quidem omne ex bene actis lucrum referat, Creator autem solam gloriam habeat.

Non infirmum huic veritati ministrabit suffragium Hugo Cardinalis, cuius ea est obseruatio, quod sacrorum factorum scriptor, cum plurima de multorum populi Hebraei regum gestis, & moribus dixit, talibus verbis narrationes ferè singulas absoluit. *Collet: Verumtamen excelsa non abstulit; quod 3. Reg. 15. 14. & 4. Reg. 12. 3. & 2. Paralip. 20. 33. & alibi reperias, & hunc habet sensum: Quidquid hic, vel ille rex fecerit, hoc tamen non fecit, ut loca profana, & sacrilega in locis editioribus constructa demoliretur, in quibus turpis cultus deastris, & inanibus demoniorum simulachris, ad insignem veri Dei iniuriam deferrebat.*

Hugo ait: *De paucis dicitur, quod excelsa abstulerint.* Quanguam nonnullorum regum virtutes aliquas regia historia memoret, ut Asa, Ioas, aliorumq; descriptiones tamen vitæ panè omnium sic concludit: *Verumtamen excelsa non abstulit, idolorum aras in*

montibus, collibus, alijsq; sublimioribus locis ex-citatas non evertit, cum multa alioquin bene, laudabiliterq; gesta post se reliquerit. Soli Ezechias, & Iosias communiem hanc notam, & reprehensionem euasisse, nec meruisse videntur.

Tali quadam censurâ, inquit Hugo, perstringi posse videntur panè omnes totius mundi homines, atque in ijs etiam non pauci, qui virtutibus magis exculsi maiorem perfectionem sunt affectui. *Perè omnibus conuenit illa exceptio, qua toties in libris Regum repetitur, Verumtamen excelsa non abstulit, sed nec multis Religiosi auferunt hac excelsa.* Vix quisquâ est, de quo non possit affirmari, quod in libris Regum de regibus illis plerisque dicitur, hoc vnum ferè multis eorum præclare factis defuisse, quod *excelsa non abstulerunt.* Quotusquisq; enim est ex omnibus totius orbis terrarum hominibus, si in his etiam exercitissimos Religiosos, & perfectiores anachoretas recenseas, qui inter quantosvis virtutum profectus *Excelsa* cupiditatis dominandi prorsum deiecerit? Ambitionis idolum, & libido imperandi ex loco superiori supremam animi arcem panè apud omnes obtinet: *Perè omnibus conuenit illa exceptio, regnandi appetitus, dominandi auiditas à primo parente hereditario accepta, contagium est tam commune, tam vulgaris pestis, malum tam late diffusum, ut mortis, quæ nemini parcit, simile videatur.* Non relinquit perfectum, nō præterit laxum, inuadit magnum, tentat paruum, oppugnat pastorem, aggreditur vilem, & vix reperias aliquem, cui caput à vana dominandi cupiditate non intumuerit. Quis tam agrestis paganus, tam syluestris montanus, qui oblata præfecturæ virgam non lætus excipiat, non quærat ambitiosus? Cui vnquam displicuit locus sublimis, & sedes superior? Cuius animus exhorruit dignitatem, reformidauit imperiū, & fugit præfecturam, non secus ac moyses suam in serpentem transmutatam virgam?

Quando hic videmus multa insolenter, contraque ac mos communis, & consuetudo inueterata haberi, fieri, dicere solemus: *Mundus in occasum vergere, & interire Velle videtur.* Exemplis quod dixi, illustro. Quando largè, liberaliterq; agere incipit avarus, quando maledicus laudes prædicat, quando perditus aliquis ac profusus nepos contemnit solia iusoria, amat orare, nec iurat amplius, quando mulier tacet, nihilque petit, quando mercator fraudem non facit, quando iudex non admittit munera, quando aduocatus vera loquitur, & rectè monet, quando leno bene consulit, & ad pietatem exhortatur, quando latro



dat eleemosynas, quando Dominus quispiam famulis suis suam iussu mercedem dependit, & cognatis est subsidio, & debita soluit, quando stultus non magnifice de se, rebusque suis sentit, quando proximū vicinus non obseruat, quando hæc, aliæque talia iniusta fieri videmus, dicere solemus, supremum mūdo imminere interitum.

Videamus nunc quid Propheta Euangelicus olim viderit, ex quo certum vrbi Hierosolymitanæ impendere excidium intellexit. Tertiū vaticiniū sui c. vers. 6. ait Isaias: *Apprehendet Sır fratrem suum domesticum patris sui, Vestimentum tibi est, princeps esto noster*; hoc est, quem paulo cultius cæteris vestire conspexerint, hunc magnopere oblectabunt, vt imperij fasces suscipiat. Quid verò dicit is, cui illa tam suavis, & expetita dominandi potestas offertur? *Respondebit in die illa dicens: Nolite constituere me principē populi*; ib. v. 7. nolite casto frustra delassari labore, mihi enim certissimū est, cōstitutissimūq; nūquā publici muneris oneri humeros submittere. Itane verò est quispiam, inquit Isaias, qui imperium detrectet, & dominari, cū possit, nolit? Itane est, qui obuiam, oblatamque dignitatem declinet, ac refutet! At quid omissis in re, quam tantopere demeraris, Propheta sanctus? Vrbis Hierosolymitanæ, & orbis interitum portendit: *Ruit Ierusalem, & Iudæa concidit*, ibid. vers. 8. adūmq; de vniuerso mūdo, cuius ruinæ certō secururæ talia habemus prognostica, tanque insolentia signa.

Diligens, ac doctus Ezechielis interpret Pradus in cap. 4. Ezech. v. 17. ait: *Desperata res est*, conclamatum est de Hierusalem, & Iudæa, nec aliud reliquum, quā vt sepulchrum eis præparetur, & in mortuis numerentur. Nam cū res huius vitæ sic habere incipiunt, vt miracula rara, noua, prodigiosa, ac stupenda videre contingat, homines, inquam, qui propinatos fasces recusent, oblata imperia rejiciant, qui inuitati ad præfecturas abnuant, qui sequentes honores defugiant, quid dicere possumus, nisi mundi propediem occubituri ea esse omina, & adornandum tumultum, cui inferatur? Quid enim tam vilitatum, & peruulgatum, quā quod dignitates non solum obuijs, auidēque protensis manibus lætenter acceptentur, verū etiam magnā, & turpi solitudine, & indignis modis, & sordido aucupio per foedum ambitum cum ingenti aliorum offendiculo auidē, anxieque perquirantur? Hæc omnia palam faciunt, quā anhelant homines ad imperia, quā sint ardentes dominationis venatores, cū hoc ferē sit grauissimum mundi ruinæ proximi in-

ditum, quod videre homines contingat, qui nec monitis, nec precibus adduci sinant, vt superiorem in alios potestatem admittant, ad quam aliquin adipiscendam enixē aspirare, & omni ingenij, viriumque contentione conniti solent.

Quærit Plutarchus Problem. 10. istud: *Quid est quod honori aperto capite rem diuinam faciunt?* Videtur hic Plutarchus subindicare, sacerdotes cū cæteris dijs victimas litabant, tecto id capite fecisse, nisi enim ita esset, non tantum mysterij in eo poneret, quod Honori, quem vt Deum quendam, & numen cæca Gentilitas venerabatur, suos deoperto vertice honores, sacrificiaque offerebant. At cur eā ad illius deatri cultum utebantur cæremoniā?

Respondet ille: *Quid splendidum quiddam, & illustre, & apertum, & late patens gloria est.* Quando procerum, aut magnatum quispiam plateas obit, non illum omnes passim nudato capite honorant, sed noti solum, & quotquot vrbani, & comes videri amant: At cū Rex compita transit, omnes assurgunt, omnes ad regis coronæ & maiestatis, obseruatiam, & reuerentiam submitunt poplites, nec quisque est, qui non sibi detrahat pileum. S'c nunc ait Plutarchus: *Honori aperto capite rem diuinam faciunt*; tanquā pluribus dixisset: Reliquis dijs, Marti, Veneri, Mercurio tecti capita res diuinas faciebant, nam ira, turpi libidini, immoderato quæstus studio hic, aut ille, & de toto hominum grege nonnulli tantum suos animos contrahunt, & reuerentiæ cultum deferunt, ac verò gloriæ, honori, dominationi, imperio, maiestati nemo est, qui non detecto se capite submittat: *Honori aperto capite rem diuinam faciunt* non vnus, & alter solum, non etiā pauci tantum, aut plurimi, sed omnes. Nam dominandi appetitus tam est insitius velut à natura penitis hominum animis, & regnandi cupiditas, & gloriæ, existimationisque præclaræ studium ita corda eorum subigunt, vt vix sint, qui illorum tyrannidem effugiant, vix qui ab illa contagiosa infirmitate immunes euadant.

Quā eleganter, consequenterq; ad sententiam Plutarchi hoc affirmat S. Ambrosius! In suis in Ps. 118. commentarijs v. 6. octonarij 12. describit hominem, quem peccata omnia pro bonis, siue vt verius dicam, pro malis, quæ ab ijs habuit, tanquā debitorem in prætorium ad tribunal pertraxerint primum, dein verò, cū viderent non esse soluendo, certatim appetierint, sed vna vehementiōre ambitio inuaserit, idque iure maiore, & antiquiore, quā vitia reliqua: *Venit libido*, inquit ille, *& dicit, Meus*



*os. Venit auaritia, & dicit, argentum, & aurum, quod habes, seruitutis mea pretium est. Venit luxuria, & dicit, Meus es. Veniunt omnia vitia, & singula dicunt, Meus es:* Ecce concurrentes aduersus debitorem hominem creditrices noxas, ecce litem vni à tam multis intentatam, ecce chirographa, testificationes, inditia, quibus libido, gula, auaritia, luxuria, & vitia cætera suarum creditarum rerum tempora, & exactionis iustitiam, æquitatemque asserunt.

Sed vnam hinc ex omnibus peccatis ambitionem desidero. Vbi nam illa hæsitet, aut qui fiat, quod illa, quæ scelerum princeps est, & creditrix faciliè primaria hominis, nihil ab illo suum repetat? Illanè verò abest, vbi homo talium debitorum nomine incuratur, & nihil exigat! Audite quid S. Mediolanensium Archianthis inquit: *Venit ambitio*, ait illi, & dicit, *Planè meus es*, neque opes tantum tuas, sed & te ipsum, quantus quantus es, magno, & notorio iure mihi vendico. Nonne videtis quo iuris discrimine, & quàm imparibus verbis, ac meritis hominem sibi vitia adscribant? Nam cum cætera dicant simpliciter, *Meus es*, sola ex omnibus ambitio fidentiùs loquitur, & audacter affirmat, *Planè meus es*, manifestò, indubitatoque iure ad me spectas, nemo æquè ac ego te sibi arrogare potest, luculentioribus testimonijs, quàm mihi, non es obnoxius, deuinctusque alteri vlli.

Hinc videas, quàm liberè, & clarè hinc loquatur ambitio. Tamen enim peccata reliqua, libido, gula, auaritia, maledicentia, & quæ sunt huius generis alia conuenire hominem, & dicas ei scribere possint, sed nulla fronte apertiore, quàm ambitio, nulli enim vitio ita succumbit homo, vt illi, nec ab illa æquè opprimatur passione, vt ab vna dominandi libidine, & auaritate.

Huius dicti veritatem, & cupiditatis vim, potestatemque satis indicârunt duo infantes, qui intrâ vterum matris positi confligere cœperunt. Primus inde prodibat Esau, & Iacob, velut iam tunc intellexisset fore, vt ab eodem sibi præriperetur, & primogenitura, & paternæ domus loco dignior, à quo præuerebatur exitu celeriore, egrediens plantâ fratris tenebat manu, Gen. 25. v. 25. Esau in pedes se conieciat, vt fratrem cursu præueniret, Iacob autem manum alteri pedum illius iniiciebat, vt moras abscurrere volenti afferret, & præoccupare illum posset. Primatum namque ambire, & nolle ab alio ququam anteverti tam est naturale homini, vt quando etiam aliud nihil scit, iam hoc nouerit, quomo-

do primarium locum quærere, & cauere debeat, ne quis illum alius dignitate, aut gradu antecellat.

In hac sententia est Oleaster, quam talibus verbis expressit: *Non mirum, si tanta pro primogenitura sit inter fratres disceptatio, postquam videmus quæ pueri faciant propter hoc.* Prorsus nihil nouum, quod fratres aduiores de imperio corrixentur, & dominatum administratione altercentur, quando & pueri nondum in lucem editi tam acriter, ardentèque de primatu, & dignitate dimicant. Obsecret Politicus noster Dominum, vt is ab animo illius hanc prohibeat tam exitialem cupiditatem, ipsumque à tam communi peste seruet, & à tyranno crudelissimo custodiat, detque effugere hoc vitium, quod principatum inter omnia obtinet, & spiritum veræ humilitatis concedat, per quem vanas mundi pompas, fallacique honores, & dignitates magno animo spernat, despiciat, & conculcet.

*Vide Tom. 2. Periocham III. Dominica XVI. post Pentecosten, pag. 232. & quæ ad calcem exprimo Tomo adscripta.*

## C A P V T II.

*Immoderata dominandi libido ita cecat, & abripit hominem, quem semel inuasit, vt ille nihili ducet Deum ipsum, si fieri posset, in crucem agere, dum per hoc modò appetentia isti satisfacere, & obtinere principatum posset.*

V Ideor mihi non satis amplificasse ambitionis tyrannidem, nec quantum par erat, exposuisse, quoniam illa inordinata, & immoderata, communisque cupiditas progrediatur. Quid non tentat homo, vt in locum dignitatis editiorem perueniat? Quæ pericula non adit? Quos incommodorum montes non complanat? Quas difficultates non aggreditur?

Conuenit mater filiorum Zebedæi Christum, pro duobus liberis totidem subcelliorum gratiam ab illo petens. Cum Dominus, qui rogabatur, faciliè intelligeret filiorum esse has preces, & illorum verbis matrem rogasse, illis etiam respondit, inueniens: *Nescitis quid petatis. Potestis bibere calicem, quem ego bibiturus sum?* Matth. 20. 20. *Potestis baptismo, quo ego baptizor, baptizari?* Marci 10. 38. Et illi promptè, atque extemplò: *Possumus;* apud Matth. ibid. v. 22. nihil tam anceps, & arduum nobis occurret, quod non hilariter, lætanterque adoriemur, dum cupiditati nostræ solùm, ac desiderio fiat satis.

Euthymius ait: *Omnis promittunt petitionem consequi*



*sequi cupientes. Chrysostomus autem dicit, quod nec poculo, & baptismo intellectus, à sola animi promptitudine gratiam quarebant.* Omnia ferre, & facere velle polliciti sunt, quæcunque Christus pro illorum subfellorum impetratione ferri, & fieri voluit, dum possent eò emergere, ubi alijs ex loco superiore cum potestate præsiderent. Et quanquam nescirent vel quid calix sibi veller; quem hausturi erant, vel quid baptismus esset, quem subituri dicebantur ante, quam locum sublimiorem inirent, sine vlla vel hæsitatione, vel cunctatione ad omnia se offerunt, omnia promittunt. Omnibus, qualia illa cunque sint, quæ obuenire, vel occurrere possunt, sese obijcit homo, nullum est incommodum, quo deterreatur. nec terror aliquis, à quo comprimatur. Vitam, sanguinem, famam, facultates, omnia denique volens, libensq; profunder, dum illorum impendijs in gradum penetrare altiore tantum queat.

Tam vehementer autem cæcat, & præcipitat ista dominandi cupiditas, vt non curet homo Deum in patibulum agere, si absque illo cruci affixo explere istam suam libidinem fortè non possit. Attentos vos habere velim, vt fulcrum huius veritatis, neque debile, apud Prophetam regium inueniamus, qui Psal. 63. v. 8. sic habet: *Accedet homo ad cor altum, & exaltabitur Deus.*

Quid commune homini cor altum habenti, & superbo cum Deo exaltato? Non enim superbia, non ambitio, non imperandi desiderium est exaltatio Dei, humilitas autem sola est, quæ Deum sublimem agit, & extollit. Secundum hæc quid voluit David, cum dixit: *Accedet homo ad cor altum, incipiet exferri animo, & exaltabitur Deus?*

Vt huius verbi, *exaltabitur*, (quod nobis mouit dubitationem) vim rectè assequamur, videtur necessarium notare, exaltari tantundem esse, atque in crucem agi. Ad hanc rem probandam vnum illud nobis abundè satis est, quod ipse crucifixus Dominus dicere amabat, qui plerumq; cum de sua crucifixione loqueretur, exaltationem eam vocabat. Sic enim dicebat primum Nicodemo seorsim; Ioannis 3. 14. *Exaltari oportet Filium hominis;* dein etiam Iudeis reliquis communiter apud eundem c. 8. v. 28. *Cum exaltaueritis Filium hominis;* & c. 12. 32. *Ego si exaltatus fuero à terra.* Itaq; Christi crucifigi idem est, quod exaltari, & duobus vocabulis res vna eademque significatur. Dicit nunc Propheta penitens: *Accedet homo ad cor altum, efficietur superbus, arrogans, ambitiosus, & regnandi cupido illum exoculabit.* Et quid hinc fiet? *Exaltabitur Deus,*

Tom. III.

hoc est, vt sui illius voti compos fiat, in ligno suspendet, si fieri possit, & cruci affiget ipsum Deum. Hinc æstimare licet, quantum exerceat, abripiat, & precipitem deiiciat hominem imperandi appetitus, nam ubi animus semel occupauerit, nihil illum retardare potest, quò minùs pergat, quò sua illum regnandi libido vocat, vt ne Deo quidem deferat, aut parcat, sed in crucem illum rapiat, & ligno adfigat, si fortè per illum minùs assequi posse putet, quod concupiscit.

Et bene cruci, ex qua Dominus pependit, & superbo ea de re conuenit, quòd ambo Christo horrorem adferunt. Ac trepidationem quidem, quæ crux Christum, quæ hominem perfudit, Evangelistæ nobis narrant, in primis S. Marcus, apud quem habes, quòd Dominus, cum in prædio Gethsemani in hortum ad orandum secessisset, *cepit pauere, & cadere*, Marci 14. 33. tristitia verò, & mæror omnis illi de recordatione impendentium atrocissimorum cruciatuum, & mortis quam probrosc, tam pœnalis in cruce oppetendæ nascebatur. S. Lucas ait, solam mortis iam adornatæ memoriam plurimum illi toto è corpore sanguinem expressisse, dicens: *Et factus est sudor eius sicut gutta sanguinis decurrentis in terram;* Lucæ 22. 44. Hos effectus, vt inquit sancti, operata fuit obseruans animo imago, & representatio crudelis, ignominiosæ mortis, quam in duro, & propudioso crucis stipite subiturus erat.

Accessit eundem Dominum nostrum Scriba quidam apud Matthæum 8. 19. dicens: *Magister, sequar te, quocunque ieris.* Fuit ea hominis præfidentis, ambitiosi, & superbi pollicitatio. Nam cum diuinus Magister tot prodigia, tamque stupenda miracula faceret, putabat Scriba, quòd magnam in orbe urbem, aut regiam excitaturus esset, in qua ipse posthæc ad gradum altiore promoueri posset. Ita sentiunt Chrysostomus, Euthymius, Theophylactus, Haymo, Druthmarus, Ericus, & alij.

Quando ergo Dominus vidit illum aduenientem, cuius erant tam vana, & damnata animi consilia, *Scribam exhorruit præsumentem.* Sed quid est, quòd hominem Deus exhorrescit? Quid hominem formidas, qui venisti, vt pro hominibus vitam ponas? Amare magis decet, & gaudere illorum præsentia, quorum causâ tam acerba, & indigna dependes supplicia. Et quamobrem ille Scriba tantum tibi incutit metum, tam ingentem adfert trepidationem, vt ex illius intuitu pœnè dirigescant capilli, & totus ipse expauescas? Non vides, quòd ambitiosus aduenit, percupidusque ineundi subsellia sublimiora, ex quibus

R r

bus



bus alijs prætor imperet? Quid mirum ergo, quòd illum exhorruerit Dominus, non secus ac crucem, cui clavis figendus erat? Nam vt homo ambitiosus pro sua præcipitantiâ, & extrema cœcitate, cœcæque perditione non vel ipsi Deo parcat, quin illum in crucem abriperet, si fieri id posset: Ita cùm ealem quempiam videt, æquè illum ac suam crucem pertimescit, quare, & *Scribam exhorruis præfementem*. Tanta est cœcitas, quam homini misero adfert immoderata dominandi cupiditas.

Si per hæc nondum vobis fortè satisfeci, audite quid nocte cœnæ acciderit. Christus cùm perfidiosum, perque iurum illum præuidisset, à quo effera-  
tissimorum hostium suorum rabiei prodendus erat, inquebat: *Ecce manus tradentis me mecum est in mensa*; Lucæ 22. 21. Vix subaudierunt ea Apostoli, quando percunctari mutò cœperunt, quis ille ingratiſſimus, ille sanguinarius, ille tam inopinabilis, & immanissimæ sceleris autor futurus esset, dumque in hanc rem anxie, ac sollicitè inquirunt, simul *facta est contentio inter eos, quis eorum videretur esse maior*; ibid. v. 24. Dubitationem ergo de traditore altercatio excepit, quâ hoc disceptatum, quis primatum inter illos habiturus à morte Domini sui videretur.

Magnam omnibus Expositoribus attulit difficultatem non sensus tantum, sed & consequentia horum verborum apostolicorum ad superiora Dominica. Quid enim connexionis habet, quòd illi tunc statim disputare cœperunt, quisnam principatum inter ipsos, Christo per mortem sublato, administraturus esset, aut dominatum ambiturus, quando ab illo acceperant, quòd per quandam de eorum collegio furori Iudæorum tradendus esset, vt crucifigeretur?

Mitto hic varias expositiones, & rationes, ob quas alijs hoc factum arbitrantur. Doctissimi Ludouici Stellæ commemorationem præſenti causæ opportunam nunc sequor, quæ hoc habet, quòd Apostoli non modò turbati fuerunt dictis Christi affirmantis fore vt à quopiam illorum crucifigendus traderetur, verum etiam ex ea turbatione permoti, vt litrem inuicem mouerent, alterearenturque, quisnam ex ijs maior esse cuperet, vt de tali vestigio proditorem, bestiam, aio, illam feram, & scelus hominis deprehenderent. Sed quid agnitio eius, qui omnium ambitiosissimus esset, huc faciebat, vt inde acciperent, quis ad laboraturus, vt neci dederetur, & in crucem ageretur Dominus?

Plurimum. Qui primatum sibi inter nos optabat, is illum ante adire, & suscipere quàm Christus viuere desisset, non poterat. Hanc ergo apud se rationem inierunt Apostoli: Ambitio sic omne animo lumen eripit, dominandi cupiditas sic præcipitem agit, quem semel inuasit, vt parum, aut etiam nihil curaturus sit, tamen vel Magistrum, & Dominum, & Deum, & Creatorem in crucem, mortemque adducat, dum per hoc ad præfecturam perueniat.

Audiamus eruditum Interpretem. *Nullum est flagitium, quod ambitiosus facere non tentet. Non poterant Discipuli excogitare, nec credere, in eorum gremio esse aliquem, qui tam flagitiosum scelus aggredi auderet, vendere scilicet diuinum Magistrum, atque tradere, nisi tantum illum, qui maior omnibus esse vellet. Nam casu quo quis primatum tenere cuperet, ex consequenti de morte Christi agere deberet, & carere præſet. Hæc ille, quæ, nisi admodum fallor, ex serm. 28. ad fratres in eremo mutuatus in suos commentarios transcripsit: Eorum sermonum concinnator, quicunque ille, ait, Apostolos, cùm morem animi, quo Christus inuis laborabat, ex illius oculis legissent, & ab illo intellexissent, fore vt ab vno quodam ipsorum traderetur, percipijſſe scire, quis ille consceleratiſſimus futurus esset, quòd cùm certum habere non possent, vt vel de vmbra statuat, ex vngue leonem vtrunq; arbitrari, & diuinare futurum proditorem possent, hoc secum ventilare cœpisse, quisnam eorum maior esse optaret.*

At nonne perimportuna ea erat tali & loco, & tempore interrogatio? Christus eorum ibi pedes vixdum frigida diluerat, & linteo adgeniculatus abstergerat, illosque ad consedendam eam humilis officij exercitationem cohortatus fuerat, & illi primatum constituunt in medio, vt quis illum præſet dignitatis superiorem locum videant?

*Sed quare hoc?* Ita quærit sermonum, quem dixi, autor. Et respondet, non ob aliud hoc fecisse, nisi quia arbitrati sunt vt homines, ille qui maior est, & dominari possit, magistrum prodere procurat. Hinc arbitremini licet, quoniam sua ambitiosum cœcitas, & præcipitantiâ abducit, qui si non curat ipsum Deum suum in crucis supplicium conijcere, tantum vt potiatur dominatu, quem suspirat, quòd aliud scelus tentare non auit? quæ alia tanta sit noxa quam horreat? quòd tam atrox, & immane flagitium, cui non se tradat, si id fortè huc faciat, vt præfecturam, ad quam aspirat, adipisci possit?



## CAPVT III.

*Ad peccandum velut maturi viri ab utero materno  
prodeunt homines, ad condiscendam recte virtutem  
vix tota vita sat est.*

**P**Rotulit insignis Rebecca in lucem pignora, per  
quæ multas infomnes transmisit noctes, filios,  
inquam, gemellos, qui tam acri duello contende-  
rant, in quibus hoc (quod suprà expendimus) no-  
uum fuit, videre, quemadmodum primus ex illo te-  
nebricoso loco euaserit: *Qui prior egressus est, totus  
in morem pellicis hispidus erat, Vocatumque est nomen  
eius Esau; Genes. 25. v. 25.* Talis erupit, qui pri-  
mus, vt velut prodigium quoddam, suo aspectu ter-  
rorem videntibus adferret, egressus nempe fuit tam  
pilosus, ac hispidus, quam adultiore ætate vir quip-  
piam esse possit, tam rufus, ac si multo sanguine tin-  
ctus, & hanc ob causam, vt affirmat sacer Scriptor,  
appellatus fuit *Esau, sue factus, consummatus, abso-  
lutus*, hanc enim esse Etymologiam nominis Esau  
affirmant Nicolaus Lyranus, Abulensis, Honeala,  
Oleaster, Istella. Magnum certe hominis omnibus  
partibus suis absoluti inditum erat, quod cum tam  
densa, promissaque pilorum lanugine in illa tenera  
ætacula prodibat.

Dictum iam sæpè, & notum ex Hugone Cardi-  
nali, Guilhelmo Ebboicensi, Laureto, & Lyrano, quod  
Esau allegoricè, & mysticè significat peccatorem,  
cui sit perpetuus cum virtute confictus, si multas  
implacabilis, vt Iacobi Esau semper infensus, & mo-  
lestus fuit. Quid ergo mysterij habet, quod Esau ab  
utero matris qualis quidam processiore ætate vir  
perfectus natus fuit? Illud, vt hinc accipiamus,  
quod & longo (vtinam non etiam tam crebro) ex-  
perimento nouimus, ad peccandum tam expeditum  
in omni quantumvis rudi ætate esse hominè, quam  
consummatus magister, & vir perfectus esse possit.  
Peccandi ars momento discitur, & qui pridie disci-  
pulus fuit, postridie cathedram inire, & consummati  
doctoris partes obire potest. Quàm prompti, para-  
tiqne semper ad peccandum sumus! At quàm lan-  
guidi, quàm tardi, quàm cunctabundi ad benè a-  
gendum, ad studium virtutis, ad sanctitatem conse-  
crandam, amplectendamque! Quàm operosa nobis  
videtur, probitatis disciplina! Quàm plumbei pe-  
dibus ad pietatem pergimus! Quàm impeditis pas-  
sibus ad conquirendam deuotionem ferimur!

Ingressa fuit templum illa sterilis Anna, vt supe-  
ram Dei pietatem ardentè interpellaret. Obse-  
rabat autem supremum Dominum, vt exsuccum sui

corporis campum fecundaret, vt quem benedictio-  
nis fructum proferret, illum ipse pater, & altaris of-  
ficijs perpetuò deuoueret, & consecraret. Supplices  
voces lachrymas coniunctas habebant & plurimas,  
& peramaras, & de vultu obsecrantis fragrantiam o-  
rationis illius arbitrari proum erat. Os precabun-  
dæ Heli sacerdos obseruabat, cumq; illius labia tan-  
tum moueri cerneret, & vocem penitus non audi-  
ret (intus enim corde loquebatur) *astimauit eam  
temulentam*, 1. Reg. 1. v. 13. & ab ebrietate fieri,  
non à pietate nasci, quod multa tam diu, multum-  
que motitaret labia, quare & dixit: *Vsq; quod ebria  
eris?* ibid. v. 14. quamdiu vinum immodicè haustum  
corporis arcem occupatam, cerebrumque, & sen-  
sus tuos captos habebit?

Dubitari hic potest, quid mouerit Heli sacerdo-  
tem, vt sanctam, & piam mulierem vino confectam  
putaret, quæ in conspectu supremæ Deitatis tam  
seruientes deuoto è pectore preces fundebat. Quid  
orationi, & ebrietati?

Respondet Abulensis: *Quia nimis morabatur in  
orando*, idcirco temulentam arbitrabatur. Ex his  
obscurior effici videtur causa tam sinistra de Anna  
conceptæ ab Heli suspicionis. Quid enim? Quod  
illa diuiculè immorabatur orationi, idcirco fiebat, vt  
sue stultam, siue quod deterius, vinolentam illam  
quisnam arbitrari merito posset? Immo verò, in-  
quit Abulensis, *qui oratio breuiter fit*, præter mo-  
rem communem est, moras trahere inter orandum,  
diu insistere deuotioni, multum temporis dare cul-  
tui spiritus, longas collocare in curando profectus  
animæ horas nemo ferè solet, talia namque perfun-  
ctoriè, cursimque ferè tractantur. Et quoniam Heli  
vidit Annam per diu hæsitantem in templo, & tam  
prolixa spacia tribuentem precationi, ab immodico  
vino magis, quàm pio animo illam tam longam na-  
tam orationem putabat, *quia oratio breuiter fit*, &  
negotijs animæ, commodisq; illius spiritualibus  
procurandis quàm minimum temporis dari solet,  
corpori verò molliter consuendo, & ad omnem vo-  
luptatem enutriendo omne tempus breue, nulli sa-  
tis longi soles, ac dies.

Consolatione præmuniebat Christus Discipulos  
suos aduersus omnes afflictationes, persecutiones,  
iniurias, quibus exagitandos, sciebat à præferoci-  
bus, & sanguinarijs tyrannis. Erigebat autem illos  
tunc ab eo potissimum, quod non ex defectu proui-  
dentiz, aut amoris ergà ipsos diuinæ tam acerba, &  
indigna passuri essent, sed quoniam conueniret, vt  
ad eum modum plantaretur, & constabileretur sa-



crum Euangelium. Nam cui vilis auicula est curæ, quomodo is amicos tam charos obliuisci possit? Et quomodo is vitam, actaque illorum negligeret, quorum capillos numeratos habet? *Vestri capilli capitis omnes numerati sunt*; aiebat Matth. 10. 30. Cuius autem calculos non vel vnus capillorum vestrorum fugit, quomodo sollicitudinem eius res vestrae maiores, & potiores præteribunt?

Qui mysticè, & allegoricè hæc verba interpretantur, ij aiunt, capillis hic significatos cogitatus, quorum illi sunt symbola, vt affirmant Sanctus Hieronymus, Origenes, Ambrosius, Augustinus, Gregorius, Pierius, Valerianus, & communiter omnes. Sed est animaduertendum cum quodam huius euangelij docto Interprete, quod Christus ait, capillos capitis, hoc est cogitatus omnes hominum iustorum habere numeratos. Sed quid est, quod dicit habere eos numeratos? Nonne satius fuisset, si cœlestis Magister, quod & illos ad fortiter adeunda pericula, subeundaque discrimina confortaret, & generosi pectoris sui liberalitatem testatiorem faceret, affirmasset, etiam cogitationes eorum diuite velle remuneratione compensare? Quid ergo est, quod potius dicit habere numeratos cogitatus, quam quod mutuam etiam pro ijs gratiam reddere velit?

Respondet ille Expositor inquiring: *Si capilli bonas significant cogitationes, non mirabor si eas habere Deus numeratas, rara enim illa sunt.* Apud nos cum rerum aliquarum, (sue ij amici sint, sue alia) raritatem, & paucitatem indicare volumus, dicere amamus, esse admodum numeratas, aut facile numerabiles. Quod ergo Dominus ait, habere numeratos nostros capillos, hoc est cogitatus, tantundem est, ac si dixisset, esse bene pauculos: Tam enim tardi, & pigri sumus ad curanda animarum nostrarum emolumenta, vt & cogitationes, quæ alioquin velocissime in omnem partem ferantur, valde raras, & paucas huc conuertamus, cumque plurimas passim de rebus varijs, & alienis, atque extraneis ad animum admittamus, & non etiam nunquam aduocemus, illam vix aliquando accersimus, aut adducimus, quæ profectui nostro spirituali sollicita inuigilet, & atenta prospiciat, & prouida consulat. Rari namque sunt, & pauci, & quos facile numeraueris, bald ge-  
hehst/qui animarum suarum saluti enixe, diligenterque studeant.

Cum huc respiceret, paucitatemque eorum, qui animarum suarum negotia rectè tractant, secum reputaret S. Ambrosius in Psal. 118. Oson. 10. v. 2. aiebat: *Sicubi iustus sedeat, sicubi accumbat, festi-*

*nemus videre eum, pretiosum est videre eum in-*  
*stium.* Si quis compita nostra obiret, qui staturæ longitudine procerissimam populum, aut excelssimam turrim exæquaret, speciemque vultus, & lineamenta corporis, & vestitus formam haberet, & arma omnibus superioribus inuisa sæculis, nonne omnes suis certatim effunderentur ædibus, mutuoque euocarent, ac dicerent, *Festinemus*, properantissimèque accurramus ad monstri, & prodigij spectaculum, nec quisquam esset, qui domo suâ non prodiret, ne tantæ nouitatis fraudaretur aspectu? Neminem planè domi nisi sola, eaque inuitabilis necessitas cohiberet. Si dicerent nobis, Phœnicem Arabiæ huc in hanc aulam regiam allatum, auem illam raram, & vnicam, de qua plurimi multa probabiliter affirmarunt, quis non alia quæuis negotia dimitteret, occupationesque quamlibet graues tantisper seponeret, vt istam monstrosam auem, & portentosam volucrè videre posset? Quem Carthusianum, aut illo etiam parietibus altioribus atctius conclusum, non è suo recessu, non ex abstissima, & abditissima solitudine abstraheret? Ad hæc alluisse videtur B. Ambrosius, cum ait: *Sicubi iustus sedeat, festinemus videre eum* ceu prodigiosum monstrum, ceu raram auem, & rem nulli ante visam. Tam scilicet pauci, & numerati sunt, qui suarum animarum, & profectus spiritualis iustam curam habent, tam inuisitatum est, rebus sacris, & cultui diuino, vt decet studere, seu vacare, vt tantundem sit videre iustum, quod prodigium, & perinde incidere in probum, & sanctum, atque obuium habere Phœnicem, aut portentum quodpiam. *Pretiosum est videre iustum.*

Secus, eheu dolor, & infelicitas! in ijs rebus euenit, quæ in nostram perniciem vergunt. Quam agiles sumus ad ea, quæ nobis exitiosa, & damnoſa, quam conciti, & expediti ad ea, quæ nobis interitum adferunt! Quam promptè respondemus, quacunq; horâ ad mala, & noxia vocamur! Quam facile inuenimur, quandocunque ad malefaciendum quærimur!

Quintilianus lib. 6. cap. 5. ait, si quis suo æuo esset ingenio illastro, acri, præstante, acuto, qui omnem facile solueret difficultatis nodum, omnem nullo negotio dilueret dubitationem, adimeret scrupulum, dilucidaret obscuritatem, tam paratus ad dicendum, velut ab ore eius fluere oratio, & in promptu semper ad manum haberet responsa, quibus omni statim, atque expeditissimè occurreret interrogationi, de tali dicere solitos, *ingenium eum in-*

numerato



*numerato habere.* Fuit ea ingens, atq; insignis amplificatione præstantia excellentis ingenij. Vt mercatoris cuiuspiam locupletis, ac prædiuitis, cui cum opulentissimis orbis nundinatoribus sit commercium, vim opum, copiaq; verbis magnificis extollas, id hac ratione egregie feceris, si dicas, talem eum trapezitam esse, apud quem omnem omnitempore, & quavis horâ in numerato pecuniam habere queas, quantacunque ea sit, quam ab illo ex publica commutatione, siue cambio, vt vocant, accipere velis. Si hoc tantum de illo verè affirmes, semper in promptu, & numerato habere numos, ad exaggerandam opulentiam eius nihil ampliùs dicere possis. Quod de talibus mercatoribus copiosis, & magno ingenio hominibus solemus, idem de nostra humana fragilitate dicere possumus, ad malè scilicet agendum semper nos *animum in numerato habere*. Quale illudcunque vitium nos domi nostræ conueniat, exemplò illi occurrimus, & concedimus. Omnis nobis ad peccandum præstò semper copia, promptum habemus omni tempore, quidquid peccatum à nobis expetere potest, in numerato nunquam non habemus, quod quæstui demus, idq; exemplò, quantacunque illud sit, quod exigi possit.

Hoc Oleaster in cap. 18. Genes. in morali affirmat, & experientia magistra optima docet. Oleastri verba sic habent: *Nondum ira animum pulsar, & iam dat illi manum, pedem, ensen, & alia bellica instrumenta.* Ad primum luxurie motum feminam inquis. *Non remoraris gulam, sed quam primum os appetit, cibum tribuis.* Quodlibet ad tuam officinam accedat vitium, nunquam vacuum abit, nunquam morulam patitur, quin statim votis illius satisfiat, ita omnia, quæ ab illo expeti possunt, in numerato, ac promptu habes. Si vindictam ira exquirat, ecce ad manum manus, os, lingua, ensis, saxum, iaculum, bipennis, tizio, & quæ sunt id genus alia furoris instrumenta. Si libido titillet, ecce pedes expromptos, vt cursu ferant ad lupam, & quocunque illecebra turpitudinis voluptas mala vocat. Si ventriculus latret, si stomachus pruriat, ecce loculos, qui sumptus orexi obuios offerant, vt mensam extruere Syracusanam, & infarcire ventriculum, atq; explere cibis ad nauseam usq; possis. Si blasphemia, si murmuratio, aut maledicentia, si scurrilitas, si inuidia, si rei alienæ cupiditas, si otium te vel leuiter appetat, non remoraris, ad nutu, omni quorumcunque expectationi respondes, prout in numerato habes omnia, quæ à te illa desiderare possunt.

Aliiter profectò atque in ijs, quæ ad virtutem,

emolumentumque animarum nostrarum pertinent. *Qualibet aëris intemperies nos ab operibus charitatis impedit. Si enim pluuia solito durius exuberauerit, domo exire, & Ecclesiam intrare formidamus,* inquit rursum Oleaster vbi supra. Quam pauculo sit, vt officia apud nos charitatis flagrent! Si forte pauperem ad ædes nostras sua egestas appellit, occludimus fores. Vt ne orationi diuiculè, atq; enixius vaces, dolor capitis facit, quem ex ea secuturum times. Tempus, quo peccatorum exomologesin facias, occupationes ceteræ nullum relinquunt vacuum. Nunquam ille appetit dies, quo oblata restituas. Vt famam proximi læsam refarcias, multa incommoda inde nascitura prohibent. Multò secùs agimus in his, quæ in nostrum exitum cedunt. Ad vana & lubrica nunquam defunt pecuniæ, ad litem iniquam, & iniustam causam etiam superfluunt. Vt vindictam adornes, nihil occurrit arduum, quod obsistat, nec quicquam tam operosum, ac difficile, quod non superes, vt illicito amore fruaris. Sic ad peccandum semper in numerato est animus, facultas nunquam deest, ad virtutis exercitacionem manci, impediti, imbecilles, debilitatis, fractisq; viribus sumus.

Dicat suam quoque hac de re sententiam Sanctus Ioannes Chrysostomus, qui hanc persæpe deplorauit miseriam, & lachrymis plurimis communè persecutus est infelicitatem. Ille in cap. 9. 2æ. ad Corinth. hom. 19. in morali hæc effiebat: *An non perspicis, quanta histrionibus, ac scortis alijs largiantur? Dimidium saltem eorum Christo tribue, quæ illi saluatoribus tribuunt. Tantum saltem homini fame laboranti, quantum illi ambitione ducti scencijs largiuntur. At ita affectus, & parasitos, & assentatores alas, ac si è fontibus sumptus haurires, cum autem pauperem & spem cernis, tum demum paupertatis metus ingruit.* Non vides quantos sumptus quidam profani, dissoluti, perditi (quos vulgus Dominos, Dominus autem viles seruos vocat) in canes, ludiones, scurras, sanniones, palpones, lenones, pellices, & stultas vanitates vanissimè profundunt? Si te Deus collocaupletauit, si te tantis diuitiarum copijs beauit, vel dimidium (si ampliùs nihil à te vel impetrare ipse potes, vel obtineri ab alijs finis) Iesu Christo, hoc est, egenis, quorum habitus ille rectus inopiam patitur, tribue. Non vides quantum illi, quos esse nobiles aiunt, in illam populi faciem prodigant; comædorum turbam, dico, in quos quidquid cultioris vestitus, quidquid pretiosorum ornamentorum, quidquid monilium, & margaritarum,



& omne mundi aurum, atque argentum infanus mundus exonerat? Tu ex his vel tantillum famelico, indigentique concede. Et cur non vel guttula ad mendicum deriuetur de tam vasto flumine, quod in illas hominum pestes inutiliter, neque hoc solum, sed & perniciosius defluit? Cur ex his, quae malo dæmoni offeruntur, non partem aliquam habeant orphanī, viduæ, infirmī, victi, aut carceribus addicti?

Verum ô tempora! ô mores! Ad nundinandam condemnationem nostram sempiternam quam obuius numus, quam facilis animus, quam validum pectus, quam prona voluntas, quam expedita, & abiecta omnia! At cum æterna salus, & quies perpetua curanda, quam negligentes, tardi, atque inertes sumus, quam friget affectus, quam gelidum est pectus, quam ignauus est animus, quam languidus spiritus, quam prærupti se per viam montes difficultatum, quam immanes, & horridi incommodorum scopuli obijciunt! Quid hoc fascini! Quid incantationis! Quid illusionis! Quid amentiae! O fidem! ô rationis iudicium! ô Deum! Quantum videmus, quantum audimus, quantum experimur, & quot dies agi cernimus, fidei quidem splendida fix extincta, & omnem hominibus sensum ademisse malitia, nullus autem esse Deus reliquus videtur, qui meritis præmia decernat, & sceleribus supplicia inferat. Euigilet Politicus noster ab hoc mortali lethargo, si forte tali vitio laborat, vocat nempe illū pius Dominus, & magnis vocibus inclamat per fidem, per ecclesiasten, per experimenta, per exempla, & alios absque numero modos. Non sit illiberalis erga suam animam, hæc enim vnicum monile est, quod vnicè curare, & pluribus oculis, quam ille Argus habuerit, observare debeat.

*Non absimile est hoc argumentum ijs, quæ supra lib. 2. cap. 4. tractantur. Vide quæ ibi ad finem illius capituli ex Tomis prioribus adscripti.*

#### C A P V T I V.

*Qui præfecturæ nomen admisit, neque officium exercet, is probroso titulo gaudet, quo dedecoretur, & honorificam habet ignominiam, quæ defædetur.*

Magnis magna pars hominum titulis, & illustribus insignibus gloriari amat. Dici non potest, quam avidi sint ampullosorum nominum, & quam ambrosiosè quærant appellationum apparatus. Inter hæc autem susque deque habent coniunctas nominibus obligationes, graves sæpè, ac difficiles, ob

quas tenentur opere respondere nominibus, & re ipsè præstare, quod titulorum officia postulant. Alioquin quid utilitatis adferunt tituli, & nomina, si hæc aliò spectent, aliò opera tendant? Quid prodest homini, quod ex officij appellatione famam sibi celebrariorem comparare cogitat, si malè feriat, quod talis officij est, nihil agit? Nam habere officium absque exercitio, voluit nihil habere est, & tale quidpiam est, ac si animam destitutam facultatibus suis, nudam operibus fidem habeas, turpis honor potius est, qui infamiam adferat, quam illustris appellatio, quæ nobilitet.

Accessit quondam Redemptorem mundi Sanctus Petrus, inquit: *Ecce nos reliquimus omnia, & secuti sumus te, quid ergo eris nobis?* Matth. 19. v. 27. velut pluribus dixisset: *Audiuius ex te, Magister, & Domine, difficile obtenturos regnum coelorum, qui sunt diuites, ecce vos hic, qui omnia à nobis abdicauimus, non ob aliud, quam ut tecum versari, ac morari possimus, quid nobis proinde fiet?* Occurrit Dominus interrogationi Petri, & ait: *Vos, qui secuti estis me, sedebitis super sedes duodecim, iudicantes duodecim tribus Israël, ibidem v. 28.* vos qui excelsa animo, & magno ausu, & generoso pede omnem caducæ vitæ huius pompam, vanitatemque confidenter calcastis, id pro tam heroico facinore habebitis debitæ remunerationis, ut singuli sua solia, eaque magnifica, & sublimia ineant, atque inde seueri iudices de tota Israëlitarum omnium causa suprema pronuntient.

Obseruauit in his doctus Gandauensium Episcopus Iansenius cap. 100. suæ Concordiæ in Euangelia, modum, quo Christus iudicum loca duodecim consiliarijs suis addixit, cum dixit, quod suam vniquislibet occupaturus esset sedem: *Sedebitis super sedes duodecim.* Quid verò in his tribunalibus facient? An forte otia buntur, tantumque se debunt? An solo, nudoque titulo gaudebunt? Nequaquam. Sedebunt iudicantes, & quod iudicum est, opere administrantes: *Nec otiosè sedebitis, sed iudicantes duodecim tribus Israël;* non sola inaniter loca consiliariorum, ministrorum publicorum, iudicum occupabitis, sed officia etiam talium propria vos occupatos habebunt. Qui prætor, aut præfecturæ nomen, non vsum, exercitamentumque habent, ij titulos habent, quales ferè Itali, apud quos multi gaudent vana appellatione absque iurisdictione, & Marchiones, Comitesque audiunt, & audiunt tantum, neque sunt simul.

Sanctus Lucas Euangelista refert, quod Redemptor



ptor mundi appetente passionis suæ tempore, cum Samaritanorum quandam ciuitatem intrare vellet, repulsam ab inhumanis, & barbaris hominibus passus fuit, fortè quoddam morum conditione, & vestitus forma Iudæum, quod res erat, sunt arbitrati. Iacobus & Ioannes, insigne par fratrum germanorum, vbi eam inurbanitatem, ac tam rusticam inhospitalitatem viderunt, subirati hæc magno cum stomacho dixerunt: *Domine, vis dicimus, & ignis descendat de caelo, & consumat illos?* Lucæ 9. 54.

Sanctus Ambrosius acutè hic inquit, quamobrem hic de toto Discipulorum manipulo & grauius doluerunt, & iniquius acceperunt, & indignis tulerunt istam Domino irrogatam ignominiam. Cur Iacobus, & Ioannes præ alijs ad propugnandum Christi honorem, vltiscendumq; illius ignominiam, & contemptum profuerunt? Cur igne cælesti potius, quàm alio quouis supplicij genere illorum plebi insolentiam, inciuilitatemque expetierunt? Cur non rogauerunt, quod poterant, vt vel terra debisceret, viuosq; orco transcriberet, vel mors subita extingueret? Cur illud vnicè rogabant, *Domine, vis dicimus, & ignis descendat de caelo?*

Vt hanc submoueamus difficultatem, necessum est recurrere ad appellationem, quâ illos donauit sacer Magister, quando & Apostolos vocauit, & duodecim illorum catalogo adscripsit. Primum locum Petro dedit, proximum, quantum apud Marcum videre est, his duobus fratribus, *& imposuit eis nomina Bæanerges, quod est, Filij tonitruus;* Marci 3. 17. Eodem nomine Virgilius 6. Æneid. v. 844, insigniuit illos valentissimos præliatores

----- *geminos duo fulmina belli*  
*Scipiadæ.*

Scipionem maiorem, & minorem puta.

Cum ergo duo isti fratres secum reputarent nomina, quæ a Christo acceperant, *Filij tonitruus* appellati, & occasionem præsentem cernerent, aiebant ad Magistrum: *Via dicimus, & ignis descendat de caelo, & consumat illos?* Vis iussu nostro cælum flammæ inde huc submitteat, vt omnes intelligant, quod non solum inanem tonitruum filiorum appellationem circumferimus, sed etiam fulgure percellimus, & quidquid talium filiorum est, reapse efficiamus?

Ambrosius in cap. 9. Lucæ, lib. 7. de hac re sic habet: *Benè præsumunt quid ad sermonem suum ignis de caelo descenderet, quoniam filij sunt tonitruus.* Nimirum probro ducebant vocari, & non esse filij tonitruum, habere officium, & munus illius non simul

exequi, ludibrium interpretabantur, prouinciam suscepisse, & nullas eius partes obire. Verè namq; deridiculus est, quisquis magnos dignitatum titulos iactat, & nihil eis dignum actat.

Miser Dominus duos ex Discipulis suis Hierosolymam, vt inde illi adducerent asinam, in qua triumphabundus inuehi in illam urbem volebat, vbi tanquam hospitator populorum, & hostis nostri gloriosus victor magnificis acclamationibus exceprus, & publicis, communibusque plausibus celebratus per omnia compita fuit. Sed notanda est phrasis, quâ legatis suis suam iussionem indicauit, dicens: *Ite in castellum, quod contra vos est;* Matth. 21. 2.

Sanctus Antoninus de Florentia 4. p. tit. 15. c. 3. §. 1. querit, cur Dominus, cum Discipulos suos Hierosolymam ablegauit, illi urbi nomen castelli dedit, *Ite in castellum*, & non magis ciuitatem, vt erat, vocauit.

Respondet Sanctus Archiepiscopus, dicens: *Saluator noster cum misisset duos ex Discipulis ad ciuitatem Ierosolymam, quia plena erat sectis, & dissensionibus, & peccatis, non dixit, Ite in ciuitatem, seruans istam regulam.*

*Si re priueris, nec nomen habere mereris.*

Ciuitas Ciceroni in Somnio Scipionis est *cæcis iure sociatus hominum*, qui eisdem legibus concorditer, vnanimiterque viuunt, & vrantur communiter. Cum ergo Hierosolymis essent magna animorum dissidia, opinionum pugna, factiones partium, voluntatum mutuè repugnantium contrarietates, scelerum ingens, & incredibilis colluies, propterea Christus non dixit, *Ite in ciuitatem*, sed potius, *Ite in castellum*. Nam cum castella ad hoc excitentur, vt seruiant excursionibus, eruptionibus, vastationibus patriarum hostilium, offensionibus aliorum, non rectè ciuitates vocarentur, quibus aptissimè quadrae castellorum appellatio, ob id etiam, quod velut in castris perpetuis agant, quicunq; in illis degunt. Et vulgò dicitur, perperam illi nomen rei cuiuspiam dari, qui rem ipsam non habeat, nomen enim sibi absq; re vsurpare, est sublimem & aspectabilem suæ infamiae titulum circumferre, debet namque appellatio congruere cum opere, & officium coniunctum habere exercitium.

Eapropter Quintilianus lib. 2. cap. 5. cum de oratione ageret diligenter exculta, & magno studio ad omnem aurium gratiam perpolita, sed quæ sui authoris labores, conatus, spemq; omnem frustretur, nec obtineat victoriam, quam ille optet, speretque, ait, omnem illius superuacaneum esse & ornatum,



tum, & apparatus, sæpè etiam damnosum, & aduersum : *Pulchra locutio*, ait ille, *nisi ad victoriam tendit, Strig, supernacua, sed interim etiam contraria est*. Quid est, quodd magnus Aduocatus quis audiat, & iurisperitiz singularis famâ sit celebris, si nunquam à tribuni victor abiit? Magis illi hoc incommodat nomen, & officit appellatio, quia in magnam illius ignominiam redundat titulus, cuius vsum nullum habet.

Itaque benè meritus fuit noster Iacob suum nomen, quod illi è cælo allatum, & ab eo expressum fuit, qui *appellauit eum Iacob*, Genes. 25. v. 25. siue qui tener plantam sui fratris, in ipso quippè egressu ab utero matris tenebat manu plantam fratris, ut habes ibidem. Tali actione comparauit sibi nomen Iacobitis, siue supplantatoris, & luctatoris. Tales querendæ appellaciones, eiusmodi expetendi, & assumendi tituli, qui suam de operibus originem habeant, quos præclara facinora edendo sibi commuerint, ac pepererint, qui vsurpant.

Gemebundus inclamabat pium Dominum suum Propheta regius, noxarum gratiam, & scelerum condonationem petens. Appellabat autem vnam maximè illius bonitatem, & miserationem immensam, aërem ardentibus suspirijs inflammans, & dicens: *Miserere mei Deus secundum magnam misericordiam tuam*; Psal. 50. 2. instantque Domino, & vrgens eum precibus vltioribus sic porro obsecrabit: *Et secundum multitudinem miserationum tuarum dele iniquitatem meam*; ibid. v. 3.

Suprà misericordiam Dei implorabat, hic miserationes eiusdem. Suntne hæc vnum, idemque? Estne discrimen aliquod inter misericordiam, & miserationes?

Beatissimus Pater Gregorius Papa Magnus in expositione huius Psalmi ait, differre alterum ab altero: *Per misericordiam enim miserationis affectum intelligimus, per miserationem verò ipsam misericordiam exhibitionem signamus*. Misericordia Dei quædam illius beneuolentia est, quæ velut propendet ad hominum miseras leuandas: Misericordia verò quasi beneficentia est, quæ suas hominibus ærumnas, & necessitates opere depellit, & admittit. Itaque & alibi generoso huic benefactori dicit: *Misericors, & miserator Dominus*; Psal. 110. 4. ut qui & possit benefacere, & benefaciat, neque otiosam habeat misericordiam, sed cum miseratione effectrice coniunctam.

Addit mox Gregorius: *Superfluum enim esset, & arumque ponere, nisi esset varietas in significatione*.

Quando ergo Propheta primum ad misericordiam Dei accurrit, & posthæc ad miserationes illius confugit, certum, indubitatumque est, hæc inter se distincta esse. Adiecit nunc ego de meo, quod si misericordia est posse, misericordia verò facere, quod potes, nunquam Propheta istam inclamaret, nisi hanc simpliciter appellares, dequæ ea sibi omnem gratiam promitteret. Tale autem ferè est, quod Sanctus David ait, cum Dei misericordiam, simulque miserationem inuocauit, ac si dixisset: Quodd Deus sit misericors, id pono, tanquam quod omnibus notum, certumque, condonare enim noxas officium illius proprium est, atque si irâ res habet, ille mihi meorum scelerum veniam sine dubio dabit, turpe namque, & indecorum Deo esset, si officium absque exercitio, & sine operibus nomen haberet. Qui Magnates audiunt, & nihil magnum faciunt, sed hominorum vilium mores scotos consecretantur, qui urbani appellari amant, & sunt duri, ac rustici, qui comitatus, pietatis, & benignitatis, humanitatisque titulo oblectantur, & gloriantur, sunt autem quidam Holofernes, Nerones, Phalarides, quid ijs sua nomina, tituli, appellaciones nisi probum adferunt, & ignominiam?

Ad comprobandum id, in quo versamur, facient quædam Scripturæ verba, quæ videntur clara, & aperta, sed apud Interpretes, qui studiosius expendunt, non exiguum habent difficultatem. Inter illa mandata, quæ Dei Filius per Ioannem suum Beniaminum, & nuntium ad Episcopos septem Ecclesiarum dedit, illud ad Episcopum Sardis sic habebat: *Scio opera tua, quia nomen habes, quodd & tuus, & mortuus es*, Apocal. 3. 1. Obscurum nuntium! Quid sibi vult dicens: *Nomen habes, quodd & tuus, & mortuus es*? Variè hæc exponunt Interpretes. Sed mihi planior, & ad sensum sacri Scriptoris propius accedere videtur quidam modernus, verum profundus, & diligens huius ænigmatici libri commentator. Quid est habere nomen viuui? Vocari Episcopum: *Respicitur ad ipsum Episcopi nomen, quodd Græcè significat inspectorem siue speculatorem*; inquit doctissimus Alcazar. Episcopus ergo nomen est hominis, qui è specula oculis circumspicit omnia attentis, officiumque solliciti, & peruigilis excubitoris agit, & superintendit, siue ex loco superiori attendit alijs. Ecce culpam, quæ de Episcopum Sardicensem Dominus arguit. Nomen Episcopi habes, inquit, hoc est hominis, qui perniox, perdiusque vigil salutis aliorum magna cum sollicitudine, & cura prospicit. Tu autem quid agis? *Mortuus es*, negligens, & offi-



& oscitabundus dormis, & gregis, quem pascendum suscepisti, curam nullam geris, tametsi lupus tuas mordiculis inuadat, & auferat oues, non vociferaris, non clamas, non accurras, ut periclitantem sospites, & prædam raptori eripias. Nomen vacuum habes, quia absque exercitio. Diem te vocant, & nox es, Solem dicunt, & tenebræ es, Pastorem appellant, & lupus es, Excubitozem, Patrem, Episcopum, siue inspectorem vigilantem nominant, somniculosusq; es, & tyrannus, & plurimum somno demersus iaces. O quam formidolosa accusatio! Quam turpe probum! quam probrosa turpitudine, ut Episcopus quis sit & stertat, ut Episcopus quis sit, & non excuber! ut nomen tam gloriosum, appellationem tam nobilem habeat, & vitam propudiosam, nomine indignam, & ab officio perquam alienam ducat! Quid utilitatis adfert otiosam habere dignitatem? Inanis, destitutusq; operibus titulus quid commodat, quid prodest, quid efficit, nisi ut grauior socordes pœna, & damnatio expectet?

Audiat noster Politicus, quid Sanctus Gregorius Nyssenus moneat: *Tales in omni Vita nos præstamus, quales requirit Christiani nominis excellentia*, inquit ille in orat. de Christiana perfect. Sed volo cum illo apertius agere, & rem ei distinctius proponere. Christiani appellatio gloriosissima est, celeberrima est, & incomparabiliter honorifica. Quæ enim maior felicitas, & gloria sublimior esse possit, quam suum à Christo, ab omnipotente, & supremo Domino mutuari nomen? Quid verò hinc consequitur? Illud, inquit Nyssenus, ut hoc semper agamus, quod cum inelyta appellatione, quæ gaudemus, & nobilitamur, congruat, & quod vocamur, hoc esse operibus nomine dignis comprobemus. Cum ergo dicamur Christiani, studia nostra, actionesq; omnes ad normam vitæ, quam ille inter homines homo duxit, & ad amulsum exemplorum, quæ nobis hic reliquit, instituamus, & componamus. Christus ignouit suis inimicis, faciamus tantundem nos Christiani. Christus amator paupertatis fuit, amemus eandem similiter. Christus humilis fuit, sint humiles pariter, quicunq; nomine, quod ab illo habent, gloriantur. Christus misericors fuit, & pius, & zelator, & plenus charitate, & pariens iniuriarum, & longanimis, Christianus eius per omnia similis, quantum fieri potest, esse studeat. Denique virtutes illius reliquas, pro humanarum modulo virum, imitari laboret, ut præstantissimi nominis magnificentie opera paria respondeant: *Tales in omni Vita nos præstamus, quales requirit Christiani nominis excel-*

lencia. Quid enim est nudum ab operibus nomen?

Si Politicus noster officinam librariam ingressus in varios, (ut Bibliopolarum ædes habent) incidere titulos, quorum ille sic haberet: *Opera Sancti Augustini*; hic ita: *Opera Sancti Basilij Magni*; tertius *Opera Patris Ludouici Granatensis* promitteret, & post extractos expansosq; & expensos codices inueniret, longè alia esse, quæ titulis illis tegebantur, puta Caluini, Lutheri, Zwinglij, Machiaveli, & aliorum id genus hæreticorum, corruptissimorumque, & pestilentissimorum hominum volumina, quid diceret? quid faceret? Nonne mox succlamaret, dicens: Cur non statim in pyram abripitur, viuusq; exuritur Bibliopola, qui blasphemorum, sacrilegorumque talium hæreticorum libris indices præfigit Patrum orthodoxorum? Si has ille, & iurè, ac meritò voces daret, quid putat Christum è suo tribunali, cum rationes vitæ in sæculi ætæ extremas à toto mundo expeteret, & excipiet, clamaturum aduersus eos, qui nomen Christianorum præferentes, operibus dediti fuerunt Turcarum? Ut Politicus noster superiorem Bibliopolam rogo addixit, sic ille, *Ite in ignem æternum*, vociferabitur, ite perfidiosi impostores, periuri hypocritæ, qui sub nomine Christiano vitam Maurorum vixistis, & iudices quidem dicebamini, depeculati autem estis eos, quos tutari contra aliorum vim, & iniurias debebatis, & Consiliariorum titulum prætulistis, sed fraudulentorum officium interim egistis, & cum audiretis Episcopi, deglubebatis oues, quas pascere, & curare oportuisset, & cum regum sceptera, & loca teneretis, subditos non secus ac tyranni solent, oppressistis. Tanquam perfidi hæretici ergò subiecto igne conflagrate, quotquot aliud dicti, aliud operati estis, quotquot absque exercitio officium, & sine factis inanem appellationem habuistis. Itaque nomen, & officiorum suorum omnes studeant esse memores, ne propter vacuos titulos rationes dare strictiores & pœnas dependere grauiores aliquando debeant, propterea quòd agere neglexerint, quæ ut agerent, ipsa ab illis honorum, dignitatum, officiorum nomina requirebant. Illud vnum cuncti vnice curent, ne, ut ait Sanctus Ambrosius apud Hugonem Cardinalem in cap. 3. Apocal. *sit nomen mane, & crimen immane, deifica professio, & diabolica actio, religiosus amictus, irreligiosus profectus, gradus excelsus, & deformis excessus, ne locutionem simulemus columbinam, & Vitam habeamus coruinam, ne professionem monstremus ouinam, & ferocitatem habeamus lupinam*. Talia, & his, lura solent occultari



ram excellentibus, gloriosis, & sanctis nominibus. Sed eheu dolor, & vā ijs, qui tam honorificis nominibus per opera gloriosa non respondent!

## CAPVT V.

*Religiosus velut piscis extra recessus, & solitudinis suæ aquas facile perit.*

**N**ati fuere ambo fratres, adultiores autem faci studia valde diuersa consecrati sunt, & vitæ rationes admodum dissimiles inierunt. Esau venator erat, & agricola, semperque aut ruri, aut in syluis agebat, omnis illius occupatio erat colere agros, persequi feras, venari fetosos apros, tendere retia fugitiuis ceruis, & pernicious damis, timidisque leporibus laqueos struere, venatuque, & aucupio dies vitæ meliores, & partem maiorem transmittere.

Iacob diuersum iter secutus, alium viuendi modum tenuit, totumque se recessui, & solitariæ vitæ consuetudini tradidit: *Iacob vir simplex habitabat in tabernaculo*, ait beatus Moyses Gen. 25. 27. rerumque domesticarum accuratiōi operam dabat. Textus Hebræus habet: *Sedebat*; & Græcus: *Inhabitans domum*. Mirum erat videre illum foris, cum hominibus alijs rarè conuersabatur. Hinc vult Procopius Sancto Patriarchæ omnem spiritualem profectum ortum, omnia animæ emolumenta, & lucra nata, cuius sunt ista in cap. 25. Genesios: *Proinde nihil inquinabatur contagiosa reliquorum familiaritate, quæ plurimum etiam generosos mores insicere consuevit*.

Ex fuga hominum veniebat illi tanta animi puritas, & vitæ sapientia eximia, & morum ingens perfectio. Eruditus quidam Genesios Interpres, cum in huius loci dilucidatione versaretur, aiebat, Iacob prototypum esse Religiosorum, qui ad conseruandam animarum suarum munditiem illum imitari, & secum morari, & intrâ domesticos parietes manere, & vanas aliorum familiaritates, inutilesque consuetudines vitare debeant. Hoc ille his verbis reddidit: *Typus quidam peregrinus Religiosorum hominum Iacob habitans in tabernaculo, & non vago progressu per fora, & mortalium confessus passim discurrens*.

Propterea Eugenius Papa cap. Placuit 16. q. 1. ait, Religioso conuenire cum pisce: *Sit claustrum suo contentus*, inquit ille, *quia sicut piscis sine aqua caret vitâ, ita sine monasterio monachus. Sedit itaque solitarius, & taceat, quia mundo mortuus est, Deo autem viuus. Agnoscat nomen suum, monos enim Græcè Latine est vnus, achos Græcè, Latine sonat tristis,*

*inde dicitur monachus, id est, vnus tristis. Sedit ergo tristis, & officio vacet*. Amet ergo solitudinem suam, qui semel ex hominibus secessit, vt Deo expedius, liberius, impensiusque vacaret, vt enim extrâ aquarum elementum piscis facile moritur, sic extrâ septa sua Religiosus plurimum periclitatur. Turbas ergo, & sæculi tumultus omnes declinans petat secretum, ibique silentio se dedat, & meditationi vacet, quia sæculo defunctus nouam apud Deum vitam agere cæpit. Ex vocabulo nouo, quod illi, simulacra scelerata factus est; inditum fuit, discere potest, quid sui officij ratione ab ipso exposcat, monachus enim tantundem est, ac vnus quidam mœstus. Solus itaque degat, secreto se includat, ab hominum aliorum conuictu familiari se subtrahens viuum velut sepeliat, vt omnes consummati, & perfecti monachi partes expleat, & vocationis suæ obligationi satisfaciatur.

Quidnam ex omni Testamento vetere tam verè, ac viuè præfiguratos dedit Ascetas religiosos legionum, quàm Nazaræi? Nihil hac re magis exploratum, nihil apud sacros Doctores crebrius inculcatum, & vstratum. Videamus ergo quid de illis asserat Ieremias, cum illius perfidi, & refractarij populi infelicitates, calamitatesque deplorat. *Candidiores Nazaræi eius niue, nitidiores lacte, rubicundiores ebore antiquo, sapphiro pulchriores*, ait ille Threnorum suorum cap. 4. v. 7. Quis elegantiam maiorem, decentioremque venustatem excogitare possit? Quod tamen de liberali eorum forma dicitur, id de animæ pulchritudine, & decente specie accipiendum, taleque est, ac si dictum, Nazaræos fuisse sanctissimos, perfectissimos, suorumque rituum renacissimos, & obseruantissimos caeremoniarum. Audiamus nunc, quid sanctus Vates desinat: *Denigrata est super carbones facies eorum, & non sunt cogniti in plateis*; inquit ibid. v. 8. O miseriam! ô dolorem! Niueus ille candor mutatus est in atrorem, qualis vix est carbonum, ex quo factum, vt nemo eos vel in compitis, vel in foro medio nosse possit hac potnerit.

Quid voluit Ieremias, cum de Nazaræis ait, *Non sunt cogniti in plateis*?

Venerabilis Abbas Gilbertus Serm. 47. in Cant. hoc ita exponit: *Non sunt vtrique pro Nazaræis cogniti tam in plateis*; quod tale est, ac si dixisset, Monachos, ceterosque Religiosos, & omnem vitæ regularis splendorem ex frequentatione platearum, & crebra disensatione per vicus, & domos ciuitatum, & ex usu familiaritatis cum sæculi hominibus

ita



ita obscurari, & obfuscarī, & fœdari, vt vix de vestitu id, quod sunt, agnosci possint.

Experimento probatam dedit Gilbertus hanc tam notoriam, quam deploratam veritatem. *Silebo de alijs, inquit. Ordinis nostri cernite viros. Quam admirabile erat nomen eorum in vniuersa terra! In vicijs, quando vix erant vixi in plateis, statim cogniti pro sanctitatis signo erant in eis. Nunc autem nullo religionis discrimine, nullo privilegio conuersationis, aut nullo, aut pratenus distincti, & signati sunt à ceteris, ideo non sunt cogniti sicut Nazarae in plateis. Frequentia platearum dedecorat Nazaraos, & peregrinam speciem inducit.* Hæc Gilbertus, ac si pluribus dicere voluisset: Vt euincam quantum de viuo disciplinæ religiosæ colore decedat ex erebris ascetarum per compita publica obambulationibus, nolo Religiosos huc alios accerere testēs, quando id Ordinis mei exemplo abundè comprobare possum. Quam celebris, & decantata erat fama nostrorum per omnem, quaquā latè patet, orbem terrarum! Quam tam mundo lucem præclaro suo exemplo affundebant! Quam fragrantiam, quam suauem, gratumque odorem virtutes eorum exhalabant, quando velut passeret solitarij in abditiore eremo degebant, interq; contemplationes cœlestium suas patiebantur ecstasies, & ab inuitabili necessitate in publicam aliquando abstrahebantur, vt se hominū oculis permitterent! Erat per id tempus Religiosus Cisterciensis in plateis quod monstrum, quod Phœnix, quod prodigium sanctitatis. At postquam familiarius consuecere cum hominibus mundanis, crebriusque illos & adire, & admittere, & congressus illorum, commerciaque frequentare, & solitudinem cum foro, cellas secretas cum plateis publicis permutare cœperunt, mox de sua exsultatione ceciderunt, nec eam habuerunt, quam soliti erant, venerationem. Cur verò istud? Quia frequentia platearum dedecorat Nazaraos, & peregrinam speciem inducit, & formam vultus depascitur, & faciem obseruantiæ religiosæ sic obscurat, & immutat, vt inducere nouam, & incognitam videatur.

Notemus hæc postrema Gilberti verba: *Peregrinam speciem inducit* frequens platearum percursorio. De cœlo dicit Aristoteles, quod & receptissima omnium Philosophorum sententia habet, non recipere peregrinas impressiones, semper enim eadem pulchritudine, & splendore inalterabili gaudet. Quod ergo ille ait, frequentiam platearum peregrinam speciem inducere Religiosis, perinde est, ac si dixisset, quantumuis fulgentissimi quidam, & radi-

antissimi cœli sint, quod ad vitæ puritatem, & sanctitatis splendorem attinet, dum cœmen è monasterijs in plateas sæpenuerò effundi incipiunt, paulatim illos è cœlis in terram, cuius plurimæ sunt mutationes, & vicissitudines, & varietates, transformari. Ergo solitudinis cultus, & amor plurimum hæc facit, vt Religiosi enube, sudum, tersum, serenumque animæ suæ cœlum, & spiritus candorem integrum seruent. Dicit namque Gilbertus: *Frequentia platearum dedecorat Nazaraos, & peregrinam speciem inducit*; identidem prodire foras, & terere compita, & in medio Sole solitudine relicta versari, obscurat, dissoluit, horridosque aspectu facit Religiosos, eos etiam, qui diu latuerunt, & omne cum solo Deo commercium habuerunt, cumq; domum redeunt, vix est qui eos amplius nouerit, prout de religiosæ vitæ studio remiserunt, & ab exercitiorum monasticarum seruire inteperuerunt.

Narrat patientis Iobis historia, inter beatos Angelos malum, & damnatum quendam dæmonem assistisse coram Domino, interrogatumq; vnde veniret, respondisse in hæc verba: *Circuius terram, & perambulans eam*; Iob. 1. 7. & 2. 2. quasi dixisset: Orbem terrarum, quantus ille cuiusque est, peragraui, & nec ora est, nec extremitas, non insula, non prouincia, non vrbs, non oppidum, non vicus, aut platea, quam non lustrauerim oculis, non obiuicrim pedibus.

S. Ioannes Chrysostomus, aut certè Dydimus in catena Olympiodori, hic dicit: *Primum diabolus seipsum accusat*, seipsum ante omnia talibus verbis perstringit, & culpitat, & cum sibi nihil dicere videatur, plurimum contrā se loquitur, & grauius sese infamat. At videamus quomodo seipsum ignominia condemnat, & traducit? Respondet ille, qui supra: *In eo, quod ait, omnia se loca peragrassè.* Nonne ipse fatetur, omnia fuisse peruagatum? nonne dicit, orbem circumiisse totum, nec locum esse reliquum, quem non perambularet? Eā refatis se diabolum prodit, & probat, eāq; confessione se accusat: Nam qui multum vagatur, & circumfertur pedibus, & pro sua libidine discursat, ruinæ proximus est, atque ex pulchro, & specioso Angelo in turpem, & atrum dæmonem facile vertitur: *Primum diabolus seipsum accusat in eo, quod ait, omnia se loca peragrassè*; quisquis enim multum euagatur, eius multum periclitatur & regularis obseruantia, & pulchritudo religiosa. Caueat ergo quisquis circumforaneus, ne ex Angelo in cacodæmonem transformetur: Fre-



quentia platearum de decorat Nazaraos, & peregrinam speciem inducit.

Si non est ira, videamus à contrario. Apud Sanctum Lucam ad purissimam Virginem missus est Angelus Gabriel à Deo, Lucæ 1. 26. Fuit hic verè celestis, atque ex illa Superiorum regia demissus nuntius. Quam ex re hoc arbitrabitur? Multa sunt, quæ hoc persuadeant, inter quæ non postremus est modus, quem in denuntiandis mandatis Archangelus obseruauit. Venit ut cum Sanctissima Domina nostra de negotio grauissimo, de re maximi momenti, de mundi instauratione ageret, dixitque, eam intrâ castissimorum viscerum suorum hospitium exceptaram communem totius orbis terrarum Reparatorem, & mox adiecit: Et *vocabis nomen eius Iesum*; ibid. v. 31. ut ipsum nomen clamer quàm obrem ille adueniet, nimirum ut sit generosus hominum sospitator.

Hugo Cardinalis hîc aliquid obseruauit, quod monendum arbitratus, ait: *Nota quòd Angelus dicitur ingressus ad Virginem, & hoc semel.* Ad colloquium Virginis accessisse Angelus fertur, & hoc semel. Estne hîc aliquid, quod magnoperè animaduertendum. Est multum, quod hæc in re obseruatum dignum. Hoc verò in primis notandum, quòd celorum Orator nunc monet, ut generis nostri instaurationi nomen augustissimum I E S V. Mater imponat, Et *vocabis nomen eius Iesum*, cùm tamen id posthæc primum indicare potuisset, nimirum quo tempore circumcidendus puer, quæ erat præcisâ hora, in qua Filio suo Diuina Parens dare nomen necessario debebat. Non distulit hanc rem Gabriel, sed vnâ operâ duo mandata denuntiat, & vno accessu res duas exequitur, magno & optimo inditio, quòd à Deo veniebat, *Missus Angelus à Deo.* Quisquis enim studet parcere excursibus, abstinere à congressibus, rarò videre plateas, & vnâ vice exequi multa, ut ex eundem occasionibus ipse sibi amputet, ille Dei Angelus est; magnam vitæ puritatem eo ipso indicans, pulcher Nazareus est; perfectus Religiosus est. Sed qui, cùm semel rem vnâ peragere possit, ne pluribus quidè vicibus perficit, ut qualemcunque habeat euagandi, circumcursandique occasionem, & prætextum, ille *serpsum accusat*, & sui spiritus languorem, & deuotionis teporem, & animæ frigus, prodeundo prodit, & confitetur. Verus namque lucis Angelus, & qui à Deo missus, plura negotia se megreffus conficit, & cùm ad inuisendum alios pergit, eodem itinere, & opere causam non vnâ solum pertractat, quia superfedere excursibus, & morari domi amat, cu-

ratque. Malus autem dæmon est, qui omnia pernegatur, qui nullum inaccessum locum relinquit, & de illius contubernio est, qui aiebat: *Circuius terram, & perambulauit eam*; nec enim est forum, quod non adeat, non platea, quam non terat, & percurrat, non domus, quam non visitet.

Prodigium autem sit, & nunquàm visum portentum, si quis Religiosus domi agere amet, intrâ monasterij septa, & cellæ suæ angustos parietes vitæ partem maiorem volens, libensque transmittat, & non sit valde perfectus, aut animam habeat, cuius lux eclipsin patiatur, deficiatque, & obscuretur.

Patrocinabatur quondam Tertullianus causæ Catholicorum iustæ, & ad Præsidentem Africæ Scapulam cap. 3. aiebat: *Sol ille in conuentu Vicensis exincto pene lumine adeo portentum fuit, ut non potuerit ex ordinario deliquit hoc pati positus in suo hypsomate, & domicilio*; hoc est: Quòd superioribus diebus, quibus Vicensis concilium aduersus Catholicos coëgisti, sol ita obscuratus fuit, quasi omne ab eo lumen diffugisset, id ex Astrologorum sententia singulare portentum fuit, & iuxta ordinem, cursumque rerum communem fieri nequique. At cur istud? Quia sol hoc pati non potuit positus in suo hypsomate, & domicilio.

P. Cerdia in cap. 3. Tertullian. ad Scapulam Nota 25. ait: *Itaque sult Tertullianus dicere, solem in sua altitudine, & domo pati non posse naturale deliquitum.* Ut ergo luce suâ Sol destitueretur, & splendore nudetur, domicilio suo necessum est excedat, alioquin prodigium stupendum fuerit, si domi suæ manens tenebras patiatur. Tantundem de Religioso affirmare possumus. Quòd is domi suæ, in monasterio suo, in sua cella, & angulo suo assiduus sit, & eclipsin patiatur, gratiæque, quâ illius anima splendet, lux pulcherrima obscuretur, siue obnubiletur, fieri non posse videtur. Si tamen fulgorem suum etiam ibi fortè perderet, id portentum nunquàm visum foret, & censeri deberet: *Adeo portentum fuit, ut non potuerit ex ordinario deliquit hoc pati positus in suo domicilio.* Ut Solem defectio inuadat, debet ille domus suæ limina egressus fuisse. Ut Religiosus pereat, parum adest, si dæmon illum extrâ conuentum, & cellæ suæ secreta reperiat.

Hinc doctrinæ fidem conciliabit maiorem id, quod familiari amico suo Lucillo Seneca scribebat epist. 2. in qua hoc inter multa: *Bonam spem de te concipio*, satis datum enim per te mihi est abundè, ut indubitatum habeam, futurum te diuitem virtutum, & suis numeris absolutum Philosophum. Vndenam

verò



Verò hoc tibi tam certum, atque exploratum? Quòd non discurras, quòd non sis inquietus, & vagus ambulò, sed recessus, & locorum solitariorum amans. Hoc faciebat, vt de Lucillo maxima quæque sibi Seneca promitteret.

Simile quidpiam dicere de Religioso possumus: Hic aut ille magnus Dei magi seruus est, perfectissimus Monachus, asceta sanctissimus. Vnde hoc æstimabitur? Ex quò intelligetur? Ex eo, quòd non discurras, quòd nunquàm domo effierat pedem, nisi obedientia inde illum exigit, quòd paucos terat calceos, quòd nulla suis locis saxa platearum moueat, quòd nunquàm in foro videatur, vt alij passim in oculos incurrunt. Sanctum itaque illum æstimate, & proclamare, quia & hoc vnicum sat erit, vt à morte in beatis numerari, & cœlitum cum Deo regnantium albo adscribi possit.

In ea cogitatione fuit doctissimus P. Franciscus Coriolanus 2. p. casu 3. num. 7. cum ait: *Quemadmodum infinita bona eueniunt Religioso in conuentu commoranti, ita per contrarium quamplurima damna ei eueniunt, si extrà monasterium frequenter reperitur, & vagetur.* Nec explicari verbis possuat commoda, quæ domi nascuntur ascetis, quos solitaria vita oblectat, neque numerari damna, quæ eos persequuntur, quos domestica quietis fastidium occupat, qui si cellæ suæ cœlum amarent, & colerent, raro peregrinas sentirent impressiones, vix aliquid à statu suo alienum vel facerent, vel etiam cogitarent.

De fluminum aqua sic habet S. Zenon in Euangelium Ioan. *Aqua ipsa, si de flumine rapta sit, in quo viuit, perit natura, dum desinit esse, quòd exiit.* Si frigidam à suo alueo, in quo vita illius posita est, extrahas, interit, quòd vel effundatur, vel in res alias vertatur. Tale quid etiam de Religioso pronuntiare possumus. Quamdiu ille intrà monasterij sui limites sese cohibet, quamdiu septa, intrà quæ degit, assiduus cultus obseruat, prorsum securus videtur, proculque ab omni abesse periculò, verùm cum sui claustrì alueo effunditur, perit, & occasui, atque exitio proximus est. Miraculo simile putabitur, si non vitietur spiritus eius, qui frequens est cum multis extrà, si non intepefeat illius feruor, qui hominum profanorum conuenticula crebrò inuisit, & intemperanter amat: *Aqua ipsa, si de flumine rapta sit, in quo viuit, perit.* Sic & Religiosum errandum varia sæpè ad interitum trahunt mala.

S. Petrus Damianus, qui vt vir religiosissimus, inculpatissimisque monachus erat, ita & vitæ monachicæ sublimitatem perfectissimam habebat, dice-

bat serm. 54. *Verè claustrum est paradisus*, in quo inter plurimas, easque frondosas, & odoras arbores tanquàm delirioso loco secundus Adam voluptuosè moratur, dulcemque quietem captat.

Cum hoc in loco eminentissimus Cardinalis Ostiensis Claustrum religiosum donet nomine paradisi, cuius aquæ sunt ascetæ ipsi, qui terram nunc precum suarum aquis irrorant, nunc doctrinæ imbribus rigant, volo vos nescire, quid Moyses Barcepha dicat, cum de aquis scribit, quæ è paradiso proficiunt. Quærit hic autor, num aquis, quæ ex illo amœnissimo viridario erumpunt, suus extrà constet sapor, quem intus habebant.

Responder autem 1. p. de parad. c. 20. in Bibl. Vet. PP. *Nos pronuntiare non dubitamus, in paradiso esse aquas gustatu gratissimas, suauissimasque, inde autem plurimum suauitatis amittere, ac reditio verò contrahere, cum illud paradisi solum latè de pre-catione beatum, & felix sit, at hoc nostrum contrà execratione infelix, & triste.* Idem hoc Religioso accidere solet, quòd illis aquis. Quamdiu intrà sacrum sui monasterij paradisum commoratur, quàm suauis illi accidit omnis labor! quàm hilariter assilicet orationi! quàm ardentè omnes officij sui partes exequitur! At quamprimùm paradiso effunditur, simul ille feruor remittit, gelat spiritus, omnis cum Deo consuetudinis spiritualis suauitas perit, seignis efficitur anima, & languescit deuotio.

Et inter illius loci fluuios non absque singulari mysterio nomen *Eni Phison*; Gen. 2. 11, quod ex interpretatione sancti Hieronymi, Bedæ, Lyrani, & plurium aliorum idem est, quòd *mutatio oris*. Sic autem appellatum putat Abulensis, quia faciem suam, id est, apparentiam mutat, in colore, quia alicubi clarus, alicubi turbidus, in quantitate, quia alicubi diffusus, alicubi strictus, & sensu, quia alicubi frigidus, alicubi calidus. Potestne res alia tam varijs esse obnoxia mutationibus? Quòd fluuiò è paradiso decurrenti accidit, id Religioso extrà monasterium crebrò, multumque euenit. Quantis ille mutationibus, & insulcibus est expositus? Qui tranquillam in suo consuetu vitam ducit, & suauis, sanctoque otio frui, & dulciter, velut in centro, & paradiso conquiscescere potest, quot mutationes incurrit, cum ab illo tam iucundo loco leuiter excurrit? quot bellis exagitat? quot in corde variationes patitur? quomodo nunc quidem effunditur, nunc verò contrahitur, & angitur scrupulis de liberiore, & effusiore vitæ natis? quàm sæpè & friget deuotio, & flagrant cupiditates malæ? quomodo nunc animæ pax tumultu-



ario cogitationum strepitu perturbatur, & tota mentis serenitas obnubitur, nunc erratorum multitudo, gravitas, fœditas, tanquàm in media luce, oculis obuerfatur? Tanquàm inquietudinem patitur, qui pro suo arbitrio è paradiso monasterij effunditur, liberèq; per fora, plateasq; mundi, & inquieti huius, turbulentiq; maris oras omnes circumfertur.

Quando Abraham tres illos cœlestes hospites domo excepit, quos ad se inuitarat, etiam aquam eis obtulit, inquit: *Afferam pauxillum aqua, & lauate pedes vestros*; Gen. 18. 4. Tantundem dixit Loth; quando eosdem, vt ad se diuerterent, obsecrauit. Hinc illa Religiosorum tam celebris olim consuetudo descendit (quod Glossa Ordinaria, siue Strabo, Fuldenfis in c. 18. Gen. annotant) vt venientibus de via fratribus pedes lauarent. Illud prætereà submonet, quod non minoris momenti, nimium quodd. in monasterijs pro venientibus de via oratio celebratur. Quid sibi hæc volebant cæremoniæ? Prima ad hoc alludebat, quod Christus S. Petro aiebat: *Qui lotus est, non indiget nisi & pedes lauet*; Ioan. 13. 10. hoc est, qui mundus est, non propterea tam puros ex omni parte habet pedes, quin nonnullæ apud illum maneant reliquæ imperfectiones, & nãui, quos prorsum, funditúsq; eluere vix ij etiam possunt, qui se studiosissimè emaculare, & diligentissimè perpurpare solent. De Religioso eam semper habemus exilimationem, quòd sit perfectus, neque insigniore aliquâ turpitudine contaminatus, foris tamen redeuntis lauantur pedes, vt intelligat, se non tam perfectum reuertisse, quàm abierat, & forte de terra, quàm calcauit, labeculam quampiam contraxisse, aut imperfectionis puluisculum aliquem hausisse, quantumvis enim seipsum custodierit, quantumvis defenderit, vt tamen omninò illæsus, intaminatusque redeat, vix fieri potest, tot nempè laqueos habet mundus, & peccandi occasiones tam & crebras, & promptas, obuiasque. Post lotos autem reducis è sæculo pedes etiam oratio celebratur, omnesque pro illo communem Dominum precibus communibus interpellant, tanquàm qui talibus suffragijs, & precum alienarum opitulatione plurimum indigeat, multa namque extrâ monasterium occurrunt pericula, cum in cella sua securus quisque degere possit.

Hoc testatur Eminentissimus Cardinalis Osiensis S. Petrus Damianus lib. 6. epist. 5. dicens: *Tanquàm si languidus quislibet aromaticam ingrediens officinam, antequàm antidoti medicamenta percipiat, depositâ languoris ægritudine conualecat, ita ego, &*

*cellula mea limen attingi, nec dum librum quemlibet adperueram, & ô benefactum! tanquàm virtute loci sanum me, compositus anima mea vulneribus, reperi.*

In his illa postrema accuratius expendenda, *Tanquàm virtute loci sanum me reperi.* Quando reum aliquem ministri iustitiæ persequuntur, vt comprehensum abripiant in carcerem, si ille in locum sacrum perfugiat, mox ab ijs liber est, qui manus iniicere violentas volebant, vt caperent, solâ autem loci virtute liber est, quem omnes meritis suspiciunt, & venerantur. Tale quidpiam est, quod S. Petrus Damianus ait: *Tanquàm virtute loci sanum me reperi*; ac si dixisset: Simulac cellam meam ingressus fui, & in illud asylum me recepi, quòd tantis gauder immunitatibus, & priuilegijs, omnes extemplò hostes meos effugi, & coierunt vulnera, & ægritudo abscessit, & integerrimè conualui. Redijt feruor nuperus, & ardor spiritus prius, redijt ipse ad solita orationis exercitia, & nunc velut in paradiso viuo, cella enim & paradysus, monasterium & asylum sacram, solitudo religiosa & valetudo bona, idem sunt.

Magnus Philosophus Aristoteles problem. 54. sect. 10. quaerit, *cur maris animalia maiora, Vegetioraque sunt, quàm terra?*

Eius autem rei hanc dat rationem, *quia abditam vitam degunt.* Terrestria animalia vt in aperto degunt, sic aduruntur à Sole, infestantur ab aëre, & non paucas à temporum variabilitate accipiunt iniurias, ex quo fit, quòd breuem ducant vitam, quæ possent longiorem, nisi tam multa essent, quæ in illam velut coniurasse videntur. Verùm falsi maris hospites pisces sunt magis longæui, eò quòd in abditis aquarum receptaculis degentes non tam multos habeant vitæ suæ infensos hostes. Tantundem respondere possum ijs, qui me interrogant, cur Religiosi, qui domi assidui, & intrâ conuentuum suorum penetralia morari amant, maiores in virtute progressus faciant, & magis sint perfecti, & præclariora bene viuendi exempla alijs præluceant, spiritualibus copijs magis affluent, & maius habeant cum cœlitibus commercium. Causa in promptu est, *quia abditam vitam agunt*, & semper in cellis versantur, & sacrum religiosæ clausuræ secretum custodiunt, itaque ab hostibus tam corporalibus, quàm spiritualibus sunt tuti. Non est, qui eis sit molestus, aut infestus, nec qui tam acriter eos persequatur, vt impugnari solent, qui mundum vagis pedibus obeunt, & peragunt, in quo tantæ sunt malè agendi occasiones, tot laquei, & retia, quæ in capitalis, & communis inimici tentationes pertrahunt.



CAPVT VI.

*Cum artes ceteræ ex humana descendant industria, literarum & librorum ars tam est sublimis, & nobilis, ut suam in Deum, tanquam immediatum inuentorem, & autorem, referat originem.*

Quod S. Patriarcha Iacob in tabernaculis habitasse fertur, id Nicolaus Lyranus, Tostatus, Honcala, Pererius, Guilhelmus Ebroicensis, Cornelius à Lapide, & plures alij ex sententia Hebræorum (quod & supra memorauimus, & hic tacitum præremittere non debemus) tale esse volunt, ac si dictum fuisset, frequentasse scholas Melchisedechi, & Heber, quod idem est Sem, qui per id tempus in uicis erat, & Heber, qui homines ad supremam sapientiam, & Dei timorem, omniaque quæ ad illius cultum spectant, erudiebant. Lyranus in cap. 25. Gen. de hac re sic ait: *Ex quo patet, quod occupatio Iacob erat principaliter circa diuinam, unde dicunt Hebræi, quod ipse habitauit in tabernaculo Heber quatuordecim annis.* Quod Chaldaus suâ paraphrasi apertius indicat, dicens: *Iacob erat vir integer, & minister domus doctrinae.*

Sed queri hic potest, cur Iacob tam longum tempus in schola illorum sanctorum virorum, & Prophetarum Melchisedech, & Heber transierit. Nihil certe prolixum videtur quatuordecim annorum tempus homini, qui tam magno, & præclaro ingenio erat, ut erat Iacob, maxime ad eas tantum scientias discendendas, quæ ad Dei timorem, & venerationem faciebant. Quanquam ea sit scientiarum omnium facile princeps, & utilissima, quæ Deo recte seruire docet, illius tamen disciplina tam multos annos non requirit, præsertim cum exercitatione propriâ magis, quam institutione magistrorum alienâ hauriantur. Cur ergo Iacob totos quatuordecim in ludo hoc literario hæret annos? Hæc dubium quin id factum, quod eo tempore nondum patefactus fuerat literarum thesaurus, quo nunc gaudemus, nec ulli adhuc libri erant, idcirco maiore cum difficultate quidvis addiscebatur. Dici non potest, quantum opulenter literæ, quantumque conferant libri, ut quis scientiarum curriculum compendio absoluat, & breui consummatè doctus euadat. Tam momentosum est literarum inuentum, tamque vile artificium, ut Deus illarum immediatus autor, & excogitator primus rei tam proficue esse voluerit. Et quoniam parte huius libri reliquæ laudes, encomia, excellentiamque librorum persequemur, ori-

ginem eorum indagare necessum est, ut inde illorum nobilitatem arbitremur, & maioris æstimemus utilitatem. Quod autem nobilitas rei cuiuspiam ad illius commendationem plurimum faciat, & autor honoratus, atque illustris magnam operi suo gloriam, & existimationem conciliet, res est, quæ nulli dubia esse possit.

Sandus Lucas Euangelista sacram historiam suam à prodigiosa natiuitate Ioannis in utero matris suæ sanctificati orditur, & ait: *Fuit in diebus Herodis, regis Iudææ, sacerdos quidam nomine Zacharias de vice Abia, & uxor illius de filiabus Aaron, & nomen eius Elizabeth; Lucæ 1. 5.* Ante omnia familiam pueri Præcursoris antiquissimam, & amplissimam nobis S. Euangelista describit, dicens natum esse patre quidem nobili sacerdote, matre verò feminâ honestissimâ, & generosissimâ, ex sacerdotali tribu Aaronis oriundâ, quæ tribum Iuda claritate, ac dignitate exæquabat. Sed quo consilio beatissimus Lucas nobilitatem sacri Baptiste tam accuratè recensendam putarit?

S. Petrus Chrysologus ait, perfecti oratoris, & Historici leges ea in re obseruare voluisse, dicens serm. 89. *Oratores magni, & excellentes ingenio, quoties illustrium virorum parant narrare virtutes, auctoresque commemorant, ut ad honorem presentium accedat dignitas antiquorum, & laus patrum filiorum redundet ad gloriam.* Esse namque claris, & illustribus parentibus natum, pretiosum monile est, & perhonorificum à maioribus descendere excellentibus, & nobilibus.

Nescio an hoc indicare voluerit Propheeta regius, cum ait Psalm. 115. v. 7. *O Domine, quia ego seruus tuus, ego seruus tuus, & filius ancilla tua;* velut dixisset: Ego me, Domine hominum, quotquot mundus habet, fortunatissimum, beatissimumque existimo, mihi enim ea in terris obigit felicitas, ut non solum ipse tibi seruiam, sed etiam matre natus sum famulâ tui studiosâ, & in te perofficiosâ.

Gilbertus Genebrardus sententiam illorum verborum sic exprimit: *En Domine, qui tuus sum cultor, ac tuorum cultorum filius;* magno tuo, ac singulari beneficio non ipse tantum tibi operam do, quam supremo Domino seruorum extremus debeo, & nobilitatem meam primam, antiquissimamque reputo, sed ex ijs etiam parentibus genitus sum, qui tibi magnâ voluntate, ac deuotissimè semper sunt famulati.

Ex Magni Basilij commentatione, *maximi ornamenti loco posuit* Dauid, quod non ipse solum seruus Dei.



Dei esset, sed etiam ab ijs genitus, qui ex hoc nobilissimi fuerint, quod Deum omni venerationis studio coluerint, re enim verâ magnum homini dignitatis ornamentum confert, quod sit maioribus illustribus, & nobilibus natus.

Hinc accipimus, quantam literæ, & libri claritatem, dignitatem, & maiestatem non à seipſis tantum, verum & ab origine sua habeant. Et quid ijs illustrius, quid nobiliore sanguine, quid genere magis inclyto, & heroico natum? Quid æquè ac illa gloriari, aut quam ars cum literaria, & libraria arte diuina certe de præstantia potest? Certe si præcedit, quod venit ab origine, & gloriam beatius est habere, quam quarere, vt inquit Chrysologus serm. 89. & quod è trunco, ipsa quæ radice nascitur, præstat ijs, quæ sunt extrinsecus aduentitia, literarum & librorum, inuentionisque eorum nobilitas maxima est, vt quorum origo suprema. Videamus ergo vnde literarum, & conscribendorum librorum artificium profectum fuerit.

Id Abbas Tuitiensis his tam perspicuis verbis exposuit lib. 3. de Viſt. Verbi Dei, cap. 22. Notandum, quod inter cuncta opera manuum hominum hoc vnum opus est, quod habet homo ex artificio opificis Dei. Et de cunctis operibus Dei, quæ multa sunt, hoc vnum opus est, quod homini manu sua iussit operari. Dicunt multi, homines fuisse inuentoſes scribendi, & librorum conscribendorum artificij. Sed tu hoc ride, inquit Rupertus, stultum quippè est tale quidpiam, non dico affirmare, sed vel cogitare. Gloriantur alij, quod artes alias primi excogitauerint, de quibus Polidotus Virgilius iustum volumen, & librum prolixum concionauit, ac pro his, quisnam referre palmam debeat, disceptent, & corrixentur, dum hoc modò tam vile, ac diuinum scribendi artificium non suæ indultrix, tanquam inuentrici adscribant, quod suam regiam in Deum refert originem, & ab illa suprema maiestate immediatè descendit.

Conuincitur id ex eo, quod Dominus ad Moysen Exod. 24. v. 12. aiebat, dicens: Dabo tibi tabulas lapideas, & legem, ac mandata, quæ scripsi. Et intra cap. 31. v. 18. inquit sacrum Oraculum: Dedit Dominus Moysi duas tabulas testimonij lapideas, scriptas digito Dei. Ac deinceps cap. 34. v. 1. Præcide tibi duas tabulas lapideas instar priorum, & scribam super eas verba, quæ habuerunt tabula, quas fregisti.

Concludit Rupertus, dicens: Quod si vilitatem huius operis, scilicet manu scribendi rectè perpendas, profectò fateberis decere, vel decuisse Deum maiesta-

tiæ, quod figurarum huiusmodi, scilicet literarum, nobilissimæ, quam ipse primus auctor extitit.

Cum in hunc artis scriptoriæ primum autorem, Deum puta, cogitando incidisset Ioannes Trithemius, ipsum scribendorum librorum laborem appellauit, sacratum. Nam de Religioso quodam sancto, qui assiduam huic tam celebri exercitio dabat operam, loquens in eo libro, quem de Scriptoribus manualibus reliquit, sic ait cap. 3. In secreta cellæ se conferens, huic sacrato labori insisteret. Cum labor hic tam utilis, & percommodus nobilissimam habeat originem; & Deum ipsum parentem, inuentoremque primum, ratio postulat, vt quoties de illo sermo incidit, tam reuerenter de illo omnes loquantur, vt alio, quam sacrato nomine à nemine donetur, vt quem Deus ipse suis manibus consecrauerit. Si ergo hoc scribendi artificium suam à supremo rerum omnium Conditore ducit originem, & prosapiam, facile est arbitrari, quantum artibus alijs antecellat, quæ ab hominum manibus sunt profectæ. Denique hoc vnum opus est, quod inter cuncta opera manuum hominum habet homo ex artificio opificis Dei. O gloriosum inuentum! O sacram scribendorum librorum artem, cuius ea est incomparabilis nobilitatis celsitudo, & sublimitas, vt suam originem in illas supremi Architecti omnipotentes manus referat, quæ hanc tam vastam, & sumptuosam huius vniuersitatis machinam sunt fabricatæ! Pendant tibi proinde artes aliæ omnes tributa, & cedant de via, & locum supremum concedant, tua enim nobilitas parem nullam habet, genus tuum supra prosapias omnes eminet, quantum coelorum orbes, vnde tu descendis, altitudine situs terram superant.

Cognatum est huic Capituli argumentum Periocha V. Dominica III. in Adventu, To. 2. pag. 360. a. 0.

## CAPVT VII.

Libri sunt validissima Ecclesiæ propugnacula, quibus deiectis illam facile vastare, & destruere posse demon præsidit.

EX amplissimo genere, & ingenue nobilitatis dignitate, & heroica origine literarum sequitur, inquit sanctus Abbas Rupertus, vt eas non viles modò, sed & pernecessarias arbitrari debeamus. Res namque explorata est, quam intelligere quisquis facile possit, grauis momenti, & magno vsui futuram sacram hanc artem, cuius ipse Deus auctor primus haberi, & inuentionem sibi tribui voluit. Quoridiana experientia idem nos docet, & demon ipse sa-



tis indicat, cui plurimum à libris damni, & impedi-  
menti affertur, vt proinde anxius, & rabidus varijs  
Orci stratagematis ad literarum perniciem, & libro-  
rum exitium vtatur, quòd videat, talibus se armis a-  
cerrimè oppugnari, & grauissimè offendi, easq; esse  
& validissimas arces, & fortissima propugnacula,  
quæ sibi Ecclesia excitârît, vt eorum præsidio aduer-  
sus omne hostile periculum communita, & obual-  
lata, & in tuto collocata securè agere queat. Sic fa-  
tetur magnus Parisiorum Cancellarius Ioannes  
Gerson, qui in lib. de laud. Scriptorum cap. 5. hæc  
ait, quæ alibi quoque commemorauimus: *Scriptor  
Ecclesiam distat, Ecclesiam armat, Ecclesiam custodit.*  
Libri namque sunt thesauri, arces, & propugnacula  
Ecclesiæ, quisque liber murus adamantinus est, &  
quot characteres, tot vacerræ clathratæ, quot sen-  
tentia, tot valla, aggeres, fossæ, quot periodi, tot  
machinæ fulminares, & quæuis dictio quidam pul-  
ueris tormentarij est lebes, quo se illa contrà omnes  
inimicorum suorum incursiones, eruptiones, impe-  
tus tutatur, ac defendit. Libris fugantur cacodæ-  
mones, confutantur eorum satellites Hæretici, con-  
funduntur Gentiles, armantur Catholici. Itaque si  
Ecclesiam destituerent libri, desperare eius salutem,  
certumq; illius interitum, vt videtur, pertimescere  
possemus.

In epistola, quam ad suum discipulum Timothe-  
um S. Apostolus dedit, est quod meritò notetis.  
Multa illi in ea epistola commendabat, sed hoc præ-  
cipue: *Penulam, quam reliquos Troade apud Carpum,  
Gentens affer tecum, & libros, maxime autem mem-  
branas;* 2. Timoth. 4. 13.

De hac penula, quam conferri volebat Paulus,  
nonnihil variant Interpretes. Sanctorum Hierony-  
mi, Ioannis Chrysostomi, Theophylacti, & P. Di-  
daci Ximenez in Lexico Ecclesiast. Verbo *Penula*,  
sententia habet, fuisse lacernam, siue densam, vi-  
lemque vestem, quæ suprâ tunicam assumitur ad ar-  
cendas à corpore, rigoris, pluuiarumque iniurias,  
quod satis indicauit Iuuenalis, cùm ait:

*Et multo stillaret penula nimbis.*

Hic iam animaduertendum, quòd de tota paupere  
sua suppellectili domestica hæc sibi à venturo ad se  
Timotheo omnino conferri Apostolus tantoperè  
præcipit, nimirum *penulam, libros, membranas.*

Sed quid est, quòd ex omnibus rebus suis hoc  
genus vestitus simul cum libris adferri voluit? *Affer  
penulam, & libros.* Voluit procul dubio eâ re signi-  
ficare, quid sint libri in Ecclesia Dei, & tale quid ve-  
lut dicere: *Quemadmodum penula, siue lacerna*

Tom. III.

defendendo à pluuijs, niuibus, grandine, omnique  
aëris inclementia, & temporum asperitate corpori  
accommodata vestis est; sic libri tutantur vt lorica,  
protegent vt scutum, retundunt vt cetræ omnes  
ictus, imperus, assultus sacrilegorum inimicorum,  
& coniuratorum hostium Catholicæ institutionis,  
fidei diuinæ, & doctrinæ Christianæ, & orthodoxo-  
rum dogmatum cæterorum.

Ita sensit deuotissimus Ioannes Gerson in lib. de  
laude Scriptorum Tom. I. cùm ait: *Non habent ty-  
ranni depopulatores regionum, seu religionum effica-  
cius machinamentum, quam si libris ipsas spoliae-  
rint, ac prinauerint.* Sublatis enim è medio libris  
hoc faciunt tyranni Ecclesiæ, quod hostes ciuitati-  
bus, quarum muros æquarunt solo, & portas affli-  
xerunt terræ, & valla demoliti sunt, & arces, castel-  
laque propugnaculis nudarunt.

Propheta Ieremias cùm de vastatione, & destru-  
ctione metropolis Israëliticæ ageret, & narrare in-  
stitueret quemodo Nabuchodonosor per suos belli  
duces hanc miserandam, & fatalem stragem illi vrbi  
adornauit, & attulit, ita inquit: *Ingressi sunt omnes  
principes regis Babylonis, & sederunt in porta media;*  
Ierem. 39. 3. *Cum vidisset Sedectas rex Iuda hoc*  
tanto ab eis studio curatum, vt in media porta, simul  
atque ingressi sunt, sedem figerent, in pedes se dedit  
velut desperabundus, *& omnes viri bellatores fracti  
animis fugerunt;* ibid. v. 4.

Quænam fuerit illa porta media, sub varia Expo-  
sitorum opinione dubium hæret. Relinquo hic ali-  
orum hac de re placita, & aio cum Pagnino, Dauide  
Kimhi, Varabro, & Aria Montano, quòd Hierusa-  
lem vt triplici murorum ordine incincta erat, sic ec-  
ciam tres habebat portas, quarum illa media voca-  
batur, quæ murum medium transeuntibus viam a-  
periebat, in qua & ludi literarij eiusdem vrbs, gym-  
nasiaque, & Academia constructæ erant, vbi artes  
tradebantur, & in disciplinam se dabant, quicunque  
scientiarum amantes erant. Colligitur id ex eo,  
quod de magna illa prophetide Holda dicitur 4. Re-  
gum 22. 14. habitasse in Ierusalem in Secunda, vbi ex  
Paraphrasæ Chaldaeo erat *Academia, aut domus do-  
ctrinae,* & schola illius vrbs publica.

Quid mysterij ergo habet, quòd rex Ierosolymita-  
nus, omnesque illius proceres, & militiæ præfeci  
fugam inierunt mox vt lux ciuitatis gymnasium ab  
hostibus occupatum acceperunt? Quid eâ re do-  
cere nos voluerunt? Illud vtiq; quod hic tracta-  
mus, nempe quòd Ecclesiæ hostes subigere illam, &  
conficere non possunt, quanquam contrà Sponsam  
Christi

Tt



Christi Catholicam, & Ierosolymam militantem coniurati veniant, & varijs eam persecutionibus exagitant, & infectis armis fatigant, & oppugnent, liberosque eius trucidant, & sanguinem innoxium fundant, & opibus temporalibus exuant, alijsque modis vexant, & afficiunt: At cum eò progrediuntur persecutiones, ut portam secundam, siue mediam inuadant, & Vniuersitates evertant, & libros diripiant, tunc conclamatum esse de illa, ruinamque eius, & certò securum exitium supremum deplorari posse.

Hanc rem luculentis verbis perspicue tradidit Abbas Trithemius in libro de amanuensibus Scriptoribus, inquit: *Arma, quibus se contra hereticos munit, libri sunt, quos qui vel distrabi, vel perire patiatur, minus Ecclesiam diligere comprobatur, quam si amaret & deberet, eam spoliari armis nequaquam permitteret.*

Audiamus quid de hac causa sentiat Magnus Aurelius Cassiodorus, qui in lib. de diuinis lectionibus cap. 30. sic eos, qui libros sacros, & alia Doctorum Ecclesie monumenta calamo impigro euulgant, & scripta omnibus legenda offerunt, dilaudat: *Felix intentio, laudanda sedulitas manu hominibus praeferre, digitis linguas aperire, salutem mortalibus tantam dare, & contra diaboli surreptiones illicitas calamo, atramentoque pugnare, tot enim vulnera Satanæ accipit, quot antiquarius Domini, & verba describit. Verba caelestia multiplicat homo, & quaedam significatione comprobabilis, si fas est dicere, tribus digitis scribitur, quod circumspecta Trinitas efficitur.*

Pergit porro Magnus Senator, dicens: *Ospectaculum bene considerantibus gloriosum! Arundine corrente verba caelestia describuntur, & unde diabolus caput Domini in passione fecit percussus, inde eius calliditas possit extinguere. Multa sunt quidem, quae de tam insigni arte referuntur, sed sufficit eos dici librarios, qui libra Domini iussuque describunt. Arundine veteres utebantur ad scribendum, non calamo, ut nostrum hoc æuū, quod monuerim, ne quis parum apte à Cassiodoro pennam antiquariorum scriptoriam cum illa de euangelio arundine compositam arbitretur. Librariorum autem non infima, neque mediocris, sed insignis, & præcipua commendatio est, quod eos librorum Domini seruire affirmat, idque verissimè. Nam quæ illi scribunt, quæ in papyrus coniungunt, & elaborant, illa è manu in manum, in regnum è regno, & ex natione alia, in aliam translata noticiam sacræ legis, & salutarium docu-*

mentorū, per quæ iustitia, æquitas, ratio inter homines conseruantur, omnibus afferunt, & offerunt. Si Cassiodorus in hæc inuentæ admirabilis industria, & obstupescendæ artis impressoriæ tempora incidisset, quid putatis diceret? Suprà sidera typographos extolleret, neque enim satis sublimes sedere putaret, si in ipsis stellis illorum folia collocaret, ut qui suo prælo plura edant intrà pauculas vnius dieculæ horulas, quàm agillimus Scriptor continuo totius anni labore, & expeditissimo calamo efficere possit.

Id mihi satis indicasse videtur Spiritus Sanctus, quando sacrorum Euangeliorum historiam, cuius ordo mysticus, & caelestis dispositio ipsius curâ, & suggestionem constituebatur, voluit ab hoc verbo, *Liber*, inchoari, dicens: *Liber generationis Iesu Christi*; Matth. 1. 1. ubi Glossa Angelica ex sententia S. Ioannis Chrysostomi ait: *Liber apotheca omnium bonorum, myrthotecium, in quo reperire queas non solum quæ animarum necessitas requirit, vnguenta, verum etiam quæ ad voluptatem illarum spectant, pulpamenta, & oblectamenta, & repositorium, in quo monilia preciosissima afferuntur.* Videamus nunc, quod sit postremum verbum vltimi à Sancto Ioanne conscripti Euangelij. Quis finis, quo suam ille historiam coronat, & obsignat? Excusat se dulcissimus Christi Beniaminus, quod non omnia Domini miracula recensuit, propter rei longè operosissimam, & perardam ingentem difficultatem, & hanc imponit operi suo euangelico coronidem: *Sunt & alia multa, quæ fecit Iesus, quæ si scribantur per singula, nec ipsum arbitror mundum capere posse eos, qui scribendi sunt, libros*; Ioan. 21. 25. Nonne aduertitis, quod in libros desinunt facti Ioannis Evangelici, & libros in ipsa suæ historię extrema periodo suauissimus cygnus cantat? Quid est, quod à libris sumit initium, & libris absolvitur, perficiturque Euangelium? Quid, quod & in prima Euangeliorum acie, & in postrema sunt libri? Factum hoc, ut intelligeremus, libros esse arma, quibus propugnandum Euangelium, & milites, qui prælio certare pro illius defensione debeant, & cohortes, turmas, copias valentissimas, quæ primæ in exercitu se hostibus obicere, & cum postremis mouere in legiones Catholico nomini infensas, fidemque contra fidei perduelles tutari sic possint, ut res alia æquè ac libri, nulla possit.

Itaque dæmon ipse dixit, & confessus est, nocentiores, perniciosioresque copias contra se, suosque sequaces produci non posse, quàm librorum, ipsique

sublati



sublati facile posse disperdere, & in ruinam detrachere Ecclesiam Dei: *Tolle Diuum Thomam, & dissipabo Ecclesiam*, aiebat ille per quendam suum excursorem, & emissarium ex transfuga, & perfidioso monacho quinti euangelij Lutherici non postremum, neque segnem propagatorem. Hanc confessionem ab illo extorsit potentia pietatis Dei, ut ex ea intelligeremus, quantum præsidij, & auxilij Ecclesia à libris habet, & quantà curâ, quantoq; opere conseruare eos debeamus, quando tenebrarum rector, & capitalis noster inimicus sibi facilem promittit rotis Ecclesiæ euersionem, dum ea modò nullam habeat à libris tutelam, dum arces istæ deijciantur, dum talibus armis, & propugnaculis nudetur.

Aboluam huius Capituli pensum quadam gnome, quâ venerabilissimus magister spiritus Thomas de Kempis suam hac de re sententiam aperuit, cum ferm. 20. sic ait: *Si mercedem suam non perdet, qui calicem aqua frigida sitienti porrigit, quantam mercedem recipiet, qui animam perpetuò victura salutaris sapientia aquam scribendo ministrat? Quot enim literas debite formas, tot Deo hostias laudis offers.* Magnam hæc consolationem adferre debent illi, quemcunq; hic scribendi labor occupatum habet, quiq; hoc studio tenetur, ut libros calamo conficiat, ex quibus non corpora paulò abhinc moritura potum frigidæ, sed animæ sempiternum victuræ alimoniam spiritualem, & Ecclesiæ suam tutelam habere queant: *Quot enim literas debite formas, tot Deo hostias laudis offers*, quisquis sancta, & vtilia scribendo Dei Ecclesiam ad probitatem, & pietatem informas. Nam ut Ecclesiæ præsidium sunt libri, ut animarum castrum validissimum sunt libri, ut duces per viam, quæ fert ad Superos, sunt libri, sic nihil mirum, quòd Domino gratissima sacrificia litare, & immolare hostias laudis feratur, qui eiusmodi præsidia parat, qui talia castra construit, qui duces tales procurat.

*Sunt namque libri arma Clericorum* (itâ consequenter ad superiora dicebat sanctus vir Thomas de Kempis) *ornamenta Ecclesiæ, diuitiæ, & thesauri Doctorum, tuba Sacerdotum, solatia Religiosorum, epula deuotorum, testamenta Sanctorum, luminaria fidelium, seminaria virtutum, organa Spiritus Sancti. Benedicti ergo manus scribentis, & benedicti digiti in tali opere occupati.* Quidquid expeti potest, quod siue ad exornandam, tutandam, fouendam, constabiliendamq; Ecclesiam pertinet, siue ad hostes illius offendendos, eorumq; calumnias retun-

dendas, & confutandos errores spectat, hoc abundè, affluenterq; reperitur in libris. At si tanta scaturiunt è libris commoda, tot proficiuntur emolumenta, semel ac milles affirmo, quòd centies milles felices sunt manus, & fortunati digiti eius, qui eorum diligente, assiduâq; operâ huc vsus est, ut libros sacros, spirituales, pios, & communi Ecclesiæ bono, animarumq; salutis profuturos publicis monumentis consignaret, & posteritatis memoriæ, vbiq; sempiternis traderet. Qui enim Reip. catholicæ libros relinquit, idem arma cudit, thesauros exhibet, offert diuitias, ministrat lucem, castella excitat, erigit turres, propugnacula construit, obijcit valla, speculatores, & exorbitatores constituit, quibus charissimam, dilectissimamq; Iesu Christi Sponsam defendat, tutetur, propugnet.

Hinc accipiat noster Politicus, quanti æstimare debeat libros sacros, spirituales, deuotos, ceteraq; scripta, quæ ad commune Ecclesiæ, animarumq; vtilitatem faciunt, ex his enim fideles habent arma offensiuæ, & defensiuæ, alimoniam, & lucem, vitam, & consolationem, diuitias, & thesauros spirituales, & alia sine numero commoda spiritualia, quæ experientia monstrat, & docet. At si quis pluribus explicatum videre cupit, quæ sit dignitas librorum, quantaq; emolumentorum ingentium accessio ad bonum publicum ex ijs sit facta, legat eruditum memoriale, quod magno Philippo, & potentissimo Regi nostro inscripsit, & de literarum priuilegijs, immunitatibusq; conscripsit doctissimus, & ad miraculum sapientissimus D. Antonius de Cabreris, & Auendanno honor, & decor nationis nostræ, cui exteri omnes suam rerum humanarum, diuinarumque peritiam inuidere possunt, ex quare vix pauci. Huc Politicum nostrum remitto, ut ex eius lectione in cupiditatem, amoremq; literarum prorsum accendatur, & exardescat.

## CAPVT VIII.

*Plusquàm vanum, & otiosum est certamen armorum cum libris, quomodo enim his illa non porrigant herbam, non offerant tanquàm triumphatoribus coronam, si gladij calamorum scriptoriorum impendijs viuunt, & armorum memoriam literæ sospitant, & conseruant?*

EX his, ut mihi quidem videtur, absoluemus item, dirimemusq; controuersiam illam acrem de mutua LITERARVM, & ARMORVM præstantia, & excellentia. Quæ enim superiori capite diximus,



mus, ea pro literis haud dubium sic pronuntiant, vt vana sit altercatio armorum, editiorē, digniorēq; literarū folio locum ambientium, sublimior namq; sedes debetur Sapientiæ tanquā principi, & reginæ omnium rerum, vt quæ per illam regantur, & gubernentur.

Quando innoxius David insānum regis Saulis furorē declinabat, in ciuitatem Nobe confugiens ad sacerdotem Abimelech se recepit, confictisque mandatis tanquā à rege accepti satellitio suo annonam impetrauit. Cumque arma simul postularēt necessaria, datus est ei gladius, quo in Valle terebinthi gigantem Goliath obrunauerat, quod cum iuuenis pastorculus exemplo nunquā visō, & inaudito facinore patraffet, vt rei illius gestæ memoria esset sempiterna, gladium, quo eam perfecerat, posteritati in loco publico Israëlitarū recondiderant, de quo sic habet Scriptor sacer 1. Reg. 21. vers. 9. *Ecce hic gladius Goliath Philisthi, quem percussisti in Valle terebinthi, est inuolutus pallio post Ephod.* Ephod, vt cōmunis sententia perspicue habet, erat vestis sacerdotalis, cuius sit crebra in sacris literis commemoratio. Iam & hoc passim receptum, quod sacerdoti incumberebat habere animum bene excultum literis, instructum sapientiā, & scientiā, talemque, qui esset omnis eruditionis quoddam velut conditorium, & ærariū. *Labia enim sacerdotis custodient scientiam, & legem requirunt ex ore eius, quia Angelus Domini exercituum est;* inquit Malachias Propheta cap. 2. v. 7. Quid ergo sibi vult, quod gladius post Ephod erat, neque conspicuus, sed obscurus, & inuolutus pallio? Qui priorem locum tenet, eo ipso suam eminentiam, & excellentiam ostendit. Tempus prodigero, si quod ad hoc probandum verterō. Quod itaque in priore loco fuit vestitus sacerdotis, in cuius pectore sedem sibi scientia vendicabat, in posteriore gladius militiæ instrumentum familiarissimum, id factum, vt significaretur, quod primas habere literæ, principemque locum occupare semper debent, vbiunque cum armis concurrunt, studiosique librorum præcedere tractatores armorum, & bellorum duces Musarum alumnis, ac Doctoribus concedere, militum enim omnia, quantumuis illustri facinora, obliuione velut sepulta, & tenebrarum pallio inuoluta iacerent, nisi lucem illis literæ suam affunderent.

Robur his accedet ab re quadam memorabili, & admirabili, quam Iosephus narrat de illo summi ex veterē Testamento Pontificis Rationali, quod ille pendulum ante pectus gestabat duodecim insigni-

tum cælestis gemmis in monimentum duodecim Tribuum. Res ea talis est. *Quando summus sacerdos comitem se adiungebat copiis Israëlitis in aduersas acies contendentibus, priusquam exercitus se moueret, tantus fulgor ex eis emicabat, & toti populo facile innotesceret, adesse Deum, opemq; & auxilium suum esse laturum.* Sic ille antiquitatum Iudaicarū lib. 3.

In illo summi sacerdotis Rationali hæc verba, *Doctrina, & Veritas*, scalpro exarata erant. Sic enim dicitur Exodi 28. vers. 30. *Pones in Rationali iudicij Doctrinam, & Veritatem qua erunt in pectore Aaron.* Quid mysterij habeat, quod margaritæ Rationalis, quod præterebat Doctrinam, institutionem, sapientiam, inter media arma, & in prodeunte ad pugnam, exercitu sic exerebant fulgorem suum, tamque splendide radiabant, vt Iosephus fateatur, præter naturam, & consuetudinem fuisse, quod ab illis pretiosis lapidibus tunc fiebat? Bella non armorum tantum industriā, verum etiam literarum vi. & peritiā conficiuntur, nec gladio solum dimicatur, sed eruditione quoque, neq; vna brachij fortitudo acies hostiles fundit, prudentiæ manus partem etiam quādam, neque exiguam litem, & exinguit. Quod ergo tunc, quando cum hoste conferenda erant signa, lapides illi pretiosi præter naturam exsplendescabant, & supra consuetudinem effulgebant, tamque prodigiosè Rationale, in quo insculpta erat *Doctrina, & Sapientia*, radios inusitados per omnem latē exercitum effudebat, id factum, vt intelligeremus, quoties concurrunt, aut sibi mutuo occurrunt gladius, & calamus, toga & sagum, galea & doctoralis & galea, armis semper esse illustriores literas, & oppidō plus lucis mundo inferri à doctis, quā à fortibus, nec tam fulgentes radios à manu valida venire, atque ab animo sapiente. Itaque in rationali præferente *Doctrinam* voluit Dominus elucere felicis euentus belli prognosticum, & optatæ victoriæ securæ prælagum, vt velut in prælijs prudentia, quæ ad sapientiam spectat, plurimum triumphat, & consilium, quod ad scientiam pertinet, hostem potissimè subigit, sic vbiq; de gladijs calami, literæ de armis triumphent.

Quærent sacri Expositores, cur Princeps æternitatis, qui mox vt natus, in præsepi depositus fuit, vt eā demissā humilitatē vanas caduci sæculi pompas rideret, damnaretque, voluit ab Oriente ad se accedere tres Reges, vt abiectis ad pedes eius suis coronis ipsum regem iurarent, & Deum suum susciperent, ac suspicerent; *Cum natus esset Iesus in Bethle-*

hem,



hem, ecce Magi ab Oriente Venerunt Ierolymam, inquit Beatus Matthæus c. 2. v. 2. Quo autem animi consilio accurrerint, ipsi luculentis verbis aperuerunt, dicentes: *Venimus adorare eum;* ibid. quodq; iter tam prolixum, & periculosum suscepimus, id fecimus, vt ad recens nati Principis tanquam regis regum, & Imperatorum Imperatoris diuinas plâtas regie sceptrâ, diademataque nostra pro debitissimo religiosæ obseruantie cultu deponamus. Cur istam à Magis expetijt tam tenera in ætate reuerentiam, & adorationem?

Respondent sanctus Augustinus, Beda, Haymo, & Christianus Druchmarus, hoc voluisse, vt cognosceretur, quàm verum fuerit, quod Propheta Euangelicus præuiderat, qui de admirandis huius gigantei infantis facinoribus, rebutque per illum gerendis loquens aiebat: *Antequam sciat puer vocare patrem suum, & matrem suam, auferetur fortitudo Damasci;* Isa. 8. 4. Alij legunt: *Suscipiet virtutem Damasci.* Ex hac parte, vt multi volunt, fuerunt oriundi Magi, Damascus enim ad plagam Syriæ Orientalem sita est. Quod ergo propheta ait, quod suscipiet, siue auferet virtutem Damasci, tale fuit, ac si dixisset, attrahatur ad se istos reges magos, vt de ijs triumpharet, infusâque illis vera sui agnitione ipsos subigeret.

Sed cur illi magi, siue sapientes vocantur *fortitudo*, aut *virtus* Damasci? Pugnaci militi hoc nomen relinquatur, non literarum studiosis detur, Martis, non Musarum alumnois ea tribuatur appellatio, duces exercituum, non doctores scientiarum vocentur fortes, ac robusti. Qui autem factum, quod Propheta, velut per obliuionem, literatos donauit nomine, quod armatis deberi, magisque congruere videretur?

Respondet sanctus Ioannes Chrysostomus: *Ideo sapientes dicti sunt virtutes Damasci, quia virtus virtutisque provincia sunt sapientes ipsius.* Quod Magi appellati fuerunt cor arboris reipublicæ, arces ciuitatum, animæ corporum, oculi caput politici, robur prouinciarum, Soles stellarum Communitarum (hæc enim omnia, & his plura significatur eo verbulo *fortitudo*, seu *virtus*) id propterea factum, quod sapientes sint arbores, quæ inumbrent & fructificent, arces, quæ defendant, animæ, quæ dent vitam, robur, quod confirmet, oculi, qui ducant, & Soles, qui illuminent. At si hæc omnia sunt Sapientes, manifestum est primas sedes, editissima subellia, excellentissima solia concedenda literis, tanquam reginis, quæ auctoritatem merentur ma-

giorem, & ampliorem dignitatem, & locum sublimiorem.

Sed quid inani labore delassor, dum rem operosè probo nulli dubiam, omnibus exploratissimam, cæcis panè conspicuam? A quo habent vitam, à quo memoriæ suæ perdurabilitatem arma? Quod à literis id habeant, Solis luce clarius est. Quorum studio seruantur ab interitû memorabilia gladiatorum facinora? Nonne calamorum scriptoriorum sumptu, & impendijs? Quis obliuionis inuidiâ, & edacis temporis iniurijs nequicquam repugnantibus, semper vitentem conseruat recordationem rerum à viris inclytis, & heroicis præclare gestarum? Libri, præterque illos aliud nihil. *Quis Alexandros sciret, aut Cæsares* (aiebat Ioannes Saresberienfis de nugis Curial. in Prol.) *quis Stoicos, aut Peripateticos miraretur, nisi eos insignirent monumenta Scriptorum? Quis Apostolorum, & prophetarum Veneranda imitaretur vestigia, nisi eos posteritati diuina litera consecrasset?* Monarcharum, Imperatorum, Regum, Principum, Heroum, Alexandrorum, Hannibalû, Pompeiorum, Cæsarum, Aristotelum, Ciceronum, denique omnium, quotquot laude aliquâ floruerû, memoriâ vorax obliuionis flamma depasta fuisset, nisi pij Æneæ, Scriptores inquam, illorum facta & medio igne sublata posteritati sospicassent. Ne diuinæ quidem actiones, aut Prophetarum, Apostolorum, aliorumque sanctissimorum virorum exempla nobis innotuissent, nisi literæ sacræ secutis ætibus consecrata ad nos transmississent. In libris velut marmore sculpta perdurant eorum laudabilia gesta, vt ea, dum intelligimus, imitemur, & sequamur, dum legimus.

Ad confirmationem suæ sententiæ addit mox Saresberienfis, vbi supra: *Eadem est asini, & cunivus Imperatoris post modicum tempus gloria, nisi quatenus memoria alterutrius Scriptorum beneficio prorogatur. Quot, & quantos fuisse arbitraris Reges, de quibus sermo nusquam est, aut cogitatio? Nihil ergo confusius est captatoribus gloria, quàm literarum, & scribentium maxime gratiam promereri, inutiliter enim ab alijs geruntur egregia perpetuis tenebris obducenda, nisi literarum luce clarescant.*

His robur adiungitur ab eo, quod cum non exiguo acumine dixit ille grauis, & ab omni affectus iniquioris perturbatione vacuus historicus hictetas Cotoniatès in prologo suæ historiæ, cui tantoperè applaudit Iustus Lipsius: *Non abs re liber Virentium appellatur Historia, & tuba clangor, quo iam olim mortui velut è sepulchris excitati in medium produ-*



*cantur.* Cùm historia sit archiuum, siue chartophylacium, in quo reposita seruantur quæcunq; à viris magnis præclare ac magnificè gesta, non absq; causa liber viuentium nominatur, aut buccinæ sonitus, quo ij, qui in crassis fatalis obliuionis tenebris sepulti iacebant, in vitam, & memoriam hominum reuocantur, sic vt nomen eorum, & fama per omnes ex ordine ætates, à sæculo alio in aliud, & per omnem latè terrarum orbem perferatur.

Quàm verò eleganter dictum à Nicetâ, quòd literæ, libri, historia, sunt *tuba clangor, quo iam olim mortui sicut è sepulchris excitati in medium producuntur!* Vt enim tuba illa, quæ ante stupendum, & vniuersale iudiciũ insonabit, redanimabit defunctos, mortuorumque viuos ad sua cadauera reuocabit spiritus: sic non reuiuiscerent gladij, nisi hoc facerent calami. Et omnis pridem extincta iaceret militum, armorum, victoriarum recordatio, nisi libri, & homines literarum studiosi eam sospitassent? Quid conduceret debellasse regna, in suam ditionem pertraxisse prouincias, subegisse Imperatores, nauigasse maria, nouos inuenisse mundos, nisi eorum omnium in libris vigeret memoria? Ergo quilibet Scriptor est velut quædam supremi iudicij buccina, quæ resuscitat mortuos, reddit spiritum defunctis, egregiè factorum memoriam facit perennem, testis est temporum, & vitæ memoriæ, & magistra vitæ, & nuntia vetustatis, & exterminatrix obliuionis, & extinctæ resuscitatrix gloriæ, & sepulcorum excitatrix triumphorum, quæ hominum, rerumque alioquin mortalium, & fugitiuarum immortalem, constantemque, & æternam facit recordationem.

Nonne manifestò, perspicuèque suffragatur huic causæ sanctus Hieronymus, cùm in prologo secundo in Iob. Tom. III. Glossæ Ordinariæ de sua translatione historiæ patientissimi illius patriarchæ ex Hebræo in latinum sic ait: *Quomodo post probationem, atq; victoriam duplicia sunt ei vniuersa reddita, ita ego in lingua nostra (Et audacter loquar) feci eum habere, quæ amiserat?* Postquàm prodigium in illud tolerantiz rerum suarum omnium iacturam fecerat, alterum tantum illi bonus Dominus reddidit, quantum malus dæmon ademerat. Apud eos, qui sciebant latinè solum, talis erat sanctus Iob, qualis qui nec perdidit quidquam, neq; recuperauit, prorsumque incognita illius patientia, & æquanimitas. Dicit nunc magnus Hieronymus: Quæ de sancti Iobis vitæ, moribusque hebraicè scripta erant, ego latinè reddidi, eoq; meo laboriosæ operæ studio factum, vt illius nunquàm audita patientia palàm

fieret, & innotesceret quòd facultates illi altero tanto auctiores, liberi autem pari numero, quo perierant, redierunt, ergo per me (vt hoc fidenter affirmem) recepit suas opes, & ego suam illi patientiam reddidi, tolerantiam resuscitavi: *In lingua nostra (Et audacter loquar) feci eum habere, quæ amiserat.* Nisi enim ille ea latinè conscripssisset, velut humi iniectu obruta, sepultaque mansissent sancti Patriarchæ Iob virtutes, & præclare facta, quæ tanquàm infecta fuissent ijs, qui non cognouissent. Benè ergo dicimus, quòd calamus antiquata innouat, extincta suscitât, Scriptorq; collapsa erigit, & Libri viuam defunctorum faciunt memoriam.

Eapropter dicebat Gilbertus serm. 47. in Cant. *Scriptura memoria reparatrix est, tuto verbis medicamenta illic condita, seruantur enim illasa, solas enim irreuocabile verbum, nisi scripto mandetur. Scriptura verbum stabile facit, & visibile. Bonus depositarius est liber, integrè quod acceperit, resignans. Cùm sales, sumes, & bis sales, leges, quamdiu sales, moraberis.* Omnino quoddam velut statumen, & fulcimentum collabascens memoriæ est scripta historia, vindex obliuionis, consuatrix posteritatis. Omnes illi securè credideris medicinas, quas illa integras, recentes, inoffensasque seruat. Decurrit, effluit, euanesceit verbum, opus, res alia quælibet, nisi intrâ librum recondas, qui facit, vt oculis etiam vsurpemus, quod solis auribus percipiebamus, & quæ semel facta sunt, nunquàm intercidant. Rerum creditarum nullus alijs tam fidus custos, atque liber, qui reddit omnia, qualia ea cunq; accepit. Viuunt in illo, quæ pridem occiderunt, in illo licet intueri præterita, videre præsentia, coniecturâ prospicere, quæ sunt futura. Non feriret absq; calamo gladius.

In postremis testem huc accersiam Flauium Vegetium, qui cùm ipse militiam sectatus fuerit, absq; gratiæ, vel simultatis suspitione fuerit, quidquid pro literis, & libris affirmât. Is verò in libro suo de re militari, cap. 10. sic habet: *Apud Veteres res militaris in obliuionem sapius venit, sed à libris repetita est.* Præliandi artificium, militandi disciplina, bellica scientia olim penè tota apud homines interijt. Quonam autem modo instaurata fuit? *A libris repetita est;* Libros consulebant, & ab ijs accipiebât, quo actu circumscribendus hostis, quibus stratagematis expugnandæ vrbes, quæ figura armorum seu offensiuorum, seu defensiuorum, quibus machinis deiiciendi muri, euertenda propugnacula, conquisitæ turre, quo ordine digerendæ cohortes, collocandæ



eade turme, & quidquid ad rei militaris vsu pertinet.

Transferamus hæc nunc in rem præsentem. Aristoteles ait, quamlibet rem superiorem esse, præstantioremque eâ, cui dat suum esse, vt causam effectui, fontem riuus, luce Solem, eò quod affectus à causâ, riuus à fonte, à Sole lux quidquid habet, accipiat. Si ergo armorum vitam literæ ospitant, fortiter gladio gestorum memoriam calamus ab intellectu via dicat, illustrium facinorum lucem Sol librorum conferuat, si miles apud superstites per eos, qui historias post se reliquerunt scriptas, perennat, manifestum, exploratumque est, libris sedem præcipuam, prima subsellia, solum honorificentissimum, thronum regium, coronam, laurum, palmam iure, eoque magno, debet.

Sed quid aliud diu operosè conquirimus argumenta, quibus hanc rem confirmemus, qui ad manum habemus, quæ testatissimam eam omnibus faciunt? Luctabantur mutuo, quod dictum iam sæpè, in obscura materni vteri palestra duo fratres Esau, & Iacob. Exterrita matrem Rebeccam tam portentosus suorum gemellorum conflictus, cumque ea de re diuinum consuleret oraculum, id responsi habuit: *Maiores feruet minoris*; Genes. 25. 23. Quodnam fuit minoris studium, quæ occupatio maioris? Sacer historicus vtrumque scriptum reliquit. De minore sic ait: *Iacob habitabat in tabernaculis*; Genes. 25. v. 79. quod Chaldaeus Paraphrastes, vt dictum supra, reddidit: *Erat minister domus Doctrinae*, hoc est, frequentabat scholas, diuinæ, hoc est, veræ sapientiæ operam dabat, polieus coelorum erat. Sanctus Ambrosius lib. 2. de Iacob. c. 3. in eundem

sensum illud interpretatur, dicens: *Cedit hoc in contemptum literarum, quia Iacob creditur fuisse morum studiosus; & peritum*. Esau aliud vitæ genus fuit consecutus: *Vir enim gnarus venandi fuit, & homo agricola*; Gen. 25. 27. atque illud quidem initio, posthæc verò etiam militem egit, armisque sibi victum parauit, quod facturum pater eius spiritu prophetico prædixit; inquit: *In gladio viues*; Genes. 27. 40. omnis tua in bellicis tumultibus vita decurret, militiæ, quantum non rei alteri cuipiam, studebis. Iacob ergo literarum, armorum studiosus Esau fuit, illum libri occupatum habuerunt, hunc tela, gladius, bipennes. Spiritus S. ergo, velut de tota causa hac pronuntiet, ait: *Maiores feruet minoris*; miles literato cedat. Et pater, tanquam eidem sententiæ subscriberet, inquit: *In gladio viues*. militem ages, tractabis arma, & quod hinc fit, *ferues fratris tuo*, cuius totum est in libris studium, & omnis in literarum curriculo exercitatio. Propterea Esau, vt monet B. Ambrosius, non habuit cur ab ea prouocare sententiâ posset, *quia non conditio fortis a seruum facit, sed probrosa insipientia*. Quod ergo Esau Iacobi pro famulo fuit, id non aliunde venit, quam quod amicus fuit, Iacob verò doctus, & peritus, quodque Esau postpositis literis totum se armis tradidit, cum Iacob econtra spreis omnibus bellicis instrumentis in literarum studia toto pectore incubuit. Sit ergo miles seruus docti, palmam sibi scientiæ habeat, sapientiæ deferatur laurus, triumphet de armis literæ, atque vt cum latinæ eloquentiæ Parente dicam:

*Cedant arma toga, concedat laurea lingua.*

## LIBER SEXTVS.

### CAPVT I.

*Qui delitijs innutritus mollem diuiculè vitam consecutus fuit, is quantulocumq; labore mox frangitur, ac de vita sibi timet, quantumuis leue sit, & exiguum, quod illi molestiam qualemuis adferat.*



Eius Lacedæmonum, siue Spartiatarum consuetudo hoc habebat, vt natos liberos frigida ex templa abtueret, ardoriquè Solis, & aeris inclementiæ exponerent, vti primis statim horis dicerent pati molestias, durarenturque ad labores, & ferre aspera consuescerent. Qui enim à pueritia aluntur venenosis, vel nutri-

untur cicurâ, talibusque edulij passim vtuntur, is toxicum posthæc vitam non eripit, sed fouet, ac sustentat, sic vt illi inde viuant, vnde moriuntur alij: Econtra verò qui assueuerunt molliter cubare, aut vestire, epulari splendide, cuticulam delicate curare, indulgere genio, seruire abdomini, consecrari voluptates, ducere in bonis dies suos, ij in tantilla qualiscumque calamitatulæ aqua fluctuant, & si in lutum perexigui cuiuspiam incommodi, incidant, suffocantur, & in omni vado, quantumuis leuis laboris, naufragium faciunt.

Efferebatur insolenter gentilis famula Agar, quod se ex Patriarcharum maximo Abrahamo concepissem videret; aspernabaturque dominam suam Saram, hoc.



hoc est, ipsam felicitatis suæ portam, & quæ illi omnem beatitudinis occasionem ministrârat. Periniquè hanc illa ferebat arrogantiam, adeoque grauius de ea apud maritum exposculabat, qui uxori plenam castigandæ improbiæ ancillæ, & retundendæ eius superbix, contemptusque plectendi facultatem concessit. Vt fuit datâ sibi facultate iniuriam passa domina, contumax autem ancilla, cum sanctæ, & piæ heræ suæ disciplinam, animaduersionemque ferre non posset, ædes suorum dominorum fugitiua destituit: *Affligente eam Sarai, fugam iniit*; Genes. 16. 6.

Sancti Augustinus, Ioannes Chrysostomus, Lyranus, Honcala, Pererius aiunt, Saræ correptiones, & animaduersiones in suam famulam fuisse moderatas, admodumque & tolerabiles, & conformes legibus charitatis, & rationis, atque ad harum perpendiculum exegisse poenas, quas ab insolente famula repetebat. Quæ cum ita sint, cur fugit Agar? Cur ædes heriles ancilla deseruit?

Satisfacit huic quæstioni Abulensis dicens: *Ista castigatio moderata erat, tamen Agari hoc intolerabile videbatur, quia ex superbia non poterat inclinari Sarai, ista enim est conditio superbiorum, quod modicam humiliationem in tantum intolerabilem reputent, & putent se infimos esse, cum modicum humiliati fuerint.* Nihil durius, quam par erat, in suam ancillam Sara statuebat, Agari tamen ea dominæ suæ qualiscunque obiurgatio tam grauis videbatur, ut putaret non esse ferendo, idque præ immodica arrogantia, per quam fiebat, ut heræ suæ, spectatæ, & raræ virtutis foeminæ imperio submittere se non posset. Habent hoc, qui magnos habent spiritus, & superbis pascuntur cogitationibus, ut omnem defugiant disciplinâ, & omni iussioni quantumuis leui impares suos esse humeros existiment: *Ista est conditio superbiorum, quod modicam humiliationem in tantum intolerabilem reputent, & putent se infimos esse, cum modicum humiliati fuerint.*

Tantundem ijs accidit, qui delictijs, vitæque solutioris licentiâ sunt assuefacti. Si quid illis vel nihil laboriosum occurrat, si quod incommodum etiam exiguum obueniat, intolerabile putant, quidquid obtingat, cum omni ærumna finem vitæ sibi aduenire autumant, supremam horam arbitrantur, quæcunque illa sit, quæ molestiolâ quampiam adferat. Nam ut dicit sanctus Gregorius Nazianzenus Iambico 19. Tom. 2. *Qui præter dignitatem affligantur miserabiles sunt, quam ij, qui calamitatibus assueuerunt.* Insueti ærumnarum intolerabilius

eas ferunt, quam alij, qui ad illas obduruerunt. Qui semper fuerunt diuites, ijs acerbior accidit egestas, qui bonâ semper fuerunt usi valetudine, illos leuis facillè prostermit, & lecto affligit ægritudo.

Huic proposito peropportuni venient duo Hippocratis aphorismi. Primus lib. 2. Aphorism. 49. sic habet. *Qui consueti solitos labores ferre, etsi fuerint imbecilles & senes, non consueti fortibus ac iuuenibus facilius ferunt.* Qui inter labores adoleuerunt, ij etiam grandæui alacrius, strenuiusque arduum quodcunque opus suscipiunt, perficiuntque, quam alij in pubescente, validaque ætate, cuius annos priores in otio maximè, & feriat exegerunt. Huius rei causam Galenus apud Hieremiam Triuerium in 2. lib. Aphorism. 49. hanc reddit, *quia partes exercitatae sunt robustiores ignauæ, maioresque sunt sæpe delassatorum, quam semper inertium, & otiosorum vires.*

Proximus Aphorismus Hippocratis, qui est quinquagesimus, talis est: *Qua ex longo tempore consueti sunt, etsi deteriora sint insueti, minus molestare solent.* Ex his consecutionem eiusmodi conficit: *Operet igitur ad insuetam permutari.* Qui solitus est cibis crassioribus vesci, non ei tantum detrimenti adfert id genus esculentorum, quantum alteri qui cupedijs uti semper consuevit, & lautioribus, suauioribusque cibis innutritus fuit.

Apra, & commoda veniet rei præsentî acuta quædam annotatio Donati in maximum poetarum Virgilium describentem Æneæ ad inferos descensum. Ponit Poëta in illum abditum, secretumque locum, qui animarum corporibus solutarum diuersorum erat, neminem penetrare potuisse, qui non Acherontis cymbam iniisset, atque illius fatalis portatilisque pontis adminiculo eodè prouectus fuisset. Ingrediebatur ergo in illam scapham cum Sybilla Æneas, quando nauicula illa, ut Virgilius canit.

. . . . . Simul accipit alio  
Ingentem Æneam, & gemuit sub pondere  
cymba.

tantumque prægrauari cepit, ut aquam parte non vnâ solum hauriret, & parum à submersione linter abesset. Videtur nimirè amplificare Poëta laborantis nauiculæ pondera, quibus onusta erat, cum ait gemuisse sub pondere. Itane verò prægrauare cymbam duo homines soli potuerunt, quæ alios innumeros ab hac parte in illam ceteriorem perpetuò transeuectabat? Quid causæ? Respondet Claudius Tiberius, inquiens: *Gemuit pressa insolito pondere.* Seruierat in illum diem scapha deferendis in aduer-

sam



nam ripam animabus, & spiritibus, qui cum nihil ter-  
reum, & graue haberent, & corporum nudati pon-  
dere essent, funestum lincem etiam non premebant:  
Verum cum Æneas illum, & Sybilla intrent, *gemunt  
pressa insolito pondere cymba*, & præsentaneo submer-  
sionis discrimini proxima erat. Quamquam enim  
duæ personæ scapham vnâ non nimium onerare  
possint, illa tamen, quia multum grauari non con-  
sueuerat, *gemunt pressa* paruo quidem, sed *insolito*  
nihilominus *pondere*. Qui enim non est assuetus  
duris laboribus, cuius non sunt soliti ferre pondera  
grauiora humeri, is onera etiam exigua fert ægrè.

Post rei profanæ suffragium accersamus nobis tes-  
timonium diuinum. Totâ lacertorum vi compu-  
gnabant magnanimus Patriarchæ nostri filius, & va-  
lentissimus quidam spiritus. Omni neruorum con-  
tentione dimicabat Iacob, & Angelus tanquam vi-  
ctus, & cedere coactus aiebat: *Dimitte me, tam e-  
nim ascendit aurora*; Gen. 32. 26. dilucescit, & su-  
us rebus color redit, & noctis caliginosæ fugantur  
tenebræ, age ergo, & me brachiorum tuorum com-  
plexu exsolue, nec tam validè constrictum attine.  
Hic Angelus robustiorem, & superiorem virtutibus  
agnoscit Iacobtem, à quo dimitti rogat. Quid est,  
quod coelorum Palatinus, ille Deo semper prox-  
imus, ille tam strenuus, & præpotens spiritus ita fa-  
tigatus, victusque fuit? Quamobrem tam citò de-  
lassatus? Quid illius vires sic fregit, quid hebetauit  
robur, quid fortitudinem compressit?

Occurrit quæstioni illustre Africæ decus Tertul-  
lianus lib. de carne Christi cap. 3. inquiens: *Conlu-  
etatus homini Angelus toto corporis pondere demissi  
desiderabat ab eo, à quo detinebatur.*

O quam acutè, & aptè iam rem præsentem dictum,  
*Toto corporis pondere demissi desiderabat*! hoc est:  
Ingenti corporis onere tantum non oppressus An-  
gelus, fatigatusque illius grauitate percipiebat col-  
luctatoris sui euadere manus, vt simul illam corpo-  
ris laboriosam gestationem euaderet. Quale erat il-  
lud Angeli corpus quibusque è rebus concinnatum?  
Quamdiu onus illius circumtulerat? Corpus erat  
phantasticum, & fictitium, membra nil nisi leuis, &  
densior aër, & vix paucularum horarum conflictus.  
Hæccine verò fatigant Angelum, hæccine afflix-  
erunt, & oppresserunt? Tantamne illi lassitudinem,  
& anxietatem pugna tam celeriter confecta attulit,  
vt *Toto corporis pondere demissi* desideraret? Immo.  
Et quod de Angelo illo Tertullianus affirmat, tale  
est, ac si dixisset: Angelus vt erat purus spiritus, &  
ferre pondera nunquam solitus, ita cum onera cor-

poris, quamquam leuissimi, & ex aëre concinnatij,  
circumgestaret, tanquam lassitudini obnoxius esset,  
sic velut angebatur, & affligebatur, & anhelabat,  
orabatque, & obsecrabat, vt abire libero, & molesti,  
atque intolerabile onus abicere liceret. Hoc omnes  
habent, qui incommoda nulla ferre soliti totam in  
laetitij blandè, ac suauiter exegerunt vitam, cuius-  
libet aëris aspiritus eis noxius est, quodlibet frigus  
bonam valetudinis illorum harmoniam soluit, qui-  
libet calor eos extinguit, quolibet infirmitas eos de-  
ijcit, quolibet ærumna frangit, quolibet poena ma-  
ctat, quilibet dolor contristat, quilibet victus rudi-  
or ægritudinem illis adfert, & stomachum, ac bilem  
mouet, molestusque est, & grauis atque intolerabi-  
lis accidit.

Plurima monstrum illud impietatis, & crudelitatis,  
Neronem dico, incesse, & vexare ceperunt, *ser-  
uebaturque*, vt Suetonius in vita illius cap. 46. ait,  
*evidentibus portentis somniorum*, necquicquam illi  
per quietem occurrebat, quod non vehementer e-  
um percelleret, conturbaretque, proque manifesto  
magnæ, & certo securæ infelicitatis præfagio, siue  
prognostico haberet. Quid causæ, quod inhumana-  
num, ac præferocem Principem sua tam vehementer  
exterrebant insomnia? Illud, quod *nunquam  
ante somnare solitus fuit*, nunquam similia phantaf-  
mata passus fuerat, nunquam talia per visum no-  
cturnum acceperat, nunquam dormienti secundum  
quietem occurrerant, itaque quidquid somniabat,  
id illi terrorem adferebat, quietemque interpella-  
bat, & animum ceu immanis carnifex laniabat, Qui  
enim non consuevit laboribus, & rebus duris, quā-  
tūmuis leue sit, quod illi accidit, montem putat, &  
scopulo grauius onus.

Tertullianus cum de sensuum deceptionibus,  
quas illi patiuntur, agit, in libro de anima cap. 17.  
ita scribit. *Tactus reprehenditur, siquidem eadem  
pauimenta manibus asperiora, pedibus leuiora credū-  
tur.* Et Paulo infra: *De scabro, ac laui merisò ma-  
nus, ac pedes, tenera scilicet, & callosa membra, dis-  
sentsunt.* Vt sensus reliqui, sic & tactus fallaciæ est  
expositus. In duro solo, quod calcamus, id manife-  
stè videas. Pertransit pedum planta salebras, filices,  
loca inæqualia, & aspera, & non ea defugit, non de-  
clinat, non auersatur, eadem si forè manus contin-  
gat, extemplo offenditur, & dolet. Quis sit autem,  
quod res eadem tactui in manibus sensum doloris  
adfert, in pedibus nihil officit, aut incommodat?  
Causam Tertullianus expressit, dicens: *Tenera scilicet, &  
callosa membra dissentsunt.* Manus delica-  
tiores



iores sunt pedibus, hi enim rebus scabris, ac duris assueuerunt, & totam corporis molem ferre soliti sunt, manus non ita, neque enim ad tam molestant, tamque laboriosam operam natae, neque simili asperitati sunt expositae. Quid ergo mirum, quod manus ea horrent, quae non fugiunt pedes, illasque offendat, quod his nihil doloris adfert? Nam qui non est doctus ferre labores, qui rebus aduersis, & incommodis non assueuit, is qualibet calamitate, quantumvis exigua inquietatur, angiturque, & frangitur animo toto.

Quærit magnus ille militaris artis magister Flavius Vegetius, quibus è locis consultius deligantur milites, ex urbibusne, an ex pagis, & campo, quosque homines satius sic conscribere, delitijne innutritos, delicate vestire, & laute viuere solitos, an inter glebas natos, & duris laboribus à cunabulis assuetos. Respondet autem lib. 1. de re milit. cap. 3, utramque videri otiosam, & superuacaneam questionem, inquiens: *Namquam credo potuisse dubitari aptiorem armis rusticam plebem, quae sub dio, & in labore nutritur, solis patiens, ombrae negligens, balnearum neglecta, deliciarum ignara, simplici animi, paruo contenta, cui gestare ferrum, fossam ducere, onus ferre consuetudo de rure est. Interdum tamen necessitas exigat etiam suburbanos ad arma compelli, qui ubi nomen dedere militiae, primum laborare, decurrere, portare pondus, & Solem, pulueremque ferre condiscant, paruo victu utantur, & rustico, interdum sub dio, interdum sub papilionibus commorentur. Quomodo enim potest bonus esse miles, qui mollem, leuemque pileum cum dura, grauique galea derepente commutat, & ex otio vitae tranquillae ad bellicos tumultus subito transit, & per rudes campos vagus circumducitur, qui rheda nuper commodè vehebatur, & duro solo tessi, & fracta tum laboribus, tum itineris, ærisque iniurijs membra affligit, qui in molli culcitra suauiter cubare semper solitus, & inter suavis musices dulcisonos concentus educatus, posthæc inter horribiles perstreperarum tubarum sonos agit? Qui non est natus ad labores, exosam habet defatigationem, otium doctus non est ferendo sollicitudinem, & assuetus delitij ægrè fert quidquid molestiam qualemvis adferre potest.*

Propterea Magnus Pater Basilus aiebat, consilium esse assuescere armis ærurnarum, & inclementiae temporis iniquioris, & duro strato, & cibo viliori, & incommodae habitationi, nam labores diuturnae consuetudine exercitati minus graues ijs esse solent, qui se in illis exercuerunt, inquit ille homil. 2.

de ieiunio. Nescit homo quid de se fiet, omnemque sortis suae futuram conditionem ignorat. Fieri potest, ut varietas rerum, & vicissitudo illum è dulcis patriae commodis in tristem, poenalemque captiuitatem abripiat, & ex libero mancipium faciat, & ex delitijs in vincula ferrea, & dura ergastula conijciat, propterea bonum est assuescere molestijs, & asperitatibus, ut si forte maior quæpiam ærumna, & calamitas acerbior adueniat, & onus grauius irruat, à consuetudine fiant tolerabiliora, & minus afficiant, quæ pridem vlitata.

Cui enim insolens est pati, eidem etiam intolerabile, quidquid graue accidit, & dolorem incredibilem adfert, quod præter morem cruciat.

Id sanctus Gregorius Nazianzenus Iambico. 19. his verbis indicauit:

*Qui vincit etenim semper, is vinci dolet.* Copiarum militarium ductor, qui diu beneuolente vsus fortunâ sub eius auspicijs hostem sæpe fregit, fudit, auxiuit, & gloriosos ex illo triumphos sibi parauit, & in Famæ templo ad continuarum victoriarum suarum ostentationem signa, & vexilla, quæ vi ab illo extorsit, è tholo suspendit, si aliquando succumbat, insolentem aduersitatem suam, & sinistram casum & fert intolerantiùs, & pluribus, amarioribusque lachrymis deflet, quàm ille, qui variam fortunam expertus, eiusque inconstantiae, & mutabilitati expositus, nunc altum eacumen prosperitatis lætus tenet, nunc in profundo calamitatis extremae iacentem se deplorat. Ærurnarum namque pondera, illud facit incoherabilia, quod sunt insolita, cuius autem humeri oneribus grauib, & molestis infelicitatum, ac miseriarum assueuerunt, is omnem magno animo fert aduersitatem, nec vlla tam est incommoda, cui se imparem putes.

Proximam habemus huius veritatis ex nostra historia confirmationem. Dixerat illa de Esau, quod *Vir ignarus venandi* erat, posthæc autem mox narrat illum, cum à venatione lassus redisset, ad tabernaculum Iacob accurrisse, esuriemque suam, ac defatigationem confessum dixisse: *En moriar*, frater, fac mihi cocti tui lentis gratiam, vita namque me destituit, cuius hanc supremam, quam nunc ago, horam fore existimo. Quid est, quod venatori, Esau tam acerba fames accidebat, ut se ex illa moriturum exillimaret, nisi frater lentis edulio mox subueniret, & vicinam mortem depelleret? Quid est, quod se tam cito in mortuis numerat? Vnde arteriarum motum omnem iam conquieuerunt, & emigraturam è corpore animam arbitrabatur? Inde, quod cupedijs, ut

multi



multi notant, & lautis buccis, & perdicum, turdorum, leporum, taliumque lectiorum, & delicatiorum pulpamentorum comestione assueuerat. Non didicerat ferre famem, quam cum semel pati necessitas cōgisset, actum de vita statim putabat, clamans, *En morsor*, & sepulchrum sibi parari rogans. Possunt hæc Politico nostro esse vsui, illiusque institutioni seruire, qui vt ne impingat, vbi Esau offendit, consultè, prudenterque faciet, si rebus duris, & acerbis, grauibuscque assuecat, vt seipsum ad tentandum laboriosam, ad tractandum ardua, ad tolerandum molestia exerceat, vt leuius ferat, si quid aduersi accidat, consuetudo namque rebus operosis facilitatem adfert, & leuitatem his, quæ alioquin sunt molestæ, & graues.

C A P V T II.

*Pœnitentiæ, & mortificationis opera dura sunt, & laboriosa, non quia verè ita res habeat, sed quia homines sic existimant.*

**H**AC timida ignaui Esau voce multi illius similes in stadio virtutis, & curriculo pietatis, & via, quæ fert ad saluationem, passim veuntur, quibus si ieiunij vsum præcipias, aut suadeas vestire cilicium, mox cum illo clamant, *En morsor*, officiant saluti abstinencia, & inedia, & rudis ille vestitus, & multas infirmitates adferunt. Si dicas, vt in memoriam innumerabilium flagrorum, quæ Saluator noster excepit, & pro expiandis tam multis suis flagitijs, quibus supremum Dominum, & amantissimum Deum sæpè grauiter æquè, ac turpiter offenderunt, carnem suam verberibus cædant, talesque de seipsis pœnas sumant, miserabiles statim dant voces, *En morsor*, dicereque audent, tale hoc esse, ac si seipsos occidere, aut iugulare iuberentur. Sed falluntur plurimum, neque enim aut flagellatio corporis interimit, aut ieiunium vitam conficit, aut pœnitentia necat, aut ciliciū mortem adfert, aut cæteræ carnis afflictationes, & opera pœnalia interitum afferunt. Et quid est, quodd incolumitati suæ à nocturnis grassationibus peccator non timet? Quid est, quod non veretur cum alio de vita in duello certare, tamen si ea res tam præsentaneo, & manifesto sit coniuncta cum periculo? Animaduertat ergo, & hoc sibi persuasum habeat, quodd si pœnitentiæ opera sunt aspera, & acerbæ, terribiliaque, non tam in seipsis hoc esse, quàm apud hominum meticuloforum, & ignauorum falsam existimationem, & imaginationem. Huic doctrinæ Politicus noster attendat, vt ne car-

ni, & sanguini aures præbeat, quibus formidini est afflictatio, & horrori omnis pœnitentia.

Appulerunt ad sanctam magni credentium patris domum tres illi venustissimi iuuenes, qui humanorum lineamentorum laruâ personas suas dissimulabant angelicas, quando ille gaudibundus de felici occasione, postquam & ad ædes, & ad mensam tam venerabiles hospites reuerenter, vehementerque; inuitasset, ijsque; neutrum recusassent humanitatis officium, *festinauit in tabernaculum ad Saram*, Genes. 18. 6. eamque; iussit necessarios epulo pinsere panes, ipse vero ad armentum cucurrit, & tulit inde vitulum tenerrimum, & optimum, ibidem v. 7.

Obseruauit Origenes in delectu Abrahæ, quodd vitulum de toto grege optimissimum exemit. Sed quomodo hoc fieri potuit? Quomodo ille, qui sic *festinauit*, vt habet sacer textus, inter illam præproperam, & tumultuariam accelerationem aduertere sensus rectè potuit, vt pinguisimum, & adipalissimum de tanto armentorum numero cerneret, ac discerneret vitulum?

Respondet Origenes hom. 4. *Licet per cuncta festinet, scit tamen quæ præcipua, & magna sunt, Domino, vel Angelis offerenda.* Quancquam arbitrari quis potuisset, tam incitatum pij, prolixi, & prope rantissimi Patriarchæ festinationem illi impedimentum allaturam fuisse, vt iustum delectum, qui suæ temporis spatia requirit, facere non posset, nihil tamen offecit oculis maturatio, quod minùs pœuudem optimarum meliorem excernerent: *Licet festinet, scit tamen quæ præcipua, & magna sunt, Domino, vel Angelis offerenda.* Tale quidpiam ego affirmo de operibus pœnitentiæ, afflictationibusque carnis, & appetentiarum prauarum mortificationibus. Multorum opinio habet, quodd ieiunia, cilicia, flagellatio corporis, stratum durius, & quæcunq; talia ad carnis emaciationem, perdomitionemque; illius faciunt, incommodent sanitati, & multas adferant infirmitates. Sed caro timida, & ignaua sensualitas, & versutus inimicus tantum talia dicitant, nec res tamen ita habet, quin immò abstinencia, quæ bonam ualitudinem conficere videtur, confirmat eam, & conseruat, & vitam in annos longiores producit, ac sospitat. Attestari hoc possunt cœlestes illi eremorum incolæ, & interioris Thebaidæ habitatores, qui tota sæcula inter longas inedias, & continuata ieiunia, & corporis extenuationes perpetuas grandæui exegerunt.

De ieiunio Sanctus Iulianus Archiepiscopus Toletanus in suis commentarijs in Nahum sic ait: *le-*



*ieiunium est mors viscerum, vita virtutum, est ieiunium pars corporis, decus membrorum, ornamentum vite, castitatis murus, ciuitas sanctitatis.* Omnia hæc facri ieiunij elogia vehementer probō, vnum tamen est, in quo nonnihil difficultatis inuenio, quodd dicitur *ieiunium pars corporis, & decus membrorum.* Quodd abstinentia sit internecio scelerum, gladius flagitiorum, sanctitatis vigor, & hospitatio, murus castitatis adamantinus, ars pietatis inuicta, id facile est intellectu: Verum quodd sit pars corporis, & partium illius ornamentum, quomodo persuaderi queat, nescio, præsertim cum magis videatur imminuere, extenuare, & tanquam lima deterere corpus, & consumere, & membra eius squalore obducere, & marcida efficere. At erras, mi homo, inquit Sanctus Iulianus, pusillanimitasque tua, & vana imprudentis rationis apprehensio à vero te abducit, ieiunium enim non debilitat, sed roborat, & poenitentia non est gladius interimens, sed panis confirmans, & vitam in eis reperis, in quibus inuenire mortem putabas, cum è contrâ sæpè morbos, mortemque incurras ex ciborum luxu, & deliciarum intemperante vsu, ex quibus & constantiorem incolumitatem, & vitam perdurabiliorem expectabas. Videre tale quidpiam licuit in illis tribus pueris sancti Prophetæ Danielis socijs, qui cum leguminibus tantum vescerentur, & statâ ieiunia obseruarent, tam decentem formam, liberalemque, & elegantem speciem eis tenuis ille victus, & diuturnior inedia attulit, vt de eis facer textus ita pronuntiet: *Non sunt inuenti tales de vniuersis*, Daniel. 1. 19. ex omnibus adolescentibus, qui ad hoc nutriebantur, vt Regi ab intimis cubiculis essent, non fuit aliquorum tam grata Nabuchodonosoris oculis, quam Danielis, assecclorumque eius venustas. Ex quo arbitrari licet, quodd ieiunium non enecat, non maciat abstinentia, sed ornat potius corpus, membraque illius honestat: *Est ieiunium pars corporis, decus membrorum*, maiorque ex illo pulchritudo nascitur, quod fœdissimam turpitudinem allaturum videbatur.

Ecclesiasticus cap. 43. v. 24. ait: *Medicina omnium in festinatione nebule.* Difficilem sensum habent ea verba, siue natiuam, illorum significationem requiras, seu moralem inuestiges. Sed prætermitto varias expositiones, & pro solenni meo, quæ huc non spectant, dissimulo, & cum Hugone Cardinali aio, quodd *poenitentia dicitur nebula*, in sensu moralis, & hoc nomine Ecclesiasticus omnia mortificationis opera donat.

Sed quid nebula cum poenitentia? Quid com-

mune vtrique? Quid alteri cum altero conuenit? Id exponit Hugo, dicens: *Nebula magna videtur, sed statim dissiparet, & à longè videtur spissa, sed à propè est quasi nulla.* Cum procul apparet nebula, exterrēt suā obscuritate, & horrorem incutit caligine, densaque; admodum, & valde crassa videtur, at si quis eam ingreditur, statim animaduertit, oppidd tenuiorem esse, quam oculis sese ostentabat. *Sic poenitentia videtur poenitenti*, inquit porrò Hugo. Sunt quibus terribile videatur ieiunium, asperum vigilare, acerba flagellatio, molesta sacci gestatio, intolerabile cilicium, sed talia procul apparent, quemadmodum & nebula, è vicino autem aliam ostentant faciem, suauiaque, & dulcia, & leuia, tractabiliaque; conspiciuntur, fitque; vt homo agnum, ex quo pascatur, reperiat, vbi leonem inuenire formidabat, à quo concerperetur: *Sic poenitentia videtur poenitenti, à longè videtur spissa, sed à propè est quasi nulla.* Exitium nostrum omne, totaque; pernitias inde nascitur, quodd huius veritatis facere experimentum non curamus.

Ad confertam hominum multitudinem, & frequentem, dixerat pro rostris Sanctus Petrus Apostolus, vt habet Beatus Lucas in libro Actorum Apostolicorum. Posthæc cum se in preces composuissent, concuti, & contremiscere locus, in quem coierant, cœpit, sic vt totus in terram delabi, & ruderibus omnes, quotquot aderant, obruere, atque inuoluere velle videretur: *Et cum orassent, motus est locus, in quo erant, congregati*; inquit Lucas Act. 4. v. 32. Quid verò illis mali hinc euenit, quodd terra concussa fuit, & fabrica vitium egit, & bases titubarent, & ipsa ædium suprema tecta, seu capita nutarent? An per hæc vita eis sublata fuit, qui intus erant? an spiritus vitalis extinctus, aut ereptus, ademptusque; omnis animus fuit? Id securum ex illo terræ motu, & casu inopinato videbatur, vt plerumque; talibus ex eventis vehementer consternari, tantumque non exanimari expauesfacti homines solent, hic tamen nihil tale accidit, sed plurimum è contra euenit, ac sperabatur: Euangelistæ namque teste, loquebantur: *cum fiducia Verbum Dei*, audentioresque eorumpebant ad annuntiandum, promulgandumque fidem Christi.

S. Ioannes Chrysostomus in Glossa ordinaria de hac re sic ait: *Motus est locus, etiam illos magis consolauit, & quanquam ædificium compagibus suis solui videretur, & vacillarent illius parietes, & moles tota in lapsum propenderet, non dissoluebantur tamen, neque vacillabant, aut collabascebant animis,*



mis, qui intus erant, quin alacriores reddebantur; ut magis intrepidè suum euangelizandi munus exquererentur. Hinc accipimus, quòd non omnis tremor ignauum facit, non omnis ruina destruit, non omnis comminatio subigit, non omne gelu infrigidat, non omnis calor adustulat, atque ad eundem modum non omnis poenitentia mactat, non omne ieiunium vires totas exhaurit, prorsumq; eneruat, nec omne pro Deo toleratum incommodum valetudini officit, & infirmitates generat: *Morus est locum, etiam illos magis consolidant;* immò plurimum contrà accidere solet, ut in imbecillitate vigor, in animi deliquio corroboratio illius inueniatur.

Prælio Romanus populus cum Epirotarum rege Pyrrho decertabat, victusque dubio procul hic ab illis fuisset, nisi inopinatò, ac derepentè elephantés in pugnam adducti cursum victoriæ stitissent, equis vastè, & deformis magnitudinis illorum nunquam viso spectaculo conterritis, existimantibusque Romanis esse maiorem, quàm reuerà erat, istarum retrarum, & immanium belluarum atrocitatem, & ferociam. Iteratò concurrerunt, eumq; hostes ad nuperum altum adductorum in conflictum elephantum se recipere, Romani non modò eos non formidauerunt, verum etiam, ut noster Hispanus Florus narrat, tam cordatè, imperterritèq; in eos inuecti sunt, ut elephantés triumphò fores aperuerint, qui antea metu consternauerant, cuius rei ea causa fuit, quia *Caius Manurium mori posse belluas offenderat, cuius proboscide abscissa.* Proboscis rostrum elephantis est, & porrecta corporis pars à naribus velut defluens, quàm tanquàm manu vitur, quam cum ille ferro præsecuisset, exploratum, testatumq; dedit, non esse tam effertum, & horrificum id bestiarum genus, quàm pavor depinxerat. Qui sit, quòd te ieiunium tam vehementer perterrefaciat? Qui sit, quòd flagra tantoperè exhørreas? Quid cilicium adeò pertimescis, & fugis? Quid metuis certò securum ex longula adgeniculatione, & nonnihil protractiore oratione deliquium? Quid vereris morbi contagium, si fortè pauperes in nosocomio ægros ad horulam inuisas? Hæc omnia inde proficiscuntur, quòd nunquam expertus es ieiunium, nunquam flagris te cæcidisti, nunquam cilicium vestijisti, neque operum poenaliū, & piacularium vllum vnquam es aggressus. Ignauus timor tuus ea tibi formidabilia facit, falsa imaginatio tua tibi illa horribilia reddit. Adorietur ea Politicus noster magno animo, & spiritu, non trepidis cogitationibus diu cum eis colluctetur, videbitque poenitentiae studia non esse tam ardua,

& operosa, quàm caro, & sanguis clamitant, quæ omnem asperitatem fugiunt, & recordationem flagrorum tremunt, & omnem disciplinam, molestiamque defugiunt, & auersantur.

*Vide Periocham V. & VI. Dominica V. in Quadragesima Tb. I. pag. 378. & seqq. & ibi meliora.*

C A P V T III.

*Voluptates mundi videntur suaves rosæ, re autem verà sunt aculeatæ spinæ.*

Contrario nunc discernendum, & ostendendum, quòd homo peccator etiam fallitur, erratque, cum singularem sibi ex suis delictis, voluptatibus, obambulationibus, relaxationibus, & oblectamentis suauitatem, quietemque promittit. Nulla enim dulcedo, nullum verum inest sæculi iucunditatibus otium, ludit sua imaginatio eos, qui secus de hac re sentiunt. Quòd si cui dubium est, is confessionem illorum accipiat, qui maiori nostro documento, quàm emolumento suo hæc inter illas Inferorum vtrices flammæ, quanquàm inuiti, & nolentes magnis vocibus succlamant: *Lassati sumus in via iniquitatis; & perditionis, & ambulamus vias difficiles;* Sap. 5. 7. Si delassabantur, vbi eorum voluptas? Si præruptos ægrè, & anhelè transcendebant montium scopulos, vbi delitiosa; & aprica, amœnaque viridaria; in quibus versari, & vitam agere beatam putabant? Nonne videtis omnia fraudes esse, & impolluras, & præstigias mēras? Nam si rem attentè dispicias, inuenies, sæculi mella fel esse, & nil nisi molestias, calamitates, luctum, insultatē, fastidia, taliaque esse, quæ inertes quidam mundi amatores oblectamenta, relaxationes, iucunditates, festiuitates, lepores, delicias, alienis certè nominibus, vocant.

Israëlitis, cum illud suauissimum, ab Angelis præparatum, atq; è nubibus desuper allatum manna per summam ingratitude, rusticitatemq; fastidiosè aspernati essent, desiderarunt, & expetierunt carnes, quibus vesceretur. Concessit illorū precibus Dominus, & pluit super eos sicut puluerem carnes, & sicut arenam maris solatilis pennata, ut inquit Psalmodographus Psal. 77. 27.

Hic, scio, dicent nobis Hugo Cardinalis, Michaël Ayguanus, Berchorius, & Lauretus, his auibus, quas proterui concupierunt Israëlitis, significatas voluptates mundanas, quibus cæsi sic inhiant, & incubant peccatores, ut propter eas supernarum consolationum cœlestis manna inurbani homuli despiciant, ac nauseabundè fastidiant. Sed notandum, quòd



illæ turpes voluptates, quibus irati Dei cōnuentiā, & permisso fruuntur, & tam vehementer inhiant, atq; oblectantur peccatores, à Propheta nominantur *puluis*, & *arena*, quæ quales aues aduenerint: *Pluit super eos sicut puluerem carnes*, & *sicut arenam maris volatilis apennata*. Cur verò mundanis delitijs, & voluptatibus dantur ea nomina *auium*, abolantium, & *arena* non prægrauantis tantum, sed etiam excæcantis? hoc enim *auium*, *arena*que est proprium. Quæris quare? ideo, vt hinc intelligamus, quales sint sæculi voluptates, quodque eæ non secus ac aues volatu concitæ pertranseant, & si quam miseræ animæ iucunditatem adferunt, eam fugacissimam esse, & momento præterire, & oculorum lumina obfuscare, & contenebrare, velut pulvis solet, moxque in maris amaritudinem, & arenæ pondera conuerti.

In hanc rem sic dicebat Drogon Osiensis lib. 6. de sacramento Dominicæ passionis: *Gaudet luxuria, modicum soluitur, sed mox in arenam maris conuertitur, omnis dulcedo carnis in amaritudinem finit, modicum leuant infelicem animam, sed mox aggrauant in arenam*. Ex his videant miseri peccatores, quid sint vniuersæ ipsorum voluptates, delitiæ, recreationes, oblectamenta, obambulationculæ, symposiola, animi relaxationes, risus, ioci. Aues sunt, quæ perniciousè præteruolant. Pulvis sunt, & arenæ, quæ oculis cæcant, vt seditates suarum oblectationum non videant, & grauant animum, vt ad veram spiritus voluptatem peruenire nequeat. Salsum mare sunt perpetui remorsus, & nunquam remittentes angoris.

Considerationem meretur diligentem locus, in quo illi inueterati malorum dierum, & lasciuu iudices sancto iuueni, & Prophetae Danieli aiebant castam, & innocentem reperisse Susannam, cuius venustate frui ardentissimè cupiebant. Cum periniquum testimonium aduersus honestissimam, & integerrimam matronam perfidiosi illi dixissent, quod ad eorum sententiam descendere, & votis turpibus annuere nolisset, diuinus vates, vt eorum rectè discuteret, exploraretq; testimonium, magno ad hanc rem vsus est artificio, & primum interrogauit, quamnam sub arbore illa corpus suum adolescenti, quod dixerat, prostituerit. Is respondit, vidisse sub *schino* Veneri in concessæ operam dantes, Daniel. 13. v. 54. *schinus* autem idem est quod *lentiscus*, vt quidem sentiunt sanctus Hieronymus, Origenes, Cornelius à Lapide, & Gaspar Sanchez, qui frutex multos, sed non æquè multum vtilis sætus profert.

Cum alterum percontatus esset, vbinam visa illi Susanna scelus adulterij cum iuvene perpetrasse, ille dixit, *sub prino* in flagranti crimine deprehendisse, ibid. v. 58. Prinus autem Plinio lib. 6. cap. 16. & 8. ilex est, genus roboris aculeatis folijs, durissimum, montanum, glandiferum, notum.

Notandum itaque quarum sub arborum vmbra senes illi affirmarunt, Susannam, & adolescentem illicitis furtiuè voluptatibus indulgentes, & mutuà corporum vsurâ sese oblectantes conspexisse. Alter sub *schino*, sub prino alter ait vidisse rei nefariæ vacantes. Non dixerunt, vidisse sub malo citrea, quæ de arbore quidam prudens affirmavit, habere truncum similem aris, folia Smaragdi instar, & fructus auro pares, non sub arbore frondosa, fragrante, & feraci, verum sub *schino*, & prino, arboribus rudibus, syluestribus, & quarum fructus à suis stipitibus minimè degenerent.

Sed quod illi sub infrugiferis, agrestibusque eiusmodi arboribus fructum veneræ voluptatis ex se vicissim cœpisse visi ferebantur, id mysterio non vacat, quod eruditus Osæ Interpres Guadalupe in cap. 5. his verbis exposuit: *Observa voluptatem veneream ubi dicant inuentam, videlicet sub schino, quia nihil habet præter amaritudinem in succo, & folijs, ita etiam voluptas quid profert, nisi animi amaritudinem? Alter inuentam faminam ait sub prino, quam arborem si attingas, cum folia pungentia producat, dolore afficeris. Sic ex libidine quid consequeris præter ingentem animi dolorem?*

Hoc ipsum mihi Veteres voluisse indicare videntur, quando turpis amoris formosum Deum Cupidinem ita pictum dederunt, vt manu alterâ rosam, piscem alterâ præferret, quod Alcarius emblemate 106. ex Græco epigrammate acceptum sic Latine traduxit.

*Alteram namque manu flores gerit, altera piscem.*

Variè hanc interpretantur auctores imaginem, nec vna omnium ratio est, ob quam ad illum modum delineatum Cupidinem putent. Alcarius cum suo Poëta sentit. Videant illum, eiusque commentatores Sancium, & Minoë, quibus vacat. Ego sic existimo, quod Cupido sic depictus fuit, vt flores, rosas, pisces manibus præferret, id magno mysterio factum, eoq; vt talibus symbolis ingenium nobis fœdi amoris indicaretur. Rosæ, itemque pisces abundant spinis. Quid magis tritum, peruiulgatumque apud eos, quæ manibus illa vnquam vsurpantur. Rosa in suo fructu paucos dies perdurat, fugacissima illius vita est, qualis ephemeris, vt habet Virgilius in quodam epigrammate



grammate de rosa. Spinæ illius sunt perpetuæ, nunquam destituunt rosetum. Pisces etiam velut meræ spinæ sunt, quæ suffocant, maciunt, & mortem minantur, sæpe etiam adferunt his, à quibus auidè, atque incautè glutuntur. Quodd ergo Cupidinem pisciferum, & rofigerulum docta pinxit Antiquitas, id fecit, ut nobis turpium corporis voluptatum conditionem, & lasciuæ amoris mores delineatos daret, doceretque, omnia illa sordida carnis oblectamenta, & huius vitæ perlecebrasas delitias rosas esse, quæ tam citò marcescant, ut eodem Sole penè & oriantur, & moriantur, sed animæ tamen suos anxietatum infixos perditu post se relinquant sentes, pisces esse obfritos squamis, quibus exasperent, confectos spinis, quibus lacerent, cruentent, exstinguant. Hæc sunt, quo in humanis solatijs, & secularibus reperiis oblectationibus.

Et quomodo temporariæ carnis voluptates, & delitiæ mundanæ aliud, quàm dumeta, densæque spineta esse queant! inquit aquila Doctorum S. Augustinus, cuius sunt ista in Psalmum 93. *Poteris te convertere ad aliquam voluptatem, & spinas non sentias? In bonorum cupiditate quanta spina! Amores turpes quanti molestias habent? Omitto gehennam. Vide ne iam ipse tibi gehennas sis.*

Agriculturæ magistri multa tradunt documenta, plurimæque excogitarunt artificia, quibus immitis naturæ asperitatem ludant, aut leniant, & emendent. Apud Columellam, Dionysium Cassium, Palladium, Herreram, & alios inuenias, quibus modis durities, & amaritudo sua fructibus adimi, & acedore eorum in dulcedinem verti, ipsæque arbores ex agrestibus domesticæ, ex montanis urbanæ fieri possint: Verùm ut hominum terrenis voluptatibus suam acerbiteriam, amaritudines, fel, & aculeos detrahas, fieri nequit, inquit S. Augustinus. Quodd enim deliciarum corporalium genus excogites, quod non millè sit conditum insuauitatibus, & innumeris confectum spinis? Quàm abundat spinis secularium concupiscentia opum, ac facultatum! Iam qui se nefandorum vitiorum illecebris, & lenocinijs dederunt, apud eos omnia sunt perturbata, quies nulla, rabies continuæ. Infernum prætereo, sed vide ne iam ipse tibi gehennas sis, in qualibet namque turpi voluptate quædam Orci effigies est, in qualibet carnis oblectatione spina, & in omnibus præsentibus corporis delitijs asperum, horridumque dumetum.

In horum consideratione positus beatissimus Papa S. Gregorius Mag. sic audacter pronuntiat in Psalmi 2. pœnitentialis versum 5. *Per spinam omne pec-*

*catum accipitur.* Itanè spinetum est sýmbolum, & imago omnis peccati? Nullumne peccatum esse potest, quod non pugnat, feriat, fauciet, afflicter, cruentet? Ergonè conuiuia, viridaria, hortorum floriferorum amœnitates, comediæ, voluptates corporis, festiui lepores, risus, ioci, & cætera talia, quæ suam homini adferunt iucunditatem, sunt spinæ, equulei, carastæ, vogues, carnifices? Quis hoc affirmare queat? Quis? experientia, inquit Gregorius, & peccator ipse, & quisquis diues avarus, & omnes, quotquot improbæ Veneris sordida sunt mancipia hoc testantur, & clamant: *Per spinam omne peccatum accipitur.* Mulierosi, & Principum gratiosi, & Magnates sub expirantem vitam tandem volentes, nolentes fatebuntur, omnia, quibus nuper tam vehementer oblectati fuere, nil nisi remorsus animæ, suffocationem cordis, & cruentum è sentibus, ac dumis stratum fuisse. Nulla quippè vel ratio est, vel ars, vel industria, aut ingenij facultas, aut modus, quo à delitijs asperitas, à voluptatibus carnalibus amaritudo, à risu fletus diuelli queat, ut Politicus noster quietem, vacationem, tranquillitatem, præterquam in Deo, nullam alicubi reperire possit.

Nam ut Magnus Basilii in Psal. 33. ait, *oblectatio corporea voluptatis plus habet doloris, quàm iucunditatis, nuptia sæpe steriles sunt, viduitates continent & supra, agricultura sterilitatem, mercatura naufragia, diuitia insidias patiuntur.* Vni voluptatis drachmæ ingentia miseriarum pondera sunt coniuncta. Coniugatorum horariam oblectatiunculam anni laborum, & ærumnarum longi excipiunt. Nundinatores post vnum exiguum lucellum multa sæpe, ac magna damna deplorant. Diuitiæ parùm nonnunquam recreant, sed millies, inquietant, perturbant, tumultuarijsque cogitationibus animum exagitant, & somnum omnem sic adimunt, ut neque interdiu, neque noctu dormire sinant. Deniq; nulla carnis suauitas est, quam non vastissima amaritudinum maria obsideant, estque omnis, ut ille canebat, *cuncta dolore voluptas, non secus ac insulas ponti gurgites, & æquora circumdant.*

Dicat hoc nobis Esau magnus venator, & auium, ferarumque sagacissimus indagator. Is cum strenuam diu venationi operam nauasset, præter fracta discursationibus membra, & defatigatos artus vix aliud quidpiam donum retulit, de quo sacer textus ista: *Cum venisset de agro lassus;* Genes. 25. 29. Ferras rurì ad lautitias, voluptatemque quæsierat, sed lassitudinem ibi, defatigationemque solum inuenit. Hanc in rem sic ait Fernandus sect. 5. num. 13. in



cap. 25: Genes. *En qualem fructum ex sua venatione, & continuo discurrendi, vagandi que per agros, & saltem studio collegit Esau, rediit domum ab agro fessius, & fame confectus.* Honecala affirmat in Esau fuisse exprestum id, quod peccatoribus ex illorum prauis voluptatibus accidit, inquiens: *Tam in Esau explebatur illud impiorum desperata salute sese lamentantium, Ergo ambulauimus vias difficiles, lassati sumus in via iniquitatis; Sap. 5. v. 6. 7.* Vix nobis, qui rosas calcare putabamus, & erant spinæ, transire prata existimabamus, & per loca confragosa, salebrosa que ferebamus, & per loca confragosa, arbitrabamur, & inculta in eremo versabamur! Per omnia nos vana illusio nostra circueiuit, & quam à conscientia vehementer admorderemur, & ratio magnis vocibus nos appellaret, attentas illi præbere aures nunquam volumus. Nonne videt noster Politicus omnia contra habere, ac ipse putabat, existimabatque? Pœnitentiæ opera videntur spinæ, vsus verò eorum, & experientia docent esse pulcherrimos, & odoratissimos flores: Ita & carnis voluptates quandam suauitatem præferre putantur, re autem verà ingratam acredinem post se relinquunt. Cilicium suā asperitudine terret, at si aliquamdiu gestare consuecas, in mollem byssum vertitur. Ludi, ioci, & huiusmodi alia ad tempus fallendum à malè feriatīs excogitata oblectamenta multum mellis promittunt, sed plus fellis adferunt. Experimento quæque, qualia sint, innotescunt, & finis suus singula prodit. Stultus ergo est, qui falsis se voluptatibus abripi sinens tam defectabiles obliuiscitur amaritudines.

## CAPVT IV.

*Cum natura nostra paucis, parabilique cibo sit contenta, hinc sit, quod prophana, & effusa victus intemperantia incolumitati officiat, facultatum opes exhauriat, & mundo perniciem supremam adferat.*

**P**rugalaritatem sancti Patriarchæ, temperantiamque omnes hoc in loco Expositores pari consensu & admirantur, & dilaudant. Cibus illius lentes erat. Parsimonia verò illius, & victus moderatio de inopia non veniebat, patrem enim peropulentum habebat, & matris, quæ totam rem curabat, moderabaturque domesticam, delitium erat, ut pulamenta illi, ac lauriciæ deesse non possent. Quod ergo tam parcè victitabar, id non sordida, non coacta, sed spontanea, & ludabilis continentia faciebat. Prætermitto hic Pererij, Istellæ, Cornelij, & alio-

rum hanc in rem sententias. Doctum Honecalam audiamus: *Coxit Iacob pulmentum. In his Iacob frugalitas declaratur, probaturque, quippe qui tam Gila, & parabili cibo in locupletissima domo libenter utebatur.* Hinc accipitur, quàm sit damnabilis illa victus immoderata licentia, & ciborum effusa intemperantia, per quam fit, ut inexplibilis gulæ, & orexis libidini affatim omnia prodigi comedones, & impuri helluones ministrent, & tanquam misera insatibilis ventris mancipia ventriculum infarciant, stomachum prægrauent, & opprimant, & magnam naturæ inferant molestiam, cuius tam est moderata cupiditas, ut paucis vel satiatur, vel sit contenta, quantumuis oblatret appetitus, aut gula oggrunniat, & reclamet.

Inter ea, quæ sibi Dominus quotidies in ara sua offerri volebat, agni erant, de quibus sic habes Exodi 29. 38. *Hoc est quod facies in altari, agnos anniculos duos per singulos dies iugiter, unum agnum manè & alterum vespere.*

Oleaster in expositione morali eorum verborum sic ait: *Audi hic Summi Dei dignationem volentis apud nos prandere, & cenare, & sicut unum ex nobis.* Estne aliud, quod in illa Dei optimi, maximi summa facilitate, & humanitate animaduertamus? Similiter paucis contentari cibarijs in prandio, & cœna, & postquam se ad mensæ nostræ consortium dimittit, exiguo etiam victu frugaliter haberi permittit, contentus si unum agnum manè, & alterum vespere ei apponant, cumque sit tantæ maiestatis Monarcha, vnum anteprandianis, promeridianis alterum discum exposcit eduliorum obuiorum, & quæ modico sumptu parari queant. Sed postquam tam magnus Dominus eò descendit, ut communem cum hominibus mensam adeat, tamque insignito illos & cumulat beneficio, & ornat honore, cur non eisdem imperat, ut mundum obeant vniuersum, peruagentur sylvas, montes percurrant, maria emetiantur, lautitiaque suo tam excelsio Regi, tam sublimi Imperatori vndeque accersant, & conuehant? Nihil horum præcipere, ut valuit, voluit, inquit Oleaster, qui paucis vel expletur, vel certè contentus est, ut eo nos exemplo doceret, hominis quantumuis magni necessitatem exiguo leuari posse, duosque illi fercula satis esse, ex quorum altero prandeat, altero cœnet. Non probat Deus vana luxuriosorum ad voluptatem adornata contumia, necessitati subueniri amat: Cum enim naturam nostram, ut auctor illius, pernouerit, scit illam paucis esse contentam, superfluis autem magis prægruari, quàm pasci, & sustentari.

Agebat



Agebat in deserto maris Gallilææ superus Magister, sed tam inopis rerum, quæ ad victum pertinebant, quam comitatus hospitibus, quorum numerus, si etiam mulieres, & pueros excipias, ad quatuor millia virorum assurgebat. Toto triduo illum persecuti fuerant, melleo verborum, quæ ab illius dulcissimis labijs profuebant, fascino capti. Pro famelica concione oratrix supplex sua illum natia pietas appellabat. Is consiliatorum suorum intimorum deliberationi exposuit, vt illi cogitarent, statuerentque quomodo tanta curi esuries posset. Horum verò responsum fuit, se præter panes septem, & paucos pisciculos, nihil habere reliquum; Matthæi 15. 34.

Euthymius in illa Apostolorum apud Matthæum verba inquit: *Aduerte quantum ventri dominabatur, cum enim in deserto, & tres dies commorarentur, septem tantum panes attulerant.* Duodecim viros familia Christi, & Collegium Apostolicum numerabat. Quam acres hi sui ventriculi domitores fuerint, id ex eo facile arbitrari queas, quod solos septem panes, & pauculos pisciculos ad victum suum contulerunt, qui tres in solitudine dies transmiserant. Quodd verò duodecim viri tam pauculos panes, & pisciculos ad suam triduanam alimoniam habuerunt, & neque fame enecti sunt, neque per miraculum vixerunt, manifesto inditio est, admodum exiguum requiri ad naturæ nostræ nutritionem, & sustentationem.

Hanc doctrinam expressam inueniemus in ea oratione, quâ Dominum in dies singulos interpellamus. In ea veneramur illum tanquam patrem, ac Deum nostrum, optamusque & nomen eius sanctificari, & voluntatem vbiq; per omnia fieri, posthæc & illud obsecramus: *Panem nostrum quotidianum da nobis hodie*; Lucæ 11. 3.

Permirus sanè est, & dignissimum notatu, quodd in hac oratione & confitemur esse omnipotentem patrem illum, quem rogamus, & suum habere in summo cælorum fastigio regium solum, esseque illum & peropulentum, & omnibus affluentissimum, & permunicum, & nihilominus hoc tantum ab illo petimus, vt paucillum nobis per diem panis tribuat: *Panem nostrum quotidianum da nobis hodie.* Tantillum verò à tanto Domino, & patre, cuius tam late diffusa monarchia, rectè petitur? Frustrillum panis magnus Deus benè, putatis, rogatur? Indignum videtur tam paucula illum obsecrari, qui manum tantum aperit, & omne animal implet benedictione, nec sumptu alio maiore ad hanc rem indiget.

Tom. III.

Quid ergo est, quodd non maiora maximum Deum oramus?

S. Gregorius Nyssenus Orat. 5. de oratione Dominica respondet, quodd panis tantum petitur, id esse non pauca, sed sola necessaria petere, qui autem habet quæ illi sunt satis, non potest dicere, se parum habere, aut dare querimoniam, quasi non habeat, quæ vitæ necessitas exposcit, nam exiguum est, quodd natura debes. *Cibum debes caruncula tua, rem & modicam, & paratu facilem, si & sum, & necessitatem intueris.* Cur aduersus temetipsum multiplicas tributa? Idcirco quarere subemur, id quodd satis sit ad naturam corporis conseruandam, panem da, ad Deum dicentes, non luxum, non delicias, nec diuitias. Perpusillum sumptum, modicæque impendia miserabilis huius vitæ nutritio requirit.

Si non est ita, inquit Nyssenus, videamus quid ille magnus Pater familias ad alimoniam suæ familiæ seminauit. Ea de re sic habet S. Matthæus cap. 13. v. 24. *Seminauit bonum semen in agro suo.* Præter triticum nihil seuisse fertur. At si in campum prodeamus, plus quam triticum, & semen, aliud præterea reperiemus, quodd simul cum tritico excreuerit. Victus itaque humanus amplius aliquid, quam triticum postulare videtur.

Occurrit Nyssenus dicens: Vide sis, quisnam semen aliud sparserit. Quis verò hoc egit? Malus dæmon, inimicus homo superseminauit Zizania; ibid. v. 25. & semen aliud supra id, quodd necessitas sustentandæ vitæ humanæ exposcebat. Luxus omnis à dæmone est, superuacanea illo autore queruntur, & adhibentur. *Panem pete*, clamat eloquens Nyssenus, *propter vita necessarium & sum, huius re corpori debitorem natura fecit.* Cetera, quæ præter hæc, solertia delictis, ac luxui deditorum excogitata, & inuenta sunt, ea de Zizaniarum iuxta satorum semine sunt. Semen patris familias frumentum est, ex frumento panis conficitur, ac luxus, atque delicta Zizanium est, quodd ab inimico iuxta frumentum satum est. Itaque immodica in victu profusio, & ciborum intemperans apparatus, & superuacui sumptus, quos in sua luxuriosa conuiuia afori prodigunt, à consilio dæmonis veniunt, petere vitæ necessaria Deus nostræ alimonix studiosus, ac sollicitus procurator suasit, & docuit.

Quis enim præter dæmonem alius intemperantium luxum ciborum, & epulorum inuehere potuit, cuius illud hac in re consilium fuit, vt dulci hoc gladio vitam hominibus rectè, dissimulanterque adimeret? Dæmon fulgur quoddam est huc omnia sua

xx

audia



studia vertens, ut supremam omnibus vastitatem, perniciemque adferat: Videbam Satanam sicut fulgur de caelo cadentem, aiebat de illo Christus Lucæ 10. 18. qui omne illius perfectissimum habebat ingenium, & communis hostis nostri crudeia viscera, nocendi que insanam, efferratamque libidinem pernoverat.

Videamus nunc quid de gula S. Ioannes Climachus dicat. *Princeps est demonum, qui cecidit Lucifer, & princeps est omnium concupiscentia gula.* Gula itaque Lucifer terræ est: Nam ut Lucifer fulgur est omnium exitio natum, & intentum, sic & gulæ auiditas mundi furia est, & importunissima, ac pernitiabilissima pestis. Hoc tam acuto gladio pars orbis maxima conficitur, & facultatum copias maximas pessimus dæmon destruit, & vitas plurimorum demerit, & innumeras orco animas transcribit.

Appositum ad rem præsentem est, quod rerum naturalium diligens Scriptor Plinius habet lib. 26. cap. 8. *Plurimum negotij homini alius exhibet, cuius causa maser pars mortalium est, aliàs enim cibos non transmittit, aliàs non continet, aliàs non capiet, aliàs non conficit, eoque mores Genere, & homo maxime cibo pererat. Huius gratiâ præcipue anaristia expersitur, huc luxuria conditur, huc navigatur ad Phasin, huc profundi & ada exquiruntur.* Digna admiratione est molestia, quam suis cuique homini venter adfert, cuius potissimum gratiâ pars hominum maior nundinatur, cauponatur, omnemque latè mundum anhele peruagatur, & perpetuo in labore versatur. Innumeris delicata hæc vitæ humanæ officina obnoxia est malis, & infirmitatibus. Nunc enim cibo per faucias fauces non pater transitus, nunc stomachus ipse aditum negat, nunc retinendo, concoquendoque languentes illius vires non sufficiunt. Corporum illud pessimum vas est, & instrumentum. Quam tetricus, importunus, insaturabilis, implacabilisque exactor! Nullus illo magis improbus, ac durus creditor. Per singula momenta fucelamat, vociferatur, illachrymatur. Ut vnum placibile, æquum, pacatumque habeamus ventriculum, eique obseruiamus, omnia facimus. Illi corraduntur, seruanturque numi, illi tota studet, & augetur nostra cupiditas, illi fraudes excogitantur, & adornantur doli, traieciuntur maria, explorantur flumina, nec auibis supernè parcitur, nec animalibus terræ infernè, piscesque adeo, vel si in imam se abyssum ingurgitent, à suo recessu in lucem extrahuntur. Quare nec auibis sui volatus pernicitas, nec alijs animantibus sua currendi velocitas, nec sua piscibus so-

litudò confert, ut euadere possint, omnia enim, quæcunque volant, currunt, natant, perquirantur, procurantur, & misero denotantur, deputanturque ventriculo, qui vnus tot incommodorum, exitiorumque vel causa est, vel occasionem ministrat, & totas suppellectiles, & opum facultates maximas, & bona hæreditaria, & census annuos ditissimos, & incolomitatem, ætatem, vitamque depascitur, deuorat, abligurit, eoque mores Genere, & homo maxime cibo pererat. At si immoderati cibi sunt vitæ humanæ gladius, & opum pestis, consultum fuerit negare aures tam importuno, & implacabili creditori, sed pauca ministrare illi, qui paucis esse contentus & potest, & debet, sic enim & sua cuique vita, & quies, ac valetudo bona constabit, resque familiaris nemini leuiter effluet.

Huc ibat cogitatione Sanctus Basilus Magnus, quando de ieiunio, & abstinentia differens aiebat: *Ieiunium est res domestica incrementum, prospera valetudinis mater, tutum familia contubernale.* Ecqua vero domus, quæque familia inquam ex ieiunio quidquam detrimenti accepit? Hæc ille homel. 1. de ieiunio. Nulla hætenus gens repperita, nulla visa familia, quæ ex ieiunio vel interierit, vel damnum acceperit, nec quisquam aliquando dixit, vidisse hominem, cui victus parsimonia, & sacrum abstinentiæ salutaris studium incommodarit, noxiūque fuerit. Quis vnquam in carcerem, propter debita ex ieiunio contracta, abreptus, compactusque fuit? Nullus hoc Sol vidit, non audiuit mundus, à quo esse cœpit.

Contrarium verò, hoc est, consumptas domorum facultates, exhaustas, dissipatasque per neglectum ieiunij, & ciborum luxum totas familiarum substantias, & facultates, creberrimo experimento nouimus, & S. Hieronymus affirmat, qui cum literas adornaret ad quendam, cuius incrementa optabat, & opus saluas esse cupiebat, hæc illi non absque sale, & lepore scribebat: *Procul sint à conuiujs ieiunantes, quibuscumque amplissima patrimonialia auolant.* Hæc ille in epist. ad Saluiam. Opulentissimæ sæpè domus ad incitas redactæ sunt ex helluatione, & profusis in immodicos, lautioresque cibos sumptibus. Ingentes opum copię quasi volatu diffugerunt, nec aliunde mutuata alas, quàm ab auibis, quarum immoderato esu assueuerant illi rerum suarum decoctores, & dilapidatores.

Cum hanc tam notoriam veritatem secum reputaret *Ælianus* lib. 14. de var. hist. cap. 7. inquit: *Lacedamone cogens esse non licebat alios, quàm carnem duntaxat,*



*Auntaxat, qui Gerò præter hanc artem nouissent, eiſciebantur perinde atque agrotantium expiationes. Erat ergo hoc Lacedæmonibus, qui leges naturæ studioſiſſimè obſeruabant, inuiolabile decretum, vt qui præter carnes ſimpliciter parare quidpiam noſſet, nullus toleraretur coquus, ſi quis aliud adhæc condire ſciret, iſ totâ patriâ exturbaretur; non ſecus atque ex vrbibus eiſci, & ſubiecto igne exuri peſte interemptorum veſtes ſolent, ne contagione ſuâ reliquum populum inſiciant: Eiſciebantur perinde atque agrotantium expiationes.*

Nolite hanc nimiam amplificationem arbitrari. Seneca tantundem verbis luculentis affirmavit, qui de conſol. ad Heluidiam cap. 10. de quodam Apicio Philoſopho ſic ait: *Apicius noſtrâ memoriâ vixit, qui in ea vrbe, ex qua velut corruptores inuentus Philoſophi abire uſſi ſunt, ſcientiam popina profeſſus, diſciplinâ ſuâ ſæculum inſecit.*

Nonne videtis, quod de Apicio ait, *diſciplinâ ſuâ ſæculum inſeciſſe*, hoc eſt, ætatis ſuæ homines omnes, totum adeo mundum corrupiſſe, & vitiaſſe ijs documentis, quæ de re culinaria, & cibis ad luxum apparandis, totâque liguriendi arte turpis lurco, & contaminatiſſimus popino tradidit? Quæ enim peſtis alia tam exitioſa domibus, tam pernicioſa rebus publ. tam noxia totis regnis, ac helluatio, delicatèque, & intemperanter viſitandi conſuetudo? Hæc ſunt, quæ corruptos homines deprauant, hæc quæ mundo interitum adferunt. Libros omnes, quotquot de re culinaria agunt, proſcribere oportebat, & procul relegare popinarios omnes tanquàm facultatum peſtes, & fulmina valetudinis, & vitæ gladios, & patrimoniorum gurgites, fataleſq; ſtrages: Nam ſi ad victum parſimonia, moderatio ad cibum adhiberetur, nunquàm tanta videretur, quanta eſt huius temporis egeſtas, & penuria. Obſeruet ergo hanc Politicus noſter doctrinam, frugalitatiq; diligenter ſtudeat, ex qua vitæ incolumitatis, quietis, opumque illius conſeruatio pendet. Certè miſerabilior nullus ſeruus, quàm qui ſuo ventri mancipatus.

Ieremias hanc nobis teſtaram veritatem dabit. Trigeſimo nono ſui varicinij capite recenſet ſanctus Propheta nomina ducum militiæ regis Babylonis, qui primùm obſederint, poſthæ etiâ ingreſſi fuerint urbem Ieroſolymorum. Sunt autem iſta: Ne-regel, Seſereſ, Semegarnabu, Sarſachim, Raſares, &c. Ab his captum regem Iſraelitarum Sedeciam rex Babylonis Nabuchodonosor exoclauit, vincumq; compedibus miſerum magnis modis habuit,

atque in Babylonem abduxit. Reliquias autem populi, qui remaſerant in ciuitate, & perfugas, qui tranſfugerant ad eum, & ſuperſtuos eules, qui remaſerant, tranſtulit Nabuzardan magiſter militum in Babylonem; Ierem. 39. 9.

Chriſtophorus Caſtrius doctus Ieremiæ Interpreter in horum commentatione iſtud monet: *Liſceas animaduertere quoniam ſacram ciuitatem ingreſſi fuerint, nempe qui principatum gerebant in buſiſinodi rebus ad delitias facientibus, principes Conguentariorum, liquorum, & coquorum. Hi omnia deuoluant. Condimentarij, pulpamentarij, popinones, ganeones, talisque gulæ mancipia ſacroſanctam ingreſſi ciuitatem templum incenderunt, & ſupremam omnibus ſtragem attulerunt. Non ſunt aliæ tales peſtes orbis, quales ingluuiei patroni, doctores proſuſionis, & intemperantiæ, turpium libidinum vernæ, malatum voluptatum ſectatores, & procuratores, luxus, & rerum ſuperuacanearum, vnguentorum, dico, peregrinorum, & exoticorum odoramentorum, & meretriciorum fucorum, & pigmentorum inuentores, quorum facile princeps fuit Nabuzardan, qui apud Ieremiam audit Magiſter, ſiue archigubernus militum, apud LXX. Interpretes Princeps coquorum, apud Tigurinos Magiſter rerum capitalium, ſiue criminalium index ſupremus, apud Pagninum, & alios Princeps lanionum, ſcariorum, apud Chaldaum princeps occiſionis. Quæ talia ſunt, ac ſi verbis apertioribus dicas, qui ſunt coquorum principes, eoſdem eſſe velut milites, qui ſaucient, & prædentur, velut latrones, qui maſcent, velut quæſitores, qui in patibulum agant, & velut quosdam ipſius mortis rhabduchos, liſtores, ſatellites, adiutores. Omnia hæc, & ampliùs etiâ quid ſunt gulæ miniſtri, & coci. Hi vaiſtant ciuitates, ſuccidunt facultates, conſciunt vitas, plures namque ſunt, qui gulâ, quàm qui gladio perierunt, nec vllus bellorum furor tam multos interimit, quàm coquorum improbus labor occidit. Quicumq; ergo diu benè viuere cupiant, ſancti Iacob noſtri exemplum reſpiciant, qui eâ ſemper vſus fuit victus moderatione, eâ ciborum parſimoniâ, vt lentibus, tam vulgari legumine, veſceretur. Non magnum enim requirit natura noſtra nutrimentum, & ſi fortè intemperans caro ſuperfluum quidquam poſtulet, ſurdas aures nequicquàm inclamet, ab efreni enim gulæ libidine voces eæ veniunt, neceſſitas nihil tale obſecrare eſt ſolita.*

Audiat Politicus noſter, quod hanc in rem perlepidè dicebat deuotus ille Bernardus Sylueſter, quem alij meliſſimum Bernardum fuiſſe exiſtimant, reperi-



reperiturque in eius Operum Tomo 2. Diebus paschalis abundanter, non tamen delicate pasce familiam. Faculam litigare cum bursa, & caue curis aduocatus existas. Si autem inter bursam, & gulam iudex existas, sapius, sed non semper pro bursa sententiam feras, nam gula affectionibus probat, & sic testibus non iuratis, bursa euidenter probat iam arcem, & cellario euacuatis, vel breui tempore vacuandis. Inter varias æconomicas præceptiones hoc quoque familiarum moderatoribus consilium pius hic vir suggerit, vt domesticos suos solennioribus, vt paschali- bus, & his paribus diebus cibo copiosiore largè, sed non lautiore, ac lectiore opiparè, splendideque reficiant, affluant esculenta, sed non sint immodico studio apparata, exquisita, sed non sint immodico Magis tamen festi, ac singulares dies cibos etiam aliquos exposcunt singulares. Monet præterea patrem familias, vt quando gula loculis diem dicit, litis arbitrium sibi assumat, sed attendat pro qua parte pronuntiet, ac testes cuiusque studiosè, diligenterque examinet, & pro loculis plerumque sententiam ferat. In gulæ testibus plurima sunt, quæ culpari, quæ contrà opponi queant, quò minus eorum audiantur, eurenturue suffragia. Hoc vno maximè laborant vitio gulositatis testes, quòd à passionibus sunt præoccupati. Loculi iuculentissime sua demonstrant, gulæ namque opponunt inania armaria, vacua frumento horrea, exhausta vino vasa, & multam in penario penuriam, quæ omnia gula effecit, vt cæcis suis cupiditatibus, perditisque passionibus faceret satis. Euidenter ergo contrà gulam crumena causam suam probat. Gulæ proinde libidinem compescere necessum est, & manus illi arcè obstringere, ne prorsum exinaniantur crumena. Est enim gula fulmen loculorum, opum ruina, vitæ perniciēs, iactura pecuniæ, omniumque bonorum tam spiritualium, quam corporalium vastatio. Sit ergo quisque his contentus, quæ vitæ humanæ necessitas requirit, instruat naturam suam ad frugalitatem, & moderati victus vsu, consuetudineque assuefaciat, natura quippè talis ferè per omnem vitam est, qualis diuturna exercitatione ab initio facta, & formata. Qui hæc facit, idem bonâ perditu vteretur valetudine, & plurimos sumptus vitabit, curasque, & sollicitudines, & inquietatem, & incommoda, quæ ex helluationis vicio, & gulæ licentia nascuntur, effugiet.

Vide in Tomo 2. Perinchem II. Dominica XVI. post Trinit. pag. 230. col. 2. o. in hanc rem plura.

Bonum, malumue non in rebus ipsis, sed in vsu earum bono, aut malo est positum.

Vix profanus frater, & gulofus helluo Esau videtur esculenta iacobitis, quando tam efficitur ea deperire caput, vt mortem sibi incursum videretur, nisi illa consequeretur, quare & dicebat: *Da mihi de coctione hac rusâ*, Genes. 25. 30. cuius est gratissimus color, oppidè enim lassus ruri redeo, & tamen tantum non enecor. Ex originali textu hebræo alij ista sic transferunt: *Obtege me, obtege me, imple me de rusâ isto*, cuius mihi species mirum quantum arrideat. Quis cogitasset, tanulli cibi tantam potuisse esse appetentiam? Quis putasset in tam viles lentes tam vehementer exalturam Esau orexin? Quòd autem ille per immoderatum appetitum hac occasione peccarit, id communis sententia habet omnium interpretum, quos ego vidi, Chrysostomi, Strabonis, Lyrani, Tostati, Guiljelmi, Cornelij, Pererij, Oleastri, Istellæ. Ex his plerique memorant quinque gulositatis modos, quibus hoc flagitium, vt sanctus Gregorius obseruauit, tentare homines solet. Modorum illorum vnus quidam est, cum quis intemperante auditate magis, quam nimia ciborum copiâ peccat, quod Esau hac vice fecit. Magnus Gregorius apud Glossam Ordini. in cap. 25. Genes. sic ait: *Esau primogenita amisit, quia magno astu despicabilem cibum, id est, lentulam concupuit, nec cibum, sed appetitum in vitro est. Vnde lautiores cibos plerumque sine culpa sumimus, & abiectiones cum reatu concupiscentia degustamus. Esau enim primatum pro lentula perdidit, Elias in eremo virtutem carnes edendo seruauit. Hinc diabolus, quia non cibum, sed concupiscentiam causam esse damnationis intelligit, primum sibi hominem non carne, sed pomis subdidit, & secundum pane tentauit. Hinc est quod plerumque pro culpa committitur, etiam cum scilicet sumuntur. Hinc accipitur, quòd omne bonum, malumue, absolute loquendo, non in cibis, & esculentis, sed in illorum moderata, vel intemperante appetentia est positum. Hinc etiam eruitur documentum, quòd omnis status, & conditionis hominibus magnæ esse vtilitati queat, esseque istud, vt nemo exultimet, omne malum, aut bonum in rebus ipsis esse collocatum, sed in vsu earum magis positum, alij enim in oreum sæpe adducuntur per ea, per quæ alij in cælum abeunt.*

Obseruauit Simon de Cassia modum, quo Dominus conuertit Centurionem illum, qui iuxta crucem ipsius adibat, & Reges Magos ad se adduxit, quo



quo tempore duri præsepis strato pto molli culcitra  
vebatur. Simulac vitæ author expirauit, terra, vt  
aiunt: Euangelistæ, contremuit, cum prius illam ca-  
lignosa eclipsis totam obsecrasset, idque ab hora  
sexta, ac deinceps: *A sexta autē hora tenebra factæ sūt  
super vniuersam terram & sūq; ad horam nonam; in-*  
quit Matth. cap. 27. vers. 45. Nulla dies alia tam  
lugubrem vestem induit. Dicunt porrò vltērā Euan-  
gelistæ: *Centurio autem, & qui cum eo erant, custo-*  
*dientes IESVM, & sūq; terra motu; & his, quæ fiebant,*  
*timuerunt valde terrentes, Verē filius DEI erat iste;*  
ibidem. vers. 54. Ad hunc modum conuertit in oc-  
casu vitæ suæ, & illuminauit istos cæcos Gentiles.

Videamus nunc quomodo idem Dominus ab O-  
riente Sole ad præsepis sui incunabula adduxit alios  
illos Gentiles, Reges Magos dico. Per vnam stellam  
eos ad se accersit. *Stella antecedebat eos,* inquit rur-  
sūm Matthæus cap. 2. vers. 9 præibatque in Bethle-  
hem, & stabulum, non iam stabulum, sed cælum il-  
lus ostendebat, vbi verum Solē reperirent.

Dicit nunc Simon de Cassia libr. 13. in Euan-  
gelia: *Ecce magnum mysterium, quod in natiuitate*  
*Christi, & in morte Iudeos gentiles credituros præce-*  
*dit. Viriq; per signa moti sunt, illi per radiantem stel-*  
*lam, isti per tremulam terram, illi per nouum fidus*  
*nostrum illuminatum, isti per antiquum Solem mira-*  
*biliter obscuratum.* Magnō vtique sacramento factū,  
quod Saluator noster & in ortu, & in occasu homi-  
nes pari infidelitatis vitio laborantes signis non pari-  
bus ab erroribus suis abstraxit, & omnes quidem mi-  
raculis, quæ viderunt, sed Persas itællæ irradiatione,  
milites verò tremore terræ ad fidem permouit: *Ecce*  
*magnum mysterium;* quod alij per stellæ lumen, alij  
per eclipsis tenebras ad lumen fidei adducuntur, &  
illos noui sideris splendor, hos veteris Solis obscu-  
ratio illuistrat. Cur Dominus per causis tam diffe-  
rentes eundem voluit operari effectum? Ob id, vt  
intelligamus, bonum, malumue non in rebus, sed in  
modo, quo eis vitamur, esse positum, nam & bona in  
omnibus reperire, & formidare mala possumus, &  
quæ lux illuminauit Magos, illa obtenebravit Iu-  
deos, eisdemque tenebris & obscurari fuere Hebræi,  
& ad lucem adduci Gentiles. In omni re est & quod  
appetas, & quod metuas, ac fugias. Itaque nec in  
luce, nec in tenebris vniuersa sunt posita, sed in eo  
salutis tue cardo versatur, vt recte virisque vtaris.

Narrat sacrum Oraculum causam, ex qua pio To-  
bie sui cæcitas profectus fuerit, idque talibus verbis:  
*Contigit & quadam die fatigatus à sepultura, Gen-*  
*tens in domum suam ingressus se iuxta parietem; &*

*obdormisset, & ex nido hirundinum dormienti illi ca-*  
*lida stercore inciderent super oculos eius, fieretq; ca-*  
*cus;* Tob. 2. v. 10. & 11.

Arca Testamenti Seraphica (sic B. Antonium de  
Padua Pontifex Maximus quondam appellabat) il-  
lud hac in historia notauit, quod sacer Scriptor ipse  
submonendum putauit, nimirum calida fuisse ster-  
cora, quæ cæcarunt Tobiam: *Contigit & dormienti*  
*illi calida stercore inciderent,* &c. Quamobrem ve-  
rò illius historię author hoc exprimere voluerit,  
quod ardentia erant tunc stercorea, quando pientissi-  
mo Patriarchæ sensum nobilissimum extinxerunt?

Respondet sanctus Antonius Feria IV. hebdoma-  
dæ IV. in Quadrag. *Quia stercorea, nisi sint calida,*  
*non excecant.*

Quid illo stercore, quod homini principem sen-  
sum adimit, significatur? Diuitiæ, opum facultates  
& bonorum huius vitæ caducorum thesauri tempo-  
rales. Hæc tali nomine donat Apostolus, cum ad  
Philip. 3. 8. ait: *Omnia arbitror & stercorea,* gem-  
mas, aurum, argentum, adamantes, quæ miserè de-  
lusus mundus magnoperè veneratur, re autem verà  
Stercus pretiosum sunt, sic enim diuitias appellare sa-  
leo, inquit sanctus Gregorius Nazianzenus orat. 17.  
Quod ergo sacer Historicus ait, Tobiam stercore ca-  
lido cæcatum fuisse, tantundem est ac si dixisset (in-  
quit B. Antonius Paduanus) non in rebus ipsis bo-  
num, malumue, non in diuitijs commodum, siue  
damnum positum esse, sed in modo, quo eis recte,  
aut secus vitamur, nam & sterces tunc solum lumi-  
na extinguunt oculorum, cum caleet, non cum frigi-  
dum alget, aut repetit: *Sic diuitia nisi cum ardore di-*  
*ligantur, non offendunt. Diuitia si assuant, nolite cor*  
*appondere* (aiebat S. David Psal. 61. 11.) *& tunc sup-*  
*ple, non nocebunt.* Opum copię, nisi earum intem-  
perante amore flagres, non efficiunt visui, nisi de-  
memoriaris, & turpi, probrosæque auaritia illas anhe-  
lus confectis, non incommodant oculis, non con-  
taminant animam, non tenebras menti offundunt, vt  
propterea Psalmographus monuerit, non adijcere  
ad eas animū, si fortè affluant.

In cuius verbis notandum occurrit, quod non  
abdicare, & abijcere huius mundi facultates consu-  
lit, sed non appondere cor eis, non adijcere animi af-  
fectum, non immoderate, perditæque mare. *Nolite*  
*cor appondere;* ait, velut dixisset, *tunc non nocebunt,*  
non incommodabunt, non oberunt diuitiæ, immò  
prodèunt, maiorūque meritorum occasionem  
ex se ministrabunt, si in egenos erogaris, si pauperi-  
bus impertiaris. Nam si caliculo aquæ frigide hoc  
lucrari,



lucrari, & promereri possumus, ut de torrente voluptatis illius semper iterum potemur, quo modo non facilius illam beatitudinem, & quietem æternam duraturam consequemur, si nudum vestiamus, viduæ miseria ope nostrâ leuemus, orphano subueniamus, pupillis victum præbeamus, æstivo solatium, membris capto remedium præbeamus, lapsæ manum porrigamus, alijsque pietatis, & misericordiæ studijs operam demus? Itaque non in rebus ipsis, sed in vñ earum recto, aut sinistro bonum, malum, & omne est positum. Si quis rectè eis utatur, illi utilitatem pariunt, malè ventibus noxiæ sunt.

Huius dicti graue suffragium reperiemus in illa insigni Seminantis parabola, qui cum frumentum suum quatuor in partibus seminasset, vna fructum attulit, reliquæ sui agricolæ expectationem fefellerunt. Adeamus harum partium feminis infelicitate, & infructuosè iactatam, eam, quæ in corda hominum opulentorum incidit. De hac sic habes apud sanctum Lucam 8. 14. *Quod autem in spinas cecidit, his sunt qui audierunt, & a sollicitudinibus, & diuitijs, & voluptatibus vitæ suffocantur, & non referunt fructum.*

Pulchrum sanè est magni Bulgarorum Archiepiscopi Theophylacti in ea verba annotamentum, quod ille sic reddidit: *Vide, cum de his, qui suffocantur, loquitur, non dicit, quod a diuitijs suffocantur, sed præcuris diuitiarum, & sollicitudine, non enim diuitias nocent, sed sollicitudines earum, multi enim magna comoda ex diuitijs percipiunt, illas in pauperum ventres proicientes. Hinc ergo efficitur, non in rebus malum, bonum, & confiliter, sed in modo, quo illas in vsus nostros transferimus. Nec in diuitijs vniuersum malum, nec bonum omne in paupertate est situm, multi enim diuites cælo excipiuntur beati, multi ad inferos abeunt pauperes reprobi. Non in cultiore vestitu omne malum, non in cilicio, aut neglectiore indumento omne bonum est positum, potest namque ornatiore habitus pro alis esse, quibus in cælum quis subuehatur, potest & cilicium in orbem demergere, non beat quenuquam saccus, byssus enim neminem damnat, sed modis, quo talibus rebus utimur.*

Hæc doctrinâ Tertullianus perstringit vanos, ac leues mundi amatores, qui ex creaturis Dei arripiebant, quo malefacti sua, erroresque inumbrarent, & excusarent. Argumentabantur illi ferè ita: Cur damnentur diuitiæ, aurum, argentum, deliciae, holocaustum, succinum, electrum, odoramenta, pigmenta, gemmæ, adamantes, cum hæc omnia opti-

mus Deus creauerit? Quid obstitit, quod minus licitè vesci, & frui possimus his, quæ ipse fecit, eaque ad utilitatem, voluptatemque nostram vertere? Omnia ergo vestire, omnia ad corporis sui ornatum vir adhibere, omnibus se excolere, & perpolire mulier, & quæ illa cunque libent circumferre ad pompam potest.

Hoc tam puerile argumentum diluit Tertullianus lib. de habitu muliebri cap. 8. dicens: *Materia ex Deo sunt, non statim & huiusmodi fructus. Aliter in Ensonibus quaritur (sic hunc locum Rhenanus refutuit) & Unde sint concha, & quâ dispositione collocantur. Ipsa etiam idololatria ex rebus Dei constat, nec ideo idololatriam impune faciet Christianus. Tale quidpiam est, quod voluit Tertullianus: Verum est, fateor, quod affirmatis mundi immundi studiosiores mulierculæ, nempe Deum esse vnicum & supremum rerum omnium conditorem. Quis tam cæcè blasphemus sit, ut hoc inficiari audeat? Indene verò conficitur quod vos vultis? Nequaquam. Non in materia malam positum est, non in auro, non in margaritis, non in suffimentis, aut incensis odoribus (nam cum hæc à Deo sint facta, quomodo mala esse possunt?) sed in vñ eorum malo. Nonne ipsa etiam idololatria ex rebus Dei constat? An propterea impune quis tali scelere se obstringat? Quis hoc affirmet? Hinc ergo infallibili consecutione fit, non in rebus, sed in earum vñ positum esse bonum, & malum. Subiungit porro Tertullianus: *Sic ergo & circa actum materialium sensus à Deo descendens propterea excusatur, Deo extraneum, & rerum, scilicet gloria sæculum; ac si planius ita dixisset: Ingens rerum creaturarum abundantia in magnificæ potentie Domini insignem gloriam cedit, sed eam abusus ex vano, & erroneo mundo, cæcisque hominibus venit, qui in suam perniciem illas conuertunt. Nam ut præclarissimus Tertullianus interpret. Cerdæ notâ 114. in cap. 8. libri de habitu muliebri ait, res indifferenter sunt, si bonum & sanè, honesta erunt, si malè uturpes.**

Testes suæ assertionis eruditissimus hic Pater duos, eosque amplissimos adducit, sanctum Ioannem Chrysostomum, & Cyrillum Hierosolymitanum. Beatus Chrysostomus homel. 2. ad Pop. sic ait: *Vinum Deo opus est, ebrietas opus Diaboli. Rectè faciunt, qui vinum ob id intemperanter hauriunt, quod Deus vitem, ex qua illud nascitur, creauit. Minime omnium. Videmus namque vinum à Deo, eiusque manibus descendere, ebrietatem verò, ac temulentiam semper damnari, & execrationi esse, quod*



quod ad eam vultus dæmon magno studio, & sollicitudine incitet.

Sanctus Cyrillus catechesi 3. sic habet: *Quæ in aëre offeruntur, cum naturæ sint puræ, inuocatione demonum impura efficiuntur.* Sic vltus bonas, aut malas efficit res alioquin indifferentes, dum eas siue in Dei gloriam, siue in illius offensam, aut in suum exitium, vel commodum quispiam vertit.

Hoc etiam Cordubensis Seneca Epist. 31. talibus verbis affirmat: *Honestas, & turpia virtutis, & malitia societas efficit.* Virtus bona facit, quibuscunque illa accedit, sic malitia noxias, & damnosas res quibus adiungitur.

Senecæ hoc pronuntiatum mihi facere videtur, vt opportunum rei præsentī veniat, quod celebris magister latinitatē P. Bartholomæus Braue in scholis sacræ Societatis Iesu dicere amabat, ei quæ istud, quod nonnulli minùs eleganter latinè vel loquantur, vel scribant, id non ex eo fieri, quod verba eos elegantia deficiant (nullum enim est vocabulum latinum, quod non valde sic elegans, nullum verbū, quod non ornatum, nulla dictio, quæ non ex sese venusta, & perpulchra) sed quod rectè, decenterque ea coniungere nesciant. Hanc rem tali paradigmatē dilucidabat. Siquis diceret: *Ego do tibi vnam magnam penam*; barbaram orationem conficeret. Sed quomodo barbarā, insulsa, incomptaque ea sententia est, cuius particula singulæ, vt *Ego, & Deo, & Tibi, & vnam, & Magnam, & Penam* admodum bonæ sunt, & cum Marco Tullio Ciceroni, tum alijs exactissimis, perpolitissimisque scriptoribus vtitur? in quo ergo phrasis huius vitium positum est, cuius verba nulla sunt vitiosa? In nexu illorum, & coniunctione, quæ cum per se bona sint, ex inconcinna constructione, & ruti copulatione efficiuntur barbarā & sordida. Elegantiā itaque non in verbis, aut vocabulis, sed in eo posita est, vt rectè illis vti noueris. Tantundem ego cum Seneca affirmo: *Honestas, & turpia virtutis, & malitia societas efficit.* Aurum bonum est, argentum, vniones, adamantes, sericum, & alia huiusmodi ex se adlaphora sunt, siue indifferentia. Quomodo ergo mala sunt? Quia malè veruntur. Vt quisque Christianus ijs siue rectè, siue finitèr vltus fuerit, sic illa vel commoda sunt, vel damnosa. Auro & cælum nobis comparare, & promereri infernum possumus. Non enim in rebus ipsis bonum, aut malum constitit, sed in vltu illarum, nec in iugurio beatitudo posita est, nec in palatio damnatio, neque solitudo saluat, neque communis vitæ consuetudo cælo prohibet, sed eorum

vltus bonus, aut malus, eodem namque cultro, quo panis ad victum scinditur, vita innoxio admittitur.

Sanctus Patriarcha noster Isaac, quanquā lautius aliquantū, dapilidusque vixit, saluatus nihilominus fuit, filius autem illius Esau vno lentium esu periit, perdiditque, vt sanctus Paulus affirmat, iura, immunitates priuilegia domus suæ omnia. Ac tametsi ea iura, & priuilegia cælum Iacobi iam deputarat, concesseratque, Esau tamen sua esse arbitrabatur, & tanquā sua vendebat fratri, dum pro lentibus illa offerebat. *Propter vnam escam vendidit primitiuas suas*; inquit Paulus Heb. 12. 16. Videte quanta mala in paucis, vilibusque lenibus reperta fuere! Pro illis renuntiavit sacerdotio, & primo mensæ loco, & benedictioni, quā impertire fratribus reliquis natu minoribus potuisset, & vestimentis pretiosioribus, cultioribusque, quæ per dies festos, tanquā suæ dignitatis insignia, induisset. Vendidit principatum dominatus regij, vendidit ius, quo ad illum paternarum opum pars dupla pertinebat, & primogenituræ proprietatem, & supremam benedictionem, quā a discessuro è viuis patre expectare potuisset. Itā notant Lyranus, Abulenſis, Honcala, Pererius, Cornelius, Oleaster, Istela, Martinus del Rio, & alij, qui tamen in patris nonnihil dissentiunt. Omnium verò istorum lucrum sanctus Patriarcha Iacob fecit, eò quod in victu frugalis esset, & parsimoniā ad mensam vteretur, ciborumque abstinentiam, & inediam, & ieiunium amarere, & diuina beneficia suis ponderibus pensaret, ac magno loco haberet. Esau itaque non peccauit per luxum ciborum, aut epularum intemperantem vltum, sed propter vnam escam, & vilia legumina, & tantillulas lentículas, vt hinc noster Politicus accipiat, bonum, malumue non in rebus ipsis positum esse, sed in eo, vt quis rectè illis vti sciat.

## CAPVT VI.

*Qui scuto mortis obarmatur, is tam securus pergit, vt nec ab hoste contingi, nec feriri ab aduersario quopiam timere debeat.*

Occasione tam celebræ abstinentiæ, parsimoniæque, & frugalitatis, quæ sancto Patriarchæ Iacob familiariter vltata erat, coronabo hunc librum quadam ratiocinatione, quæ commoda veniet ijs, qui in die Cinerum pro concione dicunt, quando viuis omnibus, quales à morte futuri sunt, ob oculos communiter proponitur, & Euangelium eiusdem diei exponitur. Atque vt suis numeris absoluta eua-



ta euadant, quæ de hoc argumento dicere, propo-  
 situm est, necessum fuerit ad memoriam reuocare  
 duas ex multis virtutes, ex quibus ingentem sibi a-  
 pud omnes laudem, & admirationem construxerunt hu-  
 ius magni Patriarchæ parens Isaac, & auus Abra-  
 ham, qui vnâ maximè in peregrinos hospitalitate,  
 & prolixitate erga pauperes excelluit, & illustrissima  
 omni posteritatis, & mundo toti exempla post se re-  
 liquit. Hanc ipsius in egenos liberalitatem satis il-  
 lud commendat, & prædicat, quòd *in ostio taberna-  
 culi sui in ipso seruire dicei*; (Genes. 18. 1.) sedens  
 excubabat, diligentissimèque circumspicebat, ne  
 quis peregrinus, aut mendicus præteriret, qui non  
 recto, mensâque illius ante vsus fuisset. Pectoris ar-  
 dorem, quocum hoc actitabat, temporis feruor prode-  
 bat. Isaac hac re maximè præstitisse videtur, quòd  
 rei omnium certissimæ, hoc est, mortis horam incer-  
 tissimam semper ob oculos circumferebat. Satis  
 hoc indicauit improbo filio suo Esau, quando ad eū,  
 quo tempore illi benedicere constituerat, aiebat:  
*Vides quòd sensuerim, & ignorem diem mortis meæ*;  
 Genes. 27. 2. ratio proinde postulat, vt rationes, quas  
 supremo Iudici daturus sum, subducam, & res ani-  
 mæ meæ omnes diligenter, sollicitèque componam.

Obseruauerunt hic Interpretes, quòd Isaac his di-  
 ctis totos quadraginta tres annos superstes vixit.  
 Notatum hoc à Tostato, Pererio, & Cornelio, qui  
 aiunt: *Vixit posthac adhuc Isaac annis quadraginta*  
*tribus, mortuus est enim anno ætatis centesimo octoge-*  
*simo.* Parsimonie itaque studium, hospitalitatis, &  
 liberalitatis amor, perpetua mortis recordatio. Tres  
 sunt virtutes, de quibus hoc loco sermonem insti-  
 tuam, tres flores, quos Politicus noster, tanquam  
 argumentosa apes delibabit, & carpet, in subsidium  
 dulcis fabricæ profectuum animæ suæ. Hæc tria ar-  
 ma vestire, his clypeis se munire debet aduersus tria  
 mortalia spicula, quibus capitalis inimicus noster  
 multas solet fauciare, & mactare animas, quan-  
 quam immortales maneat.

Tres præcipuè fulminares machinæ, quibus mun-  
 dum dæmon acrius infestat, & vehementius impu-  
 gnat, pluresq; & arces deiecit, & occupauit ciuita-  
 tes, sunt superbia, gulositas, avaritia, vt inquit San-  
 ctus Ioannes 1. epist. c. 2. v. 16. dicens: *Omne quòd*  
*est in mundo, concupiscentia carnis est, & concupiscen-*  
*tia oculorum, & superbia vitæ*; quæ verba de supra-  
 dictis vitijs accipiunt omnes plerumq; Interpretes,  
 O Eumenius, Dionysius Carthusianus, Lyranus, Lo-  
 rinus, & Cornelius. Lyranus sic loquitur: *Concupi-*  
*scientia carnis est, qua regit in volupuosos, concupi-*

*scientia oculorum in cupidis, & auaritia, superbia vitæ*  
*in ambitiosis.*

Quam probè nouerant veteres Græcorum Phi-  
 losophi, hæc tria vitia esse duces, & fontes cætero-  
 rum, vehementissimòq; esse illorum insultus! Quo-  
 ties enim quisquam Philosophiæ professionem faci-  
 ebat, vt vitæ religiosæ nunc ascetæ faciunt, æternam  
 talium peccatorum inimicitiam, implacabileque o-  
 dium, & dissidium ab eis pæpetuum iurabat, vt re-  
 fert Sanctus Isidorus Pelusiora lib. 4. epist. 198. vbi  
 habet ista: *Iurabat unusquisque in hac verba, Ego*  
*contemnam omne malum lucrum, voluptatem corpo-*  
*ris, inanem gloriam.* Solùm iurabant velle hæc bello  
 persequi vitia, & irreconciliabiles aduersus illa  
 fouere simulrantes, quod ipsis videretur, si tria ista  
 superarent, quæ velut radices, & fontes essent cæ-  
 terorum, reliqua omnia, facili negotio subigere, &  
 conficere posse, quæ tanquam riuus sunt illorum fon-  
 tium, & quasi membra istorum capitum, & rami il-  
 lorum truncorum, & effectus illarum causarum.

Plinius lib. 21. cap. 21. ait, *serpentes nunquam in*  
*trifolio affici*, tantus est in illis venenatis animali-  
 bus talis herbæ metus. Res mira! Notorium est  
 eam herbam illo trifolij nomine donatam à tribus  
 folijs, quæ in singulis habet germinationibus. Cùm  
 itaque mala omnia, vt S. Ioannes aiebat, ab his præ-  
 cipuis fontibus, & capitibus principalibus, super-  
 bia, inquam, gulositate, & auaritia descendant, ac  
 dimanent, arripiat Christianus hoc trifolium, cu-  
 retque has secum ferre tres virtutes contrarias tri-  
 bus istis vitijs, mortis recordationem contrà super-  
 biam, studium eleemosynæ contrà avaritiam, vsum  
 abstinentiæ contrà gulositatem, videbitq; quòd ser-  
 pens diabolus non audebit ipsum aggredi, neque  
 impugnare. Cùmq; has tres principes radices, & pri-  
 maria malorum capita vicerit, facile de toto pecca-  
 torum exercitu reliquo triumphabit. His tribus ar-  
 mis nos mater nostra Ecclesia in die Cinerum vestit,  
 & caput quidem nostrum galeâ memoriæ mortis  
 contrà superbiæ flatus obteggit, dicens: Memento  
 homo quia pulvis es, & in puluerem reuerteris;  
 Gen. 3. 19. pectus verò lorica ieiunij munit aduer-  
 sus ciborum luxum, & intemperantiam, vt illius vitijs  
 ictus sine offensione excipiamus, inquit: *Cum se-*  
*sunatis*, Matth. 20. 16. manibus deniq; eleemosynæ  
 ancile obtendit, quo avaritiæ impetum retundant,  
 dicens cum Christo: *Hisaurizate vobis thesauros in*  
*celo*; Matth. 6. 20. his enim mortis, ieiunij, & elee-  
 mosynæ armis conuictus homo christianus, tam  
 securus in palæstra huius mundi versabitur, vt nul-  
 lus



lus ad illum penetrare hostis queat, nullus quā eum parte sauciet, inuenire possit. Eā trifolij herbula antiquum illum acheronticum serpentem fugabit, serpentes enim nunquam in trifolio aspicit solent.

Primam ergo galeam, quā nos tutari aduersus capitalem nostrum inimicum debemus, & primum trifolij folium studiosè consideremus, & mortis memoriam viuam, quantumq; in ea præsidium contra omnes hostes nostros habeamus, expendamus. De hac re sic ait Sanctus Basilius Magnus homel. 11. in hexam: *Fac natura memineris, & ecce omnis illa ad improbitatem sectauam affectio pessumit. Iugis hac cogitatio salutare quoddam amuletum est aduersus quodcumque peccatum.* Cura ut tequum puluerem recorderis, ex quo te supremus Opifex finxit, fragilitatemque tuam attentius pensicules, videbisque quā leuiter repelles, & obrues omnes prauarum appetentiarum, & noxiarum cupiditatum inimicas cohortes, quæ te inuadunt, ut vitā animæ exuant. Hæc memoria potentissimum est contra omnem peccandi libidinem remedium.

Quā eleganter dictum illud, *Iugis hac cogitatio salutare amuletum est!* Amuletum dicitur omne genus remedij positum in characteribus, signis, vocabulis, imaginibus, figuris, quæ superstitiosi homines comminiscuntur, talemque habent efficacitatem, ut nec gladius, nec pestis, nec venenum, nec fascinum, nec rabidus canis, nec aliud quidpiam eis incommodare possit, & ab omnibus periculis, quæ in hac vita occurrere homini possunt, sint liberi, quicumque eiusmodi amuletum penes se habuerint, & circumtulerint. Dicit nunc Magnus Basilius: Vultisne forte aduersus omnia vitia, & passionem, affectusq; mortales præsidium, scutum quod vos protegat, vmbonem, qui defendat, amuletum, quod sospitet, characteres, qui seruent, vocabula, & figuras, quæ tutos præsentent? Mortem sapienter ad memoriam reuocate, caducam vitam vestram, miseramque fragilitatem eius crebrò recordemini, talis namque cogitatio *salutare quoddam amuletum est aduersus quodcumque peccatum*, & potentissimum contra omnes peccatorum tempestates, exorcismus. Tantum valet hæc memoria, tanta est illius recordationis efficacia.

Ita sentiebat, quantum ego quidem existimo, Propheta regius, quando apud se reputans beneficia, quibus à Deo cumulabatur, inquebat: *Ipse liberavit me de laqueo venantium*, Psal. 90. 3. Alianè verò sunt discrimina, à quibus exemit: *Ab incurso, & damonio meridiano*; ibid. v. 6. Quis ille fuerit

incurso, quod meridianum dæmonium, cuius hic sanctus Propheta meminit, à quo illum Dominus liberarit, ut proinde venatorum animam eius perquirentium laqueos saluus, incolumisque euaserit, non est facile intelligere. Sed priusquam expositionem aggrediamur, notandum, illa nostri vulgati textus, *Ab incurso, & damonio meridiano*, à Sancto Hieronymo apud Richardum Cenomanum etiam sic verti, *Ab morsu insidiantis, insanientis meridie*, subaudi, canis; Alij, ut monet Lorinus, sic transferunt, *A peste, ab exitiali morbo*. Apud Theodotionem autem, & quintam editionem sic habent, *A plaga, & conclusionem*. Denique apud Agellium, *A morbo immedicabili*. Iam difficultas verborum superiorum etiam perstat, nec enim scimus quid intelligi queat nomine dæmonij meridiani, quod tam varijs vocabulis, puta pestis, morsus, morbi exitialis, & immedicabilis, donatur. Prætermitto hoc loco multa, quæ à multis dicta, & aio, dæmonio meridiano significari obliuionem mortis, siue illius sublatam, abiectamq; memoriam. Quid sol meridianus agit? Vmbra à corporibus omnem impedit, adimitque. Affirmat hoc S. Gregorius Nyssenus homel. 2. in Cant. dicens: *Meridies vmbra caret, sole lucente, super verticem*. Sol causa est vmbra, qui cum ad diem medium radijs perpendicularibus supra capita hominum immineat, facit, ut omnem auferat vmbra. Quod vmbra sit mortis symbolum, id tritum, peritagarumque est, asseriturque ex literis sacris, & profanis à Berchorio, Valeriano, Richardo, & Laureto, cuius est istud: *Vmbra dicitur ipsa mortalitas*; Vt enim vmbra videtur corpus, & non est corpus, sic mors vmbra similem reddit, & relinquit hominem, ut homo videatur, & non sit homo, hominis scilicet sola quædam lineamenta exteriora habens, aliud nihil. Quod ergo regius Propheta Dauid ait, se Dei beneficio liberatum à dæmone meridiano, qui omnes adimit vmbra, tantundem est, ac si diceret, se ab illius dæmonis infestatione seruatum, qui toto ingenio, & omni studio connititur, ut ipsi suam vmbra, hoc est, caducæ & fragilis vitæ suæ, mortalitatisque recordationem ex oculis auferat, quod verò ab huiusmodi dæmone vindicatus sit, id perinde est, ac si à rabidi canis lethali morsu curatus, à desperata ægitudine sanatus, & veneno liberatus sit, quod nullo alioquin remedio depelli poterat. Nam cum hominem suæ fragilitatis memoria destituit, aut vafri dæmonis astus meridiem ex illo facit, hoc est, omnem vmbra cogitatum ei adimit, & caducæ vitæ prorsum immemorem reddit,



id tale est, ac si mortiferos illi dentes infingeret, & animam ipsam insanabiliter confingeret, contagiosissimamque ei pestem adferret. Quisquis à tali demone est relaxatus, idem omne incommodum, periculumque velut euasit. Nullum enim manifestius discrimen, quam id, in quo versatur, qui vitam sibi promittens longiorem, mortis omnem deponit cogitationem, cuius recordatio salutare quoddam amuletum est aduersus omne peccatum, & medicina generalis quarumcunque animæ infirmitatum.

Magnus Athanasius quæstione 14. inter varias, quas ad Antiochum Principem dedit, illud sciscitatur: *Qualemnam orationem, aut quod verbum ex omnibus orationibus, atque verbis plus timent daemones, & diabolus?*

Respondet: *Narrauerunt nobis spirituum studio si, homines fide digni, quod aspectu ipso, & de facie aliquando apparuerit eis diabolus, & petita hanc ab ipsis quæstionem responderit his verbis: Non est in toto tam veteri, quam nouo testamento verbum terribilius, atque magis nostram disperdens potestatem, quam inuicem sexagesimi septimi Psalmi. Statim enim dicto, Exurgat Deus, & dissipentur inimici eius, mox elulans euanesce, & dissipes diabolus, factis ostendens huius orationis virtutem, & operationem.*

Quid verò habet ille Psalmus, quod tam vehementer horreat stygius cacodæmon, viresque illius tam potenter conterat, vel frangat? In illo Psalmo prænuntiatur Christi Redemptoris nostri triumphalis resurrectio, ut propterea ad illud nostri vulgari textus, *Exurgat Deus*, glossa Augustini hoc dilucidationis ergo adiecerit: *Resurgat de sepulchro Christus.* Hæc verò sunt verba, quorum tanta est contra dæmonem efficacia. Quia dum Christianus accuratâ consideratione hæc secum verba expendit, cogitatque Deum ipsum sepulchro illatum fuisse, & mortem subiisse, qui erat immortalis, & hominum cæterorum instar in tumuli, & septenorum pedum loci angustias coniectum eum, qui erat immensus, vitamque ipsam in funesta mortis brachia incidisse, demum verò postquam de hac triumphasset, atque in vitam immortalem resurrexisset, quinque cicatrices, tanquam mortalitatis indices, & testes reuoluisse, quomodo fieri potest, ut non mitescat, tametsi efferatis fuerit moribus, & non emolliatur, vel si adamas sit, & non conteratur animo, quantumvis obstinatus sit, & pernix? Deus enim è sepulchro exurgens quem non conuerteret peccatorem, & quem consequenter non fugabit dæmonem? Nostra namque peccata sunt arma, quibus nos dæmon impu-

gnat, nostra scelera gladij, quibus nos obtruncat, & ingulat. Ergo cum ex mortis recordatione compungatur homo, & ad flagitiorum suorum poenitentiam, detestationemque adducatur, sit ut hac ratione dæmoni sua potestas adimatur, & destruat, hominis autem robur augeat, & vires non conualescant modò, sed & incrementa faciant. Armet sese proinde Politicus noster tali galeâ, muniat eiusmodi clypeo, sic enim fiet, ut cum attentus suam apud se reputauerit fragilitatem, & viam semper circumtulerit caducæ vitæ, miseriarumque omnium memoriam, securus per omnia præsentis temporis pericula ad perpetuam quietis immortalitatem adipiscendam penetret. Nunquam illum hoc vnum è tribus folium desiliat, quod infernales angues tam vehementer extorret, sit ut id genus serpentes nunquam in trifolio contingat affici.

De mortis salutaris recordatione, & efficacia illius memoria, aduersus omnes vitiorum assultus, habes plurima in citroque Tomo priore. Vide Indices rerum verbo Mors.

## C A P V T VII.

Ingenium, & abstinentia tam est forte, ac validum scutum, ut Christus ipse, ac si alias nullas vires haberet, illud sub mortis horam arripere, eoque se contra hostes suos tutari voluerit.

Sequitur nunc secundus animarum nostrarum inimicus, qui sancto Ioanni dicitur *Concupiscentia carnis.* Hæc est gula, seu victus intemperantia, ut diximus, de qua tam gloriosè triumphauit Iacob. Strages, quas hoc vitium facit, supra commemorauimus. Nunc reliquum est demonstrare, quam fortis armatura, quam validus murus sit ieiunium, & abstinentia aduersus crudelem hunc inimicum, omnesque illius federatos, quotquot signa eius sequuntur, & partes consequuntur.

Sancto Ioanni Climacho gradu 14. dicitur ieiunium *incentiuorum omnium abscissio, malorum cogitationum amputatio, mentis custodia, quietis occasio.* Quod verò quietos nos seruat, idem magno nobis est, & singulari presidio.

De numero dierum illorum quadraginta, quos inelus exegit Redemptor mundi, mira dixerunt sancti Doctores, & Oratores euangelici. Ut nobis exemplum de se præberet noster superus Magister, quadraginta dies, ac totidem noctes absque omni viâ transiit, & cum resurrexisset quadraginta diebus, & quadraginta noctibus, &c. Matth. 4. 2. Quod hic



hic quadragenarius numerus sit decantatissimus in sacris literis, res est tam comperta, vt me probandi labore ipsa notorietas leuet. Verum percontemur sacrum Rauennatum Archiepis. Petrum Chrysologum, quid mysterij habeant illi quadraginta ieiunij Dominici dies, tali nempe numero necessum est magnum subesse sacramentum.

Respondet ille serm. 12. *Ipse Victor singularis adiuuenit ieiunium quadragesima, statuens in procinctu, Et quaternā decade ieiunij quadraturam mundi totam muro inexpugnabili communiret.* Erat mundus quædam velut ciuitas aperta, patens, & absque muris, ac per hoc dæmon dominium sibi in homines vsurpare cœperat. At quid egit Dominus, vt omni illum potestate suā nudaret? E coelo descendit, & cinxit mundum, qui in partes, seu plagas quatuor diuiditur, puta Orientem, Occidentem, Septentrionem, Meridiem, quorum orbis terræ terminorum crebram sacræ literæ faciunt mentionem. Vt ergo Dominus mundum in securitatem assereret, imitatus diligentem belli ducem, industriūque & prudentem Capitaneum, qui animosissimos milites in portis locat, vt per illos sint ab hostibus benè tutæ, in singulis quatuor mundi partibus dies sui ieiunij decem, tanquā decem milites, totidemque muros, & arces constituit. Decem ieiunij mei dies (aiebat supremus exercituum Dominus, & archigubernus) in præsidio Orientis collocentur, decem ad Occidentem abeant, decem Meridiem seruent, decem in Septentrione excubent, ita fiet, vt securus degat mundus, communita nihil timeat terra, tuti viuant homines, & aduersus omne periculum humana roboretur anima. Hæc è multis vna causa est, quòd Dominus quadraginta dies, ac noctes omni cibo sibi interdixit. *Et quaternā decade ieiunij quadraturam mundi totam muro inexpugnabili communiret.* Sic autem obuallatus mundus dominici ieiunij, & abstinentiæ magni Capitanei nostri diebus, ac velut murorum, militumque præsidio munitus ab omni hostium metu vacuus esse potest, dum tali custodiâ rectè modò vti sciat. *Ieiunium enim scimus esse arcem Dei, arma Christi, murum spiritus, sexillum fides, sanctitatis trophæum,* quod totidem verbis S. Chrysologus in eodem serm. 12. affirmat. Benè itaque Climacho ieiunium dicitur *Quies occasio,* per quod nimirum fit, vt tranquillam, pacatamque vitam ducamus, dum ab illo ab inimicis nostris defendimur, & propugnatur.

Ad hoc procul dubio alludit S. Ioannes Chrysostomus, quando de hac tam vtili, ac momentosa vir-

tute, deque armis tam validis differens in cap. 13. Matthæi aiebat: *In horro virtutum glimum fortitur locum ieiunium.* Si in his chorus idem est, quod exercitus, siue turma militaris (puto autem sic vsum eo vocabulo chorus sacrum Doctorem, quod & ille de Canticis fecit, cum inquit: *Quid videbis in Sulamite, nisi choros castrorum;* Cant. 7. 1. nisi acies, & papiliones militares?) percommode in rem præsentem locutus est Chrysostomus. Vegetius, & qui de militari disciplina præterea scripserunt, suadent, cum ad proximam pugnam digerendæ copiæ, ita collocare manipulos; totamque sic instruere aciem, vt partem illius extremam teneant, qui diutius arma tractarunt, & in disciplina militari amplius sunt exercitati, hi enim alijs facere animos, atque vt magis industrij, ad omnem belli euentum paratum habere remedium, & cuncta conflictus pericula præuertere, & auertere debent. Cum ergo ait Chrysostomus, *In horro virtutum glimum fortitur locum ieiunium,* hoc est quod dicere voluit, Ieiunium in acie virtutum extremas copias ducit, nam cum sit animosissimum, robustissimumque, omnes sic protegere, & defendere potest, vt nulla ex ijs pereat. Ieiunium enim virtus est magnarum virium, & fortitudinis singularis, & miles strenuus, ac generosus, & dux intrepidus, & impenetrabile scutum.

Quis non miretur tres illos Israëliticos pueros in ardentibus flammis voracis illius Babylonicis incendijs coniectos, quòd impij idololatæ, & barbari regis simulachrum venerari noluerunt, in medio flagrantium carbonum, & æstantis fornacis tam voluptuosè obambulasse, ac si blandus Zephyrus leni asperitu eos afflasset, aut apricum hortum peruagati floridulos, & pictos illius puluillos pedibus, oculisque lætis obijissent, laudes etiam supremo benefactori Deo ardentibus animis, & magnis vocibus decantasse? De quibus sic habes Daniel. 3. 24. *Et ambulabant in medio flamma laudantes Deum, Et benedicebant Domino.* Vnde illis tanta in tanto incendio securitas? Quomodo inter medias flammis tam festiuos promere cantus potuerunt? Quomodo vorax ignis tantum tribus illis pueris detulit, vt velut subblanditus sit his, quos deuorare debuit, & ardore suo ijs assentatus, quos consumpturus erat, vt paradiso similior visus fuerit, quàm æstanti fornaci locus, in quem exurendi detrusi fuerant? Quis tam validi hostis fortissimas vires fregit? Quis ardentibus flammis in amabilem Fauonium transmutauit?

Quis? At quis alius, nisi ieiunium? inquit sanctus Basilius Magnus. Ieiunium ferociam ardentis-



simi istius elementi perdomuit, & immanitatem tam infesti, furiosi, & vulcanij incendij compressit. Ieiunium fuit inclytus tam flagrantis hostis victor. Ieiunauerant tres illi pueri diebus superioribus, abstinerant mensæ regiae cibis, nolentes contaminari escis vetitis, & victu profano, cumq; ignem tam validis armis, tamq; impenetrabili scuto obmuniti intrarent, subegerunt flammæ, ac viuidos illius carbonēs sic calcârunt, ac si amœnum hortum peragrarent, flammæq; illis refrigerium, adferebant, & pro tepente, placidoq; Zephyro erant. Declarat hoc Amianti exemplo Magnus Basilius Orat. 1. de ieiunio, inquit: *Ea est lapidis cussus flamma, quem Amiantum appellant, natura, & igne quidem confectis nullo modo possit, in flamma tamen positus prunarum speciem præferat, inde verò extractus, quasi aqua bene lotus, ac lustratus, purior, ac nitidior videatur. Talia erant tria illorum puerorum corpora, qui ieiunij adiumento, cum Amianti lapidis vim haberent, in immensam illam fornacis flammam coniecti, perinde ac si naturâ ignei essent, ab ignis iniuria incolumes enaserunt, & quæ adeo ut auri vim superarent. Verè stupenda Amianti proprietates, quæ talis est, ut in æstuantissimam fornacem coniectus exuri videatur, verum è flammis erutus tam purus, nitidusq; exeat, ac si aquis dilutus, non flammis adustus fuisset. Plurimum similia huius lapidis erant corpora trium illorum puerorum, (idq; vi, & efficacia ieiunij,) qui in sævas flammæ coniecti, tales inde prodierunt, quales à fornace aurum venit, purioresq; & fortiores, & pulchriores sunt egressi: Et si diligenter rem examines, auri vigorem etiam superârunt, aurum enim ignis pertinacitate sæpè colliquescit, at hi tres animosi, & masculo animo pueri ab incendio vegetiores, & venustiores exierunt. Ieiunij merito totum hoc factum est, ieiunij procuratione, & solitudine admirabile hoc prodigium euenit, ieiunij adiumento Amianti lapidis vim habuerunt. Ieiunium namq; verus Amiantus est, qui ridet flammæ, ludibrio habet ignem, elementa inuertit, immutat vires, transformat proprietates, faciens ex flammis Zephyros, viridaria ex fornacibus calcarijs, Hierosolymam è Babylone. Tanta est ieiunij vis, tanta huius virtutis potestas, quam Deus ipse consecrauit, & quadraginta dierum, noctiumq; obseruantia dedicauit.*

Quanta autem sit ieiunij efficacia non parum ex eo elucescet, quod Regi virtutum, & omnis potentie Domino in supremo illius, & pœnali cum a-

cerba morte conflictu accidit. Blasphemias in illum plurimas, & atrocissimas hostes ipsius capitales omnes iactabant, quod ipse, ex sententia sancti Augustini, multo ante præuiderat, & per os Prophetæ regij prædixerat, quando Psalmo 68. 5. 7. sic aiebat: *Multiplicati sunt super capillos capitis mei, qui oderunt me gratis, confortati sunt, qui persecuti sunt me, inimici mei insusse;* Et cum sitim meam, quâ intolerantissimè laborabam, illis significarem, dederunt in escam meam fel, & in sitim meam potauerunt me aceto; ibid. v. 22. Satis manifestè hic videre licet, inquit egregius Doctor, quàm accuratè ad ipsum literæ sensum expletum hoc fuerit in mitissimi Agni acerbissima passio. Cum enim videret, quod omnia iam tormenta exantlasset, solusq; reliquus esset ex aceto degustando cruciatus, vix ardentem, sæuamq; sitim suam aperuerat, quando Iudæi, ut illius dolores exasperarent magis, auctioresq; redderent, mordax acetum ei propinârunt. Verum Euangelista monet, quod cum gustasset, noluit bibere; Matth. 27. 34.

Dicit nunc Augustinus: Quidnam inter hos tam acres, & acerbos conflictus, tantæq; amaritudines patientissimus Dominus agit? Id, quod Propheta cum Euangelista congruens affirmat: *Operui in ieiunio animam meam*, ibid. v. 11. In quæ Augustinus: *Ieiunare elegit*; impotus manere maluit, quàm bibere. Cumq; hæc ieiunij lorica se texisset, consummatum est, inquit apud sanctum Ioannem c. 19. 30. velut dixisset: Ad umbiculum deductum est negotium, & certa victoria. Qui enim forti hac, insigniq; lorica communitus est, non habet quod metuar, hostiumq; profligationem, & indubitatum sibi promittere potest triumphum. Irrugiant itaq; inimici, furant hostes, ac perbaccheantur, armentur, blasphemij, iactent conuitia, vomant probra, quidquid libitum est, id & faciant, & dicant, totus contra me Orcus coniuget, sed hoc sibi persuasum habeat, quod inanis à me redibit, nam in me non habet quidquam, Ioan. 14. 30. hoc est, non inueniet, quâ parte me inuadere queat, ut ferè exponit sanctus Gregorius. Cur istud? Quoniam operui in ieiunio animam meam, ieiunio contextus, ieiunij sento munitus, & à summo vertice vsq; ad extremas calces sum obarmatus. Quis sub his armis timeat? Quis tali clypeo scutatus tremat? Tanta nimirum vis est ieiunij, ut Deus ipse illâ uti videatur aduersus omnes suos visibiles, & inuisibiles hostes, tanquàm non haberet, natium robur suum, & defendendi sese, ac protegendi potentiam immensam. Quod autem ieiunij



iunij præsidium sibi adhibere voluit magnus Dominus, hoc ad illius singularem commendationem fecit, vt quanta sit illius virtus, & potestas, nobis innotesceret, quod scilicet solum tueri illum, cum tam multis in locis tam rabiosis ab hostibus oppugnaretur, potuisset, tamen vires, quibus seipsum defenderet, alias nullas habuisset. Hæc omnia talia sunt vt Politicum nostrum profectus sui spiritualis cupidum ad illius tam potentis virtutis amorem, & magni Patriarchæ Jacob imitationem excitare queant, vt tam valido scuto testus non pertimescat hostium suorum capitalium ictus, à quibus insidiosissime observatur, & dolosissime tentatur, & pertinacissime impugnatur. Hoc folio tutus ab omni infernalium serpentum vafritie fuerit, dictum enim iam iterum, ac sæpius serpentes in trifolio nunquam affici.

*De sacri ieiunij laudibus habes multa in Tomo I. Vnde illius Indicem rerum.*

CAPVT VIII.

*Ardens habendi sitis nullo alio facilius extinguitur, quam aqua liberalis, & prolixe erogationis.*

VEniamus nunc ad Trifolij tertium folium, quod mediacioni seruiet tertæ infirmitatis, quæ mundus plurimum laborat, & nescio an grauius, quàm præcedentibus. Aegritudo hæc est auaritia, quam sanctus Ioannes vocat *concupiscentiam oculorum*, avari enim quidquid videt oculus, hoc ferè appetit, & suspirat animus. Multi arbitrantur habendi auiditatem acquisitione, & accumulatione multarum opum extinguere, non secus ac sitis ardor remittit, cum aqua copiosius hauritur. Verum non ita res habet, sunt enim etiam infirmitates (in quibus hydrops) quæ ex copiosiore potu augefcunt, magisque efferantur, & vehementius bibendi desiderium excitant, vt aqua videatur magis accendere, quàm refrigerare, & potius inflammare appetitum, quàm mitigare. Idem auaritiæ accidit, quæ infernalis quædam hydrops est, cuius ardor non extinguitur multa habendo, non auri copiâ opprimitur, immò verò tantò plus accenditur, quantò plus argenti bibitur, & plus auri acquiritur, sic vt pari mensurâ & opum affluentia, & earum fames angescat.

Euangelicus Propheta Isaias cap. 7. v. 1. hæc memorat: *Et factum est in diebus Achaz, filij Ioathan, filij Ozia regis Iudæ ascendit Rosin rex Syriæ, & Phacee filius Romelia rex Israël in Ierusalem, ad præludum contra eam.*

Nicolaus Lyranus, dum sensum morale eorum verborum persequitur, ait, istorum duorum regum nominibus duo significata vitia, superbiam nempe, & auaritiam, quæ supremum animabus exitium semper machinantur. Verba Lyranus talia sunt: *Phacee, qui interpretatur oris apertio, signat auaritiam; unde auarus dicitur quasi aris audius, & sic os apertum habere dicitur, quia nunquam pecunijs satiat. Aptissimum auri symbolum, propriissimaque illius appellatio est Phacee, siue hians ore, qui enim temporalium bonorum immoderatâ cupiditate flagrat, is plura semper ore patulo anhelat, neque exsaturari potest, quantumvis auri, & argenti accumulet; Os apertum habere dicitur, quia nunquam pecunijs sattatur.*

Quin immò contrarium ferè euenit, nam ipsa rerum plurimarum copia, ipsa thesaurorum ingentium collectio, ipsa diuitiarum magnarum consecutio, ipsa opum potatio sitim vehementiùs inflamat, concupiscentiamque reddit flagrantiorē. Id Claudianus pereleganter his versibus cecinit:

*Non Tartesiæc illum satiaret arenæ  
Tempestas pretiosa Tagi, non stagna rubentis  
Aurea Pactoli, totumque exhausit Herminum,  
Ardebit maiore siti . . . . .*

Si Tagus, si Pactolus, si maria omnia merum aurum essent, & in auri pectus tota se exonerarent, sitim illius, ardoremque cupiditatis non extinguere, non vel imminuerent, sed exaggerarent etiam, & amplificarent.

Hærebat in consideratione huius tam communis mali sanctus Ildorus Pelusiora, quod tamen peruiolatilissimum sit, & latè patens, illum tamen in magnam admirationem rapuit, vt diceret: *Inexplicabilis hic morbus est, atque anigmatis similis, cum curatur, ingrauescit, per excogitatum remedium atrocior efficitur.* Hæc ille l. 3. epist. 412. ex hom. 13. sancti Ioannis Chrysostomi in epist. ad Rom. To. 4. ac si pluribus dixisset: Non est qui ingenio naturam huius infirmitatis assequi possit; obscuro ænigmati per similes est hæc aegritudo. Quis Hippecrates conditiones illius inuestigabit? Quis Galenus perscrutabitur? Quid est, ex quo agere est auaro, & diuitiarum immodicè cupido? Sicis illum auri, & argenti afflicta. Bibat ergo aurum, bibat argentum, bibat vniones, adamantes, margaritas alias, totum Arabiæ aurum, & metallorum, quotquot mundus habet, pretiosissimorum venas omnes, easque copiosissimas, ac diuissimas illi exhibeant. Facientne hæc,







possident, plura habendi appetentia amplius inflammatur, & flamma ardentis pectoris magis accenditur: *Tanquam auarus vitam eternam desiderauit.* O tyrannidem auaritiæ! ô sitim cupiditatis rabi- dam, & intolerabilem!

Quenam sit huius ægritudinis parens, quæ cau- sa infirmitatis, id Claudius Galenus lib. de curandis animi morbis c. 9. videtur subindicasse, cum sic ait: *Auari si duplum quidpiam habent, triplum incipiunt. Quare nunquam tu sanè omnibus ditior, sed propter immodicas cupiditates semper futurus es pauper.* Aua- ri cupiditas modum nescit, quæcunq; pridie conse- quitur, postmodum minora, & pauciora sunt his, quæ præterea vellent, quod si & hæc obtineat, tanquam inopem copia faciat, ad plura inardescit, & concu- piscendi nullum finem habet. Hydrops nimirum est, qui crescit indulgens sibi morbus, ut profanus Hora- tius lib. 2. Carm. canebat. Sic auaritia, quo curari posse remedio putabatur, eo sit grauior, & medicina magis accenditur, ignisque concupiscentiæ eius magis inflammatur, dum auri aqua illi affunditur, quæ extinguendus sperabatur.

Quod verò remedium tam graui ægritudini adhi- bebimus? Aut quam medicinam constituemus ma- lo, cuius tam malum ingenium, tam improba natu- ra, & maleuola conditio? Non aliam, quam supe- rius Medicus præscripsit, cum ait: *Nolite thesauri- zare vobis thesauros in terra;* Matth. 6. 19. Nam si ardentem illam cupiditatis sitim, quæ suo ardore a- nimas vestras depascitur, & tota adurit viscera, vul- tis extinguere, id facere debetis non accipiendo, si- ue accumulando, sed erogando: *Thesaurizate vo- bis thesauros in celo;* ibid. v. 20. projicite opes, & copias vestras in manus pauperum, sic enim ab illo flagranti morbo, & ardente ægritudine persanabi- mini.

Plutarchus etiam tale quoddam consilium sug- gessit apud Magellan. in c. 6. ad Timoth. 1. Anno- tat. 6. To. 1. dicens: *Sitientem, qui nondum bibe- rit, spes est potum sitim aboliturum, qui vero continen- ter bibens sitire non desinat, non impletionem, sed pur- gationem censemus opus habere, & conuere subemus.* Qui plura necessarijs possidens, plura expetit, eum non aurum, & argentum sanare possunt, sed iacturâ opus habet, & purgatione. Ut is, qui sitim restringere suam non potest, tamen potum alium ex alio plenius crateribus semper offundat, non hauſtu curari po- test, sed omnis potus denegatione, & subtractione: Sic ille, qui pluribus abundat, quam victus hone- ſtus requirat, neque tamen satis habet, tamenſi

Cræſo ditior, tamenſi nulla sint satis ampla illius frumentis horrea, tamenſi vino torcularia perpe- tuum redundant, tamenſi cum illo euangelico for- dido stulto plurima bona in annos plurimos habeat reposita, quique auri, & argenti abundantia magis, magisque accenditur, & inflammatur, non aliter curari debet, quam ut moneatur exonerare se auro, & argento, cui si non obtemperet consilio, nunquam ab infirmitate sua conualeſcet, immo ægrius habe- bit, & morbo semper grauiore afflictabitur: *Iacturâ opus, & purgatione.* Distribuat ergo facultatum sua- rum copias in egenos, aurum suum, & argentum in mendicos erogat, gazophylatium suum in pauperes euacuet, & clausis arctâ arcæ custodiâ pecunijs ino- pum miseriam liberaliter leuet; sic enim & morbi sui malo lenabitur. Habendi namque sitis curari aliter, quam erogandi aqua non potest.

Tantundem consulit Sanctus Gregorius Nazian- zenus Orat. 17. dicens: *Naue paululum exonerat, & leuius nauigat, in egenum aliquid eorum, quæ tibi re- dundant, eructa, & euome.* Cum nauis quæpiam immodicis ponderibus prægrauata superueniente iactatur tempeſtate, hoc habet remedium, ut leue- tur onere, quo euadat periculum. Qui nimio cibo ſitum infarciit, & expleuit stomachum, ei vomitus mederi potest, & eiecſio eorum, quæ intus moleſti- am pariunt. Simile remedium suggerit magnus Theologus avaris, omnibusque, qui hydrope auri, argenti, pecuniæ laborant, consulit, & nisi nauſtra- gari inter concitatos ægritudinis suæ fluctus velint, alleuiet nauem, & in pauperes de rebus suis quas- dam exonerent, & si oppletum habent ventriculum, hoc est, confertas numis arcas, affluentia horrea frumento, cellaria vino, leuent illum suis ponderi- bus stomachum, aurumq; illud, & argentum, & fru- mentum, & vinum, & vestimentum superfluum e- rogent in eos, quos talium indigos vident: *Eructa, & conue;* ut sic conualeſcas ab ægritudine tua, & incolumis viuas, imminuto enim opum pondere ci- tius, ac tutius ad optatum gloriæ portum appelles, cumque euomueris ea, quibus abundas, cœlestes thesauros pro terrenarum facultatum copijs reci- pias. Habendi ſiti labolendæ nulla commodior me- dicina, quam erogandi, & dandi aqua.

Ecclesiasticus c. 3. v. 33. ait: *Ignem ardentem exstinguit aqua, & eleemoſyna reſiſtit peccatis.* Aptè in causam præſentem expoſuit hæc verba doctissi- mus, & eruditissimus Aloysius Nouarinus, dicens, magno Spiritus Sancti consilio, & ſingulari myſte- rio comparatam eſſe eleemoſynam aquæ, igni aua- ritiam.



ritiam. Tale quidpiam namque hoc est, ac si dictum fuisset, ad restringendum ignem non esse quarendum alium ignem, sed hostem illius notorium, puta aquam. Itaque si auaritia ignis est, & quod auarus plura corradit, eò ardentior animæ subijcit ignē, habendique sitim auget, vt hæc sitis extingatur, aduersarius illius accendendus, & adhibendus, qui est dare. Quare vt ignem aqua extinguit, sic immoderata habendi cupiditas, & insatiabilis hydrops elemosynâ curanda sunt, quæ est aqua, quâ ille ardor extinguitur, & opprimitur ignis. Audite eloquentem Nouarium: *Elemosyna extinguit peccatum, quia diuitiarum amorem sicut ignem in mediis aquis obruit, & extinguit.* Paret ergo hanc sibi Politicus noster medicinam, curetque vt ab ea probe semper sit instructus, quemadmodum sanctus Patriarcha Abraham faciebat. Sit liberalis, & munificus in pau-

peres, & egenos, tali nimirum aquâ ardentem sitim, intemperantemque cupiditatem habendi facile abolebit. Abstinentiæ scuto, vt Iacob fecit, sese obmuniat. Cum Isaac galeâ caput armet, sese obmunimo circumferens suæ fragilitatis memoriam, saluberrimamque, & medicam trifolij herbam ad manus semper habeat, sic enim serpens infernalis ipsū adoriri, & tentare formidabit, *serpentes enim in trifolio non asspicit* iam olim obseruatum. Nam si ex his tribus capitibus, aut fontibus, superbiâ, gulâ, & auaritiâ dimanant vt riuus quidam cætera vitia, & peccata, si has scaturigines obstruamus, & illa capita demetamus, & radices euellamus, reliqua flagitia facile vincemus, & calcabimus. Facile enim curatur, cui in fonte remedium adhibetur, & exiguo negotio sanatur, cui in ipsâ radice medemur.

## LIBER SEPTIMVS.

### CAPVT I.

*Nihil scit, qui rem vnam tantum nouit, tametsi eius rei scientiâ insigniter excellat.*



Vangelista pictor beatus Lucas in sua Euangelica historia narrat (cuius & supra facta mentio) quod cælestem Magistrum Princeps quidam conuenit, vt cum illo de animæ suæ salute communicaret, magnam exterius præferens consequendæ vitæ æternæ desiderium. Reuerenter ergo ad illum accedens, hoc illum humiliter, demissèque interrogauit: *Magister bone, quid faciens vitam æternam possidebo?* Lucæ 18. 18. hoc est, doceri velim, quibus potissimum medijs vti debeam, quæ huc mihi sint magis commoda, & efficacia, vt finem vltimum consequar, illum, ad quem sum conditus. Audiuit illum superus medicus, & diuinus doctor, & cum quadam verborum asperitate hoc illi subacutum responsum dedit: *Quid me dicis bonum?* ibid. v. 19. Quid ea res, Domine, tibi stomachum mouet, quod ille te conuenit, & consuluit, quid sibi faciendum, vt animam suam saluare posset, quod tu vnicè cupis, & optas? Quid te in terram è cælis abstraxit, nisi huius rei ardens desiderium? Et cum in cruce animam ageres, quid æquè ostentabas, ac flagrantissimæ charitatis incredibilem sitim, quâ hoc ipsum emedullitè expetebas? Secundum hæc quid

tam vehementer animo concitaris, cum id interrogaris, quod ipse magnoperè desideras?

Sanctus Ambrosius acutè respondet, dicens: *Versuta interrogatio fuit Principis illius, quare & responso debuit esse subaufera, & acerbior.* Aduenit dolosus Princeps fraudem animo regens, vocansque Christum bonum magistrum, & dicens: *Magister bone.* Sed quid in his malis, aut vafritiis? Illud, quod in portione bonum dixit, non in vniuersitate, nam Deus in vniuersitate bonus, ait Beatus Ambrosius. Salutis suæ sollicitus, vt videbatur, consultor bonitatem, & eminentiam Domini æstauit, & ad rem vnicam, hanc nempe solam adstrinxit, quod bonus esset magister: *Magister bone.* Quod cum ille audiret, exasperari animo coepit, & succensere, quod hoc esset maculam inferre magnitudini illius imensa, & eminentiam infinitam insigni probro afficere, & graui iniuriâ onerare. Tametsi enim laude dignum sit, esse magistrum, sed vnâ re tantum esse bonum, & solum vnâ excellere facultate, videtur tale esse, ac si nihil sit. Vno enim solo præstantem esse non tam est excellentia hominis, quàm imbecillitas virum illius: *In portione bonum dixit, non in vniuersitate.* Quæ autem maior commendatio, quàm si de quopiam verè affirmes, omnibus vniuersis dotibus corporis, atque animi præstare, atque eminere?

Posteaquàm filij Israël ex miseranda Ægypti captiuitate



ptiuitate sunt egressi, magnâ in deserto aquæ penuriâ laborare cœperunt. Clamabat itaque Moyses ad Dominum, vt is affligi miseretur populi. Audiuit supplicem pietissimus Deus, iussitque vt secum ferens virgam, quâ dum flumen percussit, aquas eius in sanguinem vertit, adiret petram Horeb, caderetque eam, quæ percussa frigidam diuite copiâ fusura esset: *Virgam, quâ percussisti flumen, sume in manu tua, & uade, &c.* Exod. 17. 5.

Non fuit nemo, cui hoc in loco dubitare occurreret, cur Dominus voluerit, vt Moyses apud se virgam haberet, quâ fluium percussisset, & plurima miracula patrauerat, cum nouo prodigio facturus erat, vt durum saxum ad illius contactum rigidis è visceribus mollem abunde aquam funderet. Efto, fuerit instrumento quopiam cœdenda petra, quid verò necessum fuit, vt Dominus præciperet, hanc peculiariter eò adhibere virgam, cum miraculum non in instrumento, sed in potentia Dei positum, ab eaque profectum fuerit?

Dubitationi huic fatiscit Rabbi Salomon apud Nicolaum Lyranum, dicens, Deum voluisse virgam eam ad illud pietatis, & clementiæ officium verti, vt vindicare honorem istius instrumenti, quod plurimum honorârat, & magnificârat in Ægypto, dum ipso ad castigandam Pharaonis superbiam, sumendaq; de regno eiusdem supplicia, horrenda; que tum hominibus, tum brutis pœnas infligendas vsus fuit. Erant in populo Israelitico quidam tam sceleratè maleuoli, & maledici, vt de virga illa affirmarent, ad flagellandum, sauciandum, mactandum, nocendumq; solum valere, bene facere, aut commodare nemini posse. Vni rei tantum apta est, inquebant, nimirum vt vulneret, strages faciat, vastitates adferat, iustitiæ vindictiue seruiat. Vt ergo innotesceret, ad omnia vsui esse id instrumentum, vimq; eius non ad austeritatem modò, aut supplicia, sed ad beneficia quoque extendi, & non ad puniendum solum, verum etiam ad consolandum adhiberi, nec minus clementiæ, quàm iustitiæ seruire, aiebat Dominus ad Moysen: *Virgam, quâ percussisti flumen, tolle in manu tua; vt quæ aquam in sanguinem olim ad Ægyptiorum perniciem transformauit, nunc aquam è siliæ ad Israelitici populi mei refrigerium proliciat, & expromat.* Hinc omnes accipiant, omni vsui aptam esse virgam, hoc est, vt iustitiæ, & potentie, sic & misericordiæ, atque beneficiæ, insignemque illa, & celebrem vbique famam obtinebit.

Audiamus Rabbi Salomonem, qui apud Lyranum in cap. 17. Exodi sic loquitur: *Erant aliqui*

*de populo Israël irâ maligni, quod dicebant, quod misericors illius Virga solummodò se extendebat ad mala infligenda, sicut patuit in plagis Ægyptiorum, sed non se extendebat ad conferendum bona, & ideo Dominus præcepit Moysi Esi Virgâ illâ in educatione aquæ de petra, & manifestè videretur, quod non solum erat instrumentum diuina iustitiæ in malis pœna inferendis, sed etiâ diuina misericordia in bonis conferendis.* Omnia nosse & posse, id tantum nosse est, & posse: Verum qui vnicum tantum scit, quanquam perfectissimè sciat, nihil scire videtur.

Dulciloquentiâ suâ, & incredibilis sermonis suauitate tam efficaciter cœlestis Magister ad sese pertrahebat auditores, vt necessariam obliti alimoniam per incultas eremos, & abstrusissimas solitudines illum prosequerentur. In tali quodam deserto agebat, frequentissimâ hominum concione stipatus, qui cum toto triduo comites illi cohæserint, fieri non potuit, quin famis depellendæ necessitate laborarent. Ergo Discipulos accersens in deliberationem, & consultationem vocabat, quo fami huic subueniendum remedio, vnde expetenda annona, quâ hominum ab omni victu imparatorum esuries leuari posset. Responderunt ij, septem panes, & duos pisces habere reliquos, aliud præterea nihil esse super. Iussit ergo hanc qualemcunque annonam adferri, cui cum sacram suam benedictionem impertisset, raro prodigio sic aucta est, vt plus à mensa fuerit sublatum, quàm initio ad eius impendia collatum: *Nam manducauerunt, & saturati sunt homines quater mille, præter mulieres, & pueros, & sustulerunt quod superauerat de fragmentis, septem sporas,* inquit Beatus Marcus c. 8. v. 8.

Theophylactus in commentario illius capitis ait: *Etiâ antea tale quoddam miraculum fecit Dominus, & nunc quidem denuò operatur sumptâ occasione iustâ, non enim semper miraculum facit in alimentis.* Semel, iterumq; prodigiosus Magister illustre panum, ac piscium multiplicatorum miraculum operatus fuit, quod cum primum fecit, tantam sibi famam, exultationemque confluxit, vt rapere illum, & constituere sibi regem voluerint, qui tam inaudita nouitatis spectatores fuerant. Cumq; illa tam insignita, & oblupefenda miracula essent, bis tantum, neque amplius, talia patrauit Dominus, non enim semper miraculum facit in alimentis, inquit magnus Bulgarorum Archiepiscopus. Sed cur non perpetuus erat in ijs prodigijs faciendis, augendisque panibus, & piscibus, quæ tantam relinquebant apud omnes admirationem? Quamobrem dicis?

Eam



Eam ob rem, quam hic tractamus. Si Magister celestis solis in panibus, & piscibus potentia suae ostentationem faceret, & ad unam tantummodò annonam augendam vires omnipotentis brachij sui exereret, diceret vulgus, magna esse ipsius miracula, sed non vsquequaque grandia, non omnino magnifica, quòd illius prodigia operandi facultas ad solos se pisces, & panes extenderet. Vt ergò palàm fieret, quanta esset potentia illius magnitudo, thaumaturgi brachij virtute vbique, & in omnibus rebus vsus est, non in panibus solum, & piscibus, sed & in mari, in demonijs, in viujs, in mortuis, in aegritudinibus, &c. ex quo innotesceret, omnia magnum esse, qui in omnibus magnus. Parùm enim admirabilis illius ars videtur, qui rem vnã, quamquam accuratissimè, & exactissimè, facere nouit. Qui magnus est, debet in multis se talem exhibere, vt omnia coniunctim, paribusque suffragijs insignitè magnum probent.

Hæc vna causa est è multis, quòd Patriarchæ nostro Isaac Dominus præcepit, ne Ægyptum peteret, quo tempore fames patriam, in qua vitam agebat, magna totam obtinuerat, dicens: *Ne descendas in Ægyptum, sed quiesce in terra, quam dixero tibi*; Genes. 26. 2. Erat Ægypti fertile solum, & abundantissima terra, neque illam patiebatur sterilitatem, eumque magnam domi suæ sanctus Patriarcha numeraret familiam, diuesque pecorum, & opum aliarum esset, transire in illam copiosam regionem cogitabat, quod notant Nicolaus Lyranus, Abulensis, Pererius, & alij. Apparuit itaque illi Dominus, & ait: *Ne descendas*; quod perinde fuit, ac si dixisset: Quando similis huic annonæ caritas olim erat, quo tempore parens tuus vixit, tunc ille Ægyptum petijt, vt ibi necessitati suæ remedium pararet, tuque arbitraris, quòd præter Ægyptum non sit mihi aliud reliquum, quo inopiam tuam leuare queam. At volo scias, quòd falleris. Nec quiscquam existimet, omnem meam in solo Ægypti penario repositam annonam, vnicamque solum mihi exploratam viam, quã meorum egestati ire obuiam possim, sed hoc omnes intelligant, multa mihi cognita itinera, per quæ meorum necessitati occurrant, multa mihi esse artificia, quibus eos pascam, & medicinas vni etiam infirmitati curandæ plurimas. Age ergò Isaac, atque ibi, vbi à me iussus, morare, ibi enim tibi, tuisque, quæcunque victus vester requirit, procurabo, & subministrabo, sic vt nihil desit. Rem enim vnicã tantum, quamuis permagnã, scire, non est insignitè excellere, aut plurimum, magnificèque præstare.

*Peccator bombyx est, sibi ipsi pœnarum suarum æternarum sepulchrum construens, & mortis supplicium adornans.*

Sacer textus ait, *ortam esse famem super terram*. Squæri potest, vnde illa super terram nata sit fames. Moyses enim non dicit ex terra eam ortam, sed *super terram*. Quis ergo hoc flagellum peperit? Quis parens eam calamitatem genuit? Quæ talis pœnæ mater? Quis illius mali author alius esse queat, quàm peccatum? Itã ferè Interpretes. Peccatũ est omnium æternarum nostrarum origo, & scatebra miserationum, quibus afficimur, & parens penuriæ, quamcumque patimur. Loquitur autem ad eum modum sacer Chronologus, vt peccator, quoties flagris cæditur, & supplicijs plectitur, & calamitatibus premitur, cogitet ea mala maiorem partem à suis flagitijs oriri, pœnam autem æternam à suis culpis semper nasci. Velut bombyx enim ipse sibi æternæ suæ damnationis triste sepulchrum construit, & cruciatuum suorum sempiternorum ipse sibi est sator, & author.

Fortitudinem Domini sospitatoris nostri, roburque pectoris illius permagnificè prædicat Apostolus, commendatque ab eo maximè, quòd chirographum, quo humanum genus totum pessimum demon obnoxium habebat, illi extorsit, extortum oblitterauit, oblitteratum cruci affixit, inque ea nobis debita nostra omnia, velut datã apochã, indulgentissimè remisit, tanquàm illi cumulatissimè à nobis fuisset satisfactum. Magni Pauli verba ad Colossenses 2. 14. sic habent: *Et eos conuulsit cum illo, donans vobis omnia delicta, delēs quod aduersus nos erat chirographum decreti, quod erat contrarium nobis, & ipsum tulit de medio, affigens illud cruci.*

Origenes Adamantius tale quidpiam ferè sciscitatur. Cum quis ab alio debitum exigit, cuius rei fiducia hoc agit? Et si ille fortè soluere recusat, quid adferre creditor solet, quo illum ad soluendum cogat? Cum literas modò habeat manu debitoris propriã indubitato subscriptas, certum est, nullo alio ad hanc rem adminiculo, aut studio illum opus habere. Vnum chirographum sit est, vt ad restitutionem commodatò accepti debitor compelli, & bona illius, quanta debito exsoluendo necessaria, inuadere, & sibi vsurpare creditor possit. Cum ergò Apostolus affirmat, deletum à Christo, quod aduersus nos erat chirographum decreti, quod erat contrarium nobis, id ex Origenis sententia tantundem est, ac si dixisset,



xisset, scelerum nostrorū testificationem propriam obliterasse: *Istud quidem, quod dicit chirographum, peccatorum nostrorum cautio fuit;* inquit ille homel. 13. in Genesi. Admirabiliter dictum est chirographum decreti illud, quod homini aduersum, & à Christo in cruce deletum sacrosancto illius sanguine fuit, hoc enim satis erat, vt homo secundum præsentem iustitiam æternis addici supplicijs posset: *Vnusquodque enim nostrum,* inquit Adamantius, *in his, quæ delinquit, efficitur debitor, & peccati sui literas scribit.* Poenis inferorum æternis se obnoxium reddit, quisquis peccato mortali obstringit. Et velut is, qui tale quidpiam scribit, *Ego manu meâ propriâ, & nomine adscripto testatum facto,* quod Nicolaus tantum debeo, vi eiusmodi literarum cogi à creditore ad solutionem potest: Sic quilibet peccator, quoties lethaliter delinquit, velut dicit, *Ego peccatis meis testor, & fidem facio, quod Deo poenam æternam debeo.* Ergo in vim eorum scelerum Deus poenas à me repetit, & supplicia exigit. Ergo poena est culpæ filia, & peccatum flagellorum parens.

Vultisne hoc videre? inquit Rupertus. Legite itaque attentè omnes execrationes, quas Deus minatur suæ legis transgressoribus, & nullibi reperietis, quod à Deo quisquam maledicatur. Deuteronomij cap. 28. vers. 16. 17. 18. 19. dicitur ei, qui præcepta Dominica violare velit: *Maledictus eris in ciuitate, maledictus in agro, maledictum horreum tuum, & maledicta reliqua tua, maledictum fructus ventris tui, & fructus terræ tuæ, maledictus eris ingrediens, & maledictus egrediens.*

Rupertus lib. 13. in c. 19. Ioannis ait: *Nusquam dixit, A Deo eris maledictus, inter stupendarum, & variarum diarum commemorationem, quas moyses ijs denuntiat, qui mandatis Dei obtemperare, & quæ debent, gerere morem nolint.* Cur verò non adiecit, eiusmodi hominem, qui Domini legem insuper habebat, à Deo maledicendum, sed tantum inquit, *Maledictus eris?* Fit hoc, quod Deus, quanquam iudex sit, qui contrà peccatorem pronuntiet, poenasque illi pro malis meritis decernat, supplicia designet, non tamen illorum causâ est suppliciorum. Tameñ enim de iudice dicitur, quod is laronem ad triremes damnet, non sequitur quod ille talis poenæ sit author. Iaro enim suis sceleribus sibi ipsi tam cruciabilis, & ærumnose vitæ est parens, satorque, ac sator. Iudex legis tantum est executor, triremes peccandi libido architectata est, adeo seipsum in illas flagitiosus quisque compingit, sequè ipsum damnat, & plectit, itaque & peccator dicitur male-

dictus, miser, percussus, sed nusquam à Deo. Nisi enim malè agendo supremo Iudici, ac Domino castigandi occasionem ministraret, nunquam ab eo condemnaretur. Quisque enim facinorosus suam sibi poenam sceleratè viuendo adornat, & supplicia procurat.

Si non est ita, videamus quid supremus ille Iudex de magno illo die mundi extremo, & rationibus, quas tunc generatim ab omnibus exposcet, dicat. Apud sanctum Matthæum ait, quod bonos à dextris suis, à sinistris malos constituet, vt illos quidem gloriam, quam opera eorum commerentur, donet, his verò poenam, quam scelera illorum clamant, infligat. Ad bonos, qui dextram tenebunt, inquit: *Venite benedicti Patris mei, possidete paratum vobis regnum à constitutione mundi;* Matth. 25. 34. Tum verò post largam commemorationem operum bonorum, quorum vsu, & exercitatione ius illius æterni regni ijs sibi compararunt, reprobos, ac damnatos sic appellabit: *Discedite à me maledicti in ignem æternum;* ibid. v. 41.

Obseruauit Honcala in hoc pronunciandi ordine, quo iustissimus Iudex vtetur, quod bonis ante sua præmia decernet, quam reprobos in dirum inferorum carcerem conijciat. Cur autem seuerus, & iustus Dominus hoc ordine distribuet præmia, & supplicia? Rectius facturus videtur, si malos primum verbo damnatos in rem malam ire iubeat, tum bonos in consortium suum sempiternum adsciscat, quorum tam vehementer oblectatur consuetudine. Quid causæ ergo, quod ordinem iusticiæ alium Dominus tunc obseruabit? Respondet Honcala in cap. 27. Genesi. *Vt ostendat propositi sui semper fuisse, potius animas seruare, quam perdere.* Quod præmia Deus merita iustis tribuit, & tempora eorum immarcescibili coronâ cingit, atque in sublimibus, ac perpetuis immortalis gloriæ solijs eos collocat, antequam malos poenis addicat, quod iustis prius regni gratiam facit, quam sua reprobis supplicia infligat, id facit, vt propensionem suam, & indulgentissimorum viscerum pietatem prodar, vt omnes intelligent, quod ad se attinet, nullam velle pessumire animam, lauro beatitudinis æternæ coronatas omnes cupere, & si quas poenis subiicit, id velut coactum facere, & quod aliud non possit, ac propterea hoc denum post alia omnia agere, *Vt ostendat, propositi sui semper fuisse, potius animas seruare, quam perdere.* Nam quod poenas ab illis exigit, hoc non ab illius nativâ indele, quæ perblanda, & suauissima est, sed à culpis hominum nascitur, quæ valde graues sunt.



sunt. Hæ manibus illius flagellum ingerunt, & velut per vim ab illo extorquent, vt contrà suos aucthores sententiam proferat.

Itaque videre licet, quodd iustos, cum ad præmia vocat, benedictos Patris sui nominat, inquiens: *Venite benedicti Patris mei*; cum autem repellit damnatos, ait: *Discedite à me maledicti*, neque addit, *Patris mei*, vt significet, Patrem, vt plurimum omnes amat, sic etiam animarum salutem, vitamque æternam vnicè desiderare, damnationem, ac supplicia non optare. Nam si qui sunt cruciatus, si quæ damnatio, ea inde venit, quodd peccator suis flagitijs illam sibi conquirat, & parat, ille suis sceleribus flagrum, quo vapulet, sibi concinnat, ille abominationum suarum digitis cannabem in funem, & laqueum, quo strangulatus occumbat, sibi totquet.

Propheta regius David ex persona Christi Patri æterno gratias agit immortales, quodd per ipsum hostes suos, Saulem inprimis, euaserit, qui omnium maximè sanguinolentus, & efferratissimus fuerit. Hoc titulus Psalmi 17. præfert, qui sic habet: *In finem puero Domini David, qui locutus est Domino Verba canticum huius, in die, quâ eripuit eum Dominus de manu omnium inimicorum eius, & de manu Saul*; Plal. 17. 1.

Michael Ayguanus ait, inimicos Christi fuisse Scribas, & Phariseos, ac dæmones, qui contrà illum coniurârunt, Saule autem significatam mortem, quæ illum maximè omnium persecuta fuit, & quæ exanimalem fecit, vitæque exutum solo affixit, & in tumulum deiecit. At cur rex Saul mortis, poenarum omnium cruciabilissimæ, figura fuit? Responder auctor, quem dixi, à Saulè propriissimè repræsentatam mortem, idque propter duo, quorum primum est significatio nominis illius, alterum id, quod fuit Saul. Significatum nominis illius est *peritio*: Nam vt sanctus Hieronymus, venerabilis Beda, & Lyranus aiunt, *Saul idem est*, quod *peritio*. Quid autem fuit Saul? Rex, verum Dei permissione, non electione. Merito ergo Saul mortem repræsentat, quæ cruciatuum vitæ præsentis est acerbissimus, vt sit inditio, quodd hominum rogatu illud fuit orbi illatum supplicium. Et si mors, vt affirmat Apostolus, regnavit ab Adam, id factum, quodd homines suorum scelerum magnis vocibus illam depoposcerunt, velut Israëlita Saulem, contrà Dei placitum, & sententiam, regem sibi postularunt.

Audiamus Incognitum. *Saul, qui peritio interpretatur, significat mortem, quam Deus non fecit, sed homo peccans ipsam manibus, & verbis extorsit à Deo*

*pro suo rege, dicente Apostolo, regnavit mors ab Adâ, Rom. 5. 14. Unde sicut Saul non fuit rex electus à Deo, sed permissus regnare, sic & mors. Secum ergo peccator de poenis, quas patitur, expostulet, vt quas ipse sibi à Deo velut per vim extorqueat & in concessorum cogitatum vocibus, & malorum verborum, operumque pravorum importunis clamoribus. Dominus certè non est auctor mortis, neque oblectatur perditione viuorum, sed eorum magis lacrymas cupit, poenitentiam desiderat, compunctionem excitat, conuersionem procurat, vt ne vnquam pereant, sed æternum felices viuant.*

*Hoc argumentum eleganter, copiosèq; non solum tantum superiorum Tomorum in loco tractat Auctor. Vide Periocham II. Dominica infra Octau. Natiuit. Domini To. II. pag. 380. c. 1. o. & calcem eiusdem Periocha.*

### C A P V T III.

*Tam inuitè Dominus punit, vt necessum sit multis exhortationibus illum adducere, vt flagellum in manus sumat.*

Sicui fortè dubium, num res ista sic habeat, videat id Politicus noster in eo, quodd sacer Historicus tacitè submonet, quando loquitur de sterilitate, quâ Deus tartam tempore sancti Patriarchæ nostri Isaac multauit. Dicit enim: *Orta autem fame super terram post eam sterilitatem, que aciderat in diebus Abraham, abiit Isaac ad Abimelech*; Genes. 26. 1. Quid causæ est, quodd cum vnâ famem nasseret, alteram quoque commemorat? Fecit hoc, vt indicaret, quam inuitus flagra Deus manibus vsurpet, tamen peccatores cædi plurimum commeruerint. Centum anni, ac supra, ex bona optimorum Interpretum supputatione excurrerunt, à quo vna sterilitas aliam præcessit, tamen homines quotidianis suis flagitijs non posteriorem famem solum, verum etiam alia supplicia multo atrociora sint meriti. Notârunt hoc Lyranus, Abulenſis. Guilielmus Ebroicensis, & Honcala. Abulenſis sic habet: *Fuerunt inter istas duas sterilitates plures, quàm centum anni. Qui verò totius sæculi moras traxit, priusquàm poenas infligeret hominibus tam sceleratis, quàm erât Chanaan, qui totis centum annis manus à talibus vltices abstinuit, satis ostendit, quàm parum illius ad castigandum propendat voluntas, quàm sit proclius illius ad clementiam animus, quàm pigre ad sumendam vindictam manus.*

Mittebat supremus hic Dominus Moysen populi sui ducè, vt ex ipso loqueretur regi Pharaoni, atque



que ut mandata sua accuratius exequeretur, amplissimam ei in barbarum illum & contumacem Principem potestatem concessit, Deumque eius illum constituit. Et quoniam vi plagatum cogendus erat, ut captivum populum libertate donaret, si hoc forte noller, iussus est Moyses virgam suam ob oculos peruiacis regis in terram proicere, quæ statim in horribilem, & formidabilem serpentem transformanda esset. Obtemperatum est præcepto dominico, tulitq; Aayon virgam coram Pharaone, & serui eius, quæ versa est in colubrum, Exodi 7. 10.

Quæri hic potest, quo consilio Dominus (cùm flagitiorum vi repugnantem Pharaonem ad dimittendum populum adigere vellet, nisi ille hoc libens, ac volens faceret;) hac plagâ illum primò vrgere, & terrifici draconis specie ante omnia perterrefacere voluit?

Respondet Oleaster ibidem in annot. morali: *A dracone incipit, & regem deterret magis, & non esset opus alia signa adiungere.* Quod plagas suas ab animalis omnium formidabilissimi ostento exorsus est Dominus, quò conterritum tam inuiso spectaculo regem permoueret, id fecit, ut intelligens potentiam eius, qui libertatem petebat, facilius eam oppresso populo concederet, & necessum non esset grauioribus hoc extorquere supplicijs. Dedit hic Dominus delineatum diuinæ potentie suæ validum brachium, ostentationemque immensæ fortitudinis suæ fecit, & sclopo in Pharaonem velut intento præptam explosionem simulauit, *Et regem deterret magis, & non esset opus alia signa adiungere.* Mucronem in pectus eius quasi distinxit, & collineauit, ut metu secururi vulneris faceret, quod petebatur. Qui terret, ut aliquid obtineat, & ferire non vult, cùm possit, satis luculentè demonstrat, quàm parùm amet castigare, & plectere. Tale quid cum impio Pharaone egit Dominus, terruit, minatus fuit, ferociam simulauit, contendit arcum tanquàm exoneraturus, distinxit gladium quasi vulneraturus, sed non inulit manus, non cæcidit, non læsit, aut sauciavit, ut hinc accipiatur, quàm parùm gaudeat flagellare, quàm repugnante animo virgam in manus sumat, qui comminatione potius, quàm illatione verberum emendare peccatores vellet.

Diutius magister noster ait, regnum cælorum simile esse regi, qui festinus nuptias filio cuidam suo, quem efflicti amabat, fecerit. Inuitati fuerunt ad epulum plurimi, quod cùm splendidum, & permagnificum erat, ut regum conuiuia ferè esse solent, ipsa tantæ maiestatis authoritas requirebat, ut nemo

mensam celebritatemque illam, nisi decentissimè vestitus adiret. Vnus ex omnibus intrauit cænaculum pannosus cum vestimento vili & sordido, quem cùm rex ingressus, ut conuiuas suos lustraret, vidisset, interrogauit, quâ impudentiâ, & temeritate splendidissimo loco, & consessui illustrissimo cum veste fuliginosa, & squalida se inferre ausus fuerit. Non inueniebat, quo inconsiderantiam suam vel dilueret, vel inumbraret, quare apparitores iussi manus, pedesque deuinctum in obscuræ custodiæ angustias compingere: *Tunc dixit rex ministris, ligatus manibus, & pedibus eius mittite eum in tenebras exteriores;* Matth. 22. 13.

Ioannes Cluniacensis serm. 51. Tom. 3. ait: *Cùm sit ipse fortissimus, & potentissimus rex, non per se in tenebras mittit, sed iubet ministris, & mittant.* Cur verò non ipse vindicauit effrontis illius inuerecundum facinus, cui perfacile erat non solum eiusmodi obrerere hominem, sed & millenos mundos vno oculorum ictu evertere, & obruere? Nolu it ipse meritis flagitioso infligere poenas, ut omnes intelligerent, quàm inuitus ad puniendum adduceretur, etiam quando illum sua iustitia ad inferenda supplicia, incitabat. Nam castigare propriâ manu habet nescio quod voluptatis, quod Iuno satis indicauit, cùm Ioui narrauit vindictam, quam de Aiæis classe Pallas sumpsit, de qua Virgilius lib. 1. *Æneidos* v. 45. ita cecinit:

*Ipsa Iouis rapidum iaculata è nubibus ignem  
Dissecitq; rates, enertitq; aquora gentis.*

Volebat ostendere dea Iuno, quàm parum oblectamenti perceptura esset ex poena, quam irrogatura erat *Æneæ*, idque eo argumento, quòd manus *Æoli* implorare necessum haberet, ut is classem inimicam submergeret, cùm pallas per seipsam irrogârit ei, à quo iniuriam accepit, eaque ratione suauior sibi reddiderit vindictam: *Ipsa (vide emphasin) met Pallas iaculata est fulmen, est enim dulcis vindicta quasi manu propria;* inquit præstantissimi Poëtarum eruditissimus interpres Ioannes Ludouicus Cerdà in lib. 1. *Æneid.*

Hinc iam intelligimus, cur Dominus non ipse suis manibus in illum animaduertit, qui cum sordido habitu mensam regiam adire, & in præclarissimum cætum se ingerere ausus fuit: Nam cum dulcis sit vindicta quasi manu propria, propterea ille eam licetioribus suis commendauit multatam, quâ ipse facillimè irrogare per se potuisset: *Non per se in tenebras mittit, sed iubet ministris, & mittant;* ut hinc discamus, quàm parum voluptatis ex poenis nostris



nostris diuinus Iudex capiat, & quàm ægrè adducatur, vt nos supplicij addicat æternis.

Venerunt Angeli ad ædes magni Patriarchæ Abraham optatum nuntium perferentes filij quem ipsi Sara vxor paritura, Superi verò innumeris donis ornaturi, & collocupletaturi essent. Euangelium, quod ferebant, hoc fuit: *Habebat filium Sara Exorua*; Genes. 18. 10. Digressi à domino Abraham petebant Sodomam, non alio consilio, quàm vt illam ciuitatem, confiniaque loca nefandis sceleribus contaminata destruerent, quod ipsi confessi aiebant: *Delebimus locum istum*; Genes. 19. 13.

Hoc in loco diligenter animaduertendum cum Glossa ordinaria græca, quòd de his Angelis aliter Scriptura loquitur, cum eos ad Abrahamum pertulisse illa Euangelia refert, atque cum eos ad sumendum de obsecris ciuitatibus vindictam abijisse narrat: *Apparuit ei Dominus in conualle Mambre*; inquit Textus sacer Genes. 18. 1. dum Angelorum aduentum ad ædes Abraham recentere incipit. *At uenerunt duo Angeli Sodomam*, ait Genes. 19. 1. In his Glossa, quam dixi, græca istud submonet: *Notandum, & beneficia Dei explicantur, Deum adesse, & ubi verò supplicia exercentur, Angelos mitti. Quamobrem verò istud? Respondet Glossa: Vt sciamus, Deo benefacere iucundum, & placitum propriè esse, & scilicet verò Deo esse ingratum. Peramat Deus cumulare homines beneficijs, atque ideo ille dicitur Abraham apparuisse, domumque eius inuasisse, cui felicia adferebantur noua, & diu optata posteritatis spes fiebat: Verum vt innotescat, quàm asperum illi, & acerbū videatur statuere aliquid asperū, & seuerius quidquam agere, atque vi rigore, Angelus dicitur ire, cum inferenda feruntur supplicia. Benefacit manu propria, plectit alienā, & scilicet Deo benefacere iucundum, & placitum propriè esse, & scilicet verò Deo esse ingratum. Qui enim per seipsum impertit beneficia, & cum punire necessum est, ministerio huc utitur alieno, satis ostendit, quàm inuitè, & coactè poenas exoptat.*

Celebratissima est illa prodigiosa petra, è qua Israelitici ductor populi solo portentoso virgæ suæ leui verberè prolicuit fluente aquarum tam copiosa, vt exstinguendæ sit & pecorum, & hominum in ea solitudine peregrinorum abundè sat essent. Vt autem eas durum illud saxum daret aquas, non maiore studio esse opus aiebat Dominus, quàm vt illam quiquam verbulo appellaret. Quare aiebat: *Loquimini ad petram*; Num. 20. 8. vbi aliorum translatio habet: *Loquimini ad silicem*; verbo illum

ex me conuenite, is enim vestris desiderijs satisfaciens, et, frigidamque, & humidam ipse exsuccus, & igne plenè affatus fudet, illaq; populi lachrymas siccat.

Apostolus 1. Corinth. 10. 4. de hoc silice loquens: aiebat: *Bibebant autem de spiritali, consequente eos, petra, petra autem erat Christus*. Plurima dicta sunt ab Expositoribus in illa sancti Pauli, eaque omnia grandia, & præclara. Ad rem præsentem facit considerare, quanto cum mysterio Dominus noster vocetur Silix: *Petra autem erat Christus*.

Magno Basilio admirabile, & diligenti animaduersione dignum visum est, quòd frigidus silix igne intus alat, & eubret. *Exiit ignis à silice*, inquit ille homel. 1. in Hexam. ac *frictionibus copiosis emergens elucet, & ubi dignum id est admiratione*. Quis crederet, nisi oculos testes haberet, quòd durum saxum viui ignis scintillas fundat? Sed quid hoc fit? Violento attritu, & frictionibus copiosis. Cantauit hoc versibus elegantibus Simposius, (quem mihi Poëtam eruditissimus P. Ioannes Ludouicus de la Cerdà in lib. 6. Æneid. v. 5. not. 11. primùm indicauit) qui sic habent:

*Semper inest ignis, sed raro cernitur ignis,  
Intus enim latitat, se solos prodit ad istus.*

Sententia huius Poëtæ habet, quod & Basilij Magni, & aliorum, includi in silice ignem. Dicit ergo, ignem, tamen si intrà silicis viscera lateat, raro videri, nec sese conspicuum facere, aut subijcere oculis, nisi verberum vi proluciat. *Se solos prodit ad istus*, inquit Simposius, & Basilius, *frictionibus copiosis*. Fortiter contundi, & valide verberari, & violenter feriri, & acriter, vehementerque atteri necessum est silicem, vt ignem edat, ex quo voraces excitari flammæ queant. Sibi relictus, & si nulla ei vis adhibeatur extranea, quâ pronocetur, & irriteretur, non vibrat scintillas.

Quòd ergo Dominus noster petra nomine donatur, *Petra autem erat Christus*, tantundem est, si dicatur, quanquam ille caltiget, feriat, flagellet, condemnet, iræ atque indignationis ardentes flammæ habeat, silicis tamen similem esse, qui nunquam emittit scintillas, nisi quas culparum nostrarum ictus, & scelerum violentus attritus exprimit, & extorquet. *Solos se prodit ad istus*. Ille enim ex se ingenio est mansuetus, benignus, & pio, & non punit, nisi quando aliud non potest, flagellum, quo cædit, nostra illi flagitia in manus ingerunt. Si non est ita, dicite mihi, vbi primùm adornata fuit illa inferorum irremissis, in qua conuocantes illi spiritus, & animæ damnatæ ad duos remi tractus æternum deludant, nisi in



si in fabrilis nostrorum scelerum officina? Quis vindictæ instrumenta ministrat, & flagris aptos funes cannabinos torquet, nisi nostra peccata? Reus ipse, & cæcus peccator suam sibi poenam procurat, & omnium suorum cruciatuum, tormentorumque æternorum sibi ipse est author, & architectator.

Huc adducere commodè possumus catholici Martis, & Imperatoris plusquam magni Caroli V. & Regis Hispaniarum nostrarum inuicti insignia. Res peruulgata est, quod vellus aureum, siue insignia Cæsareæ domus Bugundicæ sunt catena ex filicibus, & annulis chalybeis, & flammulis, & agno infernè pendulo, quæ omnia hodie tanquam oræ quædam circumcingunt Catholicissimorum Hispaniarum Regum, tanquam legitimorum istius domus hæredum, ac dominorum insignia gentilitia. Habebat ergo augustissimus hic Monarcha in suis insignibus hæc verba:

*Alos humilides cordero,  
Por qal,  
yescatengo, y pedernal.*

Quibus hic subest sensus latinus: Humilibus sum agnus, verum alijs, subaudi, qui me proteruiter exasperare, ac de nihilo irritare velint, paratum habeo fomitem, & filicem. Dicere volebat inclytus ille heros, à natiua indole propendere ad mansuetudinem, & clementiam, & ad præmia dilargienda, & ad munificentiam, austeritate nihilominus vti velle, si necessitas ita postularet, verum tamen austerius agere nolle, nisi ad modum, quo filix ignes reddit, qui hoc non agit, nisi quis per vim illi scintillas excutiat.

Hoc ipsum (sed infinito cum discrimine) magnus Deus, & omnipotens Dominus, & Monarcha absolutus ait, se à sua natura & propria conditione agnum esse, ut passim vocant Isatas, Euangelistæ, & sacre literæ, & prædicatores. Mera dulcedo, pura suauitas, mansuetudo, pietas, clementia, & benignitas ille est: Verum cum asperitate vitur, hoc pro more filicis facit, cuius igniculus erumpit *fratribus copiosis, & solos se prodit ad cæcos*, neque ante, quam crebro, acris, ac vehementi attritu exprimitur. Quando enim filix, nisi magnopere cæsus, ignes dedit? Sic amantissimus Dominus noster non eximit vaginæ suæ iræ gladium, non iacit suæ indignationis fulmina, nisi scelerum nostrorum vis huc illum adducat. Sempiterni eiulatus tenebrosam carnificinam sola varijs modis peccandi licentia construxit. Tristem illam, & horridam inferorum solitudinem vna superbi Angeli arrogantia, & protopla-

*torum inobedientia fecit.*

Cum videret Dominus immoderatam barbari Nabuchodonosoris superbiam, quæ tanta erat, ut infirmam suam, imbecillamque & caducam virtutem cum inuincibili Dei potentia componere vellet, hoc illum supplicio mulctauit, ut conuersus in brutam pecudem ex hominum contubernio & commercio expelleretur, foenumque ut bos comederet. Posset hic quispiam Dominum querulus piè, humiliterque appellare, & interrogare, quomodo ipse, qui gloriosum semper duxit benignitate affluere, parcere, & indulgere, in feram bestiam deformaret, atq; ad inculcæ eremi habitationem, brutorumque conuietum damnaret hominem, quem aliquot tantum semper fecit, & tam vehementer amauit. Vbi tunc viscerum illius teneritudo, & blanda, suauissimaque facilitas morum?

Huic quæstioni occurret ipse Dominus, inquit Propheta Daniel, & dicit: *In senectute Gigalum decreuit est, & sermo sanctorum, & petitio*; Dan. 4. 14. hoc est: Quod homo ex hominibus tam probro se proiectus, atque in monstrum syluestre transformatus, in asperis, ineultis, desertisque locis communem cum brutis animantibus agere vitam coactus fuit, hoc nemo admiretur, supremi enim senatus Angelorum edicto ita statutum fuit, sanctique omnes multis verbis hortati sunt, & rogauerunt, ut tali animaduersione ille percelleretur, & affligeretur. Fit ut vir quidam primarius contra morem suum solennem, & naturæ conditionis consuetudinem aliquid statuatur. Admirantur omnes, quotquot tale quid fecisse intelligunt. Ut autem faceret, id eorum importuno studio contigit, quorum precibus magnis, & crebris exhortationibus eo impulsus fuit. Ille ergo his, qui modum ipsius agendi insolentem stupent, respondebit: Neminem moueat, quod contra atque affluuii, nunc feci, neque novum cuiquam accidat, quod ingenio meo vim attuli, & morem meum pristinum, & veterem consuetudinem prætermittens, naturæ indolis meæ limites excessi, hoc enim alij quidem tam magnum in modum obsecrârunt, & resecrârunt, alij tam multis verbis, tam frequentibus exhortationibus suaserunt, ut aliud facere non potuerim. Tantundem respondebit Dominus inquit Daniel, si qui admiratione afficiantur, quod eum solito vehementius inflammatum irâ, & acriores de intolerabili cæci Nabuchodonosoris superbia poenas repetentem videant. Nemini mirum videatur, quod præter ingenij sui morem durius quid statuatur, *sermo enim sanctorum, & petitio* huc illum adduxit, Angelique, & reliquus Superiorum beatus.



beatus conuentus totus tam diu, ac multum id rogârunt, & consuluerunt, vt minus, mihiufuê aliquid facere nequiuert. Tam ægrè namque eò permouetur Dominus, vt asperioribus supplicijs quenquam addicat, cumque flagellum in manus sumit, id naturæ illius conditioni sic repugnat, vt importunis precibus, & hortatibus opus esse videatur, quibus ad castigandum excitetur.

*Vide de hoc argumento Periocham quartâ Dominica VIII. post Pentecosten Tom. II. pag. 136. c. 1. o. & qua ad calcem illius subnotata.*

## CAPVT IV.

*Cum Dominus sit origo, & fons omnis boni, hinc fit, vt non egeat presidio, quo defendatur, neq; seruo stipatore opus habeat.*

**N**oluit ergo Dominus Isaacum in Ægyptum commigrare, inquiens: *Ne descendas in Ægyptum*; ne quis arbitrareretur, necessarium fuisse illi Ægypti fertilem, abundantissimamque regionem, vt Isaacum, familiamque eius copiosam, & greges pecorum numerosos pascere posset. In magnam honoris imminutionem cederet tanti Domini, qui est fons, & scaturigo omnis boni, si hac laborare existimatione inciperet, quod huius, vel illius patriæ opem desideraret, quod illis, quibus vellet, necessariam præbere alimoniam posset. Hoc nimirum est, quod magnus hic Dominus semper contendit, vt homines nihil indigum esse rerum earum, quasque illi in suis numerant. Nam cum apud se magnitudinem suam habeat, & domi opum copiam immensam, & infinitam potentiam, tenuitate regularum nostrarum nihil indiget, vt amicorum, & seruorum suorum necessitati succurrat, aut efficiat, quidquid illud cupit, vel desiderat.

Aggressus fuit mundi Reparator fraudulentus Dei, atque hominum inimicus, sperans potentiam illius dolo eludere, & fraude circumscribere posse. Vnum autem inprimis scire expetebat, vtrum Dei filius esset, cui insidias adornabat, arripiensque occasionem famis, quâ ille ex quadraginta dierum, totidemque noctium inedia laborabat, totum lapidum acervum illi offerebat, inquiens: *Si filius Dese, dic & lapides isti panes fiant*; Matth. 4. 3. tanquam dixisset: Cælo vox delapsa filium Dei te proclamauit, hætenus autem signum nullum à te editum vidimus, quod talem probet, ac testetur. Vt mihi omnem de te suspicionem alienam adimas, & quis ve-

rè sis, certum facias, id per occasionem, quæ se offert, fieri commodè potest. Impera, sis, ergo, vt dura hæc saxa in mollem, gratumque panem transmutentur, vt de tanti miraculi opere te filium Dei arbitrari, & persuadere nobis possimus, non fuisse falsam vocem, quæ te talem pronunciauit. Respondit Christus fraudulento tentatori: *Non in solo pane uiuit homo, sed in omni verbo, quod procedit de ore Dei*; ibid. v. 4. velut pluribus dixisset: Tu mihi lapides, veterator, offers, vt eos in panes vertam, & ad leuandam esuriam meam sumam. Scire te volo, non solo pane hominem pasci, sed verbum etiam, quod ab ore diuino proficiscitur, illi pro victu esse, & alimonia. Vtroque ergo homo indiget, vt uiuat, hoc est, & pane, & verbo Dei.

Dicit nunc sanctus Petrus Chrysologus: Videte quò se malus dæmon præcipiat! Panes offert Dei Filio, qui est panis è cælo delapsus, quod de se ipse affirmabat, & Verbum, quod procedit, egrediturque, & dimanat ab ore, hoc est, intellectu æterni Patris. Quòd autem panem panis obtulit, & alimoniam ministrare alimonix, & verba dare Verbo voluit, quàm id factum vanè, & otiosè! *Quàm verè uiuit in verbo Dei Dei Verbum!* Quàm verè panis non indiget pane! exclamat sanctus Rauennatensis Episcopus ser. 13. Si flumina mari aquas offerrent, si fontibus riuiuli propinarent, si stellæ Soli lumen ex se mutuari vellent, quanta ea fluitia, amentia quanta foret! Par fuit dæmonis fatuitas, inquit Chrysologus, cum panem inuitauit ad panem, vitam vitæ obtulit, & ipsi saturitati alimoniam victus: *Quàm verè panis non indiget pane!* Nam supremus, & absolutus, & affluentissimus Monarcha, qui est mare immensum, ex quo bona omnia profluunt, & fons perennis, ex quo gratiarum dona cuncta dimanant, & Sol indeficiens lucis, quæcunque illa est, parès, & vita essentialis, ex qua omnia spiritum ducunt, quæ viuunt, quomodo necessitate rei cuiuspiam laborare potest, quomodo aliunde quidpiam mendicare petere, qui est saturitas vniuersorum?

Considerationem non exiguam, aut perfunctoriam meretur, quòd Dominus, qui tantum fecit hominem, vt secum ipse velut deliberarit, consiliumque ceperit, cum è putuere terræ excitare illum voluit, dicens: *Faciamus hominem ad imaginem, & similitudinem nostram*; Genes. 1. 26. demùm verò post consultationem ad imaginem suam, ac similitudinem illum finxit, effigaueritque. Eximium hoc beneficium fuit, quòd hominem non absque certo consilio condidit, & gratia peculiaris, vni illi, ex omnibus.



bus creaturis, quæ ab illis diuinis manibus prodierunt, specialiter reſeruata, quòd poſtremus omniũ, cùm cœli, terra, ſanum, herba, bruta creata eſſent, formatus ipſe fuit. *Perfecti ſunt cœli, & terra, & omnis ornatuſ eorum, compleuit Deus die ſeptimo opus ſuum*, inquit ſacrum oraculum, Genef. 2. verſ. 1. & 2. cœlis autem, terræque, & omnibus, quæ illa complectuntur, abſolutis, hominem extremo loco condidit. At ſi pro oſtentatione ſingularis erga hominem amoris, & pro ſignificatione exiſtimationis maximæ, in qua apud ſupremum Opificem ſuum ille erat, tanto præeuntis conſultationis apparatu vti voluit, cur poſtremum omnium formauit? Cur imaginem ſuam non inter ipſa ſtatim mundi primordia conſecit? Cur omnipotentiam ſuam non huc ante omnia vertit, vt ſui ſimilem hominem præ cunctis produceret?

Huic dubitationi, ſeu querimonix occurrit Sanctus Conſtantinopoleoſ Archiepiſcopuſ Ioannes Chryſoſtomuſ homel. 3. in epiſt. ad Philem. tom. 3. inquit: *Postremo creauit hominem, quòd nullo egeret, nam ſi noſtri eguiſſet, profectò longè ante feciſſet*. Creauit immenſuſ Conditor, excitauitque è terra protoplaſtum conſertum multis gratiarum donis, condecoratum virtutibus, exornatum rariſ perfectionibus, fecitque ad imaginem, & ſimilitudinem ſuam, quòd inexplicabile beneficium, & gratia incomparabilis fuit. Si ergò illum primo ſtatim loco formaſſet, cogitare ipſe poterat, id factum, quòd ſua opera illi neceſſaria fuiſſet ad abſoluendum, perficiendumque; reliquam vniuerſitatis machinam, aut quòd è conſultore indiguiſſet ad eam ſumptuoſi operis molitionem, & fabricationem, atque idcirco ante omnia condidiſſe, vt ſe haberet ſtructuræ cæteræ adiutorem. Vt ergò à tam falſa abſolueretur opinione, intelligeretque omniſcium illum architectum neque auxilio, neque conſilio cuiuſquam eguiſſe, ad excitandum vaſtam hanc machinam, ad conſtruendum ampliſſimos illoſ, & ſplendiſſimoſ cœloſ, ad concinnandum diſfuſam hanc, & herbidam, viridemque terram, ad formandum tam varia animalia, tam diuerſa elementa, propterea hominem poſt alia omnia creauit, *compleuitque in illo opus ſuum, nam ſi noſtri eguiſſet, profectò longè ante feciſſet*. Immenſo illi Domino, & virtutis infinitæ Monarchæ ad nullam rem ſeu famuliſ, à quibus ſtipetur, ſeu conſultoribus, quorum prudentiâ regatur, ſeu operarum præſectiſ, à quibus adiuuetur, eſt opus. Ipſe vt eſt infinitè ſapiens, & omnipotens, ita ſibi ſolus & architectuſ, & conſultor, & præſectuſ ſupre-

Tom. III.

miuſ, & omnia eſt ad omnia, quæcunque molitur, aut cupit fieri.

Nam vt illuſtriſſimuſ martyr Sanctuſ Zenon in ſermone de Fid. To. 2. Biblioth. VV. PP. ait, *non poteſt eſſe perfectuſ, quòd aliunde expectat ſibi aliquid neceſſariuſ*, non poteſt eſſe numeris ſiſ abſolutuſ, quòd manuſ deſiderat alienaſ, ſtudiuſque extraneuſ ſue ad conſeruandam vitam ſuam, ſue ad perficiendum ſuaſ operaſ. Et cùm Deus ſit ipſa perfectio, & origo omnium, quomodo ſue hominum ope, ſue Angelorum adminiculo opuſ habeat ad quidiſ illud conſiciendum?

Quando formoſa illa Pœnitentiuſ domuſ Simonis Phariſæi, & locuſ conuiuij, in quo pientiſſimuſ mundi ſoſpitator diſcumbebat, ingreſſa fuit, vt apud illum ſclerum ſuorum, quorum vehementiſſimo colore iam angebatur, gratiam eblandiretur, *lachrymæ cepit rigare pedes eiſ*, vt Lucas ait c. 7. v. 38. quaſ mærens, & ſubpudectum ex vitæ ſuperioris recordatione cor vi magnâ per oculoſ vertit.

Docto cuidam moderno Patri Laurentio de Zamora Monarchiæ ſuæ myſticæ part. 7. lib. 8. ſymbolo de Magdalena §. 2. quærere in mentem venit, cur felix Peccatrix, poſtquàm perſonam Chriſti diuinam fonte ſuarum lachrymarum rigare voluit, non priuſ illiuſ capilloſ, quàm pedes irrorauit. Dubitatio iſta huic authori inde nata eſt, quòd ſacroſanctuſ Dominuſ, à quo illa noxarum ſuarum indulgentiam ſperabat, & eſſagitabat, non tantuſ veruſ Deus, ſed & perfectuſ homo eſſet, *homo* autem, vt receptiſſima, & celebratiſſima Platonis animi ſententia habet, ſit *arbor inuerſa*, cuiuſ radix ſunt capilli, rami crura, pedes, brachia, arborum autem non rami, ſed radiceſ rigari ſoleant. Quid ergò Magdalena, quando ad rigandum Dominuſ animi cogitatuſ adiecit, à ramis, h. e. pedibuſ ordiri irrorationem ſuam cepit? *lachrymæ cepit rigare pedes eiſ*. Cur non capilloſ, qui pro radicebuſ erant, primuſ infudit?

Reſpondet quæſtioni erudituſ ille author, hoc diſcrimen eſſe inter irrigatioem radicum, & ramorum arboriſ, quòd cùm incrementuſ, emolumentuſque arboriſ quæritur, tunc ad radicem aquæ ductuſ dirigitur, ab ea namque totuſ arboriſ viror, & vigor, elegantiaque omniſ, floſ item, & fructuſ naſcitur: Veruſ quando aquæ utilitaſ, & commoduſ expetit, tunc illa ramis, folijs, & cæteriſ arboriſ partibuſ infunditur, vt arbor vim ſuam exerens in aquam deriuat, quòd in multis arboribuſ, & plantiſ fieri videmuſ, quibuſ ſupremuſ Conditor variaſ

Aaa

proprie-



proprietatē, & virtutes ad medelam diuersarum ægritudinum, aliarumq; necessitarum depulsionem indidit. Vt ergo palam fieret, illam sacræ Pœnitentis irrigationem, & aquam, quæ ab oculis eius destillabat, in ipsius vtilitatem, & animæ salutem, & necessitarum remedium cedere, illique pro theriaca esse aduersus omne peccatorum perpetratorum venenum, & contrâ culpæ toxicum, ordinauit Dominus, vt aqua oculorum in ramos pedum, non in capillos, qui radicem instar erant, incideret. *Lachrymis capitis rigare pedes eius.* Supremus enim Dominus, & magnus mortalium Conditor nullius auxilio eget, vt augeat, nullius ope, vt in re qualicunq; proficiat, ille namque est rerum omnium incrementum, ille fons originalis, ex quo cuncta bona emanant, ille omnium gratiarum author vnicus.

Vires adijciam huic conceptui ex autoritate sacri Mediolanensium Archiepiscopi, vt ne tantis signis, & grauis auctoris obseruatio suo sit destituta fulmine. Beatus Ambrosius ergo apud S. Thomam in catena aurea To. 4. BB. HH. in festo Magdal. sic habet: *Lauit lachrymis pedes Christi, lauit maculas proprias, tersit comas, & per eas sibi assumeret sacros sudores.* Hæc ille, velut dixisset: Cùm pedes Christi sacrosanctos, hoc est, arboris vitæ ramos aquâ suorum oculorum pœnitens Magdalena perfudit, suorum scelerum labe diluit, quodq; suis capillis, tanquam radicibus, pedes Domini velut quosdam cœlestis plantæ ramos, detergit, hoc fecit, vt ex ijs vim cœlestem attraheret, quâ omnium flagitiorum suorum venenum ab anima depelleret.

Quam acutè verò dictum ab Ambrosio, *Tersit comas, & per eas sibi assumat sacros sudores!* Magdalena sui capilli pro radicibus, pro ramis Christo sui pedes erant, iuxta Platonis supra memoratam sententiam. Vt itaque totus mundus intelligeret, omnia bona nostra ex omnipotētib⁹ Dei manibus descendere, Dominumq; nullius rei indigum esse, fecit vt Magdalena suos capillos, hoc est radices admooueret pedibus, siue ramis Christi, vt ab his ramis illæ radices vitam suam traherent. Et velut homo est arbor inuersa, sic omnia inuerti voluit, vt rami radicibus, folia suo trunco vitam darent: *Tersit comas, & per eas sibi assumat sacros sudores;* cùm ordo rerum naturalis id habeat, vt radix alimoniam, vitamq; ramis, folijs, frondibus, fructibusque minaret. Tam magnus quippè, ac potens Dominus nullâ irrigatione, siue aquâ virtutis alienæ opus habet, cùm ipse sit irrigatio, aqua, vita, spiritus, & incrementum omnium. Omnipotentia, & prouidentia,

diuinæ impendijs omnia conseruantur. Ille vnicus, & supremus Dominus est, è cuius liberalibus manibus omnia suum victum habent.

Quo tempore causa Christi Redemptoris nostri agitabatur, interrogabat eum Pilatus: *Tu es rex Iudæorum?* Ioan. 18. 34. Et postquàm innocens reus iudicem iniquum aliud quidpiam è contrâ percontatus fuisset, sermonem suum his verbis absoluit: *Regnum meum non est de hoc mundo, si ex hoc mundo esset regnum meum, ministri mei & ique decertarent, & non traderet Iudæis;* ibid. v. 36.

Sanctus Ioannes Chrysostomus apud Hugonem Cardinalem in c. 18. Ioannis ait: *Hic offendit Christus regni terreni imbecillitatem, quoniam in ministerio habet fortitudinem, regnum verò supernum sufficiens est sibi ipse, nullo indigens ministro.* Cùm Christus inquit, si regnum meum terrenum esset, satellites mei ad defensionē meam proflirent, & à Iudæorum manibus me vindicaret, quàm tenuibus viribus sint reges temporales, quàmque exilis, & infirma eorum potentia, talibus verbis indicare voluit. Et verè infirma est eorum valetudo, qui perstare nequeunt, nisi præsidarios habeant milites, & tribunos, subsidiariosque homines alios, qui numos, tributa, vestigalia ad vitæ alimoniam suppeditent: *Regnum autem supernum sufficiens est sibi ipse, nullo indigens ministro,* non armis, non censibus, non milite opus habens, nam qui humeris nititur, & sustentatur alienis, luculento suam imbecillitatem probat indicio.

Adstipulatur his Propheta regius, qui cùm de amplissima huius supremi Domini monarchia loqueretur, aiebat: *Populi sub te cadent;* Psal. 44. 6. tanquàm dixisset: O potentissime monarcha quàm multæ nationes, & prouinciæ, quàm varia, & vasta regna insuperabilibus pedibus tuis subacta affundentur. Subdit autem statim: *Sedes tua, Deus, in saculum saculi;* ibid. v. 7. hoc est, sublimis thronus tuus perpetuus est, solium æternum, quod finem nescit, & vitæ tuæ longieurnitatem exæquat.

Sanctus Basilius Magnus in commentario huius Psalmi ait: *Pulchrè admodum post populorum subiectionem, regni Dei magnificentiā concelebrat.* Omnino peropportune rex pœnitens sedem Dei fore sempiternam tunc commemorat, postquàm dixerat, populos multos illi subiugandos. Sed cur imperij illius æternam fore durationem dicit, *sedes tua, Deus, in saculum saculi,* cùm tot habiturum, & habere subditos præfatus fuerat? Causa ea est, vt nemo putaret, sedem Dei nisi humeris subditorum populo-



populorum, aut ex ijs illius magnitudinem pendere. Falluntur qui sic existimant, neque rem intelligunt, qui ita arbitrantur. Nam quod illos habet subditos, id pro ipsorum honore, & exaltatione facit, neque ob aliud, quam quod è re ipsorum sit, illi seruire, domesticosq; illos adseiscit, & admittit, tantum ut illos eâ dignitate ornet, & collocupletet. Qui enim immensè potens & infinitè diues erat, priusquam illi nati fuerant, quomodo illorum ope indiguisse potuit? Tam absolutus namque Dominus, & independens monarcha non solum nullo habet opus, sed omnes etiam ex illo pendunt, quod mox videbimus.

CAPVT V.

Ex omnipotente, & independente manu Dei pendet vita, & spiritus omnium quæ viuunt, & spirant.

Quam aliter hoc accidit, ac vanorum quorundam, arrogantiumque hominum cogitatus persuadere sibi soleant! Deponant ergo errorem suum, sciantque omnes, nullam esse creaturam, quæ non ex munifica supremi huius monarchæ manu pendeat, cui sic loquebatur Propheta ragnus: *Omnia à te expectant, & des illis escam*; Psal. 103. 27. Nullum est bonum, siue naturæ illud, siue gratiæ, siue à Deo infusum, siue studio nostro partum, quod non à manu Dei veniat. Ab illa ergo omnia expectare, ipsumque cunctorum donorum, & beneficiorum autorem vnicum confiteri debemus.

Cum regulas supremus Legislator leprosis prescriberet, & caeremonias, ad quarum normam emundare sese à maculosi morbi næuis deberent, hæc inter alia præcipiebat: *Die octauo assumet duos agnos anniculos, & ouem anniculam absque macula, & tres decimas simila in sacrificium, quæ conspersa sit oleo, & seorsum olei sextarium*; Leuit. 14. 10. Notandum, quod hæc sanitas, de qua hic sacer textus loquitur, recuperata fuerat medijs, & remedijs naturalibus, non miraculosis. At si lepra vi, & efficacia medicamentorum naturalium depulsa fuerat, quamobrem leprosus adire templum, ibique offerre sacrificium debebat, ut se à contagiosa infirmitatis scditate perpurgarum testaretur?

Respondet Oleaster quæsto valde aptè in rem præsentem, dicens: *Sunt, qui sola miraculosa Deo referunt, & pro eis gratias agunt, nempe si subito ex agitudine conualescant, aut ab incurabili sanentur morbo, & id genus alia, quæ verò beneficio natura, aut medicorum ope proueniunt, negligunt in Deum collo-*

*care, ac si ipse nihil in huiusmodi effecisset, quos locus iste redarguit, qui pro sanitate ope naturæ adepti sacrificium offerre iubet, & alioquin mundatus agnosceret, hoc se à Deo recepisse, & illi gratias esse.* Sunt sanè, atque vtinam non tam multi, qui hoc tantum in Dei beneficijs numerant, ac pro eo solum illi se obnoxios putant, quod miraculo consequuntur, quale est, si à graui morbo repente liberentur, aut desperatam à medicis consequantur sanitatem, si post stridie inopinatò conualescant, quorum corpora pridie tantum non conclamata erant, si quæ proxima illis, ea fulmine tangantur, ac deflagrent, ipsi verò nihil inde damni accipiant, aut si aliud quid huiusmodi eis accidat: Verum si quid vel naturæ beneficio, vel medicorum industria, & sollicitudine, vel medicinæ virtute ijs obuenerit, non tanti faciunt, ut pro illo gratias Deo referendas putent, tanquam is huius rei, aliarumque talium non sit causa præcipua. Horum ingratitude lex illa perstringit, quæ litare sacrificium iubeat pro ea etiam bona ualitudine, quæ naturæ opitulatione, & medicorum peritiâ instauratâ redierat, ut qui eam receperat corporis optatam munditiem, intelligeret, Deo illam debere ferre acceptam, gratulque plurimum esset pro beneficio ab ipso liberali manu accepto, à qua tanquam originali fonte, omnia descendunt, corporis sanitas, opum facultates, sapientia, virtus, prudentia, & quidquid rectè agitur, regna, dominia, vita, respiratio, gratia, autoritas, fauor, & quidquid demum est, nullâ re, vel creaturâ prorsum exceptâ.

Commendabat Sponsus staturam, & venustam corporis structuram Sponsæ suæ, decentissimamque illius proceritatem, & aiebat, illam palmæ similem esse: *Statura tua assimilata est palmæ*; Cant. 7. 7. Multa dixerunt Expositores de hoc tam festiue, ac mystico encomio, quo Sponsam suam diuinus Sponsus ornauit. Causæ præsentis commodum veniet, quod S. Ambrosius lib. 3. Hexam. cap. 3. affirmat de palma, inquiens: *Videam palmam, quæ dactylos generat, inclinantem ramos suos, & subiacentem es arbori, quem marem arborem appellant.* Qui res naturales stylo persequuntur, certum quoddam coniungij gentis, Sponsamque, quæ mulieris officium in hoc naturali matrimonio obit, proferre fructus. Docent hoc Plinius, Bartholomæus Anglicus, Petrus Berchorius, Geminianus, Dionysius Cassius cum alijs non paucis. Sed notandum, quod Ambrosius, cæteri que autores tradunt, fieri non posse, ut palma



foemina, quæ fructus edere solita, dactylos vltos producat, nisi propè ob oculos habeat palmam marem, quæ Sponsi vices exequitur. At quid agit palma fructuum parens? Id quod Ambrosius de illa pronuntiat: *Videas palmam, quæ dactylos generat, inclinantem ramos suos, & subijcientem eis arbore, quem marem appellant.* Palma Sponsa, quæ fert fructus, ramos suos Sponso arbore perpetuum submittit, velut ad significandam sempiternam subiectionem, aut tanquam æternum se illi mancipatam, debitâque gratitudinis tributa pendere velle testaretur suæ fertilitatis auctori, dulciumque sortium suorum parenti, ac genitori.

Quod ergo ad Sponsam suam Sponsus ait: *Strutura tua assimilata est palmæ*; tale est, ac si eam vrbane peramanteque monuisset, vt palmam imitari studeret eam, quæ est fructifera, quæ ad commendandam suam gratitudinem, quam Sponso suo debet tanquam omnis suavis germinationis suæ auctori, ramos suos illi velut ad reuerentiam pro concessio fructus beneficio submittit. Sic omnis anima vnum hoc perpetuo agnoscere, & cogitare debet, quidquid bonorum habet, & gratiam, quacunque apud alios valet, & beneficia, quæ obtinet, & diuitias, quas possidet, ea omnia suo Sponso, tanquam fonti originali, à quo promanant, & velut supremo patri, à quo derivantur, debere. Nimirum quidquid habemus felicitatis, id à liberalibus illius manibus nobis venit.

Postquam hominem primum maiestas suprema creasset, sociamque vitæ illi auxiliarem dedisset, amplissimam ijs facultatem concessit, vt de fructibus arborum, quibus ille voluptuosissimus locus conuersus erat, esitarent, ab vna tantum scientiæ boni, & mali arbore abstinerent. Textus sacer id his verbis memorat: *Eccè dedi vobis omnem herbam afferentem semen super terram, & vniuersa ligna, quæ habent in semetipsis sementem generis sui, & sint vobis in escam*; Genes. 1. 29.

Dubitari hoc loco potest, cur Dominus, qui hominem, quem condidit, tam varijs, insignibusque percoluit donis, exornauit gratijs (quo de suprâ recurrit sermo) voluit, & ordinauit, vt ille vitæ suæ conseruationem, ac propagationem à paradisi arboribus velut mendicatio peteret, ab eisque corporis sui alimoniam acciperet. Decentius enim, vt videtur, factum esset, si homo suam ex seipso sustentare vitam posset, neque arborum gratiâ, fructuumque usu ad hanc rem opus haberet. Cur ergo diuina prouidentia talem conseruandæ vitæ humanæ ordinem

instituit, voluitque vt nutritionem suam aliunde expectaret, atque ab extraneis alimentis penderet?

Responderet verus pater Algerus de sacram. lib. 2. cap. 2. Tom. 6. Bibl. Vet. Patrum, inquit: *Cum omnia posset Deus, non in nobis ipsis, sed in exterioribus alimentis temporalem vitam nostram retineri soluit, ne nobis debere videremur, quod sumus, sed es potius, à quo sunt illa munera, vnde viuimus.* Facile erat diuinæ prouidentiae concedere homini, vt penes se haberet, atque in seipso circumferret fontem suæ vitæ, sic vt extraneo nutrimento nullo egeret, neque necessum haberet panis, fructuum, carnis, taliumque rerum pastu ad hanc rem vti, quæ sunt fragilis, & caduca vitæ nostræ quædam velut statumina, & pedamenta: Voluit tamen vitam nostram ab extraneis escis, & studio pendere alieno, ne illam nobis tribuere posse existimarem, sed verum nutritionis nostræ autorem agnosceremus, qui alimoniam, quâ viuimus, ministrat: *Ne nobis debere videremur quod sumus, sed es potius, à quo sunt illa munera, vnde viuimus.* Vult enim Dominus, vt omnibus modis ipsum causam, & autorem omnium agnoscamus, & reueramur.

Sanctus Marcus Euangelista refert, tres Marias postridie Sabbati venisse ad monumentum dominicum cum magna vi vnguentorum aromaticorum, quibus sacrum cadauer, ex more hominum magis religiosorum, vngerent. Posthæc narrat Euangelista, quod gloriosus mortis triumphator pro singulari erga mulierem, quæ quondam in ciuitate peccatrix fuerat, beneuolentia surgens mane, apparuit primò Mariæ Magdalene; Marci 16. 9.

Cardinalis Caietanus ait: *Hinc habemus horam resurrectionis Christi fuisse in aurora.* Dicit enim de illo Marcus, surrexisse mane.

Pono hoc loco tanquam fidei dogma indubitatum, quod resurrectio Christi est causa resurrectionis corporum nostrorum, quemadmodum docuit sanctus Paulus, inquit: *Sicut in Adam omnes moriuntur, ita & in Christo omnes viuificabuntur*; 1. Corinth. 15. 22. Quid causâ sit, quod Dominus cum appetente die, & primula crepera redire in vitam voluit?

Responderet Caietanus appositè in causam, quam tractamus: *Valde congruè dies æternitatis gloriosorum corporum incipit cum aurora, resurrectio enim Christi est initium vniuersalis resurrectionis omnium corporum, sicut aurora est initium dies.* Magno ergo mysterio factum, quod Christus tunc surrexit, cum aurora progredi cœpit, vt significaret, velut aurora



est prodromus solis, & currus triumphalis aduentantis diei, & porta lucis, ita suam resurrectionem esse originem, causam, & principium resurrectionis nostrae. Omnia nimirum sic disponuntur, vt palam fiat, non posse esse diem aternitatis absq; rutilante aurora gloriosae resurrectionis inclyti triumphatoris Christi, & confiteantur omnes, non esse aliud nostrae gloriae ostium, nec aliam verae felicitatis viam.

Hæc vna è multis, eaque præcipua causa est, ob quam Dominus ordinauit, vt Chananæi grauem illam, calamitosamque sterilitatem paterentur, cuius hic sacer textus mentionem facit. Est illius terræ feracissimum solum, totisq; annis, qui inter Abraham, & Isaac sterilitatem interceserunt medij, fuerunt tempora satis lata, inquit Abulensis, cælumque rorem opportunum submittebat, humusq; fructus suos tempestiue reddebat, gregum armenta, ceterique pecoris plurimum subolecebant, & fœtus magno numero edebant, & omnia ubique affluebant. Vt ne ergo homines illam suis meritis abundantiam ascriberent, permittit Dominus fortes, & cælum velut clau concludit, & terram sterilitate damnauit, fecitque vt magna esset rerum omnium, quas victus requirit, penuria, vt omnes intelligerent, pluuiam, rorem, brutas animantes, alimoniam, vitam, & quidquid est, à munifica clementia generosi illius, & perliberalis pectoris venire.

*Ad Persioham I. Dominica IV. post Epiphaniam ex Tomo 2. pag. 432. col. 2. o. Ebi hanc in rem plura inuenies, & lectiora, atque illustriora.*

CAPVT VI.

*Ante ignis adurere, & lucere sol desinet, quàm errare homo arrogans, sibiq; nimium tribuens.*

A Bijs ergo obediens Patriarcha noster ad regem Palæstinorum Abimelech in Gerara, cumque ab incolis terræ illius interrogaretur, quænam ea mulier esset, quàm circumducebat comitem, respondit: *Soror mea est*; Genes. 26. 7. Notant hic Interpretes, quàm studiosè S. ille Patriarcha inhæserit vestigijs sui patris, qui cum ob similem famis causam in Egyptum descenderet, præuideretque in quantum periculum adducere illum suæ uxoris pulchritudo posset, aiebat illi: *Dic obsecro te, quod soror mea sis*; Genes. 12. 13. nam si status tui conditionem scire volentibus id responsi dederis, commode mihi propter te erit. Tantundem nunc agit Isaac, cum enim ex illo sciscitarentur, quænam es-

set femina, quam via sociam habebat, respondit, sororem suam esse. Ad huiusmodi responsum eisdem rationibus permotus fuit, quibus pater illius Abraham, qui necem sibi inferendam timebat, si vxorem confiteretur Saram, verebaturque ne vitam sibi adimerent, quod licitè illa vti possent, per id enim tempus, vt affirmant Lyranus, Abulensis, Pererius, Oleaster, Cornelius, grauissimum habebatur adulterij scelus, atque ipso homicidio atrocius flagitium.

Per omnia ergo prudentis patris imitator fuit humilis filius. Sic etiam ad illius imitationem pro leuanda necessitate famis voluit petere Egyptum, puteosque, quos ad victum suæ familiæ, & pecorum fodit, appellauit eisdem nominibus, quibus ante pater vocauerat, Genes. 26. 18.

In his omnibus ostendit quàm vehementer cuperet rectè agere, secus atque alij arrogantes liberi, qui cum parentum suorum bona ab illorum morte hæredes adeunt, tollunt, commutant, abradunt, aut certe emendant adficiæ, hortos pensiles, totum etiam regenda familia ordinem, ac omnem statum paternæ domus exterminant, & se patribus sapientiores esse ostendant, & quasi pudeat aliorum, vel parentum vestigijs insistere, vt magnus huius libri Interpres Fernandus sect. 3. n. 3. prudenter submonet. Verùm illos superbix suæ penâ extemplo persequitur, errant quippè in omnibus, quæcunque nouant, & ex finistris effectibus stulta illorum consilia, & iudicij inconlulta ratio, atque inconsiderantia elucescunt. Iustum autem hoc est supplicium eorum, qui plus satis sibi vendicant, cum nouas semitas tenere, & diuerticula nemini hætenus vtitata indagare volunt. Debitissima arrogantiis vindicta est, turpiter cadere. Quicunque enim sibi nimium præsidunt, non longius ab errore absunt, quàm quod cunctantur in opus explicare, quod facere temerè, præcipitanterque decreuerant, sic vt simul & à recto desistere, & ex sensu proprio agere incipiant. Hinc accipiat noster Politicus, quantum illi conducatur sequi consilia, & sententias aliorum, si prudenter rem suam curare velit.

Pascebant fratres Iosephitis oues patris sui in Sichem, Iacob scire cupiebat quid agerent, & quid illis in suo pastoritio munere accideret. Quare filium suum Iosephem vocauit, & ait illi: *Veni mittam te ad eos*; Genes. 37. 13. Respondit Ioseph: *Præsto sum*; ibid. v. 14. volabo, quod me cunq; ablegaris, neminem certè domi habes, qui expeditius, quàm ego, abire, & redire, neminem, qui promptius, faciliusque iussa tua exequi velit, ac possit. Abijt adole-



lescens, & post aliquantum tempus inuenit eum *Vir errantem*, ibid. v. 15.

Philo Iudæus lib. quod deterius potiori insidians soleat, inquit: *Paratum te ais, dicens, Præstò sum, argumento est, quòd inueniet te paulò post homo errantem in via*; tanquam pluribus dixisset: O bone Ioseph, quàm mihi subolet, quòd non multò post errabundus descectes! Nonne à patre vocatus, & iussus ire perquisitum fratres, exploratumque quomodo haberent, aut quid agerent, subito promptum, paratumque te itineri obtulisti? Nonne tibi præfidebas, posse mandata patris tam faciliter, feliciterque, quàm alius nemo, perficere? *Argumento est, quòd inueniet te paulò post homo errantem*, certo prognostico est, quòd de via quamprimum abibis, & citò cades.

Premendum est in his Philonis illud: *Inueniet te errantem in via*. Deuiare, aut extrà viam errare multis etiam prudentibus, & circumspèctis accidit: At errare in via cuiusnam contingit? Arroganti, & sibi præfidenti euenit, ut in pœnam suæ temeritatis, & præcipitantia, Deo permittente, in itinere ipso vagus errorè ducatur, & in rebus luculentissimis, & maximè perspicuis, & facillimis fallatur, tenebrasque turpiter offendat, ubi alij lucem inveniunt.

De Esau ita dicitur Gen. 26. v. 34. *Esau quadragenarius duxit uxores, Iudith filiam Beers Heibæ, & Basemach filiam Elas eiusdem loci*. Si Esau statim pernoctè, & qualis ille fuerit, scire velis, inquit sanctus Ioannes Chrysostomus, id absque multo labore facias, dum ad illius actiones modò animum adueras. Quidnam ille fecit? Coniugium iniit, idque subito, parentibus nihil conscijs, cum tamen patris sui vel maximè consilium expetere debuisset in re tam momentosa, quàm erat connubium illius, qui se in clytæ, profapæ, & illustrissimæ domus primogenitum reputabat, nuptiasque contraherat cum mulieribus barbaris, extraneis, idololatriæ deditis.

Chrysostomus homel. 53. in Gen. ait: *Ut statim in intro suos mores indices, inconsultis parentibus illas uxores duxit*. Ut nemo diu dubius hæsitaret animo, quàm infelices successus habiturus esset agrestis Esau, ut ne quis longo diuinandi, quàm sceleratam vitam ducturus in posterum esset, labore sese defatigaret, facere illud poterat, si præcipitantiam illius, & agendi temeritatem attentius expenderet, nam qui hæc diligentius considerabat, simul videbat, quàm sinistrum finem in rebus omnibus habiturus esset. Qui enim rem quamlibet cum præsumptione temerè incipit, is absoluerè illam absque

errore non potest. Et qui per omnia suum sequitur pertinaciter sensum, & iudicium, quid potest expectare, nisi suum præcipitium? *Ut statim in intro suos mores indices Esau, inconsultis parentibus illas uxores duxit*. Cui capitis sui sententia est pro vitæ regula, qui consultore, quàm se, non utitur alio, quid sibi nisi prolapsiones turpes, & errata plurima, promittere potest?

Ut rem tam grauem sermone prolixiore pertractem, noster Politicus facile dabit. His ergo, quæ diximus, fulcra plura subiiciamus. Primum in limine historiæ patientissimè Iobtis inuenio, vbi sic dicitur: *Vir erat in terra Hus, nomine Iob; Iob. 1. 1.* Videamus tam illustres viri præclara facinora: *Eras Vir ille simplex, & rectus, ac timens Deum, & recedens à malo*.

Ex terra, in qua S. Patriarcha degebat, eruit doctrinam moribus commodam ille oculis corporis captus, sed animæ visu perspicacissimo Dydimus. Monet is primùm, *Hus idem esse, quod consilium*. Tum querit, quid significare voluerit illius historiæ Scriptor, cum terram de nomine indicauit, in qua S. Iob morabatur, & post hæc statim illum commendare à simplicitate, rectitudine, timore Dei, & fuga mali cœpit? Cum *Hus idem sit, quod consilium*, voluit diuinus Historicus primò patriam sancti Iob indicare, atque extemplo inculpatam ipsius vitam commemorare, ut innueret, eos veritatem sequi, & rectè sentire, atque agere, & simplicitatem amare, & Deum timere, & mali omnis osiores esse, qui in regione consilij viuunt, & arbitrio reguntur alieno, neque obtemperant proprio.

Audite Dydimum apud Olympicorum in catena in cap. 1. Iob. *Hustis consilium & alet, in quo iustus domicilium constitutum habebat. Is enim, qui faciliè est ad excandescendum, temerè agit, quare & canibus, sic illi nascuntur tum dicta, tum facta*. Hus latine consilium nominatur, in quo firmam, ac fixam habuisse sedem Iob dicitur, nam qui pronus ad iram leuiter subtomachatur, & quò ardentis furoris cæcus impetus rapit, facile sequitur, is procliuiter errat, seque præcipitat, & canum infelicitate laborat, qui cæcos pariunt catulos.

O dictum plusquam benè! *Ut canibus, sic illi nascuntur tum dicta, tum facta*. Notoria est canis proprietates. Cæcus nascitur, plenus tenebrarum in lucem communem prodit, charissima pignora sua nobilissimo sensuum destituta edit. Tale quid ijs euenit, inquit Dydimus, qui autem arbitrio suo, & consilio proprio admonent, opera enim, quæ inde nascuntur,



scuntur, sunt partus cœci, quales canum, & cogitatus vani, & verba noxia, & facta omnia inde oriunda sunt exitalia. Quæ sit enim alia consilij præcipitis, & arbitrij proprii soboles, quàm cœcitas, stultitia, error?

Sinite consiteatur id humilis presbyter Leporius, cuius epistolam emendationum diligentissimus Patet Sirmundus ab iniurijs obliuionis vindicaram totius Christianitatis communi vsuræ donauit. Ea in epistola rogat, ne cui mirum accadat, quòd tam turpiter errarit, cœcum ferocium Ecclesiæ æmulatorum sensum secutus, postquàm constabiliendi erroris sui ipse sibi magister fuerit: *Aliud fieri non poterat, nisi si propria stultitia in me cœuaret, quando ego mihi discipulus habueram me magistram*, inquit ille in epistola, quàm præfatus sum, ac si dixisset: Cum ego meæ opinioni nimium quantum tribuerim, & inhæserim, cumque proprii ingenij tanquàm fili ductu vsus fuerim in medio dubitationum mearum labyrintho, quid mirum, quòd lucem inuenire veritatis non potui? Cum ipse mihi ductor essem, & doctor, quomodo fieri poterat, vt non errarem cœcus, non caderem præceps? Qui sibi ipsi est consultor, quomodo non in mille errores impinget?

Rationem huius tradit Tertullianus lib. de cultu foeminarum cap. 2. dicens: *Nam qui præsumit, minus veretur, minus præcauet, plus periclitatur. Timor fundamentum salutis est, præsumptio impedimentum timoris. Visus ergo, si speremus nos posse delinquere, sperando enim timebimus, timendo cauebimus, cauendo salui erimus. Contrà si præsumamus, neque timendo, neque cauendo, difficile salui erimus.* Aduertat huc animum noster Politicus, & hanc Tertulliani ratiocinationem suis ponderibus penset, vt suspectum habeat suum sensum, & arbitrium proprium timeat, indeque conficiat illationes, siue confectiones, doctrinamque hauriat necessariam negotio momentosissimo, quale est salutis æternæ. Qui præsumit, inquit Tertullianus, qui sibi præfidit, & nimio plus promittit. idem minus quàm par est timet, nec satis prospicit, adèd discrimini vicinior est. Timor basis est salutis, præsumptio autem, siue præfidentia propria gladius, & internecio timoris. Itaque magis nobis conducit, si peccare posse vereamur, nam si offendere, aut malè agere posse pertimescimus, formidabimus lapsum, formidantes autem prospiciemus nobis, ne cadamus, & propicientes euademus ruinam. Econtrariò præfidentes nobis, & nostro nimium tribuentes iudicio, metumque omnem, & cautionem abijcientes, ægrè laqueos euademus, & effugiemus insidias, quas voluntatis nostræ libido

nobis struit, & iudicium proprium dissimulat. O si Politicus noster Logica hæc diuinâ rectè vteretur, quàm sæpè illi feliciter caderent, quæ agit! quàm multa pericula euitaret! Si omnes suas cogitationes, & consilia vniuersa ex sententia iudicij institueret alieni, quàm prosperè illi euenirent omnia, quàm secundo haberent exitus!

Ablegabatur superus Magister duos charissimorum suorum dilectissimos, Petrum, & Ioannem, vt domum conducerent, appararentque, in qua cum reliquo Apostolico Collegio insignem paschatis celebrarent solennitatem. Cumque illi sciscitarentur, quamnam conduci, & festi impendentes vsui aptari domum vellet, respondit: *Ecce introeuntibus vobis in ciuitatem, occurret vobis homo quidam, amphoram aquæ portans, sequimini eum in domum, in quam intrat*; Lucæ 22. 10.

Quid opus erat his circumstantijs, inquit sacer Venetorum Patriarcha, quid talibus sigis, domum vt reperirent Apostoli, quos diximus, in qua celebrandum pascha erat? Quid necessum erat vestigia legere, & premere aquatoris, ne quas indagabant ædes, præterirent? Quorsum via dux ad reperendum diuersorium hominibus tam industrijs, & sollicitis, studiosisque, quàm erant Petrus, & Ioannes? At si indicem desiderarunt, ne errarent, cur operâ hominis tam abiecti, & sordidi ad eam rem vti debuerunt? Quid sub hoc mysterio latet doctrinæ, & eruditionis?

Satisfacit quæstioni S. Laurentius Iustinianus lib. de triumphali Christi agone cap. 1. num. 5. *Ideo mysticè Apostoli mandatur, vt aqua baiulum sequantur, ne proprio delusi sensu per errorum deuia, & hereticorum abrupta præcipitari cogantur.* Quòd Apostolos, talesque Apostolos ductore tali vti voluit, hoc perinde fuit, ac si dixisset, eum, qui seipsum regere, & iudicij proprii ductum sequi velit, miserabili, & infelici prolapsione corruturum, & certo præcipitio interiturum, quantumuis sublimis sit, in summum Apostolicæ vitæ fastigium licet ascenderit: Econtrà qui se humiliat, eoque demittit, vt sententiam, & arbitrium sequatur aliorum, eum hæc submissione obtenturum, vt Deo benè iuuante, omnia rectè, atque vt decet, agat, tametsi ducem habeat quandam vulgi extremum, vilissimumque, & abiectissimum aquæ baiulum. Tam vile est arbitrio se submittere, & permittere alieno. Tam noxium, & damnosum suo pte sensu omnia facere, seipso consultore, & moderatore vti, & pro sola sua libidine quiduis agere.

Nam



Nam vt idem Sanctus in eodem lib. cap. 8. n. 5. ait, *Six absque casu, & ignominia euadit, qui temerario ausu bello contendit, facileque euertitur domus, quæ supra sui ignorantiam esse fundata dignoscitur.* O Deus! in quæ tempora hæc dicta sint verba? Perraro absque turpissimo probro, ac dedecore redit, qui pro sola sua peruicacia, & proiecta audacia ad arma profilit, ac bella serit, vel quærit. Leuiter solo affliguntur ædes, quarum non sunt aliæ bases, quàm ignorantia sui ipsius, siue quod idem est, sensus cuiusque proprius. Quæ vero domus consilio, & arbitrio nitiatur alieno, ea stabilis consistit, & firma, perdurabilisque constabit.

Huc faciet quoddam sancti Ephræmi dictum, quod ad rei alterius confirmationem alibi, quantum memini, adduximus. Ille ex sententia cuiusdam veteris monachi in palæstra vitæ spiritualis plurimum exercitati sic ait in parenæsi 35. Tom. 2. *Si conspexeris adolescentem propriâ voluntate in cælum ascendentem, tene ipsam, expedit enim ipsi. Id vero de illo quoque intellige, qui cum atate sit senex, mente tamen est iunior.*

Mira, & quam meritò notes, & expendas, amplificatio! Qui cælum petit, atque in illam æternam felicem patriam contendit, illius obstitendum conatibus, & obstaculorum iniectioni impediendum iter! *Si conspexeris in cælum ascendentem, tene ipsam!* Si talis quispiam adolescens in errorum abyssum se præcipitaret, si in flagitij alicuius profundum pelagus ingurgitaret, si per laram perditionis viam orcum peteret, & in damnationem abiret æternam, rectè diceret vetus magister noster, *Tene ipsam*, & manu iniectioni à præcipitio, quod fert in barathrum, & exitium sempiternum, per vim cohibe: Verùm homini in cælum aspiranti, & beatitudinem illam, ad quam conditus est, anhelanti, magnisque conatibus appetenti quis afferre manus, ac moras aufert? *Tene ipsam*, aiebat ille. Cui hoc in mentem venire, aut quis credere potuisset, quod etiam eiusmodi homo retineri debeat? Quàm ob causam verò?

Causam non dissimulauit expertus Doctor, inquiens: *Ascendentem propriâ voluntate*; quasi dixisset: Si quem videris, qui siue qualis Icarus altius præfidenter euolare, seu velut temerarius Phæton aurigandi imperitus, currum, caballosque feroces moderandos suscipere velit, hunc alis suis nuda, & comprime. Iudicium enim proprium tam sæpè, procliuiusque; & fallit, & fallitur, vt eius ductui, tametsi in cælum ferre, & in ipsam gloriam, atque æternam salutem rapere videatur, tutò fidere nemo possit, aut

debeat. Quisquis enim arbitrium proprium sequitur, alarum cerearum remigio subuehitur, & sultâ præsumptione sursum contendit, cumque maximè connititur, vt assurgere altius queat, in ipsum suæ præfidentia, temeritatisque mare decidens submergitur. Quàm multi ex his, quos sensus proprius per viam ducit, pereunt! Quàm multi se præcipitant, qui sui iudicij alis erigere sese tentant! Quicunque enim proprij arbitrij contumaciâ, duce vitur, tametsi gloriam sempiternam, & coelestem beatitudinem petat, errandi, prolabendique semper secum fert periculum.

Nocte extremæ cœnæ superus Magister, quod Euangelistæ referunt, prædicebat discipulis suis, ab ab vno quodam eorum, qui ibi tunc aderant, turpiter se, ac perfidiosè in manus effectorum, & sacrilegorum hostium tradendum. Posthæc etiam illud aiebat: *Omnes vos scandalum patiemini in me, in ista nocte*; Matth. 26. 31. cum me turpiter, probroque capi, vinciri, abduci, dehonestari videritis, quem paucis horis tam stupenda operatum, tam sublimia locutum, & per eiusdem ciuitatis plateas, & compita cum ingenti plausu, & festiua non vilis plebeculæ tantum, sed etiam nobilium, ac principum virorum acclamatione deductum vidistis. Simul ea audiit Petrus, & in hæc verba erupit: Itane verò scandalum ex te quisquam nostrum patietur! *Etsi omnes scandalizati fuerint, ego nunquam scandalizabor*; ibid. v. 33. nudent licet, prorsumque concidant columnæ hæc vndecim, ego tamen tam firmus, fixusque persistam, vt constantia, stabilitatisque exemplum mutuari à me omnia secutura sæcula possint. Tunc humilis, amantissimusque magister ad præfidentem discipulum: *Amen dico tibi, quia tu hodie in nocte hac, priusquam gallus vocem bis dederit, ter me es negaturus.* Ita apud Sanctum Marcum 14. 30. qui & submonet, quod Petrus, pro eo, vt se humiliaret, imbecillitatemque suam & miseriam agnosceret, amplius loquebatur, ibid. v. 31. multo magis etiam, quàm ante, præsumebat.

Qua in re Petrus illam suam inexpugnabilem, vt præfidebat, fortitudinem fundauerit? Aut quàm basim subiecerit suæ tantæ constantiæ tam vastæ moli?

Sanctus Ioannes Chrysostomus homel. de negat. Petri Tom. 5. putat Petrum talia intra se locutum: *Egonè igitur te negabo princeps Apostolorum! columna Ecclesiæ! Quam obrem & mihi ipsi præfidentis vociferor: Etsi omnes scandalizati fuerint, ego non scandalizabor.* Egonè Apostolorum vertex nubo!

Egonè



Egonē Ecclesię fundamentum, & fidei columna vitium agam, ac vacillabo! Quid Petro persuaserit, vt se nihil perperam commissurum certō putaret? Illud, quod aiebat: *Mihi ipsi præsidiens vociferor;* quod tale est, ac si dixisset: Delibero egomet mecum, consilij, quod capio, præsident alium, quā me, neminem habeo, solus ego mihi sum moderator. Itanē verō, Petre, tute ipsi tibi rector es, & consultor, & præsēs, atque ab arbitrij proprii libidine te duci sinis, & cum iudicio tuo quoddam velut coniugium iniisti! Quid mirum ergo, quōd Christus te mox erraturum, & miserabiliter ruiturum cum iuramento affirmauit, inquitens: *Amen dico tibi, &c.* Eapropter Patriarcha noster Isaac non fidens suo ingenio, & arbitrio, veltigia patris sui in omnibus persecutus fuit, vt qui semper rectē agere cuperet, sciretque, prius futurum, vt neque ignis adurat, neque sol luceat, quā vt non erreret, qui præsūmit, sibi quē nimium arrogat.

CAPVT VII.

*Permittendę sunt recreationes, sic tamen, vt illę modestia non prætergrediantur limites.*

Natura nostra infirma est, & imbecillis, corporis nostri massa ex fragili luto coaluit, & spiritus, quem hic mortalis carnis carcer inclusum tenet, afflicatur, tantūque non suffocatur, nisi quandoque illius relaxentur vincula, soluantur compedes, remittantur nexi. Necesse est nonnunquā feriari ab opere, respirare à laboribus, vt obtusa, hebetata, aut debilitate dura, ac diuturnā exercitatione vires acuantur, & instaurentur. Tale quidpiam suadebat Magnus Cordubensium Philosophus Seneca lib. de tranquillitate animi cap. 15. inquitens: *Danda est remissio animis, meliores, ac rioresque requies surgent. Vt fertilibus agris non est imperandum, citò enim exhauriet illos nunquā intermissa fecunditas, ita animorum impetus assiduus labor frangit, &c.* Legum conditores festos instituerunt dies, Et ad hilaritatem homines publicē cogerentur, tanquā necessarium laboribus interponentes temperamentum. Vt enim nunquā otio indulgeas, verū semper labores, perpetuōque defatigeris, ac desudes, fieri non potest.

In huius rei confirmationem adfert Robertus Holkot quoddam problema Aristotelicum ex sect. 5. problem. 10. vbi magnus Philosophus hoc quaerit: *Cur loci aequalibus, quā in aequalibus magis fatigamur?* Cur maiorem lassitudinem adfert iter

planum, quā via, quę per accliuia, & decliuia, per campum, colles, ac montes ducit?

Respondet ex sententia Philosophi Holkot in c. 5. Sap. lect. 61. *Quia quando homo incedit continue, & uniformiter per viam planam, fatigat instrumenta, seu partes corporis, quibus ambulat, sicut genus, & tribus. Unde quia in istis instrumentis ambulandi continue tenetur vna figura motus in via plana, ideo contingit hominis maior labor, & fatigatio. In processu verò non plano, ubi aliquando ascenditur, aliquando descenditur, non semper tenetur eadem figura motus in instrumentis mouendi, nec illa partes vexantur uniformiter, & continue, sed alternatim, quia ascendendo plus laboramus in genibus, & tribus, descendendo plus in femoribus. Alternatione ergo, & vicissitudine motus diuiditur ambulationis labor, fit leuius itionis pondus, & tolerabilior defatigatio, atque vt itinerandi molestiam minūs sentias.*

Commoda est hæc doctrina, inquit Robertus, ijs, qui in cœlestem patriam contendunt. Molestum est cœlorum iter, terribile carni, & sanguini, spiritui etiam graue, qui sub corporis oneroso pondere nonnunquā lassatur, ac sudat. Vt verò sit minūs ardua, ac difficilis via, quid factū opus? *Alternatim, & vicissim incedendum, Et quantum possumus, fatigationem, & tedium deuitemus inseruiendi Deo. Vicissitudine vtendum, sic vt nonnunquā in campum, vallem, prata recreationum descendamus, si enim vno tenore semper conemur, & enitamur, & ab incensa contentione nihil aliquando relaxemus, tantum concipiet animus rerum spiritualium fastidium, vt denique eas prorsum deferat, & perhorrescat, quod multis accidit.*

Hæc fortē vna ē multis causa est, cur Deo seruire vocetur cantus, quōd non semel indicat Propheta sacer. *Cantate Domino canticum nouum, ait Ps. 97. v. 1. & v. 4. Cantate, & exultate, & psallite.* Quid est cantare Domino? Seruire, gratificari. Ita Ioannes Baptista Folengius, Rainerius, Michaël Ayguanus, & alij. In cantu non omnes notę sunt pares, neque situm eundem obtinent, sed alie alijs superiores sunt, vel inferiores, sed hæc supremum, illę infimum, medium reliquę occupant, ex qua tam varia positione suauis musices sonus, & grata harmonia conficitur, fitque, vt qui cantant, minore labore id facere, ac diutius, leuiusque psallere possint. Qui eodem semper tenore cantare velit, siue plurimum altē, seu valde submissē, is suam facillē delassabit vocem, & absonum reddet concentum. Harmoniæ ergo, & musices simile debet esse studium seruiendi Deo,



Deo, vt sicut illa constat ex sonorum interuallis, & varia compositione, sic & hoc suas habeat pausas, intermissiones, otia, sitque nunc intentius, nunc remissius, vt continuari queat. Fieri non potest, vt perpetuò, quis oret, aut corpus flagris semper cædat, aut tanquam mutus nunquam loquatur, aut omnes ieiunus transmittat dies. Est hic nimis altus tonus, quem seruare cantando nemo diu possit. Dandum colloquio tempus, dandum comestioni, dandum quieti, & otio, submittenda nonnunquam vox, ridere quandoque, & iocari, & auocare ab intento studio animum, rura peragrarè, horum subinde petere necessum. Hac enim ratione fiet, vt diutius insillere cantui musico dominicorum officiorum, & cultus diuini possimus, si debita cum prudentia, & discretione nunc altius, nunc demissius canamus, hoc enim requirunt voces, vt nimirum eas modulemur, ne plus nimio defatigentur. Tale quidpiam requiritur etiam in via spiritus, vt ea perseueranter teneri, & teri queat.

Docet hoc Dominus per Oseam Prophetam, inquiens: *Et ero cui quasi exaltans iugum super maxillas eorum*, Osee 11. 4. Exaltaturum se, non ablatum iugum eorum ait Dominus, quod tale fuit, ac si dixisset, seruos Dei sua quietis tempora habituros, quibus eorum subleuetur iugum, & oneris pondus alleuetur. Nemo sempiternum ferre iugum potest, & intolerabilis est austeritas, quæ perpetua. Propterea in domibus religiosi, quarum etiam arctissima clausura, & vitæ consuetudo asperrima, habent religiosi ascetæ suas horas, quibus animum à consuetis exercitationibus tantisper abducant, relaxent, & remittant. Quomodo enim arcus semper tensus perdurare, quomodo fragilis natura vnum per diu tolerare pondus, & pari semper contentione pergere potest, nisi subinde mutet iter, & onus illius minuatur?

Verum qui necessitatem recreationum commendare cepit, idem docebit, quem in eis modum obseruare debeamus. Dicit ergo Seneca, relaxandum esse animum, sic tamen vt temperantiæ lineas non transeamus, sed eam moderationem ad honestas obligationes adhibendam, tanquam capitales, & insensibilissimos hostes nostros habeamus spectatores, ob quorum oculos nemo facile aliquid committere, aut dicere solet, quod non attentè ante perpenderit, & examinàrit. Hunc morem à veteribus quibusdam viris celeberrimis obseruatum idem Seneca affirmat, quorum vita talis fuit, vt ab ea rectè agendi exemplum omnes capere posteriores ætates possent:

*Ille antiquus Viri, ait, solebant inter lusum, ac festi tempora Virilem in modum tripudiarè, non fatiuri detrimentum, etiamsi ab hostibus suis spectarentur.* Et paulò ante ista: *Cum pueri Scytharum ludere non erubescibat, & Caro Vere laxabat animum curis publicis fatigatum, & Scipio triumphale illud, & militare corpus mouebat ad numeros, non molliter se infingens, &c.* Hæc autem ij ram acutè, circumspiciendèq; agebant, vt infestissimi inimici censuram, absq; omni existimationis suæ periculo, & sine autoritatis suæ vlla iactura, subire possent. Tales ergo debent esse Politici nostri recreationes, quales erant, vt ait Seneca, antiquorum illorum gentilium relaxationes, honestæ, graues, maturæ, moderatæ.

Cùm Discipulos suos celestis Magister ad prædicandum Euangelium emitteret, inter varia documenta, quibus eos ad rectè procurandum tam sublimè ministerium instituit, etiam hoc illis dedit, vt si quas ædes pacatas ingrederentur, in eis conquiescerent, comederent, biberent. Id talibus verbis dicebat Lucæ 10. 7. *In eadem autem domo manete edentes, & bibentes, quæ apud illos sunt, dignus est enim operarius mercede sua.*

Notandum in his, quòd Dominus, cùm Discipulos suos iubet sumere victum in domibus, ad quas diuenterent, simul velut monet, vt recordentur, se vineæ illius operarios, scholæ alumnos, & famulos domesticos esse: *Dignus est enim operarius mercede sua.* Sed cur voluit, vt tunc se cogitarent esse discipulos Christi, quando cibum capiebant?

Respondet Euthymius, id voluisse, vt inter conuiuandum seruarent temperantiam, moderationem, frugalitatem, quam seruare debent, quotquot gloriæ ducunt, quòd talis Magistri sunt discipuli, & tam regis domus famuli. Soler plerumq; in conuiujs effusus ridendi, liberius loquendi, familiariter cauillandi, iocosè, ac dicaciter ludendi, taliumq; rerum prona se offerre occasio. Dicebat ergo Christus: *Manete edentes, & bibentes, esset in Cottis nahmen / qui enim laborant, & ministerio maxime tam diuino, & sacrosancto operam nauant, iurè merito cibum sumunt, hoc tamen facere debent tanquam in mea schola instituti, & ad vbera mea nutriti, sic vt parsimoniam, ac modestiam, quæ talis Magistri discipulos, talis Domini seruos, talis doctrinæ prædicatores decet, per omnia obseruent: Edere, ac bibere permisit, quæ ab illis porrigerentur, non simpliciter, sed sicut discipulos suos decebat. At si ad victum, & potum, res summè necessarias, tantam adhiberi temperantiam, ac frugalitatem Do-*



minus voluit, quanto magis nobis commendatam habere debemus cautionem, modestiamque, quoties animum oblectatione pascimus, & relaxamus? Illæ horæ maiorem requirunt attentionem, circumspeditionem, moderationem, quibus à curis feriamur, & rerum gratiarum, iucundarumque cogitatione nos refocillamus.

Admirabatur diuinus Sponsus vitæ consuetudinem, quam chara illius Sponsa tenebat, cumque mores eius dinculc apud se non sine magna voluptate reputasset, hac eam blandiloquentiâ comiter semel, atque iterum appellabat: *Hortus conclusus soror mea Sponsa, hortus conclusus*; Cant. 4. 12. tanquam dixisset: Plenum amœnitatis, & ad omnem voluptatem comparatum nemus es, amica columbula mea Sponsa, sed validis muris incinctum, & sepimento impenetrabili communitum.

Quid sibi voluit, cum de Sponsa dixit, hortum esse, verum solidissimo, fortissimoque pariete obvallatum?

Respondet Simon de Cassia, Sponsum dicere voluisse, debere in Ecclesia esse hortos, hoc est, recreationes, vacationes, animi oblectationes, feriationes à laboribus, respirationes ab operosis negotiis, & curarum anxietate. Sed quales illa hortos habere & potest, & debet? Modestæ maceriâ conclusos, temperantiæ pariete incinctos, frugalitatis muro vallatos. Hinc æstimabimur horti Dei, qui permittit nobis recreationes, sed moderationis dissipationem cauere præcepit. Dedit ille releuandi animi licentiam, neque dedecet, habere suas certis temporibus, & occasionibus statas horas, quibus indulgeatur animo, & detur otium, sed immoderantiam vetuit, & nimis effusam licentiam. Placet pietissimæ illi maiestati, vt sit nonnunquam remissior asperioris vitæ arcus, nimiam tamen non vult relaxationem. Absque habenis enim in recreationes procurrare, incautè oblectari, & modestiæ limites palam impudenter transilire, magis Gentilium est, quam Christianorum, magis Infidelium, quam Catholicorum, & peccatorum potius, quam iustorum.

Audiamus Simonem à Cassia, qui lib. 13. in Euang. sic habet: *Sunt delicta Paganorum, & Infidelium, sed non conclusa. Sunt delicta peccatorum, sed non conclusa. Sunt verorum Christianorum, sed conclusa. Delicta Christianorum debites fines habent, certis limitibus concluduntur.* Habent sua Pagani delectamenta, sed in quæ absque fræno ferantur. Habent suas veri Christiani voluptates, sed parçè ijs, ac moderatè vtuntur, nam horti sunt, sed conclusi,

& habent suæ recreationibus opportuna tempora, at in his seruant modestiam, non effunduntur extralimites, & ad frugalitatis, honestatisque partes semper accedunt, sic vt nihil indeceas, nihil quod profectioni christianæ, vel religiosæ educationi contradicat, vel faciant, vel loquantur.

Apostolus cum in consideratione positus esset ærumnarum, quas patiebantur per id tempus, quo Iesu Christi sequebantur per id tempus, quo Ecclesia persecutionum tyrannicarum tolerantia, & fuso sanguine suorum fundari cœpit, illudque simul cogitaret, naturam nostram fragilem eger leuamine aliquo, vt calamitarum pondus ferre possit, sic aiebat ad eos: *Gaudete in Domino semper, iterum dico gaudete*; Philip. 4. 4. tanquam dixisset: *Lætami in Domino, fratres charissimi, & ne quis me indulgentiæ in vos meæ pœnitere putet, etiam atque etiam lætari iubeo: Iterum dico gaudete.* At videamus, quemadmodum hoc fieri debeat: *Modestia vestra nota sit omnibus hominibus*; inquit ibid. v. 5.

Angelicus Doctor in illorum verborum commentario ait, quod postremum hic monet Sanctus Paulus, id tale esse, ac si dicat: *Ita sit moderatum gaudium vestrum, quod non vertatur in dissipationem.* Iudith vltimo c. 24. Erat autem populus iucundus secundum faciem sanctorum. Quando Genitum Doctor primitiuos Christianos volebat esse gaudibundos, ac hilares, sic tamen, vt inter omnem lætitiæ voluptatem seruarent tantam modestiæ rationem, vt eam videre omnes possent, perinde fuit, ac si dixisset, eam adhibendam esse moderationem ad recreationes, vt relaxetur, sed non solvatur disciplina, neque in alterum immodestiæ extremum deflectat, sed hoc fiat, quod de Israëlitis Betulienfibus sacer Scriptor narrat, qui toto trimestri festiuis laudibus, & plausibus exultarunt pro obruncato barbaro Holoferne, & victoria, quam illis Iudith pepererat. De his dicitur, gauisus fuisse secundum faciem sanctorum, hoc est, ad modum, quo gaudere sancti solent, qui cum oblectationem aliquam capiunt, modestiæ regulam, temperantiæ perpendiculum, cautionis normam, frugalitatis frænum, attentionis lineam semper ad manum habent, ad quam relaxationis suæ suauitatem exigant, vt qui norunt periculum, quod inter eas occasiones minari spiritui solet.

Sic facere debent quicunq; ex præscripto virtutis sese exhilarare volunt. Quando enim recreationes sunt concessæ, & non etiam nunquam necessariæ animi à curis auocationes, tales debent esse, quales



quales Isaac, & Rebecca erant oblectationes, quos simul inuicem ludentes è fenestra regis arbitratus fuit Abimelech, de quo Gen. 26. 8. sic habet textus sacer: *Prospiciens Abimelech rex Palaſtinarum per fenestram, vidit Isaac iocantem cum Rebecca uxore sua*, hoc est, suauis, familiarisq; illam complextantem, osculantem, & alijs honestis modis, quos matrimonij leges permittunt, cum illa oblectantem, vt ferè exponunt SS. Hieronymus, Augustinus, Ambrosius. In sensu morali, Isaac, vt interpretantur Philo Alexandrinus, Nicolaus Lyranus, & Guilielmus Ebroicensis, est imago spiritus, Rebecca figura carnis. Hæc duo nonnunquam se mutuo oblectant, luduntq; ac se pascunt inuicem, sed ita, vt modestæ præceptiones, & iura obseruent, & cautè aduertant, ne temperantiæ terminos prætergrediantur. Docemur hac re, vt cum suas carni relaxationes permittere spiritus debet, id ita fiat, vt moderatio in omnibus Christiana seruetur illæsa. Sint risus absque dissolutione, sine dentibus verba. Non sint mordaces ioci, non contumeliosi lepores. Opera sint talia, vt ad bene agendum spectatores excitent, vt in omnibus coniunctam habeat recreatio modestiam, oblectatio honestatem, relaxatio ædificationem.

## CAPVT VIII.

*Iudicij, quod de alijs facimus, aqua sapere cordis terram solet, per quam transit.*

**H**abent hoc aquæ, ex communi Philosophorum omnium sententia, proprium, vt saporem attrahant, & referant terræ, per quam fluunt. Id Moyses Barcephæ lib. de Parad. p. 1. c. 21. Tom. 1. Biblioth. VV. PP. sic expressit: *Aqua pro soli indole, per quod fluunt, dulciores, amariores, insulsiores, salustiores euadunt.* Aquæ ergo aliæ alijs sunt vel suauiores, vel acerbiores, quia terrarum, quas lapsu racito, & secretis itineribus permeant, sapor varius eis adhærescit. Simile quidpiam affirmare possumus, eum videmus hominum alios quidem tam candidos, & synceros, vt de omni re iudicent benè, & in partem meliorem cuncta interpretentur, alios verò tam improbos, & maleuolos, vt omnia suspecta habeant, & in sinistram sensum detorqueant, quidquid fieri cernunt, nimirum quod hi velut aranei sint, qui venenum vndique exsugant, illi velut sedulæ, ac mellificæ apes omnia in theriacam vertant, id nasci ex corde, vnde iudicia cuiusq; oriuntur, vt qualis quisque est, tales ferè alios arbitretur. Nam cum Christus dicat Matth. 15. 19. *De corde exeunt cogi-*

*tationes; cuius cor fuerit bonum, eiusdem bona erunt de alijs iudicia, ac quorum mali, & peruersi animi, eorundem sinistra imaginationes, & interpretationes maleuolæ, & damnosa consilia.* Denique suo pede quisque alios meretur, & de cordis sui interiore conditione alios æstimat.

Ita sensit Sanctus Gregorius Nazianzenus Orat. 28. cum ait: *Quod in seipso aliquis minime sensit, nec alter id adesse affirmanti inquam crediderit, qui autem ita aliquando se affectum sensit, ut profectò ad assentiendum faciliorem se præbeat.* Difficile quis adducitur, vt eo laborare malo alium putet, quod ipse non expertus aliquando fuerit: Si quod nobis tamen inest vitium, eodem obstrictos esse alios procliuiter opinamur. Prout enim nos aliqua vel agimus, vel patimur, sic de alijs sentimus, & iudicamus.

Decreuerat Dominus captiuum liberare populum, qui sub tyrannica barbari Pharaonis potestate miseram intolerantissimè ferebat seruitutem. Vindicem ergo Israelitarum suorum delegit Moysen, eiq; præcepit, vt hanc Domini sui tam propensam in eos voluntatem illis aperiret. Desugiebat ille officium, & impares tam graui muneri subtrahebat humeros, inquit: *Non credent mihi, nec audient vocem meam, sed dicent, Non apparuit tibi Dominus;* Exod. 4. 1. tanquam fabulam ridebunt, si affirmaro, quod mihi pro singulari, & summâ beneuolentiâ visus sis, & hanc tantam prouinciam commendâris. Res mira! Quam concitus Moyses in eam deproperauit sententiam, quod nullam dicta illius essent repertura fidem! quam celeriter desperauit fore, quod Dominus promiserat!

Cum hanc Moysis diffidentiam secum expenderet Oleaster in annorat. morali in c. 4. Exodi, inquit: *Cogitans non semel penes me, vnde hominis tanta diffidentia ad Deum suum.* Vnde nasci potuit, quod illi tanto viro dubitare in mentem venit, num Deus pollicitationi suæ satisfacturus esset? Causa hæsitandi Moysi ea potuit esse, quod ex nobis ferè æstimamus alios, & quoniam nos leues homunciones parum nobis constamus, idcirco huc propendimus, vt etiam Deum suorum promissorum nonnisi tenacem fore arbitremur, aut formidemus. Audiamus Oleastrum: *Cognoui ex eo esse, quod quales nos sumus erga Deum, talem eum arbitremur erga nos.* Quia enim nos frequentissimè Deo promissamur, arbitramur Deum nobis etiam promissa seruaturum. Plerumq; hoc agitur, vt ex se quis ceteros æstimet, & hoc alios facturos putet, quod ipse fecerit.

Examini-



Exanimatus, & affectu paterno percipiebat Apostolus, ut Romani, & reliqui ex toto terrarum orbe homines Deo se consecrarent, & corpora sua in ara penitentiae illi victimam immolarent, atque ut ipsis persuaderet, ardentiaque illius desideria suum fortirentur effectum, obtestabatur eos, dicens: *Obsecro vos, fratres, per misericordiam Dei, & exhibeat corpora vestra hostiam uiuentem, sanctam, Deo placentem, rationabile obsequium vestrum*; Rom. 12. 1. Cum quis rem, quae ardua videtur, vult impetrare, operam dat, ut deprecatores adhibeat, qui plurimum possit, & quem sibi efficacem fore patronum confidit. Cum ergo Apostolus videret, quam difficile esset facere corporum suorum in cruento asperioris penitentiae altari oblationem, deprecatores illis magnum ob oculos posuit, benignissimi Dei clementiam, perque eam illos obtestatus ait: *Obsecro vos per misericordiam Dei.*

Sanctus Petrus Chrysologus serm. 108. quaerit: *Quare non per virtutem? Quare non per maiestatem? Non per gloriam Dei?* Cum huc vellet permouere Romanos, ut rem operosissimam susceperent, & in carnem suam flagris deservirent, & suis ipsi manibus ferocirent, seq; ipsos excarnificarent, cur non potentiam Dei, non gloriam, non iustitiam, non impenitentiam, sed vnā, solamque misericordiam interposuit? *Obsecro vos per misericordiam Dei.*

Respondet beatus Ravennatum Archiepiscopus, inquit: *Quia per ipsam & Paulus crimen persecutoris euasit, & apostolatus tantum adeptus est dignitatem, sicut ipse fateatur, dicens: Qui prius fui blasphemus, & persecutor, & inuisosus, sed misericordiam Dei consecutus sum.* 1. Tom. I. 13. Reputabat secum diuinus Apostolus, quam stupenda in ipso Dei opitulatrix misericordia operata fuerat, quae ipsum ex perditissimo peccatore sanctissimum fecerat, & ex putido persecutionis instrumento in vas electionis suaueolentissimum transformarat, & ab infimo blasphemii hominis statu in supremum Apostolicae dignitatis fastigium euexerat, eaque cogitatione incitabatur, ut eadem Dei misericordia ad curandum alios vii vellet. Qui medicinae adminiculo morbum aliquem euasit, is alijs, quos pari infirmitate laborare videt, simile adhibere antidotum solet: Sic Paulus cum beneficium sanitatis per misericordiam Dei consecutus esset, per eam sospitare, & saluare omnes volebat, dicens: *Obsecro vos per misericordiam Dei.* Per illam ego ex morbo euasit, per illam conuoluturos omnes puto. Me illa è strato peccati erexit, & ab omni aegritudine persanauit.

Itaque ut mihi bene cum illa fuit, & ut plurimum apud me potuit, sic & apud alios plurimum valituram, atque effecturam existimo. Habet enim hoc mos communis, ut de nobis alios arbitremur, & similiter alijs, atque nobis omnia euenire putemus.

Magna dignum est admiratione, quod cum mansuetus, & amantissimus agnus Christus nocte cenae tor inditia dedisset perfidiosi discipuli, à quo sanguinarijs lupis, efferatissimis hostibus suis prodendus erat, nullus tamen Apostolorum de Iuda tale nefas suspicatus fuerit, immò tam procul ab ea opinione omnes abfuerint, ut etiam cum Dominus illi diceret, *Quod facis, fac citius*; Ioan. 13. 27. non aliud putarint, quam quod Iudas, qui loculos habebat, iussus sit emere, quae ad diem festum opus erant, aut egenis aliquid dare.

Vnde factum, quod illi tam alieni erant, & tam procul aberant ab omni tam atrocis prodicionis suspitione, etiam cum caelestis Magister velut intento digito denotabat immanissimi sceleris futurum auctorem? Quomodo illi tam benenoli censores fuere, cum humana fragilitas etiam nullis incitata signis à seipsa praecipit ferri ad sentiendum, & pronuntiandum malè de bonis quoque, & à virtute profectis aliorum actionibus soleat?

Satisfacit huic quaestioni sanctus Venetorum Patriarcha Laurentius Iustinianus lib. de triumphali Christi agone c. 5. num. 10. inquit: *Innocentes Apostoli cum essent, & sancti, nil mali de proditore cogitare sunt ausi, quod nefas à se alienum non ignorabant, hoc condiscipulo ascribere Verebantur.* Integerrimierant Apostoli, nec aliqua tam inexpiables flagitij cogitatio mentes eorum aliquando subierat, immò hoc potius certum habebant, quod arma rapere, & proflire ad Magistri defensionem, si res ita postularer, vellent. Hinc fiebat, ut dare locum suspitioni metuerent, quod Iudas ille periurus discipulus futurus esset. Suspicionem inauditi sceleris, à quo illi tam longè aberant, moueri in Iudam non audebant: *Quod nefas à se alienum non ignorabant, hoc condiscipulo ascribere Verebantur.* Ut puri sceleris, & tenacissimi erant recti, fidissimiq; Apostoli, sic persuadere sibi non poterant fore, ut è Discipulorum numero quispiam tam insignitè flagitiosus esset, tamq; turpi, ac propudioso scelere se contaminaret. Ut enim quisque intus in animo suo comparatus est, ita sentit de alijs, & actionum nostrarum virgulā vitam, moresq; aliorum metimur.

Probat hoc S. Dorotheus pulchro exemplo cuiusdam è sacro Basiliano Ordine religiosi, viri ad-



modum simplicis, & sinceri, qui ut erat candido, integerrimoque animo, sic quoties videbat cellam alii cuius monachi incompositam, neque comptam, cultamque, & ornatam, quantum id vitæ genus permittit (quod affectatam mundiciem quidem damnat, squalorem tamen, & spurciciem non probat) apud se inquebat: *Quam beatus est frater iste, & Et abstractus, & alienus est ab his terrenis, & transitorijs, & se totum ad celestia, & diuina contemplan- da transulit, nam nec propria cella exornanda illi cura est reliqua.* Hæc ille apud S. Dorotheum doct. 12.

E contra cum cellam alterius lautam, elegantem, concinnam, ac politulam cernebat, sublatis in cælum oculis aiebat: *En quam pura, & immaculata est fratris huius anima, ad animam namque statum, cella puritatem direxit, & Ena cum anima cella, quam incolit, purissima sit!* tanquam putaret fieri non posse, ut obsoletam habitaret cellam corpus, cuius animus esset immaculatus.

Concludit Dorotheus, inquit: *Ex optimo mentis sue statu de vtriusque iudicabat.* Ut ipse purus, syncerus, candidus erat, sic pura, candida, sincera erant, quæcunque per terram cordis illius fluebant. De omnibus iudicabat benè, omnia in partem meliorem referebat. Simplex apicula mel ex omnibus legebat. Bonus ipse bonos omnes arbitrabatur, benè de omnibus sentiens.

Hæc ratio est, ob quam rex Abimelech, cum videret Isaac familiarius ludentem cum Rebecca dicebat: *Perpicuum est, quod vxor tua sit;* Gen. 26. v. 9. imposuisti que nobis, cum esse illam sororem tuam dixisti, quod enim coniux tua sit, hoc ego grauissimo argumento probatum habeo. Ergone ex il-

lo iudicauit esse coniuges, quod vidit liberiùs inuicem iocantes? Omnino. Ut enim ipse pro sua singulari continentia Rebeccam, quod sua vxor non esset, sibi vsurpare non audebat, cum alioquin facile illà frui potuisset: Ità putabat illos, nisi coniuges essent, tam amicè, ac festiuè iocari mutuo non potuisse. Qualis enim quisque est, tales reputat alios, & de suæ statû animæ censet animas cæterorum, earumque status.

Quærit Moyses Barcephæ, vtrum aquæ Paradisi dulces sint, ac suaves gustui, an amaræ, & salæ. Respondet verò: *Cur non existimabimus illos fluuios, dum per beatissimum, ac felicissimum locum Paradisi fluunt, iucundissimo, ac suauissimo sapore esse?* Aquæ namque, ut diximus, ex solo, per quod fluunt, suum saporem trahunt. Tantundem plerumque videas in iudicijs humanis. Quorum enim hominum animæ velut paradisi sunt, eorum iudicia inde manantia sunt pura, candida, sincera, sic ut de omnibus benè iudicent, omnia in partem mitiorem amicè interpretentur, de cunctis proximorum factis, ac dictis benè & loquantur, & sentiant. E contra quorum animus orco similis, eorum etiam iudicia infernalis, maligna, peruersa, & iniqua sunt. Quidquid vident, sinistrè accipiunt, de omni re perperam pronuntiant. Ad sensum eorum, quæ hæcenus diximus, potest noster Politicus seipsum à iudicio, quod fert de alijs, arbitrari, & censere ab exstimatione, quam habet de cæteris. Animæ suæ statum, morumque ac vitæ condiciones æstimare potest ab eo modo, quo proximorum facta, infectaque æstimare solet.

*Vide in Tomo primo Periocham IV. Dominica V. in Quadragesima pag. 376. o.*

## LIBER OCTAVVS.

### CAPVT I.

*Nemo fortunatorum catalogo inferi posse videtur, qui non inuidiosorum sortem expertus fuerit, nemo ægrum se lamentari, qui non inuidentiæ morbo laborarit*

**E**ST cuidam ægrè ex inuidia, quam sustinet, aliena, dolet suam ægritudinem, eiusque curandæ desiderio rationem consulit, quæ nobilis medicus est, sanandarum animæ passionum paratas semper, easque efficaces, & salutare habens medicinas. Eheu miserum me, cla-

mat æger, cui omnes inuident! quapropter etiam omnes me persequuntur, sumque & linguarum scopus, & calamorum negotium, & vnicum omnium confabulationum argumentum. Occurrit huic anxietati ratio, compescit suspiria, respondet querimoniæ dicens: De qua te, miser, & ignaue expostulas, cuius tanta est felicitas? Gloriosissimus dolor est, quem pateris, nobilissima ægritudo, quæ grauaris, honorificentissimus morbus, quo laboras, & saluberrima infirmitas, quam sustines. O quam feliciter infirmaris! O quam sublimis iaces, qui ex huiusmodi malo decumbis! Cum enim tuus ille de aliorum inuidentiâ natus sit dolor, non est alius, cui magis



magis inuideri queat. Vix insonem virum hac immune peste reperies, inquit Petrarcha lib. 2. de remedijs vitijsque fortunæ, dialogo 32. *Cunctas historias euolue, non possunt ignoti tibi esse quam plurimi, quorum comitatu non solum consoles, sed & glorieris*; velut dixisset: Quid sortem tuam tam misere deploras? Quid de malo, quod pateris, tam acerbè quæris, cum inuidiosus factus ex eo ægrè habeas, quo laborarunt viri ex toto terrarum orbe inclutissimi, & celebratissimi, qui in sacro Famæ templo locum editissimi magno suo merito gloriosissime occuparunt? Percurre historias, annales euolue, perspice libros, consule tempora, sæculorum superiorum gesta tecum animo recole, æratum præteritarum memoriam reuoca, videbisque feram hanc Inuidiæ bestiam nullâ re aliâ vnquam pastam fuisse, quam virorum illustrium sanguine, neque aliunde prædam egisse, quam ex viris eminentissimis, & solos eos suo perstrinxisse fulmine, quos magnitudo meritorum supra alios euexit. Quemadmodum enim horribilis, & fremebundus caliginosæ nubis abortus, cum se hac, atque illac obrorquet, ingenti cum fragore, & strepitu furiosus, rabidusque appetit suprema superborum, ac sumptuosorum palatiorum fastigia, & montium celsissima cacumina, indignumque arbitrat in humiles casas inuehi, aut profundis in vallibus iacencia gurgustia inuadere: Sic infamis ille abortus, & spurius ex atra turpis huius passionis nube descendens parcus, quidquid præclarum, illustre, conspicuum, excelsum, ornatum, opulentum, pretiosum videt, hoc aggreditur, & infestatur, quæ verò infima, obscura, tenuia, & reijcitur, velut per contemptum dedignabundus præterit. Ergo qui violentas huius efferati, & atrocis tyranni manus experitur, eximie magnitudinis suæ hoc habet grauissimum argumentum, & heroici animi, virtutisque affluentis irrefragabile testimonium.

Sacris pariter, & profanis literis Ignis est symbolum inuidiæ: Ita docent Berchorius, Valerianus, Ricciardus, & Lauretus, ex quibus hic ista: *Ignis dicitur inuidia*. Sed quamobrem igni comparatur inuidia? Respondet perquam aptè in causam præsentem eruditus Aloysius Nouarinus lib. 11. Schediasmatum sacrorum, & profan. c. 1. tractans quandam Sapientis sententiam: *Tulabrè, & scire dicitur, inuidia enim & ignis non nisi excessu appetit*. Rectè, ac merito cum igne componitur inuidia: Vt enim inquit ignis elementum sursum perpetuò anhelat, & eò semper conuincitur, vt superiora loci, quem se-

mel depasci cæpit, inuadat; sic inuidia non nisi magnos, celebres, præclaros, summos appetit, infestat, persequitur.

Apparuit Dominus Patriarchæ nostro Isaac, quo tempore illum anxietate laborantem, tristemque, & afflictum videbat, iussitque non frangi animo, non concedere fortunæ iniquiori, velle namque illum ab omni ærumna eruere, & à quacunque calamitatum miseria ereptum ornare, & cumulare insigni gloriâ, dicens: *Noli timere, quia ego tecum sum, benedicam tibi, & multiplicabo semen tuum*; Genes. 26. v. 24. caue quidquam metuas, qui me proximum habes. Ego enim te cellederrimum faciam, nominisq; tui famam per omnem, quâ patet, terrarum orbem veham. Vnde verò intelligemus, Domine, quod Isaac tuus in summum felicitatis verticem penetrabit?

Sanctus Ioannes Chrysostomus in cap. 26. Genes. illa Domini verba tali paraphrasi illustrat: *Inuidus eris, & infestantibus potentior, & inuadentibus fortior*, de omnibus hostibus triumphum ages, victricibusq; plantis tuis subiges, & opprimes infestissimorum æmulorum tuorum superba capita. Hic cine verò omnis Isaaci gloria conquiescet? Aut hæc felicitatum illius tota summa erit? Minimè, inquit Os aureum, subdens: *Et tantam tui curam habebis, & inuidiosus illis sis futurus*, hoc est, vt famæ tuæ celebritas, & omnium præclare gestorum, gerendorumque magnitudo, & præcellentia semel, qualis qualis est, omnibus innoscat, saxo eam habeas nominis claritatem, & apud omnes admirationem, vt plurimi qui viderint, inuideant: *Tantum tui curam habebis, & inuidiosus illis sis futurus*; quod perinde videtur, ac si dixisset, tamen si homo in hac vita supremum felicitatis apicem attingat, & fauentissimam habeat fortunam, & verticem suum supra alios magnificè extollat, suspectam tamen videri omnem gloriam, nothaque, adulterina, & spuria insignia, quæcunque illa suam ab aliena inuidia non habeant commendationem. Non enim videtur germana gloria, quam non appetit, non infestat inuidia. Virtutum aurum vix putum putatur, quod non fuerit in huius tam in imici vitij fornace excoctum. Itaque Deus Isaac, vt gloriam eius suis numeris absolueret, & magnitudini coronidem imponeret supremam, aiebat: *Tantum tui curam habebis, & inuidiosus illis sis futurus*, tam sublimem te agam, vt sis inuidiæ stimulus, & irritamentum cruciabilissimum tam immanis bestię. Laborent ergo inuidiosorum malo homines, sic enim se magnos demonstrent, & quod atrocior fuerit erga illos inuidiæ rabies aliene, eò luculentius.



culentius testatam facient suarum virtutum affluentiam, & praestantiam.

Symmachus lib. 9. Epist. 109. singulari euicam suo amico hac prater alia scribebat: *Gratulare mihi* de magna felicitate quae mihi Romae obrigit, fortunatiorem me nulla saeculorum superiorum aetas vidit. Quænam illa prosperitas tanta Symmachi fuerit? Varias multis hominibus statuas Romae erexerant, factum autem, ut ipsius simulachrum nocte quadam deiectum fuerit, cæterorum statuis saluis, & inconuulsis. Dicebat ergo suo familiari Symmachus: *Gratulare mihi* de tam felici euentu, de tam beneuolente fortuna. Ergone volebat, ut de hac re sibi gratulatum veniret amicus, quod statuae gloria nudatus esset, quæ alijs omnibus manserat integra, vnumque ac solum ipsius simulachrum ex omnibus humi deiectum? Immo verò hoc magis postulare videbatur, ut quis illum miseraretur, & deploraret finitrum eius casum, & tam insolens facinus vehementer vindicaret. Quid ergo Symmachus tunc gratulationem expectij, quando iniuriarum depulsionem, & vindictam postulare debebat.

Causam cur sibi gratulationem fieri voluerit, magnus Senator reddit, dicens: *Quod ego solus torqueo corda luventium*, solus ego meæ gloriæ clauis configo inuidorum animos, cuius solius demoliti sunt statuum, cum cæterorum signa reliquerint suis basibus subnixæ, & inconcussa. Cur immane quorundam odium sanguinarijs dentibus erectam mihi statuam inuasit? Quia studia rerum magnarum me occupatum habent, quia virtutibus antecello, & de præclaris aliorum facioribus triumpho. Ergo cum simulachrum meum deiecerunt, cum imaginem meam solo affligerunt, me in editioris fastigij celsitudinem euexerunt, cum effigiem meam luto platearum oblitum conspurcârunt, virtutum mearum picturam penicillo luoris, & inuidiæ illustrârunt. Itaque *Gratulare mihi* de probro, quod me honestat, de infamia, & ignominia, quæ me nobilitat, de vna verò vel maxime deiectione statuae, quæ me exaltat. Nam cum sim inuidiæ signum, & scopus, procul dubio etiam Phoenix sum gloriæ. Quamobrem *gratulare mihi*, quod ego solus torqueo corda luventium, latrare de inuidia, quam parior, si me fortunatum videri cupis. Quæ namque maior felicitas, quam ipsiusmet inuidiæ manibus vapulare, & affligi?

Consentit huic Plutarchus, qui hoc argumentum sæpè prolixè, ubique autem sapienter tractat. At consolacum magnus hic Philosophus inuidiosos,

atque ut eorum leuiorem faciat poenam, siue ut rectius dicam, amplius extollat prosperitatem, inuidiosi qualitates tali sæpè argumento persequitur. Vultis videre quanta sit sublimitas, quanta dignitas, & gloria hominis inuidiosi? Inuidus hoc vobis dicit. Nemo inuidantiæ laborat, qui ægritudinem suam fateri velit: *Magnum huius rei argumentum est, quod nonnulli, qui odio se habere quam plurimos fatentur, inuidere se alicui negant.* Hæc ille de Odio, & Inuidia, Tom. I. Quam facile confitetur homo odium, quod habet in alios? Quam latè patent pectoris illius fores, per quas videre inimicitias, per se alijs gerit, quisque possit? Sunt qui suam animorum in alios malevolentiam vtrò aperiant, enudent, palam faciant. Non illos imponere equuleo, non tormentis vllis alijs subijcere, non vel minacijs terrere necessum est, ut tuas similitudines manifestent, per se, ac sua sponte hoc agunt ipsi suæ ab alijs alienationis præcones, & tubicines. Verum ut inuidiæ morbo se correptos dicant, nullis cruciatibus effeceris: *Inuidere se omnes negant*, inquit Plutarchus ubi supra. *Quod si quis eu offendere conetur, mille excusationes afferunt, huius affectionis nomen obumbrantes, ac tegentes, quasi hac sola animi ægritudo celanda sit.* Si testes etiam iurati de quoquam affirmant, laborare inuidiæ, conuicia eis millena ante reponit, quàm concedat, falli eos, ac mentiri clamant, ex odio tantum, & mala voluntate agrè sibi esse dicunt, non ex inuidia, cuius vitij vt omnem a se amoliat, procul suspicionem, plurimas comminiscitur excusationes, quibus hoc crimen amoueat, & ad varias se artes conuertit, ut suam obnubat maculam, vulnus occultet, dissimulet dolorem.

Sed cur inuidere se omnes negant? Cur eos talis ægritudinis pudet, qui alia vulnera sæpè magnificè iactant, & ostentant, & in propatulo esse amant, & suâ voce liberrimè vulgant? Causa ea est, quod odium colorari, & palliari prætextu aliquo licito, & rei honestæ specie inaurari potest, ut si dicas, sola odisse errata, vitia, flagitia, quæ res talis est, vt laudem mereatur, & à virtute descendat, si nimirum sola malefacta exosa habeas, & non in eorum auctorem præterea redundet inimicitia, execrari quippè scelera humana licitum, homines ipsos abominari inconcessum. Verum cum inuidia in magna semper collinet, ornatissimaque, & splendidissima, & summa quæque appetat, adeoque sublimes, eximios, illustres, celebres velut prædicet, clamerque eos, quos persequitur, hinc nascitur, quod alteri inuidere videri, ac fateri nemo velit, nam qui hoc fatetur, ille inuis

quidem



quidem magnitudinem, eminentiam, excellentemque præstantiam non obscuro præconio vulgaret, suam verò abiectionem, vilitatem, miseriam ipse testaretur, qui aliorum felicitatem non cum liuore aspiceret, non doleret, nisi eam sibi deesse sciret, ac sentiret: Nisi enim se tam deiectum, alterum tam exaltatum agnosceret, nisi se tam demissè humiliatum, alterum tam sublimè euectum reputaret, nunquàm illi inuideret. Iam ut quisque erubescit esse inferior alijs, minusque ijs & valere, & mereri, atque hoc constitetur, cum inuidet, inde fit, ut nemo inuidum se fateri velit, ne hoc simul dare videatur, quod alijs virtute, ingenio, cæterisque seu fortunæ, seu corporis, seu animæ bonis sit inferior. Quare inuidiosum esse honorificum est, & gloriosum, cum nemo in inuidia sit, nisi illustis, eminens, præclarus. Propterea inuidum pudet etiam familiarissimo, & intimo animæ suæ chirurgus vulnus hoc suum patefacere, ne se inferiorem, & minorem constitatur: *Inuidere se omnes negant.* Cum itaque inhonorificum putetur fateri se liuidum, quòd infame sit inuidere, inuidiosum esse felicitas est, de qua gloriari ille, vehementerque & iactare, & ostentare sese potest.

E mea quidem sententia inuidere, & magnificare aliquid sic vnum idemque sunt, ut videatur non posse magnitudinem rei cuiuspiam melius declarari, quàm si inuisam, siue inuidià exagitatam fuisse affirmes. Sic accipio dictum quoddam sancti Zenonis inelyti martyris Veronensis, qui dum animorum robur apud se reputaret valentissimorum illorum trium iuuenum à barbaro rege Nabuchodonosore in ardentem fornacem coniectorum, quæ his adornata erat, qui statuam illius adorare recusarent aiebat: *Rex non inuiderat pueris, si non eos præcepisset ardere.* Hæc ille Serm. 8. de Daniel.

Quid sibi vult, quod ait, extrâ inuidiam regis fuisse heroicos illos pueros, nisi iussu eiusdem flammis vtilandi traditi essent? Quid illi egerunt inter medios flagrantium flammarum globos? Pectoris fortitudinem, & magnitudinem animi ostenderunt tantam, quanta ad id tempus visa nulla fuerat. Qui horrorem fornacis illius contemnebant, & flammantem istius ignis draconem aspernabantur, & ardentis monstrum incendij ridebant, ij fortitudinis humanæ limites communes longè excefferant. Res autem ista æquè & miserum regem pudefaciebat, & valentissimos iuuenes honestabat, sic ut in eadem fornace proderet se & horum inuisa fortitudo animi, & illius imbecillitas pectoris, virium infirmitas, cuius arrogantiam incomparabili suâ audaciâ subege-

runt, & compresserunt. Itaque rex, cum eos igni tradidit, excelsitatem animi illorum, & præstantiam illustriorem reddidit, quò enim grauius est periculum, eò amplior gloria eius, qui illud subit, quò effèratius aliquod, & terribilius monstrum, eò maiorem splendorem confert suo domitori, quò potenti- or hostis, eò magnificentior virtus illius, à quo subigitur. Propterea sanctus Zenon eiusmodi gloriæ occasionem, & triumphum talis causam vocat inuidiam, dicens: *Rex non inuiderat pueris, si non eos præcepisset ardere,* hoc est, non magnificarat, non illustrarat, non in eminentissimo gloriæ gradu eos collocarat, nisi incendio fornacis subiecisset. Nam inuidere cuiuspiam, & in cælum laudibus illum efferre, prorsus idem est. Quòd enim quis inuisus est, id à magnitudine meritum illius nascitur, & ab ornamentis virtutum, quibus affluit. Inuidia ergo gloriam adfert inuidioso, probum suo auctori.

Videmus hoc expletum in nostro Patriarcha Isaac. Morabatur ille in terra regis Abimelech, qui sub poena capitis cauerat, ne quis illius uxorem liberiore manu contingeret. Non multos dies ibi egerat, & tam diues opum factus, pecorumque, & familiæ copijs sic auctus fuit, ut cum Palæstinorum exterorum, tum regis ipsorum inuidiam incurreret, *intantum, & ipse Abimelech diceret ad Isaac, recede à nobis, quoniam potentior nobis factus es & valde;* Gen. 26. 16. Vides hinc nostrum Isaac, qui suæ affluentię potentiâ regem expergeficit, somnumque illius interpellat, & soluit? Quid honorificentius homini priuato, quàm mereri inuidiam regis? Quæ sublimior felicitas, quàm quòd res secundæ Isaac amplitudini Abimelechi cruciatum attulerunt, & dolorem?

Atque ut iustæ de hac fera bestia poenæ sumantur, quod maius tormentum velis, quàm ipsum de felicitate aliena dolorem? quem atrocior, & inhumaniorem carnificem, quàm inuidiam ipsammet? Id affirmat sanctus martyr Zenon Veronensis, inquit, ab inuido semper intus in corde circumferri & infernum portatilem, à quo torqueatur, & tersum speculum, vinumque exemplar æternarum poenarum, quas in obscuris illis inferorum ergastulis damnati dependunt, & certissimum pignus cruciatum perpetuò duraturorum. Quare ait Serm. de Liuore, & Inuidia: *Fugiamus inuidiam obseculum regni calorum, sicut gehennæ, pignus, & primitiæ quasdam poenæ perpetuæ.* Itaque inuidus, & damnatus, quod ad cruciatum veriusque genus attinet, velut idem sunt, & status cõditione non multum impares.

Ccc

Huc



Huc faciet, quod Magnus Basilius de hac maledicta, & cæca passione pronunciat, dicendi occasione arreptâ ex illo sancti Ioannis Epist. 1. cap. 4. v. 16. *Deus charitas est, & qui manet in charitate, in Deo manet, & Deus in eo.* Conficit ex his tale argumentum sanctus Basilius Orat. 1. *Si Deus, & si Ioannes inquit, charitas est, ipsa inuidia demon sit oportet. Vt igitur, qui charitatem habet, Deum ipsum in se manentem habet, ita qui inuidiam fouet, demonem habundè dubiè in seipso nutrit, atq; alit.*

Qui Deum in anima sua manentem habet, quid habet? Quietem, pacem, ipsissimam tranquillitatem. Quando enim in pectore tam dulcis, & beneuolus hospes agit, quomodo non sint omnia pacata, & quieta? Quies namq; extrâ Deum, qui est animæ centrum, in nulla re mundi reperiri potest. Quod si Deus è corde abit, cui pedem rabida inuidiæ fera hæctenus non intulerat, & crudelis daemon, inferorum horribilis inquilinæ, & orci immanis verna post illum ingreditur, quam tranquillitatem habere possit, aut quam pace, & quiete gaudere, cui talis domus est hospes? Nempè *demonium haud dubiè in seipso nutrit, atq; alit.* Qui proximum habet stygium illum tenebrionem, illum sanguinarium lupum, illum trucem, ac præferocem leonem, quomodo quietam ducere vitam miser queat? Quem verò intolerabiliorem infernum, aut quod acerbius tormentum in hac vita cæco inuido optes, quam est illud, quod intrâ viscera circumferre animæ penitissimæ velut affixum ceriè tenacissimè in hærentem demonem, hostium omnium formidabilissimum, omnis perturbationis authorem, omnis poenæ incensorem, omnium cruciatuum procuratorem, omnis iræ, odij, rabiei inflammatorum?

Vix confessa Sponsa fuerat, vulgârâque singularis cuiusdam gratiæ beneficium, illud, quod à rege in cellaria sua introducta fuerat, Cant. 1. 3. quando i-gois inuidiæ extemplò iuenculas Ierosolymitanas corripere, eoq; vrgere cepit, vt Sponsæ venustati degererent, natosque illi nec paucos, nec qualescunque affingerent, & mille comminiscerentur imperfectiones, quibus dignitatis illius splendorem obscurarent. Audiebat hæc illa, & sedato, pacatoque animo comiter talia reponebat: *Nigra sum, sed formosa, filia Ierusalem;* Cant. 1. 4. ac si dixisset: *Subfuta sum, non diffiteor, venusta nihilominus, neq; tam indigna beneuolentia Regis, aut tam nihili merita gratiam illius peculiarem, vt vos arbitramini.*

Sanctus Bernardus meritò admiratur, filias Ierusalem dicâs eas, quæ suam Sponsæ felicitatem inui-

debant: *Filia Ierusalem.* Quò tam nobilis appellatio tam liuidis mulierculis? Quò tam illustre nomen foeminis, quas viltissima passio occupâret? Nonnè rectius filiæ Babylonis (magis enim aptè hoc in illas quadrat vocabulum) dictæ fuissent, propter confusionem, quæ animas illarum perturbatas habebat, & inquietem, quæ pectora earum exagitabat? Cur ergo blanda, & beneuola Sponsa tam honorifico nomine illas donat, & filias Ierusalem vocat?

Respondet Doctor mellissimus serm. 25. in Cant: *Bene dixit, filias Ierusalem vocans, quæ magis pro sua nequitia filia Babylonis, & filia Baab, aut si quod nomen improprij occurrisset, appellari meruisset.* Cur verò illas non probrosâ appellatione aliquâ perstrinxit, ac pudefecit?

Occurrit quæstioni Bernardus, iniquis: *Non putauit amplius irritandis satum commotas per se, nec quidquam addendum stimulis inuidia, quâ torquebatur.* Erat Sponsa vt prudens, sic mitis, clementeque ingenio, cumquæ iuencularum istarum cognosceret ægri-tudinem, intelligeretque inuidentiæ morbum esse, ex quo decumbebant, noluit earum vulnus ignominiosiore appellatione, velut vnguium iniectum, magis exulcerare, quin potius splendido filiarum Ierusalem titulo illis velut subblandiri, rata sufficere (quod Christus dicebat) dei malitiam suam, & facis graui dolore percelli, quæ inuidentiæ cruciati illi malo vexebantur. Sat magna premebantur miseriâ, quæ talem intus in anima bestiam nutriebant. Satis immanem corde circumferebant carnificinam. Permolescâ, & intolerabili cruce prægrauabantur earum pectora. Superuacaneum itaq; erat, verbis aculeatis illarum exasperare plagas, & exaggerare dolorem. Quòd ergo Sponsa fecit, perinde fuit, ac si dixisset: *O ærumpas mulieres! Inuidia laboratis. O vos miseras! Abundè vos ipsæ, quidquid in me peccastis, in vobis plestitis. Si ego plusculas in somnis noctes exigerem, interque has peruigil de supplicio vobis inferendo studiosissimè, intentissimèque deliberarem, quomodo potuissem, tametsi foeminarum, quas mundus habet, crudelissima essem, atrocius excogitare, & in vos decernere, quam rabiosæ illius, feræ, inuidiæ, dico, quæ cordibus vestris innutritur, & pectora tota depascitur, portantem infernum? Agite ergo, vt vultis, & inuidere pergit, sic enim iniuria mea præclare vindicatur, & vos satis iuitis.* *Non putauit amplius irritandis satum commotas per se, nec quidquam addendum stimulis inuidia, quâ torquebatur.* Quis enim talis infernus inuido, qualis incuitus felicitatis alienæ?

Propterea



Propterea inquit Seneca apud Hugonem Cardinalem in Plal. 43. *Vitam inuidi oculos & biqua habent, & omnium felicitate torquerentur.* O si quis inuidos omnes transformaret in Argos, & ex omni parte oculos faceret, ut res prosperas omnium spectare possent, sic enim multo acriores fierent illorum cruciatus. Nam si quævis aliena felicitas illis lanceæ ictus est, & iactus sagittæ, quæ configuntur illorum animæ, quo plures aliorum felicitates conspicerent, eò acutioribus hastis, telis, spiculis transuerberarentur.

Hinc videas, quàm iuste sanctus Zenon maledictam hanc, & rabidam passionem vocat *Esam gehenna, pignus, & primitias quasdam poenæ perpetuæ, & tritemum æternorum.* Ex quo Politicus noster accipiat, quàm sollicitè relegare ab animo suo hanc tam crudelem feram, tam atrocem catastâ, tam ignominiosam passionem debeat, quæ immaniter dehonesta, & citrà misericordiam contumeliosa est, & effertatè deiicit, quem semel inuasit.

Satyricus Martialis (ut rem hanc aliquando abfoluamus) lib. 1. Epigram. 41. paucis verbis inuidum compellans omnia complexus est, inquit:

*Qui ducis vultus, & non legis ista libenter,  
Omnibus inuideas, liuide, nemo tibi.*

Hoc est: Ut omnes celeberrimi fiant, aliud nihil opto, quàm ut felicitatem aliorum tu vnus doleas, tibi nullus inuideat. Nam si tu prosperitati inuideas aliorum, quem tibi equuleum crudeliorem, quæ inhumaniorem carnificem, quod tormentum magis sæuuum, quam ardentior lamina, quem poenaliorem lanceæ ictum apprecari possim: Et si nemo tibi inuideat, quæ infelicitas maior, aut grauior calamitas euenire queat, cum nec sit gloria illustrior, quàm inuidiosi, nec ætumnosior miseria, quàm inuidi.

*Vide in Tomo primo Periocham secundam Feria VI. post Domin. V. in Quadrage. pag. 429. a. o. Et Periocham secundam Sabbati post eandem Domin. pag. 441. a. o.*

## CAPVT II.

Domino seruiemus, cuius ea est suauitas, humanitas, ac moderatio, ut neminem impari viribus onerare prægrauet.

Cum proximum adesset tempus, quo mundi Redemptori mors ignominiosa truces manus afferret, vitamque innoxiam adimeret, secessit ille (quod Euangelistæ ferunt) cum tribus charissimis, & familiarissimorum intimis Discipulis in hortum,

Patrem suum æternum obsecraturus. Digrediebatur verò ab illis quantum iactus est lapidis, & quoniam prauidebat fore, ut incautis oculis ignauus somnus obreperet, iussit eos aduersus illius insidias in excubijs agere, inquit: *Sustinete hic, & vigilate mecum;* Matth. 26. 38. tanquam dixisset: Hoc solum vos rogo, discipuli, ut hic tantisper conquiescatis, & languido somno habenas non permittatis, & vel communes vigilias mecum agatis, qui paria mecum subire tormenta non potestis. Sic dixit, & Patri æterno Filius humilis ardentes preces obtulit. Post fusam orationem repetijt charos comites, & explorare volens, quid cohors regia, quid corporis sui stipatores agerent, inuenit eos somno oppressos, ducemque cohortis appellans ait: *Sic non potuisti vna hora vigilare mecum?* ibid. v. 40. Qui factum, Petre, quod tam impotens tui teipsum edercere tantillum non potuisti, tamque ignauus, & negligens effectus es, ut te animus destituerit, cum rei occasio illum vnice postularer, & vigilantiam inter præsentanea pericula deserueris?

Inter considerationem huius tam suavis querimonie pientissimi Magistri hoc seiscitabatur venerabilis Simon de Cassia lib. 13. in Euangelia: *Quid sibi vult hoc, quod Saluator Petro cum ceteris obijcit in facie, Non potuisti vna hora vigilare mecum?* Vnde natum fuerit, quod Saluator, cum esset tam blaudus pater, tam mitis, & beneuolus Dominus, quando vidit Discipulos omni abiectione curâ alto somno demersos, palàm illos de tanta sua oscitantia, & negligentia in os coarguit, sic ferè dicens: *Quis hic animi vestri languor? Tantane esse potuit vestri pectoris ignauia, & ingenij illiberalitas, ut tam longas somno habenas permitteretis, & me Dominum vestrum tam graues inter sollicitudines cum extremo spiritu velut decertantem solum insomnem, solum agentem vigilias relinqueretis? Cur illorum somnolentiam tam grauer plectit? Cur socordiam tam acerbis verbis castigat?*

Respondet Simon de Cassia: *Si potentiam non dedisset, negligentiam non increpasset.* Nemo acrimoniam verborum Christi, nemo dulcissimi Magistri obiurgandi asperitatem erga somniculosos Discipulos miretur, quando enim illis imperauit vigilias, contradidit & superandi somni facultatem, quando insomnes esse iussit, simul ut esse possent, dedit, alioquin tam acerbè in illos inuectus non fuisset: *Si potentiam non dedisset, negligentiam non increpasset.* Diuinus nimirum hic Dominus, ut est dulcis, & pius pater, ita nunquam grauius nos arguit, quod graui-



orem viribus sarcinam non excipiamus, non toleremus.

Pergit Simon. *Certum est Deum nobis omnem deesse sufficientiam ad virtutis alia, quos exigit, aliter autem (forte enim) esset exactor.* Si prolixius suscipere iter mandat, commeatum viæ & vitæ necessarium vnâ subministrat, si onus quodpiam humeris nostris imponit, robur quoque, & vires, vt simus ferendo, addit: *Aliter enim esset exactor, & magis durus tyrannus, quàm blandus pater, magis crudelis licitor, quàm beneuolus iudex, inhumanus carnifex potius, quàm benignus Dominus.* Verùm vt est dulcis, facilis, prudens, discretus pater, nunquàm intolerabili pondere ceruices nostras grauatur.

In illis celeberrimis nuptijs, quibus cohonestandis interfuerunt nobilissimi hospites, (illustrarunt quippè illas Filius, cui nullus vnquàm par fuit, aut erit, & Parens matrum omnium sanctissima) præclarâ, & opportunâ occasione hilaritas, & festiuitas conuiuiorum potissima, hoc est, vinum deesse cepit. Simul hanc inopiam Mater pietissima vidit, & de remedio sollicita, Filij sui omnipotens brachium implorauit, obsecrauitque vt illi propitius necessitati opem ferret, & recens desponsatorum honori consuleret, ignominiam proximam anteuertiret. Post aliquot Filium inter, & Matrem vtrò, citroque habitos sermones, concedens tam potentibus precibus Dominus ait ministris: *Implete hydrias aquâ;* Ioan. 2. 7. quæ tam vastæ erant, vt facile capere possent vinum, quantum ad omnem hilaritatem excitandis conuiuiis sat esset.

Mellissimus Doctor ait: Tria in hac Domini iussione sunt obseruanda. Primum est id, quod non vult, alterum quod præcipit, tertium quod vult. Non vult magnus Dominus inania esse vasa, præcipit impleri aquâ, & hanc vult conuerti in vnum. Durum priorum rerum procutatio ad quem pertinebat? Ad homines. Tertia cui relinquebatur? Ei, qui duas priores mandauerat. *Vt vacua sint, non vult Dominus, vt impleantur aquâ, iubet Dominus, vt autem aqua in vinum vertatur, hoc facit Dominus,* inquit sanctus Bernardus serm. 17. de paruis, & varijs sermonibus. Implere hydrias aquâ opus est, quod humanarum virium facultatem non superat; facere autem, vt in vinum transmutetur aqua, id potentia diuinâ seruatur: *Vt impleantur aquâ, iubet Dominus, vt autem aqua in vinum vertatur, hoc facit Dominus.* Itaque Dominus nihil ampliùs mandat, quàm quisque præstare possit. Aquâ implere vasa, homini facile est, facere miracula, impossibile,

& supremæ potestati relictum, ijsque, quibus omnipotens Deus vult donare, vt operentur prodigia. Quod ergo exequi homo potest, hoc iubet Dominus, quod per vires licet, hoc facere præcipit, quod supra has est, quod angustos limites imbecillæ potestatis eius excedit, hoc facit Dominus, hoc ipse curandum suscipit. Ad mensuram ergo virium distribuit onera, facere miracula suæ commendat potentia, implere hydrias aquâ, diligentia humanæ. Denique nunquàm hic superus Dominus plus iniungit homini, quàm commodè perficere queat, nec onera humeris iniicit grauiora, quàm tolerare possint.

Statim ac sacratissimus hic Dominus duos quosdam cæcos sanârat, soloque piæ manus attractu lumine oculorum donârat; ecce obrulerunt ei hominem mutum, demonium habentem; Matth. 9. 32. Simul vt ille ante Dominum maiestatis collocatus fuit, abiit, euasit, erupit satan, sic vt non aliâ operâ miser ille oblatum Medico, aliâ eiectus dæmon, sed vno, eodemque negotio factum vtrumque videatur. Ait namque Euangelista, quod *ex eo dæmonio locutus est mutus;* ibid. v. 33. proturbatoque stygio hospite mox apertus est carcer, & soluta ærûnosa arreptitijs labia.

Prius autem, quàm cæcis illis, de quibus dixi, visum daret, fidem illorum ad examen prodigiosus Magister vocauit; inquires: *Creditis quia hoc possum facere vobis?* Matth. 9. 28. *Dicunt ei: Visque Domine;* ibid. Cùm hæc illi dixissent, tunc Dominus tetigit oculos eorum, dicens: *Secundum fidem vestram fiat vobis;* ibid. v. 29. Sic dictum, vnaque factum, vt miraculo viderent.

Euthymius, cùm in consideratione horum miraculorum, dæmoniaci, aio, liberati, & cæcorum visu donatorum, versaretur, dubitare cœpit, quàm obrem cæcos non ante curare voluit, quàm fidem illorum expendisset, interrogasset, & audisset, num illud tam stupendum miraculum operari posse crederent, dæmoniacum verò prorsum nihil sciscitatus fuit, sed ab infesto hospite prorsum nihil sciscitatus fuit, sed ab infesto hospite prorsum nihil sciscitatus fuit, vindicauit, exacto, fugatoque cacodæmone, qui miserum hominem pessimis modis oppressum exagitabat. Cur à cæcis fidem pro miraculo exegit, à dæmoniaci nihil tale requisit?

Respondet Magnus Euthymius: *Non fidem exigit ab arreptio, siquidem nec fari poterat, nec intelligere, quod agnosceret Saluator, prorsus dæmonem eiecit etiam ipso ignorante.* Quod cæcorum fidem examinauerit, non mirum, nam hi tametsi oculis orbati, non tamen lingua destituti erant, quâ poterant ad interrogata respondere. Obsessi autem fidem non excussit,



excussit, neque de fide illum quidquam percontatus fuit, mutus occupè erat, & labijs impeditis, & lingua velut iniectis vinculis conficta, nec *fari poterat*, neque audire, vel responderet. Nunquam Dominus hoc à quoquam exigit, quod exequi non possit.

Urbanus, & euangelicus Propheta de se, vt multorum habet opinio, aliquid affirmat, quod diligenter meretur considerationem. Capite 49. v. 4. sic habet Isaias: *Et ego dixi, In Vacuum laboraui, sine causa, & Ganè fortitudinem meam consumpsi*; quod tale est, ac si pluribus dixisset: Vt quod sentio, eloquar, superuacaneum fuerit quæstione à me extorquere, meapte sponte namque, & volens vtrò dicam: Nequicquam desudauì, robur meum, viresq; inaniter hebetauì, & obtrui, frustraneum, & infructuosum fuit omne meum studium, oleum mihi, & opera periit, mortuos inclamaui, surdis vocem dedi, ærem verberaui, ignem disseui, ex prædicatione mea, & sacris exhortationibus nihil vilitatis reportauì. Quid autem hinc sit? Ergo iudicium meum cum Domino; & opus meum cum Deo meo; ibid. ac si apertius dixisset: Domino causam meam omnem probabo; cum illo mihi conueniet.

Quid sibi volunt ista? Quis illorum sensus?

Respondet Adamus Sasbout, Hector Pintus, Didacus Aluarez, & omnium nomine Mariana, Prophetæ illa verba postrema tantundem valere, ac si dixisset: *Mercedem operis mei, ac laboris à Deo expectabo*. At quomodo Isaias à prolixis munifici Domini manibus sui remunerationem laboris expectabat? Fateretur ipse vanè laborasse, spe suâ frustratum esse, nullum ex prædicatione sua fructum retulisse, dicens: *In Vacuum laboraui*; & pro tam inuiti opera mercedem opperiri ait! Si opima, & abunda messis de seminatione, & prædicatione illius nata fuisset, si plurimas animas conuertisset, Deoque adduxisset, dicere meritò poterat: *Mercedem operis mei, ac laboris à Deo expectabo*; at cum inanis fuerit omnis illius opera, inutile studium, infructuosa prædicatione, sic vt nullum peccatorem ad vitam saniores adduxerit, quod præmium sibi promittere potuit? quam expectare gratiam, aut compensationem?

Occurrunt quæstioni Hugo Cardinalis, Lyranus, Dionysius Carthusianus, & elegantissimus Episcopus Syluensis Hieronymus Oforius, qui vnus ex omnibus sensum Prophetæ sic dilucidat: *Hoc error solatio, quod nihil fuerit à me, quod ad gentis huius salutem pertinet, omissum. Deum, quem nihil potest latere, iudicem habeo, cui causam meam probabo. Scripsit enim ille me, & gloria sua seruare, omnes conatus*

meos ad hunc populum monendum, & instruendum comparasse, magnumque in eo opere molendo, laborem suscepisse. Non igitur per me stetit, quò minus ad illius cognitionem perueniret. Non diffiteor ego quidem, quòd laterem laui, & auditores meos, postquam diu, multumque contentissimâ voce appellaui, auocare à prauâ vitæ consuetudine, vt volui non valui, nec aliud prædicando effeci, quàm quòd vires meas exhausi: Hæc mihi tamen reliqua est consolationis gloria, quòd nullum præterij lapidem, quem pro huius contumacis populi salute, & emendatione non mouerim. Testem huius veritatis Deum ipsum habeo, cui explorata sunt vota mea, quibus profectum illorum expetij, & studiorum conatus, anxietateque, quibus eos ad scelorum suorum agnitionem adducere volui. Si minùs, quàm optabam, effeci, non per me stetit. Iure igitur defatigationum mearum remunerationem opperior.

At quo iure? Illo, quo de hîc agimus, quòd Dominus nulli vnquam aliquid imperat, quòd præstare non possit, sed quòd in cuiusque potestate est, hoc solum præcipit. Quòd erat officium, ac munus Isaiæ? Dare voces, prædicare, monere, benè consulere. Quapropter dicebat illi Dominus: *Clama, ne cesses*; Isaiæ 58. 1. vociferare ad populum, qui profundo deceptionum, & illusionum, quas patitur, lethargo sepultus iacet, identidemque succlama. Sic eidem dicitur cap. 40. v. 6. *Clama*. Ex partes illius erant, hoc munus ecclesiastarum, vt clament, & vociferentur, non vt suum prædicatione fortiaur effectum, non vt euigilet dormiens, non vt peccator conuertatur, non vt ex peccatis æger sanetur, hoc enim ad auditores, ad infirmos, ad peccatores pertinet, qui euigilare, conuerti, curari possunt, si modò rectè vt auxilio Dei velint. Sciens ergo Isaias, pro virili præstitisse, quidquid commodè poterat, vt ætatis suæ homines in se redirent, & ad frugem bonam se recipere, & ministerij sibi concediti partes pro virum mensura expleuisse, aiebat, remunerationem, præmium, stipendium, laurum, coronam ab omnipotente Deo expectare: *Iudicium meum cum Domino*, inquit, *& opus meum cum Deo meo, mercedem operis mei, ac laboris à Deo expectabo*. Dulcis nimirum hic, & perhumanus, & sapientissimus, & generosissimus Dominus humanis non imponit humeris, quòd ferre non possint, neque plus imperat cuiquam, quàm ab eo fieri queat.

Non malè confirmabitur hoc quadam Apostoli sententiâ, & Chrysostomi anotatione, Paulus, vt prædicatoribus animos adderet, scribebat 1. Cor.



3. 8. *Vnusquisque propriam mercedem accipiet secundum suum laborem*, neminem proinde frangat, aut deterreat operosi ministerij difficultas, cui magna certò constituta est remuneratio.

S. Ioannis Chrysostomi observatio homel. 12. in Ioan. ea est, quodd prædicationis studio, & exercitationi, non effectui decretum præmium dicitur: *Vnusquisque propriam mercedem accipiet secundum proprium laborem, non secundum rerum euentum*; inquit ille.

Sed cur Dominus in remuneratione laborem, quem euangelicus operarius in concionando ponit, sudoremque illius, & defatigationem considerat, & non exitum prædicationis, fructumque, qui ex ea resultat, attendit? Causa est, quod euentus prædicationis non sit in manu, ac facultate ecclesiastice, sed auditoris, huic scilicet incumbit fructum, ex verbo Dei audito facere, illius officium est clamare. Itaque qui concionandi studio dat operam, ille sui laboris mercedem, & compensationem referet, tamen nihil vnquam efficit, iam enim quod ex parte sua debuit, fecit. Et cum Dominus à nemine amplius quid exigat, quam quod commodè exequi potest, quando homo officij sui, quam debuit, rationem habuit, & quod per vires licuit, inque eius potestate fuit, præstiterit, totumque robur ad muneris sui executionem vertit, tunc satisfecit Domino, hicque illius operas iustà compensatione remunerabit.

Animosè, atque audacter admodum ait Propheta regius: *Iuravi, & statui custodire iudicia iustitiarum*; Psal. 118. v. 106. velut dixisset: Ego in leges tuas omnes, o piensissime Monarcha, iuravi, easque religiosissimè, & studiosissimè observabo, & qualem, quæntamcunque sarcinam humeris meis inieceris, eam non solum gaudens, lætusque admittam, sed etiam magno, ac bono animo constanter pertinaciterque feram, idque mihi tam certum, quam quod constitutissimum.

S. Ambrosius in octonario 14. dicti Psalmi 118. ait: *Vox ambulantis in lumine est cum auctoritate dicere, Iuravi, & statui*. Cogitet fortè quispiam, inquit sacer Doctör, fuisse eam Prophetæ præcipitantiã, aut stultam arrogantiam, temeritatemque, quod tam intrepidè clamat, iurasse observantiam mandatorum dominicorum, atque illi studio immori velle constitutissimum habere. At secus res habet, nam *Vox ambulantis in lumine est*, plurimamque luce perfusus, & sibi valde præsens fuit, dum talia iuratus promisit. Tutò, ac securè iuravit, quando ad amissum legum diuinarum velle omnem vitam insti-

tuere, & porro exigere spondit. Non formidauit iurare, quod ne non expleret, nihil timuit: *Si enim metueret, non iuraret*, inquit Ambrosius, *se trepidaret* *Verum diuina posset custodire iudicia, non cum iurandi statueret sacramento. Nemo bene iurat, nisi qui potest ferre quod iurat. Iurare igitur iudicium scientia, testimonium conscientia est*. Si dubium Prophetæ fuisset, verum custodire Dei iudicia, & præcepta posset, certè sacræ iuramenti autoritate ad eorum observantiam nunquam se adstrinxisset. Seiuert ergo posse, certumque habuit fore, vt promissionem suam operibus persequeretur.

At vnde certum habuit? Et quâ fiducia ad perpetuam diuinorum præceptorum observantiam, rem tantam, tamque arduam iuramento se obstringuit? Quid illi hos animos fecit, vt nihil metuere tam oporose custodiæ pollicitationis irretractabilis necessitate se addicere? Fecit Dominus, quamcunque vuls legem, aiebat rex penitens, quod maxime libitum est, præceptum mihi imponat, ego illius sedulam, ac strenuam observantiam iuro: *Iuravi, & statui* ferre onus, quodcunque illud imposuerit. Vnde tanta Davidi excelitas animi? Inde, quodd diu in palatio Domini versatus, ingenium illius perdidicerat, noueratque nihil ab eo imperari, quodd sit viribus humanis impossibile, immò tolerabilia, suauitæque esse omnia, quæ disponit, & præcipit, dummodo homo diuino auxilio fretus ad eorum observantiam adijcere animum velit. Cum huius veritatis infallibilitatem apud se Propheta attentius reputaret, fidenter exclamabat: *Iuravi, & statui*, iuroque, ac statuo, quodd observabo legem, quæcunque mihi denuntietur, pronoque collo exeiptionem iugum, quodd illud cunque mihi iniiciatur. Quæcunque enim ab infinita Dei sapientia, & bonitate venit sarcina, ea toleranter ferri potest. Est namque tam discretus, & pius Dominus est legislator tam prudens, & attentus, vt nunquam promulget legem, nunquam ferat præceptum, nunquam publico edicto aliquid mandet, quodd non sit aptum, accommodatumque hominis viribus, & probè expensum ad pondera imbecillitatis illius.

Nam vt doctissimus ille, & catholicissimus Paulus Episcopus Burgenfis, cum Alphonso Decano sancti Iacobi legitimo filio suo scriberet, in prologo addit, ad Postill. Lyrani Tomo 1. Glossæ Ordinariæ ait, *Vnusquisque tanti debitor est, quantum ingenij sui vires exsoluere valent, nec quisquam apud Deum soluendo non est, cum ultra facultatem non petat, sed misericordia eius ijs, quæ possumus, consentatur*. Feli-



tes, & fortunati sumus, quotquot sub tam pij, & discreti ducis signis militamus, quotquot tam sapientem, & generosum Dominum cognoscimus, & adoramus, qui suas leges nostræ humanæ capacitati accommodare, & onera aptare virium nostrarum debilitati pernoctat.

Quomodo ergo Politicus noster humeros sarcinæ, iugo cervicem negare, aut subtrahere poterit, cum neutrum sit grauius, quam tolerare facile queat? Magna reuera est peccatoris miseria, cui cum barbaro, & feroci tyranno res est, à quo eneruatus, viribusque omnibus exhaustus facere iubetur vel impossibilia, vel certe talia, qualia legitimus Dominus nunquam imperare solet. Dæmon, utpote intrusus Dominus, affligat suis legibus, opprimit præceptis, ingentesque scopulos, & montes totos miseris infelicitis peccatoris humeris imponit: Verùm cælestis Dominus, cum sit pater pietatis, facit iugum suauis, leuia mandata, tolerabilem sarcinam, pondera dulcia, opitulatione namque illius, & auxiliariis gratiæ adminiculo, inspirationibus, & consolationibus internis fit, ut montes complanentur, salebrosæ viæ exæquentur, & amara dulcescant, & palato arideant, quidquid ingratum fore timebatur. Nihil ille, quod non sit in nostra potestate, mandat, nihil, quod non facile exequi possimus.

Licebit hoc animaduertere in eo, quod Patriarchæ nostro Isaac accidit, qui iussus à Domino permanere in regione Palæstinorum, ubi magna per id tempus erat fames *seus*, ut textus sacer habet Gen. 26. 12. *in terra illa*.

Notandum putarunt Lyranus, Abulenſis, Oleaster, Istella, Honcala, Cornelius, Pererius, Cornelius, & reliqui ferè Interpretes, quod in tam infecundo, & succo, & per illos dies tam inepto ad reddendos fructus solo seminaſſe Isaac fertur. Quid est autem, quod tam sterili, & infrugifera terræ credere semen voluit? Fecit hoc, quia Domini mandato ibi detinebatur, & figere sedem cogebatur, atque ut officij sui partem nullam prætermitteret, quod in illius facultate erat, agebat, hoc est, seminabat, terræ fecundationem, & quæcunq; germinationi, ac maturationi frugum necessaria erant, hæc cælo, & bono illius moderatori Deo relinquebat. Quod poterat Isaac, faciebat; nec amplius quid ab illo Deus exigebat. Nemo proinde queratur, quod tam pius pater cuiquam onus grauius, quam tolerare possit, iniiciat, qui pro sua beneuolentia, & humanitate ad perpendicularum prudentiæ examinat vires nostras, ut ijs sarcinam, quam ferre queant, imponat.

Vide Periocham IV. Dominica IV. Aduentus To. 2. pag. 371. b. o. & qua ad finem illius subnotata.

### CAPVT III.

Humana terra nulla tam sterili, ut ferre penitentia fructum non possit.

Sensus tropologicus huius historiz, commodus sveniet consolationi, & leuamini peccatorum, & spei illorum fouendæ, & confirmandæ, curandisque omnibus, quotquot culparum suarum ardens infirmitas tristi strato affixos tenet: Quod Isaac in sterili illo, & arido solo seminauerit, fructusque inde tam opimos, & abundantes, retulerit, ut penè suprà fidem, & admirationem copia vbertatis fuerit, hoc sacer Scriptor talibus verbis indicauit: *Seus autem Isaac in terra illa, & inuenit in ipso anno centuplum.*

Quis tale quidpiam cogitasset? Quis credidisset, ex tam infecunda humo affluentiam frugum tantam prodituram? Haud dubium, quin id factum, ut confirmemur animis, & magna nobis de omnipotente misericordiæ Dei promittamus, neque desperemus, quantamuis cordis nostri sterilitatem sentiamus, quantumuis ineptum illud arbitremur profereundo fructus penitentiz, sed magno animo simus, cum etiam sit tam potens Deus, ut ex duris lapidibus obediētes Abraham filios excitare queat.

Discipulus, quem diligebat Iesus, ait, ab vno septem Angelorum elatum se in spiritu in montem magnum, & altum, ostensamque sibi ciuitatem sanctam Ierusalem, vidisseque muros eius, & turres, & arces, & portas duodecim, quæ pari numero ad quatuor orbis partes collocatæ introeuntibus patebant. *Ab Oriente*, inquit, *porta tres*, & *ab Aquilone porta tres*, & *ab Austro porta tres*, & *ab Occasu porta tres*; Apocal. 21. 13. Aequaliter ergo distributæ erant portæ. Et notandum quod Euangelista dicit, tres etiam à parte Aquilonari fuisse portas, *quæ incutit frigus timoris*, inquit Nicolaus Lyranus, tamque gelida est, ut penè congeliet, quisquis solum eam cogitat. Magis illud admirandum, quod in ea parte fuerunt portæ, quam sacræ literæ maxime omnium abominantur, & execrantur, propter id, quod est apud Ieremiam cap. 1. v. 14. *Ab Aquilone pandetur malum super omnes habitatores terræ*; tantum vnus à septentrionali parte veniens ventus omnem perniciem habitatoribus terræ afflet, afferatque. Quid ergo dicit Euangelista. *Ab Aquilone porta tres*, hoc est, quod tres ab ea glaciali, seu aque parte fores semper pateant, per quas, qui ex ea veniunt, ingredi



ingredi in illam amoenissimam regionem nouæ Ierusalem possint? Dicit hoc, vt confirmet rem, quam hîc tractamus, nullusque desperet, quantumuis sit frigidus Aquilo, quantumuis proteruo corde, quantumuis gelido pectore, quantumuis cæcus, & perditus peccator, dum intelligit & sibi patere fores cœlorum, non vnas, sed tres: *Ab Aquilone porta tres.* Si quis enim tam desperatus sit, quàm fuit Cain, vt cum illo in ea plena blasphemix verba erumpat: *Maiores iniquitates meas, quàm vt veniam merear;* Genes. 4. 13. occurret ei sanctus Petrus Damianus, & dicit ferm. 58. *Mentiris, lairo, quia maior est pietas Dei, quàm quauis iniquitas,* neque tam vasta possunt esse vlla peccatorum maria in terris, quæ misericordiam obruant Dei, qui est in cœlis.

Præclarè nobis hanc doctrinam tradet, qui eam crebro experimento didicit: *Longè a peccatoribus salus, quia iustificationes tuas non exquisierunt;* inquit Propheta regius Psal. 118. v. 155. Indicat hoc loco Propheta, quàm procul absint à domo Dei quidam peccatores, quàm longa itinera conficere debeant, vt ad ipsum perueniant, quàmque arduum sit eis, ac difficile perditam recuperare sanitatem: *Longè a peccatoribus salus.* Exanimare hîc quosdam peccatores Cantor diuinus videtur, & affirmare, tam procul ab eo abesse, vt sanentur, vt tanquàm inanis, ac vanus futurus sit omnis labor, quem pro recipienda bona animæ valetudine suscipiant.

Ita quidem videtur, ac consideremus quid mox dicat: *Misericordia tua multa, Domine,* inquit ibid. v. 156. clementiæ tuæ nulla mensura est, nullus indulgendi, & condonandi modus, aut finis.

S. Ambrosius in illius Psalmi Octonario 20. de illis verbis sic disserit: *Etsi longè est à peccatoribus salus, tamen nemo desperet, quia multa sunt misericordia Domini, qui suo peccato pereunt, misericordia Dei liberantur.* Quancquàm Propheta confiteatur, esse quosdam peccatores tam perditè flagitiosos, vt longissimè absint à salute animarum suarum (nam quò plùs delinquant, eò longius à Deo recedunt, & quò grauius peccant, eò periculosius infirmantur) nihilominus maior est Dei misericordia, quàm illorum aegritudo, longius diffunditur illius pietas, quàm horum improbitas, & plùs valet illius scientia ad medendum, quàm horum iniquitas ad saucandum. Eapropter postquàm Dauid dixerat: *Longè a peccatoribus salus,* quasi tam ægrè sit illis, vt vix spes sit reliqua salutis, mox adiecit: *Misericordia tua multa, Domine;* tanquàm dixisset, maiorem esse, & potentiorè in Domino benignitatem ad

absoluendum, quàm in peccato malitiàm ad condemnandum. Itaque nemo desperet, nullum quippè erit peccatum, quantumuis atrox, & immane, quod plus possit, quàm omnipotens Dei manus, & artem cœlestis Medici superet.

Verbis explicari satis non potest, quantum lucubrârint, desudârintque sacri Doctores, & Oratores euangelici, vt causam inuestigarent, & enuclearent mysterium, ob quod Dominus noster verbis velut contendere cum illo impudentissimo liçtore voluerit, qui cœlestem eius, ac diuinam faciem pugno per summam iniuriam inoffenso turpissimè dehonestauit, quando post acceptam probrosam alapam hæc ad illum enubi fronte, & serenis oculis, tranquillo animo, & verbis demissis dixit: *Si malè locutus sum, testimoniũ perhibe de malo, si autem benè, quid me cadis?* Ioan. 18. 23.

Quid hoc dicam, mitissime, ac diuinissime Agne, quòd inter acutos spinæ coronæ sentes, qui tenera tempora tua vndique terebrabant, inter cruenta, & immania flagra, quæ dorsum tuum exarabant, & sulcabant, inter duros clauos, quibus secundum manus, pedesque transixus eras, inter acerbissimorum dolorum, & nefandissimorum, miserandissimorumque opprobriorum tormentorum tam taciturnus, tam mutus, tam patiens fuisti, & ad solum colaphum os in verba laxasti?

Priusquàm difficultati huic satisfaciam, illud tanquàm indubitatum pono, quòd apud homines præclaros, & illustres, & qui suæ existimationis iustam habere rationem solent, nulla est grauior iniuria, nullum intolerabilius probum, quàm si cui pugnum in faciem impingas. Videtur id satis colligi ex eo, quòd Ieremias de ignominij Domini nostri prædicens ait: *Dabit percutienti se maxillam, saturabitur opprobrijs;* Thren. 3. 30. hoc est, faciem suam sacrilegis perfidiorum hominum manibus permittet, vt eam pro effrenata sua libidine colaphis nefariè cadant, atque hæc ratione explebitur ignominij. Quo loquendi modo, quòd P. Caspar Sanchez doctè probat, satis indicatur, quòd *alapam pro maxima quaque ignominia accipitur.* Sic & Hispanus, cum grauisimo dedecore se oneratum à quoquam putat, dicere solet: *No me pudo dar mayor bofetada;* quòd perinde est, ac si diceret: *Atrociorè iniuriam mihi inferre non potuit.* Nunc ad rem. Cur Dominus ad colaphum locutus fuit, ad cætera tormenta tacuit? Cur exposculauit cum infami satellite, à quo turpem alapam accepit?

Occurrit quæstioni S. Laurentius Iustinianus lib. de



de triumphali Christi agone cap. 8. sect. 3. dicens: *Nusquam legitur, ipsum calumniam inferentis publice restitisse, nisi hoc solum in loco, & scias illius figuratam esse reprehensionis vocem, qua in delinquentis conscientia clamat. De nullius igitur salute, quamuis grauius sit delinquens, diffidendum est & sive ad vitam terminum, istiusmodi vocis considerat & virtute, qua in humilis redargutione dantis aliam consideratur.* Non apud Euangelistas, non apud Scriptorum factorum alium quenquam legas, quod Dominus inter omnes acerba passionis suae cruciatus cum vilo satanae ministro de iniqua violentia expostularis, praeterquam cum vno illo improbo liitore, à quo cæsus pugno secundum faciem fuit, hoc est, summam, & atrocissimam iniuriam accepit, quo indicatum, nullius ex peccatis ægri desperandam salutem, quamdiu carnis spiritus animat, nullum in perditis habendum, quantumuis perditæ viuat, & in lecto contumaciæ, obstinationisque suæ lethaliter decumbens iaceat. Omnia hæc in sacrilego illo ministro delineata Dominus dedit, quem verbis conuenisse, coarguisse fuit, coarguisse autem aduocasse fuit, ut facti sui rationem daret, & flagitium suum agnosceret, contumeliam poenitudine damnet, & expiaret, proque illata iniuria satisfaceret. Illum ergo, à quo ignominiosissimè habitus, & atrocissimè contumeliæ dehonestatus fuerat, alloquio dignatur, & verbis appellat, quod certo inditio fuit, vehemens fuisse illius condonandarum noxarum, & remittendorum scelerum delictum. Hinc accipimus, neminem diffidere, aut cadere animo debere, quando & illi fores indulgentiæ patent, & remissionis gratia, salutisq; remedium offertur, qui sospitatore suum turpissimè, atque indignissimè dedecorarat: Nam si remedij spem ægritudo grauissima, & pertinacissima habet, nulla erit incurabilis plaga, nulla insanabilis infirmitas: *De nullius igitur salute, quamuis grauius sit delinquens, diffidendum est & sive ad vitam terminum.* Qui perniciosissimo morbo mederi vltro obtulit, quomodo non aliam quamcunq; sanet ægritudinem? Quis peccator tantæ habens propositum exemplum pietatis diffidat? Quis angatur animo, cui spes tam certa veniæ? Quis non indulgentiam sibi indubitato promittat, quantumuis inueteratum sit malum, quo laborat? Quis desperet, cui præstò est Medicus sapiens æquè, ac beneuolus? Nonne vides salutis nostræ insensissimi hostis manifestas præligias, apertamque imposturam esse, cum persuadere conatur, non superesse remedium, vbi medicinæ penè superflua est copia, & non esse indulgentiam re-

Tom. III.

liquam, vbi supremus Dominus, qui offensam passus, offert misericordiam, & ad veniam inuitat? Quid illa sacrosancta in crucis ligno expansa brachia, quidue inclinatam caput mutis signis, & mysticis nutibus aliud clamant, aut vociferantur, quam vt perditissimo, flagitiosissimoque dicant, quod passus vnus ipsum Saluator opperitur, volens dulciter admittere, & amanter complexari? Et quid illa capitis submissione aliud voluit, quam annuere, ne quis peccator timeret, neue formidaret, apertum habens illud confixi lateris ostium, in quo contra omnem diuinæ iustitiæ seueritatem reperire asyllum, tutoque latere possit, si modò auxilijs, inspirationibus, vocationibus eius rectè vti velit?

Testem huius rei huc accersamus nostram matronam Rebeccam, vt suo nobis suffragio adspiciatur. Erat illa sterilis, quod sæpenumerò dictum. Sancti mariti ardentibus precibus, & singulari Dei miraculo factum, vt conciperet. Positi in aluo materna gemelli concertare cœperunt, quorum inopinabilis conflictus afflictam, & anxiam reddidit ex sterili fecundam matrem. Cumque de tam inaudito portento sacrum oraculum consulisset, hoc responsi accepit: *Dua gentes sunt in Vtero tuo, & duo populi ex Vetro tuo diuisentur;* Genes. 25. 23.

Origenes Adamantius homel. 12. in Gen. admiratus illud oraculi responsum ait: Quis tale quidpiam cogitare potuisset! *qua desperauerat sobolem, gentes, & populos gestat in Vtero,* quæ totis viginti annis ne vnum quidem filium obtinere potuit, aut eniti, ea denique parens facta est non vnus filij, neque duorum, sed populosissimæ nationis, vt hinc accipiamus, non diffidendum in hac vita, non abiiciendum animum, non desperandum, quantumuis sæua, & periculosa sit peccatoris ægritudo, nam si confortetur animo, & viribus totis connitatur, vt debet, exurgeret ex scelerum strato, certoque confanescet ab infirmitate, & optimam recuperabit valetudinem. Nemo plus satis affligatur animo, quantumuis illi sterile cor sit, & saxum pectus, nam si ritè sese præparet, ac disponat, Deus animum illius tam fertilem reddet, vt non ipse solum incolumis fiat, sed etiam vt alij sanitatem consequantur, facere possit. Vbi enim nulli sperabantur liberi, reperti sunt populi, & copiosa, exundantiaque flumina inuenta, vbi nulla offendi posse aqua putabatur: *Qua desperauerat sobolem, gentes, & populos gestat in Vtero.*

Ac nisi ita res haberet, cur impiger, ac sollicitus ille paterfamilias ad singulas horas excurrisset con-

D d d

ductus



ductum operarios in vineam suam, qui primo mane, & horâ tertiâ, & sextâ, & nonâ, & vndecimâ forum omne percurfuit, vt vineæ suæ cultores sibi compararet?

De hac re sic ait Sanctus Fulgentius epist. 7. ad Venant. c. 10. *Si aliquam ætatem Dominus iudicaret conuersionis remedio ineptam, non diuersis temporibus operarios vocaret ad vineam. In diuersitate quippè horarum non incongruè accipitur ætatum diuersitas, ita vt ætas puerilis accipitur in mane, pueritas in tertia, iuuentus in sexta, grauitas declinantis ætatis in nona, & in vndecima senilis ætas ipsa nouissima.* Pusillanimitatem nostram tali parabolâ consolari, excitare fiduciam, spem roborare Dominus voluit, ac docere, nullam esse horam, quâ peccator, dum clamet, non audiatur, nullam exclusam ab indulgentiæ gratia ætatem, omne tempus opportunum esse impetrationi veniæ, nullam prorsus desperatam salutem, nullam incurabilem Deo ægritudinem. Illustria exempla, & valida fulmina huius veritatis habemus, quotquot peccatores nouimus, qui spem nostram alunt, atque è Babylone culpæ transferunt in Ierusalem gratiæ.

*De hoc argumento per multa habes in Stroque Tomo superiore. Vide Periocham I. Dominica XXI. post Pentecosten Tom. II. pag. 285. a. o. & qua ad illius calcem adscripta.*

#### C A P V T I V.

Est nonnunquam, vt vbi minora, & pauciora speramus, ibi & plura, & maiora, & admiranda inueniamus.

**Q**uod Patriarcha noster in illa sterili terra seminavit, tamque & copiosam messem, & abundantes fructus, & vberes reditus, & insperatos supra communem vsuram proventus ex ea habuit; & inuenit in ipso anno centuplâ, vt noster vulgatus habet, siue vt LXX. Interpretes translulerunt, *centum existimationum*, hoc est, centies amplius, quàm se inuenturum arbitratu fuerat: Id factum, vt admoneremur, non de eo, quod forinsecus videmus, rem arbitrarî, neque exteriori illius speciei nimium vel tribuere, vel derogare, magnum enim est non quod tale apparet, sed quod grandia facit, & magnos effectus edit. Sæpè namque exteriora nos fallunt, quæ sub oculos cadunt, lineamenta, neque rarò perperam ab ijs agi videntur, quos magna, illustraque præclarè facturos præsumebamus. O quàm miserè ageretur cum plurimis, si tota in solis exterioribus consistere: magnitudo! Nam si ita esset, & barba, vt

quidam apud Erasmus in apophregmatis aiebat, *faceret sophum, quos hircorum videremus academias?* Solebant olim Philosophi (quemadmodum hodie Medici) vt hoc sapientiæ suæ insigne præferrent, prolixam, densam, hirsutamque alere barbæ cæsariem. Cum ergo ioculator quidam Philosophus vidisset nonnullos, quibus copiosior villus in mento, quàm in mente scientia, & cætum quendam tam insigniter barbatorum, quàm tenuiter vestitorum, succlamat: Si Philosophum barba faceret, Deus bone quàm frequens esset Philosophorum academia, ad quam scilicet omnes hircorum greges pertinerent, quorum tam promissa est & aspectabilis barba! Non chirothecæ, non annuli, non mulus, non mailenta facies, non statura procerior, non apla barba, non festiuior, & ad gratiam compositus gestus, sed continuum studium, & perpetuæ lucubrationes, & librorum pertinax lectio, & ægritudinum prudens, ac sagax æstimatio magnum faciunt medicum. In leuamine, quod infirmis adfert, in animo, in curandi dexteritate scientia vera posita est, non in vanis ostentationibus, non in thrasonica ampullosorum verborum insolentia, non in magnifico rerum exteriorum apparatu. Fit enim, vt fieri ab illis magna videamus, a quibus parum sperabamus, adeò non exterior forma, quæ in oculis incurrit, consideranda, sed effectuum ratio habenda, quæ verè lucent. Quoniam neque Philosophum barba, sed scientia, neque monachum vestis facit, sed obseruantia.

Elias de paupere, ac tenui vestitu tam notus erat, quàm de regia purpura, & corona manifestus Achab. Occurrit quondam, locutusque fuit Propheta Ochoziæ nuntijs, qui de illius figura, & habitu interrogati dixerunt: *Vir pilosus, & zona pellicea circumtus renibus;* 4. Reg. 1. 8. Quando rex: *Elias Thebires est,* ibid. Ingens erat apud Israëlitas aqua inopia, & toto triennio arida terra nullos ediderat fructus. Eliam rex Achab anxie perquirebat, cumque intellexisset, vbinam degeret, *venit in occursum eius,* 3. Reg. 18. 16.

Sanctus Ioannes Chrysostomus homel. 42. in Genes. ait: *Vidisti Achab inopiam, Elia autem diuitias? Quid loqueris, sanctissime Doctor? Ego maiestatis pompam admirabilem in rege video, cuius corpus sanguineâ rubet, & rutilat: purpurâ, caput aureo splendicat diademate, sceptrumque omnibus est venerabile, Propheta autem pannosus rudem, laceramque penulam vestit, & vili cingulo renes stringit, & habitu toto mendicabulum per omnia præfert. Eheu me, quid illud audio! occurrit Chrysostomus.*



Chrysoſtomus. Itanē de pilo veſtis, quod aiunt, magnitudinem animi vis arbitrari, & ab eo, quod forinſecus patet, molem interiorem æſtimare! Vide autem quantum purpura illa ab hoc palliolo differat, quāque procul ſceptrum regis ab habitu Prophetæ ablit: *Vide & quantum poteſtate diſſent. Melotes huius calum clauſit, pluuiarum deſcenſum inhibuit, & lingua Prophetæ frænū fuit calo. Purpurā autem amictus circuibat quarens Prophetam, niſil lucis ex tanta poteſtate habens.* Itā Chryſoſtomus vbi ſuprà. Quis tale quidpiam ſuſpicari potuiſſet, eam tali lacernulā regi vim, & facultatem, quæ pluuias in tanta ſterilitate adferre poſſet, tamque magnifico apparatu tantam ſubefſe inopiam, & mendicitatem, vt regiam purpuram abiectæ melotæ ſubmittere neceſſum haberet? Cui, inquam, hoc opinari in mentem veniſſet? Ille hoc cogitare potuit, quiſquis nouit, totam in exteriore cultu, & forma non conſiſtere magnitudinem. Magna enim, & præclara ſæpè edi facinora videmus, à quibus minimè talia expectabamus, & ſub vilibus lineamentis exterioribus prodigioſæ nonnunquā virtutes latent.

Nemo, quantum exiſtimo, neſcit inceſtum ſtuprum, quod à patre filiabus, ſed flagitium ſtudio machinatis, illacum, quando in reſſu montis ex illo conceperunt, poſtquā vino à mente abductum in tam nefariam Venerem neſcium, & ſui impotem induxerunt. *Peperit ergo maior filium, & vocauit nomen eius Moab, Genef. 19. 37. Minor quoq; peperit filium, & vocauit nomen eius Ammon, id eſt, filius populi mei; ibid. v. 38.* De his duabus fororibus quiſque ita ſentiet, maiorem natu quod erat adultio-re ætate, eò debuiffe fuiſſe prudentiorem, & cautiorem, & magis ſolicitam, quomodo inumbrare, & obſcurare, prorfumque obnubere infandam ſuam libidinem poſſet. Verū hoc illa non fecit, inquit Theodoretus, & Lyranus, nam minoris maior fuit verecundia, eamque magis puduit malefacti, de qua hoc minùs ſperabatur, plurimumque impudens illa fuit, quam maximè modèſtam, ingenuam, pudibundamq; fore putaſſes. Maior enim nomini, quod filio impoſuit, velut perpetuo monumento indelebilibus characteribus inſculptum reliquit ſuum flagitium, vocans eum Moab, hoc eſt, ex meo patre, ac ſi dixiſſet: Volo omnes intelligant obſcuram, & obſcenam huius nati mei originem, quodq; illum non aliunde, quā ex patris mei ſemine concepī, & peperi.

Nicolaus Lyranus in cap. 19. Genef. ait: *Ex quo patet, quod ipſa inuerecunda fuit, quia turpitudinē,*

*quam operata fuerat cum patre, expoſuit, & reuelauit in nomine filij, offendens quod ex patre conceperat.* Probroſiſſima certè appellatio, per quam impudens, & exhaulto pudore mulier voluiſſe videtur conſeruari in poſteris, & à populo in populum, & à parentibus in ſecuram ſobolem immanis laſciuie ſuæ diffundi memoriā. Iunior honeſtatis, & pudoris maiorem rationem habuit, cum filium ſuum vocauit Ammon, ac ſi dixiſſet, hic eſt filius populi mei, quo ſignificabat quidem, ex aliquo generis ſui viro illum concepiſſe, patrem tamen ſuum non prodebat inceſti partus authorem, potuit nimirum ex auunculo aliquo ſuo, aut conſanguineo alio concepiſſe, quod ſit communiter, & experientia teſtatur. *Iſta fuit honeſtior,* inquit Seraphici Ordinis Poſtillator, *quā in nomine filij ſui non exprimitur inceſtus eius, de populo enim ſuo poterat mulier concipere licite, ſicut patet de Sara, qua concepit de Abraham, qui erat auunculus eius.* Omnino pudentior fuit, quæ natu minor, cum enim natum ſuum Ammon, ſiue filium populi ſui nominauit, obſcenum facinus ſuum texit, & abſcondit, neque enim indicabat, ex patre ſe ſuum illud pignus habere, ſed ex aliquo generis ſui, quod per id tempus fas erat, & plurium veteris legis mulierum ſanctiſſimarum exemplo euinci poſſet. Videt hic maiorem in minore ætate cautionem, minorem in maioribus annis honeſtatis rationem, notate præcociorem in iuniore filia prudentiam, immaturius in maturiore, & adultiore iudicium. Vbi verecundiam reperire putaſſemus, offendimus impudentiam, & vbi licentiam, libertatemque viuendi immoderatiorem, ſi fortè inueniſſemus, excuſare vitæque potuiſſemus, ibi circūſpectionem admiramur. Ita ſæpè locupletes doribus maximis, quos inopes iudicabamus, deprehendimus.

Quod hic diximus, id mundi vſu nimis, eheu, tritum cernimus, maximè apud eos quorum eſt ex natalium ſplendore, & illuſtri origine grauior honeſtè, decenſque viuendi obligatio. Hi enim ſuprà alios generis ſui nobilitatem turpitudine actionum obſcurant, & foedant, cum econtrā humili loco nati ſæpè laudabiliorem, quā fore arbitrabamur, vitam ducant.

Nam vt habet ſanctus Ioannes Chryſoſtomus homel. 18. in 2. ad Corinth. cap. 9. *Pleriq; cæcipientium multa clariùs perſpexerunt, quā qui acutè cernebant.* Idem in moralibus euenire ſolet, nimirum vt maiora, & præſtantiora ab eis fieri videamus, à quibus talia minimè expectabamus. Solet eſſe pauper magis & prolixus in erogandis eleemoſinis, &



strenuus, quàm diues. Solet mechanicus pollicitati, quibus fidelis satisfacere, quàm ciuis. Solet vulgus hominum accuratius soluere sua debita, quàm nobilis. Solet maiore viuendi cautione vt secularis, quàm religiosus. Solet paganus enucleatius sua peccata in confessione aperire, quàm aulicus. Solet amicus rusticus moderatius agere, quàm sapiens, & legum exactior ratio haberi in pagis, quàm in aulis.

Huc idem sanctus Doctor respexit Tomo 4. quando in illud. *Sufficit tibi gratia mea*, differens aiebat: *Piscator, nisi mare aspiciat, retia non laxat, ac verò Paulus etiam in nauis, in monte, in fontibus, in campis, in pratis, in fluuijs piscabatur.* In monte, in campis, in pratis? Quis tale quidpiam aliquando vidit? Quis vnquam audiuit explicatas in arida ad piscandum plagas? Hanc piscationis Euangelicæ omnia tentari loca possunt (sic ferè respondet Chrysostomus) cælestis doctrinæ rete vbiq; eijs potest, nam quo minimè credimus gurgite pisces esse, nec qualescunque, solent. Ex pagis magni prodire viri solent, & ex ciuitatibus intolerabiles idiotæ, gurgustia sæpè præstantissimos homines proferunt, aula nonnunquam corruptissimos, & molestissimos educant. Ex tugurijs animosissimi leones, ignauissimæ gallinæ ex Basilicis venire solent. Populares, abiecti, & de medio vulgo homines iustam habere honoris, & veritatis rationem solent, vt econtrà homines primarij, sublimes, arrogantes amare mendacium, rusticæque, ac viliter agere, in humilibus palcæ, aut arundine, aut vluâ palustri tectis casulis, aliquando sancti homines nascuntur, mali dæmones in aulis.

Superus Dominus, & cælestis. Magister apud sanctum Lucam cap. 13. v. 18. ait: *Cui simile est regnū Dei, & cui simile assemabo illud? Quidnam illud in terris imago possit esse regni cælestis?*

Sanctus Petrus Chrysologus Serm. 98. cūm horum verborum indagationi immoraretur, inquebat: *Cum dicit, cui est simile, quasi querentis indicat, & producit affectum, sollicitudinemque inueniendi aliquid, cuius comparatione noticiam regni cælestis qualemcunque auditoribus adferat.*

Videamus ergo quocum rem tantam, tamque excellentiam componat. Quodcunque illud est, proportionis quandam affinitatem, & qualitatum viciniam habere cum illo debet, quod ex illius similitudine vtiq; æstimandum venit. Regno cælorum nihil sublimius, res ipsa hoc loquitur, est nimirum anxietatum nostrarum tranquillitas portus, & supremi Domini regia. Rei verò tam grandi, & excellenti quod conferatur, nihil videtur, reperiri posse. At

videte, quocum illud regni eiusdem Dominus componat: *Simile est grano sinapis*, inquit ibid. v. 19.

Quis tale quid suspicari potuisset? inquit sanctus Rauennatum Archiepiscopus: *Querens in calo, & in terra nihil inuenit, nisi granum sinapis, in quo potentiam totam superna dominationis includat.* Quis in tantillo sinapis granulo illam regni cælorum graditatem, & amplitudinem includi posse cogitasset? Quis non magis vel immani montium magnitudine, vel diffusi maris late patentibus spatijs, vel auri opulentiâ, vel margaritarum diuite precio adumbrandum regnum illud putasset? In exiguo tamen sinapis grano similitudinem regni sui Dominus inuenit, vt nos doceret, non spectare exteriora, non de faciem arbitrarî, non censere de his, quæ forinsecus apparent, quòd in minimis maior sæpè vis reperiri soleat, & magnam virtutum affluentiam aliquando inueniamus, vbi summam esse cælium rerum inopiam arbitrabamur. Sic enim & in modico sinapis grano, quod nemini cogitare in mentem venisset, iusta regni cælestis similitudo est reperia: *Querens in calo, & in terra nihil inuenit nisi granum sinapis, in quo potentiam totam superna dominationis includat.*

In huius rei confirmationem inquit Ambrosius: Dicite mihi, vter fuit maior Propheta, Nathan, an Dauid? Perspicuum est, quod mihi respondebitis, sub nullo iudice item eius rei esse, cū notorium sit, non solum Nathanem, sed & omnes reliquos Prophetas multis, ac magnis modis à Dauide superari, cū sanctissimus hic Rex omnium seculorum consensione, & declamatione hanc sibi laudem comparauerit, vt in lyto. Prophetæ nomine per antonomasiam, & excellentiam gaudeat, Dauidemque statim intelligamus, quoties Prophetæ vocabulum absolute prolatum audimus. Iam tamen hæc ita habeant, inquit Ambrosius, videmus nihilominus maiorem à minore institui, & nonnulla, quæ ignoret, ac non intelligat, doceri, poenas, verbi gratiâ, quas daturus erat, pro perpetrato adulterio, & homicidio, item felicitia noua indulgentiæ suorum scelerū, cū ei dicebatur: *Dominus transulit peccatum tuum*; 2. Reg. 12. 13. Dicit nunc B. Ambrosius: *Nec Dauid præsiuit, quid annuntiaret Nathan Propheta missus à Domino, & sitq; inferior.* Nathan Propheta cognouit, quòd Dauid præstantior nesciebat. Si Prophetæ dona, quibus ornati ambo erant, mutuo cõponas, Nathan pygmæus, Dauid gigas erat, tanto intervallo hic illum post se relinquebat, & nanus tamen nunc prospiciebat, quod gigas videre non poterat. Vt hinc intelligamus, sæpè plus reperiri, vbi minus



minùs esse videbatur, & magistros à discipulis nunquam superari, maioremque esse interdum militum, quam Capitaneorum disciplinam, & sub rudibus lineamentis magnos animos, dulcesque sub aspero, & amaro cortice fructus aliquando inueniri.

*Habes aliqua in hanc rem in exordio sermonis Dominica VI. post Epiphaniam Tomo II. pag. 459.*

CAPVT V.

*Quem spes remunerationis, & positum ob oculos lucrum, ad operandum mouet, ille quæstus, & commodi proprii studiosus, non sincere amans vocari potest.*

Quod Patriarcha noster *seuit in terra illa*, illa inquam, tam exsucca, sterili, infructuosa terra, unde nullam expectare poterat impendiorum, laborisque, ac sudoris sui compensationem, sacer Scriptor memorat. Hæc est summa, quæ in agendi modo reperiri potest, generositas, in solo infœcundo seminare, à quo nullos præuentus speres, nihil fructuum, aut lucri expectes. Quod volo dicere, tale est. Qui sua liberaliter erogat, ubi nulla spes remunerationis, qui proluxa manu victum alijs ministrat, nullum inde expectans lucrum, illius pura petra est munificentia, & heroica largitas. Nam facere bene, ubi speres fœnus, potius est nundinatio, quam beneficentia, & turpis quæstus magis, quam ingenua nobilitas, aut germana liberalitas.

Renuntiabat Dominus Sancto Patriarchæ Ezechiel, quod compingendus in vincula, nec ab eis facile eximendus, sed duram, diuturnamque cum suo populo seruitutem toleraturus esset. Significabat etiam, quod ipse illius labia usque eò clausa tenere velleret, quod ad prædicationis officium ea relaxaturus esset. Sic verò aiebat: *Et tu fili hominis, ecco data sunt super te vincula, & ligabunt te in eis, & non egredieris de medio eorum, & linguam tuam adharere faciam palato tuo, & eris mutus; Ezech. 3. 25. 26.*

At si illum populi sui Ecclesiasten deligebat, cur ei compedes, catenas, dura, & aspera vincula, quæ toleraturus erat, prædicebat? cur ærumnas, cruciatus, misérias; quæ illum opperiebantur, renuntiabat?

Respondet Beatissim<sup>us</sup> Papa Gregorius homel. 12. in Ezechielem: *Dum contraria prenoscentur, quanta fit in eo obedientia virtus ostenditur, qui & cognoscit quod aduersa passurus est, & tamen Vocis Dominica inobediens non est. Quod Dominus Prophetæ suo*

indicauit calamitates, quas subiturus erat, & modum, quo patientia illius exercenda, maceranda tolerantia, isque inter hæc de obtemperandi promptitudine nihil remisit, hoc fecit, vt serui sui synceritatem, & pectoris generositatem, & integritatem animi, & amoris puritatem manifestaret, quæ tanta esset, vt quanquam plurimos in insidijs haberet inimicos, à quibus acriter appetendus, infestandusque esset, & grauissimos præuideret labores, qui pro explenda iussione suscipiendi, atque exantlandi forent, prompto tamen, & magno animo commendatam adiret provinciam, & quod obedientia destinabat, fidenter pergeret. Hæc nimirum est summa integritas amoris, & obedientiæ maxima perfectio, si spretis omnibus incommodis, protritris, & calcatis impedimentis, posthabitis difficultatibus officium tuum exequaris, & iussa perficias. Laborare namque spe remunerationis, & ob oculos præmij aggregandi opus, non magna generositas est, neque strenuum facinus, neque amor singularis.

Sponsa illa de Canticis, cum de Sponso suo, vitæque, ac mortui illius conditione differeret, aiebat illum mali frondosæ, opacæ, parulæ, proluxæ, ac venustæ similem esse, quæ foliorum copiâ calorem prohibeat, elegantia oculos pascat, fructibus necessitatem famis leuet, inquit: *Sicut malus inter ligna sylvarum, sic dilectus meus inter filios, sub Umbra illius, quem desideraueram, sed, & fructus eius dulcis gutturi meo; Cant. 2. 3.*

Acuta est in hunc locum Sancti Bernardi annotatio, quæ sic habet: *Non dixit, sub Umbra illius, quam desideraueram, sed illius, quem desideraueram; vt indicaret, se non umbram ad refrigerium sui quærere, sed arborem spectare, & deueniari, velut dictum fuisset, illam ad bene agendum non donis sponsi, sed ipsius puro amore permotam fuisse, neque munera illius, sed personam solam respexisse. Illum vnice attendebat, is illi actionum omnium scopus, & finis erat, beneficia, quæ ab illo consequi poterat, non cogitabat. Integerrimus nempe amor magis dilectum, quam illius fauorem spectat, ipsiusque amore magis, quam remunerationis expectatione mouetur, vt gratificari ei studeat. Maximum enim, & largissimum præmium, quodcunque tali ex re obuenire potest, illud est, si non ob aliud diligit, quam vt diligat, & solius amoris amore amet: Non dixit, sub Umbra illius, quam desideraueram, sed illius, quem desideraueram.*

Hanc doctrinam nobis tres pueri, sed tanquam veterani magistri tradent. Superbus rex Nabuchodonosor



donosor imperabat, vt auream statuam, quam ex Dei æmulatione excitârat, omnes adorarent. Certior autem factus, tres quosdam Hebræorum pueros nolle regis obtemperare mandatis, ad se illos accersiri iussit, vt Maiestate conterritos ad cultum adorationis statuæ deferendum permoueret. Ardenti itaque fornacis poenam comminabatur, nisi promptissimum extemplò morem iussis gererent. Aspernabantur has barbari, & arrogantis monarchæ minacis animosi iuuenes, & hæc illi ad publicum furoris eius ludibrium aiebat: *Ecce Deus noster, quem colimus, potest nos eripere de camino ignis ardentis, & de manibus tuis, ô rex, liberare. Quod si noluerit, notum sit tibi, rex, quia deos tuos non colimus, & statuam auream, quam erexisti, non adoramus.* Dan. 3. 17. 38. tanquàm verbis alijs dixisset: Voracis ignis terrificas flammis nobis, rex, intentas. At hoc scire te volumus, quòd Deus, & Dominus noster, quem tanquàm verum regem adoramus, nos in Salamandras transformare, & inter medios parati incendij ardores sospitare, & seruare illæsos potest, & à truculentis manibus tuis eripere. Quòd si etiam ignis nutrimentum nos esse velit, ante sepeliri in viuis carbonibus cineres nostros volumus, quàm vel deastris tuis, vel conflati simulachro quidquam venerationis deferamus.

Sed quoniam futurum erat, vt & rex comminationem opere exequeretur, & Dei omnipotens manus fortissimis iuuenibus flagrantis camini æstuan-tes flammis in blandum, suauemq; Zephyrum conuerteret, cur Dominus illis, cùm regi dicerent, se statuam illius adorare nolle, vel si viuos conflagrare oporteret, non reuelauit, quòd eos indemnes, atque inoffensos eximere, tam beatos adhæc facere veller, vt tam liberè ardentes carbonem calcarent, quàm iucundè alij purpureas rosas, & confitos odoratis gariophyllis hortos peragrarè solent? Aut quid incommodi parere potuisset rei alioquin futuræ prælagium?

Satisfacit quæsito Sanctus Ioannes Chrysostomus hom. 18. in 1 Corinth. 7. inquit: *Animaduerte eos propriè futurum ignorantes. Nam si prænouissent, non deique digni admiratione fuissent, si fecissent quod nõbant. Quid enim mirum, si de salute certi ausi essent horrenda subire? Irà enim Deus quidem glorificatus esset, cùm è fornace eos potuisset eripere, ipsi autem nulla fuissent in admiratione, si potè qui se periculis non exposuerint. Propterea Deus, si futurum ignorarent, soluit, quò maiorem laudem consequerentur.* Nescierunt ergò, quòd eos Dominus

eruere constituisset ab incendio fornacis, in quâ illos rabidus furor crudelissimi regis coniecturus esset. Quid enim magnum fecissent, si magno animo tradi flammis tulissent, è quibus sese absque læsione eximendos ante nouissent? Nescire itaque illos voluit, quòd de tremularum flammarum feruido ardore triumphaturi essent, vt eorum animi sinceritas magis elucesceret. Quid enim gloriâ, & laude dignum egissent, si regis iram non curassent, à quo nihil sibi periculi imminere præsciuissent? Illud verò integerrimi amoris eorum grauissimum argumentum fuit, quòd cùm incertum haberent, num à Deo eripiendi essent, cibum autem ardentium flammarum se fore putarent, periculum nihilominus strenuè, fortiterq; adierunt. Hoc enim verum animi robur est, hæc perfecta charitas, quæ spreto periculo certamen suscipit, & sine expectatione remunerationis pectus aduersis intrepidum obijcit: *Quid enim mirum, si de salute certi ausi essent horrenda subire?* Nihil magnum egissent, si arduam aliquam operam securi de periculo suscepissent.

Propheta regius, cùm de legibus diuinis disserteret, aiebat, melle omni, & fauo dulciores, auro autè pretiosiores esse, atque à se hilariter, lætanterq; obseruari, quòd in earum custodia suam remunerationem positam haberet, dicens: *Etenim seruus tuus custodit ea, in custodiendis eis retribuis multa;* Psal. 118. 12.

Aquila Doctorum (vt refert Seraphicus præco, & celeberrimi nominis Ecclesiastes Sanctus Bernardinus serm. de obedient. Euangel. c. 3. §. 2. Tom. 3.) obseruauit in modo loquendi, quo hic vsus Propheeta, quòd dixit, *In custodiendis illis retribuis multa,* non autem *pro custodiendis*: Si dixisset, pro custodia mandatorum dominicorum sperare palmam, insinualet ex amore luci eam proficisci obseruantiam, & velut mercenarium seruire: Verùm cùm ait, quòd in illorum custodia omnem suam collocaram haberet retributionem, integerrimi amoris sui luculenta inditia dedit, qui non respicit mercedem legum obseruantia constitutam, sed oculos, animum, viresque omnes ad ipsam obseruantiam vertit, & quantum conuicti ingenio, quantum contendere labore potest, tantum facit, vt eas exactissimè custodiat, taliq; custodia satis remuneratum se facer Propheta putabat, quòd hoc consummatissimæ charitatis opus esset, quæ amat amare, & non ob aliud diligit, quàm vt diligit.

Nam vt Sanctus Enodius lib. 11. epist. 15. scribebat, *lenocinium est, non gratta sacramentum, quòd*

sanctum



*tantum presentibus exhibetur, amicitia sinceritas  
Et longe postea non relinquit.* Qui in eos solum, quos  
coram habet, officiosus est, ac presentes tantum de-  
mereri obsequijs studet, is sibi lenocinatur, & gra-  
tiam, beneuolentiamque mutuam nundinatur. At  
verò synceri amoris ignis hoc igne materiato plus  
habere debet, ut cum hic sola vicina inflammet, ille  
etiam procul absita inuadat, & *longe postea non re-  
linquat*, & in remotissimos sese exerat. Quos enim  
sola presentia aliorum, & coram positorum aspe-  
ctus ad bene faciendum permoet, illi negotiatores  
appellari possunt, verè amantes dici non debent.  
Summum amoris gradum ij tenent, qui in eo solum,  
quem diligunt, oculos fixos habent, aliud præterea  
nihil respiciunt, non lucrum, non operas vicarias,  
non mutua officia, seu beneficia.

Patientissimus Iob in medio suarum miserationum,  
& ærumnarum, repetebat memoriâ (neque id sine  
magna voluptate) opera charitatis, & misericordiarum,  
quibus studere inter res prosperas, quando fortunâ  
beneuolentiore etiamdum utebatur, solebat, ut eo-  
rum iucundâ recordatione pondera suarum & plu-  
rimarum, & cruciabilissimarum, & pœnalissimarum  
calamitatum nonnihil leuaret, inquiens: *Pater e-  
ram pauperum*; Iob 29. 16. velut dixisset: Probè me-  
mini tempus, quo ego cum opum copijs circumflu-  
erem, mendicorum amantissimus hospes, & portus  
optatissimus eram omnium afflictorum, oppresso-  
rum, ex longo miserationum itinere delassatorum, &  
quoscuque iniquioris fortunæ iratum mare diu  
exagitatos tantum non prorsus hauserat.

Sanctissimus Pontifex, & magnus Ecclesiæ Do-  
ctor B. Gregorius expendit nomen, quod sibi pati-  
entissimus Patriarcha hoc in loco dedit, cum ait:  
*Pater eram pauperum.* Sinceritatem amoris, quo  
egenos prosequeretur, indicare volebat, & patrem  
illorum se fuisse ait. In hanc rem Magnus Grego-  
rius, quem dixi, sic disserit: *Non patronum se, vel  
proximum, vel adiutorem pauperum, sed patrem fuisse  
testatur, qui a nimirum magno charitatis officio stu-  
dium misericordiarum derisit in afflictum naturâ, et eos  
quasi filios cerneret per amorem, quibus quasi pater  
præerat per protectionem.* Aduocatus plerumque lu-  
crum spectat, quod illi patrocinium suum adferet,  
& vix mouere pedem, nisi à quæstu, & remunerati-  
onis spe incitatus, nouit. Non talis est erga filium  
pater, qui illum, tametsi ingratarum fore, & vices  
malè repensurum videt, non destituit, sed quibus re-  
bus, & modis potest, iuuat. Paternus namque amor  
naturam magis, quam mutuas vices respicit, & has

vices non requirit, qui ut pater amat. Sanctus Iob  
ergò, ut significaret sui erga pauperes, & ærumnolos  
amoris ab omni lucris cupiditate peralieni integri-  
tatem, & puritatem, patrem se illis fuisse ait ad fe-  
rendam opem, non aduocatum ad patrocinandum.  
Qui enim alijs benefacere gloriæ ducit, is quoque  
curare debet, ut paterno affectu, sine spe lucris, &  
expectatione retributionis hoc faciat: Nemo quip-  
pè purum integrumque illius dicit amorem, qui ex  
beneficentia nundinationem, lucrum ex patrocinio  
faciat, & tutelæ studium ad quæstum, ad sœneratio-  
nem autem exercitationem charitatis vertat. Qui  
ex solo amoris, & beneficentiæ amore amat, & be-  
nefacit, eius est syncerus amor, & beneficentia in-  
tegra.

*Non ab simile argumentum tractat Periocha IV.  
Dominica IV. in Quadragesima To. I. pag. 301. b. o.*

## CAPVT VI.

*Ut nullus meticulosior Peccatore lepus, sic nec  
formidabilior Iusto leo.*

Magna rei familiaris incrementa fecit, gregum-  
que, & opum copijs intra dies paucos pluri-  
mum auctus noster Patriarcha fuit, *benedixitque ei  
Dominus*, Gen. 26. 12. cuius largitas illi omnis af-  
fluentiæ scaturigo fuit. Simul autem & prædiues. &  
tam terribilis, formidolosusque esse coepit ijs, apud  
quos morabatur, ut illum à terra sua exigerent, &  
profigerent, & rex ipse exilij sententiam ei denun-  
tiaret, quæ sic habebat: *Recede à nobis, quoniam po-  
tentior nobis factus es & valde*; ibid. v. 6. Mirum, & no-  
ratu dignum est, quantum pertimescant peccatores  
iustum, cui Deum oporulari vident. Quàm vehe-  
menter illum formidant! Quàm pauidi, quàm me-  
ticulosi, quàm ignaui, quàm pusillanimi lepores  
sunt! Audiebat Isaac sententiam exilij tranquillâ,  
& serenâ fronte, & non concitabatur illius pectus,  
& non perturbabatur animus, non confundebatur,  
neque cœcatur ratio. Homo enim iustus, ut affir-  
mat Spiritus Sanctus, similis est leoni, qui nunquam  
obuerit regum tergum inualori, & figit animosus  
gradum vel si venabuli cuspidem quis intenteret, aut  
instructo pilâ sclopo minetur, neque pedem refert,  
quodcumque illi siue à fera, siue à re alia sese per-  
viam obijciat periculum, de quo Parmenias: *Leo  
fortissimus bestiarum, ad nullum pauebit occursum*;  
Prouerb. 30. 30. Idem nostro descendentem de tribu  
Iuda leoni accidit, qui suæ expulsionis decretum, &  
sententiam exilij audiens non timuit, nec pertur-  
batus



batus fuit, quando felicitatis illius inuidus, & potentiam veritus rex ipse vertere solum iubet: Cum enim illum ceteri omnes vehementer pertimescerent, rex ipse illi præcipiendum putavit, ut regionem mutaret, veritus, ne æquè ac alij & ignavus, & meticulosus & consternatus animo videretur, si exilium ei denuntiare non auderet. Tantumne peregrinus potuit! Itane regno toti vix quidam inermis tam horrendum timorem incussit! Incussit prorsus, nam Iustus est terror, & paor Peccatorum, & nihil tùm vecordius flagitioso, tùm formidabilius probo.

Audite Herodes tyrannus prodigiosa Redemptoris mundi facinora, cumq; plurima ad illum de miraculis, quæ indies operabatur, perferrentur, satellitibus suis, & famulis domesticis dixit: *Hic est Ioannes Baptista, ipse surrexit à mortuis, & ideo virtutes operantur in illo*; Matth. 14. 2.

Euthymius in horum verborum commentario ait: *Videte rem admirandam! Obtruncatum Ioannem, qui obtruncari iusserat, formidat, & mortuum vivus horret. Quenam eius rei causa? Talis est enim, qui iniquus est, & mortuos timeat, & talis est, qui virtutem colit, & paorem etiam post mortem immittit in vivis.* Tam imbelli, & ignavo sunt ingenio homines scelerati, ut vel recordatio mortuorum eos expectoret, atque exanimet, piorum vero, & amicorum Dei tanta est potestas, ut etiam vitæ perfuncti impios, quos reliquerunt superstites, exterreat, & pauefaciant. Iusti è tumulis suis muerone timoris, & tremoris perstringunt, & solo nominum suorum auditu fugant peccatores.

Legem Euangelicam vulgare Apostoli ceperunt, Scribæ autem, & Pharisei concitari animis, quod ea doctrina disseminaretur. Considerabant constantiam, quâ fidem Christianam prædicabant, stupenda miracula, quæ ad contestandam, commendandamq; novam legem superi operari faciebant, inficiari non poterant, turbabatque hoc illos plurimum, quod tam constanter, atque intrepidè illos officium suum curare cernerent. Abreptum autem Petrum, & Ioannem in concilium suum pertraxerunt, admirati eorum animi firmitudinem, & incerti quid potissimum agerent, iusserunt eos foras extra concilium sedere, & conferebant ad invicem, dices: *Quid faciemus hominibus istis?* Act. 4. 15. 16.

Sanctus Ioannes Chrysostomus homel. 51. in Gen. cum ejusmodi consultationem hominum istorum secum reputaret, aiebat: *In manibus illos habebant, & dubitabant secum, quid de eis facerent.*

At cum illos tanquam artissimè victos, compeditosque, & suæ potestatis retibus implicatos haberent, quid amplius animi pendebant? quid diu hæsitabant? Cur non violentas illis extemplo manus infererent? Et cum illis neque odium, neque stomachus, & ira deessent, quæ furem, & rabiem animorum acuerent, & inflammarent, quid illos infrenabat, quid morabatur, aut impediabat, quod minus suam ferociendi libidinem explerent? Sua illos malitia, nec aliud, tam pauidos faciebat, sanctitas Apostolos tam terribiles, & formidabiles reddebat: *Tanta, tamque valida res est Virtus, tamque imbecilla malitia*, inquit Chrysostomus, *ut illa quidem, licet patiarur, vincat, hac vero est quid faciat, nihil proficit, nisi quod suam producit infirmitatem.* In præsentia causa id videas. Habebant Iudæi Apostolos victos, suæque potestatis iurisdictioni subiectos, cumque murò deliberarent, quid illis facerent, nil nisi ignaviam, timiditatem, pusillanimitatemque suam prodebant. Tam ingens est robur virtutis, ut etiam victa vincat, & captiva triumphet. Tanta vero è contrâ est malitiæ imbecillitas, ut etiâ tunc, cum est superior, timere videatur, & sese dedat, cum maxime triumphat.

Promittebat Dominus magno credentium Patri Abraham numerosissimos posteros, & felicissimâ successionem, & aiebat: *Suffice cælum, & numera stellas, si potes, sic erit semen tuum*; Gen. 15. 5. Dixerat illi Dominus ante: *Faciam semen tuum sicut pulverem terræ, si quis potest hominum numerare pulverem terræ, semen quoque tuum numerare poterit*; Gen. 13. v. 16.

Quod posteri Abraham & stellis, quarum est altissimus situs, & pulveri, qui imo in loco humi iacet, comparati fuerunt, id præcipuè quidem factum, ut significaretur, quàm copiosa eorum multitudo futura esset, habet nihilominus aliquod speciale mysterium præsentia causæ opportunum, quod rabbi Solomon apud Lyranum, & Tostatum in cap. 13. Genes. annotavit, & his verbis detexit: *Semen Abrahamæ comparatur pulveri, & stellis, quia quando boni erant, fulgebant in bonis, & stellæ, nec quisquam poterat eos tangere, sicut neque stellas cæli, quando autem mali erant, ab omnibus conculcabantur & pulvis.* Alta ergo collatio est posterorum Abraham cum sublimibus cælorum stellis, & humili terræ pulvere, quâ indicatum, eos quamdiu sanctitatem consecrati fuerunt, in omni opum copia eluxisse, ut splendicare radiantissima illa sidera solent, nec quenquam ausum fuisse vel contingere illos, ut contingere stellas

nemo



nemo potest, tunc verò non secus ac puluerem, aut lutum platearum, ab omnibus calcatos, & protricos, quando à via mandatorum Dei exerrantes flagitijs sese contaminarunt. Id experientia docebit legentem historias sæculorum superiorum, quæ Abraham secuta ætatem fuerunt. Triumphabant de hostibus, quamdiu de vitijs, simul ac præceptis dominicis deflectebant, ab omnibus miserè vexabantur, & opprimebantur. Iudicum Liber hoc dicet. Regum item, & Prophetarum Libri sunt eiusdem rei locupletes testes. Virtutes nimirum fortissimæ sunt, & illustres stellæ, quas nemo appetere manu potest, vitium timidum, & ignauum est, & vilis pulvis, quem omnes liberis pedibus obtulerunt, & conculcant.

Quæstio magni Athanasij 77. quam Antiocho cuidam proposuit, sic habet: *Si quæ grauissimum commississet peccatum, & respuisset, unde deberet discere, an remissum sit ei à Domino, nec ne?*

Respondet Doctor sanctus, in hac vita (quæ est etiam Concilij Tridentini doctrina) vt quis certò sciat condonatas sibi esse suas noxas, fieri non posse, nisi id ei Dominus reuelet: *Nescit enim homo, virum amore, an odio dignus sit*; vt habet Ecclesiastes cap. 2. v. 9. Inditia nihilominus quædam (quod idem Concilium tradit) coniecturam nobis, opinionemque facere possunt, quæ nos Deo gratos arbitremur, aut suspicemur. Eiusmodi coniecturarum aliquam velim, inquit Athanasius, ex qua diuinare vtcunque possim, quòd gratia apud supremum Dominum valeam.

*Respicente homine gratificatur illi Deus loquendi libertatem*, inquit ille, ac si dixisset: Si quis signum velit, à quo benè sperare possit, & coniecturam capere, ad modum, quem diximus, quòd sit Deo gratus, & charus, hoc illi bonam fiduciam facere potest, si hoc ab illo habeat, vt licentiùs loqui audeat. Itanè verò solutior loquendi libertas qualicunque inditio sit, quòd est iustus, qui illà vitur? Apud nos, cum quis indicare vult, sibi iustam esse causam, siue litem, sic vt neminem timeat, id talibus verbis exprimere solet: *yo puedo hablar alto en todas partes*; hoc est: *ego voce elatore loqui vbi que possum*. Quando ergo quis liberè, animosè, audacterque loquitur, iustum, ac probum eà se licentià probat, virtus enim, & vitæ sanctitas robur illi addunt dicendi, quæ sentit: Peccator autem quamprimum obmutescit, & frangitur animo, trepidatque, & angitur, & fugit.

Nam vt S. Ioannes Chrysostomus homel. in Psal. 7. ait, *et si vitium habeat secum & inuictum orbem, tamen omnium maxime imbecillum est, vitium autem*

Tom. III.

*et si solasit, est omnium potentissima, habet enim Deum secum stantem*. Peccatum quamuis totius mundi præsidio munitum perdebile est, virtus, licet inermis, & nuda, validissima est, Deum adiutorem habens. Timens Deum neminem præterea timet.

In eodem argumento versatur Periocha III. Feria III. post I. Dominicam Quadragesima, Tomo 1. pag. 86. b. o.

## CAPVT VII.

In conflictu Veritatis cum Mendacio, quanquam Mendacium perpetuò contendat, repugnet, obluetur, penes Veritatem tamen semper est victoria.

A Biji S. Patriarcha noſter, vt decreto exilij moram gereret, quod cum fecisset, illud ante omnia curauit, vt gregibus suis aquam inquireret. Palæſtini hoc illius studium impedire conabantur, & puteos, alios quidem obstruebant, & inieciâ humo explebant, de alijs verò nouè inuentis cum pastorebus corrixabantur. Ex his autem velitationibus, & concertationibus illud solùm consecutum, quòd Isaac pastores sua tolerantia semper victores faceret, puteos enim obturare, & explere Palæſtini, quantumvis contentiosè vellent, non potuerunt, sed Patriarcha Sanctus, eiusque famuli in omni conflictu triumpharunt, cui & pastores, quos habebat, demùm gaudibundi, ac læti dixerunt: *Inuenimus aquam*; Genes 26. 33.

Rupertus lib. 7. in Genes. cap. 11. ait: *Finis omnium, quæ de Isaac sunt, gratulatio est dicentium, Inuenimus aquam*. Hunc exitum omnis dura, & diuturna Isaac conflictatio habuit, quòd illi grata repertæ aquæ nuntia cum plausu allata fuere. Ita nunquam Ecclesiam aqua veritatis destituet, quantumuis illam opprimere volent Catholicæ fidei hostes, siue illi sint Hæretici, siue Ethnici, siue Turcæ, siue alij qualescunque: *Semper enim, quacunque hæresis exurgat, semper Christus, & præſto Christus adest, & de suis aliquos præparat scientiâ, & sermone ornatos, qui stare valeant aduersus loquaces hæreticos*. In omni mendacij, & veritatis concursu pugnare acriter semper mendacium potest, non vincere aliquando veritas non potest.

Queritur Propheta regius in Psal. 51. de quodam Doeg Idumeo, qui regi Sauli de illo significauit, quòd in ciuitatem Nobæ, & Abimelech sacerdotis domum se recepisset, quod 1. Reg. cap. 22. vers. 9. narratur. Maledicus hic proditor imago est calumniæ, hæresios, mendacij, & fraudis, vt habet sententia Incogniti, Rainerij, Hugonis, & aliorum:

E e e

Dauid



Dauid autem in eo Psalmo, velut & in cæteris symbolum, ac typus est veritatis. Videamus nunc quemadmodum S. Prophetam, ex ipsius relatu, calumniari, deijcere, opprimere, & conficere falsitas, & mendacium, in illo maledicto homine representatum voluit: *Totâ die iniustitiam cogitasti lingua tua, sicut nouacula acuta fecisti dolum*; Psal. 51. 4. Quod totâ die meditatum iniustitiam dicit, effusam mendacij sine intermissione contentionem indicat, & pertinax studium subigendi veritatem. At quomodo hæc pugna confecta, & quibus armis mendacium dimicabit, vt veritatis firmitudinem conuelleret, dispiciamus: *Sicut nouacula acuta fecisti dolum*. Quænam propria nouaculæ opera? quis illius instrumenti vsus? Non alius, quàm vt demetat capillos, & faciat, vt non videantur, non appareant amplius. Sed quando nouacula putat prorsum excidisse, & extinxisse capillos, nascuntur illi denud, & vi maiore erumpunt. Videte nunc quid dicat Prophetæ, nimirum quod est nouacula capillis, hoc esse veritati mendacium: Ve enim noui, fortioresque progerminant capilli, cum nouacula eos simul & abradisse, & radicibus sustulisse existimat; sic validior pullulat, robustiorque prodit Veritas, cum Mendacium eam penitus totam subegisse, & sustulisse arbitratur. Nam vt Cicero in Orat. pro Cluent. ait, *multorum improbitate depressa veritas emergit*. Grandibus licet prægrauetur ponderibus, non obruitur tamen, nec patitur naufragium, quantisuis iactetur tempestatibus. Fluctuare vndabunda, & afflicta curis potest, demergi, & suffocari non potest.

Commodissimum causæ præsentis est emblemata quoddam Alciati in concertationem, quam duo illi belli duces Vlysses, & Ajax susceperunt de armis Achillis. Res est, quod à morte magnanimi Achillis contendere Vlysses, & Ajax cœperunt, quis sibi illius scutum, lanceam, loriam, galeam, ocreas, & reliqua bellica ornamenta haberet. Iure illa quidem ad Aiace spectabant, quod is robore animi, & viribus corporis excelleret, Vlysses tamen causam suam talibus colorare, & commendare, & magnificare verbis cœpit, vt eloquentiâ eius, & dicendi efficacia conuicti iudices pro illo pronuntiarent, & ad illum martia ea spolia pertinere affirmarent. Factum est autem, vt illa arma (quod Pausanias apud Claudium Minoëa refert) post Vlyssis naufragium ad interriti Aiace sepulchrum se reciperent. Alciati de hac re emblemata 28. tale est:

*Littoreo Aiace tumulo namque intulit unda  
Quæboat, & tali voce sepulchra ferit.*

*Vicisti tu Telamoniades, tu dignor armis,  
Afflictus fas est cedere iussura.*

Abriperunt irati fluctus arma Achillis, eaq; ad Aiace Telamone patre nati tumulum proiecerunt, & tali facto tanquàm magnis vocibus proclamauerunt, quod titulus illius emblematis apud Alciatum habet, nempe: *Tandem, tandem iussura obtinet*, demum Veritas magnificè, & insigni cum gloria triumphat, arma namque ad sepulchrum Aiace appulsa testata sunt, Vlysses malo dolo sibi ea usurpasse, & fraude factum, quod ad ipsum illa peruenissent, cum Ajax ea reuera promeruisset. Itaque post mortem illi reddita fuere, quæ viuo per calumniam, & fallaciam ablata, nunquàm enim fraudis ea est potestas, vt de veritate triumphet.

Nam vt illa celebratissima disputatio habet, quâ disceptabatur, quænam ex omnibus mundi rebus potissima esset, cum alij vino, mulieribus alij, alij Regi lauream maximæ fortitudinis tribuendam censerent, Zorobabel sinem concertationi imponens, hæc definitione eam absoluit: *Veritas magna, & fortior pra omnibus*; 3. Esdræ cap. 4. v. 35. Tum v. 38. *Veritas manet, & inualefcit in æternum, & vincit, & obtinet in sæcula sæculorum*. Denique v. 40. *Benedictus Deus Veritatis*. Vinum multorum scelerum causa est, veritas æquitatis, & omnis boni scaturigo. Rex miser est, & imbecillis, vt qui vni se mulierculæ submittit, veritas nulli cedit. Veritatis vna, eademq; semper est facies, mulier fraus mera, & ex dolis velut coaluit, totque vultus habet, quot præstigias. Veritas ergo validissima est, cuius & sempiterna perdurabilitas. Laudetur itaque veritatis parens Deus.

Non paucas vires proposito huic adferet quoddam mysterium à Gregorio Veneto in Hebræa lingua animaduersum. Quod vt facilius assequamini, notate, in illo sacri idiomatis alphabeto esse duas litterarum figuras, & alias quidem in curuas, & inconstantes, alias verò ad quadraturam (quæ firmitatis, & constantiæ nota est, testibus Pierio Valeriano, Ricciardo, & alijs autoribus symbolicis) tendere. Ipsæ hæc nobis figuræ loquuntur. Quæcunque enim curua, siue inflexa sunt, eadem volubilia sunt, nulloq; negotio hæc illac motiantur, at quæ sunt quadrata, locum suum firmiter tenent, in quem siue coniecta, siue delapsa fuerunt. Hoc ita constituto notandum, quod Veritas hebræo sermone tribus litteris ferè rotundis scribitur: *Characteres, seu litteræ Veritatis ad quadraturam tendunt; At nomen Mendacij litteris componitur, velut incuruis, & non quadratis,*



*dratis, sed inconstantibus*, inquit Gregorius Venerus apud Hilaretum serm. Dom. Pass. Tom. 3.

Quid mysterij habet, quod nomen Veritatis ex characteribus conficitur quadratis, qui constantiam, & firmitudinem suā figurā referunt? Illud, ut sit inditio, quod Veritas semper firma est, & stabilis, & perennis, sic ut non sit potestas, quæ illam demolitur, non robur, quod vincat, non machina, quæ deiciat: Mendacium autem non quadratis sed curuis, inflexis, aduncis literis (quæ inconstantia sunt typus) scribitur, *Et significatur, quod mendacium debiles habet pedes, Et claudos, nec facile consistit*, inquit rursus Venerus. Mendacium, fraus, dolus, fallacia, infirmo nituntur fundamento, idcirco leuiter corrumpunt, & per facile est ea deturbare, & solo affligere.

Cælestis Magistri nostri gesta, dicta, & miracula calumniabantur illius maleuoli æmuli, quibus ille, ut vana eorum refutaret consilia, inquebat: *Ego sum lux mundi*; Ioan. 8. 12. velut dixisset: Miseros vos, quorum omnia huc vertuntur studia, ut quæcunque mea seu dicta, seu facta culpetis, arrodati, admordeatis, cum ego sim splendidissima lux mundi! Dixit hæc Dominus, postquam mulierem ei adduxerant in adulterio deprehensam, ut illum tentarent, & caperent, siue eam suā sententiā absolueret, siue dampnaret, & crudelitatis quidem coarguerent, si lapidibus obruendam pronuntiaret, qui misericordiam magnificè commendasset, prætermittit verò, ac violatæ legis dampnarent, si impunitam, multamque dimittendam censeret, quam saxis appetendam Moyses pronuntiasset. Omnibus ergo modis illum capere studebant. Verum Dominus diuinā suā sapientiā, & providentiā sic omnia disposuit, ut calumniatores nil nisi confusionem ex suis machinationibus referrent, ipse maneret gloriosus, mulier libera, dolus delusus, veritas triumphabunda. Quod cum factum fuisset, mox dicebat: *Ego sum lux mundi*, & serenissimus planeta, qui meis radijs totum terrarum orbem perfundo, atque illumino.

Rupertus lib. 8. in cap. 8. Ioannis ait, tale quid fuisse, quod Dominus ijs verbis dicere voluit: *Nunquid non deridendi essetis, si solem istum & visibilem de sublimibus circulis suis toti mundo lucentem exstinguendo extinguere, vel aërem pugniserberando de magno candelabro cæli dericere, Et sub modo recondere conemini? Nempe huic simile est hoc, si nomen meum delere, vel famam meam extinguere contenditis. Ego enim sum lux mundi*. Quis tam potens sit, ut astrorum principem liberalissimum Solem cohibere à

profusione suæ lucis queat? Quis tam robustis sit lacertis, ut è cæruleo cælorum campo luminosissimam illam euellere arborem possit, cuius radiantes rami per totum se mundum beneuoli explicant, & dilatant? Qui talia possit, idem fulgentissimam Veritatis lucem obscurare queat, quæ gloriosa emicat, & refulget, quantumuis calumnia nubem obtendere, & offundere nebulam dolus, mendaciumque laborant.

Nam ut Thucydides latinus, Titus Liuius, inquam, apud Claudium Minocem in emblema 28. Alciati ait, *Veritatem laborare sapè, extinguere nunquam* videas. Potest Veritatem temeraria quædam fraudis nubes inuadere, claritatemque illius, & ornatum omnem appetere, sed diripere, & depeculari illius thesauros non potest. Agrè esse Veritati potest, ut prorsum moriatur, fieri non potest. Extenuari simulationum fallacijs potest, extinguere funditus non potest. Fit, ut in concitato mendacij mari fluctet, quod verò aliquando submersa interierit, nemo unquam audiuit. Coniurati quamuis aduersus eam conspirent falsitatis venti, illa tamen nihilo inconstantior persistit, quam inter spumantes fluctus, & procellosas vndas immobilis rupes. Nonne hoc experientia cernimus? Potueruntne illam tot Barbari, Ethnicæ, Turcæ, Mauri, Schismatici, Hæretici, totis etiam Inferorum copijs adiuti cardinibus suis mouere, & opprimere? Nonne illa de omnibus ipsorum fœderatis, non secus ac Sol de nebula, de fluctibus scopulus, leo de lepore, aquila de vlula, de dumo palma triumphat?

Huc faciet, quod Euangelistæ narrant, nempe Iudæorum primores, cum innoxio Domino nostro adimere vitam, & inferre necem cogitabant, & veras culpas, quarum illum infimularent, nullas reperirent, ad mendacia, & imposturas confugisse, ut his ad suas partes traductis facilius persequi opere rabiem sui furoris possent: *Principes sacerdotum, Et omne concilium querebant falsum testimonium contra Iesum, Et eum morti traderent*; inquit S. Matthæus cap. 26. v. 59. Præstigias ergo adornabant Hebræorum proceres, quibus veritatis radios obnubarent, & Christi innocentiam obscurarent, prorsumque opprimerent.

O insentatos, & suprà quàm fatuos! exclamat S. Laurentius Iustinianus lib. de triumphali Christi agone, cap. 10. sect. 1. Quo consilio ista faciebant? Quid machinabantur, cum mendacium adhibebant, ut veritatem prosternerent, ac deicerent? Ego vobis dicam, inquit sanctissimus Venetorum Patriarcha;



cha: *Volebant inermi manu durissimum confringere silicem*, & in mollem ceram vertere, idque non alterius rei, quam tenerorum digitorum operâ. Qui tale quid ad eum modum tentare cuperet, nonne is mentis suæ prorsus impos esset? Certè nemo id opus susceperet, cui vel aliquantillum rectæ rationis reliquum. Quomodo enim fieri possit, ut tractabilis, ac mollis manus caro duritiem rigidi silicis subigat, & confringat? Magnis vani laboris impendijs discet, quàm stultè egerit, quisquis hoc tentare velit. Quid putatis esse mendacium, si cum veritate conferatur? Quodd tenuera caro, quodd delicata manus, quodd tenue gossypium, quodd ductilis cera cum solido ferro, cum duro marmore, cum inuicto ære, cum infecabili, atque infracto adamante comparata, vinci, subigi, contegi non potest, lumen radorum eius extingui nequit, quantumuis multi, ac fortes sint, qui se illi opponant, quantumuis densæ, & caliginosæ nubes æmulatorum, qui se illi obijciant, quantumuis valida manus coniuratorum, qui eam bello appetant, & oppugnet. Nam expugnare eam velle, tantundem est, atque *inermi manu durissimum confringere silicem* velle, ut magnus Patriarcha inquebat.

Præcinit huic magnum Africæ decus Tertullianus de Veland. Virginib. cap. 1. dicens, *hoc exigere Veritatem, cui nemo præscribere potest, non spatium temporum, non patrocina personarum, non præsilegia regionum.*

Locutus fuit hoc loco Tertullianus, quod diligens, & doctus illius expositor Cerda notauit, ex more peritorum iuris, ac legum. Ac primum, quod ait, est, quodd *Veritati nemo præscribere potest.*

Quid est *præscribere*, quidue *præscriptio* ex legum definitione? Alexander Scotus in Vocabul. vtriusque iuris, verbo *Præscriptio* vult hanc esse exactissimam descriptionem; *Præscriptio est exceptio ex tempore congruens, ab auctoritate legum vim capiens, negligentibus penam infligens, & litibus finem imponens.* Videatur dictus autor de hac materia, qui recenset genera præscriptorum, nempe decem, viginti, triginta, quadraginta annorum, ex quibus hæc longi temporis præscriptio iuris peritis dicitur. Ut autem vis, & potestas Veritatis innotescat, dicit Tertullianus, deijci eam è throno suo, lucemque eius extingui non posse, tametsi cum largis longiturni temporis spatij contrâ illam fœderentur privilegia, & immunitates terrarum, mores, & instituta patriarum, arma auxilia tyrannorum, copiarum subsidia opulentorum, & potentium: *Nemo quippè illi præscri-*

*bere potest, non spatium temporum, non patrocina personarum, non præsilegia regionum.* In quæ verba eruditissimi Cerdæ annotatio nona sic habet: *Ponit exceptiones, quæ esse tres possunt, videlicet, spatium temporis, patrocina personarum, præsilegia regionum.* Nonne hoc manifestum est, ac perspicuum? Valetne tempus eâ potentia, ut obscurare veritatem queat? Immo verò tempus, quodd alia omnia consumit, & conficit, vnicè veritati patrocinaatur, eamque vel maxime aperit. Potueruntne illam extinguere hæretici, sectarij, infideles, & alij tam multi hostes, qui eam ad rem omnia sua studia, conatusque totos conuerterunt? Obtrunxitne truculentum consilium inimicarum regionum, & falsarum, insensarumque religionum, quæ illius interitum ardentissimè suspirarunt? Nonne gloriosam de omnibus victoriam Veritas reportauit, & vexilla sua contrâ tempora, personas, ac nationes triumphatrix altum extulit? Nonne ferreis nexibus confictam, acciduamque inclutis plantis suis habet obscuram, & imbecillam falsitatem, turpem, ac debilem fraudem, easque velut quasdam araneorum telas suo aspiritu diffilat, & dissipat Veritas, quæ tametsi nuda congregiatur, omnem præligiarum nebulam fugat, & vniuersas mali doli nubes depellit? Vtatur Politicus noster hanc tam potente Dominâ, hanc nobili, & illustri filiâ Dei, sic enim fiet, ut quâvis occasione cum insigni gloria vincat, & cum ingenti existimationis suæ incremento triumphet.

### C A P V T VIII.

*Sunt actiones, quæ ab animo officioso descendere videntur, & ad imposturas, atque offitias tendunt, aliudque sæpè machinantur, quàm præferant.*

**N**ulla in officina tot funduntur doli, nulla in incude tot cuduntur fraudes, quot in vno corde humano, in quo & plura adornantur mendacia, quàm in vlllo foro nundinatorio. Quàm astutè, & acutè veterator suas pingit præstigas! quàm dextre suam inaurat malitiam! Quàm versutè sua tela iacit, sic ut in technas, & imposturas iaculum intorqueat, qui collineare in obsequia videbatur! submissione animi ad omnia bona officia parati esse putet, quodd fieri vides, & perfidia est, ac fallacia. Humilitate, quam exterius præfert, fraudulentum cordis secretum regit, & obnubit.

Aperiebat Saluator mundi Discipulis suis quoddam animi sui consilium, aiebatque propositum sibi esse petere Ierosolymam (quodd magni referret id fieri, & hominû afflicti casus vehementer hoc ipsum peterent)



peterent) vbi plurima sibi à Scribis, & Principibus sacerdotum probra, & tormenta parata essent, & mors subeunda, sed & certus post triduum in vitam reditus. Marthæus cap. 16. v. 2. hanc rem sic narrat: *Capit Iesus ostendere discipulis suis, quia aperte- ret eum ire Ierosolymam, & multa pati à Senioribus, & Scribis, & Principibus sacerdotum, & occidi, & tertio die resurgere.* Audijs hæc Petrus, arreptum- que veste Magistrum seorsim abduxit, & his verbis increpauit: *Absit à te Domine, non eris tibi hoc;* ibid. v. 22. velut pluribus dixisset: Depone sis has ab animo cogitationes, intolerabilis enim miseria foret, talis vitæ tam tenera in ætate deplorandum videre interitum. Caue hoc iter suscipias, caue Ierosolymorum urbem ingrediare. Vix hæc auribus verba hauserat Christus, quando illi talia reposuit: *Vade post me satana, scandalum es mihi;* ibid. v. 23. S. Marcus cap. 8. v. 33. ait: *Comminatus est Petro;* tanquam asseuerauerit Dominus vultu, contraxerit- que in rugas frontem, & adduxerit supercilia, vt talibus gestibus præcipitantiam Petri coargueret.

Sed cum Petrus talia ex singulari amore, & beneuolentia dixisset, & iustam vitæ sui Magistri æstima- tionem habuisset, denique miseratus dolores præma- turæ, & acerbæ mortis illius fuisse videatur, cur sic exacerbescebat mitissimus alioquin Dominus, vt il- lum eodem nomine donaret, quo antehæc cacodæ- monem, nec alio modo à se repelleret, quam tene- brarum principem, cum ab ipso in deserto de gulosi- tate, vana gloria, & idololatria tentaretur? Quæ tam acris indignationis causa esse possit?

S. Ioannes Chrysostomus homel. de negat. Petri, Tom. 5. ait: *Vt Ierosolymam non ascenderet, orabat;* quod Iudeorum minus non ferret; Quando Christus inquiebat, oportere se ire Ierosolymam, id tunc di- cebat, quando Petrus singulare illud, & insignitum donum acceperat altissimæ istius reuelationis, quod Christus esset filius Dei viui, proque eiusdem agni- tionis, & confessionis merito varijs cumulatus be- neficijs, & clauibus coeli donatus fuerat, vt eos pro arbitrio claudere posset, ac referare, quæ est tam ingens autoritas, tam ampla potestas, vt magnitudo eius, & præstantia omni sit exaggeratione superior. Quæ cum ita sint, vnus præ omnibus Petrus ex re- ctæ rationis legibus etiam tenebatur suum magi- strum, & tantum benefactorem comitari, tamen si id absque sanguinis periculo, & detrimento honoris, & vitæ dispendio fieri non potuisset. Aderant ibi vn- decim testes gratitudinis, & censores, qui suis pon- deribus penderent vices, quas ille Christo redderet.

Hæc res eum ad sequelam Christi vehementer inci- tabat, sed retardabat audaciam timor, & animum alioquin promptum metus morabatur. Quid ergo egit Petrus. Miserationis larua ignauiam suam te- xit, beneuolentiam simulauit esse, quod erat timor, & metum suum amoris specie fucauit, vt inertiam suam, infirmitatemq; inauraret, & accersito colore tingeret, atque ita tum benefactori suo, tum ijs, qui aderant, satisfecisse, & debiti officij partes explese putauit, cum suum pauorem occultauit. Hoc verò est, quod totum Christo stomachum mouit, vt indi- gnabundus Petrum austerius haberet, & non secus ac dæmonem quendam repelleret, dicens: *Vade post me satana;* indicans eâ re, esse permultos in hac vita homines, qui sub specie obseruantia, & officiositatis machinantur fallacias, velut Petrus fraudem stru- ebat, vt miserari Christum videretur, qui sibi me- tuebat, cumq; illum destitueret animus adeundi cum suo Magistro passionem, dolere vices illius simula- uit, nec ob aliud Dominum suum à proposito itinere auocare conatus fuit, quam quod ipse ire Ierosoly- mam formidaret; *Vt Ierosolymam non ascenderet, orabat;* quod Iudeorum minus formidaret. Sunt nimirum actiones, quæ reuerentiam præferre vi- dentur, & à fraudulento animo veniunt, technasque struunt, & adorationis larua perfidiam sæpè obnu- bit.

Cuius aliò vadit animi consilium, quam quò actio illius ire videtur, is similis est eius, de quo Philo Iu- deus in lib. de vita Abrahamæ inquit: *Reperire licet aliquem, qui modicum depositum reddidit magis & in- fidetetur accipienti, quam & approbat à sua fide in mo- dico inescatum capiat maiori perfidia.* Si quis alteri centum argenteos vel commodaret, vel gratuito munere donaret, non gratificandi studio, sed vt plu- ra ab illo posthæc eblandiretur, idne amicè factum putari, & recenseri in beneficijs posset? Nequa- quam, inquit Philo, quoniam quisquis versipellis tale quid agit, is piscatorium fallaciæ suæ hamum simulati beneficii specie tanquam escâ regit, & oc- cultat, & approbat à sua fide in modico inescatum ca- piat maiori perfidia. Qui sic dat, magis inescat, vt capiat, quam commodet, vt benefaciat. Fides illa perfidia est, & fiducia illa proditio est, neque libera- litas est, sed auaritia. Sunt nimirum actiones, quæ cum ab amico pectore natæ videantur, à perfido a- nimo proficiuntur, & à malitia suam originem ha- beant, quæ à beneuolentia descendere putantur.

Emarcuit candidum, & castum lilium, quod vide- re vehementer semper amarunt oculi Abrahamæ, clausit-



clausitque diem suum supremum Sara, quam ille effluuium deperijt, à quo uxorem accepit. Ut autem tam nobili thesauro dignum cimeliarchium procuraret, decentique loco inferret concham, quæ pretiosam, & incomparabilem margaritam, animam, dico, sanctissimæ coniugis texerat, emēdi ab Ephron filio Seor agri propositum concepit, & filios Heth ad illum submitit oratores, qui rogarent, ut non grauare agrum pro sepultura venalem daret, pro quo iustum exemplō pretium persolvere vellet: *Pecunia digna tradat eam mihi*, inquit: Genes. 23. 9. Propius aberat Ephron, qui cum talia obsecrantes audisset, inquebat ad Abraham: *Nequaquam ita fiat, domine mi, sed tu magis ausculta quod loquor: Agrum trado tibi, & speluncam, qua in eo est, presentibus filijs populi mei, sepeli mortuum tuum*; velut amplioribus verbis dixisset: Suppudet me supra quam dicere queam, & insignem mihi abs te irrogari ignominiam censeo, quod sic mecum agas, sciens quanti æstimeris ab omnibus, quorūque in hac regione degimus. Quale enim hoc est, quod pecuniæ pro agro abs te numerandæ meminisse voluisti, cum ego me longè maius beneficium accepere arbitrer, quod agrum meum admittis, quam præstare officiū quod illum dono offero? Quod ego copiosius facere lucrum possum, quam si dignanter permittas, ut reculis meis tibi obseruiam? Hominum, quotquot mundus habet, felicissimum arbitror, quod fortunarum mearum aliquid tibi placere meruit. Ab hoc momento ergo sic tuus ager, quem cupis, ego illum lerantissimè dono, ut in mea spelunca tuam defunctam uxorem recondas. Exemplō ergo, si ita videtur, eam sepeli, ut illius mortuæ tumulus sit viua meæ felicitatis memoria. Quanquam talia ferè dixit Ephron, post longam nihilominus vrbano- rum verborum concertationem acceptauit numos, quos ipse etiam depoposcera: *Abraham namque appendit pecuniam quam Ephron postulauerat, quadringentos siclos argenti probata moneta publica*; ibid. v. 16.

Dubitet nunc aliquis, & dicat: Dūm Ephron tantam argenti vim pro suo agro accepturus esset, quid est quod initō tam grandem generosæ liberalitatis, & prolixi animi sui ostentationem facit, ut velut iniuriam putasse visus sit, quod Abraham illi pecuniam pro agro obtulit?

Hugo Cardinalis ait: *Id dicebat Ephron, Et magis possit extorquere*. Putatisne fuisse liberalitatem, quod Ephron fecit? Auaritia fuit. Et quod agrum gratuito obtulit, id non vera animi largitas, sed techina fuit, & simulata vrbalitas, quā obligare Abra-

hamum voluit, ut plures pecunias numeraret. Quemadmodum hic Aduocati, Notarij, Procuratores causarum, Prætores agunt, quando ut plus numerum à litigantibus eliciant, operarum suarum mercedem illorum arbitrio relinquunt, faciuntque ex vrbanitate quæstum, ex hīc liberalitate lucrum, eā nimirum ratione miseros clientes obstringunt, ut amplius pendant, quā iura exigant. Tantundem fecit Ephron, nam quod agrum gratis obtulit, hoc egit, ut carius venderet, *Et magis extorqueret*, & officiosa illa delatio ab animo diuitis compensationis cupido venit.

Fulcimentum huius doctrinæ bonum pessimus ille, & perfidiosus tyrannus Herodes fuerit. Ingredebantur Ierosolymam tres illi pij, & sapientes Reges supremam maiestatem perquirentes, & dicentes: *Vbi est, qui natus est rex Iudeorum?* Matth. 2. 2. Simulac barbarus Herodes noua tam tristitia, & amara percepit, turbatus est, & lethali angore cruciari, totoque expauescere animo cepit. Arque ut sibi ipsi faceret satis, & rem totam, qualis ea cunque esset, exploratè cognosceret, sapientes, & legis peritos quamprimum consulit. Horum responsum fuit, à Propheta iam olim prædictum, quod Bethlehem futura esset natalis locus Sospratoris mundi, ex eoque oppidulo proditurus dux, & oriens lux populi Israel. Certior prophetiæ factus Herodes sanctos Magos ad se accersit, quos cum de tempore visæ ab eis stellæ percunctatus fuisset, iussit pergere, & studiosè inquirere puerum, quis ille, & vbi nam sit, & repertum sibi quamprimum indicare, dicens: *Ite, & interrogate diligenter de puero, & cum inueneritis, renuntiate mihi, Et ego veniens adorem eum*. ibid. v. 8. & religiosè obseruantie cultum humiliter illi, pro eo ac debeo, pendam.

Sancti Augustinus, & Leo Papa Magnus, venerabilis Beda, Haymo, Druthmarus, & Glossa in c. 2. Matth. cum secum reputarent maturationem Herodis, & inquisitionem, & sollicitudinem, & ingens studium, quo Magos ad capeſſendam celeriter viam Bethlehem versùs perurgebat, quodque ab illis, ut cupique se res haberet, certior fieri cupiebat, & se adorationis cultum recens nato puero exhibiturum affirmabat, si tamen talis esset, qualem Propheta- rum vaticinia delineabant, sic ferè aiebant: Quis ea omnia videre, arque audire potuisset, neque simul cogitare, à religiosissimo, & pientissimo animo profecta hominis, qui pulcherrimam veritatis lucem vnicè, ardentissimeque cuperet videre?

Verum multò secus res habet, nam malus dolus, & fraus,



& fraus, & mera impostura, & perfidiosa machinatio fuit, quidquid Herodes seu dixit, seu fecit, de quo Glossa ita: *Herodes deuotionem promittit, sed gladium acuit, malitiam depingens colore humilitatis, fixit se vultu, & verbis adorare eum, quem inuicem mente cogitabat occidere.* O quam simulabat infamis tyrannus adorandi noui regis cupiditatem, contorquens, ac submittens collum, attenuans vocem, attollens in cælum oculos, identidemque velut exanimatus suspirans, atque interim sanguinem innocentem intolerantissime sitiens! Talia nimis, cheu, vitata sunt mundo, qui plenus est Ephronibus, & Herodibus, hoc est, hominibus, qui pallio vrbauitatis contegunt fallum præstigiæ coloris, & submissionis laruâ obnubunt anichui sui rabiem, simulant humanitatis officia, & meditantur, adornantque maleficia, & proditones.

Hoc agebant illi falsi ministri, de quibus Sanctus Paulus 2. Corin. 11. 13. ait: *Eiusmodi pseudoapostoli sunt operarij subdoli, transfigurantes se in Apostolos Christi;* hoc est, personati quidam apostoli habitum ministrorum euangelicorum præferentes, diuunt, & euertunt Ecclesiam Dei.

At cur tales sunt simulators, & subdoli? inquit ferè Sanctus Ioannes Chrysostomus. Nam si operarij sunt, quomodo ficti coadiutores Euangelij esse possunt?

Respondet ille homel. 34. in dictum locum: *Operantur, sed qua plantata sunt, euellunt, & pecunias non accipiunt, ut plures accipiant, ut animas perdant.* Laborant, sed ut stantia deiiciant, ædificare videntur, sed ruinas edunt, & demoliantur constructa. Numos ne digito quidem extremo libare volunt, immò velut ignem fugiunt, hoc tamen magnâ arte fit, ut plures corradant. Videte quomodo nunquam desunt mundo, aut deerunt Ephrones. Sed illud maxime deplerandum, quòd tales in Ecclesia Domini reperiantur, in qua nihil nisi veritas, sinceritas, &que integritas inueniri debebat.

Subdolorum id genus, & versutorum hominum vereratorias technas perneuerat Spiritus Sanctus, cum apud Syracidem aiebat: *Est qui nequiter se humiliat, & interiora eius plena sunt dolo;* Eccl. 19. 23. Græcus transtulit ista: *Est nequitiâ præditus, qui demisso capite aratrum incedit;* & biblia Tygurina: *Et interiora eius ardent dolo.* Sunt qui lugubres vestes induti alios in mœrore positos deiectâ ceruice adeunt, tanquam eorum casus aduersos æquè ac ipsi doleant, & omnia viscera eorum tanquam perfusa gaudio rident, saluòq; in pectore ingens fallaciarum,

& fraudum ignis ardet, verum ita ardet, ut nullus se malitiæ, & imposturarum fumus per fenestras vultus effundat, qui tamen reconditissimam passionum index, & proclamator esse plerumq; solet.

Pater Cornelius à Lapide ait: *Palatium* (est ille doctus eiusdem libri interpret) *cenet Syracidem hac scripsisse in aula Prolomas regis Egypti, vel alterius Principis, ubi cum vidisset, ac notasset submissiones, adgeniculationes, & tam varios gestus, & laudum encomia, quibus præsentis regum gratiosi extolluntur, & contumelias, quæ in absentes ore pleno euomuntur, dicebat: O cor humanum! ô perplexum, & inextricabile labyrinthum! ô linguas! ô actiones! quis vos intelligat? Collinearitis, ut quidem videtur, in scopum laudum, & in vituperationes contumeliasque iacula vestra feruntur. Ad magnam vos sæpè compositis obseruantiam erga eos, quos fuisse commolitos, & exossatos, aut palo confixos videre malletis. Harum rerum exempla passim & in mundo videas, & in libris sacris, ac profanis reperias, quæ si huc adferre omnia velim, finem dicendi nullum faciam.*

Contentissimus iam dictis, quibus coranidis loco adiungam id, quod nostro Patriarcha cum rege Abimelech accidit. Monuimus supra, quòd Princeps ille Isaac proscriptum ab aula, & regione sua relegauit, cum dixit: *Recede à nobis, quia potentior factus es nobis valde;* Gen. 26. 16. Obtemperauit ille iussioni regis, mutansq; locum alium ex alio peruenit in Bersabee, ubi apparuit ei Dominus, qui illum consolatus præcepit magno animo ferre exilium, nec quicquam timere ob eam expulsionem, quem ipse benedicere, hoc est, magnum in modum locupletare, & brachij sui omnipotentia tutari, & auxilio suo roborare, & confirmare vellet. Factum est autem, ut illum post nonnullos dies inuisum veniret Abimelech cum magno auxiliorum, & procerum comitatu. Excipit Isaac regem, cateruamq; illius asperiusculè, his subacidis verbis eos appellans: *Quid sensitis ad me, hominem quem odistis, & expulsiis à vobis?* ibid. v. 27. At ij responderunt: *Vidimus tecum esse dominum, & idcirco nos diximus: Sic iuramentum inter nos, & in eamuis factus;* ibid. v. 28. vidimus quantis à Deo beneficijs affatim cumuleris, tantumque non obnuariis, eamque ob rem inuolabilis amicitia perpetuo nexu copulari tecum cupientes huc accessimus.

Verumne fuit, quod Abimelech, & gratiosi eius dicebant? An fortè aliud interior illorum animus reconditum seruabat? Et Abimelech regis visita-

tioni



tionem nonne plus malitiæ suberat, quàm præseferre-  
bat? Omnino ista officiosa, ut videbatur, conuentio  
recto plena erat dolo, ut inquit Philo Iudæus, & Pro-  
copius Gazæus: Quando *Abimelech cum suo comi-*  
*tatu egreditur ad Isaacum, magis speculandi animo*  
*id facit, quàm gratiâ pangendi fœderis, bello scilicet,*  
*paciq; paratus, bello, si Isaacum impotentiorum cerne-*  
*ret, paci, si deprehenderet potentiorum.* Simulavit  
amicum Abimelech, quando exploratorem egit.  
Venire visitatum pro obseruantia videbatur, reuerà  
autem *speculandi animo*, atque ut incommodaret, si  
occasio ferret, veniebat.

Omnia ea huc spectant, ut Politicus noster cau-  
rè, circumspiciendæque viuat, nec omni spiritui credat,  
nec se moueri quibuslibet verbis, fidisq; ad reue-  
rentiam gestibus, & consalutationibus, & visitatio-  
nibus sinat, neque exterioribus speciebus nimium  
fidat, officiosorum enim verborum mella multo fel-  
le mixta esse solent, & assentationis vagina gladium  
proditionis tegit, & sæpè qui deosculari velle manus  
tuas simulat, videre combustas mallet. Amare om-  
nes debemus, & tuto possumus, credere omnibus  
neque securum, neque commodum. Quis de rege  
cogitasset, quod tam fucato animo amicitiam depo-  
sueret? Si etiam in regibus sunt imposturae, & doli,  
quis aliorum non affluet malitia? Si ij, qui alienâ  
ope vix indigent, astu sese tegunt, ac vestiunt, quid  
non præstigiæ machinabuntur alij, qui humilio-  
re loco nati non tantam habent à suis natalibus in-  
genue agendi obligationem?

Pepigerunt ergo fœdus Isaac, & Abimelech, idq;  
iuramento, ut religiosus, ac pertinaciùs obseruare-  
tur, sanciuerunt. Sed hac in re monuit textus sa-  
cer, quod *surgentes mane iurauerunt sibi mutuo;*  
Genes. 26. 30. Sed cum eis Isaac apparasse conui-  
uium feratur, cur non secundum mensam, & à pocu-  
lis mox abierunt, ut se iuramento inuicem obstrin-  
gerent?

Respondet Nicolaus Lyranus, fecisse hoc *saluâ*  
*ieiuniâ, propter reuerentiam iuramenti.* Cum iura-  
mentum sit actus religionis, siue latræ, in quo De-  
us testis adhibetur, altissimi Domini suprema au-  
thoritas interponitur, nonnisi reuerentissimè fieri

debet. Vtinam hanc doctrinam omnes callerent, &  
fixam animo retinerent, quod si fieret, non tam  
prone, crebroq; huius miseri, & infelicitis sæculi  
homines iurando delinquerent, neque Deum, qui  
hoc indignissimè fert peccatum, tam grauitè offen-  
derent, & irriterent. Nam ut Alexander Imperator  
apud Christophorum de Salazar in illustrat. Fab.  
Piram. & Tisb. num. 94. ait, *iurandi contempta*  
*religiosa Deum & morem habet:* Cum enim in iu-  
ramento Deus accersatur testis, & immensa supre-  
mi Monarchæ auctoritas tanquam conscia veritatis  
adducatur, palàm est quod graues læsæ summæ ma-  
iestatis pœnas dabit, quisquis vel fidem, ut debet,  
non seruauerit, aut per contemptum, præcipitan-  
terq; & inconsideratè iurauerit. Eapropter sit  
attentus Politicus noster, ut videat, quomodo au-  
gustissimi illius imperatoris Dei altissimum nomen,  
quando iuramentum est editurus, assumat, ad cuius  
aspectum terra, cælum, ipsi etiam ardentissimi, &  
sublimissimi spiritus Angelici contremiscunt.

Sed iam tempus contrahendi vela dissertationis,  
& conuiescendi ab officio doctrinæ, & labore insti-  
tutionis. Politicum autem nostrum ad partem se-  
cundam remitto, quæ complectitur actus, & virtu-  
tes inclyti Patriarchæ Iacob, ubi ad lucem tam ma-  
gnæ, & præstantis sanctitatis Indiæ se nobis patefa-  
cient nouæ moralium, & vtilium documentorum  
ad meliorem diuinæ eruditionis directionem.

Prius tamen, quàm hinc abeat studiosus Politi-  
cus, ut leuior illi accidat lectiois labor, & impoli-  
torum discursuum meorum rudes lineas faciliùs  
percurrat, & respiret etiam nonnihil, ferculum illi  
vnicum solum apponam, sed tale, in quo summam  
omnis boni inueniat, & cibum, qui cælo, ac terrâ  
præster, cum sit ipse omnipotens omnia maximus  
Deus, qui testis speciebus panis, & vini hominum  
esui, & vsui exhibetur. Confirmet, corroboret, con-  
ducat tam sublimis Dominus timidam debilis cala-  
mi mei nauiculam, quæ se in medium alti ma-  
ris æstus conijcit, & profundissimam  
abyssum, immensumq; pelagus  
sulcare audeat.





# LIBER NONVS.

## CAPVT I.

### ACTVS SACRAMENTALIS FOELICISSIMA DECEPTIO.

A V T H O R  
DOCTOR ANGELICVS  
AMPLIFICATOR

*R<sup>m</sup>us D. P. Didacus Nissenus.*

PERSONÆ DRAMATIS  
ISAAC & REBECCA  
IACOB & ESAU.

**H**ic studiose Inscrubationis meae labor suo negotio, quomodo veri Christiani solent, defungatur, & sine concludatur Catholico, habeat sibi pro viatico cibum æternum, escam supersubstantialem, animarum antidotum, alimoniam salutis, bellaria immortalitatis, cordis roborationem, & confortium miseræ huius peregrinationis. Atque ut initium faciam dicendi de hoc viatico, quod per excellentiam mysterium fidei vocatur, eò quod sit omnium mysteriorum quædam velut summa & cõpendium, ab eo, quod postremum inelytus Patriarcha noster Isaac egisse memoratur, exordiar.

Narrat ergo facer Historicus, heroicum hunc progenitorem in tam longæuam, decrepitamque senectutem vixisse, vt lumen oculorum illum omne destituerit. Cum hanc ob causam inexorabilis Parca fatalem ictum, mortem, aio, vicinam opperiretur, aduocauit filium suum Esau, iussitque sumere instructam sagittis pharetram, peragrarè campos, syluasque, & indagare feras, & quidquid venatu acciperet, id in cibum aptare, quo illum libentiùs vesci nosset, tum in vicem expectare, benedictionem patris amplissimam, eiusdemque ad Deum preces supplices, quibus enixe obsecrare vellet, vt is plura etiam filio concederet, quam optare, & precari pater

ausus fuisset. Intellexit Rebecca, quid medicaretur Isaac, indicauit filio suo Iacob, ac videns opportunam sese offerre occasionem, quâ illud diuini oraculi pronuntiatum: *Maiores seruiet minori*, re ipsâ perfici posset, quoddam animi sui consilium cum Iacob communicauit. Iacob vt erat prudens, & sagax, ita non nihil tergiuersabatur, & obfisteat, mater verò, quæ filium suum augefcere vnicè cupiebat, & incrementorum illius audissima erat, diluebat, quotquot ille obiebat, difficultates, magnoque studio accurabat omnia, quæcunque ad perficiendum rem, quam moliebatur, spectare putabat. Esau valde hirsutus, ac villosus erat, talisque ab utero matris prodierat, Iacob econtrâ lenis, manibus teneris, & collo, totoque corpore mollicello, manus verò, collumque partes erant, ex quarum actu Isaac cernere animo poterat, quod videre oculis nequibat. Occurrit his incommodis argutula mater, inquiens, dum pelliculis modò hâdinis obuoluit manus, & colli nuda tegat, & vocem premat, submissusque loquatur, fieri posse, vt non tantum nihil finistrum pater suspicetur, verùm etiam ipsum esse Esau facile credat. Persuasit industria mater filio tam solerti suâ machinatione, qui omne illius consilium audacter, atque animosè in opus explicauit. Venit ergo ad patrem cæcû, à quo interrogatus, nû ipse ef-



set primogenitus Esau, respondit esse. Sciscitabatur iterum parens, quomodo intra pauculas horas & reperire feminam, & condire, & apparare eiui, & inferre mentis potuerit. Occurrit ille nouæ quæstioni dicens, exlo benè fauente factum, ut vixdum egresso velut in manus incidere, vnde patri grata fercula extemplo a tornaret. Nondum satis fidebat Isaac, prouocansque ad tactum manibus manus illius explorabundus palpabat, & subasperis, quales erant Esau, sentiens, aiebat: *Vox quidem, vox Iacob est, sed manus, manus sunt Esau*; Gen. 27. 22. Tunc iussit venerabilis senecio inferre cibos, cumq; pro necessitate comedisset, ac bibisset, persuasumque sibi haberet, esse illum suum primogenitum, qui victum tam & ludiosè parasset, & officiosè ministrasset, tenerimè eum complexus affectuosissimè osculabatur, fragrantiamque vestium hanc ad rem præparatarum olfaciens, aiebat: *Ecce odor filij mei, sicut odor agræ plent, cui benedixit Dominus. Det tibi Deus de rore calis, & de pinguedine terra abundantiam frumenti, & vini, & seruiant tibi populi, & adorent se tuis, esto Dominus fratrum tuorum, & incuruentur ante te filij matris tuæ, qui maledixerunt tibi, sit ille maledictus, & qui benedixerit tibi, benedictionibus repleatur.* ibid. v. 27. 28. 29. Hic finijt suam benedictionem, sanctus Patriarcha, à quo vixdum digressus fuerat Iacob verus primogenitus paternarum benedictionum, & legitimus hæres facultatum illius omnium, quando aduenit Esau, qui solum nomen primogeniti habebat, costosque de venatione inculit, & obtulit patri cibos, mutuam pro eis benedictionem efflagitans. Mitissimum seneculo accidit, quod supplices illi alius statim pro benedictione tenderet manus. Quare sciscitatus, quisnam ille esset, cum audisset, *Ego sum filius tuus primogenitus Esau, ex paupis stupore vehementi, & Elira à quam credi potest, admirans, ait: Quis igitur ille est, qui dudum captam venationem attulit tibi, & comedit ex omnibus priusquam tu Veneris?* ibid. v. 32. 33. Remedium infelicitatis tuæ nullum iam reliquum, Dei haud dubium providentiæ factum, ut à fratre tuo præoccupareris, benedixit, et, *& eris æternum benedictus.* Audiens ille constanter decrepiti patris sententiam, irruens clamore magno, ut famelicus in sylvis leo solet, cum prædam, quæ esuriem suam leuet, non reperit. Non desistit tamen à precando, sed maiorem in modum identidem rogauit, ut & ipsi benediceret. Qui ait: Venit frater tuus tuis vestibus, sed suis fraudibus etiam magis reclus, nomenque tuum mendicatus, & similitudinem simulans, tuam tibi sur-

ripuit benedictionem. Et ille: O quam aptè cadit in fraudulentum istum fratrem meum sua Iacobitis, hoc est, supplantatoris appellatio! *Supplantauit enim me en alter à vice, primogenita mea ante tulit, & nunc secundo surripuit benedictionem meam;* ibid. v. 36. At quanquam hæc ita sint, nonne & mihi referuisti benedictionem? Respondit miseratione commotus pater: *Dominum tuum illum constitui, & omnes fratres eius seruauit illius subiugauit, frumento & vino stabilui eum, & tibi posthac, fili mi, Elira quid faciam?* ibid. v. 37. Nihilominus tot lachrymas fertus Esau fudit, tam longa, ægraque suspiria traxit, tamque diu, ac vehementer ingemuit, ut demum emollescit animum patris, qui talibus verbis ei benè precatus fuit: *In pinguedine terra, & in rore calis desuper eris benedictus tua. Vives in gladis, & fratri tuo seruies; tempusq; veniet, cum excutias, & soluas iugum eius;* ibid. v. 39. 40. Sic ille abiit, sed animo tam irato, & percito, tantamque per liuida labia efflans rabiem, & despumans choleram, ut cum iuramento diceret, grauiter istam à fratre acceptam, grauiter vindicare ferro, ac flammâ velle iniuriam, quam primum è viuis abijisset pater, nec persequendi finem ante facere, quam illum exanimalem fecisset, tamen totus mundus repugnaret. Intellexit Rebecca sanguinarum barbari fratris consilium, & truculentum propositum, ac propterea suum Iacob hortata fuit, ut cederet furori, & cum patris sui benedictione in Mesopotamiam concederet, quod ut facilius persuaderet, multa ei suggessit. Hoc primum, quod tantisper absens rabidi Esau furorem declinaret. Alterum, quod non diuturnum futurum esset exilium. Tertium, ne exilium quidem fore, cum ad auunculi sui Laban conuictum pergeret, à quo amanter excipiendus, & dapiliter, honorificeque habendus esset, interim rediurum fratrem ad mentem pacatiorem, & æquiozem, sedandam illius iram, extinguendam rabiem, & tempus, quod rebus omnibus adferre remedium solet, curaturum omnia, denique optatum finem habitura, quæcumq; optimus pater extremum benedicens precatus esset. Placuit matris consilium filio, quæ & marito dicebat, toedere illam vitam suæ propter filias Heth, plurimisque mortes oppetere malle, quam Iacobem vel vni earum matrimonio iunctam videre. Hac industria rebus omnibus prudens matrona prospexit, nam & filij vitam sospitauit, & maritum permouit, ut filium volens, libens dimitteret, qui suâ absentia si non magnum lucrum faceret ingens tamen malum euaderet. Acquieuit itaque Isaac uxori, & eò filium ab-

legauit.



legauit, quò illam destinaret, eique & benedixit, & hoc simul grauissimè præcepit, ne quam Chanaanem coniugem vquam acciperet, quòd ex eiusmodi connubijs plurima, & maxima incommoda nasci solerent. Inijce viam Iacob solo benedictionis paternæ viatico instructus, nisi quod & gemmarum, quas mater in abeuntis filij collum vbertim efflebat, copiam non qualemcunque secum ferebat. Hic finis operum, quæ de Isaac quidem sacra historia narrat, qui tamen annos posthæc tres suprâ quadraginta vixerit, factum tamen vitæ illius sanctæ singulare aliquod nullum memoratur. Id solum de illo beatissimus Moyses refert, quòd ætatis suæ centesimo octuagesimo viuere inter mortales desijt, parentatq; illi permagnificè, ac sumptuosissimè à superstitibus filijs, Iacob & Esau, fuit.

Memorabilissima res est, occultissimèque, & reconditissimum sacramentum hæc furtiua, & mystica benedictionis surreptio, quam sancti Patres plurimum celebrarunt, & docti Expositores diligentissimè expendunt.

Quòd benedictio Isaac, quam filio suo Iacob impertijt, contineat mysticam, & viuam præfigurationem augustissimi, & diuinissimi sacramenti eucharistici (in quo sacrosanctus cibus, & potus speciebus panis, ac vini reclus exhibetur) id communis sententia Doctorum habet, in quibus sancti Hieronymus, Ambrosius, Augustinus, Gregorius, Beda, Isidorus, Damascenus, Chrysostomus, vtraque Glossa, Ioannes Cluniacensis, & Theodoretus, qui q. 81. in Genes. sic habet: *Fruuentum, & Vinum sunt assignata diuinorum mysteriorum.* Frumeti, seu panis, & vini affluentiam precatus est Isaac suo Iacob, ea verò elementa sunt repræsentationes mysteriorum sacrosancti sacrificij altaris.

Doctor Angelicus docet, totum illud mysterium, quod diximus, admirabiliter delineatum, ac viuè expressum fuisse in opere, progressu, & circumstantijs mysticæ illius benedictionis, quæ instar cuiusdâ Actus fuit, in quo Isaac, & Rebecca, Iacob, & Esau repræsentarunt, quidquid nos de illo maximo sacramento credimus, & sentimus. De hac re sanctus Thomas Opusc. 58. cap. 7. sic ait: *Sciendum quod in illa figura dominici corporis quatuor erant persona.* Prima Isaac corpus humanum cum suis sensibus, secunda Rebecca animam, tertia Iacob verum corpus Christi, quarta Esau substantiam panis significabat.

Tiulus huius Actus esse potest, FELICISSIMA DECEPTIO. In diuino enim hoc Sacramento sensus omnes, si vnum excipias auditus, falluntur:

*Nostri sensus pie sunt decepti, præter auditum, & sic fides ex auditu tantum, & non ex visu, & alijs sensibus, auditus autem per Verbum Christi, inquit iterum Doctor Angelicus.*

Quòd autem optimus Deus tales dolos adornat, sensusque nostros ad eum modum fallit, vt aliud odoratu, gustui, tactui, visui, offerat, aliud esui, & visui nostro exhibeat, hoc facit, vt immensum suum erga nos amorem talibus tam manifestis inditijs prodatur. Sic apud Oseam, cum animam quandam ex turbulentis seculi tumultibus, & strepitu solitudinum huius vitæ in solitudinem, vbi iucundam in amena quiete vitam ageret, transferre, mutuâque consuetudine cum illa sese oblectare suauiter vellet, inquit: *Ecce ego lactabo eam, & ducam eam in solitudinem, & loquar ad cor eius;* Ose. 2. 14. vbi boni Interpretes, Guadalupe, Castro, Sanchez, Ribera, Cornelius, aiunt, *lactare* idem esse, quod fallere, circumuenire, decipere, quod Castellani dicunt, *dar papillas*, siue exhibere papulas, & præbere vbera. Quod itaque Dominus apud Prophetam ait, *velle* illam lactare tantundem est, acsi diceret, *velle* eam vt in solitudinem secedat, circumuenire ad modum, quo ludificare nutritrix infantem, quem educandum suscepit, solet. Quot technis, & artibus vti nutritrix consuevit, vt lactentem suum ad medicinam, quam refutat, & horret, hauriendam adducat! Quam sagaciter illum circumscribit, vt potionem ore prompto admittat! Hæc fraus tam nihil habet vituperabile, aut damnable, vt etiam plurimum commendetur, & probetur. Itaque ex quadam iuris regula non omnis dolus malus, & improbandus, sed quidam etiam bonus est, qui laudem mereatur. Videre hoc licet, in illo vario astu, ac tam multis stratagematis militaribus, & machinationibus bellicis, quæ fallaciæ quidem sunt, at quò tamen subtiliores, & vtiliores, eò magis plausibiles, & laudabiles.

Hic ergo in altissimo hoc mysterio quatuor de quinque sensibus fraudem patiuntur. Purant oculi videre panem, & falluntur. Si gustus, si tactus, si olfactus sententiam requiras, omnes pariter contestantur, se quantum de rebus istis iudicare possunt, arbitrari nil nisi panem, & vinum esse, quod tangunt, gustant, odorantur. Verum auditus, qui melius doctus est, arguit illos, & in errore versari ait, quòd enim ijs speciebus tegitur, caro vera, & viuus ipsiusmet Dei sanguis est, de pane autem, & vino nihil reliquum, nisi eorum accidentia quæ corpori, & sanguini dominico pro velo sunt. Quænam autem felicitior, beatiorque deceptio esse potest, quàm eius, qui



qui cum palpare panem existimat, Deum intus abs-  
consum inuenit, & cum haurire vinum putat, colo-  
re, odore, saporeque eius opertum bibit sanguinem  
sui Creatoris? Fortunatus proinde est, quisquis ta-  
lem fraudem patitur, multoque amplius, quam ille,  
qui reisculum vitrum accepisse arbitrat, & ada-  
mantem inestimabilis pretij accepit, siue incompa-  
rabilem auri vim domi reperit, cum persuasum sibi  
haberet, vile æs, aut ferrum esse, quo donatus fuerat.

Dicere quis possit, videri hic expletum illud Isa-  
iæ cap. 6. v. 16. 17. *Scias quia ego Dominus saluans  
te. Pro are afferam aurum, & pro ferro afferam ar-  
gentum, &c.* Quam fortunati tali commutatione  
sunt sensus humani, qui absque omni sensu possunt,  
ac debent eam tolerare fraudem, quæ sit, ut accipiant  
aurum sacratissimi Corporis Christi, quando puta-  
bant solum æs panis materialis coram habere! Quæ  
maior illis beatitudo accidere, quæ fortuna arridere  
beneuolentior potest, quam quod pyropum sangui-  
nis dominici consequuntur, ubi durum vulgaris vi-  
ni ferrum accipere existimabant? Gratulentur pro-  
inde sibi mutuo sensus de tam felici deceptione, si-  
mulque & gratulentur, & gratias agant auditui, qui  
cum ipse sit recte de hoc mysterio eruditus, etiam  
ipsos monet, ac docet, summum bonum esse quod  
sub rudibus illis specierum cortinis occultum la-  
tet.

Merito ergo hic Actus à nobis appellatus est  
**FELICISSIMA DECEPTIO**, neque enim Deus si-  
milis est mundo, qui promittit aurum, & nequidem  
æs dat, pollicetur argentum, & vix ferrum præbet,  
propinat voluptates, & sunt amaritudines, offert  
calicem inauratum, sed potu non alio, quam vene-  
no mortifero confertum. Hic verò infelix, & perni-  
tiabilis est deceptio, ubi mors inuenitur, cum vita  
quæritur, petitur panis, & datur gladius, expetitur  
theriaca, & bibitur toxicum.

O quam miseror ærumnosa mortales, quibus  
cum malo dæmone, & mundo semper accidit, quale  
quid Iacobi cum Labano euenisse sacræ literæ pro-  
diderunt! Postquam ille socero suo septem ex or-  
dine annos sedulo, fideliterque seruierat, plurimum-  
que & defatigatus fuerat, & sudarat, & temporum  
iniurias graues, crebrasque tolerarat, iamque venu-  
tissimam, & ardentissimè expetitam Rachelem pro-  
nauata tam diu, ac diligenter opera, & pro omnibus  
exantlatis molestijs coniugem expectaret (quæ il-  
li ex stipulatione, & pacto inito pro septenni famu-  
latu debebatur) & tam dulci fructu amarissimorum  
laborum se fruiturum putaret, & *vespere*, Laban *sistam*

*suam Liam introduxit ad eum*, Gen. 29. 23. tenebra-  
rumque adminiculo ad suas officinas vsus, turpem,  
& quam parciore natura parum ornarat, formosissi-  
mæ, elegantissimæque Rachelis loco supposuit, qua-  
cum dum exegisse noctem Iacob existimauit, à de-  
formi deceptus fuit. Quid hæc sibi volunt? Quid  
boni nuclei moralis institutionis sub hoc cortice la-  
tet?

Benedictus Fernandus pius, ac grauis author in  
illud cap. 29. sect. 11. num. 4. ait, factum hoc in ty-  
pum cæcæ demonis, qui nobis aurum præcipit, & lucem  
præbet, margaritas aufert, & sordes ingerit. Huc  
omnia consilia, & studia inimici nostri mortalis va-  
dunt, ut quemadmodum Laban Iacobi pro Rachele  
pulchra lippam, hoc est, oculorum decentissimo or-  
natu ab iniquiore natura destitutam Liam dedit, sic  
ille nobis quicquid pretiosum adimat, & vilia red-  
dat, rigentes auro vestes detrahat, & rudes, lacerosque  
pannulos reponat, vitam auferat, inferat mortem.

Consequenter ad ista dicit Guiljelmus Ebroiden-  
sis in eorundem verborum expositione: Reuerà  
quotidie videmus, quod ille, qui seruit mundo,  
nunquam peruenit ad bonum, quod ab eo speratur,  
quinimmo communiter fit, ut cum mundus arri-  
dendo bona promittit, reddat mala. Ecce quomo-  
do mundi dilectores turpiter decipiuntur, idem me-  
rito possunt dicere illud Isaïæ 59. 9. *Expectaui lux-  
cem, & ecce tenebrae; splendorem, & in tenebris  
ambulauimus.* Hæc verò, hæc probrosa est, & da-  
monosa circumuentio, quando Rachel, siue magna  
voluptas, & prosperitas ab impolluto mundo pro-  
mittitur, & deformis Lia pauperiei, & infelicitatis  
datur.

Non sic æternitatis Princeps Deus. Piè ille nos  
deciuit, & quod nos circumscribit, id magno bono,  
& commodo, & incremento nostro fit. Quando e-  
nim manus panem palpare existimat, Carnem Filij  
Dei tractat, cumque vinum habere ob oculos putat,  
sanguinem sui Creatoris habere præsentem fides di-  
ctat. Expectabat tenebras, & ecce lucem, arbitra-  
batur esse carbonem, & offendit adamantes, pulue-  
rem existimabat, & fruitur auro. O felicem decepti-  
onem! ô gloriam hominis, qui tali domino seruit.

Repræsentat ergo Isaac corpus humanum, animam  
Rebecca. Et causa subest, cur in hoc actu vir perso-  
nam corporis agat, inquit Angelicus Doctor ubi su-  
pra: *Quia magis solet esse manifestus, & exteriori-  
bus plus intendit.* Vir, siue paterfamilias exteriora  
negotia cum priuata, cum publica curat: Ità cor-  
pus circa externos sensus occupatur. Rebecca ani-  
mam



nam refert, quæ est velut mulier: Quemadmodum enim in bene instituta domo, vbi iusta æconomix ratio habetur, mulier domestico exerceri labore, & necessitatibus familiæ intestinis prospicere, ac sub tecto morari debet, iuxta illud Prophetæ regij, *Vxor tua, sicut vitis abundans*, non ruri, aut in absti- tore vinea, sed *in lateribus*, in penetralibus domus *tuae*, Plal. 127. 3. Sic hominis Christiani anima hominem curare, moderari, regere debet interiorē, & rempublicam eius recte gubernare, & quietas ser- uare illius potentias, ac sensus pacatos.

Esau, quem Isaac, siue corpus amabat, (quid de venatione eius, cibisque comedeat,) repræsentat in hoc actu substantiam panis cum suis accidentibus, colore, sapore, quantitate, & cæteris. Ità sanctus Thomas iterum. Quàm sapienter sunt distributæ personæ! Quàm iusta amoris pondera, quibus in id quæque permouentur, quod diligunt! Isaac signifi- cans corpus, amabat Esau, qui panis figura erat; Rebecca personam agens animæ efflicim diligebat Iacob, qui Christum repræsentabat, corpus materi- atū panē prosequatur, anima spiritalis spiritali amore Christi tenebatur. Ita vero verius est, quod Spiritus S. ait Ecclesi. 13. 19. *Omne animal diligit simile sibi*; columba columbæ amat consortium, cū turtur turtur volat, sic & bestiis alijs nullus gravior, quàm brutorum sui generis conuictus, & homo iu- cundissimè cum ijs commoratur, cum quibus habet non naturam modò, verùm & patriam, & linguam vernaculam, & vitæ, officiorumque professionem communem.

Et morandum, inquit Doctor Angelicus, quod cum Isaac (qui repræsentat hominem exteriorem, siue sacerdotem sacrificaturum) benedixit Iacobi, (qui figura est corporis Christi, quod in hoc sacra- mento consecratur) non adest Esau ipse, qui panem significat, sed tantum similitudo quædam illius, pu- tà vestitus, odor, pelles, villus, quibus indutus fuit Iacob, & cibus, eiusque sapor, quibus ille vsus. Hic verò sensus omnes Isaac, præter vnum illius audi- tum, fuerunt delusi, cum enim Esau habere præsen- tem arbitraretur, sola illius vestimenta, fragrantia- que coram habuit, quibus tegebatur Iacob, qui so- lum exteriorem quandam speciem Esau referebat, & personatus tantum Esau; verus autem Iacob erat: *Ibi later Iacob & elatus, id est, Corpus Christi tectum*, inquit Magister sacri palatii Ecclesiæ. Idem in hoc augustissimo sacramento accidit. Putant oculi vide- re panem, & falluntur. Sic & gustus fallitur, quia panem existimat id, quod panem tantum sapit. Fal-

litur & odoratus, quia panem olfacere arbitrat, & non est ita. Solus non fuit deceptus auditus Isaac, nam quando dixit. *Vox quidem, vox Iacob*; tam non errauit, quàm propria illa Iacobi vox erat, quam audierat: *Nihil verius*, dicit sanctus Doctor, quàm quod tunc Isaac affirmavit. At cum ait: *Manus ve- rò, manus sunt Esau*; falsissimū dixit. *Similiter* si ego dicerem, *sacramentum, quod tango, substantia est panis, nihil falsius* dici posset, inquit diuinus Do- ctor, nihil magis repugnans fidei, & hæreticum. *Vox Christi dicentis est: Hoc est corpus meum. Nihil & e- rrus*. Post verba enim consecrationis, sola manent ibi vestimenta Esau, quæ repræsentat substantia panis, panis autem sola reliqua manent accidentia, o- dor videlicet, color, sapor, quantitas, & cætera, quæ pro stragulo sunt Domino supremo, qui sub illis oc- cultus latet. Hoc sentire, & confiteri debemus non de corporis modò, verùm & de sanguinis mysterio, vini enim substantia post consecrationem desinit ef- se, solaque relinquuntur illius accidentia. Qui con- trā ac hoc Actu repræsentatum, sentit, illum sacro- sacrosancta Tridentina Synodus fulmine anathema- tis ferit, & sacrum Inquisitionis tribunal, si con- tumax in errore persistet, pyræ impositum vindictibus flammis exurit, atque ab igne temporario in æter- num transmittit. Hoc itaque articulo subnixi prose- quamur capitula reliqua.

## CAPVT II.

*Vt cumulatorem ex hoc diuino sacramento fru- ctum referas, multum interest vt affectu ante præcipias, quàm accipias effectum.*

Acrosanctum Concilium Tridentinum, quod Stam sublimiter de hoc augustissimo, & diuinissi- mo Sacramento ex doctrina veterum Ecclesiæ Pa- trum loquitur, monet, docetque, tres esse illius su- mendendi modos. Sessione 13. cap. 8. de hac re sic ha- bet: *Quoad Esu autem rectè, & sapienter Patres nostri tres rationes hoc sanctum sacramentum accipi- endi distinxerunt. Quosdam enim docuerunt sacra- mentaliter duntaxat sumere, & peccatores; Alios tantum spiritaliter, qui voto illum caelestem panem edentes fide viuā, quæ per dilectionem operatur, fru- ctum eius; & Virginitatem sentiunt: Tertios porro sa- cramentaliter simul, & spiritaliter.* Ante omnia loquamur de suscipiendi modo secundo, vt dispicia- mus, quanti referat, Christum eo modo ante sume- re, vt ad inexplicabilem felicitatem eorum, qui ter- tio modo accipiunt, posthæc pertingamus.



Omnes promiscuè, communiterque patres, & magistri spirituales docent, plurimum referre; Dominum in hoc sacramento spiritualiter sumere, corporare, & sanguini eius voto, ac desiderio communicare, vt hac tam vtili præparatione ante exculti vberiore, auctioremque gratiæ fructum adipiscamur, quando verè, ac realiter cæleste hoc conuiuium adimus.

Vidimus iam suprâ, quod Patriarcha noster Isaac, postquam à rege Abimelech recessit, *rursùm fodit alios puteos, quos foderant serui patris sui Abraham, & quos, illo mortuo, olim obstruxerant Philisthim;* Gen. 26. 18.

Quæri potest, cur sanctus Patriarcha noster potius instaurare, & reficere patris sui puteos veteres voluerit, quàm effodere novos, cum terra illa, quod pono, fossioni tali commoda fuerit. Quid illum mouere potuerit, vt ad illos recurrere, quàm inquirere alios maluit?

Respondet Abulensis in cap. 26. Genes, veteres repurgare puteos maluisse, quod *terra illorum, quâ olim defossa fuerat, tenerior esset, & facilior, leniusque cederet ligoni, vt minore labore rursùm extrahi posset, quæ semel eruta fuerat, citiusque adeò inueniri aqua, prima enim fossio secundam faciliorem reddebat, humumque ipsam faciebat penetrabiliorem, & aptiorem renouationi.* Tale quidpiam in re præntem dicere possumus. Si quæramus, quomobrem nonnullorum ad has sacras epulâs adeuntium tam sit exigua deuotio, tam rarus fletus, tam modica cordis teneritudo, cum alij hunc diuinissimum cibum cum gembundis suspirijs, cum flagrantibus affectibus, & magna lachrymarû exundantia, & ardentissima charitate accipiant: Ea proxima occurrit respôso, quod vt Isaac prudenter ratus fuit, ibi facilius fodi posse puteos, & reperiri aquâ, vbi semel effossi putei, & nouæ fossioni terra per veterè fuerat aprata; sic eos, qui ante spiritualiter cõmunicantes, altâ cõsideratione perpenderunt, quàm sit ingens beneficiû, quàm incomparabilis gratia, quod Deus seipsum alimoniam animarum facit, & comedendum præbet, taliumque meditationum ligone terram cordis sui prius semel, iterumque foderunt, promptas (cum sacram synaxin re ipsâ adeunt) reperire lachrymas, paratiorem inuenire deuotionem, tenerius affici animo, vehementius inardescere affectibus, inflammari charitate; & toto flagrare pectore: *Quod terra illorum puteorum, quâ olim defossa fuerat, tenerior esset, & facilior.* Spiritualis nimirum horum diuinorum mysteriorum præceptio plurimum huc con-

ducit, vt nobis comparemus eam animi tenebrositatem, quam actualis perceptio effugiat.

Huc respiciebat sanctus Gregorius Nyssenus in Orat. aduersus eos, qui differunt baptismum, quando aiebat: *Desideracibum, qui confirmat animam.* Si cupis abundantiores fructus, diuitiarum spiritualium copias maiores, & locupletiores thesauros ex hoc supero epulo referre, quod magni animabus robur addit, auidè illud ante concupisce, desiderio, & affectu præsume, & toto spiritu te ad sacram cœnam præpara, sic enim fiet, vt cor affectuoso illo desiderio leuiter ambustum facilius affectu ignis diuini amore, quandocumque cibum illum cælestem opere acceperis. Tu igitur, qui magnam inde utilitatem expectas, & ex illa diuinissima esca plurimum crescere, & proficere cupis, *desidera* eam, præmande spiritu, præsume auiditate, præcipe affectu, & ardentem, anxietate ante suspira, quàm suscipias, & videbis quantos fructus cumulabis, quàmque ingentes thesauros in ærarium animæ tuæ comportabis.

Quando Dominus voluit tribus illis regibus Magis sese manifestare, stellâ, quod ex sancto Euangelista Matthæo nouimus, ad eam rem vsus fuit, quod ipsi confessi dixerunt: *Vidimus stellam eius in Oriente, & Venimus;* Matth. 2. v. 2. Christus est sol iustitiæ, quo nomine illum diu ante, quàm natus esset, donârât Propheta Malachias cap. 2. ver. 2. dicens: *Orietur solus iumentibus nomen meum iustitia, & sanitas in pennis,* hoc est, radijs eius. Quàm pulchrè, & opportunè de his sanctissimis regibus canit Ecclesia in hymno Vesperarum Epiphaniæ: *Lumen requirunt lumine, Deum fatentur munere.* Quod autem lumine lumen requisierunt, hæc illis diligentia tam prosperè cecidit, vt à præuixæ stellæ luce ad ipsi Solem felicissimo itinere sint perlati. Sic enim habes apud eundem Euangelistam ibid. v. 11. *Et inuenerunt puerum cum Maria matre eius, & prociudentes adorauerunt eum.* Solem in fulgentissima sphæra beatissimorum brachiorû Virginis omnium sanctissimæ, & intaminatissimæ repererunt, hominemque, regemque, Deumque illum salutarunt, & toto corpore terræ affusi venerati sunt. Nam vt erant astrologiæ admodum periti, sic in stella nulli eatenus visa, in corpore tam nouo, & admirabili videre sibi videbantur, quantus rex esset, à quo vocabantur, qui tam illustrem famulum viæ ducem ad eos accersendos misisset. Propterea dicit Ecclesia in Officio festi Epiphaniæ illos apud se tale quid definiisse: *Hoc signum magni regis est;* velut dixissent: Qui talem tam subito facere ministrum nouit, ille haud dubium



bium potentissimus rex est. Qui sic exemplū, ac derepente tam raram, splendidamque, & prodigiosam stellam conficit, nā ille sol est rarus, & exquisitus. Primæ lucis, & stellæ diligens consideratio præparatio quædam illis fuit ad reperiendum facilius solem, sicque res illorum felicem consecuta est finē, Solem enim, & Lunam, & cælum totum abbreviatum in stabulo, & præsepi inuenerunt: *Lumen requirunt lumine.*

Faciat tantundem noster Politicus, & videbit quā prosperè illi suum studium succedet. Ad lucem spiritualis communionis quærat communionem sacramentalem, disponatque se ad hunc modum per exercitationem minoris ad summam maioris, experimentoque discet, quantum lucris ex eiusmodi præparatione capiet. Pulchrè sese aptat, & tutissimā viā pergit, qui per communionem spiritualem ad sacramentalem pergit. Stellam ergo pij affectus ducem sequatur, & sic feliciter inueniet Solem non iam cunis, sed quondam in Bethlehem, inclusum, sed accidentibus panis contactum.

Crebræ rixæ, & animorum dissidia plurima, & grauiā coarctabantur inter pastores Loth, & Abraham. Ne ergo inualesceret incensum, & damnum incrementaumeret, ac si multas ex diuturnitate, & continuatione vires contraheret maiores, cedere Abraham à nepote decreuit. Discessit itaque, ac non diu post illud diuortium apparuit ei Dominus, iussuque attollere oculos, & in omnes mundi partes circumferre, aquilonemque, & meridiem, orientem, & occidentem spectare, idque hanc ob causam, quod ipsi, posterisque eius dono sempiterno dare vellent, quidquid illa terrarum, ac regionum vlturpare oculis posset. Cum hæc dixisset Dominus, addidit: *Surge, ac perambula terram in longitudine, & latitudine sua, quia tibi daturus sum eam*; Genes. 13. 17.

Sanctus Ioannes Chrysostomus quærit, cur Dominus voluerit, ut seruus illius Abraham terram non solum pedibus peragraret, sed etiam emissis oculis obiret, circumspiceret, perque videret, antequam illius possessionem, & dominium susceperet. Videtur enim Dominus hoc omnino, ac singulariter voluisse, ut prius totam circumficeret, & peruaderet terram, amplitudinemque eius, & longitudinem, & situm, & quæ sunt talia, studiosè consideraret, ac diligenter expenderet, quā illam dono acciperet: *Surge, & perambula terram, quam daturus sum tibi.*

Respondet Chrysostomus homel. 37. in Genesim, tale quiddam esse, quod Dominus dixit: *Surge, & circumspice, & discite tam latitudinem, quā longitudi-*

*nem, & scire possis & magnitudinem terræ, quā fructurus es, & antequam fruamur, spe pastus, magnam inde animi solutatem haurias.*

Notate in his illa postrema: *Spe pastus.* Voluit Dominus, ut Abraham totam terram, quantaque illa, & qualis esset, oculis, atque animo arbitraretur, ut cum hæc explorata haberet, certā illius expectatione sese pasceret, & oblectaret. Et reuerā facile est diuinare, vehementer gauisum, & incredibili iucunditate, perfusum fuisse sanctum Abraham, quando totam gradatim, ac minutatim contemplatus terram, vidit, quā longè, latèque pateret, quā fertiles essent ad fructum agri, quā concionē ad omnem animorum voluptatem, & oculorum gratiam, amoenitatemque composita omnia, & quæ procul, & quæ propius aberant. Neque dubito, quin ex hac consideratione vehementer affectus animo, eleuatus in cælum oculis pietissimo, & munificentissimo benefactori gratias egerit immortales pro tanto tam vastæ, locupletis, & opulentiæ possessionis beneficio, quod neque ipse promeritus inquam fuisset, neque promereri posterum aliquando posset.

Hoc ipsum facere Politicus noster debet, antequam in possessionem veniat promissæ terræ celestis, quæ lacte, & melle plurimarum gratiarum semper manat, vimque fructuum inexplicabilem producit. *Surge, itaque, Politice, & perambula terram in longitudine, & latitudine sua,* totaque animi, & cogitationum intentione meditare, quā sit copiosa, & opima terra, quæ tuis vltibus non iam promittitur, sed permittitur, quā lautus cibus, qui apponitur, quā ingens beneficium, quod exhibetur, quā insignita gratia, quæ præstatur, cum ad Angelorum tam dapilem mensam vilis, foedus, putidulus vermiculus admittitur, & ad cænam sui Creatoris creatura tam abiecta, & humilis à Conditore ipso inuitatur, *Et antequam fruamur desiderio pastus,* talibusque commentationibus accensus submittas te, & ad maleactæ vitæ penitentiam, deestationemque, exstimules, & animam studiosè ornes, atque emacules, ut decenter excultus, tam festiuis nuptijs, tam regiarum cænarum, tam sumptuoso epulo inferre te ausis.

Quis non admiretur, & prorsum obtupefeat, cum secum reputat illa tam varia probra, ludibria, conuitia, verborum, verberumque tormenta, quibus innocentissimum Agnum per omne amaræ illius passionis tempus immanes, blasphemi, sacrilegi Iudæi vexarunt, & excruciarunt? In quem alium furor, ac rabies atrocius aliquando ferocij, ac desecruij? Capiebatur, vinciebatur, trahebatur, à tribu-

nali



nali alio in aliud raptabatur, tunicâ vetere, ac lacerâ induebatur, arundo ei in manus dabatur, oculi illius velabantur, caput spinis coronabatur, irrisoriè adorabatur, crudelissimè flagellabatur, humeri eius crasso, & intolerabili ligno prægrauabantur, pœnalissimèque, & ignominiosissimè infami crucis stipiti affigebatur, à morte etiam lanceâ configebatur, & alijs mille impropertijs dehonestabatur, quæ commemorare dolor, & fletus non permittit. Quis infernales illos apparitores ea nunquàm audita, nulli ante cogitata cruciatuum, & probrorum genera docuit? Quomodo illa hominum flagitia, illi catodæmonis truces satellites tam miserandam, longamque tragediam intrâ tempus tam breue adornare potuerunt? Quomodo tam citò ad actus illos perficiendos sese comparauêre? Qua in schola tam sacrilegam doctrinam hauserunt?

Occurrit quæstioni S. Laurentius Iustinianus Patriarcha Venetorum de triumphali Christi agone c. 10. sect. 4. dicens: *Plusquàm triennio sistierant, quod tunc illis permittebatur impleri, quamobrem eos noua irrisorum genera contra Dominum meditato esse indubium est.* Annos tres, ac supra inter necino aduersus Christum Pharisei flagrabant odio, cui cum tam diu satisfacere illatâ Christo morte non valerent, varios interim comminiscabantur, & excogitabant modos, quibus illum deludere, malè habere, dehonestare, excarnificare, cum occasio ferret, possent, nam si illius necem, simulac animo expetebant, opere perficere potuissent, concurrissentque desiderium, & executio, quomodo in tam exiguo tempore tam varias adornare ludificandi rationes, tam multa machinari, & instruere suppliciorum genera potuissent.

Notate mihi illa verba: *Plusquàm triennio sistierant*, & immaculati sanguinem auidissimè, ardentissimèque expetierant illi blasphemorum consceleratissimi Iudæi. Qui tantum temporis huius rei meditationi dederunt, quid mirum quoddam nouos modos, & inaudita ignominiarum, tormentorumque genera adinuenerunt? Diuturna commentatio talia excogitauit, quæ nunquàm reperissent Pharisei, si Christum trucidare simul ac voluerunt, valuissent, parque voluntati eorum facultas fuisset. Quid causæ, quoddam quidam, cum hoc Sacramentum adeunt, tam ardentè illud suscipiunt, tantoque inflammantur Dei amore, ac tam varias virtutes, quibus operam dare velint, sibi proponunt? Ad hæc possumus respondere: *Quia ante sistierant*, quia communione spiritali se disposuerant, & longâ feruentique

consideratione sese ad tanti hospitis susceptionem comparabant. Et quoniam, quanta cibi illius dignitas, & præstantia esset, quàm immensum beneficium, quàm ingens & sublimis gratia ad illam mensam admitti, diu ac multum prius expenderant, hinc fit quoddam compungantur animis, quoddam illachryment, & leuissimas imperfectiones grauiter doleant, & tam serijs propositis se ad vitæ emendationem obstriment, & variarum virtutum exercitationi toto pectore addicant. Nihil tale consequuntur, qui ab eiusmodi cogitationibus imparati, nec piâ meditatione aliquâ satis præmuniti ad sacrosanctam, & tremendam mensam accedunt. Id ex effectibus, qui ex communione vtrorumque consequuntur, elucet.

Multa dona, vina in his varia, quidam suo familiari mittebat. Cui vina perferebantur, ille ut amicum suum à talibus muneribus mittendis dehortaretur, hoc ad illum distichon, quod ab Hispani nostri Martialis officina prodijisse videtur, dabat:

*Mittis Vina mihi, mihi Pamphile Vina supersunt.  
Vis mage quod placeat mittere, mitte sitim.*

Quàm præclare dictum, *Vis mage quod placeat mittere, mitte sitim!* Quàm iucundè ac voluptuosè hauritur, quàm blandè ingreditur, quàm salutariter accipitur potus, qui cum siti bibitur! Absque illa etiam nectar acet, & mel amarum est. Quod autem ille suum amicum orabat, hoc Politicus nosler Deum, à quo suæ carnis, & sanguinis alimonia pascitur, enixè, constanterque obtestari debet, ac rogare, ut qui tam opiparam ipsi mensam instruit, ambrosiamque sui corporis, & sanguinis nectar apponit, etiam famem, ac sitim tantæ annonæ, tam cœlestis cibi, & liquoris submittat, ut ad emolumentum animæ cedant illæ epulæ, ut ex vitæ moribus eluceat, quantum eiusmodi lauitiarum vsu profecerit. Sed quomodo fiet, ut dulcissimus hic Dominus illam nobis tam necessariam, ac momentosam famem, sitimque tribuat? Si spiritali communione ad sacramentalem nos præparauerimus, & præmunierimus ad illud tam ineffabile bonum. *Ferrum enim*, ut Sanctus Ioannes Chrysostomus habet Orat. de Sygill. Tom. 5. *ferro acuitur*: Sic communio spiritalis acuit, ut sic dicam, animam, præparatque ad veram, & realem communionem. Communio spiritalis excitat famem, ac sitim tam grati cibi, tam suavis potus: Ità fit, ut qui post spiritalis communionis usum ad esum corporis Dominici, & mensam Christi augustissimam accedit, cum voluptate, cum lachrymis, cum affectum teneritudine, & dulcedine,



CAPVT III.

ne, cumque ingenti cordis deuotione, & ardentibus  
suspitijs comedat, & bibat.

Quæ si non ita haberent, quamobrem diuinus,  
& cœlestis Magister paulo ante, quam augustissi-  
mum hoc Sacramentum instituerat, dixisset: *Desi-  
derio desiderans hoc pascha manducare Gobiſcum?* Lu-  
cæ 22. 15. Quod hic de sublimi altaris Sacramento  
præcipue locutus fuerit Dominus, id perspicuum  
est, & minimè dubium. Cur verò ait, tam auidè, &  
anxiè concupiuisse & seipsum suis manibus sumere,  
& sumendum Discipulis præbere?

Respondet Sanctus Laurentius Iustinianus vbi  
suprà c. 2. sect. 3. *Vi ignem igne, desiderium desiderio,  
& amorem excitaret amore, inquit, desiderio deside-  
rans hoc pascha manducare Gobiſcum.* Tradidit eâ re  
nobis doctrinam, quam obseruare debeamus, qui-  
cunq; optatum ex tam diuino Sacramento fructum  
referre cupimus. Documentum autem tale est, vt  
priusquam Sacramentum ipsum suscipimus, com-  
munionem communionem anteuertamus, sacramen-  
talem dico spirituali, vt enim ignis igne inardescit,  
& ferrum ferro, & adamante adamas acuitur, sic vna  
communio gradus est ad aliam, priore namque per-  
politur, & præparatur anima ad posteriorem.

Tam verò est necessaria ea diligentia, tam mo-  
mentosum talis præparationis studium, vt magnus  
Venetorum protopatriarcha ibid. c. 4. sect. 8. dicat:  
*Sacramentalis susceptio sine spirituali aut obesse, aut  
parum prodesse censenda est, vtraque verò simul facta  
aduale in presenti gratiam, & in futuro locupletem  
tribuit beatitudinis gloriam.* Qui ergo tepido, re-  
misso, languido, nauseabundo est spiritu, is illam  
excitare, inflammare, & excitulare curet commu-  
nionem spirituali, expensione tam insigniti beneficij,  
consideratione tam ineffabilis gratiæ, quâ Dominus  
homini largitur, quod supremo Seraphino non con-  
cedit, & hac potissimum cogitatione, quod ad men-  
sam illius sedebit, quem Angeli vident, & reueren-  
ter adorant, & homines cum voluptate comedunt,  
quodq; ipsi à summo Deo sanguis illius pretiosissi-  
mus, & diuinissimus propinatur. His alijsq; medi-  
tationibus, quas Dominus suggeret, libri ministrabunt,  
sacri Ecclesiastæ docebunt, aut ipse suo studio  
sibi Politicus noster comparabit, seipsum accendit,  
excitabitque, vt Dominum dominorum, & Regem  
regum dignè suscipiat, & cibus ille cœlestis ad vtili-  
tatem ipsius cedat, ipse autem à mensa recedat sic  
viribus auctus, sic animo roboratus, vt animæ suæ  
inimicos deiicere, & passiones suas, quibus nullus  
est perniciosior hostis, subigere queat.

Tom. III.

*Tam purus, mundus, lautus, perpolitusq; homo  
ad augustissimi Eucharistici cibi sumptionem, si fieri  
posset, accedere deberet, ac si iam iam baptizatus  
esset.*

**D**E ijs, qui spiritualiter, & sacramentaliter pa-  
nem Angelorum ebant, atq; ex illo incremen-  
tum gratiæ faciunt, cuius rei causâ admirabile hoc  
Sacramentum institutum fuit, sic ait Concilium  
Tridentinum superiore c. citatum: *Hi autem sunt,  
qui ita se prius probant, & instruunt, & vestem nu-  
ptialem induit ad diuinam hanc mensam accedant.*  
Est quod hic plurimum notes, & totâ mente dili-  
gentissimè, atque attentissimè aduertas. Quisquis  
hac in re illud solum expendit, quod totius maiesta-  
tis Deus, Rex regum, & Dominus dominantium est  
ille, quem recipit, quomodo potest facere, quin figat  
gradum, altiusque indaget, quanta huc exigatur  
mundities, quo studio excolendum hospitium ani-  
mæ, cuius tecto excipendus supremus Rex, & be-  
nefactor? Exaggerari verbis satis non potest puri-  
tas, quâ nitescere, & splendere debet domus, cui ho-  
spes veniet summus Deus.

Verùm dicamus vel aliquid, qui dicere totum non  
possumus. Volo autem à quibusdam magni illius  
Hebræorum Platonis, Philonis Iudæi, inquam, ver-  
bis ordiri, quibus aptius in rem præsentem deside-  
rare nihil possis. Dubitationem mouit Philo de  
re, quæ nunc dubia nulli esse potest (nisi quod bene-  
ficij magnitudo tanta est, vt locum facere dubitatio-  
ni, neque exiguum, videatur) estque talis: Si supre-  
mus Dominus è cœlo inde huc descenderet, si suâ  
benignitate ita vteretur, seque ab immenso amore  
sic rapi permetteret, vt humani cordis gurgustium  
inire hospes vellet, quo apparatu adornandum foret  
hospitium, quo cultu exornandum diuersorium,  
quâ magnificentia instruenda domus? Respondet  
Philo, id æstimari vtrunque posse à cura, sollicitudi-  
ne, impendijs, quibus curari, omniq; ex parte per-  
poliri solent ædes, quibus rex quispiam terrenus  
excipitur. Nam cum nihil præerematur, quod ad  
elegantiam facere potest domus, quam rex mortalis  
ingreditur, quanto studio accurranda, & venustan-  
da ea fuerit anima, ad quam Rex regum, & Domi-  
nus dominantium intrat, cuius tanta est maiestas,  
& dignitas, vt maiestas, & dignitas, & magnitudo  
alia quæuis velut sterces sit, aut si quid vilius, vel  
abiectius, si cum illa componatur?

Ggg

Audia.



Audiamus Philonem, cuius hæc sunt ex lib. de Cherub. *Si quoties reges excipiendi sunt, magnificentiis excolimus ades proprias, nihil negligendo, quod ad ornatum pertineat, ut hospitium quam iucundissimum respondeat dignitati hostitis, Regi regum, & huius vniuersi mundi Rectori, comitatus atque humanitatis causâ dignato suam creaturam inuisere, à summo cælo ad terram, & generi humano beneficia sua conferret, digressio, qualem tandem domum oportet instrui?* Hæc Philo dixit, illud tantum secum reputans, quod Deus facere posset, si ab immensa sua bonitate huc in terras à cælis abduci sineret. Quid dixisset, si agnouisset, & vidisset, quod fieri posset credebatur, nos autem reuera factum, & persæpe etiamnum fieri certâ fide tenemus? Creberrimè namque, atque in dies singulos in humanorum cordium domus Dei summi Filius summus & ipse Deus descendit. Quâ ergo munditie, quâ puritate, quo ornamentorum apparatu opus non est, ut ille immensus, & supremus Dominus honorificè, ac decenter suscipiatur?

Ingrediebantur sancti Angeli nefandam Sodomorum ciuitatem per eam portam, in qua tunc Loth Patriarcha sedebat. Qui cum vidisset eos, mox surgens iuit obuiam introeuntibus, adorantibus; pronus in terram, quâ maximâ poterat demissione, & contentione rogabat, domum eius hospites inirent, illam supellectilis quidem, rerumque aliarum inopem, affectu tamen diuitem, & pronâ ipsos laudè, opiparèque refocillandi voluntate copiosam, ac locupletem. Responderunt huiusmodi officiosa hospitalitatis humanissimæ inuitationi cælestes peregrini: *Minimè, sed in platea manebimus*; Genes. 19. 2. Permirum cuiq; videri potest, quodd diuini viatores (ijq; cælorum ephebi aulici ad omnem vrbaneitatem ficti, formatiq;) tam morosos, tertricos, dedignabundosq; se exhibuerunt sancto Loth, precesque illius quàm supplices, tam comes, verbo austero, ac subacido respuerunt, dicentes *minimè* velle quod ille obsecrabat, qui tamen Abrahæ tam facile concesserunt, ut ad eius tabernaculum, mensamq; verbulo penè vnico pertrahi ab illo fuerint. Quid ergo voluerunt dicere Angeli, quando à sancto Loth inuitati, responderunt, *minimè* velle illius subire rectum, aut pedem inferre domicilio?

Respondet Angelicus Doctor, dicere voluisse: *Minimè, supple, nisi nos amplius compellas, non enim erat dignus eos accipere, & habere, nisi tanta esset eius charitas, quod compelleret eos.* Iterum, iterumq; rogari etiam volebant, & pertinaci precandi con-

tentione cogi ad suscipiendum hospitalitatis obsequium, nec enim merebatur tantos domo excipere hospites, nisi eam vim illis charitas afferret, quæ intro adigeret.

*Non enim dignus erat*, inquit magister Angelicus. Quamobrem non erat dignus? Si non satis reuerenter accessisset, si parum vrbane, si non assurrexisset aduenientibus, si illos pro hospitij gratia supplices expectasset, videtur dici posse, agresti suâ inhumanitate commeruisse, ne cælestes illos exciperet domo suâ hospites. At scimus omnino contrâ fecisse, ac vix oculis vsurpasse peregrinos, quando è sede sua exiliens in occursum illorum ruit, affususq; terræ humillimè illos obtestatus fuit, domus suæ hospitium ut dignanter admitterent: *Surrexit, & iuit obuiam eis, adorauitque pronus in terram*; ibid. v. 1. Et qui tam reuerenter venientes de via deueneratus fuit, qui rectum, qui mensam, qui humanitatis, & hospitalitatis officia omnia tam liberaliter, honorificèque offerebat, ille nihilominus tales non merebatur excipere hospites? Immò ille tam humilis, tam feruens, tam vrbane, percomis, & perofficiosus, ille *non erat dignus eos accipere*, inquit Angelicus Doctor, itaque necessum fuit, ut vi, & contentione, & pertinaciâ charitatis Angelos excipiendi meritum sibi compararet.

At si sanctus Loth post tam demissam humilitatem, post tam comem vrbaneitatem, post tam promptam, officiosam, liberalem hospitalitatem indignus est, cuius domum hospites inean Angeli, quantus amor, quanta charitas, quanta vitæ mundities, quanta puritas animæ requiretur, ut cordium nostrorum domicilijs excipiamus, non Angelos, sed Angelorum immensum Dominum, cui comparati Angeli sunt velut obscuræ quædam vmbre, & caliginosæ tenebræ?

Dictum aliquid à S. Petro Chrysologo, quod plurimam meretur considerationem, & causam, quam tractamus, valde, validèque confirmabit. S. Lucas Euangelista refert, delegatum à supremo luminum Patre oratorem ad sacrosanctam Virginem cælorum Reginam, priusquam in Virginei uteri illius hospitium Verbum æternum descenderet, ut illi Dei hac de re consilium exponeret: *Missus est Angelus Gabriel à Deo ad Virginem desponsatam viro, cui nomen erat Ioseph*; Lucæ 1. 26. 27.

Hæc Chrysologi consideratio in eo, quod Euangelista dicendum putauit, cælestem nuntium, & sacrum paranymphum destinatum fuisse ad Virginem iam desponsam quidam Iosephi viro, & viro tam

probo,



probo, atque integro, ut illum primum in sanctis numerauerit euangelium, de quo S. Matthæus c. 1. v. 19. *Ioseph autem cum esset iustus.* Quid sibi vult, quod hoc in sua narratione specialiter exprimum beatus Lucas putauit, quod Virgo Domina nostra desponsa Iosephi erat, cum Dei mater mox futura? Videtur enim ad rem nihil facere, illam commemorasse circumstantiam.

Respondet S. Archiepiscopus serm. 140. *Perveniat ad Sponsam festinus Interpres. Et à Dei Sponsa humana desponsationis arceat, & suspendat affectum.*

Cum hæc verba audio, non possum, quin cum quodam docto moderno (quem cum vti eruditum, venerer, vti studiorum olim collegam etiam diligo, & amo) exclamem: *Pro Deum immortalis! Affectus ille puritate redundans in eum sanctum, atque perfectum arcendus? Suspendendus? Quid purius, quid honestius Dei Genitricis amore in beatum Ioseph charissimum Sponsum?* Hæc P. Escobar lib. 3. de Eucharist. sect. 5. annot. 4. num. 37. Quid verò est, quod sacer Ravennatum archiantistes dicit? Missus est, inquit ad Virginem, cum iam iam Dei filium intra uterum suum conceptura esset, quidam è cælis Angelus, ut omnem ei humani coniugij affectum, memoriamque adimeret: *Ut à Dei Sponsa humana desponsationis arceat, & suspendat affectum.* Potestne fingi etiam coniugium magis intaminatum, magis cæleste, magis ab omni carnali affectu alienum, quam Mariæ, & Iosephi? Quinam Angeli, quinam Seraphim magis puri, quam sacratissima Virgo, & integerimus illius Sponsus? Quid ergo hic erat, quod arceri, quod suspendi posset, ut non dicam, necessum esset? Quid Sponsi recordatio afferre impedimenti poterat descensui Verbi diuini in alium Virginis? Quid opus erat talem taliter detergere domum, ut ad eam Deus è cælo diuenteret? Quam obrem tanto studio exoccupandæ ab omni re aliæ ædes? Haud dubitare velim, id factum, ut admoneretur puritatis, & munditiei singularis, quæ nitere animæ nostræ debent, ut Deum in sacramento hospitium excipiant. Nam si Mariæ, cuius tam munda erat domus, cuius viscera Solem puritate, candore niuem superabant, quæ Dei Verbo hospitium intra uterum suum exhibitura erat, impedimentum qualecunque afferre posse videbatur sua desponsatio, non quia non sanctissimum, & cæleste erat connubium, quod mox ineundum, sed quod carnem, & sanguinem olere videbatur (tamen illa viscerum, & animæ puritas ad incarnationem Dei absolutè non requireretur, qualemcunque enim carnem vestijf-

set, quantivis peccatis, & flagitijs contaminatam, prorsum emaculasset, sanctificassetque, mox ut eam sibi hyposthatice coniunxisset, quod enim carnem tam integram, & inuiolatam, sanguinemque tam mundum huc delegit, hoc solum fecit, quod magis ita deceret) quæ mundities, quis nitor, quis virtutum apparatus, & ornatus exigeretur, ut dignè suscipias Dominum, ad quem dignè suscipiendum tam necessum est gratiâ, & quæ ex illa nascitur, puritate esse instructum, ut qui ea carens mensam dominicam adit, iudicium sibi damnationis æternæ manducet, & bibat?

Commodum huic rei venit, quod in Carmentæ larario, seu fano seuerè obseruatum ingeniosissimus Pœtarum Ouidius lib. 1. Fastor. his versibus canit:

*Scortea non illi fas est inferre sacello.*

*Ne violent puros exanimata focos.*

Inuiolabili Veterum lege sancitum erat, ne quid coriaceum, ne qua mortuo animali detracta pellis inferretur in sacellum Carmentæ deæ consecratum. Hoc enim significat vocabulum, *scorteus*, quod nobilis eques D. Carolus Neapolitanus in anaptyx. ad lib. 1. Fastor. Ouidij num. 260. ex Varone probat, verè princeps studiosæ iuuentutis laureatus, qui in primæuo ætatis suæ flore tam doctè, atque eruditè ad summam nationum omnium admirationem commentarijs illustrauit Fastos Ouidianos. Varronem audiamus. *Nunc dicimus scortea ea, quæ ex corio, & pellibus sunt facta. Inde in aliquot sacris, ac sacellis scriptum habemus ne quid scorteam adhibeatur, idè ne morticinum quid adsit.* Hoc autem tam religiose, superstitiosè verius dixerò, tunc obseruabatur à cæca illa Gentilitate, ut Festus affirmet, ipsis etiam flaminibus interdictum fuisse calceare corium mortuis animalibus detractum. Qua de re ille apud Carolum vbi suprâ ista: *Mortua pecudis corio calceos, aut soleas fieri flaminibus nefas habetur, sed aut occisa aliqui, aut immolata, quoniam suâ morte extincta omnia funesta sunt.* Et Seruius apud eundem: *Sanè flaminibus non licebat neque calceos, neque soleas mortuinas habere.* O magnâ Gentiliû in superstitiosis ritibus, & falsis cæremonijs attentionem, & cautellâ!

Quo nomine donat Catholicos Doctor gentium? Nonne templa vocat, & sacella Summi Dei? *Nescitis quia templum Dei estis?* dicebat 1. Corinth. 3. 16. & 2. Corinth. 26. *Vos estis templum Dei.* Si autem pectus, cor, anima sunt templa, sacraria, tabernacula, in quæ suscipitur supremus Dominus, nonne indignum est morticina, sordida, squalida, putida quæcunq; locis eisdem inferri? Apud Ethni-



cos tantum erat obseruantia erga deastros suos studium, vt ne pellem quidem animalis naturali morte defuncti in eorum lararijs, famis, facellis tolerarent, existimabant enim profanari locum sacrum animalis ita mortui exuijs: *Ne violenti puros exanimata focos*: Quis ergo immunditiam quamlibet ferri posse arbitretur in anima, in quam tam sublimis Dominus admittendus, aut in templo tantæ maiestati dedicato?

Volo robur huic rei adijcere ex eo, quod diuinus Mediolanensium Archiepiscopus dignum obseruatione notauit in vetere illo manna, quod augustissimi huius cibi illustris typus fuit. Animaduertit autem S. Doctor ea, quæ ferè acciderunt, antequàm aer prodigiosam illam escam deplueret, cui ab admiratione sui, quam apud eos, à quibus primum videbatur, excitauit, indidit nomen. Obseruationem suam his verbis reddidit: *Post transitum maris rubri, Mirihai fontis amaritudinem per ligni gratiam temperata, agnoscimus Patres Sceteres esse mundanos, deinde duodecim fontium potu, postremo petra spirituales undam Gomentis irriguo. Unde Et manna manducauerunt, Et torres abluti manducarent panem, Et scriptum est Angelorum.* Hæc ille in Psal. 118. Oton. 16. v. 3. ad finem. Perdigna profectò notatu sunt, quæ Israëlitis acciderunt, priusquàm Angelorum escam gustare cœperunt. Primum ab Ægypto, quæ caliginosi mundi figura erat, exierunt, post hæc mare rubrum transierunt, mox aquas Maræ amaras biberunt, quas admirabile illud lignum fecit potabiles, deinde inciderunt in duodecim fontes, demùm hauserunt ex consequente eos petra, quæ frigidam magnâ copiâ, miraculo maiore dabat. Quorsum tot irrigua? Quorsum tot aquæ? Quorsum tam multiplices fontes, & tam crebra lauatio, tanquàm nequæ maria, nec fontes, nec aquæ miraculo procuratæ perpurgandis illis sâs fuerint? Iam hoc dixit sanctus Ambrosius, inquiens: *Vt torres abluti manducarent panem Angelorum.* At si figuræ tantum deferebat Dominus, vt Israëlitas ante toris marium gurgitibus, tam multis fontibus, tam amaris aquis diluelleret, quàm illâ vescerentur, quanta debet esse puritas illorum, & sanctitas, qui figuratum sumere, & panem de cælo verum, viuumque esitare volunt! Qui picturam tam reuerenter haberi volebat, cogita, si potes, quo in honore haberi, & quàm purè, ac religiosè rem ipsam viuam tractari velit.

Panegyricus Constantini filij Constantij vult magnum habere mysterium, quodd sanguinarius ille tyrannus, regiâ excessit dies non paucos ante, quàm

Constantinus eam occupare, & nobilitare cœpit. Quid verò mysterij habeat, quodd tyrannus prius destituit palatium, quàm Constantinus illud possidere, atque in eo habitare voluit?

Respondet autor istius panegyrici: *Vt tu iam olim expectatus habitator sacris illis adibus diu exhalatis, exspiratisque succederes*; tanquàm dixisset: Facile est diuinare secretum, quo factum, vt ille multo ante demigraret è basilica, quàm tu illi pedem inferres. Futurum erat, vt augustissimus Cæsar, Imperator permagnificus aulam regiam occuparet. Cumque domus tantum hospitem exceptura esset, decebat, vt habitatore, tali maximè tyranno, aliquamdiu vacua esset, vt exhalaret putorem, ac graueolentiam, quam ille ibi reliquerat, & spurcicies omnis abstergeretur.

At quàm benè dictum istud: *Sacris illis adibus diu exhalatis, exspiratisque*! Ab ædibus peste infectis metaphoram duxit, qui panegyricum Constantiæ concinnauit. Ex qua domo peste interfectus effertur, emigrare superstitres omnes, & latè patentes relinquare fenestras eius solent, vt pertransiens ventus omne suo spiritu exsufflet contagium. Post hæc bonis odoribus loca omnia suffiuntur, mundantur, adornantur, vt habitari citrà horrorem, & periculum queant. Tale quid, ait ille, euenit Constantino. Diu suum domicilium in palatio nefarius, & execrabilis tyrannus habuerat, diu suâ præsentia, & corruptissimâ vitæ consuetudine, & contaminatissimis moribus illud vitiauat, sedârat, conspurcârat. Vacet ergo ab incolâ benè diu ante, quàm Imperator in eo pedem sedemque figat, auræ, & ventorum flabris exponatur, vt quem ibi tyrannus reliquit fetorem, efflet omnem, & exhalet, & quantum quantum est, perpurgetur. Indecens enim esset, atque in magnam Imperatoris iniuriam cederet, si non terribissima, neriidissima, excultissima esset domus, quæ illius habitationi seruatur.

Iam si tam studiosè colitur, obseruaturque Imperator terræ, si tam sollicitè, ac gnauiter curatur ab omnibus, ne grauiore aliquo odore offendatur, ne sit quidquam in tota eius regia, quo irritari, & commoueri ad indignationem queat: Quàm studiosè, & anxie curandum erit, vt nitcant, & splendeant ædes, quas initurus est Imperator Imperatorum, Rex regum, & Dominus dominantium, præ quo Imperatores, Reges, & Domini alij nil nisi lubrica aura sunt, & olidum cœnum? Quæ non ornamenta congerenda in domum, quæ hospitem habitura est Deum Opt. Maximum? Quantâ contentione, vigi-

lantia,



lantia, attentione laborandum, vt abstergantur, eradantur, emaculentur, submoueantur, eiciantur, quæcunque diuinos tanti hospitis offendere oculos possunt: Res ipsa loquitur, plurimâ adhâc rem mundicie, studio maximo, accuratissimâ, & diligentissimâ conscientie discussione, & virtutis omnigenæ exquisitissimo cultu opus esse.

Tantumne verò res ista nitorem postulat? Immo verò etiam tantum, vt si fieri posset (fieri autem à nonnullis cum Dei auxilio potest) tam purus sceleris, tam intaminatus, & immaculatus quisque tremenda hæc adire mysteria deberet, ac si iam tunc à baptismi fonte vitalibus vndis expiatus domum referretur.

Destituit domum paternam filius prodigus, peregrinèque profectus patrimonium suum, amplum illud, & peropulentum, intrâ dies non multos omne decoxit, & abliguriuit. Ad incitas redactus, & ex copiosi patris diuite filio exilis mendiculus factus, in eam miserum, infelicemque statum incidit, vt necessitas illum cõderit locupletis patris domum, illam suam natalem reperere. Ad reditum hoc etiam calcar addidit, quod recordabatur, eam esse benignissimi patris sui pietatem, & facilitatem, vt omnem sibi ab illo, promptamque noxarum præteritarum gratiam promitteret, dum malè fecisse modò pœniteret, humilisque rediret. Opere ergo expleturus, quod animo conceperat, viam ingressus venit ad ædes patris, qui simulacrum illud vidit, passus vlnis reducere excepit, inque complexum illius, & oscula ruens, & collum amantissimè stringens lachrymis testatus est, quanto intus gaudio ob reditum filij, & redditum filium animus paternus exultaret. Veniebat miser adolescens, quale è duro, tetrico, sordido, inhumano Domino vile mancipium, & extremus mediastinus solet, pauper, strigosus, squalidus, grandimacie torridus, penè nudus, ceritè tam malè vestitus, vt parens diceret famulis: *Cito proferte stolam primam, & induite illum, & date annulum in manum eius, & calicementa in pedes eius*; Luc. 15. 22. post hæc adducite vitulum saginatum, ibid. v. 23. & optimum his tam festiuis epulis, & filij mei refocillationi destinatum, & seruatum.

Quod vitulus ille pinguis significarè sanctissimum Redemptoris nostri corpus, res est tam trita, & peruulgata, vt si de ea sanctos Nazianzenum, Hieronymum, Ambrosium, Augustinum, Gregorium Magnum, Chrysostomum, Damascenum, Bedam, Euthymium, Theophylactum, cæterosque seu Patres, seu Expositores ininterrogas, omnes magno consensu

responsuri sint, omninò ita habere, vt dictum. Vnus ex omnibus Euthymius ait: *Vitulus saginatus sanctum Christi corpus est.*

Sed magis intricatum est, & difficile, statuere, quid prima illa stola significet, quâ vestiri prodigum filium pater voluit, vt dilecti filij sui corpus sumeret: Nam græcus textus, ex obseruatione Cardinalis Caietani sic habet, *Afferre stolam illam primam*, pronomine isto eximiam quandam excellentiam, dignitatem singularem, & maximam præstantiam denotare volens.

Theophylactus vult illâ stolâ adumbratum baptismum eamque propterea vocari primam, quod baptismus sit porta, quâ in cælum itur, & baptismi gratia prima omnium, quas de manu Domini accipimus, & præstantior alijs, *prima enim nos illa vestit, & ab ea sumimus honestatē vestitum.* Secundum hæc tale quidpiam est, quod pius pater dixit: Baptizate pœnitentem hunc adolescentem, vt diuinum sacratissimi Filij mei corpus accipiat.

Sed hic maior exoritur difficultas, eaquæ tam perplexa, vt ægrè ab ea nos extricare possimus. Nam si ille prodigus filius (quod ex adiunctis parabolæ constat) pœnitentem significat, qui peccata sua agnoscens, & malè vixisse verè & exanimatus dolens conuertitur ad Deum, atque ab eo in domum suam recipitur, ergo baptizatum iam illum fateri debemus, neque res ista sub dubio est, nam vt qui semel ritè, ac rectè baptizatus est, denuò baptizetur, fieri non potest, & manifestè errat, qui baptismum semel valide, ac legitime susceptum iterari posse affirmat. Quid ergo autor baptismi dicebat: *Afferre stolam illam primam*? quod perinde fuit, ac si iussisset illum rursus piscularibus aquis emundari prius, quàm corporis dominici sacramento reficeretur. Quomodo baptizari iterum poterat, qui baptizatus semel fuerat?

Dictum hoc ita, vt nobis indicaretur, & commendaretur mundities, quâ nitere debeat, qui Summi Dei Filium in sacramento suscepturus est, quæ tanta esse debeat, vt contendat, si fieri possit, cum niuea puritate, quàm sacro baptismate expiatus infans ex cælestis lauarii salutaris fonte reportat.

Notauit hoc Serlonius modernus, & eruditus, exquisitusque Cantici Canticorum Interpres Anteloq. 12. sect. 1. num. 3. ex S. Asterio, & Tito Bostrensi, quos P. Balthasar Corderius in sua carena citat. Illi de hac re sic pronuntiant: *Quam purus, & emaculatus prodit infans, & adultus post baptismi lauacrum, tantâ quodammodo puritate nitere cum decet.*



quis ad Christi communicandum corpus accedere praesumpserit.

Attendat ergo Politicus noster, quem tantâ gratiâ dignatur, tamque inopinabili honore Deus ornat, ut illum ad suam mensam admittat, atque in ea sacrosancti corporis sui cibo, & pretiosissimi sanguinis potu reficiat, quomodo ad has diuinas epulas accedat, examinet, discutiat, probet seipsum, quod grauiter præceptum ab Apostolo. Aduertat non Angelum esse, non Archangelum, & Seraphinorum, quem recipit, sed ipsum Angelorum, & Seraphinorum conditorem. Et cum talia debeant esse ornamenta domus, ut deceant hospitem, qui excipiendus, cogitet quàm sollicitè, studiosèque excolere, & perpolire debeat animæ suæ hospitium, omnemque de tergere maculam, submouere immunditiam, arcere spurcitiam, & foeditatem, quæ offendere possit oculos Summi Dei, quem immensus amor suus, & infinita charitas è cælo in humilia cordium nostrorum tuguriola detrahit. Tam sublime, ingens, præstantissimè est hoc beneficium, ut considerare illud ne flagrantissimum quidem Angelorum citrà tremorem possit. Quomodo ergo miser homulus, qui illud est percipiturus, non artibus omnibus, & toto corpore contremiscat, & quantâ maximâ potest ingenij contentionem, sedulitate, assiduitate, sollicitudine sese ad tam ineffabilis gratiæ exceptionem, & tam super-substantialis cibi sumptionem comparet?

#### C A P V T I V.

Quod morte quidam inde occumbunt, unde in vitam alij redeunt, & venenum ex eo sugunt, è quo theriacam alij hauriunt, ea summa infelicitas est, & prodigiosa calamitas.

**N**on possum, tametsi calamus satis repugnet, quin vel demùm agam de ijs, qui sacramentaliter solum superæ huic, & tremendæ mensæ communicant. Quàm formidabile sit hoc, & horribile argumentum, id ex eo arbitrari possis, quod prætermisso Concilij Tridentini ordine in extremum locum tractatum illius reieci. Sunt nonnulli, inquit sacrum illud Concilium, qui sacramentaliter duntaxat id sumunt, & peccatores, ijsque pro eo, ut inueniant vitam, incurrunt in mortem, & qui bibitori erant ambrosiam immortalitatis, hauriunt poculum interitus.

Hoc ipsum diuinus Delius, & augustissimi huius sacramenti profundissimus scrutator, & deuotissimus cultor S. Thomas docet, qui cum de varijs sacri

istius conuiuij effectibus ægeret, inquebat: *Mors est malis, Vita bonis, Vnde parus sumptionis quàm sit dispar exitus.* Permirum, si quid aliud, quod ex eodem cibo alij exsugunt magis sani, & vegeti, alij mortem incurrunt, accipiuntque damnationem suam æternam.

Cum delicias memoraret Ecclesiasticus, quas iusto præbere Deus solet, aiebat: *Cibabis illum pane Vita, & intellectus, & aqua sapientia salutaris potabis illum;* Eccles. 15. 3.

Hugo Cardinalis, Rabanus Maurus, Ioannes Cluniacensis, Petrus Berchorius, & alij per hunc panem vitæ, & intellectus, perque aquam sapientiæ salutaris volunt adumbratam viuificam alimoniam, quæ in mensa Dominica ministratur. Hugo sic inquit: *Cibabis illum pane, id est, corpore Christi, quæ est panis Vita.*

Sed notandum, quod eidem panis, non sine magno mysterio, etiâ datur nomē aquæ: *Et aqua sapientia salutaris potabis illum.* Cur dominicū corpus, cum panis dictum fuisset, mox etiam appellatum aqua fuit? Satis enim illi erat primum nomen, quo & ipse Christus contentus fuit, qui se apud S. Ioannem tam sæpè panem solum nominat. Factum hoc dixerim, ad indicandum, quàm variè operetur Domini nostri corpus in his, à quibus sumitur, ut videmus varios esse aquæ effectus in agris, quos rigat: Sanctus, & Magnus Basilius homel. 6. in Hexam. ait: *Eandem in pratis aquam conspexeris hoc in flore rubescentem, in alio purpuream, & in hoc caruleam, & in alio albidam.* Mirum sanè est, quod ab vno fonte promanans aqua, cum easdem secum per omnes hortos, agros, prata circumferat qualitates, in rosa quidem sit purpurea, in viola verò pallens, in malo pomum, in dunio spina. Quàm grato odore oblectat in caryophyllo! quàm pungit in senticeto! Panis ergo, & aqua vocantur hæ cœlestes dapes, & diuinus cibus, *Cibabis illum pane, & potabis aqua,* propter diuersos, & aduersos effectus, quos operantur in ijs, à quibus degustantur, alijs enim vitam, mortem alijs adferunt, his venenum sunt, theriaca illis, alios ut panis nutriunt, ut gladius alios obtruncant: *Mors est malis, Vita bonis.*

Graui, & immania supplicia contumaci populo suo comminabatur Deus, atque in his illud, quod pro magno insolentia, & impudentia eorum merito agros sterilitate damnare veller, ne panem in vitæ alimoniam redderent: *Ecce ego conseram baculum panis in Ierusalem;* aiebat Ezechiel. 4. 16. velut dixisset: *Terribilis erit indignatio mea, magna gladij mei*



mei scuities, principem enim vitæ humanæ columnam, panem, inquam, demoliar, prorsumque auferam.

Hecor Pintus, Serranus, Lyranus, Dionysius, Cornelius, Sanchez, Pradus, alijsque Interpretes monent hoc loco notare, quàm proprio vocabulo Dominus panem donarit, cum baculum nominauit. Vt enim baculus fatigati, ac debilitati corporis est fulcrum, ita panis humanarum virium roboratio. De pane scriptura sic persæpe loquitur, & vnus Propheta regius multis in locis: *Panis cor hominis confirmet*, inquit Psal. 103. 15. non secus ac lassâ membra baculus. Et Psal. 104. 16. *Omne firmamentum panis contriuit*. Persistensque in eadem metaphora dixit Psal. 71. 16. *Erit firmamentum in terra in summitis montium*, vbi ad literam, vt voluit Sancti Augustinus, & Chrysostomus, Varnelius, Syluius, Ioannes Bocchius, Matthæus Hoen, Ludolphus & Dionysius Carthusiani, Rainerius, Theodoretus, Paulus Burgenfis, Genebrardus, & alij, loquitur de pane, qui vires hominum corporeas instaurat, & confirmat. Et apud Isaiam 3. 1. dicitur: *Auferet Dominus omne robur panis*, sublato autem, contritoque hoc baculo, seu fulcramento ædificium terrestrius huius domus nostræ mox collabitur. Dum hæc loca, vnum autem vel maximè Ezechielis expenderet doctissimus illius expositor P. Hieronymus Pradus, aiebat: *Vide quàm bellè hac omnia conueniant sacro panis Eucharistico*. Vide quàm aptè in illum cibum appellatio baculi cadat.

Et verè ita res habet. Addo, commodius huic rei hieroglyphicum cogitari non posse. Subscribent mihi, quicumque vocare in considerationem voluerint morem veterem, ac modernum, qui dolones habuit, hodieque habet, hoc est, contos, qui lignum extrâ præferunt, intus gladium absconsum gerunt, quorum altero sustentare, altero mactare queant. Huic inuentioni (quæ perantiqua est) S. Enodius hoc elegans epigramma confecit, cui titulum, *Spatha in fuisse*, præscripsit.

*Vrimur inclusò per fraudes ense bacillo,*

*Mors ligni tuncis quàm benè recta latet!*

*Subsidium portas, quæ cunctis terror habetis,*

*Pacificum est nobis, quod negat obsequium.*

Habent eiusmodi arma, quo offendere, habent quo defendere possint, habent quo labantem sustentent, habent quo stantem deiiciant, habent baculum, quo nitaris, habent gladium, quo feriaris. Itaque si panis hic viuus, & superius vocatur baculus, *Vide quàm bellè hoc nomen baculi conueniat panis Eucharis-*

*fico*, qui sub ea baculi specie gladium dissimulet, tegatque. Panis certè ille Eucharisticus eodem tempore apud alios, & alios inuitatos verumque esse potest, & baculus, qui fulciat, & ensis, qui occidat, & laqueus qui iugilet, & theriaca, quæ sospitet: *Mors est malis, Vita bonis*. Omnia in hoc sacrosancto, & opulento conuiuio reperiuntur, mors, & vita, baculus, & gladius, corroboratio, & debilitatio, infernus, & cælum:

*Subsidium portas, quod cunctis terror habetis.*

Omnia mensa hæc laeta, & dapilis habet, amara, & dulcia, vitalia, & mortifera, grata, & horrida.

Est in Ægypti plagis, quas sacer Scriptor enarrat, aliquid dignum, quod studiosè apud animum pertractes. Bis ethnicorum Ægyptiorum brutas animantes internecone irati Dei manus rigida deleuit. Ac primùm quidem peste omnia eorum pecora extinxit, posthæc verò grandine, & igne interemit: *Pluit enim Dominus grandinem super terram Ægypti, & grando, & ignis mixta ferebantur, & percussit grando in omni terra Ægypti, quæ fuerunt in agris, ab homine &que ad iumentum*; Exod. 9. 23. 24. 25.

Postquàm primam illam stragem intulit Dominus brutis Ægypti, *misit Pharaon ad videndum*; ibid. v. 7. misit attonitus seueritate supplicij quosdam ex intimis suis, qui plagam arbitrarentur, & renuntiarent. Cùm ira Dei in brutas pecudes posthæc iterùm desuisset, tamen grando, quæ ad hanc eadem tunc utebatur, tanta fuit magnitudinis, quanta ante nunquam apparuit in vniuersa terra Ægypti, ex quo gens illa condita est; ibid. v. 24. neminem tamen ablegauit rex, qui damnum lustraret, verbisque referret. Cur postremò tam remissus, & incurius Pharaon fuit, qui ante tam sollicitus, & attentus, vt destinarer ex aulicis suis, qui vastitatem spectatum irent, de quæ ea illum certiore redderet? *Misit ad videndum*.

Occurrit huic dubitationi Paulus Burgenfis, dicens, si quis cætera textus, qui cladem narrat, legat, eum facillè reperiatur, quæ prius missæ, quæ posteriorius intermissæ legationis causa fuerit. Quando Ægyptiorum pecora primò de medio sustulit, erant in medio compascuo bruta Hebræorum, de quo sacer Scriptor ibid. v. 6. ista: *Mortua sunt animalia Ægyptiorum, de animalibus vero Israël nihil omnino perijt*, neque hæc quidquam pestis contagio offendit, quæ illorum greges totos sustulerat. Verùm in secunda piaga reservauit Dominus terram Gessen, vbi soli pascebantur Israëlitarum greges. Sic enim habes ibid. v. 26. *Tantum in terra Gessen, & ibi erant filij Israël, grando non cecidit*. Hic ergo, vbi non promiscuè.



miscuè cum Ægyptiorum pecoribus, sed in abstituto loco seorsim morabantur animalia Hebræorum, adeoque communem cædem effugiebant, non emiserat vastitatis suæ exploratores, & nuntios, quia mirabilis erat, quòd ex animalibus Ægyptiorum, & Hebræorum, quæ in eisdem campis pascebantur, morerentur illa, quæ erant Ægyptiorum, non autem quæ erant Hebræorum, quàm quòd terra Gessen esset immunis ab aliqua plaga, inquit Burgenfis. Magno beneficio à grandine seruata Gessenorum terra fuit, sed illud nihil mirum, quòd salua manserunt eorum pecora, quorum regio plagæ inaccessa erat: At quòd in eisdem pascuis hæc peste mortem incurrerent pecudes, illæ linguarum suarum falcibus herbas, & graminà lætæ, atque incolumes demeterent, id permirum erat. Et stupendum reuerà miraculum fuit, quòd inter grassantem luem in communibus pascuis brutorum alia luderent saltibus, alia pestis contagione extincta occumberent, hæc exultaret Hebræi cuiusdam agnellus, illic Ægypti exanimis occideret capreolus, mirabilis erat hoc, quàm quòd totus alibi extrà grandinis iactum, solusque postus armentorum, & cæteri pecoris grex seruatus fuit. Quando autem regi nuntium attulerunt suorum pecorum inter cætera salua interemptorum, ita conturbatus, & velut consternatus fuit, vt incredibile existimaret, quousque à suis de visu certior factus prodigiosam plagam cum stupore celebravit. Et meritò tanta barbari regis animum occupauit admiratio, nam si diuersa fuissent occisorum pecorum pascua, differentia prata, alia, atque alia graminà, quibus vefcebantur, nihil nouum fuisset, quòd his saluis, & incolumibus illa mortua fuissent: Verùm quòd ex his, quæ communia habebant pascua, & per eosdem agros promiscuè vagabantur, eisdemque cibis vrebantur, illa vitam deuorârint, hæc mortem comederint, id tale est, vt cuius vel nonnihil prudenti adferre admirationem, & stuporem queat.

Tam si hoc tam mirum visum Pharaoni, si tam ingentem, & vehementem perturbationem aulicorum, cæterorumque subditorum illius animis attulit tam rari supplicij aspectus, quantam in cordibus Christi fidelium excitabit commotionem, qui tales quotidie, continuoque fieri plagas vident? Quòd semel in Ægypto factum, id apud fideles innumeris vicibus accidit, nimirum vt eorum, qui communi vtuntur victus, & mensæ eidem accumbunt, & eodem vescuntur cibo, quidam quidem alacriores, vegetiores, sanctioresque surgant, alij, verò mortem oppe-

tant, & seipsos eâ re iugulent, & obrutent, quæ alij confirmantur, & roborantur, quanquam in eisdem agris pascantur, eademque annonâ ad sui alimentum vtantur: Nam si diuersa essent fercula, ciborumque, quos sumunt, differentes qualitates, minùs nouum foret, quòd alij salutem adferrent, exitium alij adducerent; illud verò quemque meritò mouet, stupidumque reddit, quòd idem panis, & cibus sub idem tempus alij gratiæ vitam adfert, alij mortem, & interitum. Vide parâ summptionis quàm sit dispar exitus, clamat Doctor Angelicus.

Loquebatur Dominus Moysi, suadebatque, vt vindicandi populi sui officium alacriter, animosèque susciperet, eius, quem sæuus tyrannus, & barbarus rex vinculis onustus, intolerabilique seruitute oppressum tenebat. Vt verò certum haberet, supremum Monarcham Deum esse illum, à quo legatus destinabatur, omnipotentiam suam experimento ibidem dare probatam voluit Dominus, præcepitque Moysi, vt virgam, quam manu tenebat, solo affligeret. Obtemperauit ille, proiecitque virgam, & versa est in colubrum, ita vt fugeret Moyses, Exod. 4. 3. validus, magnanimusque; alioquin pastor, tam immanis, trux, ac formidabilis erat serpens, in quem baculus transformatus fuit.

At quid populi Hebræi ductor timuit? inquit S. Cyrillus Hierosolymitanus. Quomodo coluber vnus conijcere in fugam potuit hominem, in opacis syluis, in montium iugis, in culta, horridaque; in eremo animalia terrificata varia, plurimaque; videre assuetum, quæ suâ feritate, truculentia, venenato halitu metum, ac horrorem illi incutere sæpè potuerunt? Vnde nunc illi tam immodicus, & ignauus timor, tamque vehemens trepidatio, vt ille, quamuis amplissimus solitudinis locus, nimis augustus ei videretur, atque in pedes sese daret, cum squameum anguem in spiras sese tractu colligentem, & trifurcâ minantem linguâ videret? Vnde illi tam iniustus pavor? Quare tam formidolosus, vt fugâ dilabi inciperet, qui Deum coram præsentem habebat, à quò tam faciliè defendi, ac sospitari poterat?

Satisfacit quæstioni sanctissimus Patriarcha catech. 12. inquiens: Fugebat, non metuens id, quod tenuit, sed imens mutatum. Non illum coluber exterrerebat, non metum ei vel draconis, vel alterius cuiusvis etiam formidabilioris anguis species adferrebat, non hoc, non tale quidpiam illum expauesciebat, qui aspernari sæuitiam leonis, serpentum nihil curare feritatem, immanitatemque bestiarum aliarum ridere solitus erat, id verò illum tantum non

proxijs







Diuius Præcursor filius Zachariæ est vox illa, de qua longè antè Propheta euangelicus dixerat: *Vox clamantis in deserto, parate viam Domini*; Isa. 40. 3. Quod ibi ad literæ sensum de cœlesti venturi Messie præcone locutus fuerit Isaïas, id omnes Euangelistæ affirmant. Et Ioannes ipse hoc confessus est, quando interrogatus à Iudæorum legatis, quisnam esset, respondit: *Ego vox clamantis in deserto*; Ioan. 1. v. 23. Quando hæc tam sonora, & stentorea vox nata est Zachariæ, tunc ille obmutuit, tunc audiuit: *Eris tacens, & non poteris loqui*. Videte hic (ait sanctus Rauennatum archianistes) supremam Zachariæ infelicitatem, quæ vocem, cum vocem percipit, tunc amittit, perdit cum inuenit, cum expiat, irriat. Quid progredi longius miseria potuit?

Hoc ipsum multis sæpè contigit Christianis: In ipso tempore placationis offendunt, condemnantur, munera ipsa cum recipiunt; theriacâ tanquàm toxico se dant morti, pane obruncant, scuto fauciant, ex voce obmutescunt, ab igne congelant, luce cæcantur, ex medicina infirmitatem contrahunt, albedine obscurantur, vitâ moriuntur, pulchritudine fedantur, & ex gratia sibi damnationem constant. Estne infelicitas, quæ certare cum ista de magnitudine possit? Estne miseria, & dolor, qui hoc nomen mereatur, si cum illo comparetur? Nonne hæc calamitas calamitates omnes complectitur? Nonne hæc in re infelicitatis omnis summa consistit?

## CAPVT V.

*Damna, & incommoda huius augustissimi Sacramenti non sunt à cibo cœlesti originem ducunt, sed à malo statu, & perversa dispositione temerarij, & cœci peccatoris, qui eum percipit, nascuntur.*

O te miserum peccatorem, quot miracula eueris! quot prodigia dissipas! quàm diuites thesauros malè, ac turpiter prodigis! quantas opum copias instructuosè perdis! ô cœcum, & perditum, cui pro suæ malæ dispositionis merito vita mortem adfert, antidotum pro lethali veneno est, & gloriæ pignus damnationem parit! Hæc te sic fides docet, hoc tibi prædicat Apostolus, hoc sacri Doctores moment. Res ipsa loquebatur, quod tu ipse tuæ perditionis parens tibi, interitusque sator, & sator fururus eras: Quid enim virij in illo pollucibilissimo & mellitissimo pane, quid toxicij in tam cœlesti cibo, quid lethiferum esse in carne possit, quæ vita est ipsissima? Paulus te inclamat, vt diligenter aduersas, qualis sacrosanctam illam, ac tremendam men-

sam adeas, in qua tibi apponitur, & exhibetur diuinissimum, & augustissimum tui Redemptoris corpus, dulcissima ambrosia sacratissimi, & pretiosissimi sanguinis illius, suauissimi animarum nectaris, vbi vna in paropside, vnoq; in vase tibi offertur totum, quidquid immensa Dei munificencia, & largitas infinita dare mortalibus potest. Pauli vox ista est ex 1. Corinth. 11. 27. 28. 29. *Quicumque manducauerit panem hunc, & biberit calicem Domini indigne, rem erit corporis, & sanguinis Domini. Probet autem seipsum homo, & sic de pane illo edat, & de calice bibat. Qui enim manducat, & bibit indigne, iudicium sibi manducat, & bibit, non dijudicans corpus Domini. Quisquis tam proiectus est, vt cum veste sordida, anima flagitijs contaminata sacramentum adeat, & mensâ Dominicâ accumbat, is iudicium, damnationem, mortis æternæ reatum sibi eodem ore, & opere sumit, quo diuinissimum illum cibum, & potum accipit. Pragmatica namque sanctiones, & leges Dei inuolabiles hoc volunt, vt qui optatum ex hoc sacro cibo fructum sperat, in gratia, & amicitia eiusdem Domini illum edendum suscipiat, atque ad eam rem ijs modis, quos Ecclesia præscribit, & Doctores dicant, se præparet. Quare qui in malo statu communicat, qui peccato mortali obnoxius hanc mensam adit, ille suæ intereccionis causa est, ille sibi ipsi mortem consciscit, ille ex pane sibi gladium cudit, ille antidotum in aconitum, & gloriam in damnationem vertit, non dantur viro, sed accipientis nequitia, vt inquit Chrysologus ser. 55. Summum bonum est, quod in hoc conuiuio edendum proponitur, nihil ex illo mali redundare potest, ab homine, qui imparatus, & non ritè, decenterque cultus illi sese ingerit, damnum omne proficiscitur.*

Cum rex Dauid secum reputaret, & consecram senectute ætatem diuitis æquè, ac humani Berzellai, & officia, quæ ab eo illi fuerant exhibita, conuictus in aula regia gratiam ipsi offerebat, inquit: *Veni mecum, & requiesce securus mecum in Ierusalem*; 2 Reg. 19. 33. Non admisit ille delatum officium, sed his verbis comiter resurauit: *Non indigeo hac cistidine, sed obsecro, & reuertar seruum tuum, & moriar in ciuitate mea, & sepeliar iuxta sepulchrum patris mei*; ibid. v. 37.

S. Petrus Damianus ex interpretatione nominis Berzellai eruit quandam doctrinam moribus formandis aptam, & præsentii instituto opportunam: Berzellai, inquit ille lib. 2. epist. 13. *ferrum meum interpretari dicitur. Quid est durum ferro? quid pertina-*



perstinacius validi mallei ictibus obfistit, ac ferrum? Quam præclara figura, & effigies eius, quod Deo cum homine in isto cœlesti conuiuio, & suauissimo cibo accidit! Nam quod homo durus, contumax, veneno infectus abit, qui à pietissimò patre ad sumendam theriacam, ad confirmandam salutem, ad hauriendum potum vitæ, ad recipienda varia gratiæ beneficia inuitatus fuit, id nemo nisi inuitatus ipse, & conuiuia facit, qui non se pro debito, atque ut decet, præparat, ut tantorum beneficiorum lucrum faciat, & augustissimè illius Sacramenti proprios fructus referat. *Congruè ferrum meum de se quislibet homo durus, & obstinatus dicitur*, inquit eminentissimus Cardinalis. Congruè omnino ac meritò, quidquid enim mali recipit, quidquid incommodi paritur, quidquid veneni bibit, quidquid iudicij, & damnationis manducat, quidquid iræ thesaurizat in hoc lauto, & splendido conuiuio, hoc ipse culpa, & errore accidit, atque inde totum proficiscitur, quod ad illas sacras dapestemerarius, inculcus, imparatus irruit.

Cùm in horum consideratione versaretur Sanctus Gregorius Nazianzenus, & periculum pertimesceret, cui se exponunt, qui diuinam illam synaxin recipiunt, lachrymabundus aiebat Orat. 21. *Cùm ipsi principatum tenebre videamur, & in eorum, qui ad Deum appropinquant, numerosissimus, Vereor ne malè appropinquemus, & tanquam stipula ad ignem*. Cùm nos in puppi Ecclesiæ sedentes clauum illius moderemur, & quoties ad mensam magni Regis conideamus, inque cordium nostrorum hospitium illum admittamus, timeo, idque plurimum, ac vehementer, ne ea sit nostra præcipitantia, temeritas, & cœcitas, ut hoc nobis cum Deo accidat, quod aridæ ariste cum igne, quod incautæ papilionis cum flamma, quod proteruo, tudio, insciolo puero cum acuto cultro. Nisi enim nouerimus nos rectè disponere, similia, atque ijs tum plura, tum maiora incommoda expectare ab illo cibo possumus, qui in seipso spiritus est, & vita, & gratia. Quod si nonnunquam ignis est, qui adurat, aut gladius, qui feriat, aut venenum, quod inficiat, & interficiat, aut laqueus, qui ingulet, id fit, quod peccator ipse sibi quærat, parat, adornet eiusmodi damna, incommoda, exitia, suis manibus sanguinem suum fundat, & seipsum obruncet.

Circerus, aut corbita, aut alia maximarum valissimæ nauis, tanquam natatilis quidam scopulus, per oceanum spumeos fluctus, quocumque eam ambi-

lam procul inde è carchesij sui specula velox cata-scopus, obtusique vultus imbecillitate delusus, albam, paruulamque columbam conspiciere putat, quæ passis alis æreni verberans paulatim aduolitet. In-chytus martyr Sanctus Eustathius ait: Quod ille moueri conspicit, monti ambulatorio, quam nauis similis, nonne tam est amplum, latumque, ut innumeros carinâ suâ excipere hospites queat? Nonne velut silua, quædam est abietum, quercuum, pinorum? Nonne altum quoddam, diffusumque promontorium est, quod ventorum impulsu, & carbasorum adminiculo superat maris fluctus, timentesque eius procellas calcat? Prorsum ita res habet. Quamobrem ergo, quod mons est, formica videtur? Cur arista putatur, quod silua est, aut columba existimatur, quod est balæna?

Respondet Sanctus Eustathius comment. in Hexam. *Nostra visio, cum ipsa parua sit, parua etiam ea, quæ cernuntur, et opinemur esse, efficit, proprium morbum rebus visis communicans*. Ex oculorum nostrorum obtutu hebetet, atque imbecillo fit, ut quæ grandia sunt, & ampla, videantur angusta, & pusilla, nam ut visus nostri facultas parua est, & debilis, ita suam infirmitatem, & exiguitatem in res visas quodammodò transfundit, suæ mensuræ eas quadantenus conformans. Itaque non iam in re, quæ cernitur, sed in modicella pupilla, quæ videt, defectus omnis est positus.

Quam benè dictum illud ab Eustathio: *Vi parua esse opinemur, parua visio efficit, proprium morbum rebus visis communicans*. Debilis nostra videndi facultas tenuitatem, & infirmitatem suam rebus, quæ cernit, allinit, & ex magnis paruas, ex sublimibus humiles, ex elephantibus formicas facit. Tantundem in rem præsentem dicere possumus. Diuinum hoc Sacramentum est vita, est medicina, est theriaca, denique omne bonum, quodcunque anima expectare, & optare potest, nec enim est aliud, quod præterea desiderari etiam ab audissimò queat: Verum si mors est, si toxicum, si gladius, si damnatio, cui hoc adscribemus, nisi malæ dispositioni, & infelicitati eius, qui supersubstantialem illum cibum temerè, atque indignè manducat? Ille est, qui suo vitio vitam in mortem, panem in gladium vertit, efficitque, non ut parua, sed ut noxia sint, quæ ex se salubria, proprium morbum rebus communicans. Miser ergo communicans ipse sibi pernicietis suæ causa est, damni sui, & exitij ipse author.

Nam ut Plinius lib. 26. c. 8 (cuius supra lib. 6. c. 4. plura attulimus) ait: *Ed mores Genère, et homine*



*maximè cibo pereat.* Quòd cibi macient, quòd escæ interimant, quòd conuiuia velut ancipites gladij sint, qui ferculis, & poculis obruant, & iugulent, hoc vitæ solutioris effusa licentia, hoc flagitiorum immodicus vsus, hoc peccandi nimia libertas, hoc morum, & malæ consuetudinis corruptela facit. Magnus ergò Philosophus non culpatur cibos, neque inescam, refert incommoda, quæ inde consequuntur, sed in prauos mores tanquàm præcipuam omnis mali, & detrimenti ex illo epulo venientis causam. *Eò mores Genère, & homo maximè cibo pereat.* Si homo cibis quotidianis moderatè, frugaliterque, vt debet, vri, & iustam ad vidum adhibere temperantiam velit, tam procul aberit, vt hic illi mortem adferat, vt vitam potius in annos longiores producat. Hoc idem in re præfenti affirmare possumus. Quòd cœlestis hic cibus vt vita est, sic & mors sit, vt panis, irà & gladius, toxicum æquè, ac theriaca, hoc fides clamat, Paulus dicit, Thomas adstruit: At quòd vitalis panis sit lethalis, quòd salutaris cibus mutatur in dirum, fatalemque gladium, quòd medicamentum in exitium vertitur, cuius culpa hoc fieri dicemus: *Mors est malum.* Malum omne, quodcunq; ex optimo illo, & diuino cibo nascitur, alteri imputare nec possumus, nec debemus, quàm contaminatis moribus, sceleratæ vitæ, exulceratæ conscientiæ, venenato pectori, animæ demùm impuræ illius, qui sacrosanctæ illi mensæ sordidus conuiuia temerario sese ausu ingerit, & panem de cœlo manducare indignus præsumit: *Eò mores Genère, & homo maximè cibo pereat.* Quòd enim ad hoc epulum decenter se præparat, & animam puram, cor mundum, conscientiam intaminatam adfert, totasque interiores ædes, quibus supremus monarcha hospes excipien- dus, ab omni mortali squalore expurgat, quis dicendo explicare, quis recensere numerando possit gratias, dona, beneficia, quæ ex illa mensa talis conuiuia referet? quis verbis eloqui voluptatem interiorem, & cœlestes consolationes, quibus anima illius ex laetissimo isto, & suauissimo cibo perfundetur?

Huc faciet nomen, quo Sanctus Petrus Apostolus augustissimum hoc, & diuinissimum Sacramentum donauit, cum ait: *Sicut modò geniti infantes, rationabile, sine dolo lac concupiscite, & in eo crescatu in salutem;* 1. Pet. 2. 2. velut pluribus dixisset: Tanquàm charis filijs, & dilectis fidelibus vobis consulo, vt velut recens editi infantes, hoc est, puro, integro, sincero animo homines appetatis, & accipiatu lac illud, intellectualem istum liquorem, in quo fians, nulla vnquàm fuit, nec erit aliquando.

Quòd hæc verba de Sanctissimo altaris Sacramento intelligi queant, affirmant Lorinus, Cornelius, Salmeron, Torres, qui lib. 8. Constitut. Apost. cap. 13. sic habet: *Beatus Petrus de Sanctissima Eucharistia accepit lac,* quod vt primitiu Christiani acciperent, suauit. Eadem sententia hodie apud plerosque obtinuit, qui pietatis, atque eruditionis laude florent, & magno Reip. catholicæ bono, ingenti que christianæ educationis, & rectæ institutionis commodo perdoctos non minùs diligenter elaborarunt, quàm elucubrârunt, & procuderunt Sermones, quorum pars magna Vega, Valderrama, Morillus, Perezus, Manriquez, Poncius, Andrada, Villarroel, Auendanno, Peraza, Ribera, & alij, quorum commentationes vt cum veneratione lego, ita ingenuè, & cum plausu probo, admaior, commendo.

Sed in vsu rei nostræ inuenio myllerium in illo lactis nomine commodum Sanctissimo huic Sacramento, quod ex Galeni quodam annotatione exsculpsi. Obseruauit ille artis medicæ facillè princeps peculiare aliquid in lacte, quod his verbis exposuit lib. 6. de simplic. medic. facult. *Lac, etsi gustu sit dulce, ex se nunquàm amarum efficitur.* Cum reliqua dulcia periculo acoris semper sint vicina propter corruptionem, quàm facillè patiuntur, lac solum id habet gratiæ naturalis, & priuilegij specialis, vt non acescat, vel amarescat, nisi acredinem illi, alienum uè saporem hostis extraneus, coagulum, dico, aut aliud tale quodpiam, inferat: *Ex se nunquàm amarum efficitur.* Rara certè, & mira lactis proprietas!

Secundùm hæc quod sanctus Apostolus Petrus de hoc diuinissimo Sacramento ait, esse *rationabile sine dolo lac*, tale est, ac si monuisset, vt quisq; diligenter attendat, quomodo adeat vbera sanctæ matris Ecclesiæ, quæ suam illi in altari præbet alimoniam, cogitetque, quòd si fortè lac acescat, aut amarescat, & in toxicum vertatur, id non sacrosancti illius cibi vitio fieri, lac nimirum *ex se nunquàm amarum efficitur*, sed culpâ fumentis, & vitio vasis, in quo excipitur: Nam vt Horatius in epist. cecinit:

*Syncerum est nisi vas, quodcunq; infundis acescit.* Vitiò ergò in mortem vertitur ei, qui vitalem cibum peccato mortali obnoxius manducat, & lac quod dulce maneret, si sibi relinqueretur, ex affecto vase acescit, & malè cedit bonum, quod in statu malo non benè quis accipit.

Quem non chamæleon amplà illà, & ampullosâ appellatione sua exterreat? Quis chamæleonis de visu sibi alioquin ignoti nomen audiens, non ingens sibi, & validum, & toruum, & iubarum, & concitum, & longè,



& longâ, torosâque ceruice apud animum animal fingat? Talem mihi illum imaginabar, priusquam oculis arbitratrâ fueram, postquam verò rem habere perfectam cepti, comperi quòd bestia esset quadrupes, tardigrada, agrestis, humilis, aspera, qualis Pacuio est testudo ex Cic. lib. 2. de diuinat. Persuaferam ego mihi tantæ amplitudini nominis respondere præclaras, & magnificas operationes. Putabam chamæleontem vt noto leoni multitudine syllabarum antecellit, itâ & virium robore illum superare. At contrarium experientia me docuit, cum enim illum vsurpare oculis licuit, vidi tardum, fœdum, squalidum, horridum, timidum, ignauum, tamque languidum, ac desidem, vt magis denotare gradum, quam promouere, & tota montium pondera ferre videatur, & volucrem, præpetemque testudinem dicere possis, quam est accipiter, si cum illo componas. Vnde verò chamæleonti tam tardi pedes, tam grauis & impeditus gressus? An ex vitio, quo alitur? Fortèan ferro, arenâ, faxis, plumbo vescitur, vt hinc fiat, quòd tam cunctanter progrediatur? Diurno enim vsu, & longo experimento didicimus, qualia sunt nutrimenta animalium, talia ferè esse ipsa, quæ inde viuunt. Galenus namque lib. de alimon. apud Franciscum Valeriol. lib. 2. cap. 6. locorum commun. ait: *Alimentum auget, corroborat, inuariat, & assimilât.* Hanc doctrinam ex sententia Platonis approbant, & tradunt Aristoteles, Theophrastus, Ioannes Bruyerinus Campegius, quæritæ quid etiam in plantis, & arboribus obseruauit, nimirum proprietates terræ ferè deriuari in fructus, quos proferuat: *Sape videas arborem latam, ac uicentem, inquit ille lib. 1. de re cib. c. 20. in locum alium transpositam deterioris terra succo deperisse.* Atque hæc tam sunt indubitata, vt morum humanorum conditiones magnam partem referantur in conditionem ciborum, quibus vescuntur. Hinc fit, vt Hispani ex victu, quem solum eorum fertile producit, sint versuti, & iudicio præstantes, de quo idem author vbi supra: *Calidarum, & siccæ terrarum populi astuti, callidi, & prudentes iudicantur, quales sunt Hispani.* Confirmat hoc, quod de alimentorum proprietatibus in mores hominum redundantib. diximus, Romanæ eloquentiæ parens in Orat. pro lege Agrar. inquit: *Ingenerantur hominibus mores ex his rebus, quæ ab ipsa natura loci, & sita consuetudine suppeditantur, quibus alimur, & viuimus.* Secundum hæc vnde tanta pedum ignauia chamæleonti? An è terra, in qua degit? Nequaquam. Eadem enim terra habet animâ-

lia quædam alia, nec pauca, quæ pernitate ventos propè exquant. An à cibo, quo viuut? Minimè omnium, vt videtur: Nam vt Tertullianus lib. de Pallio cap. 3. ait, *de vento cibis*, nec alio quam aërio alimento viuut. At si ventus, & aër est illi victus, & tota annona, cur non earundem rerum proprietates illi adhærescunt? Quomodo tam plumbeis pedibus est, qui leuissimo aëre, & celerrimo, incitatissimoque vento pascitur? Cum alimonia suas conditiones in eum, à quo sumitur, diffundere solet, qui fit, quòd ventus suam velocitatem in chamæleontem non transmittat, vt cursu ceruum superet? An pastus vitio hoc accidit? an cibi defectu? Nihil minus. Vnde ergò tam graues, & impediti pedes animali, quòd tali pabulo vescitur?

Tertullianus vbi supra dicit: *Follicans ruminat, oscitans vescitur*, sorbetque, & mox respirat quamcunq; oscitante excepit alimoniâ. At si chamæleon tam indiligenter, & ignauiter suum cibum haurit, eumque non secus ac follis penè sinul & ingerit, & regerit, quid mirum, quòd tam parum ex suo pastu proficiat, & augeat? quid mirum, quòd alimoniæ efficacitas tam parum in illo elucescat? Et cum non sese decenter, atque vt debet, disponat, quid mirum, quòd leuiter ventus illi in grauem arenam, & inanis aura in plumbi pondera vertatur? Parum enim facit, quòd cibis sit ventus, si à malè parato non rectè sumatur.

Possumus hoc rei propositæ, & causæ, quam tractamus, accommodare. Quid causæ est, quòd cum hic celestis, & diuinus cibis sit ignis, qui corda inflammeret, manna, in quo tam variz delicta recondita, paradysus, in quo recreentur animæ, dulcissimus fons, qui spiritalium consolatorum blandam aquam diuite venâ fundat, validus baculus, qui sustentet, ærarium, quod contineat bonorum, quæcunq; excogitari, & optari possunt, infinitam copiam, multos tamen, qui eum accipiunt, nec sustentet, nec recreet, nec confortet, nec consoletur, nec locupletet, nec emendet? Causa est similis illi, ob quam apud Tertullianum chamæleontes ex suo pastu parum crescunt, & proficiunt, quia oscitantes vescuntur, adeunt sacram cœnam, accumbunt mensæ dominicæ, comeduntque tepidi, remissi, frigidi, negligentes, neque ritè se, atque vt decet, comparant ad superstantiales epulas, & nobilissimas dapes percipiendas. Quid ergò illis enolumentum adferre panis ille potest, quomodo optatos effectus in illis operari, qui à profana conuersatione, à risu, & iocis, ab obambulationibus otiosis, à vanis collo-



quijs, & lufibus, à nugis, & diffolutione sacræ Synaxi feſe ingerunt, nullâ inter communionem interpoſitâ die, quâ effuſum animum reuocent, diſſipatum recolligant, torpentem excitent, gelidum inſtament, ſed ad ſacram menſam non ſecus atq; ad profanam (ſub qua hilariuſculè iocari, ridiculiſque, & facietis diſcitis oblectare mutud licet) diſtracti, inattenti, & remiſſi, ac negligètes adeunt; & ſupremum Dominû, Creatoremq; ſic ſuſcipiunt, ac ſi nihil diſcriminis cõſtitueret inter corpus Filij Dei, quodd ex ſacroſancto altari ſumunt, & cibum, quæ domi ſuæ manducât? Qui tam profanè communicat, quomodo ſperare poteſt fructum ex cibo, cum ad tam inſignitum beneficium recipiendum tam malè paratus accedat?

Quod ad diuinum hunc cibum attinet, ille ſummenti ineffabiles gratias confert, ſi aliundè nihil obſtet: Eapropter dicebat Apoſtolus: *Probet autem ſeipſum homo*, 1. Corinth. 11. 28. antequàm ſacra- tiſſimum corpus Domini, quod in altaris menſa proponitur, ſumat. Vbi Apoſtolus, ex notatione bonorum Interpretum, ſingulari cum myſterio, plurimùm contrâ, atque inter comedentem, & cibum euenire ſolet, loquitur. Cibi, quibus per diem communiter veſcimur, priuſquàm menſæ inferantur, & ſumantur, prægulaſti, & probari ſolent, num eam habeant condituram, & ſaporis gratiam, quam eiſmodi ſercula requirunt. Verùm quod in altari comeditur, id non probatur, inquit Paulus, ſed ille econtrâ, qui comedit, & conuiuiæ conditiones examinantur: *Probet ſeipſum homo*, non conuiuium, & cibum, in quo nihil deſiderare poſſis, quod ad optimam, ſaluberrimam, præſtantiſſimam eſcam pertineat, quæ cum ſit caro, & ſanguis Dei, palàm eſt omnem ſecum adferre ſaporis ſuauiſſimam, quamecun- que audiſſimus expectiſſere queat.

Si non eſt ita, recurramus animo ad nomen, quo ſeipſum donauit Dominus eâ nocte, quâ edendum, bibendumque reliquit. *Ego ſum vitis, & Pater meus agricola eſt, omnem palmitem in me non ferentem fru- ctum, tollet eum, & omnem, qui fert fructum, purga- bit eum, & fructum plus afferat*, aiebat Ioan. 15. 1. 2.

Notârunt hic, quod & alibi à nobis commemoratum, Chryſoſtomus, Theophylaſtus, Euthymius, quàm attentè, penſiculatè, ac ſapienter locutus fuerit Dominus, qui cum æternum Patrem ſuum agricolam, ſe vitem, nos palmiteſ vocaſſet, illius ſtudium, & occupationes non circâ vitem, ſed circâ palmiteſ verſari dixit. *Pater meus agricola eſt, curator tamen non radicis, ſed palmitum*, inquit Euthymius. Et ſan- ctus Chryſoſtomus: *Pater meus agricola eſt. Quid?*

*Auxilio indiget Filium? Abſte. Non radicem, ſed palmitibus agricola curam conferre dicit.* Radix, ac vitis induſtriam non requirit agricolæ, palmites verò magnum eius implorant; quæ vel inuſiles reſecet, abijciatque, vel bonos putando reddat feracior: Radix nimirum integerrima eſt, vitis ſana, & fertilis, neque cultore opus habet. Cum ergo Dominus huius Sacramenti ſpeciebus teſtus ipſa vitis, ac radix ſit, unde ſacer corporis cibus, & diuinus ſanguinis liquor manat; ſuam ſecum adfert commendationem, & neque putatione opus habet, nec purgatione, neque curatione aliquâ, cum ſit ipſa puritas, & candor lucis æternæ, & ſplendida, viuæque imago immenſæ bonitatis Patris. Palmiteſ itaque, & rami reſecandi, purgandi ſunt; & homo magno ſtudio ſe probare, introque, & circumſpicere debet: *Probet autem ſeipſum homo*; per quem ſit, vt ſacroſanctum illud conuiuium non reſpondeat fini, ad quem eſt inſtitutum. Vt in conuiuium ipſo quis reperiatur deſectus, fieri non poteſt. Curat tantùm conuiuium, vt debitè, decenterque accedat, ita pientiffimi Domini noſtri deſiderijs ſatiſſet, qui liberaliſſimè ſui copiam facit, cibumque ſe, ac potum animabus plendis proponit.

Iuxta hæc quiſquis vult frui ſauoribus, & delitijs, quæ ex hoc ſacramento referri ſolent, quiſquis optimos tam cœleſtis arboris fructus decerpere, quiſquis vitam in vita reperire, & ex cibo vtilitatem, proſectum, robur virium capere, diſponat ſe ſeruentem, præparet impigrè, examinet diligenter, excolat ſtudioſè, mundet ſollicitè, adornet aulam quâ excipiendus tantus Dominus, quanto maximo poteſt heroicarum virtutum ceu pretioſiſſimorum perſectum apparatus. Ante omnia verò domum, quam immenſus ille hospes initurus eſt, rigeat puriſſimâ lachrymarum à penitiſſimo, & pœnitente corde natararum aquâ, cuius vnus odore gratiſſimo plurimùm paſcitur amantiſſimus Deus. Euerrat totas curioſè ædes, anguloſque illarum omnes ſcopis diligentis examinis, & humilis confeſſionis expurget (bonum etiam fuerit, domi corpus ſuum aſſiſtare, voluntariaſque à ſe exigere pœnas, antequàm cum tam potente Principe comesturus accumbat) & ſplendidiffimè, vt ſolennioribus, & maxime feſtiuis diebus ſi- exi ſolet, veſtiat, & vnum inprimis charitatis amicum conferat, quod ornamentorum omnium facile præſantiſſimum eſt. Quod enim magnifici apparatus, omniſque vitæ cultus diues, atque elegans, quod aula, monilia, auro rigentes veſtes, & gemmæ virtutum, morumque ſanctorum, niſi ad præparandum Deo hoſpitiū vertantur? Qui ad eum modum, ta- lique



lique studio, & curâ sese præpararit, illi augustissimum hoc sacramentum erit thesaurus, qui diuitem faciat, baculus, qui sustentet, panis, qui reborescat, antidotum, quod ab omni morbo præseruet, clypeus, qui protegat, lux, quæ ducat, ignis, qui inflammet, paradysus, qui recreet, fons, qui refrigeret, medicina, quæ sanet, amicus, qui assistat, dominus, qui honoret, pater, qui defendat, pignus, per quod futuræ gloriæ quietem reperiat.

## CAPVT VI.

*Panis hic diuinus, & dulcissimus, suauissima defatigatio est intellectus humani, cui per honorificum est tam amabili martyrio cruciari.*

**A**lium nobis Ecclesia mater nostra effectum huius augustissimi Sacramenti detegit, affirmans quidpiam de illo, cuius alibi quoque mentio facta, & deinceps ad reliqua capita vsus erit. In oratione secreta Feriæ V. Dominicæ III. in Quadragesima dicit illa ita: *In tuorum, Domine, pretiosa morte tuorum sacrificium illud offerimus, de quo martyrium sumpsit omne principium.* Perspicuum quidem est, & capto facile, quod hic docetur, & dicitur: Nihilominus arbitror non pugnare cum illorum verborum sensu eum, quo ad proxima tria capitula utar, in quibus tria exponam martyria, quibus sublime hoc Sacramentum tres animæ potentias afficit, probaboque, quod Dominus in hoc Sacramento præsens est dulcis dolor intellectus, suavis cruciatus voluntatis, & amabilis, chara quoque memoria crux, atque afflictio. Aio itaque, quod dicitur omne martyrium suum ab hoc Sacramento trahere originem, id hunc etiam posse habere sensum, quod ab hoc sacro, & supero Pane quodammodo nascitur, quidquid animæ nostræ facultates, quas dixi, patiuntur, candida enim nube accidentium testis Dominus quoddam velut martyrium efficitur trium animæ potentialium, sed tale, ex quo illa plurimum fructus, & ingentia beneficia consequantur.

Dispiciamus primo loco, quid intellectus patiat, hæc enim animæ potentia supra cæteras acrius torquetur, & grauiore cruciata exercetur.

Sacramentum hoc diuinum, fons, & origo sacramentorum omnium, MYSTERIVM FIDEI vocatur, quia reuera mare magnum, & abyssus, & archipelagus est omnium mirabilium, & mysteriorum diuinæ legis, & actionum Domini nostri, & quidam velut epilogus, ac summa eorum, quæcunque vel in mysterijs diuinæ legis, vel in Domini nostri operationibus admiramur, & stupemus. Quod verò hoc

mare tam est amplum, tam profunda abyssus, tam immensus oceanus, hoc ipsum incitat intellectum humanum, ut maiore animo, & contentione ardentiore, & vehementiore conatu illud inuestigare meditatione, & ingenio perscrutari, & suis viribus penetrare cupidissimè velit. Nam cum homines, ut est apud Aristotelem, naturaliter scire desiderant, illud avidius, atque enixius intelligere concupiscunt, quod minus assequi posse videntur, & captum eorum altius transcendit.

Propheta regius David aiebat, diuinæ legis testimonia, & verba esse admiranda, secreta, recondita, inquit: *Mirabilia testimonia tua*; Psal. 118. 129. Sed quid ex eo secutum, quod Dei testimonia tam essent admirabilia, reclusa, occulta, absconsa, impenetrabilia? Illud, quod *ideò scrutata est ea anima mea*, inquit David, tanquam dixisset: Ipsa mysteriorum tuorum inaccessible sublimitas me incitauit, atque inflammavit, ut in eorum indagationem totâ ingenij contentione incumberem, enixiusque operam darem, ut ea inuestigarem. Alia istorum verborum lectio apud Caietani sic habet: *Separata testimonia tua*; addita, & procul à me absita; sed hæc ipsa causa est, quæ me extimulauit, & impulit, ut quantum coniti animo possem, quantum labore, studio, lucubratione contendere, tantum facerem, ut in illorum cognitionem alis intellectus meis subuectus penetrarem. At videtur homines contrarium facere, & sic magis ratiocinari debere: Mare altum est, abyssus profundissima, mons cum stellis de sublimitate certat, ergo nec illud vado trajcere, nec hunc ascensu superare tentabo, quia audaciam meam ipsa rerum difficultas impedit, ac retundet: At si dicam, mare profundum est, idecirco tentabo vadere, mons cacuminosus est, ea quoque propter conscendere illum conabor, non satis prudenter loqui, & cogitare videbor. Quomodo ergo ait Propheta, ideò velle scrutari testimonia, quod sint admirabilia, & plurima habeant, quorum sit ardua, atque operosa cognitio; cum ipsa illorum intelligendorum difficultas audaciam eius magis reperire, & sciendi audacitatem infrenare debuerit, certè impedire potuerit? In alijs rebus ita ferè accidit, ut nemo facile tentet opus, vel onus, cui impares humeros videt, verum intellectus humani aliter, atque ita comparata est naturæ ratio, ut quod abstrusus est quodque mysterium, eò pertinacius id scire velit, quod editius montis fastigium, eò enixius conetur ascendere, quasi arduitas illi animos addat, & audaciam difficultas augeat. Nam ut Aristoteles 1. Metaph. c. 2.



ait, propter admirari homines & nunc, & primò ceperunt philosophari, ipsaque rerum abstrusarum obsecutitas spiritus humano addidit ingenio, vt quæ sunt difficiliora intellectu, hæc auidius scire cupiat.

Ad huius rei confirmationem non parum faciet id, quod Moyfi euenit. Pascebat ille in deserto soceri sui Iethro oues, videbatque procul inde admirabile mysterium, nempe rubum in medio ardentium flammarum tam illæsum, elegantem, viridem, vt non solum nihil damni ab igne acciperet, verum etiam frutescere videretur, & magis assentari voluisse incendium spinis, folijs, radici rubi, quàm incommodare. Cum rem eiusmodi nulli eatendus visam cerneret Moyses, audacter inquebat: *Vadam & videbo visionem hanc magnam, quare non comburatur rubus*; Exod. 3. 3. videbo qui fiat, quod flamma totum, quem ob oculos positum habeo, rubum ardens complectatur, & inuoluat, non adstuler tamen, neque offendant. Quid excitauit Moysen, vt portentum tam stupendum explorare cuperet? Quid mouit, vt habere compertum velle auderet? Ipsus hoc expressit, dicens: *V. dam, & videbo visionem hanc magnam*. Ipsa rei nunquam visæ magnitudo, & insolentia prodigij, & difficultas mysterij illum impulit, vt cognitum habere cuperet. Hæcine verò illum exstimulârunt, & adegerunt? Hæc ipsa: Nam quod visum tam ingens, & nouum esset, hoc illum inflammavit, vt quid sibi inflammatus, ac nihilominus per omnia saluus, illæsusque rubus vellet, indagare desideraret. Humanus namque intellectus id fidentiùs adoritur, & contumaciùs persequitur, quod sublimius est, captumque illius longius transcendit, aut abstrusiores habet recessus, accipiterq; nostri ingenij eam insectatur ardentius ardolam, quæ suarum remigio alarum altius erigitur, & montium iuga editiora petir.

Hoc sanctissimus Apostolus Petrus, vt mea quidem fert opinio, dicere voluit, cum ait: *Propter quod succincti lumbos mentis vestra, sobrii perfectè sperate in eam, qua offertur vobis, gratiam, in reuelationem Iesu Christi*; 1. Pet. 1. 13.

In his Apostoli verbis prima sola expendenda veniunt, ea nimirum, *Succincti lumbos mentis vestra*, quæ difficile habere sensum videntur. Lumbi enim quod ex sacris literis compertum habemus, lasciuie ardoris, & foedæ libidinis symbolum sunt, & succingere lumbos idem est, quod huius flagrantis, & inordinati appetitus irritamenta, & perlecebras infrenare. Sic enim & illud, quod Dominus aiebat: *Sint lumbi vestri praeincti*; Lucæ 12. 35.

stantundem fuit, ac si dixisset: *Esse castimoniam studiosi, & curate, vt carnem ab omni in concessa libidinis contaminatione puram seruetis*. Ad hunc sensum exponit ea Domini verba S. Gregorius Papa homel. 13. in euang. dicens: *Lumbos praeingimus, cum carnis luxuriam per continentiam coarctamus*.

Cum ergo S. Petrus inbet, vt succinctos habeamus lumbos mentis nostræ, videtur hoc velle, vt castimoniam intellectus seruemus. Ergone in intellectum cadere luxuria potest, aut turris appetentiæ ardor, qualis ille est, qui carnem succendit, & inflammatur? Non potest. Quod ergo Petrus ait, tale quiddam est, ac si dixisset, necessum esse cingere intellectus nostros, stringereque, & coarctare ingeniorum nostrorum quosdam velut luxuriæ ardores, quam patiuntur similem ei, quæ homines lasciuie, & lubrici, ac veneri laborant: Nam vt hi mulierculas eas auidius appetunt, & contentiosius instantur, & infestant pertinaciùs, quæ se magis abdunt, & oculis, occasioneq; omni studio suis subducunt, & vehementius cauent, detestanturque flagitium; sic intellectus noster, quæ maximè illum fugiunt, & quæ ingenio assequi minimè potest, ea peruiacius nosse appetit, non tam turpi, intemperante, tamen luxuriâ, & lasciuia percitus, quam edercere, & moderari, siue succingere, vt S. Petrus loquitur, oporteat.

Sponsus in Canticis, cum Sponsæ suæ venustatem, & formæ elegantiam dilaudare institueret, aiebat: *Oculi tui columbarum, absque eo, quod intrinsecus lateret*; Cantic. 4. 1. hoc est, rosei, gemmeique tibi è vultu oculi rutilant, non secus ac columbarum solent, vt interim occulta, & secretiora quædam tua ornamenta tacitus prætereant. Post hæc singulari eologio purpureas, nitidasq; genas celebraturus, frustillo malo granati eas comparat, inquit: *Sicut fragmen mali punice, ita gena tua, absque eo, quod intrinsecus lateret*; ibid. v. 3.

Venerabilis Abbas Gilbertus serm. 22. in Cant. ait: *Cur non vel ad modicum illud, nescio quid latens, communicas? Plus nos ad quærendum allicis, dum illud latere intrinsecus dicit, & curiositatem nostram amplius irritat, tantum silentio mysterium premeus. Plus nos, dum taces, trahis, velut pluribus dixisset: Cum nos commemoratione laudum Sponsæ tuæ, quas auidis auribus magna cum voluptate excepi-mus, pascis, & oblectas, Domine, melleorum verborum tuorum suauitatem felle non pauco condiuisti. Dicitis dissimulare te, quæ illam interius venustissimam, ornatissimamque reddant, dicitis silentio inuoluere perfectiones illius maximas, quas cum in ea esse*



esse prædicat, velum, quo inuoluuntur, non explicat, & saxum, quo teguntur, & obſignantur, non ſubmoues. Quid verò talia agens efficit? *Curioſitatem noſtram amplius irritat*, exacuiſ, incendit, & velut ſtimulis quibuſdam incitat, vt vehementiore teneamur auſiditate cognoscendi ea, quæ tacita relinquit. *Plus nos, dum taces, trahit*, & quò grauioreſ ſe nobis obijciunt difficultateſ, eò validiùſ contra nititur, & reconditorum noticiam enixiùſ appetimus. Proprium nempe hominum eſt, moſque ingenij noſtri hoc habet familiaris, vt maiore virium contentione rem illam pertenter, cuius aditus fortiùſ ſunt recluſi, & in illum murum pertinaciori curioſitate arietet, cuius magis ardua & difficilis demolitio.

Ex dictis prudens quiſque iam acceperit, quantos intellectui humano diuinum hoc ſacramentum pariet cruciatus. Nam cum ille ratiocinando id audiùſ, contentioſiùſ, audaciùſque indaget, quod magis abſtruſum eſt, & reconditum, cogitate, qui poteſtiſ, quantum laboris, deſatigationiſ, & doloriſ illi adferat hoc myſterium, quod tam profundum eſt, & viribus ingenij natiuiſ prorsùſ inacceſſum.

Sed hoc ſolario eſſe debet hominibuſ ſciendi audiùſ, & cum hoc myſterium, tum alia eiſuſmodi quantum vellent, intelligere non valentibuſ, quòd ſi in captiuitatem redegerint in obſequium Chriſti, & fidei illiuſ ſuum intellectum, gloriari poterunt plura ſe quodammodò perſpicere ingenio ità ſubactò, & conſtriſto, quàm videre in ipſa gloria queant.

Quantumcunq; illud ſit, quod in beatitudine, & futura gloria quiſ videat, quantumuiſ ſe quiſ erigat, & attollat, in quantumcunq; contemperationiſ altitudinem aſſurgat, fieri tamen non poteſt, vt Deum, quem per eſſentiam videt, etiam comprehendat, ſicut ipſe ſe comprehendit. Affirmat hoc Doctòr Angelicuſ 1. p. quæſt. 12. art. 7. vbi ſciſcitatur, *Virum videntes Deum per eſſentiam, ipſum comprehendant*. Et quæſito reſpondet hiſ verbis: *Comprehendere Deum impoſſibile eſt cuiſcunq; intellectuſ creato, attingere verò mente Deum qualiſcunq; magna eſt beatitudo, Et dicit Auguſtinuſ*. Videte ergo nunc quomodo fideſ in hac vita dat intellectuſ humano, quod gloria illi concedere non poteſt: Cum enim impoſſibile ſit, Deum clarà viſione comprehendere, per fidem ego illum certo quodam modo comprehendendo, per illam namque tantum de illo obſcure intelligo, quantum ille de ſeipſo cognoscit. Propterea Angeluſ Doctòrum S. Thomæ fidem vocat animoſam, valentem viribuſ gygantem, inquiens: *Quod non capio, quod non vides, animoſa firmat fideſ*; in

Tom. III.

quibuſ nota epitheton, quo ille donat, & ornat fidem, vocans animoſam, audacem, plenam roboriſ. Meritò autem tam honorificà celebratur appellati-one, tantos enim habet animoſ, vt cum Deo certare, & dicere veraciter poſſit, non pluſ, aut maiuſ aliquid illum facere poſſe, quàm ipſa credat, & conſi-teatur, & magnitudini potentiæ illiuſ parem eſſe fidei ſuæ magnitudinem, nec plura Deum ſcire, quàm ipſa illum per ſapientiam ſuam intelligere agnoſcat, nec magiſ opulentum eſſe, quàm ipſa ſibi perſuadeat, nec indulgentiorem eſſe, quàm ipſa ſentiat, nec pluſ dignitatiſ, maiſtatiſ, diuinitatiſ habere attributa eiſ cætera, quàm ipſa indubitatò nòrit. Hoc verò eſt fide quodammodò comprehendere Deum, nec enim Deus pluſ eſſe poteſt, quàm ego rectà fide credam. Et hanc ob cauſam vocatur animoſa, nimirum, quia cum Deo credendo contendit de omni opere maximo, quodcunq; ille facere poſſeſt.

Et hinc, quantum exiſtimo, ſenſum aſſequemur difficiliſ cuiuſdam diſci, quod apud poenitentem Leporium preſbyterum in epiſtolà emendat, ſic habet: *Noſtrum eſt credere, illiuſ noſſe*. Loquitur compunctuſ ſacerdoſ de fide, quam diuinis debemus myſterijs, atq; ad Deum ſpectare, vt quod de quauis re pronuntiat, intelligat, noſtri verò muneris eſſe omnibuſ illiuſ eſſetiſ indubitanter, & abſque vlla animi hæſitatione aſſentiri, quod perinde videtur, ac ſi dictum fuiſſet: Credamus fide verà, ſynceràque aſſertione firmiter approbemus, quidquid prima Veritas nobiſ dictat, & ſuggerit, ſic enim, vt videtur, fiet, vt nulla ſit magiſtri, & diſcipulorum, nulla Domini, & fidelium differentia, nec enim ille pluſ in ſe eſſe poteſt, quàm ſit in noſtra cognitione, & magnitudo eiſ magnitudini fidei noſtræ excellere, vtraq; limiteſ eiſ extendi nequit: *Noſtrum eſt credere, illiuſ noſſe*. Maior ille in ſe eſſe non poteſt, quàm per fidem nobiſ proponitur, nec quicquam eſt, quod ille de ſe ampliùſ manifeſtare queat, fide namque tantum creditur de Deo, quantum de ſe ille nouit, idq; ad modum, quem diximus.

Conſtat hanc doctrinam mellitauuſ Doctòr ſerm. 31. in Cant. inquiens: *Fideſ lucem non exiſtingit, ſed cuſtodit. Quidquid ſane eſt illud, quod vides Angeluſ, hoc mihi ſombra fideſ ſeruat fideluſ ſinu repoſitum*. Fideſ fiduſ ſcrinium eſt, quod immenſam, infinitam, ineffabilem Dei magnitudinem totam complectitur. Ergò quanquàm humanuſ intellectuſ vim ſibi inferat, & diſcurſuſ ſui alaſ ſubmittat, & fidei captiuum ſe addicat, maxime illum ea decet captiuitaſ, cui & hoc per honorificum ſit, ſi illi reſe-

Li i

centur



centur alæ, & velo, quod accipitri fieri solet, tegantur eius oculi, fides namque illi quodammodo concedit, quod præstare gloria non potest, nimirum ut Deum credendo utique comprehendat, quod videndo in æterna patria nequit.

## CAPVT VII.

*Lauta hæc mensa est amabilis excruciatio voluntatis, dum illi non permittit videre faciem eius, quem & proximum habet, & plurimum diligit. Sed quaestiosa est voluntati omnis illa vexatio, poena, afflictatio.*

Quod amor sit dulcis tyrannus, qui torqueat, & suavis carnifex, qui optimè nouerit quando necessum sit, distendere fidei plas, nemo est, quantum mea fert opinio, qui nesciat. Nec quisquam est, qui non auditu aliquando acceperit illud sancti Gregorij Nazianzeni ex Orat. 28. *Amorem dulcem tyrannum agnosce cepi, simulatque amare, & hoc esse illum ingegno comperi, quod rem suam facere, & alumnos suos, quotquot sese illi dedunt, vexare nonnunquam, & afflicere sciat.* Tale quidpiam dicere possumus accidere voluntati cum hoc diuino sacramento, & ardentissimo illo amasio, qui testus panis, & vini speciebus per accidentium cancellos animas celestis prociis ambiciosè appetit, & corda velut malleis contundit, cum non se aperit animabus, quas deperit. Et videntur illæ amanter queri posse, & querere, quomodo tam acerbè torquere queat, qui tam ardentè amat, quomodo tam vehemens dilectio tam graues adferre dolores valeat. Nam qui seipsum liberaliter tradidit edendum, atque ex parte altera tam abditè abscondit, videtur duo facere, quorum alterum summè voluptuosum, alterum cruciabilissimum. Et voluptas quidem maior ne cogitari quidem potest quam est ea quæ sub vna buccæ totus Deus sumitur: Illud verò intolerabilissimè cruciat, si vsurpare oculis nequeas tantum donum, & tam immensum bonum, quod proximum habes. Nam si poenarum, quæ in hac vitâ infligi possunt, pondera examinemus, nullam grauiorem reperimus, quam non posse frui bono, quod ad manum est, & vicinam non videre gloriam. Demus hoc probatum, ut inde accipiamus, & intelligamus, quod hic diuinus panis, quemadmodum est vexatio intellectus, sic etiam sit afflictatio voluntatis.

Filius Israël, quod illorum ductor Moyses narrat, postquam victores mare rubrum transierunt, in quo barbarus, Pharo, omnisque illius exercitus sub-

mersus, extinctusque fuit, cum solitudinem Sur tri-duo pertransissent, venerunt in Mara, inueneruntque aquas plurimas quidem, sed tam salsas, & amaras, ut eas bibere, nisi ardentissimâ alioquin sitim suam magis accendere vellent, non possent: *Venerunt in Mara, nec poterant bibere aquas de Mara, eò quod essent amaræ*; Exod. 15. 23. Subiicit autem paulò post sacrum oraculum: *Ibi constituit ei præcepta, atque iudicia*; vers. 25. quod LXX. Interpretes nonnihil luculentius sic reddiderunt: *Et ibi posuit illi Deus iustitias, & iudicia*. Sed quomodo iustitiæ suæ rigorem ibi exeruit? quomodo ibi populum illum duris præceptis constrinxit? quomodo ibi iudicia seueriora exercuit? Nonne misera illa Aegypti seruitus, & ardens captiuitatis sartago, in qua viui frangebantur, multò plus austerioris iustitiæ diuinæ habebant, quam illæ eremi aquæ amaræ? Cur ergo ibi, in illo deserto Sur, iuxta illas aquas seuerius cum illo populo egisse Deum, acerbioresque ei poenas irrogasse dicitur? *Ibi posuit illi Deus iustitias, & iudicia*.

Respondet Origenes homel. 7. in Exodum: *Ibi, ubi amaritudo, ubi sitis, & quod grauius, sitis in abundantia aquarum, ibi posuit ei Deus iustitias, & iudicia, alius non erat locus dignior, aptior, & seuerior, quam iste, in quo amaritudo est, nec vlla commodior, opportuniorue contumacibus illis pro merito castigandis occasio, quam ea, quæ tunc usus fuit Dominus, cum ibi eos multauit.*

Notate mihi in his Origenis Adamantij verbis ista: *Quod est grauius, sitis in abundantia aquarum*. Saxuissimus est, qui à siti venit, cruciatus, & acerbum tormentum: At quem sitis inter aquarum ingentes copias affligat, illius atrocissima est poena, nihil enim intolerabilius, quam proximum habere suæ calamitatis remedium, & tam parùm illo uti posse, ac si infinitis spatijs distaret. Ibi ergo Deus populum suum acerbius afflixisse videtur, quam in ipsa seruitute Aegypti, nam cum æquè vicinam haberet aquam, ac suum, & bibere eam nequireret, quid illi poenalius accidere poterat? *Quod grauius est, sitis in abundantia aquarum*. Si quis Tantali miseriam experiatur, capretque nequiquam aquas in aquis, & siti tantum non enecetur, eius tam crudelis est dolor, ut immaniore imaginari nemo posse videatur.

Propheta regius amore iustitiæ magis, quam cupiditate vindictæ incitatus Deum rogabat, ut in feroces hostes suos digno supplicio animaduerneret, inquit: *Exurgat Deus, & dissipentur inimici eius, & fugiant, qui oderunt eum, a facie eius*; Psal. 67. 2.

Enucle-



Enucleemus speciatim qualis sit vindicta, quodue supplicium, quod istis imprecatur, cum ait: *Sicut deficit fumus, deficient.* Notandum itaque *desicere*, quod est *desinere*, (vt aiunt Ioannes Passeratius, & Ambrosius Bergomas, & sacre scripturæ etiam non paucis exemplis ostendi potest) hic significare confici rabie, tabescere inuidiâ, consumi dolore. Dicit ergo Propheta: Conficiantur eo luctu, mærore, ac dolore hostes tui & mei, quo conficeretur fumus, si intellectu præditus esset: *Sicut deficit fumus, deficient.* At quo malo extabescere fumus posset, si rationis compotem natura fecisset? Eo, quod Plautus in Curculione Act. 1. scen. 1. habet: *Flamma fumo est proxima, fumo comburi nihil potest, flammâ potest.* Cum sint coniunctissima fumus, & flamma, & vnû, idemque habeant principium, ille tamen imbecillis est, & euanidus, hæc mirum valida, ille percenuis, & infirmus, hæc vorax, potens, formidabilis, ille obscurus, & exosus, hæc lucida, & amabilis. Si ergo sensibus, & ratione ornatus esset fumus, adeoque suis rem quamlibet ponderibus arbitrari nouisset, quænam illi atrocior, & intolerabilius inferri poena posset, quàm quod se videret proximum ardori, neque tamen accendere, vicinissimum luci, nec illuminare, coniunctissimum flammæ, neque adurere, neque cæteris illius proprietatibus vllis gaudere? Quod ergo Propheta ait, *sicut deficit fumus, deficient*, perinde est ac si dixisset: Quemadmodum fumus contabesceret, si rationis capax esset, ita hostes tui, ac mei contabescant. Habeant vires magnas, sed nullum earum vsum, exercitationem nullam. Habeant ad manum cornucopiæ omnis boni, & nunquam illo frui possint. Siti ardentissima iuxta irriguum, & largifluum fontem laborent, & bibere nõ concedatur. Habeant arcas confertas numis, sed emolumentum ex eis nullum capere queant. Sint idolorum similes, vt neque pedibus ambulent, neque palpent manibus, neque oculis videant, neque loquantur ore, vt hinc eorum augeat dolor, sique cruciatus, quantum fieri potest, vehementissimus, vt certè est immanissima illius poena, qui frui non potest bono, quod proximum habet.

Nam vt inquit sanctus Petrus Chrysologus serm. 132. *non parum est cruciatus cisa non cernere, audita nescire, salutifera velut noxia declinare, virtutes quasi vitia sic cauere.* Certè non qualiscunque doloris est non cernere animo, quæ oculis exposita habèas, neq; intelligere, quæ audias, & antidotum tantum toxicum fugere, & benefacta ceu flagitia auersari. Hoc genus tormenti omnium facillè crudelissimum est.

Appropinquabat Dominus Iericho. De aduentu autem prodigiosi Magistri certior factus quidam cæcus, qui secus viam sedens mendicabat, magnis vocibus succlamans aiebat: *IESV fili David miserere mei;* Lucæ 18. 38. Habebat plurimos eâ occasione viæ comites Christis, ex quibus hi, qui præbant, increpabant cæcum, & tacere iuebant, verum ille à miserabili illo cæcitatæ malo liberari cupiens, contentiores voces dabat, dicens: *Fili David miserere mei;* ibid. v. 39. Ad se ergo adduci oculis captum mendiculum diuinus Magister imperauit, & cum proximè accessisset, quid sibi vellet, interrogauit. Cui ille: *Domine & videam;* ibid. vers. 41. tanquam dixisset: Quidnam ego ærumnosissimus homulus obsecrare maiestatem tuam possum aliud, quàm vt me à dura seruitute calamitatis, quàm patior absolvas?

Haymo Halberstattenensis Domin. Sexagesi. Tom. 1. Bibliothec. Homel. ait: *Ecce cæcus à Domino non aurum quarit, non argentum, non uxorem, non equum, non pallium, non cætera istius sæculi emolumenta, sed tantum lucem.*

Quamobrem verò sola oculorum lumina sibi restitui rogabat, cum Dominus neque suæ potestatis executionem, neque illius petendi facultatem ad reuocam restringeret, & coartaret? *Domine & videam,* rogo inquebat. Cur vnum, solumque visum suspirabat, neque aliud præterea obsecrabat?

Respondet Halberstadium Episcopus: *Quia cæcus, si aliquid habere potest, non potest illud videre sine oculis.* Circumfluat opum copijs captus oculis, sint illius amplissimæ fortunæ, quid ex his voluptatis capiat, quarum pulchritudinem, elegantiamque arbitrari non potest? Eapropter dicebat cæcus: Oculos ego, Domine, solos volo, & peto. Nam si diu ingentes proximis habeam auri cumulos, & rerum aliarum thesauros, eorumque & magnitudinem, & fulgentem, decentemque speciem alij plurimùm mihi prædicet, si crebrò hortum ingrediar, floremque illius nullum videam, si ad manum sit ædificium sumptuosum, ac magnificum, cuius admirandam struaturam, concinnas commissuras, & partes ad miraculum artificiosè elaboratas intueri nequeam, quis acerbior cruciatus, quis vel par dolor huic esse possit? *Quia cæcus, si aliquid habere potest, non potest illud videre sine oculis.*

Admiratione digna est quædam precatio, quâ populi Israëliti dux Moyses apud Dominum vtebatur, cui magno studio seruebat, & omnem religiosi cultus obseruantiam enixè deferebat. Obtestationem suam his verbis complexus fuit: *Si inueni gratiam in conspectu tuo, ostende mihi faciem tuam;* E-



rod. 33. 13. velut dixisset. Si aliquo aliquando officiorum genere te demerui, sit hæc, obsecro, studiorum in te meorum vnica remuneratio, vt velo detracto vultu tuum oculis meis vel paucillisper permittas, vt ad horulam videre mihi liceat, quod flagrantibus illi quam beati spiritus totâ æternitate aspectant.

Sed quid in hac oratione admirandum? Quid nouitatis habent eiusmodi preces? Quod supremum Dominum de facie videre voluit, nonne dignum tali viro factum fuit? Estne aliud, quod homo præterea desiderare debeat? Nunquid hunc solum ob finem conditus fuit? In quo ergo precationis illius admirabilitas posita fuit? In quo? In eo, quod Moyses paucis lineolis ante affirmavit, inquit: *Loquebatur autem Dominus ad Moysen facie ad faciem, sicut soler loquitur homo ad amicum suum*; ibid. vers. 11. Recenset eo loco sacer historicus insignita, & nunquam audita beneficia, quibus à Domino ornatus fuerit, inter quæ illud singularissimum erat, principemque locum obtinebat, quod tam familiariter illo Deus vsus sit, quam consuescere cum intimo suo homo quispiam solet, & ad amicam confabulationem vsque se submiserit, quando *loquebatur facie ad faciem*. Hæc sunt, quæ mouent difficultatem, & admirabilem faciunt Moysis petitionem. Nam si facie ad faciem, vt ait, cum Domino loquebatur, si familiares vltro, citroque sermões Deus, & Moyses miscebant, mutuoque spectabant, quid est, quod faciem illius sibi ostendi ille precabatur?

Respondet Oleaster in annot. morali: *Loquebatur sicut duo amici, quorum alter est in tenebris, alter in luce, aut sicut duo in obscurissima nocte, aut loco similiter colloquuntur*. Qui sic sermones conferunt, vt hic in luce, ille in tenebris sit positus, aut certe vterque vel in tenebricoso loco, vel atra in nocte versetur, ij vtique facie ad faciem colloquuntur, neque samen mutuò vident. Quotidie id euenire solet. Moyses ergo crebro cum Domino communicabat, facieque ad faciem differebat, nunquam tamen vultum eius, quocumque loquebatur videbat, in medio namque erat densæ nebulae, opacarum tenebrarum, obscuri fumi caliginosum velum, quod faciebat, vt ad vultum illius penetrare oculis non posset. Itaque cum tam propè haberet venerabilem, splendidam, ac diuinam Domini sui faciem, neque arbitrari oculis eam posset, cum audiret illum, nec videret tamen, perfusus lachrymis, atque effusus in terram, ita supplex orabat: *Ostendemmi faciem tuam*; velut pluribus dixisset: Retrahe, pietissime Domine, si ita placet, illas cortinas, submoue ve-

lum, quod mihi impedimento est, vt amabilem tantæ lucis maiestatem, & incomparabilem venustissimæ faciei tuæ gratiam videre non possim: Quod enim tam prope abes à manibus, tam procul ab oculis, quod te proximum non conspicio, quem vicinum audio, hoc ego tormentorum omnium, quibus me excruciare possis, acerbissimum, ac tale arbitror, vt nullo alio meam æquè exercere, & exagitare patientiam possis. Quid enim tam grauiter, & intolerabiliter affligere possit, quam gloria, bonum, thesaurus, quæ proxima habeas ad manum, ad vsum tam absita, ac si nullus ea vnquam aut vidisset, aut contrectasset?

Ita sentit Patriarcha Sophronius, qui in homelia de Angelis sic ait: *Quid homini potest contingere miserabilius, quam bonum desideratum ob oculos possum habere, neque desiderato tandem frui posse?* Multo sanè melius, feliciusque cum illo actum esset, si videre datum non fuisset id, quo frui non est concessum, nam vt tritum sermone prouerbum habet, *os quod non videt, cor quod non lora*, hoc est, cuius non vident oculi, etiam cor non plorat. Habere enim ob oculos bonum, quod diu ardentem suspiraueris, rem, pro qua plurimas lachrymas verteris, monile, quod maximis studiorum, sollicitudinum, anxietatum impendijs obtinueris, & ab eius fruitione prohiberi, atque arceri, *quid potest contingere miserabilius?* Quæ magis luctuosa infelicitas, quis atrocior cruciatus, quam illius, cui suâ felicitate magnis laboribus, multoque sudore parata, eaque præsentem gaudere negatur? Truculentior carnificem, iniquior fortunam nemo facile expertus fuerit.

Hæc est pœna, hic dolor, & cruciatus, qui infligi voluntati ex parte oculorum potest. Cum enim intellectus illi ex fidei certa institutione daret, eum, qui sub speciebus sacramentalibus tectus occultusque latet, esse Dominum totius maiestatis, Creatorem cæli, & terræ, ipsissimumque illum, qui cælo empyrio Imperator præsidens, omnes sanctos habet aulicos, & stipatores, ac perpetuos suæ laudis decantatores non alios, quam beatos sine numero Angelicos spiritus, speciosum formâ præ filiis hominum, & illicium oculorum à summo vertice ad extremam calcem: Perspicuum est, incredibilem hoc voluntati adferre dolorem, quod videre prohibetur tam opulentum Dominum, tam sapientem Deum, tam potentem, pulchrum, formosum regem. Quis hac de re dubitet?

Sed temperatur hæc pœna, leuisque, & dulcis sit cruciatus, si cum alterutrum eligendum, vt aut videas illum, & non comedas, aut comedas, & non vi-

deas,



deas, quid tibi sit conducibilis, apud te reputes. Patiam autem est, quod voluntas, cum vtrumque horum simul habere in hac vita nemo possit, visioni interim libens renuntiare debet, vt comestionis beneficium consequi possit, incomparabiliter enim maius est bonum, quod comestio adfert, quam voluptas, quæ à corporali intuitu venit, immò & cruciabilis est, non comedere quod videas, quam non videre quod comedas.

Dicat hoc nobis malus dæmon, qui tali quodam doloris genere protoparentem nostram infestauit, quod illam fraudi suæ ex sententia adornandæ, & conficiendæ apriorem putaret. Is incautam virginem recens nuptam talibus verbis adoriebatur: *Cur præcepit tibi Deus, ut non comederetis de omni ligno paradisi?* Gen. 3. 1. Quæ habet ea dæmonij verba sensû?

Ex sancti Ioannis Chrysostomi homel. 16. in Genes. talem, *Quare hoc? quæ utilitas versari in paradiso, si non frus illis, quæ in illo sunt? Sed ideo maiorem fertis dolorem, quod spectare quidem tibi licet, frui non licet.* Ex illius sacri Doctoris commentatione tale ferè est, quod voluit stygius dæmon dicere: O infelices! quàm vos miseror! quàm doleo vicem vestram, illam tam iniquam, & aduersam! quæ esum vobis denegat omnium huius paradisi fructuum, quorum visum passim offert, nec permittit solum, sed non ob aliud offert aspectum, nisi vt grauius vestrum exulceret animum, & exaggeret cruciatum, dum non concedit ore vsurpare, quod oculis, nec vesci eo, quod videre. Quanto satius esset esitare, quàm intueri? Ideo maiorem fertis dolorem, quod spectare quidem tibi licet, frui non licet. Itaq; cum alterutrius optio datur, vt vel re aliquâ videas, & nō comedas vel comedas, & nō videas, quāto præstat comedere, & nō videre, quā videre, & nō comedere, maximè quādo indubitata est comestio, & certè paratus cibo.

Cinxerat Bethuli in ciuitatem Holofernes, quam cum ille diligentius circumspexisset, inuenit fontem propius à moenibus abscitum, ex quo obfessi omne suum haurirent suis leuamen, & refrigerium. Quare incidi præcepit aquæductum, itaq; hoc illis quodcunque solatium ademit. Subijcit autem statim sacer textus: *Erant tamen non longe à muris fontes, ex quibus fortim videbantur haurire aquam, ad refaciendum potius, quàm ad potandum;* Iudith. 7. 7. vt magis vidisse, quàm bibisse aquam videantur. His verbis voluit diuinus historicus indicare, seuos miserorum obfessorum dolores, vt qui aquas ob oculos habuerint ad solam acriorem afflictationem. Quæ enim acerbiore exorucatio, quàm siuculorum,

qui solis oculis hauriunt, quas ne extremis quidem labijs licet degustare, aquas? Oppidò nempe grauius est videre, quod edere vel non possis, vel non auis, quàm edere, quod videre nequeas.

Hinc Aristoteles affirmavit, animalia, quæ ex rapto viuunt, & præda, nullā capere oblectationē ex visis ijs, quæ sūt illorū pastui apta, & gustui grata, nisi gustus ipse, tactusque accedant. Ille apud Abulensem in c. 27. Genes. sic habet: *Canes non gaudent odoribus leporum, sed comestione, leo non gaudet in voce bonis, sed in comedere, & videns ceruum, & el capram non delectatur in visu eorum, & el auditu secundum se, sed quia per visum, & auditum inuenies ceruum, & capram.* Nemo vitam solo visu traducit, vitæ cæci oculorum orbitas nihil officit, victus alimonia necessaria est. Postquàm ergo Dominus, pro suo immenso erga nos amore, voluit esse dulcissimum necdar, & suauissimum nutrimentum animarum, sic tamen, vt non nisi testum illum sumamus, quāto nobis conducibilis est, quod illam cum negatæ visionis pensionē, siue onere percipimus, quāquā neque pensionis onus est, sed beneficium maius, dum enim editur, quod non videtur, fides amplius exerceatur, vbi autem acrior fidei exercitatio, ibi abundantius meritum, quorum verò copiosius meritum in terris, eorum erit affluentior gloria in cælis.

## CAPVT VIII.

*Dulcissimum hoc Corpus, & Sanguinis dominici beneficium, quia diuinorum donorum maximum est, idcirco validissimè torquet memoriam, sed hæc à vicina voluntate habere commendatō potest, unde suam leniorem faciat cruciatus ærumnam.*

Quod hoc diuinum sacramentum sit beneficiorum Dei supremum, miraculorum maximum, donorum opulentissimum, munerum pretiosissimum, gratiarum præstantissima, id sacri Concilij Tridentini luculenta sententia habet, eaque sess. 17. cap. 2. his verbis expressa: *Saluator noster discessurus ex hoc mundo ad Patrem sacramentum hoc instituit; in quo diuinitas diuini sui erga homines amoris & elcet effudit, memoriam faciens mirabilium suorum, & velut in summā contrahens, siue in compendium redigens quicquid prodigiorum ante huius sacramenti instituti tempus vnquam operatus fuit. Nam sacrosanctum hoc mysterium, vt Angelicus hic Magister Opusc. 57. ait, est Miraculum ab ipso factorum maximum, in quo amor vires suas eouique exeruit, vt Deus maiora his, quæ hominibus dat, præstaret*



non possit, cum enim seipsum dono offerat, quod posthac largiatur, nihil habet reliquum.

Quando ergo memoria hominis secum recolit beneficium, quod anima in hoc augustissimo Sacramento recipit, quod est mirabilem Dei memoria, quomodo fieri potest, ut non vehementissimè angatur, & præ verecundia sese abdat, dum cogitat & donorum, quibus à Deo prægrauatur, immensa pondera, & debitorum, quæ inde contrahit, infinitam magnitudinem, & suæ tenuitatis exilitatem, & inopiam, per quam obligationis suæ vel minimam particulam compensare non queat, tamen si opum facultates, quotquot imaginatio sibi fingere potest, & thesauros omnes, quos auidissimus optare, aut excogitare queat, in vnum cumulum conferat, totosque ad hanc rem vnam vertat? Quomodo sub intolerabili debitorum onere, non ingemiscat, quæ se tanto in ære alieno esse nouit, & non esse soluendo non nescit? Quomodo res illam ista non frangat, non conficiat? Inexplicabilem necesse est eius esse dolorem, & cruciatum perpetuum.

Huc adducit Doctor Angelicus sanctus Thomas illud ex lamentationibus Ieremiæ: *Memoria memor ero, & tabescet in me anima mea*; Thren. 3. 20. recordabor diuini huius beneficii, atque hinc tantus inuadet animam meam dolor, ut illi è corpore exigendæ sit satis.

Immo verò gaudere potius, & immodicè latri debere tanti muneris recordatione videtur. Quid enim maiorem consolationem, voluptatemque adferre homini queat, quàm quod Deum tam prolixum, ac permunicum habeat, qui seipsum in cibum, & potum præbeat? Vnde ergo fit, quod tam insignitum beneficium absque dolore recogitare nemo possit? Inde, quod cum beneficio soluendi illius debitum suscipit, quod quoties secum reputat, memoriam memoria siue recordatio tantæ obligationis afflicat.

Quintilianus lib. 11. cap. 2. author est, quod sit etiam memoria memoria, velut si homo apud memoriam sibi leonem, agnum, lanceam imaginando fingat, ut feritatis, mansuetudinis, belli meminisse queat, aut tale quidpiam effigiet, ex quo aliud recordari possit. Hic est memoria memoriæ, inquit Quintilianus, nam ut recorder feritatem, mansuetudinem, bellum, prius memoriam leonis agni, lanceæ recurro. Vides hic quomodo fiat, *ut sit etiam memoria memoria*.

Tantundem in diuino hoc sacramento accidit, nisi quod videatur memoriæ memoriæ in alijs quidem rebus subsidio esse, & leuamini, in hoc verò sa-

cramento molestiæ, & cruciatui. Ac de memoriæ memoriæ in alijs rebus sic differit Quintilianus: *Non est inutile, quò facilius hæreant, aliquas oppone-re notas, quarum recordatio commoneat, & quasi excitet memoriam, multum enim signa faciunt, & ex alia memoria venit alia*. Sanctissimum hoc, & diuinissimum sacramentum est memoria, quod cum Dominus noster instituit, *memoriam mirabilem suorum*, (ut sacrum Concilium verbis psalmi affirmat) fecit, & vetera prodigia velut summam omnia in vno colligit. Quoties autem memoria hoc diuinum sacramentum recordatur, memoriam memoriæ esse dicere merito possumus: *ut sit etiam memoria memoria*. At videtur ea, quæ in hoc sacramento est, memoriæ memoriæ non tam excitare, & iuuare, quàm affliccare memoriam: Dicit enim sacer textus, & lamentatio Prophetica, quod pro dolore *tabescet anima* hominis, qui huius beneficii magnitudinem recordatus cogitauerit, nihil se habere, quod retribuat Domino, qui quod maximum potuit, & corpus suum edendum, & bibendum sanguinem dedit.

Non parum conferet ad huius rei confirmationem, quod sacer Scriptor de beatissimo Patriarcha Iacob narrat. Profectus ille in Mesopotamiam, non longè erat ab Haran, & ecce formosa Rachel venit ducens oues patris sui ad puteum, cuius os grandi lapide claudebatur, ut eas adquaret. Quam cum vidisset Iacob, & intellexisset esse confobrinam suam, & futuram coniugem, toto animo commotus, fixis, sed castis eam arbitratus est oculis. Post adquatam gregem, ut ait sacer textus, *osculatus est eam* (hoc enim receptus illius patriæ mos, & vetustissima consuetudo habebat) *& eleuata voce fletit*, Genes. 29. 11.

Multi hæserunt hoc in loco dubij, quid causæ sit, cur ploraret Iacob hac occasione, neque hoc tantum, verum etiam magnitudine doloris eiularet, quod magnanimum iuuenem parum decuit, tunc vel maximè, quando Rachel collachrymasse non videtur, certè nullo verbo indicatur.

Hanc ex Hebræorum opinione diluit Lyranus difficultatem, inquiens, Iacobrem à domo paterna digressum cum numerofo comitatu, ut filium nobilis, & peropulenti Patriarchæ decebat, intellexisse autem hoc Esau fratrem illius, ac propterea emisisse filium suum natu maximum Eliphaz, ut is patruum suum Iacob non rebus tantum alijs, verum & vitæ exueret. Occurrit ergo illi Eliphaz, qui nimiam feritatem arbitratus, si patri sui sanguinem funderet, sarcinas illius excussisse, diripuisse monilia, vestium apparatu, & socijs omnibus nudasse, sic ut pauperem,

& solo



& solo baculo comitatum à se dimitteret, satis putauit. Cum ergo in Rachelem confobrinam suam Iacob incidit, seque auro, gemmis, monilibus omnibus, qualia Rebecca matri suæ ab aui sui famulo data meminerat, spoliatum videret, acerbè flere cepit. Hebræi apud Nicolaum Lyranum in cap. 29. Gen. hac de re sic aiunt: *Cum vidit confobrinam suam, & non habuit aurum, & argentum, seu iocalia ad dandum sibi; sicut seruus Abraham dederat Rebecca, memorem huius rei capis lachrymari.* Dura namque, & grauis est calamitas hominis, qui se & magnis debitis prægrauatum, & non esse soluendo nouit. Itaque hominem, quem prælum hinc æris alieni, vel grauis alterius obligationis, inde inopiæ propriæ, per quæ luere non liceat, premit, mirari non debemus, si lachrymas illi tanta necessitas etiâ plurimas exprimat.

Quod si ita est, quanta erit memoriæ afflictio, dum hinc illi occurrit memoria mirabilium Dei, id est, hoc sacramentum, quod anima in singulos, si ita vult, dies accipit, & immensum debitum, & obligatio infinita, inde compensatio tenuis, siue vt melius loquar, retributio nulla?

Benè habet, quidquid hæcenus dictum. Nemo inficias ierit. At videtur mihi, quod memoriam illis ex Ieremia 31. 16. appellare possumus: *Quiescat Vox tua à ploratu; & oculi tui à lachrymâ;* res nimium tibi est cum bono creditore, cuius est humanitas, vt & debitum importunè non exigat, & paruo satisfieri sibi sinat. Si enim memoriæ forte videatur, quod non habeat, quo sua debita luat, voluntatem suam ex communi matre sororem habet vicinam, quæ commodatò dare queat, vnde obligationi suæ utcunq; satisfaciât. Postquam anima ex hac mensa comedit, deque pretio accepti cibi cum Deo agit, post subductas diligenter rationes inuenitur, quod Deum valeat buccæ quam manducauit, vt sub qua Deum ipsum sumpsit. Quidnam Deus pro tam ingenti beneficio requirit? Non aliud, quam vt anima vicissim se illi in cibum exhibeat. Hoc nempè est, quod dicitur in Euangelio Ioan. 6. 56. *Caro mea Verè est cibus; & sanguis meus Verè est potus, qui manducat meam carnem, & bibit meum sanguinem, in me manet,* amabilissimo nexu mihi adstrictus. At quid homo pro tam immenso munere reponat? Quo illo gratiam tantam compensabit? Illo, quod sequitur: *Et ego in eo.* Per hoc Deo velut satisficit, & debitum omne exsoluitur, quod voluntas totam se tradat illi, quem in hoc tam sublimi, & diuino sacramento accipit: Quemadmodum enim Deus homini se totum, quantus quantus est, exhibet, nihil

sibi reseruans, quod non illius esui, & vsui offerat, corpusque suum illi, & animam, omnesque illius potentias, & vitam immortalem, humanitatemque, & diuinitatem totam, sicque omnes diuitiarum suarum thesauros præbet; sic debet voluntas totam se cum omnibus suis affectibus, ac desiderijs huic supremo Domino consecrare, nec se tantum, sed & animam cum sensibus, & cæteris facultatibus illi tradere, vt & ipsa fiat cibus, & esca Domini, & perfecta maneat vnio & sacramentum consummatum.

Vt namque Deus est dulcis cibus animæ, sic & anima est grata Deo esca, de quo sanctus Ambrosius Doctor Ecclesiæ in Psalmum 118. Odon. 18. v. 3. *Quanta Domini gratia, & nos in suo ore constituat, & quidam meritorum nostrorum epuletur dapes, ac si mereremur, deuoret, si nostri cibi suauitatibus delectatur?* Ineffabilis utique Domini est dignatio, quæ facit, vt ipse quoque sacrosanctum os suum aperiat, & hominem esitandum accipiat? Quis explicare queat suauitatem, & voluptatem, quam amantissimus Deus accipit ex ferculis, quæ illi nostrorum merita operum bonorum inferunt, & apponunt? Nam diuino illius palato nullæ gratiores dapes, nulli acceptiores cibi, nullum dapilios conuiuium, quam nostrarum epulæ, & lauitiæ virtutum. Talem ergo à nobis repetit monetam, talem vicem pro conuiuium, quod ipse nobis exhibet. Pretium cælestis cibi, quem nobis edendum apponit, non vult aliud, quam virtutes, opera bona, actus sanctos à gratia profectos, & immensi istius doni humilem agnitionem, sic enim quisque nostrum fit cummunio, cibus, & pascus Dei: *Quanta Domini gratia, & nos in ore suo constituat?* Singularis hic fauor, & beneuolentia Domini, vt cum ille se nobis tradat, hæc contentus sit solutione, & compensatione, si nos illi vicissim tradamus. Hæc autem benè suauis, & leuis remuneratio est, quando is, qui totius Dei impendium fecit, solius hominis repensione contentus est, quando homo solâ voluntate soluendi eluere debitum potest, & domi suæ habet, vnde satisfacere certo quodam modo queat.

Propheta regius aiebat: *Circumui, & immolauit in tabernaculo eius hostiam sacrificiationis, cantabo, & psalmum dicam Domino;* Psalm. 26. 6. Memoriam reperierat sanctus Propheta beneficia Dei se plurima, & maxima, rationibusque earum supputatis cum se imparem solutioni cerneret, fecit quod Princeps, qui grauib; debitis se oneratum videns, & liberari alieno ære velleret, & satisfaciendi facultate destituitur, & proinde insomnes transmittit noctes, & mo-



dos alios ex alijs ad animum aduocat, quibus cum ditiones suas debitis, tum seipsum curis, & anxietatibus exonerare possit. Sic ergo & Propheæ regis accidit, qui de se ait: *Circumui*; ad varia consilia me conuerti, plurimas hinc inde conquirens rationes, quibus satisfacere Deo possem, video enim tam ingentia esse mea debita, ut eorum magnitudo verbis satis explicari non possit. Ex sancti Hieronymi paraphrasi voluit dicere David, *Circumui quatuor partes mundi*, & omnem latè orbem terrarum oculis, atque animo perlostrui, si quod fortè subsidium reperirem, quo exire ex Dei ære possem, & hoc solum inueni, quòd Deus pro solutione mundum nolit. Alio ergo consilio vtendum putauit. Quo illo? *Immolans in tabernaculo eius hostiam Vociferationis, cantabo, & psalmum dicam Domino*, inquit, tanquam dixisset: Inueni, quam Deus vult, compensationis rationem. Vociferationis hostiam cupit, hanc ei librabo, addam autem & cantum, & laudes eius magnis vocibus extollam.

Notate verò quod ait, *Immolans hostiā Vociferationis*. Quid accipit homo christianus, quando communicat? Hostiā. Sic eam vocat sacerdos in sacrosancto Missæ canone, dicens, *Hostiam sanctā, hostiam purā, hostiam immaculatam*. Neque inani nomine sic appellatur, sacramentum enim hoc est incruentum sacrificium, quod offertur æterno Patri pro viuīs, & defunctis, idque dignitatis infinitæ, pretij immensis. In vicem huius hostiæ *immolans hostiam Vociferationis*, siue sacrificium laudis. Ex meipso sacrificium feci, eoque satisfeci vel aliquantulum, quod potui pretium dependi, & me ita comparauī, ut essem hostia, sacrificium, communio Domini, velut Deus est mea communio, hostia, & sacrificium. Respiret ergo memoria tam facilem, humanumque habens creditorem, qui compensationem facultatibus maiorem non exigit. Et quoniam Deus, qui se homini liberalissimè offert, vult ut homo se vicissim illi reddat, nihil certè magnum postulat. Nam neque mundum obire, neque monilia sua oppignorare, neque prouentuum suorum partem vendere necessum habet, habens domi suæ pretium, quo debitum suum luat, hoc est, seipsum. Ut autem seipsum offerat non maiores sumptus requirit, quàm ut velit, quod cum auxiliarijs brachijs diuini ope potest. Ergo in voluntate reperiet memoria, quo debitum suum tam ingens, quantum homini possibile, soluat, & obligationi infinitæ satisfaciatur.

*Benedicta sis Sancta, & indiuidua Trinitas, quia fecit, & facit, & facies nobiscum misericordiam suam, Amen.*

Sanctus Laurentius Iustinianus de triumphali Christi agone cap. 26. sect. 6. ait: *Nulla ratione Redemptionis nostra mediator melius rependimus Sices, quam si illum toto corde, totuq; suscipimus diligamus, amoris quippe debita amore soluntur, tanti ipsa est charitas, & non nisi sola compensetur charitate*. Ad eundem modum possumus in causâ præsentis racinari. Ad rependendum vices Domino pro cibo, & dapibus, quas in hac sacrosancta mensa nobis apponit, quoniam pretio vtetur? Quid pro communionem reddemus? Mutuam communionem, quod fiet, si cum Domini auxilio (quo sine fieri solutio nulla potest) nos ita componamus, & præparemus, ut simus communio illius, cibis illius, pastus, & alimonia illius. Hac nempe ratione de infiniti debiti, & ineffabilis obligationis ponderibus plurimum detrahemus.

Faciat hoc ita Politicus noster, disponat sese, & præparet, ut tantæ maiestatis hospitem in humili animæ suæ domuncula excipiat. Mundet ædes, adornet diuersorium, desideretque, & magnis votis postulet puritatem, & charitatem omnium eorum iustorum, quotquot ab ipsis instituta cænæ dominicæ primordijs ad sacrum conuiuium accesserunt, & usque in diem mundi extremum cælesti hoc pabulo reficiuntur, faciat se quoque tam magni Domini communionem, studiosèque attendat, qualis illi mensæ sese ingerat, videns scilicet periculum cui se exponit. Iam nouit omnia includi in hoc mystico, & sacrosancto cibo, qui est panis duarum facierum, quarum vna serena, & velut subridens iustum emanter spectat, altera formidabilis, & horribilis improbo. Denique mors est malis, vita bonis. Caueat ne suo vitio theriacam in toxicum, antidotum in aconium, in mortem vitam, gratiam in damnationem, gloriam in infernum vertat. Non sit venenatus araneus, qui ex melle dulcissimi saui huius legat amarum fel, quo seipsum inficiat, & conficiat, nec enim esse potest alia vel acerbior miseria, vel grauior infelicitas, quàm si quis panem in gladium, agnum in leonem, aduocatum in iudicem, partem in accusatorem suâ sibi culpâ commutet. Verum si ad hoc augustissimum, & sacratissimum epulum accedat purus, nitidus, emaculatus, cum fulgida veste nuptiali, panis illi alimonia erit, cibis vita, esca, suauitas, semperque ex conuiuiu referet tum augmenta gratiæ, tum pignus futuræ, & æternæ gloriæ.



# POLITICI

## COE LORVM,

Ex mysticis actionibus, & moribus Sacri Patriarchæ Jacob exsculpti.

PARS SECVNDA.

LIBER PRIMVS.

CAPVT I.

*Ad facilem, felicemq; alicuius ardui operis perfectionem plurimum facit, si magno animo illud suscipias, & aggrediaris, cum rei cuiusq; principium sit pars illius potissima, & dimidium facti, qui bene cepit. habeat.*

**R**eceperat vetuli patris sui Isaaci benedictionem inclutus Patriarcha noster Jacob, veniamque petendi Mesopotamiam, & profectus venit in Mesopotamiam Syria ad Laban fratrem Rebecæ matris suæ; Genes. 28. 5. ut male irati fratris sui Esau furorem effugeret (quem ob benedictionem, omnemque illi coniunctam privilegiorum, & immunitatum gratiam præceptam perinsum habebat) tum ut statum viæ certum iniret, matrimoniumque cum auunculi sui filiabus contraheret, & nobilem, catholicumque sanguinem suum infamium, perfidarum, & idololatriæ deditarum Chananzarum coniugio non contaminaret.

Vt Politicum nostrum statim instituere incipiamus, & sublimissimam quandam status rationem eum doceamus, diligenti consideratione pensare debemus mysticum modum, quo sancti viatoris nostri iter, perfectionemque sacer historicus describit, inquit: *Profectus venit in Mesopotamiam*; in quibus plerisque Expositorum subito animaduertunt peculiarem illam formulam, quâ diuinus chrono-

logus sic enarrat iter Sancti Iacob, ut illum mox ad primulos passus in termino suæ viæ constituat, tantumquam finem suum statim assecutus fuerit, ac penè simul intulerit pedem domui auunculi sui, atque extulerit ædibus paternis, cum tamen certum, exploratumque nobis sit, plurimos confecisse passus, & dies exegisse non paucos priusquam in auunculi sui domum peruenerit. Quid ergo sibi vult, quod Moy- ses tam subito in Mesopotamia Syria Iacobtem constituit? Hispaniarum Salomon Tostatus in c. 28. Genes. ait: *Profectus est in Mesopotamiam Syria, id est, incepit proficisces*. Et Cardinalis Caietanus: *Extremos terminos, à quo, & ad quem itineris Iacob narrat Moyses, priusquam narret euentus medios in Gra. Quod propheticus historicus scribit, peregrinum nostrum ex Chanaan in fertilem Syriam, locupletemque auunculi sui domum peruénisse, dissimulans, quæcunque per itineris prolixi longa spatia illi euenerunt, principiumque fini connectens, & inquit, Profectus est, id perinde fuit, ac si dixisset, dedit se in viam, cepit itinerari. Quod autem Iacob cepit inire viam, id Moyse, ex primordiis itineris felicem illius successum, & exitum auguranti, tantundem fuit, ac si profectus esset, peruénissetque in Mesopotamiam, ut mystico illo loquendi modo doceret, omnes rerum quarumvis euentus prosperos ab eo pendere, ut quis certo, & confirmato animo eas aggrediat. Nam ut ingentia tibi bonorum operum studio merita feliciter pares, plurimum conducit, si strenuè illud suscipias, & voluntate*

Kkk

Tom. III.



ad ipsius prosecutionem valide obstinatâ inchoes.

Ita nos docet, & monet vitæ monasticæ dux religiosus, & illustis antesignanus. Sanctus Basilus Magnus in Orat. 2. de ieiunio, inquit: *Quarum rerum initia recusantur, in ijs procul dubio totum reſcitur.* Non nescimus, inquit monachorum heroicis Patriarcha, quod principium alicuius operis, (si rem ad ſeuerioris philoſophiæ canones examines) non eſt tota illius ſubſtantia, ſed pars tantum aliqua, quæ ad illius debitam perfectionem conſtituendam faciat: Verum bene animum aduertenti videbitur, initium operis velut totum opus eſſe, vt quod ſit radix, & origo conſummatæ conſtitutionis illius, fieri enim non poteſt, vt vnquam perficiatur, quod nunquam inchoatur. Ergo qui ordiri recuſat, vtrò fateatur, nolle abſoluere. Ergo operis cuiuſcunque ſumma in principio illius, velut in fonte & origine conſiſtit. Ergo reſert animoſe incipere, vt feliciter peragatur, cum ab initio ſtrenuo proficiſcatur quidquid boni eſt in opere bono: *Quarum autem rerum initia recusantur, in ijs procul dubio totum reſcitur.* Quare magno animo actiones noſtras ordiamur, ſic namque feliciter eas conſiciemus.

Ibat expugnatum Dei populus ethnicam idololatrarum Chanaanorum regionem, quando Caleb, vt milites ad fortiter dimicandum inflammaret, aiebat: *Qui percufferit Cariath Sepher, & caſtauerit eam, dabo ei Axam filiam meam uxorem;* Iudic. 1. 12. velut pluribus dixiſſet: Quisquis militari auſu, & Martio impetu, & animo intrepido arroganter illam ſolo æquauerit ciuitatem, & portas eius perfregerit, & demolitus fuerit muros, & ſuperbiam compreſſerit, huic ego pro tam præclari facinoris merito dabo coniugem filiam meam, quæ mihi vnica eſt, & delitium meum, & cum ſanguinis, tum facultatum omnium, & fortunarum ſola hæres.

Si opus, quod factum Caleb cupiebat, attentiore conſideratione arbitremur, impoſſibile fuiſſe, quod volebat, inueniemus. Quod enim fieri, vt videtur, optabat, illud erat, vt vnus quidam ſolus totam ferro vaſtaret ciuitatem Cariath Sepher, perduelliſq; eius habitatores ſubiecto incendio exureret, conſiceretque. Hoc autem ſuprà quàm arduum facinus, & pluſquam difficilis prouincia vni ſoli brachio, & gladio erat. Quid ergo tam prudens Capitaneus, tam ſapiens Imperator edicto publico rem tam operoſam expetit, quæ vel immenſæ poteſtati, vel prodigioſo miraculo ſit reſeruata?

Hanc acurè, vt ſerè ſolet, diluit difficultatem in-

ſignis noſter Abulenſis q. 14. in c. 1. libri Iudicum, inquiens: *Non intelligitur, quod aliquis de Iſraëliſ debet percuteſcere urbem, id eſt, omnes habitatores urbis, & caſtare eos, delendo ſcilicet totaliter, quia hoc non poſſet quiſquam facere, ſed intelligitur de iſto, qui primò irrumperet in urbem, & inciperet occidere viros urbis.* Quando ſupremus exercitus Iſraëlitici ductor Caleb filiam ſuam ſponſam addicebat ei, quiſquis ſupremam vrbi Cariath Sepher ſtragem adferret, non id eo conſilio faciebat, quod ab vno ſolo interemptos omnes illius incolas vellet, huius enim operis magnitudo vires dexteræ vnus, niſi quam Deus virtute ſupernaturali roborafſet, longè ſuperabat. Quid ergo volebat? Hoc ſolum, vt iſi ſibi hoc præmium haberet, quiſquis animoſe, audacter, fortiterq; portas ciuitatis adoriretur, & in medios hoſtes irrumperet, inimicarumq; copiarum ordinem diſſiparet. Hoccinè verò fuit Calebo deſtruere, & ſubigere contumacem populum? *Qui percufferit, & deaſtauerit.* Immo fuit. Nam vt fortiter cepiſſe opus, & ſtrenuè exorſum eſſe plurimum facit ad illius prosecutionem, cum principium ſit ſons, ex quo felix eius finis promanat, propterea primò vrbiſ inuaſori præmium, primò ciuium aggreſſori laurum promittebat, quod ille poſſima cauſa eſſet felicitis pugnæ exitus, optatus nempe ſulceptæ operæ euentus ab illius primordijs plurimum pendet.

Sic ex ſententia diuini Platonis docet fortiffimus martyr Sanctus Euthalius in diſſertat. de Engaſtrymit. contra Origenem, inquiens: *In vnaquaque re maximum eſt, æque præſantiſſimum, principium,* nemo quippè coronidem, ſummumque faſtigium ſtructuræ imponit, niſi fundamentum præiecerit, atque inde operæ initium ante fecerit. Supremum ergo editiffimæ turris cacumen altitudinem ſuam acceptam ferre, velit nolit, debet humili baſi ſux, quod enim illa vertice nubibus ambitioſa ſeſe ingerit, hoc à primò principio, & imo ſuſtentamento habet, niſi enim intrà profundiorē terram initia illius conſtruerentur, in tantam celſitudinem aſſurgere nunquam poſſet.

Quærit Eminentiſſimus Cardinalis Oſtienſis Sanctus Petrus Damianus, cuiam Euangelistarum magis obnoxij, arctiusque deuincti ſimus pro ſacra hiſtoria vitæ, & actionum magni ducis, & Magiſtri noſtri, quas ſuorum ſcriptorum monumentis conſignatas ad nos tranſmiſerunt. Difficilis eſt quæſtio. Sunt enim varia hinc inde, quæ ſi in conſiderationem adducantur, facient vt nec facile ſit, nec promptum determinare, cuius ſunt maiora in nos merita. Ioan-



mes sibi plurimum à nobis deberi affirmabit, est nimirum aquila, quæ seipsam transcendens in supremum cacumen volatu penetrauit, atque in verticem celsissimi, & immensi Olympi peruasit incomprehensibilis diuinitatis Verbi æterni, & Euangelij sui tubâ generationem illius æternam insonans, vastos montes omnes, ipsosq; adeo cœlos tremefecit. Neque deerit vel Lucæ, quod dicat, vel Marco, quod pro se adstruat, est namq; leo, qui à Ioannis ad penitentiam exhortantis terrifico rugitu auspicatè exorsus est, quæ de Seruatoris nostri dictis, gestibus admirandis conscripfit.

Verum magnus Cardinalis ait, quanquàm multis, & magnis modis obstricti simus Euangelistis cæteris, se nihilominus pro vno Matthæo semper pronuntiatum, ad eius partes accessurum, si pronuntiandi facultas sibi concessa esset, idque hanc vel maximè ob causam, quod ille primus viam Euangelistis alijs aperuit, & rationem conscribendorum ætuum Christi ostendit. Et illud quidem fortè audacius, non sine causa tamen sentire, & affirmare dicit.

Verba illius ex Serm. 49. sic habent: *Vi audenter dicam, nemo post Christum est, cui magis debeat sancta vniuersalis Ecclesia. Et causa huius est ista, quia primus omnium Matthæus Euangelium scripsit. Quia igitur ad sanctum Euangelium describendum primus iste prorupit, scribendi cæteris Euangelistis etiam præcessor aperuit, & tanquàm dux vexillum sequentibus prætulit, sicque eos exemplo, & scriberent, incitauit. Illi ergo debemus Euangelium, quem Euangelicæ narrationis constat insulisse principium, & quem in cæteris nouimus primum, non ambigimus inter eos cuiusdam priuilegij tenere primatum. Quidam Amīnabab historica Euangelicæ fuit Matthæus. Matthæus semitas profundæ oceani reconditorum sacramentorum Verbi æterni detexit. At si Matthæus primus signa extulit, primus viam aperuit, primus omnem de medio difficultatem sustulit, idem alijs animos fecit, & stimulos admouit, vt continuandum, prosequendumq; susceperent, quod ipsi mysticas ob causas memorate non fuit concessum. Primæ ergo laudes illi debentur, qui primus adornandæ Euangelicæ historię manum admouit, ampliùsq; illi quodammodò obnoxia est sancta Christi Sponsa, quam reliquis Euangelistis, quod historię, quam dixi, Euangelicæ princeps fuit, & in illius Euangelio tanquàm in principio cætera contineantur: Quem in cæteris nouimus primum, non ambigimus inter eos cuiusdam priuilegij tenere primatum.*

Hinc accipitur, & intelligitur, quantum operis alicuius primordijs debeat. Nam cum Sancti Ioannis Euangelium sit altissimum omnium, Euangelio tamen Sancti Matthæi velut cedit, tributq; pendit, quod Christi generationem humanam præcipue recenset, nec ob aliud cedit, quàm quod ille suam historiam primus vsui publico exposuit, & vulgauit.

Nam vt humanæ philosophiæ facillè princeps Aristoteles sect. 10. problemat. num. 15. aiebat, *principium rei cuiusque maximum est, quippe quod res dimidium sit.* Initium rei tametsi nec dimidium illius sit, neque finis, verumq; tamen certo quodam modo dici potest, nihil enim absolui, & perfici potest, quod non inchoatum aliquando fuit.

Ex his accipiemus, quo Poëtarum maximum, Virgilium dico, à calumnia non qualicunq; cum Seruio vindicemus. Amore cæcata, & malefana Dido regina manus sibi ipsi adferre violentas, & consciscere necem voluit, quod parum comiter, nec satis vrbanè, quin contemptim ab hospite suo Æneæ habitata fuit. Inter omnia, quibus seipsam consolabatur, vt ex infelici vita minus ægrè decederet, illud erat, quod suis Africanis elegantem, opulentamque ciuitatem relinquebat, in qua nomen ipsius ad sæculorum inuidiam, & voracis temporis liuorem, do-loreque perennaturum esset:

*Sidonias ostentat opes, vrbemque paratam;*  
inquit de illa Virgilius lib. 4. Æneidos suæ. Huic aduersari videtur, quod paulò post narrat, Didonem ab infano amore simul, & ignavia occupatam auocasse manum à cæptæ structuræ, & inchoatæ vrbis opera, sic canens:

*Non raptæ assurgunt turres, non arma iuuentus.  
Exercet, portusque, aut propugnacula bello  
Tuta parant, pendente opera interrupta, minaque  
Murorum ingentes, aquatæque machina celo.*

Si interrupta hæserunt suspensa opera, Didoq; ante animam posuit, quàm absolueret fabricam, quid est, quod paratam ostentasse urbem fertur?

Respondet Seruius: *Non est contrarium illi loco, Pendente opera interrupta, quia quantum ad ipsam pertinet, fecerat.* Non pugnat secum Poëta, sed consequenter ad rem præsentem, & causam quam tractamus, loquitur. Tametsi enim verum sit, quod Dido ad vmbilicum non perduxit inchoatæ vrbis ædificium, potuit tamen affirmare parasse illud, vt quæ muros eius, turresq; excitare cœperat: Cumque principium rei sit pars illius maxima, potuit dicere, absoluisse illam, sibiq; debitam gloriam operis posthac perficiendi, cuius initium fecerit.



Congruit cum dictis, & ad rei proposuæ confirmationem facit, quod Sacrum Oraculum 1. Esdræ 1. v. 10. & 11. his verbis refert: *Fundato igitur à camentarijs templo Domini steterunt Sacerdotes in ordine suo cum tubis, & Leuitæ in cymbalis & laudarent Deum, & concinebant in hymnis.* Palàm est, quod Sacerdotes, & Leuitæ non poterant, quin festiuis plausibus, & publicis lætitiæ signis suum de construendo templo gaudium ostentarent, hæc nimirum summa miseris mortalibus consolatio, quod Domini ædem, sedemque iuxta se habent, in qua magnifica illius maiestas beneuolentior, & faciliorem se indigorum precibus exhibet, & celeriores necessitatibus ærumnosorum fert opem.

Sed notandum in ijs sacri textus verbis, quod dicitur, *fundato templo* concurrisse ministros templi ad laudes eius, qui templi Dominus erat, celebrandas, & concinendas. Nam bene rem pensulanti occurret, templum illud tam citò, quàm hic dicitur, fundari seu perfici non potuisse: *Quadragesima enim, & sex annis*, ut est apud S. Ioannem cap. 2. vers. 20. *adificatum est templum hoc.* Quid ergo est, quod hic maiore temporis compendio hoc domus Dei ædificium absolutum fertur? Vix nimirum primus lapis iactus dicitur, quando structura consummata commemoratur.

Respondet quæsito venerabilis P. Gaspar Sanchez in 1. Esdræ cap. 3. v. 10. inquiens: *Fundatum dicitur templum, cum iacta sunt fundamenta, quæ futuri templi molem sustinerent.* Stratis itaque sustentamentis, quæ totam basilicæ machinam exceptura erant, dicitur basilica ipsa ad fastigium erecta, tamen plurimi dies, & anni abierunt, priusquàm manus vltima operi tam vasto impostræ fuit. Mystico autem loquendi modo instituitur, quanti referat strenuo animo rem aliquam ordiri, quantumvis ardua illa sit, & difficilis. Tanta nempe momenta habet ardens initium, ut pro consummata haberi possit opera, quæ fuit enixè suscepta, & inchoata. Propterea templum illud tunc dicebatur fundatum, quando ædificari cœptum, finisse enim quidpiam, & seruente studio incepisse, videntur idem esse.

Idcirco Iuriconsultus lib. 1. de orig. iur. aiebat: *Cuiusque rei principium est potissima pars*, maximè cum perficendi cupiditate flagrat animus illius, qui eam orditur. Merito autem initium pars rei maxima dicitur, nam quod non est cœptum, quomodo perducì ad exitum queat?

Percommoda hæc venient ijs, quæ S. Ioannes Chrysostomus obseruauit in titulo, quem B. Mat-

thæus suo Euangelio imposuit, dicens: *Liber generationis Iesu Christi*, Matth. 1. 1. De hoc titulo Chrysostomus, quæ dixi, in breui enarrat. in Matth. apud Titum Bostrensem illud quærit: *Cur librum generationis Iesu Christi ipsum appellat, cum non solum generationem, sed vniuersam prorsus carnis dispensationem contineat?* Non solum natiuitatem Christi, sed & baptismum, & prædicationem, & miracula, & passionem, & mortem, & resurrectionem, & alia plurima refert Matthæus. Cur ergo generationis librum vocat historiam, quæ tam multa alia commemorat?

Respondet catholicus Demosthenes, inquiens: *Quia profectò totius dispensationis caput est, ac bonorum nostrorum radix, atque principium.* Quod Matthæus suum Euangelium libri generationis Domini nomine insigniuit, tamen illud alia tam multa Domini nostri dicta, gesta que complectatur, id fecit, quia natiuitas illius fons quidam fuit omnium, quæ eundem postea dixit, fecit, tolerauit, ut propterea dicta omnia videantur, cum prima origo est detecta: *Quia totius dispensationis caput est, ac bonorum nostrorum principium, atque radix.* Hinc accipitur, quanti referat, obfirmato rem quampiam animo incepisse, ut enim in radice fructus, in fundamento ædificium, sic in principio tota operis bonitas, successusque & vitæ, & rei cuiuslibet alterius fortunatus fundatur.

Eapropter idem sanctus Doctor consequenter ad dicta festum nati Domini nostri festiuitatum omnium metropolin appellat in orat. de S. Philogon. inquiens: *Appetit festum omnium festorum maximè venerandum, tremendumque, quod si quis appellet omnium festorum metropolim, haudquaquam aberret. Quod autem hoc est? Christi iuxta carnem natiuitas.* Sed quamobrem cætera festa sunt velut coloniarum quædam, vnus verò natalis Domini dies tanquàm matrix ciuitas?

Perpicuum est Chrysostomi responsum, dicens: *Ab hoc enim festum Epiphansiorum, sacrum Pascha, Ascensio, & Pentecostes originem, ac fundamentum ducunt, itaque ab hoc, seu fonte quæpiam diuersi orti flauit, nata sunt nobis hæc festa.* Ex nati Domini festo die dies festi alij omnes sunt nati. Sacratissima ergo illa solennitas metropolis vocetur omnium earum festiuitatum, quibus Verbi æterni in carne humana gestorum memoria celebratur, sintque hæc illius velut suffraganeæ, sue coloniarum: *Si quis appellet omnium festorum metropolim, haudquaquam aberret.* His omnibus docemur, quàm utile, & conueni-



fit, paratum ad rem aliquam suscipiendam accedere, strenuè & fortiter eam ordiri, cum velut in semine fructus, in fonte riuus, sic in principio felix successus actionis contineatur, hæcque tota, sublato initio, intereat.

Ergo vt Catholicus, & Christianus Politicus non solum finem destinatum, & optatum consequatur, necessum est vt magno animo sese præparet ad suscipienda studia virtutis, & perfringendas, quæcunque occurrere possunt, difficultates, ob id etiam, quod omnis victa, superataque difficultas videtur, cum animus ad inchoandum opus semel rectè est præparatus, & confirmatus, quisquis enim semel audacter, ardentè in virtutis qualiscunq; curriculum descendit, is illud cum Dei auxilio animosè persequetur, & feliciter, ac prosperè conficiet.

## CAPVT II.

*Vt virtutem quis delectabiliter sequatur, & prosequatur suauiter, persuadenda est, quatenus amabilis spiritui, non ea ex parte ostendenda, & consulenda, quæ formidabilis carni.*

SUBLIMIS mons, arcta semita, anceps iter, aspera rupes, mare procellosum solet appellari virtus. Quod ad carnem, & sanguinem, quæ mortale spiritalibus rebus bellum indixerunt, attinet, hi, alijq; tales virtuti concedi tituli possunt, sed cum omnipotens Dei brachium roborer animos, & confirmet debiles vires, aspera etiam complanatur, procellosa sedatur, acida edulcat, rigida lenit, dura emollit. Atq; vt virtus non exterreatur, eâ parte spectanda est, quæ facilis, suavis, tractabilisque videtur. Hæc doctrina omnibus valde utilis est, incipientibus autem ingredi stadium, & suscipere studium virtutis vel maxime, quibus abscondendum quidquid amarum, molestumque inest virtuti, & quod suauis, quod gratum, ac delectabile, proponendum, inculcandumque, vt ad philosophiam christianam condiscendam magno, & alacri animo accedant. Perperam enim, & contrâ præceptiones diuinæ rhetoricæ ageret, qui difficultates rei arduæ illi proponeret, cui eam persuadere vellet, & perterrere inciperet, quem confirmare, ac roborare deberet. A Sancto Ephræm hoc monitum venit, qui de var. doctrin. cap. 62. sic ait: *Non oportet modum nimis stricte ponere aduersus recenter instructos, ne à Seniore ipsi ad alium deficiant.* Tyrones militiæ christianæ non debent nimium quantum arctari, & constringi, neque virtuti tam morosa, teretica, & terrificata facies appingenda, vt horrorem

incutiat ei, qui illam est amplexurus, sed quidquid in ea est facile, suauis, honestum, conducibile, illud prædicandum, vt in eius disciplinam volens, libens, gaudensque se tradat.

Et consideremus infelicitatem, quam minatur Sanctus Ephræm ijs, qui tali non vtuntur doctrinâ. Monet ille rudes vitæ sanctioris non nimis arctare, *ne à Seniore ad alium deficiant*, ne hoc agant, quod milites ferè solent, qui cum à suo centurione plus satis constringuntur, & per vim, tyrannidemq; opprimuntur, ad hostilium castrorum exercitus transfugunt, suntq; infensæ aduersarij, qui esse poterant validi auxiliares, & amici. Tale quidpiam, inquit Ephræm, vereri possumus ne ijs accidat, quibus imprudentes magistri terribilem, intolerabilemq; proponunt virtutum exercitationem, ex quo sit, vt deterriti difficultate in eorum studio versari possent desperent, adedq; ad partes, & castra victorum deficiant, atque in ijs positi cruento bello virtutem infestent, contaminatisq; moribus suis eam, tanquam iurati, & capitales hostes impugnent, pro qua strenuè, ac fortiter dimicare poterant.

Quam pulchrum huius tam salutaris doctrinæ exemplum inueniemus in sanctissimo Domini nostri Præcursores Ioânne Baptista, qui asperæ penitentiae, & omnis perfectionis imago fuit! Admirabilis vocis suæ efficacitate, & prodigiosa doctrinæ, stupendæq; prædicationis famâ, vt est apud B. Lucam, sic ad se pertraherent, vt hominibus vacuæ quidē essent ciuitates alioquin populosissimæ, plena verò eremus, & ad illum tanquam ad communem medicum passim vndiq; confluerent; vt lethalibus animarum suarum infirmitatibus curationem quærent. Inter cæteros venerunt ad illum Publicani, qui de periculorum malorum suorum remedio solliciti interrogabant: *Magister quid faciemus?* Luc. 3. 12. tanquam dixissent: Dexterrimum te medicum, & scientissimum magistrum cum nouerimus, quam possumus enixè, suppliciterque obsecramus, vt suggeras quid nobis agendum, vt conualescamus ab ægitudinibus, quæ nos in conspectu mortis adduxerunt, putridis, putridisque vlcibus medicinam, quæcunque voles, efficacem adhibe. Respondit diuinus prodromus ibid. v. 13. *Nihil amplius, quam quod vobis constitutum est, faciatis*, vnâ rem solam si feceritis, mihi satisfeceritis. Tributa ex officio publica exigitis, curate vt hoc moderatè citrà cuiusquam molestiam, & iniuriam faciatis. Sufficit miseris subditis, quod sint vectigales, caute ne anxietates illorum importuni exactores faciatis auctiores.



Notauit hic Hugo Cardinalis prudentiam, & discretionem sapientis magistri, inquiens: *Publicanos nondum hortatur ad sua cum proximis communicanda, sed prius dehortatur de iniuria proximis irroganda.* Erant Publicani homines auari, aridi, sordidi, perpetuūque sitiebant egenorum, ac pauperum alterum quendam sanguinem, & vi ad hanc rem utebantur, nec precibus moueri sinebant, ut mitius agerent. Cumque reatum suum agnoscerent, & intelligerent errata, atque à strato tam exitialis infirmitatis exurgere cuperent, cum sancto Ioanne de suo proposito communicabant, illumque, quid facto opus, consulebant. Is responsum dedit, quod iam diximus. Et ille quidem, tametsi vehementer optaret, ut non solum molesti tributorum exactores non essent, verum etiam sua in pauperes proluxa manu liberaliter erogarent, & indigentium necessitatibus opem ferrent, hoc solum tamen ijs dicit, ut ne per vim improbe extorqueant, quod illi expetere, alij pendere iussi, neque plus debito deposcant: *Nondum hortatur ad sua cum proximis communicanda.* At cur non statim Publicanis liberalitatem erga inopes suadet? Cur? Ne illos primo congressu mox perterrefaciat. Si enim simul atque illum conuenerunt, omnia, quæ ab ijs fieri optabat, sacer Præcursor proposuisset, & exegisset, rem arduam, & perdifficilem petijisse abitari fuissent, nam ex auaro derepente liberalem facere, & ex sordido munificum, videtur tale esse, quod factum sit impossibile. Cum ergo sagax venator esset, ut ne exterrita ipsi elaberetur præda, suauia proposuit, faciliora petijt, hoc nimirum, ut nihil acciperent, nisi quod iure debitum esset, ut cum hoc illius hortatu fecissent, quod facere leui negotio poterant, posthæc facerent etiam id, quod ipsi videbatur operosius, & non solum alienis rebus manus violentas non adferrent, verum etiam suas facultates largis manibus erogarent. Hic est bonus modus adducendi ad studium virtutis, persuadendi amorem Philosophiæ Christianæ, cum facilis proponitur via, & primum iter ostenditur, & trita, tutaque semita demonstratur, & onus tolerabile commendatur.

Simile est quoddam nostri Hispani Quintiliani consilium, qui lib. 2. cap. 4. inter varia præcepta, quibus iuuentutis magistros, & moderatores instituit, etiam hoc tradit: *Ne illud quidem, quod admodum neamus, indignum est, ingenia puerorum nimis inie-*

*rim emendationis seueritate deficere, nam & desperant; & dolent, & nouissime oderunt, & quod maxime necet, dum erantia timent, nihil conantur.*

Quapropter idem eloquentiæ magister ait, *sententiarum Doctores hoc agere debere, quod industrij, & periti agricolæ solent, qui frondibus teneris non putant adducendam esse falcem, quia reformidare ferrum videntur, & cicatrice nondum pati posse.* Mollis plantula durum ferrum ferre non potest, in qua si quid vitij, hoc blandæ manus frictione, & leni stercoreis fomento leuius curatur, asperam securis arbori longulis annis duratæ seruanda. Tantundem faciendum cum ijs, qui scholas virtutis frequentare, & signa militiæ Christianæ sequi cupiunt. Non illis sub primum ingressum, si quid in virtute horribile, proponendum, sed quod facile, gratumque ostendendum, suaue, non salebrosum iter indicandum, nec molesta, sed leuia, tolerabiliaque onera commendanda, ut sic magno animo adeant pugnam, & strenue, fortiterque conflant.

Quam bene hac in re versatus erat secundus Israëlitiçi populi Imperator Iosue! qui cum terram promissionis iam iam subacturus armis, & expugnaturus esset, dicebat suis: *Præparate vobis cibaria, quoniam post diem tertium transibitis Iordanem, & intrabitis ad possidendam terram. Vxores vestra, & filij, & iumenta manebunt in terra, vos autem transire armati ante fratres vestros;* Ios. I. v. 11. 14. Vtramque Iordanis ripam Israëliti tenebant. Hos omnes vniuersim appellabat Iosue, reficiens eis memoriam promissionis diuinæ, & inquiens; *Memento sermone, quem præcepit vobis Moyses, dicens, Dominus Deus vester dedit vobis requiem, & omnem terram;* v. 13. Iussit etiam recogitare, quod ex eiusdem Dei pollicitatione uxores, liberi, posteriores omnes futuri essent hæredes terræ, cuius amplitudo cum fertilitate, fertilitas cum rerum omnium, quæ ad necessitatem, voluptatemque spectarent, abundantia, abundantia cum æris salubritate, & soli amoenitate certaret, demum verò rapere arma, & ferro vel exigere, vel delere hostem imperauit.

Observauit hic eruditus Andreas Masius magnam inclyti ducis prudentiam, quæ ad suam adhortationem vsus fuit, eamque his verbis descripsit: *Instituto statim, quæ illis incundissima, gratissimaque audita sunt, commemorat, quo ipsorum animos conciliet. Quid enim illis potuisset esse incundum recordatione donata nuper amplissima, & eberrima hereditatis? Quid acceptius, atque suauius, quam vxoribus, parvulisque liberis, & pecudibus integrum posthac fore optatam diu frui quiete domus suæ? Vbi vero ceteris ad id genus est, quod mordere ipsorum animos possit, hoc est, Vos autem transite armati, tam id paucis absoluit, tamque*



eius ad ea, quæ acerbum hoc leniant, transuolat, & velut quibusdam & fertre mentem ipsorum, & sanare videatur. Digna est, quæ notetur, solertis Imperatoris sagacitas. Voluit suis persuadere, vt correptis armis cum hoste concurrerent, manusque conficerent, qui obstaculo esse volebat, quod minus in terram promissam, quæ lacte, & melle manabat, penetrare, illius possessionem adire possent. Ne verò illos vel armorum horror, & strepitus, vel hostium sanguinariorum truculentia, & feritas, vel pugnae difficilis labor, & anceps, dubiusque euentus, vel buccinarum crepitus, & vociferantium boatus, ocumbentiumque aspectus exterreret, cum dissimulare apud eos, quod præliaturi essent, non posset, ne animos eorum frangeret, roburque pectoris debilitaret; cautim, meditatōque illis primū ea narrat, quæ sciebat quod parentissimis auribus latentissimè, auidissimèque combibituri essent, in his illa, quod vxoribus, filiisque non solum placida, & læta, & diu expetita quies, sed incredibilis etiam omnium bonorum affluentia, pecoribus autem præta comparsa herbida, laeta, ampla, aprica indubitato parata essent, tum verbis, quod ajunt, tribus ineundæ pugnae necessitatem indicat, ne quæ belli incommoda eos expanefacerent, & à conflictu abstinere: *Quod mordere ipsorum animos possit, paucis absoluit, citò ad ea, quæ acerbum hoc rursus leniant, transuolat.* Hinc discant, quicunque alios ad virtutis studium permouere volunt, quomodo se habere erga illos debeant, vt novellis discipulis, rudibus tyronibus honestatē, & voluptatem, quam hæc sacra Philosophia, & cæli scientia fert secum, proponant, indicentque quod ea est quies animæ, paradysus conscientia, & porta, quæ ad perpetuum ducit otium, vt talium rerum commemoratione roborati consequantur virtutem, quibus eam sequi est propositum.

Quod hæc doctrinā præclare vi nouerit strenuus ille, ac magnanimus iuuenis Germanicus id ex adhortatorio sermone, & oratione illa cluxit, quæ milites ad fortiter ineundum contrā perduelles Germanos certamen excitauit, hoc eos inprimis cogitare iubens, quod si pugnaciter, tanquam veri Romani certarent, illorum acris dimicatio victori-  
bæ decus, & gloriam, quæ domi cara, quæ in castris honesta, vt est apud Tacit. lib. i. annal. ipsis allatura esset, & nominis famam æternam, celebritatem toto, quacunque pater, terrarum orbe diffundendam paritura, effecturaque, vt coniuges illorum, & liberi, & domestici, ac necessarii omnes pace perpetuā gauderent, ipsi verò spolijs optimis, ampliusq; onusti

domum redirent, atque ibi trophæa bellicæ laudis insignia, & monumenta sempiterna constituerent. Hæc omnia ijs posuit ob oculos. Verum Tacitus in tota eius oratione id notauit, quod *reticuit de aduersis*, consultōque præterijt, quidquid sinistrum illis euenire poterat, quod hostibus (vt est varia, & mutabilis belli alea) succumbere, quod dulcis libertatis, & vitæ iacturam facere, quod insolentibus, & arrogantibus inimicis ludi-  
o esse, & his similia, grauiora etiam mala incurrere poterant? Cur aduersa dissimulauit, & sola commemorauit prospera? Cur spe triumphii illos animauit, & quod iniquiore Marte pugnare, vique armorum insensurum opprimi, atque extingui poterant, silentio inuoluit? *Reticuit de aduersis.* Id fecit, quod eorum debilitasset animos, comminisset robur, incidisset neruos, ipsique inter primordia certaminis tanquam ignaui, & meticulosi, & impendentia pericula veriti diffugissent, si commemorasset infausos, & funestos exitus, quos eiusmodi conflictus habere soleant: Propterea expectatione triumphii, & prædæ cupiditate, & famæ victoriæ, & nominis exaltatione illos accendit, vt alacrius bellum inirent, & pugnarent acrius, & ardentius confingerent. Itā prouinciam aliquam suscepturo non est detegenda difficultas, quam illa secum ferat, sed gloria, quam pariat. Sic & virtutem consecrari, & amplecti cupienti non est illa exhibenda, quæ paria carni & sanguini molesta, aduersa, aspera, sed quæ spiritui conducibilis, utilis, salutaris.

Ab Imperatore ad Imperatorem, à Germanico ad Iustinianum transeo, qui ait, vt quempiam ad amorem iurisprudentiæ, & legum peritiæ inflammes, id nec maiore artificio, nec minore laboris, ac temporis impendio fieri posse, quam si illi facilia primum, & quæ in promptu, magisque perspicua sunt, tradas, ne accedere volentem in limine primo deterreas, & à vestibulo reuoces.

Verba illius in principio Institutionum tit. de iustitia & iure sunt eiusmodi: *Ita videntur posse tradi commodissimè, si primò leui, ac simplici via, post deinde diligentissimā, atque exactissimā interpretatione singula tradantur: Alioquin si statim ab initio rudem adhuc, & infirmum animum studiosi multitudinis, ac varietate rerum onerauerimus, duorum alterum, aut desertorem eum efficiemus, aut cum magno labore, sapè etiam cum dissidentia, quæ plerumque iuuenes auerit, serius ad id perducemus.* Dedita operā, inquit Imperator, iurisprudentiæ candidatis, & Vlpiani discipulis primo loco, quæ magis perspicua, & obuia



obuia sunt huius ciuilis facultatis, propono, quæque abstrusiora sunt, prouectioribus referuo, ne si rudia, debiliaque ingenia, & imbecillos, atque infirmos humeros maioribus ponderibus prægrauem, duorum incommodorum alterum incurram, hoc est, vel desertorem iurisprudentiæ rudem tyronem faciam, vel causa sim, vt despondeat animum (quod plurimis accidit) & vix tandem aliquando iuris peritiam leuem aliquam, finemque optatum assequatur.

Quis hic non animaduertit, quàm admirabiliter Ephræm, Quintilianus, & Iustinianus consentiunt? S. Ephræm ait, verendum ne à Seniore ad alium deficiant rudes disciplinæ religiosæ alumni, si morosam, difficilem, tetricam, horrido vultu eis depingant, & proponant virtutem; habenasque nimis adducant. Quintilianus verò inquit, pueros immodicâ correptionis asperitate, eò adduci, vt primum desperent, & doleant, & non solum oderint. Demùm Iustinianus dicit, quòd desertorem studiorum effecimus eum, cuius ingenium in ipsis studiorum rudimentis, vel incunabulis multitudine, ac varietate rerum obruimus, quod facilioribus, leuioribus, iucundioribusque magis fouere, & subpalpare debemus.

Sic quisquis alios ad virtutis, & vitæ melioris instituta erudire cupit, faciliora eis primò proponat, vt illa fidentius, hilaribusque amplectantur. Sic prudens, ac solers Rebecca cum S. nostro Peregrino filio suo Iacob fecit, quando illi, vt fratris sui iram fugeret, euaderetque, & cum furioso inducias faceret, hæc dicebat: *Nunc, fili mi, audi vocem meam, & consurgens fuge ad Laban fratrem meum in Haran, habitabisque cum eo dies paucos, donec requiescat furor fratris tui, & cesset indignatio eius, obliuiscaturque eorum, quæ fecisti in eum, postea mittam, & adducâ te inde huc;* Gen. 27. 43. 44. 45. Relicturus erat tener adolescens beneuolentissimæ, & amantissimæ matris suæ opulentam domum. Variæ illum, grauesque per viam expectabant difficultates, inter has illa, quòd rebus suis omnibus, socijsque adeò itineris nudandus erat, & solus baculo tantùm comitatus ignotas extraneas, ac longè absitas terras adiuturus. Vt ergo illum ad suscipiendam promptè, celeriterque viam roboraret, admirabili rhetoricâ vâs fuit, & omnibus delicati filij difficultatibus sagaciter occurrit, & quæcunque illum vel detererere, vel segniores reddere poterant, sic ferè præoccupauit: A matre, fili, abis, sed ad auunculum prædiutem, humanum, & perliberalem. Si amara videtur absentia, id tibi eam reddat suauiores, quòd & non e-

rit diuturna, & est necessaria, vt oculos euadat fratris tui, eiusque ira, quâ vehementer ardet illius animus, interim detepescat, & prorsum extinguatur, omnisque apud illum iniuriarum memoria oblietetur, vel intermoriatur. Vbi redieris, non fratres modò eritis, vt fuistis semper, verùm & amici intimi. Ego, ego, quæ te ad abeundum impello, vt redeas, studiosè, ac sollicitè curabo. Ac tamen nunc imparatus, & à rebus necessarijs non nimis instructus hinc emigras, copiosus tamen, & plurimùm cùm fortunis, tùm honore auctus reuerteris. Hæc illa, quibus effecit, vt sanctus adolescens magno animo viam lætenter ingrederetur. Ille verò, qui paucos solum dies, quòd mater spondere videbatur, in otio honesto, in magnis omnium amoribus, blanditijsque se transmiserat putabat, annos viginti, ac supra exegit, varijsque ærumnis afflictus, & attritus laboribus maximis fuit, de quibus posthæc sermo recurret. Hoc autem fuit sciuisse, quomodo persuadere deberet, & rectum instituendi modum tenuisse. Si mater filio suæ peregrinationis futuras calamitates, misérias, discrimina ante susceptum iter aperuisset, nunquàm ille fortè pedem domo extulisset, & neque tam illustrium virorum pater factus, neque mysticis illis revelationibus honoratus fuisset, quas & cùm abiret, & cùm rediret, habuit, quod Abulenſis, Oncales, Pererius Ikella, Oleaster, Guilielmus Ebroicensis, & alij multi annotarunt.

Hinc ergo illud accipiamus, vt si eos, quos siue ad virtutum exercitationem, siue ad literarum studia instituendos suscipimus, strenuos in alterutra palæstra volumus, quæ faciliora capiti eis iniitè proponamus, quæque & leuius consequi, & addiscere suauius possint.

### C A P V T III.

*Quidquid inconditum, acidum, amarulentum in actibus virtutum, id de nostra pusillanimitate, & ignauia magis, quàm de illorum asperitate natia venit.*

ET reuerà si huius dubitationis resolutionem ad Elucem veritatis examinauerimus, illud facillè certum, exploratumque reperiemus, quòd virtus non modò non est aspera, & pœnalis, verùm etiam lenis, & de voluptate suauis, neque tantùm non dura, & terribilis, sed & blanda, & tractabilis, & incunctissimæ consuetudinis, soli autem carni, & sanguini, & fragilis naturæ nostræ puerili imaginationi molesta, quæ ex difficultatula quantulacunque musca elephantem



Iephantem intolerabilis magnitudinis faciunt, & pusillus ærumnarum papilio non secus horrent, acsi immanes, truculentissimi, formidabilissimi calamitatum dracones essent.

Sanctus, & Magnus Basilius in cap. 8. Isa. 1. cum de virtutibus, & laboribus ageret, quibus miles insudat Christianus aiebat: *Cicures, & placida, accessu faciles, ac peruisa virtutes suppeditant bona, & dilargiuntur, ita sunt consiliatrices*; velut dixisset: Meticulosus quisque, & ignauus eam habet de virtutibus, & pœnalibus vitæ Christianæ operibus existimationem, quod sint efferrati leones, sanguinaræ tygrides, monstra horribilia, quæ turpi, & sæuo vultu exterreant, verum errant; quoniam virtutes, & omnes piæ exercitationes *cicures, & placida sunt*, aues, & animantes, vt sic dicam, domesticæ sunt, quæ leuiter capi, & mansuefieri sinunt, blandæ, & mites sunt, columbæ sine felle, absque vnguibus agni sunt. Caduca pusillanimitas nostra operibus virtutum asfingit, quod aspera sint, & ardua, & perdifficilia, quod accliuës, & confragosi montes sint, & tam procellosa maria, vt neque conscendi, nec vadari possint. Sed mentitur timida imaginatio, & iners, turpiterque deses est, qui cum illa sentit, *accessu non faciles sunt, ac peruisa virtutes*. Plani, placidi campi sunt, quæ inaccessæ rupes videntur, & vitrei, amœni que fluij, quos facillè trajcere possis. Quidquid ergo in illis asperum, ac terribile, id à vecorde nostra imaginatione nascitur, de virtutum ipsarum vsu, & operum pœnaliū exercitatione non venit.

Magnum Africæ decus Tertullianus lib. de pœnitentia cap. 9. cum de illa differit, cui homo Christianus sceleribus suis ingemiscens strenuam noctu, atque interdiu nauat operam, inquit: *De ipso habitu, atque vultu mandat sacco, & cineri incubare, sordibus corpus obscurare, animum maioribus deiscere*. Quod ille dicit, eiusmodi est: Edictum Pœnitentia publicum omnibus, qui sub illius signis militare velint, tale sancit: Qui mea mereri stipendia cupit, is, quæ subijcio, obseruare debet. Pro armis saccum rudem, & asperum vestiet, pro strato illi adustus cinis erit, cinis autem pro monitore fragilis, citòque interituræ vitæ, ac pro freno, quo prauas gulæ, carnisque appetentias cõdeceat, animum pullâ veste conteget, cuius deliberato cõsensu tot in supremū benefactorē perpetrata flagitia fuerūt. Hæc legū formula, ex quarū præscripto viuere debet miles pœnitens.

Insignis Interpres huius profundi auctoris P. Ludouicus de la Cerda in hunc Tertulliani librum de pœnit. cap. 9. Nota 132. acutè in his, quæ Tertul-

Tom. III

lianus in homine scelerum suorum pœnitente requirit, aliquid obseruauit, quod sic expressit: *Aduerto miram Tertulliani cautionem, qui nunquam inter tot voces huius capitis, quæ pertinent ad pœnitentes, luctus meminerit*. Saccum, cinerem, cilicium, mœrorem, cibi abstinentiam, parsimoniam potus, suspiria ab animo penitissimo profecta, taliaque exigens à pœnitente, nunquam luctus commemorat, cum is tamen illum præcipuè decere videatur, lachrymæ enim sunt panes mensæ pœnitentium, & velut inanis videtur mensa, quæ vacua pane, sic etiam quando pœnitentem destituit luctus, tamen abundet saccis, cilicijs, mœrore, cinere, inediâ, quasi omnia illi desunt, absque luctu namque, & cordis dolore non assequitur pœnitentia suam perfectionem. Propterea & Propheta aiebat: *Scindite corda vestra, & non vestimenta vestra*; Ioel. 2. 13. parum enim refert concerpere vestem, nisi animum cuneus doloris diffindat. Quid causæ ergo, quod Tertullianus nullam luctus mentionem fecit?

Respondet doctissimus Expõitor: *Quippè luctus est mortuorum; atqui squalor, sordes, & reliqua reorum, & pœnitentium*. Verum est, quod Tertullianus ceu principalia requisita posuit gemitum, suspiria, fletum, voluitque pœnitentem *ingemiscere, lachrymari, & mugire noctes, diesque ad Dominum Deum*, vbi & rem præclare exaggerauit, cum exigit, vt cor iugiter suspiret, os continuò mugiat, ab oculis lachrymæ perenni scaturigine effluant tanquam signa animi, seridè ac vehementer detestantis perpetrata flagitia. Sed cum ad pœnitentiam lachrymas, suspiria, gemitus, & alia, quæ paulò ante, ac superius commemorauimus, exposcat, cur vnum luctus nomen prætermisit, ac defugit? *Nunquam inter tot voces luctus meminit*. Quamobrem ergo hanc tantoperè deuitauit luctus, voculam? Quamobrem! Eam ob rem, quod luctu vitæ perfunctos prosequi soleamus, atque eos mœrore, qui mortem oppetierint: *Luctus enim*, quod Cicero in Tuscul. affirmat, & confirmari ex sacr. literis, si res postularet, posset, *est agrestudo ex eiu, qui charus fuit, interitu acerbo*. Consultò itaque, & sapienter magnus Tertullianus, cum de sacro, cilicio, flagris, ieiunijs abstinentijs, vigilijs, alijs seu operibus, seu instrumentis pœnalibus, quibus pœnitentes exercentur, loquitur, non commemorat luctus, cum hunc eis adhibeamus, qui vitæ iacturam fecerunt, vt significaretur, quod pœnitentiam, flagra, ieiunia, longulam inediam, durum stratum, rude & asperum cilicium formidare, ac pertimescere, nemo debeat. Hæc nimirum, si quis



quis eis secundum prudentiæ Christianæ præscripta moderatè utatur, non occidunt quenquam, nec in sepulchrum se conijcit, qui illis se addicit, neque eorum usum mortem sibi accersit. Immo verò eiusmodi actiones *vita sunt conciliatrices*, ut dictum ex sancto Basilio, sunt census vitæ longæque, & pignora ætatis in annos seros extrahendæ: Videmus enim, quòd veteres Eremitæ, qui in asperrimis, & abstrusissimis solitudinibus carnem suam vigilijs, flagris, inediâ, & vario pœnaliū afflictationum genere subigebant, emaciabant, extenuabant, tantumq; non extinguabant, & conficiebant, in plurimos annos suam produxerunt vitam, cum paucos dies viuant, qui in sumptuosis palatijs degentes corpus suum delicatè nutriunt, blandèque, & lautè, & opiparè, ac pollucibilibiter habent. Denique pœnitentiam, & pœnaliū operum-exercitationem nostra pusillanimitas, & ignauia faciunt terribiles, & intolerabiles, quas si ad rationis rectæ, & veritatis lucem aspicias, suaves inuenies, & quæ leuiter ferri possint.

Congruunt hæc, quantum quidem existimo, cum mystico loquendi modo sancti Lucæ Euangelistæ, quo refert mortalem agonem, & sudorem, quem pius mundi Reparator in horto Gethsemani est passus. Narrat sacer chronographus, tantâ copîâ tantâque vi sanguinem ex corpore illius toto erupisse, ut in terram cruor defluerit. Quod cum accideret, *factus in agonia prolixius orabat*, Lucæ 22. 43.

Quis hic non fixâ cogitatione attentius secum reputat, quòd Christus in extrema vitæ necessitate positus, cum sanguineum toto corpore sudorem funderet, *factus in agonia* dicitur? Sed quomodo *factus in agonia*? Confectus, ut videtur, agone dicere debuit. Supremi enim illi cum morte proxima confictus, non faciunt, sed conficiunt, anxietudines illæ non erigunt, sed prosternunt, acerbissimæque illæ pœnæ non confortant, sed debilitant, atque in deliquium adducunt. Talia aliud nihil plerumque efficiunt, quàm ut consumant, & interitum afferant. Quid ergo est, quòd apud S. Lucam Christus dicitur *factus in agonia*, qui magis confectus dici, ut quidem videtur, debuit?

Fuit ad eum modum locutus Lucas, ut nos doceat non horrere agones, pœnitentias, asperitates, rigores, studia mortificationis suscepta pro honore, & gloria Domini nostri, si enim temperanter, moderatèque eis utamur, non producant effectus, quos pusillanimitas nostra natura putat, timetque. Non enim flagra mactant, non deglubunt cilicia, non conijciunt in tumultum ieiunia, quin contraria pluri-

mum euenire solent, nimirum ut vitam inueniamus, ubi incurrere in mortem existimabamus, magisque roboremur eâ re, quam nobis exitialem fore metuebamus. Propterea de Christo ait Lucas, quòd *factus fuit in agonia*, non confectus, inter mortales sudores valentior factus, non debilitatus, confirmatus, non eneruatus. Quidquid enim amarulentum, & horribile in exercitatione pœnaliū operum, hoc à nostra ignauia magis venit, quàm ab ipsorum asperitate, plusq; illi stulta imaginatio affingit, quàm experimento sentiat.

Vnum aliquid volo mecum expendatis, quòd habet lasciuæ Samaritanæ iucunda, & delectabilis historia, eius, quæ cum aquæ baiula ob tenuem vitæ conditionem esset, ex tam abiecto, & sordido, ac seruili statu in eam sublimitatem est euecta, ut Apostola Christi fieret. Propositum erat Domino celestium verborum suorum reti animam illius capere, & quod astuti aucupes solent, putei locum petijt, ubi autem confidebat, quam malæ libidinis alæ à gratiæ nido procul abduxerant. Venit ergo ad puteum, propiorque factus expetitæ prædæ, post iactus non multos illam irretiuit. Rei præsentis nunc solum expedit considerare nomina plurimum, ut videtur, aduersa, quibus Sanctus historicus Benjamin Christi Ioannes donat locum, in quo celestis venator confederit. *Erat ibi fons Iacob, Iesus ergo fatigatus ex itinere sedebat sic supra fontem*, ait cap. 4. v. 6. Per id tempus quo Saluator ibi sedebat magis animæ capandæ gratiâ quàm auræ, ac requietis causâ, venit Samaritana. Tunc ille promptam auidè arripens occasionem, ut finem suum consequeretur, petijt ab illa potum, quæ illud pietatis opus denegans, declassato Domino aiebat: *Neque in quo haurias, habes, & puteus altus est*; ibid. v. 11. Hic nunc animaduertendum, quòd Christus locum, ex quo emissit ijs circumspiciens oculis præstolabatur prædam fontem semel, iterumque vocat, ex quo proxima facillè hauritur aqua: Samaritana verò puteum appellat, eumque profundum, ex quo sine vasis, & funis adminiculo extrahi nequeat. Putei, & fontis nomina non diuersa solum sunt, sed & aduersa. Fons suum frigidum thesaurum, & fluxum argentum, & fugitiuam crystallum sic fundit, ut absque vllò negotio accipi possit: Puteus non ita, sæpè namque sudare, & brachia cum labore contendere oportet, non etiam nunquam oblongas fudes, curuasque adhibere antlias est necessum, ut necessarium siti refrigerium ab illo accipias. At si ita res habet, quomodo Euangelista locum, cui Christus assidebat, *fontem*, Samari-



*etana puteum nominat? Erat ibi fons. Puteus est altus.*

Hic puteus in sensu mystico multis (in quibus Guilielmus Ebroicensis, Antonius Broicubi, Petrus Berchorius, Antonius Ricciardus, Lauretus, & Ioannes de S. Geminiano,) significat pœnitentiam. Quod ergo hic pœnitentiæ puteus etiam fons appellatur, tantundem est, ac si diceretur, pœnitentiam ei, qui Christum, qui est ipsa veritas, imitari vellet, fontem esse, ex quo facile, ac procliuiter hauritur aqua, at verò Samaritanæ, hominibus effeminatis, ignauæ, timidæque carni, & sanguini, profundum puteum esse. Nam mollicelli eiusmodi, & tenelluli homuli castigationem corporis, cilicij gestationem, humi cubationem, abstinentiam cibi, longiores vigilias, orationes pernoctes, & id genus pœnales excruciationes alias, fingunt esse horribiles, & intolerabiles.

De his S. Gregorius Nyssenus de virgin. cap. 23. commodè in causam præsentem ait: *Somniores sunt, qui immanem, & feram virtutem opinantur.* Toto cœlo errant, quorum ea est de virtute opinio, quod sit monstrum horrendum, ingens, quod calcitret, feriat, perdat, concerpit, deuoret: Somniores sunt, quibuscunque hoc cogitare in mentem venit, ac tam vano sunt atque inani iudicio, quam ij, quos delira, & stulta somnia sua sollicitos habent. Tertullianus lib. de anima cap. 45. ait: *Contristamur, & conterremur in somnijs quam adfectu, & anxie, & passibiliter.* Somniat aliquis, se cum Lybiæ quodam leone in sicca deserti arena dimicare, cuius acutis, & sanguinarijs ungibus dilaceretur. Quam angitur, & diseruciatur miser, putans vera esse, quæ somniat! Quantum turbatur, & sudat in illa sui strati cauea, quod illi magis equulens est ad pœnam, quam lectus ad quietem! Si per illas horas expectos, & sui compotes haberet sensus, & imaginationem, potestatemque in suas actiones liberam, certè rideret ea, quæ mortaliter angere videbantur, oblectationemque ex eis caperet, quorum nocturnus visus, & imaginarius aspectus sudorem toto corpore mortalem expresserant, cum in nullo permoueremur à vacuis imaginibus, si compotes somniaremus, inquit Tertullianus ibidem.

Non aliter somniores sunt Nysseno, ubi supra, *qui immanem, & feram virtutem opinantur.* Somni ludibrium, imbecillis, vecordis, ignauæ, timidæ carnis commentum est, quod puteus profundus existimatur, qui patens, & obuius fons est, quod inaccessæ rupes putantur, qui est planus campus, quod

imperium mare creditur, quod est vadus fluuiolus, quem facile transire queas. Si à profundo suspullanimitatis lethargo euigilarent, qui talia somniant, omnia contrà, ac somniarunt, inuenirent, & neque leonem videre, neque incidere in tygridem, neque montem à longè intueri putarent, sed omnia illis lenia & leuia fierent, maximè accedente diuturnâ exercitatione, & auxiliariis gratiæ diuinæ opitulatione, ac corroboratione.

Dignum consideratione est, quod Isaia Prophetæ cum illo Seraphin accidit, qui è supremo throno descendit, ut eius labia carbone ardente, quem forcipe ex altari acceperat, purificaret. De hac re sic habes Isaia 6. v. 7. *Et terigit os meum, & dixit, Ecce terigit labia hoc tua, & auferetur iniquitas tua, & peccatum tuum mundabitur.*

In huius facti commentatione notauit S. Basilus Magnus, quod Prophetæ, cum illius tenera labia flagrantè tangerentur carbone, nullum doloris inditum dedit, cum tamen nihil sit, quod & acerbius lædat, & vehementius offendat, quam attractus ignis, cuius est tam subita, & efficax nocendi violentia, ut simulac tangit, vrat, ac propterea tam est formidabilis. Et prophetæ, cum beatos illos spiritus iuxta excelsum illud, & eleuatum solium laudes Dei contentis, & alternis vocibus certatim canentes audiuit, sanctâ inuidiâ correptus, & suæ sibi hebetudinis, ruditatique conscius, ardentibus suspirijs aërem inflammans, præ dolore altum exclamat: *Va mihi, quia tacui, quia in pollutis labijs ego sum;* ibid. v. 5. Et quid est, quod hic tam lachrymabiliter vociferatur, qui tam patienter, cum ei adurerentur labia, tacuit? Quomodo ad ardentis cauterij vstulationem nec suspirium edidit, nec sensum doloris vllum ostendit? Quomodo tam asperam curationem tam æquanimiter tolerare potuit?

Satisfacit quæstioni Magnus Basilus, inquiens: *Hic congener ignis, & affinis erat, qui & in rubo apparuit, quem vidit Moyses. Imminebat quidem planta, nec tamen exurebat rubum.* Igneus carbo, quo Prophetæ labia plestebantur, & purgabantur, plurimam cum illo igne cognationem habebat, quem magnus populi Israëliti dux in deserto cum stupore intuitus fuit, quando rari prodigij spectator factus vidit, quod rubus arderet, & non combureretur, Exodi 3.2. vidit, quod viridem fruticem vorax flamma occuparet, neque igne tamen suo illi quicquam nocementi adferret, sed splendore luminis sui magis blandiri videretur. Mirum portentum, quod ignis in rem incidit, quæ facile conflagrare soleat,



nec eam tamen consumpsit, sed magis fouit! Vra-  
cis ergo illius elementi lumine rubus perfusus fuit,  
ardorem non sensit. Talis fuit etiam ille ignis, inquit  
Basilius, quo Prophetæ labia tanquam cauterio  
quodam curata, & mundata fuerunt: Nam ut ibi  
*imminebat quidem, sed non exurebat ignis*; sic & hic,  
cùm allaturus mortem videretur, dedit vitam, puri-  
oraque reddidit labia, & Prophetæ velut subblan-  
diti sua luce fuit, qui & illa magis sorditaturus, &  
hunc prorsus consumpturus timebatur. Itaque Isa-  
ias nullum etiam qualiscunq; doloris signum osten-  
dit. Sic res in poenitentia vsu, & exercitatione ha-  
bet. Quidquid in illa est, quod necem adferre vide-  
atur, videtur tantum, sed non infert: Nam si qui-  
dem vanæ imaginationi ignis videtur, qui exurat, re-  
tamen verâ nil nisi lux est, quæ splendeat, illuminet,  
pascat, oblectet, consoletur.

Id nobis opere expressum solitarius noster viator  
dabit. Quo primum die vitam iniit, obscura nox il-  
lum in deserto, inculcoque campo comprehendit,  
cùmque honestam, & necessariam defatigatis mem-  
bris quietem dare vellet, durum solum pro lecto,  
pro molli culcitra rigidos lapides delegit, aër illi  
pro stragulis, integumentisque fuit. De hoc sic ha-  
bes Genes. 28. 11. *Cumque venisset ad quendam lo-  
cum, & vellet in eo requiescere post solis occubitum,  
tulit de lapidibus, qui iacebant, & supponens capiti  
suo, dormiuit in eodem loco.* Ibi totam quietus no-  
ctem exegit. Quis tale quid cogitare, quis credere  
potuisset? Itane verò Iacob in tam aspero strato,  
& duris saxis dormire, & captare requiem potuit,  
qui habitabat in tabernaculis, ut habet sacer textus  
Genes. 25. 27. neque inde ad grauiiores labores exi-  
bat, & matris delitium erat, Rebecca enim diligebat  
Iacob, ibid. v. 28. cùmque illum tenerè, efficitumq;  
amaret, perspicuum est, quod illum laute, ac pollu-  
cibiliter habuit, maximè cùm mater esset, & matri-  
bus relicto sit, ut blandæ liberorum curæ atten-  
dant? Ille ergo tam charus matri, tam delicate enu-  
trit, tam splendide & opipare habitus, ille mollia  
vestire, & in sindone cubare solitus, ille tenerrimè,  
& studiosissimè semper curatus, & reclusus, ne quæ ei  
aëris inclementia incommodare, aut cœli iniuria  
offensionem, tristitiamque adferre posset, ille ruri,  
horridoque in solo, & rigidis saxis totam noctem  
dormiuit, non secus ac superioribus diebus in molli  
strato solebat, tamq; incolumis exsurrexit, ut omne  
itineris sui curriculum expedire peregerit, quousq;  
liber ab omni periculo ad auunculi sui domum per-  
uenit. Hæc omnia sacer Historicus monet, ut ani-

mus nobis, quo poenitentia operibus alacrius stu-  
deamus, addat, doceatque non esse tam efferatum  
leonem, quam nostra metulosa imaginatio fingit,  
caroque & sanguis pingunt. Idcirco ait Basilius in  
illius cap. 6. *Isaia commentario: Ne tibi for-  
mides à sobrietate, & temperantia, ne quid tibi ve-  
rearis à virili fortitudine, ne quicquam metuas à pi-  
etate, ne ab illa virtute perterrearis.* Non tibi me-  
tum vis potestatis qualiscunq; afferat, quemadmo-  
dum pueris accidere solet, quos picti, sculpique le-  
ones exterrant, atque in fugam vertunt. Non tibi  
animum parsimonia cibi, & victus moderatio, siue  
etiam abstinentia, & inedia adimant, non fugent  
flagra, non ignauum, timidumq; durior lectus, pro-  
tractiora ieiunia, prauarum appetentiarum operosa  
infrenatio reddant, si eni talium rerum exercita-  
tioni crebro, studiosèque operam dederis, experi-  
mento discas, quod non puteus, sed fons, & lux, non  
ignis, & leo pictus non viuus, musca, non elephas,  
campus non mons, fluuius, non mare est, quidquid  
illud pœnale, laboriosum, difficile, amarulentum  
in esse poenitentia videtur.

Parte 1. lib. 6. cap. 2. & lib. 8. cap. 3. simile argu-  
mentum tractat, alijque in locis, quæ ad finem hu-  
ius cap. 3. annosantur.

#### C A P V T IV.

Bonum est citò assuescere armis laboris, ut feren-  
di molestiam consuetudo corrigat, & leuiorem fa-  
ciat.

Non absque singulari diuinæ prouidentia cura  
factum, ut monent Expositores, quod tam tem-  
pestiue cepit S. noster Patriarcha degustare mis-  
erias, nudo solo lassos affligere artus, pro cernicali  
saxa capiti subternere, imparatus, solusque, aut  
non nisi baculo comitatus itinerari, & alia id genus  
incommoda tolerare, multis enim miseris, ærumnis,  
& calamitatibus, quas posthæc subiturus erat, illum  
Dominus parabat, ut demum leuius, minusque gra-  
uatè ferret omnem penuriam, & iniuriam, quam  
maturè à teneris annis tolerare consueuisset. Hæc  
nimis est ingens vis consuetudinis, ut quod diu-  
turna exercitatione vsitatum fuit, id facile toleratu  
reddat: Nam ut Publius Syrus in sentent. ait, *gra-  
uius nocet, quodcumque inexpertum accidit, è contrâ  
verò, ut Mendoza lib. 5. Viridarij problem. habet,  
consuetudo mollit labores, & quæ difficillima videban-  
tur, diuturnitate temporis facillima redduntur.* Si  
qui ergo contentiosè affirmare velint, virtutis stu-  
dium



diū arduū eſſe, & cum magno coniunctū labo-  
re, offerimus hic remedium, quo leuius fiat iugum,  
& tolerabilior ſarcina.

Peccauit primus parens noſter, quōd liberam  
manū ad fructū vetitū extendiſſet. Poſt tranſ-  
greſſionem mox adfuit Dominus, deq; ſella ac tri-  
bunali ſcleris redargutum morti, & exilio addixit,  
atq; ex illa voluptuoſa habitatione eiectū in cam-  
pum Damascenum transferri imperauit: *Emiſit eū  
Dominus Deus de paradifo voluptatis, Et operaretur  
terram, de qua ſumptus eſt*; Gen. 3. 23.

Quæſitum à multis Patribus fuit, vtrū ſupre-  
mus Iudex Adæ, poſtquā ille peccauit, multis die-  
bus gaudere paradifi habitatione permiferit. Moy-  
ſes Barcepha vult quā pauciſſimo tempore tole-  
ratum in delirioſo illo horto præuaricatorem Pro-  
toparentem fuiſſe. Vbi iterū ſciſcitari libet, au-  
ſeritaſne, an de pietate proſectum fuerit, quōd ab  
eo loco tam citō eſt expulſus? Indulgentia fuit, mi-  
ſericordia fuit. Nam ſi multos dies inter arborum  
amœnitatem, & fontium irrigua, & florum ſagran-  
tiam, & herbarum virorem, & harmonicū auium  
concentum tranſmiſiſſet; demū verō eiectus fuiſ-  
ſet, damnatusq; ad ſtiuam, vt glebas ſubigeret &  
terram vomere proſcinderet, & victum labore, ac  
ſudore pararet, & inter ærumnas gemeret, ardorem-  
q; ſolis, & intemperiem æris, & aſperitatem hye-  
mis, & ſeruitiam famis, & ignem febris, & alias ſex-  
centas calamitates pateretur, id acerbiorē illi cru-  
ciatum, doloremq; intolerabiliorem attuliſſet. Vt  
ergo min⁹ grauis illi ſit labor, & leuior defatigatio,  
mox à perpetrato peccato remum vitæ laborioſæ  
tractare incipiat, inquit Dominus, conſuetudo nam-  
que illi pro auro erit, quōd amaras pilulās operoſæ  
exercitationis teget, & vſus pœnaliū operum mi-  
nuet de acre, quem ſecum ferre illa ſolent.

Audiamus Syrum Bārcepham ex 1. p. de Parad.  
cap. vlt. vbi habet iſta: *Crēdibile eſt, Deum, quem  
puliſſus erat, eum haud longo tempore tantā felicitate  
frui fuiſſe, ne nimis exructaretur: ſed molli⁹,  
min⁹q; agrē ferret ſe tantis delitijs ſpoliari. ſolet e-  
nim Deus clementer caſtigationem exercere*. Pietas  
ergo fuit, & coniectum cum miſericordia ſuppli-  
cium, quōd non longos dies inter illas amœnitates  
eum morari Dominus paſſus eſt, qui ad huius vitæ  
aſperitates damnatus erat, quō citius enim duris la-  
boribus exerceri cœpit, eō minus moleſtiæ ex ijs ac-  
cepit.

Huius doctrinæ inhærens illuſtriſſimus Senator  
Caffiodorus mandauit Gudioſo Cancellario, vt ne

immoderatis exactionibus affligeret Comi, affluen-  
tiſſimæ, & amœniſſimæ ciuitatis incolæ, quos vt de-  
litijs innutritos nouerat, itā illum vexationis eorū  
miſerebat. Scribebat autem illi lib. 11. epiſt. 14.  
hæc præter alia: *Quapropter incolæ harum rerum  
iure parciſſur, quoniam amœna omnia delicata ſunt  
ad labores, & facile onus afflictionis ſentiunt, qui ſui  
ſuauius delitijs conſueuerunt. Aſueſcat ergo ferre  
ſarcinam laboris, qui vult ferre leui⁹, min⁹q; ſen-  
tire illius moleſtiam.*

De illuſtri, & heroico illo mundi reparatore Noe  
refert ſacrum oraculum, quōd poſt vniuerſalem or-  
bis inundationem fuit inuentor vitis, cuius ſalutaris  
liquor cor roborat, & exhilarat humanum. Voluit  
ille inuentionis ſux fructu vti, acciditq; ei aliquid  
inſperatum, & inopinatum. Vinum enim ſupremam  
ſenſuum arcem petens inuaſit, vixq; ingreſſus ini-  
micus tam furibundus fuit, vt ratio ſe illi dederit,  
& iudicium ad pedes eius conciderit, ex quo concors  
illa, & pulchra potentiarum harmonia turbata, &  
turpata fuit: *Bibens Vinum mebratus eſt, & nuda-  
tus in tabernaculo ſuo*; Genef. 9. 21.

Excusabit fortē quiſquam ebrietatem ſancti Pa-  
triarchæ ab eo, quōd multum vini hauſerit, adeō  
mirum non ſit, triplicem vnā intemperante potati-  
one ſibi conſaſſe miſeriam, & infelicitatem, vt &  
rationis impoſ fieret, & in tabernaculo ſuo turpiter  
deoperiretur, & ab impudente filio nuditas eius ri-  
deretur, atque ad maius ludibrium, & probrum eti-  
am vulgaretur.

Sanctus Baſilius magnus aliter de hac re ſentit,  
aitq; dici non debere, quōd immodico ſe vino Noe  
impleuerit; ſed quōd & paucum fuit vinum, quod  
hauſit, & bibendi illius vſus nullus. *Inebriatus eſt,*  
inquit ille homel. 1. de Ieiunio, *non quōd bibax ille  
quidem eſſet, & ebri⁹, ſed quia bibendi vſum nul-  
lum teneret.* Vſque in illud tempus mundo incogni-  
tum vinum erat. Noe vineam primus plantauit, e-  
iuſq; & liquorem guſtauit, & vim tyrannicam ex-  
pertus eſt, atque vt merum bibere non conſueuerat,  
itā deiſciendo illi pauxillum ſatis fuit. Habet hoc,  
qui non aſſueuit alicui rei, neque laborem vllum ex-  
pertus fuit, vt leuiſſimam moleſtiam grauiter, do-  
lenterq; ferat.

Conſtat hoc fortiffimus martyr Seuerinus.  
Boëtius lib. 2. de conſolat. proſa 4. inquiens: *Feli-  
ciſſimi cui⁹q; delicatiſſimus ſenſus eſt. & niſi ad  
nutum cuncta ſuppetant, omnis aduerſitatis inſolens  
minim⁹ quibusq; proſternitur, adeō per exigua ſunt,  
qua fortunatiſſimi beatitudinis ſummam detrahunt.*



Ad deificiendum animum hominis, qui rerum omnium copijs affluat, & lautè semper vixerit, & duris nullis assueverit, non catapultis saxa in eum excutere, non ariete illum quatere, non per vim aliam quampiam tentare necessum est, quævis illum molestiola, & aduersitatula cardinibus suis conuellit, & subruit, vnus minimæ calamitatis pilus suffocat. Quare exercere se laboribus quisque studeat, qui eos sibi minùs graues accidere optat, assuescatque armis miserix, qui non vult sentire rigorem penurix.

Multi sollicitè inquiserunt rationem, ob quam vnus ex omnibus sanctis beatissimus Iob hanc reportarit appellationem, vt exemplar patientix dicatur. Si hanc laudem promeruit, quòd tantos dolores, infirmitatesque est perpeßus, sunt alij innumeri, qui ægritudines plurimas, & cruciatus acerbissimos magnâ animi æquitate pertulerunt. Si propterea tali donatus est nomine, quia opum facultates, sceptrum, diadema, regis dignitatis statum, liberos perdidit, & de sublimi solio in fordidum, infimumque sterquilinum est deiectus, multorum ea infelicitas fuit, & non pauci admirabili patientiâ tempestatem fortunæ iratæ, procellasque tolerârunt. Cur ergo vnus, ac solus magnus Huius est speculum patientiæ, & exemplum tolerantix, & Cynosura, ad quam inter calamitarum, & aduersitatum fluctus respicere, & dirigere cursum debeamus, vt ad securum æquanimittatis portum salui perueniamus?

Causam ipse indicasse videtur, quando seipsum in sterquilinij sordibus iacentem aspectans, inquebat: *Ego ille quondam opulentus repente contritus sum, concidit me vulnere super vulnus, irruit in me quasi gigas*; Iob 16. v. 13. & 15. Ego ille tam potens, & fortunatus, ego tam stipatus famulis, tam affluens subditis, tantumque aulicorum comitatum ad pompam circumducere solitus, ab illo tam sublimi fastigio non paulatim descendì, sed momento vno deiectus, & in extremæ infelicitatis miseriam præcipitatus fui. Hic hic plagæ mihi aliæ ex alijs illatæ, hic me penuria, & immanes calamitates occupârunt. Quod autem inter repentina ea infortunia, & inopinatas ærumnas tam inuictum robur ostendit, qui in magnifico throno sedere assueuerat, & patienter excepit squalorem graueolentis sterquilinij, cui regius purpureæ vestis pridie velut assentabatur apparatus, & ab importunorum exercitu vermium totas sibi perforari, & corrodì carnes passus est, & à supremo felicitatis culmine ad extremam miseriam repentino casu delapsus, tam incomparabilem inter

hæc seruauit patientiam, & tam admirabili tolerantia æquanimiter omnia excepit, hæc re prodigium patientiæ, & portentum tolerantix se exhibuit, ac proinde merito cuius ætati, & sæculis omnibus proponitur tanquam exemplar, quod sequantur, tanquam speculum, in quo, quid imitari debeant, videant.

Sic rem istam ferè ponderauit S. Ioannes Chrysostomus in catena in c. 1. Iob, vbi ita habet: *Hæc omnia, quod grauius est, nec opinantem inuaserunt. Qui ab egentibus parentibus procreatus, & in paupere domo educatus est, is quasi exercitatione, cogitationeque munitus cum egestatis lenius tulerit, qui serò tam multis diuitijs circumfluat, is si repentinò ad statum contrarium detrudatur, subitam mutationem haud facile sustinuerit, namque homini non experientia erudito inclinationes huiusmodi asperiores solens accidere.* Miraculum patientiæ fuit Iob, qui cum à puero peropulentus fuisset, subitò factus egens illam tantam, tamque inopinatam fortunæ varietatem æquo animo tulit. Vix alterum talem videas, tam rari sunt, qui è culmine affluentix in imam pauperici abyßum derepentè deiecti constanti pectore illam excipiant aduersitatem.

Ne ergo simile quoddam velut miraculum expectet Politicus catholicus, qui ad bona cælorum aspirat æterna, nouitque, peruenire ad ea, nisi per amarum, & asperum miseriarum huius vitæ mare, neminem posse, ne tumentes eius fluctus illum sorbeant, & in impatientiæ abyßum detrahant, consultò fecerit, si inter medias delitias austeriori vitæ, & victui tenuiori, & corporis afflictationi, & miserijs, quæcunque euenire possunt, assueuerit. Si enim talium rerum tolerantia, & exercitatione semel obduruerit, & calamitates, ærumnasque huius sæculi, (quæ se mutuo, non aliter ac marini fluctus, excipiunt, consequuntur, & velut per manus ducunt) ferre visitatus fuerit, tolerantia præsentium ad patientiam futurorum roborabitur. Hoc enim remedij nobis reliquum est, quicunque ærumnarum infestis fluctibus in sauo mundi huius mari iactamur, quod cum ijs assuescimus, leuius ferimus, quibus prorsum subducere humeros non possumus, & æquanimius tolerantius, quæ omnino effugere nequimus.

In quam rem sic scripsit magnum Cordubensium decus Seneca lib. de Tranquillit. anim. c. 10. *Nullo melius nomine de nobis natura meruit, quam quòd cum sciret quibus ærumnis nasceremur, calamitatum mollimentum consuetudinem inuenit, etiam in familiaritatem grauißima adducens.* Nullus quippè est cruciatus,



uiatus, quantumuis grauis, & molestus, cuius non minuat pondera, non leniat asperitatem, non mitiget amaritudinem consuetudo, & vsus, atque exercitatio. Amplectatur ergo hanc vnusquilibet doctrinam, vix enim erit dies, vix hora, vel momentū, quo non indigebit eā, qui se felicissimum etiam arbitrat, sibi que ipsi de fauentissimæ fortunæ beneuolentia blanditur: Nullus enim status est, quantumuis ille prosper, & beatus, qui non infinitas innumerarum calamitatum, & miseriarum patitur incurfiones.

CAPVT V.

*Qui virtutis iter ingredi cepit, necessum est, eadem viā semper pergat, manet enim retrò, cum non progreditur.*

IN nudo duræ humi lecto quieti sese facer noster Peregrinus dedit, cumque suauissimo consopitus somno iaceret, visitauit illum supremus Benefactor, cosolatusque fuit viso, omnium, quæ in vetere Testamento reperias, celeberrimo, & decantatissimo, quod passim in ore omnium Euangelicorum prædicatorum versatur, & nostræ institutioni, morumque informationi perquam commodum est. Vidit autem amplissimam scalam, quæ cum à terrâ suam haberet originem, caput summo coelo insinuat. Vidit etiam Dominum supernè incumbentem in scalam, perque eam Angelos sollicitè certatimque ascendentes, & descendentes. Cum hæc animo perquietem cerneret, confortauit illum pius Dominus, ratæque ei fecit, quæcumque ipsius patri, auoque promiserat, in quibus hæc præcipua erant, quod eorum familiam suprâ omnes totius mundi prospicias felicitate, atque ex illa carnem humanam ei accipere vellet, qui generis humani vnicus Reparator futurus esset. Addidit his omnibus, quod comes, custosque illi per omne peregrinationis tempus, & iter adesse, in ærumnis consolari, interque pericula omnia seruare, domumque reducere incolumem vellet. Scala, vt plerique Expositorum volunt, fuit symbolum vigilis prouidentia Dei erga Iacob, quæ per ministerium Angelorum gressus illius dirigebat, & moderabatur actiones.

Sed spiritualem sensum persequamur, qui nostris profectibus seruiat, dispiciamusque quid mysticâ significatione docere nos voluerint Angelici spiritus, qui perpetuo in motu positi, per scalam sursum ac deorsum idemdem ferebantur: *Vidit Angelos Descendentes, & ascendentes per eam*; Genes. 28. 12.

Mellissui Doctoris sancti Bernardi quàm trita, &

celebris, tam accommoda moribus interpretatio in Ep. 253. & 341. sic habet: *Vidit scalam Iacob, & in scala Angelos, ubi nullus residens, nullus subsistens apparuit, sed vel ascendere vel descendere videbatur vniuersi. quatenus palam daretur intelligi, inter profectum, & defectum in hoc statu mortalis vite nihil medium inueniri.* Nullus Angelorum figebat pedes, sed vel submittabant eos in gradum inferiorem, vel attollebant in superiorem, vt eā re nobis indicarent, in via spiritus nihil intercedere inter profectum, & defectum, sed quemlibet necessariò vel ascendere, vel descendere, vel progredi, vel regredi, vel auertere gratiā, vel imminui, aut fursum ardentem conuerti, aut per remissionem, & ignauiam deorsum abire. Itaque semper fursum tendere, semper viam carpere vltiorem oportet, sit enim vt retrò maneat, qui caput non persequitur iter.

In montem amplum, & spatiosum coelestis Magister ascendit, aperiensque os, & mellea verba roseis labijs profundens, beatos dicebat, & pauperes spiritu, quod ipsorum esset regnum coelorum, & mites corde, quia certa eos perpetuum quietæ, & æternis delitijs affluentis terræ possessio expectaret, tum consequenter aiebat: *Beati, qui lugent, Beati qui esuriunt, & sitiunt iustitiam, Beati, qui persecutionem patiuntur*; Math. 5. 5. 6. 10. nam ex his primi suam inuenient consolationem, alij abundantiam, & saturitatem, alij marcescere nesciam in coelis coronam.

Expendit S. Gregori<sup>9</sup> Nyssenus mysteriū verborū diuini Magistri, atque in his illud, quod beatos pronuntiavit non eos, qui luxerint, esurierint, sitierint iustitiam, & persecutionem passi fuerint, sed qui nunc lugeant, esuriant, sitiant, & persecutiones ferant. Cur verò illi tam notanter prædicantur felices, qui talia in præsentī faciunt, vel tolerant, & nō præteriti luctus, non veteris sitis, esuriei, patientiæ, sed eorum tantum, quæ nunc sunt, ratio habetur?

Nyssenus Orat. 3. de Beatitud. ait: *Magis conueniens erat, ut eos, qui luxissent, beatos iudicaret, non eos, qui lugerent.* At si congruentius erat, eorum extollere felicitatem, qui antehac in moestitia fuerunt, quàm illos prædicare fortunatos, qui nunc gemunt, cur beatitudo adscribitur præsentī luctui, & præterito, vt videtur, non annectitur? Cur beatos dicit hos, qui hodie sunt, non qui olim fuerunt in moerore, & luctu positi?

Huic satisfit interrogationi, inquit Nyssenus, si dicas, vtrumque, hoc est, & præsentem, & præteritum à Domino prædicari luctum. Sed quod eos,

qui



qui nunc in præsenti lugent, peculiariter beatos dicit, id peculiari mysterio factum. Nam præsens luctus is est, cui quis nunc vacat, & nauat operam: Et quoniam, ut bene actorum præteritorum salua maneant merita, necessum est non ea intermittere, neque ab illorum exercitatione feriari, idcirco Dominus beatos pronuntiauit illos, qui nunc in luctu, esurie, siti iustitiæ, & persecutionum tolerantia versantur, & id genus bona opera opere exequuntur. Nam cum progredi, & proficui coepit iter definimus, tunc & crescere, & proficere definimus, & iacturæ periculo exposita sunt incrementa, quæ fecimus, & ne bene actæ vitæ superioris lucra nobis pereant, oportet illa iugi excitatione fouere, alere, & sustentare, adeo non sufficit iter fecisse, nisi illud persequaris, & continuò facere pergas. Et hæc est ratio, ob quam luctus, esuries, sitis iustitiæ, & persecutiones, quibus nunc in præsenti exercemur, laudantur, & prædicantur, qui enim usu, & exercitatione talium rerum non studet proficere, ille sibi ruinam, & exitium adornat.

Nam ut sanctus Bernardus Epist. 253. ait, *sistudere perfectioni, esse perfectum est, profecto, nolle proficere, deficere est. Non sic proficere? Non. Vis ergo deficere? Nequaquam. Quid ergo? Sic mihi, inquit, viuere solo, & manere, in quo perueni, nec peior fieri patior, nec melior cupio. Hoc ergo sis, quod esse non potes.* O te miserum, cui propositum conquiescere in gradu, ad quem ascendisti, neque aspirare, aut contendere ad altiore: impossibile namque est, ut de statu tuo non cadas, nisi connitaris sursum, conerisque ut in locum editiorem euadas, alterutrum enim fieri necessum est, ut aut ascendas, aut descendas.

Doceant nos hoc natorum ex mulieribus maximi felix parens Zacharias, & sancta illius vxor Elizabeth. Exorditur sanctus Lucas sacram suam historiam ab enarratione heroicarum virtutum, quibus hoc vetulum, & venerabile par coniugum ornatum fuit, inquit: *Erant ambo iusti ante Deum, incedentes in omnibus mandatis, & iustificationibus Domini sine querela.* Luc. 1. 6. hoc est, erat tanta vitæ sanctæ, & morum vtriusque similitudo, ut nihil affinius in curriculo perfectionis ad id usque tempus visum fuerit. Pari enim passu progrediebantur, & æquis ponderibus volabant, ut appensi in statera diuinæ iustitiæ non inuenirentur minus habere, quod perfido sacrorum Templi vasorum profanatori Balthasari accidisse Daniel. c. 5. 27. memorat.

Notauit Hugo Cardinalis in mystico loquendi

modo, quo Euangelista hic usus est, quod sanctos hos coniuges, postquam iustorum nomine donauit, etiam viatores vocauit, inquit: *Erant iusti incedentes; in quæ Hugo: Rectè postquam dixit, iusti, addidit, Incedentes, in quo profectus est operum. Sponsus enim non tam sessionem commendat in Sponsa, quam incessum. Quam pulchri sunt, inquit, gressus tui in calceamentis filia Principis!* Cant. 7. 1. Admirabili ergo cautione, & singulari studio factum, quod Lucas parentes Baptistæ iustos, simulque itinerantes appellat, ut indicaret, hinc illos profecisse, & fecisse incrementa virtutum, quod in earum stadio studiosè, continuoque perrexerunt. *Iusti*, inquit, & *Incedentes*, ut hinc acciperemus, quod homo Christianus sit iustus & sanctus, virtutesque illius seruentur integræ, id ex eo fieri, quod semper itinerari pergat, qui enim consistere in loco suo, & otari incipit, & bene operandi studium intermitte, is perdere, quæ lucratus est, & prodigere velle, quæ comparauit, videtur.

Quandoquidem Christiana vita militia appellatur, estque militia sanguinolenta, cum vastro enim, & versipelli, veteratorioque inimico configimus, eapropter sanctus Paulus Apostolus Beniaminum suum, Timotheum, aio, exhortabatur, dicens: *Labora sicut bonus miles Christi Iesu*; 2. Timoth. 2. 3. Commodum huc veniet quoddam Flauij Vegetij effatum. Si quis illum interrogaret, quo loco supremus quidam exercitus moderator habere debet eos, qui ab armorum usu diu feriat, à militari disciplinâ longulo tempore abfuerunt, dicere ex lib. 3. de re militari c. 9. *Pro tyronibus accipiendi sunt, qui pugnare longo tempore desierunt, & studium, omnemque tractationem armorum dies multos intermiserunt.* Quod Flauius de militiæ secularis alumnis pronuntiat, id multò melius de his, qui in Ecclesiæ castris ab exercitatione virtutum manus auocant, & otiantur. *Pro tyronibus accipiendi sunt*, quicunque tales sunt, nam à veteranis militibus in rudes armorum stipendiarios degenerant, nam regreditur, qui non semper progreditur, & qui non persequitur viam, etiam confecti operam itineris perdit.

Moyse præclare gestorum Patriarchæ nostri sacer scriptor ait, venisse Dominum de monte Sinai, & de Seir ortum esse nobis apparuisseque de monte Pharan, & cum eo sanctorum millia. Hæc Deuteronomij 23. v. 2. ad huius finem inquit: *In dextera eius ignea lex.* Illud nomen legis igneæ tractum ab igne, in quo Dominus descendit, cum legem primum tulit Exodi 19. occasionem præbuit Expositionibus,



toribus, vt in varias abierint sententias. Insignis Doctor Honcala quidpiam affirmat, quod & experientia dictat, vnde opportunam causâ præsentis exsculpam rationem, ob quam Dei lex dicta sit ignea. *Fomentis alitur ignis, ne extinguatur*, inquit ille in c. 15. Genes. Ignis à natura sua insatiabilis est, ardentis stomachi illius auaritia expleri non potest, & qui vult, vt flagret, & luceat, necessum est, vt ligna, taliaque alia ex alijs illi subijciat, ne splendorem, simulque ardorem remittat. Quod ergo Moyses ait, in dextera Dei esse igneam legem, perinde est, ac si diceret, vt ne illa in nobis extinguatur, necessarium esse eâ diligentia ergâ illam vti quâ adhiberi ad igne solet, & continuâ, quantum fieri potest, bonorum operum exercitatione illam fouere, quemadmodum lignorum, & talium rerum appositione ignis conservari consuevit. Nisi enim legi diuinæ exercitationem virtutum, & studium sanctorum operum, tantum ligna combustilia adiungas, fieri non potest, quin remittat ardor, & lux extinguatur.

Huc allusit sine dubio Eliseus sancti Bernardi tanquam Eliæ Gilbertus Abbas serm. 14. in Cantica, quando monet Christianum, vt hac doctrinâ utatur, & legem Dei sub metaphora ignis considerare iubet, inquit: *Tene, quod tenes, tene, & attrita diligenter verbum vitæ, reuolue lumen vitæ, solumen quod reuoluit Iesus, immò quod est Iesus.*

Norate mihi in his verbis ista: *Reuolue lumen vitæ*, quibus in rem præsentem nihil aptius dici potuit. Qui lucem lychni, ignem vult conservare, ne extinguatur, debet ellychnium in myxo, carbone, seu ligna in fornace sæpiculè reuoluere, atque ita vtrumque nutrire, ac magis accendere, & quantum de rei istius cura, & studio remittitur, tantum etiam lux, & ignis ardor remittunt. *Reuolue ergo lumen vitæ*, inquit deuotus Abbas, velut dixisset: Nisi diligente, & perenni bonorum operum vsu excites, ac nutrias flagrantem calorem fidei, & legis charitatis, quæ est ignis inflammans, & splendor illuminans, & ardor concremans, vehementer timere potes, ne tibi infelicitate extinguatur, facile namque emoritur, qui non iugiter fouetur ignis. Ergo qui non inuenit de virtute in virtutem, qui sanctorum exercitium operum intermisit, manifesto se periculo exponit perdendi parta, quæ persenerante studio nutrit negligit.

Refert sacrum Oraculum anxiam sollicitudinem, & perpetuam, perque vigilem patientissimi Patriarchæ ergâ liberos suos curam. Certabant illi mutua beneuolentiâ, & charitate, vicissimque ad licita, &

Tom. III.

honestâ conuiuia per dies hebdomadæ ex ordine inuitabant. Hæc res multum patri adferebat voluptatem. Sed quoniam in eiusmodi epularibus accubationibus & temperantissimi moderatio, & moderatissimi temperantia nonnunquam periclitatur, multo mane sanctus Iob surgebat, offerens victimas, & holocausta Domino, obsecransque illum, vt pro sua pietate seruariet liberos, ne inter epularum festiua gaudia, & oblectamenta tenerum modestiæ florem temerarent. Et monet sacra historia, perpetuum fuisse sancto Iobi hoc religiosum exercitium, & perenni eam rem studio curasse, inquit: *Sic faciebat Iob cunctis diebus*; Iob. 1. v. 5.

Olympiodorus vult, pertinacem illam sancti Iob ergâ liberos suos curam ob id commemorari, vt nobis sit documento, quem bene agendi modum tenere debeamus, vt bonorum operum studia nobis feliciter cadant, & quod ille in dies singulos sacrificasse fertur, tantundem esse, ac si diceretur: *Neque interdum actiones virtutis suscipiebat, aliquando vero prætermittebat, sed iusti vitæ adeo semper apta erat. Virtutum enim, bonarumque rerum cessatio reditus est ad improbitatem.* Hæc ille in sua Caten. in cap. 1. Iob. Ad insignem itaque sancti Patriarchæ laudem, & nostram institutionem hoc speciatim de illo traditum est, quod nullus illi effluebat sine progressu in virtutum curriculo dies. Non enim faciebat quod socordes, & vecordes discipuli solent, qui vno die studiosâ manu versant libros, posthæc autem totis centum diebus non contingunt, sed religiosâ contumaciâ per viam virtutis iugiter, ac pertinaciter ferebatur. Nouerat quippe, subsistere tantundem esse, ac deditâ operâ referre pedem, & retrò abire. Qui enim non conatur esse melior, is repetere viam, quâ venit, & regredi ad vitia velle videtur, & qui non ad locum sublimiorem aspirat, hunc descendere certò videbimus: *Virtutum enim, bonarumque rerum cessatio reditus est ad improbitatem.* Formidabilis sententia remissis, incurijs, ignauis, & quorum nulla est, aut perexigua proficiendi sollicitudo.

In eadem sententia erat Theodoricus rex inquit sanctus Enodius in panægyr. illius, cui sic aliquando aiebat: *Minus asinus, quod non crescit, imperium, & decedere putas regno ciuitates, subditos, regiones, dum non accedunt. Minus enim possides, qui non plus acquiris, & cum non vitrà victricibus armis progredieris, purpuram tuam in posteriore loco relinquis.*

Hinc Politicus noster, qui cœlorum auidè thesauros

M m m



curiosos perquirat, & ad æternæ patriæ dulcem portum anhelus suspirat, accipere potest, necessarium esse semper ad anteriora extendi, & progredi, & nūquam subsistere, iam enim illi & dixit Bernardus, & consuluit Nyssenius, & suavit Vegetius, & indicavit Olympiodorus, strenuè, constanterque terendum esse virtutis iter, eò quòd regrediatur, qui non progreditur, & deficiat, qui non proficit, & descendat, qui non ascendit.

*Simile argumentum tractat fuse, & eleganter Periocha III. Dominica VI. post Epiphaniam Tom. II. pag. 464. o. & alijs in locis ad finem eiusdem Periocha adnotatis. Vide etiam Periocham VI. Sabbati post Domin. V. Quadrage. Tom. I. pag. 447. o.*

## CAPVT VI.

*Nulla anima tam harmonicum est instrumentum, ut non aliquando eius nerui dissonent, & semper sint iuste contentæ fides.*

Quod hinc moestitudinem, tristitiamque allaturum videtur, hoc ad maiorem consolationem nostrā, ut spero, redundabit. Coelorum illi domestici, & obedientes ministri Dei, qui per mysticam scalam sursum, ac deorsum ibant, symbolum sunt, & imago animarum, quæ in hac vita per scalam perfectionis feruentes ascendunt, & ardentis spiritus perniciousis alis cœlos petunt, & aliquando ut aquilæ volant (quod est apud Prophetam Evangelicum) aliquando verò tam graues subsident, ut vix gradum mouere in via perfectionis possint. Hoc est ascendere, & descendere, siue sursum, ac deorsum ire per scalam spiritus, nunchabere viuum, vegetum, vigentemque boni appetitum, nunc verò tam languentem, ac nauseabundam orexin, ut oculis graui sint, quæcunque ad virtutem spectant.

Huc respiciens sanctus Clarævallis Abbas Bernardus Epist. 253. aiebat: *Quid stat in hoc seculo? Et certe de homine dictum est, Nunquam in eodem statu permanet, Job. 14. 2.* Et quanquam de omnibus vniuersi mundi rebus verè dici possit, nihil habere stabilitatis, in hominem tamen aptius illa quadrat sententia, cuius plures sunt mutationes, quam temporis instantia, vel momenta. Homo enim iam feruet, iam tepet, iam gaudet, iam moeret, iam timet, iam sperat, & innumeris, ijsque contrarijs malis oppugnatur.

Si non ita esset, non conuerteretur ad animam suam Propheta regius, neque hortaretur eam immortales agere grauias generoso benefactori Deo, &

cuius liberalibus manibus tam innumerabilia semper accipiebat beneficia, inquiens: *Benedic anima mea Domino, qui replet in bonis desiderium tuum; Psal. 102. 5.*

Gilbertus Genebrardus ex sententia Rabbiorum ita interpretatur hunc versum: *Qui replet bonis os tuum, id est, qui lesum tuum gustatum sanat, qui te restituit pristinae valetudini, & cibi gustum, & suauitatem morbo amissam recuperes.* Hoc autem eiusmodi est, ac si diceretur, ut corpori, sic & animo suas esse ægritudines, & infirmitates. Est nonnunquam ita comparatus homo, ut vix habeat mundus cibos, quib' insatiabilis illius appetitus expleri possit, subinde autem tam est fastidioso stomacho, ut necessum sit mille condimenta cōmisceri, & adhibere, quòd vel vnam buccam repugnantem ventriculo ingerere queat, qui & opiparis dapibus offenditur, & lectissima pulpamenta, lautiasque horret. Animabus simile quidpiam accidit, quarum aliquando sunt tam ingentes spiritus, tam vehementes ardores, ut pueri, nullam esse tam acerbam poenam, tam grauem ærumnam, quam non cum voluptate tolerare velint, aliquando tanto laborant torpore, ac torpore, ut minimus labor molestissima crux illis videatur.

Nihil hinc absque exemplo, & autoritate loquimur. Quis magis perfectus, quis magis cordatus, quis magis feruens in via perfectionis, quam ille Israëlitiçi populi ab Ægyptiaca seruitute vindicator? Quis frequentius, & familiarius cum infinita, & suprema Deitate loquebatur? Quis gratiosius intimus maiora, insignioraque ab ore, ac manu Principis sui accepit beneficia? De hoc autem tam efflicto, & oculis dilecto ait sanctus Basilius Magnus Orat. 2. apud Metaphrasten: *Hoc & de Moyse literarum monumentis proditum est, nempe quod non eodem modo semper vixerit, sed interdum sanctus & iuebat, interdum vero propter imbecillitatem dissoluebatur, atque longè imbecillius operabatur.* Quanquam maximè esset Moyse vitæ sanctitate, quanquam tanta erga illum diuinæ manus prolixitas, non semper tamen fides spiritus illius ita contentæ erant, ut non remitterent, non vel aliquantulum dissonarent nerui. Aliquando enim per solitudinem cursitabat, tamquam subiecto humero populum contumacem circumferret, idque faciebat tam leuiter, tamque animosè, ac si immanis gigas gracilem portaret aristam: Nonnunquam verò tam velut grauedinosus, tam morosus, ac tetricus, tam impeditis pedibus, & imbecillis viribus erat, ut plus se peruiticis populi ponderis,



ponderibus pręgruari putaret, quàm si vasti montis ingens onus debili formicę imponerent: *Interdum sanctius Suebat, interdum vero propter imbecillitatem dissoluebatur.* Dissolui namque spiritum quid aliud sonat, quàm fidium neruós laxari, aut recurrere verticulas, qui neruos moderantur, vt varia, harmonicaque sonorum compositio fiat. Neminem ergo hæc res frangat, si quandoque languescat illius animus, nam & Moyses, vir aliquin moderatissimus, & sui plerumque simillimus, interdum id infirmitatis est passus, paribusque malis laborauit, quę cum nemini gratiam diuinam eripiant, humanę sunt monitores, & excitatores infirmitatis.

Nonne Sponsa eos meruit à celesti ore diuini Sponsi accipere fauores, vt nunc amicam suam, nunc hortum, nunc paradysum, nunc solem, nunc omnium sensuum voluptatem, & delictum, nunc oculorum suspensionem blandę, comiter, suauissimęque appellaret? Ea verò, quę in tam sublimem amoris, & amicitię statum euecta erat, dicebat tamen quadam occasione Sponso suo: *Trabe me, post te curremus in odorem Cingentorum tuorum;* Cant. 1. 3. Non rogat duci à Sponso, sed trahi, quod non vt cunque, sed per vim duci est. Itaque Sponsa petit quidem post Sponsum duci, verum agnoscit etiam vi non qualicunque opus esse, vt efficaciter ducatur. Videtur hoc difficile intellectu. Quid enim illa ingentem vim, efficacitatemque requirat, vt ad Sponsum adducatur, quem tam ardentem, vehementerque amat? Si abripienda ex complexu brachiorum sui Sponsi fuisset, hæc res validissimos lacertos postulasset, sic vt totus virium omnium impetus eo verteretur, amantem enim ab eo, quem diligit, auellere, id omnium operosissimum opus est. Secundum hæc, quid est, quòd Sponsa potentissimi brachij auxilium implorandum, dicendumque Sponso putauit, *Trabe me*, vt ad illum adduceretur, quod ei vt optatissimum, expetitissimumque, ita suauissimum, iucundissimum, facillimum fuisse videtur? Quid hic illi omnipotente ope opus fuit?

O! succlamat hic mellissus Doctor vitę spiritus, & magister orationis, quàm benè hoc loco agnoscitur, quid sit spiritus humanus, & quomodo nemo debeat despondere animum, si talibus, alijsue malis, tædijs, languoribus, ægitudinibus se obnoxium sentiat, quando etiam illa tam dulcis, & chara Sponsa ita suum obtusum, habetatumque appetitum, & se tam tardam, debilitatam, torpidamque sentit, vt existimaret, nisi per vim, eamque magnam, trahere-

tur, & abriperetur, sequi vestigia dulcis, & teneri Sponsi sui non posse, quem sic demoriebatur.

*Videsne*, inquit Bernardus serm. 7. in Cant. *illum, qui in spiritu ambulat, nequaquam permanere in eodem statu, nec eadem semper facilitate proficere, & nunc segnius, nunc alacrius, quā retrò sunt, obliuiscis, & ad anteriora se extendere?* Non eodem tenore, nec pari semper facilitate contendit per viam perfectionis spiritus humanus, sed nunc currit, nunc substat, nunc leuiter, celeriterque volat, nunc impedit, ac lentè abulat, nunc pernitate aquilę, nunc testudinē tarditate refert. Videre hoc licet in feruente spiritu tā efficitur dilectę sponsę, quę per vim subinde trahi, & rapi debebat, quò aliàs lætenter aduolabat.

Secunda Patriarchę nostri vxor erat mirabiliter fecunda, quę intrā annos non omnino quatuor optimi illi quatuor filiorum fructu attulit, qui fuerunt quatuor capita, seu fontes, vnde tam illustis multitudo posterorū præclarissimorū descendit. Post hanc sobolē fertilis aluo edicā, cessauit parere, vt habet sacer textus Genes. 29. 35. siccatusque est fons, qui per diu tam largifluus fuerat. Post aliquod tempus redijt illi pristina fecunditas, quā concepit, & peperit filium quintum, Genes. 30. 17. neque hunc tantum, sed posthęc alium etiam fructum, Dinam aio, ferax arbor produxit.

Querit Guilielmus Ebroicensis, quid sensu myco significet Lia nunc fecunda, nunc sterilis, tantęque vicissitudine nunc exundas, nunc stagnans?

Respondit Claus. 1. Morali 4. in c. 30. Genesios: *Per hoc, quòd Lia primò facta est fecunda, deinde sterilis ad tempus, postea autem iterum fecunda, denotatur, quòd aliquibus Deus impertitur quandoque fecunditatem bonarum affectionum, quam tamen ad tempus ex suo immenso consilio retrahit, ita vt sentiat se quasi omnino steriles, & aridos, atque sine humore interioris deuotionis.* Sancta ergo hæc mulier, in qua mirabilis illa vicissitudo, & mutatio à fecunditate in sterilitatem alternis vicibus facta est, significat animas, quę in hac vita ad optatam, & multis suspirijs expetitam proficiscuntur patriam, quibus idem euenit, quod Lię, nimirum vt iam sint præmodum steriles, & aridę, & sine omni deuotionis succo, iam plurimum aptę, & expeditę ad quaecunque virtutis opus, iam valde remissę, & tepidę ad quamvis actionem pieratis, vt quibus per virium suarum imbecillitatem impossibile sit, in eodem constanter perdurare statu.

Amoris namque ignis, vt ait Gilbertus Abbas ser. 46. in Cant. plurimam similitudinem habet cum eo ardore,



ardore, quo vexantur, qui febrim habent: *Sicut enim corporalis languor non est semper equalis vehemens, sed est aliquoties eius intensior passio; sic amoris affectio existit desiderio se tendit in dilectum, aliquando quidem intensioribus votis exarsuat.* Vt febris calor nec acutus æquè semper est, & feruidus, nec similiter semper affligat febrientem, habet enim sua incrementa, & declinationes, recessus, remissiones: Sic & amoris, quo Sponsa se languere aiebat Cant. 2. v. 5. *febricula aliquando intensioribus votis exarsuat*, ut inquit Gilbertus, augeturque, & immittitur, & interdum quidem vehementer inflamat, nonnunquam verò detepescit. Nam ut fidium consonantiam non rectè contenti nerui soluunt: Sic & moderatissima anima subinde à sua æquabilitate, & constantia decedit, vel decidit.

Vt enim sanctus Petrus Chrysologus Epist. 1. apud Lang. habet, *non semper ingenij Genia, ad votum currunt*, quandoque enim homo ita in promptu habet verba, ut ipsa illum titubare affluentia faciat, nonnunquam verò tam est tardus, & stupidus, ut illum rerum facillimarum, & maximè perspicuarum intelligentia fugiat, ut ibi eum verba destituant, ubi pueris occurrit, quod dicant. Hoc est esse instrumenta humana, quorum nervos contenderit, & in concordiam adduxerit tenera, & caduca fidicinis manus, nervos, inquam, qui cum ex tenui, & fragili materia consent, sæpè tunc rumpuntur, ac dissiliunt, cum sunt maximè necessarij.

Sententia multorum habet, Sponsæ dictum esse Cant. 4. 15. quod esset *fons hortorum, & puteus aquarum viventium*. Notoria est, quod & alibi monuimus, differentia fontis, & putei. Ex puteo difficilè hauritur aqua, fontis frigida ad manum est leuiterque, & cum voluptate hauritur. Anima sæpè puteus, non rarè etiam fons est. Et puteus quidem, cum nullas dat compunctionis lachrymas, nisi quas magno cum labore, & vi exprimas: Fons verò, cum oculi velut maria quædam sunt amara, quæ lachrymarum flumina è corde scelerum suorum poenitente inundatione perenni effundunt. Talem de se habebat opinionem gloriosus Pater Bernardus, qui serm. 54. in Cant. aiebat: *Nec compungit ad lachrymas queo, tanta est duritia cordis. Non sapit psalmus, non legere libet, non orare delectat, meditationes solitas non inuenio, Vbi illa inebriatio spiritus? Vbi mens serenitas, & pax, & gaudium in Spiritu Sancto?* Et apud Hugonem Cardinalem in cap. 29. Genes. eandem suam ægritudinem sic deplorat idem melleus, & gemmeus Doctor: *Ab heri, & nudius tertius*

*inuasit me languor quidam, & insolita quedam hebetudo spiritus, nec legere, nec meditari, nec orare delectat.* Quibus coloribus pingi expressius homo spiritu infirmus potuit? Cor habeo, inquit, quod saxi duritiem traxisse videatur, à quo vel vnicam lachrymulam petere tantundem sit, atque à rigido siliice, aut arido pumice aquam postulare. Psalmorum mihi nullus gustus, librorum multum tædium, orationis non aliqua voluptas, consuetudo vetus meditando non sapit. Triduum est quod meum spiritum grauis, ac terribilis infirmitas occupauit, tantà namque me laborare nausèa sentio, ut mihi videar spiritualium rerum gustum nullum recuperare posse. Vbi sobria illa temulentia spiritus? Vbi luculenta illa animi species, & solita quies, & iucunditas spiritualis? Fons eras nuper, anima mea, ex quo diuite, & promptà venâ manabat aqua deuotionis, & calidarum lachrymarum plurima copia, quomodo nunc puteus effectus es, ex quo nonnisi operosissimè etiam modicum quid haurire spiritus possis? Sed nihil horum mirari debemus, hæc enim fiunt, ut moneamur, esse hanc instrumentorum humanorum conditionem, ut momento à iusta consonantia cadant, harmoniamque remissione nervorum viciunt. Sæpè fit, ut hominis ita inflammetur spiritus, ac tam vehementer inardescat animus, ut plures inter orandum transmissas horas vnum temporis minutum reputet, optetque innumeras habere vitas, quas pro Deo periculo exponere mortis queat. Non rarè etiam sic hebetatur spiritus, obscuraturque lux eius, & remittit feruor, & congeliat animus, ut perbreue orationis tempus videatur illi longum sæculum, tanquam rimarum plenus sit, ita cogitationes illius hac, atque illac perfluunt, & fugiunt illum suæ potentia, & affectus frigescent, totaque anima velut aridus caudex est, & hybernæ, scythicæque, aut si quod aliud rigidius gelu. Denique virtutis iter scala est, per quam interdum celeriter ascenditur, & quandoque per teporem, torporemque descenditur. Forti animo itaque simus, & cogitemus permitti à Deo ista deliquia, & sanctarum exercitationum fallidia, bonorum studiorum nausæas, spiritus congelationem, fidium temperatissimarum, & consonantissimarum relaxationem, ut nostram fragilitatem, & miseriam, illudque simul agnoscamus, Dei gratiam, & beneficium esse, quicquid boni habemus. Namque illi tam grauiori apud Superos, Moyses, inquam, & illa tam enixè dilecta Sponsa, & tã charus Dei Filio ac Matri Bernardus, & quotquot in supremum contemplationis gradum peruenerunt,



runt, passi sunt has animi ægritudines, & infirmitates, & crebras spiritus remissiones.

*Non conuenit nihil huic capiti cum Periocha VI. Fersa IV. post Domin. V. Quadrag. Tom. I. pag. 411.0.*

CAPVT VII.

*Ut in supremum illud cacumen perueniamus, quod supremus mysticæ scalæ vertex contingebat, necessum est ut hinc spe, illinc timore stipati, ac suffulti ascendamus.*

Vo poli, quibus omnis bona, & prudens gubernatio nititur, & geminæ columnæ, quæ sustentant virtutem, constabliunt æquitatem, coercent, recteque informant mores, sunt pietas & iustitia, suauitas & asperitas, timor & spes, supplicium & præmium, laurus & gladius. Hæc sunt fundamenta, ex quibus omnis bonæ actionis felix successus pendet. His duobus socijs comitatus homo per viam suam animosus, securus, ac tutus pergit. Si autem ab alterutro horum destituatur, aut deficit animo, aut suæ confidentiæ manibus conficietur, ac peribit. *Inter spem, & metum, tanquam duas molas versari debemus*, inquit Pontifex Maximus Innocentius III. Serm. I. Domin. 3. Aduent. *Et videlicet timor temperet spem, ne presumamus, spes vero timorem, ne desperemus.* Palam est, quod rectè moli triticum, commodaque panis coquendo farina confici nequeat, nisi saxum saxo imminuat, eiusque rapido, & valido rotatu tritum frumentum pro rubicundis, aut fuluis granis candidos pulueres reddat. Concurrere ad eum effectum hæc saxa necessum est. Nam id quod in orbem semper agitur, parum efficit absque loco, & illud, quod immotum perpetuò iacet, non satis est solum, si non iuuetur ab eo, quod nunquam coquiescit, ambo saxa, quod impendet, quoque succumbit, coniuncta aptant commodiori alimonie triticum. Iam ut frumentum inter duos lapides molares versari debet, quò apta panis, & victui farina inde fiat, inquit Innocentius: Sic etiam vita spiritalis, & omnis bona Reip. procuratio inter spem & timorem, rigorem & lenitatem, gaudium & dolorem, poenam & remunerationem, pietatem & iustitiam versari debet, ut asperitatem vnus leniat suauitas alterius, & rigorem timoris mitiget dulcedo spei, hæc enim nos roborat, quando ille angit, & in officio timor continet eos, qui à spe intumescunt superbiâ.

Huc procul dubio alludit secundum sensum spi-

ralem Dominus in lege vetere, quando & hanc, præter multas, tulit, quâ seuerissimè cauit, ne quis pignoris loco ab Hebræo lapidem qualemuis molarum auferret, quo ille ad molendum seu triticum, seu aliud quodcunque necessarium familiæ esui, & vsui frumentum vteretur: *Non accipies loco pignoris inferiorem, & superiorem molam*, aiebat ille Deuter. 24. 6. Quid mystici sensus subest huic iussioni, quod nobis indicatum voluit legislator?

Hugo Cardinalis ait: *Dua mola Spes, & Timor. Spes superior, quid ad alta prouehis, timor inferior, quid inferius trahit. Prima tollitur per desperationem, secunda per presumptionem.* Spes horrorem timoris temperat, præfidentiam spei timor corrigit. Vult ergo Dominus, ut neutra harum molarum careat, quisquis illi rectè, feliciterque seruire desiderat, nisi enim vtramque coniunctim habeat, audacter, tutoque pergere non poterit. Nam si tantum sperat, fortè præsumptio erit, quod spem putat: Et si solum timet, formido immoderata desperationem illi adferre potest. Hic studio deditus spiritus cantabit iustificationes Domini in loco peregrinationis suæ, ut ait Propheta, donec ad patriam optatæ, hoc est, æternæ quietis perueniat.

Huc faciet, quod sanctus Ioannes Chrysostomus obseruauit in quibusdam Doctoris Gentium verbis, qui dum comparisonem instituit inter ea, quæ sunt visui exposita, & illa, quæ sunt oculis inaccessa, dicit, hæc sempiterna esse, illa caduca, transitoria, momentanea. Verba illius 2. Corint. 4. v. 18. sic habent: *Qua videntur, temporalia sunt, qua autem non videntur, aterna sunt.*

Occurrit hic dubitatio, cur Apostolus, cum æternorum, quæ sub visum non cadunt, meminit, non exposuit, quænam ea sint, & non dixit, cælorum regnum in his esse, & quietem perpetuam, & paradysum æternum, ut eorum spe nos aleretur, excigaretque ad contemnenda fluxa huius sæculi bona, & inquirendam toto pectore, & omni studio beatam illam patriam: *De futuris verba faciens non dixit, Regnum æternum*, inquit Chrysostomus hom. 9. in 2. Cor. c. 4. At cur Apostolus non enudauit omnem suum, quem de hac re habuit, cogitatum? Tanti fortè negotij fuit, aperte eloqui, quid illud sit, quod nos in altera vita expectat? Quamobrem de futuris æternis differens non expressit, esse in illis regnum æternum? *Qua videntur, aterna sunt.*

Occurrit huic quæsito sanctus Constantinopolos Pontifex, inquiens: *Non dixit, Regnum æternum, sed, Qua non videntur, aterna sunt, siue regnum sit, siue*



*sive cruciatus, & illinc nos excites, atq; adhor-  
teatur, & hinc terrorem nobis inieciat.* Aeterna, quæ ocu-  
los nostros hic fugiunt, non modò sunt præmia, quæ  
Deus iustis constituit, verùm etiam supplicia, quæ  
improbis decreuit, hoc enim rectè tanti Domini ius-  
titia congruit. Itaq; Paulus, cùm de futuro loquitur,  
non gloriæ tantùm, sed & poenæ mentionem  
tacitam fecit, ambæ enim sunt æternæ, consultò tamè  
ac dedita operâ neutrum eorum expressit, sed v-  
trumque velut dubium reliquit, vt quisque sibi,  
quod magis arriserit, accipiat, & bonus quidè con-  
firmetur, malus verò conterreatur. Malus namque  
cùm intelligit, esse cruciatum, & supplicium ætern-  
um, timebit offendere Dominum tam iustum si-  
mul, & potentem: Iustus autem cogitans esse glo-  
riam, & quietem perpetuam, concitissimo gradu per  
virtutis semitam properabit, præmij, quod expe-  
ctat, calcaribus incitatus, volabitque alis subuectus  
quietis, quam suspirat. Si gloriæ solius meminisset  
Apostolus, nimium præsumendi occasionem dedis-  
set: Si solam æmoraasset poenam, etiam fortissimo-  
rum animos fregisset. Vt ergo pusillanimus confor-  
taretur, & magnanimus non deficeret, vtrumque  
dixit Apostolus, simulque & fidem timoris præ-  
sidentibus iniecit, & calcaria spei ignavis admouit.

Fecit hinc sanctus Paulus, quod prudentes exer-  
citiuum duces supremi facere solent, ac debent, qui-  
bus Flavius Vegetius lib. 3. de re milit. c. 10. suadet,  
vt pugnam inituri, & signa cum hoste collaturi,  
milites suos ante congressus initium exhortentur,  
& hoc primùm, ac præcipuè moneant, vt nemo existi-  
met, non posse eà occasione id accidere, quod ali-  
às alijs sæpe euenit: *Vnum illud prædicendum est,  
& nemo desperet fieri posse, quæ facta sunt,* inquit ille.

Si quis militibus suis sinistram belli exitum, vin-  
cendosque illos, & arrogantium hostium suorum  
misera mancipia futuros esse prædiceret, impruden-  
ter ageret, vt & ille, qui certam ipsis victoriam, &  
indubitatum de subactis contrarijs triumphum, am-  
plissimaque, & opulentissima spolia promitteret.  
Nam vt ille expertus imperator, & magnanimus bel-  
li præfectus aiebat, *Variis est euentus belli*, 2. Reg.  
11. 25. quique pridie subactum se videt, & prostra-  
tum dolet, ille postmodum se victorem gaudet, & cùm  
lætabundus triumphat, cùm triumphabundus læta-  
tur. Quid ergo militibus suis prudens Imperator  
dicere debet? Omne illud, quod & timeri, & spe-  
rari potest, quodque alio tempore alij rimuerunt, &  
sperarunt: *Vt nemo desperet fieri posse, quæ facta  
sunt.* Dicere debet suis militibus, posse illis aduersa,

posse prospera euenire, posse accidere læta, posse tri-  
stia, fieri posse vt vincantur, posse etiam fieri, vt vi-  
ctores euadant: Nam si sola illis sinistra denunciet,  
multa ijs ignauia tam ingratum præsagium adferet, sin  
omne felicitatem, & euentum secundum promittat,  
immodicam in illorum cordibus præfidentiam augu-  
rium istud excitabit, sicque ignauia, & præfidentia,  
res duæ diuersæ malum vnum, idemque generabunt,  
hoc est, vt prostrati, & cæsi occumbant. Vt ne ergo  
perniciose præfident, monendi sunt, fieri posse, vt  
vincantur: Ne verò deficiant animis, confortabit  
eos, dicens, fieri posse, vt triumphatores è conflictu  
abeant, vt sic timor succumbendi temerariam emen-  
det præsumptionem, & ignauiam quidem animet,  
pusillanimitatem verò omnem spes victoriæ fuget,  
ac propulset. Spe, & timore omnis nritur bonus  
euentus, fundaturque, & constabitur prosperitas.  
Eapropter Paulus suis vtrumque proponit militi-  
bus, hoc est, poenam, & gloriam, laborem, & quie-  
tem, quodque possint æternum beati, vt nonnulli,  
& ad inferos ire, vt multi, vt cùm hos intelligunt da-  
mnari, non intumescent superbiâ, nec præsumant,  
& cùm alios audiunt saluari, non despondeant ani-  
mum, neque desperent beatitudinem: *Non dixit,  
Regnum æternum, sed quæ non videntur, æterna  
sunt, sive Regnum sit, sive cruciatus, & illinc nos  
excites, atq; adhorsetur, & hinc terrorem nobis in-  
ieciat.* O salutare militiæ spirituali prudentis Capita-  
nei consilium!

Vox Domini in multis Scripturæ partibus appel-  
latur vox horroni tonitru, quod pluuia, & fertili-  
tatis parens aqua consequuntur. Otiosum mihi vi-  
detur hoc probare, quod sacrarum literarum varia  
loca tanquàm fideles testes affirmant. At vellem ego  
nunc hominem, qui nobis aperiret, quid habeat  
mysterij, quod vox Domini formidabili tonitruo  
cum placida, & blanda pluuia coniuncto compara-  
tur.

Ioannes de sancto Geminiano lib. 1. Comparat.  
cap. 16. detegit secretum aptè in rem præsentem,  
dicens: *Ex pluuia terra fecundatur, præcipue ex il-  
la, quæ cum tonitruo cadit.* Quanquàm aridam, ste-  
rilemque humum aqua omnis fecundet, sed quàm  
tonitrua solunt, ea maxime abundantem terram  
facit. Mirum profectò, quod sonorum terrificum-  
que tonitru cum molli, ac leni pluuia coniunctum  
maior terræ confert fertilitatem! Quid docu-  
menti haurire spiritus ab illo naturali exemplo po-  
test? Id quod Geminianus affirmat, nimium ta-  
meti spei suauitas, & præmij blanda, grataque aqua  
fecund-



fecundet sterilitissimam animæ terram, si tamen aqua spei coniungatur cum tonitruo timoris, magis fecundum reddere spiritum, facereque ut bonorum operum fructus maiore copiâ producat. Itaque spei aqua cum timore diuini iudicii, quod est tonitruum, fecundat animam, & reddit aptam ad fructum bonorum operum. Tanti refert, ut spiritus binis his spei, ac timoris seu pedibus ambulet, seu alis volet, ut securus in finem optatum perueniat.

Duo concurrerunt ad conuersionem illius, qui tantam promittebat constantiam, & sedem firmitudinis tam leuiter deseruit, tam facile perdidit, quæ diligentem profectû merentur considerationem. Ad leuem infirmæ mulierculæ ictum vasta Petrinæ animositatis machina tota contremuit, & porro sublapsa fuit. Negabat ille suum Magistrum, qui cum ad comprimendam eius præfidentiam paucas horas ante prædixisset, arrogantem præsumptionem illius ter lethaliter titubaturam, priusquàm gallus cantaret, res vaticinio successit, & Petrus nosse suum Magistrum negauit, postquàm gallus cantârât: *Adhuc illo loquente cantauit gallus, & conuersus Dominus respexit Petrum*; Lucæ 22. v. 60. 61. Dum gallus cantât, & Magister amanter respicit, Petrus (quod ipsi congruebat, & Dominus vehementer cupiebat) cœpit amarè turpe suum erratum deslere, & oculorum aquâ diluere sordidam, atramq; lituram, quâ suam apostolicam animam fœdârât.

Subnotauit Sanctus Laurentius Iustinianus mysticas circumstantias, quæ concurrerunt in conuersione Vicarij Christi, quasq; diuinus Magister coniunxit, ut insidum ad respicientiam, & lachrymas permoueret discipulum, de quo Lucas ibid. v. 62. *Et egressus foras Petrus fleuit amarè*, commigransq; è Babylone palatii, transijt in contritionis Ierosolymam. Concurrunt autem cantus galli, & visus Magistri ad conuersionem sacri Apostoli. Quid verò sibi vult ista rerum talium coniunctio, cum nulla sit in Scriptura & Domini nostri gestis circumstantia, quæ non plurimis grauida mysterijs?

Respondet magnus Venerorum Patriarcha de agone Christi c. 9. *In galli cantu iudicis terror, in aspectu Christi gratia celestis infuso. Præcedit iudicis paucor, subsequitur autè beneuolentia charitatis. Ambo tamè immutant propositû, adducunt fieri, dilectionem ingerunt, amoris enutriunt flammam, & conuertunt ad Christum* Gallus regis maiestatis est symbolum Corona, quam capite præfert, hoc loquitur Vox illius ferocissimum quemuis leonem per terrefacit, ut aiunt, Pierius, Berchorius, Ricciardus, Bartho-

lomæus Anglicus, & Vincentius Beluacensis, & alij non pauci. Est præterea contentiosum, & pugnantissimum animal, cuius seueriorem indolem produnt, & erectum collum, & rigida ceruix, & flagrant oculi, & ipsa incessus immodica grauitas. Oculi Domini plurimum sunt pietatis illius, & amoris signa. Conspersæ sunt diuinæ literæ crebris testimonijs, quæ hanc veritatem comprobent. Quodd ergo ad conuersionem Petri, & ad extrahenda ab intimo illius corde per oculorum fenestras pignora doloris, ad lachrymas, inquam proliciendas concurrerunt terror seueritatis adumbratæ in gallo, & dulcedo pietatis natæ ex beneuolo intuitu Domini, id factum, ut inditio, & documento esset, quodd ad conuersionem peccatoris, & gratiæ diuinæ stabilitatem fouendam, conseruandamque nulla sunt aptiora, & commodiora remedia, quàm terror iudicii, qui est pater timoris, & suauitas diuinæ clementiæ, quæ est spei mater. Ex his parentibus nascitur perennitas, & conseruatio status diuinæ gratiæ.

At quàm venustè, eleganterque dictum, *Ambo amoris enutriunt flammam* hoc est, timor, & spes, terror iudicii, & beneuolentia charitatis confouent incendium, siue ardorem amoris. Metaphora subest his verbis, quæ sumpta videntur à nutrice tenerum pusionem suis vberibus amanter lactante. Provida natura duo vbera constituit, tanquàm duos fontes, qui suam infantibus dulci scarurigne alimoniam lacteam fundant. Sunt autem gemini fontes, ut cùm vnus fatigari cœperit, alter illum suo onere tâtisper leuet, pietatisque ministerium leuius illis accidat, dùm per vices obeunt. Sic etiam ut charitas nutriatur, & crescat, vtroque timoris, & spei vberè alenda est, inquit sanctus Laurentius Iustinianus, *ambo amoris enutriunt flammam*. Quodd si te alterum vberum suâ horribili specie terreat, arripe alterum, cuius elegantior, amabiliorque forma, spes enim præmij vehementer allestat, & roborat. Si autem spes nimis præfidentem faciat, papillam timoris inuade, ut is immodicam temperet præsumptionem. Vna enim mamilla absq; altera perfectè, ut videtur, nutricari, & conseruare amantem in statu gratiæ non potest.

Huc faciet, quod Celsus lib. 2. cap. 6. affirmat, qui cùm signa prolixa ægrorationis, ex qua vix conualescere infirmus posset, exposuisset, mox ait: *Sed inter hæc proposito metu spes tamen superest*; velut pluribus dixisset: Postquàm Medicus ægro periculosum, & ærumnosum sui morbi statum indicauit, ex quo necessum est illum conseruari, eriget tristitiam

infirmum



infirmum spe aliquâ remedij, quod malo ipsius adferri queat, iubebitque non desperare salutem meliorem. Hoc autem cautè, consideratèque agendum. Nam si Medicus timoris clauē portam spei incolumitatis recuperandæ malè habenti totam prorsus occluderet, in desperationis abyssum sese præcipitandi occasionem illi ministraret: Sin immodicâ spe illum lætaret, certumque expectare omnis mali sui remedium iuberet, melioris valetudinis accessio- nem difficiliorem, magisque dubiam redderet, ac periculosa consanationem, ipse namque æger neque iustâ victus ratione vteretur, neque alia, quæ ad in- staurandam sanitatem faciunt, debitè curaret. V- trumque ergo faciendum, quò salutis suæ melius, o- ptatiუსque habeat prognosticum, timebitque æger posse totius valetudinis iacturam facere, sperabitque ex morbo euadere, omninò atque consanescere posse.

Hoc nos docet scala, quam in mystica visione Do- minus Patriarchæ nostro ostendit, Angelique ini- bant, & deibant. Nam vt cæteræ scalæ duo habent larera, quibus transversa immittuntur ligna, vt fa- cilius per eas, securiუსque ascendere possint, & de- scendere, qui volunt: Sic & illæ scalæ Iacobææ, cum per eas tam altum cacumen petendum esset, vt ha- bebant gradus, quibus insisterent pedes, sic & sua utrinque fulcræ, quibus manus confirmarentur, & sustentarentur.

Quod ergo istæ scalæ gemina habent statumina, id sensu mystico, vt multi exponunt, significat, vt quis in excelsum fastigium, quod illæ suo vertice tangebant, euadat, necessum esse duobus illis fulcris vti, vno spei, altero timoris, sic enim, cum per virtu- tum gradus sursum contendit, & hinc quidem à spe fulcitur, illinc verò à timore sustentatur, securus a- scenderet Politicus, qui animæ suæ, quam potest, ac debet, rationem habet, iustam nempe faciet amari- tudinis, quam habet timor, & dulcedinis, quam spes adfert, temperaturam.

## CAPVT VIII.

Cum nemo se repente in infimum insolentiæ præ- cipitet, quanquam facile sit hoc agere, quomodo Christianus in summum perfectionis apicem, quod tam arduum est, & operosum, vno volatu vult per- uenire?

Vidit sacer Patriarcha noster (quod frequenter iam diximus) Angelos ascendentes. Non vidit eos subuolare, sed ascendere. Cedit hoc in erudi- tionem nostram, monetque Politicum, quem se qua-

re modum in procurandis animæ profectibus debe- at. Modus autem talis est, vt per virtutum gradus paulatim ex ordine ascendat, & prudenter conside- ret, non derepente volatu vno in supremum illius cacumen penetrare posse. Nam cum pronus sit ad vitia descensus, nec quisquam tamen subito in ex- tremam malitiam se deicere soleat, quomodo velit momento vno in editissimum fastigium euadere, quò non nisi per confragosa loca, & prærupta ingen- tium difficultatum iuga perquam ægrè conscendi- tur? Benè validum hoc mihi argumentum videtur. Si enim quod minus est, nemo facile assequi potest, quomodo maius quis subito obtinebit?

Tertullianus lib. de præscript. hæret. c. p. i. cum de modo agit, quo hæreses ad extinguendam pul- cherrimam fidei nostræ lucem introducuntur, sic ait: *Hæreses ad languorem, & interitum fidei productas, si ex paucisimus hoc eas posse, prius miremur hoc eas esse; tanquam dixisset: Obstupefcimus, nec imme- ritò, videntes hæreses ad hoc natas, & excitatas, vt fidei primùm ægritudinem, deinde etiam exitium adferant, nempe in illis, qui eam perdunt, hæresin enim semper aliquam apud nonnullos oportere permanere Verbum Patris æternum Vicario suo Petro prædixit.*

Sed notanda verborum phrasis, quâ Tertullianus affirmat fidem apud aliquos deficere, inquit, hæ- reses ad languorem, & interitum fidei productas, quasi diceret, primùm ægrotare, & febri laborare homines, posthæc verò mori fidei, & propterea fidem mori apud illos. Hoc ergo est, quod ille ait. Vt quis in abyssum miseræ decidat, utque in gradum infimum se præcipitet, hoc est, fidei iacturam faciat, hoc non fit repenti, neque primâ statim vice, pri- mùm enim velut febri quadam corripitur, tum au- gescente paulatim malo in tumultum hæreseos mor- tuus incidit: *Ad languorem & interitum fidei pro- ducta est hæresis.*

Nam vt Quintilianus declamat. pro cæco ait: *Innocentia per gradus certos ab homine discedit. Ne- mo repenti sit pessimus, sed pedetentim, gradatim- que in extremum malitiæ inconsultus peccator de- scendit. Quam admirabilia illa, & commoda con- firmatio argumento nostro verba, Innocentia per certos gradus discedit!* Cum enim ad peccandum i- psis vitiatæ, ac deprauatæ naturæ ponderibus tam procliuiter, faciliterque feramur, quàm leuiter è loco decliui deorsum imus, neque semper tamen in ma- litia ultimæ præcipitium homo concito volatu de- repente descendat, sed gradatim, sensimque infra dilabatur,



dilabatur, si ad malè agendum, ad quod tam pronè animus humanus inclinatur, tamq; expedita, prompta, & parata semper habet omnia, pedetentim mouetur, sic vt extremam malitiæ lineam non statim primo conatu, impetuq; attingat: Quomodo saltu vnico supremam perfectionis verticem occupare & heroicarum virtutum excelssimum gradum passu primo inuadere posse Christianus velit? Nihil quàm arrogans sit, qui hoc præsumat, prædicensq; Icarum similis, qui appellatione suâ suum stultum, insolentemq; ausum satis indicat: Ad summum quippè non nisi per gradus certos peruenitur. Sua temporis spatia res ista requirit. Cumq; ita sit, magnus mihi fuerit Politicus noster, si in supremum cacumen penetrauerit, iter enim, quod eò ducit, prolixum est, & non pauca habet impedimenta, quæ superari debeant, & multos inimicos, quos subigere oporteat.

Postquam stupenda miracula cælestis Magister ad utilitatem miseri populi fecerat, actionum illius insidiosi exploratores, & obseruatores animo maleuoli eum conuenerunt, nouaq; signa, & miracula rogârunt. Cum videret sacer Dominus venenatam pharetram, ex qua fallacis, & malitiosæ eiusmodi petitionis sagitta veniebat, aiebat illis: *Generatio mala, & adultera signum quærît*; Matth. 12. 39.

Accuratè, grauiterq; expendit eruditus quidam modernus hanc Domini iussè irati responsonem, atque in illa hoc obseruat, quòd Scribas, & Phariseos ante malos vocat, quàm adulteros nominet: *Generatio mala, & adultera*; sumptâ metaphorâ à muliere, quæ perfidiosè violans legem fidelitatis, quam ex contractu, & Sacramento debet suo marito, videtur impudentiori flagitio se obstringere non posse, quàm cum periura contaminat, & sordida defœdat consortio extraneo castum thalamum, qui dominum non admittit alium. Multa peccata præcedunt, inquit ille autor, & docet experientia, priusquàm crimine tam nefario, atque infami se commaculet, perque multos variarum culparum gradus sese paulatim præcipitat, donec in profundam abyssum violati thori iugalis, & temerata fidei matrimonialis turpi prolapsione cadat: *Multa hoc facinus præcedunt*, (inquit multa cum elegantia Benedictus Fernandus in cap. 27. Gen. sect. 4. num. 2. To. 2.) *& disponunt ad ruinam, nimirum mulier cupit videre, ac videri, excipit nuntios, respondet, rescribit, aspectum, & colloquium admittit, donec tandem infelix in adulterium prosteratur. Semper ad flagitium per viam inceditur, neque sit pessimus, aut extremè sceleratus, qui non ante malus fuerit, & minoribus*

Tom. III.

vitij affuerit, vt nulla facilè in mœchiæ voraginem muliercula propudiosa se ingurgitat, nisi quæ ante oculos miscere oculis, & amatoriarum certare literularum mutuis officijs, & crebra munuscula, frequentesque salutes tum misculare, tum excipere amabat.

Ad hunc modum ergo Dominus rabidos inimicos suos primum malos tum adulteros nominat, *Generatio mala, & adultera*, quod perinde fuit, ac si dixisset, eâ ferè ratione illos in extremam malitiam peruenisse, quâ infidâ mulier eò prolabitur, vt coniugalis thori iura vsu inconcessæ Veneris polluat, quæ non statim huc se præcipitat, nec prorsum momento vno cæcatur: Sic & illi cum essent perditissimi, non vnâ prolapsione subito in id malitiæ extremum deciderunt. At si ij tam contaminati, & omni scelere cooperti homines non statim in profundum improbitatis perueniunt, quanquàm ad omne vitæ scelestæ genus velut nati essent, & plurimum propenderent, quomodo vult Christianus in summum virtutis apicem derepente peruadere, habens infensum, & infestum dæmonem, qui mille dolos fruit, vt per viam detineat illum, & compediat, viuens in mundo, qui suis vanitatibus illi moras iniicere studet, intestinum domi, & portatitem alens aduersarium, carnem, aio, spiritui vehementer repugnantem, quæ suis fictis blanditijs, & veris præligijs accelerationem illius retardare, & ascendendi feruorem intepefacere, & incitatum languefacere studium solet.

Præmodum tritum, receptumq; ab omnibus est nomen, *Microcosmus*, siue *Paruus mundus*, quo veteres Philosophi donârunt hominem. Caditq; hæc tam aptè in hominem appellatio, vt nunquàm sit illi adimenda. Est nimirum ille, vt vult beatissimus Papa sanctus Gregorius Magnus, mundus quidam abbreviatus, epilogus, summarium, & recapitulatio rerum omnium, quascunq; terrarum orbis complectitur: *Omnis creatura aliquid habet homo*, inquit ille homil. 20. in euang. *Habet namque commune esse cum lapidibus, vsuere cum arboribus, sentire cum animalibus intelligere cum Angelis*. Merito ergo paruus mundus vocatur, qui velut compendium quoddam habet omnium, quæcunq; mundus maior habet.

S. Petrus Damianus lib. 2. epistol. 5. aliam talis appellationis rationem tradit, inquires, hominem vocari mundum minorem, vt sciat, & intelligat, qualiter valeat consummari, quomodo debeat perfici, & ad sua plenitudinis incrementa contendens, ipsam

Nnn

mundana



quandam conditionis speciem imiteretur, & sicut disti-  
tibus, atque corporeis hic mundus per suarum molem,  
ut multitudine consummatus est partium, sic & ho-  
mo noster inferior paulatim ad sui plenitudinem veniat  
per augmenta virtutum. Ex abyssu nihili, & con-  
fuso chaos elegantem hanc totius Vniuersi machi-  
nam supremus Opifex eduxit. Et quanquam omni-  
potens immensi Architecti dextera longulum illud  
sex dierum spatium, quod constructioni mundi de-  
dit, minimè requirebat, ut sumptuosum hoc ædifi-  
cium suis numeris absolueret, totum illud nihilo-  
minus tempus in perficiendo illo opere collocare  
voluit, ut hominem doceret, inquit S. Petrus Dami-  
anus, quod cogitatio, deque industria, & dedita o-  
pera, tot dierum moram in hac fabrica traxit, &  
nunc quidem lucem fecit, nunc verò rectilantes, ful-  
gentissimasque illas faces, quarum altera diei, nocti  
altera inuicem præest, nunc coelum, aues, pisces,  
brutas animantes, denique hominem in lucem pro-  
duxit, ut illum tali exemplo instrueret, quam exco-  
lenda animæ rationem tenere, & quo modo profe-  
ctuum illius curandorum pensum perficere deberet,  
simulque moneret, non debere existimare, posse se  
exiguo laboris, & temporis impendio vnâ vice mox  
consequi perfectionem, habet enim virtus quælibet  
multos gradus, & virtutes plures sunt, & in quouis  
gradu non pauca, quæ vinci, ac separari debeant. Ali-  
quando studendum est patientiæ, aliquando castitati  
danda opera, aliquando laborandum, ut rerum mun-  
danarum contemptus acquiratur, aliquando curan-  
dum, ut effusarum appetentiarum licentia, contu-  
maciaque cedere ceatur, aliquando huc vertendus co-  
natus, ut venarum sanguis amanter offeratur his,  
qui illum hostiliter sitiunt, auidèq; bibere cupiunt.  
Iam & animus valido nonnunquam proposito obfir-  
mandus ad sollicitam, studiosam, & integerrimam e-  
xecutionem omnium, quæcunque ex officij munere,  
& status conditione, atq; obligatione facere oport-  
teat. Ad huius rei studium acuendum plurimum  
facit, si quis sedulo cogitet, plurima esse, quæ in viro  
consummato, & perfecto fieri debeant, & facere ho-  
minem omnibus virtutum partibus expletum tale  
ferè esse, quale nouum mundum construere: *Et pau-*  
*latim ad sui plenitudinem veniat per augmenta vir-*  
*tutum.* Intolerabilis enim arrogantia, & stulta præ-  
sumptio est, velle hoc vnâ vice, & breui momento  
absolvere, quod Deus non nisi plusculorum dierum  
operâ perficere voluit.

Solinus cum de rebus Africæ memorabilioribus  
egit, loquens de Tigride fluuiio, quem *Medi*, inquit,

*sagittam nominant*, sic scribit in polyist. cap. 46. *Nec*  
*ab exordio statim totus est, primum pigre fluit, nec*  
*cum suo nomine.* A prima sua scaturigine non est  
tactus, quantus cum in Arcthusam locum influit.  
Vbi primum erumpit, sensim, impeditèque dilabi-  
tur, neque statim Tigridis, hoc est, sagittæ nomen  
habet. Videntur hæc re tacitè institui homines,  
quemadmodum in semita spiritus progredi debeant.  
Vita humana fluuius est, sed tunc primum, cum vi-  
talem anhelitum in amarum mortis mare exonerat.  
Nec enim quisquam purare debet, se, simulatque  
vsum rationis nactus est, ut per alueum virtutum ad  
oceanum mortis decurrat, iam tunc omnem suæ a-  
bundantiæ plenitudinem habere. A paruo incipere,  
& riuus esse ante debet, ut in fluuium posthæc lentis  
incrementis paulatim euadat, tardisque profectibus  
auctus tum demum nomen sagittæ obtineat, cum  
longiturnâ exercitatione virtutes coluerit: *Nec ab*  
*exordio statim totus est, primum pigre fluit, nec cum*  
*suo nomine.* Qui enim arbitratur, perfectionem v-  
no, ut sic dicam, saltu assequi posse, & in supremum  
verticem vno momento penetrare, & ad maximum  
peruenire, nisi ante minus transierit, is à stulta  
imaginatione sua luditur, & insania non feren-  
dâ laborat. Ad malum per gradus itur, tam-  
etsi peccare tantundem sit, quod descendere,  
& flagitia non nisi certo quodam laboris impendio  
patrantur. Quomodo ergo Politicus noster, sciens  
quanta sit perfectionis celsitudo, quanta humano-  
rum gressuum ad bona tarditas, & pigritia, velit vno  
momento consequi, quod qui post longos cum vir-  
tute exactos annos, & studia vitæ sanctioris diutur-  
na obrinet, is admodum felix est, & maximam lau-  
dem commeruit?

*Cohæret cum istis, quæ supra P. I. Polit. lib. I. c. 3.*  
*tractantur, & alijs in locis ad finem istius capituli*  
*subnotatis.*

## CAPVT IX.

*Non satis nobis est, quod dominus noster sit, qui*  
*Deus est, nisi curemus, ut & Deus noster sit, qui est*  
*dominus.*

Vanuit mystica visio, cumque euigilasset viator  
noster, attonitus succlamauit: Verè Dominus  
singulari assistentiâ incultum hunc locum honorat.  
*Terribilis est locus iste, neque aliud est, quam domus*  
*Dei, & porta cæli.* Hæc dixit, & ad humillimæ gra-  
titudinis suæ demonstrationem, vtrq; tam admirabi-  
lis beneficij memoriam monumento æterno inscul-  
ptam



nam ad omnes securas ætates transmitteret, lapidem ex his, quibus pro cervicali vsus fuerat, quempiam arripens, ceu pyramidem aliquam erexit, in qua visionis illius arcanum perennaret, tum oleo supernè infudit, & suo modo consecrauit, locoque nomen dedit *Bethel*, quod est *Domus Dei*, demum tale Domino votum nuncupauit: *Si fuerit Deus mecum, & custodierit me in via, per quam ego ambulo, & dederit mihi panem ad vescendum, & vestimentum ad induendum, reuersusque fuero prospere ad domum patris mei, erit mihi Dominus in Deum, cunctarumque, quæ dederis mihi, decimas offeram tibi*, Gen. 28. 20. 21. 22.

In his verbis illa, *Erit mihi Dominus in Deum*, plurimum laboris, & fatigationis attulerunt studiosis interpretibus, quibus hæc res cordi fuit, vt sacri oraculi retrusiora mysteria, quantum fieri posset, exactissimè enuclearent, & accuratissimè enudarent. Difficile namque intellectu videtur, quid mouere potuerit illum, qui tam attentus in voti sui nuncupatione fuit, vt hoc promitteret, velle Dominum habere pro Deo, si per ipsum optatorum suorum compos fieret. Batrologiam quis dixerit, & eiusdem verbi superuacaneam, inutilemque repetitionem, quod ait, Dominum se pro Deo habiturum. Qui enim Dominum fateretur supremum Conditorem, palàm est, Deum agnoscere debere. Quomodo ergo sanctus Patriarcha horum alterum ab altero, tantquam diuersa sint, secernit, ac dirimit, inquit, *Erit mihi Dominus in Deum!*

Fortè sit nonnemo, qui putet, votum istud, quoad hanc illius partem, superfluum, & otiosum. At si animum diligenter quis aduertat, inueniet tam caute, ac sapienter esse ab illo editum, vt Politicus noster beatissimus sit futurus, si hoc opere persequaretur, quod velle facere Iacob promisit. Quod vt elucidemus, dico paucis, non esse idem habere supremum Creatorem pro domino, & habere illum pro Deo. Qui pro Domino illum habent, neque ei tamen seruire, & gratificari student, de his affirmare possumus, tamen Dominum agnoscant, pro Deo tamen (quod ad affectum, & voluntatem eorum attinet) non habere, cui nimirum obsequi, debitumque; venerationis cultum pendere negligunt. In his, qui illum offendunt, & ad iram prouocant, habet Dominus (vt sic loquamur) supremum dominium superioritatis, & relationis Creatoris ad creaturam, quam superioritatem, quantumvis fortè inficiari homo velit, effugere non potest. Ijs tamen alterum illud dominium deest, & regnum, quo regnet Domi-

nus in illorum voluntatibus, & affectibus, & horum, eo sensu, non est Deus, in quorum animabus, & cordibus per gratiam non imperat: At verò illorum est Deus, in quorum pectoribus omnimodè regnat, & utroque domino imperat, quem illi & Dominum suspiciunt, & Deum adorant. Quod ergo ad nos attinet, parum proderit, quòd Deus priore modo imperet in creaturis, nisi & posteriore ratione in eisdem regnet. Quare quod diuinus Patriarcha noster promisit, inquit, *Erit mihi Dominus in Deum*, tantundem fuit, ac si pluribus verbis sponderet, velle Deo seruire, & per omnia placere, fuitque; velle, ac prudens votum, parum enim profuisset, agnoscere ipsum pro Creatore, & Domino, nisi simul vt Deum suum adoraret, coluissetque.

Attentiùs namque rem consideranti occurret, in domo Dei, vbi pro Domino agnoscitur, multos clausos, absconsoque; latere idololatrias, quod mellifluus Bernardus peracerbè deplorabat in Declamat. super Ecce nos, dicens: *Va! &c! in domo Dei horrendum videmus, quidnam idololatrias ministrantes? Domus Dei Ecclesia illius orthodoxa est. Tranè verò in illa domo horribile istud Bernardi ætas vidit, puta catholicos idololatrias! Quomodo fieri potuit, vt iidem & Catholici essent, & Idololatræ, cum hæc ita muenò pugnet, tamque; mortalis sit eorum hostilitas, vt fœdere coire aliquo æternum nequeant? Respondet tamen Bernardus, facillè captu esse, quòd ipse affirmauit, & iam iam quæsitum fuit, si vnum ante ponas, quod nemo negat, nempe, *Quod quisque pro cæteris colit, id sibi Deum constituisse probari.* Quod quisque adorat, erectoque in ara cordis sui simulachro veneratur, hoc illi pro supremo numine est. Ad hunc itaque sensum facillè fieri potest, vt reperiantur in Ecclesia Dei idololatræ catholici, qui Creatorem suum vnicum Dominum agnoscant, & in sua voluntate aliud quidpiam adorent.*

Præcipua lex Dei, & statutum antiquissimum olim in Deuteronomio c. 6. latum, apud S. Marcum 12. v. 30. repetitum sic habet: *Diliges Dominum Deum tuum ex toto corde tuo, & ex tota anima tua, & ex tota mente tua, & ex tota virtute tua*, sic vt nullum reserves cogitatum, quem non in illius cultum, amorem, reuerentiam veritas. Notandum quòd Moyses, cum hanc legem, cælestique; istud edictum populo Israëlítico primùm indicaret, ac promulgaret, breuem hanc, compendiosamque admonitionem præmisit, dicens: *Audi Israël, Dominus Deus noster, Dominus vnus est*; Deut. 6. 4. quod tale fuit, ac si dixisset, in corde animæ non debere esse

aliam



aliam adorationem, nisi Dei; & Domini, sed illius, qui verè sit Deus. Quid sibi vult, quòd lex ista tam sollicitè, & circumspiciè auocat cor humanum, affectus, cogitationes, vires, conatusque totos ab omni eo, quod non sit Deus, aut ad illum non pertineat, vel dirigatur?

Origenes homil. 2. in lib. Iudicum ait: *Præoccupare quodammodo erga se cupiens totos humana mentis affectus, sciens quia quod ex toto corde dilexerit, quia, & ex tota anima, atque ex viribus totus, hoc ei Deus est.* Quòd ergò Dominus talis legis editio animam hominis, quantà eacunq̃ue est, facultatesque illius omnes sibi referuari, & ad se vnum vniciè amandum verti mandauit, non alio consilio hoc fecit, quàm quòd sciuit, id cuique pro Deo esse, quod toto cordis affectu complectitur. Quod enim affectus adorat, hoc velut supremum numen veneratur, & reueretur.

Ac nisi ita res haberet, quomodo S. Paulus multis persusus lachrymis affirmasset, quosdam ita obbrutuisse homines, tamq̃ue terreos effectos, totosq̃; animæ suæ affectus, & sensus, vigilas item, & cogitationes vili, & infamigulæ idolo sic consecrasse, vt præter ventrem Deum non haberent alium? Verba Pauli Philip. 3. v. 18. & 19. sic habent: *Multi ambulauit, quos sapè dicebam vobis (nunc autem & stens dico) inimicos crucis Christi, quorum finis interitus, quorum Deus Venter est.* Palàm ergò, perspectumq̃; habemus, esse quosdam homines, qui vnum Dominum agnoscetes, affectu suo adorant alium. Alienorum autem deorum, qui adorationis venerationem habent, vnus quidam venter est, ad quod Tertullianus apud Velasquez (cui partem dictorum nò modicam debemus) in expositione illius textus respexisse videtur, cum ait: *Iste deo idolo gulam suam mactat, tu Deo non cū, Deus enim tibi Venter est, & pulmo templum, & equaliculus altare, & sacerdos coquus;* tanquàm pluribus dixisset: Vorax epulo, & insaturabilis heluo guttur, palatumque suum infami, propudio, & bruto ventri suo sacrificant, & tu animam tuam Domino pro debita obseruantia cultu tradere recusas, vt sit etiam tuus Deus, sed ethnici potius turpem adorationem imitaris, tuum enim numen, cui tributa obsequiorum pendis, tuus venter est, tibi pro lario pulmo, pro ara stomachus, & ventriculus, pro sacerdote opsonator, obfopaus, promus condus, & cocus est, quem varijs cibis, ciborumque condimentis ad acuendam orexin, & irritandam gulam excogitandis, componendisque fatigat, & adhibes, vt tam vili, ac serui deastro, inex-

plebili abdomini tuo victimas litans offerat. Nieri ergò potest ad modum, quem diximus, vt supremus hominis Conditor sit dominus illius, & non Deus eiusdem, hoc enim homini deus est, quod ille adorat, singularique cultu, & veneratione, & affectu prosequitur.

Tale quidpiam affirmandi occasionem præclarā nobis ministrat Propheta Regius, quando ad Patriarchæ nostri similitudinem teneræ voluntaris flagrante affectu, & ardenti amore totus abreptus in Deum sic ait: *Dixi Domino, Deus meus es tu;* Psal. 15. 2. dixi tanto Domino cum humillima submissione, prout decebat. Tu es Deus meus, quem adoro, quem suprā quàm alia omnia revereor.

Nisi superiora quædam præcessissent, possemus arguere sacrum Prophetam tanquàm non satis consequenter locutum, & parum attentum ad verba sua, ait namque dixisse Domino, *Deus meus es tu.* Cum enim discrimen aliquod esse debeat (magnam quippe consonantiam verborum Prophetarum esse oportet) hæc vt non sit idem, quòd Creator noster noster Dominus, & quòd Deus noster est. Proinde cum ait, *Ego dixi Domino, Deus meus es tu,* tantumdem fuit, ac si dixisset: Si facis foret, quòd Conditor meus quantum ad me attinet, ob hoc Deus meus esset, quia Dominus est, non fuisset protestatus, quòd Deus meus esset, qui est Dominus, hæc enim mutuo se compatiuntur, quòd Creator superius sit Dominus humanarum creaturarum, & non sit Deus aliquarum, nam cum illi seruire, & placere negligimus, dominium eius manet, diuinitas autem in creaturam transfertur, quam cum affectu singulari suprā Dominum amamus, Deum nostrum facimus. Tota ergò felicitas nostra in eo posita est, quòd Deus noster sit, qui est Dominus.

Quàm præclare hoc exposuit ille ætatis suæ Phoenix, ille sæculi sui stupor, ille literarum, artiumq̃; gloriā illustrissimus! Ioannem Picum Mirandulæ, & Concordiæ Principem sic dixi, cuius sunt ista in commentario Psalmi decimi quinti: *Dixi Domino, Deus meus es tu. Totum iusti status consistit in hoc verbo.* Quod verbum licet videatur ferè omnibus commune, pauci tamen sunt, qui illud possint ferè dicere. Illud enim quis habet pro Deo, quod habet pro summo bono, & illud habemus pro summo bono, quo solo habito, si cetera desint, putamus nos esse felices, & quod vnum si desit, etiam si habeamus omnia alia bona, putamus nos esse miseros. Pergit porro Mirandulanus: *Dicit aurum pecunia, Deus meus es tu, gulosus erapula, inconstans libidinis, ambitiosus imperio, Deus*



*mem es tu.* Cum ergo in mundo tam ingens sit copia auarorum, gulosorum, lasciuorum, ambitiosorum, vindictæ cupidorum, periurorum, murmuratorum, obretatorum, & tam innumerabilis caterua vitiosorum, qui adorant quæ amant, & flagitia sua pro dijs habent, inde accipitur, quàm paruus sit eorum cæus, qui verè cum Iacob, & Davide Deum appellare, ac dicere possint, *Deus meus es tu*, vt qui animi affectu in aliud propendeant, quod non sit verus Deus. Id Picus Mirandulanus iterum sic redidit: *Vide igitur, quàm pauci possint dicere, Dixi Domino, Deus meus es tu, quia ille solus hoc potest, cui solus Deus sufficit. In hoc igitur dicto consistit totus status hominis iusti.* Ille igitur solus Domino verè dicere potest, cuius totus amor in Deum solum fertur, quem hæc vnica sollicitudo insomnem facit, quomodo Deo placere, & gratificari queat, cuius hæc est curarum summa, vt quæ illi sunt placita, faciat, vt mandata eius, & cælo allatas pragmaticas sanctiones sanctè, integrè, studiosè obseruet. Cum verò tam rari sint, qui hoc agant, quàm frequentes, qui suis voluptatibus, cupiditatibus, & appetitibus per omnia obseruiunt, benè affirmabimus, illum solum esse felicem, & fortunatum, qui Dominum pro Deo habet, in hoc enim tota illius beatitudo est posita.

Huius rei confirmationi non incommodum venit, quod incredulus Discipulus cælesti, & triumphatori Magistro dixit, quando postquam sacram indulgentiæ portam, diuinum latus, inquam, tetigerat, tanti Domini amore inflammatus, attonitoque similis singulari cum affectu flagrantia, humilitate, deuotione, & contritione succlamauit. *Dominus meus,*

*& Deus meus!* Ioan. 20. 28. quidni certò, indubitatoq; credam, quodd inuictus, & omnipotens in vitam rediisti? Hæc fuit perfectissima confessio, per quam Sanctus Thomas gratiæ, & amicitia diuinæ lucrum fecit. At videamus, quas det votes Apostolus. *Dominus meus, & Deus meus,* inquit.

Nicolaus Lyranus in cap. 20. Ioan. ait: *Suprà & cauere Iesum Dominum, sed non Deum.* Verum nunc quid agit? Vtroque nomine illum inuocat, & appellat dicens: *Dominus meus, & Deus meus;* sicque partibus omnibus explet suam confessionem, gratamq; reddit. Quamuis enim sit vera illius confessio, qui Christum pro Domino tantum habet, agnoscitque (ipse quippè Discipulis suis ante dixerat, *Vos vocatis me magister, & Domine, & benè dicitis, sum etenim,* Ioan. 13. 13.) nihilominus secundum doctrinam traditam, & sensum, quo loquimur, parum prodest Christiano habere Christum pro Domino, nisi habeat etiam pro Deo, hoc est, nisi illi consecret suos affectus, voluntatem, potentias animæ reliquas, cor, actiones. Faciendum ergò, quod Thomas, Iacob, David fecerunt, vt qui Creatorem suum fatentur suum Dominum, habeant etiam pro Deo, vt huiusmodi confessio sit accepta, utilis, & fructuosa. *Dominus meus, & Deus meus. Erst mihi Dominus in Deum. Ego dixi Domino, Deus meus es tu.* Sic nimirum consequentur summam felicitatem, illam, aio, vt cor suum eradant summæ Deitatis, quæ sola meretur anari, non vilibus, & sordidis creaturis, quibus seruire infamia est, quas amare dedecus est, & adorare præceptum ad æternam damnationem, & tormenta perpetuum duratura prolapso.

# LIBER SECVNDVS.

## CAPVT I.

*Non magnus est, quem officia magna, & sublimia occupatum habent, qui ministerium suum probè surar, & munera partes omnes rectè exequitur.*



Quam perspicuè se prodit apud nostrum sacrum Peregrinum, & obediens viatorem pollicitatio Dei, quàm illi sponderat, velle se indiuiduum comitem, & fidum adiutorem per omnem viam exhibere! Inter media quippè experimenta omnipotentis manus, quæ illum ductabat,

prosperè, ac feliciter, & citrà periculum peruenit in terram auunculi sui Laban, vbi & faustum peregrinationis illius finem felicitauit ac beavit optatus aspectus venustissimæ consobrinæ Rachelis, à qua comiter, blandè, peramanterque exceptus fuit. Simulac intellexit Labani filiam esse illam tam elegantem, tam pulchrà specie cunctis pecudum, quæ cum alijs sodalibus innoxias pascibat oues, non potuit se continere, quin ob illius oculos præclarum facinus ederet, solusq; graue saxum amoueret, quod suis ponderibus obstruebat, & velut obsignabat locum, è quo haurire frigidam, & commune refrigerium siticulosus grex solebat. Posthæc illam, vt præ-



ximâ consanguinitatis necessitudine coniunctam amplexatus fuit, cæteraq; fecit, quæ cognati è partibus abstinentibus convenientes in primulo congressu, ex more illius regionis, facere solent.

Premamus hoc loco, quod sacer Scriptor his verbis peculiariter notandum putauit: *Gregem ipsa pascibat*; Genes. 29. 9. In his magnum emphrasin habet ea vocola, *ipsa*, & hoc fere significat, illa venustula, illa formosula, illa tenellula, & delicatula, illa, quæ formæ decentiæ, & morum gratiâ Syris virginibus antecellebat, quantum Sol reliquis planetis, & sideribus præstat, illa, quæ totum parentum suorum delirium & oculorum ijs chatior pupillis erat, illa gregem pascibat, illa ruri vitam omnibus cœli iniurijs expositam agebat. Hæc omnia idcirco per scripta sunt, vt hinc acciperemus utile monitum, quod multis de suo statu, aut officiorum conditione querulis magnam quietem, consolationemque adferet. Docentur enim huiusmodi exemplo, non esse felicitatem cuiusque in hoc positam, quod grandia, aut exigua officia administret, nec quod supremam, aut infimam dignitatem obtineat, sed in eo, quod illam quisque rectè, laudabiliterque obeat, & curet provinciam, quam illi Deus, siue maiorum obedientia demandarit. Rachel certe tantum merebatur, sedula custodis ouium humile officium, quod illi pater iniunxerat, studiosè exequendo, quantum si aliud quodvis honorificentissimum munus obuiisset. Magnitudo quippè dignitatis non in magnitudine meritorum, sed in eo posita est, vt demandatum opus probè, accuratèque quis exequatur, ac perficiat.

Hoc ita nos docet primus Venetorum Patriarcha Sanctus Laurentius Iustinianus de triumphali Christi agone c. 26. nu. 1. inquit: *Non ex dignitatibus, aut gradibus discernuntur merita, sed exercentur dona, nec ille apud Deum, censendus est vilior, qui infimum locum tenet, sed qui virtutibus inferior est, non enim dona gratiam, sed gratia commendat dona. Nihil apud Deum interest, Strum quis præstet, an obtemperet.* Non ex dignitatibus, & gradibus suam habent dignitatem, aut gradus merita, sed ille dignior, ille sublimiorem gradum tenet, qui suum officium, quamvis humile, magno, & excelso animo rectè, dignè, decenterque procurat. Deo nemo vilis ex vili officio, si probè administret, is verò illi abiectissimus, qui virtutibus nudatus, tamen in editissimo dignitatis loco positus. Ad gratiæ enim commendationem nihil officium, plurimum verò strenua, iustaque eius administratio facit. Apud Deum itaque parui refert, siue quis imperet, siue obediat,

siue rex sit, siue subditus. Is namque solus illius oculis placet, qui bonam statum, & quæ illi coniuncta est, obligationis rationem habet, & muneris sui partes, prout debet, curat.

Agit Sanctus Apostolus Paulus de officijs, quæ curare mulieres debent, vt oculis diuinis placeant, & præter alia iubet, vt densam, prolixamque comam nutriat, quæ pro integumento sit, quo capita obnubant, quorum deoperta, & oculis exposita elegantia multis, ijsq; honestatis studiosis, & recessus amantibus causa turpis prolapsionis fuit, & miserandum sæpè exitium attulit. *Mulier si comam nutriat, gloria est illi, quoniam capilli pro Selamine ei dati sunt*, ait ille 1. Corinth. 11. 15. Exponens hunc locum Doctor Ioannes Benceus, inquit: *Capilli dati sunt, hoc est, à natura habentur, in signum subiectionis*, suntq; velut nota quædam summo capiti inusta, ex qua seruitus, cui mulier inuitabili necessitate subiacer, agnosci queat, vt proinde, quod crebrius capillamentum alit, eò luculentius prodar submissionem, quam exhibere viro debeat, quiuis enim capillus suavis, gratiæq; seruitutis est testis.

Libet hic dictum Pauli cum expositione Bencei componere, & ex ambobus concepum vnum proposito commodum exsculpere. Apostolus dicit, comam mulieri gloriæ esse, & ornameto: *Si comam nutriat, gloria est illi*. At si coma, ex iam dicti interpretis sententia, & commentatione, character quidam est subiectionis, & insigne seruitutis, quod Deus capiti mulierum imposuit, tanquam titulum editiori loco inscriptum, ex quo illarum humilem, inferioremque conditionem legere omnes possint; quomodo Paulus affirmat, ex coma singularem in femineum sexum gloriam redundare, cum vix res aliqua aliæ magis compugnare videantur, quam seruitus, & gloria? Si Apostolus diceret, quod mulier, quæ comam, seruitutis suæ notam, alit, eadem sui luctus occasionem nutriat, suæ tristitiæ causam foueat, planum, perspicuumque videretur, quod ait, sed quod seruitutem nomine gloriæ donat, nescio quomodo in sensum rectum trahi queat.

Difficultatem hæc suam, nec qualemcumq; haberent, nisi beati Laurentij Iustiniani doctrina præcessisset dicentis: *Nihil apud Deum interest, Strum quis præstet, an obtemperet.* Neq; abiectus Deo est, qui alijs ex obedientia subiectus, neq; sublimis Deo, qui alijs è loco sublimi imperat, sed qui obligationis suæ partes accuratè exequitur, non enim officium, sed studium, quo illud administratur, plurimum quemq; commendat. Itaque mulier nutriens co-



man, quæ fœnitur illius, & subiectionis insignie est, quod sui muneris est, probè curet, hoc illi gloriam conciliabit, & laudem. Gratia enim vniuersusque, & dignitas non in eo posita est, quod sit Prælatus, aut Subditus, Rex aut famulus, magnus, aut paruus, sed in eo, vt rectam suæ vocationis curam, & iustam sui status, in quo à Deo constitutus est, rationem habeat.

Cum his cohæret, quod magnus Theologus Sanctus Gregorius Nazianzenus Orat. 9. ait, inquit: *Quo vocatus est, in eo gradu quisq; maneat, etiam si aliquin præstantiore dignus sit, plus vtiq; laudis habiturus ex eo, quod præsentis gradus acquisierit, quam si eum quærat, quem non accipit.* Teneat quisque locum, & statum, in quo à Deo positus fuit, quamuis digniorem meritis sibi videatur, hoc sibi persuasum habens, quod ampliorem laudem referet, si in eo constanter perduret, quam si in alio sublimiori minus cautè, nec tam prudenter, vt decet, agat. Non enim ille verè maior, cui officium maius conceditur, sed qui ministerium, qualecunque illud, sibi commendatum rectè gerit.

De homine quodam nobili ait Dominus, diuisisse bona sua seruis suis, vt solerte industria suâ ad quæstum illa verterent, plurimiq; ex earum lucro opum facultates corraderent, & accumulerent. Vni autem dedit quinque talenta, duo alteri, vnum tertio. Ex his duo priores tam sagaciter, ingeniosè, & feliciter suis talentis ad negotiationem sunt vs, vt altero tanto maius retulerint, quam è manu domini sui acceperant, & dupli lucrum fecerint. Serenissimo vultu tam lætènter illos excepit dominus, vt parè, sed copiosâ, & diuite mercede suos vtrique labores remuneraret, verbisq; eisdem ambos appellaret, dicens: *Euge serue bone, & fidelis, quia super pauca fuisti fidelis, super multatè constituam, intra in gaudium Domini tui;* Matth. 25. v. 21. & 22.

Sancto Ioanni Chrysostomo, orat. 1. in 1. ad Heb. Ildoro Pelusiotæ 1. 4. Epist. 106. & Theophylasto statim incurrit in oculos difficultas circâ hanc remunerationem, aiuntq; quomodo his, quorum fuerunt inæqualia talenta, æqua gratia rectè fieri poterit, vt ambobus promitteretur, super multa bona pariter constituendos? Qui quinque talenta acceperat, in sublimiori gradu constitutus fuit, cui duo solum credita sunt, is inferiore in dignitate collocatus videtur. Quomodo ergo non fuerunt differentia præmia, quorum erant tam imparia ministeria?

Solunt hanc difficultatem peropportune in cau-

sam præsentem disci Patres, dicentes, quod præmia æqualia designata fuerunt ijs, quorum erant officia inæqualia, id factum, vt indicaretur, merita non ex officio æstimari, sed ex studio, & diligentia, quâ officium procuratur, & administratur, nam cuius negotiationi duo talenta sunt tradita, is tantum præmium consecutus est, quantum ille, cuius nundinationi, & fidei quinque concredita, quia & ille tam enixè, diligenterq; suis duobus talentis negotiatus fuit, quàm hic quinque talentis.

Audiamus magnum Bulgarorum Archiepiscopum Theophylactum in cap. 25. Matth. vbi habet ista: *Vide autem quod & is, qui quinque talenta acceperat, & is, qui duo, eadem bona consequantur. Quando enim quis etiam pauca acceperit, & datum sibi donum, licet paruum sit, bene dispensarit, æqualem bonorem adepturus est cum eo, qui magna habuit, & fecit. Vnusquisque enim vt acceperit, ita & excelsus videbitur, si bene egerit.* Quod is, cui sola duo talenta data, vt ex ijs quæstum faceret, parum plausum, & laudem meruit, ac ille, cui cum quinque talentis operosior, spectabiliorq; negotiario demandata fuit, hoc ad consolationem eorum scriptum est, qui suâ fortunâ, & statu malè sunt contenti, vt hinc discant iustam habere rationem vitæ, & conditionis, in quacunque quantumuis humili ex Dei ordinatione viuunt, & pro virium facultate in ea laborant, tantum enim præmij referet, quantum ij, qui ministerijs sublimioribus occupantur, nam vt dicere cepimus, perfectio non in officio posita est, sed in assiduitate, ac diligentia, quâ officij partes perfectè explentur.

Cupiebat Gentium Doctor affectus nostros auocare ab huius vitæ pompis, & vanitatibus, quibus addicere corda nostrâ cum magno animarum dispendio solemus, atque ita aiebat: *Qui genuitur hoc mundo, tanquàm non stantur, præterit enim figura huius mundi;* 1. Corinth. 7. 31. velut dixisset: Vt amur hoc mundo, sed non fruamur, nemo enim prudenter ex mari portum, ex diuersorio patriam, quietem ex labore facit, & fallacis mundi huius figura celerrimè transit. Benè nota est LXX. Interpretum græcorum translatio, quæ sic habet: *Præterit scana huius mundi,* cursum transit omnis hæc vita, non secus ac figuræ, ac personæ, quæ in vno hoc mundo representantur, tanquàm theatro quodam, vbi tam varia nobis quotdies in conspectu ponuntur hominum, statuum, conditionum genera. Theatrum visus est mundus mundi vanitatum detectori Ecclesiæ altæ cap. 1. v. 4. cum ait: *Generatio præterit, & ge-*



meratio aduenit, terra autem in aeternum stat. Vt enim theatrum sub tanta personarum prodeuntium, abeuntium, repræsentantium varietate, ac vicissitudine firmum semper consistit: Ita mundus theatrum est, in quo variz figuræ exprimuntur, & quotidie decedunt, cum ipse permaneat, vt alias similes recipiat, de quo sanctus Gregorius Nyssenus hom. 6. in Cant. sic habet: *In theatrorum pompâ nunc hi, nunc illi censentur apparere. Qui nunc seruus, aut homo priuatus apparet, paulo post bellator cernitur, & rursus habitum subditi deponens, Imperatoris personam, & cultum assumit.* Tantundem in mundo euenit, in quo vt sunt varij status, ita personæ diuersæ repræsentantur.

Sed in rem præsentem, vsumque nostrum ista traducamus. Vnum habet illa theatrica repræsentatio, quod omnibus imitandum, vt suo statu quisque sit contentus. In comædijs præstantia repræsentationis non in eo posita est, vt quis personam sublimem, aut humilem, illustrem aut obscuram, regem aut pastorem, magnum Pontificem, aut pauperem Religiosum referat, sed vt quàm simillimis gestibus viuè exprimat: Nam si quis pastorem dextrè, exactèque referat, alius regem parùm aptè repræsentet, hunc quidem spectatores ludibrio habebunt ob suam inertiam, illius verò dexteritatem, & solertiam plausibus, & acclamationibus extollent.

Tantundem dicere possumus cum S. Laurentio Iustiniano in rem præsentem: *Nihil interest vtrum quis præstet, aut obtemperet.* Nemo putet gratiam, & beatitatem in eo consistere, vt quis in huius mundi theatro Reges, Principes, Antistites sacros, & id genus viros maximates agat. Nec quisquam existimet, infelicitatem in eo positam esse, si personam rustici, pastoris, mendici, aut alterius cuiuspiam è vulgo exprimat: Felix enim est, & magnus, non qui felicem, & magnam personam refert, sed qui magnoperè curat, vt feliciter, solerterque repræsentet, quamcunque illi Deus repræsentandam dedit. Itaque si Pontifex, Imperator, Rex, Princeps, Nobilis, Patriarcha, Episcopus, Religiosus personam sibi demandatam non bene egerint, nullam reportabunt laudem ex eo, quod eiusmodi personas expresserint, immò verò maius probum, ludibriumque ex inepta repræsentatione referent. Si cui autem iniunctum fuerit, vt humilem pastorem, rusticum pauperem, sordidum mechanicum personatus, aut verus pastor, rusticus, mechanicus agat, nullum ex ea repræsentatione detrimentum patietur, dum rectè modo vti sciat statu, in quo illum providentia diuina collocauit, accom-

modetque se illius obligationibus, & quod illæ exigunt, faciat.

Huc respexit S. Ephræm de recta viuendi ratione num. 61. cum ait: *Lapidida incidendis lapidibus, & faber ferrarius tundendo, producendoque ferro mercedem recipient.* Quantumuis humile sit aliquod seu officiû, seu opificium, non erit illius absque sua certa mercede exercitatio. Dominus enim præmia decernit non pro ministerij sublimitate, aut dignitatis magnitudine, sed pro mensura studij, ac diligentiz, quâ muneris sui partes perfecerunt, obligationesque suas expleuerunt, seu magnum, seu exiguum fuerit officiû, seu regem, seu pastorem, seu religiosum, seu de medio sæculo virum, seu coniugatam, seu virginem referant. Quare nemo officiû, quod habet, nemo locum, quem occupat, spectet, non enim consistit gratia in loco, supposito quod cuius præmium obueniet par magnitudini laboris, & sedulitatis, quâ loci illius ministerium explet, exequiturque officiû, quod illi Deus, siue obedientia curandum demandauit.

## C A P V T II.

*Vbi pax deest, nihil boni reliquum esse potest, in alma, & chara pace namque omnes felicitates, cunctaq; bona continentur.*

Primum, quod Iacob pastores ex Haran seiscitabatur, illud erat, vtrum nosset Labanum filium Nachor, à quibus cum audiuisset, nosse, de valetudine illius præterea inquisiuit, dicens: *Sanusne est?* Genes. 29. 6. Responderunt illi rursùm, incolumem esse, & prosperè vti valetudine. Sed hic notandum, quod noster textus ait interrogasse, *sanusne esset*, id ex Hebræo, plerisque Expositoribus ita affirmantibus, etiam sic posse transferri: *Paxne illi?* Affirmant hoc Pererius, Martinus del Rio, Cornelius, Honcala, Istella, & Mariana cum nonnullis alijs, ex quibus Mariana ista: *Pax nomine bona omnia intellegunt Hebræi, bellum Mislamah ab odendo vocant, quasi Goret omnia.* Percunctabatur Iacob, vtrum auunculus quietà, tranquillâ, & amabili pace frueretur, eisdem verbis inquisiuit, num saluus esset, & firmâ corporis valetudine, num sorte suâ contentus iucundè viueret, num reliquis bonis, quæcunque in hac vita appetere homo potest, afflueret, hæc enim omnia includi in pace videntur, absque illa enim cum voluptate, lætanterque gaudere bono aliquo nemo potest, ac propterea Hebræi bellum *Gorax* nominant, quod quietem profiget, bona omnia succidat, & auferat, & tanquam vorax, ac sanguinaria bestia

cunctam



abundantiam, & fertilitatem concerpat, la-  
ceret, absumat: *Hebraei bellum Milhamah ab edendo*  
*vocant, quasi foret omnia.*

Et verè ita est, nullum enim non timeri malum à  
bello, discordia, & dissensione potest, vt nulla non  
commoda sperari à pace, concordia, charitate. Id  
circo nosse Hispanus Silius lib. 11. pacem nomine  
rei omnium optimæ donauit, inquit:

*pax optima rerum,  
Quas homini nouisse datum est, pax & na triumphis  
Innumerus porior, pax custodire salutem,  
Et cives aequare potens &c.*

Pax est sospitatrix incolumitatis populorum, satura-  
tas pauperum, leuamen oppressorum, securitas vitæ  
cuiusque, quies animarum, conseruatio diuitiarum,  
validissimus reipublicæ murus, & commune bonum  
omnium.

Innocentem Patriarchæ nostri parentem ex aula  
expulerat rex Abimelech. Is pœnitens posthæc in-  
urbanitatis, quæ ergà tantum virum vsus fuerat, con-  
stituit illum non modò sibi reconciliare, verùm eti-  
am arctioris amicitix, & fœderis sacrosancto nexu  
adstringere, ac deuincire. Ad eam rem conficien-  
dam duos familiarissimorū intimos, & alios sine nu-  
mero comites, ac stipatores adhibuit, vt maiore cum  
apparatu, & splendore fœdus illud celebraretur. A-  
manter illos S. Patriarcha excepit, & postquam  
splendidum epulum instruxit, dapiliterque habuit,  
*dimisit eos pacificè in locum suum*, Genes. 26. 31. vt  
corpore tantum ad sua se reciperent, animis enim  
coniunctissimos retinebat. Quo die hæc facta, ecce  
cursu aduenerunt serui Isaac, cum optatissimo nun-  
tio, dicentes fodisse puteum, & inuenisse aquam.  
Pars nonnulla Palæstina, ea vel maximè, in qua de-  
gebat Isaac, præmodum sterilis erat, adeò ingentem  
detexisse thesaurum arbitrabantur vernaculi illius,  
cùm aquam reppererunt. Sancti Patriarchæ famuli  
domestici alios inuenerant puteos, quibus ille di-  
uersa inditum ibat nomina. Primum *vocauit Calu-  
miam*, secundum *appellauit Inimicitias*, tertium  
*Latitudinem*. At considerandum studiosius nomen,  
quod huic postremò imposuit, de quo sanctus Moy-  
ses: *Appellauit eum abundantiam*; ibid. v. 33.

Sed cur istum tali nunc titulo insigniuit puteum?  
Videtur enim nunc maiorem sibi, quàm vnquam  
ante pollicitus honorum omnium copiam, & abun-  
dantiam. Nam in nominibus, quæ puteis impone-  
bat, vt ex sacro textu constat, promittere sibi vide-  
batur successus siue prosperos, siue aduersos, quos-  
cunque vel sperare poterat, vel formidare. Quam-

Tom. III.

obrem verò tantam sibi nunc spondet affluentiam,  
& saturitatem Isaac, vt hoc tam faustum omen, se-  
lxque præsagium titulo putei insculptum voluerit?

Facile est causam diuinare, si animo perpenda-  
mus, quid sancto Patriarchæ cum rege Abimelech  
paulò ante acciderit, quando cum illo pacem iniit,  
amabilissimoque, & dulcissimo amicitix nexu con-  
iunctus fuit: *Iurauerunt sibi mutuo*, inquit ille ibid.  
v. 31. iureiurando, ac Deo teste promiserunt, velle  
amicitiam, fidemque mutuam sanctè, atque inuio-  
labiliter colere, sicque illos à se pacificè, securèque  
dimisit. At si Isaac iam tunc pace, & tranquillitate  
gaudebat, vivebatque liber à calamitijs, inimicitijs,  
bellis, quid mirum, quòd sibi promittebat affuen-  
tiam? *Appellauitque eum abundantiam*. Quid enim  
pacem, fœderationem, animorum, & voluntatum  
coniunctionem consequi, quid sperari inde aliud  
poterat, quàm rerum omnium ingens copia, & re-  
dundantis, bonæque valetudinis, & opum, & quie-  
tis, & gaudij, & securitatis, & bonorum reliquorum  
omnium, quæcunque in hac vita desiderari possunt,  
affluentia?

Eapropter latinæ eloquentiæ parens Cicero in  
Orat. pro lege Agraria dicebat: *Nihil est tam popu-  
lare, quàm pax, quàm non modò is, quibus sensum na-  
tura dedit, sed etiam recta, atque agri mibi latari vi-  
dentur*, qui fructus illius suâ viriditate, suâ amœni-  
tate, suo algore quodammodò prædicant, & taciti  
laudibus extollunt.

Pace namque omnia crescunt, & auferunt, vt  
dissidijs vniuersa imminuuntur, & pereunt. Quò  
ingentiosè alluserunt Veteres, quando inxerunt, vt  
habet Claudianus apud Vincentium Cartarium, &  
Petrum Verderium, quòd Proserpina filiam suam  
Cererem permittere vxorem Marti noluit, tametsi  
hoc ille effictim expeteret. Ceres messis dea cole-  
batur, frugumque, atque in ijs potissimum tritici,  
quòd triticum sit omnis abundantix fundamentum,  
nam vbi illud abest, tametsi cætera affluent, abesse  
omnia videntur, & vbi illius est copia, rerum alia-  
rum nulla sentitur inopia: Mars autem bellorum,  
dissidiorum, simultatum, clandestinarum inimicitia-  
rum, & apertorum odiorum numen erat. Quòd  
ergo Proserpina filiam suam Cererem, quæ abun-  
dantiæ præsidebat, collocare Marti bellorum incen-  
tori abnuir, hoc factum, vt inditio esset, abundan-  
tiæ iacturam, & penurix abundantiam in solo bello  
reperiri, neq; copulari matrimonio posse Cererem  
cum Marte, affluentiam cum discordia.

Consequenter ad hæc ait Pausanias, *Pacis statu-*

000

473



am Atheni ad mulieris speciem esse effictam, Plutus puerum diuitiarum Deum manu tenentis. Sic ille apud Petrum Verderium de imaginibus deorum in Mercurio. Plutus Græcis tanquam diuitiarum deus venerabilis erat, ac propterea Pax illum manibus præferebat, ut significaretur, opum copias, thesauros, abundantiam, saturitatem è pace, & concordia nasci, diuitia enim pace magis, quàm bello parantur, ac conseruantur, inquit Vincentius Cartharius. Quis enim exhaurit æraria, destruit facultates, inuehit famem, generat pestem, deuastat prata, & agros, obterit fruges, omniaque incendio absumit, nisi bellum, discordia, hostile odium? Quid verò terram fertilem reddit, quid vrbes condit, cumulat diuitias, solatur oppressos, in securitatem asserit potentes, nisi pax, amicitia, concordia?

Orbis reparatur, cum ab hac vita in alteram commigraturus charis Discipulis suis valediceret, aiebat illis: *Pacem relinquo vobis, pacem meam do vobis*; Ioan. 14. 27. Et postquam gloriose de omnibus hostibus suis triumphasset, tristi Apostolorum collegio apparens, atq; in medium illorum sese inferens, ut omnibus parem sui copiam faceret, sic eos consolabatur: *Pax vobis*; Ioan. 20. 26. Et cum posthæc eisdem iterum, atque iterum salutare amanter vellet, talibus verbis identidem hoc faciebat, inquiens: *Pax vobis*.

Diligentem certè meretur considerationem, quod Dominus noster destitutus Discipulos suos nullum aliud pignus sui erga illos amoris, non monile aliquod præstantius, non adamantem pretiosissimum inuenit, quo eos ditaret, quàm pacem, idque cum à subacta morte, & hostibus omnibus triumphatis rediuius ad illos aspectabili specie venit? At tamen illius bona essent, sintque infinita, & thesauri tam immensi, solam in omnibus pacem dignam putauit, quam illis ad magnificentiam suam ostentationem relinquere posset, cumque lingua sua, omnis boni promptuario, ad erogandum uti vellet, præter concordiam nihil inuenisse videtur, quod is imperiret, tamen innumerabilia essent bona, quæ distribuere posset. An fortè nihil habebat reliquum, quod daret? An præter pacem, quod eis testamento supremo legatum relinqueret, nihil erat super?

Glossa Ordinaria in cap. 24. Lucæ ait: *Qui pacem dedit, suo verbo omnia dedit*. Perspicuum est, quod generosus, & consolis, perforatisque manibus Dominus vehementissimè tunc cupiebat, exanimatissq; semper cupit totos suos in nos exonerare thesauros, de munificentissimis enim illius visceribus,

perliberalique, ac tantum non effusè prodigo pectore minùs aliquid cogitare, aut sperare nò possumus, nec debemus. Ut verò hoc paterni, flagransq; desiderium patefaceret, priusquam moreretur aiebat, pacem se suis relinquere, & à morte idem inculcabat, faciebatque quod alius solet, qui in vnum opulentum monile, dititem margaritam, pretiosum adamantem omnia sua erogat, ut cum eo sua semel, simulque omnia donet, in quo thesauros suos totos collocatos nouit. Ità Dominus cum sciret omnia bona includi in pace (suà autem pace vel maxime) solam pacis suæ apud suos mentionem fecit, ut in qua bona omnia essent reposita. Nam ubi pax, ibi cornu omnis copię reperitur, ac propterea qui pacem dedit, suo verbo omnia dedit, & cumulum ingentem omnis felicitatis relinquit. Vbi enim pax imperat, & regnat concordia, omnes securè degunt, omnia bona reperiuntur, omnia affluunt, penuria nulla est.

Huc iuit (nec enim dubito) illud vetus dictum, quod eruditus Nouarinus in vmbra Virginea Excurs. 31. num. 329. his verbis refert: *Maximum bellum malorum, pax bonorum maximum, pace calum, pace constat terra, pax mera est Deus*. Malorum pessimum bellum, bonorum optimum pax, quæ cælum, terramque priter sospitat, quin & supremis rerum omnium Conditor honorificentissimam sibi putat pacis appellationem, quæ illum Apostolus plusquam semel donat, vocans *Deum pacis*, ut ad Rom. c. 15. v. 33. & c. 16. v. 20. & 2. Corinth. 13. v. 11. & ad Philipp. c. 4. v. 9. & Hebr. c. 13. v. 20. Quibus locis videtur beatissimus Paulus Christo eam existimationem constare voluisse, ut omnis boni autorem, omnis copię fontem, omnis abundantie scaturiginem omnes illum crederent, putasseque non posse hoc efficacius persuadere, quàm si Deum pacis illum nominaret. Nam si in pace omnia bona continentur, & Christus est Deus pacis, facile est, quod inde sit consequens, colligere, & intelligere, nempe ad Deum recurrere oportere, ut ille hoc bonum de nobis, quod bonum omnia, omnemq; abundantiam, & felicitatem quamcunque complexitur.

Ità Tertullianus lib. 5. contra Marcionem cap. 5. ex sententia Hebræorum pronuntiat, inquiens: *Hodie Iudæi in pacis nomine appellant, & retrò in Scripturis sic salutabant*. Quoties illi bona omnia significare volebant, id vno Pacis vocabulo faciebant, & quos saluos cupiebant, his solam pacem iam verbo, iam scripto optabant, vnoq; illo verbo felicitatem



licitatem omnem adprecabantur, qui enim pacem dicit, & optat, omnia dicit, & optat.

Huc appositè cadet, quod sanctus Ioannes Chrysostomus affirmat, quod suâ ætate catechistæ, siue qui alios ad mysteriorum fidei cognitionem erudiebant, catechumenis suis dicebant, priusquàm illos sacri fontis baptismate initiarent, & primam, quæ in cælum ducit portam ijs aperirent, nimirum: *Angelum pacis petere, o catechumeni*, hoc summis votis, hoc ardentissimis precibus perpetuò supplices optimum Deum obsecrate, & reseccate, vt pro sua infinita misericordia Angelum optabilissimæ, & amabilissimæ pacis vobis submittat, comitemque adesse indiuiduum iubeat.

Talis autem appreciationis causam Chrysostomus homil. 2. in 2. ad Corinth. cap. 1. his verbis exponit, dicens: *Proinde eos Angelum pacis petere iubemus, docentes eos id, quod bonorum omnium vinculum est, hoc est pacem postulare. Vtunque enim graue aliquid sit, dum tamen pacem quæsitam habeat, leue est. Instituebantur ergo, qui fidei rudimenta prima ponebant, Deum quam possent enixè precari, vt pacis non discordiæ Angelum (vtriusque enim rei Angelos sacrum oraculum nobis commemorat) perpetuum socium, custodemque adiungeret, vt hinc discerent compendiò bona simul omnia à munificentissimo Domino postulare, pax enim nexu vno omnia illa constringit, & in se continet: Bonorum omnium vinculum, hoc est, pacem petere, nam vbi hoc pacis vinculum abest, vbi concordia nexus ruptus, vbi quietis publicæ nodus solutus, ac dissipatus, ibi nullum bonum, quod possit permanere, nulla abundantia, quæ sperari, nullum solatium, quod obtineri queat.*

Itaque cum hanc veritatem assequeretur Menander, exclamabat, vt est apud Stephanum Bellengau. Verbo Pax, inquit: *O veneranda pax! quo te nomine appellabo, & vnde verbum satû magnificum accipiam?* Vnde vocabulum mutuer tibi aptum, quodque tuam exæquet magnitudinem? Sed fieri non potest, vt nomenclationem, quæ in te quadret, inueniam, nisi prius nouerim, & enumerem omnium bonorum conditiones, & qualitates, nam cum ea sis causa illorum omnium, omnia agnoscere debent te suum principium, suamque originem, omnia seruitutis subiectionem, quâ tibi ceu reginæ, & Imperatrici debent, profiteri, absque te namque nemo gaudet salute, nemo securus viuit, absque te non conseruantur diuitiæ, non obseruantur leges, absque te profanantur templa, nullaque est neque obser-

uantia Dei, neque reuerentia hominum, sed diuina, atque humana insuper habentur, & loco vtræque eodem, hoc est nullo, absque te confunduntur populi, totiusque Vniuersi ordo tantum non prorsus inuertitur.

### CAPVT III.

*Noli de primo statim aspectu, aut congressu censere hominis magnitudinem, seu præstantiam, opera expecta, eaque pluscula, quæ ipsius virtutibus fidem, actionibus existimationem concilient.*

Similac domui opulenti auunculi sui sacer viator. S. noster pedes intulit, multis cum lachrymis, sed ab incredibili lætitia naris, & cum dulci pacis osculo amantissimè susceptus fuit. Tota gaudio exultabat familia, aduentumque noui contubernalis domestici omnes festiuis plausibus celebrabant. Postquam verò ille dies nonnullos corpus ab itineris laboribus relaxarat, numerosum auunculi sui gregem custodiendum, curandumque impiger pastor suscepit. Mensem iustum opilio tyro exegerat, quando Laban, cum illius interim diligentiam, sollicitudinemque omnem explorasset, dixit ei: *Nam quis frater meus es, gratis serues mihi?* Genes. 29. 15. non fert ratio, nec permittit æquitas, vt gratuito tam laboriosam, operosamque operam mihi naues, eo nomine tantum, quod mihi intimæ cognationis necessitudine es deuinctus.

Observatio Expositorum, interque eos Doctoris Antonij Houcalæ hoc loco sic habet: *Laban tantumquam homo prudens per unum mensem vigilanter explorauit nepotis sui mores, solertiam, diligentiam, & in rebus gerendis fidem, quibus ad eum ex exploratis, & cognitis, decreuit eidem greges suos curandos, pascendos, atque custodiendos committere.* Laban vt erat vir caueus, & consultus, ita non statim de studio, totoque ingenio sui consobrini pronuntiabat, sed mensem abire sinebat, post cuius elapsum, cum mores illius omnes attentè pensasset, studioseque peruidisset, de mercede pascendorum gregum, operarumque aliarum cum illo pacisci cepit, postquam scilicet iam præuidisset, quam ille industriè, gnauiterque officij talis partes omnes perficere posset.

Hinc utile documentum erui potest, illud puta, vt neminem derepentè, de primo aspectu, congressu, & actu virtutis vnico perfectum, consummatumque arbitremur, aut affirmemus. Non hæc eò dico, quod nolim quenquam de proximo piè sentire, mitiusque & loqui, & opinari, semper enim pijs ocu-



lis spectandæ sunt fratrum nostrorum actiones, celebrandæque verbis honorificis, quamdiu aliter facere causa alia non cogit, sed huc meum consilium vadit, vt inconfulto experimento de operum alienorum magnitudine, præstantiaque nemo statim, vt ea primum viderit, pronuntiet. Qui secus facit, is leuis præcipitantiæ, aut præcipitis leuitatis, nimisque subitantiæ credulitatis notam referet.

Scribit sanctus Paulus discipulo suo Tito, primis-que illius Epistolæ verbis non paruam nobis ingerit difficultatem, vt in ipso vestibulo, & primo limine impingere videamur, *Paulus seruus Dei, Apostolus autem Iesu Christi secundum fidem electorum Dei, & agnitionem Veritatis*, ait ille Tit. 1. 1. Posteriorum verborum sensus obuius est, priora ad rectum sensum exponere difficile. Videtur namq; Paulus quædam oppositionem constituere inter Apostolum Iesu Christi, & seruum Dei, dum se Dei quidem seruum, sed Apostolum Christi nominat, inquit: *Paulus seruus Dei, Apostolus autem Iesu Christi*; videtur illa duo sibi mutuo aduersarentur, cum alterum ex altero magis consequatur, nullus enim melior Apostolus Iesu Christi esse potest, quam qui est seruus Dei. Si quis diceret, Petrus est egregius miles, seu milium ductor, sed apprimè literatus, posset admitti aduersariua, sit enim vt gladius absque libro, armorumque tractandorum, & pugnandi peritia sine scientia literarum reperjatur. Sed quod ea quis discernat, & diuidat, quæ tam coniuncta, tamque vna sunt, non videtur satis attentè, consultèque fieri. Quomodo ergo dictum Pauli vindicabimus à calumnia, quem attentissimum, prudentissimum, cautissimumque fuisse fateri debemus?

Duobus non ampliùs verbis diluit difficultatem Primasius magni Augustini discipulus, inquit: *Discreuit Apostolatam, quia non omnis, qui seruus, statim & Apostolus*. Quod itaque Paulus hos ab inuicem distraxit titulos, qui admodum affines, coniuncti, iidemque videntur, non fecit quia seruus Dei non admodum congruat cum Apostolo Iesu Christi, sed vt corrigeret quorundam facilitatem, & leuitatem, quæ nimis citò censent alios, illorumque magnificant actiones, talesque sūt, ac si dixisset, monuissetque, non subito extollendum vt Apostolum, si quis fortè nobis occurrat, aut videatur seruus Dei. Nam vt quis eò perueniat, vt nomen tam sublimè promereatur, necessum est præcedere prodigiosissimas actiones, & heroicas virtutes, & eminentissimos sanctitatis gradus. Ac propterea diuidit Paulus titulum alterum ab altero, nam vt apud vnum coeant,

oportet illum maximos ante fecisse in via spirituali progressus: *Discreuit Apostolatam, quia non omnis, qui seruus, statim & Apostolus*. Itane verò quia semel confessionem peccatorum suorum quisquam fecit, & communicauit, & flagris corpus suum verberauit, cilicium per vnam dieculam vestiuit, vno die Veneris ieiunauit, aut alium de verbo otioso arguit, idcirco catalogo Apostolorum adscribemus, Apostolumque pronuntiabimus? Nimis præpropere est hæc censura, multos enim dies requirit via, quæ virum aliquem bonum ad gradum Apostolicum ducit, atque vt eò quis peruenire queat, necesse habet diu, multumque contentiosè ambulare.

Considerabat Sponsus dulcem Sponsam suam tam confertam, & cumulatam opimis fructibus, & omnis generis floribus, variarum virtutum, vt velut prouocaretur ab ea, insignire illam appellatione fragrantis horti, amœniq; & fertilis viridarij, in quo omnis generis flores, ac fructus inuenire liceret, quibus paceretur visus, oblectaretur olfactus, recrearetur gustus, & sensuum reliquorum quisque suam haberet voluptatem. Hec autem talibus verbis affirmare coepit: *Hortus conclusus, soror mea Sponsa, hortus conclusus*; Cant. 4. 12. hoc est, semel, iterumq; aio, charissima Sponsa mea, quod aprius, abundantiæque fructibus hortus es, isque conclusus contrà irruptiones, munitus aduersus incurfiones omniū, qui tuæ felicitatis inuidi, tuos flores viciare, & perdere fructus volunt.

At videamus quomodo probetur, quod Sponsa sit hortus tam abundans, viridarius tam odoriferus, & voluptuosus. Id proximè extemplo verbis euincit Sponsus, inquit: *Emissiones tuæ paradisus valorum puniceorum cum pomorum fructibus. Cypri cum nardo, nardus, & crocus, fistula, & cinamomum cum vniuersis lignis Libani, myrrha, & aloë cum omnibus primis Enguentiis*; ibid. v. 13. 14. Ex hoc tam concluso, & obmunito horto prodeunt fructus tam suauis gustui, & dulces, vt merito paradisi nomine gaudeat. Flores erumpunt, è solo huius viridarij, qui vt oblectant flagrantia, sic raritate obfufaciunt, ijque tam odoriferi, & varij, quam Libani mons odoratus, pulcherrimusq; proferre soleat.

Hoc verò verè bonum signum est, inquit venerabilis Abbas Gilbertus, quod tibi satis esse queat, vt animam aliquam horti appellatione donare possis, cum vides quod tantà copiâ producit, generat, germinat virtutes, in plantis, arboribusque dictis adubratis. *Vbi tantum flos vnus est, qui ibi hortum esse diffinit*; inquit ille serm. 87. in Cant. Si esses in

domo



domo cuiusdam familiaris tui, atque is tibi ostenderet terram non ampliorem palmo, in terra illa verò florem vnum, & quæreretur, quid tibi de horto illo tam flagrante, & elegante videretur, vel si Catone seuerior esses, intra modestis limites te continere, & à risu, ludibrioque coërcere non posses. Quis enim flori vnico dare nomen horti possit, ut non sannis excipiat ab omnibus, quicumque illum hoc dicentem audiant: Bene spatiosus, & varijs floribus confectus, & multis arboribus confitus debet esse locus, ut hortus vocetur, aut viridarij titulum mereatur. Sed quòd vnus flos appelletur viridarium, & vna arbor dicatur hortus, nunquam auditum est, nec vsu aliquando receptum: *Vbi tantum vnus flos est, quis ibi hortum esse diffinit?* Sic ergo Sponsus, ut nos doceret quomodo censere virtutes, & rem quamlibet nominare debeamus, quando Sponsam suam appellatione horti honorat, mox prolixam arborum, quas continet, plantarum, quas profert, & florum, quos producit, memoriam facit. Nam quid de primo flore, quem alicubi fortè videt, viridarij nomen in illo loco, vbi videt, & vnam arborem hortum dicit, nā is nimis præcipitat sententiam, plusque satis prodigus est titulorum. Nam ut quis nomen magni promereatur, necessum est plurimas laude dignas actiones ante exercuerit, & in virtutum stadio, studioque per diu strenuè versatus fuerit, ac desudauerit.

*Sic sua castitatis plantatio, nec sua iustitia hortus potest integritatem explere,* inquit rursus Gilbertus. Si quis promptam inconcessā voluptatis, ac turpis flagitij occasionem semel fortè fortiter refutauit, & iustitiæ rationem iustam semel habuit, non ille propterea exemplar iustitiæ, charitatisque altimari debet, ut neque secundus Alexander haberi, qui semel eleemosynam, aut aliud quidpiam liberalius erogauit. Multos flores exigit locus, ut viridarium audiat, multas arbores postulat, ut hortus appelletur, & multis virtutibus, heroicisque actionibus opus habet, qui consummatus, & perfectus non otioso vocabulo nominandus.

Commonet sanctus Paulus Apostolus omnes Fideles patientiæ, quam tenentur seruare in ærumnis, laboribus, cruciabus, carceribus, siti, fame, & alijs id genus tormentis, ac miserijs, quæ famulos Dei plerumque persequi solent, calamitatum enim, & aduersitatum æquanimi tolerantia conficitur immarcescibilis corona, & sertum pretiosum quietis perpetuæ. *Exhibeamus nosmetipsos sicut Dei ministros in multa patientia,* inquit ille 2. Corinth. 6.4.

Sufficiunt verba hæc causæ nostræ præsentis, ex ijs namque, fauente, & iuuante Chrysostomo, alterum eruemus rei huic constabiliendæ fulcimentum. Duo subnotauit christianus Demosthenes, quæ proposuit, exegitque Apostolus, ut nos in consummationis Dei seruis iurè censere possit. *Exhibeamus*, hoc est, verè ostendamus, monstremus, probemus nosmetipsos Dei ministros. *Nec dixit* (inquit ille homil. 12. in 2. Corinth. c. 6.) *apparete, sed exhibete, hoc est, liquido ostendite*, irrefragabili, & insolubili argumento, quod sit extra omnem calumniam, euincite, certumque, & palam facite vos esse famulos Dei. At quomodo hoc tam neruosum, & validum argumentum conficiendum? *In multa patientia.* Chrysostomus de his ait: *Non simpliciter patientiam dixit, sed multam, neque enim vnum aliquod, aut alterum incommodum perferre magna laudi ducendum est.* Apostolus ergo ad conficiendam demonstrationem, quæ probatum quis det, quod sit minister Dei, non hoc solum requirit, ut vnam semel magno animo perfectat iniuriam, verum etiam ut plurimas, & quæcunque occurrunt aduersitates scuto patientiæ excipiat, & fortiter repellat. Nam pro vna calamitate patienter tolerata expetere titulum patientis, est poscere diuitem remunerationem pro tenuibus, & exiguis officiis. *Multa patientia,* inquit Apostolus, longā, constantē, & pertinaci ærumnarum tolerantia paratur, & conquiritur gloriosa hæc appellatio, ut quis magnanimus Dei famulus dicatur. Nam ut quis alium propter vnam semel æquo animo exceptam ærumnam titulo secundi Iobis donare, & ornare velit, tolerari non potest.

Non contentus hisce Apostolus longum textu catalogum rerum, quas in medium afferre quis, & officiorum præstitorum, quæ exhibere debet, ut sublimem titulum ministri Dei obtineat. Iubet ergo exhibere, & palam demonstrare se ministros Dei in tribulationibus, in necessitatibus, in angustiis, in plagis, in carceribus, in seditionibus, in laboribus, in vigilijs, in ieiunijs. ib. v. 4. 5. In quæ Chrysost. *Densa tentationum agmina subiungit.* Numerosam inimicorum, & aduersitatum turmam ostendit, quam fundere, aut subigere, ac superare miles Christianus debeat, ut pugnacis militis famam, & validi, strenuique pugilis appellationem sibi comparet. Si ad primum cum aduersario exercitu congressum, & ad vnus hostilis militis cædem proclamaretur victoria, certumque putaretur triumphus, nonne illa magna leuitas esset, nisi fortè insignem stultitiam dicere malis? Ingens amentia esset. Nam ut vox contendatur, & vi-



Gloria proclametur, etiam cum hostes omnes sunt fusi, & subacti, vix rectè ab gaudibundis, latabundisque victoribus fieri posse videtur. Apostolus itaque, vt Chrysostomus dicebat, *densa tentationum agmina subiungit*, frequentes ærumnarum, angustiarum, molestiarum, tormentorum copias, & infestas acies indicat, quas conficere, & extinguere debeat, qui perfecti militis Christiani nomine sit censendus, aut appellandus. Nam qui alium de prima virtutis actione, aut boni operis exercitatione consummatum pugilem arbitrat, & pronuntiat, nimium accelerat sententiâ, & præcipitior quàm par, est censor.

Benè congruet cum dictis, quod sanctus Gregorius Nazianzenus in lambico 19. ait: *Senectam & non crinis non facit*. Si quis decrepitem pronuntia- ret eum, & capularem senem, cuius capillum vnum canities prima inalbasset, certò illum rideret, quisquis audiret. Simile quid in rem præsentem dicere possumus. Si fortè quempiam vno die ieiunare videamus, non debemus statim affirmare, quòd sanctus quidam Eremita est abstinentiæ vsu, & studio, aut quòd Iob quidam est, quia semel patienter aliquid tulit, aut quòd ad poenitentem Davidem accedit, quia ingemuit aliquando, & suspirauit. Aliud est bene, & piè sentire, aliud rectè estimare, & pronuntiare de aliquo. Magnum veriusque discrimen est. Et si crinis vnus canus non facit vetulum, cur vnica sancta ex virtute profecta operatio constabit homini nomen sancti?

Volebat Dominus Patriarcham nostrum, cum domum patriam repeteret, confirmare aduersus timorem fratris sui, vt securi animi esset, nec metueret eum, quem magnoperè verebatur, ne cum manu armata obuiam ipsi veniret, exitiumque supremum afferret. Vique omnem illi formidinem adimeret, adderet animum, misit ei Angelum, quocum nocte ferè totam luctatus, gloriosissimum retulit de celesti spiritu triumphum. Ex hac victoria confecit Angelus victus argumentum, quo persuasit victori Iacob, posse confidenter, actutò sibi promittere, quòd imbecillum hominem facilè prostraturus esset, qui Angelum superasset, ac subegisset: *Et ecce sic luctabarur cum eo usq; mane*; Genes. 32. 23.

Quæri potest, cur tam prolixâ colluctatione certarint, atque in tam longas horas tam pertinaciter dimicârint. Respondet P. Martinus del Rio in cap. 32. Genes. *Soluit hucusq; luctam extendere, & ipsâ morâ magis animus illius confirmaretur*. Tamen si Iacob, cum primum conferre manus cepit, singularem animum monstrasset, non propterea statim for-

tis, audaxque censendus fuisset. Inter primos enim congressus vix quisquam est, qui non aliquantam roboris sui ostentationem faciat, neque ob id mox animosi, aut intusci opinio illi concedi debet. Pertinaciter luctari, perdurare in conflictu, longas horas contendere, id optimus, & locupletissimus est ingentis animi testis. Vt ergo solidam sibi veræ fortitudinis existimationem compararet, totam noctem luctando exegit, nec de animo quicquam remisit, *& ipsâ morâ magis animus illius firmaretur*. Animo namque obstinato rei capte insistere, & persequi pertinaciter opus, cui semel manus admotâ, & reor animi longas horas, multosque dies idem seruare, id homini animositate, & fortitudinis debitam laudem, opinionemque conciliat. At velle pro vna actione columnam erigere, cui inscribatur, aut insculpatur tanquàm egregiem facinus, quod nec leuissimam memoriam, aut commemorationem promeretur, puerilis vanitas est, & ridicula præsumptio.

Parum dixi. Gloriosus P. sanctus Enodius lib. 1. Epist. 6. acris id factum perstringit, censetque impudens flagitium esse tale quid gerere, inquiens: *Nefas est hominem vno eodemq; tempore vniuersa optata promereri*. Prorsus inuerecundiæ plenum crimen est, velle vno momento consequi, quiddid vana imaginatio alicui offert, aut representat. Maxima stulticia est, velle ex vna actione esse magnum: Vt enim magni, summi, consummati titulum quis obtineat, id multis actibus posituius, assiduâque & diuturnâ virtutum, & bonarum operationum exercitatione promerendum. Velut enim annis senescunt homines, stupendusq; profectus foret, si quem simul nasci, & canescere cõtingeret: Ita quando grande nomen expetitur, & celebris fama, & titulus illustri desideratur, ea magnotum operum vi, & præclarorum facinorum pertinaci studio, longoque exercitio sunt comparanda.

#### CAPVT IV.

*Non est quisquam tantâ cognatione coniunctus, tamq; familiaris, & intimus amicus, qui vel pedem moueat, nisi lucri stimulo excitatus.*

Quancum Laban exploratam haberet sui consolingam, neque hoc nesciret, quòd ille pro labore pastoralis operæ nullam requirere vellet remuneratione: Ipse nihilominus mercedem illi offerebat, certique præmij pollicitatione ad persequendam suscepti, & coepti officij administrationem inuitabat, sciens, vt inquit



inquit Abulensis, quomodo plerumque se habeant homines, qui lucrum amant expectare ab ijs etiam, quos amant, & nisi spe quæstus ducantur, nec erga coniunctos sunt satis officiosi. *Voluit conuenire, & libentius ipsi Laban seruiret*, ait ille in c. 29. Genes. Putabat Laban, quod consobrinus Iacob vnum mensem quidem lubens, & cum voluptate seruiret, post hæc verò de studio, sedulitate, & sollicitudine remissurus esset, adeo ne inteperceret diligentia, neue relaxaretur cura augendarum pecudum, & aliarum facultatum, mercedem offert arbitriam, & salarium, quodcumque ipse vellet, promittit. Vix enim promouere gradum homo nouit, nisi lucri machina illum impellat, & nisi quæstus artificio fiat, lapis diligentie illius sursum leuari non potest.

Prodigiola miracula coelestis Magistri viderant sacri Discipuli, quæ omnipotens dextera eius assidue operabatur, sic ut immensa potentia illius in abditißima sepulchrorum vsque penetraret. Illud autem simul intelligebant, quod tam stupendorum prodigiorum operatio fidem exigeret, sine qua facere miraculum, aut dextræ suæ omnipotentiam exercere vix volebat. Cum hoc ergo comites illius indiuidui subnoctassent, dixerunt aliquando: *Domine adauge nobis fidem; Lucæ 17. 5.* accende fidei lumē, quod paulatim extinguatur in cordibus nostris, aut non tam cito augetur, ut deberet.

Clemens Alexandrinus lib. 5. Stromatum c. 1. ait: *Cum sensissent magnitudinem potestatis, rogabant, & adderetur eis fides.* Cum vidissent ab illo sanatos claudos, curatos paralyticos, illuminatos cecos, resuscitados mortuos, subacta dæmonia, tunc obsecrabant sibi augeri fidem. Denique tunc id petierunt, *Cum sensissent magnitudinem potestatis absolutæ* in omnes creaturas, quæ talis esset, ut verbo insensissimum inimicum nostrum obmutescere faceret, solumque nictu tuentes procellosi maris fluctus in tranquillitatem adduceret, tempestatesque sedaret, tunc, inquam, postulauerunt incrementa sibi dari fidei, ut illum credere, & adorare possent. Nam ut sumus inurbano, & rustico ingenio homines, nunquam habere fidem videmur ad persoluendum Deo adorationis cultum, nisi magnitudinem potestatis eius ante experiamur.

Et ne quis existimet casu accidisse, quod lucrum nomen stimuli dedi, quadrare hæc in quæstum appellationem magnus Origenis Magister Clemens ipse satis declarat, nam de magnitudine potestatis dominicæ à discipulis intellectæ non ait, *Cum cognouissent*, sed *Cum sensissent*, quod ita dictum videtur

per metaphoram sumptam ab equo, qui quantumuis volucet, concitus, rapidus, promptusque sit ad ambulandum, dum tamen calcaria non sentit fessoris, mox remittit animos, & negligentius incedit, ut sit necessarium excitare nonnunquam calcaribus torpentem, ut progrediendi promptitudinem, celeritatemque non relaxet. Ad hunc modum itaque loquitur Clemens inquitens: *Cum sensissent magnitudinem potestatis*, & taumaturus dextræ superi Magistri, tanquam calcar quoddam, tunc rogabant, & adderetur eis fides. Per fidem quippe illum cognituri erant, & quò magis augetur fides, eò amplius crescebat notitia illius, ex maiore autem notitia familiaritas maior cum illo sequebatur. Hæc omnia mouebat rota magnitudinis potestatis, & quod incrementum suæ fidei desiderabant, & magnos in fide progressus facere optabant, à calcari potentia fiebat: *Cum sensissent*. Nemo enim est, qui non expedire, concitoque gradu pergat, dum lucelli alicuius calcar, aut stimulum modò sentiat: Vix autem quenquam inuenias, qui pro commodo, & utilitate alterius vel pedem moveat, nisi commodum alienum cum utilitate illius propria coniunctum sit, & tali quæstus stimulo incitetur.

Ascendit diuinus Magister cum tribus intimis, gratiosissimisque discipulis suis in absinthiorem montis Thabor verticem, ad quos cum accessissent Moyses, & Elias, transfiguratus est ante eos. Post hæc descendit de monte, & *confestim omnis populus*, qui absorptus illi sequi, & suspensus audire solebat, *videns Iesum stupefactus est, & expauerunt, & accurrentes salutabant eum*, inquit beatus Marcus cap. 9. vers.

14.

Admiratur plurimum Cardinalis Caietanus hunc modum, quò populus Christo obuiam effusus, debitam quidem, sed inusitatam venerationem exhibuit, & præter morem humiliter consalutauit: *Subiungitur insolitus actus turbae, scilicet quòd accurrentes salutauerunt Iesum*; inquit Cardinalis S. Sixti, monetque aduertere, quid illud mouere potuerit populum, ut ijs tunc caeremonijs, & ciuilitatis officijs ergà Christum vterentur, quibus vsi nunquam ante fuerant. Haud dubito, quin singularis aliquaratio illos incitaret, ut tam vrbane se ergà illū haberent. Permirum enim sit inuenire aut videre hominem, qui ex nouo more, & magis comiter, quam soleat, saluet, & reuerentiam insuetam, exquisitamque exhibeat, & vrbane limites solenes egrediat, nisi particulare aliquod commodum sentiat, aut lucrum expectet. Ità habet, inquit Caietanus:

Salutatio.



Salutatio significat reuerentiam, & ex hoc facto intelligamus, attractiuum aliquid in Iesu apparuisse. Ad-  
dit autem fieri potuisse (cū ex monte descendere-  
ret, ubi transfiguratus fuerat, sic ut facies eius re-  
splenderet sicut sol, vestimenta verò alba essent si-  
cut nix) ut pulchræ aliquæ reliquæ istius nun-  
quā visi splendoris remanserint. Nescio quid inso-  
litum in Iesu ex transformatione descendente apparui-  
sit, sicut Moyses descendens à colloquio diuino  
facies apparuit fulgens. Quod Moysi accidit, hoc Dei  
Filio Christo multo magis euenire potuit, qui acti-  
onibus suis admodum imperabat, & dominabatur.  
Quando ergo vulgares homines viderunt sacrosan-  
cti vultus nulli ante visum venustatem, accurren-  
tes salutarunt eum, amplius aliquid facientes, quā  
soliti erant, cū nimirum vidissent in facie eius,  
quod nunquā viderant, homo enim nunquā plus  
facit, nisi ubi plus videt, atque ut videt crescere po-  
testatem, sic accelerat passum, & prout expectat lu-  
crum, ita adhibet laborem: *Vi ex hoc facto intelliga-  
mus, aliquid attractiuum in Iesu apparuisse.* Res e-  
nim ipsa loquitur, quod nisi aliquid plus solito in  
Christo vidissent, nunquā plus aliquid solito ergā  
illum egissent.

Hinc accipite, ut cū videritis, quod multi do-  
minum aliquam frequentant, hominem sequuntur,  
comitantur, saluant, comiter habent, nihil horum  
ante hæc facere assueti, cogitetis illos nunc particu-  
lare aliquid lucri, utilitatisque inciementum habere,  
quo permoueantur, ut faciant, quod nunquā  
fecerant: *Intelligamus aliquid attractiuum.* Ne-  
mo enim saluat, adstat, comitatur, obsequia, seu re-  
uerentiam deserit, nisi attractiuum aliquid, suum-  
que magnetem quæstus, lucri, & particularis com-  
modi habeat, vix namque est, qui se moueat, nisi cal-  
caribus urgeatur, aut stimulis adigatur emolumenti  
alicius proprii.

Indicabat Moyses legem Dei, & caremonias po-  
pulo, ad quarum religiosam, studiosamque, & ex-  
actam obseruantiam ut eum permoueret, sic ordieba-  
tur promulgationem: *Et nunc Israël audi præcepta,  
& iudicia, quæ ego doceo te, & faciens ea seruas, &  
ingrediens possideas terram, quam Dominus Deus pa-  
trum vestrorum daturus est vobis.* Deuter. 4. 1.  
Santes Pagninus, & alij Hebraizantes aiunt, huius  
sententiæ extrema verba ex originali textu sic trans-  
ferri posse: *Possideam terram, quam Dominus Deus  
patrum vestrorum daturus est vobis.* Et quanquā horum  
textuum alter alteri opponi videatur, cū noster  
vulgatus de futura donatione terræ promissæ lo-

quatur, recentior verò Santis de præsentī traditione  
eiusdem, non est tamen repugnantia, siue oppositio  
aliqua, cū horum temporum aliud pro alio sapere  
numero accipi soleat, quod apud Expositores videri  
licet. Secundum hæc, quod Vulgata versio inpo-  
sterum promittit, & quod posterior translatio in  
præsentī exhibet, idem erit.

Hoc posito accipite pulchram Oleastri obseruat-  
ionem, quæ sciscitatur, quid necessum fuerit in me-  
moriā adducere Hebræis abundantem illam, & fer-  
tilem terram, quam de præsentī dabat, ut eā com-  
moratione illos permoueret ad obseruantiam legis,  
& præceptorum, quæ tam sancta erant, & vitæ hu-  
manæ perquam confirmata: Si sacram suam maiestatem,  
authoritatemque interposuisset, nonne ea  
plūs satis erat excitandis illis ad accuratissimam cu-  
stodiam mandatorum ipsius? Quid ergo opimas il-  
las, opulentasque possessiones ij præterea ob oculos  
posuit, ut earum pollicitatione, vel præsentī po-  
tius donatione ad suscipiendas alacriter, explendas-  
que diligenter leges, & satisfaciendum officio suo  
exitimularet?

Oleaster in c. 4. Deuter. in annot. moralit ait:  
*Considera quā sapienter legibus promissiones adiun-  
git, quoniam optimè nouit, nos nihil sine mercede velle  
facere. Neque oculus transiit, quod non dicit, Quam  
Dominus Deus patrum vestrorum dabit vobis sed  
dat vobis, quoniam nouit nos non diu premium labo-  
rum nostrorum expectare. Verū quidem est, quod  
satis erat à Deo interponi absoluti, & supremi in pe-  
rij illius authoritatem, ut siue rei alterius cuiusquā  
intuitu obseruarentur diuinæ leges eius & præce-  
pta, sed quoniam perspectissimam habet subrasticam  
hominum indolem, scitque eos, ubi lucrum in me-  
dio est, aut de quæstu agitur, nec summo Numini de-  
ferre, præcepta simul, & præmia proponit, ut remu-  
neratione incitati velociter, expediteque per viam  
mandatorum ferantur. Ergo ut sapiens legislator le-  
gi mercedem connectit, homo nimirum mouere  
potest, impigresque pergere nescit, nisi lucrum vi-  
deat: Sapienter legibus promissiones adiungit, præ-  
ceptaque & præmia, labores & remunerationes, sa-  
tigations & mercedes conficiat.*

Illud præterea in superioribus verbis premen-  
dam quod ait Dominus: *Vi possideas terram, quam  
Dominus Deus patrum vestrorum dat vobis.* Non di-  
cit, dabit, sed dat (ex textu originali) eam, quam  
coram oculis vestris expositam habetis terram, &  
calcaris, quoniam cognouit nos non diu premium labo-  
rum nostrorum expectare, nouit quantum natura no-

Ara



Ara quaestui inhiat, nouit quàm ægrè feramus pro-  
crastinationem remunerationis post laborem, statim  
enim volumus solutionem, statim volumus compen-  
sationem, statim retributionem, & præmium. Tam  
vehementer mouemur lucro.

Vulnerata secundum cor Maria Magdalena iacu-  
lo amentato inspirationis diuinæ, compuncta, atque  
illachrymans cursu abiit ad fontem sui remedij  
Christum Redemptorem nostrum, infuditque pedes  
eius sacros pretioso vnguento, & capillis, quibus  
plurimas animas illaquearat, eosdem deterfit, tum  
copioso imbre fletus ab oculis deciduo rigauit, &  
Dominus, qui illam internè vocauerat, ob oculos  
omnium conuiuarum plenè absoluens, noxarum o-  
mnium gratiâ donauit, inquit : *Fides tua te sal-  
uam fecit, Vade in pace*; Lucæ 7. 50. *remittuntur tibi  
peccata tua*; ibid. v. 48. tanquàm dixisset: Culpas  
tibi, vnâq; pœnas condonauit, lachrymæ cordis tui  
diluerunt turpitudinem flagitiorum tuorum, amor  
tuus magnus fuit, *quoniam dilexisti multum*, charita-  
tem fides exequat, vt benè in pace abire possis.

Cardinalis Caietanus notauit, præter externa of-  
ficia Magdalene ergà Dominum, quæ videre omnes  
potuerunt, duas ab illo productas in publicum il-  
lius virtutes, quæ cum intus larent, inaccessæ e-  
rant præsentium oculis, & cognitioni: *Præter offi-  
cia exteriora duas in hac muliere internas virtutes  
habes ex verbis Iesu, fidem scilicet, & charitatem*;  
inquit ille. Vt Magdalena consequeretur indulgen-  
tiam suarum culpæ, & per virtutem excellentiæ  
potestatis Christi perueniret ad felicem statum gra-  
tiz, non per fidei tantum, & charitatis, sed etiam  
spei gradus ascendere debuit, sunt enim tres virtu-  
tes theologicæ, sine quibus nec peccator iustificari,  
nec iustus in amicitia Dei permanere potest. Quod  
si ita est, cum Dominus tam affectuosè cupiat à no-  
bis sciri viam quâ illum inuenire debemus, cur dua-  
bus, fidei puta, & charitatis vijs, quas Magdalena  
tenuit, ostensis, præterijt mentionem alterius, sci-  
licet spei, quæ tam non solum utilis est, sed & neces-  
saria?

Respondet Caietanus, dicens: *Spes in officijs eius  
satis patebat, nisi enim sperasset Venturam, non tot fe-  
cisset.* Maria Magdalena, mulier nobilis, & summo  
loco nata, tantis, tamque insignibus propensioris  
naturæ ornamentis exculta, quantis vix eiusdem vr-  
bis alia, venit postpositis omnibus existimationis  
suz incommodis, laxo capillamento, & passis cirris,  
oblita mundum suum muliebre superiore, spre-  
tâ grauitate nuperâ, calcatâ mundi pompâ, sola per

Tomp. III.

plateas, in quibus nuper benè comitata comister,  
atque vrbane ab omnibus colebatur, & honoraba-  
tur, non cogitans, neque curans quid homines di-  
cturi essent, in medio splendidi epuli fleuit, inge-  
muit, suspirauit, non cessans elegantia labra pedibus  
imprimere Domini, & capillis (qui pro retribus fue-  
rant, in quæ multi sæpè volentes, lubentèsq; capti  
inciderant) tanquàm linteo abstergens vnguenta,  
quæ generosè affuderat. Quæ tanta fecit, quæ tanta  
erogauit, ea certè aliquid expectauit: *Spes in officijs  
satis patebat, nisi enim sperasset Venturam, non tot fecis-  
set.* Potest interdum, qui neque fidem habet, neque  
amorem, deferre obsequia, simulare submissionem,  
sit enim nonnunquàm, quod vulgò dicimus, vt quis  
manuum exosculatiōi se offerat, quas si amputatas  
videret, nihil doleret: Verùm vt quis seruiat, & ni-  
hil in vicem speret, res est mira, quàm rara; & si  
quis sine expectatione mercedis laboraret, nunquàm  
visum prodigium ille faceret. Dicatur ergo quod  
Magdalena fidem, & charitatem habuerit, spes au-  
tem illius subiticeatur, otiosum enim est dicere, quod  
tacentibus alijs per seipsum faciliè quisq; potest in-  
telligere, quodq; res ipsa loquitur. Vix enim repe-  
rias hominem, qui obsequia impendat, laboret, su-  
det, rei alicuius periculum subeat, nisi lucrum ali-  
quod, aut incrementum rerum suarum expectet.

S. Ioannes refert, cognatos Christi secundum car-  
nem, quo tempore ille in Galilæa nonnihil occultus  
agebat, eum exhortatos fuisse, vt ad celeberrimam  
Scenopægiæ solennitatem, quæ tunc Ierosolymis  
magnificè colebatur, ascenderet, vt mundus totus,  
in primis verò Discipuli, & quorum singularis erat  
ergà illum beneuolentia, viderent admiranda pro-  
digia, quæ portentosa eius dextra operaretur. Cum  
enim tam stupenda essent opera, quæ faciebat, ratio  
postulare videbatur, vt ea in medio foro publicè pa-  
trarentur, vbi omnes ea vstipare oculis, & celebra-  
re plausibus possent. Addit autem mox sanctus E-  
uangelista: *Nec enim fratres eius credebant in eum*,  
Ioan. 7. 5. hoc est, quanquàm ea verba dicerent, quæ  
in maximam, vt videtur, prodigiosi Magistri com-  
mendationem redundabant, fidem tamen illi non  
adhibebant, quæ enim dicebant, eò magis tende-  
bant, vt illum tentarent, quàm vt extollerent, aut  
magnificarent.

Theophylactus ait, hos cognatos, qui nunc tam  
alieni erant ab eo, vt in Christum crederent, de-  
mum prædicasse gloriam nominis eius, & doctrinam  
Euangelij, postquàm à triumphata morte redinius  
factus prodigiosa resurrectione inaurauit ignomi-

PPP

niosam



niosam mortem probrosæ crucis (cui tanquam facinorosus homo, & infamis maleficus affixus fuit) ipsosque Sacerdotes, & Episcopos consecrauit: *Post crucem, & ignobilitatem, qua videbatur, pro ipso testimonium tulerunt, prædicatores, & Episcopi facti. Inde sine contradictione illum resurrexisse viderunt.* Absq; vlla mortis formidine, interq; præsentanea, & manifesta vitæ pericula prædicarunt legem Evangelicam Iesu Christi cognati illius, postquam potentiam eius immensam, gloriosumq; de morte iniusto tolerata triumphum viderunt.

Subiicit statim Theophylactus: *Non enim exposuissent se pro illo, nisi certa quadam, & solida habuissent argumenta de eius resurrectione.* Neque capitulum vnum aliquem, aut si quid leuius, futilliusq; est, pro illius exilimatione, aut defensione etiam minimo discrimini obtulissent, nisi triumphalis resurrectionis illius habuissent manifesta argumenta, indubitata inditia, ob quam ingentia, & plurima expectare ab illo beneficia possent. Homo namque sic amat commodum suum, sicq; inhiat suæ utilitati, ut nec pro coniunctissimo, & cognatissimo amico rei quantulæcunq; subire periculum sciat, nisi aliquid inde expectet, necalicui se committere discrimini, si non prævideat fore, ut insignis scæus sibi pariat iactura, cui se exponit. Facere namq; benè non ob aliud, quàm ut beneficias, tam rara, & cara merx est, ut venalem vix inuenias, & felix sit, qui emat, integerrimus, qui rursùm faciliè eroget.

## CAPVT V.

*Tame si nulla habeas arma, milites nullos, nulla tamen sunt arma, nulli milites tam validi ad subigendum, tam potentes ad expugnandum, quàm forma elegantia, & venustas.*

Postquam à Labano Iacobi oblatum fuit, ut ipse sibi, quam vellet, operæ suæ mercedem designaret, delectu factò petijt sibi sponsam dari alteram filiarum, cui nomen Rachel, cuius nonnullam memoriam fecimus, & naturalem venustatem aliquantulum iam prædicare cœpimus. Rachel ætate minor, sed formæ gratiâ, & elegantia maior erat, & custos oculum pulcherrima. Non sic Lia soror annis prouectior, cui oculos lippitudo nonnihil deformabat, ut videntibus minùs gratus esset illius aspectus. Capitis ergò (at honestè, & castè) liberrè modestè patris specie petijt eam à patre vxorem, & vitæ sociam, obrulitq; velle pro ea commerenda septennem exigere seruitutem: *Lia lippa erat oculis, Rachel de-*

*corâ facie, & venusto aspectu, quam diligens Iacob ait, Seruiam tibi pro filia tua minore septem annis; Gen. 29. 17. 18.*

Columnia (quam subire sancti Patriarchæ Iacob castitas, honestas, continentia posset, quòd minorem venustiore poposeit vxorem, non curans maiorem, quòd turpicula, minùsque lepida, & festiua esset) occurrunt Expositores, dicentes iussè potuisse deligere elegantiore, eiusq; pulchritudinem in sanctum, ac honestum finem expetere. Liberalioris enim formæ dignitas quædam naturalis supellectilis pars est, quam Deus munificè concedit, eamque cum dicta circumstantia desiderare, licitum est, neque dari vitio potest. Post Pererium, Martinum del Rio, Cornelium, Honcalam, Guiljelmum Ebroicensem, & Hugonem Cardinalem, audiamus Salomonem Hispaniæ Abulensem, cuius sunt ista: *Licitè Iacob desiderauit pulchritudinem, est enim pulchritudo donum Dei quoddam naturaliter datum, quo aliquo modo & benè possumus, frui autem non.* Secundùm hæc quid mirum, quòd Patriarchæ nostri animum, oculosque abripuit Rachelis elegantia, quæ tam optabile donum est (nisi dulce tyrannum dicere mauelimus, qui trahit, & violenter capit; & quasi vinculis quibusdam constringit arbitrij libertatem) ut ad illam expugnandam, & subigendam nulla, præter se, arma requirat, neque Capitaneis vllis, militibusue opus habeat, quæ vastum oculis exercitum circumfert, quo capere, vincere, occupare omnes obuiorum animos possit. Quò spectauit Plato, apud Pererium in c. 29. Genesios, cum ait, formositatem esse principatum naturæ, floremq; eius, & summam dignitatem. Et Aristoteles apud eundè pulchritudinem potiorẽ omnibus epistolis in commendando esse dicebat, ut nullæ commendatitiæ literæ tantùm impetrare, aut efficere possint, quantum vna formæ venustas. Confirmatur hoc ab eo, quod de bellicosa, & Catholicissima nostra Regina Isabella produnt annales, cui cum epistolam commendatitiæ adolescentem quidam quàm nobili genere, tam eleganti facie, & concinno totius corporis habitu attulisset, cuius ope apud Serenissimam Principem facilius exambiret gratiæ beneficium, quod optabat, & illa literas offerentis os, vultum, decentisq; formæ præstantiam attentius arbitrata fuisset, irà humane, comiterque dixisse fertur: *No remiades necesidad de carta de recommendation, que la mejor recommendation es vuestro tallo, i rostro, que no puede dexar de ser ombre de bien, a quien el Senor dotò de tan airoso gracia;* quod latine dixeris: Commendatorijs literis.



ris nullis tu opus habebas, quem venusta corporis structura, & facies quàm maximè commendat, nec enim potest non esse homo bonus, quem Deus tam liberalis, festiuæque formæ gratiâ donauit. Quid magnum ergò, quod Philosophus dixit, pulchritudinem potiorē esse omnibus epistolis? Qui & interrogatus, cur formosos tam libenter videamus, tamque iucundè cum eis loquamur, respondisse fertur, cæci hominis esse talem interrogationem, qui si oculos haberet, non seiscitaretur rem, de qua nemo nisi cæcus dubitare possit. Quid enim est, quod æquè oblectet, & suspendat, ac pulchritudo, & gratia, dignitasque elegantioris formæ? Eapropter & Carneades apud eundem Pererium aiebat, venustatem esse regnum sine custodibus, aut satellitio, quod non indigeat rhabduchis, lictoribus, armis, militibus, cum ipsa per se horum omnia officia exequatur, rapiat, capiat, vinciat, compediat, vulneret, cædat, subigat, expugnet.

Frater Patriarchæ nostri, quod sacer textus refert, ex sylua, longaque, & operosa venatione domum redijt fractus duro discursandi labore, & dirâ fame tantum non confectus, & cibum pro refocillatione extenuatarum virium, & confirmatione debilitatorum membrorum inhiante expetens. Cumque vidisset, quòd Iacob haberet scutellam lenticularum optimè, vt quidem ipsi videbatur, coctarum paratam, petijt eius partem sibi dari, quoniam necessitas illius ingens erat, multumque molesta: *Da mihi de coctione hac rufa, quia oppidò lassus sum*; Genes. 25. 30.

Quid habebat rufa illa coctio, quo sic abripiebat oculos Esau, vt eam demoreretur? Habebat cerum quendam colorem, quo illius orexin, appetentiamque excitabat. Ità affirmat Flavius Iosephus lib. 2. antiquit. c. 1. dicens: *Reuersus à venatu famelicus offendit fratrem coquentem sibi ipsi in prandium lenticulam rubentem colore, quo magis excitatus rogauit, & expetitum sibi cibum traderet*. Quamquam acrem à venatione esuriem domum referret, color tamen cocti ferculi magis exacuit illius appetitum, vt coctum cibum vehementius à fratre exposceret. Notate in his verbis illud, quod *lenticula rubentis colore magis etiam excitatus* fertur. Iam si cibi alicuius, neque nimis opipari, color tantum valet, vt hominis alioquin valde famelici, adeoque victum ardentè desiderantis appetitum magis excitare, acuire, inflammare queat, quomodo non auferat cor, non abripiat oculos, non vinciam confringat libertatem color animatus faciei venustæ, & elegantis, quæ per

seipsam excitat cupiditatem etiam languentem, & torpentem, appetitumque penè extinctum resuscitat?

Facile hoc probari potest ex eo, quod Propheta regius, dum in consideratione versabatur pulchritudinis, gratiæ, festiuæ elegantis, venustatis Verbi diuini nostram carnem induti aiebat, dicens: *Speciosus formâ præ filiis hominum, diffusa est gratia in labijs tuis*; Psal. 44. 3. velut dixisset: O decorum, & aspectabilem, & inuictum, valentemque iuuenem, cuius pulchritudini nulla par sit hominum aliorum venustas! ô quantum mellis, & sacchari purpurea tua labra funditant! *Accingere itaque gladio tuo super femur tuum potentissime*; ibid. v. 4. quo homines subacturus es, & mundum totum tuæ seruituti subiecturus.

Armatum nobis pingit regius Propheta Christum, & qui femore gladium tanquam pugnaturus præferat. Videamus an gladio isto feriat, vulneret, vincat. *Specie tuâ, & pulchritudine tuâ intende, prospere procede, & regna*; ibid. v. 5. vultus tui specie, & admirabili totius corporis coccinnitate fac potenter, feliciterque triumphes. Sanctus Basilius, Chrysostomus, & Theodoretus per gladium acutum intelligunt venerabilem pulchritudinem, & cum dicit, *Intende, arcum significauit, & sagittas*, inquit Chrysostomus. Quis verò ille arcus, quem intendere, quæuè sagittæ, quas eiaculari, quænam spicula, quæ intorquere, quæ iacula, quibus impetere, & ferire Propheta hortabatur? Non alia, quam pulchritudo, quæ quoties spectat, toties excusso iaculo ferit, & mactat. Nam vt doctus quidam modernus, Benedictus Fernandus, ad hunc locum alludens, in c. 19. Genes. sect. 9. n. 10. ait, *pugnat pulchritudo, ferit, vulnerat, equitat super thronos regios, vincit, regnat, triumphat*. Nihil mirum, aut magnum, quòd pulchritudo gladio, & sagittæ confertur, cum gladij, & sagittæ munera illa omnia expleat, faucians, solijs imminens, superans, triumphans?

Robur hisce adijciat quædam Clementis Alexandrini narratio. Refert ille Menelaum, post captam Troiam, velut furij abreptum, efferato animo, & præcipiti impetu iuisse ad obruncandam Helenam, quæ causa, & occasio tantarum stragum, ruinarum, fataliumque, & lamentabilium tragædiarum fuerat. Iam suspenderat ad feriendum manum, attinebat autem eam venustissimæ Helenæ aspectus, tanquam laqueus, pulcher ille quidem, sed tam validus, vt demittere ad ictum non posset. Clemens ait, non pos-



uisse efficere *Victorem pulchritudinis*, ut eam contrucidaret. In quam rem ludens Poëta quidam sic canebat:

*Mammilla ubi Gisa est, resecto gladio  
Abblansens canis perdit a osculum accipis.*

*Ergo hebetantur enses pulchritudine.*

Vix decentissimam faciei speciem, & lactea Helenæ vbera Menelaus arbitratus oculis fuerat, quando enseni neci paratum abiicit, eique blandè assentari, & fieri supplex cœpit, ac dicere, singularis fauoris, gratiæ peculiaris, & ingentis beneficii loco habiturum, si vel vno semel intuitu ipsum dignaretur. Ex eiusmodi antecedentis successu hanc eruit Poëta consequentiam: *Ergo hebetantur enses pulchritudine*; ergo penetrantiores sunt radij talium oculorum, quam acies sanguinolentissimorum gladio- rum. Verè gladius est pulchritudo, cuius pedibus arma omnia aduoluntur, ensis est, qui omnem animi spiritum iugular, sagitta est, quæ corda configit, & penetrat, denique tyrannus est, qui fortissima, & chalybea pectora subigit, & prostrernit.

Hinc Tertulliano in lib. de cultu foemin. c. 2. pulchritudo dicitur *selestis corporis, diuina plastica accessio, anima aliqua vestis Urbana*. Quam pulchrè dictum illud à magno Africano, *Anima aliqua vestis Urbana*! Metaphora est, ab eo, ut videtur, accepta, quod facere opulentiorum liberi puberes, sed nobiles filix inprimis solent. Amant hæ plurimum colere se, & comere, & perpolire, auroque & gemmis, & veste pretiosâ, & fūco, ac pigmentis ad omnem oculorum gratiam exornare, idque diebus festis vel maximè, quibus publici conuentus pro more religioso celebrantur. Si comprula talis quædam cœtum hominum rusticorum transeat, omnibus est admirationi, incultos paganos, squalidos montanos, & quotquot tales obuios suspendit, estque ornatus illius, & formæ elegantia violentus, & suavis magnes oculorum rusticorum, & dulcis suspensio ruri natorum & agrestium hominum, qui absorpti eam sequuntur, admiranturque attoniti, & tanquam fascinati. Quod ornatus apud rusticanos, hoc apud omnes formæ naturalis elegantia efficit, inquit ferè Tertullianus. Pulchritudo enim, quacumque circumferatur, appetit statim oculos, emittitque iacula, quæ feriant, & laudent, radios lucis, qui admirationem adferant, suntque dulcis suspensio oculorum, suavis stupor sensuum, & aliarum potentiarum, & animæ gratissima, voluptuosissimaque ecstasis.

Quid mirum ergo, quod Patriarcha noster impensius amauit Rachelem, quam sororem eius Liam?

Rachel namque perpulchra erat, & ad omnem venustatem omniscientissima summi artificis Dei manus eam finxerat, atque effigarat. Amare autem illam pulchritudinem, deperire illam elegantiam naturale erat, licitumque, & honestum, matrimonij ergo, tamque sancti finis causâ expetere. Nam si puellæ, ut aiunt Theologi, concessum est, formæ naturalis gratiam cultu adscititio amplificare ob id tantum, ut Sponsum inueniat, cur non detur alijs, ut naturalem decorem desiderare, & amare pulchritudinem possint, maximè quando laudabilis, & honestus est finis, ob quem desideratur, & amatur?

Verùm dum periculum, quod hac in re est, confidero, & quam prouum sit labi, quamque procliuiter à concessis ad prohibita, à licitis ad vetita transeat, oro, & obsecro omnes, quicumque de vera suæ animæ politia agunt, ut Spiritus sancti consilium amplecti studeant, qui crebrè, instanterque nos monet auertere ab humana venustate oculos, quæ faciliter velut iniectis manibus prehendit, suauiter subiicit, dulciter in captiuitatem abducit, & tanquam ferreis vinculis miserè compeditam adstringit voluntatem, & liberum tragicè carceri addicit arbitrium, turbans, & prorsus perdens quietem, & pretiosa supellestilia, thesaurosque animæ, quæ sunt virtutes, totos dissipans, ac diripiens. Dicit hoc regius Propheta, qui quoddam suos semel non satis cautè custodiuit oculos, gratiæ, quæ apud Deum valebat, iacturam fecit, miserandaque prolapsione in obscenum adulerij scelus incidit, quod plurimarum deinceps calamitatum, & tragædiarum seminarium fuit. Sæt est vnus Dauid, ut illius periculo sapiamus. Nam si mons tremere, si arx minari ruinam, si turris nutare & vacillare, & leui vnus incautionis aspectus vento cœpit, quid sibi arista, quid fragilis arundo, quid ruinofum, & caducum gurgustium promittat?

## C A P V T VI.

*Felicitissimus foret homo, si quam est expeditus, & comitus ad res corporis, tam sollicitus esset ad curanda negotia animæ.*

Sæctus Ioannes Chrysostom. cùm secum expendet promptitudinem, & alacritatem, quæ se nosser Patriarcha exposuit operosæ, & negotiosæ septem continuorum annorum seruituti, sibi que velut cœmit perpetuas vigilias, & iugum adornauit (iugum enim est omne connubium, tametsi alioquin suauissimum, dulcissimumque) forte consicit argumentum, eoque validè perstringit desidiam, ignauit-



am, pigritiam hominum in comparandis, conquirendisque bonis æternis. Pro temporalibus facultatibus corradendis quàm præproperè quoduis periculum suscipitur! quàm leuiter effundimur, & quoduis discrimen adimus! Pro temporalis, & interituro lucro, pro breui, & caduca voluptate neque vitæ cura habetur, neque mors timetur, & diuitiæ profunduntur, & honor negligitur, sic omnia cæcus concupiscentiæ impetus abripere solet. Sed pro rebus ad animæ salutem æternam pertinentibus quàm rarò sudatur! quàm parùm laboratur! *Quando proponitur lucrum temporale, inquit Chrysostomus in cap. 29. Genes. omnia alacriter sustinere volumus, etiamsi quid laboriosum sit, & valde arduum, & fœdum, & pœnam in presenti, & futuro saculo præbens. Propter nostram autem salutem, & ut supereminus nobis concilemus auxilium, remissi, & supini, & dissoluti videmur. Eheu, quàm cæci, & miseri sumus! Pro caduco fosculo propediem interituræ, & quæ tam facile marcescit, pulchritudinis seruitur annis longis, & nihil non agitur, vt illo frui liceat, grauissimisque sæpè periculis vitæ temporalis, & æternæ se offert, qui vsuram illius desiderat, & ad consequendam indeficientem diuinæ venustatis elegantiam, quæ tam facile videri potest, & quæ durabit æternum, nihil laboratur, nec est qui incommodi qualiscunq; tolerantia submittere caput velit! Maior stulticia excogitari non potest. At quod plerumq; videmus, & perpetuò deplorari deberet, illud est, quòd caducis, & perituris solliciti, & anhelis semper inhiamus, & pro æternis, ac permauentibus vix è loco mouere pedem nouimus.*

Scripsit S. Paulus Apostolus manu suâ epistolam Philemoni viro nobili, & illustri, & amico suo familiari, in qua illum rogat, vt seruum quendam suum (Onesimus illi nomen erat) qui catenam ruperat, & fugâ dilapsus fuerat, humanè ac benignè in gratiam reciperet. Postquàm autem rationes proposuerat, ob quas Philemon se Onesimo non tanquàm austerus, & submorsum herum fugitiuo seruo, sed velut amantem, & suauem patrem filio exhibere deberet, ait illi: *Simul autem & para mihi hospitium, nam spero per orationes vestras donari me vobis; Philem. v. 22.* Qui hanc epistolæ partem diligentius expenderit, arbitrabitur Paulum magnificam, & sumptuosè adornatam domum, in qua reciperetur, splendideq; & opiparè tractaretur, affectasse, quod plurimum derogat humilitati, & paupertati, quam vitâ, & voce euangelicâ commendabat Apostolus, qui cum Christum crucifixum prædicaret, si

sumptuosum palatium suæ habitationi expetisset, secum ipse absurdè, turpiterq; pugnasset. Certe aut ergo est, quòd Paulus non petijt domum, vt in ea magnificè coleretur, ac dapnè haberetur. Quid causæ ergo, quòd Paulus ædes Philemonis, viri æquè nobilis, ac diuitis anticipare voluit?

Respondent Sancti Hieronymus, & Anselmus, magnam illam, & peramplam domum præoccupare voluisse, vt in ea legem euangelicam, & doctrinam cœlestem prædicaret. At cum ædes spatiosas plures ea ciuitas haberet, cur hanc vnâ præ alijs suæ prædicationis, & Catholici cœtus locum esse voluit? Occurrit S. Cantuariensis Pontifex, inquit: *Quia in celebri urbis erat loco, ad quem facile conueniretur, deinde quia ab omni importunitate vacua erat, ac ampla, quæ plurimos caperet audientium, nec proxima spectaculorum locis, nec turpi vicinâ detestabilis, postremò quia in plano erat posita potius, quàm in conaculo. Nonnè animaduertitis requisita, & circumstantias, quas Paulus obseruauit, quando elegit domum, & locum, vbi euangelij, & salutis animarum doctrinam prædicaret? Domum voluit, quæ in parte ciuitatis meliore sita à tumultuarijs vulgari conuenticulis absita esset, nec proxima haberet profana comœdiarum theatra, neque vicinas infames ganeas, in quibus propudiosæ, & obscenæ mulieres venales se exponunt, & prostituunt.*

Sed quid incommodi, aut periculi adferre poterat, si concio habita fuisset iuxta ea loca, quæ Paulus tantoperè fugit? Quid obesse poterat, quòd proxima spectaculorum locus, aut turpi vicinâ detestabilis fuisset domus, in qua ille ad populum Christianum dicturus esset? Nonnè res ipsa id loquitur? Si propius à se abfuissent ecclesia & theatrum, prædicator, & comœdus, locus tractandi seria negotia animæ, & ludicra corporis, spectaculum & euangelium, mulier meritoria & lex euangelica, maiorem concursus partem mundus, & dæmonium suis vanitatibus, & stultitijs ad se traxissent, quàm Paulus suis veritatibus, & solidis rationibus, idque quod humana natura nostra plerumq; impetu concita vadit ad ea, quæ voluptatem, oblectationemq; corpori adferunt, tarda, & impeditis pedibus ad ea, quæ animæ salutis sunt conducibilia. Non æstimat sumptus homo, quoscunq; & quantoscunq; illos in vanitates, & stultitias mundi profundit: At si teruncius, aut minus etiam aliquid in pauperes erogandum, quo regnum cœlorum comparari posset, semper imparatus est, & egenum seipsum fingit.

Sancti Antonij Paduani observatio est, scenum in



diuinis scripturis semper esse symbolum peccatoris, vt cum dicitur: *Fenum quasi bos comedit*; Iob 40. 10. Item: *Percussus sum & fenum*; Psal. 101. 5. Et rursum: *Homo sicut fenum*; Psal. 102. 5. At per messem, in qua colligitur frumentum, quo nutritur, & roboratur natura humana, significantur viri sancti, & iusti, iuxta illud: *Messis quidem multa, operarii autem pauci*; Matth. 9. 37.

Possumus nunc percontari sanctum virum, quam obrem fenum sit hieroglyphicum peccatoris, messis verò typus, siue adumbratio iusti. Respondet Seraphicus ecclesiastes: *Quid fenum nascitur sine cultura, messis autem cum labore perficitur*. Vt prout fenum proferant, vigilantis agricolæ laborem, sudoremque, & impigram illius manum non requirunt. Crescit, augefcitque fenum, tamen omnis diligentia absit. Quantum verò peruigilare, quot noctes transmittere insomnes, quantum studij, & laboris collocare in agro debet negotiosus rusticola, vt optatos fructus cumularet aliquando producat! Quoties stercoreatione sollicitanda, & subornanda terra, vt expetitas fruges suo tempore reddat! Quot ærumnis se subiicit, qui humum messi parandam suscipit? Quanta prospicere, quam multa præuenire debet, qui rectè colere, & curare agrum cupit! Quot iniurias habet granum, priusquam in herbam emergat, culmumque exurgat! Quot accidentia patitur, postquam è terræ sepulchro caput eduxit! Quot ruri, vbi temporum inclementiæ expositum fuit, patitur hostes in ipsius exitium, & ad incrementa illius impedienda velut fœderatos! Belliæ, quæ transeunt, aues, quæ præteruolant, pariter illi incommodare student, & illæ quidem dentibus, & ungulis, hæ autem rostris spicam, quanquam suis aristis munitam appetunt, & inuadunt maiore præsumptione, quam fortitudine, sic vt minentur magis, quam inferant perniciem. Quid verò quando iratum cælum grandinat, sataque verberans, supremamque & agris vastitatem, & misero agricolæ frustrationem adferens anxias spes eius ludificat? Et si fortè liberum à tot coniuratis hostibus granum euadat, quis referat martyria, vt sic dicam, quæ subit, iactationes, quibus vexatur, & exagitur, priusquam eò perueniat, vt alimonia hominis fiat? Hoc est esse messem, & hoc est esse hominem iustum, inquit sanctus Antonius de Padua, vt nobis indicetur discrimen, quod est inter symbolum rerum animam concernentium, & typum earum, quæ ad corpus spectant. Meditanti opus virtutis quot, quantæque se offerunt difficultates! quot montes opponunt! Ad

perpetrandum vitium verò, ad explendam voluptatem, ad malè agendum quam sunt in promptu, & proximè ad manum omnia! Quare? Quia fenum hæc sunt, & fenum sponte nascitur, sic peccatum, & mala voluptas nascuntur sponte, inquit Antonius. Vt consequamur, quæ libidini nostræ sunt grata, quam facile parantur, quæcunque huc faciunt! Momento omnia prompta sunt. Quam velociter homo peruiolat ad suum præcipitium! Ad carnificinam suæ animæ, quam perneciter abripitur! Verum ad æternam eius salutem quam languidè, impeditè, atque ignauiter pergit!

Videbatur populo Hebræo, Moysen ducem suum nimis longas moras necere in cacumine montis. Quare deliberatione instituta communi consilio definitur rem omnium, quæ excogitari possint, stultissimam, brutissimam, indignissimam, nimirum vt summum Sacerdotem Aaronem adirent, ab eoque Deos sibi dari postulerent, qui Moysis vices per viam agerent, præirentque, & difficultatum occurrentium obstacula omnia submouerent, quousque in terram promissam penetrarent. Cum Aaron tam insignem stulticiam audiret, populumque tam perditè flagitiosum cerneret, oblitusque petijtque sibi inaures, cæteraque monilia vxorum, filiarumque adferri, vt ex his ducem eis confilaret. Hæc autem talibus verbis exposcebat: *Tollite inaures aureas de vxorum, filiarumque, & filiarum & vxorum auribus, & afferte ad me*; Exodi 32. 2.

Qui Aaronem culpâ (quod ad hanc rem attinet) liberare voluit, ij aiunt, quoddille monilia mulierum, & filiarum petijt, hoc fecisse, vt illos à præcipiti, & temeraria sententia abstereretur, ne operè persequerentur malum propositum, vt interim veniens Moyses tumultuarios cæci populi animos pacaret: Nam quod tantis impendijs Deus, & dux nouus parandus esset, id videbatur eorum ardorem refrigerare, & efficere posse, vt à postulatis discederent, maximè cum huc peterentur monilia à mulieribus, quæ cum vanæ sunt, ac superbæ, non alium Deum tam enixè colunt, & adorant, quam gemmas, & quæcunque præterea ad ornatum corporis faciunt, in munditiæ namque, & lauitia exteriore omnis earum oblectatio est posita, & ad carnis elegantiam curandam, amplificandam, conseruandam studium omne, cunctasque commentationes diurnas, ac nocturnas conuertunt, nihilque ferè aliud vel cogitant vigiles, vel somniant dormientes, quam quomodo niteat cuticula, & vestis splendeat, fulgeatque, & suauoleat. Obtinuit ac Aaronis illa diligentia, in-

dustria,



austraria, solertia? Nihil prorsum. Vix enim mundum muliebrem, quem dixi, armillasque, & monilia cetera poposcerat, quando inuenit domum suam confertam eiusmodi rebus, ex quibus conficaretur Deus.

Dum in hanc rem incideret Oleaster, aiebat: *Si ab uxore, aut filia monile auferas ad bonum aliquod, vix tota dies letum; & turbationem domus compescere poteris, nunc vero tam facile pretiosis expoliari permittunt ad idola.* Hæc ille in c. 32. Exodi in annot. morali. Eiulatibus, ac vocibus maritum, seu patrem filia, materque obtunderent, si ornamenta ab eis ad virtutis, & pietatis opera exposceret, quibus nudari cum voluptate permitterent, si ad mundi vanitates, ad idoli cultum, & officia demonum verti viderent. Hic admonemur, inquit Oleaster, quam faciles simus ad vitia, & quam desides ad opera virtutum. *Imperat virtus, & dormimus, annuit virtus, & iam currimus. Vtinam sic se finiret homo à vitij rogare, quemadmodum ad opera virtutum.* Cum tanta sit pulchritudo, & amabilitas Virtutis, eaque nos non tantum magnis vocibus inclamet, verum etiam bonorum perdurabilem, & æternorum oblatione inuictet, nihilominus velut canes sub incude ignauiter stertimus: Peccatum solum nictat, & lætantes subsultamus, & cursu in eius amplexus gaudibundi deproperamus, quantumuis ipsum fœdum, spurcumq; sit, quantumuis grandia incommoda, quæ ex illo in nos redundant, quantumuis sempiterna ruina, quam nobis adfert. O Deus quam felices, ac fortunati essemus, si hoc virtuti amanter obsecranti daremus, quod vitio importune, & improbe vrgenti concedimus!

Robur his dictis, vtinam non tam veris, neque tam crebro experimento comprobatis adjiciet, quod Cordubensis Philosophus Seneca l. 3. natural. quæst. c. 27. ait, dicens: *Nihil difficile est natura & sique, ubi in finem suū properat. Ad originem rerum parce virtus virtutibus, dispensatque se incrementis fallentibus, subito ad ruinam toto impetu venit. Quam longo tempore opus est, ut conceptus ad puerperium perducatur infans? At quam nullo negotio soluitur? Vrbes constituit ætas, hora dissoluit, momento fit cinis diu sylua.* In his omnibus expressum habemus, inquit Seneca, quanto constet virtus, quam facile sit in vitia præcipitium, idem enim quodammodo est, facere opus aliquod bonum, ac educare infantem, excitare urbem, plantare syluam. Sic & occumbere hominem, in rudera detrabi urbem, conflagrare syluam idem est, ac peruertere ad vitia, & tradere se

peccatis. *Vrbes constituit ætas, hora dissoluit. Memento sit cinis diu sylua.* Sæculum abit, priusquam ciuitas vna ex suis ædificijs coalescit, dicula vna aboler omnia. Vix mille soles vident montem aliquem arboribus iuste conuestitum, nudari quempiam vna sæpè horula vidit. Plurima diligentia adhibetur, vt vnum opus bonum fiat, & vix permoueri potest homo, vt illi manum admoueat, ad suam perditionem procurandam verbo extemplo permouetur. Si quis illi male agere consulat peius, quam leuiter, & expeditè obsequitur! quam facile paratus est! quam agilis! quam perneciter velut celeribus equis abit!

Quæri potest, quamobrem Deus ante legem euangelicam permittere voluerit in mundum tot Prophetas prædicatores, tot præcedere cæremonias, quæ velut in tabula depictum repræsentarent, & præfigurarent aduentum Messie, & promulgationem euangelij.

Sanctus Irenæus lib. 4. aduersus hæreses cap. 34. ait, quod attentè, & sapientissimè providentiâ suâ hæc ita disposuit, *multis modis componens humanum genus ad consonantiam salutis.* Quam pulchrè, & aptè dictum in rem præsentem! Cum quispiam muscen addiscere cupit, inque eius disciplinam se tradidit, asperamque, & assonam habet vocem, quantum laborare oportet magistrum, vt illud vocis organum in musices consonantiam adducat? Multo exercitio, & frequente experimento opus est, vt vocem harmoniæ, quam ars requirit, accomodat, nam cum harmonicus concentus ex interuallis sonorum constet, necessum est attentè, delicatèq; moderari sonum vocis, vt iustam mensuram non excedat. Ad hunc modum, inquit Irenæus, cum Dominus sciret, quam ægrè ac difficilè homo se accomodat asperitatibus, & afflictationibus spontaneis, quibus salus æterna comparatur, talesque exercitationes in euangelio promulgandæ essent, æternâ suâ providentiâ disposuit, vt per veteris legis Patriarchas, Prophetas, Prædicatores, & cæremonias non nihil velut emolliretur quidquid durum, & læuigaretur quidquid scabrum, & asperum, & alleuiaretur quidquid graue in vsu virtutum, quidquid molestum in exercitatione bonorum operum, & obseruantia eorum, quæ ex lege euangelica facienda forent, vt ita iustam consonantiam cum vita facerent, quando nouæ illius doctrinæ instrumentum pulsaretur: *Multis modis componens humanum genus ad consonantiam salutis.* Vt vitij, voluptatibus, vanitatibus seruiat homo, non indiget ante componi, aut præparari,



parari, quò inueniatur iustè temperatus, & ad malè agendum paratus, vix enim sonum fidium audit, iamque saltat, vix illi propinatur, iamque hianti ore responderet, vocari & venire apud illum idem est, tam citus adest, cum vel nictatione inuitatus.

Satis hoc nostra infelix fragilitas testatur, & proclamat, comòdiarum namq; domus, quibus ex Terzulliani pronuntiato præsides malus dæmon, plurimam frequentantur, cum vix sit, qui nosocomia inuisit, egenisque, & pauperibus charitatis viscera exhibeat, & stipem ministret. Semper abundant, quæ in vilem, ac putidulam amiculum profundantur, honestæ familiæ, & bonæ famæ ratio insuper habetur. Quàm longa videtur Missa, quàm brevis mensa! Quàm prolixa videtur concio, quàm grata murmuratio! Quàm benè nōrunt opulenti domini nudare subditos, vt vestiant suos parietes, & fame conficere liberos, & famulos, vt nutrant canes, & parasitos! Quando defuit valetudo bona, & pecunia ad prosequendam causam iniustam, & inferendam sanguinariam vindictam? Quando benè valent homines, satisque diuites sunt, vt defendant orphanum, tœantur viduam, tegantque, & foueant inopem? Nonne dies, menses, anni alij ex alijs transmittuntur ludis, iocis, recreationibus, vanis, & otiosis obambulationibus, sic vt inter hæc nulla sit vitæ recordatio futuræ? Et mille semper inuenimus infirmitates, quæ ab oratione, peccatorum exomologesi, ieiunio, & penitentia studio impediunt. Vt quis totam noctem compita terat, plateasque obeat, nulla prohibet stomachi debilitas, nulla imbecillitas constitutionis naturalis, nullus dolor capitis, cum verò semel ieiunandum, nullam non fingimus ægritudinem, nullum non metuiamus malum, & incommodum. Omnia hæc extremam nostram vecordiam, & amentiam satis indicant, qui tam anxie quærimus, & consecretur ea, quæ perniciem nobis pariunt æternam, & tam languidi, tepidi, torpidi, supini, ac tardi sumus ad cōparandos thesauros illos cœlestes.

*Congruunt cum his Persiocha III. Dominica II post Pentecosten, Tom. 2. pag. 98. o. Vide etiam calcem istius Persiocha, & Persiocham V. Sermonis de Siri Tomo 1. pag. 532. o.*

## CAPVT VII.

Nulla maior malitia, aut crudelior iniquitas, quàm accipere lucrum, & pecuniam pro eo, quod dare ex iustitia debeas.

Iam se aperire incipit sordida auaritia, atque vt Imelius dicam, suprema iniustitia, quæ idololatra

auunculus erga catholicum consobrinum suum usus fuit. Addicebat hic sese septenni seruituti pro formosa Rachele adipiscenda, vixq; id fecerat, quando ille sic annuit pactioni, vt magnum se beneficium præstare indicaret admittendo fœdus, seu conuentionem, atque, post exactos oblatis famulatus annos velle tradere filiam, inquit: *Melius est, & tibi eam dem, quàm alteri viro*, Genes. 29. 19 & siliis aliquando collocanda, qui sit dominus illius venustatis, & pulchritudinis, cur non te omnibus anteferam, qui mihi proximæ cognationis necessitudine es coniunctus? *Mane apud me*; ibid. viue mecum domi meæ, serui annos, quos pollicitus es, statimque opere explebitur connubium.

Omnes Expositores annotant hic iniustitiam Labani erga Iacob. Cum enim dotem, quæ marito cum vxore datur, vt matrimonij onera ferre leuius posset, numerare, ac dependere deberet, non solùm hoc leuamen Labanus Iacobi cum filia non præbuit, verùm etiam eò progressus fuit, vt veller ab ipso Iacobe futuram vxorem dotari, & cum septennis seruitutis graui pensione acceptari. In hoc grauauit Laban Iacob, inquit Tostatus Episcopus Abulenſis, quia cūta debuisset es dare Rachelem, & sel Liam, non solum eas dare debebat, sed etiam dotes earum, sed nihil dedit, cogeritque magis pro aliquali substantia ad sustentanda onera matrimonij maiori extra tempore seruire. scilicet septem annis, quibus finierat pro filiabus. Vbi sese aperit malitia, & iniustitia insignitissima, & infamissima, & quæ, vt mihi quidem videtur, alia turpior, crudeliorque excogitari non possit, quæ in eo posita est, & consistit, quòd quis pecuniæ pretio illa vendit, quæ ex iustitia, & officij sui obligatione facere deberet. In quos hæc dicantur, qui non intelligat, nã ille cœcus sit.

Sanctus Paulus vt erat prædicator Gentium vniuersalis, ita probatum dare volebat, quàm purè, integrèque suum administraret officium, aiebatque, se, sociosque suos (qui eius exemplo excitati prædicationi operam dabant) non facere, quod alij innumerabiles agebant, qui verbum diuinum, & evangelicam adulterabant doctrinam: *Non sumus sicut plerique adulterantes Verbum Dei, sed ex sinceritate, sed sicut ex Deo coram Deo, in Christo loquimur*; inquit 2. Corinth. 2. 17. Deus bone, quàm multa hic paucis Apostolus complectitur! Non est verbum, quod non sua plurima pondera habeat, vt hinc æstimare liceat, permagni momenti fuisse, quæ scribebat, cum tam grauitè ea exaggeret, duobusq; cum iuramentis affirmet, quæ vt nos indubitato credemus,

mus,



mus, hoc solum facere potuisset, si nudè modò, simpliciterque asseuerasset. Quòd verò iuramento semel, & iterum eadem confirmare voluit, hoc mirum est. Dicit ergo sacer Apostolus: Nos, qui apostolicè prædicamus, non sumus multorum similes, qui adulterant verbum Dei, sed purum, sincerumque illud ministramus, sicut ministri Domini. Et quòd hæc ita habeant, coram Deo teste, & in Christo filio eius loquimur.

Causam præsentem solum iuvat scire, quid sit adulterare, siue falsare verbum Dei: *Adulterantes Verbum Dei*, in hoc quippè vocabulo expendendo multum laborarunt studiosorum ingenia Interpretum. Sancti Ioannis Chrysostomi commentatio, vt varias aliorum expositiones prætermittam, luculenta est, & trita, qui ait, adulterare hic esse, cum quis pecuniâ vendit, quod gratis dare debebat, cum quis absque certa mercede, aut lucro agere recusat, quod gratuito agere tenebatur. Hoc vocat S. Paulus adulterium ex sententia Chrysostomi.

Magnum est adulterij nefas, & grande piaculum, quod antiquitus non leuiore poenâ, quàm ignis mulstabatur, vt constat ex sententia Iudæ, quam contrarium suam Thamarem pronuntiauit: Nam cum de adulterio apud illum accusata, & conuicta fuisset, inquebat: *Produce eam*, & in publicum forum abripite adulteram mulierem, *Et viua comburatur*; Genes. 38. 24. Tantum est adulterij scelus, tam immane flagitium, vt veteres putarent fœditatam eius solo incendio expiari, & aboleri posse. Et si ex grauitate poenæ arbitrari possumus atrocitatem culpæ, videre quàm sit enorme adulterij crimen, quod solo ignis sæuo tormento plestebatur. Sed ad rem. S. Paulus vocat adulterium, cum quis pecuniâ id vendit, quod dare debebat, ob eam sine dubio causam, vt culpæ illius grauitatem tali verbo exaggeraret. Nam si adulterij scelus tam horribile fuit, vt ignis poenâ castigaretur, videtur dicere voluisse Apostolus: Tam sinceri, puri, & recti sumus in administratione nostri officij, in prædicatione euangelij, vt eum gratis acceperimus munus apostolatus, etiam gratis impertiamus gratiam doctrinæ. Si enim pro pecunia venderemus, quod nobis gratuito est concessum, videremur quoddam velut adulterij flagitium perpetrare, eoque casu mereremur viui subiectis ignibus exuri. At si pro numis vendundare, quod gratis dari debebat, tam immane nefas visum est Apostolo, quòd nomen imposeret illorum improbitati, qui pecuniam admittunt pro eo, quod non modò gratis dare debebant, verum etiam ex iustitia

facere tenebantur? Si viuus pyrae impostus conflare debebat, qui primum faciebat, facile est intelligere quod supplicium promeretur, qui alterum tyrannicæ iniustitiæ scelus incurrit, & pecuniam pro eo accipit, quod ex iustitia facere tenetur.

Homo quidam locuples, quod apud S. Lucam ait Dominus, permagnificum apparauit epulum, quod vt per omnia magis splendidum esset, voluit multos esse conuiuas, qui læti, hilaresque; opulentum, quàm lautum, ac dapibile conuiuium festiue celebrarent. Eapropter fidum emisit seruum, vt plurimos aduocaret, qui sumptuosæ mensæ accumberent, & festæ præparatorum ciborum celebritati assisterent. Abiit seruus, cumque varios inuitallet, excusarunt se homines rustici, ac barbari. Et alius quidem ait, villam emisisse, necessumque habere ire, & videre eam, alius verò inquit: *Iuga bouum emi quinque*, & eo probare illa; Lucæ 14. 19.

Hæc est quædam parabola, quam Interpretes variè exponunt. De cœna illa, & conuiuiu aiunt hi quidem, eâ significari gloriam æternam, alij verò augustissimi Sacramenti quandam delineationem esse, & in illis inurbanis hominibus, qui oblatam tantæ cœnæ refutarunt gratiam, varia sceleratorum genera adumbrata. De illo, qui iuga bouum quinque emisisse dicebat, inquit S. Gregorius, & B. Augustinus, & venerabilis Beda, in quinque iugis bouum totidem sensus humani corporis indicatos, quorum nomina etiam rudes pueri non ignorant. Sed hic notandum, quòd is, qui se excusatum petebat, aiebat: *Iuga bouum emi quinque*.

Venerabilis Abbas Gilbertus serm. 25. in Cant. ait: *Ostolida anima! non indiges emere, quod gratis innascitur*. O delirationem insignem, & brutam amentiam! O insensatam animam, quæ hoc suis numis vult comparare, quocum nata est, quodque gratuito illi concessum! Conficiamus hinc argumentum. Si stultitia est, nec qualiscunque, velle pecuniâ emere, & soluere illud ipsum, quod quis habet, gratisque datum accepit, nonne crudelis iniustitia sit, velle quæstum ex eo facere, quod gratis dare, & facere ex iniustitia debeas? Nemo inficias ire poterit.

Sanguinarium edictum iniquus, & barbarus Pharaon fecit, publicæque sanctione decreuit, ne quis sub ineuitabili vitæ poena domi suæ Hebræorum infantem aliquem masculum occultare, & seruare absconditum auderet. Vt verò generis huius arborem prorsum siccaret, extingueretque, obstetricibus Ægyptijs sub eodem certo capitis discrimine mandauit, vt quoscunque Hebrææ mulieres masculos enicerentur,



terentur, eorum sanguinem, simulac nati essent, fundere. Nascebatur inter hæc Moyses, cumq; illum mater eius, quod tam pulcher, & elegans esset, videret, trimestri abscondit. At dum cogitaret, fieri non posse, vt formosum pignus diutius lateret, adornauit fiscellam scirpeam, & liniuit bitumine, cui impostum infantem Nilo copioso flumini exposuit, prouidentiaque Dei, qui optimus nauarchus est, & felicissimus gubernator, illum commendauit. Descendit ad fluium filia Pharaonis, vt eius aquis sese ablueret, cumq; oculis in admirabilem nauiculam fortè incidisset, misit vnam è famulabus suis, quæ rem è proximo attentius arbitrata, qualis qualis esset, referret. Narrauit hæc, quod erat, cumq; filia Pharaonis allatum in fiscella vidisset infantulum, tenerum illum, & venustulum, vagientemq; miseretur pupulum, ac diceret, ex Hebræis parentibus esse oriundum, soror infantis Maria, quæ sollicitis fragilem lembum prosequeretur oculis, accurrit, & filiam Pharaonis appellauit, inquit: Visne vt Hebræam tibi accersam mulierem, quæ venustum hunc enutriat puerum? Respondit illa, velle. Abijt illa quam celerrime, suamq; ac pueri matrem adduxit, ad quam Thermutis filia regis ait: *Accipe puerum istum, & nutris mihi, ego dabo tibi mercedem tuam*; Exodi 2. 9.

Norauit in hoc facto Oleaster, quod in alijs similibus damnari debeat, in matre autem Moysis iustam habet excusationem, & absq; peccato fuit. Quid est, quod egit Moysis mater? Pecuniam pro educatione proprii filij accepit. Quodnam est officium bonæ matris? Alere suos liberos, aut alias suis impendijs conducere nutrices, si præbere alimoniam ipsa non possit. Hæc autem occasione contrarium factum est: *Nam famula matrem suam pretium habere voluit pro eo, quod iure natura tenebatur facere*; inquit Oleaster ibi in annot. morali. Et nisi periculum, quod sibi parasset, si matrem, quod erat, se prodidisset, illam excusaret, quo loco actionem hanc constitueremus? Turpem malitiam, & indignè factum clamaremus. Quanta ergo malitia, & quam graue scelus illorum hominum, qui accipiunt pecuniam pro eo, quod gratis dare, & iure naturæ, atque ex officij sui obligatione facere tenentur? Dicant ibi quidam Theologi, quod volunt. Mihi certum est, quod mecum sentient, quicunque rem ad lucem veritatis, & non in tenebris suæ priuatæ utilitatis, commodorumque propriorum examinant.

Timens Isaac, ne imparatum illum mors inuaderet, vocauit filium suum Esau, vt supremam ei be-

nedictionem daret, simulque cum illa traderet privilegia omnia, & immunitates primogenitis debitas, quæ non erant paucæ, vt affirmant Varabius, Pererius, Honcala, Martinus del Rio, & alij Expositores. Accersitum ergo filium iubet sumere pharetram, & arcum, & abire in campum, & si quid venatu acciperet elui commodum, pulmentum inde facere, sic vt velle illum nosset, & post allatum, paratum, exhibitumque cibum in vicem expectare paternam benedictionem, quacum fiebat quædam velut donatio omnium gratiarum, & donorum, quibus primogeniti gaudebant. *Affer vt comedam, & benedicas tibi anima mea, antequam moriar*, inquit Genesis 27. 4.

Peruulgata quæstio est, quamobrem Isaac imperauit filio suo Esau, vt cibos illi ministraret, antequam acciperet benedictionem, quæ declararetur legitimus hæres omnium indultorum, & gratiarum, quæ primogenitis erant constitutæ.

Nicolaus Lyranus ait, eam ob causam voluisse sibi à filio ministrari cibos prius, quam ipsi benediceret, quia *filium recipiens benedictionem debebat prius patri facere obsequium, & seruire in mensa*.

Doctissimus Pererius sententiam Lyranus tali censurâ perstringit: *Vnde hoc accepit Lyranus haud equidem scio*. Et meritò suspecta debet esse ea ratio. Nam cum pater iure naturæ teneretur ius illud transferre, pessimi exempli fuisset, pretium qualecunque pro tali re admittere, & vel cibum aliquem accipere pro eo, quod ex iustitia dari debebat. Quod ergo ante cibos à filio expetiit, quam illi benedictionem impetiit, hoc alias ob causas factum, quas apud Sanctos Augustinum, Gregorium, & Thomam videre licet. Itaque si absque fundamento dictum est, Isaacum, vt filio suo benedictionem daret, voluisse prius obligari ciborum oblatione, talique officio deuinciri, & permoueri ad hoc faciendum, quod ea res scandalosam consuetudinem introduxisset admittendi vel lautitias aliquas, quibus excitaretur ad præstandum, quod dare alioquin ex iustitia debebat: Quanta iniustitia simul & malitia fuerit, accipere commodam, & petere numos pro eo, quod ex obligatione dari, & fieri ex officio, & iustitia debet? Cum Deus è supremo tribunal rationem huius sceleris exegerit ab eis, qui illud perpetrarint, tunc intelligent magnitudinem eius, grauitatemque agnoscent.

Verum vt etiam nunc aperiamus aliquid eorum, quæ in illo horribili, & recto tribunali patefient, audiamus quid de hac materia dicat magnus ille Origenis



riens Imperator Basilus dictus Philosophus, in quibusdam institutionibus, quas Cæsaræ maiestatis suæ successor, vt laudabilis, & rectus Princeps esset, reliquit. Mos tunc fortè obrinuerat, vt ali-quanta pecunia acciperetur pro officijs tam gratiæ, quàm iustitiæ, vt pro officio Auditorum, Accenso-rum, Scribarum, Præsidum, Prætorum, Rectorum, Quæstorum, & aliorum huiusmodi. Cùmque pru-dens, & zelosus hic Princeps videret, quàm damnosa esset ea consuetudo, quàmque & varia, & grandia in-commoda in Rempub. manarent ex infernali sen-tentia eorum, qui pro talium officiorum concessio-ne munera, & pecunias rectè admitti posse affirma-bant, ità filium suum monebat: *Auro, & muneribus Venales honores, & dignitates caue ne habeas, sed eas dignis largire gratis. Qui enim magistratum pre-tio emit, subiectos illi magistratus magis emit, & mu-neribus, quæ dedit, fretus ipse audacius munera ca-piat.* Hæc ille in exhort. ad filium c. 43. tanquàm explicatiùs dixisset: Cura fili, si monarchiam tuam in pace gubernare, & vigorem conseruare iustitiæ cupis, vt custodiantur leges, defendantur pauperes, nulla ministris per tyrannidem potestas concedatur, non enim debes administrationum, magistratum, officiorum dignitates habere expositas ad modum officinarum mercatoriarum, in quibus qualitati panni responder quantitas pretij. Absit vt audire feras, talis loci præfectura tanto prostat, tale offi-cium tanto venale est, pro illius ciuitatis prætura tantum argenti pendi, pro illo consularu tantum numerari debet. Hoc verò studiosè age, vt explo-res idoneos, inquiras benemeritos, & hos alijs præ-feras, officijsque gratiùr dones, quos ingenio, pru-dentiâ, talibusque rebus præstare videris, vt sic rectè procurent iustitiam. Qui enim pecunijs sibi pa-rat magistratum, ille faciet, quod mercatores solent, emerque, vt vendat. Et qui mercatur Præturam, Consulatum, aut aliud quoduis officium, quid faciet, quàm vt & is, qui lite contendit, & qui ambit ali-quid, seu pauper ille sit, seu diues, & omnes denique, quotquot suæ iurisdictioni habet subiectos, ipsi pre-tium dependant, velut ille Principi suo dependit? *Vt muneribus, quæ dedit, fretus, ipse audacius mune-ra capiat.* Putabis fortè, fili, quòd ex officijs certo pretio venditis opulesces, & facultatum incrementa facies & augetur hîcus. Sed aduerte, quòd hinc magis euertis, perdisque fortunas tuas, redigis nam-que in paupertatem subditos, quos deglubunt mini-istri, qui præfecturas suas à te emerunt. Perspicuum enim est, quòd damnum pecuniæ, quam pro adipi-

scendo magistratu tibi numerârunt, refarcire vo-lent, eoque prætextu sumptuum emptionis recupe-randorum aperientur fores subornationibus, mune-ribus, furtis, & alijs improbitatibus, quas illi com-mittunt, & ministris inferioribus permittunt. Ee velut tu inuenies Theologum, qui tibi dicat, quòd possis accipere pecuniam pro dignitatibus, quas concedere ex iustitia debes: Sic illi reperient Confessarium, qui consulat, vt quod à te sibi fieri vident, hoc ipsi faciant alijs. Hinc nascuntur in tuo imperio perturbationes, scelera, flagitia, quibus tu occasionem præbebis falso illo prætextu necessita-tis, quæ cogaris vendere magistratus, cùm potius de-beres augere salaria tuorum ministrorum, vt illi se maiore curâ administrarent iustitiam, aut si id præ-terminerent, iustissima de causâ illos castigare, cu-telisque eorum detractas tribunali ad terrorem, e-mendationemque aliorum exponere posses. At si tu illos ante deglubas, quid mirum, quòd ipsi exco-rient alios? Videant ergo Principes, quomodo offi-cia distribuunt, & animaduertant damna, quæ inde resultant, quòd pretio vendantur, quæ dari ex iusti-tia debent. Nam si quidquam aliud est, quod pro fe-lici statuum, ac regnorum bono regimine diligenter attendi oporteat, illud, meo quidem iudicio, maxi-mè necessarium est, vt in quo consistit recta iustitiæ administratio, quæ virtus maxima ad conseruandas monarchias habet momenta, quòd experientia, sacrum oraculum, literæ diuinæ pariter, & humanæ clamant.

CAPVT VIII.

*Nescit quid sit amor, qui laborem sentit, paradi-sus namque eius, qui amat, est, fatigari ex his, qui-bus dat operam.*

Quànquàm longum erat septem annorum & tanti laboris spatiū, septenniū tamen illud non maius sepiduo Iacobi videbatur, breuèque tēpus, & leuem laborē, & facile pactionem putabat quod ea conse-rebat cū flagranti amore, quò animus illius occupat⁹ formosam Rachelem demoriebatur: *Videbantur ei dies pauci præ amoris magnitudine;* Genes 29. 20. Vbi interpretes, cū in hunc locum incidunt, no-tant potentiam amoris magnam, & vires, quas pecto-ri infundit, quod inuadit, nec enim est mare, quod non sulcet, nec mons, quem non complanet, nec i-gnis, quem non oppugnet, nec incommodum, quod non contemnat, vel conterat, nec impossibile, quod non tenet. Ità sentit Abulensis, quando obseruat, quòd Iacob tam promptè, lætanterque suscepit se-pennis



ptennis seruitutis duos, ac diuurnos labores, vt formosam ouium custodem nancisci posset, neque lubens tantum suscepit, verum & exiguos, breuesque, ac leues, præut illam deperibat, existimauit: *Nullus enim labor magnus videtur amanti, ignes non timet, mures spernit, gladijs se opponit, & omnia pericula sibi grata reputat;* inquit ille. Quidquid alijs durum, molestum, operosum, hoc illi voluptas est, & deliciosus paradysus.

Ambulabat coelestis Reparator orbis super aquas procellosi maris cuius tepelluosa incōstancia illi pro terra plusquam firma, & immobili erat. Agnoscebat Petrus charum suum Magistrum, cupienq; amabili, & dulci ei<sup>9</sup> præsentia è loco viciniore gaudere, facultatem petebat, vt ipsum conuenire, potenteq; illius plantas, quæ de infidis fluctibus tam gloriose triūphabant, exosculari posset. Impetrauit Petrus, quod voluit, obtentaq; veniā *ascendens de nauicula ambulabat super aquam, & venit ad Iesum;* Matth. 14. 29. Coniecit se audacter in mare, vt propius charum suum Dominum Iesum esset, eiusq; consuetudine propinquiore vteretur. Perattentè considerauit Sanctus Mediolanensium Archiepiscopus Ambrosius deliberationem, & facinus illud Petri, atq; quomodo fieri potuerit, vt se auderet credere mari, cuius paulò ante expertus fuerat rabiem, & feritatem, quando *nauicula in medio mari iactabatur fluctibus;* ibid. v. 24. ijsq; tantis, vt tempestas tum ipsum, tum illius socios in præsentaneum adduceret periculum. Quod cum ita sit, quomodo tam citò oblitus fuit discriminis, in quod nauiculam ventus aduersus contiecit? Quomodo ibi figere pedes ausus fuit, vbi tam certam potuit cogitare, & timere submerfionem? O si amares, mi homo, inquit Beatissimus Ambrosius, profectò nunquam Petrum simili obiectione conuenires, non solum si in aquas sese conijcientem conspiceres, sed etiam insipientem in flammās videres. Quò enim tendebat Petrus? Ad suum charissimum Dominum: *& venit ad Iesum.* At si iter ferebat ad fruendum re amatā, quid mirum quòd se in mare dedit, quòd sæuitiam fluctuum eius contempsit, quòd iram eius, furoremq; spreuit, & quòd via illi facilis, & plana visa fuerit? Quis amantem vidit ignaum, meticulosum, pusillanimum?

Audiamus Ambrosium ex serm. 16. de Sanctis: *Non videbas Petrus, ubi pedum uestigia poneret, & videbas autem ubi figeret uestigia charitatis. In nauem enim posuit considerat Dominum, & amore eius dulcius descendit in mare. Non cogitat labentes aquas, non fluentia currentia, & dum Christum respicit, non*

*respicit elementum.* Dum in Christum figeret oculos, non formidabat, nec recordabatur voracem illam, & insaturabilem bestiam, mare dico. quæ illum vorare, & fluitantibus suis visceribus haurire poterat, amantem enim, cui præ oculis est, quem diligit, non terrent maria, non debilitant metu ignes, non exanimant distracti gladij, non fugant pericula quantumuis magna, & euidentia.

Amarè lugebat diuina Poenitens, & sollicita perquirebat sacrum chari Magistri sui cadauer, atque ille, ne tam diu afflicta eam, & absq; solatio relinqueret, vtque dolorem moerentis mitigaret, apparuit explorandæ, sed alienâ hortulani specie reatus, & propriam, de qua agnosci poterat, formam dissimulans. Interrogabat autem illam, quid tam acerbè deploraret, quid tam anxie indagaret in illo horto, quem oculorum ipsius fontes magis, quam alia decurrentis fluuij aquæ rigabant. Magdalena rara eum, qui loquebatur, non alium esse, quam qui videbatur, hæc ad illum affectuosè, humiliterque dixit: Domine, si tu fortè sustulisti pretiosum corpus, quod ego sollicita inquirō, dicito mihi vbi posuisti, ego enim illud humeris excipiam, ego diuitem, ac sumptuosum monumento inferam, ego altum, sublimeque mausolæum erigam, quod sit venerabilium reliquiarum eius sacrum depositum, cæleste ætærarium.

Tanquam coram præsens adfuisset magnus Origenes, tristemque, & lacrymosam Mariam talia dicentem audisset, sic eam appellat serm. 10. de Diuersis: Vide Domina, quid loquaris, & quantum viribus tuis sint superiora, quibus teipsam offers. *Ego eum tollam,* inquis. Itanè loqueris! Hoccine affirmas! *Si corpus Iesu posuit in atrio Principis sacerdotum, in quo princeps Apostolorum calefaciebat se ad ignem, quid factura es? Quid factura sis rogas? Ego eum tollam.* Quid si militibus custodiendum traditum est, crudelibus, inquam, ijs, & efferatis, & infernalibus lictoribus, qui ausu dæmoniaco ipsum probro illi ligno affixerunt, gladijsque, & lanceis, & bipennibus, & armis alijs prohibent aditum, ne quis adire propius queat, *quid factura es?* Hoccine interrogatur ea, quæ amet? *Ego eum tollam,* ingrediturque animosa per medios distractorum gladiatorum mucrones, irrumpam, impetuque ruam per minacia tela, & præpitas ferocissimorum, & sanguinolentissimorum satellitum hastas. Quid si fortè opulentus ille thesaurus, quem tam studiosè scrutaris, vel in profunda maris abyfso, vel in absconfiore terræ centro, vel in editissimo cœli fastigio sit repositus,

quid



*quid fortuna est? quid consilij capies? Ego eum tollam.* Seu pelagus illum hauserit, & in ventres immanissimi norum cetorum demiserit, seu terræ centro asseruandus creditus sit, si cœlo supremo illatus, tamenuti ardentissima ignis regio in medio sit, penetrabo tamen, & vbi vbi demum fuerit, *Ego eum tollam.*

Exclamat Orig: *O ineffabilis huius mulieris amor! O mirabilis mulieris audacia! O mulier non mulier! nullum locum excipit, nullum antepont, sine timore dicit, absolute promittit, Ego eum tollam.* Non terræ profundo, non abyssi periculis, non cœlorum inaccessiblei altitudine deterretur, quò minus tentare loca velit, vt inde humeris iniectas auferre dominici cadaueris diuinissimas reliquias queat, dummodo inueniat. Vt enim vera, ardensq; amatrix erar, sic illi assentatiuncula videbatur quoduis discrimen, & periculum omne voluptas. In igne quippe maximorum periculorũ aurum veri amoris, eiusq; veritas, puritas, atque integritas quàm maximè se prodit. Qui namq; se verè amat, omnibus se difficultatibus animosè, intrepideque exponit.

Dicit vires adjiciet id, quod Diogenes Laërtius, qui veterum Philosophorum historias conscripsit, refert, estque ferè huiusmodi. Interrogati Athenienses de nomine, quod accomodatissimum Amori fore putarent, postquàm diu secum altercati varios expendissent titulos, qui in illum quadrare videbantur, sed proprietates eius non satis exactè exprimebant, demum vnum repererunt epithetum, quod significandis illius qualitatibus, & conditionibus aptissimum putarunt. Itaque propositæ quæstioni sic responderunt: *Amor pro nomine annuens vocatur.* Annuens idem est, quod omnibus assentiens, & qui apertius in neminem, quàm in amantem cadat. Effusissimus, & maximè prodigus homo non concedit semper omnia, quæ rogatur, non occurrit omnibus, quæ petitur, Valentissimus nonnũquàm debilitatur. Ingeniosissimus non semper superat obscuritatem alicuius difficultis quæstionis. Prudentissimus, & consultissimus non semper ita comparatus est, vt rectè de omni re quouis tempore pronuntiet. Facilis ad risum, hilaris, & iucundo, promptoque ad honestos iocos animo non semper exporrigit frontem, non semper remittit supercilia: At qui verè, & integrè amat, semper idem est, omni occasione ad omnia promptus, quia est *annuens*; omnibus assentiens, vt Maria Magdalena, gladijs, spiculis, tormentis aeneis, machinis fulminibus intrepidum pectus animosè obijcit, cuiusque temporis inclementia

sele accommodat, nemini quidquàm negare nouit, gratificari omnibus quantum potest, studet.

Nam vt sanctus Ioannes Chrysostomus homil. 55. in Genes. ait: *Quando quis sauciatur charitatis desiderio, nihil difficile spectat, sed id, quod fuerit plenum periculis, & multà miserà, leuiter fert, & non hoc videns, quomodo suo potitur voto, & desiderio.* Quem Cupido flammantibus telis suis sauciari, nihil illi arduum videtur, acutos tribulos, hamatas, & aculeatas spinas pedibus nudis tam volupuosè calcatur, quàm alius viridem herbam, & fragrantas rosas possit. In asperis, durisque rudibus, & sordibus tam placidè dormit (si tamen dormire possint, qui amant) ac si in mollibus, suaueolentibus rosis cubaret, ad eos enim, quos amat, oculus animusque illius tantum vadunt, quorum cogitatione pascitur, & sagittis dulciter vulneratur.

Descendit ardens quidam Seraphin è throno illo excelsò, & eleuato, manu præferens viuum carbonem, quem forcipe aureà ex altari acceperat, admo-uitque labijs vrbani Prophetae, vt ea mundaret, in-quiens: *Ecce tetigit hoc labia tua, & auferetur iniquitas tua, & peccatum tuum mandabitur*; Isa. 6. 7. Cùm antè questus esset Isaias, non se tam puris esse labijs, ac cuperet, nunc illum consolabatur ardens spiritus, dicens, eà admoti carbonis operà sic esse emaculata, & perpurgata eius labia, vt contendere de munditie, & candore cum niue possint. Posthæc statim aiebat Dominus, qui sublimem illum thronum occupabat: *Quem mitteam, & quis ibit nobis*; ibid. v. 8. quem ablegabimus, vt duro isti, ac peruiaci populo prædiceret? Respondit animosè Propheta: *Ecce ego, mitte me*; ibid. velut dixisset: Cùm ego hîc adstem, tu verò sis ille, qui hoc imperet, quid obstat quò minus ego sim ille, qui ire debeat?

Vellem hîc feciscitari ex sancto Propheta, nouerint populum, cum quo illi negotium futurum, & cui turpia sua vitia exprobraturus erat, vt tam proiectè, celeriterque huic se muneri offerret. Perspicuum est nouisse, exordiebatur enim sermonem suum, priusquàm iterum abire iuberetur à Domino, arguebatque eos, quod ingrati, parum vrbani, immò subrustici essent, & bestiis oppidò deteriores, & brutis magis bruti, eò quòd tardus bos suum possessorè, & insulsus asinus præsepe domini sui cognouissent, filij autem Israël velut ignari essent Dei sui, è cuius liberalibus manibus tam innumerabilia beneficia recipiebant: *Israël me non cognouit, & populus meus non intellexit*; ibid. c. i. v. 3. At quomodo rursùm sese offert officio prædicandi ijs homi-



bus, exploratam habens eorum duritiem, pertinaciam, obstinationem, contumaciam, sciensque manifesta pericula, quibus se exponerat, dum ad illos Ecclesiastes abibat?

Respondet sanctus Basilius Magnus in cap. 6. 1. *saiz: Nihil minus seipsum permisit Deo, perq, exuberantem charitatem se iniecit medium subeundis periculis, nihil secum reputans eorum, quae sibi irroganda essent à populo malo.* Erat cor sancti Prophetae qualis Aetna quaedam flagrans, sed amoris ignibus, cuius etiam labia ab ardente carbone inflammata fuere, & velut perfusa ardore, quo iam pectus aëtuabat. At si animus illius ita flagrabat, & cor tam viuis prunis charitatis subiectis ardebat, quid mirum quod pro honore, & gloria Domini sui nulla cogitauerit, vel curauerit incommoda, nulla extimuerit pericula, quae sibi occurrere posse non ignorauit? *Per exuberantem charitatem se coniecit in medium.* Vix audierat vocem Domini sui, quando velut leo quidam in medias se discriminum flammis coniecit. Caritas enim, & metus nunquam conuenerunt, neque ex eadem mensa, ut dicitur, simul comederunt amor, & ignauia.

Confirmet dicta Magni Basilij magnus quidam illius filius, sanctus Gregorius Papa, qui de charitate loquens sic ait apud Hugonem Cardinalem in Ps. 24. *Machina cordis vis amoris.* Bene expressit ijs verbis Doctor sanctus magnam violentiam amoris. Quando siue muniendi, siue exornandi aedificij necessitas postulat, ut ingens aliquod, vastumque saxum ad locum illius ediciorum subleuetur, quod humeris in locum sibi conuenientem efferri nequeat, inuenit ingeniosa hominum industria instrumentum quoddam, seu machinam volubilem, quam viri pauci dum ineunt, & gyraunt, ac velut conuoluunt, immanes lapides, & grauissima saxa tam leuiter attollunt, ac si exiguus lapillus esset. Huc alluisse videtur sanctus Gregorius, cum ait, *Sim amoris esse machinam cordis.* Amor enim cor, quocunque libet, transfert, & attollit. Nonne hoc experimento quotidiano discimus? Auarus, cuius tam graue sepe, & durum cor, manus autem, ac si congelauerint, tam pigrae, & torpentes ad dandum, si pectoris sedem amoris semel concedat, & permittat, quam facilliter à fordida parcitate ad generosam liberalitatem transfertur, aut transcripsit? Timidus, & ignauus, quem leuissima umbra exterre, nonne est ferox, & Mars quidam bellicosus, simulac sub Cupidinis vexillis militare incipit? Quis negare possit? Qui

furiosè rixatur, & cecatur irā, nonne misereuit ut agnus, tigridisque feritatem facile deponit, cum eam videt, quam deperit? Per momenta singula id experimur. Quis has facit mutationes? Quis corda ista sic mouet? Quis subleuat illa tam grauia saxa? Amor, cuius vis est machina sursum attollens quantauis pondera: *Machina cordis vis amoris.* Vbi amor regnat, non est periculum, quod exterre, neq, discrimen, quod adferat metum.

In coelo inuenimus scriptam hanc veritatem, si consulamus Maritimum Ficinum, qui tam doctè de hac amoris heroica passione scripsit, atque, duos Veneris, & Martis planetas tam mystico ordine esse collocatos, ut nunquam Venus Martem sequatur, sed Mars potius Veneris praecurrentis vestigijs insistat: *Mars sequitur Venerem, Venus Martem non sequitur,* inquit ille in Coniui. Plat. cap. 5. Orat. 3.

Quid hac secretā, & tam admirabili dispositione istorum planetarum monemur, per quam sit, ut nunquam Venerem Mars praecedat, nec Martem Venus sequatur, sed Veneris Mars semper sit à pedibus? Mars est Deus fortitudinis, belli, & furoris. Venus est amoris dea, quae illaqueat corda, & inflamat pectora, ut coniunctionem faciat animorum. Quod ergo Venus, quae est amor, non sequitur Martem, qui est furor, bellum, fortitudo, sed e contra Mars sequitur Venerem, eo significatur, non nasci amorem ex audacia, sed audaciam oriri ex amore: *Quoniam audacia amoris pedisse qua est, non amor audacia, non enim ex eo, quod audaces sunt, amore homines illaqueantur, sed ex eo plerumq, quod amore sauij sunt, audacissimi fiunt ad quaq, pericula propter amatum intrepidè subeunda.* Hæc ille iterum, ubi supra. Non est legitima consequentia (inquit Florentinus iste Platonius) si ita argumenteris: Ille homo est Mars quidam, ergo est Cupido, aut Venus, quia Venus, & Cupido non sequuntur Martem. Verum si sic dicas: Ille est Cupido, aut Venus, ergo bellicosus Mars est, rectè inuulisti, verus enim amans est animosus, impavidus, generosus Mars, qui omnia pericula subit, & nullæ sunt discriminum turmæ, quæ illum perterrefaciant, ut non audacter, atque intrepidè eas aggrediatur, & inuadat. Ex talibus namque agnoscitur verus amor.

Et hinc volo æstimer noster Politicus suum erga Deū amorē, ut tunc illū sincerè diligere intelligat, si multa pro illo & faciat, & ferat. Si in ijs rebus, quæ



quæ concernunt Dei honorem, & gloriam, inueniuntur difficultates, & impingit, offendit, terretur, si sex Dei illi est grauis, & iugum mandatorum ipsius, of-

ficiorumque, quæ proficitur, molestum, inditio est, in fornace pectoris illius exiguum esse, & parum ardere igniculum.

# LIBER TERTIVS.

## CAPVT I.

*Beneficia Domini nunquam dantur sine pensione, neque calamitatis pensione quinquam grauat Deus, quem non beneficij alicuius donatione leuet.*

**R**ostquam inclytus Patriarcha noster illam tam grauem fraudem passus est, introducta ad ipsum Lia filiâ maiore, pro qua non seruierat septem illos ex pacto constitutos annos (perfidus enim auunculus tenebrarum adminiculo vltus lippam, & surpiculam pro venustula, & formosa supposuerat) tantamq; concouisset iniuriam, & animo pacato esset, & ambas accepisset vxores, factum est, vt minor ex ordinatione, & dispositione Dei esset sterilis, & fecunditatis gratiam haberet, cui gratia formæ elegantioris negata fuerat, hæcque quatuor ex ordine fructus pulcherrimos ederet, qui fuerunt Ruben, Simeon, Leui, & Iudas. Interim venustioris Rachelis sterilitas perdurabat, quam tamen pulchritudinis dote Dominus ornauit, oneravit tamen hoc beneficium pensione sterilitatis, cumq; Liam pensio turpitudinis grauarer, beneficio fecunditatis eam pensionem Deus tolerabiliorem fecit. Exclamat hic Salomon Hispanus Tostatus: *Ecce quanta diuina sapientia in rebus ordinatio*: Considerandum quam sit attenta, & peruigil Dei providentia erga suas creaturas, & hoc primum, quod eas vt pius pater regit, & gubernat, deinde istud, quod beneficia, ne in superbiam excitent, onerat cerrâ pensione, vt humilient eum, qui illa recipit, rursûmq; pensiones, ne hos, quibus imponuntur, pusillanimes reddant, prosequitur certis beneficijs, quæ illos subleuent, & exhilarent. Sic pulchritudinem Rachelis, ne illa inde arrogans fieret, correxit, & temperauit sterilitate, & Liam, quæ se contemni propter oculorum fecunditatem deplorabat, consolabatur concessione vteri fecundi, & vt omnia tandem bene disponerentur, cum quartum filium Lia fertilis enixa esset, cessauit parere, Genes. 29. 25. ne à crebriore conceptu & vterus, & animus simul intumescerent, & plus superbiret ex tam copiosa vbertate fructuum benedi-

ctionis, quam humiliaretur ex turpi lippitudine oculorum. Et quoniam Rachel facilius desperationem incurrere poterat ex longiturna sterilitate, quam insolescere ex nativæ elegantiz liberalitate, & formæ venustate, consolabatur eam Deus fecunditate. Huic autem beneficio portam posthæc iterum clausit, vt eam intrâ modestiæ cancellos contineret, & Lia, vt eam rursûm erigeret, suam reddidit feracitatem, alternâque illâ vicissitudine sapienter effecit, vt nec esset absq; pensione beneficium, nec absq; beneficio pensio, vt sic ex altero humiles, gratæ ex altero manum supremi benefactoris potentem sentirent, & agnoscerent. *Lia, quæ antea omnibus contemptibilis, abundantia sibi felix postea visa est. Sed quia si sic successus procederet, Lia in superbiam efferreretur, & de Rachel vindictam caperet, eam totaliter infelicem reputans, cessauit Lia parere, ne inflaretur, & Rachel filium habuit, ne totaliter depressa omnino contemptus haberetur, inquit Abulensis.*

Viginti annos sancta Patriarchæ nostri mater improlis transmissit, cuius item sanctus maritus Dominum, vt coniugi liberorum gratiam faceret, seruentibus, crebris, importunisque precibus rogauit. Annuit humili obsecrationi bonus Deus, & sterilem piz matronæ ventrem propitius fecundauit. Lætibunda ergo concepit, & post tempus aliquod elapsum sensit recens animatos intrâ maternæ alui carcerem pugna mutuo animosè contendere. Sacer Scriptor hanc rem ita descriptam reliquit: *Dedit conceptum Rebecca, sed collidebantur in utero eius paruuli*; Genes. 24. v. 21. 22.

Pressit Abulensis in his illud, *Sed collidebantur*, hoc est, tam pertinaciter configebant, tantisque impendijs matris, vt eam in necessitatem vitæ extremam adducerent, & ait: *Ista consunctorio*, Sed, *est aduersaria*, & semper comminuit, & extenuat, & est pomum, vt dicere amamus, quod nunquam à colloquijs abest. Dicere namque solemus: Petrus est nobilis, prudens, ingeniosus, mox aurem adijcientes quoddam, Sed, subiungimus, Sed est admodum arrogans, seq; ipsum plurimum, ac libenter audit, cum loquitur. Item: Magdalena est formosa, festiua, lepida,



lepidam, sed non illam pœnitet quod nata est, nec ægrè fert spectari, & laudari. Ità aduersariua illa, siue contradictio quædam velut pensio est, quæ onerari gratiæ, & beneficia solent, imminuique, & extenuari. Tale quid Rebecca cum gratia tam diu, ac vehementer experita euenit, inquit Abulenſis. Vingt annorum preces Isaac huc vertit (cùm Rebecca etiam, quod suum erat, faceret) vt fructum benedictionis vxori impetraret. Quod sancta hæc mulier incredibili gaudio exultauit, postquam obtrinit, quod tam longos annos & suspirauit, & desiderauit, res est, quæ nemini dubia esse queat, prout enim ingens est beneficium, & grauius genituum, precumque impendit, quibus obtentum, ita maior est lætitiæ voluptas, quacum suscipitur. Multum habere olim putabatur, qui habebat liberos, & post diuturnam sterilitatem gratior, voluptuosior, maioreque iucunditate comitata veniebat fecunditas. Rebecca omnia hæc acciderunt. Verum ne tantum donum caput eius peteret, vertiginemque illi adferret, ne tam insignitum beneficium cor eius inflaret, ne ab ingenti, & pretiosa gratia turgescere inciperet animus, colluctatione infantium recens conceptorum, velut pensio quadam, gratiam illam prouidus Dominus oneravit, permisitque vt in presentaneum mortis periculum adduceretur ab his, quibus vitam vixdum dederat. Et propterea Textus sacer apposuit illam voculam aduersariuam, dicens, *Sed collidebantur pupuli, suâque contentiosa consiliatio-ne grauidæ matri mortales angustias adferebant. Hæc particula, Sed, diminuit beneficium*, inquit ille, & subdit: *Sic est sensus: Deus dederat Rebecca conceptum, & in hoc magnam gratiam fecerat, sed collidebantur paruuli, id est, licet ista gratia magna fuisset à principio conceptus, iam tamen magna non videbatur.* Insignitum (quis enim dubitet?) beneficii munus fuit, quod Rebeccam conceptu vno parentis filiorum duorum fecit Dominus, hi filij tamen illam in periculum mortis extremum coniecerunt. Eâ ergo re temperatum fuit gaudium de gratia natum, & beneficium pensio formidinis, quam insolens illa infantium nondum in lucem editorum colluctatio pariebat, tanquam appensione ponderum grauatum, vt via præcluderetur superbiz, quam tantum benignitatis diuinæ munus generare poterat. Hæc est sapiens dispositio attentæ prouidentiz Dei, beneficia pensio quadam onerare, vt ne superbiant, qui ea recipiunt, & ærumnarum pensiones collatione beneficiorum dulces reddere, ne prorsum opprimant.

Cùm Patriarcha nosse artis, quam illi mater suggererat, industriâ, adeptus fuisset benedictionem, quæ Esau filio natu maiori debita videbatur, delusum hic se videns, cùm eandem petisset, tantus fuit illius mæror, & luctus, tantâque copiâ lachrymarum fudit, vt per motus tristi dolore, & miserabili eiulatu decrepitu pater non potuerit non aliquas illi à Deo apprecari, & optare gratias. Quare benedicens ei quantum poterat, inquebat: *In pinguedine terra, & in rore calis desuper erit benedictio tua, & ues in gladio, & fratri tuo seruias*; Gen. 27. 39. 40. Notum beneficium est affluentia rerum, magna benedictio fertilitas terræ, verum seruire, subditum esse, pendere ex alterius arbitrio, & dominio, naturaliter durum, asperum, & odiosum est, inquit doctissimus Petrius. Ad hanc tam vilem, hoc est, seruilem vitæ conditionem damnauit Dominus Esau per os patris illius Isaac, quam ipse quidem in sua persona non subiit, posteri tamen eius sunt experti. Tristis, & molesta res est seruire, pensio grauis, & acerba. At videamus, quibusnam Esau in suis posteris seruiet. *Et fratri tuo seruias, tempusque ueniet, cùm excutis, & solus iugum eius de cervicibus tuis*; inquit ille ibid. v. 40. Pererius ait: Amara pensio est seruitus, verum dupliciter mitigatur ab Isaac, tum quod non erat seruuturus Esau alienigenis, aut barbaris, aut inimicis, sed fratri, & consanguinei sui, tum quod futura non erat ea seruutis perpetua, sed aliquando excutienda, eratque posteris Esau non libertas modò, sed etiam regnum comparandum. Ac rem pensionem seruutis, cui soboles Esau subiicienda prænnuntiabatur, leniebat duplex gratia, ea scilicet, quod neque exteris, neque diu seruuturi, sed à seruutute, & captiuitate non ad libertatem modò, verum etiam ad regiam dignitatem euehendi, iugumque cum corona, purpuram cum sordido mancipiorum vestitu commutaturi erant. Ità nouit Dominus temperare beneficia pensionibus, & pensiones beneficijs mitigare, vt neque hæc tumorem superbiz generent, neque illæ suprà vires grauent, & obruant.

Perfidi exploratores diuinarum actionum sacri Reparatoris nostri cùm pauperem quandam mulierculam in adulterio deprehendissent, vt malitiæ suæ relam ordirentur, introduxerunt eam ad tribunal præsentiz illius, vt viderent, quid ex iustitia decerneret. Reuocabant autem illi in memoriam legem Moysis, quæ hoc habebat, vt lasciui id genus lapidibus appeterentur. Causa memoracionis legis non alia erat, quam vt nimiz auſeritatis eum arguerent,



guerent, si lapidandam ex legis tenore pronuntia-  
ret, aut certè si absolvendam affirmaret, tanquam  
legirupam, & laxum magistrum calumniarentur.  
Venit ergo ad illum rex, qui audita accusatione re-  
spondit: Cum lex præcipiat huiusmodi homines  
lapidare, quisquis vestrum sceleris purus est, is pri-  
mus saxa rapiat, primus eam appetat, primus rigo-  
rem legis expleat. Confusi eà sententià delatores  
abierunt, alterq; post alterum se subduxit. Sola ira-  
que lugens, ac tristis mulier apud supremum Iudi-  
cem mansit, à quo interrogata, vtrum à quoquam  
condemnata esset, cum à nemine se damnatam di-  
xisset, tunc ille ad eam cum suauì quadam seueritate  
aiebat: *Vade, & iam amplius noli peccare*; Ioan. 8.  
v. 11. noli fidem marito datam posthæc iterum tem-  
erare, noli deinceps perfidiosa esse, noli in poste-  
rum Dei præceptum, quodcunq; illud, temerè vio-  
lare, ac præterire, fieri enim potest, vt iudicem tam  
beneuolum alio tempore non reperiās, neque pie-  
tatem, ac misericordiam tibi tam additam & bene-  
uolentem.

Sanctus Abbas Tuitiensis Rupertus dùm oculis  
hanc percurreret historiam, piàmq; auribus senten-  
tiam hauriret, inquebat: *In vna, eademq; sententià  
misericordia, & veritas obuiant sibi, iustitia, & pax  
inuicem osculantur. Nam quod ait, Vade, misericor-  
dia, & pacis est, quod adiungis, Et amplius noli pec-  
care, veritatis & iustitiæ. Ita iudex acquisitus neq;  
solum iudicium comminatur, neq; solum misericordi-  
am pollicetur.* Digna consideratione est prudens, &  
discreta supremi Iudicis sententià, in qua iustitiæ  
amaritudinem mitigauit suauitas clementiæ, & mi-  
sericordiæ dulcedinem temperauit asperitas seueri-  
tatis. Magnum beneficium fuit, quòd abire iussit  
eam, quæ se inopinatò absolutam vidit, cùm ex le-  
gis decreto pœnam capitis daturam, & atrà saxorum  
nube adobruendam putaret. Quid fecit autem Do-  
minus, cùm illa tam vehementer se absolutam gau-  
deret? Beneficium istud pensione austeræ commo-  
nitionis grauauit, iussitq; *non peccare amplius*, &  
neque solum misericordiam pollicitus fuit, neque  
solum iustitiæ rigorem minatus, vt neque hinc cade-  
ret, neque inde efferreretur animo, nec desperaret  
terrificiore iustitià, neque præsumeret tam  
facilem misericordiam consecuta: *Iudex acquisi-  
tus neq; solum iudicium comminatur, neq; solum mi-  
sericordiam pollicetur.* Hic nimirum admirabilis  
modus est, cùm velut in vnum volumen compingun-  
tur suauitas beneficij, & amaritudo pensionis, vt  
post tam prudens temperamentum nec beneficium

Tom. III.

in superbiam exciter, neque pensio opprimat.

Doctrina hæc momentosa est, & non parum vri-  
litis adferre Politico nostro potest, si ad regulam  
illius suam gubernationem quâ alios moderatur,  
componat. Si solâ in subditos vtatur beneficiâ,  
multæ elationi portam aperiet. Si nonnisi pensio-  
nibus grauet subditos, crebræ desperationi occasio-  
nem ministrabit, & obruet miseros. Beneficia ergo  
vt prudens & discretus, sic erogat, ne superbiam  
generent, pensionibus ita oneret, vt non oppri-  
mant, non extinguant.

## CAPVT II.

*Hic quæ Deus ordinat, & disponit, tam submis-  
se, humiliterq; obtemperare debemus, vt hæc sit nostra  
maxima semper consolatio, quòd scimus ab illo con-  
stituta, quæcunq; patimur, seu toleramus.*

CVM Rachel suam sterilitatem animaduerte-  
ret, videretq; copiosum benedictionis fructum,  
quo Deus sororem illius Liam cumlaret, aiebat  
marito suo: *Da mihi liberos, alioquin moriar*; Ge-  
nes. 30. 1. Hebræus textus apud Caietanum sic ha-  
bet: *En mortua ego, prout iam dudum intolerantissi-  
mè prolem ex te expecto.* Muliebri huic, & leui-  
culæ petitioni hæc Iacob immodicâ, sed iustâ irâ in-  
flammatus respondit: *Num pro Deo ego sum, qui præ-  
stauit te fructu ventris tui?* ibid. v. 2.

Notant hoc loco Expositores, quòd Rachel tam-  
etsi admodum mœsta, & querula, & importuna cum  
istis suis precibus aduenerat, æquanimis tamen abi-  
uit. *Videns Rachel*, inquit Abulensis, *quòd Iacob in-  
stè responderat, redargutionem factam patienter tole-  
rauit.* Ratio autem patienter acceptæ increpatio-  
nis ea fuit, quia Iacob dixerat, quòd causa sterilita-  
tis illius esset non alia, quàm prouidentia altissimi  
Dei recondita. Itaque vbi audiuit, ex Dei ordina-  
tione descendisse suam istam sterilitatis miseriam,  
*patienter tolerauit*, æquanimiter tulit defectum il-  
lius, quòd tantoperè desiderabat, vt se adaptaret vo-  
luntati illius Domini, cui nos semper debemus sub-  
mittere, & accommodare. Id enim debet cordis no-  
stri conquietatio esse, & infrenatio oris, quòd sci-  
mus à prouida maiestate illius ordinari, quæ pati-  
mur.

Postquàm patiens Iob è sublimi throno in sordi-  
dum sterquilinum deiectus, & nudatus omnibus o-  
pum copijs, & orbatus dulcibus liberorum pignori-  
bus, totoque corpore à summo vertice ad imas cal-  
ces vsque conuulseratus, & sauciatus fuit, inimicus

R r r

dæmon,



dæmon, Deo ita permittente, fecit, ut vxor illius seruarietur viua, ut per eam extremum impetum in admirabilem illius patientiam faceret, cuius pauculis verbis adamantinum pectus eius expugnare, & inuictam constantiam euertere posse rabiosus hostis sperabat. Quæ enim marito suo mulier dixit, ea magis à dæmone dictata, quàm ab illa excogitata fuerunt. Venit ergo vxor, & pro eo, ut ærumnosum, miserimèq; afflictum coniugem consolaretur, hæc illi submorsa, & cum stomacho dixit: *Adhuc tu permanes in simplicitate tua! benedic Deo, & morere;* Iob 2. 9. Itane insanire vsq; pergis? Nonné satius fuerit vitæ simul & miseriarum finem semel facere, quàm longam mortem viuere? In morte quippè vitæ quietem reperies, qui dum sic viuis, in agone plusquàm terribili positus degis.

S. Ioannes Chrysostomus in caten. Græc. c. 2. Iob, monet diaboli hic plenum fraudis artificium cognoscere, qui cum flagrans Iobis erga Deum studium proclamaret, haud sinit & xorem contra Deum accusatorem facit stare. *Nusquam Dei mentionem facit, calamitates autem semper tantum miscet.*

Quando ergo murum illum adamantinum præstigiæ peritissimus artifex dæmon per suppetias mulieris omnino semel deijcere cupiebat, fecit ut illa mentionem Dei nullam faceret, sed calamitates tantum solas commemoraret, & infelicitatem extremam, in quam iniquior fortuna illum, ipsamq; vnâ coniecisset, exaggeraret dolorem, luctum, penuriam recenseret, nihilque aliud diceret, quàm quòd lachrymosa tragædia mundi, & probrosissima mundi fabula ambo coniuges facti essent.

Quamobrem verò dæmon, cum sedem in labijs mulieris fixit, hoc astu vsus est, ut non memoraret, quòd Deus esset author illarum calamitatum, & ærumnarum, sed miseras, angustiasque solas referret? Hinc crudelem illius fraudem æstimare licet. Nam cum efferatus hostis agrè ferret, quòd sanctus Iob omnes suas calamitates in Dei voluntatem, tantum earum vnica originem referret, diceretque identidem submisè, ac humiliter, *Dominus dedit, Dominus abstulit, sicut Domino placuit, ita factum est, sit nomen Domini benedictum;* Iob 1. 21. atque ad hanc anchoram misère fluctuantem, & agitatam patientiæ nauiculam inter procellosas persecutionum suarum tempestates alligaret, *nusquam Dei mentionem facit,* cum illum per subsidiariam mulierem oppugnat, ut experiretur, num deijcere illum, & subigere posset, si Dei recordationem ei adimeret, scias seruos Dei in omnibus suis ærumnis, & aduer-

sitatibus non habere aliud solatium, nec asylum, quàm quòd sciant, ex Dei ordinatione omnia, quæcunq; patiuntur, descendere, ut proinde se illi volentes, lubentesq; conforment, miserasque omnes hilariter, ac lætenter excipiant.

Eglon sanguinarius populi Hebræi hostis, grauius Israelitas oppugnabat, quòd quàm illis infensus, tam studiosus esset suæ gentis, & honoris illius. Aod vir strenuus, & robustus edere facinus constituerat, cuius memoria annos mundi exquaret, certumque, ac deliberatum habebat trucidare idololatram Eglon, infestumque Principem occisione delere. Ingressus itaque conclaue illius secretum, vultumque assilulans beneuolentem dixit ei: *Verbum secretum habeo ad te, ô rex;* Iudic. 3. 19. Tunc ille imperauit silentium, iussitque reliquos omnes abire, sedens in æliis cœnaculo solus, ad quem. Aod: Cum soli hic absq; vilo sermonum nostrorum arbitro simus, scire te velim rex, quòd nuntium tibi, nec ex alio, quàm ipso Deo fero: *Verbum Dei habeo ad te;* ibid. v. 20. Audiit hæc Princeps Gentilis, qui statim surrexit de throno suo; ibid. & regio solio.

Quærit Abulensis, cur finxerit Aod, se ferre ex Deo nuntium, cum tamen soli essent, & ipse, quod animo decreuerat, citrà tale commentum, & absq; periculo aliquo suo facile exequi posset.

Respondet, thronum, in quo rex Eglon sedebat, fuisse admodum sublimem, adeò confodere illum, quamdiu sedebat, tam commodè, celeriterque, ut volebat, non potuisse, ac propterea optasse, ut surgeret, quòd confingere, & conficere hominem expeditius valeret. Ergone illi ad surgendum permouendo non habebat aptius remedium, quàm vt diceret, se ex Deo ferre nuntium? Aut si hoc promptissimum putauit remedium, cur non declaratè dixit, quis ille Deus esset, Israelitarumné, an Chananæorum, sed absolute ait, *Verbum Dei habeo ad te?*

Occurrit huic quæstioni Abulensis, inq̃uiens, ut rex ille ad surgendum permoueretur, satis fuisse dicere, quòd ex Deo loqui illi vellet, nec opus fuisse explicatè dicere, quonam ex Deo, Hebræorumné, an ipsius Eglonis. Fortis enim Aod prudenter arbitrabatur, surrecturum illum de solio suo, reuerenterque auditurum, quæ dicere velle simulabat, si modò crederet negotia Dei esse, de quibus cum illo communicatum veniret: *Sine ergo esset Deus Hebræorum, siue Gentis cuiuscunque, rex Eglon ducebat illum dignum honore, ideo non curauit petere cuius Dei esset Verbum illud, sed illico, & ausus, quòd*



erat Verbum Dei, surrexit de throno. Hæc est admirabilis doctrina, quam obseruare merito studiosè debeamus, qui veram supremi benefactoris maiestatem certâ fide nouimus, vt nos conformemus cum diuina eius voluntate in ærumnis, & aduersitatibus, quas in hac vita toleramus. Nam si quidam ethnicus rex simulacrum nomen Dei audiuit, statim de throno suo surrexit, cur homo Christianus, qui scit omnes calamitates, anxietates, persecutiones ex Dei ordinatione proficisci, perq; manum ipsius disponi, ac dispensari, non cum gaudio, & voluptate eas ferat, vt voluntati diuinæ ita se accommodet? Cur non surgat, vt secretæ prouidentię, & dispositioni Dei reuerentiam, quam debet, exhibeat?

Educebat sanctus Patriarcha Abraham filium suum vnicum, & charum Isaac, vt illum Dei iussu immolaret, nec quenquam huius sui propositi voluit esse conscium. Cum omnia præparasset, quæ holocausto necessaria erant, lignisque humeros rationalis victimæ Isaac onerasset, hicq; optimum deesse putaret, aiebat patri suo: *Ecce ignis, & ligna, ubi est victimæ holocausti?* Genes. 22. 7. Commouit amantissimi patris viscera curiosi filij quæstio, cui respondit: *Deus prouidebit sibi victimam holocausti, fili mi;* ibid. v. 8. non te hæc cura sollicitum habeat. Cum hæc pater diceret, & filius auscultaret, pergebat pater, quod sacrum oraculum ijs verbis monet, & sanctus senecio quidem ignem, obediens filius autem ligna portabat.

Quid est, quoddam Isaac non plures patri quæstiones mouit, sed humiliter, demissèque sua ligna ferens, prosecutus iter suum fuit?

Respondet S. Ioannes Chrysostomus homil. 4. in c. 1. ad Corinth. 2. *Vi Dei nomen audiuit, nullum ultra Verbum addidit, nec curiosius quicquam inquisit, & adeo prudens erat hic puer.* Vbi à patre accepit, quod Deus holocausti offerendi victimam suâ prouidentia procuraturus esset, ne mu quidem amplius dixit, nec interrogandum aliud quidquam putauit, sed viâ, & patris sui vestigijs insitit: *Vi Dei nomen audiuit, nullum ultra Verbum addidit.* Hic seruorum Dei mos proprius est, & consuetudo eorum, qui illi famulari, & per omnia placere student, vt cum sciunt ab eo aliquid fieri, ordinari, constitui, non obloquantur, non repugnent, non interrogent, sed inclinent ceruicem, demittant humeros, accommodentque se voluntati talis Domini, qui tam sapienter nouit omnia disponere, vt ea ad maius bonum nostrum, & vtilitatem cedant.

Hæc medicinâ putat magnus Tertullianus ægri-

tudines nostras omnes curari, ac sanari posse, quod lib. de Penit. c. 4. hac tam graui, & profundâ verborum formulâ expressit: *Nec pluribus de obsequij exhibitione debita à nobis Domino Deo; hoc est, nolo multum laborare, ac defatigari in conquirendis remedijs, & monitis, quibus Christiano persuadeam, & aperiam quantum teneatur magnam in omnibus ærumnis, & persecutionibus ostendere patientiam: Satis enim agnitio Dei, quid sibi incumbat, intelligit; sola Dei cognitio satis est, vt quantamvis calamitatem æquissimo animo feras.* Subiungit autem quædam verba, quorum non est facile obuius sensus: *Quum ergo Dominus omnium bonorum & demonstrator, & acceptor Deus, quis de bono eius late retractet? Per qua in expedito, & quasi in præscriptionis compendio & commendatio, & exhortatio de patientia constituta est.* Hæc ille, tanquam diceret: Suppositâ agnitione Dei, qui ipse nobis attulit eam cognitionem tanquam dux, & quidem vt dux, & causa omnis boni, non est necessarium multum laborare, vt exhortemur, & permoueamus ad æquanimitatem ærumnarum, & calamitatum tolerantiam, per hanc enim cognitionem, nempe quod Deus disponat, & ordinet nostras calamitates, infelicitates, & aduersitates, facile peruenitur ad tolerantiam, obtineturque patientia, idq; magno viarum, & laboris compendio, quod Tertulliano præscriptionis compendium dicitur, plurimumque torsit, ac delassauit ingenia Interpretum. At posito, quoddam Tertullianus fuerit consummatissimus Iurisconsultus, vt constat ex varijs allusionibus ad Ius, quibus conspersa sunt ipsius scripta, si etiam statuamus, quoddam eo verbo præscriptionis quoque ad idem ius alludat, facilem reperiemus istius sententiæ explicationem. Nomen præscriptionis, vt affirmat Alexander Scorus in Vocabular. Iuris, verbo *Præscriptio*, aliquando idem vallet, quod *exceptio*. Exceptio autem est, cum quis se defendit, retorquendo in accusatorem crimen, quod ipsi impingere conabatur. Itaque *Exceptio, & Præscriptio* quoddam velut scutum sunt, quod arripiens reus tuetur se aduersus æmulum suorum calumnias, eodem illos gladio feriens, quo ipsum fauciare volebant. Hoc ita constituto dicit Tertullianus, quoddam per Dei cognitionem in expedito, & quasi in compendio præscriptionis exhortatio de patientia constituta est, velut apertius dixisset: Vt homo amplectatur patientiam, vt viâ compendij vtatur, vt clypeo se aduersus omnes inimicos muniat, satis est nosse, quoddam Deus sit ordinator, & adornator aduersitatum, permittatque persecutiones. Nam si tanta



fuit Pythagoræ apud suos discipulos autoritas, vt cum illud tantum audirent, *Magister dixit*, statim acquiescerent, seq; conformarent illius dictis, & iussionibus, & neque repugnarent, neque causam inquirerent, satis namque erat illum dixisse, aut mandasse, vt exemplò executioni mandaretur: Si homo quidam tantam sibi comparauit apud homines alios naturæ conditione pares existimationem, cur inferiore loco sit Dominus apud suos seruos, Creator apud creaturas, Redemptor apud suos captiuos?

Quando Politicus noster in procelloso mari huius mundi iactatus fluctibus variarum persecutionum, & aduersitatum deplorarit suam miseriam, hanc semper cynosuram respiciat, hanc animo cogitatione voluat, quod omnia disponat supremus ille Vniuersi gubernator, vt tametsi fluctuet vt homo, vt Christianus tamen non naufraget, scit enim quod summus Creator, & pater non possit errare in sua gubernatione, & quod ponat quemq; in eo statum, in quo ipsi commodius placere, & seruire queat. Ità ex tribulationibus merita sibi comparabit, si Domini sui voluntati humiliter se conformarit.

### C A P V T III.

*Si in domo Dei parum fortè proficimus, id fit quia parum ei seruimus, vt enim quisq; seruit, ita & proficit.*

**C**VM se Rachel diuinæ dispositioni, & ordinationi submisisset, & accommodasset, rogauit maritum suum, vt matrimonio iungeretur ancillæ cuiusdam suæ Balæ, vt vel ex illa acciperet liberos, quos posset vocare quoquo modo proprios, idq; pro solitudine etiam quæ illorum rectam educationem, institutionemq; honestam curatura esset. Concessit precibus Rachelis suæ sanctus Patriarcha, & coniugium cum Balâ iniit, ex qua filium habuit, qui vnius tribus è duodecim caput, & Dan dictus fuit. Ingresso ad se Siro concepit, & peperit filium; Genes. 30. 4. Sanctus Ioannes Chrysostomus ait: *Didicit manifestè per ancillam, quod Iacob non fuit in causa, quare liberis careret*, verum suo potius vitio id accidisse. Et quanquam eiusdem veritatis experimentum plusquam vnum apud sororem viderat, demum tamen, cum etiam famulam concepisse ex marito conspexit, omnino quod res erat, intellexit. Cum enim sterilitatis causa tam vir, quam mulier esse possit, duplici hoc experimento Rachel ed adducta fuit, vt se esse causam illius defectus indubitatò crederet. Est hæc præclara imago eius, quod supero

Sponsus cum animabus accidit, quæ sæpè conqueri solent, quod pauciores gratias, beneficiaq; rariora, quam se promereri præsumunt, ab ipsius munificis manibus accipiant, neque considerant, id sibi euenire, quod Racheli cum Iacob. Quod enim non sunt fecundæ, & non augescunt, neque proficiunt, id non Sponsi, sed spiritus illarum non satis culti, & dispositi vitio accidit, si enim illæ se magis aptarent, studiosiusque præpararent, Deus liberalius se illis communicaret. Quod respiciens Sanctus Laurentius Iustinianus lib. de triumph. Christi agone c. 11. § 1. ait: *Dei amor igni merito comparandus est, quod enim crebrius agitur, vehementius inardescit, nunquam ex sua natura (dummodò materia non deficiat) ardere desinit.* Nunquam cesset anima officiis domereri suum Sponsum, sic ille nunquam cessabit eam ditare, & honorare. Amoris ignis ex se nunquam deficit, nostrâ culpâ sæpè extinguitur, cum bonorum operum vsu, & exercitatione virtutum à nobis non nutritur.

Regnum coelorum celestis Magister diligenti agricolæ comparat, qui bonum semen in agro suo seminauit: *Cum autem dormirent homines, quos custodes agris deputarat, venit inimicus eius, & superfeminauit zizania in mediis tritici, & abiit.* Matth. 13. 25. Per istum agrum, in quo impiger agricola Christus seminauit bonum verbi sui diuinum semen, intelligunt Expositores cor humanum. Ità venerabilis Beda, Hugo Cardinalis, Guilielmus Ebroicensis, Guido Carmelita, Ioannes Mayronis, & alij multi. In hoc cordis agro audis rusticola Christus seminat triticum, vt bonorum operum opimos fructus, & vberem messem proferat. Per zizania autem volunt significari malas cogitationes, quas diabolus superfeminat, vt boni seminis fruges viciet, ac solliciti agricolæ diligentiam, vigilantiamque ludat.

Dives ararium prædicabilium subtilitatum S. Petrus Chrysol. acutè notauit vocabulum, quo Dominus nominauit perniciosum laborè astuti demonis, cui homo suâ oscitantia, inertiaque, & negligentia otium permittit, & tempus, vt zizaniorum iniectu stragem tritico afferat in agro cordis: *Superfeminauit*, inquit, *non seminauit.* Cur tali cum animaduersione, & cautione loqui Dominus, & superfeminasse demonem potius, quam seminasse dicere voluit? Vt intelligamus, inquit Chrysologus, quod *precedunt Creatoris bona, mala diaboli postsequuntur, et malum, quod est ex diabolo, sit accidens, non natura.* Superfeminasse itaque nociuam, & pe-

Silentem



silentem herbam fertur nocendi artifex diabolus, ut hinc acciperemus, quod Dominus salubri semine agrum nostrum ante inspergit, quam ille inimicus zizaniorum admixtione incommo- daturus adueniat, quodque per nostram incuriam, & desidiam, & torpentem somnolentiam fiat, quoties pernitiabilem peccati herbam in nostris animabus callidus dæmon serit, à Domino autem tam diligenter, ac sollicitè profectus nostros expeti, & curari, vt bonum nobis contulerit, antequàm malum adueniat. Certe si nos ipsos, vt decet, & debemus, disposeremus, nunquàm intermitteret Dominus nos ornare, & cumulare beneficijs, quæ desideramus.

Hac de re sic protestatus fuit Deus populo suo apud Prophetam Zachariam. Plectebat Dominus illorum offensas, & flagitia, illi verò rustici, & cæci dabant quærimonias, quod minus liberalis ergà ipsos esset, quàm sperarant, & solito parci- or. Huic tam iniustæ expostulationi satisfacit respondens: *Contracta est anima mea in eis, siquidem anima mea variavit in eis; Zachariæ 11. 8.* velut dixisset: Ito, Propheta mi, & dicit, quàm obrem istas contra me querelas iaciant, parcumque me, ac tenaces, neque tam effusum, vt olim, clament, non cogitan- tes, ab ipsorum ingrati- tudine venire quod liberalitas mea stagnat, & contractioribus sum manibus.

Aquilæ translatio aptissima est rei præsentis, & sic habet: *Mutilata est anima mea in eis; hoc est, per uicaciam illorum cordi meo suas detruncavit manus. Audiamus hic doctum quandam amplifican- tem: Mutilata est anima mea in eis, hoc est, ingrati amor meum ergà illos ferè prodigum præciderunt, ac beneficentissimi animi. Velut manus beneficiorum admini- stras præcuto ingrati- tudinis ferro amputarunt.* Hæc Benedictus Fernadus in cap. 30. Genes. sect. 5. n. 2. velut pluribus dixisset: Eram ego in illum agrestem populum tam prolixus, vt profusi incurrere notam possem, generosum pectus, & liberale cor meum quasi mera, & multiplex manus, eaque tota in erogandis beneficijs sic erat, vt ab illo gratissimo exercitio nunquàm feriareretur, aut con- quiesceret. Et quando ego munificus ergà ipsos quàm maximè eram, & immensas opum copias inexhaustorum thesaurorum meorum plurimùm ostentabam, tunc illi cæci, & perditè flagitiosi in suæ ingrati- tudinis igne, & incude fabricabantur gladium, quo mihi largas istas manus succiderent. Itaque si conqueruntur, quod velut absque manibus sum, quibus dem, cur non animaduertunt, quod ipsi mihi eas demutillarunt suâ

ingrati- tudine, & inurbanitate, vt propterea cordis mei liberalitatem in illos exerere, & exercere nequeam? Quod enim Dominus nonnūquàm minus est munificus ergà suorum animas, id sit, quod illi prætermis- sâ deditâ vrbani- tate non satis decen- ter respondeant, & vices, quas possunt, ac debent, non rependant. Nam vt insigne Hispanensium decus A- rias Montanus in eiusdè loci cõmentario ait, *diuina ergà homines tutela, & cura non ante remittitur, quàm ab ipsis, quàm obrem remittatur, commissum fu- erit.* Nunquàm Dominus beneficii operam de- ponit, si satisfaciendi studium, ac sollicitudinem ho- mo non abijciat.

Redierunt nuntij ad Iacob, quos ille ad fratrem suum Esau ablegarat, vt eum reconciliarent, quem ob præreptam benedictionem grauitè offensum, & insensum perimescebat, sollicitique, & consternati dixerunt: *Venimus ad Esau fratrem tuum, & ecce properat tibi in occursum cum quadringentis viris, (Genes. 32. 6.)* ijsque armatis, nec alio consilio, quàm æstimare possumus, quàm vt te inuadat, ferroque exanimalem faciat. Cum hæc tristitia noua sanctus Patriarcha accepit, extemplò se ad atylum orationis recepit, ne malè offensi fratris rabidus illu- lum furor comprehenderet. Affusus autem terræ has Deo preces fundebat: *Deus patris mei Abrahæ, & Deus patris mei Isaac, Domine qui dixisti mihi, Revertere in terram tuam, & in locum nationis tui, & benefaciam tibi, (ibid. v. 9.)* & nouas gratias non angustâ manu, sed pleno sinu affundam. Nihil minus ego quidem promereor, quàm tantam tuæ beneficentiæ largitatem, sed non idcirco prætermittes pollicitationi tuæ satisfacere, & regionum verborum tuorum fidem liberare, meque à fratris mei præcipiti, & cæcæ ira vindicare. Hæc postrema verba huc faciunt, quæ in textu nostro vulgato sic habent: *Minor sum cunctis miserationibus tuis; ib. v. 10.* hoc est, ingenuè fateor, me infinitè inferiorè esse tuâ in me pietate, & prolixitate.

Cardinalis Caietanus ait, verba illa ex Hebræo, si latinitas admitteret, sic posse verti: *Me minorauis, siue inhabilem, incapacem, ineptumque tuis beneficijs feci, & exilius, atque angustius vas apparui, quàm vt liberalitatis tuæ ampla dona capere possit.* Addit autem Caietanus, esse illam humilitatem, & agnitionem theologicam, cum homo se minorem reputat, neque tam capacem, quàm beneficentiæ Dei largitas, gratiarumque illius amplitudo requirit: *Sumus siquidem impares diuinis beneficijs, & ipsam imparitatem nos ipsi effecimus, tum minus præ-*



parando, ac disponendo nos ad suscipienda, tūc minus respondendo accepit. Neque humeri nostri sunt ferendo pondera beneficiorum Dei, nec vires illis pareres, sed hoc inde nascitur, quod humeros ipsi debilitamus, & vires ipsi frangimus, ac comminuimus, & capacitatem nostram angustamus, dū neque dignē ad ea excipienda nos componimus, neque vices mutuas, quas possumus, reddimus. Quare si vas est angustum, si humeri infirmi, si capacitas stricta, & angusta, dicere potest, ac debet homo: *Me minoraui*, arctavi me egomet, & contraxi, exigua mea, nec satis bona dispositio fecit, quod non plura beneficia sum consecutus. Defectus ex homine totus est, ex Deo nullus.

Sacrilegus ille, & excommunicatus Discipulus nocte supremæ cœnæ aderat, vt sacramentum Corporis dominici, hoc est, innocentem Agnum sanguinarius lupus acciperet. Urgebat illum infernalis cupiditatis perfidiosa anxietas, sic vt velocissimum instans longis sæculi spatijs par illi videretur, adedq; cū accepisset buccellam, mit dem Bistle noch im Mauth exiit continuē (Ioan. 13. 30.) tam certum, deliberatumq; habens cogitatum suum opere persequi, & conceptam adornare proditorem, vt neq; horribiles noctis tenebræ infrenare illum possent: *Erat enim non* (ibid.) tunc, cū à sacra mensa ad nefandissimum scelus deproperabat.

Preffit diuinus Venetorum Protopatriarcha sanctus Laurentius Iustinianus illud, quod Euangelista ait: *Exiit*; abiit sponte sua, & excessit iniussus. Cū cœlestis Magister exturbare illum è sacro conuiuio, & postquā in statu peccati mortalis de arbore scientiæ, & vitæ comederat, è diuinæ præsentiæ suæ paradiso eicere potuisset, patientissimè tamen tulit, & secum in suo contubernio morari permisit, donec ipse execrabilis proditor sacrilegè ingratus tergum obuertens abiit. *Non se absentauit Christus* (inquit ille de triumphali Christi agone cap. 1. §. 11.) *neque sacrilego suam denegaui præsentiā. Omnibus præsens est, & communicet se. Proditor tamen ipse secessit.* Non reliquit proditorem Discipulum pius Magister, sed beneuolentem patrem tri-nequam apostatam destituit, & à mensa Domini sui monstrum flagitiosi hominis ad proditorem contendit. Si ille curari optasset, ad manum fons salutis erat. Si penitentia peccatum suum damnare voluisset, origo omnis gratiæ coram aderat Christus, promptus liberalissimè condonare noxam, quam ipse perpetrasse doleret. Omnia hæc eò dicta sunt, vt hinc omnes intelligamus, quanta sit Domini (qui

erga hominem, hominum, quorū nati, ac nascituri sunt, nefandissimum, & infamissimum tam largus fuit) munificentiā erga eos, qui sese gratiæ ipsius donis aptant, & animarum suarum spatia dilatant, sinus expandunt, domos extendunt, vt beneficiorum illius ingentes cumulos, & maximam copiam excipere possint, quorum communicandorum flagrantissimo ille semper desiderio ardet, & æstuat. Disponat ergo se creatura, præparet seruus, respondeat famulus, tam immensus Creator enim, tam amans Pater, tam beneuolus Dominus nunquā soluendo cambio deest, nunquā mueri gratiam violat, nunquā commercium, communicationemq; dirimit, nunquā vices pares prætermittit.

## CAPVT IV.

*Fidere summam causam, & negotium saluationis studio alieno, est velut fouere, aut refocillare vulnus, sed non querere sollicitudinem eius curationem.*

Cū sterilitatem suam Rachel cognouit, intellexitq; à superiori dispositione & prouidentia fieri, quod infœcunda esset, remedio, quod diximus, vsa, famulam Balam viro suo coniugem dedit, vt hæc marito prolem gigneret, quam parere ipsa non poterat. Dicebat ergo: *Habeo famulam Balam, ingredere ad illam, & pariat super genua mea, & habeam ex illa filios*; Genes 30. 3. Expositores inquirunt, hoc fecisse, vt anxius illius animus vel nonnihil respiraret à mœstitudine sterilitatis, & liberorum vehementissimo desiderio. *Habuit aliquomodo, pariente ancillā, & breuem consolationem*, inquit sanctus Ioannes Chrysostomus, Accidit vt conciperet, & pareret ancilla. Habuit Rachel suam inde volutulam, sed perbreuem, habuit suam inde lætitiā, sed exigui ponderis, & leuem. Liberi enim, quos aliorum dolor enixus est, quique diligentia alienæ sunt partus, parum eis conferunt, qui non ipsi conceperunt, & pepererunt. Et omne vniuersum solatium, ac gaudium, quod nritur labore, & sudore alieno, parum stabile est, & parui momenti, & modicæ utilitatis: *Habuit aliquomodo, pariente ancillā, & breuem consolationem.* Et cū communiter per liberos significentur opera, docetur hic Politicus, qui in cœlum aspirat, vt ad hunc finem vltimum consequendum, puret solis operibus bonis, & meritis peruenire non posse alienis, nisi adiungat labores, & sudores proprios. Nunquā enim quis arctam viam, quæ fert in vitam æternam, pedibus tantum conficit alienis, nisi suis etiam eò contenderit.

Idole.



Idololatriæ scelus commisit contumax ille, & ob-  
stinatus populus, cœcusque adorauit idolum quod  
figuram vituli præferebat, cuique cultum supremo  
Numini debitum exhibuit. Agebat per id tempus  
in cacumine montis sanctus Moyses, quando ei Do-  
minus ingrata plebis pudendum flagitium indica-  
uit. Descendit curarum plenus, iratusque valde pro-  
iecit de manu tabulas, & confregit eas ad radicem  
montis, Exodi. 32. 19. Erant eæ tabulæ lapideæ, in  
quibus deferebat legem manu ipsiusmet supremi  
Legislatoris scriptam. Vt nihil venustatis his tabu-  
lis decisset, ipse eas expolire voluit, qui & decalogum  
illis exsculpsit. Sic enim habes ibidem v. 15. & 16.  
*Reuersus est Moyses de monte portans duas tabulas  
scriptas ex utraque parte, & factas opere Dei. Digi-  
tus Dei pro scalpro fuit quo in lapide decalogum  
exlauit. Placatus Dominus Moysis precibus, &  
vindictâ, quæ de illa infami adoratione sumpta fue-  
rat, decreuit renouare legem, & ait gratio suo :  
Præcide tibi duas tabulas lapideas instar priorum, &  
scribam super eas verba, quæ habuerunt tabula, quæ  
fregisti;* Exodi 34. 1.

Dubitari hic potest, quamobrem Dominus, qui  
antehæc tam comis, & humanus erga populum fue-  
rat, tamque ineffabili gratiâ eum dignatus, vt ipse  
illi concinnaret lapides, in quibus & sculpsit decalo-  
gi legem, nunc Moysi eam operam commendauit,  
præcepitque, vt ipse cæderet, leuigaret, perpoliret  
nouas tabulas, in quibus exlanda lex esset. Certè  
non fuit sic defatigatus Dominus ex confectis pri-  
mis tabulis, vt non manserit illi brachium sanum,  
quo posset adaptare nouas. Cur ergo Moysen vo-  
luit hoc lapideæ munus obire?

Respondet Nicolaus Lyranus in cap. 34. Exodi :  
*In primis tabulis Moyses nihil fecit, in secundis verò ip-  
se disposuit materiam dolando, quæ sicut alias frege-  
rat, iustum fuit quod istas dolaret.* Docuit nos hac  
re mysticè Dominus, quod ipse ille resarcire debe-  
at damnum, qui intulit. Itaque & Moysi dicere vi-  
detur : *Fregisti tabulas? Præcide ergo, tuoque sum-  
ptu, labore, studio, industriâ para alias.* Tantundem  
dicere possumus cuius homini Christiano : *Fregisti?*  
*Violasti tabulas legis? Rupisti suæ iugum manda-  
torum dominicorum? Præcide itaque, & refice hoc  
damnum tuis impendijs, contende cor tuum malleo  
penititudinis natæ de offensis, quibus illum Domi-  
num offendisti, cui tanta debes. Nam quod tu ta-  
bulas fregeris, alius autem damnum resarciat, quod  
tu malum egeris, & alius id luat, neque tu pro illius  
abolitione quodcunque studij, siue diligentia im-*

pendium facias proprium, stulticia est manifesta.  
Quisquis legem præceptis violat, idem malum dilue-  
re penitens debet.

Rursùm pro fulcimento huius tam momentosæ  
veritatis debet esse nostra formosa Rachel. Misera-  
tus Dominus illius dolorem, quem patiebatur, &  
probrum, quo affligebatur, cum sororem suam tam  
fecundam, se verò tam sterilem videret, clauis pie-  
tatis suæ aperuit fores fecunditatis, quam illa eni-  
xè, avidissimèque expetebat. Id sacer Scriptor ita  
memorauit : *Recordatus Dominus Rachelis exaudiu-  
it eam, & aperuit vuluam eius;* Gen. 30. 22. Plu-  
rimas illa fuderit lachrymas inter tam diuturnos  
cruciatos, quos illi sterilitatis opprobrium adfere-  
bat. Verùm notandum, quod sacrum Oraculum  
quidem refert, exauditas fuisse à Domino preces  
Rachelis, facillè tamen esse & cogitare, & credere,  
quod Iacob quoque Dominum assidue, vehementer-  
que obsecrauerit, vt vxori suæ concederet fecundi-  
tatem, & adimeret ignominiam, quâ vexabatur, ste-  
rilitatis. Quam in rem Doctor Honcala ita : *Nec  
dubium, quin Iacob, cum esset vir bonus, Dominum  
quoque pro obtinenda dilectissimæ vxoris fecunditate  
summis votis sit precatus. Quod si ita est, quid causæ,  
quod Scriptura tam alto silentio inuoluit obsecrati-  
ones sancti Iob, & solarum Rachelis precum memi-  
nit?*

Occurrît huic dubitationi grauis ille auctor, in-  
quiens : *Enimverò non sine causa Iacob precatio ta-  
cet, Rachelis autem aperte insinuat, videlicet &  
vel hinc constet, quantum oratio propria præstet alienæ,  
nam quamuis precibus adiuuemur alienis, nisi nostris  
conspirem, valde raro experita consequemur.* MY-  
sterium ergo habet, quod S. Moyses tacitas præterijt  
Iacobeis Orationes, solasque Rachelis scripto euul-  
gauit preces, quas illa pro impetrando fructu bene-  
dictionis fudit, (tamen si probabile sit, quod Iacob  
nihil eorum, quæ ad hanc rem obtinendam facere  
posse putauit, prætermisit) vt hinc patam fieret,  
quantum studia propria antecellant alienis. Tam-  
en si enim ex certa fidei regula id semper & credere,  
& fateri oporteat, quod opem nobis, auxiliumque  
accescere debeamus & ab orationibus, quas viri Deo  
chari fundunt, & ab operibus bonis, quæ faciunt, il-  
lique tantopere placent, credimus enim communi-  
onem Sanctorum : Monemur nihilominus illo Ra-  
chelis exemplo, quanti referat, quod vnusquisque per  
se curet diligenter facere, quæcunque ad impetran-  
dum fructum benedictionis bonorum operum sunt  
conducibilia, parum enim obtinent studia aliena, nisi  
accedant



accedant nostra propria: Nam quamvis precibus adiuuemur alienis, nisi nostris confitemur, valde raro experita consequamur.

Sacer Cantor in quodam Psalmo loquitur de vocis diuinæ prodigiosa efficacia, deque omnipotente illius virtute, cuius ille cum in alijs rebus, tum in hac maxime faciat ostentationem, quod florentem frondosarum, & sublimium cedrorum, quidem Libani, elegantiam, gratumque virorem in frigidos cineres vertat. Psalmo 28. v. 5. de hac re sic habet: *Vox Domini confringentis cedros, & confringet Dominus cedros Libani.*

S. Basilus Magnus iubet animadvertere geminationem eiusdem vocis in paucis verbis, quibus ait, quod valida irati Numinis vox comminuit proceras cedros, non quasuis, sed eas, quas mons Libanus alit: *Non omnes cedros confringit Dominus, sed montis Libani tantum*, inquit ille in commentario eius Psal-  
mi.

Secundum hæc quæri potest, cur vox Dei indignabundi magis infesta sit cedris Libani, quam alijs, illarumque excidio magis intenta, quam harum, quando in istis arboribus (ut & hoc obiter, & velut in transitu memoremus) significatur certum quoddam genus hominum, quos huius tam excelsi montis proceræ cedri symbolicè referunt.

Respondet interrogationi magnus Pater, inquit: *Appellari merentur cedri Libani, quod aliena subnixi altitudine intempestiuo gaudio diffunduntur.* Quando arbor, quæ in humili valle sita est, sublimis erigitur, & in magnam altitudinem suis incrementis exurgit, videtur nonnihil causæ habere, ob quam gloriatur: Verum quod illa suam celsitudinem iactet, quæ in montis cacumine est collocata, vanissimè gloriatur, & stultè se iactat, volens sibi attribuere celsitudinem velut nativam, & propriam, quam ab editore monte habet mutuatiuam: Velut de nihilo arrogans esset pygmæus, siue nanus, qui vasti gigantis humeris insitens, se turrem putaret, cum tamen altitudo illa istius proceri hominis sublimibus humeris debeatur. Quod ergo sanctus David ait, *Confringet Dominus cedros Libani*, perinde est, ac si diceret: Quos vox Domini confringet, & comminuet, ij sunt, qui velut cedri Libani altitudinem sibi arrogat alienam, & quam aliunde habent, suam putant eminentiam: *Qui enim se rebus ingerrant alienis, & per eas sibi conciliant, & adferunt superbiendi occasionem, ij sunt cedri Libani*, inquit magnus Ascetarum Patriarcha. Non omnes cedros destruit Dominus, sed eas tantum, quæ sublimita-

tem sibi adscribunt alienam, & eminentes videri volunt impendijs celsitudinis aliorum. Arbor, quæ suis augmentis erigitur, quæ suo studio frondes sibi parat, quæ cum supernæ irrigationis adiumento vitæscit, & pinguedinem, fertilitatemque suam suo labore acquirit, & conseruat, huic Dei vox benedictiæ, & manus applaudit diuina. Tale autem est, quod dicitur, nimirum qui saluari, & cælo inferri humeris velit diligentia alienæ, eum à consecutione beatitudinis tam futurum alienum, & remotum, ut sit potius destruendus omnipotentibus iusti, & rigidi Iudicis manibus. Nostra opera, nostra studia sunt quæ Dei fulta fauore, & auxilio debent conficere coronam, & quietem nobis parere sempiternam.

Extranea, & singularis, verum peropportuna mihi videtur causæ præsentis quædam mellisui Docto-  
ris commentatio, quæ exponit illud Ioannis 6. 54. *Nisi manducaueritis carnem filij hominis, & biberitis eius sanguinem, non habebitis vitam in vobis.*

De his ait sanctus Bernardus serm. 3. in Psal. 99. ita: *Loquebatur de penitentia ipsa Dominus, sed in figura, de penitentia, inquam, quam facere omnes debemus, quam Scribis, & Phariseis tunc quidem, sed nobis simul commendabat. Sed quid hæc commune habent? Quid connexionis est inter vtraque illa, ut Pharisei moniti de periculo intermixtæ sumptionis corporis, & sanguinis dominici, simul iussi fuerint agere penitentiam? Respondet Bernardus: Manducare eius carnem, bibere sanguinem, est communicare passionibus eius, & eam conuersationem imitari, quam gessit in carne. Verum meo iudicio magna est proportio penitentia, & comestionis, quam sic expono. Sunt quæ homini utilitatem adferant, tametsi manu, & operâ curentur aliena. In multis rebus id videre licet. Potest enim quis alteri facultatem dare, ut ipsius nomine exigat, & recipiat pecuniam, debita, & his similia. Potest manu aliena conficere suum negotium, obtinere causam (ut sit quotidie) studio, & curâ aliorum, aduocatus namque, & procurator, & reliqui causidici adhibent industriam, sollicitudinem, laborem, & alius refert commodum. Verum ut homo viuat incolumis, id fieri non potest, nisi ipse bibat, & comedat, & si hanc diligentiam propriam prætermittat, diu sanus viuere citrà miraculum non potest. Nam si quis stomacho lethaliter nauseabundo iussus à Medico cibos capere, diceret, velle hunc laborem alteri commendare, eumque rogare, ut pro ipso cibos sumat, & comedat, tum quæreret, satissè hoc esset? perspicuum est, quod Medicus phrænesi laborare hominem, ca-*

ptumq;



peumq; iudicio rationis pronuntiaret eum, qui tale quid interrogaret, qui enim ipse non vescitur, viuere diu nequit. Sic ergo nunc dicit cœlestis Magister: *Nisi manducaueritis, non habebitis vitam in vobis.* Quod respiciebat autem hæc dicens? *Loquebatur de penitentia*, idque sub metaphorâ manducationis, & bibitionis, perindeque fuit, ac si dixisset: Vt qui per se non comedit, non habet in se vitam temporalem, sic nec vitam æternam obtinebit, qui per se non agit penitentiam, qui propriam suam ad hanc rem non vertit diligentiam, sed omnia labori, & studio credit, committitque alieno.

Ælianus de varia historia lib. 4. cap. 1. cum varios diuersarum gentium mores refert, de Biblijs hæc narrat: *Biblij in Graeci inciderunt in aliquid, nihil tollunt, quod non posuerunt, non enim hoc inuentum, sed furtum arbitrantur.* Vix eam alibi hodie videas consuetudinem, vt homines, si in aliquid inciderint, non tollant, quod non posuerunt. Quod Biblij olim faciebant, idem in domo Dei inuolabiliter obseruari sacra Biblia nos docent. Mos enim illius domus sempiternus hoc habet, vt nemo quidquam tollat, quod non posuerit, nemo quietem æternam obtimeat, qui non suâ diligentia, defatigationeque sibi eam pararit. Nam vt sanctus Domini Benjamin Ioannes ait, cum de mortuis loquitur, qui inter dulces Dei amplexus feliciem huius mortalis vitæ periodum concludunt, ij propterea sunt beati, quia inter labores, virtutumque & bonorum operum exercitationes pensum ærumnosæ vitæ absoluerunt. *Opera enim istorum*, inquit, *sequuntur illos*, Apoc. 14. 13. Vbi alia litera habet, *Famulantur illis*, suntque eorum velut anteaambulones, qui omnia per viam submoueant difficultatum impedimenta, vt expediti ineam æternam expetitur patriæ quietem.

Multi sunt, qui, quod fieri nequit, similes esse velent arboris, quam *Alfonsigo* vocant, egoque in loco, qui *Gerasa* dicitur, & duobus miliaribus Madrito abest, cum stupore non paruo vidi. Sunt duæ id genus arbores, quæ se mutuo spectare semper debent, vt fructus edant, non secus ac Palmæ, quarum radices confertæ suo quodammodo copulantur matrimonio, alteraque mascula est, foemella altera. Sed hoc in prioribus arboribus penè incredibile notatur, quod illarum vna flores producit, alera fructus. Rarum certè, & quod nescio an in alijs aliquibus totius mundi arboribus animaduersum fuerit.

Tale quid multi videntur optare, vt sibi eueniat, nempe vt ipsi flores proferant, vt in floribus morari, & tradere se voluptatibus, oblectationib; obambu-

lationibus, delitijs queat, alij fructus penitentiae producant, ieiunent, vigilent, carnè afflicti, & cū suis concupiscentijs crucifigant, ac mortificent. Verum sanctus Ioannes monet, vt ne quis ita desipiat, neque tam stultum cogitatum admittat. Loquens enim cum peccatoribus, qui caducos vanarum voluptatum amabant & consecretantur flores, sic eis aiebat: *Facite ergo fructus dignos penitentiae*; Lucæ 3. 8. Notate in his illud, *Ergo*, quod legitimæ, talisque consequentiæ est nota: Vos florem tulistis voluptatis, ferte ergo & fructum penitentiae. Delitias namque, in quibus vestra caro fuit, castigare debent vestra lachrymæ, contrariumque sibi persuadere, insignis amentia est. Vt enim parum gaudij tibi adfert voluptas alterius, quâ tu cares, parumque tibi conducit lætitia alterius, cum tuum animum tristitia occupatum habet: Sic exigua tibi vtilitatem adducet, quod alter ferat fructus penitentiae ad expianda tua peccata, quando tu in horto lasciuie carpis flores voluptatum corporearum, & carnalium oblectamentorum. Hæc est stultitia, quâ multas animas vaser dæmon dementat, illustrium præcipue, & in magnis delitijs viuientium virorum, ac mulierum, qui quod in monasterijs Religiosi corpus flagris, ipsorum rogatu, cadunt, & ieiunijs emaciant, rem suam totam consecram, bonamque causam apud tribunal Dei se habituros arbitrantur, cum interim nullum sit pratum, vt est apud Sapientem, quod luxuria eorum non pertranseat, nullum viridarium, vbi non suas consecretur delitias, non expleant concupiscentiæ suæ malas voluptates. Benè, sanctæque factum, quod alij nos Deo commendent, at si omnia diligentiae credimus, & relinquimus alienæ, necessum est vt nos delusos inueniamus, & deceptos, mandata enim Dominus, vt qui tabulas legis fregit, idem ipse reparet, quod eiusmodi est, ac si diceret, vt qui peccat, pro seipso per seipsum penitentiam agat, si vitam vult consequi æternam.

*Tomo 2. Periochâ II. Dom. V. post Pascha pag. 61. o. habes multa in hanc rem, tum & alijs in locis Tomi I. ad finem eiusdem Periochæ subnotati.*

## CAPVT V.

*Soli ex omnibus dominis supremo seruire & maxime debemus, & facillime possumus, nemo enim illi seruit, qui non proficiat, nemo placere studet, qui non augeat.*

**N**on sine speciali mysterio dicebat Angelicus paranympus, qui à supremo Patre luminum



Intemeratissimam Virginem legatus veniebat, illam, qui intrā purissima viscera eius concipiendus erat, præter alia magna hoc quoque habiturum, ut regnaret in domo Iacob. Voluit autem hoc nuntio indicare, diuinum Reparatorem communi omnium bono, & vniuersali remedio cunctorum nasciturum, quod præfiguratum in domo Iacob fuit, in qua, ut iam iam videbimus, omnes profecerunt, & creuerunt, & in omnes redundauit liberalitas. In hac domo mulieres principes, Lia & Rachel germanæ sutores conceperunt, & pepererunt, Bala & Zelpha ancillæ, & foeminae inferiores, quanquam legitimæ coniuges, etiam fructu grauissæ fuerunt benedictionis, quemadmodum illarum dominæ, quarum fuerant famulæ. Iacobi Dominus duodecim filios dedit, qui omnes habuerunt ingentes opum copias, vehementerque aucti diuitijs fuerunt. Vi ergo intelligamus, quod Deum habeamus perliberalem, munificum erga omnes, & qui omnibus sese impertiat ( si rerum minimarum cum supremis fieri comparatio potest ) regnaturus in domo Iacob, & domum domui illius similem habiturus dicitur, sic ut apud illum domestici omnes abundant, & affluant honoribus, donis, opibus, ut accendamus ad seruendum tam prolixo Domino, cuius semper sunt patentissimæ fores ad excipiendum omnes, qualescunque illos, seu diuites illi sint, seu pauperes, siue serui, siue Domini, siue Reges, siue subditi, denique ut verbo iterum dicam, omnes.

Incipit sanctus Lucas describere prodigiosam diuini Præcuroris, & Baptistæ prædicationem, orditurque relam historiarum verbis neque communibus, neque vulgaribus, inquit: *Factum est Verbum Domini super Ioannem Zacharia filium in deserto; Lucæ 3. 2.*

Sanctus Petrus Chrysologus serm. 137. sciscitatur: *Quare non ad Ioannem, sed super Ioannem?* Inusitata Scripturæ phrasid, quod verbum Domini super, non ad Ioannem dicitur factum. In Prophetis sæpenumerò reperias, quod Domini verbum ad hunc, aut illum sit factum, factum autem super aliquem nescio an alibi inuenias. Quid causæ ergo, quod super Ioannem verbum Domini factum scribitur?

Respondet sacer Rauennatum Archiepiscopus inquit: *Quia quod sursum est, super omnes est.* Dicitur ergo verbum Domini à coelo venisse super Ioannem, non ad Ioannem, ut inditio esset, quod domus coelestis non sunt similia humanorum, quodque de celestibus non debemus loqui, tanquam ad vnu

descenderent, aut pertinerent. Si dictum fuisset, verbi diuini thesaurum ad Ioannem descendisse, liberalitatem Dei velut coarctasset, qui ad vnum Ioannem illam deriuatam affirmasset. Dicatur ergo verbum Domini descendisse super Ioannem, quod perinde est ac si diceretur, tametsi ad illum descendat, super illum nihilominus manere velut paratum in omnes deriuari, omnibus sui copiam facere: *Quod de sursum est, super omnes est,* & Solis habet proprietatem, illius instar ad omnes se diffundens, & dispersgens.

Suadet Propheta regius, ut quicumque voto speciali se obstrinxerunt Deo, sollicitè, fideliterque id explere curent. *Multò enim melius est non seruire, quam post votum promissa non reddere,* aiebat Ecclesiastes cap. 5. v. 4. nam ut voluntatis fuit vouisse, ita necessitatis est persolvere quod voueris. Verba consultoris Dauidis Psal. 75. 13. sic habent: *Vouete, & reddite Domino Deo vestro omnes, qui in circuitu eius offeritis munera.*

Aquila Doctorum sanctus Augustinus plurimum admiratus fuit hunc loquendi modum, inquit: *Quid est hoc, omnes, qui in circuitu eius sunt, offerunt munera?* Quid sibi vult, quod non à latere Domini esse feruntur, qui oblatari sunt munera, sed in circuitu, velut illum obfiderent, includerent, coronarent? *In circuitu eius.*

Respondet magnus Augustinus, cum magno, & singulari mysterio dici, quod æterna Veritas, & Dei maiestas in medio posita est, & ab omnibus circumdatur, ut significetur, Deum, quantum in ipso est, facere, quod centrum cum circumferentia, cui se æqualiter communicat, quæcunque enim à centro linea exit, æqualiter se toti extremitati impertit. Sic ergo & Dominus noster, tanquam centrum in medio creaturarum lineas suarum gratiarum illis communicat. *Quidquid omnibus commune est, in medio est, quare in medio dicitur, & tantum distet ab omnibus, & tantum propinquet omnibus.* Quod non in medio est, quasi priuatum sit, quod publicum est, in medio ponitur, inquit Augustinus. Quod ergo Propheta regius ait, Deum esse velut centrum quoddam, eos autem, qui munera ei offerunt, quasi circumferentiam illius, quem videlicet ambiunt, & circumdant, perinde est, ac si diceret, Deum vehementissimo desiderio teneri communicandi sese omnibus, quidquid enim ponitur, & disponitur ad modum centri, satis ostendit, quam ardentem cupiat se impertire, & copiam sui facere, vñbusque aliorum tradere: *Quidquid omnibus commune est, in medio est.* Gaudere er-



go. possunt, qui tam pio, & beneuolenti Domino seruiunt, qui vt centrum circumferentia, vt Sol toti terrarum orbi, sic se omnibus hominibus communicat.

Ad Titum cap. 2. v. 11. ait Apostolus: *Apparuit gratia Dei Saluatoris nostri omnibus hominibus, erudiens nos.*

Cardinalis Caietanus in hac ita differit. *Ad manifestandum quod tam seruus, quam cuiusq; aetatis homines recte se gerentis ornant doctrinam Saluatoris nostri Dei, offert beneficium diuinum commune tam dominis, quam seruis, quam cuiuscunq; conditionis hominibus.* Cum hac scripsit sanctus Paulus, bonum Logicum probauit. Recta logica cum totum affirmat, nihil excludit, velut si diceremus: Omnis homo est animal rationale; palam est id non de solis regibus, sed de quocunq; homine, seu liber ille sit, seu seruus, seu infans, siue senex, intelligi. Ad hunc ergo modum dicit Apostolus: *Apparuit gratia Dei omnibus hominibus;* vt neminem exciperet, cui non apparuerit, non diuitem, non pauperem, non subditum, non dominum, non magnum, non paruum, aut cuiuscunq; demum conditionis, siue status alius, satis enim est, quod fuit gratia Dei, quae apparuit, vt appareret omnibus, & ad omnes se dilaret, atque extenderet: *Tam dominis, quam seruis, quam cuiuscunq; conditionis hominibus.* Quis ergo non cum voluptate seruiat Domino, cuius tam sunt beneuola, & paterna viscera, qui se tam munifice impertit pauperi, quam liberaliter communicat diuiti, cuius amplissimum pectus est commune hospitium, & perfugium omnium hominum, nullum, qualis qualis ille cumque sit, excludens?

Matthaei c. 13. v. 31. & 32. sic aiebat coelestis Magister: *Simile est regnum caelorum grano sinapis, quod accipiens homo seminauit in agro suo, quod minimum quidem est omnibus seminibus, cum autem creuerit, maior est omnibus oleribus, & fit arbor, ita & Solueres caeli veniant, & habitent in ramis eius.* Stupendus cerè profectus grani sinapis, quod tanta incrementa facit, vt inter olera arbor fiat, quod inter arbores olusculum erat! Subiecit mox Dominus ibid. v. 33. *Simile est regnum caelorum fermento, quod acceptum mulier abscondit in farina satis tribus, donec fermentatum est totum.*

Obseruauit in his sanctus Petrus Chrysologus, attentionem, & cautionem sacri Magistri quā vsus fuit, cum tradens parabolicam coeli doctrinam semel illud confert cum minutulo sinapis granulo, quod à viro satum excrescit ad miraculum, moxque co-

ponit cum exigua portione fermenti, quo mulier auctiorem reddit farinam. *Ante sinapis granum memorat accepisse virum. Verè sicut dixit Apostolus Paulus (1. Cor. 11. 11.) neq; vir sine muliere, neq; mulier sine viro in Domino.* Notandum itaque, quod postquam Dominus comparauit regnum caelorum viro, qui seminauit granum sinapis, statim confert cum muliere, quae farinam fermento subigit, cum viro, inquam, & muliere, qui res tractant, quae hanc habent similitudinis cognationem, vt de minimis magnae fiant. Quamobrem verò Dominus non voluit praeterire mulierem, quin cum illa componeret quoque regnum caelorum, postquam illud viro assimilauit? Fecit hoc, vt comprobaret, veramque ostenderet doctrinam Pauli dicentis, in domo sicaperi portam coeli viro, vt tamen non sit contemptui mulier, & mulierem ita admitti, vt vir non negligatur. Pro omnibus est coelum, gloria pro omnibus, omnes, nemine excepto, regia ista, & magnifica domus admittit.

Constabiliam hac quadam sancti Basilij Magni meditatione in quandam dulcissimi Psalms cantilenā, quā hortatur Ierusalem, & Sionem, vt laudent, & glorificent Deum pro continuis beneficijs, quae ab ipsius munifica manu accipiebant, inueniens: *Lauda Ierusalem Dominum, lauda Deum tuum Sion; Psal. 147. 1. vbi postquam multas seorsim gratias enumerasset, prosequitur dicens: Qui emittit eloquium suum terra, velociter currit sermo eius; ibid. vers. 4.*

Quid sibi vult (inquit Magnus Basilij, siue vt alij volunt Chrysostomus, aut Theodoretus, de quo nolo contendere) quod Sioni, & Ierolymae dicitur, vt hoc nomine etiam laudeat Dominum, quod verbi sui salutarem rorem per totum longè, lateque orbem terrarum effundat? Respondēt Patres supradicti: *Quoniam enim dixit, Lauda Ierusalem Dominum, ne quis tantum Israelitarum curam Deum habere putet, ostendit prouidentiam eius toti orbi communem esse, & ad omnia extendi. Quod verò dicit, tale est: Non solum nostri, inquit, curam gerit, sed & totius orbis.* Enumerauerat sacer Cantor particularia beneficia, ob quae Ierusalem specialiter obligabatur Domino. Nè verò quis arbitraretur, tam arctam esse illius manum, tam restricta viscera, vt ad vnam tantum se exerent ciuitatem, mox subiecit: *Qui emittit eloquium suum terra,* tanquam dixisset: Habet Dominus etiam cum reliquo mundi orbe sua familiaris consuetudinis, & colloquij commertia. Nemo itaque existimet, quod ille beneuolentiam



suæ præsentis vni tantum vrbis exhibet, bona gratia illius, & magnificentia in omnia totius mundi loca exundans effunditur: *Non solum nostri curam gerit, sed & totius orbis.* Felices ergo, & fortunati sunt, qui seruiunt Domino, cuius ira per omnia sese expandit liberalitas qui non secus ac Sol suos explicat, & quæquæ versum emittit radios. Et quomodo Deum se probaret, si palatium illius esset terrenarum regiarum simile, quæ solos admittunt potentes, & locupletes, tenuibus autem, & parum valentibus occludunt fores?

*Eandem cantilenam, sed melius, seu iusq; cantat Tomo secundo, Periochâ IV. Dominica infra Octau. Natiuitatis Domini pag. 385. c. 2. o. & alijs in locis, quæ ad finem adscripsi.*

## CAPVT VI.

Quod homines tam sint mortaliter insensu suis animabus, vt æterna sua bona cum caducis, & temporalibus permutent, cecitas est, & amentia, tamq; exquisitum, & rarum prodigium, vt quod magis videtur, eò maiori sit admirationi, quod sæpius auditur, eò magis obstupefaciat, & attonitum reddat.

Creuit primogenitus Ruben, cumq; in campum tempore messis triticeæ exisset, inuenit herbam, quam appellant mandragoram, deditq; eam matri suæ Liæ. Vidit mandragoras Rachel, tantaque earum cupiditate inflammari coepit, vt sibi eas dari à sorore petierit. Arripuit hanc auidè occasionem Liæ, & cum stomacho dixit: Nonne satis est, totum marito meo expectorasse animum, omnemq; illius tibi rapuisse beneuolentiam, & in te transulisse affectum, vt nunc etiam mihi adimere velis has mandragoras, vnicam præsentis oblectationis meæ, & qualicunque voluptatule materiam? Audiens hæc Rachel respondit: Mittes, soror mea, istas querimonias: Nam si ego fructura sum hac nocte marito nostro, tibi illum volens, ac lubens cedo, dum me in vicem modò herbâ, quam filius tuus attulit, dones: *Dormiat tecum hac nocte pro mandragoris filij tui; Genes. 30. 15.*

Vt perspicua vobis fiat res, quæ me primum permouit, vt hoc affirmarem, quod capitis huius titulus habet, necessum est breuiter exponere qualitates herbæ, quâ tantopere capta Rachel fuit, vt mariti v. suram, quam nocte proximâ ex conuento habitura erat, sorori pro illa offerret. Sanctus Augustinus ex admiratione commutationis, quam Rachel fecit, accensum se dicere desiderio sciendi quænam herbâ, quis

frutex, aut flos fuerit, qui tantam in Rachele excitauerit sui cupiditatem, & rem comperi, inquit lib. 22. contra Faustum, cap. 56. *pulchram, & seuæuolentem, sapore autem insipido, & ideo cur eam tantopere concupierit, ignorare me fateor.* Et sanctus Cyprianus lib. de Operib. Cardinal. in prologo ait: *Rachel ad odorem, non ad esum Liæ mandragoras concupiscit.* Tantundem affirmat Doctor Angelicus in cap. 30. Genesios ex auctoritate sancti Augustini dicens: *Vnde videtur, quod curiositate famineâ soluerit illa poma, quamuis enim non sint apta esui, sunt tamen pulchra, & odorifera.* Ioannem Drusium legat, qui plura de fructibus huius conditionibus scire cupit, Verum P. Ludouicus de Alcazar magis sedabit curiositatem, qui tam exactè descripsit omnes illius proprietates, & naturam totam, vt non reliquerit quidquam vlli scriptori, de quo laborare deinceps, quod ad hanc rem attinet, possit. Illud præterea constituendum, quod sanctus Iacob, vt Interpretes ferè aiunt, quò pacatas haberet vxores, omnemq; illis corrigendi materiam adimeret, cum illis ex pacto conuenerat, quod suas cuique noctes ex ordine dare vellet. Hinc arbitrari possumus admirabilem nostri Iacobitis continentiam, raramque virtutem, & honestatem, quatuor vxorum eius, quæ tam facile, citràquæ vllam querimoniam, & altercationem voluntati mariti se permiserunt. Rachelis tamen temperantia maior meretur laudem, quod parem se haberi alijs hac in re tulit, quæ se charissimam, dilectissimamque marito sciebat, & pulcherrimam esse non ignorabat.

Ad rem nunc accedamus. Racheli nox proxima constituta erat, quâ mariti copiam habitura esset, & pro tantillo fructice, vil quæ plantula ius suum Liæ sorori cessit. Non possum hîc non damnare factum, arbitriumque Rachelis, quod pro exigua recula vnius plantæ, quæ odoratam parum oblectabat, & gustum grauius offendeat, mariti sui honestæ consuetudini tam leniter renuntiavit, & mariti, qui septennis seruitutis laboriosissimæ magno pretio eam sibi comparauit, eiusque gratiâ & ætatis iram, & hyemis rigorem tam diu tolerauit. Habemus in hoc facto Rachelis adumbratum id, quod nos nimis, cheu, sæpè, & in horas penè singulas agimus, qui pro perituris, & momentaneis voluptatibus nimisquæ rusticè, viliter, & propudiosè tergum obuertimus beneuolentissimo, & pietissimo Domino nostro, qui non tres annos tantum, vt Iacob, sed triginta tres pro nobis in labore, & dolore, & omni miseria um genere exegit, & sic transmisit, vt nullum lucrum, com-

modum-







monte. Quâ autem re prodidit stultum suum in postrema tentatione consilium? Ex quonam cæcæ illius dimicandi, & oppugnandi rationem arbitrari licet? Quinimò prudenter, consuleteque egisse dæmon videtur, quod cum semel, iterumque nequiquam conflixisse cerneret, totius mundi subire periculum, tacturam ué non curauit, dum vel tali dispendio vnam sibi aliquando victoriam pararet. Quæ enim lapidem superbus non mouet, quæ incommoda non contemnit, vt pertinacium votorum compos fiat? Secundum hæc quomodo affirmamus, quod damnatus Lucifer infantiæ suæ luculentissimum, & insignitum specimen dedit, cum Christo orbis terrarum imperium, ac dominium obtulit? Videamus pro qua re tam opulentam remunerationem illi promisit? Pro leui aliqua submissione, pro assentatoria quadam comitate, pro adoratione momentanea, inquit: *Hæc omnia dabo tibi, si cadens adoraueris me.* Dicit nunc Euthymius: *Quomodo, ô dolose, tot, ac talia commutas vnicâ adoratione!* Quomodo pro tantillo vnius adorationis officio copiam mundi totius promittis! Hinc verò, hinc cæcæ mensuri dæmonis ignorantiam æstimare licet. Nam si ille verè tuisset Dominus mundi, offerre illum pro re tam exigua, quàm est vnum officio vrbauitatis obsequium, sine turpi, & euidenti stultitiæ nota non potuisset. Res namque tam ingens, & præstans, quàm est totius mundi Dominium, pro vili vnius adorationis pretio dari non debuit.

Construamus ex his argumentationem. Si dæmon mundi dominus fuisset, ac proinde non nisi insipientissimè illi pro re tantilla dedisset, quanquam mundus ipse caducus sit, & breui interiturus: Quanta infamia sit, pro breui, & momentanea voluptate iacturam regni facere, & renuntiare imperio, quod ipsiusmet vitæ duratione exæquat? Itaque homini Christiano, quicumque tam pudendas, & infelices facit commutationes, dicere poterimus: *Quomodo, ô dolose, tot, ac talia commutas vnicâ voluptate!* Cæce mercator, perdit nundinator, stulte, dolose, ac deluse negotiator, quomodo tam pertinaciter aspernaris pretiosum adamantem, illum non alio, quàm incomparabili Agni immaculati sanguine elaboratum, vt pro foedo, ac sordido momentaneæ voluptatis pretio eroges, & indignissimè profundas?

Ridet magnus Tertullianus illum mundi terrorem, & stuporem hominum Herculem, qui tot regna subiugauit, tot vastauit ciuitates, tot leones conterpsit, cuius fortiter gestis conferta sunt tota fabulorum narrationum volumina. Ille ergo monstro-

rum domitor, ille impossibilium superater, & magnificus victor ita demum vilioit, & sorduit, vt fallacibus blanditijs libidinosæ voluptatis succubuerit, atque ita succubuerit, vt formidabilem vestitum suum (quis credidisset?) cum delicato, ac molli foeminarum habitu commutaret, filia ad colum sicut mulier inter mulieres duceret, qui solo nominis sui auditu perterrefacere viros fortissimos solebat. *Turpius adhuc libido virum cultu transfigurauit* (inquit ille lib. de Pallio c. 4.) *quàm aliqua matrem formido, qui erubescendus est scythæ sagittis pelliger, ille qui totam epirhet suam sortem cum muliebri cultu compensauit.* Nulla vnquam amanti simam matrem insuspicata, & inopinabilia perdit filij nuntia sic deturpare potuerunt, vt Herculem vestis foemineæ foedauit. Quis adorare possit hominem tam inuerecundum, & impudentem, impotentemque sui, illum, aio, cui pro facinorum præclarorum suorum merito hanc tam ampullosæ appellationis titulum concesserunt, vt *scythæ sagittis pelliger* diceretur (quod nomen annum requirere videtur, vt rectè commendare memoriæ possis) hoc est, *vir clauam, spicula, & exuuias leonis circumgerens.* Hunc autem, qui thrasonicum illud, & pompale præferebat nomen, quo remotissimis mundi prouincijs terrorem incutebat, videte quàm infelix iaceat, qui eò sese abiecit, vt tanti nominis apparatus perderet, quod vili mulierculæ vestem induere non erubuit: *Totam epirhet suam sortem cum muliebri cultu compensauit, & cum claua colum, fufum cum sagittis, cum leonis horribili pelle togam muliebrem commutauit, & hac turpi, inconsulta, & stulta actione tanquam sordidâ liturâ amplissimū illustrium facinorum suorum librum foedauit.*

Hoc ipsum miser, & infelix peccator facit, quoties Creatorem suum offendit. Christus est generosus, & fortis leo de tribu Iuda. Hunc leonem induunt, quicumque sacro fonte abluti inicianur, quem admodum docet Apostolus Galat. 2. 27. inquit: *Quicumque in Christo baptizati estis, Christum induistis.* Christum ergo indui, & pro claua crucem illius præferentes, clauosque pro sagittis, velet inuicti quidam Hercules effimur, sed per foedam voluptatem tam præclarâ veste, omnique gratiâ nudamur, & cum maiore iure, quàm ille, dici possemus, *scythæ sagittis pelligeri* (vt qui loriceam ex pelle inuicti leonis Christi confectam vestimus, & formidabilem crucis clauam manu gestamus, & celeres diuini amoris sagittas iaculamur, eisque ardentes ictus veteratoris inimici retundimus) pro vna sordida o-

blectæ-



blectatiuncula omni hoc ornato, nomineque adeo tam celebri destituitur, totamque epistola nostram formam cum muliebri cultu compensamus. Omnibus titulis nostris, immunitatibus, privilegijs, exemptionibus, iuribus renuntiamus, & filij dæmonis effici-mur, idque pro quadam & vili, & fugacissima volu-pate. Fieri non posset, vt fidem inuenirent, quæ diximus, nisi creberrima experimenta eandem veri-tatem comprobarent.

Admirabilis est modus, quo vrbani Propheta exaggerat dolorem quendam suum, & stuporem, qui tantus sit, vt ab illo velut mortuum cor habeat viuio in corpore: *Emarcuit cor meum, tenebra obstupefecerunt me*; inquit Isaias c. 2. v. 4. Vnde verò hor-ror ille tantus, & stupor descendit? *Babylon dilecta mea posita est mihi in miraculum*; ait, tanquam dixisset: Detegam vobis terroris mei totam originem. Prodigium video, id mihi stuporem adfert. Quid illud porro portenti cernis, Domine? Illud, quod Israelitica mea, illa tam chara, & amata patria conuer-sa est in confusam, & turpem Babylonem. *Et me-ris es mihi miraculo*, (inquit Dominus apud sanctum, & Seraphicum Bernardinum Senensem sabbat. post Dominum 5. Quadrag. serm. 38. tom. 4.) *quia propter modicum corporalis delectationis sui perdere infi-nitam, & perpetuam latitiam paradisi*. Hoccine ve-rò in miraculis Propheta numerat, quod Israël in Babyloniam populum transformatus, æternam pa-radisi quietem, & amoenitatem cum fallaci, quam fugitiua voluptate permutauit? Hoccine tantum stuporem illi adferre potuit, vt penè attulerit mor-tem? Miraculum id vocatur, quod raro videtur, prodigium dicitur, quod totis sculis vix auditum. Quod rarum, idem mirum, quod insolens id obstu-pescit, vt si laboret sol, vt ait Seneca, vel si mortuus excitetur, vt vult sanctus Augustinus: At quod passim obuium est, aut frequenter occurrit, perdit suam admirationem, sic epim & quædam miracula assidue videntur, inquit idem Augustinus Tract. 24. in Ioan. si Sol quotidie eclipsin pateretur, ne-mini nouum, mirabileque accideret.

At cum nihil sit viciatius, quam sordidas videre exeorum peccatorum permutationes, qui æternis delicijs ex amore temporalium, earumque turpium, & abominabilium renuntiant, cum nihil aliud tam sit obuium, quam insignes eiusmodi stultitiæ, quo-modo hæc Prophetæ uita fuere miracula? *Facta est mihi miraculum*. Quæro rursum: Quomodo mira-culum stultè illa facta, quibus nihil magis tritum ac peruulgarum? Miraculum dicitur, vt vel hinc vi-

deas, tantam esse illorum insaniam, & armentiam, qui pro momentaneis, sordidis, ac nihili rebus susq; deque habent, & deserunt bona æterna, thesauros indefectibiles, vt quanquam res eiusmodi quotidie in oculos, in aures, in manus incurrant, semper ta-men sint admirationi, & stupori tanto, vt in miracu-lis, & prodigijs censeantur. Esto frequentissime ta-lia occurrant deliria, esto phræneticos tales pene ubi-que habeamus obuios, qui tam viles, atque indignas faciunt commutationes, obstupefcimus nihilominus velut ad inauditi miraculi aspectum, & incredibile nobis videtur, quod tanta in hominem cadere possit stupiditas, & mentis alienatio. Hoc est prodigium, quod suum seorsim chorum habet particulare, cum cætera quidem eo plus habeant miraculi, quò rarius videntur, & audiuntur, illud verò maiorem inde ad-ferat horrorem, quod tam frequenter audiri, & vide-ri contingat. O miserum peccatorem! Merito be-ssiam te sacrum Oraculum nominat, & alienam ab o-mni ratione pecudem, & crebro tibi dicit, quod brutò quouis magis brutus es, vt qui pretiosum monile animæ tuæ venale vilissimo exponas, & inestimabi-lem Reparatoris tui sanguinem turpiter prodigas, & aurum bonorum æternorum purum, ac putum cum puluere, luto, vento caducatum, & spurcarum de-liciarum harum corporalium permutes, & tantis sumptibus res despicabilissimas, indignissimasque plusquam stultus nundinator tibi merceris, cum tam facili negotio, & velut per otium tibi compara-re possis, quæ tam perdurabilia sunt, & æterna.

*Non habet nihil cum his affirmati Persocha quinzas Dominica II. post Pentecosten pag. 103. c. 2. o. Te-mo secundo.*

## CAPVT VII.

*Augmentum proprium nullâ arte facilius, ma-gisq; industrie curaueris, quam si profectui studeas aliorum. in domo enim Dei sibi commoda parat, quæ alijs bona accumulât.*

**R** Eddita fuit Liæ subtracta aliquamdiu, & impe-dita per Dei secretam prouidentiam gratia fecunditatis, cumque tam insignito beneficio se one-rari sancta matrona cerneret, grata pro tanto mun-ere ait, hoc sibi inde venisse, quod ad exemplum suæ sororis curauerit, vt famula sua Zelpha Iacobi ma-rito nubetet, quæ vt ante illam Bala, sic concepit, & peperit filium dictum Gad, qui & ipse caput fuit vnus ex duodecim tribubus genus Hebrææ. *De-dit Deus mercedem mihi, quia dedi ancillam viro meo*, aiebat.



aiēbat illa Genes. 30. 18. velut dixisset: Redijt mihi illud à liberalibus Domini manibus fertilitatis beneficium, eam haud dubium ob causam, quòd tam comis, & beneuola ergà famulam meam fui, auxiūq; illam statu, & feci, vt materfamilias, & vxor domestica fieret, quæ fuerat ancilla, & vxor fieret non qualiscunq; viri, sed illius, cuius posteris Deus tam multas immunitates paratas, priuilegia tam grandia constituta habebat.

Hinc possumus & Politico nostro, & omni homini officia charitatis amanti doctrinam valde consolatoriam eruere, vt solitè, affectuosèq; inuigilet, ac studeat commodis, & profectibus aliorum procurandis: Ingeniosa namque hæc industria est, & artificiosus modus sua non tantum stabiliendi, sed & amplificandi, etenim in domo Dei certò sibi inuenit, qui alijs bona ex charitate querit.

Voluit Dominus Apostolis suis ostendere, quantum hi, qui se discipulos illius profiteri vellent, tenerentur mutuas sibi inuicem condonare iniurias, & hæc tū illis, tū omnibus nobis ait: *Attendite vobis. Si peccauerit in te frater tuus, increpa illum, & si penitentiam egerit, dimitte illi*; Lucæ 17. 3.

Hæc in primis huius exhortatorij sermonis verbis Sanctus Petrus Chrysologus, mysteriumq; notauit in eo, quod dicitur, *Attendite vobis*. Non dixit, *Attende tibi*, inquit ille Serm. 139. non dixit Dominus, Prospice negotijs tuis, cura profectus tuos, & incrementa rerum tuarum, sed *Attendite vobis*, tanquam dixisset: Consulite mutuo rebus vestris, inuigilate inuicem commodis vestris, & proximorum vtilitati studere. At nonne Dominus cupiebat, vehementerq; etiamnum cupit, vt vnusquislibet sua incrementa spiritualia, & animæ profectus curet? Quis dubitet? Quomodo ergò contrarium suadere videtur, dicens cuique, vt sua oblitus commoda alienis consulat, & studeat lucris? Quomodo desiderium illud prius cum hac doctrina posteriore coheret? Optimè, inquit Chrysologus, idque ex eo, quod Capituli huius titulus habet: *Quia quidquid alteri attenderit homo, attendit sibi, & quantum videbit ipse alteri, videbit aliter ipsi*. Eadem doctrinā, & operā, quā iubet, vt quisque attendat, consulatq; proximi sui rebus, etiam contradit industrium modum, quomodo curare negotia propria debeat, nam quo studio quis vtilitatem querit alienam, eodem curat, & inuenit propriam. Quam in rem etiam Sanctus Basilius Magnus homil. 4. de gratiar. action. sic disserit: *Qui extraneo maiore se afficiunt ob peccata proximorum, haudquaquam per id latitiam ex-*

*manunt suam. Verius auctiorem eam, & cumulationem reddunt.*

Quam benè dictum illud, *Non exinaniant latitiam*! Metaphora videtur, sumpta ab eo, quod puteo accidit, qui eò magis exinaniri putatur, quòd plus ex illo aquæ hauritur. At non est ita, quod enim hinc illi extrahitur, id aliunde copiam maiorem redditur. Ità si quis existimet, inquit Basilius, omnem suæ latitiæ voluptatem siccandam, solatorumque thesaurum totum vacuandum, quòd peccata lugeat, & defleat aliena, ille fallitur, quia ad eum modum potius auget, & amplificat bonum, quod sibi decedere existimat: Nam vt per illam tristitiam procurat proximorum latitiam, quæ in eo consistit, vt Deus illis sua scelera condonet, sic quòd plures lachrymas pro aliorum salute verterit, quòd magis, enixiusq; fratrem deplorarit, eò magis stabiliet, augetiq; latitiam propriam. Qui enim aliorum querit gaudium, quomodo sibi non inueniet proprium?

Illà quatuor animalia, quæ mysticum suum tam æqualiter trahebant currum, & offensa fuerunt Ezechiel, expanse habebant singula suas alas, tanquam operire, protegere, & inumbrare vellent: *Facies eorum, & penna eorum extenta desuper, dua pennæ singulorum iungebantur, & dua tegebant corpora eorum*; Ezech. 1. 11.

Notandum quòd translatio quædam, quā Sanctus Gregorius vsus fuit, sic habet: *Vnumquodque duabus alijs velabat corpus suum*. Vidit idem sanctissimus Pontifex editionem bibliorum nostrorum vulgatam, aitque, videri has mutuo pugnare versiones, & querit, quomodo rectè intelligi queat, quòd hæc animalia corpora tegebant aliorum, si aliis ambabus inumbrabant propria. Quomodo eisdem alijs tegebant & sua corpora, & obnubebant aliena?

Respondet beatissimus Doctor homil. 7. in Ezechielem, dicens: *Ipsa erant penna, qua iungebantur alterius ad alterum, & ipsa, qua eorum corpora cooperiebant. Quod per figuram benè accipitur, quia illa nos virtutes apud omnipotentem Deum protegent, quas ex charitate proximis impartimur, atq; coniungimus. Vt erat imaginaria visio, ita symbolum erat, quidquid illa continebat. Quod ergò Propheta vidit res in speciem tam contrarias, nimirum quod animalia illa eisdem alijs, quibus socia animalia obtegebant, se multò magis operiebant, mysterium fuit, eoque significatum, quòd qui in domo Dei ex charitate tegit nuditatem proximi, is suam magis tegit, & qui ex suis facultatibus subuenit egestati aliorum, is suarum opum augmenta multò amplius procurat.*

Certè



Certò enim sibi inueniet, quisquis alijs quærit. Nam vt Sanctus Sidonius Apollinaris lib. 6. epist. 12. ait: *Aliquis aliquem, ego illum præcipue puto suo uinere bono, qui uenit alieno*, hoc est: Sentiat, dicatq; alius quidquid illud libet, ego illum rerum suarum incrementis vel maximè intentum arbitror, qui utilitatibus studet alienis, & comoda proximorum sollicitè, ac diligenter procurat, vt sua Dominus tanquàm propitius pater augeat.

Hinc accipiemus sensum quorundam Euangelij verborum, quæ mihi semper visa difficilia. Redijt in vitam triumphator mortis Christus, vultumque & habitum indutus hortulani apparuit Magdalene, quæ lachrymabunda sacri cadaueris pretiosum thesaurum perquirebat. Simul autem ac detracta laruâ sese apertè conspiciendum exhibuit, illa gaudio exultans victricibus plantis eius accidere voluit. Inhibuit subitam deliberationem Dominus, inquit: *Noli me tangere, nondum enim ascendi ad Patrem meum. Vade autem ad fratres meos, & dic eis: Ascendo ad Patrem meum, & Patrem vestrum, Deum meum, & Deum vestrum*; Ioan. 20. 17.

Difficultas consistit in ratione, ob quam aiebat Dominus Magdalene, quòd illam ad tactum pedum suorum admittere nollet, inquit: *Noli me tangere, nondum enim ascendi ad Patrem meum*, nondum secundum carnem occupaui sedem, quæ mihi in regno æterni Patris mei seruetur. Hæc interdicti tactus causa multum laboris Scriptoribus, Doctoribusq; sacris attulit, quorum sententias omnes plurimum veneror: Moderni tamen cuiusdam Interpretis affissima, & appositissima videtur commentatio.

Quid est, quod volebat Maria Magdalena? Abijcere se ad pedes sui Magistri, illosque suauiter complexari, & reuerenter, vt par erat, incessanterque deosculari, & immorari, immori etiam, si ita oporteret, gaudio, quo ibi fruebatur, quo perfundi amplius ex illis pedibus optabat. Itaque alios oblita, qui hoc anxie affixi lugebant, quod illa paulò ante acerbè deplorarat, volebat sola tanto bono gaudere. Vt verò Dominus illam doceret solertiam, & industriam, quâ hoc ipsum consequi melius, faciliusque posset, ait ad illam: Non sic erit, vt tu putas, perge antè ad fratres meos, & discipulos tuos, eisq; nuntia bonum, quod inuenisti, ego interim hic maneo, neque ad patriam æternam tam citò abeo. Esto tu diligens, & sollicita procuratrix commodi alieni, ità fiet, vt fruaris proprio, fac gaudeant fratres tui, hoc enim faciens, & ipsa lætaberis. Ne timeas, quòd

diuitiarum tuarum imminutionem patieris, si hunc thesaurum alijs, vt eodem gaudeant, detexeris, immò hinc magis opulesces. Nec verearis, quòd ego me hinc festinatò proripiam, dum tu Apostolis mei rediuiui, & tuæ felicitatis nuntia perlatum vadis, quin potius certum habe, quòd me hac ratione magis fixum hic retinebis, pedumque meorum complexu diutius, voluptuosiusque perfrueris.

Audiamus iam doctissimam P. Franciscum de Ribera, cuius sunt ista in c. 20. Ioannis: *Sciebat Magdalena Christum fore ascensurum, nec postea se fructuram ei conspectu, & colloquio, idè occasionem datam tangendi Christum elabi volebat, cui ait Dominus: Noli me tangere, nondum enim ascendi ad Patrem meum, Vade autem ad fratres meos, id est, tempus tibi restabit tangendi, & colloquendi, adhuc enim sum in terra, nec ascendi in cælum, idè noli nunc morari, sed gaudio, quo frueris, fac ut fruatur Apostoli*. Admirabilis doctrina, & perutilis ad nos excitandos, vt charitatis officia nostris intrepidè exhibeamus proximis, qui scimus quàm certum habeamus nostrum remedium, & solatium, dum solatio, & remedio illis subuenimus, nullumq; esse magis securum vadimonium, aut cambium, nullum præstantiorem aut efficaciorè modum amplificandi nostras opum facultates, honorem, statum, diuitias, quàm alijs procurare bona, eorumque defendere opes, conseruare famam, sustentare vitam.

Huc spectabat Sanctus Gregorius Nyssenus in Orat. de Pauperibus amandis, quando aiebat: *Calamitate affectum Et aurum amplectere, infirmam pauperis Galetudinem ità foue, Et in ea sanitatem tuam, & salutem exoris, & filiorum, & seruorum, & totius deniq; familiae sitam putes*. Quanto enim studio curatur ægra valetudo proximi, & necessitati eius fertur remedium, tanto negotium nostrum agitur, & salus curatur propria, & quidquid commodamus alteri, id nobis imprimis, & vel maximè prodest.

In breui illa parabola, quam Dominus prædicaui suis Discipulis, postquàm celebrem illam peccatricem Samaritanam Fotinam conuertit, dixit aliquid difficile, & obscurum. Instituens enim comparisonem inter seminantem, & merentem, eosq; admodum distinctos, & diuersos faciens, concludit inquit: *Qui meris, mercedem accipit, Et qui seminat, simul gaudeat, & qui meris*; Ioan. 4. 36.

Difficile, vt dixi, intellectu est istud, nunquàm enim ars agriculturæ tribuit gaudium seminanti, at merentem lætari affirmat non semel. *Euntes ibant, & stebant, mittentes semina sua*, ait ille rusticationis



valde peritus Psal. 125. 6. idque propter incertum laboris fructum: Verum cum demesse colliguntur, & in horrea inuehuntur fruges, cum sudoris, & fatigationis, & sollicitæ expectationis lucra colliguntur, tum gaudium, & lætitia, de quo ibidem: *Venientes autem venient cum exultatione, portantes manipulos suos.* Et Isaia 9. 3. *Latabuntur coram te, sicut qui latantur in messe.* Secundum hæc quid est, quod Dominus aiebat: *Ut & qui seminat simul gaudeat, & qui metit,* cum omne gaudium falci magis, quam aratro seruatum videatur?

Ut sensum itaq; verborum illorum percipiamus, notandum, quod hic metaphoricè locutus fuit Dominus, & Prædicatori quidem dedit nomen seminantis, auditori verò nomen collectoris frugum, seu messoris, qui in animæ suæ terra seruat verbum Dei, ut optatum fructum reddat. Atque ut intelligatur, quomodo ille, qui in domo Dei alijs quærit, sibi inueniat, dicit Christus, quod tamen aliud sit seminare, aliud colligere, siue excipere verbum Dei, aliud prædicare, aliud audire, & non sit idem serere, ac metere, si ex usu agriculturæ corporalis de his rebus loquamur, plurimumque distet falx à vomere, quod illius sit iucundus, huius tristis, & morosus labor: In spiritali tamen agricultura idem est serere, & metere, qui enim ex charitate seminat prædicando, consequetur gaudium illius, quo fruitur is, qui metit excipiendo, & audiendo, hoc ipso enim, quod Prædicator studet quærere, & adferre fructum auditori seminando, siue concionando, certò sibi persuadere potest, quod metit, & colligit messëm, & fructum sibi inuenit.

Audiamus Guilieلمum Ebroicensẽm huius commendationis parentem, qui in c. 26. Gen. claus. 3. Moralit. 2. To. 2. sic habet: *Procurando proximum salutem procurat, & augeat seminans Verbum Dei salutem propriam, quasi professo laborans. Unde bene ad propositum loquitur Christus dicens, Qui seminat, simul gaudeat, & qui metit. Et est sensus: Qui seminat Verbum Dei, & experitur auditores inde proficere, & efficit meliores, debet inde gaudere, gratias agens Domino Deo, qui talem profectum operatur interius.* Quis ergò hæc audiens non sit admodum liberalis erga proximum suum, profectumque illius ex charitate ardentè procuret, sciens in domo Dei neminem sibi honorem, diuitias, salutem, quietem ingeniosius, solertiùsq; parare posse, quam si proximorum egestati subueniat, necessitatibus opem ferat, nudum pauperem vestiatur, honorem, & existimationem eorum, quibus dedecus infamiae illatum,

tueatur, consoletur affictos, visitet ægros, manum lapsis offerat? Tali enim charitatis sollicitudine, tali pietatis studio, tali misericordiæ operâ sibi honorem, leuamen, salutem, & quod amplius est, bona sempiterna certò parabit.

*Tomo primo Periochæ II. Ferra V. post Cineres pag. 27. c. 2. o. habes de hac re plura.*

## CAPVT VIII.

*Quamquam sterilissimus peccator in extremum malitiæ prolapsus sit, non aperiatur tamen desperationi portam, quamdiu enim viuit, semper patent fores veniæ, & indulgentiæ.*

Tandem aliquando ardentium desideriorum suorum compos facta Rachel diu optatum edidit filium, per quem præclaram, & illustrem inclyti, ac nobilis mariti sui prosapiam propagaret, & longiturni dedecoris vexationem per diu expectiti conceptus, & partus monili redemit, cumque Iosephem suum eniteretur, inquebat: *Abstulit Deus opprobrium meum;* Genes. 30. 23. tanquam dixisset: Gratiarum ago clementissimo Domino, qui me tam insignito beneficio tam liberaliter ornauit, & honorauit. Iucundissimam post hanc vitam meo tam suauis pignore læta ducam, quod coniugem meam arctiori amoris vinculo mihi adstringit, quod gloriæ meæ familiæ, gaudium parenti, leuamen anxietatum mihi adfert.

Notandum hic, quod illa, quæ tot cum gemitibus, & lachrymis venit ad maritum suum prolem ab illo petens, & talia cum ingenti ciulatu dicens: *Da mihi liberos, alioquin moriar;* Genes. 30. 1. siue ut Hebræus apud Caietanum habet, *En mortua ego,* subaudi, nisi me sobole dones, cum aliquot annos in sterilitate transmississet, & liberos inanibus diu votis postulasset, demum benedictionis fructum consecuta fuit, & post multos dies velut exsucca arbor virescere cepit. Ex hoc arido cortice doctrinam suauem, & spiritui admodum profuturam excerptere possumus, eam videlicet, ut nullus in hac vita desperet. quantumvis aridus, sterilis, inutilis, & perditus peccator quisquam sit, aut existimetur, tamen enim in extremos malitiæ fines peruenerit, tamen lethalissimè sit vulneratus, dum non desperet ager, in misericordia Dei habet repositum suum remedium quævis illa plaga, ut curari possit, & sanari. Nam ut Magnus Basilius in homil. de Pœnit. aiebat: *Spes est etiam post peccatum, medicina est etiam post accensum oleum.* Post qualescunq; flagitium spes reliqua est.



est indulgentiæ, nec vlla tam est periculosa ægritudo, vt non conualefcere ab ea poffit infirmus, in cuius poteftate, & arbitrio eft, vt auxiliariæ manus diuinæ ope aditus confanefcere, & à grabato infirmitatis fuæ exurgere queat, cum etiam talem medicum, & medicinam præfto habeat. Quantumuis infœcunda quædam Rachel fit anima, non diffidat, fieri enim poteft, vt fructum benedictionis confequatur, fi benè, vt debet, fe difpofuerit, atque fuperno auxilio rectè vfa fuerit.

Habebat fuas æmulas illa de Canticis Sponfa, quæ vitam illius, omnesque actiones attentis explorabant, obferuabantque oculis. Cùmque illa animaduerteteret, errata quædam fuæ, & imperfectiones, fine quibus etiam circumfpectiffimus, & follicitiffimus vix in hoc mundo viuere poteft, ab inuidis notatas, improbum illarum vitæ alienæ indagandæ ftudium talibus verbis perftinxit: *Nigra fum, fed formofa, filia Ierufalem*; Cant. 1. 4. velut dixiffet: Habeo meas, filiz Ierufalem, fateor, mendas, habeo defectus, nec enim eft aliqua fine fuo æquo facies, quamuis numeris fuis omnibus aliquin absoluta: Veruntamen gratias agere debeo Sponfo meo pro collatis aliquibus gratiæ ornamentis, quibus tantquam lituris tollo fœdicitatem negligentiz, quam mihi impingitis, & vitia, quæ obruditis.

Quibuscum Sponfa loquitur? Cum mulierculis æmulis, quas furor inuidiæ occupauerat, immaniterque cruciabat afpectus gratiarum, & prærogatiuarum, quibus Dominus Sponfam locupletauerat, vt propterea linguis illam aculeatis confingeret, non fecus ac pungentes spinæ tenera fauciare candidorum folia liliorum folent. Hoc ipfe Sponfus fatetur, qui peruerfas, & damnatas liuidarum fociarum cogitationes attentus cernens, aiebat: *Sicut telum inter spinas, fic amica mea inter filias*; Cant. 2. 2. Hoc ita conftituto, quid eft, quod Sponfa filias Ierufalem vocat eas, quarum malitiam, inuidentiamque non ignorabat? Siccinè animas nefariæ inuidiæ malo infectas, quæ per os Sponfi afperæ spinæ meruerunt appellari, rectè, congruenterque; filias Ierufalem Sponfa nominauit? Quomodo filiz Ierufalem illæ tales erant? Vocentur magis, vt eft apud Prophetam, *filia Babylonis mifera*, quas dura æmulationis, & inuidiæ captiuitas turpiter fubiectas habet. Qui factum autem, quod tam honorificæ appellatione filiarum Ierufalem donatæ fuerunt, quibus alterum illud tam probrofum nomen debebatur?

Huic interrogationi fatisfacit melliffimus Docteur Sanctus Bernardus Serm. 25, in Cant. inquit:

*Propter fperam futura falutis (à qua omnino non funt, quamdum hic viuunt, vel tales defperande, quantumlibet viuunt defperata) non incongruè filia Ierufalem appellantur. Tamethi fociæ Sponfæ pro illo ftatu, in quo tunc debebant, merebantur nomen filiarum Babylonis, quæ in tanta culparum fuarum confufione verfabantur, nihilominus vt illis animus adderetur, & significaretur, reliquum habere peccata earum remedium, & poffe curari, dum illæ modò huc fe disponderent, ipfarum ægritudines, vocauit eas filias Ierufalem, vt quæ tam facilè poffent affurgere à ftatu, & mifera captiuitate Babylonis in dulcem libertatem Ierofolymæ: Omnino non funt, quamdum hic viuunt, vel tales defperande, quantumlibet viuunt defperata.* Nullum enim eft tam graue peccatum, nulla tam periculofa infirmitas hominis in carne mortali degentis, quæ non habeat certum remediũ, fi tantum infirmus non defperet poffe fanari.

Obferuauit quidpiam Dydimus notatu dignum, eftque illud, quod fæcer Scriptor, cum narraffet colloquium Domini cum perfido Cain de nefaria trucidatione fui fratris, & rebus alijs, quas occafioni alteri feruamus, mox commonet, quod egressus Cain à facie Domini habitauit profugus in terra ad orientalem plagam; Genef. 4. 16. Scriptura cum in hiftoria patientiffimi Iobris de malo dæmone loquens, recenferet verborum pugnam, quæ ille cum fupremo Domino de inclyti Hufitz inculpabili vita contendit, ait, quod ille Acherontis princeps, vt fancti Iobris patientiam tentaret, & exploraret tolerantiam, egressus eft à facie Domini, Iob 1. 7. Norauit ergo lynceus ille cæcus, quod eodem modo loquitur Scriptura de Caino, & de malo dæmone, vt videantur verba, quæ nefario fratricidæ dicebantur, feruata fuiſſe damnato fpiritu, qui obftinatus permanet, & inflexibilis perſiſtit in ſua ſententia, & perpetrato ſemel apoſtaſiz ſcélere. Ex his fieri videtur, quorundam hominum peccata tam eſſe grandia, graui, & horribilia, quàm fuit Caini flagitium, vt tam de ijs loqui poſſimus non aliter, ac ſi culpæ illorum pares eſſent crimini ſuperbi angeli, cui nullum ſupereſt remedium, quia nullum admittit medicamentum. At cum dixerimus, nullam eſſe inueniabilem; incurabilemque culpam, quid eſt, quod ſacrum oraculum huic ſe videtur opponere veritati, cum non aliter loquitur de peccatore homine, ac de obſtinato, & inemendabili dæmone?

Occurrit huic quæſtioni Dydimus in Caten græca in Iob c. 2. inquit: *De diabolo magis proprie dicitur, Exiuit à facie Domini, cui par eſt in Dei cogitatione,*



ratione, ac mente nequaquam versari. Quamuis si-  
cut dæmon spiritus, ita vt Cain homo dicatur egres-  
sus à facie Domini, quamuis hoc vnum de vtroque  
eisdem verbis affirmetur, non par tamen amborum  
abitus, & defectio fuit. Satan enim à Deo abiit,  
quemadmodum ab arca Noëtica coruus ille disces-  
sit, at homo quanquam Deum per culpam destitu-  
at, non supremum vale illi dicit, neque sic, vt caco-  
dæmon abit. Homini namque semper aperta relin-  
quitur porta, vt patentem illam inuenire possit,  
quandocumque reuertere velit. Semper etiam diductis  
brachijs, & passis vlnis illum prætolatur Deus, vt  
suscipiat, quantumvis ab illo prouocatus, enormi-  
busque, & immanibus sceleribus offensus fuerit: *De  
diabolo magis proprie, quam de Caino dicitur*, Exiuit  
à facie Domini. Dæmon, qui cum illo apud In-  
feros remum ducit, ij soli sunt, quorum mala  
non habent remedium: Verum homines reliqui  
quamdiu viuunt, quamdiu spiritus mortalem ani-  
mar carnem, & fragiles regit artus, habent remedi-  
um, spemque salutis, & medicinam in pœnitentia  
repositam, quæ persanandæ quantæcumque infirmita-  
ti, & curando desperatissimo morbo sat est.

Hinc facile assequemur quorundam Apostoli  
verborum sensum, quæ hæreticis (quod illi tam sint  
cœci,) stultorum quorundam errorum præbuerunt  
occasionem. Sanctus Paulus Hebr. 6. 4. sic ait:  
*Impossibile est eos, qui semel sunt illuminati, gustave-  
runt etiam donum cælestis, & participes facti sunt  
spiritui Sancti, & prolapsi sunt, rursus renouari ad  
pœnitentiam*. Videtur hic Apostolus totam spei con-  
sequendæ per pœnitentiam remissionis, & indulgen-  
tiæ portam prorsus obturare, cum ait, *impossibile*  
esse eorum rescari damna, qui bonorum cælestium  
iacuram post illuminationem iterum fecerint.  
At si Paulo non difficile hoc, sed planè impossibile  
videtur, quomodo nos id ipsum non modò non ar-  
duum, operosumque arbitramur, sed & leui negotio  
obtinere posse affirmamus?

Responder huic difficultati gloriosus P. Sanctus  
Ioannes Chrysostomus, dicens, diligenter expen-  
dentibus verba Pauli statim sequentia perspicuum  
fieri, quòd ille non de pœnitentia, sed de baptismo  
loquitur, vti mox declarat, inquiens: *Renouari ad  
pœnitentiam, rursus crucifigentes sibi metipsis Filium  
Dei*. Queramus nunc ex Chrysostomo, quid sit  
crucifigere Filium Dei, & respondebit, idem esse  
quod baptizari quempiam, iuxta illud eiusdem A-  
postoli: *Consepulsi sumus cum eo per baptismum in  
mortem*; Rom. 6. 4. Per baptismum moritur vetus

homo noster, & cum Christo velut tumulo infertur,  
cum aquis piacularibus immergitur, sicque crucem  
illius, & mortem vitæ nostræ, actionibusque imita-  
mur. Quare Chrysostomus homil. 9. in epist. ad  
Hebræos ait: *Rursus crucifigentes, hoc est quod di-  
cit, Baptisma est crux, & vetus homo noster*. Ergò  
baptizari aliquem, idem est, quod crucifigere, &  
velle suscipere iteratò baptismum tantundem, ac  
rursus crucifigere eundem Dominum. Hoc ipsum  
Apostolus ipse satis indicauit, cum ait, impossibile  
esse eos renouari, qui semel sint *illuminati*. Hoc e-  
nim *illuminatorum* vocabulo, vt affirmat Sanctus  
Cyrillus Hierosolymitanus, censebantur baptizati  
in primitiua Ecclesia, idque propter lucem agnitionis  
diuinorum mysteriorum, quæ in Sacramenti perce-  
ptione infunditur.

His ita prælibatis sententia Pauli faciliter per-  
spiciemus, qui postquam dixisset, *impossibile esse  
rursus renouari ad pœnitentiam*, non ibi substitit,  
sed ulterius progressus addidit *rursus crucifigentes  
sibi metipsis Filium Dei*, siue quod idem est, iterum  
suscipientes baptismum. Impossibile autem est, vt  
quis ad hunc modum pœnitentiam agens renoue-  
tur, & hoc velle est cupere quidquam, quod nun-  
quam erit. Ergò pœnitentiam Paulus non exclu-  
dit, sed renouationem peccatoris iteratam per su-  
sceptum rursus baptismum. Sic enim renouari im-  
possibile, id enim medicinæ, & sacramenti nunquam  
iteratur. At pœnitentiæ remedium semper in  
promptu est, iterumque & iterum adhiberi potest.

Quapropter dicit Chrysostomus: *Quid ergo in-  
quit, non est pœnitentia? Est pœnitentia, sed non se-  
cundum baptismum. Est autem pœnitentia, & magnam  
habet vim, & quæ potest eum, qui est peccato immer-  
sus, si velit, liberare ab onere peccatorum, & eum,  
qui est in periculo, in tuto collocare, etsi iam uenerit  
in ipsum vitæ profundum*. Siccine post dissipatam  
paternæ hæreditatis substantiam, & decoctam, per-  
ditamque baptismi gratiam nullum superesset pœ-  
nitentiæ remedium? Est utique & pœnitentia, & sa-  
lutaris, curationisque spes reliqua, vt sanari à culpa  
miser peccator non semel, iterumque tantum, sed  
quoties rectè se disponere velit, possit, quanquam  
in ipsam se abyssum scelerum ingurgitauerit, tam  
longas enim manus pœnitentia habet, vt illas pec-  
catori in profundissimum licet pelagus prolapsò  
porrigere, atque inde eruere miserum, & in amicitia  
Dei tutissimo portu collocare possit, duosque insi-  
gnita eidem præstare beneficia, quorum alterum  
est, quod illum è lutulento, & graueolente ceno  
eximit,



eximit, alterum, quod in sublimem gradum gratiorum supremi Domini reducit. O immensam Dei infinitè pij bonitatem! *Potest & eum, qui est in periculo, in tuto collocare, etiamsi generis in ipsum suis profundum.*

S. Ambrosius lib. 3. Hexameron cap. 13. versùs finem ait, amygdalis hoc modo medicari solere agricolas, ut illarum ex amaris dulces fiant fructus, ut & tenebrent radicem eius arboris, & in medium inferant furculum alterius arboris, quam nos piceam, seu pinum dicimus. Quid hinc spiritualis emolumenti haurimus? Illud, ut nemo, donec hic mortalis uiuit, spem abiciat: *Nemo ergo positum in intemperantia lubrisco de sui conuersione desperet; inquit ille. Absit, & procul absit, ut desperet: Ligna enim plerumque in meliores vertuntur & sus, & non possunt hominum corda mutari!* ait ille rursùm. Est industria, per quam fiat, ut arbor amarus fructus edere solita producat dulces, & non sit medicina, per quam iustus fiat, qui peccator erat? Derogare hoc Domini nostri honori, & existimationi videtur, qui & agriculturæ summâ peritiâ, & Patre agricolâ irâ gloriabatur, ut hoc velut per ostentationem diceret: *Pater meus agricola est;* Ioan. 15. 1. Si ergo rudes, & agrestes rusticorum pueri medicari sciunt amygdalis, ut aiebat Ambrosius, eiusque plantæ corrigere certis remedijs amaritudinem, quomodo celestis ille tam sapiens agricola non inueniret, aut nesciret remedium curandæ arbori, quam tanti fecit, ut sanguine Filij sui rigauerit, quando videt amarus proferentem culparum fructus! *Ligna in meliores vertuntur & sus, & non possunt hominum corda mutari!* Habet remedium arbor, cui non alia, quàm vegetatiua anima, & non sit modus sanandæ plantæ, cuius anima rationalis! Quis sibi hoc persuadeat? Quantumuis arida sit, & amara per culpas hæc arbor, reuirescere tamen potest, & fructus pœnitentiæ dulcissimos producere.

Admirabantur Sponsam Angeli, quòd illa per inculta iuga montium, per asperam eremi solitudinem, tantam afflans fragrantissimorum odorum suauitatem, ascendens, ipsas nubes penetraret, superaretque. Dicebant autem: *Qua est ista, qua ascendit per desertum, sicut Virgula fumi ex aromatibus myrrha, & thuris, & vniuersi pulueris pigmentarij?* Cantic. 3. 6. Præstantia fragrantie eius exaggerari amplius non potuit, quàm quòd vniuersi pulueris pigmentarij odorem spirasse prædicatur.

Hoc nempe ex sententia Doctoris Angelici Thomæ, & Seraphici Bonauenturæ, Cardinaliumque

Aliaci, & Ailgrini, & Pontificum Gregorij, & Innocentij non aliud fuit, quàm quòd illam tanquàm perfectam, & ab omnibus virtutibus instructissimam tum admirati sunt, tum commendauerunt, dicentes: *Qua est ista, qua ascendit!* In quæ Gilbertus serm. 15. in Cant: *Attende profectum. In superioribus custodes interpellat, & de visione rogat dilecti, hic ipsis custodibus admiranda prorumpit, & nona sub specie.* Angelos, qui sunt peruigiles Ecclesiæ custodes, sollicita, & anxia Sponsa paulò antè interrogauerat, *Num quem diligit anima mea vidisti?* ibid. v. 3. Quæ hic se tam humiliter, ac reuerenter submitte Angelis, illa paulò abhinc ipsis custodibus admiranda prorumpit, illam vident Angeli incredibilem penè exhalantem odorum fragrantiam, & omnibus virtutum copijs collocupletatam. Cur scribitur illa tanta Sponsæ ergà Angelos demissio, & humilitas, cur etiam illa Angelorum nata ex affluentissimis eiusdem virtutibus admiratio? Cur dicis! Ut hinc animam peccatrices sumant, quæ Sponsam suam perdiderunt, & de gratia Dei illud benè sperent, quòd quæ nunc illum perdidisse infirmæ lugent, ac dolent, per virtutem pœnitentiæ in statum valde sublimem ascendere possint, & quæ nunc imundæ, & putidæ in abominabili cœno culpæ iacent, per compunctionis virtutem irâ excitari, atque erigi queant, ut raptæ in aëra purissimos spiritus angelicos magnitudine admirabilis fragrantie suæ dulciter suspendant, & attonitos reddant.

Transferat in vsus suos hanc doctrinam Politicus noster, qui si quâ homo cadere valet, quâ Christianus erigere sese potest. Non illum distineat à salute speranda suorum scelerum immanitas, non exanimet peccatorum grauitas: Nam quantumuis illa enormia sint, & grandia, exinanire tamen, aut siccare immensum oceanum infinitæ misericordiæ tam dulcis, ac pij Domini non possunt, qui tam crebris, & suauibus vocibus nos identidem inlamar, & inuitat oblatione veniæ, & indulgentiæ, cui tardius videtur peccatori veniam dare, quàm ipsi peccatori accipere, sic enim festinat reum absoluerè à tormento conscientie suæ, quasi plus eum cruciet compassio miseris, quàm ipsum miserum compassio sua. Ità sanctus Augustinus lib. de Spiritu, & lit. c. 6.

*Huius Capituli argumentum est de desperabundorum, quorum ingens numerus, consolationi longè stilissimum, ita ab Autore varijs in locis sæpe, & semper ingeniose tractatur. Vide partis primæ librum 2. cap. 8, & loca ad finem annotata.*



P. NISSENI POLITICI COELORVM  
CAPVT IX.

Tanta est vis, & efficacia exempli, vt plus videatur liberum opprimere tyrannide arbitrium, quam mouere voluntatem.

VT vidit Patriarcha noster, quoddam dulcis, & dilecta Rachel sua optatum illi fructum, filium, dico, attulisset, mox comiter à focero suo Labano petijt licentiam redeundi ad charam patriam, vt decrepitos consolari parentes posset, à quibus sciebat se, tanquam baculum senectutis illorum, vehementer desiderari. Aggre ferebat socer, quoddam gener, & nepos abeundi propositum concepisset, sciebat namque quantum facultates suae propter ipsum à Domino amplificarentur: Nam simulac Iacob pedes domui Labani intulit, Deus illi affatim benedicere coepit, ad ingressum enim sancti consobrini tantis incrementis bona sua, opesque augescere sensit, vt fateri cogeretur, per illius virtutes, & sanctitatem se omnium illius terrae hominum opulentissimum factum. Cum ergo vidit, certum, ac deliberatum illi esse reperere patriam, atque inde migrare, dixit: *Quid tibi dabo?* Genes. 30. 31. Vide sis quam mercedem ampliorcm velis, numerabo enim quantamcunque voles, tantum vt non me destituas. Respondit Iacob: Si diuturniorem pascendis gregibus tuis nauare operam necessum est, remunerationem laboris mei nolo aliam, quam vt mihi dentur oves, & caprae, quaecunque vel ab unicoloribus diuersicOLORIBUS, vel à diuersicOLORIBUS unicoloribus nate fuerint. Placuit fraudulento Labano pactio, arbitratusque quoddam Iacobem sua ludificaret, perderetque; conventio, lætante inijt fœdus. Iacobi nihilominus feliciter cecidit sua stipulatio, vt qui ex Angelo didicerat, qualem ea finem habitura esset. Separati sunt ergo greges varij ab unicoloribus, dataeque Iacobi oves, & caprae, quae suae prorsum nigrae essent, siue omnino albae, qui vt ex unicoloribus pecudibus versicOLORIBUS nascerentur, hæc industria, quam ab Angelo edoctus fuerat, & hoc vsus est artificio. Virgas partim detracto cortice, partim integras, ac proinde partim albas, partim virides, & subnigras ouibus potatum venientibus proposuit in canalibus, vt eum aquam inde aridis faucibus, audis oculis autem colorem virgarum haurirent, quo tempore arietes, hircosque admitterent, vario colore oves, aut capras conciperent, sagacemque, ac solertem pastorem copiosa sobole collocupletarent. Texus sacer hanc rem sic reddidit: *Factumque est, vt in ipso calore coitus oves insuerentur virgæ, & parerent ma-*

culosa, & varia, & diuersi colore respersa: Genes. 30. 39.

Indagemus nunc spirituales huius facti intelligentiam, de qua si consulamus Sanctos Patres Ambrosium, & Gregorium Magnum, item Hugonem Cardinalem, Guilielmum Ebroicensem, Cornelium à Lapide, & alios Interpretes, dicent, eam re nobis indicatum, quanta in sit vis, & potestas in exemplo Superiorum, & Prælatorum ad permouendos, abripiendosque subditos, vt quod à maioribus factum viderint, imitentur, sequanturque quod illi præcesserint. Loquatur vnus pro omnibus sanctus Gregorius, qui lib. 21. Moral. cap. 1. sic habet: *Quid est Virga? Virides ante oculos gregum ponere, nisi antiquorum Patrum vitas populus in extremum præbere?* Vt subditi cogitatus bonos, seu malos concipiant, intuitus virgarum facere potest, hoc est, studiosi, & attenta consideratio eorum, quæ à Prælati sunt, omnis enim tam felicitas, quam pernicies regnorum, rerum publicarum, & quorumvis locorum, vbi communem sub vno capite vitam multi ducunt, posita est in vitæ moribus, & exemplis Regum, Principum, Moderatorum, & Prælatorum, qui cum imperio præsunt. Nam Superiores vt sunt capita, ex quibus omnis motus in membra deriuatur, sic qualis est illorum vita, & institutio, talis est etiam Inferiorum agendi mos, & conuersatio.

Venit quondam vt ferunt Euangelistæ, Dominus noster in partes Casarea Philippi, seiscitatusque fuit discipulos suos, quænam esset hominum de ipso opinio, inquit: *Quem dicunt homines, esse filium hominis?* Matthæi 16. 13. Quo me loco habent? Quam in mundo existimationem obtineo? Quid de me vulgò dicitur? Quid de vita, deque miracolis meis per compita, vicofque loquuntur? At illi dixerunt: *Alij Ioannem Baptistam te affirmant, alij autem esse Eliam contendunt, alij verò Ieremiam, aut Senum ex Prophetis esse volunt;* ibid. v. 14. Cum hæc ille audisset, nihil quidem miratus fuit, tot capitum tam varias esse sententias, conuersus verò ad discipulos suos ait illis: *Vos autem quem me esse dicitis?* ibid. v. 15. Quodnam est vestrum de me arbitrium? Quæ vestra de meo patre sententia? Quo me genitore editum censeis?

Sed cum diuinus Reparator noster eo consilio iudicium de se aliorum exquisierit, vt ne quis in agnitione illius vera hallucinaretur, ac erraret, aliterque de ipso, ac res est, sentiret, quam obrem cæterorum opiniones, susque deque habuit, ac præterijt, & solam valere Apostolorum sententiam voluit? Vos autem



*astem quem me esse dicitis? Cur speretis aliorum arbitrijs vnam nobis ratam, certamque esse debere Apostolorum existimationem placuit?*

Mouit hanc sanctus Ioannes Chrysostomus quæstionem, atque ita dissoluit in Orat. de Sigill. To. 5. *Nullam imperia multitudinis rationem, sed vestri meorum praconum habeo. In vobis res humane mutant, in vobis periclitantur. Et quæmodum vestra cognitio publicum mortaliū beneficium, sic vestra inscitia totius orbis detrimentum, idcirco vos quemnam me dicitis? Destinati erant Apostoli Principes, ac duces orbis, fides Euangelij, tubæ doctrinæ Christianæ, primum mobile cæli Ecclesiæ militantis. In illis, post Deum, collocata erat veritas, & agnitio sublimium, & reconditorum legis nouæ mysteriorum. Contempto igitur totius orbis reliqui iudicio, & omni eo, quod vulgus hominum dicere poterat, solum requirit Apostolorum arbitrium, quia ex eorum seu vera, seu erronea sententia pendebat cæterorum omnium rectum, aut sinistrum iudicium. Dum capita, Superioresque rectè modò sentiant, errorem subditorum metuere non possumus, nec debemus: At si Principes hallucinentur, quid aliud timere possumus, quam ne falsâ opinione etiam imbuant eos, quos suscepunt gubernandos? Eapropter aiebat Christus: Sentiet vos rectè, qui futuri estis Principes, nam tametsi alij offendant, & impingant, exemplo vestro correcti euadeant errorem: Verum si vos consilio labamini, si vestrum fallatur arbitrium, periculosè cum alijs agitur, qui procliuiter vadunt in errores, ad quos Prælati præuenerint. Omnis enim felicitas, & pernitias ab exemplo Superiorum in subditos manat. Quare etiam dicebat Dominus: *Nullam multitudinis rationem, sed vestri meorum praconum habeo, quia in vobis res humane mutant, in vobis veritas periclitatur. Vestra cognitio publicum mortaliū beneficium, vestra inscitia totius orbis detrimentum.**

Perspicuè hoc idem docet coronatus inter Prophetas Princeps, quando de his, qui in lege euangelica moderaturi erant Ecclesiam, loquens, sic ait: *Pro patribus tuis nati sunt tibi filij, constitues eos principes super omnem terram, memores erunt nominis tui;* Psal. 44. 17. 18. ac si apertius dixisset: In vicem veterum Patrum tuorum gaudebis filijs, quorum erunt tam illustres, ac heroicæ virtutes, vt Principes fieri mereantur totius mundi, qui etiam ad indubitationem suæ sanctitatis testificationem habebunt nomen tuum cordium suorum laminis velut chalybeis indelebiter insculptum. Quid verò ex

illo tam sanctorum, ac religiosorum Principum exemplo fiet? Illud, quodd propterea populi confitebuntur tibi, Messiamque te, & Reparatorem humani generis vnicum, verumque Deum, ac Dominum agnoscent, venerabuntur, adorabunt.

Redeamus ad priora. Principes memores erunt nominis sui. Dicit hoc in loco Hugo Cardinalis: *Si iste versus verus esset de Prælati, sequens versus verus esset de Subditi, nimirum, Propterea populi confitebantur tibi, quia sibi boni sunt Prælati, boni erunt et subditi.* Ieremiæ enim 31. 14. dicitur: *Inebriabo animas sacerdotum pinguedine, et populus meus bonis adimplebitur.* Tanta enim ferè est Superiorum, & Subditorum, quod ad vitæ mores attinet, conformitas, & cognatio, vt videatur esse impossibile, vt sub capite sancto membra militent peccatriciæ, & improbi Prælati signa milites vitæ laudabilis, & integritatis consecutur.

Cum videret dæmon, quàm sinistrè illi caderet suum de Christi passione, ac dehonestatione consilium, veritus ne per illius passionem, ac mortem redimeretur mundus, voluit tanto bono asferre impedimenta, mulierisque operâ ad fruendam fraudem vti, ideòque Pilati vxorem excitauit, quæ hæc ad maritum nuntia dedit: *Nihil tibi, et iusto illi, multa enim passa sum hodie per visum propter illum;* Matth. 17. 19. velut dixisset: Cura modis, quibuscunque potes, vt sanctum hunc, innoxiumque virum dimittas liberum, horribilia enim sunt, quæ mihi per quietem de illo occurrerunt, & maximum tibi malum comparabis, si sanguinem illius inculpatum fundas.

S. Laurentius Iustinianus de triumphal. Christi agone cap. 13. §. 5. ait: *Hominum redemptio, Pilati mediante vxore, ne fieret, laborauit satanas.* Omnes ingenij sui vires huc vertit diabolus, vt mundi redemptioni poneret obstaculum, cuius libertatem ex sanguinis Christi effusione secururam suspicabatur. Atque vt moram tanto bono inferret, mulierem, (vetus, vtiturque suum instrumentum) ad hanc rem adhibuit, vt ipsa Pilatum à ferenda contra Dominum sententia deterreret, itaque captiuus maneret mundus, dum liber abiret Christus. Fuitne bonum illud mali dæmonis artificio? Fuitne solers industria, aut ingeniosus astus, prudenterque ad efficiendum, quod volebat, excogitatus? Minime omnium, inquit sanctus Laurentius Iustinianus. Quoniam ergo mediò vti debuit, aut certe rectius potuit? Respondet vir sanctus: *Consultius propositi sui poterat obtinere effectum, si quos inflammauerat sacerdotum animos eneruasset.* Accendebant quidem iniu-

Ritae







minibus, & horrorem ipsis etiam adferant dæmoni-  
bus, si ibidem iurant, & blasphemant, si sic viuunt,  
vt videantur operibus clamare, non esse Deum, non  
aliam vitam, quàm præsentem, nec venturum iudi-  
cem, qui malè actorum rationes exposcat, quid fa-  
ciet famulus, qui illi seruit, quid plebeius, qui talia  
videt, quid omnes alij, ob quorum oculos illa fiunt:  
Si mater filia coram præsentē schedam recipit, &  
reddit amatoriam, admittit officiosas, affectatasque  
salutationes, & monilia, demùm vultu, gestuque be-  
nevolentiore blandiusculè amasium tum spectat,  
tum appellat, quid filia faciet? An fortè illa casti-  
monialis religiosa sub matre tam fatua, & libera e-  
rit? Si obscena mater, cùm è strato surrexit, non  
librum perfecti Christiani, aut contemptus mundi,  
non Opuscula spiritualia Patris Ludouici Grana-  
tensis, aut sanctæ Matris Theresiæ, non Officium  
beatissimæ Virginis, sed speculum ante petit, & fa-  
cos, & purpurillam, & peregrinos, accersitosque or-  
natus, & calamistrum, & discerniculum, & pectinem,  
& mundi muliebris reliquam tam variam supellesti-  
lem conquirat, quam infernalis, & diabolica vanitas  
ad tam horrendam animarum stragem, & facultatum  
vastationem excogitauit, vt nesciam, quid de bello-  
rum incommodis queri possimus, quando publica  
relaxatio, & conuiuentia tales iam permittit vestitus,  
qui maiorem honestis moribus perniciem afferant,  
quàm vlla infesta hostium arma, quomodo filia li-  
brorum piorum lectione oblectari, quomodo con-  
cionum auditu, & sacramentorum frequenti vſu pa-  
ſci, & alia id genus sacra exercitia amare potest? Si  
pater quispiam est vindictæ cupidus, amans lusus,  
turpi libidini addictus, prodigus, qui nunquàm domi  
traſtare manu Rosarium videtur, vomere pleno ore  
iurameuta perſæpè auditur, quomodo illius filius sit  
modestus, frugi, verecundus, pius? Potestné fieri,  
vt ille amet frequentare sacramenta, cui domi pro-  
positum est exemplum patris, qui nisi sanctæ Inqui-  
ſitionis sanctum, sed rigidum, & subausterum tribu-  
nal metueret, ipſo Epicuro magis atheus eſſet? Si  
Prælati sui officij tam eſt negligens, vt nihil minùs,

quàm illud curet, sed delicias, laetitiasque ſibi vnde-  
quaque comparet, primuſque ad epulas accurrat,  
ad labores poſtremus veniat, aut ne veniat quidem,  
vultuſne vt ſubditus ea videns abſtineat à cibis, am-  
plectatur aſperitatem, lubens, gaudenſque ferat ri-  
gorem? *Nec mirum eſt, ſi in terris omnis generis eua-  
poratio eſt, cùm in cælo quoque non vnus appareat co-  
lor rerum.* Quid nouum eſt, quòd inferiores inue-  
recundè, licenterque agant, quòd tanta ſit in vulgo  
inundatio ſclerum, cùm eos tam flagitioſos, conta-  
minatoſque videamus, qui cæli eſſe debebant, & vir-  
tutibus tanquàm ſtellis micare? Quid mirum, quòd  
rudis plebecula leuiter proſiliat ad crimina, ſi apud  
eos, qui ſublimem dignitatis locum tenent, domi-  
nantur vitia, imperat culpa, triumphat malitia, coe-  
noſaque turpis luxuriæ, & id genus ſpurcitiarum a-  
qua inde venit, vnde bonæ, & ſanctæ vitæ pura, &  
perſpicua aqua deriuari ad ſubditos debuerat?

Hinc poteſt noſter Politicus accipere, quantum  
teneatur bonum de ſe præbere exemplum, ſi illum  
Dei manus in locum ſuperiorem, ex quo cum pote-  
ſtate præſit, euexerit. Præpoſitus enim alijs eſt velut  
lucerna candelabro dignitatis impoſita, vt luce  
quidem ſua ignorantes illuminet, & vitæ ardo-  
re exciret ſegnes, eoſque, qui peccatorum pro-  
fundo lethargo, & periculoſo ſomno demerſi iacent.  
Cogitet autem ſæpè, ac multùm ſtrictas rationes,  
quas Dominus exiget eorùm, quos ſuo malæ vitæ  
exemplo corripit, & peruertit. Conſideret gloriam,  
quâ remunerabitur eius labor, & ſtudio, quodcun-  
que huc vertit, vt alios ſuo exemplo ad virtutis amo-  
rem accenderet, & ad frugem bonam adduceret.  
Omnia diligenter, ſtudioſèque expendat, conuenit  
enim vt hinc illum timor infrenet, inde ſpes alat, &  
confirmet. Scit nimirùm quòd Deo ſeruiat, qui v-  
habet lucem, quâ coronet Prælatum, qui bono e-  
xemplo fuerit, ita & ardentes flammas ſeruat, quibus  
eos, qui ſuis factis alios offèderint, puniat, & caſtiget.

*Meliora de hoc argumento inuenies in Tomo 2. Pe-  
riocha 1. Dominica IV. Aduentus pagin. 362. 9.  
Vide etiam calcem iſtius Periocha.*





## LIBER QVARTVS.

## CAPVT I.

*Omnia vitæ felicitas ex morte pender.*

**Q**uanquam omnia pia monita, quæ in cælum aspiranti Politico Christiano damus, eo spectant, vt illum tuto ad beatam patriam itinere securum conducant, nulla tamen magis & momentosa sunt, & vtilia, quàm ea, quæ in hoc quarto libro suggeremus. Hic enim tractabimus, quid fieri debeat, vt vitæ periodum extremam optatâ clausulâ laudabiliter, ac gloriose quis finiat. Nam si omnis nostra felicitas, vt mox videbimus, & spes tota obtinendi finis vltimi in fine vitæ prospero posita est, honestissimus, fructuosissimusque labor erit, quemcunque ad obtinendam bonam mortem verterimus.

Introducendæ nostræ doctrinæ occasionem sumemus ab illis verbis, quæ Patriarcha noster socero suo Labano dixit. Seruierat huic ille annos longos, omnique contentione, & viribus totis eius vîbus, & rei familiari augendæ, atque amplificandæ strenuam operam dederat, demùm verò rogabat veniam, vt domum suam reuerti, & familiam propriam gubernare, liberosque educare, & cætera omnia curare posset, dicens: *Iustum est igitur, & aliquando provideam etiam domui meæ*; Genes. 30. 30. Iustum est, vt familiæ meæ iustam habere rationem incipiam, postquam Domino placuit felicitare me dulcibus his, & charis pignoribus, quibus gaudeo, ratioque postulat, vt & mihi, & illis prospiciam, nec enim deset, vt ingenium meum, viriumque robur totum, omnemque vigilantiam semper occupatam vna, solaque domus tua habeat, tempus iam est, vt ad meam rectè instituendam me conuertam.

His Patriarchæ nostri verbis totâ mentis intentione, & fixis cogitationibus per omnem vitam perpetuò immorari Politicus noster deberet, illudque perpensè, atque in dies dicere: *Iustum est, & aliquando provideam domui meæ*; iustum est vt familiæ meæ, hoc est animæ prospiciam, vt me saluatio illius, & salus æterna sollicitum habeat, vt rectè ordines meas, & sensus meos moderari, cupiditates meas coercere, infrenare prauos appetitus studeam, & status mei obligationibus satisfaciam, & mandata Dei studiosè obseruem, & continuè ob oculos habeam

fatalem illum, & supremum è corpore abitum, post quem incidam in manus illius recti, & seueri iudicis, qui omnium minutissimorum, interque hæc etiam occultissimarum cogitationum rationes exactissimas requireret. Totum vitæ tempus (si fieri posset) exigi in his meditationibus deberet, & in vnicò studio vitæ ad mortem ritè præparandæ, in hac enim omne bonum, totaque humanorum desideriorum felicitas est posita. Qui enim vitam mortè non claudit bonâ, is boni omnis iacturam æternam facit. Et si regius Propheta sepulchro nomen domus ad extremum iudicii diem vsque duraturâ dedit, inquiens: *Sepulchra eorum domus illorum in æternum*; Psal. 48. 12. nihil rationi, nihil iustitiæ magis consentaneum, quàm vt Christianus omni vigilantia consideret fatalem hanc domum, consideretque in vltimo vitæ exitu consistere felicem æternitatis successum, basi enim nostræ mortis innititur totum nostræ perpetuæ seu beatitudinis, siue infelicitatis, ac miseræ ædificium.

Fatetur de se regius sacer Cantor, totâ neruorum contentione, & quo maximo studio potuerit, percurrisse semitam præceptorum Dei, inquiens: *Vitam mandatorum tuorum cucurri, cum delataste cor meum*; Psal. 118. 32. tanquàm dixisset: Cursu expeditissimus ferebar per omne sacrosanctorum mandatorum tuorum iter, Domine, quoties tu mihi coglatè explicabas spe latâ bonorum æternorum, quibus labores meos remuneraturus eras.

Sanctus Ambrosius apud Ludolphum Carthusianum in Psal. 118. Ludolphusque ipse hoc verbum, *Cucurri*, sic interpretantur: *Vt bonus equus cursum vite meæ secundum mandata tua direxi*. Non itaq; dicit Propheta, *Cucurri & equus*, sed *cucurri & bonus equus*. Quicunque equorum ad cursum rectè instituendorum disciplinam, præceptionesque tradunt, aiunt, cursus equorum summam dexteritatem, gratiamque in eo positam esse, si alacriter, animosè què suum curriculum absoluant, & non languidè, ac remissè, quemadmodum animalia cætera ferè solent, quæ minùs sunt generosa. Si fortè benè capite equus, sed ignauiter, torpenterque finij cursus, omnem anterioris laboris gloriam impar initio clausula obliterauit.

Dicit nunc Propheta rex, atque ex illo omnis iustus, quicunque per diuinorum præceptorum semi-



**S.** *am celeri cursu contendit: Viam mandatorum tuorum cucurrit: & bonus equus;* hoc est, benè cucurri, cursum vitæ meæ animositate christianâ generosè absolui. Vnde hoc intelligemus? Ex eo, quod ait, cucurrisse instar boni, rectè erudit equi. Bonus enim equus hoc nominis non obinet, nisi cursum suum benè absoluat. Fortunatus ergo, prorsumque felix vocari possum, inquit Iustus, qui cum cursum meum ad modum, quo bonus equus solet, clausi, fructuosè in curriculo laboraui. Omne nimirum bonum, & tota felicitas hominis christiani ad hoc reuocatur, vt benè finiat, qui in bona morte æternitatis beatæ lucrum inuenit.

Detegbat se coelestis Magister, quod ipse verus, ac legitimus animarum pastor esset, dicens, omnia in se reperiri, vt qui non pastor solum, sed pastus quoque dulcis, & opimus esset, portaque vnica, quæ ad foelicitatē supremā duceret. *Ego sum ostiū, per me si quis introierit, saluabitur, & ingredietur, & egredietur, & pascua inueniet;* Ioā. 10. 9. Quid est, quod ait, *Ingredietur, & egredietur?* Nicolaus Lyranus sic exponit: *Ingredietur hic ad fidem, & egredietur ex hoc mundo, & posthæc ferens fidem constantem, & charitate formatam, inueniet pascua vitæ æternæ.*

Ioannes Baptista Folengius in Psal. 12. secutus paraphrasin Lyrani ait: *Vide quàm paucis Sapientum Ecclesiam effinxit* Dominus, in introitu scilicet per fidem, & exitu per mortem. At cur harum duarum rerum tantum fit mentio? Vt significetur, post primum in bonam vitam ingressum, nullius rei maiorem, nullius vel tantam habendam rationem, quantam bonæ mortis, omne namque bonum hominis in introitu, exituque est positum. Bonâ morte, & sanctâ vitæ clausulâ omnia nostra in tuto collocatur. Qui enim vitæ periodum malè claudit, ei omnis spes status melioris æterni est succisa, & adempta.

Huc sine dubio alluserunt Hebræi, quando eodem mystici sui alphabeti charactere significari voluerunt conclusionem, & oculorum, animique attentionem. Litera ea est *Keph*, de qua sanctus Ambrosius in Psal. 118. Oton. 19. *Eius*, inquit, *interpretatio est*, Conclusio, *& sicut alibi inuenimus*, Aspice. Quid est, quod ad eadem literâ voluerunt significari conclusionem, & animaduersionem, siue attentionem? Quid sibi vult harum rerum in vno vocabulo coniunctio, & concursus? Hoc sibi vult ista duplex vnus literæ significatio, vt intelligamus, quod si res alia quæpiam postulat animum attentum, diligentemque considerationem, eam vel maximè requiri ad mortem, ad conclusionem, ad vitæ clau-

sulam extremam, ad mortis horam, ex qua omnis secundus euentus hominis pendet, bona namque mors, laudabilis vitæ clausula, & sanctus finis vitam totam honestant, & felicitant.

Volebat Apostolus persuadere Hebræis, vt seriò, ac studiosè tractarent suæ saluationis negotium, quod vt efficeret, reuocabat eis in memoriam illud quibusdam infelix iter, quo à dura seruitute Pharaonis iam liberi contenderunt ad terram promissionis, & ad ipsum eius vestibulum peruenerunt, in-  
quiens, *& videmus quâ non potuerunt introire propter incredulitatem.* Hebr. 3. 19. velut dixisset: Scimus illos exisse ab intolerabili seruitute, scimus per asperas solitudines, & incultas eremos viâ difficili perrexisse, scimus crebrò, & validè cum plurimis hostibus pugnasse, qui sæpè impedire, prorsumque obstruere iter voluerunt, scimus post multos exantlatos labores, post exæquatos non paucos difficultatum montes demum eos, qui hæc omnia & fecerunt, & tulerunt, factos miseros promissæ felicitatis Tantalos: *Non enim potuerunt introire.* Ex eo tam insperato euentu hanc Apostolus tam formidabilem conficit illationem: *Timeamus ergo;* Hebr.

4. 4.

Sanctus Ioannes Chrysostomus quærit, quidnam illud Hebræorum infelix successus ad Christianorū timorem facere possit, & cur Apostolus voluerit, vt illorum periculo cautiore facti sapere disceremus, quomodo felicitatem nostram providè curare, & studij nostri rectam rationem habere debeamus? Orat. 7. in c. 4. ad Hebræos sic ait: *Potest dici nempe, quod cum ista maiorem partem consecissent, cum essent ad ipsas portas, in ipso portu sunt submersi.* *Hoc de vobis quoque timeo.* Sic ille. Nulla fuit alicuius hominis tanta aliquando infelicitas, quanta miserorum Hebræorum, aduersa illorum fortuna cum omni cunctarum gentiū calamitate certare de magnitudine potest. Nam cum tam vicini terræ promissionis, & quàm proximè alterum paradysum essent, tantumque vno velut passu abessent ab amica quiete, & optata fertilitate, & tot pericula superassent, totque hostes subegissent, & per deserti procellosum mare totos quadraginta annos variè, ac misère iactati ad ipsum litus appulsi essent, in ipso portu naufragium fecerunt, spesque illorum omnis est suffocata. Quænam acerbior, miserabiliorque infelicitas esse possit! Qui enim sub finem curriculi interierunt, omnis antea laboris iacturam momento vno fecerunt.

Sic nunc dicit Apostolus: *Timeamus ergo, & ob oculos*

Vuu z



oculos habentes spem illorum tam miserè frustra-  
tam, ac delusam solliciti metumamus, & anxij formide-  
mus, ne tale quid etiam nobis eueniat. Nam si quis  
omnem vitam superiorem sine periculo transmissi-  
set, & desertum huius mundi fortunatè pertransiis-  
set, & per inquietum turbulentarum tentationum  
mare prosperè vectus, demùm iuxta marginem vi-  
tæ, in ipso portu mortis eversâ naui mergeretur, ne  
illa incomparabilis infelicitas esset, cum malæ enim  
mortis calamitate nulla conferri miseria potest, nam  
qui sinistro sine vitam claudit, quid sperare boni po-  
test, quid non timere mali debet?

Doctus quidam libri Genesios interpres obserua-  
uit, quod tametsi inelytus Patriarcha noster quorū-  
vis bonorum operum exercitationi impensè dedi-  
tus fuit, & orationis, contemplationisque studium  
plurimum amauit, nunquàm tamen sollicitus perui-  
gilauit, nunquàm maiore conatu, curâ enixiore Deo  
se commendauit, quàm tunc cum à Labano ad patri-  
am tendens transitus erat Iordanem. Tunc enim,  
ut facit Textus indicat, *totam noctem duxit in somnè,*  
& defatigato diurnis laboribus corpori consuetum,  
ac debitum negauit alleuamentum.

Quid ex mytica hac actione accipimus? Illud,  
*Et discamus, cum ad Iordanem, id est, ad mortem ap-  
propinquamus, fortius orare, & inuigilare, ne tunc  
impediamur à diabolo per omnes vias insidante. Tunc  
enim vel maxime opus habemus Dei auxilio, etiamsi  
notâ sit in vjs Domini incesimus.* Itâ Ioannes Fe-  
rus in c. 32. Genes. Iordanis idem est, quod *fluvius  
Iudicij*. Iordanem ergo transimus, cum per amaræ  
mortis angustias ad terribile iudicium, & supremum  
tribunal Domini pergimus, quod cum facimus, tunc  
preces precibus iungere, tunc iterare obsecrationes,  
& protrahere vigilas debemus, ut pius Dominus,  
& amantissimus Pater tutelæ sit nobis, & patrocini-  
o. Quanquàm enim diuinæ protectionis eius valido  
scuto semper egeamus, sed nunquàm magis, quàm  
in supremo supremæ horæ, & mortis discrimine, tunc  
enim crudelis inimicus noster (ut posthæc dicemus) a-  
criùs nos infectatur, & ferociùs oppugnat, & quod  
caput est, error, qui tunc committitur, inemenda-  
bilis est, & absque remedio, & quod sub id tempus  
rectè, ac prudenter agitur, id tam opportuna occa-  
sione agitur, ut effectus illius totâ Dei perdurent æ-  
ternitate. Morte namque bonâ bonum hominis  
Christiani omne nititur. Propterea Salomon Prou.  
14. 32. aiebat: *Sperat iustus in morte sua.* ut qui om-  
ne solacium suum, omnem vitæ successum in ex-  
tremo illius accentu collocatum habet, sciens mor-

tem esse portam, per quam ad æterna gaudia, & qui-  
etern vitæ beatæ perpetuum duraturæ transeat.

Consulebat Propheta regius Fidelibus de profe-  
ctu animarum suarum sollicitis, ut corda, vigilantia-  
amque suam omnem addicerent cognitioni virtutis,  
& potentia, quam noua Sion, quæ est Ecclesia, ha-  
beret, ut excitati illius magnitudine seruirent Do-  
mino, cuius ipsa esset sponsa. Aiebat autem ita: *Po-  
nise corda vestra in virtute eius.* Psal. 47. 14. Quid  
itâ? *Quoniam hic est Deus noster in æternum, & in  
seculum seculi, ipse reget nos in secula;* ibid. v. 15. ve-  
lut dixisset. Totos animos, cogitationesque omnes  
conuertite ad Sionem, ut semel rectè intelligatis,  
quàm ingens sit virtus eius, quoniam sponsus eius  
est Deus noster, qui nos æternum, si tamen volu-  
mus, suâ gloriâ beabit: *Ipse reget nos in secula.* Tex-  
tus Hebræus apud Iacobum Fabrum habet: *Ipse  
erit dux noster in morte.* Videtur hæc versio aduer-  
sari, neque parum, textui vulgato, nam quod hic  
est, *Secula*, id ibi dicitur *Mors*. *Ipse reget nos in sacu-  
la*, dicit nostra translatio, illa verò, *Ipse erit dux no-  
ster in morte.* Et cum mors momento perficiatur,  
quid illi cum seculis? Cumque mors sit finis, quid  
illi cum æternitatibus, quæ finem nesciunt, affini-  
tatis? At si benè aduertas, inuenies magnum hîc  
subesse mysterium. Propheta dicit: Redemptor, &  
Dominus noster *ipse reget nos in secula*, cum arden-  
tissima cupiditate, ut æternum ipso gaudeamus, &  
fruemur. Quomodo autem illud amantissimi Do-  
mini Desiderium obtinebit? Quomodo explebitur?  
*Dux erit noster in morte*, inquit Hebræus, dux, qui  
omnes submoueat difficultates, auferat impedi-  
ta, repellat pericula, & quando illo comite, & benè  
inuant angustum mortis transicum feliciter supe-  
rauerimus, tunc *ipse reget nos in secula*; certaq; nos  
manet æternitatis quies. In bona enim morte inclu-  
ditur omnis bonus successus, & tota felicitas homi-  
nis Christiani. Hoc ergo ardentissimè rogare, hoc  
anxiè, flagrantissimisque cum suspirijs obsecrare Do-  
minum debemus, ut bonam mortis horam nobis  
concedat, hæc enim & argentea clauis totum vitæ  
curriculum claudet, & aurea portam gloriæ, & qui-  
etis æternæ aperit.

Eandem molam versat Periochâ tertiâ Dominicâ  
I. Septuagesimæ Tom. II. pag. 480, c. 1. o. Vide.



CAPVT II.

*Quod semel factum malè non habet remedium, quo curari possit, aut corrigi, id priusquam fiat, diligentissime considerandum, quomodo rectè fiat.*

Si quod multum valet, paruo (vt vulgò dicitur) consistare non potest, si bona mors est præcipuum vitæ & bonum, quodd aperit portam omnis boni, patiam est quodd rem tanti pretij gratis, & absque magnorum laborum, plurimarumque defatigationum sumptu consequi non possumus. Multis capitulis deinceps ostendemus semitas, per quas consequi possumus hanc felicitatem felicitatum, hoc est, mortem bonam, & sanctam vitæ clausulam obtinere. Primum iter utilissimum, rectissimumq; mihi illud videtur, quod iam indicauimus.

Apostolus ait, vnam cuilibet homini semel oppetendam mortem. Id his verbis affirmavit Hebr. 9. 27. *Statutum est hominibus semel mori, & post hoc iudicium.* Lex Dei communis, & ordinaria hoc habet, vt quisque semel morte occumbat, & secundum mortem statim vitæ actus rationes supremo iudici reddat, & hic est totius vitæ humanæ finis, post què homo aut in lucem vadit, aut in flammis, aut cælos petat, aut in tenebras projicitur. Quod autem homini vel cruciatus æternos, vel quietis, ac beatitudinis semper duraturæ iacturam adfert, id perisæpe, & circumspectè, & attentè, vigilantioribusque oculis, quam fabulosa antiquitas Argo affinxit, est considerandum.

Cum Ionas ierosolymis in Tharsis fugere cogitaret, vt effugeret onus prædicandi, & prædicandi Niniuitis suæ vrbs proximum excidium, nauem inuens vix nulum soluerat, quando concitatum mare fluctuabundam nauem in præsentaneum adduxit periculum. Eiectis vasis minuerunt quidem onera nauis, sed non periculum. Iacebat in navi interiore Ionas alto somno sopitus, quem conueniens nauarchus, cum expergefecisset, hortatus fuit, vt Deum suum supplex adiret, & malè irati maris commotos fluctus componi ab eo rogaret. Post hæc sortes misit, vt viderent quis in mare coniiciendus, si forte tali victimâ furorem concitatarum aquarum placare possent. Cecidit autem fors super fugitiuum Prophetam, quem cum illi interrogassent, quomobrem illud malum ijs euenire putaret, quid opetis exerceat, quâ patriâ oriundus esset, quò tenderet, tum ex quo populo esset, respondit ad omnia ingenue, se Hebræum esse, Deum cœli, qui fecerit mare, & aridam timere, & adorare. Demum ait: *Tolle me, & projice in mare, & cessabis à vobis tem-*

*pestas hæc grandis; Iona 1. 12.* Trepidabant consternati animis miserè iactatæ nquis gubernatores, & quanquam Ionas diceret, se esse tam sœuæ, ac periculose tempestatis causam, eamque mox sedandam, si ipse in mare eijceretur, remigabant nihilominus viri, & reuerterentur ad aridam, & non valuerunt, ibid. v. 13. totaque lacertorum contentione quam potuerunt enixè laborarunt, vt nauem ad terram appellerent, tametsi in ea sententia essent, quam Prophetæ contrà seipsum pronuntiauerat, illiusque eiectio vnicum esset sospitatis illorum remedium.

Theophylactus in c. 1. Iona ait: *Demirari dignum est nauticorum hominum mores. Neque enim in eum insurrexerunt. Mare vehementius crescebat excitabaturque, neque sic tamen quidquam aduersus prophetam aggrediuntur, cum id iure possent, simul atque seipsum condemnarant.* Seipsum submerfioni Ionas addixerat, & dixerat, aliter nautas, nisi ipso in aquas proiecto, saluari non posse, neque proiecerunt illum tamen, quamuis fluctus magis, magisque intumescerent, & cum tempestate auferceret periculum, sed velis, & remis potius contenderunt ad litus, vt à propria sententia, si possent, Prophetam absoluerent. Cur tam longas traxerunt moras? Cur non statim opere expleuerunt sententiam Prophetam, sed prius omnem, quam pro tempore poterant, diligentiam adhibuerunt, vt eum seruarent, cunctatque sunt, neque subito ad executionem profugerunt? Cur? Quia mortis sententia erat, & quoniam vita semel ablata restitui non potest, & facta executio non habet remedium, propterea magnâ attentione ad eam rem vtebantur, & sollicitè, quid optimum factu esset, cogitabant.

Nam vt magnus regis Theodorici secretarius Casiodorus lib. 7. Epist. 1. aiebat, *cunctator esse debet, qui iudicat de salute, alia sententia potest corrigi, de vita transactum non potest immutari.* Qui iudex alieni capitis futurus, is debet passibus lentis, & attentis in causa progredi, videre acta, examinare testes, litem, controuersiamque circumspectè arbitrari; nam cum semel ab humeris detruncatum caput, & vitæ nexus amabilis solutus, nec rescirci damnum potest, nec reparari iactura. In alijs rebus minus periculosa, ac damnoza est iudicis præcipitancia; nam si furore cæcus huius quidem bona sequestro deponeret, illum verò in carcerem detruderet, alium debita iniusta solvere iuberet, posset ille sibi reddicus, & veritatis certior factus facile & reddere decepta bona, & absolue vincitum à catcere, & pecuniam restituere; At vita semel adempta



dempta restitui à nemine potest: Quare cunctator esse debet, qui iudicat de salute. At si tam diligenter deliberandum est de vita caduca, & ruinosà, priusquam illius adimendę sententia proferatur, eò quòd semel erepra restitui nequit: Cùm in hora mortis homo periclitetur de vita æterna, & de salute animę, cuius duratio vitam illam exæquat, nonne iustum est, vt se ad mortem præparet, & priusquam semel mortuus rationes dare cogatur, crebrò eas ad calculos reuocet, crebrò expendat, crebrò se disponat, vt ita morte bonà defungatur, detque feliciter rationes iustas, accuratas, & inculpabiles.

Multis fortè videbitur immodica diligentia, nimiaque, & superuacanea sollicitudo, quā sanctus Patriarcha Isaac angebatur, quando extremam benedictionem illi impertire deliberatum habebat, quem primogenitum suum esse putabat. Præcipiebat illi sumere arcum, pharetram, sagittas, & quę sunt talia venandi instrumenta, & si quid ferinæ acciperet, inde pulmentum, aut pulpamentum, lautum, delicatumque conficere. Audiit Rebecca, quę dixerat maritus, dumque Esau ruri feram indagaret, illa cibos domi extemporales parauit, filioque suo Iacobi autor fuit, vt Esau se fingeret & patri experta fercula ferret. Ille pelles hœdinas manibus, & collo circumdedit, vt pilosum, hirsutumque fratrem suum Esau magis assimularet, intulitque ad patrem pulmentum à matre sic coctum, conditumque, vt gratum fore palato eius illa crebrò, ac diuturno experimento nouerat. Animaduertebat cæcus Senecio celeritatem illius, quem coram habere putabat, & aiebat: *Quis es tu, fili mi?* Genes. 27. 18. Cumque ille se esse primogenitum Esau diceret, rursùm quærebat, quomodo fieri potuerit, vt tam citò in campum exierit, & feram inuenerit, & condierit, coxerit, atque esui aptarit, respondit, Deo volente, ac iuvante factum, vt tam expedite omnia ista conficere potuerit. Nondum conquiescebat vetulo patri animus. Itaque iubebat præterea, vt propius accederet, vt tentare manibus manus illius, collumque posset, atque ex eorum asperitate arbitrari, num Esau præsentem haberet. Cùmque etiam istud experimentum nondum illi satis esset, rursùm interrogabat: *Tu es filius meus Esau?* Ibid. v. 24. ac tum denique, cùm ille se esse Esau respondisset, iussit inferre cibos, & potum, & postquam inde, quod refocillando corpori necessum erat, accepisset, nihilominus præcepit, vt accederet, & osculum præberet, quod cùm ille faceret, & vestimentorum fragrantiam pater sentiret, benedixit filio.

Quis nò existimet otiosas fuisse tam erebras interrogationes, & nimis prolixam inquisitionem, & plurquam satis sollicitum, anxiumque in re tantilla examen? inquit sanctus Ioannes Chrysostomus. Quid opus tantà ad conferendam benedictionem indagine? Cùm tam facile esset illi benedicere, quid ita cunctabatur, morasque tam longas necessebat Isaac, antequàm Iacobi benè precaretur? Ne miremini tarditatem (inquit sanctus Doctor) quia benedictio illa talis erat, vt semel data retractari nò posset: Hoc satis indicauit sanctus Patriarcha filio suo Esau, quicùm seruus veniret, benedictionemque exposceret, hæc ad illum animo turbato, & confuso ait: Tu ex me quæris, num referuauerim tibi benedictionem. Respondeo, nullam esse reliquam, venit enim frater tuus, & accepit benedictionem tuam, *Et posthac, fili mi, Elra quid faciam?* ibid. v. 37. obturare sunt fores, non superest remedium. At si semel data benedictio reuocari non potuit, non irrita fieri donatio primogeniturę semel facta, quid mirum quòd Isaac quæsiuit, & requisivit, iterumque, & iterum sollicitè indagauit, & examinauit, vtrum is verus, certus, indubitus hæres benedictionis esset, qui illius ambitiosus, & cupidus? Existimabat nimirum si quid eà in re per errorem fieret, id corrigi, & emendari nunquam posse. Proprium hoc est hominum prudentium, & solertium, maturam adhibere attentionem, quoties aliquid aggrediuntur, quod infectum fieri nequeat, cùm semel factum.

Tertullianus in lib. de velandis virgin. habet quædam subobscura, quę tamen non difficile intelligi queant, dum ad sensum modò rei præsentis commodum exponantur. *Discā, licet nolum, ait ille, difficile mulier semel sit, quā timet fieri.* Hęc verba sic continuat, simpliciterque lecta, neque intercisā suis cōmatibus, sūt implicata, autinuoluta, vt monet optimus Tertulliani interpres P. Cerdas Annot. 226. in dictū librum, vbi vult sic debere legi: *Difficile virgo fit mulier semel*, agrè primis sollicitatorum precibus tantum concedit, vt candidum, & pretiosum integritatis suę lilium temerari semel rogata permittat, quod tale est, ac si dicas, inquit eruditus ille Interpres: *Non illico & inuaditur, sinit se corrumpi, eludis sapē amatorem suum*, non simul atque appetitur, exponit venalem inestimabilem virginē puritatis suę margaritam, mille modis, ac dolis fallit importuni amatoris tentamenta, & pertinaces conatus, priusquam tam tenerum, & elegantem florem ataminari permittat, arripit scutum verecundię, quo turpiter lasciuientis insultus retundat, lorica hō-

necita-



neftatis vefit; quā se ad hominum procaciam oppugnatione defendat.

Quamobrem verò difficile *Virgo fit mulier femel*? Cur non primo statim inuasori cedit? Cur non exemplo amoris triumphare de sua castitate permittit? Cur! Quia videt se iacturam facere gemmæ, quæ semel perdita reperiri nunquā possit, & rem periculo exponere, cuius damnum refarciri nequeat, propterea cautè sibi prospicit, & tergiversatur. Quod enim semel vitiatum restaurari non potest, non debet leuiter exponi discrimini. Prudentiam, circumspeditionem, deliberationem multam præexigit opus, quod semel factum fieri infectum nequit.

Succesit Roboam patri suo Salomoni in regno, quem ille Israelitici populi Principem designarat. Primum, quod illum subditi rogauerunt, fuit, vt minueret tributorum onus intolerabile, quod pater illis imposuerat. Molestissimum debuit fuisse hoc onus, quod ante omnia deprecandum putarunt. Pondera tamen illius oneris inde etiam arbitrari licet, quod supplices subditi bis dixerunt, iugum Salomonis fuisse grauissimum, & durissimum. Pacatè (quod non est parum in rege) preces illorum audiuit Roboam, & ait: *Ite & ad tertium diem, & reuertimini ad me*; 3. Reg. 12. 5. mihi interim curæ erit cogitare, quid optimum factum, quod Reges plerumque supplicibus respondent, ad quod erudiuntur, cum prima gubernationis rudimenta ponunt, quanquam ferè maiore curâ teneantur delectationum, & quarumvis corporis oblectationum.

At si preces populi tam iustæ erant, tam consentaneæ rationi, & rex illa immo tributa minimè opus habebat, cum monarchiam iniret pace tranquillam, & felicem, opum copijs circumfluentem, cui nemo bellum intentaret, nullus hostis erat quem formidare posset, nullum sumptuosum ædificium, quod excitare deberet, (quæ maximam plerumque adferre vastitatem regnis solent, quod experientia docet) cur non statim illis annuit, atque vt benevolus pater dixit, velle rogatibus acquiescere, & vetigalium, tributorumque graue iugum alleviare, & minuire onera? Cur in tertium diem concessionem gratiæ, quam expetebant, & responsum suspendit? *Ite & ad tertium diem, & reuertimini ad me.*

Respondet propositæ difficultati Abulensis, inquiring: *Petijt Roboam inducias trium dierum, & in hoc prudens fuit, quia agebatur de magna parte status sui, scilicet an relaxaret magnam partem tributorum populo, id autem quod nunc ex tempore, cum primum rogabatur, respondebat super hoc facto, debe-*

*bat mauere pro semper, idè cum magna deliberatione respondendum erat.* Fortè mos illius temporis habebat, quod reges in suis promissis constarent, & perpetuò rata haberent, quæ semel dixissent, & addixissent. Et quoniam magni momenti erat, quod illi à Roboamo petebant, & patrimonio regio non parum derogare videbatur, idcirco tridui moram voluit, quod sciret perpetuam fore gratiam, quam semel concederet, nec emendari posse errorem, per quem semel imprudenter aliquid promitteret, vel committeret, vt posset attentè dispicere, & maturè deliberare, quid consultius statueret, ac responderet: *Quod nunc responderet super hoc facto, debebat manere pro semper.* At si perennè futurum erat, quod Roboam semel decerneret, prudens ille fuit, cum spatium capiendi consilij, & inquirendi in consultationem subditorum petijt. Summa enim prudentia est, & laudabilis discretio, sæpè, ac diligenter consultare de re, eamque sedulo considerare, quæ semel facta corrigi nequit.

Hæc omnia præcipue, ac maxime Politico nostro Christiano, & Catholico dicuntur, qui debet serio animæ suæ saluti prospicere æternæ, vt aduertat, animam, quam habet, vnicam esse, & quod ex vno momento pendet æternitas vel cruciatuum, quibus subiacebit, siue beatitudinis, & gloriæ, quæ perpetuum fruatur. Et quoniam Catholicus est, ad quem sermo iste dirigitur, debet etiam hoc cogitare, quod post redditas semel supremo Iudici rationes, tam nulla est reliqua ad aliud tribunal pronocatio, quam nullus potest cadere in illius Iudicis sententiam error. Ac propterea potissimum Politici nostri studium illud esse debet, vt ad illam sese benè præparet horam, ex qua illius bonum, malumue omne pendet, disponatq; se studiosè ad supremum iudicium, quod subterfugere non poterit, dicatque identidem cum Iacobe, cuius illi exemplum imitandum proponitur: *Iustum est, & provideam domui meæ, prospiciam animæ meæ, cum illius bona verè sint bona, & talia bona, quæ veram adferant felicitatem.* Relinquat ergò vanas curas, quibus nequicquam insudat, & plurimi temporis iacturam facit, & tot benè agendi occasiones perdit. Ad animæ curam autem totum se conferat, & redemptioni tam pretiosi monili sollicitè inuigilet, post mortem enim frustraneum est omne illius redimendi studium, inanis illius requirendi labor, si tunc perijt, cum è corpore abiijt, tamen si sanguineas pro illa vindicanda, & recuperanda lachrymas vertat. Si mori semel vult feliciter, moriatur crebro antequàm moriatur, summamque



namque beatitudinis loco habere poterit, si mortem, postquam illi sæpe præluserit, demum rectè, atque ut par est, repræsentare mortuus in Domino sciverit.

## CAPVT III.

*Ita suum quisq; remedium procurare, ita querere saluationem debet, ut cogitet, quod ipse saluus fiat, siue damnetur, id tantundem esse, ac si totus mundus saluus fiat, aut damnetur.*

**E**X Sanctis Gregorio Magno, & Petro Damiano, & peruiulgata Græcorum philosophorum sententia suprà iam diximus, quod homo olim dictus fuit, *Microcosmos*, siue *Paruus mundus*, ut qui sit quoddam mundi istius maioris brèuiarium, summa, compendium. Secundùm hæc dum Politicum nostrum exhortamur, ut sollicitus curet salutem animæ suæ æternam, & quietem perpetuam studiosè, atq; ambitiosè confectetur, id perinde est, ac si illi persuaderemus totius mundi saluationem cum sua querere. Et verè ita res habet, quod velut totius mundi salutem querat, qui suam procurat: Nam si ipse damnetur, aut saluus fiat, eius arbitrio, & existimatione tantundem hoc erit, quantum si vniuersus terrarum orbis saluus fieret, aut damnetur. Ergo hæc illum excitare, & perurgere consideratio debet, ut rem tantam summo studio, & quâ maximâ potest diligentia, solitudine, vigilantia, assiduitate, & ardentissimo animi affectu curet.

Canticorum liber pro argumento habet desponsationem Christi seruatoris nostri cum Ecclesia, quæ ex illius latere prodijt, sicut Eua ex latere Adæ est facta. Quod autem hoc sit illius libri argumentum, ex libro ipso facillè est intelligere, in quo illa honorifico amicæ, & charæ sponsæ nomine sæpiculè donatur. Superuacaneum fuerit id probare, cum in varijs capitulis eam sic appellitet. *Veni de Libano, Sponsa mea*, ait Cant. 4. 8. & mox: *Vulnerasti cor meum, soror mea sponsa*; ibid. v. 9. & paulò post: *Quàm pulchra sunt mammae tuæ, soror mea sponsa*; ibid. v. 10. & c. 5. v. 1. *Veni in hortum meum, soror mea sponsa*.

Hiscæ in locis, ut volunt Theodorétus, Maximus, Psellus, Ailgrinus, Honorius, Doctor Angelicus, & penè omnes Expositores, casta Redemptoris mundi Sponsa vocatur vniuersalis Ecclesia. Sancti Isidorus, Bernardus, item Dionysius Carthusianus, Gislebertus, & Abbas Sancti Pantaleonis, & alij plures volunt in sensu mystico cuius animæ in singulari eam Sponsæ appellationem conuenire, & congruere. Videtur

tamen in his quædam esse contrarietas. Nam si liber ille Sponsæ nomine totam orthodoxam denotat Ecclesiam, quomodo id vocabulum aptè cadere in vnamquamlibet potest animam? Si Canticum de toto Fidelium cœtu loquitur, quomodo vni soli in diuiduo applicari singulariter potest?

Respondet Sanctus Petrus Damianus in Opusculo *Domini vobiscum*, inquit: *Ecclesia Christiana in pluribus vna, & in singulis tota, ita & ex omni vniuersalis Ecclesia non immerito perhibeatur vna Christi singulariter Sponsa, & vnaquæq; anima plena creditur esse ecclesia*. Sed quare vni soli animæ accommodari potest, quod de tota intelligitur Ecclesia? Causa ea est, quam toto hoc Capite persequimur, nimirum quod cum vna anima in cælum salua admittitur, hoc illi tantundem est, quantum si tota Ecclesia admitteretur, & si damnetur, hoc illi tam acerbum accideret, ac si totus mundus simul damnetur.

Habebat Quintus Fabius, ut de illo Iulius Frontinus lib. 4. Stratagem. c. 6. num. 1. memorat, exercitum in loco incommodo, & ad conflegendum cum hoste non satis idoneo. Videbatur filio cuidam illius cum iactura paucorum posse meliorem parari militibus stationem. Communicabat hoc suum cum patre consilium, qui respondens ait: *Visne tu ex illis paucis esse?* velut dixisset: Si cum nonnullorum dispendio, & interuisione in locum commodiorem penetrare omnes possumus, visne tu ex his, qui mortem sunt appetituri, vnus esse? Audiuit filius responsum patris, sed conditionem oblatam acceptare noluit: Tametsi enim initio putauit, paucos fore, qui suæ vitæ impendio parare toti exercitui locum opportuniorem possent, postquam tamen animaduertere cepit, quod ipse vnus è paucis illis futurus, & interimendus in conspectu esset, iam aliter sensit, existimauitque infinitos fore eos, quos pro communi salute trucidari oporteret. Loquebatur enim apud se ferè ita: Putabam paucorum damno posse malo publico ferri remedium, at si id meæ vitæ iacturâ depelli debet, iam mihi videtur non exercitus tantum totus, sed mundus etiam vniuersus interiturus, nam si ego morte sublatus fuero, id mihi perinde fuerit, ac si totus mundus extingueretur, & omnes exercitus occisione deleterentur.

Doctor Angelicus 3. p. q. 79. art. 10. querit, *Utrum per Sacramentum altaris conferatur gratia*. Et respondet, indubitatum, & communi omnium consensu receptum esse, quod verbis explicari non possunt beneficia gratiæ, quæ in hoc sacro conuiuio consequuntur, quicunq; debita cum munditiæ, ac deuotione



deuotione illud adeunt. Ad rem nostram plurimum faciunt verba, quibus sanctus Doctor hoc affirmat: *Effectus huius Sacramenti*, inquit, *debet considerari primo, & principaliter ex eo, quod in hoc Sacramento continetur, quod est Christus, qui sicut in mundum visibiliter Veniens contulit mundo vitam gratis, secundum illud Ioannis, Gratia, & veritas per Iesum Christum facta est, ita in hominem sacramentaliter Veniens vitam gratis operatur.*

Notanda in his comparatio, quâ gratiam vnâ cum altera sanctus Doctor componit. Ait namque, quod Dominus velut mundo gratiam contulit, cum in illum conspicuus venit, sic etiam, cum in hominem laruâ mysticâ specierum sacramentalium testus descendit, illi beneficia impertit. Itanè verò vt intelligamus quid gratiæ Christus vni singulari homini conferat, considerare primum debemus eam quam in totum mundum effudit? Quid homini vni, & toti mundo? Plurima est amborum connexio, & paritas. Nam si vnumquemque hoc Sacramento refectum interrogares, quis panem illum sacrosanctum acceperit, responderet, sibi videri totum mundum ex illo accepisse: Nam si fieri posset, vt vnus homo cum omnibus totius mundi hominibus vni mensæ accumberet, & hi quidem omnes auidè, hilariterque comedisent, ille nihil ciborum degustasset, parum vtilitatis illi splendida, & lauta comestio cæterorum attulisset, & è contrariò, si nemo aliorum de propositis ferculis quidquam accepisset, & ille solus magnam eum voluptate, & auiditate cibum sumpsisset, perinde illi fuisset, ac si reliquus mundus totus cum illo comedisset; ita nunc ait Doctor Angelicus, quod sicut in mundum Veniens Christus contulit mundo vitam gratis, ita in hominem sacramentaliter Veniens vitam gratis operatur, & cum in diuino altaris conuiuio pascit hominem vnum quendam, tantundem facit, quantum fecit, cum venit, vt mundum totum redimeret, nam quod sibi quisque bonum seorsim accipit, hoc ille tanti facit, quanti si totus mundus reciperet, quilibet enim separatim integer quidam mundus est, & cum ille vel perit, vel saluatur, hoc ei tantundem videtur, quantum si vniuersus terrarum orbis vel saluus fieret, vel periret.

Quisquis vel mediocriter sapit, difficilem capiti arbitrabitur quandam regis Pharaonis ergâ Iosephem beneficentiam. Interpretatus hic illi sua inuoluta, & obscura somnia fuerat, cuius sapientiam, & præstans ingenium cum rex agnoscere cepisset, voluit honorare, & in sublimi dignitatis gradu collocare hominem. Ergò Vice-regem suum illum consti-

tuit, tulitque annulum de manu sua, & dedit eum in manu eius, vestiuitque eum stolâ byssinâ, & collo torquem auream circumposuit, fecitque eum ascendere super currum suum secundum, clamante pracone, & omnes coram eo genu flecterent, & præpositum esse scirent vniuersa terra Egypti; Genes. 41. v. 42. & 43. Quæ hucusque dixi, non sunt intellectu difficilia, quia varia habemus exempla regum, qui permunicipi fuerunt ergâ suos gratiosos, quanquam beneficia sua tam benè, ac Pharaon, non collocarunt, nam Ioseph famem ex Egypto sublatam expulit, alij verò gratiosi fame necant subditos, & Principum suorum ditiones exhauriunt, & perdunt, vt suis commodis, & vtilitati priuata studeant. In nomine reperio ego difficultatem, quo appellari Iosephem Pharaon voluit, à quo illum proximum à se esse, & haberi iussit. *Vertit nomen eius, & vocauit eum linguâ Egyptiacâ Saluatorem mundi*; ibid. v. 45. Talis nominis impositi rationem tradit Abulensis, inquit: *Vocatur saluator mundi, quia per interpretationem somniorum, & dispositionem collectarum saluauit Egyptum totam à morte, qua illi inferenda erat per famem.* Communis hæc interpretatio confirmat, augetque etiam meam dubitationem. Nam si Ioseph Egyptum à crudeli sæuæ famis tyrannide vindicauit, vocetur, quod plurimum meruit, saluator Egypti, at mundi saluator quamobrem dicatur? Si totus in Egypto inclusus mundus fuisset, extraheret illam terram terra nulla fuisset alia, aptissimè in illum titulus sospitatoris mundi quadrasset. At cum Pharaon non ignoraret, esse mundi partem maximam extrâ Egyptum, cur Iosephem mundi saluatorem appellari voluit, tanquam totum mundum seruasset? *Vocauit eum saluatorem mundi.*

Responsum ex doctrina tradita facile accipiemus. Nonnè Pharaon per prudentiam, prouidentiam, & vigilantiam Iosephitis eruit ex fame, liberauitque à penuria totum regnum suum, ditionesque illius omnes? Ità res habet. Quid fecit ergò rex? Saluatorem mundi illum nuncupauit, ipsi enim videbatur totum mundum saluasse, quando regnum eius sospitauit, nam si totus mundus reliquus saluatus fuisset, solumque illius regnum interisset, hoc ipsi tale fuisset, quale si regna mundi omnia perisset, sua enim quisque bona, vel malè ita sentit, ac si totius mundi bona, sue mala essent. Ad eundem modum vos argumentari de saluatione, aut damnatione vestra æterna potestis.

Hinc intelligemus acutum aliquod verbum, quod Poëtarum maximus fraudulentissimo Græcorum suggest-



suggerit. Cum perfidus Sinon ad regem Priamum adduceretur, blandisq; verbis, & pollicitatione illa inuitaretur, quod municipem suum facere vellent, si detegeret secretum istius tam vasti equi, qui montem magnitudine penè exæquabat, ille respondit, velle aperire mysterium, quod in illo equo latebat, dum ipsi è contrà pollicitationi suæ starent. Id apud Virgilium Æneid. 2. his verbis agebat:

*Tu modò promissu maneat, seruatæque serues  
Troia fidem, si vera feram, si magna rependam.*

Pressit in his Tiberius Claudius illud, *Magna rependam*. Latinis *Rependere* idem est, quod *par pari*, & monetam, quod aiunt, monetâ æquali referre, mit *gleicher Münz zahlen*. Debes cuidam amico centum argenteos, reponis argenteos totidem, hoc est *repensisse*, & iuste satisfacisse. Hoc ita posito, quomodo Sinon dicere potuit, se *paria rependere* velle Troianis, si ab illis libertate, & immunitate civica donaretur, cum ille vnus quidam homo esset, & Troia ciuitas ingens, & populosa, quam sospitare velle spondebat? Claudius Tiberius ait: *Vsus est Sinon tali verbo, ut diceret, Rependam, quasi tantum reciperet, quantum dederat, hoc est, ut salutem mereretur, qui se offerebat salutis beneficium prestare, idcirco posuit: Si vera, & magna pro incolumitate sua feram, debeo paria rependere.* At si rependere est vices pares reponere, videtur Pœta non satis iustam, accuratamque habuisse verborum suorum rationem, cum Sinonem affirmasse ait, velle Troiam in libertatem asserere, idque pro libertate, quam ab ipsa in vicem expectaret, sicque par pari rependere? Quomodo enim paritas inter res tam impares, inter hominem vnum, & regnum integrum, inter Sinonem, & Troiam esse potuit? At si rem suis ponderibus expendas, inuenies acutè dictum à Virgilio, quod Sinonem dixisse ait, se pro libertate, quam speraret, rependere pares vices, & totum iuste exsoluere debitum, nec tantillo manere obnoxium: Nam ille de sua vita, & incolumitate eam habebat existimationem, quod tantum valeret, quantum vita Priami, & regni ipsius salus, quisque enim se tanti æstimat, quanti mundum vniuersum, & quisque sibi velut singularis quidam mundus est, mundus enim totus interire illi videtur, qui ipse occumbit.

Quapropter Politicus noster salutis suæ cupidus debet eam sollicitè, anxie, totâque virium contentione procurare, in se namque totum mundum spectat, & si ipse pereat, hoc tam acerbè aliquando deplorabit, quàm si totus mundus damnationem in-

currisset. Quantam ergo diligentiam, vigilantiam, curam mereatur negotium, in quo de totius mundi salute agitur, res ipsa loquitur.

## CAPVT IV.

*Non satis prouidè fit, cum cura committitur alienæ, quod studio fieri debet propria.*

VT maiorem fructum doctrina nostra faciat, bonum fuerit dictis aliud non minoris momenti, & vtilitatis monitum addere, & Politico nostro suadere quidpiam, quod tamen plurimi non nesciant, pauci tamen opere explent, estque illud, ut res suas, quantum per virium facultatem fieri potest, ita disponat, & comparet, ut cum ex hac vita emigrat, omnem bonorum operum apparatus secum ad tribunal Domini ferat, sic ut manus alienæ opem in altero sæculo non requirat, per quam euadat pœnas, à quibus seipsum seruare, aut liberare potuisset, si per se, quæcunque huc spectant, cum viueret, ante prouidisset. Dicam id etiam apertius. Politicum nostrum hoc capite hortabor, ut quæ pro salute animæ suæ faciendâ putarit, ea omnia testamenti sui executoribus, tamen amici, cognati, liberi sint, curanda non relinquat. Si enim quis ea, quæ curare ipse potuit, & ipsi necessaria sunt, neglexit, permirum fuerit, si alium reperiât, ad quem non magnoperè spectant, qui ea studiosè, diligenterque tractet, ac perficiat, quæ ille ex ignauia, & oscitantia prætermisit. Doctrina hæc tam perspicua est, & fructuosa, & salutaris, tantamque secum fert sui commendationem, ut eruditissimus Doctor Honcala Opusculi de satisfactione hic faciendâ dicendum putarit: *Multò esse præstantius, atque eligibilius, hominem, quamdiu hanc vitam degit, recte factis Deo satisfacere, quàm testamentariis committere, ut ea exequantur opera, atque suffragia, quæ ipse pro se agenda eis commendauit, ut à purgatoris penis eripatur, non tam disputatione, quàm suaditione indigeret.* Rem enim tam magni momenti, in qua quisque tantum vel damni, vel commodi positum habet, committere diligentia alienæ, alienum à recta prouidentia, & inconsultè factum videtur.

Dignus notatu est catalogus, quem Propheta regius texens commemorat opera pœnitentiæ, & afflictationes, quibus carnem suam emaciabat, & castigabat: *Non est sanctus in carne mea, afflictus sum, & humiliatus sum nimis, rugiebam à gemitu cordis mei*, inquit Psal. 37. 8. 9. tanquàm dixisset: *Nulam viuo iucundam, ac voluptabilem vquam hominem.*



ram. Verberabilissimam carnem, quæ vile obsec-  
narum culparum instrumentum fuit, crebris, duris-  
que flagris addico, vt sic luat in hac vita turpes vo-  
luptates, in quas liberius effusa fuit. Quod oculi  
petulante sua licentiâ, & lasciuo intuitu peccârunt,  
hoc amaris lachrymis abluunt, & emaculant. Cor,  
quod ceu primum mobile sensus, & potentias ani-  
mæ reliquas post se abripuit, & inter sordidas cor-  
poris delitias, & oblectationes obbruit, nunc sus-  
pirat, gemitque, ac rugit, non secus ac irâ inflam-  
matus, & furore percitus leo solet.

S. Basilii Magni Dauidem sic loquentem indu-  
cit: *Ego cum prauertissem, nec expectaueris, & unus  
aliquis externe hoc meum corpus puniret, inflicto quo-  
piam scelere peccato, ipse ex me malum penam & trissem  
expetere, carnemque meam, per quam peccatum illud  
admissum est, penam tradidi, me puniendo, multisque  
modis castigando.* Dum grauitatem scelerum meo-  
rum mecum reputo, ego ipse à carne, quæ portam  
flagitij aperuit, vindictam, & penas cupiditatum,  
quibus indulsi, sumo, consulatque; & sollicitè præoc-  
cupo omnem manum alienam, quæcunque mihi ir-  
rogare supplicia possit: *Ipse ex me malum penam & trissem  
peccatorum expetere.* Quam elegantia, & ap-  
pta rei præfenti verba! Ipse ego in carne mea,  
quod caro malè egit, plectere volui, carnis malas  
voluptates non alijs, quam carnis afflictationibus  
vindictam, debita quæ caro contraxit, in carne, &  
cute lui, delicias carnis, luxumque & victus, & vesti-  
tus multauit eiusdem carnis inedia, & nuditate, no-  
lui alienâ diligentia confici, quod proprio carnis la-  
bore fieri poterat. Cum enim haberem ipse, quo  
me certò, ac facili exsoluere debitis possem, non  
putavi prudenter factum, si necessariò faciendam so-  
lutionem studio, & fidei, sollicitudiniq; seu cognati,  
seu amici, seu etiam filij testamentarij relinquerem.

Videamus an fortè Propheta regius in eiusmodi  
fuerit cogitatione, cum ista diceret. At cui hoc  
dubium esse possit? Statim enim subiicit: *Amici  
mei, & proximi mei aduersum me appropinquave-  
runt, & steterunt, & qui iuxta me erant, de longè  
steterunt;* ibid. v. 12. ac si dixisset: In viuis video,  
quod ab amicis familiaribus, & intimis destitutor, ex-  
teriorque ab ijs me grauius oppugnari, quos bene-  
ficijs maioribus artius mihi deuinxeram, cum alijs  
gratias, quibus illos cumulauit, vertant in lanceas,  
quibus me configant, & conficiant. Si hæc, dum ad-  
huc viuo, conspicio, si filius me bello laceffit, & in-  
festatur, si hi, quos foederatissimos habebam, in me  
coniurant, cui me credam? Qui me viuentem non

solum obliuiscitur, sed etiam persequitur, tamen  
beneficijs à me oneratus, quomodo mei post mor-  
tem recordabitur? Quomodo curabit, vt me bono  
Deo commender? Hæc cogitans, *ipse ex me malum  
penitentiam & trissem peccatorum expetere,* ipse mihi  
esse testamentarius malui, ipse per opera pœnalia  
satisfacere culparum mearum debitis, ipse res meas  
omnes disponere, & Dominum, quo meliore modo  
possem, placare malui, quàm alijs hæc curanda re-  
linquere, de quibus vix aliud sperare possum, quàm  
quod memoriam mei à morte omnem abijcient.  
Nam si amici me obliuiscuntur viuum, quomodo ex-  
pectem, vt recordentur mortuum?

Confirmabo hæc quodam consilio, quod noster  
Hispanus Quintilianus patronis, & aduocatis causa-  
rum controuersarum dedit, estque eiusmodi, vt cum  
lis momentosa est propugnanda, non alteri aduoca-  
to, aut legisperito commendent studium, quod cau-  
sæ certa cognitio postulauerit, & diligentiam, quæ  
rebus ad defensionem facientibus conquirendis ne-  
cessaria fuerit: *Ne illas quidem tulerim delicias eo-  
rum, qui doceri amicos suos iubent. Sed quis discet  
tam bene, quàm patronus? Quomodo autem sequester  
ille, & media litium manus, & quidam interpres im-  
pendet æquo animo laborem in alienas actiones, cum  
dicturus ipse non sit? Quomodo inuigilet causæ de-  
fensionis patronus, cui nullus ex labore fructus, nulla  
nominis existimatio ex studio nascitur, si illum, cui  
res commendata est, & magnam adferet utilitatem,  
tam incurium, desidem, negligentemque videat?*  
Ergo aduocatus, qui superior à iudicio vult discede-  
re, diligentiam ipse adhibere debet, stultum enim  
est putare, quod alter studiosè curabit rem, quæ ad  
ipsum non pertinet, quando ille eam negligenter, &  
ignauiter tractat, cuius emolumentum, & honor ex  
incuria periclitantur? *Quomodo æquo animo laborem  
impendet in alienas actiones, cum dicturus ipse non  
sit?*

At si Quintilianus in rebus tam leuibus, quàm  
sunt opum facultates, commoda, & honor tempo-  
ralis, tam vehementer damnat segnitiam, & inerti-  
am aduocatorum, qui alijs committunt studium con-  
quirendi argumenta, quibus causa clientis defendi  
possit, ac debeat, eò quod fieri nequeat, vt quis rectè  
curet, quod ad illum nò pertinet: Consultenè faciet  
homo Christianus, si alienæ sollicitudini, dispositi-  
oni, diligentiz, & curæ aliorum, ad quos non ma-  
gnoperè spectant, ea credat, per quæ, nisi rectè cu-  
rentur, anima in periculum adducitur salutis, &  
quietis æternæ? *Ne illas quidem delicias tulerim.*



Nimiam mollities est, ne dicam damnabilis remissio, velle ut alius sollicitus, & anxius, enixiusque quam tu, hoc agat, quod tu ipse pro te agere noluisse. Ut invenias hominem, qui te plus, quam tu ames, fieri forte potest, difficile tamen reperiatur aliquem.

Videamus quid fecerint sancti Patriarchæ, quos nobis Dominus tanquam specula animarum, & prototypa virtutum, & exempla bonorum operum proposuit. Quid egit Abraham, priusquam moreretur? *Dedit cuncta, quæ possederat Isaac, filiis autem contubernarum largitus est munera, & separavit eos ab Isaac filio suo, dum adhuc ipse viveret.* Gen. 25. 5. 6. Ut pax inter liberos post mortem patris constaret, ipse inter eos sua bona dispersit, & Isaacum quidem heredem nuncupavit, alijs autem inferiorum vxorum filijs quandam facultatem suarum portionem designavit, & contubernium eorum, coniunctumque soluit, ut diuersis in locis habitarent. Hæcne cognato alicui, aut amico curanda reliquit? Non profecto. *Dum adhuc ipse viveret*, ipse bona sua ex æquo, & bono distribuit, ipse cuique suum priuatum habitationis locum designavit, nemini hoc opus credere, ne familiarissimo quidem, aut intimo voluit. Nam si opum suarum copias testamentario alicui commendasset, ut ille filijs eas traderet, forte factum fuisset, quod fieri à multis solet, qui ut hæredibus omnem litigandi occasionem amputent, totam sibi usurpant hæreditatem, ex quo fit, ut omnes omnia perdant, & viui quidem spolientur hæreditate, defuncti autem fraudentur suffragijs elemosynarum, & bonorum operum, quæ mortuus fieri iusserat. Præuidens ergo Abraham quo in periculo versentur bona, quæ in manibus versantur testamentariorum, quamque procliuiter illi ex testamentarijs fiant hæredes, *dum adhuc ipse viveret*, bona sua suis pro cuiusque conditione, & qualitate distribuit, sicque omnes habuerunt, vnde commodè, & pacifice viverent, cum non fuerunt relinqui in potestate testamentariorum, quorum nonnulli hoc officio victum sibi parant, quemadmodum alij manuum suarum labore.

O quam graviter arguit, & damnat Plinius iunior hanc quorundam tam reprehensibilem negligentiam lib. 2. epist. 10. cum ait: *Dispicere, ne sit parum providum sperare ex alijs, si tibi ipse non praestes.* Vide ne sit damnosa illa tua desidia. Tu rerum tuarum es negligens, & speras alium eas sollicitè curaturum? O quanta deceptio! Propterea magnus credentium pater res suas quasque loco disposuit, *dum adhuc viveret*, tunc de omnibus, quæ post mortem sue er-

gã filios, siue pro animæ suæ leuamine fieri voluit, constituit, neque hanc diligentiam sollicitudini alienæ reliquit.

Optimè hoc Isaac à Patre suo Abraham didicit. Nam ut vidit, quam feliciter illi cecidit, quod tam studiosè in viuis distribuit, quæ periculosè post mortem relinquuntur curanda, ipse etiam antequam vivere desineret, noluit declaratum relinquere, quem relinqueret primogenitum, heredemque benedictionis suæ, & privilegiorum præcipuum. Quare filio suo Esau maiori natu imperabat: *Affer, & comedam, & benedicat tibi anima mea;* Genes. 27. 4. Quantum temporis intercessit inter mortem, & diem, quo hæc fecit? *Vixit posthac Isaac adhuc annis quadraginta tribus*, inquit Cornelius à Lapide in c. 27. Genes. colligitque ex ipsa sacrae historiae calculatione. Hæc verò, hæc pulchra est providentia, totis quadraginta tribus ante mortem annis disponere res suas, componere rationes, statuere quid pro anima fieri debeat, & non expectare donec non solum quadraginta tribus annis sequentibus, verum etiam nullo unquam tempore voluntas suprema testamento expressa impleatur, nec sit, qui vllum aliquando moueat lapidem, ut è Purgatorio eximatur anima, quæ ibi detineretur, quod non sit, qui pro illa satisfaciatur.

Patriarcha noster Iacob cum timeret iram crudelis fratris sui, ut indignationem eius mitigaret, misit ad eum opulenta dona, inquit: *Placabo eum muneribus, quæ præcedunt, & postea videbo illum, forsitan propitiabitur mihi;* Genes. 32. 20.

Notate in his insignem prudentiam sancti Iacobitis. *Placabo illum muneribus*, inquit, non quæ postea irato fratri offeram, sed quæ præcedunt. Hæc enim singularis providentia est, præmittere dona, quibus reconciliantur animi alieni. Si ergo hominibus tali artificio placatum efficit hominem, cur non Deum ad eundem modum mitigare studeat? Qui Deum granibus culpis, & enormibus sceleribus suis habet offensam, eumque cupit placare muneribus, quæ ille grata habet, suntque lachrymæ, cor dolore contritum, & pœnitens, verberationes corporis, ieiunium, elemosyna, Missæ, frequentatio sacramentorum, faciat quod Iacob, præmittat illas Missas, illas corporis castigationes, ieiunia, lachrymas, & alia pœnitentiæ opera, muneribus, quæ præcedunt, illum pacatum reddere laboret, ut & dicere cum Iacob queat: *Postea videbo illum, forsitan propitiabitur mihi.* Ità sariens citius admitteris ad conspectum Domini, & si pœnæ Purgatorii subeunda fuerint,



zint, non tam diu ibi detineberis, quam si expectes, vt pro te post mortem satisfiat per eleemosynas, Missas, orationes, & alia suffragia, si tamen hæredes, ij etiam, quibus ingentem vim auri, argenti, omnisque æris, & innumeras facultates reliquisti, vel eam habent tui memoriam, vt etiam vnā Missam pro te celebrari curent.

Transiamus ad id, quod Moyses dux populi Dei fecit, qui postquam præceptorum diuinorum studio, sollicitamque obseruantiam suis commendasset, separauit tres ciuitates trans Iordanem ad orientalem plagam, & confugiat ad eas, qui occiderit nolens proximum suum, vt habet sacer textus Deuteronomio 4. 41. 42.

Oleaster in annot. morali ibid. ait: *Omnis diuisio, ac rerum distributio, quam potueris in vita tua facere, fac, ne post mortem tuam non tam bene fiat, aut inde lites, & fieri solet, inter hæredes tuos oriantur.* Duo mala impediunt, qui Moysis exemplum secuti in viuis sua distribuunt. Primum contentionibus aditum præcludunt, quæ inter hæredes nasci solent. Deinde maiorem ab hæredibus perniciem auerunt, illā, ne in manus testamentariorum incidunt, qui sunt inimicorum maximi, litigantium pessimi, vique ac per tyrannidem occupantes bona, faciunt vt nec liberi eis gaudeant, nec defuncti suffragia ex eis, quæ possent, habeant.

Quid putatis hæredes maiore parte facere suis defunctis? Id, quod Hebræi illis centum octoginta quinque millibus militum impij, & barbari regis Sennacherib, quos nocte, & occisione vnus Angelus extinxit, de quo sic habes 4. Reg. 19. 35. *Factum est igitur in nocte illa, & cecidit Angelus Domini, & percussit centum octoginta quinque milia.* Magna cædes. Quo mortis genere tam numerosa hominum multitudo perempta fuerit, non est satis vniuersim constitutum inter Expositores, eo quod sacer textus hoc non exponat. Nicolaus Lyranus ex sententia Hebræorum ait, fuisse incineratos sub armis, & stribus intactis, ita quod populus Ezechia potuisset spolia facile colligere. Veniebant ergo Hebræi, & frigidis extinctorum cineres quidem afflatu remouebant, atque in campum abiectos cæli iniurijs confici sinebant, in hoc autem toti erant, vt sarcinas occasionum dissoluerent, prædā gauderent, vestes sibi raperent, & usurparent, diuitesque opulentis spolijs domum redirent. Hoc est, quod plerumque virā functis superstites hæredes faciunt, inquit P. Franciscus Labata in Apparatu concion verbo Mors. Proposit. 5. To. 2. his verbis: *A morientibus spolia detrahunt, cineres*

*relinquunt, hereditates, inquam, & legata morientium gaudentes adueniunt, spolia eorum accipiunt, cineres eorum tradant obliuioni, ex testamenti iussis ea solum curant, quæ sibi commoda vident, cætera ferè incurata relinquunt.*

Huc respiciens Plinius iunior lib. 6. epist. 10. inquebat: *Tam rara in amicis fides, tam parata obliuio mortuorum, & ipsi nobis debeamus conditoria extruere, omniaque hæredum officia præsumere.* Perit plerumque memoria defunctorum cum sonitu campanarum, quo illis extremum parentatur. Itā nemo cognatis, vel si fratres sint, aut etiam liberi, fidere turō potest, nemo ferè certam sperare à morte sepulturam, nisi quam ipse sibi viuens apparauerit. Feris obijcerentur defuncti, nisi metus, aut pudor prohiberet. Nisi ipsi nobis, dum viuimus, testamentarij simus, nemo ea, quæ secundum mortem fieri pro nobis vellemus, faciet: Ipsi nobis debemus omnia hæredum officia præsumere. Vxor enim nouum maritum, & quod ex illo solatium habere possit, suspirat, hæres omnes cogitatus ad curanda bona sibi relicta conuertit, amicus rebus suis attendit, omnes sua negotia occupatos habent, vnusque, ac solus maxime memoriam fugit mortuus. Videte Christiani, quid vobis dicat Gentilis. Neglige rem, quæ ad te plurimum pertinet, & videbis quam tibi damnosa tua desidia erit.

Propterea Innocentius Papa III. in tract. de eleemosyn. aiebat: *Noli bonum, quod concepisti, differre, quoniam à mane & ad vesperam mutabitur tempus, & mens rapitur in diuersa, nec dimittas illud exequendum hæredi, quia dixi tibi laudem, nedum mercedem repender.* Si Missas vis dici, si dari eleemosynas, si aliud quidpiam boni operis fieri, noli credere manibus alienis, quod potes facere proprijs, hæres enim, cui ea fortè curanda relinques, ne semel quidem precabitur, vt Deus remuneret, quæ in illum contulisti beneficia, immò multas aduersum te querimonias dabit, quod non plura illi sunt à te relicta. Missas, quæ pro te legendæ erant verter in murmuraciones, memoriam tui faciet crebram, sed in media turba, in cœtibus hominum otiosorum tua facta, atque infecta ore maledico perstringens. Pecuniam, quam in eleemosynas erogaturus pro tuæ animæ leuamine erat, lusu prodiger, fortè & maledictis te proscindet, quod non plura illi es lucratus, & si te deslere videatur, id faciet, quod non multo ante mortuus es, nec plura parasti. *Non dimittas exequendum hæredi, quodecunque illud bonum concepisti, quia dixi tibi laudem, nedum mercedem repender.*



Hæc non in omnes, sed plerisque tantum sunt dicta, quia sunt etiam hæreses nonnulli valde grati, & testamentarii admodum pii, ac probi, quibus credi animarum suffragia possunt.

Nihilominus in re tam periculosa, & momentosa autor fuero nostro Politico, ut Sanctorum Patriarcharum vestigia premar, qui dum viverent disposuerunt sua, facultatesque liberis distribuerunt, ut ne illis corrixandi materiam relinquerent, præpararent se autem etiam ad horam mortis, ut magis securi, expeditique ante conspectum Domini apparerent. Non satis providè quis committit negotium diligentiae alienae, quod ipse per se exequi potest.

*Hanc materiam crebrò tractat Autor. Vide Periocham II. Dominica V. post Pentecosten, Tomo 2. pag. 127. c. 1. o. Et loca ad finem illius Persocha adscripta.*

### CAPVT V.

*Magis stulta temeritas, & præsumptio excogitari non potest, quam eorum, qui cum imbecilles sint, non timent offendere, ubi fortissimi ceciderunt.*

**E**X superiore monito sequitur documentum præsens, æquè graue, vtile, & momentosum, ac illud, quorum utrumque coniunxit venerabilis P. Bernardus Syluest. inter opera sancti Bernardi tom. 2. dicens: *Diligentibus personam tuam non committas animam tuam. Committe animam tuam diligentibus suam. Dispone de rebus ante morbum. Sape quis efficitur infirmitatis servus, & servus testari non potest. Liber ergo testari, antequam servus efficiaris.* Quando ergo libertate tuâ per integram valetudinem etiamnum gaudes, quando potentius tuis per saluum rationis iudicium adhuc tibi præsens dominaris, & nosti rectè imperare, tunc dispone res tuas, quæcunque enim ad animam spectant, ea longum requirunt temporis spatium, multam animi attentionem, & quietem, sunt namque negotia, ex quibus non minus aliquid, quam bona felicitæ eternitatis procuratio pendet, & reiicere hoc in ultimâ horam, quod multis horis, diebus, annis antè, multo studio attentissimè, & perquam sollicitè disponi debuit, est damnosissima negligentia, quâ perniciosior Politico nostro alia nulla esse possit.

Ad hanc tam exitialem fœcordiam nos impellere crudelissimus, & rabiosissimus inimicus noster impellere modis, quibus potest, laborat. Dicat hoc Propheta regius, qui cum de tentationum sævis procellis, quibus scopulus validissimi pectoris eius ab invidis hostibus immanè verberabatur, loqueretur,

sic aiebat: *Verbum iniquum constituerunt adversum me*; Psal. 40. 9. hoc est, verbo unico, sed malignissimo, voluerunt mihi bellum movere crudelissimum, & sanguinolentissimum. Tantane verò verbo vni vis oppugnandi inesse potest? Tantum venenum subesse sententiæ vni perexiguæ? At videamus quænam vis illa, aut quale in verbo vno toxicum. *Nunquid qui dormit, non adiciet, & resurgat?* inquebant ad illum ibidem, acli dixissent: Nonne qui velut frigidum cadauer semel concidit, erigere sese, & resurgere animosus potest? Hoccinè verò est bellum, de quo sacer Propheta querebatur, hoccinè venenum, quod illi ab hostibus propinabatur? Quidnam illi talibus verbis volebant? Quod illi ijs verbis volebant, tale erat: Qui in mortem animæ & somnum lethalem, per peccatum mortale incidit, nonne is ab illo somno euigilare ad vitam gratiæ potest? Nonne peccator conuerit, nonne qui morbum per culpam contraxit, sanari potest? Quid ergo est, quod timeat, vel tremat, qui semel, ac sæpius peccat?

Apud Hugonem Cardinalem alia versio habet: *Verbum diaboli constituerunt adversum me*, hoc est, verbum, quod mihi dixerunt, tale est, ut necessum sit, ab alicuius diaboli ore profectum, & authorem alium, quam illum, habere nullum queat. Iam minus assequor sensum querimonie Prophetice. Nam qui dicat peccatori, posse illum conueri, quantumvis hætenus fuerit sceleratus, posse grauissimorum licet flagitiorum indulgentiam apud clementissimū Dominum reperire, ille magis verbum Dei, idque multoties in Scripturis ad erigendos peccatores repetitum, quam dæmonis sententiam locutus videtur, qui vnum hoc velut ex officio agit, diligentissimequè, & contentiosissimè curat, ut desperare veniam, despondere animum, & nullam à Deo expectare remissionis gratiam persuadeat. Quod si ita est, quamobrem sacer Propheta Domini vocat verbum iniquum, verbum diaboli, toxicum inferni illud, quod Dominus ipse ad excitandos à lapsu, confirmandosque ad bene sperandum peccatores, & ad incliyæ dextere suæ, atque immensæ benignitatis ostentationem per omnia passim Prophetarum suorum ora est locutus? *Verbum diaboli constituerunt adversum me.*

Respondet Hugo Cardinalis in illius Psalmi commentario: *Verbum diaboli fuit, Nequaquam moriemini, & modo per adulatores, qui sunt organa eius, dicit: Nequaquam adhuc moriemini, bene potestis modo bibere, & comedere, vos estis adhuc iuvenes, quando senneritis, tunc faciem paniscentiam.* Protoparentis



parentibus nostris dicebat olim indutus serpentem  
dæmon, *Nequaquam morte moriemini*, Genesi 3.  
atque ut tunc per ea verba feliciter apud incau-  
tos, & infortunatos obtinuit, sic nunc eadem per  
improbos assassinatores administratos suos identidem,  
& ubi ubi potest, inculcat, quo alios, ætate immatu-  
riores maximè, poenitentia studijs sese tradere vo-  
lentes vel moratur, vel prorsum auocat, vel tepidos,  
ac torpentes reddit, idque verbis ferè eiusmodi:  
Eia hilariter agite, animo indulgete, mundo, dum  
per floridulam ætatem licet, fruimini, habet suum  
poenitentia tempus reliquum, cui longam post an-  
nos longos rugosa, & morosa, & nata ijs studijs tene-  
cta operam dare poterit, ætas hæc tenerior fugit la-  
chrymas, neque fert duras corporis afflictationes,  
*nunquid qui dormit, non adiciet, & resurgat?* qui  
iuueniles annos inter somnum vitiis exigitis,  
euigilabitis annis processioribus, Deus enim pater  
misericordiarum est, sanguinemque pro nobis suum  
fudit, & qui sub vltimam vitæ periodum exaudiit,  
& beavit latronem, neque vos in pari discrimine  
positos desituit. De talibus talia loquentibus aie-  
bat Propheta: *Verbum diaboli constituerunt aduer-*  
*sus me*; sermones venenati sunt, toxico imbutæ  
sagittæ sunt in pharetra mali dæmonis: Nam ut va-  
fer, & insidiosus hic inimicus seit manifestum peri-  
culum, cui obnoxia est anima, quæ poenitentia o-  
pera horis vitæ seruat extremis, ita quantà maximā  
diligentiā, & contentione potest, studet malè agen-  
tibus repræsentare, & amplificare, atque extollere  
misericordiam Dei, ut incurium, & de illa benigni-  
tatem nimium præsentem peccatorem spes sua sub  
horam mortis fallat, & frustretur.

Itaq; si Poliricum meum quisquam talia loquens  
conueniat, aduertat dæmonem esse, qui eiusmodi  
verbis tectus veniat, & sermones illos spiritum au-  
rum esse, quo ad fraudem obducuntur pilulæ suspèn-  
sionis poenitentia, & procrastinanda emendationis  
vsque in supremam mortis horam. Dominus au-  
tem, qui spem peruersissimi peccatoris fouet, & alit,  
quando inuitat ad veniam, non consulit esse negli-  
gentem, aut cunctatorem, aut crastinum, aut incur-  
rium, velut diabolus suadet, sed iubet exurgere si-  
mul ac ille hoc præcipit, laucijque cerui in morem  
ad fontem salutis quàm celeritè accurrere: *Hodie*  
*se vocem eius audieritis, nolite obdurare corda vestra*,  
aiebat ex Deo Propheta poenitens Psal. 94. 8. velut  
dixisset: Quo momento vos inclamauerit Domi-  
nus, è strato peccatorum ad lachrymas, & poeniten-  
tiam expediti, festinantesque surgite. Itaque

Dominus dicit quidem omni malo culpæ esse para-  
rum remedium, sed non dicit peccatori, nec consuli-  
lit agro, ut sit incurias suæ infirmitatis, verum hoc  
magis suggerit, ut quam primum manum imploret  
medicam, cumque prolapsus fuerit, mox faciat quæ-  
rum valet, ut resurgat, & manum Domini, quam ille  
protendit, statim arripiat, ut eius adminiculo se eri-  
gat.

Seneca lib. 3. Controu. 5. ait: *In lege quoties*  
*tempus non adijciatur, presens intelligitur*. Ut ne er-  
go peccator quisquam suam ignorantiam prætexat,  
putetque leges Dei, eò quod diuinæ sunt, differre,  
quod ad hanc rem attinet, ab humanis, designat Do-  
minus per Prophetam tempus, quo debeat, qui  
peccauit, emendationi studere, inquiens: *Hodie se*  
*vocem eius audieritis, nolite obdurare corda vestra*;  
ac si dixisset: Si hodie cecideritis, hodie surgere de-  
betis, si hodie ægrotare cæperitis, hodie vi conua-  
lescat, curare debetis, si in adolescentia, in iuente-  
tute animas vestras foedis sceleribus contaminastis,  
in eisdem ætatibus turpes illas notas per poenitentiam  
emaculare debetis. Fieri potest, ut senecio restitutus  
mala, quæ animæ tuæ adolescens intulisti, verum  
cùm hoc sit perdifficile, & incertum, propterea  
suadere, ut in feram ætatem emendationem differas;  
dæmon, non Deus solet.

Huc oculos, ut arbitror, intendit sanctus Hiero-  
nymus, quando in Epist. 65. peccatores exhortatur,  
inquiens: *Iungamus gemitus, lachrymas copulemus,*  
*& conuertamur ad Dominum, qui fecit nos*. Hic  
perspicuè alludit sanctus Doctor ad Plinium, cu-  
ius pauca verba paulo ante produximus, quibus an-  
tequam peccatoribus citam, præproperamque con-  
uersionem consuleret, pramissit ista: *Venite adores-*  
*mus, & procidamus, ploremus ante Dominum qui fe-*  
*cit nos*, ibid. v. 6. Hæc respiciens dicit beatus Hiero-  
nymus: *Ploremus, & conuertamur ad Dominum,*  
*qui fecit nos*, & medicinam vulneribus nostris lethæ-  
libus quæramus efficacem. Quid verò fiet ei, qui  
non citum quærit suis malis remedium, sed tardas  
poenitentia assumere medicinam? *Non expectemus*  
*diaboli poenitentiam*, inquit Doctor maximus. Si  
tunc demum remedium salutis querere incipimus,  
cùm viuere desinimus, si poenitentia opera, & cu-  
ram animæ, rerumque ad illam pertinentium dis-  
positionem in tempus morti proximum reserva-  
mus, poenitentiam diaboli quærimus, sicque facienti  
continget, quod diabolo euenit, hoc est, ut non in-  
ueniat locum poenitentia, æternasque poenæ sine  
spe remissionis exsoluat.



Et nescio, an dæmon laborauerit malo, ex quo multis hominibus fuit ægrè, multi etiam damnationem æternam incurrerunt. Sanctus Bernardus Doctor mellifluus in ea est opinione, hæc re, præter alias, per motum Luciferum, ut in Deum, & Creatorem liberius insurgeret, quod sciret immensam esse bonitatem illius, & facilem sibi ab illo veniam concedendam promitteret, quidquid peccaret, iuxta illud Psalmi noni, *Secundum multitudinem iræ suæ non quæret*, quod ita accepisse satan viderur, ac si dictum fuisset: Quid refert, quod ego proximus illi sedere, & æmulari magnitudinem eius infinitam appetere, & qui eam ex æquare nequeo, omnem aliam creaturam loco, ac dignitate supergredi volo, cum tanta sit, tamque immensa illius misericordia, ut facile me in gratiam suam denuò admittat, quoties hoc ego optaro? At quid illi euenit? Quod rex propheta ait: *Exacerbauit Dominum peccator*, ibid. tamq; acerbè Lucifer animum illius exulcerauit, ut nullum ægritudo eius habitura sit remedium, nec ille unquam è strato suæ culpæ sese erecturus. Hoc ipsum, quantum æstimo, dicere voluit Sanctus Hieronymus, cum suasisse statim à perpetrato peccato, ab accepto animæ vulnere cursu petere remedium, procurare medicinam, & totâ pedum pernecitate contendere ad fontem salutis. Nam à primo rationis usu, à rudibus pueritiæ annis initium facere peccandi, & pœnitentiam reiicere in occasum vitæ, idque ex præfidentia nimis bonitatis Dei, & cum diabolo sentire, non esse tantam feritatem supremi Iudicis, quantam illi timor noster appingit, quin potius Iudicem non solum perindulgentem, sed etiam indulgentiam, & misericordiam ipsam esse, est spem diabolicam habere, & *diaboli pœnitentiam expectare*, aut pœnitentiæ illius similem aliquando habere. Hæc dico, non quod vel nesciam, vel diffitear, articulum fidei esse, hominem, donec viuit, absq; remedio salutis non esse, (quamdiu enim anima corpus vegetat, nullum tam est graue flagitium, quod lachrymis, & verâ contritione obliterari, prorsumq; aboleri non possit) sed quia inter supremas vitæ periclitantis angustias homo difficilè se præparare, difficilè superiora malefacta exanimatè detestari, difficilè deplorare serio potest. Varius enim tunc animum timor occupat, & dolor plerumque tantus, ut illius sensus vix aliud cogitare sinat, tentationes autem in illo extremo transitu vehementes sunt, & horribiles: Velle verò in vno illo expirantis animæ momento facere, quod totis effluxis annis nunquam factum, aut etiam cœptum, est conari aliquid, quod ut moraliter impossibile.

Transferamus huc in usum nostrum aliquod Sancti Ioannis Chrysostomi dictum rei præsentis natum. In orat. de S. Pelag. ille sic habet: *Sectus omnes nos quemadmodum post multa sapè, ac multo tempore cogitata, cum occasio quadam conatum à nobis exigit, si paululum timoris mentem nostram corripuerit, formidine repente percussis consilia omnia effundimus.* Experientia sapè offert homines, quibus tam certum, quàm deliberatum fuerit opus aliquod moliri, & ab instituto reuocare animum, non ob aliud, quàm quod inopinato casu, neque etiam graui, exterriti non ausint conceptum persequi consilium. Quoties contigit Prædicatoribus, ijs etiam, qui sermones acutos, elegantes, proficuos, accommodatos ad docendum, & persuadendum, neque prolixos, magno studio, & singulari ingenij industriâ elaborant, memoriâ autem penitissimâ ita combibebunt, ut domi in secretiore musæolo tam expeditè recitarent, quàm si è libro legerent, ut cum sacrum theatrum inscendunt, ita derepentè turbentur, & confundantur, vel quia insolens quidpiam ab aliquo auditorum fieri insperato viderunt, vel quia aliud quodcunque animo incidit, ut simul se & signo crucis præmuniant, & inchoent, & absoluant concionem? Quoties fit, ut id minimè nobis occurrat, cum occasio postulat, quod illi diligentissimè à nobis designatum, destinatum, deputatumque fuerat? Quoties id primum excidit, quod maximè cogitaueramus? Si paululum timoris mentem nostram corripuerit, formidine repente percussis consilia omnia effundimus.

O quàm benè dictum illud à Chrysostomo: *Consilia omnia effundimus*! hoc est, quæcunque longo temporis spatio diu, ac multum soli per altam quietem meditati constitueramus, ea leuiter profundimus, si leui solum, exiguoq; metu impellamur, non secus ac vitrum vel tenui aspiritu euersum, vel blando contactu fractum effundit omnem, quo impletum erat, pretiosum liquorem.

Conficiamus ex his nunc argumentum propositæ rei appositum. Si id, quod longis horis diligenti meditatione, per summam quietem à nobis deliberatum fuit, & constitutum, leui timoris alicuius vani impulsu tam facile effunditur, & exinanitur? Quomodo vult homo illud ex tempore, & improviso benè facere, cuius non solum nullum ante periculum fecit, verum etiam contrarium semper fecit? Quomodo putat derepentè id obliuisci posse, in cuius exercitatione per omnem vitam versatus fuit? Quomodo sperat id se tunc acturum, quod nunquam

quàm



quàm cogitauit, operaturum, quod nunquàm disposuit, effecturum, quod nunquàm probauit, maximè tot inter timores, & animi angustias, & sensuum confusiones, & perturbationes, & corporis dolores, & cogitationum tumultuationes, & dæmonum incurfiones, quibus per illud tempus obnoxij sunt ij etiam, qui per omnem vitam studiosè, ac sollicitè ad mortem se præpararunt, vt videre est in multis perfectissimis, & consummatissimis viris? Dicat hoc vnus pro omnibus Sanctus Hilarion, qui septuaginta propè annos in aspera solitudine, & pœnitentiæ operibus etiam asperioribus, in vitæ inaudita, & inimitabili sanctitate, ac perfectione transmisiit, atq; interim aliud nihil egit, quàm vt omnia & faceret, & adornaret, quæcunq; ad felicem mortem spectant, & totis visceribus nihilominus contremuit, quando in supremo agone positus, terribilis iudicis intolerabilem seueritatem cogitauit. Vbi verò gigantes, post omnem eamq; longam, in admirabili sanctitate, & pertinaci virtutum studio, actam vitam, toto corde trepidant, & pertimescunt casum, quomodo non formidet miser peccator, ille Dei offensis semper assuetus, qui supremam maiestatem, ob cuius oculos princeps, ac præcipuus Seraphinorum tremulus prosternitur, tam multis, & magnis, & indignis modis grauissimè irritauit, & exacerbauit?

Animaduertat ergò Politicus noster quanti referat præparare se mox ad illam horam, præmunire se aduersus illius transitus extremi pericula, & dicere cum Iacob: *Insum est, & prouideam domui meæ, & anticipatò prospiciam animæ meæ.* Quicunq; tempestiuè domui suæ prospiciunt, eorum semper sunt optimè instructæ à rebus necessarijs ædes, quia & meliora coëmere, & minoris solent, qui verò necessarium rerum procuracionem in finem vsq; differunt, vel prorsus non inueniunt, quibus indigent, vel agrè reperiunt, & magno tum labore, tum pretio comparare debent. Sic illi, qui maturè præparant se ad horam mortis, & in tempore sibi prospiciunt, & ad transitum postremum se disponunt, facile superant, quæ tunc occurrunt, difficultates, ac timores, & Dominus tanquàm pater misericordiarum adiuuat, & corroborat illos, vt citra periculum possint omnes vincere aduersitates. Secus otiosus peccator, qui contrà omnes bonæ agriculturæ canones, & contrà naturæ leges & cunctas rectè agendi regulas, vult messem colligere, quo tempore agros colere, & seminare deberet, & cum tempestiuè sibi non prouiderit, vel non inuenit quem quærit rerum apparatus, vel difficulter reperit, citiusq;ue

Tom. III.

se delusum videbit, quàm consequatur vno momento, quod longis annis demeritus fuit.

*Non longè hinc abest argumentum Periocha II. Dominica VIII. post Pentecost. Tom. II. pag. 153. c. 1. o.*

CAPVT VI.

*Horis vitæ supremis, & morti seruat dæmon crudelitatis suæ rabiem, & omnem solertiæ astutiam, ingenijq; & consilij vasritiem.*

Nomine rugientis, sæui, & famelici leonis donauit communem generis nostri hostem primus à Christo Ecclesiæ Pontifex, & tanquàm pius, percupidusq; salutis ouium suarum pastor, & pater nios monet, vt vigilanter ab illo caueamus, ne sanguinarijs vnguibus suis nos concerpat, & rabidis dentibus laniatos in immania viscera traijciat: *Sobrj estote, & Vigilate,* inquit ille 1. Pet. 5. 8. *quæ aduersarius vester diabolus tanquàm leo rugiens circumit quærens quem deuoret.* Totum dæmonis ingenium, indolemq; illius omnem sacer Apostolus describit à sanguinolentia, ab astutia, à ferocitate, & fraudulentia. Insatiabilem audacitatem, quâ animarum nostrarum pernitiem desiderat, indicat, dùm ait, rugire, dolos & prætigias aperit, cùm dicit circumire, hoc est, omnes vias percurfare, omnes tentare fores, & rimas, per quas ad inferendum nobis exitium, supremamq; stragem consciscendam penetrare queat.

Alludit ad ea Sancti Petri verba diuinus Nolæ Episcopus Paulinus in epist. 34. quando in hanc rem ista grauiter dixit: *Aduersarius noster non quiescit, & in nostrum peruenit hostis interitum obsidet omnes vias nostras, egressusq; & aditus omnium diligenter explorat, vniuscuiusq; vestigijs comes indiscretus affigitur, ac sepes egressibus nostris obijcit, & pedibus interserit, & in plano quoq; latentem salebram malè cautus offendas.* Notanda in his ista: *Vniuscuiusq; vestigijs comes indiscretus affigitur,* hoc est, nemo pedem mouet, cuius passum vnumquemlibet non obseruet, vt in deuia abducatur, vel deijciatur. Non sic vmbra corpus sequitur, vt homines malus dæmon indefessè incessanterq; comitatur, vt eos destruat, & perdat.

Et tanquàm ille hoc per omnem vitæ nostræ discursum faciat, semperq; nos absq; vitæ inducijs persequatur, ac perpetuus oppugnator infestet, tunc tamen vehementius efferatur, & venenum suum, maiore copiâ, & rabie effundit, & validiore conatu nos aggreditur, cùm in extrema, & fatali vitæ neces-

Yyy

itate



fitate positos cum anxietatibus mortis decertare, & inter procellosas vndas dubij exitus, & varij timoris periculosè fluctuare cernit. Ibi tunc imaginationem metu poenarum, quæ malefactis præteritis sint paratæ, sollicitat: Ibi memoriam repræsentatione omnium, quæ suæ perperam acta, siue malè intermissa, angit, sic ea exaggerans, & amplificans, vt vastorum elephantorum specie obijciat animo, quæ nuper ad exilitatem formicarum vsq; extenuabat: Ibi Deum, quem de vultu semper beneuolentissimum, & amantissimum patrem arbitrari sumus, tanquàm merus rigor sit, & ipsissima seueritas, in mortali agone positis exhibebit, & ex minutulis arenis excelsum montem conficit. Denique illi momento seruat extremos virium suarum conatus, & omnes veteratoris artis suæ copias, sciens nostri iacturam sempiternam facere, nisi lucrum faciat, sciens nunquàm obtinere deinceps posse, quos tunc perdat. Itaque etiam sancta mater nostra Ecclesia, tametsi ea Sancti Petri verba, quibus ille crudelis inimici nostri suam fraudulentiam, & fraudulentam scuitiam describit, ad qualemvis aliam ex Horis canonicis (quibus Deus per diem pro more religioso colitur) dici, aut cantari præcipere potuisset, ad solum Completorium tamen, quæ est Horarum istarum vltima, commemorari voluit, vt simul doceret, ac moneret, quòd rabidus hostis noster, quanquàm semper dolosè oppugnet, & rabidè infectetur, nunquàm tamen enixius hoc agit, neque astutius vigilantijsq; exitium nostrum machinatur, quàm cum exitum nobis supremum, & horam vitæ vltimam imminere putat.

Id Propheta Ieremias in sensu mystico vaticinatus fuisse videtur, qui vt nos aduersum suprema vitæ pericula præmuniret, quænamque illa, & quænta tunc futura sint, præmoneret, aiebat: *Ecce ego conuocabo omnes cognationes regnorum Aquilonis, & Venient, & ponent unusquisque solum suum in introitu portarum Ierusalem;* Ierem. 1. 15. tanquàm ex ore Domini dixisset: Meo permisso fiet, vt omnia Aquilonis cognata regna aduersus vnâ Hierosolymam concurrant, & quodlibet eorum thronum suum in ipsis vrbis portis statuat.

Sanctus Petrus Damianus lib. 5. epist. 3. ait: *Quæ sunt illa congregationes, siue cognationes regnorum Aquilonis, nisi malignorum spirituum multitudines?* qui cum magna caterua crudeliter coniurati veniunt, vt miserum in supremo agone, & præ mortis foribus positum sanguinolento bello opprimant, & ad inferos transmittant: *Et solum suum unusquisque*

*in introitu portarum Ierusalem ponunt, cum egredientem de corpore infelicem animam circumpositâ, ne libera prodeat, obsidione custodiunt.*

Notandum in verbis Ieremiæ, quod ait, *unumquemque malignorum spirituum tendere papilionem suum, & figere tabernaculum:* *Et ponent unusquisque solum suum in introitu portarum;* quia in illa vltima hora peccatum quodlibet animam, à qua perpetratum fuit, maiore cum furore demigraturam è terrestri hoc carnis gurgustio adoritur, inuadit, oppugnat. Tunc enim stygius lauernio totam repræsentat culparum fœditatem, speciesque illarum, & circumstantias, gravitatem autem etiam amplificat, & exaggerat, vt ita in desperationem abripiat. Hoc est, quod ait Ieremias, *dæmones velut in sylvarum latebris, & insidijs opperiri eum, qui animam agens cum extremo spiritu configit.* Quando autem infelix anima tam valido fœderatorum insensibilium hostium exercitu cinctam, tot legionibus nequissimorum, ac potentissimorum contrariorum obsessam, bellumq; internecinum sibi à tot efferatis phalangibus paratum cernet, quomodo non pauebit, non trepidabit, non contremiscent ob oculos inimicorum, quorum tametsi maximus numerus, maior tamen est crudelitas, & scuitia, maxime in illo extremo vitæ articulo, vbi aduersarij totas exerunt vires, remq; summo dolo agunt, & ad omnes artes, præstigijsque se conuertunt, quòd ex illa hora successum non minoris alienius rei, quàm totius æternitatis pendere sciunt.

Sanctus Mediolanensium Archiepiscopus Ambrosius, & Magnus Basilius homil. 9. in Hexam. hoc in ouibus singulare notârunt, quòd sub expirantem autumnum & plus solito comedunt, & matore cupiditate in pastum feruntur: *Oues accedente hyeme pabulum copiosius, auditijsq; ventris ingerunt,* inquit Basilius.

Quid verò causæ est, quòd oves appetente hyberno tempore, tanquàm insatiabiles sint, tam cupidè, abundanterque cibis suos infarciunt, & distendunt ventriculos?

Respondet Sanctus Basilius, id facere, *quasi sibi vaticumprovidentes pro indigentia cibi futura.* Naturæ instinctu doctæ ouiculæ sciunt, quòd per asperum, frigidum, rigidumque hyemis tempus congruentis alimonie laborabunt penuriâ, itaque dum aduertunt paulatim marcescere, & deficere annonam, *copiosius eam, auditijsq; ventris ingerunt,* & quanquàm toto anno alacriter, celeriterque herbas carpant, cum verò proximam imminere hyemem sentiunt,



riunt, multò enixius, vberiusq; eas bidente falce suâ demerunt. Sic & perfidus generis nostri hostis quamquam semper nostram anhelet perniciem, & ruinam, semper modos comminiscatur, quibus nos perdat, semper vias exploret, per quas exitium nobis adducat, semper circumeat *quarens quem deuoreret*, sed in vna mortis hora maximè ferocit, & impotentissimè furit, & omnes aduersum nos euocat fœderatos, & quàm vehementissimo impetu potest in moribundos inuehitur, sciens perpetuò se victum, nisi hac vice victor euadat.

Huc adduci solet illud ex Sancti Ioannis Apocal. c. 12. v. 12. *Va terra, & mari, quia descendit diabolus ad vos habens iram magnam, sciens quòd modicum tempus habet.* Magnam iram habens, inquit, non nescius, quòd omnia perdat, si in hoc supremo conflictu occumbat, eaque propter maiore armatur furore, rectoribusque vitur dolis, & stratagematis, & pugnat pertinacius. Huc etiam ferè adferunt illud, quod de Noruegiæ accipitribus, siue falconibus dicitur, nimilum esse illos maiore volandi pernecitate à natura præditos, quàm ceteras eiusdem specie volucres, idq; quòd Noruegiæ dies perbreues, ac non nisi trihorarij sint, ex sole tribus, neque amplius, horis, plagam istam illucescente. Vt ergò exigua in eis oris sunt diei spatia, sic concitissimus est falconum volatus, vt necessariam agere prædam queant, & per velocitatem faciant, quod per exiguitatem diei non possunt. Sic ille Orci falco animarum raptoij intentus inhiatius, incitatioresq; impetu inuehitur in eas, cum morti vicinas videt, *sciens quòd modicum tempus habet*, sciens quòd in finem vita decurrit, capiendzq; prædæ spes omnis auolauit, cum vngues illius semel anima euasit.

Adductus fuit ad cœlestem Magistrum miserabilis quidam iuuenis, quem nequam spiritus inuaserat. Domini iussu ad illum allatus, cum *vidisset eum statim spiritus conturbauit illum, & elisus in terrâ, solutabatur spumans*, Marci 9. 19. spumasque in ore agens prodebat dolorem, qui latebat in animo.

Quid est, quòd tunc cacodæmon magis desuij, ardentiorque irâ inflammatus, cruciabilius hominem, quem occupauerat, afflicauit?

Respondet Nicolaus Lyranus: *Videns se citò eiciendum, faciebat peris quod poterat.* Cum se quantum exturbandum è corpore miseri, quod tenebat, & ex fortissimæ arcis, quam expugnarat, præsidio mox eiciendum intelligeret, grauius vexabat, & intolerabilius afflictabat ærumnosum hospitem suum, totasq; ad illum cruciabilissimè torquendum

vires expromens, *faciebat peris quod poterat*, acerrimèque, & acerbissimè illum exagrabat. Quod tunc luctuoso illi, à quo emigraturus erat, faciebat, hoc abituris è vita alijs scelerum architectus dæmon facit. Cum enim videt moribundis exiguum vitæ spatium, sibi que modicum expugnandi, ac perdendi illos tempus esse reliquum, *facit peris quod potest*, efferturque & ferocit amplius, & insidiatur doliis, & pugnat pugnacius, & irruit vehementius, & configit pertinacius, nunquam enim subigere illum deinceps, ne tentare quidem potest, quem tunc non superarit.

Lais formæ venustate, sed meritorij corporis ad illiberalem quæstum turpi profligatione magis celebris, etiam Axine cognominata fuit, de quo Ælianus lib. 14. c. 35. sic habet: *Lais etiam Axine nuncupata est, quòd eius cognomen ingenij sauitiam redarguebat.* Scita illa, elegansq; erat, sed dolosa etiam, quàm formosa, & quàm pulchra, tam vasa, & fraudulenta. Nec parum fuit, quòd eadem solerte ingenio, & liberali specie, pulchra, simulq; prudens fuit. Quanam verò in re scuities illius, & vafrities, & calliditas posita fuit? Respondet Ælianus: In eo, quòd *nimum quæstum exigeret à peregrinis, eò quòd statim essent discessuri.* Hospitibus, & aduenis, si quos venustatis suæ fascino in transitu dementarar, corporis sui vsuram nimis magno vendebat, idq; quòd *statim essent discessuri.* Versipellis enim lupa hæc ferè apud se aiebat: Præda hæc, quæ in pulchritudinis meæ casses nunc incidit, mox auolabit, nec mihi videbitur amplius. Volo ergò illam expilare, vt benè glabra hinc abeat, & pretij magnitudine breuitatem mansionis compensare. Sic dæmon cum animabus in confinio mortis positis agit. Quando enim astutus hic inimicus præsentit adesse horam, quæ homo Christianus ex hac vita in alteram commigrare debeat, scitq; illum tunc magis peregrinum esse, quàm omnibus diebus superioribus fuerit, & nunquam ad manus ipsius redituram animam, si eo momento euadat libera, maiore ferocitate, & latentioribus technis, & enixiore contumaciâ eam appetit, inuadit, oppugnat, tentat, exterrit, eò quòd *statim est discessura*, nec reditura vnquam, vbi vel relis eius configi, vel alijs quibusuis armis laceffi possit.

Flavius Vegetius postquam monita dederat, quibus sollicitus, & diligens imperator ad instruendum, moderandumque exercitum vti debeat, posthæc de ijs agent, quæ fieri oporteat, quo die in pugnam cum hoste descendendum, sic ait lib. 3. c. 11. *Hoc tempus est, quo tantò magis duces debent esse solliciti,*



quanto maior speratur diligentibus gloria, & maior periculum comitatur ignaui, in quo momento perit, & pugnandi, doctrina, consilium dominatur. In horam dubij conflictus incertam tota seruari disciplinæ militaris scientia debet. Tunc & animi vigor elucescere, & pugnandi dexteritas se prodere, & sollicitudo flagrantior, & vigilantior cura esse debet. Tunc capitanei suam experientiam, suum robur milites, summi, atque infimi totas vires suas expromere, omnesque nervos contendere, & inflammare iram, & bilem suam accendere, & timorem abijcere, & imperterritè adoriri hostem debent: Nam quorum tunc frangitur acies, & funditur, aut fugatur, dissipaturque exercitus, eorum conclamata res arroganti ex victoria parti aduersæ in prædam cedunt.

Huiusmodi consilio crudelis inimicus noster præclarè uti nouit, qui cum sciat, nunquam referre posse victoriam ab anima, cui in supremo conflictu semel succubuerit, idcirco ad eam pugnam & vires proprias omnes exerit, & copiarum auxilium superpetas, quascunque potest, aduocat, ut victoriæ potiatur, ex qua triumphum habeat sempiternum.

At cum hæc tam vera sint, & certa, atque indubitata, quam experimento quotidiano testata, potestne quisquam esse adeo salutis suæ inuidus, ut non se præparet ad horam vitæ ultimam, & ad animæ abitum supremum, quam in rectissimis insidijs positæ totæ legiones dæmonum præstolantur, & obseruant tanta cum auiditate illam perdendi, ut non sit lapis, quem non moueant, non modus, quem non adhibeant, non medium, quod non arripiant, non fallacia, quam non excogitent, non artificium, quod non comminiscantur, non latus, in quod non se verrent, non technæ, quæ non utantur, ut emigranti è corpore supremam perniciem adferant. Sciunt se ibi de victoria periclitari, cum qua æternum vel perdant, vel obtineant triumphum, ac propterea omni studio, & totâ virium contentione dimicant.

Præparet se ergo Politicus noster, ut bene ab omnibus instructus intrepidè in arenam descendere cum ferocibus illis, & versutis, & per omnem vitam infensis semper, & infectis possit. Præmuniat autem se multis eleëmofynis, orationibus, abstinentijs, ieiunijs, corporis verberationibus, Sacramentorum frequentationibus, & id genus alijs bonorum operum exercitationibus, ut tam validâ armaturâ, tam multiplici scuto tectus possit securus supremi transitus euadere periculum, quod ubi superauerit, rideat. feram dæmonijs astutiam, & astutam feritatem

poterit, & capite immarcescibilem quietis perpetuæ coronam triumphator excipiet.

## CAPVT VII.

*Qui Deum non timet Iudicem, is vel iudicio laborat rationis, vel fidei lumine est destitutus.*

Si omnia acta essent, cum vita est peracta, nihil magnoperè in morte timendum foret, immò verò etiam, ut sunt huius vitæ multiplices, & graues ærumæ, appeti mors posset, tanquam finis calamitatum, & iactationum omnium tranquillæ portus. Verùm cum post mortem ulterius progrediendum sit, locustque formidabilissimus, & periculosissimus ad eundem, nihil mirum est, quod mortis palæstram ingredi trepidant, qui oculos fide illuminatos habent. Statutum est hominibus semel mori, post hoc autem iudicium, inquit Apostolus Heb. 9. 27. Morti lex ordinaria omnem hominem addixit, à morte autem ad supremum Dei tribunal extemplo quisque abripitur, ubi verba illius, etiam quæ leuioris momenti, & opera omnia, & cogitatus secretissimi, absconditissimi discutiuntur, pensantur, examinantur. Verborum autem, factorum, & cogitatorum censor sedebit Dominus ille, cuius sapientia infinita, potestas immensa, tanta verò erit per id tempus austeritas, ut idem Apostolus in seueritatis illius consideratione posuit dixerit: *Horrendum est incidere in manus Dei Viuentis*; Heb. 10. 31. in manus, inquam, omnipotentes Dei, qui tanquam vigilantissimus excubitor, & lynceis explorator oculis omnia nostra peruidet, & obseruat.

Quis ille ob oculos Dei Iudicis, nisi qui fidem supremi perdidit iudicij, solutiorem vitam viuere, aut quidpiam agere auit, quod non iustitiæ regulis, & præceptorum dominicorum, rectæque rationis amissi sit quàm maximè consentaneum?

Agar cum filio suo Ismaele eiecta è domo Abrahamæ ibat exul, non aliud secum ferens, quàm panem, & utrem aquæ, consumptaque est ea intrâ dies pauculos annona. Grauius afficiebat puerum ardens sitis, protusque confecerat, & exanimasset, nisi Angelus ostensione putei siti, & labanti vitæ remedium attulisset. Bibit ergo siticulosus puer, & fugitiuam à vestibulo mortis animam reuocauit. Cum hæc ferè ita narrasset sacer Textus, mox addidit: *Et fuit cum eo, qui creuit, & moratus est in solitudine, factusque est inuenis sagittarius*; Genes. 21. 20.

Duplex est in his verbis difficultas. Prima, quis ille fuerit cum Ismaele, cum dicitur, *Et fuit cum eo*:

Altera,



Altera, quale genus vitæ duxerit in solitudine, in qua moratus fuisse fertur, diciturque creuisse, & factus iuuenis sagittarius. De hac posteriore difficultate non conuenit Expositoribus. Multi enim aiunt, vitæ illius institutum fuisse non venari feras, sed trucidare homines, & sanguinem vertere non brutarum pecudum, sed animalium rationalium. Quod si affirmant, tale est, acsi grassatorem fuisse, & latronem viarum dicerent.

Verum Cardinalis Caietanus vult ex dilucidatione primæ dubitationis etiam secundam explicandam. Exponens autem quis cum Ismaele fuerit, sic inquit: *Iuxta hebraum habetur, Et fuit Heloim cum eo; Heloim autem Deum iudicem, & censores humanarum actionum significat.* Subijcit his statim Cardinalis Caietanus: *Hinc apparet nugus esse, quod Ismaël exercuerit latrocinia.* Nec dissimulauit causam, ob quam in fabulis recenset eorum opinionem, qui Ismaëlem in latrocinij egisse vitam putant, dicens: *Si enim Deus, quatenus iudex, erat cum puero, longè erat à latrocinij.* Nouerat puer latrocinia esse peccata, ijsque offendi Deum, quem & præsentem adesse non ignorabat. Quomodo ergo ob oculos coram positi iudicis peccatum qualecunque perperrare poterat? Nemo vel in secreto re eremo, & abditissima, abditissimaque solitudine peccare audet, qui fide certum habet, esse Deum iudicem: *Si enim Deus, quatenus iudex erat cum puero, longè erat à latrocinij.* Quid ergo dicemus, qui tot hodieque inter Christianos videmus latrocinia, homicidia, & sine numero malitias? Si fortè eos, qui talia agunt, interrogas, vtrum sciant, quod Deum, à quo iudicandi sint, offendant, respondebunt, scire. At si sciunt futurum iudicium, & pœnâ æternam talibus præparatam, vbi iudicium eorum, & ratio, qui tam leuiter, ac temerè proiliunt in offensas Dei iudicis?

Immeritò sanctus, & innocens Iob in sordido sterquilinio varijs vexabatur doloribus. Cùm autem ad vitam præteritam se reflecteret, & ætatis ætæ volumina relegeret, leuamen inde suis cruciatibus, consolationemque accensebat, ac nihilominus dicebat: *In profundissimum infernum descendit omnis mea.* Putasne saltem ibi erit requies mihi? Iob 17. 16. quod ferè hauiusmodi sepultæ sint omnes actiones meæ, nec sit quisquam illorum, qui me calumniatur, nec dæmonum aliquis, qui me vel infectetur, vel accuset, quoniam propterea mihi esse securum licebit? *Putasne saltem ibi erit requies mihi?*

At cùm sacrosanctus Patiens in asylo sepulchri positus, certus erat, quod nec dæmones ipsum persequi, nec homines facta eius criminari possent, cùm mors vitæ simul, infestationumque omnium, & calamitatum finem faceret, eidemque tumulo & cadauer, & omnia inferrentur, quid est quod inclytus triumphator dæmonum, & aduersitatum velut dubitat, num vel à morte optatam sit habiturus requiè?

Sanctus Gregorius Magnus de hac re ad nostram eruditionem opportunè, & sic ait: *Perpendamus quantà debemus formidine venturum iudicium semper expauescere, quando & ille, qui à iudice laudatus est, adhuc de retributione iudicij in suis vocibus securus non est.* Veilissimum hinc, commodissimumque nostræ institutioni exemplum, & documentum eruere possumus, hoc nempe, quantum horrere debeamus nos miseri peccatores terribile illud supremi Iudicis tribunal, cùm & ille tam magnanimus ærurnarum grauissimarum tolerat, tam inclytus calamitatum acerbissimarum victor, tam magnificus aduersæ fortunæ, & qualis quantæcunque infelicitatis triumphator, qui ab ipso Iudice *vir simplex, & rectus, ac timens Deum, & recedens à malo, cui nullus similis in terra;* Iob 2. 3. nihil ferè per omnem vitam egerit, quàm vt diceret, quantum illam extremi iudicij horram pertimesceret: *A Iudice laudatus adhuc de retributione iudicij in suis vocibus securus non est.* At si ille adhuc pauebat, quem viuum etiam nūm ipse Summus Pontifex albo Sanctorum adscripsit, si ille hoc vnum propè semper, & vbiq; commemorabat, quàm vehementer illius diei metu, & horrore laboraret, quomodo non dirigescit formidine eiusdem terribilis diei peccator, qui magnum illum Dominum, & Iudicem magnis, ac multis modis indignè, inmaniterque offendit?

Comprobabo hæc parte quadam literarum, quas Libanius sophista ad Magnum Basilium dedit, quæ est inter illius epistolas 17. & sic habet: *Ecce missi tibi orationem meam abundè sudore perfusam. Quomodo namq; anxie non sudarem, es viro orationem meam mittens, cuius tanta est iudicandi facultas, & Platoni sapientiam, & Demostheni vehementiam frustra tactas esse conuincere queat? Vnde & horreo, & tremo diem illum, in quo sermonem meum iudicaturus es, quin parum abfuit, quin mentis sim facultate destitutus.*

In his percommoda veniunt causæ præsentis hæc postrema: *Horreo, & tremo, diem illum cogitans, in quo sermonem meum iudicaturus es, quin parum ab-*



*fuit, quin mentis sim facultate destituit.* At si homo hominis censuram ita metuebat, quâ hac solum notaturus erat, num quid minus culte, minus terre, scite, politè, eleganterq; dictum, num satis depexa, & ornata verborum phrasî, ut tantum non in mortis angustias formido illum conieceret, quomodo non artubus omnibus, & corpore toto contremiscet homo, cuius etiam occultissimos, & abstrusissimos cogitatus ad suam falli nesciam trutinam exactissime pensabit non miser homo, sed omniscius Deus? Quomodo non exanimabitur timore, qui omnia longæ vitæ suæ spatia transmisit in flagitijs, & Deo offensis, quando cogitat, quod illius, quem toties, tamq; enormiter irritauit, tribunali sistere se debeat, à quo prouocare aliud non licebit? Quanto iustus ille, quàm Libanius dicere poterit: *Horreo, & tremo, diem illum cogitans, in quo sermonem meum iudicaturus es, ô supreme Iudex, & Domine.* Nam si tunc bonorum etiam expetetur ratio operum, quàm strictâ discussione examinabuntur malefacta, & peccata?

Vidit Propheta Ezechiel quatuor illa admirabilia, & mystica animalia, quorum vnumquodlibet quatuor alas, totidemq; facies habebat, putâ hominis, aquilæ, leonis, bouis. Viso autem talis erat, ut cordatissimum, & animosissimum hominem percellere metu posset. Ille tamen omnia tam intrepidus spectabat, acsi ludum aliquem festiuissimum vidisset. Inter alia, quæ oculis illius obiciebantur, fuit quidpiam solij figuram referens, & super similitudinem throni, similisudo quasi aspectus hominis desuper; Ezech. 1. 26. Vix autem quicquid illud hominis simile in throno arbitratus fuit, quando totus expauit, & expalluit, torumque corporis illius ædificium tremore concussum, atque euersum corruit: *Et cecidi in faciem meam*, inquit ipse c. 2. 1.

Notauit hunc admirabilem successum, sanctus Abbas Tuitiensis Rupertus lib. 1. c. 17. in Ezechielem, & ait: *Non statim & vidit similitudinem quatuor animalium, vel cetera, quæ consecuta sunt, cecidit in faciem suam, sed postquam vidit similitudinem throni, & desuper similitudinem quasi aspectus hominis.* Tunc enim cecidi, ait, *in faciem meam.* Quid ille thronus tam sublimis, & excelsus representabat? Deum hominem, qui è suo tribunali, & solio supremo vitæ actæ rationes ab omnibus hominibus exigeret, & excipiet. Quid mirum ergo, quod Propheta non solum interrito animo, verum & auidis oculis aspectauit tam rara, & prodigiosa, tam variè, & mirabiliter figurata, è tam multis vultibus conflata, &

nunquam ante visa animalia, artonitus verò, & ex-pauescens, & humi deiectus fuit magnitudine timoris, quem hausit, cum similis Deo Iudici oculis illius occurrit? Nam si rem probe consideres, inuenies, quod nec ærumnæ, nec persecutiones, neq; visiones, nec Angeli, nec dæmonia æquè debeant exterrere hominem prudentem, atque irata facies, fulgurantes oculi, sanguinolentus gladius, & supremum tribunal Dei Iudicis. Sic enim quidam veterum eremi Patrum apud Nouarinum in Eleâs sacris lib. 4. Excurs. 87. siebat: *Si possibile esset animas interire, idferret in aduentu Iudicis.* Mortem immortalibus animabus si quæ res consciscere posset, vnus maximè adferret intuitus supremi Iudicis tam potentis, sapientis, immensi, iræque, & furore inflammari aduersus eos, quos sanguine suo redemit. Res ista ampliore, ut videtur, exaggeratione augeri non potest.

Reuersus Abraham ex Ægypto in Palæstinam, cum sua chara Sara, & dilecto consobрино Loth, erat diues valde in possessione auri, & argenti; Genes. 13. 2. nec minus varij pecoris copijs affluebat. Quod hic de Abrahamo dicitur, *Erat diues*, id pluribus modis transtulerunt linguæ Hebrææ periti. Alij enim verterunt, *Erat grauis*, alij verò, *Erat ponderosus nimis*, quando scilicet de Ægypto regressus.

Quæ verba, tamen si aliud sortè sonare videantur, Glossa ordinaria apud Abulensem in c. 13. Genes. sic interpretatur: *Erat grauis, vel onustus debitis, & non diuitijs, quia illi, qui peregrinantur, plura expendant, quàm in terra sua manentes.* Parum ergo faciebat, quod magnam vim auri, atque argenti secum ferret, cum ex alia parte in magno ære alieno esset, quo plus grauebatur, quàm opulesceret ex auro. Cohærent ergo ista, quod & diues valde, & plurimum oneratus reuertisse dicitur.

Tale quidpiam de quolibet homine Christiano affirmare possumus, nimirum quod & diues valde sit, & ponderosus, & grauis, siue grauatus, hoc hæbet *schwert mit Reichthum*, vnu *schuldenlasten*. Quis enim opulentiior Christiano, quem Deus absque vilo illius merito exemit è Gentilismo, & in Ecclesiæ suæ amœna, & voluptuosa plantaria transtulit, postquam animâ rationali tribus nobilissimis facultatibus præditâ donauit, atque à brutis illum seceuit, & Angelis cognatum fecit, & ad suam imaginem, similitudinemque effigauit? Posthæc & lumine fidei diuino cæcos illius oculos illuminauit, cuius ope, ac beneficio reconditissima mysteria cognoscit.



CAPVT VIII.

*Ex mala vita sperare mortem bonam, est fructus  
ab amara radice expectare dulces.*

Cum suprema nostra felicitas (quod probatum dedimus) in felici vitæ præsentis clausula sit posita, beatitudinisque illius obtinendæ varia magno studio conquisita remedia proposuerimus, superioribus aliud, idque tanquam fundamentum illius consequendæ præcipuum hoc capite adijciemus. Quisquis ergo prosperam, & secundam optat mortem, curet bonam ducere vitam. In hac basi spes extremæ fundabitur. Nam ex principijs facile est conijcere successum, & primordia sunt prognostica finis, quem habitura est actio. Ità sentiebat S. Laurentius de triumphali Christi agone cap. 13. §. 4. inquiens: *Præteritorum exhibitio, venturorum est certitudo, & de via, quam quis init, arbitrari licet, quò tendat.*

Cum de templo secundo instaurando ageretur, *plurimi de Sacerdotibus, & Levitis, & Principes patrum, & Seniores, qui viderant templum primum, cum fundatum esset, & hoc templum in oculis eorum, flebant voce magna, 1. Esdræ, 3. 12.*

Sed quare tam altum eiulabant, qui templum prius viderant, & videbant initia posterioris? Erant tunc alij, qui tantâ lætitiâ exultabant, ut animi gaudium magnis vocibus patefacerent. *Multæ enim vociferantes in lætitiâ, eleuabant vocem, ut habes ibid. Quid est, quòd alij acerba lamenta edebant, cum alij risu diffunderent? Quamobrem hi cachinnabantur, cum lachrymas illi funderent?*

Respondet P. Caspar Sanchez in cap. 3. libri 1. Esdræ: Primores populi, & qui cum ætate, tum prudentiâ antecesserant alijs, cum scirent quàm ingens, quàm sumptuosum, quàm magnificum, & admirabile fuisset primum illud Salomonium templum, & ex fundamentis, ichnographiâ, siue dolineatione concepti operis noui diuinare faciliè possent, quale futurum esset templum posterius, quod tunc adornabatur, *ex fundamentis, quasi ex vnguibz leonem, cognoscentes fabricam secundam, quæ apparabatur, dirum illachrymabant, quòd promptum illis esset arbitrari, quantò inferior futura esset hæc secunda priore. Itaque ex exordio augurabantur finem, ac propterea flebant.*

Quando videmus hominem, qui à teneris annis perditè viuere, delictisq; ac turpibus voluptatibus se tradere incipit, illius finem, & infelicem vitæ clausulam deplorare possumus, ac meritò debemus. Ex  
forma,

gnoscat. Et ne inopem in Ecclesiæ paradiso vitam viueret, septem illi fontes totidem Sacramentorum ad omnem voluptatem dedit, & victum non alium, quàm diuinæ carnis pollucibilissimas lauitias, & pretiosi atque inestimabilis Sanguinis sui nectar, & ambrosiam. Beneficia inspirationum, & vocationum singularia inexplicabilia sunt, pericula verò, à quibus liberatur, innumera. Quis locupletior illo dici possit, qui hoc in terris accipit, quod gratiosissimo Seraphino non conceditur in cælis, quale est accumbere quotidie mensæ, cuius Deus ipse & conuiuium est, & conuiua? Nihilominus ille tam copiosus, & affluens Christianus maximæ miseriæ, pauperiæ, infelicitati proximus est, nisi tantæ Dei beneficentiæ humiliter respondeat, & pro tam insignitis gratiæ donis, quascunq; cum eiusdem gratiæ ope potest, vices rependat, & vel partem debitaluat, qui totum soluere non potest. Dicere ergo possumus, quòd Christianus flagitiosus, & ingratus diues est fide, quam habet, per quam est omnium enumeratorum bonorum capax, sed maxime omnium mundi hominum etiam oneratus debitis, *Erat ponderosus nimis: Daturus enim est exactissimam rationem beneficiorum omnium communium, & priuatorum, & quia cum donis crescunt rationes simul donorum (quod in œconomorum administratione, & calculis videre licet) stricissima sanè exigitur ratio à Christiano, cui tam multa, & magna sunt concredita. Et cum suas rationes illi Domino exhibere debeat, qui quàm liberaliter sua beneficia erogauit, tam accuratè, rigidèq; vsum illorum discutiatur, ac ponderabit, quis non timebit, quis iudicii compos ad huius non contremiscet memoriam iudicii?*

Ergo si Politicus noster, qui perpetuo studio suæ animæ administrationem curare quàm diligentissimè debet, non plurimum sollicitè suas examinat rationes, non anxie ad caleulos sua accepta, expensæque reuocat, neque sæpè cogitat, quomodo suam purgare negligentiam, excusare oscitantiam possit, cum certum habeat, quòd mori debeat, & iudicium subterfugere extremum non possit, vel infidelitatis illum arguemus, vel conuincemus stultitiæ.

*Eundem scopum petit Periocha I. Dominica VIII. post Pentecostem. Tomo 2. pag. 151. c. 1. o. Vide in Seruisque Tomi Indice rerum verbo Iudicium.*



forma, & ratione vitæ præsentis coniecturam de morte illius, qualis ea secundum celsum ordinarium futura sit, facere possumus. Nam vt magnus Cassiodorus lib. 12. epist. 2. ait, *de rebus præteritis spes magna redditur in futuris*. Itaque qualis fuerit vita superior, talem plerumque fore mortem præsumere possumus. Ex vngue vitæ leonem mortis secundum morale iudicium æstimare possumus. Spem ergo felicitis mortis tantam aliud nihil, quantam vita sancta facere potest, vt enim quisque viuit, sic ferè moritur.

S. Propheta Daniel refert, Nabuchodonosorem regem vidisse aliquid in somnis, quod magnam animo illius attulerit turbationem. Hoc verò illum maxime angebat, quod recolere memoriâ non posset, quidnam illud vidisset. Accersit ergo sapientes suos, eisque præcepit, vt non tantum edicerent, quid illi in quiete per visum occurrisset, verum etiam quid somnium portenderet. Rogarunt illi regem, vt ipse, quid dormienti visum fuerit, aperiret, tuncque mysterium sibi aperiri imperaret. Tunc rex: *Si somnium non indicaueritis mihi, ena est de vobis sententia, quod interpretationem quoque fallacem, & deceptione plenam composueritis, & loquamini mihi donec tempus pertransierit. Somnium itaque dicite mihi, & sciam, quod interpretationem quoque, cum veram loquamini*; Dan. 2. 9. tanquam apertius dixisset: Tempus nequicquam prodigimus. Nisi vos mihi quid ego per somnium acceperim, dicatis, de fraude vestram suspectam habeo sapientiam. Nam si ego vobis somnium detegam, facile vobis erit comminisci interpretationem, quæ ad me non pertineat, & ad me circumueniendum solum sit excogitata. Somnij ergo memoriam mihi refricate, alioquin imposturam putabo quidquid hac de re mihi coniectores dixeritis.

S. Gregorius Magnus quærit, cur hic rex tam pertinaciter inhaerit suæ sententiæ, volueritque ex reuelatione præteriti somnij certior fieri de successu euentus illius futuri, cum satis illi esse posset sapientum suorum interpretatio, qui se somni portentum exposituos promittebant, dum ipse somnium tantummodò manifestaret?

Respondet beatissimus Pontifex homil. 1. lib. 1. in Ezechielem, prudenter factum à rege, quando voluit, vt arioli prius somnium ipsum, deinde illius significatum diuinarent, vt quæ futura augurarentur, indubitatus credere posset, si veram de præterito somno coniecturam fecisse ante vidisset. Verba Magni Doctoris sic habent: *Certe rex Babylonius cum somnium vidisset, misit ad magos, & arceles, om-*

*nesque sapientes Babyloniam conuocauit, nec ab eis solum modo interpretationem somnij, sed etiam somnium quaesuit, & nimirum ex præteritis colligeret, si quid in eorum visoriosis de futuro certum teneret. Oprimus ille visus est regi diuinandi modus, si futuri veritatem de præterito conijcerent, rerum enim antea factarum cognitio facit, vt earum, quæ venturæ sunt, præuisionem certam faciliè habere possumus, ex primordijs enim extrema ferè colliguntur, finisque ab origine pender.*

Volebat Propheta regius omnes inuitare mortales, vt ipsum attenti audirent, & solliciti ausculta- rent Qui autem tam ingentem expetebat hominum concionem, eius procul dubio admodum utilis, momentosa, & necessaria doctrina fuit. *Attendite popule meus legem meam, inclinate aurem vestram in verba oris mei*; clamabat ille Psal. 77. Quid rei dicturus est Propheta, pro qua nostram tam studiosè captat beneuolentiam? *Aperiam in parabolis os meum, loquar propositiones ab initio*, inquit ibid. vers. 2. Quænam illæ propositiones, de quibus pro concione differet? Nam quod tam confertam auditorum multitudinem adesse cupit, eisque non alia, quam parabolarum, & ænigmatum fercula præbiturum dicit, parum voluptuosum, ac tale videtur conuiuium, quod auscultandi orexin, etiam non languentem, vix excitare possit. Ità foret, nisi mox subiungeret, quæ de re dicturus esset, inquit: *Loquar propositiones ab initio*; velut dixisset: Parabola mea, & meum ænigma non aliud est, quam vt dubitationem quandam, difficultatemque dilucidem, & hoc exponam, quid demum de homine futurum, cuius tam est dubius finis, quem terminum vita illius, qualemque peregrinatio eius conclusionem sit habitura. Obscurum hoc ænigma est, & inuoluta, difficilisque parabola, inquit. Itane verò intricatum hoc tibi videtur ænigma? Ego verò rem apertam, luculentamque existimo, pronuntiare de clausula, huc conclusione vitæ hominis, qualis ea sit futura. Vnde autem huius rei alioquin perdifficilis, & abstrusa tam apertam aurius cognitionem? *Loquar propositiones ab initio*, inquit, quasi dicat: Dicito tu mihi vitam hominis priorem, & antea factam, ex hoc principio ego illius certò conijciam conclusionem. Incipiat quis viuere sanctè, habeat bona, & felicia primordia, ex his principijs ego argumentando colligam, qualis sit futurus finis.

Hugonis Cardinalis commentarius in illa verba sic habet: *Loquitur propositiones à principio incipiens & que ad finem mortis cuiuslibet nostrum, in quo fine*



*non loquatur propositiones, sed conclusiones, secundum quod nos sumus primus assumptiones.* Loqui propositiones ab initio idem est, quod colligere ex initio conclusiones, quales habebunt singulorum vitæ. Hoc enim cursus rerum ordinarius habet, ut cuius fuerunt bona initia, eiusdem sit etiam felix finis: Nam cum sancta primordia sint bona dispositio ad vitam sanctam, & bonam, ex illis duabus propositionibus primordiorum bonorum, & vitæ sanctæ deducitur conclusio, colligiturq; non difficile, qualem quis vitæ clausulam sit habiturus. Sanctam enim inchoare vitam, eamque constanti pede persequi, est laudabilis, & optati finis felicissimum prognosticum, & faustissimum auspiciū. Vitam nempe inter virtutum studia actam mors plerumq; sancta excipiet. Velle autem, ut vitam contaminatam, & flagitiosam, & perditam felix, & fortunata mors consequatur, tale est, ac si optes, ut dumus syuëstris suaves fructus proferat, & tribuli ficus edant, & radices amaræ dulcia poma generent.

Cum sanctus totius Ægypti præses Ioseph apud se iam haberet charos fratres suos, priusquam ad salutandum, venerandumque regem ingrederentur, præmonebat eos, quid responsi dare deberent, si de vitæ suæ statu, officiorumq; conditione ab illo fortè interrogarentur. Dicite, aiebat, *Viri pastores sumus serui tui ab infantia nostra & que in præsens. Hac autem dicetis, & si habitare possitis in terra Gessen*, Gen. 46. 34.

Quo consilio suaserit Ioseph fratribus suis, ut regi dicerent, se pastoritiam artem ab annis vitæ suæ primulis constanter coluisse?

Respondet Abulenſis: *Hoc dicebat Ioseph, ne rex eos faceret bellatores, & disungeret.* Optabat castus iuuenis fratres suos habitare simul, & esse contubernales, adeò laborabat, ne dare militiæ nomina rex iuberet, quod inde futurum esset, ut à sese diuellerentur, & distraherentur. Ut ne verò mereri stipendia cogerentur, præcepit dicere: *Pastores sumus ab infantia nostra & que in præsens.* Ergonè ex eo, quod muneri pastoritio iugem penè ab incunabulis operam dedissent, futurum erat, ut rex militare non imperaret? Perspicua res est, inquit Abulenſis, quod rex non faceret eos bellatores, sciendo totà vitā hoc officium tenuisse, quā iudicaret eos inhabiles ad aliquid aliud. Quid enim? Qui per omnes vitæ superioris annos aliud nihil egerant, quā ut greges pascere, igne posterioribus diebus strenui esse milites poterant? Nemo senex facile discit artem, cui non studuit puer. Rex ergo, ut Ioseph prudenter arbitra-

Tom. III.

batur, ita apud se differeret: Qui vitam semper quietam, qualis est pastoritia, duxit, is in bello, quod milites solent, non bene eam finierit, qui solum hærens pedum gestauit, & inter mansuetas oues vixit, is gladium tractare, & cum militibus leonum similibus, hoc est, efferatis, & sanguinariis hominibus consuescere ægrè poterit, neque felicem annorum conclusionem faceret, si quis ab illa tranquilla vita, quam semper tenuerat, demum ad hanc tumultuariam transiret.

Ex his in rem nostram à contrario sic dissero. Qui omnem ætatem superiorem in bello, dissidijs, contentionibus, & offensis diuinæ maiestatis exegit, demum autem sine quieto, & tranquillo suam vult concludere vitam, is miraculum nunquam visum expectit. Nimirum quantum præsumit, qui inter brachia, & amplexus Domini, tanquam alter quidam Moyses, cupit suauiter, pacatèque obdormire, cum per omnem vitam suam Dominum illum totā lacertorum suorum vi, & brachiorum contentione varijs, enormibusque sceleribus indigne oppugnauit, & lacerauerit. Nescio quomodo talis vitæ finem talem sperare quis possit. Vita omnis bellica fuit, ergo mors erit pacifica. Male infert, qui sic ratiocinatur. Verum à vita sancta ad mortem quietam, & beatam optima est consequentia. Hæc de ijs dico, quæ plerumque, & maximam partem eueniunt, potest enim misericordia Dei facere, ut mala vita finem bonum sortiatur, potestque ex eiusdem iudicij occultis fieri, ut quis piam vitam infelici morte claudat. Verum ex his, quæ raro accidunt paucis, non debemus, nec possumus paria promittere omnibus, ut neque de vno singulari totam æstimare communiter.

Admiratus cœlestis Magister fidem magnā Centurionis, cum dixisset, non inuenisse tantam in omnibus Israëlitis, subiunxit, inquit: *Dico autem vobis, quod multi ab Oriente, & Occidente venient, & recumbent cum Abraham, & Isaac, & Iacob in regno cœlorum*; Matth. 8. 11.

Multam hæc dicta parere possunt difficultatem, per quæ nimirum ab expectatione regni cœlorum excludi videntur, quicumque Septentrionem, Meridiemque habitant. Cum enim sint quatuor partes mundi, & Dominus eos solos recubituos in isto regno cum tribus ijs illustribus Patriarchis affirmet, qui ab Oriente, & Occidente venient, consequens videtur, quod Septentrionalium, Meridionaliumque nemo ad illum conuictum perueniet. Hoc autem durum est, & incredibile, in omnibus enim mundi partibus

Z z z



partibus erunt, qui cælo potentur, & ad consortium illud commigrabunt. Quid ergo est, quodd Dominus Meridionales, & Septentrionales ab ea excludere videtur felicitate, quam solis promittit Orientalibus, & Occidentibus? *Multa Venient ab Oriente, & Occidente.*

Nullum hominum, quacumq; in parte mundi degat, excludit ab illa felicitate Dominus, inquit sanctus Paschasius, omnes vt beneuolus pater vocat, omnes vt pius Dominus admittit. Quod verò ait, venturos ab Oriente, & Occidente, hoc fecit, vt indicaret modum, quo sibi quisq; finem operatum procurare debeat. Modus autem hic est, vt quisque ab Oriente, siue principio vitæ vitam bonam inchoet, solemque euntem imiretur, incedens per illustres virtutum, & bonorum operum semitas. Felicitatem enim occasum habebit, quicumque hoc fecerit. Solius ergo Orientis, & Occidentis mentionem fecit Dominus, vt significaret, eum felicem bonæ mortis occasum habiturum, qui statim cum oriente luce fidei splendere operibus bonis cœperit, & in illorum studio, atque exercitatione perseverauerit. De hac re sic habet S. Paschasius lib. 5. in Matth. *Prima, &*

*Ultima ideo ponuntur, nam & illi soli tunc in regno recumbent, quos nimirum iustium recta fides, & consummatio boni operis probauerit idoneos. Denique à bona vita ad felicem mortem bona sit consecutio.*

Cum verò nemo sit, qui non prosperum sibi vitæ finem optet, Politicus noster, qui & ipse suam morte beatâ claudere desiderat, curet serid, grauiusque, vt omnes vitæ actiones desiderio illi respondeant. Sit diuinorum præceptorum studiosus, ac sollicitus obseruator, propositumq; illorum custodiendorum firmiter, animosque semper retineat. Dominus enim suorum fidelissimus remunerator, qui per omne vitæ curriculum dedit mandatorum obseruandi gratiam auxiliariem, in extremo etiam mortis disferimine, & formidabili illo periculo opitulatricem porriget dexteram, iuuabitque, vt suauiter obdormiscant, & ab huius peregrinationis miserijs in patriam gloriæ semper felices secundo itinere, & felici transitu perueniant.

*Vide Tomo 2. Dominica in Septuagesima Periocham III. qua tota in eodem argumento versatur pagina 480. c. 1. a.*

## LIBER QVINTVS.

### CAPVT I.

*Firmitudinem ab eo, quod per vim fit, expectare, tale est, ac si quis montem in debili arista stabilem consistere posse præsideret.*



Vam citò idololatra Laban venenum cordis per oculorum fores foras produxit, seuerioreque fronte, & austero supercilio, & morosiore vultu suum alienum à sancto consobрино Iacob animum indicauit! Sufurrarant aduersus illum apud auunculum filij eius, & Iacobrem ex improbæ suspitionis suæ malignitate arbitrati dixerant, quodd ille omnes sibi facultates, & greges solus vsurparet, atque hinc tam opulentus effectus esset. Cumque parens crederet ita esse, vt filij affirmarant (rebus enim pessimis aures patulas procliuiter damus) dissimulare indignationem, & stomachum, quanquam vellet, non poterat, neque facere, vt non per oculos erumpens sese proderet, quæ apud animum latebat, iracundia. Quod enim per vim alicubi attinetur, ægrè diu, quin se proripiat inde, contineri potest.

Emisit Dominus ad prædicandum suos Discipulos, variisque monitis, ad ritè procurandum cœleste illud ministerium, imbuit. In his autem vnum quoddam Matthæi 10. 11. tale erat: *In quamcumque ciuitatem, aut castellum intraueritis, interrogate, quis in ea dignus sit; & ibi manete, donec exeatis.*

Quæri potest, quamobrem Dominus voluerit, vt Discipuli, quam semel delegissent hospitij sedem in aliqua ciuitate, aut castello, eam constanter vsque in finem absoluti ministerij retinerent: Hospitalitatis enim, maximè erga Christi Apostolos, magnum erat bonum, adeo melius, vt videtur, fecissent, si apud plures ex ordine diuertissent, tamque ingentis gratiæ occasionem multis attulissent. Cur ergo præcepit Dominus, vt hominis digni ædes semel ingressi nunquam desererent, quousque opus suum, ad quod conficiendum missi fuerant, prorsus explebant? *Ibi manete.*

Respondet Paulus de Palatio: *Vt maius sit Sanctæ sanctitatis testimonium, magisque exploratam habeant vitæ vestræ integritatem, idcirco volo vos diuturniores eiusdem domus hospites. Itanè verò sanctæ*



sanctæ vitæ sinceritas de longiore consuetudine, & usu familiari perdurabiliore rectè æstimari potest? Palàm est posse: *Facile enim est, inquit Palatius, per breue tempus specimen sanctitatis ostendere, at diu sanctitatem simulare, difficile est.* Diu fingi non sinit, quæ non est solida sanctitas, nec durabilis est extorta virtutis ostentatio, & facile corrui, quæ suprà debilem simulationis basin contruitur pietas. Itaq; ut omnes intelligerent, neque fictam esse Apostolorum virtutem, neque affectatam sanctitatem, voluit coelestis Magister Discipulos suos diu in vna domo commorari, ut longo experimento, & crebris testandæ integritatis suæ occasionibus probatum darent, veram, & sinceram esse suam probitatem, & virtutem, quæ tanto tempore firma, stabilisque permanferit. Nam si per artem facta, & per vim extorta fuisset eorum sanctitas, quomodo tam diuturna esse potuisset? *Facile est per breue tempus specimen sanctitatis ostendere, at diu sanctitatem simulare, difficile est.* Quoties hanc experimur veritatem! Falsa, & spuria sanctitas facile se aperit, & manifestat. Simulator enim, qui magnam affectat virtutem, & hypocrita, qui inanem fingit probitatem, non diu potest suum occultare ignem, nam si verbulo iniurioso aliquo eum vel leuiter contingas, statim per impatientiam prodit, quod figmentis tectum habuit.

Simul Agar & vterus ex conceptu, coniugioque Abrahæ, & animus ex superbia intumescere cœpit, cumque nosset quale pignus intrâ suam aluum gestaret, dominam suam Saram aspernata fuit. Quærule de contemptione famulæ heræ cum à marito impetrasset, ut ipsa meritis tam insolenti, & arrogantis ancillæ infligere pœnas posset, sic illius proteruiam castigauit, sic elatos spiritus compressit, ut cum moderatum tolerare supplicium nequiret, fugâ sibi remedium parandum putaret. Cum ergo se in pedes dedisset, inuenit eam Angelus Domini iuxta fontem aquæ insolitudine, qui est in via Sur in deserto, Genes. 16. 7.

Cardinalis Caietanus monet, non otiosam putare sacri Scriptoris diligentiam, qui tam minutatim describere voluit iter, quod fugitiua ancilla iniit. Primò ergo communem locum, desertum scilicet, memorat, in quem se Agar receperit, posthæc etiam singularem nominat, ad quem contenderit, dicens in eam viam se dedisse, quæ in Sur tulerit. Quid sibi vult ista tam accurata singularis itineris, & semitæ denotatio, in quam se ancilla coniecerit?

Caietanus ait, idcirco tam exactè viam Agar & commemorari, ut significaretur, quem itineris sco-

pum sibi præfixum habuerit, aut quem locum petere voluerit. Via Sur in Ægyptum ferebat, Agar verò Ægyptia erat. Ut ergo intelligeremus, diuturna esse non posse, quæ per vim alicubi detentur, quodq; omnia suum locum, & centrum peruenit, propterea describuntur inditia viæ, quam illa ingressa fuerit, ut simul cognosceremus, quod eò quisque tendit, quò illum sua natura propensio inclinât. *Versus Ægyptum Ægyptia ibat*, inquit Caietanus, simulq; non nihil affligi cœpit, & redire velle in suam Ægyptum constituit, & patriam repetere decreuit. Quisque enim se, qualis sit mox prodit, quantumvis dissimulare velit, violenta quæ, & ficta, & affectata diu permanere non possunt.

Ingenia Philosophorum omnium plurimum sollicitauit, quod viderunt aërem tam firmum, stabilemque permanere in sua regione, neque causam tamen illius perdurabilitatis tantæ dispicere potuerunt. Aquam terra sustentare videtur. Ad ignem elementarem non pertingunt oculi humani. Aërem in suis effectibus videmus, sed quid illum in loco, qui videtur esse eius proprius, tam constanter retinet, non cernimus.

Respondet Abulensis q. 3. in c. 2. primi libri Regum: *Non desiderat aliquem alium locum aër, quia est in proprio loco, ideo non indiget, quòd ab aliquo retineatur, quia res indiget tenente, cum extra suum locum est, cum ibi non se possit tenere.* Perdurauitne aër in sua regione annos longos? Inditio id est, quod sit in suo naturali loco, nam si per vim ibi detentus fuisset, iam pridem inde excidisset, elapsusq; fuisset. Quod per vim, contraq; naturæ suæ inclinationem alicubi versatur, hoc multis fulcris, & fundamentis, quibus nitatur, retineaturque, indiget, neque sic tamen etiam diu sustentari, ac retineri potest, nullum violentum enim perdurabile.

Duro grauis manus suæ flagello cædebat Dominus proteruum regem Pharaonem, qui cum dolorem ex verberibus cruciabilem perciperet, accersijt populi Israëlitiçi ductorem Moysen, & fratrem illius Aaronem, rogauitque eos, ut suis precibus & irarum Dominum placarent, & ranarum intolerabilem immunditiem, quâ omnes Ægyptij acerbè vexabantur, auferrent. Petijt Moyses tempus sibi à Pharaone præscribi, quo pro se Deum exorari vellet. Respondit ille: *Cras velim Dominum obsecres, ut suam erga meum regnum iram mitiget.*

*Quæritur quare Pharaon in crastinum distulit, cum maximâ necessitate urgeretur?* Ità Nicolaus Lyranus in cap. 8. Exodi. Tantæ afflictionis remedio c-



tiam hodiernus dies nimis serus erat, quid ergo contumax rex crassinum Moyfi constituit, quo illam miseriam suis precibus amoueret? Cur non statim cursu ad Deum pro leuamine contendere præcepit?

Qui feram huius difficultatis excitaui, idem mactet, dissoluatque dubitationem, qui mouit. *Dicendum, quod credebat rex, si arte magicâ essent adducta rana, maleficium illud per se deficeret, & ideo hoc aliquantulum experiri voluit.* Itâ idem Lyranus, Magi incantatores Pharaonis opponebant se miraculis, quæ Moyfes in Ægypto operabatur. Projiciebat ille virgam suam in terram coram rege, & seruis eius, moxque in terribilem colubrum vertebatur. Tantundem faciebant magi non in hac re tantum, verum etiam in aqua. Sed hoc erat inter vtrorumque facta discrimen, quod miranda opera, quæ Deus per seruum suum Moysem faciebat, semper manebant, quæ verò magi patrabant, ea vt falsa, fictitia, & imaginaria erant, sic quamprimum euanescebant. Cum ergo rex illam ranarum plagam videret, dubiisque esset, vtrum ab arte magica, an verò à Dei manu venisset, voluit temporis spatium aliquod intercedere, quo veram istius supplicij originem indagare certius posset. Nam cum falsarum, apparentiumque rerum (vt pote quæ per vim artis finguntur) duratio sit brevis, si plagam illam magi adornassent, videbat parum illam duraturam, propterea non volebat, vt Moyfes statim ad Dominum pro illius amotione accurreret. *Credebat si arte magicâ essent adducta rana, quod maleficium illud per se deficeret.* Itaque perdebile, infirmumque fundamentum habent falsa, ficta, affectata, vt enim desinant esse, & pereant, non requirunt aliam vim, quam eam, quâ sunt facta, & ficta, sic vt interitum ipsi adferat non inimicus aliquis extraneus, sed ipsa illorum fictio. Rerum enim simulacrarum contrarius infensissimus, à quo maxime oppugnantur, est ipsa illarum inanis species, atque ad deiciendum coacta, & extorta, non est necessarium quærere alios aduersarios, vis enim, quæ naturæ earum illata, maximus illarum est inimicus intraque earum viscera nascitur malum, ex quo pereant.

Hinc accipiebat Nazarius, quam verus, & sincerus fuerit subditorum erga Constantinum Imperatorem suum amor, quam integra, atque ab inuicem animo profecta obseruantia, quâ illum colebant, quam nihil fucati oculi, quibus illi hilares arridebant. *Abolere hic cultus non potest. Vniuersorum pectoribus infixus est, nec commendatione cera, aut pigmentorum fucus renset, sed desiderio efflorescit amorum.*

*Vna demum Christianis obliuio est humani generis occasus,* inquit ille in Panaggyri Constantini. Affectus itaque, quo illi prosequabantur Constantinum, non erat affectatus, non fucatus, sed natiuus amor, cuius radix è penitissimo corde nascebatur, sic vt facilius esset mundum interire, quam illorum hominum in suum Imperatorem beneuolentiam extinguui.

Quam benè dictum illud, *Pectoribus infixus est, nec commendatione cera, aut pigmentorum fucus renset!* Discrimen pulchritudinis naturæ, & supposititiæ, eius quæ habetur, & illius quæ pretio comparatur, eius, quam natura dedit, & illius quam ars adsciuit, notorium est. Genitalis enim forma, tanquam naturalis, & propria seipsa sustentatur, & firma permanet: At fictitia, & aliunde accersita, leuiter deficit, & perit, artis enim fulcimentum, & adimiculum cum sit, violentum, non est diuturnum, quod verò à natura est, idem perdurabile est, atque vt vim passum sui interitus causam circumfert, ita natiuum intrâ se habet, vnde confirmetur, & stabilizetur. Ergo si Imperatoris amor non arte nititur, aut fictione, sed intus in corde radices egit, firmus, stabilisque erit, & ante homines occumbent, quam suauis illa flamma extingatur. Quod à natura inest, id spem vitæ habet, quantumvis graui ægritudine laboret, coacti verò firmitas, quantacumque vis eius conseruationi adhibeatur, diuturna esse non potest.

Multum temporis, ac papyri huc vertendum esset, si commemorare, ac discutere vellem omnia, quæ Genesios Interpretes de gigantibus scripserunt, qui super terram fuisse feruntur per illos dies, quibus homines elegantia, & venustate mulierum à mente recta abducti mundum turpium scelerum suorum illuuiæ sedârunt, & contaminârunt. Dignâ lectu sunt, quæ viri docti in hanc rem elucubrârunt. At ne tempus prodigam, ad sanctum Hieronymum me recipiam, qui de his gigantibus opportunè in rem nostram disserit. Quod ergo noster vulgatus textus habet, *Gigantes erant super terram in diebus illis;* Genes. 6. 4. hoc Hebræi apud Hieronymum in qq. Hebræicis verterunt, *Cadentes erant in terra,* Symmachus autem translulit, *Violenti erant in terra.* Si versionem Hebræorum cum translatione Symmachi coniungas, ex vtraque id, quod hoc capite tractamus, conficitur. Gigantes Hebræis dicuntur *Cadentes in terra,* Symmacho autem *Violenti in terra,* idque magno mylterio, quo docemur, violentiam, & prolapsionem tam esse coniuncta, & affinia, vt prius dies



des luce careat, quàm non cadat violentum, non pereat simulatum, & affectatum. *Erant violenti, erant cadentes*, coactum enim, & violentum per seipsum corruit, tamen à nullo euertatur, ex seipso moritur fucatum, sibi ipsi manus violentas affert fictum, suæque artis gladio sese iugulat. Timeant ergo quorum est simulata virtus, ficta, & fucata sanctitas, quia malè illis intrà paucum tempus sua hypocrisis cederet, & artificij, quo ad hanc rem vtuntur, obscuritas lux clara affectatæ falsitatis illorum erit. Quapropter Politicus noster natium splendorem, & sinceram puritatem veritatis procuret, quæ in se ipsa firma permanet, & humeris suæ sinceritatis, atque integritatis constanter innuitur.

CAPVT II.

*Cum nemo leuiter debeat existimari malus, de seruis Dei talem habere suspicionem minimè omnium debemus.*

**N**on est quisquam Expositorum, qui non statim damnet nimiam Labani credulitatem, qui filiis suis Iacobem affinem suum futiliter accusantibus tam facile fidem dedit. Criminatio illorum apud patrem talis erat; *Tulit Iacob omnia, quæ fuerunt patris nostri, & de illius facultate ditatus, factus est in chrysus*; Genes. 31. i. tanquàm dixisset: Quomodo non peropulentus sit affinis noster, quomodo non circumfluat omnibus fortunæ bonorum copijs, qui sibi patris nostri & greges, & facultates alias quotidie liberrimè vsurpat, & adscribit? Ad hunc modum quisque breui opulescere potest. Supercilium, quocum focer generum posthæc audita aspiciet, satis perspicuè indicabat, quàm facile auidis auribus eam admisisset murmuratiōem. Pro eo autem, vt filios talia susurrantes seuerè obiurgaret, toruis, fastidiosisque oculis sanctum Patriarcham intuebarur, quo satis approbabat tanquàm vera, quæcunque contrà illum filij affirmarent. Omnia hæc admodum damabilia erant in Labano. Nam cum Iacob opinionem integerrimi viri, & magni serui Dei existimationem eatenus apud illum obtineret, non debuit inuidiæ obreftationi fidem tam leuiter commodare, cui obfistebat armata crebro experimento veritas, eaque tam luculenta, & manifesta, vt & ipse confessus fuerit, se, rerum suarum omnium incrementa soli, post Deum, felici Iacobtis in domum suam ingressui ferre debere accepta, inquit: *Experimento didici, quia benedixit mihi Deus propter te*; Genes. 30. 27. Et Iacob ipse focerum su-

um magnæ inurbanitatis arguit, vt qui pro diuturnæ seruitutis operosis officijs, quibus greges ipsius fidelissimè custodierat, non aliud reponeret, quàm graues iniurias, & bonæ famæ indignas offensiones. Ex his omnibus augefcit culpa, aggravanturque pondera peccati Labanis, qui tam facile aperuit fôres aurium, vt verum esse crederet rumorem, quem tincta veneno inuidiæ corda per summam nequitiam, & improbitatem mendaciter confinxerant. Neminem præcipitanter iudicare debemus, ad pronuntiandum tamen de illorum vita, & moribus, qui præclaram ex virtute laudem, & gloriosam famam sibi compararunt, merueruntque, vt serui Domini audiant, tardis, impeditis, plumbeis pedibus, & suspensio gradu ire debemus.

Ex Dei commissione sanctissimum illorum sæculorum Iobten è sublimi throno in sordidi sterquiliniij squalidum, & abiectissimum locum communis generis nostri hostis deturbauit. Spectaculum illo tristius, magisque miserandum ætas nulla vidit, neque vlli hominum acerbiores dolores vnquàm sunt arbitrati. Aerumofam hanc calamitatem, & fatalem aduersitatem cum amici familiares eius accepissent, ad consolandum illum vndique concurrerunt, de quo Iob 2. v. 11. ista; *Igitur audientes tres amici Iob omne malum, quod accidisset ei, Venerunt singuli de loco suo, condixerant enim, Et pariter Venientes Visitarent eum, & consolarentur.* Extrema huius sententiæ verba indicant, dierum aliquot moras ab ijs tractas, priusquàm coirent ad consolandum sanctum Patriarcham, qui cum omni dolorum genere conflixens, eiectus ex hominum contubernio, prostratus in putido sterquilinio iacebat, tanquàm si pestis, & contagio hominum esset: *Condixerant, Et pariter Venientes Visitarent eum.*

Olympiodorus in sua catena græca in cap. 2. Iob ait: *Quarar quispiam, quamobrem longo intervallo post amico Venerunt.* Erant coniunctissimi necessariorum sancti Iobris, eius fidi amici videri, & haberi cupiebant. Quid ergo longum tempus extraxerunt, cum diem constituerunt, quo conuenirent, & de inuisendo calamitosissimo amico diu deliberarent, cum sinceræ amicitie integritas de nullo alio estimari euidentius possit, quàm si quis totâ pedum pernicitate ad afflictum amicum deproperet, vt illius ærumnas, & cruciatus suâ præsentia quoquo modo leuet? Amici enim titulum iniuste sibi vsurpat, qui cum consolari amicum possit, cunctatur, & tardat. Cum autem sancti Iobtis familiares essent veri, & sinceri illius amici, quâ ratione tarditatem illorum



innumbramus? Excusationem habeo, quæ in magnam tùm sancti Iob, tùm amicorum illius laudem, & gloriam cedit. Fama sanctitatis, & celebritas virtutum opulentissimi Orientalium beati Iob tam latè per omnem sese diffuderat Orientem, vt nemo esset per id tempus, qui parem raris eius meritis existimationem sibi comparasset. Cùm hæc amici illius probè scirent, & ex altera parte audiissent, quòd orbatus liberis, possessionibusque, & gregibus, & diuitijs, & maiestate, & rebus omnibus nudatus esset, suspirari cœperunt, hæc illi flagra pro scelerum aliquorum malis meritis fuisse inflicta, idcirco tardius venerunt. Nam cùm hinc arbitrarentur, illas calamitates suam à perpetratis culpis ducere originem, inde verò de viro tam sancto persuadere sibi non possent, vel leni aliquo flagitio se contaminasse, propterea non statim accurrerunt, neque enim primis statim rumusculis, qui de illius infelicitate spangebantur, crediderunt, donec constante plurium dierum famâ certiores facti de veritate consilium de illo inuisendo, & consolando inierunt. Fecerunt hæc in re, quod cordati, & prudentes homines solent, dùm non præcipitanter crediderunt, quæ de calamitatibus amici sui Iob ferebantur, eò quòd illas scelerum filias, & nonnisi ob peccata infligi putarent.

Audiamus Olympiodorum. *Calamitas ista præter fidem, omnemque opinionem esse iudicabatur, et Iobus omni ope destitutus saceret in stercore. Ergo priusquam proficiscantur, expectant dum res, quæ ad eorum aures affluerent, multorum sermonibus confirmetur.*

In probroso patibulo innocentem vitam mortaliū Reparatori sanguinariz manus morte crudelissimâ eripiebant. Pendebat sacrum ignominioso in stipite cadauer. Nobilis quidam Decurio, & Discipulus Domini honorare illius corpus, & monumento nouo, quod in horto habebat, inferre voluit. Persequi opere tam pium animi consilium non poterat, nisi proposito illius Pilatus præses annueret. Ingressus ergo ad Pilatum, corporis dominici gratiam audacter ab illo, fidenterque petijt. Pilatus vt audiuit, quòd mortem infami in ligno iam oppetisset, mirabatur si iam obisset, Marci 15. 44.

Vnde verò illa admiratio Præsidis, qui non ignorabat quantum sanguinis illi nefariorum licitorum crudeles manus excussissent, cùm illum, antequam cruci adigerent, columnæ alligauerunt, innoxiumque tergum eius præacutis scorpionib' dirum fulcârunt, laniârunt, conecerunt, sciebatque alijs varijs, ac tam immanibus tormentis excruciatum, vt vnumquodlibet eorum illum exanimalem fecisset, nisi di-

uinâ virtute ad seruandam vitam vsus fuisset? Quid ergo obstupescere tam citò illum expirasse, qui tam diu in acerbissimis pœnis fuerat?

Satisfacit huic quæstioni Euthymius, inquit: *Sperabat tardè illum moriturum tanquam diuinum quendam hominem, qui ceteros excederet; velut dixisset: Nemini noua videatur Pilati admiratio nata de tam celeri Christi Seruatoris obitu. Nam ille Dominum suprâ homines, & virum diuinum arbitrabatur, vt qui prodigiosa eius miracula nouerat, & stupendas virtutes intellexerat, quas ergâ mancos, claudos, mutilos, oculis captos, arreptitios, omnesque ægros pro communis salutis beneficio operatus fuerat. Neque nesciebat, quòd illius vnus fama opinionem sanctitatis omnium, quotquot illum præcesserant, longè superabat. Cùm ergo audiret, quòd animam in cruce egisset, mirabatur, qui enim de bonis hominibus mala, & quæ fidem existimationis illorum obfurent, narrari audit, debet ante plurimum demirari, quàm credat, & talia ferentibus vel nunquam, vel ægrè, ac tardè fidem adhibere.*

Adoleuit Moyses in aula regis Pharaonis. Cùm audiret lamenta, & lachrymas suorum captiuorum fratrum, vnumque seorsim Ægyptium videret, qui miserum miseris modis cædebat, & afflictabat Hebræum, nactus pulcherrimam occasionem, quâ crudelem secretò, & absque homine arbitro trucidare Gentilem posset, arrepto gladio confodit hominem, & percussum Ægyptium abscondit fabulo, Exodi 2. 12.

Iam nouimus, quòd omnes Interpretes hic hæsitant dubij de actione illa Moysis, gratanè Deo fuerit, an iniusta, & peccatum. Sunt authores, qui damnant Moysen, tanquam qui immoderato Zelo laborarit, & nimis laxas iræ permiserit habenas, dùm nece Ægyptij vindicauit oppressionem Iudæi. Verum Abulenſis, & alij defendunt illum, dicentes, interfectionem Ægyptij fuisse opus vestitum omnibus circumstantijs, quas actio meritoria requirere possit: *Moses iusto occidit Ægyptium, & pro causa iusta, & iusto ordine, & processu*, inquit ille q. 6. in cap. 2. Exodi. Quâ verò ratione efficiemus, vt Moysen non solum omni culpâ vacuum probemus, verum etiam attenti iudicis, & fidelis ministri, & iniuriarum subditis eius illatarum prudentis depulsoris officium rectè, probèque egisse conuincamus?

Tostatus ait: *Quia non esset de tanto viro, qui sic continuè cum Deo facie ad faciem loquebatur, præsumendum, et quicquàm iniustum, aut inordinatâ passionis agente mouisset, sed quidquid gestum est, & de-*



mit factum fuisse opinari rationi consentaneum est. Plurimum deditus erat Moyses contemplationi celestium, familiaris consuetudo illi cum Deo tantâ erat, quanta homini cum intimo suo. Vitæ sanctitas illius tam magna erat, vt promeritus videretur, qui se in Dei consuetudinem sic immergeret, & plurimis, insignitisque ab eo beneficijs ornaretur. Denique vita illius tota ad leges veritatis, & rationis amissim composita erat. Quæ cum ita sint, quis de viro tam sancto, tam exculco virtutibus tam indignâ admittat opinionem, quod absque iusta causa verteret sanguinem humanum, passionumque cæco abreptus impetu in homicidium sese præcipitauerit, & in rationis, atque iustitiæ leges tam grauiter impegerit? Suspiciari hoc de illo nemo potest, & hoc potius cogitare quisque debet, sanctum, & à virtute profectum, & ornatum ijs circumstantijs, quas actio perfecta, & omnibus numeris absoluta postulat, fuisse opus, quod Moyses fecit: *Quicquid restum est, vt decessit factum fuisse opinari rationi consentaneum est.* Eam de seruis Dei semper habere existimationem oportet, vt non statim ad condemnanda eorum facta humanum se præcipitet iudicium, immò omnia eorum facta, atque infecta congruere cum ratione, & in partem meliorem interpretari debemus, nisi præsumptio contraria euident obstat.

Diximus superius, quanto in periculo fuerit nauis, cuius nauulum Propheta fugitiuus Ionas anticipatò numerat. Cum venti magis, magisque effarentur, decreuerunt mittere fortes, vt viderent, vtrum ex ijs diuinare possent, quisnam illis tanti discriminis autor esset. Cecidit autem fors in refractarium, & inobedientem Prædicatorem, quem cum extemplò in concitati maris vndas eijcere possent nautæ, examinare prius voluerunt, quod vitæ genus profiteretur, quibus occuparetur studijs, quâ patriâ oriundus esset, quâque ex prosapia suam duceret originem. Respondit ille, Hebræum se esse, & illum solum agnoscere Deum, qui cæli, ac terræ conditor esset. Cum hæc audissent, illius de seipso sententiam expetebant, dicentes: *Quid faciemus tibi, & cessabit mare à nobis?* Ionæ 1. 11. Quibus ille: *Tollite me, & mittite in mare, & cessabit mare à nobis;* ibid. v. 12. interitus meus vnicum vobis reliquum est salutis vestræ remedium. Quamquam hæc ille diceret, ipsi tamen non remittebant, quin torâ remorem contentione litis appetere. Sed vani erant omnes eorum conatus, quod enim vehementius impellebant remos, eò ferocius mare desceibat. Et quoniam ipsâ Prophetæ confessione docti

fuerant, necessum esse opere, quod fors tulerat, ex-  
plere, eiecerunt illum in procellosas aquas, neque id antè tamen, quàm Deum talibus verbis contestati essent: *Quasumus Domine, ne pereamus in anima viri istius, & ne des super nos sanguinem innocentem;* ibid. v. 14.

Admiranda protestatio hominum eiusmodi, qui cum improbißimi, ac tales ferè esse soleant, vt Leuiathan ipsum, siue cacodæmonem suscitare valerent, si ille dormire in sua malitia posset, nunc magnis vocibus proclamant Ionam sanctum, & innocentem; quando ille seipsum verbis apertis, ac minimè testis tam magnum fatebatur peccatorem, vt suis sceleribus imputaret, quod à scûissima tempestate in tam præsentaneum periculum & nauis, & omnia, quæ vehebat, coniecta essent! Quis non stupeat, quod ipse quidem se pronuntiat dignum, qui eiec-tus in mare victima iratorum fluctuum fiat, barbari verò nautæ illum ab eximia sanctitate contentis vocibus commendant, & celebrant! Cui non mirissimum videatur, quod ille talibus hominibus visus, & habitus fuit vir perfectus, qui sua ipsius sententia erat peccator fugitiuus! Vnde tam præclarum haurire potuerunt de illo existimationem?

Doctus quidam interpres Paulus de Palatio in c. 2. Ionæ ait: *Ex habitu cognouerunt Ionam esse Iudæum, & vt ego credo, ex veste nouerant eum esse religiosum.* Hebræi per id tempus hominum omnium religiosissimi habebantur. Cum ergo illi Ionam de veste non solum Hebræum, sed & Prophetam, & religiosum Carmelitam, qualis ea veteris Testamenti ætas ferebat, arbitrarentur, peccatorem flagitiosum illum esse, tamen ipsi hoc de se affirmaret, credere nolebant, existimabant enim sub habitu religioso irreligiosum animum, malitiamque aliquam latere non posse, confessionemque religiosi Ionæ magis ab humilitate profectam, quàm à certa veritate dictam.

Disceat hinc Politicus cælorum attentionem magnam; quâ vti debeat, cum pronuntiaturus est, aut iudicium laturus de proximorum erratis; inprimis autem seruorum Dei, qui famam sanctitatis, & perfectionis obtinuerunt, maximè omnium verò cum vult eorum censere mores, qui specialibus vocis se consecrârunt Deo, quales sunt Sacerdotes, & Ascetæ religiosi, de quibus semper attente, honorificè, & reuerenter loqui debet, sic vt non inhæreat vestigijs idololatræ Labani, qui cum longo, ac multiplici exemplo compertum haberet, quàm præclaris virtutibus præditus esset Iacob, leui, & ab imprudentibus, inuidis-







& stulticiam Ephraimitarum illud abundè sufficit, quod infensibilium hostium suorum suppetias ad sui defensionem aduocarunt, validiore namque, & magis inuicto argumento amentia eorum conuinci non potest.

Isidorus ubi suprà in hanc rem sic ait: *Duarum gentium tyrannide, & odio, & antiqua auaritia laborantium alteram quidem in auxilium aduocabat, ad alteram verò confugiebat quasi salute ibi posita terra Ephraim. Quis ergo hoc dementior esse possit, qui ad eos confugit, qui etiam captiuitatem, & seruitutem ipsius assidue meditantur?* Insania magis insignis excogitari non potest, quàm sit eorum, qui vitæ præsidium apud eos quærunt, quos sanguinis sui sitientissimos nouerunt, ac prope suprà fidem est eorum insulitas, & dementia, qui libertatem sibi ab ijs promittunt, quorum exigitur, & conatus omnes eo vadunt, ut ipsi seruitutem, vincula, captiuitatem, si possint, perpetuam adornent, mortem adèd pro vita, quam sperant, adferant. Talis fuit stoliditas Ephraim, inquit Oseas. *Ægyptios, & Assyrios hostes suos capitales, & publicos implorauit, pacem à bello, à morte vitam, libertatem à tyrannide, à venenothericam postulauit. Ecce fatuitatem. Ergo prudens, & qui sapit, illam suspectam semper habere debet felicitatis causam, quæ perniciæ instrumentum quandoque fuit.*

Trità quadam comparatione hanc elucida docterinam S. Ephræm Parænesi 41. To. 1. inueniens: *Mercator si inspiratus, atq; latrones inciderit, siue etiam subuersa fuerit nauis, & onera perdidit, non obliuiscitur loci, ubi eorum iacturam fecerit, si autem post multum temporis acciderit ipsi locum eundem adire, magna cum suspitione per illum transit. Omnino quia in insidiis viarum seu terrestrium, seu maritimarum latronibus semel alicubi rebus suis exutus fuit, is, nisi memoriam, mentemque omnem perdidit, quoties infelicia illa loca transit, pericula, & incommoda similia semper pertimescit, vereturque, ne, quod semel factum, rursùm euersa nauis à fluctibus hauriantur thesauri, aut erumpentes è latebris graffatores sarcinas diripiant, vulnera inferant, auferant merces, ac denuò damnum ibi incurrat, ubi in aduersam fortunam aliquando incidit. Quod enim semel nobis iacturam attulit, id non timere, ne similis ruinæ causa sit, stultum est.*

Concurrebant sanguinolento bello cum Hebræis Ammonitæ, atque hi magnis, pertinacibusque animis pugnacissimè pugnabant. Redacti in extremam necessitatem Israeliticæ decreuerunt aduocare Itrènu-

Tom. III.

um pugilem, & intrepidum ducem Iephthe, velut certi de sua liberatione, dum illum modò exercitus sui imperatorem, & moderatorem habere possint. Abierunt ergo ad illum maiores natu populi, oblatisque insignibus Imperatorijs rogârunt, ut supremi ductoris officium susciperet, inquentes: *Veni, & esto princeps noster. & pugna contra filios Ammon, ludic. 11. 6.* Respondit Iephthe legatis cum stomacho, & supercilio: *Nonne vos estis, qui odistis me, & eiecistis de domo patris mei?* ibid. v. 7.

Quærat aliquis, quamobrem Iephthe oblatam à Galaaditis imperatorij muneris prouinciam tam morosè initio refutauit, quam tamen posthæc admissurus erat?

Respondet Nicolaus Lyranus in c. 11. Iudicum: *Non statim credidit eis, propter ea, quæ passus fuerat ab eis.* Frequentes ab illis contumelias acceperat, iniurias multas, fraudesque viles, atque infames non paucas passus fuerat. Quando ergo illum conuenerunt, oblatisque fascibus imperatorem exercitus, & ducem armorum depoposcerunt, *non statim credidit eis, propter ea, quæ passus fuerat ab eis.* Viri enim cordati, & prudentes non debent statim certos putare honores eorum manibus oblatos, qui irrogârunt aliquando iniurias, neque mox credere ab animo sincero proficisci obseruantiam, quam illi exhibent, qui olim fecerunt imposturam.

Nam ut habet sanctus Zenon Veronenfis in sermone de Fide, Spe, & Charitate, *nemo censum debitori committit, nec desertorem præmij triumphalibus honorauit.* Nemo suæ pecuniæ custodem illum facit, qui & debita non soluit, & technas comminiscitur, modumque, quo inficiari ea possit: Qui enim debita non luit, credita multò minùs reddet. Sic & prudens vir militaribus trophæis nunquàm illum ornat, qui stationem suam destituens, ad hostiles partes perfidus transfuga semel deseruit. Semper enim ille metuendus est, qui fidem aliquando fregit, & muneris sui obligationes violauit. Homines enim cauti, & sagaces, & qui rationem status, ut vocant, benè callent (etiam iuxta Dei legem, quæ veram status materiam docet) tametsi amare omnes, & benè ijs vellemus semper debeant, non debent tamen semper credere illis, aut fidere, quos iustas ob causas cauere, & declinare possunt.

Quanquàm verum sit, quod communis hostis no-ster amplissimam habuerit commissionem persequendi sanctum Patriarcham Iobtem, quanquàm largissimam dæmon acceperit potestatem rotandi patientiam illius, quanquàm illum prouida permissio

Aaaa

Dei



Dei posuit in manibus tam efferati inimici, potestas tamen illa suis limitibus circumscripta, & commissio intra cancellos arctata est, cum dictum: *Ecce in manu tua est, seruantamen animam illius serua*; Iob. 2. 6. tuæ libidini seruus meus Iob permittitur, facillimum magnis modis miserum, dum non exanimalem facias, verbera, crucia, vexa, caede, sic tamen, vt ne rorsum occidas.

Hæc limitatio potestatis dæmoni concessæ, illiusq; sensus, non parum defatigauit huius textus Interpretes. Fuerunt enim, qui dicerent, animam Iobis diabolo à Deo commendatam, vt eam non secus atque Angelus quidam custos cœlestis obseruaret, ac tutaretur, illiusque utilitati, & profectibus tanquam attentus excubitor inuigilaret. Verum Olympiodorus in sua catena in c. 2. Iob ait: *Non id Deus mandauit diabolo, si pro Iobis animæ salute excubaret.* Sed, cur non credamus quod Dominus dæmoni precepit, vt pro salute animi Iobis vigilaret? Ob id, quod ille declaratus hostis, leo rugiens, famelicus lupus erat, visusq; e fuisset ipse Dominus labe aliquâ profundam tuam âpersisse sapientiam, si illi curam commendasset salutis, qui perpetuis in vigilijs positus nihil aliud agit, quam vt agnitudines adierat, si illi prouinciam quærendum lucrorum demandasset, qui exitia, damna, iacturas hominum magno cum furore sollicitè, atque inhianter adornat, si columbæ accipitrem, oui lupum custodem addidisset. Nam qui tandem hostem à bene merendi studio suapte sponte, ac naturâ abhorrentem tuenda animâ profectus? inquit ille iterum. Consultè ne fieret, si exercitui catholico Turca archigubernans constitueretur, aut notorius depeculator custos opulento thesauro deputaretur? Tantundem fuisset, ait Olympiodorus, fecisse dæmonem curatorem, & tutorem sancti Iobis, vt qui sit animarum omnium capitalis, & iuratus hostis. Quis illum credat procuratorem lucra eorum, quorum interitum intolerantissimè sicit? Nemo illum, qui hoc sibi persuasum haberet, prudentem arbitraretur, quantumvis prudentiæ gloriam amaret laudemque ambiret. Noli ergo illi commodorum tuorum curam credere, quæ exitui tui, interitusque diligentem venatorem nouisti.

Occurrit pius Aeneas in campis Elysijs charo parenti suo, quem cum dulci amplexu stringere veller, non admittit ille beneuolentiæ obsequium. Cum vero illum filius omnino permouere, perque virgere veller, vt amantissimis citò stringi brachijs sineret, id hac ratione efficere posse putauit, si diceret, quod

exercitum in mari Thyreno reliquisset, *Stant sale Thyreno classes*, à quibus diutiùs abesse non posset, ne si socij vela ventis interim darent, ipse ludibrio habitus relinqueretur, & peruenire ad copias suas nauales nequiret.

Donatus in hac Aeneæ ratione notat, eam de tremibus non in altum mare prouectis, sed in portum reductis intelligi debere dicens: *Quod ait, Thyreno mari, hoc intelligi potest, in portu, non in alto naues meas dimisi.* Sed cur tranquillo portui plus credit quam alto mari? Respondet pro Aeneâ Donatus in lib. 6. Aeneidos: *Sauu est Thyrenum mare, nouit iam nostra naufragia, cauendum est, ne quid iterum molietur, cuius perfidiam sensimus.* Plurimas hausimus ex falso illo æquore calamitates, incommoda nobis intulit mare illud & varia, & grauiâ, idcirco classẽ nostram improbo illi non credimus, sed in portu tutiorem relinquimus. Itâ damnabilis stulticia est, si quis leuiter se homini credat, quem formidare, pro damnis ab illo semel acceptis, semper debeat, & insignis stoliditas est inde expectare vitam, vnde timere possis mortem: *Cauendum est, ne quid iterum molietur, cuius perfidiam sensimus.*

Concurrerunt aliquando in eodem antro Rex Saul, & innocens David, vbi Propheta sacer peruersi aduersarij sui fundere facili negotio sanguinem poterat. In huius rei indubitatam fidem seruauit sibi David oram chlamydis, siue summicitatem purpuræ regiæ, quàm silenter præciderat, cuius irrefragabili testimonio perfidissimum etiam conuincere posset, pronam, promptamque habuisse trucidandi Saulis occasionem. Tanam hæc res animo Saulis atulit confusionem, vt culpam suam deploraret, ingenuequẽ confiteretur, quod immeritò tenderet vitæ Davidis insidias, magnis etiam vocibus diceret, multo illum se esse iustiorẽ, & sanctiorẽ, vt qui semper fidem subditum exhibuerit, & persecutiones bonis officijs compensarit. Demum cum Dauidem iuramento obstrinxisset, ne semen illius, posterosque regno potitus deleteret, instauratâ mutua amicitia discesserunt, & abiit Saul in domum suam, & David, & viri eius ascenderunt ad turriora loca, 1. Reg. 24. 23. Saul ergo ædes suas repetijt lætus de securitate sua, ac protapiæ, quam illi David iureiurando præstiterat. Sed monet hic sacrum oraculum aliquid dignum notatu, nimirum quod David, & asseclæ eius non in suas domos, sed in loca munitoria, quæ non natura tantum, verum ars quoque inaccessa fecisset, vbi secretius, tutiusque



quæ commorari possent, sese receperunt: *Dauid, & viri eius ascenderunt ad tutiora loca.* Videtur hoc difficile creditum. Dauid, & Saul per id tempus tam amici facti sunt, quam qui amicissimi, & arctissime foederati. Et Saul, quanquam potentia oppido superabat Dauidem, huic se tamen pro ingentibus beneficijs plurimum obnoxium palam profitebatur, seque improbum, illum vero iustum eiulans vociferabatur, de quo Scriptor sacer: *Et eleuauit Saul Gore, & fleuit, dixitq; ad Dauid. Iustior tu es, quam ego, tu enim tribuisti mihi bona, ego autem reddidi tibi mala;* ibid. v. 18. Cur ergo Dauid, commilitonesque eius non redierunt secuti in domos suas, sed tanquam Saul certam necem comminatus fuisset, in absconditos eremos, in obcuriores specus, in densiores, intimasque sylvas, in editissimos scopulos se abiderunt, vt tui ab illo viuerent, qui Dauidem iustum & magnis vocibus proclamauerat, & multis lachrymis contestatus fuerat?

Respondet Dionysius Carthusianus, inquiens: *Quia non crediderunt verbis Saulis, cuius infidelitatem, & instabilitatem, & odium toties fuerant experti, propter quod probabiliter coniecerunt, quod eos rursus in breui insequeretur, quod & fecit.* Ergo quod Dauid, illiusque caterua locum tutiorem, tutioremque perquisierunt, id factum, quod non se crederent Sauli, quantumuis illachrymasset, quantumuis vocem in laudes Dauidis extulisset: Nouerant enim illius implacabile odium, nouerant illius promptam furendi facilitatem, & ferociendi libidinem, nouerant illum à bonis propositis leuissime resilire, nouerant illius fidem græcâ esse peiorem, nouerant ab illius verbis non plus sperari posse, quam ab eorum promissis, qui vestigalia, quæ nunc imponunt, post annum adimenda pollicentur. Itaque cum & instabilitatem pectoris illius, & animi perfidiam perspectam haberent, maiore curâ sese munierunt, quando ille omnem securitatem addicebat, stratumque suum nihil metuens inibat, & timore omni vacuus somno se tradebat. Insignis nempe amentia est, ab illo veritatem expectare, quem semper fraudulentum veteratorem expertus fueris, & ab eo sibi promittere pacem, qui nihil aliud cogitat, quam vt bellum machinetur.

Eapropter sanctus Sidonius lib. 1. Epist. 13. aiebat: *Mihi latronum & beneficiorum suspecta sunt.* Et quis hominum maleuolorum blandæ salutationi, quis consolatorum officiorum compellationi, quis perditorum munificentia fideat, à quibus mortem iuste timere possumus, vt in quorum manibus vitæ para-

tum sit periculum? Nunquam rectè, secureque bona ab eis manibus expectantur, quæ notoria fuerunt nostrorum instrumenta malorum. Domus inspecta, in qua castitas naufragium fecit, consuetudo familiaris cum amicuâ pellice, apud quam honestas periclitata fuit, amicus fucatus, cuius fides lucro non est durabilior, loca, vbi in discrimen adducta vita fuit, semper formidanda sunt, semperque cauenda, & fugienda. Quomodo enim potest Policius sibi promittere securitatem, vbi pericula est expertus? Quomodo sperare vitam, vbi timuit mortem?

*Eundem agrum colit Persiocha secunda Feria IV. post Domin. I. Quadragesima Tom. I. pag. 95. Et Persiocha prima Dominica V. post Epiphaniam Tom. II. pag. 445. c. 2. o. similem causam versat.*

## CAPVT IV.

*Crudelius eos daemon persequitur, quos enixiore studio, & accuratius, perfectiusque Deo seruire cernit.*

**V**T Patriarcha noster consilium suum minore negotio perficeret, bonam arripuit occasionem, eo tempore viam intens, quo socer Laban ad tendendas oues ierat, Eâ opportunitate cum liberos & vxoresque validis camelis impotisset, cum tota suppellectile, gregibusque, & rebus omnibus, ex Mesopotamia in patriam suam contendere cepit. Simul eius abitum accepit Laban, & comites assumens cognatos suos, persecutus est eum diebus septem, & comprehendit eum in monte Galaad, Genes. 31. 23. Furorè soceri, quo inflammatus in generum erat, ex eo licet arbitrari, quod ad reprimendum illum necessarium fuit, vt Dominus ipsi appareret, ac preciperet, non tamen abstinere manus à Iacobe, vxoribus, liberis, facultatibus eius violentas, verum etiâ nihil illi dicere asperum, neque verbum loqui, quod non humanitatis, & urbanitatis esset plenum.

Plerique Expositorum hoc in loco dicunt, Labanum esse effigiem demonis, qui tunc ferocius instatur, tunc vela sua expandit tota, passisque carbassis inuehitur, quando videt suas ab hominibus ædes deserui, eosque ad domum Dei confugere. Itâ docet Guilielmus Ebroicensis, Ferus, Honcala, & Glossa Angelica, quæ sic ait: *Laban in hoc loco diaboli typum gerit.* Bene autem ea demoni quadrat imago. Quando enim Iacob à patre suo ad locerum abibat, nullum per viam damnum passus, nihil impedimenti habuisse legitur, cum autem domum Labani semel ingressus fuit, officiaque illius admisit, longos annos



inibi detentus, plurimas difficultates, & obstacula varia superare, antequam ad patrem suum iterato pervenire posset, debuit. In hoc enim itinere à tergo illum persequeretur iratus socer, ante oculos se illi obiciebat infensus frater, quem muneribus placare, & reconciliare debuit. Iam quis verbis enarraret tragediam, quam filia eius Dina apud Sichemitas excitavit? Quis enumeret aduersitates, & pericula, in quæ illum furore perciti, & nimis præcipientes filij coniecerunt? Hæc omnia eò spectant, ut sint nobis documento, quòd dæmon, cum illius domum homines desituunt, & ad Deum se recipiunt, vehementius furere, validioribus armis pugnare, pertinaciusquæ, & effrenatius insectari desertores suos soleat. Dei enim servituti se tradere, & diabolo infensum fieri, eiusque invidiam incurrere ita vnum sunt, ut vel Domini famulatum deserere, vel dæmonis persecutionem sustinere quisque debeat. Est enim ille perpetuus insectator hominis, qui non vult esse Dei sui desertor.

Merito notes duò quædam epitheta, quibus Sponsam suam Sponsus donat, quando delineat pulchritudinem eius, & elegantiam: vultus, & totius corporis concinnam structuram, gestusque omnes, & admirabilem venustatem eius aptis comparationibus inumbrat. Collum descripturus, sic ait: *Collum tuum sicut monilia*, Cant. 1. 9. quibus ceruices suas, onerare dicam, in onerare amant, quæ pulchritudinis famem avidè aucupantur.

Rupertus, Honorius, & Hailgrinus aiunt, Sponsus hic ænigmaticè declarasse multitudinem, & varietatem gratiarum, & donorum, quibus collocupletata diuina sponsa erat. Non enim dixit, collum illius esse sicut monile, sed *sicut monilia*, quibus indicatur ingens copia cœlestium ornamentorum, quæ niueam Sponsæ ceruicem condecorabant. Aduertendum autem, quòd Sponsus, cum de eiusdè Sponsæ suæ perfectionibus iterùm sermonem instituisset (amanti enim nullum tempus suavius accidit, quàm quod commemorationi talium rerum impendit) & spectacione colli oculos suos aliquamdiu oblectasset, demùm ait: *Sicut turris David collum, quæ adificata est cum propugnaculis, mille clypei pendunt ex ea, omnis armatura fortium*, Cant. 4. 4.

Gilberto Abbati comparationes has, quibus collum Sponsæ extollitur, consideranti visus est Sponsus immemor fuisse prioris collationis, dùm instituit posteriolem. Ibi mera erant monilia, hic clypei, & scuta, ibi ornamenta muliebria, hic omnis generis arma bellica, ibi Sponsa videbatur casta Miner-

ua, hic belligera Pallas. Quamobrem Sponsæ collum cum rebus tam diuersis componitur, & nunc quidem monilibus, nunc turri propugnaculis munitæ, omnique genere armaturæ, quæ fortes vi soleant, instructæ simile dicitur: Gilbertus serm. 26. in Cant. ait: *Iam fortis ad Sponsam, & de Sponsa loquitur, nam delicata in superioribus, & sic ait, Collum tuum sicut monilia*. Quid ergo sibi volunt isti tam differentes. Sponsa habitus, ut ibi quidem fuerit ad omnem venustatis gratiam vestita, & exculta, hic velut ad fortiter pugnandum armata? Res ipsa causam diuersi vestitus loquitur. Nunquid è collo pendebant ornamenta virtutum, monilia donorum, margaritæ gratiarum? Ex eodem collo pendebant scuta, & clypei, *Mille clypei pendunt ex ea*, Sponsa enim quæ diuite vestitu à suo Sponso est exculta, & tam pretiosè ornata incedit, incidet in principem tenebrarum inferissimum exploratorem, atque ab illo oppugnabitur. Habeat ergo sibi illius qualibet virtus clypeum, qualibet gratia scutum, quodlibet doni monile, turrim, qualibet prærogatiua murum, quodlibet spirituale ornamentum propugnaculum, quantò enim magis gratiosa fuerit suo Sponso, tantò magis exosa erit dæmonio, & quò maior fuerit erga eam Domini beneuolentia, eò infensior, & infestior erit diaboli inimicitia. Sic namque ait magnus senaror Cassiodorus lib. 11. Epist. 11. *Quid grauiores insidias antiquæ aduersarij tunc subimus, quando Dei dona suscipimus*.

Huic proposito non incommodum veniet, quod magnus Origenes attigit, nempe quòd populus Dei nunquàm fertur bello à quoquam hoste appetitus, priusquàm panem Angelorum manducauit, & frigidam miraculo è duro siliçe expromptam bibit. De hac re ille homit. 11. in Exodum sic ait: *Antequàm manducaret panem de calo, & biberet aquam de petra, non refertur populus pugnasse*.

Quid verò mysterij habeat, quòd in populum Dei nulli insurrexerunt hostes, quòd ille prælio, & armis à nemine læssus fuit ante illud tempus, quo manna suauissimum desuper accepit, cibum, inquit, illum Angelicorum spirituum tam experitum, tam opiparum, & saporatum, porum item è prodigiosa petra gelidum, & melle dulciorem? Haud dubitem, quin id factum, ut moneremur, quòd diabolus nunquàm grauiore bello animas urget, & infestat, nunquàm acrius eas vexat, & exagitat, quàm cum videt, per sacri baptismi lauacrum factos filios Dei, & manna sacrosanctæ carnis eius, simulque innumera gratiarum ornamenta accipere. Nam ut sanctus Gregorius

rius



rius Nazianzenus Orat. 31. habet, *quò puriorem cernit animam, eò enixius commaculare, atq; inquinare contendit*, quò sanctiorem, gratiosoremque Sponso suo eam videt, eò fraudulentius persequitur, & tentat pertinacius, & conspurcandæ illius pulchritudini contentiosius, inhiantiusquè insistit.

Describit pius Æneas, refertque Reginæ Didoni fatalem stragem, & supremam ruinam ciuitatis Troianæ: Seorsim autem narrat singulares quosdam successus, qui in illo sanguinolento bello, & funesto conflictu acciderunt. Dumque recenset crudeles assaultus, quibus palatium Priami expugnatum fuit, sic ait apud Virgilium lib. 2. *Æneidos*:

*Protinus ad sedes Priami clamore vocati,*

*Hic Gerò ingentem pugnam, ceu cetera nusquam*

*Bella forent, nulli tota moverentur in urbe.*

Quancumque perfidi Græci caliginosæ noctis horrendis tenebris adiuti demoliebantur domos, eueriebant muros, obtruncabant homines, depulcabant palatia, arces, aulas, cum tamen ad Priami ædes peruenierunt, sic aluo suo effusus furor fuit, ita rabies eorum exarsit, tantus clamor insonuit, tantus excitatus fuit vocum rugitus, gladiatorum verò is fuit & fulgor, & strepitus, & iræ tantus feruor, & tam densa agmina oppugnantium, ut reliqui, (tametsi tota confligaret ciuitas) tranquilla pace, & securitate maximâ gaudere viderentur, præter inexplicabilis erat malorum inundatio, quibus Priami ædes, resque omnes obruebantur. Cur verò in vnus maximè Priami perniciem, & excidium tam inexplicabili furore inflammatus Mars fuit? Respondet Donatus: *Causa autem, quæ fuerit tanti certaminis, in aperto est, ibi enim fuit rex, & uxor, ac liberi. Hi propter maiorem victorie gloriam aut occidendi fuerant, aut capiendi, quia illic sperabantur regales diuitiæ auiditatem expletura victoris.*

Tandem crudelis, & capitalis noster inimicus agit. Nam quos copiosioribus, & opulentioribus virtutum thesauris abundare cernit, quos ditioe bonorum meritorum suppellectili instructos videt, hos persequitur effrenatus, tentat rabiosius, oppugnat pertinacius. *Diabolus non peccatores querit capere, quos possidet subingatos, sed et iustos capiat, sic laborat*, inquit sanctus Petrus Chrysologus serm. 96. Facit dæmon, quod auceps. Hic aui, quam manu tenet, non struit laqueos, non tendit plagas, sed ei, quæ per apertum aërem vago liberè circumfertur volatu. Sic & dæmon non tendit retia flagitiosis, nō regit ecclâ voluptatum hamum, quo capiat peccatores, quos iam irresitos vicij, in queatos sceleribus

tenet, illarum tantum animarum exitium sollicitus, & anhelus quærit, & procurat, qui gratiæ alis in celsitudinem amicitia Dei euolant, inquit sacer Rauenannatus antistes.

Mandabat Dominus Prophetæ Ezechieli sumere laterem, atque in eo describere urbem Ierosolymitanam, ad modum, quo in linteis delineari regiones orbis terrarum solent, in quibus tametsi tota latitudo exprimi nequeat, de veritate tamen nihil prætermittitur. Iussio dominica sic habebat: *Tu fili hominis sume tibi laterem, & pones eum coram te, & describes in eo ciuitatem Ierusalem*; Ezech. 4. 1. Ponamus totam hanc leuigato in latere suis coloribus tam accuratè, exactèque expressam urbem, ut nulla eius pinna sit omissa, quæ non depicta. Videamus nunc reliqua. Subiungit mox Dominus: *Ordinabis aduersus eam obsidionem, & edificabis munitiones, & comportabis aggerem, & dabis contrâ eam castra, & pones arietes in gyro*; ibid. v. 2.

Sanctissimus Pontifex Gregorius Magnus lib. 1. in Ezech. homil. 12. in hanc rem sic ait: *Bene post descriptam ciuitatem Ierusalem in latere, dicitur Prophetæ, Et ordinabis aduersus eam obsidionem, in qua enim iam pacis visio describitur, ex necesse est et tentationum bella nuntientur.* Ierusalem visio pacis dicitur, & propter hanc appellationem typicè repræsentat animam sanctam, quæ intra Dei complexum suauiter conquiescens, singulari amicitia illius honore gaudet, & fruitur gratiâ. Cum autem describitur anima, quod sit mystica quædam Ierosolyma, & quietæ pacis gratâ visione gaudeat, quid inde consequi potest? Id quod Dominus ait, nimirum, ut obsideant eam castra hostilia, ut ordinentur aduersus eam obsidiones, ut comportentur aggeres, ut armorum strepitus, & scilicet crepitus, & fulminarium machinarum tonitrua personent. Mox enim *Et animus amare celestia cepit, antiquus ille aduersarius, qui de cælo lapsus est, inuidet, & insidiat amplius incipit, & acrior, quàm consueuerat, tentationes adinuenit.* Itâ rursum sanctus Gregorius ybi supra. Quoties ergo inuidentissimus dæmon cernit animam in Dei amicitiam intimè se immergere, atque à suo sponso & beneuolentiùs tractari, & ornari impensius, & excoli studiosius, ille etiam ferocius, furiosiusquè præparat arma, adornat bellum, instruit fraudes. Non illum insomnem faciunt peccatores, quos tutò possidet, sancti verò illum pervigilem faciunt, quorum gratiæ aspectu liuidi oculi eius torquentur, totusque ille turbatur, & furore accenditur. Nisi enim animæ tam admirabilis effectus



pulchritudo, & venustas, quomodo illam diabolus bello lacefferet? Audius pirata non inuehitur in vacuam scapham, tenuemque lembum, animosus miles non inuadit prostratum, & inermem hostem, insidiosus latro non inhiat direptioni humilis gurgustij, aut rusticanæ casæ: Ita dæmon liculosus animarum pirata, virtutum iuratus hostis, coelestium diuitiarum fraudulens depeculator nunquam tentat, aggreditur, oppugnat alios quàm quos affluere putat spiritualium opum copijs, quæ sunt quedam sumptuosa diuinæ gratiæ palatia, nec persequitur nisi vasta nauigia, eaque virtutum thesauris onusta, & bonorum meritorum coelestibus, opulentissimisque mercibus conferta. Cui crebrior frequentandæ mentis dominicæ cõsuetudo, huic ille infensor est, & quo die quis illum superum hospitem accidentium pallio tectum intrâ animæ suæ tectum excepit, eo ille insidiosus, & humanæ infelicitatis inuidus inimicus plures, tectioresque struit laqueos, & occultiora tendit retia, maioremque procurat inquietem, quod experientiâ quotidiana discunt ij, quos studia virtutum ferè occupatos habent. Quod sæpius ieiunant, quod enixius orationi vacant, eò grauiores patiuntur vanarum, & variarum cogitationum, & imaginationum incurSIONES. Quod pertinacius sese ad obseruantiam silentij, & custodiam taciturnitatis obfirmarunt, eò plures, ac vehementiores impatientiæ occasiones illis nequissimus hostis ministrat.

His omnibus admonetur noster Christianus, & deuotus Politicus, vt sollicitus viuat, & vigilanter, ac diligenter se obarmet aduersus insidias, & ictus huius maligni hostis, & fraudulentum aduersarij, qui hoc vnicum vnicè, nec aliud quidquam tam studiosè agit, quàm vt eos impediât, circumscribat, oppugnet crudeliùs, quos Deo impensis seruire, & studere animarum suarum salutis enixius cernit.

Vide, Lector, hunc postremum conceptum magnificentè, & amplius tractatum à Reuerendissimo Patre Hieronymo Baptista de la Nuxa homel. 5. in Quadrage. 9. 1. num. 2. quem magno Ecclesiæ beneficio latinè fecit admodum Reuerendus, & Venerabilis P. Onesimus de Krien Iprensis Capucinus, Predicator Prouinciæ Flandro-Belgica, & insignis orbi Catholici commodo typis latinis primùm procurat, Clarissimus Vir, Dominus Guiselmus Lefse enim ciuis, & Bishopola Antuerpiensis. De toto autem hoc argumento vide & dictum 6. Nuxa, & Nissenii Pericholam secundam Domin. 1. in Quadrage. Tomo 1. pag. 59. o.

*Sordiderum, & versutorum hominum proprium est, tunc suam gratificandi, & obsequendi promptitudinem iactanter ostentare, quando non sunt vsui, nec admitti possunt eorum officia.*

A Ssecutus est socer Laban generum suum Iacob in monte Galaad, vbi tentoria sua fixerat, familiamq; omnem respirare ab arduo itinere, & capere quietem iusserat. Simul autem & illum vidit, & graues dare querimonias cæpit, quod se infcio future recessisset, inquires: *Cur ignorante me fugere soluisstis, nec indicare mihi, si prosequeretur cum gaudio, & cantu, & tympanis, & citharis?* Genes. 31. 27. velut pluribus dixisset: Merito tecum expostulare vehementer possum, quod tam parum vrbane mecum egisti, meq; insalutato abiisti. Scis nimium, quantis te cum latius signis deduxissem, quàm festiuo harmonicorum instrumentorum concentu, quanto meo, meorumq; omnium plausu discessionem & tuam, & filiarum mearum, neporumque celebrassem, idque ad contestandam publicè gratitudinem, quam tuis in me non minus insignis, quàm diuturnis officijs, & beneficijs debeo.

Quis hæc audiens verba non animaduertit simulatam vrbacitatem, fictam comitatem, affectatam, & fucatam humanitatem Labani, qui dicebat, propositum sibi fuisse, cum gaudio, & magnifico plausu prosequi Iacobitem, & non ob aliud persecutus fuerat, quàm vt vxoribus, liberis, rebus omnibus nudaret: Cum autem vidit sibi à Deo obstructas manus, & ablatam malè faciendi potestatem, nec posse infensi animi dānata explere opere cōsilia, tūc voluit obligare Iacobitem significatione officiorum, quæ nunquam facere cogitaret, & proluxa commemoratione beneuolentiæ, & honorificentia, quā illum prosequi voluisse mentiebat. O quàm multos numerat hæc ætas nostra Labanos! Quàm vltimæ seculi nostro id genus fidei, fucataq; comitates! Non hodie primùm mos ille natus est, vt tunc se vrbanos, & ad quæuis officia expeditè promptos exhibeant, cum officiorum nulla est necessitas, vsus nullus. Duo tamen faciunt, qui sunt tales. Primum est, quod nihil agunt, alterum, quod alios sine vlllo suæ vrbanitatis sumptu obligare volunt.

Obtulerunt ij de tribu Manassis illam memorabilem, tamq; celebrem, quàm notoriam victoriam, quando buccinarum sonitu, & legionarum complofione totus fugatus, fususq; Madianitarum exercitus fuit.



fuit. Cum huius tanti triumphi fama ad Ephraimitas perlata esset, acerbè dolere simulârunt, quod non ad communem cum hoste conflictum vocati essent, inquietes ad Gedeonem: *Quid est hoc, quod facere voluisti, & nos non vocares, cum ad pugnam pergeres contra Madian?* Iudic. 8. 1. velut pluribus dixissent: Insignem iniuriam interpretamur, quod cum expugnandi gentis, & patriæ nostræ inimici essent, nostris ad eam rem conficiendam rebus, ac personis uti noluisse, quibus certum, deliberatumq; erat omnia certo periculo exponere, quod te, ac tuos sospitare, & in securitatem asserere possemus.

Subegerat iam hostes Gedeon, & gloriosum de Madianitis triumphum retulerat, bellique pars maxima feliciter confecta, & in finem perducta fuerat. Querit itaq; Abulenſis: *Quare Ephraimitæ conquesti sunt?* Quare iurgabantur, quod non ad commune bellum fuerunt accessi, cum alioquin magna semper fuerit inter istas duas tribus animorum similitas, & altera alteri suas victorias, felicitatesq; procliuius inuiderit, maximè verò cum, si non fuisset tam memoranda victoria, non contendissent, quare non vocauerat eos, immò fortè à principio, si vocasset eos Gedeon designati fuissent, ne subicerentur ducatus filiorum Manaſſe? ut inquit idem in c. 8. Iudic. q. 4. Cur ergo post confectam pugnam, & superatam pericula, & exantlatos labores *conquesti sunt*, quod prætermiſsi fuerant, neq; accessi ad prælium, qui si ante initium certamen vocati fuissent, capere arma recusassent? Voluerunt vii vrbaniatè illa, quæ mundo per familiaris est hodierno, semperquè fuit seculis superioribus. Voluerunt Gedeonem deuincire officijs, quæ ille neq; antea requisierat, neq; tunc admittere poterat. Ec cum iam expugnati hostes essent, & Gedeon non haberet, cur auxiliares aduocaret, Ephraimitæ, cum se à præterito periculo liberos viderent, voluerunt illum sibi obstringere officijs, quæ fecissent, ut videri volebant, si vocati fuissent, qui tamen nec pedem mouissent, nec admouissent manum gladio, aut hastâ, tamedi magnis precibus à Gedeone ad ferendum suppetias vocati fuissent. Comitatus ex sunt hominum, qui demereri sibi volunt alios simulatâ gratificandi voluntate, quæ ad gratificandum permoueri fortè non fineret, si etiam magnis vocibus eam appellares, & euocares.

Egressus fuit Hebræorum populus ex dura Ægyptiorum seruitute, Pharaonem autem Dominus rubri maris fluctibus inuoluit, & extinxit. Paucis abhinc diebus, cum aqua Israëlitas destitueret, quibus

suam, suorumq; gregum suum mitigarent, irâ inflammati, & furore correpti murmurârunt aduersus ductorem suum Moysen, tanquam is illos in solitudinem ad certam necem meditatio induxisset, inquietes: *Cur fecisti nos exire de Ægypto, & occideres nos, & liberos nostros, ac sumenta ſua?* Exod. 17. 3. Quanto tolerabilius nobis fuisset, natiſq; nostris, mortem oppetiſſe ab Ægyptijs illatam, quàm hac durâ, ac diuturnâ ſci tam cruciabiliter vexari? Aliam tunc vitam agebamus, quàm nunc viuimus. O quàm conducilius nobis esset eò reuerti! Recenti enim memoriâ tenemus opimas illas carnes, & suaves hortorum fructus, quos abundans illa terra producit, quæ de fertilitate certare cum paradiso terreno potest.

O proditores! (clamat in hos ita Origenes) qui Ægyptum nunc suspiratis, cum Ægyptios suffocatos, & totos vobis aquarum montes obſistere per viam videtis. *O populus ingratus! desiderat Ægyptum, qui Ægyptios vidit extinctos. Carnes Ægypti requirit, qui Ægyptiorum carnes vidit maris piscibus, & celis datas.* Quanam verò in re ingratitudo illa, & malicia obſinatorum Hebræorū posita fuit? In ea, quod ex hac parte quidem lætabantur euasisse captiuitatem, ex illa verò, ne pro tam inestimabili beneficio gratias agerent, aiebant, malle sub Ægyptijs dominis seruire, quàm ſicire in eremo. Appetebant quæ videbant confequi non posse, ne pro eo quod iam consecuti erant, gratias referrent. Queri de eo simulant, ob quod lætabantur, ne cogerentur magnum fateri id, quo gaudebant, & fruebantur. Duo ergo hic sunt, nam & horrere fingunt, quod desiderant, & nolunt videri nosse bonum quod possident, ne pro illo se obnoxios fateantur. Tale quid multoties in mundo accidit, ut dicere cepimus. Sunt homines tam ficti comes, tã fucate vrbani, ut tales sunt in suis comitatibus, & vrbaniatibus, quales Hebræi in suis querimonijs, & murmuracionibus: Nam ut hi optabât, quod obtentu impossibile sciebant, sic multi multa officiosè obsequia offerunt, quâdo vident ea admitti nequaquàm posse, & officijs, quæ nulla fuerunt, & vel præstari, vel acceptari non posse cernunt, obligare volunt, quo vrbaniatatem exhibent, sed in speciem tantùm, & prorsum fictè, imaginariâ comitate deuincire volentes, ac si verâ; realique officia deferrent.

Supremo agone cum proximâ mortè misera. Dido propter ademptam Ænæ vitam conſligebat, quando soror illius ingressa locum, ubi illa animam agebat, acerbissimè lugebat, triste, ac miserandum de se



de se omnibus spectaculum exhibens, funestisq; exclamationibus aures, & animos praesentium percellens, ardentissimaque ab intimo pectore suspiria ducens, talia multis cum lachrymis efflebat apud Virgilium lib. 4. *Aeneidos*:

*Quid primum deserta querar? comitemne sororem  
Spreuisti moriens? eadem me ad fata vocasses,*

*Idem ambas ferro dolor, atq; eadem hora tulisses.*

velut dixisset: Vndenam tristis lugubrium querimoniarum mearum telam ordiar? Solitudinemne meam ante omnia deplorabo, aut vilem, quam de me habuisti, existimationem flebo, illudq; lamentabor, quod me tam ignauam putasti, vt socia mortis esse non possem? Accersisses me, & comitem extremæ necessitatis esse iussisses, vidisses sororem, quæ suo pectore ante excepisset gladium, quàm ille tua viscera confixisset, vidisses me non sanguinis tantum, verum & mortis communione germanam: *Idem ambas ferro dolor, atq; eadem hora tulisses.*

Fueruntne seriz, & veræ, & à sincero animo profectæ istæ verborum, eiulatum, promissorum urbanitates? Intrinsecus è pectore Annæ (hoc enim sorori Didonis nomen) natæ istæ comitates? Minime omnium, inquit Donatus, *dixit enim illa, quod futura non fuerat.* Vnde verò colligemus, inania tantum verba fuisse, quæcunq; Anna dixit? Respondet Donatus: Si certum habuisset, cum sorore mortem oppetere, *si futurum diceret, mox sese iugularët, habens occasionem gladij, quo soror periret.* Quid enim obstabat, quominus faceret, quod antehac facturam fuisse aiebat, si tamen verum erat, quod dicebat? Sed voluit illa suam officiositatem, & urbanitatem facere restatam ijs rebus, quas nunquam fecisset tamen si à sorore ad communia fata subeunda vocata fuisset, voluit magnanimam se ostendere, quando ostentandi animi occasio præterierat, & hoc futurum fuisse indicare, quod non euenisset. Percomis est ergà defunctam sororem, sciens eam officia urbanitatis admittere non posse: *Dixit illa, quod futura non fuerat.* Cum autem soror quædam tam fucata, simulatæque sorori defert officia, quæ neque certò constare poterant, neque acceptari, quid mirum, quod alij ergà alios similia faciant?

Vinctus derentus fuit Simeon in Ægypto obfes tritici, quòd duo fratres in annonam suam, & paternæ domus victum inde exportarunt. Volebat Ioseph, vt adducerent fratrem suum Benjamin, qui illi ex veroq; parente germanus erat, eamq; ob rem etiam Simeonem pignoris loco retinebat, vt voto illius prorsum, atque indubitato facerent satis. Ve-

nerunt ergò donum, qui attulerunt frumentum; narraueruntque patri quod acciderat. Noluit ille comprobare passionem, putans omnibus se liberis orbandum, si vnum ab se dimitteret Benjaminum. Cui Ruben: *Duos filios meos interfice, si non reduxero illum tibi, trade illum in manu mea, & ego eum tibi restituum;* Genes. 42. 37.

Qui hanc tam liberalem gratificandi promissionem, & illa tam plena, vt videtur, pietatis verba audiuisset, putasset à prona, deliberataq; voluntate, & animo penitissimo profecta esse. Verum Oleaster in Annot. morali ait, non tam nobilem habuisse originem, inquires: *Ergà Simeonem pietatis viscera ostendit, sed callide cum patre agere vult.* Constrictus, vt diximus, tenebatur Simeon, non autem dimittendus, quàm adueniret Benjamin frater longè charissimus. Magnæ ergà fratrem pietatis opinionem sibi constare Ruben apud patrem voluit, quando illi duos filios suos pro vno Benjamin, nisi illum saluum reduceret, simulque Simeonem liberaret, obtulit: Verum astus, merusque dolus fuit, quidquid cum patre egit: *Obijci filios à patre interficiendos, quia nouerat senem nepotes suos non esse interfecituros.* Filij Ruben erant nepotes Iacobitis, nepotes autem, vt vulgò dicitur, bis filij sunt. Hos auo obtruncandos offert, si non reducat Benjamin. Oblatio autem illa nulla erat, nec vlli periculo se exponebat, qui filios neci offerebat, certò enim sciebat, quod auus nepotibus neque manus violentas, neque incommodi quidpiam allaturus esset, tamen si Benjamin nunquam reuerteretur. Ità fratres cum fratribus, cum parentibus liberi agere, & officia nunquam exhibenda polliceri, & magnam urbanitatem simulare solent, quando præuident, exequendi, aut admitteendi officia, quæ spondent, nullam aliquando fore occasionem.

Erat homo quidam quàm opulentus, & diues rerum, tam inops animi, & consilij. Obibat ille cogitationibus horrea sua, & granaria, & apothecas, siue cellas vinarias, videntq; hæc quidem omnia plena esse frumento, & vino, agros verò promittere messem affluentissimam, & qualis nulla visa, siue audita fuerit alia, coepit suâ afflictari abundantia, quantum alios sua penuria contristat, secumq; deliberare, quid de frumento, vino oleo tam copioso faceret, cumque certum aliquid secum statuisset, exultans gaudio aiebat: *Anima mea habes multa bona posita in annos plurimos, requiesce, comede, bibe, epulare;* Lucæ 12. 19.

Sanctus Basilus Magnus in illud, *Anima mea,* sic



sic inquit: Oblata Verba! si suillam animam haberes, quid ei, nisi hoc ipsum renuntiares? Adeone bonorum anima imperitum, & ei carnalibus escis adblatarius? Non poterat ille nescire, quod anima neque somno, neque epulis pascetur corporalibus. Palam est nequiuisse hoc ignorare. Quid ergo illam inuitauit ad cibos, dapes, ac delicias, quibus non posse frui sciebat? Quid gratificandi voluntatem illi offert, quam scit oblata non posse admittere officia? Comede, bibe, epulare, aiebat illi, quæ nec os habebat, quo aliquid horum faceret, neque ventriculum, in quem traiceret epulas, si quas etiam sumere ore posset. Quorsum ista tam vana, quam humana inuitatio? Respondeo. Sunt homines tam ficti, & fucati vrbani, tam improbi, & versuti, vt etiam erga animas suas affectato illo, & simulato comitatis genere vti velint, taliumque officiorum oblatione deuincire, quæ sciunt acceptari non posse. Fit sæpè, vt quis sciat amicum suum indigum numorum, quæzere sibi dari eos commodatò, & postquam intellexit, accepisse iam illos mutuo, tum demum cum illo exposculet, tanquam grauem iniuriam passus, quod à se id officij requisitum non fuerit, non quod commodatò dedisset pecuniam, si rogatus fuisset, sed vt sibi eum deuinciat beneficio, quod non præstitisset, præstiturum autem fuisse simulatò tunc affirmat, cum ab alio scit exhibitum, perque illum exhibendi occasionem sibi ademptam. Vult sibi demereri amicum verbis, cum vider se præoccupatum, & liberatum ab executione operum. Hæ sunt vani, & fucati mundi fictæ comitates, qui tunc suam vrbane offert gratificandi voluntatem, cum acceptandorum beneficiorum nulla est necessitas, nullus vsus. Absq; vilo impendio suo vult sibi alios reddere plurimum obnoxios, tanquam si magnos sumptus in illos fecisset.

Nolumus talem nostrum Politicum, quia Politicus colorum est, qui non patitur peregrinas impressiones fictionum, & vanitatum, & simulationum, & inanium vmbrarum. Candidum illum cupimus, sincerum optamus, qui veris officijs sibi alios deuinciat, & bonis factis obliget, & illam per omnia seruet animi integritatem, ac simplicitatem, quam christiana, & religiosa institutio requirit.

CAPVT VI.

Vnum gubernandi, siue regendi onus oneribus alijs omnibus grauius est, quantum enim distat cælum à terra, tantum differt molestia, quæ laborant Prælati, ab ea, quam patiuntur Subditi.

Tom. III.

Postquam affectatas suas querimonias dedisset Laban, officiaque, quibus abiturum prosequi, & ornare voluisset, (si certior de discessu factus fuisset) magnis, sed ampullosis verbis, & verbis tantum iactanter prædicasset, respondit Iacob, honorem, quemcunque illi deferre voluisset, se maxime, & optime meritum, hanc autem in summis iniurijs grauissimam interpretari, quod in suspicionem furti, & surreptorum idolorum apud illum venerit, qui eius fidelitatem, & integritatem tam longo, & vario experimento didicerit. Die, nobisq; assu Crebar, & gelu, fugebatq; somnus ab oculis meis, sicq; per viginti annos in domo tua seruus tibi, vt gregibus tuis esset benè, & fortunæ incrementum facerent, aiebat Iacob iuste iratus inhumano socero suo Genes. 31. 40. 41. velut dixisset: A quo pascendarum pecudum tuarum munus apud te suscepi, tam lethali ter mutuo odisse oculi mei, & somnus cœperunt, vt hic illos tanquam duos infensissimos, & immanissimos, sanguinolentissimosque hostes semper fugitaret.

Sancto Isidoro, Venerabili Bedæ, Hugoni Cardinali, & Guiljelmo Ebroicensi visus fuit sanctus Patriarcha hic retulisse ærumnas, inquietem, molestias, defatigationes alicuius pastoris, qui regit oues rationales. Nemo enim alius infomnes noctes ducit, nemo alius gelu æstuq; vritur, nemo alius omnibus cœlorum, hominumq; iniurijs æquè est expositus, ac qui regit, & gubernat, quiq; humeros suos grauissimo, & intolerabili oneri imperandi, & curandi animas submisit. Leuamina sunt, laxamenta sunt, solatia sunt, refrigeria, & oblectamenta sunt quæcunque alia onera, si cum hoc vno curandarum animarum onere comparentur. Nam vt omnia flumina suis destituuntur nominibus, mox vbi in mare influxerunt: Sic omnia onera, & pondera, cunctæque molestiæ nomina sua perdunt, si cum illo, quod dixi, onere conferantur; cum enim animæ sint spirituales, illarum procuracione, & gubernacione nihil grauius.

Querebatur Sponsa, quod teneri, & delicati vultus sui venustatem perdidisset, deplorabatq; bellum, quo grauius à matris suæ filijs vexata fuisset, iniquiens: Nolite me considerare, quod fusca sim, quia decolorauit me sol, filij matris meæ pugnaverunt contra me; Cant. 1. v. 5. tanquam apertius dixisset: Ne miremini faciem meam emaciatam, deuenustatum, deformatumq; colorem illum nuper viuidum, ac decentissimum, ac me totam ex vrbana montanam, rudem, agrestem. Sol vnus hæc omnia fecit.

Bbb b

Ille



Ille me ex palatina domicella in rusticam incultam vertit. Quanquam non parum etiam natiui decoris mihi ademerunt quidam matris meae filij, qui me infestis armis acerbè exagitauerunt: *Filij matris meae pugnauerunt contra me*. Quidnam mali intulerunt? *Posuerunt me custodem in vineis*, vineas mihi obseruandas, curandasque tradiderunt. Hoc est bellum, quo illi Sponsam lacefferunt, hoc praelium, quo illam oppugnaverunt. At quid est posuisse illam custodem in vineis?

Sancti Gregorius Nyssenus, & Magnus, & Bernardus, Hugo Cardinalis, Titelmannus, & Iacobus de Valentia inquirunt, nihil aliud esse, quam commendasse illi provinciam curandarum animarum. Illud verò est bellum, & oppugnatio, & praelium? Ego potius affirmarem, esse honorem, esse dignitatem, & maiestatem. Quid ergo Sponsa, cum vidit sibi vinearum, siue animarum custodiendarum munus demandatum, oppugnatam se, & bello cruento appetitam dicit? Vsa fuit Sponsa tali loquendi modo, ut exprimeret, quid sit alijs ex officio praesse, & eos, qui tam auidè, ambitiosèque aucupantur honores, doceret, non esse hoc praefecturas, quod illi opinantur, vel quod officia ipsa praesferunt, sed esse ærumnas, quæ videntur dignitates, plusque habere ignis, qui durat, quam lucis, quæ splendorem faciat. Nam prout graua onera coniuncta habet imperandi officium, sic idem est, praeponeere aliquem curandis animabus, quod oppugnare infestis armis. *Pugnare reuerà aduersus aliquem est, custodem eum in vineis constituere, per diem & noctem, in armis esse oportet eum, cui curandarum animarum negotium traditum, ut qui per diem pugnare, vigilare per noctem debeat, militemque agere, cum vigilat, excubito rem, cum somnus delassato corpori alioquin permittendus esset, inquit ferè Vincentius Richardus in c. 1. Cant.*

Et Sanctus Petrus Damianus Serm. 59. To. 2. sic aiebat: *Ducem te constituerunt, & data est tibi facultas, ut miser sis, & amplius non quiescas. Cumulatæ materia sollicitudinum, & inter ærumnas corpus exedentes necessum est cultum induere gaudiorum. Nunquid in honore sine dolore, in pralatione sine tribulatione, in sublimitate sine vanitate esse quis potest? Gaudeant immortaliter, triumphantque lætitiâ quotquot Prælati, simul enim cum officij sui dignitate amplissimum accipiunt privilegium, ut siquidem rectè illud curare velint, possint esse hominum omnium miserrimi, ærumnosissimi, infelicitissimi. Vnam hanc à summo Rege Deo habent facultatem,*

ut nunquam dormire, quiescere nunquam queant, tota enim curarum agmina illos inuadunt, quæ somni possessionem interpellant, voluptatem omnem velut iniectum fellis reddunt amaram, & quietem perturbant. Quis enim tam firmiter capite, ut nullam in editiore loco positus patiatu vertiginem? Quis tam sano animo, ut nullum illi tumorem honor adferat? Quis ita ab omni est destitutus sensu, ut nulla eum curâ praefectura grauet, nullo cruciatu afficiatur ex praesulatu?

Notatisne in verbis Eminentissimi Cardinalis ista: *Data est tibi facultas, ut miser sis, & amplius non quiescas?* Quam præclaræ immunitates! quam illustria privilegia! quam optabilis, scilicet, gratia, quæ cum praefectura conceditur! Immunitas ea est, ut noctes viuat insomnes, privilegium illud, ut mores omnium, qualescunque illos, vnus ferat, & post hæc de factis, infectisque singulorum striclas Deo iudici rationes reddat. Vide an inuidere alicui eiusmodi immunitates, & privilegia meritò possis.

Secundum hæc quid mirum, quod Sponsa dixit, *Nolite me considerare, quod fusca sum*, tanquam vetuisset mirari, quod tam adustus, demutatusque faciei eius color esset. Nimirum cultos vinearum posita, & præposita curandis animabus erat, quod officium tam pugnaciter cum omni quiete, & otio pugnat, quam coniunctissimum est cum perpetua vigilantia, iugi inquiete, continuis pugnis, & conflictibus.

Si minus creditis esse ita ut dixi, testem huc accersam hominem ethnicum, qui hac de re tam grauitè pronuntiauit, ut in omni profana literatura nihil sit par illius exaggerationi. Querula Polynice cum superis expostulabat, quod iustas de fratre illius pœnas non exigent, & dignis supplicijs immania illius flagitia, insignitaque scelera, & notam orbi improbitatem non plecterent. *Sceleris, & fraudis sua pœnas frater ut nullas feret?* aiebat illa apud Senecam Tragœd. 3. Act. 4. velut pluribus dixisset: Quid hoc dicam, Coelites, quod tam intolerabiles insolentias tam longanimiter fertis! De perfidioso fratre, de contaminatissimo homine, quem terræ hiatus pridem excepisset, & hausisse abyssus debuit, vindictam non sumitis! Quomodo facere, Diuorum maxime Iupiter, potes, ut periurum istud hominis flagitium non fulmine percellas? Respondit furore plenz Polynici Iocasta, inquiring: *Ne metue, pœnas, & quidem soluet graues.* Fortean vnguibus fera eius laniabuntur viscera? Punietur atrocius. Fortean lento igne paulatim adustulabitur, ut illius cruciatus ex longa morâ maiorem trahat acerbitatem?

Pœna-



Pœnalius luer. Fortean manus, ac pedes eius ad quatuor procerarum arborum validos alligata ramos à trunco reliquo per vim auellentur, dum recurrentium ad sua loca ramorum quilibet partim sibi adstrictam abripit? Immaniore supplicio multabitur, pœnarum quædam umbræ sunt, quas hucusque commemorasti, si cum eis componas, quæ fratri tuæ sunt constitutæ. Et quis ille cruciatus lanigium, vitulatione ignis lenti, & ramorum recurrentium conceptione truculentior esse possit? *Regnabit. Hac est pœna.* Permittent irati dii ut hic omnibus sceleribus non opertus tantum, sed etiam confertus sublimem regi thronum inscendat, sicq; pœnas ab illo sæuissimas exigent. Quis enim cruciatus de grauitate certare cum regnandi onere aufit? aut quis comparari dolor cum animarum cura queat? *Regnabit. Hac est pœna.* Quas enim laminas, quas carastas, quos equuleos, aut quæ tormenta exogitare alia Siculi potuere tyranni, quæ regendi pœnales molestias exæquent? Nam si bene rem cum animo tuo pertractes, inuenies nullum esse tam cruciabilem equuleum, quam est solium, nullum sæuiorem taurum æneum, quam est sedes imperij, & omni laminâ ardente flagrantiorum esse purpuram, & animarum præfecturam. Crudelissima ergo vindicta, quam dii, ut Poëta fingit, expetere de quoquam possunt, ea est, cum faciunt, ut ascendant, non in fœneum theatrum pœnas capitis daturus, sed in sublimem thronum animarum curam susceperurus.

Confirmabit hanc veritatem id, quod in ordine tentationum, quibus Christi diuinitatem periclitari Lucifer voluit, obseruabimus. Plerique Expositorum affirmant illas eo modo euenisse, quo Lucas refert. Prima ergo periclitatio fuit in oblatione lapidum, secunda in monte, tertia in templo, in cuius summum fastigium adduxit illum Dei permisso malignus spiritus, & statuit super pinnam templi, Lucæ 4. 9. Post confectas has tres pugnas, & consummatâ omni tentatione ecce *Angeli accesserunt, & ministrabant ei;* Matth. 4. 11.

Difficile est hic statuere, quid illud ministrauerint suo Domino Angeli. Quamquam enim communis interpretatio, & peruulgata sententia habeat, quod cœlestes palatini, & supremi Imperatoris ephēbi Angeli Regi suo vicum detulerint, & mensam instruxerint, quam illius ex tam longo ieiunio fames plurimum requirebat, idq; facile sic intelligi queat: Attamen Scripturæ textus id non tam apertè affirmat, quin dubitationem aliquam adferre, & gene-

rare scrupulum communis illa, ac vulgò recepta expositio possit.

Volo ergo nunc interrogare, num quæ officia præstiterint Christo Angeli præter id, quod adornarunt mensam, & ministrarunt annonam.

Doctissimus Paulus de Palatio in c. 4. Mat. hæc ait, aliam operam nauasse Christo antè, quam exhibuerint paratos cibos, idq; his verbis: *Credo quod Angeli ministrarunt Christo, abducentes eum à pinnaulo templi (hac enim fuit postrema tentatio) & deducentes eum in locum planum; ibi forsan cibos ei ministrarunt.* Itanè verò singulari dæmonis studio Christus supremo templi vertici fuit impositus? Itanè improbus spiritus, cum victus, confususq; aufugit, satis grauiter vindicasse ignominiam suam putauit, quod Christum sublimi in loco constitutum reliquit, & Angelis nihil gratius optatiusq; accidere potuisse existimauit, quam quod Dominum suum ab illa celsitudine in locum humilem deportare concessum fuit? *Ministrarunt Christo abducentes eum à pinnaulo templi, & deducentes eum in locum planum.* Immo sic res habet, eaq; nobis indicatum fuit, solo inter homines loco eminere, & in sublimi positum esse, hæc; inanem umbram tantum, & vacuam speciem habere præfecturæ, siue dignitatis superioris, tam esse graue onus, tam molestum pondus, ut & dæmoni videatur, non posse insignis vici confusionem suam, quam si eum, à quo subactus fuit, in locum editiorem adducat, ibique relinquat, & Angeli arbitrentur, non posse ampliore, & insignitiore beneficio eos, quos amant, & magnæ estimant, ornare, quam si ex altitudine illa submittant, ac deducant.

Huc faciet, quod eruditè, ut solet, Christophorus Salazar, & Mardones Philippo IV. Hispaniarum Regi à secretis literis, Comment. Fabul. Pyrami, & Thisbis num. 119. refert de Serenissima Venetorum Rep. nimirum Ducem illius, & Patriarcham quotannis stipatum nobilissimis, & opulentissimis illius vrbis viris pergere ad mare eo die, quo Sosipator noster in cœlum redijt, & vastiorem aliquam nauim sumptuose adornatam, quam illi *Bucephalum* vocant, inscendere, atque inde post alias ceremonias solennes, eicere annulum in mare, eoq; illud sibi velut despondere. Habent illi suos talis actionis fines, de quibus consuli possunt Petrus Gregorius, Thadæus Pise, Borrelus, Ioannes Baptista Lupus, & alij multi Iurisperiti, & Historici, quos commemorat Secretarius Salazar, quem dixi. Verum ego mihi commodum secretum, & mysterium in eo inuenio,



uenio, quodd Dux mari desponsatur. Quando duo coniugium ineunt, nonne aiunt, eos sic copulari, vt velut vnum efficiatur ex ambobus? Sic dicunt. Quod ergo Dux, qui alijs præsideret, & ex officio imperat, mare sibi desponder (quod propter saporis sui acerbicatem, & tempestatim tumultuationes est symbolum inquietis, curarum, anxietatum, perturbationum) quid eâ re significatur, nisi res alias nullas tam coniunctas, & coniugatas esse, quàm gubernationem, & inquietem, Prælaturam, & amaritudinem, Præfecturam, & perturbationem, imperium, & curarum procellas, solitudinum fluctus, & tempestates. Nam si rem probè dispicias, quod aliud tam feruens, tumultuarium, procellosum mare, quàm Princeps, quàm Rex, quàm Pontifex cum suis officijs, & obligationibus? Quinam tales fluctus, atque illorum curæ? quænam tales abyssi, atque eorum intimi dolores, & angores? Cuiusnam Tithij viscera sic diri concerpunt vultures, vt eorum, qui præsunt, animos curæ mordaces laniant, & lacerant? Nisi Dei supra prouidentia subsidio esset, atque assisteret Principibus, & Prælati alijs, & omnipotentis dextræ suæ singulari auxilio subueniret, quomodo resistere tantis negotiorum ponderibus, quomodo persistere sub tam graui curarum mole possent?

Non ineptum huic rei fuerit, quod sanctus Cyprianus lib. 4. epist. 2. de illustrissimo Pontifice, & inclyto Martyre sancto Cornelio refert, inquiens: *Episcopatum nec voluit, nec postulauit, nec vim, & quidam, fecit, & episcopus fieret, sed ipse vim passus est, & episcopatum coactus acciperet.* Vt Pontificatum Romanum, hoc est, supremam orbis dignitatem Cornelius admitteret, *vim passus est*, inquit. Vimne passus est, cum tormenta pro Deo subire debuit? Fractusne animo fuit, cum equuleum illi intentaret, & flammæ? Fugitne ignauiter, quando crudelis licitor sanguinolentum nudabat, & vibrabat gladium, vt illi innoxium ab humeris caput demeteret? Nequaquam certe. Nam valentissimo animo, & magno ausu, & ingenti cupiditate propugnandæ, & propagandæ, & exaltandæ fidei incitatus lacebatur tyrannum, prouocabat carnificem, contemnebat gladium, aspernabatur ignem, ridebatque omnem furorem, & crudelitatem. Quomodo tam alacer ad cruciatum, tam impeditus ad Pontificatum? Quomodo tam lætanter pœnas adiit, & thiarum tam grauiter admisit? Itane ad supplicium ultro, volensque, ac lubens iuit, ad Pontificatum raptari debuit? *Vim*

*passus est, & episcopatum coactus acciperet.* Videtur sanctus Pontifex protestari potuisse, quemadmodum reus solet, quem ex loco sacro abripiunt, qui non habet aliud nomen quàm Ecclesiæ, dicens se vocari Ecclesiæ. Ità sanctus Cornelius, quando ad Pontificatum raptus fuit, protestabatur de vi, quam patiebatur, aiebatque se Martyrem nominari, & hoc suum asyllum fore, si Martyr occumberet, hoc verò sibi pro carcere futurum, si Papa esse cogeretur. Et hoc videtur dicere voluisse sanctus Cyprianus, cum ait: *Vim passus est, & episcopus fieret*; moderari enim animas tam ingens cruciatus est, tam intolerabile onus, vt quod pœnalissimum est in martyrio, pro asylo, & optato refugio haberi possit, & pro acerbissima passione reputari, quidquid honoris est in episcopali, aut alia quauis dignitate.

Hanc doctrinam nobis hominibus ipsæ etiam omni ratione desinituræ, & bruaræ aues tradunt, vt vel hinc intelligamus, quanta sit cœcitas ambitioforum, quos mundus habet, quantaque in errore agant. De gruibz memorant sacer Mediolanensium Archiepiscopus Ambrosius, & communiter omnes, quotquot de natura animalium scripserunt, eas cum ex vna regione in aliam commigrant, ad illum modum per viam pergere, quo benè instituti, & ritè ordinati exercitus solent. Cum per noctem conquiescunt, iniussu & voluntario vsu sollicitam exercent custodiam. Dispositos vigilas cernas, & cæteris confortibus generis quiescentibus, aliæ circumueant, & explorant, ne qua ex parte insidiæ tendantur. Vna per singulas cohortes singulariter excubat, alteroque pede tenens lapidem, vbi leuissimum subodorari periculum videtur, deiecit illum, ac tum eius strepitu, tum oris sui clangore reliquas admonens discriminis, facit vt omnes extemplo aërem petant, & periculo caput subducant. Quæ in excubijs agit, eadem dormientibus præest, & ex officio velut præsidet, atque vbi vigiliarum tempus expleuerit, persuncta munere in somnum se præmissa clangore componit, vt excitet dormientem, cui vicem muneris traditura est. Pleraque horum ferè B. Ambrosius, qui hac in re obseruauit, quod merito noteris, inquiens: *Admonentur, & exerceant custodia & ceteris, non admonentur, & de potestate decedant.* Cur verò admonentur ad somnum capessendum abire, non admonentur à vigilijs decedere? Quia decedere ab excubijs, est decedere à potestate, cedere officio, renuntiare dignitati, & potestati, & quoniam hæc omnia permolesta sunt, & perquam grauiâ, idcirco non est necessarium admonere aues, vt ea excutiant, vel abiciant.



ant. Negauit illis natura intellectum, sed genitalem instinctum dedit, quo grauitatem publici muneris satis, superque cognoscant, vt illud à se absq; alterius monitione vltro abdicent: *Non admonetur, & de potestate decedant.* Cùm hoc faciant irrationalia animalia, mirum, ac miserum est videre decrepita, & exactæ ætatis homines, qui cùm fractis senio, & caducis humeris infinitarum curarum intolerabilem molem sustineant, nutabundumque eorum caput, & vacillantes pedes, & titubantia genua per Deum iudicem rogent, illud abicere onus, ob id etiam, quod pensi absoluendi, & abruptendi filii tempus iam adsit, tam occupatos tamen, & cæcatos esse à sua ambitione, vt vires sibi nouas fingant, tantumque valetudinis robur, quantum grauioribus oneribus ferendis sit satis. Res hæc talis est, vt & offencilo sit hominibus, & damnetur à brutis animalibus.

Ego de talibus sic arbitror, quod animas, quia non eâ vastitate, & mole, quâ montes cernunt, leuia habere pondera existimant. Verùm si ardentissimum Seraphin sanctum Franciscum auscultarent, ille eos aliud doceret, qui epist. 7. ad Ordinis sui Generalem Eliam sic scribebat: *Onus, quod humeris portas, magnum est, & graue, animas fidelices multorum portas, velut pluribus dixisset: Vide sis, frater Elia, quod animæ, tametsi neque plumbi, neque arenæ qualitates habeant, nihilominus præmodum graues sunt, & onerosæ, & qui vnus animæ curandæ munus admittit, maiora pondera excipit, quàm si centum millium mundorum oneri humeros subijceret.*

Videat ergo Politicus cælorum, quanta pondera humeris suis iniicit, quando publicæ dignitatis officium quodcunque subit, cùm & Angelorum humeri, vt sanctus Gregorius affirmat, grauissimo curandarum animarum oneri videantur impares.

*De hoc argumento multa habet & terque Tomus superior. Vide in Indice rerum Serbo Prælati, Periochâ I. Dominica II. post Pascha, Tomo 2. pag. 18. c. I. o. pulchrè hanc rem versat.*

## CAPVT VII.

Perindignè, & nimisquàm probrosè agitur cum bonis indefectibilibus, & æternis, quod non vel eodem loco habentur, quo peritura, fluxa, & caduca.

EX querimonia, quam Iacob noster socero suo Laban dedit, eruemus Politico nostro vtilissimum monitum, & documentum. Vt secreti abitus,

& clandestinæ discessionis suæ causam illi indicaret, antequàm diceret, crebrâ decies mutatæ mercedis fraude vehementer permotum fuisse, vt clam se proripere, commemorabat verbis plusculis studium, vigilantiam, labores, æris iniuriæ tolerantiam, quibus incrementa gregum, & augmenta rerum cæterarum soceri sui diu, noctuque sollicitè procurârît, dicens post alias: *Die, noctuque astu crebar, & gelu, fugiebatq; somnus ab oculis meis;* Genes. 31. 41.

Ex his tale conficit argumentum noster insignis Hispanus, ac Pontifex maximus Damasus epist. 4. inquit: *Si ergo sic laborat, & vigilat, qui pascit oues Laban, quanto labori, quantisque vigilis debet intendere, qui pascit oues Dei!* Si in rebus temporalibus tantum operæ ponitur, quantum curæ, & diligentia in diuinis, & cælestes collocare debemus? Cùm valetudinis corporalis tam sollicita ratio habeatur, quàm studiosè, & enixè salutem animæ curare oportebit?

Cùm cælestis Magister chari Præcursoris sui eloquia prædicaret, hæc demùm aiebat: *Regnum cælorum vim patitur, & violenti rapiunt illud;* Matth. 11. 12.

Hoc Domini effatium afferre difficultatem, vt videtur, cuius potest. Nam quod tantis laborum sumptibus regnum illud à nobis vult comparari, & per summam vim, contentionemque rapi, hoc summæ illius liberalitati, & prolixitati derogare, neque parum, videtur. Si tantum bonum absque vilo nostro labore, & sudore obtineremus, maiorem indicaret generositatem, & largitatem eius, cuius beneficentiâ nobis obueniret: Nam quò pretiosius est donum, & impetrandi illius leuius negotiû, eò munificentior animus concedentis. Quomodo ergo Saluator mundi, qui liberalitatis exultatione inprimis semper & gaudius, & gloriatus fuit, vult vt supremam felicitatem, & gloriam visionis beatæ per laborum, sudoris, defatigationis, & strenuæ operationis vim nobis rapiamus? *Et violenti rapiunt illud.*

Inuictò argumento hanc obiectionem vestram confutat sanctus Ephræm Parænesi 16. Tom. 6. inquit: *Si quis secundum carnem agrotant, suæ vim inferunt naturæ, & si seruent quacunque ipsi præscripserint medici, nonne multo magis decet morem ipsi gerere, quibus cura animarum nostrarum est credita?*

Non prætereamus cursum, sed expendamus sensim, ac studiosè verba sancti Ephræm, quibus diluitur argumentum, quo verba oppugnabantur Christi. *Qui secundum carnem agrotant,* inquit ille, *suam vim inferunt naturæ.* Quanquam ardentissimâ sit



quis laboret, & affligetur, si medicus ægro præcipiat non bibere, quòd per eam abſtinentiam bona valetudo illi ſit reditura, quàm accuratè obſequitur! Si cibos ſumere vetet, quibus maximè alioquin oblectetur, quàm lubens à ſe abdicat eſcam aliàs inprimis expetitam! Ne totum corpus intereat, parte illius magnà fraudari, & deſtitui non curat, tametiſ horribiles dolores præterea ſubire oporteat. Quàm diris excruciationibus non ſe volens ſubiicit æger, ut à malo conſaneſcat? Nullum tam amarum ſel, quod non avidis faucibus hauriat, & ore hianti excipiat, ſi in eo ſuum conſiſtere remedium putat. Argumentatur nunc Ephræm in hunc modum: *Si quiſ ſecundum carnem agrotant, ſua ſim inferunt natura, & ſeruent quacunq; iſſis præſcripſerint medici, iſſque ſæpè ſubmorofi, & importuni, & nihil ſtudij prætermittunt, quo febriculam (ut ſub exemplo dicam) euadere poſſint: Quid non facient, ut animam ſaluent, & ſeruent pretioſum illud monile, quod incomparabilibus impendijs ſanguinis Chriſti redemptum fuit? Quibus hoc medijs, & remedijs non curandum? Si ergo ſic laborat, & vigilat, qui paſcit oves Laban, quanto labori, quantifque vigilijs debet intendere, qui paſcit oves Dei? Tanta cura vnius ouiculæ, & tantus neglectus animæ! Inſigni ignominia afficit res æternas, qui eas contemnit, ut augeat temporarias.*

Regius Propheta, cùm de ingenio, & moribus hominum peccatorum agit, ſic inquit: *Multiplicata ſunt infirmitates eorum*, Pſal. 15. 4. hoc eſt, quotidie magis, magiſque in voluptates malas, & delicias ſe ingurgitant. Si quis fortè arithmeticæ peritus adeſt, volo expendat, quod ſacer Propheta non ait, *aucta ſunt, ſed multiplicata ſunt infirmitates eorum*. Qui ſcit arithmeticam, etiam hoc nouit, aliud eſſe rem augeſcere, aliud multiplicari. Tabula, in qua latrunculorum ludus agitur, ſexaginta quatuor tantum habet loca, per quæ ſcrupi huc, illucq; commeant. Si primæ ſedi vnum granum tritici imponas, ſecundæ duo, tertiæ quatuor, quartæ octo, quintæ ſexdecim, & ſic multiplicare pergas, ut altero tanto plures imponas ſequenti, quàm habebat proximè præcedens, tantus cumulus inde euadet granorum vltimæ ſedis, ut vix multis curribus aduehi queant. Dicit nunc Propheta: *Nōrunt peccatores ita ſe tradere vitijs, & concupiſcentijs, ita conſectari omnem carnis ſui libidinem, & voluptatem, ita ſe totos immergere ſclerum voragini, & cæno, ut non curent multiplicare ſumptus, curas, labores, ſollicitudines, quibus perficiant, quacunq; corpori grata*

*ſint, & iucunda. Quid verò poſt tantam voluptatū, deliciarūq; multiplicationem, poſt innumeros pro carnis oblectatione exhaustos labores egerunt? Poſtea accelerauerunt*, hoc eſt, poſtquàm tam prodigioſè multiplicarunt ſuas turpitudines, & laſciuias, & in omnem ſeſe latè effuderunt libidinem, velut nec vnum quidem paſſum progreſſi eſſent vixq; extremis labris fœdas deguſtaſſent voluptates, ita incitatus currere, & bibere avidius denuò incipiunt. *Poſtea accelerauerunt, quia ſcilicet poſt ſua deſideria præcipites ruunt, & inconsideratè ſeruntur quocunq; illos carnis perlecebræ vocant, inquit ſæculi ſui Phœnix Ioannes Picus Merandulanus.*

Quid eſt in his verbis Prophetiſ, quod in uſum noſtri profeſtus transferre poſſimus? Reſponderidem ille: *Edocemur, & non minus ipſi celeriter curramus ad virtutes, quàm ipſi currunt ad vitium, nec Domino noſtro minus diligenter ipſi ſeruamus, quàm ipſi ſeruiunt Domino ſuo diabolo*; velut diceret: *Ex dictis Davidicis debemus inſolubile conſtruere argumentum. Si peccatores, poſtea quàm multiplicarunt ſuas infirmitates, & voluptatibus, quantum per temporis anguſtias, & corporis vires licuit, liberimè indulſerunt, denuò ſe totos turpitudini, omniq; fœdæ libidini ita tradiderunt, acſi nunquàm talibus rebus vacaſſent, tantum ut vel vni fordido deſiderio ſatisfacere, vel cauſam aliquam, pro qua diu pertinaciter pugnarunt, obtinere, vel iniuriam vindicare poſſint, nullà habità ratione vel ſumptuum, vel aëris iniuriarum, vel aliorum incommodorum, quæcunq; illis occurrant: Quare ab animæ ſalute æterna curanda nos vlla difficultas vel abſterreat, vel retardet? Si peccator in præcipitium, & exitium ſuum currit, quare iuſtus non volatu petat ſuam beatitatem, & veram felicitatem? Si flagitioſus tam promptè ſeruit dæmonio, cur pius non multò expeditius, ſtudioſius, ardentiusq; famuletur ſuo Domino, & Reparatori? Cur plūs valeat culpa ad perniciem, quàm virtus ad ſalutem?*

Prædicabat Magiſter diuinus doctrinam cœleſtem, quæ hominum animas ad quietem ducit æternam. Cùm inter dicendum maximè caleret ſupremi oratoris peſtus, & ſeruentiſſimè cœptam perfequeretur materiam, nuntius quidam à Matre, ut dicebat, & fratribus illius, ſive cognitis miſſus aiebat: *Ecce mater tua, & fratres tui foris ſtant, quærentes te*; Matth. 12. 48. rogantq; ut ſtamen abruptas orationis, tuique copiam illis facias. Huic nuntio reſpondit ſacer Prædicator ſupercilio cū aliquo dicens: *Qua eſt mater mea, & qui ſunt fratres mei?*

ibid.



ibid. v. 49. velut alijs verbis dixisset: Quid tu mihi nunc ex matre, & fratribus adfers nuntia? Tempus non fert, vt quæ sunt carnis, & sanguinis, in præsentia cogitem.

Arripuerunt hæc verba famosi illi hærefiarchæ Apelles, & Marcion, dicentes, magnam hic ministrari occasionem calumniandi exiguam charitatem, perpussillam vrbanitatem, & obseruantiam pietatis prorsum neglectam ab illo, qui conabatur nouas inuehere mundo leges, eisque stabilire veteres semper duraturas. Aiebant verò: Quomodo credi potest, hunc esse Filium Dei, qui honorandorum parentum legem olim promulgauit, hunc, inquam, qui honorandæ matris pulchram occasionem nactus, nuntio ab illa venienti hoc tam morosum, subacidumque responsum dederit: *Qua est mater mea?* quod perinde videtur, ac si dixisset: Nullam ego noui matrem, nec volo hâc occasione aliquam mihi eius fieri mentionem.

Videtur aliquem colorem habere calumnia. At videte, quàm lepidè illam; festiuèque ridet, & dissipat magnus Africanus Tertullianus lib. de carne Christi cap. 7. vbi his tam falsis iocis perstringit Apellem, & Marcionem: *Oro te Apelles, Vel tu Marcion, si forte tabulâ ludens, Vel de histrionibus, aut aurigis contendens tali nuntio auocareris, nonne dixisses, Qua mihi mater; aut qui fratres?* Si de comædis, cuiusnam eorum excelleret in repræsentando dexteritas, aut de huiusmodi re alia nihili altercareris, atque interim dum ferueret corrixatio, adueniret quispiam, & importunis vocibus tibi obtunderet aures, succelamans, & dicens, adesse matrem, quæ te videre cupiat, & cum ea fratres, qui alloqui velint, nonne cum stomacho indignabundus facessere matrem cum toto necessariorum grege iuberet? Haud dubito, quin id faceres, quod alij passim tali occasione solent. At si tu ægrè ferres per tuam ipsius matrem, ac fratres interpellari tuam ludendi voluptatulam, adimique tibi temporis pretiosi partem, quam in vanam id genus oblectationem malè collocabas; Si hoc te in furem tantum non excitaret, quod mater, fratresque inanis disputationis filum abrumperent, qualis est illa de his, quinam aurigandis, siue repræsentandi magis, periti sint, concertatio; magnuminè fuit, quod cœlestis Magister, cum importunus ille aduenit, qui cum nuntio à se forsan conficito magnum impedimentum dicenti adferebat, sermonemque amputabat, nonnihil commodus amarisculè respondit: *Qua est mater mea, & qui sunt fratres mei?* quid mihi cognatos intempeliuè ap-

pulos nunc indicatis, quando de his verba facientem auditis, quæ ex Patre æterno inde huc attuli, & salutis animarum curandæ tam sunt necessaria? Homines ergo, cum animum rebus ludicris malè feriat oblectant, ne à matre quidem vel paucillisper auocari sinunt, dum ijs vacant, & Redemptori mundi vitio dabitur, quod morosulum se ergà matrem exhibuit, quando per illius quoddam nuntium abstrahere ipsum à summo animarum negotio, & studio profectus illarum æterni voluerunt?

Huc ibat magni Augustini commentatio in ferm. 13. de Sanctis, quando aiebat: *An verò non in te sunt viscera Christianæ miserationis, & plangas corpus, à quo discessit anima, & non plangas animam, à qua discessit Deus?* Si quis amicum defunctum deploret, probant illius lachrymas, quotquot vident, & qui tale cadauer absque vlllo sensu doloris spectarent, illum omnes horridi montis partium, vel immanis tigridis fœtum dicerent: Et non prosequamur lamentis miseram animam peiore morte defunctam! Rectène sit, cum affluunt lachrymæ, quæ pro mortuo vertantur corpore, & non est, qui vel guttulam pro mortua efflere queat anima? Sunt qui carnem mox sanie vitandam, & consumendam officiosâ pietate curent, & honorificè sepeliant, & non sint, qui salutis animarum studeant æternæ? Tantâ vigilantia custodiuntur oues Laban, & grex Christi insuper habebitur, nec quâ par est solitudine seruabitur?

Describit Spiritus sanctus terribilitatem peccati, simulque commendat, vt illud cane peius, & angue declinemus, inquiens: *Quasi à facie colubri fuge peccata;* Ecclis. 2. 1. 2.

Pulchrè indicat filius Siracidis, quomodo cauere debeamus venenum noxæ mortalis, cum suadet ita fugitare, vt viperam, scorpionem, colubrum, solemus. Philo in lib. de specialibus legibus ait: *Viperas, scorpiones, alsasque venenosas bestiolas, priusquam mordeant, aut sauciant, aut omnino se commoueant, sine mora ad primum aspectum occidimus, precauendo genusnam eorum malitiam, priusquam noceant.* Sic nunc inquit Ecclesiasticus: *Quasi à facie colubri fuge peccata;* tanquàm diceret: Cum peccatum sit viperæ animæ, & culpa scorpionis, qui necat animam, cui virus suum infundit, nonne indignum est, quod qui totâ pedum contentione, quàm possumus celerimè fugimus viperam, & scorpionem, ne nos feriat, & mactet, peccatum ipsum, quod mors est animæ immortalis, deuotare negligimus? Cum nemo tibi probro det, si magnis modis te aduersus serpentem obmu-



obmunias, eò quòd mortem adferre vitæ alioquin perituræ potest, quis in vitio ponat, immò quis non plurimum laudet, si culpam lethalem, quæ est toxicum salutis æternæ, exhorreas, & declines?

Vulnerata felicissima Peccatrix spiculo amoris diuini, tanquam ceruus ferro confixus, veloci cursu fontem omnis sui remedij petijt, qui tunc in domo cuiusdam Pharisei iuxta mensam illius manabat. Ingrediebatur plorabunda locum, vbi conuiuium eà occasione instructum erat, cumque humum aqua ex oculis deciduà humectaret, aerem ardentibus inflammabat suspirijs. De illa sic scribit beatus Lucas cap. 7. 37. 38. *Pe cognouit, quòd Iesus accubisset in domo Pharisæi, attulit alabastrum unguenti, & stans retrò secus pedes eius, lachrymis caput rigare pedes eius, & capillis capitis sui tergebat, & osculabatur pedes eius, & unguento ungebat.*

Nimis mulierem, & plus satis audaculam dicat quis fuisse hanc vice Magdalenam, si attentius, quæ hic fecit, dispiciat: Nonne parum decuit foeminam nobilem, opulentam, & toti amplissimæ vrbi cognitam, quòd in medium conuiuium, in locum, vbi virorum primariorum ad festa gaudia inuitatorum amplissimus erat confessus, importuna irruit, illachrymans, & altum eiulans, & miserabiliter vociferans, non satis recta caput, capillamentum vt iubas spargens, inconcinne culta, & laxam humi trahens vestem, eaque sola, & inomitata, neque vllam rationem habens murmurationis, & obrectationis publicæ cui causam, vt videtur, non qualemcunque ministravit? Ità ferè sanctus Augustinus. Nonne consultius fuisset, occasionem remedij expectare magis commodum, quàm tunc irrupisse, quando vel stulta putari poruit, vel prorsum desperabunda? Quomodo ergo mulier alioquin cordata, & prudens, & paucis secunda, neque vulgi disteria, neque virorum primorum sconiata curauit?

Respondet sanctus Doctor in Psal. 125. *Qua solebat in suis fornicatione fortasse esse frontosa, frontosa facta est ad salutem.* Maria Magdalena vt nobilis, & copiosa erat, sic & mulieris nimis liberæ famà apud omnes vrbis suæ incolas laborabat, quæ exosam habens domesticam solitudinem, amabat publicum, & mutuas rùm oculorum occursationes, tum literularum amatoriarum misculationes, & vrbanas salutationes, & verborum sales, atque lepores, & confertæ multitudinis publicos conuentus, nec vllum præteribat locum, vbi frequentem hominum concionem adesse sciebat. Hæc omnia tribus verbis complexus videtur Euangelista, cum ait: *Erat in ciui-*

*sate peccatrix; in quæ sic differit S. Petrus Chrysostomus serm. 93. inquit: In ciuitate peccauerat, quia famà suâ totius tergerat famam ciuitatis. sicque iam non peccatrix solum, sed ipsum ciuitatis facta fuerat ipsa peccatum.* Fabula vulgi erat, & quanquam non nesciret, quàm malè apud omnes audiret, quàm turpiter de se omnes & sentirent, & loquerentur, velut surda aspis tamen non audiebat voces incantantium, dissimulabat murmura obrectantium, & persequabatur suas libidines, voluptatibusque suis malis, quibus semel tradere se, & obtemperare coeperat, pertinaciter morem gerebat, & indulgebat, nauici faciens, quòd senibus opprobrio, infantibus esset ludibrio. Frontem non perfricuerat solum, sed etiam poluerat totam, neque iam aut vultus aliorum, aut calumnias erubescere, neque honestatis eam, quam propter illustrium natalium suorum splendorem debebat, rationem habebat.

Dicit nunc Augustinus: *Qua solebat in suis fornicatione fortasse esse frontosa, frontosa facta est ad salutem;* velut pluribus dixisset: Nolite mirari, quòd diuina Pœnitens, & felix peccatrix tam parum verecundè egisse videatur, neque admodum curauerit, quòd notam aliquam contrahere posset, quando iuit, vt animæ suæ remedium sibi quæreretur, & vulneribus medicinam indagaret, quæ antehæc nihil pensi habuit, quòd propudium, & offendiculum totius ciuitatis habita fuit. Nulla enim verecundia prohibuit, quòd minus turpibus consuetudinibus, suspectis congressibus, inconcessis cum impare sexu commercijs, & vsui virorum contaminatorum familiari vacaret, & pergeret, quocunque illam libido mala vocabat. Non curabat animæ suæ interitum, non infamiam nominis, famæque iacturam, non murmuram hominum. Quomodo ergo curare debuit notam ciuitatis, & disteria hominum, cum ex incendio scelerum, & è media flagitiorum Babylone proripere se voluit? Præclare, si fas est dici, actum fuisset, si pudor illam ab emendatione vitæ prohibuisset, quam abstergere à malè agendo verecundia non potuit. Immò verò quæ non erubuit vitia, inquit Augustinus, etiam pœnitentiam erubescere non debuit. Quæ Deum offendere ausa fuit, quomodo ignaua esset ad lachrymas, pudibunda ad sterum? Quæ tot artificia comminisci potuit, quibus mundi gratiam, ac benevolentiam sibi conciliaret, quæ tam varia ornamenta, vestium formas tam multas, & exoletas excogitare nouit, cur habitum pœnitentiæ, modumque, & tempus illius agendæ opportunum, scelerumque expiandorum methodum non inueniret?

Adferat



Adferat ergo vnguenta, fundat lachrymas, laxet capillaturam, deiciat se ad offensus Domini pedes, eorumque exosculandorum nec modum teneat, nec finem faciat, tūm rideat, & obreccationem vulgi, & murmura Pharisæi, & supercilium totius conuiuij.

Nam vt Tertullianus habet in l. de veland. Virgin. cap. 1. *quale est, vt diabolus semper operante, & alliciente quotidie ad iniquitatis ingenta, opus Dei aut cessauerit, aut proficere destiterit?* Quod dicit, huiusmodi est: Quis a quis oculis videre, quis satis concoquere possit, quoddam tam facile adducat homines, vt non contenti gratis superioris culpas imitari, & pro more præteritorum sæculorum vestire, non indumentorum tantum nouas formas excogitent, magno fortunarum, & animarum damno, verum etiam peccandi modos insolentes, inuisosque, & inauditos adinueniant, atque interim ad omnem Dei famulatum, ad studium curandæ salutis animarum, ad omnem boni operis usum tam fiat rudibus

ingenijs, tam impeditis pedibus; tam torpentibus manibus, tam languidis totius corporis, & animi viribus? Est qui totam inter hyberna frigora noctem compita iubens obeat, vt voluptatulam turpem aliquam captare possit: Et non sit, qui per totam Quadragesimam iubens ieiunet, vt beatitudinis consequi gloriam queat! *Quale est illud!* quàm indignum! quàm turpe, ac probrosum! quanta confusio, & cæcitas! quanta præcipitantia! quanta generis nostri ignominia, videre hominem, qui in sordidam, putidam, diabolarem lupam rei familiaris suæ partem magnam hilariter profundat, & ad incitatas redigendum se timeat, si vel quadrantem in pauperes erogat! Cū suam habeat corpus moriturum curam, quare animarum immortalium saluandarum negligatur studium?

*Eiusdem argumenti est Periocha V. Dominica II. post Pentecosten, Tomo 2. pag. 103. c. 2. o.*

# LIBER SEXTVS.

## CAPVT I.

*Quisquis re aliquam curandam ex Dei iussione suscepit, certo sibi promittere potest, quod subministrabit vires perficiendi, qui imperauit laborem.*

**I**ngressus à focero suo Labano sacer noster Patriarcha, postquam mutuam cum illo amicitiam instaurarat, & religioso iuramento constabilerat, prosequatur iter suum, cumque vix aliquantum processisset, occurrerunt illi numerosæ copiæ cælestium spirituum, quales generosi, & strenui milites, quos vt vidit, incredibili perfusus gaudio, aiebat: *Castra Dei sunt hæc;* Genes. 32. 2. exercitus cælorum sunt, inde huc submissi, vt me tueantur, firmo suo præsidio defendant. Non errauit Iacob, nam ad hoc delegati à Deo fuerant, vt difficultates itineris submouerent, & per viam illum protegerent, ac propugnarent. Priusquam enim ad patrem suum perueniret, multa, vt posthæc dicemus, illum expectabant pericula, quæ superaret, multa impedimenta, quæ vinceret.

Anima duertendum hic, quod iter illud Dei iussu suscepit, qui ei dixerat: *Revertere in terram patrum tuorum, & ad generationem tuam,* Genes. 31.

Tom. III.

3. velut pluribus dixisset: Tempus est, vt parentes tuos cõsoleris, quare mando tibi, vt patriam repetas. Et quanquam aliquæ se offerant difficultates, quanquam impedimenta occurrant, & obstacula se obijciant, noli propterea metuere, quia *ero tecum*, ego comitabor, custodiamque, ne quod à te ergo te malum inuadat, omnipotens dextra mea tuum scutum erit, mea iussio tuus saluus conductus, quæ te ab omnibus tutabitur aduersis, & periculis. Vbi enim ex mea autoritate descendit præceptum, ibi ex mea potestate venit auxilium, & vbi mea voluntas iubet, ibi mea manus obsequendi vel adimit, vel minuit difficultatem. Nam si illi nauarcho vela vento dare timent, eò quod sæui maris furentes fluctus supremum exitum minarentur, Cæsar, quem vehebat, dixit, vt est apud Lucium Florum lib. 4. c. 2. *Quid times? Cæsarem & huius.* Quid trepidas, quid vereris conijcere nauem in oceanum, qui Cæsarem proximè ad manum habes, cuius vnicus nutus iratum placare mare, & omnem sedare tempestatem potest? Si hoc dixit homo (qui hoc titulo tantopere gloriabatur, quod Cæsar esset) vt nauclerum meticolosum erigeret, cur formidat homo, qui immensū Deum vitæ comitem habet, & tutorem? *Ero tecum.* Age ergo, mi Iacob, & viam securus, intrepidusque capelle, nam cū ad meum imperium iter suscipias,

Cccc

ego



ego te liberum, inoffensum perducam, quo tendis, quantavis inte incursarint pericula. *Quid times? Deum & ebum.* Infinitam imperantis Dei potestatem sociam viæ habes, proinde tutissimus vadis. Meo hortatu, & mandato iter ingrederis, prosperum itaque futurum est, & felicem habiturum clausulam. Quando enim Dominus. cñus aliquod imponit, aut imperat opus, simul auxilium præbet, & vires, quibus confici, & absolui possit, ministrat.

Hoc sibi cerò persuasum, indubitatumque habens Propheta regius, aiebat Domino: *Fiat misericordia tua, & consoletur me, secundum eloquium tuum. seruo tuo;* Psal. 118. v. 76. Alia versio. habet: *Fiat misericordia tua, & exhortetur me.*

Quamobrem Propheta rogabat, vt Dominus illum & adhortaretur ad passionem, & sui eloquij decreto, diuinæque voluntatis suæ mandato decerneret ærumnas, quas cunque tolerare necessum esset? Cur tam anxie obsecrabat positus inter aduersa Dauid, vt hoc illi Deus significaret, singulari providentiæ eius consilio constitutum esse, quidquid calamitatum subiret, quòd hoc ipsi maximam inter grauissimas ærumnas consolationem allaturum esset?

Huic quæsito respondebit sanctus Ambrosius Oratorio 10. in Psal. 118. inquit: *Non omnis passio digna consolatione est, sed quæ passio pro Christo est, hac consolationem Christi meretur. Pulchrè autem addidit, Secundum verbum tuum seruo tuo, ipse enim Dominus pro suo nomine præstantibus auxilium pollicetur.* Optabat ergo Propheta scire, ex Dei ordinatione venire, quòd aduersitatibus affligeretur, cum hoc non ignoraret, cerò adfuturam sibi Domini opem, si quam ex illius constitutione subiret calamitatem. Semper enim Deus suum pollicetur adiutorium his, qui pro illius nomine, ac iussu incommoda tolerant. *Pulchrè addidit, Secundum Verbum tuum seruo tuo.* Imperet Deus pugnare, & indubitata sequetur victoria. Inijciat Deus humeris cuiuspiam onus tribulationis, & non deerunt vires ferendi.

Decreuerat Dominus nominare summum populi sui sacerdotem fratrem Moysis, ad placandos animos, præoccupandamque, & auertendam omnem tanti honoris ambitionem. Præcepit ergo, vt quisq; duodecim tribuum princeps virgam adferret, cuius summitati nomen vniuscuiusque inscriptum esset. De Aaron hoc seorsim mandauit: *Nomen autem Aaron erit in tribu Leui.* Tum iussit, vt virgas in tabernaculo collocarent, & ab ea, quæ sola ex omnibus germinaret, discerent, quis summi Pontificatus seculum occupare deberet. Obtemperatum est diui-

no hortatu, & die sequenti admirabile visum portentum, quod facer Scriptor his verbis exponit: *Inuenit Moyses germinasse virgam Aaron, & turgentibus gemmis eruperant flores, qui folijs dilatatis in amygdalas deformati sunt;* ibid. v. 8.

Dubitari potest, neque de nihilo, quo consilio Dominus, cum tam admirabili modo Pontificem, & summum populi sacerdotem declarare vellet, ad hanc rem vt voluerit arida, & exsucca virgâ, quæ repente viruit, fronduit, floruit, germinauit, cum alia media prodigiosa infinita illi non deessent, quibus indicare posset illo munere dignissimum, quemque ille præ omnibus alijs Pontificem cuperet. Cur alta illius providentia elegit virgam primum siccam, deinde viridem, & florentem, quæ designaret eum, qui ex vniuerso populo aptissimus esset tam sublimi ministerio?

Multi multas acutas, & congruentes huius facti rationes excogitarunt, docti verò alicuius de hac recogitatus causæ præsentis commodus venit, & sic habet: *Virga, quâ Aaron electio designata est, floruit, cum esset arida, & significaret, etiam si virgam nobis in superiorem eligamus excisam, trunco nihil humoris ab arbore, aut terra trahentem, & aridam, facturum Deum, & florescat, & fructus nobis pariat.* Sic Iustus in c. 8. Ecclis. v. 7. Hinc accipimus, quòd Dominus, cum alicui officium curandum imponit, aut committit, quanquam is truncus sit, vel stipex, vel lignum aridum, faciet vt virescat, frondescat, fragret. Quod Dei iussione, & ordinatione fit, quantumuis sit arduum, ac difficile, id semper feliciter perficitur, qui cum quis immittit, vires simul submittit, quibus ferri queat. *Pro nomine suo præstantibus auxilium pollicetur.* Certissima est victoria, vbi ex Dei imperio etiam cum innumeris hostibus pugna.

Propter quendam Cardinalis Caietani scrupulum non possum, quin hic iterum moueam quæstionem de facto illo Moysis, quo manus violentas Ægyptio, mortemque attulit. Monuimus, iam supra, quòd Moyses, cum iniustum irret miserum suum, & duro tyrannicæ seruitutis iugo intolerabiliter oppressum populum, videretque quendam suorum verberibus grauiter onerari ab Ægyptio, & dissimulare non posset iniuriam, exerto pugione confodit insolentem hominem, percussitque Ægyptum abscondit sabulo, Exod. 2. 12.

Dicit nunc Caietanus: *Antiqua occurrit quæstio de excusatione facti huius. Apparet enim ex textu, quòd inexcusabile sit.* Videntem verò colligi potest, quòd Deus non fuerit Moyfi auctor talis cædis, ade-

oque



Quæ ipse excusari ab homicidio non possit? Caietano videtur hæc à sacro Scriptore iam decisa dubitatio, qui refert, quod Moyses non ante trucidauit insolentem Ægyptium, quam *circumspexisset huc, atq; illuc, & nullum adesse videret, qui cædis spectator, & renunciator esse posset.* Facinoræ hæc circumspectio, vt nullâ excusatione purgari, quod Moyses fecit, posse videatur? Facit. *Huiusmodi enim circumspectio signum est humanae cautelæ, non diuinæ inspirationis,* inquit Caietanus. Ad excusandum factum Moysis sat erat, si à Deo inspiratus occidisset oppressorem. Sed videtur absque villo Dei hortatu, aut iussu id fecisse. Vnde hoc accipitur? Inde quod timuit, ac circumspexit, ne quis conscius cædis esset, qui renuntiare alijs posset. Si enim Dominus illi suggessisset, vt interficeret Ægyptium, animi etiam robur illi addidisset, vt nullum propterea metueret periculum. Quando namque Deus aliquem discrimini exponit, & ad facinus quodpiam suo suauis, aut mandato impellit, etiam perficiendi animum, audaciamque suppeditat. Quod ergo tam trepidanter illam aggressus est cædem, indicio est non ex Deo fecisse, nam *huiusmodi meticolosa circumspectio signum est humanae cautelæ, non diuinæ inspirationis.* Quoties Deus arduam suscipere iubet, etiam vires, quibus rectè ac decenter procurari, & discrimen omne superari possit, subministrat.

Apparuit Deus sacro illi populi sui ductori, & ait: *Loquere ad omnem catum filiorum Israël, & dices ad eos, sancti estote, quia ego sanctus sum, Dominus Deus vester;* Leuit. 19. 2.

Cum hoc Domini edictum attentioribus oculis arbitrareretur Tullius catholicus sanctus Leo Papa, perquam rigida illi lex ea videbatur, quæ ab homine perfectionem diuinæ sanctitati parem exposcit. Quomodo enim homo, cuius omnes non corporis tantum, verum etiam animæ facultates tam angustis sunt circumscriptæ limitibus, in illud infinitæ celsitudinis fastigium perfectionis diuinæ peruenire queat? Quomodo ergo Dominus exigebat tunc ab Hebræis, quod vires humanæ imbecillitatis longè superabat, & ex his, quæ sunt, impossibilia factus erant?

Respondet sanctus Leo, Dominum non præcepisse, vt Iudæi æquè, ac ille, sancti essent, cum enim hoc fieri nequeat, palam est etiam exactum ab illo non fuisse, qui est ipsa prudentia, & sapientia. Hoc ergo solum poposcit, vt quantum per vires liceret, perfectionis ipsius vestigijs insisterent, & passus sanctitatis consecrarentur. At nonne hoc perdifficile?

Perarduum profectò, si rem cum viribus humanis componas, at facile, si cum potentia illius, qui præcepit, conferas, qui enim fert legem, conferre robur tenetur, quo seruari, & perfici possit.

Audiamus sanctum Leonem, qui in serm. de ieiunio septimi mensis sic habet: *Cum videretur esse difficile, quod iubeo, ad iubentem recurrere, & vnde datur præceptum, præstetur auxilium, non negabo opem, qui tribui voluntatem;* velut dixisset: Quoties operosum aliquid impero, non legis grauitatem attendite, sed Legislatoris potestatem cogitate, & implorate, hoc vobis persuasum habentes, quod qui opus præcepti iniicit, etiam vires impertit, quibus voluntas ferre possit pondera, quæ excepit. Hinc accipitur, quanta cum fiducia adfuturæ diuinæ opitulationis tolerare debeamus ærumnas propter Dominum nobis inflictas, & calamitates, quas ex illius ordinatione patimur, ille ipse enim, qui commendat, & iniungit opus laboriosum, adiungit robur, & animum, quo perficere possimus, & absolute.

Non absque mysterio monet facer textus, Moysen fuisse octogenarium, & Aaronem octoginta trium annorum tunc, cum arduum illud opus vindicandorum ab Ægyptiaca seruitute Hebræorum suscepere, quæ res tam multis flagris, & plagis confecta fuit. *Erat Moyses octoginta annorum, & Aaron octoginta trium, quando locuti sunt ad Pharaonem;* inquit Moyses ipse Exod. 7. 7. Et minor, vt videtur, fuisset illius negotij difficultas, si solum educere populum, & nihil prætereà facere oportuisset, quam ad hanc rem conficiendam necessum fuerit concitari elementa, & omnes aduersus barbarum Pharaonem, cæcosque illius affeclas coniurare creaturas: Verum quæ sanctus dux post hæc totis quadraginta annis & à suis, & ab extraneis passus est, dici non potest, nec dissimulat tamen sacra historia.

Quid verò est, quod tam graue onus, tamque molestam prouinciam humeris longævi ducis imposuit? Octoginta annos numerabat Moyses, & præfecturam capeffere tam laboriosæ administrationis iubebatur! Delectus fuisset homo iuuenis, animosus, & robustus, qui tot monstra difficultatum conficere, tot incommodorum (quæ per viam, cum abituris, sese offerebant) montes complanare potuisset, factum id æquius, consultiusque qui negaret, nemo esset. Cur ergo contumaci illi, & propteruo, & duræ ceruicis populo imperare prouectæ, & decrepitæ vir ætatis debuit?

Respondet Ioannes Raulinus serm. 49. Tomo 5. dicens: *Vi Dei virtus splendet in suis præceptis, & manda-*



*mandatū, utque omnes intelligant, non attendendas renes, imbecillasque vires eius, qui legem est obseruaturus, quam fert Deus.*

Nam cum ille aliquid imperat, quantumvis sit o-  
perosum, quod iubet, quantumvis debilis, & infir-  
mus, cui praecepit, noli metuere, ne res feliciter non  
succeedat: Qui enim vetulo mandat, ut populi ali-  
cuius sit ductor, & ductor, & curator, ipse idem  
dabit robur iuvenile, & animum virilem, ut recte  
ad ministrare demandatum munus possit.

Hac doctrinā nixus dicebat sanctus Leo, sed no-  
mine solū, re autem verā agnus in serm. 1. de an-  
niuersario assumptionis suae: *Esi necessarium est  
exspectare de merito, religiosum est tamen gaudere de  
dono, quoniam qui mihi honoris est auctor, ipse fiet ad-  
ministratiois adiutor, & ne sub magnitudine gratiae  
succumbat infirmus, dabit virtutem, qui contulit di-  
gnitatem.* Deus ipse praeses suorum est verborum,  
cumque officium curandum iniungit, vires etiam  
contribuit, quibus ita perfici possit, ut placeat ipsi,  
qui iniunxit.

Nullam itaque calamitatem Politicus noster per-  
timescat, nullus illum labor exterreat, nullum hor-  
reat Dei mandatum, qui cum fert legem, confert et-  
iam inuictae manus suae opem, & auxilium, quo  
obseruari queat. Qui enim homini opus curandum  
imponit, sibi ipsi necessitatem velut imponit feren-  
di subsidium, quo perficere possit, quod illi iniun-  
xit. Si scipulo praeceperet volare, alas adderet, qui-  
bus editissimum celsissimi Olympi cacumen pete-  
ret, qui cum effertissimo mari suā lege praescripsit  
limites, quos praetergredi non deberet, fecit,  
ut cum minutulas litoris arenas reuerenter liba-  
ui, recte humiliter celeriterque abeat.

*Tom. primo Periochā octauā Dominica in ramis  
palmarum pag. 460. o. habes idem argumentum  
pulchrè tractatum. Vide etiam Periocham quartā  
Dominica IV. in Adventu Tom. II. pag. 371. c. 2.  
o. & calcem eiusdem Periocha.*

## C A P V T II.

*Auxilium, & opitulatio Dei non semper exclu-  
dit studium, & sollicitudinem cooperationis humanae.*

Quaquam diuinus viator, & sacer peregrinus  
noster secum ferret amplissimum saluum con-  
ductum omnipotentis protectoris, ut tuto terrā,  
marique itinerari posset: Nihilominus cum intel-  
lexit, fratrem suum Esau in via esse, veritus illius  
Stomachum pio subreptae benedictionis furto com-

motum, oratores ad illum cum muneribus ablega-  
uit, qui furorem irati lenire, & longā similitate tor-  
iam annos occupatum reconciliare auderent. De  
hac re sic habet sacrum oraculum: *Misti nuntios an-  
te se ad Esau fratrem suum in terram Seir, Genes.  
32. 4.* In his illud diligentius considerandum, quod  
fertur Iacob ad fratrem suum submisisse legatos, vna-  
que munera, quibus apud illum efficerent, ut libe-  
ri transitus gratiam faceret. Magno beneficio sub-  
miserat Deus Iacobi numerosissimum exercitum,  
& leuis armaturae, *eines siesgeden Lagers* / sed ex  
solis Angelis constatae milites, quos ad te iuuandum,  
defendendumque à coelo submissos tam nihil dubi-  
tabat, ut diceret: *Castra Dei sunt haec*, & suppetiae  
mihi ab illo missae: Nihil fecius narrat sacer Chro-  
nographus, misisse extemplo legatos, qui mitiga-  
rent fratrem, & transcendendi veniam ab illo peterent.  
Sed quid isti confessioni, & huic diligentiae? Quo-  
rum haec placandi fratris industria illi, qui parata sci-  
ebat suae defensionis castra Dei, & copias validissimas  
exercitus Angelici? Addixerat ei Dominus suam  
opem, & defensionem, eamque praestiterat, quando  
Labano praecepit, ut ne asperius quidquam Iacobi  
loqueretur. Quamobrem ergo ille hac occasione  
tam sollicitus, & anxius, ut fratrem demulceret, sibi  
demereret, laborauit, tanquam non ad manum fuis-  
set infinita Dei potestas, quae illum propugnare vel-  
let?

Respondet huic interrogationi Cardinalis Caieta-  
nus, Oleaster, & Cornelius à Lapide ex sen-  
tentia sancti Augustini, Iacobtem, ut potè diu, mul-  
tumque versatum in schola Dei, cordatè, ac prudē-  
ter egisse, cum sciret Deum velle, ut nostra studia ad  
ipsius auxilia accedant, & nostra industria coniun-  
gatur cum ipsius opitulatione, neque enim vel vni  
gratiae humero totum iniici onus debet, vel soli im-  
becillis naturae ceruici imponi. Dicam hoc apertius.  
Quamuis maiorem operis partem Dominus per-  
ficiat, nostram tamen cooperandi sollicitudinem, cu-  
ram, diligentiam non excludit. Tamen enim nos  
sine nobis fecit, non vult nos sine nobis iustificare, &  
saluare, ut ferè dicit nonnulli Aquila Doctorum  
beatus Augustinus.

Audiamus Caietanum: *Non est à ratione alienum,  
inquit ille, & quod exemplo duarum societatum  
Angelorum, & quod humano & suo est consilio multipli-  
ci, & ex parte sua consuleret sibi, & suis. Humanis  
officijs adiungit inuocationem diuinis praesidijs.* Itaque  
pro more catholico, & ex praescripto doctrinae or-  
thodoxae sic vltus est Iacob medijs ad placandum fra-



tem humanis, ac si praesidiarios tutelares non haberet Angelos, & postquam humanam, quam potuit, adhibuit indulgentiam, tam enixè obsecrauit Dominum, ut per ipsum ab irato fratre seruetur, ac si nihil hanc in rem collocaisset studij, & laboris proprii, de quo Oseaster ita: *Nihil industria humana praetermittit, ut nos doceat facere, quae in nobis sunt, etsi iam si certissimus Deum nos adiuturum.* Quod enim homo ad ultus supremum beatitudinis finem consecutus sit solà Dei operatione, nihil ad rem cooperante studio, & labore cuiusque proprio, id haereticorum vana persuasio, & erronea opinio habet, quam corde pariter, & ore catholici omnes detestantur, & execrantur.

Præmittebat Dominus cuidam apud Oseam animæ tam iogens beneficium, quam nullus vel Dominus seruo, vel subdito rex praestitisse visus sit, siue auditus. Illud autem beneficium paucis verbis ter pollicetur inquit: *Sponsabo te mihi in iustitia, & iudicio sponsabo in misericordia, & in miserationibus, & sponsabo te mihi in fide, & scias, quia ego Dominus, Ose. 2. 19.* Ter ait coelestis amantissimus, quod sibi despondere animam charam velit. Vbi Ecclesiae caeremoniam obseruare voluisse Dominus videtur, & tres velut proclamationes præmittere, quibus admoneret animam, ad submouendum omnia impedimenta, quæcunque opati illius, & diuini matrimonij effectui adferre moras possent.

Notandum verò, quod cum Dominus cupit, ut anima illo æternum fruatur, vult illam sibi quodam velut coniugio, & matrimonio adstringi, iuxta illud eiusdem ibidem: *Sponsabo te mihi in æternum.* Et in Canticis tamen dilectam animam donec illustri appellatione sororis, & immaculatae, & columbae, idque passim, vocat tamen nihilominus etiam sponsam, quod & supra submonuimus. Cur verò sponsam potius vocat, quam alio quouis nomine appellat, illam animam, cum gloriam æternam, & quietem perpetuam illi promittit?

Causam subesse dixerim, quæ causæ praesenti peropportuna veniat. Voluit eo ænigmatè indicare Dominus, tractatum, & pactum beatitudinis à se impetrandæ non aliter celebrari debere, ac verum matrimonium solet. Nullum est legitimum, & verum matrimonium, nisi mutuo, & reciproco eorū, qui coniugandi sunt, consensu stabilitum, & confirmatum, ubi enim alterutrius consensus deest, coniugium non est. Parum facit, quod vir velit, si repugnet mulier, & nihil refert, quod mulier consentiat, si vir resistat. Sic ergo ait nunc Dominus: *Spon-*

*sabo te mihi in æternum;* tanquam diceret: Si vis, o anima, gloriam sempiternam, quietem perpetuam, animaduerte quod eam non aliter adipisceris, ac sibi copulari coniuges solent. Concurrere ambo debemus, ut ego quidem opem feram, tu verò operam tuam simul adhibeas, & ad meam gratiam tuā industria accedat, nam & tu gloriam absque meo auxilio non consequeris, & non erit efficax mea gratia, nisi eam tua comitetur sollicitudo, & diligentia. Mutuat vices, & consensum inter nos reciprocum esse oportet.

Quam præclare has contractus leges expressit sanctus Ioannes Chrysostomus homil. 58. in Genesim, cum ait: *Sicut enim, nisi gratiam habeamus, nihil inquam possumus rectè agere, etiam si quod nostrum est, attulerimus, non poterimus superum acquirere fauorem. Demus igitur operam, ut & nostrā afferamus, & supernum fauorem alliciamus, ut & ex nostro studio, & ex Dei misericordia virtutes nostrae quotidiè crescant, multaq; superna fruamur gratia.* Nonne videtis, quemadmodum os aureum posuit mutuam foederationem, & consensum reciprocum gratiæ diuinæ, & studij humani? *Ex nostro studio* inquit, *& ex Dei misericordia virtutes nostrae crescunt.* Hæc duo connectenda sunt, ut ex ambobus sicaugeant virtutes nostræ, ut in coelum vsque pertingant, quod aliter obtinere impossibile erit.

Vt verum, ardentemque amatorem animarum Dominus demonstraret, ait per sanctum Beniaminū suum Ioannem, se ad portam animæ, quam deperit (carnesi illa morosula fores cordis, in quo morari amat, claudat,) constanter adstare, & velut illius inā humanitatem non animaduertat, expectare, pulsare, & rogare, ut aperiat. *Ecco ego sto ad ostium, & pulso,* inquit Apoc. 3. 20. *si quis audierit vocem meam, & aperuerit mihi ianuam, intrabo ad illum, & cenabo cum illo, & ipse mecum;* velut alijs verbis dixisset: Quamquam flagrantissimus sit meus amor, & constante perseverantiā circummeam domum animæ, nisi ipsa tamen ultro mihi aperiat, per vim nunquam mihi parabo introitum, ubi sponte non admittor ab his, quorum appeto hospitium. Qui autem volens, lubenique excipit, cum hoc erit mihi mutua in vna mensa conuenticio.

Venerabilis Iacobus Ianuensis Serm. 1. de Magdalena sic differit: *Dicit, Cenabo cum illo, & ipse mecum, id est, ego partem meam, & ipse ponet partem suam.* Coena, ad quam Christus animam inuitat, est beatitudo, & gloria coelestis, quam eo coenæ nomine significari tam est tritum, per uulgatumque



que apud sacros Expositores, vt penè nihil sit ijs æquè certum, & indubitatum, maximè cum & Dominus ita eam vocet, qui ad eam inuitat, inquit: *Homo quidam fecit cœnam magnam*; Lucæ 14. 16. vbi Sanctus Gregorius, Venerabilis Bedæ, & ambæ Glossæ aiunt, per illam cœnam intelligi æternam gloriam. Nam vt post cœnam nullum aliud conuiuium restat, quod ex B. Gregorio Glossa Ordī. affirmat, sic post beatitudinem illam obtentam nemo amplius quid expectat, in qua beatus inuenit, quid quid optare, & desiderare possit. Hinc nunc augeat admiratio. Cum Dominus sit infinitè amans, consequens est, vt sit etiam æquè munificus, & liberalis. Quomodo ergo inuitans animam ad extremū conuiuium gloriæ, ad splendidum epulum deliciarum omnium, dicit, *Cenabo cum illo, & ipse mecum*? Hoc enim ex Ianuensi Episcopo perinde est, acsi diceret, necessum esse vtrinq; conferri fercula, vt ambo lautè videntur, & epulentur festiuiter, ac pollucibiliter, vtrinq; missus apparari, vt velut Dominus, sic & anima sumptus ad communem cœnam vertat: *Cenabo cum illo, & ipse mecum*, id est, ego ponam partem meam, & ipse ponet partem suam. Hiccinè verò est amor? Hæccinè generositas animi, & munificencia? Quis vnquam audiuit opulentum aliquem dicere amicæ suæ, velle cum ipsa cœnare, sic tamen vt ipsa etiam partem impensarum ad epulum conferat, aut cœnam aliam vicissim instruat? Nonnè hoc esset satis amor ad omne deditus, notoriamq; turpitudinis maculam illi inureret? Quomodo ergo Dominus neminem vult admittere ad mensam extremam gloriæ, nisi qui suam sumptuum partem ad eandem conferat? Quæris cur aliter admittere quenquam ad suam cœnam nolit? Respondeo, idcirco nolle, quia id illius conuiuij vltimi leges postulant. Nec solum Dominus, neque anima sola debet omnes facere impensas, sed ille quidem auxilij sui ferculum ad cœnam confert, & animæ suæ industriæ missum struit, & apponit. *Cenabo cum illo, & ipse mecum*, ego ponam partem meam, & ipse ponet partem suam. Nisi enim hæc duo simul concurrant, & per manus ducant opitulatio diuina, & cooperatio humana, non celebrabitur conuiuium, vel matrimonium, neque anima admittetur ad cœnam, seu ferculum gloriæ.

Postquam Dominus illum tam demissæ humilitatis actum exercuerat, & fordidos duodecim piscatorum pedes abluerat, ait illis: *Vos vocatis me Magister, & Domine, & bene dictum, sum etenim*; Ioan. 13. 13.

Quod Dominus se magistrum, nos discipulos nominauit, hoc fecit, vt tacitè, & mysticè doctrinam, quam hic versamus, traderet. Vt cogitatum hæc de re nostrum, illustremus, audiamus Quintilianum, quàm ille obsequentes magistris discipulos velit, cum lib. 12. c. 9. ait: *Sicut magistrorum officium est docere, sic discipulorum præbere se dociles, & sicut hominis hortus ex vireq; gignentium confertur, & frustra sparsus semina, nisi illa præmolitum foverit sulcus, ita eloquentia coalescere nequit, nisi sociata tradentis, accipientisq; concordia.* Quod ergo Dominus se magistrum nostrum appellauit, hoc fecit, vt nos moneret, ad condiscendam rectè efficaciterque philosophiam christianam, necessarium esse duos coire, hoc est, magistrum, qui disciplinam tradat, & discipulum, qui eam excipiat. Parum enim refert, quod magister à cathedra operosè doceat, nisi in schola illum discipulus attentè audiat. Sic & parum vtilitatis hauriet discipulus ex diligente frequentatione scholæ, si magister otiosus sedeat in cathedra. Concurrere vtrinq; oportet, & laborem magistri, & studium discipuli, vt fructuosè & ille doceat, & hic discat, *alioquin neutrum sine altero sufficit*, & si alterutrum desit, otiosa est vtriusq; defatigatio. Sic nunc dicit Christus: *Vos vocatis me Magister, & bene dictum, sum etenim*, & partes officij mei omnes exactissime, perfectissimeq; expleo, edq; vobis simul dico, quid à vestra parte agere, & quàm diligenter, quidquid bonorum discipulorum est, curare debeatis. Parum enim vobis profuerit, quod ego doceam, nisi vos discatis. Omnia coniungi debent, & ad gratiam meæ institutionis vestri profectus studium accedere, *alioquin neutrum sine altero sufficit*. Sic & conuenta Dei cum hominibus habent, vt ad consequendam vitam concurrant gratia diuina, & diligentia humana, auxilium Dei, & studium nostrum.

Ex hac doctrina accipiemus, quo conciliemus duo Prophetæ in speciem contraria loca. Nonnulli ait: *Ab omni via mala prohibes pedes meos, & custodiam verba tua*; Psal. 118. v. 101. His videtur aduersari quod in Psal. 114. v. 8. dicit: *Qui eripuit animam meam de morte, oculos meos à lachrymâ, pedes meos à lapsu.* Quomodo hæc sibi coherere possunt, inquit Ambrosius, cum ibi dicat Propheta, quod ipse ab omni via mala prohibuit pedes suos, hic verò quod Deus eripuit eos à lapsu? Quomodo exemit Dominus à vinculis pedes Davidis, quos ipse, ne vincirentur, custodiuit?

Respondet Doctor sanctus Queson, 13. in Psal. 118, vtrumq;



utrumq; esse verum inquit: *Erunt Dominus pedes à lapsu, si cognouerit, quod tu prohibeas pedes tuos à lapsu.* Ideo hoc meruit Dauid, & Deus à lapsu pedes eius erueret, quoniam pedes suos ipse prohibuit. Facile intelligitur esse veritatem infallibilem, quod videtur contradictio manifesta. Quod enim Prophetia dicit, & se prohibuisse pedes suos à laqueo inimici, & Dominum eos custodiuisset à retibus aduersarij, hoc fecit, vt nobis traderet doctrinam, quā nos instituiamus nostrum Politicum, estq; ea, quod ad euadendum lethiferas tendiculas inimici, necessum est, vt & à Deo seruemur, & nos ipsi nobis prospiciamus, vt concurrant gratia Dei, & diligentia nostra. Putare enim, quod solus Deus omnia faciet, somnium est, & stulta imaginatio: *Erunt Dominus pedes tuos à lapsu, si cognouerit, quod tu prohibeas pedes tuos à lapsu.* Qui optat, & expetit auxilium Dei efficax, debet ipse ex parte sua magnam adhibere diligentiam.

Nam vt ait Tertullianus in Apologet. c. 13. *De Gestis fuimus, fiunt, non nascuntur Christiani;* velut dixisset: Animaduertite, Gentiles, quod nos, qui vanos ritus vestros, & superstitiosas caeremonias ridemus, Christiani sumus, qui nunc puras veritati, aquas bibimus, antehac ex coenosis torrentibus haurire soliti. Non enim per natiuitatem suam accipiunt Christiani, vt sint hoc, quod dicuntur (quemadmodum Poëtz nati dicuntur quidam) sed quod vocantur, hoc primum beneficio Dei, tum & suo simul studio sunt. *Fiunt, non nascuntur.* O quam praeclare dictum! Nemo existimet, quod quis Christianus est, id tale esse, quale quod filius Principis nascitur, qui absq; omni labore, diligentia sua Princeps, & dominus genitus, simul & sapere, & se tale esse animaduertere incipit. Christianus hoc, quod nomine praefert, fieri suo etiam labore, & studio, & exercitatione operum bonorum debet. Deo vocanti respondere homo, sub docente magistro proficere scientia discipulus, cum auxilio gratiae diuinæ foederari studium industriae humanae, cum cælo concurrere terra debet. Parum enim proderit, quod sint beneuolæ influentiae cæli, nisi homo eas excipere, & ad vsus suos transferre studeat: Velut vanè laborat agricola, qui semina spargit, quando terra non est culta, & præparata, vt fructus ex eis edere queat.

*Meliora habes de hoc argumento Periochâ V. Doctrinica II. post Pascha Tomo II. pag. 30. c. 1. o. & alij, in locis ad finem eiusdem Periochæ adscriptis.*

### CAPVT III.

*Vt crudelitatem Timoris cognoscas, satis est scire, quod mors & pulchra est, si cum illo comparetur, & suauis medicina dolorum, quos ille adfert.*

Postquam Patriarcha noster, quæcunq; per suam industriam, facultatemq; potuit, fecerat, implo-  
rauit subsidium gratiae Dei, idq; per humilem, ac deuotam orationem, in qua hoc praefatus, quod ab ipso, quem rogabat, Domino, reuerti in patriam iussus esset, gratiam posthæc, gloriosamque commemorationem facit beneficiorum, quæ ab ipso accepisset, atque in his istud seorsim, ac singulariter, quod per eandem viam diues liberorum, & opum nunc rediret, per quam olim solo baculo comitatus aduenisset. Finis demissæ, & ardentis precationis illius talis erat: *Erue me de manu fratris mei Esau, quia valde eum timeo;* Genes. 32. 11.

Dignum certè notatu est, quod à timore, quem ex fratre conceperat, liberari petijt, non à morte seruari, quā sibi ab illo inferendam metueret, dicens, fratrem timere, non necem, quā ille conficere posset. Vbi bene ostenditur, ex omnibus animæ passionibus, ex omnibus conflictibus, qui cor angere, ex omnibus pœnis, quæ cruciare pectus possunt, nullam esse timore terribiliorem. Et quamquam Aristoteles dixit, mortem esse omnium terribilium terribilissimum, ego tamen probatum dabo, timorem esse morte formidabiliorem, atque ita simul conuincam, idq; perspicue, & euidenter, quod timor vnus rebus omnibus horribilior est, vt qui mortem etiam superet, quæ maximè alioquin ab omnibus metuitur.

Sanctus Nilus apud Anastasium Nicænum q. 23. ait: *Verè terribile est mortis mysterium, & etiam ante tormentum sufficiat timor ad cruciatum.* Hinc colligit Nilus, quā horribilis sit mors, cum solus eius metus sufficiat ad consternandum, fugandumq; audacissimos quosque. Ad crudelē mortem misero homini sat est ipse mortis vnicus, ac solus timor.

Eam doctrinam sanctus ille fortè acceperat ex quibusdam Beati Pauli Apostoli verbis, quæ hanc sententiam non parum exaggerant. Heb. 2. v. 15. ait ille, Christum participasse pueris, qui communica-  
uerant carni, & sanguini, & liberaret eos, qui timore mortis per totam vitam obnoxij erant seruati. Quatuor modis exposuit hunc locum sanctus Io-  
annes Chrysostomus, ex quibus postremus aptè ca-  
dit.



dit huc, & sic ait: *Vi liberaret eos, qui timore mortis per totam vitam obnoxierant ferussis, quod in perpetuis metu suerent homines semper expectantes semperisuros, & mortem formidantes, nullis voluptatibus ferum peterant accipere, cum hic semper eis adisset metum.* Hoc enim tacite significat, dicens, *Per totam vitam.* Hæc ille. Idcirco ergo dicitur Deus venisse, ut vindicaret homines à metu mortis, quo per emere vitam laborabant, quia priusquam ille immensa sua potestate formidabilem mortis sanitiem, ac tyrannidem oppressisset, timor illius homines perpetuus tenebat, qui cum idum emmiferae falcis illius in singula momenta opperirentur, eius horrore attoniti, & exanimati nihil gustare poterant, quod palato gratum esset, nihil cogitare, quod animo leuamentum, voluptatemque aliquam adferret. Hocque voluit dicere Apostolus, cum ait, *Per totam vitam.* Itaque supremi Monarchæ, & potentissimi Reges, & animosissimi viri, & venustissimæ domicellæ, & iucundissimus adolescens, & elegantissimi, ac robustissimi iuvenes metu mortis iacebant oppressi: *Timore mortis per totam vitam obnoxierant ferussis.* Vbi cum Apostolus dicere potuisset, quod omnipotens immensi Domini pietas liberaret homines à morte, voluit Hebræos suos archibus sibi deuincire collatione maioris beneficii. Beneficium autem illud fuit, quod illis hoc bonum nuntium tulit, quod benignissimus Creator non solum à morte illos suâ morte liberaret, verum etiam ab alio tyranno austeriore, & crudeliore, hoc est, à formidine, metuque mortis vindicaret. Hinc ergo colligitur, nullum esse tormentum, quod plus cruciet, nullum cruciatum, qui poenalius torqueat, nullum equuleum, qui intolerabilius affligeret, quam timor, qui morte alioquin terribilissimâ est horribilior.

Ex his accipimus sensum quorundam difficultum Tertulliani verborum, qui loquens cum martyribus in carcere iam separatis, atque ad supplicium extemplo educendis, sic aiebat in lib. ad Martyr. c. 2. *Non in loca libidinum publicarum oculi tui impingunt, & carceris à scandalis, à tentationibus, à recordationibus malis, iam & à persecutione.* Hæc ille, velut vnumquemque eorum, qui iam iam poenas subituri erant, ita seorsum appellasset: *O te felicem sacratissimi Agonistæ athletam, qui iam in carcere ab alijs es segregatus! nunc enim oculi tui liberi viuunt à publicis locis, in quibus passim obuiæ occurrunt, quæ corpora sua ad omnem scdam libidinem circumgestant venalia.* Per ferrum, quo compeditus es, euasisti laqueos, omniâque fallacis sæculi irritamenta, &

tentamenta. Nulla te nunc rerum præteritarum memoria perturbat. Hæc autem beatitatum tuarum facile princeps est, quod iam & à persecutione es exemptus. At quomodo vacuus à persecutione? quomodo solutus à poenis, & tormentis? Remouerunt martyrem carnifices ab alijs, ut in equuleum rapiant, in crucem agant, ad poenam capitis excipiendam educant, & hic dicitur liber à persecutione! In modo verò ea, ut videtur, sanguinolentissima est persecutio, quidquid contra opponi à quoquam possit. Præclare locutus est Tertullianus, cuius verba hac paraphrasi illustrat interpretum illius doctissimus Cerdas, dicens: *Adhuc & carere persecutore, qui iudicis auctoritate te quærat, & inquirat, & in carcerem trahat, qui iam quæsitus es, & tractus in carcerem.* Nullus te iam tyrannus iudex nefarius ministris stipatus indagat. Nulla te perfidorum rhabduchorum voces, nulli atrocium licitorum tumultuarij clamores infestantur, ut è cauernis, & speluncis, vel ex absistoribus eremis abripiant, quando certam tibi nunc mortem scis constitutam, & mortem velut tolerasti, quam indubitato subiturum nosti. Cum ergo nulla tibi nunc sit reliqua via præter eam, quæ ad supplicium è carcere, & à vinculis ad tabulatum ducit, nihil reliquum videtur, quod pati debeas. Qui enim in carcere persistit, cum negando fidem inde liber euadere possit, satis indicat, optare mori, non timere mortem. Quod si ita est, ut mortem non metuas, ergo & carcerem iam & à persecutione. Qui enim mortem intrepidus excipit, non persecutionem patitur, sed gloriosum, & dignum immortalitate facinus edit. Vbi ergo timor abest, ibi nihil formidabile mors, vel cruciatus aliquis habet, timor enim tormentorum terribilissimum est, & poena illius dolore mortis acerbior.

Et si vultis videre, quàm hoc sit verum, perspicue id euincam. Si enim demonstraro, quod mors sit medicina timoris, consequenter manifestè probatum dederò, quod mors, quamquam admodum horribilis, timore, utpotè cuius vulnera sanet, minus sit formidabilis, eum etiam nullo alio remedio æque curari timor, ac morte possit.

Ut testatum faciam, quod dixi, non possum præterire timores Caini, qui postquam illud supra quam facinorosum scelus fratricidij perpetrasset, tamque sanguinarij flagitij ergo à supremo Iudice obiurgatus esset, aiebat Domino: *Omnia, qui inueneris me, occideris me;* Genes. 4. 14. Respondit autem ei Deus: *Nequaquam ita fiet, posuitque Cain signum*

*ut non interficeret eum omnem, qui inuenisset eum;*

ibid.



ibid. v. 15. Non paruo astu factum, quod se Cain ab omni obuito trucidandum dixit, voluit enim hac ratione intelligere, vtrum illi quisquam adempturus vitam esset, atque ex Domini ore accipere, futurum esset, quod ipse sibi persuaferat. Huic autem tam fraudulentæ cogitationi occurrit infinitè sapiens Dominus, inquiens. Morremine oppetere velles? *Nequaquam ita fiet.* Immo vt omnino contrà accidat, ego te signo quodam notabo, & velut quodam priuilegio regio muniam, vt nemo tibi inferre necem auit, nisi qui septupli pœnam luere in vicem velit.

At nonne consultis fuisset, si Dominus ad vindicandum perfidiosam eadem innocentis Abelis, & sanguinem tam impie fustum, statim permisisset contrucidari maledictum, & execrabilem illum aggressorem, vt mox etiam videre licuisset, quàm parata est laurus iusto, tam in promptu esse gladium ad plectendam fratricidæ crudelitatem? Quare ergo Dominus pro eo, vt illum quamprimum ex hominibus auferret, longos annos viuere voluit, grauissimarumq; pœnarum comminatione, & conspicuæ notæ impressione cauit, ne quis illi celeri morte vitam præsentem amputaret?

Philo Iudæus lib. de antiquit. ait: *Rerum humanarum inspector Deus, vt vidit, auersatus damnauit non præsentis quidem supplicio, quod confestim ei calamitatis sensum adimeret, sed mille mortes intentando, vt sentiret alios super alios pauores, & acerbata molestias, atq; ita dignam pro maleficio pœnam recipere.*

Quamprimum Deus prouidit, & attentè vigilantia suâ conspexit illud immane scelus, & atrocitatem omni scuitiâ barbaricâ truculentiorē, seuerissimum tanto flagitio cruciarum decreuit, non acuens gladium, quo perfidi grassatoris ferocem sanguinem funderet, sed innumeras illi ante mortem mortes adornans, timoremq; & tremorē perfidioso illius cordi, & corpori toti infundens, à quo sic concuteretur, & exagitaretur, vt tanquàm in perpetuis fluctibus positus incessanter iactaretur, & vbique tremulus trepidaret, nullibi quietus degere posset. Hæc est pœna, hoc supplicium, quod iratus Dominus perfido illi reo seruauit, vt nō moreretur, quò moreretur, vt viveret, quò non viveret, vt per omnē vitam, & annos longos pugnaret cum effera timoris bestia, vt folij strepitus illum exterreret, metumq; illi incurreret & fera, quæ in solitudine degit, & quæ per aërem volat auis, & qui eximens vaginâ gladium simulat suspensâ ad terrorem manu iactum, & nulla sit creatura, quæ non illi horrorem adferat,

Tom. III.

sic vt in omni nûbe fulmen, in qualibet stella pugionem suo exitio paratum formidet, cumq; omnia suspecta habet, suæq; occidioni intenta vanè timet, perpetuò in metu, & pauore amarā vitam ducat. Ea verò maxima pœna, & pœnalissimus cruciatus, & cruciabilissimus dolor, & intolerabilis anxietas fuit. Quando enim Cain quæsiuit mortem, vt consanesceret à timore, Dominus illi pro pœna vitam reliquit, vt sub dura timoris seruitute viuens, acerbissimæ passioni subiaceret. Qui enim in cruce timoris patitur, illi nihil reliquum est, quàm vt timeat pati, nam cum extremos cruciatus iam dependit, non habet alios eruciatus, quos timeat, vt quem suis manibus timor ipse cruciat: *Non præsentis supplicio eum damnauit, quod confestim ei calamitatis sensum adimeret, sed mille mortes intentando, vt sentiret alios super alios pauores, & acerbata molestias.*

Plurimam S. Petro Chrysologo admirationem attulit quædam Eliæ petitio, qui iram cuiusdam mulieris, & reginæ, eiusque grauissimæ insensæ fugiens, & sub vmbra iuniperi requiescens, postquàm cum sua ipsius vita de negotio communicasset, consensumq; eius impetrasset, obsecrauit Dominum, vt è viuis ipsum auferret, qui neque fortior neque sanctior maioribus suis esset, inquiens: *Sufficit mihi, Domine, tolle animam meam, neque enim melior sum, quàm patres mei; 3. Reg. 19. 4.* satis est, quòd hanc molestiam, & acerbam vitam duxi, quare te oro, & obtestor, vt sub hac arbore, quæ me inumbrat, vitam mihi, si ita expedit, adimas.

Quid est, quod petit sanctus Propheta? Nonne id perspicuum? Mortem rogat. At nonne iam iam fugitiuus eò aduenerat, vt deuicaret mortem? Sic enim habes ibid. v. 3. *Timuit Elias, & surgens abiit, quocunque illum ferebat voluntas.* Misit Iezabel regina Eliæ nuntium, qui diceret, certum sibi esse illum exanimalem facere. Vix id audierat Propheta, quando conterritus, & expauesactus expalluit, totoque animo consternatus, in pedes se coniecit, & per viam, quæsecunq; prima oculis obtulit, fugâ dilapsus excessit, euasit, erupit. Qui tantâ celeritate mortem declinauit, quomodo nunc mortem tam vehementer exposcit? Vnde illi tam varia intrâ tantillum tempus consilia?

S. Petrus Chrysostomus serm. 147. ait: *Elias ille sibi sensit toto se timore assergi, repetebat, quam fugerat, mortem, melius existimans morti succumbere, quàm timori.* Quando mortem vitauit, quam illi furibunda Iezabel minabatur, repræsentabatur illi mors, qualis qualis ex seipsa est, fœda, & terribilis, vtque

D d d d



utque sanguinarios, & horribiles, & implacabiles illius vngues euaderet, locum secretum, in quo se defendere posset, inquisiuit. Timorem de facie eiusque non viderat. Postquam autem terribilitatem formidabilis vultus eius rectè arbitrari cepit, iam mors cum illo comparata non ei foeda, & horrenda, sed elegans, & expetenda videbatur, quam proinde ad sese inuitabat, & aduocabat, tam vehementer faciem timoris cohorruebat: *Melius existimans mori succumbere, quam timori.* Hinc æstimate, quàm sit crudelis passio timoris, quàm intolerabilis illius cruciatus, cuius tam est informis, & terribilis species, ut mors aliquin squalida, sordida, foeda, funesta, si cum timore conferatur, formosa videatur, & venusta.

Eapropter Docta Heloissa scribens charo suo Abailardo, epist. 7. aiebat: *Omne inuitabile, quod cum acciderit, mortem maximum secum infert, & subito seniat, optandum est, ne timore diu ante cruciet, cui nulla succurri prouidentia potest.* Malum nempe, quod ante timemus, quàm accidit, peius, deteriusque, & pernitiabilius est interim, quàm cum euenit. Damnum ergo, quod necessario subeundum, eò minus noxium erit, quo minor illius metus, aut prorsum non erit incommodum, si non fuerit malo timoris coniunctum.

Inter cætera monita, quæ Dominus Discipulis suis dedit, quando eos titulo Prædicatorum insignitos ad euulgandum Euangelium emisit, præcipuum quoddam illud fuit, ut hospites suos tali verborum formulâ salutarent: *Pax huic domui;* Matth. 10. 12. Ut hilariter, hospitaliterque susciperentur Apostoli, plurimum referebat, ut pacem, tranquillitatem, quietem precarentur his, ad quos diuerterent. An parum fortè fuit, quòd talia dicerent, & optarent? Immo res maxima fuit, quòd talia suis hospitibus cupiebant, inquit Paulus de Palatio in c. 10. Matth. Subdens: *Id se expendas quantum sit, fateberis nihil in tota vita præclarum esse.* Optabilior, gratior, magisque salutaris salutatio nulla, quàm eius, qui pacem precatur. Pax contrariatur bello, bellum plenum est timore, tumultuatione, perturbatione, curis. Optare ergo domui alicui, ut sit extrâ omnem timorem, absque vlla perturbatione, inquiete, anxietate, est precari illi omnia simul bona, pace namque excluditur timor, in quo tanquàm in cumulo quodam sunt omnia mala collecta. *Ego quidem potius vellem non turbari, nec formidare, quàm omnia regna,* inquit idem autor. Et quisque vel parum prudens mauolet tranquillam in paupertate vitam age-

re, quàm totius mundi imperium cum pensione variij timoris tenere. Ut videatis, quàm sit terribilis crux, quàm crudelis equuleus timoris, quocum nemo rex, aut monarcha esse velit, quantumuis homo amet imperare, & dominari, quàm melior est conditio mancipij, quiete gaudentis, quàm Principis in metu degentis, & timore vexati. Cogitate quàm horrenda & læua sit illa passio. Cum enim homo à natura vehementer defugiat mortem, contremiscatque, cum eius quaecumque periculum imminet, & turpissimus sit illius vultus, si tamen ex aduerso timoris eam constituas, pulchra, & grata eius species videbitur, ut cuius foeditate horribilitas timoris curatur.

*Hinc est, quòd mundus perire maluit, quàm timere,* inquit rursus S. Petrus Chrysolog. serm. 147. Tam foeda facie est timor, ut mundus videns hinc illius horribilitatem, inde mortis terribilitatem, mortem præ timore eligendum putarit. Et quando vnum malum, quod est magnum, eò vertitur, ut sit medicina mali alterius, cogitate, si potestis, quàm ingens sit hoc malum timoris ad quod euitandum, fugiendum, curandum, aliud malum, idque tam atrox, & crudele, quàm est mortis, arripitur.

Secundum hæc quid mirum, quòd Patriarcha noster tam humiles, ardentesque ad Deum preces fudit, ut per illum liberaretur à violentis infensi fratris sui manibus, de quo fatebatur, quòd vehementer illum formidaret? *Quid valde eum timeo.* Nulla quippè est animæ passio, quæ penalius affligat, quæque crudelius anxiet, & acerbius afficiat, quàm timor.

## CAPVT IV.

*Species, splendor, & existimatio rei non tam in substantia illius, quàm in modo, quo fit, consistit.*

Post absolutam orationem, post imploratam humili, & affectuosâ oratione opem Dei, post adhibita media præcipua statim conuertit se cordatus, & prudens Patriarcha noster ad humana, adornans pro fratre suo demerendo diues, & pulchrè concinnatum munus. Misit autem illi capras, oves, arietes, camelos, vaccas, tauros, asinas cum suis pullis, sed ita ut horum pecorum singulæ species seorsim, aliaque ab alijs separatæ, ordine quodam irent. *Antecedite me, & sit spatium inter gregem. & gregem,* aiebat famulis suis, Genes. 32. 16. Vbi cum aliquibus Interpretibus inquit Oleaster: *Nonne sanctus vir munus suum decorare, & maius appareret, sciuit ita digerere illam gregum suorum partem, quam*

fratri



fratri suo munus destinaret, ut ordo illi maiorem quandam aspectabilitatem, & amplitudinem adferre videretur. Docuit nos eâ actione, quanti referat ordinatè res suas instituere, & distribuere. Nam quamuis munus Iacobi per se magnificum, & sumptuosum esset, modus tamen, quo disposuit, maiorem illi splendorem, & speciem illustriorem addidit. Si pecora omnia (tamen si penè sexcenta essent) turmatim, ac promiscuè per viam iussent, vix sexaginta visa fuissent: Cum autem sic ducerentur, ut species singulæ peculiarem facerent congregationem, multò plura, quàm erant, de aspectu arbitratus fuisset, quisquis ea de loco paulò abstitiore vidisset. Reuerà enim splendor, & species rei nonnunquam non tam in eius substantia, quàm in modo, quo sit, siue ordine, quo disponitur, consistit.

Exhortatur nos diuinus Magister, ut ferro ieiunij succidamus viciatas radices, & malas cupiditates liberioris carnis nostræ, inquiens: *Cum ieiunas, unge caput tuum, & faciem tuam laua, ne videaris hominibus ieiunans*; Matth. 6. 17. 18. quasi dixisset: Si vis optatum ex ieiunio referre meritum, caue imiteris hypocritas, qui magnam simulant vultu tristitiam, cum diem aliquem impasti transmiserunt, ut ex deiectis oculis, & pallida facie inedia eorum legere possit, quisquis illos videt. Noli hos inaniter ventris sui vanos ostentatores imitari, sed vnge potiùs caput tuum, ut illâ exteriori specie obtundas abstinentiam tuam, eademque operâ fores & vanæ gloriæ clausas, & apertas relinquis Patri æterno, qui inde è suorum penitentialium recessu te spectat, ieiuniumque tuum remunerabit, & lauro abstinentiam donabit.

Innocentius III. in serm. Fer. IV. Cinerum ait: *Quia Deus magis attendit modum in facto, quàm factum in modo, magisq; considerat quomodo aliquid fiat, ipse nos instruit, quomodo ieiunare debeamus*, ut ieiunium nostrum sit ipsi gratum, & nobis fructuosum, ac meritorium. Itaque non totum actionis momentum in substantia illius positum, sed modus, & ordo, & ratio, quâ sit, suâ illi addit pondera, quibus destituta sæpè parùm probatur Deo, qui *magis attendit modum in facto, quàm factum in modo*. Nam rebus spiritualibus, quæ ex suo genere sunt bonæ, si modus suus desit, omnis paulatim desunt. Non satis est ieiunare, dare eleemosynam, corpus flagris exarare, longam orationi operam dare, & his similia facere, hæc enim suum requirunt modum, temporifque, ac loci occasionem certam ita exposcunt, ut inania sint, quando ijs destituta.

Dignum notatu est vaserrimum artificium, quod versutus dæmon adhibuit, quando potestate à Domino concessa uti voluit ad expugnandum animum sancti Iobris, & inuictæ patientiæ eius murum adamantinum deiiciendum. Greges pecorum primo loco aggressus, statim ferro omnia extinxit, hoc est, boues, qui aratrum ductabant, & asinas, quæ iuxta eos pascebantur, & non contentus eam fecisse stragem, pastores etiâ contrucidauit. Ferebat hoc nuntium sancto Iob famulus quidam, & nondum totam verbis exposuerat cladem, quando alter anhelus appetijt, & dixit, fulmine tactas oues omnes cum suis custodibus conflagrasse. Etiam iste totum adhuc non edixerat damnum, ecce alium, qui narrabat, tres Chaldæorum turmas incursionem fecisse in camelos, & hos quidem secum abstulisse, seruos autem obruncasse gladio. Ac ne hic quidem sermonem finierat, quando alius ingressus, funestissimam, & luctuosissimam omnium, quotquot mundus aliquando vidit, cœpit narrare tragediam, sic ferè inquiens: Filij tui, ac filiæ omnes simul accumbabant in domo fratris sui maioris natu, dumque conuescerentur, neque tam lautis epulis, quàm dulcibus colloquijs, & festiuis gaudijs mutuò amanter oblectarent, vehemens inopinatò ventus à regione deserti irruit, domumque à quatuor angulis concutiens euerit, & solo æquauit, & fatale liberorum tuorum omnium vnum monumentum fecit! *Filij tui, & filiaque Gescentibus, & bibentibus vinum in domo fratris sui primogeniti repente ventus vehemens irruit à regione deserti, & concussit quatuor angulos domus, quæ corruens oppressit liberos tuos, & mortui sunt*; Iob 1. 18. 19.

Audiamus Sancti Gregorij hac de re commentationem, Interpretis, quo præstantiorem sancti, & patientissimi Iobris liber non habuit alium. Prolixior est illius expositio, quàm hunc adferam, sed faciet illius subtilitas, ut ne sit vobis molesta. Intuendum est, inquit ille lib. 2. Moral. cap. 8. quàm callidè curauit hostis antiquus non tam salturâ rerum sancti virtutem patientiam rumpere, quàm ipso ordine nuntiorum, qui studens prius parua, & postmodum nuntiare maiora, in extremo filiorum mortem intulit, ne filia pater res familiaris damna duceret si illa tam orbatu audiret, & minus percuteret rerum amissio, præcognitâ morte filiorum, quia videlicet nulla esset hereditas, si illos prius subtraheret, qui seruabantur heredes, sed à minimis incipiens in ultimam grauiora nuntiavit, & dum gradatim deteriora cognosceret, in eius corde doloris locum omne vulnus inueniret. Ampla faculas



cultas concessa erat dæmoni, graue habebat sub manibus negotium, idque cum multis impedimentis coniunctum. Vt ne opus, quod machinabatur, minus feliciter illi caderet, voluit (quæ ipsius versutia erat) sic illud adornare, & ordinare, vt modi ac dispositionis momenta paria essent illius substantiæ ponderibus. Itaque quæ leuiores, & tenuiores erant, ea ante omnia perdere cepit; posthæc autem maioribus perniciem, ac postremò necem liberis intulit, qui sancto patienti omnibus opum copijs facile antiquiores, ipsi etiam visceribus longè chariores erant. Hæc re fraudulentam vafre sagacitatis suæ industriam veteratorius nebulo prodidit. Nam si primo loco internecionem dilectæ sobolis illi denuntiasset, nullum doloris sensum ex iactura rerum ceterarum percepisset, idque non solum quia fortunæ bona cum liberis comparata minus aliquid illi erant, quàm exiguus lapillus cum vasto monte compositus, vt proinde tam dulcium pignorum domus ruinâ oppressorum, & extinctorum inauspicato nuntio percussus, nuntia rerum aliarum ablatarum, velut insensibilis ex priore factus, percipere non posset, verum etiam quia hæredibus fato sublatis, parum, ac penitissimè nihil erat habere hæreditatem. Vt ergo sancti Patriarchæ animo suum singuli ictus peculiarem inferrent dolorem, primum scopos minores tenuioribus glandibus oneratos in illum explosit, & posthæc grauiores globos ex tormentis maioribus in eum effulminauit: *A minimis incipiens in ultimum grauiora nuntiavit, & dum gradatim deteriora cognosceres, in eius corde doloris locum omne vulnus inueniret.* O quàm callidè versipellis, & execrabilis hic hostis aciem suam instruxit! quàm artificiosè turmas suas digessit! quàm dolosè machinas suas explosit, quas eo astu exonerauit, vt nullus ei de toto numero globus perierit! Quanto rhetorices artificio ad pugnam usus fuit! nam à minoribus ad maiora paulatim ascendens, ita sua per singulos gradus collocauit tormenta, vt quæque peculiarem saucio cordi inferrent cruciatum. Si grauiora primum intellexisset sanctus Patriarcha, leuiores deinceps tulisset leuius, soler enim ictus acrioris dolor sensum leuioris vulneris opprimere. Nonné videtis, quod & ipse dæmon suo exemplo nobis prædicat, vt opus quodlibet tale sit, quale expetiscere potest ipse, qui facit, non tam in eo possum esse, quod fiat, quàm in eo, quod debito modo, recto ordine, ac singulari artis industriâ fiat? Modus, ars, ordo sunt velut substantia operis, prosperique illius successus.

Nisi ita esset, nunquam Flavius Vegetius tanto

perè commendaret curam rectè ordinandi, instruendi, digerendi exercitus, qui lib. 3. cap. 14. sic ait: *Hæc in pugna publica, si sapienter disponitur, plurimum iuuat, si imperitè, quâuis optimi bellatores sint, malâ ordinatione franguntur.* Non consistit magnitudo exercitus in conferta peditum multitudine, neque in grandi turmarum equestrium numero, neque in armorum, ceterique apparatus bellici copia, nisi hæc omnia prouidenter disponantur, & ritè ordinentur: Nam si iusta ordinatio desit, vassissimus, & splendidissimus exercitus suis ipse manibus conficitur, & à seipso consumitur. Econtrâ quanguam parua sit manus peditum, equitum exiguus numerus, armorum apparatus non magnus, si tamen omnia ex arte militari rectè, atque vt æquum est, instituantur, ac disponantur, exercitum indigestum, & inordinatum, quamuis frequentissimum, & copiosissimum, indubitato superabunt, & fundent. Huius rei habemus tam crebra exemplâ, quàm experimenta. Benè itaque diximus, non satis esse aliquid facere, si modus, ordo, & iusta ratio operis prætermittatur.

Veritus Sanctus Isaac, ne imparatum illum dies vitæ supremus occuparet, sciensque quàm fragili basi ruinosum vitæ nostræ ædificium niteretur, aduocauit filium suum Esau, vt illum suorum priuilegiorum, immunitatumque hæredem pronuntiaret, iussitque vt antè cibos adferret, quàm referret benedictionem. Subaudiit hæc Rebecca, optansque hanc à Iacobe suo præoccupari benedictionem, de re ista, deq; toto patris proposito cum illo communicauit, imperauitque ire, & duos hædos pinguisssimorum optimissimos adducere, ex quibus patri ipsa quidem conficeret, ille verò adferret gratum ferculum, sperans eum tum hæc ratione, tum reliquo artificio posse adducere, vt Iacobrem benedictione, & quæ cum illa coniunctæ erant, immunitatibus donaret: *Affer mihi duos hædos optimos; & faciam ex eis escas patri tuo, quibus libenter vescitur;* aiebat illa Gen. 27. 9.

Eruditus, & eloquens Pèrerius in hanc rem sic inquit: *Apposuit porro; & circumspexit diuina Scriptura in hac narratione illud posuit, Vt faciam ex eis escas patri tuo, quibus libenter vescitur, & paulò infra, Parauit illi cibos, sicut velle nouerat patrem illius.*

Quamobrem verò hoc sacræ literæ monendum putarunt? Eam ob rem, vt videamus, quantum sit modi momentum in rebus, quantiue referat opus maturè, debitè, decenterque confectis. Nequicquam enim Rebecca tantum operæ, ac diligentia in coquen-



CAPVT V.

Illud solum inexpugnabile videtur, quod potens munerum, siue donorum tyrannis non occupauit.

Periit sanctus Patriarcha noster suum propositum, inquiens: *Placabo illum muneribus, quae praecedunt, & postea videbo illum*; Gen. 32. 20. Cum suspicer fratrem meum in hunc diem vsq; mihi iratum, & insensum, remedium excogitauit, quo ardorem animi illius mitigare, & placare furorem cordis queam. Muneribus voluntatem illius quantumuis alienam facile reconciliabo, efficacique vt tutus, & securus illum conuenire possim. Quod nostra vulgata versio habet, *Placabo illum muneribus*, hoc alij (vt alibi etiam monuimus) ex Hebraeo transtulerunt: *Operiam faciem eius velamine*, oblatio munerum, quasi oppanso linteo oculos eius obnubam, vt inuehi in me, quantumuis furor suadeat, non valeat. Cicurabo efferatum illius animum, & perdomaborabiem. Oleaster ait: *Videat ipse prius munus, quam ego faciem eius*, & *munus faciem leniat ad aspectum meum*, ne in me malum, quod sibi intulit, videat, seu videat oculis muneris me, non suis, qui enim munera accipiunt, vident per munera, non oculis suis. O quam diuina sententia! quam apta ad demonstrandum, quam ingens sit munerum tyrannica potestas, quanta sit donorum ad subigendum, & expugnandum vis, & efficacia! *Qui munera*, inquit, *accipiunt, vident per munera, non oculis suis*. Videtur metaphorâ vsus sumptâ ab eis, qui vtuntur conspicijs diuersorum colorum, quibus omnia caerulea, aut viridia videntur, & eo colore tincta, quo conspicijs sunt imbuta. Itâ qui dona admittit seu pecuniaria, siue alia quaecunque, quidquid per illa cernit, de eorum colore, & specie arbitratur omnia, neque aliud fieri posse putat, quam quod oblata munera postulant, siue imperant. Nec enim vel arx est, quam illa non expugnent, vel mons, quem non complantent, vel difficultas, quam non superatu facilem reddant.

Balac filius Sefhor, vt liber Numerorum refert, cum intellexisset quantae essent vires filiorum Israël, quamque insignia facinora edidissent per omnem viam, quam venerant, veritus ne regnum ipsius vastarent, & occuparent, decreuit seniores populi sui ablegare ad Balaam, vt malediceret Israëlitis, sicque à regno Moabitarum malum omne propulsaret. Abierunt ergo primores Moabitarum ad Balaam ariolum cum auro, & argento, pro quo inimicum populum anathemate percelleret, exitiumque à pa-

coquendis, & condiendis illis hœdis collocasset, nisi eo modo etiam praeprasset, vt eis cum voluptate senex, & imbecillus maritus vinceretur: *Non enim satis est delicatum, & optimum esse cibum, nisi accommodatè ad gustum eius, cui apponendus est, & coctus, & conditus sit*. Festiue enim quidam poeta dixit, *solum artem non esse satis coquo, sed potissimum seruire debere palato domini, atque eius quasi gustum, & palatum habere ipsum oportere*. Hæc item ad superiora Pererius. Voluit ergo Scriptor sacer hanc non praeferre minutiam, quod Rebecca cibos marito suo adornauit sic, vt eius palato gratos fore longo experimento didicerat, vt nos doceret non tantum in re, quæ sit, sed in modo, quo sit, aliquamultum esse positum, parum enim facit laetitiam cibi, nisi saporem eius amet ille, qui est comesturus, & conditura sæpe facit, vt cibus alioquin tenuis, & vulgaris, ac nihili, acceptior sit palato, quam alius quilibet quantumuis opiparus, & exquisitus. Modus denique est, qui rebus, & actionibus ornamenta, splendorem, admirationem adfert, quod insignis Honcala in cap. 33. Genes. his verbis affirmat: *Ordo commodus & rebus, & actis appositus non modo spectantium oculos capit, & oblectat, sed etiam res ipsas seruat, augetque*.

Hæc est commoda Politico nostro doctrina, ex qua illud accipiet, vt res suas, & opera, quantum fieri potest, rectè ordinet, & concinno modo disponat, si vult ea honestum habere, & laudabilem splendorem. Habet enim ordo nescio quid illud, vt rebus, & ornatum, & magnitudinem, & pretium, admirationemque addat. Non est prolixus sermo, qui ex multis conceptibus conflatus, si ij non sint ritè dispositi. Decedit sua conuiuio alioquin sumptuoso magnificentia, si fercula non sunt decenter ordinata. Obscurat altaris quantumuis pretiosa, & opulenta ornamenta malè digesta sacrae suppellectilis apparatus. Tenebras offundit libro, licet pereruditio, rerum confusa moles, & prætermissa iusta collocationis ratio, & inconcinna structura. Videmus namque homines exilis doctrinæ exiguis alis instructos euolare altius vulgaribus suis scriptis, quam alios oppido eruditiores, qui methodi, & rectæ dispositionis fuerunt negligentes. Denique vt sunt naufragi huius ætatis homines, ita illis modus operis debet esse substantia, quamquam modus exiguae sit substantiæ, & parui ponderis. Omne punctum tamen tulit, qui bona bene, aptè, ordinatè, concinè elaborauit.



tria omne auerteret. Perrexerunt seniores Moab, & maiores natu Madian, habentes divinationis pretium in manibus; Num. 22. 7.

Notandum hic, quod litera originalis, LXX. Interpretes, Origenes, S. Augustinus, & alij non legunt, *Divinationis pretium*, sed absolute, *Divinationes*, tanquam has in manibus suis attulissent. Sed quare Hebraeus, & LXX. prætermiserunt, ut videatur, illud *Pretium*, & absolute affirmarunt, seniores illos in manibus attulisse maledictionem, quam expectitum veniebant? Id fecerunt, ut vim, efficacitatemque auri declararent, & quanta sit expugnandi virtus in muneribus, aperirent. Et quod illi de hac re pronuntiarent, perinde fuit, ac si dixissent: Nonné Seniores illi ferebant aurum? Ferebant, Dicit ergo de iisdem absolute potest, contulisse secum execrationem, quam desiderabant, & rem totam ex voto confecisse. Facile namque erat divinare, quod Propheta malus divinarurus esset, quidquid illi vellet, cum aurum, argentum, talesque causæ paternos adducerent. Præferre enim aurum manibus, & feliciter confecisse negotium, tandundem est. Qui ergo aliquid ambiens, auro ad procurandum vitur, certo sibi potest promittere officium, quod prestat, manus enim, quæ fert dona, ipsa sibi suam ex suis muneribus augurari felicitatem potest, indubitatoque consequetur, quod cupit.

Hinc Lucianus apud doctissimum, & nobilissimum Iuriconsultum Ioannem Baptistam de la Rea in lib. nouar. decisionum Granat. disp. 12. num. 62. aiebat, *monetam aequalem cum incantationibus vim obtinere*. Ipse modo merum fascinum est, ita omnia apud homines & facit, & obtinet. Quando rem aliquam exoletam, raram, insolentemque videmus, dicere amamus, *Parece cosa de encanto*, hoc est, *Incantamentum videtur*, es sicut cinem *Sehenwerck gleich*. Ad hunc modum dicit Lucianus de pecunia, *aequalem cum incantationibus vim obtinere*: Tam magna enim sunt, quæ efficit, tam admiranda, quæ impetrat, tam rara, & inaudita, quæ operatur, ut fascino uti ad res suas videatur. Pecunia dat alas abiectissimo, ingenium stultissimo, iustitiam iniquissimo, nobilitatem vilissimo, existimationem propudiosissimo, celebritatem infamissimo. Denique ut ille ait:

*Et genus, & formam regina pecunia donat.*

Et quid hoc? Nonné res incantamento similis est, quod qui pridie nundinator erat, postridie vinum in nobilibus recenseatur, & qui heri ad mensuram, & pondus suas merces vendeat, hodie equis, & curru circumferatur, famulis, quantum

Princeps aliquis, stipatus? Quis talium fascinatorum autor? quis structor incantationum? Pecunia, quæ omnia vincit, & lites omnes componit, incantamentaque eiusmodi, & admiranda sine numero alia facit.

Funebre panegyricon rex Propheta exequijs intimi amici sui Ionathæ adornabat, interque varia e-logia hoc etiam numeravit, quod tanta fuerit illius iaculandi dexteritas, & peritia, ut nullum unquam vano iactu exploferit telum: *Sagitta Ionathæ nunquam rediit retrorsum*, aiebat 2. Reg. 1. 22. Quanta vis brachij, quanta lacerorum aptitudo, & facilitas fuit, qui nunquam iaculati sunt, quin collinearint, nunquam exploferunt sagittam, quin feliciter perlatæ sint in illum, quem sauciandum propositum habebant! Hugo Cardinalis ait, Ionathæ tela nunquam rediisse retrò, eò quod chalybeam cuspidem, eamque semper exacutam habuerint, ac propterea fixæ hæsisse loco, in quem ab arcu fuerint emissa, tamen hæsisse loco, in quem ab arcu fuerint emissa, tamen metui æræ lorica, fortissimumque scutum esset, in quod dirigerentur: *Sagitta Ionathæ nunquam rediit retrorsum, acuta enim sagitta non abiit retrorsum, obtusa autem retrorsum abiit, quia non infigitur*, inquit ille in cap. 1. lib. 2. Regum.

Quid sensu morali significat nobis Ionathas, ille tam peritus iaculandi, cui de mille sagittis, quas contento arcu exploferit, nulla à scopo aberravit, nulla suum iaculatorem fraudavit optatis?

Hugoni Cardinali, Guilielmo Ebroicensi, Sancti Pagnino, Antonio Ricciardo, & alijs Hebraizantibus Ionathas idem est, quod *Columba dans*. Hinc iam intellexeritis mysterium, quamobrem sagitta Ionathæ non rediisse retrorsum dicatur. Causa itaque illius dicti mystica hæc est. Nulla è scopo resiliit sagitta Ionathæ, nullum inaniter emissum est telum columba dans, quia quantumvis sit quisquam columbinus, simplex, indoctus, si tamen armatus sit muneribus, quæ dare possit, ac velit, sit eloquens, & facundus, & lingua aurea, arque argentea sit ad persuadendum quidvis efficacior, quam Cicero, aut Demosthenes vlli fuerunt, quique lorica argenteam vestit, & lanceam auream ad pugnam adfert, ille certo expugnabit, quamvis alioquin pusillanima, & infirmis viribus sit columba.

Tale quidpiam diu ante nos dixit de antipapa Cadaloo, qui sibi Honorij II. titulum assumpserat, S. Petrus Damianus lib. 1. epist. 21. inquit: *Ducis post te castra, auro potius armata, quam ferro, & sic nuntii proferuntur è loculis, tanquam gladij Sibrensur è thecis. Phalanges planè, quæ te sequuntur, ad sua signa militum, non tam levis buccina, vel tuba clangor.*



*For excitat, quam gena metalli vibrantis inuitat. Habens enim (Et aiunt rustici) pugillum aureum frangis murum ferreum; velut pluribus dixisset: Iactas te insolenter, o papa intruse, de numero la hominum turba, quæ te sequatur, iactas de plurimorum animis, quos occupaueris, de voluntariis, quas subegeris, & à sua sententia ad tui arbitrij partes transfuleris. Facile adducor, ut credam ita esse, cum exercitu vteris aureo, & argenteo, & aurum tuæ thecæ promant, velut pharetræ tela, & argentum tuæ manus vibrent, ut sagittas arcus iacit. Nihil mirum, quod tam est frequens hominum ad tua castra concursatio, quæ cum auro tantum ad omne negotium veantur, nunquam pugnant, quin expugnent. Non litui clangor, sed auri fulgor militaris tibi copias conflat, & habens pugillum aureum frangis murum ferreum. Quid magnum ergo, quod Ionatha, hoc est, Columba dansis nulla retrorsum sagitta redijt? Nam cum telorum cuspides sunt aureæ, nunquam vacuo feruntur iactu, quin attingant, & feriant, in quem collimant.*

Non possum non huc accersere testem Ecclesiasticum, cuius quam est peruulgatum, tam crebro experimento comprobatum hac de re effatum, quod pulchris Interpretum annotationis exornatum dabo. Ille c. 20. v. 31. sic habet: *Xenia, & dona excitant oculos iudicum, & quasi mutus in ore auertit correptiones eorum.* Præcipuus huius sententiæ vigor positus est in his verbis extremis, *Quasi mutus in ore auertit correptiones eorum*, quæ nonnullam habent difficultatem. Quid *mutus* hoc in loco significet, id obscurum, & dubium. Multa aiunt, pro hoc vocabulo esse apud Græcos *Frenum, capistrum, camum*, itaq; sic posse reddi verba superiora: *Et quasi capistrum auertit correptiones eorum*, quorum hic sit sensus, munera, siue dona hoc efficere apud homines, quod apud bestias cami, frena, capistra. Quis ferocem cicurare equum posset, nisi freni ope adiutus? Immanissimum bubalum iniectus naribus annulus ferreus perdomat, ut capistrum caballos. Laqueus autem perniciosissime auolare solitam retinet, & fugacissimos pisces rete cohibet. Mordacissimos, & indomitissimos calcitriones camus coërcet. Atque ut noster Hispanus Mars, & diuinus Apostolus Iacobus c. 3. v. 7. ait, *Omnia natura bestiarum, & volucrum, & serpentium, & ceterorum domantur, & domita sunt à natura humana.* Quod ergo frenum bruto, quod capistrum equo, hoc barbaris, & agrestibus iudicibus aurum, argentum, munera. Ad hunc sensum legit ea verba Sanctus Hierony-

mus, inquit: *Manera excitant oculos etiam sapientum, & quasi frenum in ore auertunt increpationes.* Itaque dicere possumus, quod iudices, qui suscipiunt munera, sunt bestiarum doctæ admittere frenos. Facillimè namque ephippium, & capistrum excipit, & in omnem partem inbesti permittit iudex, qui dona admittit, muneribusque dat manus.

Nicolao Lyranò, Dionysio Carthusiano, & alijs significatum huius nominis, *Mutus*, est quoddam genus ranarum, quæ iniectæ ori atrocissimi, & immanissimi canis, illum mutum reddunt, ut docent Strabo, Sanctus Isidorus, Vincentius Beluacensis, & alijs, qui de proprietatibus animalium scripserunt. Lyranus sic ait: *Est autem mutus quidam species rana, quæ protecta in os canis facit eum tacentem, & non potentem latrare. Sic xenium datum pro subuersione iustitiae facit iudicem tacere, & à punitione mali cessare.* Tametsi Rhadamantus quidam alioquin sit, & tenacissimus recti iudex, & vocalissimus canis, qui omnem magnis clamoribus allatret iniquitatem, si tamen ore ranam, manibus dona excipiat, obmutescet, conuiuebit, dissimulabit, & ab æquo deflectet.

Notandum præterea quid de huiusmodi ranis dicat Beatus Albertus Magnus, cuius sunt ista ex lib. 26. de animalibus: *Si rana osculum in sua aqua feruens iniiciatur, deferuescat aqua, nec amplius bulliet.* Videte hîc, quid apud iudices faciant munera, inquit Ecclesiasticus, nempe quod apud feruentissimam aquam osculum ranæ. Videas iudicē toto animo inflammatum aduersus reum minari illi publicum dedecus, triremes, flagra, patibulum, gladium, crucifragium, rotam. Bulliens olla est, cui si osculum ranæ iniiciatur, hoc est, aurum propinetur, remittit illius feruor, mitescit furor, silent minæ, intepest, & prorsum congelat illud paulò antè tam ardens pectus. *Sic xenium facit iudicem tacere, & à punitione mali cessare.* Quisquis iudex amat videre, & accipere dona, non ille inferre flagra iubet, non secari in frusta maleficos imperat, tanquam hoc esset falsam eudere monetam. Quis talis est, ille iam extenuat scelera, iam pondera flagitiorum facit leuiora, iam legem interpretatur, tanquam ad illa piacula non pertineat. Sed quis hoc? Quoniam qui munera accipiunt, ut dicebat Oleaster, *vident per munera, non oculis suis.* Osculum ranæ, loculi, volo dicere, auro facti feruorem iustitiæ mitigant, rigorem disciplinæ frangunt, studium, & amorem obseruantie legum extinguunt, & cum iudex perspicilijs vtatur aureis, ergatum rei videtur illi aurum, sitque ex iudice, &

fiscali



fiscali patronus, & aduocatus. O inexplicabilem auri potentiam! O vim argenti semper triumphatricem!

Mihi videtur huc alluisse idem Siracides, cum ait: *Repromissio nequissima perdidit multos dirigentes, & commouit illos quasi fluctus maris*; Ecclis. 29. 24.

Explicat hunc locum Doctus Genesios Interpres Benedictus Fernandus, inquiens, hoc efficere dona in cordibus humanis, quod fluctus in his, qui nautant. Romam orbis caput, & fidei Catholicae principem sedem naui secundo vento petit, cum ecce densantur nubes, exurgunt venti aduersi, concitantur fluctus, & miseram in Algiræ, Mahomeranorum sentinæ litus inopinato conijciunt triremem. Videte hic quid faciant munera. Habet quidam index plenam notitiam causæ, quæ apud illum agitur, scit quàm iustum sit quod pauper, & egenus non nemo litigans petit, & certè nouit, debitissimum esse illi, quod postulat. Prospero vento ueritur hic index, & uehitur, quod iustitia vocat. Fit tamen, ut pars contraria, illa diues, & opulenta intelligat quod index tendat. Donis itaque illum appetit, percentat muneribus. Sic exurgunt fluctus auro commoti, & venti argento suscitati sese obijciunt, & ex utroque nata tempestas abreptum à recto iustitiæ itinere aliud abducit: *Et commouit illos quasi fluctus maris*. Nulla est tam vasta naui, hoc est, nullus tam amans æqui index, quem tempestas auri, & argenti fluctus non vel prorsum evertant, vel certè in certum, & præsentaneum naufragij seu violandæ iustitiæ periculum conijciant.

Audiamus huius conceptus parentem illa suis verbis dicentem. *En quid repromissio, quid munera tandem efficiant. Rectus erat, & integer index, sic prosperum cursum tenebat. At ex aduerso nescio quis aut grandem pecuniam promittens, aut pretiosa mittens munera, bone Deus quàm periculosam excutit procellam, quæ vehementer iudicis animus percussit, fracto demum integritatis, & constantia rigore in sedem iniustitiæ baratrum impactus hastit! Tale quidpiam possumus affirmare etiam de nonnullis honestis uiduis, circumspectis virginibus, & castis maritatis. Quot sunt, & fuerunt, quæ cum diu per tranquillum mare felici cursu ad cœlestem ferebantur patriam, demum promissorum, siue oblatorum munerum tempestate iustitiæ naufragium pudicitiae fecerunt, & castitatis?*

S. Sidonius Apollinaris de quibusdam, qui leones in tribunalibus sunt, lepores in consiliis, sic

ait lib. 5. epist. 2. *Quorum si uires afflauerit & spiam rubiginosi auri maris, confestim videbitur illic & oculos Argi, & manus Briaræ, & Spingarum & Enges, & Vlyssis argutias, & periuria Laomedontis, & Sinonæ fallaciam adhiberi.* Sunt iudices thræones, qui se Rhadamantes, & Eacos, Mindeas, seuerrimos æquitatis exactores iactant, & oculorum perspicaciæ Argum, multitudinem manuum Briaræum, perfidiæ Laomedontem, officijs, & præstigijs Vlyssæm, improbitate sceleratissimum quemque superare incipiunt, mox ubi oculos etiam mucosos, oculosque dum numis infartos subolfaciunt. Tanta est evertendi, & peruertendi vis in auro, tanta expugnandi, ac subigendi potestas in argento, ut Argo oculatiorem, aquilâ velociorem faciat etiam procul positi maris ipsi sola offensus eum, qui nec oculos habebat, quibus iustitiæ uideret, nec alas, quibus sese moueret. Deus bone quot se offerunt textus, leges, canones, rationes ipsi iurisperitis, quibus clientes munera offerunt. Quàm citò rigorem iudicis lenit, qui ei manus pallidi auro inungit! & inflammatum irâ quàm facillè nitidum argenti vnguentum sanat! Et quanquàm irâ plurimum fiat, non tamen nega uero esse iudices, Principes, Dominos, coniugatos, uiduas, virgines, præsidēs, quos non subigant dona, non expugnent auri, argenti que munera. Sed ingens reuera periculum adferunt animis etiam æreis, & chalybeis, & adamantinis aurei, & argentei arietes, ut propterea tam vehementer & Spiritus sanctus moneat, & sacri Doctores suadeant non admittere dona, non suscipere munera, quæ tam facillè peruerant, & cœcent, & subijciant homines qualescunque illos.

Nisi ita esset, non diceret S. Petrus Chrysologus serm. 126. de mammona, & pecunia, quod imperat Gentibus, iuber Regibus, bella mandat, comparat bellatores, sanguinem vendit, prodit patrias, urbes destruit, sexat ciues, foro præsidet, ius delet, fas nefasque confundit, fidem tentat, uoluntatem, famam carpit, honestatem dissipat, pietatem sepelit, necessitudinem subruit. Et quid plura? Hoc est mammona, Dominus iniquitatis, qui iniquè humanis & corporibus dominatur, & mentibus. Quis crederet numorum marsupium esse equum Troianum, unde tanta malorum penè omnium examina progrediuntur, nisi vir tantus tam apertè affirmaret?

Dominus ergo per infinitam suam misericordiam Politicum nostrum à tam potente tyranno liberum seruet, idque in omni statu, quemcunque teneat. Fugiat autem ipse omni studio non solum munera ipsa, verum etiam omnem illorum aspectum, & odorem, qui



qui pestem adfert, non secus atq; contagio infectus aer solet. Magni refert declinare illa, quæ Spiritus sanctus cauere toties præcipit.

*Eandem vitam terit Periocha II. Dominica XIV. post Pentecosten Tomo 2. pag. 207. c. 1. o.*

CAPVT VI.

*Humilis oratio est aurum, quo Deus superatur.*

Tanta nimirum est eiusmodi orationis potestas, vt Deus videatur debere illi obuerrere tergum, ne ab ea vincatur.

Deuenimus iam ad celebratissimam actionem, ad pugnam decantatissimam, ad conflictum, & luctam, cui aliam similem nulli annales referunt, nulla memorat historia: Videmus iam descendere in arenam cum suo Creatore creaturam, & Patriarcham nostrum cum Deo consertis brachijs luctari, immensam potentiam Domini tenuibus imbecillis hominis viribus cedere. *Famosa lucta, & totius ore Ecclesia per orbem celebrata, quæ homo cum Deo luctatus est, & tam diu tenuit, donec à Christo benediceretur ille, qui vicit*, inquit venerabilis Abbas Rupertus lib. 8. in Genesin. c. 6. Res est, quod Patriarcham nostrum operam orationi dantem inuasit quidam humani corporis figuram indutus luctator. Appetitus ab illo Iacob tam validè, pugnaciterque repugnauit, vt victum se fateretur is, qui ad certamen prouocarat. Per totam noctem protracta pugna fuit. Cumque sacer athleta cognosceret superioris ordinis esse illum, quo cum congredebatur, & hic se dimitti rogaret, protestatus ille fuit, se nunquam id facturum, à tequam benedictione ab illo præciperet. Fecit itaq; victus victor, quod rogabatur, dicens: *Nequaquam Iacob appellabitur posthac nomen tuum, sed Israël, hoc est, videns Deum*, Genes. 32. 28. Cum ergo benedictione illi impertiuisset, euauit. Pro monumento illius tacelebris luctæ, vocauit Iacob nomen loci illius Phanuel, quod est *visio Dei*.

Concertatio est, neque exigua, Interpretum de hac concertatione, eiusque significatione. Verum sepositis controuersijs, & quæstionibus, satis nobis fuerit sequi eorum opinionem, qui aiunt luctam istam partim corporalem fuisse, partim spirituales, nunturque illo Olex 12. 4. *Tu aluit ad Angelum, & confortatus est, fleuit, & rogauit eum*; quibus satis indicat Propheta, quod Iacob lachrymis vicit Angelum. Nam ad superandum, subigendumque Deum nulla sunt validiora, quam orationum, & lachrymarum humanarum arma. Hoc est aurum (di-

Tom. III.

camus enim ita) cui potentia Dei cedit, & quo fortitudo illius expugnatur. *Aurum potest significare laudes Dei, & preces*, inquit Hieronymus Lauretus post Berchorium, Ioannem Cluniacensem, Ricciardum, Santem Pagninum, & alios. Si ergo aurum est symbolum diuinæ laudis, & flagrantis orationis, oratione autem vincitur Deus, ad modum, quo immensa illius pietas vinci tolerat, bene affirmare possumus, quod velut aurum apud homines omnia subigit, sic oratio est aurum, quod apud Deum omnia superat. Nempe de ipso Deo triumphat oratio, cuius ob oculos ille omnem maiestatem exuere, omnè submittere dominatum videtur.

Obrectare, & repugnare Moyfi fratri suo Aaron, & Maria ceperunt propter æthiopissam, quam acceperat uxorem, ac talia ferè dicere: Putat frater noster, se solum cum suprema maiestate familiarius agere, tanquam nobis non æquè comem, facilemq; sese exhibeat. Audiuit Dominus eorum indignam commurmurationem, abducosque à vulgo grauitè, & asperè obiurgauit.

Sed notandum, quod sanctus populi sui dux Moyses non erat coram præsens, quando Dominus ambos illos duris verbis increpauit, Mariam verò etiam luridà leprà perfudit: *Et ecce Maria apparuit candens leprà quasi nix*; Num. 12. 10.

Dubitari hic potest, quamobrem Dominus ita rem instituerit, vt Moyses non esset præsens, cum poena infligebatur murmuratoribus, qui se fratri exæquare volebant. *Quare non presente Moyses supplicium illis irrogauit?* inquit Oleaster. Quid incommodi adferre correptioni præsentia illius poterat?

Respondet Oleaster: *Noluit eius causam agere eo presente, qui forsàn suis orationibus poenam poterat impedire.* Ad condonandas iniurias procliuissimè mouebatur Moyses, atque vt de illo sacrum oraculum affirmat, *erat mitissimus super omnes homines, qui morabantur in terra*, ibid. v. 3. qui si austeram Domini increpationem audisset, & tam grauitè iratum illum vidisset, ad familiare orationum patrociniū se recepisset. Deumque precibus à concepto supplicio absteruisset. Et quoniam conueniebat, vt Maria lueret, quò illius damno alij cauiiores facti timerent inuidas in talem, tamque sanctum virum exerere linguas, idcirco fecit, vt Moyses abesset à loco, vbi alij poenas meritas dependebant, ne fortè orationibus suis manus illi obstringeret, vt ad inferendum supplicia extendere non posset: *Noluit eius causam agere eo presente, qui forsàn suis orationibus*

Eccc

nibus



nibus penam poterat impedire. O supremam orationis vim, & potestatem! Congressum illius, conflictumque ipse Deus pertimescere videtur, qui metuens illi succumbere, fugit, velut declinans pugnam, in qua inferiorem se fore verberatur.

Vt ad huius tam fructuosae, & necessariae virtutis amorem nos accenderet sanctus noster patronus Iacobus, ait, nullam esse tam bellicosam Palladem, nullam tam maurotiā Bellonam, nullam tam strenuam, pugnacem, & validam Amazonem, quam sit cetera Oratio, de qua sic pronuntiat: *Multum valet deprecatio iusti assidua*; Iacob, 5. 16. velut alijs verbis dixisset: Nullis verbis explicari satis potest, quantum apud Deum possit oratio constans, ac perdurabilis hominis sancti, quem ille charum, & amicum habeat. Exaggerari pro dignitate nequit, quanta ad expugnandum vis insit in ardente globo lachrymarum, quem cor per oculorum tubos explodit. Et quoniam faciliorem inuenit fides exenplis adornata, & comprobata veritas, exemplo, quod nemo ignoret, contestata dabo, quae dixi. Vultis ergo videre, quanta sit potentia orationis? Eliam testem adduco locupletissimum, qui vnus millium instar erit. *Elias homo erat similis nobis passibilis, & oratione orauit, & non plueret super terram, & non pluit annos tres, & menses sex*; ibid. v. 17. Tanquam non satis validum fuerit illud ad demonstrandam orationis efficacitatem argumentum, ita ab alio eandem comprobatur, quo videtur fortius euinci, quam sit ingens preciarum precationum virtus, inquiens: *Rursum orauit, & caelum dedit pluiam, & terra dedit fructum suum*; ibid. v. 18. velut dixisset: Miseratus fatalem populi sui penuriam obtorsit clauem coelorum sic, ut terram ferili rore fecundaret, castigatque peccatores ex sepulchro famis emergerent. Videtur hoc argumentum firmum esse ad probandam vim, potestatemque orationis, prius verò debile esse, ac tale, ut illo potius extenuetur, quam probetur eius virtus, & efficacitas, cum dicitur, quod coelum clausit, atque ita famis poenam populo attulit. Quisquis tamen rem hanc attentius considerarit, reperiet validiore, magisque inuicta ratione (ad nostrum modum intelligendi) demonstrari potentiam orationis non posse, quam ea, quae coelum oratione occlusum affirmat. Id ego perspicue, ut mihi quidem videtur, ostendo. Primum argumentum ait, quod Elias oratione coelum clausit: *Oratione orauit, & non plueret*. Tribus annis, & sex mensibus castigauit Dominus populum suum. Secundum refert, quod oratione permouit Deum, ut miseri-

cordia, & pietate videretur erga populum. Inferre poenas nonne repugnat naturali conditioni Dei? Nonne vim sibi quodam modo adfert, cum arcum tendit, aut eximit gladium, ut puniat? Quis inficiari queat? Otiosum foret id hic probare, quod ego multis in locis testatum dedi, & vos crebro audieritis. Facere autem gratiam, conferre beneficia, nonne res est, quae cum ingenio Dei, & generoso pectore quam maximè congruit? Id pluitquam evidens est. Ad rem nunc. Elias oratio impediuit misericordiam Dei, & manus illius obstrinxit, ut nulla funderent beneficia, tantum quae valuit, ut illum toto triennio, & sex mensibus quasi vinctum, constitutumque retineret. Ergo magna est potestas orationis, magna vis, magnum robur, quae hoc facere potuit, ut Deus, qui naturam propendet ad benefaciendum, tot annos, ac menses velut coactè abstineret à benefaciendo, & misericordiarum suarum impetuosissum cursum sifteret. Permoere Doctrinam, ut naturae pectoris sui liberalitati obsequatur, & munificae indolis suae morem gerat, non est tam insignis facinus, quam vincere illi manus, & liberalitatis eius moras iniicere. Ergo magis, ut videtur, exaggerari non potuit vis orationis, quam cum dicitur, tantum potuisse, ut Deum non solum impediuerit à benefaciendo, sed etiā permouerit ad tu mendam vindictam, ad inferenda supplicia, quod à regio pectoris, & liberalissima indole illius perquam est alienum.

Tristes, mæstosque videbat Dominus, & coelestis Magister suos discipulos ex eo, quod de suo propinquo abitu certiores eos fecisset, dixissetque fieri non posse, quin proximè abiret. Ut illorum abstergeret lachrymas, & serenaret animos, aiebat: *Si diligatis me, mandata mea seruare, & ego rogabo Patrem, & alium Paraclitum dabit vobis, & maneat vobiscum in aeternum*; Ioan. 14. v. 15. 16.

In his verbis inueniet curiosus, quod expendat. Promittit enim Dominus, quod Patrem aeternum rogare velit, ut Spiritum Sanctum mittat, quem ipse ex se mittere poterat, qui patrem cum Patre habebat potestatem, & maiestatem. Hoc nemo citrà magnam aeterni Filij iniuriam negare potest. At si ita est, quomodo aiebat, *Ego rogabo Patrem, ut illud vobis inestimabile donum mittat*?

Hinc dubitationi responsio magni Bulgarorum Archiepiscopi Theophylacti non vulgaris occurrit, quae sic habet: *Si dixisset, mittam, non sic credidissent, nunc autem credibiliorē faciens sermonem, inquit, rogabo Patrem, & si opus fuerit patrocinio, &*

*oratione,*



*oratione, omnibus modis operam dabo, ut sentiat super  
Ses Spiritus. Id quod & nos sepe dicere solemus, a-  
nimam meam pono, ut hoc fiat.* Nondum satis per-  
specta erat Apostolorum animis infinita potestas sui  
Magistri, qui vt maiorem sibi apud illos fidem con-  
ciliaret, non aiebat, mittam vobis diuinum Spiritum,  
sed Patrem rogabo, inquebat, vt is vobis illum mit-  
tat, vt sic pollicitationi eius indubitanter crede-  
rent, velut dixisset: Scio quidem, quod Pater vo-  
bis mittet inestimabile monile, & pretiosum pignus,  
& dulce solatium animarum, Spiritum, inquam, su-  
um, ac meum, quia ille vos sic amat, vt haud diffi-  
cile tantum bonum sit collaturus. At si tamen ægre  
hoc faceret, quid remedijs? *Rogabo Patrem, oratio-  
ne apud illum vtat, & sic omnem, si quæ est, de me-  
dio submouebo difficultatem.* Vbi enim oratio ad-  
hibetur, ibi omnia superantur, & impetrantur. *Id  
quod & nos sepe numero dicere solemus, animam me-  
am pono, ut hoc fiat,* priusque vitam relinquam, quàm  
negotium, quod curandum suscepi, non confectum,  
inquit ferè Theophylactus, supremam orationis po-  
tentiam paucis verbis indicans, ex quorum sensu ta-  
le ferè est, quod Christus dixit: Optimè noui, Di-  
scipuli mei, quod Pater vobis diuinum Spiritum  
lubens mittet, si quid tamen difficultatis fortè oc-  
curreret, *ego rogabo, vtat oratione, neque desistam ab  
huius causæ procuratore vsque dum fundam ora-  
tionem, quod est quasi vitam profundere, & vires ex-  
tremas adhibere.* Quod enim oratio non obtinet, id  
nemo impetrare posse videtur. Itaque vt certam il-  
lis faceret diuini Spiritus expectationem, dicebat, se  
precibus effecturum, vt mitteretur, quod enim o-  
ratio non assequitur, id nemo petere, vt videtur, au-  
debit: *Credibiliorem faciens sermonem, inquit, ro-  
gabo eum.* Quid ad amplificandam orationis vim di-  
ci magnificentius possit, quàm quod Filius Dei, vt  
Apostolis, quantum gratia apud suum Patrem vale-  
ret, ostenderet, ait, se oratione illam obrinuisse,  
quando cum illis loquebatur, tanquàm cum homi-  
nibus, qui perfectam potestatis illius immensæ no-  
titiæ nondum habebant? Palàm namquæ est, quod  
Filius, utpote Deus, non indigebat oratione apud  
Patrem vt quiduis illud ageret, inter eos enim, qui  
æquè per omnia potentes sunt, non est necessarium  
intercedere preces, & obsecrationes.

Non parùm momenti addet huic causæ illa Dei  
cum Abrahamo de Sodomitarum excidio discepta-  
tio. Obsecrabat sanctus Patriarcha Dominum, vt  
non illorum cæcorum hominum flagitia, verum in-  
finitæ misericordiæ suæ magnitudinem attenderet.

Respondebat Dominus, peruelle misericordiâ erga  
contaminatissimos illos vt, dùm quinquaginta modò  
iustos eorū ciuitas haberet. Cùm humili, & supplici  
oratori videretur nimis magnus ille numerus, ob-  
tinuit, vt Dominus à quadraginta quinq; ad decem  
descenderet. Sic enim dicebat Abraham: *Quid se  
inuenti fuerint ibi decem?* Genes. 18. 32. hoc est,  
quid si in tanta consceleratissimorum hominum col-  
luuie reperiantur decem, nonne propter horum  
sanctitatem alijs suas noxas condonabis? Respondit  
iterum Dominus, si decem tantum viros probos nu-  
meraret ciuitas, parcere alijs propter eos velle. Sed  
notandum, quod mox subiicit textus sacer: *Abijtq;  
Dominus, postquam cessauit loqui ad Abraham;* ibid.  
v. 33. & tergum obuertit hospiti suo, postquam cum  
illo de decem iustis conuenisset.

Caietani notatio in illa verba talis est: *Significã-  
tius narratur, quod cum Deus finisset ultimam respon-  
sionem, Non delebo propter decem, recessit, non ex-  
pectans ulteriores preces.*

Cur verò Dominus recessit non expectans ulterio-  
res preces? Idcirco, quod iam penè victus, expu-  
gnatusque esset orationibus Abrahæ, qui hoc iam  
obsecrando consecutus fuerat, vt Dominus ad nu-  
merum denarium à quinquagenario descenderet.  
Habebat Sodoma saltem vnum iustum, nempe Loth,  
eratque ex alia parte, ob quod conueniret supplicia  
exigere ab eâ ciuitate, cuius immania scelera vindic-  
tam magnis vocibus ipsa poscebant. Si autem mo-  
ram indulisset Dominus Abrahæ, vt precari ampli-  
us posset, fortè ad vnum vsque descendisset, rogaf-  
setque vt propter vnum illum gratia scelerum om-  
nibus fieret. Vt ergo omne à se periculum suc-  
cumbendi orationi amoliretur, nullum aptius in-  
uenisse remedium videtur, quàm vt fugâ declinaret  
eum, à quo rogari poterat. Tantum nempe est ro-  
bur orationis, tanta efficacia, vt Deus videatur non  
habere vires, quibus illius potentiam expectet. Ea-  
propter fugit, vt effugeret vim illius, non secus ac  
se abscondere solent alij, ne illis denuntietur, quod  
audire nolunt. *Recessit, non expectans ulteriores pre-  
ces.* Quando enim quis euitat supplicem, ne quid ab  
eo rogetur, manifesto inditio est illum orationis vi-  
multum valere, quem non denitaret, nisi precibus  
illius superari posse dimeret.

Sed quantum illud est, quod dixi, orationem esse  
aurum, quod in domo Dei omnia subiiciat, omnia  
possit, & efficiat? Audiamus sanctum Gregorium  
Nyssenum, qui de oratione ait, eam omnia bona  
complecti, vt de auro Beatus Petrus Chrysologus  
affir-



affirmavit, in illo vniuersa mala includi, idque tanta verborum conformitate, ut hic, cum auri damna describeret, alterum commodam orationis narratam auduisse videatur. Nyssenius itaque orat. 1. in orat. Dominicam sic ait: *Oratio pudicitia praesidium, iniustitia sublatio, impietatis correctio. Oratio corporum robur, abundantia domus, recta sursum, ac legum in ciuitate constitutio, regis vires, belli trophaum, pacis securitas, coniunctorum conseruatio, virginum sigillum, matrimonij fides, dormientium custos, vigilantium fiducia, agricolarum fertilitas, nauigantium salus, fatigatorum requies, lugentium solatium.* Haec omnia, & plus aliquid est oratio. Illa namque est, quae omnia impetrat & consequitur. His autem satis commendat: in puro nostro Politico orationem, ut eam ardentem colat, familiaremque habeat. Neque enim coelorum Politicus dici poterit, nisi eam vehementer amet. Nam ut Nyssenius ibidem ait, *recedit a Deo, qui per orationem sese Deo non coniungit, ut nomine Politici coelorum indignus sit, cuius conuersatio, ut Apostolus inquit, non est in coelis.*

*Vide Periocham quintam Dominica XXI. post Pentecosten Tom. II. pag. 292. c. 1. o. ubi meliora de hoc argumento.*

## CAPVT VII.

*Consulendum aliquando quibudam, ut Deum pro Deo relinquunt, quod sibi cum magis demereant.*

**P**ugnabat percinaciter in palestra noster agonista sacer, inclinabatque in illius partes victoria. Cum inter productionem conflictum aurora proximum diem nuntiaret, dicebat ad Iacobem ille, quocum luctabatur: *Dimitte me, iam enim ascendit aurora;* Genes. 32. 26.

At quid impediementi adferre intermissione pugnare, dies poterat? Cur ille finem luctus ante fieri voluit, quam dies appeteret? Et si concertatio illa & corporalis, & spiritalis erat, sic ut Iacob spiritu etiam pugnaret, ardentibusque precibus Deum appeteret, & plurimas illi ab oculis lachrymas affunderet, quare orandi studium propter ingruentem diem relinquere, aut seponere debuit? Cum Deus audire orationes, & multa illis impediementa sol cum die per se adferat, quid erat, quod minus Iacob per diem tam sancto operi operam recte daret?

Satisfaciunt huic dubitationi, saluberrimumque simul monitum suggerunt Glossa Angelica, & Pererius, qui aiunt, illud, *Dimitte me, iam enim ascendit aurora*, perinde fuisse, ac si dixisset: *Tempus est,*

*Sit ab inuisibilibus ad temporalia tractanda descendas.* Habebat Iacob uxores non minus quatuor, sobolem multam ex maribus pluribus, familiam copiosam. Quando ergo dilucescere cepit, iussus est intermittere studium orationis spirituale, & vacare gubernationi domus, disponere necessaria, & rem curare familiarem. Non enim est grata Deo oratio, quae tunc fit, cum faciendum aliud. Multo autem magis probat, cum iusta habetur ratio necessitatum, & illi primum occurrit, quae maxima est. Et quoniam magis congruebat studere curae domus, quam orationi tunc, cum dies appetebat, idcirco ille glorioso coluctatori suo dicebat, *Dimitte me, & vade procura- tum res tuas familiares, & ordinatum operas domesticorum tuorum, haec enim Deo acceptissima fuerit oratio.* Deum enim pro Deo, ut aiunt, relinquere, non est illum deserere, sed potius maiora apud illum lucra facere, amplioremque apud illum gratiam inire. Sanctum enim adagium docet, illum optime orare, qui officij sui partes recte curat, probeque exequitur. Ille verus quaerendi, & inueniendi Deum est modus.

Suauissimam fragrantiam, quam Sponsae vestimenta exhalabant, Sponsus sentiens, aiebat, thuri quod carbonibus impositum supremo Numini votiuo culcu adoleatur, similem sibi eorum odorem videri, inquit: *Odor vestimentorum tuorum, sicut odor thuris;* Cant. 4. 11. Notorium est, quidquid rei materialis ad Sponsae commendationem assumitur, id allegoricum esse, & mysticum; nam sub cortice materialium latet spirituale, quod Sponso maxime est propositum. Videamus itaque nunc, quid vestimenta Sponsae significant. Richardus de S. Victore cum omnibus alijs Expositoribus ait, vestimenta esse symbola virtutum, & operum meritoriorum, quibus fouetur, & contegitur anima, & omnium exercitationum piarum, quibus illa ornatur, & venustatur. Richardi verba sunt eiusmodi: *Vestimenta animae sunt opera, quae in charitate sunt, & sunt, quibus vestitur. Et non nudi inueniuntur ante Deum electi.* Cultus ergo animae sunt opera misericordiae, ut visitatio infirmorum, consolatio in carcere detentorum, erogatio eleemosynarum in pauperes, vestitio nudorum, & alia id genus opera sacra. Notandum verò, quod odor thuris erat, quem illa vestimenta spirabant. Cuiusnam rei hieroglyphicum est thus? Non puto esse aliquem, qui nesciat, thus esse typum orationis. Nihil magis tritum, perculgatiusque, quam illud Psalmi 140. 2. *Dirigatur oratio mea, sicut incensum in conspectu tuo.*



Secundum hæc quod Sponsæ vestimenta, quæ erant virtutes, & opera charitatis, &c. thus, vt Sponsus aiebat, siue incensum olebant, perinde fuit, ac si dixisset, olere orationem. Verum cum visitare captiuos, consolari lugentes, vestire nudos, sepelire mortuos, ferre opem egentibus sint opera plurimum distincta ab actu, & exercitio orationis, quomodo omnia illa olebant thus, siue orationem? Voluit Spiritus S. eâ re tacite insinuare doctrinam, quam hîc tradimus, & significare, illam esse optimam orationem, cum quis officium suum rectè curat, Deumque, qui videtur esse in oratione, relinquendum pro Deo, quando magis conuenit, & res ita postulat, quia tunc Deo magis placent alia opera magis necessaria, quam oratio.

Melius hæc dicit Richardus, quam ego. *Vestimenta sunt sicut odor thuris, quia sic bonum odorem de se mittit bona operatio, sicut deuota oratio. Si enim propter occupationem & ilem orationem aliquis intermittat, ipsa occupatio vice orationis reputabitur, & sicut Apostolum sine intermissione oret, qui semper bene operatur.* Itaque intermittere orationem, contemplationem, aut aliud quodlibet spirituale exercitium, vt rebus alijs magis vtilibus, & necessarijs opera detur, etiam est orare, & contemplari, & secundum Pauli dictum perpetuo precari: Ille namque legitime orat, qui quod suæ obligationis est, facit, ille scit Deum quærere, qui nouit ipsum pro ipso relinquere, quando magis expedit, & maioris refert.

Tam vehementer flagrabat Spiritus Prophetæ regij, vt non contentus, quod ipse pietissimo Domino suo laudâ cætica pangeret, & cöcineret etiâ, Angelos ad celebrandas alternatim eiusdê Domini laudes ardentibus votis, & magnis vocibus inuitaret, inquit: *Benedicite Domino omnes Angeli eius, benedicite Domino omnes Virtutes eius*; Ps. 102. 20. 21. Non dissimulauit autem Prophetæ modum laudum, & orationum, quibus vacaturi erant Angeli, dicens: *Facientes Verbum illius ad audiendam vocem sermonum eius, ministrum eius, qui facit voluntatem eius*; ibid. velut dixisset: Facite, quæcumque illum velle noitis, quidquid voce imperat, aut annuit oculis, explete, este famuli eius promptissimi, & expeditissimi ad exequenda omnia iussa illius.

Notandum hîc, quod Sanctus Prophetæ non satis consequenter locutus, & hortatus Angelos videatur. Inuitabat illos, vt communibus laudibus communem Dominum celebrarent; benedicerent, magnificarent; statimq; dicebat, vt voluntatem eius face-

rent, præcepta eius opere perficerent, & verbis eius citum obtemperantissimè morem gererent, *facientes Verbum illius*. Quid hîc vni cum altero conuenit? Quid connexionis inter inuitatione ad orandum, & exhortationem ad faciendum, quæ iuberentur? Quomodo qui vacare laudibus suaserat, mox dare operâ explendis mandatis consuluit?

Occurrit dubitationi Sanctus Augustinus, inquit, non fuisse ita abreptum à seruire Spiritus Sanctum Dauidem, vt imprudenter verba effutiret, sed valde consequenter, & cohærenter potius locutum, quando primum ita inclamauit Angelicos Spiritus, *Benedicite Domino omnes Angeli eius*, statimque subiunxit, *Facite Verbum illius*. Hoccinè verò sit benedicere Domino, facere verbum illius? Inne laudet, & oret Deum, qui operatur, quæ illi grata purat, & iussa illius exequitur? Immo verò, inquit Augustinus: *Si vis benedicere Dominum, fac Verbum eius, voluntatem eius*. Si vis vacare orationi, quæ Dei pergrata sit oculis, se pone orationem, intermitte contemplationem, cessa tantisper ab illius laudibus, quando aliæ status tui occupationes necessariæ aliò te vocant, quando ex officio tuo facere aliud teneris, cui dum operam nauas diligentem, acceptissimam Deo laudem offers. Optimum genus orandi est; Deum pro Deo relinquere, quod cum facis, deuotissimum illi obsequium, & cultum religiosissimum offers: *Si vis benedicere Dominum, fac Verbum eius, voluntatem eius*.

Huc commodum veniet visum quoddam singulare, quod sancto Dorotheo quidam venerabilis senex narrauit, estque huiusmodi. Nocte quadam, cum psalmos canere in choro religiosi ascetæ inciperent, vidit è sacratio prodire pulcherrimum iuuenem, qui manu præferens calicem, & hostiam, intacta in calicis sanguini hostiâ frontes præsentium monachorum obsignabat. Non aderant ibi omnes præsentibus. Vidit tamen sanctus senexio aliquod absentium sedes ab eodem iuvene obsignari, tanquam præsentibus fuissent, suumque illis tam eximij beneficii stipendium numerari, velut communem laudem diuinarum laborem cum alijs ibidem exsoluissent. Vidit adhæc alijs quorundam absentium locis vacuis nihil talis honoris exhibitum. Quod initio, idem sub finem cantus fecisse iuuenis visus. Admiratus mysterium senex submissis ad reuerentiam in terram poplitibus rogauit iuuenem enixe, ac humiliter, vti aperiret, quid sibi vellent, quod aliorum sedes inanes sanguine tinxisset, aliorum præterisset. Respondit se Angelum Dei esse, & ad hoc venisse, vt illo



illo inestimabili signo eos, qui prompti, hilaresq; ad cantandum dominicas laudes conuenerant, notaret, & prateriisse quidem aliquorum sedes, quos sua negligentia à communibus officiis abstinuisset, aliorum verò consignasse, quos iussu superiorum rebus alijs occupatos habuisset, ut publicæ psalmodiæ adesse præsentibus non possent: *Eorum se loca obfignasse aiebat, qui & promptissimi, & paratissimi, quantum in ipsis erat, ad vigilias surgere, sed illa necessitate compediti cum patris obedientia, & benedictione, Scleritiam imperio obdormissent.* Hæc sanctus Dorotheus doctrinā 11. Hinc accipimus, inquit idem, facere quæ obedientia iubet, perinde esse, atq; assistere orationi, Angelus enim æquè obliuiscit absentium loca, atq; illos, qui aderant præsentibus, eodemque honore dignatus fuit & hos, qui in choro Dei laudes celebrabant, & eos, quos alibi Superiorum iussa occupatos habebant. Amplius aliquid affirmat Dorotheus, nempe idem coeleste signum impressum ijs etiam, *qui cum patris imperio obdormissent*, ut inde intelligeremus, posse nonnunquam eligi somnum, & relinqui vigilias, tamen si hæc ad laudes Dei adhibeantur, quando Prælati dormire præcipit. At si dormire tam meritorium quandoq; est, quam orare, cur non intermittatur oratio, quando curam, operamque nostram res aliæ magis viles, & necessariæ postulant?

Accipiamus hanc à coelesti Magistro doctrinam. Attentissimam ille, ardentissimamq; in horto Gethsemani ad Patrem suum æternum fundebat orationem, inquit: *Pater mi, si possibile est, transeat à me calix iste; Matth. 26. 39.* at si non ita expedit, fiat tua per omnia voluntas, cui subiectissimè obtemperare sum paratus. Habebat tunc apud se tres charissimos Apostolos, & monet S. Matthæus, quod intermissa ad tempus oratione venit illos inuisum, inquepitque somno oppressos, & obiurgauit vnum maxime Petrum, qui tantam constantiæ firmitudinem tam iactanter pollicitus esset, & nec ad horulam cum Domino suo pro communis salute vigilante, & tribunal Patris appellante vigilare potuisset, postquam in mortem cum illo velle ire spondidisset. Matthæus ibid. v. 40. sic ait: *Venit ad Discipulos suos, & inuenit eos dormientes.* Recepit se denuò ad orationem anxie afflictus Dominus, siue ut ille ibid. v. 42. habet, *iterum secundo abiit, & orauit.* Aliquamdiu precatus etiam hanc tantisper se posuit orationem, & *venit iterum sollicitus magister ad somniculosos Discipulos.* Confugit etiam tertio ad orationem, & tertio inde ad gregem suum impiger, ac peruigit pastor recurrit.

Sed quid est, quòd cum Patre æterno Filius eius coæternus loquens, toties ab illo recessit, ut abiret ad Discipulos? Sicinè Creatorem reliquit, ut creaturas visitaret? Parùm vrbane factum videtur, quòd susceptum cum tali Patre colloquium iterum atq; iterum interrupit, & ab illo ad tales creaturas secessit.

Respondet Simon de Cassia, inquit, magno consilio hoc fecisse Dominum, & Magistrum, ut nobis inculcetur doctrinam, quam hic versamus, crebroq; illo accessu ad orationem, & recessu ad Discipulos nos doceret, propter maiorem quandam necessitatem nonnunquam intermittendam orationem, & seponendas preces, quando res postulat, ut vel dormientem excitemus, vel negligentem stimulemus. Bona enim oratio fuerit, & qualis illa Christi, si orationem deferas, ut obiurges somnum aliquorum discipulorum, & socordiam Apostolorum corrigas, & castiges, qui tunc vigilare, & obseruire suo magistro, & infirmos illum sequi deberent.

Simonis de Cassia verba lib. 13. in Euang. talia sunt: *Nullo responso suscepto interpellauit orare per modicum, reuersus tamen ad patrem, & stille orationem, nam venit confortaturus discipulos. Oportet siquidem orationem intermittere pro utilitatibus proximorum, maxime ubi spiritualia bella timentur. Et discretionis insignis est virtus actum virtutis pro alio actu virtutis intermittere.* Quòd orationem Dominus intermisit, hoc fecit, ut alteri operi pietatis, hoc est, discipulorum exhortationi, emendationi, corroboracioni studeret. Conuenit enim aliquando seponere orationem, quando aliorum salus curam, opemque nostram efflagitat, in primis verò cum anima cuiusquam periculo proxima per nos sospitari potest, tunc enim rem magis gratam Deo feceris, si illo etiam relicto, ad auertendum à periculis exitium te conuerteris. Magnæ enim prudentiæ est, minus lucrum deferere, & maiorem quantum conlectari. Omnibus ergo danda opera, & orationi præ omnibus, nisi quando grauior necessitas & debita officij, vel status proprii officia nos ab eà aliq; vocant: *Discretionis insignis est virtus actum virtutis pro alio actu virtutis intermittere.*

Et hoc dicitur Iacobi, nostroque item Politico, scilicet illum verè, & optimè orare, qui officij sui partes, & status munia rectè curat. *Dimitte me, iam enim ascendit aurora*, inquebat victus victor, velut dixisset: Abihinc, & res tuas domesticas digere, iam enim præterijt orandi tempus, liberum me discedere sine, nam propterea Deum non perdes, immò atcius, fortiusque eum ubi adstringes. Non vult



vnſe Deus, vt id tempus, quod muneris nostri officia necessaria requirunt, demus orationi, & alijs exercitijs spiritualibus. Non est bona oratio parentum, qui maximam diei partem in templo exigunt, & liberos suos domini peticulo honoris, & famæ relinquunt. Non est bona oratio eius, qui longas horas adgeniculatus ante augustissimum Eucharistic Sacramentum preces fundit, laboremque, quo parandus erat familia victus, pratermittit. Qui visitat patrem spirituale, hospites domi apud filiam relinquens neque patres, neque viros spirituales, non est illius a bono spiritu visitatio. Audire multas missas, & missa facere studia, quibus curanda erat alimonia paruæ, & famelicæ soboli, nemini videbitur laudabilis virtus. Audire sermones sacros, quâdo suspicio est, quâd alijs domi serant turpes, & pernitiabiles quibus in lapsum detrahebant vernaculos, neque accurrere ad ferendum remedium, extingnendumque ignem, nescio quis bene factum arbitrari queat. Carè permittere flammis absumi ædēs, & auscultare interim doctrinam, quæ auscultari alio tempore possit, non est bona doctrina.

Audiamus Peterium: *Dimittite me, iam enim ascendit aurora*, inquit Angelus, quod auctori, quem nunc dixi, perinde est, ac si dixisset: *Iam tibi tempus est ab inuisibilibus, & diuinis ad corporalia, & humana negotia tractanda discedendi, tanquam nocturnum tempus vsq; ad exortentem solem conueniens sit contemplationi rerum diuinarum, & spiritualium rerum tractationi, diurnum vero temporalium negotiorum functionibus, & officijs, quæ proximo vel ex obligatione, vel ex charitate præstanda sunt.* Qui enim non nouit discernere inter opera, neq; sua singulis virtutum exercitijs deputare tempora, is Deum offenderet illis rebus, quibus demereri poterat.

*In eodem campo latet, & latet exspatiatur Periocha quinta Dominica infra Octauam Natiuit. Domini Tomo II. pag. 388. c. 1. o.*

### CAPVT VIII.

Non est similis æterna saluatio aliquorum vulnerum, quæ certis quibusdam verbis curantur, quia immortalis quies mortalis agonis pretio comparatur.

Quærebat ex animoso Iacobe strenuus illius collocator, quomodo vocaretur. Respondit ille, Iacob sibi esse nomen. Tum ille iterum: Non erit hoc tuum deinceps nomen, alia debet esse tua, eaq;

illustrior appellatio. Israel posthæc vocabere: Nequaquam Iacob appellabitur nomen tuum, sed Israel: Genes. 32. 28. Iacob idem est, quod luctator, siue homo, qui in puluerulentis palæstra cerrando desudat: Israel vero idem est, quod videns Deum, & communiter aiunt omnes. Quicunque Interpretēs mysticum huius loci sensum persequuntur, considerant hic aliquid, quod necessum est amplificare, quia & vtile, ac necessarium est omnibus, tamen vulgare, & tritum. Obseruant itaque antelationem horum nominum, & ordinem, quo fuerunt imposita. Primum Iacob dictus est Patriarcha noster, deinde Israel, priusque consertis valide brachijs luctatus, quàm hoc posterius nomen adeptus.

Hugo Cardinalis, quem alij sine numero sequuntur, ait: *Post luctum mutatur nomen, de IACOB fit ISRAEL, quia & dicitur auctoritas, non erit ISRAELITÆ, qui prius non fuerit IACOBITA.* Tale est, quod dicitur: Nullus eo christiānus perueniet, vt illius tempora immortalis corona quietis æternæ cingat, qui non antè per frontem, perque faciem totam, & omne corpus tota sudoris diluvia fuderit, qui non antè cum suis passionibus acriter depugnauerit, qui non antè multos labores exantlauerit. Ad hunc sensum aiebat Sanctus Bernardus Serm. de Natiuit. Virg. *Luctare cum Angelo, ne succumbas, quia regnum celorum semparatur, & violenti rapiunt illud.* Perumnarum hilari perpessione, & dolorum tolerantia, & voluntaria corporis afflictatione, alijs penitentia operibus iucundum illud, & felix regnum expugnandum. Hoc enim habet lux Dei, & hac solum conditione opulenti illi thesauri, & diuitiarum copiarum parantur.

Multi sunt, qui præsidunt se obtenturos æternam illam quietem, & perpetuum otium, atque ad eum modum saluandos, quo multa vulnera per ensalmos, vt vocant, siue conceptis quibusdam verbis curantur. Sit licet periculosissimum vulnus, aiunt tamen esse homines, qui eā valeant gratia, & virtute, vt illud persanare solā quorundam verborum prolatione possint, sic vt suauius absq; vllō suo labore, ac dolore à plaga sua curetur, & consanescat. Simile quidpiam multi delicatoli optant, & sperant, qui sic beari posse præsidunt, vt solis aliorum verbis id efficiatur, ipsi vero nihil laboris ad eandem rem vertant, sed absq; vllis studijs proprii impendijs gloriam consequantur.

Sed quanta hæc amentia! Quàm pulchrè illorum errorem deopetit Arnobius lib. 2. contra Gentes inueniens: *Neque illud obrepas, aut spe nobis aëre blandias*



blandiatur, quod magi spondent commendatitias se habere preces, quibus emollita nescio qua potestates, vias faciles ad caelum contendentes subuolare, faciant. Magi erant, qui indoctum miserè ludificabant vulgus, dicentes, habere concepta quædam verba, quibus certò ad caelum perducere alios valerent, qui talia verba apud se haberent, sic vt hoc nulla vis, aut potestas contraria impedire posset. Quàm benè autem dicit Arnobius: *Neque illud obrepit, aut spe vobis aëre à blandiatur!* Velle solis aliorum verbis saluari, & obtinere beatitudinem sine labore, ac dolore proprio, perinde est ac velle turrim vastam, qualis illa Babylonica fuit, construere suprà lubricum, tenuem, ac liquidum aërem. Et veluti nos, cum rem perimbecillum, ruinosamq; significare volumus, dicere soleamus, esse fundatam in aëre: Ità Arnobius ait, spem eorum, qui per sola verba saluari volunt, fundatam in aëre, & prorsus aëream esse eiusmodi cogitationem. Qui enim vult beari, qui obtinere salutem, & quietem æternam, multorum, & magnorum laborum sumptu id efficere debet. Sola verba non sunt satis. Nam vt Sanctus Hilarius in c. 7. Marth. ait: *Regnum celorum sola verborum officia non obtinent, neque qui dixerit, Domine, Domine, heres illius erit.* Nonne vides, quòd etiam Hilarius istam stultorum fabulam, cogitationemq; impugnat, & ridet, qui solis verbis saluari posse præfident, tantilloq; sumptu effecturos sperant, vt beatitudinis fores, patentissimas à morte reperiant, postquam longos in obscenis voluptatibus, & turpibus delictis vitæ annos transmiserunt? *Sola verborum officia non obtinent,* & manifesta stultitia est tale quidpiam sibi persuasum habere. Multa tolerare debet, qui vult frui multis, & studiosè laborare in hac vita, qui vult coronari in futura.

Duos ex ordine filios vna vxor peperit Iacobi, eisque indita sunt nomina, quorum sensus mystici non parum iuuabunt causam, quam tractamus. Concepit Zelpha, ediditq; filium primum, *Socauitq; nomen eius Gad Lia,* quæ Zelpham ancillam viro vxorem dederat. Enixa fuit alterum Zelpha, & appellauit eum Afer eadem Lia.

Cum penè in omnibus Scripturæ verbis sint mysteria, quæri potest quid hic subit secreti, quòd prior filius Gad, posterior Afer appellatus fuit.

Hugo Cardinalis paucis illam nobis diluet dubitationem, & aperiet sacramentum, cuius sunt ista: *De Zelpha duos filios suscepit Lia. Primus Gad, id est Accinctus, secundus Afer, id est Beatus, quia per signum passionis perueniunt ad gloriam beatitudinis,*

Singulari mysterio, primus filiorum Zelphæ dictus est Gad, quod significat accinctum, armatum, paratum ad pugnam, pugilem, qui confertis brachijs cum hoste suo configit. Alter verò vocatus Afer, quod idem est, ac beatus, quiq; æternà felix quiete gaudet, vt inde cognosceremus, quàm germana, coniuncta, & affinia sint pugna, & corona, poena, & gloria, labor, & otium. Separari hæc duo nequeunt, qui enim vult peruenire in requiem, debet transire per dolorem. Nemo solis verbis saluari potest. Fugere enim penam, & expectare gloriam, non qualescunq; stultitia est.

Nam vt Sanctus Theodorus Studita catech. 116. ait: *Nemo dormiens irophaum statuit, nec resupinatus messem colligit, quin ingens strimq; opus est sudor, & industria. Si illic ita se res habet, quanto magis in nostrate bello?* Nemo vnquam inerti somno laxas habenas indulgens superauit hostem vigilẽ. Nul- lus torpens agricola vitam in otio rusticam exegit, qui sua tritico horrea, granariaq; impleuerit, nisi longas prius celi inclementias subierit. Sed velut hosti succumbit, qui somno, ita ignauum rucellam sua spes fallit, & ridet. At si tanta vigilantia necessaria est, vt triumphum temporalem, & caducum frumentum referatur, nonne omnibus viribus laborandum erit, vt laurum immortalem, & gloriam perpetuam, & aspectum beatifici vultus omnipotentis Dei æternum consequamur? Nonne pro tantarum rerum obtentu homo christianus ad omnem infelicitatem huius vitæ perituræ, & quæcunq; genera asperitatum, ærumnarum, laborum illum suum felicem statum redijt, & cætera quidem bona duplicia, liberos autem eo numero, quo amiserat, recepit, nempe septem filios, & tres filias, quot & antea habuerat. Quorundam autem Græcorum, qui textu Syro nituntur, sententia habet, primam vxorem iustissimas ob causas, quas certè habebat, repudiatam



à sancto Patriarcha, quod tunc leuius, quam nunc, fieri potuit, ductamque aliam Arabem.

Sed hic iam possemus indagare, & interrogare, quanam præcipua, & potissima causa fuerit, ob quam ad nouæ felicitatis consortium admittere noluerit eam, quæ prima vxor fuit.

Causam reddidit Seuerianus in Addit. catenæ græcæ in c. 42. Iob, inquit: *Forſitan autem nec conſentaneum, nec rectum erat, & ea bonorum particeps eſſet, quæ certaminum tempore ſirum deſpexiſſet.* Non ſcimus hoc eſſe authenticum, verum ſi quid probabilitatis habet, cauſæ noſtræ confirmandæ plurimum confert, & ſeruit. Noluit ſanctus Iob eam habere ſociam gloriæ, & beatitudinis nouæ, quæ noluit eſſe compos pœnæ, noluit habere conſortem felicitatis, quæ calamitatis exors eſſe voluit. Indignam putauit eam communione proſperitatis, quæ illum inter ærumnas deſtituit, neque ſolum deſtituit, verum etiam, cum videret eius toto corpore diſcuſa vlcera ſcatere vermibus, ita fugit, quaſi peſtem contagioſiſſimam omnibus artubus exhalaret, vt dicere potuerit: *Haſitum meum exhorruis vxor mea;* Iob 19. 17. Et tanquam exigua fuiſſet iſta contemptio, à dæmone inſpirata etiam in deſperationis barathrum illum impellere voluit, inquit: *Adhuc tu permaſ in ſimplicitate tua? Benedic Deo, & morere;* Iob 2. 9. velut dixiſſet: Habetne mundus fatuum ſimilem tui alium, qui veteri ſimplicitati tuæ tam pertinaciter inhæret? Iace aliquam in Deum contumeliam, dic blaſphemiam, ita fiet, vt ille & vitam tibi adimat, & ærumnas. Dicit nunc Seuerianus: Potuitne Iob ſociam gloriæ, & complicem beneuolentioris fortunæ facere eam, quæ illum & deriſerat turpiter, & indignè ſpreuerat, & exhorruerat viliter, & ad blaſphemandum iniquiſſimè inuitarat? Non debuit certè, quod id rationi quàm maxime repugnaret.

Tantundem ego de anima quauis peccatrice dico: Debetne illa, quæ per omnem vitam blaſphemia, periura, vitijs omnibus, quæcunq; excogitari poſſunt, cooperta, & contaminata fuit, omniaque turpium delictiarum prata viuendo luxurioſè pererrauit, & Sponſi ſui nullam interim memoriam, nullam erga pauperes illius miſericordiam habuit, poſt abſolutum huius vitæ curriculum ad conſortium gloriæ illius admitti, cum quo nullum habuit pœnarum commercium? *Nec conſentaneum, nec rectum erit, & ea bonorum particeps ſit, quæ certaminum tempore Chriſtum deſpexit.* Audiat Paulum, qui dicit: *Sicut ſocij paſſionum eſtis, ſic eritis & conſolationis;*

Tom. III.

2. Corinth. 1. 7. Cum Chriſtus tenuerit iter pœnarum, crucis, tormentorum, famis, ſitis, opprobriorum, ignominiarum, homo verò per viam incedat turpium delictiarum, veritarum voluptatum, inconceſſæ libidinis, vindictæ, blaſphemie, auaritie, fieri non potest, vt in patria beatitudinis æternæ, & quietis perpetuæ conueniant, inquit ſerè Apoſtolus. Qui Chriſtum vult àſſequi in gloria, debet illum comitari in pœna. Qui vult illo gaudere in beatitudine, debet illi aſſistere in cruce. Ex ſolo namque flore pœnæ naſcitur fructus gloriæ.

Quàm præclare in hanc rem dixit Sanctus Gregorius Nyſſenus Orat. 3. de beatitudinibus: *Proinde fructum, qui ſperantur, ſos afflictio eſt. Propter fructum igitur etiam florem decerpamus.* Cum in naturæ ordine ſit lex inſallibilis, & indiſpenſabilis ſanctio, vt fructum ſos præcedat, & ſine hoc præuio ille obtineri nequeat: In ordine gratiæ idem conſiderare debemus, multoq; magis nobis perſuadere, & certius habere, quod pœna ſos eſt, & fructus gloriæ: *Fructum, qui ſperantur, ſos afflictio eſt.* Quis ergo tam ſtultus, & amens eſſe poteſt, vt velit carpere fructum beatitudinis, abſq; eo, quod præceſſerit ſos, qui eſt crux, pœnitentia, flagellatio corporis, & cætera opera pœnalia, quibus debet ſtudere homo chriſtianus, vt ſummum bonum conſequatur? Quod ſi ita eſt, quomodo homo delicatus, & inuitritus delictijs, quomodo mulier mollicella, quæ otioſo, & vano corporis ornatum inuigilat, & perpetuà vnus cuticulæ curandæ ſollicitudine laborat, & hoc ſerè ſolum agit, vt miſero corpusculo ſit commodè, quod putida fædorum vermium eſca eſt futurum, vt nullas ſentiat temporum iniurias, non ardore æſtius, non hyberna frigora, quomodo ij, qui volunt carnem ſuam ſimilem eſſe tabernaculo Altifimi, cui flagellum nullum appropinquat, qui nullam prætereunt voluptatem, cui non indulgeant, qui omnem penè in epularibus conuiuijs exigunt ætatem, quomodo ij, inquam, ex talibus floribus volunt carpere æternos gloriæ fructus? Nonne res monſtro ſimilis eſſet, ſi quis è ſpinoſo dumo malum punicum expectare vellet? Maius portentum expectat, qui ex temporalium delictiarum floribus æternæ quietis fructum ſe collecturum ſperat, cum gloriæ fructus naſcatur ex flore pœnæ. Quod quis ſolis verbis beatitudinem, & abſq; labore gloriam obtineat, quod ad iſlas perpetuæ quietis ſedes perueniat, qui hic perpetuò ſedit otioſus, in quonam vel Scripturæ, vel Doctorem libro id vnquam lectum eſt, vel repertum. Cui hoc Chriſtiano aliquando euenit,

Ffff



nit, cum & Christus ipse sui corporis gloriam tantâ effusi sanguinis inundatione, tanto pœnarum tolerantarum diluuiio, tantâ falsorum testimoniorum tempestate sibi comparauerit? Aut vult homo quisquam alius immunis esse à lege, quæ erga Christum innocentem, & sanctum sanctorum tam rigide obseruata fuit?

*De hoc argumento sapiculè agit in omnibus Tomis prioribus. Vide Partem I Politici lib. 3, c. 3. Et quæ ad calcem illius subnotata.*

## CAPVT IX.

*Qui maiora pericula superauit, habet validum argumentum, quod conuincit quæat, ut maiora mirepide, & magno animo aggrediatur.*

Communis omnium Expositorum sententia habet, quod Iacob tam pugnaciter pugnavit cum Angelo, tamque animosè, & validè luctatus est, ut eum expugnaret, & superaret; ut hæc victoria illi adimeret omnem fratris sui Esau rancorem, persuasumque faceret, quod hunc imbecillum facile suppedicare posset, qui cum illo potentissimo pugile tam strenuè, feliciterque dimicasset. *Si contra Deum fortis fuisti, quanto magis contra homines praualebis?* aiebat ad illum Genes. 24. 28. is, qui se robore animi, & vi lacertorum eius victum, subactumque fatebatur, velut dixisset: Si tu orationibus tuis, & fortitudine efficere potuisti, ut omnipotentem Deum superares, quomodo non leuiter subicies infirmam, ac debilem naturam humanam? Tali argumento prorsum confictus noster Patriarcha fuit, nec fieri aliter potuit. Ingentes enim vires habet argumentum, cum à maiore ad minus ratiocinamur: Vicit gigantem, ergo & pygmæum subiget. Item: Leuiter per confragosam viam in editum scopulum ascendit, ergo haud difficile per campi planitiem progredietur. Siue ita: Ea fuit S. Elizabeth in egestes prolixitas, ut vim auri magnam in eos erogaret, ergo ve triennem daret, facillimè ab se impetrare potuit.

Ex hac doctrina accipiemus, quo euadamus difficultatem, quam plerumque excitare Interpretes solent. Admirantur omnes prodigiosam Redemptoris nostri patientiam, quæ excepit crudelia illa tormenta, & inaudita probra, quæ toties vel legimus, vel pro concione audimus. Nec minus admirantur, quod illa tam inuicta eius patientia nonnulli aliquantum vacillare visa est. Innocentem Magistrum nocte passionis improbus, ac malignus pontifex de

doctrina sua, discipulorumque eius interrogabat, cuius quæsito cum inopinatâ responsione occurrisset, saeuus quidam satelles ex his, qui satanico tribunali adstant, truculentam extulit manum, & decentissimæ Saluatoris faciei, quam humillimè, ac reuerentissimè Angeli sapienti, infini, mediadorant, immanem colaphum infernali ausu impexit. Quid ad hæc tam indignè ab indignissimo homine, si tamen homine, dehonestatus Dominus? In vicem vindictæ, quam de probrosissima iniuria sumere poterat, hæc nefario ministro modeste, benigne, mansuetè reponebat: *Si male locutus sum, testimonium perhibe de malo, si autem bene, cur me cedis?* Ioan. 18. 23.

Non deest, qui hic arguat celestem Magistrum de sui magisterij officio non satis probe, integrèque curato, ut qui contra fecerit, ac docuerit, aliud agendum prædica uerit, aliud ipse egerit. In illo celebri sermone, quem in monte habuit, inter varia salutis monita etiam hoc inculcabat: *Si quis te percusserit in dexteram maxillam tuam, præbe illi & alteram* 3. Math. 5. 39. Cum ergo perfectus prædicator, ut vehementius moueat auditores, doctrinamque suam eorum animis profundius imprimat, debeat non solum docere, verum etiam facere (*enim enim vita despicitur, restat & prædicatione contemnatur*, quod nonnulli ait Magnus Gregorius) videtur Redemptor mundi eâ occasione, quâ casus alapâ in vna maxilla fuit, obuerso vultu debuisse offerre alteram pugno pariter dedecorandam, ut opera verbis responderent, & dictis facta consentirent. *Fortè hic dicit aliquis: Cur non fecit, quod ipse præcepit?* Ità egregius Doctor S. Augustinus Tract. 113. in Ioan.

Quid respondebimus huic dubitationi? Quis hanc nobis diluet difficultatem? Capitis huius titulus, & quoddam Isaia effatum omnem nobis eximent ab animo scrupulum. De mundi Sospiratore ait Isaia, siue ipse potius apud Isaia mundi Sospirator: *Corpus meum dedi percussentibus*, Isaia 50. 6. volensque permisi laniandum immoderatæ libidini efferauissimorum satanæ ministrorum. Testetur hoc manus, ac pedes grandibus, & obtusis clavis confossi. Testetur caput aculeato diademate coronæ spineæ tam miserabiliter cruentatum. Testetur dorsum immanibus flagris tam atrociter exaratum, & conceptum. Testetur latus, cui etiam de functo insatiabilis iræ furor, ac rabies non pepercit, quin lanceâ crudeliter configeret Ergo quod maxillam alteram alteri alapæ non obtulit, mysterium fuit, non imbecillitas. Qui enim tantâ fuit animi fortitudine,



ut corpus totum tam diuersis cruciatum, verberum, dolorumque generibus offerret, quomodo hic vnam maxillam pugno subtraheret percussoribus? Cui vires supererant ad ferenda maiora, quomodo robur ad toleranda minora deesse poterat?

Audiamus Doctorum aquilam, & principem Augustinum. *Quid quod? & Veraciter, mansuetè, iustèque respondit; & non solum alteram maxillam iterum percussuro, sed totum corpus preparauit? Hæc ille, cuius vestigia præmens S. Laurentius Iustinianus, ait: Nonne offerre potuit genas, qui totum corpus exposuit? Audi quid per Prophetam dicit: Corpus meum dedi percutientibus. Prorsus hæc, quæ pertulit, maiora sunt. Hoc semper nobis habere persuasum debemus, quod leuiores incommoda facili vinctet, qui superare grauiora potuit.*

Amanter querebatur credentium Pater apud suauem, beneuolumque Dominum suum, quod non donasset filio, quem alijs multis, ac magnis modis honorasset, filio, inquam, hærede bonorum, ac priuilegiorum, quæ omnia veruaculus quidam illius tandem aditurus, & possessorus esset, si Sara sterilis, & ipse improlis, ut erat, maneret, quod absque ingenti dolore cogitare non posset. Consolabatur illum Dominus, & aiebat: Attolle sis oculos, & vide globum illum tam vario adamante tessellatum, tam copioso micantium siderum emblemate vermiculatum, & si fieri potest, recense coruscantes gemmas, quibus exornatur, reuoca ad calculos radiantia nomina, quibus conueniatur, eorum namque multitudini par erit numerus liberorum, quos fortunarum tuarum hæredes, & inclyti nominis propagatores relinques superstites.

Sed obseruanda hic quædam sacri Textus annotatio, ea scilicet, quod sanctus Patriarcha, cum illum luctuosæ querimonix suæ libellum supplicem lachrymis oculorum papyro lingue inscriptum omnipotentem Domino offerret, in abstrusiore tabernaculo suo morabatur, indeque a Deo in medium campum euocatus fuit, ut magnificam eius promissionem patente in loco exciperet. Genes. 15. de hac re sic habes: *Eduxitque eum foras. & ait illi, Suscipe calum, & numera stellas, si potes, sic eris semen tuum.*

Honcala hic monet animaduertere illud sacri Textus, *Eduxit illum* de suo tugurio, idque faciliè, & sine vi aliqua, hoc enim significatur verbo illo. *Eduxit. Manentem in tabernaculo suo Patriarcham Dominus foras eduxit. Non ait, Traxit tanquam inuitum, & reuocentem, eduxit velut spontaneum, &*

*promptum*, inquit ille. Sed cur eâ occasione facer Scriptor non fuit usus vocabulo vim sonante, sed potius verbo suauem, blandamque euocationem significante? Ut alteram nobis argumenti nostri comprobationem ministraret, neque admiraremur Abraham tam faciliem, promptumque è tabernaculo suo egressum, ut qui iam ante ad vnam Domini vocem patriâ suâ excesserat, cognatosque, & amicos, domumque, & facultates, & omnia commodæ, quietæque vitæ adminicula deseruerat, & varijs proluxæ per alienas, & incognitas terras peregrinationis laboribus se exposuerat, ad illam Dei tam breuem iussionem, *Egredere de terra tua, & de cognatione tua, & de domo patris tui*; Genes. 12. 1. quam vix auribus hauserat, quando persequi opere extemplo cepit, & sine cunctatione omnia sua relinquens in viam se dedit, de quo ibid. v. 4. *Et egressus est Abraham, sicut praeceperat ei Dominus.* Quando ergo Dominus prodire Abraham è tabernaculo suo voluit, non traxisse, sed eduxisse eum foras, non per vim eruisse, sed leniter, leuiterque euocasse facer Textus dicit, ut significaretur, quod illum Dei vox nullo negotio producere in campum potuit, quæ faciliè, & absque vi è media patriâ, & intimorum consuetudine euocatum permouere potuit, ut in exterâ, easque nunquam visas regiones commigraret: *Non ait, Traxit, tanquam inuitum, & reuocentem, sed Eduxit velut spontaneum, & promptum.* Suspectam enim redderet fidem scriptoris, si minora facere non potuisset Dominus, quem maius fecisse narrauit. Benè namque sequitur, quod eius manus conficiendo agno esse impares non potuerunt, cuius validi lacerati concerpando leoni fuerunt satis.

Ut populi sui imperatorem Iosue ad suscipiendam alacriter, tentandamque fortiter promissæ terræ expugnationem Dominus accenderet, hæc illi aiebat: *Omnem locum, quem calcaueris vestigium pedis vestri. Vobis tradam, à deserto, & Libano usque ad flumen magnum Euphraten. Omnis terra Hethæorum usque ad mare magnum contra solis occasum erit terminus vestri*; Iosue 1. v. 3. 4. velut dixisset: Maest virtute esto, Iosue, & magno animo audacter, intrepideque in eos inuehere, quicumque obistere voluerit per viam, quæ in secundum paradisum ducit, terram, aio, quam maioribus tuis pridem sum pollicitus. Ego tibi in omni confidit adero, ego pugnas tuas omnes felicitabo. Ampla, & latè patentia sunt locorum spatia, quæ vobis habeo parata, à Libano ad Euphraten usque, & per omnem Hethæorum regionem, quousque à magno mari alluitur, sese diffundunt,



fundunt, digna pro quibus valentissime, & pertinacissime dimicetis.

In his notandum, quod cum tam varij essent populi, & hostes, quos Iosue cum suis bello appetiturus, fortiterque subacturus erat, solos tamen Hethæos Dominus de proprio nomine expressit, quibuscumque de summa regni, totiusque patriæ illorum decertare oporteret, inquiens: *Omnia terra Herbarum erit terminus Vester*. Quamobrem verò solius gentis Hethææ facta est mentio inter provincias tam multas, ac varias, quas ferro subigere necessum erat, ut penetrare in terram promissam pede libero possent, & ipsi superatis Dominus inuictæ dexteræ suæ potentiam ostenderet?

Respondet quæsito eruditissimus Andreas Marius in cap. 1. Iosue dicens: *Ideo provincia Hethæorum singularis mentio fit à Deo, quia de ea expugnanda, quam de alijs diffidere magis poterant Israelitæ, Et in qua Enacinos giganteâ mole homines conspexerant speculatores Moyses, eorumque fama extremopauore vniuersum populum perculerat, Et propemodum ad repetendam Ægyptum redegerat. Ne igitur illa imperatoris animum difficultas perturbet, aut etiam populi, cum sit in Chanaanam transiendum, addidit Deus explicare, ea etiam loca reductum iri in potestatem Israëlitarum, cum primum illic pedes intulerint, qua præ cæteris inexpugnabilia visa fuerant, nimirum quæ ab Hethæis tenebantur, gente omnium Chanaanorum bellicosissima. Vir quilibet Hethæus turpem exequare magnitudine, & solo minaciore aspectu mortem adferre videbatur. Sic ferè dixerunt, qui ab explorata eorum terra reuerſi aiebant: Ibi vidimus monstra quadam filiorum Enac de genere giganteo, quibus comparati quasi locustæ videbamur; Num. 13. 34. Simul hæc audire ignauus, & spe suâ deiectus, populus, & succlamare cepit: Constituamus nobis ducem, Et reuertamur in Ægyptum; Num. 14. 4. Ingens eos Hethæorum, qui erant de genere Enac, timor ceperat, qui in miseram Ægypti seruitutem redire, quam in eorum manus incidere malebant. Ut ergo animos Iosue, adderet, populumque erigeret Dominus, & ad inuadendum intrepidè inimicum inflammaret, cæteros quidem tacuit, solos autem Hethæos subigendos memorauit, quos vehementer formidabant, & quod tam vastis essent corporibus, & tam fero aspectu, tam bellicosi in prælio, tam insuperabiles bello. Hos itaque tam feros, & horribiles primo loco posuit, ut hinc argumentum conficerent, cogitarentque, qui gigantes obruncassent, eum pygmæos faciliè delere posse, & leuiter*

extincturum culices, qui leones interfecisset.

Truculentissima quædam tigris scelus perpetravit, quo immanius in eo genere vix aliud esse possit.

Abimelech fera ea fuit, qui occidit fratres suos filios Ierobaal, septuaginta viros super lapidem vnum, Iudic. 9. 5. Vix hoc tam crudele facinus ediderat, quando congregati sunt omnes viri Sichem, & vniuersa familia Orbis Medio, Et constituerunt regem Abimelech, ibid. v. 6.

Quid mouere istos potuit, ut regem deposcerent, ac renuntiarent hominem tam sanguinarium, & truculentum, idque tunc, quando tot fratrum suorum cruorem super lapidem vnum, inaudito exemplo fudit, & colla eorum gladio cæcidit, quæ dulcibus amplexibus stringere amanter debuisset, si tam intimæ necessitudinis, & consanguinitatis rationem aliquam habere debuisset? Et si hic illis commodus imperator futurus videbatur, talisque, sub cuius vexillis feliciter concurrere cum hostibus possent, cur non diu ante delegerunt, quos grauis necessitas boni ducis iam pridem tenuerat? Cur tunc primum arbitrari cœperunt, hostibus suis conficiendis illum aptum fore, quando in proprios fratres tam barbære desuijſſe acceperant?

Huic dubitationi satisfaciet opportunè in rem præsentem Salomon Hispaniarum Abulensis, qui q. 23. in c. 9. Iudic. sic habet: *Quid volebant Sichimitæ videre, an rex constituendus super eos esset vir bellicosus dignus regno, quid alioquin stultum erat tale efficere regem. Cum autem ipse cautè se habuisset contra fratres suos, occiditque omnes præter minimum, viderunt Sichimitæ eum posse pugnare contra hostes. Ex eo trucidatorum ab Abimelech fratrum factio sic ratiocinabantur Sichimitæ: Qui tantum habuit animi, ut fratrum suorum non parceret sanguini, sanguinem hostium facilius fundet. Qui non detulit coniunctissimis amicis, quomodo ille in hostes pius erit? Qui gladium suum suorum fratrum cruore tinxit, quomodo mucrone suo non ipsum eor, si potest, inimicorum transadiget? Profuit hæc Sichimitis argumentatio. Cum ipse cautè se habuisset contra fratres suos, viderunt Sichimitæ eum similiter pugnare contra hostes posse. Bona est in his casibus ratiocinatio, per quam à maiore ad minus descenditur.*

Sic itaque Politicus noster in similibus occasionibus spem de bono Deo habeat, quam Iacobtem Dominus ipse habere iussit, cum ei tali argumento in fiduciam fraternæ violentiæ faciliè se retundendæ erexit: *Si contra Deum fortis fuisti, quomodo fieri possit,*



posse, vt fratrem tuum, hominem debilem, & imbecillum superare nequeas? Qui maius, idem etiam minus præstare potest.

Nam vt dixit Quintilianus lib. 2. cap. 3. *nemo scilicet in maioribus eminet, & eum minoribus deficiant.* Si quem Dominus à grauioribus periculis vindicauit,

benè speret, quòd & à leuioribus liberabit. Si tanta fuit eius ergà quempiam beneuolentia, vt illum inter acerbiores calamitates seruauerit, non erit tam pauca deinceps, aut nulla, vt in ærumnis minus scuis illum destituat.

# LIBER SEPTIMVS.

## CAPVT I.

*Abundare, & timere literis, syllabis, vocabulis plurimum differunt. reapse nihil.*

**N**on possum promouere gradum ad alia, quin diligenter ante considerauerim angores, sollicitudines, diurnos, ac nocturnos metus, quibus Patriarcha noster vexatus fuit, priuquam ad patrem suum perueniret. Quando à patris laribus abiit, & ad auunculum suum contendit, non meminit Scriptura cuiuscunq; periculi, quod illi occurreret: At in reditu nulla fuit sine discrimine dies, nullum sine pauore iter, & vix passum metu vacuus fecit. Quid est, quòd tam securus, tutusq; abiit, & tam plenus timore rediit? Causa ea esse potest, quam ipse indicat in sua oratione ad Dominum, quā rogabat, vt ab irati fratris furore seruaretur illæsus, inquiens: *In baculo meo transiit Iordanem ipsum, & nunc cum duabus turmis regredior;* Genes. 32. 10. velut dixisset. Quando à parentibus meis ad auunculum perrexi, tota fortunarum mearum summa in vnico baculo posita erat; quo & fulcro, & comite utebar, iam verò peropulētus, & rebus omnibus circumfluens reuertor; hinc turbā hominum, illinc pecorum copioso grege stipatus. Hinc illi timores omnes haud dubium pati. In abitu simul & rebus alijs, & angore, sollicitudineq; vacuus erat, nihil formidans, quia nihil habens. In reditu, quoniam plurimam numerabat familiam, atq; in ea vxores, liberos, greges, famulos, ancillas, tantisque opum copijs vallatus erat, vt sexcenta capita ex armentis, & pecudibus dono offerre absq; graui suorum bonorum dispendio posset, animi inopem copia rerum, & meticulosum abundantia faciebat. Multum enim habere, & non parum timere quam vocibus multum discrepent, reapse tamen neque parum differunt. Id vel hinc arbitrari licet, quòd Iacob primus fratrem suum Esau vidit, quando hic veniebat, vt illum cum pompa, & apparatu magnificè exciperet, simul autem & vidit, & suos

vix comites ad modum exercitus in omnem euentum ordinauit. *Elevans oculos suos vidit venientem Esau;* Genes. 33. 1. Primus ille vidit fratrem appropinquantem cum quadringentis viris armatis, qui si equites fuerunt, non parum auxerit timorem illius equestris turmæ formidabilis aspectus. Itaque donec Patriarcha noster habuit, quod perderet, nunquam timoris oculos oculis excipere ausum, nunquam extra metum fuisse legimus. Vnde accipimus, quòd ex affluentia formido nascitur, nec alium æquè trepidare, angere, pauere, acceum, qui habet, quorum facere iacturam possit.

Quam pulchrè hoc expressum à Sancto Ioanne Chrysostomo! qui Tom. 4. homil. 1. in illud: *Salutate;* sic ait: *Pauper numis parum valens, & curis hæc omnibus carens, leo est. Ignem spirat, generoso, & forti animo aduersus omnes insurgit, facile omnia agit, quæ prodesse possunt Ecclesijs, siue opus sit, & arguantur aliqui, siue & increpentur, siue & Christi nomine ferantur parricidia, & inimicitia. Quoniam qui semel vitam despexit presentem, magnâ facilitate conficit omnia.* Et qui vitæ temporalis amorem à se abdicauit, & mortis metum perdidit, is omnia pericula intrepidus adit.

Turpem, & scandalosam iniqui regis Herodis cum fratris sui Philippi vxore consuetudinem omnes nouerunt. Crebra per annum fit incestæ illius amicitiole mentio. Non dubito, quin passim in compitis publicis, in conuenticulis clandestinis pauperes æquè ac diuites de nefario illo commercio pessime & fenserint, & locuti fuerint, vixq; aliud dixerint, quàm intolerabilem esse illum Herodis cum sua fratria tam perniciosi exempli conuietum. Ad murmurandum nulli lingua deerat, ad arguendum infamem consuetudinem soli Ioanni animus supererat: *Dicebat enim illi Ioannes, Non licet tibi habere eam;* Matth. 14. 4.

De hac re sic habet Chrysostomus, vbi suprà: *Quot diuites erant tempore Herodis? Quot potentes? Et quis in medium prorupit? Qui tyrannum increpauit?*



pauis? *Quis contemptas Des leges & ius est? Dicitur nullus.* Fuerint per id tempus, vt sunt hodie viri summates, Duces, Comites, Barones, Marchiones, Ierosolymis certè annis singulis erant summi Sacerdotes, Principes, Populi, Consules, Senatores, sicut hic causarum Auditores. Et cum tantus esset Magnatum numerus, nullus erat, qui non clam admorderet turpem, & obscenam illam familiaritatem, nullus, qui regem adire, & de malefacto palam obiurgare auderet. Cur verò quòd omnes fecerèd damnabant, publicè præter Ioannem nemo carpsit, nemo sugillauit?

Respondet iterum Chrysostomus: *Quis neq; lectum, neq; lectum, neq; mensam habebat, ille solus ac primus, omni libertate tyrannum arguit, & praesentibus omnibus, ac audientibus nuntiata sententiâ eum damnauit.* Dixerint omnes: Pro clandestina sceleris regij execratione nihil rerum nostrarum nobis adimitur. Dixerit apud se quisque: Si regem adeo, & flagitij sui arguo, aut me vitâ exuert, aut de statu deiiciet, aut dignitate nudabit, spes certè pontificatus tota mihi concidet, & bona mea fisco addicentur, aut me in iudicium pro neglecta obedientia trahent, aut censibus meis impedimenta adferent, aut iubeunt, vt meis sumptibus aliquam multos milites conquiram, aut aliam mihi incommodandi occasionem quaerant, & aula prohibebunt. Dixerit Consiliarius: Si regem obiurgo, mouebor officio, & manere domi iubeor. Si consiliarij munere decedendum fuerit, non potero vel collocare filias, liberosque alios in matrimonio, vel capta ad fastigium perducere ædificia, vel promouere famulos, vel dicere cognatos, vel opulentam fundare primogenituram, aut non æquè lautè, tamque paruo vitium, neq; solitam populi erga me obseruantiam habebo. Omnes timebant, quia affluebant, itaque dicebant: Maneant nobis nostra, atque vt plura acquiramus, taceamus, viderit Herodes, & vxor fratris illius, quid faciant. Quis ergo magno animo arguit peccatum, quis Zelo diuini honoris accensus ob oculos tot mutorum susurronum fœditatem culpæ suæ regi aperire, & exprobrare est ausus? Quis: Homo quidam parabilissimo cibo, melle syluestri, & locustis tantum vesci solitus, qui veste non utebatur aliâ, quam pilis, & exuijs camelorum, & qui mortem alicuius pecoris opperiebatur, vt illi hæres indumenti fieret, cui lectus non alius, quam dura humus erat, qui nihil ambiebat in aula, qui res suas augere domesticas ne cogitabat quidem, qui serui Dei titulum vnicum solum cupiebat. Is

primus, ac postremus regem de sua incesta libidine arguebat, qui pernitiabili suo exemplo graue inferioribus ostendiculum præbebat, & regium fœdabat thronum, & irritabat cælum: *Quis neq; lectum, neq; lectum, neq; mensam habebat, ille solus, & primus omni libertate tyrannum arguit.* Qui nihil habebat, ille neque timebat, cumq; etiam nihil cuperet, vel expectaret, non erat cur formidaret. Magna res rebus, & spiritu pauperem esse, & alienum ab ambitione. Qui enim talis est, is potentissimo regi, & tyranno sese obicere potest.

Rex inter prophetas David confirmauit hanc veritatem similitudine desumptâ ab animalis bruti naturâ. Psalm. 77. v. 69. & 70. sic ait: *Ædificauit sicut vnicornium sanctificum suum in terra, quam fundauit in sacula. Et elegit David seruum suum, & suscitauit eum de gregibus ouium.* Multi interpretum hæc de Verbo Dei carnem humanam induto, Christo accipiunt, qui priusquam carnis nostræ integumento se obnuberet, elegit Dauidem, vt esset pastor hominum, cum esset custos ouium. Hic nunc illud certum, quòd omnis Christi actio fuit nostra institutio, qui verbis nos docuit, factis erudit, miraculis informauit, ipsoq; aded silentio suo nos monuit. Quid ergo mysterij habet, quòd Propheta dicebat, habitationis locum Messie talem fore, qualis esset habitatio, quam sibi vnicornium construeret soleat? Cur domus construenda normam ab vnicorno potius, quam alio animali mutaturus erat?

Hugo Cardinalis in expositione Psalmi 77. & versuum sup: à scriptorū de hoc animali sic ait: *Nolandum est, quòd vnicornis non habet lectum, nisi lectum, & reclinatus ad arborem dormit.* Sic Verbum diuinum humanâ carne vestitum Christus pauper vt vnicornis fuit, neq; domum habens, nec fortunæ bona aliqua, qui de se verissimè dicere potuit Matth. 8. 20. *Vulpes foueas habent, & volucres cæli nidos, Filius autem hominis non habet, & caput reclinat, tamethi caput sit hominum, & Angelorum.*

Quid nos ista Christi, & vnicornis paupertas docuit? Respondet Hugo Cardinalis: *Quòd Prælati non debet sibi ædificare palatia nec ad domos alias anhelare, quam ad cælum.* Qui vult bonus esse Prælati, debet curare esse similis Christo, & vnicorni, vt tabula vna sit illi pro lecto ista cæli fornix, quæ omnia regit, neq; vel excitandis sumptuosis ædificijs, vel amplificandis opibus studere. Nam qui talia facere amat, is meticulousus erit, si opulentus, timebitq; audacter loqui, si aut potens quidam gratias

suis



us Principis, siue Princeps etiam ipse monendus, si obiurganda res quædam publica, si magnatum quispiam increpandus, si diuiti sua errata aperienda, timebit, inquam, suam palam, ac fidenter sententiam edicere, si habeat, quæ perdere possit. At qui ab omni honoris, opumque ambitu est alienus, ab omni diuitiarum copia nudus, ab omni bonorum temporalium amore vacuus, animosè quoddamque sentit, quodque res est, eloquetur, quoties occasio dicendi sese offeret, & liberè pro veritate pronuntiabit, ut qui nec gratia regis excidere curet, nec minas intimi gratiosi timeat, nec facultatum iacturam metuat, cum nullas habeat, & gratiam cælorum, ac solius Dei solam suspiret.

In hanc rem aptè locutus fuit Tertullianus, quando ait, nunquam facile martyres factas eas mulieres, quæ cultui corporis inuigilabant, & carnis delictis studiosè consecretabantur. Verba illius ex lib. de cultu femine. c. 13. sic habent: *Ceterum nescio an manus spathæ circumdari solita in durissimæ catenæ stupescere sustineat. Nescio an cruces de perisello in nervum se patiatur arctari. Timeo ceruicem, ne margaritarum, & smaragdorum laqueis occupata locum spathæ non der. Quare benedictæ meditemur duriora, & non sentiemus, relinquamus lactiora, & non desiderabimus. Stemus expeditæ ad omnem vim, nihil habentes, quod relinquere timeamus; quasi apertius dixisset: O quam vereor, ne assuetæ armillis aureis manus non ferant manicas ferreas! Dubito an sint toleranda pedicæ crura adscitijs ornamentis antehæc exculta: Dubito an gladium excipiet monilibus radiare solitum collum. Quare consultè facietis, o piæ femine, si asperis assuescat, ut familiaris usus tolerat ea faciliora reddat, si renuntietis prosperis, ut ne vos aduersa fraugant, nec sit aliqua cupiditas eorum, quæ spontè à vobis abdicatis. Omnem terrenorum affectum procul abijciamus, ut cum nihil habere volumus, etiam nihil timere possimus. Stemus expeditæ ad omnem vim, nihil habentes quod relinquere timeamus.*

Vertamus hæc eò, ut vsui esse possint concionatori, qui è loco publico publicum rectè instituere velit ministrum, ut munere suo probè fungatur, quod faciet, si Tertulliani bona monita suscipiat. Si quis vult Christianam libertatem ad dicendum uti, non studeat suis incrementis, non ædificet domos, non se deat delictis, & vitæ mollietate, non vertat officium ad suæ familiæ splendorem amplificandum, non habeat oculos fixos in gradum dignitatis sublimiorem. Quando enim hinc quidem sese offert occasio lo-

quendi Principi, & apertè, auctorèque monendi, quæ ex vsu boni communis, vel facere, vel relinquere infecta debeat, illinc verò occurrit animoque domus, quam perdere possit, delictis, quibus excidet, incrementum opum, quod cessabit, exilium, quod timere queat, status celsior, quem consequi nequebit, quo modo is liberè, animosèque loquetur? Si ambie mitram, si locum dignitatis editiorem, si amplum officium, aut aliud tale quiddam, quomodo ex nube pulpi effulminabit radium veritatis? Mitra illi obstringet linguam, ut non rectè moneat, & soluet, ut assentetur, & quæ placitura putat, loquatur. Primogenitura, amplificandi generis cupiditas, ambitus honoris maioris, collocandus in matrimonio filius, procurandus fratri habitus ordinis militaris, impetrandus cognato census annuus, obtinendum amico fido, & familiari officium, quid aliud esse possunt, quam frenum, quo cōdēcantur, ut ne sincère, & sanctè pro veritate pronuntient, qui ex officio debent? Exocpetur ergo ab omni terrenorum affectu animus, eiiciatur è corde omnis honorum, & bonorum cupiditas abijciatur è pectore omnis respectus humanus, sic enim quoddam res est, nudè, integrè, intrepidè dicetur. Non enim habet quod timeat, qui non habet quod perdat. Non eret ministris, si è regno in regnum migrandum fuerit, ita non præteribit illum occasio, quæ cum libertate Christiana suam proferre audacter sententiam possit: *Stemus expeditæ ad omnem vim, nihil habentes quod relinquere timeamus.* Sic veritas florebit, & consilia fructum producent, quem Dominas rectæ procuratori suæ Ecclesiæ in temporalibus, & spiritualibus optat.

Dubitatum à multis fuit, quid permouerit Ecclesiam, quod iniuges voluit manere sacerdotibus. Latina certè nulli permittit connubium. Quid causæ habuerit, quod permittere uxores sacerdotibus noluit? Rationes multæ sunt, omnesque momentosæ, graues, iustæ, quare Sponsa Christi voluit, ac vult, etiamnum cælibes vitare suos sacerdotes. Apud Ioannem Raulin Tomo 7. serm. 2. de Matrimonio. vna è multis præsentis causæ opportuna sic habet? *Quia mundani timor faceret eos venerari maiores, adulari medijs, & spernere minores. Et per hoc omnis correctio, & prædicatio esset dissimulata & corrupta. Et propter hoc, ut dicit Gerlon, multum expedit, ut prædicatores nihil acciperent, quia eorum prædicatio magis reputaretur, quia sæpe per hoc, quod prædicator caput ad omnes manus dissimulantur vitia, quæ debent impugnari. Si quis sacerdos & vxoratus esset, &*

soncio



concionator, putas nudam ingenuè, audacter eloqueretur veritatem? Putas admorderet vitia, obiurgaret scelera, & Regum maximè, aliorumque, qui opibus, & auctoritate valent, animosè, ac liberè damnaret malefacta? Quomodo filium promovere, dare nuptij filiam, diuitem facere familiam poterit, nisi dissimulet vitia, tegat culpas, extenuet flagitia? Immo & hoc è re publica Ecclesiæ esset, si ecclesiæ pro suo euangelico ministerio nihil remunerationis admitterent, Paulumque imitarentur. Nam ex eo, quod concionatores ambabus, vt dicitur, manibus munera excipiunt, fit, vt astute occultentur crimina, quæ damnari liberè deberent. Ex rerum enim copia nascitur timor perdendi, ex timore autem sequitur, vt fidenter loqui non audeat, qui suorum stipendiorum iacturam formidat.

Si non est ita, interrogemus Ioannem Cluniacensem, vnde perfidioso Iudæ illa sua immoderata, & insatiabilis auaritia nata fuerit, qui fur erat, & loculos habens, ea, qua mittebantur, portabat; Ioan. 12. 6. & renes pauperis Domini sui facultatulas depeculabatur. Respondebit enim, intemperante vxoris amore incitatum fuisse, vt reculis suæ fidei creditis furaces manus afferret. Proditor Iudas argentum datum Christo furit accipiens dabat & xori. Vix aliqua offerebatur communi alimonie sancti Collegij elemosyna, quando improbissimus & economus Iudas surripiebat, quidquid illud poterat, ferebatque vxori, quæ illi occasio, sordidæ auaritiæ fomentumque fuit. Idem timere apud multos sacerdotes, si vxorati essent, possemus. Nam, ex ardentiore coniugum amore, ex cupiditate prouehendi, & locupletandi liberos obiurgationem vitiorum prætermittent, nouasque comminiscerentur corruptionis theologiæ opiniones, quas schola cælorum nec amplectitur, nec probat. Hæc enim miseria hominis opulenti, qui cor suum addixit ædificijs, amplæ familiæ, diuitijs, quod timeat, vt loquebatur Sanctus Ioannes Chrysostomus vbi supra, pro domo, pro famula, pro agris, pro opibus, ne quis aliquid ex his auferat. Et qui multorum est Dominus, idem multorum seruum esse cogitur. Qui timet perdere quod habet, idem Principum, magnatum, copiosorum palpato est, & perpetuus assentator.

Si palatiorum spirituales profectum, & utilitatem sic omnes procurarent, vt quæfuit Elias, alia profectio esset illorum disciplina, alia Principum institutio, & mores alij. Quot annos transmisit Elias in aula? Quamdiu triuit regiam? At videamus quid boni ibi effecerit. Illud primuū, quod de ru-

di, & vili habitu omnibus notus erat. Vir pilosus, & zonâ pelluceâ accinctus, veniens dicebatur 4. Reg. 10. 8. Itaque qui audiebat nomen pauperis, panis, laceri, tenuiter vestiti, Eliam statim intelligebat, illum prophetarum ardentissimum, illum ad sanctam iram propensissimum; & iustas ob causas stomachatissimum. Elias fuit, qui prophetas falsos tam multos vna occisione deleuit. Elias, qui regi Achab intrepidè resistit. Elias, cuius precibus è cælo aduocatus ignis quinquagenos milites semel, & iterum deuorauit. Elias, qui regi Ochoziaz suam idolatriam exprobrauit. Elias, qui cælum pro suo arbitrio nunc clausit, nunc aperuit. Elias, qui terrori fuit hominibus summis, infimis, mundo toti. Elias, qui Deum iuramento constructum triennio, & ultra tenuit, vt nullam interim è loco superiore guttulam aquæ demitteret. Hæc, & multo plura fecit, quæ narrare vellem, si par voluntatis facultas esset, & tempus permitteret. Vnde illa sacro Eliæ audacia, vnde animi tantum robur? Chrysostomus vbi supra ait: Nihil præter meloten possidebat. Nihil enim, nihil omnino sic liberè loquens, & in rerum discrimine fiduciam habere, & contra captiuitatem satis munitum, & fortem facit, & nihil possidere, & nullis secularibus obrutus negotijs. Nihil expetebat. Elias præter solam vilem, rudem, & regendæ nuditati necessariam vestem, huc tota illius ornamentorum temporalium concupiscentia extendebatur, & præter honorem, ac gloriâ Dei aliud nihil ambiebat. Opus illius erat omnem è mundo expulsare idolatriam. Summa opum, paupertas euangelica ante promulgatum euangelium. Cura illius tota, vt discipuli illius religiosi suos in cælum transferrent thesauros. Quid mirum ergo quod tam audacter increpauit reges, tam intredite obiurgauit Principes, qui præter vilem, pannosumque habitum nihil habere voluit? Quid magnum, quod tam animosè inuehebatur in idolorum cultores, qui nihil habebat præter vitam, quam perdere poterat, & optabat pro Dei gloria, & honore morti offerre?

Hinc iam non admiror, quod noster Patriarcha tantum se demiserit coram eo, quem Superi illi seruum designauerant, vt progrediens adoraret pronus in terram septies; Genes. 33. 3. & serui sui seruum se nominaret & illum suum dominum vocaret, faciemque eius vultui Angelico similem vidisse diceret, totamque familiam suam ad eundem adorandum suo & exemplo, & imperio adduceret, idque vt furorem illius euaderet. Multa nimirum habebat, quæ perdere poterat, vxores, liberos, familiam, suppellectilem,



Tem, greges. Et quanquam de Iacobe dici potest, prudentiæ fuisse, quod timuit, aliorum tamen damna- bilis ferè est timor, qui dum metuunt ne vel ia- cturam patiantur, vel incrementa non faciant eo- rum, quæ habent, multorum sæpè scelerum, quæ superius indicauimus, fiunt vel autores, vel foetores.

CAPVT II.

*Proprium est hominis humiliare se, cum quid ambit, & obliuisci benefactorem, cum exambijt, quod pensabat.*

Nemo accusat nostrum Patriarcham, quod eâ occasione tantum se demisit. Tametsi enim in- dubitatum habebat, certo sibi affuturam Dei opitu- lationem, non propterea debet intermittere quid- quam eorum, quæ ipse ad conciliandum fratrem fa- cere poterat, & ad liberandum ab inuasionem, quam timebat, uxores, liberos, familiam. Illud verò a- crem meretur increpationem, quod multi affectant imitari sancti Patriarchæ submisionem, adorationem, adgeniculationem, prostrationem, omnemque ve- nerationem, & magnificas promissiones, donec im- petrant, quod cupiunt, aut euadit periculum, quod timent, postquam verò obtinuerunt, quæ optabant, & enaserunt discrimen, quod metuebant, non re- cordantur promissorum, ut ea expleant, nisi quod nonnunquam etiam humilitas in superbiam verti- tur, ut minari posthæc soleant, qui antè obsecrabant, & rusticè ingrati fiant, qui humiles supplices fue- rant.

Nescio an in figura, & ex nomine talium dixerit regius Propheta, cum ait: *Deus, Deus meus ad te de luce egredior. Sicut in te anima mea, quam multipli- ceter tibi caro mea;* Psal. 62. 2. velut pluribus di- xisset: Vix sol iste, ô Deus meus, summa montium cacumina suis perfudit radijs, quando vox mea cœ- lestes fores tuas pulsât, & inclamat. O quam vehe- menter sicut anima mea tuæ auxiliari gratiæ præsi- dium, & subsidium! Iam corpus meum varijs ne- cessitatibus, neque leuibus, laborat, & proinde tu- am opem ardentius suspirat. Hanc orationem, quod titulus psalmi loquitur, obtulit David Deo, cum es- set in deserto Idumææ, quando fugiens iram Saulis in eremum interiorem se recepit, atque in antro O- dollam velut sepeluit. Inter eiusmodi angustias a- dorauit illas tam ardentes preces.

Sed non præterijt aquilam Doctorum sanctum Augustinum modus, quo declarauit afflictus Pro- pheta suam anxietatem, & remedij desiderium, in-

Tom. III.

quiens: *Sicut in te anima mea.* Sicut vocat cu- piditatem enadendi periculum, in quo versabatur, cum illius vitæ necem rex infensus tam multis, & magnis modis intentabat. Dicit nunc Augustinus: *Modo oratio, quamdiu sitis, cum sitis transferis, trans- fer oratio.* Quam benè ardens sitis vocatur multo- rum obsecratio! Cum afflicti rogant, cum lugentes, ac moesti petunt, cum in ærumnis positi clamant, si- tire feruntur, quia euenit illis, quod multis ægris, quos cum implacabilis tyrannis seuæ, & igneæ sitis adurit, non est fons ijs aliquando visus, cuius non ha- beant tam viuam memoriam, quam si ob oculos co- ram præsentem haberent, nec fluuium recordantur, quem non exhaurire ad extremam vsque guttam vellent, nec montem, aut vallem aliquam transie- runt, ad cuius fontem, si quem ibi conspexerunt, desiderio non recurrant, cum ardentis mali feruore exarescunt. Quot proposita concipiunt inquirendi fontem, adeundi fluuium, petendi riuum, mox ut per vires è strato exurgere queant? cessat ægritudo, redeunt in concordiam humores, transit flagrantis sitis austeritas, iamque omnem riuu, fluminis, fontis memoriam abiicit, qui fuerat infirmus, ac si nihil horum vnquam vidisset, nisi quod etiam tam inui- sus est illi aquæ intuitus, quam exosa omnis res alia, quæ noxia.

Ad hunc modum dicit Propheta ex nomine mul- torum: *Sicut in te anima mea;* qui eorum simi- les sunt, quos dira sitis afflicta: Velut enim hi, dum eo malo laborant, vario proposito ad petendos fon- tes se obfirmant, eorumque ne quidem recordan- tur, cum extincta sitis fuerit; sic multis Dominus fons est. Nam cum siti calamitatum, aduersitatum, periculorum vrgentur, tunc illum humiliter, & cœ- tentis vocibus inclament: At cum præterijt æru- mina, conquieuit discrimen, & sitis necessitatis, vel angustia abiit, non reminiscuntur fontis, elabitur ex memoria, & contemnitur Dominus, sicut ægri, qui consauerunt, aquam ex animo amittunt: *Modo oratio, quamdiu sitis, cum sitis transferis, transie oratio.*

Hoc est, quod mellissimus Abbas sanctus Bernar- dus lib. 4. de Consolat. aiebat: *Importuni se accipi- ant, inquieti donec accipiant, ingrati sibi acceperint, largissimi promissores, & parcissimi exhibitores.* Mi- rum est videre eos, qui in aëla Romana quidquam ambiunt. Quam molesti, & infesti sunt, ut obine- ant, quod suspirant! Quam anhelii, & turbulenti percuritant omnia loca, ubi spes aliqua potiundi af- fulget! Quos non mōtes aureos spondent, quæ non

Gggg

officia



officia pollicentur, quo non humillimè obseruantia genere colunt, quàm non reuerenter adorant eos, quorum opera efferrì posse sciunt, & euehendo sperant! At postquàm votorum compotes facti, quàm sunt immemores & beneficiorum, & omnium promissorum! Vt canonicatum consequantur, ut piscentur mitram, ut purpuram vestire liceat Cardinalitiam, quàm magnifici sunt sponsores! At politici rerum, quas tam inhiante expetebant, quàm sordide negligentes sunt suarum pollicitationum! Ea est indoles hominum, & consuetudo familiaris, ut adepti, quæ prensarunt, non soluant, quæ promiserunt.

Barbarum, & rebellem Pharaonem castigauit Dominus, ut populo eius, qui durâ seruitute oppressus iacebat, liberum abitum permitteret. Duæ iam plagæ præcesserant. Primum enim aqua fluminis in sanguinem versa fuerat, ut biberet sanguinem decurrens fluminis, qui cruorem lugens populi sitiebat. Deinde excitauit superus iudex foedus in omni Ægypto ranas, quæ ad intima immanis tyranni penetralia, & secreta cubilia irruerant, sic ut nemo eas prohibere posset. Ad preces Moysis sublatum fuit hoc flagellum, sed monet sacrum oraculum, quod *Videns Pharaon, quod data esset requies, ingrauauit eor suum, & non audiuit eos, sicut præceperat Dominus.* Exod. 8. 15. Et qui dixerat: *Orate Dominum, ut auferat ranas à me, & à populo meo, & dimittat populum, ut sacrificet Domino;* ibid. v. 8. cum vidisset superiorem subsidisse tempestatem, conquieuisse plagam, extinctam cum mortuis ranis afflictionem, non modò non expleuit promissa, verum etiam adamantinum cor illius factum est, quod fuerat æreum.

Quot Pharaones habet mundus! inquit Nicolaus Lyranus. Sine numero sunt, qui eum imitantur. *Sic faciunt multi,* ait ille, *qui cum in afflictione positi sunt, multa Deo promittunt, sed extra periculum positi retractant.* Retractiones, ut optime Augustinus, sic quidam pessimè, & impiè faciunt, suorum dictorum, quia non modò non præstant, quod Domino sponderunt, verum etiam cum euaserunt periculum, aut conualuerunt ab ægritudine, aut voti alius compotes sunt facti, oppugnant Dominum beneficijs, quæ ex liberalibus ipsius manibus acceperunt. Opum enim facultates, quas per litem in iudicio recuperarunt, ad ipsius offensas vertunt, cum in vanitate, & turpem libidinem effundunt, bonâ autem valetudine ad irritandum tam magnificum benefactorem abutuntur, noua excogitantes

peccata, quibus prouocent eum, cuius beneficio reddita est sanitas.

Hoc est, quod Cordubensis Philosophus Seneca lib. 3. de beneficijs c. 1. aiebat: *Audi Voces petentium. Nemo non videtur semper in animo suo memoriam dixit, nemo non deditum se, & deuotum professus est, & si quod aliud humilis verbum, quo se oppignoraret, inuenit. Post exiguum tempus iidem illa verba priora quasi sordida, & parum libera euitant. Perueniunt deinde eò, quò, ut ego existimo, pessimus quisq; atq; ingratus pervenit, ut obliuiscantur.* Quàm varijs & humiles gestus eius, qui commodatò pecuniam, siue aliud quidpiam petit! Quanta plaustram mutuorum officiorum pollicetur, si à præsentì calamitate, quod rogat, eripiat, & in securitatem asseratur! Quàm exoleta vocabula comminiscitur, quæ monstra nominum non excogitat, quibus suam propitissimam gratificandi voluntatem more inaudito significet, ut quâ suspirat gratiâ, exobsecret! Sernus, mediastinû, mancipium, captivum profiteri, nimis tritum est, insolentia submissionis verba confingunt, quæ in nullo Calepino; aut nomenclatore inuenire queas. Verum expecta mihi istos tam humiles, & perofficiosos, donec assequantur, ad quod aspirabant, & videbis quid agant, quomodo incumescant, supercilia attollant; ceruicem erigant. Iam aspernantur eos, quorum manibus è periculo, quorum numis ex ære alieno sunt erepti; quorum studio arduum feliciter consecerunt negotium. Tale ferè est ingenium hominum, ut plurimam submissionem simulent, donec prestant beneficium, vel officium, statimque ac illud sunt consecuti, ex fluuio Lethe aquam obliuionis obbibant, nisi quod ex humillimis, & extremis mediastinis, quales se ipsi appellicare antè solebant, insensibilis, & mortales hostes nonnunquàm fiant.

Fortean ego hoc primò affirmo? Ab ipso veritatis ore suam hæc sententia trahit originem, cuius hæc sunt Ecclesiastici c. 29. v. 5. *Donec accipiant, osculantur manus dantis, & in promissionibus humilant vocem suam, & in tempore redditionis postulabit tempus, & loquetur verba radij, & murmurationum, & tempus causabitur.* Fit ut veniat quidam petens mutuo pecuniam, quâ ad vim repellendam, aut redimendam vexationem vnice indigeat. Ut verò examinat, quod ambit, appetit manum patroni, quem implorat, eamque blandè dissuauatur, & mancipium se pro beneficio sempiternum offert. Appetit solvendi hora, debitum humanus creditor exigit. Hic iam querimonias, & contumelias suboriri audias, &

verba



verba pro iustis debitis rependi, & culpitari primum temporis angustiam, deinde etiam illius, qui mutauit, nimiam festinantiam, & austeritatem. Nonne videtis, quam perspicue hanc doctrinam nobis tradat Spiritus Sanctus, cum ait: *Donec accipiat, osculantur manus dantis?* Quæ alij sic transtulerunt: *Est qui dum accipiat, osculatur manum suam.* Quid est suam ipsius manum osculari? Adorare eum, à cuius manibus accipit, quod petit, & hoc illi præstare, quod fieri erga ipsum Deum coeli fieri solet. Osculari sibi ipsi manus olim signum erat orationis, quæ ipsi Deo deferabatur. Omnibus exploratum est illud sancti Iobis, quod semper ad probandum hunc ritum, ceremoniamque adferri solet: *Et vidi solem, cum fulgeret, & lunam incedentem clarè, & latatum est in abscondito cor meum, & osculatus sum manum meam ore meo;* Iob 31. 26. 27. quod tale fuit, ac si dixisset: Ego nunquam fui idololatra, non adoravi solem, & lunam, ut multi cæci, & decepti fecerunt. Hoc est, quod ait Spiritus S. fieri à multis, quando aliorum operà, & gratià egent: *Est qui dum accipit, osculatur manum suam.* Quando homo quispiam opus habet alio, sæpe hoc facit cum illo, quod cum ipso Deo coeli, adgeniculatur coram illo, procumbit in terram, adorat illum, tanquam esset Deus, gemit, suspirat, illachrymat, donec quod petit, consequatur, & obtineat. At postquam desiderio illius factum est satis, postquam impetrauit beneficium, & pecuniam, quam rogabat, cum modatò accepit, & iam reddendarum gratiarum, soluendiq; debiti tempus aduenit, aspera dat responsa, stomachatur, succenset, iniurias etiam reponit ijs, quibus antea magnifica promissa fecit, & frequentem adorationis cultum exhibuit. Communis hominum mos id habet, ut dicant, Deum quandam esse, à quo auxilium opemq; expectant, prout illum venerantur, & adorant, postea verò quam potiti sunt rerum, quas requirebant, & suspirabant, affirmant, dæmonem peiorem illo apud inferos non esse alium.

Istud genus hominum expressit Paulus Arefius lib. 3. delle imprese 24. tom 3. quodam symbolo cameli adgeniculati, iuxta quem erant nonnullæ sarcinæ vestium, & inscriptio, *Donec accipiat, subaudi onera.* Nota est huius animalis proprietas inter omnia quæ nouimus (nouimus autem multa) peculiaris, estq; ea, quod cum illi iniiciendum onus, submittit se in terram, & postquam excepit sarcinas, erigit sese, & pergit. Tales sunt multi, neque aberrabo, si dicam plerique, qui accepturi beneficium, gratiam, dignitatem, utq; obineant, quod ambiunt,

camelos imitari in terram visq; se deiciant, tam non manus tantum, sed & pedes eorum, quos sperant patronos, ac terram etiam, quam illi calcant, osculantur, consecuti autem quod expectabant, erigunt sese, & efferuntur superbià, nec recordantur amplius eos, qui contulerunt beneficium, mutuarunt nummos, exemerunt è periculo, auxilio fuerunt in necessitate, & inter angustias subuenerunt. *Donec accipiant, osculantur manus dantis,* inquit Spiritus S. Gibbosi, ac deformes cameli sunt, quicunque tales, dum prensant quidpiam, humilitate magis humiles videntur, postquam obtinuerunt, quod volebant, omni inurbanitate inurbaniores, & quouis agresti rustico magis sunt agrestes, & ruflici.

Ut Arefius tales comparat camelis, sic ego eos possum conferre cum auib; foemellis, idq; ex doctrina, & obseruatione illustrissimi martyris, & Archiep. Antiocheni S. Eustachij in Hexam. ubi sic ait: *Aues famina, quousq; conceperint, mare admittunt, postquam conceperint, auersantur.* Conseruandæ speciei, & propagandi generis sui desiderium à natura omnibus est insitum animalibus, foemellisque videtur vehementior ingenta esse huius rei cupiditas. Verum aues eo tempore, quod naturæ parens deputauit conceptui, faciles se non solum suo consorti submittunt, ut is illarum promoueat, & iuuat intentum, verum etiam aduocant, incitant, & velut postpositâ suâ existimatione, indagant, & procantur: At ubi concepisse sentiunt, & masculorum auxilio non amplius indigere agnoscunt, non eos deuitant tantum, & fugitant, sed etiam dedignantur, & horrent, rostroque, & ungibus, vim, quamcunque mares inferre volunt, repellunt: *Quousq; conceperint, marem admittunt, postquam conceperint, auersantur.* Sic pars hominum mundanorum maxima facit. Quo tempore premuntur necessitate, & aliorum ope opus habent, & versantur in angustijs, humiliant se, & submittunt, inuisunt eos, & comitantur, quos sperant auxiliares, officiosis etiam oblationibus, & grandibus promissis demerentur, ac deuinciunt: Verum compotes facti votorum, post depulsum periculum, post confectum ex voluntate negotium, post curatam, & sublatam necessitatem, *postquam conceperint, auersantur,* & non modò non visitant, adeunt, consulant benefactorem, verum etiam quauis occasione illi obtreçant, & maledicunt, & beneficia eius extenuant, & ne gratos ostendant, mille modos inueniunt, quibus obscurent, & offuscent.

Tanquam rem singularem de se narrat Propheta regius, se non esse in numero eorum, quorum vix est



est numerus, inquiens: *Exurrexi, & adhuc sum tecum*; Psal. 138. 18.

Quidnam hoc peculiaris operis, quid facinoris eximij, quod ad æternam memoriam nobis sanctus Propheta scriptum reliquit?

Audite sanctum Ioannem Chrysostomum illud in eius Psalmi commentario exponentem: *Exurrexi, & adhuc sum tecum. Non est paruum signum virtutis, in rebus secunda virtutem perpetuo conservare. Multis, inquit, cum res eis evenissent, tui obliti sunt: At non ego, inquit, sed cum etiam exurrexi, hoc est, cum sum liberatus à malis, semper ero tecum.* Erexi me ex ætumnarum, persecutionum, calamitatum misero statu, & nihilominus constanter apud te persevero, te adoro, te que in memoria, & reverentia habeo, etiam postquam me in excessum maiestatis solium elatum video. Hocceine verò illud factum tam singulare, rarum, eximium, nunquam visum? Immo verò, ait Chrysostomus, quia consuetudo hominum vetus semper habuit, & mos hodiernus etiamnum habet, (quod videmus, & experimur quotidies) ut cum se constringi necessitate cernunt, multa promissa ficiant, sese humiliant, demittant, subiiciant, at postquam impetrarunt postulata, effugerunt periculum, nec hominum amplius, neque Dei recordentur, qui afflictis opitulari dignatus fuit. Verum ego non sum eo ingenio, quo plerique, inquit bonus David, nam ut nuper, cum me Saul insectabatur, & exagitabat, eram humilis, sic & nunc sum mei similis, cum me homines adorant: *Exurrexi, & adhuc sum tecum. Multis, cum res eis evenissent, tui obliti sunt, at non ego, sed etiam cum exurrexi, cum sum liberatus à malis, semper ero tecum.* Qui humilis, ac gratus post obtentum gratiæ, quam suspirabat, beneficium permanet, nã ille plusquam Phoenix haberi potest, egreditur nimirum usus communis limites, contraque ac homines ferè solent, facit, de quibus Seneca Epist. 61. ait: *Nihil carius aestimamus, quam beneficium, quamdiu petimus, nihil visimus, cum accepimus.* Cum quis agrà, eaque periculosà laborat valetudine, quot preces, quot vota, quot propostia pia in suo strato concipit! Cum quis in discrimine naufragij, latronum, cæterarumque tantum adversitatum dubius vitæ versatur, quid non promittit! Quid non dicit, ut Dominum ad ferendam opem aduocet, perque illum liber euadat! Postquam conualuit, flumen transmisit, in portum appulit, vità saluà manus prædonum effugit, quam rusticus est, quam ingratum suo benefactori, à cuius munificè manu gratiam accepit. *Modo gratio, quam-*

*diu sitis, cum sitis transferis, transit oratio.* Ut post mitigatam sitim nulla est recordatio fontis, vel fluvij, ut nulla est memoria penulæ, cum sudum est cœlum & præterijt pluvia, cuius gratiã viatores laternã vti solent: Sic multi sunt, qui cum nostro Patriarcha venerantur, adorant, seque deijciunt, & submittunt; at non imitantur eum per omnia, neque perdurant in humilitate post consecutionem beneficij, quod optarant, ut ille perseveravit. Sanctus Iacob enim postquam in gratiam cum fratre redierat, postquam veniam, quam rogabat, impetrarat, postquam transiit liberum, & securum inuenerat, quod vehementer desiderabat, postquam se incolumem, vxores autem suas, & sobolem, & familiam, & greges, & omnia salua viderat, adhuc fratri suo Dominus dicebat, dominumque suum illum appellabat, inquiens: *Hoc vno tantum indigeo, ut inueniam gratiam in conspectu tuo, Domine me*; Genes. 33. 15. velut dixisset: Non velim quenquam tuorum hinc delassari, quod me per viam reliquam comitatur, illud vnum mihi ad omnem felicitatem satis fuerit, si me in terris tuis, sed charis, & gratis, beneuolens Dominus numeraueris.

Hoc debet Politicus nosse imitari, & facere, ut ne in vulgo infimæ plebis, inter agrestes, & incultis moribus homines recenseatur, ne vnus ex eis existimetur, qui cum quid ambiunt, se humiliant, ac demittunt, cum exambierunt, ut sunt rustici, inhumano, barbaro ingenio, sic vile tergum illi obuerrunt, qui necessitatibus illorum tulit remediũ, & periclitates sospitauit, & in angustijs positos in locũ aplũ afferuit, & grumque pondera, quibus prægrauabantur, ademit. *Pulchrè in hanc eandem rem scripsit Tomo II. Dominica XIII. post Pentecosten, Periochã III. pag. 198. c. 2. o. Vide.*

### C A P V T III.

Nullum tam efficax incantamentum ad placandum stomachosissimos, ad occupandum animos eorum, qui maxime barbaro, iracundo, fero sunt ingenio, quam verba amica, & suavis sermo.

Quantum, Deus immortalis, possunt, quantum valent dulcia verba, & blandi, melleique sermones ad expugnandos, ac subigendos hominum etiam efferratissimorum animos! Luculentum nobis huius rei experimentum præbens occasio præbuit. Quis magis ferus, & indomitus, quam Esau? Quis magis barbaris, & agrestibus moribus? Ille nihilominus heri tam inhumanus, durus, austerus, terribis,



us, barbarus, hodie tam est urbanus, comis, facilis, ut videatur pro viuo ipsiusmet urbanitatis, & humanitatis exemplari esse. At videamus, quomodo ille tam durus anitus emollitus, quomodo illud gelidum pectus solum fuit. Urbanitati, comitati, submissiōi, & blandiloquentiæ verborum ferreum illud, & adamantinum pectus cessit, talibus rebus Sanctus Iacob castellum fratris sui expugnauit, & validissimam feritaris illius arcem occupauit. Ad hunc modum subiguntur corda humana. Nullus magnes sic attrahit ferrum, ut verborum suauitas, & beneuolentia sermonis animos hominum. Hæc doctrina, ut Hugo Cardinalis, doctissimus Pëterius, & Cornelius aiunt, in præsentī hīstoria nobis traditur, nimirum *demissione animi per verba, externosq; motus corporis declarata, affabilitate item, & comitate, atque dulcedine quadam sermonis demulceri, mitigari, occupari animos etiam maximè alienos. Tanta enim est vis suauium verborum, ut nemo sit, qui ei obstitere posse videatur.*

Miseratus Sponsus, illè de Canticis, iniurias, quas Sponsæ inferebant sorores illius inuidæ, aiebat: *Sicut litum inter spinas, sic amica mea inter filias*; Cant. 2. 2. ac si dixisset: Quam periculose in medio aculeatarum, & agrestium spinarum teneam, & candidum lilium versatur, tam ægrè est Sponsæ meæ inter suas comites, quas habet verborum, operumq; suorum omnium ut oculatas exploratrices, & obseruatrices, ita periniquas, immines, inuidas iudices. Mulieres ergo nobiliores Ierosolymitanæ nihil aliud erant Sponsæ, quàm sentes, spinæ, tribuli, qui vitam illius punctim apperebant, moreq; & actiones eiusdem quasi infictis vulneribus fœdere, vitare, obsecrare, & de sua existimatione deijcere volebant. At videamus utrū Sponsa mulieres illas, spinas, sentes, hoc est, suis nominibus vocet. *Nigra sum, sed formosa, filia Ierusalem*, aiebat ad illas Cant. 1. 4. Hic videtur esse manifesta pugna contrariarum appellationum. Sponsus nempe illas nominat pungentes incultæ syluæ spinas, & Sponsa filias Ierusalem, domicellas aulicas, ad omnem urbanitatem, comitatemq; educatas vocat. Quid conuenit rosis hortorum cum spinis sylvarum? Quid agrestibus plantis cum floribus domesticis?

Sanctus Bernardus ab hac nos absoluet dubitatione, qui ait, non necesse Sponsam, quantæ esset istarum mulierum maleuolentia, quanta linguarum petulantia, quarum dentes experta fuerat, & senserat aculeos, vocasse nihilominus filias Ierusalem,

tantaque erga eas comitate, & verborum suauitate usam, ut earum asperitatem leniret, emolliret peccatoris duritiam, cum sciret, indomitissima ingenia cecurari blandiloquentiâ, & suauitate sermonis. Melissui Doctoris gemmea verba ex Serm. 25. in Cant. sic habent: *Hæc igitur ratio, cur Sponsa filias Ierusalem dicat eas ipsas, quas maleuolas sustinet, atque maledicas, fideliter et blando sermone delinias murmurantes, commotionem sedet, sanet liuorem. Scriptum est enim, lingua pacifica compestat lites.*

Huc spectat illud Theophrasti lib. 2. de causis plant. c. 19. *Agricolæ arbores, fructusq; mitigans mutare nimirum potest.* Quantumuis agrestis sit planta, quantumuis montana arbor, si colatur, si rigetur, si stercoretur, si fodiatur, si suauiter habeatur, & blandè curetur, foueaturque, quidquid montanum, & agreste habebat, relinquit, neque corticem modò alium, verum etiam aliam conditionem induit, fructusque edit tam suauis, & gratos, quàm villæ aliæ domesticæ, & urbanæ produciunt. Totum hoc potest, & efficit industrij, & studiosi hortulani mollis, & blanda manus. Sic Sponsa cum sciret, quantum valerent mitia verba, & quàm efficaces essent ad mutandum animos urbani sermones, socias suas, quanquam spinas, & tribulos esse nosset, suauiter appellat, dulci responso demulcet, humane, leniter, affabiliterque suscipit, ut eas mitiget, & ex spinis syluettribus in rosas domesticas vertat, inq; lilia horri mutet. Tantum valet suauitas verborum, & difficile dictu est quantopere conciliet animos hominum, comitas, affabilitasq; sermonis, inquit Cicero in lib. de Offic.

Ut affabilitatis amorem, & morum facilitatem, & urbanæ consuetudinis usum nobis Salomon persuaderet, quo auerissimas, & aduersissimas voluntates expugnare, & demereri possemus, aiebat: *Lingua mollis confringit duritiam*; Prou. 25. 15. Sanctus Ioannes Chrysostomus hæc ita transtulit: *Sermo mollis confringit ossa.* Exponit autem in homil. de Dauide, & Saule ad hunc modum: *Quid ossè durum? Et tamen si quis aquè durus sit, & rigidus, atq; præfractus, nihilominus facile ceciderit, qui illum mansuetè tractet.* Ossis ea est durities, ut ossis nomine donemus hominem, quem præfractum significare volumus. Iam quid tam molle, blandum, tenerum, quàm lingua? Nihilominus illud tam durum os mollire in leues cineres blandiloquentula lingua potest.

Probatum hoc ex eo, quod humili Dauidi cum superbo Saule accidit. Quis lupus tam immaniter



persecutus est innocentem agnum, quàm ille ferus rex sanctum iustum iuuenem? Occurrerunt sibi quondam mutuo, quando Dauid pedibus Saulis se affundens, hæc magna cum submissione, & multis lachrymis dixit: *Quem persequeris rex Israel? quem persequeris? canem mortuum persequeris, & pulcem vnum*; 1. Reg. 24. 15. Itane canis exanimatis in sterquilini eiectione putidum sanguinem rex tantus sitis? Quale illud, aut quâ memoriâ dignum facinus, quod rex potentissimus imbecillum subditum insectaris? Quomodo fieri potest, ut pauxillula mei sanguinis portio, sit iusta portio illi, qui pro debito patris, & Principis officio debet suum sanguinem huc vertere, ut minimum quemque eorum, quos subiectos habet, tueatur, & seruet incolumem? Quidnam hæc verba effecerunt in fero pectore vindictæ cupidi persecutoris? Id, quod in ignito siliçe virga taumaturga Moysis. *Nam eleuauit Saul vocem suam, & fleuit*; ibid. 17.

Sanctus Chrysostomus homil. 3. de David. & Saule in hæc sic ferè ait: Nonne vides quanta sit lenium verborum efficacia? *Ex homicida fecit patrem, & lupo ovem. Fornacem iracundia multo impleuit rore, tempestatem & tristitiam in tranquillitatem, atque tumorem omnem exasuantis animi ira perstrinxit*. Hæc sunt affabilitatis, & comium verborum facinora. In omnibus Ouidij transformationibus nullam inuenies metamorphosin huic similem. Apud illum inuenies hominum alios in duros trunco, alios in confragos scopulos, alios in sylvestre senticetum, alios in voraces lupos, alios in feros apros transmutatos: At in libro linguæ vrbane, & blandæ quotidie legimus, luporum sanguinolentissimos versos in agnos, & ex truculentissimis apris humiles oues, ex inaccesibus rupibus peruios campos, ex crassissimis truncis fragrantem rosas factas. Hæc, & similia opera, talesque metamorphoses efficere sermonis suauitas, verborum affabilitas, linguæ comitas potest.

Huic doctrinæ inhærentes consiliarij Roboam maiores natu, & senes consulebant illi, ut populo obsecranti minui nonnihil tributorum pondera, quibus illos anara defuncti patris eius senectus supra virium facultates prægrauarat, blandis, & paternis verbis suauiter responderet, inquires: *Si hodie obediens populo huic, & seruiens, & petitioni eorum cesseris, locutusque fueris ad eos verba lenia, erunt tibi serui cunctis diebus*; 3. Regum 12. v. 7.

Abulensis ait, hos consiliarios voluisse dicere regi, quod facile placaturus esset subditorum animos, eosque bene contentos, hilares, lætantesque à se di-

missuros, dum verba modò blanda daret, affabiliterque eos appellaret, tametsi propositum haberet, factis dicta non persequi, & facere nolleret, quod tumultuarij populi supplex libellus calamo linguæ omnium in aëre conscriptus expetebat: *Quamquam non essent verba vera, dum tamen essent lenia, sufficiebat ad placandum tunc animum populi concitatum, quia responsio mollis frangit iram, sermo durus suscitatur furorem*; inquit ille. Tanta est in verbis comibus vis ad deuinciendum homines, ut malint sibi blandè aliquid negari, quàm concedi asperè, gratiusque habeant suaue, quàm amarum irâ. At si precum repulsa, quæ ex se alioquin odiosa est, & ingrata, dulcescit, suauibus verbis condita, & si minus, aut beneficium, quod aliàs optatum, & expetitur, minus est acceptum, quando cum supercilio, & stomacho, & duris verbis conceditur, quid erit, quando simul dantur, & verba bona, & quæ nostris verbis rogamus?

Congruit his, quod Demetrius Constantinopolitanus vult ab aucupibus ergà falconem recens acceptum obseruari, ut ille suum exercendæ rapinæ officium ruri strenuè obeat. *Cum igitur intra diem vnum, aut alterum receperis accipitrem, pectori tuo admodum verborum blanditijs demulceto, & sanguinem ad generosam auem, in pugnaque primas obtinentem, cum illa verba facito, tum illa, quod malis cuiusdam demonis insidijs non sit adepta victoriam, laudem enim, & superationem intelligit*. Hæc Demetrius de cura Accipitrum cap. 7. In disciplinam susceptus falco, primis diebus tractari debet, ut à blanda nutrice tenellus infans solet; hoc est, ad pectus admodum, & leni manu suppalpari, eum compositis ad omnem beneuolentiæ gratiam verbis deprædicari, tanquàm qui princeps aeris sit futurus, & inimicas aues non casu, & fortunâ, sed volatus sui pernitate, & animi magnitudine, & artis industriâ, & audaciâ singulari capturus, & abrepturus. Habet enim, nescio quid illud, ista bellicosa, & nobilis auis, ut commendationis, contemptionisque sensum habere videatur.

Quod si impos rationis auis amat blandè, comiterque haberi, & demulceri, & laudari, & tractari liberaliter, simul ut erudienda suscipitur, ut excitetur elogijs, velut constitatur vituperijs, quid mirum, quod homo similiter, ac falco affabilitate sermonis gaudeat, & humanitate, facilitate, comitate consuetudinis eorum, quibuscum versatur, oblectetur?

Itaque Politicum nostrum talem velim, qui inimicissimum quemque cordis sui hospitio excipiat,



*Et pectori sub admotum verborum blanditijs demulceat.* Suauitate namque verborum, & affabilitate sermonis hoc efficit, quod Iacob apud Esau, quod apud Saulē Daud, scilicet ex lupo ouem, ex senticeto rosetum, ex rigido scopulo mollem ceram. Tantum valent, talesque transformationes operantur amica, dulcia, & plena beneuolentiæ verba. Et non est exiguis quæstus, neque parum lucrosa negotiatio; paruis, & vilibus sumptibus ingentia commoda parare, & solo verborum impendio fœnus bonorum operum acquirere. Et quoniam Politicum nostrum ad quæstusas eiusmodi nundinationes instituiamus, mortaliter ille sibi inimicus videbitur, si tanti compendij causâ non velit tantillum impendium facere.

*Vide Periocham III. Dominica III. post Pentecosten Tomo. 2. pag. 109. c. 1. o. Et calcem illius.*

CAPVT IV.

*Nobis res quæque bona est, intere adum vsibus nostris commoda.*

Rande prodigium; & inaudita res accidit. Formidolosus ad meticulosum accurrit, & timidum horribilis dulci complexu cum lachrymis amantiſſimè stringit; Esau Iacobrem passis vlnis interrimè, & beneuolentiſſimè excipit. Hinc arbitrari possumus diuinæ manus potestatem, & quàm felices successus sperare possit, qui Dei ope fretus, quidquid per se potest, simul facit. Quis tale aliquid cogitasset? Quis credidisset fore, quod in talibus oculis lachrymas Iacob videret, amoremque in pectore atrocis Esau cerneret, cuius vim, & rabiem ut euadere posset, tam ardentibus precibus Dei hospitoris auxilium implorabat? Quàm furiosum illum imaginabatur! quàm ferox, & truculentus animo illius occurrebat! Nunc autem cum illum vidit mansuetum, cicurem, lachrymabundum, vrbatum, comem, dicit, quædam pulchritudinis diuinæ lineamenta in facie eius conspexisse, inquit: *Sic vidi faciem tuam, quasi viderem vultum Dei*; Genes. 33. v. 10. Quàm hoc videretur mundo! Cum quis nobis est commodus, quàm elegans nobis videtur! quàm pulchrâ est facie! nullus æquè oculis nostris angelus placet. At cum non est ex vsu rerum nostrarum, quàm deformis, & horribilis nobis videtur! Stulta putamus etiam quæ sapientiſſimè ab illo dicta, nec quidquam tam consulte, & prudenter agit, quod non male factum interpretemur. Sic plerumque res malas, aut bonas æstimamus ab eo, quod studijs, & intentis nostris vel congruunt, vel officiunt, nostroque gustui

vel acceptæ sunt, vel ingrata. Sic Esau nunc, quando condonabat, angelus videbatur, qui antè cum timebatur, ferox leo æstimatus fuerit.

Ablegavit Eliseus quendam ex filijs Prophetarum cum lenticula olei, iussitque ire in Ramoth Galaad clandestinè, quàm fieri posset; inquirereque Iehu ducem militiæ. Iuit, inuenit, ad quem mittebatur, Iehu, adductumque ab alijs vnxit regem, & postquàm ex Deo, & Eliseo dixisset, quæ pro officij iamiam imposti debito facere deberet, quàm secreto aduenit, tam cautè, silenterque redijt, & factorum suorum rationem Eliseo retulit. Propius aderant ibi quidam exercitus principes alij, qui Iehu ab vnctione ad se reuerso aiebant: *Rectène sunt omnia? quid venit insanus iste ad te*; 4. Regi. 9. 11. Nouanè aliqua attulit, aut mali cuiusquam impendentis nuntius venit? Quid verò loquax ille garrulus voluit? Respondit Iehu: *Nostis hominem, & quid locutus sit*, non nescitis; ibid. Tunc illi ex more militari: *Falsum est, sed magis narra nobis*; ibid. v. 12. ac si dixissent: Rifu dignæ fabulæ sunt, & vana nugamenta; quidquid ille apud te effutiuit, dic tamen quidquid hoc est, quod tibi significauit. Respondit denudò Iehu: Verba illius ad me talia fuerunt: *Hac dicit Dominus, Vngi te regem super Israël.* Quid tùm illi? *Festinauerunt itaque, & unusquisque tollens pallium suum posuerunt sub pedibus eius in modum tribunalis; & cecinerunt tuba, atque dixerunt, Regnabit Iehu*; ibid. v. 13. Quid est, quod nunc tantum detulerunt verbis eius, qui vnixerat Iehu, ut tantum diuini Prophetæ oraculum acceptarint, quidquid ille de regia dignitate Iehu à Deo concessa nuntiauerat, & tam indubitato veros esse omnes illius hac de re sermones crediderint, ut & ipsi Iehu regem exemplò proclamarent, & adorarent, cum paulò antè impostorem, nugiuendum, locutuleium, præstigiatorum reputarent eum, quem non veri vatis loco habebant? Res est, quod cum antè nescirent ad quid venisset, arbitrati quod inexpectata noua tulisset, aut inauspicatum quidpiam vaticinatus fuisset, & quæ aduersa illis essent futura, præsigisset, insanum, mente captum, loquaculum appellabant. At postquàm dixit, quod illi diu vehementer desiderabant, nimirum quod nouum regem essent habituri (quàm rem vulgus hominum, ut est cupidissimum rerum nouarum, sic amat, ut nulli ei satis esse possint noui reges) statim crediderunt vero veriora esse, quæcunque Elisei legatus affirmasset, statim illum sanctum, iustum, verum Prophetam existimauerunt. Sic nobis ferè quilibet cæ re bonus, aut

malus,



malus, sanctus, aut peccator, venustus, aut deformis est, quā nobis vilis, aut incommodus, salutaris, aut noxius.

Corrixabantur duo captiui Hebraei, & ne incrementa fumeret malum, atque inualesceret ignis, accurrit Moyses, vidensq; vnus causā iniquā, qui proximo suo per summam iniuriam manus inferret violentas, his eum verbis obiurgauit: *Quare percutis proximum tuum?* Exodi. 2. 13. Audite hæc, qui faciebat iniuriam, cumq; ita flagraret adhuc animus, monitorem suum his tam acerbis verbis perstrinxit: *Quis te constituit principem, & iudicem super nos? Num occidere me tu vis, sicut heri occidisti Egyptum?* ibid. v. 14. Num hodiernum diem hesterni similem fore putas, vt velut heri Egyptum impune mactasti, sic me hodie tuto obtruncare posse existimes, & penas homicidij nemo à te requirat. Faxo vt secus eueniat, conscius enim sceleris tui faciam illum, qui vindicare possit, & ex officio debeat, quando tu alienam tibi auctoritatem arroganter usurpas, vt in nos acerbis verbis animaduertas, qui nullo iure id potes.

Quæri hic potest, quamobrem vnus solus tam inique acceperit Moysis increpationem, prorsumq; noluerit illum tolerare monitorem, & iudicem, quin & præteritæ cædis exprobratione, & certæ renuntiationis comminatione perstrinxerit, cum duo essent, qui altercati fuerunt, horumq; alter ad illam obiurgationem racuerit, ac ne mu quidem dixerit, eoq; silentio suo illam velut approbaret.

Respondet Abulensis: *Ille, qui iniuriam patiebatur, videns pro se bene sententiam, non reclamauit, alius autem, qui iniuriam inferebat, sentiens male voluntatis suæ intercludi propositum, superbiens eum & iudicem recusauit. Quemnam verbis asperioribus Moyses castigabat? Eum, qui faciebat iniuriam, iniustum proximi Hebræi oppressorem, improbum aggressiorem acerbis appellabat. Quid mirum ergo, quod hic reclamauit, quodq; alteri omnia recte facta videbantur, cui patrocinabatur? Non ipsidem oculis illum vterque spectabat. Alteri immanis leo visus fuerit Moyses, alteri quidam angelus à cælo, alteri saeuus tyrannus, alteri principatu, & summo imperio dignissimus: Ille, qui iniuriam patiebatur, videns pro se bene sententiam, non reclamauit. Quisq; enim pro rerum suarum conditione probat, vel improbat, quæ sunt, de quæ ipsi non ex æquo, & bono, sed ex suo vsu pronuntiat. Ex nostri palati gustu censemus cibos, angelumq; dicimus, qui pro nobis loquitur, dæmonem vocamus, qui aduersam nobis profert sententiam.*

Graves aduersus Æneam dabat querimonias Dido, quod se contemni ab illo, minusq; urbanè, & humanè haberi cerneret, cui non palatij tantum, & regni, verum etiam cordis sui, & animæ, omniumq; virium eius potestatem fecisset, furoreque inflammata dicebat.

*Nec tibi dina parens generis, nec Dardani autor  
Perfide, sed duris genuit te cauribus horrens  
Caucasus, Hircanæq; admorunt & bere tigres.*

Virgil. Æneid. 4.

Quod hic ait, tale est: Qui te Veneræ matre natum, Ænea, dicit, turpiter hallucinatur, turpius mentitur, quisquis te Dardani nobili, & regio sanguine ortum affirmat, nam duri scopuli te abortierunt, Hircanæ autem tigres lactarunt, quod cum alia multa testentur, rustica tua erga me inurbanitas, & difficilis indolis asperitas, & tetrica erga me morositas etiam magnis vocibus clamant.

Donatus in lib. 4. Æneidos ait: *Ecce animorum quantam mutatio! Cum amaret, dixit:*

*Credo equidem (neque vana fides) genus esse deorum;*

*hic quid magnā vi agitabatur, priori sententiā suā dissolutā, nec esse filium Veneris, & a caelestium sanguine ait esse discretum. Quamdiu in amoribus Æneæ Dido erat, filium Veneris, & summorum deorum nepotem illum faciebat: Postquā verò deamare, & odisse cepit, iam non ex dijs parentibus, sed ex caute natum volebat. Nemo Didoni magis venustus, comis, robustus, festiuus, scitus, lepidus Æneā videbatur, quamdiu erat dilectus: At cum se ab eo haberi contemptum vidit, quouis barbaro magis barbarus erat, nec vlla dura amplius cautes, quæ cum illo comparata. Vt verbo dicam, tigris illi videbatur, quæ præter rationalem animam nihil haberet humanitatis. Ecce animorum quantam mutatio! Quantum inter Didonem amantem, & exhorrentem, tantum inter Æneam filium Veneris, & alumnū tigridis intererat. Sic nemo magis angelus est, vel dæmon, nemo magis prudens, aut stultus, nemo magis pulcher, aut turpis, quā sit nostris vñibus commodus, aut aduersus.*

Laborabat Pilatus, vt Christum è sanguinarijs ludæorum manibus liberaret. Cumq; nō sēct, inuidiam esse, quæ cassā tam inuillam virgeret, multis ludibrijs, & probris deonestatum Dominum in conspectum tumultuarij vulgi produxit, inquit: *Ecce rex Ieser!* Ioan. 19. 14. Regem ergo vestrum vultis, vt ignominioso stipiti tanquā facinorosum hominem affigam? Hic infremere populus, & ma-

gna



CAPVT V.

Rerum arduarum, & operosarum facile difficilima est condonatio iniuriarum, & oblitio contumeliarum.

Plurimi Interpretum volunt, quod Iacob ad Esau aiebat, vidisse faciem eius quasi vultum Dei, id dixisse, ut quanta fuerit animi magnitudo fratris sui, quanta & generositas pectoris illius ea occasione declaratum, testatumque daret. Illud ergo Iacobitis: *Vidi faciem tuam, quasi viderim vultum Dei*; tale fuit, ac si dixisset: Quod in amplexus meos, mi frater, cucurristi, quod collum meum tam amanter inuassisti, quod me ambabas, ut aiunt, vultus tam suauiter strinxisti, quod præreptæ benedictionis iniuriam oblitus, tam liberaliter omnem noxam mihi condonasti, id tam heroicum opus, tam illustre facinus est, ut mihi de facie Deum magis ignoscentem sceleribus, quam hominem remittentem iniurias referre visus fueris. Nec miror, quod Iacob talia dixerit, dum cogito, quantam vim sibi inferre homo debeat, ut validissimam illam, & vehementissimam vindictæ cupiditatem, quæ suas in penitissimo corde nostro radices, easque profundas habet, coëceamus, & constringamus. Ità sentit Sanctus Ioannes Chrysostomus, qui To. 3. in homil. de decem millib. talentis habet: *In ira neruosiore industria opus est, & violentius enim affectus est, & tyrannicus, & subinde abripit non satis vigilantes, & ad barathrum ipsum perditionis affert*. Videte ergo an sit vile opus, an non potius præclarissimum facinus, vincere seipsum, condonando iniurias, & de seipso tam gloriosum triumphum reportare, remittendo illata incommoda.

Necessarium est discutere hic aliquid, quod de Propheta regio sacer Textus memorat. Cepit ille Syriam in valle Salinarum, cæcis decem & octo millibus, eoque triumpho fecit sibi nomen, ut dicitur 2. Reg. 8. 13. Hoc enim validæ dexteræ eius præstantissimum opus, hæc victoriarum illustrissima fuit.

Habent hæc nonnihil difficultatis. Nam si animo ad quædam alia illius egregia facinora recurramus, inueniemus in eodem capite & ampliores cædes fecisse, & strages hostibus grauiores intulisse. Adarezer enim regem Soba percussit, cepitque ex parte eius mille septingentos equites, & viginti millia perditum, & subnervauit omnes iugales currum. Aliibi quoque percussit de Syria viginti duo millia virorum, sic ut ex his omnibus viuis nemo euaderet. Quod cum irâ sit, quid est, quod hic non vel æquè

H h h h

dicitur

gnis vocibus succlamare cepit: *Tolle, tolle, crucifige eum*; ibid. v. 15. & in patibulum abripi, ut è probroso stipite pendulus animam exhalet. Quibus Pilatus: *Regem vestrum crucifigam? Quis regem à subditis in crucem deposci vnquam audiuit? Tunc illi magis efferari, & maiore contentione vociferari ceperunt: Non habemus regem, nisi Cæsarem, neque alium vel patrem volumus, vel dominum agnoscimus*.

Cardinalis Caietanus ait: *Quem tyrannum, & hostem reputabant, profitentur solum regem, & Iesu crucifixionem obtineant*. Acerbam, & morte nihilo mitiorem vitam sub misera Cæsaris seruitute ducebant, crudelissimumque eius dominatum intolerantissime ferebant, & tanquam suum inimicum illum habebant, & timebant. Attamen ut Christo crucis supplicium adornarent, aiebant, neque agnoscere, neque velle alium regem, ac Dominum, quam Cæsarem. Pater illis, non tyrannus, rex, non hostis videbatur Cæsar, spectabant enim illum ut causam, & occasionem Christi in crucem agendi, quem mortali pro rege, & domino habebatur, quem damnatis consilij suis promouendis aptum, opportunumque cernebant. Ità crudelissimus tyrannus, dum ad rem nostram modò faciat, nobis dulcissimus, & amantissimus pater videtur. Nam & illi, quem tyrannum, & hostem reputabant, profitentur solum regem, & Iesu crucifixionem obtineant. Incomparabile, & optimum, & præstantissimum nobis est, quidquid nostris studijs accommodum. Donec Prælati obseruit voluntati, & voluptati subditorum, loquitur blandè, & facit quodcumque illi volunt, nec terrâ hominem eius similem, nec parem angelum cæli habent. Verum si reprehendat, si malefacta castiget, si duriusculè agat, si frontem in rugam morosulus contrahat, mox dæmon videtur, & persecutor censetur, tametsi aliquin vir sit religiosus, & obseruantie regularis per studiosus, tyrannus etiam audire debet, quanquam pater sit. Cum quis pro nobis loquitur, prudentissimum illum dicimus, si contra nos pronuntiet, stultissimum criminamur. Ille nostro arbitrio est doctissimus autor, qui cum nostro ingenio, & sententia quam maxime congruit, qui in eadem nobiscum versatur opinione, quidquid ille dicit, non incerta, aut dubia opinio, sed inuicta, & inexpugnabilis assertio est. Denique nihil ferè hominibus bonum, malumque videtur, nisi quod illorum gustui, & estimationi vel consentaneum, vel repugnans, & contrarium.

Tom. III.



dicitur sibi fecisse nomen grande, ac in valle Salinarum, vbi non tam multos, quàm ibi, obruncavit? Nam si ex numero deuictorum aestimatur magnitudo victoriæ, ampliorẽ gloriam sibi videtur David parasse ex superioribus victorijs, vbi hostium copias maiores fudit, quàm ex posteriore pugna, vbi oppidò pauciores cæcidit. Cur ergò hoc ultimo consiliũ famam sibi confasse celebriorem, & nomen grande fecisse narratur.

Prætermitto hic aliorum sententias. Rabbi Salomonis opinio vero affinior videtur, proposito nostro certè commodior est, de qua apud Tostatum in c. 8. lib. 2. Reg. sic habes: *Dicit Rabbi Salomon, quòd David occidit octodecim milia de Idumæis, & fecit illos sepeliri, & ex hoc acquisiuit famam magnā, & hoc propter opus misericordiæ, quòd exercitabar, scilicet quia sepeliebat hostem.* Non fecit Propheta regius fecisse alijs, quod his octodecim milibus hostibus fecit, quos trucidauit, ac deinde sepulturæ illatos magnificis exequijs, & supremis officijs honorificentissimè ornauit. *Ex hoc acquisiuit famam magnam, & nomen sibi immortale parauit.* Gloriosior enim hic victoriam retulit, eò quòd tantam deuictis hostibus charitatem exhibuit, quantam inimicis amicus deferre potuit, dum pari honore tradi sepulturæ eorum corpora curauit. Tantā namque pietate prosequi hostes, id victorijs eius splendorem, id triumphis magnificentiam adiecit singularem, propterea quòd perdifficile sit condonare iniurias, remittere offensas, ob naturæ nostræ appetitum ab hac re valde alienum.

Hinc illa tam grandis admiratio regis Saulis, quādo iniuictus noster David præfati ab extrema chlamyde frustilli offensione luculentè illi probatum dedit, non maiore negotio potuisse flamen vitæ eius abscindere, quàm vestis oram amputaræ. Venit ergò ad Saulẽ fugitiuus, & extorris, vagabundusque ob hostilem persecutionem humilis, & luctuosus David, acciduusque ad pedes regis, dixit, immeritò se ab illo vexari, & ad mortem perquiri, vt qui fidũ subditum, integerrimumque seruum, quoties occasio tulisset, se exhibuerit. Audite illum rex cum prodigiosa attentione, & admiratus tam stupendum casum, ait: *Nunquid vox hac tua est, fili mi David?* 1. Reg. 24. 17. Distautne tuus tibi intellectus verba, quæ loqueris? Moderaturne cor tuum linguam, quæ hæc protulit?

Abulensis q. 24. in dictum lib. & c. ait: *Dixit hoc admirans, viderat enim oram chlamydis suæ in manu David, ex quo cognoscatur, quòd ipse fuit in manu*

*David, in quo stupebat de tam graui periculo, & de clementia David, quomodo non occidit eum, idè admirans dixit, nunquid hæc est vox tua? quasi dicat, miror, cum hæc sit vox tua, quòd mihi vitam reliqueris.* Considerabat Saul, quàm facillè sanctus gener illi vitam eripere potuisset, à veste namque ad cutem, & mortem proximus erat transitus. Ex alia parte reputabat secum benignitatem Davidis, stupensque tam inauditam generositatem ait: *Miror vehementer, quòd cum tu sis, qui loqueris, me viuũ reliqueris.* Non possum mihi persuadere Davidem esse, qui mihi loquitur: Nam cum tu homo sis, & proximè ad manum habeas occasionem fumendæ vindictæ de illo, qui te persequitur, incredibile videtur non sumpsisse ultionem, & quanquàm vox sit Davidis, magis tamen Dei, quàm hominis videntur manus, quæ abstinerunt à cæde illius, quem obruncare, aut confodere tam leuiter potuerunt. Et quanquàm & videam, quòd video, & audiam, quòd audio, dubito tamen vtrum sit David, qui mihi loquitur, ab hominis enim manu quæuis actio, & victoria expectari potest, ac parere inimico, quando incommodare, & referre vices, & inferre vindictam possis, videtur tale esse, quòd fieri nequeat.

Huc non ineptè cadere rei cuiusdam admirabilis narratio, quæ est apud Sanctum Dorotheum doct. 7. & sic ferè habet. Asecta quidam erat illius ætate in eodem monasterio, in quo ille tunc degebat, plurimũ additus studio orationis, & aliorum spiritualium exercitiorum. Hunc audiuit quodam die grauibz verborum iniurijs onerari, & turpibus probis indignè dehonestari. Videns autem admirandam patientiam, quā hæc omnia longanimiter tolerabat, interrogabat eum, quidnam ea opprobria, & vituperia in animo ipsius efficerent. Cui ille simpliciter, & candidè respondit: *Ego me sic habeo ad has iniurias, & sic eas perfero, Et ab hominibus blandi canes, subaudi, perferri solent, si quando vel ignotum allatrant, vel domesticum mollicellā linguā ad assentationem lambunt, iniuriæ mihi sunt blanditiæ, dedecora solatia, opprobria adulationes, conuitia festini lepores, aut honorifici plausus. Hæc audis, inquit Beatus Dorotheus, demisi aures, meque obsequans, & firmans abis, dicens, hic nihil videre admirabilis, nihil audire maius, aut rariius possum, Quando quis rem insolentem, & inauditam videt, siue audit, nescitque quomodo illam satis admirari debeat, solet deicere caput, cruceque frontem, & peccus munire, talibusque ceremonijs suam admirationem, eiusque magnitudinem indicare, quando verbis pro*



pro dignitate explicare nequit. Cùm ergò Sanctus Dorotheus vidit hominem, qui tam inuincibili animo, tantà vultus æquitate ferebat iniurias, vt eas blanditiarum loco haberet, & ignominias vt assentationes exciperet, demisit aures, seq̃ obsequans, & firmans abijs, attonitus tam stupendæ rei spectaculo. Vt enim naturæ nostræ peccato vitiatæ inclinatio procliuiter fertur ad vltionem iniuriarum, perque arduum est eas remittere, sic admirabilem mirissimum, & præclare factorum illustrissimum, & memorabilissimum est, serenis oculis, & animo pacato eas excipere.

Non intemptitium huc veniet id, quod Apostolorum Principi cum Magistro mundi accidit. Commendabat hic plurimùm fraternæ charitatis amorem mutuam, docebatque, quantum teneamur alterutrum iniurias, & offensas condonare, quando sanctus Apostolus accedens aiebat: *Domine quoties peccabit in me frater meus, & dimittam ei? Vsq̃ septies? Matth. 18. 21.* Videtur enim mihi & magnus hic numerus, & sublimis futurus, quisquis hoc à se impetrauerit, vt septies ignoret ei, à quo toties appetit contumelijs, aut alijs qualibuscunque iniurijs fuit Respondit autem ei Dominus: *Non dico tibi Vsq̃ septies, sed Vsq̃ septuagesies septies; ibid. v. 22.* quod perinde fuit, ac si dixisset: Iniuria, & indulgentia, offensa, & venia semper certare debent, sed ita, vt penes indulgentiam semper sit victoria, nunquam enim tanta debet esse iniuriæ malicia, vt non eam superet discipuli mei patientia.

Sanctus Ioannes Chrysostomus in homil. de decem millib. talent. To. 3. ait: *Hic auditis Petrus ore hiante stupens consistit, & velut in proximam pedibus eius terram fulmen incidisset, ita attonito similis, ore patulo, & fixis in supremum legislatorem oculis hæsit.* Cùm enim difficultatem talis operis cum deprauatæ naturæ propensione, & imbecillitate comparauit, ac toties iniurioso suas condonandas noxas audiuit, ore hiante stupens consistit, ac si Christus ex oris sui nube fulmen disploisset. Repugnat sanè plurimùm, ac vehementer res ea humano sumendæ vltionis appetitui, vt proinde Petrus, cùm non ad se tantum, verum etiam ad oues suas hanc spectare doctrinam cogitaret, exterritus fuerit, tanquam si fulmen ad pedes eius decidisset, sic vt se mouere à loco non posset, in quo doctrinam carni, & sanguini tam arduam acceperat.

Secundùm hæc, quid mirum quòd Iacobi vilis est Dei vultum præferre frater, qui sic condonabat, mitegebatur, plorabat, mouebatur. Nam si ad car-

nis leges rem examines, indulgere offensas, remittere iniurias, facinus est, quod omnia præclara facinora superat.

De hoc argumento habet integrum sermonem Thomas I. Feria VI. post Cineres, pag. 37. Vide.

## CAPVT VI.

Quòd difficilior pugna, eò illustrior victoria.

SI vera sunt, quæ superiori Capite dicta, videtur Smihi Politicus meus iam adornare obiectionem, quam nullo responso confutari, nullà ratione posse dilui putabit. Dicit enim: Si tam operosum est opus diligendi inimicos, condonandi iniurias, dimittendi & obliuiscendi offensas, nullà illius explendi necessitate tenebimur, nullo debito obstringemur. Quid audio, mi homo! Fortean ego dixi, esse opus impossibile factum? Arduum tantum, & difficile esse aio, si illud cum lege carnis, & sanguinis conferas, & cum repugnantis naturæ tum proteruita, tum imbecillitate componas. Si omnibus modis facile esset, quantum laudis mererentur, qui illud efficerent? Quomodo tam celebres, & gloriosi facti essent Apostoli, qui generosissimo animo, adiuuante bonos illorum conatus auxilio Dei, de seipsis tam inclytas victorias reportarunt, cùm ergà inimicos suos indulgentes, & iniuriarum sibi illatarum obliuiosi fuerunt? Quis rei exiguæ magnam fecit ostentationem? Quis ex inualido culice deuicto excelsum in Famæ templo locum occupauit? Illustres victoriæ de cruentis conflictibus æstimantur, ille namque gloriosior est triumphator, cui cum robustissimo, & pugnacissimo hoste res fuit.

Simillimo argumento excitat nos Saluator mundi, vt diligamus inimicos nostros, & sanguinem venarum offeramus his, qui illum sitiunt, inquit: *Si enim diligitis eos, qui vos diligunt, quam mercedem habebitis? Nonne & Publicani hoc faciunt? Et si saluaueritis fratres vestros tantum, quid amplius facitis? Nonne & ethnici hoc faciunt? Matth. 5. 46. 47.* Amare eum, qui oderit, vrbane habere rusticum, liberaliter auarum, & ingratum, hoc gloriosum opus est, hoc præclarum facinus, & illustris victoria. *Diligite inimicos vestros, benefacite his, qui oderunt vos, & orate pro persequentibus, & calumniantibus vos; ibid. v. 44.* Id quanquam difficile sit, non est tamen impossibile, difficultas autem plus splendoris adferet virtuti, maioreque plausus excitabit actioni, quæ arduum illud tentare ausa fuerit. Et quis paruum magnoperè commendare, & extollere opusculum encomiastes velit?

H h h h 2

Ingredie-



Ingradiebatur felicissima Peccatrix ad petendam suarum culparum indulgentiam. Cumq; plus Dominus sacros pedes suos impuris illis labijs dissuadiandos, tangendumq; se manibus magnum in modum contaminatis permitteret, cepit mox superbus Pharisaeus lugubribus illis caeremonijs, & religiosis obsequijs offendi, & de Christo non solum finistrè, atque indignè sentire, sed etiam hac intrà se dicere: *Hic si esset, Prophetas, sciret & istuc, quia, & qualis est mulier, qua tangit eum, quia peccatrix est;* Lucæ 7. 39. Hæc omnia superbus ille hospes diuino suo coniunx obieciabat in secretissimo, & absconditissimo maleuoli cordis sui recessu, cuius fores tam validè sunt obseratae, & opeffulatae, vt ne supremus quidem Seraphim eò penetrare possit, nisi clauem habeat Dei: *Att intrà se.*

Sanctus Petrus Chrysologus serm. 94. acutè, vt solet, inquit: *Pharisæus Christum Prophetam crederet, si exposita oculis, nota populo si videret.* Absolutissimum Prophetam arbitratu fuisset, omniaq; illi explorata fuisse putasset, si hoc scisset, quod & pueris notum erat, & nemo de vulgo hominum ignorabat. Quid magis notorium, ac peruulgatum in ea ciuitate, quàm Magdalene amores impudici, & vita solutior, & morum licentia, & effusa leuitas. *Erat in ciuitate peccatrix;* ibid. v. 37. erat fabula populi, & omnium colloquiorum materia, tenuis videbatur, quamuis alioquin instructissima murmurationis mensa, vbi panis commemorationis gestorum Magdalene aberat. Dicit itaque Dominus: Ille Pharisæus me in magnis Prophetis numeraret, si hoc cognitum haberet, quod neque pueri nesciunt. Quanta verò gloriæ esset id nosse? Quid existimationis ea scientia mereretur? Vt verò sordidus ille murmurator intelligat, in quonam magnitudo sapientie laude dignæ, & celebritas gloriæ existimationis sit posita, altitudine scientiæ meæ penetrabo penitissimos, latentissimosq; animæ illius recessus, & producam in medium forum abstrusissimos illius cogitatus, enudaboq; & reuelabo, quæ solus Deus scire potest, vt hinc videat, quod sum Prophetæ, quodq; in talibus posita est magnitudo sapientiæ. Quænam enim scientiæ laus est, illud nosse, quod neque pueri nesciunt, & aliorum nemo ignorat? Illud compertum habere, quod omnibus est obscurum, ea inclyta eximie scientiæ est nobilitas: *Pharisæus Christum Prophetam crederet, si exposita oculis, nota populo si videret.* Qui lynceis oculis ob id gloriaretur, quod à viginti passibus illud sumptuosum ædificium, illud mundi octauum miraculum, (*Escurial*

vocant Hispani Catholicorum regum suorum maiusoleum) à secundo Salomone excitatum assequi visu potuerit, quid hoc gloriationis, dicam, an vanæ, & inanis iactantiæ esset? Et quale illud, si quis nitem agnum, eumq; pedibus omnibus adstrictum, occideret, atque ex eo facto ingentem laudem speraret? Dilaniasse vrsos, concerpisse leones, procul inde subriles oculis discreuisse atomos, hoc est lynceum esse, hoc fortem, ac robustum. Diligere amicum quid gloriæ habet? Benefactori munificum se exhibere, quale facinus? Amare calumniatorem, benè precari persecutori, bonis officijs prosequi hostem, hoc est inclytissimum, & laude immortalis dignum factum.

Amisus fuerat puer Deus, vt perditos homines inueniret, & lucrificeret, dumq; illum sacratissima eius Parens, & nutritius pater cum ardenti anxietate diu quæsisset, post triduum inuenerunt illum in templo in medio Doctorem audientem illos, & interrogantem eos; Lucæ cap. 2. v. 46. Admirabile reuera spectaculum, & pulchrum theatrum, videre formosum, teneraq; ætate puerum præsidere, è cathedra disputationi in medio veteranorum Theologiæ lectorum, & moderatorum Gymnasij Ierosolymitani! Et si alij admirabantur frequentem concursum eorum, qui auscultabant illius disputationes, & interrogationes nunquam auditas, non minùs attentos reddebat sacræ facultatis primores Decanos prodigiosa pueri scientia: *Stupebant omnes, qui eum audiebant, super prudentia, & responsis eius.*

Sed notandum est in Euangelistæ narratione, unde ille natam magistrorum, cæcerorumq; circumstantium admirationem dicat, inquit: *Stupebant super prudentia, & responsis eius?* Cur verò magis admirabantur responsa illius, quàm quæstia?

Respondet Origenes Tom. I. homil. in Domin. inf. Octau. Epiphaniæ: *Non super interrogationibus eius, licet & ipsa admirabiles erant, sed super responsionibus eius mirabantur. Quamquam enim mirabilis interrogatio sit, tamen multò mirabilior est responsio.* Varia agitabantur in illa disputatione. Christus tener puer interrogabat, & interrogabatur, ac tamen quærendo sui admirationem excitabat, respondendo tamen stuporem adducebat auditoribus. Quod enim quæritur, discuti, & expendi antè potest, & dubitare facile est etiam pueris: Sed responsio non ita parari, & adornari antè potest, quod nemo vel scire possit, quid sit interrogandus, vel tam in promptu habere scientiam, vt omnibus ex tempore satisfacere quæsitis, & cunctas enucleare difficultates queat.



queat. Itaque puer Christus interrogans faciebat admirabundos, respondens attonitis similes: *Struebant super prudentia; & responsi eius.* Si ex eo, quod multis concessum, voluisset sibi famam parare puer Deus; non valde honorificum facinus fuisset. Sed illa re mouisse admirationem, quā eminentissimi, & sapientissimi magistri non possunt, hoc est, promptis, expeditisq; ad omnem questionem responsionibus, idque in tantilla ætate, hoc factum eximium fuit, quod laudem singularem, & plausum populi solennem, celebremque merebatur: *Mirabilis enim interrogatio, mirabilior tamen responsio.* Magna siquidem animi ignauia est, & otiosum studium, ac superuacaneus labor, velle ingentem gloriam factis paruis excitare. Illustres enim gloria, & magnificentia nominis semper acquiruntur victoriā magnarum difficultatum, & grauium superatione incommodorum.

Spectabat, & admirabatur Sponsus proceritatem Sponsæ coniunctam cum elegantissima, & gratissima totius corporis structura; aiebatque, præter vnā palmam non inuenire aliud, quo magnitudinis eius mensuram adumbrare posset: *Scaturatus*, inquit, *asimilata est palma*, Cant. 7. 7. Varias huius comparationis rationes tradiderunt Interpretes. Quam ego inuenio, causæ nostræ commodam, eanitur re aliquā singulari, & mirā, quam tradidit diligentissimus qualitatū naturæ scrutator Plinius lib. 13. cap. 4. cū de triumphalis huius arboris, palmæ, inquam, proprietatibus agit, inquit: *Eximus salsum ab his solis diligi, ergo ubi non est sal, salelem aspergunt.* Rara profectò, & peculiaris conditio! Quis hoc sibi persuadere potuisset? quis crederet, nisi in libro experientie authentico, & approbato legeretur? Scimus namque nullam esse tam acutam securem, nullum tam inimicum fulmen, nullum tam mortiferum venenum, quod æquè ac sal mixtum sit terræ, & omnibus plantis. Nam ad consciscendam terræ alicui sterilitatem, satis est, si sale aspergas, sale namque sic omnis eius fecunditatis virtus siccat, & absimitur, ut inepta sit cuiusquæ seu plantæ generandæ, seu fructui proferendo. Sic Abimelech cū diu oppugnatam Sichimorū ciuitatem demum cepisset, ipsam destruxit, ita & sal in ea dispergeret. Iudic. 9. 45. ut eam perpetuā sterilitate damnares. Vbi Abulensis habet ista: *Cum in terra spargitur sal, terra fit sterilis, & si multum de sale fundatur, terra omnino sterilis fit.* Ideo & verbs Sichem esset in aternum sterilis, Abimelech sparsit sal in ea. Tantumdem dicit Genebrardus, & docet experientia.

Quod ergo Sponsus gratam habuit staturam Sponsæ, idq; eo nomine, quod palmæ potius, quàm cedro, malo granato, siue oliuæ, aut alteri cuiusquæ, quantumvis virenti, & eleganti arbori assimilata fuit, perinde fuit, ac si dixisset, id sibi maxime in illa placere, quod rarum, singulare, ac peregrinum, & præ omnibus alijs peculiare habuit. Vivere, & crescere ex sale, quod palma facit, ex quo arbores aliæ exarescunt, & moriuntur, hoc palmam, hoc laurum meretur: Nam ex aqua, & irrigatione incrementa facere, id commune est omnibus arboribus, quæuis planta eiusmodi rebus fouetur, & fecundatur. Propterea Sponsa ex eo commendatur, & magnificatur, quod speciale præ alijs habuit. Vana nimirum spes est illius, qui re triuali excitare admirationem, & in stuporem adducere posse factis vulgaribus putat. Ille in templo Famæ locum sublimiorem miles occupat, qui in prælio bellandi peritiam, animi fortitudinem, pugnandi audaciam præ alijs ostendit.

Cuiuslibet vel mediocriter sapienti difficultatem adferet, neque exiguum, quid causæ sit, quod Pater credentissimæ tot encomijs, & plausibus celebratur, propter opera pietatis, & misericordiæ, quibus viatoribus, & peregrinis egenis occurrere solitus fuit. Vnus ille, solusque ex omnibus veteris Testamenti Patriarchis palmam referre videtur. Nam cū Apostolus commendandam suscepisset hanc virtutem tam gratam oculis Domini, mox ille suos oculos in Abraham; tanquā exemplar charitatis, & largitatis, figere cepit, inquit: *Charitas fraternitatis maneat in vobis, & hospitalitatem nolite obliuisci; per hanc enim latuerunt quidam, Angelis hospitio recepti;* Hebr. 13. 1. 2. Abraham ille fuit, qui Angelos humanā figurā tectos tecto meruit excipere, ut locus habitationis eius in agis aula celestis, quā tabernaculum terrenum meruerit appellari. Illo hospitalitatis nomine voluit Dominus Abrahamum ibi etiam prædicari, vbi cum alijs antiquis Patribus Redemptorem mundi à morte opperiebatur, propter eam prolixitatem, quæ erga pauperes in viuus usus fuerat, quando mendicum Lazarum Angelorum humeris in illius sinu deferri curauit, de quo Lucas 16. v. 22. sic habet: *Factum est, & moreretur mendicus, & portaretur ab Angelis in sinum Abrahe.* In eo loco etiam voluit Deus conferuare illustre nomen hospitatoris Patriarchæ.

Quid causæ est, quod hæc Abraham in pauperes beneficentia supra omnem Patriarcharum aliorum largitatem extollitur? Cur illius liberalitas inter

H h h h 3

munifi-



munificentias ceterorum veterum Patrum ita eminet?

Satisfacit huic quaesito S. Petrus Chrysologus serm. 121. iniquens: *Hospitem hospes semper ipse suscepit, extorris patriam, domicilij nescius ipse, & domus omnium fuit, & patria.* Exul erat Abraham perpetua in peregrinatione positus, locumque ex loco mutabat, eo quod continuus viator esset, nec vllibi longulas necere moras posset. Quod ille, qui perpetuus exul, & peregrinus erat, exulum, & peregrinorum humanissimus receptator fuit, quod qui extra patriam versabatur, viatorum patria fuit, quod qui non habebat domicilium, egenorum itinerantiam umbraculum fuit, quod tabernaculo suo excessit, lectumque reliquit, ut lassus diuertere, & captare requiem possent, haec non qualiscunque hospitalitas, sed generosissima prolixitas, & incomparabilis liberalitas fuit. Si Abraham habuisset amplam, & sumptuosam domum, si fixum in certo loco habitaculum, si commodam alicubi, & securam domum, ubi sine quieis suae interpellatione excipere pauperem peregrinum potuisset, gratiam nihilominus meruisset receptatio: At quod alijs cum suo incommodo commodauit de hospitio, quod domicilium praebuit, qui non habuit ipse, quod peregrinus peregrinos sub tectum admisit, ac tam proluxa liberalitas, tam liberalis prolixitas fuit, ut mereatur inter Veteris Testamenti Patres esse Decanus facultatis pietatis, misericordiae, & hospitalitatis: *Hospitem hospes semper ipse suscepit, extorris patriam, domicilij nescius ipse, & domus omnium fuit, & patria.* Arduis operibus fama immortalis acquiritur, non his, quae leui negotio ab omnibus de triuio fiunt.

Arbor in Arabia nascitur, cuius sudore vtuntur homines ad praeseruandum corpora defunctorum a corruptione, quae naturaliter eis minatur. Eadem inter Trogloditas, & in alijs nonnullis mundi partibus nascitur. Quamquam hic sit tam pretiosus liquor, & Arabum summa erga deastros suos religio, non dant tamen ex myrrha portiones Deo, ut inquit Plinius lib. 12. cap. 15.

Quamobrem verò Arabes tam obseruantes, & caeremoniosi, tam reuerentes aestimatores Deitatis, quam adorant, non offerunt suam myrrhae portionem numini, quod colunt, cuius tam ingens est pretium, ut vel propterea solis dijs seruari posse, & offerri debere videatur. Cur ergo illi sacerorum tam religiose obseruantes rituum non vel partem aliquam myrrhae litant suis dijs. Respondet Plinius: *Quoniam & apud alios nascitur.* Arabes summa

laudi suam sibi erga deos obseruantiam ducebant, ac propterea nolebant ijs offerre myrrham, quae alibi quoque nasceretur, ut eo exemplo docerent, non magni aestimari ab illis cultoribus suum deum, qui illi dicarent vulgaria, quaeque passim alibi reperire liceret, non rara, & singularia: Et quia Arabes summo loco habebant deum suum, non dant ex myrrha portiones illi, quoniam & apud alios nascitur.

Ad eundem modum coelestis Magister, ut nos exhibeamus raros, & singulares, cum & ipse per omnia tam rarus sit, & singularis, vult ut amemus eos, qui nos auersantur, oremus pro ijs, qui nos persequuntur, & calumniantur, offeramus vitam, si res postulatuerit, ei, qui nobis minatur mortem, demereamur beneficijs eum, qui nos infestat odijs. Nam amare eum, qui amet, & salutare eum, qui salutet, oblatio est, & donum, atque sacrificium, quod non magni facit Dominus, quoniam & apud alios nascitur, nam & Ethnici hoc faciunt, & maxime agrestium, barbarorumque hominum mos idem habet.

Faciamus ergo nos, quod nationes aliae non faciunt, inueniatur apud nostrum Politicum, quod non reperitur apud omnes, videatur in illo, quod in paucissimis, notetur in illo, quod apud alios raro, ac vix experiri liceat, hoc est, diligat inimicos suos, benedicat maledicentibus, oret pro suis persecutoribus, haec enim est summa integritas amoris, hoc signum veri, & sinceri Christiani. Arduum opus est, sed facientis magni meritum, difficile est eam repugnanti naturae inferre vim, ut hoc faciat, sed ingens victoriae gloria. Qui autem communia facit, & leuibus dat operam exercitijs, ille nec magnam laudem promeretur, nec dignus est, ut in viris strenuis recensatur.

Conuenit cum his Periocha II. Dominica X. post Pentecosten, Tomo 2. pag. 168. c. 1. o.

## CAPVT VII.

Neminem sua imbecillitas excusat ab eo faciundo, quod fecerunt multi, & facere potuerunt omnes.

Quod potuit, & fecit quidam barbarus, agrestis, ferus, & male iratus, offensusque Esau, cur facere non possit Christianus, Catholicus, discipulus Christi patientiae doctoris, & exercitatoris supremi? Haec nullo responso dilui possunt. Si Esau currens obuiam fratri suo, amplexatus est eum, stringensque collum eius, & osculans flevit, Genes. 33. 4. si ergo euangelium fuerunt homines tam eminentes,

tam



ram heroici, & strenui ad exercitandam hanc virtutem condonandi inimicis, in quibus Ioseph, David, Iob, Ieremias, Daniel, Moyses, & alij innumeri, quis post euangelium promulgatum, post tot præcedentia exempla excusare se de intermissione similis operis queat? Fuerunt angeli illi iniuriarum condonatores superiores? Fueruntne speciei alterius homines? Aut fortè habuerunt alium Deum auxiliatorem? Non profectò. Homines fuerunt nostræ naturæ consortes, non angeli, caduci fuerunt, & mortales, & miserij varijs subiecti, quemadmodum ego, & tu, & cæteri. Deus, qui tunc erat, etiam nunc est, æternumque erit, & quàm olim, tam hodieque vehementer cupit omnes homines saluos fieri, & beatitudine sempiternâ frui. Nemo ergo excusare se potest, tanquàm non possit, quod possunt omnes, aut quod minùs faciat, quod fecerunt multi, cum ipse habeat omnia, quæ & omnes, qui potuerunt remittere offensas, & pauci, qui remiserunt.

Quærit Abulenſis, quàm obrem sacrum Oraculum post promulgationem legum, rituum, & caeremoniarum, quæ continentur in Exodo, Leuitico, Numeris, & Deuteronomio, statim subiunxerit libros Iosue, & Iudicum, in quibus recensentur sacra exempla, & virtutes insignium illorum Iudicum, & illustrium virorum, quorum præclara facta radios suæ sacritatis, & perfectionis tam latè diffuderunt, & Gentium Doctor summa cum laude, tamque honorificè memorat in illa, quam ad Hebræos dedit, epistola cap. ix. v. 32. 33. inquit: *Deficiet me tempus enarrantem de Gedeon, Barac, Samson, Iephthæ, David, Samuel, & Prophetis, qui per fidem vicerunt regna, operati sunt iustitiam, plurimamque fecerunt Dei oculis grata, quibus immortalis quietis semper virentem laurum commeruerunt. Cur ergo post recentem legis euulgationem statim sequuntur libri Iosue, & Iudicum, qui historiam vitæ, & gestorum continet illorū sanctorū, & perfectorū virorū?*

Respondet insignis Doctor in præfatione in librum Iudicum, inquit: *Cum sacra scriptura instruxerit nos ad actum virtutum per libros legales, quales sunt libri Moysi, qui in sola præceptione, & prohibitionem consistunt, instruxit nos etiam exemplis Sanctorum circa easdem virtutes. Posuit igitur sacra scriptura libros historiales, in quibus declarat virtutes sanctorum virorum, & quomodo illi perfecti in quibusdam legem obseruauerint, quàm ipsa lex iusserit. Hanc ergo ob causam libri Moysi, qui legem tradunt, subiecti sunt libri, qui historias narrant eorum, per quos lex illa exactissimè obseruata fuit, et ab e-*

adem obseruanda nemo se excusare possit, cum fuerint homines, qui studiosissimè, & accuratissimè custodierint leges, ritus, caeremonias, & quidquid sanctiones pragmaticæ coelorum exigunt, & mandatorum diuinorum catalogus complectitur. Nam cum illi homines fuerint per omnia similes nobis, passionibus, & concupiscentiis carnis calcitrationibus æquè ac nos obnoxij, tam perfectè nihilominus ad omnem Dei legem mores suos composuerunt, ut nonnulli etiam plura, quàm iussi, fecerint, & arctiores sibi limites constituerint, quàm lex ipsa præscripsit: Nullus posthac instam attulerit causam, si negligentiùs agat, aut decalogi partem aliquam prætermittat, nullus violatæ legis æquam, ac validam excusationem. Quisque nimirum facere potest, quod potuerunt omnes, & fecerunt multi.

Parabolam à Christo pro concione propositam S. Lucas refert, quæ opportuna huc veniet. Hominem fuisse aiebat Dominus, qui sicum intrâ vineam plantauit, & in singulos autumnos venerit, ut optatum ex grata planta fructum legeret. Cum semel, iterumque venisset, & fructuum nihil inuenisset, triennij inducias arbori dedit, ut superiorem sterilitatem, & ingratitudinem emendatione malè expensæ temporis, & copiam fructuum vberiore dilueret. Postquàm annus tertius, vnaque agricolæ patientia abiissent, iratus ingrata arbori dixit: *Ecce anni tres sunt, ex quo veniens quero fructum inficulneabat, & non inuenio, succide ergo illam, & quid etiam terram occupat?* Luca 13. 7.

Quis ille, qui hanc succisioni miseram plantam addixit? Vbinam ex ficulnea plantata erat? In vinea quadam. Sic enim Dominus ait: *Arborem sic habebat quidam plantatam in vinea sua; ibid. v. 6.* Quid est, quod omnis in vineam, solamque ficulneam versa ira fuit? Quid mouit vineæ herum, ut in solam istam plantam securi animaduertendum putarit, vbi tunc erant vites, quæ plecti poterant?

Respondet deuotus Abbas Gilbertus ferm. 24. in Cant. inquit: *Ficulneam illam sterilem, quam Dominus iussit succidi, fertiles de vicino vinea condegnabant. Inter medias vites suam sedem habebat ficulnea, ex quibus vinitor annis singulis fructus optimos, & abundantes referebat. Eisdem coeli influentibus ficulnea gaudebat, quibus vites, terram eandem occupabat, eisdem colebatur manibus. Hoc est, quod illam damnavit, hoc est, quod fecit, ut securi, & obtruncationi adiudicaretur, nihil enim habebat, cur non redderet fructus æquè ac aliæ plantæ, quæ eisdem adminiculis, & subsidijs fruebatur, qui-*



bus cetera, quas habebat proximas: *Ficubeam illam sterilem, quam Dominus iussit succidi, fertiles de Sycino Sinec condemnabant.*

Hæc parabolâ testè, ac dissimulanter traditur, quod nos hoc capite apertè docemus, nempe quod in extremo iudicio homines alij alios damnabunt. Nam Ecclesia habuit, habetque pigros, socordes, steriles, infecundos. Et hi nihil poterunt prætexere, ob quod non fuerint perfecti in suo statu: Nam habuerunt eandem fidem Dei, legem, & naturam eandem, quam illi, qui tam accuratè suo satisfecerunt officio, & partes omnes suæ obligationis, aut professionis expleuerunt. Deinde fuerunt intra eandem Ecclesiam, habuerunt eundem Deum, sacramenta communia, legem eandem, & vires illi obseruandæ sufficientes. Et cur hi non potuerunt præstare, quod fecerunt illi, cum pro virisque par ratio militet, & causarum momenta sint apud omnes omnino eadem?

Ducti ab illustri, & noua stella Sancti Reges Magi ingressi sunt Urbem Ierolymorum, perque compita eius sciscitari coeperunt, ubinam esset, qui natus rex Iudæorum, ad instaurandas humanæ prolapsionis ruinas venisset. Quod autem stellâ duce vti fuerint, id ipsi his verbis affirmabant: *Vidimus stellam eius in oriente, & venimus adorare eum;* Matth. 2. 2. Communis omnium Parum opinio habet, quod Chaldæi magnâ curâ obseruabant quoddâ vaticinium Balaâ Prophetæ alioquin falsi, hac in re veridici, quod Num. 24. v. 17. sic habet: *Orietur stella ex Jacob, & consurget Virga de Israël.* Cum ergo Reges magi, qui erant Chaldæi, nouam, insolentemque hanc stellam vidissent, & Prophetiæ Balaam permemores essent, statim abierunt inquisitum, quid ea sibi veller, secuti splendidum viæ ducem, stellam, inquam, quæ in medio sole refulgens in illorum animas suos diffundebat radios, inueneruntque bonum, quod suspirabant, & suæ salutis Assertorem adorârunt.

Sanctus Maximus homil. 3. de Epiphan. ait: *Nemo miretur naturam Dominicam agnouisse Chaldaeos, quam Græci, si reuelante Deo Gentilis præuultare potuit, potuit Gentilis agnoscere.* Quod Maximus ait, tale est, ac si dixisset: Cur alter homo non potuerit facere, quod quidam fecit? Cur tantam luminis copiam à Deo non habuerit, hic ad eum cognoscendum, & adorandum, quantam ille ad prænuntiandum? Itaque dum homo se disponat modò, non habet cur deficiat animo, aut metuat. Deus enim, qui vni bonam mentem, & salutares cogitatus

inspirat, etiam alterum gratia suæ coelesti rorè tingit, nam & Gentilium hic quidem vaticinatur, ille adorat, hic prædicit, ille agnoscit: *Si reuelante Deo Gentilis præuultare potuit, potuit Gentilis agnoscere;* vt nemo se excuset, nemo diffidat posse facere, quod alter facit. Auxilia sufficientia sunt omnibus communia, quorum opitulatione consequi vnus potest, quod alter, & æquè perfectus, consumatusque euadere.

Narrare sacra historia, instituebat admirabilem tolerantiam illius, qui toti mundo patientiæ exemplar est præstiturus, bella, quæ sustinuit, pugnas, conflictus, & afflictiones, quas pertulit, dum efferratissimo cum hoste dimicauit, à quo tantis telis appetitus fuit, vt sanctus Ioan. Chrysostomus in caten. Græc. Olympiad. in c. 2. Iob dicendum putarit, quod omnem inimici pharetram exhauserit. Notæ sunt illius plagæ, satisque exploratæ miseriæ, calamitates, ærumnæ. Regno, facultatibus, & fortunis omnibus repente nudatus fuit, tum & liberis charissimis, ijsque tam luctuosâ morte extinctis. In tantas autem necessitates angustias eum inimici ferocia coëgit, vt tanquam canis mortuus in sordidum, putridumque sterquilinum abiectus fuerit, vbi iacebat infestis expositus vermibus, aduersus quorum commorificationes, & arrosiones id solum habebat præsidij, quod asperâ restâ saniem radere, & purulentâ vulnera, raboque fluentem teneram carnem emundare posset. Vt hanc nobis malorum inundatione, & dolorum tempestatem, & diluuium miseriarum sacer Scriptor recenseret, his verbis præfuit suæ narrationi: *Vix erat in terra Hus, nomine Iob;* Iob. 1. 1. siue vt Græcus transtulit: *Homo quidam erat in terra Auside.*

Sanctus Ioannes Chrysostomus quaerit, cur diuinus Historicus tali præfatione vtendum putarit, vt diceret, hominem fuisse illum, qui inauditas, quas narrare propositum habebat, calamitates inaudita item patientiâ exceperat, qui dolores corporis, peccorum direptionem, dulcissimæ sobolis internecionem, vxoris, & cognatorum probra, & animi varias anxietates animo excelso æquissimè tolerarati *Homo quidam erat.*

Respondet autem in caten. Græc. in cap. 1. Iob: *Ne quis certaminum, ac patientiæ spectata magnitudine incredibilis peregrina eum, & non humana natura prædictum arbitretur, naturam à primo ponit in conspectu.* Quoniam homines sumus, & mille calamitatibus, miserijs, infelicitatibus, & aduersitatibus subiecti, idcirco ne quis consterneretur animo, constet-



ærumnisque pressus succumbat oneri, & perdat patientiam, theatrum oculis nostris subiicitur hominis, qui & omnis generis miseriarum, ærumnarum, infirmitatum, penuriarum, dolorum personas representauit, & de omnibus calamitatibus animo inuictio gloriose triumphauit, vt nemo concedat animo, cui tale exemplum proponitur. Nam qui omnia illa tulit, non fuit Angelus, non ex ære simulachrum, non ferrea statua, non cautes, non adamas, sed homo imbecillis, miserijs, & passionibus, vt quisque alius, obnoxius: *Homo erat.* Vt verò ille diuini auxilij ope, & suâ vigilantia magnifice triumphauit de omnibus inimicis suis visibilibus, & inuisibilibus: Sic homo quilibet alius (si modo rectè vt diuino subsidio sciat) poterit superare infestos demones, & homines, & vincere tum persecutiones, tum quasi alias miseras, & calamitates.

Sacer Rauennatum Archiepiscopus Petrus Chrysologus serm. 114. ait: *Mors cum satis diuentibus sit amara, satis conturbat exemplo. Mortuum quorres qui viderit, toties se morti euolat destinatum. Sic de morte non potest non dolere mortalis.* Mortis per se ipsam est subacida recordatio, sed viuum mortui spectaculum, & recens exanimati hominis cadauer dici non potest quantum exanimet eos, qui vident. Quilibet campanarum, quibus ad suprema officia mortuis exhibenda conuocantur superstites, validus ictus est, quo cor audientium pœnaliter concutitur. Causa huius ea est, quod se quisque ex limo simili fictum sciens, suam calamitatem futuram in aliena miseria præsentem cernit, videtque quod eadem mortis falce, & facilitate demeretur, quâ succus proximus fuit, & sic facere non potest, quin tristet, triste funus qui oculis arbitrat, velut ibi omnes, qui trisabant per locum illum, in quo ceciderat *Asaël, & mortuus erat, subsistebant.* 2. Reg. 2. 23. quostametsi alia maioris momenti auocarent, vt cursim pergerent, attinebat nihilominus timor, & dolor natus de aspectu hominis, qui animo leonem, celeritate currendi ceruum exæquauerat, & hastæ vno ictu confossus iacebat exanguis, in quo videbant, nullius esse tam ingens robur, qui mortem superare, nullius tam concitos pedes, qui effugere illam possit, & quod *Asaël* euenerat, id cuique accidere posse. *Sic de morte non potest non dolere mortalis.* Suam mortem in mortuo viuus timor, sciens eadem se caduca naturæ fragilitate vestitum.

Cum tali argumento homo ad timorem excitetur, ego illum simili quopiam ad spem erigam, & ex-

stimulabo. Si times, quoniam hominem mortuum vides; & merito times, eo quod te æquè ruinosum nosti, ac ille est, qui vitâ perfunctus: Quare vt perfectioni studeas, & sanctitatem vitæ sederis, & iniurias faciliè dones, & inimicos diligas, & probra patienter feras, non excitaris exemplo tot hominû, qui cum eisdem sint obnoxij miserijs, subiecti passionibus, quibus tu, amârunt, & amant hostes, benefaciunt persequentibus, & pro calumniantibus obsecrant Deum? Si mortis spectaculum adfert timorem, cur non ad spem, omnesque difficultates vel superandas excites exemplum hominum innumera-bilium, qui perfecti, & consummati in virtutibus fuerunt? Nemo suam imbecillitatis prætextu ignauiam inumbrare velit, cum nemo non possit, quod fecerunt alij, habens nimirum eundem Deum, eandem fidem, sacramenta eadem, eandem doctrinam, auxilia etiam parata eadem, quibus alij tam præstantes in omni genere sanctitatis euaserunt.

## CAPVT VIII.

Nullum sublimius vindictæ genus, quàm exhibere bona ipsi, à quibus acceperis mala, & pijs beneficiorum armis eum oppugnare, qui sanguinario iniuriarum bello laceffere cepit.

Quod Apostolus Corinthijs dixit, hoc ego nunc transferre ad meum Politicum volo, vt nouum iter, & gloriosam semitam illi ostendam, per quam pergens omnem vindictæ sitim heroicè extinguere possit. *Excellentiorem viam vobis demonstrabo;* aiebat ille 1. Corin. 12. 31. Sic & ego nobiliorem viam, & magnum itineris compendium ostendo, per quod peruenire ad genus vindictæ illustre queatis. Et quodnam illud? Vt studeamus inimicorum nostrorum iniurias compensare beneficijs, & omnibus humanitatis officijs eorum iram, & indignationem oppugnare, & omni occasione eos honorare, eorum dicta, & facta perpetui præcones laudare, de rebus illorum clam, palamque bene sentire, si obuios habeamus, vrbane, comiterque salutare, & venerari, omni benigne prosequi, hilari vultu, & serenis oculis excipere quotquot illis quacunque necessitudine sunt coniuncti, sic vt ex vera charitate, corde Christiano nascentur istæ, & aliæ id genus actiones. Ad hunc modum egregia de iniurijs hostibus sumitur vindicta, eaque excellentissima ratio est satisfaciendi animo iracundo, & obturato pœtori. Sic obstinatinati cordis peruicacia bene castigatur.

Fundebar ex coelesti ore suo mundi Reparator dulcem



dulcem ambrosiam superæ doctrinæ, perfideque hostes eius, cum maximas pro tanto beneficio deberent gratias, iræ cæcati aiebant: *Nonne benè dicimus nos, quia Samaritanus es tu, & demonium habes?* Ioan. 8. 48. Cum hæc tam indigna verborum probra benignissimus Dominus audiret, cum magna tranquillitate respondit: *Amen, amen dico vobis, si quis sermonem meum seruauerit, mortem non videbit in æternum*; ibid. v. 51. Ad hanc tam ignominiosam blasphemiam plectendam videtur cælum cum terra concurrere debuissè, sic vt hæc suo hiatu sacrilegos maledicos hauriret, illud verò fulmine illa nefaria scelerum capita feriret. Quid verò sacer Magister egit? Effugium mortis æternæ sponder omnibus, qui verba illius decenter audirent. Hoc est fulmen, quod omnipotente manu suâ in eos iecit, pro terra os illi diuinum sese aperuit, vt fructum salutis perpetuæ eis funderet.

In horum commentatione positus Theophylactus succlamabat: *O misericordiam! Ad admonitionem, & doctrinam vertitur, benefaciens his, qui iniuriâ profinguntur*. Arreptitium, & à malo dæmone occupatum per summam, & inauditam calumniam dicebant, & hos ille ad vitam inuitat æternam. Quid ab exemplo tam admirabili accipimus? Respondet Theophylactus: *Ita oportet etiam nos vlcisci iniurias*. Nunquam nobiliorem ab hostibus vindictam capimus, quam cum eorum malefacta bonis officijs compensamus. Offensas enim offensis vlcisci, & iniurias pro iniurijs rependere mutuas, est hominum ignauorum, vilium, rusticorum.

In legibus, quas ex Deo Israëlitiçi populi ductor promulgauit, vna sic habet: *Si occurreris boui inimici tui, aut asino erranti, reduc ad eum. Si videris asinum odientis te iacere sub onere, non pertransibis, sed subleuabis eum eo*; Exodi cap. 23. v. 3. 4.

Dicit hic Oleaster in annot. Morali: *Expende, quam bellè se Dominus docuit vindictam ab inimico accipere*. Doctrina, quam hoc in loco tradit Dominus, ferè talis est. Si habes inimicum, si hominem infensum, qui obliquis oculis res tuas spectat, & vis irrogatarum tibi ab eo iniuriarum talium vindictam sumere, vide eam, quam ex Domini concessione sumere potes. Animum nobilem, generosum pectus exhibe rebus illius omnibus, quæcunque tibi occurrunt, oui, boui fer opem, si quam requirunt, fortunas illius tam enixè, contentiosèque propugna, & rutare, ac si tuæ ipsius essent. Sic enim gratas expectes de iniurijs tuis pœnas, nobilissimum namq; illud est vlciscendi inimicos genus, quo illi amplius confunduntur, & perstringuntur.

In hac sententia est Agapetus Diaconus in monitis illis aureis, quæ scripsit Imperatori Iustiniano n. 20. To. 2. Biblioth. veterum Patrum, inquires: *Venerandum iure est vestrum imperium, quia hostibus quidem sua demonstrat pietatis aculeos*. Quam benè dixit Diaconus, *Hostibus sua demonstrat pietatis aculeos*! Non dixit, demonstrasse aculeos iræ, odij, vindictæ, simulæris, sed liberalitatis, mansuetudinis, humanitatis. Nam vt inimicum configas, & lancines, id solertiâ commodiore, & aliu nobiliore fieri non potest, quam si beneficijs eum ornes, & cumules. Hæc est Christiana, & honorificentissima vindicta, quâ vlcisci possumus eum, qui nos persequitur, & horret.

Benè constabiliter hanc doctrinam quædam Salomonis sententia, quam ab illo mutuatus est Paulus, & præterire sine causæ, quam tractamus, iniuria non possumus. Vult Apostolus, vt mutuo amemus, tanquam spiritualia tam diuini capitis, quam est Christus, membra, & scribens quidem Romanis, loquens autem omnibus ait: *Non vosmetipsos defendentes, charissimi, sed date locum iræ, scriptum est enim, Mihi vindictam, ego retribuam, dicit Dominus*; Rom. 12. 19. Si de hac lege carnem, & sanguinem consulas, terribile, durum, intolerabile iugum videtur. Nam iniuriam passam priuare iucunditate vindictæ, est adimere illi voluptatem omnium maximam, quam habere potest. Et hominem in eas angustias cogere, vt legem, quæ vlcisci hostes prohibet, non prætereat, videtur perinde esse, ac permolestam, ne dicam intolerabilem ei sarcinam imponere. Respondet Paulus huic obiectioni: *Placet quod dicis: Et quoniam vis, non posse facere, quin vindictam sumas, annuo vt sumas. Itaque si esurierit inimicus tuus, ciba illum, si sitit, potum da illi, hoc enim faciens, carbones ignis congeres super caput eius*; ibid. v. 20. Similia habet Salomon Prou. 25. 21.

S. Ioannes Chrysostomus homil. 22. in cap. 12. ad Rom. ait: *Nihil adeo iucundum est, atque de inimico sumptum videre supplicium. Quod igitur cupis, id ipsi primum largitur*. Nulla tam grata, nulla tam voluptuosa buccæ, quam videre pœnam ab hoste experiri, multos enim videmus, quibus nullus ante sapit cibis, quam vlti sint inimicos. Dicit ergo Apostolus: *Quod iniuriam passus tam vehementer desiderat, hoc volo vt antè omnia consequatur, & obtineat, nimirum vt pœnas ei, à quo accepit offensas, reddat. Sed quemadmodum istud? Non aliter, quam vt officijs illum prosequatur, & ornet beneficijs, & honorificè excipiat, & comiter saluet, &*

laute



lautè habeat, & obuiò cibo, ac potu famelicum, situlosumque refocillet. Nam vt exactissimus paræmiarum Salomoniarum Interpres Salazar monet, ex textu Hebræo verba superiora sic possunt transferri: *Si esurieris, esca et incide, si sitieris, potum illi propina*, hoc est, famelicum inimicum tu inuita, tu ei mensam instrue, tu ei manu tuâ cibum non appone solum, sed & incide, sic vt lectiora, lautioraque ei apponas. Cùm bibendum fuerit, tu ei ad ipsius sanitatem præbibe, hæc enim specialis amoris manifesta sunt inditia, in conuiujs namque qui enixius diligunt, ij solenni more, & ritu buccas delicatiores inuicem ministrant, & mutuâ propinatione diurnam sanitatem comprecantur. Id ex Apuleio, Suetonio, & Lâpidio magnus interpres, quem dixi, probat. Quo autem euentu, quouè fructu ista urbanitatis, & humanitatis officia inimico quis exhibuerit? *Hoc faciens carbones congeres super caput eius.*

Mirus humanitatis, & beneficentiæ ergà hostem effectus, vt quis carbones super caput eius congerat, qui congerit in eum beneficia! Quid hæc significare possint.

S. August. dicit, qui serm. 165. de Temp. To. 10. sic habet: *Carbones ignis congerens super caput eius. Cùm enim inimico tuo pro animo frequentius benefeceris, quamlibet sit impius, & crudelis, barbarus, & eruentis, tamen tandem aliquando erubescit, & doler, & pauidere incipit, quod admisit.* Hæc est nobilissima vindicta, & generosissima ultio, quando hostem tam officiosè obseruamus, tam amanter colimus, tam munificè quibus possumus, beneficijs ornamus, & oneramus, vt quantumvis agrestis sit, & ferus, pudeat in nos iniuriosum fuisse, quos ergà se tam humanos, & prolixos reperitur. Apud nos cùm quis ex quacunque causa erubescit, solet vultus eius plerumque inflammarì, ac tunc dici: *Tene fulano la cara como duas brasas de pura verguenza*; hoc est: Habet ille faciem ferè talem, ac si meri ardentes carbones essent, idque rubor de pudore natus facit. Sic ergo nunc dicit Paulus: Si inimicus tuus esurierit, & sitierit, præbe illi victum, eâ namq; pietate, & liberalitate congeres carbones, hoc est, illum confundes, vt rubore facies eius non aliter tingatur, ac si meri carbones essent. Ad hunc modum nobilissima de inimico vindicta sumitur.

Nam vt S. Ennodius de vita Epiphanijs ait, *nescio qua species fortior possit esse bellorum, quam dimicare contrà iracundiam, & ferocissimè pudorem onerare beneficijs, grauius enim percellitur, si postulata impe-*

*ret, quem puduit supplicare.* Notate illud, *Percellitur grauius.* Nullum grauius vulnus ferocissimo hosti, aut sanguinolentissimo inimico, quàm concedere illi, quod oporat, & rogare non auder. Nam vt videt præuentam suam verecundiam à magnificentiâ eius, quem offendit, vt cuius vltionem beneficentiâ consequitur, quod petere à verecundia prohibitus intermisit, *grauius percellitur*, & velut lethaliter faucibus manet, & secundum animam tam rarâ, & generosâ prolixitate acriter pungitur. Hâc ratione tutè retunduntur iniuriæ, & vindicantur offensæ. Hoc tam sublimi vlciscendi modo debet offensus ergà offensorum uti, vt postquàm anxietate vlciscendi, quam superare non possit, laborat, ex more diuino, atque vt Deus vult, vlciscatur. Is nimirum non aliam de suis hostibus sumebat vindictam, quando Samaritanus ab eis, & dæmoniosus vocabatur, quàm vt eos ad epulas vitæ perpetuæ inuitaret, & ad salutem illorum immortalem eis propinaret suauissimum nectar, quod in illa regia superna æternum propinatur, & bibitur.

Idem noster Politicus cum suo offensore, & inimico agere debet, vt eum dapnoliter habeat, & oblatione domus, ac mensæ, vitæ etiam, si expediat, & necessitas postulet, sibi arctè deuinciat. Hæc ratione generosissimè vlciscetur suas iniurias, & offensas, & altissimum vindictæ Christianæ, & piæ genus inueniet.

## CAPVT IX.

*Quoniam ex nimia acceleratione solent longæ moræ resultare, plurimum refert, ad regulam discretionis ita moderari, & distribuere iter, vt perdurabili passu & continuâ profectione perfici queat.*

Offerebat Esau fratri suo Iacobi suam vitæ societatem, opitulationemque, si occurrens aliqua necessitas fortè requireret. Huic tam officiosæ, & comi oblationi respondit sanctus Patriarcha noster demissè, ac humiliter, non posse tam insignitum admittere beneficium, eò quod teneros, & paruulos haberet filios, oues item, & vacas grauidas, quas vnâ die perire necessum esset, si passu paulum celeriore carpere viam cogerentur. Itaque & rogauit, vt ipse præcederet, seq̃ue paulatim, ac pedetentim sequi permitteret, inquires: *Nosti, Domine, quod paruulos habeam teneros, & oues, & boues factas mecum, quas si plus in ambulando fecero laborare, morientur vnâ die cuncti greges. Præcedat dominus meus ante seruum suum, & ego sequar paulatim vestigia*



*ei, sicut. Videre paruulos meos posse*, Genes. 33. 13, 14.

Hæc verba habent sensum, & doctrinam moralem perutilem, cui valde inhærere debeant quidam imprudentes, & indiscreti, qui prætermisâ virium suarum expensione, tam properanter, cursimque feruntur per viam spiritus, vt antè deficient, quam perficiantur, & inepti reddantur ad reliquum curriculum absoluendum. Sunt qui tanto feruoris impetu pœnitentem vitam aggrediuntur, vt post non multos passus prorsum corruant, idq; quod onus ad momenta virium suarum non expenderunt, neque curant, vt parum humeris sarcinam exciperent. Faciant itaque quod Iacob, qui dicebat: *Sequitur paruulism, sicut. Videre paruulos meos posse*. Vires eorum, quos in via comites habebat, dimensus est, & ad modulum earum voluit vt per viam pergerent, vt perdurabilis sit profectio, necessum est prudentiâ duce vt, & iustam virium rationem habere, ad earumque mensuram moderari iter.

Ita suadet Doctor mellifluus serm. 49. in Cant. inquit: *Discretio omnis virtuti ordinem ponit, ordo modum tribuit etiam, & perpetuitatem*. Denique ait: *Ordinatione tuâ perseuerat dies, diem virtutem appellans. Est ergo discretio non tam virtus, quam quædam moderatrix, & auriga virtutum, ordinatrixq; affectuum, & morum doctrinx*. Vbi itinerandi nullus est ordo, nullus modus, discretio nulla, quomodo rectè sua cuiq; diei via designari, & continuari profectio potest? Nonnunquam sensim progredi, nonnunquam accelerare passum, & grandire gradum, nonnunquam moderari, prorsumque figere tantisper pedem, & conuiuiscere est necessum. Qui semper vult properare, & impetu incitatore per viam pergere, ille facit, vt intermittenda sit profectio, & postremò nihil fecerit, postquam tam rapidim, ac præproperè inire viam cœpit.

Sanctus Marcus Euangelista refert, venisse Discipulos ad Christum, & quid suâ prædicandi operâ, ad quam emissi fuerant, effecissent, Magistro exposuisse. Audiit ille eos humanè, iussitque *ire scorsum in desertum locum, & requiescere pusillum*; Marci 6. 31.

Ioannes Hoffmeisterus monet hîc notare, quod Christus non ait Discipulis suis: Redite ad prædicandum, concionandi laborem, & profectus aliorum curandi arduum studium repetite, sed *Requiescite pusillum, respirate, sededite ab hominibus tantisper, vbi nemo sit, qui vestram quietem interpellet. Hoc simpliciter intelligere possumus, concionatores non de-*

*bere adeò se semel laboribus conficere, & ad docendum prorsus inertes reddantur, sed ita debere docere, & ad docendum diu & itales, & alacres esse queant. Homo enim plus iusto laboribus occupatus diu illa ferendis sufficere non potest*. Ita Hoffmeisterus. Quod Apostoli ex prædicandi labore defatigati iussi sunt relaxare animum, tacita quædam ad ecclesiasticas directæ monitiõ fuit, vt eam ad concionandi studium adhibeant moderationem, per quam diu id munus obire possint, & non intemperanti labore vires suas totas conficiant, sed functioni suæ tam moderatè vacent, vt diu dare operam institutioni aliorum queant. Qui enim fortitudinis suæ robur omne simul exhaurit, palàm est quod ineptum se ad obeunda posthæc prædicationis munia reddat. Ergo bonum est, prudentiam, & moderationem adhibere: ad exercitiâ vitæ spiritualis, vt qui viam iniit, ad finem illius peruenire feliciter possit. *Homo enim plus iusto laboribus occupatus, diu illa ferendis sufficere non potest*.

Huc commodum veniet, quod Hugo Cardinalis in c. 34. Genes. de quodam veterum illorum Patrum ex Vitis Patrû his verbis refert: *In Vitis Patrû dixit quidam Patrum: Si videris iuuenem ascendente in caluem, tene pedes eius, & proijce in terram, quia non expedit ei sic*. Qui namque immoderato impetu sursum conuoluntur, suntq; aquilæ in principio, ij redduntur inepti, & sub finem sunt testudines.

Huc respexit S. Petrus, ex observatione eiusdem Hugonis, cum ait: *Charissimi, nolite peregrinari in feruore, qui ad tentationem vobis sit*; 1. Pet. 4. 12. Sequitur ex his, non omnem feruorem esse laudabilem, nec semper consultum impetu ad studia pietatis rapit. At quis hoc ab Apostolo expectare potuisset, vt diceret, posse feruorem pro lapide esse, ad quem viator spiritualis impingat, sic vt eum ad prosequendo itinere impediat? *In feruore, qui ad tentationem vobis sit*. Iuxta hæc benè sanctus ille senecio aiebat, arripiendum pedibus, & terræ affigendum iuuenem, si quis inter vitæ spiritualis rudimenta, & in primulo vitæ virtutum ingressu plûs satis feruere, & nimis incitatè contentiosq; ad superiora aspirare videretur, quod tali satius esset per humilem planitiem moderatè, prudenterque viam carpere, ac sic felici pede cœlum petere, quam turpi prolapsione inde huc decidere, & iam nec pedentim procedere posse per vires ex tentato volatu, & inde secuto lapsu debilitatas, & fractas, denique etiam per intemperantiam feruoris & alas, & pedes, & viam ipsam perdere: *Tene pedes eius, & proijce in terram, quia sic expedit ei*.



Nam vt venerabilis Pater Thomas de Kempis magnus magister, & expertus dux vitæ spiritualis serm. 20. §. 3. ait: *Discretus labor sit, ne corrumpat infirmum, aut ad diuina reddat ineptum. Nam quod moderatum est, melius persequatur. Ipse enim IESVS post itineris fatigationem residebat super fontem, expectans cibum, & humiliter postulans aqua potum.* Indubitatum est esse laborandum in via virtutis. Sed hoc etiam animaduertendum, debere studium esse moderatum, & par facultati virium, ne æquo grauior sarcina nimium pragrauet, & opprimat infirmos humeros, viatoremque reliquo itineri perficiendo relinquat ineptum. Exemplum huius rei Dominus noster nobis præluxit, qui lassus è longiore via confedit ad fontem Sichem, submisit aquam petijt, quæ corporis nimium ardorem refrigerare, & defatigationem leuare posset.

De immensa diuinæ dextræ potestate sic pronuntiat Sapiens: *Attingit à fine & usque ad finem fortiter, & disponit omnia suauiter*; Sap. 8. 1. hoc est, cum opus qualecunque suscipit, hoc etiam perficit, nec ullis impedimentis retinetur; quin ad fastigium educat, viamque omnem feliciter vt ingreditur, sic & egreditur, & cum semel introire cepit semitam, certum possumus nobis promittere illius exitum. Et hoc est attingere à fine usque ad finem, à fine inchoationis & usque ad finem consummationis, inquit Richardus de S. Victore part. 2. in Psal. 44.

Quid causæ sit, cur etiam seruus Dei feliciter absoluit curriculum, quod semel prosperè inire cepit? Subijcit mox rationem Sapiens: *Disponit omnia suauiter*, cordatè, discretè, atque eà passus moderatione vtitur, vt persequi professionem usque ad extremam lineam possit: *Attingit à fine & usque ad finem, quia disponit omnia suauiter*; inquit Richardus. Itinerandi itaque perseverantia ex proficiscendi moderatione sequitur. *Tu fortiter inchoas, tepidè consummas.* Cur hoc, nisi quia non disponit omnia suauiter, nec scit operari sapienter? *Incipis, curris, f. f. nas, anhelus lassus, deficiis, non dicam ad finem, sed nec ad medium pertingis.* Itaque vt feliciter perficiatur curriculum, necessum est imitari Dominum, qui à fine usque ad finem pertingit fortiter, eò quod vadit suauiter. Vbi non est suavis, & moderata ordinatio mediorum, ibi felix affectio finis esse non potest.

Suffragetur nobis sacer noster Patriarcha, qui cum ex ædibus paternis domum auunculi sui Labani peteret, vno momento, quantum quidem sacri textus narratio indicare videtur, iter suum confecit,

& viam absoluit. Sic enim habes Genes. 28. 5. *Cum dimisset eum Isaac, profectus venit in Mesopotamiam Syria ad Laban.*

Cardinalis Caietanus (quod & alibi diximus) in hæc sic ait: *Extremos terminos, à quo, & ad quem, itineris Iacob narrat Moyses, prorsusquam narrat euentus medios in via.* Quod tale videtur, ac si dixisset: *Attingit à fine & usque ad finem*; ex more Dei, tanquam facile fuisset diuinare felicem exitum; quem profectio Iacobitis habitura erat, ex moderatione, quâ iter illius ingredi cepit. Quare autem facile erat hoc præuidere, & existimare? Videamus quem itinerandi modum tenuerit in ipso viæ principio, hinc enim arbitrari finem illius prosperum haud difficile poterimus. Abulensis dicit: *Ambulabat per dies suas*, & initio pedetentim viam carpebat, nec ita accelerabat iter, vt statim delassatus immodicâ festinatione prosequi illud non posset, sed cuique diei horas suas deputatas, & certos viarum limites constitutos habebat, & quando res postulabat, quiescebat, somno etiam; & cibo sua tempora concedebat, professionemque omnem ad prudentiæ, & discretionis perpendicularum exigebat, & sic feliciter assequeretur locum, quem petebat. Omnia nimirum cordatè, & suauiter antè disposuit. Ac propterea textus facit ex primordiis itineris finem illi præfagit, *extremosque terminos, à quo, & ad quem, itineris Iacob narrat Moyses.* Quisquis enim suauiter incipit, fortiter finiet. Secus ac ille, qui nimis animosè exorsus remittit paulatim spiritus, & professionem ante finem intermittit. Vt ergo feliciter obsoluatur curriculum, moderatè initio est ineundum.

Multi dubitarunt, neque parum, aut immeritò, quid causæ sit, quod regina florum rosa tam citò marcescat, quod tam perfunctoria sit eius & fragrantia, & elegantia, sic vt eodem penè die venustatis suæ splendorem abijciat, quo ostentare cepit. Qui sit, quod tam subito defungitur, quæ pro suæ speciei, & fragrantie incomparabili dignitate longos menses vivere debere videtur?

Clemens Alexandrinus lib. 2. Pædag. c. 8. causam tradit, inquit: *Dicunt rosam Rhodom fuisse nominatam, quod odoris plurimum fluxum emittat, & ideo citò marcescit.*

Similem questionem instituire in re morali possumus. Quid est, quod quidam à studio, & stadio virtutis, vitæ sanctioris, aut penitentia tam celeriter recedunt? Quid est, quod inter ipsa primordia tam citò languent, torpent, fatigantur? Respondere possumus tam subita defectionis causam similem esse



illius, ob quam rosa tam breui tempore marcet. Nimis accelerant gradum in principio, plūs à seipsis exigunt, quàm præstare vires possint, idcirco defatigantur, & deficiunt animis, & abruptum profectio- nem. Sic videmus quosdam, qui ieiunijs, inediâ, vigilijs, orandi pertinaciâ, strati duritie, flagrorum sauitiâ ita se emaciant, tanquàm à prima linea ad extremam vno passu peruenire velint, ideòq; infelice- m habent exitum. Similes rosæ volunt esse suas virtutes, ac propterea tam est brevis vita eorum spiritualis. *Quod rosa, quod virtus plurimum odoris fluxum emittat, idcirco citò marcescit.*

Vt ergo exercitationum spiritualium studium possit esse perdurabile, ac diuturnum, debet compa- rari cum viribus illius, qui ei daturus est operam, & vult perseveranter vacare. *Sicut videro paruulos meos posse, sic pergam, inquiebat noster Iacob, & eo-*

rum imbecillitati passus meos accommodabo. Sic prudens quilibet, & cordatus, priusquàm iter ingre- diatur, rationem cum oculis, & marsupio init, & pro numerum quantitate sumptus moderatur. Nam si mox initio pecuniam omnem effunderet, quomo- do viam reliquam conscicere posset? Ad eundem modum agere debet, qui se vitæ pœnitenti tradit, vt primum cum suis viribus rationes subducatur, tum iuxta earum modulum profectio- nem & cursum viæ, ac vitæ spiritualis instituat. Quod si & Politicus no- stiter fecerit, si paria viribus opera susceperit, si sar- cinam humeris tolerabilem imposuerit asperitatum, & pœnitentiæ, iter suum feliciter absoluet: Nisi e- nim passus suos ad normam prudentiæ, & discretio- nis componat, quomodo prospero fine claudere suum iter, & patriam assequi æternam poterit?

## LIBER OCTAVVS.

### CAPVT I.

*Qui cum inimico semper vigili pugnât, nun- quàm dormire debet, sed in maximâ tranquillitate, & securitate periculosissimum bellum timere.*



Veniammodum qui patentem publicè in via periculosa thesaurum portat, ad illū diripiendum velut inuitat, perque vim auferri desiderat, vt ferè habet sanctus Gregorius Magnus homil. 9. in Euan. Sic qui in isto miserabili seculo, & lachrymarum luctuosa valle curâ vacuus viuic, & dormit securus, quanquàm habeat tot hostes in ipsius perniciem foederatos, ad i- ipsius exitium semper vigilēs, videtur indicare, quòd vel bellum non timeat, vel superari non curet. V- trumque valde damnosum est illi, qui serid, & omni virium contentione, & quantâ maximâ potest soli- citudine debet procurare salutem suam æternam, contemptâ omni inimicorum rabie, quorum huc omnis conatus vadit, vt omnia remedia impedi- ant, quibus illam consequi potest. Crudeles sunt nostri hostes, contumaces nostri aduersarij, inuidia illorum immanis est, furor truculentus, vigilantia illorum insomnis est, pertinacia infatigabilis, & perpetua, nunquàm enim cessant tentare, & non lassantur vilo impugnandi labore. Et qui viuic ob oculos talium inimicorum, nunquàm securum se putare debet, tam- en si maximâ pace fruatur, cum hostes tunc atrocio-

re bello nos oppugnare soleant, cum magis incurri- os, metuque vacuos cernunt. *Vigilandum omnino, & somnus ab oculis auferendus* (inquit Eminentissi- mus Cardinalis Ostiensis, sanctus Petrus Damianus serm. 68.) *quia latrones multi obsident iter nostrum toxicata misilibus formidandi, nullum prorsus inten- tatum transire sustinentes. Diabolus ita inexorabile odium aduersus nos exercet, vt nunquàm ab eo indu- cias vel in istu oculi potuerimus extorquere.* Qui cum tali hoste configit, qui cum aduersario tam furioso luctatur, cui cum æmulo tam crudeli, & pertinaci res est, vt nec momento arma deponat, vel de infe- standi studio, & contentione remittat, quomodo non sollicitè curet, & diligentissimè laboret, vt semper ab armis sit optimè instructus, & contrâ omnes il- lius machinationes, prætigias, irruptiones, assultus validissimè munitus?

Cum militem Christianum armaret Apostolus, vt probe testus in palæstra huius mundi aduersus mū- dum, eiusque caliginosos duces dimicaret, loricaq; iustitiæ, & scuto fidei, & galeâ salutis, & gladio spi- ritus eum ceu legionarium Christi vestiret, aiebat: *Propterea accipite armaturam Dei, & positis resiste- re in die malo, & in omnibus perfecti stare*; Ephes. 6. 13.

Antequàm hinc abeamus, notandum est, quàm cautè, proprièque locutus sit hic Apostolus, non e- nim ait, *Et securi, sed Et perfecti positi stare*, hoc namque castrense vocabulum est, & significat, in campo



campo armatum, in morem pugnaturi, sollicitum, & paratum stare. Ut autem videamus, quantā curā nobis attendere, quantā vigilantia prospicere debeamus, notanda est eorundem verborum translatio alia, quæ apud Theophylactum talis est: *Vi postquam omnibus confectis stare bene instructi, muniti, solliciti.* Itane verò voluit Paulus, ut Christi milites etiam post confectum feliciter bellum, post dissipatas acies aduersarias, post propulsatos, fugatosque hostes perstarent in loco certaminis, & perstarent vigilantes, attentis, solliciti, recti, parati? Quis tale quidpiam cogitare potuisset? Videtur enim potius dicere de hisse, *Vi postquam omnibus confectis quiescere.* Post absolutum enim prælium, post superatos hostes, post obtentam victoriam, & reportatum triumphum quid aliud consequi potest, quam ut otio se tradant, & quiesci indulgeant, & confectæ pugne laboribus sese reficiant, qui contentiosè, operosè, ac periculosè diu dimicauerunt? Quomodo ergo Apostolus iubebat *confectis, omnibus stare*, & in loco certaminis iam finiti fixo nihilominus vestigio armatos, promptosque ad conflictum vltiorem consilire?

Theophylactus in c. 6. Ephes. ait: *Est postquam plerique partem victoriam ceciderunt, STARE addidit.* Opus est enim post victoriam etiam consistentiā, ne si quis rursus ad oppugnandum insurgat. Cum fieri possit, ut vincamur, non debemus in posterum esse desides. Si enim ad torporem lapsi fuerimus, reuersetur occisus hostis. Cum fugato hoste non fugit nostram periculum, sed illo etiam subactō discrimen nostrum constat. Quare tanta debet esse nostra à confecto certamine cura, sollicitudo, vigilantia, quanta fuit, cum in arenam cum hoste sanguinario descendimus. Hostis enim noster tam est impudens, & fraudulencus; ut etiam superatus, & prostratus non desperet victoriam, ut propterea post maximum triumphū quāmaximè vigilare, sollicitique, & attentis esse debeamus. *Opus est enim post victoriam etiam consistentiā.* At si post triumphum etiam necessaria est vigilantia, quantam curam, diligentiamque conflictus ipse postulabit?

Videamus annon valde opportuna huic veniat Onosiadri quædam doctrina, quā argumento posthæc alio vrgebimus. Ille in Strategic. c. 8. sic ait: *Imperator si in hostili solo castra ponat, statim Gallos fossasq; cingit, licet ibi ad breue tempus considere voluerit.* Hæc enim castrensîs ratio nunquā penitenda; semperq; tuta aduersus repentinas, & improprias irruptiones. Collocet etiam custodes, ac speculatores, quasi propè adsint hostes, etsi longius abesse putet. Quā-

tam, Deus, curam, ac sollicitudinem requirit Onosiadri in ductore exercitus mouente castra, & in terra hostili vel paucularum horarum moras trahere cogitante? Itā se muniat, inquit, & obuallet, ac si eodie signa cum aduersarijs collaturus esset, licet ibi ad breue tempus considere voluerit. Ac tamen si longè abesse hostem sciat, excubias tamen in locis opportunis constituat, quæ tam sollicitè aduigilent, quā si proximè illum adesse nosset: *Collocet etiam custodias, ac speculatores, quasi propè adsint hostes, etsi longius abesse putet.* Quid illa tanta diligentia, & præparatio tam sollicita faceret? Hæc castrensîs ratio nunquā penitenda; nec dōlebit aliquando exercitus moderator supremus, tam studiosè aduigilasse, nemō enim vnquā probauit incuriam eius, qui inter hostes absque metu viuit, & semper fuit pernitiabilis nimia securitas.

Si contrā hostes ex luto fictos, ex carne & sanguine conflatos tantam exigit Onosiadri vigilantiam, & curam, ut velti Imperatorem militum nec per duas horas incuriam, tamen si procul abesse infestas acies sciat, sed semper paratum, ut semper habeat alios in excubijs, alios in stationibus, alios in insidijs, alios in locis ad speculandum opportunis: Quid is faciat, cui non est publica pugna, sed priuata colluctatio non aduersus carnem, & sanguinem, sed contrā spiritualia nequitie, contrā æreas potestates, & principem tenebrarum harum, ut Apostolus loquitur, qui nos semper velut constrictos tener suā infatigabili tentandi peruicaciā, & cedere nesciā contentione? Quomodo is vel momentum prætermittere audeat, quō non totā lacertorum vi, & omni animi robore pugnacissimè repugnet inimico quāmaximè astuto, tam furioso, & ab oppugnando desistere nescio?

In mystico illo Tabernaculo ad lucem Origenis inueniuntur hæc doctrinam bene adumbratam. In religiosis illius supellectilibus vnum erat candelabrum aureum, ab admirabili sua structura celebratissimū, quod Dominus ex aduerso mensæ panis propositionis constitui iussit, & à Moyse accuratissimè collocatum fuit, qui posuit candelabrum in tabernaculo regione mensæ in parte australi, ut habes Exodus 40. 22. Auster ventus meridionalis est, Aquilonem opposito spectans.

Admirabilis cæremonia visā est Origeni, quod candelabrum, in quo erant lucernæ, itā locatum fuit, ut eam potius, quā aliam quālemlibet mundi oram spectaret: *Istud candelabrum in Austro collocat, & ad Aquilonem respiciat*, inquit magnus Adamantius. Cur verò candelabrum, quod suā luce fugabat



tenebras, detegebat secreta, & abscondita, estque symbolum vigilantiae, ita positum fuit, ut septentrionem, siue Aquilonem magis, quam Austrum, Orientem, Occidentem respiceret?

Respondet Origenes, si Prophetam Ieremiam consulamus, facile nos reperturos illius quaestionis solutionem, per cuius os Dominus illud tritum pronuntiavit: *Ab Aquilone pandetur malum super omnes habitatores terrae*; Ierem. i. 14.

Quod frigidus Aquilo sit communis inimici nostri cypus, id tam frequens est in sacris literis, ut superuacaneum sit probare, cum & passim à Magno Gregorio, à sanctis Hieronymo, Ildoro, Beda, à Lyrano, Petro, Berchorio, Laureto, Ricciardo, & alijs affirmetur.

Mysterium candelabri è regione Aquilonis collocati ex his nunc accipiemus. *Posuit candelabrum in parte Australi*, inquit Moyses, acsi dixisset: Cum candelabrum suum luce sit symbolum vigilantiae, merito semper è regione Aquilonis est positum, ut semper respiciat inimicum, ut quoniam ille semper conatur vincere, nostra vigilantia repugnare nunquam desinat: *Accenso lumine, id est, Vigilanti corde respicere semper debet ad Aquilonem*, & *observare eum, qui ab Aquilone est*, ab Aquilone enim accenduntur mala in universa terra. *Vigilans ergo, & sollicitus, & ardens intrinsecus semper astutus diaboli, & semper aspicit, unde sit ventura tentatio, unde hostis irruat, unde inimicus obrepit*. Hæc Origenes. Ergo qui hostem habet, cui nulla à nocendi studio otiosa hora, habet etiam quare in perpetuis vigilijs agere, & tota ingenij cautione attendere debeat, quomodo ardentem illius ictus retundere, & ignea tela illæsus excipere queat.

Quam benè hoc docuit Tertullianus, quando dixit, quomodo gerere se debeat Christianus tectus securo patientiae, quam tam viuis coloribus delineat, quam ipse Romanæ eloquentiae Parens posset, commendatque à silentij obseruantia, & vultus serenitate, inquit lib. de Patient. c. 15, *Os taciturnitatis honore signatum, color qualis securis, & innocens*. Sed quid ait præterea de Christiano quam patiente, tam taciturno, tam hilari vultu, quam is esse possit, qui neque alicuius noxae sibi est conscius, neque hostem, quem timeat, vultum habet? An quod dormiat? An quid in otio degat? An quod torpeat, & sollicitudine omni solutus negligenter viuatur? Nequaquam, sed ita describere pergit: *Motus frequens capiti in diabolum, & minax risus*. Tamen si patientia tanquam conscia securitatis suæ sit taciturnitas,

& tanquam benè confisa muteat, & tam sereno sit vultu, quam tranquillo, & timoris experte animo, & integra conscientia: Nihilominus caput identidem ad cacodæmonem obuertit, cui sic arridet, ut minas eidem oculis intenet: *Motus frequens capiti in diabolum*. Non dicit Tertullianus, sat esse Patientiae suam æquanimitem, aut sufficere, quod inter eundem semel obuertat caput, intentisque oculis oculos dæmonis obseruet, ut se ab illius tectis insidijs seruet, sed multo sæpius obuertere caput, quam mouere gradum, cum videat, nullam posse habere securitatem, nullam promittere sibi quietem, & pacem eum, qui tam crudelem, atrocem, & vigilantem habet inimicum, qui infestandorum hominum tam est intentus operi, ut nemo sit tam celeribus pedibus ad fugiendum, quam ille expeditis manibus ad feriendum, nec quisquam æquè promptè cauere possit, ac ille nocere.

Et quis securi animi esse queat, qui sancti Antonij principis eremicolarum Epistolam tertiam legerit, cui tam frequens fuit cum malo dæmone colluctatio, tam crebrum imposturarum illius ferociæque experimentum, ut magna ei fides, hac præsertim in re, debeatur. In ea Epistola ille sic habet: *Acquisimus domum tenebrosam, ac prælyis plenam*. Sit homo quispiam inclusus loco tam diligenter undique obturato, ut nulla in eum lux penetrare possit. Sint in eodem loco plurimi hostes in illius exitium coniurati, qui & videri nequeant, & videant optime, quem mactare & faciliè possint, & maxime velint. Quanto in periculo, quanto in timore, & tremore miser ille versaretur, cui talibus cum hostibus tali in loco decertandum esset? Quis non miseraretur ærumnosum illum eiusmodi inimicorum manibus expositum? At quam insanus esset, qui tanto in discrimine positus negligenter se haberet, & oscitanter ageret? Hoc est, quod hominibus accidit, inquit sanctus Antonius. *Acquisimus domum tenebrosam, ac prælyis plenam*. Duobus malis obnoxij sumus, nam & in mundo obscuritatem, & confusio-nem tenebris pleno viuimus, & hostes habemus, à quibus perpetuo bello vexamur, tam proximos, quam insensos, qui cum nos perspectos habeant, illi oculos nostros latent, robustique cum infirmis, & astuti cum rudibus, & periti cum in expertis, & semper vigilantes cum somnolentis, torpencibus dimicant. Quare ergo inter res tam ancipites dormiamus, & non magis insomnes viuamus, omni que sollicitudine saluti nostræ studeamus? Si domus illa tenebri-cosa mundus est, periculum idem est. Quis ergo homo



homo alioquin cordatus, & prudens, potest esse o-  
scitabundus, qui in medio presentaneorum pericu-  
lorum positus consertis brachijs cum tam versutus,  
& malignis hostibus certare debet?

Maximè cum de illo magnus Africanus Tertulli-  
anus lib. de Poenit. c. 7. dicat: *Observat, oppugnat,  
obsidet, si quâ possit aut oculos concupiscentiâ carnali  
ferire, aut animum illecebris singularibus irretire,  
aut fidem terrena potestatis formidine euertere, non  
scandalis, non tentationibus deficit.* Animæ nostræ  
arceus rabiosus ille hostis ex omni parte explora-  
bundus tentat, si quâ irrumperè possit, iamque & o-  
culos rerum obscenarum obiectu, & illicitis, & au-  
res murmurationibus, obrectationibusq; & os bla-  
spemijs, & cor varijs cupiditatibus, & caput super-  
biâ infestans. Denique non angulum relinquit, què  
non scrutatur, non pinnam, quam non obseruat:  
*Non scandalis, non tentationibus deficit.* Mira per-  
tinacia hostis nostri, qui nunquam cessat eiaculari  
globos suos igneos, nunquam remittit de ardore ari-  
eandi arcem animæ, sed quouis momento vitur no-  
uis stratagematis, artificijs, dolis, vt damnatorum  
votorum suorum compos fiat. Si autem diabolus  
non fatigatur, cur dormiat homo, cui bellum ex  
bello nascitur, & prælio vno confecto mox aliud  
periculosius mouetur?

Nonne hoc videmus in Patriarcha nostro expres-  
sum? Habuit ille talis rei experimentum, & nobis  
reliquit exemplum. Discedebat à domo Laban, at-  
que hic illum persequabatur, posthæc timor fratris  
illum inuasit, cum quo deinde reconciliatus in gra-  
tiam, & fraternam consuetudinem redijt. Hic nunc  
visum fuerit S. Patriarchæ nihil ærumnarum esse re-  
liquum, omnes nunc exantlatas vitæ, ac vitæ difficultates.  
Et ecce alia calamitas multò maior præteritis illi à  
Dina filia vnica inopinatò conflat. Hæc è paren-  
tum consortio domestico digressa iuit & sideres mu-  
lieres regionis illius, in quam recens aduenerat. Ci-  
uitatem ingressa incidit in oculos Sichem filij regis,  
qui amore eius captus flagitium inuitæ intulit. Con-  
sciuerunt stuprum sororis fratres, dissimulantesque  
scelus fraudem adornant, & cedem primùm Princi-  
pi, eiusque parenti, dein toti ciuitati intulerunt, v-  
nâque occisione omnes extinxerunt, nisi quod mu-  
lieribus paritum, & pueris. Hac sanguinolentissi-  
mâ cæde, & immani strage fuit sancto Patriarchæ no-  
stro tale mortis periculum comparatum, quale  
nunquam antè subierat, perijssetque, nisi Dominus  
illum speciali præsidio suo sospitasset. Gliscebant ergo  
illi in dies noua discrimina, calamitatumque alia

Tom. III.

aliam per manus velut ductabat. Itaque fieri non  
poterat, quin semper in metu anxius viueret sanctus  
noster viator, ex cuius actis discimus, insigniter,  
stultos esse eos, qui solurè, oscitanterque in præsen-  
ti viuunt, cum habeant inimicos, quos diximus, &  
non solum subiaceant periculis, quæ experiuntur,  
verum etiam meritò formident futura, quæ eis mi-  
nantur.

*Eundem hortum colit Periocha prima Dominica V.  
post Epiphaniam Tom. II. pag. 445. c. 2. o. Sibi ha-  
bes pulchra.*

## CAPVT II.

*Non tam difficilis prouincia est abscondere ignem,  
quàm clausam tenere mulierem, cui mortem acer-  
biorem consciscere non possis, quàm si domi recondi-  
tam serues.*

*Vix enim clausit ignem?* aiebat ibi quidam Po-  
etarum. Tantâ enim contentione, tantâque  
pertinaciâ regionem superiorem, ex qua fiat conspi-  
cuius, ignis petit, vt ægrè, ac perdifficulter retineri  
infernè queat. At quis mulierem domi conclusam  
retineat? Vt primum illud non vulgare est miracu-  
lum, sic hoc posterius prodigium non exiguum.  
Hoc plerumque sexus ille, & pars eius maxima ha-  
bet, vt oderit latebras.

Præcipiebat Dominus in lege vetere, vt masculus  
quisque certos affectus ætatis annos ter minimum  
quotannis silteret se Tabernaculo, in quo erat arca  
Testamenti, vt eo ritu profiterentur, quod Domi-  
nus, ad quem adorandum ibi conueniebant, esset  
iporum Deus, Pater, Creator, è cuius munificis ma-  
nibus acciperent omnes gratias, vniuersaque bene-  
ficia, quibus fruebantur. Summa legis erat ista:  
*Tribus temporibus anni apparebit omne masculinum  
tuum in conspectu omnipotentis Domini Dei israel;*  
Exod. 34. 23.

Æquissima certè lex, quales omnes, quascunque  
sacer Legislator promulgauit. At videtur mulieres  
præterijisse, & exclusisse tanquam immunes ab illo  
debito sistendi se conspectui Domini, ac si illas non  
eadem, quæ viros, constringeret necessitudo agno-  
scendi colendique supremum luminum patrem,  
qui boni omnis fons est, & origo. At si lex illa eo  
consilio lata est, vt qui ad Tabernaculum conflue-  
bant, religioso suo conuentu Dominum suæ vitæ,  
omnisque felicitatis autorem testarentur, ac vene-  
rarentur, cur mulieribus peregrinationis labor non  
æquè fuit impositus, ac vitis, vt his se vitæ comites,

K k k k

& sacri



& sacri cultus, communisque obseruantia socias adiungerent, quibus paria beneficia necessitatem parem imposuisse videntur? *Apparebit omne masculinum. Nonne & femina tibi cura sunt, Domine, sicut & masculi?* aiebat Oleaster in Annot. morali. At cum eodem loco Deus habeat mulieres, quo viros, cur illæ non pariter fuerunt iussæ peregrinari, ac viri?

Respondet magnus Lusitanus: *Amar hoc genus exire, amat hinc inde discurrere.* Cum negotium sistendi se Domino in peregrinatione, protectione, excursionem positum esset, superuacaneum videtur mulieres præcepto ad illud adstringere. Viri magis amant secum morari, faciliusque domi se continent, ac propterea iussione euocandos illos potius, quam mulieres putauit Dominus. Otiosum esset illas præcepto ad peregrinationes sacras, deferendumque secretum domesticum excire, ipsæ ex se procliuiter euagantur, prodeundique omnes occasiones quam auidè expectant, tam studiosè, & curiosè obseruant. Habet hoc ille sexus mulierum, vt plerumque omnia bene faciant, dum nemo faciat, vt domo recondita manere, & parietes custodire domesticos debeant.

Ioseph Patriarchæ nostri filius in Ægyptum abductus, à Putiphare emptus fuit. Vix oculis liberali formâ adolescentem lasciuia domini sui vxor arbitrata fuit, quando illi per summam impudentiam dixit: *Dormi mecum;* Genes. 39. 7. velut pluribus dixisset: Vultus tui elegancia, ô formosæ captiue, & morum gratia, & decenissima totius corporis structura ita cor meum expectorauit, animumque deuinxit, vt nisi lachrymis meis, ac precibus concedas, certam mihi mortem secururus ex difficilli morositate, ac designatione tua moeror, ac dolor allaturus videatur. Exterritus tam inexpectato rogatu castus adolescens, perturbatusque tam obscenis lasciuæ heræ suæ verbis, quanquam grauissimis, & inuictis rationibus fidem, quâ domino suo obstrictus esset, assereret, illa nihilominus per dies singulos, quod sacer Scriptor monet, *molesta erat adolescenti,* pertinaciterque murum fidei illius, & castitatis arcem tentabat, demùm verò etiam, cum absq; arbitris domus esset, & solum adolescentem illa nacta, opportunissimam eam occasionem arbitraretur, manus intaminato iuueni libidinosas intulit, pallioque apprehensum per vim in scelus, & turpis voluptatis commercium pertrahere voluit. Id Moyles his verbis narrare incipit: *Accidit quadam die; i-hid, v. 11. Quanam illa dies fuerit, difficile est sta-*

tuere, aut definire. Flavius Iosephus ait, fuisse scellennis, ac publici festi diem, quo mulieres primariæ omnes domibus effusæ ad conuentus publicos confluerint, & venustatis suæ tum natiuæ, tum adscitæ, monilumque, & omnium ornamentorum ostentationem fecerint. *Publico festo instante,* inquit ille lib. 2. Antiq. c. 3. *cuius festiuitatem feminas quoque frequentare mos erat, fingit morbum apud maritum, captans solitudinem, & ad Iosephum sollicitandum opportunitatem.* Quanquam obscenè lasciuia, non tamen iners, non rudi, tardoque, & obtuso ingenio erat hera illa, inquit Iosephus, quæ cum suspicari cœpisset, Iosephem in ea esse sententia, quod à domina sua ad scelus inuitabatur, id ab ea non fieri turpi inconcessæ libidinis cupiditate, sed hoc solum consilio, vt experimento disceret, quanta esset captiui famuli erga suum herum fidelitas, semel certò exploraret, qualemnam domi feruum haberet, quid egit, vt eam Iosephi adimeret suspicionem, persuasumque faceret, non fraudulenter, non periclitandæ fidei gratiâ ad concubitus sollicitasse, sed ab animo ipsius amantissimo, & ardentissimo profectum, quod complexum illius petierat? Ad nouam artem se conuertit, ægritudinemque mentita fuit, idque die festo, quo præsciebat omnes ad communis lætitiæ consortia prodituros foras, cumque solum domi Ioseph, nescio quid illud operis, retinisset, illa optatam diu occasionem cupidissimè arripens, denuò illum adorat, rogatque, & obsecrat, vt æquiores, & beneuolentiores, facilioremque exhibeat, & exobsecrari ab ea sinat, quæ illum non tunc primum demori inceperit. Venire autem ex penitissimo corde, quod obtestabatur; id ex ea re iubebar æstimare, quam propter illum reliquisset. Quid verò propter Iosephem relinquebat, vt illi indubitatum faceret, quod petebat, id ab animo serio, & sincero nasci, non periculi faciendi causâ fieri? Nonne vides, quod ait Iosephus, *finxisse morbum apud maritum?* Ægritudinem simulauit, vt ne domo exiret: Ostentandi sui, omniumque oculis exponendi sese expetitiuissimam alioquin opportunitatem præterlabi volens, ac lubens permisit, eaque re de sua enixa voluntate Iosephem certiore reddidit, integerrimoque amore illum prosequi, ac deperire, non obscure significauit, sed grauissimo, & luculentissimo argumento euicit, testaturumque, ac demonstraturum dedit. Quæ enim prodire domo cum possit, intermittit, quæ publicos conuentus, palamque videri, & videre negligit, ea haud dubium plurimum amat, & extremâ, quod aiunt, lineâ diligit, & per



& perditē charam habet eius gratiam, cuius gratiā hoc facit. Nam vt infensissimē oderunt mulieres solitudinem, & recessus, & latebras, itā validiore ratione suum ergā alios amorem demonstrare nequeunt, quā si eorum amore domi se contineant, & hanc illi, quem diligunt, in se victimā mactent.

Nympharum vestium obsceni amoris profanus pater Ouidius lib. i. Fastorum sic describit:

*Exerit hac humerum, Gesses trahit illa per herbas.*

*Impediunt teneros Vincula nulla pedes,*

Carolus Neapolitanus Anaptix. ad lib. I. Fast. num. 164. ait, *Vincula pro calcibus posita ab Ouidio.* Id verō ingoniosē factum, nā cū iniquissimē clausuram domesticam ferant foeminae, & domus illis pro cruciabili tormento sint, quidquid libere obambulationi earum impedimentum qualecunque adfert, hoc illis pro duris vinculis, & poenalibus pedicis, & intolerabilibus compedibus, & immani carcere, & carnificina est. Apud illas nulla magis captiua, quā quæ domi clausa, nulla magis libera, quā cui vagari licitum, nulla magis mortua, quā quæ latebricola, nulla æquē viua, ac illa, cui obambulandi, & proeundi facultas laxa.

Ad Episcopum Thyatiræ legatus à Domino missus Ioannes, iussusque fuit, vt cū de bonis operibus illum commendaret, cū de quibusdam erratis obiurgaret. Ex malefactis illud vnum erat, quod mulierem obscenam Iezabelem, quæ se prophetidem dicebat, docere permiserat, & inducere alios ad fornicationem, & esum idolythorum. Minabatur ergo supplicium, quo coercere illius mulieris audaciam vellet, ne in aliorum pernitiem redundaret. At videamus quam poenam in eam decernat, quæ cū liberrimē, quocunque eam sua malitia vocabat, euagaretur, plurimos in deū abducebat. *Ecce mittam eam in lectum*, inquit Apoc. 2. v. 22. faciamque vt suum ipsius stratum habeat pro carcere. Glossa ibi ait: *Ego mittam eam in lectum doloris*, & alia translatio ponit *lectum pro lecto*. Ego sic eam plectam, inquit Dominus, vt à manu mea protectas esse poenas supplicij omnes intelligant. Quale verō supplicium est mulieris, quæ suā pernitiabili doctrina, & prauo exemplo homines tam multos in præcipitum abduxit, quod strato affixa fuit, vbi agitudinis, dolorumque compedibus onerata, & constricta, in lecto tanquā in carcere perpetuo versaretur: Non erant poenæ aliæ, quæ reperi à muliere tam insolente, vasa, & fraudulenta possent: Acerbiorem nullam fuisse illud subindicat, quod ab ipso Deo ad e-

am damnata fuit. Quis verō cruciatus, cui addicta fuit? Ille, vt tanquā cochlea, domi moraretur: *Ecce mittam eam in lectum*, hoc est, dolorum catenis vinciam, vincamque in lecto retinebo, non permitam vt prodeat, publicoque conuentui, gaudio, velli intersit. Hæcine verō tam grauis mulcta, tam cruciabilis animaduersio? Immo verō eapse: Nam adimere mulieri suam excurrendi libertatem, proeundi licentiam coercere, id, si rem de communi illius sexus conditione, & familiari consuetudine arbitreris, terribilius supplicium est, quā si vitam ipsam eripias. Itaque conijcere mulierem in lectū, & in mortem, vel sepulturam, videtur idem esse: *Ecce mittam eam in lectum, in lectum.*

Peruulgatum est votum illud, quod Israëlitiçi populi dux Iephthæ nuncupauit Deo, vt per illum euaderet angustias, in quas se à catholicæ religioni infensis hostibus compactum videbat: Votum suum Iudic. 11. 30. 31. his verbis concepit: *Si tradideris filios Ammon in manus meas, quicunque primus fuerit egressus de foribus domus meæ, nathiq; occurreris reuerenti cum pace à filiis Ammon, eum holocaustum offeram Domino.* Audiuit Dominus deuotum, & religiosum supplicem, tradiditq; Ammonitas in manus illius, à quibus cū triumphator domum rediret, prima illi occurrit filia gaudibunda, vt patri de victoria antè omnes gratularetur. Contristatus fuit in sperato euentu pater, & cor illius magno luctu perfusum, & festa triumphi lætitia in mortales anxietates versa. Communicauit autem de voto cum filia, eaque humiliter se obtulit omnibus, quæcunq; Pater Deo Pollicitus esset, *expletiq; duobus mensibus fecit ei, sicut vouerat*, ibid. v. 39.

Non obstantibus his sacri textus verbis dubitatum ab Expositoribus fuit, vtrum filia Iephthæ reapse à patre primū ferro obruncata, dein pyræ imposta, & exusta fuerit, vt esset holocaustum, quale ille vouerat.

Nicolaus Lyranus ex sententia Hebræorum sic ait: *Sine præiudicio, & per modum collationis potest dici, quod Iephthæ filia non fuit sacrificata Domino per mortem corporalem, sed potius per civilem, seu spiritualem.* Itaq; fuit sacrificata Domino per obseruationem Virginitatis. *Esuendo in orationibus, ac seruantijs, ac pijs operibus.* Quod ergo filiam suam vitæ solitariæ addixit, & ad hunc modum sacrificauit, perinde fuit, ac si victimam mactasset, idque ex sententia sapientiorum Hebræorum, quos consultauerit Iephthæ, vt sine quorum consilio, & approbatione nouare nihil audebat. Vbi videntur illi de re ista in rem



nostram aptè sensisse, ut qui Iephte authores, suaforsèque fuerunt, ut quam gladio non immolaret filiam, eam clauistro includeret, & eâ ratione sacrificaret: Nam & reuerà ut sunt plerumque, & maximam partem impatientes latebrarum, infensæ recessui, inimicæ solitarijs parietibus mulieres, ità excludere eas à communi consuetudine hominum, & prorsum è viujs eximere, secretoque viuas addicere, & mortuas tumulo inferre, & humo obruere, videtur perinde esse.

Præclare hæc explicata, & confirmata dabit quoddam epitaphium, seu funebre elogium Claudie insignis matronæ Romanæ, quod Ioannes Kirchnerus de Funerib. Roman. lib. 3. c. 20. his ipsius verbis describit:

*Hæpes, quod, desco, paulum est, asta, ac pellege.  
Hæc est, sepulcrum, hanc pulcrum, pulcras, femina,  
Nomen. Parentes, nominarunt, Claudiam.  
Solum, maritum, corde, dilexit sano.  
Natos, duos, creauit, horum, alterum,  
In terra, liquit, alium, sub, terra, locat.  
Seruone, lepido, tum, autem, incesit, commodo.  
Domum, seruauit, lanam, fecit, Dixi, Abes.*

Hactenus ille.

Nonne animaduertitis in his verbis ista, *Domum seruauit, Dixi*? Scitis, quod oratores veteres olim postquam dicendo absoluerant suas orationes, hoc verbo eas velut obsignabant, *Dixi*. Hodiernus mos idem habet, & verbi istius ille est sensus, ac si Orator pluribus diceret. Quidquid in hanc rem meditatæ fuero, totum dixi, videturque mihi nihil esse reliquum, quod de tali re amplius dici possit. Sic epitaphium, cum Claudiam post multa ab eo commendasset, quod *domum seruauit*, solitudinem, & recessum amauit, nunquam in compitis, aut plateis visa fuit, denique subiunxit, *Dixi*, ac si dixisset: Nunc abruptum orationis filum, nunc contrahenda vela, nunc Herculis columnæ hic figendæ, non enim est, quod excurram longius, non virtus, à qua posthæc laudem feminam, quam ab eo semel prædicauit, quod domi custos, latebrarum assidua cultrix fuerit: Nam ut plerumque ferè abhorrent à claustris, ità inuenire vnam, cui solitudo chara, & familiaris fuerit, est autem raram, Phœnicen, inquam, reperisse? Ut enim eruditus quidam scriptor sermonum Didacus de la Vega, quem plurimum amo, & veneror, ait, vnum in totis Hispanijs tantum nouimus Ruisum Diaz, quem Mauri vocarunt Cid, Christiani Campum Martis, siue hominem, qui in campo pugnare amaret. Verum in hac parte muli-

eres per plures numerant Cides, quæque in campo ament non pugnare, sed liberè vagari, verè ventis campi, quod ut venti ruri, ubi nullo prohibentur obstaculo, liberius in omne latus feruntur, sic & illæ ea loca diligant, in quibus discurrendi maior sit facultas, & licentia.

Dicat hoc nobis, præter alias, vna sola filia, quam Jacob habebat, dicta Dina, cuius iam fecimus mentionem, quæ vix appropinquare ciuitati alicui cœpit, quando egressa est, & videret mulieres regionis illius, Gen. 34. 1. Abulensis ait: *Quasi furtim de domo patris egressa fuit*; & quanquam tot haberet vitæ, & claustræ suæ custodes, parentes sanctos, fratres piè educatos, famulos benè institutos, nihilominus oculos, studiumque attentionis omnium fugit, solaque in locum se recepit, ubi & videre posset, & videri. Secundum hæc quid mirum est, quod dixi, operosius esse claustrum seruare mulierem, quam abscondere ignem? Quis enim vel vnam aliquam teneat reconditam, nisi ipsa velit? Quis illius pedes cœrceat, si detrectet? Quis domi cohibere possit, si fortè nolit?

*Quam amantes debeant esse mulieres latebrarum, vide Tomo I. Periochâ IV. Ferie IV. post Domin. IV. Quadragesima, pag. 353. o. Vide etiam Tomo I. in Indice rerum, Verbo Mulier, quam sit stultum seruare mulierem, quæ se ipsam seruare nolit.*

### C A P V T III.

*Nitimur in vetitum, eaque, auidius appetimus, quæ seuerius negantur.*

Quod furtim egressa de domo patris sui Dina fuit, ut paulò antè ex Tostato dicebamus, id ex immodica parentum erga filiam cura, & custodiendæ illius nimia sollicitudine factum multi arbitrantur, tanquam ipsa reclusio cupidam exundi, & pertasam recessus illud fecerit, quod se à multis tam studiosè, cautimque obseruari cerneret. Quam familiare, vtiturque hoc est nostro humano appetitui? Fortè parentes (quod de illorum pietate facile cogitari potest) filiam suam, quod vnica esset, sollicitè, ac diligenter custodiebant, neque egredi in ciuitatem sinebant, & hac ipsa tam studiosè illius obseruatione, & reclusione excitabant eam, ut vehementius desideraret exire, euagandi que cupiditatem acuebant, & inflammabant eò amplius, quod magis restringebant. Denique egressa est, & videret, quantum diu anxie custodita, ne hoc faceret, lustrique omnem diligentiam, & vigilantiam excubitorum puellaris



puellaris curiositatis diu impeditæ magnitudo, ac  
vehementia. Ex hoc ipso namque, quod cuiquam  
reialicius, quam appetit, copia denegatur, magis  
accenditur illius erga eam cupiditas, ut multo arden-  
tius eam suspiret.

Dimisit à se Dominus adolescentem quendam,  
qui cum magno, ut videbatur, desiderio frequentandi  
scholam illius aduenerat. Accessit ad illum mox al-  
lius cum auiditate nihilo minore tradendi se in di-  
sciplinam eiusdem, ac faciendi eximios in studio vir-  
tutis progressus, utque huius voti compos fieret, a-  
iebat: *Domine, permitte me primum ire, & sepelire*  
*patrem meum*; Matth. 8. 21. tanquam dicere voluis-  
set: Cælum nouit, quanto flagret pectus meum de-  
siderio perdiscendi diuinam Philosophiam, quã tu  
animæ salutem æternam parare doces. Vnum tan-  
tùm me impedit piæ occupationis negotium, illud  
nempè ut sepeliã patrem meum, & boni filij offi-  
cium exequar, & iusta funeri illius suprema exsol-  
uam. Da ergo, ut cum tua bona venia, & permissi-  
one has, quas dixi, exequias curem, sic enim omnibus  
alijs impedimentis solutus liberè, promptèque, &  
expeditè te sequi poterò. Respondit ei cælestis ma-  
gister: *Sequere me, & domitte mortuus sepelire*  
*suos*; ibid. vers. 22. velut pluribus dixisset: Apa-  
gete cum istis tumultuarijs curis, & turbida solitu-  
dine, sepeliendorum mortuorum operam mortuis  
relinque, nam quod tua nunc refert, illud est, ut me  
sequaris. Fecit ita iuuenis ille, oblitusque defunctum  
patrem, officium illi parentandi fratribus suis, cæ-  
terisque cognatis reliquit.

Euthymius dignum admiratione putat, quod iste  
iuuenis non absque petita venia vltro abierit, ut ex-  
tremum illum parenti honorem penderet: *Tu vero*  
*si admiraris*, inquit, *quomodo non suã sponte abieris*,  
*sed perisist*, *si sibi liceret*, aliud tibi hac in causa o-  
stendam, quod multo etiam sit mirius. Et quidnam  
illud? Hoc, *quomodo prohibitum manserit*. Fuerit ad-  
mirabile, quod non vltro abierit, quod pietatis offi-  
cium vocare illum videbatur, illud magis stupen-  
dum, quod iussus manere mansit, qui tantã cupidi-  
tate abeundi tenebatur: Nam cum eò plurimùm  
propendeant homines, ut hoc enixius velint, quod  
gravius est prohibitum, & languentissimum, veter-  
nostissimūque appetitum, quæ maximè interdicta  
sunt, vehementissimè excitent, mirissimum est, quod  
hunc iuuenem suæ cupiditatis ætus non abripuit,  
cum ire ad inferendum tumultu patrem prohibitus  
fuit. Itaque dignum est diligenti notatione, *quo-*  
*modo prohibitum manserit*, nam non appetere, quod

interdicitur, non qualecunque prodigium est.

Cum Propheta regius pernoscet, quanta mala, &  
incommoda parere infrenis lingua, quantumque præ-  
cipitare fera illa bestia homines alioquin moderatissi-  
mos, & modestissimos soleat, obsecrabat Domi-  
num, ut is, qui solus eam coercere posset, os, lin-  
guamque ipsius optimus custos ita seruaret, ne quid-  
quam loqueretur, quod rationi non maximè esset  
consentaneum, inquit: *Pone, Domine, custodiam*  
*ori meo, & ostium circumstantia labijs meis*; Psalmo  
140. 3.

Hanc Propheta orationem sic dilucidauit Hugo  
Victorinus in lib. de claustro animæ. *Ostium dixit*,  
*non murum, si enim murus poneretur, licentia lo-*  
*quendi negari omnino videretur, sed ostium ponitur,*  
*quod loco, & tempore suo clauditur, & aperitur.*

At cum Dauid taciturnitatis amantissimus esset,  
& obseruandi silentij cupidissimus, ut qui sciret  
quanta damna plerumque ex locutione resistent,  
cur non petijt grandi saxo sibi os obrurari, & obli-  
gnari sigillo adamantino labia, sed portã solum clau-  
di rogauit, quæ aperiri, cum res postulat, queat?  
*Ostium circumstantia*. Causam Hugo tam exposuit,  
dicens: *Si enim murus poneretur, licentia loquendi*  
*negari omnino videretur*. Nouerat ingenij nostri  
conditionem Propheta, nouerat quod ardentius ex-  
petimus, quæ seuerius prohibita. Et quanquam con-  
sideraret, quàm utile sibi esset habere clausa labia,  
non muro tamen clausa esse voluit, non si muro in-  
terclusa essent, omnis illi adempta loquendi facultas  
fecisset, ut linguæ vsum vehementius demoreretur,  
licet inter hæc cogitaret, quantum exitij ea illi ad-  
ferre posset. Ut ergo felicius euenirent omnia, non  
muro, sed foribus labia sibi obturari rogauit, quæ  
referari possent, tametsi essent clausæ, ut cum eas ad  
loquendum aperiri nonnunquam posse sciret. Lo-  
quendi cupiditatem prompta facultas mitigaret,  
minusque vehementer expeteret, cuius sibi immi-  
nutam quidem, sed non prorsus ablatam copiam  
nosset.

Huc faciet illud quæsitum Aristotelis sect. 11.  
Problem. 35. *cur homines linguã bastantes loqui ne-*  
*queant voce submissa*. Respondet philosophorum  
Princeps appositè ad rem præsentem, causam eam  
esse, *quod offensacula quoddam ex sistitur, retinetur-*  
*que*. Balbutientes quoddam à natura habent in ner-  
uis impedimentum, à quo fit, ut non satis expeditè  
mouere linguam possint, ut propterea maiore late-  
rum contentione ad loquendum vri debeant, & vi  
quãdam per obfessos, & angustos meatus voces edant



subtiliores, & altiores, præcipiuntque verba, & tubent sermone. Itaque quodd se destitutos vident submisit loquendi facultate, quâ valent alij, id ipsum facit, ut eod sic incitator, & turbulentior loquendi impetus, quod impeditior usus. Quod ergo *offensaculo quodam vox sistitur, resineturque*, idem causa est, ut maior ad exprimendum verba conatus adhiberi debeat, adeoque vox altior, per arctiores maximè fauces erumpat. Ità semper vehementior est, ac præcipitior interclusa cupiditas, cum privatio sit incentiuum appetitus.

Quam multis Scripturæ locis comparantur mali cum fumo! Mihi commemorare omnia per tempus non licet. Davidis, & Salomonis filij eius testimonia huc attulisse sat fuerit. *Sicut deficit fumus, deficient, sic pereant peccatores à facie Dei*, inquit ille Psal. 67. 3. Quæ alij sic legunt: *sicut deficit fumus, deficient, sic perebunt peccatores à facie Dei*. Salomon verò ait Prouerb. 10. 26. *Sicut fumus oculis, sic piger his, qui miserant eum*. Quamobrem peccatores cum fumo potiùs, quam re alia comparantur?

Respondet Robertus Holcot in cap. 10. Prouerb. *Dicuntur fumus impij, quia contrà ventum erigunt sibi viam, quia in ea parte, ubi est præceptum obedientiæ, ibi directè se erigunt mali subditi per prauaricationem. Quia sicut dicit Augustinus lib. 13. de ciuit. cap. 5. ipsa prohibitio prelatorum augeat desiderium operis illiciti*. Notoria est fumi conditio, quæ talis ea, ut contrà aduersum ventum validius nitatur, perque eam viam erumpere pertinacius velit, quam flamina maximè obstruunt, & intercludunt. Fumum eà in re homines, subditi in primis imitantur, ut obfistentibus superioribus vehementius repugnent, & quod illi vetant fieri, hoc facere ardentius cupiant, tanquam ipsa prohibitio illicitum illiciti sit operis, & interdicto magis inardescat animus ad vetita. Propterea rectè conferuntur cum fumo, qui maiore contentione illos meatus pertentat, quos obstruere ventus contrariis enixius videtur.

Hinc intelligemus quædam Tertulliani nonnihil difficilia verba. In suo de pœnitentia lib. cap. 6. agit de illis, qui differunt pœnitentiam, & sic ait: *Interpellat illos ad desiderandum ex pristinis aliquid ipse finis desiderandi. Velut poma cum iam ipse acorem, vel amaritudinem senescere incipiunt, ex parte aliqua tamen adhuc ipsi gratia sue adulantur*. Quoniam is, qui pœnitentiæ exercitationem suscepturus, & pœnalium operum usu noxas maleactæ vitæ superioris est expiaturus, scit quodd debeat rerum inconcessarum appetitionibus fores totas occludere, remanet

illi præteritorum desiderium, idque cum vel vnicè, vel maximè impedit, quodd renuntiare voluptatibus superioribus, & finem imponere malis studiis, quibus diu assuevit, ipse sibi debet, & seipsum addicere necessitati deserendi prauas occupationes pristinas, idque per pœnitentiam, cui accingitur, per quam illi omnis mala cupiditas rei illicitæ interdicitur.

Hoc est, quod Tertullianus verbis alijs dixit. Verum similitudo, quâ illud declarare voluit, subobscura est, & difficilis. *Velut poma, inquit, cum iam in acorem, vel amaritudinem senescere incipiunt, ex parte aliqua tamen adhuc ipsi gratia sue adulantur*. Vbi eos, qui tardè ad suscipiendam pœnitentiam accedunt, componit cum pomis, quæ cum accescere, & putrescere paulatim incipiunt, magis assentantur palato, & gustui. Varias interpretationes hæc similitudo passa est, sed quæ receptior, ea causæ nostræ magis congruit, & adinquinatur. Dixerat Tertullianus: *Interpellat illos ad desiderandum ipse finis desiderandi*, hoc est, quodd baptismi susceptionem procrastinant, id sit, quia vident per illum sibi intercludi aditum ad vitæ voluptates superioris. Cum autem cernunt, & cogitant, à baptismo sibi inconcessum fore ire in antiquam syluam, modumque imponi appetitui, & angustiis limitibus illum circumscribi, inde nascitur, quodd flagrantius ea desiderant, quibus iamiam renuntiare oporteat, & magis acuit appetitum proximè securura privatio. Ut in illis cernere liceat, quodd in pomis, vis, alijsque talibus fructibus videmus, quorum cum magna sit per id tempus, quodd primum maturuerunt, & decerpi solent, copia, exiguum est pretium, verum posthæc maior æstimatio, cum illud tempus præterijt, minùsque sunt obuij, iamque pati cariem, vitium agere, putrescereque, & putere incipiunt, tunc enim magis illis esurimus, tunc suauiores illos nobis fingimus, tunc audius expectimus, qui in horto penduli, & sani, & viuis coloribus ad omnem oculorum gratiam tincti cum specie visum pascere, mimiâ affluentia stomacho nauseam adferebant. Talia sunt omnia sæculi oblectamenta, tales carnis voluptates.

Falidum generant, donec illis liberè frui licet, & usus eorum est obuius: Quæ tamen ingens sui desiderium relinquunt, cum ipsa relinquere per tempus est necessum; perinde ac fructus, qui per autumnum, & vindemiz dies habentur viles, per hyemem cari, & pretiosi. Sic omnis corporea voluptas voluptuosior videtur, cum est abdicandi, & delectabiliorem, suauioreque se offert auferenda. Familiare hoc appetitus humani malum est, ut inhiatius cupiat,



cupiat, quod magis vetitum, & prohibita ardentius deperat: *Interpellat illos ad desiderandum ipse finis desiderij. Accensa candelæ similis est appetitus, quæ tunc luculentius lucet, cum exinguitur.*

Magna huius rei exaggeratio mihi videtur id, quod Dominus populo suo, ut post egressionem ex Aegypto faceret, præcepit, estque tale: *Septem diebus azyma comedetis, in die primo non erit fermentum in diebus vestris. Quicumque comederit fermentatum, peribit anima illa de Israël, à primo die usque ad septimum;* Exodi 12. 24.

Admirabilis lex, inquit sanctus Gaudentius, cuius est illud serm. 3. in Exodum: *Si fermentatum fieri iussisset, diligentia illic necessaria esset, ne deesset. Quod iussit, assidia est, non laboris.* Nihil congruentius naturæ humanæ inclinationi, quam pigritia, socordia, remissio, negligentia, corporis. Testatur id vis illa, ac sollicitudo, quæ Dominus per Scripturam, perque ministros, & prædicatores suos non vrget, ut repellamus somnum, & abijciamus omnem oscitantiam nobis alioquin nimisquam familiarem: Non habere autem fermentum, aut non subigere fermento farinam, est feriari, & nihil agere. Cur ergo Dominus, cum illos vult otiosos, ac feriatos, id sub capitis certa poena illis præcipiendum putauit? *Quicumque comederit fermentatum, peribit de Israël.* Itane verò comminatione mortis promouendi erant, ut otiantur, & vacarent! Quorsum tam graui supplicio ad id compellere voluit, ad quod vitiatæ naturæ ponderibus procliuiter ferebantur, & vltro ibant?

Respondet Gaudentius: *Negligentiam suber, & obedientiam prober.* Summa in his paucis exaggeratio posita videtur. Appetitus humanus quietem, otium, vacationem, remissionem amat, nec quicquam est, quod magis fugiat, quam laborem. Quando ergo Dominus vult, ut homo (quod ita conueniat) certæ causæ ergo superfedeat labore, ut illum ad vacandum obliget, necesse videtur poenâ capitis eum ad otium cogere, apud quem scilicet plus valet prohibitio, & priuatio, quam alia omnia. Et quamuis inertia, remissio, otium plurimam cum natura coniunctionem habeant, deprauatæ voluntati tamen magis naturale est, cupere vitia. Itaque cum homini vacatio, ad quam natura vehementer propendet, imperatur, necessum est vitæ poenam tali etiam præcepto adiungere, ne laborem, qui per indistinctum otium est prohibitus, ob hoc ipsum, quod prohibitus, magis appetat, & feriari nolit, ne interdictum laborem intermittere debeat: Quamuis enim homo alioquin laborem penè ut mortem oderit, si ta-

men cessare à labore iubeatur, ne vita quidem illi æquè cara est, ac labor. Eapropter Dominus *negligentiam suber, & obedientiam prober.* Tametsi enim facillimum homini sit feriari ab opere, ob hoc ipsum tamen, quod id illi præcipitur, & appetendi laboris facultas appetitui admittitur, appetit opus vetitum, & prohibitum laborem, à quo alioquin plurimum abhorret. Tam potens namque est priuatio appetitus, aut coarctatio libertatis illius, ut homo, quod vulgò dicitur, ob solam peccandi libidinem peccaret, si peccare illi interdiceretur, eò quod passim ita fieri soleat, ut nitamur in vetitum semper, cupiamusque negata.

#### CAPVT IV.

*Credere aliquid ei, qui aliquando infidus fuerit, sagax nonnunquam industria est, per quam colere fidelitatem incipiat, qui violare solebat.*

Vanquam hæc doctrina communiter ad omnes spectet, ad mulieres tamen spectalius dirigitur, quæ sunt infirmiora vascula, personæ imbecilliores, & cum sint procliuiores ad querimonias, & suspiciones, prudentiâ, & rationis iudicio minus valent. Quapropter necessum est, ut ad quem mulieris educatio, institutio, gubernatio ex officio pertinet, plurimâ, quantum fieri potest, blanditiâ, mansuetudine, suauitate erga eam vtatur, & neque arctiore disciplinâ constringat, neque austerioribus præceptis coërceat. Immodica enim, & immoderata mulierum arctatio solet maiorum malorum esse causa, & efficere, ut peiores euadant, & minimè obtineat, quod maxime sperabat is, qui duriusculè cum eis agendum putauit, ut magis in officio contineret. Faciendum cum eis est, quod cum fure, aut infido agitur, cuius fidei nonnunquam aliquid creditur, ut fidem seruare, colere, amare consuecat. Sic & mulieribus plusculum aliquid aliquando credendum, ita enim incitabuntur, ut magis seruent fidelitatem, & facilius permouebuntur ad omnia, quæ ad maiorem Dei cultum faciant.

Pix illæ mulieres, quæ viuenter tenerrimè dixerant Dominum, non remiserunt post mortem de ardore charitatis, ut quæ cum multis, eisque pretiosis aromatibus venerunt ad sepulchrum, ut sacrum cadaver ex Hebræo more vngerent. Cum cœleste mansoleum diligentius arbitratæ fuissent, inueniunt angelum splendide vestitum, qui aiebat: Scio, quod diuinum omnipotentis Dei corpus exanime queritis, qui tam ignominiosè crucifixus fuit, verum non est hic, suæ namque iniquitæ potentie virtute red-  
diuinus.



diuini factus surrexit, quod ut indubitatus credatis, vacuum sepulchrum irrefragabili vobis testimonio erit: *Cito autem euntes dicite Discipulis eius, quia surrexit*; Matth. 28. 7.

Quid hoc audio! Mulieresne mittuntur nuntiae tam alti mysterij, quod est vnum ex totius fidei nostrae praecipuis; cum Paulus dicat vanam eam esse, nisi Christus resurrexerit! Itane decuit tam grauem, ac momentosam legationem muliebris sollicitudinis, ac diligentiae iniungere humeris? Aut ita defatigatus ex submouendi lapidis, ac sigilli, quo sepulchrum clausum, signatumque erat, labore fuit Angelus, ut ipse perferre euangelia tam optata Discipulis nequiverit, ideoque mulieribus id committere negotij debuerit? At cum Angelus illud munus obire absque vilo negotio potuerit, cur mulieribus demandauit?

Respondet Cardinalis Caietanus: *Efficat Angelus mulieres nuntias resurrectionis ad discipulos Iesu, quia magis trahat illas ad credendum sibi*. Si Angelus cunctatus fuisset mulieribus aperire veritatem resurrectionis Christi, si cum illis austerius egisset, aegre forsitan fidem tanto mysterio accommodassent. Quid vero egit? Non solum iubet eas credere, sed etiam alijs nuntiare, ut credant, tantumque earum fidei tribuit, ut eas ad praedicandum alijs fidem resurrectionis ablegeret. Tanto eas honore ornat, ut summorum Praedicatorum magistras faciat, & quae olim fuerant nuntiae mendacij, eas constituit praedicatrices veritatis, *et magis trahat illas ad credendum, & facilius fidem dent ei, a quo Euangelistae mittebantur fidei*. Quando ijs, qui fuerunt de infidelitate suspecti, creditur, & fident, neq; nimis austerè cum illis agitur, sit ut illa lætanter, promptè, exactèq; iniuncta officia curent. Videre id licuit in his mulieribus. Nam cum ijs diceretur: *Cito euntes dicite discipulis eius, quia surrexit*; idq; ab Angelo tantà splendoris maiestate conuulso, ut eas suā venustate, & incomparabili formae elegantia non secus ac ferrum magnes faciliè retinere posset, nihilominus exierunt cito de monumento cum gaudio magno currentes nuntiare discipulis, quam iussu fuerant, resurrectionem. Hinc videas, quid efficiat fidere illi, cuius fidem suspectam habebas, & muneris alicuius commissione eum honorare, ac deuincire, ut promptè obediens habebas. Honor, quem mulieribus Angelus detulit, cum nuntias resurrectionis fecit, & fiducia, quā hanc eis tuto posse credere legationem putauit, eò illas permouit, ut non solum ipsae crederent rem omnium maximè arduam, & raram (nem-

pè à seipso in vitam rediisse eum qui mortuus fuerat) verum etiam cursu properanter abirent, ut alijs eandem veritatem indicarent, & persuaderent, nec vllā difficultate abstergeri sinerent, quominus id facerent. Refert multum, furem (ut dicitur) tantam fidem habere, & non constringere mulieres arctiore disciplina, sic enim melius ab eis impetratur, faciliusque permouentur ad omnia, quaecunque ad Dei cultum, gloriamq; eius maiorem pertinent.

Dum Sponsam suam per singula penè corporis membra Sponsus ille de Canticis dilaudat, de ventre sic illam praedicat: *Vener tuum sicut acerum tristicum Vallatus lilijs*; Cant. 7. 2. Vbi Rabbi Salomon ait: *Vallatus lilijs, id est, septus sepe liliorum*, tantam Sponsae venter albicantibus lilijs non solum velut coronā odoriferā circumdatus, verum etiam ad eum modum septus fuit, quo cingi ab hoste ciuitas solet. Sensus ergo est, Sponsam (cuius pars quaedam pro tota ipsa ponitur) in quodam liliorum muro, aut vallo fuisse inclusam.

Doctus quidam modernus miratur, quid muniti praestare Sponsae tam fragile liliorum sepimentum potuerit. *At qualis sepes liliorum? Lilia non sepiunt, sed suo odore ad rapiendum iuuuant*, inquit Tufus in cap. 9. Ecclis. Quā gratia ergo lilijs ad defensionem, munitionem, securitatemque valata fuit?

Respondeo. Aut bonam habebat Sponsus de Sponsae suae fidelitate opinionem, aut sinistram, ut propterea rigidiusculè cum illa agendum, austeriusque includendam putaret.

Quamcunq; verò de illa haberet existimationem, nihil aliud, quam liliorum septum erat, quo illam inclusam tenebat. Nam siquidem honorificè de illa, nec aliud quam de integerrima muliere sentiret Sponsus, hæc tam praecleara existimatio apud nobilem, & generosum Sponsae animam efficere poterat, ut sepimentum liliorum apud eam valeret, quidquid vallum ex spinis posset, ac tam probè custodita lateret intrā liliorum claustrum, quam quouis alia intrā murum ferreum, siue adamantinum: Sio parum fideret illi, suspectamq; haberet eius fidem, addoq; arctius eam cohiberet, inq; latebras abstrusam vix Soli conspiciendam relinqueret, iamq; non spinis tantum obsepiret, verum etiam muro æneo incingeret, collocatisq; ex omni parte excubitoribus vigilantissimè obseruaret, vanus videretur omnis labor, cassum studium, inanis diligentia, & sollicitudo. Nam suspectam se intelligens, per densa spinarum, perque omnia etiam adamantina septa euade-



euaderet, non secus ac alius per ruinofum, hian-  
temque murum, aut per sepe ex solis lilijs, alijsq;  
teneris floribus contextam erumpere solet. Nam vt  
Ioannes Cluniacensis ferm. 6. de Concept. To. 1.  
ait, *si omnis mulier custodia adhibeatur, adhuc transi-*  
*bit per foramen acus.* Si publici perditæ amans est,  
obstinavitque animum ad euagandum, continere  
eam intrâ secretum parietum domesticorum non  
poteris, vel si totos exercitus custodes adhibeas, vel  
si exertos in pectus illius gladios intendas, vel si præ-  
pilatâ hastâ ei comminieris, per excubitorum cune-  
os, per militum cohortes, per ensium cuspides, per  
ferreos muros penerrabit, erumpetque in locum,  
quem pertinaci animo sibi designauit, *perq; foramen*  
*acus transibit*, si hiatum non inueniat alium, idq; illi  
pro amplissima, & patentissima porta erit. Hinc se-  
quitur, non semper esse consultum seueriore disci-  
plinâ nimium cohibere mulieres, & prohibere ab  
omnibus ijs, ad quæ ingenium illarum, & natua  
indoles propendet.

Ioannes de Sancto Geminiano, refert ex Aristote-  
le de quodam animali (melem, siue taxum vocât)  
quod hyeme in specum quandam à necessaria anno-  
na instructam cum fœmella sua se recipiat, posthæc  
autem timere penuriam, & vereri incipiat ne victus  
ante tempus absumatur, adedq; fœmellam, quan-  
tum satis est, comedere non sinat. Hoc ille lib. 5. c. 4.  
Comparat. sic reddit: *Timens ne deficiat, faminam*  
*vsq; ad saturitatem comedere non permittit.* Videns  
autem fœmella immodicum illum crudelis masculi  
rigorem, fert, dissimulatq; iniuriam, *& per partem*  
*alteram latibulum intrat, masculo ignorante, cibosque*  
*deorat, & consumit*, inquit ille, & Barthol. Angli-  
cus de propriet. rerum lib. 18. c. 101. ferè totidem  
verbis. Vide hîc quid efficiat nimia arctitudo,  
& immoderata austeritas virorum erga vxores. Per  
seueriorem coërcitionem fœmellæ, & strictiorem  
parsimoniam putat melius posse conseruare alimo-  
niam, vt toti hyemi non tantum sit satis, sed etiam  
plus quam sufficiat, & superfluat, & per hanc ipsam  
omnia illi pereunt, totaq; vno die absumitur anno-  
na. Si beneuolentior se, facilioremque, & largi-  
orem fœmellæ exhiberet, neque tam durus, & par-  
cus erga illam esset, duo faceret, nempe vt illam ad-  
dictam, fidamq; haberet, & penu abundaret: Quod  
verò nimis morosè, ac sordidè cum illa agit, hoc illi  
totius victus iacturam parit, redditq; coniugem in-  
sensam, & promptuario adfert inanitatem. Si au-  
tem etiam bestia quædam vult blandè, beneuolen-  
terque haberi, & immoderatum ferre rigorem ne-

Tom. III.

quit: Cur mulier, quam Deus intellectu, & ratio-  
ne ornavit, non ferat iniquè, si forè inhumanus,  
duriusque tractetur, & plus quam par est, arctetur?  
Nonne videt, qui hoc agit, fieri posse, vt eueniat,  
quod ne accadat, timetur, vestitumque, & victum sibi  
aliundè parèt, quem difficilis, & tetricus maritus  
vel prorsum negat, vel non pro dignitate, & hone-  
statis necessitate ministrat?

Non enim otiosè, & absq; certo mysterio factum,  
quod Dominus ex costa viri primam effinxit mulie-  
rem, de quo sacer Textus sic habet: *Tulit enim de*  
*costa eius, & adificauit Dominus Deus costam, quam*  
*rulerat de Adam in mulierem*; Genes. 2. 21. 22. No-  
tandum in his, quod cum Deo constitutum esset ex  
parte aliqua corporis virilis excitare mulierem, os  
præ alijs huc assumpsit, & ex ossibus costam delegit:  
*Tulit enim de costis*: Quamobrem ex costa illud con-  
struere ædificium voluit?

Petrus Berchorius lib. I. Moralit. in Bibl. ait:  
*Costa est ad modum arcus.* Differt hoc ab alijs ossi-  
bus costa, quod hæc in formam arcus sit curuata,  
cætera ossa non item. Quid obest arcui, ne vsus il-  
lius sit diuturnus: *Nimium tensus frangitur.* Fecit  
ergo Dominus ex arcuata viri costa mulierem, vt ta-  
citè insinuat, non debere maritum erga vxorem  
nimis austerum, difficilem, durum semper esse, ne  
vt arcum immoderata contentio rumpit, sic illam  
intemperans rigor, & immodica asperitas frangat.

Tale quodpiam consilium æterna Veritas per fi-  
lium Siræidis conscriptum reliquit, apud quem ita  
habes: *Non zeles mulierem sinu tuo, ne ostendat super*  
*te malitiam doctrina nequam*; Ecclis. 9. 1.

Quid sit doctrina nequam, quam timere iubet  
Spiritus Sanctus eum, qui zelet suam vxorem, non-  
dum est communi Expositorum sententiâ defini-  
tum. Oliuerus Bonarcus secutus Palarium, & Dio-  
nysum Carthusianum vult, quod Ecclesiasticus ait,  
*Ne ostendat super te malitiam doctrina nequam*, eius-  
modi esse, ac si dixisset, *Ne improbitatem, quam edo-*  
*cta est à maleficijs, sagis, & huiusmodi mulierculis, in*  
*te primum expersatur*; & *Geneno propinato interfici-*  
*at.* Non est sanum consilium, suspectam habere  
vxoris fidem, ac proinde omnes illius notare passus,  
obseruare actiones, attendere verba, explorare di-  
uerticula. Fieri enim potest, vt tot agitata mole-  
stijs, fracta rigoribus, subpudenda, atque in confu-  
sionem, desperationemq; adducta obseruationibus  
faciat, quod nunquam illi vel cogitare in animum  
antè venit, veneficæque adeat, atque ab illa conse-  
leratissimarum vetularum colluuiæ malè docta cu-

LIII

ret.



ret, ut maritus cum paucis cibo multam mortem summat. Sæpe in tale præcipitium coniectæ sunt mulieres à viris, qui vel per imprudentiam nimis illas constrinxerunt, vel per animi impotentiam plius satis austeri, ac morosi erga eas fuerunt. Denique mulier est arcus, qui rumpitur, cum per immoderatum rigorem nimium contenditur.

Pulchrè, & aptè ad rem, quam versamus, dixit Menander apud Tufum in c. 9. Ecclis. *Hoc quidem maximum, nunquam oportet virum sapientem nimis custodire uxorem in penetrabilibus domus. Quisquis autem repagulis, & perfigillis custodit uxorem, si videatur sapiens, vanus est, & nihil sapit. Si qua enim mulier animo foras spectat, & velocius quidem sagittâ, & pennâ separatur, ita & lateat. Argi multoculas pupillas.* Non ergo maritus vxori domum in carcerem vertat, non illi oppesulet, non obfignet ostium cubilis, in quo moretur, nam qui hoc facit, intelliget non intellexisse quid egerit, nam si cui mulieri semel certum, deliberatumque est prodire, & liberum captare aërem, id velocius perficiet, quam vel iaculum ex contentissimo arcu emissum volet, vel vlla perniciousibus alis aërem volucris fecet, tamen centoculus sit maritus, & omnia sua in vnam illam luminâ conuertat: *Velocius quidem sagittâ, & pennâ separatur, ita & lateat. Argi multoculas pupillas.* Quare necessum est, ut maritus non sit immodicè rigidus, non importunè strictus, & rerum quarumvis minutularum nimis acris censor, sed prudenter quædam nonnunquam dissimulet, ad ineptias, quæ ad rem parum faciunt, conuiueat, fieri enim potest, ut rumpatur arcus, si nimium tendas.

Constabiliamus hanc doctrinam quadam ignorantia, de qua Vegetius viruperatione magnâ reprehendit imperitos quosdam belli duces, lib. 3. de re milit. c. 21. inquiens: *Plerique rei militaris ignari plenioris victoriam credunt, si aduersarios aut locorum angustiis, aut armatorum multitudine circumdederint, & aditum non inueniant abscedendi. Sed clausis ex desperatione crescit audacia, & cum spes nihil est, sunt arma formido.* Istanè verò ignorantia est: istanè rei imperitia militaris! Ego magis dixero, hanc insignem esse solertiam, & proximum, procliuemque ad victoriam gradum, ita conclusum tenere hostem, ut quâ fugiat, aut euadat, videre nequeat. Vegetius autem contradicit, & ait, erroneam esse eiusmodi cogitationem, & periclitari victoriam, cum hoc agitur: *Nam clausis ex desperatione crescit audacia, & cum spes nihil est, sumit arma formido, timorque non audaces modo, verum & temera-*

rios facit, ut non secus ac feroces leones, & saue tigrides pugnacissimè pugnent, & plus utilitatis desperationis nonnunquam illis adferat, quam spes proferat. Hinc sequitur, inquit Vegetius, hostem non semper nimium vrgendum, antepremendum, experientia enim docet, hallucinari eos, qui in extremam desperationis necessitatem reducendum illum putant. At si ne inimicus quidem in supremas angustias est cogendus, si ferocius neque cum hoste agendum, qui sanguinem nostrum sitiar, & honoris existimationem nobis adimere omnem velit, quare aduersus uxorem durius agat maritus, quam illi sociam vitæ dedit Dominus?

Blandè ergo, & humanè, beneuolenterque, & amanter habeatur, sic enim melius ab ea obtinebitur, quod petitur, nempe ut sit per omnia fidelis, & rei domesticæ impigra, strenua, assidua curatrix. Illud magnoperè mariti omnes difficiles, & morosi timeant, ne hoc vxoribus accidat, quod Dinæ euenit, quia nimium constricta à matre sua Lia fuit, quæ fortè eam in ciuitatem ire non permisisset, ut hoc timeas Dinâ noluerit indicare, quò irer. Sic ferè Abulensis. Licentiam ergo prodeundi, quam à matre exorare posse desperabat, ipsa sibi sumpsit, ciuitatemque illam, inscijs omnibus domesticis, petijt, in qua integritatis suæ dispendium passâ, & à filio regis constuprata lamentabili tragediæ occasionem ex se præbuit. Non experiantur filiz nimiam parentum erga se austeritatem, ne timore eas vehementiore, ut Dinam sua mater, percellant. Non sint importuni, & crudelēs mariti in vxores, non difficiles ad concedendam eis exeundi facultatem, alioquin eas inflammaturi, ut ardentius concupiscant, quod asperius sibi negari cernunt. Committant, & permittant earum fidei nonnulla, dissimulent alia, quæ non sint magni momenti. Non sint nimis curiosi, insidiosique dictorum, ac factorum omnium speculatores, & exploratores, non expendant ad trutinam cuncta, quæ eueniunt, ne hoc illis domi suæ contingat, quod alijs foris, qui hostes suos locorum angustiis, armatorumque copijs circumdatos habent.

Non est hic mihi propositum, consulere cuipiam eorum, qui uxorem, filiasque, curandas, & obseruandas habet, ut remissè, aut languidè cum eis agat, quando asperius agere sit necessum. Nam & arcus, cum quo similitudinis affinitatem aliquam mulier trahit à costa, ex qua facta est, neque tendi, neque remitti nimium debet: sic & erga uxorem maritus neque prorsum incuriosus, neque plius satis asper esse debet, sed prout rei necessitas exegerit, nunc hu-

manus,



manus, & blandus, nunc rigidus, & subausterus. Suauitas nihilominus, & humanitas sale prudentiæ condita plus boni efficere videtur, faciliusque impetrare quod ad Dei cultum, & coniugum vilitatem, & rei familiaris vsum pertineat.

CAPVT V.

*Spirituales aegritudines, & corporales illud commune habent, quod ex prauis malis, si negligantur, mala immedicabilia nascantur.*

Rdiri hac occasione possum ab exclamatione. **Q**uam insignis Pacatus Latinus vsus fuit id quodam penegyrico Theodosij maioris, inquit: *O quam prauis veniunt summa mala principijs!* O quam admirabile prodigium, idque quotidianum, quod à perdebilibus fündamentis vasa exsurgunt ædificia, & toti ex tuberculo terræ nascuntur montes! Porcentum est, quod in singulos penè dies videmus, vt frequentia illi ferè detraxerit admirabilitatem. Sic etiam è minimis erratis luctuosissimæ nonnunquam excitantur tragædiæ, & parua sæpè scintilla magnum excitat incendium!

Quando Dominus pro solenni suâ pietate pluuiam triennio, & suprà magnis votis expectam reddere terræ voluit, tam diu clausas immensæ liberalitatis suæ portas miro modo aperuit, quod Scriptura referens, ait: *Ecce nubecula parua quasi vestigium hominis ascendebat de mari;* 3. Reg. 18. 44. Totum cœlum omni ex parte sudum, ac serenum erat, vnica tantum è mari exurgebat nubecula non maior vestigio hominis, quam vix oculis vsurpare potuisses. Simul hoc vidit Propheta Elias, iussitque dici regi Achab, vt iungeret currum, & citissimis equis inde, vbi erat, se abriperet, nisi ab impendentibus occupari, & obrui aquis velleret. Vix ille talia dixerat, quando *cæli contenebrati sunt, & nubes, & ventus, & facta est pluuia grandis*, ibid. v. 45. vt diluuium minari terræ videretur.

Ioannes Cluniacensis sèrm. 43. Tom. 3. ait: *En mirum, quod ferè in mundo peccatoribus accidit.* Vnde ille tam horribilis, & violentus ventus? Quis atras illas, & tam latè diffusas nubes, quæ secundum reparatoris orbis, Noëmi, inquam, sæculum reducere velle videbatur, excitauit? *Ecce nubecula parua quasi vestigium hominis.* Vna nubecula, quæ penè oculos fugiebat, & magnitudine suâ vestigium hominis vix exæquabat, tam grandem, & grauidam nubem, tam validum, & horridum ventum, nubem tam densum, repentinamque illam, & præiugitatem pluuiam aduexit. His affinia quotidie expe-

rimur. Quoties enim videmus, ex paruis erratulis, & leuiculis peccatis, & exigui momenti defectibus, quibus tempestiue non occurritur, grauissimas consequi ærumnas, & acerbissimas nasci calamitates, stragesque miserandas, & luctuosissimarum tragædiarum squalidas nubes oriri?

Mirum tale quidpiam reperire licet in re alia stupenda, quam magnus rerum Naturæ admirabilium scriptor Plinius lib. 19. in Proœmio expendit. Dicit ille, ex omnibus mundi seminibus nullum se vnquam magis miratum, quam vnum lini semen, propterea, quæ ex illo oriuntur, & conficiuntur. *Quod miraculum maius, herbam esse, quæ admoueat Ægyptum Italia, tam paruo semine nasci, quod orbem terrarum Sistrò, cistròq; portet, tam gracili auenâ tam non aliè à terra tolli.* Quod aliud in toto terrarum orbè par vni lini prodigium? Quod aliud tam grande miraculum, ex humili & tenera herba, quæ vix tantillum suprà terram assurgat, rem fieri, quæ faciat, vt mundus superior cum inferiore misceatur, abscissimi populi maximo temporis compendio coëant, fulcentur maria, cum hominibus homines, fines cum finibus coniungantur! Quomodo agitur hoc miraculum? Linteo. Ex eo namque fiunt nauium vela, quæ tumida ventis, eorumque aspiritu inflata rapiunt per æquora nauès, sic vt intrâ breues horas magnam mundi partem peterent, circumeant maria, & nouas terras aperiant. *Quod maius miraculum, quod magis stupendum prodigium, tam paruo semine nasci, quod orbem terrarum Sistrò cistròq; portet!*

Talia nos miracula (quæ nostra infelicitas, & miseria) quotidie infinita deploramus. Quoties enim ex verbulo vnico, ex risu, ex ioco talia seria nascuntur, quæ non solum vicis, & pagis, neque ciuitatibus tantum perurbationes, verum etiam totis regnis vastitatem adferant, & supremum exitium? Vt enim paruo è fonte, nisi obstruatur, copiosum flumen nascitur: Sic exiguum erratum, si negligatur, magnarum & innumerabilium claudium occasio esse solet.

Veniebat Esau fatigatus à venatione. Habebat frater illius pulmentum coctum, cuius aspectu incitatus famelicus etiam, neque lassus tantum Esau, petiit partem cibi admitti. Respondit Iacob, velle cibi partem cedere, dum ille primogenita sua venalia econtrâ exponeret, inquit: *Vende mibi primogenita tua;* Genes. 25. 31.

Angelicus Doctor quærit, quomodo fieri poterit, vt Iacob sub tali pacto suum fratri pulmentum offerret.



offerret. Nam primogenita, quæ emere cupiebat, habebant magnum pretium, plurimisque, & magnificis privilegijs erant coniuncta. Cum autem Esau non esset amens, ut prorsum nihil despiciebat, quomodo pro re tam contempnibili, pro vilibus leguminibus, pro exili pulmento paucarum lentium rem tantam, tam diuinem, ac momentosam petere ausus fuit?

Respondet magister Angelicus in cap. 25. Genes. *Potest dici, quod Iacob à principio non serio, sed quasi ioco, & modo tentatiuo dixerit, Vende mihi primogenita, sic tamen, quod occulto instinctu Dei ad hoc dicendum fuerit impulsus. Vel risus ergo fuit, quod Iacob rem tantam pro tantillula exegit, vel certe petitiuari voluit, quo vulcu Esau oblaram passionem exciperet. At videmus, quid ex illo ioco, & ludo secutum fuerit. Illud, quod Esau pro tenui puticula omne primogenitorum ius Iacobi cesserit, & interposita religiosi iuramenti autoritate in fratrem suum translulerit. Iuravit enim ei Esau, & vendidit primogenita; ibid. v. 33. Non videtis quid ex ludo illo fuerit natum? Non serio, sed quasi pro ioco, & modo tentatiuo dixerit, Vende mihi primogenita; & hinc tamen secuta fuit venditio, qualem mundus vix aliam viderit, quamque sanctus Paulus Apostolus acerrimè perstringit, omnesque cordati damnant, & abominantur. Dicamus nunc cum Plinio: Quod miraculum manus, tam paruo semine nasci, quod orbem terrarum glorio, cuiusq; portet! Quod magis stupendum prodigium, ex ludo, & ioco tam seria consequi, ut homo quidam bonis tam amplis, & opulentis, quam sunt primogenita cum maximis immunitatibus coniuncta, pro vnius, neque laute, esca reacula renuntiet? Tale quidpiam hoc est, ut fidem invenire non posset, nisi Spiritus sanctus ipse narraret. Hoc est, quod in singulos dies videmus, audimus, experimur. Ex rebus enim lenibus, quod eas negligamus, & contemnamus, ex iocis, & ludis, quod eos non curemus, grandia mala, & calamitates immedicabiles oriri solent.*

Dicetis mihi scio, nimis accuratè, & anxie rem hanc à me expendi, amplificari etiam, & exaggerari plus quam pro dignitate grandia illa incommoda, quæ de parvis oriantur exiguum malorum primordijs. Aietis item, risum vanum, mendacium iocosum, facetiolam, verbum inconsideratum, & alia huiusmodi meum aërem esse. Priusquam respondere, volo vos interrogare quidpiam, nimirum quam illa bestiarum sanguinolentissima, & crudelissima, & voracissima plures homines, vitas,

opum facultates, civitates, provincias, regiones, regnorumque coronas degluciat, & absumat: Quenam illa liberrimè, & ferocissimè muros superet, & solo affigat adamantinos, sic ut nulla purpura ei obfistere possit, nulla occurrere maiestas audeat? Respondetis, bellum bellumque esse. Verum erratis. Quod si forte fames vobis talis bestia videatur, etiam ita hallucinamini. Tame si enim bellum, & fames sint duo perniciosissimi hostes, alius tamen quidam tam est terribilis, ut cum eo comparati illi superiores magis videantur nobis assentari, quam incommodare, aut stragem adferre. Quis ergo ille tam funestus, & fatalis adversarius? quis tam apertus, & mortalis nostri generis hostis?

Respondet Galenus lib. de Theriac. ad Pison. pestem esse illum tam exitialem, & implacabilem, intolerabilemque corporum nostrorum, & vitæ hostem. Pestis, inquit ille, tanquam & ipsa existat quoddam bellum, haud paucos interimit, & civitates quoque, & depascens male conficit. Vnde nam verò suam ducit originem bestia, quæ feros ungues suos sanguine imbuere, & cruentare gaudet humano, & tantam vibique exercet carnificinam, ut nec pastoribus parcat, nec regibus deferat, civitatesque, & pagos, gurgustia, & palatia loco eodem habeat? Vnde nascitur? Prava quidam, & parva ad corruptionem prompta mutatio efficitur, & homines, cum respirationis periculum evitare nequeant, ipsum aërem veluti venenum quoddam ad se per eos attrahunt. Hæc ille iterum. Ex aëre venit, quidquid de pestis stragibus diximus. Quod sanguinaria illa bestia tantum sanguinem sudat, tot civitates depascitur, tot regna depopulatur, aër corruptus facit, qui gladius est, quo tanta hominum strages editur: Prava quidam aëris ad corruptionem prompta mutatio efficitur, ex qua ingens totis regionibus vastitas nascitur. Videte ergo, an parvi facienda ea, quæ vos aërem vultis esse, & non inanis. Quis crederet, nisi experientia magistra doceret, in aëre supremam corporum perniciem, quæ est pestis, generari? Sic instrumentum, occasio, causa vestri exitij, corporum quæ & animarum interuentionis illud sæpe esse solet, quod vos aërem vocatis.

Quam præclare hoc dictum à sancto Dorotheo serm. 3. Tom. 2. Biblioth. Vet. PP. ubi sic habet: *Perperescat, quod ex minimis huius mundi natura libet ad magna, & prae grandia contemnenda per facile delabatur, cum capere quispiam dicere, Quid refert, si verbum hoc dixerit? quid refert, si rem hanc invidet? Ex hoc enim, Quid est hoc? Et, Quid est illud?*



*Iud? Quid refert hoc, quid refert illud, mala ac peruersa, & amara consuetudo admittitur, & imbibitur, & datur initium, & magna, & grauiora contumamus. Cum homo quispiam incipit dicere, Quid incommodi parere mihi verbum otiosum potest? Quid est, quod minus licentiùs rideam, & iocer? Quod subesse malum liberiori aspectui, aut facietiori sermoni queat? Qui talia dicit, malis magnis à paruo paulatim assuefcit, portamque, quā ingenuus pudor, & verecundia erumpant, aperit, vt deinceps in enormia scelera impudenter abeat.*

Sic & sanctus Ioannes Chrysostomus homil. 87. in Matth. ait: Dicit aliquis, *Quid est risus, aut quid enquam è risu mali sequitur?* Respondet ille talia interroganti: *Orta ex immoderato risu scurrilitas, à scurrilitate turpiloquium, à turpiloquio operatio turpis profecta est, et in Schanwort fur eiu Hoflichkeit.* Videte num conducatur tempestiuè occurrere malis etiam non magnis, aut grauib; à quibus velut gradatim ad grandia, & pernitiola ascenditur. Videte num vile sit, à verbis abstinere vanis, & otiosis, à quibus ad obscenos actus sensim, procliuiterque dilabimur. *Sic à minimis ad maxima gradatim diabolus ducit,* inquit Dorotheus. Ille ex muscis elephantes verè facit. Ille ex atomis, aut si quid minutius, vastos montes paulatim excitat.

Non prætereamus hic infelicem nostri Patriarchæ filiam, cui sua curiositas ipsi miserandæ prolapsionis, toti autem regis ciuitati lachrymosissimæ tragœdiæ causa fuit. *Egressa est, & videret mulieres regionis illius,* cumque ornatum illarum inornata, & incompra videre nollet, in oculos simul, atque animum filij regis incurrens, dulcemque vim ab eo passa, marcidum temerari pudoris liliu domum retulit, quæ extulerat integrum, ac fulgidum. Hinc factum, vt duo illius ex utroque parente germani fratres vindictam & animo conciperent, & cum nec tum Principi stupratori, tum parenti eius, tum ciuitatis vnus viris omnibus, & masculis inferrent. Hinc in præsentaneum periculum, & extremas angustias coniectus sanctus Patriarcha euadere non potuisset, nisi Deus ipsum, vxoresque, ac liberos, & familiam totam sospitasset. *Quod maius miraculum!* Ex vna curiositatis nubecula, ex paruo semine, ex scintillula quadam, ex leui desiderio videnti mulieres extraneas, lamentabiles tragœdiæ, infelicitates plurimæ, innumerabiles nece, strages incomparabiles sunt ortæ. *Quod maius miraculum velis!* Hinc videas, ex paruo errato, eoque neglecto posse immania nasci flagitia, & fatales ruinas, & im-

medicabilia mala. Hinc & noster Politicus accipere potest, cum quanta solitudine & vigilantia exigere vitam debeat, vt cui à paruis malis damna irreparabilia oriri possint.

*Triumphat in hoc campo Periocha quarta Domini ca V. post Pentecosten Tomo II. pag. 131. a.*

## CAPVT VI.

*Quod maximè demoritur homo, id illi celeriorē adferre mortem solet.*

Oscecrabat Sichimorum Princeps Iacobem, vt sibi filiam vxorem concederet. Principis patrem filiz idem rescrauit. Vtque opatum effectum consequeretur matrimonium, commodè exponebat, quæ ex illo coniugio nasci possent, idque his verbis: *Date filio meo filiam vestram vxorem, & iungamus vicissim connubia, filias vestras tradite nobis, & filias nostras accipite, vnd last vns liebe Schwager vnter ein ander seyn. Et habitare nobiscum, & ea in potestate vestra est, exercete, negotiamini, & possidere eam;* Genes. cap. 34. v. 9. 10. Filij Iacob, qui sororis suæ iam nouerant infamiam, atebant, consentire de matrimonio non posse, nisi circumcissionem subire, & recutiti esse vellent, qui Hebræorum affines. Inierunt illi exemplò pactum, *nec distulit adolescens, quin statim, quod petebatur, expleret,* ibid. v. 19. Vt verò accelerationi negotij mora omnis adimeretur, communicato repente cum primarijs ciuitatis consilio, expensisque commodis, quæ nasci ex illo connubio possent, communi sententiâ definitum est, vt masculi omnes circumcissioni se submitterent. Quis non videt, quàm solliciti fuerint rex pater, & filius princeps pro coniugio filiz Iacob? Quā incitato cursu ibant, & redibant, vt voti compotes fierent? Et non videbant miseri, quòd quantā festinatione matrimonium accelerabant, tantā maturatione mortem sibi accersebant. Tertio namque die, quo vehementissimè ingrauescere, plurimùmque impeditos tenere natus de circumcissione dolor solet, ingressi ciuitatem Simeon, & Leui gladio trucidarunt primùm Hemor, & Sichem, dein masculos omnes, & post hanc ab istis editam cædem secuti fratres, cæteri oues, asinos, armenta, quæque vel in domibus, vel in agris erant, vastauerunt, vxoresque, & liberos superstites abduxerunt captiuos, atque ita vim illatam sorori vindicârunt. Id plerumq; hominibus accidit, vt hoc eis mortem adferre soleat, quod maximè appetunt.

*Narrat Propheta regius beneficia, quæ Dominus*



nus contumaci illi populo, quando liber ab Ægyptia seruitute ibat per desertum, contulit, in quibus hoc non postremum fuit, quod coelestem cibum manibus Angelorum psumptum illis ex aëre superiore pluit. Et huius tamen tam lauri cibi pertadere ingratos Israëlitas sic coepit, ut aliam escam peterent, & carnem pro victu dari rogarent. Audijt illorum voces Deus, volatilemque, & copiosissimum coturnicum exercitum eis misit, *Et adhuc esca eorum erant in ore ipsorum, Et ira Dei ascendit super eos; Psal. 77. v. 30.*

Theodoretus in expositione illius Psalmi ait: *Consecuti sunt, quod desiderarunt, Et ingluuiem impleverunt, Veruntamen satietatis penam dependerunt.* Quos ira Dei viuos reliquerat, ij cum stragem vidissent coelorum, vocarunt locum, in quo illi mortem oppetierunt, *Sepulchra concupiscentiae; Num. 11. 34.*

Quare verò non locum satietatis appellarunt, in quo misit eis Dominus cibaria in abundantia, *Et pluit super eos sicut puluerem carnes, Et sicut arenam maris volatilia pennata, Psal. 77. v. 25; 27.* Sed potius sepulchra concupiscentiae nominarunt? Causa ea sit, quia consecuti sunt quod desiderarunt, ut aiebat Theodoretus, quodq; tam impotenter suspirarunt. Ut ergo intelligeretur, quod sæpè moritur homo ex eo, quod demoritur, voluit Dominus loco illi, in quo mortuus fuit populus, manere nomen sepulchrorum concupiscentiae, ut quisque attendat, ne quid concupiscat, quod Dei voluntati repugnet, aut parum gratum esse queat. Nam si quid homo anxie ex appetitu proprio desiderat, hoc ipsum illum perdet, quod perdit concupiscit, concupiscentiaque sepulchrum ibi sibi fodit, cui inferatur mortuus ex rebus, quas demoritur, ut illius malo alij sapiant.

Iteratam Asaelis mentionem facere necessitas cogit, superior enim illa perfunctoria fuit. Cursu ille persequeretur ducem exercitus Abner, qui obuerso ad tergum capite ait illi: *Tunc es Asael?* cumque respondisset, esse, semelque, & iterum recedere nequiquam iussus esset, percussit eum Abner auersa hasta in inguine, *Et transfodit, Et mortuum est in eodem loco, 2. Reg. 2. 23.* Notandum, quod de infelici illo iuvene historia regia ibid. v. 18. ait: *Asael cursor velocissimus fuit, quasi vnus de capreis, qui morantur in syluis.* Penè cum vento certare de celeritate poterat.

Boethius in epist. de recept. lapsorum Tomo 3. Biblioth. veterum Patrum, ait: *Scriptura non obliuiscitur, si etiam velocitatis eius, quam ante mortem habebat, non faciat mentionem.* Quamobrem verò

scriptura velocitatem eius ante mortem memorat, eamque cum pernecitate caprearum montanarum comparat, quæ sunt quædam velut animata sagittæ, quando persequentis venatoris iram fugiunt? Causa mihi illa videtur, quam hoc capite tractamus. Sequebatur, & persequeretur Asael magnum ducem Abner. Præsidebat multum suæ velocitati, pedum pernecitas illi alas, & animum addebat, ut impune ludere posse Abnerem speraret, ex qua & factum est, ut semel, & secundo desistere ab illusione, & persecutione iussus non audiret bene monentem, adeo confosus lancea miserè occumberet. Volo ergo animaduertant homines, inquit sacer Scriptor, quod hic malè consultus iuuenis suæ ipsius velocitatis manibus confectus occubuit, quodque exanguem illum pedum præsentia potius, quam iratus Abner fecit. Ut hinc simul intelligant, hoc sæpè mortem conficere homini, quod vitam illi allaturum videbatur, atque ex eo non raro citius vitæ defungi, quod ad vitam vel producendam, vel conseruandam ardentius ab illo desideratur. Asael certè quò incitatiores cursu ferebatur, eò celerius fini suo propinquabat, & pedum pernecitate incurrit mortem, per quam effugere posse sperabatur: *Sic scriptura non obliuiscitur, si etiam velocitatis eius, quam ante mortem habebat, non faciat mentionem.*

Non possum hic dissimulare illam, quam nemo ignorat, Midæ regis auari fabulam (fabulam dico, non quod commentitium sit, esse aliquem regem, & avarum, communiter enim reges hoc malo laborant, ut sint auidi, & auri) sed propter id, quod rogasse deos fertur, nempe ut quidquid tangeret, aurum fieret, tanta ille auri siti flagrabat. Audierunt illum dii, factumque est, ut ex auro moreretur, qui sic demoriebatur aurum. Sanctus Ambrosius huius rei meminit lib. 6. in cap. 9. Lucæ, dum exponit illud, *Et manducauerunt omnes, Et saturati sunt,* inquires: *Ferunt certè Gentilium fabula, fuisse regem quandam, qui quidquid tangebatur, aurum fiebat.* At quo fructu id fiebat? Illo, ut ipsa mantilia digitis apprehensa rigescerent, & cibis in ore crepiraret, ferretque non alimenta, sed inferret vulnera, & in gutture potus hæreret, nec penetrare facilis, nec redire. Hæc ferè Ambrosius ibidem, quæ sic obfignat: *Digna beneficia votis, digna tanto munera peccatore.* Fictum, sed benè, & ingeniosè excogitatum, quod de auido illo Midæ commenti sunt, ut instruamur, quid nobis commodi desideria nostra immoderata adferant, nimirum ut velut Midæ quidam expeiamur perniciosum, & exitiabile nobis esse, quod esse



esse aurum optabamus, & citam mortem adferat, ex quo vitam sperabamus longiorem.

O quam illustre huius Veritatis exemplum reliquit nobis formosa Rachel, de qua diximus diu sterilem fuisse, atque ob id tam querulam, ut diceret marito suo: *Da mihi liberos, alioquin moriar*; Gen. 30. 1. vel ut Caeteranus ex Hebræo vertit: *En mortua ego*, quod hunc habet sensum: Tanto liberorum, & hæredum desiderio teneor, ut me in mortuis recensere, mi marite, possis, quamdiu improlem vides. *En ergo mortua ego*, quamdiu infœcunda. At videamus, an per liberos vixerit, sine quibus se non moriturum, sed mortuum putavit. Peperit Iosephem, & non contenta illo, peperit alterum filium. Secundum itaque parturiens, egrediente animâ pro dolore, & imminente iam morte vocavit nomen filij sui *Benoni*, id est, *Filius doloris mei*, inquit scriptor sacer Genes. 35. 18. Filium doloris sui vocat, patrem etiam suæ mortis vocare poterat. Nonné Rachel ea est, cui mortem parit filius, quem ipsa parit? Rachel est. Nonné illa est, quæ se in mortuis recenseri volebat, quamdiu illiberis erat, cum marito suo hæc eiulans dicebat: *Da mihi liberos, en ego mortua*? Non illa est, quæ tantoperè demoriebatur hæredes? Ipsissima est. Quid ergo est, quod filius illi mortem adfert, & ex nato hærede mater denascitur? Illud, ut videamus quam verum sit, quod diximus, & quam frequenter eueniat, ut ex illo moriantur homines, cuius desiderium, & expectatio vix illos viuere sinebat. In hunc sensum loquitur Honcala in cap. 35. Genes. inquit: *Tanta est humana ignorantia, atque temeritas, ut ea interdum à Deo assiduâ improbitate flagitemus, quæ postulantibus concessa sint maxime nocitura.*

Et accidit sæpè, quod illis, quibus Sulla vir magnus Iulium Cæsarem liberum dimitti importunè rogantibus (quem ille in custodia magis retinendum arbitrabatur, quod mala plurima perpetraturum timebat) dixisse fertur, ut Suetonius in Iulio cap. 1. ait, nimirum *Vincerent, ac sibi haberent, dummodò scirent, eum, quem incolumem tantoperè cuperent, quandoque optimatum partibus, quas secum simul offendifsent, exitio futurum, nam Cæsari multos Marios inesse.* Conducatur vobis, aiebat Sulla, quod me vestra precandi contentione superatum eò adduxistis, ut Iulium vobis liberum donem. Habete vobis Iulium, qui pro eo, quod nunc facitis, vos ex liberis seruos faciet, & patriæ tyrannus ingenuos vinculis addicet, nobiles vitâ exuet, nam iuuenem illum Iulium tota Mariorum, siue dæmonum, ut hic dicere-

mus, legio occupatum habet. Tale quidpiam multis quodidies accidit, ut id, quod vehementer optant, & anxie quærunt, maximum illis exitium generet, velut Cæsar grauissimorum damnorum parens illis fuit, quorum precibus in libertatem assertus.

Hinc Picus Mirandulanus accipit doctrinam admodum salutarem, fundatam in illis Domini verbis, quibus cœlestis Magister monet, ne hoc, aut illud speciatim, sollicitèque, & anxie à Deo petamus. Nam cum Patrem in cœlo habeamus æquè sapientem, ac benevolentem, & omniscientem, nunquàm aliud rogare debemus, quàm quod ille sciat nobis magis conueniens esse, & necessarium. *Scit Pater Vester cœlestis, quia his omnibus indigeris*, aiebat ille Matth. 6. 32. Dicit nunc ætatis suæ phoenix Picus in Orat. Domin. Tom. 1. *Sicut infirmus non debet dicere medico, Da mihi talem medicinam, vel talem, sed debet ab eo petere sanitatem, & deinde dimittere iudicio medici, ut det ei illa, per qua ipse medicus cognoscit ipsum melius, seu facilius posse consequi sanitatem.* Nam si infirmo relinqueretur præscriptio medicamentorum, ipsiusque arbitrio permitteretur modus curandæ suæ ægritudinis, quænam in fontibus, fluminibus, mari aqua esse, & conuerti in dulcem liquorem posset, ut ipse eam biberet? Si instaurandæ valetudinis ratio ex propria illius sententia esset instituenda, venenum sæpè esset, quod theriacam putaret, & mortem incurreret, ubi vitam, se reperturum existimaret. Sic ergo agere cum medico nostro, & patre debemus, qui ex immoderatis desiderijs, & intemperantibus cupiditatibus malè habemus, ut nihil petamus, nisi quod illi sit gratum, & ad gloriam, cultumque tanti Domini faciat. Nam si appetitus, ignorantia, temeritatis, & arbitrij nostri consilium exquiramus, & sequamur, in cerram perniciem nostram cedit, quidquid rogamus, velut accidit ijs, qui absolute aliquid petunt, & ab irato Deo in suum exitium, & supplicium impetrant. Est qui episcopalem ambiat mitram, & suam sibi procurat damnationem, cum sit ex bono sacerdote improbus antistes. Est qui præturam, magistratum, aut aliud quoduis siue in senatu, siue in aula publicum appetit, & obtinet officium, & suam sibi perniciem procurauit, nam ex bono Iurisconsulto, & legum studio fit iuris violator, & temerator legum, & iniquus, ac præcepti iudex, qui fuerat pius, ac iusti amans aduocatus, æquitatemque tam multis modis offendit, ut facilius arenas maris, quàm illius errata numerare possis. Coniugati, qui liberos petunt, neque Dei voluntati suam hac in re submittunt, si voti compotes fiant, fit etiam,



etiam, neque raro, vt molestias, cruciatus, dolorem, mœrorem, probra, infamiam ab eis habeant, à quibus leuamen, consolationem, honorem, voluptatemque ingentem sibi promittebant.

Politicus ergo noster omnium desideriorum moderatorem Deum constituat, vt is tanquam pater, & Dominus, quidquid ipsi magis gratum, supplicii autem conducibilis fuerit, concedat, voluntarique eius in omnibus se accomodet, hoc enim nobis semper commodissimum. Nunquam perat hoc fieri, quod appetit, ne moriatur ex eo, quod demoritur, quemadmodum Sichem filio Hemoris accidit, cui hoc vitam ademit, ex quo longam, & quietam vitam expectauit.

## CAPVT VII.

*Dùm rectus iustitiæ ordo in plectendis secleratis seruetur, tam grata est oculis Dei puniitio flagitiorum, vt quodammodo æquè oblectetur spectaculo penduli è patibulo furis, atque sacrificantis ad aram sacerdotis.*

Quod duo illi fratres struprum sorori à Sichem illatum vindicauerunt, id moraliter monet Principes, & alios Superiores, vt acriter animaduertant in facinorosos omnes, qui Rempubicam suis flagitijs offendunt, contaminant, aut perturbant. *Zelus filiorum Iacob in elisionem sororis moraliter commonet Pastores fidelium, curam habere animarum sibi commissarum, ne violentur corporali delicto, aut fornicationi spirituali incumbant, parati scilicet omnem inobedientiam.* Ità S. Augustinus, & Glossa Ordinaria. Quicumque ergo superior exemplo istorum fratrum sororis suæ turpem iniuriam vltorum dignas à malefactoribus subditis pœnas expetierit, per gratam Deo victimam mactabit. Nam vt ille sæpè prædicauit, nonnunquam etiam ostendit gloriam, & remunerationem probis præparatam: Sic etiam vult constituta esse sua nefarijs supplicia. Hæ namque sunt duæ bases, quibus totum bonæ gubernationis ædificium incumbit.

Ingredebatur diuinus Magister domum Parris sui æterni, inueniebatque eam infamibus vlturis sedari, & contaminari turpi quæstu, boues quoque, & oues, & homines, qui re numariâ, & sordidâ nundinatione multam loco sacro infamiam affricabant. Zelo ergo honoris diuini, qui plurimum offendebar, inflammarus, è funibus, quibus boues, & cæteræ pecudes alligatæ erant, quoddam quasi flagellum fecit, eoque armatus homines, & brutas ani-

mantes è templo exegit, numulariorumque; & pecunias, & mensas disiecit. Hæc S. Ioan. 2. 15 ita: *Cum fecisset quasi flagellum de funiculis, omnes eiecit de templo, oues quoque, & boues, & numulariorum effudit eas, & mensas subuertit.* Res mira, & rarum spectaculum fuit, videre Dominum, alioquin tam facilem, & indulgentem, nunc flagellum manu vibrantem, & in homines similiter atque bestias inuentem. Quid sibi vult illa Domini aliàs micissimi tanta austeritas? Itanè decuit illum, qui sublimi regis titulo gaudebat, corripere flagra, eisque homines inuadere, & plectere? Sceptrum, non fuitis, virga aurea, non squalidi funes in manus istas aptè cadunt. Quomodo ergo oblitus sceptrum, accepit flagellum?

Respondet doctissimus Claudius Guillaud in c. 2. Ioan. *De funiculis contexit sibi flagellum, quocum scepro, seu armis regalibus usus est.* Nemo patet Dominum, quid flagellum arripuit, quo malè agentes corripere, insignia perdidisse, aut abiicisse regia. Immo verò ad eum modum ostentationem suæ regis dignitatis multò illustriorem fecit. Quando enim flagellum in manus accepit, vt caderet eos, qui consecratum Dei cultui templum sacrilegè profanabant, tunc tantundem fecit, quantum si virgam auream gestasset. Voluit autem eâ re significare, cum supplicia ex æquo, & bono inferuntur reis, tam decenter à rege præferri manibus flagellum, quomaceter sceleratos, quam virgam auream, quâ remuneret probos: *Contexit sibi flagellum, quocum scepro, seu armis regalibus usus est.*

Non possum, quin hic ad rei præsentis confirmationem commemorem supplicium, quod Dominus ab ingratis illis, & plusquam blasphemis, idololatriis, & brutis bruti vituli cultoribus sumi imperauit. Dicebat populi illius sacer dux tor audacter, & animosè: si quis Domini partes sectatur, is mihi iungatur, vt iniuriam honori eius illatam coniunctis viribus, paribusque animis, & armis vltiscamur. Ad vocem religiosi imperatoris accurrerunt Leuiticæ tribus viri, stragemque tam ingentem fecerunt, vt propè viginti tria millia contrucidarint ex ijs, qui scititio numini adgeniculati, falsæ deitati cultum, qui veræ debebatur, detulerant. Post solum idololatrarum sanguinem dicebat Moyses: *Consecraſtis manus vestras hodie Domino, unusquisque in filo, & in fratre suo, & datur vobis benedictio;* Exod. 32. 29.

In his expendit Oleaster istud, *Consecraſtis manus vestras Domino.* Itanè verò consecratæ dici possunt manus vel parentum, qui obruncarunt suos filios, vel aliorum, qui fratres suos ferro confosios interemerunt?



merunt? Hoccinē fuit consecraſſe manus? Etiam fuit, inquit Oleaſter in Annotat. moral. in c. 32. Exod. Si iudex, aut tortor, malorum es, non putes te irreligioſum, aut profanum. Quoniam non minus Deum hoc opere colis, quā ſi donaria, & ſacrificia manibus ſacraſtis offerres. Sacrificium Deo acceptiſſimum eſt peccatores punire, quemadmodum ſanctos colere, nec minus benedicitur, qui iniuſtum necat, quā qui iuſtum extollit. Nam ſuo quodam modo tantum placet Deo prætor caſtigans, quantum ſacerdos conſecrans, ſaluti enim Reip. tam conducunt ſupplicia malorum, quā præmia bonorum. Et honor Dei non minus conſeruatur punitione nocentium, quā ueneratione proborum, & iuſtorum.

Propheta regius, cū exterrere obſtinatos, & cæcos peccatores, & ad vitæ emendationem, errorumq; ſuorum retractationem excitare vellet, Deum ſeuerum iudicem illis ob oculos ſtatuebat, qui actæ vitæ rationes ab eis exacturus, & æterno igne culpas eorum, quas ipſi operibus pœnalibus non expiaſſent, vindicaturus eſſet, inquit: *Deum manifeſtæ ſeniet, Deus noſter, & non ſilebit. Iguſ in conſpectu eius exardeſcet, & in circuitu eius tempeſtus valida*; Pſal. 49. 3. Valde horribilem, & formidabilem nobis pingit ſacer Cantor ſupremum Imperatorem tanquā iudicem, quem flamma ſimul, ac tempeſtas circumdet. Benè habet iſtud. Verū titulus Pſalmi negotium faceſſet cuiuſcūque vel mediocriter ſapienti. Sic enim habet: *Pſalmus Aſaph*, hoc eſt, quem Aſaph eſt cantaturus. Aſaph primus cantorum erat, eiufq; hoc in templo officium, vt in choro diuinas laudes præcineret.

Dicit nunc Hugo Cardinalis: *Videtur quod aquè benè deberet intitulari ex nomine alterius, qui non cantandi, ſed potiùs flendi, ſel terrendi alios haberet officium.* Agit hic Pſalmus non de primo tantum, verum & de ſecundo Chriſti aduentu, inquit idem Hugo, quorum ille ſuauiſ, & amabiliſ fuit, alter erit terribiliſ, & formidabiliſ, ille blandum attulit curatorem animarum, alter aſterum adducet cenſorem culparum. Quod cū ita ſit, cur illi, cuius proprium, ac peculiare munus erat cantare laudes Dei, fuit inſcriptus Pſalmus, qui ſupplicia irati Dei, terroresq; & minacias implacabiliſ Iudicis commemorat? Quod tali homini dedicarentur hymni, aut alia eiufmodi, quæ Dei manuſueti, & pueri recens nati, & clementiſ, atque indulgentiſ, & ad redimendum captiuos, condonandum peccata venturi vaticinia continerent, id benè factum videretur: At quod cantorum princeps in choro inflexibilem

Tom. III.

Dei iuſtitiam, & expauendum iudicium tanto celebraret, nescio quomodo cum officio illius cohaſerit. Aptius fieri potuiſſe videtur, ſi res ea illi commendata fuiſſet, cui alioquin vel deplorare, vel caſtigare, & vindicare aliorum ſcelera incumberebat. Cur ergo viro tali talis Pſalmus nuncupatus fuit? *Pſalmus Aſaph!* Vt nobis indicaretur, quā ſit acceptum Deo ſacrificium punitione facinoroſorum, quod vt ſanctus Dauid ſignificaret, Pſalmum, qui rigorem, terribilitatem, ſupplicia ſupremi Iudicis commemorat, homini diuinis laudibus cantandis conſecrato inferibit, vt argumento eſſet, non minus placere Deo hominem, qui è tribunali decernit ſuas flagitioliſ pœnas, ac religioſum, qui in choro cantandi illius miſericordiæ, & clementiæ operam nauat. Tam gratam enim illi hoſtiam offert, qui ſceleratum maſtat, ac iſ, qui benè meritum remunerat.

Ad hunc ſenſum ſanctus Hildebertus epiſt. 59. To. 3. Biblioth. Vet. PP. ſcribens cuidam Principi, qui videtur vltor ſclerum nimis remiſſus fuiſſe, aiebat: *Iniquitatiſ gloriæ inter ſplendidioreſ triumphos annumeres*, & tunc glorioliſſimam victoriā retuliſſe puta, quando per ſupplicia refrenas peccandi licentiam, quā cōcercere per clementiam nō poterat. Benè enim triumphat, qui benè caſtigat.

Nam vt illuſtre totius eruditioniſ prodigium, & eminentiſſimū Iureconſultuſ D. Antoniuſ Cabre-ros, & Auendanno in Traſt. de triup. Prælud. 1. n. 2. ait, *magnum reſpicit Reip. bonum delictorum cōcercatio*, conducitq; plurimū bono publico animaduertere in criminoſoſ. Et Pauluſ item Iureconſultuſ in leg. licit. 9. §. *Quod illicite*, D. de publ. & vetig. inquit, *disciplina publica ſigorem expoſcere, & illicite facta competentis ſupplicio vindicentur.* Pœna ſiquidem ſtultum ad mentem reuocat, flagellum inſtruat duroſ, carcer flagitioliſ cōcercet, trirēmeſ audacibuſ timorem incutiat, gladiuſ, & patibulum effuſiſſimū tremorem adferunt.

In oratione, quā Deo quotidieſ offerimus, ita precamur: *Pater noſter, qui eſ in cœliſ, ſanctificetur nomen tuum*; Matth. 6. 9.

Non parū difficultatiſ attulit Interpretibuſ, quid ſibi velit, quod ſanctificari nomen Dei petimus, & exanimatiſ optamus. Quia cū ipſe ſit ſons, & origo omniſ gloriæ, noſ honoriſ nominis illiuſ infinito nihil addere poſſumus. Quid ergo rogamuſ nomen illiuſ ſanctificari, gloriāque eiſ augere, quæ cū immenſa ſit, facere incrementa non poteſt?

M m m

Huic



Huic quæstioni satisfacit insignis Mirandulæ Comes Ioannes Picus, dicens, non id à nobis peti, ut nomen Dei in seipso magis sanctificetur, tanquam arbitraremur, posse accessionem ad ipsius honorem fieri aliquam (hæc enim vanissima opinatio esset) sed *ut manifestetur in creaturis*, sic enim ad nostrum intelligendi modum magnificatur, & extollitur nomen Dei. At videamus quâ ratione sanctificetur, & glorificetur, & magnificetur nomen Dei. *Per misericordiam*, inquit ille, *quando reddit præmia æterna, & per iustitiam, quando ex sua malitia ipsi rebellantes per suam iustitiam punit. Pater autem quod & erumg, cedit in gloriam eius, non enim minor Christi gloria est, videre Iudaos in hac tam longa captivitate plenos omni ignominia, & miserâ, quam videre Christianos, qui eum colunt, & crucifixum adorant.* Tam accepta enim victima, tamq; gratum Deo holocaustum est (servatâ debitâ paritate) malefactor in patibulo, ac sacerdos in altari, tam enim placet illi, quod mactantur improbi, quam quod remunerantur iusti.

Haud dubito, quin id irâ esse intelliget, quisquis attentis auribus Prophetam regium ad psalterij sui harmonicas fides canentem exceperit. Ille inter commemorationem acceptorum à Deo beneficiorum sic aiebat: *Tues, Domine, qui exaltas me de portis mortis, & annuntiem omnes laudationes tuas in portis filia Sion;* Psal. 9. 15.

Difficilis videtur locus, si portarum nomine, ex Scripturæ more solenni, & receptissima consuetudine, significata tribunalia dicamus, unde sententiæ capitales contrâ malefactores prodibant, quia Iudæi in portis suarum urbium habebant sua putealia, siue iudiciaria subfellia, ex quibus contrâ fontes pronuntiabant. Actum agam, si hoc probare velim, quod Scriptura tam mulus in locis affirmat. Discutiamus itaque nunc, quomodo intelligi possit, ac debeat, quod facit Propheta dicit, exaltatum se de portis mortis, ut annuntiaret omnes laudationes Domini in portis, siue tribunalibus filia Sion, id est, urbis Ierosolymitanæ.

Doctissimus Genesios interpres Benedictus Fernandus in c. 34. Genes. sect. 5. n. 13. To. 3. exclamat: *En o bone rex, qui cantus ist, qua laudationes in portis Ierusalem? Ad portus sedebas pulsando citharam, diuinasq; laudes dulciter concinendo? Non plane, sed in portis iudicabas.* Cum in portis essent tribunalia, certum est Dauidem in portis Ierosolymitanis non tractasse citharam, psalterium, organa, ac cantandas Dei laudes, sed patibulis, crucibus, e-

qualeis, alijsque tormentis addixisse malefactores, & de plectendis constituisse improbis. Quid ergo ait, renuntiassse omnes laudationes dominicas in portis filia Sion, è tribunali urbis Ierosolymæ?

Respondet dubitationi, qui eam excitauit, inquit: *Quia non minus Deum laudabat in iudicijs, quam in templis, proferendo sententias, quam struendo, cantandoq; psalmos. Nec minus Deo seruus, Deumque colit, & laudat index iudicando, quam Clericus in choro cantando, nec minus Deo placet punitens iustitia, quam deprecans religio.* Magnum ergo mytherium habet, quod Prophetæ regius ait, annuntiassse, & cantassse laudationes Domini tunc, quando pro tribunali iudicabat reos, morti addicebat sceleratos, & damnabat improbos, quia eodem loco habet Deus iudicem, qui è loco superiore contrâ fontes pronuntiat, quo supplicem, qui offenso Numini contriti cordis hostiam in templo mactat. Quam amat eos, qui psalmos in choro deuotè cantant, tam choros habet eos, qui scelera dignis supplicijs iuste castigant. Vtrumque Deo gratum, vtrumque Reip. commodum, ad illius laudes, & boni communis utilitatem tam facit punitio flagitiosorum, quam remuneratio innoxiorum.

Hæc diximus, ut Politicus noster, si fortè ex officio ad illum pertineat castigare malefacta, non à grè adducatur ad inferenda supplicia, neque manu ad eam rem vratur remissa, quando necessitas expetere pœnas postulet. Iam enim intellexerit, tam gratum esse Deo sacrificium castigare fontes, quam præmia dare benemeritis, & eisdem oculis videre pendentem furem è patibulo, quibus probum sedentem in throno, nec minus delectari cum visu iudicis flagitia castigantis, (servatâ tamen iustâ proportionē) quam sacerdotis incruentam hostiam in altari immolantis.

## CAPVT VIII.

*Optimè nouerunt homines & commemorare ea, quæ ad ipsorum commendationem faciant, & tacere, quæ taberculam qualemcumq; aspergant. Amant item consortium lucri, sed communem iacturæ aleam defugiant. Sic spielen germ mie/ohn auffsetzen.*

Vidit Patriarcha noster præcipitem, & cæcum filiorum suorum furorem, qui tanto impetu in eadem circumcisorum Sichimitarū effusū sanguinem illorum effuderant, dixit ad Simeonem, & Levi: *Turbatis pacem, quæ mihi cum huius terræ habitatoribus erat. Sunt ij permulti, nos pauculi.*

Fieri



Piet ergo vt coniurati nos inuadant, & opprimant, sicut illis resistere prorsum nequeamus. Huic oburgationi responderunt filij: *Nunquid & scorto abusi debueret sorore nostrā? Genes. 34. 31.* An forte soror nostra vilis lupa erat, & puridula meretricula, vt flagitium illi tam indignè inferrent? Quam nos ignaui, & ignobiles, quam negligentes omnis nostræ existimationis fuissēmus, si tantum dedecus, tam turpe probum inultum reliquissēmus!

Cum duo essent in illo casu (quod Expositores hic notant) nempe stuprum sorori illatum, & vindicta iniuriæ illius, de modo, quo infamiam vlti fuerant, nihil dixerunt, quia cum rationis, & iustitiæ limites ea in re prætergressi essent, quod ad eum modum probum sororis vindicassent, tacuerunt supplicium, quod ab iniuriis sumperant: quia commemorare sine offensione suæ famæ non poterant! At verò ignominiam sororis, & notam illi inultam multis verbis magnificè amplificauerunt, hoc enim facinus illorum innumbrare, & extenuare videbatur. Itaque quod officere causæ illorum poterat, dissimularunt, quod verò prodesse poterat, id auide arripuerunt. Habet hoc mos hominum communis à Protoparente hereditariò acceptus, vt studiosè tegant, quidquid derogare existimationi, aut negotio, quodcumque sub manibus habent, possit, enudent verò, & publico soli exponant, quidquid ad commendationem illorum vtrunque faciat. Denique amant facere lucrum, sed fugiunt commune subire dispendij periculum.

Euocabat inmanis ille gigas ad singulare certamen phalanges Hebræas, barbarèq; arrogans, & insolenter superbus, ac viribus suis præfusus, diu, ac pertinaciter populum Dei irritabat. Israëlita exterriti horrendo spectaculo viuz illius, & portatilis turris, & vultorum membrorum eius enormi, ac formidabili magnitudine, timuerunt descendere in arenam, & pedem cum truculento prouocatore conferre. Solus quidam iuuenis pastor Dei gratiā excitatus, & cælesti audaciā roboratus duello, & singulari consilij intrepidè se obtulit. Consultatum de re ista apud Saulem regem, & post varia vltro citroque agitata, & in partem vtramq; disputata decretum fuit, vt David cum idololatra Philistæo certamen iniret. Ille ergo, vt expectatam victoriam consequeretur, tulit baculum suum, quem semper habebat in manibus, & elegit sibi quinq; limpidissimos lapides de torrente, & misit eos in perampulsa, quam habebat secum, & fundam manu tulit, & prosequa aduersus Philistæum; 1. Reg. 17. 40.

Abulenſis quæſtio 32. in c. 17. 1. sic habet: *Quomodo Saul permisit, quod pugnaret David corā Goliath, cum nō ferret aliqua arma, sed solā fundā, & lapides?* Permirum sanè videtur, quod Saul strenuus miles, & fortis pugil concessit, vt pigmeus cum gigante, cum armato viro adolescens inermis pugnam susceperet. De gigantis illius armis sic loquitur scriptura, quasi tam onerosa, magna, & multa fuerint, vt integro exercitui armando sufficere possent. In quod ergo iudicium cadere potuit, vt tenerā ætate pastorem cum viro non solum armis, sed etiam bellandæ peritiâ instructissimo concurrere posse putarent?

Respondet Abulenſis: *Si David vinceretur, redeundum erat ad pugnandum in acie, sicut si non esset initum singulare certamen, & sic non deteriorabatur conditio Hebræorum ex morte David, & prosperabatur ex eius victoria, idēo permittendum fuit ad omnem euentum, & pugnaret.* Prudens fuit ille Saulis cogitatus, nam quomodocumque Davidi sua pugna caderet, lucrum ex ea Saul capere poterat, damnum referre nullum. Si vinceretur David, nihil hoc incommodabat bello, cum alioquin, tametsi nullum gereretur duellum, signa cum hoste conferenda, & conferendæ manus essent. Et facilis erat iactura vnius adolescentis, qui aptior custodiendis ouibus, quam conficiendis, & profigandis hostibus videbatur. At si iuuenis pastor superbum Goliath vinceret, id res Israëlitarum cæso, Philisthæi totis animis consternati fuissent, quando vidissent ab inermi adolescentulo non alio, quam vnius lapidis iactu deiectam, & solo affictam esse illam tam vastam carnis molem, illam tam firmam columnam, quæ spes illorum tota nitebatur. Itaque permittendum fuit ad omnem euentum, quod pugnaret. Saul certè ita existimabat, quod lucrum illi dimicatio Davidis parere poterat, damnum nullum. Propria hominum indoles id habet, vt res suas ita instituant, vt certum sine dispendij periculo quæstum facere, & sine iacturæ metu indubitatum habere lucrum queant.

Ibat Dominus resuscitatum filiam Principis synagogæ lairi, perque viam secretò ad illum accessit mulier, vt ægritudinis quàm diuturnæ, tam pendendæ remedium ab eo extorqueret. Frequens hominum cæterua Christus comitabatur, cumq; & locus publicus, & turba numerosa miseræ impedimentum afferret mulieri, dicebat intrā se: *Si tergero tantum vestimentum eius, salua ero; Matth. 9. 21.* Pugnat ac in animo bonæ mulieris spes cum timore, cum pudore, & verecundia necessitas, idque scilicet, quàm



concitari maris fluctus concertare in media tempestate soleant. Nam si ægritudinem suam aperiret, rursus eundem euulgabat, si rectam conseruaret infirmitatem, euadere crudeles manus cruciabilis mali non poterat. Corpus sanari, sed absque offensione famæ, optabat. Itaque *resgit sibi famam* & *vestimentis eum*, ibid. v. 20.

Quò ibat hoc afflicta, & ægræ mulieris studium? Respondet S. Rauennatus Archiepiscopus Petrus Chrysologus serm. 34. *Quarebat quomodo faceret occultum de publico, de turba secretum. Agebat ut sibi esset rediret sanitas, & verecundia non periret.* Ingeniosa solertis, & cordatæ mulieris industria fuit, quòd sanari ab ægritudine citrà dispendium verecundia voluit. Propterea retrò accessit, & extremam oram vestimenti, quod tergum tegebat, supplici manu libauit, ut salus inde rediret corpori, & nihil decederet pudori. Non fuerit hæc prima, quæ sic omnia simul procurauerit, ut lucrum sine periculo dispendij referret, & absque vilo exultationis facultatumque impendio compendium honoris, & vtilitatis faceret.

Cùm Scribæ, & Pharisei inimicorum Christi Domini nostri inuidiosissimi infensissimi, & dictorum, factorumque illius exploratores dererrimi, ac nequissimi indices viderent, quantis incrementis fama eius augesceret, quomodo nomen illius ubique percrebresceret, quàm ingentem sui admirationem doctrina eius excitaret, quàm vehementer miracula illius omnes oblupefcerent, decreuerunt illi iniicere manus, & vincum tradere custodiæ, ut hæc ratione & famam eius obscurarent, exultationemque diminuerent, & vulgi animos ab illo abstraherent. *Miserunt ergo ministros, ut apprehenderent eum.* Ità S. Ioannes cap. 7. v. 32.

Nemo, ut mihi quidem videtur, hoc Scribarum, & Phariseorum decretum leget, qui sciat quantâ siti sanguinis Christi iam dudum æstuârunt, ut non arguendos putet, quòd capiendi illius negotium ministris, & satellitibus crediderint, quando ipsi duces adesse, & lictores ad rem strenuè conficiendam tum verbis, & promissis, tum auctoritate suâ acquirere debuerunt, ut illorum consilij, & optatis facta certius, feliciusque suppeterent. At si ita res haberet, cur *miserunt ministros*, perque alios fecerunt, quod per se ipsos curare debebant?

Occurrit huic difficultati Theophylactus in c. 7. Ioan. inquit: *Miserunt autem, sed non ipsi. Venerunt, metuentes turbam, ne tumultuaretur. Et propterea ministros mittunt, seipsos subducens, ne quid*

*periculi suboriretur, illos autem furori populi exponentes. Ità vnde quaque quod suum erat, sectabantur.* Quantum Principes Scribarum, & Phariseorum abominabantur Christum, doctrinamque illius execrabantur, tantum æstimabant vulgus, & venerabantur communem plebeculam. Et quoniam seditionem populi, vulneraque, & cædes metuebant, idcirco alios delegarunt, qui vadum tentarent, & omnia explorarent, & eventus periculum facerent, qui si Christumprehendissent, obtinisset eorum consilium, & votum, sin minus, in ministros recideret malum, quodcunque capere volentibus occurreret. Ità vnde quaque quod suum erat, sectabantur, curabantque ut quæstum facerent, & ab omni iacturæ periculo procul abessent. Habet hoc pars hominum maxima, ut compotes esse ament lucri, damni consortes esse nolint.

Quærit Abulensis, quamobrem veteres illi Patriarchæ, & principes credentium, cùm in terra Chanaan affluerent pecoribus, & plurimam haberent familiam, non sibi cõderint stabiles possessiones, ubi figere sedem, & tùm domesticos suos, tùm greges tutò seruare, & sustentare possent. Satis hoc indicat sacra Genesios historia. Nam quòd Abraham locum sepulturæ sibi pecuniâ comparauit, & noster Patriarcha centum agnis exiguam hereditatulam, id nihil obest, nam utrumque parui momenti fuit, si cum ijs conferatur, de quibus Abulensis suam instituit quæstionem. Cur ergo factum dicemus, quòd fixa nulla sibi emere voluerint bona?

Respondet ille in 1. Reg. c. 14. inquit: *Quid videretur frustra esse, quia nesciebant quando Deus daturus esset terram, & forte statim daret, vnde perderent pretium, quod darent.* Non ergo emebant talia immobilia. Gratuitam certò expectabant ex Dei pollicitatione donationem terræ promissæ, quando autem ea explenda esset cùm nescirent, & explendam in horas sperarent, noluerunt emere, quæ quando dono accepturi essent, ignorabant, ne frustra prodigendæ pecuniæ periculum subirent. Sic quisque lucrum, quanto potest studio consecratur, & fugit damnum, quæstus consortium amans, & iacturæ periculum deuirans.

Imperauit Deus Sauli, ut Amalecitas omnes vnâ occisione occideret, resque illorum omnes vastaret, & neque Regi, nec Pastori, nec purpuræ, nec sago, nec basilicæ, nec gurgustio parceret, inquit: *Vade, & percutite Amalec, & demolite cuncta eius, non parcas ei, & non concupiscas ex rebus ipsius aliquid;* 1. Reg. 15. 3. Amplior, & magis absoluta delegatio nemini



nemini committi potuit, hæc n. complectebatur non solum quæ rationali, sentiente, ac vegetante animâ prædita erant, verum etiam quæ sensu destituta. Non accurauit Saul exactè iniunctum sibi munus. Pepercit n. regi Agag, & opimioribus gregibus, & pretiosioribus vestibus, & alijs nonnullis. Audiebat Samuel mugitum armentorum, balatumq; ouium, & aiebat: Quas ego hîc pecorum voces audio? Respondit Saul: *De Amalec adduxerunt ea, pepercit enim populus melioribus ouibus, & armentis, & immolarentur Domino Deo tuo, reliqua vero occidimus;* ibid. v. 15.

Expendamus responsum Saulis, quo se ille excusat, & rationem, quam adfert non expletæ integrè delegationis, siue commissionis. Quod ex iussione Dei confectum fuerat, resque ipsius iuuare poterat, id sibi tribuit, inquit, *Reliqua occidimus*, velut diceret, nostrâ obedientiâ, & diligentia factum est, vt mactarentur, quæcunque Deus mactari voluit: Quodd autem quædam non erant vastata, hoc populo adscribit, *Populus* inquit, *pepercit*, si quid ea res mali habet, si quid peccati, hoc à vulgo venit. Sed in hac excusatione mentitus fuit Saul. Dicit enim sacer Textus: *Pepercit Saul, & populus optimis gregibus ouium, & armentorum;* ibid. v. 9. primus greges, primus vestes, primus supellectilem opulentiorum, primus monilia pretiosiora expetiit. At si res ita habet, vt cerè habet, quomodo se autorem cædis facit, & seruati gregis culpam in populum conijcit, cum ipse pariter ac populus manus à brutorum quorundam internecione abstinerit? Respondeo ex his, quæ hîc tractamus, nempe quod homo amat lucrum appetere, fugere iacturam, dicere quæ ad sui commendationem faciant, tacere quæ dedecant! Et quoniam cæcidisse Amalecitas, resque illorum omnes perdidisse, honorificum erat Sauli, idcirco aiebat, *Occidimus*, exulimus, vastauimus, destruximus, quæcunq; iussi sumus, tanquam ipse inter eos, qui talia fecerunt, primus ac præcipuus fuerit; Verum quia seruasse ea, quæ mactanda, & vastanda fuerant, piaculum erat, omnem in populum culpam confert, inquit, *Populus pepercit*; cum ipse esset primus, qui ex cæcatus cupiditate pepercerat pecoribus opimioribus, & opulentioribus spolijs. Quo docemur, quam probè sciat homo, & prædicare, ex quo laudem habeat, dissimulare, quod probro esse queat, & quam amet facere lucrum, quamque odeat minimum siue honoris, & existimationis, siue rerum, & facultatum detrimentum pati. Vix quæquam tam rudem habet mundus, qui huius rei non

sit gnarus. Omnes sciunt vtilitati propriæ studere, omnes sciunt occasionem quæstus captare. Omnes sciunt mûti esse ad ea, quæ honori, & existimationi officiant. Omnes etiam de vulgo extremo rhetores sunt ad commemorandum, & amplificandum, & extollendum quæ sibi honorifica sint, & fructuosa, & tum famæ, tum rebus conducibilia.

Emundata fuerunt sua Prophetæ vrbano labia, lætabaturque ille tam vehementer de sublati maculis, quam grauius doluerat, quod tam patente corporis parte turpem næuum diu prætulerat. Dicebat illi Dominus: *Quem mittam? & quis ibi nobis, vt populo isti prædicet?* Et ille exemplò: *Ecce ego, mitte me;* Isaiæ 6. 8. velut dixisset: Vbi me ad manum habes, Domine, otiosum videtur quærere, quem mittas, ego enim volens, lubensque ibo, quod me cunq; ablegandum duxeris. Factum est, vt aliâ occasione audiretur illi *Vox dicentis, Clama, Isa.* 40. 6. At tunc ille respondit: *Quid clamabo?* ibid. scire volo, quid denuntiare populo, quid clamare debeam.

Origènes, vt refert Glossa, pulchrè hîc annotauit, quod priore loco, cum vix dictum esset à Domino, *Quem mittam, & quis ibi nobis?* statim accurrit Isaias, seque singulariter præ alijs obtulit, cum aduocatus particulariter non esset, & ait: *Ecce ego, mitte me.* Nunc autem cum speciatim vocatur, tubeturque clamare, & prædicationis officio singulariter deputatur, videtur recusare officium, cum dicit, *Quid clamabo?* Quid quod est ibi tam promptus excepit, & penè inuasit munus prædicationis, hîc autem tam tardè, cunctanterque illud admisit?

Responder ex magno Adāmantio Glossa Ordinaria: *Putabat se bonum nuntiatum, & ideo dicit, Mitte me, & ideo clivò se offert. Sed quia audistis, Dic populo huic, Auribus audietis, & non intellegitis, cum postea dicatur sibi Clama, non statim clamat, sed dicit, Quid clamabo?* Non sciuerat primâ vice, quid renuntiaturus populo esset, sperabat autem se mera euangelia perlaturum, idcirco sponte, lætanterque profliebat ad prædicandum; Cum verò præter opinionem suam iuberetur intentare minas, prædicare ingrata, cautior factus scire voluit, quid clamaturus esset, quando ad idem officium depositebatur, tanquam non ausus illud ante suscipere, quam prædicandi argumentum exploratum haberet. Etiam apud tales homines, tamen posthæc, quod sui muneris est, faciunt, videntur à vitiatæ na-



turæ ponderibus eò inclinari, ut dampnum defugiant, semper enim res suas ita disponere vellent, ut illis quæstiosa essent, & lucrosa. Cum se dicenda offerunt, quæ narrantis exultationem imminuere possunt, curant silentio opprimere: At cum ea commemoranda occurrunt, quæ sint honorifica, & ad lau-

dem vergant, nec tardi sunt ad eloquendum nec ad euulgandum mori.

*Hoc idem argumentum non semel tantum, neque ineleganter tractat etiam alibi. Vide etiam Periocham III. Dominica XXIII. post Pentecosten, To. 2. pag. 308. Et locum ad calcem ex To. 1. annotatum.*

# LIBER NONVS.

## CAPVT I.

*Malo culpæ mala alia omnia cedunt.*



Visnam de aliquo huius vitæ malo queritur? Quis se aduersitatum mole oppressum deplorat? Quis sub iniquioris fortunæ grauibz ictibus gemit? Quis suæ inter ærumnarum angustias calamitati illachrymat? Quis verò in summo felicitatis culmine se collocatum iactat? Quis de imperiali throno superbus gaudet? Quis sibi de mulieris, nescio cuius, amicitia singulari, ac beneuolentia enixiore gratulatur, & blanditur, quæ hoc vno solùm est constans, quod semper inconstans? Nam si omnes tum felicitates, tum aduersitates ad rectæ rationis libellam expendas, & ad lucem veritatis examines, videbis, nullum aliud esse malum, quod timere debeamus, præter inimiciam Dei, nullum bonum, quod expetere possimus, præter amicitiam eiusdem, ceteraque bona, & mala, si cum eis comparentur, hoc nomine indigna esse. Felicitates enim quæcunque excogitari possunt, nisi cum amicitia Dei sint coniunctæ, infelicitates sunt, & quidquid calamitatum occurrere homini mortali potest, id rebus secundis, & prosperis annumerari debet, si Deo gratiosus sit, qui ærumnis pressus.

In hanc rem ita loquebatur olim sanctus Ioannes Chrysostomus 2. Corint. 6. homil. 12. in morali: *Collachrymandum est, non cum in paupertate sumus, sed cum peccamus, hoc quippe est, quod lachrymas meretur. Nam alia eiusmodi sunt & risum etiam ciere debeant.* Flere itaque debemus, non cum nos ærumnæ incurant, non cum afficiant aduersa, non cum angit inopia, non cum infensa fortuna in vitam miseriarum abyssum nos mergat, sed cum supremi Legislatoris præcepta violasse, cum cœlestia Imperatoris absoluti edicta præterisse recordamur. Hoc solùm est, quod ad sinceram nudæ veritatis lucem examinatum tristes lachrymas, & flebilem, acerbum-

que luctum, & penitissimo corde exprompta suspia mereatur. Cetera omnia ludibrio magis digna sunt, quàm ut calamitatum catalogo inferantur. Nam si absolute de re pronuntiare velimus, dicere possumus, ac debemus, nullam esse miseriam, nisi culpam, nullam felicitatem, nisi Dei gratiam.

Inter illas integerrimi, & candidissimi magistri cum insidiosissimis auditoribus, & insensissimis hostibus disceptationes, & mutuas altercationes dicebat illis quandoque Dominus: *Si vos manseritis in sermone meo, & veritas liberabit vos;* Ioan. 8. 31. 32. Pupugerunt hæc dicta improbos Scribas, ac Phariseos ita ut dicerent: *Nos semen Abraha sumus, & nemini seruimus unquam, quomodo tu dicis, Liberi eritis?* ibid. v. 33. tanquam verbis alijs dixissent: Egregius, scilicet, modus, quo nos de mereri possis! Nos ab inclyta illa prosopia descendimus, & nepotes sumus illius Patriarcharum omnium facile illustissimi, cuius virtutes mundus totus magnis plausibus celebrat, & tu nos à captiuitate liberos fore prædicas, quod nullius seruituti unquam addicti fuimus! Quis ergo nos aliquando habuit vel deditiuios, vel seruos, ut nos libertate tantoperè inuites? Respondit Dominus, inquitens: *Amen, amen dico vobis, quia omnis, qui facit peccatum, seruus est peccati;* ibid. vers. 34.

Heus Domine, occurrit hic, quod cum tua bona venia dicere velim. Videris mihi veras recte argumentandi leges, si dicere fas est, præterire, dum ludæorum quoddam falsissimum pronuntiatum diffimulas, taciturnumque prætermittis. Aiunt illi: *Nos nemini seruimus unquam,* ne in proavis quidem, & maioribus nostris. Quod aliud tam ingens mendacium? Quodnam effatum æquè aduersum veritati, ac illud? Nam quod aliud hominum genus sol vidit, quod crebrius grauiusque oppressum seruitute fuerit, hodieque sit oppressum, quàm vnus ille perfidiosus, & contumax Hebræorum populus? Dicat

hoc



hoc Egyptus, dicat Babylonia, dicat hoc etas ea ipsa, quā hoc quā audacter, tā imprudenter affirmabant, & Romani Cæsaris tyrannidi subiecti lugebant. Et hodie per mundum dispersi nonne sunt contempnibilissimi, fabulaque vulgi, & ludibrium, & opprobrium omnium? Quid ergo dicam, Domine, quod illos per summam inuerecundam mentitos dicere audis, *Nos meminisse seruimus inquam*, & hoc eorum tam falsum pronuntiatum præteris, tanquā in eas angustias coniectus esses, vnde emergere non posses, & ais, *Quis facit peccatum, seruus est peccati*? Nonne bonum fuerat dicere illis: Si nemini vnquam seruissis ex animo affirmatis, mentimini, quantum qui maximè, quia seruissis & sæpè, & diu, annosque plurimos?

Respondet huic obiectioni Euthymius: *Non conuincit eos, quod sepius seruissis Egyptijs, Babylonijs, alijsque diuersis Gentibus, sed hanc quidem prætermisit seruitutem, et quæ nihil animi generositatis officiat. De peccato vero ait, quod illi nocet seruituti, eam subiiciens, cuius est miserrima seruitus.* Quando ergo Scribæ, & Pharisæi gloriabantur suā illa inde à maioribus acceptā, & nunquā interruptā libertate, tamen pudentum esset mendacium, vt qui tota secula Egyptijs, Assyrijs, alijsque duram, diuturnamque seruitutem seruierant, non sine mysterio illud silentio Dominus præterijt, atque hoc solum e uincere curauit quod verus seruus est, quisquis peccato se obstringit, vt doceret, in quo vera seruitus consistit, velut dixisset: Possem equidem facillè conuincere seruitutem vestram, quæ vos varijs gentibus subditos habuit. Verū quænam illa est miseria, & infelicitas? Quid obfunt pauperies, seruitus, captiuitas, & omnis calamitas huius mundi? Illa non incommodant, non officiunt animæ, dum culpæ seruitutem modò coniunctam non habeant, quæ sola misera, & deploranda est seruitus? *De peccato ait, quod illi nocet, seruituti eam subiiciens, cuius est miserrima seruitus.* Immo quando anima est libera, & valet gratia apud Deum, tamen corpore sustineat captiuitatem, ægrotudines, infelicitates quæcunque excogitari possunt, omnia illa in rebus prosperis recenseri debeat, quia pretiosa monilia sunt, quibus anima ornatur, & venustatur, inestimabilis pretij gemmæ sunt, ex quibus diuissima corona conficitur. Ergo nullum aliud malum, nisi peccatum, nullum aliud bonum, nisi gratia. Ergo & verum est, quod initio diximus, omnes alias miseras, & calamitates cedere malo culpæ, nulla enim ærumna est, nulla penuria, nullum omnino malum, quod reuerà id

nominis mereatur, si cum mortali culpa conferatur, quæ nobis Deum offensum reddit.

Quā præclare dictum à Sapiente: *Non contristabit iustum, quidquid ei acciderit!* Prou. cap. 12. vers. 21.

Hugo Cardinalis pressit ingeniosè illud verbum, *Acciderit*, tanquā dictum fuisset: Nullum accidens dolorem adferre iusto potest. *Quidquid ei acciderit, prosperum, vel aduersum*, non conturbabit illius animum, non interpellabit quietem, non deiiciet de suo statu. Ex Hugonis itaque obseruatione accidens vocatur quidquid occurrere, & euenire potest animæ, quæ illum felicitatis vnica gradum obtinet, vt sit in bona apud Deum gratia. Quid est accidens? Logicorum pueri dicunt, qui cum Hugone sic definiunt: *Accidens adest, & abest præter substantiam corruptionem.* Accidens aduenit homini, destituitque eum absque singulari ipsius impedimento, aut graui detrimento. Quod homo nunc sit viuido colore, dein pallido, nunc albo, posthæc atro, pariter refert, nec enim facit, quin sit animal rationale, & omnia habeat, quæ ad naturæ suæ integritatem spectant. Sic & pannus, siue hoc, siue illo colore tinctus, idem semper est pannus. Dicit nunc Salomon: *Non contristabit iustum, quidquid ei acciderit.* Dum non excidat gratia, & amicitia Dei, alia omnia pro accidentibus habet. Paupertatem, diuitias, sceptrum regni, seruitutem, & quascunque alias seu felicitates, siue miseras in rebus minimis, & deridiculis numerat, adeo parum illum angunt, parum sollicitudinis illi adferunt, sic vt neque illa exhalarent, neque hæc contristarent, cum sciat, malum esse absque gratia Dei, quidquid bonum æstimatur, & bonum esse quod malum censeatur, si modò sit cum amicitia Dei coniunctum. Apis argumentosa est iustus, qui omnia in mel meritorum vertit, & peccator venenatus araneus, toxicum damnationis ex omni re conficiens. *Præsens prosperitas, & tribulatio adest, & abest, iusto præter eius corruptionem & conturbationem*, inquit Hugo. Iusti tota substantia est gratia Dei, reliqua pro accidentibus habet, quæ abeunt, & adueniunt, nihilque illi vel mororis, vel ineptiæ lætitiæ adferunt.

Huc facit illud sancti Theodori Studitæ, qui catech. 117. ait: *Quid fugiamus, fratres, si ignem? Atque, si ignem potius, ferro, bestijs, quàm lethali- bus virijs occumbamus.* Hæc ille, At ego cum bona ipsius venia dixerō, non solum minus formidandas flammās, ac bestias, quàm lethales noxas, verū etiam neminem vel lauos ignes, vel crudeles carnifi-



ces, vel horribiles serpentes, vel quoduis pœnalissimæ tormenti genus metuere, aut curare debere, ut à peccato mortali perpetrando immunis esse possit. Et quilibet verus Christianus debet malle laniari à bestiis, absumi flammis, infici veneno à serpentibus, & quamvis carnificinam subire, quàm miserandam, & funestam iacturam amicitia Dei per noxam lethalem sibi consistere.

Videamus vtrum inuenire possimus, qui hoc affirmet. Propheta regius documentum tam utile, & momentosum nobis tradet, qui piensissimum Dominum, suum ac nostrum sic aliquando appellabat: *In te, Domine, speraui, tu exaudies me, Domine Deus meus, quia dixi, Nequando supergaudeant mihi inimici mei*; Psal. 37. vers. 16. 17. Horum verborum talis est sensus: In te, Deus, spes mea omnis inclinata recumbit, ut quo solo bonum meum, remediumque omne nititur. Hanc autem habeo de immensa pietate tua fiduciam, quod exorari à me fines, facilesque meis precibus aures præbebis, quæ hoc suspirant, ac rogant, ut ne hoc apud me hostes mei obtineant, quod anxie cupiunt, quorum omne studium, viresque totæ eo vertuntur, ut me pulcherrimâ veste, & decentissimâ stolâ tuæ gratiæ nudent. Quid verò mox ad ista consequitur? *Quoniam ego in flagella paratus sum, & dolor meus in conspectu meo semper*; ibidem vers. 18.

Percunctari nunc sanctum Prophetam possumus, quomodo hæc sibi cohereant. Dicit sperare in Domino, quod per illum liberandus esset ab hostium suorum insolentia, & seruandus, ne per illos deturbari à felicissimo statu gratiæ posset, statimque subiungit, se vapulare, & verbera subire promptum esse. Quid hoc connexionis habet cum illo? Pulchra, & admirabilis est alterius cum altero coniunctio. Quidnam rogasti, Propheta sancte. Dixi, *Ne quando supergaudeant mihi inimici mei, & quoniam hostibus meis iucundissimum accideret, si me superare, & de gradu gratiæ deiectum videre possent, petij ne hanc illis ex me lætitiâ, aut ridendi mei occasionem permitteret, utque id apud illum impetrarem, ad superiores preces adieci: Ecce me promptum, paratumque ad omnia flagra, & infortunia excipienda, ad quasvis ærumnas perferendas, ecce me, cui omnis calamitas, quantumvis dura, & seua, pro singulari consolatione, & magna gloria fuerit, dum hoc tantum dones, ne amicitia tuâ excidam, aut gratiæ tuæ iacturam pariar.*

Audiamus pulchram beatissimi Papæ Gregorij Magni hac de re commentationem, quæ in Psal. 2.

Pœnit, sic habet: *Quoniam ego in flagella paratus sum, malo enim occidi, quàm vinci, flagella libenter patior, persecutiones amplexor, & sitationes desidero, corruptiones concupisco.* Habeam te; Domine, beneuolentem, & simi tibi gratus, tumque & largissimæ quarumvis ærumnarum imbres in me descendant, & omnia tormentorum genera mihi inferantur, & conscindar frustillatim, & lanietur scorpionibus carnes meæ, & venenosi vermes corpus meum insatiabili importunitate perterebrent, & totus contra me orbis terrarum coniuret, omnia namque ista summæ felicitatis loco mihi erunt, dummodò gratiæ tuæ monile liberum euadat, dummodò illud mihi nemo eripiat. *Malo enim occidi, quàm vinci*: Nam honorem, facultates, sceptrum, vitam, & omnia, saluâ tuâ gratiâ, perdere, est iactura, quâ lucrosior nulla esse possit. Bene itaque dicimus, non esse aliud malum, nec bonum aliud, nisi gratiam.

Nisi res ita haberet, quamobrem mundanarum vanitatum fugiendarum prædicator dixisset: *Laudamus magis mortuos, quàm viuentes, & feliciorē & trog, iudicauit, qui necdum natus est*, Ecclesi. 4. 2. 3. velut dixisset: Expendi in statera viuos, mortuos, nondum natos, & in altera quidem lance posui viuos, ceteros in altera, & visa sunt mihi grauiora pondera horum, quàm illorum. Possimus hic iam sciscitari, cur Salomon mortuos supra viuos extulerit, & vtrisque feliciores arbitratu fuerit eos, qui nondum in hanc lucem editi essent. Videtur enim is, qui non est, in cōparationem eorum, qui sunt, vel certe fuerunt, venire non posse.

Sanctus Ambrosius hanc nobis adimit dubitationem, Octon. 18. in Psal. 118. inquit: *Mortuus præfertur viuenti, quia peccare desinit, mortuo præfertur qui natus non est, quia peccare nesciuit.* Qui nescit quid sit peccare, nescit quid sit esse infelicem, propterea ille verè infelix est, qui viuuit, eoque nomine beator illo est, qui mortuus, iam enim cessauit peccare. Et absolutè loquendo maior est infelicitas illius, qui actualiter peccator est, quàm eius, qui æternis apud inferos cruciatibus addictus, quia hic iam non est in eo statu, in quo peccare queat (quantum viuenti etiamnum peccatori spes sit reliqua, quod à malo statu suo cum opitularicis gratiæ Dei auxilio euadere possit) & mortuum, cui vita, simulque potestas peccandi deceffit, hac re superat ille, qui nunquam vixit, quia nunquam etiam, quid esse malè agere, sciuit. Itaque tametsi inter non natum, & denatum sit quædam conditionis inæqualitas, alterque alterum excedat, ambo tamen felicitate præ-

stant



stant vino, quia hic potest delinquere, illi verò vel non possunt, vel prorsum nesciunt quid sit Deum offendere. Hinc arbitrari licet, quanta sit miseria peccare, & quod hæc sola sit suprema infelicitas. Et videtur Salomon inuenire non potuisse unde censeret hominis beatitatem, nisi inde quod vel peccare nequireret, vel quid sit peccare ignoraret.

Validè constabilet causam istam id, quod Magnus Basilij monuit in ea verba Prophetæ regij ex Psalmo 45. 2. *Deus noster refugium, & virtus, adiutor in tribulationibus, quæ inuenerunt nos nimis, ille asyllum nostrum, ad quod recipere nos debemus, quoties ærumnis afflicti sumus, & incursumus aduersis.* Sancti Basilij monitum in illius Psalmi commentario tale est: *Nec fugias, quem non oportet, neque item confugas, ad quem non oportet, sed unum tibi tantum habitabile sit peccatum, & unum in malis refugium Deus.* Nam quantisuis exagiteris calamitatibus, quantisuis excrucieris tormentis, nulla te exterritere pœna debet, quam sub propitio, & beneuolente Deo pateris, si enim ille tuum sit refugium, auxilium, scutum, ærumnæ tibi vertentur in solatia, in coronas tormenta: At si illum offensum, & insensum habeas, tametsi in summa voluptatum omnium affluentia viuas, delicta tibi pro spinis erunt, mella pro felle, iucunditas pro inferno. Non enim est alia beatitas, quam Dei gratia, & amicitia, nec infelicitas alia, quam peccatum, quod istam dirimit, & interimit gratiam. Denique omnia ad vnum malum reuocantur, & ad vnum bonum: *Vnum tibi tantum habitabile sit peccatum, & unum in malis refugium Deus.* Habere Deum per gratiam, est habere omnia, & nihil haberet, si quis sub Deo irato, & alieno totius mundi imperium teneret, nisi quod omnis boni inopiam habeat, qui non habet Deum, qui est omne, & summum bonum.

Tradat nobis hanc doctrinam noster Patriarcha, qui domesticorum suorum quibusdam sic aiebat: *Abijcite deos alienos, surgite, & ascendamus in Bethel, & faciamus ibi altare Deo;* Genes. 35. 3. Illud *Surgite* est vox acuentis animos ad strenuè agendū, quemadmodum copiarum militarium ductor verbis exhortatorijs incitare, & inflammare suos milites ad fortiter dimicandum solet. Vbi notandum, quod nunquam sic locutus fuit familia suæ Jacob, in quantocunque periculo versaretur, ac ne tunc quidem, quando fratrem cum manu armata venturum timebat, & nil nisi certam ab illo necem, extremamque stragem expectabat. Tameñ enim domesticos suos admodum aciei ordinatæ digessit tanquam pu-

Tom. III.

gnaturos, non tamen eis præcepit arma sumere, neque magno animo esse iussit: Verum hic, cum eos ad abijciendos deos hortaretur, tanquam ad rem accipitem, & discrimine plenam excitasset, aiebat, *Surgite*, quod verbum curam, sollicitudinem, diligentiam, ac vigilantiam significat.

Cur verò sanctus Patriarcha suos ea occasione tam vehementer erigere, tam acriter incitare studuit? Eratne periculi aliquid præ foribus? Aut hostis à tergo fortè imminabat? Aut buccinarum clangor aures illi, pectusque perfringebat? Aut splendentium armorum hostilium apparatus, strepitus, aspectus cor illius exterrebat? Nihil horum. Quid ergo illum tam sollicitum, & anxium habebat? Abdicatio falorum deorum, quos vernaculorum quidam colebant: *Abijcite deos alienos*, aiebat, abstinere à peccando, & vnum, solumque Deum venerari suadens. Hoccinè verò tantum curæ, sollicitudinisque illi adferebat? Hoccinè animum illius discruciebat? Hoccinè peruiigilem, & insomnem faciebat? Prorsum istud illum sollicitabat vehementer, & premebat grauiter, & torquebat acriter. Nam peccatum est inter hostes maximum, pernitiabilissimum inter inimicos, inter aduersarios omnes maximè formidandum. Nam iratus, & armatus ad necem frater, & furiosus Laban, & totæ ærumnarum cohortes contrà hominem aliquem fœderatæ parui momenti sunt, dummodò à coniuratione illa vnum ab sit peccatum. Ac propterea Jacob ad hoc abijciendum, fugandum, aut fugiendum tam studiosè excitat suos, & totis animis rem istam agere hortatur. Ad hunc nempe inimicum ex anima eiiciendum, & conficiendum, omne animæ robur verti debet, quia illud est sola, & suprema infelicitas, cui mala omnia de via cedunt, & concedunt, & tributa pendunt.

Hoc itaque Politicum nostrum vnicè monitum, studiosèque ab illo animaduerti velim, quod vnus solum inimicus sit, quem pettimescere debeamus, puta peccatum, & vnum tantum bonum, quod sperare, quæ est Dei gratia. Hæc est totius politiciæ christianæ summa, his enim duobus polis omne bonum, malumque nostrum nititur.

*De peccati pernitiabilitate habes plurima in Stroque Tomo superiore. Vide in ambobus Indicibus rerum Verbo Peccatum.*

—(o)—

Nnnn

CAPVT



## CAPVT II.

Quantumuis perpolitam se anima quepiam putet, inueniet tamen semper & quod emundet, & quod emendet.

Vis ille absq; multa admiratione sanctum Patriarcham nostrum talia monentem, dicentemque audiuisset, *Abiſcite deos alienos?* Nam quis in domo tam sancta, tam religiosa, & præclare instituta relictum fuisse idolum, simulachrumque aliquod vel suspicari potuisset? Itane verò, ô dolor, fuit idololatra, fuit qui deastros coleret etiam in talis viri contubernio, & ædibus? Fuit. Quo docemur, quod cum idola sint vmbra, & imagines quædam nostrarum passionum, affectuum, appetentiarum, nulla est anima, quantumuis perfectam, consummatamque se putet, quæ non habeat, quod corrigat, emendet, emundet, expoliat, magisque ac magis indices excolat, & perpurget, quod enim studiosius se animo, & ratione homo perlustrauerit, eò luculentius perspiciet, quos habeat affectus reprimendos, quas coercendas passiones, quas appetentias moderandas.

Laborem attulit mellisuo Bernardo quoddam Sponsæ dictum: *Ex dilectus meus loquitur mihi; aiebat illa Cant. 2. 10. acsi dixisset: O quam ego felix, & beata, quam dulcis Sponsus meus tam blandè, ac beneuolenter appellat! At videamus quibus verbis: Surge, propera, amica mea, columba mea, formosa mea, & Veni; inquebat ille.*

Sanctus Bernardus in his illud singulariter notauit, quod Sponsus dixit, *Veni formosa mea*, inquit: *Cui autem dicitur, Veni, nondum peruenierat.* Sed quomodo nondum peruenierat, quæ Sponso tam formosa erat? Venire Scripturarum autori nihil aliud est, quàm augeſcere virtutibus, & quò plus quis progreditur in curriculo sanctitatis, eò maior sit ad animæ pulchritudinem accessio (vt enim vanæ mulierculæ fucis, pigmentis, monilibus venustatem sibi parant, sic anima suis passibus condecoratur, & quò ampliùs progreditur, eò fit elegantior) quomodo Sponsa iubetur venire, proficere, seseq; polire, & ornare, quam Sponsus ipse formosam vocat, inquit: *Veni formosa mea?* Bernardus monet ex alijs Sponsæ verbis accipere huius quæstionis solutione. *Nigra sum, sed formosa, filia Ierusalem*, inquebat illa Cant. 1. 4. quasi dixisset: Ex omnibus habeo aliquid, & formosa sum, & fusca, & pulchra, & obscura. Dùm ergò illam Sponsus, quâ parte nonnihil nigredinis, & obscuritatis habebat, aspiceret, venire iu-

bebat, acsi dixisset: *Quantumcunq; formosa sis, veni, quantumcunq; venusta, propera, quantumcunq; elegans, accelera: Quamdiu enim in hoc caduco mundo viuatur, quamdiu gemma spiritus in annulo carnis includitur, semper sunt inordinati affectus, quos moderemur, semper vitiosa passionem, quas emendemus, semper luxuriantia sarmenata, quas amputemus. Audiamus Doctorem sanctum: Cui autem dicitur, Veni, nondum peruenierat, ne forte quis putet hoc dictum non quidem huic nigra, quæ adhuc laborabat veniendo in via, sed beata illi, quæ iam prorsus absq; nigredine regnat in patria. Hæc ille serm. 25. in Cant.*

Causa, ob quam tam crebrò commemorantur leges, tamq; frequenter à parentibus ad liberos de illis habetur sermo, ea est, inquit Propheta regius, vt semper obseruentur, alijsque animo impressæ maneat. *Quanta mandauit patribus nostris nota facere ea filiis suis, & cognoscat generatio altera! Filij, qui nascuntur, & exurgent, & narrabunt filiis suis; ait Psal. 77. 6. acsi dixisset apertius: Voluit Dominus sua præcepta velut per manus tradi filiis à parentibus, nepotibus à filiis, vt eorum apud posteros per continuam successionem perennaret memoria, alijsque alijs indicarent obligationem, quâ ad eorum obleruantiam adstringerentur. Non hic substitit sanctus Propheta, verum addidit, eo etiam consilio fieri tam crebram dominicorum mandatorum commemorationem, & non obliuiscantur operum Dei, & mandata eius exquirant; ibid. v. 7.*

Aquila Doctorum sanctus Augustinus ait, vnâ hîc superuacaneam videri repetitionem, cum scilicet Propheta dicit, narrari iterum, atque iterum Dei mandata, vt requirantur. *Cum ea iam didicerint, quomodo exquirant? Quanta, inquit, mandauit patribus nostris, nota facere ea filiis suis, & cognoscat generatio altera! Quid cognoscat? Vtique mandata, quæ mandauit. Quomodo ergò adhuc exquirant? Sic ille. Qui rem aliquam inuenit, eamque ampliùs quærit, stulto, & inani labore fatigari videtur. Quomodo ergò, qui legem Dei iam repererant, indagare eam prætereà iubentur? Si nouerunt eam, quomodo cognoscent, vt exquirant? *Vt cognoscat generatio altera, & mandata eius exquirant. Quomodo ergò adhuc exquirant? Dictum ita, vt intelligamus, quantumuis quis cognoscat, & sciat, quòtidiè tamen plus cognoscere, & scire posse, quantumuis sublimis quis factus sit, adhuc altius ascendere posse, quantumuis correxisse, & emendasse mores suos putet, semper habere quod prætereà corrigat,**

& emenda-



& emendet, quantumuis se ornârit, plûs tamen expolire semper posse.

De marinis aquis ait magnus Philosophus Seneca lib. 4. qq. natural. c. 26. eas perpetuo sese purgandi studio occupatas esse, non secus ac corpora, quæ varijs crebrò vexantur ægritudinibus, curam requirunt continuam. Illius verba sic habent: *Mare cadauera, stramentaque, & naufragorum reliquijs similia ex intimo trahit, nec tantum tempestate, fluctuque, sed tranquillum quoque, placidumq; curatur.* Tandem faciet, quisquis in huius mundi mari se mare esse cogitabit. Inueniet enim quod purget, & emendet, non solum cum furiosus iræ impetus illum obripit, non solum quando ardens flamma passionis alicuius adurit, non solum quando mare affectuum procellosos fluctus excitat, neque solum quando tumultuarium vulgus contumacium sensuum contrâ rationem, ceu reginam, insurgit: Verum etiam tranquillo mari, & sereno coelo, cum extinctus ignis, cum coercita passio, cum sopitus pernicacium sensuum motus, cum altâ pace omnia conquiescunt: *Tranquillum quoque, placidumq; curatur.* Quantumuis enim perfectam, exultantem se anima iudicet, semper inueniet imperfectiones, quas abstergat, semper errata, quæ corrigat.

Nam vt vitæ spiritualis magnus pater sanctus Bernardus serm. 58. in Cant. ait, *quis ita ad vnguem omnia à se superflua rescacuit, ut nihil se habere putet putatione dignum? Credite mihi & putata repullulant, & fugata redeunt, & renascuntur extincta, & sopita denud excitantur.* Parum est ergo semel putasse, sapere putandum est, immò si fieri possit, semper, quia semper quod putari oporteat, si non distimulas, inueni. Quantumlibet in hoc corpore manens profeceris, erras si vitia putas emortua, & non magis suppressa.

Non præsumat ergo Politicus postea, se, quamdiu non fruitur Deo, absque omni lolo esse defectuum, & errorum. Nam si in fornacem accurati, attentique examinis se conijciat, videbit quantum scoriam relinquat, & passionis sopitas esse, non extinctas.

*In huius rei consideratione sæpè fuit Nescius. Vide Perrocham IV. Dominica V. post Pascha, To. 2. pag. 66. o. & alijs in locis, quæ ad finem adseripsi. Vide etiam supra Libr. Primi c. 5. & quæ ad calcem annotaui.*

### CAPVT III.

*Ibi celerius, & maiore studio succurrendum, vbi necessitas contentiore voce opem inelamat.*

E Rigebat suorum animos sanctus Patriarcha, incitabatq; verbis grauib; vehementer, vt idola abijcerent, eò quod vero Deo sacra facturi essent, inquit: *Surgite*, confirmatisq; animis, & omnibus viribus, totâq; ingenij, & nervorum contentione concurrite ad erigendum aram magno, & vero Deo. Monui iam, quod nunquam maiore spiritu, & feruore, nunquam enixiore studio rem aliquam curauit, quam istam, neque enim res alia maiorem ardorem, diligentiamq; postulauit (quod etiam notauimus) quam istud negotium persuadendi suis, vt suos à se deastros abdicarent, nisi fortè aliud vel magis, vel æquè necessarium est homini, quam animæ suæ prospicere, idola ex ea eijcere, exturbare passionis, quæ illam maculant, & obscurant. Propterea noster Patriarcha maiore vi, conatuq; ad eam rem utebatur, verbisq; efficacioribus domesticos suos exhortabatur, nisi aliquin solitus fuerit. Docemur eo exemplo, quâ prudentiâ succurrere concurrentibus necessitatibus debeamus, quodque celeriori auxilio subueniendum illi, cuius magnitudo maioribus vocibus hoc expetere videatur.

S. Ioannes Christi inter Apostolos Benjamin refert, venisse cœlestem medicum ad celebrem illam piscinam, iuxta quam iacebat frequens multitudo miserorum languentium, qui diligenter, ac sollicitè obseruabant motum aquæ, inquam ab Angelo concitatam qui se ante omnes vel præcipitasset ipse, vel coniectus ab alijs fuisset, vnus, solusq; curabatur ex omnibus, quantasuis radices egisset, aut tamen alioquin incurabilis fuisset infirmitas. Et notandum, quod Euangelista narrat, fuisse apud illam piscinam inter plurimos ægros ærumnosum, & miserum quendam, ad quem velut præscriptione deuolutus visus fuerit istius mansionis locus, vbi illum triginta & octo annorum ægritudo affixum grabato, & tanquam moribundum in loculo conditum attinuerat: *Hunc cum vidisset Iesus saccem, dixit ei, Vis sanus fieri?* Ioan. 5. 6. Vis ab equuleo solui? Vis relaxari illas longiturnæ paralytis fideiulas, quæ tot annos te quam pertinaciter, tam pœnaliter distentum habent?

Notandum, quod in eodem loco, vt Euangelista monet, iacebat multitudo magna languentium, cœcorum, claudorum, aridorum expectantium aqua mo-



sum, ibid. v. 3. Quid causæ ergo sit, quod vnus ex omnibus languentibus paralyticus Domini ad se oculos rapuit? *Hunc cum vidisset Iesus.* Cum tam ingens esset numerus eorum, qui medicæ Saluatoris manu plurimum egerant, cur hic solus à diuino Magistro delectus fuit, in quo omnipotentis dexteræ suæ virtutem ostentaret?

Respondet venerabilis Pater Dionysius Carthusianus: *Specialiter hunc vnum affatur, & curat, quia miserabilior fuit.* Hanc rationem Euangelista ipse insinuat, quod attentius illum legenti occurreret. Sic enim habet: *Cum cognouisset quia iam multum tempus haberet.* Paralyticus ille ergo forsitan non solum cruciabilioribus doloribus vexatus fuerat, verum etiam plures annos in illo nosocomio exegerat, triginta scilicet & octo annos habens in infirmitate sua. Vt itaque nos doceret superus Magister, quemadmodum ferre necessitatibus remedia debeamus, & quod grauiori malo primum sit occurrendum, specialiter hunc vnum affatur, & curat, quia miserabilior fuit, opemque præ alijs expetiit.

Fecit ea in re Dominus, quod solent, qui artis medicæ peritiā gloriantur, de quibus S. Basilius Mag. homil. in illud, *Attende tibi*, sic ait: *Rei medicæ experientissimi imbecilliora corpora multo ante morbum præmuniunt præseruationis, & salutaribus monitiis.* Sic cœlestis Medicus ante omnes illum sanauit, qui triginta & octo annis laborārat morbo non corporis tantum, verum etiam animæ, grauiusque animā xgrotauerat, quàm corpore. Itaque specialiter hunc vnum affatur, & curat, quia miserabilior fuit, exemplo illo suo nos docens, quod grauioribus vulneribus prius mederi, & calamitati maiori, magisq; deploratis rebus celeritorem ferre opem debeamus.

Comparat Dominus apud Ieremiam populum suum ficui, quam Ierosolymis ablatam transplantauerit in Babylone, inquit: *Sicut ha ficus bona, sic cognoscam transmigrationem Iudæ, quam emisi de loco isto in terram Chaldaeorum, & ponam oculos meos super eos;* Ierem. 24. 5. 6. Sensus verborum Domini talis est, ac si dixisset: Ficus similem videre videor populum meum, quæ ex Iudæa in Babylonem translata, atque in illo alieno solo plantata fuerit, eamq; ob causam figam in illam oculos meos, & vigilantiori studio rebus illius attendam, qui tam ærumnosam vitam sub duris, & barbaris dominis agit. Cur verò ait Dominus, quod singulari providentiā soluti suorum prospicere, & oculos suos super eos ponere vellet, velut constitutum habuisset, obtutus suos ab omnibus auocare, & in illos solum figere totos, &

cæteris neglectis illorum vnice curam habere?

S. Ambrosius, vt hanc soluat questionem, monet primum animaduertere, quod Dominus populum suum bonæ, & maturis fructibus onerata ficui comparauerit: Tum ait, fecisse hoc cum illo populo (cùm ficus esse similem considerauit) quod eius providentiā cum ficu, alijsque id genus arboribus agere solet, inquit: *Quanti Domini providentiā, & ubi mollior fructus, ibi solij densitudo validius regumenum tuendo deferat pomo! quod videmus in fructu ficulneæ.* Delicatosior itaque validioribus munienda sunt, & Et ipse quoq; Dominus per Ieremiam docet, dicens: *sicut ficus bona ista, sic cognoscam translatos Iudæ, & firmabo oculos meos super illos.* Tanquam delicatos enim velut quodam misericordia sua validiores sepsit tegmine, ne teneri fructus maturius intererent. Supremus naturæ Opifex attentā suā providentiā fecit, vt quarum arborum sunt teneriores, & delicatiores fructus, earundem sint duriora, & ampliora folia, quæ tanquam scuta illis obdendit contra inimicos, à quibus infestari solent. Videre hoc est in viti, & ficulneæ, quarum sunt mollicelli fructus, atque idcirco latoribus folijs obteguntur, & muniuntur, vt infirmitatis, & teneritudinis necessitate par sit cura, & studium feruendi, & impenebrabiliore muro pars infirmior ciuitatis obfessa valletur. Cùm ergo Dominus recogitaret populum suum quandam habere cum teneris, ac mollibus fructibus ficuum similitudinem, grauioribusque expositum esse periculis, validioribus illum suæ opitulationis, & protectionis folijs ornauit, curæque illius sollicitius inuigilauit, cùm in Babylone ageret, quàm cùm Ierosolymis viveret. In Babylone Israëlitarum inter idololatrias, homines barbaros, diuini nominis osiores, & legibus illius infensos debebant, tantis periculis obnoxij, quot iniurijs expositi ficuum fructus, eaque propter ibi eos enixiore curā custodiuit, & diligentiore operâ iuuuit: *Tanquam delicatos enim velut quodam misericordia sua validiores sepsit tegmine, ne teneri fructus maturius intererent, fructus enim validius non multo indiget protectionis auxilio!* Populum ergo suum, cùm in Babylone oppressus graui seruitute suo intolerabili onere gemens opem suspiraret, vigilantiori providentiā munivit, quàm cùm Ierosolymis securus, ac tranquillus degeret, vt nobis insinuarer, ibi studiosius aduigilandum, vbi necessitas maioribus vocibus auxiliares manus implorat.

Mellissui Bernardi in exponendorum Cantico- rum opere venerabilis successor Gilbertus notauit diuersos modos, quibus Dominus atrium suum, ac thala-



thalamum Sponsæ custodisse ait. Atrium apud sanctum Lucam cap. 17. v. 21. *forte armatus custodit*. At Sponsæ lectus vide quot habeat Cherubinos angustiores, & conseruatores: *En lectulus Salomonis sexaginta fortes ambiunt, ex fortissimis Israël, omnes tenentes gladios, & ad bella doctissimi, & ensu super femur suum*; Cant. 3. 7. 8.

Dicit nunc Gilbertus: Quid sibi vult, quod atrij custodiæ vnus tantum armatus deputatur, apud lectum verò, in quo Sponsa somnum capere solita, tam frequens numerus virorum lectissimorum, & bellicis disciplinis exculatissimorum excubat, vt omnem ab illo quietis loco temerarium inuasorem sui brachij robore, & animi magnitudine prohibeat, & absterreat?

Respondet Gilbertus serm. 9. in Cantic. *Vberior hic commoratur custodia, quia vberior est gratia lectuli, quam atrij, & Sponsæ sollicitudo maior, quam possessionis*. Quod est atrij, & thalami, idem est custodum vtriusque discrimen. Per atrium significatur res terrene, temporales, caducæ, pedibus omnium transeuntium, non secus ac domus atrium expositæ. Has custodire, quando necessitas postulat, bonum est, pari studio tamen, & curâ, ac æternæ, & coelestis seruari non debent. Res enim peritura, vt exiguum habent pretium, sic non magnam requirunt custodiam. Verum lectulus Salomonis, hoc est, anima hominis, in qua diuinus Salomôn suauiter, & beneuolenter quiescit, sexaginta habet excubitores, eosque militari arte instructissimos, & plurimos Angelos custodes, qui illam sui præsidij munimine defendant. Ibi enim validiora debent esse propugnacula, vbi pretiosiora seruantur monilia. Nam cum opulentiora bona crudelioribus soleant esse exposita persecutionibus, & copiosioribus diuitijs versutiores insidari fures: Ità cum lectus inter omnes res familiares maiorem haberet æstimationem, & venerationem, pluribus etiam custodibus munitus fuit: *Vberior hic commoratur custodia, quia vberior est gratia*. Docemur eo exemplo, vt ijs maius, citiusque feramus subsidium, quorum acerbior casus hoc requirit.

Simile fuit quoddam magni disciplinæ militaris magistri Vegetij consilium, qui lib. 3. cap. 6. sic ait: *Illud præcipue seruandum est, vt ea pars, ad quam hostis venturus creditur, oppositu lectissimu equitibus, & leui armaturâ, nec non etiam pedestribus sagittarijs muniatur*. Contrâ rectam enim pugnandi rationem esset, ibi firmissimum exercitus robur collocare, vbi hostilium copiarum irruptio minimè timeatur, con-

trâque prudentiæ leges ageret, qui suam aciem ita ordinârit. Prudentia namque docet, ibi maiore auxiliorum vi occurrendum, vbi grauior necessitas vocibus maioribus id postulat, & periculosioribus vulneribus velocius adhibendam medicinam.

Admirabilis est curâ, & sollicitudo, quam S. Iob, teste Scripturâ, in suos liberos conferebat. *Nam consurgens diluculo offerebat holocausta pro singulis*. Dicebat enim: *Ne forte peccauerint filij mei, & benedixerint Deo in cordibus suis*. Sic faciebat Iob cunctis diebus; Iob cap. 1. 5. Quoniam antelucana illa, & quotidiana holocaustorum oblatio ibat? Eo, vt Dominus ijs exoratus liberos eius ab omnibus peccatis, quæ cogitatu perpetrari possent, serualet. Verum cum & verbo, & opere peccare etiam possent, cur non æquè obsecrauit, vt ab omnibus oris, & operum flagitijs simul custodirentur? Cur hoc vnum vnice illum sollicitum habuit, ne blasphemis cogitationibus Deum liberi offenderent, & animas suas fœdarent?

Respondet S. Basilius Magnus in caten. græc. orat. de pauperibus amandis, inquit: *Merito hic iustus de peccato, quod est in latebris, in recessu, seuebatur. Quæ enim corpore administrantur, tempore, atque opportunitate opus habent, mentis verò, cogitationisq; motiones momento efficiuntur, sine labore absoluuntur, improviso, & absque negotio conformantur, nullum est eis tempus importunum. Vbi autem subito est casus, & obscurus, illic metum, & cautionem maiorem esse oportet. Id cum Iobus intelligeret, ad hoc peccati genus expiandum sacrificijs utebatur. Non ignorabat S. Iob, in verbis etiam, & factis esse peccata. Sed neque hoc nesciebat, quod illa non tam leuiter perpetrantur, vt à quibus sæpè temporis importunitas, vel aspectus hominum, pudorq; prohibeant. At cogitationum peccata nullum habent vel impedimentum, vel tempus incommodum, momentoque committuntur, & solum Deum habent arbitrum. Malum verò, quod tam subito fit, & ibi fit, vbi solus Deus videt, metum, cautionemque maiorem requirit. Et ided sanctus Patiens primulo diluculo è strato suo exiliens Deum supplex cursu petebat, rogabatque, vt ne liberos nefarijs cogitationibus contaminari permitteret. Huc lachrymæ illius conuertebantur, huc iugis holocaustorum oblatio, huc pertinax precandi studium respiciebat, cum sciret maius esse secretis cogitationibus peccandi periculum. Ità docuit nos, quod vbi subito est casus, & obscurus, illic metum, & cautionem maiorem esse oportet.*



Eandem doctrinam tradidit S. Gregorius Nyssenus in Orat. de pauperibus amand. inquit: *Cum omnes pauperes fovendo, adjuvandi sint, cum illi, qui agroti, præcipue sunt complectendi.* Quando penuria opem inclamat, & multæ simul concurrunt necessitates, tunc rebus magis afflictis promptiore subsidio est succurrendum. Petir stipem pauper, cui valetudo integra, petit mendicus alius, quem egestas simul, & ægritudo miserum habent. Certum est, quod egenti infirmo citius est opitulandum, quam sano, & incolumi, hic enim varias adire domos potest, & inuenire remedium in aliqua posteriore, quam non reperit fortè in prioribus: At infirmus, quem lecto affixum sua ægritudo tenet, non potest eam adhibere diligentiam, quam alius, qui per vires obire compita, & vocibus leuamen suæ inopiæ deposcere valet. Ergo illi manus auxiliares antè porrigendæ, quàm huic, eò quod rationi maxime consentaneum sit, primam curam habere eorum, quorum necessitas eam requirit.

Hæc eò dixi, vt Politicus noster, cum variæ se illi offerunt subleuandæ necessitates, eò primum accurrat, vbi maioribus vocibus misericordia illius, & beneficentia imploratur, certum enim est celeriore studio, & enixiore diligentia periculosioribus malis consulendum.

*Parte I. Politici lib. 3. c. 7. Et alijs in locis ad finem Capituli annotatu eandem rem tractat.*

#### CAPVT IV.

*Tam expedit, inhianteq, prosequimur res nobis noxias, aucti in illis tota vitæ nostræ salus posita esset, ad salutaria verò tam tardè mouemur, tanquam exitij nostri, interitusq, supremi causa essent.*

**V**T quidam domesticorum sancti Patriarchæ nostri sua idola, falsosque deos à se abdicarent, his eos verbis excitabat: *Abijcite deos alienos, Et surgite, Et ascendamus in Bethel, Et faciamus ibi altare Deo;* Genes. 35. 2. 3. Surgere eos iubebat, tanquam somno pressi decubuissent, & in Bethel ascendere, atque ibi rem salutis animarum conducibilissimam facere. Non miror, quod beatissimus Patriarcha sic fuit locutus ad suos, semper enim homines mortali somno occupatos inueniamus, cum fortè aliquid operis, quod ad Dei cultum, & animarum utilitatem spectat, faciendum, vt necessum sit crebris vocibus eos excitare. Et ascendere iubentur, qui virtutis studio operam sunt nauaturi (*Ascendamus*) quia omnis pro Deo, & anima susceptus labor videtur

mons præcellus, in quem nonnisi per confragosam, & vaide accliuem, arduamque viam tam ægrè perueniamus, acsi ingenti saxo prægrauati simus. Aliiter sanè, atque cum voluptates, & delicias consecretamur, nam tamen multæ sint difficultates, quæ se nobis opponant, multa incommoda, quæ per viam obijciant, omnia faciliè superamus, omnia contemnimus, omnia leuiter transimus, vt voluptatem consequamur quam prosequimur. Hæc est nostra miseria, vt ad noxia plerumque aquilæ simus, testitudines ad salutaria.

Narrat sanctus Mathæus Euangelista diligentiam, & religiosum studium eorum mulierum, quæ venerunt ad sepulchrum, vbi putabant iacere mortuum coelestis Magistri corpus, quo tempore horribilis quidam terræ motus fuit. *Vespere autem sabbati, inquit, quæ lucebat in prima sabbati, venit Maria Magdalene, Et altera Maria videre sepulchrum.* Et ecce terra motus factus est magnus; Matth. 28. 1.

Sanctus Petrus Chrysologus diligenter expendit duo, quæ Euangelista refert, dimidium serò venisse illas ad sepulchrum, in quo vitæ posita erat, & horrendo motu concussam terram, cum in eo itinere illæ posita Dominum requirebant. Iurastem ego, inquit ille, quod velut impeditis pedibus tardæ venturæ, & terræ motus, aliæque tales difficultates illis occurrerent essent per viam, quâ ad officium pietatis contendebant. *Serò mulier currit ad Geniam, quæ maturè cucurrit ad culpam, Vespere quærît Christum, quæ in matutinis se nouerat Adam perdidisse,* ait ille Iern. 74. Quantum ex sacro textu colligi potest, primi hominis peccatum, ad quod illum mulier impulit, multo antè vespere perpetratum fuit, à prandio enim venit Dominus exactum rationem prætermisissæ obedientiæ, & violati præcepti, audierunt namque Protopatentes *Vocem Domini Dei deambulantis in paradiso ad auram post meridiem*, vt dicitur Genes. 3. 8. Secundum hæc etiam dici potest, quod serpens multo mane fraudem struere mulieri cepit. Notandum præterea quàm tranquilla, & quieta fuerint omnia in illo amenissimo loco, vbi solus dominicorum pedum sublevis strepitus, & vocis sonus tam facile auditus fuit, qui & fecit, vt inter arborum opaca, & densa frondium transgressores se absconderent.

Dicit nunc Chrysologus: Videte discrimen, quod est inter vitam, & mortem, inter gratiam, & culpam, inter theriacam, & venenum. Ad mortem, ad culpam, ad venenum cum prima luce mulier festinat, ad arborem, vbi erat sepulchrum, diluculo, & antè solem



solem properat. Cùm Adam ad fructum vetitum liberam extenderet manum, nihil fuit, quod illum impediret, & neque terra contremuit, neque motus paradisi fuit, omnia in promptu, & ad manum fuerunt, nulloque negotio actum est, vt daemon per serpentem loqueretur, mulier viro malum suaderet, vir mulieri obtemperaret. Ac cùm velut in imagine representatur damni per demonis fraudem illati restauratio, quæ tunc fieri coepit, quando mulier quærere sepulchrum venit, dicite mihi quo tempore venisse eam putatis? *Vespere sabbati venit, serò, ac de nocte venit, & tunc vehemens terræ motus, & horrenda concussio fuit.* Hæc re significabatur, quòd ad cultum Dei, ad curam salutis animarum plerumque tardè, cunctanterque, & plumbis pedibus venimus, quòdque terræ motus impedimentorum, variarumque difficultatum excitari solent, cùm bonæ vitæ ineundæ consilia concipimus, & perfectionis itineri accingimur. *Serò currit ad ventam, quæ manecurrit ad culpam. Vespere quaerit Christum, quæ in matutinis Adam se nouerat perdidisse. Modò terra motus magnus. Sed vitis semper feruunt blandimenta, lenocinantur dulcia delicta, virtutibus serò austeri, & fortia sunt amica.* Hæc iterum Chrysologus. Illud miserum, ac miserandum, quòd ad peccatum, ex quo mors nobis nascitur, semper impigri, expediti, vigilantes, hilares sumus, sic vt nihil nobis difficile occurrat, quo ab illo deterreamur: Verùm ad opera charitatis, vel cuiuscunque alterius, virtutis, ad remedia animæ conquirenda, & salutem illius curandam tardè accedimus, & agrè adducimur, quia ignauiter, torpenterque progredimur, cùmque ad eiusmodi opera mouere pedes incipimus, mox tremores, motusque terriæ excitantur, totique montes difficultatum per viam se nobis obijciunt, vt facillimè, quod coeptum relinquamus.

Philo Iudæus in lib. de Cherub. ait: *Quod fieri debet, fit sæpè & non debet, & quod non est officium, interdum fit officiosè.* Feruenter plerumque agitur, quod remissè, oscitanterque agi satis erat. Sic & sæpè perstudiosè, ac sollicitè fit, quod intermitteri prorsum debebat. Ad vitium ferè vento celeriores, & aquilis perniciores sumus, ad quod tamen ferro duriores, grauioribus plumbo, vel arenâ esse deberemus. Ad virtutem cùm expromptissimi, ac velocissimi esse deberemus, impeditiissimi, & tardissimi sumus. O miseræ, & deprauatæ naturæ nostræ commune vitium, quo fit, vt ad perniciem agiles, torpentes ad salutaria remedia simus!

Apud Oseam explicabat Dominus fauores, qui-

bus animam quandam prosequi, & modum, quo illam oblectare, ac recreare veller, inquit: *Ecce ego lactabo eam, & ducam eam in solitudinem, & loquar ad cor eius; Ose. 2. 14.*

Benè recepta est, quorundam lectio, apud quos illud, *Ducam*, sic habet, *Seducam eam* in solitudine, *teñ wil sie fuhren/ vñd ver fuhren/* ac, subestque mysterium illi translationi, & hic sensus: Circumueniam fraude animam, quam in solitudine indulgenter habere, & recreare volo. Itanè verò illam salles, ac decipies? *Seducam eam*, inquit. At quoniam charam illam sponsam abduces, mi dulcissime Domine, vt dolo ad hanc rem vti sit necessum? Fortean idcirco in eremi recessus abducis, vt sanguinem eius fundas, & vitam illi adimas. Si excarnificare illam, si tormentis distrahere, donec artuum compages soluantur, propositum habes, non mirabor, quòd per fallacias eam abstrahas in locum, vbi tam horrendos est subitura cruciatus. Respondet Dominus: Non eò vadunt mea consilia, vt in solitudinem abductæ mali quidquam irrogem, sed loquar ad cor eius, lactabo eam, deliciarum mearum vbera illi præbebo, & torrente voluptatis meæ potabo illam, & suggeram ei, quæcunque è re ipsius, & salute animæ æternâ sunt, comoda illius spiritualia, & profectum vnicè curabo.

Ergone fraus ad eam rem conficiendam adhibenda fuit? Audi Oleastrum in c. 12. Genes. in Annot. morali: *Expende Verbum, seduco*, inquit ille, *& considera, quòd est am ad ea, quæ nobis maxime vitia sunt, oportet Deum nos seducere.* Res mira! Quemadmodum medici, & nutrices vario artu seducere, & adducere pueros, aliosque ægros debent, vt medicinas salutarès, & instaurandæ salutis pernecessarias hauriant, sæpèq; magnis precibus vix obtinent, vt sumant ægri, quod ipsi vehementer, & pertinaciter, donec exobsecrarent, petere deberent: Ita Deus seducere, circumscribere dolo animam debet, vt ei ad cor loqui, & necessaria salutis æternæ monita dare possit. *Seducam eam.* Via, quæ ad tractandum animæ negotia ducit, tam aspera, & ardua, & accliuus est homini, & omne de procurando spiritali remedio colloquium tam ingratum, & amarum, vt necessarium videatur agere cum illo ad eum modum, quo cum pueris nondum rationis vsu præditis, aut cum ægris deliris agi solet, vt hoc agant, quod vitæ conseruandæ necessitas ab eis postulat: *Ad ea, quæ nobis maxime vitia sunt, oportet Deum nos seducere.*

Magna hæc est miseræ naturæ nostræ infelicitas, quod ad ea, quæ nobis conuenientissima, & ex vsu nostræ



nostræ salutis æternæ sunt, tam vario artificio, & dolo, & solertiâ perducere debemus, eum in ea, quæ nobis damnosa sunt, & exitiabilia, nos ipsi haud difficile, se leuiter, ac præcipitanter nos ingurgitemus. In quam rem sanctus Gregorius Nazianzenus Orat. 28. sic ait: *Facilius semper est labefacere, ac perdere, quam conseruare. Et labore quidem homo gignitur, quemadmodum aut leu, & nauis extruitur, & domus adificatur: Interficere autem, aut euertere, aut incendere quicquid facile potest.* Edere stragem cuius etiam non admodum fortè promptum est, ac sospicere meritorios vix strenuus quisquam potest. Quanto laborum sumptu educatur homo! quanto lignorum, numorum, ac temporis impendio excitatur domus, construitur valla nauis! At quàm leuiter eripitur homini vita, vertitur in fauillas domus, & hauritur fluctibus nauis! Vnum vulnus, vna scintilla, vna procella occidit, exurit, sorbet, idq; momento vno, in quæ tantras curas, sollicitudines, impensas collocare necessum fuit. Ità se habent bonum, & malum, virtus, & vitium, inquit Nazianzenus. Ad faciendum aliquod bonum opus tantum aliquando laboris necessarium nobis miseris hominibus videtur, quantum constructio ingentis domus, aut nauis requirit. Pietatis, aut misericordiæ exercitatio tam grauis nobis aliquando accidit, quàm molesta matribus educatio liberorum. Sceleris autem perpetratio, & qualiscunque malæ cupiditatis expletio tam leuis nobis videtur, quàm facilis est occisio hominis, exulsiō domus, fractio, & submersio nauis. Nullo negotio eueritur, quod permagno ægrè fuit excitatum. Sic homo leuissimè dissipat substantiam animæ suæ, & prodigit ornamenta gratiæ, cultum virtutum, thesaurum omnium meritorum, quæ sine Deo, quem offendit, nec ægrè quidem recuperare possit, vel si omnes naturæ suæ vires, & totius vitæ studia eo verat.

Dignum notatu est, quod Redemptori nostro cum Discipulis suis semel, & iterum accidit. Frequens quædam hominum turba cœlestis doctrinæ eius suauitate abrepta illam aliquando sequebatur. Volebat illis ministrare alimoniam, & dapilem instruere mensam. Communicabat autem cum Philippo de loco, vnde necessarius victui panis adferri posset. Adducebat humeros, & supercilium Apostolus, & hoc alienum à re, qua de interrogatus fuerat, responsum dabat, inquit: *Ducentorum denariorum panes non sufficiunt ei, & unusquisq; modicum quid accipiat;* Iohân. cap. 6. vers. 7. Non pecuniam à Philippo, sed consilium expetebat Domi-

nus, & ille responderet, ducentos denarios non sat esse cœmendis panibus, ex quibus suum vniciuilibet frustillum obueniat. Andreas monebat, adesse puterum, qui duos pisces, & panes hordaceos quinque haberet, subiungebat tamen: *Sed hæc quid inter tantos?* ibid. v. 9. Res mira! Cum de leuanda famelicorum esurie agitur, plerique quidem Apostolorum velut attoniti, & inopes omnis consilij mutant, duo autem, qui ex eis loquebantur, videbantur magis auocare animum Magistri à bono curandæ necessitatis proposito, quàm ad ferendam miseris opem excitare.

Hoc ita constituto notate aliud. Noctæ cœnæ dicebat Discipulis, nunquàm eis defuisse aliquid, & illi ipsi fatebantur, ità rem habere. Addebat autem statim: *Qui habet sacculum, tollat, similiter & peram, & qui non habet, vendat tunicam suam, & emat gladium;* Lucæ 22. v. 36. Vix audierunt talia Discipuli, quando promptè, ac subito omnes sueclamurunt: *Ecce duo gladij hic;* ibid. v. 38.

Ioannes Cluniacensis dum hæc ab Apostolis vtrobiq; & gesta, & dicta expendere, ait bat serm. 59. Tom. 3. *Mira profectò res! Cum de cibo agitur, Discipuli vel tacent, vel difficultates obijciunt, cum vero de gladio, omnes de improviso dicunt, Ecce duo gladij hic.* Quando misericordiæ officio danda opera, quando famelicis ministranda erat annona, quando egenorum subueniendum necessitati, vel prorsum tacent Discipuli, vel talia loquuntur, ac tot obijciunt impedimenta, vt magis remorari velle Domini liberalitatem, quàm incitare viderentur. Cum verò ferri, gladij, armorum, quibus cædes eduntur, & damna infliguntur extrema, fieri mentionem audiissent, tam prompti, alacresque effecti sunt, vt simul & gladij vocabulum auribus hauserint, & vociferari certatim cœperint: *Ecce duo gladij hic.* Quid verò dicemus, videntes homines tam impeditos ad ministrandum panem, tam promptos ad corripendum gladium, tam tardos ad vitam, tam præcipientes ad mortem, vt taceant leuandæ famis consilium rogati, & animosè ad arma proflant, cum decernendum putarent, auari ad dandum egenis panem, prolixi ad inferendam gladio hostibus necem? Quid dicemus? Aliud ego dicere non possum, quàm ab hominibus suæ naturæ conditioni, propensioni, & cōsultationi relictis hoc solum sperari potuisse, quod conciti essent ad inferenda damna, tardi ad conferenda beneficia, prompti ad mortem, impediti ad vitam. Si de vitæ, quam homines ducunt, communi consuetudine censere eos velis, dicere queas, ad vitium

ventis



uentis esse leuiore, montibus grauiore ad virtutem.

Conceptionem, & natiuitatem vitiorum describit Propheta Regius verbis, quæ intellectu, & explicatu sint perdifficilia. *Ecce parturisti iniquitatem, concepit dolorem, & peperit iniquitatem*, inquit Psal. 7. 15.

Sanctus Basilius Magnus in illius Psalmi commentario de his verbis sic disserit: *Quoad huius sententia ordinem attinet, confusaneus videtur esse dictionum contextus. Quoniam grauida primum quidem concepit, deinde parturit, postremo parit: Hic parturigo primum fortitur locum, deinde conceptio, deinde parus. Quomodo hic peruertitur ordo, ut conceptione prior sit parturigo, quæ alioquin sequi illam solet?*

Respondet sanctus Doctor: *Ordo hic significans finem explicat cordis conceptionem.* Magno mysterio factum, quod Propheta, dum culpæ natiuitatem describit, esse modum illius contrarium ordini, quo nasci viuientia solent, ostendit, ut indicaret, multo aliter illam ac hominem generari. Dies plusculi abeunt, priusquam homo animetur, & menses longuli, antequam in lucem edatur, & priusquam adolescat, & in virilem ætatem proficiat, non anni tantum multi decurrunt, sed & labores plures exantlare est necessum. Culpæ verò generatio tam subitanea est, ac momentanea, tamque facile, & leuiter perficitur, ut prius nata, quam concepta, ante perfecta, quam inchoata videatur. Hac autem re admirabiliter exprimitur, quanta sit hominum ad perpetrandum scelus, ad committendum culpam promptitudo, & celeritas, ut qui sæpè iam edidisse flagitium videatur, quando illius perpetrandi consilium vix animo conceperit! *Ordo hic significans finem explicat cordis conceptionem*, quæ talis sit, ut paritundinem, ipsumque adeo partum consequi conceptio sæpè videatur, cum in alijs rebus semper præcedat. Hinc arbitrari licet nostram miseriam, qui ex vitiatæ nostræ praua inclinatione tam agiles sumus ad vitia, tam languidi, & torpidi ad virtutes.

De quadam planta, cuius fructus admodum sint amari (cucumeres syluestres vulgò appellant) author anonymus collectaneorum hieroglyphicorum lib. 6. tit. *Laudabilis* refert, hanc admirabilem habere proprietatem, ut iuxta vas olei posita resiliat, & sese contrahat, velut illud fugiat, sic vt tandem prorsum consummatur, sed & vicino vrceoli aqua pleni locata se quasi ad reuerentiam submittat, tantumque dilatat, & extendat, tanquam omnem aquam

haurire velit. Hoc autor, quem dixi, his verbis reddidit: *Vase aqua pleno fructus applicato non solum sese inclinare dicunt, sed etiam illam quasi absorbere, atque consumere; contra vero, si oleum eodem modo admoneatur, illud, contrahendo se, respuere, ac incuruatum tandem tabescere.*

Naturæ miraculum dignum certè expensione, & consideratione. Fructus itaque est, qui aquam tam vehementer appetit, ut illam inclinatus quasi veneretur, & avidissime appetat, oleum verò quibus potest modis vitet, ac defugiat. Simile quoddam miraculum apud homines videre licet, cui tamen admirationem frequentia ademerit. Quid in sacris literis aqua significat? Delitias mundanas, & fluxas carnis voluptates. Docent hoc ex autoribus sacris, & profanis Pierius, Ricciardus, Ioannes de Sancto Geminiano, & Lauretus. Ratio comparationis ea est, quod velut aquæ celeriter defluunt, ita & vitæ huius voluptates velociter prætereunt. De oleo notorium, quod in libris humanis æquè, ac diuinis sit symbolum operum charitatis, ac misericordiæ.

Secundum hæc nemo admirabitur illum fructum, quod ad oleum quidem se contrahat, ad aquam verò sese explicet, & cupide extendat, qui considerauerit, vitatissimum hoc esse mundanis hominibus, ut ad oleum se contrahant, hoc est, angantur animis, & contabescant, quando alicui charitatis, aut misericordiæ officio danda opera: *Si oleum admoneatur, illud, quasi contrahendo se, respuere, ac incuruatum tabescere videas.* Quam sunt res angustæ domi, ut quidem dicunt homines alioquin peropulenti, cum rogantur, ut opulentur pauperi, Xenodochio stipem conferant, Missam ad Dei honorem dici curent, nudum aliquem vestiant! Quam varijs, & magnis modis ab erogatione eleemosynarum, & exercitatione in egentes misericordiæ se purgant, & excusant! Perijt mundus, aiunt queruli, patria omnis vastata est, census annuos onerare debitis necessitas propria cogit, grauiora vestigalia, & intolerabiliora tributa sæculum superius nullum soluit, caritas rerum omnium, quæ ad victum, vestitumque pertinet, summa vix finit dignam genere vitam degere. Et quis dicendo recensere omnia possit, quæ Religiosis suarum necessitatum remedium petentibus oggrunire tales solent? Ut iam prætermittendorum misericordiæ operum causas comminiscuntur, sic & fingunt rationes, ob quas à ieiuniorum obseruantia, aliorumque pœnaliū operum vſu se immunes volunt. Sic ergo oleum defugiunt. Et quomodo erga aquam se habent? Mirum visu est, quam latè se in

Oooo

illam



illam effundant, quam floccipendant quidquid sumptuum in malas voluptates, in vanitates, & delicias, in ornamenta vilis amictus expendant. Ad lusum, ad sumendam vindictam nunquam vel dolet caput, vel desunt numi, ad obrectandum semper abundat tempus, à murmurando nec hyberna frigora, nec æstui soles impediunt: Verum ut ne ad Rosario-Marianas comprecationes, Missas, conciones sacras, aliaque exercitia spiritualia pergant, tam multis, & grauibz causis decinentur, ut in nullo Baldo, vel Acurio pares facile reperire queas. Quot ægritudines prætexunt, quibus se ab operum bonorum studio excusent! Et tamen noctes integras per compita vagari, totumq; annum, & vitam omnem inter tenebrarum opera operosa plerumque, & periculosa exigere non curant, neque timent, verè martyres dæmonis, & misera suarum sordidarum cupiditatum mancipia. Exclamare cum Cassiodoro lib. 5. epist. 45. possumus, ac dicere: *Heu mundi error dolendus!* Heu vani sæculi miserranda stultitia! Tam impediti sunt ad suam salutem homines, tam citi ad perniciem, ut velut celeribus equis ad suum præcipitium contendant, ad bene agendum autem vix pedetentim progrediantur. Ad procurandam sibi mortem aquilis velocius abripitur homo, ad vitam comparandam ne testitudineis quidem fertur pedibus.

Non sit Politicus noster talis, ut vili numero cucumerum, siue cucurbitarum, syluestrium mereatur adscribi. Caveat ne apud Hispanos *Calabaza*, hoc est, *Concubita*, siue mentis inops audiat. Stultitiam autem suam nemo euidentius prodit, quam qui ad suum exitium rapidus volat, & ad vitam immortalē lentus, & somnolentus languido passu pergit.

Vide in I. P. Polit. lib. 5. c. 3. & lib. 2. cap. 4. & Tom. 2. Persiocham III. Dominica II. post Pentecosten, pag. 98. c. 2. o. & quæ ibi ad calcem annotaui.

## C A P V T V.

Adorare, & confiteri Deum, qui vnus sit, non solum magis est salutare, sed etiam minus laboriosum.

Edictum illud sancti Patriarchæ, *Abijcite deos alienos*, non tantum ad ipsius æternam salutem, verum etiam ad quietem temporalem faciebat. Pallum est, quod absque confessione, & oratione veri Dei nemo saluari potest. Itaque necessum est omnem à se abdicare falorum deorum cultum, & religionem. Ex hac abdicatione, præter varias vili-

tates, habemus id solatij, quod commodè, perfacileq; vni Deo seruire possumus, cui ex hoc capite etiam leuius, minoreq; negotio famulamur, quod ille omnes suas leges ad amissionem rectæ rationis, & iustitiæ struat, quarum ut est cognitio obuia, sic & observatio parum operosa. Videre est homines, qui aliquibus in domibus pro exigua mercede seruire manelint, vbi vnus tantum sit dominus, cuius voluntati obsequi, & obtemperare iussioni debeant, quam in alijs, vbi salarium multo maius, sed plures domini, quibus gratificari oporteat. Inter innumera ergo bona, quæ ex bono Deo nostro habemus, vnum est, quod ipse sit vnus, vnamque habeat & legem, secundum quam viuere debeamus, & voluntatem vnam, quæ nos seruos suos æternum beatos viuere cupiat.

Cum legem Israëliti populi ductor promulgaret, aiebat: *Audi Israël, & observa, & facias, quæ præcepit tibi Dominus*; Deut. 6. 3. & immortalis Deo immortales pro tanto traditæ legis beneficio gratias age. At videamus, in quo istius gratiæ magnitudo posita sit, aut vnde agnosci possit, ut quæ maximam possumus gratitudine illam prosequi valeamus. *Audi Israël, Dominus Deus noster, Dominus vnus est*; ibid. v. 4. Ergone nihil aliud erat, quod validius obligare, aut permouere potentius Israelitas ad obseruantiam dominicorum præceptorum Moyses poterat, quam ut diceret, *Dominus noster Deus vnus est*? Non poterat illis Deum commendare ab immensitate, infinitate, æternitate, omnipotentia, alijsque eiusdem sacræ essentia splendidissimis attributis? Non poterat prædicare illius prolixitatem, & condonandorum scelerum facilitatem, & paternam in omnes pietatem? Quamobrem his omnibus prætermisiss, illud vnum, solum commemorandum ad eorum consolationem putauit, quod Domino seruirent, qui vnus, ac solus esset, vnamque tantum voluntatem haberet, cui parere, & gerere morem deberent? *Dominus Deus noster, Dominus vnus est*.

Ad hoc responderi potest ex dictis, illius esse leuissimum, tolerabilissimum, facillimum famularum, qui vnum tantum dominum inuenit, cui seruire debeat, & gratificari. Vt ergo Moyses populum suum excitaret ad seruendum Deo, seruandumque eius mandata cum alacritate, & hilaritate, quamquam alias causas adferre posset, huius tamen commemoratione vehementissimè extimulari, & ardentissimè obligari posse existimauit, quod vnus tantum Dominus esset, cui seruire deberent. Nam multis seruire,

quon-



quancquam pro diuite remuneratione, intolerabilis feruitus est, vni autem famulari, etiam pro exigua mercedula, lucrosissimum est. Propterea Moyses, vt illi non grauatae susciperent seruitutem Dei, charumque talem Dominum haberent, ait, vnum illum esse, quod perinde fuit, ac si dixisset, tametsi illa sacrosancta Deitas nihil aliud boni haberet, quam quod vna est, id satis esse, vt libentissimè illi, & studiosissimè seruiatur.

Huc iuisse Oleastri cogitatio videtur, quando in Annot. morali in c. 6. Deut. ait: *Considera à quor laboribus nos Deus eripuit. Difficile est multis dominis seruire, quanto magis dijs? Ne ergo labores, o homo, in multorum deorum tam diuersa poscentium cultura, ostendis tibi Deum tuum suam unitatem. Nemo, ait Christus, potest duobus dominis seruire, neque fortius duobus, aut pluribus dijs, quos triginta milia in orbe fuisse, historiae produnt. Vide ergo quomodo pauper homo, qui vni Deo Six sufficit, posset triginta milibus ministrare. Ergo leuis, & nihil operosa est seruitus, quā vni Deo addicti sumus, cuius vna est voluntas, maximè ea, quā obnoxij vero Deo sumus, cuius tam blandæ sunt leges, & suauia mandata.*

Vultit Abimelech tribulibus suis, & consanguineis significare, quā vtile ac necessarium eis esset, vnum habere caput, à quo regerentur, vnum belli moderatorem, qui ipsi in pugna præiret. Vt verò sibi ducatum, præfecturamque militarem vrbs Sichem exambiret, aiebat: *Quid vobis est melius, & dominentur vestri septuaginta viros, omnes filij Ieroboam, an & dominetur vnus vir? Simulq; considera te, quod os vestrum, & caro vestra sum; Iud. 9. 2.*

Abulensis dicit, fuisse hanc præmodum efficacem persuasionem, quæ fecit, vt copiarum suarum ductorem supremum statim illum Sichimitæ renuntiarent, paribusque vocibus dicerent: *Frater noster est, dederuntque illi septuaginta pondo argenti de fano Baalberit; ibid. v. 4. vt colligere militem posset, quando res expoceret. Territi fuerunt Sichimitæ, quando audierunt, quod septuaginta dominos habituri essent, quibus seruirent. Habere septuaginta viros (inquit Tostatus in c. 9. Iud.) in dominos, laboriosum est, & intolerabile, quia quilibet iubeat, etiam quia omnes extorquebunt aliquid à populo, & Et omnibus prouideatur, necesse erit fieri magnas extorsiones, & depauperationes. Non potuit ratione validiore permouere Sichimitas Abimelech, vt ipsum imperatorem sui exercitus supremum facerent, quā vt diceret, vni soli seruituros esse; eiq; fratri, & consanguineo intimo, aut certè nisi ipsi præfectu-*

ram militiæ summam concederent, septuaginta dominis obtemperaturos, quod illis durum, & supra quā graue futurum esset. Nam si quilibet dominorum multa vno tempore mandaret, easque diuersa ab ijs, quæ alter præciperet, diceret mihi quomodo satisfaceri voluntari singulorum posset? Quānam tanto labori pares vires essent? Humanæ certè faciendo non essent. Hinc ergo nostra Catholicorum ingens felicitas æstimari potest, & immensum bonum, quo gaudemus, qui vnum solum Deum habemus, cui famulari, vnum solum Dominum, cui gratificari debeamus. *Dominus Deus noster, Dominus vnus est, cui maiore iure dicere possumus, quā Sichimitæ Abimelecho, Frater noster est.* Quando a. idem & Dominus noster est, & frater, omnis felicitas concurret, & coeunt societatem ea, ob quæ suauior, beneuolentiorq; noster dominus esse debeat.

Hoc argumento Terrullianus arguit ingratitudinis eos Christianos, qui non promptissimè obsequuntur mandatis Dei, & exequuntur quæcunque ille facere præcepit. In lib. de Patient. c. 4. sic habet: *Aetiora ergo nobis erunt in obsequij disciplina, quæ nobis Deus subdidit? Agnoscent denique, quæ obediunt, nos, qui soli subditi sumus Domino, scilicet auscultare dubitabimus? Res sanè deploranda est, quod brutæ pecudes obedientiæ promptitudine homines superant. Ille solum nouerunt obtemperare, nec aliud agunt, quā vt domino cuiusque obsequantur, & cum fiat, quod eodem tempore multos habeant, omnibus seruire debent, vsque dum rumpantur, & amplius non possint: Et nos Christiani, quibus hæc optatissima sors obuenit, vt præter vnum Dominum non habeamus aliū, cur non illi magna cum volupate, & hilaritate seruiamus?*

In hanc rem sic scribit magni Africani insignis interpretis Cerda: *Si bestia, quæ nata sunt tantum ad obediendum, non ad imperandum, tamen agnoscunt obsequia, quæ præstant infinitis dominis (nam tot habent, quot sunt homines) nos dubitamus vni soli parere, cui subditi tantum sumus? Ah pudor! Certè postquam seruituti ex conditione nostra addicti sumus, commodior, faciliorq; nobis obtingere non potuit, quā quod illi famulamur, qui & vnus est, & amantissimus pater, & perliberalis, & tam discretus, vt hoc solum præcipiat, quod leuiter facere possumus, & sæpè bonam oneris imposti partem leuet, & dissimulet, si quid fortè non satis æquè tolere-*

*mus. Videat ergo Politicus noster, quidnam sibi vtilius putet, famularinè vni Domino, an seruire multis.*



ris. Bestius illi fuerit, vnius Domini voluntati morem gerere, in quo reperire potest, quidquid expectare. Qui suis appetitibus seruit, miserrimum mancipium est, ut qui se tot tyrannicorum dominorum potestati submittit. Qui cervicem iugo demonis, mundi carnis accommodat, is mediastinum extremorum infelicissimus est, tot impiorum dominorum voluntati se addicens, qui postquam duris, ac diuturnis laboribus miseros vernas suos obtruerunt, nihil illis relinquunt, nisi perpetuos dolores, & remorsum conscientiae, qui tanquam saeuus carnifex continuo laniatu conterpit, & affligat. Summa miseriarum est seruire multum, & proficere parum, quando & ipsa per se seruitus est grandis miseria. At si vni domino seruire magna miseria est, seruire pluribus, nec quidquam obtinere, sed ipsa seruitute consumi quanta erit calamitas, & ærumna? Sed quoniam necessum est seruire, quoniam excogitari felicitas maior potest, quam incidere in dominum, qui vnus sit, & vnius voluntatis, & profectum optet eorum, quos habet ab officijs, immo & seruis suis, cum necessitas postulat, ipse seruiat. Et quæ beatitas maior, quam illi famulari, qui breuem seruitutem prolixâ mercede cõpensat, & horarium officium æterno præmio remunerat? Hæc omnia seruus Dei in magno suo Domino habet, qui vnus est, & tam humilis, ut cum esset Creator, creaturæ suæ factus sit minister. In illo reperitur quidquid excogitari, & exoptari potest. Ille namque est salus, saluator, salutaris medicina, vita, cibus, alimonia. Ille tam generosè gratus est, ut præmia sempiterna pro temporalibus, exiguisq; officijs rependat. Quis ergo tam stolidus, & perditus esse possit, qui nolit seruire Domino, à cuius magnitudine alij Domini quos diximus infinitum distant, nisi quod serui carnifices sunt, & crudeles tyranni magis, quam domini, si cum illo comparentur?

*Non parum affinia sunt his, quæ I. Parte Politici lib. 8. c. 2. & alijs in locis ad finem illius Capituli subscriptis tractantur.*

## CAPVT VI.

Cum homo suarum opum facultates pro Deo relinquit, hoc à vero, & sincero amore fieri videtur, solet enim homini non alius talis deus esse, qualis diuitiarum.

**A**D cognoscendum efficacitatem exhortatoris vocis, quâ S. Patriarcha noster ad suos vsus est, sufficit intelligere effectum, qui ex ea secutus fuit.

Fuit a. iste, quod omnes, quicunque ex domesticis illius falsâ deastrorum religione secundum animam laborabant, conualuerunt statim ab illa sua ægritudine, deorumq; suorum fictitiorum simulachra manibus, ac pedibus à se abdicarunt, ipsasque adeo in aures proiecerunt. De quo sacer Scriptor illa: *Dederunt ei omnes deos alienos, quos habebant, & inanes, quæ erant in auribus eorum*; Genes. 35. 4. Insigne facinus, si probè expendas, quod sermonibus sui heri irâ permoti fuerunt illius domestici, ut non idola tantum dederint, verum & inanes, hoc est, aurium aurea ornamenta. Magnum fuit miraculum, dedisse idola, sed auro quoq; renuntiasse, meo quidem iudicio, maius fuit prodigium. Nam ut cor humanum additissimum est huius vitæ rebus, & efficitissimè non solum diligit, sed etiam amat pecuniam præsertim, & ex rebus pretiosioribus cumulosos thesauros: Sic in miraculis nunquam visis numerari potest, si quem videas illorum contemptorem, numus enim, & quæcunque numo parantur, sunt deus, quem homo maximè adorat, & falsum hunc deum relinquere pro vero, videtur opus tale, quo maius pro illius gloria vix fieri aliud possit.

Loquebatur Angelus Zachariæ, & dicebat, ut attolleret oculos, videretque rem, quæ totius mundi oculos post se abriperet, inquit: *Hæc est amphora egrediens*; Zach. 5. 6. Vidit ergo quasi volantem cantharum. Addidit autem Angelus: *Hæc est oculus eorum in vniuersa terra*; ibid. velut dixisset: Hic est scopus, in quem collineant oculi omnium mortalium.

S. Bruno de contempt. diuit. To. 3. ait: *Quid per amphoram, nisi auaritia significatur? Hic oculus eorum. Quorum eorum? Eorum videlicet, quæ eam diligunt in vniuersa terra. Omnes n. ad eam spectant, omnes ad eam tendunt, quoniam sicut scriptum est, pecunia obediunt omnia. Vix quisquam hominum est, quem non fordida opum lutearum cupiditas inuasit, à minore quippe & quæ ad maiorem omnes auaritie student*; Ierem. 6. 13. *Omnes in viam suam declinauerunt, vnusquisque ad auaritiam suam, à summo & usque ad nouissimum*, Isaia 60. 11. omnes imperatrici pecunie suæ tributa pendunt.

Audiamus quid S. Zenon de hac re dicat, cuius sunt ista ex ser. 2. de auaritia. *Hanc mediocres fraudibus exculant, diuites potentia, iudices gratia, de ferri mercenaria, ac duplici lingua. reges superbia, negotiatores astutia, inani pauperes vboro, cultores Dei odio simulato, tota autem gentes, vniuersaq; nationes gladio. Summi, infimi, medioximi hanc falsam deam,*

*tyran-*



tyrannicam auaritiā, aio, colunt, veneratione, adorant, & alij quidem malis dolis, alij vi, alij fauore suae benevolentiae, alij technis, alij arrogantia, alij imposturis, alij inanibus machinationibus, alij ficta animi alienatione, demum alij ferro, flammis bello colunt. Non ergo exiguum miraculum est, aut parua mortificatio, auocare oculos a re, in quam omnes reliqui suos attentissime fixos habent. Et cum homines tam oculitis, & exanimis ament mundi huius diuitias, nescio an miraculorum, quo quot hic videre licet, admirabilissimum, & stupendissimum vocari queat, si quis eas forte contemnat.

Vt hoc dem probatum, necessum est recurrere ad id, quod Israelitis, cum e dura Aegypti seruitute exirent, accidit. De hac re Moyses Exod. 12. 35. 36. ita scriptum reliquit: *Fecerunt filij Israel, sicut praeceperat Moyses, & petierunt ab Aegyptiis Vasa argentea, & aurea, vestemque plurimam Dominus autem dedit gratis populo coram Aegyptiis, & commodarent eis, & spoliauerunt Aegyptios.*

Cum de his muneribus acceptis auri, & argenti vasis Propheta regius (vt quidem volunt Hebraei) ageret, inquebat: *Memoriam fecit mirabilium suorum, misericors, & miserator Dominus, escam dedit timentibus se.* Psal. 110. 4. 5. Notandum, quod extrema huius sententiae verba sic possunt ex Hebraeo transferri: *Pradam dedit timentibus se.*

Salua igitur reuerentia Ecclesiae orthodoxae, quae haec verba passim augustissimo Altaris Sacramento iure merito accomodat, quod hic sit illorum sensus praecipuus, alio etiam intelligi posse de historia paulo ante memorata. Afirmat hoc venerabilis P. Franciscus Titelmannus ex sententia quorundam Hebraeorum in Psal. 110. in annot. hebraic. inquit: *Quidam Hebraeorum, Pradam dedit timentibus se, Verrunt, exponentes de prada, quae ex iussione Domini abstulerunt filij Israel, quando acceperunt ab eis accomodatam, Vasa aurea, atque argentea, & omnem suppellectilem.* Quod ergo Dominus permouit Aegyptiorum corda, vt absque omni repugnantia sinnerent se spoliari, permitterentque ab Hebraeis aurum, & totam suppellectilem suam pretiosorem auferri, id sanctus Dauid, ex Hebraeorum opinione, vocat memoriam mirabilium, siue miraculorum Domini: *Memoriam fecit mirabilium suorum.* Hoccine vero merebatur vocari miraculum miraculorum, quod praecesserunt tam portentosae plagae, tam horrenda prodigia, tam terribilia flagra, secutaque est illa maris rubri diuisio, & apertio semitae, quam siccis vestigijs transierunt Israelitae, quos cum persequerentur A-

gyptijs, submersi sunt quasi plumbum in aquis vehementibus? Cur vero non illa anteriora portenta, & posterius aperti ad transitum Israelitarum maris rubri prodigium appellantur miracula miraculorum, quemadmodum vnum illud, quod Aegyptij tam libenter, ac liberaliter commodato dederunt suum aurum, & argentum, nec quidquam resisterunt, cum illud efferri viderent? Causa ea est, quam ex sanctis Brunone, & Zenone indicauimus. Nam cum id mundi consuetudo communis obtrinerit, vt omnes flexo poplite idolum auri adorent, & adgeniculentur mammonae, & reginae Pecuniae sunt dedititij serui, quod Dominus fecit, vt quidam ita contemnerent aurum, & argentum, vt ne auferentibus quidem illud, & spolio eripientibus repugnarent, id tam rarum prodigium fuit, vt in illo viderentur velut recapitulari, & summatim comprehendi omnia miracula Dei, tanquam potentia illius amplius extolli non possit, quam cum dicitur facere potuisse, vt corda quorundam oem rerum vitae huius affectum exuerent, & deae Pecuniae idololatricum cultum, & amorem ab animo suo omnem exigerent: Cuius n. tam robustum brachium, vt cor bonis praesentibus alte infixum exprimere radicibus ille omnia posse merito existimatur. Nihil n. difficilius reperias, quam hominem, qui vel non addiderit animum suum huius vitae rebus, vel auocari ab eis sinat, postquam semel perditum amare coepit.

Interrogarunt Petrum quidam vestigalium collectores, annon solueret didrachma Magister illius, quod alij vulgo pendebant. Respondit Petrus, etiam non soluere. Deinde cum de hac re communicato consilio Magister, & Discipulus deliberaissent, & Dominus testatum dedisset, nullo modo se ad soluendum didrachma teneri, vt qui esset Creator supremus, cui omnes omnia sua deberent, nihilominus vt omne de medio submoueret offendiculum, praecipit Petro his verbis: *Vade ad mare, & mitte hamum, & eum piscem, qui primus ascenderit, tolle, & aperto ore eius inuenies staterem, illum sumens da ei pro me, & te 3. ib. v. 26. Piscis, cuius in ore stater, ex Originis hom. 4. in Matth. & allegorica eius expositione, avarum significat, & qui nisi de pecunijs loquar non est, & ex mari, salis huius vitae rebus, & fluctibus solitudinum auaritiae hamo praedicationis extrahitur, quando correptus ponit pecuniae non solum verba ex ore, sed etiam concupiscentiam ex mente dimittit, hancique ore staterem, & plenis manibus offert de suo pauperibus necessariam alimoniam, qui auferre solebat. Et merito sordidi id genus homines piscibus.*



bus comparantur, de quibus S. Ambrosius lib. 5. Hexam. c. 5. ait, inuicem se deuorare, & suā carne pasci, inquiens: *Minor apud illos esca maioris est, rursumque ipse maior à validiore inuaditur, & fit esca alterius. Et hac piscibus quidem sponte accreuit iniuria, in nobis autem non ex natura capit, sed ex auaritia*, ex qua fit, vt imbecilliolem potentior emungat, facultatesque inferiorum in suos thesauros, tanquam in quendam inexplibilem ventriculum superiores traiciunt. Quod ergo Petrus à Christo iussus fuit eiusmodi piscem à mari extrahere, id quidem secundum literam factum, vt inde acciperet, quo didrachma solueret, & vulgi scandalum præoccuparet, mysticā tamen significatione tacite, ac seorsim illi mandatum, vt auaros à mundi huius curis eximeret, statēremque eis auferret, sic vt & loqui de diuitijs desuēcerent, & concupiscere eas desinerent, & in pauperes liberaliter erogarent. Huic doctrinæ inhaerent Ostauius Tufus in cap. 14. Eccles. v. 56. aiebat: *Petrus à Christo est iussus, & tributum penderet, piscem interiora extrahere, & aurum inuenire, iam enim tunc miraculū Petrum assuescēbat, pecuniam nimirum ab auarorum visceribus extrahendo.*

In his notandum illud, quod Christus Petrum miraculū assuescēse dicitur. Christi virtute patratū erat Petrus miracula maiora, quā Christus per seipsum fecisse legitur. Futurum n. erat, vt vmbra suā sanaret ægros, redanimaret defunctos, & hoc tam magnum prodigium maximus Discipulorum solus faceret, deinde vt solo vocis sono extingueret viuos, aliāque ageret, per quā suis auditoribus, & toti mundo stuporem adduceret. Vt a. Petrus facile crederet, posse sui Magistri vi, & opulationē quoduis aliud edere miraculū, voluit vt ante piscem, cuius in ore stater esset, hamo, & miraculo educeret, atque in illo pisce hominem ad liberalitatem ex pecuniæ cupiditate adductum, & ex auaro prolixum factum cerneret, ac tunc illud sibi persuaderet, quodcunque aliud miraculū ab illo expectari posse, cuius tanta fuerit potentia, vt hominem tenacem ad contemptum diuitiarum, lubentemque earum dimissionem pertraxerit. Et hoc est, quod dicitur: *Miraculū assuescēbat.* Qui n. ex auaro largum facit, tantum fecisse videtur, quantum & ab ipsa Dei omnipotentia sperari possit.

Et quoniam Petrum hic habemus præsentem, non dimittamus eum, donec ex alia quadam illius actione aliud causæ nostræ suffragium accersamus. Percunstabatur sacer Apostolus Ananiam, cur Ecclesiam fraudasset pretio agri, quem furtiue, vt frau-

dem faceret, vendiderat. Tum his verbis illum obiurgauit: *Quare posuisti in corde tuo hanc rem? Non es mentis homo, sed Deo, Añ. 5. 4. Damon huius tibi consilij autor, & perfidæ imposturæ suggestor fuit, cuius propterea poenas lues: Audiens Anania hac verbacecidisti, & expirauit*, ibid. v. 5. Ingens verborum efficacitas, quæ sic illum perstrinxerunt, tanquam iratum cælum fulmine percussisset, aut amentatā hastā totis viribus, lacertisque alius transuerberasset, vt momento effusus in terram terram effuderit animam.

Fortean illum idcirco Petrus tam acriter obiurgauit, vt poenitentia suum malefactum damnaret, reuersusque ad Dominum noxæ suæ gratiam deprecaretur? S. Ambrosius serm. 13. de Sanctis negat, eo consilio tam duriter increpasse, inquiens: *Tanta erat infestus auaritiæ pestilentia, & sanctus eum Petrus non tam emendare soluerit, quam damnare.* Itaque qui pestilentissimis hominum Scribis, & Pharisæis non denegabat beneficium suæ prædicationis, quem peccatores alij, quantumvis scelerati, & contaminati non exercebant, quin eis verba exhortationis impenderet, qui nullum alium tam flagitiosum putabat, quem ad frugem meliorem posse adducere desperaret, qui tria, quinque etiam millia hominum varijs sceleribus inquinatum die vnā conuertebat, cum vnum vidisset auaritiæ morbo laborantem, itā exhorruit, vt non alio, quā morte, si non curari, auferri malum posse putauerit, itaque non tam emendare soluerit, quam damnare. Hinc licet arbitreris, quā grande miraculū sit, abducere auarum à diuitiarum amore, & adducere, vt sua egenis dilargiatur, quāque magnum opus sit, diuitiarum deum, quem colueris, relinquere pro vero Deo, à quo sustentaris, & vtrum miraculū miraculorum sit, si quis ex auaro liberalem, largum ex stricto, ex parco munificum faciat.

*Vide supra lib. 6. c. 5. & quæ ex Tomo 2. ad calcem istius capituli annotata.*

## CAPVT VII.

*Cura, vt quā parte te releuare, recreare, de-mereri, non quā offendere possint, quæque aspicias.*

Præuenimus ad luctuosissimum casum, calamitatumque, & aduersitatum, quæcunque illustri Patriarchæ nostro per omnem vitæ cursum occurrerunt, ærumnosissimam, & deplorandissimam, fatalem obitum, dico, & infelicem mortem Rachelis, quæ quā formosa, tam illi chara semper fuerat.

Satis



Satis expensum, & expressum est infortunium, & doloris magnitudinem iactura ipsa, tamen lingua oratoris taceat, satis prædicat, & exaggerat. Non est mei instituti, amplificare verbis eiusmodi damna, quamquam dolenter accipi, & deplorari posse agnosco. Tantum ad Politicum nostrum erudiendum volo documentum aliquod eruamus ex eo, quod inclutus vir Iacob egit, quando coniugum dilectissima animam egit. Illa inter partus cruciatus supremos posita, egrediente anima præ dolore, *Es imminente iam morte, Vocauit nomen filij sui Benoni, id est filius doloris mei, pater vero appellauit eum Benjamin, id est filius dexterae*, Gen. 35. 18. Cum n. videret delirium suum, & dulcissimam vxorem, quam oculis chariorem semper habuerat, naturæ concedere, ne semper coram haberet, qui suo nomine illi tantæ iacturæ memoriam perpetuo refricaret, & exasperaret tam grandis infelicitatis vulnera, aliud illi nomen indidit, ex quo reuelaretur tristis illius animus, & hauriret consolationem, vt iniqui casus acerbiter illum vocauit, non respiciens dolorem, quem eius filij causa mater exantlaret, sed robur, (dexterae vocabulo signatum) cogitans, quod vel generare filios ex alijs vxoribus alios posset, vel tragicum illum successum ipse tulisset, vel recens natus filius à natura beneuolente, ac Deo ornandus esset. Sic quando res quædam habet, quo exhilarare possit, & quo contristare, quo releuare, & quo grauare, spectanda est quâ parte consolationem adferre, non quâ maiorem regenerare potest.

Deplorabat se Gentium Apostolus, quod à carnis quodam stimulo noctu, atque interdium miserè afflaretur. Intolerabilem putabat illam suam vexationem, eò quod non videret, quò insulantis demonis ictus retundere posset. Cœlo ergo supplices manus protendens, multis persusus lachrymis Deum obsecrabat, vt per illum à tam crudeli, & pertinaci aduersario liber euaderet. De hac re sic ipse scribebat 2. Corinth. 12. 7. 8. *Datum est mihi stimulus carnis meæ angelus satana, qui me colaphizat, propter quod iter rogauit Dominum, Si discederet à me. Responsum humilibus precibus illius hoc datum fuit: Sufficit tibi gratia mea; ibid. v. 9. velut dictum fuisset: Quid, Paule, quereris, & ploras? Sat tibi est, quod me beneuolentem habeas, patrocinio, & auxilio meo contentus esto.*

S. Ioannes Chrysostomus To. 4. in illud. *Sufficit tibi gratia mea, sic ea verba dilucidat: Ea, quidem quæ tibi dura, atq. acerbæ enemiunt, cernis, quæ vero*

*tu facis, non animaduertis, quæ inimici tui inferunt, cernis, & quæ ego in te confero, non consideras.* Videtur Apostolus inter suas angustias positus eas tantum cogitasse iniurias, quibus satanæ furor illum onerabat, Dominus a. iubebat in illis iniurijs expendere non quod graues essent, sed quod meritoriz. Respiciebat Paulus faciem formidabilem infestæ demonis, non gratiam opitulantis Domini, oculatusq. erat ad ea, quæ patiebatur, cœcusa. videbatur ad ea, quæ agebat. Dominus verò aiebat: Non sic, Paule, *sufficit tibi gratia mea*, per quam dum superas pericula, mortem, demonia, non debes in persecutionibus considerare id, quod te cruciat, sed hoc, quod tibi coronam parat, non pensare ferociam hostium, qui te irritant, sed potentiam brachij, quod propugnat, neque reputare calamitates, quas pateris, sed miracula, quæ operaris. *Quæ tibi dura, atq. acerbæ enemiunt, cernis, quæ vero tu facis, non animaduertis.* Sanæ politices verò, & status, vt vocant, ratio postulat, vt qui tranquillam, pacatamque vult ducere vitam, eâ parte, quæ occurrunt, spectet, quâ releuare, consolari, exhilarare possunt, non quâ turbare, concitare, offendere. Hoc artificij utebatur Seneca, vt Polibium ex morte chari, & præclari, optulentiq. fratris sui tristem consolaretur, inquit: *An hoc te mouet, quod videtur ingentibus, & quam maxime circumfusus bonis caruisse? Cum cogitaueris multa, quæ perdidit, cogita multo plura esse, quæ non times. Si bene computes, plus illi remissum, quam exoptum est.* Quoties ergo talis in mentem incidit cogitatio, mi Polibi, quæ affligere possit, accersit aliam ad animam considerationem validiorem, quæ te releuet, & oblectet. Etiam hoc, velim, animaduertas, fratrem nunc eo in loco versari, vbi metu omni vacuus, non tam multa hic reliquit, quam ibi non timeat. Et attentè rem ex calculanti occurrer, plura ibi accepisse, quam hic illi fuere adempta. Abundabat hic thesauris, sed maior erat curarum copia, quam opum, iam verò tranquillam, pacatamque vitam ducit, nec quidquam est, quod illius quietem perturbet, aut interpellat. Itaque felicior est fors illius, quâ fruitur in sepulchro, quam fuit magnitudo, quâ gaudebat in sæculo, sicque vt animum tuum recrees, non quæ reliquit, sed quæ in præsentia habet, cogitare debes, & quæ lucrefecit, non quæ perdidit, reputari. *Si bene computes.* Dictum bene. Cum sunt mala, & bona dolores, & solacia, subductisque calculis inuenitur, maiora esse pondera eorum, quæ acquirimus, quam quæ perdimus, & honori, quem assequimur, imparem esse ignominiam,



gnominiam, quam patimur, semper oculos ad potiora conuertere, & auocare à vilioribus debemus, vt suauior, pacatiorque nobis vita decurrat.

Hoc argumento vtitur Tertullianus aduersus eos, qui scripturæ sacræ corrodunt sententias, quibus effici videtur, quòd amica spiritus nostri socia, & præstantissimæ margaritæ concha, & fulgentissimi adamantis conditorium, & optimi gladij vagina, caro, inquam, nostra prorsum negligi, contemni que debeat. In lib. de resurrect. c. 10. de hac re sic ait: *Tenes Scripturas, quibus caro infuscatur? Tenes etiam, quibus illustratur. Legi tum, quando deprimitur, adige oculos, & tum, quando releuatur. Omnis caro scenum non solum pronuntiat Isaias, sed & omnis caro videbit salutare Dei. Notatur in Genesi dicens Deus, Non manebit spiritus meus in hominibus istis, quia caro sunt, sed & audiat per Isaiam, Effundam de spiritu meo in omnem carnem. Hæc ille. Ad eundem modum facere debemus, quoties simul occurrunt, quæ vel exasperare, vel demulcere animum, & excitare siue ad beneficentiam, siue ad vindictam possunt, vt accepti beneficij recordatio mitiget furorem, quando illata iniuria ultionem exposcere suadet, & quando ingratitude contrahere manum à benefaciendo suggerit, generosa liberalitas eam extendere iubeat, quod leuius efficiet, apud eum, qui recorderet, quantus sit largitis fructus, quantumque misera, sordida, & vilis auaritia incommodi parere soleat. Qui sic res, quæ parte conducibiliores sunt, considerat, ille animæ tranquillitate multat, & altæ spiritus pace gaudet.*

Cuiusdam Sponsæ interrogationi responsum Sponsus subacidum, & nonnihil morosum dedit, inquiens: *Sa ignora te, opulcherrima inter mulieres, egredere, & abs post vestigia gregum, & pascere hædos tuos iuxta tabernacula pastorum;* Cant. c. 7. quod tale videtur, ac si dictum illi fuisset, vt abiret, custodemque pecudum ageret, quæ iam eò ascenderat, vt regina esset. Vix ea dixerat Sponsus, quibus subpudescere Sponsa poterat, quando mox subiecit: *Equisatus meo incurribus Pharaonis assimilauit te, amica mea;* ibid. v. 8. h. e. ego te aliquando tam robustam feci, & potentem, vt armis nuda currus armatos barbari Ægypti regis, qui te durâ oppressam seruitute diu tenuit, omnemque illius exercitum superares.

Quid est, quòd Dominus, postquam synagogam (hæc enim etiam sponsæ nomine intelligitur) tam asperè habuit, vt ad pascendos hædos ablegaret, statim ad memoriâ ei reuocauit celesterrimum illud

beneficium, quo propter ipsam rubri maris fluctibus totam Pharaonis, exercitusque illius submersit, & extinxit superbiam? Cur eam illi victoriam memorauit, quam paulò antè tam austerè obiurgarat?

Respondet mellifluus Abbas sanctus Bernhardus serm. 39. in Cantica, quod Sponsus fecit, tale fuisse, ac si dixisset: *Non agrè feras, amica mea, minime te accipere modo, quod postulas, quæ tanta à me iam accepisti, & maiora horum accipies si in præceptis meis ambulaueris, & in amore meo perseveraueris.* Non conueniebat opere respondere interrogationi Sponsæ, quæ maiora petebat, quàm tunc excipere posset. Et cum naturaliter doleamus non consequi, quod rogamus, Sponsusque cerneat agrè accipere Sponsam, quòd non acciperet, quæ petierat, accepta olim beneficia illi ad memoriam reducit, spem simul faciens maiorum, si modò amare pergeret. Docuit eâ re modum, quo se consolari homines debeant, cum vel ab hominibus, vel à Deo etiam non impetrant, quod expectant, & obsecrant. Cum ergo aliquid petimus, nec obtinemus, vt ne ob cassas preces contristemur, reputemus nobiscum & quæ antehæc accepimus, & quæ deinceps consequemur, si studiosi cultores Dei, mandatorumque eius assidui, pertinacesque custodes fuerimus. Sic enim, si non quâ parte offendere, sed quâ recreare possunt, quæque aspectauerimus fiet, vt quieto simus animo, & tranquillâ spiritus pace fruamur. Sic & Sponsa, cum oculos conuerteret ad beneficia superiora, quæ iam acceperat, simulque ad ea, quæ à munificis illius manibus expectare poterat, dum contristaretur ex negatis, erigebatur, & releuabatur ex acceptis, & obtinendis, recogitabatque, non quòd repulsam passa fuerat, sed aliud quiduis potius, quo ad amorem, obseruantiamque Sponsi potius accendi poterat.

Fortissimus Patiens omnibus opum facultatibus nudatus, & in gradum extremum à volubili fortuna deiectus, sublatis in cælum oculis aiebat: *Nudus egressus sum de utero matris meæ, & nudus reuertar illuc;* Job. 1. 21. inuestem vt me mater edidit, sic tumulus recipiet, & talis esse de finem, qualis cœpi.

Notauit in his beatissimus Papa Gregorius genus solatiij, quod longanimus Patriarcha arripuit, vt tot cruciatuum tempestatem sedaret. Non recurrit animo ad illud tempus, in quo & gregibus penè innumeris, & pretiosissimâ suppellectile affluebat, & gemmarum ingentes cumulos habebat, & familiam copiosam, & stipatores plurimos, verum ad eam ætatem, quæ illum nudum, & omnium rerum inopem viderat. *Proseruanda patientia illud tempus ad me-*

moriam



meriam reduxit, quo necdum ista, qua perdidit, habebat, inquit ille lib. 1. Moral. cap. 12. Quamobrem verò, ne patientia illius, & constantia naufragaretur, quā nihil pretiosius, nihil antiquius in omni supellectile sua habebat, eos dies, quibus nudus in lucem effusus fuit, recordari sanctus, & verus stoicus tunc voluit, quando fortunis omnibus nudatus, & vitæ huius bonis cunctis spoliatus, mitigare sæuitiam tempestatis, quā iactabatur, cupiebat, cum malum malo non recte curetur, & posteriolem egestatem recogitatione prioris inopiæ solari nemo soleat?

Respondet sacer Pontifex: Dum intuetur, quod aliquando illa non habuit, dolorem temperat, quod amisit. Magna enim consolatio est in rerum amissione illa tempora ad memoriam reducere, quibus nos conisigit res, quas perdidimus, non habuisse. Magnæ prudentiæ genus est, ut præsentium iacturam leuius quis ferat, si secum reputet, quod ijs aliquando caruit. Sic ergo sanctus Patriarcha, cum se gregibus, liberis, denique rebus omnibus orbatur cerneret, ut doloris tempestatem, quæ exurgere ex tam funesti casus aspectu poterat, anteuertere, conuertit oculos ad illum diem, quo nihil eorum, quæ direpta, exiit, oppressa, exusta fuerant, habuit, huius enim recordatio tolerabiliorem facit iacturam præsentem. Dum intuetur, quod aliquando illa non habuit, dolorem temperat, quod amisit. Itaque non illam sanctus Iob memoriâ repetijt ætatem, quā gregibus, familiâ, & magnâ vi diuitiarum circumfluebat (hoc enim præsentis damni vulnus exasperare poterat) sed eam, quā nudus ab eisdem bonis fuit, quod ad mitigandum dolorem, sedandamque tempestatem, & componendos fluctus non parum faciebat. Sic prudenter semper fit, quando illud in re qualibet consideramus, quod asferre solarium, non quod mœrorem, aut luctum generare potest.

Eodem artificio vsus Tertullianus fuit, quando strenuis Christi athletis scribens adhortatur eos, ut magno animo tolerant persecutiones, & aduersitates, quas illis satanæ ministri inferebant, ut auferrent fidem. Cogitabat illos in squalidis ergastulis, in angustis, tenebrosisque carceribus ferro compeditos, & grauibz catenis vinctos, & aiebat: Auferramus carceris nomen, secessum vocemus, eisi corpus includitur, escicaro detinetur, omnia spiritus patient. Vagare spiritu, spatium spiritus. Et non stadia opaca proponens tibi, sed illam viam, quæ ad Deum ducit, quoties eam spiritu deambulaueris, toties in carcere non eris. Hæc ille in lib. ad Martyr. cap. 2. velut alijs verbis dixisset: Si vultis inter illas cer-

poris angustias animo esse læto, & latè patente, detrahite arcto loco, in quo degitis, vocabulum custodiæ, & solitudinis, gratæque eremi nomine donare, tolerabilior enim vobis fuerit mansio, si talem esse cogitaueritis. In carcere non hoc, quod corpora vestra constricta impediatur, considerate, sed illud potius, quod spiritum nulla vincula constringere, nulli nexu temerari possunt, quin expeditissimè, quocumque libet, euolet. Cum autem partem vestri superiorem, ac nobiliorem nihil retardare queat, quid refert quod inferiorem, & obscuriorem locus archior vincam retineat? Accedit, quod toties à vinculis exoluti estis, quoties animo amplissimam illam, beatissimamque celestis patriæ regionem pererrare vultis: Semper autem mente illas peragere beatorum mansiones potestis; licet ergo vobis, ut liberi sitis, quodcumque libet. Prudens, & commoda mitigandæ persecutionum acerbitati consideratio, aptus alleuiando calamitatum oneri modus, imponere eis nomina, quibus illarum dissimulentur pondera, auferre carceris nomen, secessum vocare. Neque carceris solum, verum aliarum quoque rerum infames appellationes commutari cum honorificis possunt, ut si persecutionem voces meritum, hostem, illiusque iniurias coronam, qui æternæ sortis gloriæ nobis adornare potest, si quas nobis adfert molestias, non molestè feramus. Sic ingratum respicere debemus ut proximum, non ut in memorem beneficiorum. Ità si cognatus fortè lædit, sanguinis coniunctionem, non offensionem cogitare debemus. Si pater castigat, non verberum acerbitatem, sed illius intentionem sinceram cogitemus. Si caro, cum austeriore poenitentia emaciatur, ploret, in memoriam illi horribilia, & perpetua vitæ futuræ tormenta reduc, sic fiet, ut vitæ præsentis cruciatus æquanimiter, lætanteque ferat. Denique, si quavis in re id, quod consolationi esse possit, attendas, indoli nostræ ad impatentiam alioquin valde propendenti omnia tolerabilia fient.

Sic faciebat inclitus Patriarcha noster inter omnes aduersitates, & ærumnas, quæcumque illi per longa vitæ ipsius spatia occurrerunt. Meritorum mel ex omnibus rebus tanquam sedula, & studiosa apicula legebat: Nam ut erat prudens, sic in præsentibus calamitatibus, quicquid asperum, & amarulentum habebant, dissimulabat, & hoc solum reputabat, quod patienter toleratæ magna lucra parent, & ingentia commoda adferrent. Si vitam illius meditando percurras, quem mihi scopulum inuenies tam crebris, sauisque tempestatum fluctibus

ppp

concussam,



concussum, quàm nostri Patriarchæ pectus crebris, auribusque iniquioris fortunæ turbinibus exagitatum fuit? Quem mihi Herculem dabis, qui plures labores exantlaret, & cum effertioribus monstribus depugnaret? Abijt è patria domo solus, & in-comitatus, & qui delitij ab indulgentiore matre in-nutritus fuerat, primo statim die non inpenit aliud hospitium, quàm solitudinem, nec aliud cervical, quàm dura saxa. Malè irati fratris sæuam, ac sangui-nolentam iram fugiens, ad auunculi sui ædes venit, apud quem cum toto septennio duos pastorij mu-neris labores pro formosa Rachele obiuisset, artis veteratoris callentissimus socer pro Rachele inue-nustam Liam illi primâ nuptiarum nocte introdu-cit. Hæc fraudis iniuria non aliter illi resarcita fuit, quàm quod alterum septennium seruire debuit, quod tamen ut hilariter, ac lætanter faceret, amor, quo Rachelem deperibat, facilè ei imperare potuit. A socero nimis quàm frequenter circumuentus, cum officias, præstigias, fallaciasque eius diutius fer-re non posset, clam ab eo fugâ dilabatur, quem ille persecutus, & affectus, tanquàm depeculatorem, & qui rerum alienarum furaci compilatione res suas auxerit, inuidiosissimè, & acerrimè criminatus fuit. Cum in via, quâ lares patrios reuiscamibat, pos-situs esset, validè, pugnaciterque cum Angelo lucta-tus, ab eoque aduersus fratrem confirmatus fuit, quem cum stipatum plurimis famulis cerneret, tan-quàm ad cædem armatum, paratumque venire arbi-tratus vehementer pertimuit. In Sichimorum ciui-tate Sichè quidam filius Hemor abreptus turpi libi-dine Dinâ filiam eius voicam constuprauit. Simeon, & Leui Ding vitiatæ fratres germani, ut illatum so-rori probum vlcerentur, simulantes communis religionis amorem, omnes ciuitatis masculos occi-dione vnâ occiderunt, idq; die à suscepta circumci-sione tertio, quo nouos recutitos acrior dolor affi-xos lecto tenebat. Hic se in præsentaneo vitæ peri-culo diuinus Patriarcha vidit, à quo illi sola omni-potens Dei manus eximere potuit. In florentissima ætate charissimum oculorû lumen illi extinctû, Ra-chel, inquam, fato sublata fuit, quam seruitutis tam longiturnæ magno impendio sibi comparârat. Post-hæc parentum suorum mortem luit. Pro deuorato à fera bestia, ut putabat, Iosephe tota lachrymarum flumina plusculis annis inter longum moerorem fu-dit. Funesta fames murare patrium solium, & apud exterius querere suæ necessitati remedium coëgit. In Ægyptum cum suis profectus, maximam accepit à

filio maiore Ruben iniuriam, qui inscensu cubili pa-tris, stratum eius confurcavit, & flagitiû nouercæ incestum intulit. Itaq; nullum penè infortunij, ad-uersitatisq; genus fuit, quod non æquo animo exce-perit, & fortiter tolerarit. Et postquàm annos 147. vixisset, atq; hos partim apud S. auum Abrahamû, partim apud auunculû Ismaelem, partim apud cha-rum patrem suum Isaac transmisisset (qua de re vide calculationem Iacobi Saliani Tom. I. Annal. Anno 2345.) in longa, & sancta senectute vitam cum mor-te commutauit. Mundi tunc Annus 1708. fuit. Na-tus in Chanaan, creuit in Mesopotamia, mortuus in Ægypto, sepultus in Hebron fuit. Pro solatio autè eorum, qui in huius mundi procelloso mari variatû miserè iactantur fluctibus ærumnarum, animadu-tere vos velim, quemadmodum prouidus, & bene-volus Deus etiam in hac vita remunerare solet la-bores pro ipsius gloria æquanimiter toleratos. Nam in quo libro afflictiones, fatigationesq; heroici Pa-triarchæ nostri legimus, in eodem variam prosperita-tem, quâ illum proluxa beneuolentis Domini man-gelicitauit, & cumulauit, inuenire licet. Inter mul-ta Dei erga illû beneficia hæc sunt, quod nepos ma-gis illius credentium patris Abraham, & filius illius fuit, qui cum ligna in humeris, & animum inactari-oni in ara deuotum in pectore ferret, actionem vni-ci Reparatoris nostri strenuissimâ, & stupendissimâ præfigurare meruit. Patrem, auumque superauit multitudinem filiorum, qui fuerunt duodecim. Ex il-lo namq; tanquàm è fonte vniuersus populus Dei, gens Hebræorum, & Israëlitarum promanauit. O ra-ram, & inauditam fecunditatem! Quod ad reuelati-onum copiam, & vaticiniorum, eorum maximè que mundi Saluatorem concernunt, frequentiam atinet, omnibus Patriarchis longè sublimior fuit. Insignis Prophetie dono, patientiâ magnus, clarus humili-tate, peruigil in gubernatione, iniuriarum patiens, candidis moribus, intrepidus inter aduersa, generoso animo, ingenio leni, & facili, in familiari consue-tudine placidus, & comis, in iudicijs rectus, & syn-cerus, deniq; ad omnem bonorum operum vsum prudentissimus, & virtutum colendarum exemplar perfectissimum fuit, ad cuius similitudinem si vitæ suæ mores Politicus noster instituerit, æternæ vitæ laurum semper virentem felix consequetur.

*In eadem signa ligna cadit Caput VIII. Libri VII. in parte I. Politici calori. Vide etiam Periobâ III. Domin. III. post Pentecosten Tomo II. pag. 109. o*

*Benedicta sit Sancta, & indiuidua Trinitas, quia fecit, & facit, & faciet nobiscum misericordiam suam,*

INDEX



# I N D E X

## ALPHABETICVS RERVM NOTABILIORVM,

Quæ in hoc Tertio Tomo tractantur.

*Numerus paginam indicat, Abr. vitam Abrahamæ, PPP. primam partem Politici, PP2. secundam Politici partem.*

**A.**

**ABEL.**



N sacris literis solum de morte Abelis, non verò de morte Caini aperte fit mentio. Quare? Abr. 139. & 140.

**ABIMELECH.**

Abimelech Dauidi famelico cur panes propositionis dedit. Abr. 9. PPP. 295.  
Pactum Abimechi cum Isaaco. PPP. 407. & seq.  
Abimelech simulator. PPP. 407. & seq.  
Officiosa Abimelechi fucata. PPP. 407. & seq.  
Abimelech homo sanguinarius cui rex à Sichimitis postulatus. PP2. 596.

**ABNEGARE.**

Abnegare seipsum quid. Abr. 199.  
Abnegatores suorum corporum Martyres. ibid.

**ABRAHAM.**

Abrahæ præcipitur egressus de terra sua ad ipsius propriam vilitatem. Abr. 7.  
Abraham non solum pauperes & peregrinos ad se venientes excepit, sed etiam in occursum eorum cucurrit. Abr. 109.  
Abraham domum cui inhabitaret cur non edificauit. Abr. 111.  
Abraham vixit in papilionibus ne fabricæ domus impenderet, quæ in pauperes eroganda forent. Abr. 111.  
Abraham à perfecta obedientia velut à compendio omnium virtutum commendatur. Abr. 176.  
Abrahæ multa opera vnum vocantur, quia vnum plurimum instar fuit. Abr. 174.  
Abraham diem, quo ablatus Isaac, epulo celebravit. Cur? Abr. 164. & seq. item 166.  
Abraham cur iuramentum à famulo exegit. Abr. 200.  
Abraham cum Dei auxilio quatuor regum fudit exercitum. Abr. 203. & seq.

Abraham terram suam, & domum patris sui pro Deo deferens quam abundè remuneratus. Abr. 3.  
Abraham vt Deo seruiret, è terra sua egrèdi iussus. Cur? Abr. 3.  
Abraham decrepitu filium in matrimonio collocauit. Cur non ante? Abr. 196.  
In Abrahæ stemmate non aui, proauique, sed virtutes tantum recensentur. Cur? Abr. 169.  
Abraham in media pace semper accinctus, velut iuxta hostes vixit. Abr. 191. & seq.  
Abraham non habuit iuramentum diuinarum promissionum, quousq; arietem immolauit. Abr. 189.  
Abraham diuitem epulonem filium nuncupans, grauius cruciat. PPP. 297.  
Abraham quantus apud Deum fuerit. PPP. 237.  
Abrahæ sollicitudo & charitas, recipientis Angelos. PPP. 339.  
Abraham Ægyptum tempore famis ingredi permittus, Isaac prohibitus est. PPP. 362.  
Abrahæ posteris & sublimibus stellis, & humili terræ pulueri comparati. Cur? PPP. 400.  
Abraham terram & pedibus, & oculis obire iussus. Cur? PPP. 415.  
Abraham ipse bona sua inter filios distribuit, cum adhuc viueret, pulcherrimo exemplo, quod omnes merito imitari debeant, qui habent bona, quæ à morte relinquunt. PP2. 532.  
Abraham onustus debitis. PP2. 542.  
Abraham eduxit Dominus foras, non extraxit. PP2. 595.  
Abraham præ omnibus Patriarchis de hospitalitate prædicatur. Cur? PP2. 613.  
Abraham hospites excepit, & domicilij nescius domus omnium fuit. 614.

**ABSALON.**

Cur præ reliquis corporis partibus Absalonis cor transfixum. Abr. 140.

**ABSTINENTIA.**

Abstinentia aut nulla est, si modica, aut inordinata, si nimis.



# INDEX ALPHABETICVS

si nimis.

## ABUNDANTIA.

Abstinentiam alijs, alijs vini potum Paulus suadebat. Abr. 193.

Abundantia rerum eas viles facit. Abr. 193.

Abundare, & timere literis, & syllabis differunt, reapse nihil. PPP. 274.

Accipiter. PP2, 597. o.

Accipiter pectori admoendus, blanditijsque demulcendus. PP2, 606.

Laudem & vituperationem intelligit. ibid.

Achab. Regi Achab vinea quam Naboth Iezrahelitz per vim eripuit, quot damna intulerit. Abr. 113.

Achilles. Achilles arma Uliſſes vi eloquentiæ suæ obtinuit. PPP. 402.

Actio. Actiones quædam ab animo officioso nasci videntur, & ad officias tendunt. PPP. 404. o.

Adam. Adam mox à peccato in exilium actus. Cur? PP2, 453.

Adversitas. Adversitas, ærvmna, afflictio.

Aduerſitas est mare tranquillum, at vitæ prosperitas ventus contrarius & validus. Abr. 60.

Adferre alteri nocerem, nisi iusta causa id postulet, stultorum est proprium. Abr. 102.

Absque causa nullus dicto vel facto alium affligere debet. Abr. 103.

Nec murmurandum inter ærumnarum angustias, nec superbiendum inter felicitatum illecebras. Abr. 147.

Inter ærumnas, & aduerſitates multi multa, & magna promittere solent, deinde retractare promissa. PP2, 602.

Advocatus. Advocati ne committant alieno labori studium, quod causæ, quarum sunt patroni, requirunt. PP2, 531.

Ædificium. Ædificare civitatem in sanguinibus quidnam sit. Abr. 112.

Sanguis pro pecunia sumitur & victu, quibus hominum vita sustentatur. Abr. 112.

In sanguinibus ædificant, qui nimis tributis & alijs iniustitijs ædificiorum impendia comparant. Abr. 112.

Magnifica ædificia vix sine conscientie discrimine

& pauperum iniuria eriguntur. Abr. 111.

Inſtar vermis continuo rodentis, superba ædificia eadem erigentium conscientias conmorſcabunt. Abr. 112.

Turris David ædificata cum propugnaculis, seu, ut alij legunt, ad doctrinas, ædificia cum maxima cautela erigenda ſignificat. Abr. 113.

Ex afflictorum ſubditorum ſumptibus ſuperflua palatia & vana recreationum loca erigere, maximæ est infantiæ, & peritiſſimæ conscientie. Abr. 113.

Acceptæ ſunt Deo fabricæ quæ ſine rerum publicarum damno, & ſubditorum oppreſſione eriguntur. Abr. 114.

Animas Romam ædificaturas cur Virgilius apibus comparavit. Abr. 114.

Qui apum inſtar ædificia non conſtruunt, in iuſtitiæ leges impingunt. Abr. 114.

Hirundinum inſtar ædes conſtruendæ. Abr. 114.

Ær. Aëram in ſuo loco quid tam conſtanter retineat. PP2, 547.

Ætas. Ætas & vitæ probitas pari paſſu crefcere debent. Abr. 15.

Affabilitas. Affabilitas ſermonis incantamentum efficax, quod placare ſtomacholiſſimum queat. PP2, 604.

Affabilitate verborum David ex homicida patrem, onem è lupo fecit. PP2, 606.

Blando ſermone delinire murmurantes, turbulentos, liuidos Sponſa docuit. PP2, 605.

Blando ſermone offe duriores facile vincuntur. PP2, 605.

Agar. Agar fugit ob modicam reprehentionem. PPP. 336.

Agar ſuo exemplo docuit diuturna eſſe non poſſe, quæ per vim alicubi detinentur. PP2, 547.

Agessilavus. Agessilavus lætabatur periurijs ſuorum hoſtium. Cur? Abr. 203.

Agricola. Agricolarum ſagaciſſimus Deus. PP2, 517.

Aiacis. Aiacis, & Ulyſſis de armis Achillis concertatio. PPP. 402.

Ambitio. Ambitio in comitatu vitiorum totum ſibi hominem vendicat. PPP. 312.

Ambitionis accurata delineatio. PPP. 312.

Ambitionem qualiter Deus exhorreſcat. PPP. 313.

Ambi-



# RERVM NOTABILIORVM.

Ambitiosi similes auium fecinarum. PPz. 603.

AMOR, AMICITIA, AMANS.

Amoris febrem vt explores, arteriam memoriæ tenta. Abr. 15.

Qui amicitias conseruare desiderant, de iure suo & honore mutuo cedant necessum est. Abr. 28.

Amorem qui profundas egerit radices euellere difficillimum. Abr. 29.

Amans sincere dici non potest, quem spes remunerationis ad operandum mouet. PPP. 397.0.

Amans verè, ac sincere, qui & longè positos non relinquit. PPP. 399.

Amor fucatus est, & mutue benevolentie nundinatio, soli presenti se officiosum exhibere. PPP. 399.

Amor paternus quis. PPP. 399.

Amor dulcis tyrannus. PPP. 434.

Amoris debita amore soluuntur. PPP. 440.

Amoris nutrices timor, & spes. PPz. 463.

Amoris affectio, & ardor non semper æqualis. PPz. 460.

Amoris accommodatissimum nomen *Annuens*. PPz. 493.

Amor quid sit, nescit, qui laborem sentit. PPz. 491.

Amanti nullus labor durus, aut diuturnus. PPz. 491.

Amor nihil difficile spectat. PPz. 494.

Amoris pedissequa audacia. PPz. 494.

Amoris vis est machina cordis. PPz. 494.

Amor Dei igni comparatur. Quare? PPz. 500.

Amat Deum verè, qui suas opes pro illo relinquit. PPz. 660.

AMYGDALA.

Amygdalarum fructus fieri dulces possunt ex amaris. Quo artificio? PPz. 517.

ANGELVS.

Angelus ardet Dei presentia, homo memoriâ. Abr. 17.

Cur Angelus Domini descendens in piscinam mouebat aquas. Abr. 122.

Angeli in die iudicii contremiscent. Abr. 128.

Angelorum suprema perfectio in obedientia consistit. Abr. 177.

Angeli refutarunt hospitium Loth, cum primo ab illo inuitati. Cur? PPP. 418.

Angeli per scalam Iacob vel ascendebant, vel descendebant, quiescebat nullus. Quo documento? PPz. 455.

Angeli quidnam Christo, aut quo officio ministrant, incertum. PPz. 563.

Angeli Deum benedicunt, etiam cum aliud quiduis ipsius iussu faciunt. PPz. 589.

ANIMA.

Anima ab imperfectioribus paulatim ad perfectiora ascendens hominibus & Angelis est admirationi. Abr. 11.

Anima est hortus conclusus, & in horto fons signatus esse debet. Abr. 267.

Animæ, quæ Deo gratæ esse velint, neque nimis pueriles, neque nimis rugosæ, seniculæque esse debent. Abr. 194.

Animæ emolumenta quàm tardè homo curat. PPP. 234.

Anima quibus committenda. PPz. 534.

Animæ negotia ante mortem disponenda. ibid.

Animæ vestimenta opera perfectæ ex charitate. PPz. 588.

Animæ Deo gratæ inditium libertas loquendi. PPP. 401.

Anima sæpè puteus, nonnunquàm fons. PPz. 460.

Animæ suæ domui quisque prouideat. PPz. 522.

Erga animas suas etiam sunt quidam fidei comes. PPz. 561.

Animam non deploras mortuam, qui defunctum amicum desles! PPz. 567.

Anima quârumvis perpolitâ, inueniet semper quod emundet & emendet. PPz. 650.

ANIMAL.

Animal nullum quod non aliquam sui corporis partem habeat infirmam. Abr. 122.

Animalium maiorum cur diuturnior in vtero gestatio. PPP. 221.

A brutis multas institutiones homo accepit. PPP. 224.

ANNA.

Annæ prolem deposcentis qualis oratio. PPP. 315.

S. ANTONIVS.

Antonius mundum domum tenebrosam, ac præliis plenam vocabat. PPz. 624.

APOSTOLVS.

Apostoli maximè securi erant, quando minimè securos se putabant. Abr. 192.

Apostolorum incredulitas candidâ confessione obliteratur. PPP. 306.

Apostoli nihil mali de proditore cogitare sunt ausi. Cur? PPP. 381.

Apostoli in horto dormientes cur de somno obiurgati. PPP. 387.

Apostoli etiam vincti terrori erant Iudæis. PPP. 400.

Apostoli personati quinquam. PPz. 407. & seq.

APPETITVS.

Appetitus humani familiare vitium, inhiantiùs cupere.

Pppp 3



# INDEX ALPHABETICVS

- pere, quod magis vetitum. PP2. 630. & seq.  
 Appetitus vitiorum tam est vehemens, vt homo  
 ne orium quidem seruaret, nisi poenâ capitis ad  
 id cogereetur. PP2. 631.  
 Quod appetitur vehementius, nocere vehementius  
 solet. PP2. 557.
- AQVA.**  
 Aliud est aquarum scaturigo & effluxus, aliud earun-  
 dem è fontibus haustus. Abr. 6.  
 Aquæ, quæ super cælos sunt, quales sint. PPP. 217.  
 Aquæ ex paradiso profluente in proprio solo dul-  
 ces, in nostro autem acridinem contrahunt.  
 PPP. 325.  
 Aqua in hoc flore rubescit, cærulea, purpurea, albida  
 in alio. PPP. 422.
- ARABES.**  
 Arabes non dant ex myrrha potiones Deo. PP2.  
 p. 614.  
**ARBITRIUM LIBERVM.**  
 Ex libero nostro arbitrio plurima quandoq; damna  
 oriuntur. Abr. 30.  
 Proprio arbitrio non pertinaciter inhærendum.  
 Abr. 30.
- ARBOR.**  
 Arbores diuersimodo irrigantur. PPP. 370.  
**ARMA.**  
 Armorum vita libri & litteræ PPP. 335.  
**ASÆL.**  
 Asæel mortuus cogebat omnes subsistere. PPP. 253.
- AUARITIA.**  
 Auaritia quantum malum. PPP. 357.  
 Auaritia, dum plura possidentur, acrescit. PPP.  
 357.  
 Auari quàm difficilis saluatio. PPP. 358.  
 Auari quomodo curandi. PPP. 359.  
 Auaritia ignis, eleemosyna aqua est. PPP. 359.  
 Auaritia omnium hominum oculus. PP2. 660.  
 Ex auaro qui largum facit, ingens miraculum facit.  
 PP2. 662.  
 Auarus Ananias tantâ peste infectus erat, vt Petrus  
 eum non tam emendandum, quàm damnandum  
 putauerit. PP2. 662.
- AVIS.**  
 Aues suam ex aquis trahunt originem. Abr. 148.  
 Aues foemina, quousque conceperint, admittunt  
 mares, posthæc auersantur. PP2. p. 603.  
 Avium foeminarum similes ambrosii. PP2. p. 603.
- AURES.**  
 Aures alicui perfici, nil aliud quàm obedientem fi-  
 cri. Abr. 176.
- Aures humilis & perfectæ obedientiæ, corpus & eius  
 membra reliquarum virtutum sunt symbolum.  
 Abr. 176.
- AURVM.**  
 Auro, & muneribus ne sunt venales honores. PP2.  
 491.
- AVXILIUM.**  
 Auxilium Dei facere potest, vt sanctitatem eius  
 quadamtenus imitemur. PP2. p. 571.  
 Auxilium Dei non excludit semper studium huma-  
 num. PP2. 572.
- B.**
- BALBUTIENTES.**  
 Balbutientes submisce loqui non possunt. Cur  
 PP2. p. 629.
- BARBA.**  
 Barba non facit Sophum. PPP. p. 394.  
**S. BASILIUS MAGNVS.**  
 S. Basilij Magni iudicium incredibiliter pertinuit  
 Libanius. PP2. p. 541.
- BEATITVDO.**  
 Beatitudo vi expugnatur. Meritò illud. Nam & cor-  
 poris salus plerumque sine vi non obtinetur.  
 PP2. p. 565.  
 Beatitudinis obtinendæ pactum sic tractatur, vt ma-  
 trimonium solet. PP2. p. 573.  
 Beatus nemo erit, qui non fuerit ante accinctus.  
 PP2. p. 592.  
 E spinoso dumo malum punicum expectat, qui be-  
 atitudinem absq; afflictione & labore. PP2. p. 593.
- BELLVM.**  
 Bellum Hebræis Milhamah ab edendo, siue voran-  
 do dicitur. PP2. p. 472.  
 Belli duces, quo tempore ineunda pugna, sint maxi-  
 mè solliciti. PP2. p. 540.  
 Bello etiam confecto debet persistere vigil, & solici-  
 tus miles Christi. PP2. p. 623.
- BENEFICIUM.**  
 Qui beneficijs mutuas vices rependit, hic aliorum  
 benevolentiam acquirit. Abr. 91.  
 Beneficia gratuita Deus tribuit voluntate, at poenas  
 pro merito infert eorum qui peccauerunt. Abr.  
 124.  
 Beneficij dilatio acuit petentis desideria. PPP. 272.  
 Beneficia priora, subsequenti ingratitude non o-  
 bliterantur. PPP. 307.  
 Beneficia sua Deus pensionib; onerat. PP2. p. 495. o.  
 Homines cum beneficium prestant, humiles esse so-  
 lent, ingrati, cum sunt assecuti. PP2. p. 603. o.  
 Beneficia



# RERVM NOTABILIORVM.

Beneficia prensantium officiosa voces. PP2. p. 602.  
Beneficia qui ambiunt, importuni sunt, vt accipi-  
ant; ingrati vbi acceperint. PP2. p. 601. & seq.  
Beneficium adeptus Dauid non obliuiscatur be-  
nefactorem. PP2. p. 604.  
Beneficio nihil carius, quamdiu petimus, nihil vi-  
lius, cum accipimus. ibid.

## S. BERNARDVS.

Bernardus incontinentiam suæ deuotionis deplorat.  
PP2. p. 469.  
Bernardi ætas vidit Catholicos idololatrias. PP2.  
p. 467.

## BIBLI.

Biblij furtum arbitrantur, si quid in via inuentum  
auferant. PP2. p. 505.

## BONVS, BONVM.

Nullum aliud bonum præter Dei gratiam, nec ma-  
lum præter culpam. Abr. 35.  
Boni quod magis honorantur, magis se deiciunt,  
mali laudibus extolluntur, & insolescunt. Abr. 100.  
Christianis optanda pro Deo bonorum suorum ia-  
tura. Abr. 103.  
Pro Deo aliquod bonum perdere lucrum est non  
damnum. Abr. 104.  
Qui pro Deo exigua bona perdunt, plurima ab ipsi-  
us liberalitate recipiunt. Abr. 104.  
Bona tua viuens diuide, ita duo mala cauebis. PP2.  
p. 533.  
Bona æterna non vel eodem loco habentur, quo ca-  
duca. Factum indignè. PP2. p. 566. o.  
Bonis omnibus deficiunt, qui Deo. Abr. 202. o.

## C.

### CAIN.

Cain longiturno timore acerbius multatus est,  
quàm si cità morte ablatus è vita fuisset. PP2. p.  
576.

### CALAMITAS.

Calamitatum nomen non merentur, quæ simul cum  
vita expirant. Abr. 74.  
Non videntur esse calamitates, quarum non est per-  
petua duratio. Abr. 75.  
Calamitates nostras beneficij donatione Deus miti-  
gat, leuatque. PP2. p. 495. o.

### CAMELVS.

Camelus adgeniculatus pulchrum hieroglyphicum  
ambitiosum. PP2. p. 603.

### CANDELABRVM.

Candelabrum illud vetus cur in parte australi col-  
locatum. PP2. p. 623.

## CANIS.

Canis cæcus nascitur. PPP. 374.  
Canes non gaudent odoribus leporum, sed come-  
stione. PPP p. 437.

## CANITIES.

Canities homini exstimationem non facit, sed vir-  
tutes. PPP. 289.

## CAPILLI.

Capilli mulierum titulus illarum seruitutis capit,  
impositus. PP2. p. 470.

## CAPVT.

Capitis obtruncatio præ reliquis supplicijs æquissi-  
ma in legum diuinarum contemptores poena.  
Quare? Abr. 139.  
Capite velut arce sapientiæ iure priuatur, qui sapi-  
entiæ non tenuit rationem. Abr. 139.

## CARMENTA.

Carmentæ larario scortea inferre nefas. PPP. p.  
409.

## GAROLVS QVINTVS.

Caroli Quinti lemmata insignibus Burgundicis ap-  
pensa, elucidata. PPP. 367.

## CASTITAS.

Eelix exercitus ductor, si sobrius sit & castus. Abr.  
48.  
Castra non casta citò sequitur interitus, & ruina.  
Abr. 46.  
Nullum vitium plus vires extenuat, quàm obscæ-  
rum carnis flagitium. Abr. 46.  
Milites vt fortiter dimicent, parum commertij cum  
mulieribus habere debent. Abr. 47.

## CEDRVS.

Cedri Libani quinam. PP2. p. 504.

## CERES.

Cerere permittit vxorem Marti Proserpina no-  
luit. Cur? PP2. p. 473.

## CHALEB.

Caleb filiam suam addixit vxorem ei, qui vastaret,  
hoc est, vastare primus inciperet urbem Cariath.  
Quo mysterio? PP2. p. 442.

## CHAMELEON.

Chamæleon bestia tardigrada. Vnde? PPP. p. 428.  
& seqq.

## CHVSAL.

Chusai nunc Arachites, nunc filius Iemini dictus.  
Cur? Abr. 167.

## CHRISTVS.

Christus in horto tribus discipulis dormituri-  
bus somnum capere non solum permittebat, sed  
& suadebat. Cur? Abr. 7.  
Christum



# INDEX ALPHABETICVS

- Christum Samaritanam à luxuriæ morbo curasse  
reliqua excedit miracula. Abr. 48.
- Christus duo in peccatores spicua iecit, vnum mi-  
serationis, alterum indignationis, illo naturam,  
hoc culpam impetijt. Abr. 89.
- Christus in cruce quasi violenter, in Sacramento al-  
taris suauiter attrahit homines. Abr. 110.
- In cruce nos Christum, in Sacramento altaris Chri-  
stus nos inquit. Cur? Abr. 111.
- Christus cur tribus solum diebus, & noctibus morti  
subiectus esse voluit. Abr. 148.
- Christus abiturus in cœlum, cur benedixit Discipu-  
los. Abr. 161.
- Christi genealogia nullam habet sanctam mulie-  
rem. Cur? Abr. 168. & seqq.
- Christo puero cur myrrha oblata. Abr. 171. & seqq.
- Christus à resurrectione nullum miraculum fecit.  
Cur? Abr. 175.
- Christus cur induendos virtute ex alto dixit Disci-  
pulos. Abr. 191.
- Christus cur in montem Oliueti à cenâ iuit. Abr.  
192. & seqq.
- Christus cur interrogatus, vnde esset. Abr. 199.
- Christus cur vnam mortis horam sciuisse speciali-  
ter dicitur, qui omnes sciuit. Abr. 201.
- Christus cur medicum se vocat. Abr. 205.
- Christus alios celeriter, tardius alios curabat. Cur?  
Abr. 208. & seqq.
- Christus cur dicitur in agonia factus? PP2. p. 450.
- Christum à transfiguratione reuerſum salutauit  
turba solito reuerentius. Cur? PP2. p. 479. & seqq.
- Christum cognati illius confessi sunt, postquam ab  
illo episcopi facti. PP2. p. 481.
- Christus adulteræ Euangelicæ & misericordiam  
pollicitus, & iudicium comminatus fuit. PP2.  
p. 497.
- Christi carnem manducare, & sanguinem bibere,  
est communicare passionibus eius. PP2. p. 504.
- Christus Apostolorum iudicium arbitrio totius  
mundi potius habuit. PP2. p. 518. & seqq.
- Christus Discipulos suos diu apud vnum hospitem  
morari voluit. Cur? PP2. p. 546.
- Christus de rebus ad salutem animarum spectanti-  
bus differens, non ferabat vel matris mentionem  
audire. PP2. p. 566. & seqq.
- Christus nobiscum cenat, & nos cum illo, collatis  
vtrinque sumptibus. PP2. p. 573. & seqq.
- Christus non absque mysterio magister noster di-  
ctus. Quo illo? PP2. p. 574.
- Christus ab oratione ad somnulos discipulos se-  
mel, iterumque, & iterum abiit. Quo documento?  
PP2. p. 590.
- Christus quod maxillam alteram alteri alapæ non  
obtulit, mysterium fuit, non imbecillitas. PP2.  
p. 594.
- Christus Prophetam Phariseo se probauit. Quo-  
modo? PP2. p. 612.
- Christus puer responsis suis stuporem adferebat au-  
ditoribus. ibid.
- Christus modum vlciscendi docuit. PP2. p. 618.
- Christus post fatigationem sedebat. Quo docu-  
mento? PP2. p. 621.
- Christus flagello, ceu sceptro, & funiculis tanquàm  
armis regalibus vsus. PP2. p. 640.
- Christus apud piscinam illum ante alios curabat,  
cuius fuerat morbus diuturnior. PP2. p. 651.
- Christus iubendo vt afferrentur quinque pisces, &  
duo panes, quid nos doceat. PPP. 220.
- Christus proximus passioni suorum commodis in-  
tendebat. PPP. 275.
- Christus quare natus, dum Iudæa à diuersis Princi-  
pibus occupabatur. PPP. 278.
- Christus in monte Thabor gloriosus, post mortem  
glorificatus, peregrinus apparet. PPP. 296.
- Christus in ieiunio occumbit & triumphat. PPP. 356.
- Christus increpat Principem, qui eum bonum ap-  
pellat. PPP. 360.
- Christus cur Petrà ab Apostolo comparatus. PPP.  
366.
- Christus cur in aurora resurrexerit. PPP. 372.
- Christus dzmoniosum sibi oblatum statim liberauit,  
à cœcis fidem antè exegit, quàm eos illuminârit.  
PPP. p. 388.
- Christus ad omnia cetera tormenta sua taciturnus,  
ad solum colaphum os in verba laxauit. Cur?  
PPP. p. 392.
- Christus cur desiderio desiderasse pascha dixit. PPP.  
p. 417.
- Christus cur se lucem mundi nominauit. PPP. 403.
- Corpus Christi & panis vitæ est, & aqua sapientiæ.  
Quo mysterio? PPP. p. 422.

## CHRISTIANVS.

- Christiani à cepto virtutum itinere resistentes quo-  
rundam odorum, qui mane sinceriores, die sene-  
scente minus, & meridie minimè sentiuntur, sunt  
similes. Abr. 12.
- Christiani à seruire spiritus deficientes arcui pra-  
no & paulatim remittenti æquiparantur. Abr. 12.
- Christianus scenicus seu histrionicus esse non debet.  
Cur? Abr. 14.

Christia-



# RERVM NOTABILIORVM.

Christianus scenicæ repræsentationi dans operam,  
non alium quàm Deum ipsum repræsentabit.

Abr. 14.

Christianus in studio virtutum semper vnus sit, si-  
cut Deus vnus est.

Abr. 14.

Christianus debet in operibus Christum imitari.

PPP. 321.

Sunt Christiani plurimi similes Herculis multerosi.

PP2. 510.

Christianus nemo nascitur, sed fit quisque.

PP2. 576.

Christianorum felicitas, quòd vni Domino seruiunt.

PP2. 659.

## CIBVS.

Panem tantum pro cibo cur petamus.

PPP. 345.

Bonum & malum non in cibo, sed in intemperante  
illius desiderio positum est.

PPP. 348.

## CIRCVMCISIO.

Circumcisio Hebræis data velut perpetuum frenan-  
dæ libidinis memoriale.

Abr. 33.

## CIVITAS.

Ciuitatum optimum propugnaculum custodia le-  
gum, studium orationis, & virtutum.

Abr. 202.

& seqq.

## CLEMENTIA.

Inter maximam furoris diuini austeritatem semper  
aliquod pietatis & clementiæ signum relucet.

Abr. 54.

Clementia Domini punientis.

PPP. 364.

## COELVM.

Motus cælorum velocissimus.

Abr. 157.

Eidem assimilatur ira diuina.

ibid.

Cælum quomodo Magnates obtinere queant.

PPP. 267.

Cælum quàm exiguo pretio emitur.

PPP. 268.

Cælum propriâ voluntate ascendentem tenere ac  
sistere oportet.

PPP. 376.

Cæli similitudinem quis in sinapis granulo quæris-  
set?

PPP. 394.

## COLLV M.

Collum Sponsæ primum monilibus, dein turri, ei-  
q; benè vallatæ, & ab armis instructæ comparatur.

Quo mysterio?

PP2. 556.

## COMMODA.

Res quæq; nobis bona, dum vsibus nostris commo-  
da.

PP2. 607.

## CONFESSARIVS.

Confessarij aliter cum peccatore recens lapsos, aliter  
cum inueterato procedere debent.

Abr. 69.

Tom. III.

## CONSIDERATIO.

Considerationem diligentem, & attentam meretur  
opus, quod semel factum malè, est inemendabile.

PP2. 525. o.

## CONSILIARVS.

A Regibus & Principibus consiliarij recti, integri, &  
passionibus vacui eligendi.

Abr. 153.

A Consiliarijs bonis Principum felicitas, à malis e-  
orundem infelicitas, dependet.

Abr. 153.

Dolor laterum ex quo ægrè habere solent Prin-  
cipes, mali sunt Consiliarij.

Abr. 154.

Consiliariorum bonorum & malorum diuersi effe-  
ctus.

Abr. 154.

Saris est regem esse improbum & Consiliarios bo-  
nos, quàm Consiliarios malos & regem probum.

Abr. 155.

Consiliarij Principum non vertant munus suum ad  
suz familiæ splendorè amplificandum.

PP2. 599.

## CONSILIUM.

Loth non Angeli sed proprio consilio montem con-  
scendens, ibidem in peccatum incidit.

Abr. 32.

Sicut ex Dei acta consilio in bonum, sic ex proprio,  
plerumque in malum cooperantur.

Abr. 32.

## CONSVETUDO.

Vitium malâ consuetudine inueteratum maxima cū  
difficultate emendatur.

Abr. 135.

Consuetudinis & inclinationis æqualis violentia.

Abr. 148.

Inclinationem naturalem & inueteratam vincere  
consuetudinem difficillium.

Abr. 148.

Consuetudinem inueteratam & propensionem na-  
turalem vincere res ardua.

Abr. 148.

Consuetudo molestiam ferendi laboris mitigat.

PP. 2. pag. 452. o.

Consuetudo mollimentum calamitatum beneficio  
singulari naturæ nobis data.

PP. 2. 454.

## CONVERSIO.

Conuersionis remedio ætas nulla inepta, vel sera.

PPP. p. 394.

## S. CORNELIVS.

S. Cornelius Papa vim passus, vt Episcopatum acci-  
peret.

PP2. p. 564.

## CORONA.

Corona non datur nisi legitimè certanti.

PPP. 266.

## CORRECTIO.

Correctio sic instituenda, vt peccata deiiciantur &  
peccatores erigantur.

Abr. 88.

## COSTA.

Costa arcus figuram habet.

PP2. 633.

Costa cur mulier facta.

Ibid.



# INDEX ALPHABETICVS

## D.

### DEMON, DEMONIOSVS.

- Maxima homini ignominia, à damone hoste adeo imbecilli superari. Abr. 70.  
 Mascarum similes sunt demones, non solum tentandi importunitate, sed etiam imbecillitate. Abr. 70.  
 Demon technis valet, non viribus. Abr. 70.  
 Demonis infirmitas, & imbecillitas ostenditur. Abr. 71.  
 Demon non peccatoris emendationem, sed peccati vult perseverantiam. Abr. 88.  
 Maximum diaboli tormentum quoddam de futuris suis, tormentis sit dubius. Abr. 179.  
 Solus demon incorrigibilis. Abr. 138.  
 Demones nullum verbum in scripturis magis horrent, quam initium Psalmi sexagesimi septimi. PPP. 354.  
 Dæmonia quare à Christo petierunt facultatem intrandi porcos. PPP. 284.  
 Diabolus vnum ex illis duodecim, qui suscitabant mortuos, abripere potuit. Abr. 169.  
 Deus mane & vespere tantum vnum agnum quare offerri voluerit. PPP. 344.  
 Diabolus vnus totum cælum motibus inrefinis implere posset. Abr. 196.  
 Dæmoni homo suā oscitantia otium permittit, & tempus vt zizania superferminet. PP2. p. 500. & seqq.  
 Demon stultissimus fuit, cum Christo pro vnus adoracionis officio dominium totius mundi obtulit. PP2. p. 509. & seqq.  
 Demonis peccatū incurabile. PP2. p. 515. & seqq.  
 Dæmoni satis astutus non fuit, cum per vnum Pilatum Christi mortem, & mundi salutem impedire voluit. PP2. p. 519.  
 Diaboli verbum apud Dauidem quod. PP2. p. 534.  
 Diaboli satellites sunt illi palpones, qui iuuenibus suadent licentius viuere, tanquam qui poenitentiam agere possint, cum sensuerint. ibid. ad finē  
 Dæmoni præsumpcio de bonitate Dei occasio liberius peccandi, & damnationis fuit. PP2. p. 536.  
 Demon magis efferatur in moribundos. PP2. p. 537. o.  
 Demon crudelis dominus. PPP. p. 391.  
 Demoniosus à diabolo mox ei sciendo cruciabilissimè affligitur. Quo documento? PP2. p. 539.  
 Dæmoni, vt pro Iobis anima excubaret, non mandauit Dominus. PP2. p. 554.

- Dæmon pios crudelius persequitur. PP2. p. 555. o.  
 Dæmon peccatores non querit capere. PPP. p. 557.  
 Dæmon magno studio, & astu Christum in pinnam templi extulit. Quonam illo? PP2. p. 563.  
 Dæmon valerrimè Sancto Iobti suas nuntiavit calamitates. PP2. p. 579.  
 Dæmon homines sequitur, quantum non vmbra corpus. PP2. p. 537.  
 Dæmonem vigilanter obseruare, cur ad horam Completorii maximè iubemur? PP2. p. 538.  
 Demones abituram è corpore animam circumposita obsidione custodiunt. PP2. p. 538.  
 Demon animæ nostræ arcem ex omni parte tentat. PP2. p. 625.  
 Dæmon aurum præripit, & lutum reponit. PPP. p. 412.

### DAMNATIO.

- Damnatio æterna, quam exigua delectatiunculâ incurritur. PPP. 267.

### DAMNUM INCOMMODVM.

- Damnum nullum felicius quod pro Deo toleratur. Abr. 1.  
 Vult damnum ipsum, qui illud prospicit & dissimulans non auertit. Abr. 87.  
 Damnum illud leuius, quod timore ante non cruciat. PP2. p. 578.

### DARDANENSES.

- Dardanenses ter in vita solum lauabantur. Abr. 197.

### DARE.

- Dare debet qui vult recipere. Abr. 91.

### DAVID.

- Propheta David hostibus circumdatus inuictam Domini dextram implorauit. Abr. 6.  
 David non hostes suos puniri, sed solum de manibus eorum se liberari petijt. Abr. 6.  
 Propheta David petit, vt Deus ipse gladio se cingat. Quare? Abr. 8.  
 David cur Deum volebat suum esse adiutorem. Abr. 205.  
 David petebat liberari à peccato, quo se contaminatum non sciebat, sed tantum suspicabatur. Ab. 191.  
 David quare in chordis Deum laudare suadet. Abr. 193.  
 David veritatem celans Abimelechum. Quare? PPP. 236.  
 David cur occiso Goliath, caput attulerit Hebræis. PPP. 230.  
 David in regem vnctus quanta passus sit, priusquam honore, & commodis regis gauderet. PPP. 264.  
 Davidis planctus Absolone mortuo. PPP. 207.  
 David



# RERVM NOTABILIORVM.

David natus Parentibus Dei cultoribus. PPP. 327.

Dauidi Deus etiam erat, qui Dominus. PP2. p. 468.

David carnis suæ debita in carne eadem ipse iuit. PP2. p. 531.

David beneficium consecutus perstabat apud benefactorem. PP2. p. 604.

David in maxima felicitate recensuit, quod posteros habuit sanctos. Abr. 164.

David blandis verbis Saulem ex homicida patrem, ouem ex lupo fecit. PP2. p. 606.

David iurauit, & statuit custodire iudicia, & mandata quæcunque illa Dei. Quâ fiducia? PPP. 390.

David Propheta maior à Nathane minore quædam didicit. PPP. p. 394.

David cur ostio, non muro sibi claudi labia rogauit. PP2. 629.

David Sauli quamuis reconciliato non credidit. Cur? PP2. p. 554.

David non minus laudabat Deum in iudicijs profereudo sententias, quàm in templo struendo, & cantando Psalmos. PP2. p. 642.

David promptus fuit ad omnia mala subeunda, dum ne gratiâ Dei excideret. PP2. p. 648.

## DECEPTIO, DOLVS, FRAVS.

Deceptio felicissima. PPP. p. 409.

Deceptio sensuum nostrorum in Sacramento altaris fructuosa. PPP. p. 411.

Dolus bonus quis. PPP. p. 411.

## DEMOSTHENES.

Demosthenes quomodo oratorum Græcorum princeps effectus. PPP. 240.

## DESPERATIO.

Desperationis fœda grauitas. PPP. 255.

Desperare peccator nullus debet. PPP. 392.

## DESIDERIVM.

Tolerabilior euadet dilatio eorum, quæ petimus, si non desideria, sed merita nostra consulamus. Abr. 82.

Desiderium longum adfert rebus pretium. Ab. 159.

## DEVOTIO.

Solent plerique viam virtutis feruenter ingredi, at facile à cæpto itinere deficere. Abr. 10.

Quò quis longæuior, eò & sit deuotior. Abr. 92.

## DEVS.

Remunerare consuevit Deus permagnificè officia sibi exhibita licet exigua. Abr. 2.

Pro costa ex latere Adami desumpta Deus carnem repleuit. Quare? Abr. 2.

Pro ære aurum, pro ferro argentum, pro lignis æs, & pro lapidibus ferrum donat Deus. Abr. 3.

Quid lucri sit perdere, aut periculo aliquid propter Deum exponere. Abr. 3.

Deus non illic ubi perditur, sed alibi inquirendus. Abr. 3.

Deus bonorum nostrorum non indiget. Abr. 6.

Deo ex nostris operibus nihil utilitatis accedit. Abr. 7.

Deus in seipso perfecte beatus nullius alterius est indigus. Abr. 7.

Requieuit Deus ab omni opere, non in opere, quod patrârat. Abr. 7.

Deus requiescere, seu feriari ab opere qualiter dicatur. Abr. 7.

Deus inexhaustus est oceanus omnis boni, cæteri homines exigui riuuli, & minuscule guttulæ. Ab. 8.

Deum iustorum recordari, & eosdem amare idem sunt. Abr. 15.

Deo obligationes, plerumque eidem ingratiore. Abr. 34.

Deus non ita claudit fores misericordiæ clauis iustitiæ, vt non aliquam rimam relinquat misericordiæ. Abr. 54.

Deus semper ad subueniendum paratus, dummodo illius opem admittere velimus. Abr. 81.

Ira Dei in peccatum sua torquet spicula, non in peccatorem. Abr. 88.

Cum Deus nunquam cesseret benefacere, etiam nos ab illius cultu nunquam debemus desistere. Abr. 92.

Si Deo placeas, non est quòd hominum dicta factaque cures. Abr. 97.

Deum habere propitium, & contentum, summa felicitas. Abr. 98.

Qui Deo viuunt, etiam alijs rebus mortui, verè viuunt. Abr. 100.

Nullus locus ita absconditur, quin ibidem peccantes Deus clarissimè videat. Abr. 120.

Nihil quantumuis occultum, Dei oculis absconditum. Abr. 120.

Videri à Deo, & ab eodem amari, seu iuari, idem sunt. Abr. 119.

Oculi diuini soles, qui peruiident vniuersa. Abr. 120.

Tenebræ apud Deum nullæ, cum tam clarè videat in densa caligine, quàm in medio sole. Abr. 120.

Castigare peccatores à deo Deo iniustum, vt vnicuique momentum, quo eos castigat, totius æternitatis duratio ei videatur. Abr. 128.

Beneficia præstare Dei proprium, punire ab eo alienum. Abr. 129.

Quantum Deus ad benefaciendum propendet, tantum ab infligendis pœnis abhorret. Abr. 129.

Q q q q 2

Adeo



# INDEX ALPHABETICVS

- Adeo alienum à Deo punire, vt miraculo tribui possit cum infert supplicia. Abr. 129.
- Deus hominibus benefaciens ad amplius benefaciendum quasi incitatur. PPP. 226.
- Deus omnia videt. PPP. 236.
- Pati & ridere in domo Dei iunguntur. PPP. 263.
- Deus quare subinde beneficia tardius det. PPP. 271.
- Dei cognitio vera olim Hierosolymis. PPP. 285.
- Deus benefacit manu propriâ, plectit alienâ. PPP. 366.
- Dei ingenium ex se aliquando æstimant homines. PPP. 380.
- Deus cuiq; id est, quod præcipue colit. PP2. 467.
- Deus cur ex toto corde vult diligi. ibid.
- Deus neminem supra vires grauât. PPP. 387. o.
- Deus nos fallit, vt amorem suum prodar. PPP. 411.
- Deus sextiduum creationi mundi dedit, qui momento condere eum potuit. Cur? PP2. 466.
- Deus meus es tu dicere pauci possunt. PP2. 468.
- Dei ordinationi submissis hilariterq; obtemperato. PP2. 497.
- Deus prolixius eos remunerat, qui diligentius ei inserviunt. Abr. 129.
- De misericordia diuina nunquam desperandum. Abr. 138.
- Solet Deus similia peccatis supplicia irrogare. Abr. 138.
- Qui Deo in sola prosperitate seruit, hic Deum sincero amore non diligit. Abr. 147.
- Dei solum in prosperis memor suam potius commo- ditatem quam Dei querit honorem. Abr. 148.
- Deus dedit nobis posse fieri filios Dei, non statim fecit. Cur? Abr. 160.
- Differt quæ petimus, vt ardentius petamus. Abr. 160.
- Carnes Hebræis nō antè dedit, quàm rogassent. 161.
- Quos miseratur Deus, citò castigat, vt non diutius affligantur futuri expectatione iudicij. Abr. 179.
- Deus vult nos habere cooperatores. Abr. 204. o.
- Deus qui dat maiora, minora non negat. Abr. 201.
- Deo qui destituitur, bonis omnibus nudus est. Abr. 202.
- Deus hominum adiutor. Abr. 205.
- Deus fidus amicus vices cumulatè reddens. Abr. 207.
- Deus nobis talis, quales nos Deo. Abr. 209.
- Deum, quiscunque ille esset, dignum honore puta- uit gentilis Eglon. PP2. 498.
- Vt Deo quisque seruit, ita & proficit. PP2. 500. o.
- Deus in medio suorum est, quia omnibus commu- nis. PP2. 506.
- Dei gratia communis omnibus hominibus. ibid.
- Deus curam totius orbis terrarum communem ha- bet. PP2. 508.
- Deus cum imperat laborem, etiam perficendi vires ministrat. PP2. 569. o.
- Dei auxilium semper præstò his, qui pro eius nomi- ne, & iussu aliquid vel faciunt, vel tolerant. PP2. 570.
- Deus nostram cooperandi sollicitudinem requirit. PP2. 572. o.
- Deus nos sibi desponsat. Quo mysterio? PP2. 573.
- Deus eorum pedes à lapsu eruit, qui ipsi cauent à lapsu. PP2. 575.
- Deum pro Deo relinquere aliquando consultum, & consulendum. PP2. 588. o.
- Deus negligentiam iubet, vt obedientiam prober. PP2. 631.
- Deus penduli è paribulo furis spectaculo quodam- modò æquè oblectatur, ac Sacerdotis ad aram sa- crificantis, dum rectus iustitiæ ordo in plectendis sceleribus seruetur. PP2. 640. o.
- Deus agricola est, qui palmitibus, non radici curam confert. PP2. 430.
- DIGITVS.**
- Digitus virorum perfectorum symbolum. Abr. 101.
- DILIGENTIA.**
- Diligentia abundans non nocet. Abr. 205. o.
- DINAM.**
- Dinam vnâ custodes plurimi seruare non potue- runt. PP2. 628.
- Dinæ curiositas quantorum malorum causa. PP2. 628.
- Dinam nimia reclusio cupidam exeundi fecit. PP2. 634.
- DISCIPVLVS.**
- Discipuli cum magnam Christi potestatem sense- runt, augeri sibi fidem rogârunt. Quo documen- to? PP2. p. 479.
- DISCRETIO.**
- Discretione moderare tuum iter, vt profectio tua possit esse diuturna. PP2. 619. o.
- Discretio omni virtuti ordinem ponit. PP2. p. 620.
- Discretio moderatrix actionum nostrarum esse debet, vt sint vriles. Abr. 193.
- DISSIMULATIO.**
- Vbi occurrunt quæ & offendere, & recreare te pos- sint, hæc cogita, illa dissimula. PP2. 662. o.
- DISTRACTIO.**
- Multas & Missas audire, & fundere preculas, & au- dire exhortationes cum multa distrac- tione parum



# RERVM NOTABILIORVM.

uam adfert vtilitatem.

Abr. 175.

Elias morti succumbere maluit, quàm timori. PP2.

## DIUITIÆ.

Subitam diuitiarum affluentiam examinare non erit vana curiositas. Abr. 21.

Opulentia & concordia simul stare nequeunt. Abr. 23.

Nulla calamitas maior diuitiarum cupiditate. Abr. 23.

Diuitiarum cupiditas bellorum omnium origo. Abr. 23.

Animalia terrestria diuitijs inhiantium, volatilia terrena despicientium sunt hieroglyphica. Abr. 24.

Diuitiæ non solum habitæ, sed etiam nondum occupatæ inquietem & dissidia generant. Abr. 24.

Diuitiarum desideria nunquam satiantur. Abr. 93.

Diuitiæ quomodo exerceant hominem. PPP. 349.

Diuitiæ quando non sint noxiæ? PPP. 350.

## DOMINVS.

Dominandi libido quanta. PPP. 310.

Dominus noster si non sit etiam noster Deus, non satis id nobis. PP. p. 466. o.

Domino supremo soli seruire & maxime debemus, & facillime possumus. PP2. p. 505. o.

Dominis multis seruire difficile. PP2. 658.

## DVBITATIO, HÆSITATIO, & FLVCTVATIO ANIMI.

Pœnalis tormentum est animi, dubium & perplexum hærere, quàm duro ligno affigi. Abr. 178. o.

Fluctus & dubitatio, procella & animi hæsistatio, tempestas & consilij inopia idem sunt. Abr. 178.

Malunt quidam citâ morte, quod malè fecerunt luerè, quàm diu animo suspensi hærere. Abr. 178.

## E.

## ECCLËSIA.

Qui instar lapidis se cœdi & expoliri non finit, aptè in Ecclesiæ ædificio collocari non potest. Abr. 27.

Ecclesia & fons est, & puteus. Abr. 204.

Ecclesiæ grauissimum detrimentum direptio librorum. PPP. 328.

Ecclesia Christiana in pluribus vna, in singulis tota. PP2. 528.

## ELEEMOSYNÆ.

Eleemosynæ virtus oleum. Abr. 200.

## ELEPHAS.

Elephas proboscide abscissa moritur. PPP. 341.

## ELIAS.

Elias filium viduæ resuscitaturus, è sinu matris sublatum in lecto suo reposuit, quare? Abr. 5.

Elizæ alimonia vnde allata. PPP. 223.

Elizæ oratio tunc efficacior fuit, cum Deum à beneficiendo prohibuit, quàm cum ad dandam pluuiam permouit. PP2. 586.

Elias de rudi, & vili habitu omnibus notus. PP2. 600.

Elias paupertatis Euangelicæ ante Euangelium promulgatum cultor. ibid.

Eliam paupertas sua intrepidum fecit. ibid.

Elias sub vili habitu potestatem plusquàm regiam occultabat. PPP. 394.

Elizæ lingua frænum cœli. PPP. 395.

## ELISEVS.

Eliseus à quibusdam militibus primùm insanus, posthæc verus vates habitus. Cur? PP2. 607.

## EPHRAÏM.

Ephraim columba seducta cur dictus. PP2. 552.

## EPISCOPVS.

Episcopus quis diligendus? PPP. 2908.

Episcopi propriæ functiones. PPP. 320.

## ESAV.

Esau nascens totus pilosus. PPP. 315.

Esau quàm impatiens famis. PPP. 339.

Esau intemperatus ac inordinatus appetitus. PPP. 348.

Esau in delectatione vxorum cur errauit. PPP. 374.

Esau seruus, sed fratris, neque perpetuus. Quo mysterio? PP2. 496.

## EVCHARISTIA.

Diuinissimo Sacramento instituto cur Christus montem Oliueti ascenderit. Abr. 111.

Eucharistia refectus, hymnis, & precibus munus, debet nihilominus ad misericordiam Dei fugere. Abr. 192.

Eucharistiæ Sacramentum affectu antè præcipiendum, quàm affectu. PPP. 413. o.

Sitis ad Sacramentum Eucharistiæ adferenda. PPP. 416.

Eucharistia mors malis, vita bonis. PPP. 433.

Eucharistia est baculus, sed instar dolonis. PPP. 423.

Eucharistiæ damna non ab illa veniunt, sed à nostra indignitate nascuntur. PPP. 426. o.

Eucharistiam aliqui tanquàm stipula ignem ad unum. PPP. 427.

Eucharistica mensa est amabilis excruciatio voluntatis. PPP. 434. o.

Eucharistia lac. Cur? PPP. 428.

Eucharisticus panis suauissima intellectus defatigatio est. PPP. 431. o.



# INDEX ALPHABETICVS

Eucharisticum conuiuium potentissime torquet  
memoriam. PPP. 437. o.

## EXACTIO.

Rex Ioachim de immoderatis exactionibus & erga  
subditos crudelitibus à Propheta reprehendi-  
tur. Abr. 111.

Nimijs exactionibus, velut sectione venæ & sangui-  
nis emissionem subditi consumuntur & deficiunt.  
Abr. 112.

## EXEMPLVM.

Exempli quanta efficacia. PP2. 318. o.

Exempla Sanctorum damnant nostram ignauiam.  
PP2. 616.

Exempla Sanctorum spem nobis faciunt. PP2. 617.

## EXISTIMATIO.

Præclaram apud homines habere existimationem &  
Deum offensum summa infelicitas. Abr. 98.

## EXPECTATIO.

Expectationis molestia tanta, vt numerari in mar-  
tyribus queat, qui diu expectat. Abr. 161. o.

Expectabundos Apostolos vi singulari confirmavit  
Christus. Abr. 162.

Expectare, & expirare videntur idem esse. ibid.

Expectatione rei desideratæ extenditur, & torque-  
tur animus. ibid.

## EZECHIEL.

Ezechiel in cinctu capitis apprehensus, eleuatus  
inter cælum & terram, adducitur in Hierusalem,  
quid designet. PPP. 221.

## F.

### FACERE.

Cura de factis aliorum non habenda sed de pro-  
prijs. Abr. 5.

Imperatorum proprium est ad facta aliorum atten-  
dere. Abr. 5.

Inertium est factis aliorum sua inumbrare. Abr. 5.

Facere potest quilibet, quod potuerunt omnes, &  
fecerunt multi. PP2. 614. o.

Facere maiora, & intermittere minora, vel est inopia  
ingenij, vel infirmitas voluntatis. Abr. 200. o.

### FAMES.

Fames sub Abrahamo, ab ea quæ sub Isaaco orta est,  
centum annis præcessit. PPP. 364.

### FELICITAS.

Caduca mortalis vite pro gloria Domini contemne-  
re, summa felicitas. Abr. 1.

Felicitate intumescere vel frangi calamitate insignis  
austritia. Abr. 146.

Felicissima deceptio. PPP. 409.

## FESTINATIO.

Festinatio nimia damnosa. PP2. 619. o.

Festinatio nimia facit, vt antè deficias animo, quàm  
absoluas opus. PP2. 621.

## FIDES.

Fidere censum debitori, & credere deceptor nemo  
solet. PP2. 553.

Hominum fucatorum liberalitas auaritia est, fides  
perfidia. PPP. 405.

Per fidem in captiuitatem, & obsequium Christi re-  
ductus intellectus plus quodammodo cognoscit,  
quàm beati videant in gloria. PPP. 433.

Fides cur animosa appellatur. PPP. 433.

## FICTIO.

Ficta est quorundam etiam erga suas animas comi-  
tas. PP2. 561.

## FICVS.

Ficus hieroglyphicum est Ecclesiæ. Abr. 92.

Ficus molliores densiore, ac validiore tegumento  
foliorum natura munuit. Quo mysterio? PP2. 652.

## FILIUS PRODIGVS.

Prodigus filius cur stolâ primâ antè vestitus, quàm  
ad esum vituli saginati admissus. PPP. 421.

## FOENVM.

Fœnum sponte nascitur. PP2. 586.

## FONS.

Fontis & putei quod discrimen? PP2. 450.

## FORTVNA.

Rex victorij non debet extolli, sed fortunæ volubi-  
litate perpendere & extimescere. Abr. 55.

Fortunæ prosperitate sublimes maioribus egent au-  
xiliorum copijs, quàm grauiori calamitate op-  
pressi. Abr. 58.

Fortunæ sola constans inconstancia. Abr. 191.

Fortunæ mutabilitas. PPP. 294.

## FRAGILITAS.

Fragilitatis propriæ memores compati debemus a-  
lienæ. Abr. 52.

Qui lapsibus aliorum non compatitur rationis ino-  
piâ laborat. Abr. 53.

Culpæ ex ignorantia seu fragilitate commissæ de fa-  
cili remittuntur. Abr. 151.

Peccantibus ex ignorantia seu fragilitate facile, ex  
malitia peccantibus difficulter conceditur remis-  
sio. Abr. 152.

Seuerè castigatur peccatum quod præmeditatè  
committitur. Abr. 152.

## FFVMVS.



# RERVM NOTABILIORVM

## FVMVS.

**Fumus** contrà aduersum ventum fortius nititur. PP2. 630.  
**Fumus** contabesceret mœrore, si rationis compos  
 esset. Cur? PPP. 435.  
**Fumo** nihil comburi potest. ibid.

## G.

**GENVS, PROSAPIA, STEMMA, &c.**  
**Generis** vilitas neminem contristare debet. Abr.  
 167. o.  
**Genus** proprium quisque sibi facit. Abr. 168.

## GIGAS.

**Violentes** gigantes, & cadentes scriptura pro eis dicit  
 habet. PP2. 548.

## GLORIA COELESTIS.

**Qui** volens præsentem quietem & gloriam contem-  
 pserit, inueniet futuram. Abr. 97.  
**Corona** gloriæ non datur incipientibus, sed fortiter  
 vsque in finem perseverantibus. Abr. 12.  
**Cœlestis** gloriæ magnitudo & dignitas. PPP. 270.  
**Nemo** consors gloriæ, qui non socius pœnæ. PP2. 593.

## GRATIA DEI.

**De** gratia non nimium fidendum. Abr. 60.  
**Gratia** Dei eiusdemque beneficia sunt bona mobi-  
 lia non fixa & perdurabilia. Abr. 60.  
**Nemo** sibi securitatem de gratia diuina valet pro-  
 mittere. Abr. 60.  
**Gratia** Dei communis omnibus hominibus. PP2.  
 507.  
**Gratiarum**, & virtutum thesauros cum inanis gloriæ  
 leui aura commutare, stultissimum. PP2. 509.

## GRUES.

**Grues** vigilantia hieroglyphicum. Abr. 20.  
**Grues** docent suo exemplo fugere præfecturas.  
 PP2. 564.

## GULOSITAS.

**Gulositas** quantum malum. PPP. 346.

## H.

## HÆRES.

**Hæredes** defunctis suis hoc faciunt, quod Hebræi  
 illis ab Angelo trucidatis Assyrijs militibus.  
 PP2. 433.

**Hæredibus** ergo noli tua curanda relinquere. ibid.

## HÆRESIS.

**Hæresis** primò languorem, posthæc interitum ad-  
 fert. PP2. 464.

## HEBRÆVS.

**Hebræi** in ipso portu, hoc est, terræ promissæ con-  
 spectu naufragati quos significant. PP2. 523.

## HELI.

**Heli** à Domino castigatus, retinet ex posteris in al-  
 taris ministerio. PPP. 298.

## HERCVLES.

**Hercules** effœminatus, & deridiculus habet sui si-  
 miles multos Christianos. PP2. 510.

## HERODES.

**Herodis** simulata deuotio. PPP. p. 406.  
**Herodis** sepulchrum in modum mammæ extru-  
 ctum, quid signet. PPP. 249.

## HISPANVS.

**Hispani** ex suæ terræ victu astuti, & iudicio præstan-  
 tes. PPP. p. 429.

## HISTORIA.

**Historiæ** laus & utilitas. PPP. 333.

## HOMICIDIUM.

**Homicidium** Cain à quo didicerit. PPP. 244.

## HOMO.

**Si** homo velit, nil aded difficile quod non possit.  
 Abr. 20.

**Nihil** infelicius homine in cunctis prospero. Abr.  
 58.

**Hominum** fortunatorum status periculosissimus,  
 miserorum & infeliciū turissimus. Abr. 59.

**Homo** ipse suæ sibi perditionis est architectus. Abr.  
 80.

**Sterilitas** spiritualium profectuum ex propria ani-  
 mæ culpa oritur. Abr. 80.

**Homines** procul posita despiciunt etiam quæ proxi-  
 ma, nisi proximè eos attingant. Abr. 198. o.

**Homines** operantur cibum, quem Deus dat. Abr.  
 204.

**Hominis** pœnitentis pulchrum speculum filius pro-  
 digus. Abr. 205.

**Homo** luti liquor vocatus. Quare? PPP. 250.

**Hominis** vita quasi candela. PPP. 251.

**Homo** nascens morti initiatur. PPP. 251.

**Hominis** ad malum procliuas. PPP. 316.

**Hominis** ad bonum segnitias. PPP. 317.

**Homo** cur à Deo vltimò creatus. PPP. 369.

**Homines** ex sese plurimùm æstimant cum alios sui  
 similes, tum etiam aliquando Deum. PPP. 380.

**Hominum** mores tales sunt, vt maxime cibo pere-  
 ant. PPP. p. 428.

**Homo** durus, & obstinatus ferrum. PPP. p. 427.

**Homo** sumpturus eucharistiam seipsum probare de-  
 bet, non cibum, quem sumet. PPP. p. 430.  
 Homi-



# INDEX ALPHABETICVS

Homines illud scire auidius concupiscunt, quod ingenio minus assequi possunt. PPP. p. 431.  
 Homo qualem Deo hostiam pro sacrosancta corporis, & sanguinis hostia offerat. PPP. p. 440.  
 Hominem delicatum, & qui diu felix fuerit, quauis molestiola deijcit. PP2. p. 454.  
 Homo cur microcosmus dictus. PP2. p. 465.  
 Hominis magnitudo, & prestantia non de primo aspectu æstimanda. PP2. 475. o.  
 Homines erga virautem auari, erga vitia prodigi. PP2. p. 487.  
 Homo ad mala facilis, difficilis ad bona. PP2. 487.  
 Homines ad consonantiam salutis composuit Deus multis modis. ibid.  
 Homines pleriq; diuites ad luxum, pauperes ad misericordiam. PP2. p. 488.  
 Homines astuti, & sordidi tunc solent sua offerre, quando vident non posse esse vsui. PP2. p. 558. o.  
 Homo felix esset, si pari solitudine curaret spiritualia, ac temporalia. PP2. p. 484.  
 Homines ingeniosi ad vitia, rudes ad virtutum exercitia. Indignum! PP2. p. 569.  
 Homo quilibet Christianus maximis debitis prægrauatus. PP2. p. 542.  
 Homo ne otium quidem obseruaret imperatum, nisi mortis pena ad præceptam accederet. PP2. p. 631.  
 Homini mortem adferre celeriores solet, quod ille maxime demoritur. PP2. p. 637. o.  
 Hominum ea est ignorantia, vt ea maxime a Deo flagitent, quæ si concedantur, sint maxime nocitura. PP2. p. 639.  
 Homines amant dicere, quæ sibi honorifica, & racerere, quæ parum deceant. PP2. p. 642. o.  
 Homines commune lucrum, sed non dispendium amant. ibid.

## HONOR.

Honori, detecto capite sacrificatum. Quare? PPP. 311.  
 Honores auro venales quot malorum causa. PP2. p. 491.  
 Homini cur Deus alimenta exteriora dederit. PPP. 372.  
 Iuri suo & honori quandoque cedendum, ne pax dissoluatur & concordia. Abr. 26.  
 Qui iuri suo & honori nouit cedere, facile quæcunque libent obtinebit. Abr. 27.  
 Hortulani industrij blanda manus quid possit. PP2. p. 605.

## HORTVLANVS.

## HORTVS.

Hortus hieroglyphicum est animæ sanctæ. Abr. 107.  
 Hortum flos vnus non facit, nec virtus vna sanctum. PP2. p. 477.

## HOSPITALITAS.

Hospitalitas & mortis recordatio Abrahamum exexit. PPP. 352.

## HOSTIS.

Stuleus est, qui sospitatem ab hostibus expetit. PP2. p. 553.  
 Hosti clauso ex desperatione crescit audacia. PP2. p. 624.  
 Hostem vigilem, & agrum incultum nemo dormiens vaquam subegit. PP2. p. 592.  
 Hoste cum insomni qui pugnat, non dormiat. PP2. p. 622. o.  
 Cum hoste fugato non fugit nostrum periculum. PP2. p. 623.  
 Hostis vnde irruat, vigilanter attendendum. PP2. p. 624.

## HVMANVS.

Amentia laborat, qui putat omnes erga se fore largos & humanos, cum ipse in neminem sit prolixus & humanus. Abr. 90.

## HVMILITAS.

Autoritatis iacturam aut dignitatis imminutionem ex humilitate nemo fecit. Abr. 115.  
 Abiectionum officiorum administrationem nemo debet refugere. Abr. 115.  
 Humilitas simulata. PPP. p. 407.

## HYDRIA.

Hydrias nuptiarum ab alijs impleri aqua, aquam autem ipse Domiaus vertere in vinum voluit. PPP. p. 388.

## I.

## IACOB.

Iacob quare non admissus est ad osculum Patris, nisi post tactum, post prandium. PPP. 265.  
 Iacob scientia suam hausit ex frequentatione scholæ Melchisedech & Heber. PPP. 327.  
 Iacob Dominus Esau quia dabat operam sapientiæ. PPP. 335.  
 Iacob temperantiore victu primogenita consecutus est. PPP. 351.  
 Iacob delicate educatus duro solo lassa membra afflixit. Quo documento? PP2. p. 452.  
 Iacobris illud votum, *Erre mihi Dominum in Deum*, quale. PP2. p. 467.  
 Iacob



# RERVM NOTABILIORVM.

Iacob licet desiderauit pulchritudinem Rachelis.

PP2. p. 482.

Iacob sibi tribuit, quod non maiora Dei beneficia accepit.

PP2. p. 501.

Iacob Iordani proximus totam noctem duxit in somnum. Quo mysterio?

PP2. p. 524.

Iacob denique credidit amplius labantia, quo tam crebram fraudem fuerat passus.

PP2. p. 552.

Iacobi ad patriam tendendi multa peruiam obstituerunt.

PP2. p. 555.

Iacob praelatorum exemplar.

PP2. p. 561.

Iacob cum patriam repetijt, obuiam habuit castra Dei. Quo mysterio?

PP2. p. 569.

Iacob quamuis certum haberet, Deum sibi adiuturum adiutorem, cur tamen propriam, quam euadere fratrem iratum saluus posset, pratermisit.

PP2. p. 572.

Iacob voluit spatium esse inter gregem, & gregem. Cur?

PP2. p. 578.

Iacob fratrem muneribus placauit, & cœcauit.

PP2. p. 581.

Iacob oratione, & lachrymis cum Deo colluctatus.

PP2. p. 585.

Iacob intermittere orationem, cum dilucesceret, iussus.

PP2. p. 588.

Iacob fuit meticulosus, quando copiosus.

PP2. p. 597.

Iacob dictus postea Israël. Quo mysterio?

PP2. p. 591.

Iacob ut irato fratri suo supplex erat, ira eiusdem placati, & iam beneuolentis humiliter obseruans fuit.

PP2. p. 605.

Iacob blandiloquentia verborum ferreum fratris pectus expugnauit.

PP2. p. 605.

Iacob dixit, uidisse faciem fratris, quasi vultum Dei. Cur?

PP2. p. 607.

Iacobi periculum aliud ex alio natum.

PP2. p. 625.

Iacob ioco primum petijt primogenita sibi pro pulcra vendi.

PP2. p. 635. & seqq.

Iacob quanto studio vernaculos suos à deastrorum cultu & peccato deterruit.

PP2. p. 649.

Iacob cur Benjamin filium suum sic vocauit.

PP2. p. 663.

Iacob cur fleuit, cum Rachelem osculatus.

PPP. 438. & seqq.

## IEHOVA.

Nomen Iehoua solus sacerdos magnus proferebat, idque tantum in nuptijs.

Abr. 197.

## IEIUNIUM.

Ieiunantes ungere caput, & lauare faciem iussi. Cur?

PP2. p. 579.

Ieiunij laus & utilitas.

PPP. 340.

Ieiunij vires ac robur.

PPP. 354.

Ieiunans Dominus quasi aciem ad quatuor mundi plagas adornauit.

PPP. 355.

## IEPHTE.

Iephthe Galaaditis ducatum militiæ offerentibus non statim credidit. Cur?

PP2. p. 553.

Iephthe filia clauetro inclusa spiritualiter sacrificata fuit.

PP2. p. 627.

## IERICHO.

Ierichuntis prædam cur milites contingere prohibiti, Hai verò diripere iussi sint.

PPP. 265.

## IGNIS.

Ignis contra naturam propriam descendit in Sodomam. Cur?

Abr. 139.

Ignis tribus pueris ieiunio ornatis nil nocet.

PPP. 355.

## IGNORANTIA.

Ignorantia quamuis peccatum non extinguat, extenuat tamen.

Abr. 134.

## IMAGINATIO.

Imaginatio nostra multum conuenit cum hyperbole.

Abr. 17.

## IMBECILLITAS.

Imbecillitas virium humanarum absque diuino auxilio quanta.

PPP. 258.

Stulti sunt, qui cum sint imbecilles, non timent incurrere, vbi fortissimi ceciderunt.

PP2. p. 534. o.

## INCONSTANTIA.

Actus scenicus inconstantiam adumbrat.

Abr. 14.

## INFANS.

Infantes cum parentibus in Sodoma cremati, ne diu viuentes grauius peccarent, & durius punirentur.

Abr. 142.

Infantium ab Herode interfectorum felicitas.

Abr. 144.

## INFELICITAS.

Infelicitas summa est, mortem inde haurire, vnde alij vitam accipiunt.

PPP. p. 422. o.

## INFERNVS.

Inferni ianuam pulsat, qui se libidini tradit.

Abr. 49.

Inferorum cruciatus si quis momento degustaret, omnia vitæ huius mala libenter toleraret.

Ab. 198.

## INFIDVS.

Infido aliquid aliquando fidere, sagax nonnunquam industria est.

PP2. p. 631. o.

## INGRATITVDO.

Nil æquè ex cruciat atque ingratitudo.

Abr. 84.

Rrrr

Inf.



# INDEX ALPHABETICVS

## INIMICVS.

Diligens inimicos congerit carbones super caput eius. PP2. p. 618.  
 Inimicos diligens congerit carbones super caput eius. Quomodo? PP2. p. 619.

## INIVRIA.

Iniuriarum condonatio, & obliuio operosissimum opus. PP2. p. 609. o.  
 Iniuriarum æquanimis tolerantia res est mirissima, & memorabilissima. PP2. p. 610. & seqq.  
 Iniuriarum septuagies septies condonandarum commemoratio Petrum in stuporem adduxit. PP2. p. 611.  
 Iniurias vlciscendi modum Christus docuit. PP2. p. 617. & seqq.

## INNOCENS.

Innocentis à Sancto discrimen. Abr. 130.  
 Innocentia per gradus discedit. PP2. p. 464.

## INOBIEDIENTIA.

Inobedientia est peccatum mundi, quod Ioannes Christum tollere dicit. Abr. 10.  
 Nullum in mundo vitium præter inobedientiam, nec virtus vlla præter obedientiam. Abr. 10.  
 Inobedientem omnibus vitijs contaminatum præsumendum. Abr. 10.  
 Inobedientia omnia peccata includit. Abr. 10.

## INTELLECTVS.

Intellectus bonitas non in præceptorum diuinorum intelligentia, sed in eorum obseruatione consistit. Abr. 7.  
 Præceptorum diuinorum intelligentia non exiguum misericordie diuinæ beneficium. Abr. 7.  
 Intellectus voluntatis in operando diuersitas, & qui intellectus, qui voluntati assimilentur. Abr. 110.  
 Ingenij vena non æquè semper currit. PP2. p. 460.  
 Ingenij luxuria restringenda. PPP. 432. & seqq.

## INVIDIA.

Inuidiosus qui non fuerit, felix censeri non potest. PPP. 382. o.  
 Inuidere se omnes negant. Cur? PPP. p. 384. & seqq.  
 Inuidie aptum symbolum ignis. Cur? PPP. p. 383.  
 Inuidere alicui est magnificare illum. PPP. p. 385.  
 Inuidus priuinitas quasdam pœnæ perpetuæ habet. PPP. p. 385.  
 Immodè dæmonem in seipso nutrit. PPP. 386.  
 Inuidi vtiā oculos ubique haberent. PPP. p. 387.

## IOANNES BAPTISTA.

Ioannes Christum Dei agnum bis demonstrauit. Cur? Abr. 106. & seqq.

Ioannes Baptista in carceres, non de suo periculo, sed aliena salute sollicitus est. PPP. 275.

Ioannes Baptista in flore ætatis obtruncatus. PPP. 292.  
 Ioannes Baptista prudens concionator. Cur? PP2. p. 445.

Baptista pauper vnus, solusque Herodem arguere ausus. PP. 2. p. 597. & seqq.  
 S. IOANNES EVANGELISTA.

Ioannes Euangelista Historiæ suæ, initium & finem librum ponit. PPP. 330.

## I O B.

Iob pro tribus amicis orare iubetur? PPP. 301.  
 Iob à sancto Hieronymo latinitate donatus recepit duplicia pro iis quæ amiserat. PPP. 334.  
 Iob à patria laudatus. PPP. 374.

Iob pater, non patronus, non adiutor tantum pauperum fuit. PPP. p. 399.  
 Iob ex omnibus sanctis solus exemplum patientiæ datus. Cur? PP. 2. p. 454.

Iob quare cunctis diebus sacrificia offerebat? PP. 2. p. 457.

Iobis vxor virum obiurgans, Deum non accusat. Cur? PP. 2. p. 498.

Iobti recordationem Dei adimere dæmon voluit. PP. 2. p. 498.

Iob docuit, quantum formidare iudicem Deum debemus. PP. 2. p. 541.

Iobtis amici serò illum inuiserunt. Cur? PP. 2. p. 550.

Iobtis animam non commisit Deus diabolo custodiendam. Cur? PP. 2. p. 554.

Iob vxorem primam, vt quidam volunt, repudiavit. Cur? PP. 2. p. 592. & seqq.

Iob cur in terra Hus habitasse fertur? PP. 2. p. 616.

Iob Deum semper quasi timentes, sibi que imminentes fluctus cur timuit? Abr. 192.

Iob quotidie diluculo sacrificia offerebat Deo, vt liberos à cogitationum peccatis seruaret. PP. 2. p. 653.

Iob cogitabat se nudum exisse ab utero matris, cum rebus omnibus nudum videbat. Cur? PP. 2. 664.

## IONAS.

Ionas Deum, quem in terra perdidit, in mari inuenit. Abr. 3. & 4.

Ionas in terra contumax, & refractarius, in mari humilis, & obsequens. Abr. 4.

Ionæ ex ventre ceti oratio. PPP. 304.  
 Ionam in mare coniecturi nauæ cur tam diu cunctati. PP2. p. 525.

Ionam



# R E R V M N O T A B I L I O R V M.

Jonam esse religiosum nauæ de veste sunt arbitrati.  
PP. 2. p. 551.

## I O N A T H A S.

Jonathæ sagitta nunquam redijt retrorsum. Quo mysterio?  
PP. 2. p. 582.

## I O S E P H Æ G Y P T I V S.

Ioseph inquirens fratres errat in via. PPP. 374.  
Ioseph cur mundi saluator dictus à Pharaone, qui solam saluauit Ægyptum?  
PP. 2. p. 529.

Ioseph fratribus autor fuit, vt dicerent vnã pastorem vitam à pueris egisse. Cur? PP. 2. p. 545.

## I O S E P H A R I M A T H A E V S.

Ioseph ab Arimathia an aurum dederit pro Corpore Christi Pilato. PPP. 269.

De Ioseph Arimathæo nulla fit in Scriptura mentio, nisi cum petiisse corpus IESV à Pilato fertur. Cur?  
Abr. 189. & seq.

## I O S U E.

Iosue quàm diu filius Nun dictus. Abr. 166. & seq.

Iosue vnde animatus vt solem sisteret. PPP. 228.

Iosue cur monitus, quod Hethæos subacturus esset.  
PP. 2. p. 595.

Iosue prudens militum ductor. PP. 2. pag. 446.

## I R A.

Iraisci quandoque necessarium, at peccato non peccatori. Abr. 89.

Ire violentus, & tyrannicus affectus. PP. 2. p. 609.

## I S A A C.

Isaac habitasse iuxta puteum, quid designet. PPP. 218.

Isaac cur tam ardentem oratorem absente seruo Eleiezer  
PPP. 263.

Isaac quadraginta annorum ducit vxorem. PPP. 263.

Isaaci studium in imitando Patre. PPP. 373.

Isaac formidabilis Palæstinis. Cur? PPP. p. 399.

Isaac, & Rebecca iocus qualis. PPP. 380.

Isaac patris sui puteos refodit. Cur? PPP. p. 414.

Isaac ordinationi Dei humillimè, & promptissimè subiectus fuit. PP. 2. p. 499.

Isaac cur tam anxie inquirebat in eum, cui benedicere volebat? PP. 2. p. 526.

Isaacum sic felicitauit Dominus, vt etiam inuidiosum illum faceret. PPP. p. 383.

Isaac hæredem suum longis ante obitum suum annis renuntiavit, mercedo imitandus. PP. 2. p. 532.

## I S A I A S.

Isaias clamabat, prædicabat, benè monuerat, & quàm nihil effecerat apud auditores, mercedem tamen à Deo expectabat. PPP. p. 389 & seq.

Isaias ex charitate periculosa prædicationi se obtulit. PP. 2. p. 493.

Isaias semel prædicationi promptè sese obtulit, post hæc non item. Cur? PP. 2. p. 645.

## I S M A E L.

Ismaël quomodo mortuus. PPP. 252.

Ismaëlis cur præter liberorum numerum vix fiat vltior mentio. PPP. 246.

Ismaëlem exercuisse latrocinia, nugamentum. Quare? PP. 2. p. 541.

## I S R A E L I T A E.

Israëlites non pugnarunt priusquàm panem de coelo, & aquam de petra acceperunt. Quo mysterio? PP. 2. p. 556.

Israëlites persæ abluti priusquàm panem Angelorum consecuti. Quo mysterio? PPP. p. 420.

## I U D A S P R O D I T O R.

Iudas suã sponte abiit ad proditionem, & laqueum. PP. 2. p. 502.

Iudæ intemperans in vxorem amor fecit, vt reculas suæ fidei creditas depecularetur. PP. 2. p. 600.

## I U D A E V S.

Iudæi Cæsarem dixerunt suum regem, qui tyrannum experiebantur. Cur hoc? PP. 2. p. 527.

Iudæi quomodo tam subito illam longam passionis Christi tragœdiã adornare potuerunt. PPP. p. 416.

Iudæorum primores cur ministros submiserunt, & non ipsi abierunt, vt Christum caperent. PP. 2. p. 644.

## I V D E X.

Iudicibus non Regibus saluatorum nomen concessum. quare? Abr. 31.

Supplicia cunctanter maturoque consilio inferenda. Abr. 123.

A iudice sententia non nisi præiudicio maturo consilio contrà reum ferenda. Abr. 124.

Deus diabolum inauditum damnare noluit, iudicibus in hoc præbens exemplum. Abr. 131. & 132.

Condemnare inauditum, & reo defensionis negare locum, tam iuri diuino, quàm naturali & humano contrarium. Abr. 131.

Non castigauit Deus primos parentes nisi præiudicio propriâ ipsorum confessione. Abr. 132.

Iudices imitari debet citharados & quare? Abr. 132.

Iudex prius bonis æternam beatitudinem, deinde reprobis æternum supplicium decernit. PPP. 363.

Iudex cunctator esse debet, cum de vita pronuntiaturus. PP. 2. p. 525.

Iudicem Deum qui non timet, nã ille rationis laborat iudicio. PP. 2. p. 540.

## R R R R

Iudex



# INDEX ALPHABETICVS

- Iudex Deus quàm formidabilis, Iob docet. PP. 2. p. 542.  
 Iudicé deû Ezechiel vehementer timuit. PP. 2. p. 542.  
 Iudex malorum, aut reorum tortor non putet irreligiosum, aut prophanum. PP. 2. p. 641.
- IUDICIUM.**  
 De secretis cordium iudicare, soli Deo reservatum. Abr. 126.  
 In totam sanctissimam Trinitatem peccant, qui proximum temerè iudicant. Abr. 126.  
 Temerè iudicandi peccatum adeò graue, vt quasi solum requirat redemptorem. Abr. 126.  
 Iudicium temerarium adeò graue peccatum, vt ad alia sit qualis crabs ad festucam. Abr. 127.  
 Iudicium temerarium omnia alia peccata excedit. Abr. 127.  
 Iudicia hominum vnde tam diuersa. PPP. 380.
- IURAMENTVM.**  
 Iuramentum per nomen Dei non leuiter sed magna cum reuerentia faciendum. Abr. 56.  
 Tanta quodammodo requiritur dispositio ad iurandum, quanta ad communicandum. Abr. 58.  
 Horribile per sacrosanctum nomen Dei iurare. Abr. 57.  
 Iuramentum antiquitùs non nisi à ieiunio fiebat. Abr. 58.
- IURISPRVDENTIA.**  
 Iurisprudentiæ tyronibus primo loco magis perspicua, & leuiores proponenda. PP. 2. pag. 447.
- IUSTVS.**  
 Iusti sunt robusti athlantes, quorum humeris nititur machina mundi. Abr. 156.  
 Sunt fulcra humani generis. ibid.  
 Iusti meritorum suorum opulentiâ reliquos homines locupletant. Abr. 156.  
 Quod columna domui, quod ratio animo, hoc vir iustus mundo. Abr. 157.  
 Pro longæua iustorum vita Deus exorandus. Abr. 157.  
 Iustus cur super aspides, basiliscos, leones, draconesq; ambulaturus dicitur. Abr. 173. & seq.  
 Iusti etiam à morte ab iniustis separari voluerunt. Abr. 194. & seq.  
 Iustorum Virtutes, & actiones tam variæ ac multiplices, cur ex SS. Scripturis nobis referantur? PPP. 220.  
 Iusto nullus formidabilior leo. PPP. 399. o.  
 Iustus etiam mortuus viventibus est terrori. PPP. p. 400.  
 Iustitia, & veritas tandem obtinent. PPP. p. 402.
- Iusto nihil moeroris adfert, quidquid accadat. PP. 2. p. 647.  
 Sola gratia Dei illi pro substantia est, cætera pro accidentibus. Ibid.
- L.**  
**LABAN.**  
 Laban nepotis sui mores explorauit antè, quàm illi curam gregum commendaret. Quo documento? PP. 2. p. 478. & seq.  
 Laban iniustus in Iacobtem. PP. 2. p. 488.  
 Laban nimis leuiter credulus. PP. 2. pag. 549.  
 Laban Iacobtem fugitiuum persecutus. PP. 2. 555.  
 Labani ergà Iacob ficta, & simulata vrbalitas. PP. 2. p. 558.
- LABOR.**  
 Labori non assuetus, quicquid operatur, graue, & durum opinatur. PPP. 336.
- LAC.**  
 Lac ex se nunquam amarum efficitur. PPP. p. 428.
- LACEDÆMONES.**  
 Lacedæmones & Spartiæ natos mox frigida, abluerè & soli exponere soliti. PPP. 335.  
 Lacedæmones, non admittebant coquos nisi solius carnis. PPP. 346.  
 Coqui, mortis satellites. PPP. 347.
- LACHRYMÆ.**  
 In hac vita lachrymæ seminandæ, vt metamus lætitiâ in futura. Abr. 96.  
 Præsenti frui gloriâ & futurâ impossibile. Abr. 96.
- LAIS.**  
 Lais etiam Axine dicta sæuo ingenio lupa. Qua in re? PP. 2. p. 539.
- LAPSVS.**  
 Post lapsum stantes lapsibus aliorum compati debent. Abr. 54.
- LATRO.**  
 Latro in cruce quomodo obtinuerit regnum cælorum. PPP. 271.  
 Latronis etiam beneficia suspecta. PP. 2. p. 555.
- LAZARVS.**  
 Lazarus dormiens peccatoris recenter lapsi est symbolum, idem mortuus inuenerati. Abr. 136.
- LECTVS.**  
 Sponsa in lectulo suo sponsum quærens non inuenit. Cur? Abr. 4.  
 Lectus in scripturis voluptatis & deliciarum est symbolum. Abr. 4.  
 Deus in voluptate perditus, in asperitate doloris inueniendus. Abr. 4.
- LENI.**



# RERVM NOTABILIORVM.

## LENITAS VERBORVM.

Lenibus verbis Roboam suum regnum seruasset, si  
vci voluisset. PP 2. p. 606.

## LEPROSVS.

Leprosi naturaliter curati Deo grati esse iubentur.  
PPP. 371.

## LEX.

Legum vtilitas in easdem obseruationes redundat.  
Abr. 7.

Lex Dei ignea. Cur? PP 2. p. 456. & seq.

## LIA.

Lia diu foecunda, postea sterilis quid significet. PP. 2.

Lia cur postea sterilis, quae diu foecunda. PP. 2.

Lia reddidit suam foecunditatem illius in famulam  
beneuolentia. PP 2. p. 511. & seqq.

## LIBERALITAS.

Largitatis laus, & praedicatio. PPP. 219.

Liberalitas Dei & hominis quam diuersa. PPP. 227.

## LIBIDO MALA.

## LASCIVIA.

Facile succumbit armis exercitus qui dat manus  
lasciuia mulieribus. Abr. 48.

Cetera vitia carceres, carnis lasciuia infernus.  
Abr. 47.

Ceteris vitiis facilliter, at lasciuia difficulter reme-  
dium adferri potest. Abr. 48. o.

Luxuria disfluere & mortem oppetere idem viden-  
tur. Abr. 49.

## LIBRI.

Mortui optimi viuorum libri. PPP. 252.

Librorum & litterarum inuentum in Deum refert  
originem suam. PPP. 327.

Librorum Scriptores quam gratum Deo sacrifici-  
um offerant. PPP. 331.

Librorum vtilitas ac necessitas. PPP. 328.

## LILIVM.

Liliorum septo cur sponsa valiata, & inclusa. PP. 2.

## LINGVA.

Quomodo de proximo nostro loqui oporteat.  
PPP. 247.

## LINVM.

Ex lino herba parua nascitur, quod orbem ter-  
rarum vltro, citroque portet. PP. 2. p. 635.

## LIS.

Leuius est iacturam omnium bonorum sustinere,  
quam litigare. Abr. 25.

Maiores lucris est desertum lite perdere, quam diu  
contendendo quantum facere. Abr. 25.

Lis & diabolus idem sunt. Abr. 25.

Calamitosius nihil esse potest quam litigare. Abr. 25.

Lis in sacra scriptura idem quod bellum, pugna &  
certamen. Abr. 25.

Maiores felicitas est regno carere, quam illud per li-  
tes obtinere. Abr. 26.

## LITERAE.

Litterae armis praestantiores. PPP. 332.

## LOCVS.

Locus non facit virtuosum, aut sanctum, sed morum  
ac vitae mutatio. PPP. 215.

Quid obseruandum in electione loci, vbi quis habi-  
taturus est. PPP. 217.

## LOTH.

Loth cur tam aegre diuelli a Sodomis poterat. Abr.

Quod Loth inter Sodomitas viuens ab eorum vitijs  
se illa sum seruauerit, omnium ab eo gestorum  
praeclarissimum. Abr. 119.

Loth quam sollicitus pro aliena salute. PPP. 277.

Filia Loth maior minus honesta. PPP. 395.

Filia eiusdem minor magis verecunda. ibid.

## LUCIFER.

Luciferi casus reliquos Angelos cautos reddidit.  
PPP. 233.

## LUCRVM.

Absque lucris spe omnes claudi, pedem nemo mo-  
uet. PP. 2. 478. o.

Lucrum accipere pro eo, quod iure debeas, malitia  
maxima. PP. 2. 488. o.

## LUX.

Lucem mundi solem nemo suffundendo extinguere,  
nemo de cadela suo deicere potest. PPP. 403.

## LVDVS.

Ludi puerorum Iudaicorum quales olim. Abr. 199.

## M.

## MAGI REGES.

Magi ad praesepe Christi venientes quare virtus Da-  
masci vocentur. PPP. 333.

Magi lumen requisierunt lumine. PPP. 414.

## MAGISTER.

Magistri doctrina, non vita consideranda. PPP. 225.

## MAGNIFICENTIA.

Quando magnificentia est suspecta, consultum est  
diligenter inquirere, qua ex re quisq; splendeat.  
Abr. 23.

## RRR 3

## MA.



# INDEX ALPHABETICVS

## MAGNVS.

Magnus est, quisquis officium suum qualecunq; rectè procurat. PP2. 469. o.

## MALAGRANATA.

Malagranata flores suos citò amittunt, quia nexus eorum debilissimus est. Quid mysterij habet. Abr. 288.

## MALVS. MALVM.

Malum non in rebus sed in personis positum est. Abr. 6.

Omnia mala suum habent remedium, sola fluctuabundi & incerti animi ægritudo incurabilis. Abr. 180.

Mali citius crescunt, quam boni. Cur? PPP. 246.

Pessimus nemo repente. PP2. 465.

Mali Pharisei primum, dein adulteri. ibid.

Malo culpæ mala alia omnia cedunt. PP2. 646. o.

## MANNA.

Manna appetitum Filiorum Israël postmodum grauius afflixit, quam antè recreauit. PPP. 299.

## MANVS.

Manum suam ipse osculari quid. PP2. 603.

## MARE.

Mare & procellosum, & tranquillum purgare se nunquam cessat. PP2. 651.

Mari etiam tranquillo nemo prudens credit. Abr. 192.

## S. MARIA SANCTISSIMA DEI

## PARENS.

Vultus B. V. Iesum in vero gestantis adedò relucebat, ut eam Ioseph nequiret aspicere. Abr. 22.

Beatissima Virgo Maria cur in sermone Angeli turbata. PPP. 223.

Deiparam desponsatam fuisse Ioseph, cum ad eam salutandam Angelus venit, cur Lucas dicendum putauit. PPP. 418.

## S. MARIA MAGDALENA.

Maria Magdalena cur pedes & non caput Christi lachrymis suis rigauit? PPP. 369.

Magdalene spes cur non cum illius fide, & charitate commemoratur? PP2. 481.

Magdalena cur à contactu pedum Christi prohibita? PP2. 513.

Magdalene ardens ergà sacrum Christi cadauer amor pulchrè expensus. PP2. 492.

Magdalena ut ad peccandum malè impudens, sic & ad salutem benè inuerecunda fuit. PP2. 568.

& seqq. vbi multa de illa.

## MARITVS.

Mariti nimis curiosè obseruantes suas uxores in de-

sperationem, & veneficia eas impellunt. PP2. 634.

Mariti uxores ne durius habent. PP2. 634.

Mariti morosi timeant ne hoc vxoribus suis accidat, quod Dinæ. ibid.

Mariti ergà uxores subausteri similes sunt meli. PP2. 633.

## MARS.

Marti uxorem permittere Cererem Proserpina noluit. Cur? PP2. 473.

Mars Venerem, non Venus Martem sequitur. PP2. 494.

## MARTYR.

Martyres in suis corporibus velut alienis dimicant. Abr. 199.

## MATER.

Mater lasciuia vix castas habet filias. PP2. 421.

## MATRIMONIUM.

Matrimonij status omnibus simul prægrauatur molestijs. Abr. 196. o.

In solis nuptorum benedictionibus proferebatur nomen Dei tetragrammaton. Cur? Abr. 197.

Matrimonij molestias si ante nuptias experiri possent homines, nemo coniugari vellet. Abr. 198.

Matrimonij molestia nullà ferè coniecturà perspicitur. Abr. 198.

Coniugium à iugo dictum. PPP. 259.

Matrimonij molestia. PPP. 260.

Matrimonium seruus Dei nulli conciliet. PPP. 266.

Vita eorum qui matrimonio iuncti sunt tragedia à quibusdam dicitur. PPP. 261.

Matrimonium nubes gravis est. PPP. 262.

## S. MATTHÆVS.

Matthæus cur suum Euangelium librum generationis Christi vocat? PP2. 444.

Matthæo plus aliquid debet Ecclesiæ, quam cæteris Evangelistis. Cur? PP2. 443.

## MEDICVS.

Medicus ægrum nec prædentem faciat, nec desperandum. PP2. 463. & seqq.

Medicæ rei experti imbecilliora corpora ante morbum muniunt præseruatiuis. PP2. 652.

Meditatio frequentior valde necessaria. PPP. 232.

## MELIS.

Melis maritorum nimis austerorum ergà uxores symbolum. PP2. 633.

## MEMORIA.

Crebra dilecti recordatio ardentem indicat dilectionem. Abr. 15.

Memoriam verbi Dei ex ore prædicatorum acceptam perdidisse, grauissimum supplicium. Abr. 16.

Vbi



# RERVM NOTABILIORVM.

Vbi memoria esse desinit, bona voluntas diu super-  
esse non potest. Abr. 17.

Sponsæ languentis amorem ex tenaci Sponsi me-  
moriam filia Ierusalem colligebant. Abr. 15.

Innumera confert commoda iugis Dei memoria.  
Abr. 94.

## MENDACIVM.

Mendacium veritatem licet oppugnet, non oppu-  
gnat. PPP. 401. o.

Mendacium nouaculæ simile. PPP. 402.

Mendacij characteres sunt velut incurui, & non  
quadrati. Quo mysterio? PPP. 402.

Mendacio veritatem qui vult deijcere, idem durum  
silem molli, & inermi manu vult confringere.  
PPP. 404.

## MENS A.

Mensæ alienæ sectator vilis. Abr. 166.

## MERITVM.

Meritorum in domo Dei, non antiquitatis anno-  
rum ratio habetur. PPP. 287.

In Ecclesia Dei plûs meretur qui plûs laborat. Abr.  
130.

## MILES.

Miles qualis legendus? PPP. 338.

Miles diu feriatuſ pro tyrone habendus. PP2. 456.

Milites vt nec desperent, nec præſident, monendi.  
PP2. p. 461.

Milites Christi etiam post confectum bellum per-  
stant vigiles, & expediri. PP2. p. 623.

## MILVVS.

Milui esus Iudæis vetitus, eò quod inconstantia, fo-  
cordia, & inertia symbolum. Abr. 15.

## MINERVA.

Minerua inuentrix nauium. PPP. 224.

## MIRACVLVM.

Miraculum est, quod homo pro modica corporali  
oblectatiuncula vult perdere lætitiã perpetu-  
am. PP2. p. 511.

Nec qualecunq; miraculum, sed quod suum cho-  
rum seorsim habeat. PP2. p. 511.

Miraculum miraculorum fuit, quod Ægyptij sua  
vasa aurea, atque argentea tam facile concesserunt  
Iſraëlitis. PP2. p. 661.

## MISERIA.

Miseriæ vitæ præſentis non timendæ, sed in futura  
vita æternum duraturæ. Abr. 75.

Miserum est non posse frui bono, quod ob oculos ha-  
beas. PPP. p. 434.

## MISERICORDIA.

Misericordia Dei nulli præclusa. PPP. 255.

Misericordia citius præſtanda magis indigentibus.  
PPP. 278.

Misericordiæ & miserationis differentia. PPP. 320.

## MODVS.

Rerum dignitas non tam in earum substantia, quàm  
in modo, quo sunt, posita est. PP2. p. 578. o.

## MONETA.

Moneta æqualem cum incantationibus vim obtrinet.  
PP2. p. 582.

## MOREVS, ÆGRITVDO.

Aquis piscinæ probatiæ non morbi quilibet, sed  
tantum graues & diuturni curabantur. Abr. 18.

Ægritudines animæ dissimiles infirmitatibus cor-  
poris. Abr. 137.

Morbi corporis quidam incurabiles, animæ nullus.  
Abr. 137.

Animæ morbi maiore studio curandi, quàm corpo-  
ris. PP2. p. 566.

Animæ morbi & corporis hoc commune habent,  
quod neglecti mala immedicabilia generent.  
PP2. p. 635. o.

## MORES.

Mores eorum, quibus cum consueſcimus, facile com-  
bibimus. Abr. 195.

## MORS, MORTVVS.

Morti nullum ab Ethnicis templum erectum. Cur?  
Abr. 91.

Mors ipsâ vitâ dulciore quæ omnem adimit dubitati-  
onem, & perplexitatem. Abr. 179.

Mortis meditatio quantum utilitatis habeat. PP2.  
252.

Causa mortis hominis est ipsa vitâ. PPP. 249.

Mortis memoria est fortissimum amuletum contra  
omnia vitia. PPP. 353.

Mortis obliuio dæmonium meridianum. PPP. 353.

Mors per Saulem adumbrata. PPP. 364.

Moses cur petijt Domini faciẽ sibi ostendi, cum  
quo facie ad faciem loquebatur. PPP. 436.

Ex morte omnis vitæ felicitas pender. PP2. p. 522. o.

Mortis bonæ prima semper habenda ratio. PP2.  
p. 522.

Mors, seu conclusio vitæ maximam postulat consi-  
derationem. ibid. 523.

Morti vicini maximè egemus auxilio Dei. PP2.  
p. 524.

Mortuos amici viui facile obliuiscuntur, vixque re-  
cordantur, vt ferant defunctis. Fac ergo viuis i-  
pso, quæ facta voles mortuis. PP2. p. 531. & 533.

Mortis horæ supremis magis ferocit dæmon. PP2.  
p. 537. o.

Mortem



# INDEX ALPHABETICVS

- Mortem bonā à mala vita sperare, est dulces fructus à radice amara expectare. PP2. p. 543. o.
- Mori in pace, qui perpetuū in bello vixit, nemo nisi miraculo potest. PP2. p. 545.
- Ad mortem bonam à bona vita consecutio bona. PP2. p. 545.
- Mors medicina timoris. PP2. p. 576.
- Morti, quā timori succumbere Elias voluit. PP2. p. 577.
- Mortis mysterium terribile, cuius timor sufficit ad cruciatum. PP2. p. 575.
- Mortui viuum spectaculum facili timorem, & dolorem excitat. PP2. p. 617.
- Mortui quā moderatione deplorandi. Abr. 193.
- Mortui viuentibus fortunatiores, vtrisque autem feliciores, qui nondum nati. Cur? PP2. p. 648. & seqq.
- Mors in olla fuit admirationi Israëlitis. Cur? PPP. p. 425.
- M O Y S E S,**
- Moyſes negauit se filium filiae Pharaonis. Cur? Abr. 1.
- Moyſes pluris fecit improprium Christi, quā thesauros Aegyptiorum. Abr. 2.
- Moyſes Deus effectus est, qui pro Deo rex esse renuit. Abr. 2.
- Moyſes diuinas leges populo promulgaturus duodecim lapideas statuas erexit. Quare? Abr. 13.
- Moyſi nihil amplius promittere potuisse viderur, quā quod eum sanctorum liberorum parentem facere voluit. Abr. 163.
- Moyſes typus animae, deuotē concionatoris instructionem suscipientis. PPP. 226.
- Moyſes eadem virgā, quā fluium in sanguinem vertit, ē petra aquam excutit. PPP. 361.
- Moyſes cur fugit, cū in colubrum versam virgam vidit. PPP. p. 424.
- Moyſen prodigij nunquā viſi magnitudo mouit, vt magis videre cuperet. PPP. p. 432.
- Moyſi sanctitas aliquādo remittebat. PP2. p. 458.
- Moyſis mater pro pretio illum laſtrauit, quem nutricari frustra tenebatur, peccassetque, nisi necessitas excuſaſſet. PP2. p. 490.
- Moyſes iuſſe Aegyptium occidit. PP2. p. 550. & seq.
- Inexcusabilis videtur cædes, quā Moyſes patrauit. Vnde? PP2. p. 570. & seq.
- Moyſes octogenarius praefecturam ſui populi capere iuſſus, vt Dei virtus splenderet in ipſius praecipis. PP2. p. 571.
- Moyſes aberat, cū ſoror ipſius Maria perſuſa leprā fuit. Cur? PP2. p. 585.
- Moyſes cū duos increpaſſet, alter eorum ſolum iniquē accepit obiurgationem. PP2. p. 608.
- Moyſine in populum, an Pauli maior erga ſuos cognatos dilectio? Abr. 190.
- Moyſes quare ſecundas tabulas laugare, & perpolire iuſſus, poſtquā fregerat primas. PP2. p. 493.
- M U L I E R.**
- Mulieres ſtudioſe virorum oculos debent fugitare, ob praſentaneum quod inde conſequi ſolet periculum. Abr. 118.
- Mulieres cur emerunt aromata, vt vngerent leſum, ad cuius corpus vngendum centum libras myrrhæ, & alodẽ Nicodemus iam verterat. Abr. 164.
- Matronæ pleræque illuſtiores veteris teſtamenti fuere ſteriles. PPP. 257.
- Mulierum capilli inſigne ſeruitutis. PP2. p. 470.
- Mulieribus glorioſum humiliter ſeruire. PP2. 470.
- In mulieribus reperit Dominus ſimilitudinem regni cælorum, æquē ac in viris. PP2. p. 507.
- Mulieres leuiter, immo vehementer cõſeruntur, quod eas ſua natia propenſio trahit. In Agare hoc videas. PP2. p. 547.
- Mulieres carnis cultui, delitijs deditæ non facile Martyres factæ. PP2. p. 599.
- Mulierem cuſtodire difficilius, quā abſcondere ingnem. PP2. p. 625.
- Mulieres amant publicum. PP2. p. 626.
- Mulier quæ prodire negligit, cū poſſit, ardentiffimè amare illum, propter quem domi manet, oſtendit. PP2. p. 627.
- Mulieribus calcei pro vinculis, pro carceribus ſane domus. PP2. p. 627.
- Mulieri grauiſſimum luſum lectus adfert, cui eam morbus affigit. ibid.
- Mulier ſeptis incluſa, & oberuncata, idem. PP2. p. 628.
- Mulieris laus ſuprema amare reſeſſum. PP2. p. 628.
- Mulieres cur miſſæ, vt nuntiarent reſurrectionem. PP2. p. 632.
- Mulier, quæ fidem apud maritum habere ſcit, fragili liliorum ſepto non ſecus ac muro adamantino cuſtoditur. PP2. p. 632.
- Mulier non ſerunt nimium arctari. PP2. p. 633.
- Mulierem cur ē coſta Deus formauit. ibid.
- Mulier, quæ oculis foras ſpectat, argi multoculas fugit pupillas. PP2. p. 634.
- Mulieres, quæ nimis accuratè obſeruantur à maritis, ad veneſcia ſe recipere ſolent. PP2. p. 633. & seq.
- Mulier,



# RERVM NOTABILIORVM.

Mulier, quæ suam fidem viro suo suspectam videt,  
muro æreo non magis custoditur, quàm liliorum  
sepimento, tamen etiam excubitores ex omni  
parte adhibeas. PP2. 632.  
Mulier per foramen acus erumpit, quantisvis custo-  
dibus eam obserues. ibid.

## MUNDVS.

Mundus comœdiæ seu scænæ similis. Abr. 146.  
Mundus vniuersus dudum funditus euersus fuisset, ni  
iusti precibus suis obstitissent. Abr. 157.  
Mundus theatrum scænicum est. PP2. p. 471. & seq.  
Mundus domus tenebrosa, in qua cum hostibus in-  
uisibilibus, sed oculatissimis periculose viuimus.  
PP2. p. 624.  
Mundus seruos suos decipit. PPP. p. 412.

## MUNERA, DONA.

Qui libenter admittit munera, hilariter rependat.  
Abr. 90.  
Arma nulla muneribus validiora. Abr. 158.  
Philippo Macedoni nullus locus inexpugnabilis, ad  
quem asinus onustus auro accedere posset. ib.  
Munera exerceant, subuertunt, detorquent. ib.  
Munera quod non superant, illud inexpugnabile.  
PP2. 581. o.  
Munera conspiciolorum diuersorum similia. ibid.  
Munera qui fert, quidquid optat, refert. PP2. 582.  
Munera dans, tamen si fortè columba sit, & simplex,  
& indoctus, Cicerone sit eloquentior. ibid.  
Munera cœcos, mutosque faciunt. PP2. 583.  
Quod frænum bruto, quod capistrum equo, hoc iu-  
dicibus aurum, & dona. ibid.  
Munera fluctus excitant, quibus ab æquitate iudices  
abripiunt. PP2. 584.  
Munerum etiam odor corrumpit iudices. ibid.  
Damnorum, quæ munera pariunt, prolixam enu-  
merationem habes. ibid.

## N.

### NABUCHODONOSOR.

Nabuchodonosor voluit suum sibi somnium ab ario-  
lis suis indicari. Cur? PP2. 544.  
Nabuchodonosor in pecudem conuersus. PPP. 367.

### NATIVITAS.

Natales illustres, homini magnum ornamentum.  
PPP. 327.  
Natiuitatis Christi festum festorum metropolis.  
Cur? PP2. 444.

### NATURA HUMANA.

Natura Hominis paucis contenta. PPP. 344.  
Natura humanæ ad malum procliuitas. PPP. 243.

Tom. III.

## NAVIS.

Nauem vnâ plures nauæ securiùs gubernant.  
Abr. 132.

## NECESSITAS.

Necessitati maiori citiùs occurrendum. PP2. 651.

## NEGLIGENTIA.

Negligentia ea grauis est, quæ grauium damnorum  
ocasio esse potest. Abr. 172. o.

## NEGOTIVM.

Feliciter negociari desiderans omnibus omnia fi-  
eri debet. Abr. 27.

Negoria animæ suæ curet quisque ipse, non com-  
mittat fidei, aut industriæ alienæ. PP2. p. 530. o.

## NOBILITAS.

Nobilitas vera non tam à sanguine, quàm à virtuti-  
bus originem trahit. PPP. 241.

## NOE.

Noë cum tribus filiis quomodo tam vastum arcæ  
ædificium fabricare potuerit. Abr. 5.

Noë mirabiliter benedixit Sem. PPP. 229.

Noë inebriatus, non quòd bibax esset, sed quòd bi-  
bere viam non solitus. PP2. p. 433.

## NUMERVS.

Duodenarius numerus sacramentum vniuersita-  
tis. Abr. 201.

## O.

### OBIEDIENTIA.

Vt quem perfectum & consummatum pronun-  
tias satis si obediens dixeris. Abr. 8.

Vbi obedientia regnat nulla virtus abesse potest.  
Abr. 9.

Abraham ab obedientia præ reliquis virtutibus  
commendatur. Abr. 9.

Ab obediens omnes virtutes & gratiæ sperandæ.  
Abr. 9.

In hoc quòd Iesus subditus fuisse parentibus di-  
citur, omne virtutum genus comprehenditur.  
Abr. 9.

Dauid per obedientiam se dignum reddidit cui  
panes propositionis in cibum darentur. Abr. 9.

In perfecta obedientia velut in cõpendio omnes  
aliæ virtutes includuntur. Abr. 9.

Perfectè obediens tutò cum Iesu loqui potest.  
Abr. 10.

Perfectè obediens certiùs reliquis salutem spera-  
re potest. Abr. 10.

Solis obediens æterna salus hæreditario iure  
debetur. Abr. 10.

SSSS

Obe-



# INDEX ALPHABETICVS

Obediens supra petram firmitatis & perseverantiae fundatus in caelis coronabitur. Abr. 13.

Qui solam possidet obedientiam, omnibus virtutibus affluere, totumque perfectionis curriculum confecisse videtur. Abr. 176.

Perfecta obedientia eam colentem omnino sanctum & perfectum reddit. Abr. 176.

Vniuersalis est in omnibus virtutibus, ergo obediens, obediens est, ergo vniuersalis in omnibus virtutibus, sunt propositiones conuertibiles. Abr. 177.

Obedientia lapis fundamentalis reliquarum virtutum. Abr. 177.

Maxima dignitatis & incomparabilis pretii obedientia. Abr. 177.

Obedientiae virtus vera quonam ostendatur. PPP. p. 207.

Obedientiam vt probeat Deus, iubet negligentiam. PP2. 631.

## OBLIVIO.

Obluionem praedicatoribus vel subitus timor, vel aliud quid insperato occurrens adferre solet. PP2. p. 536.

Oblivisci in morte, quod per omnem vitam feceris, difficile. PP2. p. 537.

## OCCASIO.

Pugnare cum inimica occasione, & promittere sibi triumphum, id soli Deo est seruatum, & illi quem speciali auxilio confirmavit. Abr. 119.

Occasione nullus aduersarius horribilior. Abr. 119.

Occasione habita peccandi in peccatum non incidere, idem est, ac viuere in xta ignem & non incallescere, proximum esse niui & frigus non contrahere. Abr. 119.

Vix pectus tam validum, quod occasionem male faciendi citra offensionem exsippiat. Abr. 118.

## O D I V M.

Odiū hominum in suas animas tale est, vt quod frequentius cernitur, & auditur, eò magis attonitū reddat. PP2. p. 508.

## OFFICIOSITAS.

Officiositas simulata Ephronis. PPP. p. 406.

## OFFICIUM.

Officio suo satisfacere cupiens, non facta aliorum, sed quid ipsemet facere teneatur, consideret. Abr. 5.

Prudentes officium suum explere debent non attendendo ad facta aliorum. Abr. 6.

Commune vitium, vt sua officia curent negligentiū, qui diligentius debent. Abr. 33.

Officia magna non faciunt magnos, sed procuratio eorum recta. PP2. p. 469. o.

Officium, opemque perficiendi Deus simul tradit. PP2. p. 569. o.

## O P P O R T U N I T A S.

Plerumque tamdiu sumus prohi, quamdiu deest opportunitas mali. Abr. 118.

Fructuosa est omnis negotiatio quae opportuno tempore instituitur. Abr. 73.

Non adfert salutem medicina nisi opportunè exhibita. Abr. 72.

Opportunè quaeque facienda vt bonum sortiantur effectum. Abr. 72.

Opportunae occasionis praetermissio plurimorum malorum origo. Abr. 73.

## O P P S.

Operum discretio in hac vita, erit discretio praemiorum in altera. Abr. 130.

Operis principium velut tota illius summa. PP2. p. 442.

Opus magno animo susceptum facilliter perficitur. PP2. p. 441.

Operum suorum quisque est filius. Abr. 168.

Opera Scriptura crebro vocat filios. Abr. 166.

Operarius remissus est, cuius opera plura plus vno non valent. Abr. 174.

Operarius strenuus est, cuius vnum opus pluribus pareat. Ibid.

Ignauus est, cuius multa opera vix vnum exquant, ille vero strenuus & heroicus, qui vnu facit quo multis par sit. Abr. 176.

## O R A T I O.

Oratio assidua quiduis obtinet. PPP. 280.

Oratio vt sit efficax, qualis esse debeat. PPP. 281.

Oratio humilis aurum est, quo Deus expugnatur. PP2. p. 585. o.

Oratio propria quantum praestet alienae. PP2. p. 503.

Dei vox cur Libani cedris magis insensa, quam arboribus aliis. PP2. p. 504.

Orationis congressum pertinuisse Deus visus. PP2. p. 586.

Orationis vim Elias eò magis probatam dedi, quod coelum clausit, quam quod pluuiam imperauit. Ibid. 586.

Orationis efficacitatem Christus quam maxime extulit. PP2. p. 586.

Vt orationis vim effugeret Deus, fugit orantem Abrahamum. PP2. p. 587.

Orationis commoda plurima habes. Ibid. 588.

Qui



# RERVM NOTABILIORVM

Qui per orationem non se coniungit Deo, ab illo  
recedit. *ibid.*

Orationis loco sunt opera, cum ab illa ad hæc tran-  
sire necessitas postulat. *PP2. p. 588. & seq.*

Orationis loco est angelis quodvis aliud opus, cui  
Dei iussu vacant. *PP2. p. 589.*

Orationis loco potest esse religiosus etiam somnus,  
quem Superiorum imperio capeffunt. *PP2. p. 590.*

Oratio pro utilitate proximorum intermitte utiliter  
potest. *PP2. p. 590.*

Oratio multorum est similis fici. *PP2. p. 601.*

## ORDO.

Ordo rebus dignitatem, efficacitatemque adfert.  
Diabolus hoc suo exemplo docet. *PP2. p. 580.*

Ordinatio neglecta numeratissimo exercitui supre-  
mam adferre perniciem potest. *ibid.*

Ordo commodus & rebus, & actis appositus oble-  
ctat spectantes, & res ipsa seruat. *PP2. p. 581.*

Ordinis neglecti incommoda vide *ibid.* ad finem ca-  
pitis.

## OVIS.

Oves appetente hyeme pabulum copiosius, auidi-  
usque ventri ingerunt. Quem obrem, & quo my-  
sterio? *PP2. p. 538.*

## P.

### PALLIUM.

Pallium passionum & affectuum humanorum est  
symbolum. *Abr. 106.*

### PALMA.

Palmæ arbor, masculus & foemina reperitur. *PPP.*  
*371.*

Palma arbor salsum solum diligit. Quo mysterio!  
*PP2. 613.*

### PANIS.

Panes cur Christus bis tantum multiplicauit. *PPP.*  
*361.*

### PATER. PARENS.

Parentes liberorum sanctorum quam felices! *Abr.*  
*163. o.*

Parentes multorum proborum filiorum vix alibi,  
quam in fabulis reperias. *Abr. 164.*

Parentes nobiles habere non est honorificum, nisi  
nobilitate viuas. *Abr. 166. o.*

Patres nostri nos ipsi quodammodo. *Abr. 168.*

Pater non minus is vocari dignus, qui ad virtutem  
erudit quam qui genuit. *PPP. 239.*

Patris impij similes plerumque filij. *PP2. p. 521.*

Parentes honorandi & consulendi. *PPP. 374.*

Parentes erga filias ne nimis austeri sunt. *PP2. 634.*

## PATIENTIA.

Patienter ferendum, si Deus, quæ petimus, conce-  
dere differat. *Abr. 82.*

Patientia identidem obuerso capite respicit dæmo-  
nem. *PP2. p. 624.*

## PATRIARCHA.

Patriarchæ veteres cur non stabiles sibi emerit pos-  
sessiones. *PP2. p. 644.*

## S. PAVLVS.

Pauli semicinctio & sudario cur tam prodigiosa per-  
petrata miracula. *Abr. 116.*

Paulus Apostolus ex omnibus suis reculis solam pe-  
nulam & libros afferri curabat. *PPP. 329.*

Pauli maior fuit erga suos cognatos charitas, quam  
Moysis in populum. Cur? *Abr. 190. & seq.*

Paulus ignauorum societatis impatiens. *Abr. 195.*  
Pauli sollicitudo erga confirmandas Ecclesias. *Abr.*  
*206.*

Paulus per misericordiam Dei potius, quam per vir-  
tutem, aut maiestatem obsecrauit Romanos. Cur?  
*PPP. p. 381.*

Paulus in monte, compitis, pratis piscabatur. *PPP.*  
*p. 396.*

Paulus cur se Apostolum Christi nominauit, cum  
vocaret seruum Dei. *PP2. p. 476.*

Paulus domum hospitem sibi parari voluit abstram  
à loco spectaculorum. Cur? *PP2. p. 485.*

Paulus duplici cum iuramento affirmandum puta-  
uit, vt fidem inueniret, quod gratis prædicare  
aiebat. *PP2. p. 488. & seq.*

Paulus adulteris pares censebat eos, qui pecunias  
vendunt, quod facere gratuite tenebantur. *ibid.*  
*489.*

Paulus iussus considerare, quæ Deus illi conferebat,  
non quæ inferebat mundus. *PP2. 663.*

## PAUPER. PAUPER.

In paupertate tanquam in suo centro pax conque-  
scit. *Abr. 24.*

Pauperibus opem nostram implorantibus subueni-  
re magna liberalitas, at maxima eisdem etiam ob-  
uiam occurrere. *Abr. 109.*

Non expectandum quousque pauperes nos requi-  
rant, sed vitro eis occurrendum. *Abr. 111.*

Indagare pauperem & inquirere anxie cui benefaci-  
as, sublimissima charitas. *Abr. 111.*

Supplicia horrenda imminet his, qui opprimunt  
pauperes. *Abr. 111.*

Pauper qui tegit, se magis tegit. *PP2. p. 512. & seq.*

Pauper calamitosus vt auxilium amplectendus. *PP2.*  
*p. 513.*



# INDEX ALPHABETICVS

Pauper numis parum valens leo est. PP2. 597.  
 Pauper vnus, solusque Baptista Herodem increpare  
 ausus. PP2. p. 598.  
 Paupertas religiosa Eliam intrepidum fecit. PP2. p.

600.  
 Pauperum pater quis, quisque aduocatus. PPP. p.  
 399.

## P A X.

Pax & diuicia non se compariuntur. Abr. 23.  
 Pax & concordia vbi terrenarum rerum contemptus.  
 Abr. 24.

Pacis statua ad mulieris Pluteum diuiciarum Deum  
 manu ferentis speciem efficta Athenis. Quo my-  
 sterio? PP2. 473. & seq.

Pax omnia bona complectitur. PP2. p. 472. o.

Pacis nomine bona omnia intelligunt Hebraei. ibid.  
 Abraham ex pace omnem sibi abundantiam promi-  
 sit. PP2. p. 473.

Pace etiam agri lartari videntur. ibid.

Pacem Christus Discipulis dono supremo conce-  
 dens concessit omnia. PP2. p. 474.

Pax bonorum maximum, quo terra constat. ibid.

Pacem Hebraei optant his, quibus bona omnia pre-  
 cari volunt. PP2. p. 474. & seq.

Pax bonorum omnium vinculum. ibid. 475.

Pace nihil grauius, praestabiliusque quisquam optare  
 potest, quia esse timore vacuum praestat. PP2. p.  
 578.

## PECCATOR. PECCATVM.

Culpam peccantium numerus non minuit. Abr. 6.

Culpae aliorum neminem inculpatus reddunt. Abr. 6.

Peccator vt obiurgationem effugiat, defectus pro-  
 prios factis aliorum excusat. Abr. 6.

Peccata in initio statim succidenda, ne consuetudo  
 necessitatem pariat. Abr. 28.

Peccatum adeo tyrannicum animam Dominum e-  
 xercet, vt magis coacte quam sponte imposterum  
 peccare videatur. Abr. 28.

Promptius exurgit peccator qui statim a lapsu eri-  
 gitur. Abr. 30.

Peccatum recenter commissum euellere facillimu,  
 ac inueteratum difficilimum. Abr. 29.

Deus peccatori pia monita submittit, ne ignorantiam  
 praetendat. Abr. 32.

Nullus peccatorum ignorantiam praetendere, aut de  
 panis sibi irrogatis iuste queri potest. Abr. 33.

Nullum est crimen quantumuis graue, cui venia de-  
 negetur. Abr. 33.

Nil praeter peccatum ab amicitia Dei nos sperat.  
 Abr. 36.

Nullum iter malum quam quod ad peccandum du-  
 cit. Abr. 36.

Peccatum quodlibet suprema hominis infelicitas.  
 Abr. 37.

Dolores a quibus abest peccatum dolorum nomen  
 non merentur. Abr. 37.

Peccatum omnia bona sic peruertit, vt conuertat in  
 mala. Abr. 37.

Nec ob vnum virtutis actum quempiam sanctum,  
 nec ob actum vitiosum perditum peccatorem re-  
 putet. Abr. 45.

Disimulare vitia idem est quod eadem fouere. Abr.  
 87.

Peccator castigandus, homo fouendus. Abr. 88.

Nihil indecorum in domo Dei, nisi solum peccatu.

Abr. 116.

Ex nullo nisi peccato honoris iacturam facimus.  
 Abr. 117.

Seruitus nulla probrosa nisi peccati. Abr. 118.

Sola peccata hominem vilem sordidumque faciunt.  
 Abr. 117.

Peccatori ad tegenda iudicii scelera nil doli profectu-  
 ri. Abr. 121.

Duplicis generis peccatores, alij terrae, alij coeli.  
 Abr. 133.

Peccatores terrae sunt qui Deum ignorantes, coeli  
 qui eundem agnoscetes offendunt. Abr. 134.

Peccatores coeli grauius quam terrae puniuntur.  
 Abr. 134.

Nulli ita digni commiseratione ac peccatores. Abr.  
 134.

Deum agnitum deferere peccatorum grauiissimum.  
 Abr. 134.

Esti omnis peccator deplorandus, ille tamen vel  
 maxime qui Deum offendit quem nouit. Abr. 134.

Differunt peccare coram Deo & in coelum. Abr. 134.

Peccatum diuturna consuetudine inueteratu, quasi  
 in necessitate vertitur. Abr. 136.

Peccatum cum in anima radices egerit, vix se eradi-  
 cari sinit. Abr. 136.

Peccatorum nullus adeo grauis quin resipiscere que-  
 at. Abr. 137.

Peccatum lethiferum animae toxicum. Abr. 136.

Filius hominis dicitur habere potestatem in terra di-  
 mittendi peccata, ad significandum quamdiu in

terra sumus, nullam esse culpam quae condonari  
 nequeat. Abr. 137.

Arbitrari ad mentem non posse redire, qui semel il-  
 lam peccando amiserit summa infamia. Abr. 137.

Seruat plerumque Deus modum in irroganda poena,  
 quem



# RERVM NOTABILIORVM.

quē peccator tenuit in perpetranda culpa. Abr. 138.

Per ea quisque castigatur per quā offendit. Ab. 139.  
Ex conditione peccati accipit Deus modum supplicij. Abr. 139.

Instrumentum sceleris à Deo versatur in flagellum punitionis. Abr. 140.

Peccator ut culpæ sic & poenæ suæ sibi ipsi est autor. Abr. 140.

Peccatores sagittis iræ iustos spiculis charitatis configit Deus. Abr. 141.

Propria cuiusque culpā accedit quod poenas luat. Abr. 141.

Peccator Deum ad castigandum etiam quasi nolentem incitat. Abr. 141.

Non Deus sed ipse peccator poenæ autor. Abr. 142.

Peccatoribus eoducibilior mors quā vita, quod enim minus viuunt eò minus delinquit. Abr. 143.

Minores dabit poenas peccator, qui dies paucior s vixit. Abr. 144.

Peccata etiam ludicra non sunt per ludum ferenda. Abr. 172.

Ex atrocitate poenarum quibus iusti suæ peccata etiam leuissima castigant, peccatores quid pro suis facere debeant, addiscant. Abr. 180.

Peccatum cur non magis horreat homo. PPP. 231.

Peccatum regnare, quid designet. PPP. 302.

Peccatum bombyci comparatur. PPP. 362.

Peccatum est chyrographum æternæ damnationis. PPP. 362.

Peccator nullus desperet. PPP. p. 392.

Peccator scœnem. Quæ ratio talis nominis? PP2. p. 485. & seq.

Peccator quouis bruto magis brutus. PP2. p. 511.

Peccator nunquam desperet, quantumcunq; in flagitia se ingurgitauit. PP2. p. 514. o.

Peccatorum desperabundorum figura Rachel. PP2. p. 514.

Peccator nemo desperandus, quamdiu viuunt. PP2. p. 515.

Peccatum dæmonis non habet remedium, hominum habet. ibid. 516.

Peccatores poenitentia facit admirabiles Angelis. PP2. p. 517.

Peccator stultissimus est, qui pro momentaneæ voluptatū & vsura regno celorū renuntiat. PP2. 510.

Peccatoris spem alit Deus, non socordia. PP2. p. 535.

Peccatores suā malè agendi pertinaciā, & contentione docent quo studio colendæ virtutes. PP2. 566. & seq.

Peccatore nullus meticulosior lepus. PPP. p. 399. o.

Peccator etiam mortuos timet. PPP. p. 400.

Ex paruis peccatis generantur magna. PP2. p. 633.

Peccatum solum, nulla alia miseria lachrymas meretur. PP2. p. 646.

Peccatum vitandum, ut fugitari coluber solet. Cur? PP2. p. 567.

Peccare qui nesciuit, mortuo, ac viuento felicior. PP2. p. 649.

Peccatum solum vitabile, aliud nihil. PP2. p. 649.

Peccata qui non magis mortua, quā suppressa in hac vita putat, errat. PP2. 651.

Peccata cogitationū quantopere fugiebat Iob. PP2. 653.

## P E C U N I A.

Pecuniam quidam ut ignem fugiunt, ut copiosiores corrudent. PPP. p. 407.

## P E R F E C T I O. P E R F E C T V S.

Nullus adeò mundus & perfectus quin semper plus queat mundari & perfici. Abr. 105.

Quia multa pauperibus dare non possumus, manum ex toto retrahere non licet. Abr. 77.

Qui supremum perfectionis fastigium attingere nequit, saltem in mediū peruenire conetur. Abr. 77.

Qui totum facere non potest, propterea omne studium deponere non debet. Abr. 78.

Quilibet quantumuis perfectus semper inueniat aliquid quod corrigat & emendet. Abr. 105.

Perfectionis studiosus scripturarum contemplationi inhaereat. PPP. 229.

Perfectionis studiosus ita vultum Christi contempletur, quemadmodum Abraham Sarā defunxit. PPP. 20.

Perfectionis fastigium nemo derepente inuadit. PP2. p. 464.

## P E R I C U L V M.

Pusilli animi est quæuis imaginata pericula timere. Abr. 17.

Pericula nobiliora nulla, quā quæ pro salute suscipiuntur aena. Abr. 189 o.

Pericula maiora quæ euasit, potest minora intrepide aggredi. PP2. p. 594. o.

## P E R S E C U T I O.

Persecutiones hominem terrere non tamen opprimere possunt. PPP. 304.

Persecutiones iustis, beneficia & officia sunt. PPP. 305.

## P E R S E V E R A N T I A.

Perseuerantia discipulorum Christi in oratione linguarum dono remuneratur. Abr. 2.



# INDEX ALPHABETICVS

Acet virtutum ingredienti excitandi, ne à cæpto itinere deficiant. Abr. 11.

Perseuerantia sola virtutum coronatur. Abr. 14.

Diebus virtutes, anno virtutum perseuerantia significatur. Abr. 14.

Ex perseueranti bonorum operum exercitio sanctitas coniecturanda. Abr. 65.

Ex primis actibus neque optimus neque pessimus quisquam æstimari debet. Abr. 66.

## PESTIS.

Pestis ferarum effretissima. PP2. 636.

## PETRVS.

Petri negatio vnde acciderit. PPP. 377.

Petrus cur se iactauit in mare, in quo de vita paulò ante periclitatus fuerat. PP2. 492.

Petrus & Christi aspectus, & galli cantus ad pœnitentiam permouit. Quo documento? PP2. 463.

Perrus Christum à passione detertere volens, miserationis larvâ suam ignauiam texit, & simulauit beneuolentiam esse, quod erat timor. PPP. 405. & seqq.

Petrus hianti ore obstupuit, cum septuagies septies ignoscendum iniurioso audiuit. PP2. 611.

Petrus è piscis ore staterem extrahere iussus ad miracula assuebat. PP2. 662.

## PHARAO.

Pharao cur non subito inuari precibus Moyſis petijt? PP2. 548.

Pharao inter ærumnas largus promissor, parcus redditor, quando liberatus. PP2. 602.

Pharao plagis induratus, mortis contemplatione emollitus. PPP. 255.

## PILATVS.

Pilatus cur interrogauit Christum, vnde esset? Abr. 199.

Pilatus mirabatur tam citò obijſſe Christum. Cur? PP2. 550.

## PISCINA.

Piscinam probaticam primus intrans sanatur. Quid mysterij? PPP. 289.

## PœNA.

Omnium tormentorum compendium, inde haurire dolores, vnde venire oblectamenta solebant. Abr. 86.

Ad irrogandas pœnas prouidum adhibendum consilium, ad beneficia dispensanda non ita. Abr. 123.

Diu & diligenter deliberandum, si quid austerius in alios statuendum. Abr. 124.

Ad pœnas inferendas lento ad beneficia eroganda

agili pede pergendum.

Deus homines castigaturus lentis incedit gradibus, at beneficia exhibiturus lætis saltibus aduolat. Abr. 124.

## PœNITENTIA.

Pœnitentiæ opera suscipientes non quouis malo aut periculo frangi debent. Abr. 19.

Pœnitentiæ opera verè non sunt aspera. PPP. 339.

Pœnitentiæ edictum. PP2. 449.

Pœnitentia moderata neminem occidit. PP2. 450.

Pœnitentia alijs fons, puteus alijs. PP2. 451.

Pœnitentiæ fructus facere debent, qui florem rulant voluptatis. PP2. 505.

Pœnitentia parùm iuuat aliena, nisi accedat propria. PP2. 505.

Pœnitentia liberare hominem potest, etiam qui in profundum vitij venerit. PP2. 516.

Pœnitentia reddit peccatores Angelis admirabiles. PP2. 516.

Pœnitentiæ procrastinationem qui suadent, demōnis oratores sunt. PP2. 535.

Pœnitentiam ergò ne differo. ibid.

Pœnitentiam diaboli ne expectato. ibid.

Pœnitentiæ fructum fert omnis terra humana, quantumuis sterilis. PPP. 391. o.

Pœnitentiæ studium abdicatio consuetarum voluntatum impedire solet. PP2. 630.

## PRÆCEPTVM DEI.

Tota præcepti Diuini utilitas ad eum cui mandatur redundat. Abr. 7.

Quæ Deus præcipit non in ipsius, sed in nostrum cedant commodum. ibid.

PRÆDICATOR, PRÆDICATIO.

Prædicationis officium intermittere non debet ob infructuosam auditorum auscultationem. Abr. 6.

Concionis fructus frequenter nullus. Cur? PPP. 232.

Concionator cautus sit in perscringendis vitijs, ex quibus autores innotescant. PPP. 247.

Prædicator salutem aliorum, & suam eadem operâ procurat. PP2. 514.

Prædicatoribus vnde obliuio inter concionandum quandoque nascitur? PP2. 536.

Concionatores ad suum studium adhibeant moderationem, vt sit durable. PP2. 620.

## PRÆLATVS.

Superiores non semper blandos sed quandoque & asperos se subditis exhibeant. Abr. 67.

Nil efficacius ad fouenda flagitia quàm superioris coniunctis taciturnitas. Abr. 86.

Prælati



# RERVM NOTABILIORVM.

Prælati subditorum vitia non corrigentes quàm male faciant. Abr. 87.

Prælati postquam subditorum vitia corripuerint, eorundem animos humanitate demulceant. Abr. 89.

Superior primum mobile ad cuius exemplum subditi se componunt. Abr. 108.

Superiorum factis subditi conformantur. Abr. 108.

Superioris præsentia subditos ad studia & labores excitat. Abr. 108.

Vbi incurius abest superior, faciliè languescunt & torpescunt subditi. Abr. 109.

Prælati vt dignitate sublimiores sic & perfectione debent esse superiores. Abr. 149.

Vti horologium semper est regularissimum, sic superiores æquissimam semper vitæ rationem habere debent. Abr. 150.

Lucerna Prælatorum tenebræ subditorum sunt symbolum. Abr. 151.

Vti lux tenebras, sic Prælati subditos vitæ sanctitate superare debent. Abr. 151.

Prælati ciuitates; subditi velut quidam pagi. Abr. 151.

Superiores magis quàm subditi ad vitæ sanctitatem obstringuntur. Abr. 151.

Prælati boni bonos faciunt subditos. PP2. 519.

Prælatorum onus oneribus alijs omnibus grauius. PP2. 561.0.

Prælatorum exemplar Iacob. PP2. 561.

Prælatum qui aliquem faciunt, bello lacescunt. PP2. 562.

Cui præfectura, eidem facultas datur, quâ posset esse miser, & omnis quietis expers. PP2. 562.

Vel si stipes, aut truncus sit Prælatus, virescet, & florebis, si à Deo constitutus, aut ex eius voluntate electus. PP2. 570.

Prælati non debent excitandis sumptuosius ædificijs studere. PP2. 598.

Prælatum subditi Angelum vocant, si voluntati eorum, voluptatiq; obsequatur, tyrannum, demonem etiam, si malefacta castiget. PP2. 609.

Præfecturas ab hominibus decrepitis ambitiosè queri, turpe. PP2. 565.

Quicunq; eas expetunt, quanta sint animarum pondera, nesciunt. ibid.

Prælatum esse, & ex officio imperare poena est omnium cruciatuum acerbissima. PP2. 563.

## PRÆMIUM.

Quæ præmia promittat Deus his, qui proluxa manu egestati miserorum succurrunt. Abr. 109.

## PRÆSENTIA.

Nullo validius quàm Dei præsentia à peccatis auer- camur. Abr. 94.

Insolens est inuerecundia præsentie Deo perperam agere. Abr. 94.

Spes certa veniæ remanet quamdiu diuinæ præsentie viget recordatio. Abr. 95.

Qui præsentie diuinæ non reminiscitur, omni salutis remedio videtur destitui. Abr. 95.

Validissimum frænum Dei præsentia ad quoscunq; prauos appetitus cohibendos. Abr. 95.

## PRÆSUMPTIO.

Præsumptio de miseratione Dei demoni occasio damnationis fuit. PP2. 536.

## PRINCEPS.

Princeps & amari & timeri procuret. Abr. 67.

Principium rei dimidium illius. PP2. 443.

Principum viuendi licentiam procliuiter sequuntur subditi. PP2. 520.

Principum consiliarij, quæ fugere debeant. PP2. 599.

Princeps iniquitatis vltionem inter splendidiore triumphos numeret. PP2. 641.

## PRINCIPIUM.

Principium cuiusq; rei pars illius potissima. PP2. pag. 441. & 442. & 444.

Principium operis velut tota illius summa. PP2. 441.

## PROHIBITIO.

Prohibitis ille sepelire mortuos parentes quoddam mansit, id mirissimum. PP2. 629.

Prohibita appetimus audius. PP2. 628.

## PROPENSIO.

Plerumq; eo feruntur homines, quò eos sua propensio ducit. Abr. 149.

## PROSPERITAS.

Animi moderatio in prosperitatibus adhibenda. Abr. 53.

Nec prosperitatibus superbire, nec aduersitatibus deijci debemus. Abr. 144.

Nec prosperitatum nec calamitatum perpetua duratio. ibid.

Prosperitatum & miserationum humanarum variabilitas & inconstantia. Abr. 145.

Æquè in prosperitatibus ac aduersitatibus Deo inserviendum. Abr. 146.

Prospera & aduersa æquali animo toleranda. Abr. 147.

Oriens prosperitatis, occidens aduersitatis est symbolum. Abr. 146.

## PROXIMVS.

Proximorum errata excusantes Deo ad instar filiorum.



# INDEX ALPHABETICVS

rum gratissimi. Abr. 122. & 123.  
 Proximorum peccata non reuelanda, cum Deus ipse difficulter scelera detegat humana. Abr. 123.  
 Pro Angelis habendi qui proximorum tegunt vitia. Abr. 123.  
 Proximorum tegentes vitia niui similes quæ omnia immunda non solum tegit, sed etiam pulchra apparere facit. Abr. 123.  
 Proximo inter angustias posito non succurrens, fera potius quam homo iudicandus. Abr. 50.  
 Insigniti flagitij genus fratri in afflictione posito non succurrere. Abr. 51.  
 Virtutes proximorum publicandæ, noxæ verò et si publicæ occultandæ. Abr. 122.  
 Proximus noster est speculum nostrum. PPP. 232.  
**PRVDENS. PRVDENTIA.**  
 Prudentum est silentio inuoluere quæ alijs adferre queant molestiam. Abr. 101.

## PSALMVS.

Psalmi 118. singuli octonarij inchoantur per singulas Hebræorum ex ordine litteras ab Alpha vsq; ad Tau. Cur? PPP. 221.

## PVER.

Puerorum educatio bona quam necessaria. Abr. 169. o.  
 A puero malum quod dæmon abripiat, nihil mirum. Abr. 170.  
 Quam quis puer tenuit viam, eam & senex terit. Abr. 170.  
 Puer ab adolescentia inuouari cur iubetur. ibid.  
 Iugum Domini facilius portat, qui à puero assuevit. ibid.  
 Puero Christo cur myrrha oblata? ibid. & seq.  
 Puer assuescat doctrinâ, quam etiam non intelligit. Abr. 171.

Item missas audiat, rosarium legat, & ebalbutiar, ieiunet, vel aliquando. ibid.  
 Puerorum doctor numerator est turrium. ib. & seq.  
 Pueris ipso foro ludentibus quinam similes. Abr. 199.  
 Pueri longæui quinam. PPP. 287.  
 Puer centum annorum morietur. PPP. 292.

## PUGNA.

Corona illi, qui vsque in finem pugnaverit, seruetur. Abr. 15.  
 Pugna quomodo adornanda hoste appropinquante. PPP. 355.

## PVLCHRITVDO.

Pulchritudinem Rachelis licitè desiderauit Iacob. PP2. p. 482.  
 Pulchritudo principatus naturæ, & potior omnibus

epistolis commendatitij. ibid. & seq.  
 Pulchritudo, & venustas fortis arma. PP2. p. 482. o.  
 Pulchritudo regum sine custodibus. PP2. p. 483.  
 Pulchritudo ferit, vulnerat, triumphat. PP2. p. 483.  
 Pulchritudo heberat enses. ibid. 484.  
 Pulchritudo animæ urbana vestis. ibid.

## PUTEVS.

Puteus in sacra Scriptura, cuius rei symbolum fit. PPP. 221.  
 Puteus viuientis & videntis ab Agar primo nominatus. PPP. 226.  
 Putei, & fontis quod discrimen? PP2. p. 450.  
 Putei, & fontis quæ differentia. Abr. 204.

## PYTHAGORAS.

Pythagoræ ingens apud auditores autoritas. PP2. p. 500.

## R.

### RACHEL.

Rachel cur in via sepulta, & erectus ei titulus. PPP. 253.  
 Rachel pascere gregem cur dicta? PP2. p. 470.  
 Rachel formosa, sed sterilis. Cur? PP2. p. 475.  
 Rachel suam qualemcunque voluptatulâ ex liberis habuit, quos famula peperit. Quo mysterio? PP2. p. 502.  
 Rachel mariti sui honestæ consuetudini pro vili plantula renuntiauit. Quo mysterio? PP2. p. 508.  
 Rachel, quæ se mortuam putabat, quod tam diu improlis esset, symbolum peccato um desperandum. PP2. p. 514. & seqq.  
 Racheli mortem peperit filius, quem ipsa peperit. Quo mysterio? PP2. p. 639.

### RANA.

Ranæ quædam species *mutus* vocatur, quæ canes mutos efficit. PP2. p. 583.  
 Ranæ officulum feruorem bullientis aquæ sedat. ibid.

### RAPHAEL.

Archangeli Raphaëlis, responsum Tobie interroganti, elucidatur. PPP. 225.

### RATIONALE.

Rationale summi Sacerdotis, exercitu ad bellum procedente, splendidius fulgebat. PPP. 332.

### REBECCA.

Rebecca, inauribus aureis ornata, mox amplioribus muneribus aucta, quid designet. PPP. 222.  
 Eliæ minister Cornus, symbolum Doctōris. PPP. 223.  
 Rebecca in vtero colliso paruulorum. PPP. 284.  
 Rebec-



# RERVM NOTABILIORVM.

Rebecca, quæ desperauerat prolem, populos in vtero gestauit. Quo mysterio? PPP. p. 393.  
 Rebecca prudentia quæ ex re eluxit. PP2. p. 448.  
 Rebecca in utero cur foetus collidebantur. PP2. p. 496.

## RECORDATIO.

Crebra Dei recordatio signum est flagrantis erga eum charitatis. Abr. 17.

## RECREATIO.

Spiritus honestâ recreatione nonnunquam est relaxandus. Abr. 78.  
 Honestæ recreationes non solum licitæ, sed & quandoque necessariæ. Abr. 78.  
 Nulla exercitia sine quietis intercapedine perdurabilia esse possunt. Abr. 79.  
 Recreationes licitæ permittendæ. PPP. 377.

## RELIGIOSVS

Religiosorum quorundam stultitia. Abr. 202.  
 Religiosus quis diuturnior in Ordine? PPP. 293.  
 Religiosus lubenter maneat in monasterio. PPP. 322.

Religiosis per plateas discursatio peregrinam speciem inducit. PPP. 323.

Religiosus intra septa Monasterij sui rarius cadit. PPP. 324.

Religiosis quare foris venientibus pedes lauuntur. PPP. 326.

Paschatis & diebus solennioribus largiùs, copiosiore cibo Religiosi reficiendi. PPP. 348.

Colloquia Religiosis conceduntur. PPP. 378.

Religiosorum recreationes sint sicut hortus conclusus. PPP. 379.

Nonitij seu vitæ religiosæ, seu literarum tyrones non terrendi statim difficilioribus. PP2. p. 445.

Religiosus quidam candidus, & syncerus ex optimo suæ mentis statu optimè de omnibus iudicabat. PPP. p. 382.

Sacerdotibus, & religiosis nemo faciliè detrahat. PP2. p. 551.

## RESPUBLICA.

Vt felix sit Respublica timore & amore gubernanda. Abr. 67.

Facilius est errare naturam, quàm dissimilem sui Princeps possit formare rempublicam. PP2. 520. & seq.

## REX, REGNVM.

Reges plurimùm attendere debent conseruationi suorum subditorum. Abr. 39.

Regum salus & vita in subditis est posita. Abr. 39.

Deus in suo regimine nullius, Rex subditorum sub-

Tom. III.

solus est indigus.

Quod absque vnguibus aquila, hoc absque milite & subditis Princeps. Abr. 40.

Regiæ maiestatis conseruatio ex subditorum pender salute. Abr. 40.

Deus sibi est consiliarius, at Principes agendi consilia à sapientioribus postulant. Abr. 41.

Regem prodesse etiam solum oportet, nocere non nisi cum pluribus. Abr. 125.

Naturæ corruptæ grauissima pestis libito regnandi. PPP. 308.

Regum terrenorum imbecillitas ex ministrorum relucet multitudine. PPP. 370.

Regnum Christi non indiget ministris. PPP. 370.

## RHETORICA.

Artificiosa Rhetorices industria silentio rem prætere, vt hinc maior æstimetur. Abr. 63.

## RISVS.

Risus quid mali pariat. PP2. 637.

## ROBOAM.

Roboam si lenia verba dare sciisset, seruasse suum regnum. PP. p. 606.

Roboam cur tridui inducias petijt, cum tributorum minuere onera rogatus fuit? PP2. p. 527.

## ROBUR.

Robur non in vociferatione, sed in operibus & executione consistit. Abr. 71.

## ROSA.

Rosa cur faciliè citòque marcescit? PP2. p. 621.

## RUBEN.

Ruben fide pius in fratrem. PP2. p. 560.

## S.

## SACERDOS.

Sacerdos quare in memento repetit memoriam eorum, quos iam Deo commendarat. PPP. 280.

Sacerdotes cur vult Ecclesia iniuges? PP2. p. 599.

## SACRAMENTVM EUCCHARISTIE.

Sacramentalis corporis dominici susceptio sine spiritali parum prodest. PPP. p. 417.

Sacramentum eucharistiæ sumpturus exæquare puritate recens baptizatum debet. ibid.

Deo à summo cælo ad terram digresso qualisnam domus apparanda. PPP. 418.

## SALOMON.

Salomon ex mille vxoribus filium vnicum habuit. Abr. 174.

Admirabilior fuisset, si ex vna liberos mille genuisset. ibid.

## TITVS.

## SALVA.



# INDEX ALPHABETICVS

## SALVATIO.

Saluationis causa studio quærere alieno, est refocillare vulnus, sed non quærere curationē. PP2. 502. o.  
Hominum quisque sic quærere saluationem, sic fugere damnationem debet, tanquam idem sit ipsam saluari, aut damari, ac totum mundum saluari, aut dampari? PP2. p. 518. o.  
Salus æterna non curatur solis verbis, vt quædam vulnera. PP2. p. 502. o.

## SANCTVS, SANCTITAS.

Sanctitati propriæ non nimium tribuendū. Abr. 59.  
Virtus & sanctitas est homini vestimentum mutuitium. Abr. 59.  
In sanctitatis itinere semper progrediendū, & nunquam retrocedendū. Abr. 93.  
Sanctus esse quis potest quamuis non sit innocens. Abr. 130.  
Tam sanctus nemo, quin aliquando intepescat. PP2. p. 458. o.  
Sancti suas habent quandoque animi ægritudines. PP2. p. 458.  
Sancti nunc alacrius, nunc segnius agunt. PP2. 459.  
Sanctitatem diu simulare difficile. PP2. p. 547.  
Stellæ sunt, qui sanctitatem colunt. PPP. p. 401.  
Sanctos crudelius diabolus insectatur. PP2. p. 555. o.  
Sanctitatem Dei cum auxilio illius imitari vteumq; possumus. PP2. p. 571.

## SARA.

Sara senicula primum peperit, vt partus serus ex tardatione maiorem haberet æstimationem. Abr. 161.  
Sara longos annos vixit, vt filio, quem nonagenaria ediderat, gaudere aliquamdiu posset. Abr. 161.  
Sara de formula apud maritum querula, cur ad diuinæ iustitiæ tribunal pronocaret. PPP. 276.

## SARDIVS.

Sardius apertum hominis libidinosi hieroglyphicum Abr. 48.

## SAVL.

Saul vix oculis suis credebat, vt crederet esse Dauidem illum, quocum loquebatur. Cur? PP2. 610.  
Saul cur inermem Dauidem cum gigante pugnam ire permisit. PP2. p. 643.  
Saul se autorem cædis Amalecitarum fecit, seruati gregis culpam in populum coniecit. Cur? PP2. p. 645.

## SCANDALVM.

Scandala quandoque præbent maiora, qui sanctitate eminere deberent sublimiori. Abr. 35.

## SCIENTIA.

Scientia vnius rei licet perfectissime illam calles nulla est. PPP. 361.

## SCINIPHES.

Sciniphes pusillulæ musculæ magnos suo stimulo adferunt dolores. Quo mysterio? Abr. 172.

## SCRIPTURA.

Scripturæ artificium opus digitorū Dei. PPP. 328.  
Scriptura sacra cur post Pentateuchum historiam Iudicum narrat. PP2. p. 615.

## SECVRITAS.

Securitas hominis maxima nihil putare securum. Abr. 191.  
Securitatem vita præsens nullam habet. Abr. 192.

## SE NEX.

Senes & virtuosi carent verecundiâ. Quare? Abr. 117.

## SEPTENARIVS NVMERVS.

Septenarius numerus in sacris literis pro infinito ponitur. Abr. 120.

## SEPVLCHRVM.

Sepulchreta Veterum Hebræorum, Romanorumq; ruri erant. Abr. 194.  
Sepulchra concupiscentiæ quænam, & cur sic dicta? PP2. p. 638.

## SERAPHIM.

Duo Seraphim laudes Dei decantantes sunt Angelus, & homo. Abr. 17.

## SERVS.

Seruorum non est, dominorum consilia discutere, sed tantum iussa exequi. Abr. 5.  
Seruus Evangelicus cur talentum Domini sui absconderit. Abr. 6.  
Fidelis seruus, & prudens iudicatur, qui à Domino in fidelitate perseverasse inuenitur. Abr. 12.  
Seruus fidelis nec arrogare sibi, nec erogare prodigè aliena debet. Abr. 194.  
Seruitus homini libero maximus cruciatus. PPP. 303.

Seruus cras, qui hodie Dominus in mundi scena. PP2. p. 472.  
Serui talentorum imparium dispensatores par habuerunt præmium. Quo mysterio? PP2. p. 471.

## SERVS DEI.

Studium Deo seruiendi nunquam etiam in extrema senectute dimittendum. Abr. 92.  
Seruo Dei in stadio virtutis nunquam quiescendum, sed semper ad perfectiora tendendum. Abr. 93.  
Seruus Dei generosi equi sit similis. Abr. 93.  
Vt instrumenta musca in omnibus manum sequuntur. SUE



# RERVM NOTABILIORVM.

tur artificis, sic veri serui Dei voluntati diuinæ  
in omnibus tam prosperis, quam aduersis confor-  
mare debent. Abr. 147.

Seruitium Dei est quasi cantus. PPP. 377.

Non omnis qui seruus Dei, etiam statim Apostolus.  
PP2. p. 476.

Seruum Dei non vna, sed multa patientia facit.  
PP2. p. 477.

Seruos Dei habere de malo suspectos minimè debe-  
mus. PP2. p. 549. o.

## SILENTIVM.

Silentium breue discipulorum linguarum omnium  
scientiæ remuneratum. Abr. 2.

Silentium perpetuum, si præcepto exigas, vix obti-  
nebis. PP2. p. 629.

## SIMVLATIO.

Simulata officiositas Abimelech. PP2. 407. & seq.  
PPP. 407.

Simulata humilitas. PP2. p. 558.

Simulata Ephraimitarum officiositas. & seq.

Simulata Israëlitarum querimonia, expositulantium,  
quod ex Ægypto educti essent vnde nata. PP2.  
p. 559.

Simulauit vrbaneitatem Anna Didonis soror. ibid.  
& seq.

Finxit pietatem Ruben erga fratrem Simeonem,  
cum filios pro illo obruncandos parari obtulit.  
PP2. 560.

Simulacrarum rerum insensibilissimus hostis est vis i-  
psa, qua finguntur. PP2. p. 548.

Simulacra, siue adsciticia pulchritudinis, & natuæ  
quodnam discrimen. ibid.

Simulata officiositas Ephronis. PPP. p. 406.

Simulata deuotio Herodis. PPP. p. 407.

## SITIS.

Sitis in abundantia aquarum intolerabilis. PPP.  
p. 412.

## SOCIETAS.

Societas malorum contagiosa. Abr. 194. o.

Societatem ignauorum non ferebat S. Paulus. Abr.  
195.

Societas malorum generorum penè fecit, vt Lot cum  
Sodomitis periret. Abr. 195.

Societate malà quia vacuum cælum, idè tranquil-  
lum. ibid.

## SODOMITÆ.

Sodomitæ idè grauissimè puniti, quia Deum quem  
per Lot agnouerant, malitiosi offenderunt. Abr.  
139.

## S O L.

Sol & Luna cum oriuntur maiores videntur. PPP.  
p. 273.

Sol non patitur naturale deliquium in proprio do-  
micilio, nec Religiosus in suo conclaustro. PPP.  
p. 224.

Solem nemo vel extinguere, vel ex orbe suo deice-  
re potest. PPP. p. 493.

## S O M N V S.

Somnum fugiat, qui cum hoste semper insomni pu-  
gnat. PP2. p. 622. o.

## S P E S.

Spes vana, quæ Audijs nititur alienis. Abr. 164. o.

Spes nostra sapè fallitur, sitque, ibi multa, & ma-  
gna reperiamus. vbi pauca, & parua expectaba-  
mus. PPP. p. 294. o.

Spes, & timor sunt duo molares lapides. PP2. 461.

Spe, ac timore fulciri debet, qui virtutis cacumen  
petit. PP2. 461. o.

Spes, & timor amoris flammam enutriunt. PP2.  
p. 463.

Spes eorum, qui solis verbis aliorum saluari posse  
putant, aërea est. PP2. p. 503.

Spem nobis faciunt exempla sanctorum. PP2. 617.

## S P I R I T V S.

Quandoque magis algent spiritu, qui ardentius fla-  
grare deberent. Abr. 35.

## S T A T V S.

Statu, & gradu suo quisque contentus viuato. PP2.  
p. 471.

## STERILITAS.

Sterilitas remedium. PPP. 279.

## S V B D I T V S.

Omnium iurium & legum nexibus adstringuntur  
subditi ad subueniendum suis regibus in necessi-  
tatibus. Abr. 38.

Vita etiam subditorum pro Regum suorum hospita-  
tione profundenda. Abr. 39.

Sicut vinea humo, sic rex subditis eget. Abr. 41.

Interitus regum non auri, sed amicorum, subdito-  
rumque inopiæ adscribendus. Abr. 42.

Superiorum exemplo facile mouentur subditi. Abr.  
109.

Superiorum errores pernitiabilissimi subditis. PP2.  
519 & seq.

Subditi fumo esse similes solent. PP2. 630.

## S V S P I C I O.

Susplicari malos, cum alios nullos, cum seruos Dei  
minimè debemus. PP2. p. 549. o.

Suspectum semper debet nobis esse, quod semel e-  
xitij



# INDEX ALPHABETICVS

xiij causa fuit.

*SYMMACHVS.*

Symmachus aliorum gratulationem sibi exposcebat, eò quòd inuidiosus esset.

PP2. 352.

PPP. 384.

## T.

*TABACVS SORDIDA HERBA.*

Tabaci damnatio.

PPP. 272.

*TABERNACVLVM.*

Tabernaculum veteris Testamenti mundi est typus.

Abr. 120.

*TENTATIO.*

Tentatio Christi, vt è lapidibus panes efficeret.

PPP. 368.

*TESTAMENTARIVS.*

Testamentarijs tua curanda ne commiseris, quæ curare ipse potes.

PP2. 530.

Testamentarij sibiipfis aliquando vsurpant hæditates pupillorum.

PP2. 532.

Stultum est sperare à testamentarijs, quod tibi ipse non præstes.

ibid.

*THARE.*

Thare qui petere terram Chanaan cœperat, per viam in Haran conuicuit. Quid mysticè significet?

Abr. 10.

*TIGRIS.*

Tigridis natura circa prædam.

PPP. 281.

Tigris flumen initio pigre fluit, nec cum suo nomine. Quo documento?

PP2. 466.

*TIMOR.*

Id solum timendum quod prudentia formidandum consilii.

Abr. 18.

Ignauia est mortem ex dubia valetudine nimis anxie timere.

Abr. 19.

Homines plerique magis timore quàm amore ducuntur.

Abr. 69.

Plus cruciat timor poenæ futuræ iam præconcepæ, quàm præsens affligat.

Abr. 180.

Timor Dei solus fugat crimina, innocentiam seruat.

Abr. 188.

Timor est fundamentum salutis, præsumptio damnationis.

PPP. 375.

Timore ac spe fulciri debet, qui virtutis fastigium petit.

PP2. 461. o.

Timor & spes duæ molæ.

ibid.

Timor & spes nutrices amoris.

PP2. 463.

Timere & abundare, literis & syllabis differunt, reapse nihil.

PP2. 597.

Timoris passio quàm crudelis.

PP2. 575. o.

Timorem mortis sublatum Christus venit.

PP2. 576.

Timor ubi abest, ibi nihil formidabile mors habet.

PP2. 576.

Timoris medicina mors.

PP2. 572.

Timor intolerabilior Elizæ, quàm mors fuit.

PP2. 577.

Timore vacuum esse optat, qui pacem, quare nihil etiam præstabilius precari potest.

PP2. 578.

*TRIBUTVM.*

Tributa moderata conceduntur, prægrandia plurimorum malorum sunt seminaria.

Abr. 42.

Tributa moderata Deus miraculis comprobauit.

Abr. 42.

Vt arbores quæ nimio studio ad maiorem fructuum copiam edendam coguntur citius exarescunt, sic Respublicæ à quibus nimia extorquentur tributa, facilius opprimuntur.

Abr. 43.

Non possunt non perire reges, qui iniquis extorsionibus subditos exhauriunt.

Abr. 44.

Sicut iumentum fræno & stimulo, sic populus tributo cogitur.

Abr. 45.

Quæstio & tributum eodem dragmæ nomine significatur.

Abr. 46.

*TOBIAS.*

Tobiam calida Hirundinum stercorea excecârunt.

PPP. 349.

*TYPOGRAPHIA LAPDATA.*

Laus Typographorum.

PPP. 330.

## V.

*VENETI.*

Venetorum dux mari desponsatur. Quo mysterio?

PP2. 563. & seqq.

*VENVS.*

Venerem Mars sequitur, non Martem Venus.

PP2. 594.

*VERBUM DOMINI.*

Cur verbum Domini super Ioannem magis, quàm ad illum factum dicitur?

PP2. 506.

*VERITAS.*

Indagare rei nunquam audita veritatem non solum à culpa alienum, sed & quandoque necessarium.

Abr. 22.

Veritas



# RERVM NOTABILIORVM.

Veritas de mendacio tandem triumphat. PPP. 401. o.

Veritas improbitate depressa emergit. PPP. 402.

Veritatis characteres ad quadraturam tendunt. Quo mysterio? PPP. 402. & seqq.

Veritas laborat sæpè, nunquam extinguitur. PPP. p. 403.

Veritatem mendacio qui expugnare vult, idem durissimum siliem inermis manū vult confringere. PPP. 404.

Veritas & iustitia tandem obtinent. PPP. 402.

Veritati nihil præscribere potest. PPP. 404.

## VIA.

Ambulantes per viam planam, cur magis fatigantur, quam incedentes per inæqualem. PPP. 377.

## VICTORIA.

Victoria pugne difficilius illustrior. PP2. 611. o.

## VINDICTA.

Vindictæ genus nullum sublimius, quam exhibere bonis, à quibus acceperis mala. PP2. p. 617.

## VINVM.

Vinum corruptum quandoque mutatione loci curatur. Abr. 4.

## VIOLENTVM.

Violentum nullum perpetuum. PP2. 546. o.

## VIR.

Vir & mulier colloquia miscentes non oculis miscant, sed plurimam modestiæ habeant rationem. Abr. 109.

## VIRGA.

Virgæ, quas Iacob venientibus ad potandum ouibus proposuit, quid significant? PP2. p. 518.

## VIRGO.

Virgines saturæ cur sic dictæ. Abr. 200.

Virgines, quæ sponso exierunt obuiam, altius honoratæ, quam serui, qui domi illum expectarunt. Abr. 209.

Virgo primo non facile cedit, aut concedit inuasori. PP2. p. 526. & seqq.

Virgines religiosæ sacrificium Dei. PP2. p. 627.

## VIRTVS.

Virtutes plerumque reperies apud rusticos & pauperes, quam apud nobiles & diuites. Abr. 35.

Virtus proponenda quâ parte amabilis spiritui, non quâ formidabilis carni. PP2. 445. o.

Virtuti amaritudinem, & asperitatem nostra ignavia affingit. PP2. 445. o.

Virtutes ex se ciores, & placidæ. ibid.

Virtutem qui immanem opinantur, somniores sive. PP2. p. 451.

Virtutum cessatio redit ad improbitatē. PP2. p. 457.

Virtutibus qui inferior, ille apud Deum vilior. PP2. p. 469.

Nec virtus vna sanctum, nec flos vnus hortum facit. PP2. p. 476.

Virtutis bonum opus vnum non facit sanctum, sic nec vnus crinis senem. PP2. p. 478.

Virtus imperat, & rogat, nec auditur, vitium annuit solum, & accurrimus. PP2. p. 487.

Virtutum thesauros cum vani ambitus aura commutare, insignis amentia est. PP2. p. 508. o.

Virtutes nostræ ex misericordia Dei & studio nostro crescunt. PP2. p. 573.

Virtus studium esto moderatum. PP2. p. 621.

Virtutis fundamenta nulla vnquam superflua. Abr. (206.

## VISIO.

Visio nostra parua suam exiguitatem rebus visis communicat. PPP. p. 427.

## VITA.

Vitæ huius ærumnas absque omni alleuatione & interapedine tolerare impossibile. Abr. 80.

Vitam illi eripi quicquid ad Dei offensam yteretur, maximæ benevolentia Diuinæ indicium. Abr. 142.

Vita hominis quanta sit. PPP. 291.

De acta vita clausulam illius arbitrarî possumus. PP2. 543. & seqq.

## VITIS.

Vites insanæ quæ, & cur sic dictæ? Abr. 201.

## VITIUM.

Deum nostra vitia faciunt parum. PP2. p. 501.

## VOLVNTAS, VOLENS.

Voluntas suauiter disponenda, ut suas operationes promptius exerceat. Abr. 19. o.

Volenti omnia facilia, nolenti cuncta difficilia. Abr. 20.

Vbi prompta voluntas ibi nulla difficultas. Abr. 20.

Se & alios saluare facile potest, qui voluntatem suam iudicio submittit aliorum. Abr. 31.

Semper nobis suspecta esse debent, quæ sunt propriæ voluntatis consilio. Abr. 32.

Qui non valet quod vellet, faciat quod potest. Abr. 76.



# INDEX ALPHABETICVS

## VOLVPTAS.

Voluptatis & deliciarum via Homines lassos facit. PPP. 341.

Voluptates sæculi uti arena pregrauant. PPP. 342.

Cupido vnâ manu florem, alterâ piscem gestat. PPP. 342.

Voluptates præsentis quantas in se complectantur spinas. PPP. 343.

## VLYSSES.

Vlyssis, & Aiæ de armis Vlyssis concertatio. PPP. p. 402.

## VRBS.

Urbes constituit ætas, hora dissoluit. PP2. p. 487.

## VTILITAS.

Utilitas propria nullâ industriâ procuratur facilis, quàm si quis studeat alienæ. PP2. p. 511. o.

## UXOR.

Vxorem ducere, & passionem adire, tantundem. Abr. 197.

Nuptias & merem adire, perinde. ibid.

Nuptias inituri Dardanenses lauabantur. Cur? ibid.

## Z.

### ZACHARIAS.

Zacharias pro suæ incredulitatis merito non obmutuit tantum, sed obscuruit. Abr. 139.

Zacharias in loco placationis Deum offendit, & vocem amisit, cum percepit. PPP. p. 426.


### ZELVS.

Zelus Iacobi & Ioannis pro Christo. PPP. 319.

### ZELPHA.

Zelphæ filius prior dictus Gad, posterior Aser. Quo mystetio? PP2. p. 592.

FINIS.





undem.  
r. 197.  
ibid.  
r. 198.

obmu.  
r. 139.  
& vo-  
p. 426.

p. 319.

Quo  
p. 197.

undem.  
r. 197.  
ibid.  
r. 198.

obmu.  
r. 139.  
& vo-  
p. 426.





